



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

Правила пользования


Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.



Ex libris

Arch

Camillus

Trinitatis Pa

Testamentalis

ous

Neufville, Colce

n Societate

is at

atrissumis

23
1813

Kircher

(Abriade)




AMSTERODAMI,

Typis Joannis Janssonij à Waesberge et Elizæi Weyerstraet.

Jo. Pauli Schor delin. Roma.

1665.

Theod. Matham sculpsit.



ATHANASII KIRCHERI
E SOC. JESU

MUNDUS SUBTERRANEUS,

In XII Libros digestus;



QVO 1808

Divinum Subterrestris Mundi Opificium, mira
Ergasteriorum Naturæ in eo distributio, verbo πανταμορφον
Protei Regnum;

*Universæ denique Naturæ Majestas & divitiæ summa
rerum varietate exponuntur. Abditorum effectuum causæ acri indagine
inquisitæ demonstrantur; cognitæ per Artis & Naturæ conjugium ad
humanae vitæ necessarium usum vario experimentorum apparatu,
necnon novo modo, & ratione applicantur.*



TOMUS I.



AD

ALEXANDRUM VII.
PONT. OPT. MAX.




AMSTELÆDAMI,

Apud JOANNEM JANSSONIUM & ELIZEUM WEYERSTRATEN,
ANNO clō lōc lxxv. Cum Privilegiis.

JOANNES PAULUS OLIVA

SOCIETATIS JESU

VICARIUS GENERALIS.

 *Um Duodecim Libros de Mundo Subterraneo P. ATHANASII KIRCHERI nostræ Societatis Sacerdotis, tres ejusdem Societatis Theologi recognoverint, & in lucem edi posse probaverint, potestatem facimus, ut typis mandetur, si iis ad quos pertinet, ita videbitur; cujus rei gratia has literas manu nostra subscriptas, nostroque Sigillo munitas damus, Romæ 19 Aprilis 1662.*

JOAN. PAULUS OLIVA.

Imprimatur, si videbitur Reverendiss. Patr. Mag. Sac. Palat. Apost.
OTTAVIANUS PATRACENSIS Episc. Vicegerens.

Imprimatur, F. RAYMUNDUS CAPISUCCUS,
Mag. S. Pal. Apost.





*Nunquam hoc mortales invicta Modestia vultu
Induit, aut caelo natus, renatus solo est;
Uma nec humana sese Sapientia menti
Amplius explicuit, promeruitque coli;*

*Iustitiamque decens et sponte adamabile Verum
Nulla, nisi talis, forma placere potest.
Dum Pax Consilium, Rectumque exposcitur, Orbis
Quærit ALEXANDRS, suspicit ora Dei.
PJE.*

ALEXANDRO VII.
PONTIFICI
MAXIMO,



ATHANASIUS KIRCHERUS

SOC. JESU

FELICITATEM.

BEATISSIME PATER,

Dum Tu in publica Mundi luce,
Romanæ Urbis Majestati &
Sanctitati augustè studes : dum
beneficentissimæ Dei Matris, ac
Sancti Tui THOMÆ DE VIL-
LANOVA Antistitis Templâ domi & foris
magnificentissimâ ædilitate, quâ exornas,
quâ condis à fundamentis ; dum nova & fe-
lici æternitatis albo inscripta piorum no-
mina, eâ quâ unicus in terris polles, pri-
ma supremæque post Deum autoritate rite
aris admoves, tabulisque sacris inscribis ;
benè de Romana, optimè de Cœlesti Urbe
mereri pergis, ea quam in Te læti suspici-
mus, excelsitate ac soliditate sapientiæ, ac
Ecclesiasticæ disciplinæ legibus exemplis-
que firmatæ : nec annum ullum finis ef-
fluere,

DEDICATIO.

fluere, quin eum heroico quopiam opere
memoriæ commendes, velut elogio actuo-
so. Ego verò interea in inferiores partes
terræ iter adorno: illic etiam Apostolici
Tui regni partem aliquam reperturus in
loco, ubi felices animæ velut in exilio cla-
ves TUA S. expectant, quibus Ecclesiæ
thesauros eis aperias, & tanquam viati-
cum ad patriam citius adeundam suppedi-
tes. Ut autem in subterranea disclusi à
nobis & reconditoris Mundi adyta, mihi
pedem intrepidè liceat introferre; ad in-
troductiones, quas meditor, propitio
Tuo fidere mihi est opus: ad cuius lucem
possim tenebras illas describere luculen-
ter, ne tenebræ conculcent me in labyrin-
tho inferioris Mundi errantem & laboran-
tem, id est, majus dolum versantem, quàm
aliquando ingressus fuerit, versaritque
Diogenes. Enimverò cùm olim in arca-
num templi penetrale, seu adytum, ne-
mini aditus, nisi Sacerdoti patuerit, TE
summum Sacerdotem pro duce habeo,
cujus auspiciis ingrediar tēplum illud,
quod sub hoc templo, quod nos incolimus,
veluti tenebricosam admirabilitatis suæ,
ac negotiorum absconditorum Basilicam
condidit, atque in illa posuit augustas te-
nebras

DEDICATIO.

nebras latibulum suum Deus. Ad hunc mihi penetrare paranti, adesto beatissima **TU A** luce, ut meas has tenebras collocem in bono lumine vultus **TU I**. Rimabor ego terræ viscera, & ostia tenebrofa videbo, ut ex illis introspectis thesauros lucis erudiam. Templata sub templis & in Germania vidisti olim, & in Vaticano **TU O** nunc vides. Ita veluti sub Mundo mundus (ut **DE I** templum) latet, habetque non pauca mysteria, veluti minerales, ut vocant, auri latentis venas. Inde mihi eruendum est exile tributum ingenii, quod Ingenio illi **TU O** ac Sapientiæ tam variè opulentæ pendam uti tesseram obligationis, quâ me quoque adstringis, dum minimam Societatem **J E S U** amas ut Pater. Erit verò id solatium reditutionis meæ, cum è terræ profundis redux inveniam Vaticanum **P E T R I** forum, **TU O** amphitheatro succinctum; ejusdem Cathedram in templi capite conspicuam; & alia hisce plura. Dignare itaque, **BEATISSIME PATER**, oculo fideris **TU I**, obscurum hoc munus; aperi manum **TU A M** ut Librum accipias, ac libri Authorem impleas benedictione: & qui decretam **T I B I** à S. P. Q. R. statutam non admisisti, hoc etiam ipso æternis

DEDICATIO.

nis immortalis Capitolii honoribus longè dignissimus , admitte primas has Mundi Subterranei sive tenebras , sive umbras ; ut in illis Beatissima tum Sapientiæ , tum utilis ad omnia Pietatis T U Æ imago magis resplendeat , tenebrasque meas faciat eruditâ luce splendescere.







*Frustra vel Pictor, vel Vates dixerit, HIC EST:
Et vultum, et nomen terra scit Antipodum.*

*Jacobus Albanus Ghibbesim, M.D.
in Rom: Sapientia Eloq: Prof.*

P R Æ F A T I O I N M U N D U M S U B T E R R A N E U M.



C A P U T I.

De occasione hujus Operis, & Authoris Itineribus.

*Organum agit Mundus denis vocale registris
Rerum in eo quot sunt entia, tot metra sunt.
Est DEUS Harmostes, in quo Sapientia Patris
Quæ benè disposuit, Πυθαγόρας unit amor.
Hic amor harmonia est, hoc Mundus amore ligatur.
Ὁργανον hunc Mundum Numinis esse negas?*

Ta est, Lector Benevole. Organum hoc, optimo jure hujus Operis argumentum, quod Mundi Subterranei nomine inscripsimus, dici potest. Organum verè harmonicum, in numero, pondere, & mensurâ Triunius providentissimi Numinis opificio ita dispositum adaptatumque, ut quamvis in intimis Terræ latibulis, occultisque recessibus operationis instrumenta recondita habeat; Tales tamen per subterrestres confertos immensæ multitudinis tubos & fistulas, edit sonorum modulos, tantam vocum diversissimarum varietatem, ut nil in sublunaris Mundi ambitu obvium sit, quod sympathica quadam harmonia, non suo numero, non suo pondere, non denique suâ mensurâ imbuatur. Duodecim verò Libris, veluti totidem instructum registris, organum hoc complectimur, quæis universa Naturæ Majestas & divitiæ, summa rerum varietate explicantur, quod & expositurus audax sanè, insolens & Herculeo pectori forsan impar facinus committere videri possim; dum multò sublimiori me carpento, quàm quo olim Proserpinam à Plutone raptam Mythologi ferunt, in abdita incognitaque subterranei Mundi regna, in intima Geocosmicæ Monarchiæ penetralia abditosque recessus, itinere nullis, quod sciam, hucusque non dicam

**

atten-

P R Æ F A T I O.

attentato tritoque vestigiis , sed ne humanæ quidem mentis conceptu penetrato , intronittere inconsultius , tento ; At nil moror ; Audeo , audeo inquam ingredi & aggredi iter , non tam mea voluntate susceptum , quàm nescio quo Divini Numinis impulsu persuasum, nec non Illustrium virorum precibus extortum. Novi non defuisse hoc illuminati seculi decursu viros Geographici studii cultu illustres, qui ad externam Geocosmi faciem egregio sanè conatu, nec minori cum laude nominisque immortalitate explicandam summis expensis impigre desudarint , qui tamen, quod unicè deesse videbatur , ad internam Telluris Oeconomiam, atque abdita latentis Naturæ sacramenta non dicam penetrarit , sed ne mente quidem pertigerit , inventus est nemo. Hinc factum est, ut vel maximè mentis oculos reflexerim ad admirandùm Geocosmi interioris Organum , ejusque structuram , hucusque sive ob inaccessa Naturæ latibula neglectam , sive ob ineluctabiles in ea penetranda difficultates, passim despectam , conceperam jam dudum argumentum hoc uti rarum , insolens & præstantissimum , ita quoque in quo omnis humani ingenii industria desudaret , dignissimum ; Multa, fateor, legeram apud plerosque Historiæ Naturalis scriptores, de abditis Naturæ subterraneæ miraculis, quæ tamen proprii experimenti defectu non tam ritè & sincere explorata, quàm simplici relatione, cui multum fidi non posset , recensita credebam ; αὐτοψίαν singulorum requirebam, hanc unicam ad concepti moliminis executionem veluti pernecessariam efflagitabam ; Isthoc ingenti cogitationum æstu exagitatus , accidit ut eodem tempore Superiorum jussu iter in Siciliam & Melitam, in Excell.^{mi} Principis *Friderici* Landgravii Hafsiae , modò Cardinalis dignissimi, cui à confessionibus eram, comitatu susciperem ; hanc occasionem veluti à Divina Numinis providentia mihi subministratam , nec non moliminibus meis tandem in executionem deducendis mirè peropportunam interpretabar. Nec spes me fefellit. Siciliam ingressus, istiusmodi, quod tot jam votis exoptâram , naturæ sub mira rerum varietate se explicantis theatrum affecutus sum , dum quicquid in toto Geocosmo mirum, rarum, insolitum atque admiratione dignum occurrit , in hoc veluti in epitome quadam sagacis Naturæ industria contractum comperi. Ingenti itaque singulorum explorandorum accensus desiderio, insigni triremium Meliten-
tensium

P R Æ F A T I O.

tenſium commodo , ſupramemorato Haſſiæ Landgravio tunc temporis Architalaſſo, conatus meos pro eo, quo in me meaſque ſtudia ferebatur affectum ardentè promoven- te, inſtitutum meum proſecutus ſum; & antea omnia quod maxi- mè deſideràram Ætnam , omnium prodigioſorum in uni- verſa Sicilia ſeſe exerentium effectuum fontem conſcendi, ut admiranda, quæ de eo omnium ſeculorum Hiſtorici ſcri- pſerant , proprio experimento καὶ τῇ αὐτῇ ψίᾳ comperirem ; Deinde Æolias ſive Hepheſtias Inſulas, & præ cæteris Stron- gylum, & quem Vulcanum vocant, Fretum quoque Mamer- tinum ob incredibiles æſtuum reciprocationes , non minus periculofum , quàm naufragiis infame , triduo ſcrutinio, ſummo ſtudio exploravi; præterea famoſæ Scyllæ Charybdis- que, miros motus, ebullitionumque viciffitudines , ſingulo- rumque ſymptomatum rationes tanquam inſtituto meo op- pidò conſentaneas, ingenti mentis æſtu, æſtui Scyllæo forſan non minori diſcuſſi ; Quæcunque verò ſtupenda in ſingulis occurrebant, palimpſeſto commiſſa domum redux , exacta rationis trutina ponderatas expendi, quæ & Lector in huius Operis decurſu ad ſuſcepti operis comprobationem opor- tunis locis fuſiffimè deſcripta reperiet.

Hiſce omnibus ritè obſervatis , placuit Divinæ bonitati, aliud mihi aperire theatrum , & formidabile ac prorsus fu- neſtis tragicisſque caſibus refertum , non utique alio fine, quantum ex mea parte , niſi ut viſa ineffabili irati Numinis, in Natura , operantis potentia , argumentum meum , non iis tantum , quæ curioſioris animi pruritum demulcèrent, ſed quæ timorem DEI & occultas indiciorum abyſſos in- timis pectoris medullis infererent , copioſa ſegete ampli- ficarem : dum enim expeditis terra , marique obſervationi- bus, Romam rediturus , oportunam itineris auſpicandi oc- caſionem operirem , neſcio fanè , qua providentia factum ſit, ut tanto tempore Meſſanæ contra voluntatem meam de- tentus , in tanta atque adeò multiplici diſcedendi oportu- nitatè ; omnis nihilominus oportunitatis inops, ſemper re- ſtiterim , & quemadmodum occultas Divinæ providentiæ ſemitas , quibus mortales improvidos , pluſquam paternâ curâ & ſollicitudine , ducit, ſatis mirari non poſſumus , ita quoque eas , utpote ab humani ingenii limitibus remotiſ- ſimas , inveſtigare minimè conceſſum eſt ; Veritatis ta- men lumen tum primùm nobis oboritur , ubi nos ex

P R Æ F A T I O.

variis eventuum casibus , è variis rerum discriminibus creptos, ad ejus immensam bonitatem pietatemque , qua unice fulcimur, internis mentis oculis converterimus, quod & ex dicta mea in Messanensi portu mora luculenter patuit; certè apparebat , DEUM Opt. Max. non solum secutorum ac jam jam impendentium malorum me testem oculatum , sed & ad nominis sui gloriam, meæque probationem fidei, earundem quadantenus participem fieri voluisse , ut nimirum eas calamitates, quas omnibus retrò seculis nec Asia, cum duodecim ejus primariæ urbes olim conciderunt; nec Italia unquam accidisse legit majores ; cum nimirum exiguo temporis spatio, tota penè citerioris Calabria portio in vastitatem abiit , non solum scriptis meis narrare , sed & de periculis, & imminentis mortis angustiis , eorum , qui in simili statu constituuntur, proprio experimento indicare possem. Itaque res ita sese habuit.

C A P U T II.

De horrendis Terræ motibus anno 1638. in Calabria exortis , quibus quatuordecim dierum spacio Author magno vitæ suæ periculo præsens, ejus occasione magna Naturæ arcana didicit.

EGO itaque anno 1638. unà cum duobus Religiosis tertii Ordinis *S. Francisci* , aliisque duobus sæcularibus conductâ cymba , 24 die Martii Messana solventes , eo ipso die Pelorum Siciliae promontorium attigimus, ubi triduum sustinentes , cum nullo non calamitatis genere confliximus, adeò omnes loci, aërisque injuriæ in nos conspirasse videbantur: erant autem hæc omnia futuræ tragoediæ quædam veluti proscenia; semel atque iterum discessum tentavimus, sed frustra, semper in eundem locum repulsi, cum invito mari, tum occulta DEI manu, ut postea patuit, nos remorante, reversi fuimus ; quod nisi factum esset, omnes nos in *S. Euphemia*, quo properabamus , & ubi negotiorum causa aliquantisper subsistere cogitabamus, mansisset sepulchrum ; unde ex hac mirabili Divinæ providentiæ dispositione didicimus, quàm sæpè homo nesciat, quid petat? & quàm vanæ & caducæ hominum , nisi divinæ voluntati submittantur fulcianturque, sint dispositiones. Illucescente itaque die Sabbathi palmarum , quæ erat 27 Martii , nos diuturnioris moræ pertæsi violen-

P R Æ F A T I O.

violentam quasi profectionem occepimus. Mare eo ipso die præter solitum æstuabat, & ingentes circa Scyllæ potissimum locum tot naufragiis infamiam, vortices turbinato descensu agebat, ita ut non nobis tantum, sed & plerisque nautis res insolita horrorem incuteret. Contrario itaque nobis maris æstu phaselum versus Tyndaridas seu Mylas direximus, ut inde proriente Euronoto, breviori & rectiori transitu per Sinum Cujacium ad littora Calabriae propelleremur; at ubi punctum illud maris, quod Liparas inter, Mylas & Promontorium Vaticanum ferme medium est, attigimus; Ego Ætnam & Strongylum diligentius intuitus, eos ingentes fumorum globos, montium adinstar, præter solitum eructare notabam, quibus longè lateque diffusis, non Lipararum tantum, sed & Siciliae quoque aspectus ex oculis penitus tollebatur: augebant horrorem subterranei quidam veluti mugitus, quos percipiebamus, & fragores cum odore sulphureo, qui nescio quid fatale & funestum insusurrantes in totius Calabriae & Siciliae exitium, quod parabant, unanimi consensu conspiciasse videbantur. Ego huiusmodi impendentium calamitatum prodromis exterritus nautas omnibus, quibus poteram, modis precibusque sollicitabam, ut relictâ orâ Lipari-tanâ, Promontorium Vaticanum rectâ peterent, addens in magno nos discrimine versari, ne maris æstu abrepti, iter pararemus irremeabile: Nam Strongylo cum essemus vicini, cum tamen utpote fumo obvelatum non cernebamus, fragores solum cum odore sulphureo graveolente, quem exhalabat, sensimus: præterea mare ipsum fervere, & in aquæ bullientis morem agitari, coelo præsertim silente & serenitate claro, aliasque huiusmodi insolitas alterationes subire omnes mirabamur: qui tempore pluviae lacum unquam vidit, innumeris bullulis ferventem, is de maris bullientis fervore, hoc ipso tempore iudicium formare poterit. Porro cum jam capiti Vaticano appropinquassemus, durantibus adhuc iisdem maris symptomatis, ego futuras calamitates quasi præsentiscens, ex inassueta mentis angustia animum meum constringente, palam sociis meis ingentem mox terræmorum secuturum; prædixi; imò valde me vereri, ne totus hic pendentium scopulorum tractus prostratus corrueret, ac proinde ei non nimium appropinquaremus: augurium probavit eventus, post duas enim circiter horas, magnam huius Promontorii partem unâ cum vicini-

P R Æ F A T I O.

nis habitationibus concidisse audivimus : Interim iter nostrum profecuti, Tropæam incolumes omnes & summo gaudio tandem appulimus, ignari iis periculis, quæ paulò ante in fervido mari vix evaseramus, modò primùm nos infestandos etsi morti vicinos nos esse, coelo præsertim sereno, & sine nube illa, ne quidem suspicari poteramus. Verùm enim verò vix Collegii nostri limina subieram, cum eccè subterraneum cumque formidabilem adinstar curruum summa velocitate agitatorum sonum & strepitum, adeò vehemens & horribilis terræ motus excepit, ut Collegium unà cum oppido subjectoque monte veluti in balance librari viderentur; Terra adeò vehementi motu subsultabat, ut ego pedibus amplius consistere non valens, subito in terram illisus prono vultu prosternerer, ea quæ ante mecum animo præsentiscente volueram ipso facto incurrens, animam DEO incessanter, desperatâ jam vitâ commendabam. O quàm in hoc angustiae puncto omnia Mundi gaudia desipiebant; quàm uno ictu oculi omnis honor, dignitas, imperium, sapientia, nil aliud nisi fumus, bulla, stipula à vento rapta esse videbantur; dum in porta æternitatis stans, animam corporeis solutam vinculis ad incorruptibilis vitæ usuram capefendam transmittere pararem; quod sanè ipso momento contigisset, nisi DEO Opt. Max. me singulari gratia sua à ruina murorum præservatum, ad duriora pro Nominis sui honore & gloria sustinenda destinare visum esset. In hac mentis lucta, ingentem formidinem cum tegularum cadentium fragores, tum fatiscentium murorum crepitus incutiebant, dum quo fugerem, aut qua ex parte me servare possem, ruinam jamjam ex omni parte muris minitantibus, dispicere non possem; Resumpto tamen animo evasi, ita tamen attonitus, ut cum redditus mihi essem, sine pileo & pallio me reperirem, quibus tamen recuperatis, sine mora urbem fugiens, ad cymbam nostram me contuli, hac eadem mentis consternatione, tum Patres nostri, tum quotquot me concomitabantur, laborarunt, dum unusquisque de salute sua sollicitus, ut poterat, vitæ fuga, veluti muti atque omni vocis usu destituti, consulere satageret. Postero die, quæ erat Dominica palmarum, iter nostrum profecuti, mari fervente & mirum in modum tumido Rochettam pervenimus, at descensione facta, febris Terræ recrudescens, ita ingenti eam concussit paroxysmo, ut cymba ob ingens periculum, quod
ex

P R Æ F A T I O.

ex intolerabili Telluris rabie nobis imminebat, repetenda foret. Erat ibidem domus vicina peregrinis hospitibus recipiendis apta, in quam nos nonnihil quietis capiendæ gratia recepimus; at recrudescente Terræ tremore; ego ingentis ruinae nobis imminentis præfagus, apertè dixi, qui vitam in tuto collocare desiderat, is mecum littus repetat, ac proinde hisce commoti verbis comites continuò relictâ domo me secuti sunt. Vix ad dimidium horæ nobis in littore commorari concessum fuit, cum eccè denuò Terra solito majori ferocia sæviens, & complura ex circumfisis locis, & hospitium, quod paulò antè deferueramus, vehementi insultu concutiens, non nisi lapidum calcisque acervo post se relicto, posttravit, gratias proinde, quas potuimus, maximas Divinae Majestati egimus, quæ nos à tam imminente periculo per occultos instinctus eripuerat. Locum itaque in quo à tanta terræ excandescencia tutos securosque nos conservaremus, dum quærimus, ulterius progressi, Lopizium, medium Tropeam inter, & S. Euphemiam Castellum pertigimus, ubi favorem ventorum, quo sinum transfretare possemus, operientes, ab una parte mare vorticibus exæstuans, ab altera parte ingens castellorum pagorumque strages, quo nos verteremus nescii, incredibilem metum incutiebant. Hisce calamitatibus dum jactamur, ego curiosius intuitus Strongylum 60 ferè milliarium intercapedine diffitum, illum insolito modo furere notavi, totus enim ignibus oppletus videbatur, tanta copia, ut montes flammeos eructare videretur, spectaculum visu horrendum, & animo quantumvis intrepido formidandum. Interea sonus quidam adinstar tonitruï, verum ob remotam, quaoriebatur, distantiam, paulò obtusior percipiebatur, qui tamen semper majus majusque in subterraneis cuniculis incrementum sumebat, donec locum subterraneum, cui insiscebamus, teneret; ubi tanto fremitu & indignatione concussit terram, ut pedibus amplius consistere impotens, arrepto, quo quisque poterat, obvio virgulto aut frutice maritimo, nè membra nimia concussatione laxarentur, sustinere se cogeretur.

Contigit hac eadem hora res æterna & immortalī memoria digna, subversio videlicet celeberrimi oppidi, quod S. Euphemiam dicunt: Erat hoc in extrema sinus ora situm, sub Equitum Melitensium jurisdictione. Cum itaque ad Lopizium, ex vehementi Terræ subsultatione, veluti exani-

P R Æ F A T I O.

mes in terra prostrati, tandem subsidente Naturæ paroxismo, oculis in circumjacentia loca conjectis, ingenti nebula, paulò ante memoratum oppidum circumdatum vidissemus, ter sanè post meridiem hora tertia præsertim cœlo sereno mira & insolita nobis videbatur; dissipata verò paulatim nebula oppidum quæsivimus, sed non invenimus, mirum dictu, lacu putidissimo in ejus locum enato. Quæsivimus homines, qui de insolito rei eventu, nonnihil certi nobis enarrare posset, sed formidabilis casus tantæque stragis nuncium non reperimus. Nautæ ad hoc spectaculum veluti attoniti, & incredibili formidine perculsi, projectis remis tundentes pectora Divinam implorabant Misericordiam, propediem non nisi eandem sortem, aut ultimi Judicii diem expectaturi: Confortati tandem ac poenitiæ sacramento expiati, DEO duce inter tumentes maris fluctus littus oppositum tenuerunt, ubi exscensione facta denuò homines quæsivimus, sed præter puerum in littore sedentem veluti stupore attonitum, inventus est nemo; hic interrogatus à nobis, quidnam S. Euphemiae contigisset, sed muto locuti nihil extorsimus, metus enim vehemens & formidabilis eventus linguam animumque ita consternarat, ut nec verbis commiseratione plenis, nec ullo charitatis officio ejus animum devincire nobis possemus; cibum oblatum omnem penitus nimio dolore & mœrore oppressus averfabatur, digitis solum extensis Sanct-Euphemianam catastrophem innuere videbatur. Consolationis itaque omnis expers, vultuque subtristi & capta mente homini similis, à nobis recedens in proximam sese sylvam proripuit, nunquam amplius visus. Nos itineri insistentes Nicæstrum; Amanteam, Paulam, Belvederium transeuntes, nil aliud ad 200 millia passuum, nisi cadavera urbium, castellorum strages horrendas reperimus, hominibus per apertos campos palantibus, & præ timore veluti exarescentibus; Ultimi Judicii diem jam jam imminere dixisses. His magno nostri stupore simul & dolore visis, tandem inter ingentia æstuantis maris pericula, infelici sanè itinere Neapolim tandem tenuimus. Quid jam mihi acciderit, sequentibus Lectori paucis exponam.

P R Æ F A T I O.

C A P U T III.

De Montis Vesuvii, reliquarumque Insularum exploratione ab Authore facta.

Post tanta mari terraque exantlata discrimina, post exploratam incredibilem Naturæ in subterraneis cuniculis operantis potentiam, ingens animum meum subiit desiderium cognoscendi, num & Vesuvius nonnulla cum Strongylo, & Ætna occultæ negotiationis, in tam potenti Naturæ bello, obtinuisset commercia? Porticum concessi, ad radices montis situm oppidum; hinc fideli & viarum gnaro comite rustico, opima sanè mercede conducto, media nocte montem per difficiles, salebrosas arduasque vias conscendi, cujus craterem cum jam obtinuissem, horrendum dictu, totum igne illuminatum vidi cum intolerabili sulphuris & bituminis ardentis mephiti. Hic prorsus ad inusitatum rei spectaculum attonitus, inferorum domicilium me intueri credebam, in quo præter dæmonum horrenda phasmata, nil adeò aliud deesse videbatur. Horrendi percipiebantur montis mugitus & fremitus, putor inexplicabilis, fummi subfuscis ignium globis mixti, quos ex undecim diversis locis, tum fundus, tum latera montis continuò eructabant, identidem me illud eructare cgebant: O Altitudo divitarum sapientiæ & scientiæ DEI, quàm incomprehensibiles sunt viæ tuæ! Si potentiam tuam tam formidandis Naturæ portentis contra prævaricantis humani generis malitiam ostendis, quid erit in illo novissimo die, quo Terra iræ furoris tui submersa, elementa calore solventur. Aurorâ itaque il-lucescente, ego, ut totius interioris montis constitutionem ea, qua fieri poterat, diligentia explorarem, locum tutum & ad firmanda vestigia securum elegi, quæ erat rupes ingens superficie plana, ad quam per declive montis aliquousque aditus patebat, me demisi; hinc deprompto Pantometro montis dimensionem exorsus, crateris ambitum 300 ferè millia passuum, 800 verò passus profunditatem geometrico ratiocinio continere deprehendi. Mons undique præruptus; nulla, qua aditus ad interiora patebat, declinitate data, in excavati cylindri formam *ὡς τὰς ὀφθὰς*, ambitu suo descendebat, & quamvis fundus oculis nostris strictiori periphēria

P R Æ F A T I O.

phera conclusus videretur, id tamen juxta opticas rationes & leges, non nisi ex maxima à crateris intima superficie, distantia & profunditate contingebat. In Centro fundi Natura suum veluti focum constituisse videbatur; verè Vulcaniæ culinæ officinam sempiterno fumi flammarumque profluvio fervidam, in decoquendis sulphure, bitumine, cæterisque mineralium speciebus, eliquandis exurendisque, occulto quodam molimine funestisque stragibus paulò post edendis occupatam: siquidem halitus intus conclusi, uti contineri nescii, ita tanto impetu & vehementia horrendis fragoribus sociata impositum sibi onus discutiebat, ut mons terre tremore agitari videretur: quod quodocunque accidebat, partes supremæ montis molliores, quæ ex cinere, pluviis, cæterisque Mineralium quicquiliis coagmentabantur, tremore concussæ solutæque, collium instar in barathri fundum concidentes, ex varîa soni reflexione, eum fragorem, quantum quispiam etiam imperterriti pectoris vir sustinere vix posset, concitabant. Materia, quæ ex centro montis continuò eructabatur, novum veluti montem efficiebat, mira striarum varietate præditum, quam varia mineralium liquefactorum ebullitio in omnes circumferentiæ partes fluxu suo, coloreque nunc viridi ex ære, modo fulvo ex sulphure, arsenico & sandaracâ, jam rubro ex cinnabrio minioque, jam nigro, ex vitriolo aquis mixto, vel ex ipsis cineribus cineritio, ingenioso Naturæ penicillo efformabat: verum hæc omnia in apposita figura Lector considerat. Monticulus hic post ultimum montis incendium quod anno 1631. contigit adeò excreverat, ut inde conjecturare licuerit, futurum aliquando, ut in eandem, quam olim obtinebat, altitudinem sit surrecturus, nisi alio incendio superveniente destruat, quod hoc eodem quo hæc scribo, anno 1660, contigit: siquidem novo & horrendo incendio sæviens mons, adeò montis verticem crateremque disjecit, ut multò hodiè demissior, quam quo eum paulò ante descripsi, appareat, & consequenter uti majoris circumferentiæ, ita profunditatis minoris reperiatur. His omnibus ritè illustratis Neapolim reversus, postero die in Insulam Ænariam, quam & Ischiam vocant, famæ celebritate veteris scriptoribus notissimam, & hinc in phlegræos Puteolani campi campos Vulcaniumque forum me contuli; quæcunque tum veteres, tum Neoterici de iis locis admiranda retulerunt,

P R Æ F A T I O.

tulerunt , verissima esse comperi , quibus ne hoc loco recitando tempus perdam , singula Lector in Operis hujus serie opportunè inserta reperiet.

• Observatis omnibus supradictis Naturæ operum , nec non subterraneorum effectuum , quæ recensuimus , prodigiis, continuo mecum volvere cœpi, quænam in subterranea Oeconomia vis esse posset, tantarum tamque potentium rerum effectrix; intimè quoque non infrequenter subridebam eorum falsa persuasione delusorum placitum , qui Geocosmi molem à DEO Geoplasta ex limo Terræ casuali potius aut fortuita limi congerie , quam certa ratione formatam coagmentatamque fuisse , simplicius opinarentur omni interiori conclavium apparatu , omni reconditoriorum Naturæ usu orbam , omnibus aquæductuum incilibus destitutam , solum limo , lutoque post diluvium haud secus ac cassei quoddam coagulum condensatam ; cæteroquin Telluris quoddam veluti *ἐρόσιον ἄχθος*, inutile pondus consolidatum desiderare, nescio qua mentis perviciâ perperam sibi persuadent, quibus verò tum divinorum operum Majestas, tum sublimium à Natura constitutorum finium providentia innotescit : hi sanè interiorem Geocosmi fabricam multò à communi hominum conceptu differentem constitutionem habere fatebuntur, utpote in qua æterna DEI sapientia, cum fundamenta poneret Orbis Terrarum , in ea mira arte elaboranda, & juxta architectonicam amussim in ea ritè disponenda , nec non ad necessarios totius Naturæ usus in innumera elementorum receptacula disponenda cum ineffabili quadam industria luserit ; non minori sane quàm in humani corporis , tot vitalium membrorum officinis distincti, tot venarum , nervorum , fibrarum , musculorumque ductibus instructi , tot cæcis meatuum syphonibus pertusi, fabrica constituenda allaborarit. Qua de causa solito molientis ingenii ardore instimulatus nullum non lapidem movi, ut quantum fieri posset , ad adeò abstrusam in subterraneo Vulcani regno latentium rerum systasin profundius penetrarem , minime iis à me hucusque observatis contentus , quidquid in Geographicarum relationum monumentis, quod tum terreni globi formam , tum particularium regionum naturam proprietatemque concernebat , deprompsi , Authores veteres & novos Europæ, Asiæ, Africae, Americae Historicos , Phylologos, Geographos, Oceanearumque

P R Æ F A T I O.

rumque expeditionum circa universum Telluris globum suscepta molimina, quæque in novarum Regionum mariumque incognitorum inventione detecta fuerunt, naturæ prodigia, pari cura collecta intimè ponderavi. Accessit hifce ditissimum relationum à Patribus nostris ex Indiis huc Romam, quot trienniis adventantibus, factarum subsidium; dum quæcunque terra marique admiratione digna viderant & explorarant, scriptis comprehensa mihi talium rerum avido, liberali sanè animo communicarunt. Ex quarum contemplatione rerum dici vix potest, quanta animum meum ad rerum tum proprio periculo expertarum, tum aliorum meis haud incongrua relatione acceptarum portenta, invaserit admiratio; admirationem verò quam ardens causarum inquirendarum exceperit desiderium. Singulis itaque cum singulis combinatoriæ Artis subsidio ad incudem reductis, dum continuo studiosæ mentis æstu altius asurgo, tandem argumenti hucusque forsan intentati, id est, Mundi Subterranei fabricam orditus, quantum ingenii mei imbecillitas permisit, ritè conceptam, Reip. Litterariæ jam dudum promissam, & multiplici remorarum obice impeditam, tandem ad Divini Numinis gloriam bonique communis emolumentum in publicam lucem edidi. In quibus omnibus explorandis unicus Divinæ Gloriæ scopus mihi propositus est, ut videlicet illuc, undè veluti à bonorum omnium origine cuncta profluxerunt, ad DEUM Opt. Max. reducantur, qui sit semper laudatus, sine mensura benedictus, atque semper omnium possibilibus Creaturarum affectu in perpetuas amatus æternitates. Vale Lector coeptisque fave.

P R Æ-

P R Æ F A T I O
S E C U N D A,

In qua eorum, qui suam in hoc Opere insigni

*variarum observationum augmento operam contu-
lerunt, mentio fit.*

Cum multorum precibus hujus Operis curam suscepissem, variisque ad tot tamque portentosos Naturæ partus, qui non dicam in extremis Indiarum oris, sed vel in singulis Europæ Provinciis nullibi non se spectandos præbent, legitima autoritate stabilendos subsidiis indigerem, operæ pretium me facturum existimaui, si ad præcipuas Europæ Provincias potissimum ad Societatis nostræ peritissimos viros litteras expedirem, quæ suscepti Operis instituto exposito rogarem, ut si quid in eorum regionibus lateret in aquis, montibus, speluncis, fluminibus, fodinis, herbis, animalibus alibi incognitum, vel exotica Naturæ proprietate admiratione dignum, ad me transmittere non gravarentur scriptum, factum; siquidem percepta Operis quod moliebar designatione, singuli ea qua licuit cura & diligentia obstetricantes partui manus uti adhibere non sunt dedignati, ita quoque non immerito ingratus videri possem, si præstitam in boni communis emolumentum operam, silentio involutam præterirem. Quare eorum nomina vel in primo hujus voluminis vestibulo, ad ea immortalitati consecranda, exhibere libuit.

FERDINANDUS III. gloriosæ mem. Rom. Imper. semper Augustus, qui pro sapientia sua, & omnigenæ scientiæ amplitudine, quâ Mundo claruit, uti primus hujus Operis motor extitit, ita quoque quâ litteris, quâ nummario subsidio, me quantumvis indignum, ad Operis incepti executionem sollicitare non destitit. Quem secutus haud disparis ingenii, & virtutum paternarum sectator, & in Imperio successor LEOPOLDUS I.^{us} Augustus, derelictam morte gloriosissimi Parentis operis telam sapiens Filius denuo orditus, tandem jussu suo continuatoque subsidio ad finem perduxit, mediatore Serenissimo Archiduce Leopoldo, Guilielmo, qui pro singulari suo in me meaque

studia

P R Æ F A T I O II.

studia affectu, huic unice incubuit, ne quidquam eorum quæ tum ad Operum meorum editionem, tum potissimum ad Mundi Subterranei Opus prælo parandum necessaria forent, deforet. Quibus merito veluti primis ac munificis studiorum meorum Mecænatibus, si quidpiam à 20 annorum decursu laude dignum in Reip. Litt. bonum à me prodiit, id gratam posteritatem iis acceptam ferre velim. Hisce accessit Emin.^{us} *Franciscus Georgius* S. R. J. Elector & Archiepiscopus Moguntin. necnon *Carolus Ludovicus* Serenissimus S. R. J. Elector Palatinus, qui inceptam operis designationem, copiosis sanè subsidiis urgere non destiterunt. Horum exemplum secuti Sereniss. August. Dux Brunsvicensis & Lunæburgensis, uti & Hungariæ primus *Franciscus de Lippay* Archiepiscopus Strigoniensis; deinde Excellent.^{mus} *Bernardus*, S. R. J. Comes de Martinez, meritis pro tempore Boëmici Regni Burggravius & Prorex, unà cum Fratre *Maximiliano* secundum in eodem Regno locum dignitatis obtinente, insigni liberalitate opus hoc nullo non tempore promoverunt & sollicitarunt: Hæc verò mea molimina cum inaudisset Sereniss. Archidux *Ferdinandus Carolus* quidquid in Tyrolensi intimum consiliarium colligi & transmitti iussit. Hosce secuti sunt *P. P. Andreas Schaffer* & *Joannes Eissert* Soc. Nostræ; hi quidquid in Hungaria in mineralium fodinis desiderari potuit curiosum, rarum, insolitum, in subsidium operis incredibili cura & diligentia undique conquisitum, necnon Authentica Præfectorum fodinarum attestatione stabilitum transmiserunt, quorum operâ non hoc Præsens Opus dumtaxat, sed & Musæum meum diversissimis omnium mineralium speciebus locupletatum unà cum Mundo Subterraneo, veluti de prædivite thesauro, merito, uti suo loco patebit, gloriari poterit: Quid verò ad operis perfectionem contulerint subsidii P. P. N. N. ex India huc Romam negotiorum causa advenæ, *P. Martinus Martinius*, *P. Franciscus Dorville*, *P. Hyacinthus de Magistris*, *P. Philippus Marinus*, aliique complures Galli, Hispani, Lusitani, hujus decursu operis, ubi singulorum nomina adducam, manifestabitur. Quibus omnibus, uti par est, gratias habemus maximas & immortales. Ego verò, cum ita à natura constitutus sim, ut iis quæ ab Authoribus, circa rerum naturalium virtutes & prodigia tra-

dita

P R Æ F A T I O II.

dita sunt , facile fidem non habeam , nisi me vel relationes à viris fide dignissimis indubia attestazione communicatæ ; vel propria experientia , & sensata rerum inspectio certissimum redderent : Ad hanc veritatem obtinendam ; dici vix potest quantum jam à compluribus annis temporis infumendum , quantum expensarum faciundum , quanti denique labores exantlandi fuerint , dum varia ad res ipsas naturæ prodigiosas , propriis oculis examinandas instituenda itinera ; abditi fodinarum recessus penetrandi , profunda subterraneorum viscerum latibula exploranda ; Vulcania Naturæ ergasteria adeunda , lapidum saxorumque fodinæ examinandæ , adeoque nihil quod ad operis stabilimentum , quovis modo conducere videbatur , omissum fuerit ; ne quoque idem mihi , quod iis Authoribus accidit , qui de Lapidum , Gemmarum , Metallorum , cæterorumque fossilium differentiis , herbarumque speciebus diversissimis , iis ne nomine quidem notis , inutili labore inconsultius scribunt , ne dicam describunt , contingeret : dictarum rerum peritissimos , ipsos , inquam , Chimicos , Aurifabros , Gemmarios , quin & fossores , in meos adscivi Magistros , quosque præsentis non habui , per litteras de obortis difficultatibus consulendos auxi , quorum instructione eruditior , atque exultior , paulo solidiori fundamento de occultis rerum miraculis me philosophari posse expertus sum , adeoque tibi , *Lector* , persuadeas velim , nil hoc in Opere abditarum causarum occurrere , quod experimentis à me factis comprobatum non sit , dum nescio quo instinctu impulsus firmiter mihi persuaderem , tunc me intimas rerum naturalium causas adeptum dici posse : si idem quod natura insita sibi facultate facit , ego ad vivum ejusdem prototypon iis in rebus , in quibus Natura se imitari patitur , arte conficerem. Quo , nisi mea me fallat φιλαυτία , saltem pro modulo meo id præstiti , ut si obortarum difficultatum scopulus intima penetratione , non superasse , aliis saltem , semitis jam complanatis , ad proximas rerum causas aditum aperuisse videri possim. Erit forsan non nemo alius felicioris ingenii sortem nactus ; qui hujus *Ariadnei* fili ductu penitiora veritatis adita suo tempore sit aperturus. Ego quod pro ingenii mei imbecillitate potui & debui , juxta concreditum mihi à Patre luminum talentum , præstiti : neque quispiam sibi persuadeat ,

P R Æ F A T I O I I .

alio me fine hæc scripsisse , quam unico illo , quæ est gloria Dei , qui est mirabilis in operibus suis ; si verò ex hoc nonnihil aut laudis , aut sinistrae censuræ in me emerferit, nihil moror : cum aliam laborum meorum mercedem non ambiam , nisi illum , qui est merces magna nimis , & spes omnium finium terræ. Vale.



IN-




Tomus I.
in praefatione Caput III.

IS

II

MOEC



I N D E X A R G U M E N T O R U M

in hoc Opere contentorum.

P R Æ F A T I O .

- CAPUT I.** **D**E occasione hujus Operis, & Authoris itineribus.
II. De horrendis terramotibus anno 1638. in Calabria exortis, quibus quatuordecim dierum spatio Author magno vitæ suæ periculo præsens, ejus occasione magna Natura arcana didicit.
III. De Montis Vesuvii, reliquarumque Insularum exploratione ab Authore facta.

L I B E R P R I M U S .

- | | |
|--|--|
| <p>SECTIO DE mirifica Centri Natura, & PRIMA. Maximo Dei opificio. Pag. 1
 CAP. I. Explicationes definitionum. 2
 II. De Linea Directionis. 9
 III. Paradoxa de Centro Terra. 14
 SECT. 2. De motu gravium ad Centrum Universi 20
 CAP. I. Definitio motus localis corporum & impetus. 21
 II. De accelerato motu naturali & violento gravium, ejusque proportionem ad tempus, quo dictum spatium conficit. 22
 III. De motu gravium supra plana inclinata. 25</p> | <p>IV. De motu pendulorum. 28
 V. De motu projectilium parabolico, & miris ejus effectibus. 30
 SECT. 3. Utilitates quæ ex Cosmocentrica arte deduci possunt. 35
 CAPUT UNICUM. Quomodo velocitas motus gravium ad centrum determinari possit. ibid.
 SECT. 4. Centrosophia applicata. 38
 CAP. I. ibid.
 II. De pendulorum motibus. 41
 III. De usu & emolumento dictorum. 43
 IV. De pendulorum usu in rebus ad Geometriam spectantibus. 48</p> |
|--|--|

L I B E R I I .

De admirando Globi Terreni opificio.

- | | |
|---|--|
| <p>CAP. I. DE fine & scopo Geocosmi, 55
 II. Idea Globi Terreni in mente Divina existens. 56
 III. De Mundanorum globorum seu stellarum natura & compositione, & quomodo in Mundum inferiorem influant. 56
 IV. De Sole & admirando ejus opificio, viribus, proprietatibus, quibus in Mundum Terrenum insuit. 57
 V. De Corporis Lunaris natura & effectibus. 62
 VI. De proportionem Globi Terra ad Solem ac Lunam. 64
 VII. De extima Telluris structura, ejusque magnitudine. ibid.
 VIII. De Montibus Geocosmi, eorumque necessitate. 67
 IX. De arcana Montium constitutione. 68
 X. De Montibus in particulari, & arcana eorundem ad usus humanos architectura. 70
 XI. De ignivomis seu Vulcanis montibus. 75
 XII. Utrum Montes cum tempore decrevant, aut denuo accrescant, & de mira terrestrium partium transformatione. 76</p> | <p>XIII. De Aquis sive Oceano Geocosmum ambiente, mariumque per occultos meatus communicatione. 85
 XIV. De altitudine montium & profunditate Oceani mariumque, ubi & Caucasii montis altitudo ab Aristotele asserta discutitur. 89
 XV. De inaequalitate Mundi, maris, cui jungitur historia memorabilis supra dicta. 98
 XVI. Dimensio freti Siculi ab Authore facta anno 1638. 99
 XVII. De magnetica Telluris constitutione, sive de offatura Telluris. 103
 XVIII. Geocosmus sive corpus terrenum minime homogenea, sed heterogenea natura est; & de mira rerum varietate, qua corpus terrenum constat, & quodnam verum & proprium elementum terrestre sit. 108
 XIX. De interiori Geocosmi constitutione, officinis & analogia ad humani corporis membra. 110
 XX. De Antris, hiatibus & innumeris terra meatibus. 118</p> |
|---|--|

*** 3

L I B E R

INDEX ARGUMENTORUM.

LIBER III. Hydrographicus.

SECT. I. **D**E natura Elementi Aquei, sive de Mari, motibusque continuis, quibus id nullo non tempore agitur, & de miris effectibus, quos in Mundo Subterraneo præstat. 121

CAP. I. De diversitate motuum, quibus mare nullo non tempore agitur. ibid.

II. De Motu generali maris, qui est ex Oriente in Occidentem. 123

III. De Motibus, quos Currentes vocant, sive repercuttos, aut reflexos. 124

IV. De Motu generali Maris, ejusque circa Orbem Terrenum effectibus. 125

SECT. 2.

CAP. I. De secundo motu Maris generali, ex duobus contrariis Motibus composito, & quem æstum Maris, sive fluxum & refluxum, accessum quoque & recessum, aut intumescētiā & detumescētiā Maris vocant. 128

II. Quanam virtute aut qualitate Luna mare moveat. 229

III. Cur Mare potissimum vim suam tempore Novilunii & Plenilunii exerat. 132

IV. Cur Mare non semper sex horis fluat aut refluat in diversis Orbis Terra partibus, & unde tam irregulares Maris motus proveniant. 136

V. Cur Londini in Fluvio Tameſis tunc maxima Maris intumescētia accidat, quando Luna in quadrantis Austro-Zephyrea parte constituta fuerit; contra Luna in

Borealibus signis, & in Euro-borea plaga constituta, tunc maxima intumescētia contingat, tribus videlicet horis antequam Meridianum Londinensem pertingat. 140

VI. Cur in Ostio Garumnae Gallia flumine, aqua septenis horis crescat, tribus verò tantum decreſcat; Contra verò in Senega Africa fluvio, aqua maris quaternis horis crescat, octonis decreſcat. 142

VII. 143

VIII. Cur Mare Australe, vulgò del Zur, juxta Panamam tam insolitos & incredibiles fluxus & refluxus faciat. Contra in Mari Boreali, vulgò del Nord, juxta portum Nombre di Dios, caterisque Continentis America littoribus vix sensibilem æstum causet. 144

IX. 146

X. De Gurgite amirabili Norvegiæ, omnium totius Orbis Terrarum celeberrimo & maximo. 146

SECT. 3. Ars Plemmyrica. 153

CAP. I. De usu & praxi æstus marini in re Nautica. ibid.

II. De Oceani Pericycloſi seu Circulatione. 158

III. De salſedine Maris, ejusque origine, necessitate, aliisque Oceani mariumque accidentibus. 161

IV. Utrum aqualis sit Maris salſedo per universas Oceani semitas dispersa. 165

LIBER IV. Pyrologus.

SECT. I. **D**E natura ignis subterranei, ejus situ & operationibus. 168

CAP. I. De necessitate & essentia ignis Subterranei, & utrum verum elementum sit. 168

II. Quodnam sit verum ignis elementum, & ubinam proprius ipsius locus sit. 170

III. De igne Subterraneo per omnia diffuso, & cur in nonnullis locis sit perpetuus, in aliis non. 175

IV. De Phlegraeo Campo in Agro Puteolano. 178

V. Montes ignivomi in extrema telluris superficie spectabiles terram ignibus plenam esse satis demonstrant. 179

VI. De perenni duratione ignis, & pabulo seu fomento ejusdem. 183

VII. Ethna descriptio, in qua veluti in prototypo quodam subterraneorum ignium, eorumque pabuli indeficientis rationes, ut dici solet, ad oculum demonstrantur. 186

VIII. Crateris Ethnei descriptio. 187

SECT. 2. De Aëris & Ventorum causis, natura, viribus & varietate, qui tum in externa Geocosmi superficie, tum in internis Subterraneis cavernosis regionibus dominantur. 191

CAP. I. De multiplici Ventorum causa, eorum divisione & definitione. ibid.

II. De Vento generali, & quomodo, quare de causa nascatur. 193

III. De Ventis periodicis seu anniversariis, quos Etesias Græci vocant, & de causis eorum. 196

IV. De anniversariis ventis in Oceano à nautis Hispanis, Batavis, Lusitanis & Anglis observatis. 198

V. Causa diversorum Ventorum explicantur. 200

VI. De transversali Ventorum motu ejusque causa. 211

VII. Unde proveniat tremor, undulatio, & diversi gradus intensiōis & remissionis impetus ventorum, & quomodo ea per sonum cognosci possint. 212

VIII. De natura & proprietate Ventorum. 213

IX. De artificialium Ventorum, qui tum ad recreationem, tum ad emolumentum hominibus conferunt, productione. 218

X. Nullum esse meteorum, quod genesin suam non ex Subterraneo Mundo sortiatur, quodque in eo omnis generis meteora, non secus ac in externa superficie, & aërea regione producantur. 219

XI. Omnes meteorologica impresiones, qua in sublimi nascuntur, originem suam ab ignibus Subterraneis trahere demonstrantur. 223

LIBER

INDEX ARGUMENTORUM.

L I B E R V.

De Lacuum, Fontium, Fluminumque origine.

- SECT. I. **D**E Fontium, Fluminum, Lacuum origine, eorumque diversa natura, viribus, proprietatibus. 226
- CAP. I. De multiplici causa originis fontium. 227
- II. De principali generalique tum fontium tum fluminum causa. 229
- III. De reliquis modis & rationibus. 235
- IV. De lacuum in planitiis origine. 241
- SECT. 2. De variis Aquarum differentiis & qualitatibus. 243
- CAP. I. De aqua Fontana simplici, & de ejus bonitate & malitia. ibid.
- II. De Aquæ Megis, sive de signis, per quæ ubinam aqua alicubi sub terra lateat, cognoscere quis possit. 244
- III. De aquis mixtis seu compositis medicamentis in genere, earumque causis, & de mixtionis cum mineralibus diverso modo & ratione. 246
- IV. De mixturis aquarum medicatarum. 251
- V. Hydrometri descriptio, quo aquarum gravitas & levitas exploratur. 254
- VI. De astu & calore Thermarum, ejusque causa, & quomodo ea adeo differenti mineralium tinctura misceantur. 256
- SECT. 3. De Thermis, & Aquis medicatis, earumque mirificis viribus & proprietatibus in specie, quæ omnes ex Subterraneis originem habere demonstratur. 259
- CAP. I. De principalibus Thermis seu aquis medicatis, quæ in Geocosmi superficie passim occurrunt. ibid.
- II. Unde medicata facultas thermarum, contra, tot ac tam differentes morbos profluat, 270
- SECT. 4. De miraculis Aquarum, & prodigiosa quorundam fontium natura & proprietate. 273
- CAP. I. De Colore, sapore, odore, mephiti in nonnullis fontibus thermisque elucescentibus. 274
- II. De aquarum nonnullarum gravitate & levitate, earumque miraculis. 276
- III. De aquis lethiferis & scrobibus Charoneis deliteria vi pollentibus. 281
- IV. De fontium nonnullorum fluxu & refluxu, & varia aquarum mutatione, uti & de fontibus annona caritatem prænuntiantibus. 282
- V. De metamorphotica vi fontium, fluviorum, lacuum, quæ ejecta quævis in saxa aliasque metallicas species convertunt. 286
- VI. De reliquis aquarum miraculis. 288
- VII. De varia lacuum, fluminum, fontium metamorphosi, terrestriumque partium mutationibus. 290

L I B E R VI.

De quarto rerum naturalium Elemento, quam Terram, dicimus, iisque qui ex eodem producuntur, primis Subterranei Mundi fructibus.

- SECT. I. **D**E mira Terræ varietate, & an vere & proprie Elementum sit, & quodnam & qualenam per, illud intelligi debeat. 295
- CAP. I. De Elemento Terra. ibid.
- II. De magna varietate rerum, quæ in Terreni globi utero continentur. 296
- III. De incredibili varietate rerum, quæ salis virtute unà cum caterorum Elementorum auxiliariis copiis, in vasto Geocosmi utero producuntur, & primò quidam de sale ejusque differentiis. 297
- IV. De differentiis salium. 299
- V. De modo salium extrahendorum. 302
- SECT. 2.
- CAP. I. De Nitro, ejusque speciebus Salnitro, Aphronitro, Halinitro. 304
- II. De Salinitro tertiâ salis specie. 305
- III. De Salnitri Generatione, Natura, viribus. 307
- IV. De Nitrosi pulveris pyrii conficiendi modo & ratione, ejusque variis in arte Pyrobolica usibus. 309
- SECT. 3. De Alumine, tertia salis specie. 312
- CAP. I. De Nomine, Definitione, & Varietate Aluminis. ibid.
- II. De Natura, Qualitate, & Preparatione Aluminis. 313
- III. De viribus medicis, caterisque usibus Aluminis. 315
- SECT. 4. De Vitriolo, ejusque miris proprietatibus. 316
- CAP. I. De definitione, divisione & ortu Vitrioli. ibid.
- II. Utrum Ferrum verè & realiter in Aes, mediante spiritu Vitrioli, converti possit. 319
- III. De varietate, viribus, & proprietatibus, usuque Vitrioli. 321
- IV. De Vitriolo factitio. 322
- APPENDIX. De quadruplici salium genere. 323

L I B E R

INDEX ARGUMENTORUM.

LIBER VII.

De Mineralium seu Fossilium, quæ propriè terreum Elementum sapiunt, Natura, Proprietate, & Ufu; & de perenni Geocosmi quæ per eorum motum fit, pericyclofi & revolutione.

SECT. I. D E Terrestribus portionibus, arenaceisque corporibus, quæ in Geocosmi utero concluduntur.	326	CAP. I. De mutationis Geocosmice Causis, ibid.	
CAP. I. De Arena, Sabulo, Glarea, Cinere. ibid.		II. Quid Terra propriè sit, unde generetur, & variis terrestribus substantiis, quas Terras vulgo vocant.	333
II. De Qualitate Ufuque Arena.	327	III. Unde tanta Terrarum differentia nascatur.	335
III. Pericyclofis Naturæ mirabilis.	329	IV. De Ufu variarum Terrarum.	337
SECT. 2. De Hylocinesî Globi Terrestris, id est, de magna & perpetua Terrestris Materiæ separatione, Arenæ, Sabuli, Glareæ motu facta, seu de Argillæ, Lapidum, metallicarumque misturarum resolutione.	330	V. De requisitis ad culturam Agrorum.	340
		VI. De Terrestribus corporibus, quæ singulis Plastis & Piëtoribus in usum veniunt.	343
		Anacephaleosis Dictorum.	345
		Catalogus Librorum à P. Athanasio Kirchero & Soc. Iesu hætenus editorum.	346



LIBER PRIMUS CENTROGRAPHICUS,

QUÆ ET CENTROSOPHIA DICTUR.

SECTIO I.

De mirifica Centri Natura & maximo Dei Opificio.

P R Æ F A T I O.



Ubterranei Mundi admiranda in lucem educuro mihi, ab eo disceptationis nostræ primordia ordiri visum fuit, quod omnium non immerito basis & fundamentum esse cognoscitur. Itaque quemadmodum in universa Corporei Mundi fabrica, entiumque ordinibus, infinita Dei potentia; ita in Centri constructione potissimum admirabilis & inexhausta Opificis elucet sapientia. Latet in eo, nescio quid, prorsus admirabile, vel ipsius, ut ita dicam, divinitatis æmulum, in quo maximum cum minimo proximè coincidit, dum omnia in totius Mundi amplitudine elucescentia corpora complicat, omnia in se derivat, cogitque, & extra se evolvit omnia; opus verè admirabile, opus dextræ Excelsi, non nisi Omnipotentis Dei virtute fundatum; qui ut ex centro omnes eduxit mundanæ Compagis propagines; ita in idem reducit omnia, omniaque eidem connexa voluit, tam constanti lege, tantâ corporum colligatione, ut facilius sit totius Mundi compagem dissolvi, quàm, ut corpora ab hac lege, ineffabili divinæ providentiæ dispositione semel latâ, removeantur. Huc respiciunt primùm, omnia cœlestium globorum Systemata, dum perenni suâ vertigine ad nihil alludunt aliud, quàm ad id, sine quo frustrâ illa in rerum natura à Deo producta videri possint, utpote nullos unquam influxuum suorum effectus fortitura. Elementaris Mundi Systema adeo à Centro necessariam habet dependentiam, ut sine hoc neque ullam in efficientia rerum operationem, nec in generabilium rerum propagatione ullam energiam obtinere possit. Et tametsi hoc, teste *Proclo*, ἀόρατον ἢ ἄρμον minimum scilicet inconspicuum, & individuum sit; adeò tamen virtute suâ magnum est, ut omnia fulciat, omnia conservet, omnia animet, corroboret omnia: sine hoc, nullus rerum ordo, nulla elementorum efficacia; sine hoc, nullum in subterraneo Mundo mineralis naturæ incrementum, nulla vegetativæ potestas, nulla sensitivæ operatio finem suum nancisceretur. Verbo, Mundum in nihilum abire prorsus necesse foret; & ne Lectori ἀμσα ἢ παρὰ δόξα proferre videamur, omnia hucusque dicta in hujus Centrosophiæ serie nobis demonstranda duximus. Et, ut solidiori methodo procedamus, primò Definitiones, Axiomata, aliaque ad artem perfectam formandam necessaria præmittimus.

De Natura
Centri.

DEFINITIONES.

1. *Universi medium, punctum est.*
2. *Universi medium immobile, quod Centrum Mundi dicitur, illudque appetunt omnia.*
3. *Centrum gravitatis, cujusque rei gravis, est ejusdem gravis medium.*
4. *Centrum magnitudinis, est punctum medium cujusvis figuræ, per quod figura quomodolibet secta, semper in partes dividitur æquales.*
5. *Centrum Virtutis est physici corporis medium, ex quo maxime virtus ejus se exerit.*
6. *Linea directionis est, quæ motus gravium dirigit, & ducta intelligitur à Centro, usque ad verticem, per Centrum rei gravis.*

Definitiones.

A

CA-

Explicationes Definitionum.

DEFINITIO I.

Centrum est minimum & primum in spatio punctum, simplex, omnis compositionis & divisionis expers, neque totum, neque quantum, neque magnum, neque ulli quanto commensurabile; est tamen id, quod omnia gravia naturaliter appetunt; à quo levia omnia sursum feruntur.

Quid sit
Centrum.

Totum hoc κατὰ τὴν ἀνάλυσιν ἢ σύνθεσιν ita demonstro.

Si Centrale punctum non est minimum in spatio, ergo minus illo aliquid in spatio præcedere potest; sed hoc est impossibile, cum puncto minus assignari non possit; Est ergo minimum in spatio, & consequenter primum; si ergo primum, erit simplex; si simplex, ergo omnis compositionis expers; si omnis compositionis expers, ergo indivisibile; si indivisibile, ergo neque quantum, neque totum dici potest, cum partibus careat; si non quantum neque totum, ergo neque magnum; & quia non magnum, neque majus, minus aut æquale erit; & consequenter nec mensura, nec mensuratum, aut commensurabile quanto dici debet; ergo è converso, quia nulli quanto commensurabile est, nulli quanto comparari potest, & quoniam non comparabile cum quanto, quantum esse non potest, & quoniam non est quantum, non est divisibile, & quoniam non est divisibile, non est partibile, & quia non est partibile, non est totum, & quia non est totum, non habet partes, & quia non habet partes, ideo simplex, & quia simplex, ideo minimum & primum in spatio, & quia primum est in spatio, ideo in eo situm habet, & quia situm habet, positionem quoque in spatio habet, & consequenter respectum ad puncta, lineas, angulos, superficies, corpora, quæ sunt in spatio dicit; unde nascitur illud paradoxum.

Centrum Mundi, tametsi sit punctum, illud tamen quodammodo quantæcunque commensuratur peripheriæ, ita, ut circumferentiæ & superficies etiam cujusvis Circuli maximi, videantur in unum quasi Centrale punctum contrahi, secundum omnes sui partes, iisque commensurari; siquidem, teste *Proclo*, circumferentia ex omni parte cum Centro conjungitur, & omnes sui partes in Centrale punctum cogit & contrahit; si enim ex puncto quodam infiniti circuli concentrici describantur, & ex maximo omnium circulorum per omnes intermedios lineæ in Centrum, unde descripti sunt, ducantur, certum est, circulum minimum, quo minor duci

non potest, cum Centro coincidere: ut proinde vel ex hoc capite cognoscas necessariam Centri cum circumferentia dependentiam, ita ut nec Centrum sine circumferentia, nec circumferentiam sine Centro concipere possis; cum enim divina Sapiencia ex Centro orbem eolverit, tolle Centrum, neque ulla erit corporum evolutio; si nulla corporum evolutio, nulla erit Mundi amplitudo; si nulla amplitudo, nulla erit mundalium corporum in mundo dispositio, nullus ordo, influxus nullus, neque motus. Quæ omnia cum absurda sint, omnia igitur ad Centrum, è quo evoluta sunt, ordinantur. Centrum itaque est, quod omnia appetunt; Centrum est, quod omnia ambiunt; Centrum est, quod omnia respiciunt, utpote ad Universi conservationem unionemque corporum per necessarium. Virtute Centri omnes naturalium & elementarium motuum virtutes emanant; sine Centri virtute neque vegetabile incrementum sumere, neque avis volare, neque quadrupes incedere, neque ullam homo actionem corpoream, uti postea demonstrabitur, exercere posset. Omnia itaque à Centro sunt, omnia ad Centrum ordinantur. Verum ut hæc omnia luculentius patefiant, primum differentiam inter Centrum magnitudinis & gravitatis explicandam censuimus.

DEFINITIO II.

DEFINITIO II.

Centrum magnitudinis est punctum medium cujusvis figurae, per quod figura bisecatur.

Centrum, secundum totam latitudinem suam sumptum, dicitur cujusque rei medium, estque punctum quantitatis continuæ & finitæ, signatum sive actu sive potentiâ, vel in ipsa quantitate ejusque termino, vel extra, cum certo sive extensionis, sive intercapedinis, sive habitudinis partium respectu ad id, cujus dicitur Centrum, competitque hæc ratione non tantum corporibus, sed & superficiebus & lineis; Propriè autem Centrum figuræ, est illud punctum in circulo & Sphæra medium, à quo omnes lineæ ad peripheriam ductæ inter se sunt æquales; In rectilineis verò est punctum, in quo omnes rectæ lineæ, vel angulos oppositos jungentes, bifariam secantur, vel ab angulis ductæ ad laterum oppositorum bipartitas sectiones in easdem rationes dividuntur.

Centrum magnitudinis punctum est, quod undique æqualiter ratione magnitudinis, extensionisque ab extremis abest. Convenit hæc

Quid sit
Centrum
Magnitudinis.

hæc quidem omni quantitati finitæ, lineis videlicet, superficiebus, & corporibus, sed non singulis; Lineæ enim ordinatæ, atque utrinque terminatæ, Centrum, id punctum est, quod eam bifecat: In superficiebus verò solus circulus inter corpora Sphæra est, cui Centrum magnitudinis propriè competit; impropriè tamen locum habet in polygonis & polyedris regularibus, in quibus ipsa latera & æquæ ab hoc Centro absunt, prout tota considerantur, non autem secundum partes. Atque hæc ratione Centrum magnitudinis etiam extra illam quantitatem, cuius Centrum dicitur, reperiri potest, ut in lineis curvis in seipsas recurrentibus accidit, qualis est circularis & elliptica in Zonis, coronisque superficierum ac corporibus annulatis. Apud Arabes Geometras punctum magnitudinis id vocari lego, quod lineas rectas bifecat; superficies in duas æquales partes dividit; in corporibus verò id punctum, per quod planum quomodocunque transiens, eodem modo, ut de superficie dictum est: corpus æqualiter bipartitur, ita ut partes illæ seorsim sumptæ æquales sint. Ex quibus patet, Centrum magnitudinis & Centrum figuræ in lineis & superficiebus, uti & in corporibus, idem prorsus esse.

DEFINITIO III.

Centrum gravitatis cujuscunque gravis, est ejusdem gravis medium; Universi verò medium, id est, quod appetunt omnia, Centrum Mundi dicitur.

Quid sit
Centrum
gravitatis.

UTramque definitionem ex Aristotele desumptam, ejusdem verbis ac rationibus licet comprobare: Is enim, dum terram Sphæricam esse adstruit, inter alias validissimas rationes hanc affert: *Videre autem, inquit, non est difficile modicum insistentes & dividentes, quomodo censemus quantumvis magnitudinem habentem gravitatem ad medium ipsum ferri.* Intentam animi cogitationem, omni seposita confusione, exigere primum videtur Philosophus, ad hanc naturalium virium ac motuum contemplationem; deinde ad medium ferri omnia gravia manifestis verbis expressit; medium autem aptè dici in Sphæra Centrum vel ipsa Sphæræ definitio, quæ usus est Cicero, manifestè demonstrat; sic enim de Mundo ait. *Ergo globus est fabricatus, quod σφαῖρα ὁμοῦς Græci vocant, cujus omnis extremitas paribus à medio radiis attingitur.* Hæc Cicero. De Centro autem gravitatis sic idem Aristoteles. *Manifestum enim est, quod non quoadusque tangat Centri extremum, sed oportet prevailere, quod est majus, donec utique sui ipsius medio medium ipsum acceperit.* Hæc Aristotelis ratio aptissima sanè est ad Centri gravitatis naturam percipiendam, quam ita explico. Si enim sublata de medio terræ, intel-

ligamus corpus quodcunque grave à Lunæ, verbi gratia, concavo demitti, ad Centrum utique movebitur, neque quiescet, cum extremâ sui parte Centrum contigerit; non enim est in Centro vis aliqua, ut multi putant, magnetica, quæ corpora attracta teneat, ne inde moveantur, sed in ipsis gravibus potius, atque in singulis eorum partibus est appetitus quidam, qui ducit ad Centrum: Cum ergo pars illa extrema corporis, quæ Centrum contingit, quæque, si ab aliis gravioribus esset sejuncta, quiesceret, comprimatur ab aliis gravioribus, quæ illi superstant, & resistere non possit potenti- bus, necessarium est eam cedere, à Centro dimoveri, atque in oppositam partem ferri, donec totidem secum partes æquè ponderantes attulerit, quot ex hac parte superiore manent. Hæc autem omnia quæ dixi, ad unam tantummodo lineam pertinent, per quam grave illud recta via motum est; atque hoc, quod in ea linea prædicti motus hæcenus comprobavimus, idem prorsus in alia quavis linea cujuscunque alterius motus, qui à concavo Lunæ ad Centrum Mundi fieret, pari ratione ostendetur: Ex quo fit, corpus illud non prius posse quiescere, quam suo ipsius medio medium Mundi contingat: tunc enim suarum partium æquo undique ponderantium pondere corpus illud æqueponderatum stabit. Quæ omnia Plato in Phædro confirmat his verbis: *Hoc itaque ratum fixumque in animum induxi meum, primum si ipsa terra in medio est Universi, à Cælo circumquaque aquis circumdata spaciis, nullius quidem illam rei præsidio indigere neque aeris, neque alius cujuscunque necessarii fulcro uti, ne cadat. Verum ad eam retinendam satis esse, quod Cælum sibi quaquaversum simile sit, & ἡ ἡς ἡς αὐτῆς ἰσοπποῖαν & quod ipsa terra sit æquilibris; res enim æquilibris in similis cujuscunque æquique medio constituta non poterit aut magis aut minus aliorum declinari, quodque similiter & eodem se habet modo, in neutram inclinat partem, sed constanter permanet.* Atque sic eidem Centri gravitatis definitio à Pappo Alexandrino tradita appositè conveniet: *Centrum, inquit, gravitatis uniuscujuscunque corporis punctum quoddam interpositum, à quo si grave quoddam appensum mente concipiatur, dum fertur, quiescit, & servat eam, quam in principio habebat positionem, neque in ipsa latione circumvertitur.* quam paulò clariùs ponit Fridericus Commandinus l. de Centro gravitatis: *Centrum, inquit, gravitatis uniuscujuscunque solida figura est punctum illud intra positum, circa quod undique partes equalium momentorum consistunt;* quod ita explicamus nos. Cum in corporibus, & figura & pondus expendi possit, & tam pondus quam figura in aliquibus corporibus sibi convenient, ut in Sphæra & similibus videre est; non tamen id semper contingit, cum in plerisque corporibus longè diversa sit figuræ & ponderis ratio, & figuræ me-


dium longè distet à ponderis medio ; Rectè igitur monet , ponderis tantum rationem habendam, non magnitudinis aut molis , idque innuit, dum gravis medium, dixit ; dum verò dicit , si per tale Centrum ducatur planum, figuram quomodocunque secans, semper in partes æquiponderantes ipsam dividet ; *Secare & dividere* non ita accipienda sunt, ut separationem ab invicem partium significant ; fit enim plerumque, ut grave , juxta planum aliquod , per Centrum gravitatis transiens, divisum in duas partes æquiponderantes minimè dividatur ; eò quòd, postquam divisæ sunt gravis partes, quælibet earum ad suum Centrum habeat rationem , non amplius ad prius, quod erat totius, Centrum. Ex quo fit, diversam sortiri plerumque rationem ponderis, respectu unius Centri, ab ea, quam habuerunt respectu alterius . Cujus rei ea potissimum ratio exhiberi potest , quòd partes quò magis vel minus distent à Centro, eò magis vel minus ponderant , ut infra ostendatur.

Sensus igitur eorum verborum erit hujusmodi. Si planum intelligatur quomodocunque transiens per Centrum gravitatis , circa prædictum planum partes æquiponderantes semper erunt. Quod verò nonnulli existiment , Centrum magnitudinis & gravitatis idem esse ex eo , quòd Centrum gravitatis nullibi gravitet, perperam sentiunt ; tametsi enim Centrum ex se & sua natura non gravitet, est tamen fundamentum in corpore gravi, cujus intuitu corpus, sectione in quocunque partes per id factà , semper partes æquiponderantes relinquat , quod in Centro magnitudinis nunquam fit ; Si enim globus daretur , cujus unum hemisphærium ex plumbo, alterum ex ligno compositum sit, certum est, in hoc globo Centrum magnitudinis à Centro gravitatis differre, ita quidem ut Centrum magnitudinis medium globi rectè possidere dici possit , utpote medium figuræ ; Centrum verò gravitatis tanto à medio recedet longius , quantò levior fuerit portio hemisphærii, ex qua globus constituitur ; ad punctum videlicet, juxta quod si secetur globus, partes relinquet isorropas five æquiponderantes : Verum tamen est , in globo homogeneo , & nulla differentis materiæ mixtura composito , Centrum tum magnitudinis, tum gravitatis coincidere , idemque prorsus esse.

Pari itaque ratione in Terraqueo globo fieri putandum est ; cum enim aqua ad terrestrium partium structuram differentis ponderis rationem habeat , certum est , Centrum gravitatis in terreno globo à Centro magnitudinis diversum esse ; Centro tamen mundi semper congruere, utpote quod vi innatà in illud, uti & omnia alia, feratur. Sed rem hoc exemplo confirmo. Sit globus Terræ A B. Centrum gravitatis C , congruat cum Centro mundi C eodem ; secetur jam divinà po-

tentià segmentum D E, vel quodlibet aliud ; quo ablato certum est, Centrum gravitatis non jam in C remanere amplius , sed in F ; atque aded

mundi Centro congruat, ei mox sese accommodaturum , ut sic juxta Centrum gravitatis æquilibratum subsistat.



COROLLARIUM.

Hinc patet, Terram, si divinà potentià extra Centrum Mundi elevaretur, non, uti nonnulli existimant , constituram , sed dimissam suà virtute propria , uti omnia gravia , Centrum Mundi repetituram esse. Patet quoque, magnam inter Centrum gravitatis & magnitudinis differentiam esse. Sicuti itaque Sphæræ proprium est , ex eo tantum , quod punctum habeat in medio ab æqualibus undique partibus circumdatum, ut Sphæra in duas partes æquales dividatur , à plano per illud medium transeunte ; neque enim ullà ratione in duas dividi potest æquales partes , plano per medium non transeunte ; sic etiam ex eo, quod unumquodque grave habet suum gravitatis medium , in duas æquales partes secabitur à plano per Centrum transeunte, neque à plano intelligi poterit in duas æquas partes dividi, quin prædictum planum per illud medium transeat. Sequuntur Canones.

Canones de Centro gravitatis & magnitudinis.

Si non esset Centrum gravitatis in rebus existens, nullus ex consequenti daretur motus ; si nullus motus daretur, omnia torpescerent , immò universam Naturam in Chaos suum reverti, necesse foret ; idcirco Natura provida rebus gravibus appetitum indidit ad Centrum, quod omnia appetunt ; verum cum ad Centrum descendere non possent virtute propria, id necessarid requiri videbatur, quod eorum ad centrum Universi appetitum in motu suo dirigeret , quod quidem nihil aliud est , quàm Centrum gravitatis unicuique rei gravi proprium ; sub hoc enim omnia terminum suum consequuntur. Quomodo verò hoc Centrum in singulis corporibus existat, & quomodo inveniri possit , restat explicandum, utpote sine cujus notitia, quæ in decursu hujus operis dicturi sumus, perfectè intelligi non possint.


Notandum itaque , Centrum gravitatis in corporibus solidis existens , plenè concipi non posse, nisi id prius in superficiebus sectorum corporum demonstretur ; Nam uti ex sequentibus patebit, cum hujusmodi Centrum, utpote

utpote corporibus solidis intrinsecum, oculis non pateat; id sanè ex occulto in apertum, nisi per superficiem, quæ per sectionem dictorum corporum solùm patefit, deduci minimè poterit; Centrum enim gravitatis, quod in superficie quapiam existere demonstratur, id quoque Centrum gravitatis in ea superficie, quæ per medium secti corporis punctum transit, existimandum est; ac proinde nemo miretur, si nos Centrum gravitatis in superficiebus, quæ omnis gravitatis expertes sunt, inquirere videat: hoc enim, non nisi in ordine ad solidi corporis Centrum gravitatis inveniendum, à nobis disponi, tunc patebit, cum sequentia penitus intellexerit. Sed exemplo rem ostendamus; in globo, & cubo homogeneæ materiæ, Centrum gravitatis cum intrinsecum sit, non patet; sed si dicta corpora per medium, quacunque parte, bifariam secueris, ecce mox ex perfecta sectione diræ relinquentur superficies, quarum medium magnitudinis punctum, Centrum quoque gravitatis est, quibus connexis denudò in unum corpus, id in sphaera aut cubo Centrum gravitatis est, quod id in superficie exhibebat, & sic de aliis pari pacto judicabis. Quibus quidè præmonitis jam materiam inceptam prosequamur.


CANON I.

In omnibus Figuris regularibus Centrum magnitudinis & gravitatis idem est.

Sint itaque Figuræ regulares Circulus, quadratum, pentagonum, triangulum æquicrurum, & quoniam A circulus est, certum est, Centrum circuli idem esse cum Centro gravitatis, & patet id ex definitione secunda & tertia; quemadmodum enim in circulo se-




ctio per Centrum facta circulum semper bifariam, id est, in duos hemicyclos dirimit æquales; ita si per Centrum gravitatis sectio institueretur, omnes hemicycli forent æquponderantes. Quod ergo de Circulo dicitur, de quadrato quoque dici potest, cujus Centrum magnitudinis & gravitatis ibi est,




ubi diagonæ lineæ CD, & E·F sese interfecant in puncto S, per hoc enim quomodocunque sectio instituat, semper & quantitate & pondere partes relinquit æquales; idem de quavis polygonia figura regulari dici debet; Si enim figuram circulo circumscribas, erit Centrum circuli & figuræ circumscriptæ

prorsus idem; unde figura per id quomodocunque secta semper partes, tum quantitate tum pondere pares, relinquit. In trianguli æquilatero Centrum magnitudinis & gravitatis ibi est, ubi lineæ DL, IM, NO, se interfecant; unde per hoc Centrum instituta bisectio, semper partes relinquit & pondere & quantitate æquales.




CANON II.

Centrum gravitatis & magnitudinis in quadratis, parallelogrammis, Rhombis & Rhomboidibus illud propriè punctum est, ubi diagonæ lineæ seu diametri dictarum figurarum sese interfecant: ut in Figura S B C D apparet.




CANON III.

In polygonis regularibus quoruncunque laterum, Centrum circuli illis circumscripti, Centrum magnitudinis & gravitatis est. Vide Figuras E F.




CANON IV.

In trianguli rectangulis lineis cujuscunque speciei, Centrum gravitatis & magnitudinis habebis hoc pacto. Sit triangulus Isosceles A B C, cujus perimetri Centrum quæritur: bisectis tribus lateribus in punctis D E F, ductaque perpendiculari A F, accipiat E G æqualis F C, secabit jungens punctum D G, perpendicularem A F in I, quod dico esse Centrum gravitatis & magnitudinis Isoscelis A B C; quod ita demonstro. Junctis enim D F, F E, E D, erit D E F parallelogram-




logrammum, juxta 2. 6. quare juxta 29. 1. anguli DGE , & $F DG$ æquales sunt; sed & eidem angulo æqualis est angulus GDE ad basin DG trianguli. Ifoſcelis DGE per 5. 1. ergo etiam anguli $F DG$, & GDE æquales sunt, atque adeo angulus totius GDE per rectam DG biſectus est; ſed & angulus DIE per rectam AF biſectus eſt, ergo commune punctum ſectionis I , eſt trianguli Iſoſcelis ABC centrum gravitatis quaſitum, juxta hoc enim biſectum, partes ſemper relinquit gravitate æquales.

Sit deinde triangulus ſcalenus ABC , in quo ſi ex D baſis AC puncto medio, & ex



C in E hypothenuſæ AB medium punctum ex DB & CE lineas duxeris, erit punctum interſectionis linearum BD , & CE in puncto F centrum gravitatis quaſitum. Patet itaque omnis trianguli Centrum gravitatis eſſe in linea recta ab angulo ad dimidiam baſin ducta, ſive in quo rectæ lineæ ab angulis trianguli ad dimidia latera ductæ concurrunt; Patet etiam, omnis trianguli centrum gravitatis eſſe punctum, in recta linea ab angulo ad biſectionem baſis ducta, exiſtens, quod linea ita dividit, ut ſegmentum ad angulum, reliqui ad baſin ſit duplum. In triangulo ABC fiat ſectio ad BC parallela per




lineam DE , ita ut DA ad DC , vel AE ad EB ſint dupla, dico Centrum gravitatis iſtius trianguli eſſe punctum F medium in DE linea. Quod etiam habebis facillimâ methodo, ſi alterutrum crus vel AB vel AC in tres partes æquales divideris, linea enim per $\frac{2}{3}$ ad cathetum BC , parallela ducta & biſecta dabit Centrum gravitatis. Verum qui horum omnium demonſtrationes deſiderat, is adeat Archimedes, Commandinum, Lucam Valerium, Gaſſinum, ubi omnia fuſe demonſtrata reperiet.

CANON V.

In Trapezio Centrum gravitatis reperire.

Sit Trapezium $ABCD$, cujus Centrum gravitatis inquirendum; In lineis terminantibus BC & AD ,




conjungantur puncta biſectionis EF , quam in tres partes æquales divides, & per puncta divisionis ducantur ad

AD vel BC parallela IH & ST ; deinde ex A & F duæ aliæ lineæ ducantur in E & C ; his poſitis ſi per puncta, FC & AE , ubi illæ lineas IH & ST interſecant, lineam LM duxeris, ſecabit illa lineam EF in puncto G , quod eſt Centrum gravitatis Trapezii, demonſtrationem vide apud Lucam Valerium.

CANON VI.

Centrum gravitatis in Semicirculo reperire.

In Semicirculo verò Centrum gravitatis habebis, ſi tetragonizufa, juxta ea quæ in *Arte magna Lucis & Umbra lib. 3.* tradidimus, deſcripſeris. Sit ABC ſemicirculus, deſcribatur te-




ſcribatur tetragonizufa ſive linea quadratrix, ex A in DB ſemidiametrum ſemi-

circuli, quæ ſit AE ; dico punctum E , in quo deſinit tetragonizufa AE , punctum eſſe gravitatis ſemicirculi ABC quaſitum: rationem vide in *citato loco*.

CANON VII.

Centrum gravitatis in Parabola reperire.

Centrum gravitatis in Parabola habebis, ſi axin BG , quæ baſin AC bifariam dividit,



in quinque partes æquales divides; ſi enim rectam VT ad baſin AC parallelam per $\frac{2}{5}$ partes in axi BG duxeris, dabit S interſe-

ctionis punctum, Centrum gravitatis in parabola quaſitum. Quæ omnia cum fuſe à citatis paulò ante Authoribus demonſtrentur, iis, utpote jam tritis, non immorabimur.

CANON VIII.

Gravitatis Centrum in Corporibus ſolidis homogeneis reperire.


Reſtat ut breviter quoque modum oſtendamus, quo Centrum gravitatis in quibuslibet corporibus ſolidis, reperiatur; quod quidem, uti inſtituti noſtri proprium, ita paulò penitiùs illud pertractandum cenſuimus, cum multa ex hac propoſitione dependeant, in ſequentibus producenda. Sit itaque Centrum gravitatis in globo aut cubo, ex homogenea materia conſtato reperiendum; ita procedes;

des; cum Centrum gravitatis globi cum Centro magnitudinis coincidat; dico Centrum globi esse Centrum gravitatis quæsitum. Cum cubus quoque sit corpus regulare: dico Centrum cubi quod est in diametro cubi medium, esse Centrum gravitatis quæsitum. Res demonstratione non indiget, utpote ex se clara, & ab *Archimede* ejusque interpretibus supra citatis, fusè demonstrata.

CANON IX.

Centra gravitatis in Cylindris & Prismatis reperire.

Cum columna seu Cylindrus ex ductu circuli efficiatur, medium axis Cylindri P Q




punctum B necessario dabit Centrum gravitatis quæsitum. Idem habebis in Prismate quorumcunque laterum; Sit v. g. paralleloipedum I R S ex quadrati ductu conflatum, quod axiñ habeat per quadratorum laterum centra I S ductum, cuius medium axis punctum R dabit Centrum gravitatis quæsitum. Idem de Prismate 5. 6. 7. 8. &c. laterum, & sic in infinitum procedendo, dicendum est.

CANON X.

Centra gravitatis in Cono & Pyramide reperire.

In Conis & Pyramidibus quorumcunque laterum Centra gravitatis habebis, si axin dictorum corporum ita divides, ut pars ad verticem sit ad reliquum dupla, id est, si axem in tres æquas partes divides, erit Centrum gravitatis tertium à vertice divisionis in axe punctum; Centrum enim figuræ, per quod axis transit, tam basis, quam Centrum plani illius paralleli, per quod sub data proportionem sectio fit, Centrum etiam est gravitatis. Vide Figuram adjunctam M N O P,



in qua Centrum gravitatis est punctum T, & in Figura A B D Pyramidis, punctum C.

CANON XI.

In frusto Pyramidis Centrum gravitatis reperire. Vide Figuram Canonis V.

Si Pyramis sit secta per planum basi parallelum, dabit Centrum gravitatis dicti frusti, Centrum trapezii in plano axis consideratum. Sit frustum sectæ Pyramidis B C D A, axis E F, trapezium verò in axis plano sit A B C D, cuius Centrum gravitatis, si juxta Canonem V. præcedentem inveneris, verbi gratiâ G, erit illud & Centrum gravitatis frusti pyramidis propositi.

CANON XII.

Quinque Regularium corporum Centra gravitatis reperire.

Quinque regularia corpora sunt Cubus, Tetraëdram, Octaëdram. Dodecaëdram, Icosaëdram, quibus si circuli circumscribantur, erit Centrum circuli & quinque regularium corporum Centrum, prorsus idem Centrum gravitatis quæsitum. Demonstrationem vide apud *Stevinum Propos. 14.*

CANON XIII.

In Hemisphærio Centrum gravitatis reperire.

Si Hemisphærium bifariam seces, erit planum sectionis necessario semicirculus. Si itaque Centrum gravitatis in hoc plano semicirculari per Canon: VI. inveneris, erit & id punctum quoque Centrum gravitatis in axe hemisphærii quæsitum. Vel aliter hoc modo: Dividatur axis hemisphærii in octo æquas partes; punctum enim, quod partes quinque deorsum à vertice, vel tres à base sursum determinat, est Centrum gravitatis quæsitum. Idem dicendum est de corpore paraboloeide; Centrum enim gravitatis, quod planum parabolicum per sectionem corporis ad axem factam refert, id quoque corporis paraboloeidis Centrum exhibebit gravitatis.

CANON XIV.

Mechanicè per fila determinare Centrum gravitatis in quolibet corpore.

In extremitate corporis filum seu perpendiculum demittatur, & notetur linea, quam filum in superficie lapidis figurat, deinde applica perpendiculum in quovis alio loco lapidis, & iterum signetur linea, quam filum in superficie corporis notat; ubi enim hæc linea alteram priorem lineam secuerit, ibi est Centrum gravitatis in superficie lapidis; Repete itaque utramque observationem in opposito latere corporis, & pari pacto signa punctum linearum se interfecantium; si enim hæc

hæc duo puncta in binis superficiebus observata, imaginatione per lineam — connexa concipiantur, erit medium istius lineæ punctum, Centrum gravitatis quæsitum; quod quidem verum est in corporibus regularibus; In irregularibus verò corporibus plures, ut intentum habeas, observationes instituendæ sunt.

COROLLARIA

ex dictis.


Hinc sequitur, si cuncta corpora Sphærica, Cubica, Cylindrica, Prismatica, & similia hucusque demonstrata, tametsi ita excaventur, ut Orbis relinquat annulum, Cubus verò duodecim solida fulcra corpus cubicum connectentia; Cylindrus verò fistularis evadat, & Prisma quocunque laterum puteum referat; Centrum tamen gravitatis in vacuo spatio imaginatione conceptum idem futurum, quod in solidis. Sic Centrum annuli circularis, cubi vacui, & figurarum cæterarum, Centrum gravitatis in medio imaginario erit, supposita semper æqualitate partium homogenearum.

De Centro gravitatis quod in heterogeneis corporibus latet.

CANON XV.

In Sphæra ex æqualiter ponderantibus conflata, Centrum gravitatis & magnitudinis, ut supra indicavimus, idem est; Si verò ex heterogeneis seu dissimilibus constet, & idem potest esse, & diversum.

Tres hic casus occurrunt; prior est si totus globus sit homogeneus, & sic Centrum gravitatis & magnitudinis, uti dictum est, semper idem est. Secundus casus est, si sequenti Sphærae v. g. plumbeæ ab axe A B,




æquidistantibus segmentis EFD & GCH resectis, apponantur alia segmenta æqualia, sed ex dissimili materia facta, v. g. ex ligno vel cera, quæ sint dicta segmenta EFD, & GCH; hæc segmenta, cum æquiponderare supponantur, illa consequenter in mutilata Sphæra Centrum gravitatis & magnitudinis non mutant; sed illud quod primo in integra Sphæra habebant, conservant. Tertius casus est, si segmento E D F sublato, in ejus locum substituat segmentum ex heterogenea materia, vel ligno, cera, vitro, metallo, auro; hoc facto Centrum gravitatis ab

axe A, B, tanto versus C accederet vicinius, quantò levius fuerit segmentum appositum EFD; vel tantò versus F, quantò segmentum E D F, appositum, materiâ Sphærae fuerit gravius, Centro tamen magnitudinis semper suum locum retinente, quod est Centrum globi heterogenei. Quæ de omnibus quoque corporibus regularibus supra descriptis intelligenda sunt.

CONSECTARIA

ex dictis.

Hinc sequitur primò, cujuscunque solidi Centrum gravitatis loco suo dimoveri posse, cum aliquid additur vel minuitur, vel cum partes aliâ ratione constituuntur. Sit in cubo A B ex consimili materia, id est, homogenea conflato Centrum gravitatis C, dico id triplici ratione mutari posse; vel si dato corpori addatur corpus E D B G, quia si cubo A B addatur pondus novum, Centrum necessariò à suo loco versus partem additam recedet; vel quod idem est, si ex A B detrahatur A F I R



præponderante G B D E, Centrum gravitatis C pariter à suo loco recedet versus B D. Verum si intermedio corpori B F D A utrinque addantur F R & E D æquiponderantia, Centrum gravitatis in C juxta leges *isopponias*, manebit immotum.

Sequitur secundò, Sphæram, tametsi ex segmentis variæ mixturæ compaginata fuerit, Centrum tamen gravitatis non mutare. Sit Sphæra A B C D, cujus segmenta A E B & ejus oppositum C H D sint ex cera, reliqua verò duo A F C & B G D sint ex creta, A B C D verò intimum Sphærae corpus sit ex plumbo. Dico Sphæram tametsi ex heterogeneæ materiæ segmentis conflata sit; Centrum tamen neque gravitatis neque magnitudinis mutare; quoniam enim segmenta A E B, C H D æqualia & ex eadem materia v. g. cerâ facta, utrinque æquiponderant ex suppositione, Centrum gravitatis C à loco suo non recedet, juxta ea quæ *Archimedes* in æqueponderantibus demonstrat; sed & segmenta gypsea A F C & B G D, pariter æquiponderant; ergo cum globus ex segmentis oppositis, tametsi ex diversis ponderibus, conflatus sit, Centrum tamen C non mutabit; ergo si Sphæra &c. quod erat demonstrandum. Quod si verò vel unum oppositorum segmentorum ex dissimili materia esset conflatum, tunc Centrum quoque gravitatis loco cedere necesse foret.

CAPUT II.

De Linea directionis.


Linea directionis ea dicitur, quæ motus gravium dirigit, & ducta concipitur à Mundi Centro ad verticem gravis; Gravia siquidem omnia suo naturali pondere feruntur ad medium, quod terræ ambitu continetur, & idèd, quæ apud nos sunt, omnia vel moventur vel quiescunt, non moventur, quod impediuntur & detinentur; eorum verò, quæ moventur, quædam in motu impediuntur, alia verò expedita sunt; quemadmodum in aqua patet terræ circumfusa; quoniam enim illa recta descendere non potest, per diverticula descensum parat ad Centrum, usque dum excepta congruo receptaculo requiescat; si verò nullum impedimentum obstat, recta descendit Centro suo copulata; Illa verò linea quæ hujusmodi motum dirigit, sive quæ motum dirigeret, si impedimentum auferretur, dicitur linea directionis. Hanc autem lineam necesse est à Centro procedere, vel ad Centrum tendere, quod idem est; & nihil aliud est, quam linea Horizonti perpendiculariter insistent, sive, quod idem est, linea ex Polo Horizontis sive verticis per Centrum Mundi directæ, axisque Horizontis, uti Astronomi vocant, ipsi prorsus congruit, & proinde pro eodem sumitur passim. Atque hæc lineæ si in terreni globi superficie considerentur, quoad sensum, parallelæ sunt, ut manifestè apparet in gnomonibus schiaticis, qui quantumvis distiti, paralleli tamen censentur, nullo erroris præjudicio in negotio gnomonico; patet quoque ex praxi Architectorum, qui muros fabricæ nullo habito ad Centrum respectu præcisè parallelos ad amissum disponunt, tametsi illi in Centrum ducti non amplius paralleli forent, sed in eo coinciderent. Sed de hisce vide, quæ copiosè scripsimus, lib. 3. *Artis Magnæ Lucis & Umbrae*.

PROPOSITIO I.

Omnia quæ moventur, sub linea directionis moveri necesse est.

In omni corpore gravi Centrum gravitatis consistit in linea directionis, & juxta eam movetur, ita ut Centrum gravitatis ipsam lineam directionis motu suo describat; cum enim omnes partes gravis ad Centrum gravitatis comparatæ æquiponderent, necessariò medium gravis punctum lineam directionis constituet, reliquis extremis corporis partibus motu suo lineas pariter ad lineam directionis parallelas describentibus. Sit corpus grave sphaericum aut cubicum A B, cujus Centrum gravitatis sit C; dico Centrum gra-


vitatis C motu suo in D describere lineam C D, quæ est linea directionis, puncta verò A B terminantia corporis describere lineas A E & B F, lineæ directionis C D parallelas quidem in superficie terræ, concurrere tamen circa Centrum Mundi, uti & omnium partium corporis gravis, in Centrum quod appetunt, nutantes. Si quis verò neget, motum fieri per lineam directionis, fiat itaque per A E vel B F. Verum cum illæ partes extra lineam mediam sint, neque ullum *isòpomas* momentum in B vel A statui possit, impossibile est in A aut B lineam directionis statui posse, ergo necessariò linea directionis per medium corporis gravis punctum, quod Centrum gravitatis diximus, ducitur, quod erat probandum.



PROPOSITIO II.

Motum progressivum hominis ad directionis lineam moveri necesse est.

Progrediatur homo in superficie terræ, dico progressivum motum non fieri nisi sub linea directionis. Sit globi terreni superficies A B C, Centrum ejus D, constituatur homo, aut quodlibet aliud animal in loco F, dico hominem naturali gressu ambulare non posse, nisi sub linea F D, quæ est linea directionis: hac enim viâ tenderet, si descenderet ad Centrum terræ; ergo sub hac linea verè & propriè æquilibratur & dirigitur ad operationes suas commodius peragendas. Quod si quis neget, tendat itaque per lineam F E; at cum hæc extra Centrum gravitatis & lineam directionis sit, ex puncto I descendet obliquè in K; ex K verò ascendere incipiet in E; qui motus cum naturales non sint, sed violenti, utpote extra lineam directionis; impossibile est naturaliter ullum procedere posse, nisi sub linea directionis F D, quod erat ostendendum.



B


CON-

CONSECTARIUM I.

Hinc patet, cur homines aut naves ambulantes circa superficiem terrenam semper erectæ sint, & undique videant omnia sursum, ut in punctis E G S; quia cum gravia sint, necessario juxta directionis lineam feruntur deorsum ad Centrum, quod omnia gravia appetunt.

CONSECTARIUM II.

Hinc patet, omne Corpus puncto insitens, tunc stare, cum linea directionis per punctum, cui innititur, transiens, per Centrum quoque gravitatis ejusdem transierit; cadere verò, si extra gravitatis Centrum transierit. Sit globi terreni Superficies A D B.



Centrum ejus C. linea directionis C D, ponatur v. g. pyramis apice suo in puncto D. ita ut linea directionis præcisè transierit per Centrum gravitatis pyramidis in I; dico pyramidem mansuram erectam: quoniam enim omnes partes æquiponderantes ex æquo distant à prædicta linea, neque ullæ partes reliquas in alteram partem perducere possunt, fieri quoque non potest, ut hoc pacto æquiponderata pyramis erecta non subsistat. Quod si vel minimè ex linea directionis C D Centrum gravitatis declinaverit, illam cadere necesse est, cum partes ab illa parte, à qua Centrum gravitatis declinat, plus ponderent, quam reliquæ. Sed hæc amplius in sequenti Propositione per exempla deducuntur.

CONSECTARIUM III.

Hinc patet quoque, sarissam aut hastam ingentem, manu lanistæ sub-linea directionis libratam neque ponderare, nisi pondere omnium levissimo, neque cadere: cum enim sarissæ longitudo sit sub linea directionis, necessario partes omnes æquiponderantes nutabunt in Centrum, & consequenter dexteritate gladiatoris ita agitante sarissam, ut semper directam teneat sub dicta linea, illa necessario stabit, neque multum ponderabit; si verò parum extra lineam declinaverit, jam & pondus fortietur, & sarissa cadet, ita quanto magis declinaverit, tanto majorem semper & majorem gravitatem fortietur, donec lineæ horizontali parallela insuperabile pondus amplius sustinere non possit; cujus quidem rei ratio non est alia, nisi quod sarissa O I erecta, & palmæ La-

nistæ liberè insitens, cum omnes partes naturali motu in Centrum sub linea directionis ferantur, consequenter pondus non fortietur: at si extra directionis lineam fuerit constituta, ut in A; jam

omnes sarissæ partes B O D E, utpote extra situm naturalem constitutæ, cum omnes & singulæ gravitent, necessario pondus augeri necesse est, & tanto quidem plus, quanto horizonti fuerit vicinior, tanto minus, quanto verticali situi vicinior.


CONSECTARIUM IV.

Hinc patet quoque, cur funambulones in chorda incidentes tam constanter incendant; quia cum pertracā seu ligno transverso quod manibus gestant, æquilibrati, sub linea directionis perpetuò incendant, sit, ut æquiponderantibus extremis ligni seu pertracæ, Centrum quoque gravitatis, quod in linea directionis medium est, perfecte æquibretur, unde nullus casus pertimescendus.

PROPOSITIO III.

Corpora gravia tunc stabunt, cum linea directionis per medium quantitatis, cui insit sit grave, ducta, per Centrum gravitatis transibit.


Sit corpus grave A B C D, cujus Centrum gravitatis E. & insit quantitati B C. Si itaque linea directionis F E transiens per punctum K medium quantitatis B C, transierit & per punctum E, utique grave stabit; quoniam partes gravis, quæ circumstant punctum E, æquiponderantes sunt; quare neque hæc illas trahere possunt, neque ab illis trahi. Ex quo fit, ut totum grave quiescat. At si grave augeatur ex altera parte quantitate C D G, ita ut Centrum gravitatis sit H, si linea directionis transiens per extremum C quantitatis B C, extensa transierit per punctum H, dico Corpus pariter erectum mansurum. Ratio est, quia si corpus inniteretur puncto C tantum, per Consectarium secundum præcedentis Proposit. illud staret. Nihil igitur obstare poterit, quo minus stet, insitens toti quantitati B C. Iterum si linea F C extensa non transierit per punctum H, sed illud versus E promoveat, Corpus grave, uti prius, stabit; Nam si grave puncto



puncto C possit insistere, quantum magis stare poterit lineæ CK insistens, super quam necessario Centrum gravitatis existit? siquidem fieri non potest, quantitatem ABCD cujus Centrum erat E, auctam ex parte ipsius E Centrum gravitatis retrahere ad oppositam partem, nimirum ad E; quare Centrum necessario manebit inter puncta HE, linea directionis transibit inter puncta CK, atque adeo corpus stabit. Unde concluditur, quod si Centrum gravitatis fuerit extra spacium HE v. g. in L, vel in V, & linea directionis extra lineam CK feratur, corpus necessario casurum; siquidem major pondere quantitas trahet minorem, ideoque cadet ex parte G, vel S. quia in ea gravis parte invenitur Centrum gravitatis, extra lineam directionis FE, & consequenter majus pondus imminet, unde consistere non potest.

CONSECTARIUM.

Hinc sequitur, cur subinde nonnulli muri reperiantur, qui proxime ruinam minentur, cum tamen perpetuo & firmiter persistant, cujusmodi est murus tortus Romæ extra portam Flammineam mœnibus insertus, quem quicumque transeunt, horrescunt, jam jam casum ejus pertimescentes, ob nimiam ejus inclinationem. Quare ut ignari rerum, tam insolentis effectus, quem mirantur, causam penitus cognoscant, hic rationem ejus dandam duxi. Sit itaque moles tota muri



ABCD, muri verò superficies retorta sive inclinata sit EB CD, quæ à linea directionis declinet 20 gradibus. Sit autem Centrum gravitatis totius massæ molis G,

in ipsa linea directionis G D. Dico impossibile esse, ut murus E B C D cadat; cum enim Centrum gravitatis totius molis sit G, necessario pars muri H B D C E æquiponderabit parti alteri A H G D F, & consequenter murus sub linea directionis æquilibratus stabit, quantumvis retortus & inflexus, cum pars H B D C non possit superare pondus partis reliquæ A H F D. Si verò portio A L E K adimeretur à tota mole, tunc H B C D E portionem cadere necesse foret, cum reliqua pars L H K D insufficientis sit ad ponderi H B D C resistendum, utpote majore minori prævalente. Ex quibus quidem luculenter patet, quomodo subinde montium prærupta, uti & turre, suâ mole sine casu subsistant. Sed de his vide nostrum Iter Hetruscum, de Turre Pisana.

PROPOSITIO IV.

Nullus motus aut actio locomotiva fieri potest, nisi sub linea Centralis directione.


DIvina providentia per artem suam, hoc est Naturam, ita disposuit mundum, ut nulla actio locomotiva sine respectu ad Centrum fieri possit; cujus quidem rei exempla quotidiana in motibus humanis non desunt: Quis enim hominum in partem anteriorem vel posteriorem, aut ad latera sese inclinare poterit, nisi linea directionis transiens per extremam partem quantitatis, cui innititur, ex ea parte in quam se inclinat, transeat etiam per Centrum gravitatis corporis, aut hic immineat quantitati cui innititur, cæteroquin necessario casurus? Huic igitur necessitati natura providit, docens hominem, cum se inclinat, uti dixi, sinistrum pedem in posteriorem extendere, qui quasi vectis in latera præponderet capiti; quoniam, uti dixi, stare non poterit, nisi aut linea directionis per Centrum gravitatis transeat, aut saltem dimittat illud ex parte opposita ei, in quam se inclinat; nam si quis utrumque pedem junctum, ac totum corpus muro cuicumque erecto ab eo aversus adaptet, atque inferiori parte muro juncto manente, sese in anteriorem partem inclinare velit, necessario cadet, indeque discet, hominem naturali quodam instinctu ductum, quoties se inclinat, illa præstare, quæ diximus. Quæ quidem homini quoque sedenti eveniunt; hic enim crura & reliquam corporis partem, quæ pendet, non opus habet, ut dirigat; at postquam pedibus insistere cupit, necessarium est, ut totius corporis Centrum gravitatis quam maxime sit propinquum lineæ directionis, quæ transeat per pedes, quibus insistere vult; atque ideo corpori submittit pedes, caputque educit, ut pedibus ipsis emineat, adjutusque viribus naturalibus se erigit, sine qua incurvatione fieri non potest, ut se erigat, potissimum si lento nimis gradu se erigit; quoniam motus velocitas & impetus subinde ex his prævenit, alia ne sensu percipiantur, efficit. Idem dicendum de jacentibus in terra, qui si se erigere velint, primo caput, deinde manu brachiove veluti vecte quodam se erigunt in sedentis situm, deinde contractis pedibus, tandem utraque manu adjuti, se instantis situm elevant; quæ quidem actiones non alia de causa fiunt, nisi ut corpus lineæ directionis se adaptet, & sic finem suum consequatur. Quod verò funambulones prostrati, veluti ligna, nullo ex prædictis modis, prævio, in momento se erigere videantur, id consecuti videntur ex longa exercitatione & velocitate motus, quæ uti dictas actiones sub sensum non sistit, ita quoque spectatores, velocitate actionum falsi,

falsi, sine ulla corporis ad lineam directionis adaptatione eas fieri sibi persuadent, licet semper dicta ad lineam directionis adaptatio interveniat, tametsi ob velocitatem, ut dixi, actionis insensibilis. Non nego tamen hominem exercitatum subinde tantum sibi impetum imprimere posse, ut gravium legibus superior iis minimè astringi videatur; verùm cum hic motus violentus sit, de eo non agimus, sed tantum de naturali gravium motu, qui actiones hominum à motu locali pendentes dirigit.

PROPOSITIO V.

Animalia quadrupedia progredi non possunt, nisi sub perpetuo linea directionis fulcimento.

UTi in omnibus aliis, ita in animalium motu progressivo mira elucet naturæ providentia, dum quadrupedia ita constituit, ut impossibile sit, illa progredi, nisi per diagonalem pedum progressum. Explico rem sequenti Figura. Sint quatuor pedes animalis



A B C D; anteriores binī A B, posteriores C D. Dico animal procedere non posse, binis pedibus unius lateris B D, vel A C simul sublatis: quia hoc pacto linea directionis E F non congruit Centro gravitatis dicti animalis, quod in animali consistente reperitur in puncto G: præterea cum latus E B F D elevatum præponderet lateri A E C F, animal necessariò cadet; quare mirà naturæ sagacitate factum est, ut duo semper pedes diagonaliter oppositi vel plano insistant, vel eleventur, cuiusmodi sunt A D, vel C B, hoc enim pacto animal perfectè ex æquiponderantia partium C B D, & A B C, juxta Centrum gravitatis G, & lineam directionis E F, librat, atque adeo sine ullo casû metu procedit. Videntur hic in Romano Capitolio binī equi ingentes, scalarum summitati imminentes, ex albo marmore elaborati, quorum qui ascenduntibus ad dextram est, binos laterales pedes elevatos habet, alios binos laterales abaco insistentes, quod magnam Sculptoris imperitiam arguit, cum ex prædictis fieri non possit, ut equus, vel quodvis aliud animal, simul & eodem tempore ejusdem lateris binos pedes sine casu elevet; Si itaque naturam observasset, duos diagonaliter oppositos pedes elevare debuisset, interim reliquis abaco insistentibus, uti factum est in Antonini Imperatoris equo æneo insidentis simulacro in Capitolii area, summa omnium admiratione spectabili, in quo artifex majori judicio est usus, dum equum gradientem ita ad naturæ exemplar formavit, ut binī pedes diagonaliter oppositi tantum erigantur,

reliquis abaco insistentibus. Quæ hic ex occasione apponenda duxi, ut quanto Architectis, Sculptoribus, similibusque artificibus in natura exhibenda, judicio opus sit, appareat.

PROPOSITIO VI.

Volucrum motus fieri non potest, nisi ad lineam Centralis directionem.

Natura quoque minimè pigra fuisse videtur in iis, quæ Volucrum generi, ad actiones earum ritè expediendas necessaria sunt, providendis; Nam sive cibum capiant, sive incedant, aut aliud quidpiam peragant, semper necessarium est, ut ratio lineæ directionis, sub qua librantur, servetur; Ut enim cibum in terra capiant, observatione quotidianâ notum est, illas, dum caput terram versus inclinant, pedes antrosum ita inflectere, ut hoc pacto æquilibratae actiones suas facilius peragant; Cum verò volant, duabus alis quasi fulcris sustinentur, ne totum corpus in anteriorem aut posteriorem partem præponderans inclinet, sed ex æquo corporis pondus libretur; Quod non fieret, nisi linea directionis per fulcrum & Centrum gravitatis transiret; Et uti aliæ volucres aliam corporis constitutionem habent, ita non defuit natura illas tali ratione formare, tali arte corpus, pedes, candam, alas constituere, ut sic inoffensæ suas instituant operationes. Hoc pacto colli longioris avibus natura quoque longiora crura dedit, ut in ciconiis videre est, quæ ut inter volandum se perfectè librent, eas natura docuit, ut promisso collo antrosum, crura quoque retrorsum pari intervallo extenderentur, ut sic corpus Centro gravitatis & lineæ directionis accommodantes, volatum commodius continuarent. Aliud quoque librandi genus volucres à natura edoctæ sunt; Nam cum anteriorem partem fursum elevare volunt, & posteriorem deprimere, alas, hoc est fulcra, quibus sustinentur, in anteriorem partem extendunt; cum verò contrà inferius suum volatum dirigunt, in posteriorem partem alas retrahunt; hoc enim vel illo modo facile efficiunt, ut Centrum gravitatis in volantium corpore loco mutetur; Eadem ratione ab ea parte, quæ propendet, alas retrahentes, æquâ trutinâ aves seipsas librate consueverunt, id enim faciunt, quod faceret ille, qui ab axe, cui insistit statera, pondus removeret, aut axem removeret à pondere, utraque enim ratione pondus æquiponderaret.




PRO-

PROPOSITIO VII.

Vegetabilis natura crescere non potest, nisi sub linea centralis directione.

Quicumque plantarum incrementa cum industria consideraverit, is admirandam Dei summi Optimi Maximi sapientiam satis admirari nunquam poterit, dum tot tantisque adminiculis, illis ad se conservandas providit; easque iisdem lineæ directionis legibus subiecit, quas tam impensè servant, ut nulla violentia eas ab hoc situ detorquere possit. Recta itaque tum arbores, tum plantæ in altum se erigunt naturali appetitu, & hoc sub linea directionis, utpote sine ea finem suum nunquam consecuturæ. Quam autem natura pertinax sit in juribus suis servandis, infinitæ experientie in plantis factæ nos docent; Si arboris ramos per murorum rimas diducas, mox ubi patulum aërem nactæ sunt, jam juris sui memores, ab Horizontali situ rectitudinem appetentes, in altum sese fur-



culi erigunt, ut in Figura apparet, in A G & B. Quod si quis ramo alicui pondus appenderit, ut in I, cum intentione ad detorquendum eum deorsum, adeo tamen juris sui tenax est, ut mox ab incurvatione rami, ultimus furculus G deorsum tendere nescius; quantum potest & licet, sese erigat, ut suæ lineæ directionis sese applicet. Apparet hic naturæ pertinacia in omnibus passim arboribus plantisque, quæ ex montium declivitate aut rupium parietibus, ut in N & M patet, emergunt. Natura itaque illas juxta lineæ directionis leges crescere voluit, sine quibus finem suum nunquam attingere possunt. Quemadmodum enim homo inversus cibum potumque capere non potest, utpote naturæ contrario situ positus; ita plantæ nutrimentum, quod ex inis radicibus sursum propagatur, inversæ capere nequeunt; Unde tantus illis inest sursum vergendi appetitus, ut nullâ arte ab illo dimoveri queant, potius morituræ, quàm obsecuturæ, leges, naturæ earum contrarias, præscribere conantibus; arbor enim tanto stabilior est, quanto directior, & cum sese sine hac rectitudine conservare non possit, eum situm appetit conservationi suæ maximè consentaneum, qui est juxta lineam directionis: His accedit, arbores & plantas, quod calorem & vitam à coelo & sideribus expectant, naturali quasi motus instinctu in coelam ferri, ut experien-

tia sat superque docet; arbores enim quæ in opacis locis nascuntur, præ cæteris altius exsurgunt, ut Solaris caloris benevolo influxu perfruantur: miratus sum non semel hujus appetitus vehementiam; arbores enim & frutices inter muros, qui Boream spectant sitæ, locis earum naturæ inconsistentis veluti pertæsæ, si aut fenestram aut patulum foramen nactæ fuerint, rami naturali quodam desiderio ad Austrinam plagam, utpote abundantiori calore refertam, per dicta foramina sese insinuant, ut hoc pacto benefico Solis calore factæ finem suum nanciscantur; diceres, eas instinctu quodam nosse, ut quæ ad se conservandum necessaria sint, discernant. Mirum est, quod Indicæ navigationis curiosi observant in nonnullis herbis, quarum prior est (quam Sargassum vocant) & in Oceani occidentalis itinere spectatur, in modum prati circumfusa, & à vento agitata, non ugo fixa loco, sed tempestatum ratione mota, diversis tractibus spectandam se exhibet, quod apertè monstrat, illam fundo radicibus fixis minimè inhærere, sed avulsam inter medium æquæ, humoris ambientis alimento vivere, radicibus è fundo abstractis; caulis tantæ magnitudinis est, ut ad 50 subinde pedes pertingat, foliis verò duorum, trium aut quatuor palmorum longitudine extra aquam se erigentibus: Mirum naturæ prodigium, multis etiam latioribus foliis ad superficiem aquæ se explicantibus, occulto quodam naturæ consilio, ne radix aut caulis protentior folia pondere suo infra aquam deprimat, obnitentibus. Altera est Oriza Chinæ, cujus messis non in terra, sed in ipsis aquis perficitur, unde in stagnantium aquarum lacunis primò feritur, quæ concepto foetu folia per longum caulem extra aquæ superficiem emittit, atque libero gaudens aère tandem in grana adolescit, summo sanè & unico Iacolarum emolumento; est & hoc in hac planta admiratione dignissimum, quod si pluviarum augmento lacunæ crescant, tunc & vel ipsa herba pro incremento aquarum sese extra aquam erigat: Quæ omnia ex P. Martino Martini oculato teste, & rerum Indicarum indagatore solertissimo, qui, dum hæc scribo, Procuratoris Chinenfis munere hic Romæ fungitur, accepi, quæ & in Atlante Sinico, quem non ita pridem in lucem misit, fusè describuntur.

Sed objicies, ab hac lege nonnullas herbas recedere, uti sunt, serpillum, hædera terrestres, & similia, quæ nunquam se perfectè erigere videntur, sed per terrestrem superficiem serpendo, dum nunquam se erigunt, alieno terræ fulcimento sultinentur; idem de omniibus convolvulorum speciebus, de hædera & similibus plantis, quæ vel arborum vel murorum fulcris vivunt, dicendum est. Respondeo, nullum ex serpillis esse, quæ non sursum erigi appetat, & cum id folia non possint, utpote caule destituta; caulis

tamen qui semen, florem & fructum fert, ex Centro plantæ, semper, quibuscunque modis potest, se erigit, ut hoc situ, suæ speciei propagationem conservet, sine qua finem suum non consequeretur. Pari ratione convolvulus & lupulus, cum sine pedamento vivere non possint, aliena fulcra appetunt, frutices, arbores, cæterasque stirpes, ut inde & vitam & nutrimentum acquirant, singulari quodam instinctu, arripiunt; & convolvulus quidem mirâ naturæ industriâ, cum mole caulis, thyrsive impedita, rectè ascendere non possit, in helices contorquens, conum, cujus axis fulcrum est, efformat; hoc enim pacto, dum obliquo situ in helices torto pedamentum ambit, tenacius adhæret, & copiosius vim suam in floribus & seminibus parandis exerit: Hædera verò tyrannicâ quadam vi arbores & murorum parietes invadit, ut vitam, quam imbecilli caulis constitutione pedumque debilitate obtinere nequit, alieni juris invasione conservet. Ex his apparet luculenter, nihil in tota vegetabilis naturæ oeconomia latere, quod non ad lineam directionis sese dirigat, ut tandem à natura sibi præscriptum finem assequatur.

PROPOSITIO VIII.

Omnes Minerales natura operationes in subterraneo mundo; vel ad Centrum, vel à Centro fiunt.

IN Subterraneo Mundo, qui est mineralium omnium matrix & receptaculum, præter aquam & ignem, quorum hic à Centro, illa ad Centrum vergit, sunt quoque succi, sales, terrestrium facultatum miscellæ, metalla & lapides omnis generis, quorum quidem omnium origo non nisi à Centro Mundi de-

pendet. Est enim Subterraneus Mundus instar distillatoriæ cujusdam fornacis, in qua ignis & aqua conjuncta, mediantibus spiritibus, vaporibus & exhalationibus; per innumeros canales in abdita diversorum montium cavernarumque subterranearum receptacula, quæ sunt veluti Alembia quædam, derivata, omnia machinantur mineralis naturæ opificia; ita quidem, ut humidum in visceribus latitans, se habeat per modum principii activi, ex quorum reciproca actione & passione, spiritus in terrestribus partibus latentes excitati, per vapores & exhalationes, pro cuiusvis terrestris portionis natura & qualitate, fundant ejus mineralis essentiam, cujus spermaticam rationem dicta terrestris portio continet. Quæ quidem omnia cum fieri non possint, nisi cum respectu ad Centrum, sapienter à natura provisum est, ut levia à Centro ad circumferentiam, gravia verò, cujusmodi humidum est, contrà à circumferentia ad Centrum tenderent; Ex hujusmodi enim conjugio, paranymp hæ naturâ mediante, rerum omnium subterranearum generationes emanare necesse est. Verum cum de hisce, ex professo, in toto tertio libro acturi simus, supervacaneum esse visum fuit, hoc loco fusius tam amplum argumentum describere. Quare sufficiat hoc loco demonstrasse, omnes subterranei mundi actiones necessarium ad mundi Centrum respectum dicere: Si enim tollas Centrum, jam, ut supra demonstravimus, omnia quiescent, omnis erunt motus expertia corpora; & cessante motu, omnium rerum generationes cessare necesse est. Quod itaque levia sursum vergant, deorsum gravia ad subterraneas generationes perficiendas, tendant; solum & unicum Terræ Centrum, causa est.

CAPUT III.

Paradoxa de Centro Terræ.

PARADOXUM I.


Quomodo Pons ligneus, circularis, Ellipticus, quadratus, triangularis, in aëre pendulus sine ullo fulcro adificari possit.

Suppono primò, Universam Terram Centro Vicinam ad multa milliaria concavam esse. Quo posito, si circa Centrum Terræ pons ligneus aut saxeus circularis aut ellipticus fiat, dico illum sine fulcro in aëre constitutum.


Sit circa Centrum Terræ I pons ligneus A B C D; cujus omnes & singulæ partes, cum in Centrum inclinent, juxta I desinet: æquiponderatus necessariò hærebit in aëre ex omni parte æquè gravitans. Quod si quispiam neget. Quiescat itaque in aliquo pun-

ctorum A B C D; Sed quoniam in nullo dictorum punctorum Centrum gravitatis totius molis est juxta Can. 1 & 2. fieri quoque non potest, ut ibi

quiescat, sed juxta Isorropicas leges, omnes partes se accommodabunt ad Centrum medii, sive Centrum mundi, quod cum Centro gravitatis coincidere supra amplè ostendimus, ut ibi firmum statum nanciscantur; cum




cum impossibile sit, aliter eum consistere posse. Pons ergo ligneus circularis, aut ex quacunque alia materia constructus, necessario in aëre circa Centrum Terræ sine fulcro subsistet, quod erat ostendendum. Idem fieret, si annulus seu rota ingens in Centrum Terræ conjiceretur. Idem fieret in ponte ad ellipticam formam constructo, hac tamen differentiâ, quod quatuor tantum loca $A B C D$ planam haberent superficiem, reli-



qua superficies à B & D versus C, aut à B & D versus A, sursum tenderent, & montuosum quid exprimerent, atque adeò homines in H & M, etiam in oppositis locis, in elliptica superficie sursum ascenderent, usque dum quatuor dictis punctis $A B C D$ recta superficiei infisterent.

CONSECTARIUM.


Hinc patet, si Pons quispiam forma quadrata aut prismatica circa Terræ Centrum fieret, eum in aëre pariter pendulum substitutum: Cum enim Centrum gravitatis quadrati & trianguli æquilateris idem sit cum Centro magnitudinis, uti supra demonstravimus Can. 1. necessario pons ad talium corporum leges constructus, pendebit in aëre: Sic enim omnibus & singulis molis partibus in Centrum æqua vi inclinantibus, pons æquilibratus consistet, cum non sit ratio, cur ex una parte plus quam ex altera versus Centrum inclinet; declinat autem, si fieri potest pontis, $N B H M$, portio $A B D M$ magis versus Centrum I, quam por-




tio $N H A D$. Ergo hoc casu æquale superabit æquale, ergo partes illæ æquiponderabunt, & non æquiponderabunt; quod cum absurdum sit & contra hypothesin, ergo partibus circum circa æquiponderantibus, & æqua in Centrum vi vergentibus, pons quadratæ figuræ in aëre manebit pendulus, quod erat ostendendum. Idem dicendum est de ponte triangulari $A B C D E F$; Differentia tamen inter partem circularem & quadratam

aut triangularem hæc est, quod homo pontem quadratum perambulans, in quatuor tantum locis $A C D E$, rectam su-

perficiem inveniret, si quidem ab A, versus B, continuò ascenderet, à B verò versus C, continuò descenderet, pari pacto in triangulari ponte $A B C D E F$ in punctis $B D F$ planum imaginari debemus, à quibus versus $A C E$, perpetuò ex $E B D$ punctis ascenderetur aut descenderetur. Ita quidem ut quatuor cornua quadratæ fabricæ aut triangulæ, se habeant instar montium, quorum radices sunt in locis, vel in triangulari $B D F$, apices verò eorum sint in quadratæ punctis $B H N M$; in triangulari vero $A E C$, cum recessus à plano circulari nihil aliud sit, quam vel ascensus à plano in altum, vel descensus ex alto in planum. Apparet hæc ratio quoque in superficie globi terreni in montibus, qui quanto decliviores sunt, tanto linea directionis, juxta quam incedimus, acutiores cum declivitate montis angulum conficit, & consequenter homo se violenter ad lineam directionis toto corpore detorquere debet; hæc autem detorsio uti violenta, ita contra naturam est, ut proinde non mirum sit, hominem in arduorum montium ascensu tantopere fatigari. Quod autem de pontibus circa Centrum Terræ immediate constituendis diximus, idem dicendum est de similibus fabricis circa superficiem Terræ in aëre construendis. Sed ostendamus negotium. Fiat divinâ potentiâ circa superficiem Terræ $C B D$, pons triangularis $A B E D F C$; trahantur jam lineæ directionis versus extimam super-



ficiem pontis, certum est, hominem ex B progressurum versus A, continuo ascensurum veluti editissimum montem, neque ullo loco rectum insistere posse, nisi in punctis $E B D$, ubi videlicet linea directionis normaliter in pontis latera incidit; in progressu vero uti lineæ directionis inter E & A monstrant, plano pontis amplius rectus insistere nequit, neque lineæ directionis amplius normaliter in latere pontis incident, sed angulos tanto facient cum lateribus pontis acutiores, quanto apici A, plus appropinquaverint. Hinc fit, ut hominem,



minem, ut se sub lineæ centralis dispositione sustineat, incurvato versus declivitatem corpore, & extremis pedum digitis insistere oporteat, cum in declivitate montis, sine casus periculo, stare rectum impossibile sit.

CONSECTARIUM.

Hinc patet, in Centro Terræ, nullam fabricam usui hominum aptam, nisi circularem, esse posse.

PARADOXUM II.


Ignis, Aquæ, arena, aliaque corpora liquida in Centro Terræ in Sphæram mox se conformabunt.

Deducatur divinâ potentia per canalem in Centrum Terræ magna vis aquæ; Dico eam in Centro Terræ mox in Sphæram se conformaturam; Cum enim Centrum gravitatis alicujus Sphæræ homogeneæ, uti in primo Canone ostendimus, idem sit cum Centro magnitudinis Sphæræ, certum est, aquam aliter consistere non posse, nisi sub forma globi aquei; consistat enim, si fieri possit, sub forma quadrati aut alterius cujuscunque figuræ, ergo aqua hoc statu circa cornua quadrati, contra naturam stabit & violenter; at hoc est absurdum; ergo necessariò se in globum conformabit, hoc enim situ, partes singulæ in Centrum æquâ vi inclinantes se perfectius sustinebunt, & ex omni parte æquiperponderatæ consistent. Idem de arena fluida dicendum est.

CONSECTARIUM

experimenti.


Hinc sequitur, quod si quis quatuor diversi generis liquores, qui quatuor elementa gravitate & levitate sua referant, prout in Arte Magnetica fieri debere docuimus, inferat phialæ sphericæ, experientia docet, in superficie terræ dictos liquores Horizonti parallelos, unum alteri incubituros, ita ut gravissimus, qui terram refert, infimum locum;



aëreum, quartum & supremum in phiala locum occupet, atque adeo omnes discreti &

impermixtibilis in superficie terræ eum situm tenebunt, quam phiala A B exhibet.

Descendat jam quis cum dicta phiala, divinâ potentia versus Centrum terræ; Dico, quod quanto dicti liquores plus appropinquaverint Centro terræ, tanto in sensibiliores arcus se contrahent;



Ubi verò phiala Centro terræ congruerit, tum liquores singuli juxta situm, quem circa terram quatuor elementa habent, se sphericè component, ita ut liquor terreus in integram sphæram se contrahat, tres verò reliqui liquores circumambientes, singuli sese circa terreum component, secundum analogiam, quandam, quæ in elementis vulgò concipitur, & figura H hîc adjuncta satis demonstrat. Ratio ex præcedentibus luculenter patet; Cum enim liquores hi permixtibilis sint, & unus altero semper gravior; necessario gravissimus, terræ, in Sphæræ modum, partibus ejusdem rationis in medium inclinantibus, se accommodabit; aqueus verò liquor, graviori incumbens, cum eidem misceri nesciat, in annuli formam circa terreum sese globum, & aëreus circa aqueum, & igneus circa aërium, miro quodam naturæ artificio conformabunt: Quod quidem nulli nisi in Centro terræ contingere potest, & forsân in spacio imaginario, extra hunc Mundum sensibilem, si dicta phiala divinâ potentia eò transferretur. Vide quæ de hisce fufius egimus in *Arte Magnetica lib. 3.*

CONSECTARIUM II.

Hinc patet vana & stupida nonnullorum Chemicorum jactantia, qui per Chemicos liquores in sphæras conglobatos, totius naturæ artificio, id est, sensibilis Mundi orbis, atque adeò totius Mundi opificium in vitrea sphæra extra Centrum terræ, se repræsentare posse gloriantur; quod cum non dicam humanæ, sed & angelicæ potentie limites excedat, utpote soli omnipotentis Dei virtuti reservatum, mirari satis non possum, rudem hujusmodi hominum ignorantiam, dum tam enormes Mundo affanias offunderè non verecundantur, dum aut non errare se, dum talia cogitant, sibi persuadent, aut dum errare se vident, suos tam palmares fucos à vera Philosophia deprehendi non posse, confidentis sibi imaginantur. Cesset igitur jam vana de tam infano opificio Chimico, præconcepta apud plebem opinio; illudque nisi in Centro terræ confici non posse, certò sibi omnes persuadeant.

C O N-

CONSECTARIUM III.

Si verum est, quod unanimi ferè omnium Sanctorum Patrum consensu traditur, Infernum in infimo Terræ loco à Deo constitutum, ut qui peccatorum gravitate à Deo se quàm longissimè removerunt, ultimum meritò & remotissimum in sensibili natura locum occupent; qui cùm alius esse non possit, quàm ingens illa ignei crateris circa Centrum Universi constituta Vorago; Certè ex præmissis luculenter patet, post universalem carnis resurrectionem, damnatorum corpora omnia in unum globum coacervanda, cum nulla ibi superficies nisi circularis concipi possit. Quemadmodum itaque haleces doliis, ita ea conglobata poenas peccatis suis condignas, quam diu Deus erit Deus, id est, omnis finis expertes tantò acerbiores, quantò Centro Terræ fuerint propinquoiores, in perpetuas æternitates sustinebunt. Discat hinc Christiana Mens à peccatis recedere, & bonum sectari, ne æquissimi Judicis Sententia in horrendissimum hunc tormentorum locum, in formidabile hoc perennium tenebrarum barathrum, ubi occlusis omnibus tenebræ molis repagulis, nulla lux unquam, nulla dies illucescit, præcipitata sempiterni horrois poenas luat. Sed hæc incidenter dicta sufficiant.

PARADOXUM III.

In Centro Terræ nemo pedibus insistere aut firmari poterit.


Cum enim (uti in præcedentibus ostendimus) omnia corpora gravia in Centro Terræ juxta Centrum gravitatis se conformant, in pedibus autem, humani corporis extremis, Centrum gravitatis esse non possit, ergo necessariò aut umbilico, aut ei vicina parte Centro Terræ inhærebit, uti in Figura apparet. Hinc aliud Paradoxum nascitur, quod homo hoc situ extensus utraque medietate corporis, pedibus ex una, ex altera parte capite, & pectore, sursum & uno & eodem tempore tendat.

Si verò divinà potentià globus plumbeus proportionatæ magnitudinis, posità sex aut septem pedum diametro, in Centro Terræ constitueretur, dico, hominem eidem globo gravitate non resistente, naturali situ insistere, eumque circumambulare posse, ut in Figura apparet.

CONSECTARIUM.

Hinc sequitur quoque, si dicto Globo plumbeo A B superficies diametro æqualis superimponeretur, hominem nullibi nisi in medio dictæ superficiei puncto rectum stare posse; Globulus quoque N in dictam superficiem conjectus nullibi quiesceret nisi in unico illo puncto, per quod linea directionis è Centro ducta transit medium, quæ est omnium linearum ex Centro Terræ ad super-

ficiem ductarum brevissima; iterum Globulus hic in quolibet sibi suppositi Globi plum-



bei puncto quiesceret, cùm ubique æquali à Centro distet spacio, & linea directionis ubique sit eadem. Quæ omnia ex dictis patent.

PARADOXUM IV.


In Centro Terræ homo positus neque comedere neque bibere posset.

Ponatur divinà potentià in Centro Terræ quispiam hoc pacto, ut os ejus Centro medii congruat; Dico, eum neque comedere neque bibere hoc situ posse; Cùm enim hoc situ totum corpus quocunque vertatur, inversum sit, & capite Centro Terræ semper insitit, nec cibum nec potum in stomachum transmandare poterit, utpote qui totus inversus undique & undique sursum pedibus vergat, mox tamen ac vel ad pedis intervallum caput è Centro emerferit, tum deglutire quidem poterit usque ad partem illam, quæ Centro respondet, non ulterius; tantò enim semper melius transmittet cibum, quantò os ejus à Centro fuerit remotius. Sed hæc clara sunt.

PARADOXUM V.

Sit totus Terrenus globus horizontaliter per Centrum Terræ, id est, diametraliter secaretur, in plano hoc secto non nisi unus recto & naturali situ consistere posset Mathematica positione, Physica, plures.

Si superficies Globi Terreni secta horizontaliter aut quocunque modo A B C D;




Dico, in dicta superficie non nisi unum recto & naturali situ Mathematica positione consistere posse, videlicet in Centro E. Cum enim omnes dictæ superficiei lineæ deorsum in Centrum vergant, fieri non potest, ut quispiam alio in puncto, præterquam in Centro se firmare possit: Sustineat enim quispiam se in linea A E, vel C E; Verum cum illæ lineæ

C

sint

sint directionis, in illis sese firmare posset, & non firmare posset, quod est absurdum & impossibile; in solo itaque Centro dictæ superficiei consistet naturali situ, hac tamen ratione, ut si in dicta superficie perpendicularem situm fortiatur, pedibus insistere posset; si verò situm ad planum verticale parallelum obtinuerit, non jam pedibus, sed umbilico Centro terræ, situ naturali adhærebit: Ratio est, quia perpendiculariter plano insistens habet infra se quo sustineatur; si verò situm ad planum verticale habuerit parallelum, jam pedibus insistere non poterit, sed corpus juxta Centrum gravitatis suæ in Centro firmabitur, quemadmodum in secunda Figura apparet, ubi planum L M N O, exhibetur situ



perpendiculari, in quo luculenter apparet, hominem nullibi in linea L N rectum stare, neque in Centro S quidem pedibus consistere posse, sed tum corpus primum firmatum iri, ubi Centrum gravitatis corporis gravis, Centro Terræ responderit; quæ omnia ex Figura patent.

CONSECTARIUM.

Sequitur hinc quoque, quod quacunque ratione globus terræ five normaliter, five horizontaliter, five situ declivi secetur, idem semper sequatur; neque enim hujusmodi planum propriè horizontale dici potest, sed quomodocunque sectum, semper situm perpendicularem ad Centrum obtinebit; hinc planum A B C D eatenus horizontale diximus, quatenus imaginationi nostræ tale videtur, etiamsi id minimè horizontale sit, sed superficies perfectè perpendicularis; quemadmodum enim nemo naturaliter & liberè parieti alicui seu muro plano insistere potest, ita nec in dicta superficie, quæ ad instar vasti cujusdam muri undique & undique perpendicularis sese habet, cujus medium Centrum Terræ est quietis punctum.

PARADOXUM VI.

In Centro Terræ rota quæpiam circumacta, neque sursum neque deorsum feretur.

IN Terræ superficie rota quæpiam volvi non potest, nisi una ejus medietas semper ascendat, altera descendat. In Centro verò Terræ dicta rota circumacta neque sursum

neque deorsum feretur, semper eundem ad Centrum Terræ situm habebit, cui ex omni parte æquidistat & æquiponderat, neque ulla ibi differentia partium, dextræ, sinistræ, obliquæ, superioris, inferiorisque erit. Accedit, quod in quacunque partem vertatur, semper eo in situ quiescat, cum non potius ad unam, quam ad alteram partem inclinet, sed indifferens sit ad omnem situm, in quem collocabitur.

CONSECTARIUM I.

Hinc sequitur, si rotæ molaris haustra normaliter insistentia aquâ replerentur, illam circumactam nihil aquæ quam continet, effusuram, cum omnia haustra rectâ in Centrum nitantur.

CONSECTARIUM II.


Hinc sequitur quoque, quomodo, quod multi ex antiquis Patribus concipere non potuerunt, Antipodes pedibus suis nobis oppositis naturali situ moveantur.

Sit globus terraqueus A B C D; sint Antipodes F G, E S, qui pedibus nobis obversis incedunt, Dico, eos situ naturali incedere, quia utraque opposita parte per lineas directionis F D & S G in Centrum D inclinant. Quod idem de navibus intelligendum, cum undique & undique in Centrum Terræ vergant per lineas directionis, sub quibus feruntur; neque, uti simpliciores sibi falsò imaginantur, hominum aut navium in oppositis nobis partibus casus pertimescendus est. Si itaque Veteres nonnulli Centri naturam cognovissent, non tam imperitè de Terræ, nescio qua abyssu & voragine, quam sibi infra Horizontem imaginabantur esse, ratiocinati fuissent.

PARADOXUM VII.

In Centro Terræ duo homines in oppositas partes tendentes, naturaliter ascendent.

SIt in Centro Terræ A, scala B C applicata; Dico ex Centro A, duos homines, quorum unus ex A versus B, & alter ex A versus C, uno & eodem tempore ascendit, utrumque, licet in oppositas partes A & B ascenderit, naturaliter tamen ascendere. Ratio patet ex seipsa; Scala quoque in quacunque partem mota, ibi naturalem situm habebit.




P A R A

PARADOXUM VIII.

Avis cujuscumque circa Centrum Terræ volatus facillimus, & maxime naturalis erit vel circularis vel sub helicis linea; omnis alius motus erit violentus.

Avis quæpiam circa Centrum Terræ naturali & facili motu movebitur, quando sub circuli aut helicis linea movebitur, uti in circulo A patet, quem avis volatu describit, quia




hoc pacto nullum violentum motum sustinebit, qui illis contingit, quando sursum feruntur; quod & de volatu, qui sub helicis linea contingit, dicendum est, quæ cum ex circulari & declivi constet, maxime volatum accelerabit, neque aliter facilius Centrum Terræ petet, quàm sub hac linea. Si verò sub linea A B moveretur, dico avem non nisi violentum motum subituram; ex D quidem in A vel in B sursum feretur sub linea recta, qui maxime avibus violentus est; omnium autem violentissimus est, qui fit per lineam perpendicularem, ita ut vix avis sit, quæ eum sustinere possit; hinc instinctu quodam naturæ omnes aves volatu helicem, sive sursum sive deorsum vergant, affectant. Hinc in ipso Centro terræ fixa hæreret avis, cum enim nihil adeo avibus contrarium sit, quàm motus perpendicularis sursum; in Centro verò Terræ, cum ex nulla parte ascensus detur nisi sub perpendiculari, hinc hæreret, tum difficultate ascensus, tum proprio gravitatis Centro de-tenta.

PARADOXUM IX.

Si semen alicujus plantæ projiceretur in Centrum Terræ, illa quæquæ versus in formam radiosæ stellæ effloresceret.

SI massæ terreæ semina alicujus plantæ indita projicerentur in Centrum Terræ, dico, illa non nisi sub forma radiosæ sphaeræ efflorescere posse. Quoniam enim plantæ singulæ naturaliter, ut supra quoque dictum fuit, sub linea directionis sursum ferantur, lineæ verò in



Centro terræ undique & undique sursum vergant, sub illis semina pullulantia caules suas sphaericè erigerent, cum alio sub situ finem suum consequi non possint.

PARADOXUM X.

Ignis in Centro Terræ accensus Sphaericus est.


Quoniam enim ignis natura sua sursum fertur, in Centro verò undique & undique sursum concipiat, necessario undique diffusum radiosum corpus affectabit.

PARADOXUM XI.

De motu perenni in Centro Terræ instituendo.

Hoc loco omittere non possum nonnullorum vana technasmata, & insignes paradoxismos, qui putant, imò demonstrare contendunt, Motum artificialem perpetuum, certo modo in Centro Terræ confici posse, idque hac ratione ostendere nituntur.

Ponantur primò duo fulcra G K, H I, una cum axe G H. circa quem gnomon A B C cum affixo plumbeo globo C ita applicetur, ut vertebra sua A circa axem volvi possit. Hoc posito dicunt, futurum ut gnomon A B C semel incitatus, suum circa axem G H motum in circulum B D E P agitatus perpetuo continuetur. rationem hujus rei assignant, quod globus plumbeus gnomoni affixus, cum impeditus versus A Centrum juxta lineam directio-



nis C A descendere non possit, versus D gravitate sua perpetuo nitatur, atque adeo ex D versus F. & ex F versus E, & hinc versus B motus cum pondere gravatus nullibi quiescere possit, circulum denuo novâ semper & novâ circumvolutione, perenni motu, fit repetiturus. Itaque hoc modo perennem motum circa Centrum Terræ fieri posse, falso sibi persuadent.

Hoc tam prima fronte speciosum machinamentum, cum sæpe sæpius observassem, fallaces humanæ imaginationis illusiones non potui non ridere. Quàm itaque hoc, nostris in hoc libro traditis propositionibus, contrarium sit, declarandum duxi; ne in posterum alii inutili sese labore in eo demonstrando conficiant.

Primò itaque ponunt ii duo fulcra GH ; HI , unà cum axe GH ; putantque axim fulcraque eundem circa Centrum Terræ situm, quem in superficie ejusdem, habere. quod ridiculum & falsæ imaginationis ludibrium est. Si enim fulcra circa Centrum Terræ disponi possent, ea utique non, uti in superficie Terræ, perpendicularem, sed oppositum, obliquum videlicet, & sursum vergentem sortirentur. Quemadmodum & una axis medietas GA sursum, & altera HA pariter sursum tenderent. Si affigerentur itaque in G & H extremis axis partibus perpendiculara plumbeis instructa globulis, videretur sanè, ea juxta fulcrorum situm cadere deorsum minime posse, cum sint extra lineam directionis. Cadent itaque in A Centrum ubi quiescent. Fulcra ergo cum contra naturam sursum tendant, subsistere non possunt.

His ostensis jam videamus, utrum gnomon circa axem GH versatilis, motum perennem conficere possit. Moveat ergo, si fieri possit, ex C in D per arcum CD . Verùm cum hic motus utpote violentus, extra AC directionis lineam consistat; ut motum sine novo impulsu continuet, fieri non potest. Stabit ergo gnomon cum affixo sibi globo in quocunque puncto circuli $BDEF$. quod ita ostendo. Quoniam enim totum gnomonis complexum ABC se per modum solidæ molis habeat; erit juxta Definitionem III. & Canonem 4. Centrum gravitatis in I . & consequenter ubicunque ponatur, consistet, quia Centrum gravitatis I , lineæ directionis perfecte congruit. Uti fusè in prima Sect. demonstratum

fuit. Moveatur autem suapte sponte ex C in D . & hinc in F . Quæro jam vel moles hæc quiescet, vel non quiescet; si quiescat, jam intentum nostrum obtinemus; si non quiescat, uti perennis motus negotiatores volunt; ergo nunquam finem appetitus sui obtinebit, quod est contra Definit. 3. Cum omne corpus mobile in tantum moveatur, in quantum finem appetitus sui, qui est quies, sub directionis linea acquisita, intendit. Gnomon itaque in omni puncto circuli $BDEF$ firmabitur, cum quot in eo puncta, tot lineæ directionis concipiantur, quæ omnes per I , Centrum gravitatis gnomonis, ducuntur; ergo quocunque puncto circuli gnomon super id positus quiescet, atque adeò in consequentia puncta suapte sponte, nisi in ea protrahatur, moveri non potest. Neque quicquam facit ad rem, quod globus præponderare, & in anteriora semper niti falsò cogitetur; cum hujusmodi præponderatio non fiat motu naturali in anteriora; sed in Centrum A , per lineam directionis sibi subjectam. quod & ex paradoxis præcedentibus apertè constat; Si enim circa Centrum Terræ canalis fieret in circulum $BDFE$ contortus, & in eo poneretur globus, certum est eum incitatum non perenniter motum iri; sed in quolibet canalico loco quieturum. Quod idem de aqua intra canalem sparsa sentiendum est, quæ non fluere, sed cum quiete se contineret sub lineis directionis sine motu. Ergo quod primò assumpseram, motus perpetuus in Centro Terræ dicto modo impossibilis est. quod erat ostendendum.

S E C T I O II.

PHYSICO-MATHEMATICA.

E T E S T

De motu gravium ad Centrum Universi.

P R Æ F A T I O.

Cum omnia gravia in Centrum insito quodam appetitu ferantur, si Centrum non esset, omnis quoque motus cessaret, cum grave, quod appeteret, non haberet. Si Centrum non esset, cessaret & locomotiva potentia, cum nulla actio, uti suprà demonstravimus, locomotiva sine respectu essentiali ad Centrum confici possit. Si Centrum non esset, levia non tenderent sursum, quia non daretur motus à Centro ad circumferentiam, uti nec à circumferentia ad Centrum in gravibus. Centrum itaque non tantum motus localis, sed & omnis elementaris motus causa est. Quid autem hic motus propriè sit, & quomodo perficiatur, hac Sectione ostendendum duximus.

CA-

CAPUT I.

Definitio motus localis corporum, & impetus.

Non agimus hic de motibus intrinsicis, qui sunt intellectus, voluntatis, variarumque affectionum animæ, sed de motu rerum locali, naturali & violento, sive intrinseco & extrinseco: de motu recto & circulari; & mixto denique tum ex naturali & violento, tum mixto ex recto & circulari, & de reflexo, de omnibus denique, qui sine respectu ad Centrum confici non possunt. Motus naturalis gravium deorsum, est appetitus intrinsecus ad Centrum Terræ, quod omnia appetunt; non uti nonnulli sibi persuaserunt, ab attractiva vi Terræ, nec à materia quadam tenui, quæ grave sollicitat ad motum; nec ab aëre incitato retrò impellente, uti *Perierius* vult; neque à gravitate aliqua in ipso motu lapidi superaddita, ut nonnulli *Peripatetici* volunt; Sed ut dixi, appetitu innato, cujus tota vis est ab impetu seu impulsu. Ut autem impetus impulsusve ratio, antequam ulterius progrediamur, luculentius patefiat, sciendum est, impetum seu impulsum nihil aliud esse, quam qualitatem quandam, quæ exigat motum sui subiecti; Cum enim potentia & facultas motrix sit activa, ut producat aliquid, necesse est; Sed nihil aliud, quam impetum producit, ergo sine imperu grave naturaliter moveri non posset; est ergo impetus seu impulsus necessario connexus & connaturalis motui gravium, tametsi is à substantia mobilis distinctum quiddam sit, cum mobile quiescens sine impetu esse possit, in actu autem existens sine impetu concipi non potest. Hinc concludo, quod impetus productus ab extra non producat à qualitate, nec à virtute resistente, nec ab alio, quam ab impetu, qui maxime est causa connaturalis alterius impetus; agit tamen in tantum ad extra, in quantum tollit impedimentum; Hinc pro diversa ratione objecti impediens modò plus, modò minus agit, tum verò maxime, cum impedimentum est maximum. Hinc sequitur secundò, impetum intensum producere posse impetum remissum, si minoris mobilis impulsus feratur in majus se mobile, & remissum impetum; intensum, si majoris mobilis impetus seu impulsus feratur in minus se mobile; si verò mobilia fuerint æqualia, impetum æqualem producent, quod tum maxime fiet, ubi utriusque mobilis Centra gravitatis connectentur cum linea directionis, ut postea demonstrabitur. Tertiò cum datur motus naturalis gravium deorsum ab intrinseco, is non potest esse, nisi ab impulsu, tum quia ejus acceleratio sine impulsu explicari non potest, tum quia grave deorsum cadens imprimit impulsu in corpore occurrente,

quod non fieret, si impulsus expers foret, ab intrinseco: Itaque motum naturaliter acceleratum esse, vel hinc patet, quia cum motus in libero medio non impediatur, neque impulsus primo instanti productus, secundo instanti à causa primò productiva conserveatur, sed ab alia; sitque ipsa mobilis substantiæ causa necessaria, certè secundo instanti novum producit impulsu, quod idem de tertio, quarto, quinto instanti dicendum est, crescente itaque causâ motus, crescit & ipse motus; Hinc æqualibus temporibus æqualia acquiruntur velocitatis momenta, quia causa necessaria æqualibus temporibus æqualem producit effectum.

§. I.

Vera sententia exponitur, cur grave motum in fine velocius sit.

Motus gravium uti omnium non immeritò Philosophorum torfit ingenia, ita quoque summo studio explicandus est: Ut reconditissima tam luculenti effectus causa cognoscatur; Suppono primò, activum principium motus, & activum gravitatis principium quoad rem identificari; principium autem illud nihil aliud esse dico, quam propendentiam in actu primo tendendi aliquo versus; motus autem & gravitas actus secundi, diversificantur tanquam effectus ab illo uno principio, eo ferè modo, quo in via Peripatetica lumen & calor producta à Sole, sunt diversi effectus unius principii, seu Solis: Siquidem motus est effectus propendentiae sive inclinationis naturalis non impeditæ, gravitas autem est effectus ejusdem propendentiae seu inclinationis impeditæ; idè enim corpus gravat, quia propendet aliquo versus, & ne moveatur, impeditur; si enim omnis propensio tolleretur, certè omnem gravitatem cessaturam necesse est.

Suppono secundò, omne grave in eadem facultate eodemque actu subsistere, tam si solum currit, quam si impeditum gravat; tantà enim vi arcus tensus sagittam, relaxatus, impellit, quantà impetus obstaculum premit; hinc sublato impedimento pondus evadit in motum, & obstaculo posito motus evadit in pondus; quæ omnia experientia constant.

Suppono tertiò, omne grave, uti supra quoque ostensum fuit, certam propensionem tendentiæ ad Terræ Centrum à naturæ Opifice obtinuisse, ut Mundi Centrum perpetuò affectet, quæ quidem pronitas talis est, ut cum mobili seu corpore gravi, in quo existit,

semper actu vigeat, ipsumque mobile, cui semper intimè præsens est, continuò addito quodam stimulo vel ad moveri, vel ad gravitare sollicitet; cui propensione nihil adeò adversatur, ut eam ab insita sibi affectione quandoque avertat, sive mobile sit in quiete compositum, sive sit violenter raptum naturali illa sua activitate, cum necessario inde aliquo consequente effectû privari non possit, etiamsi maximè violento contrarioque raptu impetatur. Unde concludo primò, corpus extra Centrum positum, aut non impeditum moveri, aut respectivè impeditum gravare; Addidi respectivè propter debile, quod sæpè occurrit, impedimentum; siquidem tunc mobile ex parte gravat, & ex parte movetur. Concludo secundò, Majorem motûs velocitatem esse, ac discerni in mobili, quando ipsum mobile percurrit æquale spacium minori tempore, seu majus spacium æquali tempore: illud quoque manifestum est, motum augeri posse in infinitum, si adsit virtus motrix, adeò ut per mobile non stet, quin aliquod designatum spacium posset semper in minori & minori tempore percurrere, juxta temporis partium in infinitum divisionem.

His positis, quod in principio intenderam, demonstro, majorem velocitatem debere esse corporis mobilis in fine, quàm in principio, aut in medio sui motûs. Suppono autem, medium semper plenum corpore uniformiter fluido, & quod se aptum præbeat, uniformiter dividi à cadente mobili, quæcunque enim in medio occurrunt, cum sint extrinseca, & solùm per accidens juvent aut retardent, negligenda sunt in demonstratione.

Sit spacium A B percurrendum à mobili, motu naturali, ipsumque spacium in spacia æqualia dividatur, quæ sunt C D E F, dimittaturque mobile è loco A; certum est il-

lud naturali propensione sua primò ferri debere per spacium C. In primo autem cursu, dicamus velocitatis gradum ipsius mobilis debere esse ut unum: Jam verò cum in puncto O mobile sine impedimento labens sua naturali propensione tendentiæ in Centrum non privetur, sed acquisitum semel motum, motusque formationem perpetuò conservet, ergò per spacium D insitâ sibi propensione, jugi quasi stimulo agitabitur, nam præter adventitiam illam, à primo movente, motûs formationem procuratam & semel acquisitam, viget interna illa naturalis ad Centrum propensio, quæ continuò stimulat, & quasi manu impellit, ex novorum semper & novorum impulsuum productione. Quare quoniam illa stimulatio effectum sibi vendicat, non secus ac candela addita candelæ auget intenditque lumen in cubiculo, adeò ipsum mobile motu formatum, ac naturali impulsu stimulo, percurreret spacium D minori tempore, quàm ex solâ tunc acquisita violentia percurrisset, atque adeò majori cum velocitatis gradu percurreret partem spacii D, quàm absolverat partem spacii C, qui velocitatis gradus dicatur esse ut dico. Pari pacto, novorum semper ac novorum impulsuum productione mobile agitata percurreret E spacium, minori temporis spacio quàm quod in D confecerat, & in F adhuc minori temporis spacio, quàm in E, & sic in infinitum. Mobile itaque tum naturali illa propensione tendentiæ in Centrum universi, tum novorum semper & novorum impulsuum productione, circa finem velocius & velocius agitabitur; quod erat ostendendum. Quænam autem motus hujus ad tempus proportio sit, jam exponendum est.

A
C
O
D
B
F
G
H
E

CAPUT II.

De accelerato motu naturali & violento gravium, ejusque proportionem ad tempus, quo dictum spacium conficit.

Negari minimè potest, sagacitatem Lynceorum hujus temporis Philosophorum, in scrutandis motûs arcanis, eò pertigisse, ut omnes Veteres multis post se parasangis reliquissè videantur; Nul- lum enim, quod sciam, Veterum, genuinam accelerati motûs proportionem assignasse, reperio; quâ tamen non assignatâ, fieri non posse video, quomodo motûs ratio & proprietas (loquor semper de motu corporum gravium sive naturali sive violento) constare possit. Et quoniam res est plena subtilitate & ingenio, hoc loco modernorum Philosophorum dogmata & inventa secutus, paulò fusius de eo disceptandum duxi. Quod ut


quàm optimè faciam, primò nonnulla, ad faciliorem Tyronum captum, præmittenda sunt.

Notandum itaque primò, omnibus esse manifestum, motum rerum ex alto cadentium, in fine quàm in medio, & in medio, quàm in principio velociorem esse. Notandum secundò, motûs gravium velocitatem ea ratione incrementa sua multiplicare, ut ab ipso primo casus momento, quo mobile à quiete recedit, illius motus magis magisque continuo acceleretur, seu, quod idem est, incrementa velocitatis plura semper & plura uniformiter, præacquisitis superaddantur. Notandum tertio, hæc incrementa comparari posse


posse vel cum partibus temporis, aut cum partibus spatii: potest enim designari primum quoddam tempus, ut minutum primum aut secundum horæ, cui consequentia tempora æqualia possunt assignari, adeo ut totum illud tempus, quod in decidendo mobile infumit, in plures hujusmodi partes horæ distinguatur; vel spacium quoddam, puta unius pedis aut cubiti, similisque mensuræ, cui aliæ æquales possunt accipi in consequenti spacio, adeo ut totum illud spacium, quod à mobili decidente pervaditur, in plures hujusmodi partes divisum intelligatur, vel etiam potest motus habere comparisonem ad velocitatem aliquam primam, quæ scilicet sit acquisita in fine ejusdem primi temporis, & cui per consequentem motum æquales aliæ superaddantur, ut solent gradus gradibus in capacibus intensificationis qualitatibus superaddi, adeo, ut, velocitas quæ in fine motus acquisita, est intensissima, ex omnibus velocitatibus, sive gradibus, qui perseverante motu acquisiti fuerunt, iisque inter se & cum primo illo æqualibus, constituatur.

His præmissis jam ante omnia definitionem accelerati motus gravium adducamus, ut illà cognitâ, reliqua facilius intelligamus. Gravium ad Centrum tendentium Motum acceleratum *Galileus* eum esse definit. *Qui à quiete recedens temporibus æqualibus æqualia celeritatis momenta incrementaque acquirit.* Hanc definitionem nonnulli perperam explicant; putant enim velocitates se habere uti spacia, seu tot gradus velocitatis æquales primum acquiri, quot sunt partes æquales spatii quæ post primum gradum superatum decurruntur: Verbi gratia: Si spacium quoddam divisum fuerit in decem pedes, si in fine primi pedalis spatii unum velocitatis gradum acquisiverit mobile, in secundo duos, in tertio tres, in quarto quatuor, & sic de cæteris, in decimo decem velocitatis gradus acquisiti putentur; Quod, uti experientia reclamât, ita nulla ratione dici potest; Sequeretur enim, gradum ultimum velocitatis primo æqualem esse, quod contra nostram suppositionem est, & communi axiomati *motus in fine velocior* aperte repugnat. Alii putant, quod tempus, quo V. G. mobile quoddam percurrit A B, sit duplum temporis ejus, quo percurrit B C; quod pariter nulla ratione dici debet & potest; Sequeretur enim necessarium, quod, tempore dato, quo decursa semel fuerit pars A B, tempus aliud ipsi æquale attingi nullâ ratione valeret, nisi superato spacio infinito. Quod ut aperte pateat, intelligatur linea A B infinite producta, divisaque in partes æquales A B, B C, D E, E F, F G & G H: Si itaque tempus quo percurritur A B, duplum foret temporis, quo percurritur B C, sequeretur necessarium, tempus id, quo percurritur B C, esse duplum temporis, quo percurritur C D. & hoc, duplum ejus quod D E, & istud illius,

quo E F percurritur, &c. Neque enim major unius quàm alterius est ratio; Cum enim tempus, quo percurritur B C, sit dimidium temporis, quo percurritur A B, necessarium inde concluditur, quod illud spacium, quo percurritur C D, sit $\frac{1}{2}$ primi temporis, & illud, quo D E, $\frac{1}{4}$, & quo E F, $\frac{1}{8}$, & quo F G, $\frac{1}{16}$, & quo G H, $\frac{1}{32}$ primi temporis portio sit; & sic infinitum diminutio fiat partium in dupla proportionem diminutionis se respicientium, quæ omnia tamen simul juncta nunquam primo tempori A B, utpote quæ sint partes ejus, æquabuntur, nisi spacium infinitum, & partes æquales in eo infinitas admiseris, quæ infinitis analogis seu dimidiorum dimidiis, in tempore ipso, quo A B percurritur, contineri intellectis respondeant. Neutiquam itaque hoc pacto definitio intelligenda est, sed eo modo, quo jam exponemus. Certum est velocitatis incrementa ad spacia certam obtinere proportionem, non quidem, quam æquabilis immediatè, sed quam exhibet motus æquabiliter acceleratus, cujus velocitas continuè uniformiterque increseat, ita ut nullum sit momentum consequentis temporis, in quo motus non sit velocior, quàm in quovis antecedente, & in quo non eadem ratione velocitas augeatur. Hinc *Galileus* dictarum velocitatum incrementa exponit per triangulum sequens A B C; cujus A C latus in quotlibet partes æquales, v. g. quinque, A D, D E, E F, F G, G C, divisum sit, ex quibus deducuntur totidem ad basin B C, parallelæ H D, I E, K F, I G. hoc enim pacto partes A C lateris, expriment tempora æqualia, parallelæ vero, gradus velocitatis, qui temporibus æqualibus æqualiter & uniformiter crescunt, ita quidem ut A referat locum quietis, unde mobile delabitur; parallela verò H D, velocitatem, quam A mobile cadendo per A D acquirit; parallela verò I E notet velocitatem, quam A mobile ex A cadendo, per spacium A E acquirit, & sic de cæteris. Quoniam verò hæc velocitas continuè de momento in momentum sine ulla interruptione, sine ulla pausa aut saltu uniformiter de certo tempore in certum tempus crescit, certum est, velocitatis gradus ab A usque ad acquisitionem gradus H D, quod fit tempore A D, esse infinitos, juxta infinitatem instantium temporis A D, sive punctorum lineæ A D. Sed negotium paulò dilucidius exponamus. Notandum itaque, quod omnes velocitates B C ex omnibus præcedentibus compositæ censeantur, quemadmodum A C linea temporum, ex omnibus aliis partibus composita censetur; Sed superficies triangulorum, quos lineæ parallelæ cum lineis temporum constituunt,




tuunt, cujusmodi sunt trianguli A H D, A I E, A K F, A I G, A B C, augentur ad rationem quadratorum temporum, five quod idem est, sub duplicata ratione temporum. Hoc pacto triangulum A I E exhibet spacium, quod fit durante tempore motus ex A in E, & est quadruplum ad triangulum A H D, spacium videlicet, quod fit durante tempore motus ex A in D; hæc autem linea A D dupla est temporis A E, & consequenter superficies trianguli A K F novies major est superficie trianguli A H D, uti & spacium, quod facit mobile, tempore A F novies majus est, quàm illud, quod conficit tempore A D; Unde cum tempus A E, & velocitas E I, ad tempus A F & ad velocitatem K F se habeant sicuti 2 ad 3, erunt necessariò spacia seu superficies triangulorum A I E & A K F; sicuti quadratorum 4 & 9. Si itaque spacium totum in partes dictorum temporum distribuatur, continebit prima pars 1. secunda 3. tertia 5. quarta 7. quinta 9. & sic juxta numerorum imparium progressum in infinitum procedendo, quem-



admodum exhibent superficies triangulorum A H D 1. H D I E, 3. I E K F, 5. K F L G, 7. L G B C, 9. Sed ut mentem meam luculentius percipias, alio tibi schemate, quo & *Gassendus* in epistolis suis utitur, paulo ante dicta enucleanda duxi. Fiat triangulum A B C, cujus latera A B & A C sint divisa in quotlibet partes æquales; latus A B, v. g. in A D F H K M O &c. A C verò in A E G I L &c. ordine sequentes partes; puncta verò singularum in duobus lateribus occurrentium conjungantur lineis D E, F G, H I, K L, &c. deinde ex singulis punctis binorum laterum aliæ lineæ lateribus parallelæ in basin B C trianguli A B C ducantur, ut E α, G β, I γ, & lineæ parallelæ ex lateris A C punctis in basis puncta, uti & parallelæ ex lateris A B punctis D F H in basis trianguli puncta I θ H ductæ satis demonstrant; His enim ductis totum triangulum A B C in alia triangula minora majori continua analogia inter se similia & prorsus æquiangula distribuuntur. Hoc itaque posito, punctum A in hoc triangulo sumi potest vel pro initio temporis, vel pro initio spatii, vel pro initio velocitatis, quæ tria hic in motu spectantur, uti supra dictum est, ac una cum ipso incipiunt; lateris verò utriusque in partes æquales A E, E G, G I, I L. &c. vel A B, D F, F H, H K, divisi statui possunt pro æqualibus ab initio seu puncto A fluentis temporis momentis; ita ut A E notet primum momentum, E G secundum, G I tertium, I L quartum. Linearum verò parallelarum in triangulos suos

divisarum partes D E, F G, H I, K L &c. sumi possunt pro velocitatibus, quibus accelerantur motus, momenti laterum correspondentibus & æqualibus: Triangula verò pro partibus spatii, quæ mobile singulis dictis momentis percurreret. Sed applicemus singula singulis. Sit itaque linea P Q, per quam mobile quodpiam in Centrum æquali motu & uniformi decurrat; Sitque P Q in 16. æquas partes divisa, quæ partes spatii referant, per quas labitur mobile ex P in Q per sedecim verbi gratia cubitos. Certè triangulum ingeniosa sua dispositione pulchrè ostendit, quod sub æqualibus temporibus spacia conficiat mobile; prius enim triangulum A D E in linea P Q, spacium primum P R, unius, verbi gratia, cubiti, quod primo momento temporis mobile percurrit, ostendit; tria verò proxima triangula ostendunt mobile in secundo momento percurrere tres cubitos, quos in linea P Q exprimunt R S;



Quinque verò triangula inter partes F G, H I, in triangulo A B C inclusa, indicant mobile tertio momento G I, percurrere quinque cubitos, quos in linea P Q indicat spacium S T. Septem verò triangula inter H I, K L parallelas interclusa ostendunt, mobile quarto momento I L percurrere septem cubitos, quos in linea P Q, spacium T Q indicat; & sic de cæteris idem in infinitum procedendo, statuendum est.

Ex quibus luculenter patet, aggregata triangulorum ita se habere, uti quadrata temporum; sicuti enim A D E triangulum unum est, ita spacium P R quoque unum est, & A E momentum temporis, quo dictum spacium mobile percurrit quadratum, pariter unum est. Quoniam verò intra A G duo sunt spacia, illa in se ducta dabunt 4, quadratum scilicet, quod totidem triangula minora triangulo A F G inclusa notant, quibus in linea P Q aggregatum partium inter P & S inclusarum correspondet. Sic vides aggregatum A H I in triangulo A B C esse 9, uti & aggreg-

aggregatum partium in linea P Q inter P T interclusarum, quemadmodum & A I lineæ tripartitæ, quæ tria momenta temporis notat, quadratum, 9, est. Denique A K L, quæ P Q in linea respondent, est, 16; quemadmodum quadratum A L, lineæ ex quatuor momentis compositæ, est 16.

Porro sicuti A L primi temporis momentum in infinitum potest dividi, ita ex infinitis punctis lineæ A E infinitæ parallelæ usque ad D, ex iis duci possunt, aded ut quemadmodum hæ lineæ continuè increscunt à puncto A in lineam D E, ita velocitas à principio motus continuè increscit, usque ad ultimum ejusdem primi temporis punctum, quod E refert. Et quia velocitas deinceps increscens, representari rursus potest per lineas majores & majores inter latera trianguli ductas, efficitur inde, ut linea F G representet velocitatem in fine secundi momenti acquisitam,

linea H I acquisitam in fine tertii, & linea K L acquisitam in fine quarti; Ut proinde luculenter hinc pateat, uti tempora, ita velocitates sese habere, cum sicuti se habet D E ad E A, ita F G ad G A, & H I ad I A, & K L ad L A. Atque ex his omnibus patet, motum acceleratum gravium ad Centrum tendentium incrementa velocitatis suæ juxta numerorum ab unitate imparium progressionem continuè, æquabiliter, uniformiterque acquirere, uti Definitio supra posita docet; aggregata verò velocitatum sub duplicata ratione temporum contingere. Quod aded verum est, ut nullus motus sive naturalis sive violentus, sive rectus, sive inclinatus, sive circularis in pendulis reflexus, sive denique aquæ spectes intra canales conclusum lapsam; in quo id non verificetur; quod & totidem Capitibus ostendendum duxi.

CAPUT III.

De motu gravium supra plana inclinata.

Quemadmodum in præcedenti motu gravium perpendiculari, mobilia motu accelerato sub continua & uniformi velocitatis augmentatione feruntur ad Centrum, haud secus id faciunt in planis quibuscvis & quomodocunque inclinatis; Supponendo tamen planum inclinatum lævissimum politissimumque; esse, mobile quoque; exactè rotundum, aciemque; ita dispositam, ut nullum motui impedimentum objiciat. Quibus positis


Sint duo plana inclinata A C & A D, per quæ mobile quoddam decurrat usque in horizontale punctum A; C B verò linea sit perpendicularis, per quam motu naturali grave

versus Centrum moveatur; deinde ex B ad utramque inclinatam C A, & D A ducantur perpendiculares B T, & B I; Dicit itaque Galileus; quod eodem tempore & momento, quo mobile ex C cadendo attingit ultimum terminum motus B, eodem tempore & momento, C mobile ex C per inclinatam C A, &

per inclinatam D A delapsum assequatur terminum suum, illud ex C in T, hoc ex D in I, terminos videlicet per perpendiculares B T, & B I in inclinatis planis A C, & D A assignatos. Quod idem intelligendum est de quibuslibet linearum inclinarum punctis, quæ assignantur in C A & D A; & si punctum A sit determinatum in linea C A ultimum, dicit, mobile ex C eodem tempore descensurum terminum motus sui, quo mobile cadendo ex C in S, qui duos terminos assignat per lineam perpendicularem A S, in utraq; linea tam A C,

quam C S producta definitos. Unde apertè sequitur, tempus casus perpendicularis ad casum obliquum se habere, uti motus declivis ad perpendicularem. Exempli gratia: Tempus casus ponderis alicujus ex C in B, ad tempus casus ejusdem ponderis ex C in A, vel ex D in A, se habebit, uti C B ad C A, vel uti D B ad D A; Sed rem melius in secunda Figura percipies.

Dico itaque, quod sicuti se habet A C ad B A, ita se habeat motus ex A in C, ad motum ex A in B; & consequenter A mobile eodem tempore cadet in D ex A, quo mobile ex A in B. Quod ita demonstro. Angulus B trianguli A B C, cum sit 30 grad. erit linea A C; dimidium B A, qui est sinus totus: sicuti A C sinus rectus est 30 graduum, qualis & angulus D trianguli A B D existit, adeoque; ejus sinus A B subduplus ad radium A D, qui est quadruplus C A, & B A media proportionalis est inter A C & A D; est enim illa dupla ad A C, & subdupla ad A D; & si supponamus A C spacium esse trium pedum, pondus quoddam id percurreret tempore dimidio unius minuti secundi, & tres alię partes, quę sunt de C in D, tempore alterius dimidii unius secundi. Quo posito dicimus, dictum pondus eodem tempore moveri per inclinatam A B, quo per normalem seu verticalem A D, unde sequitur mobile tempore unius secundi minuti, bis plus temporis infumere, quàm mobile facit ex A in C. Unde & iterum sequitur, eandem esse rationem temporis motus A B, ad tempus motus A C, quam habet linea B A sex pedum, ad lineam A C trium pedum; quia linea A B dupla est ad A C, sicuti tempus casus A B est duplum ad tempus casus A C. Vel aliter.



D

Cum

Cum tempora sint in subduplicata ratione spaciorum, erit ratio temporis, quo mobile cadit per A C, ad tempus quo cadit per A D, sicuti est radix spacii A C, i. ad radicem spacii A D, 2. Est etiam eadem ratio lineæ A C ad B A, & A B ad D A; quia cum A B sit media proportionalis inter A C & A D, erit illa ad dictas lineas, sicuti radices spaciorum A C & A D, sunt ad se invicem.

SCHOLIUM.

Tametsi Galileus motum supra plana inclinata ingeniosis rationibus ostenderit, nemo tamen, qui rem penitiori trutinâ ponderaverit, negare poterit, multas sub iis falsitates latere, experientiæ prorsus contrarias. Primum itaque quod huic opponi potest, est, quod insignis differentia inter motum rectum seu verticalem, & supra plana inclinata, elucescat; quos duos motus, si quis ritè inter se comparaverit, is, fieri non posse, videbit, ut motus in plano inclinato per perpendicularitatem determinatus exactè respondeat ei, qui per lineam verticalem fit; cum enim in verticali descensu mobile præter ærem nullum aliud impedimentum habeat, is certè multo celerius & expeditius spacium suum conficiet, quàm mobile in descensu per planum inclinatam, ubi quot puncta mobile quoddam tangit, tot impedimenta & interruptiones reperire, censeretur debet.

Secundò sunt experientiæ, quibus, quantum à vero aberrant Galilæi conjecturæ, sat superque ostendit Merfennus lib. 2. *Musica universalis*, fol. 113, & in una ad me data epistola, ubi experientias à se factas, recenset his verbis: Ut itaque motum super plana inclinata à Galilæo descriptum exactius examinarem; primò selegi altitudinem 5 pedum regionum, deinde curavi fieri planum, quantum fieri potuit, politum, ita constitutum, ut id juxta diversas inclinationes pro libitu machinatoris, dirigi posset; denique duos globos plumbeos aqua magnitudinis & gravitatis decidere permisi, priorem per planum inclinatam, alterum per lineam verticalem, eodem tempore & eadem altitudine; & invenimus, globum per planum inclinatam 15 graduum, currentem, unum tantum in dicto plano pedem confecisse, dum interim alter per verticalem lineam decedens, 5 pedes conficeret; debebat autem globus supra planum inclinatam 16 pollices in dicto plano, si verum fuisset Galilæi ratiocinium, conficere, non unum pedem.


Iterum dictum planum inclinavimus ad 25 gradus, & repetitâ globorum cadentiâ, invenimus, globum per planum inclinatam, unum tantum & dimidium pedis confecisse, cum tamen conficere debuerit duos pedes, unum pollicem, & unum tertium pollicis. Hoc pacto in plano ad 30 gradus inclinato, globus duos tantum pedes conficiebat, cum ex vi præscriptæ regulæ debuisset conficere 2½ pedes. Porro supra planum inclinatam 40 graduum, globus, qui ex vi regulæ debebat currere tres pedes duos pollices & dimidium, experientiâ

exactissimè facta, non dedit, nisi duos pedes & 9 pollices. Supra planum 45 graduum deberet cadere 3 pedes & ½, sed experientia docuit non cadere nisi tres pedes. Supra planum 50 gradus inclinatam, deberet facere tres pedes & decem pollices, cum tamen non fecerit, nisi duos pedes & 9 pollices. Qua omnia summâ diligentia in præsentia plurium artisque peritorum non solum semel peracta, sed & sæpè sæpius, motu fallacia, quam forsitan alicubi intervenisse putabamus, repetita sunt. Et hoc maxime mirum & paradoxum visum fuit, globum in plano 50 graduum inclinato non citius descendere, quàm in plano 40 graduum inclinato, tametsi id hoc decem gradibus inclinatius sit. Est & hoc notandum, quod inclinationes planorum 50, 60, 65 graduum aequalem ferè motum sortiantur ei, qui fit supra planum 45 gradibus inclinatam; ita ut motus in plano 75 grad. inclinato, differentia à prioribus non sit nisi dimidii pedis. Ex quibus apparet, quàm speculationes sæpè experientiis contradicant. Hæc Merfennus. Quæ si vera sunt, uti solertia tanti viri, verissima esse nobis persuadet; Ego sanè causam tantæ hujus discrepantiæ non dixerim aliam esse, quàm frequentem motus in dictis planis interruptionem interpolationemque; qua plurimum motus velocitas impeditur; Quod verò in planis, 45 gradus inclinatione excedentibus eadem ferè sit motus velocitas, quam in planis ante 45 gradum; hujus causam aliam non reperio, nisi quod in inclinatissimis planis globus, non tam regulari motu progrediatur, quàm in minus inclinat, sed per saltus & saltus terminum suum attingat. Hinc fit, ut globus ex frequenti saltu & illifione à linea recta motus necessariò divellatur; atq; adeò tempus illud, quod juxta rectam lineam in maxime declivi superficie conficere debebat, juxta ratam velocitatis proportionem, illud ipsum frequenti saltu à linea recta motus divulsus perdat. Si itaque globus per planum quodpiam inclinatam, ea conditione volvi posset, ut dictum planum minimè tangeret, sed per ærem solummodo veheretur, non est ullum dubium, quin tunc Galilæi ratiocinium suam haberet verisimilitudinem, aut etiam forsitan aquæfluxus intra canales inclinos, dictas motus leges facilius exhiberet: Sed de hisce in sequentibus.

Tertium, quod ratiocinium Galilæi dubium facit, est ipsa plani inclinati ratio: Supponit enim, uti & plerique alii faciunt, plana inclinata, quæ passim occurrunt, in omnibus suis partibus & punctis æqualiter ad horizontem inclinare, quod Mathematico ratiocinio repugnat. Sit planum v.g. inclinatam A B, linea horizontalis B C, verticalis A C. Dico in rigore Mathematico punctum A in inclinata linea A B aliter inclinare, aliter punctum E, punctum B aliter, aliter omnia reliqua intermedia puncta; & tametsi nobis id ob plani exiguitatem ad Centrum terræ comparatam minimè videatur, dari tamen posset planum aliquod, in quo diversitas inclinationum nobis maxi-


maximè sensibilis foret; atque adeò non leve impedimentum adferre posset veritati demonstrationum, quæ in indivisibili consistunt. Verùm dicta demonstramus.

Sit itaque linea horizontalis EF , quæ Terræ globum $DNOP$, tangat in D ; Sit



præterea globulus qui decurrat per lineam EF . Quoniam itaque globus primo loco constitutus per lineam verticalem seu centram IS horizontalem lineam EF ad angulos rectos secat, idè hoc loco, uti horizonti rectà insistit, ita in nullo alio loco lineæ EF , præterquam in hoc situ naturali quiescit, uti jam aliàs in præcedentibus demonstravimus. Constituatur jam globus in puncto X lineæ EF . Dico eum jam situm naturalem amplius non habere, cum linea centralis seu directionis SX non amplius cum EF , angulum rectum faciat, sed minorem recto; Unde paulatim inclinare ad horizontem incipit; Si verò in H constituatur globus, jam adhuc majorem centralis linea SH cum linea horizontali EF , inclinationem faciet, & sic adhuc majorem semper & majorem in reliquis punctis $L V Q$, quemadmodum Figura ipsa demonstrat. In omnibus itaque punctis EF , aliam & aliam globus fortietur inclinationem, quod indicare voluimus. Unde & sequitur, diversa quoque velocitatis momenta, ratione Centri gravitatis globi in aliis & aliis dictæ lineæ EF punctis, mobile acquirere. Vides itaque globum hunc, utpote extra situm naturalem constitutum, nullo dictæ lineæ EF loco quiescere posse, nisi in puncto D ; ubi nimirum linea directionis cum Centro gravitatis globi, quam & bifariam secat, perfectè congruit; Siquidem in quocunque alio loco lineæ EF linea centralis non transit per Centrum gravitatis globi; sed lineæ SX , SH , SL , SV , SQ , per ea puncta; in quibus globus horizontalem EF tangit, ductæ, globum semper in portiones inæquales secant. Ex qua sectione sequitur, portionem globi majorem, utpote graviorem, præponderare minori, & consequenter semper majora velocitatis momenta acquirere, donec in D veluti loco suo naturali requiescat. Idem contingit, saltem in rigore Mathematico, in omni plano inclinato. Sit planum inclinatam AC in triangulo ABC ; superficies verò terreni globi sit CBV , cujus Centrum X ; Cadat itaque globus ex A , per superficiem inclinatam AC , & alius ex eodem loco & tempore ex A in X ; certum

jam est ex dictis, globum ex A , per aërem delabentem in X , utpote, si aërem excipias, nulli



alteri impedimento obnoxium, multò celerius spaciū AX conficere, quàm globus ex A in C conficiat; siquidem globus in omnibus plani inclinati partibus, uti novam constitutionem fortitur, ita nova disparataque velocitatis momenta acquirit; Unde motum variè impediri necesse est, ob diversam globi sectionem, quæ fit per lineas ex Centro ductas, globumque in eo loco, ubi insistit plano, inæqualiter secantes; quæ sectio cum in nulla parte plani, globi Centrum contingat, necessariò is, ob pondus diversum majoris portionis globi præponderantis, diversam quoque motus rationem inducit. Cum itaque uti in præcedenti figura patuit, quò remotior globus est à puncto D , è inæqualius à linea centrali dividatur; & quò vicinior puncto D , è equalius; sequitur inde, globi portionem majorem in majori à D distantia; ob majus pondus, velocius moveri, quàm ubi portiones secti per lineam centram æquiores sunt, utpote quieti viciniore, quæ habetur in puncto D , ubi & globus à linea centrali perfectè in duo hemisphæria globi bissecatur.

Unde concludo, proportionem motus, per numeros nulla ratione ei applicari posse; cum enim v.g. in priori Figura in F constitutus incipiat currere; globus verò in eodem loco inæquali mensura, videlicet, in portionem minimam QIF , & maximam QSF , dividatur; Sequitur necessariò, pondus majoris portionis QSF , majori impetu ferri ob insitam gravitatem, quàm in V , ubi major globi portio VTM , major est, portione majori in QSF , & in reliquis punctis LHX , semper major globi portio minor sit, quàm præcedentium, utpote quæ magis semper magisque ad æqualitatem tendant, atque adeo diminuta semper gravitate, & globo, loco quietis, quæ in D existit, semper magis appropinquante, motum quoque ex A usque in D , per intermediarias plani partes semper decrescere, luculenter patet; Ex ratiocinio verò Galilei contrarium sequitur, cum in principio tardius, in fine verò velocius globum in dicto plano moveri dicat. Verum tamen est, ab impetu in principio acquisito, velocitatem augeri in sequentibus punctis; at non eà ratione, quàm proportio per numeros impares nobis præscribit, cum pondus diversum, quo globus

per inclinatum planum sub nova semper & nova ponderis diminutione movetur, impetum nonnihil inhibeat; atque adeo sub perturbata quadam proportionem eum procedere necesse est.


Atque hæ sunt difficultates, quæ rationcinium *Galilæi*, de motu supra diversa plana peracto, infringere videntur; quæ nisi superentur, frustraneus merito omnis labor in certa assignanda proportionem motus supra inclinata plana, ad motum naturalem per aerem, luditur. Ut proinde ex hisce luculenter pateat, quàm multa sæpè Geometricis

legibus astringantur, quæ tamen exactiori trutina ponderata, falsa denique per assiduum experimentum reperiuntur. Dico tamen, quod & supra innui; Si globus quispiam ita per planum moveri posset, ut id nulla sui parte tangeret, quemadmodum in iis, quæ motu verticali deorsum feruntur, contingit, tunc rationcinium *Galilæi* aliquo modo defendi posse; Verum cum huiusmodi motus naturæ videatur repugnare, nulla alia ratio defectum huius motus supplere poterit, nisi ea, quæ fit per pondera pendulis affixa, de quibus modò restat dicendum.

CAPUT IV.

De motu pendulorum.

Fieri non potest, ut globus quispiam liberè per convexam Sphæræ superficiem moveatur, quin mox ea deserta infito sibi ad Centrum appetitu, motu deorsum perpendiculari feratur. Hinc factum est, ut ponderum motus exactius exploraturi *Lyncei* huius sæculi Philosophi, ea chordarum catenarumque vinculis ad circularis motus leges constringerent. Sit itaque semicirculus $L B K$, in cuius Centro A chorda af-



fixo globo prægravata elevetur in L , & demisso pondere pendulum necessario descendat ex L in B , per quadrantem $L B$ circuli $L B K$; quæ chorda una cum pondere descendendo, differentes motus leges servabit in singulis intermediis quadratis partibus, ita quidem, ut quantò puncto B vicinior fuerit, tantò velocius moveatur, siquidem in O velocius quam in L , & in D velocius quàm in O , & in B velocius, quàm in D movebitur. Verùm antequam pendulorum huiusmodi per circuli quadrantem agitatorum velocitatem cum gravium naturali & perpendiculari motu deorsum vergentium velocitate compæremus; Notandum est, nos hic supponere rationem spaciorum, quæ pondera conficiunt per duas lineas, esse in duplicata ratione temporum, uti cum comparamus lineas $N O$ & $I D$, in quantum correspondent iis arcus $L O$ & $L D$.

Dico itaque primò, pondus dum descendit per $L D B$, non tam citò perungere ad punctum B , quàm dum descendit per verticalem $A B$ ex A in B ; Sed si $A B$ in tantum prolongaretur, ut ea arcum quadrantis $L B$ longitudine sua adæquaret; Dico, hoc casu, eo-

dem tempore pondus, tum per arcum $L B$, tum ex A in terminum prolongatæ lineæ $A B$ perventurum; Cum enim $A B$ semidiameter sit ad quadrantis $L B$ lineam, sicuti 7 ad 11, & lineæ prolongatæ tempus, quo pondus per illam cadit, sit 30 tertiorum; illa cadendo ex A in B conficiet tempus 23 tantum tertiorum, atque adeo citius sex minutis tertiis ad terminum B perveniet, quàm pondus pendulo alligatum ex L in B .

Sit itaque chorda $A B$ tres pedes longa, & in 500 partes divisa; arcus quoque $L B$ sit in tres pariter æquales partes divisus, videlicet in $L O$, $O D$, & $D B$. Fiet itaque, ut cum pondus ex A per lineam $A B$ cadendo, pervenerit in punctum M , scilicet per lineam $A M$ æqualem sinui $N O$, 30 graduum, jam spacium 250 partium, qualium $A B$ 500 est, confectum censeatur; & quando punctum illud attigerit, quod linea $C D$ in $A B$ secat, tum spacium 433 partium confecisse censebitur; quod quidem spacium æquale est sinui 60 graduum, à quibus si partes priores 250 subtraxeris, remanebunt 183, pro partibus, quas grave conficiet currendo per arcum $O D$. Si porro 433 subtrahas à radio 500 partium, remanebunt 67 partes, quas motu suo pendulum conficit, dum subit arcum $D E$.

His positis, ut tempus, quo singula spacia pendulum conficit, inveniamus, sic operare. Accipe radicem 500 partium, è quibus semidiameter $A B$ constare supposuimus, & deinde accipe radicem de 250, cuius numeri ratio est similis 30 minutis tertiis, quæ pendulum insumit cadendo ex L in O ; & habebis radices binas 23 29 & 12 6 quæ se habent ut 7 $\frac{1}{11}$ ad 5. ergo sicut se habet 7 $\frac{1}{11}$ ad 5, sic 30 tertia minuta ad aliud, & prodibit 21 $\frac{1}{11}$ tempus, quod pendulum insumit cadendo ex L in O , id est 21 $\frac{1}{11}$ partes. Hac praxi invenies tempus lapsus penduli ex O in D 6 $\frac{3}{4}$ & tempus lapsus penduli ex D in B 2 $\frac{1}{2}$. Unde certè sequitur, citius motum perpendicularem finem suum assequi, quàm motum pendulorum per arcum.

Ubi

Ubi tamen duo cumprimis, veluti experientia infallibili comprobata supponenda sunt, quorum prius est, pendulum pondere gravatum ex L, ultra B, versus K agitatum, vibrationem sive diadromum suum perficere tempore unius semidiminuti, & tamen si ab L in K diadromi majores sint, quam quæ ex O aut D versus K, nihilominus eos etiam minimos inter D & B, maximo, & omnibus aliis ferè æquiditurnos esse. Dixi ferè, quia compertum est, maximum diadromum minimum superare temporis adeò insensibilis spacio, ut post 30 recursus, minimi recursus non nisi I plus lucrentur, quam maximus recursus.


Secundò consideranda venit chordæ constitutio, nam quò graviore ea pondere tenditur, eò longiori durat tempore; contrà quando leviori pondere tenditur, tantò minori quoque tempore diadromos suos conficit. Exempli gratia: plumbeus globus, cujus gravitas duodecies continet lignei globi ejusdem magnitudinis gravitatem, quater plus durat, quam ligneus, ubi ramen uterque ex æquali à B distantia motus sui principium sumpserit; Nam ligneus globus facere compertus est 40 diadromos, dum interim plumbeus non nisi 39 conficit, atque adeo ligneus unum diadromum supra 40. Quod si chorda fuerit sexies crassior, illa lucrabitur unum diadromum supra 200, ita quidem, ut diadromi chordæ crassioris semper plus diminuantur, quam diadromi chordæ subtilioris, seque ad invicem habeant chordæ, uti pondus iis affixum ad pondus.

Supponamus itaque primò, chordam A B trium pedum, & globum plumbeum ei affixum octo unciarum vel mediæ libræ. Dico, hanc chordam tantò celerius ex L usque ad B decurrere, quantò fuerit puncto B, quod Centrum Terræ refert, vicinior. Secundò dico, velocitatem motus penduli per quadrantem circuli, sequi velocitatem motus ponderis cadentis per lineam verticalem; Sed ex comparatione unius ad alteram, mentem meam facilius Lectorem percepturum confido.

Diximus suprà C. 2. Velocitatum momenta in naturali gravium deorsum, fieri juxta numerorum imparium proportionem; ita ut, si pondus quoddam primam spaciæ partem superet, dato quovis tempore, verbi gratia, uno momento, illud duobus momentis conficiat tres spaciæ partes; & tertio momento quinque spaciæ partes; quarto momento septem; quinto denique novem spaciæ partes conficiat; atque adeò quinque momentorum, id est, inæqualium datorum temporum duratione, pondus 27 spaciæ partes superabit, uti ex figura hic apposita patet.

Idem aliquo modo dicendum est de motu pendulorum per semicirculum agitatorum. Dixi aliquo modo, quia cum pendula duplici motu, naturali videlicet descendendo per quadrantem, & violento ascendendo per

eundem ferantur; sequentur pendula rationem projectilium sursum, quorum impetus eadem proportionem diminuitur sursum, qua crescit descendendo. Hoc pacto pendulum A G, ex G delapsum, velocitatis augmenta juxta eam proportionem augebit, quam lineæ parallelæ B H, C I, D K, E L, demonstrant in semidiametro A F. Eodem pacto pendulum violento motu ex F, versus Q vibratum ea proportionem diminuit velocitatis momenta, qua descendendo ea auxerat, uti



parallelæ M E, N D, O C, P B sat superque demonstrant. ita Galileus. Verum nec hoc loco, ubi intellectus noster requiescat, invenitur, cum descensus, ascensusque penduli multum à motu verticali deorsum discrepet, tum propter aëris resistentiam, tum ob chordæ renisum; quæ cum secundum totam suam longitudinem una cum globo ei affixo plus aëris superare debeat, quam si solus globus ex alto versus Centrum naturaliter deferatur; hinc fit, ut, quemadmodum supra diximus, globus liberè & normaliter descendens semper citius terminum suum assequatur, quam pendulum vario modo per circuli ambages agitatum; quia tamen differentia non adeò sensibilis est, usum pendulorum non idè repudiandum censeam, præsertim cum in Physicis rigor Mathematicus non semper attendendus sit; Et tamen si Galileus putet se certitudinem rei infallibili experimento sæpius repetito invenisse, in exiguo trium pedum pendulo, quo ipse usus est, facile concessero; at si in 30 pedum pendulo experimentum sumeretur, tunc haud dubiè notabilis velocitatis penduli, & ponderis liberè cadentis differentia notaretur; Si enim nos invenimus differentiam sex tertiorum minutorum, quibus pondus motu naturali citius terminum suum consequitur, quam pendulum; certè hanc differentiam pro pendulorum longitudine semper crescere, non dubium esse debet. Idem accidit in binis globis æqualibus, at ex differenti materia compositis, qui si ex alto non adeò magno spacio dimittantur, tum ictus, queis horizontali plano impinguntur, tum oculus, eos simul & eodem tempore ad planum pervenire judicant; Cum tamen experientia ad 600 palmorum altitudinem facta, notabilem valde & sensibilem utriusque motus differentiam constituat, globo plumbeo semper minutis nonnullis primis anticipante, globum ex leviori materia constitutum. Quod si hoc in 600 pedum altitudine;


dine; quid in 1000? quid in 10000? Deinde, quod pendulum non præcisè ex adversa parte ad ultimum quadrantis punctum ascendendo pertingat, illius causam non tantum resistantiam existimem, sed & ipsam activitatem virtutis motricis in ipso descensu ascensuque debilitatæ; & hoc argumento probò; Ibi motus major est, ubi motiva vis major; sed virtus motiva, quæ ex Q mo-

vetur in F, major est, quàm quæ movetur ex F in G; ergo motus hic erit major. Probo minorem; quia motus in spacio QF est à propria gravitate; & ab impetu continuè concepto, at verò, dum movetur per FG, solus impetus movet, & gravitas non conspirat, sed resistit; ergo major motus ex Q in F, quàm ex F in G. quod erat probandum.

CAPIT V.

De motu projectilium parabolico, & miris ejus effectibus.

EX hac admiranda motus proportionem notatum fuit ab insignibus hujus temporis Mathematicis, corpora gravia nullo ligata vinculo, impulsu projicientis, ex vi hujus declaratæ proportionis, describere lineam, nescio quam parabolam affectantem. Verum rem paulò altius introspeciamus; cum enim duo motus in quolibet projecto gravi corpore considerari possint, naturalis & violentus, & naturalis normalem motum appetat; violentus verò motum versus eam partem, versus quam grave, obliquè impulsus est; fit, ut inde in obliquè projectis medius quidam motus detur, quo grave lineam parabolæ verisimillimam juxta datas in præcedentibus proportionem motus, describat. Verum rem in tormento bellico ostendamus. Supponamus igitur, lineam TO. referre tormentum bellicum situ Horizontis parallelum, vel quovis alio situ, cujus orificium sit O: globus itaque vi pulveris accensi, si nulla gravitate polleret, neque aërem resistantem haberet, recta linea haud dubiè tandem uniformi motu terminaretur in Q, cum nullam, quæ ab incepto motu eam retrahat, remoram inveniat; at cum insita gravitate Centrum per normalem lineam appetat; fit, ut ab inchoata



linea TO, vi gravitatis dimotus, mediam quandam viam sectetur. Sit itaque tempus, quo globus percurreret TO divisum in quatuor partes æquales, æquipolleat hoc tempus in musica notæ \sharp longæ, sintque partes divisæ OH, HM, MR, RQ. Certum

est, per singulas hujusmodi partes globum uno tempore musico, ut è latere patet, transire. Si, ut dixi, non esset gravis, nec ulla daretur medii resistantia; Verum quia gravitas eum versus Centrum impellit, ponamus gravitatem eo tempore, quo globus movetur per OH, à linea OQ globum dimovere spacio lineæ OB, quæ est pars lineæ normalis motus OX. pari pacto per punctum H transeat linea HV parallela ad OX; sicuti etiam per puncta M R Q ducantur MR, RQ, QY. omnes & singulæ inter se, & ad OX parallelæ; sitque dimotio globi à linea OQ, mox ubi lineam MR attigerit, tanta, quanta est portio OL, normalis lineæ OX; & dimotio globi à linea OQ, mox ubi lineam RQ attigerit, tanta, quanta est OP; & dimotio globi à linea OQ, mox ubi lineam QY attigerit, tanta sit, quanta est lineæ OX normalis; ducanturque deinde per puncta OBLPX ad OX normales & parallelæ inter se SF, EK, ZC, AY. aliæque ad TO normales & parallelæ TA, DΔ, GR, NI. His positis, globus dimovebitur à linea OQ, interim dum conficit spacium OH, quantitate lineæ OB vel HF, quæ uti latera opposita sunt in parallelogrammo BH, ita quoque æqualia sint: pari pacto, interim dum globus moveretur per HM; dimovebitur ab OM, in K, & per MR in C, & per RQ in Y, cumque hujusmodi dimoti globi spacia sint æqualia spaciis OB, OL, OP, OX. id est, dum incrementum sumunt secundum quantitatem linearum OB, BL, LP, PX; necessario sequitur illas augmentari juxta seriem numerorum imparium ab unitate continuatorum. Si ponamus itaque OB. 1. erit BL. 3. LP. 5. PX. 7. vel OL erit 4. OP. 9. OX. 16. at hoc eodem pacto procedunt quadrata OH, OM, OR, OQ; vel BF, LK, PC, XY. quæ illis æqualia sunt, utpote opposita parallelogrammorum latera; Cum itaque Quadratum BF sit 1. erit quadratum LK 4, & PC quadratum 9; & XY quadratum 16, fietque ut OX ad OP, ita XY ad quadratum PC; & sicuti OP ad OL, ita quadratum PC, ad quadratum LK; & sic.

& sicuti LO ad OB , ita quadratum LK , ad quadratum BF ; Si itaque describeretur juxta puncta OY semiparabola, vel integra parabola AOY , (quæ per punctum O transiret, & per puncta AY) quadrata quoque intra OX , & parabolam AOY intercepta, eandem ad invicem habebunt proportionem, quam inter se habent OX . OP . OL . OB . ut in *Arte Lucis & Umbra Cap. de Conicis Sectionibus*, fusè ostendimus. Erunt itaque latera horum quadratorum congrua lateribus PC . LK . BF . & lateribus PZ . LE . BS . globus igitur in punctis $OFKY$ erit semper in parabola AOY . Quod idem de quacunque altera projectione corporis gravis demonstrari potest: globus ergo projectus motu suo affectabit parabolam, quod erat demonstrandum.

Dixi affectabit parabolam, quia non arbitror hujusmodi lineam à projectis causatam, esse parabolam perfectam, uti plerique hujus temporis Mathematici *Galileum* secuti existimant; Sed esse quid simile; Ratio dubitationis meæ est; quod non habeat, ex quo generetur; omnis autem parabola originem suam habet ex sectione Coni; in projectilibus autem nulla Consectio concipi potest, quemadmodum in Sciatherico negotio, ubi lux, & umbra circuitibus suis veros Conos fundant, qui deinde Conotomo plano horizontalis secti omnis generis sectiones conicas producant; Ubi itaque fundamentum Conicarum sectionum deest, ibi veræ quoque sectionum affectiones concipi nulla ratione possunt. Sic in chorda grandiore & ponderosiore, si ex duabus suis extremitatibus suspendatur, solet illa ob suum pondus nonnihil inclinari deorsum in medio, ac efficere curvam figuram; quæ nescio quid parabolicum affectare videtur, nec tamen propriè parabola dici potest, cum fundamento careat, quo generetur, videlicet Cono; Si enim vera parabola esset, non foret ratio, cur non etiam hyperbolam & ellipsin, similesque figuras produceret, quarum tamen nullam in hujusmodi effectis, uti nec in projectilibus aut chordis spontaneo pondere tensis, videre est. Quod verò proportionibus imparium numerorum huic exactè quadrent, à posteriori est; Cum enim hujusmodi projectilium lineæ, parabolæ simillimæ sint, ita parabolis veris, facillè applicari possunt. Est enim Geometricis & Arithmetis rebus ita comparatum, ut Physicis rebus quibuscunque facillè applicentur, etiamsi nullum in Physicis demonstratarum affectionum fundamentum sit.

COROLLARIUM.

Hinc patet quoque diadromos, qui in chordarum tenarum incitatione notantur, non parabolas, ut quidam voluerunt, Mathematicas describere; sed nescio quid parabo-


licum affectans, ea prorsus ratione, ut de chorda dictum est.

Moderni Philosophi ex motu projectilium, experientiâ docti putant, mobile obliquè & violenter excussum in altum, tum in ascensu, tum in descensu veram & perfectam parabolam describere, cujus axis sit media linea normalis ex vertice parabolæ in subjectam horizontalem lineam, quam ordinatim applicatam Conici Scriptores appellant, deducta; quæ uti ordinatim applicatæ *μεγιστὴν ὀψίδα* infilit, ita totam parabolam bifariam secat; ut aded ascensus mobilis per unam parabolæ medietatem, violentum, per alteram, naturalem motum sortiatur; ideoque motus totus ex violento & naturali constitutus esse censetur; putantque tantum mobile temporis infumere in ascendendo, & tantum in descendendo, quantum per axim parabolæ temporis infumeret mobile normaliter & naturaliter dilapsum. Ita *Galileus* cæterique ejus sectatores, *Gassendus*, *Torricellius*, *Cavallerius*; putantque rem se demonstrare posse in explosione tormentorum ex arte parabolica seu ignium projectilium, uti ex salientium aquarum motu, quæ omnia parabolam describere videntur. Alii putant, hoc contingere duntaxat in pyrobolo & aquarum saltu, declivi motu excusso; In Horizontali verò motu, non tam parabolam, quàm figuram quandam ex circulo & rectis lineis constitutam efficere arbitrantur. Quicquid sit, res non paucas difficultates habet, quas hoc loco enodandas duxi, ut quid denique sentiendum sit, cognoscatur; Certum enim est, uti suprâ quoque innuimus, Geometricis principiis, tametsi Physicis rebus facillè ea applicentur, ita tamen comparatum esse, ut rigoris Mathematici in demonstrationibus leges servare minimè possint, cum sensibili tantum experientia notantur, quæ cum fallax sit, & sensus ut plurimum decipiat, fieri non potest, ut iis infallibilis fides adhiberi possit. Sed antequam ulterius rem deducamus, hoc loco primum visum est, demonstrationem adducere, quam *Cavallerius Galilei* principia secutus, ponit, & deinde nostram supponemus, ut quid de utraque sentiendum, cognoscatur.

Cavallerius, uti & *Torricellius*, parabolicum projectilium motum demonstraturi, sic ratiocinati sunt; Cum duo motus in quolibet projecto gravi corpore considerari possint, naturalis & violentus, normalem verò naturalis ad Centrum appetat, violentus sursum versus eam partem, versus quam grave corpus obliquè impulsus est, fit ut inde in obliquè projectis medius quidam motus, quo grave lineam parabolicam describit, juxta datas imparium numerorum proportionibus, per singula spatiorum intervalla, quæ proportionibus respondeant, describat; illudque in tormento bellico, pyrobolisque demonstrant. Supponamus itaque lineam T , referre

tor-

tormentum bellicum situ horizonti parallelum, vel obliquo situ perinde est, cujus orificium sit T. Globus itaque vi pulveris accensus, si nulla gravitate polleret, neque aërem resistentem haberet, recta lineâ T O haud dubiè tandem uniformi motu terminaretur in Q, cum nullam, quæ ab incepto motu eam retrahat, remoram inveniat, at cum infita gravitate Centrum per normalem lineam appetat, fit, ut ab inchoata lineâ O Q vi gravitatis dimotus globus, mediam quandam viam sectetur. Sit itaque tempus quo globus percurreret O Q, divisum in quatuor partes æquales, æquipolleant verò singulæ partes O H, H M, M R, R Q, uni minuto secundo; Certum est, per singulas hujusmodi partes globum uno minuto secundo transire; si, ut dixi, non esset gravis, nec ulla daretur medii resistentia. Verùm quia gravis eum versus Centrum impellit, ponamus gravitatem eo tempore, quo globus movetur per O H à lineâ O Q globum dimoveri spatium lineæ O B, quæ est pars lineæ normalis motus naturalis O X. Pari pacto per punctum H transeat lineâ H V, parallela ad O X. Sicuti etiam per puncta M R Q ducantur M R, R Π , Q Y, omnes & singulæ inter se, & ad O X æquidistantes; sitque dimotio globi à lineâ O Q, mox ubi lineam M R, in K, attingit, tanta, quanta est portio O L in normali O X, & dimotio globi à lineâ O Q, mox ubi lineam R Π attigerit in C, tanta quanta est O P portio in normali lineâ O X; & dimotio globi à lineâ O Q, mox ubi lineam Q Y attigerit in Y, tanta, quanta est O X normalis; Ducantur deinde per puncta O B L P X ad O X normales & parallelæ inter se, S F, E K, Z C, A Y, aliæque ad O T perpendiculares & parallelæ inter se T A, D Δ , G Γ , N I, H V, M R, R Π , Q Y. His




positis dimoveatur globus à lineâ O Q, interim tum conficit spatium O H, quantitate lineæ O B, vel H F, quæ uti in parallelogrammo O F latera sunt opposita, ita & æqualia sunt. Pari pacto, interim dum globus movetur per H M, dimovebitur gravitatis impulsu à lineâ O M in K, per lineam F K, & ex K in C, per K C, & ex C in Y per lineas normales M R, R Π , Q Y. Cumque hujusmodi dimoti globi spatia comparata ad perpendiculares suas, sint æqualia spatiis O B,

O L, O P, O X, id est, dum incrementa velocitatis sumuntur secundum quantitatem linearum O B, B L, L P, O X, necessariò sequitur, illas augmentari juxta seriem numerorum imparium ab unitate continuatorum. Si itaque O B lineam ponamus esse spatium unum, erunt B L tria spatia, L P quinque, P X septem; vel quod idem est, erit O L ut 4. O P ut 9. & O X ut 16. At hoc eodem pacto procedunt lineæ O H, O M, O R, O Q, vel B F, L K, P C, X Y, ipsis æqualia, quia latera sunt in parallelogrammis opposita; ergo cum quadratum lineæ B F sit ut 1. erit quadratum lineæ L K, ut 4. & quadratum lineæ P C, ut 9. quadratum denique X Y, ut 16. fietque ut O X, ad O P, ita X Y ad P C. & sicuti O P ad L O, ita P C ad L K; & sicuti L O ad B O, ita L K ad B F. Si itaque describeretur juxta puncta O F K C Y semiparabola vel integra parabola A O Y, quæ per punctum O transiret, & per puncta A Y, latera quoque quadratorum, id est, lineæ O Y, P C, L K, B F, vel ex opposita parte X A, P Z, L E, B S, hisce æquales, intra O X, & parabolam A O Y intercepta, eandem ad invicem habebunt proportionem, quam inter se habent spatia O X, O P, O L, & O B. Globus itaque per puncta A Z E S O fursum, uti & deorsum per puncta F K C Y delatus, perfectam describet parabolam, tantumque temporis infumet ex P in X naturali motu latus; iterum, tantum temporis ex Z in E, ascendendo ex A in Z, & hinc in E, & ex E in S, & in O, quantum temporis infumit ex X in P, & hinc in L, & sic deinceps ex L in B, & in O, violenter & verticaliter expansus. Iterum, ex O in F, & hinc in K C & Y naturali motu descendendo tantum temporis infumet, quantum ex O in B, & hinc in L P, & X, naturali motu dilapsus. Cum itaque globus quispian per lineam O X naturali motu dilapsus spatia O B, B L, L P, P X conficiat, juxta numerorum imparium proportionem, certè ejusdem proportionis legem in spatiis parabolæ O F, F K, K C, C Y, ut servet, necesse est, quod erat demonstrandum.

Atque hæc est demonstratio *Cavallerii*, qua putat se demonstrare motum projectile non aliud, quàm parabolam describere; Ingeniosum fateor inventum, si Physica motus ratio ei corresponderet, aut si experientia certò sibi constaret. Verùm cum suprà ostenderit, mobilis semitam juxta imparium numerorum proportionem, necdum Mathematicè esse demonstratam; certè hæc demonstratio, si pro Geometrica accipiat, nunquam peritis satisfaciet, cum semper animus circa fallaciam experimenti dubius & anceps hæreat. Sed examinemus singulas demonstrationis partes.

Putat itaque, imò supponit *Cavallerius*, motum globi ex tormento, horizontali situ directo,

Sit orificium tormenti A, quod explosum ex A usque in C nihil parabolicum describit,




E

para-

parabolam veram describeret, statim à primo egressus sui momento de puncto in punctum, parabolæ descriptionem inchoare, quod contra experientiam est. Sicuti itaque rectilineum cum curvilineo in motu projectilium confunditur, ita frustra quoque sub iis quispiam parabolicas rationes quærit. Accedit, quod huiusmodi parabola, uti paulò ante dictum est, non habeat, à quo generetur; Omnis autem parabola originem suam habet ex sectione Coni: in projectilibus verò nulla sectio concipi potest, quemadmodum in Sciatherica theoria, ubi lux & umbra circuitibus suis veros Conos fundant, qui deinde pro sciatherici plani ratione omnis generis sectiones Conicas producant; ubi itaque Conicarum sectionum fundamentum deficit, ibi veræ quoque sectionum affectiones concipi nulla ratione possunt; si enim parabolam veram grave quoddam violento motu circulatum describeret, non esset ratio, cur non eadem ratione & circulum, & hyperbolem aut ellipsin describeret, quorum tamen in projectilibus nullum vestigium apparet. Sed ut veritas rei luculentius pateat, eam hoc pacto demonstrandam duxi.

Sit itaque in præsentī Figura linea $A X$ linea verticalis motum naturalem exhibens, linea verò $A B$, lineam horizontalem, juxta quam mobile ducitur; fiat deinde arcus ex



puncto X descriptus, & sit $A I$; linea quoque horizontalis $A B$ in aliquot æquales pedes dividatur $A L M N O P B$, lineisque ductis perpendicularibus in lineam horizontalem $A B$ parallelam, nascenturque sex quadrata inter se æqualia $A Q, L R, M G, &c.$ His positis; Dico, primum in linea motus projectorum non esse circulum, neque parabolam, neque hyperbolem, neque ellipsin. Quòd non sit circulus, ita demonstro. Quoniam enim triangula $A P T, A E V$ sunt similia, erit $E V$ ad $A V$, sicuti $A P$ ad $T P$. Est autem $T P$ pars quinta lineæ $A P$. Ergo & $A V$, quinta pars erit lineæ $E V$. Ex quoniam quadratum $E V$, vel $A L$ est æquale rectangulo contento, sive parallelogrammo sub $A V$ & linea $A P$ comprehenso, $E V$ verò assumpta 10 partium sit, qualium $A V$ est 2. erit hujus complementum, videlicet linea $A P$ partium 50, & tota diameter partium 52. Rursum,

quia $C G$ est tripla $A C$, illus verò quadratum æquale rectangulo contento $A C$, atque hujus complemento ad diametrum circuli; est verò quadratum $C G$ partium 900, & $A C$ partium 10, erit ergo residuum segmentum partium 90: tota verò diameter 100 partium; est verò eadem quoque 52 partium, non itaque linea motus $A E F G H I$ est peripheria circuli.

Sed neque parabola esse potest. Sit enim, si fieri possit, linea parabolæ, erit itaque ut recta $A C$ ad rectam $A V$, ita quadratum semiordinatæ $C G$, ad quadratum semiordinatæ $V E$, & quia $C G$ est tripla, $E V$ erit ejus quadratum noncuplum ad illud quadratum. At verò $A C$ ad $A V$ est ut 10 ad 2. hoc est, quintupla; non igitur ut $A C$ ad $A V$, ita quadratum $C G$ ad quadratum $V E$: ac proinde linea $A E F G$, non est parabola. Sit jam, si fieri potest, hyperbola; assumatur verò hujus diameter partium 8, qualium $A C$ est 10, & $A V$. 2. Igitur triangulum rectangulum contentum sub $A V$, & latere composito ex $A V$ atque diametro figuræ erit punctum 20; triangulum verò contentum sub $A C$, atque sub latere composito ex $A C$, & diametro ejusdem figuræ punctum 180. hujus verò ratio ad illud noncupla. Est autem quadratum quoque semiordinatæ $C G$, ad semiordinatæ alterius $V E$ quadratum, eò quod latus $C G$ fit triplum lateris $V E$. Cum itaque eandem rationem ad se habeant rectangula sub segmentis axis hyperbolæ, quam habent quadrata semiordinatarum; erit permutando eadem quoque ratio rectangulorum sub segmentis axis hyperbolæ ad quadrata suarum semiordinatarum, ac proinde puncta $E G$ in eadem hyperbola; rursum verò quoniam $A O S, A R F$, sunt triangula similia & $A O$ quadratum $O S$, erit quoque $A F$ quadratum $A K$, & $A K$ partium 5, qualium $K F$ est 20. triangulum ergo rectangulum contentum $A K$, atque latere composito ex $A K$ & diametro figuræ, erit partium 65; rectangulum verò contentum $A V$, & latere composito ex $A V$, atque diametro ejusdem Figuræ, partium 20; est autem ratio 65 ad 20 minor, quam sit quadrati $K F$ ad quadratum $V E$. Igitur permutando non eadem est ratio rectangulorum sub segmentis axis ad quadrata semiordinatarum, ac proinde puncta $E F$ non continentur in linea hyperbolæ.

Demum neque ellipsin esse hanc lineam motus, ita probatur. Producat A in Z , quam secat linea perpendicularis $I Z$. Cum itaque in L gravitas fiat æqualis impulsui; erit $I Z$ major omnibus rectis, quæ ex linea motus cadunt perpendiculariter ad diametrum $A Z$; ac proinde erit semidiameter Figuræ, M verò $I Z$ æquatur semidiametro $A Z$, oportebat verò esse inæqualem; non itaque puncta $A E F G H I$ in ellipsi continentur.

Patet itaque ex dictis lineam motus in projectilibus nullam ex Conicis sectionibus describere.

scribere. Concludendum itaque est, lineam motus, quam mobile quoddam describit, non homogeneo motu procedere, sed heterogeneo, id est, ex motu recto & circulari insensibiliter mixto; Nam si proportio motus naturalis & violenti juxta numerorum imparium proportionem certò & geometricè nobis constaret, & vera daretur ejusdem de-

monstratio, certè tunc, quæcunque hucusque dicta sunt, rectè se haberent. Veruntamen cum nulla, meo quidem judicio, verior & proximior ad motus rationem demonstrandam proportio assignari possit, vel hucusque assignata fuerit, illà legitimè, uti in omni negotio mechanico, uti poterimus; uti in sequentibus de facto utemur.

ARTIS COSMOCENTRICÆ

SECTIO III.

PRACTICA,

SIVE

Utilitates quæ ex Cosmocentrica Arte deduci possunt.

CAPUT UNICUM.

Quomodo Velocitas motus gravium ad Centrum determinari possit.

QUAMVIS in superioribus clarè ostenderimus, proportionem motus gravium ad Centrum, juxta numerorum ab unitate imparium incrementum, geometricè demonstrari non posse; quia tamen, hanc proportionem, verosimilior & vero vicinior necdum assignata est, illa à plerisque ferè hujus temporis Philosophis & Mathematicis tanquam vera supponitur, & in practico negotio sine notabili errore, ut postea videbitur, adhibetur.

Hujus itaque dictæ proportionis adjumento *Galileus*, *Mersennus*, alique determinare se posse putant, quantum lapis quispiam à Luna, Sole & Stellis cadendo usque ad Centrum Terræ, temporis conficiat; quæ tamen res uti exiguis fundamentis innititur, ita quoque nunquam solidam certitudinem in animis sensatorum virorum parere potest. Quare antequam rem fusiùs deducamus, necessariò nonnulla supponenda sunt, ut iis positis, quid sentiendum; Lector dignoscere possit.

Suppono itaque primò, lapidem sive quodlibet aliud pondus, in naturali motus sui descensu, velocitatumque incrementis eam proportionem servare, quam numeri ab unitate impares ad se invicem servant; unde consequenter supponendum, motus velocitatem esse in duplicata ratione temporum, vel ita se habere, uti quadratum ad suas radices.

Suppono secundo. Medium per quod grave quodpiam decidit, debere esse homogeneum, æquè ubique subtile, nec ullis differentibus impedimentis obnoxium; grave enim per medium limpidum, quietum, tranquillumque velocius descendere, quàm per

medium roscidum, nebulosum, aut crassiusculo aëre offusum, experientia docet.

Suppono tertio; Ponderis quoque cadentis constitutionem cum primis considerandam; Certum enim est, & experientia docet, globum sive quodvis corpus sphæricum velocius descendere, quàm corpus planum, aut variis angulis impeditum; etiam si pondere æqualia sint: Columna quoque secundum suam longitudinem deorsum perpendiculariter delapsa, minus temporis in descensu consumit, quàm si secundum longitudinem horizontalem constituta laberetur; quia hoc situ majorem aëris resistantiam, quàm priori pateretur. Pari pacto corpora porosa & pumicosa, uti sunt suber & pumex, aliaque hujus generis innumera ex alto lapsa, non tam citò motus sui terminum assequuntur, quàm minus porosa & solidiori compage coagmentata, etiam si pondere aut magnitudine æquipollean. Neque audiendi sunt illi, qui dicunt, globum ligneum & ferreum seu plumbeum, ex quavis altitudine demissa, æquali tempore terram ferire; cum in Cochlea S. Petri, notabilis altitudinis loco, contrarium omninò me multiplex experientia docuerit. Verum tamen est, in 100 aut 200 pedum altitudine vix sensibilibus variare, sed in notabili altitudine, id quod gravius est, citius terram ferit; Siquidem in notabili altitudine, aëris constipatio ex ponderis prementis vehementia adeò tenax est, ut, nisi ponderis gravitate vix diffindi valeat; levius verò corpus non recta descendit, sed hinc inde fluctuat, stipantis aëris cedere nescientis robore variè agitur. Quod si in altitudine 400 pedum id præstet aër, quid non præstabit

Quantum
temporis
lapis à Lu-
na ad Cen-
trum Ter-
ræ caden-
do infu-
mat.

in altitudine 1000, 2000, 3000. &c. pedum altitudine? His itaque suppositis jam videamus, si globus quispiam ex globo Lunæ, cæterisque corporum coelestium peripheriis decidere possit, & si possit, quantum temporis infumeret in cadendo. Non ignoro, varios variè hujusmodi tempus determinasse. *Scheinerus* putat, globum quempiam sex dierum tempus conficere, in cadendo ex Luna in Centrum Terræ, sed fallitur; Cùm Luna in Orbe suo circumlata æquali prorsus motu spacium illud conficiat. Grave verò motu naturali descendens, non æquali motu, sed juxta numerorum imparium proportionem velocitatis suæ incrementa acceleret. Quæ proportio tunc temporis nondum ipsi fuit cognita, aliamque motus proportionem fortè habere accelerationi ejus congruam. *Galileus* emendare volens *Scheinerum*, tametsi propius accedit ad veritatem, neque is tamen eam attingit; quid itaque nobis videatur, hoc loco aperiendum duxi.

PROBLEMA I. PROPOSITIO I.

Quantum pondus centum librarum è Cælo Luna cadens temporis infumat usque ad Centrum Terræ, determinare.

Supposito itaque grave quoddam velocitatis suæ gradus juxta numerorum imparium incrementa acquirere, & quod spacium juxta temporum quadrata crescant: sit verbi gr. globus quidam, juxta *Galileum* 100 librarum, qui spatio temporis quinque minutorum secundorum decidat ex alto centum cubitis (& hoc sit experientiâ à *Galileo* comprobatum) dicit, illum minori tempore 4 horarum, terminum suum, qui est, ex Luna in Centrum Terræ motu suo conficere. Si enim nosse velis, quantum spacium unius minuti primi tempore, quæ est 60 pars horæ, conficiat; habebis desideratum tempus, si 100 cubitos (quibus diximus globum cadere spatio temporis quinque minutorum secundorum) multiplices per quadratum 12, id est, per 144. quia 5 minuta secunda in 12 ducta faciunt 60 minuta secunda: quadratum itaque temporis 5 secundorum est 12, quæ uti dixi in se ducta, dant 144. hæc iterum ducta in 100 cubitos, dant 14400 cubitos, pro tempore, quo spacio unius minuti primi cadit in terram.

Quod si scire cupias, quantum dictus globus spacii unius horæ curriculo cadendo conficiat; duc quadratum 60 minutorum primorum in paulò ante inventum numerum 14400, & prodibunt cubiti, qui æquivalent 17280 miliaribus, spacium quæsitum. Si denique scire desideres, quantum spacii consummat 4 horarum intervallo; duc quadratum 4 horarum, videlicet 16 in 17280, paulò ante inventum unius horæ spacium, & prodibunt 276480 miliaria, quod spacium majus est se-

midiametro Orbis Lunæ; Est enim juxta Astronomorum calculum semidiameter Orbis Lunæ non nisi 196000 miliarium, sive quod idem est, 56 semidiametrorum Terræ; continet autem semidiameter Terræ 3500 miliaria, unum verò milliare 3000 cubitos; Si itaque calculus exactè conficiatur, inveniemus, globum à concavo Lunæ in Centrum Terræ decidere minori 4 horarum tempore, videlicet juxta *Galileum* tribus horis 22' & 4": Cùm enim ex suppositione globus tempore 5' ex alto decidat 100 cubitis, necessariò juxta regulam proportionum, trium horarum 22' & 4" tempore spacium conficiet 196000 miliaria sive 588000000 cubitorum, quod spacium æquivalet 56 semidiametris Terræ. Atque hic calculus cum experientia *Galilæi* apprimè consentit; Sed juxta experientiam factam per *Mersennum*, multò adhuc minori tempore globus ille ex concavo Lunæ in Terræ Centrum decideret; Cùm enim experimentum *Galilæi* ad incudem revocasset, globum, quem *Galileus* tempore 5 secundorum 100 cubitorum spacium conficere invenit, multò adhuc majus spacium videlicet 180 cubitorum, minori videlicet tempore 3". 43". 20", & non 5" conficere invenit, aded ut dictus globus juxta observationem *Mersenni* intervallum 108 pedum tribus præcisè secundis; & tandem 300 pedes, id est, 180 cubitos, 5" tempore conficiat, quæ à *Galilæi* experimento non parum differunt. Ex qua experientia concluditur, globum præfatum ex Luna usque in Centrum Terræ cadendo non nisi tempus duarum horarum 29' 14" infumere.

PROBLEMA II. PROPOSITIO II.

Quanto tempore globus quispiam, cadendo ex Luna in Centrum Terræ spacium illud, quod superficiem inter & Centrum Terræ intercedit, sive quod idem est, semidiametrum Terræ, conficiat, determinare.

Notandum primò, sub duplici ratione considerari posse motum ponderis in Centrum Terræ, primò per medium inchoationis, ut dum quispiam per divinam potentiam è Centro Lunæ globum cadere permetteret in Centrum Terræ; secundò per medium continuationis, ut si globus quispiam per divinam potentiam ex superficie Terræ, in Centrum Terræ caderet; hic enim motus uti ex continua velocitatum augmentatione multò celerior est; ita breviori quoque tempore spacium illud semidiametri terrestris conficit, quàm si immediatè ex ipsa superficie Centro Terræ illaberetur; Utriusque motus durationem hoc loco assignabimus, ut differentia utriusque motus luculentius patefiat.

Cùm itaque in præcedenti Propositione ostenderimus, plumbeum globum ex Luna cadendo in Centrum Terræ intervallum

196000

196000 milliariorum conficere spatio horarum 2, 29', 14", à Luna verò ad superficiem Terræ juxta calculum *Mersenni* spacio 2 horarum 17', 54", facile cognoscere, quantum à superficie Terræ usque ad Centrum, motu à Luna usque in Centrum continuato conficiat: si enim motum à Luna ad superficiem Terræ subtraxeris à motu à Luna ad Centrum Terræ, videlicet 2 horarum 17', 54", à 2 horarum 29', 14" remanebunt 1', 20", 18". tempus nimirum quod conficit motus à superficie Terræ in Centrum continuatus. Si verò scire desideres, quantum temporis à superficie Terræ usque ad Centrum globus plumbeus dimissus conficiat; supponendum primò, lapidem tempore unius minuti secundi spatium conficere 12 pedum; & 5" tempore, altitudinem 300 pedum conficere; quo posito, juxta prædictas operationes lapis seu globus plumbeus semidiametri terrestris spatium conficiet 19', 56" tempore.

PROBLEMA III. PROPOSITIO III.

Quantum temporis globus plumbeus insumat ex Solis superficie, stellarumque fixarum, in Centrum Terræ cadendo, determinare.

Supponimus primò, communi Astronomorum traditione Solem à Centro Terræ remotum 1142 semidiametris, quibus si prædictas operationis regulas applices, invenies, globum, totum spatium intra Centrum Terræ & Solis discum interjectum undecim horis, 13', 50", 48", conficere; spatium verò inter Solem & Lunam interjectam, conficere horis decem, 57', 12", 54"; quæ subducta ab 11 horis 13', relinquunt 16', 43" à Luna usque ad Centrum Terræ. Iterum globus spatium à Sole usque ad superficiem Terræ conficiet horis 11, 13', 38", 57", quæ subducta de 11 horis 13', 56", 48", relinquunt 17', 51", pro tempore, quo dictus globus reliquum itineris à superficie Terræ in Centrum conficeret. Porro si quis curiosius nosse desideret, quantum temporis dictus globus plumbeus à Firmamento usque ad Solem, Lunam & Centrum Terræ insumat, ei primò supponendum, Firmamentum à Centro Terræ, juxta Astronomorum traditionem, remotum 14000 semidiametris Terræ. Si itaque juxta superius traditas regulas operatus fueris, reperies globum, totum illud immensum spatium à Firmamento usque ad Centrum non nisi 39 horis 19', 41", 57", 54" conficere. Spacium verò inter Solem & Firmamentum 37 horis 4', 24", 37", 21", & ex Sole ad Centrum Terræ 1 hora 38', 17", 20", 33" à Firmamento verò usque ad Lunam 39 horis 14', 58", 30", & à Luna denique ad Centrum Terræ 4', 43", 27", 54", & à Sole usque ad Lunam una hora 33', 33", 52", 39" à Firmamento denique usque ad superficiem Terræ 39 horis 19', 36", 54", & hinc usque ad Centrum Terræ 5', 4", 15".

Epilogismus temporis

Quod globus quispiam plumbeus ex Terra, Luna, Solis, Firmamento, ad Centrum usque insumat.

- A Terræ superficie usque ad Centrum 1145 leucarum, (quarum unaquæque 5000 pedes habet) spatium conficit plumbeus globus tempore 19', 56" minutorum.
- A Luna usque ad Centrum 196000 milliar. spatium conficit tempore duarum horarum 29', 14".
- A Sole usque ad Centrum 3997000 milliar. spatium conficit tempore undecim horarum 13', 56".
- A Firmamento usque ad Centrum Terræ 49000000 milliar. spatium conficit tempore 39 horarum 19', 41".
- A Firmamento usque ad Solem spacio 37 horarum 4', 24" conficit.
- A Sole usque ad Lunam motu à Firmamento continuato spatium 1 horæ 33', 33".
- A Sole usque ad Centrum Terræ motu à Firmamento continuato conficit spatium 39', 17".
- A Luna usque ad Centrum Terræ motu à firmamento continuato conficit spacio 4', 43".
- A Superficie Terræ usque ad Centrum continuato à Firmamento motu spatium 3500 milliar. conficit tempore 5', 4".

Atque hic est calculus temporis, quod pondus quodpiam ex cœlestibus corporibus in Centrum Terræ lapsus insumat, si secundum proportionem numerorum imparium velocitatis suæ augmenta acquireret, quem quidem juxta experimenta *Mersenni* ordinavimus, uti patuit.

CONSECTARIUM I.

Ex hoc patet, quam sit incomprehensibilis humano ingenio velocitas illa, qua globus à Firmamento lapsus, à superficie Terræ usque ad Centrum 3500 milliar. spatium, non nisi 5", (quæ correspondent sex ordinatis venæ pulsibus) conficit. Unde velocitatis hujusmodi excessu multi compulsi, ne in absurda inciderent, aperte hujusmodi motum negarunt. Ego certò dico, ex tanta altitudine, velocitatem in tantum crescere, ut nullum sit corpus in rerum natura adeo solidum, quod excessivum hujusmodi motus impetum sustinere possit; siquidem metallicum corpus caloris ex impetu suscitati vehementia liquefactum, mox resolutum iri nihil dubito. Secundo, nihil hujus velocitatis motui comparari posse, non missilium, spiculorumque ejaculationem, non avium, non rotæ figuli motum, solo Firmamenti motu excepto, quod spacio 24 horarum periodum suam conficit; cum globus à Firmamento decidens 39 horis, 15 nimirum horis tardius terminum suum attingat, quod est Centrum Terræ; atque adeo

ex hoc motu Firmamenti velocitas aliquo modo conjiciatur.

CONSECTARIUM II.

Colliges hinc, quàm ineffabilis sit spiri-

tualium substantiarum velocitas, dum spacium quodlibet, etiam quantumvis diffitum, quasi in momento conficiunt. Sed hæc de gravium lapsu sufficiant; quare ad alia.

SECTIO IV.

ARS COSMOCENTRICA

ET EST

CENTROSOPHIA APPLICATA.

CAPUT I.

IN præcedenti Sectione nostrum de motus proportionem judicium dedimus; In hac Sectione, usum & applicationem eorum, quæ dicta sunt, explicabimus; Et tametsi veras & Geometricas demonstrationes, res Physicæ Mathematicis applicatæ ob experimentorum lubricitatem, fallaciasque occultas (materiæ conditione sic ferente) exhibere non possint; abstrahendo tamen ab omni medii resistantia, & ab omni materiæ fallacis inconstantia, hoc loco nonnullas demonstrationes adducimus, quibus motus localis conditiones, quantum ad Physicas apodixes sufficit, demonstretur, ne quicquam modernis Mathematicis præjudicasse videamur; quod ut *ἐν μεθοδεύει* fiat,

Suppono I. In omni motu locali tum naturali, tum violento, velocitatis momenta se habere, uti numerorum ab unitate imparium incrementa. II. Spacia sive lineas descensus gravium esse in duplicata ratione diuturnitatum seu temporum; sive quod idem est, Incrementa velocitatis eandem rationem habere, quam tempora ad quadratum.


PROPOSITIO I. THEOREMA I.

Motus per lineam verticalem & lineam inclinatam, quorum terminos conjungit linea recta perpendicularis ad lineam inclinatam, inter se sunt æquales.


QUANDO dicimus motus hoc loco sumptos esse æquales, non quoad velocitatem, sed quoad durationem dictum volumus; certum enim est, tardius supra planum inclinatam mobilia cieri, quàm motu naturali per verticalem. Descendat itaque mobile quoddam per C in D, alterum verò æquale per C in A, illud per lineam verticalem, hoc per inclinatam. Determinetur quodlibet in linea perpendiculari CE punctum verbi gratia E, à quo ad inclinatam CA normalis ducta in D terminum ostendit lineæ CD, super quam mobile devolutum æquale tempus infumit, ei

motui, qui fit per lineam verticalem CE; quoniam enim trianguula ADE, ACE sunt æquianguula & similia, erunt anguli ADE & AEC æquales, nempe recta & EAD communis. Sicut ergo AC ad AE, ita AE ad AD, unde tempora sunt æqualia per AD & CD. *Marcus*

Marci alia ratione hoc idem ingeniosè demonstrat, air enim impulsus corporum per planum inclinatam devolutorum augeri in ratione distantie Centri cujuscunque corporis gravis ab hypomochlio. Sit in figura globus devolutus ex A in D, sitque linea hypomochlii EF, Cen-



trum gravitatis globi I, distantia à Centro I, & à linea hypomochlii EF, sit IZ; erit ergo ut DI major impulsus, ad minorem impulsus DZ, ita motus in AE ad motum in AD; sunt enim trianguula inter se similia, & consequenter latera analogæ, latus quidem ID, lateri AC, & EZ, lateri AE; Ergo ut CA ad EA ita ID, ad IZ, & uti AE ad AC, ita ID, ad ZD.




trum gravitatis globi I, distantia à Centro I, & à linea hypomochlii EF, sit IZ; erit ergo ut DI major impulsus, ad minorem impulsus DZ, ita motus in AE ad motum in AD; sunt enim trianguula inter se similia, & consequenter latera analogæ, latus quidem ID, lateri AC, & EZ, lateri AE; Ergo ut CA ad EA ita ID, ad IZ, & uti AE ad AC, ita ID, ad ZD.

Pro-

PROPOSITIO II. THEOREMA II.

Motus per planum minus inclinatum est velocior motu per planum magis inclinatum, in ratione quam habent sinus complementi illarum inclinationum.

Vocamus hoc loco lineam, seu planum minus inclinatum, illud, quod minus à linea verticali seu perpendiculari recedit; planum verò magis inclinatum dicimus, quod magis à perpendiculari recedit. Hoc posito; Ducantur ex puncto A Circuli ALTR, lineæ




AB, AC, AD, AE; sitque linea horizontalis AB, verticalis AT, seu quod idem est, diameter circuli. Dico, idem mobile, verbi gratia, globum O in dictis lineis inæqualiter moveri, velocius quidem in AE plano, quàm in AD, & in hoc velocius quàm in AC, & sic de cæteris; ita quidem ut globus tantò semper moveatur supra planum aliquod minus inclinatum velocius, quantò id propius ad lineam verticalem seu perpendicularem accedit; tantò verò tardius, quantò illud ad planum horizontale propius accesserit, atque adeò habere sese velocitatem in linea inclinata AE, ad velocitatem in linea AD, sicut sese habent sinus anguli ATS, ad sinum anguli ATR. Ex punctis enim contactus globi QRS, ducantur in T lineæ normales QT, RT, ST, deinde ex iisdem punctis contactus QRS ducantur aliæ lineæ ad AT diametrum circuli parallelæ QG, SH, RI, quæ vocentur lineæ hypomochlii, & hæ fecerint globum in punctis KNV; deinde ex Centro globi mobilis ducantur ad lineas hypomochlii normales αo , $o\beta$, $o\gamma$; quia verò angulus TSI externus, major est angulo TRH, erit & consequenter angulus $\gamma\gamma o$ angulo $\beta\gamma o$, major; & latus γo , majus latere βo , quæ sunt distantie Centri gravitatis globi à lineis hypomochlii. Cum ergo major impulsus sit in γo majori, quàm in βo minori Centri gravitatis à linea hypomochlii distantia, erit consequenter in linea AS, hoc est, in plano minus inclinato, motus velo-

cior, quàm in AR linea minus inclinata; siquidem linea hypomochlii VS minorem ex globo portionem VXS adimit, quàm in globo linea hypomochlii NR; unde consequenter globus in AS ob præponderantem majorem globi portionem VYS velocius movebitur, quàm in linea AR, ubi linea hypomochlii RN globi majorem partem minus præponderantem relinquit. Quod verò velocitas motus sit in ratione, quam habent sinus complementi inclinationum, ita ostendo. Sicuti sese habent SO ad $o\beta$, ita AT diameter ad subtensam AS, & uti RO æqualis SO ad $o\beta$, ita AT diameter ad subtensam AR; sed uti AS & AR ad invicem se habent, ita illarum semisses AL, AM sinus angulorum APL, & APM, æqualium videlicet angulis ATS, & ATR, ob parallèles TS, PL, & TR & PM, & sunt complementa inclinationis planorum TAS, & TAR; ergo uti $o\gamma$ ad $o\beta$, ita sinus complementi angulorum inclinationis ad se invicem, quod erat ostendendum.

PROPOSITIO III. THEOREMA III.


Mobilia ex eodem puncto devoluta per lineas subtensas circuli, qua plana inclinata referunt, eodem tempore spatia subtensarum, quo mobilia per diametrum circuli motu naturali deorsum labentia, conficiunt.

Sit circulus BCAG, cujus diameter BA, subtensæ verò ex B puncto in circuli peripheriam ductæ, quæ plana inclinata referunt,



sint BE, BF, BG, BH, BI. Dico eodem tempore per subtensas BE, BF, BG, &c. quo per diametrum ejusdem circuli BA, mobilia motum suum terminare; Si enim ex puncto A ducantur lineæ rectæ AE, AF, AG, AK, AY, erunt anguli AEB, AFB, AGB, reliqui in semicirculo recti, & consequenter per Theor. I. Propos. I. hujus motus BA, motui in BE, BF, BG, BH, BI, duratione æqualis. Pari ratione fiet si ex punctis

fit rectus, erit per 15. l. 4. punctum necessa-
riò in semicirculo A D S, & puncta F & H



pariter in suis semicirculis A F G & A H I:
Cum vero in *Propos.* 3. ostenderimus, has

esse planis inclinatis brevissimas lineas, quibus natura terminum motus attingat, motusque æquidiurnos esse ad motus qui fiunt in perpendiculari A I, erit quoque motus ex A in D æquidiurnus motui ex A in S; & motus ex A in F ad motum ex A in G, & motus æquidiurnus ex A in H ad motum ex A in I. Si enim concipias regulam transversam semper in latere A C una sui extremitate normaliter insistentem planum decurrere, & alterâ extremitate perpendicularem lineam H secare, necessario ex dictis consequitur, mobile supra planum inclinatum A C motui supra perpendicularem A S æquidiurnum describere. Idem consequitur, si latus A C circini in quamcunque inclinationem magnam aut parvam diducas; partes enim in cruribus æqualiter divisæ indicant spacia, quæ æqualibus momentis mobile in utroque latere conficit; Patet ergo propositionis sensus.

C A P U T II.

De pendulorum motibus.

CUm pendulorum motus per arcus quadrantis eodem prorsus se modo habeant, sicuti motus per plana inclinata, quæ quidem nihil aliud sunt, quàm subten-sæ seu chordæ, arcûs quadrantis subten-dentes; cumque illæ infinitæ in arcu qua-drantis considerari possint, ita pendulum quo-quæ infinita plana nunc magis nunc minus in-clinata, vibrationibus suis percurrere cense-ri debet, de quibus hæc sint Propositiones.


PROPOSITION IV.

Multiplices pendulorum motus affectiones seu proprietates fortiuntur. Prima est, omnes diodromos sive majores, sive minores, spacium illud, quod intercipit principium motus penduli, & linea directionis seu Centri, æquali tempore percurrere. Secunda, omnes excursus & recursus inter se esse æquidiurnos. Tertia, omnes diodromos mixtos esse ex motu naturali & violento. Quarta, omnes diodromos, sive excursus recursusque, tametsi semper minores & minores, æquidiurnos tamen esse. Quinta, diversa pendula esse in duplicata ratione temporum. De quibus omnibus & singulis.

Pendulum ex quolibet puncto ejusdem circuli, æquali tempore recurrit in suam stationem, seu lineam directionis aut Centri; excursus verò, recurribus, in quibuscunque arcubus peripheriæ, æquidiurni sunt.


Cùm enim motus pendulorum se habeant, ut sinus, atque horum intervalla, seu arcus sinibus intercepti; hæc autem intervalla continuè fiant minora, in ultimo verò semidiametri puncto, intervallo careant, motusque continuè minori à dicto puncto absint intervallo; ergo necessariò pendulorum motus, à

quocunque peripheriæ puncto incipiat, æquali tempore recurrunt in ultimum semidiametri quadrantis punctum; neque tamen in quolibet puncto agitatum pendulum in linea Centri quiescit, sed ultra hanc excurrit, usque dum multiplici cursuum & recursuum agitatione peracta, tandem in linea directionis quiescat; Et quoniam pendulum per arcus excurrit aut recurrit, continuò minores, necesse est, impulsus in illo ascensu minui, quia nimirum gravitas & impulsus inter semiscuntur, & in descensu quidem per eandem lineam movent gravitas & impulsus, qui à gravitate continuo fluxu nascitur; à linea verò directionis, quam semidiametrum quadrantis statuimus, gravitas impulsui continuò reluctatur; quia nimirum contrarius impulsus ab eadem gravitate renascens tollit partem sibi æqualem, ita ut motus reliquus æqualis sit excessui majoris; quemadmodum enim impulsus continuò decrescit iisdem, quibus augebatur, incrementis; ita velocitas à maximo incremento, usque ad finem motus, continuo fit minor. Sit pendulum in A affixum, decurrat ex E in N, & ex N in F, & hinc in



M, & hinc in G, & sic de cæteris ; Dico pendulum ex E decurrens in N, arcum hunc æquali tempore decurrere ei, quo pendulum ex N decurrit in F, & hinc in M æquali tempore

ad finum arcus EC ; & permutando, uti finus arcus FB ad finum arcus GC , ita motus in F



ad motum in G , & motus in D ad motum in E , uti finus arcus DB ad finum arcus EC . Motus ergo per arcus similes inæqualium circulorum, &c. quod propositum erat.

CONSECTARIUM I.

Hinc patet, Motum in circulo minori ve-

lociorem esse, motu, in circulo majori; cum enim motus in BF ad motum in GC , ea ratione se habeat, uti finus BG ad finum CV ; & ita AB ad AC , uti BG ad CV , ob laterum analogiam, & linea AB major, quàm linea AC ; erit quoque linea BG major, quàm linea CV ; erit ergo motus in linea AB in majori spacio AB major, quàm in AC ; ac proinde in circulo minori velocior erit motus, hoc est, minori fiet tempore, quàm in circulo majori.

CONSECTARIUM II.

Hinc iterum colligitur motum circulorum esse in ratione suorum temporum, quam diametri ad se habent duplicatam; sicuti enim sese habet finus BG ad finum CV , ita motus in FB ad motum in GC , & uti BG ad CV , ita AB ad AC ; eò quòd motus AB , motui BG , & motus AC , motui CV est æqualis per *Theor. 2. preced.* Sed AB ad motum AC , & hujus duplum LB ad MC rationem habent, quam tempora motus circulorum, ac proinde illorum temporum rationem habent diametri ad se duplicatam.

CAPUT III.

De usu & emolumento dictorum.

PRAGMATIA I.

Tabulam condere, quâ, dato tempore, alicujus ponderis ex quolibet loco cadentis, altitudinem cognoscas; & contra, cognita altitudine temporis, quod cadendo impendit, cognoscere possis.

Ponamus primo, juxta observationem *Mersenni*, corpus quoddam in cadendo deorsum trium pedum altitudine, tempus impendere, dimidium unius minuti secundi. Secundo ponamus ex dictis, velocitatem cadentis ponderis juxta imparium numerorum proportionem accelerari. Ponamus Tertio, spacium per quod pondus devolvitur in pedes, quorum unus in 12 pollices dividatur; & sex hujusmodi pedes unam perticam, seu sexapedam, pedes vero hujusmodi 15000, seu quod idem est 250 decempedas unam Leucam gallicam constituere. Quibus suppositis, in prima Columna ordine describantur dimidia minuta secunda usque ad 60, ita ut 60 dimidia minutorum secundorum æquivalent 30 minutis secundis. Hisce peractis in secunda Columna, ordine describatur series numerorum imparium, uti in subiecta Tabula patet. In tertia Columna describantur quadrata temporum ordine naturali, ut vides. In quarta Columna pedes, seu spacium, per quod pondus, dato quolibet minuto secundo, aut ejus dimidio, delabitur. Cum itaque ex suppositione, tempore dimidii minuti secundi pondus observatum sit conficere spacium trium pedum; habebunt hi tres pedes primum in Columna locum; reliquos ve-

ro ordine numeros hoc artificio continuabis. Ducantur hi tres pedes in singulos numeros impares in secunda Columna ordine collocatos, & è regione in quarta Columna producta ordine ponantur, verbi gratia, numerus 3. in II Columna secundo loco positus, ductus in se, producit 9, quæ è regione ponantur in secundo loco quartæ Columnæ; Iterum 3 ducantur in proximum sequentem se quinarium numerum, & productum 15 è regione 5 in quarta Columna deponantur. Porro 3 denique in 7 in II Columna positum numerum ducantur, & productum 21 è regione in quarta Columna ponantur; & sic in infinitum Tabulam continuare poteris, semper ternarium numerum ducendo in omnes ordine in II Columna positos impares numeros, & producta è regione producendorum in quarta Columna collocando. Quinta Columna hoc artificio componitur. In quarta Columna junge secundum numerum, 9 videlicet ad primum, in V Columna, videlicet 3, & habebis 12, quæ repone secundo loco V Tabulæ è regione 9. Iterum 15 in IV Columna adde paulò ante producto numero 12, & habebis 27, quæ ponantur in V Columna post 12 è regione 15; porro 21, qui est quartus numerus in IV Columna, addantur 27 tertio in V Columna, & provenient 48, quem è regione 21 in V Columna repone. Hoc pacto procedes in reliquis ordine numeris, numeros in IV Columna semper jungendo numeris paulò ante productis in V Col. & habebis Tabulam usibus tuis congruam, uti sequitur.

F 2

T A.

LIBER PRIMUS T A B U L A

Ex qua, quantum quodlibet pondus spaciū conficiat, cognoscitur.

Minu- ta se- mife- cunda.	Nume- ri Im- pares morus acce- lerati.	Qua- drata Tem- porum.	Aggre- gata nume- rorum in pe- dibus.	Aggre- gata pe- dum ex IV Co- lumn.	1" pro 3 pedibus.					Minu- ta se- mife- cunda.	Nume- ri Im- pares morus acce- lerati.	Qua- drata Tem- porum.	Aggre- gata nume- rorum ia pe- dibus.	Aggre- gata pedum ex IV Co- lumn.
I.	II.	III.	IV.	V.						I.	II.	III.	IV.	V.
1"	1	1	3	3						31"	61	961	183	2883
2"	3	4	9	12						32"	63	1024	189	3072
3"	5	9	15	27						33"	65	1089	195	3267
4"	7	16	21	48						34"	67	1156	201	3468
5"	9	25	27	75						35"	69	1225	207	3675
6"	11	36	33	108						36"	71	1296	213	3888
7"	13	49	39	147						37"	73	1369	219	4107
8"	15	64	45	192						38"	75	1444	225	4332
9"	17	81	51	243						39"	77	1521	231	4563
10"	19	100	57	300						40"	79	1600	237	4800
11"	21	121	63	363						41"	81	1681	243	5043
12"	23	144	69	432						42"	83	1764	249	5292
13"	25	169	75	507						43"	85	1849	255	5547
14"	27	196	81	588						44"	87	1936	261	5808
15"	29	225	87	675						45"	89	2025	267	6075
16"	31	256	93	768						46"	91	2116	273	6348
17"	33	289	99	867						47"	93	2209	279	6627
18"	35	324	105	972						48"	95	2304	285	6912
19"	37	361	111	1082						49"	97	2401	291	7203
20"	39	400	117	1200						50"	99	2500	297	7500
21"	41	441	123	1323						51"	101	2601	303	7803
22"	43	484	129	1452						52"	103	2704	309	8112
23"	45	529	135	1587						53"	105	2809	315	8427
24"	47	576	141	1728						54"	107	2916	321	8748
25"	49	625	147	1875						55"	109	3025	327	9078
26"	51	676	153	2028						56"	111	3136	333	9418
27"	53	729	159	2187						57"	113	3249	339	9757
28"	55	784	165	2352						58"	115	3364	345	10102
29"	57	841	171	2523						59"	117	3481	351	10453
30"	59	900	177	2700						60"	119	3600	357	10810

EX.

EXPLICATIO TABULÆ.

Prima Columna hujus Tabulæ, dimidia unius secundi minuti, qualium 120 unum minutum primum faciunt, ostendit; unde duo quilibet se ordine sequentes numeri simul sumpti, unum minutum secundum faciunt, adeoque tota Columna, quæ 60 dimidia secunda continet, 30 minuta continere censeatur. Atque hæc sunt tempora, quibus spatia, per quæ pondus quodpiam delabitur, mensurantur.

Secunda Columna continet numerorum ab unitate imparium seriem, de quibus in præcedentibus fusè actum est, & cuilibet mensuræ aptari possunt, dato in prima Columna tempore, ut si uno semisecundo minuto pondus cadat per spatium unius pedis, hoc finito sequenti semisecundo cadere censeatur per tres pedes, & semisecundo tertio per quinque, & semisecundo minuto per 7, & sic de cæteris. Tertia verò Columna ostendit quadrata temporum, sive aggregata pedum, quos pondus dato tempore conficit; ut si pondus primo semisecundo cadat unum pedem, secundo semisecundo cadat tres, qui additi ad 1 dant 4 aggregatum pedum, quos pondus conficit 1 & 2 semisecundo, & est quadratum secundi minuti semisecundi. Verum ut alio exemplo proportionis rationem ostenderemus, hoc loco ordinavimus I V Tabulam, in quo ordine ponuntur pedes, juxta observationem *Merfenni*, qui invenit, tempore unius semisecundi minuti pondus quodpiam conficere spatium trium pedum regionum; Unde duobus semisecundis minutis necessariò conficiet spatium 9 pedum regionum, & tribus semisecundis spatium 15 pedum, & sic de cæteris. Tabula V nihil aliud monstrat, quàm aggregatum pedum, quos conficit pondus quoddam tempore in prima Columna correspondente; v. g. si pondus quodpiam uno semisecundo cadat tres pedes, conficiet id 2 semisecundo spatium 12 pedum, quia in IV Tabula 3 & 9 conjuncta faciunt 12. quemadmodum si uno semisecundo pondus conficeret spatium unius pedis, id conficeret 3 pedes altero semisecundo, ad quos primus pes junctus facit 4, quadratum videlicet duorum semisecundorum, uti in secunda & tertia Tabula patet, & omnia ex structura Tabulæ paulò ante indigitatæ sat superque elucescunt. Aggregata itaque numerorum in I V Columna positorum, iidem prorsus numeri sunt, qui in Tabula V; 3 enim ad 9 juncta dant 12, qui secundum in V Columna locum obtinet; 15 verò 9 & 3 in IV Tabula simul juncta, dant tertium in V Columna numerum 27; quem eundem habebis, si 15 junxeris ad 12, qui immediatè præcedit 27. Pari pacto si 21, 15, 9, 3, in unum junxeris, proveniet 48, quartus in V Col. numerus, qui idem emergit ex additione 21, ad 27, una in V Col. sede superior.

Reliqui itaque ordine sequentes numeri simul aggregati dant numerum pedum, quos pondus conficit, semidiametrorum in I Columna positorum correspondente tempore.

EXEMPLUM.

Si velis scire, quantum spatium pondus aliquod conficiat ex certa quadam altitudine dejectum tempore 10" semisecundorum, sive quod idem est 5"; vide quis numerus in secunda Columna 10 semisecundis respondeat, & invenies 19 pedes conficere; posito tamen uno semisecundo pondus decidere per spatium unius pedis; si verò juxta *Merfenni* observationem uno semisecundo tres pedes confecerit, & scire velis, quantum spatium conficiat tempore 10 semisecundorum, id est 5", tunc vide in prima Columna numerum 10, & invenies in I V Columna correspondentem 57, qui indicat spatium, quod dato tempore trajicit pondus. Si verò aggregatum omnium pedum, quos per 10 semisecunda confecit pondus, habere desideres, omnes ordine numeros usque ad 3, primum in Columna V numerum addes, & provenient 300, quem eundem in V Tabula è regione 10 semidiametrorum correspondentem reperies.

Porro si per experientiam deprehenderes, pondus aliquod spacio unius minuti secundi conficere 6 pedes, juxta hanc experientiam, Tabulam observationis habebis hac industria: Ponantur in primo ordine minuta secunda, deinde numeri ab unitate impares; tertio numerum primo loco in tertia Tabula positum duc in 3, videlicet in secundum Col. II. numerum imparem, & habebis 18; deinde duc 3 imparem videlicet 5 in 6, & habebis 30, quem sub 18 pones; rursus duc 6 in 7, videlicet in quartum imparem numerum, & habebis 42, & sic semper in omnes ordine impares numeros 6 duces, & summa dabit quæsitum, prout Tabula ostendit in decem tantum semisecundis exhibita. Hoc pacto dato tempore & spacio, per quod grave quodpiam decedit, nullo negotio Tabulas condere poteris. Sed qui structuram præcedentis Tabulæ intellexit, in reliquis aliis infinitis condendis nullam reperit difficultatem.

PRAGMATIA II.

Continuatio Tabulæ præcedentis in infinitum.

SI velis quamcunque Tabulam continuare in infinitum, ita procedito: Multiplicabis quadrata Casuum in ultimum numerum in Columna contentum, & habebis quæsitum.

EXEMPLUM.

Si velis scire, quantum cadat lapis tempore 60", aut 120 secundorum dimidiorum, id est, bis tanto tempore, quanto tempore 60

F 3

semi.

semifecundis aut 30" cadit; sic age: cùm enim ultimus numerus Columnæ quintæ sit 10810, hunc duces in 4, id est, in quadratum binarii numeri, quod quadratum in tertia Columna è regione 2 continetur, & habebis 43400, numerum pedum, per quos dictus lapis cadit tempore 60" aut 120 semifecundorum, id est, uno minuto primo. Iterum si velis scire, quantum cadat ter tanto tempore, quanto cecidit per 60 semifecunda; tunc iterum multiplicabis ultimum in quinta Columna numerum 10810 per quadratum ternarii in Tertia Columna contentum, id est, per 9, & provenient 97290 pedes, spatium quæsitum. Porro si scire velis, quantum cadat quater tanto tempore, quanto cecidit 60 semifecundis; multiplicetur quadratum quaternarii in Tertia Columna contentum, videlicet 16 in ultimum Tabulæ quintæ numerum, videlicet in 10810, uti prius, & habebis 172960, spatium pedum quæsitum; & sic in infinitum procedendo, si quadrata ordine naturali in Tertia Tabula contenta, semper in ultimum quintæ Tabulæ numerum duxeris, dabit productum semper numerum pedum, tantò semper majorem, quantò quadratum, numero id constituyente, majus est. Verbi gratia, si scire velis, quanto tempore spacium sexagies majus conficiat, quàm illud, quod conficit 60" semifecundis; tunc duces quadratum radicis 60, id est, 3600 in ultimum quintæ Tabulæ numerum 10810, & habebis 17316000, spacium pedum, quod tempore 3600 semifecundorum lapis conficit, quæ divisa per 15000 pedes, tot enim unam leucam efficiunt, constituunt 1154 $\frac{2}{3}$ leucas, quas lapis quispiam conficiet, quarum 1145 semidiametro Terræ æquantur. Minuta itaque dimidia secunda 3600 per 60 divisa, exhibebunt nobis tempus horarum 2 $\frac{1}{4}$, quo lapis conficeret spacium 1154 $\frac{2}{3}$ leucarum.

COROLLARIUM.

Ex hisce patet, quomodo calculare possis tempus, quo lapis quispiam ex coelo Lunæ, Solis, Jovis, Saturni, Firmamento caderet. Quæ cum ex exemplis hic declaratis satis superque constent, & nullo negotio calculari possint, iis, quibus majus otium est, computanda relinquo.

§. II.

Quomodo inveniendum sit spatium, quod ultimo minuto lapis quispiam conficit.

SI scire velis, quantum spatii conficiat lapis quispiam ultimo minuto semifecundo motus sui; posito lapidem conficere totam altitudinem 43200 pedum 60" minutis aut 120 semifecundis, quæ uni minuto primo æquivalent; Sic age, quære in Columna minorum semifecundis, numerum 120, & vi-

de quis impar numerus ei correspondeat, & invenes 239, quem si per 3 multiplices, habebis 717 pedes, spatium quæsitum, quod ultimo minuto semifecundo conficit. Cùm verò tædiosum sit, semifecunda in Tabula continuare, nullo pænè negotio invenes subito quemvis imparem numerum hac industria; numerum semifecundorum propositum dupla, & à duplato unitas ablata dabit quæsitum, Exempli gratia: Sit assignandus numerus impar, trigesimo minuto semifecundo correspondens; dupla 30 & habebis 60, à quibus sublata 1. relinquet 59 qui est impar numerus quæsitus, 30 semifecundo correspondens. Si iterum velis scire 120 semifecundo quis numerus impar respondeat, à duplato hoc numero 240 sublata unitate relinquet 239, numerum imparem quæsitum. Item si 3600 minutis semifecundis, quæ 30 minutis primis æquivalent, numerum imparem correspondentem desideres, dupla 3600, & habebis 7200, numerum imparem quæsitum, unitate subtracta, id est 7199; non secus quemlibet alium numerum datis minutis semifecundis reperies. Hos impares numeros, si per numerum imparem unius minuti semifecundi multiplicas, dabit tibi summa pedes, quos in ultimo minuto semifecundo conficit lapis.

Dabo aliud exemplum. Si velis scire casum unius horæ; 3600 quadratum 60 duces in casum unius 1', videlicet 7200; & prodibunt 25920000 perticæ, id est, 155460000 pedes, quæsitum unius horæ casum; hujus, ultimo minuto secundo, casum si scire desideres, duc numerum imparem 14399 in huic correspondentem unitate minorem, casu semifecundi, unius horæ, quem & duces in 3, uti dictum est, & habebis 43197 pedes, quæsitum casum ultimi semifecundi.

CONSECTARIUM I.

Cùm violentus motus eam rationem tamen si inversam habeat, quàm gravium motus ex alto deorsum, uti supra ostendimus; Colles inde, haberi facile posse longitudinem spaciolorum in aëre, quam scloporum, sagittarum, aliorumque quorumcunque missilium motus conficiunt; ad hoc enim cognoscendum, nihil aliud requiritur, nisi tempus æquale, quo, dicta, motum suum finiunt. v. g. si 10" tempore conficiat lapis quispiam ex alto lapsus, spacium longitudinis 300 pedum: missile verò quoddam tempus insumat pariter 10" secundis, inferes spacium trajectum pari pacto esse 300 pedum longitudinis.

CONSECTARIUM II.

Hinc patet quoque, quomodo singulorum missilium spatia exacta ratione definiri queant, comparando motus horum cum motibus secundum naturam, five quod idem est, quomodo motum projectilium violento mo-

tu


tu discufforum, ad naturalium motuum mensuram, & ad Geometricas leges reducere possis; quarum operationum ne in quoquam, curioso Lectori defuisse videremur, nonnullas hic apponendas censuimus.

PRAGMATIA III.

Cognoscere, qualem lineam describeret globus plumbeus ex Luna superficie cadens in Terram, supposito Terra motu diurno circa proprium axem.

SI Terra, juxta Copernici sententiam perpetuam conceptam, circa axem mota, 24 horarum spacio cursum suum conficeret, putant Lyncei, lapidem non per lineam rectam casurum in Centrum Terræ, sed per semicirculum, & quod totus aër uniformiter circa Terram rapiatur. Quæ sententia, cum multas absurditates involvat, eam hic refutandam duxi: Primò enim, hic motus fieret vel à superficie æquatori terrestri correspondente, vel à superficie paralleli, sive minoribus circulis congruis, vel denique juxta Polos terrestres secundum axem; priori sanè modo in plano æquinoctiali describeret helicem; secundò eandem helicem, sed circa Centrum complicatam, uti postea ostendemus; tertio lineam rectam; ergò semicirculum minime describere poterit. Secundò, cum supra ostenderimus, motum accelerationis fieri juxta numerorum imparium proportionem, fieri non potest, ut hujusmodi motus exhibeatur, si semicirculum describeret, imò motus fieret, motui accelerationis prorsus contrarius. Tertio sequeretur, motum hujusmodi eundem motum exhibere, quem motus Lunæ in suo circulo, atque adeo 60 graduum spacio, quod Luna in suo circulo exhibet, idem spacio conficeret sex horis lapis deorsum dilapsus, quod contra suppositionem nostram est; cum lapis à Lunæ superficie cadens intermedium spatium non nisi duabus horis & 29' conficiat, uti supra demonstravimus. Primò itaque ostendemus, qualem lineam describat lapis ex superficie Terræ in Centrum cadens, posito, sed non concesso, Terram moveri circa axem suum. Ducantur duæ lineæ A C & C O, quarum utraque repræsentet semidiametrum Terræ, hæc duæ lineæ angulum intercipient 6. grad. 22. min. Si itaque linea A O ponatur, radius 10000 partium, erit juxta Tabulas sinuum necessariò subtensa A O 11178; dividatur enim arcus A O in 5 partes æquales, cujus unaquæque unum gradum cum 16' comprehendat; linea verò A C dividatur in 25 partes, hoc pacto, ut prima A B sit $\frac{1}{5}$, sive unam partem constituat ex 25 partibus: Secunda B D 3. Tertia 5. Quarta 7. Quinta 9. ducaturque ex Centro C per singulas partes, arcus: Hoc posito fiet, ut cum Terra mota fuerit ex A in S, pondus eodem tempore cadat ex A in

B, tempore 5', 6'', & si mota fuerit ex S in T, pondus cadat ex B in D, tempore pariter 5', 6'', minorum; & si mota fuerit Terra ex T in V, id est, tres arcus A O portiones descripserit, lapis ex D in E interim spatium



conficiat; & Terra pertingente ex V in X, lapis spatium conficiat ex E in F, & veniente Terra ex X in O, lapis ex F in C spatium conficiat, æquali temporis intervallo, videlicet 5', 6''.

Lapis itaque ex puncto A, in Centrum Terræ circa axem suum motæ, lapsus, non lineam rectam nisi in Polis cadendo faciet, sed quolibet altero Terræ puncto describeret lineam curvam A B D E F C. Ita accelerationis proportio juxta imparium numerorum rationem servaretur, proportioque duplicata temporum, quæ motus Lunæ in arcu A O mensurat.

Si verò pondus è loco à Centro Terræ 326 semidiametris terrestribus remoto laberetur, tunc illud sex horarum spacio perveniret ad Centrum, & linea casus hoc casu lineam formaret non remotam à semicirculo, posita tamen proportionem duplicatæ rationis; si verò proportio foret, ut sinus versus ad arcus, tunc perfectum sub data altitudine semicirculum describeret: Extra verò hanc distantiam describeret helicem, si altitudo 326 semidiametris Terræ foret major. Quæ omnia ex prædictis facile concludi possunt.

CON.

CONSECTARIUM.

Patet itaque ex dictis, demonstrationem *Galilaei* de motu lapidis semicirculum describente, posito Terræ motu diurno circa axem suum, minimè subsistere, neque ulla ratione inde motum Terræ concludi posse, uti ii arbitrantur, qui Terram, velit nolit, in circulos nimis audacter agitant. Neque quicquam

facit ad austruendum Terræ motum, motus cadentis lapidis ex carchesio navis currentis in eundem locum, in quem cecidisset, immotâ nave, cum hunc effectum sortiatur lapis in omni motu progressivo, sive quis curru, sive cursu agitatus lapidem in altum projiciat, sive Terra quiescat sive moveatur; Sed quoniam hujus experimenti rationes & causas alibi fuisse demonstravimus, supervacaneum esse ratum sum, hic eadem repetere.

CAPUT IV.

De Pendulorum usu in rebus ad Geometriam spectantibus.

PRAGMATIA I.

Altitudines rerum metiri ope pendulorum.

SIt Exempli gratia chorda, cui lampas alligata per tholum deducatur in inferiore templi partem, & desideret quispiam scire altitudinem tholi à terra; Intructum prius habeas oportet filum unius pedis cum plumbo: quo comparato, sic operare: Nota quot vibrationes chorda unius pedis faciat, interim dum chorda agitata unam vibrationem facit; & invenio v. g. minorem unius pedis chordam octo vibrationes facere, id est, octies currere & recurrere, deum chorda major semel currit & recurrit. Octo itaque vibrationes in se duces, id est, quadrabis, & habebis 64, altitudinem tholi ad lampadis terminum quæsitam; quibus si junxeris altitudinem à termino chordæ majoris ad superficiem pavimenti, habebis totam altitudinem; Cum enim supra ostenderimus, motum pendulorum esse in duplicata ratione temporum, necessario sequitur, octo tempora quæ filum minus, octies suo cursu recursuque mensurat, in se ducta, assignare altitudinem.

CONSECTARIUM I.

Vibr.	Altit.	Vibr.	Altit.	Hinc sequitur, ex
1	1	22	484	Tabula hic apposita,
2	4	23	529	quarumcunq; rerum
3	9	24	576	altitudinem nullo ne-
4	16	25	625	gotio mensurari pos-
5	25	26	676	se, solius pedalis fili
6	36	27	729	subsidio; si enim re-
7	49	28	784	pereris filum tuum ad
8	64	29	841	unam chordæ longio-
9	81	30	900	ris vibrationem sexies
10	100	31	961	currere & recurrere,
11	121	32	1024	dabit tibi in secunda
12	144	33	1089	Columna numerus è
13	169	34	1156	regione 6, in prima
14	196	35	1225	Columna, altitudi-
15	225	36	1296	nem quæsitam; vide-
16	256	37	1369	licet 36 pedum; si de-
17	289	38	1444	cies recurrerit, habe-
18	324	39	1521	bis altitudinem 100
19	361	40	1600	pedum: Si vigesies,
20	400	50	2500	400; si trigesies, 900;
21	441	60	3600	si denique quadrage-

fies cucurrerit & recurrerit, habebis altitudinem 1600 pedum, tametsi vix chordam reperis tantæ longitudinis.

CONSECTARIUM II.

Si verò nosse desideres, quot nam vibrationes unius pedis filum ad datam quamvis altitudinem faciat; accipe quemcunque quadratum numerum, & ejus radix dabit quæsitum. V. G. desideret quispiam, quot vibrationes chorda minor faciat, interim dum major chorda longa 3600, unam vibrationem facit: Extrahe ex 3600 radicem, & habebis 60 vibrationes in chorda minori quæsitas. Sit chorda tantæ longitudinis, quanta est distantia Centri à superficie Terræ, videlicet, 16975000 pedum, quæ semidiametrum Terræ referat, & nosse velis, quot vibrationes chorda 1 pedis faciat, interim dum unam chorda semidiametri Terræ æqualis conficit: Extrahe à 16975000 radicem quadratam, & habebis quæsitum. videlicet 4120 + 600 vibrationes.

PRAGMATIA II.

Aliam Tabulam construere, ut longitudinibus chordarum exhibitis, cognoscatur, quantum temporis, id est, quot minutis secundis singula chordarum datarum vibrationes durent.

TAbula hæc ita construitur: Ponantur in prima Columna, ordine, minuta secunda, quousque volueris, v. g. 60, quibus in secunda Columna succenturiabuntur quadrata temporum respondentium; quæ quidem nullo negotio habentur, cum secunda ordine in se ducta illa exhibeant; adeoque primæ Columnæ numeri nihil aliud monstrent, quam radices quadratorum in secunda Columna descriptorum. Tertia Columna continet longitudines chordarum in pedibus, quarum vibrationes ostenduntur durare tanto tempore, quot è regione in prima Columna illis minuta secunda correspondent: Construitur autem hujus Columnæ Tabula eo, quod sequitur artificio. Supponimus autem primò filum trium pedum cum dimidio unam vibrationem

tionem conficere tempore unius minuti secundi; unde hic numerus tanquam fundamentum totius Tabulae merito primum in tertia Columna locum obtinet; ex hujus enim multiplicatorum in secunda Columna numerorum, & multiplicatorum in prima Columna numerorum (eo modo, quo docebimus) aggregato, summæ in tertia Columna exhibebuntur, uti in exemplo videbis. Primum $3\frac{1}{2}$ in tertia Columna, primus numerus, ductus in secunda Columnæ numerum secundum, id est, in 4, dat 12, quibus si adjunxeris 2, secundum in prima Columna numerum, prodibunt $14\frac{1}{2}$ secundus in tertia Columna numerus, id est, longitudo chordæ, cujus singulæ vibrationes seu diadromi durant duobus secundis. His positis formantur hæ propositiones, quarum unaquæque duas operationes habet: prima operatio fit per multiplicationem $3\frac{1}{2}$ in II Columnæ quadrata simpliciter sine numeris fractis; altera fit per multiplicationem factorum, uti sequitur.

PROPOSITIO I.

Longitudinem chordæ invenire, cujus singuli diadromi tribus secundis durent.

Sic age, duc $3\frac{1}{2}$ in 9, id est, primum in tertia Columna numerum $3\frac{1}{2}$, in tertium secundæ Columnæ, videlicet in 9, & habebis $29\frac{1}{2}$; his adde aggregatum 1 & 3, videlicet 4, five quod idem est productum ex multiplicatione medietatis numeri ternarii $1\frac{1}{2}$, in totum, cujus medium est, & habebis $31\frac{1}{2}$ chordæ longitudinem quæsitam; uti Tabula docet.

PROPOSITIO II.

Longitudinem chordæ reperire, cujus singuli diadromi quatuor secundis durent.

Duc numerum $3\frac{1}{2}$ in 16 quadratum in II. Col. quartum, & habebis 48, iterum multiplica medietatem numeri quaternarii, id est, 2, in totum, cujus medium est, videlicet in 4, & productum 8 junge 48 paulò ante invento numero, & habebis 56, longitudinem chordæ quæsitam.

PROPOSITIO III.

Longitudinem chordæ reperire, cujus unius diadromus duret quinque secundis.

Duc rursus $3\frac{1}{2}$ in 5 secundorum quadratum, id est, in 25, & habebis 75; deinde duc medietatem numeri quinarum $2\frac{1}{2}$ in totum, cujus medium est, id est in 5, & productum junge 75 paulò ante invento numero, & habebis $87\frac{1}{2}$ longitudinem chordæ quæsitam, uti Tabula docet.

PROPOSITIO IV.

Longitudinem chordæ invenire, cujus unius diadromus duret sex secundis.

Duc rursus $3\frac{1}{2}$ in sex secundorum quadratum, id est, in 36, & productum 108 junge productum 18 ex medietate numeri senarii, videlicet 3 in totum, cujus medium est, videlicet in 6 resultans, & habebis 126 longitudinem chordæ quæsitam.

PROPOSITIO V.

Longitudinem chordæ reperire, cujus unius diadromus duret septem secundis.

Duc $3\frac{1}{2}$ in 7 secundorum quadratum, id est, in 49, & huic productum junge productum $24\frac{1}{2}$ ex medietate numeri septenarii, id est, $3\frac{1}{2}$ in totum hujus, id est, in 7, & habebis $171\frac{1}{2}$ longitudinem chordæ quæsitam.

PROPOSITIO VI.

Longitudinem chordæ reperire, cujus unius diadromus octo secundis duret.

Duc $3\frac{1}{2}$ in 8 secundorum quadratum, videlicet in 64 & habebis 192, & deinde duc medietatem octonarii iterum in 8, ejus totum, & summam 32 junge 192, aggregatum enim 224 dabit quæsitum.

PROPOSITIO VII.

Longitudinem chordæ reperire, cujus singuli diadromi 9 secundis durent.

Duc $3\frac{1}{2}$ in 9 secundorum quadratum 81, & habebis 243; cui si junxeris 46 productum ex multiplicatione medietatis novennarii $4\frac{1}{2}$ in totum sui, id est, in 9, summamque habebis 289 pedum longitudinem chordæ quæsitam.

PROPOSITIO VIII.

Longitudinem chordæ reperire, cujus singuli diadromi decem secundis durent.

Duc $3\frac{1}{2}$ in 10 secundorum quadratum 100, & habebis 300, cui productum ex medietate denarii in 10 totum, id est 50, junctum dat 350, longitudinem chordæ quæsitam.

Hoc pacto 11 secundorum quadratum 121 ductum in $3\frac{1}{2}$, & huic junctum productum ex medietate undenarii in 11 totum, videlicet 60, dant $423\frac{1}{2}$ longitudinem chordæ quæsitam. Haud secus in omnibus ordine secundorum quadratis per $3\frac{1}{2}$ multiplicandis, & jungendo ei productum ex medietate numeri in ipsum numerum, quem secunda minuta referunt, procedes, donec totam tabulam confeceris, quam hoc pacto in infinitum produces.

G

Nota

Nota Lector, primam operationem fieri, multiplicatione $3\frac{1}{2}$ in quadrata secundorum, quæ in secunda Columna continentur, simpliciter sine numeris fractis, siquidem fractionum computus in secunda operatione peragitur; de quibus te primum monendum duximus, ne nos in calculo minus sincerè processisse cogitare posses.

SEQUITUR TABULA.

Radices.	Quadrata.	Longit.chord.in ped.
1	1	$3\frac{1}{2}$
2	4	14
3	9	$31\frac{1}{2}$
4	16	56
5	25	$87\frac{1}{2}$
6	36	126
7	49	$171\frac{1}{2}$
8	64	224
9	81	$283\frac{1}{2}$
10	100	350
11	121	$483\frac{1}{2}$
12	144	504
13	169	$551\frac{1}{2}$
14	196	686
15	225	$787\frac{1}{2}$
16	256	896
17	289	$1011\frac{1}{2}$
18	314	1099
19	361	$1263\frac{1}{2}$
20	400	1400
21	441	$1543\frac{1}{2}$
22	484	1694
23	529	$1851\frac{1}{2}$
24	576	2016
25	625	$2187\frac{1}{2}$
26	676	2366
27	729	$2551\frac{1}{2}$
28	784	2744
29	841	$2943\frac{1}{2}$
30	900	3150
40	1600	5600
50	2500	8750
60	3600	12600
70	4900	17150
80	6400	22400
90	8100	28350
100	10000	35000
500	250000	875000
1000	1000000	3500000
5000	25000000	87500000
10000	100000000	350000000
100000	10000000000	35000000000
1000000	1000000000000	1500000000000

Id est, si 10000000 leucis seu semidiamentris Terræ 18299 longa foret chorda, illa 11 dies faceret unum diadromum, dum unius pedis chorda faceret 1000000.

USUS TABULÆ.

Tabula hæc non potest servire ultra 30^a minuta; cum enim chorda huic correspon-

dens sit 3150 pedum, fieri vix potest, ut talis in sublunari Mundo altitudo assignari possit, ex qua chorda dependere queat. Hinc ad 20 numerum, cui respondet altitudo 1400 pedum, usus esse posset, cujusmodi mons Picus in Canariis Insulis, si perfoffus esset, assignare posset; sed cum & hoc difficile sit; hinc Tabulæ hujus usus ad 15 minuta secunda solummodo usui esse potest. Exempli gratia, si nosse cupias, quanta esse debeat chorda quæpiam, quæ unum diadromum conficiat, dum interim chorda $3\frac{1}{2}$ pedum 15 efficit diadromos; quæres numerum 15 in prima Columna, & in tertia Columna correspondens dabit quæsitum, chordam videlicet $787\frac{1}{2}$ pedum altitudinem. Hoc pacto 10 dabunt chordam 350 pedum, & sic de cæteris.

Numeri verò, qui ultra 30 minuta in Tabula usque ad 1000000 continentur, monstrant tantum, quanta chorda quæpiam esse debeat, quæ unum diadromum efficiat, dum interim tripedalis chorda efficit 30.40.50.60.80.90.100.1000.1000000. Quæritur itaque, quanta chorda esse debeat, quæ unum diadromum conficiat, dum interim chorda tripedalis facit 1000000. Dico, hanc chordam esse debere 1500000000000 pedibus longam, qui in leucas resoluti dant 10000000 leucas, hæ in semidiametros terrestres, quarum una 1145 leucas continet, resolutæ dant 18299 semidiametros terrestres, atque aded spacio 11 dierum conficeret unum diadromum; Et uti chorda multis parasangis superat Firmamenti altitudinem, ita vibratio quoque, seu motus chordæ, 11 dierum spacio peractus non plus sensibilis foret, quàm incrementum herbarum; Accedit, quod pondus, quod chordam tendere deberet, multis vicibus totam terreni corporis molèm excedere deberet, ad eam protendendam; Chorda verò 12 pedum, diametrum habere deberet, ut pondus sustineret, alioquin proprio pondere disrumpenda; quæ omnia ratiocinio Mathematico deduci possunt. Accedit chordam pondere quocunque prægravatam, diadromis suis non semicirculum, sed semiellipsin describere, pondere videlicet chordæ annexo, suâ gravitate chordam ultra semicirculum extendente; unde pondus paulatim plus & plus pro chordæ inclinatione gravitans, necessariò aliquam Sphæroidem seu ellipticam describeret, quod tamen non heret, si pondus catenæ ferreæ annexum esset.

PRAGMATIA III. Astronomica.

Chronometrum, quod minutissimas horarum partes assignet, construere.

Nemo Astronomorum nescit, quanti exacta horarum, earumque minutissima divisio in praxi Astronomica momenti sit, ut proinde nulla alia in re magis laboraverint coelestium rerum mensores, quàm ut horologium

logium quoddam, quod minutissimas horarum partes exhiberet, inveniret, quod quidem consequi non potuerunt; hoc autem sola unius fili tripedalis ope absurde fieri posse, hoc loco demonstrabimus. Accipe filum trium pedum cum dimidio, pondere suo probe instructum; hoc epim juxta *Mersenni* observationem cursu recurſuque suo præcisè tempus unius minuti secundi explebit, id est, $\frac{1}{60}$ minuti primi, seu $\frac{1}{3600}$ unius horæ. Excellentissimus verò Medicus & Mathematicus *Ioannes Marcus Marci* in usum rei Astronomicæ perpendiculum assumit quinque digitorum & paulò plus; hujus enim unam vibrationem exactiori pulsui arteriæ respondere comperit, aded ut, cum unius horæ spatio arteria pulsus edat 4850, totidem & perpendiculum vibrationes conficere censendum sit: Quoniam verò hic motus velocissimus ob circuli exiguitatem minus est diuturnus, sufficit, illud, quoadusque motus perpendiculi uni minuto secundo sit æqualis, producere; quod quidem perpendiculum ita productum, erit æquale perpendiculo à *Mersenno* constituto $\frac{3}{4}$ pedib. uni secundo mensurando aptum: Sed & hujusmodi perpendiculum, propria observatione & experientia, hac industria constitues. Accipe quodlibet perpendiculum aliquantulum productius, eoque agitato, vide, quot cursu-recursus, spatio unius quadrantis horæ faciat; repererisque 300^{es}. id currere & recurrere. Colliges itaque inde spatio unius horæ id currere & recurrere 1200^{es}. quod nosse desiderabas. Quomodo verò hujusmodi filo, motus stellarum mensurandi sint, fusè tractatum vide in *Almagisto* novo doctissimi Patris *Ioannis Baptiste Riccioli*, ubi quæcunque circa hoc negotium desiderari possunt, reperies.

Sed omnibus hucusque ab ingeniosis Artificibus inventis horometriis palmam præripit novum horologii genus non ita pridem inventum, quod solius simplicis penduli vibratione, non horas tantum, sed & quadrantes, minuta prima, & quod amplius minuta secunda exactè demonstrat. Et uti id pulchrum fane rarissimumque inventum est, ita dici vix potest, in quantam admirationem omnes spectatores, dum pendulum veluti perpetuo quodam motu agitatum vident, rapiat; accedit quod in exacta temporum mensura siderumque motibus exactè observandis nihil commodius, securius, excellentiusque ab Astronomis desiderari possit; Verum cum hujus fabricam ususque amplè in *Nostro Itinerario Hetrusco* descripserimus, eo Lectorem remittimus.

PRAGMATIA IV. Geographica.

Num Longitudines locorum reperiri possint ope fili Chronometri.

Non defuerunt ex Modernis, qui hujus ope fili, longitudines locorum investi-


gari posse, sibi persuaserunt; & hoc pacto negotium institui posse putant. In ipso momento discessus ex portu observetur per Astrolabium hora diei præcisè, deinde eodem momento, quo navis rectà in Orientem, vel Occidentem discedit, vibrationes instrumenti numerandæ, posito, illud 1200 cursu-recursus tempore unius horæ conficere; Si itaque recto tramite, & æquali venti impetu, navi promotà, inveneris cursu-recursus in instrumento factos esse 2400, colliges navim duas horas abesse à portu; si 3600, tres; si 4800, quatuor horas abesse à portu, & sic deinceps. Verum qui praxin hanc penitus discusserint, facile videbunt, consistere minime posse, quod tam lubrico, & inconstanti fundamento nititur; præsupponitur enim hoc loco motus navis semper uniformis & æqualis volatus, quem vix ad unam horam obtinere se posse, ob ventorum inconstantiam & varietatem, sanctè mihi affirmant Nautæ. Alterum est, quod istiusmodi artificium, nullum successum habere videatur, nisi tunc, quando navis Rhombum Notozephyrium tenet, id est, recta in Ortum vel Occasum tendit. Accedit, vibrationum numerandarum difficultas, cum vix fieri possit, ut tot ac tantæ vibrationes, nisi succenturiatis sibi operatoribus, ad duas aut tres horas sine errore aut perturbatione peragi queat, oculis ad tantas minutias paulatim, cum summo tædio caligantibus. Cum itaque negotium hoc in praxi summè tædioſum, & innumeris erroribus ob clamores & tumultus nautarum obnoxium sit, præter suprà insinuatæ difficultates; id in negotio Geographico adhibendum minime cenſeo. Verum de his exactius in *Nostro Concilio Geographico* disertum fuerat, quod si furto non subductum fuisset, forſan non indigna huic negotio ritè peragendo Lector in eo reperiret.

PRAGMATIA V. Medica.

Differentias pulsum arteriæ reperire ope fili Chronometri.

Fiat primò Instrumentum, eo, qui sequitur, modo, & industria. Fiat tigillum AB, cujus superiorem superficiem in quocunque partes æquales divides. V. G. in centum aut 50; tigillumque hoc, divisum supra fulcimentum CD ita affiges, ut loco dimoveri non queat; pes quoque fulcimenti plumbo coagmentatus stabilitatem Instrumento, ne vel minimum vacillare possit, inducat. Hoc præstito, accipe chordam ejus tenuitatis, cujusmodi in cheli minori, minima esse solet, hanc per foramina A & B in extremitatibus tigilli facta ita transfiges, ut affixis in utroque extremo chordæ E & F ponderibus, chorda prohibitu prolongari aut abbreviari possit, & habe-

habebis instrumentum paratum; cuius usus hic est, qui sequitur. Exploraturus itaque pulsum arteriæ differentias, quære primam vibrationem, quæ uni pulsui arteriæ pro eo tempore respondeat, quod assequeris, alter-



utram chordæ extremitatem prolongando vel abbreviando; si enim pulsus velocior fuerit, chorda abbrevianda erit, si tardior, prolonganda, & hoc pacto procedes, donec vibrationem chordæ inventas pulsui arteriæ prorsus æqualem, quæ sit v. g. A F vel B E; hæc enim erit penduli longitudo, cujus una vibratio æquatur uni pulsui, quam diligenter notabis hac industria: In superiori chordæ parte quæ A B comprehenditur, insere chordæ gemmam seu nodum ita strictè, ut non nisi ægrè promoveri queat, & hanc gemmam promove supra primum divisi tigilli A B gradum, quadragesimum in R, eâ cautelâ, ne A B chorda in prima sui longitudine dimoveatur. Si itaque altero die pulsus differentiam scire desideres, tunc prolongando vel abbreviando chordæ alterutrum extremum in tantum promovebis, donec eam penduli longitudinem sortiaris, quâ una vibratio uni pulsui arteriæ respondeat; quo præstito vide, quem gradum gemma in tigillo abscondat; hæc enim erit differentia pulsum inter hodiernum & hesternum diem quæsitâ.

Exempli gratia: Sit Chordæ B E longitudo, quæ vibratione suâ unum arteriæ pulsum, hominis in sanitate optima constituti, adæquet, & gemma quadragesimum gradum in R signet; postero verò die denuò tentas pulsum, & invenis eum velociorem; unde chorda B E abbrevianda est in tantum, donec unam abbreviatæ chordæ vibrationem, uni præcisè pulsui respondere reperiâs; quo facto vide, quem in linea tigilli A B gradum gemma secet; ponamus autem ex abbreviata chorda gemmam unâ ex R in G promotam seu retroactam, ubi cum 30 gradus abscondat, concludes differentiam pulsum prioris & posterioris diei esse 10, id est 10 gradibus velociorem: Si verò pulsus posterioris diei fuerit tardior, tunc chorda A E prolonganda est, donec æqualitatem vibrationis chordæ cum pulsu inveneris, & notandum


insuper, quem in linea tigilli gradum gemma abscondat, & invenies v. g. eam in 50 gradu subsistere; inferes igitur, differentiam pulsum esse iterum 10, id est, pulsum prioris diei à posterioris diei pulsu tardiorem esse 10 gradibus. Haud secus in aliis procedes.

APPENDIX.

De chordarum harmonico motu.

Cum chordarum in instrumentis musicis motus, eâ prorsus ratione se habeat, quâ pendulorum motus; hinc nonnulla in Musurgia fusè tractata repetemus, ne quicquam ad Centrosophiam necessarium omisisse videamur.

Notum est quotidianâ experientiâ, chordas, quibus instrumenta musica instrui solent incitatas, non secus ac pendula ultra citraque currere ac recurrere, donec in media directionis linea quiescunt veluti in Centro suo, quod appetunt, eâdem prorsus ratione ac lapis in centrum Terræ coniectus, non statim ac centrum attigit, quiesceret, sed ultra citraque vibratus in tantum violenti motus reciprocationes proportionali diminutione & decremento continuaret, donec tandem in Centro conquiesceret. pari pacto A B chor-



da extensa violenter tractaque in B, recurret in F, & hinc in G, & hinc recurret in H, & ex H in I, & hinc tandem in K veluti centro quiescet. Idem igitur facies quod pendulum sublatum in E recurreret in F, & hinc in G, & hinc in H, & hinc in I, & tandem in K quietis centrum. Ex hisce sequitur 10 diadromum chordæ maximum eodem tempore totum conficere spacium, quo minimus, aut intermedii, arcusque tam E F maximum; quam I K minimum, cæterosque intermedios æquidistantes fore.

Cum enim violentia & impetus, quo extra lineam quietis A B trahitur chorda A B in E tanto major sit, quanto spacium diadromi E F


EF est longius, hinc illa quoque tanto velocius spacium FG percurrat, quanto diadromi primi intercapedo major est. Unde necessario reliquos ordine diadromos æquidistantes esse patet; cum, quantum ipsis decedit ea longitudine, magnitudine, & impetu diadromorum, tantum accedat ad brevitatem spacii, quod iis conficiendum est, atque adeo diadromorum longitudo ad tempus sit in proportione inversa. Ex. grat. sit chorda AB quæ conficiat 100 diadromos, faciatque unum pedem primo diadromo EF; & centesimam partem pedis ultimo, id est centesimo diadromo IK. Dico primum diadromum EF centies velociorem esse centesimo, cum hic centies lentior sit, & minus violentus quam primus, utpote proximus quieti. Patet itaque rationem numeri vibrationum chordarum esse inversam ad earundem longitudinem. Utrum verò in punctis diadromos terminantibus chorda quiescere dici possit, fusè discipravimus in *Musurgia nostra* fol. 428. Utrum quoque qualicunque tandem industria in notitiam numeri diadromorum pervenire possimus, fusè *ibidem* traditum est.

CONSECTARIUM HARMONICUM.

Ex dictis patet, universæ Musicæ rationem hisce nostris principiis inniti. Cum enim sonus quilibet componatur ex tot acuminis & gravitatis gradibus, quot diadromorum reflexorum puncta sunt, quibus toties auris tympanum, dato aliquo tempore, à commoto aëre percutitur; luculenter patet tam sonos, quam consonantias dissonantiasve omnes nihil aliud esse præter varios motuum aëris ad aures appellentium numeros, nervorum spirituumque acusticorum ope ad animum usque delatos. V. G. Si auris tympanum duodecies aliquo dato tempore feriat, sonus tunc auditus ex 12 acuminis gradibus componetur; anima per potentiam suam auditivam multò se aliter hisce 12 gradibus affici, quam quolibet altero percussorum numero sentiet. Rem exemplo declaremus: Sint duæ chordæ AB, CD. quarum AB duodecies, & CD sexies aërem vibratione sua percusserit, illæque eodem tempore eademque duratione aurem ferierint, anima necessario sentiet consonantiam, quam Octavam vocant, sub dulpa vibrationum proportionione consideratam. Quoniam enim, ut se chorda AB ad chordam CD, & 6 vibrationes aëris, ad 12; ita sese habent ad invicem motus aëris tympano auriculari innati. Hi autem duo motus si sint in dupla proportionione, ergo & in dupla proportionione motus aëris in tympano erit: Id est, dum chorda CD sexies curret & recurret, chorda AB duodecies curret & recurret; Diapason itaque sive Octavam percipi necesse est: cum chorda AB duplo celerius moveatur, quam chorda CD, ex supra positis principiis.

CONSECTARIUM II.

Hinc patet omnium consonantiarum, dissonantiarumque genesis. Quemadmodum enim ex unitate omnes emanant numeri, ita ex unisono omnes numeri harmonici, sive consonantiæ dissonantiæque. Exemplum demus: Tendatur duæ chordæ æqualis crassitie & longitudinis eodem pondere, vel verticillo ita intendantur, ut utræque ad invicem unisonum sonent. Certum est ex præcedentibus, quod sicuti sese habet chorda ad chordam, & pondus ad pondus intensivum chordæ, ita sese habeant vibrationes ad se invicem; quoniam itaque chordæ sunt æquales, eæ æquali tempore æquales vibrationes perficient. Toties igitur curret & recurret AB, quoties CD. Er-



go unisonum percipi necesse est, cum neutra alteram velocitate superet. At si alterutram CD bifariam secteris, v. g. CD in G, & GD ad AB incitaveris, tunc cum AB ad GD, vel CG, sit dupla, Diapason sive Octavam nasci necesse est; Cum GD vel CG duplò velocius moveatur, quam AB. Iterum si CD chordam in 4 æquas partes divideris, & unam quartam partem CD incitaveris una cum AB, tunc nascetur consonantia Disdiapason, quam Decimam quintam vocant. Cum enim hæc consistat in proportionione quadrupla; & pars ID ad AB sub eadem proportionione se habeat, ut 1 ad 4. sequitur necessario ID chordam quadruplò velocius moveri, quam AB. ita ut dum AB unam conficit vibrationem, ID interim 4 vibrationes fecisse censeatur. Cum iterum acumen soni ad sonum se habeat, uti chorda vibrata ad chordam vibratam; sonabit consequenter ID quadruplò acutiùs, quam chorda AB, utpote quadruplò tenrior, quam chorda AB. unde Diapason sive Decimam quintam consonantiam nasci necesse est. Vides igitur quomodo ex uniõ hoc exemplo, omnium Consonantiarum geneses erui possint. Verùm quicunque hæc omnia enucleatius demonstrata desiderat, is adeat *librum 6. nostra Musurgia partem 1. quæ Chordosophia* dicitur. Ubi Lector curiosus nihil ex iis rebus quæ arcanum, & paradoxum quid sapiunt, omissum esse reperiet.

CONSECTARIUM III.

Ex dictis hucusque patet, nihil esse in hoc Universo adeo immobile, quod non aliquem, etsi nobis insensibilem, motum producat. Adeo, ut si Deus potentiam auditivam hominis confortaret, pro infinita corporum motu aëris percussorum varietate, & conditione qualitateque, perpetuam quoque harmoniam esset perceptura. Videtur autem natura hoc

LIBER SECUNDUS TECHNICUS GEOCOSMUS,

S I V E

De admirando Globi Terreni opificio.

CAPUT I.

De fine & scopo Geocosmi.

Lobus Terrenus, quem Geocosmum sive Mundum Terrestrem appellamus, uti est universæ Creaturæ finis & Centrum, ita ea quoque à Divina Sapientia rerum opifice,

Terrenus
globus du-
cit ad cœ-
lestia.

Propter
Christum
Geocos-
mus fa-
ctus est.

arte & industria dispositus est, ut quicquid in universo virium, quicquid in particularibus stellarum globis proprietatum abditarum latet, id totum in hunc veluti in epitomen quandam congestum videatur; neque id mirum cuiquam videri debet; In hoc enim hominem veluti Mundi dominum posuit; ut ex eo, tanquam ex specula quadam, divinorum operum magnitudinem, pulchritudinem, inexhaustamque cum infinita quadam varietate junctam copiam consideraret, considerando admiraretur, admirando tanti operis Architectum sollicito mentis scrutinio quæreret, quærendo inveniret, inventum æternum possideret. Et quoniam homo veritatis & diabolicæ calliditatis astu, per Protoplastorum peccatum à Deo exciderat, in scrutabili divini consilii altitudine, unigenitus Dei filius, Verbum Patris, ut perditum hominem in pristinum dignitatis statum reponeret, humana carne indutum, contractis cum humana natura sponsalitiis, in hoc terreno Mundo comparere dignatus est, hic humanam operari salutem. Et verbum caro factum est, & habitavit in nobis. Quæ sanè prærogativæ altitudo & sublimitas tanta fuit, ut meritò omnium Divinorum operum excellentiam infinitis, ut dici solet, parasangis superet; & proinde vel ex hoc capite Mundum hunc Terrenum totius Universi finem & Centrum dixerimus. Certum est enim, universam Mundi machinam ad aliquem finem conditam esse à Deo Opt. Max. At quisnam ille? Sanè is primò minimè propter se tantum, neque propter Angelos, neque propter Dei conditoris indigentiam, cum corporeo Mundo opus illis non esset, conditus censeretur; ergò propter aliud; ergò causa creaturæ, hominis inquam gratia, qui uti corporeæ intellectuæque naturæ confinia, essentia

suæ ratione; attingit, ita ex parte materiæ sensibus corporeis præditus fuit, eo fine, ut corporei Mundi theatrum perlustraret; ex parte verò formæ, intellectu omnis corporeæ naturæ terminos transgressus, Divinum Opificem cognosceret, laudaret, eumque amando æternum possideret. Mundus itaque cum omnibus globorum sistematibus primò propter Deum; secundò propter hominem, homo verò propter Christum Θεάνθρωπον & Verbum incarnatum, qui est universæ Creaturæ ultimus finis & terminus, conditus fuit; Cur? ut hominem, quem ad imaginis suæ similitudinem formaverat, jam per primævi peccati corruptionem perditum, ad ultimum, à quo exciderat, reduceret finem, qui est beatificæ visionis, summique boni sempiterna fruitio. Tetra itaque, præcipuum & primigenium Mundi corpus, propter hominem & hominem Christum, Verbum Patris, cujus incolæ fieri dignatus est, & in ea Mundi salutem operari producta fuit; ergò universa Mundi machina in hunc finem ab æterno prævisa & præordinata fuit, non ut sui tantum gratiâ condita existeret, sed ut telluri, veluti totius Mundi principi & fini, & ipsa cum universis cælorum exercitibus famularetur, & ad humani generis salutem, sine quibus conservari non poterat, cooperaretur. Hinc Terrenus Globus, præ omnibus Mundi corporibus hac sola prærogativâ ditatus fuit, ut quicquid in universa Mundi machina lateret virium & proprietatum admirandarum, in unicam Terram veluti epitomen quandam, ut suprâ diximus, diffunderetur; ut sicuti homo totius Mundi hæres omnia Mundi dona in se, verus Microcosmus complectitur, ita & Tellus, humani generis regnum, omnibus Mundi influxibus ditatum, verè parvus Mundus dici possit. Hoc autem ita esse, innumerabilis rerum, homini ad benè beateque vivendum necessariarum, varietas & ubertas sensibus obversans satis superque demonstrant. Cum itaque Globus Terrenus talis & tantus sit; certè tanta consideratione dignissimum objectum, uti ea, qua fieri potest,

Finis ob
quam Geo-
cosmus
conditus à
Deo.

Geocos-
mus omni-
bus cœle-
stium cor-
porum in-
fluxibus,
substat.

cura

cura & diligentia describatur, ratio & ipsa rei dignitas cum primis postulare videtur. Quod quidem in hoc opere, pro modulo no-

stro, & quantum intellectus nostri infirmitas permittit, tentabimus. Deus Mundi opifex, & totius luminis dator adsit ausibus nostris.

CAPUT II.

Idea Globi Terreni in mente Divina existens.

Quemadmodum Architectus Regium palatium ædificaturus, primò omnia & singula mente volvit, loci situsque oportunitatem alto pectoris scrutinio dispicit & ponderat, ut tandem totius molis futuræ struem Ignographica quadam industria, tum ad principis oblectamentum, tum ad Oeconomicum necessariorum partium usum delineat; deinde juxta Ichnographiam veluti archetypum quoddam proportionata fabricæ sustinendæ fundamenta ponit: Cameras subterraneas in fabrorum, balneorum, ergasteriorumque officinas disponit; contignationes in varios conclavium, ambulacrorum, aularumque ordines discriminat; Turres ad prospectus spectaculorumque jucunditatem in sublime variis ornamentorum anaglyphis evehit; Hortorum, plantis, floribus, fructibusque florentium areolas decircinat; canales denique occultos ad fontium apparatus disponit; Tandem conceptum palatium omni peripetasmatum, simulacrorum, rerumque pretiosissimarum supellectile adornat. Haud secus æterna Dei sapientia humano generi palatium ædificatura Terrenum inquam Mundum, ne quicquam, quod tum in oblectationem, tum in rerum necessariorum usum cederet, non conditum dici possit: primò fundamenta Orbis terrarum jecit, qui tametsi nullâ basium mole, nullo substructionum fulcramento subsistat; sed suis libratus momentis totus immobilis hæreat ævo; ita tamen divinæ virtutis efficaciam confirmatus fuit, ut nullum sit tantæ potentæ robur, nulla tanta furentium ventorum rabies, nullus maris fluctuumque tumultuantium impetus tantus sit, qui eam vel hilum, non dicam à sede sua dimovere, sed ne quoad minimam quidem partem, eam loco movere queat. Est igitur Terra nihil aliud, quàm Terraqueus Mundi globus, humano generi ad inhabitandum à Divina providentia destinatus, omnibus, quæ desiderari possunt, rebus ad benè, commodè,

beateque vivendum necessariis instructus & in medio Universi constitutus, ut ab omnibus Mundi corporibus, astrorumque globis undique & undique illuminari, supernis influxibus foecundari, & in generationum omnigenarum foetus animari possit. Aquarum diffusionem totam circumdedit molem; ne ulibi tam necessarium deesset elementum; Montes aquarum diffusioni veluti repagula quædam opposuit, tum ad retundendam fluctuum contumaciam, tum ad eandem perpetuam humoris nunquam deficientis copiam irrigandam; innumeris perfodit cuniculis, cavernas in ea veluti naturæ quasdam officinas, quæ ignibus, quæ aquis refertas ad varios naturæ effectus exhibendos, eo fine exsculpsit, ut quæ Vulcanus in vasta culina longo labore decoxit naturæ nutrimenta in abditis antrorum receptaculis, per canaliculos veluti per magni corporis venas, omnibus & singulis partibus aptè distribuerentur; ex qua admiranda distributione, uti innumerarum rerum, tum intra Terrenæ molis viscera, tum in externa ejusdem superficie varietas nascitur, ita pulcherrima rerum latifundia uberissimis metallorum promissis conditis, & inexhausta preciosorum lapidum penuaria, tum ad vitæ oblectationem, tum ad necessarium humani generis usum prodierunt; In extrema verò superficie immensa sylvarum viridaria, montium jugis veluti turribus quibusdam discreta, latepatentes camporum paradisi, arborum, plantarum, florum, fructuumque omnis generis copia luxuriantes, innumerisque fontium, fluviorumque sinuosis voluminibus irrigati emerferunt. Vidimus terrestri globi rudem quandam Ichnographiam; nil porro restat, nisi ut universam structuram per partes adoriamur; quod quidem optimè fiet, si probi Anatomici officium, in omnibus & singulis tum interioris tum exterioris magnæ molis membris exactè describendis, ea qua par est, diligentia & ἀκρίβειᾳ exequamur.

Officinæ
variarum Tel-
luris sub-
terraneæ.

Ornatus
extinsecus
Terræ.

Stabilitas
Terræ.

Quid Terra
sive
Geocos-
mus sit.

CAPUT III.

*De Mundanorum globorum seu stellarum natura & compositione,
& quomodo in Mundum inferiorem influant.*

Mundum innumeris astralibus corporibus refertum, is solus ignorare poterit, qui nulla Astronomicæ disciplinæ notitia fuerit imbutus. Horum alia,

planetarum seu vagantium, alia ἀπλανῶν, sive fixorum, nomen obtinuerunt. Singulis tamen & omnibus hujusmodi corporibus seu globis tria potissimum conveniunt. Primò, quod

quoddam singuli ex fluido & solido componantur. Secundò, quod proprio Centro stabiliantur. Tertiò, quod motu circulari agitati, tum in Tellurem, tum in se invicem influendo, in Universi conservationem conspirent. Quæ omnia, cum uberimè in *Itinerario nostro Exstatico* prosecuti simus, hic eadem repetere nolo, sed, in genere tantum, hic nonnulla, quæ ad argumenti nostri institutum plurimum facere videntur, discutiam; Et est, Utrum omnes stellæ proprietatibus & virtutibus differant, & an omnes in terrenum corpus influant. Ad primum quod attinet, certum est, Conditorum Opt. Max. non tantum propter ornatum, sed ob fines innumeros, Soli menti Cosmotecniti notos, universum condidisse, quorum tres tantum humani imbecillitas intellectus attingit; videlicet gloria Conditoris; propter se enim omnia operatus est Dominus; Secundò propter hominem & ad creaturæ rationalis usum, & consequenter propter Terrenum Globum, quæ propria humani generis sedes & habitaculum est. Tertiò ad Universi conservationem; ut quemadmodum in humani Corporis Microcosmo unum membrum fovet aliud, & reciproco quodam fœtu omnia, singula, & singula, omnia, afficiunt; ita astra Megacosmi seu magni Mundi veluti membra quædam, influxibus reciprocis viribusque unicuique propriis, se afficiunt, ac sive immediato vicinorum, sive mediante intermediorum influxu, se invicem fovent, alunt, roborant, & denuò, hoc mutuo unionis fœdere colligata, perpetuò conservant. Hæc verò Mundanorum corporum conservatio otiosa fuisset, nisi ad altiore finem respexisset, qui fuit Terreni globi; adeoque hominis Microcosmi ultimata conservatio; Siquidem quidquid in universa Mundi machina dispersarum virium est, quidquid in globis stellarum dotum est; id in unicum Telluris globum veluti in epitomen quandam congestit, ut homini (qui omnia in omnibus erat futurus, omnium in Mundo elucescentium rerum compendium, & parvus Mundus) habitaculum, simili apparatu, omnibus Mundi corporibus in hunc finem indispensandum conspirantibus, proportionatum præpararet; Omnes enim globi stellarum, uti nullo vegetantis aut sentientis naturæ fœtu præditi sunt, ita pura tantum Elementorum compositione coaluerunt, & tum Dei voluntate, tum ratione sitis, quem in immenso ætherei Oceani

spacio singuli peculiarem obtinuerunt, tum etiam vicinorum Siderum sub alia & alia constitutione iis influentium abditis virtutibus, singuli specificas quasdam & peculiare appropriatasque dotes adepti sunt, quibus Terrenum corpus, influxu suo perenni, tantâ rerum varietate, quantam quotidie miramur, bearent. Solus itaque Terrenus globus, quicquid in Universo virium latet, veluti commune omnium subjectum in se recipit, fovet, & ad hominum usum convertit. Quomodo verò hoc contingat, jam tempus est, ut ostendamus, ut Geocosmi nostri, sive Mundi Subterranei arcana sacramenta magis magisque elucescant. Unde itaque tanta rerum in Telluris corpore elucescentium varietas proveniat, & quomodo illa producat, ostendendum est.

Certum est, omnium philosophorum calculo, inferiora, supernis lationibus subistere, tantamque esse inter hæc connexionem, ut impossibile sit, inferiorem Mundum sine perenni Supernorum corporum influxu subsistere posse; sicuti fieri non potest, ut principium passivum quicquam sine activo producat; Mixtas siquidem, quorum innumerabilis in hoc telluris globo varietas spectatur, cum perpetuo Elementorum, ex quibus originem traxerunt, fœtu indigeant, tellus verò, immobilis suâ sede, fixa maneat; necessariò sequitur, aliquod mobile corpus sympathicum dari, quod spermaticas rationes unicuique mixto inditas ad generationem sollicitet, ut perenni influxu suo, tum quod generatum est, foveat, tum in propagationis suæ vigore, quod fœtum est, conservet; atque hoc præstant superna stellarum corpora, quorum influxus cum sint sensibiles, ad aliquid necessarios esse oportet, nihil enim frustra est, nec in natura, nec à Deo factum & productum; si ergo necessarii, certè ad inferiorem Mundum, quâ animandum, quâ conservandum necessarios esse oportet; & cum sint Elementorum, principiorumque naturæ, uti subtiliores, ita efficaciores virtuosioresque portiones; ad omnium mixtorum compositionem eos concurrere necesse est; infinita verò mixtorum multitudo, infinitam quoque supernorum corporum multitudinem, virtutumque iis insitarum copiam arguit; Sed his in genere tantum expositis, modò ad particulares astrorum virtutes progrediamur.

CAPUT IV.

De Sole & admirando ejus opificio, viribus, proprietatibus, quibus in Mundum terrenum influit.

SOL, princeps Mundi sidus, totius caloris & luminis fons & origo, vitæ, totius inferioris Mundi scaturigo; Verum &

naturale ignis elementum, à Deo Optimo Maximo ex primigenia Mundi chaotica massa eductum, & ex magna primævi luminis parte

H

coagu-

coagulatum, constat ex solido & liquido, quemadmodum modernis hisce temporibus tubi optici subsidio sat superque patuit; quo adhibito, non secus ac Oceanus quidam immensus, ingentium instar undarum, perpetua ebullitione fervet & æstuat; circa proprium quoque id Centrum agitari, macularum, quæ nihil aliud sunt, quàm ingentes hujus ignei Oceani evaporationes, inconstans natura, & subitanea alteratio, luculenter indicant; de quibus omnibus Solis phænomenis, cum amplissimè in *Itinerario nostro exstatico* egerimus, illuc Lectorem remitto.

*Sapientissimus ille Mundi Architectus DEUS Opt. Maximus, mundanam hanc machinam fabricare constituens, cum sine instrumento primario illam nec consistere, nec ad generationes rerum aptam esse posse conspiceret; illi hoc, quo omnes vivimus, movemur & sumus, præfixit: Vas nempe illud admirabile, quoddam veluti suæ Divinitatis produxit simulacrum, opus verè Excelsi; Solem inquam veluti cor quoddam & animum, seu mentem quandam, ac principale naturæ, si ita dicere liceat, regimen, & Numen, veri Numinis Vicarium, ut eo Mundus gubernaretur, occultaque sapientiæ Dei Sacramenta, ex chao abyssoque tenebrarum eruta, manifestarentur, atque ex visibili hoc ac materiali numine, invisibilis illius & supramundani Numinis majestas, mortalibus innotesceret, condidit. Huic autem varios motus indens, *mens agit molem & magno se corpore miscens*, neque circulis id adstringere voluit, sed perpetuâ spiralem voluminum agglomeratione, à Tropico ad Tropicum moveri, ut Mundum universum fœcundo motu imprægnatum suæ virtutis redderet participem. Quo quidem opere in rerum natura Divinam providentiam nihil magis indigitat. Neque respectu Terreni Mundi duntaxat, sed & respectu sui ipsius, hisce ultimis temporibus, motus suos variare & versare vices, Sol deprehensus est, quæ omnia ad aliquos in Terreno Mundo effectus producendos, ut postea videbitur, sapientissimè ordinata sunt. Si enim Deus & Natura nihil frustra faciunt, etiam in hisce inferioribus minimis rebus, quæ vilissimæ aliocuin, & inter fortuita vulgò adnumerantur, tantæ subinde vires elucent, ut ea non nisi cœleste quid sapiant; Certè huic visibili (ut cum Platone loquar) Dei simulacro tam sublimi, tam constanti, tam regulari, præ cæteris, causas altissimas & omnino cœlestes subesse putandum est, quarum divinissimam & primam appellare non dubitem, intentionem & finem, propter quem Universi Conditore Deus, ipsum jam tum ab ævo condito sic ordinavit, ut videlicet humana mens ad hujusmodi admirabiles Divinæ Sapientiæ effectus elevata, rerum Conditorem, omniumque tam insignium, & incomprehensibili quadam bonitate communicatarum rerum finem ultimum cognosceret, amaret, eoque

æternum tandem gauderet. De hoc igitur lucis fonte, ejusque mira constitutione ac facultatibus, primò, antequam ad lucis miracula procedamus, dicere constituimus.

Quæritur itaque primò, quid sit lucida illa substantia, quam quotidie quidem intuemur, & ad incomprehensam ejus pulchritudinem attoniti hæremus, etsi ad quidditatem substantiæ ejus pertingere nemini adhuc datum sit.

Dico igitur, Solem esse Corpus igneum, ex fluore æthereo concretum, mundanæ primigeniæque lucis Sphæram materiale, panspermia quadam refertum; ex qua, veluti ex fonte quodam lucis ignisque inexhausto, calor lucisque seminaria derivantur in omnia, id est, luminis vehiculo qualitates singulorum conservationi aptas influit in singula: quæ deinde seminibus propriis, cuique rei congenitis, mixtæ, tandem admirabilem illam rerum, quam quotidie in hoc Mundo intuemur, varietatem progenerent. Est igitur Sol corpus Sphæricum, non Mathematicè, sed Physicè, sua asperitate & inæqualitate ex fluido & solido constans: quod mirum non immeritò cuipiam videri possit, nisi evidentissima hujus non semel per telescopia excellentissima observatio facta nos reddidisset certiores. Esse autem Corpus igneum, asperum & inæquale sequenti experimento, hisce ultimis seculis, innotuit.

Si telescopio (istius generis, quæ maximæ virtutis, in æstrorum contemplandorum usum fabricata sunt) more Dioptricis consueto, diversis temporibus in Solem directo, speciem ejus intra conclave clausum obscuratumque, transmissam candido plano exceperis, non sine admiratione primò videbis, subinde totam Solaris hemisphærii apparentis superficiem heterogeneam ex umbris & luculis conflata, eundemque Solem tanquam mare fluctibus asperum, & fluctuantibus undique undis crispum; neque id eodem modo, sed tempore diverso, diversas versare vices, hodiè aliter, quàm heri, & cras aliter, quàm hodiè, & sic nunquam eodem schemate, eodem vultus habitu, summo stupore defixus, intueberis, ut Figura docet. Quæ omnia non ego tantum, sed & multorum annorum, Herculeo sanè labore, Clarissimus ille noster *Scheinerus*, opere integro *Rosa Ursina*, subtilissimo, & pleno reconditis observationibus, indagata demonstravit. In hoc eodem corpore subinde maculæ quoque ingentes, veluti umbræ & contra-oppolitæ lucēs summa admiratione spectantur; quarum aliquæ, decrecendo mole, attenuantur simul in umbram subtilissimam; ita, ut tandem ipsam à reliqua Solis superficie, nisi aptatione instrumenti vix possis discernere, & tale quandoque umbratile vestigium durat per unum aut plures dies, quandoque citò evanescit penitus, & aliquando comitante aut subsequente facula fiunt hæc omnia.

Quædam

Quædam etiam maculæ quandoque sunt, quæ in tenuem & æquabilem Umbram attenuatæ hanc ipsam deinde resolvunt in maculas minutas discontinuas punctorum ad instar, ita ut inter ipsas, reliqua Solaris superficiei spacia elucescant, & quando ista, in parvulas maculas, discretio facta est, progrediuntur nihilominus ordine suo per unum aut plures dies, idque diversimodè nonnullis in communem Solis superficiem evanescentibus, quibusdam in unam continuam umbram redeuntibus, utrisque, veluti poenitudine quadam ductis, se à se invicem separantibus, ut deinde evanescant, ex evanidis denique, veluti ex substantia Solis ebullientes revalescant, & in novam facularum umbrarumque sobolem excrescant. Imò eadem aliquando, post unius vel alterius diei disparationem, iterum comparet. Verùm, ne quispiam huiusmodi *φαινόμενον*, vitio oculi aut vitri accidisse putet; is sciat, hoc in ipsa Solaris disci superficie, semper, & quovis diei momento in quavis Solis parte sub certa tamen stellarum positione, indifferenter fieri, irrefragabilem experientiam hucusque indubitanter docuisse. Qui unquam in fornacibus fusoriis in ingentibus cuppis liquefactum æs vidit, is genuinas phænomeni Solaris rationes aliquo modo comprehendere poterit: Sicuti enim in huiusmodi cuppis fusoriis, undantis materie fervor, tales subinde æstus volvit, ut mari cuidam igneis fluctibus agitato, undarumque vorticibus curvato, haud ab simile videatur, ubi fuligines atræ, flammis lucidissimis junctæ, miram quandam facularum, umbrarumque vicissitudinem exhibent, in quorum evanescentium locum aliæ identidem succenturiuntur; æs verò liquefactum, quod actu funditur, splendorem habet ita splendori Solis similem, ut nulla alia res in natura rerum splendorem Solis melius exhibeat. Hoc amictu deturpatum primò anno 1625. IV Aprilis Moguntia, & deinde variis aliis temporibus hic Romæ cum *Scheinero* non sine stupore me observasse memini, unde figuram phænomeni hic apponendam duxi. Hæc autem umbrarum lucularumque phænomena, nullâ ratione, extra discum Solarem, sed ex ipsa corporis superficie quasi ebullire, hisce rationibus comprobatur.

Primò, quia Sol sive umbris variegatus, sive luculis coruscus, sive utroque carens, sicuti uni loco comparet, ita toti Mundo apparere compertum est. Item quando novæ oriuntur, aut illæ certum in Solari superficie locum obtinent, fit hoc ubique, tempore & loco Solis eodem: imò annorum diversorum, dummodò temporibus similibus & in iisdem parallelis observentur, quemadmodum ex constanti & concordanti *Galilæi*, *Scheineri*, *Malapertii*, *Gassendi*, *Hevelii*, aliorumque in India, quos apud citatos vide, observatorum traditione nobis innotuit. Secundò, sive intervalla umbrarum & macularum sumantur

in longum, sive in latum, sive mixtum, semper illa superficiei Solari inesse reperientur: quod nequaquam, uti ex Opticis patet, fieret, si alteri extra Solem Sphæræ inhærent.

Dixi in definitione (*panpermia quadam refertum*) eò quòd Sol non simplicis tantum lucis qualitate præditus sit, sed & luci admittas habeat omnium seminalium rerum virtutes, ut, qui ab Opifice Mundano, veluti Mundi quædam anima, & pater omnium, est constitutus, omnium in se, virtute, seminalium rationum potestates contineret; quæ uniuscujusque rei seminibus conjunctæ, rerum omnium in Mundo generationem efficiunt; Nam (ut rectè *Aristoteles*) Sol & homo generant hominem: per lucem autem & motum solum non generat; ergò per aliquid aliud, scilicet per lumen tanquam per vehiculum delatum, singulisque mixtum, hunc effectum præstat. Calorem verò præcipuum Solis instrumentum, nemo facile negarit, nisi qui sensu omni privatus fuerit.

Diximus in definitione Solis supra data, corpus Solis asperum (Physicè non Mathematicè rotundum, ut multi volunt.) Quemadmodum enim Terra, Atmosphærâ suâ constans, inæquali vaporum exhalationumque amictu cingitur, variasque habet partium dispositiones; alibi enim densam, alibi subtilem & tenuem, ubique varia virium, qualitatumque miscellâ imbutam experimur; in aliis quoque & aliis locis alia atque alia pro partis evaporantis natura & conditione producit; ita prorsus existimandum est, Solem pyrosphærâ suâ constare inæquali, uti ex perpetua macularum, fumorum, nebularum, lucularumque in ejusdem superficie; nunc ebullientium, nunc iterum evanescentium vicissitudine, irrefragabilis experientia docuit: Atque adeò Solare corpus ad instar Oceani cujusdam ignei in perpetuo motu & agitatione versari, quod quidem sic agitatam pro evaporantis Solaris regionis varia natura, varios quoque in Natura rerum effectus causare, nemo dubitabit, qui prædicta penitus fuerit contemplatus; Est enim omnium Mundanorum corporum eadem ratio, ut quod de Tetra dicimus, de Sole, Luna, cæterisque Planetis dicendum sit; diversitas in eo solum reperitur, quod unumquodque horum corporum, uti diversam naturam sortitum est, ita diversam quoque expiratæ virtutis suæ Sphæram fundet. Nil amplius dico; qui hæc Solis miracula profundius fuerit rimatus, is haud dubiè facile Cometarum in superiori ætheris regione nascentium originem videbit. Multi quoque Philosophi, dum effectuum quorundam insolentium abditas causas Cœlo empyreo in pluribus temerè adscribunt, plenius sibi, si Solis hanc pyrosphæram, ejusque varios effectus consideraverint, satisfacient.

Sunt porro Solis vires; lumen, & calor, & rerum

rerum semina à lumine suo vecta, & in corpora hæc de vecta, & à calore invecta, fotaque in causa rerum & generationis rerum omnium miscella. Lumen enim ejus sicuti delator est seminum rerum, sic eorundem est mensura, & numerus, & fomes; dum enim illuminat, totius Universi corpora subiens, & ea permeans; calore comite, tum separat, tum congregat, purgat & movet, ea penetrat, nutrit, augmentat, perficit, renovat, vivificat, continens omnia, contentum ab omnibus, ita ut cuncta corpora illum, uti generatorem, uti motorem, uti calefactorem, uti illuminatorem, uti denique vitæ datorem, ejusque conservatorem experiant. Omnia enim hæc corporibus influit, inditque cum manifestis luminis viribus, tum occultis incorporeisque actionibus; ut vel ad hæc admirabiles Solis qualitates, *Sapiens* respexisse videatur, dum dicit: τὸ γὰρ ὑπὸ πύρος μὴ φθειρόμενον ἀπλῶς ὑπὸ βροχίας ἀκτίνων ἡλίου θερμαίνεσθαι ἰσχύει. Quod enim ab igne non poterat exterminari, statim ab exiguo Solis radio calefactum tabescebat. Vera igitur Solis instrumenta sunt lumen, calor, semina, ad ea omnia, quæ in Mundo sunt, efficienda

Sap. 16.
num. 27.

Ut autem Sol hæc vires suas sanè mirabiles toti corpori congenitas, Mundi corporibus, æquius rectiusque communicare posset; hinc Opifex Naturæ sapientissimus eum circa proprium axem, diurno annuoque spacio ad motus diurni, annuique exemplar ordinato, moveri voluit (quod portentum sanè ὡραδοξότατον ultimis hisce temporibus Lynceis Astronomis tandem intotuit) ut sic nulla pars esset, quæ tam necessariæ lucis fecundâ administratione destitueretur. Cum præterea Solis radiosâ species efficacissima sit, ne continuatâ caloris intensiōe Terræ officeret, Athmosphæram ex halitibus terrestribus, & vaporibus aqueis actione Solis excitatam, condere voluit, ut in eo nimius æstus veluti retusus, proportionali quadam caloris intensiōe Mundum universum repleret.


Cum constet è quolibet Solis puncto versus Terram converso, promanare unum aliquem individuum radium perpendicularem, qui semper recto fertur incessu tam per Athmosphæram, quàm per aërem, uti in *Arte nostra Anaclastica* docemus; hanc dicimus causam esse diversitatis caloris in diversis climatis; si enim rectus superficiæ terrenæ incubuerit, actionem haud dubiè fortissimam exercebit; si in vertice inclinaverit, tantò efficaciorē efficiet calorem, quantò angulus, quem cum superficie constituit, angulo recto fuerit vicinior. Cum verò Solis orientis aut meridiani radius, incidens in objecta superficiæ terrestres corpora normaliter erecta, eadem prorsus ratione cadat, qua sub sphæra recta in medio coeli constitutus vertice; meritò quis mirari posset, cur Solis ra-

dii in hujusmodi montium, turrium, templorum, domorumque parietes, nec non pyramidum, columnarumque normaliter erectas superficies immissi, non eundem effectum; quem sub sphæra recta, efficiant? Sed respondeo, hujus effectus causam esse, radios Solis in vapida regione, seu Athmosphæra refractos, quæ Terram veluti indumento delicato amictam à Phoebeis jaculis ita protegit, ut vehementiorem eorum impetum, variè, pro varia radiorum obliquitate, aut dictæ Athmosphæra raritate densitateque retundat, atque adeo refractionis quantitatem causetur raritas vel densitas diaphani; hebetationem verò radiorum, diaphani causetur opacitas. Cum igitur in Athmosphæra utrumque reperitur, mirum non est, si ipsa tantum in radiosam Solis sphæram juris exerceat. Unde consequenter patet, quod si nulla esset Athmosphæra, normales montium crepidines, uti & omnes normaliter erectas superficies eundem prorsus calorem reflexuras, quem sub æquinoctiali Sol meridianus & verticalis è Terra reflectit. Situs igitur obliquus facit, ut Solis radius horizonti vicinior in ista Athmosphæra longum iter insistant; ideoque, dum humidum vapida sphæra medium transit, plurimum & lucis & vigoris ardorisque, veluti obtusus hebetatusque, deperdat: Secus si fieret, Terra æstu Solis haud dubiè foret inhabitabilis, ut vel ex hoc admirabilem Dei Optimi Maximi sapientiam in administratione conservationeque Mundi, videas & admireris. Verùm de hujusmodi naturæ prodigio atque de Athmosphæra utilitatibus, vide plura in *Arte nostra Anaclastica*. Ex quibus, ni fallor, patet refracti Solaris radii in Terræ conservatione utilitas.

Porro, cum Sol, umbrâ Terræ ex opposito, densissimas semper alicubi telluris partibus obfundat tenebras, & consequenter non parum tam necessarij luminis absentiam Terra sentiat; ne & in hoc divinam providentiam defuisse quispiam cavillari possit, omnem hunc luminis defectum, radio veluti quodam Solis reflexo, rependere voluit. Dum enim luce sua immensâ, opposita Lunæ stellarumque corpora illuminat; illa lucem communicatam veluti ex speculo quodam, in aversam atque noctis caligine involutam Terræ faciem vibrantia, quid aliud nisi vicariam quandam Solis operam, cum lumine, tum calore reflexo, ita, inevitabili necessitate, naturâ exigente impendunt? Vide Figuram hic appositam, in qua radiosâ lux A B C D tum Terram, tum Lunam, & reliqua astra percutit, quæ in telluris I L oppositam partem umbrosam radiis E F G H repersa, ibi temperato calore & lumine absentis Solis vices agit, ibique pro varia communicatæ virtutis miscella, varios effectus producit.

Cum Solis in Mundo incredibilis & certò mirabilis vis sit, (à Sole enim omnis motus, & vita,

& vita, & conservatio, & coelestium terrestriumque ornatus) adeò ut quò propius contempleris, hoc plura in illo invenias miracula; decere Philosophum arbitror, omnes naturæ thesauros rimari, ad dogmata, tanto miraculo congrua, proferenda.



Fixum igitur, ratumque fit, Sole consistente, Mundi hujus terreni gubernationem longè aliam futuram, scilicet statum turbulentissimum habituram; neque Terræ globum ubique habitabilem, neque Atmosphæræ dispositionem, prout nunc experimur, eandem; propter benefici Solis & omnia vegetantis & conservantis absentiam. Quibus ex rebus munifica Divinæ providentiæ bonitas elucet, quod huic fideri motum, cum longitudinis, diurnum, tum latitudinis, annuum, eumque excentricum indiderit, ut ejusmodi motus diversitate, Atmosphæra ad æquabilem mediocritatem, & humanis usibus accommodatam, temperiem digereretur: hoc enim temporum, hyemis, æstatis, autumnii ac veris vicissitudines habemus: hoc annorum, mensium, dierum hebdomadumque curricula transigimus, quorum diversitatem unus idemque Sol sua præsentia & absentia afficit. Virtus igitur Solis globo terreno à Divina providentia datur per motum localem diurnum & annuum, ipsius virium facultatumque defatorem. Ne verò iisdem semper radiis Solaribus Terra feriretur, neve altera solaris corporis ad stellas conversa pars otia-ri videretur; Divina sapientia ipsi Solis corpori proprios & ab omnibus aliis distinctos motus indidit, quæ singulis (quemadmodum longa Astronomorum observatione constat) vicenis septenis diebus circiter unam circa centrum proprium revolutionem conficeret,

atque hujus conversionis beneficio quicquid lucis, quicquid virtutis contineret, successivè tam in terram, quam circumfisos coelestium æthereorumque Regionum globos quam abundantissimè diffunderet. Et hanc quidem circulationem Solis in Terræ gratiam à Conditor esse inditam ex eo patet, quod ipse non simplici, sed annua circumductione axis mobilis, circa quem prior motus describitur, volvatur. Quo fit, ut Sol circa summitatem Borealem & depressionem Australem versus Terram vergat; nutetque sex mensium tempore, & ab eadem vicissitudinaria polorum axiumque mobilium apparitione supra horizontem Solarem, & occultatione infra eundem devergat, quam vertiginosam librationem ad utilitatem quoque Terræ factam esse, nulla ratione dubitari debet: hinc enim fit ut per 13 lustrationes, quibus universam perlustrat, uti Terra alia semper aliaque luce Solari, ita alia quoque atque alia virtute Solari haud dubiè imbuatur. Quæ influxuum varietas mirum in modum promovetur perpetua macularum, umbrarumque atque facularum motus conjunctione, separatione, abitu, reditu. Si enim umbra Lunæ in Ecclipsi Solari tantoperè alteret, tellurem, quantam alterationem in sublunaribus effecturum Solem credimus, qui 50 aut 60 subinde macularum, umbrarumque tantæ magnitudinis, ut Lunæ Terræque superficiem æquare videantur, ecclipses patitur? Cum vero Sol nunc

veluti maculoso umbrarum ductu lugens, præcedat; nunc excusso luctuoso velamine totus serenus, lucidus, placidus & ridibundus, modo flammæ, mox atras fuligines evomere videatur, ut in Figura pulchrè elucescit. Certè ista in Terram diversimodè agere, effectus dissimiles producere, ratio docet. Cum hac vicissitudine ipsam Solis lucem mirificè varient, impedian, promoveant, augeant, minuantque: quâ mutata, Solarem consequenter in Terram & sublunaria influxum mutari necesse est. Hæc autem ita sese habere omnium ferè seculorum acta probant Astronomica. Hinc sæpe annos quosdam aliis magis exoticos experimur. Quosque Astrologi variis Planetarum aspectibus, nos veriùs hujus Solaris phænomeni varietati adscribimus.

Cum enim ingens ebullientium Solarium evaporationum copia exegeratur, fieri non potest, quin lucem & calorem quominus efficaciter in hæc inferiora agat, vehementer impediatur. *Suetonius* eo tempore quo *Iulius Cæsar* trucidabatur, circa Solem longo tempore visam veluti materiem quandam crassam & fuliginosam tradit. Tempore, quoque *Iustiniani* Imperatoris anno integro Sol ceu velamento quodam obseptus, adeo parum lucebat, & ita obscurè; ut in Lunam conversus videretur. Observarunt haud absimile prodigium Arabes anno Hegiræ 64, quemadmodum in Astrologia sua *Hæel* tradit. quod ea magna rerum desolatio mox secuta fuit. Apud *Paulum Diaconum* legimus, anno 700 Solis discum veluti sanguineo colore offusum toti Europæ multorum dierum spacio, cœlo maximè sereno & defæcato, ita obscure lu-

xisse, ut pænè tenebras Mundo offunderet. Quam obscuritatem ingens quoque Cometa secutus est; *Cornelius Gemma in sua Cosmorritica*, anno 1569 Solis discum eodem vultu comparuisse testatur; quod Phasma & Cometa & civiles commotiones secutæ sunt. Anno denique 1625 paulo ante bellum Suecicum totius anni decursu, discus Solis ingenti macularum ebullitione coopertus, tum à me in Germania, tum à nostro *Scheiner* Romæ, uti ex *Rosa Ursina* patet, fuit observatus. Quæ omnia si Astronomi diligenter annotarent, forsitan ex hujusmodi phænomenis ad effectus sublunares comparatis, nova Astrologia, multo vulgari illa Planetaria certior condi possit; quamvis non negem horum Solarium morborum causas non alias, quam infauostos & perniciosos circumfitorum siderum aspectus esse, qui oportune Solis corpus infestantes, tandem quas dixi Solari corpori tempestates exsuscitant.

In Luna *Cyprius* noster Atmosphæram sive vaporum exhalationem, in Ecclipsi anni 1628 ipso die natalis Dominici notavit. Unde non dubito, in reliquis Planetarum globis idem contingere; qui uti Centra à Centro Universi diversa, ita & diversas quoque exhalationum Sphæras constituunt. Ex quibus quidem, ni fallor, Cometarum cum supra, tum infra Lunam accensorum, novarumque stellarum genesis manifestò patet. Multa hoc loco circa modum, quo Sol cæterique planetæ suarum exhalationum Sphæras fundunt, & quomodo inde cometæ nasci possint, adducere possem, verum cum id in nostro *Itinerario Exstatico Cælesti* amplè docuerimus, ad id Lectorem curiosum remittimus.

Aldronandus l. de prodigiis.

CAPUT V.

De Corporis Lunaris Natura & effectibus.

UT major in hoc Mundo rerum effectuumque varietas elucesceret, ineffabili Divinæ sapientiæ consiliis factum est; ut complura corpora in hoc Universo singula variis, diversisque qualitatibus imbuta constituerentur, ut hæc fecundis Solis radiis imprægnata, seminumque mistura per lucis Solaris veluti reflexum radium in Terram delata, ibidem novas generabilium rerum combinationes molirentur. Ut verò hoc commodius fieret, Lunam circa Terram, & Planetas circa Solem tanquam centrum converti voluit, ut acceptos à Sole radios in Tellurem commodius funderent. Quoniam dicta corpora Solis fulgores non duntaxat superficie tenus, sed & medullitus in se hauriunt, & nativa sua proprietate tingunt; fit, ut seminales Soli concretae virtutes per lucidos radios in dicta corpora propagatae, ibi tum Planetarum, cæterorumque siderum vir-

tute feminali cuique peculiari mixtae, tum per radium reflexum in Terram, tum per directum refractumque in Atmosphæram, diverso modo operantes, diversos quoque effectus innumerabiles juxta Terræ similiter *παραρρηγία* quadam referta dispositionem capacitatemque producant. Quod autem tinctura ista ita sese habeat ex ipsis Planetarum diversis coloratis lucibus, uti Saturni plumbea, Martis ignea, Veneris Argentea, Jovis fulgida, & serena patet; quam colorum varietatem à luce Solis non omnino esse ex hoc evincitur, quod eodem tempore si non simili, sed ipsis appropriato colore, semper & ubique imbuantur; neque ex medio hujusmodi Planetarum colores desumendi sunt; eo quod, quocunque tandem modo medium alteretur, illi constanti tenore suo semper luce in singulis diversimodè tincta vestiantur. Unde ex insitis ipsorum coloribus





bus advenientem Solis lucem infici, atque inde in Terram, una cum suis qualitatibus specificis reverberare non secus ac Solares radii, per vitra diverso colore imbuta diversis quoque tincturis infici, fatendum est. Hæc autem in Terras influentia ex accessu recessive ipsorum tam ad Solem, quam ad Terram, nec non vario situ cum respectu cœli, tum horizontis, varias quoque dictarum qualitarum modificationes causari, nemo dubitare debet. Hinc, ne nimia radiorum Solarium æstus vehementia Terra disturbaretur, Terram quandam Ætheream, ut cum *Plutarcho* loquar, Lunam inquam, veluti aquosum quoddam corpus innumeris virtutibus præditum Soli contra posuit, cujus refrigerio radii fracti temperatique, propriisque fecundi seminibus telluri communicati, ibi novam sobolem, foetumque auspicarentur. Habent autem hæc duo corpora, tellus nostra, & Ætherea illa Lunaris tellus, magnam ad se similitudinem, uti *libro IV.* ostendetur, qua una alteram fovet, & sibi invicem favent; influxusque quibus ipsæ & utriusque partes tum vivant, tum conserventur, alerenturque; Quin & maria nostra ad Lunæ aspectus variè commoveri, non indiget testimonio, utpote quo nihil tritius; sed de hisce citato *l. IV.* loco amplissimus dabitur dissertandi locus; Consistit autem hæc sympathia non nisi in magna tum virium tum actionum convenientia, virium autem convenientia non nisi in essentiae similitudine, cum pro ratione essentiae rei vires insint, & ab ipsa proveniant, & pro ratione virium actiones quoque ut edantur necesse est. Cum enim Luna corpus sit asperum & Telluri nostræ prorsus simile, densum & opacum; ex solido & liquido constitutum, illud Solares radios non solum perfectè imbibit, sed & mutua virium communicatione imbibitum ad nos reflectit; ne verò idem semper influxus esset, sapientissimus Architectus ea illam arte fabricatus est, ut inæquali semper aspectu menstruo spacio respiceret, & pro diverso situ alia quoque atque alia actionis suæ intensione eandem feriret, atque inde pro naturæ indigentia generationes rerum promoveret. Verum ne quicquam rerum curiosarum omisisse videamur, hoc loco Phænomenon corporis Lunaris; prout illud tum in Collegio Romano, tum ab *Eustachio Divino* exquisitissimis telescopiis observatum fuit, apponendum duxi. Invenies in hoc miram quandam ex umbris & luculis conflata faciem, non secus ac in præcedenti Solis Phænomeno comparet, hoc solum discrimine, quod faculæ & maculæ in

Sole perpetuo inconstantes; in Luna vero perpetuò eadem & immotæ eodem semper tenore se habeant; diceres te pelagus quoddam immensos Terrarum tractus allambens intueri. Videas hic in medio fundo, veluti in Oceano quodam longe lateque circumfusas insulas; Videas alicubi veluti lacunas quasdam umbrosas, ex quarum Centro, nescio quid prodeat, tremulam diceres exhalationem, quam & proinde Observatores Selenographi, Lunæ Atmosphæram vocant. In eodem limbo non sine admiratione intueberis, præsertim in Luna Dichotoma, veluti præruptos quosdam scopulos & concatenatorum montium ordinem. Ex hoc itaque schemate, mariibus, terrestribus lacubus, montibus, rite inter se collatis, inferes haud improbabiliter; Lunam Telluri nostræ prorsus similem globum esse, corpus videlicet, Terraqueum, id est, ex humido & Terra cœlesti constitutum; innumeris latentium seminum præditum facultatibus, quæ Solis radiis mixtæ, in Terra earum multitudinem producant, quam quotidie quidem miramur, tametsi mysticam rationem vix animo comprehendimus.

Lucem quidem illam vehementem in radios diffusam, non putamus esse politissimam quandam eminentioris Lunaris partis portionem seu superficiem, radios Solis præ cæteris partibus vehementius reflectentem. Si nos essemus in Lunari corpore, intuentes Terrenum globum, diceremus profecto; altissimorum montium, cujusmodi sunt Alpium, Pyræneorum, Andium, Caucaſi inaccessa jura, perpetua nive glacieque tecta, similem ad res in Lunari globo constitutas lucem reflexuræ. Dici enim vix potest, quam intensam hujusmodi lucem ad se reflectant, quemadmodum anno 1638, dum Ætnam lustrarem, in Calabria montibus vicinisque circumfusi Insulis non sine voluptate me observasse memini; Esse autem in Luna exititias veluti montium scopulos, umbrarum incrementum decrementumque ad Solis ortum occasumque in Lunari horizonte sat ostendunt. Observatum enim fuit à lynceis hujus temporis Astroνομis, nonnullas eminentiores Lunæ partes, quas montes Lunares vocant, successive ab una parte illuminari, nunc ab altera obtenebrascere, haud secus ac in Terreno nostro horizonte, ad Solis ortum montes umbras perjiciunt; & tanto quidem minores quanto Sol altius ascenderit; tanto majores, quanto plus ad ortum approximavit. Sed hæc de Lunæ structura, usu, & natura dicta sufficiant.

CAPUT VI.

De proportione Globi Terræ ad Solem ac Lunam.

Mira providentia Dei in distributione lucis Solaris.

IN *Itinerario Exstatico* diximus, Solem & Lunam cæterisque Planetas, tantâ quo ad magnitudinem corporis unicuique congruam, distantiamque unius ab altero, proportionem condita fuisse, ut semper unus globus sit in sphaera activitatis alterius, id est, singuli diffusorum radiorum reciproco quodam affluxu se afficiant; quod apertum est signum admirandæ proportionis, longitudinis, seu intercapedinis, qua ad invicem distant. Si itaque Sol sub eadem distantia, quam in Mundo à terra habet, major vel minor esset, tunc sicuti major, nimia luce, quâ maximam semper partem Terreni Orbis strinxisset, ita maximam intemperiem rerum induxisset; sub Polis quoque ultra semestris spatium, hemisphaerium ultra medietatem illuminasset; unde in toto Terrarum orbe maxima dierum & noctium inæqualitas, maxima anni & mirum quantum disparata quatuor stationum constitutio orta, summam quoque & inevitabilem confusionem causasset. Si verò Sol minor, quàm modo est, fuisset, omnia quoque frigoris & tenebrarum detrimenta consecuta fuissent, dum citra medietatem globum tantum illuminasset. Ea itaque globus Terrenus proportionem constitutus est, ut nulla sit in Mundo gens, quæ de insufficiente

caloris, lucisque portione conqueri possit; aut naturam insimulare nonnullius, in distributione lucis necessariæ, præstitæ negligentia. Sed de his vide *Artem nostram magnam Lucis & Umbra fol. 57.* quoniam porro Solare jubar plurimum ex continuo lucis calisque diffusi affluxu damni inferre poterat, hinc æterni Opificis sapientia aliud, terraqueum Lunæ corpus Soli opposuit, ut quod, pertinax æstus Solaris efficacia torridum, siccum, exustumque reddidisset, hoc virtute sua & innata humiditate, ad æquam temperiem reduceret, & nè, utpote vicinior Terræ, eidem plus æquo, humiditatis copiâ & ubertate officeret, eam luce nunc crescere, nunc decrescere voluit, tum ad exactius temperamentum constituendum rerum Sublunarium, tum ad innumeros alios usus & emolumenta, quæ in decursu Operis hujus declarabuntur; Neque otiosus censebitur reliquus Planetarum chorus, dum quisque sui officii partes, ea in Mundana Oeconomia industria exequitur, quas singulis æternæ Sapientiæ lex præscripsit. De quibus cum in *Itinerario Exstatico* egerimus, eò Lectorem remittimus. His itaque præmissis jam Terreni globi fabricam & constitutionem prosequamur.

Lunæ corpus ad Solis æstus temperandum conditum.

CAPUT VII.

De extima Telluris structura, ejusque magnitudine.


Stabilitas Geocosmi & elementorum.

Vides itaque, tanto hoc mirificum divinæ sapientiæ opus artificio conditum, ut ei neque *meis*, neque *diædæ*, neque *cinovopia* deficiat, in quo nihil sit, quod non undequaque sit aptum, concinnum, magnificum, & omnem superans admirationem: Nam sive columnarum spectes ornamenta, sive laquearium tectorumque splendorem, sive fundamentorum soliditatem spectes, in dignos admirationis raptus te evehi necesse est. Verum quomodo Terreni hujus globi pondus fundari possit? quæ sublicæ? quali palorum festucatione solidatæ sint, ut super aquarum ei circumfusarum instabilem molem, tanta firmitudine stabiliretur? Si reliqua tria Mundi elementa pro Terrenæ fabricæ columnis statuere velimus; tantum illa ab his differre videbimus, quantum Coelum à Terra, quis unquam videre potuit columnas per 6000 annorum decursum persistentes, in quibus etiamnum tori; scamilli, supercilia, cymatia, pulvinorum balthei, abaci, acroteria, cæteræque columnarum partes integræ, & ab omni corruptionis labe immunes perseverent, cum ta-

men elementa prope jam per 6000 annorum intervallum in integritate sua permanserint? Quis non miretur hujus fabricæ tectum, quod non solam ædificii partem superiorem, sed totum ædificium ambiat, tectum quod incessantis circumvolutionis motu, ita perpetuò rotetur, ut domum perfectè tegat; nè tamen ei pondus addatur, ita eidem superducatur; ut tamen, tantum abest, ut tenebras offundat, ut potius & luce & calore omnia ejusdem receptacula perfundat; hoc Coelum dicimus magnificam sempiterni machinam Architecti; cujus, Terra, pavementum, in media Mundi sede locata, solida & undique ipsa in sese nutibus suis conglobata, vestita floribus, fructibus, herbis, arboribus, frugibus, quorum omnium incredibilis multitudo insatiabili varietate distinguitur, quorum intuitu delectaris, gustu pasceris, odore reficeris; cujus parietes sunt globi coelis contigui, continenti vertigine firmi, perpetua circumvolutionis lege fortes, pellucidi, nitidi, foris & intus luce, quam jaculantur astra, conspicui. Adde deliciarum varietatem, & magnitudinem, fontium gelidas perennitates, liquo-

Decor coelorum.

SPATICUM



SPATIUM



Deliciae.

liquores pellucidos, amnium riparum vestitus floridissimos, concavas speluncarum altitudines, saxorum asperitates, impendentium montium summitates, camporum immensitates, ut interim fileam immensam inexhaustamque thesaurorum in intimis Telluris receptaculis concludorum copiam & uberitatem; Incolarum verò hujus tam admirandi palatii quanta varietas & numerus, quanta præter hominem, omnium finem, animantium specie differentium diversitas? quanta Oeconomi, in rerum unicuique ad se sustentandum propagandumque necessariorum provisione, bonitas & sapientia? quanta pulchritudo maris? quanta insularum multitudo? quæ orarum, littorumque amœnitas? quot, quamque disparia piscium belluarumque immanium, saxisque nativa testa adhærentium genera? Sileo hic æris, aquæ, ignisque mirificos in natura rerum colludentium effectus: prætereo interiorem singulorum Terrenæ molis viscerum constitutionem; Sed de inestimabilibus Dei operibus ratiocinii vela tempestivè contraho, ne mentis æstu, nescio quod abreptus, à propositæ nobis materiæ instituto, longiùs, quàm ut pedem referre liceat, seducar.

Globus Terræ.

Tellus itaque, quem Mundum Terrenum dicimus, humani generis sphaera ex aqua & Terra in unum conflata globum, in medio Mundi suis fixa ponderibus hæret; cujus extrema superficies partim Terrestris, partim aqueo veluti indumento quodam vestita, omnes reliquos Mundi globos rerum præstantia & varietate superat; cujus magnitudo & quantitas tametsi à compluribus omnium seculorum Mathematicis summa ingenii felicitate pollentibus tentata sit, à nomine tamen, quod sciam, in hunc usque diem planè expedita fuit. Supponunt enim plerique in hoc tentamento globum Mathematicè rotundum, supponunt perfectam hujus molis soliditatem, ab omnibus interioribus viscerum cavernis abstrahendo, & hoc quidem ratiocinio ad aliquam mensurationis certitudinem pervenerunt, quamvis nemo ad præcisam magnitudinis determinationem pertingerit; Nam præter mensurarum mutabilitatem instabilitatemque, ac unicuique, non dicam regno, sed & provinciæ, oppidisque peculiarium, propriarumque, fallaciam, accedit tum montium innumerorum concatenatisque ordinibus longè lateque exporrectorum inæqualitas, tum planitierum, desertorumque in immensum distensorum in hunc usque diem inexplorata intercapedo; quæ quidem omnia uti hominum notitiam fugiunt, ita fieri non potest, ut humanâ industriâ per certam & determinatam mensuram definiantur; Unde Geometræ sola pura puta hypothesi contenti, ut aliquid certi constituent, corpus Terrenum ex aquea & Terrestris substantia in unum globum sphaericè coagmentatum, omnibus montium superciliis, con-

valliumque consequentium profunditatibus neglectis, considerare, & juxta hanc hypothesin dimensiones suas instituere solent. Quod tametsi multi nullis non seculis tentarint, aded tamen à se invicem discrepant, ut hoc in illos haud incongruè dictum videatur.

Quò plus progredior, eò plus in devia tendo.

Tentavit id primus *Eratoſthenes* scaphio inter Syenem & Alexandriam, explorarunt & *Archimedes*, *Hipparchus*, *Strabo*, *Ptolemaeus*, sed notabili ab *Eratoſthene* differentia. Periculum tanti negotii fecit in campis Fingar magnis sumptibus Rex *Alammon*, ut est apud *Abulfedam* Arabem, non ignobilem Cosmographum. Inquisiverunt & posteri, quotquot fuerunt sagacioris ingenii Mathematici, scaphiis aliisque sciaticis, tum exquisita regionis alicujus planioris juxta meridianum tractum, quæ uni gradui cœlesti responderet, mensurâ. Discusserunt turrium montiumque altitudines spe ad tam desideratam notitiam perveniendi; at frustra; cum enim omnium conatus laude sanè dignissimos examinâris, vix ullum cum alio convenire reperi; cum tamen regulæ de proportionem diametri ad circumferentiam, & de magnitudine & quantitate Sphæræ per eam inveniendâ sint certissimæ & infallibiles; nec triangulorum Sphæricorum analysis, si Geometria sibi constet, fallere queat. Quamnam itaque rationem tantæ diversitatis esse putemus, paucis aperiam.

Duo potissimum existimo, quæ omnem Geometrarum in Terræ quantitate mensuranda laborem eludant. Primum est, maxima mensurarum, diversis Orbis regionibus, provinciis, oppidis usitatarum, diversitas; quæ sanè tanta est, ut vix sit oppidum, quod ab altero mensuræ quantitate non differat, atque adeò nihil difficilius sit, quàm omnem harum mensurarum differentiam; ad unam stabilem & incommutabilem mensuram redigere, cum fundamentum desit mensuræ; Si enim statuas pro minimo mensuræ termino, v. g. granum tritici, aut sinapis, memorata grana adeò differentis quantitatis sunt, ut ea pro diversarum climatum, horizontium, terrenorumque conditione notabilem quantitatem acquirere comperias. Si verò quaecunque humani corporis membrum pro certo mensuræ fundamento assumpseris, puta pollicem, palmum, spithamam, pedem, passum & similia, tantò sanè sub iis quoque majorem inæqualitatis differentiam reperi, quantò homo ab homine quoad naturalem corporis constitutionem differentior est. Ut itaque tantæ diversitati aliquid certi constitueretur, certa & infallibilis mensura omnibus in orbe Mathematicis, juxta quam operationes instituerent, subministrari deberet, à Monarcha quodam summa auctoritate pollente, non ea quidem charta aut pergamento inscripta

Discrepan-
tia Mathe-
matico-
rum in di-
mensione
Terræ.

Eratoſthe-
nes primus
eam men-
surare ag-
gressus.

Nemo Tel-
luri cor-
pus verè
dimensus
est.

Causa cur
Tellus sub
geometri-
cum scru-
tiniū
non cadat.

Nulla dari
potest cer-
ta & omni-
bus regio-
nibus con-
grua men-
sura.

(siquidem & hæc ex aëris climatumque mutatione sua damna patitur.) sed æri similique materiæ durabili incisa. Sed neque sic assumptæ mensuræ rationem subsistere posse, hoc pacto ostendo.

Alia difficultas.

In Geodetica hujus negotii pragmatia necessariò requiritur, imò præsupponitur analysis trianguli, è cujus laterum angulorumque proportionem, cum lateris quantitate cognita, in totius incognitæ quantitatis notitiam pervenimus. Veruntamen triangulum hujusmodi constitui non potest, nisi per visualem, vel Solarem in aliquo sciatherico organo aut instrumento radium; at neutrum ad hoc negotium sufficere posse, adedò verum est, ut de eo dubitare nemo possit, nisi forsitan ille, qui inevitabiles in dioptica Astronomia occurrentium difficultatum scopulos non expertus fuerit.

Collimatio in mensurationibus fallax est.

Tyro in Astronomico negotio non multum versatus, forsitan existimare posset, lineam visualem, qua per dioptra in altrum aliquod, aut montis alicujus, aut turris verticem collimamus, ita rectà in objectum tendere, ut fieri non possit, talem lineam non exactè constitutam esse, quam *Alhidada* tam rectam esse demonstrat; sed qui naturæ arcaniora nòrunt, instabilemque refractionum, in tanta mediorum diversitate, naturam exactius rimantur, aliud comperiunt. Quod ut paulò fufius exponatur, sciendum est, aëris medium ob fluxilis naturæ inconstantiam, adedò diversum esse; tum ratione temporis, tum locorum, ut vix ejusdem diei hora, vix mensis aut septimana totius anni decursu assignari possit, quo non juxta diversas rarefactionis aut condensationis leges, suas pariter alterationes subeat: Accedit hisce locorum disparata conditio, qua fit, ut medium aërium aliud sit ad mare, flumina, lacus, paludes, aliud in montibus, locisque desertis & inaquosis; aliud in Australibus, in Borealibus regionibus aliud; aliud sub Zona torrida, sub Temperata aliud, aliud sub Frigida; adeoque pro horizontum statu & naturali constitutione, illud aliter & aliter mutari necesse sit. Certum est, radium quoque visualem totius Geodetici negotii fundamentum, juxta dictas diversitates mirum in modum alterari, cum objectum visum, nunc altius, nunc demissius, pro medii refracti ratione exhibeatur. Docet hanc fallaciam ipse Horizon, qui luminosa stellarum corpora, refringentis naturæ potestate, jam exorta spectanda exhibet, quæ tamen juxta rigorem Astronomicum adhuc sub Horizonte abdita, emerisse non deberent. Insulæ in medio maris sinu derepente comparent, quæ prius tectæ latebant. Vertices montium aliàs invisi deteguntur; non sanè alia ratione, nisi quod refractiores abditas ultra naturalem constitutionem pro medii dispositione nunc altius & altius attollat, de quibus vide *Nostram Artem Anaclasticam* in

Fallacia in refractione aëris.

Opere, quod *Ars magna Lucis & Umbra* nuncupatur, ubi fufius omnia prosecuti sumus.

Hoc itaque posito, fieri non posse puto, ut quispiam, quantumvis sagaci & subtili ingenio instructus sit, aut stellæ, aut remotioris montis altitudinem præcisè & verè, non obstante instrumenti præstantia & certitudine, attingat; ut proinde hanc unicam causam esse existimem, cur tanta sit inter Authores de Terrestri globi magnitudine differentia. Qui verò in planitie notabilinogotium hujusmodi Geodeticum per decempedas ordiuntur, parem difficultatis aleam sortiuntur; cum spatium tantillum, præterquam quod ad totius Terreni Globi ambitum insensibile sit, ei minima quoque coeli portio correspondeat; quæ uti præcisè per instrumenta in minutis primis aut secundis attingatur, vix fieri posse existimem; ut interim fileam mensorum defectus in mensurandis per decempedas aut catenas longitudinibus inevitabiliter commissos. Posito verò, hæc omnia rectè & cum desiderata diligentia confecta esse; ecce nova sese difficultas offert; cum scire non possimus, num dicta planities cum superficie maris recta coincadat, num ea aut altior aut demissior sit. Si enim altior sit, ambitum circumferentiæ, justo majorem, si minor, minorem futurum quis est, qui non videt? medium autem quis attinget? Certè ille solus, qui uti in numero, pondere & mensura fecit omnia, ita præcisam quoque æqualitatem Terrenæ superficiæ cum aquea solus attingit. Sunt alii, qui ex alta quadam specula per lineam visualem, superficiem maris tangentem, ad negotii Geodetici finem se pervenire posse putant; sed quis punctum contractus in tanta elementi inconstantia certò signare poterit; quis certum fixumque punctum in fluxilis naturæ instabilitate, fluctibus nunc in convallium morem subsidentibus, nunc adinstar montium tumentibus, discriminet? Certè nullus. Geodetæ quidem se in Horizontis & Coeli confinio, visuali linea non nisi punctum tangere firmiter sibi persuadebunt; ego verò dico, illud tantum esse punctum, ut amplitudine sua non dicam pedem aut passum, sed multa milliaria stringat, comprehendatque; illudimur sensibus inæqualitate superficiæ maris pro planitie putata decipimur, aër mille nobis modis illudit; ut proinde totum hoc Geodeticum machinamentum revera subsistere non possit, nisi superficies maris sine omni inæqualitate rotunda, nisi planities terrestri cum maris superficie continua; nisi aërium medium ubique locorum idem constitutur. Quæ res uti humanam potentiam scientiamque longè excedit, ita quoque omnis humanæ industriæ conatus in Telluris quantitate exactè investiganda luditur. Quæ non scribo, ut cuiquam in tam laude digno moli-

Quænam sit causa tantæ in observationibus differentia.

Punctum observationum in mari constitui non potest.

molimine præjudicare velim, sed ut difficultatem rei exequendæ ob oculos ponam curiosi Lectoris.

Soliditas
sive pondus Telluris
investigari humano ingenio
nequit.

Sed venio ad alterum difficultatis caput. Sunt qui non superficiem duntaxat, sed & soliditatem pondusque telluris ad trutinam vocent: quod quidem suppositâ Terrenæ semidiametri parte, si per hypothesein, terram homogeneam, corpus totum quantum quantum solidumque spectent, difficile non foret; sed Nonnullos esse, qui subductis Terræ cavernis reliquum bilanci committant, meo quidem iudicio, audacior æquo conatus censeretur debet; cum præter inutile computus exercitium nihil adeo aliud nobis emolumenti producat. Hoc unicum scio, Terræ pondus investigare, majores forsan difficultates adnexas habere, quàm ut eas humanæ industriæ labor evincat; Nam uti in sequentibus ostendetur, cum Terra innumeris cuniculis perfossa, ingentibus sine numero cavernis, parvis, minimis, maximis referta sit; ac deinde heterogeneæ naturæ mixtis constet, ut ad optatum ponderationis scopum quis pertingere posset, horum omnium notitiam, ut possideret, necesse foret: Concludamus itaque cum Divo Iob: *Accinge sicut vir lumbos tuos, interrogabo te,*

*responde mihi, ubi eras, quando ponebam fundamenta Terra? indica mihi, si habes intelligentiam ejus? Quis posuit mensuras ejus, si nosti? vel quis tetendit super eam lineam, super quo bases illius fundatae sunt, aut quis dimisit angularem lapidem ejus? nunquid ingressus es profundum maris, & in novissimis abyssi deambulasti? nunquid considerasti latitudinem Terræ? Respondit autem Iob: Respondere quid possum? manum meam ponam super os meum; unum locutus sum, quod utinam non dixissem, & alterum, quibus ultra non addam. Atque hæc sunt, quæ de vastitate ac magnitudine Geocosmi dicenda putavi: Modos, tum mensurandi, tum ponderandi totius molem, cum alibi nostris in operibus tradiderimus, & vix Geographicum opus, ubi methodus non contineatur, existat, consulto, nè opus hoc, jam ab aliis traditis referciam, prætergressus sum; nè tamen Lector desideratâ notitia frustretur, tabellam Authorum, qui in Terrena mole mensuranda operam suam contulerunt; ex qua in tanta discrepantia, quæ magis ad gustum sunt, excerpere poterit, apud doctissimum Patrem Nostrum Ricciolum in *Almagesto novo* reperiet, *Tomo 1. fol. 62.**

Job. c. 38.
v. 4, 10, 11.

CAPUT VIII.

De Montibus Geocosmi, eorumque necessitate.

Montes
fuerunt
ante Diluvium.

Magna inter Authores, potissimum Sacrarum literarum Interpretes, controversia est, Utrum ante Diluvium Terra montibus fuerit exasperata, utrum verò undique & undique planâ fuerit superficie conglobata. Utraque sententia suos habet Sectatores. Verum uti prior verissima est, ita posterior falsissima & periculosa in fide. Certè Sacer textus luculenter docet, montibus fuisse præditam ab initio; meminit enim montis Ararat, meminit altitudinis aquarum in Cataclysmo supra omnes montes in universa Terra quindecim cubitis exaltatarum; si ergo montes operuit cataclysmus aquarum, ergo ante eum jam fuerunt; unde posterioris sententiæ Sectatores audiendi non sunt. Terrenum itaque globum montibus fuisse exasperatum, adeo certum est, ut is solus in contrariam sententiam abire possit, qui naturæ necessitatem ignorat. Montes Terreno globo ita necessarii fuerunt, ut sine iis globus Terrenus consistere non posset, tum ob eximias, quas Terræ conferunt utilitates, tum ob causas paulò post fufius exponendas: Siquidem, uti Divina providentia mirando Opificio constituit Terrenæ molis globum, ita fines opificis ita sublimes sunt, ut vix sit, qui ad

eos omnes & singulos pertingere, quantumvis sagacissimo ingenio imbutus, possit. Nonnulla tamen hoc loco recensere visum fuit, ut inde si cui sufficiat animus, reliqua concludere possit.

Quod itaque primò ossa in Microcosmo, hoc in Geocosmo montium structura facit; qui totam Terreni globi molem ita stringunt, ut dissolvi minimè possit, atque hoc modo perfectam consistentiam consequatur; cum enim Terra non unius generis glebam utero suo contineat, sed innumeris diversarum rerum speciebus, uti mineralibus, pulveribus, metallicis fluoribus, cineribus, ut postea referetur, foeta sit: Certè illa consistere non possent, nisi firma structura intra intimas concavitates, montium compage, veluti dolia circis, continerentur. Secundò, cum mare Terræ circumfluum, perpetuo æstu, tum fluxu refluxuque, tum ventorum impetu agitur, certè sine montium repagulis Terra durare non posset; his enim intra sinus suos alveosque, veluti vectibus & ostiis, ne Terram immodicâ diluvione devasteret, continetur, juxta illud Iobi: *Circumdedit illud terminis meis, & posui vectem & ostia, & dixi, usque huc venies, & non procedes amplius,*

Ossatura
Telluris
montium
compages
est.

Utilitates
montium
in Terreno
globo.

Job. c. 38.

Ad fontium scaturiginem necessariis Montes.

plius, & hic confringes tumentes fluctus tuos. Tertio, Montes ad fontium, fluviorumque propaginem prorsus necessarij erant; his enim terra declivior facilem in mare fluxum præbet, quod si terra prorsus plana fuisset, fieri non potuisset; sed de his uberius in tractatu de *Origine fontium*. Sunt ergo Montes veluti mammæ quædam in Geocosmo protuberantes, & tanquam naturæ quædam penuaria & reconditoria, tum ad liquorem perpetuò suppeditandum, tum ad subjectas montium regionumque convalles, benefici liquoris undique diffusi munere alendas foecundandasque, à provida natura instituta. Quarto, Montes tum ad rabiem ventorum coercendam, tum ad herbarum, arborum, plantarumque varietatem, quæ sine montibus cæteroquin non provenirent, producendam, tum denique ad æstivum Solis temperandum, aërisque salubritatem, quæ omnia non nisi in altioribus montium recessibus obtinentur, nigrum in modum conferunt. Hinc homines, pecudésque æstivo fervore lassati, montanas ut plurimum regiones, refrigerii, sanitatisque instaurandæ causa, petunt. Quinto, quid Montes aliud sunt, quàm Metallicorum corporum promus condus inexhaustus, in quorum concavitatibus per abditos meatus, ignis subterranei virtute & energiâ, veluti in fornice quadam decocta, & ad maturitatem desideratam deducta, in usum mortalium egeruntur. Non dicam hic de amoenitate prospectus, de utilitate, quam umbra sua in subjectis agrorum planis vallibusque conferunt; non memoro, quanti in natura locorum constituenda momenti montes sint: hoc sanctè affirmare ausim, diversarum regionum, provinciarum, urbiumque proprietatem, qualitatemque non nisi à naturali montium cir-

Metalla.

cumistorum constitutione provenire; Sed unum est quod natura provida in montium constitutione & partium terrestrium exasperatione potissimum intendit, caloris scilicet proportionatum incrementum, sine quo nihil rectè disponi potuisset; hinc enim fit, ut Solares, cæterorumque Siderum radii, intra montium anfractus, saxosarumque molium dispares constitutiones, vario reflexu vehementer intendant calorem, halitus vaporesque ad meteorologicas impressiones efficiendas eliciant, ex quibus innumera in Geocosmi oeconomia emolumenta, ut suo loco dicitur, nasci necesse est. Cui non experientiâ constat, plana montibus supposita, mox ad primum Solis in Arietem ingressum, solutis nivium, quibus vertices montium operiti sunt, molibus, terram circumsitam mirum in modum fovere, & ad foeturam sollicitare? & nè humore nimio terra inebriaretur, declivitate sua humioris stagnationem impediens humorem continuo fluxu intra alveos fluminum coactum in mare detrudit, ut sic superfluo humore exonerata apta reddatur proventibus rerum. Si verò Terra, planâ superficie distenta fuisset, omnibus jam recensitis emolumentis haud dubiè caruisset; neque enim flumina ob æquabilem Terræ superficiem, fluxum suum continuassent, neque nives liquefactæ habuissent, quo sese exonerarent; stagnantium itaque multitudine aquarum in omnes partes diffusarum, terram unâ cum vegetantis sentientisque naturæ foetibus, humoris superfluitate perire necesse fuisset; Accedit aëris insalubritas, quam sine motu consistentium planorum stagnantiumque aquarum putredines causassent. Ex quibus omnibus penitiori mentis scrutinio expensis, montium necessitas luculenter patet.

Utilitas Montium in calore attemperando.

Cur Telluris superficies plana esse non debuerit.

C. A P U T IX.

De arcana Montium constitutione.

Qui Sphæram materialem conficere volunt, circulos primò adaptant, quos Meridianos vocant, ea dispositione, ut omnes sese in Polis Mundi intersecent, hisce deinde Æquatorem, cæterosque ordine circulos parallellos tum ad consistentiam Sphæræ, tum ad arcanam Telluris constitutionem indigitandam applicant. Si paulò subtiliori, trutinâ Geocosmi structuram examinemus, quâ aptat concinnatque Telluris Globum, eadem prorsus ratione à natura constitutum comperiemus; siquidem Montium catenas à Polo ad Polum, sive ex Borea in Austrum constitutas esse, ipse Geocosmus fat superque docet. Sed ut veritatem rei clariùs ostendamus. Prima catena montium in circulum ordinata deducitur à Polo per Islandiam,

Prima Catena annularis Montium.

Scotiam, Angliam, Germaniam, continuata montium serie, rectoque tramite usque ad Alpes, quæ sunt veluti nodus quidam catenæ magnæ, quo, qui discontinuo ordine extensi montes nonnullam connexionis labem incurrerint, vinciantur, constringanturque ad firmiorem consistentiam. Ab Alpibus verò, novo veluti annulari ordine implexi montes, Apennino junguntur, quo totius mediterranei Italiae haud secus ac spina quædam dorsum, optimâ ossium compage, continuata serie per Siciliam montibus Africæ connectitur, & quos Lunæ vocant.

Alter catenæ magnæ nodum, usque ad ultimum Austri promontorium, Bonæ spei nuncupatum, extenditur, quem ordinem habet, & usque ad oppositum Mundi Polum con-

tium, quænam sit.

Alter montium concatenatorum compages circularis quænam sit.

Catenæ montium transverse quænam, & ad quid?


continuari, ipsa ratio dicat. Ex hoc verò Austrino polo, per incognitos Australis Terræ tractus, usque ad fretum Megallanicum distenditur, & hinc per Andium Americæ Australis, Boreæque immensos tractus polo Boreo jungitur ei; à quo dimanarat. Altera catena ad angulos rectos primam interfecans, abiensque ex Polo, & distensionis suæ propaginem per Tartariam derivans Imaum sibi conjungit, qui per mediam Schythiam, magnum *Mogoris* imperium, & tandem per medium Indiæ dorsum in promontorium Comorinum excurrit, ubi mediante maris fundo montibus Zeilani Insulæ, & hinc subter Oceanum in polum Austrinum distenditur; atque hinc tandem, per incognitos terrarum, Oceanique tractus, principio, à quo descendit, connectitur. Quoniam verò perpetuus Oceani æstus, fluxusque ex Oriente in Occidentem, continua sua allisione, nonnullum detrimentum adferre poterat, hinc provida natura transversas montium catenas disposuit, quibus totius Terrenæ molis machina firmiorem consistentiam adipisceretur. Unde vides ex Oriente in Occidentem ab ultima Sinarum Regione montes montibus ita annexos, ut quos China per transversum pro-

pagat, Imaus extra Chinam continuet in Occidentem Scythiæ, Indiæ, Caspii maris, Americæ, Asiæ minoris, Macedoniæ, usque ad Alpes Cottias & Rhetias continuatis montibus jungat, quas Alpes per Delphinatum totamque Narbonensem Galliam continuas committit Alpibus Pyrenæis, quæ hinc tandem in ultimum Occidentis terminum, usquedum suo restituantur principio, ordine mirifico propagantur.

Sed quæres forsân, cur catenæ hujusmodi in Oceano continuatæ non videantur, sed ultimis Terrarum promontoriis, quasi abruptæ & interruptæ dispareant? Respondeo, catenas hujusmodi montium non abrumpi omnino, sed subter Oceani profunditatem eodem ordine continuari; quod verò non emineant, nisi per dispersas hinc inde insulas in Oceano emergentes, id certè sagacissimo naturæ consilio factum esse tibi persuadeas: Cum enim Oceanus perpetuo fluxu Orbem Terrarum ambiat, fluxilis naturæ elementum veluti jure quodam, itinera ab omni obstaculo & repagulis immunia, & undiquaque pervia requirebat; hinc catenæ montium per extititos vertices in Oceano non continuantur, ne eæ motui Oceani, mariumque,

Cur catenæ hujusmodi in Oceano non pateant.

Hemisphaerium Offatura Globi Terreni aquis nudata.



obicem ponerent, atque adeo liberum haberent campum ad universam Terram copio-

so aquarum affluxu fecundandam; quod non accidisset, si Oceanus montium catenis præ-

præpeditus, non liberas, sed motionibus agitationibusque inaccessas semitas offendisset. Ne verò liberrimo suo & impetuosissimo motu, Terrestrium regionum oris, alluvione suâ, detrimento foret, natura has montium catenas disposuit, ut ad hos tumentibus undarum procellis fractis, ad suos sibi destinatos alveos rediret. Quoniam verò Oceanus suas quoque fluendi leges à Borea in Austrum, & contrâ, statutis temporibus servat; contra hoc transversum montium ordines positi sunt, ut hoc pacto, sine offendiculo, natura suas operationes in Terrestri Mundi Oeconomia perficeret. Nemo tamen hoc loco existimet velim, catenas hasce montium in perfectos circulos coordinatas, sed prout Terrarum necessitas requirebat, subinde fimbriis catenarum in immensa utrinque Regionum circumjacentium spatia deductis compo-

tas. Verùm cum de his uberius Deo dante in sequentibus dicturi simus, hæc in genere tantum dicta de montibus sufficiant. Figuram hic oppositam vide. In qua catena montium A B C D. monstrat, illam montium compagem, quæ à Polo Arctico, per Europæ medium, & per Africam, ad Polum Antarcticum & hinc per Americæ Australis Andes, Polo Boreo, unde ducta fuerat, restituitur; Catena vero montium A E G, à polo Boreo A per medium Asiæ, & Indiæ usque ad C polum Austrinum distenditur, & hinc tandem per incognitam submarinam compagem polo Boreo A restituitur. Montium verò catenæ in latitudinem extensæ B E G, cæteræque parallelæ, notant, transversam montium compagem, ad firmiorem totius consistentiam, ob fines paulò ante descriptos.

C A P U T X.

De Montibus in particulari, & arcana eorundem ad usus humanos architectura.

§. I.

De reconditoriis seu hydrophylaciis in Europa constitutis.

Montes à natura non casuali aut tumultuario, sed sagacissimo consilio constitutos in Orbis Terrarum superficie protuberantes, ea quæ jam dicturi sumus, sat superque comprobabunt; Ex his enim, præter humorem, quem montium ope universæ Telluri confert, alios innumeros usus habet, quos suprâ enarravimus. Nos ad ea, quæ, quod sciam, ante nos hucusque nemo advertit, describenda calamus distendamus. Quod ut quàm optimè fiat.

Finis catenarum Montium.

Notandum primò Terrenum globum à Polo ad Polum inæquali quadam & difformi compage, at non sine summa providentia ita constitutum esse, ut in Terrestrium partium medietatibus, maximè sese admirandum ostenderet; dum maximorum & ingentium montium coacervationi, veluti quosdam catenarum magnarum nodos, innexuit, tum ad firmiorem totius compagis consistentiam & firmitudinem, tum ad fundanda in montium cæcis visceribus immensa aquarum penuria, ex quibus veluti promocondis flumina undique scaturientia subditos sibi convalium camporumque tractus benigno profluvio irrigarent. Quod ut oculis curiosi Lectoris pateat, enumeratione partium rem fufius enodandam duxi.

Hydrophylacium Alpium Rhetiarum, ejusque flumina.

Hujusmodi naturæ reconditoria in Europa primo loco sunt montium protuberantium longè lateque diffusa soboles, quas Alpes vocant; Ex quibus veluti ex prædiviti

quodam hydrophylacio, abundantissima aquarum profluvia omnibus Europæ regionibus suppeditantur. Sunt autem triplici nomine distinctæ, quarum illæ quæ Galliam respiciunt, Cotticæ, quæ Helvetiam ambiunt, Rheticæ cum adnexo Vogeso; quæ demum Adriaticum mare spectant, Penninæ dicuntur. Ex toto hoc Alpium complexu, veluti ex foecundo utero, effusi ingentes amnes, Danubius, Rhenus, Oenus, Germaniam; Rhodanus, Arar, Mosa, Mosella, Galliam Belgiumque; Padus verò, Athesis, Mincius, Ticinus, Italiam; Savus verò & Davus Illyricum irrigando beant: Ex hoc non flumina tantum; sed & ingentes & immensi lacus originem traxere suam; In Germania lacus Acronius, Lucerinus, Tigurinus; In Gallia Insubriumque regione, Lemanus; ut interim innumeros minoris ordinis lacus subriceam. In Italia Cisalpina lacus tres, quos Majorem, Comensem, antiquis Larium, & de la Garda vocant. Unde autem tanta aquarum ubertas originem suam nanciscatur, & quomodo montium penuariis contineatur, suo loco & tempore ostendetur; hoc enim loco de penuariorum tantum dispositione tractare visum est, ut eâ exploratâ paulatim ad occultas & abditas tantorum naturæ mirabilium causas pertingamus. Sed filum conceptum sequamur.

Enarrata itaque Alpium concameratio, cum non æquali mensura aquarum, omnibus & singulis circumstitis regionibus sese communicare possit; ne necessitati mortalium novercam se præbuisse natura videatur, hinc alios sibi ex omni parte coacervatos montium ordines, fimbriis suis, adnexuit, veluti auxi-

Ar
de

O C E A N U S

C H I N E N

S J S.

Lucon.

Les Philippines.

L'Archipelage
de S. Lazare.

Mindanao.


Mer de
l'Anchi-
dol.

Cele:

bes.

Alia hydrophylacia.

auxiliares quasdam copias : In Germania quidem montes Noricos, & qui Bohemiam cingunt, Hercinios, qui Boream spectant, Cottinabocum : In Gallia Vogesum, Alver-



nios, & Alpium Cottiarum reliquias, Delphinatus montes : In Italia Apennini offamentum innumeris montibus, veluti spina quædam dorso ex ossibus, coagmentatum; aded ut in Germania supra citati montes aliam fluminum forturam suppedient, id est, Moenum, Albim, Moldavam, Amasum; In Gallia Ligurim, Sequanam, Druentiam, Varum. In Italia Arnem, Tyberim, Anienem, Lyrim, Vulturum, quibus universa Italia, Gallia, Germania fecundo profluvio irrigantur. Ne verò extremæ Europæ regiones debito sibi humoris nutrimento destituerentur, nova constituit natura cellaria seu reconditoria. Inter Hispaniam & Galliam Alpes sive montes Pyrenæos; Inter Germaniam & Poloniam, Hungariamque Carpathios montes; quorum illi in Gallia Garumnæ; In Hispania Iberum, Durium, Tagum, Betim, Guadianam, ex Pyrenæorum plicis, id est, Castellæ montibus deducta flumina profundunt; At verò in Polonia Vistulam, in Hungaria Tibiscum, in Germania Oderam, aliosque innumeros, quibus dictæ regiones scatent, fluvios produnt; atque aded hisce tribus naturæ aquarum reconditoriis positis, universa Europa summis & inexplicabilibus emolumentis beatur.

§. II.

De penuariis Natura, seu Hydrophylaciis in Asia constitutis.

Quo in Europa in penuariis montium constituendis tenore processit, eodem in Asia, in montium constitutione lusit Natura rerum; Siquidem ex Geographica disciplina constat, mediam totius Asiæ longitudinem continuatis montium catenis à Thracio Occidentis phosphoro, usque in ultimum Orientis terminum protensam, Borealem Asiæ, id est, Scythiam seu Tartariam ab India Austrina veluti discriminare: qui quidem montium acervi pro vario situ, varias denominationes sortiti sunt; nonnullis illos sub Tauri, & Antitauri; quibusdam sub Caucasii; ali- quibus quoque sub Imai & Parapanisi nominibus indignantibus. Quidquid sit, non cum nominibus, sed cum rebus nobis negotium est. Certum est hos montes in meditullio totius Asiæ concurrentes, ingentem altissimorum montium globum constituere, quod nos proinde principale totius Asiæ Hydrophylacium asserimus; Nam id in omnes Asiæ partes immensa eructat flumina, versus Austrum

Hydrophylacia Asiæ.

Montes Pyrenæi.

Carpathus mons.

Flumina Hispaniæ.

F. Polono-Hungariæ.

strum quidem, Indum & Gangem, quibus universa Indorum Natio abundè irrigatur; versus Orientem plurimos immensosque Regni Sinarum amnes; versus Boream Rha & Obin; versus Occidentem denique nobilissima flumina Oxum, Jaxastem & Hydaspm, præter innumeros ingentesque lacus, quos efficit, præbet, uti mappa hic apposita luculenter demonstrat. Quoniam verò Asia longiori tractu protenditur, quàm ut singulas longè lateque sparsas regiones attingere possit; hinc divitias suas per subterraneorum regnorum commercia ita distribuit, ut nulla plus se alterà accepisse gloriari possit. Nam Taurus & Antitaurus Minorem Asiam uberimis fluviis beat; Græciam fluviis ex Acrocerauniis Atho, Olympo, Pelione, Ossa, cæterisque, profusis. Armeniam, Persidem, Babyloniam celeberrimis fluminibus Euphrate, Tigri, Derbi, cæterisque, quos brevitatibus causa fileo, Gordiaei sive Ararat atque Caspii montes irrigant; qui Tauro & Caucaso ab Occidente nexi, tandem ad Ortum in paulò ante montium enarratam congeriem, veluti diverfi rami in truncum suum implantantur. Habent & in Septentrionis ultimo angulo Hyperborei & Riphæi montes sua hydrophylacia, ex quibus vastissimi fluvii, Borysthenes, Volga, Tanais, effusi, Russiam & Tartariam ubertim rigant; de quibus eorumque memorabilibus rebus, suo loco fufius agetur.

Montes &
Flumina
celebriora
Asiæ.

§. III.

De Hydrophylaciis seu montium penuariis in Africa constitutis.

UTi Africa magna ex parte Torridæ Zonæ æstibus exposita est, ac proinde summâ siccitate laborat, ita natura huic malo providens, vastissimum hydrophylacium in mediterraneo ejus constituit, quos montes Lunæ vocant, estque immensorum montium congeries, qui innumeros ex omni parte amnes veluti ex fœcundis uberibus longè lateque profundunt; Ex quibus primo loco Nilus omnium Mundi fluviorum celeberrimus originem suam trahens, & per longas atque incognitas ambages tandem per catadupas præcipitatus summa Ægypti felicitate, in mare Mediterraneum maxima aquarum mole prægravatus exoneratur. Ex hoc Zairus Occidentem petit, & regiones varias exploratæ adhuc magnitudinis allambendo, Oceano tandem Athlantico miscetur; à quo non procul ortus Niger, varias fortunæ vires subiens, jam Terræ voraginibus absorptus, jam denuò evomitur, pari passu in paulò ante memoratum Oceanum effunditur. A meridie Cuamam, aliosque peregrini idiomatis nominibus transformatos amnes, qui & vastitate cum ipso mari comparari queunt, eructat, quos omnes Oceanus Meridionalis

Fl. Zaire.

Fl. Niger.

excipit. Ne verò Nubiæ & Lybiæ deserta æstu perirent, Athlantis concatenatq; in Ortum montes natura ita distribuit, ut sicuti à capite humor per omnia corporis membra distribuitur, ita Y ab Athlante per reliqua montium viscera, ad laboranti naturæ subeniendum, aptè distribueretur.


Hujusmodi autem aquarum velut cadi reconditorii sunt duo lacus Zambre & Zaire; quorum hunc non malè dixerim foeturam alterius Zambri, tantà uterque aquarum copiâ turgens, ut non flumina, sed maria eructare videantur; potissimum lacus Zambri, qui veluti in Centro constitutus, ac in amnes amplissimos diffusus, singulis Mundi partibus, ceu è prædivite vena confert abundantissima aquarum profluvia. Septentrioni quidem Nilum, Orienti ingentia flumina Cuamam & Coavum, Zeila, Manhice seu Manhensien Austro; Occidenti denique Zaire, quorum hi omnem Meridionalis Africæ Occidentalem plagam, regna Congo, Angolam, Monomotapam, Matamam, Bagamidri, Agafymbam, usque ad Bonæ Spei caput irrigantes fœcundo limo à sterilitate vindicant. Isti verò totam interiorem Abyssinorum regionem, easque omnes, quas ab ostio maris Erythræi usque ad Cuamæ ostium maritima ora determinat, quæ sunt Melindæ, Barnagassus, Quiloa, Mombaza, Mozimba, Mombara, Membaca, Mozambicum, aliaque hujusmodi regnorum monstra. Verum ut tam notabilem historiam hic apponamus, & ut veritas à tot seculis desiderata, tandem innotescat, qui proprii sint Nili fontes, aperire tentabo.

Ingentia
flumina
Africæ
Meridio-
nalis.

Diximus alibi, Odoardum Lopez præ cæteris in originis Nili inventionem incubuisse, atque hoc unicum fategisse, ut Nili fontes proprios assignaret. Verum nec Odoardus veræ scaturiginis Nili inspector fuit, neque ejus relatio rei satis conformis est; Veriora igitur de tam insigni argumento adducenda nobis sunt. Eo ipso igitur tempore, quo negotium hoc intricatissimum, summè perplexum me teneret, huc Romam appulit P. Franciscus Caravaglinus Indiæ & Æthiopiarum procurator; à quo ego per manuscriptum P. Petri Pais veritatem edoctus, eandem hic posteritati consignare volui, ut veritas tandem post tot ac tantas gravissimorum Authorum fallacias futesque conjecturas suo nitori restitueretur. Res ita se habet: Provincia ubi Nilus oritur, vocatur Agaos, vicina regno Goiam; Terra, in qua oritur, vocatur Sabalà; in apice montis, in plano arboribus undique circumdato; Diameter fontis lata pedem unum cum dimidio, fundi inexplorabilis, margine non redundat, sed in radice montis exitum sibi pandit, ubi simul ac è montis visceribus emersit, in flumen diffunditur, qui aliis subinde fluminibus auctus, tandem in lacum sese 30 leucarum longitudinis, latitudinis 14 exonerat; à quo dum iterum emergit per longas Ter-

Falsa rela-
tio de ori-
gine Nili.

Descriptio
originis
Nili.



O C

Æ L

Ε Α Ν U S

Ε Ν Τ Α Σ Ι S.





Terrarum ambages gyrans, ad eundem ferè locum, unde prodierat, videlicet ad fontem perveniens, reflexo cursu rectà per ingentia præcipitia saxaque inaccessa dilapsus ad interiora divertitur Æthiopiæ. Quæ omnia confirmantur P. Petri Pais Societatis nostræ Sacerdotis oculato testimonio, qui hunc fontem Nili unà cum Imperatore Æthiopiæ, uterque curiositate simul ac veritatis amore percitus, magno exercitu sociatus dictum fontem lustravit. Verùm cum dictus P. Petrus Pais summa diligentia hoc negotium in ingenti rerum Æthiopicarum manuscripto opere, quæcunque observavit, pertractarit; hic ejus verba ex Lusitanico in latinum translata apponam, ut veritas rei luculentius patefiat. Sic itaque ait:

Relatio de origine Nili P. Petri Pais.

Postquam tractavimus de fertilitate terrarum sub Dominio Presbyteri Joannis, opera pretium me facturum existimavi, si hoc loco nonnihil de præcipuis fluminibus & lacubus terrarum, ejus Imperio subjeclarum, referam. Inter qua primo loco se offert maximus ille & toto Orbe celeberrimus fluvius Nilus, qui non apud Antiquos solum, & modernos Doctores, authoresque gravissimos in admiratione fuit, sed & cujus frequentem mentionem facit Sacra Scriptura Gen.

Nili descriptio, ejusque origo noviter inventa.

2. Vocatur Gebon, unus è quatuor Paradisum irrigantibus. Hic hodierno die vocatur ab Æthiopibus Abaoi: Originem suam tenet in Regno Goyam in uno territorio, quod vocatur Sabalà, cujus incola vocantur Agous, suntque Christiani, etsi successu temporum sylvescente Ecclesia variis superstitionibus imbuti & corrupti à gentibus, & paganis vicinis, parum differant. Fons autem Nili in parte Occidentali Regni Goyam situs in summitate unius vallis, qua assimilatur ingenti Campo, jugis montium undique circumdato. Anno 1618. 21 die mensis Aprilis, cum in hoc Regno unà cum Imperatore ejusque exercitu degerem, hunc locum ascendi, omnia diligenter lustravi, invenique primò duos ibi fontes rotundos, utrumque quatuor quasi palmis latum in diametro, summaque animi mei voluptate vidi id, quod nullis votis consequi patuerunt Cyrus Rex Persarum & Cambyfes, Alexander Magnus, ac famosus ille Julius Cæsar: Aqua fontis clarissima est & levissima, gustuique gratissima; sciendum tamen, nullum hosca duos oculos fontis in suprema montis planitie exitum habere, sed in radice montis; profunditatem quoque fontium tentavimus, & in primum quidem lanceam immisimus, qua intrando ad 11 palmos tangere videbatur quasdam veluti radices vicinarum arborum, sibi invicem implexas.

Situs loci in quo Nilus oritur.

Profunditas fontis.

Secundus fons vergit à primo in Orientem ad jactum lapidis, hujus profunditatem explorantes, immisà lancea 12 palmarum, fundum nullum invenimus, colligatisque duabus lanceis 20 palmarum, denuò rem tentavimus, sed nec sic fundum tenere potuimus, dicuntque incolæ, totum montem plenum aquis, cujus hoc signum dabant, quod tota circa fontem planities tremula erat & bulliens, manifestum latentis aquæ vestigium,

eandemque ob causam non redundat aqua ad fontem, sed ad radices impetu maximo sese egerit; affirmabantque Incolæ, ut & ipse Imperator, qui præsens erat unà cum Exercitu suo, eo anno terram parùm tremuisse ob magnam anni siccitatem, aliis verò annis ita tremere, & bullire, ut vix sine periculo adire liceat. Circuitus loci instar lacus cujusdam rotundi, cujus latitudo funde jactum constituere possit. Infra apicem hujus montis populus degit ad montem, leucà circiter unà à fonte distitum versus occidentem, vocaturque Guix, & videtur hinc fons. Bombarda attingi posse. Est hoc loco vicus gentiliū, qui sacrificant multas vaccas, & veniunt ad fontem certa die anni unà cum sacrificulo, quem pro Sacerdote tenent, qui ibi sacrificat unam vaccam juxta fontem, caputque Vacca abscissum projicit in fontis abyssum, e lago hia prima a qual buo, onde facean folenne sacrificio matando muitas vaccas, que os gentios, d'he tracean, & depois se cubria todo como sevo dellas, è asentava en un Cadeira de ferro, que tinha posta nomo de muita lenha feca, e mandava sem se quermar nem ainda derreterse o sevo, e algumas veces etravan depois da fogo aceso, e se asentava à questa gente de maneira, che con estas feteizerias engennava à quella gente de maneira, que o tinham por grande Santo, che davan questo fato quera.

Loca circumfita fonti Nili.

Porro Campus fontis Nili ab omni parte difficilis ascensu est, præterquam ex parte Boreali, ubi facile conscenditur. Infra montem circiter unà leucà in profundissima quadam valle è terra visceribus, alius fluvius emergit, qui se tamen cum Nilo paulò post conjungit; unde credunt eandem cum Nilo scaturiginem obtinere; sed infra terram per occultos canales deductum hoc loco primum erumpere. Rivus verò fontis, qui infra montem erumpit, in Orientem spatio jactus bombardæ vergit; deinde subito declinando Boream petit, & post quartam circiter leuca partem novus sese offert rivus è saxis & scopulis ebulliens, cui paulò post se jungunt duo alii rivus, ex Orientis plaga erumpentes, & sic deinde aliis & aliis identidem collectis rivis notabiliter crescit Nilus. Post spatium verò diurnum Itineris magno fluvio, qui dicitur, Ia mà, conjungitur, qui deinde flectit se versus Occidentem usque ad 35 circiter leucas à prima sui scaturigine, postea mutato cursu Orientem repetit, insinuando se in unum lacum ingentem (est hic situs in provincia, qua dicitur Bed, regnoque partim Goyam subjacet, partim regno Dambie) quem ita pertransit, ut aqua Nili notabilem differentiam ab aquis lacus ostendant; totusque fluvius aquis palustribus impermixtus suum cursum fluxumque teneat; qui mox ubi exit, variis gyris declinando in meridiem, terram irrigat nomine Alatà quinque leucis ab epistomio lacus distantem, ubi per rupes 14 brachiorum altas præcipitatus immenso simul & fragore & fumo aqueo, qui eminus nebula mihi videbatur, præcipitatus paulò post intra duas rupes ingentes ita absorbetur, ut vix oculis attingi potueris; sunt cacumina dictarum rupium ita vicina,

Cursus Nili à prima sui origine.

Lacum Bed transit.

Inter duas rupes Catadupa.

cina, ut Imperator aliquoties, strato per illa ponte, cum toto suo exercitu transierit; quibus omnibus & ego præsens fui. Postquam igitur à parte Orientali regnum Begamidri, Goyam, ceteraque intermedia regna Amharà, Olaca, Xaà, Damos longè latèque irrigavit, max fluxu suo regnum Goyam repetit, irrigatisque territoriis Bizan & Gumancanica, ita sensim regno Goyam appropinquat, ut non nisi unius diei itinere à fonte suo distare comperiat. Hinc fluxum retorquendo versus Fazolo & Ombareà, regnum Gentilium, quod anno 1613. ingenti exercitu subegerat Eraz Selachristos frater Imperatoris; regnumque utpote incognitum, & ob vastitatem vocavit Ayzolam, id est, novum Mundum. Hinc ex Oriente in Boream declinans per innumeras alias regiones vastissimæque præcipitia dilapsus in Egyptum, & hinc in mare Mediterraneum se exonerat. Atque hæc est descriptio fontis Nili, ejusque fluxus, quem citatus P. Petrus Pais propriis oculis unà cum Imperatore Abyssinorum anno 1618. 21 Aprilis uti curiosè observavit, ita summà diligentia adnotavit; ut hoc suo tam insigni & oculato examine Rempubl. literariam multis tricis & dubiis liberaret. Cui quidem unicè impofterum standum existimem, cum Imperatorio approbato testimonio suam jam fons Nili certitudinem infallibilem sit adeptus. Verùm ne quicquam huic operi deesse videatur, Chorographiam hic adjungendam duxi, quam vide in tom. 1. Oedipi. Cap. de Origine Nili.

Cum hystoria hæc dicat, duos fontes comparere intra Terrenum undequaque tremulum, verisimile est, olim magnam partem hujus campi, quem descripsimus, aperto fonte veluti in cratere montis contentam fuisse, & successu temporum, succrescentibus herbis & virgultis luto mistis, cutem veluti quandam contraxisse, cujusmodi variis quoque Europæ locis me vidisse memini, qua dimotà non dubitarem totam planitiem tremulam primævi fontis faciem mox manifestaturam. Sed hæc de origine Nili sufficiant.

§. IV.

De Montium America hydrophylaciis.

UTi America magna ex parte Zonæ torridæ subjecta est, ita provida natura præcæteris eam ditissimis montium, omnium, qui in Orbe Terrarum visuntur, altissimorum hydrophylaciis ditare voluit; cujusmodi sunt Montes, quos Andes vocant, qui varlis aliorum montium ramis in unam confluentibus constituunt opulentissimum illud aquarum penuarium, quod Naragua vocant, inter Cuscum Quitum & Limam in media regione innumeris montibus constipatum; Ex hoc in Austrum concatenati montes immenso Terrarum tractu, quam idèd Hispani Cordillera vocant, in Megalanicum fretum, ultimum habitabilis Terræ terminum, protenduntur;

Andes montes.


Versus Boream verò Isthmo Panamæ junguntur Novæ Hispaniæ montibus, in incognitas Terrarum oras continuatis. Hoc itaque Andium penuarium, tantam, tum lacuum, tum annuum multitudinem fundit, ut five multitudinem, five magnitudinem spectes, nulliis in toto orbe, aut lacus, aut flumina comparari valeant: quorum prior Amazonius, vulgò Rio de las Amazonas, non procul à Quito originem suam trahens, universam Americæ latitudinem rectà transir, usque dum innumerabili aliorum fluminum associatione auctus in mare Boreale, ostio 70 leucarum, ut scribitur latitudine, se exoneret. Alter Maragnon priori non cedens, qui ex eodem dicto jam Andium pennarioeductus inexplorata mediterraneæ Americæ, innumeras regiones alluens, Mari Brasílico redditur tanto impetu, ut ad decem Leucas intra Oceanum Nautis dulcis aquæ copiam præbeat, Nili in incremento decrementoque prorsus æmulus. Huic succedit Januarius, vulgò Rio de la Plata, qui ab intimo Andium utero evolutus immensa aquarum mole, rivorumque confluxu locupletatus, intra Oceanum tandem, Paraquariam juxta & Brasiliam deponitur; Versus Boream verò Novum Regnum fecundat ingentibus annibus, quorum unum à S. Maria Magdalena, alterum à S. Martha denominant. Lacus quoque totius Orbis vastissimus, quem alii Paraima, alii Titicaca vocant, suppeditat, duodecim fluminum accessu ditatum. Non memorabo hic fluvios sine numero, omnes navigiis ferendis idoneos, quos versus occidentem tum Limani, tum Chilensis regni plagam in mare Australe vulgò del Zur, evolvit; de quorum omnium natura & abditis proprietatibus suo loco uberius dabitur dicendi materia. P. Alphonsus d'oualle Chilensis in sua hystoria vix credibilia de mira horum montium constitutione narrat. Nam ex Borea in Austrum ad 1500 leucas Hispanicæ extenduntur: altitudine & longitudine omnes in toto Terrarum Orbe montium catenas longè superant; Atque in hisce nos ponimus ingens illud hydrophylacium, quod uti perpetuè ex immensis Oceanis Orientali & Occidentali, quibus stipatur, alternis æstuum motibus impletur: ita quoque concreditam sibi aquarum molem per maximos totius orbis fluvios lacusque diffundit. Et in Regno quidem Chilensi solo ad 240 fluvios, plerosque onerariis ferendis aptos, partim calidos Thermatarum ad instar, partim frigidos, variisque mineralium succis depravatos, in vicinum mare pacificum spacio triginta aut quadraginta leucarum, quo Andes à mari distant; exonerat. Quin & inter reliqua Naturæ prodigia, omnem admirationem superat, quod in iisdem montibus tanta aquarum mole foetis, Natura insuper 14 Vulcanios montes (qui omnes flammæ eruptione, igneorumque torrentium profluvio non semel Regnum Chile in ultimam vastitatem

Rio de las Amazonas

Maragnon

Fl. Januarius de la Plata

Fl. S. Martha



tatem redegerunt) ex otico quodam & quasi infociabili conjugio junxerit. Sed de hisce alibi fufius. In Septentrionali verò America pari lufit natura providentia, dùm alia aquarum feminaria in vaffiffimis montibus conclufit, quibus univerfus ille novi Mundi tractus uberrimis fluminibus irrigetur. Ex qui-

bus omnibus allatis luculenter patet, montes, principali fine, à natura ad Terram fluminibus rivorumque propagine foecundandam, constitutos effe: Quomodo verò perenni fluxu dicta naturæ hydrophylacia nunquam deficiant, fuo loco dicetur.

CAPUT XI.

De Ignivomis seu Vulcanis montibus.

Vidimus naturæ hydrophylacia in Geocosmi bonum constituta, jam pyrophylacia, id est, ignis penuaria pari passu prosequamur.

Certum est, si solum humidum elementum Terræ dominaretur, Terrenum corpus periturum humoris copiâ oppressum; Certum quoque est, si solum igneum elementum Terræ conclusum suam exerceret potestatem, omnia in vastitatem redactum iri; Quæ cum natura rerum cognosceret, aqueum igneo elemento ipsa aptè connexuit, ut amicis conjugii legibus devincta unum sine altero operationes suas instituere non possit. Elucescit hoc naturæ prodigium vel maximè in nostro Geocosmo. Constituerat natura varia aquarum promptuaria altissimis montibus conclusa, uti in præcedenti capite patuit; quoniam verò occultam suam foeturam sine ignis calorisque obstetricante manu producere non poterat, hinc per universam Orbis Terrarum superficiem, intra altissimorum montium viscera, varia ignis distribuit receptacula; ut hoc innato sibi & primigenio calore Terreum aqueumque elementum animatum, rerum generationes facilius perficeret; ne enim intra abdita atque inaccessa montium aqua rigesceret, amico calore resolvende opus erat, tum ad vaporum exhalationumque necessariorum elevationem, tum ad foeturam conceptam excludendam. Ignis verò, cum sine nutrimento consistere non possit, non alio certè quàm humido pabulo vivit; hoc pacto intra Terræ viscera reciproci commercii foedera pangunt ignis & aqua. Quoniam verò ignis libertatis mirum in modum appetens, sine libero aëris fomento durare non potest; hinc natura provida altissimos montes veluti terminos quosdam constituit, ut per eos veluti per spiracula quædam aër attractus, ignis penuaria perpetuò, tam amico hospite, foveret, atque aded ignis sese per hæc montium voragines veluti per cloacam quandam à superflua fumi faciumque mole exoneraret. Hujusmodi verò camini præter complures alios quinque potissimum constituuntur in Europa; Æthna in Sicilia omnium Scriptorum monumentis celeberrimus; Vesuvius in campania, Strongylus, cæterique nonnulli ex Liparitanis Insulis, potissimum ille Vulcani nomine indigitatus, quos omnes,

ut suo loco dicetur, ego propriis oculis perlustravi & examinavi anno 1638. In ultimo Septentrione mons Hecla Islandiæ: In Græcia Chimæra. In Asia Persis nonnullos montes Vulcanios habet, & in Insula Armuzia; In Mogorum Imperio, in Zeilano Insula nomine Adami insignitus mons; sed potissimum in Insulis Moluccis ac Philippinis, Bandanis, Moluccis, utrâque Java intra altissimorum montium viscera, hujusmodi ignis æstuarium constituit; inter quos in Bandanis potissimum eminet mons Gourapi; mons Balalanus in Sumatra; mons præardus in Insula Ternatensi, in cujus vertice craterem habet hiatu vasto, qui in plures circulos majores, & minores divisus amphitheatrum formam exprimit. In Mauricis Insulis mons Tola; In Tandia juxta promontorium Spiritus Sancti nonnulli reperiuntur; uti & in Insula Marindica. Porro in Japontia non exiguus horum montium numerus est prope Firandum & Tanexumam, aliisque passim circumfritis Insulis hujusmodi Vulcaniæ officinæ summa admiratione viatorum spectantur; quæ occulta per subterraneos cuniculos mercimonia agentes in Archipelagi S. Lazari Insulis ad novam Guineam, & quas Salomonis vocant Insulis, per novos montium hiatus exponunt, exposita deinde aliis maris pacifici insulis distribuunt.

Nulla tamen Mundi pars celebriores Vulcani officinas exhibet, quàm America. In solo Chilensi regno, ordine quatuordecim numerantur; in Pervano non pauciores, quos omnes Andium continuati jugorum vertices exhibent. In Nova Hispania tres numerantur ignium eructatione formidabiles; Neque ultimus Septentrionis tractus suis ignium penuariis destituitur, quorum quatuor Authores in Tynseorum Regione Tartariæ numerant; ut interim taceam Grunlandiæ Vulcanos, aliosque in vicinis sive Insulis, sive Continentibus Polo circumfritis, quos & in Terræ igneæ vulgò *del Fuego*, incognitos Sinus continuant, ita ut multi Antarcticæ plagæ Polum ob ignivomorum montium multitudinem inaccessum putent. Sed de hisce in sequentibus amplius dicturi sumus.

Cur verò natura rerum hos ignes altissimorum montium visceribus incluserit, prima causa est, ut ex editissimis locis veluti per præ-

Vulcani Græciæ, Asiæ Persidis.

Vulcani in variis Insulis.

Vulcani Japoniæ.

Chile abundat Vulcaniis montibus.

Cur natura constituerit Flammi-vomos montes.

Necessitas ignis subterranei.

Aqua subterranea rigesceret sine igne.

Montes flammivomi spiracula sunt pyrophylaciorum subterraneorum.

Vulcani Europe.

præcellōs quosdam caminos abditum naturæ elementum, spiracula inveniret, quibus se à superfluis urgentis naturæ gravaminibus exoneraret. Secunda, ne si in Regionum planioribus locis violento hujusmodi naturæ patientis munere fungeretur, omnes circumfinitas regionum plagas, cineribus, fumo, excrementitiis tophis, perniciosisque & læthiferis exhalationibus ultimum campis animalibusque exitum adducerent, quod in inaccessibleis sublimium montium jugis non fit, rejectamentis, cineribusque, aut in abrupta montium depositis, aut fumo vaporeque exitiali in aërem sublimiorem resolutis, ventisque aliò dispulso; ut proinde non alio fine hujusmodi montes vel ad mare, vel in insulas à continente separatas relegarit, ne in Continentis meditullio omnibus circumfinitis gentibus inevitabilem stragem adferrent.

Sed quæres forsan, cur montes hujusmodi aquarum conservationi adeò necessarios non ubique hydrophylaciis adjunxerit? Respondeo, cum hujusmodi montes nihil aliud sint, quam spiracula, per quæ igneum elementum se purgat, cum aërem ad sui conservationem necessarium per ea attrahat, non sequitur,

montibus, aquis turgentibus, ea non conjungi, cum cuniculi horum montium per universæ Terræ viscera propagati, cum omnibus ferè cæteris montibus, per occultas naturæ leges, ne Terra ullibi tam necessario calore destituatur, corresponsdeant; quod & innumeræ calidarum aquarum ebullitiones in nulla non regione conspiciuntur, sat superque demonstrant; quæ quidem effectum suum nunquam continuarent, nisi occulta ignei elementi vis in Terræ visceribus recondita calorem hunc perenni fluxu urgeret.

Sed objicies. Duo contraria, cujusmodi ignis & aqua sunt, in eodem loco subsistere non posse. Respondeo, non habere eodem in subjecto, sed ignea reconditoria ab aqueis separata per occultos Terræ montiumque syphones in se mutuo agere, occulto amicitiae foedere se mutuo fovere, & hoc pacto naturam effectibus suis intentis potiri. Verum cum de hisce fusissime, Deo dante, in sequentibus simus disceptaturi, hic longior esse noli. Atque ex his patet, ex hujusmodi aquæ & ignis elementis intra viscera Terræ constitutis, omnium rerum mixtorumque generationem constitui, uti ordine declarabitur.

Cuniculi
ignei per
universum
Telluris
corpus
ducti.

Obiectio.

C A P U T XII.

Utrum Montes cum tempore decrescant, aut denuò accrescant, & de mira Terrestrium partium transformatione.

EXperientia omnium seculorum docet, Tellurem suos pati morbos & alterationes ex variis interioris œconomiae diffidiis exortas; Nam cum, ut rectè Aristoteles; Interiores Telluris partes perinde ut animalium plantarumque corpora juventutem & senectutem suam habeant; rectè concludere possumus, Orbem Terrarum, nec quoad interiores, nec quoad exteriores partes, eo statu perseverare, quo fuit à rerum primordiis. Lactantius, fluctuantis naturæ conditionem, & mundanæ rotæ instabilitatem, qua omnia infinitis casibus involvens, nil sub Sole perpetuum, nil diuturnum esse permittit, altius expendens, ita exclamat: Enumerare possem quoties repentinis quassata motibus, vel hiaverint Terra, vel descenderint in abruptum; quoties demersa fluctibus & Urbes & Insula abierint in profundum, fructiferos campos paludes inundaverint, flumina & stagna siccaverint, montes etiam vel deciderint abrupti, vel planis fuerint adequati; plurimas etiam regiones & plurima fundamenta montium latens & innatus ignis consumit; quam quidem instabilis natura vicissitudinem, summi nullo non tempore philosophi non sine admiratione observarunt.

l. i. Meteor.

Natura morbos suos patitur subinde.

Lactantius.

Seneca.

Omnia, inquit Seneca, tempus edax depascitur, omnia carpit, Omnia sede movet, non finit esse diu.

Flumina deficiunt, profugum mare littora siccant, Subsident montes, & juga celsa ruunt.

Ovidius Met. i.

Vidi ego, quod fuerat quondam solidissima tellus, Esse fretum, vidi factas ex aquore terras, Et procul à pelago concha jacuere marina, Et vetus inventa est in montibus anchora summis.

Ovid. Met.

Quodque fuit campus, vallem decursus aquarum

Fecit, & illuvie mons est deductus in aquor, Atque paludosa siccis humus aret arenis,

Quaque sisim tulerant stagnata paludibus hument.

Anglia Galliae quondam amico nexus conjugio adhæsit, Nordstrandia Borealis Insula, quam Cranzius Frisiam Aquilonarem vocat, cum Thietmarfia Continenti adnectebatur, modò à Continenti avulsa, atque in Insularum album adscripta, Amphitrioneas leges sectatur. Idem de Fretto Herculeo & Siculo testatur Val. Flaccus.

Insulae quæ lim Continentes erant.

neque enim Rex Aeolus illic Rector erat, Lybiam cum rumperet advena Calpen

Fretum Herculeum & Siculum.

Oceanus, cum flens Siculos Oenotria fines Perderet, & mediis intrarent montibus unda.

Flumina mutant alveos & solitos cursus; florentia pereunt imperia, quæ omnes horrendæ strages, uti Divinam arguunt potentiam,

Flumina mutant alveos.

tiam, ita humanæ sortis incertitudinem patefaciunt, & mortales Geocosmi incolæ moment, ut cum nihil stabile, nil perpetuum, sed omnia caduca, variis fortunæ casibus, variis & improvisis rerum stratagematis obnoxia, cognoscant, omnem mentis conatum, omne studium, omnes animi, qui ulla re creata satiari non potest, vires ad sublimes & sempiternas supra coelestium bonorum possessiones elevent, Deo soli veluti centro insistant, in cujus manu sunt omnia jura regnorum & omnes fines Terræ.

Causa mutationum in Tellure.

Variis itaque modis Terrenum corpus di-
ctas metamorphoses incurrere potest; vel enim primò montes hiati terræ absorbentur, vel etiam derepente nascuntur, ubi prius non erant. Secundò Montes, successu temporum, tempestatum injuriis consumpti deficiunt, vallibus consequenter exaltatis. Tertiò Terræ, quas Peninsulas vocant Geographi, Græci Chersonesos, tenuiori illo Terrestris transitu, quem Isthmum vocant, aquarum violentiâ rupto, Insulas facit, quæ prius Continentis pars erant; vel contrà Insulæ conjunguntur terræ continenti per Isthmos, immensis arenarum acervis, quos maris violentia fluctibus adducit, constitutos. Quartò mare, quod ex una parte recursum suo terrestre relinquit spaciū, ex altera, nescio quo naturæ scelere, violenta quadam invasione recuperat, tantum terrarum fluctibus invadens, quantum reliquerat ex priori statione recedens. Quintò, nascuntur subinde novæ nonnullæ Insulæ, aliis quæ ab immemorabili tempore constiterant, absorptis. Contra in Terrarum medietatibus nonnullæ regiones, interioris Vulcani tyrannide deglutitæ, lacus post se relinquunt, in quibusdam lacubus absorptis terrestrium partium tumuli relinquuntur. Sextò, in partibus quibusdam flumina & lacus deficientes terram habitabilem reddunt; In aliis terra culturâ pinguis, repentina mutatione in lacum evadit. Sed ut hæc omnia auctoritate historica stabiliantur, de singulis per totidem paragraphos agere visum est.

§. I.

De Montibus & Vallibus absorptis & renatis.

Plin. l. 2. c. 91.

Montes absorpti.

Refert *Plinius*, suo tempore Cybotum altissimum montem unâ cum oppido Eurite ita terrâ devoratum, ut nulla ejus amplius vestigia dignoscerentur. Eiusdem fortunæ fortem obtigisse scribit Sypilo in Magnesia monti, quam præcesserat formidabilis Tantalus Urbis terræ hiati absorptæ interitus. Non absimilem fortem expertæ sunt Galanis & Ganatus in Phœnicia quondam celeberrimæ Urbes, Phlegium Æthiopiarum jugum excelsissimum, unius noctis concussione violenta, non amplius comparuit. Possumus & nos adungere eos montes, quos nostris temporibus terra haustos vidimus. Picus mons

est annis ex Insulis Molyceis, tantæ altitudinis, ut instar columnæ, Nautis multorum dierum itinere, in remotissimis maris tractibus appareret; hic terræmotus violentiâ prostratus, nullo amplius vestigio, sed lacus in ejus loco exortus, basi peripheriæ montis æqualis spectatur. Idem contigit in Sinarum regno, anno 1556. quo integra montosa Sinarum Regio cum universis populis & urbibus absorptâ suo loco lacum ingentem reliquit, nullo præter puerum ligno innatantem, erepto. Vidimus & nostro ævo, formidabilem Plursiæ in finibus Helvetiorum sitæ civitatis, ex montis incumbens casu, interitum. Montes Vesuvius & Strongylus Vulcanio bello media ex parte decurtati cernuntur, qui prius cacumine Cœlum ferire videbantur. Non dicam hic de Montibus Chiles, quos Andes vocant, quorum nonnullos deesse compertum est, post maximum illum & omnibus seculis memorandum terræ motum, quo totum ferè regnum in vastitatem abiit anno 1646. quemadmodum relationes à Patribus nostris factæ narrant. Vidimus montium absorptionem, jam eorundem renascentiam exponamus.

Historia.

Montes Chile considerunt.

Plinius l. 2. c. 87. & c. 88. seriem eorum his verbis exponit. *Nascuntur & alio modo terra, ac repente in aliquo mari emergunt, veluti paria secum faciente natura, quæque hausserit hiatus, alio loco reddente. Clara jam pridem Insula Delos & Rhodus, memoria produntur enata; postea minores, ultra Melon, Anephe: Inter Lemnum & Hellepontum, Nea: inter Lebadum & Teon, Ajone: inter Cycladas, Olympiade 135 Hieræ, eademque Automate; & ab ea duobus stadiis post annos 110 in nostro ævo, M. Junio Syllano, L. Balbo Coss. ad 8 Idus Iulias, Thia. Anno 1638. ad Insulam S. Michaelis in mari Atlantico stimulantibus ignibus subterraneis tantum lapidum in medio maris egestum fuit, ut inde Insula lapidibus in montes coacervatis nata sese ad quinque miliarium latitudinem extenderit. Prope Puteolos in sinu Bajano ante annos circiter 120, novus mons ex mari, unius noctis sævientis naturæ subterraneæ violentia protuberans omnes in admirationem simul ac terrorem rapuit, qui & in hunc usque diem perseverat, nomine Montis Sancti triumphans. Vulcanus Liparitanus, tantum cinerum saxorumque ante annos circiter sexaginta, ejecisse fertur, ut juxta sese in medio mari, quem & idèd *Vulcanellum* veluti filium à Patre genitum vocant, produxerit; quod & ego, dum oras istas peragrem, verum esse comperi, uti ex iis, quæ in præfatione ad Lectorem monui, patet. Innumeri hujusmodi eventus sanè memorabiles in Historicorum monumentis occurrunt, quos omnes enarrare, cum supervacaneum esse ratus sim, notiora tandem nobis hic adducere visum fuit, tum ad montium quorundam interitum, tum ad novorum renascentiam comprobendam: Quæ *Plinius* his verbis*

Renascentia Montium.

In agro Puteolono novus mons exortus.

bis asseverat, l. 2. c. 88. *Ante nos & juxta Italiam inter Æolias; iterum juxta Cretam Insula emerfit è mari 1500 passuum. undè cum calidis fontibus, altera Olymp. 143. anno tertio in Thosco sinu flagrans; hac violento cum motu; proditumque memoria magnam circa illam multitudinem piscium fluitantem repertam hominesque confestim expirasse, quibus ex his cibis fuisset; sic & Pytheeusas in Campano sinu ferunt ortas; mox in his Epopon, cum repente flamma ex eo emicuisse, campestri aequatum planitie, in eadem & oppidum haustum profundo, alioque motu stagnum emerfisse, & alio provolutis montibus insulam extitisse Prochyta.*

§. II.

Montes successu temporis deficiunt; & plana vallesque attolluntur.

Cur Montes deficiant.

Cataduparum lapsus fundamenta Montium exedit.

Ignis subterranei Montes subinde in calcem resolvit.

Job. 14.

Pluviae, nives corro-
dunt Montium bases.

CAcumina montium pluviis, nive, grandine, gelu longævo, cæterisque aeris injuriis tandem exedi consumique experientia docet; & jam in præcedenti paragrapho ex ignivomorum montium defectu satis patuit. Sunt enim nonnulli montes, ut in Lipara, Melita, & Ilua, quos nitrosi spiritus ex ea parte, qua venti iis prægnantes spirant, ita exedunt, ut impendentes rupes proximè ruinam minentur, & rupium in vallibus adhuc superstitum ruinæ, olim se erectas tandem concidisse, abundè testantur. Subterranearum quoque aquarum Catadupæ, fluminumque præcipitosus lapsus paulatim ita interiorem montium fabricam atterunt, ut labefactatis fundamentis vel ad primum terræ motum labantur; quam & unam causam putem defectûs nonnullorum montium. Ignis quoque subterranei mirum in modum ad montium defectum conferunt, uti suprà insinuavimus. Ex attritu itaque montium, valles & planities ut crescant, necesse est, atque adedò decrementum illorum in incrementum cedat circumpositarum planitiarum valliumque; ut proinde illud *Iobi* in hisce verificatum videatur *Alluvione paulatim Terra consumitur*. Aquæ enim pluviarum, fluminum, torrentium, niviumque liquatarum, montium latera ita corro-
dunt, ut ædium fundamenta in montibus sitarum plerumque denudata spectentur; quod in Germaniæ, quæ vetustis rupibus imponuntur, arcibus mihi non semel observare licuit; nullibi tamen magis hujusmodi naturæ catastrophe se spectandam præbet, quàm Romæ, cæterisque in Latii partibus. Intueor ego penè quotidie, Montium Palatini & Capitolini olim editas arduasque rupes, ita tamen temporum injuriâ decrevisse, ut planitiem ferè æquare videantur; immò veteris Capitolii fundamenta eam jam actu ad æquare, ipsa fundamentorum denudatio luculenter doceat; adedò quidem, ut quos edi-

tos montes olim fuisse scribunt Auctores, modò nisi montium vestigia quædam, tibi persuaderent, montes ibi quandoque fuisse vix crederes, planities in tantum exurgente, quantum montes decreverant. Docet id cum primis Pantheon, ad quod olim per gradus ascendebatur, cum modò per gradus in illud descensus fiat. Docent innumera antiquitatum, uti Amphitheatrorum, Circorum, arcuum, columnarumque semisepulta cadavera: De quibus omnibus fusiùs, si Deus vitam dederit, in nostro de mirabilibus Latii, Opere. Unde multi existimârunt futurum, ut post multas myriades annorum, planities montibus æquatæ universali cataclysmo successu temporis aditum aperiant: Quod tamen neutiquam admittendum censeam, in magnis illis suprà memoratis montium catenis, sed in iis tantum, qui vel quotidiano usu ædificiorumque servitute premuntur, vel ex terrestri, argillacea, simili-
que friabili & tophacea materia constituuntur.

§. III.

Chersonesi sive Peninsula in Insulas, & Insula in Chersonesos mutantur.

Verisimile prorsus est, freta quibus unum nunc mare inter angustias montium se insinuat in alterum mare, olim Isthmo conjuncta fuisse, fretaque extitisse, mari, impetuosa tyrannide fluxûs, Isthmum paulatim erodente. Hoc pacto, *Plinio* teste, mare Siciliam avulsi Italia, Cyprum Syriæ, Asiam Europæ propontide & Phosphoro Thracio; Eubœam Beotiæ; Enbœæ Atlantem & Macrin; Besbycum Bithiniæ, Aphricam Hispaniæ, Calpes & Atlantis destructo conjugio. Pari pacto Leucosiam Syrenum promontorio; Sumatram Canisboiæ, Indiæ Ceilanum; Gronlandiam Americæ Fretum Davits; Nordstrandiam maris Balthici Insulam Thrithmarsia, teste *Cranzio*; Americæ Australi Terram ignium Isthmo perrupto, & per Fretum Megallanicum ingentium Oceanorum Orientalis & Occidui perpetuæ allisionis assaltu portas sibi ad conjugium aperiente. Sunt enim plerique Isthmi veluti pontes quidam, subter quos per occultos quosdam cuniculos & cæcas cavernarum latebras maria, quæ utrinque Isthmos allambunt, mutua aquarum commercia ultrò citroque ut plurimum exercent; quorum exelis successu temporum pilis, succussisque per terræ motum, pontium fundamentis, Isthmum concidere necesse est;

Sed veniamus ad alteram hujus disceptationis partem. Maria interrumpunt Isthmos, & iidem subinde ab alluvione aquarum & multa arenarum coacervatione constituuntur; uti Pharus Ægypti, quæ olim in medio maris lumen periclitantibus præbebat, modò

Terræ

Pantheon.

Metamorphosis Insularum & Peninsularum.

Isthmi sunt veluti pontes, subter quos mare labitur.

Pharus Ægypti olim Insula.

Circeus
mons olim
Insula.

Terræ Isthmo conjunctam videmus, ex Nilo magnâ limi copia fretum implente constitutam. Mons Circeus olim à Continenti separatus, modò eidem adhæret, freto arenarum congerie repleto; & plerumque contingit ad marium angustâ & depressiora loca, insulas inter & Continentem sita, ubi vel maris æstus vehemens, vel fluminum allapsu magna arenarum copia suggeritur; uti Batavia, Frisia, Zelandia, in omnibus Archipelagorum tractibus, cæterisque arenosis argillaceisque littoribus paulatim ex planitie in altissimos montes terminantibus. Sic Antissam olim Lesbo, Zephyriam Halicarnasso, Ethusam Mindo, Dromiscon & Parren Mileto, Pythecusam Parthenio promontorio junctas *Plinius lib. 2. c. 89.* docet; Imò Hybandam, quandam Insulam Ioniz, postea ducentis stadiis à mari intra Continentem distitisse, & Syritem in Ephesi, Derasiden & Syphoniam in Magnesiæ mediterraneis esse, quæ olim Insularum albo connumerabantur; Denique Epidaurum & Oricum Insulas esse desuisse, juxta illud *Ovidii 15. met.*


*Tempus erit, rapidis olim cum Pyramus undis
In sacram veniet, congesto litore, Cyprum.*

§. IV.

*Quidquid Mare in una parte Terrarum perdit,
in altera recuperat, unde Insularum novarumque Terrarum exordia.*

EXperientia quotidiana in fluminum decursu id abundè docet; Sit flumen M. N. irruat ex C in B, & ex B in D totus fluminis impetus, certum est, litus argillaceum B uti & D, cum tempore, alluvionis vehementiâ excavatum iri, flumenque paulatim interiora


F & G agrorum irrepere, unde necessario aquæ littoris B desertâ statione, Terram re-



ciprocâ riparum utriusque littoris justitiâ quadam commutativa jura inter se partientis, denudabit. Observata est hæc naturæ Metamorphosis tum in multis fluminibus, Rheno, Moeno, Mosella, Rhodano, tum potissimum in Tyberi, quem à viginti annis tantum ad planitiem montis Marii, in agros prataque irrepsisse notavi, ut montis penè radices hoc tempore in nonnullis locis allambat, ex altera parte arenarum cumulis relictis. Verum cum hæc vulgò nota sint, iis non immorabimur. Idem in mari fieri putandum est, cujus uti fluxus refluxusque, atque quos Currentes vocant, vehementiores sunt, ita majores quoque in Terreno globo Metamorphoses efficiunt. Hoc tamen observandum, flumina nonnulla, potissimum ea, quæ ex altissimis montibus suam originem habent, tantis à montibus, vallibusque, abasis terrenæ missionis facibus, depressiora loca illimare, ut ea ex tanta arenarum, limique copia paulatim in amplos congesta tumulos, atque aquis intra alveos proscriptis, novam tum habitationi hominum, tum culturæ aptam regionem constituent; cujus quidem rei veritas luculenter patet ex annibus majoribus, Rheno, Danubio, Rhodano, Pado, Euphrate, Indo, Gange,

Tyberis
Flum.

Ex limo
aggesto
novi campi
nascuntur.



cæterisque in America magni nominis fluminibus, quæ omnia magnis arenarum copiis confutatis cum tempore in depressioribus locis, ubi olim aquæ stabulabantur, novas

Terrestrium partium colonias perpetuæ accumulationis incremento fundarunt; fluminibus utpote ex montibus D C cadentibus in planitiem A B stagnantem, intraque alveos coar-

coarctatis, ac tandem per multiplicem ostiorum distributionem in mare sese exonerantibus. Unde certò concludimus, depressiores illos, prope fluminum ostia, tractus E F G H I, insulasque, quæ fluminum brachia conficiunt, non nisi arenarum, limique à dictis fluminibus invecti, advectique, uti Figura docet, fœturam esse. Hoc autem ita esse, Historiæ sat superque docent; Ægypti inferioris partem, quam *Delta* nuncupant, Nilo invectam, unde & δῶρον Νεῖλος, *donum Nilus* ab *Herodoto* dicitur, communis sententia Geographorum est, & nos in *Prima Parte Oedipi & Ægyptiaci* fusc id demonstravimus. Pari pacto plerisque Hollandiæ districtus Rheno, Mosa, aliisque amnibus aggestos, *Goropius* docet. Ita magna Ferrariensis agri portio ex Padi eluviis excrevit. Arelatenfis ager maritimus una cum Comargo Insula. Rhodani partus est. Pari ratione Ammonia & Mœotis paludes olim multò profundiores erant & majorum navium patientes, quàm postea ingesto luto, teste *Aristotele*. Tota Teuthrania & quæ circa Ilium sunt, plana, ubi olim mare, modò campi sunt, Mæandri fluminis beneficio. Verùm hæc ita esse, urbes, quæ olim mari aluebantur, modò longè ab eodem distant, abundè comprobant. Ravenna olim Adriatico mari imposita, modò ab eo sex millia passuum diffidet. Ostia Tyberina olim maris apposita littori, modò ab eo 3000 pass. ingentibus arenarum tumulis interjectis diffident; Quod & in pluribus passim locis inferioris Germaniæ verificatum est. Mare jam *Plinii* tempore à portu Ambracio ab Athenis quinque millibus passuum recesserat, quod primò dictum locum alluebat. Tempus perdam, si omnes huiusmodi naturæ catastrophas adducam, cum vix regiò maritima sit, ubi eæ, maximè apud ingentium fluminum ostia, non spectentur.

Diximus itaque, mare in nonnullis locis, invectis ab amnibus glebis, recessu suo Terram habitabilem summo naturæ beneficio, reliquisse; modò novam maris catastrophem ostendamus, dum pristinæ benignitatis oblitum, nescio quo naturæ scelere, vastissimas Terrarum regiones, tam duro tyrannidis jugo premit, aliis funditus submersis, aliis verò utpote contumacioribus Insulis ita suppreffit, ut non nisi montium apicibus emine-re videantur. Prope Dordracum & Dullartum in Frisia Castella non ignobilia, funestà alluvione ita submersa sunt, ut vel ipsi eminentes in hunc diem turrium apices, præteriti eventus calamitatem posteris enarrare velle videantur. Ad littus Thuscum non procul Liburno integra urbs undis cessit, hominum habitaculis in piscium latibula conversis, quod non sine horrore anno 1634 propriis oculis observavi. Inter Centum Cellas, vulgò *Civita Vecchia*, & Sam. Severam, frequentia sanè rudera in mari spectantur, quorum nonnulla fenestris, alia portis & arcibus

adhuc instructa sunt, præteritæ infelicitatis indices. E regione Puteolorum in ipso sinu Bayanæ urbis, domus unà cum platearum discrimine, quod mirum dictu est, luctuosissimo sanè spectaculo monstrant in fundo maris celeberrimæ quondam Urbis, interitus vestigia. Atque hæc quidem à me experientiâ comprobata sunt, ut innumeros alios eventus, quibus Historicorum monumenta referta sunt, sileam. Ex quibus quidem omnibus concludimus, omnes illas Insularum coacervatarum congeries, quas Archipelagos vocant, olim Continenti conjunctas fuisse, Oceani ultrò citroque molientis violentiâ, mollioribus continentis partibus paulatim exesis, perfossisque, saxosioribus verò montium scopulis in eam Insularum multitudinem, quam mappæ nobis demonstrant, secretis, vel subinde etiam ignium subterraneorum sævitie per terræmotus diremptis. Certè Oceanum Atlanticum, ubi nunc Canariæ, & quas Terceras vocant, ingenti hominum multitudine habitatum fuisse, *Plato* docet in eo Dialogo, quem *Critia* nomine intitulat. Sed apponamus brevem hujus historiæ epitomen magnis sanè ratiociniis aptissimam: altius itaque exordior.

Plato itaque in suo Dialogo, qui *Critias* intitulatur, sortitione Deorum, *Neptuno* obtigisse refert Insulam quandam ultra Herculeas Columnas in Oceano Atlantico sitam, Africâ & Asiâ multò majorem; aitque *Solonem* ab Ægyptiorum Sacerdotibus, (qui istius regionis situm, hominumque in ea viventium nomina, rerumque gestarum seriem monumentis suis descripserant) edoctum, Græci juris reddidisse; Intercesserant autem à *Platonis* ætate ad Atlanticæ Terræ superstitis adhuc ætatem novem millia annorum; Primosque Atheniensium Heroës cum dicta Insula fortissima bella gessisse, quæ tamen immensæ vetustatis injuriâ absoletâ, nil præter nomina famamque reliquerit; universa Insulâ unâ cum Incolis, sive diluvio, sive terræmotibus, absorptâ. Hæc autem ut veram, minimè mythicam, id est, fabulis subjectam historiam demonstret, à Græciæ antiquitate id sibi comprobandum ducit; cujus primò terminos ad Isthmum producit, & hinc ad Epyrum & Cytheronam dextrorsum, sinistrorsum ad mare terminat; tantæque ait feracitate, amoenitate, rerumque omnium humanæ vitæ sustentandæ ubertate instructam fuisse, ut ad illorum temporum rationem suæ ætatis regionis constitutio, comparatione facta, non nisi corporis morbo diminuti ossa dici possent; quam quidem degenerem ad veterum comparatam constitutionem hisce verbis exponit: Ubi enim ingentem rerum exuberantiam primis Mundi seculis in Græcia vigentem descripsisset, mox rationes tantæ degenerationis subnectit his verbis: *Omnis, inquit, regio, nimirum ab alia Continenti in longum exposita, veluti promon-*

Archipelagi primo Terræ Continenti juncti, tandem violentia maris in insulas discreti sunt.

Plato in Cratylō de Insula Atlantide

Interitus Insulæ Atlanticæ.

Plato rationem dat degenerationis rerum in

Ægyptus limi aggestu nata.

Hollandia ex Rheni, Mosa, limo constituta.

Palus Mœotis Tanai fœtus.

Urbes quæ olim mari aluebantur jam ab eodem distident.

Urbes summissæ.

Urbes submarinæ.

Orbe & po-
tissimum
in Græcia.

torium jacet; vas autem maris profundum quidem illud; eam undique circumcingit; cum itaque multa & magna diluvio annorum 9000 intervallo, (tot enim ex illo tempore extiterunt ad hoc nostrum usque tempus) praterierint, ne ulla quidem telluris pars in nostra tempora, hasque mutationes à locis sublimioribus defluens, tumultum (ut aliis in locis solet) ingessit; sed circularim semper desidens in profundum occultatur; idcirco relicta sunt, quemadmodum in angustiis Insulis, hac Attica loca, quæ modo incoluntur, si cum antiquis conferantur, veluti corporis morbo diminuti ossa; decerpta videlicet eâ terrâ, quæ pinguis erat & mollis, ita ut tenue tantum & aridum Telluris corpus remaneret: Terra videlicet cum integra esset, montes & colles sublimes habebat, & agri, qui nunc Phallai nominantur, solo pingui, copiosaque sylva in montium jugis, ut etiamnum manifesta sunt vestigia, exuberabant. Præterea hac regio quantumvis frugiferam pluviam ex Iove hauriebat, neque, uti hoc nostro tempore, è declivi & prærupto loco in mare defluebat, sed hanc absorptam copiosa quadam & tenaci firmitate subsidentem è superioribus locis terram recondens atque combibens in viscera dimittebat; unde passim ingentes fluviorum, fontiumque rivis saturiebant: quorum etiam nunc in veteribus fontibus sacra quadam monimenta appareant. Hæc Plato. Qui ut interitum Athlanticæ Insulæ ostenderet, ab insigni terrestrium partium transmutatione orditur, quæ à 9000 annorum intervallo in Græcia per triplex diluvium contigisse fabulatur Græci. Transmutationis itaque causam primò in subsidentiam montium conjicit, quos primò omnes terrâ pingui & opimâ, veluti carne, nec non sylvis, veluti comâ quadam, olim vestitos vult, nunc verò calvos, glabrosque, atque omni sylvarum decore privatos, veluti morbo diminuti corporis ossa, spectandos sese exhibere, putat autem subsidentiam montium, tum pluviarum diluviis, tum terra pingui unâ cum sylvis abraza, decerptaque infimas valles, campos atque ad eò ipsum mare paulatim implevisse; unde glebarum congerie terra exaltata montium cacumina à primis temporibus, multò non tantum reddidit breviora, curtioraque, sed & omni carne exuit, præterque ossa quædam montium nihil aliud reliquit, idem putat in Terra Athlantica contigisse. Deinde ait in Græcia multos hodiè desiderari fluvios, fontesque, quos magni nominis olim universam Terram irrigasse, præcorum seculorum monimenta referunt; Causam hujus rei assignat, quòd montes olim præpingui vestiti terra pluviam à Jove dimissam non defluere sinerent, sed mox spongiæ instar imbibere, imbibitam verò, per occultos montium meandros insinuatam, collectamque in abundantissimum flumen fontesque urgerent, quos tamen hodiè idèò non reperi ait, quòd montium

meandri, limo glebaque obducti, omnem aquis pluvialibus aditum intercluserint, vel etiam per terræmotus concussi, illam quam diximus transmutationem induxerint. Verum hanc Platonis de montium decrementis, fluminumque exsiccatione sententiam alibi copiosius examinabimus: nunc ad Athlanticam Insulam revertamur; quam, uti in *Oedipo* nostro docuimus, minimè fabulosam, sed verè historicam esse, Plato multis modis conatur ostendere, dum tam curiosè describit memoratæ Insulæ situm, qualitatem, hominum mores & ingenium, politicam administrandi rationem, dum urbes, castra, fortalitia, non tantum mirandorum recinctuum, fossarumque apparatus extructa fuisse, sed & auri, eboris, pretiosorum lapidum, quibus Deorum ædes adornari solebant, summam ibi copiam fuisse recenset; concidisse tandem eam; & uti mari absorpta fuit, ita ab hominum memoria in hunc usque diem obsoleta mansit; certè Græci uti mirum in modum gloriâ tumidi, ita hanc in Athlanticam terram expeditionem Atheniensium, quos omnium hominum vetustissimos & ἀντιχρόνους à terra profatos Plato dicit, fortitudini rerumque agendarum dexteritati cumprimis adscribunt, ad Ægyptiorum gloriam vetustatemque hac tam memorabili historia obscurandam, cum tamen vel ipse Plato fateatur, *Solonem* hanc historiam ab Ægyptiis didicisse, qui in Sacris suis monumentis eam descriptam habebant, tanquam cedro perennius vetustatis & Ægyptiæ fortitudinis monimentum; narrant autem, ut in *Oedipo* ostendimus, hoc modo rerum gestarum seriem. *Herculem* Ægyptium; quem & *Osirin* dicunt, cum curâ regni *Isidi* uxori commissâ, Orbem universum, valido comparato exercitu, lustraret, atque ab Ortu omnes eas regiones; ultra citraque *Herculeum* fretum, ab ejus memoria sic nuncupatum, sitas, suo subjugasset imperio, tandem certa relatione de ingenti Insula, quæ in immenso Oceano constituebatur, certior factus, maritimam expeditionem eò direxisse, Insulam derèpente invalisse, subjugasse, & inita cum incolis pace, coloniam constituisse, uno è nepotibus suis, *Neptuno* nomine, eidem præfecto. Atque hæc quidem sunt, quæ Ægyptii de Terra Athlantica memorant: Quod autem Plato dicit, ad suum tempus 9000 annorum effluxisse, quo ista contigisse probat, pariter Ægyptiorum commentum est, qui ut se omnium hominum vetustissimos, persuaderent, dici vix potest, quanta annorum exorbitantia in antecedentia tempora ortum suum finxerint. Sed quia hæc omnia fusissimè in primo *Tomo Oedipi* demonstravimus, eò Lectorem remittimus. Quare omissis iis, quæ ad nostram rem non pertinent, ad Insulam Athlanticam revertamur.

Descriptio
Insulæ
Athlanti-
cæ.


Expeditio
Osiridis in
Insulam
Athlanti-
cam.

L

Athlan-

Athlanticam Insulam ingentem omnium seculorum memoria extitisse ex præcedentibus patuit ; quomodo autem & quando desierit , tam ignotum est , quàm ignota tempora , quibus viguit . Porro si vera sunt , quæ Veteres de ea referunt , ejus sanè situm alium non esse dixerim , quàm qui Canariis , Aso-ribus & Flandricis , cæterisque in Oceano Athlantico superstitibus Insulis comprehen-

ditur ; (uti ex apposita hic Mappa patet) cujus recensitæ Insulæ uti ingentibus & altissimis montibus constant , ita verisimile quoque est , altiores Athlanticæ Insulæ durioresque partes fuisse ; reliquis interjectis minorum montium , vallium , planitierumque profundioribus locis , motu terræ absorptis , atque in eorum locum Oceano succenturiato.



Sunt nonnulli ; qui hanc terræ Continētis partem velint ab occasu , Americæ connexam ; sed hoc omni fide caret ; hoc enim pacto Continens ad fretum Herculeum continuata plusquam ad 90 graduum ferè terrestris circuli longitudinis spaciū continuasset , quod contra naturæ intentionem fuit , quæ terrestris Mundi portiones ita distribuit , ut semper Oceano ambienti sint perviæ , tum ad fontium , fluviorumque productionem , tum ad alia naturæ beneficia præstanda , quæ suprà innuimus : quomodo verò interierit , restat dicendum ; & quantum quidem experientiâ magistrâ cognosci potuit , illa duplici ratione tantum incurrere potuit suæ ruinæ exitium ; quarum prima est , quæ desumitur à terræ motibus , quorum efficiens causa , sunt ignium subterraneorum spiritus , quibus Athlanticum mare scatet ; unde terræmotibus oppidò expositum esse , horum temporum Historici scribunt ; Montem enim Picum in Teneriffa Canariarum , tantæ altitudinis esse perhibent , ut à 60 miliaribus , Nautis in altissimo Oceano constitutis instar columnæ appareat ; fumum quoque subinde ex vertice emittere , & incendia quandoque evomuisse testantur lapides fulphurei , qui magna copia hinc in Hispaniam deportantur ; trium dierum itinere pervenitur

ad apicem planitiæ conspicuum , ex qua omnes Canariarum Insulæ quantumvis distantæ obtutui sese offerunt ; thermis quoque & bituminosis fontibus scatet , quæ manifesta sunt latentis subterranei ignis indicia . In Azoribus Insulis , Mons spectatur , paris cum Pico Canariarum altitudinis , ab incolis *Pico de Fayal de S. Georgio* nuncupatus ; habet is Insulas circumscitas , quarum quæ *Terzera* dicitur , & *S. Michaëlis* , olim in pluribus locis & rupibus ignem eructasse feruntur , frequentibusque terræmotibus concutuntur , qui ante vicennium circiter , universam Insulam ita concusserunt , ut penè tota in abyssum ierit . Sed quoniam res digna est , cujus hoc loco memoria fiat , eventum rei fideli Patrum nostrorum relatione , adjungere visum fuit : 26 die Junii anni 1638. cæperunt spacio 8 dierum adeò formidabiles terræmotus universam conquassare Insulam , ut homines civitatibus , oppidis , castellis derelictis campos apertos fuerint coacti inhabitare , maxime Incola terra , dicta Vargen , ubi terræmotus sæviabant , quàm aliis in locis , multo efficacius . Hosce terræmotus excipiebat id , quod sequitur prodigium : A Pico (vulgò Pico delle Camerine) sex miliaribus dissitus locus dictus la ferreira , quo Cymbis piscatores hujus Insulæ sese ad piscandum conferre solebant , præsertim tempore aestivo ;

Picus de Fayal in Insulis Azovibus.

Relatio de ingenti incendio orto in Insula S. Michaëlis.

Quomodo Athlantica Insula perierit.

Pici Canariarum montis altitudo.

astivo; ibi enim spacio diei naturalis tantam con-
cludebant piscium omnis generis multitudinem,
ut nulla cymba esset, qua non 10000 piscibus
onusta reverteretur. In hoc itaque Oceani distri-
ctu, die Sabbathi, mensis Iulii anni 1638.
ignis cum tam inexplicabili violentia, non ob-
stante dicti loci Oceani 120 pedum Geometrico-
rum à piscatoribus ante hac sapius explorata pro-
funditate, erupit, ut ad tantum restringendum
incendium nè Oceanus quidem sufficeret: Spa-
cium, quod ignis ebulliens occupabat, tantum
erat, quantum duobus modis frumenti profe-
minandis sufficiebat, cum tanta violentia erum-
pens, ut non obstante dicta Oceani profundita-
te, nubibus sese aquaret, in supremam aëris re-
gionem elatus, evertit secum ipsa aqua, arenâ,
Terrâ, Saxis, aliisque ingentibus molibus, quæ
eminus triste, intuentibus, spectaculum compa-
rebant, floccorum ad instar gossipinorum; in
mare vero reversa materia liquefacta pultis præ
se ferebat speciem; Porro divina providentia,
benignitatisque ascribendum est, ventum tunc
temporis fuisse Terrestrem ex partibus Insula
prorudentem contra savientis ignis rabiem, quod
nisi factum esset, tota haud dubie Insula hoc
formidabili incendio exusta periisset. Subinde
adeo immensa magnitudinis saxa in trium lan-
cearum altitudinem projiciebat savientis natu-
ra vis, ut non saxa, sed montes integros eje-
ctos diceres. Accedebat ad horrorem id, quod re-
cidentes in altum projecti saxei montes, in alios è
visceribus maris in altum evibratos illisi, cum
terribili fragore in mille partes disilirent, quæ
postea manibus accepta in arenam nigram conte-
rebantur. Porro ex varia immensaque rejecta-
mentorum multitudine, saxorumque innume-
rorum coacervatione Insula nova in medio, co-
que profundissimo Oceano exorta, in principio
quidem parva quinque Iugerum, at indies au-
gmentata in tantum excrevit, ut ab hinc, 14
diebus, spacium longitudinis quinque milliarium
occupavit. Tanta autem hoc incendio multitudo
piscium periit, quantum vix octo naves onera-
ria Indica capere possent, qui longe lateque per
Insulam dispersi, ne putrefactione contagio-
nem aliquam causarent, ab indigenis in profun-
dissimis foveis ad 18 milia circumcirca collecti,
sepulti sunt; Odor autem sulphuris spacio 24 mil-
liarium sentiebatur.

Ex hisce luculenter patet, id quod hisce
temporibus contingit, & olim primævis
temporibus contingere potuisset, cum na-
tura locreadem semper sit, penuariis ignium,
quos natura sub hoc tractu constituit, ut
suo loco docebimus, immediatè suppositis;
Unde semper terræmotibus subjecta, nul-
lis non sæculis aliquam Insularum jacturam
passa fuit. Accedit hisce aliud naturæ ma-
lum, quod paulatim ad ultimam ruinam In-
sulam Athlanticam disposuit, & est vehe-
mens Oceani ex Septentrione motus, quo
cum tempore obviarum Insularum caverno-
sæ radices ita exeduntur, ut vel exiguo Ter-
ræ motu exurgente, tota moles, fatifcente

montium commissurâ, labascet. Verisimile
itaque, & plurimum probabile est, Athlan-
ticam hanc Insulam ingentis olim magnitu-
dinis similibus naturæ incommodis fatiga-
tam tandem concidisse, non nisi memora-
tis Insularum (quæ uti montibus altissimis
instructæ, ita firmiorem consistentiæ ratio-
nem adeptæ sunt) tantæ calamitatis præ-
teritæ, veluti nunciis quibus & superstitibus
relictis testibus. Idem verisimile est de Ar-
chipelago Philippinarum Insularum, (quas
ad Chersonesum auream olim Continenti
conjunctam fuisse asserunt Annales Sinici)
contigisse Oceani tyrannide, eo quod unum
prius erat, in innumerabiles posteris tem-
poribus, Insulas discretum sit. Sed hæc su-
prâ fusiùs indigitavimus.

COROLLARIUM.

Ex hoc longiori forsitan, quàm par erat,
discursu, luce meridiana clarius innotescit,
Terram multò aliam modernis temporibus
constitutionem habere, quàm olim ante
communem Orbis cataclysmum, aut etiam
post diluvium immemorabilibus sæculis. Exi-
stunt itaque Insulæ, quæ prius non erant;
Terræ excrevit, ubi prius indomiti stabula-
bantur aquarum gurgites. Contrà loco-
rum tractus, qui olim terrâ opimâ & fe-
raci rerum fruebantur, jam dominante ma-
ri in piscium evasisse latibula novimus; mon-
tium juga absorpta hic novis alibi crescen-
tibus; lacus ingentes, jura Neptuni in Rheæ
seu Vestæ transtulerunt jura, & contrà. Flu-
mina desertis nativis alveorum incunabulis
alios sibi ex montium claustris exitus para-
runt. Atque tales quidem & tam horribiles
terreni globi conversiones, uti infinitam
Dei potentiam, ita humanæ sortis incerti-
tudinem patefaciunt, & mortales hujus Geo-
cosmi incolas monent, ut cum nihil perpetuum
ac stabile, sed omnia caduca, variis
fortunæ casibus & interitui obnoxia cogno-
scent, cogitationes suas, studia, animum
& mentem, quæ nulla re creata fatiari pos-
sunt, ad sublimia & sempiterna bona ele-
vent, Deo soli inhient, in cujus manu sunt
omnia jura regnorum, & fines universæ na-
turæ consistunt.

APPENDIX.

De celeberrimis Orbis Terra sive Geocosmi
planitiis.

Montes, Montiumque structuram & fa-
bricam, quantum ad nostrum proposi-
tum sufficere videbatur, exposuimus; modò
restat, ut paucis quoque de celebribus Orbis
Terræ planitiis differamus.

Planities variè dividi possunt; sunt enim
complures culturæ aptæ, & sylvarum sal-
tuumque

Vehemen-
tia ignis
subterra-
nei.

Insula no-
va in me-
dio Oceano
nata.

Interitus
piscium.

Alia interi-
tus Insulæ
Athlanti-
cæ causa.

Alia ho-
dierno die
telluris fa-
cies quam
ea quæ
olim.

Planitie-
rum divi-
sio & regio-
nes.

Sylvæ.

Deserta
eorumque
vastitas.

Desertum
Americæ
Austr.
Pampas.

Andium
montium
altitudo,
aërisque in-
is subtili-
tas.

Aër in-
flamma-
bilis.

tuumque varietate refertæ ; sunt arenosæ, sunt petrosæ & ericosæ, quæ & deserta vocantur ; quorum nonnulla ad ingentem sese amplitudinem extendunt ; Planities licet feraces, incolarum tamen inertia, vel defectu agricolarum destitutas nobis cumprimis exhibent Polonia, Moscovia, Russia, ingentibus sylvarum recessibus vestitas. Arenosis & sabuli congerie opertis, præ omnibus Mundi regionibus, Africa squallet : Petrosis Arabia ; Eriosis tum Germania, tum reliquæ Orbis partes. Planities frugiferæ in agros, hortos, sylvas dividuntur. Sylvarum varietas magna est, tum ratione loci, tum ratione climatis. Sunt in Germania sylvæ Hercinia, Nigra sylvæ, Speßartus quercetis, fagetis, pinetis, juniperetis, Abietum quoque Laricum, Æsculorum similiumque foetura spectabiles. In Gallia & Italia castanearum dominantur sylvæ. Africa Palmetis abundat, & ad Promontorium Viride, integræ pomorum citriorum sylvæ ; Ceilanus cinnamomi sylvas alit ; Bandames Moluccasque Insulas, nuces muschatæ, cedri Libanum exornant ; & ut multa paucis complectar, sylvarum varietas, Regionis in qua provenit, naturam sequitur ; quæ cum in omnibus regionibus diversa sit, innumerabilem quoque sylvarum arborum speciebus differentium varietatem reperiri necesse est. Sed de his in sequentibus fusi.

Sunt & immensi terrarum tractus, omni hominum cultu & habitatione destituti : cuiusmodi sunt deserta Tartariæ, quæ *Mongul* & *Lop* dicuntur ; quorum hoc putatur esse desertum illud arenosum, quod non procul à muris Sinensibus, in formam fasciæ exploratæ adhuc longitudinis ex Austro in Boream extenditur, quodque ex Tartaria in Chinam ultrò citroque commeantibus mercatoribus transeundum est, locus ad terrorem omnium squalidus. Sunt & in America tum Septentrionali, tum Australi vastissima deserta, quorum quod inter Regnum Paraquaviæ & Chile interjacet, potior locum obtinet, à viatoribus *Pampas* vocitatum. Quicumque itaque ex Regno Chilensi in Paraquaviam commeant, illis primò incredibilis altitudinis montes, quos *Andes* sive *Cordillera* vocant, superandi sunt 40 leucarum itinere, in quorum vertice tanta dicitur esse aëris subtilitas, ut sine periculo interclusionis spiritus vix consistere queant. Unde omnes spongiis, aqua frigidâ, ad aërem condensandum imbibitis instructos esse oportet ; Est & aër ita ad inflammationem dispositus, ut viatores flammæ eructare videantur, immensoque sudoris effluvio inflammati, toti ignei cernantur, mirum inexpertis naturæ loci spectaculum ; quæ omnia oretenus accepi à *Patre de Ovale* Chilensi, è Societate nostra, dicti Regni Procuratore, qui iter istiusmodi confecerat. Descendentibus itaque ex monte triduo itinere, occurrit urbs *Mendoza* di-

cta, & deinde immensum illud desertum, quod *Pampas* vocant, Oceani instar, longè lateque expositum, minimè tamen infrugiferum ; siquidem sine ullis arenæ vestigiis totum herbis à natura consitum est, & ab animalibus omnis generis incolitur, nec fluminibus & lacubus destituitur ; Hoc ingrediuntur haud secus ac in Oceanum nautica pyxide instructi, quam in terminum deserti, qui dicitur *los buenos ayeres*, eaque prima Paraquaviæ urbs, ad flumen Januarium sita, constanti lege dirigunt. Esseda habent lignea, multorum hominum capacia, quæ dum à bobus trahuntur, simul herbarum graminumque conculcatione semitam deplanant, iterque aperiunt, in quo conficiendo raro trimestre, ut plurimum quadrimestre temporis spacium impenditur ; quantum, hoc desertum, in Austrum porrigatur, inexploratum est ; nonnulli putant, usque ad Fretum Magellanicum id extendi : Hoc ex relatione saltem habeo, bimestri ferè spacio, nullum prorsus editioris terræ montiumque vestigium hoc in loco apparere, patulumque esse undique & undique Horizontem, Oceanum terrenum dices. Vide quæ de hisce fusiùs narrat *P. Alphonsus d'Ovale* in sua de Chilensi Regno historia ; & nè diutiùs hisce immoremur, Lector Geographicos Libros consulat, ubi omnia ad longum, quæ de variis Terræ desertis scribuntur, reperies ; nostrum est, causas horum desertorum explorare.

Quæritur igitur, cur & quo fine natura tot in Orbe terrarum deserta, nulli humano generi usui futura produxerit ; loquor autem hîc de desertis arenosis & petrosis, non de sylvis & ericosis herbidiisque, quæ sua præstant commoda. Sabulosa deserta potissimum sese spectanda exhibent in Africa, & Arabiæ Felicis terminis borealibus ; & quantum quidem varia locorum exploratione & ab indigenis facta informatione, nec non variarum antiquitatum Arabicarum lectione mihi constitit ; hunc sabulosum Oceanum inter sinum Persicum & Erythræum interjectum ante diluvium continuatum mare fuisse reperio ; diluvium autem ingentes sabuli arenarumque cumulos illuc congestisse, terramque elevatam, marique intra sinus suos coacto, hanc, quam experiuntur, sabuli congeriem reliquisse ; quod haud impossibile cuiuspiam videri potest, qui naturam loci humilem, depressam, sine ullis montibus (nisi quos instabile sabulum ventorum agitatione, de repente, & mox destruendos, fundat) planam intuebitur. Idem de sabuloso deserto Tartariæ sentiendum est, quod non malè fundatis rationibus olim Oceani situs fuit, Mari Caspio continuatum ; uti postea videbitur. Idem de Lybiæ arenosis campis ; cum enim suprâ dixerimus, inferioris Ægypti partem olim mari inundatam fuisse, certè de Lybia id negandum non est, cum æqua cum Ægypto planities distendatur. Finis autem à natura inten-

Descriptio
deserti.

Causa cur
natura de-
serta con-
stituerit.

Desertum
arenosum
inter si-
num Per-
sicum &
Arabicum
olim mare
fuisse.

intentus forsan hic fuit ; ne , si dicta deserta humido solo gauderent , vapores à Sole extracti , & in pluvias resoluti , inundationibus suis ultimam vicinis feracium regionum campis , cujusmodi sunt Ægyptus , Arabia felix & Babylonici prope Balforam Euphrate irrigui

agri , exitium parerent ; nunc verò pluviis in hisce aridis locis æternum proscriptis , non est quod ab inundatione sibi timeant circumvicini populi . Idem dicendum est de aliis fabulosis desertis .. Sed hisce relictis calamum aliò convertamus .

C A P U T XIII.

*De Aquis sive Oceano Geocosmum ambiente, mariumque per occultos
meatus communicatione..*

GGeocosmum ex aquea & terrestri substantia in unum conglobatum, forsan ille negaverit , qui hydrographiam ignorat , mappasque non viderit Geographico artificio descriptas . Geocosmus itaque Terraqueus globus est , magno & altissimo naturæ consilio hac diversa elementorum mixtura ab exordio rerum conditus ; siquidem sine Aqua , nec Terra , nec Aqua sine Terra ullatenus consistere poterat . Examinanda itaque nobis incumbit tam necessariæ compositionis ratio ; quod ut quàm optimè faciam , primò à divisione Aquarum ordiar ; deinde causas singulorum in lucem eruturus . Deus sapientissimus Geocosmi Architectus adsit ausibus nostris .

Oceanus dicitur tota illa aquarum moles, quæ Terrenum globum ambit , ita ut nullum sit mare , quod non huic , sive per freta , sive per occultos Terræ cuniculos cohæreat ; unus itaque Oceanus est , ratione variarum Regionum , quas allambit , diversas denominationes sortitus . Ita Oceanus Atlanticus , inter Americam & Africam , Europamque interfusus , vel ab Athlante monte , vel ab Athlante Insula olim ei innatante , de quo in præcedentibus dictum est , sic dictus , qui & privatas denominationes postea sortitur ; Suntque Oceanus Hybernicus , Glacialis , Deucalidonium , Germanicus , Æthiopicus , Americus . Hic itaque Oceanus à polaribus incognitis adhuc plagis , varia Insularum obviacione divaricatus , universam ferè à Septentrione & Ortu Europam circumdat ; ab Occasu immensa dilatatione tumidus , sibi trium Mundi partium , Americæ , Africæ & Europæ jura vendicat . Hic itaque partim per Maris Magellanicum gurgustia aditum sibi pandens , novo cum Australi seu Pacifico mari , conjugio miscetur , partim per fretum Mairanum in ultimas usque Terræ Australis suppolares partes , inexploratis adhuc ambagibus vagabundus progreditur . Pacificus verò Oceanus , vulgò mare *del Zur* , omnium Oceanorum maximus , ex uno latere universæ Americæ Occiduas , Boreasque partes , ex altero omnes Australis Terræ incognitos tractus alluvione determinat ; & ex Borea quidem per fretum *Anian* Americam inter & Tartariam

situm , Oceano suppolari Boreo tandem , à quo discesserat restituitur Atlanticum ; Ab Occasu verò innumerabili Insularum multitudine veluti carminatus , novisque fretorum gurgustis exagitatus Oceano Indico , immensis terrarum Chinæ , Indiæ utriusque , Persidis , Africæ , tractibus perlustratis , tandem ad Promontorium Bonæ Spei , Oceano Atlantico restituitur .

Ex hac descriptione sat superque patet, ^{Marium} Oceanum unum esse , circa quatuor Mundi ^{connexus.} potiores partes ita continuatum , ut nullus sit Orbis Terrarum aut Oceanus aut mare , quod non eidem in aliqua Mundi parte cohæreat : Ita Mare Mediterraneum Atlanticum per fretum Herculeum seu Gaditanum jungitur ; mari Rubro verò occulta subterraneorum canalium conciliabula committitur . Mare verò Caspium pari ratione jungitur Ponto Euxino , hoc per Bosphorum Archipelago , & tandem mari Mediterraneo commiscetur . Non absimili ratione Mare Balthicum per duos sinus , Botnicum & Finnicum in Scandinaviæ meditullium diffusum Oceano Germanico seu Deucalidonio per fretum Cymbricum connectitur . Atque hæc sunt maria , quibus veluti brachiis quibusdam universa Telluris moles stringitur ; quibus quidem præmissis , jam ad particularem eorundem descriptionem per §§. nonnullos progrediamur .

§. I.

De Mari Caspio , Ponto Euxino , & America nonnullis lacubus , deque Mari Atlantico , notatu digna.

OMnium ferè Physicorum ingenia torfit Mare Caspium , dum non capiunt , quomodo illud perenni ingentium amnium affluxu , neque augmentetur , neque ullum effluxus sui vestigium , aut cum altero mari continuationis vestigium exhibeat . Mihi sanè res non aded abstrusa videtur , ut nulla latentis effectus causa adferri possit .

Dico itaque primò , & suppono tanquam multiplici experientiâ comprobatum , omnia maria non tantum superficie tenus , sed uti

^{Maris Caspii descriptio.}

^{Omnia maria per occultos}

cuniculos
inter se
communi-
cant.

Arenosa
Tartaria
paludosa-
que olim
mare fuit.

suprà infinuavi, per occultos & subterraneos canales reciproca aquarum commercia exercere. A Mari Caspio incipio; quod ante diluvium, Oceano, qui probabili conjecturâ, omnia deserta, plana & arenosa loca Tartariæ inundabat, per fretum propè Volgæ ostium, conjunctum fuisse, non pauci mecum sentiunt. Diluvii verò inundatione à Caucafea ingenti montium catena abrafis mollioribus Terræ partibus mare ibidem stabulans forsitan non aded profundum, impletum fuit; unde profundior Caspii maris sinus superinducta, reliquo diffuso mari, terrestrium partium congerie, instar lacus, omnino clausus in hunc usque diem mansit; quia tamen ab immemorabili tempore ingentes fluminum affluxus recepit, nullumque flumen fundere visus sit, nec ullum augmenti aut inundationis vestigium præbeat, apertissimum id signum est, illum cum Oceano aut vicinis maribus per occultos cuniculos colludere; Quomodo verò, & ubi id contingat, jam tempus est, ut aperiāmus.

Duos putamus illum meatus habere; quorum prior per infernos Georgiæ & Megreliæ subjectos cuniculos A B sese in mare Euxinum exonerat, ita ut universa illa pontum inter Euxinum & Caspium interjecta Regio jure merito pons quidam subterlabentium aquarum dici possit. Neque hujus rei desunt indicia. Primò enim narrat *Paradia Persa* in Geographico de Mari Caspio libello, de Trapezuntina historia: in orōmaritimis Megzeliā allambentibus, mare Euxinum subinde veluti ingentibus ebullitionibus fervidum se advertisse; causam quoque hujus assignat his verbis: *Observatum est diuturna observatione, quod, quandocunque in mari Caspio venti Orientales violentius dominantur, eodem tempore in Mari Euxino, hujusmodi maris ebullitiones solito majores cum ingenti totius pelagi agitatione spectantur; & contrā; quando Occidentales venti dominantur Euxino, in Mari Caspio hujusmodi perturbationes notantur; Quod sanè apertum signum est, hæc maria per occultos, vastissimosque meatus reciprocis sese motibus impetere; Hoc*

Mare Caspium
duos sub-
terraneos
meatus ha-
bet, quo
reliquis
maribus
conjugi-
tur.

In meatus.



ut confirmet, addit, varia subinde rejectamenta, quæ mari Euxino minimè competunt, sed quæ Caspii propria sunt, (ut certum algæ, serpentisque genus, & Tabulæ

navium, arborum maris Caspii propriarum trunci) comparere, luculentum Marium hujusmodi per subterraneas aquas continuationis indicium.

Alte-

Alterum Maris Caspii meatum per subterraneas semitas continuari Mari seu Sinui Persico, non obscura quoque à Persis adferuntur indicia: quorum prius est; Charybdis sive Vortex, Sinus, qui Persiam alluit; biduano à Balsara itinere, in quo mare notabili decremento absorbetur, & tandem restitutus suo alveo aquis, vorticis nè vestigium quidem comparet; cuius quidem rei ratio non est alia, nisi correspondens quidam cum Mari Caspio, quod vehementia ventorum agitur, postquam magnam partem in Mare Euxinum protrudit, ut defectum aquarum suppleat, eas ex Sinu Persico per dictos subterraneos meatus **C D** attrahit, unde in dicto loco **C** vorticem nasci, necesse est; Ubi verò Pontus Euxinus ventorum occidentalium sævitia agitur, commissum sibi aquarum pignus mari Caspio restituit, hoc plenitudinem suam nactum Sinui Persico, quod attractum erat, aquarum onus reddit. Hac itaque reciproca circulatione, mirabili sanè naturæ lusu, agitata dicta maria, subterranea sua commercia exercent, per mutas aquarum communicationes continuata. Sed ut, hæc vera esse, intelligat Lector, alia nonnulla maria adducam, in quibus idem contingere, multiplex observatio de iis facta docuit.

Mare Mediterraneum cum Mari Rubro per occultos meatus continuari, historia celeberrima, quam *Abulbassen* in suo de *Ægypti* mirabilibus recitat, docet. Cum *Bassa Urbis Sues* (quæ in ultimo Maris Rubri angulo sita, olim *Asiongaber* dicebatur) quodam tempore celebri venationi piscium interesset, contigit, ut dum retia littori admoventur piscatores, ingentem iis Delphinum inclusum deprehenderent; quem & tanquam rarum quid & insolens, tum ob vastitatem, tum ob belluæ miram visum formam *Bassa* obtulerunt; Is visâ cum admiratione belluâ, non occidendam, sed libertati donandam iudicavit; quod factum fuit, inserta prius inter branchias animantis ex aurichalco lamina Arabicis literis inscripta hoc verborum tenore: *Amed Abdalla Bassa Sues tibi vitam unâ cum hoc munere donavit anno Hegira 720.* Bellua hoc munere cohonestata mox mari immissa, se novi sibi circumdati oneris molestia gravatam sentiens, terroreque agitata in intima maris viscera se proripuit. Contigit verò eodem anno piscatores in Mari Mediterraneo propè Damiatam venationi insistentes præter insignem piscium multitudinem reti inclusam, & inusitatae magnitudinis Delphinum in terram traherent, quo in partes dissecto laminam illam Arabicis literis à supradicto *Bassa* non ita pridem inscriptam invenerunt; de quo certior factus *Bassa Amed*, suam hanc scripturam esse fassus est. Quomodo verò Delphinus ex Mari Rubro in Mare Mediterraneum penetrarit, multorum sanè vexavit ingenia: quidam circa universam Africam natatione per *Gaditani* freti


fauces in hunc locum concessisse ajebant; quæ tamen sententia velut improbabilis & incredibilis statim reprobata fuit. Nonnulli verò sensatiores, dictum Delphinum per subterraneos meatus, quibus mare Mediterraneum mari Rubro jungitur, eo pertigisse asseruerunt, quæ non sine applausu ab omnibus acceptata fuit, & mihi summopere arrisit; & si vera sunt, quæ historia narrat, certè res se aliter habere non potest. Accedit & hisce Mare Asphalticum, quod Mare Mortuum vocant in Palestina celebre; quod Jordanem sinu suo excipiens, nullo in exteriori superficie exitu; quo se exoneret, instructo; cum itaque fluminis augmento nunquam excrescat dictum mare, apertum signum est, illud sese pari pacto per subterraneas alveorum latebras in mare exonerare: Sed in quodnam mare? dicam quod ex multorum itinerantium relatione mihi innotuit. Est in ora maritima Maris Rubri, ex ea parte, quæ Arabiam desertam alluit, locus valdè celebris *Eltor* dictus, uti in mappa apparet, ubi non procul à littore ex visceribus maris, nullo non tempore ingens Naphtæ & bituminis copia eructatur, mirantibus cunctis, unde tanta Naphtæ copia proveniat. Ego cum eorum, qui Mecham quotannis, peregrinationem suam instituerant, relatione, de natura loci certior factus, diu mecum hæsissem circa huius bituminis originem, tandem conclusi, hanc bituminis ebullitionem non nisi ex mari bituminoso Palestinae, quod ob lentorem Mortuum dicitur, id per subterraneum cuniculum exonerante, provenire; cum enim Mare Asphalticum à bitumine sic dictum plurimum bituminis generet, littoraque circumfusa puteis bituminosis referta conspiciantur; Mare verò, quo à supravéniente Jordanis flumine se exoneret, exitum non habeat, certè id non nisi per occultum Terræ meandrum hoc in loco unâ cum bituminosa sobole, quam secum ex origine sua devexit, exonerare, manifestè docet bituminis dicto in loco ebullitio, si vera sunt, quæ ex ore *אַנְתֹּר* didici; Illud verò non aliunde quàm ex mari Asphaltite scaturire, hinc liquet, quod totum illud littus, ne ullum quidem bituminosæ foeturæ vestigium demonstret, quod tamen monstrare deberet, si à natura in vicinio littore progigneretur; est enim plerumque marium terrarumque, quas allambunt, quoad vires & proprietates, reciproca quædam communicatio. Manet ergo, Mare Mortuum in Arabicum sese sinum per canalem 62 leucarum (tantum enim Mare Asphalticum à Mari Rubro distat) exonerare: Ergo mare Mortuum mari Rubro, & per hoc Oceano continuatur; quod erat ostendendum. Idem de omnibus aliis maribus & lacubus, qui flumina suscipiunt, & nulla emittunt, dicendum est; habent enim subterraneos meatus, per quos in Oceanum vel vicinâ sese maria exonerent; uti enim locus *Zair* in *Æthiopia*

Mare Mortuum cum Rubro communicat.

Distantiâ maris mortui à rubro.

pia flumina ingentia recipit, & alia in Oceanum exonerat, repertis in externa terræ superficie alveis; ita Caspium & Mortuum mare flumina quædam recipiunt, sed non emittunt, nisi per intima terræ viscera, canali-


bus in alia maria deductis; hæc tamen differentia, quod hæc subinde falsa sint, illa infusa, & consequenter ex fontium penuriis in destinatas sibi à natura cavitates derivatis.



CONSECTARIUM I.

Ex his paucis ratio patet, quomodo, & cur nonnulli lacus flumina recipiant, & nulla emittant; quidam emittant & nulla recipiant; aliqui recipiant & emittant, alii nec recipiant nec emittant; de prioris generis lacubus jam dictum est; Quæ verò flumina emittunt, & non recipiunt, necessariò ex occultis montium vicinorum hydrophylaciis perennitatem fluxûs trahunt, quibus sem-

per id, quod hinc defluxu deperditur, illinc instauratur; Quod verò nonnulli & recipiant & emittant flumina, eandem cum præcedente rationem obtinent. Ubi & hoc notandum, flumina nonnulla aquis palustribus impermixtim transire, uti Nilus per lacum *Bed* seu *Zaire*; & Rhenus per lacum *Acronianum*, & per *Lemanum* Rhodanus; cuius quidem rei ratio alia non est, nisi levitas & limpiditas aquarum fluvialium motu perpetuo, cataractarumque impetu ab omni sæcu-



lenticia expurgatarum, unde & palustrem facibus aggravatam aquam, & quiete otioque

veluti torpidam, graviores reddi, cui proinde levior supernatet, necesse est; quod & in magno-

Varie lacum differentia.

magnorum fluminum ostiis patet, è quibus amnes in mare sese deponentes multorum milliarium intervallo fluxum unà cum sapore dulci continuant; non alia de causa, nisi quod aqua fluvialis aqua marinâ levior sit, infusa salâ. Sed de hisce suo loco & tempore. Qui denique lacus nec recipiunt flumina nec amittunt, illi dupliciter considerari possunt: Primò nonnulli ita constituti sunt, ut jam summo perè augeantur, modò repente decrecant, subinde verò prorsus exsiccentur, & huiusmodi non aliundè, quàm ab imbrium niviumque liquefactarum incremento decrementoque originem habere censendi sunt, & non tam lacus, quàm stagna & paludes dicuntur. Secundò reperiuntur alii lacus, qui nunquam nec crescunt, neque decrecant, in perpetuo quodam æquilibrio consistentes: & ratio est, quia cum hydrophylaciis montium per occultos meatus aquarum superficie perfectè æquilibrata continuantur, nulla intercedente differentia, nisi quod occulta hydrophylacia montium jugis veluti fornicibus quibusdam operiantur, hæc verò operculis destituta, patulo Cœlo exponantur. Uti in Figura apparet ubi imageris hydrophylacium D E monte A B C coopertum; quod aquis suis extra montium parietis derivatis faciat in externa camporum superficie duos lacus F F, eruntque hi lacus in eadem superficie cum aquis hydrophylacii D E, neque differunt externa ab interno, nisi quod illud coopertum monte superimposito, hæc detecta appareant. Sed de hisce omnibus & singulis in argumento de Origine fontium penitiùs tractabitur.

CONSECTARIUM II.

Hinc patet quoque, nullos fere lacus aliqujus nominis esse, ejus generis, qui nec flumina accipiant, nec emittant, & nihilominus augmenti, decrementique capaces sint, qui etiam si flumina non recipiant, rivulorum tamen copta scaturiginumque affluxibus semper ferè augentur, aliàs enim summa æstate nullum eorum vestigium remaneret; uti fit in palustribus & stagnantibus aquis, quæ ut plurimum æstivo Sole consumuntur.

Quod itaque lacus per subterraneos meatus tum repleantur tum depleantur, patet ex multis fluminibus, quæ in medio itineris cursu nonnullis in locis prorsus absorbentur, & ex alia parte denuò renati erumpunt, ut novi prorsus fluvii esse videantur. Ita Niger fluvius Æthiopiæ ex lacu Nili profluens cum in Nu-

bia ingentibus montium catenis inclusus constrictusque elabendi locum non reperiatur, iis veluti repagulis quibusdam ruptis per subterraneos meandros præcipitatus ex altera montium occidentali plaga exitum sibi parans, ac compluribus aliis sociatus fluviiis veluti fœnore quodam auctus in Oceanum Atlanticum devolvitur. Pari pacto Tigris in Mesopotamia transvectus Arethusam lacum resistenti Caucaſo obvius, se subducens in specu quodam amplissimo mergitur, & tandem ingenti terrarum spatio denuò erumpens, lacum Thospitem inoffenso fluxu vix transit, cum ecce cum novis montium repagulis longè lateque colluctatus, subterraneis tandem se subdolè condens, ex altera montis parte 24 millia passuum intercapedine erumpens, fluxum continuat, & juxta Babylonem Euphrati miscetur. *Aristoteles* plurimos hujusmodi rivos fuisse scribit l. i. *meteor.* c. 11. Sic putant Græci Scriptores nonnulli, Alpheum Achajæ flumen vel infra maris fundum cursum suum peragere in Siciliam usque, ubi propè Syracusas in fontem ingentem emergit, qui Arethusa dicitur; Signum hoc esse ajunt, quod olim quinta quaque æstate, id est, singulis lustris, pecudum stercora egereret, eo videlicet tempore, quo in Achaja Olympia celebrabantur certamina, & mactatarum pecudum stercora in Alpheum conjiciebantur, quæ secundo flumine submarino tandem in Arethusa & medio portus sinu, qui & inde Alpheus in hunc diem dicitur, vulgò *l'occhio*, ejiciebantur. Pari pacto Guadiana, qui olim Anas dicebatur; fluvius inter Lusitaniam & Bœticam & oppidum Medilinam, cuniculis subterraneis immersus post 32 milliaria intervallum, denuò regurgitatur; ut proinde Hispani gloriantur, habere Regnum suum pontem sylvis pratifque instructum, in quo multæ animalium myriades pascuis pinguiſſimis nutriantur; Vidi & ego compluribus Germaniæ locis similes naturæ lusus. In Westphalia non procul à Lichtenaw fluvius absorptus, sub ipso Cathedralis Ecclesiæ Paderbornensis fundo erumpens, inde per triplicem rivum in Lippiam deponitur. Similem me vidisse memini in Eichsfeldia, cujus modò nomen non occurrit. In America passim hujusmodi jocabunda fluminum lusio spectatur, ut proinde supervacaneum putem, illa fusiùs describere, cum ubique passim in omnibus Mundi tractibus hujusmodi spectacula sint obvia.

Nilus & Niger terræ conditi, iterum alibi erumpunt.

Tigris.

Alpheus Græciæ fluvius communicat cum Arethusa Siciliae.

Anas Hispaniæ fluvius.

CAPUT XIV.

De Altitudine montium, & profunditate Oceani, mariumque, ubi & Caucaſi montis altitudo ab Aristotele asserta discutitur.

Fuit sententia quorundam & etiamnum plerorumque est, tantam esse montium altitudinem maximam, quan-

ta est vicinorum marium profunditas maxima; quod nūm verum sit, in hoc Capite discutiemus, à montium altitudi-

M

ne

ne ratiocinii nostri primordia auspicaturi.

Antiqua Geographia montes altius 15 stadiis non elevari simplicius sibi persuasit, omniumque Mundi altissimos montes exhibet Caucasum, Imaum seu Parapanison, Alpes, Acroceraunia; In Asia minori Olympum; Pelion, & Ossa in Macedonia; in Mauritania Athlantem; in Græcia Athon. Caucasum præcellos vertices vel ipse *Aristoteles* admiratus est; Verum cum multa in ipso textu l. 1.

Met. c. 4. Ubi eum describit, occurrunt, quæ examine & lydio lapide indigeant, hanc jam à multis aliis pertractatam ad incudem revocabimus, ut veritas rei elucescat. Sic autem loquitur. ὁ δὲ καύκασος μέγιστον ὄρος τῶν περὶ τὴν ἑωτὴν θερμὴν εἶναι καὶ πλεονάζειν ἐν ὕψει, ὅτι ὁρᾶται καὶ ἀπὸ τῶν καλαμίνων βαδίων, καὶ εἰς τὴν λίμνην εἰς πλεόντων, ἐπὶ δὲ ἡλίσσεται τῆς νυκτὸς αὐτὴ πρὸς ἀκρὰ μέχρι ἑξακτῆς μέρους τῆς ἑωτῆς. καὶ πάλιν ἀπὸ τῆς ἑσπέριας. *Caucasus autem mons est*

*Aristot. l. 1.
Met. c. 4.*

eorum, qui ad exitum Solis exortum vergunt, multitudine pariter atque altitudine maximus, & ejus quidem altitudinis signum hinc colligi potest, quod tum ab eo lato, quem profunda ponti vocant, tum ab his qui Mæotici lacus ostium navigio subeunt, cernatur. Præterea summa ejus partes noctu, manè & vespere ad tertiam usque partem radiis illustratur Solaribus. Hæc est *Aristotelis* de Caucasum altitudine sententia, quam præsentī textu exposuit, de quo adeo acris & vehemens inter Commentatores velitatō exorta est, ut vix sit, qui hunc locum ritè exposuerit; & ut, quod res est, fatear; si in ullo suorum scriptorum loco, hic sanè non exiguum existimationis suæ damnum passus est Philosophus, cum juxta verborum tenorem Caucasum altitudo tanta sit, ut omnia Astronomiæ principia destruere videatur. Sed rem paulò diductius declaremus.

Et primò quidem incipit à locis, ex quibus spectari potest, quæ sunt profunda Ponti, seu quod idem est, Pontus Euxinus, ob profunditatem immensam meritò mare nigrum vocitatum; Alter locus est lacus Mæoticus, quem & stagnum vocat, & à navigantibus in illo Caucasum videri asserit. Vidimus loca, ex quibus pateat ad Caucasum liber oculorum intuitus, jam nihil aliud desiderari videtur, nisi ut distantiam Lacus Mæotici à Caucasum determinemus. Quod dum verò facimus, non exigua difficultas oritur, quænam propriè Caucasus celeberrimus ille mons sit, quique suo pertingat vertice Coelum, & in qua Regione stabuletur; Certum enim est, illud adhuc in rerum natura existere, & ex Mæotide videri posse, nisi asserere velis aut alios intermedios montes interim excretos, ab oculis remotioris Caucasum verticem abstulisse, aut Caucasum gyganteo ausu aliò translatus, quæ omnia putare, ridiculum, stolidique ingeni esse reor. Ego sanè ut ad alicujus lucis radium in tantis tenebris pertingerem, nihil non egi; accessi Mercatores Armenos, &

*Expositio
textus
Aristotelici.*

*Ubinam
locorum
sit
Caucasus.*

congregationis de propaganda fide Missionarios, qui multis annis in Cassa Cymmeriæ Chersonesi principe urbe commorati fuerant, & lacum Mæoticum non semel transierant. Cum Theatinis quoque Patribus egi, quibus in Georgia sive Colchide Evangelicæ sementis campus assignatus est, ut de Caucasum altitudine & situ mihi aliquid certi significarent; Sed neque supradicti Mæotici lacus exploratores, neque Georgiani sive Colchici Theatini, uti hi de tanta montis altitudine, quam describebam, nihil se reperisse, etsi continuo ultrò citroque ab Euxino ad Caspium, & hinc ad Euxinum pervagati sint, asseruerunt, ita illi de Caucasum prodigiosa Solis illustratione celebrato nihil compererunt; Imò sanctè attestati sunt, Georgiam tanto à Mæotico lacu itinerum intervallo distare, uti fieri non possit, montem ullum quantumvis immensæ altitudinis ex tam remotis oris conspici posse; Esse quidem montes quosdam altissimos Tartariæ Præcapiensis proprios, quos Antiqui *Hippicos* vocabant, uti & Coracis partes, quæ spectentur ex Cassa, sed hosce Caucasum montes esse minimè posse, utpote universà repugnante Geographiâ; neque montem ullum minoris Asiæ hinc quantumvis curiose explorantium oculis sese pandere; ut proinde totam de Caucasum montis altitudine relationem *Aristotelis* fabulosam putent.

His itaque ritè exploratis, jam totum hunc textum falsissimum esse, demonstrare aggredior. Et primò quidem ostendam, Caucasum ex Mæotide nulla prorsus ratione conspici posse. Communis Geographorum sententia Caucasum ponit Colchiæ regionis, quam hodie *Georgiam* & *Megreliam* appellant, sub latitudine 47. grad. id est, in medio regionis Pontum inter & Caspium mare interpositæ, ita *Ptolomæus*, *Strabo*, eorumque Commentatores; neque quispiam Caucasum solitarium quendam esse montem, sibi persuadeat, sed catenam montium, triplici ordine exporrectorum, quorum prior ex medio regionis in Occasum, alter in Ortum, Tertium in Meridiem, numerosam scopulorum sobolem propagat Tauro connexam, unde & plerique Caucasum partem Tauri asseruerunt: Quidquid sit, Caucasus tam diversas denominationes suscipit, ut in hunc usque diem de vero Caucasum loco & situ genuino lis pendeat inter Geographos, nonnullis eum cum Tauro, quibusdam cum Corace & Heniocho, aliquibus cum Caspio confundentibus: nec desunt, qui Caucasos montes cum Imao & Parapaniso eosdem velint; Potior tamen sententia eum, uti suprà diximus, inter Caspium & Euxinum Pontum intermedio Colchidos, Albaniam seu Iberiam, quæ Georgiam & Megreliam complectuntur, districtu ponunt; hoc enim triplici montium ordine in unum concurrente ingenti vertice extollitur, prope Albanias portas; atque hunc montem,

*Caucasus
ex Mæotide
de spectari
non potest.*

*Caucasus
multiplex.*

*Caucasus
sit
inter
Pontum
Euxinum
& mare
Caspium.*

tem, five potius montium acervum in hunc usque diem *Caxes* vocant, voce à Caucaſo non procul abludente; & hunc nos dicimus Caucaſum eſſe, de cujus altitudine nobis cum *Aristotele* controverſia eſt: cum in toto illo Ponti Euxini littorum tractu aut Colchide major eo non reperiatur, conſentit huic Phafidis fluminis ex eo origo, quam & *Aristoteles* innuit.

Distantia
Caucaſi à
Mœotide.

Quæritur itaque primò; Utrum ex Mœotidis lacu aut Caſſa, olim Theodoſia, ubi erant, quæ profunda vocabantur Ponti Euxini, Caucaſus videri poſſit? Reſpondeo, quod non; cum decem graduum longitudine lacus ab eo, teſte *Ptolomæo*, & modernis Geographis, diſtet, quæ reſoluta 600 milliarium Italicorum diſtantiâ exhibent, tantum nimirum ſpatium, quanta Ætna ab Alpibus Penninis diſtat; Quemadmodum itaque Alpes ex Ætna conſpici impoſſibile eſt, ita impoſſibile dico ex lacu Mœotidis Caucaſum videre, niſi is tanta altitudinis foret. ut ultra centena millia paſſuum verticem in altum erigeret, quam altitudinem nemo hucusque in tam frequentato Georgiæ regno obſervavit; nec ab ullo Coſmographo ob rationes paulò poſt demonſtrandas conceditur; Ad do, montem etiam ſublato terræ tumore, ſub assignata decem graduum diſtantiâ non tantum non viſum iri, ſed & prorsus, uti Optica docet, ab oculis evaniturum; & Alpium juga ſat ſuperque demonſtrant, quarum vertices ſub 40 milliarium Germanicorum diſtantiâ nunquam, ad 30 verò milliarium vix ac ne vix quidem, & non niſi ſubinde aura deſæcatiffima in modum nubis tenuis & cæuleæ ſubobſcurè, ex aliis Germaniæ altiffimis montibus conſpici poſſunt. Idem in montibus Inſularum contingit, ubi enim in altiffimo Apennino jugo ſteteris, & in omnem Horizontem maris ſuperficie finitum oculos conjeceris, ne ullum quidem altiffimorum Corſicæ & Sardinia montium, quæ tamen vix centum milliaribus diſtant, veſtigium reperiſſes; niſi ſubinde, quod tamen rariffimè fit, ſingulari quadam refractionis affectione, limpidiſſima aëris conſtitutione, & ad refringendum apta, nonniſi ſublato compareant (tantum, tum terræ tumor, tum aërearum ſuperficierum conſtipata denſitas in occultandis Inſularum, montiumque remotiſſimorum objectis, poſſunt). Si itaque ad diſtantiâ tam vicinâ objecta diſpareant, quomodo Caucaſus à Mœotidis ſtagno 600 milliarium ſpacio diſſitus, oculis patebit?

Nuſus
mons ad
100 mil-
liaria con-
ſpici pot-
eſt.

Ex his, in fallor, luce meridiana clariùs patet, textum *Aristotelis* rebus convenire minime poſſe, Caucaſumque ex designatis locis fieri non poſſe, ut compareat. Sed venio ad alteram difficultatem, tantò majorem, quanto majoribus tricis involuta eſt. Dicit *Aristoteles*, uti ex ſuprà allegato textu patet, ſummitates Caucaſi illuſtrari à Sole uſque ad tertiam partem noctis, ſub auroram manè, &

Caucaſus
non poteſt
tota nocte
illuſtrari à
Sole.

iterum ſub vesperam. Qui locus mirum in modum omnium Interpretum ingenium confundit; difficultate ſiquidem inexplicabili, in textu elucente; alii illuſtrationem hanc ad tertiam montis partem extenderunt; alii ad tertiam noctis partem tranſtulerunt; & dum *Aristotelis* errorem pertinacius & quibuscunque modis tueri conati ſunt, unâ & ſe & *Aristotelem* ſumma inſcitia nota conſperſerunt. Qui itaque verba ad illuſtrationem tertiam montis partis tranſtulerunt; quaſi Sol noctu, manè & vespere ſemper tertiam montis partem illuſtraret, ille error tam in Coſmographia palmaris eſt, ut pueri eum emendare poſſint; Hinc enim apertè ſequeretur, Montem Lunæ conſinia ad tam inſolitum effectum præſtandum, attingere oportere; quod quam ridiculum ſit, quis non videt? Unde cum eos tam turpis erroris puderet, textus verba ad tertiam noctis partem tranſtulerunt, ita ut ad tertiam noctis partem, id eſt, ad quatuor horas (quarum integra nox duodecim continet) ante Solis ortum & poſt occaſum ejus, mons illuminari incipiat. Verum nec hoc ulla ratione admitti poſſe aut debere, oculari demonſtratione apertum facio.

Et primò quidem lux, qua Caucaſum quatuor ante Ortum poſtque occaſum ejusdem totidem horis illuſtrari dicit, dupliciter ſumi poteſt; vel pro luce directâ, vel pro luce reflexa ſeu ſecundaria. Si pro luce reflexa, qualis ſub initium crepuſculorum apparet, id eſt, pro dubia luce accipiant, nihil probant, cum huiusmodi lux à 45 uſque ad 66 latitudinis gradum æſtivalis noctibus continua ſit, & montes tam parvos quàm altiffimos æquo reflexi luminis radio indifferenter perfundat; neque hæc *Aristotelis* opinio fuiſſe videtur, cum ex illuſtratione Montis exceſſivam ejusdem altitudinem oſtendere voluerit. Verba itaque *Aristotelis* de luce directâ Montis illuminatrice intelligenda ſunt, quidquid inutili conatu de luce reflexa garriant Aſtronicarum rerum imperiti interpretes. Hoc itaque poſito, Montem exceſſivæ altitudinis fuiſſe, demonſtrare aggredior; Et primò quidem Sole in Cancro, deinde in Ariete & Libra, tertio in Capricorno conſtituto, quantæ altitudinis in ſingulis ſtationibus montem eſſe oportuit, ut ad tertiam noctis horam radiis Solaribus directis illuminari poterit, oſtendam.

Suppono itaque ex *Ptolomæo* Caucaſi verticem ſub latitudine 47 aut 48 graduum conſtitutum, & Solem eſſe in primo gradu Cancri. Suppono ſecundò tertiam noctis partem, ad cujus initium Mons illuminari incipit.

• M 2


PRO-

P R O P O S I T I O I.

Arcus quatuor horarum infra Horizontem, & in Verticali constitutus, Sole in Cancro constituto, est 16 grad. 10 min. ad latitud. 48 grad.

Demonstratio.

Sit circulus Caucaſi verticalis $A F B$, punctum Verticis F . Horizon $A D B C$, & $G D L C$ Eccliptica, Centrum Terræ O . qui



ex suppositione omnes sunt circuli maximi, quorum plana in Centro Terræ se intersecant; sitque communionis diameter $C O D$. Sitque Sol in puncto L . ad initium tertiæ noctis partis. Quæritur itaque arcus $A L$. Data itaque noctis hora & altitudine Poli datur & ex doctrina triangulorum sphaericorum punctum Ecclipticæ, ortivum quidem in D , occiduum in C , & utrumque tum supra horizontem meridie, tum infra, media nocte: At dato puncto culminante in medio Cœlo, datur & ad latitudinem positam angulus horizontis cum Eccliptica supra dato Ecclipticæ puncto, quæ est $A G L$, eritque angulus $L A C$, utpote verticalis, ad horizontalem, rectus; & datis punctis $L C$, dabitur & arcus $L C$: sed & in triangulo $A L C$ rectangulo juxta *Probl. 2. Propos. 4.* sphaericorum triangul. *Clavii*, dabitur angulus $A C L$, unâ cum reliquis arcubus, & consequenter quæſitus arcus $L A$. Dato itaque triangulo sphaerico $A C L$ rectangulo, habebuntur duo latera nota, videlicet subtendens rectum $L A C$, quod est arcus inter Horizontem & imum Cœli 68. grad. 53. min. tantum enim interest inter grad. 20. Leonis, & undecimum Geminorum existentem in imo mediæ noctis puncto, Sole tum existente in puncto L , ad tertiam noctis partem. Alterum autem latus $A L$ arcus Meridiani pariter constat; cum itaque sinus anguli $A C L$, (qui ex declinationis Solis in 11. 7. Geminorum gradu constituti à complemento elevationis Poli subtractione manet) grad. 21. 19. min. sit 36371, & datus arcus $L C$, grad. 50. quæ est differentia graduum inter principium Cancræ, & 20 grad. Leonis, qui in horizonte existit dato tempore; hujus inquam Sinus grad. 50. sit


76604. erit ut sinus totus 10000, ad sinum 36371, ita 76604. ad aliud, & facta operatione prodibit sinus 27861, arcus $L A$, cui in Sinuum tabula respondent 16 grad. 10. min. Arcus itaque $L A$ Sole in principio Cancræ graduum est 16. 10 min. quod erat ostendendum.

Hoc pacto invenimus Sole in punctis Arietis & Libræ sub datam noctis horam constituto, arcum $L A$ esse infra horizontem 35. grad. 25 min. Et in primo Capricorni gradu arcum $L A$ esse infra horizontem depressum 50 grad. quibus quidem inventis jam ostendamus, quanta montis Caucaſi altitudo esse debeat, ut effectum allegatæ illuminationis præstet.

P R O P O S I T I O II.

Montis Caucaſi altitudo quanta debeat esse Sole ad tertiam noctis partem dum in Cancro, Ariete & Capricorno constituitur, tum illuminante.

Sit verticalis Caucaſi $A C B$. Geocosmi seu Terræ peripheria $e o p q$, ejus Centrum D . horizon physicus seu montis, $m n$: rationalis $A B$. linea verticis seu axis horizontis $e C$, & altitudo montis $e f$. Linea $i h$ tangens superficiem lateris in puncto g . tunc temporis, quando ante ortum Sol, aut post occasum ad initium vel finem quartæ horæ noctis verticem montis illuminat. Quoniam igitur linea $i h$. radii Solaris terram tangit in puncto g , & horizontalis $m n$, eandem in puncto e . producantur ex Centro D . lineæ



$D g$, & $D e$, per puncta contactus g & e , linearum $i h$, & $m n$, quæ cum utrimque angulos rectos cum lineis $i h$, & $m n$, & femidiametri terræ $D e$, & $D g$, efficiant, erunt consequenter arcus verticalis $L h$, & $C n$, inter se æquales, ablato communi arcu $L n$, erunt reliqui arcus $n h$, & $C L$, inter se æquales. Sed arcus $n h$, inter Solem & horizontem interjectus jam notus est ex præcedenti propositione 16 grad. 10 min. Ergo arcus huic æqualis $C L$. pariter notus est in angulo

angulo $e D g$; notus itaque & angulus $D g e$, utpote rectus. Subtracto itaque angulo $e D g$ à recto, patebit angulus $D e g$. Ergo omnes trianguli rectanguli $D e g$ anguli patebunt. Dato quoque latere $D g$: Semidiametri terræ; ergo reliqua latera per *Propos. 2. triang. rectih.* Clavii nota sunt: ergo & $e f$ montis altitudo, eo quo sequitur modo. Sole in principio Cancræ existente ad initium vel finem tertiæ partis noctis, arcus inter Solem & horizontem constitutus $h n$, est uti supra ostendimus 16 grad. & 10 min. cuius complementum est 73 grad. 50 min. cuius sinus est 96040 talium partium, quales sinus totus $D f$. 100000 habet. Præterea cum Semidiameter Terræ $D g$ nota sit 3036 milliarius Italicorum. Fiat ut Sinus $D g$, 96040 ad 3036, semidiametrum terræ notam, ita sinus totus 100000 ad aliud, prodibunt peracta operatione 3161. videlicet linea $D f$ accumulata ex semidiametro Terræ & altitudine montis $e f$, quare subducta à 3161, semidiametro Terræ 3036; remanebit 125 montis desiderata altitudo. At posito Sole in Principio Arietis & Libræ, cum arcus $h n$, ad initium & finem ante vel post occasum Solis sit inventus per *I. Propos.* 35 grad. 23 min. Invenies juxta præcedentis operationis processum $e f$ montis altitudinem 689 milliarius. Denique Sole in Capricorno, & in principio vel fine tertiæ partis noctis in puncto h infra horizontem constituto, quem arcum $h n$ per *I. Propos.* invenimus 50 grad. 17 min. si juxta præcedentium operationum regulam processeris; invenies $e f$ montis altitudinem 1715 milliarius.

Epilogismus Calculi.

Altitudo
Caucasi
demon-
stratur Geo-
metrico
ratiocinio.

Si Sol in principio Cancræ ante vel post ortum, ad initium tertiæ noctis partis, montem Caucasum illuminare incipit, erit	} altitudo montis	} 125 milliarius Italicorum.
Si in principio Arietis & Libræ, erit		
Si denique in Capricorno, erit		

Cum itaque hæc ex infallibili Calculi ratiocinio constent; videat jam Lector, utrum in rerum natura tantæ altitudinis mons reperiri possit, qui exhibitam ab *Aristotele* illustrationem monstret; neque hinc Peripatetici ad crepusculorum lucem confugiant; nihil enim agent, nam cum crepuscula, Sole in Cancro constituto, totâ nocte durent, & unum, idemque crepusculum tam planis locis, quam parvis, magnis, maximis montibus commune sit, nulla ratione hinc altitudo montis, quam tamen ex illustratione Solis *Aristoteles* innue-

bat, colligi poterit; de vera itaque & directa Solis illustratione locutus est, uti verba ejus luculenter docent; neque verba cum planissima sint, in alios sensus detorquenda sunt, sed standum verbis Authoris; neque enim quid intellectu conceperit, cum de iis nihil nobis constare possit, sed quid scriptis suis, iisque planis & apertis senserit, nobis explicandum incumbit. Si itaque verum est, uti ex scriptis ejus verissimum comperitur, Caucasum directis Solis radiis ad tertiam noctis partem illustrari, dixisse, necessario quoque inde ea consequentur absurda, quæ jam demonstravimus, videlicet montem altum esse debere Sole in Cancro constituto 125, in Ariete aut libra 889, in Capricorno denique 1715 milliarius Ital. Quæ cum absurdissima sint, tantoque ingenio prorsus indigna, utpote omnibus Geographiæ principiis repugnantia, ad *Aristotelem* defendendum nihil aliud superest, nisi ut dicamus, eum relatione aliorum hæc asseruisse: Verum vir tantæ autoritatis & famæ non debebat assentiri quibuscunque anilium relationum fabulis, sed summa diligentia & cautela circumspicere, utrum quæ dicerentur, veritati consentanea forent, & num cum principiis Astronomicis congruerent; imò cum divitiis & potentia polleret, neque à Mæotico stagno tam diffitus esset, Geographos, qui negotium penitus explorarent, mittere debebat, nullis parcere sumptibus, ne paradoxis absurdisque conjecturis semet atque unâ posteritatem implicaret. Sed hæc incidenter de montis Caucasii altitudine dicta sufficiant.

Cautela in rebus dubiis adhibenda.

Montem Athon, quem ob altitudinem imbrium regionem, propter inconfusum cinerum in eo quotannis inventorum situm, excedere punctum *Mela*, memorabili sanè omnibus sæculis ausu à *Xerxe* perfossus, & freto navigabili pervium, *Dinocrates* mensus dicitur, inventumque duodecim stadiorum; Vide rationem dimensionis in *Arte magna Lucis & Umbra*, ubi omnia fusè de hoc monte tractata reperies. Pelion & Cyllenom montes à Dicæarcho Regum sumptibus dimensos *Plinius* & *Geminus* docent, & illum quidem 1250 millia passuum, hunc verò non paucioribus altum, deprehensum fuisse. Cœsim in Asia montem quatuor millia passuum jugum suum extollere *Plinius* ait. *Martianus* verò *Capella* Hæmum montem 6000 passuum altum scribit. *Sisimithræ* petram 15 stadiorum; *Sogdiani* verò saxeum montem 30 stadiorum altum *Strabo* refert. Sed ne in jam ab aliis peracta montium descriptione tempus perdam, hinc Tabulam præcipuorum montium altitudinis ponam, ut ex eorum cognita altitudine, quid de maris profunditate sentiendum sit, colligat Lector.

Athon Macedoniae mons Xerxe perfossus.

Altitudo montis Athon.

	Stadia	quorum 8. unum milliar. conficiunt.	Passus.	
Pelion	10	1½	1250	
Catalyrium	14	1½	1680	
Cyllenom	15	1½	1875	
Petra Sogdiani	30	3½	3750	
Hæmus	80	10	10000	
Olympus	101½	1½ ferè	1269	
Petra Sifimythræ	15	1½	1875	
Picus Canariarum	80	10	10000	
Ætna	23	4	4000	
Ætna	40	5	5000	
Caucasus	120	15	15000	
Caucasus	408	51	51000	
Cassius	224	28	28000	
Atho	160	20	20000	
Athlas	210	15	15000	
Riphæorum altif- simus Stolp dictus	200	25	25000	
Norvegicæ Montes	48	6	6000	
Montes Lunæ	120	15	15000	

His subjungimus tabellam, qua datâ distantia altitudinem montis, & hac data, distantiam qua videri possit, cognoscimus.

T A B E L L A

Ex qua data distantia altitudinem montis, aut hac data, distantiam, qua conspici possit, reperire.

TABULA I.				TABULA II.			
Altitudo Montis in Passibus.		Minuta Graduum.		Altitudo Montis in Milliaribus & Passibus.		Gradus Minus.	
Milliar.	Passus.	Grad.	Min.	Milliar.	Passus.	Grad.	Min.
0	—	0	1	1	761	1	0
0	1	0	2	3	45	2	0
0	2	0	3	6	850	3	0
0	5	0	4	12	209	4	0
0	5	0	5	19	100	5	0
0	7	0	6	27	550	6	0
0	10	0	7	37	550	7	0
0	13	0	8	49	150	8	0
0	17	0	9	62	350	9	0
0	21	0	10	77	150	10	0
0	30	0	12	111	700	12	0
0	41	0	14	320	900	20	0
0	54	0	16	773	500	30	0
0	68	0	18	1527	50	40	0
0	84	0	20	1778	600	50	0
0	126	0	25	5000	0	60	0
0	190	0	30				
0	338	0	40				
0	528	0	50				

Exempli

Exempli Gratia. Si Mons sit quispiam, qui 10 minutis à te distet, & altitudinem ejus nosse cupias; Vide in Tabula 1. in Columna 2. minuta 10. & è regione in Columna 1. reperies 21 passus, & tanta est altitudo montis. Iterum recedat à te mons 50. minur. reperta in Columna secunda 50 minuta dabunt in prima Columna 528 passus, altitudinem montis quæsitam.

Pari pacto, si mons quispiam à te recedat 4. gradibus; quæ in 2 Tabula in Columna secunda grad. 4. & è regione invenies 12 miliaria 209. passus, altitudinem montis quæsitam. Haud secus in aliis procedes.

Si verò detur altitudo montis, reperies in secunda Columna Tabularum minuta vel gradus, distantiam à monte quæsitam.

Nota tamen, hæc omniò intelligenda esse de oculo mensoris in superficie Terræ mari concentrica, non de superficie montana.

Atque hi sunt Montes, quorum altitudines sagacis ingemii Mathematici non tam certa mensura explorare conati, quàm dimensi sunt; quorum tamen præcellos vertices si cum Andibus Americæ montibus comparare velis, Certè hos teste *Acosta* non nisi humiles ad palatia casas, ad sublimes, inquam, cypressos, viburna reperies. Quorum mensuram aggredi, uti & dictorum montium, est ausus quidem Mathematico ingenio dignissimus; sed qui difficultatum occurrentium scopulos sagaciori mentis trutina ritè expenderit, is forsan pro nata proportionè eandem difficultatem, quam vel in ipsis stellis dimetiendis reperiet. Loquor semper de ingentibus illis montibus, uti Caucaſo, Parapaniso, Pico, Atho, & innumeris aliis suprà memoratis, atque adeò in iis certà mensurà determinandis, vix unquam determinata altitudinis veritas, sed illa tantùm, quæ ex hypothesi data emergit, assignari possit. Cum enim radix montium, ut plurimum, multorum dierum itinere distet, primò illam exquisita mensura notam habere oportebit. Secundo certà, directà & infallibili visualis lineæ, in verticis istius montis punctum, incidentià opus est, quæ nullius instrumenti ope certò in tanta distantia capi potest. Tertiò, summa refractionum habenda ratio est, quæ quantò in tanta ambientis medii diversitate incertior est, tantò majoribus difficultatibus opus involvit. Quartò. In tanta mensoris à montis perpendiculo distantia, quantitatem tumoris globi terreni, præcognitam habere oportet, & quàm præcisissimè. Cum enim perpendiculum montis ad perpendiculum è Centro Terræ per verticem mensoris educitum, minimè unum alteri parallelum sit, necessariò angulum, quem è Centro Terræ & montis & mensoriæ stationis perpendicula efficiunt, præcognitum habere oportebit, qui quidem haberi minime potest, nisi distantia inter apicem montis & stationem mensoris cognita fuerit; hic verò præsupponit, se-

midiametri terrestris præcisam quantitatem, quæ adhuc quæritur, & in tanta Geographorum discrepantium perplexitate, à nemine adhuc rectè assignata, cum planum mensorium, cui ipsi insistunt, falso sibi persuadent, cum reliquis planitiebus, aut etiam sub concentricæ convexitatis superficie, mari continuari. Innumera alià impedimenta visusque fallacias adducere possem, sed sufficiant hæc ad difficultatem *operejæ* luculenter demonstrandam; quæ tamen in montibus vicinioribus, nec tantis itinerum ambagibus, impeditis feliciorum successum sortientur; hoc enim pacto nec tanta refractionum, nec lineæ visualis, nec tumoris Terræ ratio habenda est, utpote sensibili errori vix subiectis, si in reliquis Geometræ diligentia & ingenium non desint; Ostendit difficultatem operis montis Baldi in Agro Veronenſi sublimi vertice eminentis, & à foro Nævii 75 miliaribus distantis à *Blancano* nostris temporibus facta dimensio; montisque altitudo inventa fuit 860; Sed *Cabeus* re penitus expensa, ejus altitudinem postea invenit 1190. Neque hic *Ricciolo* satisfecit; omnibus enim ritè discussis, montis altitudinem assignat duplicam ei, quam invenerat *Blancanus*, videlicet 1654 passuum Bononiensium. Cui itaque ex hisce tribus subscribam dispicere nequeo. Erit forsan alius, qui aliis inventis difficultatibus nunç majorem, nunc minorem sit assignaturus, ita *Sisyphi* saxum volvitur, nunquam dubiorum finito curriculo. Ut proinde tribus paulo ante adductis Baldi montis mensuris, nulla fides haberi possit, utpote à se invicem adeo pudendis differentiis discrepantibus. Quam itaque in Baldi montis non omnium eminentissimi altitudine compertam habemus incertitudinem, eandem multò majoribus difficultatibus implexam in montium supradictorum monstruosa altitudine exploranda nos comperturos adeò certum est, quàm incertus est & anceps in tot difficultatum nodis extorquendis omnis humani ingenii conatus, præsertim cum situs hujusmodi montium præcisus in gradibus adhuc inexploratus sit, à quo tamen totius negotii expeditio meritò dependet. Ego sanè ut aliquo modo hujus orometrias difficultatem experirem; Negotium in montis Albani 20 mill. pass. Roma diffiti dimensione tentandum existimavi. Positis itaque opportuno loco Astrolabiis, deinde quadrante cujus diameter 4 palmorum, per totidem exercitatos & aquilini visus observatores, quam accuratissime ultimam apicis dicti montis extremitatem in gradibus quadrantum indagare jussi, futurum sperans ut omnes in uno & eodem gradu minutisque convenirent. Sed contra inito labore omnia evenerunt; examinatis enim abscissorum gradum numeris ad unum omnes non in gradibus duntaxat sed & in minutis differentes inveni. Idem accedit, repetita ter aut quater eadem observatione;

vatione ; res denuo tentata per singulos observatores ejus quadrantis , quem accuratissimum judicabam, subsidio. Sed neque hîc inter eos conventum fuit. Tandem in Turris vicinæ altitudine capienda negotium auspicati sumus : cujus apex uti vicinior nobis, ita quoque punctum ejus præcisius attigimus, atque adeo omnes in gradibus & minutis convenerunt. Apertissimum signum causam erroris in prima observatione aliam non fuisse, nisi nimiam montis distantiam ; cujus ultimus apex præcisè attingi non posset. Habes ex hoc experimento quam difficile sit, in remotiori & excessiva distantia exactam montis alicujus remotioris altitudinem cum infallibili certitudine indagare.

Desideraret fortassis Lector, ut hoc loco methodum quandam explorandæ montium altitudinis apponerem, verum cum hoc innumeri alii tradiderint, nec res tanti ingenii sit, supervacaneum esse ratus sum, tempus in negotio vulgò noto terere ; præsertim si ad Trigonometriæ amissim, neglectis omnibus supradictis observationibus, conditionibusque requisitis, negotium simpliciori geodesia peragatur. Si quis verò hujusmodi praxes ardentius, appetat, is *Clavius*, *Snellium*, *Maginum*, *Metium*, *Sambecum*, & quotquot de practica Geometria scripserunt ; Inter cæteros verò *Ricciolum* consulat, qui *lib. x. Almag. nov. sect. 4.* quam fusissimè tradidit hoc *ὁπ:μετεωρ:αυς* argumentum ; Quas verò Author in novo Reformatæ Geographiæ opere, contra me meamque de montium dimensione opinionem, rationes adducit, illæ uti nullius momenti sunt, ita quoque non curandæ, cum à quovis litis inter nos exortæ haud ignaro, quique ingenuus tricarum osor, nodum, uti dici solet, in scirpo non quærens, conciliari quam facillimè possint.

Utrum montes altitudine respondeant profunditati maris.

Sed ut tandem ad propositi nostri filum redeamus, altitudines montium non alio fine hîc adduximus, nisi ut pendentem inter celeberrimos Authores litem decideremus. Dubium autem est, quod sequitur : Utrum maris sive Oceani profunditas altitudinibus montium respondeat. Plerique in *Genesis* Commentatores uti & Geographi affirmativam partem amplecti non dubitant, probareque velle videntur ex illo *Genesis* : *Congregentur aqua in locum unum & appareat arida, &c.* Ut itaque aqua Geocosmum ambiens in unum reciperetur, profundioribus in superficie Terræ alveis opus erat. Terram itaque præpotentis Dei virtute & divinæ vocis efficacia, erutam & in ingentes acervos aggestam dicunt, ex quibus deinde Montium extitère catenæ, ut proinde vel ex hoc capite tanta sit profunditas Oceani, quanta altitudo montium. Hæc est sententia plerorumque Interpretum Sacræ Scripturæ. Sed qui pensiculatorius dicta scrutabitur, videbit luculenter, ex hoc parem profunditatis Oceani & montium altitudinis quantitatem

colligi minimè posse, cum experientia doceat, profunditatem puteorum, fossarum & fundamentorum alicujus fabricæ semper altiore esse terrâ circumcirca in aggeres congesta ; ut enim terra aggesta profunditati alicujus putei quadraret, terram in formam cylindri ea prorsus figura, quæ putei erat, coacervare oporteret, & sic aggesta in altum, contentæ in puteo terræ, atque adeo profunditas altitudini necessariò responderet : Si verò dictam terram in conum coacervaveris, nunquam ad altitudinem profunditati putei æqualem pervenies ; & ratio est, quia partes terræ cum in vertice coni consistere non possunt, perpetuo defluxu in basin decurrentes, ipsam augmentabunt in tantum, quantum à vertice discesserat secreta terrestris materiei coacervatio : atque adeo hoc pacto nunquam altitudo conorum terrestrium profunditati fossarum, ex quibus aggesti sunt, respondebit. Cum itaque montes non in cylindrorum, sed conorum ut plurimum formam aggestos videamus, certum est, eos multò alveo maris demissiores esse, posito semper, ex alveorum excavatione montes extitisse, uti supra nominati Authores arbitrantur.

Negativa adstruitur sententia.

Verum ut & meam hic sententiam de montium constitutione apponam ; Dico primò, Divinam sapientiam, uti nihil temerè & tumultuariè in rerum natura disposuit, ita montes quoque & Oceanum in fines altissimos & incomprehensibiles, utpote in divina Idea abditos, eâ providentia constituisse, ut ne vel minimus clivus foret, qui non suos haberet, tum in Geocosmo conservando universales, tum in aliqua regione particulares usus.

Sententia Authoris.

Dico secundo, cum Geocosmo nihil adeo necessarium sit, quam apta montium distributio, certo eos ordine pro cujusvis regionis exigentia constituisse patet : ex hisce enim universa telluris moles veluti ex magnæ matris uberibus sufficientissimum alimentum acquirit : Unde infero, altitudinem montium nihil habere cum maris profunditate negotii, neque ex terrestribus alveorum glebis, in primordiali aquarum separatione, temerè aggestis, montes constituisse ; Sed simul ac divina vox insonuit ; *Congregentur aqua in locum unum, ut appareat arida, &c.* mox etiam universam Telluris molem, juxta legem in archetypo præscriptam, in montes digestam, in alveos Oceano, maribus, lacubus, fluminibusque aptos depressam, verbo, omnia Geocosmi organa & interioris Oeconomix officinas, penuaria, syphones, caminosque constitutos fuisse, ea prorsus perfectione, qua in hunc usque diem perseverare conspiciamus. Neque enim infinita Dei sapientia more humano Geocosmum condidisse putanda est, ut primò alveos effoderet, & deinde effossam terram temerè in montes coacervaret : minimè gentium : Sed ad Dei vocem in momento

Divinæ sapientie vis & efficacia in orbis montiumque fabrica.

mento omnia & singula necessariis administris instructa juxta æternæ mentis prototypum extiterunt. Atque hoc verum esse, omnium ferè montium constitutio apertè docet, cum vel altissimi montes, uti sunt Alpes, Pyrenæi, Acroceraunia, Caucasii montis & Imai catenæ in immensa terrarum spatia exporrectæ, non ad littora Oceani, sed in Mediterraneis vel Continentium vel Insularum regionibus longo terrarum intervallo ab Oceano sejunctæ, sedem Divinitus sibi destinatam obtinuerint. Falsissimum itaque est eorum dogma, qui tantam esse volunt altitudinem montium, quanta sit maris profunditas. Quemadmodum enim terrena moles inæqualitate sua constat, montibus vallibusque exasperata, ita fundus maris. Sunt in terrestri superficie magni, parvi, mediocres, altissimi montes; sunt valles, prata, sylvæ, pascua, myricæ: Sunt & hæc omnia in fundo maris, scopulis innumeris subaqueis exasperato; ut proinde Insulas nihil aliud esse putes, quàm subaqueos & ingentis altitudinis montes, verticè solo extra Oceanum mariaque emergentes, quorum tamen radices fimbriasque in immensos subaquearum regionum tractus longè lateque exporrectos, tunc primum videres, si ea Divinâ potentiâ ficcatis aquis in conspectum se proderent. Sylvas esse submarinas, Mare rubrum sat, superque docet, ex cujus fundo subinde ingens à piscatoribus corallinarum arborum copia, Ceraso nostrati vix cedentium, uti ab Arabibus Rubri maris accolis non semel audiui, eruitur; immò in tantam subinde altitudinem crescunt, ut extra ipsam pelagi superficiem cornua, non sine navium impedimento & periculo extollere videantur; nec in uno aliquo loco, aut in exiguo aliquo tractu, sed in pluribus dicti maris locis, & in tractibus ad aliquot milliaria exporrectis hujusmodi submarinæ sylvæ comperiuntur. Reperiuntur autem hujusmodi Sylvæ Corallinæ non in mari duntaxat Erythræo, sed in compluribus aliis, uti in mari Siculo, prope Drepanum; in Gallico, prope Tolonem, cæterisque Ligustici maris oris; In Oceano verò innumeris in locis, quæ brevitatis causâ omitto. Prata quoque subaquea sive submarina existere, sat superque experientia docuit eos, qui ex Hispania & Lusitania in Americam ultrò citroque comeant; ubi tota maris superficies herbâ submarinâ, quam *Sargasso* vocant, hæud secus ac in prato quodam amoenissimo multorum dierum spacio efflorescit, loco stare nescia, huc illucque perpetuo maris motu agitata; cujus rei causam alibi aperiemus. Prata quoque floribus submarinis luxuriantia reperi, Littus novi Regni luculenter demonstrat, qui ab Urinatoribus in fundo maris decerpti mox ac in auram evadunt, veluti cristallini lapidis naturam induunt, flo-

rum formam perfectè exprimentem, quos in adornandis altaribus Collegii Carthaginenses Societatis nostræ Patres ut plurimum adhibent: Eximium naturæ opus, & Europæ invisum. Submarina quoque algarum diversi generis per amœna vireta nulli mari defunt. Et non procul Melita tractus maris, quas *Praterias* vocant, piscatu cumpri-
Prata submarina non procul Melita.
 mis celebris, ubi ad multum spacium veluti in montis alicujus planitie pratum virore, amœnitatē eximium non sine oblectatione intuentium, sese pandit infra aquas 20 ferè palmis abditum, in quo innumeri piscium greges, veluti in pleno venustatis campo stabulantes, deliciantur, non sine ingenti piscatorum lucro. Terminos hujus prati si quis accuratius inspexerit, videbit, mare extra viroris limites, atro quodam calore sive ob insignem profunditatem, sive ob altissima, quæ pratum determinant, scopulorum præcipitia, suffusum. Sed quoniam de hisce naturæ portentis suo loco ex professo acturi sumus, non profèquor materiam, cum sufficiat nobis, maris fundum non secus ac terram, asperum, inæqualem, scabrosum, montibus, vallibus seu abyssis impenetrabilibus refertum; Fontibus quoque & fluminibus abundare, ut in *Prodromo subterraneo* demonstratum fuit; ut proinde quis altitudinem montium ex profunditate maris frustraneo labore exploret. Hoc tamen dico, quod sicuti in meditullis terrestrium Continentium omnium altissimi montes coacervati videntur, ita in medio Oceani majorem semper profunditatem, ad littora verò planiora, semper minorem & minorem profunditatem reperiri. Dixi ad littora planiora, quia ubi ingentibus scopulis cinguntur littora, ibi majorem quoque quàm in planioribus littoribus profunditatem reperiri, non aliud nisi ipsa experientia docet in littoribus scopulosis Norwegiæ, Islandiæ, Flandricarum Insularum, cæterisque innumeris. Vide in Figura sequenti Montem terrestrem, cujus radices Mari B C insinuatæ producuntur infra aquas in D, ubi novis scopulis D E extollitur, & hinc producitur in F, summa maris profunditas sive abyssus, hinc iterum sursum ascendens extra superficiem maris emergens G insulam conficit, quæ deinde iterum aliis & aliis submarinorum montium scopulis connectitur, & hoc pacto totus Oceani fundus mira & incredibili inæqualitate constituitur. Planities verò submarinæ ibi potissimum censentur existere, ubi Oceanus aut mare omnibus Insularum vestigiis destitutus cernitur; hæud secus ac in vallibus planities; uti in I patet.

Ex his adductis patet, quam hallucinentur, qui putant, maris profunditatem ubique aut æqualem esse, aut determinari posse putent certam ejus profunditatem; tam enim id difficile est, quàm difficile montium per universam Telluris superficiem diffusorum

N

altitu-

Fundus maris tanta inæqualitate pollet, quanta Terræ superficies.

Montes submarini.

Sylvæ submarinæ.


Prata submarina.

Flores submarini.

Fontes & flumina submarina.

altitudines certa ratione inquirere ; ut proinde illud huc quadrare videatur : altitudinem

Cæli, latitudinem Terra, profunditatem Maris quis mensus est ?



CAPUT XV.

*De Inæqualitate fundi maris cui jungitur Historia memorabilis
supradicta confirmans.*

Historia de
Pescicola
Urinatore
Siculo.

Mira Uri-
natoris di-
cti dege-
neratio.

Addam hoc loco Historiam, quæ tempore *Frederici* Regis in Sicilia contigit, quæ, quæ hucusque de fundi maris inæqualitate dicta sunt, comprobantur. Fuit in Sicilia tunc temporis Urinator quidam famâ celeberrimus *Nicolaus* nomine, quem à natandi peritiâ vulgò *Pescicola*, id est, *Nicolaum* piscem nominabant. Hic à puero mari assuetus, & natandi peritiâ cum primis excellens, ostreis & corallis, similibusque in fundo maris colligendis ferè unicè distinebatur, quibus postea venditis vitam tolerabat: Tantò autem marino commercio afficiebatur, ut quatuor aut quinque dies ferè, primis temporibus, mari immoraretur, crudis piscibus vitam sustentans; ibat & redibat passim in Calabriam natando, tabellarii munere functus; dicitur Liparitanas Insulas natatu non semel penetrasse; inventus fuit nonnunquam à Triremibus in medio æstuantis & procellosi maris sinu è regione Calabriae, nautis marinum quoddam monstrum ad primum aspectum, eum opinantibus; sed à nonnullis cognitus in triremem receptus fuit; interrogatus quonam tenderet in mari tot procellis agitato? Respondit se literas ad nescio quam Urbem coriaceæ burfæ & trochleæ affabrè munitæ, nè ab ambiente humore vitiarentur, inclusas portare: tandem post longam confabulationem bene pastus, nautisque valere iussis mari se denique commisit: Narrant præterea ex continuo aquarum contubernio dictum *Nicolaum* ita naturam, temperamentumque mutasse, ut amphibio, quam homini similior esset, excrecente inter digitos in formam pedum anseris cartilagine ad natandum necessaria, pulmoneque ita ducto, ut ad integrum diem sufficientem ad respirandum aërem contineret. Commorante itaque quodam tempore Siciliae Rege Mes-

sanæ; cum incredibilia passim de hoc Urinatore sibi narrari audisset, curiositate simul & desiderio videndi hominis impulsus, cum sibi fisci voluit; quod postquam dñi terrâ marique quæsitus esset tandem factum fuit. Audierat Rex mira quædam de vicinæ Charybdis natura sibi narrari; obtentâ itaque tam opportuna occasione interiori Charybdis constitutionem explorandam duxit, quod quidem nisi per hunc *Nicolaum* fieri melius posse non existimabat. Jussus itaque *Nicolaus* in fundum se dimittere; & quoniam aliquantulum Regis imperio, prætenfis summis solique sibi notis periculis, refragari videbatur: Rex ut ad operis executionem animosiores redderet *Nicolaum*, auream pateram eo in loco projici jussit, suam fore pollicitus, si projectam referret. *Nicolaus* auro allectus, acceptataque conditione sese in imos mox gurgites præcipitavit: ubi ferè ad tres horæ quadrantès permanfit, Rege adstantibusque magno cum desiderio expectantibus: Qui tandem magno ex imo vorticis fundo regurgitatus impetu, pateram projectam, manu triumphantis in morem jactitans, intra palatium receptus fuit, & cum labore nimio nonnihil debilitatus, lautoque prandio refocillatus somno aliquantulum indulisset, ad Regis conspectum venit; qui de omnibus, quæ in fundo compererat, interrogatus, sic Regem allocutus dicitur: Clementissime Rex, quæ jussisti, executus sum; jussis tuis nunquam obtemperassem, si quæ comperi, prius novissem, etiam promisso mihi imperii tui dimidio: temeritatem magnam commisi, dum temeritatem putavi, Regis jussui non parere. Rege verò causam temeritatis postulante, respondit: Scias Rex, quatuor esse, quæ hunc locum non dicam, mihi similibus Urinatoribus, sed vel ipsis piscibus impenetrabilem, nimis metuendum reddunt:

Charybdis
exploratio.

Apostrophe Urinatoris ad Regem de periculo fundi Charybdis statutu.

Vortices
intus ter-
ribiles.Polypi im-
ment.Canes ma-
rini.

reddunt : Primò fluminis ex imis pelagi voraginibus ebullientis impetus, cui vix homo quantumvis summo robore viribusque instructus sit, resistat, quem neque ego perumpere valui, unde per alia diverticula in profundum me descendere oportuit. Secundò scopulorum passim obviorum multitudo, quorum fundos sine manifesto vitæ & exco-riationis periculo vix subii. Tertio Euripi, seu subterranearum aquarum æstus, qui se ingenti impetu ex intimis scopulorum visceribus evolvunt, quorumque fluxus contrarius vortices agit tam formidabiles, ut vel solo metu confternatum hominem exanimare possint. Quartò. Ingentium Polyporum greges, qui scopulorum lateribus adhærescentes cirris longè lateque exporrectis sum-
mum mihi horrorem incutiebant; ex quibus unum, si corporis palpiam spectes, hominis magnitudine majorem vidi, si cirros ii decempedæ longitudine non cedebant, quibus si me strinxissent, inevitabili mortis periculo ad se attractum solo amplexu exanimassent : stabulantur & in vicinis scopulorum latibulis pisces atrocitate immanes, quos Canes vocant, vulgò *pesce Cane*, & triplici dentium ordine fauces instructas habent, Delphinis corporis mole haud impares, à quorum sævitie nemo tutus esse potest; quos enim dentibus apprehenderint, de ipsis actum esse certò tibi persuadeas; siquidem nullæ macheræ, acinaces nulli tanta tamque acuta acie instructi esse possunt, quam hæc maris monstra dentium acumine in quibuscunque rebus diffecandis non superent. Hisce ex ordine expositis, quæsitus fuit, quonam modo injectam pateram tam citò invenire

potuisset? respondit, pateram ex vehementi aquarum fluxu & refluxu minimè ad perpendiculum descendisse, sed eam mox aquarum impetu excussam eo ferè modo, quo semet excussum dicebat, intra quandam scopuli cavitatem reperisse, quæ si in fundum descendisset, fieri non potuisset, ut in tanta æstuum ebullitione turbinumque impetu spes ulla eam reperiendi superfuisset : Euripos enim quibus aqua subterranea nunc intra viscera absorbetur, nunc eadem regurgitatur, tanta perturbatione agitari, ut nulla vis sit, quæ eis resistere possit. Accedere, mare in eodem loco adeò profundum esse, ut cimmeriis penè tenebris oculos offundat. Quæsitus & de freti interioris dispositione : Respondit, totum innumeris scopulis implexum, ex quorum radicibus subterranearum intercurrentium aquarum fluxus refluxusque pro temporis diversitate eas efficit in superficie perturbationes, quales Nautæ magno navium periculo experiuntur. Rogatus porrò fuit, si animus ipsi sufficeret, ad denuò tentandum hujus Charybdis fundum : respondit quod non. Victus tamen etiam altera vice marsupio pleno nummis aureis, cum annexa patera magni pretii in Charybdim projecta; aurique sacra fame allectus, secundò se in gurgitem dedit præcipitem, sed nunquam amplius comparuit, forsàn Euriporum impetu intra montium labyrinthos abductus, aut piscibus, quos timuerat, præda factus. Hanc historiam prout in actis Regiis descripta fuit, à Secretario Archivii mihi communicatam apponere hoc loco visum fuit, ut marium vorticosi tractus luculentius paterent.

Euripi.

Æstus aquarum subterranearum vehementia.

CAPUT XVI.

*Dimensio Freti Siculi ab Authore facta anno 1638.*Inæquali-
tas fundi
Freti Siculi.

Cum jam multo tempore turbulentum hujus Mamertini Freti statum tum propriâ experienciâ observassem, tum apud Historicos legissem, eodemque tempore redux in Italiam apud Pharum trium dierum curriculo, temporis oportunitatem expectarem, ne tam insignem explorandi freti occasionem elabi paterer, conductis peritis naturæ loci nautis, fretum ingressus sum magno filorum glomere in bolidis usum instructus; & primò quidem freti, ubi angustissimum est, inter Pelori ripam ad Pharum & Calabriae promontorium quod Scyllæum dicitur, latitudinem Geometricâ dimensione reperiri 2783 passuum Geometricorum. Hoc peracto, recto tramite cymba in transversum actus à Pharo continuò usque ad dictum promontorium, continua bolidis projectione maris profunditatem exploravi, in aliis jam 30, modò 50, 60, nunc 100, subinde 200 pedum fundum reperi, in nonnullis veluti

scopulos quosdam præruptos, inter cætera verò, mirum dictu, totum hujus latitudinis fundum scopulosumque tramitem quendam veluti pontem è Calabria in Siciliam, utrimque fundo in abyssum subsidente comperi, qui Siciliam olim Calabriae hoc saxoso tractu junctam fuisse, non inobscura præbebat indicia; ab immemorabili verò tempore sive terræ motu, sive Thyrræni maris violentia hunc disruptum Isthmum, in fretum degenerasse, adeoque Trinacriam peninsulam in Insulam convertisse. Verum cum in *Arte Magnetica* hanc expeditionem descripserimus, solùm hoc loco quæ ibidem omisimus, notatu digna apponenda duxi. Tria itaque cum primis summo studio incumbabant exploranda, quorum effectus exoticos summos quosque philosophos eximiè vexasse legimus in genuina eorum ratione assignanda. Primum fuit æstus Scyllæ; Secundum charybdis: Tertium inconstans & varius reciprocosque freti

Sicilia olim Calabriae juncta fuit.

freti motus, quorum causas si, uti spero, affignavero, certè id præstitero, quod omnibus seculis à nullo non philosopho unice fuit desideratum.

Æstus freti
varius &
formidabi-
lis.

Primò itaque summo studio exploravi æstuantis maris cursus omnino varios, rectos, proclives, contrarios, & veluti perpetua quadam lucta sese collidentes, præterea totum illud intra Scyllam & Charybdim quinque ferè milliariorum maritimum spatium reperi ferventissimum, omni bolide quantumvis longa inexplorabile ac vorticibus formidabile; ubi undæ undis contrariis obviæ sævos movent turbines, modò in abruptum abeunte freto, modò cum impetu & collisorum fluctuum fragore superna facie resiliente mari, vastum hiatus & immensam voraginem efficiunt: quibus inundationibus mirum in modum per gyros & contrarios cursus navigia & obvia quævis, interna vi spiritus absorpta, in imos-gurgitis subterraneos cuniculos pertrahuntur, quæ in littore Taurominitano, teste non solum *Sallustio* & *Strabone*, sed & *Taurominiorum* observatione, regurgitantur. Atque hæc quidem sævæ & immites procellæ non semper (quemadmodum menstruo spacio data opera Messanæ commoranti mihi innotuit) suas ferociæ scenas agunt, sed tum vel maximè, quando venti partim ex Ionio, partim Thyrræno mari contrariis fluctibus angusti maris fauces exagitant; cæteris temporibus etsi quoad superficiem tranquillum videatur, nequaquam tamen à consuetis sibi interioris machinationis

Æstus Lu-
næ motum
sequitur.

tumultibus cessat; sed ita ad Lunæ ascensum descensumque fluxus suos moderatur, ut vel ipsi nautæ à puero huic freto assueti, currentium rationem vel ad primum Lunæ aspectum prædicant; Luna verò nubibus obducta, ex currentium fluctu ejus in coelo stationem cognoscant; quæ omnia summa simul & curiositate & admiratione à me comperta sunt: unde infame olim naufragiis fretum modò tam facilè transitur quàm quodlibet aliud, horum nautarum peritiâ, qui naves per varias ambages sine ullo periculo ita deducere solent, ut devitatis contrariis currentibus vicinum mox rectà tendentem auspicentur, donec tandem terminum assequantur. Si verò neglecto horum nautarum conductu, inconsultius fretum aliqui ingrediuntur, certò certius uti abditas currentium rationes nesciunt, ita manifesto quoque se naufragii periculo exponunt, nisi mox auxiliari conductorum manu à periculo liberentur. Est Religionis nostræ *Messana Tyrosinii* domus in edito loco sita, ex qua totius freti longitudo obtutu patet; ex hac non sine admiratione subinde notavi, naves etiam prægrandes & onerarias expansis etiam velis omnibus ad multas horas ita hæsisse, ac si trabalibus clavis affixæ detinerentur; quæ mox tamen mutatis currentibus, & peritiâ ductorum emerisæ cursum octeptum continuarunt.

Vis æstus
contrarii
in conti-
nendis na-
vibus.

Sed ut ad propositam nobis materiam redeamus. Primo loco post fauces freti occurrit famosa illa Scylla, de qua *Virgil*.

Dextrum Scylla latus, levum implacata Charybdis

*Obsidet, atque imo barathri cum gurgite vastos
Sorbet in abruptum fluctus, rursumque sub au-
ras*

Erigit alternos, & sidera verberat unda.

De cujus abditæ naturæ voracitate plena sunt omnium Historicorum Poëtarumque monimenta innumeris implexa fabulis, quæ si quis videre cupiat, is *Cluverium* consulat l. 1. *Sicil. antiq. fol. 64.* nobis alienum citare animus non est, sed quæ propria experientia comperimus, adducere. Scylla itaque adjacent promontorio, quod olim Cænys dicebatur, modò Scyllæum, vulgò *Sciglio* vocant; cujus natura illa est, ut ingenti ultro citroque commeanium aquarum perturbatione agitetur; quando affluxu agitatur, tanta ejus est violentia, ut navis ei concedita omni evadendi spe sublata, montium parietibus illisa inevitabili naufragio committatur; quæ tamen mitior aliquantum evadit, cum æstus eam refluxu in Ortivam freti plagam urserit: verum nisi periculis probè obstat, terminique fluxus non tempestivè observentur, fit subinde, ut ex Scyllæ syrtibus in Charybdis æstuarium devoluti, periculum, quod fugerunt, tum primum reperiant, atque adeò aptè in illos quadret:

Scyllæ sy-
rtus & pro-
prietas.

*Antra Charybdis adit, qui vult evadere Scyllam.
Et contrà.*

Incidit in Scyllam qui vult vitare Charybden. Dixi, subinde sævitiem illam Scyllæam non semper habenas suas laxare, sed ad certos ventorum flatus, uti postea ostendetur. Ut itaque tam prodigiosi maris reciprocos æstus physico ratiocinio tandem decidatur. Dico primò Scyllam nihil aliud esse, quàm subterraneam voraginem per occultos meandros in mare Thyrrænum, vel aliud quodpiam continuatam: quomodo itaque aquarum ille accessus & recessus contingat, exponendum est.

Observatum fuit, & à me summa diligentia, uti & à nautis exploratum, in Cujatio sinu ad Vaticanum promontorium intra sinus concavum, tum singulis diebus, tum maximè Subsolano flante, & potissimum, quando Scylla affluxum patitur, ferè maximè ebullientis maris indicia conspici; ad Scyllæ verò defluxum, occiduo Euri flatu dominante, illud quoque veluti in vortices quosdam ac turbines agitari. Quæ uti experientia quotidiana constant, ita quoque Scyllæ fluxus & refluxus causam ceu digito quodam monstrant. Nota itaque duplici motu tum Thyrrænum, tum fretum Mamertinum seu Scyllæum agitari; uno per Oceani fauces Gadi-tanas introeuntis affluxum, quo immensa aquarum mole mare internum pressum, impetum suum reliquis omnibus sinibus & fretis

Causa flu-
xus & re-
fluxus
Scyllæ.

tisei obviis communicat; Unde maris sinus & potissimum fretum hoc nostrum summum incrementum acquirit: refluyente verò Oceano ea quoque proportionē, qua prius internum mare in sinibus ac fretis suis creverat, refluyendo decrescit; qui & attractus dicitur; atque hic motus uti à Luna, quemadmodum suo tempore dicitur, dependet, ita stabili quoque & perpetuo fluxu refluxuque bis de die noctuque, durat. Secundus interni maris motus adscribitur ventis, & allisioni aquarum ventis agitarum ad obvios terrarum tractus, qui quidem uti natura sua instabilis, & ventorum subjacet arbitrio, ita quoque non nisi incerto & determinato tempore contingit.

His præsuppositis jam Scyllam ordiamur. Patitur ea perenni experientia singulis diebus suos affluxus refluxusque, qui hoc pacto contingunt: Insinuante se abdita urgentis Lunæ vi, Oceano, intra mare mediterraneum per fauces Gaditanas, derepentē tota illa maris longitudo ex Occasu in Ortum exposita, impetu Oceani percita, ad rectā sibi obvium Cujatium sinum A magnā aquarum mole, veluti agmine facta, illiditur: Cum verò hoc in sinu, uti experientia docet, ad Scyllam subterranei meatus C B orificium suum B in fundo vel latere intimi maris à natura sibi destinatum habeat, fit ut sinus angustiae magna aquarum mole pressa, elabendi occasionem fugamque, per dictum canalem,

atque adeo per Scyllam exitum sibi parent; Unde Scylla insequentium aquarum mole pressa fluxum suum in ortum versus Charyb-
din D dirigit: Oceano verò refluyente, atque adeo interni maris aquarum molem unā secum trahente, tum Scyllæ fluxus contrario motu intra solitam sub rupe Scyllæ voraginem sese abdens, recedentis ex Cujatio sinu aquæ locum occupat; atque hic est perennis fluxus & refluxus Scyllæ diurni motus causa; Unde Nautæ Lunam observantes infallibili indicio tempus fluxus & refluxus norunt; estque hic motus Scyllæ tantò mitior, quantò recessus accessusque maris ab Oceano dependentis constantior; ubi verò occidui venti mare vehementius exasperaverint, tunc quoque meatus Scyllæ in Cujatio sinu undarum procellis exagitatus, in Scyllæo exitu eas tempestates suscitatur, quas magno sui periculo Nautæ experiuntur; tunc enim idem mare Thyrrænum agitatum, non tantum per occultos aditus, sed & manifesto Marte per E F fauces freti insinuat, dum curvato freti littori alliditur vehementius, & occurrentibus ex opposita parte Subsolanis flatibus per reflexum cursum inde quoque in circulos agitatum, veluti commisso prælio horrendos cum Scyllæo fluxu turbines motusque agit; quæ quidem naturæ lucta tam diu durat, quam diu ventorum rabies durare comperta est; vento verò Occiduo Ortivoque quiescente, mare turbinibus & procellis adhuc servi-

Periculum quod hic navibus imminet.

Descriptio
fluxus &
refluxus
Scyllæ.



dum, dum se Scyllæ latebris magna aquarum mole aggravatum committit, ecce unā secum, quicquid currentis æstui invecum fuerit, post se rapit, ac irrevocabili fuga scopulis illis funesto destinat naufragio; ut vel

inde pateat, cur concitato freto, tanta pericula Nautis immineant. Hoc certum est, prope Scyllæum antrum fundum esse à me compertum nulla bolide explorabilem; cuius tamen rei causam non tam abyssu, quam aquæ

aquæ vehementis unâ secum bolidem intra concava montis rapientis fluxui adscribendum duxi, quod & bolidis renifus & pertinax ad Scyllam declinatio fat superque innuere videbatur. Habes hîc Lector Scyllæi fluxûs refluxusque rationem, quam si quis improbaverit, meliorem assignet, cui haud illibenter nos subscripturos pollicemur, qui ea, quæ experientia irrefragabili didicimus, hic exponimus.

Charybdis
descriptio.

Sequitur modò Charybdis natura declaranda; Charybdis, quæ quidem nihil aliud, quàm absorptio maris est, ex ea parte convexi littoris portus, qua Rhegium petitur, existit, à portus Mamertini, qui Calabriam spectat, parte non nisi 20 passibus diffita, quam & bis vectoris industriâ & opportuni temporis occasione transivi, cujus natura est, quod nunc, veluti subjecto igni cacabo, perpetuò bulliat, nunc vortices veluti turbinebus agitados agat, qui tantò navigantibus sunt periculosiores, quantò ebullitiones minori periculo eosdem exponunt, siquidem per ebullientem Syrtim impunè, non item cum vorticibus agitur, transeas. Observatum fuit longâ Nautarum experienciâ, tum maximè Charybdis ebullire, quando Syrophœnix V, vulgò *Scirocco*, freto dominatur, qui tamen ad communem fluxûs, refluxusque freti legem, sua quoque singulis diebus nunc regurgitationis, nunc absorptionis non inobscura indicia præbet, maximè tamen sævit, uti diximus, Syrophœnice flante, & tanta quidem aquarum rabie, ut in columnæ formam aquarum diluvia eructare videatur. Quæritur itaque hujus rei causa.

Quando
Charybdis
potissimum
sæviat.

Non ignoro, multos in contrarios freti fluxus sibi obvios, quorum occurſu aquæ coacervatæ in altum extollantur, uti in nullis non maribus contingit, effectum tam insolentem contulisse; sed si hoc; cur semper uno & eodem loco hujusmodi maris ebullitio? cur non in alia quavis freti plaga? cùm ventis sibi contrariantibus omni loco mare talem causari possit accumulationem, uti & in maribus ad magna fluviorum ostia constitutis contingit, ubi ventorum flatibus, fluminis fluxum sistentibus, turbulenta illa & tumultuaria lucta nascitur, qua aquarum moles diversis motibus agitata in altum columnæ adinstar, magno navium periculo extolluntur; & notum est frequenti experientia in Gallico mari è regione Ostii fluminis Rhodani, quam *Golfo de Lione* vulgò vocant, tantò sanè periculosiori, quantò venti austrini impetuosiores, & Rhodani fluxus rapidior. Cur, quæso, ebullitiones deficientes eodem in loco mox vortices & turbines excipiunt? Dices forsitan, subsidentium aquarum coacervatarum mole voragines hujusmodi fieri. Sed neque hoc dici potest, cùm vortices Charybdis hujus naturæ sint, ut quælibet in eos conjecta post multiplices circuitus tandem centro vicina in imum rapiantur, & in longè diffitis

Sinibus per subterraneam regurgitationem tandem evomantur. Aliis itaque instrumentis ad hujusmodi exoticos effectus præstandos natura utitur: quæ ut explicentur. Notes velim, Charybdis hanc nihil aliud esse, quàm ingentem voraginem seu abyſsum, qua per cæca Terræ viscera, tanquam per vastos Telluris syphones ebulliens illa aquarum moles certo tempore regurgitur, & cessante regurgitationis causa, aquam recedentem veluti tractu quodam denuò absorberi necesse est, quam aquarum absorptionem vortex necessariò sequitur; fit autem hac ratione:

Charybdis
vorago est

Certum est, & experientia ferè quotidiana tum in freto, tum in universa Insula comprobatum, Siciliam prorsus cavernosam esse, ut per abditos subterraneosque Canales maria sibi invicem colludere reciproco aquarum commercio. Quemadmodum itaque in Scyllæ æstu fieri ostendimus, eadem ratione Charybdis æstus suos volvere hoc loco comprobabimus. Charybdis vorago haud dubiè per subterraneum aliquem meatum N. M. in Orientali pelago alicubi exitum habet, sive is sit propè Taurominium, uti plerique existimant, ex rebus in Charybdis projectis, quæ hîc postmodum emerſerunt: Nam Charybdis Taurominiæ meminit *Lucanus lib. 4.* hoc versu:

Causa tu-
multuantis
Charybdis.

Taurominitana fugiens damnosa Charybdis.
Et l. 14.

Taurominitana cernunt de sede Charybdis.

Quæ non de Charybdis freti Siculi, sed de Charybdis loci intelligenda sunt, sive in Orientali Sicilia latere inter Pachinum & Lilybæum promontoria. Observatum siquidem Subsolano aut Syrophœnice flante, tunc primum rabiem suam exercere Charybdis. Mari itaque intumescere flatibus ex Orientali plaga proruentibus, fit ut concitatum mare magna aquarum mole pressum, sese magno impetu intra dictum meatum insinuet, & tum unda trudente undam, tum reverberatione saxorum littorum molem aquarum aggravante, tandem per Charybdis voraginem eo æstu exoneret, quem sub dicto vento experiuntur; quæ vorago cùm (uti experientia doctus retulit supracitatus *Cola pesce*) inter profunda ambientium scopulorum sita sit, contingit quoque, ut aquarum egestarum moles rectà sursum tendat, atque adeò in formam clivi in superficie maris assurgat. Cessante verò Syrophœnice, mox etiam aquarum, quibus Charybdis onerabatur, mole subsidente, & intra voraginem suam sese abdente, per eum, per quem evoluta fuerat fluctuum congeries, Canalem M. N. mari ortivo suæ jam restituto tranquillitati redditur, unde recedentibus aquis per voraginem, vorticem effici necesse est. Unde patet, Charybdis Mamertinam D. tunc ebullire, quandò Taurominia P. vorticibus agitata absorbet

Tauromi-
nia Cha-
rybdis

communi-
cat Cha-
rybdi Ma-
mertinae.

Ætna per
subterra-
neos cana-
les Cha-
rybdi
communi-
cat.

forbet mare : Et contra Charybdi Mamer-
tinam tunc vortices agere, quando Tauro-
minia ebullitionibus agitatur, adeoque al-
terna vicissitudinum lege, reciproca occul-
tæ machinationis commercio exercent.
Quod verò Charybdis Taurominia minus
sensibilis reddatur, causa est constitutio loci
& voraginis, quæ non normaliter, sed de-
clivi voraginis ductu aquas evomit, contra,
Mamertina. Accedit, quod Canales occulti ex
Ætna deducti Charybdis Canali consentiant,
qui spiritibus igneis foeti, & exitum ibi quæ-
rentes mare horrendis agitant procellis.
Quod verò quotidiano quoque æstu nonni-
hil ebullire & subfidere videatur Charybdis,
id fluxui & refluxui freti adscribendum duco,
eo ferè modo, quo suprâ de Scylla diximus.
Sicuti enim incrementum maris Lunâ pressi,
ebullitionem Charybdis causat, ita decre-
mentum ejus resorptionem. Restat porro,
ut multiplices hujus freti currentes expona-
mus; Nam uti non solum proprio experi-
mento mihi, sed & supra memorato *Piscec-
la* tentamine constat: est fundus hujus freti
prorsus scopulosus, & ingentibus per occul-
tas voragines æstibus perpetuis agitatus; qui
quidem æstus aliunde provenire non pos-

sunt, nisi per subterraneos canales, tum ex
diversis maribus, quæ Insulam ambiunt,
tum ex Ætna deductos. Cum itaque am-
biens pelagus sine ventorum exagitatione
nunquam existat, semper quoque fretum
hoc, nunc in hac nunc in illa parte suos pari-
ter reciprocos fluctuum æstus patitur pro
ventorum alibi spirantium ratione, nunc in
uno recedentibus undis, nunc in altero ac-
cedentibus; nunc omnibus simul concurren-
tibus, quibus fretum tunc temporis maximè
fuit. Siciliam verò cavernosam esse, & in-
numeris canalibus pertusam, hinc vel maxi-
mè patet, quod Ætna per universam Insu-
lam suos habeat diffusos canales, & primò
quidem in Liparitanas Insulas, ita ut patien-
te Ætna solitas suas eructationes, Strongy-
lus quoque veluti per consensum quandam
suas eodem tempore patiatur: Sulphurei quo-
que halitus & lymphæ per Insulam dispersæ,
tunc quoque suas operationes exerant effica-
cius, quod non fieret, nisi ad illas per subter-
ranea Vulcani commercia aditus esset. Quo-
modo verò cuniculi, ignis vectores, à cuni-
culis, aquarum vectoribus, distinguantur, pau-
lo post fusiùs exponetur. Atque hæc sunt,
quæ de freto Siculo dicenda putavi.

Sicilia tota
cavernosa
est.

CAPUT XVII.

De Magnetica Telluris constitutione sive de Offatura Telluris.

Geocof-
mi mira
constitu-
tio.

Qua virtu-
te immo-
bilis hæ-
reat in
medio.

Quemadmodum opus Naturæ, opus
Intelligentiæ est, ita fieri quoque
non potest, ut tumultuariè & casuali
quodam ratione omnia coaluerint; quin imò
omnia summo ordine, distinctione, & par-
tium distributione disposita à principio fuif-
se, is solus nescire poterit, qui miros divinæ
sapientiæ lusus in orbe Terrarum non ex-
pendit. Tellurem itaque sive Geocosmum
divina providentia eo ordine & situ dispo-
suit, ut cum veluti basis & ultimus finis totius
naturæ conditæ futurus esset, in quem vel-
uti in totius naturæ gremium principiumque
passivum, omnia reliqua Mundi superni cor-
pora, sua spermata & virium energias diffun-
derent; Certè id ex se & sua natura quietem
postulare videbatur, omni locomotiva facul-
tate destitutam; hoc enim pacto aptius am-
bientium astrorum viribus, seminalumque
rationum miscellis imprægnata subdebatur.
Porro nunc meritò quæri potest; Quonam
modo vel qua virtute sub hac immensa im-
mobilitatis firmitudine sustineatur? Num
propriæ gravitatis indefectibili trutina æqui-
librata, num per superadditam quandam vir-
tutem veluti freno quodam ei injecto, im-
perturbabili constantia semper easdem Mun-
di partes respiciat? Antiquitas simplicior
immobilitatem telluris in solum nativæ gra-
vitatæ pondus conjecit. Posteriores experientia
rerum doctiores, altiusque speculati, gravi-

tati, vim terræ in loco suo inflexibili qua-
dam stabilitate continendam, adjunxerunt,
quam magneticam vocant: Quomodo verò
hæc omnia perficiantur, ut ostendatur, paulo
altius ordiri visum est.

Suppono itaque primò, Tellurem ita à
divina providentia, uti suprâ dictum fuit,
constitutam esse, ut in Coelestes plagas, veluti
quietis suæ terminos innato quodam & in-
trinfeco appetitu naturaliter feratur: Jam
vero cum nulla res insito appetitu feratur in
aliud, nisi in eo, in quod fertur, aliquid sit,
quod eam benè afficiat, cujus bono foveatur:
Certè tellus in circumfisas Mundi plagas tam
indeflexibili constantia minimè ferretur, nisi
vis quædam foetrix & benefactrix Terræ, Coe-
lestibus correspondentibus plagis, inesset,
sive jam illa sit vis magnetica, sive virtuti
magneticæ quidpiam analogum, sive mirus
quidam coelestium corporum consensus, jux-
ta quem irremissibili se stabilitate disponat;
nisi enim hanc vim seu universæ naturæ con-
sensum admitteremus, non esset ratio, cur
Terræ Poli hanc partem Coeli potius, quàm
aliam aspicerent: Ergo necessariò dabitur
vis quædam in coelestibus corporibus, ma-
gneticæ virtuti, qua tellus imbuitur, analoga,
qua in sua stabilitate inconcussa consistat.
Nunc itaque quæritur, Quænam sit illa vis in
Coelo correspondens, ad quam se Terra ac-
commodet? audax sanè naturæ facinus pro-
ponitur,

Quænam
illa vis sit
terræ fixa-
tiva.

ponitur, ad quod exponendum non nisi audax ingenii conatus requiritur. Myſterium itaque ſi non audaci, ſaltem eo; quem ingenii noſtri debilitas permittit, conatu enucleamus.

Sciendum itaque, Deum Opt. Max. ineffabili providentiæ ſuæ diſpoſitione ita in Mundanæ auræ fluxili expanſo corpora Cœleſtia ad Terram immobilem ordinæſſe; ut ſicuti illa perpetuò ex Ortum in Occaſum, omnia & ſingula imperturbabili quadam lege ſuos motus intra diei naturalis ſpatium circa Terram decircinant, ita ſinguli quoque globi, ſeu aſtralia corpora, hanc legem ſervant; ut videlicet, ſingula cœleſtia corpora, circa Terram, non confuſa vertigine, ſed ea motus conſtantia circumvolverentur, ut ſingulorum globorum, ſive aſtraliū corporum poli, polis Terræ perfectæ quadam adaptatione correſponderent. Quod arcanum hodierna nobis obſervatorum Lynceorum ſagacitas aperuit: Videmus enim, omnia corpora cœleſtia, Solem, Lunam, cæteraſque ſtellas ita adaptatas, ut quos circulos, polosque in Terreno globo nobis imaginamur, eoſdem in omnibus & ſingulis fiderum globis expreſſos videamus; hac tantum interveniente differentiâ, quod in Terra immobili, immobiles; in Sideribus verò circa proprium Centrum agitatæ, mobiles comperiantur. Sed ut hæc propius intueamur.

Est in Solari globo æquinoctialis & Zonæ torridæ plaga, ineffabili fervoris æſtu ebulliens, noſtro æquinoctiali, & Zonæ torridæ exactè reſpondens, & æquidiſtans, unicum macularum ſeminarium, quæ cum unâ cum corpore Solari circa Centrum proprium rotentur, & *παράλληλως* ad noſtram plagam noto-zephyrio motu agitentur, mox etiam Solarium polorum puncta noſtris punctis perfectè congruentia, & axim Solarem Terreno parallelum eſſe, comperimus: neque Solare corpus unquam à tanto cum Geocoſmo conſenſu, vel in minimo deflexiſſe, huc uſque obſervatum fuit, excepta axis aliquantulâ à polis terreſtribus ultro citroque ob ſingulares à natura intentos fines nutatione, quod in *Itinerario noſtro Extatico*, de *Itinere in Solem*, expoſuimus, ad quem Lectorem remitto. Habemus itaque, Solarem globum globo Terreno immutabili partium ſitu adaptari; Si enim globus Solaris confuſa quadam vertigine circumvolutus, polos, axim, plagasque Terræ congruas immutaret, certum eſt, omnium inferiorum, ſuperiorumque ſymmetriam mox confuſis naturæ juriſbus deſtructum iri.

Sed Lunaris Globus uti nobis vicinior, ita ſenſibilius quoque nobis ſui ad tellurem corporis adaptationem demonſtrat; in quo ſi nutationem & oſcillationem nonnullam excipias, tota axis polorum circuloſumque Symmetria, Terræ perfectè quadrare comperitur, quarum partium ſitum tam conſtanti

lege ſervat, ut proinde Aſtronomi Lyncei, globum Lunarem non ſecus ac Terreſtrem, in ſuos circulos, puncta, axim exactè terreſtribus correſpondentia diviſerint; hinc maculas, quæ diam globi plagam obtinent, æquinoctiales, quæ utrique Polo, in globo ſubduntur, pro Poli ſitu, nunc polares aſtrinas, nunc boreas denominarint; quam quidem partium ſingularum adaptationem, axisque ſui ad Terrenum axim æquidiſtantiam tantâ ſimilitudinis lege ſervat, ut ſive phaſium Lunarium vultibus immutatis, ſive aſcenſus, deſcenſusque in circulo motu alterato, nunquam à perfectæ axis ſui ad Terrenum axim adaptatione deficiat: neque à ſæculo auditum, Polares Lunaræ globi partes mutatis ſedibus æquinoctialis plagas motus ſui confuſa & perturbata vertigine tenuiſſe. Idem de globis Veneris & Mercurii dicendum eſt; Idem de Martis, Jovis, Saturni, ſentias velim: cujus hoc vel maximè ſignum eſt in Joviali globo, quod circa proprium Centrum agitatus, faſcias ſuas tubo optico non ita pridem manifeſtatas, ſemper Æquinoctiali parallelas deſcribat; huculentiffimum ſanè ſignum, totius globi molem, & axi ſuo, & reliquarum linearum, quæ in ea concipiuntur, apparatu, perfectè axi Terreno adaptatis, perpetuò & conſtanter Terreno globo motibus quantumcunque differentiis, dictum *παράλληλισμόν* affectare. Idem in globo Saturni contingere, comites eum ambientes ſat ſuperque demonſtrant. Quod autem de Planetis diximus, juxta eandem analogiam de Stellis quoque fixis ſentiendum eſt. Verum cum de hiſce, & ſimilibus fuſè in *Itinerario Extatico fol. 273*. egerimus, eò Lectorem remitto; & ut Lectorem curioſus mentem meam luculentius conſpiciat, hîc Figuram adjungo.

Itaque omnia Mundi globosa corpora perfectum ſemper ſitum noto-boreum, ſive ex Aſtro in Septentrionem, juxta Geocoſmi ſitum obtinent; hancque ipsis à natura inſitam ſituationem docent globi quicunque materiales, & ex quacunque materia conſtituti, quas ſi in loco plano currere permiferis, obſervabis, eos non confuſe & perturbata quadam vertigine, ſed polis ſuis perpetuò eaſdem, eaſque oppoſitas plagas reſpicientibus, motum ſuum explicare; quod ut luculentius pateat, duo oppoſita globi loca quæcunque, colore aliquo ſignentur, quem ſi hoc pacto ſuis ſignatum punctis, axi Horizonti parallelo, projeceris, videbis globum immutata lege, ſemper ſitu axis Horizonti parallelo, motum ſuum continuaturum. Cum itaque in globis cæteroquin indifferenti, axis, polorum, linearumque ſymmetriâ affectis, contingat, quantum magis in vaſtiſſimis illis Mundi corporibus, hanc ad Terram partium ſymmetriam ineſſe putabimus?

Concludo itaque primò, omnia Mundana corpora occultam quandam proprietatem, quam

Axes cœleſtium corporum axi Terræ parallelum ſitum habent.

Solaris globi ſitus ſui Terræ reſpondet.

Lunaræ globi ad terram adaptatio.

Globorum Veneris, Mercurii, Martis, Jovis, Saturni, ad Terram adaptationem eadem.

Globi Stellarum fixarum adaptantur Telluri.


quam directivam vocamus, habere à natura sibi insitam, qua ex Austro in Boream axi suo, perpetuò distenduntur; hoc enim pacto melius ad unionem in Universo conservan-

vandam conspirabunt; & ad Terram radiis suis influxivis foecundandam, cujus gratia condita sunt, perfectius adaptabunt; cum enim circa terram immobilem perpetuò ex

Causa finis
lis dire-
ctive hu-
jus virtu-
tis.

Magnetismus Globorum Astralium.

Septentrio.



Ortu in Occasum volvantur, certè naturæ quadam necessitate requiri videbatur, ut poli, axesque singulorum supernorum globorum, Terrestris globi dispositioni & situi, pari passu perfectè corresponderent: Sunt enim æternâ Divinæ Sapientiæ providentiâ globorum Cœlestium motus ita constituti, ut perfecta quadam sitûs symmetria, motuumque analogiâ perpetuò sese respiciant; sub hac, non sub alia positione, sese foveant, animent, conservent: Si enim situs, promiscua quadam volubilitate & perturbata vertigine immutaretur, tum corpora quoque, veluti violentum quendam statum sortita, ab operationibus suis, quibus reciproco quodam & innato influendi appetitu sese fovebant, mox ad insuetum, importunumque situm unâ cum interitu ultimoque Mundi excidio consequente, deficerent: Quemadmodum enim si Tellus Divinâ potentiâ, Polis ad Æquinoctialem converfis distor-

queretur, ex tam violento & incongruo situ totum rerum ordinem perire necesse foret, juribus naturæ jam immutatis; ita pariter, si Sidereus quispiam globus, sive is Sol sit, sive Luna, sive aliquis ex Planetis, ac stellis fixis; Polis suis immutatis, situm ad Terram, cæterosque sibi circumfisos globos immutaret; certum est, ex tam incongruo situ symmetriam totius, consensumque cum iis, quibuscum communicent, protinus destructum iri. Cum enim globos Mundanos circa proprios axes volutari, experientiâ constet, certè eos minimè confuso & perturbato ordine axes suos dirigere conveniebat, sed ordinis regula juxta æternum Divini Archetypi dictamen, immutabili lege lata poscebat, ut immutatis sedibus axium, motus suos circa Terram sua hac facultate directiva Notoborea describerent.

Concludo secundo, Hanc virtutem directivam

O

Magnetica
vis omni-
bus Mundi
corporibus
indita.

ctivam Notoboream Magneticam esse, & omnibus Mundi corporibus communem, à primis Mundi incunabulis iis inditam, utpote sine qua in perfecta sitûs adaptatione, tum ad reliqua sidera, tum potissimum ad terram factâ, conservari non possent: cùm sidereis globis per inania magni expansi spatia volubilibus, nihil facilius fuerit, quàm confusa axis directione, nunc in hanc, nunc in illam æthereæ semitæ plagam deflectere, nisi ad determinatum quendam respectum hac facultate veluti fræno quodam cohibiti, aut ab intelligentia motrice sub hoc situ juxta præscriptas ab Authore naturæ leges moti fuissent.

CONSECTARIUM I.

Hinc patet cur Terra Notoboreo situi Polis suis sese inviolabili lege coextendat, ita quidem, ut si quacunque de causa Poli ejus à nativis punctis dimoverentur, ea statim arbitrio suo permessa, naturali vi ad situm, unde abstracta fuerat, sese sit adaptatura; sub hoc enim situ, non sub alio, reciprocis influxibus sese foveant, roborant, animant, tum ad sui, tum ad Univerfi conservationem institutis. Tellus itaque corporibus cœlestibus sub hoc situ sese accommodat, quia cœlestia corpora eodem pariter situ partes suas coextensas habent; ita ut nec Tellus, nec corpora cœlestia ad operationes à natura præscriptas perficiendas, situm meliorem habere possint: sub hoc enim meliori, quo esse possunt, modo existunt, ut sint, ad quod sunt.

CONSECTARIUM II.

Hinc patet quoque, Cur globos cœlestes natura, hac directiva facultate Notoborea, ad Telluris situm conformes esse voluerit. Ut nempe Telluris superficies sub Notoborea hac extensione sapientissimo sanè naturæ consilio, calorem Solis, Lunæ, Stellarumque magna intensiōis graduum differentia suscipiat, differentesque noctium dierumque vicissitudines nanciscatur, sub Zona enim torrida perpetua dierum noctiumque coequatio, uti summum calorem perpendiculari suo influxu suscitatur, ita Suppolares plagæ sex mensium ex obliquissimo Solis aspectu, diem obtinuerunt; ut perpendiculari Solis efficacia sub torrida Zona causatum 12 horarum calorem, sex mensium Solis supra horizontem mora recompensarent. Secundò, ut Sol annuo motu suo per obliquam Zodiaci fasciam devolutus, universum globum lustrando, quatuor temporum, Veris, Æstatis, Autumni & Hyemis, stationibus constitutis, generationes & productiones rerum promoveret; quod minime futurum esset, si Terra hac virtute directiva Notoborea destituta, incertâ vacillatione hinc inde fluctuaret. Pendet itaque ab hoc Terræ situ Solisque annuo motu, tum tota

Astrorum
effectus in
Terra.

Omnis an-
nua varie-
tas de-

illa rerum innumerabilium varietas, tum dierum noctiumque, caloris, tenebrarumque in universa globi superficie tantopere necessaria vicissitudo, utpote sine qua consistere non posset. Hac eadem prorsus ratione analogiæ filum sequendo, cæteri Mundanorum corporum globi hac Notoborea directione à natura instructi sunt, ut, cùm corpora mista sint, & diversis virtutibus foeta, pro diverso Solis supra horizontem illorum ascensu descensuque, diversimodè afficeret, & nunc intensos, modò remissos caloris gradus producendo in iis, eosdem, quos in Tellure effectus, produceret, conservationi globorum consentaneos; quæ omnia in Lunari globo luculentissimè patent: Sol enim sicuti in Australi plaga constitutus, in Borea terræ plaga caloris decrementum adducit, sic & in Lunaris terræ, cæterorumque globorum Borea plaga, & contrà in Borea constitutus in iisdem augmentum caloris efficit, ita quidem, ut quæ passiones ex clymatum diversitate Terræ obveniant, eadem suo tamen modo, & singulis reliquis globis, prout necessitas eorum postulat, obvenire putandæ sunt; ut sicuti omnia ejusdem naturæ dominio substant, ita principium motûs & quietis omnibus esset commune.

Visa itaque mirifica supernorum corporum Magnetica quadam virtute sibi colligatorum cum Tellure unione & symmetria; jam quænam illa sit magnetica vis, & utrum per se sufficiat, ad tantam molem sua virtute stabiliendam, hoc loco exponemus. Dico itaque, hanc virtutem nihil aliud esse, quàm virtutem quandam directivam Notoboream, qua sese tum cætera corpora, tum Tellus potissimum ex Austro & Borea inviolabili lege axi sua extendit; unde non incongruè Magneticum corpus audit, & luculenter ejus à Polo ad Polum compaginatio docet, uti fusissimè & variarum tum experientiarum, tum observationum frequentia in *Arte Magnetica lib. 1. p. 2.* demonstravimus, quæ ne hoc loco repetam, ad ea Lectorem remitto.

Cum itaque tellus hac virtute ex se indifferens ad quemvis situm sit, indifferentia verò hujusmodi irremediabiles in natura defectus causari posset; virtute quadam directiva, quâ inter debitos naturæ terminos remaneret, indigebat, quem Magnetismum appellamus, & ne Geocosmos in incertum nutando, fluctuandoque confusione omnia involveret, hoc veluti fræno indigebat; nutatio verò, titubationisque inconstantia successu temporum ex varia Terreni corporis intrinseca tumultuatione, frequentibus diluviis, inundationibus, terræ motibus, Insularum, Regionumque absorptionibus, similibusque eventuum, quibus plena sunt historicorum monumenta, prodigiis, evenire poterunt, quibus cùm Centrum gravitatis Telluris mirè alteretur, & à genuino suo situ distorqueatur,

pendet à
Solis &
Terræ ad-
aptatione.

Quænam
sit vis Ma-
gnetica
globis in-
dita.

queatur, certè virtus hæc ad eam in medio semper continendam, & ab omni mutationis titubationisque periculo vindicandam, perquam necessaria erat. Sed dices gravitatem Terreni corporis innatam hoc præstare potuisse, ut proinde superflua hæc ei facultas superaddita videatur.

Terra duplici virtute prædita, gravitate & magnetismo.

Dico itaque, duplici Terram qualitate conservationi ejus apprimè necessaria à natura præditam, gravitate videlicet, & verticitate Magnetica: istius officium est, Terram in Centro fixam, hujus verò, eandem ad fluctuationem impediendam, polariter directam tenere, quam nos verticitatem appellamus, & nihil aliud est, quam motrix quædam facultas seu qualitas, qua peculiaris motus Magneticus efficitur, & quies: Cùm verò Tellus secundum majorem partem corpus sit homogeneum, & similitum partium quoad saxeam structuram simplicem quoque, & per totum corpus æqualiter diffusam qualitatem habere eam necesse erat. Præterea cùm Tellus non confuso, sed certo & determinato situ ex Austro in Boream porrigi debeat, eam sanè qualitatem merebatur, quæ in duos eam disponderet terminos, ita ut qualitas cæteròquin simplex, in terminis tamen, imperio veluti partito, juribus uteretur diversis; quod sapientissimè à natura constitutum esse, quis non videt? Si enim utrique Terreno Polo, in unum & eundem polum æqua esset vis & eadem potestas, non esset ratio, cur Austrinus v. g. Telluris polus, Arctico potius, quàm Antartico, & conversa ratione Boreus huic potius, quàm illi subderetur. Malè igitur Telluri provisum esset, cùm eà vi fluctuatio ejus nulla ratione impediri posset, ac sæpè contingeret, ut altero polo, Telluris in polum converso, alter hinc inde temerè aberraret, quemadmodum ex dictis patet. Ut igitur maxima hæc inconvenientia vitaretur, ejusmodi ei qualitas debebatur, quæ & diversis frueretur terminis, simulque divisa in totum, uteretur dominii potestate, qua quidem efficiebatur, ut certus polus, certum polum sibi convenientem & consentaneum incessabiliter & necessariò appeteret, amaretque; alium verò, utpote extra jurisdictionis suæ limites constitutum, remis velisque fugiens, tanquam naturæ suæ contrarium inconvenientemque pertinaciter declinaret; dum igitur quisque plagæ suæ jura defendere nititur, fit ut tota qualitate in contrarias partes nitente, totus globus in utrumque polum, polo utroque nitens, indeclinabiliter medio fixus hæreat Geocosmus.

Hac igitur ratione Tellus in illa à polo ad polum constituta compaginatione sua, possidet vim Magneticam & verticitatem, qua se in polos disponat, & conservet sic dispositam; & habet vim non in se solum hanc verticitatem, sed & in omnibus aliis proportionatis & consimilibus corporibus, si intra orbem Magneticæ qualitatis fuerint constituta,

producendi. Præterea notum est in homogeneis substantiis, partes non toti tantum assimilari, sed & ejusdem omnino cum toto essentiae esse & naturæ, ita ut singulæ proprietates & accidentia toti convenientia & partibus necessariò convenient. Cùm igitur Magnes, totius homogenei vera & homogenea pars sit; quin & genuinus sit Telluris filius, è semine terræ vero & naturali exortus, verbo, ei consimilis prorsus & proportionatus; fit, ut totius quoque affectiones participet; unde is aëreo subvectus carpento, ac Magnetico illo Terræ vires suas undequaque disseminantis profluvio congruenter affectus, ad totum se conformando, eam, quam terra parens affectat, sitis motionisque rationem, & ipse affectet, conceptumque à terra vigorem non in se solum, sed in omnibus aliis capacibus, proportionatisque corporibus exerat. Sicuti igitur Tellus ad polos Mundi, ita & Magnes ad polos Terræ quoque dirigitur, quia ita ad terram confluit, & à forma totius globi ita disponitur, ut tota Terræ substantia postulat: quia ergo totius Terræ positio per ordinem ad polos situata est, idè hæc etiam illius homogenea pars cum toto consentit, idè tam avidè omnes Matris virtutes in se exprimere nititur. Cur autem metalla & reliqua corpora gravia non ita disponantur, causa est, quod primigeniæ & genuinæ, veræque Terræ partes non sint, sed mutatae & sputiis quibusdam materiis vitiatae. Iterum cùm omne Ens in bonum suum internum, conservationemque naturaliter & necessariò feratur; Magnetis autem bonum sit, conformatio sui ad situm & positionem Terræ, sive totius, à quo perpetuò fovetur, & conservatur. Dirigitur ergo in polos propter internum bonum, & commodam conservationem, ut videlicet accommodando se ad situm & positionem Terræ, ab ea adjuvetur, & confortetur: Hac quoque ratione levia sursum, deorsum gravia, tanquam in locum, in quo commodè cum toto existant, intentum feruntur; hinc partes aquæ in guttas conglobantur, ut & unionione partium se contra siccitatem hostilem defendentes commodius existant, & toti elemento, insitâ sibi vi, circularem affectantes superficiem plenius conformentur. Hac de causa omnia vegetabilia seu germinantia sursum feruntur, quia hic est situs eorum, quem in bonum sui naturaliter appetunt; ergo & Magnes dictum situm idè amat; quia ita fovetur, & conservatur, & non aliter. Quòd si is non eo in situ, quem Terra habet, inveniretur, contra naturalem inclinationem maneret: ne igitur ab hac contrarietate violentiam natura pateretur, sese convertendo ad situm Magnetis conformat, ita propter Mundi concentum, ac partium Mundi perfectarum & homogenearum ad totius analogiam, viriumque præcipuarum in illis convenientiam mutuam, ad continuationem, positionem, directionem, & unitatem, ad terreni

Magnes, totius Telluris vires affectat.

Officium magnetice virtutis.

Inclinatio cujuscumque rei ad certum situm.

Orbis Polos, Magnes vigore illo suo radicali, & formali efficientia disponitur, ita ut remotum hujus verticitatis principium, ipsam formam seu essentiam Magnetis, proximum autem & immediatum, istam *δύμορφον*, seu biformem qualitatem, quæ in oppositas partes

nitens, corpus, in situm toti convenientem disponere contendit, statuamus: Unde & patet, hanc verticitatem non ab extrinseco quopiam agente Magnetem immutante, sed per intrinsecum principium & propriam formam fieri, quod benè notandum.

CAPUT XVIII.

Geocosmus sive Corpus Terrenum minimè homogeneæ sed heterogeneæ naturæ est. Et de mira rerum varietate & panspermia qua corpus Terrenum constat, & quodnam verum & proprium elementum Terre sit.

Sunt quidam Philosophi, qui putant, Geocosmum quoad extrinsecam tantum superficiem, heterogeneum esse, minimè quoad interiora, eaque profundiora Terræ viscera, ubi purum illud Terræ elementum latere putant; sed uti similes omni rerum experientia destituti, solis ab omni materia abstractis contemplationibus distinentur, ita in innumeros quoque eosque perabsurdos errores labi, nullum dubium esse debet ei, qui abdita naturæ miracula penitus novit.

Mundus
varietatis
rerum
amans est.

Sciendum itaque est, Geocosmum sive Mundum Terrenum, hoc ipso, quod Mundi nomen possideat, varietate necessariò gaudere; non secus ac Mundus major & minor, quem Megacosmum & Microcosmum Græci vocant; Est enim de Mundi essentia, innumera rerum varietate, tum ad ornatum, emolumentumque Universi, tum ad infinitam sapientiam conditoris commonstrandam, pollere. Si itaque Mundus unum & idem semper produceret in se; neque totum, neque partes consistere, neque in unionem totius conspirare possent, sed tota hæc conspiratio non nisi varietate rerum, & in admirandis consensûs dissensusque naturalium rerum legibus à natura præscriptis, quo unum dum bonum sui procurat, mox sibi noxium quoque atque perniciosum insito appetitu, omninif à se removet, consistit, & dum omnia apertis dissidii & amicitiae vinculis colligantur, universum unà cum partibus suis in perfecta unionem & absolutissima ex consonis & dissonis conflata harmonia, uti in *Musurgia* demonstravimus, conservatur.

Geocos-
mustotus
ex hetero-
geneis re-
bus consti-
tutus.

Geocosmus itaque ad majoris Mundi analogiam constructus, minimè homogenea quadam substantia coagulatus, uti vulgares & simplicioris ingenii Philosophi arbitrantur, censeretur debet, sed innumerabilium rerum panspermia à primordiis rerum sibi indita pollet, ad eam rerum varietatem producendam, quotidiana experientia docti non sine admiratione intuemur. Nam, uti in *Itinerario nostro Extatico* ostendimus, tot sunt differentes rerum virtutes terrestris globi substantiis inditæ, quot in majori Mundo Astorum, stellarumque innumerabilium diversæ

virtutes sunt & proprietates, quæ omnes virium suarum emanationem vel immediate, uti Astra inferiora, vel mediantibus aliis intermediis, ut superiora, in Terram diffundunt. Sed ut paulò propius ad propositum nobis scopum accedamus. Est ossatura seu structura Geocosmi, magnetica quædam & saxeæ à Polo ad Polum compaginatio, quæ tamen minimè homogeneæ naturæ. ad instar puri magnetis censeretur debet, sed insuper præter magneticas fibras innumera corporum, diversissimâ naturâ pollentium, miscella constat. Sunt in nonnullis locis corpora metallica & mineralia, at non unius generis, sed magna providentia hinc inde ita distributa, ut sicuti non omnis fert omnia tellus, ita in uno loco aurum, in alio argentum, in quibusdam ferrum aut cuprum, in nonnullis plumbum, stannum aut hydrargyrum tantum producit. Sic quædam telluris partes diversos lapides preciosos, aliæ diversas herbarum, plantarum, aromatumque species exhibent; aliæ diversa marmorum genera, aliæ diversas animalium species sibi proprias producant; quæ omnia ex diverso Terrestrium portionum temperamento originem suam nanciscuntur. Sunt in Terreno globo innumerabiles diversissimarum rerum venæ per universum Telluris corpus diffusæ, quarum aliæ substantiam terream & lutosam, alia argillosam aut pumicosam seu tophaceam, alia metallicis succis plenam, alia pulveribus & arenaceis molibus oppletam producant. Quid dicam de diversitate substantiarum, quæ è fundo maris extractæ, se spectandas exhibent? Ausim sanctè affirmare, vix ad pauca milliaria aditum patere, quo non aliis & aliis terrestrium portionum proprietatibus Tellurem imbutam videamus. Verum cum hæc omnia sequentibus tractatibus reservaverimus, hic longiores esse, superfedendum duximus. Utrum autem hæc panspermia rerum, & summa varietas à primordiis rerum Telluri fuerit concreta, an successu temporis hac virtute Solis & stellarum imbuta fuerit, restat explicandum.

Mundi spi-
ritus.

Ossamen-
tum Ter-
ræ quale.

Diversa lo-
ca diversa
proferunt

Venæ sub-
terraneæ
diversæ
speciei.

Divina sapientia ab æterno humano generi destinans habitaculum, quod ex æternitatis puncto in temporis plenitudine evoluitum,

Conditio
rerum
omnia
Mundi se-
mina Geo-
cosmo in-
didit.

tum, tanto artificio constituit, ut quicquid in universo Mundo rarum & eximium est, quicquid virium & proprietatum coelestibus globis, quorum non est numerus, inexistit, in hunc Geocosmum derivasse videatur. Cum enim Orbis Terrarum in varia distinctus climata, varium ad Solem, Lunam, stellas aspectum haberet; ex hoc sanè tam multiplici respectu, aspectuque coelestium corporum, necessario magna & incredibilis rerum, sive mineralis, sive vegetabilis sentientisque naturæ Oeconomiam species, varietas & multitudo consequeretur; diversus enim Solis, Lunæ, stellarumque globi variis, atque reciprocis cæterorum globorum influxibus imprægnati aspectus, nunc in hanc Terræ plagam, directus; jam in illa declivis acutusque, modò obtusus, quid, inquam, non in Terram poterat? Accedit, quod universa Telluris moles jam ante, pro necessitate uniuscujusque climatis, semina unicuique rei propria sibi concreata habebat, quæ caloris obstetricantis virtute foecundata, animataque in innumerabilium rerum sobolem emerferunt. Telluri verò semina rerum concreata, aperte, sacra *Genesis* docet c. I. n. II. Et ait: *Germinet Terra herbam virentem & facientem semen & lignum pomiferum faciens fructum juxta genus suum, cujus semen in semetipsis sit supra Terram; Et factum est ita.* Terræ itaque panspermia seu omnium rerum spermatica commissio concreata fuit. Quoniam verò hæc panspermia necdum ex potentia in actum educeretur ante aquarum separationem, Aridæque detectionem, sed virtute indigebat ex alto, cujus influxibus conservata, semina rerum in germina, folia, flores, fructus educeret: hinc statim subnexuit *Genesis*, Solis, Lunæ, stellarumque productionem, juxta quarum influxus luminosoque activobolismos ita Terram disposuit, ut inde pro certa temporum climatumque constitutione infallibilis vegetabilium effectus consequeretur: atque adeò principium activum passivo, paranympho Deo, conjunctum, tum primùm totius vegetabilis naturæ propagationem continuavit. Deus itaque ineffabili sua sapientia primùm juxta indigentiam cujusque regionis, Telluris corpori semina diversis plantarum speciebus producendis apta comproduxit, sed influxus corporum coelestium postmodum successu temporis illa in animam viventem & vegetabilem ad perennem specierum propagationem exclusit; Sine calore enim & luce, torpida & mortua omnia jacebant. Qualia verò hujusmodi semina fuerint, ex quibus coaluerint principiis, sequentibus docebitur. Pari pacto post Solis, Lunæ, stellarumque productionem, immediate *Genesis* Aquatiliū, volatiliūque productionem subjunxit. Terra siquidem voce Dei personante, protinùs juxta naturam & proprietatem aquarum, fluminum, mariumque varia natatiliū genera unicuique loco propria

Panspermia quid?

Procreatio
Aquatiliū
anim-
malium
volatiliū-
que.

educta sunt, in sua specie perfecta, quæ postmodum cooperante cælorum influxu per generationem propagata omnes Geocosmi partes expleverunt. Sicuti itaque non omnia maria, eadem animalia, eosdem pisces producant, sed pro aqueæ regionis natura temperamento in diversis fluminibus, lacubus, maribus, diversos; ita & sexto die pari analogia non in omni Telluris parte, eandem terrestrium animantium productionem expedivit. Hinc Indica tellus Elephantum, Rhinocerotum, aliorumque nobis incognitorum animalium, subjectum, è quo formarentur, præbuit. Asiatica tellus Camelos, Leones, Tigres; Africa Struthiones, Dracones, Simias: America omnia à reliquis differentia. Europa Equos, Asinos, Boves, Oves, &c. temperamento suo consentanea animalia exhibuit. Hinc patet, cur Indica, Asiatica, Africana & Americæ animalia adeò ægrè Europæo Cælo assuescant; & contra Europæa reliquis Orbis partibus; quia peregrino Cælo, & naturæ eorum minimè consentaneo utuntur; & quia patrium solum, ex quo originem suam habuerunt, solum ipsa benè afficit, nutrimentumque naturæ eorum conveniens præbet, à quo si divellantur, mox veluti à patrio Solo extorres, dum ipsa improporionatam, peregrinamque Cæli, aëris, terræque plagam sustinere nequeunt, mox deficient; vel si subinde durent, ita tamen à nativo temperamento desciscunt, ut aliam prorsus formam, indolemque induant. Quæcunque autem de animalibus dicta sunt, illa de vegetabilis naturæ sobole pari pacto intelligenda sunt, uti suo loco uberius per inductionem rerum comprobabitur, ubi & fines alii tantæ Metamorphoseos indicabuntur. Ex situ itaque ac terrestrium climatum dispositione & natura diversa, diversa animantium, vegetabiliumque natura dependet, quæ quidem ita verificantur, ut vix sit regio, quæ non aliquid ab alia, sive naturâ, sive qualitatibus differens producat; quæ omnia ex primordialis seminis miscella, qua Mundus Terrenus imbutus fuit, originem suam trahit, quæ à supremo Architecto, ita tempori, loco, cæloque adaptata fuerunt, ut inde incredibilis illa rerum productarum varietas, quam miramur, necessario resultarit. Mineralia verò, uti ex immediatis principiorum naturæ, elementorumque seminibus, per universam telluris molem dispersis emanarunt, ita indifferenter quoque situm sortita sunt; hinc fit, ut dum nullum respiciunt clima, communis apud omnes nationes juris facta, felici suo proventu nullam non regionem in aliis plus, in aliis minus, beent.

Mira Regionum
diversitas
in produ-
cendi re-
bus.

Cur ani-
malia In-
dica adeo
difficiliter
Europæo
cælo as-
suescant.

Mineralia
cur ubique
ferè loco-
rum repe-
riantur.

Porro unum adhuc dubium explicandum restat, & est, quod sequitur. Si Tellus tanta terrestrium partium diversitate constet, quæri meritò potest, quodnam & ubinam verum & proprium, homogeneumque Terræ elementum sit? quod ut solvatur.

An detur
verum &
proprium
Terræ ele-
mentum.

Sal Terræ
elemen-
tum.

Omnia
corpora
Mundi ex
sale suam
laxatio-
nem ha-
bent.

Nullum
datur pu-
rum ele-
mentum.

Suppono primò. Terrenam substantiam duplici ratione hoc loco considerari posse: primò in quantum pura, & ab omni turbida diversissimarum rerum miscella purgatissima substantia est. Secundò, in quantum pro impura substantia, & heterogeneæ materiei confluxu variè coagmentata est, accipitur. Priori modo elementum, ex quatuor unum à nobis constituitur; atque nihil aliud esse dicimus; quàm Salis substantiam, veluti animam quandam & formam Telluris, quartum & ultimum rerum omnium elementum; hoc enim omnibus Mundi rebus necessariam præbet coagulationem, corpusque durum, ac densum; aptumque ad subsistendum producit; ita quidem, ut nullum in universa Geocosmi œconomia mixtum reperiatur; quod non ex hoc suam suscipiat soliditatis firmitudinem; quæ omnia Chymicis experimentis in hoc Operis decursu, Deo dante, comprobabimus. Impuræ verò Telluris portiones, elementum dici minimè possunt, sed veluti puri elementi quoddam excrementum & menstruum, quo natura ad grossitiem, crassitiemque terrenorum corporum constituendam cumprimis utitur; & quoniam hujusmodi excrementitiæ partes Telluris non ita perfectè & firmiter uniuntur elementi; hinc quoque necessariò dissolutio unionis partium eas ad interitum destinat; quantò verò res nonnullæ firmitus uniuntur elementorum confluxui, tantò à corruptione remotiora incorruptibilis quandam substantiæ rationem induunt, ut in auro patet. Dixi superius, puram Telluris substantiam, quam Salem diximus, elementum verum & proprium terrestre constitui, non quod Salis elementum ita purum sit, ut nihil prorsus admistum habeat heterogeneum; hoc enim pacto nullum in natura rerum elementum reperitur; Est itaque Terræ elementum propriè nihil aliud, quàm purissima Salis substantia per universum Telluris corpus diffusa, omnium virtutum, quæ in Geocosmo elucescunt, mixtorum subsistentia, causa, & fundamentum.

Neque putes velim Lector, illud terrestre

elementum quod purum diximus, Salem illum nostrum usualem, aut salnitrum, vitriolumve aut simile quoddam hisce salinum sensibile corpus esse; sunt enim hujusmodi corpora nihil aliud, quàm terrestris elementi fæx, excrementum, indumentumque quoddam, quo forma elementi veluti anima corpori suo involuta admirandas operationes suas perficit; Sed hunc dicimus spiritum quandam, quamvis corporeum, insensibilem tamen incorruptibilemque in Centro salini corporis residentem, ex quo virtutis suæ diffusis radiis, singulis mixtorum speciebus ea emolumenta, quæ ad firmam, fixamque mixti subsistentiam maximè necessaria sunt, modo hujus elementi proprio, concomitantibus tamen reliquis elementis, confert; Latet enim in hoc, non secus ac in spermate & plasmatica ejus facultate, nescio quis divinus opifex, qui in imo corporis recessu operatur absque omni instrumento & sine tumultu, operaque producit admiratione dignissima, incredibili rerum dissimilinarum varietate referta, & omnia ex rudi & informi quoad sensum, materialis substantiæ indumento, in qua uti nulla dissimilitudo, ita nulla varietas sensibus sese oggerit. Quæ quidem salina corpora, cum nulli terrarum loco desint, imò in omnibus mixtorum speciebus, occultis condita latebris abdantur, & non nisi spagyrica arte in lucem deducantur, certum salinum corpus materiale terrestris elementi rectè à nobis constitui vel inde patet, quod uti ad compositionem mixtorum apprimè necessarium est, ita natura illud per universi Geocosmi corpus in intimarum ejus partium fibras diffusum, nullibi deesse voluit. Nemo itaque quærat in Centro Terræ, nescio quam Terram veri elementi terrestris constitutivam; nemo certum cretæ, argillæ aut gypsi genus; nemo, nescio quas arenas aut pulveris substantiis terrestribus adnexas: Salinum corpus unicum & solum terrestris elementi constitutivum esse, divinum illud Empyricæ artis studium jam dudum sat superque nos docuit. Sed de his in sequentibus ex professo.

Quid pro-
prie sit Sal,
qui ele-
mentum
Terræ dici-
tur.

Mira vis
Salis.

Sal omni-
bus inest.

C A P U T XIX.

De interiori Geocosmi constitutione, officinis & Analogia ad humani corporis membra.

Neminem tam simplicis ingenii Philosophum esse arbitror, qui sibi persuadeat, Terrenum globum tumultuaria quadam luti coacervatione coalitum, perfectæ soliditate sine ullis relictis cavitatibus constituisse: esset enim indignum Philosopho phantasma; quin imò certum & indubitatum omnibus sit, æternam Dei sapientiam κοσμο-τεχνίτην, uti nihil tumultuarium, nihil confusum, indistinctum & ἀτακτον in natura re-

rum constituit, ita quoque Geocosmum, ultimum conditorum operum finem, summâ sapientiâ, consilio æterno, ordine ineffabili, & ratione quadam humano ingenio incomprehensa constituisse: Ridiculum enim, ne dicam stolidum foret, ingens Regis alicujus palatium quoad extrinsecum tantum ornatum, picturas, Cimatia, Zooglypha, fenestrarum ordines, & similia decoris & magnificentiæ τεμπέλει forinsecus, inquam, tan-

tummodò considerare, reliquum verò internæ supellectilis apparatus, conclavium amplitudines, substructionum profunditates, deductiones aularum, officinarum ordines domui rectè administrandæ necessarias, aut non esse, aut nullius usui esse putare.

Geocosmi
summa re-
rum par-
tiumque
varietas.

Ædificavit divina Sapiencia domum hanc humano generi destinatam, ea rerum omnium vitæ humanæ necessariarum copia & ubertate instructam, ut sicuti in extrinseca superficie innumera rerum varietate instructa fuit, sic internam hujus Oeconomiam iis adminiculis instituit, ut externa rerum facies subsistere minimè potuisset, si non internæ domus abditum corpus pari apparatu instru-

Similis est
Geocos-
mus Mi-
crocosmo
quo ad in-
ternam fa-
bricam.

xisset: Quemadmodum enim Microcosmum, id est, externum hominis corpus, mira quadam varietate membrorum condecoravit, ita non destitit majori concatenatione membrorum internum hominis corpus adornare. Vides in hoc principalia membra, Cor, hepar, pulmones, stomachum, cerebrum, renes, lienem, veluti officinas quasdam, in quibus quatuor humores diversimodè digesti, per innumeros canalium, id est, venarum ductus, multiplices & muscutorum, cartilaginumque fibras, membra, mutua sibi digestorum humorum reciproca communicatione auxilio esse possent; ne uno deficiente membro totum destrueretur. Vides, quomodo stomachus nutrimentum extrinsecus assumptum concoquendo digerat, digestum in chylum convertat, & per venas mesaricas in sanguinis officinam, Hepar, ibi ulterius elaborandum transmandet; Hepar verò vitæ spiritibus imbuendum, partim in cordis fornacem destinet, ut inde actuatam perfecta pericyclofi, id est, circulatione per systolen & diastolen in universas corporis venas diffusum, totam vitam spiritibus, vitalibusque motibus, quos musculis & cartilaginibus communicat, repleat. Vides id, quod in sanguine serosum, Renes; quod excrementitium, Lienem, sibi vindicare, crassam verò & excrementitiam faciem per sinuosa intestinorum volumina per secessum sese exonerare. Quoniam verò aura, qua totum corpus perficaretur, & tum ad respirandum, tum ad cordis sanguinisque inde scaturientis æstum temperandum, necessariò indigebat, summa sua providentia pulmones cordis penuario apposuit, quorum continuo motu, tum attractivo, tum expirativo naturæ intentio completur. Cum verò corpus humore quodam universali, ne internorum membrorum organa æstu arefacta spiritibus destituerentur indigebat, ecce tum stomachus, tum reliqua membra per occultos meatus, cerebrum veluti fornacem quandam evaporando petunt, ubi nativâ frigiditate in humores resoluti, omnia membra humore ad functiones rerum rectè administrandas necessario, veluti benefico quodam irriguò perfluunt. Vidimus, quantum ad propositi nostri rationem

Humani
corporis
mirabilis
fabrica

sufficit, internam Microcosmi constitutionem, officinas lustravimus, officia singulorum membrorum exposuimus; jam, quod eadem prorsus analogia Mens Dei architectonica Geocosmum constituerit, videamus.

Microcosmum duobus principiis in suo esse conservari novimus; externo & interno: Externum, Cælum est, Solis, Lunæ, stellarumque influxus; Internum, sunt membra vitalia, ita externo principio connexa, ut utrolibet sublato, totum meritò destrui censeatur. Gaudet & iisdem prorsus principiis Geocosmus, sive Terrenus Mundus, quorum uno sublato, totum in operationibus suis deficere necesse est. Cælum, uti suo loco ostendimus, nutrimentum suppeditat uberrimum, quod Tellus intra viscera susceptum actuat, concoquit, digerit, & digestum reliquis interioribus membris per abditos canaliculos distribuit, tum ad metallorum necessariam genesin, tum ad exterioris oeconomiae familiam copioso proventu beandam. Sed hæc alimentorum distributio minimè fieri posset, si Geocosmus aptis ad digerendum, concoquendum, distribuendumque officinis, ductibusque occultis in singulas derivatis destitueretur, uti fuse in *Itinerario Exstatico in Mundum subterraneum* docuimus. Qualia autem ista sint, jam tempus est, ut aperiā; quod ut *εὐμεθόδως* fiat, in iis exponendis boni Anatomici partes per paragraphos ordine explebo.

Geocosmi
fabrica
Microcos-
mo paral-
lela.

§. I.

De Subterraneorum receptaculorum officinarumque constitutione.

Quemadmodum in Microcosmo nonnullæ officinæ seu receptacula, ut Cerebrum, Hepar, Vésica, humore exuberant; quædam vitalis ignis calore æstuant, ut Cor; aliquæ aëreo spiramine turgent, uti pulmones; quædam, uti renes, lien, faculenta materia opplentur; pari pacto in Geocosmo à provida natura humoris aquarumque receptacula, aptè constituta sunt, quæ cum sine calore conservari non possent, adnexa sunt alia ignis promptuaria, quibus aquarum foetura quadantenus animaretur; quia verò nec ignium Vulcaniæ officinæ sine aëre consistere poterant, sapiens naturæ Opifex ineffabili providentiæ suæ dispositione alia in utroque fomentum, aërea disposuit receptacula, quæ occulto meatuum commercio ignem, ne extingueretur, aquam verò ne putresceret aut congelaretur, ad perennis motus continuationem, conservarent; quoniam verò frustranea foret hujusmodi elementarium receptaculorum distributio, nisi esset, in quod agerent; hinc alia constituta sunt terrestria, omnigenâ seminalium rationum miscellâ imbuta naturæ penuaria, in quæ abdita quadam negotiatione aquarum, igniumque

Aërophy-
laci

que officinæ continuè agentes, innumerabilem rerum foeturam educerent. Exposuimus officinas, jam ordinis ratio postulat, ut singulas recensitas officinas ordine, tum ratione, tum autoritate confirmemus.

Verùm, ut appropriata harum officinarum nomina haberemus, aquarum receptacula, Hydrophylacia; Ignium verò Pyrophylacia; Aërophylacia aëris; Terrestris verò miscellæ penuaria Geophylacia, veluti aquarum, ignium, aëris & terræ custodias, rectè nuncupanda duximus. Quibus monitis jam ad scopum.

§. II.

De Geocosmi, seu Terreni Mundi hydrophylaciis.

HYdrophylacia fontibus, amnibus, lacubusque producendis, intra montium altissimorum viscera constituta sat superque profecuti sumus suprà cap. 6. & in *Itin. II. in Mundum subterraneum*. quo in loco pariter omnes nobiliores fluvios lacusque, quibus Geocosmus veluti fimbriis quibusdam vestitur, & quæ ex enumeratis montium penetrabilibus originem trahunt, recensuimus; Modò de Hydrophylaciis, quas abyssos vocant, non superficiei horizontali vicinis, sed intra cæca profundioris Telluris viscera in eximios à natura fines conditis dicendum restat. Esse autem inter Geocosmi viscera huiusmodi abyssos aquarum, aded certum est, ut vel ipse Sacer textus *Psalmodographi* eas apertis verbis innuat. *Psal. 41. Abyssus abyssum invocat in voce cataractarum tuarum*: Ubi plerique Interpretes, abyssos ad sensus mysticos, tropologicos, anagogicos detorquent, literali tamen insistentes sensui, Abyssum in sacris literis profundissimam aquarum voraginem, cuius fundus explorari nequeat, appellant, in intimis terræ partibus constitutam, de quibus vide *Lorinum* in citatum *Psalmi* locum; & sequens *Psalmi* versus luculenter profunditatem ejus explicat his verbis: *omnia excelsa*, & juxta paraphrasin Chaldaicam, *omnes montes tui, & fluctus tui super me transierunt*; Ubi per excelsa, terrarum, & montium celsitudo, qua ab abyssu erutus erat, & per fluctus maris, immanis aquarum vastitas, qua operitur, connotatur; Unde & *Psalmistæ* alio loco in abyssum abductus, & divina miseratione ex ea reductus clamat, *de abyssis Terra iterum reduxisti me*. Abyssos itaque esse, pluribus in locis Sacra Scriptura memorat, ex quibus tanquam horridis & inaccessis voraginibus, occasionem eas ad morale & mysticum sensum detorquendi, ejus sumpserunt Commentatores; In has enim, mare per immensa internorum scopulorum præcipitia devolutum ingentes fremitus, fragoresque formidabiles excitat; quod & verba innuat citati versûs, à voce *Cataractarum*

Abyssus
quid sit.

tuarum. Et huiusmodi abyssos plurimas esse intra intima Terræ viscera conclusas, ab effectibus deducimus elucescentibus in nonnullis Lacuum, Marium & Oceani locis aded profundis, ut omnem bolidis quatumvis immensæ facultatem respuant. Inter quæ & gurgites seu vortices, Euripique numerantur; quorum nonnullos hoc loco ad abyssorum confirmationem adducemus; quorum cum primis celebris & maximus in Oceano Septentrionali ad eam Norwegiæ partem, qua à Lappia dividitur, spectatur: Nam testibus omnibus ferè Geographis tredecim in circuitu milliaria habet, cuius Centrum rupes occupat, *Muske* ab Indigenis dicta, cuius ea voracis naturæ vis est, ut sex horarum spatium omnia quæ casu in perpetuè agitata voraginis craterem illabuntur, mox ac vel ultimam circumferentiæ oram attigerint, vastos aquarum acervos, balenas, onerarias naves, aliasque res veluti vertigine agitata absorbeat, totidem verò horis inglutita revomat, & magno impetu, incredibili cum fragore & fremitu, qui non sine formidine auscultantium remotissimis in locis percipitur, eructat, cuius causam sequenti libro, Deo dante, aperiā. In sinu Maris Persici similis spectatur ad Promontorium Mossendam vortex, cuius vim abditam, quia consideratione dignissima est, hîc verbis oculati testis in *Itinerario suo Orientali* recensitam, hoc loco apponam. *Est locus, inquit, in sinu Persico periculosissimus, ac ordinariè tempestatibus agitatissimus: In promontorio quippe Mossendam sunt plures scopuli, quos vocant Salemas. Inter quos unus ita ad promontorium accedit, ut angustum Mari vix iactus lapidis præbeat aditum; Ibi mare, etiam dum alibi tranquillum est, continuè fervet, ac tam magnos edit vortices, ut in medio illorum, maximè dum mare agitur, per aliquod spacium possit lapis magnus dimitti, absque eo quod aquam tangat, propterea infestus & periculosus est ibi Nautis transitus; nullusque transit mari turbato; ipso verò quieto, remis illud decurrunt; rapidissimo siquidem aquarum impetu feruntur; & ita ad promontorium accedunt, ut penè transeundo attingant. Timent enim ne ad ipsum scopulum & ad vortices rapiantur.* Alii dicunt huic Vortici cum opposito Mari Caspio communicare per subterraneum meatum. Ex quorum relatione, ego certior factus, inveni veritatem in libro *Paradiæ Persæ* utriusque Maris Descriptore, qui idem asserit; affluxu siquidem maris Persici, per fauces ab Oceano agitati eodem tempore in littoribus australibus, Mare Caspium ingentes volvere æstus, quibus cessantibus vortices sequuntur.

Inter Normandiam & Angliam haud absimilis in Oceano vortex observatur, ad quem mirabili velocitate navigia non tam tendunt, quàm æstus ferociâ violenter trahuntur; Est tamen & hoc mirum visu, quod ea celeritate, qua remotè attracta sunt, eadem, ea vicina jam gurgiti repellantur. De Euripo Chal-

Plures
Abyssi in
Terræ
visceribus.

Vortex
Norwegiæ
abyssus.

Itinerarium in
Indiam
P. Joris à
Jesu Maria
fol. 138.

Vortex
maris Persici.

Vortex inter
Angliam &
Normandiam.

Abyssus ad
mare Ma-
gellani-
cum.

Mare Ca-
spium
abyssus est.

Vortex seu
abyssus ad
Africæ
littus.

Mira de
Tartariæ
Crypta.

Chalcidico non est, quod memorem, utpote omnium Historicorum monumentis celebrato. Refert Historia Indica apud *Pet. Martyrem* ad introitum freti Magellanici, Oceanum prorsus formidandis æstibus procellosum inexplorabilis profunditatis esse, adeo quidem, ut multi mare in ultima Terræ viscera hoc loco descendere sint arbitrati. Sunt & Mari Caspio sui vortices ex relatione *P. Riccardi* Societatis nostræ Sacerdotis, qui illud transfretavit, adeoque totum istud mare ob inexploratam suam profunditatem abyssum putat in intima Terræ viscera penetrantem. Similes reperiuntur ad introitum sinus Aynam prope Sumatram & Camboiam. In Africæ Sinu, quem *Ferdinandi Poo* dicunt, aqua in subterraneos meatus tantâ vehementiâ rapitur, ut nulli navi, cum currentem illam incurrerit, retrocedendi facultas detur, sed multorum mensium spatio, veluti trabalibus clavis, fixi transfretantes summo navium periculo, hæreant, haud dubiè interituri, nisi Ventis propriis iis in locis invalescentibus ex angustis eruantur. Innumeras hoc loco tum fluminibus, lacubus, Oceano, hujusmodi abyssos indicare possem, sed cum partim in præcedentibus ea insinuaverimus, hoc loco ea interim explicasse, & in mappa universali adnotasse sufficiat: omnia videlicet Oceani, marium, lacuumque, inexplorabilis profunditatis loca, uti & Vortices, Euripos, voragineque, abyssos esse, in intimis & profundissimis Terræ visceribus abditas. Ad quid autem natura eos destinaverit, & quomodo reliquis aquis communicent, quanta profunditate verisimili constent, unà cum causis fluxûs & refluxûs reciproci sequenti Libro aperiemus. Tellurem itaque plenam esse hujusmodi hydrophylacticis abyssis, variæ historiæ narrant: *Huithon* de rebus Tartariæ loquens, Cryptam reperiri ait, inter montes Caspios multorum dierum itinere perviam, in qua homines passim ingentes aquarum catadupas, & loca amplissima subterranea reperisse se ajunt; de similibus cryptis pluribus agit *P. Martinus Martinus* in suo *Atlante Chinico*.

§. III.

De Pyrophylaciis Geocosmi, seu Abyssis igneis.

Abyssos ingentes in Telluris visceribus reconditas plenas ignibus reperiri, Vulcanii montes sat superque demonstrant, quas minime, ut vulgus sibi persuadet, fundo montium inexistere putes, sed habent suas in profundissimis Terræ visceribus officinas, quorum montes non nisi spiracula quædam ad fuliginem superfluam, æstusque concepti vehementiam, ne Terram intolerabilibus motibus perpetuò concutiant, exonerandam

constituta; ut proinde abyssorum omnium pyrophylacticarum maximam *Sancti Patres* in Centro Terræ non incongruè statuerint, æternum improbis ad poenam destinatum carcerem. Et ne forsân nonnulli putent, ignem infernalem alterius naturæ ab elementari igne esse, illi noverint, quod quemadmodum Deus utitur elemento aquæ per potentiam obedientialem, uti Theologi loquuntur, elevata ad gratiam in baptismo conferendam, ita quoque torquet impios per ignem verè & propriè elementarem, sed potentia suæ immensitate, vi Supernaturali ita elevatum, ut infinities majori efficacîa, quàm elementaris ignis; æternæ damnationis reos, divinæ justitiæ rigore sic exigente, afficiat. Nihil igitur absurdum dixerimus, si abyssum infernalem, simul, pro tempore, naturæ necessitati, & animabus modò; post universalem autem *ἀνάσσειν* damnatorum corporibus animabusque æternum cruciandis, ex æquo destinatum asseruerimus. Idem de purgatorio sentiendum esse puto; quod forsân haud improbabili conjectura in intimis Terræ receptaculis, in uno aut pluribus pyrophylaciis locum obtinet; sicuti enim valde congruum fuit Divinæ potentia, naturali aquæ elemento, tum ad phyficos, tum ad supranaturales effectus præstandos subinde uti, quemadmodum plerique *S.S. P.P.* & Theologi sentiunt; ita quoque quam maxime congruum Naturæ fuit, in Centro Terræ locum igni decernere, ut ex hoc veluti ex Centrali pyrophylacio virtutis suæ efficaciam aliis pyrophylaciis superioribus, & hæc aliis & aliis per subterraneos ductus, usque ad ipsam Telluris superficiem communicare; Cum huic elemento proprium sit ab infimo ad supremam semper tendere. Verùm quomodò hæc pyrophylacia perenni calore durent, & quomodò tanta expirationum diuturnitate non consumpta, in perpetuo vigore conserventur; ei minimè mirum videri debet, qui perennia naturæ opera, eorumque indeficientem *παρακίνησιν* penitus fuerit contemplatus: Cum enim Geocosmus terraqueus globus sit, certè uti ignis ab aëre vitam, & ab aqua necessarium suscipit alimentum; ita ignis, robur, vitamque aqueo elemento, aëreoque, reciproco commercio communicat, utpote sine quo alterutrum consistere non posset. Terrena verò substantia igni novum mox, uno deficiente, pabulum per subterraneas semitas suppeditat, ut hoc pacto omnia & singula in suo esse perenni conserventur; quemadmodum in extrema superficie contingere vides; Sol humidum ex fluminibus, lacubus, maribus, sursum per vapores trahit, vapores aëreæ regionis frigiditate in aquas, pluvias, nives, grandines resoluti, hydrophylaciis tandem totum id, quod à Sole attractum fuerat, restituant. Exhalationes verò à terrestribus portionibus attra-

Pyrophylacium omnium maximum in Centro Terræ.

Ignis inferni est verus & naturalis ignis, à divina tamen potentia elevatur ad castigandas reproborum animas.

Cur in Centro Terræ.

Quomodo durent ignis perenniter.

Similitudo ex pluvia.

Circulatio
naturæ.

Etæ in ignea phantasmata transmutantur, hæc frigoris occurrentis impulsu vicini aëris naturâ assumptâ, in aërem, & hic in aquam, aqua in Terram transmutata, miranda naturæ metamorphosi tandem revertuntur, & ubi desinunt, ibi nova mox fundant pericycloseos molimina. Pari pacto, Mare per occultos cuniculos occulto naturæ urgentis technasmate intra montium vastissimas specus coactum, inde tandem in fontes, flumina, lacus erumpens, unde digressum fuerat, postliminio revertitur, denuò revolvendum. Aqua verò per cæca Terræ viscera labens unâ secum & humorem & terrestrium portionum miscellam delectam pyrophylaciis in alimentum & pabulum subrogat; hæc verò spiritibus calidis tumentia, per solitos sibi syphones sublevato calore, hydrophylacia, cæteraque receptacula fovet, animatque, tum ad mineralium tum ad vegetabilium genesis, per exhalationes promovendam; & sic perenni, & cyclico motu, omnia, quæ in natura rerum spectantur, existunt, & conservantur. Quomodo verò hæc à natura peragantur, ut dixi, sequenti Libro declarabimus.

S. I V.

De Aërophylaciis Geocosmi subterraneis.

Quid sint
Aërophylacia.

Quemadmodum ignis & aqua sine aëre subsistere non possunt, ita necessaria quoque fuerunt Geocosmo Aërophylacia quædam, è quibus utrumque elementum Aqua & Ignis, veluti è naturæ quibusdam pulmonibus, necessariam respirationem haurirent; Aër verò iis inclusus vicissim ab aqua augmentum, ab igne caloris fecundi robur acciperet. Sunt itaque hujusmodi Aërophylacia ingentes cavernarum recessus, Aëreo elemento referti, eo fine dispositi, ut aër per innumeros occultorum meatuum syphones, in alia sive hydrophylacia sive ignis receptacula derivatus, in iis quidem aquarum molem per appropriatos canaliculos in alia receptacula elatam in fontes & flumina urgeat; in his verò latentem ignis fomitem perpetuò foveat, & per sublimationis Chinicæ arcanum, Tellurem in ultiores fines disponat: Modum verò quo singula operationes suas perficiant, in sequenti, uti diximus, Libro exponemus. Esse autem hujusmodi specus, innumeris exemplis comprobatum novimus, quorum nonnulla hic apponemus.

Mira de
subterraneo
meatu
in China.

Refert *P. Martinus Martinus* in egregio suo opere, quod *Atlantem Chinicum* vocat, esse in medio Regno Sinarum vastissimum montem simbris suis in remotissimas regiones undequaque exporrectum; qui cum ob

falebrosam scabritiem difficulter transiri possit, natura huic incommodo consultura, totum montem vastissimis specubus ita pertudit, ut totus ex uno latere in oppositum exitus detur; in tantam autem, hujusmodi cæcus meatuum ductus, amplitudinem exporrigitur, ut non nisi semestri spacio illos emitti liceat; fuisseque, qui hoc subterraneum iter perfecerint, non paucos repertos, qui retulerunt mira & prorsus paradoxa de admiranda partium subterrestrium constitutione; Aquas enim illic magna in quantitate reperiri, in nonnullis locis quoque lacus ingentes, piscibus abundantes; in multis quoque locis flumina, magna aquarum diffusionem, in ingentes planities se dilatare; gramina, & herbas, & magno in numero animalia subterranea peregrinæ speciei reperiri ajunt; lumen tamen obscurum, tamen per aperta montium cacumina & fissuras scopulorum veluti per caminum quendam, immitti. Ex qua descriptione sat superque patet, quod in hisce subterraneis locis evenit, id in omnibus quoque aliis subterrestribus regionibus, hisce similibus, reperiri. Aëre plena esse interioris Telluris viscera, omnes Geographorum Libri abundè testantur, cum vix ulla sit natio, quæ non aërophylaciorum spiracula manifestet. Dicam primò de prodigiosis effectibus hujusmodi Aërophylaciorum in Asia, Africa, America, deinde de iis, quæ in Europa inveniuntur, dicturus. In Montibus Tibeth, ubi Ganges nascitur, uti ex relatione Patris *Balthasaris d'Andrada* constat, Montes nonnulli per omnes fissuras horribili sonitu & fremitu ventos emittunt; Idem habetur in relatione *P. Pais*, de nonnullis montibus Æthiopiæ; & in America de montibus quos *Andes* vocant, idem contingere, *Iosephus Acosta* narrat; quorum quidem ratio alia non est, nisi vel ex catadupis subterraneis, vel ex igneis spiritibus subterraneis aërem exagitantibus, vel aliis de causis, quas infra aperiemus; hisce enim aër circulatus, qua data porta ruens, per fissuras montium summo impetu, nec non minori cum fragore exitum parat. Recitat *Olaus Magnus*, in Aquilonari plaga Montes reperiri, ad quorum radices antra inveniuntur, ex quibus tantus ventorum erumpentium fragor percipitur, ut repentino metu approximantes vel interimat statim, vel plurimos ad dies obstupefactos præ capitis dolore, sensuum vigore destituat. Porro inter Marsiliam & Rhodani ostium, uti *Strabo* refert, campum esse stadiorum centum, locumque refertissimum filicibus hominis pugno non minoribus, ibi sponte ab ipso ejus campi solo ventum effari, cui nomen *Metemborio* est impositum, cujus tanta vis est, ut eosdem filices per turbinem grandinis more eleve, hominesque sternat, quin & e curribus ejiciat, armis quoque denudet & vestibus. Hunc campum ego puto eum esse, quem *la Crau* Galli vocant. Et ego quidem

Aërophylacia Asia.

Aërea spiracula in Bodnia.

Spiraculum Terræ.

Campus, la Crau dictus.

silicibus
refertus,
inter Are-
latum &
Mariliam.


dem anno 1633, hunc campum quatuor leucis Gallicis Arelato diffitum transivi, innumeris faxis ita seminatum reperi, ut vix pedem ponere quis possit; unde Deorum pugnam ibidem contigisse nonnulli fabulantur; Ventum tamen tam vehementem, qualem *Strabo* describit, etsi id summa diligentia inquisiverim, sive longa seculorum serie meatus fuerint obstructi, sive pulvere pluviis misto obliti alibi exitum flatus meatus reppererint, sive denique alia de causa cessarint, comperire non licuit, neque hujus tam prodigiosum effectum Indigenæ, quos summo studio examinavi, unquam se observasse contestati sunt. Fieri tamen, quod dicitur, potuisse, loci constitutio cumprimis docet; Cum enim campus hic ad ostia usque Rhodani sese extendat; ubi dum ingens fluminis irruentis cum reluctan-

tis maris impulsu commotio & conflictus accidat, facile fieri potuit, ut aer in meatibus continenti insertis concitatus alicubi in hoc campo exitum sibi cum memorata vehementia paraverit: Nam uti Oceaneæ relationes ferunt, in omnibus ferè promontoriis, ubi magna fluctuum ex æstu maris currentium alisio fit, ut plurimum ex montium fissuris vehementissimum ventum proruentem observari.

Ex concus-
sione flu-
ctuum ma-
ris, ventus
intra caver-
nas mon-
tium exci-
tatur.

Non dicam hîc de Monte ventoso in Comitatu Venusino, Carpentoractio imminenti, ex cujus specubus vehementes ventorum flatus erumpere notius est, quàm dici debeat. Sileo innumeros alios Aërophylaciorum in Europa nullibi non obvios effectus. Addam tantum quæ propria experientia in Italia comperi.

Catadupa mirabilis Interamnenfis.



Cum anno 1658 Lauretanam Deiparæ domum devotionis causa visitarem, & multa per iter omnibus notissimum, plerisque tamen ignota naturæ miracula in eo obvia observarem, inter cætera verò multa de Eolio Monte Cæsiorum intelligerem, operæ pretium me facturum existimabam, si causas ejus occultas & omnium opinione impenetrabiles scrutarer.

Mons Cæ-
siorum
Ventosus,
ejusque
descriptio.

Ingens Ca-
tadupa Ve-

Interamnibus itaque discedens, primò vicinam totâ Italia celeberrimam Catadupam,

quam Velinus fluvius per altissimas rupes præcipitatus in profundissimam subjecti montis vallem efficit, ut si quid cum Eolio monte occulti commercii obtineret, explorare aggressus sum; Siquidem ibidem fluvius summo impetu in modum arcus ruens in profundissimam voraginem altitudine 300 circiter pedum, uti ex dimensione rupis à me facta patuit, tam horrendo strepitu, fragore, & murmuris vehementia devolvitur,

lini fluvii,
vulgo alla
marmora,

Mira spec-
tacula.Situs mon-
tis ventosi
Cæsiorum.Ventorum
per Cana-
les dedu-
ctio.Effectus
mirabiles
hujus
Montis

quæ si non exanimare astantes, saltem stupefacto aurium sensu illos non secus ac ad catadupas Nili, surdos redderet. Horrendum omnino spectaculum, infernum diceret, spumosis gurgitibus, & confusa undarum æstuantium percussione formidandum, tanto labentium aquarum mugitu, quæ vel Interamnii quinque milliarium diffusi spacio, nocturni temporis silentio facile percipiatur. Ex lapsu aqua inter exasperatos rupium dentes ita atteritur, ut in perpetua nebula te constitutum jurares, neque inde, nisi egregiè perplutus abeas. Est & hoc notatu dignum, Sole lucente perpetuam ibi, non sicuti ad salientium fontium guttosam asperginem, sed veluti in cœlo ejusdem magnitudinis Iridem exhiberi. Examinatis itaque omnibus instituto meo oportunis Catadupæ circumstantiis, Interamnium reversus, postero die ad Æolium montem profectus sum, ut quæ miranda de eo intellexerim ἀντιπλῆξ explorerè, singulorum effectuum causas reddere possem. Cæsii itaque summâ benevolentia à Primoribus loci exceptus, totius montis constitutionem partim propria industria exploratam, partim Incolarum instructione didici.

Situs hujus montis est inter Castellum S. Gemini & Interamnium, vulgò *Terni*, ex ortu in occasum longa octo milliarium montium catena protensus; uti ex mappa hic apposita patet. Mons totus saxeus, ita à natura compositus, ut ingentium molium saxa uni alteri superimposita miroque naturæ artificio & industria compacta cernantur. Montis dorso oppidum incubat, nomine Cæsii, à primis, uti dicunt, antiquæ Cæsiae domus Ducibus fundatum. Hunc itaque montem jure merito montem Æolium, ob ventorum quos certo tempore volvit turbines, appellandum duxi: Siquidem tempore æstivo per omnes fissuras & rimas vehementissimos efflat ventos, ita ut in adjacente oppido, memoratæ Incolæ mira quadam industria Canalium ventos, non secus ac in civitate aquæductuum canales, intra cryptas & cellaria hinc inde disponant, tum ad vinum & aquam, tum ad fructus omnis generis gratissimo frigore imbuendos; atque adeò ferocientis naturæ vim in suavissimas delicias vertant: Spectantur autem in nobilium domibus canales adeò aptè dispositi, atque epistomiis tam affabrè instructi, ut ventorum impetum pro libitu temperare possint, additis quoque ostiolis sportulisque, intra quas repositi vel potus vel esculenta summa frigoris vehementia tantum non in glaciem convertuntur.

Antequam verò ad causarum scrutinium me accingam, primò omnes effectuum circumstantias præmittam, quæ ita sese habent: Primò. Ventorum expirationes non quolibet anni die, neque qualibet diei hora, sed æstivis solummodo mensibus, quatuor ante meridiem, & totidem post, horis comperiuntur; quibus peractis, ventorum flatus paulatim &

sensim flaccescentes deficiunt; nocturno vero tempore vix ullum venti apparet vestigium; ita quidem, ut pro æstus diurni majori vel minori vehementia, jam plus, jam minus sentiat spirituum inclusorum agitatio & exsufflatio. Secundò Hybernis mensibus oppositos æstivis fortiuntur effectus spiracula; Nam si quispiam strophium, aut aliud quidpiam orificiis canalium applicet, id, mirum dictu, non jam vento exspirante protruditur, sed introrsum, nescio qua abdita vi attrahitur, & tantò quidem vehementius, quantò frigus fuerit intensius. Tertiò aëris exsufflati qualitas ea est, quæ rigore venti homines in istiusmodi cryptis commorantes in febriles alterationes minimè urgeat, uti aliis in locis accidere solet, sed quemadmodum siccitate impolluta gaudet, ita hominibus mirum in modum ad sanitatem vitæque prolongationem conducit. Atque hæc sunt circumstantiæ, quas præmittendas duxi, ut iis insistentes tandem veras prodigiosorum hujusmodi effectuum causas venemur.

Dici vix potest, quantum in hujus montis natura exploranda, naturalium rerum investigatores sudaverint; quàm diversa placita cuderint; nemine tamen, qui ad veram & genuinam causam pertingeret, existente. Quidam putarunt causam, aquarum catarractas, in visceribus montis latentes, quibus interior aër agitur, qua data porta foras proruat; Sed hoc dici nulla ratione posse hinc patet, quod tunc ventus perpetuò durare deberet tam æstate, quàm hyeme, tam de die, quàm de nocte; quod est contra experientiam. Nonnulli existimarunt, ventos procedere à vicinorum montium cuniculis, intra quos per varia antra extrinseci ventorum flatus insinuati, atque intra hunc montem delati, tandem prorumpant: Sed neque hoc subsistere ulla ratione potest; sequeretur enim, hyberno tempore, cui venti potissimum dominantur, ventos hujus montis magis sævire, quàm quovis alio tempore, quod pariter est contra experientiam. Non defuerunt, qui assererent, ventos hujusmodi originem suam à vicini maris æstu trahere; aërem enim in subterraneis meatibus stabulantem, undarum maris illusione intra hunc montem protrudi, ibidemque coarctatum per rimas violenter tandem extrudi. Sed & hoc solido caret fundamento: sequeretur enim ventos perpetuò ad perpetuum maris motum durare, vel saltem confuse & interruptè eos continuare, quod est iterum contra experientiam. Hæc sunt præcipua puncta, quibus Physici suas de hujus montis natura opinionem stabiliunt. Restat itaque, ut & nos ingenii nostri vires in tam intricato negotio tentemus. Dico itaque, nullam aliam adeò prodigiosorum in hoc monte effectuum causam esse, quàm rarefactionem & condensationem aëris; quod ita ostendo.

Et primò quidem suppono, totum hunc mon-

Diversitas
opinio-
num in
reddenda
causa hu-
jus venti.Vera & ge-
nuina cau-
sa horum
effectuum.

montem concavum esse, quod & Indigenæ longa experientia docti pro certo habent, & ego indubitata experientia comperi; postquam enim per occultos meandros aliquousque processeris, tunc præcipitia horrida primum imminet in abyssum montis protensa, & si lapidem injeceris, post plurimum temporis sonus sicuti in puteis & cisternis echonicus excitabitur, quo quidem cavitatis montis majus indicium dari non potest.

Secundò, tota saxeæ montis superficies foraminibus, rimis, fissuris referta est, non tantum ex ea parte, qua Cæsius, sed & ex opposita parte, qua Aquam Spartam oppidum respicit, ubi & eosdem effectus, quos in Cæsius, reperi.


Tertiò; Concatenata huic saxeorum montium moles, omni terrestri substantia spoliata, æstivo tempore per varias Solis reflexiones inter montium crepidines & convallia factas, tam immodicam concipit æstus vehementiam, ut sub Zona torrida te constitutum dicere possis, neque sit, qui calorem circa meridiem tolerare possit, hominibus animantibusque intra domus stabulaque conductis.

His fundamentis innixus Dico; mox ac ær extrinsecus inter saxeos montes, à Solis multiplici reflexione in tenuissimam substantiam redactus rarefactusque dilatatur, fit ut majorem locum quæraturus, per montis fissuras rimasque intra interiora viscera summo impetu insinuetur. Verum dum cum aëre intus stabulante consistere non potest, ær introactus ceu peregrinus & advena pressus coarctatusque denuò per ampliores montis meatus effugium sibi parans, post longas eluctationes tandem summa violentia expellitur; atque hoc pacto ventus ille, de quo loquimur, prodigiosus æstivo tempore constitutis horis nascitur: Cessante verò calore externo, ventum quoque iterum cessare necesse est. Quæ omnia pulchro pilarum Æoliarum experimento ostenduntur.

Fiat pila ex ære solidissimo fabricata, cum collo arctissimo, in quo foramen sit pariter ad instar puncti acus strictum; hæc pila aqua ad medietatem repleta in ignem projecta relinquatur, donec summum calorem conceperit: quo concepto mox eam intra aquam frigidam projectam aliquamdiu submersam tenebis, & videbis aërem ibi latentem in tenuissimam substantiam redactum paulatim condensatum retroagi, & cum aliud corpus in aëris deficientis locum, non suppedietur, aquam magno impetu intra se attrahere, & hoc pacto vas pilæ, quantum fatis est, replebitur; Huic igitur si denuò carbonem accensos subjeceris, rarefactam intus aquam mox in vaporem resolveret, vapor conclusus dum exitum nisi per strictissimum foramen non reperiat, per id maximo stridore & impetus vehementia erumpet; deficiente verò calore extrinsecus, aqua naturali suo statui reddita nec vapores, nec ventos amplius emittet. Ex-

perior & ego id ipsum quotidie æstivis mensibus in Musæo meo, quod occulto meatu in hortum domesticum quatuor altissimis templi & collegii muris conclusum protenditur; Contingit itaque, ut mox ac ær in horto, Solis meridiani fervore, variaque radiorum in muros impactorum reflexione accenditur, is nimia rarefactione dilatatus dum effugium quærir, per meatum magno impetu ruens Musæum gratissimo vento exhilaret, idque non nisi pomeridianis horis æstivisque mensibus contingit, reliquo verò tempore diei, aut hybernis mensibus nihil ex hujusmodi effectibus percipitur. Hanc ego veram & genuinam causam ventorum ex monte Cæsiano tanto impetu æstivis mensibus proruentium, salvo aliorum judicio existimem.

Quod porrò hybernis mensibus aërem extrinsecum unà cum impositis in orificiis meatuum stropholis, charta, similibusque levioris substantiæ rebus, in interiora viscera contrariæ viæ processu rapiat, istius causam hanc esse dico: Quod hyberno tempore ær condensatus metu vacui semper alium & alium aërem forinsecus intrò trahat. Utriusque effectus, repulsus scilicet & attractus causam hoc experimento demonstro. Fiat ex quacunque materia solidiori, vitro, ære, stanno vas, cujusmodi figura A B demonstrat: ex cujus fundo tubus B A C deducatur, & orifi-



cium D E ita obstruatur, ut ær nullibi evadere possit, & instrumentum erit perfectum. Hoc Soli vel igni appositum, mox ac ær intus efferbuerit, is rarefactione dilatatus per tubum B A C exitum sibi parabit, & consequenter ad orificium tubi C, notabilem ventum exhibebit, qui pluma apposita apparebit; Si verò vas A B frigidà perfuderis, aërem A B condensatum, extrinsecum aërem ad deficientis aëris interioris locum supplendum cum admiratione attrahi senties, quod apparebit plumam ad orificium C appositam, quæ statim intrà attracta absorbebitur. Atque ex hoc experimento pulchrè sanè utriusque effectus causa in dicto monte patet. Venti verò, qui perpetuo ex aliquo alio montis meatu efflantur, illi haud dubiè originem suam sortiuntur, vel à subterraneis catadupis, vel à maris affluxu, aërem in meatibus subterraneis sollicitante, uti in nonnullis Ætnæ locis notatur, vel ex nivium resolutione, ut in Monte

Cur mons hyberno tempore omnia intus trahat.

Experimentum.

Causa perpetua venti quem nonnulli montes efflant.

Alvernæ, & de Antro in Hetruria apud Volaterras, ex quo Alberto, *Leandro* teste, quandoque spiritus ventusque adeo vehemens

erumpit, ut quæque obvia, & vel ipsas arbores dejiciat. Sed jam de Antris & Venis Terræ.

CAPUT XX.

De Antris, Hiatis, & innumeris Terræ meatibus.

Jacobus Gaffarellus Cryptas Orbis Terrarum in suo *Mundo subterraneo* dividit in quinque Classes: Divinas, Humanas, Bruta-
tales, Naturales & Artificiales.

Cryptarum divi-
sio.

1. Divinas dividit iterum in varias species, & sunt sequentes: Angelicæ Cryptæ seu Antra sunt, in quibus Angelorum apparitio contigit; ut est spelunca in Monte Gargano apparitione S. Michaelis celebrima.

Ecclesiasti-
cæ.

Ecclesiasticæ, seu Tempia intra rupes incisa; uti de Monte Pagodum in India memorant.

Catacum-
bæ.

Catacumbæ, seu Cæmeteria, quæ in Agro Romano hinc inde summa celebritate visitantur; de quibus *Roma subterranea* uberri-
mè agit.

Diabolicæ.

Diabolicæ seu Infernales, in intimis Terræ penetralibus.

Purgativæ.

Purgativæ sive Purgatorium, Limbus & similia, quæ fide tenentur.

Cryptæ
Magorum.

Ad has revocantur Cryptæ Magorum, in quibus innumeris superstitionibus magicas operationes peragebant, ubique locorum passim obviæ.

Heroum.

Item Cryptæ Heroum, Idololatrarum, Sortilegorum, & in quibus oracula dabantur, cujusmodi Delphicum & Ammonium antrum erant.

Antra poë-
tarum fa-
bulosa.

Ad has revocantur fabulosa Poëtarum antra Faunorum, Dryadum, Nympharum, Tritonum, Syrenum, aliorumque Deorum Deorumque.

Cryptæ
Gygant-
um.

2. Humanæ Cryptæ, ad quas revocantur primò Cryptæ Gygantum, cujusmodi in Palæstina, Sicilia, aliisque locis ostenduntur. Musarum Sybillarumque Antra pluribus in locis adhuc spectantur, uti Neapoli in Cumano Agro, quem in sequentibus describemus.

Sybillarum.

Eremita-
rum.

Ad has commodè revocari queunt Antra Sanctorum Eremitarum; uti in Ægypto & Thebaide innumera antra spectantur Sancti *Antonii, Pauli, Hilarionis, &c.* Melitæ Cryptæ S. Pauli Apostoli; in Sicilia S. Rosalie in Monte Peregrino. Sublaci, S. *Benedicti*. In Francia B. *Maria Magdalena*, vulgò *la Sainte Beaume*. Juxta Arelatum S. *Egidii*, & sic de cæteris. Ad has quoque revocari possunt Civitates subterraneæ, aliaque de quibus in sequentibus.

Civitates
subterra-
neæ.Cryptæ
Brutales.

3. Cryptæ Brutales, ad quas revocantur Antra Leonum, Tigridum, Luporum, Vulpium, Urforum, Serpentum & Draconum, aliaque animalium subterrestrium la-

tibula, volucrumque quæ cavernosa loca amant.

4. Cryptæ sunt Naturales, quarum innumerae sunt species, juxta vires naturales iis inditas. Sunt nonnullæ medicinali virtute præditæ. Quædam metallicis vaporibus, exhalationibus, aquis scatent. Sunt & glaciales, plenæ nivibus & Crytallo, uti in Monte Sorano me vidisse memini. Sunt & *Æoliæ*, quæ continuos ventorum flatus emittunt. Non desunt virtute resolutive, restrictiva, congelativa præditæ; de quibus suo loco & tempore.

Cryptæ
miris virtu-
tibus præ-
ditæ.
Minerales.

Æoliæ.

5. Artificiales Cryptæ sunt, quæ in humanos usus sive delicias parantur. Item subterranei meatus arte facti, uti Neapoli Crypta infra Paulippum excavata; Siraculis subterranei Labyrinthi. Ad has revocantur Cryptæ domesticæ, hydraulicæ, Tempia subterranea. Item Saxifodinæ cæterorumque mineralium, de quibus ex professo in sequentibus.

Artificiosæ.

Atque hæc est divisio Cryptarum, quarum tamen præter naturales, nullas alias in hoc opere considerabimus.

Naturales autem dicimus, quas Divina Sapientia in intimis terræ thalamis ad necessarios Naturalium rerum usus constituit; quarum nonnullæ in extima Terræ superficie aditum pandunt; aliæ hominibus inaccessæ in intimis Geocosmi penetralibus conduntur, in tres species distinctæ, & sunt Hydrophylacia, Pyrophylacia, Aërophylacia, de quibus jam in præcedentibus dictum fuit, quæque in sequentibus uberius prosequemur.

Naturales.

Extrinsæcæ verò ad immensam specuum vastitatem, voraginumque abyssos aditum parant, quarum jam nonnullas adferemus.

Si itaque tanta sit Antrorum in Terreni globi superficie multitudo & varietas, quantum in internis Terræ visceribus eorum multitudinem futuram credemus? Hoc certum est, omnes Cryptas insigni aliqua virtute polentes, vires suas non nisi ab aliquo intimo ingentique antro, sive id Hydrophylacium, sive Pyrophylacium fuerit, per meatus longè porrectissimos derivatas pro ratione complexionis terrenæ substantiæ, per quam dicti meatus traducuntur, obtinere. Hinc nonnullæ cavernæ succo petrifico ex loci conditione proprio omnia in saxa convertunt; Aliquæ aromatico odore mirum in modum recreant; Quædam fatidico imbuunt spiritum, ut quidam perperam sentiunt. Non desunt quæ ad castitatem, & contrà aliæ, quæ ad libidi-

Antra pe-
trificantur.Variæ vir-
tutes Cry-
ptarum na-
turalium.

nem

nem incitare ajunt; Sunt quæ narcotica quædam facultate somno infestent, aliæ quæ vigiliis; Maltæ oleo, sanguineo liquore, bitumine, sale, vitriolo, naphtha similibusque sciant; Quorum omnium rationes in Sexto hujus Operis Libro assignaturi sumus; dependet enim ex hisce omnis rerum sensibilibus, vegetabilium, inanimatarumque compositio. Qui quidem causarum concursus ut effectus naturæ convenientes producat, id aliter quam per innumeros, quibus Terrenum corpus perfoctum est, canales & receptacula, tanquam per fibras quasdam & vasa Megacosmi singula singulis pro conditione Terrenæ substantiæ aptè distribuendo, conficit. Sed videamus, quæ admiranda de specu Coryciano, & ad propositum nostrum plurimum conferentia allegat *Mela* l. 1. c. 6. *Solinus* c. 39. *Plin.* l. 31. *Strabo* l. 14. adducunt. Non procul, inquiunt, à Pompeiopolis Corycium Oppidum esse, supra quam nomine Conchyos specus esse perhibetur, supra quam ut describi facile possit, eximius: Nam grandi patens hiatu Montem littori appositum, & decem stadiorum clivo satis arduum ex summo statim vertice aperit, ampliori semper & ampliori descensu, viret umbrosis & undique pubentibus lucis, totumque se nemoroso latere in Orbem complectitur, tanta pulchritudine, ut mentes accedentium primò aspectu consternat, ubi contemplati duravere, non satiet. Unus in eum descensus est angustus & asper, quingentorum & mille passuum per amœnas umbras & opacæ sylvæ quiddam agreste resonantes, rivis hinc inde fluitantibus. Ubi ad ima deventum est, rursus specus alter aperitur, terret ingredienti, deinde aliquandiu perspicuus, mox introgressos quò magis subitur, eò obscurior, alto veluti cuniculo admittit. Ibi ingens amnis ingenti se fronte extollens tantummodò se ostendit, & ubi magnum impetum brevi alveo traxit, iterum demersus absconditur; Intus spatium est, magis, quàm ut progredi quispiam possit, horribile, atque ideò incognitum. Addit *Plinius*, stillantes antri hujus guttas statim in lapides indurescere. Huic non ab simile est illud, quod *Ælianus* lib. 16. c. 16. describit: *Apud Arrianos Indos hiatus Plutonis dictus est, in cujus profundo occulta caverna & recessus immensi & hominibus incogniti; quomodo autem in tantam profunditatem sit depressus, neque Indi explicant; amplius tria millia diversorum animalium, ovium, caprarum, boum eò agunt Indi, superstitioneque multa animalia precipitant in profundum ejus barathrum, à quo nullus datur egressus, neque unquam videri possunt; Boum tamen mugitus, ovium balatus, caprarum vox, equorum hinnitus exaudiuntur; ac si quis aures illius faucibus admovent, distinctè ejusmodi audiet, neque enim promiscuus sonus cessat resonare, quomodo quotidie eò precipites bestia aguntur.* Quæ confirmat alterius antri exemplo *Seneca* l. 5. c. 15.

Asclepiodorus est, inquit, haud remotum huic, aliud antrum, in quod demissos quamplurimos à Philippo, ut metallum antiquum olim destitutum explorarent, quæ ubertas ejus esset? quæ status? an aliquid futuris reliquisset vetus avaritia; descendisse illos cum multo lumine, multosque durasse dies, deinde longa via fatigatos vidisse flumina ingentia & vastas aquarum congeries, conceptus pares monstris, nec compressos quidem terræ supereminente, sed libera laxitate non sine horrore visos. Unde ex tanta rerum mirabilium compendiosa narratione sapienter tandem concludit. Non tota, inquit, solido contextu terra in unum asque funditur, sed multis partibus cava, & cæcis suspensa latebris, habet inania sine humore. Sed & lib. 3. c. 16. Sunt, inquit, sub Terra minus nota nobis

Spelunca horrenda.

Seneca placitum.

Variae itaque sunt Antrorum Subterraneorum formæ, quæ aut casu, aut natura fiunt; quædam enim latè patent excavata; quædam altissimam continent cavitatem; quædam in longum porrecta, in imum profundè demissa; nonnulla multiplices habent aditus & recessus; omnes tamen eo ab Authore naturæ artificio condita, iis proprietatibus dotata, quales conditio locorum cumprimis & jure suo veluti postulare videbatur. *Strabo* ne teste, juxta Metaurum Siciliae, antrum est, per quod ingens fluvius diu longoque tractu alveo subterraneo percurrens, tandem in apertum campum devolvitur. Eodem teste, aliud esse traditur in sinu Emporico Mauritaniæ, ad eò excavatum ad mare, ut fluxum & refluxum admittat intus ad septem stadia. Aliud ad Hierapolim & Laodiceum, de quo videas *Strabonem*, & lib. 13. prope Andiram antrum esse, tantæ dimensionis, ut usque ad Paleam perducatur, videlicet ad stadia 130; idque inde patuit, quod cum in hiatus hircus illapsus fuisset, reperiens à pastore fuerit in altera ejus parte, posteriori die.

Varietas aliarum Cryptarum.

Strab. l. 6. Fluvii subterranei.

Strab. l. 13.

Non dicam hîc de vastissimis & immensis specubus Æthiopie, quos fusè describit *P. Pais*, per quos Nilus & Niger ingentia flumina per subterraneos meatus, longitudinis inexplicabilis, altitudinisque incredibilis submergi devolvuntur. Non dicam hîc de Tauri Montis

Mira specus.

Hiatus terribilis apud Arrianos.

Antrum in
Andibus.

Montis seu Jamaï specubus & antris omnem fidem humanam excedentibus ; de quibus vide *Ramusium tom. I.* Mira sunt, quæ Americana Historia narrat de Montibus Andium, in quorum visceribus, suprà quàm dici potest, horrida antrorum receptacula tantæ capacitatis inveniri asserit, ut integris regionibus in terrena superficie non cedant ; In hisce quoque ingentes ingentium fluminum Cataractas, quæ tanto fragore & sonorum diversitate suas præcipitant aquas, ut nihil in Mundo terribilius se audisse Fossores testentur. Inter alia memoranda naviculam ibidem fuisse inventam, unde & quomodò in hoc intimæ terræ receptaculum invec̃ta, nemo fuit, qui conjecturare potuerit ; Compertum tamen postea fuit, flumen hoc ex adversa montis parte centum quadraginta ferè leucis in profundissima valle exitum invenire ; sed cum fluvius per ingentia præcipitia hîc se exerat, non video, quomodo hæc navicula

contra naturam per subterraneos lucos à nantibus agitari potuerit in hanc inaccessam subterraneam regionem ; verisimilius est, eam Oceani Pacifici aut Atlantici Vorticibus haustam per continuatum aquarum in subterraneis meatibus fluxum, huc transportatam, inque littus subterraneum ejectam fuisse. Verum de hujusmodi admirandis Andium recessibus, fluminibus, catadupis, cæterisque naturæ ostentis, fusè & curiosè tractantem *P. Alphonsum d'Ovalle* Chilenfis Historiæ Scriptorem, à quo plura oretenus hic Romæ accepi, alibi producenda, Lector consulat. Videat & miretur, quæ *Olaus Magnus* in sua *Septentrionali Historia* de similibus subterraneis specubus seu potius regionibus narrat. Innumera hoc loco alia adducere possem ; Verùm ne opus in immensum excreſcat, hic calamus sistendum duxi, plura in hoc Operis decursu suis & locis & tempore oportunius adducturus.



MUNDI

MUNDI SUBTERRANÆI

LIBER TERTIUS

HYDROGRAPHICUS,

S I V E

DE OCEANI NATURA,
Origine, motibusque tum externis tum internis, item de
perpetua ejusdem pericyclofi, cæterisque miris in Natura rerum effectibus.

S E C T I O. I.

*De Natura Elementi Aquei, sive de Mari, motibusque continuis, quibus
id nullo non tempore agitur, & de miris effectibus, quos in Mundo Subterraneo præstat.*



Icetur in hac Sectione, in quem finem Natura hosce marinos motus circa Terræ Orbem constituerit. Item de varietate & mutatione æstus maris, quæ in variis Regionibus, Fluminibus, Insulis, Fretisque oc-

currit; De causis singulorum & omnium; de Fundi Oceani mira constitutione; De Circulatione Oceani per utrumque Orbis Terreni polum; & de mira constitutione & communicatione omnium marium per occultos Terræ meandros.

C A P U T I.

De diversitate Motuum, quibus Mare nullo non tempore agitur.

S U P P O S I T I O N E S.

TAmetsi in *Arte Nostra Magnetica* fusè celeberrimum hoc Naturæ opus, Accessum dico, & Recessum Maris, quam & Intumescentiam & Detumescentiam maris vocant, exposuerimus; quia tamen hoc unum ex maximis Mundi Subterranei arcanis est, cujus virtute omnia conservantur & sustentantur; idè quantum fieri potest, id hoc loco quàm exactissimè describendum duxi, ceu aptissimum naturæ instrumentum, quo mediante omnia, ut dixi, in Subterraneo Mundo, veluti in utero quodam & panspermatico Naturæ penuario, ad generationes rerum perficiendas, ut ex discursu patebit, unicè disponuntur.

Suppono itaque primò, Oceanum, quod commune omnium aquarum sublunarium receptaculum est, unicum habere motum naturalem, quo omnes & singulæ ejus partes in Sphæricam se superficiem nobis quidem insensibiliter, sensibiliter verò in superficiem planam componunt, quo peracto quiescunt; quod experimento constat; Si enim ventus lacum quempiam huc illucque fluctuare facit, hoc cessante, aquam ad suum æquilibrium sub æquabili superficie lacus redire notum est; Cum enim fluxilis naturæ elemen-

tum sit, fieri non potest, ut una pars alterâ altior aut profundior subsistat; ergo ad æquilibrium ut tendat, necesse est; hic enim finis est appetitus hujus elementi. Si verò universum Oceanum attendas in suo naturali statu, ille haud dubiè ad Sphæricam se superficiem componit, ut singulæ ejus partes sint à Centro Terræ æquidistantes; & pulchrè probat *Archimedes lib. de iis, quæ vehuntur in aqua.*

Suppono secundò. Mota una parte Oceani per impulsus vehementiorem, totum successivè Oceanum moveri, necesse esse: Cum enim sit corpus continuum, mota pars A, mox partem sequentem E extollet in B, &



B partem F in C; & C partem G in D; & sic deinceps in circulum, usque dum restituitur suo principio; tantò tamen semper motus debiliores esse putes, quantò à principio sunt remotiores; quæ omnia dicta sint de motu maris nullis ventorum flatibus, qui ubique passim dominantur, sublatiisque obviis littorum promonteriorumque impedimentis; hisce enim motum non impediri duntaxat, sed & destrui necesse est. Hinc patet, si canalis quispiam cujuscunque tandem longitudinis fuerit, aqua repleatur, subereisque obtu-

Q

raculis

Aqua Oceani in Sphæram se componit.

Mota una parte Oceani, totus successivè movetur.

Motus unicus est Oceani, i. e. que naturalis est

CAPUT II.

De Motu generali Maris, qui est ex Oriente in Occidentem.

Motus generalis Oceani est ex Oriente in Occidentem, & experientia diuturna iis, qui per immensa Oceani spacia ultrò citroque in novum Orbem suscepta navigatione innotuit. Qui enim solvunt ex India versus occidentale Bonæ Spei promontorium, atque ex Lusitania aut Hispania in Mexicum solvunt; multò breviori temporis spacio conficiunt istiusmodi iter, quàm vel ex Lusitania in Indiam, vel ex Mexico in Hispaniam. Præterea qui ex Porto Acapulco Novæ Hispaniæ in Insulas Philippinas navigare solent, ex dicto portu, ubi perpetua ferè malacia est, ad decimum gradum latitudinis Borealis contendunt, & juxta dictum decimi gradus parallelum, tam feliciter in Occasum navigant, ut immotis velis spacio 85 dierum 3000 miliariorum spacium conficiant, nec vela mutant, nisi ad Insulas, quas vocant *Ladrones*, ubi derelicto parallelo decimo ad decimum tertium navim dirigunt, ut os Insularum (*la boca de las Islas* vocant) recta ingrediantur, sicque vitatis periculis Manilorum tandem portum tutè obtineant. Tertiam itaque Terreni Orbis partem non nisi septimestri, hoc Orientali vento, qui nunquam nautas fallit, conficiunt.

E contra verò ex Moluccis sub decimo parallelo novam Hispaniam petere non possunt, utpote vento marique semper ipsis contrario; unde necesse est, ut ex Insulis Philippinis in Novam Hispaniam navigaturi quadragesimum gradum latitudinis Borealis addeant, sub hoc enim à ventis Borealibus, qui perpetuo in ora illa Americæ Septentrionalis regnant, impulsu, brevi tempore portum Californiæ obtinent. Ita oretenus mihi retulerunt *P. Simon Cotta*, & *P. Didacus Bobadilla*, Insularum Philippinarum procuratores, qui dictum mare jam bis sulcaverant.

Notatur & hic motus in Fretto Magellanico, ubi Oceanus ex Oriente in strictissimas hujus freti fauces irruens ingentibus æstuum ebullitionibus susque deque convellit omnia, donec sibi in Pacificum mare aditum inveniat. Sic per fretum Manilæ & Oceanum Gangeticum per Canalem Promontorii Comorni ex Oriente in Occidentem incitatissimo motu feruntur. Ad Sinum Paricæ tantà ex Ortū vehementiā rapitur, ut inde os Draconis dictum sit. Observatur & hic motus ab iis, qui ex Europa versus Canadā navigant; Oceanus quoque Tartaricus per fretum Weigats summo impetu fertur, quod tum ex ipso motu, tum ex copiosa glacie, quam dictus Oceanus in illud fretum evolvit, constat. In Mari Pariter Pacifico mare movetur versus fretum Anian; A Japone in-

citatur versus Chinam, pari modo in freto ad Javam concitatur. Verbo, in toto passim Oceano hujusmodi motum ex Ortū in Occasum observari, aded certum est, quàm certa est multorum annorum experientia unanimi omnium Nautarum, qui dictum Oceanum sæpè sæpius triverunt, consensu approbata.

Hujus itaque tam luculenti effectus causa inquiritur. Peripatetici more iis solito, statim ad primi Mobilis raptum, quod utrum in rerum natura sit, necdum constat, confugiunt. Alii Magneticam virtutem fingunt in Sole, qua mare trahatur. Alii Metaphysicis speculationibus intenti, tantum abest, ut causam tanti effectus assignent, ut potius obfurent. Nos rejectis remotissimis istis speculationibus ad viciniore & proximas causas procedimus.

Itaque melius philosophabimur, si hujus marini motus causam, Solis ex Ortū in Occasum devolutionem dicamus: Cum enim maxima Oceani pars Zonæ torridæ subdatur, Solque perpetuò ferè hanc plagam alicubi normaliter radiis suis feriat, atque aded ingentem aquarum molem quotidie radiis suis attractam attenuatamque vel in aërem, vel in vapores nubesque convertat, necesse est, ut in consumptarum attractarumque aquarum locum, aliæ ab ortu aut ab utroque latere substituantur: cum verò hæc aquarum attractio semper continuetur, effectum hunc fluxus maris in Occidentem pariter duraturum, nemo est qui non videt. Magnam autem & incredibilem aquarum copiam Solis virtute ex Oceano attrahi, quotidianæ & copiosissimæ pluviae iis in regionibus, quibus Sol verticalis est, abundè testantur; constatque ex relatione Nostrorum Patrum, qui in Collegiis Zonæ torridæ subjectis habitant; siquidem Sole ipsis in vertice constituto, circa meridiem tanta quotidie imbrium diluvia experiuntur; ut & camporum planities stagnare videantur, & portus littoraque abrasa è montibus arenâ cæterisque argillaceæ materiæ quicquiliis compleantur; atque hoc pacto mari, quod per Solem ablatum est, postliminio restituatur.

Cur verò sub quadragesimo latitudinis gradu venti ut plurimum Boreales dominantur in littoribus Maris Pacifici, causa est rarefactio vaporum, qui sub Zona torrida elevati, & in Borealem plagam longè lateque diffusi, à superveniente frigore, aëreque condensato denuò repulsi ventos memoratos efficiunt. Cur autem ventus in Mari Pacifico perpetuò sit Orientalis, causa est, quod Sole surgente vapores Oceano imminentes à frigore nocturno arctati, à subsequenti Solis calore

Cur brevius iter ex India in Lusitaniam conficiatur, contra longius.

Quomodo iter ex Insulis Philippinis in Mexicum instituitur.

Ubiq̃ locorum Euroroboreus Oceani motus notatur.

Varie de hoc motu opiniones.

Vera causa exponitur.

Copiosissimi imbres iis quibus Sol verticalis est.

Causa cur sub 40 gradu in Mari Pacifico Boreales venti dominantur.

calore rarefacti in ventos degenerent, qui cum anteriores Oceani semitas perpetuò sollicitent, mirum non est, causâ eâdem perdurante, & motum maris ex Ortu in Occasum, juxta Solis motum perpetuari. Accedit, quod ex Borea & Austro vapores repulsi, aquas utrinque perpetuò quoque intra Oceani Euro-Zephyreum Currentem cogunt. Est autem hic motus tantò vehementior, quanto Sol Oceano fuerit normalior. Unde quamvis in Oceano Zonæ temperatæ subjecto, vim suam Sol quadantenus exerat, quia tamen obliquè tantam superficiem maris radius suis ferit, hinc motus maris ex Ortu in Occasum, minimè hic tam violentus observatur, quam in Zonâ torrida, aut locis eidem vicinis.

Sub Zona torrida potissimum sese exerit Motus hic Euro-Zephyreus.

Lunæ motus eum maximè promovet.

Tandem Lunam quoque hunc motum Oceani Euro-Zephyreum multum promoveri, hinc constat, quod in conjunctione aut oppositione Solis & Lunæ, motus hic Euro-Zephyreus multò concitator vehementiorque à Nautis comperiatur; dum in conjunctione vacuatas à Sole Oceani semitas potenter premit, ex qua pressione mare semper in anteriorem partem, juxta Lunæ Solisque motum pellatur, ut infra fusiùs demonstrabitur. In oppositione verò, Luna noctu pariter in occasum premit, unde unda trudens undam perpetuò quædam sit ex Ortu in Occasum Oceani fluctuatio, qua defectus aquarum à Sole attractarum, per subsequentes aquarum à Luna compressarum concitationes resarciatur. In Quadraturis verò, uti Luna mare non perfectè respicit, ita minorem quoque compressionis effectum præstat. Et experientia docet, Motum hunc fere semper in quartis Lunæ oppido debilem esse.


Ex hujusmodi universalis Oceani motu, alii duo nascuntur ex Borea in Austrum, & contra.

Atque ex hoc motu generali Euro-Zephyreo, alii duo motus Oceani nascuntur; quorum unus est ex Austro in Boream; alter ex Borea in Austrum. Constat enim Oceanum ex Boreali Mundi angulo, vehementi quodam impetu versus Australem plagam prorumpere in Oceano Atlantico, quo sit, ut qui ex Lusitania aut Insulis, quas *Azores* vocant, versus Bonæ Spei promontorium iter faciunt, id citius, quàm contrà confi-

cient; durat autem hujus fluxus vis & efficacia semestri pene spacio, à Septentrione quidem in Austrum, & contrà. Quod quomodo fiat, aperiam.

Cum Sol, uti suprà dixi, perpetuò Zonæ torridæ immineat, ingentemque aquarum molem ex Oceano sibi subdito extrahat, fit, ut hujus Oceani tractus aquis evacuatis veluti decliviores reddantur. Septentrionalis verò Oceanus utpotè extra normales Solis radios constitutus, humidissimo suo temperamento plerumque circumvicinam aërem in se convertendo continuum aquarum incrementum suscipiat, seque in consumptarum aquarum locum, providâ rerum dispensatrice Naturâ hac ratione ordinante, substituât; fit ut Oceano sub Zona torrida, aquarum defectu laboranti, Septentrionalis incremento suo subveniat, ut dives egeno, omnibus partibus ad totius conservationem conspirantibus. Idem dicendum est, de Oceano Australi, Boreali opposito. Unde torrido & macilento semper ex, alterutrius Oceani ditioris penuario singulis semestribus alternatim veluti annona quadam à provida natura, nè in necessariis deficiat, deputatur, ad defectum unius, excessu alterius supplendum. Dicta hac experientiâ confirmo.

Si supra oblongum quoddam receptaculum aquis repletum, globum ferreum igne priùs candefactum, forcipe apprehensum sensim ex A in B. ducas, ita tamen, ut aquæ



superficiem non tangat; invenies quod dixi, aquam globi motum mox secuturam, in medio veluti canali quodam relicto, & si prius confinia aquæ & receptaculi notes, videbis cessante motu globi & frigefacti, aquam luculenter in vase defecisse, utpote calore globi in vapores resolutam. Atque hæc de Motu generali Euro-Zephyreo, seu Noto-boreo sufficiant.

Experimentum.

CAPUT III.

De Motibus, quos Currentes vocant, sive percussos, aut reflexos.

Contingit hic Motus multipliciter; Vel ex generali motu Euro-Zephyreo contra imminetia Regionum littora impulsus, & hinc deindè reflexus, quem Currentem Nautæ dicunt; vel ex ventorum flatibus, vel denique ex motu fluxûs & refluxûs reflexo, vi Lunæ causato. Qui ex Canariis Insulis in Mexicum solvunt, Currentibus Oceani maxima parte vehuntur, qui intra Cubam & Hispaniolam & Continentem No-

Currentes maris intra Canarias & Hispaniolam.

væ Hispaniæ adèd vehementes sunt, ut fluminis impetum referre videantur; navibusque semel in hujusmodi fauces coniectis, nulla recedendi facultas datur; imò ex Mexicano sinu in Hispaniam soluturis, littora Virginiae & Floridæ tenenda sunt, ut navis cursum suum tenere possit; cujus rei ratio alia non est, nisi quod Oceanus partim ex Borea in Austrum maxima vehementia ruens in Capite seu Promontorio Candido (quod *Cabo bianco*)

TURREN

SOS



180 19 40 50

90

80

70

60

50

40

30

20

10

Occidens

10

20

30

40

50



60

70

80

90

180 40 50





bianco) illius refluxusque, & hinc iterum ex Ortu in Occasum motu generali, cursum suum versus Insulas Cubam & Hispaniolam dirigat, ubi inter fauces conclusus constrictusque vehementes fluctuum commotiones excitat; Cum verò in sinum usque Mexicanum continuatus, ibi exire vetetur, ad Littora Virginiae & Floridae cursum decircinans, ibi summo impetu Oceano libero denique resti-

tuitur, denuò circulandus; quem motus, ut dixi, generalis maris egregiè juvat; cum enim ab hoc sub Zona torrida violentiam patiat, neque omni ex parte mare concitatum perumpere valeat, hinc reflexo Currente effugium quærens, intra dicta loca circularis, suo restituitur principio. Verùm de hisce insequentibus uberius dabitur discurrendi materia.

CAPUT IV.

De Motu generali Maris, ejusque circa Orbem Terrarum effectibus.

Lector primùm scire debet, quod sicuti flumina diversos in extima superficie sortiuntur effectus; ita & in mari: siquidem in Aëstibus, Currentibus, Syrtibus, absorptione & regurgitatione maris, flumina inter montium parietes conclusa, longisque ambagibus decircinata cæteris celeriores motum, ut experientia docet, acquirunt, & tantò quidem celeriores, quantò alveos habuerint decliviores; In latè verò patentes diffusa campos, dum suam explicant amplitudinem, tantò tardiori progrediuntur motu, quò alvei eorum planiores fuerint. Est & Oceani universi fundus haud secus ac in Terræ superficie, prorsus inæqualis; jam enim ingentibus montium catenis, scopulorumque multitudine cinctus, profundissimas alicubi valles & angiportus; modò in vastissimarum regionum planities exporrectas suas explicat undas; subindè in occultas & abditas voragine intromissus unà secum aquarum molem abducit; nonnunquam ex cæcis Terræ abyssis regurgitatus sævas concitat tempestates.

His ita constitutis, non possum non mirari nonnullorum imperitiam, qui dicunt, Mare semper quoad motum, eodem modo se habere, neque celerius in uno, quam in altero agitari. Quod uti contra experientiam est, ita temerarium esse judico, id asserere; uti paulò post inductione motus universalis maris ostendetur.

Certum est, Oceanum motu generali ex Oriente in Occidentem virtute Solis & Lunæ cieri. Constat autem ex superius allatis, æstum sive intumescentiam & detumescentiam Oceani virtute Lunari concitatam, non superficietenus tantum, sed totam Oceani massam molemque à fundo usque ad superficiem commoveri. Et ego horum omnium auritus testis esse possum, qui dum freti Siculi miracula scrutarer, non semel in summa maris intumescencia, ingentem strepitum audi- vi; & cum ex nautis quærerem, quisnam istiusmodi sonus esset; responderunt, hunc sonum semper percipi, mari in summo æstus gradu existente; fieri autem hunc sonum & strepitum fragorem ex collisione lapillo-

rum, conchiliorum, similiumque rerum fundo inhærentium, quæ rapiditate maris agitæ & identidem inter se collisæ hunc strepitum efficiant. Unde collegi primum, non superficiem tantum maris, sed & totam aquarum molem virtute Lunari moveri; Si enim hæc virtus conchilia in ipso fundo adhærescentia crustacea & mollia omnis generis, tum nova tum plena luna crescere faciat, certè vis motrix Lunæ in corpuscula nitro sale, alumine, vitriolo, bitumine composita, quibus universum mare refertum est, non minori virtute ager, quàm in alia. Maria quippe virtute Lunari rarefacta & attenuata, dum omnes simul locum majorem quærunt, & hæc subsequentes, & aliæ alias vehementer sollicitant; magnam indè intimi quoque maris commotionem & intumescentiam nasci, nemo nisi harum rerum imperitus negare poterit. Atque hoc primum est.

Altera opinio eorum est, qui sentiunt, Mare juxta declivitates vallium submarinarum non velocius, quàm in submarinis planitiibus moveri; quod experientiæ planè repugnat; Cum enim jam ostensum sit, universam molem Oceani unà moveri, certum est, in declivitatibus vallium illud majori impetu ruere, quàm in planis fundis; & diversi Oceani perpetui Currentes nunc in hanc, nunc in illam plagam velocitate sua ruentes, quæ naves etiam onerarias, non obstante secundo vento, secum rapiant etiam invitas; quod non fieret, nisi dictæ in mari declivitates darentur: hisce enim moles Oceani inclusa & coarctata diversaque non secus ac inter montes flumina cursum suum promovent, donec planioribus locis restituantur.

Sed dices, occurrere quotidie diversos & differentes in Oceano Maribusque Currentes, qui tamen non durant, sed extemporanei sunt. Resp. hujusmodi currentes non immediate à virtute Lunari, neque à dispositione fundi maris, sed à ventis aquas nunc in hanc, nunc in illam partem superficialiter agitantibus provenire; Unde non perpetuantur, sed cessante vento mare tranquillitatem nanciscitur: Currentes verò sive mare ven-

Fundus Oceani inæqualis causat celeritatem aut tarditatem fluminis.

Motus fluminis & refluxus totum maris molem concitat.

Experientia.

Declivitas fundi maris causat rapiditatem Currentium.

Objeccio.

tiſque tempeſtatibusque obnoxium, ſive tranquillum ab omni agitatione fuerit, ſemper tamen durant. Si itaque mare iſtis, quos diximus, motibus tam generalibus, quàm ſpecialibus non moveretur. ſed ſemper conſulteret, tunc verum quoque foret, mare ſemper eodem ſe modo, ſive fundus ejus planus, ſive declivis fuerit; ſed cum mare perpetuò jam ab Oriente in Occidentem modò ex Septentrione in Auſtrum, & contrà; nunc intra valles ſubmarinas Currentibus ſuis agitetur, illud eodem ſemper modo ſe habere impoſſibile eſt. Sed jam hæc omnia apodictica & geographica demonſtratione comprobemus.

Explica ante te Mappam Geographicam, quam datâ operâ, ita delineavimus, ut quæ propoſito noſtro oportuna fuerint, ex ea luce meridiana clarius eluceſcant. Diximus in præcedentibus, Motum Maris generalem eſſe ab Ortu in Occaſum; quod tamen non ita intelligi velim, quaſi mare continuato fluxu ſemper rectâ feratur ex Ortu in oppoſitam plagam, ſed ſubindè obliquo reflexu, nonnunquam circulari, interdum fluxûs & refluxus motum pro occurrentium impedimentorum conſtitutione cieri. Sole itaque exiſtente in vaſtiſſimo omnium Oceano, virtute luminarium, utpote in campo ampliſſimo ſe potiſſimum exerente, Oceanus percuſſus juxta motum ſiderum longè lateque ſe explicat, & potiſſimum per Archipelagum Indicum, 11000, uti referunt, Inſularum ſcætura turgidum. Obſervatum itaque, Mare in tanta Inſularum frequentia veluti carminatum, ob varias in ſequentes Inſulas obvias repercuſſiones & inſultus, inſolitoſ prorſus æſtus movere. Tria tamen loca potiſſimum recensentur, in quibus hujusmodi maris ludibria potiſſimum ſpectantur. Primus inter Japoniam & Chinam; Alter in freto Malacæ inter & Sumatram; Tertius inter Javam, Celebes, Borneo, & Terram Auſtralem. Inter Japoniam & Chinam mare nunc ex Occidente in Orientem, jam in circulum abiens tam ſævas cauſat tempeſtates, ut quemadmodum Hiſtoriæ Nauticæ narrant, naves involutæ vix ſeſe extricare valeant; impetus enim maris iis in locis tantus eſt, ut ex contrariorum fluctuum concuſſu vel ipſas naves in altum elevet à maris ſuperficie ſemotas, & præſertim accedente vento Cæcia per aërem in vicinos ſcopulos illiſas, in mille partes diffringat. Vide de his *P. Furnerium* in ſua Hydrographia lib. 6. c. 8. Cauſa hujus eſt: Quia mare Auſtrale ſummo impetu in Littora Chinæ repulſum ex Occidente in Ortum repercuſſum, curſum ſuum aliquoſque tenet, & novis ſemper & novis aquarum accumulationibus K (vide Mappam.) mare urgentibus, dum id repercuſſi fluctus ſuperare nequeunt, per littora Chinæ XYV. accedentē preſſurâ ad littora Japoniæ factâ, in circulum abire neceſſe eſt, & ſupervenientibus ex altera Japoniæ parte Auſtralis maris

fluctibus, dum mari ex Boreali parte circulato occurrunt, turbines ſævi ingentesque procellarum tumultus, ibi naſcuntur, unde navium hominumque interitus. Porro maris fluxu ex Oriente in Occidentem continuato, dum inter Inſulas Philippinas & littora Conchinchinæ paulò profundius ſeſe intra fretum Malacæ inſinuat, in hujusmodi gurguſtiis, M, tam inſolitas ciet tempeſtates æſtusque, quales ſæpè cum rerum omnium jactura nautæ experti ſunt; neque mirum eſt, cum mare per dictum Conchinchinæ Canalem, tanquam per profundiffimam vallem intra anguſtias, M, freti ſeſe inſinuet, ubi tantæ molis aquarum ſuſtinendæ impotens partem in circulos agit, partem in littora Sumatræ reverberat: Unde mare contrarios generali motui motus mentiri neceſſe eſt. Idem evenire dicitur inter Javæ, Borneo & Terræ Auſtralis freta: Mare quippe ex E, auſtrali Oceano ſollicitatum, tum propter innumeros Inſularum occuſus incurſusque, ſimilem ſuprà deſcriptis æſtuum faciem induit, donec ab Inſularum expeditum ſaſtidiis, liberum in Occidentem curſum proſequatur. Ex faucibus ergò fretorum O & P, ſummo impetu labens curſum ſuum primò dirigit verſus promontorium Terræ Auſtralis B, ubi reflexum Currentem ſuum dirigit in Septentrionem verſus ſinum Camboiæ R, tanto impetu, ut quemadmodum Itineraria nautica referunt, fluminis rapiditas videri & exiſtimari poſſit; In Gangelico verò littore fluxus & refluxus hujus torrentis tam velox & impetuoſus fertur, ut ad 30 milliaria littus nunc obtegit, nunc detegat, tanta velocitate, ut eum vix eques validiſſimo curſu evitare poſſit.

Quæritur cauſa hujus. Reſp. Mare dum per Currentem P Q, ad littus Terræ Auſtralis Q repercutitur, fluxum ſuum aliquoſque, verbi gratia in C, continuari, ubi Currens denud à ſupervenientibus Currentibus, quæ ex Inſularum circumjacentium angiporibus riuunt, obverſans, unâ cum iis in ultimam Sinus oram P dirigitur: Velocitatis verò marinæ hoc in loco cauſam eſſe dico, vallis ſubmarinæ præcipitem declivitatem, per quam Mare ſummo impetu ruens, deſcriptos paulò ante effectus in littore efficit. Cum verò Mare hoc loco tot vorticibus reſertum comperiatur, ut Nautæ eos vix ſuperare poſſint, cauſam eſſe dico, quòd mare hoc in loco R per quendam ſubterraneæ voraginis meatum in intima montium Imai & Parapaniſi hydrophylacia ad fontium fluminumque origines conſtituendas ſeſe exoneret; hoc autem ita eſſe, profunditatis maris nullâ hoc loco bolide explorabilis ſatis teſtatur, & in *Itineraria* fuſe deductum fuit.

Porro dum mare eo impetu, quo affluit, hoc loco reſſuat, fit ut Currentem ſuum priori Currenti relicto, utpote ipſi contrario partim verſus G, partim per Canalem F. Zeilanum inter & promontorium Camorinum conſtitutum

In Archipelago Indico cur tam ſævi æſtus.

Tempeſtates horrende inter Japoniam & Chinam & cauſa harum.

Currentes varii.

Ingens fluxus & refluxus maris in Camboiæ littoribus.

Currentium in mari Indico descriptio.

tum dirigat, non minori impetu, quàm quos in supradictis fretis descripsimus, impellat, ubi dum novos Currentium ex Terra Australi repercussorum occursum reperit, fluxum suum partim in Sinum Cambaiæ, partim in Maldinarum Insularum exercitum dirigit, ubi à firma statione, nec non multiplici armorum defensione præoccupatum receptui canens, versus Indiæ littora fuga sibi consulens, veluti circulatum in interiora sinus Indiæ littora fuga sibi consulens, veluti circulatum in interiora Sinus Indici rapitur; hic verò concursu cum priori Currente factò, ingentes pariter fluxus & refluxus excitat, tumorque ad quinque, vel ut alii, ad septem orgyas in dicto littore excrescit; In uno verò ex Ostiis Indi fluxus & refluxus maris præ cæteris omnes in admirationem trahit, tanta est currentis & recurrentis maris tum magnitudo tum velocitas, ut multi putent, prodigiosi huius æstus incrementis *Alexandrum Magnum* quondam territum ab ulteriori expeditione destituisse. Causam eandem esse puto cum ea, quam in Sinu Cambaiæ descripsimus, fundi videlicet maritimi declivitatem ceu abyssum quandam, per quam mare sese in interiora Montium ad lacus & flumina constituenda exonerat. Hanc autem submarinam vallem divaricari ex una parte versus Ostia Indi, ubi cum valle Terrena fluminis continuatur; Indum enim per profundissimas valles inter præruptos Montium scopulos currere, notius est, quàm ut dici debeat. Ex altera parte, uti Mappa monstrat ex G in E. usque in Sinum Persicum secedere, quod etiam ex fluxu maris perpetuò in dictas plagas nitente, innotescit. Sinum Persicum abyssis refertum, & per subterraneum meatum juxta Loffandam promontorium Mari Caspio correspondere, in *Tertio Libro* fusè ostendimus. Certum est Oceanum Indicum, uti impetuoso motu intra hoc mare irruit, ita sævissimas quoque & inevitabiles tempestates ex fluctuum inconstantia & varia Currentium nunc huc, nunc illuc repercussorum circulatione, excitare, quotidiana penè naufragia sat testantur, uti mihi oretenus tum Nostris Patres, tum alii, qui hoc mare non semel fulcarant, narrarunt; hi unanimi consensu dicunt, hoc mare tum ob inscrutabilem profunditatem abyssum potius, quàm mare dici debere, tum ob vortices, quos continuò agitat, subterraneis meatibus refertum. Accedunt huius Tygris & Euphrates amnes vastissimi, qui juxta Babylonem amico confluxu juncti, dum juxta Bassoram sese in hunc Sinum summo aquarum incremento per multiplicia ostia exonerant, fieri non potest, quin ingentes commotiones suscitent. Sed de hoc Mari alibi in hoc opere pluribus. Quare ad instituti nostri filum revertamur.

Tygris & Euphrates.

Currentes Oceani Africani.

Duo deinceps novi in hoc Indico Oceano Currentes occurrunt, unus ex Cambaiæ angulo resultans iter suum dirigit versus Litto-

ra Africæ, ubi torrentis instar partim in Mare rubrum, partim ad littora Africæ continuato fluxu per Canalem, Africam inter & Insulam S. Laurentii interjectum, veluti ex monte quodam in profundam vallem labens, eos ibi tum æstus, tum procellas excitat, quales nullo non tempore suo damno Nautæ experti sunt: hæc enim plaga uti scopulis & syrtibus intricata est, ita naufragiorum frequentia non exiguam sibi infamiam peperit, verè horror Nautarum. Alter Currens ex Sinu Cambaiæ ruens versus Terram Australem tanto impetu fertur, ut vix navis hunc Currentem secuta, redire visa sit, apertum signum, novam ibidem maris declivitatem, mare in nescio quos Australis Terræ X meatus subterraneos abducere. Porro ad Promontorium Bonæ Spei prior Currens cum posteriori concurrens junctis copiis novas suscitatur tempestates cum maximo æstus incremento; atque hinc laxiori spacio restituti, atque in immensas Occidentalis, id est, Africani Oceani regiones longè lateque diffusi, bipartito quodam fluxu universam Americam infestare videntur; parte Oceani ex S in D currente, & hinc à Currentibus Borealis Oceani supervenientibus inhibita intra Isthmi angustias, & Mexicani Sinus intricatissimas semitas deflecta; ubi eos excitat fluctuum fervores effectusque, quos infra in *Disquisitione septima* describemus. Pars verò altera Americæ Australis littora irruens, reflexumque à supervenientibus Oceani undis intra Magellanici freti angustias coarctatur, ubi concurrentibus ex Oceano Australi Currentibus, dum de transitu inter utrumque Oceanum pertinacissimo prælio concertatur, aqua in montium cumulos agglomerata fusque deque fert omnia, nisi Luna Marium arbitra, decremento suo refluxuque inter alterutrum mare pacem & inducias aliquantisper constitueret. Vide *P. Iosephum Accostam*, qui huiusce loci tempestates & pericula quàm exactissime descripsit, ubi & expressis verbis asserit, Oceanum veluti ex alto monte intra fauces, veluti intra vallem angustam scopulisque rupibusque intricatissimum summo impetu irruere; Idem Australi mari contingere, dum intra dictas angustias æstus incremento impellitur.

Promontorium Bonæ Spei.

Tempestates in freto Magellanico.

Itaque mare ex tantis freti angustioribus tandem eluctatum veluti de victoria triumphans, longè lateque in immenso & in exploratæ adhuc vastitatis Oceano Australi exporrectum, communi generalis motus ductu quietè & pacificè progreditur, usque dum termino, à quo hanc narrationem incepimus, restituatur; quæ uti in Mappa luculentissime monstrantur, ita hæc fusiùs explicanda non duxi.

CONSECTARIUM I.

Hinc sequitur primò. Aquas superficiales maris, nisi à ventis impediuntur, semper cursum

sum suum ex Ortu in Occasum suscipere; In vallibus verò submarinis pro eorundem constitutione nunc in has, nunc in illas oras derivari. Secundò. Maris cursum tam superficiale, quàm intra valles decurrentem impediri, ubi terrenarum Regionum littora & promontoria impegerit; ut proinde ex hisce rectè intellectis, omnium æstuum diversitas in aliis & aliis regionibus occurrens dependeat.

CONSECTARIUM II.

Ex hisce quoque sequitur, non ubique lo-

corum recensitos tum Currentium tum æstuum effectus eosdem semper esse, sed pro Luminarium in Zodiaco situ; alias enim mutationes subeunt, Lunà in Tropicis, alias in Æquinoctiali constitutà; Alias quoque in conjunctione & oppositione Lucis minimas, quemadmodum fusè in sequentibus docebitur. His ita constitutis, jam ad proximas horum effectuum causas explicandas calamus convertamus.

SECTIO II.

CAPUT I.

De secundo Motu Maris generali, ex duobus contrariis Motibus composito, & quem Æstum Maris, sive Fluxum & Refluxum, Accessum quoque & Recessum, aut Intumescentiam & Detumescentiam Maris vocant.

Varie opinioniones circa fluxum & refluxum Oceani.

Vera sententia fluxus & refluxus astringitur.

Æstu Maris uti nihil passim notius, ita ipsismet Philosophis causà ejus nihil hucusque ignotius fuisse, tot ac tanta placitorum, quæ inde exorta sunt, monstra, abundè testantur: Alii siquidem hunc motum in respirationem terreni, nescio, cuius animalis, ridiculo sanè figmento conjiciunt; Alii in motum Terræ diurnum circa suum Centrum, uti omnes, qui Terram circa Solem immobilem *Syphis* labore versant, quidam in Terræ motus subterraneos; Nonnulli Lunam Magnetem faciunt, mare nunc attrahentem, nunc repulsantem. Tempus me deficeret, si omnium nugæ hoc loco recensere vellem. Qui plura desiderat, is adeat *Meteorologiam Fromondi*, & *Furnerii Hydrographiam*, *Conimbricenses*, *Cabeum l. de Meteoris*, *Rheitam in Oculo suo Enoch & Elia*; ubi ea fusè refutata reperiet: Plerique tamen melioris notæ Philosophi in hoc conveniunt, æstum Maris aliundè provenire non posse, nisi à Luna: Sed & hi disparibus rationibus mirificè inter se digladiantur. Nos neglectis eorum placitis, nostram de mirifico hoc marium motu sententiam adstruemus, & tantò quidem exactius, quanto inde in Terreni Orbis intima Anatomia, majora nobis emolumenta, majoraque rationum momenta emanatura confidimus. Et quoniam æstus hujusmodi unum ex illis naturæ secretis est, in quo penetrando Sapientissimi quivis se cæcutire profitentur; Certè ipsos Jurisconsultos imitari nobis constitutum est, qui prius in factò concordant, antequam de Jure dispuent, cum ex ipso factò jus oriri tantum sit apud Legum Doctores. Hoc pacto, ut luculentius causa tam prodigiosi effectus nobis constet, effectum prius, sive rem ipsam liquidò testatam certamque nos habere necesse est, cum causam rei inquirere Philosophando, antequam certò nobis constat, rem verè sic se habere, ridiculum, ne dicam stoli-

lidum foret, & à ratione alienum institutum. Afferimus itaque, principalem causam æstus marini, quem affluxum & defluxum vocamus, aliam non esse, quàm Lunam unà cum Sole concurrente, sine quo Lunam operari impossibile foret; cum Sol radiis suis Lunam perpetuò illustret, virtutem Lunæ effectricem æstus suscitet, & sic tandem effectus infallibiliter, de quo tractamus, consequatur. Dicimus itaque Lunam proximam & efficientem causam esse motus hujus; Solem remotam & dispositivam; utrumque sidus adæquatum omnium motuum causam; materiale verò ipsum Oceanum unà cum alia & alia montium, littorum, regionum, Insularumque obviarum constitutione. De proxima causa prius dicemus, deinde de causa formali, & materiali, & tandem de finali. Lunam proximè principaliter æstus marini causam esse ita ostendo. Illa propriè causa proxima & efficiens alicujus effectus dicitur; quæ influit in effectum per influxum ex se formaliter defectibilem; adeoque essentialis quædam connexio sit causam inter & effectum. Sed hanc connexionem Lunam inter & Oceanum reperiri, notius est, quàm dici debeat. Ergo. Quod ut ostendatur, notandum, duplicem motum maris hoc loco considerari posse; unum diurnum, quo motus maris motum diurnum Lunæ sequitur ex Ortu in Occasum usque ad eum, à quo mota fuit, locum, spacio ferè 25 horarum sequitur. Alter est motus maris mensstruus, eò quod defluxus & affluxus maris sequitur motum Lunæ proprium, contra signorum successionem integro mense Lunari, qui mare bis paulatim crescendo ad summum incrementum circiter octo dierum spacio pervenit, & bis decrementum totidem diebus patitur. Sed prius diurnum maris motum exponamus. Irrefragabili experientia innotuit, singulis diebus ad Ortum Lunæ maris incrementum incipere, & 6 horarum

Sol & Luna causa fluxus & refluxus Oceani.

Duplex motus maris diurnus & mensstruus.

Ætus 6
horis cre-
scit bis, &
alio sero
decrefcit
bis, in op-
pofitis qua-
drantibus.

rarum spacio emenso maximum incremen-
tum obtinere; quod ut plurimum fit Sole in
Verticali seu meridiano existente; Luna verò
à Meridiano declinante aquas in derelicto
quadrante per totidem sex horas decrefcere,
ita ut in oppositis quadrantibus semper aquæ
sex horis vel crescant, vel decrefcant, uti post-
ea per instrumentum nostrum ad oculum de-
monstrabimus. In motu verò menstruo ætus
ita se habet. Tempore novilunii mare omnium
maximè tumet fervetque usque ad quartum
ferè ætatis Lunarum diem inclusivè; Nam à
quarto usque ad septimum notabiliter aquæ
incipiunt decrefcere, ita ut circiter die à no-
vilunio octavo sint humillimæ usque ad un-
decimum, & ab hoc usque ad decimum septi-
mum incrementum resumunt, à decimo se-
ptimo verò usque ad vigesimum secundum
decrefcunt usque ad vigesimum quintum, &
hinc usque ad conjunctionis tempus conti-
nua incrementa denuò suscipiunt, durante
perpetuò alterna hac incrementorum decre-

mentorūq; vicissitudine. Estque hoc primum
argumentum Lunæ cum Mari consensūs.

Alterum argumentum deducitur ex situ
Lunæ; siquidem Lunā in Æquinoctiali con-
stitutā omnium potentissimo influxu in mare,
utpote ad ipsum normaliter sita agit, non item
in Solstitiis constituta, ita ut quemadmodum
in diurno Lunæ motu, tunc maximum Mare
incrementum acquirit, ubi Meridianum atti-
gerit, ita in menstruo maximum Mare jure
merito acquirit aquarum incrementum, ubi
ad æquinoctialem pervenerit Luna, quorum
causa postea assignabitur, qui tunc quoque
omnium maximus & potentissimus est, quan-
dò sidus utrumque vel conjunctionis, vel op-
positionis tempore in Æquinoctiali constite-
rit. Atque uterque paulò ante expositus Maris
motus Lunæ consentiens, semper eodem
modo se haberet, si ab extrinsecis impedi-
mentis, de quibus postea, à suo itinere non
detorqueretur. Sed jam ad causam veram &
genuinam enodandam procedamus.

Argumen-
tum ex situ
Lunæ.

Pro diver-
so situ Lu-
næ Mare
majus aut
minus in-
cremen-
tum susci-
pit.

CAPUT II.

DISQUISITIO I.

Quanam virtute aut qualitate Luna mare moveat.

Diximus in præcedentibus Lunam esse
proximam ætus marini causam, quam
& innumeri alii Scriptores unā me-
cum assignant. Sola itaque difficultas in hoc
consistere videtur, quam scilicet virtute
aut qualitate tam mirificos effectus præstet,
quam uti nemo hucusque rectè exposuit,
ita mearum partium esse ratus sum, eam,
quàm fieri potest, luculentissimè demon-
strare.

Suppono itaque primò, Esse Lunam inter
& Terraqueum globum, mirum quendam
consensum & sympathiam reciprocā, or-
tam ex similitudine & proportionē quadam
temperamenti utriusque globi; siquidem
sympathiam ex similitudine nasci notius est,
quam ut dici debeat. Quemadmodum autem
nulla in naturalium rerum ambitu substantia
est, quæ non cum alia quāpiam sympathiæ
atque antipathiæ consensus dissensusque jur-
gia litesque exercent, ita corpus Lunare cum
Terraquei globi humido præ cæteris sideribus
miras consensus leges exercere notum est,
non ex inanimatis solum, sed & vegetabili-
bus sensitivisque substantiis, quin vel ex ipsis
humoribus in corpore humano existentibus,
qui ad Lunæ incrementum mirificè alteran-
tur: Lunatici furiant, podagrici plus solito
torquentur, catharris obnoxii rheumatis re-
plentur; In inanimatis Lunares species, uti
varii lapides & mineralia; In vegetabilibus
herbæ à mirifico consensu, quem cum Luna
habent, Lunariæ dictæ; In sensitivis anima-
lia Lunæ subiecta dominio, miras humorum

vicissitudines experiuntur, quibus cum plena
sint Physicorum monimenta, supervacaneum
esse ratus sum, iis commemorandis diutius
inhærere, ut vel hinc admirandus Lunæ in
sublunaribus consensus pateat.

Suppono Secundò, hanc virtutem Lunæ
influxivam esse specificam qualitatem à tota
substantiæ Lunarum similitudine promanan-
tem, subtilissimā, & mirè (quibusvis etiam
obstaculis positis) penetrativā; Siquidem
conchilia in fundo maris virtutem Lunarem,
incremento suo sat superque testantur; ca-
tharris obnoxii etiam inter densissimos parie-
tes conclusi; aquæ nonnullæ vitreis valis ar-
ctissimè munitæ, ad Lunæ incrementum ita
concitantur, ut bullire videantur.

Suppono Tertio. Corpus Lunare juxta
analogiam quādam & proportionem eo-
dem constare temperamento, quo noster
Terraqueus globus; sed hic unā cum univer-
so Oceano ex salinis corporibus, v. g. sale,
nitro, alumine, vitriolo, bituminosisque sca-
turinginibus maxima ex parte constare, iis
constat, qui Chemicæ peritiam habent, qui
omnia hæc se in aquæ marinæ distillatione,
tanquam in corpore, à quo omnium cæte-
rorum origo observatur, testantur; Cum vix
ullum corpus sit in hoc sublunari mundo,
quod salinis, nitrosis, vitriolatis, aluminosis-
que spiritibus, salibus tum fixis tum voluti-
libus non turgat, & fixi sales, quæ in ulti-
ma Chemicæ Magisterii consumatione repa-
nent, abundè monstrant, sale nitroque om-
nia plena esse; & talis constitutionis corpus

Lunæ vis
qua mare
concitat
est specifi-
ca non ele-
mentaris.

Omnia
plena mi-
neralibus.

R

Lunare

Sympathia
Lunæ cum
Terraqueo
globo.

Luna hu-
morum
massam
mover.

Lunare esse, non nisi experientia convicti asserimus. Constat quoque, salina corpora ea virtute imbuta esse, ut sive ob inclusos iis aëreos, sive proprios & innatos spiritus, simul ac luce Lunari simili virtute dotata mare tangitur, illud mox ob flatuosam, qua pollet, qualitatem extenuet, tumefaciat & mirifice undequaque dilatet.

Qua ratio-
ne Luna
mare mo-
veat.


Unde concludimus, Maris intumescantis detumescantisque causam unicam esse, qualitatem quandam flatuosam, & secundum analogiam ad corpus Telluris nitrosam vel salinam, Lunari corpori ab initio rerum concretam, lucis lunaris tepore ita temperatam, ut mox ac mare radiis suis tetigerit, illud ob similitudinem naturæ, & proportionatissimum temperamentum tanquam sibi connaturale & συγγένειαν agitet, tumefaciat, & longè lateque dilatet; hinc spiritus nitrosi, qui corpusculis aqueis includuntur, tepore lunari resoluti, dum majorem locum quærunt, necessario vicinas undas trudent, & hæc alias consequentes, & sic deinceps; donec Luna ad vicinum vertici locum pervenerit, ubi pondus aquarum non amplius sustinens, aquas in priori ascensus sui quadrante accumulatas dimittit;

in secundo quadrante novum accumulatura aquarum incrementum; unde quot horis aquæ in priori quadrante paulatim per fluxus sui adventum creverant, totidem successive horis decrescant, donec pristinae quieti restituantur. Hæc itaque specifica qualitas à Lunæ corpore effusa diffusaque hanc præ cæteris astris dotem adeptæ est, ut humorem non elementarem duntaxat, sed nitrosam salinaque corpora mixtorum tam inanimatorum quam vegetabilium sensitivorumque potissimum alteret, nitrosa sua & saluginea facultate. Verum ut res ad oculum pateat, hæc nonnulla experimenta adducam, quæ opinionem nostram ita stabiliunt, ut nemo nisi insensatus iis contradicere valeat.

EXPERIMENTUM I.

Accipe pelvim seu catinum latiore, quem aquâ nitrosâ unâ cum sale communi mixtâ replebis. hunc pelvim deinde si loco patulo Lunæ radiis & serenis noctibus exposueris, videbis cum admiratione, aquam statim incipere fervere & bullas agere, & tantò quidem vehementius, quanto luminaria viciniore fuerint locis tum oppositionis tum conjunctionis,

Aqua salina & nitrosa movetur à Luna.



quod non comperies, si aquâ fontanâ purâ catinum repleris, quia sale & nitro sufficienti

carent; & quamvis subindè idem commixta sint, ex aquæ tamen dulcis prædominio suffocata

cata suppressaque nullum commotionis effectum demonstrant. Hinc ii quoque qui humoribus falsis, nitrosis tartareisque defluxibus obnoxii sunt, Lunæ vim præ reliquis potissimum sentiunt, uti podagrici, Arthritici, Lunatici, Hypochondriaci.

EXPERIMENTUM II.

Fiat vitreus annulus A I B V cujuscunque magnitudinis, in oppositis locis A B nonnihil latior; deinde in hoc latiori districtu fiat alius quidam canaliculus A O, supra apertus, ut in Figura è regione posita patet; hunc annulum in B Mercuriali atque unà marino liquore impleas per foramen S, clausoque strictè foramine annulum horizontali situ subtilissimis fulcris innixum Lunæ radiis tempore plenilunii expones, ita ut media pars I A V intra murum aut fenestram reliqua pars I B V Lunæ radiis exposita sit extra murum aut fenestram; & videbis, Mercurialem liquorem Lunæ radiis percussum paulatim ex B moveri versus A, ubi cum nullum exitum reperiatur, per canaliculum A O sese exonerare, adeoque in ipso canaliculo, incrementi decrementique portiones ostendere. Quod idem experieris in aqua ex Bismutho & stolonibus olivæ tempore plenilunii resectis, extracta. Sed de hisce uberius suo loco.

EXPERIMENTUM III.

Experimentum hoc fecisse se scribit, & sapientissime ab aliis observatum fuisse refert *Gonzalus Fernandus d'Oviedo*, in sua *Historia Universalis America*. l. 13. c. 6. Si quis Corium lupi marini sive phocæ Lunæ radiis exponat, is videbit pilos hujus animalis ad incrementum Lunæ surrigi, & quod amplius, fluxus & refluxus maris leges perfectè servare. Verum ne quicquam addidisse videar, ejus verba hic allegabo. Sic enim ait citato loco: *Est præterea res notatu dignissima, quam de Lupo marino (quem & phocam seu vitulum marinum Plinius nominat) modò referam, & sic se habet: pelli hujus animalis, uti & cingula, ligula & marsupia ex ea parata hanc insitam sibi virtutem habent, ut mari tranquillo & sine incremento pili hujus animalis etiam planissimi sint, & mari existente in altissimo sui incremento, & pili hujus animalis recta quoque se surrigant: Estque res frequenti experimento à me cognita, & in dicta pelle singulis diebus spectatur, adeo ut quas mutationes in suo fluxu & refluxu facit mare, has & subeat hujus animalis pilosum corium. Quæ eadem confirmat Olaus Magnus in l. 6. Septent. Histor. cap. 6. de Lupo Marino sive Phoca.*

Similia exempla in variis animalium oculis, quæ ad Lunæ incrementa aut decrementa crescunt & decrescunt, Authores producunt; De quibus omnibus cum uberrimè in *Libro III. de Arte Magnetica Parte V. C. IV.* ege-

rimus, eò Lectorem remittimus, ubi admiranda quædam arcana, quæ ad nostrum propositum plurimum faciunt, tam in lapidibus, quàm plantis & animalibus Lector reperiet.

Exposita itaque qualitate Lunari, qua miros illos affluxus & defluxus effectus præstat in mari, jam quoque, quomodo Luna dum premit mare, dicta incrementa & decrementa perficiat, tempus est ut demonstremus.

Sit Horizon Astronomicus in Figura. Linea meridianaseu verticalis X H; sit præterea aquæ globosa superficies T A V O; quadrantes Terræ A V & O T Orientales, ille quidem nocturnus hic diurnus; quadrantes verò Occidentales A O, & T V. Luna verò in puncto X Indicis quacunque hora Terraquei globi superficiem feriat. Dico superficiem maritimam E Q V Y in ovalem Figuram E Q V Y abituram, & consequenter fluxum in quadrantibus Terræ fixis A V & O T refluxum in quadrantibus V T & A O secuturum; dimissis enim radiis lunaribus in superficiem maris Q E Y, mox illud Luna qualitate sua salinitrosa, unà cum facultate sua attenuativa & dilatativa juncta, id tempore illo Lucis Lunaræ in omnem partem tumefactum extendet, & hand secus ac lapide quodam in tranquillam aquæ superficiem in circulos se ampliabit, majoremque locum quærens pressa superficies cum eum non inveniatur, undis undas trudentibus, resolutisque ex tempore Lunari nitrosis corpusculis violentam quoque maris extensionem, & tumorem versus Y & Q efficiet. Mare ergo radiis Lunæ nitrosa illa & salina qualitate imbutis pressum, versus puncta Q & Y, tanto intumescet violentius, quanto potentiori illud aspectu Luna verberaverit: Coacervatâ verò aquâ in punctis Q & Y, necessariò illæ in E diminutæ decrescent, eò quod aquæ jam affluxu suo evacuatae, in tumores Q & Y recesserint; sed & aquæ contractæ in V, pariter deficient, oppositæ puncto E; eò quod aqua partim ob Lunaræ luminis absentiam à virtute tumefactiva Lunæ remotior, condensata, partim à Solis radiis attracta diminutaque in naturalem sese statum receperit; atque adeò non secus ac in puncto T, paucior minorque appareat; & uti hæc duo opposita puncta cursum Lunæ perpetuo sequuntur, ita necessario quoque duo aquarum circa globosam maris superficiem tumores successive & perpetuo consequuntur. Hinc ut modus in mari concitando Lunæ exactius appareat, Terraqueum globum per circulum A O T V minimum immobilem & fixum indigitavimus, Ovalem verò Figuram E Y V Q, quæ tumores maris exhibet, brachiolo N Lunæ X, exhibuimus, quem si circumduxeris, videbis oculari quadam demonstratione, quomodo in diversis Regionibus mare paulatim crescat, paulatim decrescat in oppositis locis. Apparet quoque, quomodo tumores aquæ Q & Y Lunæ motum circa


R 2

Terra-

Experi-
mentum
mirabile.

Lupi Ma-
rini sive
Phocæ pili
ad ætus
incrementum
surri-
guntur.

Terraquem Globum sequantur. Quæ ita clara sunt, ut ulteriori expositione non indi- geant. In gratiam tamen Lectoris uno atque altero exemplo id declaremus. Circulus inti-



mus terram exprimens semper fit immobilis, in quo si ad datam horam Meridianum maris per Romanum clima transeuntem, Luna horizontem subeunte applices, index X T, supra consequentes horas promotus, ostender in quadrante Q E aquas continuò crescere respectu meridiani Romani, uti & in opposito quadrante V Y, in reliquis oppositis duo-

bus quadrantibus E Y & Q Y, continuò decrescere in iis locis, quos nomina meridianorum indicant; post sex verò horas, aqua, quæ in quadrantibus oppositis aqua incrementum sumet per totidem horas. Vides itaque spatio 24 horarum aquas bis affluere, & bis defluere. Atque hæc quoad motum diurnum Lunæ sufficiant.

CAPUT III.

DISQUISITIO II.

Cur Mare potissimum vim suam tempore Novilunii & Plenilunii exerat.

Inæqualitas motus Lunæ non officit æstui.

Inrefragabilis experientia docuit, tum mare potentissimis motibus agitari, cum Luna Soli opposita, aut cum eo conjuncta fuerit, non ita, quando in quadraturâ constituit. Quæritur hujus causa. Verùm antequam ad ipsam declarationem accedamus, prius rem ita sese habere, ex variis variorum observationibus docebimus.

Sciat itaque Lector, motum Lunæ verum in Zodiaco oppidò anomalum seu irregularem esse, ita ut medium hoc loco motum sup-


ponere coacti simus, qui tamen non ita æqualis est, ut non constitutum tempus subindè ab eodem deficiat: Nam Luna in perigæo constituta multò celerius (uti patet ex Theoricis) à Sole recedit, quàm cum in apogæo est, atque tunc longius summum incrementum protrahitur, quàm horis sex & 12 min. Quæ omnia probè consideranda sunt. Accedit hisce inæqualitas mensium Lunarum, quorum aliqui superant 30 dies, alii minores sunt 29: alii medii sunt, videlicet die-

Inæqualitas mensium Lunarum.

rum

rum 29. horarum 12. 44 minut. Quicquid sit, in re Physica Mathematica præcisio attendenda non est, five enim Novilunium aut Plenilunium dimidio horæ præcedat five sequatur, dico, curandum non esse, cum nobis sufficiat,

maris agitationem ante & post Luminarium conjunctionem aut oppositionem nonnullis diebus ; maximam autem in ipso Novilunio aut Plenilunio maris æstum incrementumque contingere : Cujus rei causam quærimus.



tom. prim. de p. 2

continua uerem


quam et si hic non exprefferimus, Lector imaginari sibi poterit. Sit autem Luna tempore

Cum itaque radii solares quanto propiores fuerint Diametrali Lunæ oppositioni A B;

R 3

tantò

Terraquem Globum sequantur. Quæ ita | geant. In gratiam tamen Lectoris uno atque
 clara sunt, ut ulteriori expositione non indi- | altero exemplo id declaremus. Circulus inti-




Inæqua-
 tas mot-
 Lunæ r-
 officit :
 stui.

in Zodiaco oppido anomalum seu irregula-
 rem esse, ita ut medium hoc loco motum sup-
 rium, quorum aliqui superant 30 dies, alii mi-
 nores sunt 29 : alii medii sunt, videlicet die-
 rum

inæquali-
 tas men-
 sium Lu-
 narium.

rum 29. horarum 12. 44 minut. Quicquid fit, in re Physica Mathematica præcisio attendenda non est, five enim Novilunium aut Plenilunium dimidio horæ præcedat five sequatur, dico, curandum non esse, cum nobis sufficiat,

maris agitationem ante & post Luminarium conjunctionem aut oppositionem nonnullis diebus ; maximam autem in ipso Novilunio aut Plenilunio maris æstus incrementumque contingere : Cujus rei causam quærimus.



Notandum itaque, quod etsi Luna ex se & sua natura frigidi & humidi temperamenti sit, fit tamen, ut communicatis à Sole radiis ipsa humiditas & frigiditas ita temperetur, ut nec frigore nec calore excessivo, sed tepore quodam imbuatur; ex tepore verò qualitas illa Lunæ nitrosa, quam æstus marini causam supra diximus, suscitata, tantò in mare agit efficacius, quantò luminis, quod dictæ qualitatis veluti vehiculum quoddam est, majori copia mare verberaverit. Cum ergo Luna circa Plenilunium lumine communicato à Sole, rectioribus radiis potentius feriat, vehementiorem quoque inde motum consequi necesse est. Quod ita ostendo.

Sit superficies maris five globi terraquei I, circulus Lunæ excentricus ovalis figuræ A B C D, hanc enim figuram singulis mensibus Luna bis in apogæo, & bis in perigæo constituta describit, uti ex Theoricis patet, quam etsi hic non expresserimus, Lector imaginari sibi poterit. Sit autem Luna tempore

conjunctionis in puncto A; oppositionis verò tempore in puncto B; tempore verò quadratæ configurationis in punctis D C. Dico, Lunam in punctis C & D, mare minimo, quo potest, gradu moveri; in punctis verò A & B, maximo. Ducantur ex Centro Solaris corporis per phases Lunæ A O D C F G, &c. quæ signant ætates Lunares, 29 dierum unius mensis Lunaris, nos hic phases tantum posuimus quæ lineæ radios in Lunaris corporis superficiem incidentes referant; ex his autem punctis Lunæ lineæ ad Centrum Terræ ducantur A I, S I, T I, V I, &c. quæ radios Solis Lunari tepore, & nitrosa qualitate imbutos, & ex Luna in Terram reflexos designent. His positis, Dico, tantò radiosam qualitatem reflexione sua effectum sortituram potentior, quantò reflexi radii, uti ex Catoptricis patet, directo plus appropinquant, five quantò reflexus ad perpendicularum magis accesserit.

Cum itaque radii solares quantò propiores fuerint Diametrali Lunæ oppositioni A B;


R 3

tantò

tantò quoque radium efficient reflexum normaliore, potentior ergo maris commotionem hinc effici necesse est; cum mare dicti radii rectà feriant, & ad perpendiculum tota Lunaris facies Mari obversa sit; singula quoque Lunaris faciei, sive radiosæ lunaris disci projecturæ qualitate nitrosa prægnantes operabuntur, quod nisi in oppositione, eique vicinis punctis nullibi contingit: siquidem in quadraturis Lunaribus Solares radii, præterquam quod obliquissimo situ Lunarem discum feriant, ipsa Luna quoque medietatem tantum faciei suæ Terræ obvertat; uti tumefactiva Lunæ vis hinc inde Solaribus radiis in diversas plagas dissipata non integra Terræ influit, ita motus quoque maris ex inconvenienti aspectu Lunæ deficiens, immotum veluti inducias quasdam cum eo constituisse videtur. Accedit & illud, quod cum Luna tempore Dichotomias in apogæo, id est in remotissimo à Terra excentrici sui puncto constituta sit, virtute Lunari quasi languescente, effectum in mari desideratum præstare non possit: Luna verò contrà in perigæo, id est, proximo & vicinissimo Terræ puncto constituta, quid in ϵ & ϕ sit, necessario ex hac approximatione vivacissimum in mari virtute sua effectum producat. Ex his patet, cur mare tempore plenilunii, cæteris temporibus turbulentius sit, magisque increseat. Vide quæ uberrimè de reflexi radii natura scripsimus in *Arte Magna Lucis & Umbra*, in fine *primi Tomi*.

Sed jam secundam partem difficultatis excutiamus: Quomodò videlicet, tempore Novilunii, dum toto suo vultu à Terra diversa, nec Terraqueum globum respiciat, nec lumen ullum ei communicare possit; tantæ in mari commotionis effectum producere possit.

Nota itaque, quod uti Sol tempore conjunctionis Lunæ est vicinior, ita radiis in Lunarem faciem rectà dimissis, Lunari qualitate maris tumefactiva, quam corpus Lunæ perpetuo exspirat, totus imbuatur; haud secus, ac Solaris radiatio per coloratum transiens vitrum in obviis rebus, adeoque toto interjecto medio spacio, eum colorem, cujus vitrum est, refert, parietesque rubro, si vitrum rubrum fuerit, viridi si viride, si puniceum puniceo colore, imbuat: Ita dico, Solares radios tempore conjunctionis immediatè sibi subjectam Lunam ferientes, eadem qualitate, qua Luna affecta est, imbui: Nam cum hoc Syzegas five interlunii puncto, facies Lunæ Soli rectà obversa, in nullo prætereà excentrici sui loco, Soli vicinior sit, certè ingentem tunc tum Lucis Lunaris intensiorem, tum qualitatis nitrosæ concitationem fieri necesse est; quam undiquaque diffusam radii Solares mox atque attingunt, nativo vigore Lunæ tinguntur ac veluti imprægnantur, atque aded intermediæ diffusæ qualitatis virtute foeti, dum in maris incidunt superficiem, ceu Vicarii quidam Lunæ, eundem in Terraqueo globo effectum, quem Luna, & multiplicato quidem foenore præstent. Atque hoc experimento ostendo.



EXPERIMENTUM.

Fiat oblongus Cylindræus Tubus A B. in cujus orificio B ponantur odorifera quæ-


vis non confertim, sed quantum fieri potest, rare compacta, hunc tubum intra cubiculum quoddam dirigas, ut orificium odoriferis rebus

bus

bus refertum, Soli rectè obvertatur, alterum verò. A. intra dictum vergat cubiculum, & experieris, mox ac tubus Soli rectà fuerit oppositus, Solis radios B odoriferam materiam transeuntes in cubiculo suavissimum odorem, si rosæ, roseum; liliaceum, si lilia; si violæ violaceum excituros; quod non fit, Sole odoriferam materiam non illustrante; Sol enim virtutem in floribus latentem calore suo excitat, ejusque radius quasi qualitate odorifera tinctus percolatusque, hoc pacto illam extra tubi orificium, intra cubiculum derivat. Ex hoc experimento liquet, quomodo Sol tempore interlunii qualitate tumefactiva maris tinctus, & per Lunare effluvium quasi percolatus, dicta qualitate imbuatur.

Et quoniam totum corpus Lunare dicta virtute imbutum est, hinc obscuriorem partem Lunæ & à Sole averfam, qua Terram respicit, dum ambientibus Solis radiis aliquo modo excitatur atque rarefcit, reliquo junctum profluvio, effectum quadantenus congeninare necesse est. Atque hanc ego causam esse existimem, cur mare tantoperè concitetur Sole Lunæ conjuncto.

Sit Sol A, Corpus Lunæ B, Atmosphæra qualitatis Lunaris C C C undique diffusa. Vides igitur profluvium luminosum Solis per Atmosphæram virtutis Lunaris C colatum, cribratum, carminatumque copiosa fœtura tingi, conceptamque tincturam D per luminosum radiosum profluvium vehiculum in mare



tandem derivari; Unde illud potentissimè triplici de causa concitari necesse est. Primò quia Sol qualitate lunari imbutus fortius & efficacius operatur, quàm ipsa Luna. Secundò; quia Sol magis est penetrativus, acutiùs mare radiis suis, quàm Luna ferit. Tertiò; quia radii Solares hac qualitate imbuti majorem globosi maris superficiem stringunt,

quàm Lunares, ut ex Theoricis patet, & consequenter, uti majorem aquarum molem, ita motum efficaciorè præstant. Accedit huic, quod dum Solis ex Luna reflexus radius mare ferit tempore Novilunii, normaliter omnium fiat actio efficacissima; Cum verò Lunâ in punctis reliquis constitutâ, radii Solares semper plus aut minus ea qualitate imbuantur.

imbuantur, fit, ut mare Solaribus radiis Lunæ vicariis percussum tantò majus sumat incrementum, quantò Luna puncto A, fuerit vicinior, & tantò majus decrementum sumat, quantò punctis X H fuerit vicinior; in his enim ob omnium obliquissimum situm, Terraqueus globus omnium minimè de virtute Lunari participat, ob causas suprà insinuat.

Incipit autem Sol tingi, tribus diebus ante conjunctionem, in puncto L, unde & mare crescere incipit, usque ad punctum conjunctionis B, ubi incrementum maximum est, & hinc paulatim decrescit tribus aliis diebus, donec Sol extra Lunarum profluvii radios in puncto R constitutus vicariam operam suam Lunæ restituat; quæ tamen uti lumine debili deinceps mare verberat, ita minimè quoque id concitat, donec à quadratura paulatim emergens, indies majus majusque incrementum, pro magnitudine luminis, quo mare ferit, producat.

COROLLARIUM.

Hinc patet, tribus aut quatuor diebus ferè ante Novilunium Mare tantum Solari lumine, Lunari tamen virtute tincto agitari; At totidem diebus ante vel post plenilunium, Lunam propria sua virtute mare immediatè concitare tantò potentiùs, quanto ipsa puncto oppositionis B, fuerit vicinior; Reliquis verò diebus ante vel post quadraturam, Mare ob exilitatem communicatæ virtutis Lunarum veluti quiescere videtur. Hoc pacto M N Luna ex H progressa in puncto usque V tribus ante oppositionem diebus vires acquirit, majores usque ad F oppositionis punctum, ubi maximè urget & ex hoc paulatim diminuta vigore usque ad S punctum, tribus post oppositionem diebus, ibidem deficere incipit, usque ad punctum X, ubi minimi in concitandis aquis vigoris est.

CAPUT IV.

DISQUISITIO III.

Cur Mare non semper sex horis fluat aut refluxat in diversis Orbis Terræ partibus, & undè tam irregulares Maris motus proveniant.


SUPPOSITIONES

Ex observationibus factæ.

Suppono Primò. Si totus Terrenus globus aquâ, uti in Cataclysmo Universali, tegetur, nullum tunc fluxum refluxumque vi Lunæ causatum appariturum; sed tota maris fluctuatio ventorum flatibus in hanc vel illam partem mare dispellentibus

sine dubio adscriberetur: & ratio in propatulo est; quia fluxus & refluxus ratio in alto mari non advertitur, sed tantum in littoribus, in quibus tantummodo accessus & recessus maris notatur.

Suppono Secundo. Si tantum unica in Oceano Insula sub æquinoctiali linea constituta existeret, v. g. Insula *S. Thomæ*. Dico fluxum & refluxum maris ad istiusmodi Insulam



semper constanti, & invariabili ordinis lege vi Lunæ ex Oriente in Occidentem motæ

sefe habiturum; si quæ tamen foret motus diversitas, illa ventis potius, quàm Lunæ, maris

ris

ris affluxum aut defluxum vel impredientibus, vel in alias & alias partes divellentibus adscribenda foret.

Sit Insula A sub Æquinoctiali posita, & unica in Mundo; Luna verò sit in γ vel ϵ , ibique normaliter premat subjectam sibi superficiem maris, quæ in tumores undique & undique accumulata, haud secus ac in stagnum quodpiam lapis coniectus majores semper & majores undarum diffusiones usque ad littora B C D E F, explicavit, & aqua quidem ad littus D, rectà illisa incrementum sex horarum ostenderet; In littus verò C & E obliquè illisa, ibidem totidem horis incrementum faceret; in littoribus verò concavis B & F, obliquissimè illisa circulares faceret reflexiones. Pari pacto Luna in Tropicis O & N constituta, alias & alias illisiones aquarum causabit in littoribus, uti linea O G, O C, O D, O E, O F, quæ undarum cursum indigitant. Simili modo, Sole in Tropico N F constituto, in dictis littoribus F E D C B, alias & alias illisiones produceret, quod & de omnibus & de singulis parallelis Zonæ torridæ, in quibus Luna pro tempore existit, intelligendum est. Luna iterum in loco X constituta, mari intermedio ad littora Y Z Q prioribus opposita dispulso, ibidem novum incrementum ostenderet, in oppositis verò decrementum moliretur, & hoc semper sex horarum spacio, constanti & immutabili naturæ lege, nisi à ventorum flatibus, uti dixi, impediretur. Si enim Boreas spiraverit, Currentes maris à Luna concitati versus Austrum dispellerentur; è contra Austro spirante versus Boream. Luna verò in L & S constituta versus littora Y Z Q, novos aquarum incremento afflatus parabit, & qua proportionè crescet hic mare, ea in oppositis littoribus decrescet. Vides igitur in hac Figura, aquas se dilatare ad pressionem Lunæ, juxta ventorum Rhombos in pyxide Magnetica dispositos, & juxta respectum, quem ad littora habent, & Figura hæc posita luculenter demonstrat.

CONSECTARIUM I.

Ex his patet, Affluxum & Defluxum Oceani ex se & sua natura semper esse similem, impediri tamen & retardari variis de causis; primo vel ex dispari continentium Terrarum, Promontiorum, Insularum obviarum, Sinuum, alia & alia constitutione.

Secundò, ex differenti Oceani fundi dispositione, cujus uti magna est inæqualitas, ita diversimodè mare eà concitatur.

Tertiò, Ex subterraneorum meatuum partim ingentes aquarum moles, quas ad instar fluminum non ex fundo tantum, sed & ex lateribus subaqueis evomunt, situ; partim ex spirituum subterraneorum violenta eruptione; quo generalis maris motus mirum in modum impeditur.

Quartò, Ex ventorum nullo non tempore mare nunc in hanc, modo in illam partem agitantium flatibus.

CONSECTARIUM II.

Quantitatem fluxus & refluxus ex se & sua natura inconstantem esse in quolibet loco, & diversam ad diversos dies, eoque majorem vel minorem, quo Luna remotior, vel propinquior ei loco extiterit; quoniam enim Luna singulis diebus locum suum in Zodiaco mutat; atque adeo aliis diebus, aliis locis fiat verticalis, & per consequens à quovis loco remotior, vel eidem vicinior.

Hoc posito concludimus, quod diversa sit ad diversos dies in eodem loco quantitas fluxus & refluxus, sive ea quantitas sit sensibilis, sine insensibilis. Quod itaque tam dispar fluxus & refluxus ratio in diversis littoribus observetur, id non tam Lunæ nunquam in certo loco stabili, quàm diversæ continentium Terrarum, Sinuum, Insularum, ventorumque conditioni adscribendum esse putes, uti postea ostendemus.

Observatum enim per irrefragabilem experientiam omnium eorum, qui littora Oceani, aut cæterorum marium adhabitant; Primò, maximam maris intumescantiam tunc primò fieri, cum Luna Meridiani ejus loci supremum vel imum punctum occupat; sed in multis aliis locis intumescantiam illam fieri alio Lunæ situ, observatum fuit.

Secundò, Observatum fuit, Mare ad pleaque littora sex horis cum 12 minut. affluere & totidem horis defluere; In nonnullis tamen locis, pluribus horis affluit, paucioribus refluit, uti postea dicetur; ita tamen, ut tempus fluxus & refluxus, nempe inter duas maximas intumescantias simul faciat 12 horas cum 24 minut. vel ut alij volunt, ferè 25 horas; atque adeò tumor maris singulis diebus integrà ferè horà serius accidit; quia Luna integrà ferè horà, scilicet 48. minut. tardius ad eundem Meridianum vel verticalem redit singulis diebus.

Tertiò, Observatum fuit, in aliquibus locis affluxum esse maximum & vehementissimum; in nonnullis minimum; In quibusdam nullum, vel vix sensibile contingere. Quæritur itaque ratio omnium harum diversitatum. Quæ ut quàm luculentissimè ostendatur, hæc Hydrographicas Figuras apponendas duximus, ut per eas, tanquam in prototypo singularum adductarum hucusque observationum ratio liquidius appareat.

QUESTIO I.

Cur in nonnullis locis summa maris Intumescantia contingat, Lunâ Meridianum obtinente; in aliquibus verò locis, Lunâ intermedium inter Cardinalia puncta locum obtinente.

Respondeo. In omnibus istis Oceani locis, ubi nullum impedimentum intervenit,

Cur tam dispar fluxus & refluxus maris in diversis partibus.


Excessus altus & defectus præcisè constituunt 12. horas 24 minut.

Causa omnium harum diversitatum.

Fluxus & refluxus maris semper ex se & sua natura est sibi similis.

nit, fluxum sex horis, & refluxum totidem horis Luna Meridianum obtinente, durare observatum est; uti fit in freto Magellanico, in Canali ad littora inter Africam & Insulam S. Laurentij interjecto; In freto Manilano, Javæ & Malacæ; in his enim locis mare veluti carminatum suum motum versus Occidentem recta & constanter tenet, uti ex *Mappa* patet; si tamen à ventis & Currentibus Maris, de quibus postea dicitur, non impediatur aut interturbetur, uti passim fit; & de hoc apud neminem controvertitur. Difficultatis cardo in hoc versatur; Cur in nonnullis locis summa accadat maris intumescencia, antequam Luna Meridianum attingat, id est, tempore Novilunii aut Plenilunii, tum tandem summum mare robur & incrementum sumat, cum in plaga Austro-Zephyrea, aut Euro-borea constiterit Luna: Siquidem Londini maximè heteroclitum se monstrat mare; aqua enim tum primum altissima est, cum Luna pervenit ad plagam B vel A. In

Londini
variatur æ-
stus.



China in portu Urbis Maccan, uti refert *P. Martinus Martinii* in suo *Athlante*, aqua diversis temporibus diverso Lunæ situ, suum obtinet incrementum: Circa Septembris vigesimum diem Luna nova maximum incrementum sumit horâ ferè sesquioctavâ ante meridiem, Lunâ tribus horis adhuc à Meridiano diffitâ: Tertia die Februarii, tertia die Novilunii maximus affluxus maris fit post duodecimam; Undè colligitur primo die Februarii, summum sive maximum affluxum aquæ fuisse post horam decimam minuto quadragesimo, & deindè 16 Febr. ipso Plenilunii die observatum fuit incrementum maximum maris fuisse ferè circa meridiem. Secunda Junii, quarto à Novilunii die altitudinem maximam maris pariter fuisse ferè circa duodecimam; Undè colligitur, primo die Novilunii fuisse circiter tribus ante meridiem horis incrementum summum; addit observatum, tempora & horas maximæ altitudinis & decrementi aquæ non convenire cum illis horis, quæ ex Lunæ motu supputantur, nisi quinq; diebus ante & post Novilunium; affluxum tamen in hac parte nonnisi horis ut plurimum novem durare, tribus defluxum; adeo ut semper tempora affluxus & defluxus simul

Excessus &
defectus
horarum
in æstu si-
mul additus

sumpta conficiant 12 horas cum 24 minutis circiter, uti suprà diximus. Sed ut perspicacius de singulorum motuum diversitate philosophari possimus, observationes primò adducendæ sunt.

In Belgio, Francia, Anglia, Hollandia Mare ad dictarum Regionum littora, tempore Novilunii & Plenilunii. ita se habere, uti sequitur, perpetuâ experientiâ observatum fuit.

Observationes Æstus Maris in Belgio, Anglia, Francia, Hollandia, ex variis collectæ.

Horâ 12 Plenilunii aut Novilunii incipit mare intumescere ad summum in littoribus Flandriæ, Enchusæ in Hollandia; In Frisia, Zelandia. Doremberniæ in Anglia. Minut. 45 post duodecimam Flissingæ in Zelandia.

Observa-
tiones æ-
stuum in
Belgio ob-
servato-
rum.

Horâ 1½ post duodecimam in Occidentali latere Insulæ Wicht, Caleti, ad Ostia fluvii Tamesis Angliæ, ad littora Zelandiæ in Ostiis Scaldis.

Horâ 2½ post 12. Ante Ostia Scaldis & Mosæ. Horâ 3 post 12. Amstelodami, Rhoterodami, Dordraci, Novi Castri in Anglia, ante Pulvinos Flandriæ, In Ostio Garumnæ in littoribus Britannicæ, Galliæ, Hispaniæ. In Occidentali littore Irlandiæ ad Hollandiam usque.

Horâ 3½ post 12. Rhotomagi in Gallia, ad Capellam, in fluvio Garumna, cæterisque finibus littoris Hispanici, Lusitanici, Galliciæ.

Horâ 4½ post 12. à Texelia ad Australia littora Irlandiæ.

Horâ 5½ post 12. In omnibus partibus Australis littoris Hyberniciæ, Plimurhi Angliæ.

Horâ 6 post 12. Ante Hamburgum in Albi; in Canali inter Angliam & Brabantiam.

Horâ 6½ post 12. Inter Bavick & Vaelmuyam.

Horâ 7½ post 12. In statione navium (op de *Reede*) ad Texaliam Kikduinæ.

Horâ 8½ post 12. Juxta Insulam Wicht, usque ad Bevesier.

Horâ 9 post 12. Ante ostia Amisii fluvii Frisiæ, & ad omnia ejus littora.

Horâ 10½ post 12. Ante ostia Tamasis fluvii Angliæ, ad littora Normandiæ & Picardiæ.

Horâ 11½. In fluvio Tamesi, aliisque Angliæ locis.

Observationes factæ à Nautis in Oceano Occidentali circa Æstum Maris, in Noviluniis.

In Freto Gaditano Luna nova, aqua plena est post mediam noctem horâ ——— 1½. Eodem tempore in portu Caleffi, & in tota illa plaga maritima à Tarifa, & S. Luca. A Promontorio Rutæ usque ad caput S. Mariæ, mare plenum est post mediam noctem ——— 2½.

A Ca-

A Capite S. Mariæ usque ad Caput S. Vincentii, & hinc usque ad Caput Finis Terræ, & hinc per littora Biscajæ & Franciæ aliquibus locis, excepto Ostio Garumnæ, aliisque nonnullis locis, quas *Boglienas* & *la Ollona* vocant, mare plenum est, post mediam noctem. ———— 3

In citatis verò exceptis plenum est post. med. noct. ———— 2½

In Littoribus Franciæ ad Pondavid, Cordum, Blancabum, & quem Furnum vocant. ———— 3½

A Forno usque ad Insulam Hebas mare plenum. ———— 4½

Ab Insula Hebas, & quas *Caschetti* vocant, usque in Carnesul ad littus. ———— 5½

In Continenti Franciæ, quæ respicit dictas Insulas. ———— 6½

In Normandia & Picardia, Caleti, Neoporti. ———— 9

In medio Canali Franciam inter & Angliam. ———— 12

A Caletto usque Neoportum in Mari 13 miliarib. à littore. ———— ¼

A Caletto usque ad Gravelingam in Mari à littore diffito. ———— 1½

A Gravelinga per totum Flandriæ littus & Zelandiam. ———— 3

Et in Mari à littoribus diffito. ———— 3½

Causæ varietatis æstus.

Cur itaque tanta diversitas contingat in supra citatis locis, nec uniformiter fiat maris commotio, Rationes sive causæ partiales plurimæ concurrunt: Prima & radicalis causa est motus maris generalis à Luna in alio & alio Zodiaci Dodecamorio constitutâ, concitatus. Secunda ratio est, diversus Oceani ad littora Americæ appulsus & repulsus, ex qua multimoda reflexione ad littora disparatæ constitutionis nascitur maxima tum quoad tempus, tum quoad incrementum maris diversitas. Tertia est, fundi maris alia & alia dispositio; Neque enim quispiam sibi eum ubique æqualem imaginetur; Sed uti in *Itinerario Extatico Submarino* ostendimus, disparatissimæ conditionis: Quemadmodum enim in Terreno globo ubique ingentia montium cacumina assurgunt; valles profundissimæ in alias & alias valles discriminatæ, longissimo spatio in innumeras regiones deducuntur; Flumina ex montibus evoluta innumerisque aliis ditata per immensas terrarum ambages sinuosis voluminibus decircinantur: Idem intra mare contingere tibi persuadeas velim, in quo Insulas præcellis suis verticibus montes altissimos esse putes, imo maris fundo insertos; Spacia verò maris intra Insulas & Insulas, fretorumque submarinorum gurgustia, profundissimas valles esse scias; neque deesse putes flumina submarina, quibus subinde fluxus generalis tum rectus, tum reflexus mirum in modum impeditur. Iterum, quemadmodum experientia docet, flumina inter montes coarctata semper velociora iis, quæ in planis locis lentò passu intra mare de-

Fundus maris non secus ac Terrena superficies in æqualis est.

Montibus & vallibus fundus maris exasperatus.

volvuntur, & inter angustias tum montium, tum planitierum flumina velocius moveri in medio, quàm in littoribus, nisi fundus Currentis fluminis in Terram magna aquarum mole aggravatus irruat, quod sine exesione corrosioneque littorum obviorem fieri non potest. Idem in fundo maris contingit; cum enim tota aquea Oceani massa virtute Lunæ usque ad fundum concitatur; in fundo verò innumeri ubique locorum immensi scopulorum pectines, & profundissimæ valles in submarinas regiones longè lateque exporrectæ occurrunt; Hinc aquarum moles hujusmodi vallibus sive profunditatibus supraeminens virtute Lunæ concitatur motu maris generali ex Ortu in Occasum; quæ verò inter altissimorum montium sive Insularum littorumque valles concavitatesque conclusæ sunt aquæ, hæ impetum juxta vallium ductum sequuntur, atque hos nos Currentes naturales vocamus; Hi enim ubi obstaculum terrenorum montium Insularumque offenderint, tunc ecce percussæ aquam vel in oppositas partes, vel obliquitates, vel pericyclofi quadam seu circulatione alia & alia insultibus suis infestant littora, uti suprà demonstravimus. Quæ cum non eodem tempore contingant, sed serius aut tardius pro vario fluctuum maris tum rectorum tum in alios & alios tum Currentes, tum littorum tractus variè reflexorum concursu, certè æstum maris generalem iis in locis non eodem tempore contingere, vel ex dictis luculenter patet. Accedit, quod hi Currentes variè pro vario in Zodiaco Lunæ situ mutantur varianturque; Luna siquidem in Tropico & constituta, & longè à Vertice nostro diffita, mare diverso modo agitat; diverso in Æquinoctiali; diverso in Tropico & nobis viciniore; diverso Soli juncta, alio eadem opposita; alio & alio in quadraturis posita.

Motus maris sequitur concavitates vallium submarinarum.

Mare pro diverso Lunæ situ variat æstum.

Ratio Quarta est ventorum diversitas, quæ superficiem maris potissimum dominatur; quibus Currentes maris tum recti, tum reflexi oppidò aut retardantur, aut concitantur velocius.

Venti impediunt æstum.

Ratio quinta est. Ingentium fluminum in Oceanum evolutio; ubi ex continuo undarum conflictu naturalis æstus maris mirifice impeditur, fluminisque impetus non nisi ingenti Oceani irruentis pondere tandem superatur, atque adeò affluxus tardius; citius defluxus contingit; uti videre est in Garumnæ Gallici fluminis ostio, & in Africanò flumine, quod *Senega* vocant, uti postea docetur.

Fluminum in mare exoneratio impedit æstum maris.

Ratio sexta. Cum maris fundus, quemadmodum in citato *Itinerario Extatico Submarino* ostendimus, sit innumeris canalibus perfossus, fit ut ex subterraneis æstuariis nullo non tempore ingentes exsufflentur exhalationes, quibus mare mirum in modum tumidum redditur, iisque motus generalis Maris non parum turbatur.

Halitus submarini impediunt æstum.

Atque ex hac causarum conglobatione

omnes heteroclitici maris æstuantis effectus solvuntur; in quibus producendis, nunc una, jam plures, subinde omnes concurrunt. Sed jam ordo postulat, ut nonnullos propositos nobis casus per rationes præmissas resolvamus.

CAPUT V.

DISQUISITIO IV.

Cur Londini in fluvio Tamesis tunc maxima maris intumescencia accadat, quando Luna in quadrantis Austro-Zephyrea parte constituta fuerit; contra Lunam in Borealibus signis & in Euro-borea plaga constitutam, tunc maxima intumescencia contingat, tribus videlicet horis antequam Meridianum Londinensem pertingat.

Dico itaque. Cum Luna in Australibus signis constituta ab Oceano Germanico, quam ut eum radiis suis attingat remotior sit; Hinc fit, ut per ambages id præstet, quod rectis aut obliquis radiis non potest; Mox enim ac Luna Meridianum Londinensem attigerit, tum simul etiam Londini in Tamesi Mare crescere incipit; hoc autem initium incremmenti non provenit à Lunari virtute immediatè, qua Mare Germanicum premitur, sed per Oceani reverberationem quandam ex littoribus factam, ut sequitur: Siquidem Luna in Meridiano per Londinum transeunte constituta, dum virtute sibi propria subditum sibi Oceanum Indicum normaliter premit, hic pressus & sensim intumescens, perque Æthiopicum Oceanum longè lateque diffusus, cum ad Americæ Borealis littora exitum non inveniat, is mox percussus exindè, duplici via aditum sibi in Germanicum pandit Oceanum; primò ex Occasu in Ortum per mare Angliam inter & Franciam constitutum. Secundò per Oceanum Septentrionalem circa Scotiam circulatus, ubi ad Norvegiæ littora appulsus, repulsusque indè, dum se in Germanicum mare violentius insinuat; interim prior Oceani pars per Anglicum sive Britannicum Mare, faucesque Ictias irruens, dum longè lateque se pariter in omnes Germanici maris plagas explicat, fit, ut utriusque Oceani fluctibus concurrentibus, ingens lucta in mari nascatur, & uti inferius mare superius superare nequit, ita illud Borealis Oceani pondere pressum, qua data porta fugiens, rectà obvius sese Tamesis ostio committit, undè paulatim aqua usque ad maximum incrementum exuberat, quod fit horà circiter tertia post meridiem, Lunam in plaga Austro-Zephyrea constitutam; & statim cessante Oceani fluctuatione, unà etiam paulatim aqua fluminis decrescere videtur.

Sed Figura te melius omnia docebit, in qua ad littora Americæ A, fit appulsus Oceani à Luna concitatus; hic ex A percussus partim in C & B, partim in F circulatus, & ad Insulas M L allisus repulsusque, denuò Currentem suum vel per O, aut per P orditur, qui

obvius littoribus C & H repulsus, mari Germanico D impetuosè insinuat, cum in V, currentem X Y offendat, tanquam ad sibi resistendum impotentem insufficientemque, partim ad circumvicina Angliæ, partim ad Flandriæ Daniæque littora, potissimum in obvium Tamesis X ostium depellit, unde ibidem incrementum maximum contingit aquarum, tribus horis postquam Luna à Meridiano Londinensi discessit, tanto enim tempore, uti ex nostra æstus marini Rota patet, dicta maris circulatio ab Americæ littoribus usque in constitutum locum durat.

Sed jam ad alteram difficultatis partem progrediamur, qua dictum fuit, Lunam in Borealibus signis aut & Tropico constitutam, tunc primum maximum incrementum aquarum Londini causare, cum ea constituta fuerit in opposita Euro-borea plaga. Dicimus itaque, hoc idè fieri, quod Luna tunc mari dicto proxima ut supereminet, ita virtute sua id potentius quoque feriat; Undè Lunam oriente Mare D paulatim pressum, mox intumescere incipit, dumque liberum in faucibus X exitum non reperit, hinc aqua ad ostium fluminis X conglobata, intra tres horas summam intumescenciam maris efficit, quod aliàs si liberum in patenti mari exitum reperiret, intra sex horarum spacium contingeret, uti in reliquis littoribus Angliæ. Luna itaque in Euro-borea plaga constituta ob dictas causas tribus horis anticipat incrementum. Interea Oceanus Atlanticus ad Americam appulsus retropulsusque, uti per Britannicum mare ruens, aversum à se Tamesis Ostium reperit, ita illud præteriens, vel in Boreales, vel Ortivos maris tractus diffusum unà secum tumidas in Ostio dicto stabulantes aquas rapiens abducit, unde & decrementum contingit, ab hora 9 usque ad 12 & ultra.

Causa ostenditur irregularitatis motus.


CONSECTARIUM I.

Ex his patet, quodcumque Currentes Maris recta sibi obvium vel Sinum, vel littus habuerit, in illud quoque vim suam maximè exercere; uti fit in littoribus Z Hybernæ, Scotiæ, Insulisque M L. Contra verò, si littus aliquod

Fluxus
maris ad
littorum
firum pro-
pagatur.

aliquod obliquè tantum raserit, aut illud prorsus aversum habuerit, in illo quoque incrementum nullum fieri, uti in littoribus B B maris Britannici, nisi obstaculum aliquod, aut Insulam, aut promontorium post illud invenerit; in illud enim illius maris Currentens, reflexusque tandem in loco, quem prius præterierat, aliquo post tempore incrementum causat. Atque hæc causa est, quare in diversis littoribus tam inconstans sit tempus

horæ incrementi; Quia mare primò recto cursu illud littus præteriens, dum in aliud litus reflectitur, illud repulsum in loco derelicto, tandem quod primò neglexerat, reflexo cursu repetit. Multum quoque juvat ad irregularis temporis rationem intumescencia maris, quæ fit per motum generalem à Luna concitatum; vel enim in Ortivo quadrante mare crescit, & in Occiduo decrescit, vel contra in Ortivo decrescit, in Occiduo crescit;



Varietatis
fluxus &
refluxus
ratio.

vel denique in utroque crescit, vel in utroque decrescit, ex qua combinatione nascitur ingens marini æstus quoad tempus diversitas; Contingit enim, ut mare in cuiuspiam promontorii Ortiva parte decrescat, in Occidua verò crescat, & contra, ut fit in Sinu Gallici maris W literâ signato; ubi in Occiduo littore promontorii X aqua Maris Britannici æstu crescente, ob illisionem in dictum Caput factam crescit; in opposita verò parte Ortiva decrescit cum maris aquâ generaliter

prætereunte & defluente; post aliquot verò horas hic in littoribus X crescere incipit, ed quod mare decrescens in curvum maris littus juxta fauces X impulsus, aquas in littus oppositum * retroagat; interim in opposita Occidui promontorii parte aqua decrescente. Quod itaque de uno dicimus, de omnibus aliis dictum esse intelligis. Possem hoc loco omnes heteroclitos maris in diversis littoribus tum Regionum, tum Insularum effectus describere, eorumque rationem dare; sed qui

qui hucusque dicta penitus intellexerit, in huiusmodi solvendis nullam difficultatem reperiet, cum ad unam semper vel plures, aut etiam ad omnes concurrentes supra memoratas rationes & causas, exoticus maris æstus revocari possit.

CONSECTARIUM II.

Cur in ultima Septentrionalis Insula Weigaz æstus fiat ex Ortum in Occasum.

Patet quoque, cur in Freto *Weigaz* æstus maris ex Occasu in Ortum contingat. Dico, eam ob causam id fieri, quod illis Oceanus ad Littora Americæ F, Currentem suum per E O & P, ex occasu in ortum, uti Mappa monstrat, ducat, atque ibi inter Insulas, novam Zemblam & Weigaz, Continentemque Finmarchiæ & Biarmiæ strictum, summo impetu Oceanum Orientalem se exonerat, decrescente verò mari E O P, æstus quoque ex Ortum in Occasum remeare necesse est. Cur quoque inter Angliam & Hiberniam, tam insolentes K maris motus observentur. Causam dicimus esse circulationem Currentium ex E mari Deucalidonio & B Britannico in K reflexam, ubi mare inter varios Sinuum, Insularumque anfractus, variisque gurgustis fra-

ctum, divisum, undarumque diversa, recta, obliqua, ac sinuosa repercussione conturbatum heteroclitos æstus effectus causare, nil mirum est. Accedit hisce subterraneorum Canaliculorum utriusque Insulæ ultrò citroque aquas suscipientium eructatio; quibus concurrentibus nil tibi in æstu marino stabile promittas. Eadem causa adscribitur inconstantiæ maris in Insulis Hebridibus.

CONSECTARIUM III.

Cur in littoribus H Occiduis Norvegiæ fluxus & refluxus nunquam sensibilis observetur. Respondeo, cum Currens maris E O P, à glaciali mari, & à littore Finmarchiæ repulsus viam suam versus H & V, in Germanicum Oceanum decircinet, atque adeò dicta littora H, recta appellere non possit, sed ex H, versus V defluat, incrementum quoque ibidem singulare non notari; accedit alterum Currentem E M H per L obvias Insulas tum Hebridas & Orcadas, tum per Insulas H Norvegiæ adjacentes veluti carminatum, virtutem suam fluxu maris paulatim languescere, deperdere.

Cur in Norvegiæ littoribus æstus sit insensibilis.

CAPUT VI.

DISQUISITIO V.

Cur in Ostio Garumnæ Galliæ flumine aqua septenis horis crescat, tribus verò tantum decreseat; Contra verò in Senega Africae fluvio aqua maris quaternis horis crescat, octonis decreseat.

Causa cur æstus in Garumnæ fluvio 7 horis fluat, 5 refluxat.

Respondeo ad primum. Quia cum Oceanus ex Americæ littoribus repulsus recta Cantabricum Sinum C ingreditur, rectaque Garumnæ sibi ostium obvium habeat; fit ut Currentes littora β & γ radentes, atque in C concurrentes, magnā luctā decertent; atque adeò Ostium Garumnæ C obsepant; quoniam tamen fluxus directus A Δ C, recta ostium petit, fit, ut priores Currentes reluctantes impetu Currentis A Δ C fracti, unā simul ostium penetrant, sed hic nova lucta undarum Garumnæ sese fluxui maris opponentium accedente, dum potentiori maris Currenti resistere non possit, cum tempore mare prævaleat, incrementumque unā horā tardius, septenis videlicet horis, quàm generalis motus maris postulat, ob labores in evincendis fluvii undis exanthlandos perficiat; Detumesciente verò maris fluxu, & fluvius veluti liberiori auræ restitutus, facilius breviorique tempore, videlicet quinis horis, decrementum suum conficit, ut hoc pacto tempus fluxus & refluxus, quod 12 horarum natura constituit, uti septenis horis in laborioso affluxu insumpsit, ita illud in defluxu brevitate temporis, quinis videlicet horis recompenset.

Fluvii Senegæ Afri-

Ad *Senegam* fluvium, quem & Geographi *Nigrum* vocant, quod attinet, cur is qua-

ternis horis affluat, octonis defluat. Dicimus, hoc idè fieri, quod generalis motus Lunæ in Indico mari concitatus, & per Æthiopicum Oceanum longè lateque diffusus, cum Insulas Hesperidum primum sibi obvias impetatur, fit ut inde repercussus versus ostium fluminis Senegæ, cæteroquin lenti tardique, illud tamen intrans, incrementum paulatim ordiatur; cum verò interim Oceanus ad Brasilæ littora appulsus repulsusque indè recta dictum ostium petens, quaternarum horarum spacio mirè augmentet, fit, ut interim alius ex Borea maris Currens, impetum prioris Currentis infringat, alioque divertat; hinc detumescente paulatim ad fluminis ostia æstu, mare quod in interiora fluminis quieti & tranquillæ sinuosa volumina irrepserat, sensim unā cum lentitudine fluminis decurrens, suo tandem detumescente jam Currente, qui fluxum fluminis cohibuerat, post octonas horas alveo restituatur.

ex æstus ratio.

CONSECTARIUM.

Hinc patet, tantò mare plus temporis, cæteris paribus, in affluxu atque incremento aliqujus fluminis, insumere, & tantò facilius defluxum contingere, quantò flumina, quorum ostia intrat, fuerint rapidiora declivioraque: **Contra**

In ostiis
fluminum
rationes
æstus de-
clarantur.

Contrà Mare tantò minus in fluminibus afflu-
xu laborare, & plus laborare in defluxu,
quantò flumina fuerint planiora, quietiora,
tranquilliora; hæc enim irruente mari, facile
replentur; contrà in declivioribus flumini-
bus mare plurimum ad eorum undas superan-
das laborat. Patet quoque, Currentes sese
mutuò impedire, & naturalem affluxus mo-

tum ita refecare, ut quod sex horarum spa-
cio affluxu suo mare præstare debebat incre-
mentum, id non nisi quaternis aut pauciori-
bus horis, pro Currentis alterius impetu in-
tercedentis anticipatione aut posticipatione
perficiat, ut ex dictis patet. Atque hanc ego
causam esse putem, in differentibus flumi-
num æstibus.

CAPUT VII.

DISQUISITIO VI.

Proposuit non ita pridem Perillustris &
Generosus Dominus *A. de Moray* Eques
Scotus, insigne de exotica æstus mari-
ni constitutione, quod in Orcadibus &
Hebridibus se observasse scribit, dubium;
quod cum multis aliis peritis frustra propo-
suisset, tandem ad me confugit, sperans fu-
turum, ut tam inexplorabilis effectus causam
redderem, lumenque aliquod adferrem tam
impenetrabili difficultati. Verba dicti Equi-
tis, prout ex litteris ejus ad me datis excerpta
sunt, sunt sequentia:

*Rei nautica, inquit, perusile esset, historiam
justam maris æstus & motus omnes tam regula-
res, quam anomalos ubivis occurrentes fuisse ex-
plicantem condere. Quicquid hucusque de hac re
videre contigit, manum puto. Te dignum sane
facinus esset, hoc munus suscipere. Mira sunt
in quibusdam locis fluxus & refluxus alternatio-
nes. Ego his narrabo, quod in Insulis Hebridum
partim propriis oculis observavi, partim ab inco-
lis fide dignis didici. Est locus in freto Insulis
minusculis, rupibus & syrtibus frequentibus
consperso inter majores vulgò Eust & Herres in-
sulas sito. Æstus maximi, id est, tempore con-
junctionis & oppositionis Solis & Lunæ, quo
plenimya fit hora sexta, ordinatè procedunt; flu-
xus ab Oriente in Occidentem sex horarum spacio,
sicuti & refluxus ab Occidente in Orientem perfic-
itur. Hoc duobus diebus ante Plenilunium ejus-
que oppositum, ac totidem post ea semper sic se ha-
bet; Tertia autem die & deinceps longè aliter,
toto enim tempore diurno siue fluat, siue refluat,
cursus aquæ semper Occidentem versus dirigitur,
nocte verò in Orientem vergit. Hoc ego ipse de-
prehendi; sed ferunt insuper Indigenæ, aliud ad-
huc magis mirum hæc accidere. Tota scilicet die,
dum Sol signa Borealia perlustrat, cursus aquæ
dictos in Occidentem tendere, tota autem hyeme in
contrarium; quorum causam mihi non est conce-
sum penetrare. Hactenus verba supra citati
Equitis.*

Tria itaque in hoc proposito dubio confi-
deranda sunt: Prius, cur duobus diebus ante
& post conjunctionem & oppositionem So-
lis & Lunæ, mare semper sex horis fluat &
refluat; & hic æstus, uti ex generali motu
maris Lunæ vi concitato provenit, uti suprà
fuisse ostensum fuit, ita ulteriori expositione
non indiget. Altera majorem difficultatem

habet; Cur tertia die à Novilunio aut Pleni-
lunio, mare diurno tempore semper Occi-
dentem versus, nocturno verò tempore O-
rientem versus mare diffluat? Tertia est, Sole
Borealia signa transeunte mare semper Oc-
cidentem, in Australibus verò signis, hyeme
videlicet, semper Orientem versus currere.
Verum cum dicta observatio non omnibus
numeris secundum omnes circumstantias sit
expressa, meum in hoc negotio iudicium in-
consultius interponere, æquum esse non ju-
dicavi; cum non sciam, utrum post tertiam à
conjunctione & oppositione diem tam exo-
ticam mutationem subeat, an verò reliquis
quoque subsequenter crescentis aut decre-
scentis Lunæ diebus, quod in dubio non ex-
pressum fuit. Secunda ratio majorem adhuc
difficultatem patitur, id est, quod mare in æ-
state semper Occidentem, hyeme verò sem-
per Orientem versus currere dicatur; quod
pariter concipi non potest, eo quod præce-
denti observationi contradicere videatur.
Debuissent itaque omnia quàm diligentissimè
specificari; utrum videlicet exceptis Novi-
lunij & Plenilunij mare in æstate tantum in
Occidentem, aut in hyeme tantum in Orien-
tem vergeret. Quod si ita accidit, necessariò
sequetur, mare semestri spacio semper Occi-
dentem, & altero semestri, Orientem pete-
re, quod absurdum est; cum jam extra con-
junctionis & oppositionis tempus, noctu tan-
tum Orientem, interdiu verò Occidentem
mare petere observatum sit; unde uti nihil in
hoc dubio determinatum est, sed confusa
quadam ratione perscriptum, ita quoque ju-
diciu de iis præcipitantiùs ferre non homi-
nis prudentis, sed insensati foret. Ut itaque
genuina tantarum mutationum causa quàm
exactissimè eruatur, oportet primò à peritis
hominibus observationes fieri quàm præci-
sissimas, videlicet, quis & an sit motus ille exo-
ticus tertio ante & post conjunctionem &
oppositionem Solis & Lunæ; utrum illo tan-
tum die duret, an sequentibus quoque die-
bus à dictis Lunæ locis remotioribus, deinde
quo tempore incipiat noctu versus Occiden-
tem mare currere; quo tempore interdiu in
Orientem; an istiusmodi contrarii fluxus præ-
cisè sub duodeno horarum numero compre-
hendantur; Deindè quomodo hic fluxus se-
mestri

Expositio
dubii.

Mira æstus
in Hebridi-
bus Insulis
varietas.

Æstus maris quo ad fluxum & refluxum, in alto Oceano observare difficile est.

meſtri ſpatio in Occidentem æſtivo tempore daret, quomodo in Orientem tempore hyberno; Utrum hoc de ſingulis ſemeſtris ſpaci diebus intelligendum ſit, utrum tantum in diebus extra Novilunium & Plenilunium conſtitutis; Iterum an id quovis Lunæ in Zodiaco ſitu contingat; Tandem rectè deſcribendus foret littorum Inſularumque ſitus, profunditas maris exploranda, & ſimiles circumſtantiæ, ſine quarum combinatione, ut ad intentum propoſitumque nobis ſcopum pertingamus, fieri non poteſt; Dicit enim vix poteſt, quantum in diverſis maris fluxibus oculi nos ſubindè fallant, non dicam imperitos, ſed rei nauticæ à juventute aſſuefactos; dum putant, mare in hanc vel illam partem

currere, cum tamen nihil aliud quàm maris quædam fluctuatio, qua illudimur, exiſtat; unde quemadmodum ſuperius quoque diximus, nil difficilius ſit, quàm in alto mari fluxum & refluxum maris obſervare; In locis quoque Inſularum multitudine intricatis; in ſumma maris nunc in hanc, nunc in illam Inſulam impacti, multiplici reverberatione, & perpetua undarum circulatione, maris conſtantem in Orientem aut Occidentem motum obſervare, quàm difficillimum iudico. Sed ad alios caſus exactioribus obſervationibus, & nulli non, qui huiusmodi oras accollunt, quotidiana experientia notos progrediamur.

CAPUT VIII.

DISQUISITIO VII.

Cur Mare Australe, vulgò del Zur, juxta Panamam tam inſolitos & incredibiles fluxus & refluxus faciat. Contra in Mari Boreali, vulgò del Nord, juxta portum Nombre di Dios, cæteriſque Continentis Americæ littoribus, vix ſenſibilem æſtum cauſet.

TRactat hanc quæſtionem *Franciſcus Gonzales d'Oriedo in ſua Univerſali Hiſtoria America l. 2. c. 10.* Aitque, omnibus Philoſophis & Literatis ſe prodigioſos huiusmodi maris effectus propoſuiſſe, at nulum fuiſſe, qui in cauſæ aſſignatione aliquam dederit ſatiſfactionem, ac proindè propriam conſeſſos ignorantiam, quæſtionem hanc tanquam inſolubilem reliquiſſe, nec fieri poſſe putat, cauſam huius rei dari poſſe, niſi à viro Divinitus illuſtrato. Nos verò non tantum ingenium requiri ſolò lumine naturali, tam mirificos effectus ſi non intimè, ſaltem aliquo uſque penetrari poſſe cenſemus; & ne tam inſignem exercendi ingenii occaſionem neglexiſſe videremur; omnibus primò effectuum utriuſque maris circumſtantiis ritè examinatis, Terreni quoque ſitus utriuſque maris diſpoſitione & proprietatibus exploratis, tandem in veram tam exoticorum motuum cauſam Deo dante devenimus, quam tum primò exponam, ubi prius effectus, quos in affluxu, deſluxuque dictum mare patitur, deſcripſero. Rēs ita ſeſe habet.

Exotici fluxus & refluxus maris del Zur ad Panamam.

Cum mare Australe à Boreali, ſive Occidentale ab Orientali, ſi lineam rectam attendes, non niſi 12 leucis diſtet, Iſthmo videlicet, inter *Panamam* & *Nombre di Dios* interjecto, utrumque mare terminante; Mirantur omnes & capere non poſſe videntur, cur in tam exiguo terrenæ intercapedinis ſpacio, tanta tamen motuum maritimorum differentia comperiatur. Nam in littoribus ad Panamam tam exceſſivo reſeſſu deficere videtur, ut in littore ſtantibus omnindè oculis tangi non poſſit, atque omnindè diſparuiſſe videatur;

In affluxu verò incrementoque, tanto in littora impetu fertur, ut omnes obvias inſulas Sinus S. Michaelis fluctibus, ſuis contegat primò, deindè domus ipſas in littore unà cum arboribus obvias obruat. In oppoſito verò mari Orientali ſeu Boreali, vulgò *del Nord*, eodem prorſus tempore vix ſenſibilis maris motus comperiatur. Huius itaque effectus exotici rationem ut aſſignemus,


Suppono primò. Currentes maris in mari Athlantico verſus littora Americæ, & potiſſimum inter fauces Novi regni, & Inſulas Cubam & Hiſpanolam, uti alibi oſtendimus, eſſe potentiffimos, & tanta aquarum mole ſeſe inſinuare intra dicta gurgultia, ut naves ibidem non ſecus ac rapidiſſimo flumine, aut ex montis alicujus declivitate non tam vehi, quam ruere videantur; adeoque ex Mexico aut Peru in Europam ſoluturis impoſſibile ſit, hunc maris impetum ſuperare, ſed variis circuitibus verſus littora Virginie & Floridæ curſus tenendus eſt, ut ſic circulatione, quam ibi mare circa dictas Inſulas efficit, tandem concupitum Europæ portum conſequantur.

Suppono ſecundò. Ex obſervatione Nautarum, in dicto Freto, mare inexplorabilis profunditatis eſſe; apertum ſignum, maris fundum in abyſſo aliqua ibi latente terminare.

Suppono Tertio. Ex meo *Itinerario Terreſtri Exſtatico Sect. 2.* de Itinerario Submarino, ibidem ingentem ſubterraneum meatum eſſe, quo Mare Boreale cum Australi communicet, uti communis Indigenarum opinio fert, & occulta negotiationis commercia in utroque mari ſat patefaciunt. Huius autem

Cur mare Athlantici Iſthmum Americæ non niſi exiguum & vix ſenſibilem æſtum faciat.

meatus





meatus Isthmum veluti pontem quendam esse, infra quem Maris Borealis. Currens summo impetu transmeet. His itaque suppositis

Dico. Dum Luna radiis suis mare ferit Atlanticum, dico mare hujus virtute concitatum, summo, ut dixi impetu, intra dictas fauces ruere, & quoniam ibidem exitum non reperit, sese intra dictum Isthmi meandrum, magna undarum conglobatione insinuare; Cum verò nisi in Mari Australi ad Panamam exitum non reperiat, ibidem sese intra mare, eodem tempore decrescens exonerare; unde mare à littoribus repulsum, eo præsertim tempore, quando Luna à Meridiano suo declinat, & tumor maris in Oceano Australi deficit, uti dixi; & hinc provenit defluxus ille maris, quem capere non potuit supranominatus *Gonzalus d'Oviedo*. Quando verò Luna ad oppositum quadrantis pervenit, tum ecce mare Australe intumescens undas suas versus Occidua Americæ littora devolvit, occurrentibusque sibi invicem prioribus undis, tum ex meatu Isthmico, tum ex Fretto Magellanico longè lareque diffusis, ingens fluctuum tumultus exoritur, atque aded priores fluctus immensi maris subsequētibz undis subjugati, qua data porta ruunt tum ad littora, tum intra meatum Isthmicum repulsi, eas quas diximus in Sinu Panamici littoribus ingentes inundationum procellas excitant; tanta enim scribitur esse tunc temporis maris violentia, ut obvias Insulas proinde inhabitabiles, neque omnino planas, sed clivis saxosis & arboribus confitas, unà omnes obiectas mari adæquet, littora & ipsam Urbem Panamam aquis repleat, cum horrendo quodam subterraneo mugitu, nec non terræ motu (quem ego fieri puto, ex magna illa violentia, qua aquæ sese intra dictum meatum constipatæ insinuant.) Nam ex opposito Maris Borealis littore, ad portum *Nombre di Dios* eodem tempore, cum eodem formidabili sono mare mirum in modum æstuans, impetum suum dirigit versus Sinum Mexicanum & subsequētia littora Americæ Borealis; quemadmodum Nostri Patres, qui huc Romam procuratores advenerunt, sæpius narrarunt, & scitè sanè describit in sua historia, dictus *Gonzalus d'Oviedo fol. 87.* Cujus quidem rei ratio alia esse non potest, nisi maris Australis ex meatu illo vehemens regurgitatio. Cur verò in hoc Mari Boreali, nullus ex tanta aquarum concitatione æstus, nisi vel admodum exiguus notetur; Causam hujus rei eandem esse dico cum ea, qua aqua subiens meatum unà secum aquas decrescētes maris à littoribus Panamæ abducit; sic aqua per meatum recurrens, cursum suum in Sinum Mexicanum dejiciens, aquas littoribus secum quoque abducit, ita ut in iis non nisi exiguum impulsus causare possit.


Sed dices, hanc quidem rationem subsistere posse in mari decrescēti, at cur mari cre-

scēte Boreali, nullus ferè in dictis littoribus affluxus notetur, explicari debere. Respondeo. Affluxum in dictis locis non fieri, primo, quia obviis innumeris Insulis impetus maris infringitur; Secundo, quia aqua in meatu seu abyssu ibi latente absorpta ad æstum maris constituendum superficiale aquam maris infirmam & impotentem reddit, ut proinde littoribus insultare non possit. Accedit, quod cum ibi aqua in circulum agitur, fiat, ut ea in littora non rectè impellatur, sed ea solummodo radendo defluat, ut suprà amplè demonstratum est. Habes hinc prodigiorum effectuum in dictis maribus causam paucis expōitam.

CONSECTARIUM I.

Hinc patet, cur in Mexicano Regno, duæ paludes ingentes, quarum prior falsa, sex horis crescit, & totidem decrescit; altera cum aqua dulci scateat, easdem tamen æstus vicissitudines subeat: Quia maris motus generalis à Luna concitatus cum Oceanum Æthiopicum partim versus fauces Isthmi Panamici summā violentiā præcipitet, partim in sinum Mexicanum exoneret, fit ut ibi exitum non reperiens, æstum per subterraneum meatum dictis paludibus communice, quod iis, qui occulta naturæ commercia nesciunt, mirum hucusque & para-

Cur paludes Mexicanæ fluxum & refluxum patiantur.



doxum visum fuit. Finge tibi Sinum Mexicanum A, in quo Æthiopicus Oceanus æstuans

Ingressus fluvius & refluxus maris ad Panamam.

Mugitus maris cum tremore terræ.

Obiectio.

fluans cum exitum non reperiatur, per B E subterraneum meatum se exonerat in paludem C salinam, & hæc per subterraneum meatum F, se exonerat in paludem aliam G dulci aqua scatentem, supra quam ipsa Urbs Mexicana fundata est. Mirantur quoque plerique, cur hic ultimus lacus innumeris receptis fluxibus nunquam tamen exuberet; qui si subterraneæ negotiationis constitutionem nossent, nequitiam de re tam manifesta dubitarent; Non enim exuberat, quia lacus aqua exoneratur ex D, per meatum F, in C, & hinc per meatum E B in mare, dum decrescit, devolvitur; Intumescente verò mari, mox eò undè effluerat, reditura.

CONSECTARIUM II.

Hinc patet quoque, cur in mari Hudson, ^{Mare Hudson.} aqua ad 15 pedes excrescat, in altero tamen vicino Sinu ejusdem maris, non nisi ad duos pedes; quia videlicet mare ex Oriente in Occidentem ruens, rectà dictum mare ingreditur, undè ad oppositum littus appulsum in 15 pedes elevari, nil mirum est. In altero verò Sinu, aqua vel non attingit dicta littora, vel si tangat per subterraneum meatum, vel in alios circumfisos lacus, vel in maria vicina abducitur.

CAPUT IX.

DISQUISITIO VIII.

Abyssus in Sinu quem *Ferdinando del Poo* vocant.

Subterraneus meatus in Africa lacum deductus.

Est locus juxta littus Guineæ 1 ab æquinoctiali littore distans, in Sinu, quem *Ferdinando Poo* vocant, in angulo, quo Guinea longo littorum tractu ex Occidente in Orientem porrecta tandem in Austrum flectitur; hæc motus maris prorsus motui generali ex Ortum in Occasum perpetuò contrarius est; est autem ita vehemens, ut quotquot in hunc locum naves appulserint, abdita quadam vi rapiantur, ita ut nulla se vi, nisi Ecnephiis validissimisque ventis chronicis adjuti, retroagere possint; locus infamis navigiis, horrendis vorticibus refertus. Mirum autem est, nullum hucusque hujus rei causam dedisse, cum tot Cosmographi jam in ejus contemplatione loci cerebrum fatigarent. Nos hujus rei causam dicimus esse subterraneum meatum, quo mare sese exoneret in Lacum Africae mediterraneæ, quem aliqui *Tigrai*, alii *Nigrum* dicunt. Rationes assigno. Ait enim *Pigafetta* in *Africa suo Itinerario*, hunc lacum esse natura sua salinum, cui Niger per eum defluens, non miscetur; sæpenumerò in eo fragmenta navium reperiri, & alia multa, quæ apertè monstrant, eum nescio quid cum Oceano vicino commercii habere. Hinc infero, eum cum nullo alio loco Oceani, quam cum loco, quem jam descripsimus, communicare posse; ubi aqua vehementissimo fluxu, nec non cum insigni

navium hominumque clade, raptis post se in illo angulo Oceani fluctibus coacervatis, per illum meatum subterraneum sese exonerat; Et ratio aperta datur, quia hujusmodi fluxus rapiditas, præterquam quod perpetua sit, non nisi ad 14 milliariam distantiam daret. Quod verò nonnulli putent, hunc fluxum ex Oceani ad littora Brasiliæ repercussione in Orientem facta, oriri, id subsistere non potest, cum enim hujusmodi marium repercussio ad Lunæ ascensum dirigatur, illa haud dubiè, Lunâ ad oppositum quadrantem pertingente, cessaret; hic autem fluxus, sive mare crescat, sive decrescat, semper & in perpetuum eodem modo se habet; Luculentissimum sanè signum, mare ceu per flumen quoddam præceps continuo fluxu in cæca Terræ viscera per voraginem hanc submarinam, in dictum lacum se egerere. Antequam hic lacus cognitus esset, refert *Nautica Historia*, pleraque naves ibi fuisse vel absorptas, vel ad littora vehementi motu pulsas, non nisi tabulas tristes & funesti naufragii reliquias deposuisse; si qui tamen artis nauticæ peritiâ hanc Scyllam evitarunt, hos multis mensibus violenter detentos, omnibusque ad vitam sustentandam necessariis consumptis, dum æstum superare nequiverunt, fame sitique tandem miserè periisse.

Locus naufragiis infamis.

CAPUT X.

DISQUISITIO IX.

De Gurgite mirabili Norvegiæ, omnium totius Orbis Terrarum celeberrimo & maximo.

Descriptio Vorticis.

Vortex & Euripus in adjacente Norvegiæ Oceano Septentrionali, summo omnium Nautarum horrore spectabilis est; tredecim milliaria in circuitu ha-

bere scribitur; ab Incolis dicitur *Maelstrom*. Medium Vorticis petra occupat, quam *Muske* vocant indigenæ; sub hac vorago ingens est, quæ sex horis absorbet omnia, quæ intra crateris

crateris circumferentiam illata fuerint ; naves onerarias, minimas, maximas, aquam, balænas aliasque res, totidemque horis omnia illa eructat evomitque magnâ violentiâ, strepitu, & invisa maris vertiginosi agitatione. Ita testatur *Olaus Magnus* ; ita Indigenæ hujus littoris ; ita Navigatores Danorum, Bavorumque referunt. Effectus vidimus omnium Septentrionalium populorum testimonio approbatos ; Restat, ut & causam tam prodigiorum effectuum assignemus ; præsertim cum nemo hucusque fuerit, qui eorum genuinam rationem dederit.

Causæ in-
quisitio.

Notandum itaque primò : testimonio *Olai Magni*, qui totam Scandinaviæ Regionem cavernosam & innumeris hucusque incomperatæ longitudinis meatibus refertam esse refert, & confirmat ex horribili tum litterum maris Bodnici & Finnici, tum lacuum, quos *Venner & Vetter* vocant ; tum denique ex montium formidabili sonitu, qui quidem sonitus, nisi ex aquarum subterranearum, quæ ex maribus vicinis Sinibusque aliò derivantur, longè lateque exporrectis ductibus, aquarumque in præruptis tortuosisque Terræ meatibus sive catadupis, sine varia reverberatione fluctuum effici non potest ; quem in multis locis tantum esse scribit citatus *Olaus Magnus*, ut homines propius accedentes, surdos & veluti attonitos, stupefactosque, subindè etiam exanimes reddat, nisi tempestivè sese à funestis *Charontis* antris removerint.

Inexplorabilis Lacuum profunditas.

Notandum Secundò. Non tantum Lacus Norvegiæ, sed & Sueciæ, quos *Venner & Vetter* vocant, inexplorabilis profunditatis esse, idem *Olaus* scribit, ita ut funes, quæ vel integram navim onerent, ad fundum penetrandum non sufficiant ; Et idem experti sunt Hollandi in dictis Norvegiæ littoribus, qui bolide 130 orgiarum, fundum reperire non potuerunt, quemadmodum in Navigatione ad Arcton referunt ; quæ quidem inauditæ profunditates aliud non arguunt, nisi subterraneas immensæ amplitudinis abyssos.

Notandum tertio. Ex tanta subterraneorum meatuum abundantia facilè inferre possumus, mutuum circumvicinorum marium cum Oceano Norvegiæ allambente abditamque correspondentiam ; & id variis exemplis ostendit *Olaus*, ubi citatos vastissimos juxta ac profundissimos lacus *Vetter & Venner* describit, quos & ex mari Bothnico derivari, apertè asserit : Bothnicum autem Sinum occultam correspondentiam habere cum Mari Albo, qui Tartarici Oceani sinus est, & Mare Album cum Sinu Finnico per lacum, quem Album vocant ; hic unà cum Bothnico, cum Oceano Norvegiæ.

Quibus quidem præmissis jam ad genuinam Charybdis Norvegici sex horis affluentis & totidem defluentis causam assignandam nos procingamus.

Charybdis seu Vortex Norvegiæ

Cum itaque dicta Charybdis seu vortex, experientiâ irrefragabili sex horis aquam vi-

cinam unà cum rebus ingestis tam potenter absorbeat ; totidemque horis paulatim evomat, certum est hunc affluxum refluxumque, sive absorptionem evomitionemque, quæ 12 horarum spacio contingit, aliam causam non habere, quàm generalem Oceani motum Lunari virtute concitatum. Quomodo verò hæc omnia contingere possint, hoc loco si non per apodicticas, saltem per plurimum probabiles rationes ostendere tentabimus.

6 horis
fluit & re-
fluit.

Ostendimus in *Disquisitione IV.* Mare Deucalidonium per Septentrionalem plagam circulatum, per Fretum Weigatz sese in Oceanum Tartaricum exonerare æstivæ affluxu, & per idem defluxu maris derelictum Oceanum repetere sex horarum spatio, ubi quoque ostendimus, cur in Norvegico litore aqua defluxus, vix sensibilis æstivæ vestigia in dictis Plagis relinquat.

Dico itaque, Affluxum sive absorptionem in dicta Charybdi hoc pacto contingere : Quando mare Deucalidonium motu generali & virtute Lunari concitatum, Currentes suos dirigit versus Fretum Weigatz, fit ut in tantis Freti angustis mirum in modum coacti fluctus, & glacialis maris impedimentis, illud simul penetrare non possint ; unde Maris magna portio impedita cursum suum reflectit versus littora Finmarchiæ & Norvegiæ, ubi inter innumeros scopulos tumoris fluctuumque incremento sæviens, inter tot Cavernarum, Insularumque flexus reflexusque tandem in Voraginis craterem incidat ; ubi occultæ naturæ ingluviem non amplius ferens, ibidem cum omnibus iis rebus tunc temporis in eam vel casu, vel rapiditate Maris ex Nautarum inconsulta præcipitantia illatis, absorbetur, durante tanto tempore voracitate, quanto tempore affluxus sive tumor circulati Oceani durat. Habemus causam absorptionis sex horis peractæ ; restat explicandum, quomodo sex horarum spacio revomat, quæ prius absorpta fuerant, quod meritò humani ingenii capacitatem excedere multis naturæ arcanorum inconsultis visum fuit.

Vortex,
omnia ab-
sorbet.

In Notabili Tertio paulò ante proposito, Quomodo idem vortex omnia absorpta revomat, ostensum fuit, Mare Tartaricum summo impetu, tumore maris Lunæ in opposito quadrante existentis virtute concitatum, Currentes suos partim per Fretum Weigatz, partim per Sinum Tartaricum, sex horarum defluxu repetere, cum verò fluctuum glaciærumque summa constipatio in ostio Freti Orientalis obvia Oceanum Tartaricum impediat, hinc cursu aliò deflexo, in Mare Album, quod *Petzorche* vocant, sese insinuare cogitur ; Hoc verò mare, quia cum Sinu Bothnico & Finnico occultam correspondentiam habet, hi verò Sinus cum Norvegiæ Voragine, per ea, quæ in primo Notabili ostendimus, per occultos subterraneos meatus pariter communicant, patet intentum ; Siquidem *Olaus lib. 2. Sept. Histor. cap. 6.* expresse

Vortex Si-
nus Bodni-
ci.

pressè dicit, Bothnicum Sinum innumeris scopulis intricatum, montibusque altissimis perpetua nive canis circumdatum, intra quorum radices per immensas voragines mare cum horribili & intolerabili sono nunc absorbetur, nunc revomitur; quæ omnia paulò antè, & in præcedenti Libro fusiùs exposita sunt.

His itaque positis. Dicò, iis sex horis, quæ mare Norwegicum crescit ad summum incrementum, Oceanum Tartaricum, post 4 circiter horas juxta computum Sitùs Lunæ paulatim intumescens, ex una parte aquarum molem ingerere intra mare album; hoc per subterraneos meatus intra Bothnicum Sinum; ex altera verò parte Germanicus Oceanus per Chersonesum Cymbricam magnis littorum ambagibus, strictissimosque angiportus per Mare Balticum in utrumque Sinum Bothnicum & Finnicum insinuatus Tartaricis undis obviis ingentes commotiones excitat; undè mare intra Bothnici Sinus angustias strictum per occultas voragines meatusque mari Norwegico, per eam, quam descripsimus Charybdin restituitur; siquidem plus temporis Tartaricus & Germanicus Oceanus intumescentiæ suæ per tot tortuosos regionum tractus, continuandæ insumit, quàm Norvegici maris intumescencia: Nam cum aqua ad Charybdin nostram intumescit, aqua in dictis Sinibus decrescere, & contrà hisce decrescentibus, Charybdis hausta regurgitare videtur.


Verum nè sola conjectura hæc dixisse videar, adducam meæ assertiõnis Authorem *Levinum Algotium* Antverpiæ impressum, qui in sua *Septentrionalium Regionum historia*, ubi de natura & prodigiosis rebus dictarum Regionum agit, expressam mentionem facit Voraginis Norvegici, & alterius in Sinu Bothnico; & dicit, à Nautis notatum fuisse, quod quando Norvegica aquas absorbet, Bothnicam post aliquot horarum spacium, illas impulsu suo reddere, & contrà. Verba ejus sunt: *Observatum autem est à peritis harum partium ultrò citroque commeanantibus viris, quod postquam Norvegicus vortex aquas absorpserit, alterum in Bodnico mari vorticem denuò eas per subterraneum Sinum Norvegicum ad evomendas, quas absorpserat aquas, cogere.* Hucusque citatus Author; quæ sanè ita instituto nostro congruunt, ut omnem penè difficultatem in causâ voraginis assignanda, superasse videatur.

Sed objiciet forsan nonnemo. Oceani cum Botnico sinu occulta commercia non quidem esse difficilia conceptu; sed quomodo illa, quæ absorpserat vortex Norvegicus, non aliò deducat, sed intra sex horas revomat, hoc enim verò inconceptibile esse.

Respondeo, totam hanc prodigiosam actionem refundendam esse in naturalem constitutionem subterranei vorticis. Sed ostendamus rem schemate sequenti; in quo C fit Vortex; Rupes B, orificium Vorticis A fit Canalis Voraginis intra interiora Terræ visce-

Levinus Algotius in descriptione Regionum Septentrionalium.

Quomodo Vortex Norvegicus omnia post 6 horas revomat.



ra perpendiculariter deductus D, infra quod vastum hydrophylacium E, Meatus subterraneus F H I. Vortex verò Botnici Sinus fit K, mons intra quem conditur G. Dico itaque Mari Norvegico intumescens, aquas mirum in modum paulatim coacervatas, summo

impetu in Vortice C, per orificium A sese exonerare in puteum illum prægrandem D, & ex hoc in receptaculum subterraneum E. Mare verò sex horarum spacio continuò majores & majores undas in illud ingerere; undè aquæ in receptaculo B, supra modum augmen-

augmentata, cum exitum non reperiant, impetu summo per subterraneum meatum F H I, sese exonerare in K, vortice Botnico, jam in infimo suo incremento constituto; crescente verò denuò mari Botnico, aquæ tumore maris concitata, denuò intra orificium K Vorticis summâ violentiâ, quod sonus ille terribilis, quem ibi percipi omnes supra citati Historici testantur, per meatum I H F repulso, per orificium F, receptaculo E restituentur. Quoniam verò in Botnico Sinu mare semper magis magisque intumescit, hinc aquæ receptaculi E, à supervenientibus fluctibus meatûs I H F, pressæ, aquam unâ cum rebus absorptis, & intra receptaculum E retentis, paulatim elevabunt, atque

Mari Norvegico jam decrescente, res, quas absorpserat, revomet; atque hoc alternis vicibus contingere experientiâ constat.

Vides igitur res absorptas intra concava receptaculi E, cum per F H I meatum, sive ob syphonem, quem *Heron Diabeten* vocat, ibidem rupibus à natura insertum, sive ob rimarum orificiorumque angustias, perinde est, effluere non possint, ibidem retineri, usque dum refluentibus aquis per meatum I H F, paulatim elevantur & tandem regurgitentur. Habes itaque Charybdis Norvegici effectuum causam tandem detectam. Quorum vorticum situs ut luculentius pateant Lectori curioso, hîc Mappam adjungendam duximus.



CONSECTARIUM I.

Hinc patet, Euripum Chalcidicum in Eubœa, fabulosa *Aristotelis* morte celebrem, non alias habere sui fluxus & refluxus ratio-

nes; septies enim diu noctuque fluere & refluxuere *Plinius* tradit; quamvis alii posteriores Geographi eum sex horis fluere, & totidem refluxuere testentur, generalem æstus marini motum secutus; potest tamen *Plinius* hoc pacto

paſſo explicari, quaſi dicat, ſepties de die Euripum fluere & refluere, & ſepties de nocte; quæ differentia adſcribi poteſt variæ maris in tanta Inſularum circumjacentium congeriei, fluentis reſluentisque pericycloſi, ſubterraneorumque meatuum nunc celeriori nunc tardiori affluxui deſluxuique.

CONSECTARIUM II.

Hinc quoque patet, cur nonnulli Vortices aquam ſemper abſorbeant, nunquam evomant, uti ſuprà de Euripo Africano oſtenſum fuit. Hujus generis quoque Vortex Danubii eſt, qui quas aquas abſorbet, illas per ſubterraneum meatum intra lacum Hungariæ prope Caniſſam; uti fertur, deponit. Sunt præterea Vortices quæ abſorbent & revomunt, ut ille, quem paulo ante explicavimus, & Charybdis in Freto Siculo, cujus naturam & proprietatem *Libro Tertio* fuſè deſcripſimus. Sunt denique, qui nunquam abſorbent, ſed ſemper inſtar columnæ tum in maris, tum in lacuum præſertim ſulfureorum ſuperficie violenter eructantur; quorum ubique locorum infinitus ferè numerus eſt, uti ſuo loco dicetur.

DISQUISITIO X.

De Natura Maris Mediterranei ejuſque Currentibus, Fluxu & Refluxu, aliſque memorabilibus, qua in eo obſervantur, rebus.

Plurimos
fluvios re-
cipit Mare
Mediterra-
neum.

Curtot
fluminibus
exceptis
non exun-
det.

MARE Mediterraneum inter Europæ, Africæ, Aſiæque littora, veluti in portu quodam concluſum, multa habet Naturæ miracula, uti hucusque incognita, ita conſideratione digniſſima. Mirum non *Ariſtotelis* duntaxat, ſed & aliis Naturalis Philoſophiæ Rimatoribus, viſum fuit; quomodo videlicet Mare undique & undique concluſum, & non niſi per ſtriſtiſſimum Gaditani diſtriſtus Fretum Oceano pervium, poſtquam ingentibus fluviis Bæti, Ibero, Rhodano, Varo, Tiberi, Pado, Nilo, in id ſeſe exonerantibus, ut innumeros alios minores fileam, id non exundet? Accedit hiſce perpetuus & conſtans Maris Euxini, per Propontidem in Archipelagum, & hinc in Mare Mediterraneum influxus; Cum omnium experientia conſtet, diſtictum mare potentiſſimis & celeberrimis totius Europæ annibus Danubio, Borithene, Tanai ſollicitatum, impulſumque per angiportus Bizantinos perpetuò ſeſe ſine ulla reditus ſpe devolvi. Paradoxum ergò videri poſſet, mare mari auctum, cum ſine exoneratione apparente tanti aquarum oneris incapax, id nullibi tamen in littoribus exuberare; accedente præſertim Oceani Athlantiſci intumeſcentis tempore, quo & illud magno aquarum auctu ditat, dum ſummo in id ſe impetu exonerat; hoc enim verò eſt, quod nemo capere potuit; Videmus enim fluvios

aut paludes tum nivibus liquefactis, tum aquis pluviælibus auctas ſtatim ob nimium incrementum, inundationes, magno agrorum detrimento cauſare. Quomodo ergò mare maribus integris unà cum vaſtiſſimis fluminibus intra ſinum ſuum exceptis, non exundet, diſcutiendum eſt; latet enim procul dubio occultum quid, & ſcrutinio digniſſimum argumentum.

Diximus tum in præcedenti *Libro*, tum in *Itinerario Submarino*, Lacus omnes ita eſſe à natura conſtitutos, ut receptis fluminibus aucti, dum per oſtia aperta ſeſe exonerare non poſſint, id præſtent per abditos quosdam & ſubterraneos meatus, quemadmodum ſuprà *Lib. 3. de Mari Caſpio*; quod eſti innumeros recipiat fluvios, nullum tamen emittere videatur; neque multitudine amnium in id ſe deponentium augeri videatur, luculentiffimum argumentum eſſe, per occultos quosdam meatus in alia ſe vicina maria ſub ea proportionem, ſub qua aquarum multitudinem recipit, exonerare; quod & ipſi *Ariſtotelis* viſum fuit *l. 4. met.* & nos apodiſtictè id in citata *Itineris Extatici* submarina navigatione oſtendimus: Ubi & ex communicatione marium expoſuimus, mare Caſpium cum Sinu Perſico, & cum Mari Euxino per occultas ſemitas ultrò citroque negotiari. Quæ cum ita ſint, idem dico de Mari Mediterraneo, ob correſponſum, quem per ſubterraneum meatum cum mari rubro obtinet. Quæ cum tum in præcedenti *Libro*, tum in citato *Itinerario* variis adductis exemplis fuſè expoſuerimus, hinc ea non repetenda duxi. Sed ad inſtitutum.

Per ſubterraneos
meatus ſe
ſe exonerat.

Mare Caſpium
cum Sinu
Perſico &
Ponto Euxino
communicat.

Communicat
cum
Mari rubro.

Cur itaque Mare Mediterraneum tam varios motus, Oceano prorfus contrarios experiatur: nunc enim ex Meridie in Boream & contrà; nunc ex Ortum in Occaſum, & rurfus ex Occaſu in Ortum reciproco motu volvitur, ſubindè contrariis & anomalis prorfus; ſæpè ex motu recto in circulos & gyros abeat, nonnunquam è ſpiris evolutum in alias & alias partes Currentium æſtus dirigat; quibusdam in locis non ſecus ac Oceanus ſtatis horis creſcit decreſcitque; in aliis nonnullis littoribus ne veſtigium quidem æſtus reparias. Qui è Sicilia Archipelagum petunt, æſtu quodam occulto abrepti verſus Adriaticum Sinum violenter detorquentur. Econtra qui Drepano ſolventes verſus Promontorium, vulgò *Bon Andrea* ſub Rhombo Euromotio, quem *Scirocco* vulgò vocant, navigant, contrario æſtu abrepti, verſus Tripolim Biſertinam ad latus ſe derivare ſentiunt. Qui è Cypro Alexandriam petunt, eſti lineam Rhombi directricem omni ſtudio tenere conentur, æſtus tamen vi abrepti Damiatam 60 leucis infra Alexandriam deferuntur; Ex Alexandria contrà verſus Cyprum abituri, æſtu detorti in Pamphiliæ littora adiguntur; Qui per Archipelagum Conſtantinopolim petunt, ſentiunt manifeſtam & ſenſibilem maris reſiſtentiam:

Variarum
Currentium
explicatio.

Contrà

Contrà Constantinopoli in Archipelagum solventes, veluti secundo vento semper deferuntur, sine ulla maris repugnantia, nisi quam contrarii venti conciliant. Vidimus effectus, quæranus jam tantæ inconstantiae causas.

Causa triplex inconstantiae hujus Maris.

Nos ad triplicem causam omnes hujusmodi motus revocamus; quarum prima & principalis efficiens Luna est, cooperante Sole, tanquam causa universali, uti in præcedentibus ostensum fuit. Altera causa Formalis, est vis Lunæ specifica tumefactiva maris, qua uti in mare, ita in omnia humida per nitro-salinam suam qualitatem agit. Tertia causa materialis, sunt montium & promontiorum protuberatio, Insularum quoque hinc inde dispersarum situs, sinuumque ventis receptandis aptorum dispositio, uti & fundi marini sive alvei varia & disparata inæqualitas, quibus omnibus fluminum in mare diffusio accedit.

Quæres itaque primò. Cur Mare Mediterraneum nunc ex Ortum in Occasum, jam ex Occasu in Ortum moveatur? Respondeo, hoc motu maris generali fieri, pro accessus recessusque in mari reciprocatione. Rem ita ostendo; quam ut penitus cognoscas, *Map-pam Maris Mediterranei* hinc oppositam diligenter intueberis. Quando ergò Luna Oceanum Indicum radiis suis ferit, is subito tumefactus per fretum Aden in mare Rubrum sese insinuat, usque ad apicem linguæ maris Rubri undas coacervat, ubi post ingentem affluxum, quem in littore efficit, unà se per subterraneum meatum A B, in Mare Mediterraneum evolvit. Quocirca mare peregrinis hisce aquarum advenis pulsus, tum paulatim ipsa Lunæ exorientis facultate tumefactum, ex Ortum consequenter in Occasum instimulatum per Fretum Gaditanum Oceano Athlantico conceditur, usque dum Lunâ Meridianum superante undæ decrescant, quo facto mox Athlanticus Oceanus novo tumore superbiens, dum fretum Gaditanum summo impetu ingreditur, Mare Mediterraneum cedere coactum, cursum suum ex Occasu in Ortum repetit; & ne nimio ad Littora Palæstinæ impulsu omnia obruat, per illum subterraneum meatum B C, per quem ingressum prius fecerat, mari Rubro, & tandem per hoc Oceano restituitur. Lunari itaque æstu decrescente, mare ex Occasu in Ortum, & crescente æstu ex Ortum, in Occasum propellitur. Habes itaque causam propositæ questionis.

Causæ Currentium explicatur.

Quæres secundò. Cur ex Cypro navigantes Alexandriam, ut plurimum Damiatam 60 miliaribus Alexandria inferiorem ferantur? Subindè supra Alexandriam dispellantur; & contrà, Alexandria solventes subindè supra Cyprum & Pamphyliam, interdum Tripolim Syriæ deportentur. Resp. Quia quandò Mare Rubrum per subterraneum meatum eructatur, tunc Currentem maris fieri ex Ortum in

Occasum, & consequenter in hunc Currentem ex Cypro abeuntes, dum incidunt ad partes littorum Lybiæ seu Cyrenaici supra Alexandriam fluxu maris ferri necesse est: Ex Alexandria verò Cyprum versus abeuntes, eodem Currente à recta semita detorti in littora feruntur Pamphyliæ; Oceano verò intrante per Fretum Herculeum, mare ex Occasu in Ortum progreditur, & mox per meatum subterraneum sese insinuante mari, Currentes versus littora Palæstinæ impellitur, & consequenter ex Cypro Alexandriam solventes, Currente maris deflexi infra Alexandriam Damiatam sive Pelusium appellere necesse est. Econtra Alexandria in Cyprum euntes, hoc fluxu maris à recta Rhombi linea semoti in Tripolim Syriæ pelluntur; unde peritiores nautæ in alterutra expeditione, non secundum rectam Rhombi lineam, sed uno Rhombo supra vel infra medium assumpto, iter suum auspicari solent, ut portum concupitum adipiscantur. Quæ omnia exoneratione Nili, plurimum promoventur; aquas enim Nili in mare depositas juxta dictos Currentes reflecti, notum est. Unde & patet, cur Currentes Maris Mediterranei ex Ortum in Occasum, & contrà per immensam aquarum molem, quam Nilus per septem ostia in dictum mare deponit, non impediatur; Quia cum aquæ Nili, utpote dulces semper aquis salis leviores sint, hinc maris tantum superficiem occupant; Aqua verò per subterraneum meatum eructata totum maris medullium & penetrat, & sine ullo fluminum impedimento commovet.


Cur Nilus sese exonerans in Mare, æstum non impediat.

Quæritur Tertiò. Cur Mare Mediterraneum in Galliæ & Italiæ uti & Africæ quibusdam littoribus, fluxum & refluxum vix sensibilem efficiat; in Adriatico verò Sinu, Fretum Siculo, & portu Golettæ, aliisque nonnullis littoribus maximum efficiat? Respond. Hoc fieri triplici de causa, primò quia Mare Mediterraneum valde strictum est, & Insulis refertum, ac prætereà ex Ortum in Occasum recta secundum longitudinis suæ terminos porrigitur, quibus fit, ut Oceanus crescens fauces Gadium violenter irruens cursum suum, recta versus Corsicam, Sardiniam & Siciliam dirigat; Unde Hispaniæ & Galliæ introcurvata littora, & aqua defluente, incrementum æstus participare non possunt; Intra fauces verò Freti Siculi illapsus, eos æstus volvit, quos paulò post describemus. Reliquus Currentes inter Siciliam & Africam continuatus, recta fertur usque in promontorium Africæ. X. Ubi languescens paulatim impulsu mare circulatum per littora Lybiæ, uti ea non ferit, ita nullum quoque æstum imprimit, neque in littoribus Palæstinæ, utpote cujus fluxus paulisper debilitatus à Nili superveniente aquarum diffusionem, prorsus extinguatur; Ad littora verò Asiæ Minoris impetum Currentis, utpote à violento Archipelagi fluxu interruptum continuare non potest.

Cur in Galliæ & Hispaniæ littoribus nullus notetur fluxus & refluxus. In Adriatico verò valde sensibilis fit.


est. Quod verò in Corsica & Sardinia nonnullos æstus, non in Majorica volvat, statim ex Currente Maris ex freto Gaditano rectà in dicta littora impulsu satis innotescit; Quæ cum impulsu maris sustineant, hinc littora Italiæ nullo quoque æstu turbantur, utpote quæ ab Insulis dictis veluti antemurali quodam impediuntur defendanturque; Sed Mare circa Galliæ, Liguriæ, Italiæ littora in circum abiens, faucibus freti Siculi illabitur, ibique repulsum, inque portum Tunetanum, quem *Goletta* vocant, reflexum, ibi non exiguum æstum efficit. Vides igitur ad littora maris æstum vix sensibilem esse, ob maris & variam Insularum procurrentiumque terrarum dispositionem; hinc fit ut aquæ à Luna concitatæ nimis citò sese diffundentes, atque in littora & vicinas Insulas illisæ refractæque regularem fluxus refluxusque motum ne utquam servare valeant.

Quod & hac experientiâ probatur. Si in vasis cujuspiam rotundi aquâ referti medium



A, lapidem conjicies, mox aquam in circulos sese dilatantem & regulariter uniformiterque ad oram undatim se diffundentem ibi proportionatum incrementum decrementumque efficere notabis:

Accipiat deinde vas A C, in longum protensum, aquâ plenum, in cuius medium iterum lapidem injicies, videbisque circulos aqueos ob inæqualitatem radiorum mox fractos, alioque defluentes præter tumultuarium æstum nil in ora vasis amplius relinquere, si verò asserculum V fluitare permittes, videbis circulos aqueos ruptos ad oram vasis illisionem impedire. Idem proportionaliter in Mari Mediterraneo fieri intelligas velim; fluctus enim ex æstu nati, statim ad vicina littora & Insulas obtunduntur suffocanturque, exceptis Fretis, ubi æstus veluti inter angiportus conclusus vires suas exerit. Hinc inter



Cherehenes Insulam & Terram Africanam non exiguum fluxum & refluxum contingere, Historici narrant.

Quomodo verò in ultimo Adriatici Sinus angulo fluxus & refluxus contingat, exponamus. Cum mare, ut dixi, ex Ortu in Occa-

sum in immensam longitudinem inter Asiæ, Europæ, Africæ littora videlicet 60 graduum, quæ Italiæ milliaria 3500 conficiunt, porrigatur, fit ut Orientis Lunæ vis & influxus, cujus exigua latitudo maris incapax est, in longitudinem maris exeratur, ut vel sic, cum aliter non possit, feratur; atque adeo Oriente Lunâ mare protrusum versus Occidentem crescere incipiat, usque dum Luna in linea Euronothi, quam *Seirocco* vulgò vocant, steterit, tunc tota vis maris partim versus Occidentem, partim versus Sinus Adriatici ostium conglobatur (cum latitudo M X, quæ est à dicto ostio M usque ad littora X Africani Sinus, maxima totius maris Mediterranei sit, ut Mappa monstrat.) Violento itaque motu per fauces dicti ostii in Adriaticum sese insinuans; in extrema hujus parte mox successiva undarum protrusione incrementum decrementumque causabit. Quod verò in lateralibus Sinus littoribus nullum æstus vestigium relinquat, causa est, quod fluxus maris nullum in eo (utpote obliquo nimium) impulsu imprimat; durabitque hic fluxus refluxusque, donec Luna oppositum quadrantem attigerit, uti suprà fusè expositum est.

Quomodo verò tanta æstus Lunarvis sit in Freto Siculo, doceamus. Cum Mare Mediterraneum, uti suprà diximus, à littoribus Syriæ ad Gades 60 graduum, id est, quatuor horarum intervallo distet, fit ut Luna, ubi supra Mare Mediterraneum quatuor horas ascenderit, tum primum incrementum suscipiat Oceanus Atlanticus à radiis Lunaribus percussus compressusque; Ergò mari ad summum tumido, & undæ Oceani successive invalescentes per fauces Gaditanas summâ violentiâ ingressæ, aquas Mediterranei tumefactas, & à Luna jam descendente, versus Orientem summa violentia repellunt, & potissimum versus rectum sibi objectum Siculi Freti ostium, ubi memoratum æstum efficit admiratione dignissimum, in perpetua quippe fluxus & refluxus inconstantia perpetuò constantem. Etsi æstus varias motus formas induat, nunc sursum, nunc deorsum vergat, jam ad latera deflectat, nunc in gyros & gurgites, modò in ebullitiones, uti suprà *Lib. 3. de Scylla & Charybdi* ostendimus, abeat, communis tamen æstus in tanta motuum perturbatione ac confusione constitutam à natura sex horarum fluxus & totidem horis refluxus periodum adeo constanter servat, ut Conductores navigiorum, dato tempore, quo Luna Horizontem aut Meridianum, vel aliam Cœli partem maris æstusque incrementum decrementumque infallibili ratione definiant; Et contrà, dato maris incremento decrementoque, Cœlo etiam nubibus obducto, Lunæ situm certo & absque ullo errore enuncient, quod nunquam credidissem, nisi ego examine factò ex ipsismet Nautis rei veritatem cognossem. Reliqua hujus freti

Æqualit
fluxus &
refluxus
mari Si
lo consti
tia.



freti accidentia vide si placet, *lib.* 3. Ubi ea exactè demonstravimus. Atq; hæc de Maris Mediterranei motibus dicta sufficiant; si qui ta-

men alii exotici motus alicubi occurrerint, hîc non expositi, illorum tamen ratio ex hisce positis nostris principiis facîle deduci poterit.

S E C T I O III.

A P P E N D I C E M M V R I C A



Vides ~~Exemplum~~

Tabula respondere 12, min. 0. hîcè minutis si addideris 48, habebis 1.48. pro primæ diei hora post novam aut plenam Lunam, si ad 48 addideris 48, habebis 96, à quibus rejecta 60, relinquent 36, pro secundo die à nova

hîcè circulus in Centro conjunctis, ita ut unusquisque, exceptis duobus primis, qui immobiles sunt, separatim moveri possit; pone Indicem Lunæ super rhombum venti, quem portus aliquis respicit, quem habebis in antè

V

pro-

SE

M.

1	15
2	3
2	51
1	39
2	27
3	15
4	3
4	51
5	39
6	27
7	15
8	3
8	51
9	39
0	27
1	15

N:O

Ta-
fi.

treha-
i.

freti accidentia vide si placet, *lib. 3.* Ubi ea exactè demonstravimus. Atq; hæc de Maris Mediterranei motibus dicta sufficiant; si qui ta-

men alii exotici motus alicubi occurrerint, hic non expositi, illorum tamen ratio ex hisce positis nostris principiis faciliè deduci poterit.

S E C T I O III.

A R S P L E M M Y R I C A.

C A P U T I.

De usu & praxi æstus marini in Arte Nautica.

Postquam longo de natura fluxûs & refluxûs maris ratiocinio in præcedenti Capitulo discurremus, restat, ut in gratiam eorum, qui maria perpetua navigatione fulcant, nonnullam quoque utilitatem, quæ ex fluxu & refluxu maris nobis provenire solet, doceamus, quod & ea, qua fieri potest diligentia curiosè juxta atque exactè exequemur.

Cum itaque Luna particulare supra res humidas, dominium possideat, ita ut nullum sit mare, quod non Lunæ novæ aut plenæ tempore intumescat; neque mixtum corpus, five ex vegetabilium, five sensitivorum Oeconomia detur, quod non majori conjunctionis & oppositionis temporibus, humiditate, minori in quadraturis abundet, cujus quidem alia causa non est, nisi quod hæc intumescencia maris motum Lunæ exactissimè sequatur; quem & ita ad punctum dicta corpora servant, ut Nautæ aliam ad cognoscendas horas fluxûs & refluxûs regulam, quam illam, quâ Astronomi tum ad horas diei, & locum Lunæ in Zodiaco cognoscendum utuntur, non usurpent. Ex quibus concludimus, motum maris ad motum Lunæ exactè concitari. Verum ut cum methodo procedamus, totam artem paucis propositionibus complectemur.

P R O P O S I T I O I.

Summam maris intumescenciam in aliquo portu, data qualibet hora per Tabulam sequentem cognoscere.

Constructio Tabulæ.

Scribantur in prima Columna numeri ab unitate usque ad 15; & in Secunda Columna à 15, usque ad 30; quæ sunt dies ætatis Lunaris: in Tertia Columna scribantur horæ à 12 usque ad 12, unâ cum minutis correspondentibus, ut vides, quæ exurgunt ex continua additione 48 minutorum ad invicem; sic vides Lunam novam & plenam horâ 12 in Tabula respondere 12, min. 0. hisce minutis si addideris 48, habebis 1.48. pro primæ diei hora post novam aut plenam Lunam, si ad 48 addideris 48, habebis 96, à quibus rejecta 60, relinquent 36, pro secundo die à nova

aut plena Luna; si ad 36 addideris rursus 48, habebis 84, à quibus rejecta 60, dant 24 min. pro tertia die à nova Luna, & sic de cæteris. In reliquis porro Columnis horæ cum minutis dicto modo calculatæ exhibentur, in quantum rhombis ventorum respondent, in iis partibus Lunæ situi in coelo correspondentibus.


Usus Tabulæ.

Accipe ætatem Lunæ in prima Columna; & in secunda Columna horam cum minutis, & in sequentibus Columnis habebis horam summi incrementi maris in iis locis, quæ plagis Mundi in Pyxide nautica per rhombos ventorum indigitantur. v.g. Si vis scire, quota hora Amstelodami sit maximum incrementum maris die decima Lunæ; quære 10 ætatem Lunæ in prima Tabula, & lateraliter progredere usque ad Columnam inferius Amstelodamo signatam, & invenies 11.0. horam post mediam noctem, qua summum incrementum ibidem est, litteræ verò NE, SO, notent Lunam vel in Nord O. vel S. W. constitutam, & sic de cæteris.

Nautæ verò hæc omnia melius & facilius per Pyxidem nauticam inveniunt. Sed quoniam pauci sunt, qui Pyxis nauticæ tractandæ periti sunt, nos adhuc faciliorem modum præscribemus, quo unusquisque horas tempore quolibet intumescenciæ maris deprehendere possit. Fiant quatuor circuli sibi invicem inferti, quorum extimus amplissimusque divisus sit in 32 Rhombos Ventorum, quorum unicuique Nautæ attribuunt tres horas, ita ut dimidium Rhombi 1½ horam, & una quarta pars Rhombi ¼ horæ contineat.

Secundus circulus dividatur in 24 horas, à 12 in 12. uti vides. Tertius circulus ætatem Lunæ referens dividatur in 30 partes, & in trigesima ponatur index, qui rhombos demonstret. Quartus circulus Solis circulum exhibens, pariter habeat indicem ad rhombos extensum, quorum usus hic est: Quatuor hisce circulis in Centro conjunctis, ita ut unusquisque, exceptis duobus primis, qui immobiles sunt, separatim moveri possit; pone Indicem Lunæ super rhombum venti, quem portus aliquis respicit, quem habebis in ante

Organum Maritimum quo dato Rhombo & ætate Lunæ, æstus plenitudo, quovis in loco reperitur.



Ufus Instrumenti.

proposita Tabula; deinde pone Indicem Solis supra diem ætatis Lunæ, & horam quam hic Index Solis in circulo horario intersecabit, erit hora quæsitæ, in qua summum incrementum maris existit, eo in loco seu portu, qui rhombum jam signatum respicit. v.g. Cum Amstelodanum respiciat ventum N E, vel S O, applica Indicem Lunarem ad hunc rhombum in organo, & Indicem Solis ad diem datum ætatis Lunaris, v.g. ad 17. & index secabit tibi horam 4. 36 min. horam summi incrementi maris quæsitam. Si vero posueris indicem Lunæ supra S O, & indicem Solis supra 17. ætatis Lunæ diem, & index eandem horam tibi in horario circulo abscindet, nimirum horam 4, & 36 min. summi æstus quæsitam.

Idem breviter per calculum.

Multiplica diem Lunæ propositum, v.g. 17 per 4, & fient 68. hæc deinde per 5, & quotus erit 13. horas integras junde horis, quas rhombus dati loci monstrat, v.g. 3. & habebis 16. quæ subducta à 12, reliquum faciet 4

horas cum 36 min. quæ ex residuo divisionis remanserant. Atque hæc est hora incrementi maris quæsitæ.

PROPOSITIO II.

Alio modo summum incrementum maris ubique locorum reperiri, per singulos ætatis Lunaris dies.

Posuimus in præcedenti propositione modum per pyxidem nauticam, modo faciliorem proponemus per tabulam, ex quo dicto citius summum maris incrementum cognoscere queas, quam & ex observationibus navarchorum extraximus. Hi siquidem Tabulam multò aliter constituunt, quàm nos in præcedente fecimus; In illa quippè novilunium ad horam 12 noctis accommodant, in hac hora 3 ante medianam noctem, Sole & Luna in Euro-borea, seu Noto-Zephyrea plaga existente, id est, Sole & Luna inter Orientem & Boream, seu inter Occidentem & Austrum medio loco constituta; unde pro ipso Novilunii die talem constituunt Tabulam.

T A.

T A B U L A

*Ad cognoscenda summa incrementa Maris Sole & Lunâ in Euro-borea
plaga constitutâ.*

Ætas Lu- næ.	♂	1	2	3	4	5	6	7	8	9	10	11	12	13	14	15
Horæ in- crementi maris.	3.0	3 $\frac{1}{2}$	4 $\frac{1}{2}$	5 $\frac{1}{2}$	6 $\frac{1}{2}$	7	7 $\frac{1}{2}$	8 $\frac{1}{2}$	9 $\frac{1}{2}$	10 $\frac{1}{2}$	11	11 $\frac{1}{2}$	12 $\frac{1}{2}$	13 $\frac{1}{2}$	14 $\frac{1}{2}$	15.0
Ætas Lu- næ.	16	17	18	19	20	21	22	23	24	25	26	27	28	29	30	
Horæ in- crementi maris.	15 $\frac{1}{2}$	16 $\frac{1}{2}$	17 $\frac{1}{2}$	18 $\frac{1}{2}$	19	19 $\frac{1}{2}$	20 $\frac{1}{2}$	21 $\frac{1}{2}$	22 $\frac{1}{2}$	23	23 $\frac{1}{2}$	24 $\frac{1}{2}$	1 $\frac{1}{2}$	2 $\frac{1}{2}$	3	

Hæc Tabula composita est per additionem continuam horarum, & partium quintarum unius horæ, quæ quintæ partes tamen nullo negotio ad minuta horaria revocantur hoc modo. Cum Luna tardius ad terminum, undè digressa fuerat, redeat 48 min. hinc si numeratores quintarum in fractionibus, in 12 duxeris, prodibunt minuta horaria desiderata; sunt enim 12 minuta horæ. quinta pars horæ, uti ex divisione 60 per 5 patet. Exempli gratia, si in hac fractione $\frac{1}{4}$ duxeris in 12, prodibunt 48: ita 3 in 12 ducta, dabunt 36: 2 in $\frac{1}{2}$, dabunt 24: 1 in 12, dant 12: 0 in 0, dabunt 0. Vides quoque hanc Tabulam exactè convenire præcedenti; si enim in præcedenti accipias Columnam NO, vel SW, & juxta dies Lunæ processeris, invenies eodem prorsus modo incrementa maris procedere juxta horas in ea dispositas. 3. 0 primo die Lunæ. 3 hor. 48 min. secundo die Lunæ. 4. 36. & sic de cæteris; quæ pulchrè correspondent Tabulæ hîc propositæ: $\frac{0}{3} \mid \frac{1}{3\frac{1}{2}} \mid \frac{2}{4\frac{1}{2}} \mid$ Quod quidem pulchrum inventum est. Verùm cum hæc Tabula tantum incrementum maris ostendat, horâ 3 ante mediam noctem, Sole & Luna in Euro-borea, aut Notozephyrea plaga constituta; hinc nos, ut Tabulam, quàm universalissimam redderemus, eam ea methodo, quæ sequitur, disposuimus: ex hac enim data qualibet hora diei naturalis, in qua conjunctio aut oppositio Solis & Lunæ contingit, data quoque qualibet die ætatis Lunaræ, horam incrementi maris reperire docemus.

Usus Tabulæ.

Vis scire, primo die Lunæ, quota hora sit summus æstus, Lunâ ad situm Euro-boreum, vel Notozephyreum constitutâ; quære horam 1 in fronte, & horam 8 ante meridiem, è latere, in qua Luna v. g. in situ Euro-boreo existit, & angulus communis dabit quæsitum, videlicet 10 $\frac{1}{2}$ horam. Similiter, si sit 12 dies Lunæ, & scire cupis, Lunâ tunc in Euro-borea plaga constitutâ, hora IV post meridiem; quære 12 diem Lunæ in fronte, & in latere horarum, IV post meridiem, & angulus com-

munis dabit quæsitum, videlicet 1 $\frac{1}{2}$ post mediam noctem; haud secus in aliis procedes; ubi nota, hosce numeros 1, 2, 3, 4, &c. indicare horas post mediam noctem; hos verò I, II, III, IV, &c. usque ad 12 horas post meridiem. Porro si Novilunium aut Plenilunium contingat, in quacunque tandem hora, quæ in prima Columna describuntur. V. G. Si scire velis, si Novilunium contingat hora 5 post mediam noctem, quando prima die Lunæ sit maximum maris incrementum, tunc quæres in prima Columna 5 post mediam noctem, & 1 in fronte Tabulæ, & angulus communis dabit horam 7 cum $\frac{1}{2}$ hor. tempus quæsitum. Haud secus in aliis procedes. Sed cum hæc multò faciliora sint, quàm ut deduci amplius debeant, ad alia procedam.

P R O P O S I T I O III.

*Instrumentum fluxus & refluxus universale per
totum Terrarum Orbem constituere,
ad 42. gr. elevat.*


Fiat primò circulus mobilis signatus literâ A B C D, qui in 24 partes divisus sit, & Meridianos circa Orbem Terræ, unius horæ spatio à se invicem distantes notat, quibus Regiones & Maria, eo, quem vides, ordine adscribantur; huic extimo limbo circumduces figuram ovalem E F, G H, circa quam prior circulus commodè volvi possit, iis numeris & lineis, quos vides, adornatam; Denique ovalem figuram alius immobilis circulus in 24 horas à 12, ad 12 divisus ambiat; & habebis instrumentum paratum.

Usus hic est. Si velis scire Romæ incrementa & decrements æstus per totum Oceani ambitum, tunc suppone Indicem A super datam in Ovali Figura ascensus Lunaræ horam, & habebis incrementa & decrements æstum per universum Terrarum Orbem in omnibus locis ibidem repræsentata. Nota verò, numerum horarum in ovali figura descriptum, notare æstus maris, quos facit per sex horas crescendo, & per totidem horas decrecendo. Vides igitur, Luna ascendente supra Horizontem, per horas sex continuò

crescere, usque dum Meridianum ascenderit, ubi maximum est incrementum, uti tumor aqueus in Figura docet; differentiae verò incrementorum aptè signantur per lineas ovalis Figuræ inscriptas, quæ uti proportionaliter cre-

scunt aut decrescunt, ita proportionale æstus incrementum aut decrementum in divisione linearum per puncta appositè sanè exhibent. posito summum incrementum semper esse 6 punctorum.

Rota qua data hora & dato Meridiano, incrementa & decrementa maris in toto Orbe reperiuntur.



Iterum, si velis scire, ubinam locorum incrementum aut decrementum sit, sic age: pone indicem A sub Ovalis Figuræ puncto E, & videbis in maribus Romano Meridiano subjectis, mare in summo sui incremento esse in Oceano Indico & Insulis Salomonis meridiano Romano oppositis. Eodem tempore videbis, in Oceano Persiæ & Mexico subjecto, æstum in infimo suo incremento esse; reliqua verò loca in lineis graduatis monstrant incrementi & decrementi gradus numeris suis expressos, in singulis regionibus, quibus correspondent.

Rursus. Si Index A moveatur sub I hora Lunaris ascensus & incrementi in Ovali Figura descripta, videbis iterum in toto Orbe terrarum incrementa & decrementa, & sic de cæteris ordine horis procedendum est; V. G. Si velis scire, qualenam sit incrementum aut decrementum circa totum Orbem


terrestrem, eo tempore, quo Luna quinque horis fuit supra horizontem: pone indicem A, supra horam 5, non in exteriori circulo, sed in interiori Ovalis Figuræ ambitu, & deinde comparabis incrementa & decrementa ubilibet locorum cum regionibus, quibus adscripta sunt, & habebis quæsitum. Videbis quoque, quandocumque maris æstus crescit per sex horas, id per alias sex horas in sequenti quadrante decrescere, & contra; ita ut in oppositis quadrantibus semper mare crescat & decrescat; quæ omnia luculentissimè in organo exhibentur. Extimus circulus in 24 horas divisus, quota ubilibet hora per totum terrarum Orbem fit, ostendit hac praxi: Si vis scire Romæ hora 8 ante meridiem quota hora sit in iis locis, & regionibus, quæ circulo A B C D inscriptæ sunt, pone Indicem Romani meridiani supra datam horam Romæ videlicet 8, & habebis quæsitum; horæ enim

enim quæ reliquis regionibus respondent, dabunt quod quærebas. Ita in Syria erit 12 in China 6 post merid. & sic de cæteris.

PROPOSITIO IV.

Undenam fluxus & refluxus, sive ex qua parte Mundi proveniat, in Albo mari per instrumentum observare.

Fiat pyxis nautica axi CD imposita, qui axis pro magnitudine navis, v. g. sex passus infra aquas protendatur; habeat autem axis brachia BBB, ut iis ad navim extrinsecus



fortiter impactis, axis liberè intra ea veluti Polos in omnem partem versatilis gyron possit, & gyratum secum incumbentem pyxidem nautica gyron; habeat autem infra aquam in fine annexam sibi nassam EG, ex corio aut etiam subtilibus æneis laminis, ad instar manicæ diffensam, in G extremo pertusam, ita axi accommodatam, ut liberè cum axe circumvolvi possit, & instrumentum erit paratum. Si itaque Currentes maris, quam in partem vergant, nosse desideras, huiusmodi instrumentum navis lateri, ubicunque commodius nautæ visum fuerit, brachiis suis affiget, parte DE axis infra aquam nassa sua ænea ad 6, 7, 8, &c. passus detrusa; & hoc pacto fiet, ut aqua Currens nassam juxta Currentis fluxum lationemque devehat, quæ devectora consequenter unà secum annexum sibi axem unà cum pyxide circumvolvet; pyxidis verò acus intra limbum, quam in partem Currens urgeat, monstrabit. Atque huius instrumenti ope, singulorum Currentium tractus lationesque accuratè annotari possunt. Res nautis non tantum utilis, sed & prorsus necessaria; putant enim sæpius se expansis velis aliquem locum vento secundo petere, cum tamen occulto maris motu, tantum abest, ut accedant, ut potius multum se retrocessisse cum tempore inveniant, uti iis contingit, qui Insulam S. Helena petunt.


PROPOSITIO V.

Horologium æstus marini construere, quod omnia æstus incrementa & decrements, gradusque eorum perpetuò demonstraret.

Diu multumque mecum cogitavi, quonam modo machina quædam per modum horologii inveniri possit, quæ indice suo incrementa & decrements æstus in gradibus suis perfectè monstraret. Et tandem subvenit mihi modus quidam, quem non tam describimus; quam ingeniosis mechanicis paucis indigitamus.

In portu aliquo publico cui æstus marinus dominatur, extruatur turrícula AB rotunda instar columnæ putealis; debet autem intra terram BC fundari, profunditate fundo maris in quantum fieri potest æquali; In fundo verò habeat foramina D, ut aqua marina commodè intra columnæ concavitatem se insinuare possit; extra verò terram quantavis altitudine BA emineat. Hoc peracto, fiat rotundus orbis E ex subtilissimo aurichalco, sive ære, intus concavus, & conclusus, eo fine, ne aqua penetret, & is plenus aëre supernatare possit, ut in subereo orbe fieri solet, in cuius Centro E chorda alligetur F, quæ axi GH bis aut ter circumplicetur, in cuius extremo pondus plumbeum apponatur, ne chorda revolvatur. In facie verò Columnæ fiat orbis KLMN, qui incrementa & decrements maris per sex horas notet in sua circumferentia; Deindè index affigatur extremo axis, qui in immobili superficie orbis KLMN, hinc inde versatilis sit, & habebis machinam paratam; Incrementa verò & decrements maris in extrema Orbis horologii superficie per observationem hac industria describes.

Hora, qua mare in infimo suo incremento est, ponatur index in linea meridiana vel horizontali perinde est; Et quoniam orbis æneus chordæ affixus, aquæ liberè innatat; accidet ut aqua intra columnam ascendens juxta incrementum successivum maris paulatim una cum orbe illi innatante elevetur, & cum chorda, à qua Orbis dependet, sit circumplicata axi, & axis extremo affixus index,



dex, axis necessario volvetur una cum indice. Index vero motus, in extrema Orbis extremi superficie, ordine gradus incrementorum aut decrementorum pariter ostendet. V. G. Si incrementum aquae in Columna ascenderit ad unum pedem, Index motus in Tabula monstrabit spacium proportionatum incremento; quare ibi in Tabula signabis I, scilicet pedis incrementum; Si 2 pedes aqua una cum Orbe aeneo ascenderit intra Columnam, tunc vide quantum promotus sit Index in circulo exteriori limbo Orbis pedum mensurae destinato; & hoc pacto observabis omnes gradus incrementorum quoad pedes, usque ad summum incrementum, ad quod cum aqua una cum suo Orbe aeneo aut subereo

pervenerit, tunc Indicis quoque terminum peculiari signo notabis; decrescente vero mari, aqua intra Columnam pariter una cum Orbe suo chalybeo descendet; Si itaque unum pedem descenderit, tunc terminum Indicis pariter notabis, in minori intra Tabulam circulo, & sic consequenter, donec omnes pedes incrementorum decrementorumque in tabula absolveris, & habebis fabricam non tam ad magnum portus ornamentum, quam emolumentum nautarum, absolutum. Haec sunt, quae paucis de horologio aestus maris ingeniosis Artificibus communicanda duxi, qui si hoc negotium rite ponderent, id sane copiosam novarum inventionum segetem supeditaturum, nil dubito.

CAPUT II.

De Oceani Pericyclo si seu Circulatione.

Neminem tam insensatae mentis esse puto, qui divini Numinis in Naturae administratione providentiam penitus considerans, non in summam rapiatur admirationem. Condiderat Mundi Architectus & Opifex Mundum perpetuis quibusdam mutationis legibus constantissimum, & Astralia quidem Mundi corpora, uti perpetua quadam & indefessa vertigine; ita & Mundum elementarem perpetua elementorum pericyclo si cum incessabili quodam conflictu, qualitatumque contrariarum Antitechnia conservare sibi complacuit. Hinc nulla in natura rerum substantia est, quae motu proprio vel alieno non instruat, quo privata, universa rerum natura in nihilum abire necesse foret.

Spectatur haec motus ratio potissimum in aqueo elemento, quod ex fluxilis naturae suae conditione quiescere non potest, utpote motu (sine quo, nullo superfluo remedio universa natura elementaris rueret) cum primis indigum; patetque experimento: Aqua non mora protinus putrescit, vermes generat, aërem vitat, malignas impressiones concipit, morborum innumerorum mater. Pluviales aquae fossarum sinibus exceptae immotae virescunt primo, deinde nigrescunt, tandem in ranas, bufones, serpentes, atque omnis generis infecta cum magno aëris infectionis periculo degenerant. Quantum autem naturae detrimentum illatum fuisset, si vastissimum illud Oceani corpus sine motu relictum fuisset? Procul dubio universa natura elementaris languescens, tandemque eversa, ob infinitam quandam putredinis, quae inde in Terrestre corpus redundasset, abundantiam concidisset; cessassent fontes & flumina, lacus & stagna, vegetabilia cuncta evanuisent, cum consequenti omnium animantium interitu. Haec naturae detrimenta, ut evitarentur, Naturae Author & Institutor DEUS Opt. Max. Mare in perpetuo quodam motu

esse voluit, Lunae, Solis, reliquorumque siderum abditis influxibus agitatum.

Hinc praeter motum aestus, quadripartito fluxu refluxuque naturalis diei spatio tumultuantis, aliosque supra indigitatos, id alio in hunc usque diem incognito motu circulari volvit; Et uti Oceanum juxta luminarium motum diurnum ex Ortum in Occasum, ita & alium ex Polo Boreo in Austrinum instituit; quo Mare sub Polo Arctico ingenti insinuatum voragini, absorptumque per incognitos recessus & inexplorabiles meandrorum ductus, tortuosis & incomprehensibilibus ambagibus tandem in Australi Polo denuo emergit. Non secus ac in corpore humano, unius diei naturalis recursum, sanguinem per universos venarum ductus circulari, ultimis hisce temporibus inventum est; cujus quidem alia causa non est, nisi ut universa natura, coeli, elementa, humani corporis liquores, perfecta quadam analogia, mira ratione sibi invicem connexa corresponderent, atque hoc pacto in esse suo conservarentur.

Sed dices forsitan. Quis tibi dictas Suppoliarum Regionum voragines ostendit? quis unquam illas vidit? Quæro ego ex te: Originem motus maris per subterraneos meatus in fontes & flumina se exonerantis, neque tu neque alius mortalium vidit unquam; ergo non est? Pessima sanè consequentia, quae innumeris aliis rebus applicari posset. Dico itaque, neminem quidem eas voragines vidisse; eas tamen esse, tum ratione, tum experientia, autoritatibusque ostendi posse; & primo quidem hac ratione:

Cum enim Suppolares hi tractus humanæ vitæ commodè sustentandæ, tum ob semestrem lucem, semestresque tenebras, inidonei forent, ne natura rerum his in tractibus otiosi videretur, sub fixis hisce punctis hydropericycloseos exordia constitui consentaneum fuit; Ex hac enim circulatione aqua marina per

Omnia in Mundo contrariis constant.

Nihil sine motu consistere in Mundo potest.

Humor quiescens putredini obnoxius est.

Mare in perpetuo motu & circulari non verisatur.

Oceanus sub Polo Arctico absorbetur, & sub Antarcticis regurgitur.

Probatur Mare sub Polo absorberi.

per incognitos terræ meandros, tanquam in subterraneum quendam ventrem derivata, ab ignibus subterraneis nullibi non obviis, veluti digeritur, concoquiturque in semen naturæ rerumque omnium alimentum; terreno quidem corpore, quod sibi ab initio congenitum erat, videlicet salinos attrahente spiritus, mineralibus verò glebis unctuosum illud humidum ad metallorum generationes perficiendas necessarios in se derivantibus, vegetabiliumque speciebus id, quod earum naturæ maximè congruum erat, magnetica quadam virtute attrahentibus: Quod verò indigestum incoctumque superest aquarum, id per Polum Antarcticum rejicitur, repetita circulatione perfectius digerendum concoquendumque: Hoc enim pacto ingens illud maris corpus innumeris facibus & terrestrium miscellarum quicquiliis scatens, hujusmodi circulationem per continuam subterraneum ignium concoctionem digestum emendatumque in novum semper & novum naturæ semen & alimentum paratur.

Altera ratio.

Ratio secunda. Si circulatio illa per utrumque Polum non daretur, mare Suppolare procul dubio perpetuo damnatum gelu & irresolubili glacie sine motu perfisteret; Mare autem immotum summas inducit putredines, putredines pessimas efficiunt exhalationes & vapores, quibus circumsitæ regiones affectæ sine magna hominum animaliumque strage conservari non potuissent.

3 Ratio.

Ratio tertia est. Quod cum à binis jam seculis universus Terraqueus globus per frequentes & difficillimas navigationes ita nobis innotuerit, ut vix Terræ marisque angulus superfit, qui non detectus exploratusque sit; exceptis regionibus utroque Polo subjectis, siquidem complures post tot Batavorum Anglorumque tentamina, post tot hominum ærumnis, fame, siti, frigore extinctorum jacturam, spe sua frustrati, Suppolarem tractum, tantum abest ut consequi, ut vel neque ultra octuagesimum latitudinis parallelum progredi potuerint, apertissima inaccessibilis districtus signa. Quid non tentavit Davis? quid non Hudsonus? Quid non Batavi in triplici sua ad Arcton navigatione, totius navigationis directore Barensono viro Astronomiæ peritissimo, qui dum scopum sibi propositum impensius urgeret, in medio negotii cursu vi frigoris extinctus est: Hudsonus verò à sociis rebellibus in lintrem expositus, nunquam comparuit amplius.

Murimi tentarunt aditum ad Suppolarem tractum, sed nemo hucusque id consecutus fuit.

Mare circa Polum rapidissimum est.

Ratio quarta est eorum, qui mare Suppolare ob rapiditatem superari non posse partim viderunt, partim scriptis consignarunt. Mira de Monacho quodam Minorita Oxoniensi Anglo Geographi referunt, quem Arte Magica ad Polum translatus, ibidem rupem quandam nigram 33 leucarum in circuitu, invenisse ajunt, sub qua Oceanus per quatuor Euripos velocitate incredibili intra Suppolarem regionem insinuatus, infra dictam regio-


nem per immensam voraginem absorbeatur, Quidquid sit de veritate hujus narrationis, etiam si enim multis fabulosa videatur, non proinde eam omnino reprobendam existimem, cum multos Geographos fautores habeat hæc Suppolaris vorago, neque haud incongruis attestationibus stabiliatur. Angli in eas oras delati, uti Purchas in suis Geographiis relationibus habet, ab indigenis Groenlandiæ moniti, ne ulterius progredierentur, si se suasque naves salvas esse velint; esse enim mare versus Polum aded æstuosum, atque aded rapidum, ut navis semel ingressa, nulla humana industria retroagi possit. *Athlas Novus* refert, Nautas ad Spitzbergam balenarum piscationi vacantes narrasse, nullam videlicet navim ultra 82 altitudinis Borealis parallelum progressam rediisse, lintresque suorum incautiùs per dictos districtus divagatos nunquam amplius comparuisse, mareque ibi tanquam ex monte quodam prouens omnia secum rapere, luculento sanè testimonio, esse sub Polo, vel vicinis ei partibus voraginem immensam, qua aqua aquam trahens una cum innatantibus navibus irremediabili vehementia absorbeatur. Quæ omnia tum in Hydrographia Petrus Ioannes Faber Medicus, tum in Panchymico suo l. 4. c. 7. his verbis confirmat: *Sunt in Septentrione quatuor Euripi, quorum interiora ob rapiditatem motus nunquam glacie constringantur, qui tanta & tam rapida violentia ad Polum Arcticum tendunt, ut nemo eum verbis exprimere possit; ibi enim Oceanus deglutitur & voratur à terra, & sunt multi qui viderunt hos Euripos, & periculum nonnullarum viderunt navium, quæ ab ipsis rapta Euripis nunquam amplius visa sunt & conspecta.* Et c. 8. *Mirum natura arcanum, cujus rationes & causas nemo adhuc investigavit, quia hic motus incognitus fuit, donec per navigationes notus factus est.* Verùm qui plura de miranda hac Suppolaris plagæ constitutione, voragine illa immensa, rapiditate maris per quatuor Euripos insinuati, scire desiderat, is legat Nauticas Observationes sequentium Authorum: Hugonis Viltugbei Equitis, Riccardi Cancelarii, Stephani Baruchti, Caroli Iacmans. Jacobi Aldaii, Martini Frobischeri, Ioannis Davis, Jacobi Cnoxen Sylvæducensis, Giraldi Cambrensis: quorum hic sequentibus verbis eam describit. *In Boreali parte invenitur immensa quadam maris Vorago, ad quam à remotis partibus omnes videntur moveri fluctus, tanquam ex conductu confluunt & devorantur, qui in secreta natura penetrantia se ibi transfundentes quasi in abyssum vorantur. Si itaque Navis sua mala sorte in eam inciderit, tanta vi rapitur & attrahitur, ut eam statim irrevocabilis vis voracitatis absorbeat.*

Pet. Ioannes Faber in Panchymico.

Giraldus Cambrensis.

Hæ rationes sufficient ad astruendam Suppolarem illam voraginem, qua absorptum mare & per intima terræ viscera, incomprehensibilis humano ingenio ductibus circulatum, tandem in altero opposito Australi Polo regurgi-

Mare sub Polo Australi revolvitur.

Poli Arctici Constitutio*Poli Antarctic Constitutio*

gurgitur, de quo paulò ante allegatus *Petrus Ioannes Faber* citato loco sic loquitur: *Qui navigarunt ad Polum Australem, viderunt illum aquarum à Polo Antartico affluxum tanta violentia occurrentem, ut nullo pacto nec remis nec velis contra ire licitum sit; quemadmodum & circa Polum Arcticum tanta feruntur rapacitate versus Polum, ut nulla vi ipsa rapacitate aquarum extricare se possit navis, si interdum in ipsos Oceani Euripos casu deveniat.* Idem attestatur Relatio de detectione novi Freti in Magellanico Mari, vulgò dictum *de Maire*; in qua Archinautæ illi Batavi, postquam ferè 60 gradum attigissent latitudinis Australis, ob contrarietatem fluctuum, & horrendas aquarum præcipitationes, ultra progredi concessum non fuit. Idem testatur *Herrera* in *Historia America Australis*; Ex Chilensi, inquit, Regno classem maritimam ad Terræ Australis regiones detegendas regio consilio fuisse expeditam; quæ ut ultra 70 tamen latitudinis gradum, ob aquarum, etiam aëre tranquillo & sine ventis perpetuò obviam iis irruentium rapiditatem procederet, impossibile fuit. Tentaverunt & hoc iter versus Polum Australem & Hollandi Bataviæ novæ Incolæ, uti referunt eorum *Itineraria* passim obvia: qui juxta Terræ Australis littora intra immensa marium spatia altius insinuati, dum mare semper veluti præceps invenirent, violentia fluctuum retropulsi, ulterius illud iter minimè prosequendum rati sunt, cui accessum natura negaverat. Quæ sanè luculenta signa sunt, mare vehementem alicubi in Suppolari plaga eruptionem regurgitationemque pati. Quæ etiam causa fuit, quod à sexagesimo gradu usque ad polum Australem, nec maris, neque terrarum, Insularumque situs & constitutionis nulla in hunc usque diem notitiâ ad nos pervenerit, adeoque abditissimo naturæ mysterio carere non videatur, quod aded hucusque inaccessum mansit inexploratumque; dum ad Suppolarem tractum Nautæ sive casu, sive data opera delati, & vi maris absorpti, tantæ & tam infelicitis fortis nuntium remittere non quiverint; ad Polum verò Australem delatis, regurgitati maris undique & undique circumfusi impetum superare non licuerit. Quæ cum penitiùs con-

sideraret *Georgius Bruyn*, idèd Polum inaccesum esse, quod Deus Paradisum terrestrem translatum sub eo constituerit, humanis vestigiis impervium; Sed hæc cum rationi non congruunt, melius forsitan nobiscum sensisset, si inaccessibilitatis istiusmodi locorum causam in maris ex Polo in Polum pericyclofin conjecisset. Insignis non ita pridem philosophus, cum in *Itinerario meo Extatico terrestri* hanc naturæ pericyclofin summa admiratione legisset, suis datis ad me litteris tale proposuit dubium. Cur natura Suppolarem plagam perpetua Insularum concatenatione ita cinxerit, ut Oceano vix aditus pateat; ab una quidem parte Groenlandiâ, Spitzbergâ & Groenlandiâ, ab altera inexploratis adhuc Americæ & Asiaticæ Tartariæ littoribus munivit, quæ ab invicem quadruplici fretorum gurgustio, non nisi exiguam Oceani quantitatem admittant? Respondi, hoc admiranda quidem naturæ solertia factum esse, primò ut Oceani illuc agitati violentiam veluti muro quodam retunderent cohiberentque. Secundo ut enarratæ Regionessent veluti limites quidam, qui ulterius non procedendum esse monstrarent ibi, ubi truculentis casibus funestisque periculis, mare fusque deque ferret omnia, cum navium hominumque irremediabili ruina & interitu; Hinc & mare glaciale opposuisse videtur, quod molibus suis montium instar assurgentibus, aditum ad Suppolares maris æstuosam plagam ita obstruit, ut omnem ultra octuagesimum aut octuagesimum secundum altitudinis gradum penetrandi spem auferat, quemadmodum in Batavorum ad Arcton expeditione luculenter patet. In opposito verò Polo vel ipse regurgitati maris impetus & vehementia id appropinquare attentantes, ab instituto, dum undarum occurrentium molestiam superare nequeunt, suapte sponte avertit.

Habes hinc nostram de circulatione maris à Polo ad Polum sententiam, fusiùs forsitan quam par erat descriptam. Quo autem fine, aut quid Telluri utilitatis conferat, in sequentibus, suis locis fusè ostendetur. Lege si placeat, quæ de hoc naturæ arcano in *nostro Itinerario Extatico I.I.* qui & hujus operis prodromus dicitur, *Dialog. I.* fusiùs discurremus.

Georgius Bruyn in Theatr. Urbium putat sub Polo alicubi Paradisum terrestrem constitutum, idioque inaccessibilem.

Archonau-
tarum ob-
servatio.

Herrera in
historia A-
mericæ.

Polus An-
tarticus
ob violentiam oc-
currentium flu-
ctuum ad-
iri non po-
test.

CAPUT III.

*De Salsedine Maris, ejusque origine, necessitate, aliisque Oceani
Mariumque accidentibus.*

TRiginta tres magni nominis Authores de Salsedine maris quàm fusiùs pertractantes consulimus, ut qualesnam causas tam celebris naturæ operationis adferrent, dispiceremus; at dici vix potest, quanta omnium sit placitorum diversitas, quanta opinionum confusio; Certe Ocea-

num ipsum tot ætus volvere non posse arbitror; quot hujusmodi mentis caligine offusi volvunt. Nonnemo uti neque Oceani ejusque naturæ, neque Geographiæ utpote tunc temporis incognitæ notitiam habuit, ita in multis hallucinatus est, uti videre est in *l. 4. Meteor.* de quibus infra. Assectæ sectato-

Magna o-
pinionum
de salsedi-
ne maris
varietas.

res dum Magistrum defendere, & ab erroribus vindicare contendunt, in graviores labuntur, hoc pacto errores catenatim in cathedris propagantur, dum ipsa veritas non attenditur, sed putidissimum illud *αὐτῷ ἰσα* loco veritatis inscitè effutitur, dum neque per regulas sciendi, an sit revera res de qua agitur, quid sit, & in quo consistat, propositæ quæstionis difficultatem singulari mentis industria examinare contendunt. Accedit experientia rerum omnium Magistra, qua non assistente, ut quicquam in Physicis rectè enucleetur, fieri non potest. Hinc multi relictis proximis causis ad remotas, & nescio quas Metaphysicas speculationes confugiunt. Quidam per absurda & ridicula figmenta suam stabiliunt opinionem. Sunt, qui vicinè ad veritatem accedunt; nonnulli tantum ab ea recedunt, quantum vix sibi quisquam imaginari possit.

Nos cum nemine contendere volumus, sed principiorum nostrorum filum sectantes, hoc loco nostram inter cæteros ponemus, quam etiam si *ἀποδεικτικῶς* non demonstramus, eam tamen variis experimentis ita stabiliemus, ut si non veram, saltem à vero non multum abluentem, id est, verisimillimam, omnes qui æqua rationis trutinâ res ponderare solent, sint concessuri.

Nullum datur elementum purum & simplex.

Suppono itaque primò. Nullum elementum purum & simplex Physicè consideratum in rerum natura naturaliter dari posse, sed omnia corpora esse mixta & elementata, multiplici rerum miscella referta, & elementa singula in singulis convoluta existere; unde nullum elementum ita depurari potest, ut ad simplicitatem suam & puritatem elementi simplicis vera detur resolutio; quod innumere modis in sequentibus, suo loco comprobaturi sumus.

Suppono Secundò. Materiam primam compositam in Physicis compositionibus esse naturæ sale omnibus corporibus inexistentem, à primordiis rerum Chaoticæ massæ inditum, sine quo neque consistentiam subsistentiamque habere, neque in esse suo conservari possent, utpote, qui omnia, ut Chemicè loquar, corpora fixet.

Nil in natura rerum deperditur.

Suppono Tertiò. Nihil in rerum natura regulariter deperdi five ex elementis, five ex vaporibus exhalationibusque ex iis attractis, sed singula suis elementis restitui. Hoc pacto ex mari attrahuntur vapores, qui paulò post condensati frigore, resolutique per pluvias, nives, grandines, pruina, rorem, nebulam, iis elementis, unde extracti sunt, restituantur. Idem de Terreis exhalationibus dicendum est.

His positis. Dico primò, falsedinem à natura in primordiali rerum conditu (mox ac aqua intra alveos voce DEI digesta Terram discooperuit.) Oceano & omnibus cæteris aquis infinitam fuisse, ita tamen, ut pro ratione aquarum cæterorumque corporum naturalium, nunc plus nunc minus usque ad insensibilem

quantitatem sal iis insertus compèriatur.

Quoniam enim sal elementum terreum corporeis rebus consistentiam, & ut Chimici loquuntur, fixationem seu densitatem quandam palpabilem præstat, quam sine sale elemento rerum fixativo nunquam præstitissent, sequitur falsuginem tum mari, tum rebus omnibus necessariam fuisse. Præterea cum Terra cum Oceano & Maribus unum globum conficiat, uti universa Telluris moles sale imbuta est, ita & mare, quod à Terra veluti ab uberibus undique & undique falsugineum humorem fugens, tanquam nutrimentum suum attrahit, quem postea mare per subterraneos meatus colatum, falsugineum humorem, quem attraxerat exfluxeratque, juxta *Suppositionem* 3. jure naturæ Terræ veluti debitum quoddam restituit, vel potius Tellus reciproco quodam attractu, quod concesserat mari, ab eodem inter subterrestres carceres constricto, repetit. Quomodo autem hoc fiat, deinceps exponetur.

Sal rebus omnibus inest, & omnia fixat.

Est itaque sal juxta nostram sententiam elementum Terrestre seu semen quoddam naturæ, omnibus rebus corporis tum consistentiam, tum alimentum præbens; cujus signum apertissimum est, quod nullum corpus sive ex sensitivorum sive vegetabilium aut inanimatorum regno sit, quod non hoc subsistat alaturque; aut quod destructum in illud non resolvatur.

Sal elementum Terrestre.

Dices. Aquas maris salvas actu per vaporum extractorum resolutionem in aquas dulces converti, quod sine salis reparatione fieri non potest. Ergò conclusio falsa est. Hæc obiectio ut dilucidius exponatur:

Notandum, Duplex considerari posse hoc loco sal, fixum & volatile. Sal fixum illud dicimus, quod omnibus & singulis rebus naturaliter insertum est, & ab eo separari penitus non potest. Volatile verò illud dicimus, quod pro spirituosæ substantiæ suæ ratione à sale fixo separatur & avolat. Hoc posito. Concedendo Antecedens, nego Consequens. Ratio, quia etiam si Sol vapores ex mari extrahat, qui postea resoluti in pluvias dulces revertantur; non tamen inde sequitur, istiusmodi aquas ita ab omni sale radicali separari, ut non exiguae portiunculæ salis, etsi quoad sensum gustu vix dignoscibiles remaneant; quod & in aqua fontana qualicunque experientia verum esse docet; siquidem aqua hujusmodi per alembicum distillata, semper nonnihil salis in fundo relinquit, uti Chemicis notum est.

Sal duplex est fixum & volatile.

COROLLARIUM I.

Hinc patet, Terraqueum globum in Chaotica massa adhuc latentem à primordiis rerum virtualiter in se continuisse sale, sed in actum primò erupisse tertio die, quo separatio aquarum in alveos suos à Deo distributa, Terram ab aquarum mole, qua involuta jacebat, liberam detexit, atque hoc pacto multæ de salis origine controversiæ, quibus Com-

Sal in massâ Chaotica virtualiter inclusum.

menta-

mentatorum monumenta referta sunt, dirimi possunt.

COROLLARIUM II.

Nullam esse aquam elementarem sive fontanam sive lacustrem, quæ distillatione peracta non aliquid salis reliquum exhibeat, uti fusè per experimenta probabitur in sequenti libro *Tractatu de Sale*. Cum enim sal det omnibus rebus consistentiam juxta Suppositionem 2, certè aqua omni privata sale consistentiam à natura sibi debitam obtinere non posset, utpote elemento suo terrestri fixativo destituta, atque aded in purissimum elementum resolveretur, quod impossibile est: Cum enim omnia rerum naturalium corpora ex quatuor elementis composita sint, certè uno eorum deficiente totum compositum destrui necesse est; Ergo sale suo fixo nulla aqua destitui potest; quemadmodum enim in quolibet composito naturali, unum vel duo elementa prædominantia sunt, ita & in aqueo elemento una aqua altera plus aut minus falsedinis usque ad insensibilem falsuginem habet; haud secus atque in reliquis elementis semper major aut minor hujus aut illius elementi portio prædominatur, radicali semper elemento perseverante; unde sapienti sanè naturæ consilio factum est, ut etsi aqua dulcis & potui apta à quacunque salsa separari possit, per evaporationem salis volatilis, semper tamen fixum in subjecto corpore etiam sub minima portione remaneat. Loquor autem hoc loco non tantum de sale in particulari, sed genericè de omni eo, quod distillatione peracta remanet in fundo Alembici, quod & Chimici caput mortuum vocant, hoc enim omni humore exhaustum, & in cineres redactum, statim novam salis foeturam suppeditabit, uti suo loco docebitur.

COROLLARIUM III.

Hinc patet, Terraqueo globo salem naturaliter tum ad totam Terraquei globi Oeconomiam conservandam, tum ad eandem sustentandam alendamque, à principio rerum insitum fuisse, tanquam balsamum naturæ; ubi enim sal non est, ibi putredinis initium esse necesse est, unicus sal tam animata, quam inanimata à putredine servat. Nihil in natura insulsum, nihil naturalium rerum, sive metalla & mineralia, sive plantas animaliaque, sive elementa ipsa spectes, è quibus Terraqueus globus compositus est, sine salis dote subsistere potest, ubi sal deficit, durabile nihil est, sed omnia putredine virulenta mox invadantur, necessario tum Universi, tum hominum animaliumque subsidio destituta. Hinc nullus est locus in Mundo, cui non salis suppetat copia; adeoque divina providentia illud non sine causa ubique præsto esse voluerit, quod tantoperè necessarium foret. Quantum enim

homini cæterisque animalibus necessarius sit, experientia quotidiana docet, unicum ciborum omnium condimentum; Quod enim sale caret, non corrigitur, quod non corrigitur, id totum insalubre, indigestum, putredinosumque advenit homini, utique verum morborum naturalium medicamentum; unde non sine causa *Homerus* Divinum vocat, tanquam id, quod ab incorruptione omnia quæ videntur, servat. Addo genitalium rerum principia ex sale suam originem deducere; unde & Poëtæ *Venerem Aphroditim* tanquam è spuma maris natam fingunt, ut hoc veluti *ἐν τῷ τῦπῳ* salis vim per mare dispersam genitabilem proponerent, Deosque marinos eam ob causam foecundos & multorum liberorum parentes faciunt. Et notum est omnibus, nil mari feracius, nil foecundius esse, tum infinita monstrorum marinorum multitudo, tum immensa piscium progenies, ovorum innumerabilium copia propagata, abundè testantur. Atque hæc de necessitate salis dicta sufficiant. Restat, ut quomodo aqua falsugine illa ab initio imbuta fuerit, quomodo eadem deposita in dulcedinem vertatur.

In primordiali aquarum in Telluris alveos deductione, quam *Sacra Genesis* tertio Mundi die factam fuisse docet, statim aqua chaotica tum ex se falsugine prægnans, tum ex ipsa falsuginosæ Terræ substantia tanquam sibi necessarium attraxit nutrimentum. Terra itaque sale referta, utpote naturali terrestri suo elemento constans, derepente voce Dei percussa, pro conditione partium primum in ossaturam Terræ, deinde in lapides omnis generis, tam communes quam pretiosos, limum adhuc mollem seu sedimentum aquarum fixavit; deinde varias metallorum mineraliumque species cooperante Subterraneo igne ipsi coævo, id est, Sulphur, Mercurium, cæteraque mineralia, tanquam genuinos salis filios produxit; seipsum verò tanquam omnium basin & sustentamentum necessarium, per universas prorsus Telluris fibras diffudit; ex quibus Oceanus veluti ab uberibus continuo sugens, præterquam quod jam & ipse illo imbutus esset, avidè in se attractum derivavit. Et quoniam fundum maris in primo Libro innumeris meatibus & voraginibus cribratum ostendimus; Hinc factum est, ut ignis Subterraneus falsuginosæ Terræ spiritus calore excitatos, Oceano omnibus in locis passim communicaret; Sol verò & Luna continuis influxibus per ventorum vaporumque copiam mare indefinenter agitent; Hinc falsuginei spiritus mari mixti, universum Oceanum ea imbuerunt falsedine, quam in hunc diem retinet, & usque ad Mundi consumptionem retinebit. Terram autem falsugine sua, & subterraneos ignes per occultos marini fundi meatus porosque, spiritibus salis sublimatis, mare perpetuò imbuere, his ostendo experimentis.

Generatio rerum à sale.


Quomodo sal aquæ ab initio insitus fuerit.

Quod omnia solida virtute salis constiterint.

Ignis Subterraneus halitibus salinis per fundum marium expiratis falsugine mare imbuunt.

EXPERIMENTUM I.

Fiat ex salis fossilis laminis vas quadratum A B C, cujus commissuræ pice aliave materia



exactissime claudantur; & hoc facto infusam aquam dulcem aliquandiu relinquant consistere, & aquam dulcem inter breve tempus totam in falsedinem versam invenies, attrahente aqua

dulci ad se falsedinem in vase consistentem, tantoque aquam futuram falsiorem, quanto illam vehementius in vase agitaveris. Ex hoc experimento innotescit clarè, quomodo aqua dulcis falsugine attracta fiat falsa. Experimentiam quoque tum in Sicilia tum Melitæ fecimus, in terra qualibet, pingui tamen, non arenosa mari proxima, intra cujus fossam artificiosè excavatam aqua dulcis infusa statim in falsedinem versa fuit. Contrà si in certas dulces cretaceas & arenosas glebas aquam marinam infuderis, infusam aliquot diebus reliqueris; aquam falsedine sua exutam reperies, Terrâ suapte natura sal ipsi debitum attrahente; Cujus quidem rei causa alia non est, nisi diversitas terrestrium glebarum, qualem aliæ sale copioso, aliæ vix sensibili pollent. Hinc fit, ut gleba sale gravida, aquæ dulcis falsedinem suam communicet, naturali quodam & reciproco attractu; contrà gleba pauciori pollens sale, à marina attractum salem tanquam nutrimentum sibi consentaneum in se derivet, unde aquam sale volatili destitutam, dulcem fieri necesse est.

Quomodo aqua falsedine sua imbuatur.

Ignis subterraneus spiritus salinos miscet mari.

Quomodo aqua falsa in hydragogis canalibus dulcescat, & potui apta fiat.

Pari pacto cum Mari fieri censendum. Communicat Tellus falsedinem suam Oceano per universas terreni corporis fibras diffusam; & ne littora tantum falsedinem communicare videantur, ignis subterraneus per cribrosum maris fundum perpetua salinorum spirituum sublimatione, adedò universas semitas marium imbuunt, ut accedente maris agitatione perpetua, perfecta tandem fiat aquarum cum falsuginosis spiritibus commistio. Sunt enim, uti experti sumus, spiritus salini adedò potentes, ut vel exigua hujus spiritus quantitas, tanta videlicet, quantam cochlear capere potest, ingens dolium aqua dulci plenum in falsuginem facillè vertat.

Venio jam ad alterius dubii solutionem, quomodo videlicet aqua in subterraneis incilibus dulcescat, sive quomodo in iis deposita falsugine in dulcem, uti fontes & flumina aperte demonstrant, aquam vertatur.

Dico, id primò fieri decoctione aquarum; Cum enim viscera Terræ ignibus subterraneis referta sint, fit ut aquarum inciles sive meatus syphonum in morem propagati, dum pyrophyllacia transeunt, volatiles aquæ falsæ concoctæ jam & digestæ spiritus mox subli-

mentur, sublimati & in maximam subtilitatem attenuati, per intimas Terræ fibras sese insinuant, & ubi frigore condensati fuerint denudò in salem revertantur, adedòque Terræ restituant illud, quod ab ea abstraxerant, Terrâ naturali attractu id, quod suum erat, repetente. Accedit quoque, ut aqua allambens latera meatuum gleba dulci refertorum, ibi percolatum falsum humorem pari modo Terra naturali quodam attractu in se derivat id, quod primo mari dederat, juxta experimenta paulò ante adducta; unde fontes & flumina, quæ ex mari primò falsa per meatus fundi maris subierant, ob adductas causas deposita falsugine per extrema orificia aqua dulci referta, exeunt fluuntque, donec mari reddita denudò falsescant, durante perpetuò hac rerum pericyclofi. Præterea cum Sol perpetuò ingentem ex mari copiam attrahat vaporum, fit ut illi frigore mediæ regionis aëriæ condensati deposito sale volatili in pluvias, grandines, nivesque resolvantur; quæ inter altissimorum montium vertices recepta, colliquatione partim extrinsecis, partim internis hydrophyllaciis insinuata, aquam augeant & dulcedine sua dulciorem reddant. Sed de his fusiùs in sequenti Tractatu de *Origine Fontium*. Mirum est, quod in littoribus Freti Mamertini sive Siculi olim observavi. Littora arenosa sunt, & plena sabulo, in quæ si quis fossam fecerit, statim aquam dulcissimam reperiet, etiam si à ripa maris non nisi duobus aut tribus pedibus distet; imò quod admiratione dignius, in ipso curvo portus Messanensis brachio, quod intra portus & Freti aquas medium interjicitur, si quis fossam dicto modo fecerit, is pariter aquam dulcem reperiet. Idem accidit ad Littus Calabriæ juxta Rhegium, ubi aquam dulcem me reperisse memini in fossa arenacea, non nisi duobus palmis ab aqua maris distita, & fons ibidem ad ripam maris in usum publicum extractus sat ostendit.

Quomodo aqua falsa in pluviaseducta dulcescat.

Experimentum in littoribus Freti Siculi.

Quæritur tam exotici effectus causa, quam triplicem ego hoc loco adducere conabor. Prima esse potest, arena naturâ suâ siccior, quæ in se falsuginem attractu quodam naturali derivat, uti in præcedenti experimento potuit. Altera causa esse potest, quod rivuli ex Peloro promontorio, quod Freto immittet, emanantes, littus sabulosum occulto fluxu percurrentes, antequam Freto se insinuant, dulces ubique aquas suppedient. Quod idem de littoribus Rheginis dicendum est, in quæ sese ex montibus Calabriæ qui Frerum cingunt, tum aperti, tum occulti rivi arenam subterlabentes eandem aquam dulcem, antequam in mare sese exonerent, ubique exhibent. Undè verò aqua dulcis in portus Messanensis brachio, inter utrumque mare à natura curvato, aqua dulcis proveniat, aliam haud dubiè causam habet, cum rivulos ex montibus participare non possit. Ergò dicendum, vel Terram istiusmodi nativa proprie-

prietate, aquam maris colatam in dulcedinem modo superius dicto convertere, vel certe ex lacu aut flumine quopiam Siciliae aut Calabriae per subterraneum syphonem infra fundum maris perreptum, quod in hoc Portus brachio exitum dum reperit, aquam per dictum tractum diffusam dulcem reddere. Tradunt enim *Historia Nautica*, in multis locis tum in fundo, tum in nonnullis maris

scopulis aquam dulcem in fontis morem proficientem reperiri, uti dicetur de fontibus submarinis suo loco. Habes hic Lector causam triplicem aquae dulcis in littoribus scaturientis, quam pro libitu tuo eam cum primis, quae ingenio tuo majorem satisfactionem dabit, seligere poteris; aliam enim praeter dictas non facile reperies.

CAPUT IV.

Utrum aequalis sit Maris salsedo per universas Oceani semitas dispersa.

HOC dubium uti magni momenti est, ita exactè discutiendum duximus. Notandum itaque primò, hanc difficultatem multipliciter intelligi posse. Primò. Utrum mare in fundo salius sit, quàm in superficie. Secundò. Num in littore, an in medio. Tertiò an in Locis Zonae torridae subjectis, an in Septentrionalibus plagis salius. Notandum secundò, aquam marinam intense frigidam minus saliam esse, quàm aquam saliam calidam. Notandum tertiò; Terram fundum & littora maris, uti variis proprietatibus qualitatibusque pollent, ita quoque mirè variari; His praemissis

Quæritur primò: An Mare in fundo, an in superficie salius sit? Dico cum fundus maris aliter & aliter sese in diversis Oceani mariumque districtibus habeat, diversisque proprietatibus viribusque in diversis tum fundi, tum littorum locis pro ratione & dispositione terrestrium portionum, polleat, non solum ratio, sed & sensata experientia docuit, mare subindè in fundo salius, quàm in superficie, nonnunquam in littoribus, quàm in fundo aut medio Oceano, majori salsedine abundare. Si mare transiverit per mineram sale refertam, aut hiatum spiritibus volatilibus salis ab ignibus subterraneis sublimatis pervium invenerit, tum certum est, mare in fundo quàm in superficie salius esse, cum eidem immediate à subjectis salis venis perpetuò copiosa falsugo communicetur. Idem dicendum est de littoribus maris; Nam ubi vicinam salis mineram mare continuis suis fluctibus allamberit, id falsugine in littore, quàm in medio intensius imbui, necesse est; & salinae, quae ad ripas maris, magno mortalium emolumento instruuntur, sat testantur.

Dico secundò. Cum sal fixum ipsa aqua gravius sit, certum est, id in superficie consistere non posse, sed deorsum tendere versus fundum; saltem tamen volatilem utpote cujus levitatem spiritosam nihil impedire valeat, universum maris corpus usque ad superficiem pervadere, marique perfecta mixtione, ex continua fluctuum concitatione contemperare, potest tamen salsedo marina tum fundo marino, tum in littoribus, multis modis

impediri, ne acrior sit, quàm in superficie; quorum primus est fluminum, rivorum, fontium, per meatus subterraneos in fundo maris sese exonerantium; quibus aqua marina mirum in modum attemperatur, & sublata salsedine ita dulcescit, ut scaturigo per medium maris penetrans, in ipsa superficie Nautis subinde magno spatio aquam dulcem præbeat, sicuti referunt de nonnullis locis Maris Pacifici ad littus Americae Australis, & de Sinu Persico juxta Ormutium, quod etsi omnium marium ex circumstitis salinis montibus, salissimum sit, in ipsa tamen Maris superficie dulcis aquae scaturigo ebullire fertur, summo Nautarum cæterorumque torridissimae Insulae Incolarum Accolarumque solatio & emolumento. Item contingere potest in fundo maris, aut littoribus falsugine non ita refertis, aut in iis locis, in quibus vastissimorum annuum affluxu, ad multa miliaria mare dulcescere comperitur. Quæ cum notiora sint, quàm ut memorari mereantur, libens omitto; quemadmodum enim non omnis fert omnia tellus, diversissimæque sint terrestrium partium constitutiones, ratione quarum maris natura mirum in modum variatur, dum non idem in omnibus locis, sed pro diversitate proprietatum terrarum quas allambit, alia & alia semper producit, de quibus suo loco. Paripacto, Mare in uno loco ob dictas causas salius est, quàm in altero, sit tamen perpetua maris agitatione, ut salsedo perfecta dilutione diffusa æquabilem ferè ubique locorum, ubi dulcedinis scaturigines non attingit, saporis temperiem acquirat. Alterum dubium est, utrum mare sub Zona torrida salius sit, quàm sub Zona temperata aut frigida? Respondeo, sub Zona torrida id cæteris paribus salius esse; Quoniam enim Sol radiis suis perpendicularibus id perpetuò ferit, sit ut spiritus volatiles salis una cum vaporibus calore Solis attracti, primum in pubes, quæ ventorum agitatione in diversas Mundi partes dispulsæ, partim in frigidioribus montanarum regionum partibus condensatæ, volatilique sale frequenti agitatione solutæ in pluvias aquarumque dulcium imbres copiosissimos, resolvantur, partim in nives condensentur; unde mare sale fixo &

Fontes in fundo maris erumpentes aquam subinde dulcem supeditant.

Maris natura mirum in modum alteratur pro dispositione fundi & littorum.

An mare sub Zona torrida salius sit, quàm sub Zona frigida aut temperata.

calore æstuque Solis incumbentis excitato, mirum in modum falescit : siquidem experientia constat, cibos salitos, mox ubi aqua fervida incaluerint, multò falsiores esse, quam frigidos ; cujus rei ratio hæc est, quod calore corpuscula salina, quæ spiritibus non omnino destituuntur, rarefacta, & ab invicem separata summam mari acredinem ex hujusmodi resolutione corpusculorum concilient, & quotidiana constat experientia, in littoribus Siciliæ, Calabriae cæterisque Mediterranei maris littoribus, aquam marinam in certas areolas derivatam, paucorum dierum spatio in candidissimum salem calore Solis concoqui. Melitæ quoque in saxosis littorum fossis, in quas ventorum impetu mare diffunditur, nullâ artis industriâ suapte sponte in salem copiosum magno incolarum emolumento concrevit. Idem in omnibus Zonæ torridæ subjectis littoribus evenire referant, quotquot ea loca adierunt ; quod tamen in Septentrionalibus partibus non fit. Luculentissimum signum, aquam marinam quantò vehementioribus radiis verberatur, tanto copiosorem salem producere, atque adeò falsius fieri. In Septentrionalibus verò partibus mare insalsius esse experientia notum est, non quod æqua portione salis non imbutum sit, sed quod sal fixum frigoris vehementia insolubile sit. In Islandia tamen falsissimum esse testantur *Historia Nautica*, cujus rei ratio alia non est, nisi ignis subterraneus dictæ Insulæ dominans, qui uti per montis, quem *Hecla* vocant, radices, sale, sulphure, bitumine seu Nephta omnia circum circa implet ; ita spiritus salini per maris fundum irrumpentes Oceanum nativa falsugine adeò tingunt, ut cum falsedine Zonæ torridæ certare possit, quæ tamen cum glaciali mari vicino mixta, falsedinis acrimonia cum tempore exuitur.

Dico itaque, in ultimo Septentrione mare etiam si sale copioso polleat, ob frigoris tamen intensissimi efficaciam resolveri non posse. Accedit, ob continuas pluvias, nives perennes, & grandines, quæ nullo tempore in dictis locis desunt, mare quadantenus augeri, & mole & dulcedine ; siquidem aqua salsa uti per sal fixum gravior est, ita fundo quoque vicinior hæret, aqua dulci utpote leviori, illi supernatante, quæ cum tenuis & subtilis sit, facile frigore circumstante, falsugine deposita in glaciem concrevit. Cur verò glacies maris dulcis sit, ratio est, quod aqua falsior condensata frigore, gravitate sua subsidat, dulcis verò exuta falsedine, & pluviis nivibusque continuo aucta, uti levitate sua, graviore supernatat, ita circumfuso gelu facile constringatur. Nam ut experientia docet, aqua falsa ob crassitiem & pinguedinem tantò in glaciem, difficilius, quantò dulcis ob levitatem facilius convertitur.

Sal calore Solis excoquitur.

Cur in Islandia mare adeo falsum sit, non in glaciali.

Cur glacies marina dulcis sit.

COROLLARIUM I.

Hinc patet, cur in littoribus marium, quæ ab altissimis montibus cinguntur, aqua dulcior sit, quàm in medio ; quia videlicet copiosissimi imbres, quibus statim temporibus montani tractus perpluuntur, dum fluminum instar per montium convallia decurrunt, atque unâ aquæ marinæ commixti, illud in dulcedinem aliquousque convertunt, uti in littoribus Oceani Malabarici, ad Montem Gatis, Zeilani, & in littoribus Americæ Occidentis, quæ Andibus subtenduntur, tempore imbrium, contingere solet ; qui quidem effectus omnibus annis in mare sese exonerantibus, communis est.

Aqua maris ad radices altissimorum montium dulcior est, quàm in medio.

COROLLARIUM II.

Patet quoque, cur in Septentrionalibus partibus, nullus in littoribus, æstivo tempore, sal concrevat ; sub Zona verò torrida, vel eidem vicinis regionibus copiosissimus reperitur ; quia videlicet in illis propter obliquissimos Solis radios corpora salina frigore concreta, neque resolveri, neque defectu caloris Solaris concoqui possunt. Secus fit in hisce æstu Solis calidissimis locis, in quibus calore salina corpuscula resoluta & aquis superficialibus mixta, dum in littora effunduntur, copiosum salem Sole coquo producant.

Cur Septentrionales regiones maris minus salis feraces sint.

Tertium Dubium est, cur aqua marina virtute Solis per vapores elevata exuta falsedine, in dulcem aquam convertatur ; contra aqua marina per Alembicum distillata semper in recipiente potationi minime apta reperitur ; neque fieri possit, ut ab invicem prorsus separentur ?

Cur aqua marina in pluvias educta dulcescat.

Respondeo, aquas marinas calore Solis elevatas in dulcem degenerare : Primò, vel quia spiritus salini, quos secum evehit à vapore separati mediam regionem aeris transcendunt, vel frigore condensati subsident, vel roscido aëre mixti prædominante aquæ elemento, absorbentur. Secundò vel ob liberrimum in aëre motum nubium, quo in varios distracti tractus, tandem ita debilitantur & disjuncti, ut nullum amplius salis vestigium in vapore attracto relinquunt ; unde spiritus hi dictis modis separati, aquam dulcem ut relinquunt necesse est. In Alembico verò ob conclusum undique receptaculum, spiritus per ignem separati sublimatique, uti exitum non reperiunt, ita aquæ commixti, penitus separari non possunt, unde aqua à fixo sale nonnihil libera, spiritibus tamen volatilibus mixta, etiam si tantam falsedinem non contingat, nescio tamen quid amariuscule & ingrati saporis admixtum habeat, quo & potui inepta redditur.

Utrum autem aqua marina sæpius repetita distillatione, ut in quinta essentia vini fieri solet, tandem ab omni falsedine sua liberari possit, cum experimentum ejus non fecerim,

Utrum aqua marina distillatione dulcis fieri possit.

rim, asseverare quoque non possum; videtur tamen verisimile, ethi in minima portione, separari posse. Ego hoc pacto rem tentandam putem.



Fiat Syphon in helicem contortus, cujus vas aqua marina refertum sit A, helix sit

B C D, recipiens E. Subjecto itaque igne vasi A, spiritus salini calore resoluti per helices ascendere incipient, sed cum inter tot gyros condensati ingentem in exaltationis motu remoram inveniant, ab ascensu ampliori eos cessare necesse est, praesertim si syphon tortuosus saepius aqua frigida aspergatur; aqua vero dulcis tenuitate sua per fumos exaltata in operculum F, & hinc in aquas resoluta in Cyathum E se diffundet, quam ego multis rationibus convictus, dulcem esse debere existimo, quia spiritus salini, vel ad primum frigus condensati subsidere notum est, vapor vero nubium instar viam suam per tortuosas semitas carpens, tandem in operculo F resolutus, in E vas, a salsedine liber guttatim se effundet: Sale volatili condensato intra Syphonis meatus remanente, foliata propagine in lateribus helicis concreta; cuius rei Chemicos experientiam sumere desiderarem, & forsitan, quod dixi, verum reperient; cum enim in aliis operationibus hujusmodi Syphone usus sim, dici vix potest, quantum hoc artificio ab omnibus facibus & phlegmatis depuratam aquam reperiatis. Verum de aliis ab aqua salia dulcem separandi modis in Octavo hujus Libro fuse tractabitur. Quare hic finem imponemus huic sectioni, a primo totius naturae principio, quam aquam dicimus ad secundum procedimus, qui ignis est.



MUNDI.

MUNDI SUBTERRANEI
LIBER QUARTUS
ΠΥΡΟΓΡΑΦΙΚΟΣ,
DE
IGNIS SUBTERRANEI,
Ventorum, Fluminum, Fontiumque
origine.

S E C T I O I.

De Natura Ignis Subterranei, ejus situ & operationibus.

P R Æ F A T I O.



Uti se ha-
bent Sol &
Luna in
coelo, ita se
habent ad
invicem
Ignis &
aqua sub-
terranea.

Uemadmodum Divinæ potentia altitudo in Mundo Cœlesti duo constituit Luminaria, Solem & Lunam, quorum illum, igneæ substantiæ, hanc aqueæ esse voluit; eo fine, ut Solis ardores humido Lunæ effluvio temperarentur, humiditas nimia Lunæ excessiva ignei Solis siccitate cohiberetur, atque hoc pacto genuina rerum omnium in superficie Terræ generabilium principia esse possint. Quæ naturæ adminicula adeo necessaria fuerunt, ut alterutro deficiente, Mundus conservari non potuisset. Quamvis verò hæc tum aqueum Maris elementum, tum Terreni corporis molem superficiale potenter ad generationes rerum sollicitent, fieri tamen non potuit, ut ad intimum terrestrium viscerum meditullium virtute sua influxiva pertingerent, cum Sphæram habeant activitatis suæ determinatam & limitibus suis definitam. Hinc ne Terreni globi promuscondus interior, frigoris inclementia obrigesceret, & ad interiores naturæ actiones in mineralium metallorumque generatione inutilis foret, summo Divinæ sapientiæ consilio factum est, ut ignis unâ cum aqua in eo constituerentur, quæ essent veluti Sol quidam subterraneus & Luna subterranea, quorum ope mutua, & discordi quadam reciproca actionis concordia, omnia naturæ semina Terraqueo globo congenita, in eam rerum tum multitudinem, tum varietatem animarentur, quam tum intra intima Terræ viscera, tum in externa ejusdem superficie cum admiratione intuemur. Restat itaque, ut quis ille sit ignis subterraneus? quid operetur? Ubinam locorum subterrestrium collocatus sit? quomodo aut quo alimento perennia istiusmodi ignium incendia nutriantur? ostendamus.

C A P U T I.

*De necessitate & essentia Ignis Subterranei, & utrum verum
elementum sit.*

DAri ignem Subterraneum adeo certum est, ut eum nemo nisi vesanæ mentis philosophus negare possit. Quisquis enim ignivomos montes, sulphureos ignes non ex terra tantum, sed & vel ex ipso mari prorumpentes; Thermarum multitudinem & varietatem ubique passim locorum obviam considerarit, is haud dubiè hos ignes, hos calores, hæc ingentium Vulcaniorum craterum æstuaria, non in aëre, non in aqua, sed in ipsis intimis Terræ penetralibus natales suos habere, asserere vel invitus cogetur.

Ignis Subterraneus ex quibus signis colligatur.

getur. Quomodo enim fieri posset, ut ubique locorum tanta mineralium, tanta sulphuris, bituminis, naphthæ copia dum ubique occurrit, ea sine igne, sine ullo naturæ calentis æstu, frigidissimis illis caliginis carceribus, ab omni Solari influxu remotissimis, solius æris & humidi conflictu enata concipi queat? Necessarius itaque fuit internæ Telluris Oeconomix ignis Subterraneus. Certè Plato, dum hæc omnia altius contemplaretur, perennium flammarum, incredibilem aquarum tum calidarum tum frigidarum, plurimosque aquæ & ignis ingentes amnes in Phædro agnovit; quin & vel ipse Aristoteles, ab observatis ignis effectibus, quos inter admirandas olim recensuerat auditiones, Terram l. de Mundo. c. 4. uti aquæ, ita amplissimas spiritus ignisque scaturigines continere docuit; quæ deinde lib. de Meteoris, dum ventorum in Terræ motus causas scrutatur, replicavit.

Ignis nulli deest.

Notarunt & Plinius, Vitruvius, Cicerò, hoc naturæ arcanum; dum enim Terræ scrutantur viscera, caloris observant opifices ibi delitescere: Siquidem maximæ mundi partes calore fultæ sustinentur; lapidum conflictu & attritu ignem elici videmus, & recenti fossione Terram fumare calentem, atque etiam ex puteis, jugibus aquam calidam trahi, & id maximè hybernis fieri temporibus, quod magna vis Terræ cavernis contineatur caloris.

Fabulæ poetarum alludunt ad ignem subterraneum.

Poëtis quoque aded persuasus est hic ignis Subterraneus, ut omnes de Vulcano, Vesta, Cyclopibus, fabulæ ad illum alludere videantur. Audiamus Lucretium hisce verbis canentem:

Lucretius.

*Principio Tellus habet in se corpora prima,
Unde mare immensum, volventes flumina,
solles*

*Assidue renovent; habet ignes, unde oriuntur.
Nam multis succensa locis ardent sola Terra.
Ex imis vero furit ignibus impetus Aetna.*

Manilius.

*Manilius in Astronomicis:
Sunt autem cunctis permixti partibus ignes,
Qui gravidas habitant fabricantes flamma
nubes,*

*Et penetrant Terras, Aetnaque minantur
Olympo,*

Et calidas reddunt ipsis in fontibus undas.

Quid sit ignis Subterraneus.

Quis ergo, & quid propriè ignis ille Subterraneus sit, paucis accipe. Ignis Subterraneus est portio ignis elementaris non puri, sed varia combustibilium rerum miscella contaminati, intra Terræ cavernas seu Fyrophylacia, à Deo Opt. Max. ab ipso Mundi exordio ad sublunaris naturæ tutelam, conservationem & rerum omnium proventum conclusa. Dicitur primò, portio ignis elementaris non puri, sed misti, ad eorum excludendam sententiam & opinionem, qui ignem hujusmodi specie ab elementari igne distinctum, incorporeum & invisibilem dicebant, id sanè præterquam quod Ecclesiæ, Sanctorum Patrum sanctionibus, (qui vel ipsum infernalem ignem, non incorporeum & spirituale, sed materiale, corporeum, & ejusdem cum ar-

tificiali igne five elementari misto, speciei esse passim asserunt) naturæ quoque legibus, omniumque penè Philosophorum decretis repugnat, cum ignem incorporeum, nullam potentiam, nullam ad in corpoream substantiam agendum proportionem habere notius sit, quàm ut dici possit aut debeat. Dicitur secundo. Ignem Subterraneum esse portionem ignis elementaris misti, ad reprobendam eorum sententiam, qui ignem illum Subterraneum non corporeum, non actuale, sed virtutalem seu eminentialem (cujusmodi est in stomacho,) vi decoctiva pollentem, quod in Itinerario nostro Extatico fusè refutatum est; & postea falsitatem apertè ostendemus.

Democritus ne actualem ignem concedere videretur, dixit, calorem subterraneum fieri ex calce & cinere, per antiperistasis, quo nihil ineptius dici potest; Si enim calx & cinis sunt intra Terram abscondita, jam jure quæri posset, quisnam calcem & cinerem in hujusmodi consistentiam deduxerit? Cum calcem & cinerem sine igne fieri impossibile sit: Accedit, universum terrestri Mundi globum ex calce & cinere compositum esse debere, cum nullus ferè in toto Orbe locus sit, ut postea ostendetur, qui non hujus caloris effectus prodat. Quod pariter uti sensatæ repugnat experientiæ, ita opinionem non rationibus, sed fannis muliercularum explodendam verius relinquimus. Neque antiperistaseos ope calorem illum in subterrestribus locis fieri, ratio dicat; Cum enim antiperistasis, Philo-

Democriti sententia.

Non fit ex calce & cinere.

Non antiperistasi.

sopho teste, nil aliud, quàm contrariorum calidi & frigidi lucta sit; lucta autem ista, quia nullum violentum perpetuum, perenni conflictu durare non potest; si durare non poterit, utique omnes pariter thermæ jam dudum cessassent, scrobes Vulcaniæ, Montesque flammivomi jam dudum extincti fuissent, quod pariter experientiæ reclamant; Cum uti durarunt ab exordio rerum, ita & in hunc usque diem calorem suum continuare non cessant. Accedit, quod si per antiperistasin calor ille accendatur, jam haud dubiè calor ille primò extiterit, cum antiperistasi actualis & simultanea contrariorum positio requiratur. Quod si ita; Quæro igitur, undenam hic calor prævius sit productus? Certè non à frigore, cum per duo frigida in summo gradu antiperistasin fieri impossibile sit; ageret enim simile in simile, quod est contra commune Philosophorum axioma; Neque à calore in Terræ visceribus eminenter contento; cum hic frigori elementari à nemine sensato Philosopho opponi concedatur, neque virtualis seu potentialis tantum esse potest; cum ignis actualis tantum proprietates, vel juxta ipsorum adversariorum opinionem, in se contineat. Quidquid itaque dixerint, quocunque se verterint, aliud quo se ex hoc limo evolvant, non invenient, nisi calorem formalem ab actuali igne in visceribus Terræ latente excitatum asserant.

Non est ignis virtualis aut eminentialis.

Y

Dixi,

Dixi, Ignem Subterraneum ignis elementaris non puri, sed varia combustibilium rerum miscella tincti portionem esse, ad eorum excludendam opinionem, qui omnem ignem

usualem five culinarem elementum ignis esse putant. Verum ut quomodo elementum ignis hoc loco fumamus, luculentius innotescat, de eo paulò alterius ordiri visum est.

CAPUT II.

Quodnam sit verum Ignis elementum, & ubinam proprius ipsius locus sit.

Varie sententiae veterum.

Veteres Philosophi, *Trismegistus*, *Zoroaster*, *Orpheus*, Mundum universum quatuor elementis, igne, aëre, aqua, terrâ compositum statuerunt; ubi per ignem non certum locum, sed universi ætheris substantiam intellexerunt, quem & ignem vivificum appellant; *Orpheus* verò omnia ex igne, aqua, Terra, & omnia nutriente æthere ab Opifice constituta hisce docet: τὸν ὅλον κόσμον ἐκ πυρὸς καὶ ὕδατος καὶ γῆς καὶ παντὸς τρέφει αἰθέρος. *Ocellus Pythagoræ* auditor primus omnium ignem infra Lunam, & supra aërem statuit; atque hoc pacto, ejus placito Universum quinque elementis terrâ, aqua, aëre, igne & æthere constituitur; quorum quatuor priora perpetuo corruptionis & generationis motui subjecta; Lunam verò esse quasi septem & interstitium inter incorruptibilia corruptibiliaque docuit. ἰθὺς γὰρ ἀθανάσιος καὶ γενεῖται καὶ περὶ τὴν σελήνην δρόμῳ. *Seps enim est immortalitatis & generationis cursus is, qui Luna est*, id est, *mobilis Luna orbita*. Et paulò post ait: τὸ μὲν οὖν πῦρ, καὶ ἡ γῆ ἀκρῶς τὸ δὲ ὕδωρ καὶ αἰὲρ μεσότης. *Ignis quidem & Terra extrema sunt, aqua verò & aër medietates*.

Hanc sententiam *Empedocles*, & post eum *Hippocrates* est secutus: *Peripatus* verò Magistrum suum perperam intelligens, propagavit. Nos cum nemine contendere volumus, sed veritatis avidi, hoc loco, dum genuinus ignis locus nobis definiendus est, ignis Sphæram sub concavo Lunæ constitui non posse, vel ex ipso *Aristotele* demonstrare conabimur. Verum nè inconsultius textum confiderasse videar, ipsa sapientissimi Doctoris verba adducere visum fuit, ut quid ex mente ejus tenendum sit, patefiat. Sic autem dicit *Aristoteles* lib. I. Met. 14. In medio igitur, & circa medium est gravissimum & frigidissimum segregatum, Terra & Aqua; Circa hac autem & attigua his & aër, & quod propter consuetudinem vocamus ignem, non est autem ignis, excessus enim est calidi ac veluti fervor ignis. Sed oportet intelligere dicti a nobis aëris id, quod est circa terram veluti humidum & calidum esse, propterea quod vapores & exhalationes habeat terra. Quod autem super hoc, calidum jam & siccum. Est enim vaporis natura humidum & calidum, & est vapor quidem potentia veluti aqua; exhalatio autem potentia, veluti ignis. Ex hisce aperte patet, nil aliud hoc loco docere *Aristotelem*, nisi quod separata exhalatione à crassioribus aquæ vaporibus, se in ultimam elementaris Mundi supremamque regionem recipiat, quæ uti tenuissimis & subtilissimis partibus,

Aristot. I. 1. Met. c. 14.

Aristotelis sententia exponitur.

calidis & ficcis constat, ita ignis vicinior, quoad naturam est, utpote ad inflammationem concipiendam oppido disposita. Has autem tenuiores & subtiliores aëris partes dicit *Aristoteles*, vocari consuevisse ignem; protestatur tamen expressè, non esse verum ignem, & evidentem reddit rationem, quia ignis est quidam excessus caloris & quidam fervor; at verò illa halitiosa supremæ regionis aëreæ substantia non est fervida, nec talem habet caloris excessum. Quare cum alibi dicat *Aristoteles*, ignem esse in Concavo Lunæ, intelligendus est, cum hac explicatione, quod vocetur per consuetudinem ignis, non quod vera sit. At Sectatores *Aristotelis* hoc loco, ex perperam intellecto textu in coordinatione elementorum, propriam & genuinam ignis Sphæram omnibus modis, etiam contra Magistrum mentem suis suadere conantur.

Dum ergò ignem sub Concavo Lunæ ponit, tantum abest, ut illum purum ignem, aut verum ignis reale elementum dicatur, ut potius neque illum, quem nos ignem vulgò vocamus, ibi ponendum doceat; ait enim textu 18. Terra à Sole calefacta fieri exhalationem spirituosam, fumosam, & quæ sit ipsius terræ existentis ficcæ, & propter eam calorem dicit supereminere vapor; & de eadem intelligi, quod subdit immediatè: *Sub circulari latrone est calidum & siccum, quod, inquit, dicimus ignem: innominatum enim est & commune in omni fumosa disgregatione; attamen quia maxime natum est, tale corpus exuri, ita necessum est uti nominibus*. Vides Philosophum hoc loco nil aliud quàm supremam aëris regionem describere, quàm cum à coelorum motu & incallescet & uratur modò ὑπὲρκαυμα, five exhalationem, aut summè attenuatum aërem, undè modò non ignem, & in potentia ignem vocat, ignem inquam non revera, sed qui ex consuetudine dicitur ignis. Affecit verò ne & se & Magistrum ex hac pyrotechnia, ridiculos faciant, ibi realem ignis elementaris Sphæram etiam contra Magistrum mentem pro aris & focus adstruentes defendere non verecundantur.

Porro si ignis ex consuetudine tantum ibi esse dicatur, ut ex verbis ejus constat; cum hominum cogitationes aut appellationes nihil in natura constituent, certè ignem illic, ubi non est, constituere non poterunt. Si verò subtilissimam purissimamque aëris portionem ibi stabulantem, elementum ignis dixerit, jam specie ab aëre elementum distinctum non constituent. Diu sanè multumque, fateor, verba Græci textus, ut unum verum, reale

Artes

&

Dubius
Aristoteles
circa i-
gnem Sub-
lunarem.

& sensibile ibidem ignis elementum poneret, studio summo expendi; sed tantum abest, ut mentem suam explicatam invenerim, ut potius dubium & anspitem in omnibus, nunc hoc, nunc illo modo ignem in dicto loco consistentem mirā obscuritate describentem repererim; tandem incidi in verba, quibus tres ignis species describit: Quæ cum veritati enucleandæ, & imaginariæ Sphæræ ignis sub Concavo Lunæ confusandæ aptissima reperirem, hîc ea ex textu sincerè deprompta adjungenda duxi, sic enim ait: *ὅ γὰρ ἐστὶν ἐν αἰθέρι ὁ πῦρ ὅς ἐστι τῷ αἰθέρι ἀνθραξ, καὶ φλόξ, καὶ φῶς, ἑκάστων αὐτῶν πῦρ ὄν. καθάπερ ἐπὶ τῷ πύρρι τὸ λεπτομερέστερον; λεπτομερέστερον γὰρ ἐστὶ τὸ φῶς ὅς ἀνθραξ, καὶ τῆς φλόγος. Non enim,* inquit, *una est species ignis, aliud enim est specie carbo, & flamma & lux, unumquodque eorum ignis est, quemadmodum, quod in igne subtilissimum est, id est, subtilissimarum partium; subtiliorum enim partium est lux & carbonis & flamma.*

Tres ignis
species.

Tres itaque ignis species in rerum natura hic ponit: Carbonem accensum, Flammam, & Lucem; has tamen sub una luce & carbonis & flammæ, quæ subtilissimis partibus constat, comprehendit. Hanc quidem sententiam ex *Timæo Platonis* excerptam, quam utpote suæ de elemento ignis opinioni contrariam, consultius omittere, quàm adstruere debebat, hîc discutiendam, & an ea cum sententia illius sub Luna ignis consistere possit, explicandam duximus.

Dico itaque primò, si tres tantum ignis species sunt: Carbo, Flamma, Lux, certè aperta in Sublunari concavo suæ existentiae signa præberent; sed nulla præbent. Ergò. Neque enim hîc loquimur de elemento ignis invisibilis, potentialis & virtualis, quam & halituosam substantiam dicit, aut aërem attenuatum, sed de sensibili, reali & actu existente. Sic ergo argumentor. Si in concavo Lunæ ignis foret, is vel anthrax, vel flamma, vel lux foret, aliæ enim ignis species non dantur, ipso *Philosopho* fatente; sed primò non est ibi anthrax seu carbo; si enim carbo ibi sit, is necessariò erit accensus, extinctus enim, ignis dici nequit; lucet enim sua natura ignis omnis; si lucebit, lumen quoque de se diffundit; si diffundet, ergò inferiora illuminabit; At nemo hucusque à condito Mundo sub Luna & super aërem sphaeram caloris succensi vidit unquam, neque lucere quicquam intuitus est. Si præterea carbo ille luceret, utique & caleret in se, & calefaceret proximum sibi aërem, aquam, deindè Terram; & quia duratio caloris istiusmodi est perpetua, perpetuò quoque calefaceret proxima sibi subiecta elementa; Aër ergò nunquam frigidus foret, at sæpè intolerabili frigore ita in omnia vicina elementa sævit, ut omnia in glaciem convertat. Carbo itaque succensus ignis elementum Sublunare dici non potest: Si enim daretur talis carbo, jam

Confutatio
ignis Sub-
lunaris.

de nobis actum foret, cum omnia in cineres & favillas jam dudum redigisset, quod *Aristoteles* olim iis, qui Cœlum ignem esse contendebant, iisdem penè verbis objiciebat. Neque flamma esse potest ignis elementum sublunare; si enim flamma foret, necessariò arderet, si arderet, necessariò luceret, si luceret, unà cum calore ad nos diffunderetur, & ex consequenti, à tot jam seculis flammam tam immensam, cujusmodi Sphæra ignis est, Sole multis millionibus partium majorem, incendio suo non dicam elementa vicina, sed & universum Telluris globum jam dudum unà cum omnibus iis inexistentibus consumpsisset. Sed quidpiam horum contigisse, uti non constat, ita quoque Concavum Lunæ flammæ esse, à nemine hucusque observatum fuit; neque quisquam ejus aut lumen, aut calorem sensit unquam: flamma itaque ibi esse non potest.

Sed dices forsan, flammam hanc ob summam raritatem, utpote æthereæ naturæ, edacem non esse. Si æthereæ naturæ, ergò jam duo erunt ætheres, superior & inferior; si hoc, ergò vel ignis erit, vel non: Si prius dicat, jam sibi apertè contradicit, dum Cœlum seu Æthera ignem minimè dici posse. altruit; ait enim si Cœlum esset ignis, jam omnia combusta forent; si non est ignis, habemus intentum.

Neque tertia species ignis, quam lucem dicit, in concavo Lunæ locum proprium habere potest; Luceret enim, & lumine suo diffuso nos illuminaret, & cum supremæ regioni aëris contigua esse dicatur Sphæra ignis, nulla aëri obscuritas, nulla nox inesse ei posset, atque adeò semper noctu diuque in perpetua luce versaremur, quod quàm absurdum sit, quis non videt. Nulla igitur aërem lux ambit noctu, nullus infra Lunam ignis lucet, ergò nulla ibi ignis lux est. Non succenseat mihi hîc *Peripatus*, quod in operibus meis lucem passim substantiam & corpus asseruerim, id enim vel ab ipso *Aristotele* persuasus asserui, qui hoc loco lucem ignis corporei speciem ponit, nullā factā qualitatis mentione. Sed hæc *παρεργως*. Accedamus ad id, quòd primò intenderamus, & videamus, utrum illud, quod sub concavo Lunæ ponit *Peripatus*, verè & propriè elementum esse possit.

Elementa ab *Aristotele* dicuntur ea, in quæ ultima corpus resolvitur, vel ex quibus primò inexistentibus res ipsæ constant, quæ nemo Philosophorum negavit; Si ergo Sphæricus ille ignis sub Luna constituitur, vel is erit elementum, vel non; si elementum, jam haud dubiè is inferiorum rerum compositionem ingreditur, & aliis associatus elementis, mistorum omnium constitutionem ingreditur, veluti pars principalis & cæteris activior; Descendere ergo hunc ad compositiones constituendas necesse est; sed descensus hujusmodi ignis neque visus est unquam, nec à quopiam vel Philosopho vel Astronomo

Ignis sub
Luna non
est elemen-
tum.

unquam deprehensus est; si enim descenderet, vel præter naturam, vel naturâ eum urgente descenderet; Si naturâ ducente, jam ignem duobus contrariis motibus instructum asserere cogemur, ascensu naturali, & descensu præternaturali, quod contra *Peripateticum* est, qui unius simplicis corporis unum simplicem motum esse asserit. Si descendit præter naturam, ergo violento motu mistionem ingreditur omnem; ergo omnis mistio non naturalis, sed præter naturam erit, & consequenter invitâ naturâ, atque adeò nunquam perpetua, quod communi Philosophorum decreto repugnat. Si verò quis hunc descensum à natura fieri dixerit, is jam ignem natura sua gravem necessariò asserere cogetur; cum omne quod naturali motu versus Centrum Terræ tendit, grâve sit; Ascendet itaque hic ignis uti gravis, & ascendit ut levis, ergo & gravis simul & levis erit, quod implicat contradictionem. Si verò dixeris, eum perpetuò naturâ suâ ascendere, ergo nil unquam cum inferioribus commercii habebit. Si denique motu Coeli Lunæ eum descendere dixeris; ille motus erit vel per motum Coeli impellentis, vel jacentis, vel attrahentis vel vectantis; hisce enim motibus, non aliis, vel à seipso, vel à superis, vel ab inferis omnis res movetur. At non vidèò, quomodò Coelum suo sphærico motu ignem rectâ deorsum impellat; Impellens enim impulsus corpus sequi necesse foret; Coelum ergo ignem sequetur deorsum, quo quid absurdius esse possit, non video: eadem absurda sequentur, si eum jactu aut vectatione infrâ detrudi dixeris; neque trahi potest à vicino aëre; vel enim traheretur totus, vel ejus aliqua partes: Si prius, jam toto avulso vacuum relinqui necesse foret, quod non admittitur in Scholis. Ex his omnibus tandem concludimus, ignem illum concavum Lunæ inhabitantem, cum à nullo hominum sit conspectus, nullo sensu cognitus, nullo ratiocinio colligatur, nullius usus, neque ad compositionem Mundi, multò minus ad mistionem rerum, uti demonstratum est, concurrat, salvo peritiorum judicio, admitti minimè posse.

Quodnam sit verum ignis elementum.

Quodnam autem verum sit ignis elementum, jam ostendere conabimur.

Et Suppono quidem primò, quemadmodum alibi docuimus, DEUM Opt. Max. Sapientissimum conditorem omnia ex quatuor elementis, quæ in Chaotica massa virtute continebantur, Coelum, Astra, Terram creasse, ut in *Itinerario Extatico* fusè ex Sanctis Patribus ostendimus.

Suppono secundò. Nullum elementum purum in natura rerum propriè loquendo, dari posse, imò omnia elementa in singulis convoluta jacere, atque adeò non propriè elementa pura, sed mista seu elementata esse, quia nullum elementum purum per se subsistere, nec visu aut sensu ullo percipi posse, uberi ratiocinio tum in præcedentibus, tum

in *Secundo Itinerario Terrestris* demonstratum fuit.

His positis dicimus, quod etiam si nullum purum elementum dari possit, latet tamen aliquid in elemento misto, veluti in intimo substantiæ elementaris centro, quod veri elementi nomine triumphet, & quod elemento det esse speciem à cæteris distinctum elementum, forma & veluti anima quædam elementi, cujus tamen index sit elementum illud, quod juxta propriæ formæ requisitionem sensibus se oggerit; Dum enim videmus ignem, dicimus illud elementum, non quod revera propriè tale sit; est enim elementum materiale tantum, fumo ardente veluti amictu quodam vestitum; Elementum verò essentialiale intus latet, quod per lucem indicatur, calidum videlicet illud primigenium & innatum, omnibusque rebus tam cœlestibus quam sublunarium rerum mistis inexistens; atque hoc esse verum illud elementum, quod ad omnium corporum compositionem concurrat, inde deducitur, quod cum ignis hic usualis, uti ex se & sua natura destructivus est, ita tantum abest, ut compositionem rerum ingrediatur, ut potius composita jam destruat; aliud itaque elementum verum & proprium assignari debet mistionis constitutum; non ustivum illud extrinsecum, sed intrinsecum, quam lucem seu calidum innatum dicimus; hoc enim uti omnibus rebus inexistit, in lucidis tamen corporibus potissimum virtutem suam exerit, atque in Sole primum, veluti in propria lucis ignisque sphæra sedem suam posuit sub luce purissima, in intimis verò Terræ thalamis sub luce obscura & variorum combustibilium miscella tinctâ, in suprema regione aëris sub halitua substantia; In reliquis verò opacis corporibus veluti excrementitiis elementorum facibus sopitum jacet, quod tamen arte Chimica ab iis separatum, igneæ naturæ indolem protinus vel ad proximam alterius ignis applicationem exerit lucido jam amictu vestitum.

Vides igitur, quid nos propriè per elementum ignis, quod ad corporum constitutionem concurrat; quid per elementum lucis ignisque cortice circumdatum, quem vulgò ignem artificialem mixtum, aut quem *Aristoteles* πνευματικὸν θερμὸν ἕρπον, spiritus sicci accensionem, sive quod idem est, exhalationem seu fumum accensum dicit, intelligamus. Undè patet, non incongruè ignis elementum ex consuetudine longa usuque introducta, vocari omne flammeum, accensum & lucidum corpus, in cujus tamen Centro verum illud, quod vim flammæ & omni lucido corpori tribuit, elementum continetur ex se & natura sua quasi incorruptibile, in nonnullis per lucem, in quibusdam per calorem tantum luce in corpore suppressâ, manifestum; quod neque gravium neque levium legibus subijcitur, sed ex se & natura sua ad omnem situm indifferens est, uti in fulmine, fulgure, & maximè in pulvere

Ignis essentialis non gravis non levis est, sed indifferens ad omnem situm.

nittrato

nitratō & aureo patet, quorum illud naturā suā sursum, hoc deorsum miro impetu vergit, pro ratione videlicet materiæ, cui jungitur. Atque hoc pacto *Aristotelis* sententia, qua ignis elementum sub concavo Lunæ ponit, non quidem tanquam in propria sphaera contentum, sed tanquam portio ignis, quæ uti in omnibus, ita etiam in aëreo illo corpore Sublunari latet, intelligi potest & debet. Hoc enim posito, nulla circa ignis elementum difficultas moveri potest, quæ non solvatur per ea, quæ jam adduximus.

COROLLARIUM I.

Quomodo
per attri-
tionem ge-
neretur
ignis.

Experi-
menta.

Ex dictis hucusque patet, quomodo per attritionem generetur calor in corporum durorum collisione, ut dum ferrum supra incudem tuderis, ferrum lima poliveris, duo ligna attritione tertii in flammam succenderis; quomodo terebra, qua quidpiam perforatur, tantopere effervescat; quomodo denique ignis è silice eliciatur; quomodo in nubibus fulmen & fulgor, in corporibus verò viventium ad validum exercitium calor nascatur, & similia, quæ quotidiano constant experimento. Dico itaque horum omnium rationem aliam non esse nisi elementum ignis, sive calidum illud innatum & primigenium, sulphuri quiddam haud ab simile, in intimo rerum naturalium Centro conclusum, sopitum quidem & à terrestribus sæcum quisquiliæ oppressum, at post collisionum corporum perfrictionem attritionemque spirituum agitatione animatum, illos quos dixi Calores suscitatur; usque dum segregatis humidioris naturæ corpusculis, spiritibusque sulphureis & halituosis in unum conjunctis, tandem igneo flammeoque yestitu amictum prodeat: quamvis enim omnia corpora mixta in se hujusmodi sulphureos igneosque spiritus in se conclusos habeant, quemadmodum ex illorum per Spagiricam artem dissolutione pateat, atque hoc pacto omnia ex attritionis motu incallescant, sunt tamen alia aliis aptiora, scilicet, quæ majorem sulphuris fixi copiam, partesque spiritosas vel copiosiores, vel magis compactas obtinuerint. Hinc ferrum utpote copiosiori adusti sulphuris copiâ turgens, præ cæteris metallis maximè incallescere experimur, non item plumbum, cuprum, aurichalcum, argentum, aurum, utpote in quibus humido copioso resistente non tam facile ex attritione congregentur spiritus illi ignei, qui in primigenio calido lateant. Cur verò ferrum lignum secatur, tantopere incalescat, minimè lignum; rationem damus, quod sulphurei in ligno spiritus utpote dissolutiores expirent, in ferra verò dura compactiores, & ex prædominio sulphuris constipatiores sint, hinc fit, ut ii in ferro ex attritu facilius quàm in ligno accendantur; In nubibus verò nascitur fulmen & fulgur ex sulphureis corpusculis, unà cum vapore in sublime attractis, quæ

cum spiritibus igneis nitrois que referta sint, ex vehementi nubium conflictu agitata & attrita facile in ignem coalescunt, qui majorem ex rarefactione aëris locum requirentes, dum ex constipatis nubium repagulis exitum non inveniunt, violento quodam motu, qua data porta ruunt, ea strage, quam quot annis experimur.

COROLLARIUM II.

Hinc patet quoque, cur hyeme tota vegetantis naturæ Oeconomia tristi facie squaleat; viror omnis ab arboribus plantisque pereat, quia videlicet Sol remotior spiritus illos igneos & halituosos utpote frigore oppressos dissolvere & attenuare non potest, mox tamen ac Æquinoctialem supergressus calor sui incrementum suscepit, ecce spiritus, qui latuerant eò usque syngenei illis novo caloris hospite animati, ac veluti interioris indolis lætitia tripudiantes dilatati que in ramos, folia, flores, fructus luxuriant. Cur verò illo motu non incallescant, aut inflammantur, ratio est tum humidi, quo pollent, copiosissimi resistentia, tum blandus ille Solaris caloris affluxus; quo spiritus ignei misti humidis ad generationem necessarij, ita attenuantur, ut in ignem erumpere non valeant; atque hoc est calidum illud & humidum, quo teste *Philosophi* omnis perficitur generatio, omnia vigent conservanturque. Atque hisce nostris principiis positis applicatisque, nullus tam exoticus effectus in natura rerum occurret, cujus rationem dare non possis.

Cur hyeme plantæ tristem vultum induant, secus in æstate.

COROLLARIUM III.

Hinc patet, quomodo flamma, quæ nil aliud quàm ignis fluens est, extinguatur; v.g. in candela, quæ cum humido pingui & viscoso polleat, & cui cum plurimi sulphurei spiritus insint, fit ut accensum elychnium statim & spiritus ignem concipientes unà in flammam accendantur; atque ad eò ob pinguis humidi copiam fluere incipiant; spiritibus verò se invicem sollicitantibus, & ad fluxorem excitantibus, tam diu flamma duret, quàm diu fluxus ille in radice pabuli duraverit; fluor verò cesset, mox ac fluxus ille à pabulo abstractus fuerit, & spiritibus sulphureis perturbatis, impeditis suffocatisque, vel per flatum vehementiorem, vel affuso humido, vel pressura, neque pasci amplius, neque fluere possit. In carbone verò etiam si flamma non sit, lux tamen est, igneo adhuc fervore æstuans, undè ad conservationem sui, auxiliares copias advocantes vicinas carbonis ficci hinc inde particulas ad ignitionem dispositas arripiunt, atque iis acceptis, præsertim si flatu juvetur, invalescant in maximum ignis incrementum; si verò externa adjutrix defuerit, quantum pos-

Flamma ignis fluens est.

Quomodo carboni ignis insit.

sunt, se concentrant, donec tandem ambientis frigore enervati extinctique & à luce & ab ardore cessent.

Lux ignis pro diversitate fomitum diversae est.

Sed ut tandem ad Subterranei ignis institutum revertamur. Rectè in definitione diximus, portionem esse ignis elementaris non puri, sed varia subterrestrium combustibilium rerum miscella tincti; tingitur autem ille ignis pro diversa fomitum natura, si sulphuri puro jungatur, candicat; si bitumini, fuscâ flammâ moeret; si bitumini unâ cum æruginè, viret; rubet, si minio aut similibus rubri coloris mineralibus jungatur; si arsenico, ochræ, sandaracæ, flavet; si uliginosæ materiæ pingui & oleaginosæ applicetur, omni ferè luce destituitur, fumo tantum indolem suam prodens; Quæ omnia experientia docebit, si ex dictis materiis oleo commixtis in lucerna lychnum accendamus. Atque hinc est, quod ignis elementum etiam si in omnibus rebus idem specie sit, pro combustibilium tamen rerum naturâ, specie differre videatur.

Terra tota cavernosa est.

Hujusmodi itaque ignem Terræ visceribus ad Sublunaris naturæ tutelam, rerumque omnium proventum inclusum esse definitio asserit. Terram cavernosam esse in præcedenti Libro amplè ostensum fuit, ubi & Terrenum globum immensa intra propria viscera spacia, concameratas speluncas, tractus immensos, abyssos impenetrabiles esse exposuimus. Nam ut Seneca de Agro Puteolano refert, *sunt ibi specus vasti, sunt ingentes recessus & spacia, suspensis hinc inde montibus saxa, simul abrupti in infinitum hiatus, qui sæpe illapsas receperunt, & ingentem in alto ruinam considerrunt*; & ut dicebat Corn. Severus in Aetna.

*Quacunque immensus Terra se porrigit Orbis,
Extremique maris curvis incingitur undis:
Non totum est solidum, desit namque omnis
hiatu.*

Facta est omnis humus penitusque cavata latebris,

Exiles suspensa vias agit.

Ignis & aquæ intra Terram conjugium.

Quibus subscribit Plinius, Ælianus, Lucretius, cæterique rerum naturalium Scriptores. Habitant in differentibus longè lateque patentibus cryptis, summo amicitiae foedere juncta ignis & aqua; quæ eam molliuntur rerum varietatem, quam metalla, mineralia, succi, glebæ, fontium salebræ nobis patefaciunt: Nam ut rectè Manilius.

*Sunt autem cunctis permixti partibus ignes,
Qui gravidas habitant fabricantes fulmina
nubes,*

*Et penetrant terras Æthræque minantur
Olympo,*

Et calidas reddunt ipsis in fontibus undas.

Ut proinde vel hinc admiranda ignis Subterrestis vis & potentia eluceat, dum ordinato impetu ascendens sursum, & quæ superat, facit ascendere, crescit in multiplicata analogia ferè in infinitum, corrumpit & transmutat quodcunque occurrit in sui substan-

tiam, neque unquam dempta ex eo parte diminuitur; siquidem in cavernis Terræ conclusus sese agitans, ubi invenerit aditum, penetrat ad exitum ad plura centena millia passuum etiam subter mare & invios Terræ anfractus, uti in *Prolegomenis* tanquam omnium oculatus inspector, docuimus: Et dum majores jugiter acquirit vires, terras, quæ occurrunt, & vel ipsa saxa montesque in suum convertit pabulum, ut nisi ambitu Oceani, & omnipotentis Numinis jussu cohiberetur. universam elementaris naturæ molem in inextinguibile traheret incendium; neque mirum est, tantam ignis vim in terris à natura constitutam; cum ab hujusmodi ignibus universa Sublunaris naturæ salus pendeat; neque enim in iis rebus præsertim conservandis, quæ sive necessitatem, sive diuturnitatem spectes, ignis adminiculo carere non possunt, natura parca, angusta & manca, sed prorsus liberalis & magnifica esse debuit; Quemadmodum enim Cælum immenso ambitu, quod cuncta comprehenderet, constituit, vastamque disposuit elementorum molem, & maris impensum pelagus, undè in universi Geocosmi venas indeficientem aquarum copiam distribueret; ita Divinæ providentiæ proportionem servata, magnunt valdè in ventre naturæ, ignis apparatus fecisse consentaneum fuit; unde per longissimos veluti caminos infinitum diffundit fervorem ad necessariorum rerum usum, Telluris, hominum, animantiumque emolumentum; & sicuti aquis suos statuit terminos, quos præterire non liceat, ita hanc ignis naturam tam admirabili distributione, tanto ordine & symmetriæ proportionem in abditis Subterrestis naturæ semitis attemperavit, ne ab ambientis Oceani undis longè lateque infinuatis suffocaretur, neque à præscripto sibi termino exorbitaret; secus enim motu suo liberrimo foras prorumpens omnia fusque deque verteret in apertam Terræ hominumque ruinam; quod in illa temporis plenitudine futurum existimo, quando ruptis ferocientis naturæ frænibus, & apertis ignium Subterraneorum catractis, Divinæ, potentiae imperio, non Tellus tantum, sed & elementa calore solventur, cum totius Mundi ruina & interitu; ut quemadmodum in universali illo cataclysmo apertis catractis Coeli, abyssorumque barathris, Mundum aquarum inundatione perdidit, ita & ultimis temporibus eundem ignium inundatione sit perditurus. Quam quis neget futuram, si æstuantem in Terris perpetuum ignem aspexerit, si vasta provinciarum incendia, manifestum denique tantæ simul materiæ sulphurisque apparatus, quem vel uno eructat hiatu, quin non certum fateatur, id specimen esse ac evidens signum præparationis ad præscriptam illam à Divina Sapiencia conflagrationem.

Ignis Subterraneus mirè se diffundit.

Ingens ignis in ventre terræ apparatus.





vapores attenuat;
 factas matrices
 ventis et aëris pressuris,
 bis non explicarim.
 nio patebunt

CAPUT III.

*De Igne Subterraneo per omnia diffuso ; & cur in nonnullis locis
sit perpetuus , in aliis non ?*

Quod est
sanguis
spiritus
in corpore
humano,
hic est ignis
Subterra-
neus in ve-
nis Terræ.

Ignis sine
aqua, ne-
que hæc
sine eo sub-
sistere pos-
sunt.

Quemadmodum in corpore humano Microcosmo calor per omnes totius corporis meatus diffusus , spiritibus suis omnia animat, vivificat, instaurat, agit, unâ cum humorum massa conjunctus , ita & Naturæ Opifex non minori providentia Geocosmum constituit, ignibus copiosissimis & uberrimis illum pro tantæ molis ratione instruens, ne alicubi abesset, quod naturalibus operationibus tantoperè esset necessarium. Est corpus humanum, id est, Microcosmus aëre, igneis spiritibus, & humoribus refer- tum; est & Geocosmus; sicuti enim in corpore humano inflicto quocunque loco vulnere, statim sanguis erumpit, & ad minimam agitationem effervescebat, sudorem ex tota porosæ cutis substantia expellens; ita vix locus est in Terra, qui prævia fossione non abundantes præbeat aquarum latices, vel sponte, vel argillaceæ terræ attractu succu- que, non calidos tantum, sed & tepidos, fervidos, & intolerabili caloris vi æstuantem eructet. Quomodo enim aqua sine igne, aut hic sine aqua consisteret? certe si- ne igne omnia perpetuo gelu damnata in apertam naturæ perniciem jam dudum ab omni generabilium rerum propagatione cessassent; sine aqua verò omnia jam dudum innumerorum æstuariorum subterrestrium incendiis consumpta, universam quoque Geocosmi fabricam in cineres & favillas reduxissent. Vides igitur quanta providentia hæc duo elementa, & quam admiranda quadam naturæ arte ita sint conjuncta, ut unum alteri reciproco quodam commercio, necessarium præberet nutrimentum, unum alterius impetum infringeret; atque hoc pacto benigno foedere sociata intentos à natura effectus præstarent, cujus luculenta indicia nobis esse possunt, dum videmus Tellurem benignam rerum altricem, omnium scilicet in visceribus suis seminaria continere, aquam, aërem, ignem proportionem quadam admirabili, qua subito cunctis inserviant operibus, subito præsto sint ad quamcunque rerum generationem. Hinc è terra immensam spectamus humorum vim perenni fluxu emanare, perpetuos efflari halitus, infinitas aquarum emanationes, perennes subsistentis ignis caminos, immensos æstuariorum promoscondos, ac manifestos in eis æterni ignis effectus, fumum, flammam, fervores, aquarum bullientium salebras, & quæ vasta divulsis caminis successu temporum excitantur incendia; quæ in universo Orbe terra marique visuntur passim, certam præbent rationem de reliquis caloribus & æstibus, qui per varios

terræ marisque tractus disseminantur, & veluti in varios caminorum ramos deducta tantam Thermarum Mineraliumque varietatem efficiunt. Sed ut hæc clarius patefierent, hic Figuram totius apponendam duximus.

Habes hinc Figuram ignis Subterranei aquæ misti typum, quem non ea quidem se ratione in terra habere asserimus; quis enim eum ex viventibus unquam vidit? sed ad similitudinem quandam operantis naturæ, & quantum imaginatio nobis fieri debere suggerit; secus enim, vix humano ingenio comprehendendi potest, quomodo aqua igni juncta tam mirificos, tam extra, quàm intra terram effectus præstet. Ignis Centralis signatur litera A, pyrophylacia ex eo derivata, litera B. hydrophylacia litera C. Canales à pyrophylaciis ad pyrophylacia S Camini pyrogogi; Canales V ab hydrophylaciis ad hydrophylacia hydrogogi sunt, linea verò tum ad pyrophylacium, tum hydrophylacium ducta sunt fibræ, rimæ seu fissuræ Terræ, per quas tum aqua, tum ignis derivatus Geocosmum, tum ad fontium, tum Mineralium metallorumque generationem disponit, & eo modo se habent, quemadmodum capillares venæ in corpore humano, quibus nulla etiam minima portio caret, uti jam supra ostensum est. Disces quoque ex hoc pyrophylacia propiorem circa Centrum locum habere, hydrophylacia verò propiorem circa Terræ superficiem, prudenti sanè naturæ consilio; Cacabi enim non infra, sed supra ignem, ut aqua calefiat, & ad usum veniat, poni debent.

Est autem incendium nihil aliud, quam magnum quoddam in natura accidens, im- mensus quidam excessus ignis, qui à subterraneis subterrestrium ignium barathris pinguem & combustibilem Terræ materiem prosecutus, vel per impetum disruptis alicubi caminis, miras ac mortalibus formidandas flammæ ejaculatur, & quamvis hujusmodi incendia ipsa terrarum exteriora non sint perpetua, sed extemporanea, ob hoc tamen non tollitur ignis in subditis pyrophylaciis, quin perpetuus uniformisque subsistat, uti ex Thermis eodem semper statu permanentibus patet. Ratio verò cur in nonnullis locis, non semper, in quibusdam perennis videatur ignis effectus, hæc est; quod etiam si ignis Subterranei substantia in suis receptaculis, perpetuo fomite ei constanter administrato subsistat, contingit tamen subindè, ut materia combustibili terræ superficiem vicina vel consumpta, vel meatibus ex combustis subterrestri- materiam glebis, fornicumque combustorum rimis

Quid sit
incen-
dium.

Cur in
nonnullis
locis per-
petuus
ignis sit, in
aliis, cur
tempore
deficiunt.

rimis obstructis, vel subterraneorum inundationum diffusionem caminis aqua oppletis, ignis propagatio impedita, veluti induciis quibusdam inductis, multorum annorum curriculo quiescat; donec minera meatuum successu temporis propagata, novaque combustibilis materiae supellectile ditata denuò foras prorumpens, antiquas incendiorum stationes repetat; tantum enim incendia durare scias, quantum combustibilis materiae formae durat, qui si ob dictas causas cesset, & ignem cessare necesse est, in iis potissimum caminorum ductibus, qui à pyrophyllacio remotius distiterint; si verò dictae causae non intervenerint, certum est, incendia perpetuò durare; flamma enim (quem vaporem accensum dicimus) emicat inlequiturque, quantum potest, combustibilis materiae escam, qua deficiente, & ipsa deficit cessatque, donec novo ex jugi cum mari commercio, nova subministrata materia, perennique intus vapore ac caligine repullulet ad supremas meatuum fornices, quae non secus ceu fuligo crassissima, ac incubente intus flatu à majori impulsu excitatum concipiat ignem, itaque flammam iterum edat novas. Hoc verò non semper uno & eodem tenore fieri potest; natura enim in continuo motu tota est, ac majora minoraque necessariò id genus accidentia pro variis dispositionibus materiae combustibilis ac urgentis in eam flatus conditione promit, quae sunt necessariae horum accidentium causae; & quoniam materia non semper uno tenore & qualitate & quantitate est disposita, nec ita ad incendium in una parte ac in alia apta est, propter caminorum varias dispositiones; hinc fit, ut in aliquibus locis perpetua sint incendia, quia usque ad ipsa pyrophyllacia purgatissimos habeat caminorum meatus; in nonnullis locis nunc moriuntur, nunc post multorum annorum decursum, denuò tum ob novae materiae incrementum, tum ob Subterraneorum ventorum flatuumque vires diversas resuscitantur; qui quidem aded huic oeconomiae Vulcaniae sunt necessarii, ut sine illis, utpote omnium naturae accidentium authoribus, nihil fiat. Quomodo autem ii producantur, paucis explico.

Quomodo
suscitetur
& conser-
vetur ignis
Subterra-
neus.

Cum Oceanum in *Itinerario Terrestri* fundum habere diximus instar cribri innumeris foraminibus pertusum, quae quidem nihil aliud sunt, quam officinae Canalicum, per quos aqua dum impetu maris sollicitata currit, consequenter ventum excitat, hic per canales pyrophyllaciorum, qui ferè semper canalibus aquarum uniti sunt, impetu summo ruens, vel in ipsa pyrophyllacia deductus, ibidem flatu suo humidissimo materiam combustibilem non tantum excitat, sed & in ferventissimas flammam continuò animat; haud secus ac faber ferrarius flatu folium & aquae aspergine, ignem in foco potenter instaurat, & fervores ignis congeminat, ejusque virtute & effi-

cacia, quod sine flatu primò non poterat, jam sui juris & arbitrii factum ferrum in quamcunque formam figuramque tundendo aptat; Flatus autem seu venti subterranei à maris commotione & à quotidiana fluxus & refluxus reciprocatione, qui sunt naturae veluti folles quidam, quorum perpetua sufflatione tum aqua à mari intra suos meatus transfusa ad exonerationem sollicitatur; tum ventus ex aquarum continua commotione intra caminos meatusque ignivomos propagatus, ignem perenni motu agitat; rimas verò fissurasque terrae, quas aqua secum delata varià combustibilis materiae miscellâ, salè, sulphure, bitumine repleverat, hic ea calore & halitibus aestuantia pro terrenarum cryptarum natura & conditione liquefacta ad se in novam fomitis materiam attractam convertunt; & hoc facto perpetua fit operationum naturae continuatio; atque hoc modo tum aquae tum ignis admiranda naturae industria pericyclosis peragitur. His itaque ritè expositis jam ad historicas igneorum incendiorum enarrationes calamum convertamus, ut vel ignis Subterranei exterminatores vel sensu discant, quod intellectu non concipiunt.

Venti Subterranei à maris commotione sunt.

Optimè verò ab Italiae partibus ordiemur, utpote quae plura atque manifestiora continet subterraneorum ignium vestigia, in quibus fundantur omnes suscepti argumenti demonstrationes; quae quidem non credidissimè, si propriis oculis ea omnia varia peregrinationis meae occasione lustrata non examinassim. Sub mediocri itaque coeli temperie Italia, cum ab Alpibus longo catenatorum montium tractu sit extensa, duplicique hinc inde pelago clausa, utrimque ab Appennino, quo tota dirimitur innumeris fontium scatebris, lacubus, ingentiumque amnium rivis diluitur; qui quidem omnes ab hydrophyllaciis tum Alpium, tum Appennini originem suam sumunt: Et ut videas mirum Italiae situm; Est illa, quae mari Adriatico obtenditur pars, quae Boream ex parte respicit, propter Appennini umbram opaca, frigidior, & paucioribus pollens thermarum fontibus, crudioribus quamplurimis; Ad dexteram verò, quae meridiem magna ex parte respicit, & Tyrrheno mari ambitur, uti aprica, aperta, & ob solinaturam sulphuream, quam ubique prodit, ferendis ignibus apta conspicitur, ita & in variis adjacentibus Insulis, diversa omni tempore calorem, aestuariorum, thermarumque argumenta protulit; unde *Beroso* teste, à Cumis & Vesuvio ad Istriam usque olim arsisse fertur, Palensanam proinde à Janigenis appellatam fuisse, id est, regionem conflagratam. Et si minutius rem exploremus, Italiam omnes ad aded vasta incendia dispositiones habere comperiemus; situs angustiam, quo inter duo maria undarum illusione assidue flagellatur; Subterraneos meatus & cavernosos anfractus ignibus & ventis pervios, ac materiae tandem sulphureae copiam, qua tota luxuriat,

Italia scateat ignibus Subterraneis.

riat, ardetque certis locis super omnem terram; Nam in tota hac Italiae parte meridionali ab extremis Siciliae oris usque ad Hetruriae confinia, aliis in locis perpetua visuntur incendia, ut in Aetna, in aliis conflagent per tempora, ut in Aëoliis, quas *Liparas* vocant, Insulis, & è regione Neapolis, ut in Aenaria sive Ischia, Prochyta, Pythacusa, necnon in continentis terrae montibus, Vesuvio, Misenno, Puteolisque & Cumis, qui saepe ardent, ac certis in locis magna demonstrant aestuaria, ignibus, fumis, vaporibus, thermis, quibus scatent, anfractus, ut summo studio observavi, passim obvii, cuniculataque hiant spiracula, quae ubi flatum emittunt, mox intus percipiuntur, non sine formidine adstantium ceu ardentis ignis fragores, sonitusque aquarum, uti in Phlegræis collibus, quæ Vulcanium campum, vulgò Sulphatarum circundant, videre & audire est; fidem quoque faciunt non procul inde distantes Sibyllæ Antrum ad Cumas, totque horridi circa Avernum hiatus recessusque ob aestum impenetrabiles. Tota ubique Campania ad superficiem antiqua ejusdem conflagrationis gerit vestigia, solo passim arido, cineris & pumicis instar, & pulvere, quod Puteolanum vocant, carbonibus vivo saxo conclusis. Puteolis transeamus ad Latium, quod sulphureis crateribus plenum est, per Minturnas Sulmonem, hinc per Campos Romanos continuata sulphuris minera, tum pluribus in locis, tum potissimum sese exierit in lacu quodam inexplorabilis profunditatis Tybure 4 mill. distito, nec non 16 Insularum, quas *Barchettas* vocant, natabilium celeberrimo, è quo Albulæ fluvius sulphureus originem suam nanciscitur, & olim Thermarum balneis celebris fuisse videtur, de quo suo loco. Hinc Subterranei ignis cuniculus reflectit in Montem Rotundum, olim agrum Eretanum, & hinc in ramos deducitur, quorum una pars tendit in Thermas Stigianas, & lacum in media Sylva tum sulphuris foetore, tum bullientis aquæ in modum columnæ aspectu horridum; & tandem per montem vicinum, in quo & crypta serpentum, æstuariis & caminis refertum, Tolfiam & Centum Cellas usque, quæ omnia loca sulphure & bitumine scatent, ad mare terminatur. Alter ramus versus Montem Roseum, inter quem & Roncilionem novi sulphurei sese exierunt crateres, qui occulta sua commercia habent cum monte Cimino, quem Montem Verterbensem vocant, & cum pago Vico, sulphureis scatebris celebri, & sanè Ciminus mons magnam adhuc ignis vim fovere videtur sub profundissimis antris, quam ad radices situ boreali juxta Viterbium in totam eam planitiem diffundit, plenam sulphureosissimo halitu, glebis passim aridis & pumicosis innumerisque fontibus calidis, quos inter Bullicamum ob fervorem intolerabilem est famosissimum, cujus miram constitutionem Deo dante in *nostra Hetruria* fusius de-

scribimus. Habet hic cum alio vicino lacu inter Viterbium & Montem Elafconem, magnam communicationem, ubi aqua ex fundo lacus erumpens, miros exercet tumultus, & quod mirum dictu, duo simul hic fontes spectantur, vix uno diffiti passu, quorum unus fervidissima, gelidissima alter aqua tripudiat, de quo suo loco. Hinc ignis Subterranei cuniculus in universam Hetruriam, in ramos innumerabiles sese diffundens, vix ullum locum Thermis, sulphureis crateribus, aquisque mineralibus immunem relinquit: siquidem Hetruria, qua mare Tyrrhenum respicit in Illam Insulam usque, tota ubique Tellus calentibus scatet aquis, vel ferri ærisque, vel sulphureis luxuriat fodinis. Quo nomine memorabiles sanè sunt Lacunæ Volaterranæ, fervidis & salientibus aquis refertæ, & fodinæ sulphuris optimi ad Castrum, quod Libbianum vocant, de quibus ubertimè actum vide in *nostra Hetruria*.

Ex altera parte versus Orientem, cuniculus ignis longè lateque distensus potissimum sese exierit sub monte, quem Vivum appellant, ubi celeberrimas *S. Cassiani*, & *S. Philippi* thermas causat; & hinc sese extendit versus balnea, quæ Avenionensia vocantur, in Montem Politianum usque, ubi ad S. Albinum copiosa mineralium aquarum cum summo foetore copia scaturit, & hinc ex una tandem usque ad ipsum Appenninum æstuariis refertum se porrigit, ex altera Senas vicinasque mari adjacentes partes, & ad Liguriæ usque contermina loca, Lucensemque agrum, quæ tot abundant metallis, tot sulphureis fodinis, aquarumque calidarum ac fervidarum fontibus, quot fortè non habet universa Italia. Maxime tamen Subterranei ignis spiracula sese exierunt in Appennino ad Petram malam eique vicinis locis, ubi aer noctu scintillat, diuque ceu ex ardente subtus fornace caligat ac fumat, injectasque calefacit aquas ac incendit stipulas. Videtur autem hic fons venas habere continuas usque ad Porretanas aquas in Agro Bononiensi, quarum undique colles noctu scintillant, & hinc fundi videtur in Agrum Mutinensem, ubi bituminis liquor atque ignis mirum in modum exæstuat, & hinc usque in Istriam continuat sui fomitis incendia; Hos enim colles Euganeos, teste *Beroso*, circa Aponi balnea arfisse olim, tum collium salebrofi tractus cineresque & pumicosa facies, tum carbones, lapidumque, qui vel ipsas aquas intercurrentes calefaciunt, fervor, sat ostendunt. Quæ cum ita se habeant, verum profectò nobis argumentum esse possunt, universam Italiam jugi intus materia sulphuris refertam esse, cujus cuniculus uti ubi plus aut minus longè lateque ramos suos protendit, ita sub mari quoque in adjacentes extendit Insulas, & juxta singularem mixturæ attemperacionem virtutemque caloris, quem sub diverso venarum tractu habet, varios effectus

Duo fontes vicini quorum unus frigidus alter calidus est.

Ignis Subterranei spiracula ad Petram malam.

parit , miranda certis temporibus incendia causat. Concludimus itaque, quod Italia incendiorum altrix , uti tota ignibus Subterraneis referta est, qui alibi perpetuò, nonnullibi per tempora ardent, ita olim tanta fuisse sulphurum incrementa , tantam ignium coacervationem, ut si non tota, sal-

tem *Beroso* teste magna sui pars conflagraverit, nec minus credendum, fore aliquandò tempus, ut stantibus hisce naturæ principis conflagratura sit iterum atque iterum, usque ad finalem totius Universi interitum & consumationem.

CAPUT IV.

De Phlegreò campo in Agro Puteolano.

Phlegreorum
camporum de-
scriptio.

ANno 1638 Neapolim transiens, non potui prætermittere, quin omnibus seculis celeberrimos Campos sulphureos, quos Veteres Phlegreos vocant, inspicere; Superato itaque subterraneo meatu, quem *la Grotta* vulgò vocant, quam alibi descripsimus, intra montem Pausilippum, excavatum, non procul Puteolis, inter fauces montium planities longè latèque exposita in conspectum se dat, locus omninò horrore & formidine plenus, longam dicunt pedibus 1200, latam 1000, quem *Plinius* Campos Phlegreos à flammis & ardore vocari scripsit, *Cornelius* autem *Strabo* forum Valeani appellat, locum ubi & ab *Hercule* superatos gygantes quidam fabulantur, Colles ibi passim flagrare fundo spectantur in imo: Nam magnos ubique cum odore sulphureo per plura foramina semper exhalant fumos, qui per omnem vicinam regionem Ventis etiam Neapolim usq; deferuntur. Circundatur tota hæc planities collibus sive rupibus præcelsis, quorum vertex quondam præaltus, perpetuis tandem ignibus depastus, in vallem profundam subsedisse, ex ipsa loci forma colligitur; Itaque qui quondam vertex, nunc ingens in plana valle fossa est, quæ costæ, vel latera montis olim, modò scopulorum ac rupium cacumina sunt; Et hi olim quidem *Dione Cassio* teste, majori copia ignes flammæque evomebant, montes quoque vicini continuò ardebant, & veluti è fornacibus fumos ejiciebant spissos, & aquas igneas; Nunc temporis autem ipsa planities non secus ac colles Phlegreæ flammis perpetuis exhausti foraminibus infinitis cavernosi sunt, & materia coloreque sulphureo flavent ubique; solum quoque cum tangitur à suprà ambulantibus, quasi tympanum propter concavitates resonat crepitatque, sentiasque non sine stupore sub pedibus ferventes aquas, fumosque densos & ignitos sibilare, ac fluere hinc inde cum magno fragore per tubos atque cavernas subterraneas vi exhalationum factas; quæ quanta sit, experièris, si foramen aliquod obtures vel gravi lapide, eundem mox impetum fumi eructare videbis.

Lacuna
horrenda.

Ingens tamen in eadem planitie Lacuna me summa admiratione affecit; reperitur enim hæc semper aquis bullientibus &


nigrore suo formidinem incutientibus plena: Cacabum diceres pice & resinâ bullientem, quæ subindè locum mutat, ac indurrescentibus aquis in margine lebetis arctatur vel ampliatur simul cum exhalationis impetu majori vel minori. Mirum & illud, voraginem illam aquas ultra humanam staturam ad 8 vel 10 pedes in altum ejicere, in modum pyramidis, easque pingues ac luteas sulphureique ferè coloris, quod vel ipsi Puteolani non diffitentur; qui perhibent, ad 16, aut etiam 24 palmos quandoque has aquas ebullientes in altum evibrari, & hoc præsertim, cum mare æstuat, non item, quando quiescit. Luculentissimum sanè indicium, hosce mirificos exaltati liquoris effectus aliundè non procedere nisi à mari; ventorum quippè procellis agitatum, dum per Subterraneos meatus liquefactæ hujus materiæ primum condum sollicitat, mirum non est, liquorem suis angustis contineri nescium, ultra à natura sibi constitutos limites in altum ejaculari, tantò quidem violentius, quantò majori violentia maris impetuosus affluxus illud extruserit, quin & diversus tunc temporis aquarum color ex varia marinæ aquæ cum varia mineralium succorum miscella compositus, nimirum quas ex profundioribus terræ scatebris Subterranei venti marinis æstibus agitati, & inter flammæ invalescentes eructant, apertè docet; Mari verò quiescente nihil horum sentitur, sed aquæ in lacunæ faucibus pingues ac nigra fuligine squalidæ tantum una cum effervescencia quadam spectantur. Quid dicam de montibus & scopulis, quibus *Vulcanius* hic campus stipatur; Spectantur in hisce caminorum ductibus spiracula non pauca, quorum aliqua perpetuum ventum formidabili cum sonitu & fragore eructant, tanto cum impetu, ut si lapidem injeceris, eum mox denuò repercussum magna vi foras projectum recipias; nonnulla fumum flammis mixtum ejaculantur, in inferno te constitutum diceres, ubi omnia horrida, luctuosa ac formidanda rerum facie, sulphuris quoque, bituminis, naphthæ aliorumque mineralium foetore non tantum exanimeris. Et tametsi locus adeò horridus sit, multum tamen inde emolumenti captant ii, qui sulphuri, nitro, vitriolo conficiendo operam dant;

Vis mira
aquis ejaculans.

Impetus
halituum
per spiracula
capulorum.

Quomo-

Quomodo verò ea præparentur, dicetur in sequentibus suo loco. Figuram loci hinc apponimus eorum quos descripsimus Camporum.



CAPUT V.

Montes Ignivomi in externa Telluris superficie spectabiles Terram plenam ignibus esse, satis demonstrant.

SI ex ullo signo Ignis Subterranei veritatem cognoscere possumus, certè ex Montibus flammivomis aliisque sulphureis crateribus, quos Vulcanios vocant, eam ita luculenter spectamus, uti qui eam negare voluerit, omnium opinione temerarius, ne dicam vesanus & stolidus existimari debeat; cum eorum multitudo & varietas tanta sit, ut nulla ferè sit in Orbe regio, quæ non illos exhibeat, uti apertè ostendimus in *Mappa nostra universali*. Et ut à notioribus incipiamus. Est in Sicilia Ætna omnium tum Poëtarum, tum Historicorum monumentis celeberrimus, cujus arcanam constitutionem in sequentibus describam, utpote *αὐτοπῆς* testis, & dicti montis explorator.

Ab Ætna 150 mill. pass. distitæ sunt Insulæ Liparitanæ sive Æoliæ, aut Hephestiæ à Græcis dictæ, à Latinis Vulcaniæ, & sunt septem, videlicet Strongylus, Liparis, Hiera hodiè *Vulcano*; Hicesia vel Salona; Ericusa vel Alicur; Phenicusa vel Phelicur, Ecconimus, à *Ptolomeo* dicta Istica & Dydimia, quæ olim teste *Plinio* omnes arsisse feruntur; hodiè Strongylus solus ex septem, incendiis sævit, non inferioribus Ætnei aut Vesu-

vianis, *Strabone* teste, olim unà cum montibus & mare totum arsisse dicuntur.

Anno 1638 cum occasione triremium Melitenis hanc præterveheret, descensione factâ inter alias, Vulcanum & Strongylum examinandum duxi; & Strongylus quidem ob ignium, quos continuè evomebat, omnem accessum intercludebat; Vulcanus verò induciis cum æstuariis factis, præter fumum nil aliud monstrabat, habet tamen adjunctam Insulam, quam *Vulcanellum* vocant, Vulcano adnexam, quam ex rejectamentis montis ex ultimo incendio eructatis natam ferunt; Omnes Insulæ sulphure, nitro, bitumine scatent, quin & fundum maris cavernis innumeris pertusum esse, tum vortices, tum exeuntium ventorum mare mirum in modum infantium frequentia indicat; ut proinde minimè ab iis dissentire queam, qui ajunt, minas & cuniculos submarinos cum Ætna, & deinde continuatis per dorsum Appennini concava ductibus cum Vesuvio correspondere, quod verissimum esse anno 1638, quo Calabria in ultimam penè ruinam terræmotuum sævitie redacta fuit, præsens & oculatus testis comperi. Vide quæ de hisce in præfat. hujus Operis fusissimè tradidi.

Montes
flammi-
vomi
Italix.

Est in Campania Vesuvius, cuius historiam vide, si placet, Lector, in prolegomenis hujus operis; hos enim recensitos montes cum anno 1638 ascendissem, cunctaque non sine manifesto vitæ periculo observassem, observata in iis omnem fidem superantia, tantum in me potuerunt, ut vel hinc præsentis hujus operis auspiciandi occasionem & originem sumpserim.

Germaniæ
Vulcanii
crateres,
cætera-
rumque
partium
Septen-
triona-
lis.

Habet & Hetruria ardentem in Appennino Montem, in Felsina five Bononienfi agro alterum; non desunt præterea inter Pistorium & Petram malam lacunæ & antra perpetuos noctu præsertim, flammarum globos eructantia. Notantur & in Mutinenfi agro duo famosa plena incendiis loca, de quibus in præcedentibus. Venio ad Germaniam, Galliam, Hispaniam; in quibus etiam si mon-recensitis similes non spectentur, frequentes tamen tum sulphurei crateres & lacunæ fumum flammæque evomentes, tum innum-rabilis ubique locorum thermarum multitu-do, de quibus suo loco, Subterranei ignis in-tra eorum hydrophylacia serpentis, luculen-tissima præbent vestigia. In Misnia Carbo-num mons subindè fumo & igne sævit. In Lappia montes præcellos in Ætnæ similitu-dinem flammæ eructare *Olaus* narrat. In Islandia quis nescit Heclam montem incen-diis omnium Geographorum relatione famo-sissimum, cuius ad miracula naturæ accedere videtur, quod vertex ejus perpetua nive can-deat, radix inextinguibilibus incendiis fla-grans voraginumque abditarum frequentia nulli ad plurima etiam stadia aditum præ-beat, saxorum cinerumque eructatione om-nes circumfisos Campos in sterilitatem unà cum formidabili sonitu & fragore deducat; quem dum audiunt incolæ, animas impiorum cum ejulatu miserabili ibidem torqueri, su-perstitiosius credunt. Vide *Olaum Magnum*, cæterosque Geographos in descriptione hu-jus Insulæ. Et nè ultimam Septentrionis pla-gam perenni frigoris glacieique inclementia damnatam sine ullo caloris remedio natura reliquisse videatur, in Insula, quam Gron-landiam vocant, Polo proxima ingentem constituit Vulcanium Montem, ad cujus ra-dices Monasterium Ord. Prædicatorum, quod *D. Thoma* vocant, tophaceis lapidibus ex montium rejectamentis constructum est; de quo plurima admiratione dignissima re-fert, omnium harum memorabilium rerum inspector *Bartholomeus Zenetus* Venetus, in eas oras, nescio quo casu conjectus. Verba ejus sunt: *Hic visitur Monasterium S. Thomæ Dominicanorum, & ab eo non procul Mons igni-vomus, ex cujus pede fons ignitus erumpit; Hu-jus fontis aquis per tubos derivatis, non modò omnes cellæ Monachorum instar hypocaustorum calefiunt, sed etiam cibi, imò & ipse panis coqui-tur; tophum seu pumicem mons evomit, ex quo totum est structum cænobium, tophi enim hi aqua illa perfusi, quasi adhibito bitumine conglutinan-tur. Hic item horti pulcherrimi aqua ferventi*

Groenlan-dia Vul-canius mons.

Mira de Monaste-rio *D. Tho-mæ* in Grunlan-dia.

rigati, in quibus flores & fructus omnis generis; Hac autem aqua ubi per hortos decurrit, cadit in vicinum sinum seu portum, quo fit, ut nunquam gelu concreseat, ideoque appellant pisces & volu-cres innumeri, quibus incolæ ad satietatem victi-tant. Sic scribit, qui vidit & oram detexit Archithalassus Regis Daniæ, Nicolaus Zene-tus Venetus.

Verisimile autem est, Heclam Islandiæ & Groenlandiæ Vulcanum per occultos cuni-culos correspondere, & ad frigoris glacie-rumque vehementiam domandam per abdi-ta æstuaria perpetuò negotiari; Undè con-cluditur & ratio, cur in nonnullis Septentrio-nalibus Insulis & Norwegiæ, Finmarchiæ, Biarmiæ, Lappiæ, littoribus, in una parte mare facillimè congeletur, in altera nulla frigoris niviumque concreseat; Item in non-nullis littoribus abundantissima pascua unà cum arboribus & agris foecundissimis repe-riantur; in aliis, ut in Nova Zembla, neque gramen, neque arbores, neque quicquam nu-trimento hominis proficuum, obvium fiat, terrâ perpetuæ sterilitati subjectâ; quia vide-licet æstuaria, quibus locis subduntur, eadem calore quoque suo rerum copiâ beat; contrâ fit iis in locis, subter quæ æstuaria non se dif-fundunt.

In nonnul-lis Septen-trionis re-gionibus mare sub-inde gla-ciarur, non in aliis lo-cis vicinis.

Asia pluribus passim Regionibus monti-bus abundat ignivomis; In Ocmuzio Persici Sinus Insula, omnia plena sunt ignibus Sub-terraneis, unde septem annis continuò arfisse dicitur; eructat adhuc quotidie ex salinis montibus, quibus Insula scatet, flammarum globos, quibus ferè ad vastitatem redactum est totius Orientis celeberrimum emporium. In Perside ipsa passim inveniuntur sulphurei crateres, qui non sine itinerantium horrore noctu diuque fumant & ardent. Cophantus in Bactrianorum regione incendiis suis omni-bus eum intuentibus formidinem incutit.

Montes Vulcanii in Asia.

In Media Sufis ad Turrim, quam vocant Albam ignis ex quindecim caminis erumpit, sonitu aded vehementi, ut circumvicinis po-pulis ibidem inferni ostia esse persuadeat.

In Media.

In Septentrionalis Tartariæ littoribus Mos-cis referrentibus, non infrequentes spectan-tur hujusmodi Vulcani officinæ.

In Tarta-ria.

In Regnis Indostan, Mogor, Tibet, Cam-boia, passim hujusmodi montes, uti & in vastis-simo Sinarum regno reperiuntur, uti *P. Marti-nus Martinus* in suo *Atlante Sinico* notat.

In regno Sinarum.


In Japonia præ cæteris Insulis Vulcanus insignem officinarum noctu diuque fumum cum igne evomentium copiam constituisse videtur; quæ uti à Firando celebri urbe 70 miliaribus distant, ita noctu tædarum adin-star totam illuminant regionem, cum admira-tione spectantium.

In Japonia.

Sunt & Insulæ Japoniæ vicinæ, quas *Septem sorores* vocant, quarum una Vulcanum insignem è regione Urbis Tanaxuma exhibet.

Insulæ Philippinæ & universus *S. Lazari* Archipelagus ita scatet Vulcaniis locis, ut vix sit

In Insulis Philippiniis.



Hoc Schem^a deesset, quod conservationi Geocosmi
 tantopere quam. Quis enim haec observavit?
 quoniam, si ea jam hoc modo, si ve
 alio, disposuimus; Ignis Centralis signetur
 A litera pervadunt.

lit Insula, quæ si non in montibus, saltem in crateribus scrobibusque Charonticis conceptos Vestæ foetus patefaciat.

In Java
montis Pa-
nacuræ
sævitiæ.

Mons in Java Insula non procul ab Urbe Panacura; hic cum antea multis annis non arsisset, anno 1586. primum disruptus violenta flagrantis sulphuris eruptione adeo sæviit, ut ad decem millia hominum in subiectis agris interiisse dicantur; tribus continuis diebus ingentium saxorum ejaculatione sæviendo in dictam Urbem Panacuram, tantam fumo caliginem induxit, ut & Sole tecto diem in tenebras converteret.

Mons Picus
in Timor
Insula.

Erat & alius in Timor Insula Mons Picus nomine, tantæ altitudinis, ut per 300 millaria flammeus in mari vertex se conspicendum præberet; hic anno 1638 concussis per horrendum terræmotum fundamentis una cum Insula absorptus, nil præter ingentem lacum post se reliquit. Ita referunt *Annales Soc. Jesu*.

Mons Gounapi in una Bandanarum Insularum anno 1586, post continua 17 annorum incendia tandem disruptus tantam saxorum, cinerum, sulphureo-bituminosorum pumicum copiam emisit, ut mare iis penè tectum, totum ardere videretur, cum omnium piscium animantiumque interitu.

In Sumatra.

In Sumatra ingens Vulcanus conspicitur, Balalvanus, ab ingenti ignium copia, quam evomit, sic patriâ linguâ dictus.

Mons ignivomus
in Ternate
Insula ejus
mira.

In Ternate Insula una ex Malaccis, Mons teste *P. Maffeo* in nubes assurgit excelsus & arduus, cujus inferiora densis constipantur nemoribus, superiora incendiis continuis defœdata glabrescunt. In vertice craterem habet hiatu vasto in plures circulos, ex majoribus in minores ad instar Amphitheatri circumductum: Hic Sole æquinoctia subeunte potissimum Boreali ventorum afflatu fumo & flammis sæviens omnia circumvicina loca cineribus obducta in vastitatem redigit.

In Mauri-
cis Insulis.

Mauricæ Insulæ, teste *P. Tursellino* in Vita *S. Xaverii*, tanta Subterraneorum ignium in pollent, ut totæ ardere videantur; unde frequentes terræmotus, tantum è cavernis & montis Thola vertice flammarum, cinerum, saxorumque, arborum magnitudini non cedentium ejicit, ut inferni prorsus speciem exhibere videatur. Vide citatum *Auctorem*.

In Mari
Pacífico,
vulgò del
Zur.

In Nova Guinea observati sunt ab Hollandis, uti & in Terra Australi hujusmodi montes magno horrore nautarum. Similes visi sunt in vasto illo Oceano Australi, vulgò *Mari del Zur*, sed sine nomine.

In Oceano Indico passim montes deserti & scopulosi suos monstrant fumosos Vulcani caminos, quos omnes tibi *Mappa Universalis* exhibet.

Montes
Vulcanii
in Africa.

Accedimus paulatim relicto Oceano Insulisque, ad Africam, in qua octo Vulcani celebres observantur; in Monomotapa duo; in Angolæ Congi & Guineæ quatuor; in Lybia unus; In Abassia unus, præter innumeros

crateres & antra sulphurea ubique passim obvia; quorum nonnulli consumpta materia combustibili, induciisque veluti constitutis sævire cessarunt, suo tempore denuò maturatâ ignium materiâ sævituri.

Mare Atlanticum adeo ignibus Subterraneis scatet, ut Terra illa *Platonis* quam Atlantida vocat, non alia de causa, nisi horum ignium sævitiæ & terræmotuum hinc consequente frequentia absorpta interiisse videatur, & in hunc usque diem marium tractus quidam, flammis & ignibus ex pyrophylaciis emergentibus infesti affatim ostendunt, quorum sævitiem tum *Columbus*, tum *Vespucius* magno suo periculo experti sunt, ut in *Historia novi Orbis detecti* legitur. Neque defunt hujus rei vestigia.

Mare Atlanticum
ignibus
Subterraneis
scatet.

Insulæ quas *Terzeras* vocant, vix ob ignium vehementiam habitari possunt. Canariæ Insulæ, & in iis Picus mons immensæ altitudinis, ignem in hunc usque diem, uti & Insularum circumjacentium plana eructant, sulphure & bitumine referta. Vide quæ in *Tertio Libro* plura de horribili terræmotu, qui accidit anno 1638, in Insula *S. Michaelis* una ex Terzeris, & de mirandis eventibus, qui ex eo consecuti sunt, adduximus.

Picus in
Canariis.

Insulæ *S. Helenæ* & *Ascensionis*, eas olim arsisse tum combustæ montium rupes, tum cineres lythanthracumque copia satis superque demonstrant.

Insula
S. Helenæ.

Accingimus tandem nos ad Americam, quam si Vulcani dicam Regnum, non impetè dicam. In Solis Andibus, quam à concatenatione montium Hispani *Cordillera* vocant, quibus Regnum Chilense subditur, 15 Vulcani, teste *P. Alphonso d'Ovale* indigena, qui & in Mappa illos expressit, observantur; quorum aliqui ignium foetibus tumidi, tantas eidem regno anno 1645 pepererunt calamitates, ad quas explicandas vix sufficiat calamus, integris passim Urbibus tum absorptis, tum everlis. Vide *Annales nostrorum Patrum* ad citatum annum. Hisce adjungimus Vulcanos, qui ex Australi Maris Magellanici parte, vulgò *Terra del Fuego*, observati sunt.

Montes
Vulcanii
in America.

In Peruano Regno sex quoque inaccessæ altitudinis reperiuntur Vulcani; tres in Andibus præter innumeras Vulcanias scrobes.

In Peru.

In Carrapa provincia Popayana Mons est, tempore sereno potissimum fumo flammisque sæviens.

Paraquipa Urbs 90 leucis Limâ distans, montem vicinum habet sulphureum, qui continuè ignes ejaculari non cessat, magno populorum metu, ne quandoque ruptus extremam Regionem perniciem adferat.

Ad Vallem Peruviz, quæ *Mulaballo* dicitur, à Quito Urbe 50 leucis distans Vulcanus alius se spectandum exhibet, continua ignium flammarumque eructatione ultra citraque populis etiam remotis solitas calamitates minatur.

Americæ
Septentrionalis
5 Vulcani.

In America Septentrionali, quinque observati sunt, partim in Nova Hispania, partim in Nova Granata, partim in Californiæ aliisque interioris Mexicani Regni medietatibus.

In Nicaragua triginta quinque leucis ab Urbe Leon, mons præcellus tantâ copiam flammam ejicit, ut ad decem millia passuum videantur.

Alter non procul ab Aquapulco similis ferociæ comperitur.

Ad Californiæ continentem tres; & in Mediterraneis duo alii, de quibus vide *P. Andreæm Perez* Mexicanæ historiæ scriptorem.

Vidimus igitur flammivomos Montes, per quadripartitas Terraquei globi Europæ, Asiæ, Africæ, Americæ portiones, terra marique à provida natura constitutos; non quod in incognitis adhuc Mundi partibus non sint, aut esse possint, sed istos qui hisce seculis in tam frequentibus circa Orbem terrarum navigationibus, itineribusque terræ marique susceptis observati fuerunt, & ut diffusionem Ignis Subterranei per universas Terræ semitas melius intelligas, hic Figuram apponendam censui, qua mentem meam intentionemque penitus comprehendes.

COROLLARIUM.

Ubi Vulcanus, ibi pyrophylacium subest.

Hinc patet, universam Telluris intimæ officinam innumeris pyrophylaciis instructam esse, & eo ab Authore naturæ aqueo elemento junctam esse consortio, ut Mundum potius perire necesse sit, quam ut unum ab altero sejungatur; Ubiunque enim Vulcanus est, ibi subtus pyrophylacium esse, tam certum est, quam certum, camino subesse vel culinam, vel fornacem, aut cacabum, vel simile quid. Quemadmodum autem pyrophylacia per innumerabiles terræ rimas, fissuras, meatus, haud secus ac spiritus per universi Microcosmi intimas muscutorum nervorumque fibras penetrant, ita & hydrophylacia haud secus ac sanguis in humano corpore per capillares venas, universo se communicat Telluris globo per incomprehenso quosdam meatus undiquaque diffusos. Atque hinc tot in omnibus Mundi partibus thermarum multitudo & varietas, de quibus suo loco & tempore. Neque semper necesse est, ut montes caminorum solummodo officio fungantur, sed infra ipsum mare æquè atque in terrestribus regionibus camini subsunt & pyrophylacia, quæ si quandoque incendiis corripiantur, ex inclusi aëris vehementia fusque deque vertunt omnia, uti passim in præcedentibus dictum fuit. Atque hujusmodi pyrophylacia quoque in Europa subsunt Archipelago; quod ut ostendatur, hic Coronidis loco apponam descriptionem *P. Francisci Riccardi Soc. Jesu*, qui occasione formidabilis terræmotus, qui accidit anno 1649. in Insula Santerinio, cui & præfatus Pater præsens

omnia oculis suis vidit, & Romæ totius rei eventum oretenus mihi postmodum retulit, & sequenti testimonio posteritati notum esse voluit, quod & tanquam instituto meo valde opportunum hic inferendum duxi.

Relatio P. Francisci Riccardi,

De Subterraneis ignibus, qui ex imo pelagi erupere anno 1650. prope Santorinium Insulam in Archipelago.

QUAMVIS nonnulli Plinium mendacii arguant, quod stupenda quadam & præter hominum captum referat; Veruntamen quotidie ipsa duce & magistra experientia discimus, in multis vera locutum fuisse: maxime cum historia sua libris recenset multas Insulas, quæ successu temporis ex imo pelagi erupere, & inter alias Theram Olimpiade 135, quam & Calistam & Philotheram dictam fuisse novimus. Iam vero à Sancta Irene insigni Virgine & Martyre, qua ibi colitur, Santerinium appellatur; Nam in suis annalibus Ecclesiasticis ad annum 726, ipse baronius fidem fecisse Plinio videtur, cum ibi sic loquitur: Vapor ex Camino ignis visus ebullire inter Theram & Therasiam insulas ex profundo maris per aliquot dies, quo paulatim condensato & dilatato igniti estus incendio, totus fumus igneus monstrabatur. Porro vastitudine terrena substantia petrosi pumices grandes & cumulos quosdam transmisit per totam Asiam, & Lesbum & Abydum & maritima Macedonia, ita ut tota superficies maris his pumicibus esset repleta; in medio autem tanti ignis insula ex terra congerie facta, Insula, qua Sacra dicitur, copulata est, nondum prius existens. Quod idem contigisse anno 1457. didicimus ex quibusdam Veribus marmori ad perpetuam memoriam insculptis, qui juxta portam Castelli Scari ejusdem Insula sic leguntur:

Magnanime Franciscæ, Heroum certissima proles,

Crispe vides oculis clades, quæ mira dedere, Quinquies undenos istis jungendo duobus, Septimo Kalendas Decembris murmure vasto

Vastus Therefinus immanis saxa Camenæ Cum gemit avulsit, scopulusque à fluctibus imis

Apparet, magnum gignet memorabile monstrum.

Rursum alteram Insulam huic proximam formatam fuisse constat anno 1570. non minori Santoriniensi terrore, cum per annum duraverit incendium, ut testantur adhuc quidam Seniores, qui illud oculis conspexere. In medio autem hujus modice Insula, qua modò μικρή καμμένη vocatur, in hodiernum usque diem fossa ingens & profunda conspicitur, qua inferius angusta, paulatim infundibuli instar in rotundum se explicat, ex qua tanquam ex camino erumpebant ingentia illa saxa & scopuli, qui cineribus commixti molem illam undis præminentem construxere.

Nunquam

Magna
ignium
vis sub
Archipelago.

Nunquam autem extinguere Subterraneos illos ignes, qui à bitumine & sulphuris copia foveantur, & interdum impetu maximo erumpunt, constat ex calidissimis aquis, quæ ad litus maris in extrema Australi parte Insula reperiuntur, & quibus ut thermis saluberrimis utantur incolæ, ad morbos ex frigore ortos expellendos.

Horrendæ
tempesta-
tes.

Verùm si unquam ignes illi conclusi in Terra visceribus viam suam exercuerunt, tum maxime, quando anno 1650, vigesimo quarto Septembris usque ad nonum Octobris, tot ingentibus & tam frequentibus terramotibus insulam illam concusserunt, ut Santerinenses ruinam proximam sibi metuentes diu nocturne aris supplices advolverentur. At dici nec explicari potest, quantus timor omnes invaserit, cum ruptis obicibus vitæ illa flamma viam sibi facere per medias æquoris undas contenderant, quatuor circiter miliaribus ab Insula Santerinensi versus Orientem, siquidem repente mare intumuit ad triginta sursum cubitos, lateque per vicinas Terras se extendens obvia quæque evertit, adeo ut in ipso Candia portu, qui tamen 80 miliaribus distat, & triremes & naves repentino impetu confregerit. Aer verò vaporibus illis maleolentibus & sulphureis infectus & obtenebrescere & innumeras cepit induere; hinc lances igneas & enses flammivomos vibrari, illinc coruscantes sagittæ emitti; hinc velut terribiles serpentes & dracones volitare, illinc fulmina & fulgura cedere vidisses.

Aeris hor-
renda cali-
go ignibus
mixta.

Vapor mi-
neralis
oculis infe-
ctus.

Quamquam & videre vix concessum, adeo enim lasi fuere acribus illis & sulphureis vaporibus insistentium oculis, ut illo triduo cæci ferme omnes effecti, non modò nihil cernere, sed tanto tamque gravi dolore correpti fuere, ut miseram suam sortem continuo desererent; ubi autem oculos aperuere, viderunt omnia sua argentea & au-

rea, tum vasa tum vestes, omnesque picturas fulvo colore obductas. Tantam autem pumicum multitudinem ignea illa vorago evomuit, ut totam pelagi superficiem contegerent, ita ut vix navigio insedere posset aliquis; Smyrnas usque & Constantinopolim delatos fuisse, littoraque omnia complevisse certissimum est. Vis autem hujus incendii primis duobus mensibus erat maxima, quandoquidem & hüllire vicinum mare instar ferventis olla videbatur, & diu nocturne ingentes flammarum globi fumique densissimi acervi emergebant.

Pumicum
ejectorum
multitudo.

Qui si aliquando adverso vento deferebantur ad viciniora loca, præter factorem gravissimum, interitum & avibus & animantibus, imò & ipsis hominibus inferebant; ut accidit 9 Octobris & 4 Novembris præter innumeram avium, ovium, boum, asinorum multitudinem quinquaginta agricola fumo illo suffocati misere periere. Idem accidit novem nautis, qui nocturno navigio illac transeunt, post tres dies inventi sunt omnes semicom combusti, & in Io Insula sunt sepulti.

Avium
anima-
liumque
interitus.

Reliquis autem quatuor mensibus, quamvis de vigore & ardore multum remiserit tartareus ille focus, vixque se attollere ex undis potuerit, nihilominus & pumices ejicere & ad nova Insula formationem elaborare visus est, quæ quamvis necdum undis promineat, observatur tamen tranquillo mari vadum, & vix ad octo cubitos aqua illi supernatant. Quod si queratur, num jam omnino consopiti sint ignes illi? Respondebitur videri aliquando reviviscere, siquidem animadversum est, multoties illic mare fervere, fumumque cum undis attollere, maxime autem hoc anno 1656, die undecimo Januarii & tribus sequentibus diebus.

Novæ in-
sulæ for-
matio.

CAPUT VI.

De perenni duratione ignis, & pabulo seu fomento ejusdem.

Mundi Opifex & Universæ Naturæ Legislatores cum Terram fundasset, simulque reliqua Sublunaris Regionis elementa produxisset, ineffabili sapientia dispositam elementorum congeriem secuit, sectandoque in membra redegit. Hinc Universi consulens decori, nec non viventium, eorumque præcipue, qui Terram incolunt, indemnitati, elementorum portionem intulit coelo, & astra exorta sunt; partem Terræ junxit, ea concordia, ut à se invicem separari non possint sine totius interitu; & ignem quidem visceribus intimis centroque conclusit, tanquam principium quoddam activum, quod omnia reliqua informaret, animaretque, aquæ tanquam principio passivo adeo strictis amicitiae legibus junctum, & etiam si contraria videantur, unum tamen ab altero sejungi non possit, utpote quorum reciproco commercio tum ipsa, tum omnia quæ ex ipsis oriuntur, conserventur. DEUS itaque Opt.

Ignis Sub-
terraneus
princi-
pium acti-
vum om-
nium.

Max. ignis Subterranei uti omnium aliorum efficiens causa est; Quoniam igitur opus naturæ, opus intelligentiæ est ex infinita ei providentiâ, utique rerum eidem necessariorum subsidio carere non voluit; cum qui dat esse, dat & accidentia ad esse: Cum itaque prima Mundi principia essent, illa certè perennes operationes, ne decursu temporis cum totius naturæ interitu deficerent, habere debuerunt; unde nascitur perennis illa operationum naturalium elementorumque duratio & perpetuitas, quam uti nulla ars aut humana industria imitari potest, ita soli divinæ artis omnipotentiae sunt propria, quorum partes tametsi perire videantur, nullum tamen secundum totale sui esse, cum legis naturæ dictamini substant, perire aut perdi potest. Hinc quoque nascitur perpetua illa astrorum constanti semper & inviolabili quadam lege procedentium à tot myriadibus annorum indeficiens vertigo; hinc elementorum motus in

Perennitas
motus in
natura.

Pericyclo-
sis rerum.

in summa varietate rerum semper invariabilis. Hinc perpetua aquarum tum intra tum circa Terram pericyclofis; & quemadmodum teste *Sapiente*, omnia flumina intrant in mare, & ex mari revertuntur, unde fluere coeperant; evacuat Sol mare per vapores, vapores in pluvias resoluti, mari, unde extracti fuerant, mox restituuntur. Mirantur multi, dum Ætnam tot millibus annorum ardentem conspiciunt, nec capiunt, quomodo mons tam diuturnis incendiis necdum consumptus sit neque ignis extinctus.

Vidimus undantem ruptis fornacibus Ætnam

Ignivomisque globos liquefactaque volvere saxa.

Ignis nutrimentum perpetuum.

Hi certe si cyclicas naturæ operationes intellexerent, non tantoperè mirarentur, cum nullo unquam tempore pabulum ei ad perpetuanda incendia, ut postea demonstrabimus, desit. Incendia adurunt montes, & materiæ combustibilis miscellam in cineres convertunt, ex cineribus aquæ mistis nascitur novum perennis ignis pabulum, uti postea demonstrabitur, sic

Omnia continuo rapidos vertuntur in orbes

Natura motus perpetuante suos.

Fuerunt complures ex Peripato, qui dum hunc perpetuum ignem concipere nequirent, illum non verè & realiter præexistere opinati sunt; sed nova semper & nova generatione ex spiritu in montium antris agitato nasci; perperam; spiritus namque qui è motis diffraetisque contingit aquis, frigidus semper humidusque est, hincque peregrina aër qualitate afficitur, quæ ignitioni maximè contraria est; validissimo quoque Boreæ flatu aër tantum abest, ut ignescat, ut potius hyberno tempore vel ad primum afflatum congelescat, neque tenuissima substantia, cujusmodi aër est, atteri potest, nisi à durissimis corporibus inter sese validissimè collisis; fieri ergo non potest, ut spiritus tenuis, frigidus & humidus ignem excitet in materia quantumvis apparatusissima. Esse itaque in visceribus Terræ tantorum incendiorum æstuumque causam ex præcedentibus patuit, quem nos ignem Subterraneum dicimus, cujus actione metalla digerantur, fossilia & mineralia maturentur, & si quid aliud Tellus profert rerum combustibilium hinc originem suam nanciscatur. Dico tamen spiritu ab aquis commotis excitato, ignem Subterraneum veluti ventilabro quodam excitari.

Ideoque extollere flammæ

Saxaque subvertare & arena tollere nimbos.

Cur ignis Subterraneus non avolet.

Sunt porro alii ex Peripato, qui mirantur, cur ignis Subterraneus in infimis Terræ receptaculis seu pyrophylaciis dispositus, illinc non avolet, altioresque atque naturales regiones petat. Hisce respondemus, DEUM Mundum tanta corporum subordinatione & continuo eorundem nexu condidisse, ut fieri non possit unum ab altero distrahi sine totius na-

turæ ruina, ex hac enim distractione, uti unum corpus alteri sine vacui formidine, quo naturæ nil magis contrarium est, succedere nequit, ita aër, aqua & ignis, adeo rigidè suæ jurisdictionis territoria contra communem naturæ hostem, tuentur; ut salva natura à se invicem qualicunque violentia separari & avelli non possint. Nil fortuitum, ubi Sapientia summa cuncta composuit; nil violentum, ubi posthabitis particularis naturæ legibus res suapte sponte obsequuntur.

Audio obmurmuranti mihi hoc loco Peripato, hoc argumento: Ubique est contrarium, ibi corruptionem unius intervenire necesse est: Ignis perpetuè jungitur Terraqueo globo suo contrario; ergo necessario aqua extinguet ignem, vel hic consumet aquam. Ratio patet ex *Philosopho*: Quodcumque simul fuerint activum & passivum, necesse est, ut unum semper agat, alterum semper patiatur; ignis se habet per modum principii activi, & Terraqueus globus per modum principii passivi, ergo ex reciproco rerum motu transmutationem oriri necesse est, Respondeo, si hæc elementa in summo & æquali intensiōis gradu spectentur, verum id esse; si verò in disparato gradu juxta prædominium unius in alterum considerentur, falsum esse; Ex prima siquidem positione sequeretur, omnia semper corruptum iri, nil generari, nil vincere, atque adeo universa hæc Mundi machina jam dudum defuisset. Quapropter cum calor frigori, ignis Terræ præpolleat, semper ignis activitate suâ contra terram & aquam præpollebit; & ne tot continuis incendiis totus tandem illabatur Orbis, natura rerum provida semper de novo & novo fomite illi providit, ita ut quantum ignis depascitur, tantum illi de novo submittit Terraqueus globus, cui inclusus est, neque periculum est, ut aliquandò extinguatur, cui natura tot caminos ad respirandum, tot itinera occultaque meatuum semitas ad novum attrahendum comeatum assignavit; Quomodo autem hæc pabula & fomites perenni circulatione durent, exponendum duximus.

Obiectio.

Solutio
dubii propositi.

Diximus in præcedentibus totum Geocosmum sale tanquam proprio elemento constare, ex Terra verò mare illud undique & undique ab initio rerum in sui veluti nutrimentum attrahere; ex sale verò terra marique pingue illud nasci, quo omnia tum extra tum intra Terram contenta vivunt, aluntur, conservantur; Est enim hoc veluti gluten quoddam & balsamum naturæ, sine quo nihil coalesceret, nulla rerum heterogenearum in unam coagularetur substantiam. Hoc itaque terrestribus glebis appropriatis junctum modò sulphur, modò Mercurium, modò aliud mineralis genus producit, tum ob calidum illud innatum, tum ob humidum & pingue seu unctuosum, quod sali copiosum inesse comperitur. Dixi terrestribus glebis appro-

appropriatis junctum, quia cum tellus sulphuræ substantia potissimum polleat, sal unà cum pingui suo illi junctum continuò novum & novum producat sulphur; Ita cum humido illo unctuosum primigenio junctum alteri inter fibras terræ latenti simili materiæ jam dispositæ, hydrargyrum producit, aliis verò in locis pro dispositione & sympathia terrenarum partium jam alios & alios succos, aliaque mineralia post longum naturæ combinantis singula & singula similia attractum, & unumquodque ad talem, non ad alium effectum producendum adaptantis laborem educit. Verum salem horum omnium causam esse sic ostendimus.

Primò Salem naturæ veluti se in quoddam esse, & unum ex tribus principiis naturalibus. Secundò, continere in se & calidum & humidum, duo alia naturæ principia, quæ ab invicem nulla naturæ vi separari possunt; adeoque hunc aded per universi Terraquei globi substantiam esse diffusum, ut nulla assignari possit aded exigua, cujuscunque tandem illa fuerit conditionis, terrestris portio, ex qua arte Spagyrica non separetur, adedque omne corpus naturale in ultima partium suarum resolutione aliud præter salem non relinquat; atque hoc quidem uti ab omnibus Philosophis acceptatum est, ita ulteriori experimento non indiget; Huic tamen sal pingue seu unctuosum quiddam naturæ insitum esse, & prorsus inseparabile, experimento comprobandum duximus, ut planè constet, salem, uti omnibus inest, ita pingue quoque suum nullibi locorum deesse.

EXPERIMENTUM.

Elige terram incultam, nullo unquam stercorationis beneficio affectam, hanc Sole exficca contritam, & in pollinem redactam per retortam uti in stygiis aquis fieri affolet, distilla, deinde vas recipiens remove, & invenies genuinam terræ pinguedinem, aquæ, (quæ intra recipientem primò data opera imposita fuerat) supernatantem, salis saporem subamariuscum referentem; patet ergo, terram plenam pinguedine, & oleaginea materia refertam; unde omnia sive ex inanimatis, sive vegetabilibus sensitivisque sint, suum hauriunt alimentum; Lumbrici proprii hujus terrestris pinguedinis filii, aded eà replentur, ut arte spagyrica præparati, quasi toti in oleosam pinguedinem resolvantur, multis infirmitatibus oportunam. Non est vegetabile, quod à benigna matre non simile sibi attrahat una cum sale ad naturæ conservationem, nutrimentum, quæ deindè uti

in alimentum cedunt animalium, ita & his, quod à terra attraxerant, bonum tantoperè necessarium, liberaliter nunc plus, nunc minus, pro conditione uniuscujusque communicant.

His ergo suppositis tanquam verissimis naturæ principiis, jam id quod primò nobis institutum erat, de perrenni ignium pabulo, argumentum prosequamur. Diximus in præcedentibus, Terrenum corpus undequaque & sale & pingui unctuosum refertum esse, quod à mari primò naturali suctu attractum in eam, quam mare nobis exhibet, saluginem unctuosamque substantiam convertitur; & ita se habere, marinæ aquæ effectus sat ostendunt; siquidem vestes pannosque maculat, iisque eluendis præterquam quod inidonea nescio qua uredine vitiat, ignique extinguendo ex pingui illo ei commixto, quod flammæ non dicam extinguit, sed potius auget, inde prorsus inepta comperitur.

Diximus præterea Terreum corpus non homogenea, sed quantum quantum est, heterogenea materia glebisque constare, ita à natura intra intimas & per universas Telluris semitas dispositis, ut vaporibus & exhalationibus ab igne Subterraneo excitatis, illud vel illud minerale, quod unicuique fossili, maxime consentaneum est, (ubi sulphurea glebarum dispositio, sulphur: ubi mercurialis, Mercurius; & sic de cæteris,) ope salis dictique pinguis unctuosus, producant. Quoniam verò cum tempore hujusmodi materiæ ab igne Subterraneo correptæ perennibus incendiis consumantur, aliud continuò substitui necessè fuit. Quomodò autem hoc fiat, exponamus.

Dictum fuit in præcedentibus, Mare ex Solis & Lunæ vi influxiva concitatum, tum in perpetuo & indeficienti fluxus & refluxus agitatione versari, tum ventorum tempestatumque procellis, annuis, mensstruis, quotidianisque motibus turbari, quorum continua sollicitatione mare compressum per abditos fundi meandros sulphureis, salinis, dictisque pinguis materiæ, quibus pollet, spiritibus, refertos in intima Telluris penetralia diffusum, ubi materiam invenit dispositam, eam virtute sua seminali fecundat, quod igni absumptum erat pabulum novo comeatu instaurat; atque hoc pacto perenni quædam pericyclofi combustibilis materiæ fomitem à primordiis rerum usque in futura secula, ad ipsam usque Mundi consumationem continuat. Sed ut hæc luculentius patefiant, id unica montis Ætnæ descriptione, cum omnium montium Vulcaniorum eadem sit ratio, demonstrandum duximus.

Terra sale & pinguedine scatet.

Totum corpus Terræ heterogeneum est.

Maris fluxus & refluxus instrumentum naturæ ad ignes fovendos.

CAPUT VII.

ÆTNÆ DESCRIPTIO.

In qua veluti in prototypo quodam Subterraneorum ignium, eorumque pabuli indeficientis rationes, uti dici solet, ad oculum demonstrantur.

CUM anno 1838 Siciliam perlustrarem, ante omnia Ætnam montem, omnium Scriptorum monumentis celeberrimum, examinandum duxi; magnum inquam terrarum ardentium, quod & quorumcumque ferè æstuum, terra marique sævientium prototypon famosissimum est, & vel hoc solo, unico naturæ spectaculo admirabilis Sicilia; Cum vix Authorem sive ex Antiquis, sive Neotéricis reperiatis, quem non in admirationem & stuporem hujus ferocientis naturæ vis traxerit: Quoniam tamen genuinas tantorum effectuum causas à longè tantum intuiti sunt, nos paulò propius accedentes, quæ ultimis hisce temporibus κατὰ τὴν αὐτοψίαν à me observata sunt, constitutionem profecturi, omnium tam exoticorum effectuum causas opportunè demonstrare conabimur.

Magnitudo Montis.

Crateris amplitudo & horrenda facies.

Est ergo Ætna mons unicus, verticem ad 30 millia passuum juxta axem, uti à Maurolyto & Clavio, qui ejus altitudinem geometrico ratiocinio explorarunt, in altum erigens; 60 verò, vel ut alii 100 millium passuum radicibus circumfusus spacium occupat, pinguibus circumjacentibus arvis, vinetis, pascuis foecundus, pinetisque ac fagis altissimisque abietibus nemorosus, ad summum verò verticem instabili cinere pumiceque confractus, per vastissimum 12 milliarium in ambitu, fatiscit craterem, qui arduo introrsum clivo sese in tartara usque angustat; visu horrible præcipitium, flammis, fumo, tum ex imo, tum ex lateribus montis cum horrendo mugitu, tonitruis non absimili erumpentibus adeò formidandum, ut vel ipsa imaginatio jam jam instantis ignis ac ruinæ neminem quantumvis audacissimum & intrepidum, non primo statim occursum consternat, atque à quodam veluti infernali barathro avertat.

Semite igneorum fluminum.

Neque dubito, quin crebra illa, quæ per omnem ætatem hinc visuntur incendia, jugibus cinerum rejectamentis hunc montem vastissimum nonnihil auxerint, quod ex omni parte tum clivorum cadaverosa, cinerea & pumicosa rupium combustarum facies, tum ingentium antrorum (quorum unum 30 millium hominum facile capax videre licuit) species, carbonibus pumiceis, nec non variæ liquefactæ materiæ mineralis quisquiliis & recrementis formidabilis, abundè ostendunt. Videas multis in locis ex dicta materia, quam sciarram vocant, ingentium torrentium semi-

tas, ex igneo liquefacti metalli fluxu olim magnarum stragum veluti vestigia quædam relictas. In summitate nix & cinis æternum meditata conjugium, omnia tristi & luctuoso vultu cooperuisse videntur, utique tantò incautè adeuntibus periculosiora, quantò profunda quædam nive & cinere tectæ voragine, in intimas montis abyssos sine fundo exporrectæ, frequentiores sunt; quæ uti complures sine duce inconsultius accedentes absorpserunt, ita reliquis exemplum ruinæ suæ dederunt, non temerè illa loca adeunda esse, quæ tam occultis machinis abditisque dolis vitæ illudunt mortalium. Quemadmodum magno vitæ periculo expertus est P. Matthæus Taveran uti curiosus rerum naturalium, ita & Montis hujus explorator. Et ut paucis multa complectar, tota superioris montis materia nihil aliud esse videtur, quàm incomposita suspensaque in se moles cinerum, pumicum, lapidumque, quos lithanthracæ vocant; quæ cum undiquaque tum interioribus spiritibus mineralibus, tum extrà, nivibus, pluviis, grandinibus, ventisque exposita sit, & facile penetrabilis; nemini sanè mirum videri debet, hanc adultam exustamque materiam, uti novo semper & novo è coelo proveniente comeata imprægnatur, ita novos successu temporum foetus concipere, ut iterum ardeat, & sine fine flagret iterum iterumque; uti & Virgilius testatur:

Nix & cinis vertici dominantur.

Nova combustibilis materiz genesis.


*Cætera materies quacumque est fertilis igni
Ut semel accensa est, moritur, nec restat in illa
Quod repetat: tantum cinis & sive semine terra est,*

Hic semel atque iterum patiens, ac mille perhaustis

Ignibus instaurat vires.

Nam cum in imis barathris nullo unquam tempore extinguatur ignis, quin semper aliquod sui vestigium mittat, vel fervorem, vel fumum, vel flammam, ut multoties in montis examine observavi; Extrinsecus tamen non nisi certis temporum intervallis plus aut minus pro coacervatæ combustibilis materiæ copia sævire incipit, & quo diutius cessaverit, quasi vegetata magis ad incendium materia, eò majori sese exerit violentia, & cum ipsis flammis ingentes arenarum cumulos mittit, & ut Lucretius asserit:

Extruditque simul mirando pondere saxa.





CAPUT VIII.

Crateris Ætnæi Descriptio.

CRATER Montis Ætnæi, amplitudo à diversis observatoribus differentis capacitatis repertus est; sunt, qui eum 2 mill. pass. cum 80 pass. amplum; alii 30 mill. pass. alii denique 400 mill. pass. observasse se dicunt; sed fieri non potest, ut in orificio tantis tumultibus exposito, tot ferocientis naturæ insultibus continuò agitato, non subindè modò amplior, modò strictior pro conditione temporum reperitur; Quod & ego summa admiratione non in Ætna solùm, sed & in Liparitanis montibus, quin & in Vesuvio expertus sum; siquidem vel ad minimam vehementiorem materiæ combustibilis eructationem mons concutitur, ex concussione verò semper morbidioris materiæ cumuli monti aggesti succussatione montis concidunt, qui jam uti novo foetu gravidi sunt, ita novam ignibus pabulum dant & nutrimentum; atque adeò ex hoc partium montanarum casu craterem ampliorem reddi necesse est, unde fit, ut montis interiora paulatim crescendo exurgant, repleanturque crateris diminuti vacua loca, unde strictiorem montis craterem reddi pariter necesse est; imò materiam intus ex casu aggestam ita subindè excrevisse Historiæ referunt, ut multorum annorum decursu neque fumum neque ignem mitteret, voraginemque aliquotusque impunè aditum curiosioribus præberet, donec materiæ copiosæ fomes & jam ad ignem concipiendum maturus, denudò montem adortus accensusque excusso jugo horrendissimis incendiis tantò sævierit potentius, quantò majus illi promptiusque fuit combustibilis materiæ subsidium. Hanc fortem omnes Montes Vulcanii experiuntur, qui nunc induciis factis in immensum intus concidentis materiæ coacervatione crescunt, jam occultis ignium Subterraneorum machinationibus materiæ præparatæ fomes accensus, quod tot annis excretum erat, horrendis incendiorum tempestatibus discussum, usque ad imum montis barathrum evomat, quemadmodum hodiè comparet; quod spectaculum adeò formidandum est, ut horrescentibus pilis, & vertigine gyrante caput nemo tam cordatus sit, qui illud inspicere sine metu possit. Vorago tam profunda est, ut omnem visum fugiat; Scopulis in modum pyramidum ex lateribus exurgentibus metuentum, & cum latera recto & perpendiculari scopulorum ductu deorsum parallelo descensu vergant, juxta Opticas tamen leges in Centro ex nimia distantia coire videantur, quod multos observatores decepit, qui hoc optico ludibrio decepti putarunt, latera montis interiora in conicam superficiem stringi. In

Horrendum verum
ginis Ætnæi
tæz spectaculum.

Profunditas voraginis.

fundo, mirum dictu, Mons semper ex continua eructatione materiæ mineralis, nescio quid in nova montis fabrica constituenda molitur, juxta quam semper me observasse memini veluti lacunam quandam liquefacto metallo coruscam; latera passim per correspondentes meatus perpetuum fumum plurimis in locis evomunt, quem noctu flammam accensam deprehendimus. Vorago nunquam sine fremitu & mugitibus est, quos subindè tam horrendos edit, ut vel ipsum montem tremefaciant. Verbo, qui admirandam DEI Opt. Max. potentiam intueri desiderat, is hujusmodi montes adeat, & naturæ miraculorum effectibus ineffabilibus attonitus stupefactusque identidem intimo cordis affectu pronunciare cogetur: *O Altitudo divitiarum & sapientia DEI, quam incomprehensibilia sunt judicia tua, & quam irvestigabiles viae tuae, quibus Mundum constituisti.* Mons adeo altus est, ut ex eo universa Sicilia comprehendatur, imo in Africam usque & junctum oportuno tempore visus porrigatur; si vero tempestate aliqua mons turbetur, tunc de vita ibi versantium actum putes, ita turbinibus horrendis involvuntur omnia, & nivibus & cineribus.

Fumi perpetua eructatio.

Sonitus fragoresque formidabiles.

Dixi paulò ante, ex lateribus montis copiosum fumum igne mistum pluribus in locis exhiberi, quæ æstuaria si cum tempore aut concussatione montis, aut aliquo alio casu obruta fuerint, tunc imminente montis rabie, etiam aliundè per extimam montis superficiem exitum parare, compertum fuit; quod ubi fit, tam horrendas montis efficit aperturas, tam formidandos Cryptarum meatus, quas in hunc usque diem aliquando fuisse cum admiratione attoniti intuemur. Vidi cavernam, quæ 30 millium hominum exercitus facile capax esset, ut paulo ante meminimus.

Ignium eruptiones in locis variis visuntur.

Spelunca ingens.

Est & ibidem specus caliginosissima, quam *la Grotta della Palomba* vocant, tantæ profunditatis juxta & capacitatis, ut montis accolæ in ea per viam submarinam ad Æolias Insulas aditum dari, arbitrentur. Ex hisce verò & similibus Cryptis olim flumina ignea erupisse, proximè alveus pumicosis exustisque saxis, quas Siculi *Sciarras* vocant, refertus abundè docet; Qui quidem liquefacti ignis torrentes subindè ad 18 millia passuum longitudinis, latitudinis verò jam 1. mox 2, 3, aut 4 mill. pass. spacium fluxisse, Historiæ tradunt; ut proindè nemo satis mirari queat, unde nam tam incredibilis liquefactæ materiæ ubertas originem suam habeat; ubinam locorum tantæ capacitatis officinas fornacesque fusorias ad tot mineralium metallorumque liquefactionem reconditas habeat.

Longitudo & latitudo torrentium igneorum.

A a 2

Sed

Miranda
Dei opera.

Sed ut hæc inaccessa DEI opera ab omni sensu remotissima sunt, ita neque ab ullo humano intellectu satis penetrari queunt, solumque mirari liceat, quod in divinorum operum incomprehensa maiestate capi non potest; Si enim liquefactæ materiæ calculum juxta diversorum temporum computum in eas, tantum eam in cumulum excrecere reperies, ut 20 Ætnas mole sua longè superet. Verùm ut ratiocinium nostrum dilucidius confirmemus, jungam hîc breve Chronicum incendiorum magis celebriorum, quibus mons horrendis circum circa stragibus sæviens, nullo non tempore incendia sua exeruit.

Chronicon Incendiorum Ætnæ.

Tempore
Janigenæ.

1. Tempore quo Janigenæ novas Colonias quæsituri Siciliam primùm ingrediebantur, tantum fuisse montis incendium, *Berosus* tradit, ut coloni metu vastitatis relicta Insula alias in Italia Colonias inquisituri hîc discesserint, commodam stationem minimè rati, quam naturæ truculentia tot tantisque atque aded funestis stragibus formidabilem reddidisset; ut proinde hac occasione fabula de raptu Proserpinæ introducta videatur.

Tempore
Sicanorum.

2. Janigenas secuti Sicani, novis incendiorum Ætnæorum turbinibus fugati, relicta Orientali parte, Occidentalem inhabitare coacti sunt.

Argonautarum.

3. Tempore Argonautarum, quam cum antiquissimus *Orpheus* vidisset, ita cecinit.

*At freta Sicania tua jam Lilybaa tenentes
Æquora sentimus, flammæque per alta videmus.*

Ætnæi Encecladi nobis infesta minantem.

Expeditionis
Ænæ.

4. Tempore expeditionis *Ænæa*, qui à Sicilia littore à Cyclopibus repulsus, montis incendio perterritus relicta funestâ statione, aliò se contulit; ita *Virgilius* l. 3. *Æneid.*

*Ignarique via Cycloperum allabimur oris,
Portus ab accessu ventorum immotus & ingens
Ipse sed horrificis juxta tonat Ætna ruinis:
Interdumque etiam prorumpit ad athera nubem,*

*Turbine fumantem piceo & candente favillâ.
Attollisque globos flammarum & sidera lambit.
Interdum scopulos, avulsæque viscera montis
Erigit eructans, liquefactæque saxa sub auras
Cum gemitu glomerat, fundoque exæstuat imo.*

Olymp. 2.
tempore
Thucydidis.

5. Sub Græcorum in Sicilia dominio, scilicet ab Olymp. 2. usque ad 88. teste *Thucydide*, qui hoc ipso tempore vivebat, tribus montem ingentibus exarxisse incendiis, quo tempore paulò post denuò mons sæviens vel ipsum *Pythagoram* in summam admirationem traxisse fertur; tum tempore *Heronis*, quo & *Empedoclem* montis observatorem periisse historiæ tradunt.

Pythagoram
Empedocles.

Romanorum
Consulium.

6. Tempore Romanorum Consulium, quatuor montis incendia contigisse ex variis colligitur Authoribus, *Diodoro*, *Polybio*, aliisque.

7. Tempore *C. Julii Cæsaris*, denuò vehementissimè Ætnam sæviisse tradit *Diodorus*, quod & mortem *Cæsaris* portendisse volunt; tantum enim fuisse traditur, ut mare ad Liparas usque fervore suo vel ipsas naves combusserit, omnibus piscibus extinctis & decoctis, atque aded intra 20 annos quater mons exarxerit.

Julii Cæsaris.

8. Tempore *Caligula* 49 annis post *Christum*, mons aded denuò sæviit, ut *Caligula* tunc temporis in Sicilia commorans, terrore impendentium malorum correptus relicta Sicilia ad tutiores stationes se contulerit; *Hadrianus* tamen Cæsar montem adhuc æstuantem pro ingenti animi sui magnitudine ad tanta miracula vicinior consideranda aliquot usque ascendisse referunt.

C. Caligulae Cæsaris.

Hadrianus Cæsar montem conscendit.

9. Circa Martyrium *S. Agathæ*, cujus meritis & intercessione factum est, ut mons quantumvis ferociens, Catanam tamen attingere non sit ausus.

Circa Martyrium S. Agathæ.

10. Tempore *Caroli Magni* anno 812. qui & idem truculentia montis perterritus tutiora petiisse loca fertur.

Tempus Caroli Magni.

11. Ab anno 1160. usque ad annum 1169. ingentibus terræmotibus tota concussa Sicilia, mons Ætna exæstuant ingenti vastitate omnia circumfusa loca evertit, cum Ecclesiæ Cathedralis Catanensis ruinâ, qua & *Abbas Iohannes* cum monachis oppressus interiit.

Anno 1160.

12. Anno 1284. metuendum incendium contigit sub mortem *Caroli* Regis Siciliae & Arrogoniae.

Anno 1284.

13. Anno 1329. usque ad 33. horrendum in modum sæviit mons tempora Regis Arrogoniae.

Anno 1329.

14. Anno 1408. sub Rege Martino.

Anno 1408.

15. Anno 1444. usque ad 47. iterum iterumque.

Anno 1444.

16. Anno 1536. usque ad 37.

Anno 1536.

17. Anno 1633. usque ad 29. incendium tantò formidabilius sæviit, quanto majori tempore duravit; quod cum plurimi descriperunt, ei recitando non immoror. Anno denique 1650. denuò sæviens ex Septentrionali & Orientali plaga, disruptis montibus tantam evomuit ignium copiam, ut fere Brontium torrentibus igneis in ultimum discrimen excidiumque deduxerit. Vide *Cæsarum de Catanens*, *Antiquit. Philætheum*, *Musculum*, aliosque.

Anno 1633.

COROLLARIUM I.

Ex hisce aperte constat, Montem consumpta materia jam ad majus, jam ad minus tempus inducias egisse, donec novo auctus combustibilis materiæ comeatu tandem erumpens, eas exhibuit catastrophas, quas cum admiratione legimus; neque tamen tantum abest, ut ex tanta eructatione materiæ diminutus, ut potius auctus videatur: Siquidem Catanenses cives pumices fossuri, 100 palmarum profunditate, terra aperta, plateas marmo-

Mons materiæ eructatione augetur.

marmoribus stratas, variaque antiquitatum vestigia reperiunt, quæ apertè docent, urbes priscis temporibus hic conditas, montis rejectamentis cum magno montis incremento obrutas fuisse. Invenierunt præterea pontes complures ex punice, qui ex solo igneorum torrentium fluxu, ex eo terreno molliori constiterunt, flamma quoque, exaltata terra subinde comparet, subinde dispareret, quæ luculenta sunt exaltati soli indicia.

Sed hæc nota sunt; Hoc unum Philosophorum hucusque mirum in modum torfit ingenia, dum non capiunt, unde novum semper & novum perpetui ignis voracitati pabulum suppeditetur, & quomodo pumices, cineres & reliquæ exustæ materiæ quisquiliæ successu temporis in novam convertantur aptam ignibus materiam. Qui nodus ut solvatur:

Suppono primò; In cineribus copiosum latere salem, quod vel hinc comprobatur, quod Sal, nullo faciliore modo, quam ex liscivio rerum in cineres redactarum comparatur. Hoc pacto, nitrum, sal, alumen in humidioribus nonnullis locis; è parietibus efflorescens, nec non ex columbarum aliorumque animalium stabulis, urinâ prius vegetatis, copiosissimo proventu eruitur; De quibus suo loco ex professo.

Suppono secundò. Ex mari humido pingui salugine aliarumque mineralium rerum mixturâ imbuto, Solis virtute ingentem exhalationum copiam unâ cum dictarum rerum spiritibus, & insensibilibus corpusculis extrahi, quæ tum extrinsecus in pluvias, grandines, nives resoluti, circa altissimorum montium vertices sedes suas figunt, tum intrinsecus per Subterraneos maris meatus derivati materiam pyrophyllaciorum novo commeatu foecundant, uti supra indigitatum fuit.

His suppositis Dico. Ignem in pyrophyllaciis perpetuò vigentem, per occultas subeantis maris fibras perpetuo augeri, dum materiam igne absumptam, uti sunt cineres & porosissimi pumicum lapides, sulphurea fuligine & bituminosis spiritibus replet, & ad accensionem quadantenus præparat & disponit. Cum verò grandine nivibusque tum Solis fervore, tum intus latentis ignis vicini æstu liquefactis pluviisque ingruentibus pulveres & cineres copiosissima irrotatione madesiant, hinc mixtum quoddam nascitur, quod intra pumicum porosos recessus altius insinuat, spiritibusque sulphureis bituminosisque, qui jam dudum ibi nidulabantur, intervenientibus, tandem in novum, mox ubi maturaverit, evadit ignis pabulum & nutrimentum. Et hoc ita sese habere, experimento comperi irrefragabili in Ætnæ, Vesuvii & Strongyli exustarum igne vallium crepidinibus, in quorum plerisque parietibus cinereis, immensam salis, aluminis, nitrique efflorescentis copiam, in nonnullis quoque bituminis, naphthæ, similibusque pinguium liquorum

profluvium unâ cum copiosissima sulphuris quantitate reperi; quæ aliundè originem suam non traxerant, nisi partim ex combustarum rerum cineribus, ex quibus novam salis nitrique sobolem nasci necesse est, partim ex sulphureis corpusculis, seu spiritibus, qui dum ex barathro montis continuò exhalant, in frigidiori montis plaga in sulphur condensantur, atque aded ex sale, nitro, alumine, bitumine, sulphure mixtum illud nascitur, quod intra pumicum saxorumque in calcem combustorum poros insinuat, perenne illud ignis pabulum, quod hucusque inquisivimus, subministrat; hoc enim igne corruptum uti nova parat incendia, ita combusto quod intra pumices latebat, pingui & sulphureo, nonnullas inducias sustinet, donec pumicum calcisque relictæ pari nova, uti dictum est, combustibilis materiæ foeturâ repleantur. Quod autem in exteriori Ætnæ superficie accidit, id in omnibus aliis flammivomis montibus fieri, natura eodem se modo in omnibus gerente, certum est: Imò processum naturæ, quem in exteriori montis superficie expressimus, illum eodem tenore in intimis pyrophyllaciis servare, is ignorare non poterit, qui hæc penitus penetraverit.

COROLLARIUM II.

Hinc sequitur, pabulum & fomitem ignis Subterranei motum maris perpetua fluxus & refluxus reciprocatione æstuantis sequi; ex hujus enim concitatione illud per occultos meatus, uti jam sæpè inculcatum est, trusum, suum pingue & humidum, calido & sicco in intimis telluris sinibus sub sulphureis glebis nidulanti junctum, incessabili novæ generationis foetu, quod absumptum est, instaurat; in externa verò superficie per vapores a mari attractos & dicta maris genitura foetos, novam intra porosos combustæ jam materiæ thalamos, per nives, grandines, pluvias pulveribus cineribusque mixtas, genituram ponit, quæ suo tempore ea materia jam matura, in magna tandem incendia erumpat. Vides igitur miram indeficientemque naturæ in operationibus suis pericyclofin.

COROLLARIUM III.

Ex his sequitur, Incendiorum hujus montis causam formalem esse ipsum ignem, materialem sulphur & salem, nitrum, bitumen, similesque ignibus fovendis aptas materias, ab intima terræ caligine, simulque ab incumbente mari perenni motu propagatas; Instrumentalem esse naturam loci cavernosam, ac molem montis totam cuniculosam suspensamque in se, ac perpetuò sulphurea fuligine prægravatam; Efficientem denique esse flatum, qui ex penitissimis cavernis evolantes ad hujusmodi exitum, & quasi ad proprias fauces, sopitos ignes ad materiam proximè quæ

Causa formalis incendiorum, materialis causa.

Instrumentalis causa.

Efficiens.

Unde novum semper nutrimentum ei adveniat.

In cineribus sal latet.

Quomodo nutrimentum de novo producat.

que fuerit, veluti follibus quibusdam exsus-
tant. Siciliam siquidem totam innumeris ca-
vernis cuniculisque perfossam, in præcedenti
Libro ostensum fuit, ubi freti Mamertini sive
Siculi miros æstus, & fluxûs refluxûsque alte-
rationes, nec non Scyllæ & Charybdis insa-
tiabilem voracitatis vim, quàm à montibus
dictis per universam Insulam in subterraneis
officinis mira ratione dispositis pendere, ab-
undè demonstravimus. Cujus rei testimo-
nium esse potest luculentissimum, quod inso-
lito more tumultuante Charybdi, unà sedi-
tionis spiritu concitatus sæviat & Ætna, sul-
phureisque specubus receptis in se flatibus
vehementioribus, materia combustibilis, non
secus ac fabrorum follibus agitata, in ingen-
tes flammæ globos erumpat.

Monsignes
ejicit, pro
ratione
ventorum.

Aliis verò ventis flantibus Ætna inducias
quasdam ponere videtur, eò quod officia
meatuum currentibus maris fluctibus sint
contraria ratione posita, & montibus vicinis
impedita; Ad Euri verò Africæ flatus pro
constitutione canalium modò flammæ, inter-
dum fumum, subinde favillas, nonnunquam
verò aucto in se fomite incendiis mirè sævit,
formidando ignis sulphurisque profluvio,
quod ex intimis æstuariorum officinis subin-
de eructare solet, cum ingenti devastationis
perniciæ, subjectarumque villarum, agrorum,
urbium, animantiumque ruinâ, Cujus prodro-
mi sunt gemitus cavernarum ex interclusis
spiritibus, maris fremitus terræ tremori jun-
ctus, quibus veluti natura exacervata & vin-
culis impatiens, ruptis carcerum repagulis
qua data porta ruit, ac fluminis ardentis non
agros modò quo ingenti volumine devolvit-
tur, verum etiam integras absumit villas, vi-
cina evertit oppida, ac plena horrois ubique
relinquens vestigia, nunc sylvas rupesque
vorat, de quibus Historicorum monumenta
plena sunt.

Concludimus itaque. Materia ignis Sub-
terranei non solum est sulphur, aut bitumen,
aut carbonēs fossiles, sed & alumen, sal, ni-
trum, antimonium, terra carbonaria & cal-
canthum, & id genus metallica dicta; Sul-
phur enim & bitumen ignem tam impetuo-
sum non faciunt, sicut ignis ille, qui montes
subvertit, urbes cineribus & pumicosis reje-
ctamentis sepelit, montes saxosos ex ipsi-
s montibus incredibili natura violentia eru-
ctat, uti ex præcedentibus patuit; sed aliquid
aliud ei adjungi debet, ad hunc effectum præ-
standum, quod explicare aggredimur.

Quidnam
illud sit,
quod tan-
tas causat
ruinas
montis.

Dico itaque, universalem materiam ignis
Subterranei acrem & crassam esse debere, cu-
jusmodi sunt sulphurea & bituminosa mate-

ria, quibus cum magna commercii necessitu-
dine jungitur halinitrum, quod substantia sua
spiritibus tumidissimis referta, junctum sul-
phuri accensumque dum exitum non reperit,
eam vim in subterranea sibi obvia obstacula
exercet, quam paulò ante exposuimus, præ-
sertim si antimonium crudum spiritusque
Mercuriales accedant, uti ex tormentorum
bellicorum efficacia sat constat.

Porro materiæ combustibiles cum non nisi
in subterraneis antris reperiuntur, cujusmodi
sunt diversa lapidum genera, terrestrium gle-
barum variæ species, metallicæ, cæterorum-
que mineralium miscellæ; præterea sal, alu-
men, halinitrum, sal ammoniacum, & quic-
quid ibidem reperitur usque ad ipsam a-
quam, montesque atque immania saxa in
ignis vertitur materiam & nutrimentum, sub-
indè sola materia generata ardet, & hac con-
sumpta ignis extinguitur, mutataque statione
alteram sibi vicinam invadit, ut sit in terris
bituminosis; subindè materia consumpta no-
vis conceptis seminibus renascitur, multoque
post tempore accenditur; quæ quidem si ex
subitanea generatione in magna copia nasci-
tur, uti in Ætna, Strongylo, Campis Phle-
græis, tum perenni igne ardebunt; genera-
tio verò hujusmodi materierum hac ratione
fit. Mare pinguedine & unctuositate refer-
tum dum abdita Telluris penetralia subit,
mox montium igne extenuatorum ossa nutrit
denud, novaque eorundem emedullatam sub-
stantiam pinguedine replet; & si ei in sul-
phureas Cryptas aditus patuerit, aqua intro-
acta in sulphuris vertetur nutrimentum; si in
bituminosas in bituminis; si in venas alumi-
nosas, in aluminis (& sic de cæteris ratioci-
nando) vertitur pabulum. Et hoc perditæ
per ignem substantiæ reparantur, ea ferè ra-
tione, qua in Ilua Insula quiescentibus per
aliquot lustra fodinis, ferrum renascitur; in
Agro Tyburtino saxa, quæ *Travertina* vo-
cant.

Quomodo autem dictæ materiæ ignem
concipiant, suprà dictum fuit, utique haud
à Sole, stellis, non à fulmine & fulgetris, non
ab alio efficiente, nisi ab ipso igne Subterra-
neo aditum ad eas per abditos meatus ru-
pium, quas urit, faciente; vel si ab igne actua-
li non immediatè tanguntur, certè à marinis
fluctibus ventorum impetu per inciles sub-
marinos in eas intrusis; fieri quippe non po-
test, ut ex allisione vehementi fluctuum in lo-
cis angustis, & agitatione spirituum materiæ
combustibilis attritioneque pinguis aëris non
statim ignem concipiant.

S E C T I O II.

DE AERIS ET VENTORUM

Causis, naturâ, viribus & varietate, qui tum in extera Geocœmi superficie, tum in internis Subterraneis cavernosis regionibus dominantur.

P R Æ F A T I O.

A Deò inventu difficilis nullo non tempore Philosophis visâ fuit ventorum causa, ut non immeritò Regius *Psalmes* ex DEI thesauris eductos asserat, qui *educis ventos de thesauris tuis, qui ambulas supra pennas ventorum, & omnibus iis nomina ponis*; & uti thesauri Divinæ Sapientiæ innuunt incomprehensum ab humano intellectu modum & rationem, qua oriuntur, ita supra pennas ventorum ambulatio ostendit, iterum causas eorum adeò difficiles esse, ut non nisi ipsi, qui solus iis dominatur, qui solus eos sœvire facit, iis fræna injicit, iis nomina ponit, reservatæ videantur, adeoque hominum sit, mirari tantum id, quod non capiunt, discantque exindè ineffabilem Divinæ Potentiæ magnitudinem in suis creaturis adorare potius, quàm eas curiosius scrutari. Quoniam tamen Divina bonitas homines sensu & intellectu instruxit, ut invisibilia per ea, quæ facta sunt, cognoscerent, id est, per res sensui expositas ad earum invisibiles virtutes pertingerent, atque hinc tandem ad rerum omnium Authorem DEUM Opt. Max. invisibili sua virtute omnia moderantem ascenderent. Hinc orta est summa illa ingeniorum in naturalium rerum investigatione inquietudo, & obtinendæ veritatis desiderio æstuans mortalium animus; quo & nos flagrantès ad ipsius nominis gloriam ordimur argumentum de ventorum causis, naturâ, proprietate, in quo si quid laude dignum præstitero, id non infantili meo ratiocinio, sed ei qui & posse & velle dedit, in acceptis referendum est.

Difficultas
in causa
ventos affi-
gnandi.

C A P U T I.

De multiplici Ventorum causâ, eorum divisione & definitione

Fieri non potest, ut una semper & eadem sit causa ventorum productrix; siquidem diversitas Ventorum, natura, viribus, proprietatibusque differentium, procul dubio diversas causas arguat; ut proinde frivolum sit dicere, Ventorum causam aliam non esse, quàm exhalationem calidam & siccam collateraliter illisam, quam *Peripatus* mordicus defendit. Nos pro diversitate Ventorum diversas causas, quæ tamen uni omnium opifici causæ substant, hoc loco assignare conabimur; quibus cognitis, nulla dabitur adeò peregrina Ventorum qualitas, nullus tam exoticus effectus ventorum, cujus causam non assignes. Verùm ut in materia perplexa tricisque implicata connaturalem ordinem servemus, primò de varietate Ventorum, deindè quoque de eorundem causis ratiocinabimur.

Vulgata
ventorum
definitio
non est ad-
æquata.

Ventorum
differen-
tiæ.

Septem invenio Ventorum differentias, quibus universa Telluris moles continuò agitur. Et sunt primò Venti quidem commu-

nes & perennes, qui omni tempore & omni loco spirant, nisi ab aliis ventis aut obstaculis variis impediuntur, qualis est unicus ille Orientalis, quem generalem dicimus, & Zonæ torridæ potissimum dominatur ex Ortum in Occasum ruens.

Ventus O-
rientalis
sub Zona
torrida
perpetuus.

2. Sunt Venti nonnullis locis proprii & periodici, qui uti certo anni tempore, ita & in certo loco tantum aut tractu Terræ spirant; uti sunt Ethesiæ, qui Græciæ & Ægypto tantum æstivo tempore dominabantur, non ita reliquis Terræ partibus.

Venti pe-
riodici.

3. Venti Anniversarii, suntque vel menstrui, vel diurni, vel horarii, qui pro diversitate temporum in Oceano spirant ex variis mundi plagis, & in nonnullis locis semestri, quadrimestri, trimestri, bimestri, in quibusdam menstruo, hebdomadario, diurno, aut horario temporis spatio durant, de quibus postea.

Anniver-
sarii.

4. Sunt Venti extemporanei, ex vehementi aëris collisione nati; uti sunt venti ante aut post pluviam, tonitru &c.

Extempo-
ranei.

5. Sunt

Repentini. 5. Sunt Venti repentini, subitanei & impetuoſi, uti turbines, præſteres, Ecnephiæ, &c. qui non niſi rarò contingunt.

Prodigioſi. 6. Sunt Venti prodigioſi, qui nonnullis in locis erumpunt, tum ex montium cavernis, tum ex intimis terræ viſceribus & voraginibus, tum etiam ex fundo maris lacuumque quorundam magno navium periculo, dum aquas vehementius concitant, erumpunt.

Artificiales. 7. Sunt Venti Artificiales, ut ii qui flabel-
lis folliſque excitantur, aut deliciarum cauſa in nonnullas cryptas per abditos canales deducuntur.

Quemadmodum igitur hi recenſiti venti, viribus, naturâ, & proprietatibus ſuis differunt, ita differentes quoque cauſas fortiuntur.

Unde originem trahant. Quidam enim Solis humidum attenuantis virtutis naſcuntur, uti Ventus generalis.

Nonnulli ex ſola rarefactione & condensatione aëris efficiuntur.

Aliqui, nivium in præcelſis montium verticibus ſtabulantium liquefactione.

Alii & plerique ex vapore & exhalatione Subterranea, quæ duæ in plerisque ventis interveniunt.

Alii ex Lunæ nonnullarumque ſtellarum ortu originem ſuam deducunt.

Alii ex varia Montium, Promontiorum, Littorum, Inſularum occuſantium conſtitutione, per reflexionem quandam aut reſultantiam, aut etiam ex vehementi Oceani currentium impetu, aut fluxu & refluxu maris oriuntur.

Alii denique natales ſuos habent in intimis Terræ viſceribus; alii in ipſa Terræ ſuperficie; alii in media & ſuprema regione aëris, quorum omnium opifex eſt, vel Sol, ignis Cœleſtis vel Subterraneus in innumera pyrophy-lacia diviſus, ſine quorum ope nullus in mundo ventus dari poteſt. Sed jam ſingulos, eo quo eos recenſuimus ordine exponamus; quod dum commodius fiet, ubi primò Venti definitionem adduxerimus.

DEFINITIO VENTI.

Duplex hoc loco Ventus conſiderari poteſt, propriè & impropriè ſumptus. Prior fit ex halituoſa & ſpiritofa fumoſaque ſubſtantia; Alter ex violento & extrinſeco aëris motu; & multiplici de cauſa naſcitur, vel violenta imbrum rupturâ, ut in tonitruis, vel ob imbrum caſum præcedente aëris motu, vel in magnis incendiis, vel denique nubium preſſurâ; eſt enim huiusmodi impropriè dictus ventus, nil aliud, niſi concitati aëris motio, atque aded in genere ventus nil aliud, quàm illud, quod quovis modo aërem concitare & protrudere poteſt; De quibus ſingulis ordine acturi ſumus, ubi prius propriè dicti venti definitionem attulerimus.

Definitio venti.

Eſt itaque Ventus propriè dictus, halitus vaporofus & flatulentus ex terra marive tum

Solis extra, tum intus vi Subterranei ignis virtute extractus, qui calore rarefactus vel frigore condenſatus tranſverſali motu ſubinde etiam recto motu terram mariaque exagitat in naturæ bonum inſtitutus.

Dixi primò *Halitum Flatulentum*, ad excludendam eorum opinionem, qui ventum ſimplicem aëris motum putant, & ad excludendam definitionem, qui ſimplicem exhalationem calidam & ſiccam, excluſo omni humido, venti materiam eſſe dicunt. Dixi *Flatulentum*, quia in flatu ejus eſſentia conſiſtit, ſi enim halitus flatulentis ſpiritibus non conſtarent, aërem tam potenti motione concitare non poſſent. Dixi *ex terra marive tum Solis extra, tum intus vi Subterranei ignis extractus*; Sol enim exterius humidum in vapores attenuat nubium ventorumque materiam; ignis Subterraneus per occultas terræ fibras halitus emittit ſalnitroſos, qui in externam ſuperficiem eveſti, & à Sole rarefacti, ingentium commotionum aëris cauſa ſunt; Ignis itaque Subterranei eſt, halitus vapidofque fumos ſubminiſtrare, Solis eſt, eos extrinſecos in ventorum attenuare materiam; ſiquidem hi dilatati vicini efficiunt protruſionem aëris, & hinc continuata impetuoſi aëris propagatur tranſverſalis commotio. Vides itaque, in hac definitione quadruplex cauſarum genus contineri: Cauſam efficientem, ignem partim internum, partim externum, Solarem videlicet; Materialem halitum vaporofum & flatulentum; formalem tranſverſalem halitus motum; finalem bonum naturæ, de quo infra.

Expoſitio definitionis.

Atque ex huius halitus differenti conſtitutione, maxima quoque ventorum multitudo & diverſitas naſcitur, quorum alii à plaga dicuntur Boreales; alii Meridiani ſive Australes; alii Occidui, alii Ortivi; alii denique intermedii, aded ut quot in Horizontis limbo gradus numeramus, tot venti conſtitui poſſint, & tales dicuntur reſpectu loci plagæque, ex qua evolvuntur: Et quamvis unus & idem halitus, aliis Borealis, Australis aliis, Ortivus Occiduusque ſit, proprietatibus tamen qualitatibusque differentibus imbuatur is dum fluit, ratione locorum per quæ tranſit, ut poſtea oſtendetur.

Quadruplex cauſarum genus in ventis.

Ventorum denominationes à plagis Mundi.

Mira Naturæ pericycloſis ſeu Circulatio.

Si ſenſu viſus ad ortus ventorum perungere quis poſſet, is haud dubiè ſine difficultate eorum cauſas deprehenderet; cum verò eorum ſubſtantia haud ſecus ac aëris omnem oculorum obtutum fugiat, inviſibilis prorſus & ἀόρατος, ita difficilè quoque eorum cauſæ nobis innotescunt, & non niſi per analogiam quandam ad eorum veras rationes cognoscendas nobis viam demonſtrant; Et ſi quis ad analogiæ leges mentis oculum recta deſixerit, is haud dubiè, idem quod in elementaris aquæ motu, id & in ventorum concitatione

Ventorum
motus
prorsus
assimilatur
motui flu-
minum a-
quarum & pul-
chra analo-
gia compo-
nitur.

tione fieri comperies. Quemadmodum enim maria varias à sole, Luna atque igne Subterraneo alterationes subeunt, ita & venti. Mare subterraneis exhalationibus foetum intumescit, variosque tumultus in extima superficie concitat; Hinc ab Ortu in Occasum ad siderum ductum cursum suum perficit; jam Currentibus innumeris agitatum, & ad varia terrenæ regionis littora & promontoria illisum circulos affectat; modò contrariis fluctibus exacerbatum turbines & vortices agit. Pari prorsus modo halitus in aëream regionem siderum aut ignis Subterranei virtute sublimati, dum rarefacti majorem locum requirunt, summa violentia circumdatum aërem nunc in hanc, nunc in illam aëris partem magno impetu dispellunt; jam montium præcellis illi verticibus, retroacti contrarios ventos efficiunt, subindè cum contrariis oppositisque halitibus colluctantes, sævos exercent conflictus, quibus immensas tempestates & vorticosos turbines, præsteres, Ecnephas summo navium periculo causant, atque fluminis instar fluxu jam molli, modò rapido feruntur, modò præcipiti lapsu ima ferientes omnia conturbant, modò planant, modò peccinatim carminant aërem. Quod igitur nobis sensibili apparentia exhibet in sua superficie Oceani motus, id in aëris regione insensibili quidem oculis fluxu, solo tactu tamen sonoque perceptibili agitati halitus aërisque protrusio exprimunt; ut proindè causæ Oceani perturbatrices eadem sint cum iis quæ aëream regionem nullibi non infestant; uti enim Oceanus aqueus, ita quoque terrestriis globi Atmosphæra Oceanus quidam aërius est, tantò vehementioribus motibus agitatus, quanto motrices causæ aëreæque substantiæ moles subtiliori mobiliorique constat, & ad motus recipiendos aptiori materia. Sol, Luna, sidera externo influxu halitus, quos ignis Subterraneus mari indiderat, eliciunt, dilatant, sublimant, & in ulteriora aëreæ regionis vasta deducunt inania, quæ vaporibus in nubes coactis obviantes obsessique, dum qua data porta ruunt, eam ventorum varietatem & inconstantiam pariunt, quantam satis mirari non possunt nautæ; & ut admiranda naturæ *περικύκλωσις* luculentius patefiat, paulo altiùs rem ordiar.

Sidera, Sol, Luna, Stellæ reciprocum maris æstus, uti in *precedenti Sectione* amplissimè ostensum fuit, efficiunt; æstus maris sive

fluxus & refluxus impetu per abditos & occultos Oceanei fundi meatus, ingens & immensa aquarum moles in intima terræ viscera protrusa, & ignem Subterraneum ventorum impetu suscitant; nova eum beant nutrimenti vectura; Ignis Subterraneus otiosi ne scius æstuum reciprocatione veluti foliis quibusdam succensus æstuanque per alias aliasque occultorum meatuum metallicis mineralibusque succis refertorum fibras dum transit, ingentem secum halituum copiam vehit, qui partim per terrestres montium meatus, partim per Oceani fundum in extimam superficiem protrusi dilatatiue flatibus suis rursus aërem, Oceanum, mariaque sollicitant, denuò per fundi Oceanei orificia insinuatam novam igni Subterraneo annonam, qua & alatur & conservetur, conducit; & hoc pacto mari concitando novam suppeditat materiem. Vides igitur naturæ circulationis modum & rationem. Vides quomodò aqua ignem, ignis aquam alternis mutuisque veluti officiis decertantes se mutuo alant, foveant, & unanimi quodam consensu in Geocosmi conservationem conspirent; Si enim ignis Subterraneus nullos emitteret halitus Ventorum materiem; Mare veluti torpidum pæne motus expers faciliè in putredinem cum Geocosmi ruina abiret, & consequenter ventorum subsidio destitutum, neque igni subterrestri necessario nutrimento succurrere posset; Unde igne extincto universam naturam perire necesse foret. Ne itaque natura tanto detrimento affecta labesceret, hinc per providam naturam supremi opificis ministram DEUS Opt. Max. utrumque elementum in perpetuo motu ad fines admirandos, quos infra indicabimus, esse voluit. Quod enim spiritus vitales & animales agunt in humani corporis Oeconomia, hoc in Cosmica oeconomia facit Ventorum spirituosa natura; & quemadmodum iis evanescentibus homo vivere non potest, ita & ventis sublatis, Geocosmum perire necesse foret.

Quemadmodum verò hisce causis aliæ & aliæ junguntur, ita quoque inexplicabilis ventorum diversitas & summa varietas ex iis nascitur, quæ non nisi per plures partialium causarum concursus explicari possunt; qui tamen semper ad principales revocari possunt; quæ omnia, ne quicquam omisisse videamur, jam exponere ordimur.

Admiranda naturæ pericyclo-
lis.

Ventus mari ne-
cessarius
est.

Analogia
ex humani
corporis
fabrica.

Aëre est O-
ceanus
aërius.

CAPUT II.

De Vento Generali, & quomodo, quare de causa nascatur.

VEntum generalem dicimus eum, qui perpetuo motu ex Ortu in Occasum Solis & Lunæ cursum comitando, procedit; qui ut facile intelligatur; Notare

te velim ea quæ supra de generali Oceani ex Ortu in Occasum motu declaravimus; hic enim non nisi in vastissimis maribus Indico, & illo, quod Pacificum vocant, Zonæ torridæ

B b

subje-

subjectis perceptibilis est; & uti Oceani mariumque motus Ventorum flatibus individua quadam societate junctus est, ita unum sine altero esse non potest. Nunc verò quomodo ventus ille efficiatur, exponendum est.

Et primò quidem suppono, hunc generalem Ventum Euro-Zephyreum sive ab Ortu in Occasum tunc perpetuò immutabilem futurum, si totus globus Terrestris Oceano superfusisset; hoc enim pacto nullum montium, Insularum, littorumque obviorum impedimentum inveniret; quæ quidem unica causa, cur motus ille generalis ut plurimum allisione ad eos facta, interrumpatur, aliasque volatus sui leges servet, donec in dictis vastissimis marium spaciis libertatem pristinam nactus constanti tenore sese Solem secutus, circa Geocosmum propaget.

Suppono secundo, Solem sine præviis fictis halitibus, quos paulò ante ab igne Subteraneo Oceano communicari diximus; aut humidis, quos ipsum mare attenuatum suppeditat aëri, nihil in Ventorum productione posse. Quibus suppositis.

Dico Ventum generalem ab Ortu in Occasum hoc pacto generari: Cum Sol sub Zona torrida Oceanum radiis suis perpendiculariibus, jam in hac jam in illa parte pro Solis in hoc vel illo dodecamorio constituti ratione perpetuò feriat, fit ut ex Solis incumbentis situ vehementi mare attenuatum, ingentem vaporum copiam halitibus mixtam in aërem educat, qui quidem vapores halitusque rarefacti in anteriori Solis semita consistentem aërem cum summo impetu dum protrudunt, ex ea protrusione aër agitur versus eam partem, versus quam Sol fertur diffusus eum ventum ex Ortu in Occasum, quem nos generalem dicimus, efficit.

Objiciet forsan hoc loco non nemo; hanc à Sole halituum educationem in omnem Oceani circumferentiam fieri, ac proinde halitus quoque in omnem partem diffusos undeque ventum causare. Respondeo verum esse in omnem partem diffundi halitus, sed cum utrimque ab Austro & Borea aërem crassiorum & vaporosum obvium offendant, fit ut æstuans hic halituosus aër subtilioris substantiæ à crassiori circumstante retrusus retroactusque intra regiam Solis semitam utrimque pressus coarctatusque continuò ex Ortu in Occasum dispellatur. Sole intra eandem semitam incedente semper novos & novos calore suo halituosus spiritus eliciente. Rursus, cum Sol incubitu suo perpetuo ex mari ingentem aquæ copiam resolvat, atque adeò nonnullam in illo maris tractu vacuitatem inducat; ad vacuitatem hanc replendam naturæ quadam necessitate Ortivæ quæ consequuntur aquarum undas, in Occiduas cum impetu ruentes, & maritimam Solis semitam vehementius concitant, & in eadem halituosum stabulantem aërem in anteriora versus Occasum premunt protruduntque; unde mi-

ifico quodam attractu repulsiue undarum halituumque nascitur perpetuus ille Ventus Euro-Zephyreus, quem nos generalem dicimus; & cum semper eodem modo Sol operetur, & hunc perpetuum esse, ipsa naturæ ratio dicat. Sed hæc omnia ita se habere, experimento comprobemus.

Qui ex Aquapulco Novæ Hispaniæ portu in Insulas Philippinas navigant, illos prius rectò itinere versus Æquatorem procedere oportet, quem ubi affecuti fuerint, vel ultro vel citra, tunc expansis velis navim ventorum arbitrio relinquentes; qui ibidem sub Zona torrida tum Austrina tum Borea perpetuo Orientales sunt, intra septimestre spatium feliciter, & quod mirum est, immutatis velis Insulas *de las Bocas* ab America Orientali, 3000 milliariorum spatio ferè diffitum attingunt: Quod non fieret, si ventus in vastissimo Oceano & in immensum undique exporrecto variationi & instabilitati obnoxius foret. Quod verò in Oceano juxta primū Insularum oceanicorum, quarum in Archipelago S. Lazari non est numerus, aspectum Ventus generalis alias leges induat, causa est tum allisio aquarum undas retroagentium, tum novæ differentesque halituum terrestrium, qui ex illo foecundo Insularum seminario à Sole eliciuntur, commotiones; tum etiam variæ æstuum Currentiumque rationes, quibus uti Ventus generalis perturbatur, ita & hi prævalentes, eos ventorum turbines efficiunt, quos magno navium hominumque periculo imo jactura quicunque Archipelagum navigant Indicum, experiuntur. Ex hisce verò Insularum Angiportibus erutis & patentissimis Indici Oceani regionibus restitutis, mox Ventus generalis denuò invalescens naves usque ad promontorium Bonæ Spei aut Insulam, quam *S. Helena* vocant, deportat.

CONSECTARIUM I.

Atque ex hisce patet, cur facilior ex India Orientali in Brasiliam aut Paraquaviam sit navigatio, quam contrà; Hinc enim cum contrario vento perpetuò collectandum est nautis, illinc maris Ventorumque Orientalium motu delati brevissimo temporis spacio terminum suum in Occiduis partibus consequuntur. Qui verò ex Insulis Philippinis Americæ Orientalis regiones petunt, iis semitam Solis sub Zona torrida fervare aut repeterè ex perpetua maris reluctatione impossibile est: sed ut in portum, è quo solverant, Acapulcum restituantur, eos Zonam temperatam ad Americæ Septentrionalis littora navim dirigere oportet, ut hinc Borealiibus adjuti flatibus, tandem desideratum terminum consequantur. Ex quo patet mirabile naturæ consilium, quo Mare Pacificum sub Zona torrida uno & eodem semper Ventorum flatu ex Ortu in Occasum concitari voluit usque ad Insulas Archipelagi, ubi Oceani hucusque

Si Oceanus Terræ superfusisset, semper unus & idem Ventus generalis foret.

Quomodo Ventus generalis producat.

Obiectio ejusque solutio.

Navigatio ex Mexicano regno in Insul. Philipp.

Cur ad complurium Insularum occursum Ventus Orientalis deficiat.

Ex Insul. Philip. in Americam sub Zona torrida navigatio impossibilis est.

hucusque continuatus ventus, tum ad obvias Insulas ingentibus montibus refertas, tum ad continentis Chinæ vastissimas regiones illius, halitibusque novis ibidem excitatis ex Occasu in Ortum retroactus ad Americæ Septentrionalis littora, veluti in circulum magno ultrò citròque comeantium commodo agitur.

CONSECTARIUM II.

Ex hoc quoque patet, Ventum hunc generalem non in omnibus Zonæ torridæ subiectis regionibus semper uno & eodem tempore & locovigere, sed sub iis potissimum signorum, quæ Sol pertransit, parallelis, unde Nautæ, quò propius se Solis semitis accommodaverint, eò faciliore breviorique navigatione terminum se consequi constanter asseverant; difficiliore verò, si utrimque à semita Solis plus æquo recesserint, ob novas Ventorum, quos experiuntur, leges Euro-Zephyreo vento contrarias: Quemadmodum enim fluvius intra alveum constrictus rapidius fluit, quàm in longè latèque exporrectam planitiem diffusus, ita sub semita Solis aëris sese motus habet, qui nil aliud quàm aërius quidam rapidusque fluvius est, qui à Borealibus Australibusque nubibus utrinque veluti in alveo quodam constrictus, Solis virtute perpetuo ex Ortum in Occasum rapitur; Austro-boreis flatibus, ne extra alveum suum exorbitet, utrinque invigilantibus impredientibusque. Non verò putes velim, Ventum hunc sub uno & eodem parallelo indivisibili spatio ferri; nequaquam, sed habet suam latitudinem in nonnullis locis majorem; Sub Tropicis 7 gradum ad Austrum & Boream habere compertum fuit. Atque hoc pacto generatur conservaturque perpetuo Ventus generalis; Sed ut hoc luculentius cognoscat Lector, hinc experimentum apponam, ex quo modum & rationem exactius discas.

Experimentum Causas generalis Ventis exponens.

Concha quæpiam duorum palmorum diametro frigida repleatur usque ad summum; hoc peracto, accipe globum ferreum, cujus diameter quartam palmi partem habeat; hunc globum, ubi igne fortissimo incanduerit, forcipe acceptum supra aquæ in Concha contentæ superficiem diametrali motu traducito, ita ut semper exiguo ab aqua spatio distet, & reperies in aquæ superficie cavitatem quandam, per quam aqua ad motum candentis globi rapitur, continuè usque ad conchæ limbum, ubi reflexa utrinque in circulos abit ad latera conchæ in oppositam partem retroacta, Ventum quoque ex hujus aquæ rarefactione & ferri candentis motu nasci, tunc comperies, si plumam è regione ferrei globi posueris, illa quippe minimè ad latera deflectet, sed semper constanti motu candentis

globi processum sequetur; quod quidem ad eò clarè causas hujus memorati Ventis exponit, ut res oculis exponere videatur.

Quæres primò. An præter generalem Ventum in Mari Pacifico alii quoque Ventis dominantur? Respondeo, quod utique extra semitam Solis innumeri Ventis dominantur in isthoc Oceano, sed hos esse particulares, qui ex halitibus è fundo maris vi ignis Subterranei, aut Solis educti, aërem nullo non tempore turbant; sed uti Oceanus iste patentissimus est; ita diffusi halitus cum tempore veluti flaccescentes unà cum Vento deficiunt. Nosti pulverem tormentarium in patentibus campis accensum in halitum non eo impetu resolvi, quo in locorum angustiis, hisce enim constrictus omnia ingenti impetu & fragore disjicit; quod & de ventis in hujusmodi Oceano dici potest; secus fit in maribus, quæ variis Insulis discriminata, ingentibus continentium terrarum obstaculis cohibentur; in his siquidem Ventis variè reflexi, atque novis identidem halitibus aucti, ingentes procellas & furiosissimos ventorum turbines concitant, uti in Archipelago Indico Oceanoque Japoniam inter & Chinam interjecto, Nautæ memorant.

Quæres secundò. An in ipsa Solis semita Ventis exorti generalem Ventum impedire queant. Respondeo quod non in patenti Oceano, quia omnis halitus, omnis ventorum materia, tùm aëris tùm maris motu ita absorbetur, ut nullo ei impedimento esse possit; imò si quandoque validior insurrexerit ventus, is tamen obvius Vento generali, ei mox veluti digniori cedens, ad latera deflectit, vel Austrinis vel Boreis Æoli sociis jungitur. Dixi in patenti Oceano, quia mox ac continentium terrarum littoribus, aut vastis Insularum districtibus appropriaverint, tum ecce ruptis Æoli carceribus contrarias ventorum leges sentiunt, quibus Ventus generalis non tantum interturbatur, sed & veluti ad contrarian-tium hostium insultus, nonnihil se subducere cogitur, donec libertati suæ restituatur.

CONSECTARIUM III.

Quod Ventus nascatur subinde ex attractu aëris circumpositi.

EX præcedentibus patet, Ventum quoque subindè oriri posse non ex halitibus vaporibusque, sed solo aëris vacuum suppletis motu productum; quemadmodum fit in magnis incendiis, quæ ut plurimum ventus consequitur. Quomodo verò hic Ventus creetur, exponam. Certum est, ex vehementis incendii æstu aërem circumsitum summè attenuari, qui cum ob constipatum circumcirca aërem dilatare ad latera non possit, hinc una cum igne sursum raptus, unà secum circumsitum aërem rapit, qui ne vacuum remaneat, in abeuntis rarefacti aëris locum se substituit; atq; ex hac agitatione nascitur Ventus ille, quem

An in Mari Pacifico præter generalem ventum alii dominantur.

An Ventus generalis aliis Ventis impediri possit.

Ventus subinde ex vacui motu exoritur.

Mira naturæ confutatio.

in magnis incendiis experimur; Atque hoc ita se habere sequenti docemus experimento.

EXPERIMENTUM.

Quod ventum ex sola aëris commotione productum exhibet.

IN Conclavis cujuspian foco, fenestris omnibus occlusis, ignis exstruatur, & experiri per rimas portæ fissurasque mox validum ventum intrare, vi quasi abdita intus attractum; cujus quidem alia causa non est, quàm quod aër in cubiculo existens unà cum igne foras extra caminum rapiatur, raptus

verò cum necessario alio qui abeuntis locum suppleat, aëre indigeat; hinc fit, ut laborantis naturæ misertus extrinsecus aër, etiam per tenuissimas fissuras, rimas ac foramina magno impetu se infinuet, ad impediendum id, quod tantopere natura abhorret, vacui terricula-mentum. Atque hinc quoque colligitur, cur mane tempore crepusculi ut plurimum suaviusculus ventus ante Solis ortum sentiatur? quia videlicet Sol exorians suo calore & lumine aërem attenuat, hic attenuatus sursum latus secum vicinum rapit aërem, & per consensum ad eandem partem confluunt occiduae aëris partes non attenuatae, & sic cum illa matutina excitatur.

Cur mane æstivo tempore ante crepusculum semper Ventus aliquis molior spiret.

CAPUT III.

De Ventis periodicis seu Anniversariis, quos Etesias Græci vocant, & de causis eorum.

ARistotelici mirè se, unà cum eorum Magistro torquent in reddenda ratione eorum Ventorum, quos *Etesias* vocant, qui sub Caniculæ exortum Græciam calore æstuantem flatibus suis frigidiusculis quàm benignissimè afficiebant, & à Borea evoluti noctu quidem filere, interdiu verò spirare comperiebantur, quibus cessantibus, succedebant *Ornithii*, sive *Chelidonii* ab Austro hominibus animalibusque perniciosi.

Causa Etesiarum.

Et quod ad Etesias attinet; causam horum ajunt esse resolutionem nivium in Hyperboreis Suppolaris regionis montibus, quæ uti à Solis radiis verberatae atque in exhalationes resolutæ interdiu Ventorum suppeditabant materiam, ita noctu dicta nivium resolutio cum Sole quibusdam veluti induciis constitutis, ventos pariter filere cogeat. Atque hæc est de Etesiarum origine *Peripati* opinio. Quam falsam esse, quatuor argumentis ostendo. Si enim ex Suppolaribus montibus nivibus coopertis & in exhalationes virtute Solis resolutis, ventus ille Etesius, qui Græciam diebus canicularibus ferit, nascatur; certè non est ratio, cur non eodem tempore & Moscoviam, Poloniam, Germaniam, Hungariam, Galliam, Hispaniam, Angliam iisdem flatibus pervadat; Sed in nulla harum regionum continuatæ 40 dierum Etesiae illæ, quas Græcia sentit, ad Syrii exortum, percipiuntur; Ergo ratio à Suppolarium montium nivibus desumi non potest: siquidem non video, cur Græciæ potius, quàm recensitis Regionibus ventus istiusmodi, dicto tempore dominetur; cum Moscovia, Polonia, Germania, Anglia, uti Polo viciniora sunt, ita eum plus sentire deberent quàm Græcia aut Ægyptus, regiones ab eodem remotiores. Quemadmodum igitur hic Ventus Græciæ particularis est, ita causam quoque hujus non universalem, sed particularem esse necesse est, non à Polaribus derivatam montibus, sed

Etesiae non nascuntur ex nivium liquefactione in suppolaribus montibus facta.

aliundè desumptam, quam postea assignabimus.

Alterum argumentum, quod *Peripati* opinionem evanidam reddit, est ingens illa Suppolarium horum montium à Græcia distantia & intercapedo 45 circiter gradibus comprehensa, qui in 60 ducti, dant 2700 miliaria Italica, aut per 15 multiplicata dant 675 miliaria Astronomica; unam autem atque eandem exhalationem per tantum sese spaciū tot aliis montium catenis impeditam, per tot tamque innumeros intermedios vapores exhalationesque, quæ passim ex fluminibus, lacubus, montibus, planitiebusque campestribus eodem tempore educuntur continuè propagari, credat qui volet; Ego nullam exhalationem ad 100 leucas continuari inferius probabo. Quis autem *Peripato* dixit, sub Polo montes esse; cum an illa plaga Suppolaris verè continens sit, an Insula, aut undique mari tecta, in hunc usque diem incognitum sit.

Tertium Argumentum quo Etesias à polo derivari probat, in hoc consistit, quod Etesiae noctu fileant, interdiu spirent, hujusque causam esse ait, quod interdiu nives Arctoe à Sole identidem resolutæ in exhalationes, quibus refertæ sunt, resolvantur, undè Ventus diurnus; noctu verò cessante resolutione nivium, Ventus quoque cesset. Qui hoc argumentum ritè excusserit, non id solummodò falsum, sed & contra Sphaericæ doctrinæ principia comperiet. Quis enim nescit, à Solis in Arietem ingressu usque ad Libram perpetuum in Suppolaris plaga diem esse; Cum itaque Sol nunquam per semestre spaciū Suppolarem plagam, aut si montes remotiores Hyperboreos aut Riphæos exsumas, quinque mestri aut quadrimestri spatio nunquam sua præsentia & illuminatione destituat; certè perperam inde concludit, Etesias ob Solis nives in dicta plaga non solventis absentiam

tiam noctu filere, interdum verò ob ejusdem præsentiam flare; quàm hæc naturæ principis congrua sint, videant æqui rerum naturalium censores.

Quartum contra exhalationum naturam est. Dicunt enim *Peripatetici*, sub nivibus latere halitus calidos & siccos, qui æstu Solis elicit, illos causant ventos, quos Etesias vocant; Certè halitus istos siccos & calidos tantoperè sub immensis nivium Borealiū cumulis, tanta humiditatis undiquaque circumdantis mole humida & frigida, è diametro ipsis contraria impunè conservari, nemo mihi unquam persuadebit; Neque enim agnosco aliam exhalationis speciem, nisi eam, quæ ex omni mixto separatur, & spiritus sunt tenuissimi vaporosa substantia vestiti, quam ego ventorum materiam dico. Non ignoro subindè & in nivibus latere halituosam quandam substantiam, quam tamen non simplicem illam exhalationem calidam & siccam dixerim, sed spiritus salinos & nitrosos aluminososque, qui educti virtute Solis, aut à Subterraneo igne evoluti, eam ventorum, quam miramur Borealiū vehementiam efficiant; hi enim vaporasse sua substantia, in qua unà mixta latent calidi & sicci halitus, apta fiunt ventorum materia.

Unde Etesias originem suam ducant.

Quæritur igitur unde Etesias illæ originem suam nanciscantur? Dico ex naturali montium, quæ Græciæ, Macedoniæ, Thraciæ, Bosniæ obtenduntur, constitutione; estque ingens illa Carpathiorum montium catena, ex Occidenti longo terrarum tractu in Ortum, ad Euxinum usque mare extensum, ubi ex Boreali littore montibus Chersonesi Tauricæ, qui eam præcellis & inaccessis verticibus nivosis, non secus ac Appenninus Italiam bifecat, & hinc Coracis atque Hippicis Caucasisque jugis conjuncta in Ortum longo ordine exposita, Poloniam, Lituaniā, Moscoviam, Russiam atque Tartariam, regiones planas & lacubus paludibusque offusas à Vistula ad Volganū ingens flumen usque determinat. Hos itaque montes præcellis & perenni nive coopertos unà cum dicta paludosa planitie vastitate, Etesiarum flatus in Græcia vicinisque aliis recensitis regionibus unà cum interjecto Ponto Euxino, Lacu Mæotidis causare, hoc pacto ostendo.

In Sarmatia cur spirantibus Etesias eodem tempore contrarii venti oriantur.

Primò itaque constat, teste *Herbersteinio* & *Martino Cromero*, dictarum Regionum Historicis, circa Julium & Augustum, eo tempore, quo in Polonia, Moscovia, Russia cæterisque Regionibus trans Carpathum, Tauricos montes, Pelagusque Euxinum constitutis, incipiunt venti Australes, eodemque tempore Constantinopoli & per totam Græciam, Anatoliam, Ægyptum, ventos Boreales, quos *Aristoteles* Etesios vocat, suos flatus inchoare. Si itaque à Polaribus montibus Etesii in Græcia aliisque memoratis regionibus oriantur, certè illos præ aliis sentire deberent intermediæ recensitæ Regionēs Sar-

maticæ, quod tamen tantum abest, ut fiat, ut potius experientia docente, eodem tempore oppositi venti iis, testimonio dictorum Historicorum, aspirent. Quod itaque transmontanis populis eo tempore Australes, quo cismontanis Græcis Boreales spirent venti, id haud dubiè alteri causæ non est adscribendum, nisi montium hujusmodi naturali constitutioni. Sed mysterium evolvamus.

Constat primò unanimi Geographorum relatione, Montes paulò ante indigitatos, uti insuperabilis altitudinis sunt, ita nive perenni tectos, ignibus quoque subterraneis foetos esse, innumerabilis multitudo thermarum, minerarum continuè fumantium æstuarum abundè demonstrant; quæ ne longior sim, referre supervacaneum duxi.

Sarmatiæ loca plana.

Secundò. Transmontanas Regiones omnes continuas à Vistula flumine, ad Volganū flumen ingens usque, quod Tartariam magnam à Moscovia & Tartaria Præcopiensis separat, planities, lacubus, fluminibus paludibusque offusas porrigi.

Tertiò. Pontum Euxinum impetuosum & inscrutabilis profunditatis, tum ex Lacu Mæotidis fluminumque Boristhenis, Danubii, aliorumque in eum exoneratione, tum ex Ventis subterraneis, quibus subindè intumescit, perpetuis æstibus tempestatibusque agitari.

Euxini pelagi æstus.

Quartò. Experientia constat, dictos montes nivium multitudine rigidissimos ultra citroque habitantibus frigidam auræ constitutionem causare; planas quoque trans montes regiones tota hyeme ita nivibus glacieque constrictas esse, ut non nisi traharum ope negotiantibus per avia & devia in diversas regiones aditus detur.

Hiscæ itaque positis, fit, ut simul ac Sol Æquatorem subierit, tum nivium Alpestrium moles, tum transmontana planities glacie constricta paulatim dissolvatur; Solè deinde quotidie altius & altius ascendente, & nives glaciesque dissolutæ (quæ dissolutio toto bimestri, videlicet Aprili & Majo absolvitur) inundationibus omnia implere solent; undè æstu Solis ingens vaporum copia eruitur, quæ mox montium concavis insinuata, in pluvias resolvitur; Post aquas Sol ardentius circa medium Junii, vapores subtiliores halitibus metallicis mixtos educit, qui angustiis locorum contineri nescii, violenta eruptione urgentibus oppositis Borealis frigoris vaporibus, versus Græciam, Anatoliam, Ægyptum in Austrum magno impetu feruntur; quàm verò ingens collecta sit halituosa substantiæ copia, hinc fit, ut quamdiu illa non consumpta fuerit, tam diu venti durent, qui interdum circa meridiem potissimum rarefactione dilatati dictos ventos quotidie concitant, noctu verò condensati frigore se contrahunt, flatusque suspendunt; Atque hanc ego putem causam esse illorum ventorum, qui bimestri ferè spatio Thraciam, Græciam, Anatoliam,

B b 3

Ægyptum

Cur Etesia frigida sint.

Egyptum dum pervadunt, saluberrimum aërem Regioni cum magno hominum animantiumque emolumento, conciliant; frigidi sunt, tum ex frigore resolutæ nivis & glaciei, tum ex frigidissimo Ponto Euxino, qui postquam ingentium fluminum niveas & glaciales undas excepit, auram indè frigidam in Anatoliam, Græciamque transfundit.

Quicumque has rationes ritè intellexerit, is omnium ferè ventorum, qui à montanis dependent sitibus, causam assignabit; cur hic Boreales, illic verò Australes, hic Occidui, illic Ortivi concitentur.

CONSECTARIUM.

Omnes Ventos esse differentes respectu diversorum locorum unde spirant.

EX dictis patet, cum venti ex certa montium constitutione nascantur pro diversitate regionum montes respicientium diversos oriri ventos; unde Boreas dum hinc Romæ spirat, nemo dicet, eundem per totam Italiam, Germaniam aut Franciam spirare; Certè experientiâ constat, spirante Borea in Lombardia in Germania Transalpina Austrum spirare, & contrà; Item spirante in

maris Tyrreni littoribus Zephyro, in opposito littore Galliæ Eurum spirare ex Nautarum observatione didicimus; Unde constanter infero, ventum in una excitatum regione & ab halitibus unius loci extra Provinciam non vagari, nisi obstant ingentium montium catenæ, quorum halitus flatulentus uti copiosissimus est, ita in remotiores quoque partes fertur ob altitudinem nullis impedimentis intermediis obnoxiam; Quod in Etesia Græciæ, interjecto mari Euxino ex Tauricis montibus contingit; Sicuti igitur singula flumina suas rigant Regionem, ita & flatus. Iterum sicuti, dum nubilo hinc utimur coelo, alibi utuntur sereno; ita quo die venti hinc spirant Boreales, alibi Australes, Occidui aut Ortivi spirabunt; neque puto ventos ex nivosis Alpium jugis ortos Romam usque pertingere, cum vicini Appennini juga sufficientem ventorum materiam nobis suppeditare possint. Hinc experientia docet invariabilis, Montem Januarii nivibus aggravatum, qui Romæ Boream causat, ultra montem constitutis Austrum; Sabinis verò eodem tempore Ortivum, Vestinis verò Occiduum uno & eodem tempore pro halituum flatulentorum diffusionem parere, uti multorum annorum observatione à me compertum fuit.

Diversas ventorum

Venti differentes sunt, pro montum constitutione.

CAPUT IV.

De Anniversariis Ventis in Oceano à Nautis Hispanis, Batavis, Lusitanis & Anglis observatis.

IN frequenti navigatione circa Geocosmum ab Archinautis peractâ, mira quædam periodicorum ventorum proprietates observata fuit, qua nonnulli certo & constituto à natura tempore incipiunt, & per semestre durant; quidam quadrimestri, aut bimestri, alii menstruo aut hebdomadario, alii diurno spatio aut horario durent. Quæritur abdita hujus rei, & à nemine hucusque penetrata ratio; Nos pro ingenii nostri modulo eam assignare conabimur, mox ubi primò observationes dictorum Nautarum adduxerimus.

Observationes Maritimæ circa Ventos.

Observationes ventorum in expeditionibus maritimis factæ à Nautis.

A Ceilano in Maluccas.

1. In Oceano Africam inter & Indiam Venti Orientales versus Occidentem à Januario usque ad Junii initium incipiunt, quibus quiescentibus circa Augustum & Septembrem Venti Occidentales foedis procellis à Borea sævientibus associati succedunt, unde à Ceilano opportuna in Javam & Maluccas, Orientem versus navigatio conceditur ob motionem Occidentalem, quæ tunc incipit, Orientali contrariam (quando verò de Ventis Orientali & Occidentali, Austro & Borea loquimur, non semper id intelligi volumus

de cardinalibus, sed de collateralibus etiam unicuique Cardinali competentibus, uti sunt Euro-Auster, & Zephyro-boreas, vel Boreo-Eurus aut Noto-Zephyrus) circa littora verò Asiæ & Indiæ Cisgatanæ venti non easdem formant leges, quas in medio Oceano; Nam toto Junio, Julio, Augusto, tot procellis, tempestatibus, ventorumque Borealiū vehementia æstuant, ut omnem Negotiatoribus in has partes aditum intercludant; In Transgatanis tamen Indiæ Latere ad Coromandeliam & Narfingam, quod mirum est, eodem prorsus tempore nullæ prorsus sentiuntur tempestates.

Circa Asiæ & littora Indiæ Cisgatanæ.

2. In Guzurate five Indiæ Cisgatanæ littore, à Martio usque ad Septembrem spirant venti Septentrionales, & à Septembri usque ad Martium, Australes.

In Guzurate.

3. Batavi ex Java plerumque mense Januario & Febuario Europam petitori solvunt, qui postquam Vento Orientali ad 18 Australis latitudinis gradum pervenerint, tunc incipit Auster aut Euro-Auster, quo continuo cursu usque ad Insulam S. Helenæ feruntur.

Ex Java in Europam quo vento utantur.

4. Ad Bandam Insulam omninò varius est ventorum status; Occidentales dominantur in Martio, ad finem Aprilis Venti variabiles

Ad Bandam Insulam varius ventus.

& ma-

& malaci ; In Majo Orientales exsurgunt venti vehementes & pluviis foeti.

5. Ad Promontorium, quod *punto Gallo* vocant in Insula Ceilano, die 14 Martii primus ventus Occidentalis collateralis, deinde Zephyro-auster ; In principio Aprilis constans & continuus durat usque ad primum Octobris ; quo cessante sequitur Euro-boreas, usque ad Martium continuus, ita tamen, ut subindè serius aut citius decem vel pluribus etiam diebus incipiant.

Ad Madagascariæ ratio ventorum.

6. In Insula Madagascariæ, à decima quinta ad ultimum Maji Boreas & Zephyroboreas, at in Febuario & Martio ab Oriente & Austro venti spirant, mense verò Martio & Aprili ad promontorium Bonæ Spei Boreas & ejus collateralis ad Eurum spirat ventus, adeò ut insolitum sit, si Auster aut ejus collateralis Euro-auster spirent.

In Oceano Bengalico.

7. Post vigesimam Aprilis in mari de Bengala, ventus Auster vehemens est, ante quem diem nunc Zephyro-auster, nunc Zephyroboreas spirant impetuosius.

A Malaca ad Macajum.

8. A Malaca ad Macajum portum Sinarum, mensibus Julio, Octobri, Novembri, Decembri venti Australes dominantur, Austro-Zephyrus, subindè quoque Euro-Auster ; In Junio verò sæviunt Zephyri circa Malacam & in littore Chinenfi ; Ex Java verò petitis portum Macajum spirant venti Occidentales mense Majo. Iterum à Macao Japoniam petitis dominantur iidem venti Occidentales, mense Junio & Julio, qui tamen frequenter à Borea & Euro-borea interdum interpellantur ; noctu verò Euro-auster sese exierit. A Japonia verò Chinam contra petitis præsto sunt ad littora Chinæ Eurum, & Euro-boreas, mense videlicet Febuario & Martio, quia Sol vapores calore suo in Borealem plagam cogens, cum ibi aërem crassiores reperiant, cedere nescium, hinc ea via qua compulsi sunt, reverberantur.

Ex Insulis Philip. America petitis quibus utantur ventis.

9. Qui Manila solvunt, petitis portum Acapulco Novæ Hispaniæ, utantur vento Occidentali mensibus Junio, Julio, Augusto, non per Zonam torridam, ubi, quemadmodum supra dictum fuit, Orientalem ventum generalem perpetuò contrarium habent, sed ad littora Americæ Septentrionalis, qui tamen Venti Occidentales Orientalibus debiliores sunt ; quia hi juvantur à Generali, illi ab hoc diminuuntur, uti supra dictum fuit.

In Oceano Sinico.

10. In Mari Chinenfi Venti Julio, Augusto & Octobri admodum varii sunt & inconstantes ; Ex Austro siquidem nunc in Boream, & hinc in Zephyrum, aut ex Borea derepente in Austrum convertitur ; undè eæ procellas subindè movent, quæ majores Nautæ nullibi experti sunt, uti postea dicetur.

In littoribus Peru & Chile.

11. In Littoribus Peru & Chile, fere perpetuò Auster cum collateralis Austro-Zephyro ; Incipit autem à 46 altitud. austral. gradu, atque ultra Panama perflat, Urbem Isthmo Americano adjacentem, unde ex Chile in no-

vam Hispaniam facilis est transitus, difficilis ex Panama in Austrum ; Mirum autem est, hunc ventum non nisi ad littora Peru & Chile percipi, non item in remotioribus à littore intra Oceanum Pacificum spaciis.

12. Ad littora Terræ Magellanicæ, five *del Fuego* circa fretum de Maire, continuo spirant Venti Occidentales, tanto cum impetu, ut vel ipsæ arbores in Ortum vi venti contortæ videantur ; Si tamen littora terræ Australis intra fretum de Maire tenueris, habebis semper Austrum spirantem.

Ad fretum Magellanicum.

13. In littoribus Malabaricis Indiæ, Julio, Augusto, Boreas & Zephyro-boreas spirant ; à Septembri verò ad Aprilem usque spirant ex Terra venti Orientales ab hora 12 noctis usque ad 12 diei ; neque tamen ultra decem miliaria intra mare sentiuntur ; A duodecima verò diei, usque ad 12 noctis ventus marinus spirat ex Occidente in Orientem, priori prorsus contrarius, qui uti debiles sunt, ita quoque non tam facile sentiuntur, qui ferè semper à Borealibus ventis absorbentur ; Idem contingit in littore Americæ novæ Hispaniæ, ubi de die venti marini, noctu terrestres dominantur, quod & in regno Congi usu venit.

In littoribus Malabaricis.

Atque hæc sunt præcipuæ observationes factæ à supracitatis Archinautis ; Jam nihil aliud restat, nisi ut singulorum rationes assignemus.

Ratio & causa dictorum Ventorum.

Suppono itaque primò, Solis intra Tropicos motum, quo nunc Boreo polo, modò Austrino appropriat, remotam causam esse eorum, qui in externa Geocosmi superficie nascuntur, nec non vaporum exhalationumque ; Et Sole quidem in Australibus signis constituto, in Boreali hemisphærio pluviae, nives, gelu dominantur ex elongatione nimia Solis, nubes spissiores, crudoque atque indigestos vapores dissolvere non potentes ; unde ex frigore introducto terræ pluviae & imbres prævalent, montes nivibus teguntur, campestria gelu glacieque unà cum fluminibus lacubusque constringuntur ; pori & omnia spiracula terræ humiditate nimia macerata clauduntur ; ex Terræ verò constrictione æstuarium subterranea dum per fibras sibi solitas exspirare nequeunt summo caloris incremento intenduntur : Sole verò ex Austro redeunte postquam Æquatorem subiit, statim terra calore Solis animata aperitur, atque ex nivium in montibus resolutione ingentes tum extra tum intra terram inundationes efficiuntur, tantò majores, quantò vertici nostro se viciniorum stiterit ; ita quidem ut Sole ad certum gradum Zodiaci promotum, præcise halitiosa terræ substantia eodem signo graduique supposita, tunc primum moveatur, mota in ventos paulatim anniversarios disponatur ; æstuarium quoque ignis subterranei

Quomodo Venti Anniversarii generantur.

ranei jam laxiora diverticula dum nanciscuntur, summo impetu per aperta montium spiracula terræ sale, nitro, alumine, vitriolo, bitumine foctæ fibras, venasque, halitus dictis rebus foecundos in externam Telluris faciem protrudunt, qui radios Solis ferventiores simul ac offenderint, mox etiam spirituosæ illa halituum substantia intumescens & sese dilatans, dum vaporibus à Sole extractis jungitur, in ventos illos anniversarios, quos paulo ante descripsimus, animatur; qui quidem pro ratione multitudinis halituosæ & flatulentæ materiæ in uno loco plus minusque durant: Pyrophylacia autem subterranea tum humoris exterioris in profunda viscera penetrantis copia, tum vento ex subterraneis aquarum catadupis fuscitato animata, ingentes halitus fumosque spiritibus turgidos emittunt, tam diu, quam vaporosi halitus durant.

Solutio I.

Atque inde patet, cur in littore Indico Guzaratæ à Martio usque ad Septembrem continuè venti Boreales spirent; quia nives in magna illa Montium Caucaseorum catena, per totam Asiam Majorem se extendens, ex nivium resolutione & montium aperturis ingentem vaporum ex æstuariis subterraneis subministratorum copiam exspirat, quæ Solis æstivi radiis rarefacti in Austrum sese diffundunt; Et quoniam tanta est halituosæ molis vastitas, ut ea dinidio anni spatio consumi non possit, hinc ventos quoque eosdem semestri spatio durare, certa tamen diei hora, necesse est; qua videlicet materia radiis tumefacta Solaribus sese cum summo impetu diffundit. Cur verò cessantibus hisce Borealis ventis, Australes postea succenturiati spirare incipiant, causa est, quod ingens hujusmodi moles vaporum in Austrum depulsa, ibidem Austrini coeli frigore coacta nonnihil subsistat, donec Sol Æquatorem subiens eam dissolvat, atque dissolutam rarefactamque in Boreales partes transfundat, undè venti Australes; idemque prorsus in Australi hemisphærio tunc accidit, quod in Boreali accidere recensuimus.

CONSECTARIUM.

Ex dictis patet, ubicunque ingentes montium catenæ reperiuntur, ibidem ex Solis accessu ingentem vaporum molem, vi ignis Subterranei extrudi, qui externa Solis in certo Zodiaci gradu anniversario constituti virtute rarefacti dilatatiue ventos illos causant, qui in eam partem diffunduntur, quam montes, locusque evaporationis è diametro respiciunt; Hoc pacto, si montes situm habuerint ad mare aut regionem intermediam Borealem; indè ventos exspirabunt Boreales; si situm Austrinum, Australes; aut si situm Ortivum aut Occiduum, tales quoque ventos producent; si varius & dissipatus sit montium situs, uti in Insulis Philippinis, varios quoque ventos, turbulentos, procellosos, sibi invicem contrarios & in turbines agitados efficient; qui Japoniam inter Chinamque, Malacam & Thinchinam subindè tantæ comperiuntur violentiæ, ut naves ingentes jam funditus evertant, modò maris veluti in montem accumulati vehementia in aëra sublatis in obvias cautes non secus ac pilam lusoriam illidant; de quibus Itineraria Indiæ ea narrant, quæ cum formidine & consternatione animi legi vix possunt: Cujus quidem rei ratio alia esse non potest, nisi Subterranei ignis vis, quæ non solum per Vulcanios montium caminos, quorum ibidem ingens, uti ex *Mappa* patet, copia est, sed & per ipsum maris fundum, copiosam sulphurææ nitrosæque substantiæ molem evolvendo, maris fluctus veluti in cumulos elevat, qui deindè remissi depressique eas luctas turbinesque causant, quas ante descripsi; quibus si exteriorum vaporum dissoluta moles accedat, tum utique tantò violentiores motus & aëris & maris concitabuntur, quantum illa dissoluta, majori impetu inter angustias montium ruerit. Cur verò nulla ventorum stabilitas in Insulis Moluccis, Celebes, ad Bandam aliasque existat, causa est Insularum montibus refertarum, varia evaporationum ad dictas Insulas reflexio, ut supra docuimus. Sed hæc fusiùs per quæstiones enodemus.

Ingentes montium Catena ventorum causa.

Ingentes tempestates in mari Japonico.

CAPUT V.

Causæ diversorum Ventorum explicantur.

Solutio quæstio I.

QUæres itaque primò, cur in Oceano Africam inter & Indiam à Januario usque ad initium Junii Orientales venti dominantur; reliquis verò mensibus succedant venti Occidentales? Respondeo, hoc fieri partim ob ventum generalem eo modo, quem supra exposuimus, qui sine obvio impedimento mari Indico longè lateque exporrecto, & Zonæ torridæ subiecto dominatur; partim ob halitus ex fundo maris vi ignis Subterrestres eductos, qui vento Generali obvii, ab eodem versus Occasum dispel-


luntur; & inde constat, quod Goâ solvantes promontorium Bonæ Spei petitori, non omni Oceani loco ventum hunc reperiant, sed ad 12 grad. latitud. Australis hic primò exortus, ad 28 lat. gradum comitatur illos, quod à Promontorio Bonæ Spei in Brasiliam usque contingit. Unde patet, ventum hunc tantum constantem esse in iis Oceani semitis, per quas Sol transeundo movet trahitque secum tum aërem, tum vapores obvios; Et hoc quidem nullam difficultatem habet, illud non parum torquet multorum ingenium, cur semestris

Orientales
ventos fe-
quuntur
Occidenta-
les.

fris spatii ventos Orientales, oppositi venti Occidentales excipiant. Dico itaque, quod motu Solis ingens illa obvia vaporum congeries, intra montes tum Insulæ, quam *Madagascar* vocant, tum intra Africæ vastissima montium Lunæ concava convoluta, ibidem oportuno loco subsistat, donec Sol æstiva signa pertranseat; qua statione, uti virtute Solis æstuarium subterranea in Africa concitantur, ita quoque ingens halituum copia diffusa stabulantes jam à multo tempore ibidem compulsos vapores resuscitat, qui vigore concepto, summo impetu versus eam partem, ex qua dispulsi fuerant, id est, versus Orientem reverberantur, durantque quam diu halituofo durat substantia, & quamdiu Sol loco evaporationis dominatus fuerit. Cur verò Venti nunc ad Austrum, modò ad Boream ex Orientalibus fiant modò Austrini, modò Euroaustri, nunc alias affectent plagas, nemo hucusque solvit. Ego dico causam hujus rei esse Currentes maris, juxta quos exhalatio ibidem exorta fertur; sed ut res concipi possit, totam oculari demonstratione explicandam duxi.

Quidnam sint Currentes, quasque semitas in Oceano cæterisque maribus teneant, in præcedentibus fusè docuimus, & *Mappa* illos exhibens sat docet. Cum itaque Currentes maris Indici potissimum diversissimi, vel à reflectione littorum, vel fundi maris inæqualitate, aut alia aliqua causa producantur, fit ut si quæ evaporatio halituofo ex fundo maris vi subterrestri Vulcani exspirata, unum ex hisce Currentibus offenderit, illa eandem quam maris motus semitam tendat, à vehementi aquarum fluxu veluti attracta.

Sit mare Indicum B A C D E; C F, æquator; Currentes verò C F, D K, E L, A I, B G, exurgat jam exhalatio halituofo, in C, vel in




D, vel in E, vel in B, vel in A. Dico exhalationem necessariò sequi semitam quam tendit Currens maris; aer enim mari contiguus concitatur versus eam partem, versus quam majorem suscipit impressionem; sed majorem impressionem suscipere non potest, quam ab impetu torrentis marini, quo deferitur & veluti attrahitur, Ergo; quodcumque verò in eodem tractu halituofo evaporatio educitur, certum est, eam hunc impetum evadere non

posse, virtute itaque Solis rarefacta dilatataque aliam semitam non tendet, quam Currentis: Sicuti itaque currens rapit contiguum sibi aërem, ita aer exhalationem, unde ea ventorum nascitur diversitas, quam multi mirantur. Contingit verò subindè, ut Currens maris altero superveniente Currente intercідatur; ita Currens E L interturbat Currentem D K. Tunc Dico, Currentem potiorē prævaliturum, & consequenter aërem & exhalationem in eodem tractum ortam juxta semitam Currentis unà attractum iri. Cur quoque ventus Orientalis in hujusmodi patenti Oceano ita diversus sit, aliam non invenio causam, nisi vaporum repentinam genesin, nunc in hoc, jam in alio loco invalescentem, qua ventus generalis uti impeditur, ita necessariò quoque ex intercisione recens nati venti, nunc huc nunc illuc diffusus, dum diverticula quærit, diversos ventos efficit. Has rationes quicumque tenuerit, nullus ventus tam erit extravagans, cujus rationem causamque reddere non possit sagax observator. Sed totum hoc negotium experimento comprobemus.

EXPERIMENTUM.

Fiat concha E, seu quodlibet Vas, cui juxta quatuor Mundi partes epistomia A B C D in-



ferantur; concha verò E, aqua repleatur, deinde habeas candelam accensam præparatam; Si itaque epistomium Orientale aperueris, aqua magno impetu exonerata unà ventum, qui in eam partem, versum quem aqua ruit, excitabit; quem si experiri velis, applica candelam immediatè supra fluxum aquæ eo in loco, ubi in arcum se aqua fluens decircinat, & videbis flammam ad nullam partem nisi ad illam, ad quam aquæ fluxus fertur, à re-ctitudine sua inclinari, ex Occasu videlicet in Ortum; clauso deindè epistomio, si A epistomium aperueris, applicatâ candelâ flammam videbis ex Austro in Boream inclinatam difflari; Si postea ponerentur tot epistomia, quot in pyxide nautica rhombi sunt, semper flammæ candelæ inclinatione sua eum exprimet ventum, quem fluxus aquæ ad quemcumque rhombum tandem secum vehit; Quod idem experieris, si plumam fluxui aquæ objeceris, quæ semper in oppositam partem feretur vi venti, quem aquæ fluxus secum adducit. Ex quo quidem pulchro sanè experimento luculenter patet, fluxus aquarum ventum sequi, & vento unà exhalationem commistam.

C c

CON-

Diversitas
ventorum
variis mo-
dis decla-
ratur.

CONSECTARIUM.

Instituen-
de navi-
gationis
ratio ad
Inf. Ceila-
num.

Hinc patet, cur, juxta quintam observatio-
nem, ad promontorium Ceilani Insulæ, quod
Punto gallo vocant, 14 Martii primus ventus
Occidentalis spiret, deindè Zephyro-auster,
qui postea ad principium Aprilis continuè
usque ad primum diem Octobris duret; Quia
videlicet Sol mox ac montes Insulæ oportu-
nè radiis suis verberaverit, simul etiam æstua-
ria subtus moveat, qui dum ingentem copiam
halituum flatulentorum ejiciunt, si rarefacti
versus eam partem, versus quam evaporatio
procedit, id est, ex Zephyro-austrina plaga in
Euro-boream protrusi ventum semestrem
juxta semestrem materiæ durationem effi-
ciunt; qui tamen non ultra decem milliaria
intra mare durat, unde terrestris ventus esse
conjectitur; Ex altera enim ei opposita Insulæ
parte Orientalis ventus denuò spirare incipit.
Cur verò primò Occidentalis paulò post in
Zephyro-austum collateralem commutetur,
causa est impetus, quo prima evaporatio fer-
tur, quæ deindè aliis exortis evaporationibus
intercisa fluxum mutet in collateralem pla-
gam Zephyro-austrinam; quibus finitis Sol
interim opportuno loco alia subtus in Oceano
æstuarium movet, unde halituosa exspirata ma-
teria currentis Euroboreæ fluxum sequitur.

COROLLARIUM.

Vera origo
Anniver-
siorum
ventorum.

Hinc patet, Anniversarios ventos diverso-
rum marium aliundè originem suam non ha-
bere, nisi primò à diverso montium situ, qui
ut diversum ad Solem respectum dicunt, ita
juxta illum aspectum quoque diversimodè
afficiuntur à Sole; Et quoniam vix mons ali-
cujus famæ & nominis, nullum promonto-
rium tam celebre est, quod non ingentes intra
se concavitates, speluncas vastissimas unà cum
hydrophylaciis contineat, ut in præcedenti-
bus dictum fuit, certè intra eorum viscera ma-
gnam vaporum halituumque congeriem lati-
tare, nemo sanè nisi naturæ ignarus inficiabi-
tur; Externa verò superficies montium cum
summa partium inæqualitate constet; jam
enim in una parte spissa sylvarum coma ve-
stiuntur, ex altera glabri non nisi ossibus con-
stant; In alia parte cyclica cavitare arcuan-
tur, in alia gibbosa dorsi superficie incurvan-
tur; non desunt, qui ingentibus in apicis pla-
nitie lacubus abundant, alii contrà igneis ex-
æstuant crateribus. Quæ cum ita sint, jam vi-
deamus, quomodò halitus vaporesque, qui in
iis stabulantur, à Sole concitentur.

Quomodo
vapores &
halitus sub-
terranei à
Sole con-
citantur.

Experientia constat, Montes non semper
eodem modo à Sole illuminari, sed singulis
diebus à mane usque ad vesperum diversimo-
dè, & pro certo quidem, quem in Zodiaco
obtinet, situ locoque; aliam enim vim iis im-
primit Sol in Capricorno, aliam in Æquino-
ctiali, aliam in Cancro. cæterisque signis con-
stitutus; aliam iterum manè ad ortum Solis,
aliam in meridie, aliam ad vesperum influit, in

quocunque tandem dodecamorio fuerit con-
stitutus, pro diversitate radiorum reflexorum,
quorum opera totum ventorum negotium
expeditur. Tertio. Sunt montes in aliqua par-
te porosiores, quàm in alia; in nonnullis par-
tibus specubus abundant, qui ventorum ma-
trices non immeritò dici possunt; in quibus-
dam locis sulphure, nitro, alumine, sale, cæte-
risque mineralibus succis turgent, qui omnes
in vapores & halitus resoluti ingentium aëris
commotionum origo sunt. Cum itaque Sol
diversas montium partes diversis temporibus,
diversisque sub Zonis illuminet; hinc fit, ut
Sol in diverso Zodiaci gradu constitutus dum
opportunè montium partes radiis suis ferit,
mox etiam intus latentem vaporum massam,
per poros calore suo jam apertos, eliciat, quæ
dilatata rarefactaque, dum ultra posticam
montis partem sese exerere non valeat, in
oppositam monti plagam aërem obvium dif-
fundat, atque adeò pro situ montis nunc Bo-
reum, nunc Austrinum; nunc Ortivum, nunc
Occiduum ventum aliosque collaterales pro-
ducatur. Quoniam verò vapor aut exhalatio
montem exire non potest, nisi alius in locum
abeuntis succedat, hinc semper novus intrin-
secus ex subterraneis æstuariis, aut extrinse-
cus per montium rimas fissurasque attractus
aër abeuntis defectum supplet, duratque tam
diu, quàm diu interdiu Sol montem opportu-
nè aspexerit; Sole verò vel ascendente, vel
descendente, uti prior aspectus destruitur, ita
alia vaporum penuaria aperit, ex quibus novi
vapores halituosi elicit, novos Anniversarios
ventos efficiunt. Et quod de una montium
catena dictum est, de omnibus totius Mundi
Montium catenis intelligendum est. Sed hæc
omnia fusius per Propositiones exponenda
sunt.

PROPOSITIO I.

*Quomodo Ventus fiat ex rarefactione aut conden-
satione aquarum Subterranearum.*


Terræ viscera plena aquis esse, supra va-
riis in locis ostensum fuit, unde nonnun-
quam ventus impetuosissimus ex rarefactione
aquæ in visceribus terræ constitutæ genera-
tur; Cum enim nulla aqua nisi in vase suo con-
sistere possit; In terræ verò visceribus innu-
meri hinc inde lebetes hydrophylactici con-
stituti sint, recipiendis aquis à natura destina-
ti; fit quoque ut per occultum æstuarii sub-
terranei caminum ingens halitus emittatur;
qui uti lebetem æstu suo vehementissimo un-
dique circumdat, ita aquam summè calefacit,
quæ calore attenuata in halitum, hic cum aë-
re rarefactus majorem requirens locum, qui
data porta ruens, ingenti impetu per strictos
montis canales, poros, rimas, fissurasque in aë-
rem extrinsecum evolvitur, unde vehemen-
tissimus ventus nascitur, duratque tam diu,
quàm diu aqua in lebete fuerit; qua deficien-
te, deficere & ventum necesse est. Et ne mari
horror

horror in evacuato lebate interveniat, semper novam & novam aquam attractu naturali, aliunde advocat. Sed hoc sequenti experimento comprobemus.

EXPERIMENTUM.

*Æoliarum
pilarum
experi-
mentum.*

Notus passim est Æolipilarum in concitandis ventis effectus. Et quamvis hanc Machinam de Aërophylaciis descripsimus, hic tamen eam repetendam duxi, hoc præsertim loco multum opportuno ad ventorum genesin declarandam. Fiat itaque Æolia pila cujuscunque magnitudinis & capacitatis, quanto enim grandior fuerit, tanto majorem effectum producet, ex ære compacta, in cujus colli extremo relinquatur foramen ita exiguum, ut acus subtilitatem exprimat. Hanc ad medietatem aquâ purissimâ & limpidissima replebis, hac industria: Impone pilam accensis carbonibus, ut quam intensissime calefiat, quò facto, mox eam in frigidam injicies, ita ut tota unâ cum collo cooperiatur aquis, & quoniam calidus intus & exæstuans aër circumstantis aquæ frigore condensatus ad minorem locum se contrahit vacui metu, necessario aliud corpus in abeuntis aëris locum advocat, cumque aliud non reperiatur, nisi aquam, hanc intra pilam summo impetu attrahit; atque hac naturæ industria per subtilissimum foramen aqua intrò attracta pilam



*Pila Æoliz
miri effe-
ctus.*

aliquousque replet. Hoc peracto, pila hæc succensis denuò imponatur carbonibus, folisque ope, uti prius, calefiat, & aqua intus rarefacta cum non nisi per angustissimum foramen exitus detur, per id ingenti strepitu & flatu evolvitur. Habeo ego in Musæo meo tres hujusmodi Æolias pilas, quæ foco impositæ vehementissimo suo vento per rotam veru sex carnum libris gravatum vertere possent. Atque ex hoc experimento aperte patet, quomodo in montium concavis aquarum receptaculis, vi ignis Subterranei, ingens subindè ventus ex sola rarefactione aëris nascitur; quod in iis potissimum montibus, qui ignibus & æstuariis scatent, accidere solet.

PROPOSITIO II.


Quomodo Ventus anniversionarius ex Subterraneis Catadupis nascatur.

Ostensum in præcedentibus fuit, montes ut plurimum Cavernis & profundissimis meatibus, & undique innumeris canalibus pertusos esse; qui quidem uti nivibus perennibus tecti sunt, ita quoque ingentem ventorum materiam suggerunt duplici modo; Prior est, quandocunque nives horum montium ex Solis approximatione incipiunt liquefieri, fit ut liquefacta aqua partim in subjectas camporum planities diffusa agros variæ miscellæ humiditate imbuat & maceret, macerata in vapores à Sole attenuata copiosum fundet ventorum seminarium. Alter modus hic est: Cum montes uti paulò ante dictum fuit, cavernosi sint, hinc fit, ut liquefactæ nivi humor per montium rimas altius insinuat, in intima montium penetralia per obvios interni montis scopulos præcipitatus aërem intus existentem, ruentium aquarum, quæ & ipsæ copiosum secum aërem devehunt, impetuosa allisione vehementissime concitet; undè aër novo semper alterius tum aëris tum aquæ incremento concitatus dum exitum quaerit, per abditos strictosque montis canales tandem magno impetu foras in vehementes ventos erumpit; qui subinde tanto impetu egeruntur, ut maximas etiam obvias arbores prosternant; quemadmodum in nostra *Hetruria* de Æolia in Agro Volaterrano specû demonstravimus. Vide quoque quæ mira in *Tertio Libro* de Æolio monte Cæsiurum recensuimus. Verùm ut luculentius ratio subterranei venti pateat, eam experimentis nonnullis comprobabimus.

*Catadupæ
magnam
aëris por-
tionem
secum de-
vehunt.*

EXPERIMENTUM.

Construatur ex lateribus concavum receptaculum ejus formæ, quàm hîc vides. In cu-



jus fundo erigatur lapis I marmoreus, in politissimam superficiem redactus; Ex A verò

Cc 2

cana-

canalis ducatur cochleatus A L, qui in A apertus sit, & infra in L; receptaculum verò ita clausum sit, ut præterquam in F, alium exitum non inveniat. His itaque præparatis aqua vel ex fonte vel flumine quodam derivata summo impetu per K, intra canalem A L, se exonerabit, per quem magna aeris constipati comitante copia in superficiem lapidis I, cum impetu & strepitu delabitur: ex aquæ verò ruentis vehementia, aer intra receptaculum conclusus mirum in modum agitabitur, angustis itaque constrictus, dum exitum quærit, tandem eum per orificium F elapsus, summè impetuosum ventum efficiet, qui & organa hydraulica animet, & fabris ferrariis loca folium esse possit. Vide l. IX. *Musurgia*, ubi à folio 308. usque ad 311. fuse de Æoliis cameris egimus.

Quomodo
per cata-
dupas ven-
tus subter-
raneus
excitetur.

Simili prorsus, ut ad institutum revertamur, ratione, fit in montium concavitatibus, intra quas aqua nivium liquefactarum, aut pluvialis paulatim penetrans catadupis ingentem aeris concitationem efficit, aer concitatus dum effugium quærit, tandem per abditum montis canalem in concitados Ventorum turbines elabatur: qui quidem ventus si perpetuus fuerit, is utique non ex nivium resolutione, sed ex alicujus Subterranei fluminis catarracta originem suam habebit, cujus lapsus & præcipitatio uti perpetua est, ita quoque intra montis viscera agitatum aërem in perpetuum ventum foras protrudere necesse est. Si verò Ventus æstivis tantum temporibus per hujusmodi montium spiracula sæviat, id signum luculentissimum est, eòs non aliundè quàm ex nivium liquefactarum subterraneis catadupis procedere; hi enim Venti tam diù durabunt, quàm diu nivium durabit liquefactio, qua finita, & hosce cessare necesse est, sublata siquidem causâ tollitur effectus. Iterum si ventus ex nonnullis montibus non nisi æstivis diebus, tribus aut quatuor horis ante & post meridiem sæviat, nunquam verò extra hæc tempora, non nocte, non vere, autumno, hyemè, id certè in catarractas subterraneas conjici non potest, sed in alias causas referendum est, quas lib. 3. cap. ult. de Æoliis montis Cæsi miraculis exposuimus, ad quæ Lectorem remitto.

Violentia
subterra-
nearum
catadupa-
rum.

Itaque Subterraneas Catadupas ingentes ventorum turbines per montis spiracula egerere, ratio dicat; Cum enim aqua cum impetu ruens plena sit aëre, ejusque secum in omnibus catadupis ingentem copiam devehat (uti ex spuma instar nivis candida patet, quæ quidem nihil aliud est, quàm bullularum innumerabilium aëre inflatarum multitudo, ex quarum constipatione aqua veluti candido quadam calore imbuitur) certè ingentes inde subterraneos ventos nasci necesse est, quæ deinde violenta eruptione, & aërem extrinsecum, atque ex ejus protrusione ventos vehementissimos efficiunt. Atque hujusmodi ventos eorum numero adscribimus, qui non

ex halitibus aut vaporibus, sed ex simplici concitati aeris protrusione nascuntur.

PROPOSITIO III.


Quomodo Ventus nascatur ex halitibus & vaporibus in cavernis Terra, vi ignis Subterranei excitatis.

Cum Terram innumeris cavernis, specubus, antris, juxta superius recensita, referatam esse constet, quorum nonnulla aquis, quædam aëre, alia etiam igne referta sint; & præterea pleraque mineralibus & metallicis succis aliisque variæ miscellæ glebis sca-teant, certè illa, calore æstuatorum in illa sese per suos caminos insinuante, in flatulentam spirituosamque salium, nitri, aluminis, vitrioli, bituminis materiam, quæ in iis continetur, resoluta maximos haud dubiè halitus, rapidasque expirationes causabit, quæ ab identidem superveniente calore pressæ dilatæque per abditos meatus fibrasque montium, in ventos vehementes tandem erumpentes Terram Mariaque eo exagitant impetu, quem sæpè magno suo periculo mortales experti sunt. Quomodo autem ventus ille fiat, sequens docebit experimentum.

Quomodo
halitus va-
porosi sub-
terranei
in ventos
ab-
eant.

EXPERIMENTUM.

Præpara A B, Vas ex laminis ferreis in forma tubæ concinnatum, in cujus fundo B nitrum cum sale ammoniaco, & parte antimoniæ crudi, omnia æquali portione & in polinem reducta mecerataq; aqua salina ponantur; hoc peracto, vase igni super imposito, materia intus posita vel ad primum ignis odorem ebulliens, atque in vaporem & exhalationem resoluta ventum strepitum, qui quibilibet rebus prosternendis aptus sit, emit- tet; & nisi Vas fortiter suis alligetur vinculis, id totum intra aërem summa admiratione rapi videas, ventus qui inde efflatur adeò vehemens est, ut appositam orificio manum aut



aut quidlibet aliud, summo impetu repellat; neque ventum tantum magno strepitu & fragore emittit, sed & fumum adeo densum, ut in nebula te constitutum putes; hujusmodi experimentum olim hic Romæ in foro Panthei à Plfarmacopæo Chimiæ non imperito factum memini, qui dictas species ad earum naturalem vim ostendendam in mortarium posuerat, quibus carbone succensis mox ingenti cum fragore & vento tam densus fumus exiit, ut cum totum forum fumosa caligine obtexisset, vix unus alterum videre potuerit, hominibus ad inusitatum spectaculum attonitis. Habemus experimentum, jam illud applicemus. Ubicunque igitur subterranei ignis halitus cryptas simili materia refertas penetrarit, non est dubium, quin illa in vaporem resoluta, si exitum non inueniat, susque deque vertat omnia; ut fit in terræmotu. Si verò per apertos montium syphones fibrasque liberam exeundi potestatem obtinerit, eam forinsecus impetuosa sua agitatione efficiat ventorum vehementiam, quæ & arbores funditus evertat, domus turesque summa hominum animaliumque ruina prosternat. Sed de hisce in sequentibus pluribus.

PROPOSITIO IV.

Quomodo ventus, quem Turbinem sive Typhonem vocant, terræ marique causetur.


Ventus quem Turbinem sive Typhonem ab immanitate vocant, in mari potissimum magno Nautarum periculo subinde domina-

tur, qui uti mare immensis fluctuum coactionibus involutum rapida circa horizontem vertigine rotat, assiduisque incrementis impetu formidabili sævisque procellis in circulum agit, ita decumanis fluctibus insurgentibus, ac inter sese veluti arietantibus collisique sæviens halitus, omnem salutis spem navigantibus adimit: Oriuntur autem potissimum hujusmodi venti in iis maribus, ubi vasta flumina in mare se exonerant, vel ubi impetuosis Oceani fluxus in vastas continentium terrarum plagas illisus, in circulum abire cogitur; vel ubi duo Oceani oppositi per fretorum fauces irruunt, sed dicta paucis enucleemus.

In Mari Mediterraneo Sinus reperitur, quem vulgò *Golfo di Lione* vocant, è regione ostii, per quod Rhodanus rapido fluxu in mare evolvitur; in hoc maximè turbinis Typhonii violentia, magno nautarum metu statis temporibus sævit; hoc autem pacto generatur: Quoniam enim Australi flante vento, tota concitati maris moles in concavum dicti sinus tractum vergit; Rhodani verò fluctus boreali vento sociati ex opposita parte magno impetu ruunt; tum ecce derepente magnus undarum conflictus nascitur, dum hæ illis cedere nesciæ, in vehementes turbines agitantur; quibus intercepta aqua intermedia violenter pressa, dum nullum effugium reperit, in altum columnæ instar aut montis elevata, navigantibus inevitabile portendit naufragium; siquidem hujusmodi turbinibus intricata navis, nulla arte ferocientis elementi inclementiam eludere potest.

Effectus
venti Ty-
phonii.

Miræ tem-
pestates in
Sinu maris
Gallici qui
vulgo
*Golfo di
Lione* vo-
catur.



Sit dictus Sinus, vulgò *di Lione* A B C, Rhodani ostium B, Mare australi vento agita- tum. D E F G. Dico mare D E concitatum versus concavitatem Sinus A B C obviare fluctibus

ctibus B, qui fluctibus G D E dum resistere nequeunt, versus C dispelluntur; sed & hi à fluctibus maris ad littus C reflexis versus I pulsi, dum tumorem maris D E effugere nequeunt, in K M N O protrusi in circulum agitantur, qui ubi in L pervenerint, ibi à succenturiatis identidem novis fluctibus pressi, dum nulla ex parte effugium detur, in altum horribili visu spectaculo elewantur, donec cessantibus ventis & mari deplanato naturali fluxui restituantur. Vides igitur ex hac Figura apodicticè exhibitam veram turbinum, dictum maris Sinum infestantium causam & rationem.

Referunt *Itineraria Nautica* in Oceano Japoniam inter & Chinam Autumnali potissimum tempore hujusmodi tempestates ex turbinibus frequentibus exoriri, tanto cum impetu & rabie, quantam qui oculis non subjecerint, animo concipere non possunt, adeoque periculosa hujus maris navigatio est, ut beatum felixque censeatur iter, si ex tribus navibus una cursum tenuerit. Ratio hujus rei est primò ventus Generalis ex Ortu ruens, quo mare versus continentis Chinæ littora protruditur, cujus fluxus eodem tempore ab Australi vento superveniente intercisis juxta littora in Boream dispellitur, sed & hujus fluxus eodem tempore à Boreali vento intercisis, & propter obvium Orientalem ventum interpellatus, dum effugere nescit, in se tortus eos quos diximus turbines efficit.

Fretum Magellanicum præ cæteris turbinibus typhonibusque infestissimum esse, relatione multorum constat; neque mirum id alicui videri debet, cum datis oppositis ventis & loci dispositione turbinem excitari necesse sit. Flante itaque vento Orientali siue Generali in Oceano Africam inter & Americam interjecto, flante quoque eodem tempore vento Occidentali ex mari Pacifico; fit ut hi duo angustissimum fretum ingressi, id mirè exagitent, & dum oppositi venti oppositos fluctus movent, cum alter alteri cedere nesciat, aquam in circulos & cumulos montium instar exaltari necesse est; quod & ex contrario fluxu & refluxu in hoc mari contingere supra docuimus. Cur verò Nautæ ante typhonem mare tranquillissimum & veluti dolabrâ levigatum, paulò tamen post fluctibus horrendis exasperatum comperiant, causa est, quod ex oppositione ventorum mare remotè paulatim in circulares agitationes disponatur, & consequenter aqua undequaque æqualiter pressa in intermedio spacio necessariò planum redditur, uti experientia docet in quolibet stagno, aut quolibet vivario, cujus aquas si baculo in circulum agitaveris, semper invenies in medio illas sine ulla undarum asperitæ leves; sed si continuaveris motum, aquæ mox in helicem contortæ ingentem perturbationem subibunt.

Mirum tamen est, quod Geographi de Ardabil Persiæ civitate recitant; siquidem juxta

eam mense Junio & Julio, quotidie in meridie turbo nascitur, qui durat una circiter hora, quo ingens continuè pulvis hominibus animantibusque invisus excitatur. Ratio haud dubiè in ventum anniversarium dictis mensibus spirantem, dispositione loci concurrente, conjicienda est; hic enim ex plaga circa meridiem erumpens, versus aliam, in hac dum obstaculum reperit, in seipsum contorquetur, & rapto secum pulvere circumagitur; hoc pacto uti sæpè sæpius expertus sum, in Amphitheatro Romano Typhon dominatur; ventus enim muris circulariter dispositis illis, sese juxta illos dum continuat, tandem in vertiginem actus, concitato omnia complet pulvere.

PROPOSITIO V.

An & quomodo Ventus nascatur per medium maris erumpens.

Cum infra maris fundum ingentia (uti in *precedenti Sectione* dictum fuit) pyrophylacia contineantur, fieri non potest, quin illa non ingentem halituum fumosorum copiam à se dimittant, qui per maris fundum erumpentes, aquarumque molem impunè transeunt, mox ubi maris superficiem exiverint, intumescunt seque dilatantes, quæ data porta ruunt, iisque, quos supra descripsimus, modis sæviunt.

Sed dicet forsitan hoc loco nonnemo, halitus humidum pervadere non posse, quin subito ac illud attigerint, suffocentur. Cujus objectionis falsitatem ut confutemus: Sciendum est, Spiritus istiusmodi salnitrosos sulphureosque, quos à se æstuaria subterranea emittunt, minimè ab aqua aboleri, sed impermixtibiliter aquas penetrare; quod experimentum non tantum in terræmotibus, sed & in quibullibet aquis docuit. Memini me anno 1638, quo Calabria inauditis terræmotibus concutiebatur, mare haud secus ac cum pluit, & cum singulæ guttæ singulas in mari bullas generant, aut dum ignis suppositus cacabo, aquam in bullas fervore suo excitat, plenum bullisque fervidum observasse, qui haud dubiè spiritus halituosi ex fundo maris per medium aquæ sine noxa transeuntis luculentum signum erat. Rursus statis temporibus aqua per subterraneos ventos halitusque in superficie tam insolito tumore exaltatur, ut ab una ripa stantibus omnem oppositæ ripæ conspectum auferat, uti de Macra flumine *Plinius* narrat. Mirum est inter cætera, quod de lacu Lemano Accolæ narrant, eum videlicet subinde tranquillo etiam tempore coeloque sereno ita intumescere, ut durante hac effervescentis lacus ebullitione, nulla navis ei se tutò sine manifesto naufragii periculo, committere possit. Vocant autem hujus periculi lacus intumescentiam Gallicè *la vandaise de Geneve*: cujus quidem rei causa alia esse non potest, quam subterranei & venti & halituosi spiritus, quos

Mare Japonicum naufragiis infame.

Miræ tempestates in Fretto Magellanico.

Turbines circa Ardabil Persidis urbem.

Utrum halitus medium maris incorrupto transire possint.


Observatio Authoris.

Extemporaneus tumor fluminum, lacuum & maris unde proveniat.

quos hydrophylacia vicinarum Alpium per occultos meatus, qui in fundo lacus suum exitum habent, emittunt, qui summo impetu aquas obvias sollicitantes inflant, & tumefaciunt eo, quo diximus, modo, quod sequenti experimento patet.

EXPERIMENTUM I.

Conchæ A B fundo inferatur canalis orificio aperto C, alterum verò extremum canalis C D extrinsecus conchæ applicetur, cujus



orificium D, nonnihil supra aquam emineat, hoc pacto insuffla canalem per orificium D, & statim aqua quam concha continet, in superficie protinus agitata bullas & tumores vehementes efficiet, qui non nisi à flatu per fundum vasis transeunte aquamque conturbante causantur. Sed hæc uti nota sunt, ita ulteriori expositione non indigent. Alterum majorem difficultatem habet; videlicet spiritum nitrosi per fundum maris expulsus sine ulla mixtione cum aqua facta, totum & integrum in superficiem aquæ evadere. Verum ne quicquam sine nostrarum rationum stabilimento transire patiamur, sequens appono experimentum, ex quo luculenter discas, quomodo vapor fumusque incommixtibiliter liquorem transeat.

EXPERIMENTUM II.

Quomodo halitus, vapor mixtum aquas transire possint, experimentum.

Accipe phialam, qualem præsens Figura refert, aqua aliquousque aliove liquore repletam, v. g. usque ad B C, collo phialæ inde fistulam, quali Tabaci potatores uti solent, ita



ut per aquam traducta fundum attingat phialæ, deinde orificium X obtura diligenter, ne

aut aër intra contentus elabi per ipsum, nec extra circumfusus illabi possit. His factis, impone fistulæ hianti orificio tabaci sicci folia, aut sulphur, vel simile quid, quibus accensis simulque applicato ore phialæ syphunculo E, exsuge aërem intra phialam stabulantem, videbisque, mirum dictu, accensæ materiæ fumum halitumque per orificium fistulæ D, maximâ copiâ in formam nubeculæ, & per medium liquorem inpermixtibiliter transire, exitumque per orificium fistulæ E reperire, utique fumi acrimonia & siccitate humidum superante. Haud secus fieri existimandum est in mari, per cujus fundum ex pyrophylacio magna sulphureo-nitrosorum spirituum sublevata copia, aquam sine mixtionis cum aqua periculo transiens, mox ubi in superficiem maris emerferit, illa in flatus & ventos resoluta magno impetu & aërem & mare agitabit, eo modo quo diximus.


Applicatio ad naturam.

PROPOSITIO VI.

Quomodo Ventus ex pressura nubium oriatur.

Contingit sæpè ad imminemtem aliquam tempestatem derepente vehementem ventum concitari, quod maximè ante imbrum casum, aut post tonitruum explosionem accidit. Quæritur causa hujus venti. Respondeo, id fieri vel ex nubium aquis prægravatarum descensu, quo subditus illis aër vehementer premitur, unde aër pressus, si nullum à lateribus alterius cujusdam urgentis five nubis, five vaporosi halitus obstaculum reperiatur, circulariter in omnem plagam sese diffundit; Si verò resistentem ab aliqua plaga habuerit condensatum vaporem, aër ab incumbente nube pressus dum retrocedere non potest, in anteriorem partem cum impetu ruit; & hic ventus, etsi terrâ marique sit frequentissimus, non diu tamen, sed pro incumbentis nubis prementisque descensu durat, quo cessante, & ventus cessat. Sed rem ad oculum ostendamus.


Quantam vim habeant nubes descendentes.



Sit nubes imbrifera A, maris vel terræ superficies D, intermedium spacium B C, aër: Dico nubem A, gravitate aquarum, mox ubi descen-

Experi-
mentum
pressuræ
nubium.

descensum molitur, aërem B C premere, hunc pressum, si nullum obstaculum ponatur in B, & C, illuc sese vehementi impetu exoneraturum, & tantò quidem violentius, quantò aërem infra positum velociori descensu violentiorique presserit. Si verò ex alterutra parte obstacula invenerit, id est, aërem vaporibus halitibusque condensatum, tunc vel ex B, vel C, exitum reperiet; atque adedò nubes A, rationem habeat follis, qui aërem intra se & terræ marisque superficiem descensu suo veluti per canalem magno impetu expellit. Unde patet, cur subinde derepentè tam vehementes & impetuosus venti nascantur; Quia si aër undique & undique ab ambientibus crassis vaporibus circumdetur, ac insuper à superincumbentis nubis descensu subitaneo prematur, certè cum ei effugium non detur, qua data porta, ingenti impetu veluti per angustum quendam canalem ruet. Sit nubes premeus L, P aër pressus, M N circumstantes vapores densi, O porta, per quam aër pressus



Cur post
tonitrua
semper
ventus ex-
citetur.

Authoris
periculum.

erumpit. Sed hæc adedò conceptu facilia sunt, ut ampliori expositione non indigeant. Ex hisce quoque patet, cur post tonitru ventus percipiatur; quia ex rupta nube, uti subditus illi aër maximè concitatur, ita ventum quoque nasci necesse est. Patet quoque cur in vallibus montiumque fissuris tam vehemens ventus ut plurimum sæviat; quia ventus in patienti campo excitatus, etiam quantumvis lenis, mox ubi huiusmodi gurgustia ingressus fuerit, ibidem quoque veluti clausus confrictusque mirum in modum invalescet. Expertus ego sum non sine periculo in altissimo Sorani agri monte, ad cuius verticis planitiem aditus non datur, nisi per præruptum scopulis angiportum, in quo tanta ventorum sævities est, ut nemo erectus sine periculo, progredi possit; sed ne à vento rapiatur, reptando ad exitum pervenire cogitur, quisquis ascensum montis tentaverit. Narrabat itineris comes, non ita longo tempore, integrum porcorum gregem hoc loco ventorum turbinibus involutum, abreptum, & in vicini montis scopulos illisum periisse. Innumera hoc loco adducere possem Æoliæ potentie miracula ubique regionum obvia; sed ea tantum, quæ egomet expertus sum, recensuisse sufficiat.

PROPOSITIO VII.

Quomodo ventus, quem Græci Ecnephiam & Præsterem vocant, & quibus de causis nascatur.

ECnephias dicitur subitaneus & impetuosissimus ventus, qui dum ex aliqua nube prorumpit, fusque deque vertit omnia; & frequentes comperiuntur in Oceano Brasiliam inter & Africam interjecto; Ad promontorium quoque Bonæ Spei, & ad Terram de Natal; Item ad Guineam sub Æquatore, quos Lusitani *Travados* subinde manca voce vocant, suntque dictis locis anniversarii. Verum antequam ad abditæ causæ scrutinium procedamus, prius quomodo illi nascantur, exponendum est, ut visis prodigiosis effectibus, ad eorum causam facilius pertingamus.

Quid Ec-
nephias &
Præster.

Lusitani antequam Oceani sufficienti notitia instructi, cum variis circa promontorium Bonæ Spei & Africæ promontoria, novis Regionibus detegendis operam darent, hujus repentini venti truculentiam non semel magno navium hominumque interitu experti sunt: Cum enim patefacta per *Vasum Gammam* Indiâ, Rex Lusitanie novam classem, quæ tredecim ingentibus onerariis constabat, anno 1500. sub directione Capitanei & Prætoris ad novas explorandas regiones ablegasset, hæc prima omnium ex Europæis in Brasiliam ingenti Lusitanorum gaudio delata fuit, ubi cum nonnullo tempore constitissent, tandem versus promontorium Bonæ Spei mense Maji solventes, sævissimam tempestatem incurrerunt, quam graphice sanè noster *Massæjus* describit. A Brasilia ad Bonæ Spei promontorium immani tractu Leucas numerant ferè 1200. Oceani sævientis ventorumque furentium ea præcipuè regna sunt. In id spacium audacius, quàm feliciter ingressis mense Majo Lusitanis flammeus Cometes horribili specie in decimum usque diem continenter apparuit; jamque variante sæpius coelo pelagoque, sordidæque nubes ad Septentrionem conglobatæ omnem in se flatum quasi reciprocando collegerant; Mare languidum erat, insidiosa tranquillitas; navitæ locorum tempestatumque ignari ad auram undique captandam totos velorum expanderant sinus; cum ex iis, quas dixi nubibus universo repente impetu sese effundens Aquilo transversas quatuor naves, quarum ad contrahendum minus aptè fuerant arma-menta disposita, inspectantibus cæteris, momento ita evertit, obruitque, ut è tanto hominum numero nemo prorusevaserit, saluti reliquis fuere vel demissæ raptim antennæ, vel ubi id non licuit, vela ipsa vento disrupta. Deinde Borea pertinaciter flante pelagus identidem intumescere, fluctus modò ad astra ferri, modò ad tartara penè ima subsidere, Solem ipsum interdiu piceo, noctu igneo colore terrebat; viginti ipsos dies tempestas atro-

Infelix Lu-
sitanorum
expeditio.

Comete
apparitio.

atrocissima tenuit. Hæc *Massejus*. Utrum hæc tempestas verè ad Ecnephiam reduci possit, incertum est; cum Author doceat, eam ex maligno cometæ multorum dierum influxu processisse. Ecnephiæ autem effectus uti subitaneus est, ita quoque non nisi exiguo tempore durat. Ego Cometem fuisse minimè mihi persuadere possum, sed continuum exhalationum submarinarum effluvium, quod in media æris regione evehum condensatumque tandem eam, quem *Massejus* refert, tempestatem causasse verisimilius existimem. Quid itaque proprie Ecnephas sit, dicendum restat.

Quomodo
Ecnephas
generetur.

Promon-
torii B.
Spei de-
scriptio.

Signum
Ecnephiæ
imminen-
tis.

Contingit subinde, ut cœlo serenissimo, & tranquillo mari, in cœlo compareat nubecula minima, quem Oculum bovis à figura vocant, quæ intra breve tempus ingens sui incrementum sumens tales tempestates excitat, quas sine formidine legere vix possumus. Tale naturæ portentum non infrequenter comperitur juxta promontorium Bonæ Spei, quod mons præcellus longe lateque in mare exprorectus constituit; hujus montis vertex non aliorum montium more in acumen attenuatur, sed planitiem obtinet insignem, quem ob formam figuramque Belgæ *den Tafelberg*, id est, mensam mappâ stratam vocant; in hujus itaque montis planitie, in aëre primo, uti oculatus testis *P. Martinus Martinus* oretenus mihi retulit, minima nubecula spectandam se exhibet, quæ mox totam operit montis latitudinem; quod ubi nautæ compererint, tum mox veluti inevitabilis tempestatis prodromum, collectis velis à littore recedentes, alto tanquam tutiori loco se committunt, minimè periculo ferale illud instructæ mensæ convivium carere arbitantes, quod nullo non tempore illud incautius accedentibus manifesto exitio fuit. Ex montis siquidem vertice è vestigio tam validus ventus emittitur, ut nulla tam benè compacta ac valida navis sit, quæ ejus impetum tolerare possit; undè mare in cumulos montium instar elevatum tantos fluctus procellasque excitat, ut mare cum navibus haud secus ac cum pluma vento agitataolari videatur; unde ex incredibili maris commotione & excandescencia iis vel dissoluta navium compage, submersione, vel in scopulos obvios cum horrenda hominum ruina, illusione facta pereundum est; Atque hujusmodi Ecnephiæ non solum in hoc promontorio, sed & in multis aliis locis statis temporibus evenire, suprâ dictum fuit; videlicet ad Terram de Natal; In ora maritima Guinæ; Ad promontorium Quardafui ad Loandam, aliisque passim Indici maris tractibus; qui si cum fulgetris explodantur, tum etiam Præsteres dicuntur, uti plerumque fit. Vidimus horrendos Præsteris & Ecnephiæ effectus, jam causam inquiremus.

Dico itaque, totam Africam ultra montes Lunæ meridionalem, quam Monomotapam, Angolam, Mozambicum, Melindam Sopha-

lam vocant, ignibus subterraneis scatere; quod verum esse in præcedentibus de Vulcaniis montibus & Insulis combustis maris Africani satis declaratum fuit; præterea totam dictam Monomotapæ Regionem consequenter cavernosam atque abyssi, antris, speluncisque inexplorabilis profunditatis referatam esse, annuæ Soc. nostræ literæ testantur; iterum auri tam uberem ut inter montium crepidines non infrequenter auri solidi frustra ovi gallinacei magnitudine se reperisse indigenæ asseverent; adeoque metallicis succis spiritibusque mineralibus foetam esse. Ex præcedentibus verò patuit, quod ubicunque ignes subterranei dominantur, ibi & caminos & spiracula, sine quibus ignis vivere non posset, reperire, quorum alia infra mare longe lateque exprorecta in fundo maris, alia in altissimis montibus exitum suum reperiunt, in quibus tum salia omnis generis, tum cætera mineralia, accedente Solis naturali dispositione in aurum cæteraque metalla digeruntur & concoquuntur.

His positis, Dico, certo Solis in Zodiaco situ hujusmodi pyrophyllacia concitari, sive id fiat ex Oceani Orientalis Occidentalisve æstus reciprocatione, qua littoribus à natura insertos aquæductus premit; sive ob Solarium radiorum, in dictæ porosæ spongiosæque regionis solum verberatorum efficaciam; sive denique ob Lunarium montium nivosas inundationes, quibus tota Meridionalis Africa obnoxia est, id contingat perinde est, certè singulas recensitas causas magnum pyrophyllacii incrementum adferre suprâ ostensum fuit. Præsteres verò & Ecnephas proximam hinc originem trahere jam demonstrandum duximus. Cum itaque promontorium Bonæ Spei, ubi hujusmodi impetuosus & flammei venti ut plurimum præ cæteris regionibus sæviunt, in altissimum montem saxoso vertice conspicuum, elevatum, undique & undique præruptis scopulis rupibusque constet, vero haud absimile videtur, pyrophyllacia per varias cryptas abditosque meatus, tum in hoc monte alicubi, tum in aperto mari se exonerare; exonerare autem se non possunt, nisi per vapores & exhalationes, quæ cum sale ammoniaco, nitro, sulphure, antimonio, similibusque contumacibus mineralibus foetæ sint, illæ mox unâ cum volatilibus auri spiritibus, quibus pollent, per orificia meatuum montis in sublime elati, ubi frigidam æris regionem attigerint, ibidem condensatæ nubeculam illam; quam Oculum bovis appellant, efficiunt. Verum cum vapores hujusmodi halitusque continua successione augeantur, fit, ut totam paulatim montis planitiem *παρρηγεῖν*, coe-riant; vaporum verò halituumque spirituosæ & tumida substantia hinc inde agitata faciliè in ignem exardescit. Quod ubi accidit, tum ecce spiritus carcerum impatientes præviis fulgetris, fragoreque formidabili, necnon incredibili cum impetu deorsum ruentes quid-

Cur Ecne-
phas certo
anni tem-
pore acci-
dat.

Oculus bo-
vis, uti
vocant,
quando
generetur.

D d

quid

quid offenderint, prosternunt. Quod verò deorsum potius quàm sursum ferantur, causa sunt auri spiritus unà cum nitrosa atque salis ammoniaci antimoniique substantia in mista, quibus in natura rerum nil potentius efficaciusque esse potest. Sed rem experimento comprobemus.

EXPERIMENTUM.

Mira vis
quorundam mine-
ralium.

Experi-
mentum.

Aurei pul-
veris vis
contraria
pulveri py-
rio com-
muni.

Sulphuris
& nitri
antipathia.
Salis am-
moniaci.
& tartari
antipa-
thia.

Horridus
minera-
lium con-
flictus.

Sunt in rerum natura quædam minerales substantiæ, quarum unita vis tanta est, ut omnes horrendæ tempestates & procellæ, urbium montiumque subversiones iis adscribi meritò possint; quod summo stupore & admiratione comperies, si ex auro calcinato, aqua regia, sale ammoniaco & oleo tartari præcipitati compositionem facias, hæc enim vel ad primum ignis odorem succensa, prævio ingenti fragore, quicquid obvium fuerit, prosternit, nec non cum summo eorum, qui eam incautius administrant, vitæ periculo. Vidi hujusmodi pulverem apici cultri imposi- tum succensumque, tantum strepitum edidisse, quam vix sensus sustinere posset, omnibus præsentibus ad soni vehementiam veluti obsurdescentibus. Effectus verò hujus pulveris prorsus ordinario pulveri pyrio contrarius est; uti enim hic succensus sursum impetu fertur, ita ille deorsum; Nam si quis hujusmodi pulveris fulminantis etiam vel minimam quantitatem tabulæ sive ferreæ, sive ligneæ impositam accenderit, vel in momento cum formidando strepitu, tabulam cujusunque illa crassitie fuerit, perforatam reperies; cujus unica causa est sal ammoniacum; Sicuti enim salnitrum & sulphur occulta inimicitie diffidia exercent, aded ut neque simul consistere possint, ita & sal ammoniacum cum tartaro suas habet contrarietates; Quando igitur sal ammoniacum oleo tartari suo contrario jungitur, mox in ferocia bella exsurgunt, & aurum quidem jam aqua regia dissolutum deorsum vergit, tartari verò oleum verberat spiritum nitri purificatum, qui hoc agitur conflictu affectato amicitie foedere sulphuri auri inimico jungitur. Veruntamen cum sulphur auri sit summè purificatum & incomparabiliter sulphuri vulgari subtilius, hinc stupendas facit istiusmodi operationes, dum omnia penetrat, dissipat, terebrat, subvertit; & salnitrum quidem sulphureis auri spiritibus inimicum, dum ab iis tumefactum angustiis loci contineri nequeat, unà cum spiritibus validissimis incredibili violentia omnia perumpit cum ingenti strepitu & fragore; quibus juncti contrarii sal ammoniacum & tartarum præcipitatum tantò ferociores pugnas ineunt, quantò inter se violentioribus odiis dissident. Quandoque itaque violentæ hæc materiæ per exhalationes vaporesque in aërem tolluntur, fit ut eæ tandem accensæ tales Præsteres & Ecnephas causent, quas descripsimus; In omni quippè impetuoso, turbulento & violento vento, quo & arbores extir-

pantur, domus prosternuntur, Equites hominesque per aërem abripiuntur, hujusmodi materias per exhalationes vaporesque è terræ visceribus eductas misceri, aded certum est, quàm certum est, omnes exoticos intra Terræ viscera effectus, quos terræmotus, montium subversiones, ruinæ urbium, novæ lacuum geneses consequuntur, hujusmodi materialium commistione causari.

Quæritur jam, cur mare ad Ecnephiarum eruptionem tam turbulentum reddatur? Respondedo duplici de causa id fieri, vel per Ecnephiam impetuosam mari irruentem, quæ id sibi vicinum in momento violentissimè concitabit. Secundò ob fluctus contrarios ex alto maris recessu ruentes, qui fluctibus ab Ecnephia jam concitatis obvii ingenti conamine colluctantur; unde fluctuum contumacia mare jam in montes exaltatur, jam in turbines agitatur; jam ad laterales fluctus variè illisum, eam quam descripsimus perturbationem efficit.

Contingit verò Oceanum in nonnullis locis etiam quieto & tranquillo tempore cœloque ridente in ingentes cumulos effervesce, cujus rei alia causa non est, quàm quod dictæ exhalationes vaporesque per occultos meatus fundo maris insertos, uti summa violentia protruduntur, ita reluctanti aqueo elemento obvii illud in altum tollunt, atque hoc pacto tumidissimum turbulentissimumque reddunt; qui quidem halitus dicta miscella referti subindè, uti suprà experimento didicimus, impermistibili aquæ substantia penetrantes, atque extra superficiem maris elapsi, nimiaque agitatione succensi, totum unà, præsertim si bituminosi sint, mare accendant, quod *Americum Vesputum* primò observasse, & post eum Archinautas cæteros in pluribus Oceani tractibus expertos Historiæ narrant. Contingit etiam nonnunquam, canales Oceani hydragogos ab hujusmodi vaporibus & exhalationibus infestari, unde aquæ retrocedere coactæ, totam derepente sibi suprapositam Oceani molem vehementer commovent; Unde certissima regula deduci potest, quod quandoque cœlo tranquillo hujusmodi tempestates nascuntur, illas originem vel ab enarratis exhalationibus, vel ventis subterraneis causari. Habes itaque causam Ecnephiæ hoc loco expositam.

PROPOSITIO VIII.

Quomodo Exhydrius Ventus nascatur.

Ventus quem Græci Exhydrium vocant, dupliciter considerari potest; vel prout nascitur ex resoluta in humorem ingenti nubium mole, quæ in terram non guttatim, sed totali aquarum effusione omnia inundatione sua infestat, & Germanicè *Wolckenbrug*, id est, ruptura nubium dicitur; vel imo aquarum profundo nascitur: de quo hoc loco dicendum restat.

Diuturna experientia eorum, qui vastissimos

Cur mare post Ecnephiæ eruptionem tantopere turbetur.

Cur mare subindè à summa malatia tum repente turbetur.

Mare cur subindè ardeat.

Exhydrius ventus quid?

Tempesta-
maris inso-
lita &
quam
Mancia vo-
cant.

mos Oceani recessus sulcârunt, observatum fuit, ex mari quietissimo tempore & malaciâ quasi scopis purgato, exsurgere certum aliquem vaporem, qui instar tubæ aut manicæ, quem proinde Lusitani *la Mancia* vocant, in summam altitudinem paulatim elevetur, qui deinde aded dilatetur, & totum & cœlum & mare densa caligine cooperiat, quam horridissimi & incredibilis violentiæ venti consequuntur, quibus Oceanus tanta rabie incandescit, ut nemo facile formidabilem fluctuum vehementiam animo, nisi qui eam experti fuerint, concipere queat; nullam navim, si quandoque in hujusmodi exhydrium inciderit, evasisse memorant Nauticæ relationes, primis illis temporibus, quibus Navarchi ferocientis naturæ vim ignorabant; modò experientiâ doctiores, dicti venti rabiem mox ubi ascendentem vaporem viderint, mira dexteritate eludere solent. Si causam hujus venti quæras, scias eandem prorsus esse cum ea, quæ Ecnephiam efficit, hac sola differentiâ, quod Ecnephias exhalationibus vaporibusque per terrestres meatus eductis; Exhydrius verò per syphones fundo maris insertos, per quos dicti halitus per medium maris educuntur, efficiantur; hi enim in sublime elevati, succedentibus semper novis & novis halitibus flatulentis, tandem dilatatæ agitaturque ob spiritosam substantiæ mobilitatem contineri nescii, qua data porta ruentes, mare iis procellis, quas descripsimus, infestant.

PROPOSITIO IX.

Quid sit Ecnephias & turbo, quem subinde in Mediterraneis iter agentes experiuntur, & quomodo efficiatur.

Ecnephias
& turbo in
locis medi-
terraneis.

IN faucibus Sinus Arabici, uti etiam in Arabia, Æthiopiz, Lybiæ, aliisque Asiæ desertis, Ecnephias cum turbine frequentissimus

est, primò oculis se spectandum præbet densa & atra nubes, flammeis spiritibus instar succensi camini, horrendum visu, foeta; quæ densa sua caligine tenebras inducit diei; sequitur hanc protinus ventus procellosus, non diu tamen durans, quo arenæ littoris tum maris rubri, tum recensitorum desertorum sabulosi campi concitati tempestates movent multò maritimis periculosiores; Accidit quippe, ut

Tempesta-
tes sabulo-
sæ in de-
sertis Afri-
cæ quibus
sæpe inte-
ger homi-
num exer-
citus op-
primitur.

Quæritur causa tam rari eventus; certè nullam aliam, præter eam quam dixi, esse puto: Videlicet halitus nitroso-sulphureos, mixtos sale ammoniaco; quod in istiusmodi, potissimum Ammonio Libiæ deserto, unde & nomen habet, magno proventu colligitur; hi enim succensi pro ea, qua pollent vehementi naturæ ferocia dilatati, & levioris substantiæ sabulosum solum ferientes, id funditus concitant, unde arenæ in astra sublatae sabulososque montes deinde congestæ, quicquid offenderint, inevitabili fato obruunt, sepeliuntque.

Ex quo patet, cur in nonnullis locis Arabiæ, Lybiæ, subinde vermium, serpentum, ranarum, similibusque animalcularum pluvia observata sit; Nam hæc unà cum arena aut etiam ex quovis loco, ubi copiosa propagine propullulantes stabulantur, ventorum violentiâ abrepta, nunc in has modò in illas regiones pro ratione venti delata, vel etiam ex spermaticis dictorum animalium corpusculis sublati, in humido & calido aëre repentina genesi exclusa, eam, quam diximus, prodigiosam pluviam causant; atque hoc pacto nullum pluviarum genus tam exoticum ab Historicis recitetur, quarum rationem non assignes. de quibus in sequentibus fusiùs.

Pluvia ver-
mium, ser-
pentum,
similium-
que in A-
frica, unde?

CAPUT VI.

De Transversali Ventorum motu, ejusque causa.

Motus
ventorum
non supra
sit à supe-
riore po-
tentia.

DICI vix potest, quantum Meteorologi in vera & genuina hujus motus reddenda ratione sese torqueant, unde quidam abstractissimis principis dissentienti, neglecta naturæ potestate, ad extrinsecas & liberas causas confugientes, motum ventorum Angelicis virtutibus adscribunt; quod etsi subinde verum sit, non tamen Philosophum decere putem, dum rerum naturalium causæ veræ, reales & genuinæ dentur, ad superiores potestates DEI angelorumque potentiam & virtutes confugere: hoc enim modo, circa occultas & abditas rerum causas, omni sublata Philosophandi lege, & idiotæ & mulierculæ nullo negotio Philosophari possent. Non ignoro Magos Strygesque dæmonum operâ nonnunquam DEI permisso sævissimas

tempestates excitare, sed sine ullo tamen causarum naturalium præjudicio, cum eas per se immediatè non efficiant, sed mediantibus causis naturalibus, utpote quibus, uti totius naturæ Oeconomia perspectissima est, ita quoque nil iis facilius, quàm applicando activa passivis, talem effectum producere, quæ naturales similibus rerum causæ intrinsecè & ex se, & sua natura efficere solent. Sunt nonnulli, qui dum se ab hujus perplexitate motus extrahere non possunt, eum non aliunde quàm ab anima Terræ, haud secus, ac in animalibus à pulmonibus expirationis inspirationisque facultas, procedere; sed hi uti ridicule Philosophantur, ita quoque minime confutatione dignos putem. Quidam à cœlorum raptu ventos in transversum moveri existimant.

D d 2

Varie sententia de motu transverso ventorum.

mant; sed & hoc gratis fingitur; Cum enim raptus eorum opinione ex Ortum in Occasum fiat, omnes ventos pariter ab Ortum prouere necesse foret, quod experientia repugnat; neque audiendi sunt, qui λοξοδρομίας ventorum a motiva potentia æquilibrio desumunt, cum falso fundamento nixi putent, exhalationis (quam substantialiter terram esse asserunt) leviolem portionem calore exaltatam, mox ac frigus media regionis aeris attigerit, terrestri naturæ suæ restituta, dum descendit, gravitate sua inferiorem crassioris aeris molem verberare, & cum nec in imum, nec in altum redeundi potestas detur, medium, id est, obliquum motum sectari. Complures diversorum opiniones videat, cui libebit, apud Bonaventuram, qui in vasto volumine nil ferè aliud agit, quàm ut transversus hujus ventorum motus rationes & causas discutiat. Nos in nullius juraturi verba Magistri, nostram hic apponemus opinionem, quam experimentorum freti fiducia, transversus motus, quem nos formalem ventorum causam dicimus, genuinam rationem, assignaturam, nil dubitamus.

Causæ vere & genuinæ.

Dictum fuit in præcedentibus, ventum nil aliud esse, quàm halitum flatulentum calore, vel ignis subterranei virtute expulsi, vel Solis æstu in sublime exaltatum. Quo posito, Dico motum hujus halitus multis modis in transversum peragi posse; primò quidem fugâ contrarii: Secundò pressurâ: Tertiò coactione vaporosi aeris circumfistentis. Fuga contrarii hoc pacto contingit: Cum enim levissimæ substantiæ halitus naturâ suâ calido-siccus, à mixto suo elicitus summo impetu in altum evolet, fit, ut in media aeris regione frigus suæ naturæ contrarium offendens, dum simul consistere non possint, neque deorsum levitate sua impeditum, abutum tentare valeat, inde repulsus fugæ suæ consulens, media ruat via in transversum actus. Atque hæc est prima motus obliqui ratio. Altera; quæ per pressuram fit, hoc pacto contingit: Nemini non constat, vapores à terra

marique exaltatos, ubi mediam aeris regionem attigerint, ibi frigore condensatos, in nubes verti, quæ gravitate sensim descendentes, uti halituum flatulentorum ascensui ulteriori obicem ponunt; ita quoque descensu suo eos validè premunt; hi infra nova semper & nova halituum assurgentium accessione multiplicati, desuper verò à superveniente nube pressi, obliquo modo, qua patet via ruunt; & hoc pacto motus ventorum transversus peragitur. Tertius modus fit per vaporosi aeris circumfistentis coactionem, hoc modo: Assurgentibus halitibus accidit ut plurimum, eum undique & undique, tum supra nubibus, tum è lateribus crassioris aeris vaporosa substantia circumdari; dum itaque hisce gurgustis inclusus, cum magnam ex nova semper halituum assurgentium multiplicatione violentiam patiatur, fuga sibi consulens, eam viam capit, quam natura illis faciliorem offert; unde ruptis obstaculis impetu vehementi elapsus motu transverso in eam plagam, quam obstaculum ruptum respicit, fertur. Addo hisce quartam λοξοδρομίας rationem, videlicet fissuras & rimas montium, ex quibus exhalatio uti erumpit lateraliter, ita quoque lateralem fluxum, quem ordita fuit ab initio, continuat; Atque hoc modo quoscunque alios sibi obvios halitus spiritusque offenderit, toto impetu in eam partem trahere, totum aërem commovere, qui uti mira mobilitate præstat, ita ad quamcunque partem incitatur, halitus secutus sortem; atque sic verè & propriè spiritus ille vires acquirit eundo, torrentis seu fluminis instar, novorum augmento halituum invalescens tam diu durat, quamdiu halituosæ materiæ exspiratio fluxusque duraverit. Habes hic Lector transversus ventorum motus rationem ita combinatam, ut nulla alia concipi possit, quæ non cum dictis coincidat. Quibus quidem ostensis, nihil superest, nisi ut & ventorum naturam, proprietatem, viresque pari progressu demonstramus.

CAPUT VII.

Unde proveniat Tremor, Undulatio, & diversi gradus intensiōis & remissionis impetūs ventorum, & quomodo ea per sonum cognosci possit.

VEntum non secus ac flumen, per aëream regionem ferri, hoc loco nobis demonstrandum incumbit. Quemadmodum enim flumen jam plenum modò minutum, nunc inter montium angustias strictum velocitatem quandam affectat, modò placita fluctuum conglomeratione planioribus locis restitutum defertur; subindè inter obvia saxa veluti carminatum mirum in mo-

dum crispatur; nonnunquam ex catadupis præcipitatum vehementi fragore formidinem incutit, interdum per latices calculosque fluentes aquæ leni murmure perstrepunt, atque aded innumeros hujusmodi flumina effectus producant; Pari prorsus pacto fit in Vento, quem si sensu attingere valeremus, eosdem prorsus effectus in hisce, quos in fluviis, perciperemus. Verùm ne quicquam eorum, quæ

Ventus aërem concutiens fluminis in fluxu proprietatem exprimit.

ad

ad venti naturam pertinent, omiffisse videamur, rem experimento enucleabimus.


EXPERIMENTUM.

Si quis chordam ex animalium intestinis extensam vento in præparato paulò ante loco exposuerit, observabit is chordam mox sonare, non sono illo extensæ chordæ debito, sed prorsus diverso, modò enim tertiam, jam quintam, nunc decimam quintam aut vigesimam secundam, subindè tertiam, quartam aut sextam servare; cujus rei causam cum nemo fuerit, qui reddere potuerit, nostrarum esse partium rati sumus genuinam hujus rei causam hîc aperire.

Cur chordam tantum ventus, tam diversos si nos exhibeat.

Suppono itaque primò, ventum non semper æquabili impetu in chordam ferri, sed radiis veluti quibusdam nunc hanc, nunc illam chordæ partem, nunc tardiori nunc velociori impetu ferire, atque hanc inæqualem scilicet, ventî impetum, causam tam diversorum sonorum esse, ita ostendo.

Sit chorda A E, ventus G, qui si totam chordam A E, uno & indiviso impetu comprehendat, certum est, chordam illam proprium illum, qui extensioni ejus competit, sonum edere.



Si verò radius G C solus eam tangat, hoc est, bifariam dividat, futurum est, ut reliquæ

partes C A, & C E ad totam diapason sonent, quentadmodum in divisione monochordi demonstravimus. Serviet enim venti radius loco plectri, quod ubi C tetigerit, tremor totius chordæ in partibus C A, C E, duplo velocius sonabit, unde necessario chorda unius octavæ intervallo altius intonabit. Si verò radius venti G B, inter A & E præmat mediam B, pars chordæ B A, necessario B E, duodecimam sonabit, ob dictas rationes in divisione monochordi assignatas; Si iterum totum spacium A D prefferit ventus, sonabit D E necessario disdiapason, id est, decimam quintam, & sic de cæteris; radius itaque venti pro alia & alia incidentia in chordam, in ea alios & alios sonos producet. Unde quando ventosus radius majorem chordæ partem reliquerit intactam, tantò sonum producet acutorem, quantò verò minorem, tantò gravio-rem. Quod igitur in una chorda ventus facit, in innumeris aliis æquifonis faciet; atque hæc est genuina causa tantæ diversitatis sonorum, quæ in hoc instrumento percipiuntur. Nascitur subindè tremulus quidam sonus, mirificè aures afficiens, qui certè aliundè originem suam non habet, nisi ab undulatione venti, qui non semper recto impetu, sed in morem fluctuum chordæ allabitur, & sic consequenter eodem motu chordam incitat, quo illiditur.

COROLLARIUM.

Ex his quoque patet, unam & eandem chordam infinitos diversos sonos edere posse; Nam ventus etiam si fortius chordam in uno loco premat, in aliis locis debilius eam premens, novas & novas parturiet sonorum differentias; Nam si v. g. in C prefferit fortiter, in B debiliter, certum est C A non omnino diapason, sed aliquod intermedium affectare.

Ex hoc experimento luculentissimè patent omnes ventorum differentia, quæ in motu eorum impulsuque spectantur, ita ut qui ventorum fluxum undulationemque oculis attingere non potest, eum in hoc experimento auribus percipiat. Vide si placet, quæ de hoc fusè tractavimus in *Secundo Tomo Musurgia* fol. 354.

CAPUT VIII.

De Natura & proprietate Ventorum.

PROPOSITIO I.

Cur & unde nonnulli Ventî frigidi, quidam calidi, alii sicci humidique sint?

Cardinales venti non semper iisdem facultatibus pollent,

Valde hallucinantur ii, qui ventos Septentrionales omnes frigidos, Australes calidos, omnes Orientales siccos, Occiduos verò humidos autumant; cum ven-

torum qualitates non à plagis Mundi, sed à medio, per quod transeunt, sumendæ sint; sive enim Mons quispiam nivibus coopertus ad Septentrionem, sive ad Austrum, aut ad Orientem Occidentemque situm suum obtineat, semper verum erit, ventum ex quacunque parte montis spiraverit, ob medium nivis quod pertransit, frigidum existere, ita semper humidum illum ventum esse necesse

D d 3

est,

Ventorum
Romano-
rum qua-
litas.

Varia e-
xempla di-
versitatis
qualita-
tum, qui-
bus venti
præditi
sunt.

est, qui paludes terrasque stagnantibus aquis perfusas transit, semper calidum & siccum illum, qui per arenosa deserta & sabulosa loca æstu Solis adusta spirat, quemadmodum Græci, Cretenses, Cyprii comperiunt, vento Lybico, Australi aut simili ex opposita Africæ ora aspirante. Et experientia constat; Ventus enim Borealis, qui nobis hîc Romæ siccitatem frigiditatemque adducit, is idem in Belgio cæterisque oris maritimis pluvias & nubes adducit. Rursus, Ventus Borealis, qui nobis sicco-frigidæ qualitatibus est, Tuneti in Africa calido-humidæ qualitatibus esse perhibetur; Contrà Australis nobis calido-humidus, in Africæ littore frigido-siccus est; Et causa in promptu est; Cum enim Borealis nobis ex nivosis Appennini montibus aspiret, eâ nos qualitate, qua medium, per quod transit, est imbutum afficiet, id est, frigore; Et quoniam Austro ex mari, & paludosis tractibus aspirat, is ea nos pariter qualitate afficiet, qua medium, per quod transit, est imbutum, id est, humido-calido. Tuneti verò in Africa, cum mare Mediterraneum, quod ipsis est Septentrionale, non frigido-siccum, sed humido-calidum, ventum, cujusmodi medium est, adducet. Contrà ex Austro tum ob montes Numidiæ, tum ob interjecta deserta sabulosa ventum nunc frigido-siccum, nunc calido-siccum aspirabit. Innumera hîc adducere possem ad hanc veritatem demonstrandam exempla; sed quia in præcedentibus ea insinuavimus, iis amplius inhærere nolimus.

Vides itaque non ubique locorum eandem esse ventorum naturam, eamque non nisi à medio, vel à naturali constitutione circumjectorum montium, vallium, planitierum, marium, lacuum, paludumque pendere.

Ventorum
effectus à
duobus
pendent.

Et ratione comprobatur; Quia venti natura & effectus à duobus pendit; ex ipsomet spiritu, quo ventus consistit, & ex eo loco, per quem transit; sed spiritus, qui ex Terra nobis Orientali exspirant, & ventum causant Orientalem, is idem ex plaga Occidentali habitantibus causabit Occidentalem, nisi aliud obstiterit; ex Borea Borealem, & ex Austro Australem, cum tamen ventus unus & idem iisdemque qualitatibus imbutus sit. Cum itaque Australes venti non ubique locorum & terrarum ex locis calido-humidis proflentur, neque semper à Septentrione frigida & sicca loca comperiantur, quæ hujusmodi frigido-siccus ventos producant, evidenter constat, non eandem semper esse ventorum naturam.

Diversus
exhalatio-
num in
aliis aliis-
que regio-
nibus.

Ut itaque aliquid certi de ventorum natura constitui posset, tum vel maximè unius regionis natura & constitutio observanda foret; v. g. halitus ex qua parte spiret, & per quod medium transeat; hæc enim duo maximè ventorum naturam constituunt, variantque. Quemadmodum enim uniuscujusque Regionis solum, & Terræ qualitas multum ab aliis differt; ita exhalationes inde ex-

euntes diversos quoque ventos constituunt. Hinc diversitas ventorum sumenda est juxta Horizontium constitutionem; Sunt quippe nonnulla loca, quæ raro ventos admittunt, uti Ægyptus; Si tamen invaluerint, tales sunt, quales suprà, cum de Ecnephiis tractavimus, descripsimus, impetuosus & violentus. Sunt alia loca, quæ perpetuò sine pluvia vento dominantur, uti in Territorio Avenionensi, in quo vix pluviam comperias coelo semper sereno, ventos verò perennes, tota humiditate in eos conversa; cujus quidem rei ratio alia esse non videtur, nisi mons ventosus vulgò *Mont-venton*, qui Carpentoracti adjacet, quem ferunt, per occultos interiorum viscerum meatus perpetuos efflare ventos, quibus vapores ex agro Avenionensi vi solis extracti protinus in flatus omni humiditate exuti convertantur. Ajunt ante 50 circiter annos frequentibus pluviis hunc tractum fuisse irrigatum; sed postquam ingentem lacum ultra Rhodanum 15 circiter millia passuum Avenione distitum exsicassent indigebat, simul etiam coelum humiditate, qua beneficio lacus fruebantur, exutum deinde pluviam negasse. Sunt præterea nonnulla loca, quæ perpetuis obnoxia diluviis; cujusmodi sunt, quæ magnis montibus coronantur. Nubes enim intra eorum coactæ gurgustia sistuntur & congregantur, donec humidior flante Syrophœnice aut Lybico vento in aquas solvantur.

Mons ven-
tosus in
Comitatu
Avenio-
nensi.

PROPOSITIO II.

Vnde salubritas aut insalubritas ventorum proveniat.

Medicorum judicio omnis ventus, qui ex aëris commotione non fit, sed ex halitibus & vaporibus, humanis corporibus non nocivos tantum, sed & exitiales esse. Quod ut probetur, paulò altius materiam ordiemur.

In præcedentibus ostensum fuit, Ventos ut plurimum ex halitibus, quoad substantiam & proprietatem constare; hi quippe halitus spirituosus & vapidi non propria duntaxat virtute diffunduntur, sed & propellunt quoscunque occurrentes alios halitus cujusunque generis, unde exoticos differentesque ventorum effectus produci necesse est; prout diversa loca variis terrestres substantiæ quicquid imbuta transeunt: hoc enim pacto uti diversas assumunt copias, ita diversos instruunt exercitus, quibus humana corpora infestare non cessant; alii enim humiditate nimia immodicè distendunt laxata corpora; alii gelu constringunt, corporumque poros, ac superflua vaporum intus conceptorum fuligine, quam exspirant, obstruunt: Unde coactis in interiores corporum sinus humoribus, catharros omnis generis, pleuritides, & apoplectica symptomata causant. Non desunt, qui subtilitate & siccitate sua intimam humani corporis


Varii ven-
torum ef-
fectus in
corporibus
humanis.

Halitus
minerales
corporibus
noxii.

poris Oeconomiam penetrantes necessaria humiditate destructa spiritus tum animales tum vitales exsiccent; siquidem halitus illi salnitrosi, spirituosus sua substantia non solum abditos viscerum meatus penetrant, sed & inter membranarum muscutorum abditos ductus insinuati & sensim serpentes non minores effectus, quam quos in Ecnephiis, Præsteribus, aliisque impetuosus ventis, producant; hos enim mox lassitudo, omnium membrorum torpor, & molestissima sensatio, & *ἐνυμματα* omnis generis exotica, capitis cum molesta tussis gravedo, aliaque symptomata, quæ longum foret enarrare, & passim iis, qui ventos memoratos præsertim poris apertis, & siue æstu nimio, siue nimia exercitatione corpore relaxato exceperint, contingit. Sed rem experimento comprobemus.

EXPERIMENTUM.

Fiat canalis longus in formam tubæ, quem ita dispones, ut latius orificium, per murum extra conclave alicubi firmetur, reliquo canali intra cubiculum seu conclave aliquod



porrecto; hoc pacto, inferantur dicto canali quæcunque rerum species laxè & tenuiter insertæ, ut sunt odoriferi flores, lilia, violæ, thymus, ocymum similiaque; Fiet itaque ut simul ac ventus quispiam dictum canalis extrinsecum orificium intraverit, dico cubiculum interius eo odore, quem res inserta refert, venti vehiculo imbutum iri. Si verò dicto canali herbas deleteria qualitate præditas, uti hyoscyamum, mandragoram, solanum, stramonium indideris, tunc venti vehiculo totum cubiculum nocivis vaporibus impleri videbis, & aliis quidem somnum, aliis acutissimos capitis dolores, quibusdam cardialgias, similiaque symptomata ex noxia & perniciofa qualitate accidere comperies. Haud secus sæpe numero contingere tibi persuadeas in vento fieri; hic enim per loca salubribus rebus referta transiens, tali qualoculus, unde proflat, imbuetur, si insalubria, insalubribus, &c. Sed rem novo experimento demonstramus.

Pro qualitate rerum per quas ventus transit, corpora afficiuntur.

Historia de mira quorundam locorum constitutione.

Referunt Historiæ nauticæ, eo tempore quo cinamonum maximè floret in Ceilano, Insulam tantam odoris fragrantiam sperge-

re, ut ea ad 100 miliaria intra altum mare non sine sanitatis debilitatæ instauratione venti deferentis beneficio percipiatur: Quod idem in Moluccis contingit, in quibus ventus odorem charyophyllorum ad complura miliaria præsertim tranquillo tempore spargit. Contrà ad promontorium, quod *Serra di Lyone* vocant, omnes ferè itinerantes exoticis morbis infestari, experientia longa docuit: Siquidem iis aquæ verminosa substantia replentur, corpora eorum tumore insolito implentur, dentes perduntur, malignis febribus agitantur, & pro complexione cujusvis variis infestantur symptomatis; cujus quidem rei ratio alia non est, nisi montes vicini, qui uti Arsenicis, Antimoniis, Mercurialibusque spiritibus prorsus perniciosus referti sunt, ita ii vento in naves delati, ea navigantibus, quæ descripsimus, symptomata adferre, non est mirum; Et experientia docet Æolia pila, cui si aquas dictis lethiferis rebus maceratas indideris, carbonibusque accensis superimposueris, reperies, exitialem aquarum vaporem eosdem in illo loco inclusis hominibus effectus, quos descripsimus, non sine vitæ periculo eorum, qui hujusmodi vaporem hauserint, causaturum; sicuti enim Æolia pila se habet ad carbones succensos, ita minera subterranea ad ignem subterraneum; & sicuti vapor exitialis Pilæ ad homines in aliquo conclavi degentes, ita vapor venenosus mineræ ad eos qui vicini fuerint origini halitus adeo perniciosus, se habet. Quomodo verò pestis, quibus de causis generetur, contagione in longinquas regiones delata, cum in nostro *Scrutinio Physico-medico* uberrimè pertractaverimus, ad illud Lectorem remittimus, ubi mira quædam ad hanc materiam spectantia reperiet.

Experimentum cum Æolia pila.

Analogia Æoliæ pilæ ad ignem subterraneum.

PROPOSITIO III.

De utilitate Ventorum & mirabili magnetismo, qui ventorum beneficio in genesi rerum accidit, dum unumquodque id ex halitibus varia seminalium rerum miscella refertis, quod sibi maximè conveniens fuerit, a ventis delatum attrahit.

Naturam operationes perenni quadam pericyclofi peragere in præcedentibus ostensum fuit. Nunc novam pericyclosin ordiemur, qua ventorum beneficio singula mixtorum corpora ex halitibus tum subterraneis, tum elementaribus varia seminalium rerum miscella refertis, id quod maximè eorum sustentationi congruum & necessarium fuerit nutrimentum à ventis collatum attrahant. Quomodo autem id contingat, Deo aspirante docebitur.

Notum est, Solem radiis suis in Geocosmum dimissis, mox atque humidum resolvable offenderit, illud calore attenuatum in altum attrahere; uti verò nullum ferè mixtum est,

Analogia,

Halitus ex omnibus rerum naturalium classibus à Sole eliciuntur.

Omne humidum calefactum halitus vaporesque mittit corpusculorum heterogeneorum.

Odores plantarum nil aliud quam diffusa corporum effluvia sunt.

Panpermia rerum ventorum vehiculo in varias partes deferuntur.

Duplex materia spirituum fixa & volatilis.

est, quod non à sole attenuetur, (exceptis iis metallicis mineralibusque corporibus, quæ jam soliditatis suæ consistentiam nacta sunt, quæ efficaciori igne ad resolutionem suam indigent) ita nullum quoque est, quod à Solaribus radiis in suas elementares partes non resolvatur, ita ut sicuti sese habet ignis subterraneus ad abditas mineralis miscellæ cryptas, & ignis artificialis ad alembicum, in quo mixta corpora per halitus separantur; ita Sol sese habeat ad omnia Geocosmi resolvable corpora; cujusmodi sunt primò quidem omnia humida, uti mare, flumina, lacus, stagna, fossæ, fontes, loca mineralibus spiritibus foeta; Secundò Plantæ, arbores fruticesque; Tertiò seminalium rerum miscellæ; Quartò animalia omnis generis: Ex his omnibus halitus quosdam seu spiritus à Sole elici, (quæ deindè miro quodam magnetismo denuò attrahuntur ab hisce rebus, quæ cum seminali miscella in halitibus delitescente proportionem quandam sive consensum quam Græci *συμπάθεια* dicunt, habent) hoc loco curiosè tractandum duxi. Et primò quidem, quod ad humidam naturam attinet, fieri non potest, ut illa Solis æstuantibus radiis percussa non mox in vapores attollatur; qui quidem nihil aliud sunt, quàm infinita corpusculorum aqueorum multitudo, calore Solis uti summè attenuantur subtilianturque, ita ob levitatem summam in æream regionem efferuntur; Quoniam verò aqueum elementum panspermia quadam refertum alibi ostendimus, fieri non potest, quin cum aqueis corpusculis non etiam corpuscula heterogenea sive spermatica ab omni sensu remota simul eleventur. Rursum plantas, arbores, halitus emittere naturæ unicuique proprios mox ac Solis radiis verberantur, aded notum est, ut de eo quispiam dubitare non possit, & fat testantur odores, qui nihil aliud, quàm effluvia quædam corpusculorum sunt, quorum unumquodque ea qua totum qualitate imbutum est. Præterea Sol mineralem telluris superficiem verberans salinos, nitrosos, sulphureos cæterorumque mineralium halituosos spiritus educit; Quod & de animalibus omnis generis pari modo fieri intelligas velim. Hæc itaque Panpermia rerum eo quo diximus modo per vapores in ærem elevata, beneficio ventorum vehiculo in universas Mundi plagas delata novam fundant seminariorum Oeconomiam; cum enim res omnes duplici consistens materia, quarum prior fixa & consistens, altera tenuis & volatilis sit; hinc fit ut fixa, lenta, sentaque humi hæreat; altera verò tenuis & volatilis naturæ aded in altum evolans semel à subjecto suo abstracta nunquam amplius cum fixo conjungi possit, nisi ventorum beneficio & ministerio circumlata tandem in locum incidit, ubi fixum sibi congruum & proportionatum reperit; quod ubi contingit, tum illic veluti ferrum à magnete, & à nephta flamma arripitur, at-

que aded fixo redditur id, quod ab eo calore Solis separatam fuerat: Hinc est admirabilis illa palingenesia pericyclica, qua singula suis unde dissolvuntur mixtis per attractum quendam magneticum restituuntur; Mineris spiritus salini, nitrosi, sulphurei, aluminosi, bituminosi, qui indè subterranei caloris vi evolaverant, reciproco ventorum commercio in montium rimas fibrasque admoti naturali quodam attractu singuli singulis sibi appropriatis fixis restituuntur; cum enim hi spirituosi halitus ubique locorum evaporant, fit ut semper laborantibus fixis, qui sine volatilibus spiritibus in esse suo conservari non possunt, ex communi halituum penuario ventorum ministerio provideatur; plantarum seminales foeturæ unà cum spermate ventorum vi abreptæ ubique locorum ad speciei propagationem disseminantur. Quod & videre est in veterum Romanorum monumentis, aquæductibus, Amphitheatris, mœnibus, fanis, cæterisque semirutis ædificiis, in quorum summitatibus omnia plantarum fruticumque genera nascuntur, quomodo autem ed pertigerint, aut quis eas iis in locis plantaverit, solis is nescire poterit, qui ventorum naturam & proprietatem ignorat. Habet ventus abscondita sua vehicula, quibus insensibilia plantarum semina ed deducit, quæ calcis cæmentique salinis nitrosisque spiritibus, quibus pollent, juncta, pluviis deindè roreque fermentata tandem id plantæ genus producant, ex quo emanarunt; quod uti in aridissimis ficiis murorum parietibus verum esse experientia docet, ita multò magis id in omnibus iis locis, ad quæ vehiculo venti delata fuerint hujusmodi rerum seminaria, fieri credendum est: Siquidem spiritus illi mixtorum, qui calore resoluti, incitantur motu, & ventis circumferuntur, halituosi diversarum specierum spiritus sunt, quibus simul permixti sunt spiritus ex vegetabili, animali & minerali Oeconomia prodeuntes; dum ergo concitantur motu, diversaque loca pertranseunt, si istiusmodi ad proportionatas matrices appulerint, unaquæque matrix seu unumquodque corpus materiale & fixum ex præterlabentibus spiritibus fugit & quasi imbibit partem sibi magis proportionatam, aliâ sibi veluti incongruâ relictâ: Haud secus ac in assumptis variis ciborum generibus, digestionem in stomacho peracta, cor quod sibi convenit, attrahit; hepar quod suum; cerebrum, splen, pulmo, renes, cæteraque membra singula illis congrua attrahunt; Undè secretiores Medicinæ Jatro-mystræ asserunt, membra animalium simul ac in cibum assumpta & calore stomachi digesta fuerint, mox singula ad singula sibi symbolizantia membra confluere: cerebra ad cerebrum, ad corda cor, hepar ad hepar, pulmo ad pulmones, &c. Ut ex abdita naturæ similitudine & proportionem ei membro, quod figurâ expriment, prodesse queant. Atque hinc nata est arcanior illa caracte-

Magnetismus naturalis.

In Amphitheatro Romano omnia genera herbarum nata reperiuntur.

Similia attrahunt similia.

Analogia ad corpus humanum.

Characte-
ritica
scientia de
signaturis
rerum.

characteristica naturalium rerum scientia, qua per occultos rerum characterismos Medici sagaces Sanativam vim plantarum unicuique humani corporis membro, quod plantæ cæteraque corpora mixta figurâ suâ referunt, propriam dignoscere docet. De qua uti in *Arte Magnetica*, *Musurgia* & in *Oedipi Secundo Tomo*, tractatu de *Hieroglyphica Veterum Egyptiorum Medicina* uberrimè tractavimus, in hoc loco longiores esse nolumus. Sed rem alia similitudine declarare operæ pretium duximus.

Experi-
mentum
magneti-
cum.

Si quis innumeris rerum speciebus in pulverem redactis confusisque, totam pulveream massam mensæ explicaret; Dico quod sicuti ferreus pulvis totus & integer ex tanta confusarum rerum congerie sola magnetis validi applicatione, attractu separari potest, ita quoque in metallicis pulveribus confusis, Mercurius sive argentum vivum amalgamatione, uti Chimistæ vocant, prius in pulverem redactum, sola ignis vi, totum & integrum in retorta à cæteris separari potest; Si quis jam nosset, magnetem auri tractivum, is eadem ratione auream scobem à reliqua chaotica massa facili negotio separare posset, & sic de cæteris. Verum de hoc secreto forsan in sequentibus Libris nonnulla invisâ adhuc & inaudita aperiemus, ut curioso rerum arcanarum exploratori negotium ulterius promovendi animum præbeamus. Quod igitur (ut ad propositam nobis materiam revertamur) dico de confusa pulverum congerie, idem de diversorum corporum spiritibus, qui permixti per aërem diffunduntur, intelligendum esse scias; hi quippe sunt vera & foecunda semina, & veluti animæ quædam, quæ dant esse rebus omnibus: Nemo siquidem negare poterit permixtos aëre innumerabilium rerum spiritus, qui & exsurgent à terra, & in dissolutione rerum à se invicem separantur; loquor enim de spiritibus illis seminalibus, qui ex rosâ, violis, vino, aliisque innumeris arte spagyrica extrahuntur; Quod igitur ars potest, multò id excellentius natura efficit, in resolutione dictarum rerum per calorem Solis facta: hi siquidem spiritus à vento disseminati, dum ad motum aëris corporibus impingunt, mox fixa, quæ terræ inhærent, unumquodque maximè sibi suæque naturæ congruum attrahit spiritum, illumque ut ex illo iterum in pristinum coalescat compositum, retinet, ac proinde huiusmodi fixa corpora nil aliud, quam quidam magnetes sunt ad spiritus illos confusos separandos à natura deputati. Rursum dico, à natura jam perfecta viventis elaborari semen, quod semen est veluti magnes illius naturæ, ubi enim semen completum & perfectum fuerit, à vivente separatur, quod separatum statim incipit magnetismo sibi indito adungere sibi partes proportionatas, tam ex crassâ in terra hærentibus, quam ex spirituosâ per aëra volantibus, &

Aër plenus
est diversarum
rerum
seminibus.

Mira na-
turæ peri-
cyclosis.

hac ratione augetur & perficitur, radicibus sese semper ad novas terras, ut ex iis novas fixas partes quærant, extendentibus; pluviiis verò & ventis novos afflantibus spiritus, quibus tandem compositum, ultimam suam perfectionem nanciscitur. Hoc pacto fodinas auri, argenti, ferri, lapidum, postquam exhaustæ fuerint, denuò crescere, tum in hoc, tum in *Itinere nostro Hetrusco* amplè docuimus; Ut vel ex hisce ineffabilis DEI Opt. Max. elucescat providentia, dum res ita concrescunt, atque tam studiosè sibi invicem famulentur; ut tametsi una ad alteram contingenter omninò se habere videatur, una tamen sine altera nec esse nec consistere possit; nisi enim venti spiritus istos spermatica miscella foetos dissiparent, rerum genesis utique non ubique perpetuaretur; novit enim summus ille naturæ Architectus ita artem suam occultare, ut artificium divinissimum omni arte carere, omnia casu fortuito contigisse videantur.

C O R O L L A R I U M.

Hinc patet causa finalis Ventorum & ingens emolumentum, quod secum adferunt; hi enim humiditate nubes coactas in pluvias resolvunt, sine quibus natura rerum omninò sterilesceat; ne tamen immodica humiditate telluri officerent, statim siccioris naturæ venti se sistunt, qui tellurem nimia madentem humiditate exsiccent; Ab hisce omnis agrorum felicitas arborumque foecunditas pendet; cum seminales vires omnibus abundè affluant; horum ope, lacus, mariaque nè putrescant, continuo motu exagitantur; Itinera quovis vento circa Terraqueum globum peraguntur, ut proinde nullibi desit, quod naturæ rerum conservandæ tantoperè necessarium est: Quid enim mirabilius est, quam ventorum ministerio tam exiguo tempore aded immensa Oceani mariumque spacia peragrarè? novos orbes detegere? ingentibus divitiarum thesauris humanum genus beare? & quod caput est omnium, Sacrosancti Evangelii lucem per universas Mundi semitas, atque in incognitos terrarum remotissimarum tractus, cum incredibili animarum lucro transportare?

Finalis
ventorum
causa &
maxima
utilitas.

Sed objicies forsan: bonum esse non posse, quod tot calamitatibus Mundum replet; At ventis præterquam innumera detrimenta, quæ hominibus adferunt, halitus quoque exitiales quandoque ex terræ visceribus putridarumque rerum cadaverosis quisquiliis exspirantes deferre in ultimam hominum animaliumque ruinam; dum pestem flatibus suis contagiosis disseminant. Ergo.

Cum natura
tam per-
niciosos
ventos per-
miserit.

Respondeo. Verum esse; Veruntamen hisce naturæ malis idem agi, quod in corporibus humoribus perniciosis prægravatis, medicamentis purgantibus, quibus corpora quædantenus purgantur, ut humoribus exuti vi-

Idem venti
pestiferi
præstant
quod pur-
gantia me-
dicamenta
in corpori-
bus huma-
nis.

E e

rulentis

rulentis pristinam sanitatem majori foenore consequantur. Pari pacto, etiam si venti quandoque exitiosi exsurgant, aërem inficiant, virulentis qualitatibus & plantas & animalia imbuant; habent tamen hoc ipsis adjunctum bonum, ut exitiali halitu evomito morbosam terram pristinæ salubritati restituant; ne verò diuturniori molestia terram infestent, magno sanè naturæ consilio factum est, ut mox alii exsurgentes salubrioris naturæ venti, veluti scopis quibusdam malignas in aëre factas impressiones expurgent, & quidquid

halitus perniciosi, periculi attulerant, hi benignitate sua abstergant, adeoque nil in natura rerum adeo perniciosum sit, è quo natura non infigne quoddam bonum educere laboret. Accidit quoque subindè, ut benignus Deus ad perversitatem humani generis castigandam talia naturæ mala justo suo iudicio, ad bonum animarum permittat, dum hisce calamitatum turbinibus pressi, ad bonorum omnium DEUM, à quo exciderant, per poenitentiam vitæque emendationem revertantur.

CAPUT IX.


De Artificialium Ventorum, qui tum ad recreationem, tum ad emolumentum hominibus conferunt, productione.

Ars imitatrix naturæ.

NE quicquam curiosarum rerum in hoc opere omisisse videremur, de Artificialium quoque ventorum productione hoc loco agendum duximus. Homo naturæ simia mirabiles ventorum effectus observans, dum iis pro libitu imperare non posset, simile quid, quod necessitatibus suis serviret, privato ingenio ad exemplar naturæ machinatus est; Cum enim videret ventos per stricta loca & oclusos parietes, aut interpositos montes, valles, aut obviis rebus impactos, ingentes vires acquirere, statim in fluminibus, lacubus, maribus, animum ad navigiorum structuram applicuerunt, & ea velis instruxerunt, in quorum expansione veluti reti quodam ventus captus, dum effugere non posset, unà secum & vela & navigia propelleret; In Terra verò Molæ ventorum vi agitatae ad frumentum molendum fabricatae sunt, ut qui fluminum cursu destituerentur, ad necessaria vitæ adminicula procuranda, ea ventorum beneficio consequerentur. Opifices verò ad ignes majori vigore animandos, dum experirentur, ventum minima pressura mirum in modum invalescere, folles invenerunt, quorum ascensu aër attractus inclususque, descensu verò pressus summo impetu elaberetur; quo quidem uti nil communius est, ita de eo plura dicere supervacaneum esse duxi. Non dicam quoque de Hydraulicis artificii & sclopis ventosis, quæ partim in Arte *Magnetica*, partim in *Musurgia* uberrimè demonstravimus, de quibus quoque vide *P. Gasparem Schottum* olim meum in re literaria socium, in sua *pneumatica Magia* ingeniosè tractantem.

Sileo artificiosam Anemoscopiorum fabricam, quam libro 20. *Artis Magnetica* tradidimus. Addam hoc loco tantum in sequentibus, quomodo conclave aliquod Æolium apparari possit, quod æstivis mensibus perpetuos ventos cujusvis temperamenti subministraret, tum ad delicias principum, tum ad refrigerandos liquores fructusque constitutum.

Fiat receptaculum lateritium ABCD, magnitudinis passim in cubiculis exstruendis usitata, infra cuius pavimento CGHD, fiant duo receptacula diaphragmate LM discriminata; in quorum priori CDLM fiat sy-



phon Q, cuius cruris os X apertum sit, alterius Y, longioris crus pariter apertum per diaphragma LM, cui benè coagmentatum sit, ducatur in receptaculum LMNO, in quo alius syphon R, cuius longius crus fundo NO insertus foras porrigatur ad exonerandam aquam destinatus. In receptaculo verò CDLM forinfecus deducatur canalis præamplius epistomio T instructus, quo aperto aqua vehementi impetu præcipitetur intra vas P, cuius fundus V apertus sit. Præterea per diaphragma CD, qui est fundus pavimenti GHCD, ducantur infra eum locum, qui signatur litteris GH, Syphones plumbei ducantur

cantur retro parietes A E C G, F B H D, E F G H, quorum orificia inferiora vergant intra receptaculum C D L M, superiora, in locis, qui signantur numeris 1 2 3 4 5 6 7 8, muro inferantur, ita ut orificia intra cameram vergant, & habebis cubiculum Æolium præparatum.

Ufus hic est; æstivo tempore aperiatur epistomium syphonis S P, muro inserti, quo aqua forinfecus derivata intra receptaculum C D L M, præcipitabitur, ibidemque stabulantem aërem per orificia syphonum intra idem receptaculum aperta expellet, qui dispulsus per orificia 1 2 3 4, &c. syphonum retro parietes cubiuli infertorum magno impetu egressus, cubiculum atque in eo commorantes gratissimo refrigerio afficiet; durabit

que ventus, quamdiu durabit aquæ præcipitatio per canalem S P facta. Quoniam verò receptaculum C D L M, temporis successu impletur, hinc syphonem X Q Y, ordinavimus, quem diabetem inflexum *Hero* vocat, quo aqua in receptaculum E M N O, & hinc redundans per syphonem inflexum R foras exoneratur. Atque hoc pacto, cum quantum aquæ per canalem S P, præcipitatur, tantum syphon X Q Y exoneret; Et quoniam aër intra aquam & receptaculi textum semper in motu & turbulentus est, hinc per orificia syphonum 1 2 3 4 5, &c. pulsus continuò cubiulo ventosum aërem & frigidum suppeditabit. Sed hæc de ventorum natura, proprietate & usu sufficiant.

C A P U T X.

Nullum esse Meteoron, quod genesin suam non ex subterraneo Mundo sortiatur, quodque in eo omnis generis meteora non secus ac in externa superficie, & aërea regione producantur.

IGnem Subterraneum omnium Meteorologicarum impressionum causam esse, supra innuimus; quonam verò modo ista producat, qua arte efficiat; an propriis in aëdibus intimisque penetralibus fabrefaciat illa, moxque absoluta excludat? an verò veluti sedulus Oeconomus & naturæ prorex singula sua territoria ipse visitet, & negotia disponat? an voluntario motu illa præparet? an à Sole altum tenente dominium, ad reddendam de villicatione rationem evocatus? Singulis modis recensitis suas eum disponere negotiationes, ex paulò post dicendis patebit. Nam proximam ante omnia afficit materiam, eamque vel superat, vel varia missionis generamolitur, pro quorum modo nova educitur forma, novo composito jus dictura, deinde vicaria proprii caloris opera omnem mistorum oconomiam promovet atque fomentat; nonnunquam fit, ut obsequentem materiam copiosumque comeatum nactus subterraneus ille pyrodynasta longis itineribus novas fundet stationes coloniasque deducat; Invitus nunquam properat, nec volens evocatur, sed naturæ instinctu astrorum lumen non tam veneratur, quàm amici caloris contubernio fruiturus terræ fines transgreditur. Regi lucis homagium præstiturus, de subterrestribus redivitibus fideliter administrandis. Sed relicta verborum analogia, jam propius institutum nostrum urgeamus.

Ignis itaque Subterraneus impiger robustusque viribus ita simplici generationi incumbit, ut interim uberem mistorum propaginem non detrectet: Duos in operum molitione affectas adhibet; vaporem & exhalationem, quorum ille veluti potentia aqua, hæc potentia ignis, quæ sunt verè mistorum corporum omnifeminarium, quorum opera om-

nia quæ in sublimi fiunt, generationes promoventur & perficiuntur; ne verò beneficiis suis in aëream regionem diffusis, proprium regnum iis privasse dici possit, primò de Meteororum impressionibus, quæ in Mundo Subterraneo fiunt, agam; deinde eorum quæ ejus beneficio in externa superficie aëreaque regione innotescunt, causas & rationes, per paragraphos ordine exponam.

§. I.

Omnes Meteorologica Impressiones, quæ in sublimi extra terram, hæc eadem in Mundo Subterraneo accidunt.

IN præcedentibus abundè ostendimus, Geocosmum innumeris præter receptacula, quæ pyrophylacia, hydrophylacia, Aërophylacia dicimus, etiam cryptis, antris, spaciisque in immensum exporrectis refertum; meatibus denique, cuniculis, syphonibus, rimis fissurisque pertusum esse, in quibus perenni legum constitutione dominantur vapor & exhalatio, quorum ille ab aquis, hæc ab igne originem trahit; Et de fluminibus quidem, aquæductibus, immensis lacubus & maribus subterraneis in præcedenti Libro amplè diximus, & in sequentibus dicetur; quare ad alia explicanda progrediamur.

Pluvie Subterraneæ.

Et primò quidem pluvias subterraneas dari, solus is nescire poterit, qui distillatorii Alambici constitutionem ignorarit: Cum enim vapor ingens ex reconditoriis hydrophylacticis continuò vi interni caloris in abditas montium cryptas eductus fuerit, hic frigidioribus locis condensatus fornicibusque impa-

Pluvia subterranea fit ex resolutione aquæ intra fornices caloris vi elata.

Flumina subterranea.

Nix & grando subterranea.

Crypta Sorana.

Etus, in aquam resolutus, guttatim pluviae instar decedit; atque adeo hinc occasionem nascitur *Aristoteles* fontium originem non aliundè quàm ex resolutione vaporum intra cryptas subterraneas facta, produci asseruit, quam tamen nos in *Sectione de Origine fontium*, non universalem sed partialem causam demonstramus. De fluviis itaque subterraneis nulla est controversia: Utrum verò nix & grando in subterraneis apris generetur, pariter nemini dubium esse debet; Si enim vapor in cryptas frigidas nitrosis spiritibus refertas incidit, spumosa vaporis substantia antequam in aquam vertatur, ambientiaëris frigore in niveos floccos contrahitur; si verò in guttosam aquæ substantiam resolutus fuerit, vehementi superveniente frigido vento, tum etiam in grandinem, glaciemque eam condensari necesse est. Vidi ego in monte Sorano cryptam veluti glacie incrustatam, ingentibus in fornice hinc inde stiriis dependentibus, è quibus vicini montis accolæ pocula æstivo tempore conficiunt, aqua vinoque, quæ iis infunduntur, refrigerandis aptissima, extremo rigore in summas bibentium delicias commutato.

Venti Subterranei.

Venti subterranei.

Accedo ad Ventos subterraneos, quos non solum in concavis terræ districtibus dominari, sed impetu incredibili sævire, adeo certum est, quàm certæ sunt montium Æoliorum, quæ ubique passim locorum observantur, furiosæ & vehementes ventorum efflationes. Vide quæ *Libro 3. Cap. de Monte Æolio Casiorum*, & in *Itinerario nostro Hetrusco de Ventosa spelunca in Agro Volaterrano*, recensuimus. Retulit non ita pridem nobilis juxta ac doctissimus *Vir Petrus Guisponius Gallus*, Legum & Medicinæ Doctor, Novioduno, vulgò *Nions* adjacere montem Crypta Æolia celeberrimum, ex qua perennes exspirent venti tanto impetu, ut ferociæ hujus impatientes accolæ, cum aliquoties lateritio lapidum opere os speluncæ obstruxissent, violentiæ tamen venti adeo robusta obstacula opponere nunquam potuerint, quin mox rejectis prostratisque repagulis pristinam sibi libertatem per congeminatam rabiem vindicavit. Vide quæ citato loco de similibus montibus retulimus.

Spelunca Noviodunensis ventosa.

Causa ventorum Subterraneorum.

Quæritur hujusmodi Subterrestrium Ventorum causa. Dico itaque, multiplicem esse posse horum ventorum originem: Primò spiritus salnitrosi vi ignis rarefacti, qui dum angustia locorum meatuumque pressi, dum cavernas vastiores jam majori libertate præditi subeunt, inclusus speluncis aer, irruentium spirituum violentia vehementissimè exagitatus, dum non nisi per angustissimos meatus exitum reperit, inde sese unà cum spiritu, eà quam descripsimus cum rabie evoluit. Atque hæc est prima causa Venti Subterranei. Se-

cunda ventorum causa sunt catadupæ fluminum subterraneorum, quæ ubi per scopulosa præruptaque loca sese præcipitaverint, mox intra catarractæ cavernosum tractum ingentem lapsu suo ventum efficiunt, qui deinde per meatus abditos, & deinde per montium spiracula evoluit, tales quas diximus strages edit. Tertia causa ventorum esse potest, liquefactarum in montibus nivium, quarum resolutæ aquæ concava montium penetrantes, lapsu suo ingentes ventos subinde intra viscera montium causant; quæ quidem non differt ab ea, quæ fit à catadupis subterraneis fluminum, nisi quod hæ perennes, illæ certis tantum anni temporibus sæviunt; sunt & aliæ causæ ventorum subterraneorum, quas quia citato loco explicuimus, hic iis non immorabimur; sufficiat interim Ventos Subterraneos paucis hisce adductis rationibus demonstrasse.

§. II.

Terræmotus proprius subterrestrium incendiorum effectus.

Terræmotum non tam meteorologicam quàm subterraneam impressionem esse, ipsa ratio dictat, cum Terræmotus non extra sed intra terram solitas sibi catastrophas exerceat, quo in rerum natura nihil terribilius formidabiliusque, nil funestius humano generi accidere potest, maximum DE I flagellum, quo DE U S Opt. Max. homines sibi perduelles & Mandatorum suorum contemptores unice castigare solet. Quas non urbes hisce subversas, quas regiones non devastatas, montes non everfos legimus? *Plinius* in sui temporis Vesuviano incendio tales fuisse tremores terræ scribit, qui Terram non dicam movere, sed susque deque vertere viderentur. *Scipio Mazzella* alique narrant, tantas fuisse terræ commotiones Puteolis anno 1594, ut mare ad 200 passus se retroagere magna intuentium admiratione & consternatione observatum sit. Terræ motus qui Vesuvianum incendium præcessit anno 1631, tantus fuisse dicitur, ut rupto maris fundo pisces partim mari projectos, partim recedente mari in littore relictos unà cum navibus offenderint; quos horrendi sequebantur mugitus, fumus, cinerea pluvia, ingentium saxorum eruclationes, torrentes ignei, novorum fontium bituminisque scaturigines; quæ omnia incredibilem & vehementissimam ferocientis naturæ vim & potentiam ostendunt. Sed horum omnium rationes, jam ordo postulat, ut assignemus.

Horridi terræmotus.

Historiz miram terræmotuum vim exhibentes.

Notum est, quantum tormenta bellica & subterranei cuniculi pyrio onusti pulvere vi polleant; certè nil tam solidum, nil tam benè fundatum est, quod non vel in ictu oculi proijciant prosternantque; & si causam quidem tantæ virtutis impulsivæ examinemus, nil aliud,

Quod tormenta bellica factum in extremæ terræ superficie vi pulveris pyrii, hoc

terre motus in cuniculis subterraneis.

aliud, quàm pulverem ex nitro, sulphure, carbonibus compositum tantarum stragum originem reperies: pulvis enim ex carbonibus accensus nitrum rarefacit, hic rarefactus, dum cum sulphure sibi inimico consistere non potest, neque angustiis locorum capi, vehementi sua eruptione obstaculis omnibus ruptis eas, quas descripsimus strages edit; Si itaque artificialis pulvis tanto polleat robore, quanto majori pollere combustibilis materiæ copiam & multitudinem, sulphuris, inquam, nitri, aluminis, salis ammoniaci, bituminis, cæterorumque spirituum mineralium metallicorum, auri, cupri, ferri, arsenici, mercurii, quibus intima Terræ meditullia referta sunt, pollere existimabimus? Terræ itaque motus hinc formidabiles emanare quis nescit? Fiant autem, uti in præcedentibus patuit, in cryptis subterraneis; eo qui sequitur modo.

Quomodo fiat terræmotus.

Ignis subterraneus caloris sui violentiâ, apertis alicubi ruptisque montium claustris, ubi sibi in longè lateque patentem cavernam viam struxerit: tum eccè aër intus mox vehementi motu concitatur, & quia combustilis materiæ copia instruitur, ex subitanea incensione materiæ ingentium exhalationum copiam excitat, cui uti nullibi elabendi datur locus, ita horrido commisso prælio tales fiunt commotiones, quales naturæ potentia majores tolerare non potest. Exitu itaque ex omni parte intercluso, nunc intimos montium parietes concutiant, nunc molliorum terrestrium fibrarum ductus terebrando, dum irriti labore nituntur, ex nimio laborantis naturæ impulsu terræmotus inde causari necesse est; Tandem ingenti vacui jurati naturæ hostis formidine, minisque adaçti subversis superimpendentium rupium terrestriumque molium obstaculis, idem faciunt, quod in artificiali cuniculorum ductu pulvis pyrius, id est, omnia perfringunt; urbes & castella subvertunt; voragines horrendas efficiunt; Lacus novos producant, & similia quæ nobis Historicorum monumenta recensent, præstant. Refert *Ægidius Neapolitanus* in sua de montis Vesuviani incendiis diatriba; quem *Petrus Castellus* Medicus, ultimo operis sui de Vesuvio folio, allegat; suo tempore horrendum, in Basilicata Neapolitani Regni provincia, casum contigisse: Ex formidabili quippe terræmotu ibidem exorto, integrum montem vinearum cultura nobilem ex loco suo in alium, tribus inde millibus passuum intervallo distitum sine ullo in intermediantibus locis sui vestigio relicto translatus fuisse; atque in hunc usque diem diuturnam inter dicti montes possessores in Neapolitano Dicastrio, quam *Vicariam* vulgò vocant, litem pendere: Utrum reditus solutionesque pecuniariæ, quas Regius fiscus exigere solet ex priori, ubi prius mons steterat, an ex posteriori, in quem conjectus fuerat, loco petendæ sint; Et mirum sanè est, casum, si verus

Miræ montis translationi vi terræmotus facta.

fit, omnibus sæculis inauditum, non à pluribus Historicis descriptum fuisse. Quicquid sit, montes ex terræmotuum violentia non solum subverti, sed & de novo, vel in medio mari derepente nasci, in præcedentibus Libris demonstratum fuit.

Ex quibus ni fallor, luculenter patet, quomodo inter subterrestres cavernas terræmotus nascantur, & quomodo per varios ramosos cuniculos, nunc huc nunc illuc exhalationes accensæ discurrentes dum exitum quærunt, nec inveniunt, terram potenter concutiant; donec tandem ruptis montium fundamentis, vel impetu facto, superimpositam molem aliò vibrent, vel si ponderosior sit, in desertam stationem subsidere cogant. Quod verò absorptis urbibus, aut montibus ut plurimum in absorpti locum lacus emergat, hoc modo contingit, quod infra absorpta moles terrestris in hydrophylacium quoddam incidat, quæ cum simul consistere non possint, aqua terrenâ substantiâ uti levior, ita per hiatus expressa in absorptæ urbis aut montis stationem succedit; & experientia docet; Si enim intra concham aquis plenam proportionatum lapidem immiseris, ille fundum petens, aquam expulsam necessariò extra concham exuberare facit.

Tonitru Subterraneum.

Ex tanto exhalationum subterranearum cum aëre conflictu, ex vehementissima corporum collisione sonum oriri necesse est; Hinc quotquot ignivomos montes accolunt, antequam sævire incipiant, multis diebus veluti ingentes mugitus & sonitus tonitribus aut explosioni bellicorum tormentorum haud absimiles se percepisse testantur, secuturæ mox funestæ tragœdiæ veluti prodromos quosdam. Ego sanè dum anno 1638, inauditis terræmotibus, qui calabriam penè in vastitatem reducebant, interesssem, memini semper me ante imminemtem terræmotum, qui sæpè sæpius interdum noctuque reiterabatur, horrendum murmur & incredibiles fragores ad instar multorum sonitus tympanorum percepisse; & quodam die, dum Strongylum plus solito ignearum molium eructatione furere notassem, obtusum quoque nescio quod murmur ex monte 60 millibus passuum distito, audivi, quod identidem versus nos crescere videbatur, ad quos ubi pervenit, tam horrenda intra terram tonitrua edidit, ut vix sensus iis tolerandis sufficeret, cui jungebatur tam formidabilis terræ concussio, ut nemo pedibus amplius consistere valeret, omnibus locis ferocientis naturæ vi prostratis, tandemque induciis constitutis cum surgentes Oppidum *S. Euphemia* (à quo non nisi tribus miliaribus aberamus) ingenti nebula tectam intueremur, ea sensim evanescente, urbem nullo amplius vestigio relicto absorptam, lacu, quo prius carebat, in ejus loco exorto, ea

Horrendus terræmotus ab Authore observatus.

animi consternatione, quam vix verbis describere queam, reperimus.

CONSECTARIUM I.

De Tonitruis Subterraneis.

EX quibus infallibili consequentia conclusi, Calabriam per occultos cuniculos tum Ætnæ tum Strongylo cæterisque Vulcaniis Insulis correspondere, & huiusmodi sonos mugitusque subterraneos tum ex varia spirituum tumultuantium illusione, tum reciproca halituum effervescentium colluctatione oriri; quæ uti eandem cum aëreis tonitribus rationem sortiantur, ita tonitrua subterranea jure merito dici & possunt & debent.

CONSECTARIUM II.

De Fulmine & Fulgetro Subterraneo.

EX hisce quoque patet, exhalationes cum in cryptis subterraneis sulphure, nitro, carbonibus similibusque combustibilis materiæ fomitibus confertis accendantur, horrenda quoque fulmina, & multò aëreis truculentiora frequentioraque fabricari; exhalationes quippe aëreæ omnem fulminum procreandorum materiam non aliundè habent, quàm à subterraneis halitibus extra terram unà cum vapore in sublime elatis, ibidemque in fulmen elaboratis; Ubicunque enim eadem causæ concurrunt, ibi eosdem effectus produci necesse est. Eandem ob causam neque subterraneis antris fulgura & coruscationes deesse, ipse solus nōrit, qui causas singulorum rectè perceperit. Fulmina itaque in subterraneis territoriis tanta abundantia nasci, ut iis gurgustia illa incapacia subindè foras quoque protrudant; & nonnulli montes id luculenter docent, qui cœlo tranquillo serenoque ita subindè iis sæviunt, ut vix quisquam ab iis immunis esse queat. Talis est mons Tola in Mauricis Insulis, uti videre est apud *Horatium Tursellinum*, in vita *S. Francisci Xaverii*, è cujus hiatibus certis temporibus cum magna hominum animantiumque ruina ignes evibrantur. Et testantur id, quotquot de montium Vulcaniorum incendiis scripserunt, uti *Petrus Bembo* aliique de monte Vesuvio atque Ætna, quem subterraneis incendiis agitatum fulmina atro fumo inserta longè lateque ejaculatum, scitè describunt. Quæ omnia fusius, quàm par erat, hîc describenda duxi, ut ostenderem, Regiones subterraneas non tantum meteoricis impressionibus foecundas, sed & unicam causam esse eorum, quæ in sublimi generantur, meteororum.

Experimentum quo dicta demonstramus.

Si quis vas aquâ fervidâ prius repletum ita

clauserit, ut omnis aëri exitus intercludatur, illudque aëri frigido hyberno tempore exposuerit, fiet ut in eo aqua rarefacta necessario ex ambiente aëre frigido condensata in minorem locum sese contrahat, & quoniam aliud in abeuntis locum corpus substitui nequit, nimio imminentis vacui metu, vas horrendo cum fragore & sonitu in minutissimas partes confringetur. Quod idem continget in tormentis bellicis, quæ ex nimia contentione accensæ exhalationis crebrò cum valido sono disrumpuntur. Curo ego fieri globulos parvulos ex vitro conflatos magnitudine ceraforum, quos prius ad medietatem usque aqua nitrosa impleo, hi ardentibus superimpositi carbonibus, ex vapore intus aquæ rarefactæ dum exitum quærunt, nec inveniunt, ruptis obstaculis violentissima eruptione tantum excitant fragorem, ut sclopi exonerati bombos, si non superare, saltem æquare videantur, omnibus præsentibus ad tam insolitum sonum attonitis & veluti consternatis; hoc festivo sonorum applausu Magnates in meo Musæo excipere soleo. Eodem igitur modo Terræmotum cum sonitu ex clausorum spirituum tumultu fieri, ita certum est, ut de eo controversia moveri non queat. Quæ autem *Aristoteles* tradit de tempore Terræmotuum, de Insulis in medio maris ab iis immunibus, de quadragenaria duratione dierum, ut experientiæ reclamant, ita universim fides iis habenda non est; non enim in maritimis tantum locis, Insulisque continenti vicinis, sed & in Insulis remotissimis, quin & in Mediterraneis magnarum continentium regionibus terræmotus quovis anni tempore contingere experientiâ ita invaluit, ut de eo nullus amplius dubitandi locus relinquatur. Fiunt itaque Terræmotus potissimum iis in locis, sub quibus pyrophyllaciorum sæviunt æstuaria, sive ea fuerint infraposita maritimis oris, sive Insulis remotissimis, sive mediterraneis tractibus; & locis denique omnibus infra quæ subterranei cuniculi positi, qui subindè ad 200 milliaria sese extendunt, longè lateque ramatim extenduntur, quod summâ diligentia à me in Calabria observatum fuit paulò superius citato anno, in qua à Sicilia usque ad Belvedereum tractu ducentorum millium passuum & ultra, terræmotus per cuniculos subterrestres ingentes civitatum oppidorumque strages ediderant. Cuniculi quemadmodum ex sonitu colligere licuit, originem suam sortiebantur, ex monte Strongylo, qui deinde per submarinos hiatus promontorio Vaticano, & hinc infra Tropeam, Monteleonem, Lopicium, S. Euphemiam extendebantur, & hinc reflexo ductu Nicastrum, Amantem, Consentiam, & hinc Paulam, & tandem Belvedereum impetebant, ubi sive obstructis meatibus, sive deficientibus spiritibus, truculentia suæ finem fecere; habuisse tamen nonnullam quoque cum monte Vesuvio collisionem,

Vacui metus miratur operatur.

Experimenta.

Perpetuò sævire fulgura, fulmina, curruscationes, caumata, in subterraneis meatibus.

Terræmotus ut plurimum contingunt iis in locis, quæ subterranei ignis cuniculis superimposita sunt.

Cuniculorum in quibus vim suam terræmotus exercet, situs.

nem, tunc patuit, quando illum post meum Neapolim adventum curiosius examinavi; de quo vide epistolam ad Lectorem operi præfixam; ex quo veluti ex clarissimo signo collegi, illas potissimum urbes terræmotibus esse obnoxias, quæ uni ex dictis cupiculis superinstiterint; reliqua verò vicina oppida tremorem quidem terræ sentire, at non nisi ex terrestrium partium consensu; uti in ingenti terræmotu in Agro Sorano 2 Julii anno 1654 exorto contigit, quo vel ipsam Romam ferè triduo distantem ex consensu contremuisse sensimus. Collegi quoque, illa loca minimè

iis obnoxia esse, quæ aut hydrophylaciis superimposita fuerint, aut plurima humiditate, ex multitudine lacuum, stagnorum, paludumque abundarint, uti Hetruria, quæ etsi combustibili materia abundet, sulphureis glebis tota terra incrustata sit, non tamen adeò frequentes ibi nasci terræmotus, uti in regionibus siccis, eò quod multitudo humidi exhalationibus subterraneis; si quandoque accenduntur, attracta ex metu vacui, vicina humiditate extinguantur supprimanturque, quod nisi esset, jam dudum de Hetruria conclamatum crederem.

Loca humida aquis, fluminibus, lacubus referta, non sunt ita terræmotibus subiecta.

CAPUT XI.

In quo omnes Meteorologica impressiones, quæ in sublimi nascuntur, originem suam ab ignibus subterraneis trahere demonstrantur.

Non dicam hic de fontibus, fluminibus, lacubus medicatis, variorumque saporum aquis, nil de mineralibus, fossilibus, metallicisque corporibus, cum ea tanquam genuinam sobolem ex subterraneis recessibus originem nancisci, cunctis notum sit. Sed de aqueis, aëreis, igneisque impressionibus hoc loco acturus, eas omnem naturæ suæ existentiam ab igneis subterranei Mundi halitibus habere per Paragraphos demonstrabo.

§. I.

Ex aqueis impressionibus fiunt nubes, & ex his pluviae, grando, nix, glacies, pruina, ros, nebula, similiaque.

Uti subterraneæ cavernæ vi ignis Vulcani perpetuo & perenni exhalationum motu agitantur, terra quoque tota spongiosa, innumeris halitibus, tam in planis, quam montibus, fundoque maris perfossa sit, fieri non potest, ut illæ continuò expirantes, & humido sive maris, sive lacuum fluminumque, sive terræ humido maceratae commixtaeque in formam vaporum non exaltentur, & exaltatae ubi mediam aëris regionem attigerint, frigore condensatae in nubes, non convertantur, quæ tamen humore gravidæ, & ab halitibus ad altiorem regionem vi suæ naturæ adspirantibus separatae resolutæque in pluviam convertantur, suæque origini, undè emanarant, postliminio restituantur; Si verò nubes nitrosis salinisque corpusculis foetæ spumofam indolem induerint, tum mox etiam frigidiori accedente vento, in niveam floccescunt substantiam; si verò nubes jam in guttas resoluta fuerit, illa frigoris circumstantis vehementia ex nitri virtute in ipso lapsu præoccupata in grandinem congelantur, atque hoc pacto grando fit.

Sed dices forsan: Solem in hisce naturæ

partibus minimè otiosam, sed causam præcipuam esse. Respondeo, verum esse, Solem, Lunam, stellas plurimum adhuc cooperari; Sol enim exhalationes vapidas, salenitrosas, sulphureas, aluminosas bituminosasque, quas ignis subterraneus emittit, æstui suo mox attenuat, & in sublime jam attenuatas educit, unde ea ingenita virtute denuò in id convertuntur, ex quibus exstiterunt; vapor verò subtilior dum ex terræ visceribus expirat suis tamen salnitrosis corpusculis constans, nocturno tempore, frigore ex absentia Solis causato condensatus, in terram gravitate sua rediens ros evadit, aptum omnium vegetabilium nutrimentum; hic verò nitrosa vi polentibus appropriatisque arboribus insidens, miro quodam magnetismo reciprocoque attractu in manna decoquitur; hoc pacto, cum nonnullarum arborum folia aluminosam quandam, sive mavis nitrosam pinguemque substantiam in intimis suis recessibus contineant, fit, ut hac fervidis Solis radiis percussa, nitrosa vis è centro ad circumferentiam ducatur; nocte verò illa cadente rore veluti macerata, dum nitrosa roris corpuscula subdulciusculis foliorum calicibus junguntur, mox ad proximum Solis æstum omni rejectio humore excluso in niveam substantiam efflorescunt, quod manna dicimus. Rursus si vapor impuris quisquiliis fuerit permixtus, is crudus adhuc & immaturus & fuliginosus proximè ad ortum Solis, tepido aëre rarefactus, ob sulphureo-bituminosæ materiæ adustæ & crudæ intermixta corpuscula, in nebulam non hominibus tantum, sed & vegetabilibus, caustica sua vi perniciosissimam evadit; qui si æstu Solis superveniente in sublime evolarit, pluvias, si verò gravitate corpusculorum, humido consumpto descendit, coelo quoque à molesta illa fuligine immuni, serenitatem adducet.

Sed objicies: totum hunc partem potius ad mare hujusmodi spiritibus turgidum, quam ad

Mannæ nebulae ortus.

Quomodo Nix & grando generentur.

Pyrodyna-
stæ mundi
Phœbus &
Vulcanus.

ad subterrestres halitus vapidos & flatulentos referri posse. Respondeo, Marè quicquid spiritosum halituosumque habet, id totum sive ex suctu terræ, sive ex halitibus subterraneis, quibus mare perpetuo imbuitur, possidere, atque ita per inciles hydragogos terræ id, quod attractum eique communicatum fuerat, partim restituere, partim in sublimi vi solis elatum, aëri in nubes, pluvias, nives, grandines ulterius elaborandum transmittere; atque aded quicquid exhalationum ignis subterraneus immediatè exspirat, id totum mediante mare, ab igne cœlesti, Sole inquam, attractum sublimatumque in dictos partus destinatur, atque in immensos mæriarum terrarumque tractus virtute ventorum diffusum: Sunt enim hi duo pyrodynastæ, Phœbus inquam & Vulcanus, sive quod idem est, ignis cœlestis & subterrestis in operationibus suis ita inviolabili amicitiae foedere juncti, ut unus sine altero operari non possit; Quæ uti pluribus hoc opere locis indigitavimus, ita iis longius non immorabimur.

§. II.

*De aëreis sive igneis impressionibus subterraneis,
& primò de Fulmine.*

Igneæ impressiones sunt, fulmen, fulgur, coruscationes, caumata, ignes fatui, Castor & Pollux, Cometæ aërii, similiaque de quibus Meteorologi agunt; quas quidem omnes ex subterraneis originem trahere ita ostendimus. Cum subterrestis Mundus perpetuò halitus variæ mineralium corpusculorum miscellæ junctos confæderatosque undique emittat, fit, ut illi subtilitate sua omne humidum penetrantes, à Sole unà cum vaporibus mixti in sublime educantur, ubi frigoris impatientes in fulmina elaborantur, quod fit, si nubibus densioribus inclusi, halitusque ex spiritu cujusdam sulphuris, arsenici, & spiritu auri foeti, cum inimica sive nitrosi halitus substantia conflictari incipiunt, tum enim vehementi catastrophe sive ex tumultu spirituum contrariorum, sive ex angustiis nubium, quibus includuntur exorta, accenduntur singula, primoque conflictu disruptis maximo impetu intolerabilis carceris repagulis, obliquo tramite aëreaque volutione feruntur in præceps, horribile funestumque spectaculum præbituri mortalibus; unde sulphureo halitu fursum nitente, terrestri verò nitrosæ indolis gravitate deorsum vergente, nascitur illa fulminis perturbata descensio. Quod verò omne metallum obvium vi sua penetrativa liquefaciat, sola dura mollibus inoffensis prosternat consumatque, hoc fit propter radium igneum & sulphureum auri spiritum incredibilis efficaciae, & ob virtutem summè penetrativam. Vidistine unquam Artifices vitrum ad lampadem conflantes, flammam

Fulminis
motus unde.

Cur metal-
la liquefa-
ciat molli-
bus inof-
fensis.

inquam flatu in summam & longitudinem & subtilitatem traductam; Quod si videris cum admiratione comperies illud, quod sine flatu flamma efficere non poterat, conflatoria flamma effici, id est, vitrum & omne metallum vel in momento simul ac flamma ea attigerit, liquefieri; quæ ita appositè fulmineæ flammæ effectibus adaptantur, ut nihil in natura rerum sit, quod melius fulminis naturam exprimat. Mirantur multi cur fulmen ensen inoffensa vagina, vinum inoffenso dolio, consumat, hoc inde fieri optimè comperies, si flammæ conflatoriæ corium aut tenuem ligneam tabellam interposueris; videbis enim flammam, mirum dictu, virtute sua penetrativa mox iis inoffensis pertransire, atque ex opposita parte in metallica & vitrea corpora solummodò agere; Si verò in cochleari, aquam aut vinum exceptum radio igneo opposueris, videbis cum admiratione, vix spatium, dum quis Pater noster recitat, totum liquorem consumi evaporarique; Hisce effectibus melius ad causarum proximarum notitiam pervenimus, quàm mille speculationibus Metaphysicis, quæ nihil ad rem faciunt. Quod si flamma conflatoria tantam vim habeat, quantò majorem habere putabimus flammam fulmineam, præsertim cum ea mineralibus spiritibus omnium subtilissimis & penetrantissimis foeta sit. Cur verò (ne quicquam rerum ad intimam hujus materiæ notitiam necessariarum omittam) flamma flatu agitata tantas vires obtineat, hujus causam hanc esse putes: Quod spiritus ignei flatu agitati, cum à suo, cui inhaerent, subjecto sese expedire non possint, summo impetu in ultimum flammæ apicem conjungantur, ubi pressi condensatique, & ad minutissimum spaciū redacti, dum flamma prohibente ulterius evadere nequeant, ibi nova semper & nova spirituum accumulatione aucti incredibili æstu ferveant, mirum non est, eos tam insolitos effectus combustionis liquefactionisque causare.

Compara-
tio cum
flamma
qua Vitria-
rii Artifi-
ces, varias
conflant
imagines,

Causa ho-
rum effe-
ctuum.

EXPERIMENTUM.

Lampadi oleo repletæ elychnium crassum ex sulphure liquefacto unà cum oleo salis ammoniaci nitrique maceratum imposito, quo accenso, per vitreum aut cujuscumque alterius materiæ syphonem flammam diffusa, hujus flammæ apex tantæ efficaciae est, ut nullum tam contumax metallum sit, quod non liquefaciat, igneis enim hujusmodi ex sulphure & antimonio nitroque spiritibus, nihil in rerum natura efficacius reperiri potest. Sed de hisce in *Libro VII.* de mineralibus amplior dabitur dicendi materia.

§. III.

De reliquis igneis impressionibus subterraneis.

Impressiones, quas Metereologi stellæ cadentes vocant, duobus modis fiunt. Primo, Hali-

Stellæ ca-
dentes.

Halitus sulphurei in sublimia aëris exaltati; si nullum obstaculum repererint, quantum possunt, regionem eorum naturæ maximè consentaneam appetentes ascendunt; qui uti natura sua facile inflammabiles sunt, ita vel ad proximam dispositionem accenduntur; & siquidem spiritus istiusmodi halituosi in longum extensi sunt, tunc fascia illa fumea mox ubi obstitens sibi aëris superioris frigus attigerit, extremus ejus halitus ex nimia lucta & attritione accensus apex, raptim serpendo, totam illam vaporosi sulphuris materiam usque ad finem successiva quadam accensione inflamat, & sic illa ex alto vel in imum, vel in obliquam Mundi partem pro fumeæ fasciæ dispositione ruere videtur. Exemplo nobis esse potest fumus ex extincta candela asurgens, cui si aliam candelam accensam applicueris, tunc statim fumus ille accensus recurrit ad principium suum, unde exhalat, & unà candelam jam extinctam reaccendit. Experimentum uti notissimum ita certissimum; & fumus quidem candelæ exhalans nil aliud, quàm sulphureos exprimit halitus in aëris regione in longum extensos, per quos flamma successivè propagatur, & sic habebis stellam cadentem. Quod pariter in pulvere pyrio lineatim supra pavementum disposito dispersoque patet, cui si ex uno extremo ignem admoveas, videbis pulverem successivè concipere flammam, ita ut flamma discurrere videatur, quamvis ibi retrò non sit motus localis, sed successiva ignis in successivis partibus subjecti nova productio.

Secundo modo fieri potest ea prorsus ratione, quo ignes missiles quos pyrobolos vocamus, qui accensi rarefactique ignei corporis violentia, summo impetu in altum sub lucidæ lineæ specie, quantum possunt, ascen-

dunt, ubi deficiente impetu denuò descendunt, donec, consumpto tandem igneo vapore, evanescant. Meteora verò, quæ Græci καύματα, id est, accensiones vocant, hoc modo accidunt: exhalationes sulphureæ in nubibus disgregatis collectæ, ubi accensæ fuerint, nunc has, nunc illas carpunt prioribus extinctis; unde coruscationes illæ nascuntur, quæ sub forma præliantium, causæ rei ignari, magna admiratione, veluti ostentum quoddam malorum ominum significativum, intuentur; cum ea eodem prorsus modo contingant, ac in pulvere pyrio disperso & disgregato, cujus portiones hinc inde dispersæ, & ab invicem ita segregatæ, ut tamen semper per intromediorum granorum interpositionem continuentur; una enim accensa statim ad alteram accurrit, & hæc ad alias & alias successivè, donec omnes igne correpto tandem cessent. Quicumque hujus rei periculum noctu fecerit, is καύματα perfectè illuminatione attenuatim interrupta exhibebit.

Ignem fatuum, & qui in remis & temone navium deprehenditur, pariter nihil aliud, quàm exhalationem subterraneam esse dicimus, sulphure & bitumine mixtam, quæ extra marè evoluta ligneis corporibus adhærens, tandem vel motu maris, vel agitatione maris accenditur. Verùm cum de hisce alibi fusiùs ratiocinati fuerimus, hinc longiores esse noluimus. Restant cometæ, trabes, de quibus Lector consulat *Itinerarium nostrum Extaticum*, ubi veram eorum rationem & genesin exposuimus.

Ex hisce fusiùs forsàn, quàm par erat, deductis luculenter patet, nullum esse tam exoticum in natura rerum effectum, qui non originem suam ex Mundo Subterraneo obtineat.

Caumatum generis.

Experimentum.

Ignes missiles imitantur stellas cadentes.



LIBER QUINTUS

DE

LACUUM, FLUMINUM, FONTIUM

Natura & proprietate, eorumque ex Subterraneis
origine.

S E C T I O I.

*De Fontium, Fluminum, Lacuum origine, eorumque diversa
natura, viribus, proprietatibus.*

P R Æ F A T I O.



Erissimum divinum *Ecclesiastis* Epiphonema: *Oritur Sol & occidit, & ad locum suum revertitur, ibique renascens gyrat per Meridiem & flectitur ad Aquilonem, lustrans universa in circuitu pergit spiritus, & in circulos suos revertitur; Omnia flumina intrant in mare, & mare non redundat, ad locum, unde exeunt flumina revertuntur, ut iterum fluant.* Hæc ita certa sunt, ut de iis nulli unquam

Sacri huius textus Interpreti dubitatio exorta fuerit; sed modus & ratio, qua id fiat, adeò nullo non tempore abscondita, difficilis & impenetrabilis visa fuit, ut in hunc usque diem de vera ratione originis Fontium, lis pendere videatur, & quemadmodum multis opinionum monstris, pluribus Philosophorum commentis, difficultatibusque; plurimis denique placitorum labyrinthis hoc argumentum confusum est, ita vix ullus sese ex iis extricare & evolvere potuit. Nos conclamatas ferè argumenti difficultates intuiti, ut in hoc opere non nihil lucis tantis tenebris adferremus, totam materiam ad incudem revocare volumus, multorumque annorum experientiis docti ductique, id forsan præstitimus, ut si non ad rationes à natura præcisè intentas pertigerimus, proximè tamen ita ad eas collimaverimus, ut cæteris aliquid exactius, verisimilius, probabiliusque circa hoc argumentum, salvo doctiorum iudicio, adduxisse videamur. Quod ut quàm optimè & εὐμεθοτάτως fiat, primò Suppositiones præmittam, deinde ad singulorum effectuum causas calamus convertemus.

D I S Q U I S I T I O I.

De Fontium, Lacuum, Paludumque origine.

S U P P O S I T I O N E S.

Suppono Primò. Totum Geocosmum, uti in præcedentibus amplissimè demonstratum fuit, innumeris cavernis, hydrophylaciis, pyrophylaciis, Aërophylaciis, meatibus, syphonibus, atque hydragogis ductibus, rimis, porisque, non in externa duntaxat Telluris superficie, sed & in maris & Oceani fundo, pertusum esse; idque variis diversisque exemplis & historiis stabilitum confirmatumque fuit.

Suppono Secundò. Maris continuum fluxum refluxumque à Sole & Luna causatum,

unà cum ventorum perennium concitatissimo, quo agitur, motu, ab admirabili divinæ sapientiæ dispositione ita constitutum esse, ut incredibili molis suæ pressura aquas per universos terræ meatus, haud secus ac anthleâ pressas aquas in altum ejaculans diffundat; quod & in præcedentibus *Libris* uberrimè, uti & in *Itinerario extatico terrestri* ostensum fuit.

Suppono Tertiò. Ignis Vulcanii æstuaria miras in aquis subterraneis à mari prodeuntibus, alterationes & metamorphoses efficere; dum eas per meatus syphonesque pyragogos obvias jam rarefactas sublimant, modò spissas

spissas resolvit, nunc halitibus mineralibus tingunt, similibusque modis operantur, qui insequentibus adducuntur.

Suppono Quartò. Naturam in abditis & undique clausis cavernis subterraneis conflictu ob vacui alicubi intervenientis formidinem, exorto, miros effectus in aquis in altiora loca trahendis præstare.

Suppono Quintò. Canales hydragogos

subterraneos non ubique ejusdem latitudinis esse, sed pro constitutione locorum, modò in immensum dilatari, jam in angustum constringi, nunc mediocri spatio contineri, à qua irregulari distensione admirandi in rerum natura effectus, ut postea dicetur, procedunt.

Hisce suppositis, jam octeptum auspice-mur argumentum.

CAPUT I.

DISQUISITIO

De multiplici causa originis Fontium.

Fieri non potest, ut origo ad unam causam universalem revocetur; quare pro diversorum effectuum ratione, diversæ quoque causæ constituendæ sunt; quarum hoc loco decem, à quibus Fontium, deinde Fluminum & Lacuum origo dependet, assignabimus, quas omnes ordine explicabimus.

Prima est *Aristotelis* & omnium ejus Sectatorum, qui fontium originem ad duo capita reducant; videlicet ad vaporis in fornicibus montium interioribus, frigore loci condensati resolutionem. Secundò ad pluvias, quæ dum meatus terræ penetrant, atque alicubi exitum reperiunt, fontem efficiunt. Ita verò Philosophatur l. 4. *Met. Text. 52.* Verba ejus sunt: *Quapropter & fluxiones fluviorum ex montibus videntur esse fluentes, & plurimi maximique fluvii fluunt ex maximis montibus, & locis altis vicini sunt; In campestribus autem sive fluvii pauci sunt omnino; Montana enim & alia loca veluti spongia supersuspenso secundum montem modica quidem, in multis autem locis scaturiunt & consillant aquam; suscipiunt enim descendens aqua magnam multitudinem, & ascendentem vaporem in frigidant & condensant iterum in aquam: quapropter, ut diximus, maximi fluviorum, ex maximis videntur fluentes montibus.* Hæc sunt verba *Aristotelis*, quæ uti obscurissima sunt, ita varias quoque in Scholis excitarunt contentiones. Ego verum *Aristotelicæ* sententiæ de causis fluminum & fontium sensum hunc esse dico. Primò dicit esse aquam, quæ colligitur à terra supervenientibus ex nubium resolutione pluviis, & quasi spongia quadam imbibitur, deinde paulatim postea aquam intus distillans dimittit per fontes & flumina, qui sensus planus est, ut ex verbis allatis constat; Alteram causam innuit per ascendentem vaporem, qui vapor in frigidatur & condensatur in aquam; ubi non intelligas velim vaporem in aëre existentem, sed per eum, qui intus delitescit, & in frigidos cavernarum fornices impactus, ibidem in aquam resolvitur. Et quamvis non abnuam, ex resolutione vaporum fontes oriri posse, uti postea demonstrabi-

mus; sed quid vapores illos excitet; quomodo imbibitio pluviarum guttarumque distillatio, tantam aquarum molem suppeditare queant, quantam subindè ex montibus evolvi videmus, concipi non potest; multò minus capi potest, quomodo in altissimorum montium lacubus, qui integros fluvios undiquaque perenni fluxu diffundunt, quique fornice ad resolutionem vaporum in aquas necessario non tegantur, ascendant aquæ? Nec subsistit id, in montibus tantum altis fontes, in campestribus verò sive fluvii paucos esse. Ego contrà sentio, in campestribus majorem subinde aquarum multitudinem per subterraneos fontes nasci, quàm quæ ex montanis evolvitur, & ingentes lacus affatim demonstrant, uti infra ostendemus. Cum itaque *Aristoteles* valdè abstractè & more suo Metaphysicè de fontium causis Philosophatus sit; Nos ad propiores causas progressi, omnes occurrentium difficultatum scopulos, qui in obscura *Aristotelis* sententia latent, Deo dante, superaturos confidimus.

Fontes itaque ex vapore in fornicibus cavernarum subterrestrium resoluti, si universim consideremus, falsum est; Videmus enim & frequentissima experientia constat, in innumeris locis, ubi ingentes amnes & flumina ex montibus suam originem obtinent, aquam non per modum fontis ebullientis, sed instar vasti fluminis erumpere, & statim navigationi aptum reperiri, ut de fontibus Gangis, Nili, Padi, Rhodani, Rheni, aliorumque fluminum totius Geocosmi videre est.

Sed dicet nonnemo ex Peripato; verum esse, non ea per modum ebullitionis evolvi, sed esse haud dubiè intus ingentes aquarum promoscondos, qui ex resolutione vaporum in fornicibus cavernarum non secus ac in vitro Alembici fornice, hanc aquarum in subiecto hydrophylacio copiam præstant, quæ deindè per fissuras montium exitum quærentes in flumen erumpant. Rectè & scitè quidem hæc dicuntur, neque ego ab hac opinione, ut ex præcedentibus patuit, alienus

F f 2

sum;

Causam ab Aristotele assignatam non esse universalem.


Obiectio Peripati.

Aristotelis de origine fontium sententiæ.

Sententiæ expositio.

sum; multosque inveniet placiti sui socios; veruntamen hanc aquarum molem ex sola subterranearum cryptarum distillatione, tantam colligi, ut ingens statim flumen foras protrusum constituat, ut credam, induci non possum. Accedit huic altera difficultas circa vaporem in fornicibus subterraneis condensatum resolutumque in guttas, quem *Philosophus* ponit. Verum undè in frigidissimis cavernis, ad quas nec *Vulcanus* nec *Phœbus* accessum habeant, huiusmodi vapor produci possit, non video; cum neque vapor sine calore aquam attenuante, neque in frigidissimis cavernis calor aquam in vaporem eliciens concipi unquam possit. Ponamus autem, calorem subterraneum per ordinatos sibi à natura canales thermagogos intra huiusmodi undique & undique clausas cavernas insinuari; sed quis nescit, tunc æstus tantum cum tempore incrementum sumpturum, ut is sicuti claustrum montis, ita aquam in eo contentam incredibili fervore sit calefacturus, atque aded quemadmodum in thermis fit, flumen non frigidum sed calidum & fumans sit exiturum, exonerante se halitu calido unà cum aqua per canalem hydragogum communem utrique. Quare hæc sententia, si universim consideretur, vera esse non potest; cum uti non semper pluviae in montibus durant, multarumque regionum montes ne quidem pluviarum capaces sint, ut de *Gelboe* Sacer textus testatur, & de plurimis tùm intra, tum extra *Zonam* torridam montibus *Geographi* memorant, quæ tamen plurimas aquas effundunt; ita quoque terra arida interioribus montium cavernis non perenni fluxu tantam aquarum molem suppeditare potest, quantam montes evomere novimus.

Ad alteram difficultatem dico; fieri quidem posse, ut distillatio resoluti vaporis nonnullos rivos efficiat, at tantam aquarum molem, quam subindè montes in amnium morem profundunt, subministrari posse, nego; Quod hoc pacto demonstro. Et primò quidem sit experimentum omnibus notum de *Alembico*; quod sit signatum literis *A B C*, cuius inferius ventricosum vas sit *A*, humi-



dum continens; *B* vas in quo vapores colliguntur, & exprimit fornecem cavernæ, sicuti *A* receptaculum humidi & fundum caver-

næ; *C* verò vas resoluti in *B* vaporis aquam per canaliculum *D* recipiat. Hoc posito sic argumentor: Vel enim *A* humore repletum, vel eo vacuum, solo vapore per montium rimas in eum insinuato repletur: Si prius admiseris dico, sine calore attenuante fieri non posse, ut aqua in vaporem agatur, quemadmodum in vase *A* humore repleto, vapor sine igne nunquam assurget; Si posterius dixeris, vapor in frigido fornice densatus, ex quocunque tandem calore montium rimas penetrante resolvetur quidem, sed in tam exigua quantitate der canalem *D* descendet, ut non nisi rivulum constituat, nunquam tamen flumen exhibere possit, & quemadmodum cessante in vase *A* vapore, omnem distillationem consequenter cessaturam dico, ita vaporibus atque ex his pluviis in montibus cessantibus, cavernas humore destitutas, pariter à defluxu destitutas assero, & id potissimum æstivis mensibus, quibus omni pluviarum materia à Sole consumpta imbres cessant & montes exarescunt; & non obstantibus hisce defectibus, montes tamen semper suos effundere rivulos notius est, quàm ut dici debeat; Siquidem experientia constat, guttas in fornice sive montium, sive *Alembici*, uti longas moras antequam cadant, trahunt, ita aqua ex casu guttarum collecta statim ubi exitum repererit, elabatur, rivulo cessante tantisper, donec concha novo aquarum augmento repleatur; & in præcedente figura *B C* luculenter apparet, ubi in vase *B* vapor in guttas resolutus, mox ubi sese per canalem *D* in vas *C* insinuavit, ibidem recollectus, mox ubi orificium incremento suo attigerit, per *E* canalem statim sese exonerabit, & sic interposita nonnulla morâ fluxus aquæ cessabit, donec nova collectanea aqua repleatur, & sic semper per interruptas vices aquæ fluxus nonnullas moras trahet; idem in montium cavernis contingere necesse est, cum resolutio vaporum in guttas, nunquam tantam aquarum molem subministrare queat, quantam perennis aut rivalicujus, aut fluminis ex monte eruptio sua natura requireret, eò quod nunquam elabentis aquæ quantitatem guttatione sua reparare possit; unde sequeretur quoque flumina & rivos nonnunquam cessare, subindè verò iterum currere debere, quod præterquam quod experientiæ repugnet, etiam contra naturæ intentionem est. Patet itaque, sententiam *Aristotelis* de fontium, fluminumque origine universaliter sumptam non subsistere; Alia itaque causa universalis, quæ fontium fluminumque ex resolutione vaporum originem præstet, investiganda est, quam jam, *D E* o dante, exponemus.

SENTENTIA AUTHORIS

De Fontium ex vaporibus subterraneis Origine & Ortu.

IN nonnullis fontibus ex resolutione vaporum ortis, quoad substantiam quidem rei,

In frigidis locis vapor generari non potest.

Confutatur sententia Peripateticorum ex eo quod complures montes in ortu pluvias nunquam recipiant.

Aqua sine calore attenuari in vaporem non potest.

Similitudine Alembici ostenditur, vaporem resolutum aquarum fluxum continuare non posse.

rei, *Aristotelis* placito non invitus subscribo, non tamen quoad modum. Quomodo igitur nos ex dictis vaporibus fontes enasci posse putemus, paucis exponimus: Supponendo primò, terram, ut jam sæpè sæpius ostensum fuit, partim hydrophylaciis, partim pyrophylaciis, aërophylaciisque instructam esse, quæ ut naturæ operationibus fervirent, varios syphones, meatus, hiatus, fissuras, rimasque ad occulta negotiationis commercia exercenda magno naturæ consilio illis insertos esse voluit, qui si ex pyrophylaciis ducantur, thermagogos; si ex hydrophylaciis verò deriventur, hydragogos appellandos duximus. Si itaque in unum ex hydrophylaciis montium canalis hydragogus magnam ignei spiritus copiam alicubi invexerit, aqua statim veluti ex benigno hospitis adventu sollicitata suscitataque, atque in vapores elevata fornici hydrophylacii adhærebit, qui ibidem frigore loci densati resolutique per cavernæ parietes defluentes cavitatibusque collecti, per canalem tandem in fontem erumpent; cum au-

tem hi exspirati halitus perennes sint, & vaporum resolutionem, & ex hac rivum consequenter, uti & fontem perenni fluxu aquas fundentem, perennem esse, necesse est. Alter modus hic est; Si verò in humidam montis alicujus subterraneam cavernam aquis non ita confertam, halitus illi ignei intraverint, fiet ut ii mixti humido locorum, per quæ feruntur, vaporis naturam induant, vapores verò cavernæ insinuat, & in frigidum fornicem illi, ibi condensati resolutique in aquam per hydragogos canaliculos à natura ordinatos, fluentes pariter in fontem, rivumque perennem evadent. Atque hoc pacto *Aristotelis* sententia commodè defendi potest. Qui verò dicunt ex pluviis nivibusque, de quibus postea agetur, in cavernis collectis fontes originem habere, benè dicunt, sed ii ob suprà indigitatas causas, fontes quidem habebunt, at non perennes, sed certis temporibus, cessantibus videlicet & pluviis & nivibus, aquis orbatos, à fluxu suo destitutos, uti postea variis exemplis confirmabimus.

Quomodo
Aristotelis
sententia
defendi
possit.

CAPUT II.

DISQUISITIO

De principali generalique tum Fontium tum Fluminum causa.

§. I.

MODUS PRIMUS.

P*Eripatus* contra sacrum *Ecclesiasticis* eloquium, negat fontium fluminumque originem ex mari procedere, sed sola aëris in vaporem condensati resolutione, uti paulò antè suprà ostendimus, nasci affirmat; quod uti paulò ante, stando in generalis causæ inquisitione, falsum ostendimus; ita nostrarum partium erit, vario experimentorum apparatu contrarium, id est, fontes & flumina omnia ex mari egredi, & in illud redire, hoc capite explicare.

Sola difficultas, quominus sibi istam rem persuadere queant Adversarii, in hoc unico consistit, quod concipere non valeant, quomodo aqua contra naturalem suam inclinationem, in altissimos etiam montium vertices elevari possit, existente mari multò iis humiliori; quam difficultatem si evicero, certè nullum tam insensati ingenii esse puto, qui non manibus pedibusque, uti dici solet, sit in meas sententiæ partes initurus.

Dico itaque, juxta suppositionem primam & secundam hujus Sectionis, non terrenum corpus tantum, sed & fundum maris, innumeris meatibus perforatum, quod & in præcedentibus Libris inductione marium terrarumque abundè demonstratum fuit. Quo posito, certum quoque est, non sine admirabili naturæ consilio factum esse, quod mare, juxta Suppositionem secundam, tot tempestatibus, tot ventorum flatibus, tot descen-

dentium nubium molibus prematur, fluxus denique refluxusque sui perpetua reciprocatione perenni inconstantia constantissimum sit. Arguunt hæc utique magnum sagacis naturæ institutum, quæ uti nil frustra voluit, ita hæc omnia in admirabiles naturæ fines direxit. Notum est ex hydraulicis, quam aquæ vel minima vis, quâ premitur, sit contraria, utpote loco contineri nescia, vel enim pressa exundat statim, vel si exitum alicubi reperiat, mox per eum veluti vim sibi illatam fugiens, semitas ultra naturæ limites constitutas prosequatur; patet id in injecto aquæ lapide, patet & multiplici hydraulicorum experimento, quæ postea adducemus. Hoc posito dico, aquam super altissimos etiam montium vertices, uti ex lacubus montium perennibus, qui passim in iis reperiuntur, constat, ex mari nullo negotio deduci posse.

Quid ad
fontium
originem
maris mul-
tiplex mo-
tus con-
ferat.

EXPERIMENTUM I.

Aqua pressa ubi exitum reperit, ultra naturalem inclinationem in altum ascendit.


Fiant duo folles A B, ex corio grosso, plicatiles, in quorum fundis inferantur duo canales G F, qui intra suppositæ aquæ vivæ receptaculum D C E F porrigantur, fiantque in orificiis internis utriusque folliis duo platismatia, ita constituta, ut elevato folle unum aperiatur, alterum eo cadente claudatur; receptaculum verò aquæ sit discriminatum diaphragmate quodam G L, nè unius

Ff 3

folliis

folles operatio alterius operationem impedit. Hoc peracto, ducantur duo canales H I, N O, coagmentati lateri receptaculi C D E F, è regione orificiorum binorum follium; canales verò H I, N O platismatiis suis instructi sint, ita ut ad protrusionem aquæ aperiantur, & deriventur in receptaculum K. Si itaque operari volueris, elevato folle B, trahetur aqua receptaculi C D E F, per canaliculum F, intra follem; at mox ubi descenderint folles, aqua intus attracta & pressa pelletur per canalem H I, intra vas K; Interim cadente folle B, elevabitur alter folles A, & pari pacto

aqua ex receptaculo D C E F, per appropriatum canaliculum G attracta, descensu suo premet aquam per canalem S, sursum in vas K, & sic alterno attractu & pressuræ violentia aqua pelletur in receptaculum K, quod in X orificium habet, per quod aqua sese exoneret, tanta copia, quantam folles intra vas K, expulerunt. Atque hoc pacto vas K semper erit plenum aqua, & perenni in X affluxu durabit, præsertim si aqua receptaculi fuerit viva, & folles artificio passim noto, uti in figura vides, aquæ motu alternis vicibus jam eleventur, jam deprimantur.



Applicatio
machinæ
hydraulicæ
ad opera-
tiones
naturæ,


Quid flu-
xus & re-
fluxus ma-
ris conferat
ad origi-
nem fon-
tium.

Habemus machinam, jam illam naturæ operationibus applicemus. Imaginare tibi, aquam in receptaculo C D E F, contentam, esse mare seu Oceanum; folles verò fluxum refluxumque maris, qui alternis aquarum à Luna attractarum incrementis pressi, per canales hydragogos in fundo maris à natura insertos aquam expellant in hydrophylacia montium, quæ vas K exprimit; atque hoc pacto nos dicimus, aquas ex mari in altissimos montium vertices nullo negotio, ingenti aquarum accumularum pondere pressas exaltari; Quemadmodum enim folles alternis motionibus nunc deprimuntur, nunc elewantur, ita fluxus & refluxus maris 24 horarum spacio, bis alterna vicissitudine, reciproca- tionis leges instaurant, ita in sex horarum stationes dispersitas, ut in oppositis locis Oceani, siue quod idem est, Luna in oppositis locis constituta, semper mare eodem tempore elevetur, & eodem tempore in aliis duobus quadrantibus oppositis deprimatur, quem fluxum & refluxum dicimus, ut in Sectione præcedente dictum fuit. Aquam verò non fluxu tantum & refluxu maris violentiam pati, sed & à tempestatibus & ventorum turbini- bus, quin ab ipso incumbentis aëris vaporumque descensu premi & exprimi, sequenti experimento docebimus.

EXPERIMENTUM II.


Aër pressus premit aquam & expellit in desideratam altitudinem.

Fiat canalis ex plumbo A C B, qui in utroque extremo habeat conchulas A & B, & A conchula habeat ex centro extantem canaliculum C; B verò conchula sit aliquantulum profundior, & in centro habeat apertum foramen, intra quod canalis C B coagmentetur; & instrumentum habebis paratum. B concha representet mare, montibus, in quorum vertices exaltatur aqua, humilior; A verò conchula referat ipsos montes mari altiores. Repleatur prius totus canalis per concham B aqua. Dico ex sola pressura aëris intra concavi capacitatem latentis palma manûs explanata, facta, aquam intra canalem B C A contentam pariter pressam, magno impetu ultra A in C per Syphunculum C, in magnam altitudinem expressum iri. Eodem prorsus modo in mari fieri putes, quod



Humanæ
imagina-
tionis er-
ror.

tumores maris A B C, & D E F, oppositi, duos præcisè quadrantes Geocosmi occupant; pressura verò maris totidem occupat, videlicet B D, & C F, sed hæc fusissimè expofita vide in *Tertio Libro Sectione prima de motu,*




sive de fluxu & refluxu maris. Perambulant enim hi tumores spacio 24 horarum circa totum Telluris globum, eo naturæ consilio,

ut accumularum aquarum pondere mare agitent, & intra canales hydragogos à natura Telluri insertos, in montium expellant hydrophylacia; & quoniam hi tumores perennes sunt, affluxum quoque aquarum intra dicta hydrophylacia esse necesse est, neque, quamdiu Mundus durabit, elementum aqueum sollicitare cessabunt. Cum itaque tumores hi aded amplifint, & violenter accumulentur, singulæ quoque tumorum portiones aquas æquè premant, luculenter patet, non eos per unum tantum canalem hydragogum, sed per innumeros, quorum aquas perpetuò sollicitant, sese intra universos Telluris montes exonerare; quæ quidem exoneratio tantò erit facilius, quantò hydragogi syphones erunt obliquiores; quod & hoc experimento expono.

Experimentum.

Fiat vas ex plumbeis aut ferreis laminis A B, cujus canalus ex B in C obliquo situ deduca-



tur, alius ex E in D perpendicularis; prematur aqua quæ vas repletum esse debet, vel plana manu, vel pistillo aliquo. Certum est, aquam multò facilius ex B in C pulsam iri, quàm ex E in tubum perpendiculariter erectum E D; quia pondus aquæ in obliquo situ, minus quàm in normali situ ponderat, uti in *Hydrostaticis* nostris demonstravimus; unde ad hoc principium Natura sagax respexisse videtur, dum canales hujusmodi non directè intra terram perpendiculariter, sed obliquato ductu, ad aquarum faciliorem propulsam detorquere voluit, uti ex canali B C patet. Accedit, quod non omnes canales hydragogi fundo maris sint inserti, sed plurimi quoque parietibus montium terrestrium, qui ad mare situm habent, aut Insularum lateribus à natura insiti; & sicuti illi pressura molis aquæ sollicitantur, ita hi tum appulsu undarum tum tempestatum, ventorumque vi, tum refluxu maris æstuantis pressi, facillimè in quosvis montium vertices aquam devehunt. Ob-

Objeccio.

ciat forsan hoc loco aliquis; motum maris minimè violentum, sed naturalem esse de-

bere; quod stante nostra hypothese non fit. Respondeo, naturam semper naturali motui intendisse jungere nonnihil violenti, quod quidem non propriè & simpliciter violentum dici debet sed ex concomitantia quadam necessaria, uti ex omnibus naturæ operationibus patet: hoc pacto universum mare perpetuò inquietum turbulentumque non naturali vi quadam, sed agitatione tum ventorum, tum fluxus & refluxus maris, quæ undæ undis violentiam quandam imprimunt; patet & hoc in Meteorologicis impressionibus, ut dum ventus arbores prostermit, & turres dejicit; terræmotus quoque civitates evertit, mare retroagit, sulque deque vertit omnia, quæ haud dubiè tametsi naturales operationes sint, sine violentia tamen, eaque maxima fieri non possunt, utpote eas consequente. Pari pacto, ex impulsu maris intra canales hydragogos facto, aqua necessariò, violenter pressa, sese ultra naturæ suæ terminos exaltare cogitur; estque impulsus quidam, qui ex naturalium rerum operationibus necessariò consequitur: Uti igitur hæ operationes à natura intentæ sunt, ita & perpetuæ; Si enim simpliciter violentum quid essent, jam utique in totum defecissent, sed durant, durabuntque, quàm diu Mundus consistet, uti tot sæculis Ætna, tot ardentia loca, tot tamque varia thermarum genera testantur. Fateri ergò cogimur, hæc simpliciter quid violentum minimè dici debere, sed naturales esse effectus suæ causæ naturali connexos. Facit ad hanc nostram sententiam expositio D. Thoma supra eum locum *Aristotelis*, nullum violentum perpetuum: ubi expressè dicit, nullum violentum esse perpetuum, nisi causa sit perpetua; perinde ac si diceret: Si quidpiam violentum videatur in operationibus naturalibus, id tamen violentum propriè & simpliciter dici non posse, cum causam naturæ perpetuam, effectus naturæ perpetuus necessariò consequatur; non est ergò hæc operatio in genere violenti, sed perpetui, uti cæteræ species sunt perpetuæ & intentæ à natura; quemadmodum in humani sanguinis circulatione, sanguinis gravioris ex pede in caput ascensus non dicitur violentus, sed à natura intentus, atque aded perpetuus durante homine. His expositis, jam modum & rationem exponemus, qua aquæ ex mari in altissimos montes, & in cætera hydrophylacia montium eleventur.

Et primò quidè suppono, hydrophylacia naturæ, uti & syphones, sive inciles hydragogos non casu aut fortuitò, sed magno naturæ consilio imò non minori industria, quàm venas & arterias in corpore humano sive Microcosmo, vasis humorum, insertos fuisse; & quemadmodum æterna sapientia omnia in numero, pondere & mensura constituit, ita quoque interiorum Geocosmi Oeconomiam & fabricam iis adminiculis instruxit, sine quibus

Motus aquæ Maris non propriè violentus est.

Expositio divi Thomæ.

Quomodo aqua Maris supra Montes eleventur.


quibus æternum prævidit causas rerum nulum effectum producere potuisse.

Mirantur multi, nec capere possunt, quomodo fiat, ut v. g. Alpes Galliæ, Germaniæ, atque Italiæ comprehensæ; tot flumina, tot amnes fundant, qui à perenni fluxu nunquam vel à primordiis rerum hucusque cessarunt; neque dum Mundus stabit, cessabunt; unde inquam Danubius, Rhenus, Mosella, Mosa, Rhodanus, Arar, Padus, Ticinus, Oenus, præter innumerabiles minores fluvios rivosque uti & lacus originem ducant; quos si quis ex guttarum intra subterraneas montium cavernas distillatione, uti *Peripatetici*, originem suam sumere dixerit, is omnium opinione rem ridiculam asseret; Cum omnes guttæ hinc inde per fornices montium collectæ vix unum flumen conficere queant. Aliud itaque arcanum Naturæ hic latet, quod hoc loco manifestandum arbitratus sum.

In memoriam revocet Lector, quæ *Libro Tertio* de Hydrophylaciis montium diximus; & inveniet, quod sicuti in Alpibus, ita in omnibus aliis vastissimorum montium cate-

nis, singulari DEI Opt. Max. providentia ab exordio rerum dicta hydrophylacia constituta esse; Ex quibus in diversas Mundi partes flumina, tum ad irrigandas Regionem circumjacentes, tum ad utilitatem hominum navigationisque commodum deriventur; derivari autem tot ac tam ingentia flumina perenni fluxu non possent, nisi dicta hydrophylacia novo semper & novo aquarum comeatu replerentur; Quod ex vaporum intra cavernas montium resolutione fieri non potest; nam ut supra dictum fuit, si omnes totius æris vapores in aquam resolverentur, illi tantæ ac tam continuatæ aquarum moli sufficere non possunt, neque pluviarum niviumque resolutio, cum illa non sit perpetua, sed certis temporibus à madefactione desistat, & consequenter flumina quoque necessariò à fluxu suo cessare deberent, quod experientiæ repugnat. Aliud itaque non occurrit, nisi quod dicta hydrophylacia ex Mari aut Oceano, quotidie per subterraneos meatus repleantur; quod quomodo fiat, ostendo.

Sint vel unum, vel plura Hydrophylacia



Gg

ABCDI,


ABCDI, intra montium concavitates veluti lebetes inserta, quorum hydragogi syphones subterranei sint GLM, GLB, EO, QP, HI, eorumque orificia in fundo maris sint GEQ. Dico ex continua fluxus & refluxus, ventorumque vi, aquas in fundo pressas totam molem aquarum, quibus subterranei meatus usque ad hydrophylacia, pleni sunt, intra ea sese exoneraturas; Unde hydrophylacia semper plena, per rimas meatusque montium tandem in flumina erumpent, uti in Figura apparet; ut vel ex hoc oculari aspectu fluminum origo luce meridiana clarius eluceat. Vides quoque, quomodo in altissimo montis D vertice, per subterraneum meatum QP, lacum D efficiat flumina fundentem; neque lacunam aut pluviarum aut nivium liquefactarum augmento ortam dixeris, cum hoc pacto utique cum tempore siccaretur; sed lacus huiusmodi limpidissimi sunt, uti Lacus in vertice montis S. Gotthardi, qui fluvium Ticinum per multiplices hinc inde catarractas in profundissimas valles perpetuo motu præcipitat; quod luculentissimum signum est, eum aliundè semper novo aquarum comeatu ditari; neque resolutione vaporum eum nasci dices, cum omni fornice destitutus aprico coelo gaudeat.

Lacus in
monte
S. Gotthar-
di.

Notandum quoque, in huiusmodi Alpibus varia esse hydrophylacia, nunc altiora, nunc

humiliora, quæ tamen semper per communicationem quandam sibi corrépondeant, & nonnulla quidem tecta montibus, nonnulla verò, quemadmodum ferè omnes montium lacus sunt, sub aperto coelo stationem suam exhibeant; uti sunt in Helvetia Lacus Lemanus, Lucerninus, Tigurinus, & Acronianus, quos ex communi in varias stationes dispartito hydrophylacio intra vastissimos montium recessus exporrecto nasci, ei nullum dubium esse debet, qui præcedentia ritè intellexerit; Si enim per divinam potentiam dicti montes juxta horum apertorum lacuum superficiem dissecarentur, invenires utique imensos intus lacus; innumeris canalibus hydragogis aquam projicientibus instructos, hosque cum externis & apertis lacubus non tantum communicantes; sed & qui sub æquali planitie intus continentur. Reperires præterea Lebetes quosdam altioribus montium fornicibus insertos, qui per latera montium exitum reperientes in fontes rivosque varios evadunt. Et nè putes hæc tantum conjecturis nos assequi, sed ita sese habere Historiæ hydrographicæ luculentissimis testimoniis comprobant. Referunt inter cætera in Nicaragua Americæ provincia ad ingentem lacum cryptam esse vastissimam, intra cujus recessus intimos penetrantes barbari, vastissimum lacum instar maris

Historiz de
hydrophy-
laciis.



sine termino reperiri asserunt, in eoque tam horrendas aquarum catadupas, tam formi-

dabilem sonum percipi, ut, nisi statim pedem referant, sonitu obsurdescant. Idem testatur

testator *Olaus Magnus* de Cavernosis Littoribus Botniæ, de quibus alio in loco uberius actum est; idem observari intra Regni Sinenfis nonnullos montes, lacubus, fluminibusque subterraneis refertos, mihi non semel retulit *P. Martinus Martinus*, quod & in suo *Atlante* postea publici juris fecit; & de montibus quibusdam Austriæ Superioris refert *L. Andreas Eissert* Societatis nostræ Sacerdos; de quibus suo loco. Dicitur & in lacu Fucino ingentem cryptam reperiri, quam si quis ingreditur, is præter immensum lacum quem reperit, lacui externo continuatum, ruentium quoque aquarum sonitum magna intrantium formidinis percipiat. Et cum ego semper ex iis, qui talia mihi narrabant, inquirerem, utrum intra dicta antra, aliquam aquarum destillationem perciperent, sanctè affirmarunt, neque destillationem, neque subter-

raneam illam, quam *Peripatus* sibi fingit, pluviam unquam sese observasse. Sonitus itaque aquarum ruentium aperte docet, per canales hydragogos alicubi aquam per immensa præcipitia sese intra subterraneum lacum præcipitare. Innumera hujus rei exempla hoc loco adducere possem, sed quia ea jam aliis in locis exposita sunt, iis immorari nolo. Lector ex apposita hic figura Hydrophylacii interiorum constitutionem, graphicè delineatam consulat. Ubi vides intra montem situm lacum, intra quem ex lateribus montis per subterraneos canales aquæ in dictum lacum præcipitantur, quæ postea ex lacu subterraneo per excultos canales alios in exteriores campos evolutæ flumina & lacus efficiunt: uti typus docet. Interim hæc ad propositum nobis argumentum demonstrandum sufficiant.

CAPUT III.

DISQUISITIO


De reliquis modis & rationibus.

§. I. MODUS II.

Quomodo naturali attractu ex meteo-vacui subinde aqua in altum educantur?

EXPERIMENTUM.

Fiat ex plumbo concha *d e*. Vitro cooperta *B X C*; habeat hæc concha intra columnas *B H* & *C L* aliam concham *F*, ex qua *F d* canaliculus conchæ *d e* infertus, & in *E* apertus collocetur; hoc peracto, inferatur fundo conchæ *d e* alius canaliculus *E G*, cum epistomio *S*, cui alia concha *H L*, sit supposita; columnæ autem *B H* & *C I* sustineant totam machinam, qua confecta, replebis concham superiorem *d e* aquâ per apertam cochleam *X*, quæ deinde ita claudatur, ut aer subire non possit; repleatur & aquâ concha *F*: Quibus absolutis si epistomium *S* canaliculi *e S G* aperueris, aqua naturali fluxu descen-



dens aërem in vase *A B C* attrahet, hic attractus, cum, quem in locum abeuntis substituat, non reperiat; is ilicò vacui formidine percitus, aquam in concha *F* contentam per canaliculum *F d* alliciet, quæ summo impetu per orificium *E* in fontem erumpet, hæc relapsa intra concham *d e* per Canaliculum, *e G* sese exonerabit in concham *H L*, novam semper ex concha *F* aquam trahens, ita ut si concha *F* ex fonte aliquo perpetuo repleatur; Dico, aquæ fluxum quoque in concha *d e* perpetuo duraturum, conchâ nunquam exundante; cum quantum attrahit ex concha *F*, tantum per siphonem *e S* demittat. Habemus experimentum in Musæo nostro, quotidiano usu comprobatum. Jam eam ad instituti nostri materiam applicemus.

Imaginare tibi concham quandam intra concavum montis, quod vitrum *B A C* exhibet, ad quam aer extrinsecus penetrare non possit, existere; habeat autem hæc concha aliam vicinam sibi è latere junctam, quæ sit *F*, quæ aquis ex rivo quodam perenni, quocunque tandem modo exorto, scateat. Correspondeat verò per meatum montis veluti canaliculum quendam *F e* conchæ *d e*, & quoniam hujusmodi concha alium canallem habet *e S* intra ima montis protensum; certum est, concham *d e* aquis, per fibras montis confluentibus, mox ubi repleta fuerit, per Canalem *e S* sese exoneraturam, & consequenter, ne abeunte aqua, concavum montis metu vacui labore, ex concha *F* tantum aquæ attracturam, quantum per canallem *e S* dimiserat; atque adeò concha *d e* perpetuò aquis scatebit: Exonerante

G g 2

itaque

itaque se concha *de* per canalem *es*, & in G aliud concavum reperiens, inde in fontem vel rivum perennem transibit; oportebit autem canalis orificium *Fd*, nonnihil supra aquæ conchæ *de* superficiem, sive id in medio, sive in parietibus antri constitutum fuerit, eminere, ne aqua in cocha *de*, quæ per canalem *es*, exonerare deberet, per canalem *dF*, sese exoneret. Vides itaque ex hoc experimento, quomodo fontes rivique subinde metu vacui, ex perpetuo aquarum aliundè derivatarum attractu, fieri possint. Forſan hîc mihi quispiam objiciat nimiam & supervacaneam Naturæ industriam. At is sciat, nihil arte fieri posse in hydraulicis motibus, quod non suæ operationis principia à Naturæ panturgæ exemplari, & æternæ legis rationibus deducat, certusque sit, quod sapientia Cosmotechnilis per naturam Artem suam, nihil frustra, sed omnia summa providentiâ, uti alia omnia in hoc universi theatro, ita & potissimum in Subterraneo Mundo, ineffabili opificio constituerit; quod deindè homo naturæ simia, quantum potest, in suis operationibus quovis modo imitari affectet.

Ars à natura sua sumit principia operationis.

MODUS III.

Quomodo Fontes & Flumina ex pluviis & nivibus liquefactis constitui queant.

Flumina & Fontes subindè ex pluviis & nivibus liquefactis fieri, non facillè negaverim, cum experientia id apertè doceat; sed hujusmodi fontes & flumina perpetua esse, id ut credam, induci vix possum. Hoc autem modo fontes fiunt & flumina; In planis verticibus lateribusque montium, coacervatæ hyberno tempore nives, Sole Borealia Signa transeunte paulatim æstu Solis, pluviisque cadentibus liquefiunt, liquefactæ partim per hiatus montium, partim per anfractuofos saltus sese paulatim intra cavernas seu cryptas Subterraneas insinuant, quibus si pluviae imbresque actesserint, tum eccè dictæ cavernæ nimio aquarum incremento gravatæ, dum per hiatus fissurasque montium se, exonerant, aquæ exoneratæ in fontes, & ex horum corrivatione in flumen tandem abibunt; durabitque fluxus tam diù, quam diù nivium liquefactio durabit; qua finitâ flumen à fluxu suo, alveo siccato, cessat. Innumera hujus rei exempla adduci queunt: sed unum loco omnium sufficiat, quod summa diligentia in Gallia Narbonensi me observasse memini anno 1631. in fonte seu potius flumine Vallis clausæ, quam vulgò *Vocluse* vocant. Est inter Carpentoractum & Cavallionem, quatuor leucis Avenione distita Vallis quædam prorsus horrida, & rupium pendentium aspectu formidabilis, in qua domus in hunc usque diem spectatur, tametsi temporum injuriis diruta; intra quam *Franciscum Petrarcham* olim, si quandoque poetico solitorum sibi studiorum æstro percitus, solitudinis amore rapiebatur,

Fons Voclusus in agro Avenionensi.

Domus Petrarchæ.

se contulisse ferunt, ut ab omni aulici strepitus tumultu longè semotus animo liberiori expeditiorique, ea quæ animo conceperat, perficeret. Non procul ab hac domo, ingens in rupibus à natura effecta, intra undique & undique clausam valem, spelunca visitur, quæ, mirum dictu, ad dimidium anni spacium semper sicca, ne quidem vestigium humiditatis ostendit; speluncam verò ingressus, uti ego met quàm curiosissimè observavi, occurrunt diversi hinc indè meatus, in quorum majori terminus non reperitur, dicuntque ad plurimas leucas sese intra Montium Alpiorum recessus porrigere, in varios insuper ramos ita dispersitos, ut labyrinthum te ingredi jure possis: Dicto itaque tempore, totus hic tortuosus meatus, & multiplici ramorum diffusionem formidabilis, hyberno tempore videlicet, siccus, & arena minutissima, variisque mineralis materiæ quiscuilibet conſtratus, cernitur; Mox tamen eo tempore, quo nives in Delphinatus montibus, sive Alpibus Cottiis liqueſcunt solent, tum eccè dictus meatus per os speluncæ, ingenti fragore, tantam aquarum molem eructat, ut impetu suo sex molas, ab ostio non nisi quinquaginta passibus distitas, statim vertat; & quod mirabilius est, flumen una tritis aliisque piscibus, quos utique aqua subterranea (intra quam per voragines sive fluminum, sive lacuum impetu quodam abrepti fuerunt) secum adducit, mox repletur; Nivibus verò paulatim consumptis & lebetibus aquaticis evacuatis, & flumen induciis constitutis usque ad suum tempus, cessat, piscibus evanescentibus, qui haud dubiè instinctu quodam defectum aquæ præsentientes, tempestivè se intra flumina, quæ ad Insulam, non procul hinc distitum locum, subducunt. Atque hoc pacto fontes & flumina ex nivibus liquefactis fiunt.

Descriptio Voclusi fontis.

Pari modo ex pluviis & imbris subinde fiunt flumina hoc modo: In altissimorum montium jugis, aut in vertice, aut juxta verticem plana aut concava loca reperiuntur, aqua referta pluviali ibidem collecta, & paulatim in lacum stagnante, unde fit, ut per fissuras montium aqua intra Subterraneos crateres insinuata, & augmento abundans, tandem in flumen erumpat; cujusmodi videre est, in planitie jugorum Appennini, qui tendentibus Româ Lauretum inter collem floridum, vulgò *Colle Fiorito*, & *Seravalle* intercluditur, ubi tota illa planities hyberno tempore in stagnum evadit, non nisi ex pluviis & nivibus liquefactis constitutum; Æstate verò & Autumno in floridissimum pratum, & pingua pascua efflorescit; Undè sæpius hac transiens, dum mirarer, undè tanta aquarum moles tam citò evanesceret; & quoniam admiratio ad inquirendam causam sollicitat, peritos loci ea de re consului, qui me conduxerunt ad locum, in quo ingentem voraginem ostenderant, per quam aqua sese oneraret, addideruntque, aquas per subterraneos meatus

Quomodo flumina ex pluviis nascantur.

nis non procul à Tyberi ex ingenti montis speculca in flumen sese exonerare; quod flumen currit stante lacu, ficeatur exarsente lacu. Similia loca reperi in Appennino Hetruriae, de quibus consule *Iter nostrum Hetruscum*.

De mirabili Campo in Carniolia.

In quo per Anni decursum, suis à natura destinatis stationibus indigena seminant & metunt, venationes instituunt, & tandem toto campo in lacum commutato, piscantur.

Est in Carniolia non procul Laubaco locus admiratione sanè dignissimus, quem hoc loco describendum duximus. Hic locus primo *Æstivo* & *Autumnali* tempore, pratum multiplici germinum foetura gravidum mentitur; In *Novembri* verò longe lateque stagnantis aquae speciem refert, totaque hyeme glacie constrictum comperitur; Verno verò tempore defluente aqua in agrum sementationi aptissimum evadit, ita ut unus & idem locus, nunc ager, nunc pratum fruticosum, modò lacus, triplici à natura sibi concredito munere fungatur; neque sine insigni publici boni emolumento; cum copiosa messe, tum frumenti, tum leguminum foenique patriam non beet duntaxat; sed & venatione Leporum Aprorumq; æstivo tempore Oeconomis non exiguum præstet subsidium, uti & sub hyberni temporis initium copiosa piscium captura insigni sanè comeatu territorium provideat. Visis prodigiosis hujus loci effectibus; jam causas eorundem inquiramus. Quæritur igitur primò. Unde tanta huic loco aquarum copia proveniat, qua derepente in præamplum lacum evadat? Respondeo, hoc accedere eo quod in Alpibus Penninis ingens nivium, quæ cooperiuntur, copia æstivi temporis decursu continuo liquefiat; unde fit ut Alpium hydrophylacium nivium liquefactarum incremento circa finem Octobris paulatim exuberet, exundatione verò sua per occultum quendam Subterraneum meatum in hunc locum sese exoneret. Nam ut indigenæ observant, statuto tempore cum maximo frigore ex visceribus tum scopulosæ rûpis vicinæ, tum ex centro campi evolvitur, totam planitiem in lacum convertit. Quæritur 2. Unde lacui tanta piscium copia? Respondeo ex hydrophylacio quodam seu lacu externo aut interno piscibus referto, qui magno impetu redundans una secum in hunc locum pisces rapiat; uti in multis aliis similibus locis accidit; Quod verò Verno tempore lacus una cum piscibus ne uno quidem superstitite, evanescat; ratio est, quod aquæ defluxum paulatim secuti, per subterraneum meatum eò unde venerant, revertantur. Atque hoc pacto, locus à tyrannide aquarum liber in campum agrumque vertitur pinguis & opimæ glebæ, adeoque seminationi aptissimum; Messe verò peracta multiplici stirpium

fruticumque germinatione sylvescens, Leporibus, Apris, Lupisque stabulationi aptissimum locum præbet. Donec nova inundatione oppressus campus denuo in lacum mutatus *Nepturni* subdatur jurisdictioni, duratque hæc admiranda sanè naturæ *περικαλλος* quotannis, duratura sine dubio in perpetuum.

MODUS IV.

Originis Fontium & Fluminum, qui fit ex Subterranearum aquarum confluxu.

Fieri non potest, ut ex tot annuis diluviis, niviumque liquefactarum concursu, non subinde ingens aquarum in subterraneis hydrophylaciis moles coacervetur, hoc modo: cum enim montes porosissimi sint, & innumeris fissuris & hiatus pateant, aquæ per hos insinuatae ubi hydrophylacium sive lebetem quendam reperiunt, eum confluxu suo replent, unde valorum angustis pressæ, eas exundare necesse est, exundatæ verò per alios hiatus & canales in flumina etumpunt. Hinc patet, cur certis temporibus flumina adeò ficientur, ut nullo negotio transvadari possint; alio tempore ita intumescant, ut omnem itinerantibus transitum prohibeant; quia cessante confluxu aquarum, flumina diminui; contrà augmento aquarum durante, ea intumescere, necesse est. Est autem non exigua inter hujusmodi flumina differentia; quod nonnulla prorsus ficcata à fluxu desistant; atque hujus alia causa assignari non potest, nisi unicus pluvialium aquarum intra lebetes montium confluxus; quo durante durat flumen, quo cessante, cessat flumen; nonnulla verò fluxu quidem perenni durant, sed non eodem tenore plenitudinis; utpote jam aquis diminuta, jam aquis tumida; cujus rei ratio est, quod intra hydrophylacia, quæ à mari originem suam ducunt, aliis extemporaneis subinde aquis, pluvialibus sive nivalibus repleantur; quarum augmento majorem consequenter copiam, quibus flumen intumescit, fundunt. Loquor autem hic non de torrentibus, qui solo aquarum, quæ tempore imbrium intra plicas montium colliguntur, confluxu constituuntur; sed de illo aquarum augmento in fluminibus, quod subinde etiam coelo sereno, tranquillo, nullisque pluviis obnoxio, derepente oriri solet. Vide quæ in *Tertio Libro de Origine Nili* fusè prosecuti sumus.

Varia differentia fluxus fluminum nunc vacuum, nunc plenorum, unde?

MODUS V.

Altiorum Montium Lacus inferiorum montium hydrophylaciis aquas influunt; Unde fontes & flumina.

Contingit non rarò, in altissimis montibus Lacus ingentes observari, qui uti verticem suum ultra omnes pluviarum metas extollunt, ita ab iis augeri nequeunt, uti de monte Atho referunt; atque adeò non nisi à mari, dicto jam supra modo, originem suam

Quomodo
aquæ in al-
tissimis
montium
verticibus
stabulen-
tur.

indubiè nanciscuntur: Hujusmodi montium lacus, quemadmodum perpetuò replentur, ita & per subterraneos inciles in inferiorum montium lebetes deplentur; unde hujusmodi lebetes aquarum beneficio aucti ditatique in fontes & flumina, juxta meatus à natura iis destinatos, funduntur: Videtur hujusmodi corresponsus montium potissimum in Alpibus, in quibus non infrequenter ex inaccesis montium verticibus ingentes catadupæ evolvuntur, quæ tamen mox in scopulosis vallibus, clausisque montium crepidinibus absorptæ, alibi exitum sibi parant. Vidi & ego, ex lacu montis Cimini in Hetruria, quem vulgò *il lago del Vico* nominant, in altissimo loco constitutum, per subterraneos meatus Ronciglione in rapidissimum flumen erumpere; aliosque tres lacus vicinos inde derivari, in *Itinere nostro Hetrusco* fusè ostendimus, quod consulas velim.

MODUS VI.

Fontes & flumina subindo quoque ex ventis subterraneis nasci posse.


Qui sagacis Naturæ abditas vias penetrat, is apertè fatebitur, nihil ei in ad-

mirabilium effectuum productione denegatum esse; quemadmodum enim mira arte in aquis ex mari in altissimos montium promontos evehendis, utitur, ita & mira industria in iis per ventos subterraneos halitusque in altum attollendis pollet; quod jam ostendere aggredior. Cum itaque Ars nil aliud quàm naturæ quædam imitatio sit, certum est, quidquid arte conficitur, id prius naturæ prototypo inexistisse, quod sequenti technasmate demonstro.

EXPERIMENTUM I.

Docens, quomodo vi ventorum subterraneorum aqua in altum extollatur.

Fiant duo vasa contigua A B ex plumbeis vel ferreis laminis, C D diaphragmate discriminata: Hoc facto ducantur tres canales, eo quo in figura constitutos esse vides, modo. Primus E F utrinque apertus ex superiori fundo E, cui coagmentatus sit, derivetur per diaphragma C D in F. Secundus I K utrinque apertus derivetur ex fundo I usque in K. Tertius G H ex G per fundum superiorem in H ductus nonnihil emineat, habebisque machinam paratam. Effectum itaque



machinæ spectaturus, repleatur vas A per foramen V aquâ, obturatoque foramine V, projiciatur aqua intra craterem V H E, quæ per canalem E F descendens, aërem in vase B stabulantem, per canalem I K expellat; aër verò hinc expulsus in vase A premet aquam, quæ pressa cum, nisi per canalem G H, effugium non reperiât, per eum sese exonerabit in limpidissimum fontem, uti vides. Habemus experientiam, jam nostro instituto eam applicemus.

Quomodo
aqua vi
ventorum
elevetur.

Ex præcedenti Sectione docuimus, ventos ob halituum copiam subterraneis cryptis perpetuò dominari; cum enim obstaculis montium inhibiti ampliorem locum quærant, nec inveniunt, per subtilissimas etiam rimas fissurasque montium veluti syphones quosdam, summo impetu evadunt, & ubi intra lebetem aliquam aquam reperiunt, illam haud dubiè prement; & siquidem crypta alium syphonem habuerit, per eum aquam exprimet. Sed rem exemplo ostendamus.

Sit mons F G H intushabens hydrophyla-


cium A, fornice C clausum, intra quem fissura ex D per modum syphonis pateat, & sit D C. Dico ventos per ignis subterranei halitus, aut quovis alio modo excitatos, & per canalem D C compulsos intra forniciem C, hydrophylacii A, dum exitum non inveniunt, aquam pressuros; aquas verò pressas per alium quendam hiatum, veluti per quendam canalem, qui sit E I intra lebetem B montis X lebate A sublimiorem, sive is intra, sive extra montem in ejus vertice constitutus fuerit, in fontem aut lacunam sese exoneraturas. Ratio ex præcedenti experimento luculenter patet.

EXPERIMENTUM II.

Notum est experimentum de tortuoso syphone, quem ubi aqua repleveris, & uno extremo in vasis fundo aquis repleti posito, alterum extrorsum directum fluere siveris, totum vas exhaustum iri, & si vivâ aquâ vas scateat, fluxum per syphonem quoque

quoque perpetuò duraturum. Simili prorsus modo, subindè intra subterraneos meatus accidere tibi persuadeas velim.

Sit lebes intra A montis viscera, sit & alius intra montem C; ex cujus fundo meatus C E



à natura sit directus in lebetem A; ex fundo verò F alius meatus longior primo, deductus sit in canalem B. Fluente itaque aqua ex lebate A per canalem F g in concham B necessariò vacui formidine aqua ex lebate C per canalem C E attracta, in locum abeuntis se substituet, scilicet in lebetem A, & uti aqua in cratere C est perpetua, ita quoque fluxus per canalem F g in B craterem perpetuus erit; ubi quoque se foras vel in fontem, vel in rivum exonerabit. Hisce artibus ludit in subterranea Oeconomia naturæ sagacitas, quæ quamvis à nostris sensibus quàm remotissima sint, ita tamen subinde fieri, ipsa ratio dicat. Cum tota naturæ operatio, uti non in alio, quàm in attractu quodam & repulso consistit, ita quoque in aquis ducendis partim vi expulsiua, ut in primo experimento; partim attractivâ, uti in secundo hoc experimento patuit, utitur.

M O D U S VII.

Quomodo fontes & flumina nascantur humiditatis attractione.


J Am sæpius inculcavimus, quomodò universæ porosæ Telluris fibræ tum ex mari, tum ex lacubus & fluminibus humidum in nutrimentum suum naturali quodam appetitu attrahant; cum enim innumeris fissuris, fibris, porisque terra constet, per eas mare veluti per venas quasdam, dum sese insinuat, Telluri universæ debitum nutrimentum per infinitas alias venas, haud absimiles venis capillaribus in corpore humano, præstat; Sic uti enim incisa pelle quocunque humani corporis loco, statim sanguis exit, exceptis callosis locis, ita nullus ferè locus est in Tellure, in quo si altius terram eruas, aquam non subito reperias, exceptis nonnullis locis desertis & sabulosis, quæ callosis partibus in humano corpore non incongruè comparantur;

& sicuti has altius perfoderis, sanguinem, ita illæ aquam tandem subministrant. Est itaque universus terrenus globus fibris fissurisque, uti diximus, non secus ac corpus humanum venis, atque ex his propagatis capillaribus per-tusus, per quas uti caro, ita corpus terrenum, infito quodam appetitu necessarium nutrimentum attrahit. Fit autem hæc attractio multis modis; primò partes montium, postquam halitibus igneis exaruerint; insita quædam vi in suæ siccitatis, ariditatisque remedium, vicinas humoris venas suctu attrahunt, & hoc pacto, nè prorsus corrumpantur, instaurant. Secundo, inveniuntur inter terrestres glebas subinde gypsea seu cretacea materia, quæ uti mira vi ad fugendum, ex insita sibi siccitate pollet, ita aquam quoque ex imo loco in altum elevans in extima sua parte in lacunam efformat. Experimento res clarior fiet.

Terra naturaliter aquam attrahit ceu suum nutrimentum.

E X P E R I M E N T U M.

Fiat columna A C ex gypso, in cujus summitate crater B formetur; hanc impostam in centro C, conchæ D, aquis repletæ, per aliquot horas relinque, & invenies aquam



à gypsea columna suctu à successivis partibus paulatim attractam, tandem usque ad craterem B columnæ A pertingere, ibidemque usque ad inundationem perseverare; cratere verò evacuato exsiccataque columna, novo suctu craterem aquâ repleri. Idem quoque in montibus gypseis seu cretaceis fieri tibi persuadeas velim.

Sed dices forsan; hæc gypseas montium fibras, mox ubi humidum imbiberint, ab ulteriori aquæ attractu cessare. Respondeo, cessare quidem aliquantisper, sed mox ac ab halitibus igneis denuò exsiccata fuerint, crateres novo semper & novo suctu repleri, ea naturæ moderatione, ut ab aquæ suctu gypsea materia nec omnino lutescat, neque ab igneis exhalationibus prorsus exsiccata in pulverem redigatur; sed mediocritatem quandam sectetur ex humido & sicco æquè conflata. Gypseos autem hujusmodi montes

Gypsum naturaliter aquam appetit.

Terra venis, non secus ac corpus humanum scilicet.

tes reperiri & Appenninus & Alpes fat demonstrant, è quibus aqua gypso scatens profluit, quam qui biberint, strumosi redduntur. Sed de his in sequentibus, ubi de aquarum viribus abundè differemus.

MODUS VIII.

Quomodo novi fontes, lacus & flumina subinde ex terramotu nascantur.

Narrant Historici, & inter cæteros, *Seneca & Plinius*, in magnorum terræmotuum symptomatis, subinde fontes rivosque exoriri iis in locis, ubi prius nulli extiterant. Quod qua ratione fiat, ostendam.

Quomodo terræ motus fiat, in præcedentibus fusè ostendimus. *Vulcano*, vel ut *Chimici* loquuntur, *Archæo* incendiis in subterraneo suo regno sæviente, fit, ut per caninos ingens halituum igneorum copia per canales pyrogogos dispellatur, qui in subterraneis meatibus incredibili impetu luctantes, dum exitum quærunt, nec inveniunt, tandem angustiarum impatientes, exitum sibi parant; unde labefactatis concussisque hydrophylacii alicujus fundamentis, prostratoque fornice cæteraque mole fornici incumbente totum ruere necesse est; cadente verò mole intra subjectum hydrophylacium, cum unà cum aqua consistere non possint, aqua violenter pressa & hospiti advenæ cedere coacta, perque abditos obvios sibi canales expressa, foras in fontes erumpit, vel saltem foras expressa locum molis subincumbentis occupans in lacum efformatur, uti anno 1638. me præsentē contigit ad S. Euphemiam Calabriæ oppidum, quod terræ motu absorptum, ejus loco stagnum reliquit. Complura hujus rei exempla adducere possem, sed cum in præcedentibus de iis actum sit, hîc ea repetere supervacaneum est.

Ex interiori partium terrarum lapsu, multæ causantur mutationes.

MODUS IX.

Quomodo ex condensato aëre, ventorumque flatibus fontes & flumina nasci queant.

Nascitur nonnunquam ingens vaporum halituumque copia in subterraneis locis, qui per porosos fistulososque montium tractus educti, statim ad aëris frigidioris præsentiam condensantur in nubes, hæ frigore aëreæ regionis dissolutæ in pluvias extrinsecas revertuntur; cessantibus verò subterraneis vaporibus, dum quod in abeuntis vaporis locum substituant corpus, non habeant, tunc metu vacui aërem circumscriptum unà nubibus vaporosis mistum per easdem montium rimas attrahunt, aër verò vaporosus intus attractus ad calidioris aëris contactum, statim in pluviam subterraneam resolvitur, quæ inter cavernas collecta, novam dat subinde & fontibus & rivis originem. Mirantur multi,

cur montium apices pluviae imminētis tempore, ferè semper nubibus obvelentur; hî rationem aliam non esse sciant, quàm vapores, qui mox ac per montium rimas exspiraverint, ad circumambientis aëris frigidi contactum in nubes condensati consistunt; & ne diffidentur, à frigidis aëreæ regionis vaporibus aliunde in altum elatis, veluti obstaculis impediuntur; gaudet enim aded hujusmodi attractus & repulsus ludibriis Naturæ rerum, ut sine iis nihil in elementaris materiæ reciprocatione, nil in impressionum meteorologicarum formis constituendis, attentare videatur.

Cur montes nubibus tecti, pluviarum prodromi sint.

MODUS X.

Sanguinis in humano corpore per universas venas pericyclofin seu circulationem, hujus temporis inventum est, innumeris experimentis ita comprobatum; ut de eo nulli amplius, nisi rerum imperito, dubium esse queat. Mira res, hanc sanguinis portionem, quæ modò in venis pedum constitit, post aliquot horas capitis venas ascensu peragrarè, & hinc iterum descendere, ut ascensu novo derelictam stationem repetat, utique admirabili naturæ consilio constituta; de qua uti uberimè alibi tractavimus, ita hoc loco non repetere libuit; quare ut ad institutam nobis materiam revertamur. Dico, hæc cyclici motus rationes, non in humano tantum corpore, sed in elementi aquei, five quod idem est, in Oceani pericyclofi, naturam observare; Vide quæ in *Libro IV. Sect. I. Cap. 6.* de Oceani per polum Boreum & Austrinum circulatione, uberi ratiocinio philosophati sumus. Si quispiam igitur contumacioris ingenii has nostras rationes de origine fontium, fluminum, lacuum acceptare nolit, eum saltem hanc decimam non despecturum confido, cum quod natura in sanguine circulando mira sagacitate præstat, id ei quoque in aquarum ex mari per montium vertices circulatione, minimè denegatum esse videatur, cum unum & idem sit utriusque principium; quomodò autem hanc circulationem exequatur, de eo consule *Hervæum*, qui per valvulas venarum ductibus insitas, id corde primo hujus motionis authore & motore accidere scitè sanè demonstrat: Si quis itaque valvulas venarum cum aquæ ductibus subterraneis ritè comparaverit, idem in iis locis accidere reperiet, & experimenta hucusque tradita luculenter demonstrant. Vides itaque Lector, nos hoc in tractatu fontium fluminumque causas ita inter se combinasse, ut nullus tam exoticus effectus circa hanc materiam assignari queat, cujus causam non ad unam ex his decem, reducas. Quare hæc de fontium fluminumque origine sufficiant.

Exemplum circulationis aquæ sanguinis in humano corpore circulatione ne datur.

CAPUT IV.

DISQUISITIO

De Lacuum in planiciebus origine.

IN præcedentibus satis actum esse cenſeo de Lacubus in verticibus montium, eorumque origine; jam reſtat, ut de lacubus, ſtagnis, paludibus, quæ in camporum planitiibus paſſim occurrunt, nonnihil dicamus. Sunt autem quadruplicis generis, juxta quadruplicem combinationis rationem; Primò enim ſunt quidam lacus, qui nullum fluvium recipiunt, nec emittunt, ſed in perpetuo exiſtentia ſuæ tenore conſiſtunt; Secundò, ſunt nonnulli, qui flumina quidem recipiunt, ſed nullum emittunt. Tertio, ſunt alii, qui fluvium non recipiunt, ſed emittunt. Quartò, ſunt denique, qui & recipiunt & emittunt. Præter hos modos, alius non facile assignari poteſt. Quare hiſce ritè expoſitis, meritò totam de Lacuum origine pendentem litem abſolviſſe videbimur. Sit itaque

MODUS PRIMUS.

Unde & quomodo Lacus illi, qui nullum fluvium nec emittunt, nec recipiunt, naſcantur.

Hujusmodi Lacus iterum ſub quadruplici claſſe conſiderari poſſunt; Primò, ſunt ex hiſ quidam arte facti. Secundò, quidam ex inundatione Maris fluminumque relictis. Tertio, nonnulli ex pluviis & liquefactione nivium intra montium lebetes collecti. Quartò denique, ipſa naturâ per ſubterraneas ſcaturigines conſtituti. De tribus primis, cum nec perennes ſint, & æſtate, niſi operâ & indiſtriâ hominum aquâ indigorum conſerventur, facile exareſcant, dicere ſuperſedebimus; Sed ad iſtiusmodi lacuum, qui cum ſine emiſſione aut alicujus receptione fluvii perennent, originem rimandam calamum convertamus. Non loquimur hîc de rivulis, ex vicinis fontium venis in lacum aliquem derivatis; ſed de fluminibus, qui ſe in lacus quosdam evolvunt.

Plurimi hujus generis lacus paſſim reperiuntur, præſertim in Regionibus vaſta planitie circumſiſis; ut in Moſcovia, Hollandia, cæterisque Europæ, Aſiæ atque Americæ locis; In Hetruria Thraſymenus; in Veſtiniſ Fucinus, in Latio Rigillus, ſimileſque; Inter cæteros verò omnium toto Terrarum Orbe maximus occurrit Parime Americæ Lacus, Æquatori immediatè ſubjectus, in longitudine 300 circiter milliarium, 100 circiter in latitudine maxima, nullo nec augmento, nec emiſſione fluminis mirabilis; Qui lacus, ſimileſque, cum ingen-

tes ſint, nec flumen emittunt, nec recipiunt, niſi rivos ex pluviis, aut liquefactione nivium collectos. meritò origo eorum examinanda nobis incumbit.

Dico itaque, hujusmodi lacus, quorum in externa ſuperficie nullum nec recepti nec emiſſi fluminis veſtigium apparet, ſine occulto quodam ſubterraneorum fluminum commercio ſubſiſtere non poſſe; Cum hoc pacto non ſecus ac ii qui ex pluviis & nivibus liquefactis oriuntur, æſtivo tempore, vaporum exhalatione exareſcentes ſucceſſu temporis, prorſus conſumerentur; quod tamen in dictis lacubus experientia repugnat; qui tametiſ hyberno tempore pluviis & imbris, tempore verò verno liquefactione nivium augeantur, æſtivo tamen tempore, æquabili ſemper tenore nativo gaudent incremento, nullo detrimento obnoxii. Quoniam enim per ſubterraneos canales ex aliquo hydrophylacio deductam aquam recipiunt, ne cum tempore creſcente aquarum mole exundent, per alium ſubterraneum meatum tantum aquarum demittunt, quantum per priorem receperant. Atque hoc pacto ſub æquabili ſemper tenore lacus hujusmodi conſiſtunt; Et quamvis æſtate æſtus ſolaris attenuatione aliqua ex parte in vapores abeant, defectus tamen ſubterraneo aquarum affluxu ſemper ita inſtauratur, ut ei de totali ariditate nunquam timendum ſit. Patet itaque idem hiſce lacubus accidere, quod iis, qui in externa ſuperficie & lacus recipiunt & emittunt, hac tantummodo differentia, quod illi ſubterraneis, hi ſubterraneis fluminibus repleantur depleanturque; Unde mirum non eſt, in America Lacum Parimen ſemper durare, cum is haud dubiè vel hydrophylaciis montium, quos *Andes* vocant, quorum radicibus adjacet, per ſubterraneos recessus continuetur; vel perpetuo ſubterreſtrium fluminum affluxu, uti expletur, ita per alios ſimiles, intra intimas terrarum abyſſos depletur. Vide quæ de Origine Lacus Thraſymeni per ſubterraneos canales in Clanim ſe exonerantis, copioſè tractavimus in Libro, quod *Iter Hetruſcum* inſcribitur, ubi hanc opinionem ita experimentis propriis comprobavimus, ut de eo nullus amplius dubitandi locus relinquatur. Secundò, omnes illi lacus, qui mari adjacent, uti falſi ſunt, ita non niſi vel inundatione maris, vel per ſubterraneos meatus, quibus cum mari correſpondent, conſtituuntur, ut in *Libro IV. de Lacubus Mexicanis* affatim demonſtravimus.

Hh

M o

MODUS II.

*Unde & quomodo illi Lacus, qui Fluvios
quidem recipiunt, nullum autem
emittunt, nascantur.*

Mare Cas-
pium in-
gentes flu-
vios reci-
pit, nul-
lum tamen
emittit.

Mare mor-
tuum five
Asphaltiti-
cum.

HUJUSMODI Lacus complures observan-
tur à Geographis, quos inter meritò
primum locum obtinet Lacus omnium totius
Orbis maximus, quod Mare Caspium vocant,
quod ingentes amnes recipit, at nullum ap-
parenter emittit, undique & undique scopu-
losa montium catena clausum; De quo con-
sule præcedentis Libri *Disquisitionem* 9. qua
ejus originem ex professo tradidimus. Secun-
do, est Lacus Asphaltites, quod Mare mor-
tuum vocant, quod Jordane excepto flumi-
ne nullum apparenter evoluit, quod in præ-
cedentibus curiosè discussimus. Inter hosce
Lacus Soram in Moscovia; in Persia Calgi-
stan; in Africa Cytur, alique complures ad-
numerari possunt. Quæritur primò hujus ef-
fectus causa. Dico itaque, causam horum
esse, quod Lacus hujusmodi etsi flumina per-
ennia apparenter admittant, ne tamen ex-
undent cum tempore; per alium non appa-
rentem subterraneum meatum emittantur;
quæ ita ratione consona sunt, ut de eo du-
bitare nemo, nisi forsân insensatus, queat.

MODUS III.

*Unde & quomodo Lacus, qui nullum Flumen
quidem recipiunt, Flumen tamen
emittunt, nascantur.*

Lacus
Chiamy 4
fluvios in-
gentes
emittit.

Lacus qui
flumina
non reci-
piunt sed
emittunt.

HUJUSMODI Lacuum ubique locorum in-
gens numerus occurrit; Inter quos emi-
net Lacus Chiamy è latere Orientali Gangis,
fundit hic quatuor eximie magnitudinis flu-
vios, qui inundatione sua Regionem Siam &
Pegu perpetuò beant; Cyacuyhay in finibus
Chinæ oblongus, qui alteri sociatus in Chi-
nam illabitur; Tertius est Lacus Titicain in
Charea Americæ Provincia 80 leucarum in
circuitu, ingentem paturit amnem, qui ta-
men paulò post alteri commixtus Lacui, eva-
nescit, utique per subterraneos meatus alibi
sibi exitum quærens. In Nicaragua Ameri-
cæ, quæ à Mari Pacifico non nisi quatuor
milliaribus diffitus amnem emittit, qui cen-
tum milliarium ambagibus gyrans tandem
in Oceanum Atlanticum evoluitur; Hic
procul dubio à Mari Pacifico originem per
abditos meatus ducit; Hujus farinae sunt
Lacus Isoquois in Canada, ex quo flumen
S. Laurentii originem trahit; tales in Ita-
lia sunt, Lacus Vulfinius in Hetruria, qui
Martam à se dimittit, Lacus Braccianensis
seu Sabbatinus, qui Aronam evoluit, & com-
plures alii, quos omitto. Causa est opposita
priori; Sicuti enim lacus, qui flumina reci-
piunt, & non emittunt, per occultos mea-
tus alibi sese exonerant, ita & hi qui flumina
non recipiunt, sed emittunt, uti per hydra-

gogos inciles abditos replentur, ita per flu-
men manifestum deplentur: quæ satis clara
sunt.

MODUS IV.

*Unde & quomodo Lacus, qui & Flumina
recipiunt, & emittunt, nascantur.*

SUNT hujus generis Lacus iterum variè con-
siderandi; vel enim fluviorum augmento
Lacus consistentiam habent, sine alia subter-
ranea scaturigine, & hoc pacto stagni no-
men potius, quàm lacus obtinent; vel præ-
ter fluviorum intromissionem emissionem-
que, subterranea quoque scaturigine augen-
tur; Qui rursus varias condiciones adjunctas
habent; Vel enim plus aquæ fluminis afflu-
xu, recipiunt, quàm emittunt; vel minus
recipiunt, quàm emittunt; vel tantum reci-
piunt, quantum emittunt. Priores duo defe-
ctum aquæ tam in receptione quàm emissio-
ne restaurant per alios subterraneorum aqua-
rum affluxum vel defluxum; Ultimi generis
lacus propter æqualitatem aquæductuum le-
ges affluxus defluxusque aquarum ex æquo
dispertiuntur; ut fit in fontibus artificiali-
bus.

Varie con-
ditiones
eorum la-
cium, qui
flumina
recipiunt
& emit-
tunt.

Notanda alia inter hosce lacus differen-
tia; Quod nonnulli flumen, quod reci-
piunt, per medium lacus inpermissibili fluxu
transiens extra lacum exonerent, uti fit in
Lacubus Lemano, per quem Rhodanus; in
Acroniano, per quem Rhenus; in Lacu Zaire
five Bed, per quem Nilus transit incommix-
tus. Ula flumen Moscoviæ decem Lacus
peragrarè dicitur, & de aliis Chinæ & Bra-
siliæ lacubus narratur, quos brevitatis causa
omitto. Quidam verò excipiunt flumina,
sed statim lacustribus aquis permista, nul-
lum fluxus sui vestigium relinquunt. Quod
itaque nonnulli non permisceantur, alia cau-
sa non est; nisi, quod cum aquæ fluviales
lacustribus multò subtiliores tenuioresque
sint, consequenter iis veluti crassioribus in-
sita vi & incommistibili fluxu supernatare
gaudent: Quæ verò commistionem am-
biunt, ejusdem quoque naturæ esse convin-
cuntur. Unde patet, omnes hujusmodi la-
cus ex fluviis, imbris, nivibusque lique-
factis augeri quidem, sed per subterraneos
aquæductus, atque scaturigines quoad ori-
ginem, totam essentia suæ rationem obti-
nere.

Flumina
quæ per
medium
lacuum
quorun-
dam sine
commis-
sione
transiunt.


CONSECTARIUM.

EX dictis hucusque patet; quadruplicem
hanc modorum rationem, ad unam faci-
le revocari posse: Quod enim in lacubus re-
ceptivis emissivisque fluminum fit, id in la-
cubus nullo flumine aut recepto aut emissio
spectabilibus fit per latentia subter terram
flumina, quibus implentur & deplentur;
adeoque

adeoque ab externis non differunt, nisi quod hæc ab omni sensu remota, illa manifesto sensuum iudicio comperiantur.

Si lacus A, qui B flumen recipiat, C flumen emittat, fiet, ut si flumina B & C cooperata & subterranea concipiantur, lacus A solus existere videatur, ut in lacu N patet. Rursus sit lacus quidam qui flumen B recipiat, at nullum emittat; tunc imaginaberis tibi flumen C subterraneum; & sic lacum concipies flumine B manifestè auctum; C verò non

apparenter depleri. Idem de lacu, qui nullum quidem flumen recipit, id tamen emittit, tunc concipies contraria ratione lacum A per B subterraneum flumen non manifestum repleri, per flumen verò C apparenter exonerari. Qui hæc ritè intellexerit, is procul dubio propositæ lacuum differentię rationem nullo negotio assignabit. Quare hæc de lacubus in planis campestribus exortis dicta sufficiant. Figuræ sequuntur. Nota nigrum quod hîc cernitur, denotare subterraneum;



Lacus A recipit B, & emittit C, flumina.

Lacus V recipit L. fl. & nullum extra emittit.

Lacus S flumen non recipit, sed emittit, uti Y.

Lacus flumen non recipit, neque emittit apparenter.

SECTIO II.

DISQUISITIO

DE VARIIS AQUARUM DIFFERENTIIS,

& qualitatibus, sive quod idem est, de Thermis, seu aquis medicatis compositisque, earumque natura, proprietate, origine.

CAPUT I.

De Aqua Fontana simplici, & de ejus bonitate & malitia.

Suppono primò, Elementum purum & simplex in rerum natura dari non posse, & consequenter aquam, qua fruimur, quaque carere non possumus, non esse simplicem, neque puram, sed substantiam variis heterogeneorum mixtorum corpusculis mixtam confusamque, quæ uti rerum variorumque experimentorum inductione ostendimus alibi, & inferius fufius demonstrabimus, ita iis immorari nolumus. Et tametsi hoc loco aquam fontanam simplicem dicamus, id tamen non de simplicitate absoluta, sed de respectiva intelligi velim, in quantum videlicet ad alias aquas comparata majores simplicitatis notas exhibet; quam tamen absolute simplicem non esse, tantæ fontium differentię satis ostendunt. Et quamvis de iis uberius in *Itinere nostro Hetrusco* egerimus, hîc tamen nonnulla ibidem omiffa, exactius tractare visum fuit.

Sex potabilis sive dulcis aquæ differentię ut plurimum statuuntur. Primò Fontana, quæ

ex imis terræ visceribus venâ vivâ scaturit; Secundò Lacustris, sive palustris stagnansque; Tertio Pluvialis; Quarto, Cisternarum; Quintò Fluvialis; Sexto Putealis.

Quænam ex hisce potu saluberrima, atque ad sitim sedandam juvandamque concoctionem aptissima, sanguinisque cum ex jecure in universam corporis Oeconomiam effunditur, commodissimum sit vehiculum, inter Medicos non exigua lis est & controversia; Fontanam alii ob summam limpiditatem, suavitatem, levitatem, frigiditatemque præferunt: Nonnulli, *Plutarcho* teste, imbrium sive pluviarum aquam, eò quod levis sit & aërea. Quidam cisternarum aquas reliquis anteponunt, eò quod nihil aliud sit, quàm aqua pluvialis, & ab omnibus quiescentibus defæcatissima. Non desunt, qui putent, fluviorum aquas esse sanissimas, forsan inducti ex nonnullorum fluminum aquis saluberrimis, cujusmodi *Solinus* Choaspis fluminis Persiæ aquas esse dicit, tantæ perfectionis, ut Rex non

cis & potabilis aquæ sunt.

Quænam aqua sit salubrior.

H h 2

alias,

Non datur aquæ elementum simplex in rerum natura.

ex differentię dul-

Quænam
aquæ salu-
britate &
bonitate
celebres.

Puteolis
aquæ con-
ditio.

Nullam
aquam esse
mixturæ
expertem.

Fluvialis
aquæ in-
commoda.

Palustres
aquæ pesti-
mæ.

alias, quam hæc in potum adhibuerit; uti & de aqua Nilotica, utpote suavissima omnium & fecundissima, aliisque innumeris enunciatur. Puteolis aqua gravis est ægréque conficitur, nec statui quidem potest, num omnis sit putredinis expers; Verùm tantò fuerit minus damnanda, quanto ex frequenti haurientium commotione magis magisque emendatur, vel si è subterraneo fonte scaturiat; lacustribus denique sive stagnantibus aquis, veluti ab omnibus è numero salubrium exauctoratis, quid de reliquis recensitis statuendum sit, ostendamus.

Et primò quidem pro certo statuendum est, nullam in Orbe Terrarum aquam dari, quæ non ex terrenæ miscellæ quiscuilibet, quas iis commisceri necesse est, saltem aliqua ex parte polluitur; Si enim fontis etiam limpidissimi originem attendas, fieri non potest, quin ex subterraneis cuniculis, per quos longo itinere transit, terrenorum succorum lapidumque diversa proprietate pollentium, tinctura corpusculorumque rasura inquinetur; quemadmodum in præcedenti Libro Capite de *salsetine maris*, sat ostensum fuit. Rursus aqua pluvialis, uti ex vario vaporum, variis mineralium spirituum copiis imbutorum resolutione accidit, ita terræ iis associatæ dum redduntur, inquinamentum vitare non possunt; unde cisternarum aqua, quod tum ex diversarum aquarum, quæ diversis anni temporibus in iis colliguntur, tum ex grandine & nivibus hyberno tempore in tectis colliquatis miscella quædam sit, à Medicis passim, uti *Mathiolus* refert, improbat; eò quod nives & grandines, nescio quid noxium & exitiale in se contineant, multorum morborum seminarium. Iterum fluvialis aqua cum diversorum mineralium, rivorum, omniumque sordium morticinorumque receptaculum sit, certè saluti eas conferre nemo sensatus asseruerit, nisi longo temporis tractu magnis fictilibus asservatæ vasis ac defæcatæ clarescant, & prorsus expurgentur. Quod idem de lacustribus & stagnantibus aquis sentiendum est, quæ utique fluvialibus aquis tantò deteriores esse censentur, quantò immobili situ squalentes putrefactioni sunt propiores. Ex his itaque sex aquarum potabilium generibus, si

stagnantes excipias, nullum ferè esse potest, quod non nonnullam puritatis suæ jacturam patiatur; nullæ quoque sint, quæ varia transcolatione, concoctione, defæcatione emendari non possint. Undè aliundè aquarum bonitatis salubritatisque signa colligenda sunt; quæ supponimus.

Primum itaque Signum atque universale bonitatis aquarum est; nempe si claræ sint, pellucidæ, tenues, puræ, leves, sui coloris, saporum quidem expertes, & gustui jucundæ, quæque citò & caleant igni admotæ, & frigeant, mox ubi ab eo remotæ fuerint; Si denique ne minimo quidem tempore in præcordiis morentur, sed facili ferantur tramite, citra omnem ventriculi molestiam: aquas sub hoc qualitatibus signorumque complexu ad potandum laudatissimas, ac tuendæ valetudinis commodissimas habeto: testibus *Galeno*, *Dioscoridi*, *Cardano*, *Mathiolo*, aliisque.

Signa bonitatis aquarum.

Secundum Signum: Si homines communi alicujus loci aqua utentes inveneris viribus robustos, colore nitentes, nullo crurum vitio, nulla oculorum lippitudine obnoxios, longam vitam sanamque trahentes, illas aquas scito esse probatissimas.

Tertium Signum: Si in subjectis ahenis flammis aqua mox ferveat, similique velocitate substractis ignibus deferbeat, illas probæ & melioris notæ aquas censeto, præsertim si nihil, vel saltem parum arenæ aut limi in fundo aheni resederit.

Quartum Signum: Si legumina in ea cocta, & celeriter percocta fuerint, nulla duritie relicta, certum tibi aquæ saluberrimæ indicium sit.

Quintum Signum: Si fontem intuearis, circa quem nec muscus, nec juncus crescit, neque ullis sordibus inquinatus fuerit locus ille; aqua verò pellucida, clara, per latices & arenulas nullo mucro obductas transeat, certa habebis tenuitatis salubritatisque istius aquæ signa.

Quomodo verò aquæ cujuscvis gravitas & levitas, bonitas aut malitia cognosci, & per instrumenta hydrometrica deprehendi possint, in sequentibus multis variisque modis docebimus.

CAPUT II.

De Aquilegiis sive de Signis, per quæ, ubinam Aqua alicubi sub terra lateat, cognoscere quis possit.

Magni momenti hæc experimenta sunt in iis locis, in quibus aut fortalitia, aut villæ, aut similia hisce ædificari solent; cum solius aquæ defectus omnem deliciarum usum tollat: Nullum verò terrenum sit, quod non alicubi subtus aut humidum, aut fontis alicujus venam habeat, meritò Aquileges Architecti de tanto bono

solliciti, quærere solent, num alicujus scaturiginis latentis spes sit; unde continuo studio intenti signa quædam reperere, per quæ in abdita venam aquæ tandem pervenerint; quæ *Vitruvius* l. 8. *Archit.* *Plinius*, *Palladius* & *Cassiodorus* posterorum memoriæ commendarunt: Sunt autem sequentia.

Signa latentis alicubi aquæ.

1. Si videris locum herbis viridantibus, nec non

non proceris arboribus copiosa foliorum foetura luxuriantem, certo tibi, alicubi subtus aquarum copiam latere, persuadeas; Terris enim quibus dulcis humor non longè subest, quorundam germinum ubertas quasi semper arridet; uti est juncus aquaticus, arundo levis, rubus validus, salix lenta, populus virens, & reliqua arborum genera, quæ tamen ultra naturam suam felici luxuriant propagine.

2. Aquarum latentium notæ sunt salix erativa, alnus, vitex; ex herbis ranunculus, nymphaea, pulicaria, cyperus, mentastrum aquaticum & similia, quæ & aquam amant, & sine ea nec ali nec conservari possunt: Accedit hisce haud invidens indicium, stabulantes ranarum coaxantium greges.

3. Sumitur ex qualitate locorum, terrestrisque glebæ natura & proprietate. Ubi cretaceum occurrit solum varia miscella corruptum, ibi nec copiam nec boni saporis aquam speres. Contrà in argillosa terra ab omnibus quiscuilibet defæcata, aqua semper dulcis, frigidior in topho; dulces enim uterque levesque facit aquas, & colando continet sordes; Glarea incertas, sed boni saporis promittit. Sabulum ex arena carbunculosa certas stabilescque, & quod potissimum est, salubres spondet. Rubra quoque saxa optimas speique certissimæ; sub saxosis montium radicibus & filicibus uberiores, frigidiores, salubrioresque. Atque hæc sunt præcipua signa aquarum latentium; nunc quomodo ea aliis modis experimentisque explorari queant videamus.

EXPERIMENTUM I.

Locus quispiam in profunditatem quinque circiter pedum fodiatur: tum circa Solis occasum ærea vel plumbea pelvis oleo peruncta in eo collocetur, everso situ, ita ut concavitas fundum respiciat, fossæ interrim orificio arundinibus & frondibus cooperito, humoque desuper congesta, postera die aperiatur; & si quidam in ære vel plumbo humor copiosa guttarum aspergine stillaverit, de latentis aquæ abundantia certus sis.

EXPERIMENTUM II.

Si simili præcedenti fossæ vas figulinum, crudum adhuc & incoctum lanæque vellus laxè junctum imposueris, postera verò die vas contractum & humore evaporante dissolutum, vellus quoque madidum, ita ut aqua inde exprimi possit, repereris, id sanè copiosæ aquæ inibi latentis signum erit; idem fiet, si ardens lucerna oleique plena exponatur in eadem fossa frondibus cooperta, quam si postera die extinctam videris, nullo olei aut elychni defectu, certò tibi persuadeas, aquas inibi latitare non procul à lucerna distas. Item si ignem in ea accenderis, terra adusta nebulosum halitum exspirabit, latentis aquæ indicium.

EXPERIMENTUM III.


Aquilex manè Orientem versus, ante Solis tamen ortum pronus in terram prostratus, observet, utrum alicubi humores in tenuem nebulam se crispent, & tremulo motu ærem feriant; quod ubi compererit, fodiat, de aqua condita securus.

Nonnulli, nescio qua superstitione in transversum acti, putant, id effici posse, per cribrum, in quo suspensa forfex, apicibus suis mox ubi venæ latentis imminuerit, infallibili indicio aquam ostendat. Memini me Viterbii hujusmodi ridiculum experimentum à Latomo quodam factum vidisse; sed id uti nullis naturæ principiis fultum subsistebat, ita meritò omnium risu & cachinnis explosum fuit. His ego addam nonnulla multò reconditiora, certissima tamen, quibus aquarum abditarum latices explorare olim solebam.

Superstitio nonnullorum aquas querentium.

EXPERIMENTUM IV.

Fiat ex ligno quopiam ad aquam sympathico, cujusmodi Alnus & Salix esse possent, Sagitta CB, eo ferè modo, quo in magneticis pyxidibus acus collocari solent, ea tamen arte fabrefacta, ut medietas CA, ex alio quo-



vis ligno, quantum fieri potest sicco, altera verò medietas AB, ex alni aut salicis viridi ligno constet, quæ in medio A concavo ex æreo cono simul commissa, perfectò ad æquilibrium neclatur; quo factò, fiat pes in quo instrumentum firmari possit, habeatque in superiori loco obelum, qui æreo cono sagittæ inditus, sagittam non tantum sustentet, sed ita tenuem reddat, ut sagitta nullo negotio nulloque impedimento & resistentia facillimo & lenissimo motu, haud secus ac in magneticis pyxidibus acus hinc inde, agitari possit; & habebis instrumentum præparatum; vel si conulus iste concavus ægrius fieri possit, supra axin versatilem sagittam æquilibrabis, & idem proveniet effectus, ut in Figura apparet.

Inquisiturus itaque alicubi locorum aquæ latentis veniam, instrumentum in loco præcedentibus signis conspicuo & umbroso, summo mane ante ortum Solis constitues, & deinde post aliquot horas inspicere instrumenti partem

H h 3

tem

Cretacea terra aquam producit insalubrem.

Bona aqua quas venas amet.

Sympathia
virgæ alni-
næ cum
aqua.

Quomodo
evanescent
venæ aqua-

tem AB sagittæ ex alnino ligno confectæ; Quæ si deorsum declinaverit, certus sis, eo loco aquam esse conditam; cum enim dictum lignum maximam ad aquas sympathiam habeat, & humidum ex terra vaporem avidè attrahat, illud necessariò humidum imbutum aggravatumque relicto æquilibrio deorsum verget; majorem vim id obtinebit, si laneis floccis illud obtexeris; ob magnam, quæ lane inest, humidi sitim. Sed hoc loco non omittere, quo fontium venæ aliquando exarescant.

Solent autem fontium venæ quadruplici de causa evanescere aut comparere; primò ob terræ saxorumque infra terram lapsum,

à terræmotu, vel pluviis, solutisque nivibus proveniente, qua aqua, nè solita tendat via, impeditur, novosque exitus quærere cogitur. Secundò, nova cuniculorum obstructione aut apertione aliorum. Tertiò, recenti alicujus putei aut fundamenti aut fodinæ, aut similis rei effossione, qua iter aquæ fluenti intercisum alibi aperitur. Quartò denique, nova sylvarum nemorumque pullulatione, aut evulsione; arborum enim radices attrahunt aquas; inde est, ut fons aliquis nova plantarum vel arearum germinatione, vel earundem fluat extirpatione. Vide quæ in *Itinere nostro Hetrusco* de hisce pluribus egimus.

rum aut
generen-
tur novæ.

CAPUT III.

De Aquis mixtis seu compositis medicatis in genere earumque causis, & de mixtionis cum mineralibus diverso modo & ratione.

Non datur
aqua alteri
per omnia
similis.

A Quæ dicuntur mixtæ seu compositæ, quæ ex diversis terris, metallicis corporibus, succis, reliquisque mineralium speciebus commixtæ componuntur; quorum uti non est numerus, ita quoque aquarum differentium varietas finem non habet; quemadmodum enim nulla in homine facies est, nulla vox, nullâ inclinatio naturalis ingenii, nullum temperamentum in homine dari potest, quod non ab alterius temperamento differat; ita dico, nullam esse aquam, sive simplicem sive compositam, quæ non specialem ab aliis quibuscunque aquis differentiam fortiatur; adeoque dicere auisim, tot esse differentes aquarum species, quot differentes sunt terrestrium glebarum, mineralium, metallorum, succorumque tam liquidorum quàm concretorum species; Quæ cum sub numerum non cadant, ita quoque innumeras aquarum species, præsertim si singularum cum singulis mixturæ aptè combinantur, existunt; ut proinde difficile sit, de medicatis aquis firmum ferre iudicium. Videntur id, duo nobilissimi Philosophi, *Seneca* & *Plinius*, unde ille *lib. 3. nat. quæst.* de aquis disputaturus. *Ad rem*, inquit, *seriam, gravem, immensam accessimus; faciemus quod initinere fieri solet: qui tardius exierunt, velocitate pensant moram; sustinemus & opus nescio an superabile, magnum certè, sine atatis excusatione tractemus*; Hic verò *lib. 31. cap. 1.* plurimas aquarum vires differentiasque conspiciat, *Cunctas*, exclamat, *quis mortalium enumerare queat? Quidni cordati formident Philosophi; infinitum enim pertransiri non potest.* Non obstantibus tamen hisce difficultatibus non ita deterremur, ut proinde nobis hastam abjiciendi animus sit.

Difficultas
in discernendis
aquarum
viribus.

Est quiddam prodire tenus, si non datur ultra.

Idem mihi præstandum esse censeo, quod *Physiognomis*, qui in infinita illa temperamentorum diversitate, ex prædominii eorundem prognosi non ita aberrant, ut non subinde hominum naturam intimam ad virtutes & vitia inclinationem veluti acutant, & verissimè determinent. Ut idem in hoc aquarum iudicio præstemus, tantòque feliciori cum successu monstremus, principales tantum hoc loco rerum miscellas, quibus aquæ tinguntur, enarrabo, ex quibus Lector curiosus facilè modum reliqua explorandi reperiet; cum ex prædominio qualitatum sensuum officio, experimentorumque ope non difficulter comperiam. Mixturas itaque aquarum omnium quæcunque eandem modo compositarum, ad quinque Capita reduco.

1. Vel enim diversis terrestribus materiæ glebis miscentur, quibus omnes terræ species comprehenduntur.

Mixtura-
rum in a-
quis exa-
men.

2. Vel diversis salium, qui succi concreti dicuntur, generibus, & fiunt tot differentes mixturarum species, quot differentes sunt salium species.

3. Vel diversis succorum sive liquidorum florum speciebus junguntur, quibus tum pingues, uti bitumina, tum non pingues, uti aquæ fortes & causticæ continentur.

4. Vel cum metallicis corporibus miscentur, & induunt naturam eorum, quibus tinguntur, metallorum.

5. Denique vel variis lapidum generibus miscentur, sub quibus omnes saxosæ substantiæ differentiæ continentur.

Atque ad has quinque Classes, quicquid in corporea & subterranea natura reconditum

tum est, revocatur; ex quorum commixtione sequens qualitatum, quæ in ea, quam recensuimus aquarum diversitate elucescunt, series emanat.

<p>Aquæ {</p> <ul style="list-style-type: none"> Terris infectæ, Salsæ, Nitrosæ, Aluminosæ, Vitriolatæ, Sulphurosæ, Æruginosæ, Ex calce & gypso, Metallicæ, Bituminosæ, Mercurio infectæ, Ferratæ, æratæ, Lapidescentes. 	<p>Ex hinc nascuntur qualitates, ut sunt</p>	<p>{</p> <ul style="list-style-type: none"> Acidæ, Amaræ, Salsæ, Calidæ, Frigidæ, Oleaginosæ seu pingues, Venenosæ, Coloratæ, Ebullientes, Transformativæ, Purgativæ, Quibusunque membris salubres.
---	--	---

Ex horum verò singulorum cum singulis combinatione, nascitur admirabilis illa aquarum varietas, quam supra citati Philosophi concipere nequierunt; has enim duodecim species, si juxta artis nostræ combinatoriæ principia conjugaveris, nascentur 479001600. id est, quadringenti septuaginta novem milliones, mille sexcentæ aquarum differentium species. Has iterum si in differentes terrestrium glebarum, salium, natri, aluminis, vitrioli, sulphuris, metallorum species combinatione resolveris, numerum habebis, qui omnem numerum arenæ maris excedat. Quoniam verò in enarratis duodecim speciebus, semper prædominium sensibus occurrit, illo contenti, de singulis ordine, jam tempus est, ut differamus.

§ I.

De fontibus seu aquis auriferis, gemmiferis, aliisque terræ infectis.

T Riplex mixtionis modus in his omnibus considerandus est. Primò sunt nonnullæ aquæ medicatæ, quæ non perfectæ, sed confusa mixtura constituuntur, id est, quæ sensibilibus variorum mineralium corpusculis scatent, & nullo negotio ab ea separari possunt. Secundo, quædam perfectæ mixtura constant, ita ut, singulæ particulæ aquæ singulis vaporosis spiritibus intimè per unionem quandam, non nisi longi temporis decoctione separabilem misceantur, atque aded unum cum aquis corpus, unam substantiam, unam formam constituent, uti aquæ salsæ, vitriolatæ &c. Tertiò, Sunt denique quædam aquæ, quæ partim vera rerum, quas continent, mixtura, partim confusa sive vera mixtura constant: Suntque compositæ ex primo & secundo mixtionis modo. Hoc pacto multæ sunt thermæ, quæ calcarium lapidem evomunt, & à se separant, utpote confusanea quadam ratione iis inditum, cum sale verò perfectæ mixtura uniuntur. Sed hæc omnia penitus exploremus.

Auriferi fontes & flumina ubique ferè locorum reperiuntur, ubi videlicet auri dominantur fodinæ; præ cæteris celebrioris no-

minis sunt Tagus in Hispania; in Italia Padus, in Germania & Hungaria innumerabiles rivi; in Asia Padrotus, Chrysoforhoas; in Bactris Oxus; in Carnenia Hyramnis; in Africa Nilus, Niger & Zairus; in America juxta Potosium omnes fluvii aureis scatent ramentis. Verùm de hisce vide tractantes, *Aristotelem de admirandis auditionibus, Plinium, Solinum*, & hujus ætatis complures Geographos. Nostrium est causas hujus Chrysoforhoas exponere.

Si quis itaque quærat, undenam hujusmodi auri ramenta originem suam trahant; Utrum ex natura fluminis permixti terrenis glebis, utrum aliunde? Paucis me in re minimè recondita expedio; Si venæ auriferæ flumini aut lacui subsint, certè eas, juxta nonnullorum placitum, dici possunt in aquis ipsis generari; congruentius tamen loquemur, si dicamus, aurum in nativis montium venis ortum, indè annuum rivorumque fluxu & impetu abrasum rapi, atque in alveos fluminum derivari, eorumque arenis aquisque permisceri; Docetque experientia, in Tirolensi Principatu, Boëmia, Saxonia, Hungaria, & denique in omnibus illis regionibus, in quibus montium uterus auro gravatur, hunc ibidem & rivulos auri ramenta ab auriferis venis abrasa arenisque mixta ostendere. Narrat *Mariana Hispaniæ Historiographus*, Incolas olim fractis ruptisque montibus aquam immisisse, quæ lavando aurum conveheret; itaque aurum à venis abrasum confidet in arenis, in eis verò non gignitur, arenæ enim venulis carent, in quibus humor, ex quo aurum fit, contineri possit, neque calor maturans eò pertingit.

Referunt *Patres nostri*, flumina circa Potosinam Regionem in America ita auri feracia esse, ut nostri Collegii Potosini redditus annui nulli sint, nisi quos ipsis flumen auriferum subministraverit; ita autem operantur. Mancipia certis & constitutis temporibus ad arenam extrahendam mittuntur, qui extractam arenam tabulis parum inclinatis à spurcitie & sordibus frequenti suprà affusæ aquæ lotionem emundant; atque hoc pacto reliqua

terre-

Mira vis combinationis.

Inproprie mixtæ aquæ quædam,

Quædam perfectæ mixtura constant.

Quædam perfectæ & imperfectæ

Auriferi fontes & flumina

Causæ auriferi sabuli.

Quomodo generetur aurum in fluminibus.

Potosiæ Soc. nostræ Collegii redditus sunt, ex auro quod ex flumine illis assignato colligunt.

Nili Catadupæ aurum adferunt secum.

Aurum aquis perfecte misceri non potest.

terrestri materia per affusionem aquæ sublata, auri ramenta graviora relinquuntur. Ramenta hæc crucibulis imposita igni fervido colliquant, & deinde quod colliquatum est, malleo in laminas deductum in usum convertunt. Quantum verò Nilus auri per catadupas præcipitati Ægypto subministret, ostendimus in *secundo Oedipi Ægyptiaci Syntagmate de Alchimia Ægyptiorum*, ad quem Lectorem remittimus. Cum itaque innumera hujus generis flumina in Geocosmo reperiuntur, meritò quis dubitare posset; utrum hæc flumina non etiam aliquid à virtute auri participent, sive quod idem est, perfectè aquæ misceatur? Respondeo quod non; si enim in aureo poculo per centum annos aquam servaveris, nullam tamen inde virtutem attrahet; cum enim aurum sit indissolubile, & strictissimis naturæ legibus compactum, nisi aquis fortibus dissolutum desideratum effectum præstare non poterit; Contingit tamen subinde, ut aureæ venæ rosivo quodam & caustico liquore dissolutæ in spiritus abeant, atque hisce aquæ imprægnatæ nonnullam virtutem concipiunt; non putem tamen perfectam auri cum aqua mixtionem dari posse, sed confusaneam tantum & leviter tinctam, uti suo loco de auri potatilis natura fusè docebimus. De gemmiferis verò aquis & locis alibi philosophabimur.

§. II.

De Fontibus & Aquis terreno luto infectis.

Tota virtus aquarum pendet à tinctura terrestrium rerum per quas transit.

Quandocunque aqua transit per loca vario terrenæ substantiæ luto infecta, tum eà, quam ipsum lutum insitam habet, qualitate tingitur; Fit autem lutum hujusmodi ex creta, argilla, arena, gypso, ochra, sandaraca, rubrica, cinere, calce, cæterisque mineralium corporum arenis & pulveribus, simul ac cum humore miscentur; cretaceæ & argillose aquæ magno in Hetruria numero reperiuntur, graves & sanitati minimè conducibiles; Si per arenam duriorumque lapidum sabulum aqua transierit, ea omnium optima censetur & saluberrima; Aquæ gypso tinctæ pariter in Hetruria reperiuntur haud infrequenter; quæ quidem uti externæ corporis lotioni plurimum conferunt, ita haustu sumpta periculo ob causticam quandam virtutem, qua gaudet, non carere existimatur; Quæ ochrà, sandaracà, similibusque scatent aquæ, potui summoperè nocivæ, loco balnei tamen utentes à multis infirmitatibus liberantur. Variat autem hoc lapidum genus secundum loca non parum; Nam colore reperitur cineritio, livido, pallido, subrubro; alibi lapidis genus nascitur, quod erutum in gypsum tenacissimum convertitur, uti in Cipro, *Plinio* teste, per hujus lapidis venas si aquæ transierint, redduntur albæ. Gypsearum itaque aquarum ubique locorum magna copia comperitur; Uti in Italia apud

Gypsea aqua ubi potissimum.

Camertes, ad Callim fluvium, unde ex eo bibentes, strumosi fiunt. Bononiæ puteorum quorundam aqua gypsea oppidò nociva & suffocativa vi quadam pollens; apud Helvetos ad Eugestam; Puteolis in Campania, aliisque innumeris locis.

§. III.

De falsis Aquis & Fontibus.

Cum in præcedenti Libro de *falsedine maris* abundè philosophati simus, & in sequenti de *salis natura* simus tractaturi, hoc loco falsos Fontes non tam describam, quam obiter tantum attingam, Constat itaque inter cæteras medicatas aquas, nihil falsis Fontibus esse frequentius numerosiusque; neque enim ulla aqua non dicam medicata seu composita, sed neque pura quidem & simplex assignari potest, quæ non salis nonnihil admixtum habeat; quod Arte Chymica ita comprobatur, ut de eo nulli amplius dubitandi locus relinquatur; Sicut enim sal semen quoddam naturæ est, & elementum terreum, ad omnium mixtorum compositionem concurrens, ita natura quoque nullibi id esse voluit, quod rerum conservationi tantopere necessarium foret. Hinc nullum ferè Thermarum genus dabitur, cui non salis quidpiam immixtum sit; In quibus tamen aquis sal prædominium habet, eæ quoque falsæ vocantur; Quarum nonnullæ quidem nascuntur ex intimis falsuginosis montium cavernis, quædam ex ipsis fluminum ripis falsedine pollentibus, aliæ ex ipsis subterraneis aquis nativa locorum falsugine abundantibus tinguntur; Et fontes fluviique Hungariæ, Poloniæ, Tirolis, Saxonie; In Italia Volaterris, Æmilia, Piceno, Hetruria, Gallia, Hispania, in toto denique Terrarum Orbe ubivis locorum passim obviæ id sat testantur; Sed de hisce in sequentibus uberius Deo dante agemus.

Omnes aquæ non nihil salis admixtum habent.

§. IV.

De Fontibus Nitrosis.

Quid Nitrum, & quot ejus species sint, vide in sequenti Libro, *Cap. de Nitro*. Nos hoc loco tantum aquas Nitro infectas allegabimus; Quod ut faciamus, scire te primum velim, Tellurem in nonnullis locis abundantissimum nitrum producere, uti Ægyptus juxta Memphim, hodie Cairum, ubi etiam calore Solis tostum in lapidem vasis conficiendis aptissimum convertitur; Per hujusmodi itaque loca aqua defluens, nitrosa qualitate, magno rei medicæ emolumento tingitur. In Sabinorum Agro, qui hodie Puteus Retinianus dicitur, Catilias Aquas Veterum Scriptorum monumentis, vel ab ipsis Aboriginum temporibus celeberrimas, nitro refertissimas dicti Authores monstrant, de quibus amplius in sequenti Libro, *Capite de*

Nitrum ubi potissimum reperiatur.

de *Insulis natantibus*; Hujusmodi sunt nonnullæ aquæ in Æmilia juxta Maldulam, & in Valle S. Martini juxta viam Flamineam; In Bajano territorio Brachulæ, & Succullaria ad Avernum Lacum, & quæ est in Ænaria Insula. In Hetruria aqua Borra & Volaterrana; in Germania laudatissimæ juxta Argentinam; in Helvetia ad Tigurum; in Ducatu Wirtenbergenfi ad Sylvam Martianam; in Alsatia aliisque innumeris locis; quarum omnium virtus, uti smectica five absterforia vi pollet, ita catarricæ five laxativæ ab omnibus medicis habentur, nisi aliarum mixtura aquarum differētes effectus præstent; Prædominium enim nitri aquas potentes facit, quæ & potæ malum habitum ex pituita contractum emendant, alvum solvunt, profunt nervorum vitiis, quod distillationibus infestatur, pectori; cutis vitia scabiemque sanant, auribus instillatæ tinnitus tollunt, verbo æquos cum sale effectus producant, nisi quod sal restringentem, abstergentem vim nitrum prodat. Sed de nitri natura & proprietate ex professo alibi.

§. V.

De Aquis Aluminosis.

Quandocunque aqua per loca alumine referta transeunt, ejus viribus tinctæ, aluminosæ fiunt; Alumen autem contrariis quasi qualitatibus imbutum est, calidis videlicet mediocriter & siccis summè, frigidis præterea ac potenter adstringentibus; earumque indicia sunt sapor. Primò enim in gustu subdulcis ac tenuis, pungens linguam, unde in amarulentam & insigniter adstringentem paulatim abit; quas vires aquæ cum eo perfectè mixtæ participant. Mirum sanè est, nullum me vidisse rivum alumine tinctum, qui quicquam herbarum in ripis hinc inde patiatur; Neque enim, quod & ipse *Theophrastus* notavit, aluminosæ lymphæ plantam ullam aut alunt, aut gignunt, potentis sanè siccitatis, quæ ei prædominatur, luculentissimum indicium; Unde morbis, qui ex nimia humiditate five frigiditate originem ducunt, sanandis mirum in modum conducunt. Tales sunt aquæ juxta Tolfam ex aluminosis montibus profluentes; tales Albulæ in Agro Tyburtino:

*Itur ad Herculei gelidas qua Tyberis arces
Canaque sulphureis Albulæ fumat aquis.*

Aliæque innumeræ, uti ex Catalogo Thermarum constat.

§. VI.

De Aquis sulphureis & bituminosis.

A Quæ hoc loco tripliciter considerari possunt, ut aliæ sint sulphuratæ, aliæ

sulphureæ, aliæ ex utroque. Sulphuratas dicimus puras, quæ multum sulphureæ substantiæ incommixtibilis continent; Sulphureas puras, quæ vaporibus spiritibusque sulphureis quamdiu fervent, mixtæ, tinguntur; Sed frigidaæ atque iterum igni submotæ omnem sulphuris tincturam, vaporibus spiritibusque, qui in iis existunt, avolantibus perdidisse comperiuntur, ita ut nec odorem, nec saporem, nec ullam amplius sulphureæ indolis notam præ se ferant: Si verò aquæ ex sulphureis corpusculis unà cum halitibus spiritibusque intimè tinctæ & perfectè mixtæ fuerint, tunc verè & propriè sulphureæ aquæ nomen obtinent, sulphureosque effectus præstant semper, five calidæ fuerint, five frigidaæ. Prioris generis sunt Aquæ Albulæ, quæ sulphureis glebis abundant, iis tamen non commiscetur, sed, ut paulò ante dixi, aluminis prædominium habent. Secundi generis sunt omnes illæ sulphureæ aquæ, quæ frigefactæ sulphuream indolem exuunt. Terti generis sunt aquæ in Hetruria S. Cassiani, & aquæ Cajæ propè Viterbium; Cum enim longis ambagibus per sulphureas venas vaporibus halitibusque sulphureis refertas transeant, & abrafis substantiæ sulphureæ ramentis, & spiritibus iis immixtis perfectè tinguntur, & intimè & inseparabili unione commiscetur.

Ad bituminosas aquas quod attinet, certum est experiētiā omnes pingues & bituminosos liquores etsi prima fronte omnem cum aquis mixturam respuant, longa tamen mora devictos iis confusè misceri, uti omnes bituminosi fontes monstrant; Adeò enim (ut de nonnullis fontibus in Agro Parmensi refert *Fallopins*) bituminosis vaporibus referti sunt, ut ex flamma vix iis admota accendatur, neque potest flamma in ipsa aqua accensa ulla aquarum affusione extinguì, sed vento solummodò, aut pannis ipsis superinjectis. Nascuntur autem bituminosæ hujusmodi aquæ ex pluribus bituminosis spiritibus vaporibusque, qui à bituminis in locis illis subterraneis bullientis vena perpetuò elewantur; Verùm de natura, speciebus, origine bituminis vide in sequenti Libro peculiari Capite.

§. VII.

De Aquis succo lapideo, sive petrifico pollentibus.

PER succum lapideum five petrificum, hic intelligo humorem quendam optimè elaborantem & coctum ex materia lapidosa genitum, qui humor seu succus siccescens vertitur in lapidem; Aquæ verò medicatæ hoc succo imbutæ vocantur petrificæ, quia quamcunque rem illis impositam successu temporis vel lapideo inducunt cortice, vel eam etiam prorsus in lapidem convertunt: Invenitur autem hic succus potissimum in thermalibus

Loca quæ
nitrosis
aquis sca-
tent.

Quando
nocivæ.

Aquæ Alu-
minosæ.

Ad aquas
aluminosas
herbæ non
crescunt.

Aquæ bi-
tuminosæ.

Aquæ lapi-
descentes.

Aquæ sul-
phureæ.

libus aquis. Quibusdam duplici modo miscetur, subinde vera & propria, nonnunquam non vera sed confusanea mixtione. Prioris modi exemplum in planta damus; Si enim à planta quapiam aqua petrifica in alimentum attractum fuerit, tum & simul succum petrificum attrahi necesse est, unde planta prorsus lapidescit: Si verò succus non fuerit cum aqua permixtus, sed confusus tantum, tum quoque planta virato succo, aquam trahens nunquam lapidescet, sed caulem solum lapideo vestiet amictu; Quæ omnia experientia didici in Itinere meo Hetrusco, in quo propè Roncolanum Senensis Territorii Oppidum duos fontes calidos observavi, quorum aqua per canales ad molares rotas vertendas ducebatur; In hisce canalibus cyperus, junci, ranunculus, similesque herbæ tanta adolescebant fecunditate, ut quotannis eas, nè aquæ motum inturbarent, extirpare deberet, extirpatas verò projectasque in vicinum locum, herbas omnes in lapidem conversas non sine admiratione spectavi; Cujus rei causam cum à Molitoribus quærerem; Responderunt, Aquas istiusmodi hujus virtutis esse, ut quæcunque inter canales, aut ipsâ aquâ excreverint herbæ, mox ac extirpatæ fuerint, lapidescant; quæcunque verò extra aquam in campis patentibus excreverint herbæ, istas extirpatas nunquam lapidescere. Cujus quidem rei causa alia esse non potest, nisi quod cum istiusmodi aquis succus lapideus, sive spiritus petrificus intimè commixtus sit, herbæ verò aquam hoc spiritu turgidam pro alimento attrahant, necessariò fiat, ut herbæ quamdiu hoc humido aluntur, lapidescere nequeant, mox tamen ac eo destitutæ fuerint, tum succi petrifici humidum intra herbas attractum suæ veluti libertati relictum paulatim siccescendo ex insita naturæ pronitate tandem in id, ex quo primum prodiit, id est, in saxeam substantiam convertatur, similem ei, ex qua originem suam duxit; Quod perfectæ mixtionis cum aquâ manifestum signum est; Aqua verò quæ non perfectè sed confusa quadam ratione cum hujusmodi petrifico succo vel spiritu commixtæ sunt, quoad totam substantiam non lapidescunt; sed veluti cortice quodam lapideo tantum inducuntur. Est in Hetruria juxta Castellum, quod à Colle nomen habet, fluviolus limpidissimus, qui exiguo post ortum suum spacio intra torrentem, cui *Sena* nomen vulgò obtigit, evolvit; Scatet hic torrens lapide quodam spiritu petrifico foeto; Hinc fluviolus ei simul ac commixtus fuerit; mox etiam petrifica qualitate imbuitur; Omnia siquidem, quæ in dicta aqua permanferint, uti ligna, herbæ, frondes aliaque, non quidem lapidescunt, sed tantummodò lapideo cortice, salvâ ligni herbarumque substantiâ induuntur, quod indicat succum petrificum aquis non perfectè, sed confuse tantum, ut diximus misceri. Sed

Observatio
de petrifi-
ca natura
herbarum.

Cur herbæ
quamdiu
in aquis
sunt non
lapidescant.

de hac mirifica qualitate petrefactiva in sequentibus fusior *Cap. de impetritis*, dabitur dicendi materia.

§. VIII.

De Aquis metallicis.

A Quæ metallicæ dicuntur, quæ auri, argenti, æris, ferri, stanni, plumbique proprietates referunt. Utrum verò metalla cum aquis verè & propriè misceri queant, magna inter Philosophos Metalloscopos controversia est; Negativæ sententiæ ratio principalis est; Primò, quia ob indomabilem duritiem sese perfectè aquis communicare nequeunt; Si enim in aureo, argenteo, plumbeo &c. poculo aquam frigidam vel centum annos teneres, nullum tamen mixturæ indicium reperires. Sed nos affirmativæ sententiæ adscribimus; & ad aurum quidem quod attinet, certum est aliquam id, si non perfectam saltem confusaneam subire mixtionem cum liquore; Patet ex aquis fortibus, in quibus aurum prorsus in insensibiles atomos resolvitur; Patet & in aquis chalybatis & ferratis, quæ virtutibus ferri seu chalybis imbuuntur ad obstructions hypochondriacas saluberrimis. Quomodo itaque aquæ misceri queant cum metallis exponamus.

Aquæ metallicæ.

Dico metalla solida & ad perfectionem suam per ignis purgationem depurationemque jam perducta, vix ac ne vix quidem ullam cum aquis mixtionem, nisi adhibita decoctione admittere; Hac enim spiritus metallici suscitati, sese aliquo modo aquis communicant, uti in aquis chalybeatis experientia docet. Secundò, Cum in subterraneis venis metalla non ita solida & dura sint, neque debitam perfectionem habeant, utpote quæ multo adhuc humido, & ad instar terrestrium glebarum mollitudine polleant; fieri subinde potest, ut interveniente aquarum causticarum affluxu spiritus auriferi separati, unà cum abrais auri ramentis, mox ubi sese aquis calidis insinuaverit, iis unà virtutem suam per mixtionem quandam qualiscunque tandem illa sit communicent, atque hoc pacto ego thermas Biperinas in Helvetia, & si quæ alibi reperiuntur, auri facultate pollere existimo.

Utrum aurum cum aquis misceri possit.

Cum in nonnullis locis thermæ dentur argenteæ, merito quæripotest, utrum illud cum aquis verè misceri possit. *Fallopins* id ob summam visciditatem ac duritiem, qua pollet, aquis misceri posse negat. Nos dicimus, aquas quidem frigidas, sive quæ in fodinis argenteis subinde rivorum more confluent, mixtionis incapaces esse; si tamen spiritus argentei, aut subterranei ignis æstu, aut aquarum causticarum virtute in appropriatis venis resoluti aquis thermalibus commisceantur, eas virtute quoque argenti specifica tingi, nihil dubito & argentum in calcem redactum aquisque mixtum sat super-

An argentum miscibile sit aquis.

superque docet. Sed de his amplius in *Cap. de argento ejusque tinctura.*

Quæcunque de aquis auriferis, argenteis dicta sunt, de æratis, ferratis, stanneis plumbeisque pari pacto dicenda sunt; Quæ quidem, uti dictum est, quoad substantiam nullis aquis miscentur, sed quoad vim à spiritibus iis inexistens communicata: Non enim thermæ plumbales, quæ in Germania &

Lotharingia passim inveniuntur, à plumbo appellantur, quod in iis plumbeæ substantiæ vestigia reperiantur, sed quod vim & proprietatem plumbi præ se ferant; Atque aded ad Saturninos morbos profligandos plurimum conducant; Accedit quod quantò metalla molliora sunt, tantò vim suam aquis facilius communicent. Atque hæc de mixturis aquarum sufficiant.

CAPUT IV.

De Mixtura Aquarum Medicatarum,

ID EST,

Quomodo & qua industria, quænam Mineralia ac Metallica corpora cuiusvis Aquæ medicatæ insint, per varia Experimenta cognosci possit.

Magni sanè in re medica momenti est, exactum de medicatis aquis iudicium ferre; cum ex eo tota infirmorum iis utentium salus dependeat; Et quamvis complures, varios eas cognoscendi modos præscripserint, visum tamen nobis fuit, nonnulla ab aliis nova & non observata experimenta hoc loco tradere, ut hoc pacto nihil in hoc proposito nobis Argumento Lector reperiret, non undiquaque exactissimè discussum.

Cum autem virtutes & proprietates aquarum thermalium in eo temperamento specialiter, quod aquæ ipsæ cum ipsis terrestrium glebarum mineraliumque miscellis fortitæ sunt, consistant; Misturarum cognoscendarum primò quispiam modus per viam experimenti, unà cum exacta notitia mineralium necessariò omni Chörinthum hanc adeunti, promptus esse debet: Modus autem duplici ratione perficitur. Prior toto sensuum peragitur ministerio; Altera, quam Physici à posteriori vocant, ex recrementorum, quæ canales post se relinquunt, qualitate colligitur. Utramque paucis exponemus.

Inest à naturâ hominibus insita cognoscendi vis ab evidenter apparentibus & sensibilibus, per quam non causas duntaxat rerum veniuntur, sed & planè scire videantur, cum sensibus consonet ratio. Aquarum itaque, quarum misturam, & consequenter naturam & proprietatem nosse desideras, substantia exploranda est, quantum nempe à simplici aqua, pondere, colore, sapore, odore, & tactus demum qualitate differre videatur; quæ quidem substantia ut plurimum duplici dote superbit; Una elementari, qua unaquæque res qualitatibus operatur, calida, frigida, sicca, humida; Altera specifica, quam nonnulli coelestem quoque appellant, omnibus elementorum viribus, omnibus sensuum conjecturis superiori, utpote quæ non nisi in mirificis effectibus sese prodat; quæ sanè

si in ullo mixtorum genere, certè in aquis medicatis potissimum sese exerit, ut postea ostendetur, atque aded longè patet, ut non dicam ullus medicatæ, sed ne simplicis quidem aquæ fons occurrat, quem non nullus coelestis favoris radius aspiraverit, ac singulari beneficio affecerit; Quorum tamen investigatio tantò est difficilior, quantò intimi causarum thalami magis sunt inaccessi: Accedit misturarum in aquis elucescentium infinita quædam varietas, in quibus uti facultates non uno constant gradu, neque eandem in uno atque in alio fonte efficaciam habent, ita difficultates congeminant. Medici ut plurimum primarum notitia qualitatibus contenti, disciplinæ usum per gradus veluti quosdam caloris distribuentes, à primo ad secundum, à secundo ad tertium, & hinc ad quartum, ad quantam singularem actionem efficaciamque perveniant, oppidò fallaci conjectura æstimant; deinde cognito primarum inter se qualitatibus connexu, ad compositas consequentesque alias ex ordine naturæ operationes progrediuntur; Calefacientium quidem aquarum effectus, rarefactionem, fusionem, digestionem & attenuationem; Humectantium, molitionem lenitionemque; Frigefacientium repletionem, distensionem; Siccantium denique astrictionem condensationemque, aliaque hujusmodi rimantur. Ex his denique ad tertium genus operationum progrediuntur, quæ videlicet ex secundis inter se, ac primarum virtute resultant, quæ intus susceptæ abstergunt, lubricant, alvum solvunt, ad vomitum concitant, & similibus corporis viscera exagitant. Hinc ad quartum operationum genus provecti insignes quidem vires comperiunt, at ob abditas rationes atque inexplicabilem fere partium nexum à tota substantiæ similitudine deductâ proprietate, vix hucusque, nisi à paucis, quos Divinâ Bonitas excellenti

Magni momenti est, quæque medicatæ aquæ consentient mixtura cognoscere.

Sensu & ratione virtutes rerum inquiri debent.

Specificæ rerum virtutes.

Difficultates in penetrandis aquarum viribus.

Miri effectus nonnullarum aquarum.

cellenti subtilitate ingenii beaverit cognitas: Hujusmodi sunt, quæ per occultos naturæ characterismos perficiuntur; Ex quibus aliæ lapides in vesica renibusque frangunt, epilepsiam sanant, occulta quadam proprietate singula membra respiciunt; dementiam inducunt, afferunt oblivionem, hebetesque reddunt, sternutamenta cient, calvitium accelerant, lachrymas eliciunt, risumque movent; Aliæ foeminas sterilitate laborantes fecundant. Huc quoque revocari possunt omnes deleteriæ qualitatis aquæ; Quarum in sequentibus rationes, quantum ingenii nostri debilitas permittet, Deo dante assignabimus.

Primarum qualitatum cognitio non sufficit ad vires intime cognoscendas.

Atque hoc pacto Medici procedere solent. Sed in tantis Medicorum tricis, certa quædam regula, quæ rebus non dubiam lucem afferat, tenenda est. Peripatetici Philosophi plerique multum tribuunt sensatæ experientiae; Dum ad tactum aquas referunt, calidas & frigidas, leves & graves ad pondus; ad saporem dulces, amaras, acidas, acres, salvas; ad colorem, puras, turbidas, cæruleas, lucidas, nigras, atque alias aliasque hisce coloribus mistas; ad odorem sulphureas, bituminosas, similesque fætentissimi putoris: Tametsi nemo hanc certam & infallibilem regulam sequatur; Etiam si enim multæ ex colore dignoscantur, certi tamen esse non possumus, utrum color ex hac potius quam ex illa mineralis miscella originem ducat; Sunt enim multa quæ aquam simili colore tingant. Si gustum consulas, & acredinem quandam senseris, scire tamen non poteris, utrum hæc à sale, an ab alumine, an à nitro aut vitriolo, an ab omnibus unà mixtis originem ducant, nisi ad intimas eorum facultates respexeris; Cum enim omnes acrimoniâ linguam vellicent, à differentibus quibus pollent, facultatibus cognoscendæ sunt; Salis quippe aquæ in potum absumptæ corroborant stomachum, nitrosæ contra stomachum evertunt potentiusque pituitosos concitant humores; Illæ asperitatem manibus lotura sua inducunt, hæ absterfiva seu smectica vi sua lenes & molles reddunt; Sed uti in iis fallax asperitatis judicium est, ed quod complura mineralia lotionem suam manus exasperent, ita mollitudo & lenitas manuum, quam absterfiva vi sua nitrum efficit, compluribus aliis quoque, uti calci, cineri, lixiviiisque convenit. Aluminosa non odore sed gustu discernitur; Est enim astringentis virtutis sine acerbitate, linguam tamen palatumque mirifice vellicat, dentes stupefacit; Verum cum multa alia eosdem præstent effectus, de iis firmum judicium concipi non poterit. Vitriolata & bituminosa aquæ gustu & olfactu cognoscuntur; Gustus linguam acredine quadam, olfactum verò putentissima mephiti percellunt; Nisi itaque ex omnium unicuique miscibili competentium qualitatum complexu dignoscantur aquæ,

ob aliarum similium confluxum perfectè æstimari non possunt. Quod si verum est de salibus & aliis concretis fluoribus, multò magis id de fluoribus in metallicis aquis, qui perfectam cum aquis, uti diximus, misturam non admittunt, verificabitur. Hinc alii ad inciles, per quos aqua medicata fluit, spe explorandæ mitionis confugiunt; Ex recrementis enim mineralium ripis adhærentibus, sese ad nonnullam cognitionem pertingere posse, sibi persuadent rerum aquis commixtarum; ut si sulphure, alumine, nitro, sale, vitriolo, similibusque obductæ fuerint concretæque, talibus quoque ipsas aquas constare credunt. Verum enim verò cum ii nesciant, utrum verè & perfectè, an confusa tantum dictarum rerum miscella imbuantur aquæ, omne de iis judicium pendeat. Hisce motus, aliam cognoscendæ aquarum misturæ rationem præscribendam duxi, quam quicumque tenuerit, infallibili de miscibili aquarum mixtura feret judicium. Proceditur autem triplici modo: Coctione, evaporatione, & distillatione; quæ totidem experimentis comprobabimus.

EXPERIMENTUM I.

Per coctionem misturam aquarum cognoscere.

Accipe Vas vitreum, aut saltem testaceum vitro intus obductum; In hoc vase aqua medicata cujuscunque tandem illa generis sit, ad tertiæ partis consumptionem coquatur, deinde quiescat per tres dies, donec ab omnibus fæcibus separetur, solo sedimento relicto. Cave verò ne ullam in partem vas moveas; Hac enim ratione fæces iterum confunderentur; quare hac industria aqua à fæcibus subsidentibus separabitur; Accipe ex filtro grossiori pannum, quem in pyramidis inversæ morem forfice aptabis, hujus apicem aquæ coctæ aliquousque immerges, reliquam verò panni extremitatem prius madefactam extra vas pendere sinas; Hoc modo fiet, ut extremitas madefacta extra vas pendens trahat aquam in altero filtri extremo, quod aquæ immerfimus, & sic aqua tota & sola paulatim ultrò sese per filtri tractum extra vas solo manente sedimento exonerabit: Quod sedimentum Solis radiis expositum, ostendet mox varias mineralium miscellas, modo paulò post exponendo.

Modus per experimentum cognoscendi mixturam aquæ.

EXPERIMENTUM II.

Per evaporationem aquarum misturam cognoscere.

Accipe Vas vitreum latè patentis orificii, cujuscumque urinalia esse solent, quod luto ex farina & ovi albugine, juxta artis regulas obductum sit, hoc in aliud vas testaceum arenâ repletum ad medietatem immergatur, aquaque medicata repletum unà cum testaceo

ceo vase vel Soli, vel alteri loco calido nullis pulveribus obnoxio, aperto orificio exponatur interdiu, noctu seu frigidioris Cœli tempore ne ob caloris defectum ulla fiat separatio. Evaporata itaque hac industria aqua, ficcentur fæces five sedimentum ad Solem, & ex diverforum mineralium ramentis mixturam colliges, uti postea dicemus. Habet hoc experimentum hanc sibi adnexam difficultatem, quod unâ cum aqua magna quoque mineralium spirituum copia avolet, quod non fit in præcedenti experimento.


EXPERIMENTUM III.

Chimicum.

Per distillationem misturam aquarum cognoscere.

P Onam hoc loco Experimentum omnium certissimum securissimumque, quo non particulæ duntaxat singulorum mineralium aquis mixtæ, sed & spiritus vaporesque iis dominantes pulchra sanè methodo, & infallibili iudicii trutina dignoscuntur. Sic autem procedes.

Parato fornaculo A, cum spiraculo B igne animato, ejus concavitate vas testaceum



CDEF imponatur, quod arena aliquo usque repletum sit, huic arenæ ad medietatem immergatur aliud vas strictioris colli, quod signavimus litteris G H aqua medicata repletum; Cui imponatur capitellum I, naso K instructum, ita luto fasciisq; vasi G in loco H coagmentatum, ne quid inde expirare queat; Naso K capitelli I alia vitrea fistula in L inferatur, ea industria oblutata, ne & hinc quicquam evaporare possit; Hæc demum fistula L M, per medium vas ligneum N aquâ frigidâ repletum transeat; Utroque foramine O P vasis N exactè clauso, & habebis omnia ad explorandas aquarum misturas præparata. Ignis enim in fornace A succensus arenavasis CDEF, quod igni immediatè supraponitur, calefacta, calefaciet aquam medicatam vasi G inclusam, unde aqua in vapores attenuata, simul ac in capitellum I ingressa fuerit, frigore condensata in aquam

vertetur, quæ cum vapores spiritusque secum devehat, illi per nasum K descendentes novo frigoris occurſu, quo fistula L M ob medium aquæ frigidæ vasis N infestatur, exhalare nequit. Ignis itaque hoc pacto urgendus continuò, donec tota aqua consumpta fuerit, & siquidem nonnihil adhuc in vase G remaneat, Soli expositum exsiccat. Sedimento itaque fæcibusque jam exsiccatis, ad miscellaneas mineralium species explorandas hoc ingenio procedes. Sedimentum supra tabulam ferream politissimam igne candentem, exponatur: Si itaque aquis fuerint commixta cinis, gypſum, calx, sulphur, sal, nitrum, alumen, vitriolum & cerussa, juxta singulorum naturam & proprietatem examen institues; Si enim aquis commixta fuerit calx, marmor & gypſum, videbis illa in candenti lamina non comburi; Sed postquam alia fuerint combusta, remanebunt illa colore multò ac antè candidiori fulgentia; Hac tamen differentia, quod si gypſum aderit, id statim candidissimum fiet, calx verò & marmor ad candorem manifestandum nonnullam moram tempusque requirunt; Si sulphur adsit, id statim solita odoris graveolentia se prodet; Si verò sal & nitrum, illa dum comburuntur in candenti tabula scintillabunt, hactamen differentia, quod sal cum crepitu, nitrum sine crepitu scintillabit; Si cerussa adsit, illa supra candentem tabulam ferream in intensam rubedinem vertetur, atque adeò plumbi inexistentis apertum signum est; cerussa enim uti ex plumbo fit aceto macerato, ita illa igne tosta sandix sive minium fit; Si denique alumen adsit, id liquefactum lactei prorsus coloris signa post se relinquet. Hoc experimento ex rerum natura & proprietate deducto, singulas mineralium species aquis commixtas infallibili iudicio comperies; Quomodo verò an metallica corpora iis insint, examinanda sint, illud alia methodo, ut sequitur, indiget.

EXPERIMENTUM IV.

Quomodo metallica tinctura aquis medicatis inesse comperiatur.

C Um metallicæ species nonnisi ex sedimenti corruptione dignosci possint, ita ut quodlibet metallum, quod aquis aderit, vertatur in proprium excrementum, ex quo deinde hoc vel illud metallum adesse cognoscitur, & hoc modo ferrum, argentum, aurum chrysocolle, æs, similiaque innotescant: Ut verò singula recensita in proprium excrementum vertantur, medicamento quodam opus est, id est, erodente liquore, cujusmodi sunt aquæ erodentes Chimicorum, aut acetum generosissimum atque acerrimum; Modus procedendi sequitur. Sedimentum metallicæ aquæ infundatur in dictum acetum, aut aquam caustica virtute pollentem, inspectâque aquâ, si supra sedimentum observaveris concrevisse ferruginem, certus sis, medicatas

Modus cognoscendi singula mineralia aquis immixta.

Modus cognoscendi an metalla aquis insint.

catas aquas ferri mixturam continuisse; Si verò æruginem crevisse videris, erit id æris mixturæ signum; Si auruginem, id auri signum latentis erit, & sic de reliquis omnibus. At-

que hac arte facillè cujusvis aquæ cum quibuscumque mineralibus mixturam comperies.


CAPUT V.

Hydrometri Descriptio, *Quo Aquarum gravitas & levitas exploratur.*

USus est olim instrumento simili in aquæ falsæ mixtura Germanus Artifex *Ioannes Toldenus*, ex quo *Cabaus* illud accepit; Verùm cum vix fuerit qui ejus rationem rectè intellexerit, ejus hoc loco construendi modum, ea qua potero, brevitate, docebo. Est autem usus ejus solummodo tum in iis aquis, quæ falsum quid admixtum habent, tum etiam in dulcium aquarum levitate aut gravitate quacunque tandem de causa nascatur, exploranda.

Constru-
ctio Hy-
drometri.

1. Fiat phiala vitrea in modum Sphæræ ventricosa, tenuissimi colli, quæ palmarem tamen longitudinem non excedat; Cui in centro basis uncinum inferas, cui pondus cum opus fuerit, appendas, & habebis instrumentum paratum: Figura ejus est A B.



2. Selige tibi, quantum fieri potest, aquam limpidissimam, & ab omni salis terrestisque inquinamenti quicquiliis purgatissimam; Intra hanc aquam phialam immergito, quod fiet, si semper aquam ei paulatim infundas, usque dum infra aquam subsidendo tantum orificium A non cooperiat; Hoc facto totam aquam intra phialam contentam, quàm exactissimè fieri potest, pondera, & quantum ponderis pendebit aqua, tantum pondus uncino in fundo phialæ loco C appendes; Collum porrò seu fistulam N A in suos gradus hac distribues industria.

3. Concham, quantum fieri potest, capacem accipe, quam purissima aqua, uti prius, implebis, cujus fundus sit paulò profundior,

quàm longitudo sive altitudo phialæ C A; Hanc aquam prius quàm exactissimè ponderabis, consistit enim in hoc totius negotii momentum; sitque verbi gratia 100 librarum, quoniam verò una libra constat 12 unciis, 12 in 100 ducta dabunt 1200 uncias aquæ.

4. Hoc etiam confecto, accipe salis optimè præparati, exsiccati, & in minutissimum pollinem redacti, quantitatem operationi mox secuturæ competentem; Ex hoc sale repone particulas unciales ad rationem aquæ paulò ante ponderatæ, id est, pondera prius unam libram salis in balance, ponendo in una lasce aquam, in altera salem, usque dum æquiponderent; Deinde pondera pariter unam unciam aquæ, cum una uncia salis; Tandem seorsim ponito tot uncias salis, quantum in operatione tibi opus esse videbitur. Quibus positis sic phialæ graduationem ordieris.

5. Impone phialam A C intra concham, pondere suo C instructam, & submergetur, juxta secundam operationem, usque ad orificium. Quo facto projice intra aquam conchæ 1. salis sepositi unciam, & ubi mixtum fuerit, aquam graviorem reddet, unde allevata phiala assurgat aliquousque, verbi gratia in d; quod punctum diligenter nota. Iterum projice aliam salis unciam intra aquæ conchæ, & phiala assurgat altius verb. gra. in e, quod punctum nota. Deinde rursus aliam salis unciam projice intra conchæ aquam, & phiala assurgat in f, quod punctum pariter nota; Et hoc pacto semper alias & alias uncias projicies in aquam, donec phiala toto collo suo emerferit, singulari studio notando puncta contactus colli cum aqua; adscriptis singulis punctis suis ordine numeris, & habebis instrumentum præparatum, cujus orificium primò clausum esse oportuit, ne quicquam aquæ penetret.

Modus si-
gnandi in
phiala gra-
dus levita-
tis & gra-
vitat.

Usus Instrumenti.

SI nosse cupis, quantum salis admixtum habeat quælibet aqua falsa, sive illa fuerit marina, sive fontana: Tunc phialam unà cum suo pondere eidem immergito, & statim punctum contactus aquæ cum collo phialæ monstrabit in numeris quantitatem mixturæ salis contenti intra aquam falsam tantæ molis, quantæ aqua conchæ erat, tantique ponderis, quantum dicta aqua pendebat; Quod enim de pondere certo & determinato ali-

cujus


cujus aquæ dicitur, id de tota aquarum mole dictum cenferi debet, etiam si in medio maris experimentum fieret. Supponitur enim, qualemcumque falsam aquam æquali mistura in omnibus partibus attemperatam esse; Sicut enim sese habet una 1200 pars 100 librarum falsis ad aquam in concha, sic sese habet cujuscunque ponderis sal ad similem aquæ partem.

CONSECTARIUM.

Ex hoc disces primò, quantum aqua falsa medicata falsis excessum, quantum defectum habeat. Secundò, datis centum libris aquæ istiusmodi, quantum inde falsis extrahere possis, cognosces. Tertiò, an aqua marina aqua fontana falsior sit, an contra? Quartò, ex hoc cognosces, datis quibuscunque tandem dulcibus & potabilibus aquis, quantum una altera levior; Illa enim levior erit, in qua phiala profundius descenderit; gravior, in qua altius ascenderit; Quantò enim aqua gravior est, tantò phiala descendet magis; quantò verò levior, tantò minus eidem subfidenti resistet: Dependet enim aquarum potabilium gravitas à quantitate falsis ei admixta, quæ etsi saporem fallat, dum falsis mixturam non percipit, instrumentum tamen nostrum fallere nequit.

Aliud Instrumentum Hydrometrum.


Fiat Tubus vitreus ejus quam hîc vides formæ, sitque signatum A B C. Tubus hic in A sit apertus, cujus collum A B in quotlibet partes sit divisum. Huic tubo infundes argentum vivum, usque dum videris infra aquam globum B submergi. Si verò argentum vivum pondere suo in fundum totum deprimeret Hydrometrum, tum semper minus affundes argenti vivi, usque dum totus globo majori B affixus globulus C repleatur, atque hoc tamdiu continuabis, donec totus globus infra aquam demergatur usque ad D E, & habebis Hydrometrum ad aquam librandam examinandamque paratum. Debes autem hoc primum experiri in aqua levissima si quidem aquæ paulò subtiliori impositum Hydrometrum, amplius quoque submergetur, & tanto quidem profundius quantò subtilior fuerit, & simul in collo differentias gravitatis & levitatis osten-



det; Argentum vivum ad nihil aliud infervit, nisi ut instrumentum semper ad æquilibrium teneat intra aquam.

EXPERIMENTUM.

Raphael Magiottus clarus imprimis Mathematicus in suo de *remissu aquarum per compressionem* Libello, ad gravitatem & levitatem aquarum explorandam, tale quid excoxitavit. Construitur filis æneis craticularis aut conicus cylindrus in formam caveæ, seu potius nassæ piscatoriæ, uti in præsentî figura apparet: Intra hanc caveam ponantur complures vitrei globuli infra perforati, quorum magnitudo sit in proportione Arithme-



tica. Hisce itaque globulis instructam nassam intra differentis gravitatis aquas immergito, & quantò plures globuli sursum ascenderint, tantò aqua in specie erit gravior; tantò eadem levior, quantò pauciores ascenderint, levissima omnium, quando nullus ascenderit. Sed hujusmodi experimentum suas difficultates habet; Quare præcedens instrumentum & usui aptius, & nullis erroribus obnoxium reperimus: Alii ovum aquis imponunt, & siquidem aqua gravioris conditionis fuerit, natabit, sin levioris, subfudet; Sed neque hoc præcisam differentiam aquarum determinat.

Ostendit mihi Serenissimus Magnus Hetruriæ Dux *Ferdinandus II.* alium bonitatem & malitiam aquarum explorandi modum, & ita sese habet: Omnis generis aquas potui aptas, fontanas, fluviales, puteales, lacustres & similes, in vitreis poculis ordine expositas; Deinde in quodam vase vitreo alium conservabat liquorem, quem infundebat intra vitrea pocula ordine posita, & statim in deterioris conditionis aquis aqua in fuscum colorem deflectere videbatur, in deterrimis etiam in nigrum; In purissima verò aqua nihil prorsus mutationis efficiebat; Unde statim colligi poterat causa hujus tam repentinae alterationis; Cum enim in aqua purissima vix quisquam mineralis miscellæ insit, liquor

Aliud instrumentum Hydrometricum.

Alius modus magni Hetruriæ Duci usitatus.

Præcipitationis Chemicæ secretum.

in quod ageret, non reperiebat; In reliquis verò dicta mineralium specierum mistura quadam imbutis liquor, qualiscumque is fuerit, infusus, uti agebat in congenitam sibi miscellam, ita quoque necessariam causabat in aquis mutationem. Verùm quisnam hic liquor fuerit, dicetur in sequentibus Libris,

Capite de Præcipitatione liquorum in alios, quibus præcipitatis aquæ nunc in lacteum, jam in rubrum, modò in cæruleum, viridem, purpureum, similesque colores transmutantur, ubi mira quædam arcana reperiet Lector.

CAPUT VI.


De æstu & calore Thermarum ejusque causa, & quomodo eæ adeo differenti mineralium tinctura misceantur.

Calidarum aquarum variaz differentiz calor.

Cum in præcedenti Libro de Igne subterraneo uberrimè hoc Argumentum discusserimus, nihil hoc loco restat, nisi ut modum ostendamus, quomodo aquæ thermales calefiant, & quomodo tot ac tantis differentibus virtutibus imbuantur. Experientia constat, nonnullas thermas esse frigidas, quasdam tepidas, aliquas ferventes quidem, sed quæ tactum sustineant, quasdam verò ita æstuant, ut injectorum animalium corpora è vestigio depilent, depulpent, exossent, consumant. Quæritur causa. Dico itaque breviter, hæc omnia ex situ pyrophyllaciorum pendere; Si enim infra lebetem aquarum, siue hydrophyllaciorum immediatè Vulcana quædam officina posita fuerit, dico, aquam ob vicinitatem æstuan-

tis ignis æstuantissimam fore, quanto quidem ea ab hydrophyllacio remotior fuerit, tantò æstum majus sui decrementum habiturum, usque dum adeo remota fuerit, ut ab omni æstu destituta naturali suæ frigiditati restitatur; Et ex culinariis effectibus liquet, quò enim ollæ igni viciniore fuerint, eò majus æstus incrementum concipiunt, eò minus, quò remotiores. Sed quomodo id fiat in subterranea Oeconomia, Figura hîc apposita ostendendum duxi.

Imaginare tibi subterraneam regionem, in qua A pyrophyllacium, quod per canales suos pyragogos, siue caminos in omnem partem ramatim porrigat, cujusmodi sunt L R S, AB, DGH &c. Si itaque reconditorium aliquod verb. grat. B illi immediatè supraposi-




tum fuerit, certum est, ex æstuantissimis halitibus igneis, qui ex pyrophyllacio A continuo per canalem A B exspirant, aquas in cratere B contentas summum æstum concepturas, uti fit in Bullicamo Viterbiensi; Si verò dicti halitus per canalem pyragogum L R S in hydrophyllacium V se insinuaverint, æstus incrementum quoque minus fore in thermali aqua S, & minus in W & minimum in X, & adjacentibus thermis, donec ita remotæ fuerint ab A, ut penitus tandem omni calore exutæ frigeant, Idem dicendum est de canali D G H pyragogo, per quem spiritus ignei transeuntes sese exonerant in aquati-

cos crateres E & F, qui aquas exonerant in fontes Z & Y. Contingit autem subinde, pyrophyllacium quoddam hydragogum canalem offendere, ut videre est in pyrophyllacio O, quod canalem a, igneo suo vapore stringens, aquam magno æstu imbuit, unde aqua in thermis b exonerata pariter ferventissima erit; Hoc naturæ exemplum veteres secuti Romani, aquas in thermarum usum, canalibus igne supposito calefaciebant; Sed & hæc in artificialibus pulchrè elucescunt.

Sit Fornax A igne succensus, is vapores igneos per canales pyragogos B C D ad vasa E F H G I emittet, qui summo æstu ferventes

ventes impingent in vasa E F H G I canali-
bus inserta & aquis repleta; Experientia do-
cet, aquas dictorum vasorum mox ubi intra

concava eorum pertigerint, æstuantis ignis
vaporosos spiritus, eas calefacere, & tantò
quidem efficacius, quantò fornaci fuerint




viciniores; Hoc pacto F & G aquæ plus
æstuabunt, quàm H & I, & omnibus plus
E. quæ omnia me experientia docuit in forna-
cibus Chemicis, de quibus in Septimo Libro
ex professo. Idem intra terram contingere
ex præcedenti experimento patuit, ut proin-
dè mirum non sit, nonnullas thermas fere fri-
gidas, alias tepidas, nonnullas æstuantissi-
mas, cujus quidem rei ratio ex dictis patet.

COROLLARIUM.

Ex dictis quoque patet, cur in nonnullis
aquis inveniantur fontes, quorum unus fri-
gidissimus, alter ferventissimus est; Canalis
enim frigidioris aquæ ab igne remotior est,
quàm alter fervidior. Accedit quod subinde
hydragogus per aliam aquam frigidam ince-
dat, & calore extincto, postea frigidas fun-
dat aquas.

Sint duo fontes A & B, sit A calidus, B fri-
gidus; quemadmodum in Agro Viterbiensi



me observasse memini, non nisi bipalmari
spatio distantes; quoniam enim ignis S im-

mediatè canali L subjectus est, mirum non
est, eum æstquare; B verò cum à pyrophyllacio
P remotior sit, fit, ut calore sensim flacces-
cente aqua frigeat; præsertim si canalus V
per aquas frigidas hydrophyllacii X incesse-
rit; hoc enim pacto in B fonte cum insigni
frigoris sensu sese exonerabit; Poteest etiam
id contingere, quod ex alio quopiam recon-
ditorio Z aqua frigida sese in B exerat, abs-
que ullo ignis remotioris accessu. Hoc loco
omittere non possum, quæ, dum hæc scribo
mihi referuntur. Anno 1660. mense Junio, Historia
terramo-
tus terribi-
lis. quo ingens terræmotus infestavit omnem il-
lam Galliæ Regionem, quæ se à Burdigalensi
Urbe ad Narbonam extendit: Erat propè
Bigornium ingens & præcellus mons, qui fe-
rocientis naturæ vi, ita absorptus dicitur, ut
præter lacum ingentem, quem post se reli-
quit, nullum ejus amplius vestigium apparue-
rit: Addunt, districtum illum circa Pyrenæos
montes compluribus thermis fuisse refertissi-
mum; in quarum unis post montis ruinam,
aquæ prius ferventissimæ tantum frigus con-
traxerunt, ut proinde nemo amplius illis uti
possit: Quæritur undenam vehemens illa fer-
ventium aquarum in frigidissimas mutatio?
Dico, canalem pyrogogum montis casu ob-
structum, alium aperuisse canalem, qui frigi-
das duceret; vel si hoc non, aquas calore
omni per pyrogogum administrato desti-
tutas, tandem in nativum frigus trans-
iisse.

EXPERIMENTUM III.

Mixturam exhibens Aquarum.

Mixtura aquarum vel est simplex, vel
composita; simplex est, quando cum
uno tantum mineralium miscetur; Compo-
sita, quando cum pluribus; fiunt autem mix-
turæ eo, qui sequitur, modo:


Kk

Ex

Terra in-
numeris
scatet mi-
neralium
speciebus.

Ex superioribus constat, terram innume-
ris scatere mineralium speciebus, ita ut nun-
quam una & eadem in omnibus locis combi-
natio rerum reperiatur, sed pro differentium
venarum varietate multiplex omnino & in-
narrabilis, exceptis tamen sulphure & sale,
quæ à nullis unquam aquis, in nonnullis qui-
dem majori excessu, in aliis minori absunt.
Quomodo autem in subterraneo Telluris
utero fiant huiusmodi mixturæ, exemplo
geodætico ostendam. Imaginare itaque ti-

bi ingentem subterraneæ Regionis distri-
ctum hydragogorum canalium ductibus in
varios ramos divisum, intra quos aqua de-
currens diverforum mineralium ramentis, &
scobibus unâ cum earum virtutibus tingatur,
certum est, ingentem illinc diversarum re-
rum specierumque miscibilium colluviem
nasci, quæ deinde in fontem erumpens, ea-
rum virtutum, quas ipsa quibus mixtæ fue-
runt species pollent, indolem referat. Sed
rem paradigmate demonstramus:



Sit hydraulicum quoddam A, quod in
omnem partem per diversa Telluris diverticu-
la, in diversos fontes B C D E F G erum-
pat; Transeat autem aqua per diverticulum
sive canalem A B sabulo & arenacea materia.
vel præduris filicibus scatentem; Dico fon-
tem exortum B dulcem aquam præbiturum,
cum canalis nullam, præter dictas, materiam,
quæ aquam prædominanti quadam virtute
minerali tingere possit, contineat; Transeat
verò aqua ex A per canalem A C sale refer-
tum, dico fontem C salsum futurum, talem
videlicet, qualis vena est, per quam transit
falina. Iterum egrediatur ex A per canalem
A D, dico fontem D nitrosum futurum, sive
nitro tinctum iri, ea videlicet virtute, quâ
canalis per quem transit, nitro refertus pol-
let. Atque hoc pacto, si per A E aluminosam
venam, & per A F vitriolatam, & per A G
ferratam, & per A H sulphuream transferit,
fontes E F G pariter ea virtute, qua canales,
per quos transeunt, imbui necesse est. Vides
igitur, unde simplex aquarum medicatarum
mistura originem suam trahat, videlicet ex
vena simplici alicujus mineralis nullo alteri
commixta. Patet quoque inde cur subinde in
uno aliquo loco, differentium virtutum aquæ
medicatæ diversis fontibus comprehensæ oc-

currant, quemadmodum olim me in Urbâ
oppido Jurisdictioni Electoris Moguntini
subjecto, videre memini, sex videlicet fon-
tes diversissimis virtutibus pollentes, non
nisi quatuor passibus à se invicem diffitos;
causa est, quia videlicet aqua per diversos
canales, differentibus mineralium specie-
bus refertos dum transit, iis tincta, in diver-
sis fontibus talem exhibet virtutem, qua-
lem præ se fert canalis sive minera, per
quam transit. Vides itaque modum simpli-
cis missionis, jam ad compositam acceda-
mus; Et primò quidem scire te velim, aquas
subterraneas non per unum tantum hydra-
gogum canalium viam suam carpere, sed
haud secus ac in externa Telluris superficie,
flumen aliquod principale, diversis rivis con-
stituitur, ita id in diversos aquarum rivos
ramatim divisum divaricari, qui rami, uti
diversis diverforum mineralium speciebus,
per quæ transeunt, tinguntur, ita iisdem
quoque, dum in unum aliquem fontem cor-
rivantur, multiplici quoque diversarum vi-
rium foetura complentur. Hoc pacto, ut rem
exemplo comprobem, ex A per canalem H
sulphureum transiens in K & I divaricatur
illinc per venam canalis falgineam, hinc
per nitrosum; Unde sulphurea materia
cana-


Materia
alicujus
mineralis
aquam
transeun-
tem tingit
ea virtute,
quâ ipsa
pollent.

Quomodo
fiant aquæ
medicatæ
tam multi-
plici virtu-
tum foetu
gravidæ.

Quomodo
multiplex
mixtura in
aquis nas-
catur.

canalis H mixta, canalibus K & I salinæ vi-
delicet & nitrosæ misturam faciet sulphureo-
sale-nitrosam. Rursus canalibus K divaricatus
in L & M, vitriolatam illinc, hinc alumino-

sam offendens venam, præcedentium con-
fluxu aquarum tincta, producet in fontibus
L & M, in M quidem aquam sulphureo-sale-
aluminosam, in L verò sulphureo-sale-vitrio-



latam. Iterum rivus L subterraneus divarica-
tus in L, hinc auriferam in O, illinc in P ferra-
tam venam transiens, in P fonte pro ducet a-
quam sulphureo-sale-vitriolato-ferream a-
quam in O fonte sulphureo-sale-vitriolato-au-
ream mixturam proferet; Et quod de hisce
dicitur, de omnibus reliquis rivis K M N,
& H I Z, S T intelligendum est, donec in
R omnes corrivati, ex omnibus per quæ
transeunt, mineralibus, fontem R omnibus
mineralium speciebus viribusque composi-
tum constituent; idemque arte præstabis,
quod natura, si ex fonte quopiam aquas per
differentes canales, in unum aliquem fontem
corrivaris: Si enim singulos canales diffe-
rentibus mineris sale, nitro, alumine, bitu-

mine, vitriolo, &c. repleveris, aquæ per ca-
nales hosce diffusæ mineralibusque mixtæ
fontem tandem constituent omnibus dictis
speciebus refertum. Ut proinde hinc vel ad
oculum pateat naturæ in mixturis aquarum
constituendis Ars & industria; Patet hinc
quoque, colorum, quibus differentes aquæ
imbuuntur, ratio; Talem enim colorem as-
sumet aqua, qualis est gleba mineralis, quam
pertransit; si flava flavum, si rubra rubrum,
si nigra nigrum, cæruleum si cærulea, viri-
dem si viridis, si candida denique lacteum
præstabit, singuli suam in aquis medicatis
simplicibus, in compositis verò misturam di-
versicolore; sed hæc de misturis aquarum
sufficiant.

Aquæ co-
lorem mi-
neralis
quod
transeunt,
assumunt.

S E C T I O III.

D I S Q U I S I T I O

D E T H E R M I S,

Et Aquis medicatis, earumque mirificis viribus & proprie-
tatibus in specie, quæ omnes ex subterraneis
originem habere demonstratur.

C A P U T I.

*De principalibus Thermis, seu Aquis medicatis, quæ in
Geocosmi superficie passim occurrunt.*

CUm terrestrium glebarum corporum-
que mineralium diversitas & varietas
melius non cognoscatur, quam per di-

versitatem aquarum medicatarum, quas ubiq;
natura rerum producit; certè operæ pretium
me facturum existimavi, si hoc loco princi-
palium

paliū tantū magisque celebrium Thermarum innumeris aliis, quæ ad meam notitiam non pervenerunt, omiſſis, catalogum adnecterem; Ex hoc enim luculenter patebit id, quod in præcedentibus tam operose demonstravimus; Primò perennem quendam ignem subterraneum, qui tot tamque innumerabilis multitudinis Thermas calore suo imbuat, Telluri dominari. Secundò, innumera quoque subterranea eſſe hydrophylacia, quæ igne individuo comite calefacta ubique locorum per Telluris corpus innumeris perfoſſum tam hydragogis, quàm pyragogis canalibus erumpant, non ſecus ac corpus hominis microſmicum innumeris venarum arteriarumque ductibus, ac principalium membrorum ſeceſſibus admirandâ omnipotentis DEI ſapientiâ conſtitutum. Tertio patet, & miros ineffabilesque rerum omnium in unum finem correſponſus concurſusque. Quartò inconceptibilis, quæ in dictis aquis latet, virtutum diverſitas, quâ ſumma, quæ in mineralibus latet, differentia, & incomprehenſibilis varietas potiſſimum eluſcit. Quæ uti ubique locorum ſeſe in conſpectum exhibent, ita miram quandam Oeconomix ſubterraneæ adminiſtrationem oſtendunt. Hiſce poſitis jam telam tandem occęptam proſequamur.

§. I.

De Thermis Europæ, & primò de Luſitania & Hiſpania Fontibus & Thermis.

EUropa Luſitaniam, Hiſpaniam, Galliam, Italiam, Germaniam, Hungariam, Poloniam, Illyricum, Græciam cum adjacentibus Inſulis Sicilia, Anglia, Scotia, Hybernia continet, quæ innumeris ubique Thermis referta, ex ſequentibus patebit. In Luſitania octo; in Hiſpania 40; in Gallia 45; in Germania 120; in Italia 86; in Hungaria viciniſque locis 9; in Polonia ad Carpathum complures; in Illyrico 16; in Græcia & vicinis Inſulis 22; quæ omnes per occultos terræ meatus ſibi correſpondent, & uno eodemque igne variis pyrophylaciis diſtributo animantur & conſervantur, non ſecus ac in corpore humano per diverſos canales & ramos venarum ductus, calor animalis omnia animat, dirigit, & in effectus à natura intentos ſollicitat.

Et ut de Thermis Luſitaniæ incipiam, ſciat Lector, omnes ferè Atlantici Maris Inſulas, uti ſunt Canariæ, Maderæ, & quas Azores vocant, Thermis, quemadmodum annuæ Societatis noſtræ abundè teſtantur, reſertiſſimas eſſe, nec id mirum eſt, cum ſulphure, ſale, nitro, alumine, bitumine polleant copioſiſſimo, & ingentia ſubtus alant pyrophylacia, quibus perpetuò agitantur. Verum de hiſce vide in præcedentibus fuſe, uti & in noſtro *Itinerario Submaxino* actum. Eſt inter cætera Luſitaniæ prodigia, ille cum-

primis Lacus admirandus in vertice Montis Erminii, qui, teſte *Antonio Vaſconzello* Societatis noſtræ Theologo in *Descriptione Luſitaniæ*, ejus naturæ eſt, ut æſtuante Oceano, & ipſe pariter exæſtuans intumeſcat, luculentum fanè occulti cum Oceano per hydragogos canales correſponſus ſignum. Idem de mirifico puteo juxta Monasterium S. Hieronymi, totum cum cellis & habitaculis in rupe exciſum in monte Sintra, in quo aquæ ad æſtum maris intumeſcunt. Solà Interamnensis Luſitania non amplius quàm 18 leucis longa, lata 12, teſte *Vaſconzello*, numerat ad viginti quinque millia fontium perennium, aquæ præſtantia cum nullis in Europa comparandorum; virtutibus enim mirificis pollent ob Tagi aureas fundentis arenas, divitias quas vicinis undique & undique terris communicat. Quos inter & plures thermales ſunt fontes, nominis celebritate toti Luſitaniæ noti: Uti ſunt prope Obidos Caldas, Monasterio ab *Eleonora Ioannis II* Regis conjuge, in uſum infirmorum conſtructo Xenodochio memorabiles. Sequuntur Balnea Algarbiorum juxta oppidum Alvor, in quibus *Ioannes II* Rex, cum lethalis veneni remedium quæreretur, periiſſe dicitur. Sed relictis aliis, quæ in Beira & Conventu de *Laſões* ſunt, aliis que paſſim obviis, unum nobis hoc loco prodigium exponendum eſt, quod in fonte, quatuor à Conimbrica leucis diſſito, juxta oppida Cutanhedum & Cadimam, eluſcit; Fons pede non amplius profundus, arenosus & ſubturbidus eſt, vulgò *Fervenças*, à perenni aquarum arenarumque ebullitione, qua fervet, ſic dictus; ea verò eſt natura, ut quicquid in eum injeceris, abſorbeat, nec ſatis poteſt apparere, quò injectos arborum ramos devolvat, cum non ſemel arborem integram experimenti cauſa radicibus imis aut ſummis tantū frondibus applicatam, trunco tantū ſive ramo quolibet ita avidè devoret, ut nullis viribus queat avelli, & brevi temporis ſpatio, ne tantillus ramuſculus appareat. Illud etiam accidit, ut labenti jumentū pede ita fortiter brevi ſpatio animal ad ſe traxerit, ut nulla vix arte & robore à devorantis aquæ vi poſſet abſtrahi. Hæc *Vaſconzellus*, cujus rationem in ſequentibus de miraculoſis fontibus aperiemus. Hiſpaniæ præcipui Thermarum fontes ſunt *Caldas del Rey*, ſic pagus appellatur, juxta quem ebulliunt; juxta viam, quæ à Compoſtella in Luſitaniam ducit, balneorum nobilitate ingnis, calidæ ac digerentis facultatis. Hinc ad oppidum Tralus 30 ſtadiis diſſitum, alterum balneum celeberrimum occurrit, eò majoris utilitatis, quò ex naturali hic miſtione ac diverſorum fontium confluxu, ſuo quique arbitrio aquas præparare ac temperare poteſt; calefaciunt, ſiccant, digerunt. Iterum juxta Orenſem Civitatem ſcaturit aqua calida ac vena minio prædiviti, & quamvis nonnihil ſulphurei redoſeat, ubi tamen frigefacta

Mons Erminius in Luſitania ſemper æſtuat.

25 millia fontium in Luſitania numerantur.

Tagus aurifer.

Thermæ Luſitaniæ.

Thermæ Algarbiorum

Miræ fontis proprietates.

Thermæ Hiſpaniæ.

Thermæ minio divites.

gefacta refederit, adeo sinceram, claram limpidamque se exhibet, ut non potui tantum, sed & ad eduliorum usum sit peridonea, ac veteribus Romanis ad usum deliciarum adhibitam, vetusta thermarum vestigia satis demonstrant. Est & hoc mirabile, ex medio fluminis Minii, cui thermæ adjacent, aquas calidissimas erumpere magna quantitate: quæ arguunt aquas ex profundissimis terræ visceribus, in ipso fluminis fundo exitum habere, & incommixtibili fluxu aquas fluminis penetrare; Sunt & aliæ in hoc Galliciae Regno ad Vianam civitatem & in Suidis montibus. Hinc in Castiliam & Bæticam profecturus omnia plena thermis reperies; Inter confinia Tarraconensis partis & Navarrae, qua Iberus non longè affluit ad pagum Fitteri, balnea magnæ virtutis passim reperiuntur, uti & ubique locorum ad radices Pyrenæas; In Agro Hispalensi Bæticæ complura nascuntur, quæ forsitan ea sunt, quæ à *Plinio* Cæparia dicuntur, aut Anthetana.

Mons vulgo Sierra Morena, ejusque admiranda

Est in medio Hispaniæ mons altissimus, qui longo excursu in Occidentem Castiliam dividit à Granatensi Regno, à quo supernè Ana fluvius, infernè autem Bætis apertius in Mediterraneum influit; In hoc *Vulcani* ergasterium esse existimo, ex quo & metalla omnis generis cudantur, & quarum mira varietate prægnans totam Hispaniam pulchris amnibus perluat; Metalla autem ibidem copiosa foetura parturire glabrities montis fat monstrat, utpotè in quo arbores perpetuo damnatæ exilio, salebrofi tantum scopulosque recessus dominantur, colore livida subfuscaque facie sterilitatis suæ opprobrium veluti lugere videtur, non incongruè *Sierra Morena*, à Mauro sive atro colore ab indigenis sic vocitatus: Spectantur in hujus montis crepidine aditus profundissimi, ac inter alios juxta Almadien pagum specus ingens in 50 ferè milliarium recessum exporrectus, in quo complures altissimi visuntur putei, è quibus immensa argenti vivi copia, frequenti operarum fossorumque turbâ hauritur, qui magno vel conducti pretio, vel ad pœnam alicujus magni commissi sceleris eluendam ad has mineras addicti, miseram trahentes animam tremebundo corporis habitu, convulsis nervorum tendinibus, exiguæ tandem vitæ tempus calamitosa morte redimunt. Terrestris glebæ, quæ fodiuntur hydrargyrumque exsulant, ut plurimum lapidosæ sunt, & rufi coloris, exusta verò extrinsecus calore nigrescit, ac livido seu ferrugineo colore procul aspectantibus apparet. Videntur & quatuor acrium aquarum fontes, omnes differentis facultatis circa montis crepidinem, signum variæ latentium in monte aliorum metallorum mineraliumque venerum miscellæ, quæ tamen depositis per transcolationem salubrium glebarum malignantis naturæ facultatibus, ab indigenis cum magno in morbis contumacibus calculi & vesicæ emolumento usurpantur.

Putei hydrargyri seu Mercuriales.

Porro in Archiepiscopatu Toletano, juxta Valentiam, non procul à vadis, ubi Ana fluvius terrâ conditur, Nava fons occurrit in vasta planitie miræ acrimoniæ, juncetis undique & undique constipatus, limpidissimis aquis amoenissimos longo tractu irrigat hortos, fructusque alit tum gustui suavissimos, tum copia & magnitudine præ cæteris inæstimabili, tantæ verò acredinis est, ut projectum in fontem armum, vel ad horæ translapsæ spacium ad ipsa ossa usque consumat; originem suam haud dubiè ex dicto Morenæ monte trahit, qui spiritu Mercuriali turgidus, transcolatione tamen per terras alumine, nitro, vitriolo, pollentes, emendatus, insignes haurientibus eam præstat utilitates: Mirum proinde alicui non immeritò videbitur, aquam vituli ossa consumentem, haurientibus tamen ipsam esse innoxiam, quod utiq; calori naturali illam quantocyus transmittenti, acrimoniamque temperanti adscribendum est: siquidem acetum, etsi æneam tabulam aut ferream acrimonia sua exedat consumatque, stomacho tamen non tantum innoxium, sed & maximè salubre esse, quotidianus ejus in acetariis usus abundè docet. Alter acris aquæ fons ad Almagram oppidum spectatur, cujus aqua optima & potui adeò grata, ut ex mille quingentis circiter ejus vici familiis, teste *Baltasare Ruizio* hinc oriundo hujus fontis descriptori, major pars abstemia perpetuò vivat, omni excluso vini potu, solo hujus fontis potu delectentur, tanto hominum concursu, ut circa meridiem frequenti haustu totus veluti exsiccatus compareat. Similis fons ad Bolegnum cernitur, non multum à præcedenti distitum oppidum. Est & similis conditionis fons tribus Toletis milliaribus distitus, in hoc tamen differt à præcedentibus, quod aqua in fontis superficie hausta dulcissima sit, at si quis fitulam ad imum putei alveum submiserit, is aquam summè acrem sit educturus; Cujus quidem rei ratio non inventu difficilis; Cum enim in hunc fontem seu puteum tum dulces tum acres perpetuò influant, fit, ut acres ob diverforum salium copiam insita iis gravitate statim subsidant, dulcibus utpote levioribus superficiem petentibus. Hinc digressi per reliquos Hispaniæ tractus, sive ad Boream, sive ad Austrum, sive denique ad Orientalem Pyrenæorum montium tractum, ubique balneorum multitudinem comperies, ita ut vix pedem ad decem leucas moveas, quin nova semper ac nova thermarum spectacula reperias, quas quidem ordine hoc loco producerem, verum ne opus rebus jam ab aliis traditis referirem, consultò eas reticendas duxi; cum eandem tum ex Pyrenæis, tum ex Galliciae, Castiliæ, Asturæque montibus mineralibus refertis per subterraneos meatus originem suam nanciscantur.

Thermæ in agro Toletano.

Fons ad oppidum Almagram.

§. II.

De Fontibus seu Aquis medicatis Galliae.

TOta illa Galliae pars, quae Pyrenaeis montibus terminatur, adeo thermarum medicatorumque fontium aquis scatet, ut vix sit, qui illos numerare queat: A Bayona siquidem Narbonam usque continuata vena, sive sulphureus cuniculus ex montibus sulphure, nitro, alumine, bitumine, vitriolo gravidis per varios subterraneos ductus ramosque constitutus, quem terrae motus ingens hoc Anno 1660. ibidem exortus horrendis cladibus afflixit, abunde demonstravit; Unde praeter voragines profundissimas, siccata flumina, montes partim decurtatos, partim absorptos, vel ipsae thermarum prioribus sive mutatis canalibus, sive obstructis aquae ferventissimae in frigidissimas repentina Metamorphosi, degenerarunt. At nos relictis innumeris aliis, potiores tantum hoc loco thermas celebrioresque recensebimus.

Ingens ad
montes
Pyrenaeos
in Gallia
aquarum
medicatarum
multitudo.

Thermæ ad pagum Dax inter montes Pyrenaeos sitæ, sulphureo-bituminosæ sunt, ita à natura temperatae, ut nullus sit morbus ex iis, quos Arthriticos vocant, quem non curent, quæ subinde tamen ita incalescunt, ut non aquae solum, sed & circumfusi agri ardere videantur, quod manifestè innuit latentis infra montes alicubi pyrophyllacii vestigia.

Sequuntur has aliae, vulgò *Orentaine*, thermæ celeberrimæ, nec non renum hepatisque vitiis profligandis saluberrimæ.

Sunt & ad montem Balarvæ juxta Biterras contra spasmi, paralytis, hydropis, arthritidisque morbos remedium singulare. Occurrunt deinde ad Pyrenaeorum montium radices balnea, vulgò *de Montferran*, ejusdem cum praecedentibus virtutis facultatisque. His vicinæ accedunt thermæ, vulgò *de Baignaires* ad pagum cognominem, & aliae vulgò *Dencausse*, ingenti hominum confluxu celebres, admirandæ virtutis, vel ex hoc capite, quod foeminis sterilitate laborantibus foecunditatem conferant, cæterisque infirmitatibus, quibus mulieres passim infestari solent, potissimum medeantur, cujus rationem alibi exposuimus. Non procul hinc nova occurrunt balnea in loco invio & deserto vulgò *Baregues*, quæ tametsi magno infirmorum incommodo addeantur, illud tamen facultate omnium morborum expultrice facile recompensant. Atque hæc sunt thermæ celebriores in hoc Subpyrenaeorum montium tractu, quæ uti ex subterraneis meatibus originem trahunt, ita eam ulterius usque in Alvernæ montes propagare videntur.

Spectantur autem in Alvernæ montibus, eorumque districtu sex potissimum celebrioris nominis thermæ; quarum priores sunt vulgò *de Vieilleconde*, quæ ex immensa rupe ingenti fragore & fervore è duobus veluti epistomiis præcipitata, aptum infra lavacrum præparant, omnibus, qui contumaci humo-

rum colluvie gravantur, constat ex vitriolo, cujus signum est, quod distillata purum in fundo vasis relinquat vitriolum, & si quis aquis gallam imposuerit, is ipsam aquam statim in atramentum conversum reperiet, tantæ acredinis, ut nisi alterius præterfluentis aquæ misturâ temperetur, ob nimis violentam & causticam quandam facultatem exulcerationes intestinorum efficiat, dysenteriam conciliet, aliosque morbos inducat, quæ tamen attemperata nulli non morbo profligando utilis & fructuosa est. Has sequuntur ad dictos Alvernæ montes, thermæ *Mont d'or*, & quæ vulgò *Aygues candes*, id est, aquæ calidæ vocantur, miræ pariter virtutis, unde magno hominum concursu celebrantur. Sequuntur has tota Gallia celeberrimæ, Nivernenses & Borboniæ, quarum vis & naturalis constitutio cum ab aliis descripta sit, iis non immoror. Restat tandem mirum naturæ in aquis prodigium, quod Claremontium nobile in Alvernia oppidum nobis exhibet, exponendum. Mirè Philosophorum ingenia torsit admirandum hujus fontis prodigium. Exit hic ex rupe, & in ipso exitu rupes producit & lapides candidissimos. Rivus, qui ex fonte manans, ut transiri possit, suis accolis propria virtute ponticulos exstruit hoc ingenio, rivum super asseres in modum fornicis dispositos adfluere faciunt, & mirum dictu, intra 24 horarum spacium, ponticulum continuâ & laboriosâ aquæ industriâ constructum inveniunt. Aqua siquidem hujus fontis limpidissima, sensibili operatione in lapidem fluxu naturali nunquam interrupto commutatur; Et quoniam ab aliis fontibus nec colore, nec sapore distinguitur, bruta ipsa decepta dum eam avidius bibunt, mox deficientia intereunt, aperta siquidem, stomachum eorum non aquâ sed lapidea mole expletum reperiunt: Incolæ hujus loci miram in hac aqua petrificativæ facultatis efficaciam curiosis spectantibus exhiberi, aquam vitro infundunt, & è vestigio in lapidem conversa rupto vitro figuram ejus adeo exactè refert, ut in gypseum poculum intra modulum fustum credatur. Pari pacto in quodcunque cujusvis figuræ vas aquam infuderis, mox veluti coagulum quoddam sensibili condensatione in lapideam molem vasis figuræ prorsus similem commutatur. Unde nonnulli curiosiores eas intra statuarum modulò seu formas infusam lapideam statuatam rupto modulo reperiunt. Cujus quidem prodigiosæ Metamorphoseos rationem, cum altiora principia requirat, in sequentibus peculiari Capite enodaturi sumus. Atque hæc de Galliae thermis & medicatis fontibus, innumeris aliis omissis dicta sufficiant.

§. III.

De Fontibus & Thermis Germaniæ.

UTi universa ferè Germania Superior potissimum Montuosa, copiosis metallicis venis

venis scatet, ita vix est locus, qui non aut thermas, aut medicatas aquas alicubi producat; & fontium quidem acidorum in Germania tantus est numerus, quantus in ulla alia Regione; *Thumhauserus* eos ad millenarium excurrere asserit, præter thermas ubique locorum obvias, quas quia tædiosum foret describere, hîc nomina tantum locorum & compositionem apponam, ex diversis Authoribus extracta.

Tabula Thermarum in Germania.

1. **T** Hermæ Curienfes seu Piperinæ aureo-sulphureo-ferreo-nitrosa mistura constant, omnibus infirmitatibus medentur. Hæ Thermæ præ aliis omnibus id mirum habent, quod tertia die Maji Inventioni S. Crucis sacro erumpant, decimo quarto verò die Septembris Exaltationi ejusdem S. Crucis sacro die sese subducant, exsiccantque; cujus rei rationem in sequentibus de miraculosis fontibus explicatam videt.

2. Thermæ plumbariæ in Lotharingia, plumbea mistura, unde & nomen habent, constant; Medentur omnibus morbis exulcerationem adducentibus.

3. Thermæ Badenses Helvetiorum sulphureo-aluminosæ sunt; calefaciunt & exsiccant, frigidis morbis opportunæ.

4. Badenses in Marchionatu Badensi propè Argentinam, sulphureo-sale-aluminosæ sunt; frigidis morbis auxiliantur.

5. Badenses in Austria, sulphureo-nitro-aluminosæ sunt, morbis frigidis medentur.

6. Ferinæ in Ducatu Wirtenbergenfi, vulgò *Wildbad*, eadem, quâ præcedentes, mixturâ constant.

7. Cellenses ad Martianam sive nigram Sylvam, sulphureo-nitro-aluminosæ sunt; febribus diuturnis medentur.

8. Goppingenses in Ducatu Wirtenbergenfi ad oppidum Goppingam, acidulæ sunt, modico sulphuris mixtæ, pectoris vitiis pulmonisque medentur,

9. Avenfes, vulgò *Au*, juxta Rotenburgum ad Nicrum, eadem, qua præcedentes, misturâ constant, cum excessu tamen sulphuris; nervorum vitiis mirificè conducunt.

10. Embsenses juxta Lacum Acronianum, alumino-nitrosæ sunt; dolori capitis, nervorum resolutionibus à colicis doloribus ortis conferunt.

11. Gerberseilenses in Alsatia, alumino-ferreo-nitrosæ sunt; Lienosis, hypochondriacis, omnibusque vitiis cutis opitulantur.

12. Carolinæ juxta Elenbogen in Boëmia oppidum sulphureo-aluminosæ sunt; glandulas, strumas, schiaticam, paralyfin, & similes morbos curant.

13. Wisbadenses Moguntinæ, ex adversa Rheni ripa opposita ad pagum Wisbaden, sulphure constant cum exigua portione aluminis & nitri, frigidis conferunt morbis.

14. Gasteinenses in Bavaria Dioecesis Sa-

lisburgenfis, auro, sale, nitro, argento, ære constant, omnibus morborum generibus profligandis profunt, mulieribus foecunditatem conferunt.

15. Abudiacenses in Bavaria, sulphure, alumine nitroque pollent, odore ova frixa referunt; facultates sunt eadem, quæ præcedentium.

16. Abechenfes in Bavaria prope Ratisbonam, sulphure, alumine, nitro constant, calculo renum & vesicæ conferunt.

17. Wembdingenses in Bavaria, sulphure, alumine, nitro constant, ejusdem sunt cum præcedentibus facultatis.

18. Hubadenses, vulgò *Huberbad*, vicinæ Badensibus, sulphure, cupro, & paucò alumine & sale miscentur, obstructionibus potenter subveniunt.

19. Salzbergenses sulphure & halinitro constant, omnibus medentur morbis ulcerosis, præterquam venerea lue infectis.

20. Badenveilenses intra Frigurbum & Basileam multum sulphuris halinitri verò & aluminis parum habent, Asthmaticis & viscerum oppilationibus conferunt.

21. Wattonnuveilenses in Alsatia Superiori sulphuris & halinitri portione tinguntur, ejusdem facultatis cum præcedentibus.

22. Willingenses ad Herciniam sylvam sulphureo-aluminosæ sunt, exsiccant, corroborant.

23. Brintzbacenses cupro & ferro constant; hypochondriacis, lienosis & febribus quartanis conferunt.

24. Kibbadenses in Brisgoja sulphur, halinitrum, alumen, sal in se continent; omnia morborum genera curant.

25. Glottorbadenses inter Friburgum & *Wald-kirchen* sitæ, cuprum proferunt cum paucò sulphure, ictericis, hepaticis, aliisque morbis profunt.

26. Vogtspergenses in Alsatia copiosum prodit halinitrum, aluminis parum & sulphuris, scabiosis ut plurimum conducunt.

27. Hîscæ vicinæ sunt Zuckerthalenses & Salzenfes thermæ, ejusdem cum præcedentibus qualitatis.

28. Uberkirchenfes & Nideravenfes propè Rotenburgum ad Nicrum, produnt sulphur cum mistura vitrioli seu calchanti, catharrofis profunt.

29. Deinacenses in Hercinia Sylva juxta oppidum *Kalb*, ferro, cupro, & alumine tinguntur, oppillatis profunt.

30. Fiderinæ, alumen, cuprum, cum paucò sulphure continent, vinum colore & sapore imitantur, Hæmoptoisi medetur.

31. Antigastrenfes in Hercinia Sylva prope Oppenacum oppidum sulphur, alumen, & nonnihil vitrioli continent, pravis humoribus evacuandis profunt.

32. Kirchenfeldenses in Palatinatu inferiori, in eo tractu, qui *Hundsruck* dicitur, ferro, cupro, vitriolo constant.

33. Tre-

33. Trevirenses cum tribus acidis fontibus, qui prope Monasterium S. Matthiae, Alter *Berggeel* dicitur, ob luteum colorem; Tertius prope *Mettendorf*.

34. Bassenheimenses & Kesselbrunenses in Archiepiscopatu Trevirensi, alumine, nitro, halinitro, sulphure pollent.

35. Conterthalenses in Valle cognomine prope Memmingam, alumen, halinitrum, sulphur cum portione calchanti prodit;

36. Hisce proximi sunt: Ponterbrun, Hailbrun prope Andernacum, cui peculiare est, nil impuri tolerare, quod non statim eructet.

37. Annæbergenses in Misnia, alumine cum venæ cupreæ mistura pollent, rheumaticis symptomatis multum profunt.

38. Aquenses juxta Aquigranum, sulphure, sale & alumine tinctæ, nervorum morbis potissimum sanandis opportunæ.

39. Laubacenses in Suevia prope Ulmum, sulphureo-nitrosæ, omni ætati & temperamento conferunt.

40. Leuningenses & Furstenbergenses, sale-nitro-aluminosæ sunt.

41. Lucenses & Brigenenses in Wallefia copioso ære & modico sulphure constant.

42. In Archiepiscopatu Trevirensi aquarum acidarum fontes numerantes duodecim.

43. Spigelbergenses prope Hammeliam inferioris Saxoniae, alumine, vitriolo & ochra infectæ Arthriticis morbis conducunt.

44. Teplizenses in Boemia sulphure, nitro, alumine, bitumine, & saxo calcario constant; Nullum est ferè morbi genus, cui non profint.

45. Wolchensteinenses in Misnia, de quibus doctè sanè & eleganter Idiomate Germanico scripsit insignis Medicus *Augustus Harptman*, quem consule.

Atque hæc sunt five fontes medicati, five Thermæ in Germania celebres, innumeris aliis relictis. Ex quibus patet, naturam hujusmodi aquarum ludibriis potissimum in montosis atque Alpinis locis triumphare.

§. IV.

De Thermis & Fontibus medicatis Hungaria, Transylvania caterarumque adjacentium Regionum Septentrionalium.

CArpathus Mons dividens Transylvaniam ab Hungaria & Polonia, uti omnigenis metallorum, mineralium, aquarumque speciebus foetus est, ita quoque fontes & thermas innumeras prodigiosis virtutibus repletas, ubique passim locorum producit; Pyrophylaciis subtus strenuè naturæ machinationes urgentibus: Ignis siquidem naturâ suâ ad ascensum propensus conclususque in intimis terræ cavernis semper agitur ad aliquem exitum, quem ubi reperit, cum nascentis aquæ alicubi fontibus, eos ad summum fervorem alterat, cujus nempe vires neque aqua nec ventus, minimè omnium ignis de-

struat, imò quod semel impetum facit, eò urget fortius, exorbitatque invento obice ad patranda symptomata, quæ videmus & in natura, & in certis artis operibus admiranda, conclusus paulatim repit, ac mira postremò edit incendia, ita quod penetrat, & non exhalat, primò aërem obvium, qui magis est alterabilis, in se convertit, mox terram, quam penetrat, & non aquas solum quas offendit, sed & saxa & cuniculos incendit omnes, maxime verò ubi naturali appetitu ad exitum trahitur, & per loca sulphure gravida, ubi fovetur & alitur, penetrat; Atque hoc pacto vires sibi ad extremum fervorem, quem in thermis videmus & sentimus, comparat, quod uti in omnibus hucusque recensitis thermarum fervoribus patuit, ita vel maxime in Hungariæ, Transylvaniæ thermis elucescit. Verùm cum hujusmodi variæ naturæ fontium miracula sequentibus Capitibus reservaverimus, iis non immorabimur. De aquis & lacubus calidis, & quæ arctoo frigore nunquam congelantur, videatur *Olaus Magnus*, qui eas exactè describit; De Islandiæ & Gronlandiæ thermis & ferventissimis aquis vide quæ suprâ uberrimè de Ignis Subterranei miris effectibus philosophati sumus; In Scotia, Anglia & Hybernia, lege si placet *Heliorum Boëtium*, *Buchananum*, uti & *P. Eusebium Norimbergum*, de *miraculosis naturæ effectibus Hyberniæ*; quæ cum multis falsitatibus involuta repererim, ea exponenda non duxi, sed ad ea me conferam quæ & nota sunt, & experimentis partim à me, partim ab aliis fide dignis doctisque Authoribus comprobata fuerunt.

§. V.

De Italia Fontibus Thermisque.

ITalia Alpibus clausa, & concatenatis Appennini jugis per medium juxta totam suam longitudinem divisa, nec non mari Supero & Infero vallata eum à natura situm obtinuit, quem nulla alia in Geocosmo similem; & quoniam natura tanto eam naturæ munimine cinxit, fieri non potest, quin unà eidem junxerit omnia, non ad humanæ vitæ sustentationem duntaxat necessaria, sed ad deliciarum ubertatem abundantissima subsidia; Inter quæ thermarum multitudo & varietas maxime sese spectandam præbet; quarum quidem numerus si exactè recensendus foret, nec charta sufficeret ad eas describendas, nec ingenium ad impenetrabiles earundem virtutes & proprietates, quæ in iis elucescunt, explicandas. Sola Hetruria 25 thermarum celeberrimarum gloria præter innumera medicamentorum fontium spectacula triumphat, quæ quoniam peculiari opere, quod *Iter Hetruscum* inscribitur, recensuimus, eas non repetimus. Sed primò ad eas me conferam enotandas, quæ in Transpadana Italia, nominis celebritate præcipuæ sunt; quarum in solo

solo Territorio Patavino sex numerantur; & sunt Balneum Aponotatum; Balneum Montis Orthoni; *S. Petri*; Domus novæ; *D. Bartholomæi*, & denique quod *S. Helena* vocant; quorum omnium naturam ordine paucis perstringam.

Balneum Aponotatum, Græcè Ἀπονότατον, eò quod sine dolore medeatur, non ab hodiernis tantum, sed & veteribus Scriptoribus, *Suetonio*, *Claudiano*, *Plinio*, celebratum, in media valle situm, quæ spectat Septentrionem, montibus cingitur, quæ urbem respicit Patavinam, vasta planitie circumdatur; assurgit collis crudo quasi pumice compactus, ex quo per lapideas veluti fistulas uberi perennique fluxu manat laudatissima illa aqua, Aponensium thermarum mater; De cuius mixtura fuerunt varia medicorum judicia: *Fallopianus* uti mille experimentorum modis scrutinium fontis aggressus, nihil non egit, quo in intimam hujus fontis miscellam pertingeret, ita meritò omnibus reliquis palmam eripuisse videtur, dum irrefragabili experimentorum notitia doctus, tandem statuit inesse aquis illis salem quidem ex prædominio, deinde lapidem calcarium (qui videlicet coctus vertitur in calcem) denique vaporem sulphureum, unde intulit, aquam calefacere in secundo gradu remisso; exsiccare itidem in secundo gradu, at intenso, quod ex Jathrica scientia contra *Savonarolam* ita comprobavit, ut de eo nullus amplius apud Medicos dubitandi locus relinquatur. Usus earundem quadruplici modo perficitur; potu videlicet, in sessione, embrocha, sive stillicidio & laconico, quibus omnes morbi ab inveterato frigore & humiditate originem ducentes curantur, excepta lue gallica; Verùm de morbis, quos curata aqua, vide elegantissimum *Claudiani* de ea elogium, ubi miras nonnullas harum aquarum proprietates adducit.

Ab Apono versus Occidentem progressi 150 passibus occurrit collis præalta, cui nomen *Orthoni*, ad cuius radices visitur ædes *Deiparæ* facta multis inclyta miraculis; in cuius vestibulo caverna visitur, intra quam per lateritiam scalam descensus patet. Hic manat purior unda, *Aqua Virginis* dicta nonnihil tepida, & mitissimo condita sale, solo potu mederi apta. Non procul ab *Aqua Virginis* aquæ ferventissimæ scaturigo cernitur, falsa & sulphurea ad sanandos intracutaneos morbos peridonea; Non procul hinc duo balnea cernuntur tepidis & medicatis vaporibus repleta, optimi ad emolliendos artus remedii: In lacuna autem illa ubi fervens aqua scatet, est lutum argillosum & pingue, cuius vis ea est, ut siccet, digerat, roboret, & dissolutas partes jungat, cave tamen, ne dum calidum est, affectæ parti admoveas, sed eam aqua illa prius calefactam frigidoque cœno oblitam Soli exponito, deinde usurpandum.

Ex Patavio per 12 miliarium planitiem digressis occurrit amoenissimus collis, ex cuius

visceribus ebulliunt ferventissimæ illæ aquæ, quæ ab ædícula, *Divo Petro* ibidem constructa consecrataque, nomen habet; copioso sale constant, & succo quodam Ochreæ haud absimili; moderatè calefaciunt, siccant & leniter roborant. Quatuor ab his miliaribus progressis, occurrit collis, qui ex Boreali parte ferventissimas aquas evomit, ex altera parte fontium medicatorum ibidem scaturientium frequentia celebris est, quos à nova domo à Carrariis Patavinæ Urbis Patriciis ibidem ædificata, *Therma domus novæ* vocantur, quæ tamen culturæ negligentia hodie quasi obsoletæ squalescunt. Ad 500 passus circiter hinc descendentes, occurrit Mons, quem ab ægrotorum frequentia illuc confluentium *Mons ægrotorum*, corruptè *Monte groti* dicitur; ex hoc monte *Thermæ* manant celeberrimæ, sulphure, sale & gypso compositæ, unde siccant vehementer, moderatè calefaciunt, cutis ulceribus potissimum conducentes. Ulterius procectis in convalle quadam arduis undique cincta collibus, à *D. Petri* balneo duobus millibus passuum diffita, occurrit Balneum *S. Bartholomæi* ab æde ejus honori consecrata sic dictum, omnium thermarum celeberrimum & frequentissimum, non quidem ratione aquæ, sed ob ferventissimum & bituminosum, cui illa supernatat, lutum, ad aruum nervorumque emolliendum rigorem ilitione peridoneum; fervorem hunc concipiunt ex igneo & bituminoso, quem inferni ignes exspirant, halitu. Duobus deinde hinc miliaribus visitur Sacellum *S. Helena* in colle dicatum, unde & balneum nomen habet; In quo præter venusta laconica & gemina stillicidia & fontem ferventis aquæ & medicatum lutum; aqua sulphureis referta vaporibus, habet præter salem, & sulfuris modicum, & nescio quid argillosum ad ochreæ colorem vergens; unde moderatè calefacit & siccant: lutum verò frige factum vi medicata privatur; Mirum in hoc quidpiam latet, & diversum à luto Balnei *S. Bartholomæi* quod hoc potenter exsiccat, illud verò emolliat.

Atque ex hac Thermarum multitudine, quæ in Agro Patavino elucescit, luculenter patet, totum hunc tractum subterraneis ignibus, & consequenter omni mineralium genere refertum esse, quæ venas suas in circumvicinas regiones longè lateque diffundat; In Agro siquidem Veronensi, decimo Patavio lapide diffito, statim *Thermæ* occurrunt *Calderianæ*, quibus Medici non tantum ad potum in sessionemque; sed & ad usus varios, quin & ad coquenda pro ægris cibaria, & ad vinum diluendum utuntur; mixtura ejus constat rubrica synopica cum modico salis & sulfuris. Correspondent hisce per subterraneos cuniculos in Cispadana Regione *Thermæ Aquaritanæ*; *Regienfes*; scaturit ex Mutinensi Agro ad Aquarium *Regionis*

gionis urbis pagum; peritiorum medicorum
judicio sale, nitro & calce marmoreo constat,
cujus hæc mira vis est, quod extra fontem
centum annorum spacio incorrupta perseve-
ret; unde non solum per Italiæ vicinas Pro-
vincias, sed & in Galliam, Hispaniam trans-
feratur; omnes, quos Aponitana usus habet.
Huic proximè correspondet in Flaminia Bal-
neum *D. Maria* tribus distinctum thermis;
Dominatorum videlicet, Medii & Turris, qua-
rum aquæ omnes sal habent lucidissimum &
gemmeum cum portione nitri, vaporibus ad
hæc sulphureis & calce marmorea tingitur.
Hisce vicinæ sunt aliæ Thermæ *S. Martini*,
S. Christophori & *Meldula*; de quibus lege
Fallopium, aliosque.

Therma Hetruria.

IN nulla Italiæ Regione copiosiores ther-
mas me reperisse memini, quam in Hetruria;
quas si quis ad numerum revocare vellet,
is facile ad 50 earum excurreret; verum cum
eas ordine in nostro opere, quod *Iter Hetruf-
cum* inscribitur, exposuerimus, hic eas non
repetendas duxi. Sunt enim imprimis, quas
fundit, Thermæ Territorii Lucensis, Pisto-
riensis, Pisani, Volaterrani, Viterbiensis,
Braccianensis; quorum unumquodque ite-
rum in diversas & multiplices alias thermas
dividitur, quas unico intuitu sequenti Ta-
bula exhibemus; Virtutes & proprietates, si-
tum, mixturam uniuscujusque videat Lector
in citato nostro opere de Hetruria.

Tabula Thermas Hetruriæ continens.

Hetruria Thermas continet.	} in Agro	<i>Lucensi.</i>	{ Florentiolæ. Malapetræ. Corfenas. De Ducciis. S. Joannis. Villenses.
		<i>Pisano.</i>	{ Bal. Regina. S. Juliani. De Aquis.
		<i>Volaterrano.</i>	{ Bagno al morto. Balneum casei cocti. Ducciæ. Balneum Planitici. S. Michaëlis. Cum diversis aquarum generibus.
		<i>Senensi.</i>	{ Thermæ S. Philippi. Thermæ S. Cassiani, & in decem fontes distribuuntur. Aquæ Borræ. Balneum de Avenione. Bagno bello. Balneum Clusinum. Bal. Russellanum. Bal. Rapolanum. Bal. Saturnium. Bal. Montis Alceti.
		<i>Viterbiensi.</i>	{ Bullicamum. Bassetum. Cruciatum. De Palatiis. Jasellinum. Castrense. Balneoregium. Ad Lacum Vadimonis.
		<i>Braccianensi.</i>	{ Vicarellum. De Styliano. Cere veteris. Centum cellarum. Et complura ad maritimam oram. Nepefinum.

§. VII.

Therma Campanie.

Hetruria Campaniæ per subterraneas minas colludens, innumera Aquarum medicatarum Thermarumque genera producit, in Agro potissimum Puteolano, Bajano, & vicinis Insulis Ischia & Procyta, quæ eandem toto eo tractu Terrarum originem ac subjectam habent, tum à sulphurea Puteolis, tum à Vesuvio Neapoli, *Vulcani* officinis terrarum combustarum cinerumque naturam; quarum nonnullæ non acres tantum sunt & injucundæ, sed blandissimæ ex ipsis cineribus exiliunt jam extinctis, uti modò, ita olim celeberrimæ; Aliquæ in quibus nonnulla viget acrimonia, ætissima in potibus ad multas infirmitates, abstersoriæ nimirum facultatis, & vel nitrosæ sunt, vel falsæ.

Ciceroniæ aquæ olim, modò *Balneo del prato* dictæ, in Bajanis sitæ sunt, de quibus *Plinius* sic ait: *Digna memori villa est ab Averno lacu Puteolos tendentibus imposita littori, porticu ac nemore celebrata, quam & M. Cicero Academicam vocabat; in qua post obitum ipsius Antistio Vetere possidente fontes eruperunt calidi, quos oculis perquam salubres eleganti Epigrammate à Laurina Tullio ejus libero fuisse celebratos: Hodie eadem virtute pollent, & præstantissimum collyrium sunt, ex Cadmia cujus tinguntur virtute, constant.*

Sunt & hoc loco, vetustate tamen fere obsoleta, Balnea alia Solis, Lunæ alia, alia Imperatoria, à vetusta superstitione sic dicta, sulphure & ferro constant. Hinc milliaribus tribus progressis sub Promontorio Miseno occurrit celeberrimum Cantorelli Balneum, ob miros effectus, quos in spiculis ferreis extrahendis præstat, magnetis tincturâ infici perperam opinantur, uti in *Arte Magnetica nostra* sat, proprio experimento docti, innuimus. Huic proximum in Luculano Agro ad Cryptam Pausilippi, duo fontes magnæ virtutis emanant à dextris limpidissimus; à sinistris lactei coloris, cujus aquæ hyeme tepescunt, æstate frigidæ sunt, cujus rationem jam supra exposuimus, ex calcis, sulphuris & ferri mistura constat, uti ex montis ferrugineis glebis saxisque constat. In hoc eodem Bajano sinu ad *S. Maria* Monasterium balneum Petreoli, & aliud, quod *Culmam* vocant, ejusdem naturæ, occurrit, destersoria virtute constant. Dum Anno 1638 hunc tractum examinarem, equidem miratus sum, fontium medicatorum in hoc tractu ebullientium copiam & varietatem, cum vix centum passus conficias, quibus non novus aliquis fons aut lacuna differentis virtutis occurrat. Vidi hîc fontem, quem *Gillerosi* vocant, renibus purgandis opportunum: Proximæ sunt aquæ, quas *Bracchinas* vocant, sulphureo-nitrosæ naturæ; *S. Georgii* thermæ, quæ totæ nitro constant: Alia pugilli nun-

cupata hemoroidum fluori peridonea, constringentis facultatis; Alia Succellaria ad margines Avernæ lacus emanans, diluta visitur, subalba & sapore, urinas, calculo tum renum, tum vesicæ pellendo proprii; Hisce jungitur Juncana propè Cryptam, eò quod inter juncos ebulliat, potu sumpta pinguefacit, Venerem in frigidis excitat. Sunt & in hoc districtu aliæ fontanales; *De petra*, & quam *Plagam* appellant, Balneolum potissimum ob vim corroborativam Neapolitanis in pretio est. Ad Monasterium *S. Anastasie* vel exigua scrobe effossa; aqua limpidissima exilit, tum potu grata, tum viribus medicatis plurimum pollens; adeoque scatet totus hic Bajanus tractus aquis, adeoque salubribus, ut non immeritò *Horatius*, de iis cecinerit:

Nullus in Orbe locus Bajis pralucet amenis.

Emanat hîc, dicit *Plinius*, benignè passimque in plurimis terris medicatæ aquæ, nullam tamen largius, ac pluribus auxiliandis generibus, quam in Bajano sinu; aliæ sulphuris, aliæ bituminis, aliæ salis, aliæ nitri, aliæ aluminis, nonnullæ item acidâ variâque misturâ, & vapore quoque ipso aliquæ proficientes; quibus incomparabilis locorum accessit amenitas, quam admiratus olim *Martialis* sic ad *Flaccum* scribit.

Littus beata Venetis aurum Bajas

Bajas superba blanda dona natura

Ut mille laudem Flacce Bajas

Laudabo dignè, non satis tamen Bajas.

Veruntamen, quæ est rerum humanarum inconstantia & vicissitudo, eorum pleraque in præcedentis seculi Puteolani territorii incendio, cineribus obruta & submersa fluere desierunt; quæ verò ex tanta clade remanserunt, hodiè utilissima frequentantur, cujusmodi sunt, quas recensuimus. Plena itaque omnia hujus Agri loca ebullientium fontium thermarumque scaturiginibus, ita vel in ipsa *Cumana Sybilla* crypta, natura thermalem produxerit aquam humanæ infirmitati medicatricem: Plena quoque omnia ignibus sunt, uti Phlægræi Campi, seu Forum *Vulcani*, quod supra descripsimus, abundè testantur; ut proinde hisce locis mirificum aquæ & ignis conjugium Paranymphea Natura, suprema omnium opifex mens constituisse videatur. Ab his porro per subterraneas cuniculorum ambages vicinæ Insulæ Ischia & Procyta, quas junctas in unum olim, & *Ænariam* vocabant, tantam aquarum diversissimarum igniumque foeturam conceperunt, ut vix sit in iis locus, qui hisce non abundet; Verùm qui plura de hisce desiderat, is consulat *Scipionem*, *Mazellam*, *Pighium*, aliosque horum locorum Descriptores: Nos quæ vidimus, & exploravimus, ea tantum hîc adducere visum fuit.

Therma Sicilia & Liparitana.

Ingens
Therma-
rum cete-
rarumque
medicata-
rum aqua-
rum in Si-
cilia copia
& varietas.

Non dicam hoc loco de Thermis & Fontibus medicatis, quæ in reliqua Regni Neapolitani maritima ora passim magno numero in Calabria occurrunt, sed in Siciliam calamum convertam, in quo, quas natura alibi sparsim ostendit divitias, eas in hac Insula veluti in parvam quandam epitomen contraxisse videtur, à qua exempla differentiarum cunctarumque alterationum in aquis medicatis elucescentium merito petendæ sunt, verum *Vulcani* Regnum, ubi ignis manifestè se prodit natura, ejusque effectus, quæ sunt flamma, vapor, combustio, fumus; ignis materia sulphur, gleba pinguis, cinis, pumex, lichanthrax, bitumen, sal, vitriolum, omnis generis metalla; Unde ob materiam varietatem mirè variantium ignium operationes, innumera undique exoriuntur sudatoria, aquæ calidæ, tepidæ, frigidæ, falsæ, acidæ, albæ, nigrae, sanguineæ, unctuosæ, bituminosæ, putridæ; quæ non venas solum præbent, sed & integra flumina, lacus, fontes, balnea profundunt: Nec alicui mirum hoc esse debet; qui enim immensam vim *Ætnæ* nōrit, is quoque omnium horum causam & originem facillè asseruerit; hujus enim potestas per transversos quacunquē pyragogos canales ex intimis barathris diffusa, in totam insulæ periodum perpetuis vaporum fumis sæviens, pro eo caloris gradum, quem continent, vel è specubus æstuant, sudatoria efficiunt; vel ubi aquis obversantur, eas malterant, tincturisque suis tot faciunt thermarum genera, quot aliàs forsitan non reperiuntur in toto Orbe Terrarum.

Thermæ
Selenuntinae.

Mons
S. Caloceri
varietate
aquarum
vaporum-
que mira-
bilis.

Antrum
montis
stupen-
dum.

Inter cæteras, celebres sunt illæ Thermæ, quas in Selenuntinae Urbis æliquis, hodiè *Sciaccia* vocatur, producit, varietate admirabili; Siquidem in medio altissimi montis *S. Calocero* dicati, varii hinc inde specuum labyrinthi occurrunt; quorum alii rectis, transversis alii cuniculis patent; Alii in imum Terræ Tartarum profundissimam voragine porriguntur; qui semper horrendo ac formidabili fragore retonant; sive ob inclusam ignis latentis multitudinem, sive ob ventorum hinc inde currentium inclementiam, sive ob undarum maris in cuniculos montis magnam vi agitatarum impulsu, certè tonitruum fragoribus hand absimiles constitutis temporibus edit; res horrenda nulli non metum incutiens. Antrum inter cæteros est vastum, in cujus medio puteus profunditatis immensæ, & visu ad imum tenebrosus & horridus, hic calentibus hinc inde pluribus scaret venis, quæ ex diversarum cavernarum canalibus relabuntur, ac vapores simul emittit, qui ad supremam antri concamerationem salubres excitant intransibiles sudationes. Visuntur & in hunc diem in saxo vivo à Veteribus ab immemorabili tempore incisa sedilia, variis exornata inscriptionibus, quæ tamen uti tem-

porum injuriis exesæ sunt, ita omnem spem penetrandi curiosis eripiunt: Sunt & in hoc Antro syphones, sive artis, sive naturæ industriæ, nescio, facti, calidis referti vaporibus, ad quos ii, qui capitis intemperie, aurium tinnitu, ac surditate laborant, auribus applicatis exiguo tempore ab infirmitatibus liberantur; nervis quoque corroborandis profunt; unde insigni infirmorum illuc magno numero, præsertim in festo *S. Caloceri* confluentium emolumento visitantur, Xenodochio publicis sumptibus in eum finem illic exstructo. In planitie hujus montis alia mox exsurgunt thermarum genera, & inter cæteras aqua limpidissima, miræ ad laxandum alvum virtutis, quam qui non cognitam biberit, is utique magnis se ad spectantium ludibriis exponet, cui operatio aded à poratione subitanea sit, ut vix tempus & locus se honestè subducendi detur; Unde indigenæ nugatores ridiculum cum exteris dolosa inductione ad bibendum inductis sæpenumero exhibent spectaculum.

Aqua mi-
rificè la-
xans al-
vum.

Non desunt ad *Ætnæ* radices Thermarum copiae, quæ tamen ex tanto numero meliorum non curantur. Siraculis nobilissimas fuisse, lacus *Pisum* è *Cianon*, quorum hunc cum Luna decrementum incrementumque pati, *Mirabella* docet. Catanae quoque duas olim magno columnarum apparatu thermas celebres fuisse, *Petrus Carrera* in Catanae descriptione demonstrat: Catana Panorum terrestri itinere petentibus è latere occurrit oppidum, quod *Mineo* vulgò vocant, in cujus planitie celeberrimus ille ab Antiquis memoratus Scriptoribus Palicorum lacus paulò intra mediterranea occurrit, immensæ profunditatis, occulto cum *Ætnæ* responso, aquis ad tres cubitus in altum asurgentibus veluti colludere videtur; flatibus in eas tum à mari vicino, tum ab *Ætna* incumbenibus, sulphureas sunt, ac cinereas, easdem quas *Ætna* infectiones habet, incendii, sulphuris, cineris ac putoris, unde halitus mittunt non avibus tantum lethiferos, sed & hominibus periculosos, cum non secus ac *Ætna* flammarum quoque globos ejaculentur; de quibus sic *Ovidius* & *Metam.*

Syracusa
quæ ther-
mæ.

Catana
quæ.

Palicio-
rum lacus,
propè
Mineum,
Naphia
vulgò di-
ctum.

*Perque lacus altos, & olentia sulphure fertur
Stagna Palicorum rupta ferventia terra;*

Hodie à Mephiti, quam expirant, Naphia; ab incolis *Naphia* nominantur, & cum tribus fontibus scateant, hi ramen labra stagni non excedunt, haud dubiè per subterraneos meatus alibi sese exonerantes, uti supra de lacuum proprietate ostendimus; Hujusmodi lacus quoque Agrigentum inter & Bivoniam cernitur inexplorabilis profunditatis, qui Sulphureas undas ex origine sua ad tres cubitos in altum summa intuentium admiratione ejaculatur. Rursus in Peloro ad fretum Mamertinum, tres lacus occurrunt, veterum superstitione celebres, à quibus non procul distant Thermae Urbis, ex Hymeræ Urbis vetu-

Lacus
Agrigenti-
nus.

In Peloro
ad fretum
Siculum.

verustissimæ ruinis, *Cicerone & Plinio* testibus conditæ, balnea, tum ad delicias, tum ad morbos profligandos peridonea; ad Ennam quoque, quæ hodiè *Castrum Ioannis* dicitur, lacunæ comparent, *Proserpina* raptu celebres, quam Poëtæ fingunt hoc loco inferos petisse, voragine post se relicta, foetidissimis putridissimisque aquis refertâ. Sunt & in Panormitana Dioecesi aquæ natura sulphuræ & ferventissimæ; usu in balneis, nec minus in sudationibus famâ celebres. Drepanum quæ olim Segesta dicebatur, ad radicem montis Ericis diversis pariter uti metallorum, ita aquarum diuersitate scatet, quæ licet calidissimæ sint & sulphuræ, quia tamen salis tuniculum non transeunt, ubi refrixerint, *Strabone* teste, fiunt potabiles: Hodieque durant tria balnea, quorum prius calidum, alterum calidius, tertium calidissimum est; sub quibus, uti refert *Fazelus*, ad iactum fundæ ingens lacus sulphureus est, qui subitanea eructatione æstuosus, *Herbesus Solino*, incolis hodiè *Gurgus* dicitur.

Tempus me deficeret, si omnes lacus, fontes, flumina, charonticas scrobes, lacunasque sulphuræas in mediterraneis Sicilia locis recensere attentarem; Sed hæc Lectori, quæ egomet vidi, dicta sufficiant.

Liparitanæ sive Vulcaniæ aut Æoliæ Insulæ ita scatent thermis, ut vix locum relinquant aquæ potabili, quæ medicatis fontibus quæ ignibus foetæ. Verum cum de iis in præcedentibus dixerimus, nolo iis immorari.

Africanæ inter & Siciliam Insula interjicitur Pantalaria nomine, solo quocunque incedas, arido est, rubro & calido, ut vix nudis pedibus ambulantibus toleretur; quæ utique ex imis æstuariorum, quæ Vulcanicis officinis Ætneis & Liparitanis per subterraneos tuniculos correspondent, originem trahit; & ex specubus montium patet, qui aquis & vaporosis flatibus exagitati, jugi intus perpetuoque sonitu fremere sentiuntur; Summum in ea naturæ prodigium, *Fazelo* teste, cernitur; cum enim terra nimio ardore sitibunda aquæ dulcis supinam penuriam patitur; miro sane naturæ consilio hisce incommodis provisum est. Est in medio Insulæ ingens antrum horridis undique & undique saxis concameratum; In hujus antri umbilico immensæ profunditatis vorago comperitur, ex qua perpetui exsurgentes halituum vaporumque fumi, in vasto fornice condensati in dulcis aquæ latices resolvuntur, tanta copia & multitudo, ut ea inde intra siphones partim arte partim naturâ factos extra corrivata, toti Insulæ ad potum, aliorumque usum abundè sufficiat.

§. IX.

De Asia, Africa, America Thermis.

Totum Geocosmum æstuariis abundare, Libro IV. ostensum fuit, cujus verita-

tem rei inductione Vulcaniorum montium, qui circa universam Telluris superficiem passim in nulla non Regione visuntur, demonstravimus, montes etiam in charta Geographica ordine exhibuimus, unde metallorum mineraliumque copiam consequi necesse est, cum verò ibidem hydrophylaciorum in maximis montibus lebetes descriperimus, hinc necessaria quoque sequela aquas vaporibus igneis calefactas, & virtute mineralium nullibi non latentium tinctas thermarum, sudatoriorum fontiumque medicatorum ubertatem suppeditare collegimus, cum natura semper idem ubique agat; ad eandem amussim omnes naturalium rerum effectus disponat. Hisce præmissis

Dico, eandem, quam in Europa vidimus, Thermarum fontiumque mineralium abundantiam in cæteris Orbis Terræ partibus existere, idque ei solummodò dubium esse posset, qui miras Naturæ leges ignoraverit; Sed nè gratis tantum hæc dixisse videamur, jam nonnullas earum, tum ex Historicorum monumentis, tum variorum, qui Orbem Terrarum studiosè perlustrarunt, relatione commemorabimus.

Asia major & minor una cum Græcia, quam comprehendit, adeo plena thermis & fontium miraculis scatet, ut integro opus foret Tomo ad eas omnes describendas; legat, qui volet, *Aristotelem de admirandis, Plinium, Solinum, Theophrastum, Elianum*, innumerosque alios; Consulat prætereà *Pauli Marci Veneti Itinerarium*, qui passim earum in Tartaria, cæterisque Regionibus meminit; *Hairthon* quoque Armenus de Thermis ad Mare Caspium; de Perside, *Itineraria variorum*, qui plenam totam admirandis aquarum fontibus esse exponunt. *Annales Societatis Jesu de rebus Indicis* eas passim commemorant, & inter cæteros exactissimè *P. Martinus Martinus* in eximio suo opere, quod *Atlantem Sinicum* inscripsit. Japonia calidissimis aquis perpetuo, teste *Aloysio Froës*, fervet. Insulæ Philippinæ ita iis scatent, ut vix ex undecim millibus, quæ in isto Archipelago numerantur, Insularum una occurrat, quæ non aliquid singulare & admirandum in aquis producat. Africa ad littora potissimum innumeris medicatis aquis abundat. Non dicam hîc de Americæ provinciis, quæ aded iis referta est, ut quem admodum Historici narrant, non tantum mediterraneæ Regioni, ingentem eorum copiam suppeditent, sed & in nonnullis locis ex altissimis rupibus ferventissimas fluminum adinstar effundat; & si alicubi exitum non invenient, per ipsum maris fundum, in extirnam maris superficiem magno impetu, omnes mirificis pollentes virtutibus profundant. Sileo hîc Mexicani Regni thermas frequentissimas, tum ad deliciarum, tum ad morborum medelam à benigna natura institutas. Dies me deficeret, si, quæ in Quatomata, Peru, Chili, Quato, Cusco, Potosi

Ubi montes Vulcanii, ibidem aquas medicatas esse necesse est.

Græcia, plena thermis.

Asia, China, Japonia thermis abundat. Insulæ Philippinæ scatent thermis.

In Americæ thermarum multitudo.

Mexicanus ager.

naturæ in aquis miracula spectantur, describere attentarem. Sit itaque hæc Regula Catholica: Ubicunque Vulcaniæ officinæ cum metallicis fodinis reperiuntur, ibidem thermas veluti individuos earum comites abesse non posse; sed ubique Vulcanias officinas,

fulphureas fossas, nitrosos, salinos, aluminosos, vitriolatosque fontes reperiri in præcedentibus ostensum fuit. Rectè itaque inferimus, Thermas nullibi locorum, mirandæque facultatis fontes deesse. Sed hæc de Thermis sufficiant.

CAPUT II.

Unde medicata facultas Thermarum, contra tot ac tam differentes morbos, profluat.

Amicitia
ignis &
aquæ in
Subterra-
neis.

CUM in tota rerum naturalium contemplatione, nusquam mirabilior appareat Naturæ Majestas, quàm in mira aquarum varietate; certè omnibus modis demonstrandum est, quisnam sit opifex tantorum effectuum, quodnam magisterium, quo diversissima cæteroquin elementa & qualitatibus prorsus contraria, tanta tamen concordia, in calidis aquarum thermis, tanta harmonia uniantur, ut aqua humiditate sua igneam vim non extinguat, & ignis potentia vi sua omnium efficacissima contrarium humorem non offendant: Imò naturali quadam amicitia ambitione, ea pacis fœdera pangunt, quæ nulla potentia dissolvi posse videantur; ita ut ignis omnia per omnia activitate sua moveat; nutriat omnia per omnia aqua, sitque aded, juxta *Philosophi* effatum, prima vitæ participatio ex calore, ejusdem conservatio in humido. Quomodo itaque aqua calorem concipiat, in præcedentibus uberrimè dictum fuit, quomodo verò tantum virtutum admirabilium incrementum consequatur, quomodo & quo paranymphe virtutum diversissimarum confluxus tam arcto conjugio, tam exacta proportionem, tam præcisa mensura & symmetria attemperentur; altioris utique scrutinii est. Agedum, tentemus nonnihil, in quo si Lectori non undequaque satisfacisse videbimur, saltem quidpiam nos in re ardua tentasse, laudem merebimur.

Mirabilis
divinæ
Providentiæ
dispositio
ad hominum
bona ordinata.

Sapientissimus Conditor rerum DEUS OPT. MAX. uti omnia propter hominem produxit, ita quoque omnibus ad eum in perfecto sanitatis statu conservandum, mediis omnis generis instructum esse voluit: Hinc nil in rerum natura est, quod peculiari virtute medica non polleat; nil, quod non unam aliquam ex humani corporis partibus virtute sua respiciat, & mirifico quodam caractere id, ad quod fovendum conditum est, præ se ferat; imò veluti pondere quodam in id, cui naturali amicitia lege correspondet, feratur. Quoniam verò corporis humani constitutio plurimis sulphureis, nitrosis, salinis, vitriolatis & oleaginibus partibus constat, iisdem videlicet, quibus unumquodque mixtum; hinc fit, ut aqua thermarum calida, cui exactè commiscetur, usurpata, miros istos,

quos in infirmorum symptomatis miramur, salubres effectus præstet. Neque enim putes velim, omnes horum effectuum causas à primis semper qualitatibus dependere, sed ut plurimum à specificis rerum, quæ thermis miscentur viribus qualitatibusque, uti postea de aquarum prodigiosarum causis aperiemus. Sunt autem, quæ medicatis balneis plerumque perfecta unione miscentur, sal, nitrum, alumen, vitriolum, sulphur, bitumen, unà cum septem metallorum tincturis, quæ uti nescio quo magnetismo ad concreditas sibi humani corporis principales partes feruntur, ita illa quoque eà, de qua differimus, virtute mirifica beant, & in perfecto sanitatis statu conservant: Sed rem tandem ostendamus, initium facturi à medicatis aquis falsis.

Omnis terra falem participat ei proprium, ubi plus, ubi minus reperitur, & quales terræ reperiuntur, tales obtinent falsæ qualitatibus gradus ipsæ aquæ, unde fumosæ, siccæ, ponticæ, amaræ, acres, subamaræ; & ubi exactè tellus est falsa, exactè falsæ sunt; unde rarè fit in aquis ex quapiam minera aut metallo impressio, quæ & salis non participet qualitatem, hunc enim saporem omnis terra participat; unde rursus patet, vix aquam puram & simplicem reperiri, uti supra quoque docuimus, quæ non aliquid salis, etsi sub insensibili quantitate, contineat; graduum autem acredinis diversitas dependet à locis subterraneis, per quæ fluit; quæ si per mineras fale copioso refertas ierit, salissima; si per loca rariori fale foeta, minus falsa, si per glaream & sabulum fluxerit, deposita salis per transcolationem mole, insulsa egreditur. Cur verò calidæ aquæ falsugineæ falsiores sint reliquis, id accidit ex adustione; quæ fit ignis subterranei virtute, qua spiritibus evolantibus sal fixum restat, quo aquæ tantò redduntur falsiores, quanto perfectiori mistura cum aquis sal dilutum fuerit. Idem itaq; fit in falsugineis thermis à natura, quod in aquis fale dilutissimis arte paratis; quæ uti violenter exsiccant, calefaciunt minus, adstringunt, contrahunt, abstergunt, repurgant; quæ sunt salis propriæ facultates, ita cutim quoque abstergunt, omnemque excrementitiam ac putrescentem humiditatem coërcent. nimiamque corporis crassitiem cum

Sal uti
omnibus
rebus in-
est, ita
nullibi non
reperitur.

Sapores
nitri lippit-
tudine non
tentantur.

cum tempore attenuant. Quod itaque falsæ thermarum aquæ scabiosis, leprosis, elephanticis, maculosis, vitiliginosisque tantoperè conferant, id salis viribus ut plurimum adscribendum est, quod cum à natura mirabili misturæ symmetria & proportionē intra aquas digestum sit; hinc caloris aquæ inexistētis virtute per apertos poros penetrans, eos effectus præstat, quos miramur; & uti nulla corporis nostri particula est, quæ non salinis corpusculis constet, quæ si vel præternaturali calore aduratur, vel aliunde ex humorum corruptione perniciosas qualitates acquisiverit, fit, ut intra calida salis balnea, ea naturali quodam appetitu sui similibus particulis, extrâ aquæ vehiculo introductis, attractæ, corpus à molesto hospite per corruptæ putredinis vitiosque humoris intercutanei evacuationem, liberent. Cur verò lienosis & hypochondriacis, cæterisque morbis, qui à flatibus originem trahunt, tantopere proficit, eo, qui sequitur modo, fit. Corpuscula salina unâ cum aqua calida, cui miscentur, per poros introducta & calore attenuata, universum mox corpus sua subtilitate pervadunt, obstructas ad lienem, intestina, uterum, cæteraque membra, semitas acredine sua recludunt, ubicunque sui similia corpuscula humorum vitio depravata offenderint, illa attractu quodam in se derivant, & unâ tandem quæ pollent absterfiva virtute, membra emolliunt, ad solitas functiones apta reddunt, fæces verò obstructionum causas, unâ secum per exoneratoria naturæ ostia, subducunt. Hinc patet, cur nonnullæ thermæ sterilibus fecunditatem conferant; quia salina corpuscula aquis immixta humorum vitiosorum in uterinis morbis colluviem virtute sua exsiccant, discutunt, abstergunt, vias occlusas aperiunt; quibus præstitis fecunditatem, si naturalis uteri defectus non obstiterit, consequi necesse est: Atque hoc pacto medicæ thermarum falsarum vires in dictorum profligatione morborum operantur.

Intercutaneis morbis cur tantopere proficit.

Cur & hypochondriacis.

Nitrosarum Thermarum vires.

Nitrosæ thermæ in paucis à salis facultatibus discrepant: Calefaciunt enim, extenuant, digerunt, detergunt, mordent, spissant, ficcant, exulcerant, ob efficaciam qua majori quàm salinæ pollent, falsis etiam amariore sunt, & ob ætria, subtilia, & spiritosa nitri corpuscula, quæ aquis miscentur, incidunt, & multò potentius, quàm falsæ attenuant; unde viscidos humores educunt, alvum laxant, cient urinas, sudores provocant, renes mundant, arenulas pellunt, calculum frangunt; quidquid enim in corpore nitrosarum facium impuritate magna & malignantis qualitatē repererint, id tanquam sibi simile attractu quodam unitum acrimonia sua, omni phlegmate & visciditate consumpta dissolvunt. Nescio tamen, quem additum ad oculorum vitia & lippitudinem con-

sensum habeant; siquidem longa experientia observatum fuit, in nitrosis fodinis, nullum aut lippitudinem, aut oculorum vitio tentari, quod haud dubiè summæ ejus subtilitati & incisivæ facultati, quæ omnia detergit, adscribendum est: Unde apud Medicos nitrum semper collyrium habitum fuit ex paucis præstantissimum. Vide, quæ in sequenti Libro fusius de natura & proprietate producimus.

Aluminosæ thermæ, præter eas facultates, quas cum nitrosis & salinis communes habent, adstrictoria potissimum virtute polent; Unde corporis partes, quas tenuitate sua exonerant excrementis, eisdem firmant, redduntque magis robustas; sanguinis fluxum quacunque de causa provenientem cohibent; Gonorrhææ fluxum sistunt; urinæ ardores mitigant; vesicæ ac ureterum obstructionem tollunt, relaxatam renum vim retentivam corroborant, & innumeros alios effectus pariunt, magno infirmorum adjumento: Cujus quidem rei ratio alia non potest esse, quàm vis quædam, quæ uti misturam salis & nitri participat, ita multò efficacius, quàm prædicta, operatur; ex aquæ siquidem prædominio habent, quod refrigerent, ex acrimonia ignea verò quod mediocriter exsiccent, & adstringant.

Thermæ aluminosæ earumque vires.

Thermæ vitriolatæ sive atramentosæ, Græcè καλκάνθησαι, à Calcantho, quasi diceres æris florem, ac superficiarium materiæ æneæ recrementum; uti itaque ex ære originem suam habent, ita solum in iis locis, quæ fodinis æneis scatent, producitur. Unde thermæ, quæ per hujusmodi vitriolatas fluunt, virtutem participant vitriolo propriam, quæ est juncta vehementi adstrictioni cum insigni calefaciendi virtute, nec minus exsiccant, constipant, contrahunt, rodunt; unde nisi aptè temperentur, potius non tantum inutiles, sed & periculosæ sunt; utilissimæ tamen in balneis aut embrochis sunt, iisdem morbis sanandis idoneæ, quibus aluminosæ, nitrosæ, & salinæ, cum superaddito tamen quodam, quod promptius penetrent, & abstergant; unde vix acidulæ reperiuntur, quæ ex vitriolo aliquid non participant, non quidem quoad eorum esse sensibile, sed quoad spiritosam vaporosamque substantiam, qua subtiliter & perfectè tinguntur. Atque hæ sunt quatuor salinorum corporum species, quæ non mixtæ, & singulæ per se operantes eosdem quidem effectus præstant in iis, quibus miscentur aquis, solummodò diversis intensiōis gradibus, & à vitriolo quoque accedente ea facultate æri propria, differentes. Comixtæ tamen inter se toto cœlo differentes obtinent effectus, quos si ad combinatoriæ artis regulas revocamus, eos viginti quatuor diversissimos effectus obtinere comperiemus.

Thermæ vitriolatæ.

Com-

Combinatio mixturæ quatuor salinorum corporum, Salis, Nitri, Aluminis, Vitrioli.

Prædominans	Sal, fali Sal, nitro Sal, alumini Sal, vitriolo Sal, nitro, alumini Sal, nitro, alumini, vitriolo	Mixtum calid. hum.	ficcatur. ficcatur, attenuatur. ficcatur, penetratur. ficcatur, attenuatur, incidit. ficcatur, attenuatur, penetratur. ficcatur, attenuatur, penetratur, incidit, calefacit.
Prædominans	Nitrum, nitro Nitrum, fali Nitrum, alumini Nitrum, vitriolo Nitrum, fali, alumini Nitrum, fali, alumini, vitriolo	Mixtum ficcum calid.	attenuatur, dissipatur. attenuatur, ficcatur. attenuatur, penetratur. attenuatur, incidit. attenuatur, ficcatur, penetratur. attenuatur, penetratur, ficcatur, incidit.
Prædominans	Alumen, alumini Alumen, fali Alumen, nitro Alumen, vitriolo Alumen, fali, nitro Alumen, fali, nitro, vitriolo	Mixtum ficcum frig.	penetratur, densatur. penetratur, ficcatur. penetratur, attenuatur. penetratur, incidit. penetratur, ficcatur, attenuatur. penetratur, ficcatur, attenuatur, incidit.
Prædominans	Vitriolum, vitriolo Vitriolum, fali Vitriolum, nitro Vitriolum, alumini Vitriolum, fali, nitro Vitriolum, fali, nitro, alumini	Mixtum hum. frig.	incidit, calefacit. incidit, ficcatur. incidit, attenuatur. incidit, penetratur. incidit, ficcatur, attenuatur. incidit, ficcatur, attenuatur, penetratur.

Non posuimus hic omnes qualitates, quæ singulis ex his quatuor competere possunt, sed primigenias tantum & prædominantes; quod si singulas unicuique proprias hic apponere vellemus, combinatio merito in infinitum cresceret: Cum enim singula ut plurimum quadruplici qualitatibus dote à natura instructa sint, 12 in 24 ducta, dabunt 288 differentes mixturas, & consequenter differentes effectuum species; hæc si in quatuor primarum qualitatibus gradus duxero, prodibunt 1152 uti mixturæ, ita differentes effectus; ut proinde diversas salium, nitrorum, aluminum, vitriolorum species fileam, quæ si intra se combinare attentarem, res propemodum in infinitum abiret; quis autem si bitumen, sulphur, & reliquæ metallicæ mineraliumque species accederent, combinationem rerum sufficientibus verbis describet? Vide quæ de hisce in nostra *Arte combinatoria* sufficimè docuimus.

CONSECTARIUM I.

Ex hisce patet, nullam aquam medicatam dari posse, quæ non differentem ab alia mineralium, metallorumque mixturam, & consequenter diversas proprietatum rationes fortitur; Habent enim sese hæc mixturæ non aliter, ac numeri, quibus vel unitas addita, numerum essentialiter mutat, ut docet l. 4.

Metaph. ad quas etsi sensus pertingere non queat, in occultis tamen earum thalamis miræ naturæ sagacitate mixtas latere, ipsa ratio à priori, à posteriori experientia docet; ut proinde miram divinæ sapientiæ in rerum naturalium dispositione providentiam satis admirari non possumus, dum admirabile illud diversissimarum rerum in unum conspirantium conjugium propius intuemur, ea temperie, proportionem, symmetria & mensura quadam harmonica ita disposita, ut in usu earum infallibilem consequatur effectum infirma & morbosa mortalium conditio. Merito autem hoc loco quæri posset, quomodo confusanea hæc tantarum specie differentium rerum miscella in aquas sine confusione operetur; quomodo vires suas in infirmorum corporibus exerat? Ad hæc paucis respondeo: Cum DEUS & natura nil frustra agat, illiusque opera ex intentione optima & perfectissima sint omnia, certè necessaria ei fuit mira quædam attemperatio, ne unum alterius vires retardaret aut infringeret; sed unanimi quadam conspiratione medicinales humano generi, propter quod conditæ erant, conservando, consentaneos necessariosque effectus intenderent. Hinc factum est, ut sicuti singulæ dictarum rerum mixtarum species singula humani corporis membra respiciunt, & magnetico quodam, sympathicoque ad ea affectu

fectu feruntur, trahunturque ita intus potu, vel exterius sessione, lotionem, illutationem embrochaque, sive stillicidio sumptæ dictarum aquarum singulæ species ad istiusmodi membrum confluunt, quod amico naturæ affectu respiciunt: Et quoniam salinæ species subtilissimis spiritibus refertæ sunt, iis natura veluti prodromis quibusdam utitur, tum ad aperiendas portas, obstructasque semitas extergendas, tum ad præparandam, dirigendam, maturandamque humorum congeriem; sulphureis spiritibus veluti Tetrarchis in aquis calore suo omnia moderantibus animantibusque; sequuntur tandem optimarum introitus, qui sunt metallicorum corporum spiritosæ substantiæ, quarum unaquæque statim naturalem sibi stationem mansionemque petit; & aurea quidem veluti regis cumulatâ virtutibus, metropolitanam cordis sedem præ aliis occupant, confortantque; Ænea & quæ multo sulphure constant ad pectoris arcem pulmonumque stationem confluunt; Ferrea ad lienis hypochondriorumque officinam ad purgandam melancholicam faciem, properant. Plumbea, stannea, & nitroso-salsa substantia pollentia ad sanguinificam Microcosmi culinam, jecur corroborandam, & ad phlegma hydropicum expurgandum exsic candumque se accingunt. Sulphurea, bituminosa & nitrosæ substantiæ ad intestina dejectoria sua facultate laxanda concurrunt. Lapideæ substantiæ miscella ad renes vesicamque sublevandam suas egregiè peragit partes. Alia incisiva & resolutiva sua facultate cerebri nervorumque morbis, paralyti, tetano, tremori, opisthono, apoplexiæ per embrochen conveniunt.

Vides igitur, naturam idem multiplicitate specierum in aquis commistarum facere, quod in perfecta Democratici status administratione fieri assolet, dum unusquisque officium sibi commissum in hoc vel illo loco, in hac vel illa officii conditione, meliori, quo fieri potest, modo peragit, omnes tamen in eundem semper scopum collimantes, quod in hoc est bonum commune, & unica Reipublicæ salus, in illo perfecta Microcosmicæ Oeconomix sanitas, temperiesque humorum.

CONSECTARIUM II.

Ex hoc patet, ferè plerosque, non primis qualitatibus formis (quarum solum officium est, calefacere, siccare, humectare, frigidificare) sed & specificis mineralium proprietatibus à tota substantiæ similitudine promanantibus, viros, quos subindè in infirmorum cura præstare videmus, effectus producant: quæ quidem specifica proprietas nil aliud est, quàm sympathia quædam, & occultus naturæ consensus, quo una in hoc potius, quàm in aliud humani corporis membrum, virtutem suam exerit, quemadmodum in sequentibus uberrimè ostendemus.

Vides itaque Lector, quomodo medicæ facultates in thermis operantur, & qua virtute enarratos effectus perficiant; quibus quidem peractis, nihil amplius restat, nisi ut jam interiora naturæ penetralia paulo altius subeamus; omnique studio & diligentia examinemus, undenam sint, & quibus de causis nascantur admiranda illa prodigia, quæ in nonnullis fontibus, magna Philosophorum admiratione, elucescunt.

SECTIO IV.

DISQUISITIO

DE MIRACULIS AQUARUM,

Et prodigiosa quorundam Fontium natura
& proprietate.

PRÆFATIO.

SI in ullo naturali mixto naturæ elucescit majestas, certè illam in aqueo Regno solum posuisse, ille solus nescire poterit, qui ea nusquam intuitus fuit; unde *Plinius* prodigia huiusmodi penè humana fide superiora suspiciens, legentium quasi gratiam vel fidem præoccupans: *Si quis, inquit, fide carere ex his aliqua arbitratur, discat in nulla parte majora esse miracula*; Quorum quidem nonnulla ad calores, sapores, odores, gravitatem, levitatem, spissitudinem revocantur; quædam mirificam medendi vim, quædam lethiferam continent: Non desunt, quæ metamorphotica quadam virtute omnia in saxum, ferrum, cuprum convertant, canitiem accelerent, divinatoria vi polleant: Alia ad Lunæ ortum marinos æmulantur æstus; alia miris proprietatibus pollent: De quibus singulis ordine acturi, quantum fieri potest, & ingenii nostri imbecillitas permittit, causas eorum rimari conabimur.

Mm

CA.

CAPUT I.


De Colore, Sapore, Odore, Mephiti in nonnullis fontibus
thermisque elucescentibus.

Aquæ tin-
guntur
herbarum
succo.

Innumerabiles insunt aquis colorum differentiae, quarum quidem differentiae uti manifestae sunt, ita non nimium iis immorabimur, praesertim cum hoc argumentum in praecedentibus, tum in *Hetruria* nostra, sat superque discusserimus. Quis nescit, aquas eum suscipere colorem, cuiusmodi fuerit fodina, seu cuniculus, per quem fluxerit. Potest autem alveus per quem aqua fluit, tribus modis considerari: vel in genere vegetabili, vel mineralium, aut metallicorum succorum. Primi generis aquae tinguntur herbarum arborumque succis. Exempli gratia, Aquas ad quas *Alnus* copiosa foetura luxuriat, rufi seu potius colore lixivii tingi videmus; Si herbas alluent, ut *Chelydoniam*, *Chrysanthemum* aliasque similes, croceo colore imbui; si terram albam, candidam sive cretaceam allambent, lacteo colore fluent; si per rubricam fluxerint, rubro colore inficientur; si per ochram, sandaracam, flavo colore; si per æruginosa loca, viridi miscebuntur colore, & sic de cæteris metallicis succis, uti supra docuimus. Sed experimento dicta comprobemus.

EXPERIMENTUM.

Sit concha B A, cujus concavo canaliculi C D E F G H I K inferantur, quos diversis



colorum pulveribus prius impleas, id est, C rubro, D flavo, E cæruleo, F fusco, G cinereo, H viridi, I candido, K nigro colore impleantur. Hoc peracto, concha aqua fontana impleatur ad summum, & aqua exitum quaerens per canaliculos exiens, colore unicuique canaliculo proprio tingetur. Videbis itaque per C aquam rubro colore, per D flavo, per E cæruleo, per F fusco, per G cinereo, per H viridi, per I candido, per K denique aquam nigro colore tinctam exituram. Idem in subterraneis locis fieri existimes velim, in quibus tibi imaginare *Hydrophylacium* A B, quod per diversos diversis mineralibus instructos canales sese exonerat; Dico aquam quidem in sui *Hydrophylacii* fonte puram & simplicem, mox tamen ubi dictos canales di-

versicolorum mineralium venis refertos subierit, differentes colore, sapore, odoreque fontium species ad extra praebituram. Atque hoc plerumque fit, quando substantiam corpoream terrarum participant; si verò tenuissimis tantum vaporibus halitibusque mineralium tingantur, vel calore tantum sine ulla mistura effervescent; tunc colore aquae naturali, id est, limpidae, clarae, & pellucidae egeruntur. Atque hoc quidem nullam difficultatem habet: quare ad alios reconditiores effectus progrediamur.

Quæritur itaque primò, cur mare ex monte aliquo intuentibus tantam colorum diversitatem ostendet? In alia enim parte rubrum; in alia puniceum, in alia flavum, in alia nunc viride comparere videbis. Dico huiusmodi colores minimè reales; aut ex mistura ortos, sed apparentes tantum esse, (uti in *Arte nostra Lucis & Umbræ* amplè demonstravimus) vel ex diversa nubium montiumque reflexione, tum potissimum ex fundi maris varia dispositione contingere: Ubi enim mare profundissimum est, ibidem mare nigrum & veluti piceum; si viridi algarum pullulatione fundus maris niteat, viride; si rubris lapillis atque arena scateat, rubrum esse videbitur. Hoc pacto in prima Batavorum navigatione ad mare Magellanicum, non procul ab ostio fluvii *della Plata*, cum mare prorsus sanguineo colore tinctum observantes, dimissa situla haustam aquam exactius inspexissent, innumerabilem vermiculorum rubicundorum multitudinem aquis mixtam deprehenderunt, qui manu excepti, pulicum instar hinc inde saltabant, unde & marinos pulices appellarent; putant quidam illos à balænis certo anni tempore evomi; alii provenire dicunt, ab infinita parvorum cancrorum copia, qui in dicto maris tractu stabulantur, & uti rubri coloris sunt, ita mare remotè aspicientibus sanguineo colore imbutum exhibent. Alibi Oceanus totus viridis cernitur, ob multitudinem herbae, quam *Sargasso* vocant, qua mare cooperitur ad multa millia milliariorum, de qua herba cum alibi egerimus, hinc ea repetenda non duxi. Fiunt præterea nonnullae aquae vel ex erosione metallorum cæruleae, vel ex contagine quadam virides, pro mira subterranei ignis attemperatione apparent; Est enim calori ita comparatum, ut subinde ex candidis rubentes efficiat succos, ex rubentibus flavos, ex flavis virides, aut nigros; non secus ac ex pituita dulci fit sanguis, ex sanguine bilis flava, ex flava viridis aut atra, per gradus quosdam coloris adaucti, dum ex coctione vide-

Diversitas
colorum in
maris su-
perficie ap-
parentium.

videlicet in excessum caloris, & ex hoc in aduſtionem procedit. Patet & hoc in diverſis ſuccini ſpeciebus, albi, flavi, nigri, quorum prior moderato colore in album; altera ex albo in flavum intenſione caloris; ex flavo nigrum aduſtivo calore producat. Atque hæc eſt ratio, cur flumina & fontes ſubinde colorem nativum muteant, videlicet ob variorum aliorum fluminum, quæ aliquod flumen intrant, confluxum, quæ cum ex diverſis mineralibus originem ſuam ſumant, ita acquiſitam tincturam majoribus fluminibus quæ intrant, communicant, maximè poſt ingentia imbrum diluvia, quibus aqua variis terreſtrium glebarum tincturis imbuta, magno onere ſeſe in aliud flumen evolvit; unde primò turbida redduntur flumina, & deinde ſubſidente limo, ſpiritus minerales, qui remanent, vario limpidam aquam colore & ſapore inficiunt: Hypanis ſaluberrimus hauſtu fluvius, *Plinio* teſte amariffimus fit, poſt admiſſam amariffimi fontis, quem *Exampeum* vocat, ſcatebram. Sed jam ad miracula fontium propius accedamus,

§. I.

De Fonte Solis.

N Arrat *Plinius* apud Troglodytas fontem Solis eſſe, qui circa meridiem in novilunio maximè frigidus, mox paulatim tepere incipit uſque ad medium noctis, quo fervore & amaritudine infeſtatur. Si vera ſunt, quæ *Plinius* dicit, ego rationem ejus ſubterraneorum meatuum conſtitutioni facile adſcriberem; quorum prior eſt aqua dulcis perenni fluxu, per appropriatum ſibi canalem, uti cæteri fontes dulces, impletur: Alter ex Oceano longo viarum tractu ductus, & ignibus ſubterraneis calefactus, conſtituta hora ſeſe in eundem fontem exonerat; quoniam verò hujusmodi canalis aqua à fluxu & refluxu maris agitur, fit, ut ſex aut pluribus horis fonti ſeſe paulatim inſinuet, detumefcente verò mari, & ipſe ſeſe retrahens à fluxu deſiſtat, nec affluxu maris iterum urgeatur; amaror autem aquæ ex locis nitroſis, per quæ fluit, reſultat, quibus paulatim ſubſidentibus corpusculis nitroſis, aqua limpida prævaſcente, paulatim priſtino ſuo frigori & dulcedini reſtituatur, quod circa meridiem fieri narratur, canali verò æſtu maris denuò ſollicitato, fontem jam frigefactum denuò incaleſcere & amareſcere neceſſe eſt, æſtum verò maris maximè Sole Lunæ juncto in meridie fervere, ſupra oſtenſum fuit. Sed de hoc prodigio infra pluribus.

§. II.

De Vinofis Fontibus, ſive vini odorem referentibus.

B Enigma Naturæ liberalitas in aquis non ſolùm luſit miris modis, ſed & deliciis uti voluit mortales in vinofi ſaporis liquoribus, non tamen niſi vino mixtis. Lynceſtis aqua, quæ vocatur acidula, vini modo tre-

mulentos facit; quod prodigium eleganter ſanè deſcripſit *Ovid.* 15. *Metam.*

*Huic fluit effectus diſpar Lynceſtius amnis,
Quem quicumque parum moderato gutture
traxit,*

Haud aliter titubat, quàm ſi mera vina bibiſſet.

Et de Fonte vinofa in Naxo Inſula *Propertius*:

En tibi per medium bene olentia flumina Naxon,

Unde tuum potat Naxia turba merum.

Et ne fabuloſis Poëtis auxilin aliquam attribueri cogamur; Conſtat, in compluribus Germaniæ & Galliæ Regionibus, hujusmodi fontes, qui vini ſaporem referre narrantur, inveniri; Quos inter inſignis ille hominum confluxu celeberrimus fons eſt, in Comitatu Cazenelobogenſi, non procul Moguntia diſſitus, ab oppido, cui adjacet, *Sualbach* dictus; alius juxta confluentiam Andernaci; Alter in Agro Lugdunenſi Galliæ ad oppidum S. Baldomani, Fons Fortis dictus, *fontaine fort*, vini penuriam ſupplet, cujus una quarta pars ſi vino miſceatur, nil vini ſapori deperit, ſi farinæ affundatur, ſtatim ille fermentat, uti acida quævis; adeò ſalubris eſt, ut oppidani rarò utantur medico, qua virtute & memorati pollent: Talis & reperitur in Aquitania, non procul ab Urbe Beſſa, acidulus vinofus, cujus ſi vel exiguum partem vino affuderis, merum te bibiſſe credideris, nulla aqua dilutum. In Hiſpania prope Valentias ſimiles comperiri ſupra oſtenſum fuit. Quæ cum ita communi hominum æſtimatione ſint, meritò ſanè hujus ſaporis cauſa quæritur: An videlicet in ipſa aqua ſit ſimile vini odori & ſapori, an non? Dico, cum omnes acidulæ nescio quid amicitia cum vino habeant, vini que ſaporem, ſpiritusque in eo latentes per nativam eorum acrimoniam mirificè excitent, exaltentque; hinc fieri puto, ut ſic miſtæ vino, dum linguam & palatum grata vellicatione laceſſunt, & proinde odore & ſapore vini decepti, uti in præcedentibus quoque diximus, odorem illum ſaporemque, qui vino ineſt, ipſis acidulis ineſſe putent: Cum enim omnes acidulæ ex alumine aut vitriolo, nitroque unà mixtis originem ducant, hæ verò odoris expertes ſint, certum eſt, eos vini odorem per ſe exhalarè non poſſe, ſed ipſa aquæ acidæ viſ vini gratæ acrimonie juncta, talem in imaginatione bibentium effectum parit, qualem in vini ſapore experiuntur; Quæ omnia diu multumque in hujusmodi fontibus explorata variis experienciis tandem mihi innotuerunt. Non itaque hujusmodi aquæ dicuntur vinofæ, ed quod naturam vini participant, ſed quod acres vino junctæ miſtæque, gratiffimi vini potum efficiant: à vino enim ſejunctæ tantum de ejus odore ſentient, quantum de quibuſcunque aliis dulcibus aquis, quibus paſſim in potu utimur. Relinquamus igitur iſthanc opinionem iis, qui uti vinofa halitu ſemper ſumant, ita nil niſi de vinofis liquoribus, eorumque potatione, vel ad primum acidularum ſaporem ſomniant.

Viciſſitudo
fontis Solis
unde ve-
niat.

*De Aquarum nonnullarum gravitate & levitate, earumque
Miraculis.*

tripatus gravitatis & levitatis in aquis
usas, ad primas qualitates, calorem &
refert; ad densitatem & raritatem alii:
radmodum enim ex materia per quam
unt, sapores & odores contrahunt, sic
em, eorumque varia corpusculorum
alium, uti salium, nitri, aluminis, vi-
cæterorumque mineralium miscella,
multitudine concurrentium gravitatem,
& pro eorundem paucitate levitatem acqui-
runt. Atque hinc resultant mira illa in aquis
spectacula, nonnullis quælibet injecta susti-
nentibus, nonnullis quælibet injecta submer-
gentibus; Cujus quidem alia causa non est,
quàm gravitas & levitas aquarum; sed ut à
notioribus paulatim ad ignotiora proceda-
mus; Mirantur multi, cur navigia ex flumi-
nibus in mare se exonerantia in fluminibus
profundius, quàm in mari submergantur;
Notavi id ego non semel, & curiosè observa-
vi, navigia mox ac ex Tybri in mare devol-
vuntur, ad duos palmos altius ascendere, &
supra aquas erigi; cujus quidem rei causa alia
non est, nisi sal mari mixtum, quod uti ma-
rinas aquas densiores ponderosioresque red-
dit, ita quoque altius naves sustinet.

Cur aquæ
aliis aquis
magis gra-
ves.

EXPERIMENTUM.

Accipe duos scyphos, quorum alter aqua
fontali, alter aqua ex sale diluta repletus sit.
Hoc peracto projice ovum in priorem scy-
phum aqua fontali repletum, & mox id sub-
mergi videbis; projice idem in aquam sale
delibutam dilutamque, & jam id aquæ super-
natante reperies: quantò enim aqua levior est,
tantò facilius mergitur, & tantò facilius su-
pernatat ovum, quantò aqua densior est.

CONSECTARIUM.

Hinc patet quoque, cur subindè quædam
aquæ dulces super alias fluant; Cur videlicet
Rhenus supermeet lacum Acronianum; Le-
manum Rhodanus; Benacum Mintius; Ver-
banum Ticinus; Larium Addua; Sevinum
Ollius; Fucinum Marcia; utique nulla alia
de causa, uti in præcedentibus quoque do-
cuimus, nisi quod flumina continuo fluxu mo-
tuque purgata, deposita graviori miscella,
leviora reddantur aquis lacustribus, varia sub-
terraneorum rerum miscella contaminatis;
de partim bituminosa materia gravatæ,
partim terrestrium succorum attractu, par-
te etiam à Sole tenuioribus aquarum parti-
bus attractis, fæculentaque remanente sub-
stantia, ponderosiores fieri necesse est; aquas
quoque pingues & oleosas dulcibus superna-
re, passim constat. Atque hinc patet quo-
que causa fontis Panchæi in Thracia, cujus,
Platarcho referente, aqua idem vas repletum

Aliquæ
aquæ aliis
non mis-
ceantur.

hyberno tempore duplo plus, quàm æstate
ponderet; quia videlicet hyberno tempore
clausis terræ poris, vapores subterranei per
fundi spiracula subeuntes, aquam varia mi-
neralium rerum miscella replent; unde &
gravior: Æstate verò Solis ardore apertis ter-
ræ poris iidem exspirantes, à vaporum mix-
tura immunem relinquunt fontem; Hinc fit,
ut fundus eorum ob dictas rationes hyberno
tempore sit calidus, æstivo frigidus.

Plinius memorat, in Lacu Siciliae Agrigen-
gentini, in Asphaltitico Palestinae, in Acu-
scidamo Africae, in majoris Armeniæ Are-
thusæ, omnia fluitare, nihil mergi, ne quidem
lateres; In aliis contrà, uti in Lacu quodam
Æthiopiæ, ita omnia statim ac injecta fue-
rint, merguntur, ut nec folia quidem arbo-
rum sustineat, quin protinus mergantur. In
Lacum Alcyonium apud Leonam, si quis
etiam natandi peritus ingressus fuerit, is sive
volens, sive nolens statim mergitur, ad ima
magna vi raptus. Quæritur utriusque prodi-
giosi effectus causa. Dico itaque primò; in
Lacubus, in quibus nil mergitur, ut in As-
phaltitio, causam esse bitumen, quo ita
refertus est, ut bituminosum mare meritò
dici possit; cum itaque ponderosissimum sit,
juxta ac densissimum, & lenta sentaque ma-
teria tenacissimum, illud utique omnia illa in-
jecta, si molem bituminosam mole sua non
superent, sustinebit, uti ex iis, quæ paulò post
ex Archimedæa doctrina adducemus, pate-
bit. In Lacubus verò non bituminosis, sed
quæ vel sale, nitro, aut petrifico succo pol-
lent, aquæ salinis, nitrosis, saxosisque cor-
pusculis aggravatæ, tanto ad quælibet gravia
in eas injecta sustinenda reddentur potentio-
res, quantò dictis corpusculis magis fuerint
condensatæ, quæ in nonnullis locis bitumini
juncta nonnullos maris tractus prorsus navi-
bus invios faciunt, uti de mari lutofo in ulti-
mo sinu Californiae obvio referunt Itineraria
nautica. Facilis itaque est ratio Lacuum quæ-
libet injecta sustinentium; Major difficultas
in iis lacubus, quibus omnia etiam folia arbo-
rum rapta submerguntur, exponendis occur-
rit; cum hi mirifici effectus soli aquæ levitati
adscribi non possint; sed alias abditiores cau-
sas habeant, quas exponere aggredimur.

Aquæ in
quibus ni-
hil mergi-
tur.

Dicimus igitur, causam horum effectuum
non à levitate aquarum dependere, sed à ve-
hementia aquæ, qua sese in fundo per diver-
sos subterraneos meatus exonerat; exonera-
tione verò vortices, vortices corporum inje-
ctorum attractus consequi necesse est. Docet
hoc Romæ æstivis mensibus quotidiana ex-
perientia, dum peritissimi etiam natatores, si
quandoque in hujusmodi verticosi fluminis
gurgites inciderint, vehementi quodam at-
tractu

Cur aliquæ
aquæ nihil
sustinent.

tractu in imos fluminis recessus, nulla emergendi spe relicta, miserando interitu rapiuntur. Experimento hoc disces in vase quodam, cujus fundus aliquibus data opera foraminibus pertusus sit, intra hoc aquâ prius impletum, foraminibus clausis, si è diversis rebus fluitantia injeceris, illa sese in superficie facile sustinebunt, si verò foramina fundi recluseris, tum ecce quidquid injeceris, in turbines veluti actum, ligna, chartæ, folia, exeuntis cum impetu aquæ defluxu rapta mox descendunt. Quocirca si quandoque hujusmodi inveniuntur, in quibus omnia attractu quodam rapiuntur corpora, causam hujus in vortices conjiciendam existimem.


§. I.

De Causa vera & reali ponderis, id est, gravitatis & levitatis aquarum, eorumque qua in iis fluctuant, ex doctrina Archimedæ.

Multi existimarunt, aquæ insidentia corpora causari, partim ex spissitudine aut crassitie & lentitudine aquarum, partim ex forma & figura corporum in iis fluctuantium: Sic dicunt, scutellam planam facilius aquis innatare, quam sphaeram aut cubum, alteriusve figuræ corpus; sed hallucinantur, cum tota hujusmodi fluctuatio à sola gravitate & levitate aquæ, ad insidentis corporis molem proportionata dependeat; & quamvis hæc ex Archimedæ doctrina in Libro *περὶ τῶν ὀγκµένων*, id est, insidentibus in aquis uberissime in *Secundo Libro Artis Magnetica* demonstraverimus; hic tamen nonnulla ibidem relicta apponere visum fuit; ex his enim nihil

circa gravitatem & levitatem corporum occurret, tam abditam & abstrusam, cujus causam non assignare queas.

Tres itaque casus occurrere possunt rerum aquæ insidentium, ex quibus major aut minor gravitas & levitas colligitur: Si enim corpus aliquod aquis impositum data molis paritate gravius sit aquâ, cujus locum occupat, dico tale corpus statim fundum petiturum. Secundò, si corpus quoddam aquis impositum habuerit æqualem moli aquæ, cujus locum occupat, gravitatem, dico, id in fundum non abiturum, sed in quolibet intimæ aquæ loco positum quieturum; neque enim ascendet, neque supra aquæ superficiem eminebit; aliàs enim levius foret, contra suppositum, neque descendet in fundum, aliàs enim contra suppositum gravius foret; In quolibet itaque loco intimæ aquæ positum quiescet. Si verò tertio corpus hujusmodi aquis impositum supernatet, dico, illud necessario levius esse corpore aquæ, totius impositi corporis molem adæquante, & præcisè quidem tantò levius futurum, quantum est pondus aquæ, quæ æquet corporis demersi magnitudinem, id est, si cubum ligneum aquis imposueris, & posito, eum ad medietatem submergi. Dico, eam aquæ portionem, quam medietas cubi eidem impositi occupat, tanti ponderis futuram, quanti ponderis est totus cubus. Si verò cubus præcisè superficie aquæ respondeat sine ulla sui eminentia, Dico, aquam, cujus locum cubus occupat, toti cubico corpori æquiponderaturam; & sic corpus quoque fundum petens necessario gravius erit aquæ corpore, cujus locum occupat. Sed rem exemplo demonstro.



Sit aqua ABCD, intra quam corpus cubicum demergatur, superficies aquæ sit AB, fundus CD, immergatur primò cubus aliquis

intra aquam prope A, quod si descenderit in fundum CD, uti apparet in cubo EFGH, fundo insidente; Dico, illum utique graviore

M m 3

rem

Demon-
stratur gra-
vitas & le-
vitas cor-
porum in
aquis.

rem futurum corpore aquæ E P G H, cujus locum occupat; si enim levior foret dicta aqua, jam fundum non peteret, sed vel in medio, vel supra aquæ superficiem emineret; Sed juxta hypothese fundum petit, ergo aqua, cujus locum occupat, gravior erit, quod erat ostendendum. Si verò cubus aliquis aquæ ita immergatur, ut præcisè superficiæ aquæ A B congruat, cujusmodi est cubus I K L M, Dico corpus aquæ I K L M, cubo H æquiponderaturum, & in quolibet aquæ loco, verbi grat. N positum quieturum; si non; descendet ergo in fundum, vel ascendet supra aquæ superficiem; si prius, ergo jam aquæ, cujus locum occupat, non amplius æquiponderabit, ergo gravior erit, quod est contra hypothese; Si posterius, ergo jam levior erit, quod pariter est contra hypothese: Æquiponderabit igitur aquæ, cujus locum occupat, & consequenter quocunque loco intra aquam positus quiescet.

Si verò assumptus cubus aquæ superficiæ supernatet, uti fit in cubis N O P Q; Dico, cubum leviolem esse corpore aquæ, quod cubi corpus adæquet, & tantò quidem levius, quantò majori sua parte cubus extra aquam extiterit. Me explico. Sit primò cubus O, qui una tertia parte sui corporis intra aquam mergatur, duabus tertiis cubi eminentibus; Dico aquam $rspq$ (quæ est tertia pars aquæ totum cubum adæquantis) hanc, inquam, tertiam partem aquæ, cui cubus immergitur, toti cubi lignei moli æquiponderaturam; quia aqueum corpus $rspq$ triplo gravius est portione cubi $rspq$ summersæ; ergo & toti cubo æquiponderans; ergo cubus non nisi tertia sui parte mergetur. Sit deinde cubus X, qui immisus aquæ, media sui parte mergatur; Dico, aquam $xyza$, ad dimidii cubi pondus duplam esse ad totum aqueum cubum T V Z a, & toti cubo ligneo gravitatem & pondus æquale. Cum ergo dimidium aquæ duplum sit pondere ad medietatem cubi totius supernatantis, ergo cubus mergi in fundum non potest, sed media sui parte mergetur, medietate verò supereminente. Idem dicendum si cubus P, duabus tertiis intra humidum, id est, tota mole $d\epsilon\zeta\eta$ mergatur; tum enim una tertia cubi tantum aquæ supereminere cerneatur; erit enim aquea duarum tertiarum moles $d\epsilon\zeta\eta$ toti ligneo cubo æqualis, & consequenter ex ligneo cubo una tertia tantum eminebit; similiter in cubo O, cubo ligneo N O P Q æquali una tertia subsidens relinquet extra aquam duas tertias: Sicuti enim se habent aquei cubi portiones ad totum cubum aqueum; ita in ligneo cubo portiones submersæ ad totum, qui exstat, cubum. Quæ omnia citato pariter loco ab *Archimede*, *Geotholdo*, *Galileo* subtilissimè demonstrantur.

CONSECTARIUM I.

Hinc patet, hoc non verum tantum esse in corporibus solidis & homogeneis, sed in omni

omnino corpore aquis supernatante, cum hujusmodi fluctuatio ex alio præcisè non dependeat, quàm ex gravitate aquæ, nullo habito respectu ad hanc vel illam aquam; Sive enim putealis, sive fontana, sive marina, falsa, nitrosa, sulphurea, bituminosa fuerit, qualiscunque denique liquor; perinde est, gravitas tantum ejus consideranda erit; quæ quod fuerit gravior, tantò plus portat, quantò levior, tantò minus, uti ex suprà allatis exemplis patet; imò Mercurialis hydrargyri liquor, uti omnibus liquoribus gravitate antecellit, ita nihil quoque quantumvis grave illi impositum, si aurum eò ponderosius excipias, submergi potest. Rursus neque corporum dictis liquoribus insidentium ratio habenda est; non figurarum varias in formas, planas, rotundas, angulosas transformatarum, neque ex certa corporis positione, ut multi sibi persuaserunt. Quodcunque igitur corpus, & ex quibuscunque tandem id partibus sit compositum, qualicumque forma indutum, semper istiusmodi corpus quantumvis heterogeneum, tanquam unicum & integrum corpus solidum sumendum est. Huic corpori si tantam aquei corporis molem sumpseris, eamque pondere corporis immerfi graviolem repperis, necessariò hoc in illo submergi debere colligès; Si verò pondus aquæ ponderi corporis eidem impositi æquale fuerit, id neque ascendet, neque descendet; Si denique corpus aquæ levius fuerit, corpore eidem imposito, tunc suprafluctuabit, sub eà proportionem, quam paulò ante præscripsimus. Verbi grat. Si quis scutellam ex ære sumet, rectamque aquæ superimponet, ea utique supernatabit, non præcisè ratione figuræ, uti perperam multi sentiunt: Quia si scutella liquore repleatur, & gravior fiat quàm aqua, cujus locum occupat, eam utique demergi necesse est; Si vero totum illud aggregatum sit adhuc levius, quàm aqua, cujus locum occupat, tunc tanta solummodo pars demergetur, quantum corpus est aquæ æqualis ponderis cum illo aggregato. Atque hinc patet, cur naves supernatent sine ullo summersionis periculo; Si enim totum navis aggregatum cum omnibus in illo contentis sumas; Dico, quod quamdiu gravitas totius hujus aggregati est minor, quàm magnitudo aquæ, cujus locum immersione sua occupat, navis sit supernatatura, etiamsi illa quoad pondus æqualis sit toti aggregato. Hinc patet, quod si varietur pondus aquæ, uti fit in nonnullis maribus salugineo humore refertis, sive pondus navis, semper ejus quoque varietur demersio; si enim aqua fiat ex accidente aliquo gravior, jam minor aquæ quantitas ejusdem navis pondus æquabit, & ideo minus summergetur; contra ubi aquam limpidam & puram repperit, tantò quoque profundius summergetur navis, quanto aqua à spissis humoribus fuerit defæcior: Si verò navis lapidibus, doliis, aliisque rebus aggravetur, tunc

tunc procul dubio majorem aquæ quantitatem ad æquandum navis pondus requireret, unde & consequenter major navis portio emergetur. Sed hæc de gravitate & levitate dicta sufficiant, quæ fufius explananda duxi, cum quidquid de gravitate & levitate aquarum hucusque diximus, & fluctuantibus Insulis deinde dicemus, huc revocentur.

CONSECTARIUM II.

De Insulis in Lacubus & Stagnis, fluctuantibus.

Insulæ natantes sunt in lacubus terrestres, ex varia levioris & viscosæ materiæ miscella aggestæ portiones, quæ à vento hinc inde agitatæ, nullo loco firmæ fixæque sunt, cujusmodi olim in Lacubus Stratonienfi, Tarkinienfi, Vadimonis se vidisse testatur *Seneca*, & nos de iis in *Hetruria nostra* fusè egimus, quarum tamen hodierna die nulla superesse comperitur. In Lacu Cutiliæ Agri Reatini, tempore Aborigenum ingentem natasse *Plinius* docet, priscis Italiæ colonis oraculo cognitam; & in Lydia Nympharum Insulas Saluares ad ictus modulantium pedum motas *Pomponius* refert: Mira narrat *Herodotus* de Insula Lacus Chemnis in Ægypto, quæ lucosylvæque, & *Apollinis* grande sustinens Templum natabat: Hodie compluribus locis tum in Europa, tum in cæteris Mundi partium Regionibus, Asia, Africa, America reperiuntur. Sed iis omisissis, eas prosequamur, quæ nobis & vicinæ sunt, & magis cognitæ.

Unde pro-
veniant
Insulæ na-
tantes.

Tribus Tybure miliaribus Romam abeuntibus transeundus est fluvius Albuneus, sive Albula, à colore lacteo sic dictus, qui originem suam ex Lacu vicino habet, sedecim insulis fluctuantibus quas *Barchettas* vocant; conspicuo, quarum naturam, proprietatem, formam, modum, compositionem cum in *nostro Latio*, integro Syntagmate descripsimus, Lectorem illuc remitto. Est & in Gallo-belgica Provincia juxta Andomarum lacus, ingentem Insulam arboribus consitam, & pascuis uberem portans, in qua oves & boves pascuis intenti unà cum insula, quocunque eos ventorum impetus impulerit, agitantur. In Gallia quoque Narbonensi non longè à Ruscinone una cernitur, minuta gracilique arundine perviridis. Sed omisissis hiscè ad propositum nobis argumentum revertamur. Duo meritò hoc loco nobis discutienda sunt: Primum est, cur fluctuent; Secundum, quomodò pleræque, quarum à Veteribus tam celebris mentio facta fuerit, tandem defierint. Causa fluctuationis haud dubiè est ipsa levitas materiæ, juxta ea, quæ paulò an-

te diximus de insidentibus in aqua; Si enim graviores essent aquæ mole, cujus locum occupant, utique mergerentur; sed non merguntur, quia uti sæpe curioso scrutinio examinavimus, quemadmodum eæ ex terra bituminosa, sulphureis glebis, festucis, lignis, juncis, radicibus plantarum mira naturæ industria viscosi bituminis glutine, unà limo & luto commistæ cohærent, ita quoque levioris materiæ textura ad ventorum arbitrium natant, & hinc inde fluctuant nullo in loco stabiles. Quomodo autem generentur, & cum tempore corrumpantur; discutiendum restat: Res ita se habet: Cum ferè pleræque Insulæ natantes in Lacubus bitumine, sulphure, nitro, & simili materia foetis nascantur; accidit, ut primò viscositate bituminis diversæ materiæ unà cum arenis, aut luto, sulphureisque atque nitrosis corpusculis, quæ vi aquæ iis imbutæ concrescunt, conglutinentur; hæc verò successu temporis, sive alluvione lacus, sive tempestatibus ac ventorum vi agitatæ, vel pluviarum imbriumque, præsertim in terreno non saxoso, sed lutofo exesæ tandem deciduntur, quod ubi factum fuit, mox etiam ex levitate materiæ, quibus constituuntur, fluctuant, & sic in Insulas natantes evadunt; Fieri quoque potest, ut sive terræmotu, sive alio accidente, in fundo lacus tophacea portio descissa, levitate sua in superficiem abiens, in natantem insulam abeat. Atque hisce modis Insulæ generari possunt.

Evanescent verò, sive natare cessant, vel frequenti multorum annorum allisione, tum inter se, tum ad littus facta, qua cum tempore atteruntur dissolvunturque, & in complures partes fractæ, littorum fixæ terræ unitæ denuò coalescunt: Vel etiam hujusmodi insulæ nimio crescentium herbarum, stirpium, fruticumque onere pressæ, nec non sulphureæ nitrosæque materiæ ibidem continuò crescentis copia aggravatæ, gravitate Insulæ, gravitatem aquæ, cujus locum occupant, superante, suapte tandem sponte, pondere mersa suo fundum subsidat in imum. Atque hæc est origo & corruptio insularum natantium: Unde mirum non est, olim multas hujusmodi insulas in lacubus suprà memoratis fuisse, quæ hodie non comparent, quæ vel coaluerint cum terra fixa, vel pondere auctæ tandem subsederint: Multas quoque hodierna die reperiri Insulas natantes Romanis veteribus incognitas, uti de Lacu Albuneo retulimus. Hoc pacto natura perpetuæ generationis corruptionisque vicissitudine ludit in Orbe Terrarum, ut quæ hoc loco cessant, alibi insurgant novæ, suo quoque tempore interiturae. Atque hæc de Insulis natantibus sufficiant.

Quare ali-
quando
dispareant.

CAPUT III.

De Aquis lethiferis & Scrobibus Charoneis, deleteria vi pollentibus.

Cur den-
tur aquæ
Avernales.

Variæ sunt harum aquarum differen-
tiæ, aliæ enim animalibus tantum le-
thales sunt, non hominibus; contrà a-
liæ hominibus, non animalibus, aliæ utrisque,
quin vel ipsis plantis, quæ in ripis ejus ena-
scuntur. Prioris generis sunt omnes illæ Cha-
roniæ fossæ, de quibus in *Hetruria nostra* ab-
undè egimus, ad quarum vel primum odorem
volucres supervolantes concidunt mortuæ,
uti in Monte Politiano aquæ, & juxta Rapolanum & Volaterram, quas *Puzzulas* vulgò
vocant, hæ tamen hominibus potu sumptæ,
limpidissimæ quippe sunt, & clarissimæ ma-
gnarum infirmitatum medelam præbent; Cur
verò volucres interimant, est vapor ex adu-
sto sulphure, qui uti volucris *avriæ* ab^o,
& spiritus in avibus suffocativos producit, ita
quoque necem iis infert; pollet & hac ea-
dem vi Lacus Avernus, & Aquæ Stygiæ in
Agro Cæretano, quarum vapor non volucris
tantum, sed & flante Syrophœnice bo-
bus cæterisque animantibus lethiferum se
præbet, uti ab ipsismet pastoribus, dum hæc
loca explorarem, audiivi. Sed quia innume-
ræ ejusdem virtutis in Orbe Charoniæ scro-
bes reperiuntur, nos iis omisissis, ad ea quæ
αὐτὴν, vel fida *αὐτὴν* relatione percepi-
mus, asseremus. Contrà, sunt nonnullæ, quæ
hominibus cæterisque animantibus necem
adferunt, exceptis piscibus, qui in iis degunt;
cujus quidem rei alia ratio non est, nisi conti-
nuus aquæ usus in piscibus, qui uti venenosam
aquarum vim in naturam propriam verterunt,
ita quoque ipsis in nutrimentum cedit, sicuti
nonnullis hominibus accidit, qui venenosis re-
bus paulatim assumptis, eas sine noxa usurpa-
runt, uti de *Mithridato* legitur & *Alberto Magno*,
de puella Colonienfi, quæ araneorum vena-
tione quos in cibum assumebat, contra omnem
veneni perniciem sese immunem fecit, ipsa ta-
men adeo venenoso spiritu repletur, ut vel
halitu alios interimeret: Idem fieri dico in
piscibus, venenosis in aquis stabulantibus.
Talis Poëtarum & Historicorum relatione
Styx fuisse dicitur, qui fons, teste *Plinio*, *Se-
neca*, aliisque è prærupta rupe ad Novacrim
in Arcadia in præcelsum saxum guttatim ca-
dens, inde in fluvium Crathin dilapsus, tan-
dem in lacum sese diffundit; estque tanti ve-
neni, ut ejus epotæ lymphæ, illic tam homi-
nes, quam animalia enecet, accedit insidio-
sa aquarum limpiditas, qua decepti, qui siti
cruciantur, simul ac biberunt, mox exani-
mes concidunt; cujus quidem rei rationem
esse putem, vel vim quandam aquæ, qua pol-
let, lapidificam viscera alligantem induran-
temque, uti in gypseis aquis fit; vel vi qua-

dam rosiva, qua stomachus vicinaque ei mem-
bra eroduntur, vel suffocativam constricti-
vamque, qua guttur atq; asperæ arteriæ me-
tus, absque ulla spirandi vi intercludatur; vel
arsenici spiritus aquis exactissimâ mixturâ in-
dito, quæ uti cordi perinimica sunt, ita quan-
tocyus exsiccat vitali spiritu exesque vasis
vitalibus interimit, quarum unaquæque ad in-
terimendum sufficit, & eò majori quidem ce-
leritate, quò omnes simul aquis in unam mix-
turam confluerint; opinionem meam stabi-
liunt mirifici, quos præstant effectus: Siqui-
dem, testibus paulò antè indicatis, non o-
mnia duntaxat vasa, ex quacunque tandem
materia conflata fuerint, vitrea, crySTALLINA,
murchina, lapidea, fictilia, quibus aqua im-
ponitur, fracta dissiliunt, sed & plumbea,
ænea, ferrea, stannea, argentea, aurea, ele-
ctrica, non secus atque aqua quadam regia,
sive veræ Stygiæ virtute rosiva dissolvuntur,
solâ equinâ ungulâ ipsam impunè sustinente,
& in hac *Alexandro* oblatam Stygii fontis a-
quam potamque ipsi mortem attulisse *Iusti-
nus* & *Vitruvius* testantur. Quæ si vera sunt,
restat ratio & causa, qua solâ equi ungula
Stygis aquam sine nocumento sustineat, in-
quirenda. Posito itaque rem ita sese habere:
Dico, hunc effectum temperamento ungulæ
equinæ adscribendum; cum enim ista ex ni-
trofis excrementis unâ naturali quadam pin-
guedine juncta, in corneam quandam mate-
riem, naturæ industriâ concreseat, fit ut illa
naturali quadam sui conditione rosivis aquis
resistat, quemadmodum experimento no-
vissimo, aqua regia sive stygia ex sale, nitro,
alumine, aut cinnabari extracta, quam infer-
nalem vocant, supra corneam laminam aut
in ungulam effusa, illam sine ulla aut rosione
exesioneque indemnem servat; est enim qua-
rundam rerum viscositas & lentitudo ita aci-
dis rosivisque rebus contraria, ut nulla ab iis
vi subigi posse videatur; & patet ex cera quo-
que, quam Chalcographi laminis incidendis
inducunt, quæ ab aquis Stygiis sive regiis nil
patitur; contrà mox ubi æneam attigerit la-
minam, eam exedit; unde hunc effectum
non tantum in equina ungula, sed in quorum-
vis aliorum animalium ungulis & cornibus
consequi, omninò existimo: Pater & ex ex-
perimento Medicorum, qui curaturi eos, qui
arsenica, mercurialia, ærugineaque venena
incautius sumpserunt, intentum suum non fa-
cilis assequuntur, quàm oleorum similium-
que lentitudine & viscositate quadam imbu-
torum succorum potu, hoc enim venenum
veluti inviscatum, & suffocatione quadam
oppressum se propagare non potest. His itaq;
expoli-

Ungulæ
equinæ
proprietas
& vis.

Arsenice
antidotum.

expositis, jam ad alias progrediamur, lethiferorum fontium proprietates exponendas.

Non tantum animalibus quibuscunque pestiferos quosdam fontes reperiri, sed & ipsis piscibus, testatur *Agricola*, qui ait, in Germania ad Salam fluvium fontem esse limpidissima aqua refertum, sed statis quibusdam anni temporibus in tam malignantis naturae constitutionem evadere, ut quotquot in eo pisces, interimat, Lacu nullo nec colore, nec sapore à pristino statu deficiente; cujus quidem rei ratio alia non est, nisi quod certis anni temporibus aestuaria subterranea concitata, virulentum, subtilissimum ex adusta putredine ibidem stabulante vaporem emittant, qui uti subtilissimus est, ita facile cum aquis miscetur: quo infecti pisces statim emoriuntur; mox tamen exspirato vapore ex cessantibus halitibus subterraneis, aquae pristinae salubritati restituntur, lacusque nova piscium foetura repletur; luculentum indicium, infectionem subito accidere, & subito cessare; & experimentum docet: Cum enim quodam tempore noster Pharmocopaeus arsenicum in mortario in pollinem redegisset, & vas non rite purgatum in domesticarum aquarum concham, quae piscibus referta erat, eluisset, è vestigio pisces magna & virulenta vi infecti ad unum omnes interierunt. Ad aves reverter, quas praeter omnibus aliis animalibus, perniciosi huiusmodi vaporibus infestari experientia docet; ut proinde scrobes Charoniae Plutoniaeque antra non immerito Graecis nomen ἀρνιῶν, id est, sine avibus, cui Latine *Avernus* respondet, nomen meruerint; quod verum esse cognovi; siquidem sulphureas huiusmodi expirationes, dum huiusmodi loca, data occasione explorarem, naturali quodam instinctu, veluti sibi contrarias & lethiferas fugiunt; cum enim aerei sint temperamenti, multò citius faciliusque, quam terrestria animalia, huiusmodi inimicam sibi vim sentiunt; imò eam mox ubi hauserint, vertigine quadam in transversum actae, aut aquis suffocantur, aut saxi soloque illis pereunt; atque rem aliter non se habere, huiusmodi experimento comperi: Posito intra caveam passere, infra caveam sulphur exigua bituminis portiuncula mixtum accendi, & ecce vel ad primum fumi odorem passerulus deficiens aperto caveae ostio nonnihil fuga vitae suae consulturus evolavit, sed vertigine invalescente tandem more ebriorum terrae illis paulatim deficiebat, mox tamen post frigidam capiti aspersam rostroque infusam, frigidam sulphureum vaporem capiti ejus illatum resolvante pristinis viribus restitutus fuit, sine hoc medicamento utique periturus. Atque hinc collegi, cur animalia specui Puteolano, quam *Canum* vocant, illata, & in momento stupefacta, subito ac in vicinum Agnani lacum summerferint, à stupore redivivi liberentur: huius specus admirabiles proprietates cum toti Mundo notae, ab innumeris Au tho

Avernus
quid sit.

ribus descriptae sint; iis non immoror; Sufficiat nobis hic ostendere causam & diversitatem effectuum quos praestant, in omnibus ferè locis, ubi ingens sulphurearum cæterarumque mineralium aquarum colluvies stabulatur; Et primò quidem certum est, sulphurearum mineraliumque aquarum evaporationes, multum ab halitibus perniciosi, quos Plutonii specus exspirant, differre: illi enim homines, experientia doctrice, à multis liberant infirmitatibus, hi deleteria quadam vi imbuti, iis non dicam salutem, sed è vestigio mortem intentant; Cur enim vapores mineralium aquarum hominibus non noceant, in praecedentibus dictum fuit; halitus verò antrorum cur iis prorsus nocivi sint & lethiferi, exponemus.

Certum primò tibi persuadeas velim, hasce antrorum fissuras perniciosi spiritus exhalatrices, suam ex subterraneis cavernis originem ducere; infernus verò cavernarum aer multis mineralium succorum quicquiliis tinctus, mox ubi ab aestuariis subjacentibus exagitat, fuerit, per huiusmodi fissuras eructatus, effectus quos recensuimus, & quidem pro diversitate materiae diversissimos praestabit; Si enim aer sulphuris adusti halitu tantum tinctus fuerit, is non nisi avibus periculum adducet; si cum bituminis adusti faecibus mixtos halitus exeruerit, nereotica quadam vi infestabit omnia illa animalia, quae incautius illa loca accesserint. Rursus si Arsenico calcinato, antimonio, mercuriali liquore perfuso tingatur aer, sine ullo remedio mortem cordis suppressione afferet animalibus; Si gypsea materiae halitus fuerit, mixta vitrioli vel aluminis portione, accedentes strangulabit. Atque hoc pacto pro materiae venenosae conditione differentia causabit Symptomata; quas quidem pestiferas exhalationes procreat vel internus terrae, ut dixi, calor; vel vis ignium saxa cæterasque minerales glebas adurens, cuiusmodi inter alia jam exposita, sunt pyrites, stibium, quod antimonium vocant, Cadmia, Mercurium sublimatum, & innumera alia; quae aquis fortibus macerata, halitus emittunt ad eò exitiales, ut vel ad primum odorem exanimant. Quae omnia experimento constant Aurifabrorum, aut ipsorum fossorum, quorum illi dicta mineralia dum tractant, nisi magna cautela procedant, horrendis irremediabilibusque morbis infestantur; hi verò aperta subterranea quadam montis caverna huiusmodi halituum quicquiliis ita protinus consternantur, ut subinde quotquot ibi laborant, ad unum omnes suffocati intereant. Quomodo verò huic halituum pesti occurrere soleant, infra suo loco dicetur; Si denique maxima putredinum colluvies in dictas cavernas pluviarum ope per abditos terrae meatus confluerit, tum illa spiritibus metallicis & aestuaria halitibus fermentata, per aestuaria in halitus resoluta, per terrae fibras primò vegetabilem Oeconomiam,

Halitus antrorum
hominibus
nocivi.

N a

deinde

deinde aërem quoque tincturâ suâ infestabit, undè ex nutrimento animantium vitioso aërisque corruptela, variæ & monstruosæ geneses, morborumque species, pestesque sævissimæ exortæ, magnam mortalium partem conficiunt. Verùm Lector consulat *Scrutinium Physico-medicum*, ubi de hisce fusè

à me actum fuit. Vides itaque ex dictis, pro venenosorum corporum efficacia & debilitate halitus quoque nunc vegetiores nocivioresque, nunc languidiores minusque nocivos esse. Sed de hisce uberius in Tractatu de venenis, dabitur dicendi materia.

CAPUT IV.

De Fontium nonnullorum fluxu & refluxu, & varia Aquarum mutatione, uti & de Fontibus ammonæ caritatem prænunciantibus.

Fons reciprocus.

MIrum nonnullis videtur, fontes & balnea esse, quæ fluxum & refluxum maris æmulentur, mira tamen inconstantia; Alii enim bis fluunt & refluunt indies; Alii singulis duodecim aut plurium dierum curriculis; quidam dimidio anni spacio siccantur, altero fluunt. Non recensabo hoc loco, quæ Veteres de hujusmodi innumeris involutis fabulis tradiderunt; sed quos vel egomet vidi, vel saltem virorum fide dignissimorum relatione scriptisque comperi. Est locus in Westphalia, quatuor circiter leucis distans juxta pagum, quem *Altenbecken* vulgò vocant, in aperto campo, qui arenarum cumulis undique & undique confusus, sine ulla aquæ suspitione cernitur. In hac fabulosa planitie aqua bis interdiu erumpit tanto cum impetu & fragore (undè & nomen *Bollerbrun* meruit) ut totam illam superficiem inundet, & deindè eodem modo, quo crevit, decrescens penitus se abscondat sola, quam diximus, fabulosa superficie remanente. Narrabant mihi Accolæ fontis, Episcopum *Theodorum*, quandoque Gynicæum miraculi hujus videnti avidissimum, animi relaxandi gratia secum eò duxisse, mensam in media superficie struxisse, opipare & lautè instructam, qui uti naturæ loci probè conscius, ita foeminarum nil de occulto naturæ dolo, ne per umbram quidem suspicantium curiositati ludendam duxit: Vicina jam hora eruptionis aquarumerat; cum ecce inter confabulationes cunctis jucundè & hilariter genio indulgentibus, aqua solito impetu erumpens, dum suprà mero se madefaciunt, lympa infra suas probè partes explens, pectore tenus commensales ita diluit, ut qui siccis pedibus mensam accesserant, jam vado aridam, non sine eorum, qui naturæ ludibriorum conscii tempestivè sese subdixerant, aspectantium risu & cachinatione, petere cogerentur. Sed hæc animi gratia.

Quæritur itaque hujus fluxus & refluxus causa: Dico causam esse maris Balthici, à quo decem dierum itinere distat, fluxum & refluxum, quod cum per abditum subterraneum meatum hoc loco exitum invenit, in eodem juxta marini æstus leges constitutis horis sese exonerat: Quod verum esse mon-

strat varia reciprocatio aquarum, quæ non secus ac in mari juxta Lunæ in Zodiaco motum, in novo & plenilunio abundantius, in dichotomo Lunæ statu parcius exuberare comperitur.

Sed dices forsan hæc aquas dulces esse, ex proinde ex mari originem suam trahere non posse. Respondeo, duplici modo hujusmodi aquas dulcescere posse: Vel per fabulosæ cretaceæque terræ transcolationem, uti in præcedentibus ostensum fuit: Secundo, per aliud subterraneum flumen, quod dum aquæ marinæ fluxus incidit, versus hujus loci ostium pulsum exundare facit, mari verò refluyente, & flumen hoc suo restitutum alveo se retrahere necesse est.

Simile quid observatur in fluvio, quem veteres Timavum vocant, Istriam inter & Carniam, posito cognominem; Hic mons hydrophylacis refertus in flumen Timavum per novem ostia, teste *Virgilio* eructatur.

Unde per ora novem magno cum murmure montis

It mare præruptum, & pelago premit ora sonanti.

Unde & à Veteribus fons & pater maris non immeritò appellatus fuit: Siquidem incrementum decrementumque non secus ac mare Adriaticum in ultimo illo Diomedei Sinus angulo patitur; adeoque subinde augeatur, ut totam Regionem diluvione inundet; & quoniam semper sua dulcedine gaudet, mirantur multi, cur non maris salugine imbuatur. Non procul ab hujus fluminis ostio olim Insula spectabatur, in quo thermarum fons celeberrimus, eandem cum mari æstus reciprocationem patiebatur, hodieque balneum montis falconis dictum, hominum frequentia celebre visitatur; tametsi Insula limi aggestu successu temporis continenti juncta, hodie insulæ nomen perdidit, balnei tamen æstu adhuc durante. Quæritur itaque tam prodigiosi incrementi fluminis causa, & cur marinis fluctibus non misceatur, sed & usque ad ipsum mare dulcedine sua non privetur. Quod antequam assignem,

Sciendum est, à Timavo flumine 14 milliariis intercapedine montem esse, juxta vicum, quem *S. Cantiani* vocant, ex cujus visceribus ingens aquarum copia fluminis instar evolvitur,

Fluxus &
refluxus
Timavi
fluvii.


volvitur, quæ vixdum in planitiem evoluta cernitur, cum eccè voragine obvia mox absorpta nullibi amplius comparet. Hoc itaque flumen subterraneum, aquæ marinæ per subterraneum canalem pariter subeunti occurrens, cum vehementiam maritimi fluxus utpote levioris naturæ superare non possit, neque etiam ei retrocedendi facultas concessa sit, per alium canalem qui intra montem Timavum cavernosum porrigitur retroactum, montem totum ab imo ad summum usque replet; hic repletus dicta aquarum abundantia, exuberans per multiplicia ostia flumen Timavum efficit, qui fluente mari dictum incrementum, refluyente verò decrementum patitur. Non itaque mare in externa superficie fluvium occurrentem assaltu suo tumefacit, sed abditis internæ & subterraneæ constitutionis machinis incrementum decrementumque flumini conciliat; dum enim flumen juxta Vicum S. Cantiani absorptum maris fluctibus subterraneis occurrit, illud retroactum montem per canales replet totum, unde exuberans Timavum efficit, qui diluvione omnia complet; refluyente verò mari, flumen subterraneum jam laxiores habenas adeptum, refluentes maris subterraneos fluctus sectans, monti negato solito aquarum tributo, fluvius Timavus consequenter mediocritatem quandam decrementumque ex nativis montis, unde erumpit, fontibus acquirit, donec denuò fluente mari, nova aquarum colluctatione peracta, mons rursus repletus solitum incrementum fluvio largiatur; durante perpetuò hac incrementi decrementique dicti fluminis vicissitudine. Si quis hoc naturæ mysterium ritè conceperit, eum innumerorum casuum solutionem, circa simile argumentum promptam habiturum nihil dubito. Patet itaque in dulcis aquæ fluvio incrementi decrementique causam mare non esse, sed impulsus maris intra subterraneum meatum, quo fluvius subterraneus à recto suo tramite diversus intra montium cavernas violenter impellitur; qua propulsatione lebetes montis exuberantes, fluvium ingenti aquarum mole gravatum extra nativam alvei stationem longè latèq; diffundunt. Hujusmodi montes quoque reperiuntur in montibus Pyrenæis; Talis est in Agro Pictaviensi, juxta pagum *de la Goudenurè*; & fons prope civitatem *Sanmur* ad ripas Ligeris, in pago vulgò *de Varins*. Atque ex his duobus adductis exemplis patet, quod quandounque fontes & flumina comperiuntur, qui quotidiano non secus ac mare fluxu refluxuque agitantur, ea ex maris æstibus originem suam per subterraneos cuniculos eo modo, quo dictum est, trahere dicenda sunt. Jam videamus, quænam causa sit illorum fluviorum, qui dimidii anni spacio fluunt, altero verò dimidio siccentur; Inter quos sane memorabile est Balneum Piperinum, Germanicè *Pfefferbad*, in Curienti Territorio prope Helvetios, quod tertia die Maji, festo nempe Inventionis S.

Crucis, aquis plenum usque ad 14 diem Septembris Exaltationi S. Crucis sacrum perdurat, hac verò transacta festivitate, veluti furtivè sese subducens, locum omni aqua destitutum relinquit; cuius rei causam non aliam esse dico, quàm liquefactionem nivium in Alpinis montibus, quæ circa Maji initium plerumque incipit; unde fit, ut aquæ calore Solis resolutis nivibus per rimas, fissuras, meatusque in interioribus montium lebetibus conchisq; multiplicatæ, aquas Piperinas obvias paulò infra balnei locum abditas protrudant, atque ex hac protrusione tandem aqua exuberans locum balneo destinatum repleat; Cum verò liquefactio nivium quatuor integris ferè mensibus duret, & in balneo aquas perdurare; cessante verò nivium liquefactione, & balnei aquas cessare necesse est; Et hoc verum esse inde patet, quod balnei aquæ ab initio Maji usque ad finem Julii notabile incrementum sumant; hinc verò pari gradu decrescere videantur. Est & alius in Pyrenæis hujus proprietatis fons, *Eitorbe* à monte, ad cujus radices adjacet, sic dictus, circa Solstitium æstivum, sive festum *S. Joannis Baptista*, ingenti impetu ac majori cum fragore ex visceribus montium evolvitur, & hoc fluxu durat usque ad Natalibus Christi sacrum diem, sive ad Solstitium brumale, ubi à fluxu desistit. Differt autem à fonte præcedenti bimestri fere posticipatione, cuius rei causam ego esse putem: quod aquæ ex resolutis nivibus in montibus Pyrenæis plus temporis ad cavernas explendas, quàm in præcedenti insumant. Tota igitur diversitatis ratio in anticipandis aut posticipandis fluxibus consistit in diversa cavernarum canaliumque hydragogorum dispositione; sed rem oculari intuitu exponemus.

Sint Montes Pyrenæi A nivibus cooperti, B verò fissuræ montis, per quas liquefactæ nives defluunt in subjectam submontanam cavernam CDEFG, fons æstivus pati solitus sit H. Quoniam igitur in principio Veris Solis virtute & efficacia nives paulatim liquefcunt, fit ut humor per innumeras montium fissuras rimasque insinuatas in caverna CDEFG corrivetur; crescente verò intra cavernam indies aquarum colluvie, ex majori semper atque majori liquefactarum nivium copia, fit ut ubi aqua summum cavernæ CD attigerit, tum tandem sese per canalem CH, in fontis lebetem exoneret, & fons fluere incipiat; qui non impleta caverna à fluxu desistebat. Rursus, quò Sol ardentior est, eò majorem nivium copiam liquefacit, fit ut per Menses Julium, Augustum, Septembrem mirum in modum intra cavernam aqua augeatur, & consequenter abundantius fluat fons H; Cessante verò liquefactione nivium pluviarumque ex defectu Solaris æstus, copia Mensibus Octobri, Novembri & Decembri proportionaliter decrescere videtur, usque dum ad Solstitium brumale prorsus deficiat, caverna verò interim per alias rimas fissurasque sese ad vacuitatem

tem usque exonerante. Vides igitur ex hac naturæ ingeniosa industria, quomodo fontes nonnulli dimidio anni spacio fluant, & altero

dimidio anno à fluxu desistant. Ubi vides quoque quomodo præcedentis balnei aquæ bimestri ferè spatio fluxum anticipent.



Sit in præcedenti balneo Piperino H fontis concha, subterranea verò caverna sit C D E F, priori minor, quæ recipiat liquefactarum in Alpibus montibus nivium pluviarumque aquas; luculentissimè sanè patet, cavernam C D E F minorem, uti citius impletur, quàm caverna C D E F G, ita quoque citius sese in concham fontis H exoneraturam, unde & fontis fluxum anticipari necesse est, quæ ita ad oculum demonstrantur, ut de eo nemo amplius dubitare debeat: Tota itaque ratio anticipationis posticipationisque fluxûs fontium, non nisi ex dispositione montium, amplitudine & profunditate cavernarum, canaliumque structura pendet.


Objicere tamen hoc loco nonnemo posset, pluvias, quæ hyberno tempore quasi perpetuæ sunt, eundem effectum, quem liquefactio nivium causat, præstare posse. Respondeo, dissimilem omninò inter utrasque aquas rationem intercedere; quamvis enim hyberno tempore perpetuæ quasi pluviae sint, sit tamen ut pluvialis aqua in montibus non hæreat, sed statim defluens in torrentes abeat, atque adeo tempus non habeat, altius sese intra viscera montium insinuandi. Contrà nives montium verticibus perpetuò inhærentes, cum non nisi lentè & sensim resolvantur, & ab ipsa nive circum circa accumulata, ne cum impetu labantur, veluti contineantur, patet certè, humorem tempus habere sufficiens ad sese intra montium viscera per obvias fissuras fibraeque altius paulatim insinuandi; Quia verò hyberno tempore nives nivibus sine ullo liquefactionis metu accumulatur, hinc quoque fontium æstus cessant: Pluviae verò, uti dictum est, cum impetu ex montibus in valles

defluunt, & etiamsi subinde fissuras reperiant, per quas intra cavernas sese insinuant, non tamen illæ tantæ sunt, ut dictas cavernas explere, exuberationemque causare possint.

Verum hisce fontibus fontem prorsus contrarium narrat *Georgius Wernerus* in sua *Pannonia*; Lacum ait esse naturalem & vivarum aquarum in Hungaria, quæ tamen perennes non sint, sed eas hybernare tota æstate infra vicinas montium cavernas, relicto alveo etfi aquis orbato, per id tamen tempus jucundo satis herbosissimoque; mox ingruente Autumno manare totoque hyemis curriculo ad principium usque æstatis non solum fluere, sed copiosâ piscium foeturâ repleti. Quæritur itaque, cur dictus fluvius, qui in præamplum lacum terminatur, hyeme tantum, non verò æstate fluat? Dico hujus rei causam esse tum loci constitutionem, tum cavernas montis, ex quibus Autumnali tempore evolvitur. Ad situm quod attinet, eum *Vernerus* ita describit: *Regio plane & molliter depressa, qua tamen montibus undique clausa, multiplicibus rivorum ductibus irrigatur, triplici quidem ab Orientali situ, & quadruplici ab Austerali; hi fluvii quò magis à fontibus suis elongantur, hoc minoribus parciorebusque excurrunt aquis, quas planè tum ipsum perosum solum obiter imbibit, tum aperta ad sinem scrobes, quasi immanium speluncarum sub illis montibus porta absorbent.* Hinc itaque accidit, ut cum hæc flumina toto æstatis decursu continuis aquis speluncas istas repleverint, sub Autumni tandem fine, quasi tum plenis ac redundantibus alveis, non modò non recipiunt, ut potius, nescio quonam intus motu ac aëris ventorumque, quemadmodum continui fremitus testantur, impulsu quot aquæ

aquæ antea receptæ fuerint, tot mensibus aquæ, quasi ex Orci facibus rejectentur, ac tanto cum impetu, ut vix concitato equi cursu, sicuti ferunt, eas evitare liceat; atque hoc pa-

cto omnem loci humilitatem capacitatemque implent lacus; sesque milliari quaquaversum spatio, altitudine ubi major 18 cubitorum. Sed rem Schemate hydraulico explicemus.



Sint montes ab Ortu è Austro H H H, scaturigines rivorum G G G; scrobes quibus absorbentur F F F, & hinc per subterraneos meatus corrivati per E intra ingentem montis C cavernam D defluant. Sit deinde intra cavernam D per saxosos scopulososque parietes alius quidam meatus in fundo cavernæ, fursum tendens B A in formam syphonis cæci R N deductus, cujus orificium I ad extra pateat.

Hiscæ positis, Dico necessariò fluvium I K æstate ficcari, hyeme verò fluere: Quoniam enim æstate ex rivorum absorptorum corrivatione, tum intra cavernam D, tum syphonem B A, semestri spacio aquæ continuò crescunt, hinc contingit, ut aquæ ubi ad summum intra syphonem A B pervenerint, per I os syphonis, summo impetu eructatæ, fluvium I K, & deinde intra concavitatem planitie Lacum L constituent: Quoniam verò ea natura syphonis reflexi, quam Hydraulici, *Diabeta* vocant, est ut aquam fundere non desistat, nisi ubi totum vas, intra quod constituitur, aquis exhaustum fuerit; quibus exhaustis tum denique à fusione ulteriori cesset. Hinc vides, aquas intra cavernam & Syphonem æquo incremento assurgentes, ubi lineam L E attigerit, tum denique aquas per orificium I sese exoneraturas. Fluere autem juxta syphonis proprietatem tamdiu, quamdiu aqua continebitur intra cavernam; neque unquam à fluxu cessare potest, ex vacui, quod

intra syphonem A B, ex discontinatione aquæ intervenire posset, formidine; Fluere autem semper perenni cursu, si tantum aquæ ex syphone diffunderetur, quantum aquæ fluvii cavernæ suppeditant, sed sagaci naturæ consilio actum est, ut canalis A B plus effundant aquæ, quàm fluvii G F affundere possent, unde aquæ necessariò semestri spacio usque ad fundum cavernæ per canalem evacuantur, orificioque B syphonis aperto, aquæ fluere cessabunt, usque dum altero dimidio anni per fluvios F G cavernæ denuò usque ad lineam L E aquis impletæ, illæ iterum uti prius fluere incipiant, & hoc perenni vicissitudinis lege.

Quicumque hæc ritè conceperit, is nullum tam intricatum irregularis æstus tum in fontibus, fluminibus, lacubusque elucescentis nodum reperiet, quem non ex similibus naturæ machinis dissolvat. Quæ vero de Sabatico flumine in Syria ab Authoribus narrantur (utpote qui semper excepto Sabato fluat, unde & nomen habet) uti variis opinionibus implexa sunt, ita parcè indigitanda duxi: Si tamen vera sunt, uti verissima esse *Dominicus Magrius* ἀνωπὴς mihi asseruit; istius rei causam non tam miraculosum Hebraizantium, quàm Physicum effectum esse dicerem: Cum ex præcedenti Problemate facilè solvi possit; tantum enim aquarum cogi posse dicimus in subterraneis conchis, ut in sex dies sufficeret, in septimo verò deficiens non sufficeret.

Unde vanam eorum rationem cuiusvis existimare facile licebit, qui huiusmodi aut abditis Astrorum influxibus, aut spiritui Mundi, operosis ratiociniis adscribere attentant, adeoque idem ipsis accidat, quod iis, qui aurum ex concavo Lunæ petunt, quod sub pedibus abditum habent; nisi enim in huiusmodi naturæ monstris ad causas proximas & vicinas confugeris, frustra te in causarum huiusmodi scrutinio laboraturum, certò tibi persuadeas.

Mirè quoque nonnulli Philosophi sese torquent in ratione reddenda abditarum proprietatum, in quodam puteo ad ripam Bætis mirabili, qui æstu maris crescente minuitur, decresciente verò maris æstu crescit; un-

de multi ad abditam Astrorum vim confugientes, causam se posse dare putant; alii ad nescio quas physicas speculationes adducti ridiculè philosophantur, qui si proximas causas molientis naturæ in interioribus nossent, haud dubiè magis ad captum hominum ratiocinarentur: Est enim huiusmodi fontis nulla alia causa, nisi quod æstus maris subterraneos meatus subiens, in concham aliquam se exoneret, quæ tandem mari in summo incremento constituto repleta, intra puteum sese paulatim insinuet, unde puteus mari decrescente crescere videtur, eo prorsus modo, quo in præcedenti Figura apparet.

CAPUT V.

De Metamorphotica vi Fontium, Fluviorum, Lacuum, quæ injecta quævis in saxa, aliasque metallicas species convertunt.

Sunt innumeri in Geocosmo Fontes, Lacus, Flumina, quæ petrifica sua vi quælibet injecta partim lapideo tantum cortice, partim etiam in saxum medullitè convertunt; ita Sarnus in Campania; Silarus ultra Surrentum; in Hetruria Elsa; & in Volaterrano Agro complures; Aponitanæ aquæ in Lombardia, in Germania, Gallia, Hispania variis in locis, quæ vide in præcedentibus, quibus quidquid, uti dixi, injeceris, & vel in saxum prorsus convertant, vel lapideo quodam cortice obvolvunt, corpore quod amiciunt, prorsus incorrupto. Prioris generis sunt innumera, quæ passim in Tyburtino Agro circa ripas Anienis & Albulæ reperiuntur.

Cernitur in Musæo Qualdino Montis Pinciani inter complura ligna, arborum folia, fungos, cancos, cranium humanum, & vel ipsa aqua intra tubum, quo aqua Claudia vehabatur, in Alabastriten conversa: Sunt & in meo Musæo complura huiusmodi prægrandia cuiusdam gigantis ossa, fungi, ligna, grana tritici, cochleæ, stiriæ in saxum conversa; ut interim fileam magnum horum hîc Romæ in diversorum Musæis numerum; integrum corpus humanum in Villa Ludovisiana spectatur in saxeam substantiam transformatum: Est in Gallicano, vigesimo circiter lapide Romæ diffusus locus, in quo aquæ sedimentum in lapidem concretum, & exuberans pontis vicem præbet; idem supra accidere diximus in fonte urbis Claromontanæ Galliæ. Ad Zepusium Hungariæ oppidum fons est, cujus aqua quacunque vadit, lapis fit, tanto cum augmento, ut incolæ ex iis ædes sibi construant, atque ex aqua exstructas domos se habere jactitare soleant: Non dicam hîc de Cryptarum stillicidiis, quibus in omnigenas animalium formas aqua defluens mutatur. Mirum est quod de specu Cadurcensi refertur, quam ludibunda natura ex continuo stillicidio, sta-

tuis ita aptè adornavit, ut monachos in hemicyclo confidentes te videre jures. Similes spectantur in Hungaria & Transylvania. In Piceno Grotta Scura; Anticoli in Latio, cæterisque locis, quorum non est numerus; in Agro Reatino, ubi petrifica vis fluvii Velini ita prævalet, ut certis annis evolutis, fluxus fluminis, quem rupes hinc inde saxoso cortice dilatata impediunt, magna vi hominum refectis petrefactismolibus, aditum facere ne inundatione sua omninò denatet, cogantur. Ad littus maris Baltici propè Lubecam, raram arboris unà cum nido volucrum in saxum conversa inventum fuisse, *Albertus*, & ex illo *Agricola* docet; refert & alium non minori admiratione dignum in Gothia fontem existere, qui in lapidem quidquid merseris vertat, cujus miraculi *Fridericus* Cæsar ut certum caperet experimentum, jussit chirothecam sigillo suo munitam, medio tenus immergi, & quidem post aliquot dies partemmersam lapideam evasisse, reliquam, ut erat, pelliceam remansisse. Verùm uti nullus ferè locus huiusmodi miraculis carere videtur, ita quoque iis ceu passim notis non immorabimur. Sed ad causæ inquisitionem calamum convertamus.

Ex præcedentibus sat superque patuit, aquas innumeris mineralium corpusculorum misturis refertas esse; nitro, sale, alumine, vitriolo, bitumine, diversorumque metallorum atque saxorum matricibus. Primò itaque ex salinorum corporum miscella cum ramentis lapidum saxorumque rasuris, nascitur succus quidam petrificus, qui sese poris insinuat rerum in eas conjectarum, ex quorum continua corpusculorum scilicet sui similium appetentium successione, prima format lapidosi corporis fundamenta, atque hoc pacto aliorum aliorumque novorum appositione, tandem res injecta, sive lignum illud sit, sive herba, aut hisce similia, cortice lapideo induuntur.

duuntur. Verum ut hæc melius capiantur, paulò altiùs ordiri visum est.

Cur aquæ
lapedescant
& quomo-
do.

Duplici modo lapidificus ille succus à natura in aquis elaboratur; vel enim aqua certis mineralium corpusculis intimè & perfectè miscetur, vel superficietenus aut confusaneè tantum; Priori modo totam substantiam in saxum mutari necesse est, uti in corallinis stirpibus patet, quæ petrificum maris succum naturali quodam appetitu attrahentes in substantiam aliti convertunt; hoc pacto quoque varias res, herbas, folia, ligna, fructus, animalia perfectè in saxum, sive duritiem, sive pondus spectes, conversa videntur. Posteriori modo succus petrificus, qui ex imperfecta corpusculorum fossilium mixtura constat, uti neque intimè ac perfectè cum dictis rebus miscetur, ita quoque nonnisi superficietenus ligna, herbas, arundines saxoso cortice vestit, intimà substantià prorsus incorruptà; haud secus ac sævo liquefacto elychnium per frequentem immersionem tandem in candelam evadit, frigoris condensatione solidam & firmiter consistentem; ita omnia intra aquam projecta non prius quàm extra aquam lapideæ molis consistentiam acquirunt, uti in corallo patet; Cujus rei ratio est, quod durante aquæ intra quam conduntur, humectatione, etiamsi continua appositione corpusculorum vi lapidifici succi semper augeantur, non tamen ob continuum ambientis humidi allapsum in duram substantiam lapidescere queant, nisi aëri aliquandiu exposita fuerint; tum enim humido superfluo sive à Sole per resolutionem attracto, sive ventorum siccitate consumpto, tandem in lapideam substantiam indurantur. Quæ verò succo lapidifico perfectè & intimè miscentur, ea in saxeam substantiam converti necesse est; cum enim succus lapidificus nil aliud sit, quàm humor insensibilium corpusculorum ex lapidosi venis, nitrosi salinisque locis abraforum mixtura constitutus elaboratusque, corpuscula verò humori perfectè mista, cum naturaliter in eum se statum, in quo extiterunt, reducere appetant, hinc humoris salinitrosi, aluminosi aut sulphurei vehiculo ob spirituum subtilitatem, omnes earum, quas obvias habent, intimas fibras medullasque penetrant; quo facto, acrimoniæ qua pollent vi, mollioribus rerum obviarum partibus consumptis exesisque, in exesorum locum se substituant, & hoc pacto in saxeam molem transformant; qui quidem succus tantò erit efficacior, quantò à calore subterraneo magis fuerit excoctus: Concoctio quippe caloris vi, ex terrestribus glèbis pinguedinem quandam elicit, quæ mista succo petrifico, veluti gluten quoddam subministrat, quo corpuscula arctè cohæreant, & partes partibus firmiter connectantur; & ita experientia docet, res quæ lapidescunt, primò veluti mucosum quoddam circumdari, cui deinde succi petrifici corpuscula veluti visco cuidam cohærent,

& semper alia & alia, continua appositione facta, donec tandem mucoso cortice vestita, aërique exposita in lapidem convertantur. Sed hæc experimento comprobemus.

EXPERIMENTUM.

Accipe cujuscunque lapidis in impalpabilem pollinem reducti farinam, quam aqua subactam (cui nonnihil salis, nitri, & bituminis liquidi junctum sit) in perfectam misturam contemperabis. Hoc peracto apparam concham aquâ qualicunque refertam, in cujus medio perpendiculari situ implantentur, & herbæ & ligna arida, ossa, & quæcunque alia; deinde decoctam manicæ *Hippocratis*, uti Chimici vocant, impositam paulò antè descriptam compositionem stillare facias, & cum tempore videbis, res impositas cuticula quadam mucosâ vestiri, & corticum rudimenta ex continuo corpusculorum appulsu moliri, quæ deinde effusâ aquâ liberiori relicta aëri successu temporis in saxeam duritiem concrevisse reperies. Quod itaque nos expecta fieri docet, id multò majori industria naturam operari, nemo nisi insensatus inficiabitur.

CONSECTARIUM.

Lapedescunt itaq; res in certas aquas conjectæ; eo modo quo diximus, vel quod succus, uti Vitruvius, lapidificus coaguli instar aquas, quibus permiscetur, spisset, easque ita addensatas Solis æstus cogat induretque; vel ut *Agricola*, quod succus lapidificus ex specuum venis & commissuris emanans, antequam deciderit, indurescat; vel cum ejus guttæ jam distillarint, non secus ac stiriacæ tectorum glaciem, ita succus decidens virtute sua & stirias lapidum in fornicibus, & in pavimento conos lapideos format, salinitroso succo in saxum paulatim converso; vel denique res ipsæ convertuntur in lapides, cum succum ipsum lapidescentem combiberint; quemadmodum exorto bello, cum opifices in metalla Lydiæ circa Pergamum confugissent, obstructo ab hostibus exitu suffocati sunt, sed longo post temporum intervallo apertis rursum & repurgatis fodinis, inventæ sunt amphoræ aliaque id genus vasa, quæ ad usus necessários adhibuerant, repleta humore quodam, & in lapides duratâ omnia, & juxta etiam ossa humana. Dixi, si quando res succum combiberint; quia quodocunque succus petrificus perfectè aquæ commixtus, omnes rerum projectarum medullas, fibras, porosque penetraverit; tum enim verò res secundum totam eorum substantiam in saxeam molem convertuntur, exesibus ab humore petrifico lignea aut ossea materia, in earumque locum se substituentibus corpusculis saxeis, humori petrifico perfectâ, ut dixi, mixturâ inexistentibus, quod non fit in rebus, quæ

Quomodo
res variae
in fontibus
& aquis la-
pidescant.

quæ cortice tantum faxeo vestiuntur; Cujus rei causa est, confusa & extrinseca in humore petrifico corpusculorum sive scoriarum ramentorumque ex faxeis venis abraforum, ad res obvias aggestio; non secus ac in aluminis coctura fit, intra quam cujuscunque rei figura ex ligno querno confecta, imposita, spatium 24 horarum in crystallinam figuram evadit. Idem accidit, dum saccharum appropriata coctura in crystallinam speciem convertit;

in omnibus denique salinis concretorum succorum magisteriis videre est: Quin & ex omnibus lignorum herbarumque cineribus per appropriatarum rerum lixivium, sal educitur. Verum cum de mira omnis generis lapidum, marmorum, Jaspidium genesi, aliisque miraculosis rerum in saxum conversionibus, ex professo in sequentibus suo loco & tempore acturi simus, iis diutius inhærere nolui.

SECTIO VI.

De reliquis Aquarum Miraculis.

Fabulosi
fontium
aliquorum
effectus.

Quæ in præcedentibus de nonnullis aquarum prodigiosis effectibus diximus, illa omnia suis naturalibus causis constare demonstravimus; Restat ut & nonnihil de famosis apud *Plinium*, *Alianum*, *Solinum*, *Polyhistorum* aliosque Veteres, aquarum prodigiis recenseamus; Quæ uti nullo naturæ fundamento fulciuntur, ita aut mera figmenta sunt, aut allegoricis Poëtarum involuta modis, aut ex fabulosis narrationibus, quas aut hominum simplicitas, aut superstitiones gentium induxerunt, originem traxerunt: Est enim humano ingenio insitum, vel ad primum exotici effectus occursum, multa iis affingere, aut jocosa seriis intermiscere; Sanè qui ea scribunt, sæpenumero non tam veras in eis quærunt demonstrationes, quam ut proprium institutum venustis allusionibus, aut exotica quoad sensum, nonnulla *κατὰ τὴν ἀνθρώπων* amplificent, probatione. Sic *Plinius*, dum universam Mundi ac Naturæ profiteretur Historiam, multoties non se profitetur obligasse ad causas, perinde immensi operis labores, & quæ relata invenit, simpliciter recensuit etiam miracula, quorum nos multa in hoc opere adduximus & enodavimus, genuinis effectuum assignatis causis. Fabulosa prorsus putamus, quæ ex *Varrone* & *Theophrasto* adducit, de fonte in Coea Insula, & in Cilicia, quorum prioris potus hebetes, posterioris subtiliores reddit sensus vegetioresque; talia sunt quæ de Sicilia fontibus Cleone & Gelone narrat, quorum ille à fletu, quem & bibentibus efficit, hic à risu nominatur, eò quod potantes in risum dissolvat. Ridiculum est, quod de Leontino fonte, cujus aquas qui bibisset, scientem evadere medicum recitat; Item quæ de *Cupidinis* & *Veneris* fontibus narrat, quorum hic ad amores sollicitaret, ille eosdem extingueret; quæ eadem de Selenio Achajæ fluvio *Calius* ex *Pausania* refert, in quo tam viros quam foeminas allectos amores deponerent. Vana sunt quæ de fonte in Bonicca Hispaniolæ Insula, *Petrus Martyr* desultoria hyperbola adducit, qui juventutem senibus mirificè instauret, et si nec canos mutet, nec rugas. Ex quibus fabulosa id genus multa. rudis illa antiquitas, ac


fallax Græculorum dicacitas cum superstitione conjunxit. Hinc tot fontes *Apollini*, *Musis*, *Neptuno*, *Baccho*, *Iovi*, *Plutoni*, cæterisque Diis dicat, tum apud *Ovidium* in *Metamorphosi*, tum apud *Virgilium* cæterosque veteres Poëtas passim videre est, reperiuntur; quæ quia vel ipsis pueris nota sunt, subiteo. Sed ne illa naturæ prodigia prætergredi videamur, quæ tametsi fabulosa videantur, nescio tamen quid sub ipsis verorum lateat naturæ ludibriorum; Prius in fontibus elucescit, qui abdita quadam vi sterilitatem foecunditatemque annorum, illam cum fluunt, hanc cum fluere cessant, prænunciant. Hujusmodi inveniuntur quatuor in Hetruria, uti in *Itinerario nostro* observavimus; Inter quos *Luciales* in Agro Senensi juxta pagum *Rosiae* cum primis celebres sunt, qui non nisi certis annis fluunt; quod quando fit, incolæ penuriam rerum ominantur; quando verò à fluxu desistunt, ita ut sicco pede transiri possint, tunc magnam ubertatem & annonæ copiam spondent. Talis fons est *S. Reguli* ad *Pientiam* in Hetruria, qui ubi exaruerit, ubertatem, ubi magna aquarum mole evolutus fuerit, sterilitatem portendit. Alium *Albertus Leander* in sua Italia recenset, hujus proprietatis fontem juxta *Narniam*; *Lacus Vadimonis*, uti in nostra Hetruria docuimus, ejusdem proprietatis esse, *Accolæ* ejus testantur; de quo hisce verbis *Baccius* in suo de *Thermis* Libro: *Lacus Vadimonis, qui & Bassanelli dicitur, triginta circiter millibus passuum ab urbe dissitus, quem ad majorem fidem scimus hoc anno 1569, quo universalis est in Italia penuria, exundare jam usque à principio Veris mirandis modis.* Eadem de *Lucalibus* ac *S. Reguli* prædictis aquis accepimus, quæ nimirum jam exsiccata multis annis, hoc anno in admirationem usque indigenarum, qui hanc earum sciunt naturam, exuberant. His itaque positis jam causa quæritur, quam tunc assignabo, ubi prius nonnihil de *Nili* incremento adduxerimus, hæc enim nobis ad veræ causæ notitiam viam sternent.

Niloscopium, celeberrimum in *Ægypto*, uti olim ita nunc celeberrimum est *Hydrometrium*. Est autem fabrica rotunda in ripa *Nili*

An fontes
aliqui ste-
rilitatem
possint
præsigna-
re.

Nili adinstar putei, in cujus medio columna marmorea spectatur 20 parallelis circulis, numeris suis columnæ incisis; Ex ascensu verò & descensu aquæ, tempore inundationis Nili, Ægyptii cognoscunt anni futuram constitutionem vel ad sterilitatem, vel ad ubertatem annonæ inclinantem; Si enim vigesimum circulum in columna aqua Nili, quæ per occultum canalem puteo sese insinuat, exceßerit, humiditate omnem sementem suffocante, summam rerum penuriam expectant, Sive rò duodecimum circulum infi-

mum non attigerit, eandem, siccitate omnia consumente, illis notabile Nili decrementum pollicetur; Intermedii verò nunc majorem, modò minorem, jam mediocrem feracitatem futuram monstrant, usque ad decimum octavum, quo maxima promittitur. Ex hujus similitudine Niloscopii facilè in abditas reliquorum jam enarratorum fontium fertilitatis & sterilitatis indicum causas pervenimus: Hoc itaque modo naturam in hujusmodi fontium mira constitutione operari tibi persuadeas velim,



Imaginàre tibi sub terra DE puteum ABC, intra quem per occultas rimas aut per hydrophylacium quoddam, verb. grat. F, aqua paulatim, quibusdam temporibus plus, nonnullis minus sese insinuet, certis verò temporibus etiam ultra constitutos terminos exuberet, quod tamen non fit, nisi humidissima certorum annorum constitutione: tunc enim per puteum aqua paulatim ascendens successive multiplicatarum aquarum impulsu exundabit, quod uti consequenter fit in tota aliqua Regione FG dum humiditate partim pluviarum, partim subterranearum cavernarum exuberantia, terrà intus tota humectata, fons verò stagnantibus aquis oppletus, hydropicam quandam & malignantis naturæ constitutionem acquirit, qua sementis herbarumque vigor suffocatus in putredinem abit; ita quoque sterilitatem rerumque penuriam sequi necesse est; cujus signum est fontis exundatio fluxusque. Iterum si quandoque anni successerint insigni ariditate & siccitate pol- lentes, tunc aqua partim à Solis Siderum- que æstu attracta, partim in ascensu suo interna ariditate consumpta fontem non per- mittet fluere, quod fit, quando aqua intra

intimos putei A B C recessus, terminum C non exceßerit; tunc idem fieri in campis, censendum est, quod in puteo, humore toto, terræ siccitate consumpto; unde ipsa veluti phrasi quadam infestata, sementes, herbæ, segetes humore destitutæ deficient, sterilitate sequente; cujus signum est, aquæ intra puteum recessus. Tam excessus itaque quàm defectus aquæ sterilitatem annonæque caritatem ex dictis rationibus inducunt, uti ex Niloscopio patet. Si verò temperata fuerit annorum constitutio, tum quoque puteus iste mediocritatem quandam unà cum campis sectabitur, quam ubertas consequetur, & segetes, prata, plantarumque germina benigno & proportionato nutrimento vegetatæ, uberi rerum proventu luxuriabunt, & tanto quidem majori, quanto aquæ mediocritatis puncto B propius accesserint. Atque hanc causam esse dico, cur nonnulli fontes sterilitatem fluxu suo & exuberantia indicent; ubertatem verò si à fluxu destiterint, non illo quidem extremo, sed qui mediocritatem quandam humore suo attingat.

Alterum aquarum seu potius quorundam lacuum miraculum est, quod si quid in ipsos

Utrum
dentur
fontes pro-
inje-
cellosi.

injeceris, è vestigio tumultus ac sævæ tempestates excitentur. Hujusmodi lacus primò in Comitatu Foxensi *Tabor* appellatus existit, *Divo Bartholomæo* sacer, profunditatis inexplorabilis, in ultimo vertice extrâ secundam aëris Regionem, omnesque aëris injurias, elato, constitutus, Trutis prægrandibus refertus; aqua salubris, etiam si semper immobilis, nullo rivo inde educto, nisi in radice montis conspicuo: De hoc vulgò fertur ejus aquas motu aliquo artefacto commotas, vel lapidum jactu, vel baculorum agitatione, dare & excitare pluvias ingentes, tonitrua, fulgura. Talis quoque dicitur esse in monte non longè diffito Tridento, qui tam sævas dicitur commovere tempestatum procellas, ut inde totus vicinus ager ab ingentibus damnis non sit immunis; ut proinde gravi poena cautum sit, ne quispiam in illum quidpiam projiciat. Tertius in Helvetia esse dicitur, in monte vulgò *Pilati*, *der Pilatus-Berg*, de quo mira de *Pilati* in eo die Veneris sancto apparitione fabulantur. Quæritur itaque horum lacuum, qui tam graves tempestates excitant, causa.

Cur tonitrua & procellas excitent.

Diço itaque primò, non omnia vera esse, quæ vulgò narrantur, nec facile credenda, quæ vel superstitione idiotarum, vel desultoria quadam illusionè phantasiæ passim referuntur, cum sæpe causa insoliti alicujus effectus uni rei tribuatur, quæ multò diversam originem ab ea sortiatur; siquidem accidere potest, ut eo tempore æstivo, quo altissimorum horum montium vertices ut plurimum visitari solent, talis sit & Coeli & aëris constitutio, ut inde dictus sequatur effectus. Accedit subindè Dæmonum, qui de-

fertis & inaccessis locis plerumque dominantur, illusio, qua superstitione quadam de tentos hominum animos diviniore alicujus Numinis talia, & tantà operantis persuasione dementare solent. Testantur Patres nostri Lucernenses, in quorum Territorio mons *Pilati* situs est, montem quotannis animi relaxandi causa se conscendere solitos, magnæque lapidum copiâ lacui injectâ, dictam tamen tempestatum concitationem nullam unquam se expertos esse. Idem de Scafagiolo Appennini monte, & de Hybernæ fonte Momonio, de Canato lacu Hispaniæ refert *Majolus*. Si quod tamen nonnullum naturæ arcanum sub eo lateat; dicerem profectò, aliud id esse non posse, nisi variam in fundo lacus mineralium succorum miscellam, dum enim prægrandioris lapidis jactu, intimi lacus fundi limo obducti pori aperiuntur, & spiritibus & exhalationibus prius occlusis, exitum dari necesse est, quæ aquas dum penetrant, vaporem unâ secum abducant in aërem, cujus siccitate spiritus accensi in fulmina & fulgura abeant, vapor verò longè latèque distentus frigiditate ejusdem aëris in pluvias resolvatur; & præter hanc aliam quamcumque tandem combinatione facta causam non reperio; Quamvis non videam, quomodo ex tantillo lapidis pondere tantum exhalationum, ad dictum effectum præstandum educi possit. Quare rem majori experimento comprobendam, deinde acutioribus ingeniis eventilandam committo. Lacum verò, quem ad *Cytharæ* instrumentorumque Musicorum sonum concitari solitum, Veteres recensent, fabulis verius, quàm naturæ mysterio adscribenda putem.

CAPUT VII.

De varia Lacuum, Fluminum, Fontium metamorphosi, terrestrium partium mutationibus.

ITa à Natura Mundialium rerum conditioni comparatum est, ut nihil in iis adèd solidum, nihil adèd robustum & validum, quod tempus edax rerum tandem si non plane destruat, saltem ita immutet & alteret, ut ipsum aliquando fuisse vix cognoscatur, Quæ omnia potissimum in Geocosmi portionibus, uti nobis vicinioribus, ita magis obviis comperiuntur. Montes deficient alibi, alicubi novi subriguntur, Mare Naturæ paranympus terram cum aqua jungens efficit, ut ubi olim mare, ibi modò terra, & contra spectetur; Insulas nonnullas connubio inito continenti adhæsisse legimus, alias contra partes cum terra factò quodam veluti divortio à Continenti discretas in Insulas evasisse legimus: Quæ omnia magno exemplorum apparatu in præcedentibus prosecuti su-

mus: Sed & in Lacubus, Fluminibus, Fontibus, similia elucescunt Naturæ ludentis spectacula. Lacus enascuntur in eo loco, quem montes primò occupabant, uti in hoc quo hæc scribo anno, in Gallia ad Pyræneos montes accidit: Flumina quæ olim memorabantur, modò in pluribus locis non comparent, multis econtrà enatis, quorum nulla apud Veteres fit mentio; Fontes & thermæ plures hodie perierunt, quæ olim celeberrimæ habebantur. Bullicami Viterbiensis puteus ferventissimis aquis continuò ebulliens, quo nihil admiratione dignius me vidisse memini, nulla apud Veteres fit mentio, qui hodie multorum commemoratione Scriptorum mirum in modum nobilitatus est. Verùm cum de hisce & similibus copiosè in *Itinere nostro Hetrusco* egerimus,

mus, eò Lectorem remittimus. Nos interim ad genuinas hujusmodi mutationum causas procedamus.

Duplicem harum mutationum causam reperio; unam internam, externam alteram. Interna est subterraneorum ignium sævities: Externa, inundationum maris fluminum, lacuumque violentia, quæ singula ordine exponamus.

Cur flumina
na dispa-
rent, & no-
va oriun-
tur.

Subterrestres ignes, si quandoque ex ingenti combustibilis materiæ comeatu æstuant in incendia eruperint, ex iis primò ingens exhalationum violentissimis mista flatibus copia nascitur, ex quibus terræmotus exortitur, dum exitum quærunt, nec inveniunt, violenta quadam concussatione fundamenta montium evertunt, vastissimarum terrarum tractus unà cum fluminibus absorbent, unde miras terreni globi metamorphoses intervenire necesse est. Hinc subsidentes montes mole sua subterraneas prementes aquas, in montium cogunt, extruduntque stationem; absorpta flumina dum exitum quærunt, occulta intus spirituum ferocientium molitione, qua data porta fissuraque sese insinuantia, alibi exitum sibi faciunt, deinde subterrestrium partium lapsu obstructi naturales fluminum fontiumque canales flumina omni fluxu privant, uti hoc anno in Galliæ terræmotu accidit, ubi flumina nonnulla eorum hydragogis canalibus lapsu montis occlusis, ab omni fluxu destiterunt, alibi eorum loco novis & fontibus & rivis exortis: Thermæ ex aquis ferventissimis in frigidas conversæ, differentis saporis, odoris, colorisque indolem exhibuerunt. Ex simili subterraneæ tyrannidis violentia ad Apameam Phrygiæ urbem, uti Author est *Nicolaus Damascenus*, belli Mithridatici tempore non lacus duntaxat novos novasque paludes emerisse; sed novos etiam fontes & flumina, atque ex his unum salsum, qui magnam ostrearum aliorumque marinorum piscium copiam effudit; quæ omnia haud dubiè ex ruina aut montis alicujus, aut superimpositæ terræ ruina in hydrophylaceum quoddam subiectum, aut canalem marina aqua refertum facta contigisse, facilius quilibet peritus sibi imaginari poterit, quàm ego pluribus verbis non possum describere. Innumera hoc loco adducere possem, si in præcedentibus in iis recensendis fidem nostram non liberassemus. Vide, quæ Capite de terræmotu plura hujus generis adduximus: uti enim terræmotus ab ignis subterranei violentia originem trahit, ita quoque omnis ruinæ alterationumque subterraneorum causa est: Nam lapidosam substantiam, quam ignes in calcem redigunt, hinc flatus halitusque sævissimi ignis virtute excitati, dum exire prohibentur, violenta concussione substantiam jam calcinatam pac frangibilem arietantes tandem evertunt, unde casus & absorptio montium terrarumque, & ex hisce obstructions fontium fluminum-

que consequi necesse est; aquæ verò intus compressæ & identidem multiplicatæ terram terebrantes tandem qua data porta erumpunt, atque novas fontium, fluminum lacuumque origines, quos naturæ artis ignari cum admiratione intuentur, ostendunt. Vidi ego Anno 1638 ejusmodi spectaculum, & præsens fui, quando nobile oppidum S. Euphemie in Calabria, terræmotu absorptum, nil præter lacum post se reliquit, de quo vide Præfationem hujus Operis; Cum deinde admirabilis illius naturæ Operis Bullicami dico Viterbiensis apud *Plinium*, cæterosque Scriptores nulla mentio facta sit, sed nonnulla calidorum duntaxat fontium, certum est illud tunc temporis necdum fuisse natum, at subterraneum cuniculum ab ignibus combustum exsumque, tandem in eam, quam hodie spectamus crateris amplitudinem successu temporis deductum fuisse. Complura hujusmodi tum in Hetruria, tum in Latio reperiuntur, celeberrima quondam balnea, quæ hodie neque æstuant amplius, neque in usu sunt, uti & Albunea balnea in Tiburtino Agro, de quibus fusè actum vide in *Hetruria nostra* & *Latio*. Insulæ quas in Hetruriæ lacubus Vadimonis Vulcinenfi & Stratonienfi olim natantes vidit *Seneca*, hodie non comparent, vel temporis injuriis submersæ, vel terreno continenti accretæ; contra hodie in lacu Tiburtino natantes videmus, quas Antiquitas ignoravit.

Sic Natura suas versat in Orberotas.

Sed accedamus jam ad externas mutationum causas, quæ internis non minores; Sunt autem inundationes repentinæ lacuum fluminumque extumescentiæ: De inundationibus primùm dicam.

Anno 1660. 4 die Novembris, quo hæc scribo, ingens Romam invasit Tyberis inundatio, quæ triduum fere duravit, Cryptis Cellisque vinariis flumine impletis, universæ planioris Urbis pars scaphis & lintribus, ad necessitati eorum, qui aquarum insultibus obidebantur, subveniendum, navigabatur. Novum & id videre erat, naves, (quas currus aliàs vehere solent) jam curribus vehi, in varias jam inundatæ Urbis plateas, distributas. Præcesserunt hanc inundationem continuæ toto Octobri pluviae, imbres copiosissimi; Secutæ sunt in Novembris primis diebus Syzygiæ, omnium ferè planetarum, qui veluti indicto quodam conciliabulo, quo perniciosam, quam eventus paulò post docuit, inundationem moliri videbantur. Sed causas ejus exponamus.

Tres uti in Tyberis, ita & in cæterorum fluminum inundationibus causæ concurrunt: Imbres, Mare, Ventus adversus, & fluminis situs; quas ordine exponemus. Imbres, qui se habent instar materiæ inundationis, non debent sumi, ab iis qui in uno aliquo Territorio perfluunt Terram, hi enim quantumvis ingentem aquarum copiam assiduo

Oppidum
S. Euphe-
mie terræ-
motu ab-
sorbetur, &
lacus exoritur.

Causæ in-
undatio-
num in
fluminibus.

diffundant, propinquis tamen fluminis faucibus illæ utique non tam primum defluunt, quàm exonerantur. Quapropter tunc inundationes magnas contingere necesse est; cum aquæ assiduis pluviis per longinquum remotumque Regionum tractum paulatim ex innumeris rivis multiplicatæ, atque extumescentes in immodicum excessum coguntur: Quemadmodum in Tyberi & Pado contingit. Tyberis fons in Alvernæ Monte appendice Appennini exoriens 150 milliarium intercapedine ab ostio maritimo diffusus, quid non ex continuata pluviarum pertinacia, aquarum colligere potest? Ego summa data opera anno 1559 ad fontem, ejus explorandi causa, profectus inter scopulosas pendentium rupium moles horrido loco constitutum, nec non inaccessibleis Appennini verticibus circumdatum, intra quinque milliaria spacium, Pletiam usque oppidum haud ignobile, viginti rivis, etiam siccissimo anni tempore auctum inveni, deinde ex utraque parte progressus, inveni hinc ex Hetruria montibus, illinc ex Umbriæ Appennini protensi jugis torrentes, rivos, fluvios offendi tanta copia, ut vix ad duo millia passuum progrediaris, ubi non aut torrentem, rivum, fluviumque reperias: Hyberno verò tempore maximè pluvioso, alveus tantarum aquarum incapax utramque ripam, aquis longè latèque diffusis Agros camposque ita opplet, ut mare videatur: Atque hoc pacto fluvius paulatim augetur, quem novis semper novisque receptis fluviis, Clanis maximè Palæ mistus ex Hetrusco littore ingenti aquarum onere aggravant, quem ex altera ripa Nar Velino mistus, & Anio fluvii ex Aprutiorum montibus exorti prorsus intolerabile & minimè ferendum illi addunt. Atque funesto hoc aquarum apparatu superbiens Tyberis Romanum Territorium, ipsamque adeò urbem ingressus, magno & irreparabili Incolarum damno, nec non atroci tyrannide susque deque vertit omnia; Siquidem subterraneis receptaculis, cloacis, cryptis, cellis omnibus oppletis, tandem totam urbem, non tam miro quàm luctuoso spectaculo navigationi aptam constituit: Huic ultimum meritò complementum addit mare, quod Australibus infestum ventorum flatibus, horrendis aquarum molibus ostium fluminis ita obstruit, ut id, dum hoc veluti obice interposito sese exonerare non licet, retroactum, novaque semper labentium aquarum mole pressum, tumidumque, qua data planitie, irruens inundat omnia. Atque hanc ego potissimam inundationis causam esse putem; Ostio enim non obstructo, fluvius tametsi copiosa pluviarum ubertate auctus fuerit, iis tamen intra alveum receptis, non nisi obiter tantum urbem flagellat; cum undæ undas insequentès sine ullo impedimento & obfistentia eodem semper fluxus tenore, fluvium pelago tandem pacificè committant; quod non fit, cum advolutis Austrinorum flatuum vio-

lencia marinis fluctibus, ostium obstruitur; tunc enim flumen necessariò potentiori cedens, retrocedere cogitur; atque ex retrocessu tandem multiplicatis aquarum molibus inundationem consequi necesse est.

Tyberinæ igitur inundationis causa, uti & Padanæ, aliorumque similium merè contingens est, & ex accedenti, nullum habens inundationis suæ determinatum tempus, uti Nilus, Indus, Niger, Zaire, aliique complures, qui statas in inundandis, quas perfluunt, Regionibus, temporum leges servant, quas non transgrediuntur; neque uti illæ, quæ ex accidenti tantum contingunt, perniciosæ sunt; quin illas, veluti donum DEI, & unicuique fertilitatis secururæ prodromum Accolæ summis gaudiis & tripudiis excipiunt. Quænam verò causa sit Nili, non nisi constituto anni tempore exundantis in quarto Libro fusè demonstratum fuit.

Cum itaque spacium à fontibus Tyberis, computatis rivis, fluviis & torrentibus, qui partim ex Hetruriæ montibus, partim ex ingenti montium catena Umbriam, Aprutium, Latiumque subtendunt, in Tyberim confluant, magnam pluviarum niviumque Appennini montis partem comprehendat, certè ex tanta imbrum colluvie inundationem causari necesse est, præsertim si mare suorum impulsu fluctuum, ut dixi, Lybico agitatū flatibus, illabentis turgidi amnis aquas indomita sua ferocia retròpellat. Ad perfectam igitur inundationem necessariò concurrunt ingens aquarum excessus, alveorum humilis situs, & maris in ostia eorum impulsus; quam non immeritò formalem inundationis causam dicimus. Exploratis itaque causis inundationum, jam quænam inde mutationes in terrestri globo resultent, dicendum est.

Cum fontes ut plurimum in radicibus montium situm à natura constitutum habeant, accidit subinde, ut ex continuis pluviis montium vertices terrestribus glebis nudati, & per torrentes abradi in ima convallium devolvantur, ubi coacervatæ, si fortè fontis humilioris scaturiginem offenderint, illam abrasæ materiæ successiva accumulatione oppleant; & plerique fontes hoc pacto perirent, nisi Accolæ impediens periculi gnari, remedio prævenirent; vel muro fonti circumdato, vel aquæductu datâ operâ constituto, quo aqua aliò diversa contra torrentium violentiam immunis sit; atque hoc pacto fontes torrentibus in multis locis oppilati, dum exitum non inveniunt, deficiunt; Cum verò Natura minimè otiosa esse queat, per alias subterraneas Terræ fibras prioris originis jacturam, novi alterius fontis scaturigine recompensant, Testis hujus rei *Roma Subterranea*, quæ & rivis & fontibus vivis, variis temporum sæculorumque injuriis obstructis, in hunc usque diem iis, qui effodiendis ædificiorum fundamentis operam dant, comparent. Et in Sicilia ad Ætnæ radices fodientibus,

Causa Tyberinæ inundationis.

bus, & flumina & fontes subterraneos complures se offerunt, qui olim haud dubiè in extrema superficie fluxerant, at vastis montis incendiis vel absorpti, vel magna cinerum mole ac pumicum imbre oppressi, intra profundissima Terræ viscera squalent. Vide quæ de hisce fusius in descriptione Ætnæ egimus. Sed jam ad lacuum quorundam inundationes prodigiosas procedamus: Quarum prima ab omni ævo memorabilis fuit Albani lacus inundatio, quam & *Plutarchus Liviusque* rebellatis Vejentibus sereno Cœlo & sine imbribus inundasse, scitè describunt; Aruspiceque Hetruscum dixisse, nunquam lacum inundaturum amplius, si monte perfosso aquam aliò derivarent; de qua nos in *nostro Latio* uberrimè. Hujus lacus exuberatio, omnibus ferè Scriptoribus nescio quid portentosum exhibuisse videtur: Nos dicimus, effectum prorsus naturalem fuisse, de rarissime verò contingentibus; neque enim id pluviis, aut nivibus attribuendum esse censeo; cum tempore sereno & imbribus orbo contigerit; ita autem fieri potuisse putamus.

Mons Albanus plenus aquis.

Cum in *Itinerario nostro Extatico Terrestris* liquido ostenderimus, Montem Albanum ingenti præditum esse hydrophylacio, uti effluxus illius in lacum & fontes undique & undique ad radices montis, imò vel ipsa concha, quem *Hannibalis Campum* vocant, in qua ingens scaturigo nascitur, luculenter demonstrant, & Incolæ Castelli, quod *Rocca di Papa* vocant, unanimi consensu, totum montem aquis ab imo ad summum scatere, mihi locum exploranti asseverarunt, addiderunt, se intempesto noctis silentio, aure in certis locis ad saxosam montis compagem applicata, sentire se, nescio, quod labentium aquarum murmur subterraneum, manifestum indicium latentis ibi foecundi lebetis, quo per dictas scaturigines longè latèque diffusas, ager circumfusus irrigetur.

Duabus itaque de causis hoc prodigium fieri potuisse dicimus: Vel immodica maris per appropriatum hydragogum canalem in hoc hydrophylacium regurgitatione; vel ventorum subterraneorum violentia, qua aqua hydrophylacii à mari excepta; vel lacus ipse extrinsecè in fundo alicubi violenter pressus, eo tumore se extulit, uti labrum ipsum monte nondum perfosso excideret; cujusmodi extumescentiæ in aliis quoque lacubus, uti Nurfino, Vadimonis & Lemano, ad miraculum usque spectantur, in *Itinere nostro Hetrusco* amplius descripsimus. Causa hujus extumescentiæ utique alia esse non potest, nisi flatus & spiritus subterranei, qui exitum molientes, dum non inveniunt, per fundum lacuum transeunt, aquas in monstruosos tumores cogunt, atque certis temporibus ita exaltant, ut vita quadam præditæ videantur. Sed de his in præcedentibus uberius actum vide.

Epilogus.

Habes hîc Lector, omnia, quæ de aquarum

natura & mirabilibus, aut ab Authoribus fide dignis observata, pòsteritati tradita sunt, vel quæ egomet propria experientia explorata hîc adduxi; innumeris aliis fabulosis, & quæ incerta relatione comperta fuerunt, omissis; In quo hoc unum attendimus, ne quicquam produceremus insolitorum effectuum, quorum causas non jungeremus; Quo studio aspirante Divini Numinis gratia eò pertigimus, ut nullum tam exoticum naturæ effectum produceremus, quem arte & Philosophiæ experimentalis solertia adjuti in machinis à nobis adinventis, non exhiberemus. In quo quidem studio multorum annorum curculis, non minus sumptibus, quàm immensis ingenii laboribus non alio fine tantopere decertavimus, nisi ut propudiosum illud abditarum qualitatum clypeum, totius ignorantiae asylum destrueremus; ostenderemusque nullum tam occultæ qualitatis effectum assignari posse, cujus causam genuinam experimentis non demonstraremus. Ex quibus denique cognovi, mirum non esse, Philosophiam naturalem tot tenebris involutam, tot placitorum monstris deformatam, in hunc usque diem permanisse: Philosophi siquidem Scholastici universali principiorum cognitione contenti, uti ad causas proximas rerum non descendunt, ita quoque non nisi remotam & plane abstractam de compositione & resolutione rerum naturalium cognitionem acquirunt. Nos in hoc opere universales rerum causas, uti sunt Solis & Lunæ cæterarumque stellarum in hunc elementarem Mundum influxus, ita consideramus, ut tamen in hoc scrutinio minime nos sistamus; Sed viciniorum causarum indagini insistentes, varia combinatione experimentorum, secundum continuum quoddam operatricis Naturæ filum Ariadnæum progressi, non meliori modo genuinas rerum causas nos indagare posse existimavimus, quàm si eosdem mirificos naturæ effectus & operationes, quas ipsa per se, & insito quodam instinctu præstat, nos juxta intentam Naturæ prototypæ analogiam solerti Artis industria exhiberemus; quod toto hoc opere factum esse videbis.

Atque hanc ego necessariam de natura rerum philosophandi methodum esse semper censui: Nam intimam rerum omnium naturam, essentiam & proprietatem, singularum rerum intimas compositiones, mixturas, occultosque proprietatum singulis inditarum nidos penetrare velle; hoc enim verò mysterium, uti post DEUM, solis Angelicis substantiis nosse, concessum est, ita humani intellectus obscuritati inaccessum in hunc usque diem permanfit; cum ingeniosam naturæ in rebus componendis, aut iis implantandis virtutibus solertiam, singulorum ad singula proportionem, qualitatumque concurrentium gradum nesciamus; Unde tametsi experimentorum ope adiuvata simiarum Naturæ,

O o 3

proto-

Non est
omnium
Philoso-
phorum res
Physicas
tractare ut
illæ exi-
gunt.

prototypon nonnihil imitari conemur, veras tamen hoc ipso & legitimas Naturæ operationes, nisi per quandam similitudinum umbram non attingimus; Novit illa sola, qua industria, qua patientium rerum cum agentibus proportionem, qua combinatione & adaptatione rerum mirificos effectus producat; quos si quis occultis & intimis rerum thalamis insertos dixerit, hoc ipso Philosophum sese esse negabit, utpote in ignorantiae asylum jam abductus; Si quis verò ad supernaturalium coelestiumque causas refugerit, is pari sese labyrintho exponet: Cum noster intellectus non secus ac ad Solis lumen noctua sese habeat. Quicquid itaque scimus, ex via duntaxat sensuum & accidentium ad genus exteriorum, quæ statim sat sensibus sese oggerunt, addiscimus; ut proinde circa corticem tantum nostram hanc scientiam ac circumferentiam rerum versari fateamur: Ad

cujus centrum propius iis tantum aliquousque pertingere concessum est, quorum intellectum benignissimus DEUS & Pater Luminum æternæ sapientiæ radio penitus perfuderit, quosque experientiâ, variarum rerum notitiâ instructos, arcanorumque naturæ mysteriorum indagine, & veritatis amore impulsos, divinæ parastaseos ductus beaverit: Cæterum in multis, quæ hucusque hoc in opere adduximus, tantum præstitimus, quantum Divina nobis Benignitas largita fuit; In multis aliis, Opera DEI luce inaccessa circumdata mirari tantum potius, quàm curiosius ea indagare magis consentaneum esse existimo; Ipse enim est, qui dixit, & facta sunt; Ipse mandavit & creata sunt, Causa causarum, Fons fontium, Abyssus impetrabilis Coeli, Terræ, Marium, & horum omnium Operator Dominus.



MUNDI SUBTERRANEI

LIBER SEXTUS,

De Quarto Rerum Naturalium

ELEMENTO,

Quam

TERRAM

dicimus,

*Isque qui ex eodem producuntur, primis
Subterranei Mundi Fructibus.*

SECTIO I.

De mira Terræ varietate, & an verè & propriè Elementum sit, & quodnam & qualenam per illud intelligi debeat.

CAPUT I.

De Elemento Terræ.



Telluris
mirum
opificium.

Terra non
est Ele-
mentum,
sed ele-
menta-
tum.

Qui ex vulgo Philosophorum Terram rudem & inertem, atque ἐπίσπον ἄχθος, nulla varietate, nullo locorum partiumque discrimine, à DEO fortuita quadam amalgamatione, casei instar in rotundam formam reductam à principio rerum sibi fuisse persuadent, hosce meritò omnium rectè sentientium Philosophorum sibilis sannisque explodendos, jam sæpius in hoc opere ostendimus. Magno sanè & ineffabili artificio in hoc admirando Naturæ utero conditricem mentem operatam fuisse, tunc apertè intelligitur, ubi terrestris hujus anatomix penetralia paulò profundius lustraverimus: Pari sanè pacto ii omnes, qui hujus telluris massam, Elementi nomine appellandam censuerunt, ridendi sunt: Quomodo enim illa simplex dici possit? in qua nil simplex, omnia verò ex innumeris rebus composita natura esse voluit, ita ut ne quidem minimæ arenulæ corpus dari possit, quod non aliis & aliis heterogeneis rerum miscellis conflatum sit. Quisnam Philosophorum hucusque extitit, qui nobis purum Terræ & omnis compositionis expers corpus ostendere potuit? Si enim tale Elementum in natura rerum est, illud omne erit

vel pulvis, vel arena minuta, vel gleba terrestris, vel lapis, metallumve, aut fucus metallicus, aut similis quædam ex innumeris mineralium speciebus conflata substantia; Sed neque pulvis aut arena esse potest, cum pulvis & arenæ nihil aliud sint, quàm recrementa quædam, sive minutissima corpuscula ex toto aliquo lapide saxoque abrafa, quæ uti naturam totius participant, ita simplicia esse non possunt; neque lapis aut metallum esse potest, cum hæc & siccitate & humiditate præter alias virtutes ei inditas, compluribus quicquiliis mineralibus, uti spagyricæ artis peritis constat, misceantur; quod idem de cæteris mineralibus dicendum est. Quis itaque tot marcasitas, tot sales, sulphura, vitriola, alumina, arsenica, tot bolos, boraces, magnetes, tot vitra, cristalla, tot concretos fluores, tot inconcretos succos, tot denique aquarum genera, simplicia corpora asseret? Nemo sane nisi omnium rerum Physicarum prorsus expers & imperitus. Non nescio nonnullos sentire terram virginem, quæ non nisi in centro reperitur, elementum verum terræ esse; Sed uti incertum est, in centro terræ hujusmodi corpus reperiri, ita quoque gratis hujusmodi figmentum asseritur. Sunt nonnulli, qui aut cinerem aut terram

Ostenditur
enumeratione
partium, ter-
ram non
esse ele-
mentum
simplex.

can-

candidam, cujusmodi cerussa est; quidam etiam Marnen terram in sola Gallia fodi solitam, elementum terræ esse volunt. Contra, & primò quidem non cinis, quia ex pluribus compositus, humido, ficco, sale & pulvere constat, ut suo loco doco docebimus; non terra candida, videlicet cerussa, gypsum, creta; cum vel ipse color, ut in omnibus diversis coloribus tinctis terris videre est, luculentum compositionis indicium præbeat; Non denique terra, quam Marnen vocant; cum enim illa in sola Gallia reperiri dicatur, quomodo illud universale ad compositionem rerum principium & elementum dici possit, non video: Si enim hæc terra elementum est, ea mistorum compositorumque corporum elementum esse necesse est; at arena mistum componit nullum; gypsum tantum abest, ut componat, ut potius mistum aliis, totum destruat; Marnen verò per agros sparsam, eorumque quæ ex fecundatione Marnæ mistionem ingredi dicuntur, esse non posse, quis non videt? cum enim illa in sola Gallia reperitur, & consequenter alibi locorum nec elementum terræ, nec ulla corporum mistorum compositio dabitur. Quæ omnia uti incongrua sunt, ita quoque anilibus deliramentis adnumeranda veriùs, quàm à sensatis Philosophis credenda existinem.

Nullum in rerum natura purum & simplex Elementum.

Dicimus itaque, nullum in rerum natura purum & simplex elementum dari, quod quidem adeò certum est, quàm certa & indubia est experientia rerum Spagyrica arte examinarum: Si enim purum, putum, simplex & incompositum elementum dari posset, id jam vel molle, vel durum, vel coloratum, vel suis imbutum virtutibus qualitatibusque esset: Sed hoc ipsum, quod aut tactui resistit, aut tactui cedit, aut colore qualicunque tandem imbutum est, hoc ipsum inquam, protinus aliqua compositionis mistionisque indicia præbet.

Sed dicet forsitan nonnemo; Elementum terræ esse corpus illud siccissimum & omnis humoris expers: Sed nec hoc quidem dici ullo modo potest: Vel enim tale corpus esset aut vitrum, vel arena, vel sabulum, vel later, vel simile quiddam, quæ nostra æstimatione omnium corporum siccissima videntur.

Quis nescit, arenam vitriariorum fornacibus injectam, fluore adeptæ, in vitrum mox converti? Latèrem quoque omni humiditate ignis ope evaporante, in ferrugineum quid colliquefieri notum est, quod fieri non posset, si corpus simplex foret, ac omni fluore destitutum: Nam quæ maximè videtur à calore exsiccata torrefactaque cinis, pulvis, arena, later, ignis vehementia funduntur, fluuntque signo manifesto, humorem iis non deesse. Cum itaque res ita se habeant, meritò quæri potest, quodnam sit illud elementum terræ, quod ad rerum omnium compositionem concurrat? Dico itaque, hujusmodi corpus elementare materiale proximum esse Salem, quem multi Naturæ condimentum vocant: Hic enim uti in omnibus rebus, quæ sublunari mundo continentur, delitescit, neque quicquam sine eo consistere potest, ita quoque ipsa vi in resolutione corporum mixtorum, ultimum semper relinquitur, uti in sequentibus innumeris experimentis ostendemus. Dixi salem esse materiale elementum terræ, & consequenter non simplex corpus, sed multis variisque modis alteratum, uti ex varietate colorum, virium, proprietatumque quibus pollet, colligitur: Latere tamen in centro Salis Naturæ formale quoddam coagulativum, spiritus nempe ille Salis invisibilis, qui rebus omnibus consistentiam virtute sua fixativa confert, utpote sine qua nullum corpus naturale consistere aut fixari posset; Hujus enim virtute & metalla mineraliaque suam acquirunt corpulentiam, hæc plantæ & vegetabilia in radices, scapos, cortices, ramos, folia, flores, fructus, lignum excrescunt; hæc animalia cujuscunque generis terream suam ad consistendum *συστασιν* acquirunt, elementum verum, simplex, incorruptibile, uti in omnibus existit, ita ad omnem compositionem concurrat, inque salem, in cujus centro intimoque thalamo thronum suum posuit, tandem resolvitur, semper idem & immutabile; atque hunc nos verum Terræ elementum dicimus, qui à Cosmotechniti sapientia in primordiis rerum telluris globo infusus, sua virtute coagulativa seu condensativa ad omnium mistorum constitutionem concurrat, eaque jam constituta perficit.

Quodnam sit verum, & proprium Terræ Elementum?

Quid materiale, quid formale in Terræ Elemento?

CAPUT II.

De magna varietate rerum, quæ in terreni globi utero continentur.

Terra centrum & matrix omnium, in qua elementa sua conjiciunt spermatæ & semina, quæ sinu suo fovet, coquit & digerit & in actum deducit, secundum primam naturæ intensionem, & admirandam divinæ sapientiæ dispositionem & providentiam, quæ ut tanta rerum pansper-

mia apta foret, eo illam artificio condidit, ut nihil esset, quod in ea non rectè dispositum, nil quod non ritè esset ad intentos effectus consequendos mira rerum serie ordinarum; Hinc eam in innumeros, uti in Secundo Libro diximus, canales extudit, innumeras in ea hydrophylaciorum pyrophylaciorumque caver-

Mira Terræ dispositio.

Geocos-
mus ad Mi-
crocosmi
exemplar
tactus.

Compara-
tio Telluris
ad huma-
num cor-
pus.

Ex quibus
Terra com-
ponatur?

Quænam
terra pura
& impura.

cavernas exsculpsit, & utique non minori cura & sollicitudine, quàm in humani corporis fabrica lufit in ea æterna Sapiencia. Quemadmodum enim in humani corporis fabrica, ramosa venarum substantia in omnia Microcosmicæ Oeconomix penetralia ita distenditur, ut non sit vel minima particula, quæ non per capillares venas sanguinem, veluti debitum sibi nutrimentum attrahat, ita quoque nulla tam exigua Terræ portio dari potest, quæ non humore sibi debito abundet. Si quis in humano corpore aciculâ cutem perforet, statim sanguinem exire deprehendet; ita si quis vel minimam Terræ portionem altius effodiat; statim humorem sibi adesse comperiet, Si quis intimam harum venarum constitutionem oculis intueri posset, is haud dubiè videret, id ea prorsus ratione, qua in anatomia cognoscimus miram venarum texturam per totius corporis amplitudinem ramatim dispositam. Nihil igitur restat modò, nisi ut ostendamus, quodnam sit verè & propriè elementum illud Terræ, quod tantopere inter Autores controvertitur.

Terra itaque, in quantum est quartum & ultimum elementum ex crassioribus proximorum principiorum partibus, quæ in chaotica massa & abyssò inexistebant, inscrutabili Divinæ Sapienciæ operatione ad rerum omnium genesis conflata productaque fuit, veluti sedimentum quoddam præcipuè ex crassioribus salis portionibus; hic enim spiritu ejus intus operante, omnibus Mundi rebus coagulationem præbet unicè, corpusque densum durumque producit; & sicuti sal Terræ prædominatur, ita quoque jure dicere possumus, salem Terram componere; quod ut intelligatur,

Advertendum est, duplicem terram hoc loco considerari posse, Terram puram, & impuram. Terra pura nil aliud quàm sal coagulatus est, in cujus centro ille spiritus delitescit, qui virtute sua omnia figit, densat, animat, ita ut sal ceu Terræ quædam anima non incongruè dici possit: Si subtrahas terræ salem, & unà virtutes fixandi, pullulandi, germinandi enutriendique te dempturum, adeò certum est, quàm certè id quotidiana nos docet experientia; & in vitro apparet, quod tametsi vera terra sit igne lota, uti ta-

men emortua est, & omni ferè sale destituta, ita quoque & omnibus privata virtutibus sterilis & infœcunda manet. Hinc patet, virtutes omnes, quarum in hoc terreno globo non est numerus, à sale uti & ejusdem vires, à spiritu illi à Natura infuso, tanquam ab agente præcipuo ita dependere, ut sine eo Geocosmum interire necesse sit. Terram itaque puram salem esse coagulatum unà cum spiritu suo, fixativa virtute pollente, ex dictis patuit; Omnia verò reliqua corpora terræ impura dici possunt, & nihil aliud sunt, quàm excrementum, & veluti menstruum quoddam Terræ, eo à Natura sine institutum, ut generationes & corruptiones, five ortus & interitus rerum successiva quadam alteratione perennique transitu unius ad aliud promoti, in Mundi conservationem incessanter incumberent; Nam si ex solo sale omnia constarent, ortus & interitus eorum nequaquam sibi hoc alternationis ordine procederent, sed sibi ex incorruptibili salis natura ἀφθαρσίαν quandam, id est incorruptibilitatem, uti in quintis essentiis, auro, lapidibusque pretiosis videre est, sibi pollicerentur; Excrementum enim, seu ut cum Chemicis loquar, relollaceum illud corpus, quod amplissimo variarum facium ambitu elementum terræ cingit, vestitque, uti perfectam & absolutam elementorum unionem impedit, ita diù subsistere non permittit, cum ea, quæ debili & imbecilli nexu uniuntur, facilem quoque partium dissolutionem pati, necesse sit; in perfectè verò unitis, uti nexus firmior & solidior est, ita quoque durabiliorem partium consistentiam efficit, uti manifestum fit in auri & plumbi substantia, quorum illud ob intimam unionem, constipatissimumque partium nexum, in dissolutione omnium non immeritò Chemicorum ingenia fatigat, hoc verò vel ad primam excandescentiam fluore solvitur.

Patet itaque, res quantò puriori salis substantia constant, tantò esse duratione perenniores, uti in lapidibus pretiosis, Adamante, Beryllo, topazio, smaragdo, rubino cæterisque, de quibus fusè suo loco & tempore ratiocinabimur, luce meridiana clarius elucescit.

Sal incor-
ruptibilis.

Durabilitas
corporum
ex sale est.

CAPUT III.

De incredibili varietate rerum, quæ Salis virtute unà cum cæterorum Elementorum auxiliariis copiis, in vasto Megacosmi utero producuntur; & primò quidem de Sale ejusque Differentiis.

IN præcedenti Capite sat, ni fallor, dilucidè ostendimus, in quo verè & propriè proximum Terræ elementum consistat; nunc verò quæcunque mediante salis ele-

mento in Terra cæterorum elementorum concursu producuntur, secundum enumerationem partium, tempus est, ut ostendamus; & ut unde omnibus Sublunaribus corporibus, corpulenta

P p

illa crassities provenit, ordiamur, de multiplici salinorum corporum differentia primò dicendum est, ut deinde reliquos post salina corpora succos concretos, id est, singulorum concretorum fluorum succorumque mineralium, deinde lapidum, metallorumque compositionem prosequamur.

S A L.

Salis etymon Grammaticis investigandum relinquentes, ad intimam Salis naturam explorandam calamum convertimus.

Quidnam sit sal?

Sal centrale corpus naturæ, virtus, vigor & robur terræ, omnium virtutum terrestrium compendium, omnium principiorum Naturæ subjectum, à cujus essentia centrali totius Naturæ scientia & absoluta cognitio dependet, materia ex qua omnia constituuntur, & tandem in idem destructa resolvuntur; Primum & ultimum, α & ω miscibilium corporum puteus Naturæ, & res propè divina, uti *Homerus* testatur, Divino sale conspergit, non utique alia de causa, nisi ob virtutem ei insitam, qua non solum ab omni corruptione immunia servat corpora, sed & eadem mira fecunditate propagat; est enim Salinescio quis divinitatis character impressus, quo maxime Salis munere in Sacrificiis se delectari innuit, *Levit. 2. Quicquid obtuleris Sacrificii, sale condies, nec auferes sal Fœderis DEI tui de sacrificio tuo, in omni oblatione offeres sal; Et Marci 9. Omnis victima sale salietur; & innumera alia, quæ passim in Sacris Literis tam Veteris, quàm Novi Testamenti occurrunt, Salis nobilitatem & præstantiam indicant: In Gentilium sacris magnum Salis usum intervenisse, *Ovidius 1. Fastorum* ostendit.*

Divinum quiddam sal est, & quare.

In Sacrificiis semper adhibitus.

Inde vocor Ianus, cui cum cereale sacer dos Imponit libum, farraque mista sale.

Ante Deos homini, quod conciliare valeret, Far erat, & puri lucida mica salis.

Vita siquidem, ut cum *Plinio* loquar, sine sale duci non potest, adeoque necessarium est elementum, ut cognita ejus virtus transierit quadantenus ad voluptates animi quoque; namque ita sales appellari, ut omnis vitæ leporem, & summam hilaritatem, laborumque requiem non alio magis vocabulo quam salis constare scias; Unde *Horatius de Arte Poët. At nostri proavis plerique & numeros & Laudavere sales: Confirmatque Apostolus ad Coloss. 4. Sermo noster semper in gratia sale sit conditus, ut sciatis quomodo oporteat vos unicuique respondere. Sed nè salis encomiasten hinc agere videamur, elogiis aliis relictis, ad ea, quæ maxime nostri instituti sunt, progrediamur.*

Spiritus salis insitus Terræ ab initio rerum.

Salis terrestris elementi spiritus ab initio rerum à Deo Optimo Maximo, globo terræ insitus fuit, tum ad totius conservationem, tum ad innumerarum substantiarum generum; hinc reciproca quadam communicatione terra mariaque se mutuo fovant &

nutriunt, ut quem Oceanus è terrestrium glebarum uberibus exsuxit salem, eum per subterraneos inciles & alveos deductum, vel ut pignus quoddam sibi concreditum terræ restituat. Lege, si placet, *Lector*, quæ in tertio Libro fusè de falsedine maris, & reciproco hujusmodi Telluris cum Oceano commercio, amplissimo ratiocinio deduximus. Potest autem sal communis & usualis sub triplici differentia considerari, ita ut alius sit sal marinus, alius fossilis, alius arte ex terrestribus glebis aut falsuginosis aquis per coctionem extractus. Sal marinus tametsi specie à fossili non differat, notabili tamen diversitate distinguitur hoc ipso, quod marinus utpote plus humidi participans, mollioris & flaccidioris substantiæ sit; fossilis verò contrà terræ prædominio gaudens, substantiam compactiorem solidioremque nanciscatur; artificiosus verò ex utroque participet. Fossilis sanè, uti qui in Calabria, Sicilia & Polonia aliisque innumeris locis nascitur, tantæ duritiæ est, ut in præduros lapides condensetur, ædificiorum structuris peridoneus, simulacrisque exsculpendis accommodatus, uti *Solinus* testatur, ubi de Sicilia loquitur: *Cætera, inquit, salinarum metalla, quæ sunt Agrigentino Agro proxima, cautium funguntur ministerio; nam illinc excidunt frustra ad facies hominum Deorumque: Quod idem asserit apud Nasamonas & Trochodytas usu venire; Salibus enim domus extruunt; quos in modum cautium è montibus excisos ad usum ædium cæmentitiis neant struibus. Habes itaque differentiam Salis marini & fossilis, quod ille aquâ humectatus facile liquecat ob exiguum partium constipationem, hic uti compactioris naturæ, ita aqua superaffusa non facile liquecat; Est tamen & hoc in fossili dignum admiratione, uti me longa experientia docuit, quod frustum ex filo suspensum Austro aut alio quodam humidioris naturæ vento flante guttatim paulatim defluat, quod Borea aut Zephyro flante non fit, utique non alia de causa, nisi quod humidus aër ambiens, salis substantiam paulatim penetrans humectatione sua imbuat, unde per stillicidium paulatim deficit; quod & *Agricolam 1. de fossilibus* notasse reperio. Sal omne cum subjectis ignibus in vase torretur, nil aut parum substantiæ de amplitudine sua deperdit; amat autem siccitatem, quæ cum calore aut frigore conjuncta eum conglutinavit: Contrà humor illi uti inimicus est, ita in eum impositus statim colliquescit & diffunditur; quin etiam expositus in aëre humido aliquam molis jacturam facit; quocirca in integrum fervare volunt, eum in locis siccis reponere necesse est, & Drepanitanus sal fat testatur, qui in acervos congestus ad quindecim annorum spatium sub dio durat; & Uticæ in Africa ingentes salis acervi collium speciem expriment, ita Solis ardoribus condensantur & obrigescunt, ut nec imbris liquecant, ferro verò*

Sal triplex, marinus, fossilis, artificialis.

Durities salis fossilis.

Experimentum.

verò difficulter cædantur. Atque hæc, ni fallor, sat monstrant, in sale terram prædominari, siccumque primario, secundo frigidum; estque aded admirandæ virtutis, ut vix similia sibi habeat, quæ è terra eruuntur: siquidem neque metallicis corporibus adnumerari potest, quia calore non dissolvitur; neque lapidibus, quia aqua superaffusa liquefit; neque reliquis terræ mineralibus partibus, quia dissolutus totus abit in aquam; neque tamen aquam esse dicas, cum solutus attenuatione caloris, non in vaporem abeat, neque ab igne consumatur, sed potius ura-

tur, unctione verò denuò condensatus suæ naturæ restituatur: Sive itaque illum igne torqueas, sive aqua maceres, sive decoctione digeras, semper sibi similis, in eum, quem natura intendit, statum revertitur, utpote natura quasi incorruptibilis, quam incorruptibilitatem confert ille, qui Coelesti prosapia fatus,

Spiritus intus alit, totos diffusa per artus

Mens agitat molem, & magno se corpore miscet.

Verum de hujus Salis natura & proprietate actum vide Libro II hujus operis.

CAPUT IV.

De Differentiis Salium.

Tot species Salium esse, quot species in Natura rerum exhibentur, Spagyrica experientia nos docuit, cum nihil in triplici mineralium, vegetabilium, animaliumque regno sese offerat, quod coctione, maceratione, distillatione, dilutione tortum nobis salem non offerat, quemadmodum in se-

quentibus, ubi de Salium extractione tractabimus innumeris experimentis, manifestum fiet. Quare hoc loco de Sale communi & propriè dicto ejusque varia divisione ratiocinabimur; verum ut differentias salis communis & usualis primo intuitu videas, hinc tabulam analyticam suppono.

Analysis Salium.

Sal naturale considerari potest.	Vel ratione loci ubi nascitur, & sunt	{ Marinum, Terrestre, Lacustre, Fluviale, Fontanum, Arenarium. }	Quæ rursus sunt multiplicia ratione matricum, in quibus reperiuntur, & à quibus differentes qualitates tincturasque trahunt.
	vel ratione virium.	{ Molle { Ammoniacum, Bituminosum, Urinarium. } Durum { Crystallinum, Sal gemmæ, Saxosum. }	Quodcunque tandem ex pinguibus & oleaginis rebus educitur.
	vel ratione colorum.	{ Coloratum { Album, Flavum, Rubrum, Nigrum. }	& complectitur omnem Salis in lapidem condensati substantiam.
Artificiale seu factitium conficitur vel	Coctione.	{ Ex terra saluginosa, Ex aqua marina. }	Quæ rursus multiplicis differentiae sunt, pro ratione naturæ & qualitatis, ejus loci, ex quo educuntur.
	Exsiccatione	{ Ex aqua palustri. Ex arena. Ex urinis animalium. }	
	Incineratione	{ Ex metallicis corporibus. Ex vegetabilibus. Ex animalibus. Ex omnibus denique rebus naturalibus. }	& universitatem rerum complectitur.

Sed jam ordine analytico præmissis, singula paucis explicemus.

Sal mari-
num qua-
le?

Quomodo
aqua mari-
na in Sa-
lem con-
densetur.

Sal artefa-
ctum.

*Ancus
Martius*
primus
Salinarum
cultor.

Tota Italia
Sale arte-
facto ferè
utitur.

Abundan-
tia Salis
Drepani-
tani in Si-
cilia.

Sal terre-
nus quis
& quo-
tuplex?

Sal Crysta-
linus, seu
Sal gem-
mæ.

Sal Ammo-
niacus sive
Arenarius.

Sal marinum illud est, quod fit ex salsa maris aqua extracta & ficcata: Fitque duplici ratione, naturali & spontanea efflorescentia, vel arte educta. Quod spontanea efflorescentia naturali actione fit, illud est, quod maris ferventis æstu in spumas actum, & ad littora scopulosque dispulsum, ibidem calore Solis condensatum floribus suis tandem in salem convertitur, & tandem sicca maris spuma dicitur, aut sal è maris spuma genitus, quem Veteres *Αφροδιτιον* dixere, appellatur; quo nomine & *Venerem* vocant Poëtæ, eò quod è *Saturni* testibus à Cœlo rescissis, & in mare spumofum coniectis *Venerem* enatam fabulentur, quæ fabula magnæ in natura rerum considerationis est, ut alibi dicemus. Artefactum hoc pacto fit: Aqua maris in fossas littori proximas artefactas, vel vi tempestatum depulsa, vel arte etiam derivata, calore Solis exsiccata, quod in ea terra est, condensat in salem, aquâ dulci in vapores resolutâ: Atque hoc modo Melitenses, Siculi, Calabria & in multis locis Tusciæ, uti & Ostiæ aquam certis areolis conclusam in salem condensant, qui mos est antiquissimus, artemque introduxisse legimus *Ancum Martium* Quartum Romanorum Regem, qui primus omnium Salinas Ostiæ exstruxit: Vectigal omnibus Latinis, in salis mercimonio constituto.

Hac arte tota ferè Italia sale instruitur, exceptis Calabris, qui præter marinum fossilis quoque salis nobilissimi ingenti copia polent. Drepani in Sicilia maximâ inter cæteras Italiæ & Siciliae Regiones abundantia sal provenit, & arte & natura factum: Est ibidem Societatis nostræ Collegium, quod magna annuorum reddituum parte ex sale fruitur: Maris undas in diversas areolas, quarum unicuique alicujus Sancti nomen imponunt, derivant, quæ hoc pacto æstuantis Solis arbitrio permixtæ, tantam salis copiam concoquunt, quantum non Collegio solum, sed vel integræ Provinciæ sufficere posset. Sed jam ad terrenum Salem progrediamur, quod vel e montibus eruitur, aut è campis effoditur, aut eruitur ex arenis, idque vel purum putum sal, ut sal gemmæ aut cristallinum, quod in Calabria, Polonia aliisque locis, instar purissimi Crystalli diaphanum, uberrimo proventu eruitur, non alia præparatione indigens, nisi ut contusum, præterquam quod mensæ apponatur, in aliorum quoque usum condimentorum cedat; Impurum verò & terrestribus glebis contaminatum, in aquam dulcem coniectum concoctumque in salem convertitur. Modum procedendi postea exponemus.

Sal, quod ex arenis colligitur, Ammoniacum dicitur *Σαλ Ἀμμων*, id est, *ab arena*, sub qua in Cyrenaica Lybiæ Provincia ad Templum *Jovis Ammonii* Oraculo celebris, colligitur; quod etsi peramari & ingrati saporis sit,

in medicamentis tamen laudabili & insigni usu ob vires, quibus pollet, adhibetur; Est itaque Sal Ammoniacum & Arenacium nomine quiddam diversum, re verò idem prorsus; quod multi Armeniacum ab Armenia perperam vocant; estque duplex, naturale & artefactum; prius, uti diximus, sub arenis Lybiæ congelatum reperitur, hoc nonnulli ab Arabibus ex Camelorum urina extrahi existimant: Quicquid sit, hoc non in Lybia tantum, sed & in pluribus Europæ locis, potissimum in Puteolano *Vulcani* foro reperiri, *Fallopium*, *Baccium* aliique referunt.

Sal lapidosum seu metallicum, maximè in Calabria, Polonia & Hungaria eruitur, eoque vescuntur indigenæ; Montes ad duo miliaria in profundum excavant, sursum ingentes salis massas funibus trahentes; Saxeus hic dicitur & marmoreus, ferreis pistillis teritur, & optimum, præsertim candidus, pellucidus & densus, condimentum præbet; Nullibi tamen majori copia reperitur hujusmodi Crystallinus sal, quàm in Polonia, cujus fodinæ admirandis suis substructionibus subterraneis integram civitatem referunt, ex hisce sal solidum duritie lapidis, instar ingentium saxorum in subterraneis cuniculis longè latèque plateatim excavatis, ferro exscindunt, atque in frustra comminutum, mola, ab animalibus agitata, terunt ad usum. Hujusmodi montes ubique ferè locorum in Europa, Asia, Africa, America reperiuntur; In Hispaniæ Alpibus circa Iberum; In Languedocia Galliæ; In Burgundiæ urbe à sale *Salina* vocitata; In Germania Tirolensi Comitatu, Halæ ad Oenum, ubi tamen ex montibus non eruitur sub forma saxorum, sed intra falsuginosa montium receptacula, areas elaborant, intra quas aqua dulcis derivata, paulatim falsugine terrestrium glebarum imbuta, deinde intra prægrandes sartagine cacabosque per rivos deducta in salem excoquitur. Salisburgum à salis abundantia nomen meruit, uti & omnia illa oppida, quæ à sale nomen obtinuerunt, Halæ; integer hoc loco catalogus prætexendus foret, si omnium salinarum passim per universam Germaniam obviarum loca recitare vellem; In Asia maximè celebrantur Caspii montes sale concreti. Ormuzia, *Ormuz* vulgò, tota sale concreta videtur, adeo vehementis mordacitatis, ut omnia consumat corrodaturque, ut proinde neque planta aut arbor, neque animal ibi vivere possit, nulla aqua potui apta reperiat; tanto vero Insulam æstu fervere ajunt, ut indigenæ æstivo tempore perpetuo in aquis degere cogantur, toto corpore collo tenus immersi. Vide *Vitam Gasparis Barzai*. In Africa verò montes salinos esse, ex quorum saxi indigenæ domus construere, easque imbricibus salinis contegere solent. In novo Orbe circa littora S. Michaëlis saxa ex sale scopulorum instar, uti & innumeris aliis locis spectari, de quibus lege *Itineraria America*.

Sal saxo-
sum.

Fodinæ Sa-
lis propè
Cracoviam
in Polonia.

Varia per
Orbem fo-
dinæ Salis.

Caspium
montes
Sale con-
creti.
Ormuzia
Insula Sale
constat.

In Africa
salinis sa-
xis domus
construunt.


Sal

Sal fluvia-
tile & la-
custræ.

Sal fluviale, lacustre & fontanum est, quod ex fluviis, lacubus & fontibus eruitur, ac plerumque coctione extrahitur; Undenam verò fontibus, fluviis, lacubus sal accidat, hac fieri ratione putamus; Ubiunque sunt aut montes salini. aut glebæ falsugine referatæ, fit ut plurimum, ut rivi subterranei hujusmodi glebas transeuntes, falsugine imbuan- tur, qui postea in fontem erumpentes, fontem salinum efficiunt, & hi fluviis; Si verò hujusmodi subterranei rivi per occultos subterraneos cuniculos in lacum aliquem se exonerant, tunc eandem falsuginosam qualita- tem, quam à montibus & glebis falsuginosis fuxerunt, lacubus communicant. Sed expe- rimento id comprobemus.

Quomodo
in lacubus,
fluviis, fon-
tibus Sal
nascatur.

Sit rivus quidam subterraneus aquæ dulcis signatus litera A, qui alveo suo deferatur per intima montium salinorum viscera; Certum est, eum falsugine protinus attractâ, falsum



fore, & consequenter mox ac in fontem D eruperit, fontem efficiet falsum & flumen E, quod inde derivatur; Lacus verò F per subterraneum flumen FD jam falsugine imbutum pari pacto falsuginem participabit.

Sal ex li-
gnis ex-
tractus.

Salem quoque ex lignis combustis educi, gravissimi prodiderunt Authores, potissimum ex lignis quernis vel columnis, id est, ex quercu vel corylo: Modum docet *Agricola lib. 12. de re metall.* Eos autem qui salem ardentibus lignis, aquas falsas infundendo conficiunt, fossas in quibus ligna collocant, facere oportet, quas convenit esse longas pedes duodecim, latas septem, altas 2½, ne aquæ infusæ effluent, lapidibus falsis exstructas, ut nec aquas sorbeant, neque terra ex earum fronte & tergo decidat; in hisce fossis quercus aut corylus combustæ carbonem relinquunt, qui superaffusâ aquâ falsâ in salem convertitur, quamvis is neque colore neque sinceritate reliquo sali respondeat, utpote nigro colore & subfusco imbutus.

Sal Kali
quodnam,
ejusque
præpara-
tio.

Est & aliud Salis genus, quod Kali, seu Alkali dicitur, vulgò *Soda*, vitro conficiendo opportunum, de qua arte *Bulcas Arabis* integrum Librum scripsit, & nos in Tractatu de *Arte vitriaria* de eo fusè tractabimus; Sic autem arte Sal ex herba Kali educitur: Herba hæc in cinerem versa, *Soda* vulgò appellatur; hanc Sodam molis subactam terunt, & in tenuem pulverem redactam incerniculo sepa-

rant ab intermistis grossioribus partibus; hujus singulis libris totidem aquæ amphoras apponunt, & aquâ probè dilutam coquunt ad quatuor horas, usque dum aqua ad tertiam partem redacta sit; mox ab igne depositum duodecim horarum spatio interjecto, subsidere sinunt, sedimento verò sublato, aquam reperiens limpidissimam: Deinde laneis liciniis in subjectum vas amplum stillatim secernunt, & hoc toties repetunt, donec aquam falsam linguæ experimento reperiunt: Tandem ex hac aqua ollam plenam igni apponunt, & tam diu coquunt, donec absumpto humore aquam corpulentior in salem redactam invenerint.

Sal Lacustre, quod ex Lacubus falsuginosis extrahitur, cujusmodi est Lacus Asphaltites in Palæstina, ex quo sal eruitur, quem à Sodoma Sodomæum vocant; Lacus est apud sacros profanosque Authores celeberrimus, ob Pentapolim, quæ ab omnibus seculis memorabilem mortalium terrorem irato Cælo sulphureum pluvie incendium deflagavit; hic ager, testante Sacro Textu, ut prius amœnitate Paradisum æquabat, ita post horrenda & inaudita præposteræ Veneris, quibus incolæ implicabantur, scelera, cœlesti igne exustis, infernum potius etiamnum, quam terrenam aliquam regionem, horridus & formidabilis visus præ se fert: Vide hæc pluribus prosequentes Sacrarum Literarum in hunc Genesis locum Commentatores. Sal ejus peramari saporis est, & aded grossæ substantiæ, ut duplo marino ponderosior inveniatur; unde corpora intra eum coniecta nunquam ob copiosam bituminis misturam, submerguntur, fertque & homines & animalia sine ullo natatoriarum artis subsidio: qui mox tamen atque exierint, toto corpore sale conspersi videntur; accolis tamen Sal hujusmodi in usum necessarium non secus ac noster adhibetur: Vide *Galenum l. 4. Simplicium*.

Sal Lacu-
stre.
Lacus As-
phaltites,
sive mare
mortuum.

Notum est, quod de uxore *Loth* in statuam Salis conversa Sacra Pagina refert: Mirè sese torquent Interpretes, cur non in quodvis aliud saxum, aut truncum conversa fuerit, sed in salinum simulacrum: Nos duplici de causa id factum opinamur, partim physica, partim morali: Si enim naturam loci spectemus, eum ex omnium Historicorum monumentis sale refertissimum reperiemus, unde potius in istiusmodi mistum, quo campus Sodomæus redundabat, quàm in saxum quoddam aliudve mistum, quo carebat, transformata fuisse, vero haud absimile est. Accedit morale, quod sicuti admonitione divina prævia, stulta mulier sapere noluit, ita damno suo in Salis statuam conversa, formidabili suo exemplo, insipientes posteros, & insulos mortalium animos moneret, non contemnendum esse, quod Divini Numinis exacerbata mens tanto rigore & severitate, justo suo judicio vindicaret; saperent itaque & novissima præviderent, *Tertullianus* eandem sua adhuc æta-

Uxor *Loth*
in statuam
Salis con-
versa.

Mira quæ
de statua
hac refe-
runtur.

te visam fuisse narrat. *Brocardus*, qui abhinc 300 annis vixit, sua pariter ætate inter Engaddi & mare Mortuum extitisse; *Adrichomius* hujus sæculi Scriptor etiamnum extare; *Thargum* verò *Hierosolymitanum* eandem usque ad sæculi consummationem, communemque hominum resurrectionem duraturam, referunt. Mirum est, quod de ea *Tertullianus* refert, statua hanc ac si viveret, humorem à se muliebrium menstruum fluiori haud ab- similem profundere; Iterum quod illa eadem statua, si à quopiam mutiletur, illa mutilum vulnus suum quasi resarcire, & quod oblatum, replere videatur: Sed quoniam hæc in carmine quodam de Sodoma haud ineleganter describit *Tertullianus*, id apponendum duxi:

*Ipsaque imago sibi formam sine corpore servans
Durat adhuc nunquam pluviis, nec diruta
ventis;*

Quin etiam si quis mutilaverit advena formam,

*Protinus ex sese suggestu vulnera complet;
Dicitur & vivens alio jam corpore sexus
Mirificos solito dispergere sanguine menses.*

De qua & hujusmodi Ænigma profertur:

*Cadaver nec habet suum sepulchrum,
Sepulchrum nec habet suum cadaver.
Sepulchrum tamen & cadaver intus.*

Sed hæc *παρεργῶς*, nunc ad institutam nobis materiam revertamur.

Ex Muria quoque & Garo extrahi salem: notius est, quam dici debeat; quid verò propriè per Muriam & Garum intelligatur, primo dicendum est.

Muria &
Garus
quid, &
quomodo
conficiatur.

Muria itaque, quam olim ad condimentum ciborum adhibebant, nihil aliud erat, quàm liquamen illud, quod ex Garo pisce, quem & Scombrum vocant, secundo quem ex Thyn-

no pisce decoquebant, quod vino, croco, concisis herbis, aliisque modis condiebant; Et Muriam quidem, quam ex Scombris sub Gari nomine parabant, uti exquisitissima, ita quoque non nisi Principum mensis apponebatur; alteram ex Thynno pisce paratam, nobile pariter condimentum, & divitibus & nobilibus maximè usui erat; tertia ex apua & vilissimis pisciculis confecta, hanc dicta, uti vilioris conditionis erat, ita non nisi in plebejorum hominum usum cedebat; Usus tamen postmodum obtinuit, ut omnis aqua falsa, vel sola per se, vel aliis condimentis additis, Muria diceretur. Vide *Horat. l. 2. serm. Satyra 4.* ubi duo juris genera proponit; unum quod ex solo oleo constat, alterum quod ex muria, oleo, vino, herbis confutis, aliisque conflatum est, quod quidem optimum, si Byzantinæ orçæ muriâ temperatum fuerit. Verùm qui plura de Muria & Garo, ejusque conficiendi modo, desiderat, is consulat *Columellam*, *Dioscoridem*, *Galenum*, aliosque. Multi muriam hodiè vocant illud liquamen, quod ex sale & aqua dulci simul commistis conflatur, intra quam ovum coniectum si non submergatur, sed ei innatet, muriam confectam dicunt: Sed hoc liquamen nomen muriæ non nisi ex metaphorico quodam dicendi modo obtinuit; quamvis verò usus muriæ ex garo & thynno, hodierno die in Europa desierit, Constantinopoli tamen apud Turcas adhuc vigere, à variis intellexi, & etiamnum vocem tantùm remansisse, voces Græcæ indicant *ὀξύγαρον*, omne id, quod ex acido dulcique mistum conficitur jusculum; *ἐλαιόγαρον*, quod ex sale & oleo; *ὕδρόγαρον*, quod ex aqua falsa conficitur liquamen, non dissimile iis juribus, quæ Itali *salza*, *intingoli*, *guazetti* vocant. Sed hæc de muria & garo sufficiant.

Triplex
Muriæ
species.

Experi-
mentum.

CAPUT V.

De modo Salium extrahendorum.

Quæcunque vi ignium in cineres & calcem redigi possunt, ex iis salem extrahi posse (sive ea ex regno animalium, sive vegetabilium, sive mineralium existant) nemini dubitandi locus esse debet; Et hisce quidem mixtis potentia inest; in aliis verò, ut in aqua marina, muria, terris salifuginosis, cæterisque nitro, halinitro, alumine, vitrioloque pollentibus locis; item in acidulis excrementis animalium, potissimum avium, uti columbarum, gallinarumque, actu seu coagulatus, seu solutus est, unde ad eorundem sales extrahendos modus non adeò difficilis est. Quomodo verò ex omnibus dictis salia extrahenda sint, jam videamus; & plures quidem à Chemicis assignantur, quos ad triplicem differentiam revocamus, ita ut primus sit facilis, alter subtilis; tertius subtilis & arcanus.

Primus modus ex vegetabilibus extrahendi sales.

EX vegetabilium classe plantas quascunque selige, quas Sole primum aut umbra exsiccatas in cineres resolve intra fossam vel saxis vel coctis structis laterculis constructam; cinis inde relictus intra ollam congestus affusa aqua coquitur, dilutum intra dolium transfunditur, & sedimento facto, humor falsus, quem lixivium vocamus, per colum segregetur & coaguletur evaporando usque ad embammatis sive grossioris jusculi consistentiam, neque enim ad ficcum cogitur, ne aduratur; reliqua humiditas, vel leni fornacis calore, vel Solis æstu remanente sale dissipatur, quamvis liquamen hoc variis liciniis juxta *Bulcasis* instructionem, aut per varia filtra trajicere consultius putem.

Primus
modus ex
vegetabi-
libus ex-
trahendi
salem.

Se.

Modus secundus.

SECUNDUS MODUS hic est: Aridam herbam vasi fictili inclusam in fornace ardentissimo igne exstructa in cinerem candidissimum combure, cui in vitream cucurbitam conjecto pluvialem, vel dulcem aquam distillatione prius purgatam, in cinerum balneo usque ad quartæ partis consumptionem coque; deinde quiescat usque dum ad fundum subsident fæces: Hoc peracto, liquorem separatim per filtrum transcolatum in aliud vas transfer, in quo coagulabitur in salem quæsitum.

Modus tertius.

TERTIUS MODUS. Herba recens collecta, & suo adhuc turgida succo distilletur; separata aqua, reliqua vase clauso in cinerem per ignem redigantur; huic verò cineri purificato propria aqua paulò ante seposita restitatur, commistusque liquor in fumo vel balneo per aliquot dies digeratur: digestus hoc pacto cautèque exemptus, usque ad mellis consistentiam distilletur, succus deinde in vitream effusus concham paulatim coagulatur. Hoc modo plerique ex Chemicis melioribus operari vidi. Quibus quidem modis propositis tanquam facilioribus, quæ non differunt multum ab iis modis, quibus sal ex arundinum, juncorum, corylorum, quercuumque combustorum cineribus eliciunt; qui sales uti signis & argumentis essentia, quæ in intimo centro latet, carent, & oleosa pinguedine diffuunt, & colore pravo lotiique odore sunt imbuti, nec odore placent, ita correctrices artes à Chimiæ peritis inventæ sunt, quibus emendentur, & suam denique perfectionem adipiscantur. Quales verò huiusmodi procedendi modi sint, jam aperiemus.

Quartus modus subtilior ex dictis sale extrahendi.

Qui subtilius salis magisterium quærunt, variis in modis peragunt. Quidam ut omnes supradictos effectus urinæque odorem prorsus tollant, ii sales extractos non ad ficcum coagulant, sed ad Syrupi formam reducunt, ita ut humiditas superstes vel tingatur à Sole, vel fornacis calore siccetur; alii rosacea diluunt aqua, filtrant, coagulant persæpe repetitam operationem: Nonnulli reverberant ad ficcitatem; non desunt, qui fundant, ignibusque colliquefaciant: Nos autem ne sic quidem salem perfectionem suam consecuturum agnoscimus, cum ejusmodi tantum sit materiale corpus. Itaque ut perfectionem nanciscatur, spiritu vini aut aceto radicali opus est, ut opus compleatur; præcedenti itaque aliqua lotionem cineres spiritui vini aut aceti commisceantur; commistum distilletur, distillatum extrahatur, filtretur, coaguletur: idque tam diu repetitur, donec in filtro sex-

tuplici operatione percolata nil remaneat, & sal planè æthereus evadat; Atque hic est primus modus verus salium ex plantis & animalibus, quæ plantis analogæ sunt, extrahendorum. Ex calce sales multò adhuc facilius separantur, eadem tamen industria, in qua aqua non è pluvia aut fluvio, fonteve collecta usurpetur, sed ritè distillata dulcis. Nonnulli relictis primis recrementis extractum succum assument, atque ex hoc primam eliciunt tincturam, seu quintam essentiam bis aut ter, donec subtilissima pars sit separata, deinde succum fæculentum ad ficcitatem usque evaporatum in cineres redigunt, & ex hisce singulari ingenio & industria salem ad summam perfectionem adhibito proprio phlegmate, vel illo ipso menstruo, quo succus proprius & essentialis fuit secretus.

Quintus modus.

Herbarum expressarum reliquæ cum magmate seu crassimento succi post arefactionem immisæ in ollam subsidere permittantur, olla vacua novis impleatur usque ad summum, quod etiam fieri potest adjectis integris, ut hoc pacto ejusdem herbæ triplex concurrat substantia: Olla clausa exili spiraculo relicto per gradus reverberetur, ita ut ultima primis obruta candescat: Cinere exempto tepida distillata dirigatur, effusa aqua clara coletur. coaguletur, solvatur, filtretur, & hoc peracto decies denuò coaguletur, donec puritas, color & sapor placeat. Quorundam redditus jam essentiis sulphureis & mercurialibus Capita mortua adhuc salem retinent, ita ut non opus sit novis utionibus aut calcinationibus, sed contritis vel proprium adjicitur phlegma, aut stillaticia aqua dulcis, quæ statim sale ad se attracto imbutur; estque hic sal fixus, nam volatilis in prima distillatione jam evolaverat; fiet nihilominus & ipse fixus volatilis, si ulteriori distillatione torqueatur; atque hoc pacto ex omnibus salinorum corporum speciebus, uti ex distillati vitrioli, tartari, salis, aluminis. halonitri reliquiis, item ex capitibus mortuis argenti vivi sublimati, aquarumque fortium sedementis sal educitur, quod & per coagulationem spirituum præstatur; Nam spiritus dictorum salium vi ignium ex retorta, vel per alembicum e ducti, segregata paulatim & subducente sese spirituosâ humiditate, in salem tandem condensantur. Hoc pacto sal ex tartaro educitur, de quo vide *Oswaldum Crollium* in sua *Basilica*. Verum de hisce omnibus copiosior dabitur in sequentibus Libris discurrendi materia, quare ad alia.

DE NITRO,

*Ejusque speciebus Salnitro, Aphronitro, Halinitro.*Nitrum
salis spe-
cies.Nativum
& facti-
tium.Nativum
ubi repe-
riatur.Αφρόνιτρον
quid?Nitrum
ubi opti-
mam cre-
scit.Quomodo
arte olim
parabatur.Aqua dul-
cis imbui-
tur qualita-
te istius sa-
lis, quod
terrenum
subiectum
natura sua
producit.

Secunda salis species est Nitrum, quod diversis quidem nominibus appellatur, quæ tamen quoad essentiam uti prorsus conveniunt, ita solis accidentibus diversum quid sonant, & haud secus ac sal vel nativum vel factitium est; illud intra vel extra terram reperitur, intra terram delitescens aliorum fossilium more cæditur; est enim durum & spissum, lapidis instar, ex quo boracem, sive quod idem est, chrysocollam Veneti conflare dicuntur; vel in speluncis colligitur, in quarum parietibus fornicibusque adinstar stiriæ concrevit, vel liquidum adhuc in terram deciduum in flores abit, quam *spumam nitri* Latini, Græci ἀφρόνιτρον dicunt; distinguitur à solido non alia re, nisi duritie & molitudine: olim magno pretio habebatur id genus nitri, quod in Ægypto in areis post exundationem Nili, humore jam evaporato, concretum colligebatur; aliud magni pretii juxta Philadelphiam Lydiæ & Magnesiam Cariæ urbem effodiebatur, extra verò fodinas vel in convallibus aut campis lacubusque, ex quorum crepidinibus in salis morem efflorescebat, abradebatur, quam & ἀλμυράλιον vocabant. Arte hoc modo paratur, quemadmodum in Ægypto nitrosâ substantiâ terrestribusque glebis ferè omnibus in locis nitrum sudantibus non secus ac sal aqua marina in areolis supra memorata industria excavatis, aut lacuna in salem Solis virtute excoquitur, ita sola aqua Nili in areolas nitrosas, quas Nitrarias appellant, vel deducta, vel quæ inundatione Nili in concavis camporum fossis remanet, Solis efficacia in nitrum concrevit, attenuatis in vaporem aquis dulcibus.

Quod & intelligendum est de omnibus illis locis, quæ nitrosa terra scatent: Nam ut supra dictum fuit, juxta terreni subiecti dispositionem naturalem aqua dulcis per similia loca defluens, naturam soli assumit, si salem fluxerit & ad se attraxerit, in salem excrescet, si nitrosa loca pertransierit nitro imbuta, tandem in nitrum, si aluminosum in alumen, si vitriolatum, in vitriolum efflorescet, quæ omnia in Libro V. fusè exposita sunt. In Ægypto nitrum tanta abundantia provenit, ut in cumulos congestum cum tempore in saxum excrescat, ex quo elegantia vasa formantur. Quod si subinde variis coloribus imbutum reperitur, id nil tamen diversum à nitro arguit, cum omnem colorem à colore terræ, ex qua extractum fuerat, trahat; si è

rubro, rubrum; si ab albo, album; & sic de cæteris; Utrum verò nitrum Ægyptiacum idem cum nostro sit, inter Physicos Medicosque lis adhuc pendet. Nos sanè nostrum specie ab Ægyptio minimè dissidere putamus, sed solis accidentibus eo ferè modo, quo sal in nonnullis locis excellentioris naturæ producit, quàm in aliis; Terrena siquidem locorum dispositio, situs, aspectus Coeli, clima diversum uti in aliquibus locis nobiliora, quàm in cæteris, differenti locorum dispositione pollentibus, ita quoque nobiliora mineralium mixta generant, quod idem usu venit in omnibus aliis salium speciebus, & experientia Spagyrica luculenter docet: Si enim salem vel nitrum sive purum sive imperfectum, impurum, ignobile, variisque miscellis contaminatum ignium tortura per distillationem multoties repetitam ad perfectionem reduxeris, tandem purissimum nitrum, & quod præstantiâ nulli alteri nitro quantumvis purissimo cedat, reperies; ut proinde præstantia nitri à minus præstanti non differat, nisi quod hoc illo minus purum defæcatumque reperitur, quibus impedimentis sublati natura ubicunque tandem locorum id proveniat, prorsus eadem est; ut proinde frustra tot differentiis nominibus id à Veteribus tanquam specie distinctis denominatum videatur: quemadmodum enim sal triplici industria conficitur, vel aqua falsa, vel diluto, vel lixivio, ita & nitrum: Si quidem aqua nitrosa uti aqua Nili, in nitrum convertitur; terra nitrosa dulci imbrium pluviarumque aqua perfusa commixtaque pariter in nitrum calore Solis transmutatur, ex combustis verò roboris quercusque lignis & in cinerem redactis, lixivium nitro extrahendo mirè opportunum paratur ea industria, quam supra innuimus. Ad aquas verò quod attinet nitrosas, illæ pariter varias differentias pro ratione rerum aquis unà commistarum sortiuntur: Nilotica Ægypti aqua etiam si nitrosa, colata tamen in potum cedit non modò saluberrimum, sed & fecundandis mulieribus mirè opportunum, uti in *Oedipo nostro* ostendimus; Sunt aliæ nitrosæ acerrimæ, aliæ peramaræ, aliæ denique mites, & vix ulla rosiva virtute præditæ. Vide quæ de virtute aquarum nitrosarum amplè tradidimus *Lib. 5. hujus Operis*. Nitrum verò ex mari ortum in Ægypto, pulchrè sanè explicat *D. Hieronymus* in illud 25 *Prov. 11. 20.* Acetum in nitro qui cantat carmina cordi pessimo. *Nitrum*, inquit, à *Nitria Provincia*, ubi

Utrum ni-
trum Ægy-
ptiacum
idem cum
nostrate sit.Nitrum
purum ab
impuro
accidenta-
liter tan-
tùm differt.Sal & ni-
trum tri-
plici modo
ex rebus
extrahun-
tur.Nitri natu-
ram ad
moralem
doctrinam
scitè trans-
fert *S. Hieronymus*,
ubi

ubi maximè nasci solet, nomen accepit, nec multum à salis Ammoniaci specie distat: Nam sicut in littore maris salem conficit ardor Solis, indurando in petram aquas marinas, quas major vis ventorum, vel ipsius maris fervor in littoris ulteriora projecerit: ita in Nitria ubi aestate pluviae prolixiores tellurem infundunt, adest ardor sideris tantus, ut ipsas aquas pluviales per latitudinem arenarum concoquat in petram salis quidem vel glaciei aspectui simillimam; Sed nil gelidi rigoris, nil falsi saporis habentem, quæ tamen intra naturam salis in caumate durare, & in nebuloso aëre fluere & liquefieri solet, hac indigenæ & ubi opus extiterit, pro lomento utuntur; unde Judeæ

peccanti dicitur Hierem. 1. Si laveris te nitro, & multiplicaveris tibi herbam borith; maculata es, iniquitate tua, dicit Dominus: Crepitat autem in aqua sicuti calx viva, & ipsum quidem deperit, sed aquam lotioni habilem reddit: Cujus natura cui sit apta figura cernens Salomon, ait, Acetum in nitro qui cantat carmina cordi pessimo; Acetum quippe si mittatur in nitrum, fervescit nimirum protinus & ebullit, sic perversa mens quando per increpationem corripitur, aut per prædicationis dulcedinem bona suadentur, de correptione fit deterior, & inde in murmurationis iniquitatem succenditur, unde debuit ab iniquitate compesci. Hæc S. Hieronymus scitè sanè & eleganter,

CAPUT II.

De Salinitro tertia Salis Specie.

Nitrum, Græcis λίτρον, vel ἀλίτρον dicitur, à Nitro ordinario hac nota distinguitur; quod mirè flatuosum sit, & ingenti spirituum efficacia polleat, mediamque naturam salem inter & nitrum obtineat, quam & nitri spumam vocant, Alberto teste, subtilioris substantiæ & virtutis, quam ipsum nitrum: unde hujusmodi nitri speciem, plerique Meteorologici ingentium sub terra commotionum causam unicam dicunt; pulvis pyrius, cui Salnitrum commiscetur, magna mortalium strage sat superque docet; & quamvis hæc in Quarto Libro fusè tradiderimus, hoc tamen loco nonnulla ibidem omissa, exactius discutiemus, ut admiranda hujus salis vis magis magisque patefiat. Elucet enim in hoc insignis Naturæ dignitas, & aliqua etiam ad usum nostrum necessitas: Est enim affecla ipsius Naturæ ars, & veluti administra illius operibus: Primò itaque non secus ac sal & nitrum, nativum Salinitrum datur; uti enim Baccius & Agricola scribunt, noviter reperiri terreni nitri quoddam apud Saxones genus, quo ad superficiem solo farinæ instar consperso albicans, quod & eisdem infra venis luxuriat, ex quo faciunt Salnitrum; Quamquam ego quidem non credam hanc sinceram esse salis nitri materiam, sed aut putrefactam quampiam bituminis sobolem, quo maximè tota Saxonia abundat, aut potius fimi genus, qualem se Baccius vidisse scribit prope Fabrianum oppidum in penitissima Crypta, quam obscuram vocant, sub Appennino, ubi noctuarum miriadibus pernoctantibus, ex congesto ibi ac antiquato multis annorum centesimis earum stercore, thesaurum salis nitri collegerunt inæstimabilem. Tali fimi genere ac foecunditate scatere audio infensam cryptam prope Vulturenæ fines, qua ad Rhetios transitur, patentem quidem longissimè, sed ex vesperilionum multitudine inaccessam, ut volatu extinguant etiam luminaria. Ac talis fortasse ea est albicans ac putris materia apud Saxones. Cæterum operæ pretium est ob artifi-

cium salis nitri novum, & ob qualitates ejus non adeò exploratas nec scriptas adhuc perscrutari ejus naturæ aliqua sanè mira & paradoxa. Fit Salnitrum hodiè ex acerrimo lixivio, quod excolatur ex fimo ejusmodi, stercoreve antiquato, vel putridis etiam cimiteriorum maceris, terrisque simul studio quodam putrefactis, affusa pluries in vasis ligneis aqua, qua eadem hoc lixivium in magnis lebetibus coquitur, fitque Salnitrum longis salis adinstar fibris in fundo vasis concrecentibus. Hoc autem gustui acre est primo sensu, mox acerrimum, stomachum subvertens, ac intestina erodens; quod usu quidem jam nimis est notum in bellicis machinis ac bombardis, quibus jam vana facta est Jovis tonantis superstitio, ac antiquorum bellica instrumenta ridicula, nam incomparabili hujus pulveris impetu ac fragore, plus quam fulgurante Iove, audacia plusquam gigantea, audet hujus sæculi sævitia, non invicta solum Urbium propugnacula superare, quin vel ipsos etiam metallicos montes dissipare, subruere ac mari terraque viam aperire; qui mirandus quidem salis nitri effectus est, illud verò admiratione dignius ac scrutatu difficilium, quod Salnitrum contrarios adeò & cum aqua & cum igne prodat effectus; In pulvere enim pyrio, quod ex Salinitro, sulphure & carbone adjecto, conficitur, vel ad minimam scintillæ approximationem accenditur, ac non tam ardet ipsum, quam diffunditur repente in flatulentum ac vehementem spiritum, quæ ipsius ignis facultates sunt mixturæ pulveris propria. Mirum tamen est, totum contrarium effectum monstrare Salinitrum in aquam coniectum: Nam uti quotidiana hîc Romæ experientia docet æstivo tempore, affusa phialæ vitreæ aqua refertæ, aut intra pelvim salinitro, aqua intra exiguum temporis spatium, tantum frigoris incrementum sumit, ut tota in glaciem super omnem gradum frigiditatis abeat; Cujus diversitatis aliquam nobis viam ad indagatio-

Salnitrum quomodo fiat.

Admiranda nitri in pyrio pulveris vis & efficacia.

Ex vesperilionum noctuarumque excremento in crypta quadam prope Fabrianum nitri ingens copia eruitur.

Qq

nem

Aqua in
plumbeo
vase agitata
frigescit.

Experi-
menta.

Cur albu-
men ovi
mistum
calci vivæ
tam forti-
ter vitrum
fractum
congluti-
net.

Calx cur
tantopere
ad affusam
aquam in-
calescat.

nem causarum præbet conformis ex plumbo effectus, quem ponit *Galenus* 9. de *Simpl. med. fac.* Quippe aquam frigidam & plumbo agitatum, in vase item plumbeo frigidiores multo fieri; uti & oleum, vinum, & quemcunque liquorem asserit, quod nimirum plumbi naturæ tribuendum est, aqueæ ac terrestres substantiæ frigidi ac humidi secundo gradu. Verum cum hoc Salisnitri miraculum illo tanto majus sit, quanto effectus ejus prodigiosior; Certè quomodo tam cum igne, quam cum aqua actiones præstet adeo contrarias, & in extremo, ut cum igne ignis fiat, cum aqua vero aqua frigidissima, ea quæ par est, diligentia indagandum duxi. Qui Naturam penitus rimatus fuerit, is omnia ferè contrariis qualitatibus esse prædita, comperiet. Itaque idem potest haud dubiè diversa operari, quod in medicinarum simplicium operationibus luculenter patet, *Galeno* etiam Authore; & præterea unum & idem non habet eandem rationem in agendo & patiando in unam rem, quam habet ad aliam: Utrarumque enim actio, ac reactio fiet, sed diversa: ut salis nitri ad ignem, & salis nitri ad aquam; Et in his tribus suppositis tota horum effectuum salnitri diversitatis ratio consistit, uti rectè *Baccius* notat. Quæ ad explorandam difficultatem, plana fiet nonnullis rerum experimentis, & sanè causa manifesta in oleo, in quo triplicem ad propositum nostrum experimur diversitatem. Oleum cum aqua nunquam commiscetur, cum vino melius, cum lixivio fit unum corpus, & illud acre & calidæ facultatis, ob substantiæ nimirum conformitatem, vel dissensionem, quam habet cum uno, & non cum alio: Sed de calce magis consona sunt ad rem nostram exempla, quæ actu frigida, potentia tota est ignis. Calx aquâ infusâ dissolvitur, ac summo ebullit fervore: oleo admoto, vel infuso non miscetur: imò si tandem dissolvatur, servat suas vires, & à Medicis cum oleo usurpatur pro caustico: Si verò calx cum albumine ovi adhibeatur, repentinam videbis fieri invicem agglutinationem: Calx enim adeo in se totum absorbet albumen, ut illicò adurat ipsum, adeoque fiat, ut si ipso momento temporis adhibeatur, glutinum confractò vitro sive testaceo vasi applicatum tenacissimum reperiatur. Quorum omnium causam tum ad contrarias ejusdem rei qualitates referenda est, tum ad dissimilitudinem diversamque rationem, quam idem habet cum una re, & cum alia in agendo & patiando. Sed ut ad calcem aquâ frigidâ mistam redeamus. Calx infusâ, vel adnotâ subter, aquâ dissolvitur, ac incalcescit ob dissimilitudinem substantiæ, ut vult *Fracastrorius*. Adde manifestam causam, ob pugnam, quæ excitatur inter hæc duo contraria, aquam & calcem; sive melius, inter igneas calcis partes, & frigidas uquæ qualitates: Nam aqua incalcescens à parte ignea calcis, statim evaporat, vapores dimultiplicati dilatant, impulsuque succedentis aquæ, pellunt,

quem proximè attingunt aërem: Sic pars partem pellit, aër facillimè evolat, aqua succedit in poros, & usquequaq; per minima, ne detur vacuum: hinc aqua incalcescit, incalcescit & calx,educta calorifica qualitate ejus de potentia ad actum. Calx dissolvitur sejunctis ejus particulis, ac aqua & aquæ vapore penetrante totam. At verò calx cum oleo non excitatur ad ullam actionem & pugnam, quia habent invicem aliquam communionem; unde oleum, quia non est vaporabile, facillè cum calce unitur, servat illi suas qualitates, & in sua acrimonia viscositatem; At albumen est & ipsum viscosum & non vaporabile, sed ob oppositas calci qualitates suas frigidas atq; humiditas ad motum facit exhalare calcem, in cujus poros non succedente albumine, quia albumen non evaporat, calx repentinè se totam immergit & concorporat in se albumen, ne detur vacuum, atque ipso momento temporis trahit quoque secum agglutinatq; in ea forti unione partes confracti vasis. Per hæc exempla jam de contrariis salis nitri facultatibus minor videri poterit difficultas. Primum quidem videtur Salnitrum in genere sulfugineorum esse, unde facillè in aqua solvitur, & de hoc non est dubium. Porro ex effectibus adeo diversis cum aqua & cum igne, planè patet Salnitrum transire & solvi in aquam simpliciter, conflagrat autem non simpliciter, sed mediante fomite secum, quod est sulphur, quod est substantia ac virtute igneum, & mediante carbone, qui exsiccat nimiam salisnitri humiditatem, attemperatq; pulverem ipsum, ut conflagret facillè. Ergò fatendum est, Salnitri substantiam partibus constare contrariis, aqueis quidem plurimis frigidisque in actu, unde totum fatiscit in aquis: & partibus subinde igneis atq; acerbis unctuosisque, quas sibi ex fimo & ejus acrimonia contraxit, & per quas est in potentia ad ignem. Penes hanc naturæ Salis nitri constitutionem reddenda est ratio ad illas difficultates. Primum, unde est, quod Sal nitrum ardens tam magnam faciat violentiam ac vastum impetum? Deindè cur affusum in aquam, eam refrigeret tam repentinè, imò frigidiores statim reddat ipsam, quàm si glacies affunderetur, quod videtur contrarium, cum glacies sit summum frigidorum, & Salnitrum constet partibus igneis?

Ad has difficultates præter Salis nitri naturalem dispositionem ad ignem, & ad aquam, utrobique quædam violentia intercedit, & utrobique intelligitur maxima. Quantum ad primam: violentia eaque incomparabilis, primo elucescit in fulgure, fitq; ex parte substantiæ aqueæ ac frigidæ salis nitri, quæ non est apta nata ardere, sed coacta vi ignis superantis, repente vertitur ac exilit in naturam mediam aquæ & ignis, id est, in flatum. Ergo in sale nitro fit violentia, sed effectus est totius pulveris simul: nam sulphur arripit ignem, ignis in sale nitro violenter excitat flatum, flatus urget ac dilatatur incendium, incendium, quia

Salis nitri
vis & po-
tentia ex-
plicatur.

Ratio tanti
nitri impe-
tus cum
sulphure,
& cur in a-
qua nil ho-
rum præ-
stet, sed fri-
gidissi-
mam red-
dat.

Operatio
pulveris
pyrii.

quia vi excitatur & repente facit impetum & fragorem; & tandem quoque ruinam & exitum; ad quod triplex concurret violentia, prima est ipsemet ignis, altera urgentis flatus, & tertia ex angustia loci, unde vehementia ignis non inveniens exitum, nec locum, ubi ex sui natura diffusissime dilatetur, totam vim convertit in obicem, quem expellit tanto impetu naturæ, ut montes frangeret etiam metallicos: Ad alteram quod attinet, Salnitrum fatiscit in aquam, nam aqueæ naturæ est: in-frigidat ipsam, quia actu frigidum; citius denique ac fortius in-frigidat quam glacies, ob violentam antiperistalsin ac extinctionem partium calidarum ab ambiente aqua ac prædominante in ea humiditate: hæc Salis nitri ac salnitratæ aquæ natura est.

C O N S E C T A R I U M .

Terræmo-
tus nitri
accensione
fit.

Hinc patet ratio & causa Terræmotuum, nimirum spirituosæ nitri in subterraneis cuniculis accensa substantia, qua angustia loci im-

patiens, dum ampliorem quærit, fusque de-que fert omnia: Haud secus ac in cuniculis nitroso pulvere superimposita loca evertunt, tanta violentia, ut vel ipsos montes in aëra ejaculari videatur, quod sine nitro fieri non posset, & luculenter patet in ignibus subterraneis, qui suo nunquam pabulo destituuntur, semper ardent, neque tamen illum terræmotum causant: mox tamen ac ignis, cuniculum quendam nitro refertum subierit, tum enim verò illud succensum, tantas indomitæ suæ violentiæ ruinas, quas nullo non tempore magna animi formidine diversis in locis contigisse legimus, efficit; unde & sequitur, non cavernosa, sed nitrosis cuniculis supraposita loca, terræmotibus subjecta esse: Est itaque causa terræmotus vera & physica, subitanea in subterraneis cuniculis salnitrosæ materiæ accensio, quæ tota simul attenuata laxiorem sibi quærens locum, dum loci angustis contineri nescit, disruptis omnibus obstaculis, viam ad exitum sibi pandit.

C A P U T III.

De Salnitri Generatione, Natura, Viribus.

EX præcedentibus, quantum quidem pro ingenii nostri debilitate licuit, operationes pulveris nitrosi, unà cum genuinis tantorum tamque contrariorum effectuum causis, non tam nostra, quam Peripatheticorum opinione exposuimus: quoniam verò natura nitri non nisi secundum superficiem quandam ibidem enodata fuit; nè tam ingens naturæ arcanum in expositum maneat, hic genuinam ejus originem assignare conabimur.

Elementa, uti in *Secundo Libro* diximus, sunt ex tribus rerum principiis Chemicis, quæ nos κατὰ τὴν ἀναλογίαν, Sali, Mercurio & Sulphuri nostro respondere asseruimus: Et Sal quidem omnibus mixtis corporibus dat consistentiam, Mercurius aqueam substantiam, gluten corporum, sulphur verò igneam activitatem; aëre verò ex Mercurio & sulphure partim aquea, partim ignea resultante substantia: vel ipse effectus humiditatis & siccitatis nos docet: Videmus enim res secundum quid terminari, & secundum quid non terminari proprio termino, ergo ex sensu in rebus siccitatem & humiditatem esse comperimus, & aliquid esse ex utroque: Farina enim sicca non conglutinat duas chartas, nisi humido prius subjecta fuerit, neque aqua sine farina id ullo modo præstare potest: humidum itaque & siccum, uti omnium quorumcunque tandem mistorum subjecta sunt, ita & humiditas siccitasque passibiles eorundem qualitates existunt. Quoniam verò ad mixti compositionem non passivas tantum, sed & activas qualitates concurrere necesse est, (cum nulla res activa quadam qualitate careat) fatendum est, præter illam substantiam, à qua res habent humiditatem & siccitatem,

substantiam quoque habere, à qua calore imbuatur; cum proprium frigoris sit temperare advenientis caloris excessum, quæ est aliquo modo frigoris activitas, sed & hanc vel ipsius *Aristotelis* doctrinam esse, ex *l. 4. met. text. 13.* patet. quia enim Philosophus humiditatem ac siccitatem, uti sunt qualitates passivæ & subjectivæ propriè terræ & aquæ convenire notat, sapienter intulit, omnia composita ex terra & aqua tanquam ex subjecto fieri; uti sunt terrestria & aquatilia, quæ omnia suos vel in terra vel aquis natales habent, nutrantque in ea; Sed huic materiali parti parem quoque formalem, quæ à calore frigore temperato oritur, addendum censuit, quæ quidem propriè ex aëre & igne, seu ex parte spiritosa, quæ istis continetur, nascitur. Quia verò mixta non constant ex nudis qualitatibus, humiditate videlicet & siccitate, tanquam ex elementis puris, sed ex corporibus tali humiditate & siccitate constantibus; idè rectè Philosophus ea corpora, quibus attribuuntur istæ qualitates componentes, veluti materiale subjectum determinat; cum itaque siccus sit ignis & terra, humida verò sint aër & aqua, ideo qualitates hæc passivas propriè attribuit terræ & aquæ; Cur verò ignis & aëris nullam hoc loco mentionem fecerit, ratio est, quia istiusmodi elementa, uti nulla corpulentia & crassitie prædita sunt, ita ad constituendum mixtum concurrere se solis non possunt.

Atque ex hac *Aristotelis* doctrina infero, nomine terræ minimè illum intellexisse aliquod corpus physicum ejusdem speciei, ut ita dicam, individualis, neque nomine aëris aliquod corpus ejusdem infimæ speciei similis, sed rationem aliquam, more sup-

Humiditas
& siccitas
sunt subje-
cta mate-
rialia mix-
tionum, &
passivæ
qualitates,
ut ignis &
aër activæ.

Sententia
Aristotelis

Elementa
abstractivè
considerantur sub
ratione
metaphy-
sica.

Quænam
proprie
elementa
dici de-
beant.

Metaphysicis assuetam, abstractam ab omni materia crassa lentaque inuuisse; atque sub hac ratione, in qua metaphysicè conueniunt omnia corpora crassa & solida, Terram, deinde omnia illa corpora in vapores resolubilia, uti aquosa, aquam; vapida verò, & subtili fluore prædita, aërem; non vapida verò & subtilissimâ substantiâ constituta ignem, sub abstracta inquam quadam ratione metaphysicè intellexisse; & quoniam hæ rationes in omnibus reperiuntur, ideo ex his omnia corpora composita esse rectè & argutè intulit: Hæc tamen corpora tam crassa quàm subtilia rerum disparatissimarum aggregatum quoddam & congeriem esse sensit, illudque corpus, quod Terra dicitur, quamvis nil aliud, quàm dicta diversarum rerum congeries sit, omnia tamen mixta hoc ipso, quod solida sint & crassitie constant, terram dici; illud verò elementum, quod aër vel ignis dicitur, nil aliud esse, quàm halituum rerum diversissimarum congeriem, quæ tamen in hoc omnes conueniant, quod sint subtilia, vapida & halitiosa corpora, & ideo communi nomine aër & ignis dicuntur. Vides itaque, quomodo *Aristoteles* Elementorum rationes determinarit, quæ omnibus, quæ suprà de vero Terræ, Aquæ, Aëris & Ignis elemento diximus, pulchrè consentiunt. Latet enim in salis centro spirituosâ quædam substantia, quæ uti omnibus mixtorum speciebus inexistit, ita iis omnibus crassitiem & propriam consistentiam subministrat, verumque & proprium proximumque terræ elementum dici debet, cujus sal sensibile non nisi subiectum materiale est. In humidi verò centro, pari pacto latet Mercurialis quædam & spirituosâ substantia, proprium elementum aquæ omnibus corporibus fluorem tribuens; estque gluten quoddam, quo omnia terrea & sicca conglutinantur; & sic de reliquis idem esto iudicium. Quæ omnia præmittenda duxi, ut salis, nitri, & salinitri natura luculentius exponeretur.

Ex quibus
Salnitrum
eruat.

Ac primò quidem sciendum est, artificiale Salnitrum, quod hodie in usum pyrii pulveris adhibetur, multò nativo, quod aut ex aquis, terrisque nitrosis efflorescit, præstantius efficaciusque esse; unde illo ut plurimum utuntur, quod, ut suprà dixi, ex stabulis animalium atque latrinis vetustis, ex gallinarum, columbarumque fimo, nec non ex coemiteriis, cryptis, vespertilionumque latibulis eruitur: cujus quidem rei causa neminem latere potest, qui latentes sub excrementis hoc sordium, urinæ, stercoreumque fimo virtutes penitus cognorit; Cum hæc lordes, quidquid nitrosi intra animalium viscera latet, veluti magnetica quadam virtute ad se trahant, quæ deinde multò tempore intra nitrosam terram fermentatæ, vim multò maiorem ob variam rerum miscellam jam actuatam bilisque quicquillas istis admixtas, quam in nativo acquirunt: atque hoc pacto copiosis roboratæ sub-

fidiis, id paulatim acquirunt spirituum incrementum, quod illi postea sulphuri, carbonibusque juncti, magna mortalium consternatione demonstrant: quânto enim hoc salinitrum est spirituosius, tantò majoris ruinæ effectus præstare censendum est: Hinc quoque Salnitrum, quod ex variarum rerum alluvio in cuniculis subterraneis, tum maritimæ aquæ, cæterorumque salium affluxu, tum nativa loci dispositione producit, mox ignibus intimis correptum accensumque, omnium commotionum, meteorologicarumque impressionum, tum in subterraneis, tum supra in aëreæ regionis districtibus causa est; uti paulò ante, & suprà l. 4. copiosè demonstratum fuit: Spiritus enim salnitrosi, uti subtilissimi sunt, ita facillimè terræ poros transpirant, ita in aëris subiecti sublimia, ignearum impressionum effectus causant; vel si iis ob firma subterrestrium partium obstacula penetrare non liceat; tum enim verò exitum sibi ruptis montium repagulis per fas & nefas, solo necessitatis jure, quærunt.

Cur Salnitrum cæteris efficacius sit.

Mira vis Salnitri.

Cum verò Salnitrum tam admirandis virtutibus polleat; jam videndum est, quomodo id à sale communi differat, & ex quibus utrumque constet. Sal commune ex humido viscoso aquæ & aëris productum nil aliud est, quam terreum illius viscosi, quod calore induratur, & in salem siccatur; igneum verò illud sive sulphureum, quod est in illo humido viscoso aëris & aquæ mutatur in nitrum, sicut terreum & aqueum in illo mutatur in salem: Salnitrum verò purior est ac defæcator nitri pars. Unde patet, in hoc differre potissimum sal & nitrum, quod nitrum plus sulphuris & Mercurii, id est, plus ignis & aëris, in sua compositione sortitum sit, quam sal, quod in sua compositione plus aquæ & terræ obtinuit: In sale quidem ignis & aër occulta sunt, aqua verò & terra manifesta; In nitro verò contra; unde sal commune minimè, quemadmodum nitrum ignescit & inflammatur, eò quod terra & aqua, ex quibus sal constat, ignitionem impediunt, & consequenter vehementes illos salnitri effectus præstare non queunt; Quod enim igneum est in sale, cum humido accessit, uti & in nitro; hinc ambo penetrant dissolvuntque omnia corpora dura, & dummodo putrescant, in materiam primam, salem scilicet ipsis similem, à quo originem traxerunt, resolvunt; ex quo in Arte Chimica mira patrantur, dummodo humidum illud purum putum perfectè & absolutè figatur; infinitis virtutibus in morborum profligatione præditum, quæ in *Octavo Libro* fusius deducuntur: Uti enim nitrum aqua congelata, ita & ignis congelatus dici potest, utpote qui in intimo suo centro & naturæ thalamo totius naturæ thesaurum atque ignem vitæ clausum continet, quem si quis ea artis felicitate fixare, eumque aurea vel argentea tinctura imbuere possit, istum arcanum illud summum & inestimabile,

Quomodo à sale communi differat.

Naturalis nitri compositio.

mabile, quod jam à tot sæculis ab universa Philosophorum schola indagatum fuit, posfessurum nil dubito; Sed cum hæc in alium locum distulerimus, hoc loco tantum ejus naturam exponendam duximus.

CONSECTARIUM.

Ex his patet admiranda Salnitri natura & proprietas: Continet enim ut plurimum, tres substantias, nondum purgatum scilicet, alumen, salem crepitantem, & nitrum essentiale, quæ ex ejus distillatione reperiuntur: Alumen quippe calcinatur fervore quodam & ebullitione: Nitrum purum inflammatur consumiturque; Sal crepat exilitque; probat & id gustus aluminosus, falsus, nitrosus: Insunt eidem spiritus partim frigidi, partim ignei; inest & aquositas quædam pinguedine mista; atque ex hisce dependent admirandi salenitri effectus & proprietates; ex diversitate enim elementorum oppositarumque qualitatum, non possunt nisi mira prodire: nascitur in terra, stabulatur in aquis, ignem Promethea quadam astutia rapit; in aërem fumos expuit vapidos, ebullitque aquositate; in aqua solutum, intensum introducit frigus; unguosa ejus substantia manu compressa, ut plurimum cum stridore dissilit; tanta spirituum aëreorum igneorumque copia abundat, ut vel ex parva mole incredibilem halituum copiam exspiret, uti in sequentibus videbitur. Aquis naturalibus insitum purgat, incidit, penetrat, detergit, obstructions expedit, movet, propellitque arenosam renum vesicæque substantiam; Cum distillatur aut sublimatur, ut plurimum excessum sentit caloris, vasa dirumpit, arte verò tractatum miri caloris halitus eructat, estque potissima vis ejus in aquis fortibus; fluxus inde fiunt ad purganda metalla nobiliora, & ad venas decoquendas aptissimi, magno sane indicio, quanta resolvendi detergendique facultate

Vires nitri.

polleant. Non est mineralium mixtorum fodina aut vena metallica, cui nescio fane qua insita sibi ambitione non associetur; inter cætera sali, alumini, Ammoniacq cæterisque salibus veluti cognatione sibi proximis non tantum adnascitur, sed ea iis divitiis suis implet; ingenti proinde in magno illo Chemicorum magisterio usui est; præsertim in vitriolo nitroso, in quo sulphur & Mercurius æquas proportionis partes obtinent: Fecunditas ejusdem vel ex hoc patet, ex terris naturali ejus jurisdictioni subjectis, ex quibus eximes quantum volueris, eas tamen post nonnullos annos, denuò refluere reperies; Imò si quis terras seminibus ejus fecundas, vel parietes aqua perfuderit irrigaritque, intra exiguum temporis spatium, in nitrosa sua germina floresque repullulasse videbis. Sed hæc experimento comprobemus.

Experimentum Nitrum in Flores cogendi.

Fiat tubus ligneus, fictilis aut etiam ferreus compluribus foraminibus pertusus, hunc tartaro, calce viva & sale vel etiam urina Oenopoti, in unam misturam coactis, impleto; quæ massa triduo sole indurata unà cum tubo in cellam humidam transferatur, & non sine admiratione, cum tempore salenitri flores ex memorata massa niveorum adinstar floccorum germinare comperies; imo tantò subindè impetu, ut si in clauso vitreo vase nonnullos herbarum nitrosarum succos longo tempore stare permiseris, tum enim verò nitrum inexistens fermentatum jam & spiritu foecundum, ingenti propagationis desiderio ardens, loco clauso contineri nescium, vel ipsum vitrum acredine sua perforabit, ut remotis obstaculis sese propagare liberius queat. Experimentum hujus sane rarum vide in præcedentibus Libris traditum, quod à Medico Montispolitiano comprobatum propriis oculis me vidisse memini.

Experimentum.

CAPUT IV.

De Nitrosi pulveris pyrii conficiendi modo & ratione, ejusque variis in Arte pyrobolica usibus

Modus conficiendi pulveris pyrii, uti *Chrascovitz* in sua de Arte Polemia tradit, non ii tantum, qui rei Pyrotechnicæ student, & alii, qui in eodem elaborando fecere professionem, cognitum habent, sed plurimi etiam, qui minora sclopeta & gestatorias seu manuales bombardas tractare solent, imò non pauci agrestium hominum propriis manibus, nullis adhibitis artificiosis machinis & instrumentis, eundem conficere norunt. Vidimus enim, ait dictus Author, plurimos Podolia & Ukraina incolæ, quos Kozakas vocamus dispari plane communi modo pulverem

Pulveris pyrii variz confectioes.

præparantes. Imponunt nempe nitri, sulphuris & carbonum certas singulorum portiones (quorum proportionēs & præparationes unius nempe materiæ ad aliam ex sola didicere praxi) in fictilem ollam & superaffusâ aquâ dulci, igne lento duarum vel trium horarum spatio percoquunt, donec aliqua pars evaporet, & materia spissior densiorque evadat. Hanc postea ex olla extractam, paululumque in Sole, vel calido hypocaufto siccata per setaceum cribrum transmissam in grana minutissima reducant. Alii autem in fictili caprunculo aut catino, vel super lapide plano

& polito, materiam pulveri pyrio conficiendo destinatam subtilissimè terunt & incorporant, ac denique humefactam in grana deducunt. Supervacaneum igitur arbitramur, multa ea de re verba facere, & ordinem feriemque præparando observari solitum describere, sufficet hoc capite mixturas aliquot ad triplicem pulverem conficiendum optimas probatissimasque proposuisse.

*Mixtura pulveris ad Tormenta
majora.*

<i>Primus Modus.</i>	<i>Secundus Modus.</i>
Salis nitri libras - 100	Salis nitri libras - 100
Sulphuris libras - 25	Sulphuris libras - 20
Carbonum libras - 25	Carbonum lib. - 24

*Mixtura pulveris ad sclopetum majorem,
vulgò Musquetas.*

<i>Primus Modus.</i>	<i>Secundus Modus.</i>
Salis nitri libras - 100	Salis nitri libras - 100
Sulphuris lib. - 18	Sulphuris lib. - 15
Carbonum lib. - 20	Carbonum lib. - 18

*Mixtura pulveris ad sclopetum minorem, vulgò
Pistolas, & alia.*

<i>Primus Modus.</i>	<i>Secundus Modus.</i>
Salis nitri libras - 100	Salis nitri libras - 100
Sulphuris lib. - 12	Sulphuris lib. - 10
Carbonum lib. - 15	Carbonum lib. - 8

Mixtura pulverum ad Tormenta & sclopetum majorem inter coquendum vel simplici aqua tantum, vel aceto, vel urina vel vino adusto humectari & inspergi possunt; sin autem ad sclopetum minorem fortiozem vegetiozemque exoptamus pulverem, superiores duæ mixturae sequenti liquore, vel aqua ex corticibus malorum aurantium & Citrinorum, vel limoniorum recentium Chemicis organis distillata inspergantur sæpius, coquanturque per horas 24. denique in minutissima grana reducantur.

Liquor autem componitur ex vini adusti mensuris 20. spiritus aceti ex vino albo distillati mensuris 12. spiritus nitri mensuris 4. aquæ simplicis ex sale ammoniaco mensuris 2. Camphoræ ex vino adusto subactæ; vel cum sulphure trito pulverisatæ, vel denique cum oleo amigdalorum dulcium in oleum redactæ mensura una. Figuram molæ trusatilis ad formandum pulverem pyrium inter machinas & varia in armamentariis asservari solita instrumenta Ultimo Libro dabimus.

Mirum illud in pulvere pyrio, quod granulatus plus virium & effectus habeat, quam in pollinem redactus, cujus rationem supra reddidimus; granulatus enim pulvis plus aeris & spirituum continet, quam in pollinem redactus, in quo spiritus dissipati volant, si-

quidem id experientia docet in tormentis bellicis, si pistillo tormentario ita cogatur calceturque, ut grana amittat & dispulveretur, pulverem quoque vim suam ejiciendi globi amittere, quam habuisset, si moderate coactus fuisset, adeoque vix aliquando ex orificio tormenti expellit globum, & simile id illi evenit, quod pulveri aqua madefacto, qui omni expultrice virtute spoliatus levissimè conflagratur cum igni accenditur; & si in machina bellica reconditus sit, immisso per foculum igni non expellit globum, sed per ejusdem foculi patulum foramen erumpens ardere non cessat, priusquam totus exuratur; quod & in metallis verum est: Illa enim, quæ solidiora fuerint, difficilius ignescunt, spongiosa vero aut minus solida citissime calefieri videmus, ex eo, quod rara & fistulata sint, ac per poros, qui aëre pleni sunt, non difficulter in interiora recipiant ignem. Idem etiam in pulvere pyrio, qui præter supra memoratas rationes, hæc quoque adjunctas habet, quod si eum immodum densetur, ut ignis radii per foculum bellicæ machinæ illapsi compactum illius corpus penetrare nequeant; ex eo, quod inter pulveris grana, vacua nulla per quæ ferantur, sint relictæ, certe momentaneæ pulverem totum, in quo tamen omnis vis illius sita est, accendere non possunt, adeoque per partes duntaxat absument pulverem ignis, quod materiam ad hoc aptissimam nactus sit, nec extinguitur, quoad ille suffecerit, aut violenter suffocetur. Huic rei etiam simile quippam evenit in pulvere, qui variè dispersus, nec in unum corpus collectus incenditur: ubi non diluitur quidem vis essentialis pulveris, aut potius ignis in pulvere, sed actio propter partium suffocationem constipationemque suam effectum obtinere non potest.

Hujus veritatis praxis Pyrotechnica argumento est, & ratio superius adducta illi questioni, cur granulatus pulvis sua fortior farina sit, aliquo modo inserviet; siquidem in grano salisnitri ejus spiritus inclusi & una cum sulphure & carbonibus virtus magis unita videatur, in pulvere vero compacti farina non item. Huic illud quoque addendum, quod si tormentum bellicum longioris cannæ pulvere, non dico in farinam redactus, sed granulato etiam ad orificium usque repleatur, & non per foculum quidem, verum per orificium tormenti in pulverem mittatur ignis, nequaquam tormento inferet damnum aliquod, cum & per partes in pulverem agat, momentaneæ pulverem totum incendere non valens, & quasi per superiora in inferiora operetur, quod ejus naturæ maxime consonum est, aut quod magis proprium, nullis mancipatus sit carceribus, ligatusque angusti loci vinculis, nec ulla habent obstacula, quæ libertatem querendo amovere & rumpere debeat; sed patentem ad orificium machine habeat exitum.

Nec

Liquoris
compositio.

Cur pulvis
granulatus
majori vi
polleat,
quam in
pollinem
seu farinam
redactus.

Experimentum
pulveris
granulati
& farinae.

Pulvis ma-
jorum gra-
norum mi-
nus potest
quam mi-
norum gra-
norum
pulvis.

Nec illud silentio prætereundum arbitramur, quod opinio minus expertorum sit, pulverem pyrium, qui majora habuerit grana, potentiorē vegetiorēque esse, quod quidem primo intuitu verisimile videtur, ob rationem superius à nobis allatam, quod nempe in uno grano majori plus salisnitri carbonibus & sulphuri adhæreat; & ab altera parte falsum est; quia majora grana minoribus tardius resolvuntur in ignem, & praxis Pyrotechnica docet, pulverem in minutissima grana redactum multo vegetiorē fortiorēque esse; quod & facilius grana minora absumantur, ibique (quod rei cardo est) major salisnitri quantitas carbonibus & sulphuri admixta sit, cum tantum ad minora sclopetæ & manuales bombardas ejusmodi pulvis parari soleat, ad tormenta verò majora bellica longè remissior minusque diligenter elaboratus; Et cum tormenta majora majorem pulveris capiant quantitatem manualibus bombardis, majora quoque grana pulvis ille tormentarius requirit, ut tanto velocius ignis radii per majora inter pulveris grana, majora spatia vacua labantur, pulveremque omnem in uno instanti resolvant in flammam.

Experimenta bonitatis Salisnitri.

Ponatur super tabula lignea munda & polita aliquantum salisnitri, & ardenti carbone incendatur, ac sequentia notentur.

Primo. Si ediderit strepitum, qualem in communi sale videmus, cum candentibus prunis superinjectus fuerit, signum erit multo ejusmodi sale abundare.

Secundo: Si fecerit spumam pinguem & densam, habebitur pinguedinis signum.

Si post totius salis exustionem immundæ quædam fæces restiterint, infallibilis nota est, ejusmodi sale plurimum terrestris materiæ continere, & quod major fuerit copia istarum fæcium, eo major quoque quantitas ejusdem materiæ sali inerit, ac proinde multo minus purgator, multoque minus potentior judicabitur.

At si fecerit flammam claram, longam & in plurimos radios dispartitam, fundum verò tabulæ remanserit mundum, arseritque puri carbonis modo sine omni spuma, & crepitu horrido, minusve convenienti, purgatum benè & perfectum esse sale nitri, conjecturam capere licebit.

Volunt nonnulli, infallibile vestigium esse bonitatis salisnitri, si post secundam clarificationem more solito peractam, non plus quam quatuor libræ ad singulas centum libras desiderantur; sin verò secunda rursus vice clarificetur, quatuor quoque ut antea libras deesse oportebit.

Ex quibus patet, tanto pulverem esse meliorem, quanto majori industria purgatus fuerit; tantoque majori vi pollere, quanto puriori nitro instructus fuerit; Hinc præfecti

πυροβολίας, globos unius tormenti aut mortarii, 50 libris pulveris melioris multo in longius spacium promovent, quam 50 libris pulveris debilioris. Ad quantum verò spacium singulæ pulverum differentiæ globos projiciant, vide apud peritos Polyorçetices Magistros pyrobolistas, qui hujusmodi differentias in tabellas relatas exhibent.

EXPERIMENTA

De pulvere muto.

Cum strepitus ille tormentorum non nisi à spirituosâ salis nitri substantia prodeat, quomodo pulvis sine strepitu conficiendus sit, aperiamus; & quamvis multi multa de hoc pulvere scripserint, nos tamen probatissimas tantum aliquot mixturas hîc apponemus ex variis Authoribus fide dignis collectas.

Modus primus. Pulveris pyrii communis libras 2. Boracis Venetæ libram unam, trita & incorporata benè omnis materia granuletur.

Modus secundus. Pulveris communis libras 6. Boracis Venetæ libram unam, lapidis calaminaris lib. 3. salis ammoniaci lib. 3. fiat pulvis granulatus, ut supra.

Modus tertius. Pulveris communis libras 6. pulveris ex talpa viva in olla fictili vitriata calcinata lib. 3. Boracis Venetæ lib. 3.

Modus quartus. Salis nitri libras 6. sulphuris lib. 1½. Pulveris ex cortice secundo sambuci lib. 3. salis communis usti lib. 2. fiat more solito pulvis granulatus.

Notandum tamen hoc loco, hujusmodi pulverem non tantam in explodendis globis vim habere, uti in nitroso pulvere: Ratio est, quia deest principalis causa ejus, quam præstat, vehementiæ, qui est spiritus nitro inexistens, angustis loci contineri nescius, unde ut exitum obtineat, omnibus dispulsis obstaculis, libertatem eâ, quam miramur, efficacia sectatur. In pulvere itaque nitrostituto tormentum bellicum adeo in explosione debile est, ut vix ad aliquot passus obstitentem sibi globum extra projiciat.

EXPERIMENTA

De pulvere pyrio variis coloribus imbuendo.

Pulveris communis pyrii omnis nigredo ex carbonum atro colore resultat. Possibile tamen, eundem alio quoque colore tingere, si carbonum loco vel lignum putridum, vel papyrus alba humefacta prius, postea in furno calido siccata, & in pulverem trita, vel aliud quippiam simile, facile ignem arripiens & com-

Si strepitum ediderit in prunis, sale abundat pulvis.

Pinguis cenlebitur, si spumam fecerit. Terrestris si fæces reliquerit.

& combustibile, ut in sequentibus patebit, fumatur, variique colores addantur. Proponemus igitur hoc capite mixturas aliquot, ad pulveres variis coloribus imbuendos mire opportunos.

PULVIS ALBUS

sic fit.

EXPERIMENTUM I.

Recipe Salisnitri libras 6. sulphuris lib. 1. medullæ sambuci exsiccatae lib. 1.

EXPERIMENTUM II.

Recipe Salisnitri libras 10. sulphuris lib. 1. corticum, vel partis lignosæ canabi decussæ lib. 1. fac ut suprâ præscriptum fuit, & habebis quæsitum.

EXPERIMENTUM III.

Recipe Salisnitri libras 6. sulphuris lib. 1. Tartari ad albedinem calcinati, dein in aqua communi in olla non vitreata ad evaporationem totius aquæ cocti $\frac{3}{4}$ 1.

Ratio horum omnium, quia salnitrum & carbones in cinerem candidum resoluti, ab una sulphuris libra denigrari nequeunt, unde pulvis albicare videtur.

PULVIS RUBICUNDUS.

EXPERIMENTUM I.

Recipe salisnitri libras 6. sulphuris lib. 1. Ambrae lib. 2. sandali rubri lib. 1.

EXPERIMENTUM II.

Recipe Salisnitri libras 8. sulphuris lib. 1. Papyri exsiccatae, & in pulverem tritæ, & in aqua cinnabaris, aut ligni Brasiliæ coctæ, & iterum exsiccatae lib. 1.

Ratio est, quia salnitrum rebus colore rubro imbutis unâ cum sulphure adusto facile tingitur, unde & pulvis & fumus rubescunt.

PULVIS LUTEUS.

EXPERIMENTUM.

Recipe salisnitri libras 8. sulphuris lib. 1. Croci sylvestris cum vino adusto prius cocti, deinde optimè exsiccati & pulverisati libram unam. Ratio eadem, quæ suprâ.

PULVIS VIRIDIS.

EXPERIMENTUM.

Recipe salisnitri libras 10. sulphuris lib. 1. Ligni putridi cum ærugine æris & aqua vitæ cocti, dein exsiccati lib. 2.

PULVIS CÆRULEUS.

EXPERIMENTUM.

Recipe salisnitri libras 8. sulphuris lib. 1. Scobis ex ligno tistæ cum indaco & vino adusto coctæ, dein exsiccatae & pulverisatæ lib. 1. procede ut suprâ, & habebis quæsitum.

SECTIO III.

DE ALUMINE,

Tertia Salis specic.

CAPUT I.

De Nomine, Definitione, & Varietate Aluminis.

Post salis Nitricæ species ad Aluminis tertiam salis speciem progredimur; nomen suum sortitum videtur à Græca voce, *ἀλς*, quod salem significat, eò quod salem sapore & colore referat; atque nihil aliud est, quàm sulfugo, ex aqua, lapidibus, limo aluminoso coalita, quæ deinde insolatione maturata, variis coctionibus, dilutionibusque tandem in alumen condensatur; & ut sese sal ad nitrum, ita alumen ad vitriolum habet, ex pyrite ut plurimum utriusque parente genitum; estque vix provincia, in qua non vel sponte efflorescat, vel fodiatur. Complures ejus sunt species, de quibus tamen inter Minerologos ingens lis est & controversia: Ego cum *Brasavolo* aliisque peri-

trioribus rei mineralis magistris, omnes Aluminis species ad quinque capita reduco: ita ut aliud sit alumen rupeum, vulgò *Alume di Rocca*; aliud, quod *Zuccarium* dicunt, à figura Conica, quam Saccharum in Conos coagmentatum refert; aliud alumen *Pluma*, aliud *Scajola*, quibus nonnulli quintam speciem, quod alumen *Catinum* vocant, adjungunt, alii in alias species dividunt, quæ tamen non tam re, quàm nominibus tantum differunt: quod enim illi *Schiston*, nos alumen *Scajola* dicimus; quod *Trichetin* illi, nos alumen *Pluma*; quod denique *Strongylen* dicunt, nos alumen rupeum dicimus. Sed ne in nominibus exponendis tempus teramus, ad rem ipsam specificasque singulorum differentias

Uti Sal ad nitrum, sic alumen ad vitriolum se habet.

Species Aluminis.

Differentia
aluminis
plumæ &
Amianti.

rentias enodandas, nostrum studium convertamus. Hallucinantur ut plurimum ii, qui putant, Alumen rupeum idem esse cum eo, quod liquidum dicitur; quid enim per liquidum intelligere velint, animo vix concipi potest, nisi forsitan aquâ dilutum solutumque, alumen intelligant, quod tamen gratis dicitur, cum nullum alumen detur, nisi id prius per aquam purificetur: de modo procedendi postea agemus. Non parum quoque inter se de Aluminis Catini, & Alkali differentia constituenda Authores digladiantur: nos unam & eandem rem esse, nominibus tantum diversam asserimus: Alkali quippe nil aliud esse dicimus, quam succum illum, quem ex planta, quam *Sodam*, Arabes *Hali* dicunt, exprimunt, quicquid quod manicæ inditus intra Catinum instillet, & deinde in alumen densetur, alumen Catinum appellatur, & hoc vitro maximè affine est. Major difficultas est in determinanda differentia, quæ intervenit Alumen Plumæ inter & Amiantum, quem lapidem Asbestum vocant. Certè hæc unam & eandem rem esse dici minimè potest, sed ex magna similitudine unius ad alium, pro una re à nonnullis Authoribus sumptum fuisse, certò constat. Si enim utriusque qualitates rectè ponderemus, magnam inter u-

trumque differentiam reperiemus; Cum Plumæum accendatur, & in ignem conjectum facile consumatur, in aqua verò liquecat, quod in incombustibili Amianto sive Asbesto, unde & nomen obtinuit, minimè fit. Verum cum de Asbesto ejusque mirabilibus suo loco fusè dicturi simus, hîc longiores esse nolumus; neque Alumen Scajolæ idem cum Astro samio seu talco, quemadmodum multi rerum inexperti sentiunt, esse dicimus, cum Scajolæ alumen combustum in calcem gypseum, cujus non nisi lucidissima pars est, abeat, quod de talco dici non potest; hoc enim quàm difficulter in calcem resolvatur, ii soli norunt, qui oleum ejus hucusque tantis laboribus expensisque, oleo & operâ præditâ quæsierunt. Alumen præterea Scajolæ vitrea claritate pellucidum è gypso prognatum fuisse, experientia docet; id quippe in ignem conjectum aut candentibus impositum laminis statim pristinae claritatis vultu abolito, gypsi more albescit, ejusque genuinam induit speciem, quod in talco, nisi intentissimo fornacis igne longo tempore torto non fit. Sed nos relictis hujusmodi aluminis speciebus, ad id Alumen, quod passim magno apud omnes in usu est, exponendum progrediamur.

CAPUT II.

De Natura, Qualitate, & de Præparatione Aluminis.

Natura &
qualitates
Aluminis.

Differentia
Aluminis à
sale.

SI omnia Aluminum genera rectè expendantur, nemo nisi rerum inexpertus negare poterit, quin omne aluminis genus obscurè calefaciat: uti Calcanthum, Calcitis & Misy, quæ tametsi vehementer adstringant, non tam refrigerant, sed maximè excalefaciunt, eorundemque vis corrosiva, qua vel ipsum ferrum absument, sat superque demonstrat, quam virtutem quidem à primis qualitatibus non habet, sed à specifica vi, iis indita, uti suo tempore, cum de aquis fortibus agemus, luculenter docebitur. Omnium itaque aluminum species naturâ suâ calefaciunt, repurgant, adstringunt; unde non incongruè Græci *συνήγεια* dicunt, à *σύνω*, quod adstringere significat; quod verò nonnulli omnia adstringentia frigida esse sentiant, toto, ut ajunt, coelo aberant; Cum pleraque adstringentia, uti caloris vi coacta, ita vel maximè urendi vim possident; uti de calcantho, gypso, cæterisque dictum fuit; distinguunturque à cæteris salibus virtute propria & specifica, quam ex sulphure traxit, terreæ glebæ falsuginosæ commixta, adeoque natura loci, varia salium miscella combinata, jam in uno loco sal commune, in alio ex urinis animalium nitrurum atque salnitrum, in alio denique vel ex fimo, terrisque, vel ex lapidibus, uti pyrite, sulphureis corpusculis referta alumen produ-

cent, virtutemque suam intimo centro continent; inde mirandæ in Chymicis operationes nascuntur, quas suo tempore pandemus.

Nunc ad modum id ex saxis eruendi, macerandi, coquendi, congelandique procedamus. Certè cum anno 1639. Tolfæ degerem, ubi multorum opinione, totius Europæ optimum alumen eruitur, quod alumen rupeum, vulgò *alume di rocca* vocant; nihil antiquius habui, quam totius rei in eo præparando seriem, ea qua fieri potest & debet, diligentia observarem, observatamque hic veluti loco proprio, in bonum commune propalarem. Est Tolfensis ager decem milliarius intercapedine à Centumcellarum portu mari Tyrrheno adjacenti diffusus, montibus saxosis refertus; Saxa montium nunc candida, modò subrubescencia; jam ex flavo in cæruleum colorem deflectiontia spectantur. Tempore *Pii Secundi* detecta fuit hoc eventu: Nobilis vir Tolfensis cum mancipium coëmisset in alumine conficiendo, multo tempore in Asia exercitatum; hoc quodam die cum saxorum qualitatem intimius examinaret, atque aluminis præstantissimi succo refertos cognosceret, quanta inde emolumenta trahi possint, non ignarus, ita Herum suum affatus dicitur: Si mihi libertatem dederis, Domine mi, ego tibi thesaurum, quo divitiarum copiâ omnem feli-

Processus
ex rupibus
calcinatis
Alumen
educendi
ex authoris
auctoritate
observatur
Tolfæ.

Origo Alu-
minis Tol-
fensis.

Rr

feli-

felicitatem consequeris, ostendam: attonitus ad hæc Herus, cum quidnam hisce verbis prætenderet, sciscitaretur, Respondit, se prædivitem aluminis venam detexisse, & hunc promissum thesaurum esse, quod dum viveret, bearetur; Herus verò magna aviditate stimulatus, ut rei promissæ periculum aliquod faceret, serio commendavit, quod & præstitit: Nam nobilissimum ex paucis lapidibus, juxta artis suæ regulas alumen educens, quo mirum in modum ad majus quoddam moliendum stimulatus, primus omnium Aluminares officinas condidit, eo sanè emolumento, quo universa Europa in hunc usque diem fruitur. Hodie à Camera Apostolica sexaginta millium scutorum proventu locatur. Hisce itaque præmissis jam modum, quo Alumen hoc præparetur, quemque propriis oculis summa diligentia observavi, minuta relatione describemus.

Modus
præparan-
di Alumen
in Toltenfi
territorio.

Fit itaque celeberrimum hoc Alumen rupeum, vulgò *Alume di rocca*, ex durissimo quodam saxo, quo scopulosi hujus territorii Tolfensis montes constituuntur, & duplicis generis sunt, unum durius & ad rubedinem vergens; alterum verò mollius & albedine candicans, hoc ritè præparatum crystalli instar pellucidum nitet, illud etsi sordidius, majori tamen acrimonia pollet, candidum apud sericeorum staminum, præstantiorumque lanarum vellerumque coccineo colore tingendorum infectores magno in pretio est, utpote mitiori acredine imbutum, nitidioraque vellera reddens. His præmissis, sic ad opus procedunt.

Primò. Aluminarii rupicidæ non in concaemeratis cuniculis, sed ex saxosi montis lateribus aperto undique Coelo, ingenti Fossorum ibidem perpetuò commorantium adhibita multitudine, partim mucronatis ligonibus ex validissimo chalybe temperatis, partim acutissimis cuneis, malleisque ingentibus lapidosum parietem scindunt, scissum frangunt, & in minutas partes comminuunt, eoque prorsus modo, quo in lapidum marmorumque fodinis, quæ ad magna eruuntur ædificia, procedere solent. Confracta & diminuta saxa in fornaces calcariis haud ab similes transferuntur, ubi validissimo igne 12 aut ad summum 14 horarum spatio uruntur; si enim diutius urerentur, de aluminis, utpote diuturniori igne evanescentis jactura, periculum haud exiguum incurrerent.

Secundò. Postquam autem refrixerint, coctam materiam plaustris in amplissimas areas deductam, soli in conicos acervos compositam exponunt.

Tertiò. Compositos hos cumulos aqua frigida, quater singulis diebus, hausttris in hunc finem opportunè accommodatis perfundunt, donec perusta lapidum materia diuturnæ aquæ affusione eo usque maceretur, ut in terram quandam lentore madidæ orgillæ haud

ab similem permutetur; quod tum primum accidit, cum menstruo spacio & ampliori, repetita quotidiana aquæ affusione irrigata fuerit.

Quartò. Hanc materiam in calcem jam reductam, ad ingentes lebetes convehunt, intra quos fornaci insertos aquam per Canales deducunt, & succenso fornacis igne fervere sinunt, quod ubi compererint, materiam aluminosam in calcem jam reductam ferventis aquæ lebetibus injiciunt; Astant utrimque bini robustissimi juvenes, qui ligneis instrumentis remis haud ab similibus, immixtam materiam aquæ ferventi continua agitatione commiscent, quousque aluminis materia omnem aquam imbibierit, sibi que incorporarit; ubi verò jam aquam totam alumine imbutam gustu compererint, tum quiescere sinunt, usque dum terrestre recrementum fundum petierit.

Quinto: Hoc peracto, aquam calentem jam alumine imbutam extractam per canales in hunc finem paratos, in urceos quosdam seu in receptacula quædam ex querno aut ilicis ligno confecta (ex aliis enim lignis confecta non adeò apta sunt) deducunt; In hisce ubi aliquot dierum curriculo aqua deducta constiterit, alumen vasorum quernorum lateribus, quæ insita vi appetit, adhærescens, crassitie quatuor aut quinque digitorum adamantinis mucronibus, summaque figurarum polygonarum varietate pellucidi adinstar crystalli, jucundissimum præbet intuentibus spectaculum: Reliquum lixivii utpote jam à terrestribus sæcibus depurgatum, denuò lebetibus in novam aluminis cocturam infunditur, sedimento & sæculenta aqua in fundo superstite, per epistomium dimisso.

Sextò. Receptaculi fundo scopis ritè mundato, alumen vasorum lateribus accretum, ferreis quibusdam instrumentis divellunt, divulsum, in vimineas coniectum fiscellas, in vicino aquæ alveo, fiscellis in aquam demersis lavant; lotum eximunt in cumulos coacervatum reconditorio imponunt, & deinde Centumcellas transportatum mercatoribus divendunt. Atque hic est modus parandi aluminis rupei, quem quia propriis oculis vidi, hic praxin genuinam apponendam duxi; ubi & hoc dignum admiratione observavi, quernum illud lignum hanc virtutem possidere, ut cum ipsum nitroso succo refertum sit, veluti magnetismo quodam, aluminosam sibi cognatam materiam ad se trahat; unde si quis ex tali ligno quamcunque figuram aut characterem, uti cruces, stellas, nomen J. E. S. U. & Mariæ, similiaque efformarit, atque in tali lixivio ad constitutum diem reliquerit, inveniet is postea loco lignæ figuræ unam Crystallinam pulcherrimam, mira angulorum varietate distinctam. Atque hic est conficiendi aluminis rupei in Tol-

Mira, quæ
aluminis
condensa-
tione fieri
possunt.

fensi

fensi agro modus omnium pulcherrimus & expeditissimus, quod & aluminis ibidem confecti præstantia affatim demonstrat. Non nescio alios complures modos ejus conficiendi, authores tradere; rationemque ejus neque simplicem, neque unius modi esse: Nam nonnulli ex aqua aluminosa dicocta, uti supra de sale & nitro docuimus, alumen condensatum extrahunt. Quidam ex diluto aluminoso, quod ex ejusmodi generis terra vel saxo, vel pyrite, vel alio misto, educitur. Paulò operosior modum præscribit *Agricola* l. 12. *De re metallica*, quem consulat Lector:

ubi & modum docet separandi alumen à vitriolo, si ei admistum fuerit. Porro ex pyrite alumen hoc pacto extrahunt: Primò pyritis frustra in patenti loco educantur; deinde aliquot mensibus aëri exponantur, ut mollescant, tum in cuppas coniecta diluantur; diluta in plumbeos lebetes quadrangulares diffusata coquatur materia, donec in alumen densetur: De modo verò quomodo à pyrite aluminoso, aurum, argentum, cæteraque quæ plerumque sibi conjuncta tenet metalla, separantur, suo loco aperietur.

Quomodo
alumen ex
pyrite ex-
trahatur.

CAPUT III.

De viribus medicis, cæterisque usibus Aluminis.

CUm alumen potissimum insigni vi adstringendi, depurgandi, siccandi, calefaciendi, indurandique præ cæteris polleat, facile inde colligi potest usus in infirmitatibus curandis maximè opportunus; hinc juxta *Galleni*, *Hippocratis*, *Brasgvoii*, aliorumque medicorum traditiones.

Oculorum scabritiem tollit.

Pruritus corporis inhibet.

Sanguinem totum sistit foris illitum.

Sanguinis fluxiones sistit adipe commistum & illitum.

Vulnèrum putredinem compescit.

Hydropicorum eruptiones sanat.

Aurium vitia cum succo mali punici corrigit.

Phagadænas ulcerum cum aceto aut cum galla pari pondere cremata.

Leprosorum humorem cum succo olerum.

Impetiginem, lendes, furfures tollit.

Ambustis cum sero & pice confert.

Dysentericis clysterium alumine mistum prodest.

Uvam & tonsillam lapsam restituit.

Extesit quæ claritatem oculorum offundunt;

Carnium excrescentiam exedit. Ingentem postea usum præbet Tinctoriis, fulionibus, qui ad tingendos pannos, sericæque, alumine carere non possunt.

Aurifabri eo purgant aurum, ejusque bractæas aëri inducunt.

Coriarii pelles eo tingunt.

Librarii & Typographi chartas prius in aquis, in qua alumen fuerit dissolutum mergentes, ita eas firmas & validas reddunt, ut atramentum minimè diffuere patiantur.

Aqua mi-
sta Vitriolo
æz tingit
in aureum
colorem.

Aqua, inquit *Agricola*, aluminosa mista atramentosæ colore aëris dant ferro, cæterisque metallis candidis æs & aurum splendendum addunt; testis hujus experimenti sunt Aquæ Calidæ in Boëmia ad arcem, cui nomen Nova domus, *Neubaus*; nam argentei annuli eorum, qui balneo isto utuntur, frequenti aquæ vitriolo-aluminosæ usu, cum tempore

æris colorem contrahunt, aurei verò etiam illustriores nitidioresque fiunt, & in ferro quoque indurando maxima vi pollent, uti suo loco dicitur.

Experimenta curiosa, quæ ope Aluminis comperiuntur.

EXPERIMENTUM I.

Altare integrum Crystallina supellectile adornare.

Primò. Ex lapidibus aluminosis primò in-
solatione atque irrotatione frequenti mace-
ratis, uti supra dictum fuit, in calcem redacta, in lebate, continua agitatione adhibita coquantur; cocta materia deinde intra vasa seu receptacula ex querno ligno confecta infundatur, & habebis lixivium præparatum, quo omnis generis res in crystallinam substantiam reduces hoc modo. Primò fiat ex querno ligno Crux & candelabra, torno ex querno aut ilicino ligno confecta, quæ in ferreo filo suspensa, atque intra lixivium submersa ad nonnullos dies stare permittas, & deficiente aqua, loco lignæ crucis aut candelabrorum crystallinam & crucem & candelabra; mira polygonorum adinstar adamantum varietate vestita reperies, nullo ligni apparente vestigio. Imagines hac arte fiunt: fiat ex ligno querno modulus cujusvis imaginis operculo suo clausus, ita ut lixivium per parvum foramen ad interiorè cavitatem aditum obtineat, eodem prorsus pacto, quo in fusilium metallorum formis fieri solet, & lixivium aluminosum intra concavitatem moduli intromissum, ibi omnes imaginis sinus explebit in alumen condensatum; quare postea illud exemplum cum angustia loci præpeditum, præterquam ad cavitatem aliò se extendere non possit. Aperta forma moduli imaginem reperies omnino crystallinam, quasi icalpro incisam; Hoc pacto aluminarii Tolfenses altaria sua adornare solent, prout magna animi mei voluptate vidisse memini. Quantum porro alumen virtutis habeat, ad literas steganographico artificio exarandas, sequens docebit experimentum.

Experi-
men-
tum I.

EXPERIMENTUM II.

Experi-
men-
tum 2.

Accipe alumen ab omnibus fœcibus depurgatum, contritum in pollinem redige, scutellæque imposito superaffunde aquam fontanam, mistumque donec corpus aliquod acquirat; hoc peracto accipe pennam novam, & supra cartam candidam, quod vis absconditum esse, scribes, & consistere, usque dum siccum quod scriptum fuerit permittas. Quo facto, alteri correspondenti amico candidam cartam transmittito, qui de arte jam monitus, literam intra pelvim aquâ plenâ submerget, & postquam aliquantisper sic manserit, tum ecce paulatim scriptura candida super candidum sese manifestabit, & amico se legendam præbebit, omnium adstantium admiratione, dum nesciunt quomodo literæ, quæ prius non comparebant, jam conspicuæ reddantur.

EXPERIMENTUM III.

Experi-
men-
tum 3.

Si verò desideres, ut literæ nigræ appareant, sic age: Accipe vitriolum mistumque aquâ fontanâ fiat mistura, hac scribe supra chartam quidquid volueris, & nihil comparebit literarum, si verò eas comparere volueris, accipe gallæ pulverem quem alteri aquæ seorsim intra pelvim infusæ admiscebis; hoc peracto accipe chartam, in qua literas descripsisti, & per dictam aquam leniter trahes, & in momento literæ, quæ prius non comparuerunt, nigerrimo colore conspicuæ comparebunt: Si verò supra chartam nigram candidam scripturam exhibere tibi sit animus, sic procede,

EXPERIMENTUM IV.

Experi-
men-
tum 4.

Accipe aquam fontanam, cui jungas vitellum ovi, benè mixta tempera ad atramenti

consistentiam; hoc liquore in chartâ candida, quod volueris, scribe & ficcare permittas: quo facto, chartam candidam atramento imbuas, siccarique permittas: si itaque jam literas comparere velis, tunc abradatur, quod in atramento terrestre est, & statim pulchrè comparebunt literæ candidæ supra nigrum scriptæ, non sine admiratione intuentium. Innumera de hujusmodi hoc loco dare possum, sed quoniam ea aliis locis reservavimus, supervacaneum esse duxi, ea fusioribus verbis describere.

Diximus suprâ, magnam esse alumen inter & vitriolum cognationem, utpote, quorum utrumque eundem parentem habuerit, pyritem scilicet; si enim dura pyritis vena coloris argentei in locum apricum, contrita & macerata ponatur, non multò post & vitriolum & alumen efflorescere videbis, hoc tamen discrimine, quod vitriolum magis terrestrem sapiat substantiam, minus alumen.

Ex quibus omnibus facile colligitur natura utriusque & aluminis & vitrioli, & quamvis hoc ut plurimum atramentum sutorium dicatur, non tamen hinc arguendum est, vitriolum natura sua atro colore aquas inficere: nequaquam, cum vitriolatas aquas, limpidissimas semper comperiamus, & tam alumen quam vitriolum aquæ limpidæ mistum, aquam nunquam inficere; habet tamen vitriolum præparatum vim quandam abditam, qua succo gallæ quercinæ commistum, aquas in momento nigro colore imbuat, quod experimento tibi constabit: si aquæ ex decoctione gallæ paratæ vel paucas guttas immiseris, illæ statim veluti atramenti liquore infusæ aquam denigrabunt; cujus rationem in sequentibus aperiemus. De aluminosis aquis vide, quæ fuisse in *Hæmaturia nostra* prosecuti sumus, & in *Quinto Libro hujus Operis*. Visa itaque & discussa aluminis natura & proprietate, jam Vitrioli naturam pari pacto enodemus.

SECTIO IV.

DE VITRIOLO,

ejusque miris proprietatibus.

CAPUT I.

*De Definitione, Divisione & Ortu Vitrioli.*Quid sit
Vitriolum.

Vitriolum à diaphana substantia vitri, quod æmulatur, sic dictum, à plerisque atramentum sutorium, eò quod pellibus aliisque in atrum colorem tingendis serviat, sic nuncupatum, Græcis quoque *χάλκανθον* Chalcanthum dicitur, quod idem est, ac flos æris, Arabibus *الكحل* Alkand,

Hispanis *Caparosa*, uti nihil eo notius, ita nihil ob abditas ejus virtutes ignotius est. Quod ad essentiam compositionemque vitrioli attinet, diversas reperio Physicorum Chemicorumque opiniones: Quidam enim eorum asserunt, vitriolum esse materiam præcipuè compositam ex alumine & sulphure: Nonnulli pecu-

De ejus
composi-
tione variz
sententiz.

peculiare sal esse existimant, salium generi accensendum. Nos nostram opinionem subiungimus variis experientiis stabilitam.

Dicimus itaque Vitriolum non quidem materialiter ac re ipsa ex alumine & sulphure compositum esse, præsertim cum Vitriolum dum uritur, calcinaturque, nullum post se indicium signumque relinquit, quo ad alterutrum dictorum referri queat; hoc enim pro infallibili argumento fit, omnia corpora, quibus materialis portio admixta existit, ne levissimum quidem ignis contactum pati posse, quin quantocyus dictam sulphuræ portionis substantiam à reliquis separari, ac in fuliginem abire aut incendi, ac in flammam sulphuris accensi more, abire deprehendamus; adeo difficulter & ægrè indolis suæ splendorem abscondere potest, ut in antimonio, auripigmento, marcasitis, cæterisque haud ab similibus corporibus metallicis luculenter apparet; quæ cum nonnihil sulphuris commixtum habeant, quantumvis Vitriolo multò compactiora solidioraque sint, igni tamen commissa protinus naturam suam & colore, flamma & odore sulphureo produnt, quod in Vitriolo nunquam fit. Accedit, quod Alumen & Sulphur, ex quibus Vitriolum compositum asserunt, tum ob aërositatem unius, tum ob unctuositatem alterius, ea agant inter se inimicitiae diffidia litesque insociabiles, ut non secus ac oleum & aqua diu iuncta permixtaque permanere nequeant; ex quo luculenter colligitur, Vitrioli materialem ex sulphure & alumine compositionem subsistere non posse. Aliud itaque in intimo Vitrioli thalamo latet, quod essentiam ejus veramque & physicam compositionem constituat. Res ita sese habet:

Sententia
Authoris.

Compositio
Vitrioli.

Sensata nos experientia docet, & ab omnibus peritioribus Chimiæ Magistris pro certo habetur, omnia corpora mineralia aut subterranea acrimoniam quandam obtinere, quam à nullo alio, quàm à spiritu sulphuris acido habuit, quæ est basis unica & absoluta origo omnium aciditatum mineralium, ac proinde omnia corpora, quæ consistentiam vitrioli aut aluminis habent, aquosa, & quæcunque igne liquantur, humiditatem splendoremque suum non aliunde, quàm ab una eademque communi aqua acquisivisse censendum est: quod verò ea aliquo modo discrepent, & à se invicem seu forma, seu gustu aliove quocunque modo differant, id inquam tertio alicui adscribendum est, uti paulò post clarè demonstrabimus: Vitriolum quoque etsi sub salium & succorum concretorum genere adnumeretur, sal tamen purum putum minimè censeretur, cum virtutibus & proprietatibus à sale, nitro, alumine specie differat. Unde itaque & à quonam hæ specificæ salium differentiae dependeant, jam aperire conabor.

Quomodo
nascatur in
terra.

Primò supponendum est, ex iis, quæ *Tertio, Quarto, Quinto Libro* docuimus, in visce-

ribus Terræ intimis ignem latere, non eminentialem, aut qui ex antiperistasi fiat, sed naturalem, uti diximus, qualitate & facultate prorsus talem, qualis est elementaris in alio quovis loco supra terram, & quemadmodum ignis noster usualis, subjectum, in quod agat, necessario requirit, uti sunt oleum, resinaceæ materiæ, lignum, carbo, ita quoque immensa DEI Sapiencia in vasis & matricibus receptaculisque terræ, in quibus ad humani generis usum mineralia generari, coqui, & in metallicam substantiam converti debent, unumquodque juxta speciem suam, varia glebarum mineralium, terrestriumque portionum substantias produxit, quibus omnibus & singulis quidpiam pingue & oleaginosum igni concipiendo aptum adjunxit, quod non aliud quam sulphur esse dicimus. Hoc itaque sulphur, postquam in dictis terræ concavitatibus ab igne subterraneo per cuniculos pyragogos accenditur, simul etiam emittit è corpore suo acidum quendam vaporem, acrem & caustica virtute præditum, qui dum subtilitate sua interiores montium fibras penetrat, ibi aquas quoque subterraneas, quibus in *Primo Tomo* terrestrem globum plenum esse ostendimus, virtute sua caustica & acrimonia imbuit tingitque, adeoque verum fit menstruum, ad supradictas glebas cujuscunque tandem rationis fuerint, dissolvendas. Hisce præmissis jam Vitrioli constitutionem sic describimus.

Definitio
Vitrioli.

Vitriolum corpus est minerale in imis terræ visceribus ex spiritu sulphureo, aqua & minera æris aut ferri, aut utriusque simul permixti compositum; & à spiritu quidem sulphuris acrimoniam suam habet, & facultatem causticam; claritatem verò fluiditatemque ab aqua, & à minera æris aut ferri colorem saporemque metallicum obtinet; atque ex his tribus, spiritu sulphuris, aqua & minera æris & ferri, Vitriolum componi experientia cognitum habemus; Simili enim modo & ad naturæ exemplar Vitriolum artificiale componere norunt omnes ii, qui vitam huic professioni intenti sustentant. Sed exemplo omnia clariora fiunt.

Scias itaque, *Lector*, acidum sulphuris spiritum, quo aqua quæpiam subterranea tingitur, menstruum illud esse sive solvens, quod ubi locum quendam, cui minera æris aut ferri subest, transeundo pervadit, tunc nobis pro certo persuadere debemus, eodem etiam tempore aliquam ejus æris aut ferri portionem abradi exedique, tantam nempe, quantam secundum proportionem acidi spiritus, qui in ipso est, dissolvere potest; quo facto, comperies liquorem paulò post viridem provenire aut subluteum, odoris metallici & sulphurei, acris quoque seu acidi potius & adstringentis saporis; ex quo liquore vitriolatis corpusculis referto separatur condensaturque Vitriolum illud, de quo sermonem instituimus. Sed dubia for-

Quomodo
Vitriolum
componatur.

R r 3

fan

san nonnemi occurrentia per quæ sita solvamus.

Obiectio.

Primò. Quæret forsitan nonnemo, cum spiritus sulphuris præcipua sit principalisque ac maximè activa substantia tam aluminis quàm vitrioli, utrumque enim ex pyrite nasci suprà diximus; unde rogo procedit, quod ista duo quoad formam & colorem usque ad eò inter se discrepent. Secundò, cur, cum vapor procedens è sulphure causa sit omnium aquarum acetosarum mineralium; cur tam differentis naturæ reperiatur. Tertio, cur aciditas illa non in omnibus sive calentibus sive frigidis balneis reperiatur. Quarto, cur cum aqua sit subjectum, in quo reliquorum corporum mixtio accidit, cur inquam, Vitriolum in aquis non sub solida substantia, ut in mineris, sed liquida reperiatur.

Solutio.

Respondeo primò, Totam hanc specificam virtutum in salibus elucescentium differentiam, non à sulphureo spiritu & aqua tantum, sed à tertio quodam corpore provenire, quod nihil aliud esse dicimus, nisi glebas quasdam minerales, quæ uti specie differentibus virtutibus ab aliis pollet. ita quoque sal communis terræ iis conjunctus virtute infusa mutatur in eam indolem, quam gleba ipsa mineralis refert. Hoc pacto Vitriolum non unicuique mineræ innascitur, sed peculiarem & maximè sibi appropriatam mineram habet æris aut ferri, quæ ipsi soliditatem præbet, ita rursus alumen non omnem terrestrem glebam, sed certæ rupis speciem amat, in qua falsuginosus aluminis succus actuatur: Sicuti igitur ferrum aut æs à rupe aluminis genitrice, specie differt, ita quoque falsugo tum ex ære ferroque, tum ex rupe dicta ignis ope eruitur. Vides itaque communem naturæ sallem & aquam per universas Geocosmi semitas diffusa, uti in se considerantur, veluti subjecta universalia ad varias recipiendas formas indifferentia esse; mox tamen ac aqua spiritu sulphureo per intima terræ viscera diffuso impregnata fuerit, hæc aqua ubi glebam falsuginosam invenerit, juxta glebæ proprietatem & virtutem unà cum sale ei indito juncta, sallem communem producet; si nitrosas venas subierit, nitrum; si rupem aluminosam, alumen; si denique ferream mineram subierit, vitriolum viride; si cupream, vitriolum album; si denique argenteam glebam, vitriolum cæruleum evadet, quæ quantum ex perfectioribus metallicis substantiis originem habent, tantò quoque majoris virtutis esse censebuntur.

Solutio secundæ quæst.

Respondeo ad secundam quæstionem: Aquam spiritu sulphureo acescentem omnium aquarum, quas acidulas vocant, causam esse, hæc enim pro ratione cuniculi & subjectarum glebarum, per quas transit, naturâ diversas quoque aquarum proprietates efficiet; quæ omnia in *Quinto Libro* uberrimè dicta sunt. Quantum postea ad tertium quæsitum attinet: cur videlicet plerumque aquæ dul-

ces ex montibus in fontes & flumina erumpant, quæ tamen nullum alicujus salis, cujuscunque tandem id generis sit, latentis vestigium sive odore, sive sapore relinquat: Respondeo, causam esse, quod hæc aquæ ut plurimum ex amplissimis hydrophylaciis subterraneis originem habeant, ita fieri quoque non potest, ut spiritu sulphureo etiam si aliquo modo ea imbuatur, tota tamen moles ab eo penetrari possit, & consequenter aquis vestigium sensibile non imprimant, uti quoque de sale diximus: Si tamen ad Spagyricum alembicum reducantur, inveniemus tandem, quod ea si per salina loca transferit, nonnihil salis in fundo; si per nitrosa aut aluminosa, nonnihil nitri aut aluminis; si denique per cuprea, æruginosa, ferreata loca transferit, Vitrioli comperies materiem: Ex subterraneorum itaque locorum constitutione dependet, aquas nunc majori, nunc minori pro disparatarum glebarum natura, acrimonia pollere: Accedit hisce fluxus aquæ velocior, quo spiritus ille sulphureus intra scopulosa alveorum gurgustia variè dissipatus carminatusque, uti vim suam aquis commodè imprimere nequit, ita quoque hinc inde terrestribus riparum glebis adhæret, quod non contingit in aquis collectaneis intra cryptas montium sine agitatione consistentibus, quæ omnes facillimè spiritu sulphureo tinguntur: atque in hisce natura miro quodam magnetismo ludit, dum unumquodque trahitur à suo simili; æs, ferrum, insita sibi natura trahit ad se, quo jam intra venam suam refferum est; vitriolum intra aquas pet minutissima corpuscula vitriolina dissipatum; Alumen verò repudiata cuprea aut ferrata vena sibi simile, quo rupeum saxum turget, appetit; hoc pacto sal salinæ glebæ paranymphe naturâ jungi cupit. Aqua itaque acido sulphuris spiritu conferta, dum intra telluris cuniculos alicubi inventam æruginosam glebam exedit, simul etiam vitriolata corpuscula in æris aut ferri vena abdita sibi commiscet; quæ deinde ubicunque sibi mineram proportionatam & sympathicam invenerit, foeturam in ea depositam amico conjugio unit connectitque. Sed accedamus ad quartum quæsitum: Dico itaque quamvis vitrioli materia non semper ex corpore aliquo liquido aut lixivio præparato sub terra extrahatur, sed ipsum quoque in terra sub massa solida in modum fodinæ aut mineræ reperiatur. Hoc tamen ipso nullo modo dico impediri, quominus id spirituum sulphureorum ope ei adhærentium ad minerale quoddam corpus reducatur: Nam sive dicti spiritus ferantur per medium aquæ cujuscumque in aliquam fodinam, in qua collecta aqua lacum seu scaturiginem quandam vitriolaceam efficiat; sive ex corpore suo dicti spiritus egressi penetrent, subintrentque formâ vaporis in quandam mineram, intra quam massam quandam vitriolatam producant, sive denique alio quo-

Experimenta Chymica saltem in omnibus esse.

Sympathia mineralium.

Quarta quæstio solutio.

quocunque modo; illud semper pro explorato haberi debet; omnia vitriolorum genera ex tribus istis rebus, spiritu sulphuris acida, aqua & minera æris aut ferri, produci. Sed nè quispiam imposterum dubitare queat, dicta experimentis stabiliamus.


EXPERIMENTUM I.

In lateritiq̃ quodam tigillo exponatur gleba ferri aut æris, huic spiritum sulphuris superaffundas, & intra exiguum temporis spacium comperies, aquam totam vitriolo imbutam, odore, sapore, colore; Siquidem spiritus sulphureus glebæ æræ superaffusus, statim eam rodendo dissolvit, qua dissoluta liquor sulphurei spiritus ad se trahit, quod intra glebam latet vitriolum, sive minutissima corpuscula vitriolacea, quæ deinde concocta in vitriolum denuo condensantur. Quod itaque arte conficimus, hoc ex modo, quo natura operatur, addiscimus.

EXPERIMENTUM II.

Accipe falsuginosam terram, & iterum terram nitrosam, deinde aluminosam, denique æruginosam, has intra receptaculum

quoddam ita dispones, ut ad singula separati canales fiant, MA, MB, MC, MD, Locus



verò M aqua communi impleatur, cui si spiritum sulphuris admisceas, statim acescet, ita tamen, ut nec salem, nec nitrum, nec alumen, nec vitriolum odore & sapore exprimat: Si postea epistomiis apertis fluere finas in receptacula, singulis terrenis glebis præparata, comperies, salinam terram A, in salem; nitrosam in nitrum; aluminosam in alumen; in vitriolum æruginosam, dissolutis substantiis, abire. Ex quo apertè colligitur, aquam communem sulphuris spiritu imbutam, singulorum corporum dissolutorum falsuginem ad se trahere; & in glebæ naturalem, ex qua extraxerat, indolem convertere.

CAPUT II.

Utrum Ferrum verè & realiter in Æs, mediante spiritu Vitrioli converti possit.

TRansmissa non ita pridem mihi fuit à doctissimo Patre *Andrea Schaffer* ex Hungaria, Aqua atramentosa una cum solea equina, ejus vi in cuprum conversa; quæ res uti non exiguum admirationem in animis spectantium excitavit, ita quoque varias de hujusmodi transmutatione quæstiones & dubia movit; Et quoniam ego jam dudum à diversis fodinarum Præsidibus Chymicisque, quos in sequentibus allegabimus, meam ea de re opinionem judiciumque ponere coactus sum, prodam id hic tanquam loco oportuno. Quæritur itaque, num Ferrum, vera & reali transmutatione in cuprum convertatur? Alchimistæ, qui sibi ex hujusmodi transmutatione aureos montes pollicentur, mirum in modum huic opinioni favent, nullo tamen alio argumento usi, nisi quod in Gossaria & Hungaria, cæterisque locis ferrum passim in cuprum converti asserunt. Verum enim verò, sic quibusdam hominibus certa opinione adductis, præsertim in negotio Chymico magna divitiarum spe allectis comparatum est, ut nullis veritatis vestigiis exploratis rem asserant, opinionemque defendant, principis Philosophiæ naturalis prorsus contrariam, adeoque dum arcanorum omnium maximum subtilissimumque ve-

Chymistarum error.

nantur, in summum ignorantiae barathrum labi videantur, quod & maxime in præsentì controversia innotescet, & nè à scopo nostro fusioribus verborum ambagibus aberremus, falsitatem conceptæ opinionis, qua Marpesia cautè duriores sunt, exponere, expositamque variis experimentis dissolvere conabimur.

Supponendum itaque primò, magnam inter transmutationem unius rei in aliam, & reductionem unius rei ad aliam, seu separationem unius ab alia, differentiam esse: Transmutatio sive substantiatio tum est, quando duarum substantiarum unius in aliam, integra & perfecta quoad formam, proprietatem, viresque mutatio fit, ut dum ferrum in æs, argentum in aurum aut similia metalla in similia mutantur: atque ad hanc transmutationem prorsus necessarium est, ut eadem substantiæ rei alicujus alterentur penitus, prorsusque mutantur, dum adsciscere sibi debent aliam formam perfectionemque, quam prius non habebant; neque uti illi perperam asserunt, sufficit, ignis vi rem aliquam liquidam fixam nos posse reddere, aut fixam fluidam, aut albam nigram, aut nigram albam, aliisque coloribus imbuere; has enim accidentales non substantiales transmutationes esse; solus

Differentia inter transmutationem & separationem unius rei ab altera.

lus ille novit, qui veritatem rerum non fumo, & fornacibus, sed infallibili rationum irrefragabilium trutina ponderat. Dum itaque ferrum in cuprum transmutari dicitur, id de substantiali transmutatione minimè, sed de reductione quadam accidentali, aut partium separatarum, unius ab altera disjunctione dicendum est: Est autem reductio quædam, per quam, recolliguntur & in unam massam coadunantur res quæpiam, quæ in minutissimas particulas dispersæ & dissipatæ erant, nec non diffusæ commixtæque alteri cuidam rei, ceu amissæ & perditæ per reductionem in pristinum suum statum restituantur. Et sat superque sequentia experimenta demonstrant.

Quomodo
fiat con-
versio ferri
in æs.

EXPERIMENTUM I.

Experi-
mentum
mirabile.

Aurum in aqua regia dissolutum, in crocei coloris liquorem clarum diaphanumque reducitur, nullo soliditatis opacitatisque vestigio relicto; in hunc liquorem si argenteam virgam, aut quodlibet argenti frustum injectis, subito nescio quo magnetismo aurum liquidum, argenteam apprehendet massam, eique totum quantum colligabitur: Si verò hoc auro-argenteum complexum arte Chymica separaveris, (quem modum in sequentibus aperiemus) aurum in pristinam suam formam redactum, tale, quale prius extiterat, sub purissima auri forma reperietur, non nisi aquâ albâ & dilucidâ relicta. Si deinde Mercurium dictæ aquæ regię immiseris, non sine admiratione hunc aurum ad se trahere spectabis, abstracto verò liquore in fundo vasis, aurum omne in nigri pulveris formam redactum apparebit; pulvis verò unâ cum Mercurio Retortæ parvæ inditus, ignique commissus, evolante Mercurio mox suæ in recipiente formæ restituitur, auro sub dicta pulveris forma remanente; hic denique crucibulo inditus ignique commissus fususque aurum in pristinam dignitatis formam reducet; quæ transmutatio vera dici non potest, quia aurum Mercuriusque in formam propriam denuò reduci possunt; quod in vera transmutatione fieri non potest. Monstrat & hoc idem alia metallorum æris & argenti commixtio.

EXPERIMENTUM II.

*Transmutationis & reductionis in Argento
& Aere.*

Aliud ex-
perimen-
tum ar-
genti &
æris.

ARgento in Aqua forti dissoluto, si injectis laminulam aut quamvis aliam æris particulam, paucarum spatiorum horarum argentum in fundo residere videbitur, æri circumquaque instar spongiæ connexum; hoc æreo-argenteum complexum si igni commiseris fuderisque, utrumque & æs & argentum in pristina sua forma separatim invenietur.

EXPERIMENTUM III.

Æris & Sulphuris.

Æri dissoluto in aqua forti, spiritu sulphuris, aut alio quovis, ut vocant, solvente, si ferrum immiseris, æs omne separabitur à dicto liquore, & apprehendet ferrum, eique quàm tenacissimè adhærebit; uti enim hæc duo metalla eandem originem ex chalcantosis glebis sortiuntur, ita quoque amico consortio jungentur mira quadam sympathia, uti & cætera metalla paulò ante memorata; quorum omnium causas & rationes in sequentibus elucidaturi sumus. Ex hisce itaque patet, hujusmodi naturæ operationes nequaquam pet propriè dictam transmutationem, transformationem, aut transubstantiationem fieri, sed per mutationem solummodo accidentalem, cum in id, quod fuerant, facile reducuntur. Nihil porro restat, nisi ut jam qua ratione ferrum in æs transmutari dici possit, exponamus.

Diximus suprâ Vitriolum vel ex ærata vel ferrata massa suam originem nancisci. Diximus quoque Aquam quamcumque acido sulphuris spiritu imbutam, æratam glebam exedere, seu quod idem est, corpuscula ærata sua edacitate dissolvere & separare, dissoluta verò corpuscula prorsus insensibilia aquam in se recipere, iisque quadantenus misceri. Hisce positis, cum magnus æs inter & ferrum intercedat magnetismus, insignique sympathia ex similitudine originis polleant, hinc mox ac corpuscula vitriolata per aquas dispersa eique commixta ferreum quid aquis intromissum sentiunt, ceu inconsociabile aquarum consortium pertæsa, & tanquam ad ulteriorem finem à natura provida destinata, mox amico confluxu, amicum sibi subjectum ferrum ambiunt, illi tenacissimo amplexu connexa; quoniam verò caustica vi pollent quàm maximè dicta corpuscula vitriolata, hinc fit, ut intimos ferri poros penetrantes, ferrum acredine sua in ferruginem manifestam glutine ferri, seu quod in ferro pingue est, resolutum convertant, quo resolutum, corpusculis per sympathicum confluxum unitis, in ferri locum abut vitriolorum corpusculorum in massam coacervatio, quæ deinde Soli ærique exposita tandem remanente ferri scoria, in æs optimum condensatur, quæ transmutatio dici minimè potest, cum hæc omnia per nudam diversorum metallorum separationem fiant, unumque proinde tantummodò in alterius sese locum, in unum ex innumeris corpusculis per aquam dispersis congestum, remanente alterius substantia, id est ferri scoria, restituat. Patet itaque, aquas vitriolatas ex æratis glebis originem habentes, æs in se continere, ferrumque iis immisum alium usum non habere, quàm ut reducat & colligat corpuscula atramentosa, abstrahendo ab iis omne quod in

Aliud æris
& sulphu-
ria.

Unde Vi-
triolum
oriatur.

Sympathia
ferri &
æris.

Sympathia
ferri &
æris.

iis

iis latet æs; quod sequenti stabilimus experimento.

EXPERIMENTUM IV.

Vitriolum Hungaricum æratum aut cuiuslibet alterius rationis, in aqua dissolvatur, cui dissoluto lamina ferrea tenuis immittatur; quo facto ferrum statim dispersa corpuscula ærata, totumque æs, quod in vitriolatis corporibus latet, ad se attrahere incipiet; quod postea fusione separatum in optimum æs reducitur; imò si spiritui vitrioli subulam aut cultrum immiseris, is statim ex attractu æratorum corpusculorum in vitriolo latentium æris colorem referet; Non itaque hic ulla transmutatio intervenit, sed æris à ferro pura separatio, eo quod ærata corpuscula in locum ferri jam in scoriam conversi, se substituat, separata ferri scoria; si verò hæc eadem probaveris in vitriolo ferrato, & cui nil æris insit, ferrum quoque illud colorem suum non amittet, neque alteratum reperietur: Si verò quidpiam à vitriolo isto ad se trahat, id erit pulvisculus duntaxat quidam flavus, & nil aliud, quam ferrugineum quiddam est.

EXPERIMENTUM V.

De ferri in æs reductione Hungaricis in fodinis usurpata.

Quomodo vero in Hungaria ferrum in pulcherrimum æs reducatur, hic à supra laudato *P. Andrea Schaffer* mihi communicatum subjungam. Est in Hungaris ærifodinis in profundioribus fodinarum puteis rivus quidam ex vitriolatis mineris e ductus: harum aquarum ope ferrum in pulcherrimum æs re-

ducunt, eo qui sequitur modo: Ferramenta vilissima omnis generis, rubigine ferè consumpta, conquirunt, quò enim ferrum rubigini vicinius est, tanto meliorem effectum sortitur; huiusmodi denuo incudi inducta intennes cadunt laminas; hæc laminas rivi fundo impositas ad semestre ferè spaciū relinquunt, quo evoluta, inveniunt laminas vi aquæ atramentosæ amalgami adinstar molles, quas ubi aëri solique exposuerint, in purissimum æs convertuntur ad omnem usum parabile, in fundo rivi ferri scoria remanente; Atque hoc pacto, magno sanè lucro æs præter id quod è minera eruitur, arte paratur. Si quis porrò spiritui vitrioli prætenue ferri laminam immiserit, invenient is cum tempore ferream scoriam in fundo vasis ab ærato corpore separatam; cuius quidem rei ratio alia non est, nisi quod, uti suprà diximus, corpuscula vitriolata per aquam dispersa confluxu sympathico ferream laminam cædant, illaque dissoluta in ferri se locum substituant.

Ex quibus patet, nullam hic substantialem transmutationem intervenire, cum in ærato vitriolo nulla alia substantia metallica reperiat, quam æs ipsum, quod ubi ab eo separatum fuerit, vitriolum hoc suum amittit nomen, aliudque nihil superest, quàm aqua, eique insitus spiritus sulphuris acidus, quod & vitrioli oleum passim nuncupatur, ipsumque tantum obtinet facultatis transmutandi ferrum in æs, quam aqua fortis, convertendi plumbum in aurum; unde nequaquam audiendus est *Paracelsus* impostor, qui hanc veram & realem transmutationem esse, omnibus modis imperitæ Chemicorum plebi persuadere conatur.

CAPUT III.

De varietate, viribus, & proprietatibus, usuque Vitrioli.

EX iis succis concretis, qui in aquis reperiuntur, & vitriolum sive chalcantum est, cum connexis sibi speciebus, quæ sunt, sory, misy, chalcitis, melantheria: Nam aquæ, quæ huius vel illius speciei succo abundant, eundem ferè habent odorem, saporem, eandemque naturam, tantum secundum majus aut minus distinctam: sive enim Scriptorum spectatur autoritas, sive fodinæ, undè eruuntur, sive vires, quibus pollent, sive cognationis gradus, quibus copulantur, ducto genere ex pyrite, uti suprà diximus, veluti omnium stipite, tantam similitudinem, affinitatem cognationisque vicinitatem reperies, ut eandem rem variis tantum accidentibus distinctam jure dicere possis, cum ex una corrupta materia generetur altera: Ex succo siquidem adstringente non alumen tantum, sed & vitriolum, quin & ex hoc sory, misy, chalcitis, melantheria, producant, & misy vitrioli quidem flos est, uti soryos melantheria; vitrio-

lum viride in capilli formam excrescit, & sæpe ab ejusmodi pyrite per melantheriam prodit, quam undique complectitur; Alumen sæpe candidum, vitriolum rarè, sed viride plerumque; aut cæruleum reperitur, quin & ex his, quæ ipsi sunt cognata, misy auri præ se fert colorem, chalcitis æris; sory nigrum ferè est, uti & melantheria, quæ tamen exsiccata plerumque cinereum induunt colorem; differunt tamen, quod præter vitriolum, quod nativum & factitium est, cætera omnia nativa tantum sunt, quorum tamen omnium vis adstrictiva inest cum odore sulphureo; vitriolum molle plumas refert, melantheria falsuginem quandam, sory duritie crassissimarum partium lapidem cum odore acerrimo; misy tenuissimum est, chalcitis medium tenet. Verum cum & de horum natura ingens sit apud minerologos velitatio, non attinet hæc fusius prosequi; quare ad vires & proprietates exponendas festinemus; primo enim lanis, pellibus, serico

Quomodo
distinguantur
misy, sory
chalcitis,
melantheria.

S f

aliis.

Ferri in cuprum de-
generatio,
transmuta-
tio proprie
dici non
potest.

Quomodo
spiritus
vitrioli
ferrum in
æstrans-
mutet.

aliisque rebus tingendis ingens est apud tinctorios fullonesque usus.

Vires & proprietates Vitrioli,

Secundò. Maximum in re medica usum habet, de quo consule *Galenum*, *Brasavolum*, *Matthiolum*, aliosque.

Tertiò. *Plinius* ait, tantam esse adstringendi vim vitriolò, ut leonum ora si eo aspergantur, mordere nequeant.

Quartò. In vitriolo alumen continetur, si enim lutum ejus aqua diluatur, alumen ex eo efflorescente comperies, sunt enim ex eodem pyrite connata & commixta.

Quinto. Si vitriolum uras, album efficitur, quod metallicà tincturà exspirante, album, salis instar, manet.

Sextò. Potest fieri atramentum scriptorium optimum, quod tamen intra quodpiam spacium prorsus evanescit, si videlicet spiritum vitrioli humidæ tenacique materiæ commisceas; Spiritu siquidem evanescente, & reliquum, quo imbuebatur, nigrum evanescit.

Corrosivum.

Septimò. Vitriolum omnia metalla præter plumbum exedit; unde vitrioli coctores, non in aliis, quàm plumbeis lebetibus coquunt, & ubi illud ad certum terminum coxerint, statim liquefit, & si ulteriori ignis tormento urserint, in salem vitriolatum densatur. Cujus rei ratio est, quod mercurii, quo pollet, miscella plumbumque acerrimum vitrioli succum retundet, compescatque. Sed de hisce vide plura in sequentibus de salium experimentis.

Adstringivum.

Octavò. Vitriolum naturâ suâ adstringit, calefacit, exedit, siccatur; unde sanguini sistendo, siccandis, incidendisque humoribus obstructisque meatibus mirè opportunum.

Chimici ex eo medicamenta conficiunt, magni pretii & utilitatis in desperatis morbis profligandis.

Cum præterea vitriolum tribus præcipue substantiis constet, aquâ nimirum, spiritu sulphuris, & metallo, siue id æs fuerit, siue ferrum, Chimici septem diversa medicamenta ex eo deducunt, eo modo, qui sequitur.

Ros Vitrioli.

Primo. Aquam extrahunt per balneum vaporosum, quæ quia omnium levissima est, aërea & spiritu sulphureo minimè omnium particeps; hinc aqua hæc vocatur ros vitrioli, viscera corroborat, inflammationem sanguinis mitigat, cerebrum siccitate & calore debilitatum confirmat.

Secundo. Aqua ex vitriolo per arenam ex-

tracta, & jam sulphurei spiritus nonnihil particeps, aqua secunda vitrioli dicitur, non insuavem de se odorem spargens; purgandis renibus, corrosionibus internis, obstructis urinæ canalibus mirificè prodest, manè cum jussulo carnis sumpta.

Tertiò. Extrahitur deinde alia substantia vitrioli subtilissima scilicet sulphuris portio, cui nomen spiritus vitrioli imponitur, cujus tantæ sunt virtutes, & tam admirabiles doctes, ut vix satis describi possint, contra omnes morbos admirabile quoddam prophylacticum; quidquid enim putredinosum, virosum, & ad ingentes morbos dispositum reperitur, incidit, exedit, consumit, sanguinem ab omni fuligine purificat, calculorum tollit materiam; renes & vesicam purgat, omni consumpta phlegmatum viscositate.

Spiritus Vitrioli.

Quartò. Ulterius igne tortum vitriolum, oleum quoddam exhibet, quod ardentibus tumidum spiritibus, tamen intra id sumere non careat periculo, externè tamen applicatum, insignem usum in iis apostematibus, quæ ex frigore prodierunt, amolendis, usum habet, cum narcotica & stupefactiva vi polleat, ad hunc gradum deductum; unde & maniacis, phreneticis, cæterisque plurimum & unicè confert.

Oleum Vitrioli.

Quintò. Vitriolum tandem exit, quod purificatum vocant, siue quod idem est, Sal Vitrioli, & sunt residuæ ex spiritu vitrioli acidæ fæces, terramque tenuem purpureascentem refert, iisdem quibus præcedens, virtutibus pollet, potissimum exterius applicatum.

Sal Vitrioli.

Sextò. Eductis spiritibus, in subtilissimo vitrioli pulvere remanet substantia quædam aërea, quæ & in æs reduci potest; ferrum aut æs vitrioli non incongruè vocari potest, mundat plagas putridas, carnem inducit, & similia efficit.

Septimo. Omnibus distillationibus finitis tandem in fundo vasis restat veluti caput mortuum, quæ Colcotar siue terra vitrioli dicitur, emplastris unguentisque siccantibus & cicatrices obducentibus servit.

Colcothar.

Atque ex his luculenter patet, quàm diversæ substantiæ, quæ forma, colore, gustu, pondere differunt, vel ex uno vitrioli corpore ignis ope educantur, ut vel hinc discas, quanta rerum diversissimarum multitudo & copia, vi ignis subterranei, aquarumque in intimis terræ thalamis producat.

CAPUT IV.

De Vitriolo factitio.

Primus modus & secundus Vitriolum conficiendi.

Vitriolum quatuor diversis modis ab in ea arte peritis conficitur. Primus & secundus ex aqua atramentosa seu vitriolata; reliqui vel ex sorxos & chalcitidis diluto, vel ex terrestribus glebis aut lapidibus, aliisve mistis atramentosis. Prior modus hic

est: Aquam atramentosam seu vitriolatam in lacunis collectam, haustriisque inde extractam in calidis Regionibus, æstivo tempore in subdiales arcas ad aliquam altitudinem depressas per canales deductam, infundunt; ubi relinquitur, donec Solis ardore in vitriolum

lum concreſcat; In frigidis vero regionibus, & hyeme, aqua atramentofa unâ aquæ dulci miſto primò in plumbeis lebetibus quadrangulis concoquitur, deinde refrigeratam infundunt in cuppas vel lacus, quas piſcinas ligneas vocant, ex quibus quædam quaſi tranſtra ſuperius ſic incluſa ſint, ut immobilia maneat, ex his pendent reſtes lapillis extenſæ, ad quas humor ſpiſſus adhæreſcens denſatur in diaphanos vitrioli vel cubos acinos, quæ uvæ ſpeciem gerunt.

Tertius
modus
vitriolum
conficien-
di.

Tertio modo atramentum ſive vitriolum conficitur ex malenteria & ſory: miſy verò & chalcitis, quia vitriolum maculoſum reddunt, rejicienda ſunt.

Quartus
modus.

Quarto modo ex terreſtribus vitriolo imbutis glebis aut lapidibus fit, hoc, qui ſequitur, modo.

Primo. Effoſſam vitrioli venam in acervum in longitudinem protractum; ſupra aream quandam huic operi conficiendo deſtinatam exaggerant, ubi aperto cœlo ſex ad minus menſibus, imbris, pruiniſ ſolibusque diu noctuque macerandum relinquunt; quo tempore ſtatutis diebus, ligonibus & raſtris acervum dilacerant ſubvertuntque, iterumque in eandem congerunt coacervationem, ut facilius imbris maceretur, ſolisque ardoribus coquatur; teſtoque acervo impoſito, alio ſeſtremſtri ſpacio materiam fermentari ſinunt.

Secundò. Juxta teſtum alveum effodiunt. quâ ligneis aſſeribus, quâ lateribus calceque ita munitum, ne aqua alicubi prolabi queat: hunc alveum aquâ dulci puriſſimâ replent, cui terram atramentofæ materiæ injiciunt, quantum operi conficiendo neceſſarium judicant opifices, commiſtamque materiam ligneis palis in hunc uſum paratis, donec aqua omne quod vitrioli ineſt, in ſe receperit, deinde excrementa ſubſidere ſinunt, donec aqua vitriolo prægnans claritatem concipiat.

Tertiò. Hiſce peractis foramina quædam prope alvei fundum in latere facta recluduntur, indeque exiliens aqua in magnum excipitur receptaculum: quam hinc exceptam in plumbeos lebetes fornacibus ſuperpoſitos injiciunt, igneque ſubdito fornacem ſtatutis horis excitant; denique ferri aut æris fruſtum immittunt, (ſine hiſ enim vitriolum non concreſcit) injecta verò fruſta æris aut ferri exiguo tempore in aquam colliqueſcunt.

Quartò. Poſtquam verò debito tempore materiam coxerint, ſubtracto igne, nè plumbea vaſa ardore ignis liqueſcant, decoctam refrigerari permittunt, deinde id in quernos urceolos effuſum relinquunt, donec in vitriolum concreſcat, quod intra unius diei naturalis ſpaciū fit. Sunt & alii modi, quos vide apud *Agricolam* alioſque Minerologos. Nos quæ *avroſia* obſervavimus, hic prodimus.

Atque hæc ſunt, quæ de Vitrioli natura & proprietate dicenda duxi: ea verò quæ in negotio Chimico vitrioli ope patrantur miracula, ſuo tempore pateſcient.

APPENDIX.

De quatruplici Salium genere.

Quæſtiones & Proprietates Salis.

1. Cur Sal in ignem conjeſtum crepitet & exſiliat, & quantò minus granum eſt, tantò majorem, quantò majus, tantò minorem ſtrepitum edat? Reſpondeo, cauſam dependere ab incluſi æris impatientia, qui calore attenuatus dum majorem locum quærit, impetu facto ruptis repagulis eum, quem percipimus ſtrepitum edit, cujus hoc experimentum eſt: in parvo enim grano ſpiritus magis coarctatur, quàm in majori.

EXPERIMENTUM.

Fiant parvuli globuli ex vitro, qui ſpiritu vini ſalnitro ſubacto impleantur, quos ſi hermetica ſignatura clauſos ardentibus carbonibus mox ac inferueris, tunc ecce rarefactus ſpiritus exitum quærens nec inveniens, horrendo & formidabili adinſtar tormenti exploſi ſonitu, vitro in mille partes rupto, eum ſibi violenter aperiet.

2. Cur Sal eadem quantitate in modico igne crepitet; in intenſo verò igne parum aut nihil faciat. Dico cauſam eſſe, quod ſpiritus Salis in intenſo igne ſtatim pereat, quod in modico igne non fit.

Sal in igne
crepitat.

3. Cur Sal aqua falſa citius, quàm dulci eliquetur? Reſpondeo, hoc fieri propter aquæ dulcis tenuitatem, aquæ verò falſæ craſſitiem; illa enim uti facilè penetrat, ita non niſi cum tempore liqueſcat; hæc verò uti craſſior, ita partes ſalis faciliſſimè diſſolvit; diſſolutis verò corpusculis ſalinis, id ſtatim quoque liqueſcere neceſſe eſt.

Sal aqua
falſa faci-
lius, quàm
dulci li-
queſcit.

4. Cur aqua falſa frigida bibi non poteſt, calefacta verò ac denuò refrigerata tolerabilius poteſt? Reſpondeo, hoc fieri, quod aqua falſa nunquam calefacta per totam aquæ ſubſtantiam ſua corpuscula ſparſa teneat; poſtquam verò calefacta fuerit, non exigua eorum pars avolet; refrigerata verò reliquum in fundo ſubſidet: unde aqua ſale diminuta tolerabilior ad bibendum præbetur.

Aqua falſa
calefacta
& refrige-
rata tolera-
bilius bibi-
tur, quàm
frigida.

5. Cur aqua marina ſeu aqua falſa incendiis extingendis inepta ſit? Reſpondeo, hoc fieri, quod marina aqua pinguedine, qua dulcis caret, imbuta ſit, ac proinde potius incendia promoveat, quàm extinguat. Hinc & lucernæ injecto ſale melius ardent; hinc etiam veſtes aqua marina lavari non poſſunt; quia pinguedo ſalis ipſis inexiſtens potius inſicit, quàm lavat.

Salſa aqua
flammas
non extin-
guit.

6. Cur aqua marina etiamſi aqua dulci gravior, eâ tamen lucidior ſit? Reſpondeo, cauſam eſſe ſpiritus ignei reſerti maris pinguedine: Hinc urinatores oleo in os ſumpto efflatoque lucem quandam in imo fundo cauſari, operationibus ſufficientem.

ſſ 2

7. Cur

Dulcis aqua & pluvina salis conficiendo adhibetur.

7. Cur pluviae salinis utiliores sint, quam aquae marinae; & cur sal vix nisi aquae dulcis mixturâ efficiatur? Respondeo, causam esse, quod aqua dulcis, uti levior & subtilior, ita corpuscula salina in aqua falsa existentia facilius penetret ipsisque se uniat, quod non facile fit, si crassa aqua crassae commisceatur; hinc rores, utpote subtilioris substantiae suaviorem reddunt salem: Cur verò Borea flante copiosius sal proveniat, & florem salis maxime producat, causa est, constrictiva vis hujusmodi intensi frigoris venti, qua corpuscula salina quantumvis minima, facile constringuntur & condensantur.

Sal Ammoniacum Luna crescente crescit.

8. Cur sal Ammoniacum in desertis Lybiae Lunâ crescente crescat? Resp. Causam esse, quod crescente Lunâ semper novo & novo humore irroretur, quia postea interdiu ardore Solis condensatur, humiditate superflua absumpta, vel in vaporem attenuata.

Hinc solvitur prodigiosa falsi lacus juxta Urbem Aspendi proprietas, cui tantundem noctu addatur, quantum die auferatur, si *Plinio* fides est: Siquidem Luna copiosum humorem, quem noctu dum ad magnum incrementum suppeditat salinae materiae, cum æstus Solis attenuatum absumat.

Sal Ammoniacus intra specus levior est, quam in lucem prolatus.

9. Cur sal Ammoniacus levissimus intra suos specus existit, in lucem verò prolatus gravissimus est. Respondeo, causam esse, quod intra specus suos ut plurimum in floccos efflorescat, qui uti rarissimi sunt, ita quoque levissimi; mox autem ac in lucem proferuntur, tunc ardore Solis, illo quo aëreum aqueumque in illis existit, absumpto, reliquum terrenum condensatur, unde pondere illum augeri necesse est.

Ægyptii raphanos suos nitro asperfos comedunt.

10. Cur Ægyptii raphanos suos antequam eos comedant, nitro prius, ut nos sale, aspergant? Respondeo, quia raphanus & ipse substantiae nitrosae tam sibi simili gaudet, unde meliores ex Naturae quodam consensu redduntur. Accedit, quod nitrum iis aspersum, succum raphani frigidissimum, quo Ægyptii delectantur, reddat.

Nitrum in aceto ebullit.

11. Cur nitrum in acetum coniectum proptinus, non secus ac calci vivae aqua superinjecta fumet & ebullire incipiat? Respondeo, quia aceti acrimonia excitat spiritus in nitro latentes, dum mixtum excitat rodendo, fit, ut dissoluto nitro ex evolatione spirituum, necessarium ebullitio sequatur.

12. Cur nitrum in leonum urforumque ora coniectum morsus eorum inhibeat? Respondeo, eos acredinis molestia agitados, dum se à molestia liberare contendunt, facile injuriæ sibi illatae obliviscantur, omnibusque animalibus commune est.

Salnitrum sulphuri concoctum in lapidem vertitur.

13. Cur salnitrum sulphuri concoctum, in lapidem vertatur? Respondeo, quod spiritus tam in nitro quam sulphure latentes, per concoctionem uniti perfecte figantur, unde humido evolante in nitro, & pinguedine utrumque conglutinante, terreum in faxeam duritiem tandem transire necesse est.

14. Cur dentium stuporem sal tollat, nitrum verò non? Respondeo, quia sal macerat, liquefacitque; nitrum verò ob suam acerbitem astringit & non liquefacit.

15. Cur in salinis plantae nascantur nutrianturque, nitrum verò nihil gignat, nec alat? Respondeo, causam esse, quod in nitro igneum illud & terreum incisiva sua vi omnia corrodat, quod in salis humido & terreo non fit.

Unde proveniat absterfiva ista vis in nitro, qua omnes sordes è vestibis abluit, & ad colorandos pannos tanti momenti sit apud tinctorios & fullones? Respondeo, causam esse igneam illam acredinem unâ junctam pinguedini in nitro existenti, & igneum quidem atque acre, quod maculas sordesque pervadens rosiva vi sua dissolvit, id facile pinguedo illa aquosa abstergat.

Aluminis Vires.

16. Cur vitro fundendo addatur alumen *Aluminis vires.* Catinum? Respondeo, Cum alumen hoc ex planta, quam *Hali* vocant Arabes, conficiatur, herba verò hujusmodi aluminoso succo foeta sit, hinc fit, ut alumen additum aluminosae substantiae illud corroboret, & arenas incisiva virtute facile in colliquefactionem urgeat, unde vitrea substantia silicum arenaeque diaphanis aluminosis partibus juncta, vitrum clarius & lucidius faciat, quod sine aluminis additione multò obscurius fieret. Sed de hisce pluribus in *Arte vitriaria*.

17. Cur aluminis cujuscunque aqua stillatitia maxime rupei, carnes exedat, & vel ipsa metalla? Respondeo, hoc fieri ob phlegmatis depositionem ignis ope factam, qua libera, ingentem acrimoniae vim adipiscitur solvendis exedendisque metallis opportunam.

18. Cur alumen squamosum, quod Asini speculum ob diaphanam substantiam vocant, igni injectum ustumque, statim claritate nativa perdit, gypsi more albescat? Respondeo, hoc fieri ob aquearum partium resolutionem ignis ope factam, quibus evanescentibus terreum corpus in gypsum degenerans remanere necesse est; quantum autem aquositatis habuerit in se, quomodo per staticum artificium explorari possit, alibi dicetur.

19. Cur Typographi chartam prælo destinatam primò per balneum aluminosum traducant? Respondeo, hoc fieri, quod cum charta ex lineis frustis confusa fiat, lino autem multum aluminis insit (est enim lino una ex aluminosis herbis, sicuti glastum, cujus tantus in tingendis pannis usus est) hinc fit, ut charta per aquam aluminosam traducta, infusa quadam vi magneticè ad se trahat corpuscula aluminosa aquae commista; ex hoc verò attractu tota chartae substantia mirificè confortatur, atque duritiem quandam induit, ne atramentum transfluat aut diffluat, ob unionem partium aluminosarum, quae tam in atramento, quam in charta aluminosa vi imbuta, existunt;

stunt; uti enim hæ unionem appetunt, ex similitudine naturæ, ita quoque omnem partium dissipationem, quæ per diffuxum fit, averfantur.

20. Cur turbatum vinum in doliis alumine emendetur? Respondeo, alumen incisiva sua vi vini fæculentiam dissolvere & dissipare, quo fit, ut vinum statim pristinam claritatem acquirat.

Cæteras proprietates vide in *Quinto Libro hujus Operis*, ubi de vitriolatis aquis thermis- que amplè ratiocinati sumus.

Vitrioli vires & proprietates.

21. Cur in fodinis vitriolum inventum nullam amplius spem faciat fossoribus, ulterius metallicas venas prosequendi: Nam uti plerique Authores ajunt, vitrioli in venis metallicis inventio terminum statuit metalli? Respondeo hoc fieri, quod natura per vitriolum, tanquam metallicæ generationis basin, monstret, nullum jam metallum superesse ad suam perfectionem reductum; & partes imperfecti metalli vitrioli venis vicini sat ostendunt: vitriolum autem proximam causam generationis metallorum esse, hinc pater, quod, uti supra ostendimus, sulphuris spiritu abundet cum aquositate mercuriali; unde aciditate sulphurei spiritus acrimoniam acquirit & exedendi, & subtilitatem glebas metallicas penetrandi; unde insita loci natura & propria substantiæ vi, facillè in metalla, cujus naturæ fodina est, præsertim in æs, ferum & argentum, tanquam sibi sympathica corpora condensantur.

22. Cur vitriolum aquæ, cui inexistit, claritatem tantamque limpiditatem conciliet? Respondeo hoc fieri, quod grossiores aquæ partes vt chalcanti incisiva & subtiliativa dissipatæ subsideant, adeoque ob corpusculorum vitriolatorum diaphanam & vitream substantiam, aqua lucidior, splendidior, limpidiorque reddatur.

23. Cur vitriolum excepto plumbo, reli-

qua metallica vasa exedendo corrumpat? Respondeo hoc fieri, quemadmodum etiam supra innuimus, ob mercurialis humoris, quo plumbum pollet, abundantiam, hac enim vitrioli vis incisiva quadantenus obtunditur.

24. Cur leonum urforumque ora, uti *Plinius* refert, si vitriolo imbuantur, mordere non queant? Respondeo, hoc fieri ob maximam vitrioli acrimoniam, quam uti amoliri omnibus modis conantur, ita quoque tantopere in molestia avertenda occupantur, ut injuriæ sibi illatæ facillè obliviscantur, veriti, ne si ulterius laceessant inimicos, majus illis malum accedat.

25. An in vitriolo alumen insit, & quomodo ei insit? Respondeo affirmativè, præsertim in alumine, quod ex pyrite nascitur: Cum enim pyrites ex æquo & alumen & vitriolum generet; dico quod hæ differentes specie substantiæ commisceantur, & consequenter, arte Chymica facillè separentur: nam si lutum vitrioli aqua diluatur, alumen ex eo efflorescit, ideo quod in luto corpuscula aluminosa abdita, irrigata facillè efflorescant, eò quod alumen magis aëreæ, vitriolum verò magis terrenæ naturæ sit, & ex oleo vitrioli patet, quod aluminis odorem prorsus spirat, ob volatilem aluminis naturam spiritui sulphureo, quo vitriolum pollet, commixtam.

26. Cur fossiores vitrioli in intimis speluncis facile intereant? Respondeo, hoc fieri ob nocivum putrefacti sulphuris foetorem, cujus vapore narcotico fossiores suffocari necesse est, potissimum in charonticis specubus, quæ virosam lethiferamque expirationem non nisi ex hac mixtura trahunt.

Atque hæc sunt, quæ de vitrioli viribus dicenda duximus; qui plura horum desiderat, is adeat *sequentes Libros*; ubi de fermentatione & præcipitatione liquorum metallicorum, pulchra & admiranda experimenta prodimus.

MUNDI SUBTERRANEI

LIBER SEPTIMUS,

DE MINERALIUM

SEU

F O S S I L I U M,

*Quæ propriè terreum Elementum sapiunt, Natura, Proprietate,
& Usu; & de perenni Geocosmi quæ per eorum motum
fit, pericyclofi & revolutione.*

P R Æ F A T I O.



Uccos concretos præmittere huic Libro, omninò necessarium fuit; uti enim illi reliquorum omnium, sive mineralium, sive metallorum basis & fundamentum sunt, ita quoque ordine naturæ, primum inter fossilia locum merentur.

Quod ut intelligas, *Lector*, scias, nullum in rerum natura corpus aut substantiam esse, quæ ex sale originem suam non habeat, quæque in eundem tandem non resolvatur, uti fusè in præcedentibus Libris ostensum fuit, ita à Divina Opificis sapientissimi providentia, tum ad præstandam rebus omnibus consistentiam, tum ad conservationem earundem, fecunditatemque ad propagandum, in primævo rerum ortu sal dispositum fuit; uti enim salina substantia per universas terræ fibras marisque abyssos diffusa est, ita nihil existit, quod eam non veluti naturæ quodam magnetismo ad se & in se, tanquam bonum sibi unicè necessarium trahat, utpote à qua firmitatem & robur adipiscatur, Quæ omnia in præcedentibus per varias observationes & experimenta ostensa sunt, atque adeo nil aliud restat, nisi ut, quid sal Naturæ in reliquis mineralium substantiis, efficiat; quomodo id in substantiam eorum commutetur, ostendamus. Et ut in omnibus *εὐμεθόδως* procedamus, primò de iis Terrestribus substantiis, quæ vel pulverem, vel arenam, glaream, sabulum aut cinerem mentiuntur; Secundò, de mollibus substantiis, quas terras vocant: Tertiò, de metallicis corporibus imperfectis & lapidibus ratiocinium nostrum instituamus.

S E C T I O I.

D E

TERRESTRIBUS PORTIONIBUS,

*Arenaceisque corporibus, quæ in Geocosmi
utero concluduntur.*

C A P U T I.

De Arena, Sabulo, Glarea, Cinere.

DE Arena, qua nil notius est, primò tractandum est, ut quid illa præstet in rerum natura, quænam ejus potestas, quæ vires & proprietates, innotescat.

Arena itaque sub triplici differentia considerari potest; vel enim est fossilis, vel fluvialis, vel marina. Fossilis est illa, quandò lapidosa substantia aut metallicis glebis, vel acri hu-

*Triplicex
arena.*

humore exesa in subterraneis fossis collecta, vel alluvione intra montium fodinarumque vacuitates congeritur, quorum omnia interiora plena sunt. Fluvialis & marina est, quæ fluminum mariumque ripis, fluctuum agitatione advolvitur, & nihil aliud, quàm lapidum quædam ramenta sunt ex perpetua allambentis aquæ attritione causata; vel montium cuniculis aquarum motu devectora; aut arenis post diluvium coacervatis, unde arenaceorum montium colliumque origo, quorum nonnulli succo petrifico successu temporum in lapidem conversi, alii sub mobili arenæ substantia remanserunt, uti Mons Janiculus, qui fulvi coloris arenis totus constat. Quæ verò in desertis arenosis comperitur, ex ipsa loci natura est, dum vel humiditate roscida lapidosi tractus, & friabilis naturæ saxa paulatim attrita in arenaceam materiam degenerant, quæ ventorum impetu agitata in cumulos coacervantur, dissolutaque de novo in longè latèque exporrectas planities disperguntur; Humor enim roscidus arenis nitro infectus, paulatim rupes saxosumque solum exedendo in arenam resolvit; nitrosam vero illic arenam esse, sal ammoniacum, quod ibi copiosissimum reperitur, sat demonstrat. Vide quæ in *Quarto Libro* de arenosis terræ tractibus ubertim discurremus. Origine itaque arenarum aliunde non provenit, nisi acris cujusdam liquoris corrosione, quo lapides in arenam resolvuntur, vel stillicidiis cryptarum, quo guttæ cavant lapides, non vi, sed sæpe cadendo; tantumque arenæ inde profuisse censendum est, quanta cavitatis capacitas in se continebat lapidis; vel aquarum currentium per saxosa loca, agitatione, qua saxa attrita in arenam resolvuntur; Et primò patet ex fontium scaturiginibus, quæ arenis omnis generis passim permixtæ sunt, quæ

quidem ejus, quem atterunt, lapidis, aut venæ metallicæ colorem referunt: Si per venam ferream, nigram; si per auream, auream, si per arsenicam & ochram, flavam, si per aluminosam, candidam; si per æream, viridem, & sic de cæteris, colorem referunt; unde ex arenis facillè de minera, per quam defluunt arenarum devectorices aquæ, judicium sumi potest, ut alibi docuimus. Marina verò arena pari prorsus ratione efficitur, cum enim mare in perpetua motus instabilitate fluctuet, tumentesque suos ad litora fluctus continuò volvat, fit, ut lapides vehementi maris agitatione detriti in sabulum, glaream arenaceamque materiam dissolvantur. Quæ omnia uti quotidiana experientia docet, ita non attinet de hisce uberius loqui.

Indicium arenæ ex colore, unde profuerit.

Arena marina unde?

COROLLARIUM I.

Ex his itaque patet, tot esse arenarum genera, quot diversa sunt minerarum saxorumque, quæ aquæ alluvione atteruntur, genera existunt; quæ quidem singula naturam & proprietatem totius, unde deflexerunt, sapiunt.

Quot genera arenarum?

COROLLARIUM II.

Hinc patet auriferarum arenarum in nonnullis fluminibus ingens proventus; Cum enim aqua præsertim sulfuginosa per mineras auri fluens semper nonnihil secum ex ambesit ramentis devehat; hinc fontes & vicini rivi, fluminaque tantò in se majorem aurearum arenarum copiam continent, quantò aut flumina fontibus, aut fontes cuniculis auriferis fuerint viciniore. De modo verò aurum inde colligendi, lavandi, & à terrestribus scæcibus separandi, alibi dicitur.

Unde aurea arena in fontibus, fluminibus?

CAPUT II.

De Qualitate Usuque Arenæ.

Arena, si ex lapidum substantia sicca originem trahit, sicca; si ex bituminosa materia, terraque crassa, pinguis erit; verbo, Arena, uti paulò ante diximus, naturam & proprietatem assumit ejus à quo decisa fuit. Arena quæ ad Nili ripas invenitur, tota nitrosa est; uti & ea quæ Lybia Regio tegitur; ut plurimum sterilis est; unde nec sationi aut plantationi arationique inservit; unde proverbium: *Arenas arat.* *Ausonius ad Theonem Epist. 4.*

*Quid geris extremis positus telluris in oris
Cultor arenarum Vates, cui littus arandum.*

Et illud Ovidii,

Quid facis o Oenon? quid arena semina mandas,

Non profecturis littora bobus aras.

Varie arenarum qualitates.

Secundò. Ad sustinenda ædificiorum fundamenta inutilis est inidoneaque: Cujus causa in promptu est. Quia tamen nulla in natura rerum res adeo exigua & contemptibilis est, quæ non ingentes simul utilitates secum apportet; de utilitate arenæ nonnihil adducemus.

Utilitates arenæ & damna.

Et primò quidem, etiamsi arena fundandis ædibus non serviat, constat tamen nullam sine arena fabricam extrui posse; ex calce siquidem & arena cæmentum fit, quod uti ad fabricas extruendas necessarium est, ita ea carere nequimus, & quantò quidem siccior tenuiorque fuerit, tantò majorem calci mixta firmitudinem obtinet, dum humiditatem calcis imbibens unà cum lateribus quasi in saxa convertatur.

Secundò. Vitro conficiendo necessaria est,

Vitro con-
ficiendo
confert.
Marmori-
bus secan-
dis.

est, de qua vide ultimum Tomum de *Arte vi-
triaria*.

Tertio. Secandis marmoribus confert, ut
sine arena aut smiri, quod pariter arenæ quod-
dam genus est, secari non possint; ex agita-
tione enim ferræ arenacea corpuscula exci-
tantur, & excitata duritie sua paulatim mar-
mor unâ cum ferra terunt: ad quod nego-
tium olim maximè profuisse Æthiopicam *Pli-
nius* nos docet. Hodie exquisitum usum ha-
bet illa, quæ ex quodam Adriatici maris va-
do æstus vi comperitur, quamvis hodie quo-
vis obvio arenæ genere & marmora secant
& poliant.

Horologiis
arenaceis.

Quarto. Horologiis seu Clepsammidiis, ho-
ras fluxu suo monstrant, quo nihil vulgarius.

Ufus in
Chimia.

Quinto. Habet & arena insignem in Chi-
mia usum, ad liquores metallicos, minerales
vegetabilesque moderato igne digerendos,
de quibus fusè suo loco.

Sexto. Mirè confert liquoribus amarore
aut farsedine imbutis, ad dulcedinem perco-
latione reducendis.

Septimo. Figuli in coquendis vasis ut plu-
rimum arenæ mixtura utuntur, crystallina
arenæ corpuscula ignis vehementia in forna-
ce liquefacta diffusaque argillaceam massam
mirum in modum roborant, & contra ruptu-
ram muniunt.

Octavo. Fabri arenæ aspergine ignem for-
torem reddunt; & in liquandis metallis ad-
eò arenæ usus est necessarius, ut sine ejus mix-
tura difficulter fundantur, præsertim ferrum
& similia rigidiora metalla; sed cum usus are-
næ omnibus necessarius sit, de ejus usibus
amplius dicere supervacaneum duco.

Quomodo
arena à sa-
bulo &
glarea di-
stinguatur.

Quomodo verò Arena à Sabulo & glarea
distinguitur, restat dicendum. Dico itaque
fabulum esse quandam arenæ speciem, quod
ab ea non distinguatur, nisi quod hoc illà
grossius sit: durum & molle reperitur, illud
marem, hoc foeminam vocant; substernitur
autem filicibus saxorumque crustis simul &
interferitur; hortorum ambulacris sternendis
servit; verbo, fabulum plerumque à Scripto-
ribus cum arena confunditur, ut proinde in
re minuta describenda nil aliud sit, quàm
tempus terere.

Glarea quoque vix ab arena & sabulo di-
stinguitur, nisi quod glarea & arena & sabu-
lo grossior sit, cujusmodi sunt fragmenta la-
pidum, marmorum, filicis, tophi, saxi non
adeò magni: & passim ad fluminum littora
reperiuntur, pleraque ex aquarum fluentium
in rotundam aut ovatam eamque lenticula-
rem attritione dedolata.

Cinis quid?

Restat de cinere nonnihil dicendum. Ci-
nis est pulvis incendio residuus, in quem res
usta redigitur; & se habet uti arena ad saxa
glebasque minerales unde deceditur, ita cinis
ad res, quarum combustione resultat: atque
hoc pacto calx cineris quædam species non
incongruè dicitur, quamvis tenuioris illo,
qui ex lignis fit, essentiæ: Habent & omnia

metalla suos cineres, quæ aliud non sunt;
quàm residuum illud terreum, quod vehe-
menti ignis tormento in fornaculi fundo aut
combustum, aut in calcem redactum subsi-
det: suntque tot cinerum calciumque spe-
cies, quot rerum combustibilium species
sunt; Et lapides quidem calcem, uti diximus,
cineris loco præbent, reliqua verò planta-
rum, herbarum, fruticum, lignorum, ani-
malium, ossium, cornuum combustio cin-
eres relinquit ejus virtutis, cujus res sunt, ex
quarum combustione remanserunt. Est &
hoc in cinere vegetabilium admiratione sane
dignissimum, quod intra se contineat salem
propagationi ejus speciei vegetabilis, ex qua
cinis remansit, peridoneum. Et ut vel unico
exemplo me declarem; cinis absynthii salem
verb. grat. continet, qui ex cinere extractus
terræque insitus, ejusdem plantæ speciem,
ex cujus combustione cinis remansit, videli-
cet absynthium producit; sed quoniam hæc
naturæ miracula in sequentibus variis expe-
rimentis comprobabimus, hinc ea non tam
explicanda, quàm tantum indigitanda duxi.
Si naturam ejus quæras, Dico calidum esse
moderatè, cum omnia adusta, teste *Philoso-
pho* aliquid caliditatis retineant, & acrimo-
nia tum calcis cinerumque, tum animalium
excrementa, salque ipsum clarè id doceant;
fierique non possit, ut fervore nimio adusta
& torrefacta quendam caliditatis gradum
non habeant. Sed jam nonnullos cinerum
usus exponamus.

Tot cine-
rum spe-
cies, quot
combusti-
bilibium re-
rum.

Arcanum
cineris mi-
rabile.

Proprietas
cineris.

Diximus paulò antè non omnem cinerem
eadem facultate præditum esse, sed pro com-
bustæ facultate materiæ variari. Unde con-
cludimus, cineres ex calidissimis rebus com-
bustis residuos, calidissimos esse siccissimos-
que, & ex pyrethri radice combustæ cineri-
bus patet, qui adeò vehementi acrimonia
pollent, ut vix eum lingua vel ad primum
contactum tolerare possit. Cinis ficulneus
acerrimus est, ideoque inter caustica adnu-
meratur. Cinis ex acerbis lignis factus non
parum adstringit, sanguinisque prohibet eru-
ptiones. Buccinarum cinis nobilissimum den-
tifricium præbet; ambustis illitus, non prius
decidet, quàm cicatricem induxerit, tum
enim veluti officio suo probè functus, sponte
sua decidet. Sarmentitius vitium cinis in-
signem urendi vim obtinet, nitro & aceto mix-
tus magnum in sarcocoles morbos sanandos
arcanum est. Cinis Phrygius, *Philosopho* teste,
collyrium dat nobilissimum. Aromata cinere
suffulta acrem odorem acquirunt. Gladiatores
olim laxatis membris cineris potu medeban-
tur. Pyrorum ligni cinis contra fungorum vi-
rus efficax remedium. Transpadanis cineris
usus adeò placet, ut fimo jumentorum multò
anteponant; Sunt qui cinere uvas ali putent,
radicibus vitium asperso; Cineres non solum
terram recreant, sed & radicibus plantarum
appositi, vitia frugum tollunt, æruginem,
erucas, cæteraque arborum, plantarum, fru-
gum

Variorum
combusti-
bilibium re-
rum cine-
res.

Utilitates
cinerum,

gum inimica animalcula conficiunt. Cinis Motacillæ in salem versus & intro sumptus, contra vesicæ calculum admirabile remedium est. Cineres fraxini, *Plinii* relatione, serpentes fugant, si latibula iis aspergantur. *Casilli* ex cineribus facti nobilissimum in Chymica arte usum habent.

PARADOXUM.

Hoc loco omittere non possum, quin intricatam de cinere quæstionem enodem, & est: Utrum Cineris & aquæ tantundem simul vas idem capere possit, quantum plurimum utriusque seorsim infusi capiat: Si enim cineri præsertim calidæ aquam infuderis, aqua cineri mista tantum occupat locum, quantum prius solus cinis occupabat; quæ res meritò imperitis rerum paradoxa videtur, Quomodo autem id fiat, explicemus. Dico itaque,

cinerem siccitate naturæ sic exigente oppidè rarum partes partibus minimè connexas habere, mox tamen si aquam infuderis, præsertim calido, tum eccè calore cinerum aqua partim in vaporem resoluta, partim cineri commixta massam luteam constituit, quæ partes primùm dispersæ cunctæ minimum loci occupant, ob partium constipati jam madefacti cineris condensationem, atque aded aqua lutulenta partim in vaporem resoluta, partim cineri commixta exhibet idem ferè spacium, quod prius cinis occupabat; quod & cineri frigido affusa aqua præstat, etiamsi paulò majori cum incremento: Cinerea enim corpuscula ob nimiam siccitatem, uti aquam statim absorbet, ita partes partibus nexæ lutum illud constipatum efficiunt, quod locum ferè eundem occupat. Sed de hoc experimento alibi fusiùs agemus.

CAPUT III.

Pericyclosis Naturæ mirabilis.

Gæcosmum plenum esse ignibus & aquis Subterraneis *Quarto Libro* amplissimè demonstratum fuit. Quæ cum ita sint, necesse est, ignes agere in obvias quasvis sive cautes, sive glebas terrestres: hæ combustæ in cineres, seu quod idem est, in calcem abeunt: Calx commista aquis obviis lixivium facit; sale confertum ejus globæ, quæ adusta in calcem redacta fuit. Salem in lixivio latentem attrahunt terrenæ fibræ, quæ sunt veluti venæ mesaraicæ chilum sanguinemque attrahentes: Sal venis residens, nova molitur pro conditione glebarum hinc Salis, ibi nitri, alibi aluminis, alicubi vitrioli semina, quæ successu temporis in mineralia diversarum specierum transmutantur: hæc denique aqua æruginosa vel ferrata, vel salsa, nova fundant aquarum medicatarum seminaria, per attractum earum terrestrium massarum, quæ sympathiâ cum hoc vel illo liquore concordant, unde diversæ fodinæ originem sumunt: ex his verò infinita variarum mineralium fossiliumque propago pullulat. Quod ut intelligatur,

Sciendum est primò, ignem vel immediatè, vel mediatè in cautes, fossiliumque supellectilem agere; immediatè agens Vulcanus subterraneus in calcem resolvit ea in quæ agit: immediatè verò per vapores & halitus, qui intima montium penetralia, veluti spiritus in humano corpore universas Microcosmi venas subeuntes ubique laborant pro conditione partium, quas subeunt. Secundò, generantur & in visceribus terræ diversi speciei succi, qui cum aquis obviis misti, miros effectus produnt, miramque rerum genesin pro ratione terreni, cui miscentur. Tertiò

occurrunt variæ metallorum mineraliumque species, quæ succis, vaporibus, halitibusque diversarum proprietatum mixtæ, ingentem efficiunt fossilium substantiarum toto genere differentium copiam. Quartò, non defunt lapides tum communes, tum pretiosi, quorum non est numerus. Quintò, sunt terrestres substantiæ, quas terras vocamus; Atque ex hisce harum rerum permissione, variaque vaporum, exhalationum, succorum, metallorum, lapidum terrarum combinatione causatur ingens illa & inexplicabilis rerum varietas, quam nobis terra suppeditat.

Hisce positis, jam revolutionem rerum indeficientem paulò proximè intueamur. Ignem subterraneum unà cum aqua rerum omnium effectores esse, jam sæpè sæpius dictum est: hic enim immediatè agens in cautes, massas, glebas, in calcem seu cinerem redigit: Calx seu cinis sale rerum calcinatarum refertus aquæ cuicunque tandem junctus, virtute ignis concoctus, vel confusam vel perfectam mitionem causat; Aqua differentibus salibus referta per innumeros hinc inde meatus alveolosque distortos derivata à terrestribus glebis suctu quodam attrahitur, attracta in unum cum glebis corpus congelascit, trahente unaquaque terreâ substantiâ id, quod sibi in aquis magis syngenium est. Ex hisce aquis convenienti loco exceptis nascuntur quoque omnes succi illi sive concreti, sive liquida substantia subsistentes. Hinc ærosam substantiam, sive metallicam, sive lapidosam, quam aqua sulphureo halitu seu spiritu ignea virtute imbuta rodit, exedit, & in corpuscula aquæ mixta resolvit, illa denuo alio in loco gleba ejusdem

Succi terrestres misti aliis, nos vos partus fundant.

Undè tanta rerum varietas proveniat.

Anacephaleosis dictorum.

A Calce seu Cinere mineralium per ignem residuo omnia originem trahunt.

Ex Cinere omnes fossilium species.

Magneticè unum trahit alterum sibi simile.

T t .

naturæ

Novæ Fodinæ quomodo fiant.

naturæ ad se attractu quodam in se derivato novum fundat metallicæ venæ pennuarium; & quod de uno hoc dicitur, de cæteris omnibus salibus ad glebas sympathicis sentientum est; ita ut ex attritu & corrosione metallicarum glebarum aquæ ductu alibi novæ emergant fodinæ; ex attritu verò lapidum omnis generis succi lapidosi seu petrifici nascantur, unde novum venarum lapidosarum incrementum: Materia verò seu cinis ex erosionem seu succorum, seu metallicarum specierum, seu bituminosarum portionum eliquatione per occultos terræ cuniculos pyrophylaciis illapsa partim novum igni fomentum præbet, partim novum vicinis cautibus jam exustis incrementum confert: atque ad-

ed continua & perenni naturæ operatione, ea ignis ope perennis rerum combustarum cinis ex cinere seu calce pro conditione cautium, sal, nitrum, alumen, vitriolum resultat: hæc verò ope halituum vaporumque ope, in intima jam vel cum metallicis corporibus, vel cum differentium proprietatum faxis, vel glebarum terrestrium succis juncta varias misturas conficiunt; ex quarum deinde varia combinatione ingens illa rerum varietas emanat, perenni & indeficienti pericyclofi propagata. Vides igitur, quomodo omnia primùm ex calce seu cinere rerum combustarum, originem suam nanciscantur. Verùm jam singulas species, earumque geneses uberius describamus.

SECTIO II.

DE HYLOCINESI GLOBI TERRESTRIS,

ID EST,

De magna & perpetua Terrestris Materiæ separatione, Arenæ, Sabuli, Glareæ motu facta, seu de Argillæ, Lapidum, metallicarumque Misturarum resolutione.

CAPUT I.

De mutationis Geocosmicæ Causis.

Vicissitudo rerum in Mundo terrestri necessaria.

Terra, aqua, ventis, siderum impulsu mutationes rerum contingunt.

Geocosmum in perpetuo quodam motu & rerum alterabilium vicissitudine versari, *Libro Tertio & Quarto* ostensum fuit; quomodo verò hæc terrestrium partium mutatio, quam *ὁλοκίνησις*, id est, materiæ terrestris motum vocamus, contingat, hoc loco aperiendum duxi. Certum enim & unanimi Physicorum suffragio comprobatum est, Geocosmum hunc, uti ex quatuor elementis constitutus est, ita quoque ingentes ob perpetuos contrariorum elementorum luctus conflictusque, vicissitudines rerum sustinere, tum vel maximè Solis, Lunæ Astorumque sub alia & alia in coelesti expanso constitutione, & periodicis circumvolutionibus eum perpetuò agitantibus. Quod in Geocosmo terrestre est, ex aqua ventorumque flatibus gemino maximè motu efficitur. Aqua quæ universum globum ambit, vi siderum in ingentem vaporum exhalationumque copiam resoluta, atque in destinatis regionibus condensata, si in guttas abit, in pluviam; si congelascit in grandinem; si antequam in guttas abeat, in nivem vertitur. Pluvia, grando, nix ex fluminibus, lacubus, maribuseducta, ventorum violentia in montium regionumque vertices dispulsa, ibi miras il-

las, quas describemus, commotiones rerumque seminaria fundant: Accessus verò recessusque maris, quem æstum dicimus, 24 horarum spatio bis fluens & bis refluxus, aquam per subterraneos meatus dispulsa, uti ingentem peregrinæ materiæ miscellam secum abductam, forasque per fontes, rivos amnesque educit, ita mirabilem in illam *ὁλοκίνησις*, rerum omnium mutationis in terreno globo causam constituit, adeoque duobus quibusdam veluti Morpheis Geocosmus perpetuò infestatur, uno intrinseco per ignis aquarumque subterraneorum motum; altero extrinseco per pluvias, imbres, grandines, nives, quæ sunt veluti materiæ terrestris vectores & promotores. Nix vertices montium occupans, non terrestrem tantummodo substantiam fermentat, sed & rupeam semestri veluti maceratione quadam emollit: In nive enim metallicorum mineraliumque corpusculorum miscellam latere, Chimica nos docet experientia, unde hæ mineralibus montium succis junctæ, miras rerum geneses efficiunt: Liquefacta verò ardore Solis unà cum imbribus, arenam, sabulum, glaream mineralibus speciebus omnifariis mistam, secum abradendo abducit, hæc verò fluminibus concredita, quæ dum

Pluviae, nives, grandines quantum in alteratione telluris possint.

Cur montes pri-
mum fere-
ce cum
tempore
sterile-
scant.

Quomodo
steriles loci
denuo fœ-
cundari
possint.

Nova steri-
litas prin-
cipia.

Salis vege-
tabilibus
inexisten-
tes nova
produunt
salium fe-
minaria.

dum tantæ molis incapacia sunt, qua data via, in longè latèque exporrectas planities inundatione diffundunt. Hinc fit, ut montes, qui primò feraces erant, abrais pinguioribus glebis, iis præter faxeam substantiam nihil relinquant: Campi verò, qui primò sterilitate squalabant, aut paludibus opplebantur, pinguis adventu hospitis, desiderata fœcunditate beantur; qui tamen, uti nil in rebus stabile est, successu temporum, exuta fœcunditate, in sterilitatem denuo degenerant, cum, nivium maceratione geluque dissoluta montium scopulosa propago in crustas diffilit, fissaque in sabulum glareamque macilentam comminuitur: hæc glareæ sabulumque imbris pluviis raptâ, inque campos devecta, agrorum fœcundum, quo gaudebant, limum ita obtegit, ut culturæ amplius non sint idonei: Cum tempore tamen & multorum annorum curriculis accidit, ut herbis, plantis, virgultisque arenosa substantia oppleta, arboribus sylvosisque tractibus vestiatur: quæ quotannis Autumnali videlicet tempore, folia, fructus, germina, uti vel sponte sua, vel ventorum vi decussa in circumjacentes campos, sive planos, sive montuosos decidunt, ita hybernarum nivium, pluviarum imbriumque maceratione, unâ cum graminibus in putredinem versa, campos nova terræ pinguis pelle obducunt: quæ cum quotannis contingant, terram quoque hinc continuò augeri & assulatum assurgere, nemo non, potissimum in ripis fluminum, videt: in quibus luculenter diversas nunc lapidum aut sabuli, glareæque venas, jam terræ arenaceæ aut limosæ congeriem, quæ sabulosam superficiem, veluti crusta quadam contegat, intueberis, atque adeò adveniente nova pinguis materiæ congerie, campi novo fœcunditatis conceptu luxuriantes, magnis proventibus agricolas locupletant: Hæc tamen successu temporis nova advenientis ex montibus abrai macilenti sabuli congerie, per inundationem imbresque devecta, dum pinguem materiam contegit, nova sterilitatis vicissitudine campos implet, & hoc, quam diu Mundus stabit, perenni alternantis vicissitudinis lege durat. Quoniam verò germinibus, plantis, virgultis, graminibus, foliis, floribus, fructibusque, nitrum, sal, bitumen, plurimum inest, hinc dum decidentia terræ committuntur, veluti per putrefactionem fermentata, novam præbent salium mineraliumque generandorum materiam; præ cæteris autem substantiæ bituminæ turgentes terram mirum in modum crassam pinguemque reddunt, è salibus verò fermentatione dispositis, mineralibusque glebis ex montibus recisis atque fluminibus corrivatis, nova nascitur mineralium soboles; quæ tandem mari vastorum devectu fluminum conceditur; Mare verò omnibus diversarum speciebus auctum foetumque, fœtus conceditum, vel per subterraneos cuniculos, vel Solis attractu per vapores in altiores

aëris regiones elatum, partim per fontium scaturigines, partim per extrinsecam aëris, aquæ, nivium, pluviarumque motionem, terrestri globo, perenni atque indeficienti naturæ vicissitudine restituit. Pericyclosin Naturæ admirandam vidimus, jam effectuum particularium, quos in terreno globo efficit, causas pari pacto per quæstiones exponamus.

Quæritur primò. Quomodo agri novi campique nascantur, jam steriles, jam fœcundi? Respondeo, hoc fieri arenæ, argillæ, sabuli, glareæ ex montibus devectæ, & in planitiem depositæ affluxu; quo & terra primum paludosa, fossæ & valles impletæ ad planitiem disponuntur: vel etiam fluminum in alterutram partem currentium impetu, quod in una parte corrodunt, exeduntque; in altera parte additu augmentoque terrarum compensant, ut in nullis non fluminum ripis videre est. Atque hinc patet; successu temporis flumina & unius ripæ exesione, ex alterius verò terrestris materiæ incremento, cum tempore alveos suos mutare. Vide quæ in *Tertio Libro* uberrimè de hisce locuti sumus.

Sequitur secundò, ex advectu sabuli grossioris, ex montibus, torrentium pluviarumque violentia abrai, non solum campos repleri; sed & fluminum alveum filicibus saxorumque congerie altiore fieri, quorum augmento herbisque ex limo pullulascentibus, aquam alveo suo contineri nesciam, tandem nova planiores campos inundatione replere, quibus tamen à palustri aqua per fossas seu inciles liberatis, sedimento inundatarum aquarum dum arenaceæ materiæ miscentur, optimam, crassamque degenerant. Certè in montanis regionibus nive soluta, aquam è sublimi turbulentam crassamque arenâ, argillâ, luto, glareâ, aliâque materiâ, quam secum rapit mixtam, per loca depressiora in flumina defluere, cunctis notum est: neque verò à vicinis montibus duntaxat, sed & aliquot dierum intervallo utrinque è latere diffitis, psammorrhæ, sive arenaceæ materiæ motus advectitant, dum sæpenumerò maximos montes sylvasque vi defluentis aquæ abrais avectosque animadvertere licet.

Quæritur secundò. Cur idem flumen quibusdam in locis agros ex alluvione natos arena macilenta, alibi verò pingui limo dotet? Respondeo, tripliciter agros camposque modò pingues, modò steriles effici. Primò, grossioris sabuli macræque arenæ steriles, argillæ verò lutique pinguis oblinatione fœcundos reddi. Secundò, steriles redduntur fluminum vehementi psammorrhæ exoneratione in campis facta; fœcundi leni materiæ fluxu; limique pinguis in camporum planitie sedimento. Tertio, germinum, herbarum, foliorumque ex arboribus decidentium, terræque commif-

Quomodo
agri nunc
steriles
nunc fœ-
cundi na-
scantur.

Quomodo
agri in ma-
ciem de-
generant,
& deinde
in pingue-
dinem.

farum putrefactione, quæ uti pinguedine abundant, ita in terrenum pingueque lutum conversa, agros desiderata fecunditate beant.

Quomodo colles arenacei in planis locis nascantur.

Quæritur tertio. Quomodo æquabilis camporum superficies, & quomodo colles arenacei in planis nascantur? Respondeo; æquabilem camporum superficiem fieri, dum vel inundatione limus omnibus cavitatibus fossisque oppletis æqua portione diffunditur, uti in nive patet, quæ in placida tempestate & leni casu dum terram opperit, planitiem nive tectam æquabilem reddit; ita psammorrhæa terris sine impetu fluminum vi ejecta, æqualiter limum arenamque dispergit, unde plana superficies: Colles verò tum nascuntur multiplici ratione: Primum si campi glareæ fabulæque sive ex montibus, sive ex fluminibus avecti impleantur coacerventurque: hoc enim pacto alia superadveniente inundatione limus glareæ cumulis inhærens crustam veluti quandam seu corium inducit, quod in germina pullulans, eorum radicibus firmatur: Cum tempore verò aliis aliisque foliorum graminumque putrefactorum in terram versorum limolis materiis collium molem mirifice augmentat, accidentibus ventorum flatibus, quibus aridior arenaceæ materiæ campis inexistentis congeries agitata, in cumulos agitur, in præcellos quandoque colles materiæ continuato augmento surrectura: quemadmodum in littore maris prope Ostiam videre est, constipatos cumulos colliculosque graminibus virgultisque vestitos, qui maris alluvione & ventis agitati in arenarum paulatim cumulos aggesti concreverunt; ac passim ad maris littora complures hujusmodi cumuli reperiuntur.

Juxta ostia Tyberina quomodo arenacei colles orti sint.

Unde tanta terrestribus globis colorum varietas.

Quæritur quarto. Unde agrorum terrestris materia, tanta colorum varietate spectatur: alibi enim terrena substantia prorsus nigra, nonnullibi rubra, flava, aut candida cinereaque spectatur? Respondeo hoc fieri, vel ex arena in qua juglandium folia, nuces nucumque involucra aut gallarum foetus putrefacta atque in terram conversa, humorem terræ vitriolatæ inexistentem illico in aterrimum colorem tingit: Fulva verò terra originem suam habet à montibus Ochra, sulphure aut sandaraca foetis, qui in planitiem advecti ubi terram propagant fulvam sive auream; Æruginosa verò à montibus æratis glebis scatentibus oriri, vel ex ipso colore discimus. Quemadmodum igitur aquæ fluminum à differentibus mineralium succis variè tinguntur, ita & agri arena ejus coloris, cujus gleba est, à qua abrafa fuit, replentur. Undenam verò mineræ differentes istiusmodi colores acquirant, alibi ostendetur. Terra verò nigra agriculturæ potissimum apta est, quæ sit vel ex graminum, herbarum, foliorumque deciduorum putrefactorumque in terram conversione, qua non solum terra, uti quoque ex animalium fimo, nigra & crassa, sed & pin-

guis mirum in modum redditur; cujus hoc experimentum cape.

EXPERIMENTUM I.

Vas quoddam terrâ nigrâ aliquousque impleto, quam aqua superaffusa in orbem rotando commisceas, quæ cum quieverit, terra interim ad fundum dilapsa, aquam nigredine infectam reperiens, qua depleta rursus aliam aquam sedimento affundito, rotato, depleto, & aliquoties continuato, donec nigredinem illam à terrestris materiâ universam abstraxeris, tandem arenam aspersam & scabram colore albo, flavo, aut candido subrubroque, prout ea varii coloris esse solet, invenies; quod apertum signum est, arenam cujuscunque tandem coloris fuerit, ex dictarum materierum tinctura, in nigredinem verti.

Experimentalis colorum varietas.

Quæritur quinto. Unde bituminosa & combustibilis terra oriatur? Respondeo, terram ex varia salium miscella in liquorem quandam pinguem & adipi similem resolvi, quo imbuta Soleque torrefacta cespites, hand secus ac ligna ad minimum ignem accenduntur, cujuscumque cespites utiles, quibus Batavi ignem foveant, esse solent: cujus veritatem sequenti experimento discas.

Unde terra bituminosa.

EXPERIMENTUM II.

Accipe terram nigram, pinguem & adiposam, è qua omnem aquam separatam in vas exprimito, & invenies eam atramento scriptorio haud absimilem; hæc aqua arefacta ustilium cespitem colorem proximè referet, non nigrum quidem planè, sed pullescentem, & nescio quid bituminis olentem: igni enim admota statim ignem non secus ac sulphurea concipere deprehendes. Sed de bituminis ortu alibi fusius.

Quæritur sexto. Unde coria illa lapidea, quæ arenam inter argillaceamque materiam intercurrent, proveniat, unde & saxorum quorundam varia materia compositorum originem habeat? Respondeo, cum ex montibus variæ salium species, vitreæque atque minerales glebæ in agros, sive immediatè, sive mediante fluminum vectura diffundantur, fit, ut temporis successu succus quidam petrificus calcarii lapidis ramentis, atque salis, nitri, aluminis, vitriolique mistura componatur, cui superaffusa argilla, aut alia quævis terrestris materia in saxum convertatur: atque hoc pacto saxa infra terram ex petrifico seu lapidoso succo nasci, tum variis experimentis ostendemus, ubi de rebus in saxum conversis uberrimè ratiocinabimur. Atque ex hisce patet, nullam terram simplicem in saxum natura dari, sed omnes variarum rerum miscella refertas esse.

Unde coria lapidea terræ.

Quæritur septimo. Cur ad ostia fluminum in mare proruentium, ut plurimum arenacei cumu-

Cur ad mare tumuli arenacei.

cumuli, quos pulvinos appellant, reperiantur? Respondeo, hoc esse ex arenæ limique, quem flumina propè ostia leni & placido fluxu in mare deponunt, coacervatione, ex mari verò venti fluctus continuò versus ostia & littora impellant, hinc quam materiam arenaceam flumina in mare evolvunt, fluctus maris nè ulterius diffundantur, obsistunt: hinc arenæ in cumulos aggestæ eos, quos diximus, pulvinos efficiunt. Atque hinc patet, mare successu temporis ab alluvionibus fluminum in vectu natis occupari, atque adeò quotidie continuo materiæ affluxu augeri,

Quæ terræ
olim mare,
deinde in
terras eva-
dant.

ut tutè asseverare queamus, humiles ad mare regiones olim longè latèque exprorectum mare fuisse; & contrà, ubi modò mare existit, olim terrestrem regionem fuisse. Verum cum de hisce uberrimè in *Primi Tomi Libris* actum sit, ea hoc loco repetenda non duxi.

His itaque forsàn amplius, quàm par erat, expositis, nihil modò restat, nisi ut singulas memoratæ materiæ terras in particulari examinemus; quid unaquæque proprietatis, & virtutis ususque, unde natales suos trahat, qua fieri potest, exactissimè discutiamus.

CAPUT II.

Quid Terra propriè sit, unde generètur, & de variis terrestribus

Substantiis, quas Terras vulgò vocant.

IN primordiali rerum conditu Terrenus globus veluti secundina quadam conditus, aquà undique & undique, teste Sacro Textu, *Gen. i.* operiebatur: non in ea montes adhuc, non valles, nullum aliud distinctum elementare corpus, sed omnia confusa & incompressa sub chaotica quadam massa squalabant, donec luce jam creata, Terra voce DEI percussa, subactis intra alveos aquis, arida apparuit, sub lutulenta tamen adhuc substantia, quæ interno tamen ignis Archeo operante, statim duritiem quandam induit, & tandem in saxeam quandam veluti ossaturam, nè sub limosa massa remanens, defluxu suo & eliquatione sua omnem receptaculorum camerarumque naturæ operationibus necessariarum ordinem & fabricam destrueret; atque adeò subterraneo protinus agente *Vulcano*, massa illa mollis, manu DEI pantoplasta in varias concavitates efficta, calore subterraneo induruit; atque hæc prima fuit Geocosmi saxeæ structura, ad totius globi compagem solidius firmandam à DEO constituta. Quoniam verò in saxeâ illa mole innumeræ cavitates, atque ingentes ad montium formationem eminentiorum partium protuberationes remanserant, singulari DEI providentia factum est, ut luto illo necdum indurato, & dictæ vacuitates vallesque opplerentur, & totius globi terrestris montiumque superficies, hoc eodem madefcente adhuc & molli limo veluti corio seu pelle quadam obducerentur: adeoque primigenia illa massa apta fieret, ad virgulta agri, herbas, plantas, germina, arbores fructusque voce DEI percussa, producendas, quod tertio Mundi die factum fuit. Atque hic primordialis Mundi terreni status. Quo posito; jam videndum est, quomodo successu temporum augmentata fuerit terrena hæc substantia, quasnam vario Solis, Lunæ Siderumque tum ignis aquarumque subterranearum influxu varietates subierit, & quidnam terra

illa secundum essentiam suam sit; hisce enim cognitis, facile in abditorum Geocosmi effectuum notitiam nos perventuros confidimus.

Lectorem tamen primò scire velim, Terram hoc loco nos non sumere pro terreo isto simplici & incompresso corpore, quod Physici elementum dicere consuevère, quamque nos in rerum natura existere, suprà negavimus, sed propriè terream substantiam elementatam, quam sic definimus: Terra est corpus fossile, quod irrigatum ab humido primum emollescit, mox avito humore reditur liquidum. Atque hinc excipiuntur omnia illa, quæ solum irrigata mollescunt, non tamen liquefcunt, uti charta, lana, similiaque; Excipiuntur quoque saxa & metalla, quæ affusa aqua neque mollescunt, neque eliquantur. Quamobrem pro certo tibi constitutum sit, quod quicquid effoditur, eique addito humido mollescit deinde liquefcit, id terram propriè dictam nuncupandam esse.

Definitio
Terræ.

Quæritur itaque primò. Quomodo terra hæc generetur? Ut hæc difficultas enodetur, sciendum est, duplici via & ratione terram hanc in extrinseca superficie generari posse. Primò generatur terrea hæc substantia eo, quo paulò ante dictum fuit, modo, partim lapidum, mineraliumque glebarum, partim pluviarum, imbrium, aquarumque, sive rivorum per montium cuniculos labentium attritione ac corrosione, qua lapides arenacei & friabiles mineralium glebarum substantia exesa ac torrentium fluminumque impetu de vecta partim in planiora loca deducitur, partim montium cavitatibus, scabrosisque declivitibus rimisque hærens, ac sensim in terram conversa in herbas, plantas, virgulta, arboresque pullulascit, qui est unicus naturæ in terra finis; atque hoc modo arenacea terra oritur, præter eam, quæ fluminum cursu ex riparum parietibus abraditur, quæ partim in fundum decidua, partim in agros flumi-

Terræ generatio, si-
ve hæc
generatio.

nis impetu dispulsa, nova terrestris materiae seminaria fundat.

Verum hic modus, ad omnem *χρησιμότητα* rationem assignandam, minimè sufficere videtur: Cum enim per universam terrestris globi superficiem terrestris hæc materia reperitur, utpote sine qua terræ culturæ inutilis foret, certo & infallibili argumento tenendum est, aliam quandam terrenam substantiam esse præter eam, quæ ex detritu lapidum fluminumque invectu fit; videmus enim in longè latèque exporrectis planitiis myricis ericosisque locis, ubi nec montes sunt, neque flumina, quæ deciduarum arenarum cumulos advehere possint, copiosam pinguiissimamque terram reperiri; posito tamen, huiusmodi nonnulla loca fluminibus irrigari, dico nihilominus, quod hæc, uti montium repagulis carent, ita quoque ob planitiem inundationibus non sint ita obnoxia, & consequenter neque arenas limumque, quibus camporum planorum vastissimum spatium oppleri possit, ducant: Experientia quippe docet, fossas in huiusmodi planitiis factas post nonnullorum annorum decursum, novam terram repleri: Undenam itaque huiusmodi terra, quæ nec invectu fluminum, nec montium abrasione fit, nascatur, explorandum est.

Rursus in altissimorum montium planitiis, imo in ipsis verticibus nonnulla planities instructis, uti sæpe sæpius mihi observare licuit, copiosissima pinguiissimaque terrestris materiae gleba, pascuis aptissima reperitur, quæ tamen nec attritu montanarum rupium saxorumque, nec fluminum, quæ istuc minimè reperiuntur, corrosione congesta accumulari queat: quin si vel terram effoderis, semper novam & novam terram reperias, non coriis arenaceis concretam, non fabulosis glareosisque discriminibus diremptam; sed sub æquali & homogenia partium extensione consistentem. nisi tamen diversarum mineralium glebarum intercursum terrestris *ἀπορροή* inturbata fuerit, tunc enim vel nigram, vel flavam, vel subfuscā terram generabit, uti postea dicetur. Undenam itaque huiusmodi terra, quæ nec aquarum attritu, neque montium saxi in arenacea corpuscula corrosione resolutis efficiatur, originem suam nanciscatur, ea, qua fieri potest, sagacitate nobis inquirendum incumbit.

Putrefactæ herbæ, graminæ, folia in terram pluviis & nivibus convertuntur.

Dico itaque, id primò ex graminum, herbarum, virgultorum, foliorum arborum ventis disperforum, quæ tum in dictis planitiis, tum in altioribus montium planis uberi proventu oriuntur, annua putrefactione fieri posse, quæ in terram tandem conversa, terrestrem materiem, ex insito iis sale ac pinguetudine, foecundatam augmentent; quod uti quotannis fit, ita quoque novæ terræ augmento plana ditari necesse est; Terram autem foliis, graminibus, plantis, hybernis

sive nivibus, sive pluviis humectatam; folia autem, gramina, herbasque hybernis sive pluviis sive nivibus maceratas putrefactasque in terram converti, annua circa Novembris principium, docet experientia, adeoque tritum est, ut me de eo amplius dicere pudeat. Terram verò insita sibi graminum plantarumque semina continere, sequens docebit experimentum.

EXPERIMENTUM I.

Reple purissima terra, quæ nullis aliis feminum miscellis contaminata sit, ad medium usque ampullam vitream, quam Verno tempore in altissima turri procul à pulveribus varia seminum miscella refertis remotam, aëri exponito, cooperculo suo tenui foramine, quo aër penetrare possit, instructam; & post menstruum spatium reperies terram ejus generis herbam protulisse, quæ regioni tuæ propria est, aperto indicio, aliquid in terra latere herbarum productivum, quod nos aliud non dicimus esse, quàm salis terræ mixti vim foecundam, cujus ope terra irrigata, Solisque calore animata mox in germina prorumpat, quæ omnia multum promovet sal putrefactis graminibus plantisque insitus, ex se & sua natura ad id, quod in vivo gramine fuerat, regenerandum proclivis; Si enim herbam quandam, uti in præcedentibus diximus, in salem reduxeris, salemque extractum terræ indideris, is eam specie herbam, è qua sal educus fuit, producet; uti sequens me experientia docuit. De hisce naturæ miraculis fusius in sequentibus Libris suo loco. Quoniam verò multis in locis ubi arbores non sunt, quæ folia decidua terræ suppeditent, imò intra rimas montium & intima terræ viscera huiusmodi terra nullibi non obvia enascatur, jam restat exponendum.

Sal herbarum extractus seminatusque herbam herbæ, ex qua extractus fuerat sal, producit.

In præcedentibus Libris affatim docuimus, interiorem Oeconomiam Geocosmi, subterraneorum ignium vi perpetuis halitibus vaporibusque exagitati, qui magno impetu perpetuò ex fistulosa terræ montiumque substantia, innumerisque fibris rimisque, quibus Tellus pertusa non secus ac corpus humanum capillaribus venis refertissimum est, exspirent. Hinc fit, ut vapor halitibus mistus, intra dictas rimas, fissuras, meatusque semper aliquid secum à saxosa aut minerali substantia abradendo devehat, quod postea intra dictos meatus, aut in summis montium humido accedente condensatum, in terram abeat ejus speciei, cujus saxa aut mineralia, quæ attriverit, exstiterint; nam ut suprà dictum fuit, si quispiam fossam fecerit in dictæ terræ planitie, eam post nonnullos annos novam terram repletam reperiet; humor enim accedente fuligine lutum conficit, quo terra perpetua additione augetur. Verum quoniam hæc melius comprobare non possunt, quàm experimentis, *Lectori* sequens exhibemus.


Quomodo terra intra rimas montium, verticemque montium

E x.

EXPERIMENTUM II.

De Terra generatione in planis & montibus.

A Ccipe vas ventricosum tenui orificio instructum, quod terra obvia ad dimidium usque repleas, hoc deinde igni superimpositum exhalare permittas: terra siquidem concepto calore statim in fumos mixtos vaporibus resolvitur; quod ubi peractum fuerit, invienes circa orificii angustiam veluti nitrosam quandam materiam, quæ vasi ex fumi vaporibusque corpusculis ibi condensatis accreverat, atque hæc contrita statim terram ejus, ex quaeducta fuerat, odore, sapore, colore referet. Patet itaque, eodem pacto in terrestribus globi superficie terram generari ex fumis vaporibusque in pororum terrestrium orificiis concretis; hæc enim pluviis imbribusque



postea diluta in terram propriè dictam abit; Cum verò fumi istiusmodi vaporesque perpetuò durent, effectum quoque inde perpetuum esse, necesse est.

CAPUT III.

Unde tanta Terrarum differentia nascatur.

H Oc loco genuina causa tantæ varietatis Terrarum explicanda est, quod ut majori cum methodo fiat, non-

nullas terrarum species primò exponemus. Terra simpliciter considerata, si primas & secundas qualitates consideras,

Simplex					
Est vel	Macra, pinguis.	Si colores spectes, il- la est vel	Alba, nigra. Flava, cinerea. Rubra, purpurea. Viridis, subrufa.	Si saporem,	Dulcis, amara. Acris, insipida. γλυκοπικρὸς, au- stera.
	Rara, densa.				
	Mollis, dura.				
	Gravis, levis.				
	unà cum medietatibus earum.				

Atque hæc sunt differentie terrarum, quæ partim simplices, partim compositæ sunt, vel mineralibus mixtæ succis, uti colores monstrant, vel lapidosi ramenti infectæ: quæ inter se mixta combinataque, innumerabilem pene terrarum differentium varietatem exhibent; Si enim simplices terræ differentias 12 inter se combineris, enascentur 479001600, differentis terræ miscellæ, ut in

1	1	margine patet, & in arte
2	2	nostra Combinatoria fusè
3	6	ostensum fuit, quibus si
4	24	junxeris metallicas terras,
5	120	jam Combinationum non
6	720	erit numerus: ut proinde
7	5040	non mireris, tantam rerum
8	40320	varietatem terrarumque
9	362880	differentium multitudinem
10	3628800	reperiri. His itaque obiter
11	39916800	expositis, jam ad id, quod
12	479001600	in initio polliciti eramus,

id est, ad causas tantæ varietatis perscrutandas progrediamur.

Quæritur ergò, undè tantæ differentie terrarum species originem suam trahent. Hanc quæstionem ut quàm penitissimè solvam, Suppono primò ex prioribus Libris, Ignem subterraneum per universi Geocosmi viscera

diffusum omnia vi sua animare. Suppono secundò, esse in intimis terræ visceribus diversam sive terreas, sive lapidasas, mineralesque substantias, in quas ignis continuò agat. Suppono tertio, materias hæc ab igne agitata, copiosos à se halitus fumosque sive vapores emittere. Suppono quarto, totam Terram fistulosam, venosam, innumerisque fibris per universum Geocosmi corpus deductis instructam esse.

Hiscè positis dico, duplicem hoc loco habitum vaporemque considerari posse: Unum qui ex igne subterraneo intra terræ viscera excitatur; alter qui ex Solis attractu ex terrestribus portionibus, ex Oceano, maribus, lacubus, fluminibus, stagnisque in altiores aëris regiones educitur; Utrumque terræ gignendæ aptum jam nobis restat comprobandum. Et ut à multiplici causarum in generatione terrarum concursu incipiam; Dico præter eam in præcedentibus dictam *χθονογενέσι* rationem, multo plures concurrere; adeoque terra diversis modis generari potest.

Modus primus *χθονογενeticus*, causatur à diversitate terræ in utero Geocosmi delitescens, vel puræ, vel mistæ; Si itaque calor subterraneus egerit in huiusmodi terram puram,

Modus primus generationis terræ,

puram, ipsa terra attenuata halitus à se emit-
tit, quæ sunt corpuscula siccissima, in quæ
terra vi æstus attenuatur, resolviturque hæc
corpuscula per rimosas terrenæ molis fissu-
ras, rimas, venasque deducta, ubi humescen-
tem aut lapidem aut terram repperint, ei-
dem mista in terram ejus proprietatis, cujus
terra, ex qua exhalavit, convertetur: Si verò
impurior terra ab igne attenuata in fumosa
corpuscula resoluta fuerit, illa humido vapor
juncta intra cryptas aut rimas montium eam
terram generabunt, cujus proprietatis est im-
pura terra: Si pura fuerit, candidam; si im-
pura argillaceam & simile quid; si bitumino-
sæ terræ hujusmodi halitus permisti fuerint,
terra pinguis & utilis, pro ratione caloris vel
blandioris vel vehementioris generabitur.

Modus se-
cundus.

Modus secundus dependet à constitutione
locorum, aut syphonum terrestrium; si enim
halitus terrestrium massarum magno impetu
per arctas angustasque semitas canalium
transierit, semper aliquid à massis sive faxeis,
sive mineralibus, sive terreis corrodendo ab-
trahet, uti ex superiori experimento patuit.
Unde hæc evecta in superficiem terram ge-
nerabit, lapillis, arenis glebisque squamosis
refertam; Si verò per cavernas transierit, tunc
humido mixta terram efficiet ejus naturæ, cu-
jus vel crypta est, mineralibus refertam.

Modus ter-
tius.

Modus tertius, dependet à commixtione
halituum & vaporum: ex his enim optimè
mixtis nascetur terra pinguis, benè compacta
& sine rimis, undique sibi cohærens, iisdem
verò non benè commixtis nascetur terra
priori prorsus contraria, hiulca, rimosa, ac
poris referta.

Modus
quartus.

Modus quartus. Si halitus transierint per
mineralis materiæ fibras, tunc vaporu conglu-
tianti juncta per solitas fibras profecta pro-
ducet pro ratione mineralium, terram, hic
ærosam & viridem, ibi sulphuream, alibi fer-
rugineam, alicubi salinam aut nitrosam vel
aluminosam aut vitriolatam aut mercurialem,
& sic de cæteris.

Modus
quintus.

Modus quintus, dependet à Solis virtute:
hic enim calore suo extrinsecam Geocosmi
superficiem impetens, terrestres portiones in
halitus, humidus verò in vapores resolvit, &
uti ex halitibus ingens sulfugineorum, ita ex
humidis ingens vapidorum corpusculorum in
ultimas aëris regiones attollitur, ubi conden-
sata & intra altissimorum montium juga, ter-
restriumque regionum planities ventorum vi
dispulsa, terram non solum augmentare, sed
& longo temporum decursu generare pos-
sunt; quemadmodum enim terrestris substan-
tia vi ignis in corpuscula sicca, quibus halitus
feu fuligines constant, ita humida in aquea
corpuscula, quibus vapor constat, resolvitur,
& fuligo quidem halituosa in appropriata re-
gione per antiperistasin accensa vel sub car-
bonis aut alterius materiæ adustæ forma de-
cidens, terræ restituta in eam convertitur:
Vapor verò unà secum variam terrestris ma-


Quomodo
terra gene-
retur ex
halituum
vaporum-
que tum
intra, tum
extra ter-
ram facta.

teriæ miscellam rapiens in superiori regione
resolutus per pluvias, nives, grandinem terræ
portiones vaporu insitæ, terræ redditæ pari-
ter in eam, perpetua pericyclofi convertun-
tur. Quamvis prior modus, quo per subter-
raneos ignes terrestris substantia in halitus re-
solvitur, terris generandis magis genuinus sit.
Sed nè quispiam forsan huic nostro ratiocinio
contradicere videatur, id sequentibus expe-
rimentis confirmandum duxi.

EXPERIMENTUM,

Causam χθονοσπείας ad oculum ostendens.

POnito supra focum tigillum A amplum
terræ qualibet nonnihil humescente ad
medium usque refertum, supra verò tigillum
suspendatur vel ex terra cocta, vel ferro, vel



alia quavis materia receptaculum B sub cam-
panæ forma effectum, cui tubi exigui indan-
tur C D E F, in fine subtiliores; deinde accen-
so igne V S carbonibusque advolutis tigillo,
statim terra in halitus resoluta in receptacu-
lum abiens, ibidem tubis inserta in fuliginem
abibit, quæ vaporu juncta in terram abibit
ejus coloris & qualitatis, quibus terra in ti-
gillo posita pollet: Si enim terra candida fue-
rit, uti creta, samia & similia, fuliginem can-
didam; si terra pinguis & bituminosa, ni-
gram; si sulphurea, fulvam; si ærosa, viridem
in fuliginem abibit; & sic de cæteris idem ju-
diciu est; quæ deinde unà cum humido
juncta in terram degenerant, ejus terræ, ex
qua exhalant; halitus enim hujusmodi fuli-
ginosi per poros terræ fibrasque intimas de-
pulsæ in superficie sub insensibili pulvere la-
tentes, vel pluviis, rore, pruina, nive in terram
degenerant. Eodem prorsus modo, quo Chi-
mici per dicta instrumenta fuligines, tutias,
flores metallicos intra receptacula, conosque
campaniformes reperire solent; subinde quo-
quæ ex similibus fuliginibus ingentem hy-
drargyri copiam reperiunt, quod apertum
signum est, in terrestribus substantiis com-
bustibilibusque rebus id delituisse. Quid enim
aliud

Varietas
terrarum
experi-
mento
probatur.

aliud sunt fuligines caminorum, quàm halituum à lignis cæterisque combustibilibus rebus vi ignis separata levissima corpuscula in lateribus caminorum in unum coacta, quam fuliginem dicimus, quæ humido subacta exsiccataque terram nigram exhibet.

COROLLARIUM I.

Cur in una
& eadem
regione
tantæ terra-
rum diver-
sitas.

Ex hisce patet, undè terræ metallicæ originem suam nansciscantur: mirantur enim multi, dum nunc hîc terram salinam, aut nitrosam, aut aluminosam, aut vitriolatam, nunc aliam reperiunt, jam ibi sulphure totam concretam regionem; modò alibi bitumine aut naphta refertam: nonnulli rubricâ aut ochrâ oppletam, & sic de cæteris, qui si naturæ processum nossent, admirari desinerent: cum enim hujusmodi superficiales terræ in intimis visceribus, ejusmodi materiæ, quam referunt, copiam habeant; hæ verò materiæ in halitus

vi caloris resolutæ, uti sibi simile semper & successive generant, ita quoque per poros fibræque terræ exhalatæ in ultimam usque superficiem continuata fuliginum coacervatione propagantur; adeoque, etsi insensibiliter, extimam tamen terram cujuscunq; tandem speciei sit, accessu & accretione sua augmentant.

COROLLARIUM II.

Hinc patet quoque, quomodò saxosi montes, qui perpetuis pluviarum, niviumque injuriis deteruntur, diminui tamen à tot millibus annorum, non videantur: quia videlicet halitus fuliginosi per intimas montium fibras usque ad extimam superficiem propagati ibidem vel petrifico succo, vel humido ambiente iisdem misto, saxis accrescunt. Sed de hisce in sequentibus copiosior dabitur dicendi materia, quando de lapidum genesi ratiocinaturi sumus.

Cur mon-
tes perpe-
tuò detriti,
non dimi-
nuantur à
tot annis.

CAPUT IV.

De Usu variarum Terrarum.

Terrestres, quas paulò antè innuimus, substantiæ, multiplicem omninò usum habent, apud variarum artium professores, quas ordine exponemus: Et primò quidem sunt nonnullæ summoperè usitatæ Medicis ob insignem, qua pollent, virtutem contra venena.

USUS PRIMUS

Quarundam terrarum in Medicina.

Inter cæteras terras celeberrimæ nullo non tempore fuerunt, Terra Samia, Lemnia, Bolus armenus, at posteris temporibus Melitensis, Majorica, similesque, de quibus ordine agendum est.

Descriptio
terræ Sa-
miæ.

Samia terra, à Samo Insula Archipelagi, in qua effoditur, sic dicta, *Theophrasti* tempore venam habebat in longum extensam altitudine bipedali, latitudine multò majori; utrinque verò saxis obsepiebatur terra, è quibus fecernebatur: venam in medio habebat optimæ notæ ad instar medullæ, deinde alias atque alias venas faxeo stramento distinctas, virtute tamen mediæ impares. Duæ verò reperiiebantur *Dioscoride* teste in Samiis fodinis, hujus terræ species, una Collyris, altera Asteris nomine vocitata: illa oculorum medebatur infirmitatibus, excellentissimum meritò dictum *τὴν ἐξ οὗ λυὸν καλλύειν*: Alter Aster, vel ob stellæ ei figuram impressam, vel ob lucentes instar stellarum arenulas aureas, quæ ipsi insertæ spectabantur. Perperam sentiunt ii, qui terram hanc Samiam candidissimam. cum Astere samio seu Talco confundunt; cum toto, ut ajunt, cœlo, illa inter se differant, de quibus alibi; utraque adstrin-

Differt a-
ster Sa-
mius à ter-
ra Samia.

gentis naturæ sanguinem exspuentibus prodest, contra venena quoque antidotum exquisitissimum, de quibus vide *Dioscoridem*. Ajunt intra Samiæ terræ venam inveniri lapidem illum Smiri haud absimilem, quo Artifices auro argentoque in summum nitorem poliendo utuntur.

Lemnia Terra à Lemno Insula Archipelagi, in qua effoditur, sic dicta, quæ & *ὀφίσου* à serpentum haud dubie multitudine nuncupata, quorum moribus lethiferis *Deus Opt. Max.* terram hanc venenis serpentumque toxico profligando, mirum in modum opportunam produxisse videtur; cum nullum venenum sit, cui natura non suum antidotum opposuerit; Fuit olim testibus *Dioscoride*, *Plinio*, *Galen*o, Urbs Vulcano dicata, nomine *Ἡφίσια*, *Ephestia*, prope quam collis colore fulvo, combustoque simillimus, nec ullam ex se ferebat plantam, nec saxum, nec aliquid aliud, ob niñiam haud dubie summamque siccitatem juxta atque tenuitatem, omnis coagulationis expertem: atque ex hoc colle olim tempore *Galen*i terra hujusmodi eruebatur, ad instar rubricæ, quod *μίλτον* vocat, intenso rubore suffusa: modum quo hæc terra eruebatur, & cerimonia, quibus parabatur, fuscè descripta vide apud *Galenum lib. 9. med. simpl.*

Lemnos
ὀφίσου
dicitur,

Modus
quo erue-
batur.

Dicitur etiam Terra sigillata ob figuram Capræ, quæ ipsi olim imprimebatur, ut inde *σφραγὶς αἰγῆς*, sigillum capræ à *Dioscoride* dicebatur, quamvis à *Galen*o ei *Diana* simulacrum impressum fuisse feratur; Sed cum capra *Diana* dicata sit, facilè unum cum altero confundi potuit. Hodie alia terra Arabicis Characteribus passim proditur, quæ utrum ex Lemno aut Samo asportetur dubitant multi; quisquid sit, locum sanè secretum & custodia obser-

Lemnia
terra & si-
gillata ter-
ra idem.

obserratum tenere audio ; neque quisquam sub poena capitis indè quicquam eximere potest , nisi quibus ex officio id incumbit , ut effodiant , atque in trochiscos formatam sigillo Bassæ , Vezirii aut etiam Imperatoris Sigillo muniant : ut proindè multi dubitent , num hujusmodi Sigillata terra eadem cum veteri illa Lemnia sit ; Ego fanè si non omnino eandem , saltem non disparatæ naturæ esse , ex effectibus ejus cognoscitur , cum & rubro colore non secus ac vetus illa splendeat ; veterem etiam indè rubricam vocabant , & sanguine capræ tinctam , quam tamen tanquam fabulam vulgi ridet *Galenus* ; sed nativa sua rubedine constare multis probat , qua & moderni temporis terra sigillata constat : Vires medicæ in ea hodiè eadem , quæ in veteri : Siquidem contra lethalia venena egregii antidoti vires habet , cum vino pota ; venena introsumpta , vomitione pellit , lethalibus serpentum ictibus morfibisque medetur : Sed de hujus viribus usuque medico vide *Dioscoridem* , *Plinium* , *Galenum* , *Matthiolum* aliosque . Cardanus arte fieri posse terram sigillatam simillimis virtutibus præditam asserit , si quis communem argillam in pollinem redactam aqua scordii , in qua juniperi semina incocta sint , sub igne & in trochiscos aptet : Misit non ita pridem ad me ex Helvetia ubi effoditur , *Christophorus Schorer* , territorii Lucernensis præfectus terram Lemniæ similem , quam veram & à priscis descriptam esse putat ; cujus ob virium præstantiam quendam concivem ad centenos annos vitam traduxisse scribit . Sed ad alia .

Bolus Armenus, e-
jusque
Vires.

Terra Armenia , quem bolum Armenum quoque dicunt , id est glebam ex Armenia allatam , quæ tametsi speciem lapidis exhibeat , admodum tamen mollis est & friabilis ; & quia validissimè ficit , idè juxta citatorum Medicorum sententiam , tormina , colicam dysenteriam , hæmorrhæam , rheumata , phthisin curat ; pestilentibus morbis , ulceribusque pulmonis , asthmaticque mirum in modum confert : Venenis præterea erodentibus uti cantharidum , putrefacientibusque leporis marini non tam ficitate tenuitateque , quàm specifica quadam virtute & qualitate salutifera remedio est ; sed cum tam multiplici mercatorum impostura dicta terra depravari possit , diligenter attendendum est , quomodo falsa à vera , quibusque signis distinguenda sit ; de quibus consule pharmacopæos .

Terra
S. Pauli
in Insula
Meliteni.

Terra Melitenensis iisdem prorsus facultatibus pollet , quibus præcedentes , & effoditur ex certis plagis Insulæ Melitenensis ad mare , non remotis à civitate veteri , & ad cryptam *S. Pauli* , ex qua ego ipse manibus meis non exiguam copiam unà cum glossipetris erui , de quibus amplissimè suo loco : Hæc terra candidissima est , & variis Sanctorum figuris signatur , magna in morbis quibuscunque venenosa qualitate infectis , profligandis non tam naturali , quam *Divi Pauli* privilegio & benedictio-

ne , uti piè credere licet , impertita eidem , virtute pollet ,

Sunt & aliæ terrarum species , v. g. Ochra , Rubrica , Sile , Eretria , Chia , Selenusia , Cimo-
lia , pignitis . Melia ampelitis , pulvis puteola-
nus , Creta , argilla , Lutum Apuliæ , Myrrhi
Porcellana , Majorica , Tripolitana , & innum-
eræ aliæ , quarum singulæ à locis plerum-
que , in quibus eruuntur , nomen fortitæ sunt .

Varie Ter-
rarum spe-
cies.

Ochra à fossoribus Sile dicta , est terra fos-
sili fulva , auripigmento haud absimilis , nunc
luteo seu subflavo colore *ὀχρα* Græcis dicta ,
& pigmentis adnumeratur , estque nativa &
factitia : Illa non solum in metallicis , sed &
in propriis venis reperitur , præsertim in æris
plumbique fodinis , cujusmodi in compluri-
bus Europæ locis , potissimum in Germania
effoditur . Hæc scilicet ochra variis modis fit .
Primò plumbum in ampullam vitream oblon-
gam conjicitur , fornacique impositæ ignis
subjicitur , atque tam diu coquitur , donec
ochræ colorem traxerit , qua pictores ut plu-
rimum utuntur . In Germania sic eam fieri
observavi : plumbum exurunt , macerantque ,
deindè iterum extrunt & macerant , & hoc
continuato repetitoque labore , donec in co-
lorem illum pigmentis aptum , quem deside-
rant , inveniant . Fit quoque ex rubrica in ol-
lis novis luto circumlitis , tanto ubique melio-
ris notæ , quanto in caminis diutius arserit ;
Videntur autem hæ duæ terræ Ochra & Ru-
brica reciproca quadam conversione in se in-
vicem transmutari : Siquidem ex ochra usta
fit rubrica faltilis , quâ fabri in designandis li-
neis utuntur , chordæ , quæ istiusmodi rubri-
ca imbuitur , vibratione tabulistrabibusque
ligneis impacta . Verùm cum Ochra in rubri-
cam vertatur vehementis ope caloris , non vi-
deo , quomodo ex rubrica in minus intensum
colorem retroverti possit ; Quare puram pu-
tam oculorum illusionem esse puto , quo dum
ex rubrica ochram coquunt , colorum dispa-
ritate decipiuntur .

Ochra
Rubrica

Ochra
quomo-
do fiat.

Transmu-
tatio Ochrae
in Rubri-
cam.

Pulvis paretonius , quis verè & propriè fue-
rit olim , uti *Plinius* & *Vitruvius* inter se dis-
crepant , ita in hunc usque diem , quænam spe-
cies fuerit , ignoratur : hoc scitur , à pictoribus
maximè usitatam fuisse , ex Ægypto & Creta
Insula allatam .

Pulvis pa-
retonius.

De pulvere Puteolano aquis immerso lapi-
descente , in *sequenti Sectione* uberius dicetur :
Jam ad alias species terrarum describendas
progrediamur .

Terra Agricultura utiles aut inutiles.

Novem reperiuntur terrarum species ab A-
gricolis observatæ , quæ postea multiplici spe-
ciem differentia subdividuntur : aut enim est
1. *Pinguis aut macra* . Prior natura dulcis , fœ-
cunda , ab Agricolis u-
nicè desiderabilis , o-
mnibus frugibus pro-
ducendis apta , nigra
modicè .

2. *Macra*

2. *Macra*. Macra contra, uti contrariis qualitatibus pollet, sic vel prodest.
3. *Pinguis & rara*. Pinguis & rara, tum ob bonitatem, tum quia facile arabilis est, Agricolis cumprimis grata.
4. *Pinguis & spissa*. Hæc etiam si ex una parte pinguedine sua fructum promittat, ex altera tamen culta difficilis, & minoris desiderii est.
5. *Macra & spissa*. Hæc ob lapidasas glebas, præter spinas & tribulos nil adeo aliud promittit suis cultoribus.
6. *Pinguis mediocriter*. Ex seminum genere filiginem & hordeum maximè amat, ex leguminibus fabam, linum, cicer, cannabim.
7. *Macra mediocriter*. Lupina & avenas amat, frugibus pinguioris succi ferendis inidonea.
8. *Spissa mediocriter*. Rapas, raphanos, avenam amat.
9. *Pinguis mediocriter*. Omnibus & frugibus & leguminibus ferendis peridonea.

Atque hæc terrarum species aut dulces sunt, aut amaræ, acres aut austæræ; aut quoad colores sunt nigræ, aut albæ, flavæ aut rubræ, fuscæ aut cinereæ, ex quibus signis Agricola maximè conjiciunt, quamnam plantam cuiusvis tandem generis cumprimis appetant: Terræ verò metallicis succis miscellisque imbutæ cum radices herbarum exedant, & corruptionem inducant, ab Agricolis repudiantur: Arenosæ verò & glareis sabulisque refertæ, uti spinis & tribulis proferendis sunt idoneæ, ita quoque ab Agricolis ut plurimum tanquam inutiles repudiantur.

Cur subinde triticum aut hordeum transplantatum in filiginem & avenam transmutentur.

Atque ex hisce patet, cur triticum aut hordeum in nonnullis terris consitum, in filiginem, & in aliis in avenam quoque convertatur: Ratio in promptu est, cum enim hæc duo frumenta pinguißimum solum appetant, fit ut in macilento & sterili agro, succis etiam metallicis referto, humorem, quo indigent, sufficientem non reperiant, ac proinde ea à naturali sua bonitate, nutrimento deficiente, & radicibus acredine succi consumptis semine degenerante deficere necesse est. Quænam verò terra singulis rebus ferendis apta sit, agricolæ ex herbis ibidem exorientibus cognoscant, hisce regulis usi:

Signa ex quibus quænam terra quibus rebus ferendis apta sit, cognoscitur.

Primò. Si ager quispiam sua sponte herbas producit, atras, amaras, & macilentas, dices terram ejusdem proprietatis esse.

Secundò. Si juncis, arundine, cypero, similibusque abundare repereris, uliginosam terram dicunt, humido abundanti semen suffocantem.

Tertiò. Si rhamnos, palivros & spinosam fobolem producat, dices esse cultu difficillimam; utpote quæ rastra & vomeres ingentibus glebis oneret; cæteroquin frugibus ferendis non inidonea. *Virgilius* sanè in *Georgicis*, terrarum qualitates apprimè describit, quas hic apponere Lectori gratum me facturum existimaui. Et de temperamentis quidem terrarum ita scribit 2. *Georg.*

*Nec verò terra ferre omnes omnia possunt:
Fluminibus salices, crassisque paludibus Alni
Nascuntur; steriles saxosis montibus Orni,
Littora myrtetis latissima; denique apertos
Bacchus amat colles; Aquilonem & frigora Taxi,* *Georg. 1.*
*Hic segetes, illic veniunt folicius uvæ,
Arborci fetus alibi, atque in massa virescunt
Gramina.*

De signis Terræ macræ & pinguis, raræ & densæ, falsæ & amaræ, humidæ, gravis, levis, ita canit:

*Difficiles primò terra, collesque maligni
Tenuis ubi argilla & dumosis calculus arvis* *Georg. 2.*
*Palladia gaudent sylva vivacis olivæ,
Indicio est tractu surgens oleaster eodem
Plurimus, & strati baccis sylvestribus agri.
At quæ pinguis humus dulcique uligine lata,
Quique frequens herbis & fertilis ubere campus,
Qualem sæpè cava montis convulle solemus
Dispicere; huc summis rapiuntur rupibus amnes
Felicemque trahunt limum, quique editus Austro,
Et silicem curvis invisam pascit aratris.*

De notis terræ nigræ & sterilis ita canit:

*Nigra ferè & presso pinguis sub vomere terra
Et cui putre solum (namque hoc imitatur arando)*
*Optima frumentis,
Nam jejuna quidem clivosi glabea ruris,
Vix humiles apibus castas roremque ministrant,
Et tophis scaber & nigris exesa chelydri
Creta.*

*Quæ tamen exhalat nebulam fumosque volucres
Et bibit humorem & cum vult, ex se ipsa remittit,*

*Quæque suo viridi semper se gramine vestit.
Nec scabie & salsa ladit rubigine ferrum
Illa tibi latos intexat vitibus ulmos
Illa ferax olea est, illam experiere colendo,
Et facilem pecori & patientem vomeris unci
Talem dives arat Capua & vicina Vasevo
Ora iugo.*

De terra spissa & rara sic canit 2. 1. *Georg.*

*Nunc quo quamque modo possis dignoscere, dicam,
Rara sit, an supra morem sit densa, requiras:
Altera frumentis quoniam, favet, altera Baccho;
Densa magis Cereri, rarissima quæque Lyao,
Ante locum capies oculis, altèque jubebis
In solido puteum demitti, omnemque repones
Rursus humum, & pedibus summas aquabis arenas.*

Si deerunt, rarum; pecorique & vitibus almis

V V 2

Aptius

*Aptius uber erit; sin in sua posse negabunt
Ire loca, & scrobibus superabit terra repletis.
Spissus ager, glebas cunctanter, crassaque terga,
Exspecta, & validis terram proscinde juvencis.*

De terra falsa & amara sic canit.

*Salsa autem tellus, & qua perhibetur amara
Frugibus infelix ea nec mansuescit arando,
Nec Baccho genus, aut pomis sua nomina servat,
At sapor indicium faciet manifestus, & ora
Tristia tentatum sensu torquetur amaror.*

De notis terræ pinguis.

*Pinguis item qua sit tellus, hoc denique pacto
Discimus: haud unquam manibus jactata fa-
tisfit,
Sed picis in morem ad digitos lentescit habendo.*

De signis terræ humidæ, gravis, levis, & ni-
græ sic canit:

*Humida majores herbas alit, ipsaque justo
Latior, ah! nimium ne sit mihi fertilis illa,
Nec se prævalidam primis ostendat aristis,
Qua gravis est ipso tacitam se pondere prodit,
Quaque levis; oculis promptum est prædiscere
nigram*

*Et quisquis color; & sceleratum exquirere fri-
gus*

*Difficile est. picea tantum, taxique nocentes
Interdum aut hedera pandunt vestigia nigra.
Cætera vide apud Plinium, Palladium, Colu-
mellam cæterosque de Agricultura Autho-
res.*

CAPUT VI.

De requisitis ad culturam Agrorum.

Septem ad
Agricul-
turam requi-
runtur.

Quid sit
Marga.

Recensitis jam terræ qualitatibus, utili-
tateque in Agricultura, restat, ut qui-
bus modis terra macilenta ad pingue-
dinem reducat, nonnihil dicamus, quibusve
modis vitiis agrorum medeantur Agricola, ad
quæ septem potissimum requiruntur: Vi-
delicet, marga, fimus, aratrum, rastrum, ignis,
sata, intermissa cultura. Et quoad primum,
Margæ nomine hoc loco nil aliud intelligi-
tur, quàm terra pinguis & spissa, fœcundan-
dis agris aptissima: est enim velut quidam ter-
ræ adeps, aut veluti glandula in corporibus
ibi densante se pinguedinis nucleo; ac mul-
tiplicis speciei reperitur: quædam alba & flui-
da, medulla ossium haud absimilis, unde &
passim à Germanis dicitur *Steinmarck*, id est,
medulla lapidea, & quàm maximè in venis
metallicis commissurisque saxorum nidula-
tur, uti magnæ in medicis virtutis, ita in Geor-
gicis exigua: Aliæ deinde margarum species
agriculturæ magis serviunt, & sunt Toph-
acea & arenacea, & quæ lapidis solidi duritiem
induit; uti terra Melitenis: atque hæ colore
plurimum differunt, quorum ratio supra indi-
cata fuit: quantò autem marga pinguior est,
tantò eâ majori ubertate agri beantur, quantò
verò durior, eò in nativæ pinguedinis posses-
sione plures durat annos. Atque hæc de Mar-
ga sufficiunt.

Agros ster-
corare o-
portet, &
quare.

Secundum Requisitum est fimus, qui uti
multiplex est, ita non omnis omni terræ con-
venit: alii turdorum, columbarum, gallina-
rumque fimum probant, rejecto natatiliū
volucrum plus æquo caustico, uti anserum,
anatum excremento: Alii caprarum fimum
principatum tenere volunt, cui secundo loco
substituunt ovinum, deinde boum, & postea
jumentorum; ut vel ex hoc pateat, quot ster-
coribus & excrementis quisquiliis ad mise-
ri hominis vitam sustentandam, opus sit.

Ad Agri-
culturam
aratro &

Tertium Requisitum Aratrum est, quo ter-
ra subvertenda est, ut commissa semina me-

lius recipiantur, & inferiores partes lucis, æ-
risque spiritu imbuantur.

Tertio. Rastrum, humo contegit semen-
tem eo fine, ut commissa inter sulcos semina
partim contra volucrum vim, partim contra
solis aerisque siccitatem sint immunia, terræ-
que indita pinguedine ejus imbuta, ac tandem
putrefacta in germina adolescant.

Quarto. Ad terras pinguedine imbuen-
das, stirpes, frondes, virgulta, filices, genistæ,
paleæ stipulæque accensæ in cineres resol-
vendæ sunt, quibus agri mirum in modum
fœcundantur: *Virgilius* & *Georg.* hujus opera-
tionis quinque assignat causas, dum incipit:

*Sapè etiam steriles incendere profuit agros
Atque levem stipulam crepitantibus urere flam-
mis.*

quas lege citato loco. Nos paulò post genui-
nam causam adducemus, præter ea, quæ Poë-
ta adduxit.

Quinto. Alterna agrorum quies ad terram
pinguiorem reddendam requiritur, quemad-
modum Poëta præcipit 1. *Georg.*

Alternis idem terras cessare novales

Et segnem patiére situ durescere campum.

Atque hæc sunt requisita ad bonitatem terræ
comparandam necessaria; verum ne hoc loco
rustici tantum officio fungi videar, dictarum
rerum rationes assignaturus jam Philosophi
fungor munere.

Quæritur itaque primò. Undè pinguedo
terræ nascatur, & cur arari & converti de-
beat, fimo oppleri, cineribus eam obtegere
oporteat? Dico primò, Inesse terræ nativam
quandam pinguedinem, natam partim ex sa-
linis, partim ex bituminosis spiritibus, quibus
universa terræ moles referta est, conflata:
quæ adhærens terrestribus massis, eas fœcun-
das reddit, eò quod pinguedo adhærens par-
tes partibus conglutinat, humidò deinde ac-
cedente, terram simul spissam pinguemque
reddit, frumenti germinationi aptissimam:

Undè

rastrum opus
est, & qua-
re.

Quid inci-
neratio a-
grorum ad
pinguedi-
nem indu-
cendam
conferat.

Cursus
tione à cul-
tura agri
melioran-
tur.

Rationes
physicæ
dictorum.

Undè & quotannis aratro scindenda, rastro carminanda, fusque deque vertenda, ut hoc pacto partes singulæ æquis partibus contemperatæ, æqualis ubique bonitatis ad germinandum feminibus injectis reddatur.

Quæritur secundo. Cur ad terram foecundandam fimus tantopere conferat? & istius generis fimus potiùs quàm alius: sunt enim fimorum quidam, qui terram non tam foecundant, quàm adurant, uti rectè Poëta 1. *Georg.*

*Urit enim lini campum seges, urit avena,
Uruni latheo perfusa papavera somno;
Sed tamen alterius facilis labor, &c.*

Quomodo
pinguedo
in terra na-
scatur.

Fœcunditatis itaque, quam ex fimo agri acquirunt, causa est ipsa excrementi in stabulis fermentatio, quas spiritus salini & nitrosi veluti concentrantur; uti enim urina unà cum excrementis animalium mista, sale & nitro refertissima est; ita pinguedinem quandam quemadmodum de sale & nitro ostendimus, humido loco resoluta, acquirit, quæ à terra simili pinguedine referta sympathizans; attrahitur: atque hinc terra geminata pinguedine aucta, si pinguis ex se fuerit, mox copiosa germinum productione luxuriat: Si macilentior, illa externa fimi tanta pinguedine, quanta ad fruges ferendas sufficiat, imbuitur: atque hanc pinguedinem luculenter demonstrant, lacunæ fimosæ, quarum superficies semper pellicula quadam pingui vario colore depicta, latentis salis, nitrique indiciis operiuntur, quàm & in quovis animalis excremento aqua macerata & probè commista cum tempore reperies.

In quo fun-
data sit ra-
tio, qua fi-
mile simile
trahit.

Quæritur Tertio. Unde terra semper trahat istud, quod sibi magis conveniens est. Hoc ut concipiatur, paulò altius ordiri visum est. Dico itaque primo, Terram magnetica quadam vi, non illa quidem, qua ferrum à magnete attrahitur, sed illa, qua secundum analogiam quandam simile à simili attrahitur, pollere, quem magnetismum admirabilis Divini Cosmotecti providentia universo Telluris orbi, ad rerum generationes perficiendas tradidit, implantavitque, eo fine, ut heterogenea ab homogeneis, hæc ab illis separata syngenia naturæ amico ad bonum naturæ, heterogeneis evitatis, jungerentur consortio: quemadmodum enim omne siccum naturali vi sibi insita trahit humidum, ita omne fixum trahit suum volatile: Rursus, sicut aëri omnium rerum volatiles spiritus, ita Terræ omnium rerum fixæ partes inexistunt; & sicuti quotidie partim ab ignibus subterraneis, partim à Sole, igne Coelesti mixta, attenuatione resolvuntur, partesque subtiliores, quæ sunt corpuscula subtilissima & levissima, id est, spirituosasubstantia à terrestribus fixisque separatur; ita ne terra tantorum emissionem spirituum, cum tempore consumeretur, ei vis quædam necessaria fuit, qua separati spiritus huiusmodi suis, à quibus evolaverant corporibus iterum conjungerentur. Illa vis nihil aliud est, quàm appetitus rerum, quo unumquodque

Magnetis-
mus Na-
turæ.

suo se corpori, à quo separatum erat, reunire desiderat: Hinc spiritus illi, seu subtilissima corpuscula, quibus aër ex omnium rerum substantiis separatis refertus est, five ventorum flatu, five pluviis, nive, grandinibus in terram feruntur, perindè est, mox singula singulis sibi similibus proportionatisque per admirabilem suum magnetismum attracta connectentur.

Quæritur quarto. Quomodo huiusmodi spirituosasubstantia à rebus fixis & quibusnam separatur, & quomodo deindè reuniantur? Hæc ut resolvatur, advertendum est, Terram se habere per modum principii fixi & materialis, ex quo veluti à radice omnia propullulant, atque omnis germinum, stirpium plantarumque ortum suum, pro varietate & multiplici eorundem differentia, nasciscatur; neque enim quælibet cuilibet producendo proportionata est. Dum itaque herba germinat, vel aliud quodpiam vegetabile, ut istiusmodi corpus vegetatione crescat, duo ex tradita doctrina concurrunt: primò pars quædam fixa, solida, corpulenta & stabilis: Deindè pars subtilis, spirituosas, vivida, quæ principii formalis rationem habeat: Hinc fit, ut terra spiritibus huiusmodi foeta, ubi humido se maritaverit, mox concepto veluti foetu, & paranymphe calore foras in germina evolvatur, & pro multiplici spermatis ratione intra terram latentis, nunc hoc, modò illud vegetabile producat. Rursus quoniam Sol ignis ille coelestis cuncta germinantia calore suo attenuare solet, hinc fit ut semper nonnihil ex spermaticis plantarum partibus in vaporem resolutum aëri committatur, quod deinde frigore nocturno condensatur, per rorem æstivo tempore, cæteris verò temporibus per pluvias, nives, grandines, in terram detractum, proportionato sibi copori, à quo decisum erat, prædicto magnetismo attractum, restituitur: Atque hoc pacto volatile suo fixo restituitur. Alter modus est, quem & in præcedentibus innuimus, cum vegetabilia, qualiacunque tandem illa sint, foliis, floribus, fructibus privata; annua Naturæ lege, terræ ex qua prodierant restituuntur: Fit ut plurimum, ut ex pluviis nivibusque macerata putrefactaque in terram denique convertantur: quoniam verò sunt ex omnibus vegetabilium speciebus & spiritibus abundantes singulæ, utpote qui suis plantis proprii sunt, illa pluviis nivibusque macerata fermentataque novum terræ robur, & tum volatili, tum fixorum corporum augmentum conferunt; hoc enim nisi fieret, terræ paulatim consumptæ exhaustisque spiritibus necessario pereundum esset: oportune itaque huiusmodi pericyclosin à natura institutam esse, ex dictis patet.

Quomodo
fiat attra-
ctus rerum
per natu-
ram.

Quæritur quinto. Quomodo terra per combustos in agris stirpium graminumque cineres foecunda reddatur? Mirum sanè nonnulli videri posset, ex destructivis rebus, cu-

Cineres ex
acutis a-
gris quid
conferant.

huiusmodi sal & cinis sunt, agros nonnullum
fœcunditatem concipere posse: fieri tamen id
annua ubique locorum experientia docet.
Quod Naturæ arcanum, ut pandatur, ita ra-
tiocinamur: Cum tam terrestria quàm vege-
tabilia ex duplici parte, uti dictum est, con-
stent, volatili & fixa: terræ sterilitas ex utro-
que provenire potest, vel defectu volatili-
um spirituum, vel fixorum; & defectus quidem
provenire potest ex eo, vel quod germina
jam penè maiorem terrestrium spirituum co-
piam, dum eos intra unà cum nutrimento at-
tractos consumpserint, vel quod à sole attra-
cti aëri commissi sint; Defectus verò partium
fixarum potest contingere vel ex ipsa terræ
glarea vel ex terræ arenis refertæ macilentia,
qua data neque spiritus contineri valent; ne-
que glutine natura condensari: Accedit hîc
ce, quod non quælibet terræ pars seu spe-
cies ad germinandum vegetandumque ido-
nea reperitur. Quomodo itaque terræ fœ-
cunditas, qua destituitur, inducatur, aperi-
endum est.

Cum ergo cinis, qui ex lignorum, fruticum,
stipularum, segetumque combustionem nasci-
tur, partibus fixis vegetabilium constet, sub-
tiliores verò fixarum ignis attenuatione in
auram resolvantur, remanentibus fixis, quæ
cum ob salis copiam fermentationemque hu-
midi mixturâ peractam pinguedinem quan-
dam acquirat, fit ut illa terra in maciem reda-
cta, impinguetur, & ad culturam apta denuò
reddatur, adeoque id restituatur ei, quod ger-
mina suctu abstulerant: quia tamen sine pro-
priis spiritibus jam exspiratis fœcunditas fi-
nem suum consequi non potest, hinc volatilis
illa spirituum substantia à terra solito suo ma-
gnetismo attracta, terram omni ex parte ad
denuò germinandum beatam reddit. Rur-
sus, quoniam verò terra compluribus aliis for-
mis commista est, unaquæque id ex spiritosa
& volatili substantia trahit, quod sibi simili-
tudine naturæ proximum est: Si enim quis-
piam ex pimpinella aut borragine aut simili-
bus plantis aquam distillet, inveniet is, aquas
hasce, etiam si oculis non pateat, specie tamen
differre; in fundo verò vasis remanens ter-
reum illud, quod *caput mortuum* vocant, si in
cineres reducatur, Dico, & cineres & Sal,
quod inde extrahitur, pariter specificâ diffe-
rentiâ inter se dissidere, quamvis non ita aper-
tè ut in aquis: Novimus enim experientiâ
docti, cinerem salicis & vitis, illum naturali-
ter ad salicem, & hunc ad vitem veluti ad rem
maximè syngeniam inclinari, & in quorum
utriusque sale aliquid ex totius substantia re-
maneat, ex quo resuscitari queat, admirabili
sanè Naturæ consilio, quo ad perpetuandas
rerum generationes in sale spermaticam uni-
uscujusque rei facultatem conservare voluit.
Ex quo quidem quàm luculentissimè patet,
cineres cujuscunque vegetabilis ad fœcundi-
tatem terræ maximè conferre, qua vegetabi-
lia germinare queant; sed & hoc experimen-
to comprobemus.

In sale o-
mnia la-
tent sper-
mate rei,
ex quo fit,
referta.

EXPERIMENTUM I.

Planta cujuscunque tandem speciei fuerit,
v. g. vitis, rosæ, tritici, similibusque in cine-
rem redigatur; quo facto si lixivio inde pa-
rato, plantam appropriatam irrigaris, eam
hoc connaturali liquore mirum in modum
fœcundam & luxuriantem reddes; cum cinis
hic magis inclinetur ad suæ speciei plantæ
benefaciendum, quàm alteri differentis na-
turæ. Hinc agri in quibus stipularum sege-
tumque reliquæ in cineres comburuntur, uti
quotannis fieri solet, multò maiorem fœcun-
ditatem agris adferunt, quàm qui ex combu-
starum genistarum, filicum, lotiorumque quis-
quiliis fiunt; Ratio est, quia sal dictarum
plantarum ex vi sua spermatica similes plan-
tas producit, id est, lotium, vitiam, papaver,
filices, genistas, similesque, quarum commi-
stione uti debitum frumento nutrimentum
subtrahunt, ita quoque mirum in modum id
à nativa sua bonitate & perfectione degene-
rare faciunt: Cineres itaque quantò sunt sim-
pliciores, tantò maiorem fœcunditatem suis
speciebus conferre, experimentum sequens
docet.

Lixivium
ex sale è vi-
te extracto
confectum
viti affu-
sum, fœ-
cundissi-
mam red-
dit.

EXPERIMENTUM II.

Si quis flores pulchros, nitidos & uberes,
v. g. Tulipas, anemones, lilia omnis generis,
rosas, similesque desideret, is ex iisdem, post-
quam effloruerint, combustis in cinerem sca-
pis & caulibus florum, lixivium faciet, quo
affuso singularum plantarum appropriatarum
radicibus, mira fœcunditate & nitore pro-
pullulabunt; quod & de plantis cæteris di-
ctum velim.

Quomodo
pulchri &
nitidi flo-
res produ-
cantur.

CONSECTARIUM.

Ex hisce patet, quomodo terra una & ea-
dem quoad oculum tam diversas res produ-
cat, quia videlicet terra differentis naturæ
glebas tenet, quarum unaquæque inclinatur
ad id, quod ipsi magis naturæ affinitate con-
sentaneum est; patet quoque inde, non om-
nem terram omnibus producendis aptam
esse; sunt itaque terrestres materiæ, quæ hanc
potius, quàm aliam terram ament: Unde spi-
ritus in terra receptus virtute ad producen-
das vites imbutus, minus jam apta erit ad tri-
ticum germinandum, & sic de cæteris, eò
quod in una parte terræ fixæ partes jam de-
terminatæ sint, ad attrahendos spiritus vege-
biles magis hujus, quàm illius, & consequen-
ter felicius germinant ibi vites, alibi segetes:
Sed hæc fusius in *distillatoria arte* ostenden-
tur.

Unde di-
versitas re-
rum, quas
terra una
& eadem
producit.

Quæstio Sexta. Cur ex sola cessatione sa-
tionis, terra ad unum vel plures annos quie-
scens, pinguis & fœcunda reddatur. Respon-
deo, hoc fieri partim ob putrescentis herbæ,
foliorumque in terram conversione per fer-
mentationem facta, qua terra jam pinguedine
exhausta

Cur cessa-
tione à cul-
turis terra
melior red-
datur.

exhausta denud per novum ascititium pinguis terræ augmentum reficitur; partim per nives, queis spiritus inclusi cohibentur, & terra ipsa per subterraneos vapores, terræ ab in-

trinseco adveniente halituosa fuligine; ab extrinseco verò novorum spirituum volatiliū attractu, magnum incrementum acquirit.

CAPUT VII.

De Terrestribus corporibus, quæ singulis Plastis & Pictoribus in usum veniunt.

A Primordiis rerum Pantoplaſtes DEUS Opt. Max. figuli munus obiens, ex terra Damascena hominis corpus effinxit, quæ uti omnium, quæ unquam repertæ sunt, terrarum excellentissima fuit, ita ad protoplaſti digniſſimum corpus effingendum, à DEO adhibita fuit, unde unigenitus quoque æterni patris filius ex ea, per ſucceſſivam humani generis propagationem à Protoplaſto factam, corpus ſibi ex immaculata terra Virgine, aſſumere non fuit dedignatus. Quæ tamen terra Adamæ qualiſnam fuerit, apud Sacrarum litterarum interpretes controvertitur: Nos ea, utpote quæ omnem humani ingenii intellectum transcendit, omiſſa, ad eas terras, quibus figuli potiſſimum utuntur, progrediamur.

Quibus terris figuli utuntur.

Terræ, quibus figuli utuntur, debent eſſe craſſæ, lentæ, ſpiſſæ, molles, cujuſmodi margæ eſſe ſolet; quibus deficientibus, primas tenent mediocres, ſecundas, molles. Vaſa quæ ignis vi non franguntur, ſunt ut plurimum ex pinguibus & ſpiſſis, uti ſunt crucibula, cæteraque vaſa Chemicis operationibus apta, ex quibus melioris notæ ſunt leviffimæ, quæ non combibant neque exudent humorem, non ſint fragiles ignibuſque reſiſtant, cujuſmodi ſunt: Saguntina in Hiſpania: In Italia, quæ Mutinæ, Aretii & Toſcanellæ ſiunt, Calices Surrentum, patinas variæ vicinæ Neapoli Terræ ſubminiſtrant exquisitiſſimas. In Germania, quæ Valdenburgi ſunt, magno pretio ubique diſtrahuntur. Terra verò, quæ vitris liquefaciendis ſervit, omnium maxime igni reſiſtere debet, cujuſmodi eſt illa quæ Sayonæ in Liguria eruitur. Sed de hiſ ſuſius in *Arte Vitiaria*.

Vaſa vitri liquefactioni deſtinata, ex qua terra?

Cur figuli in cocturum vaſorum terram arenam miſcere ſoleant.

Cur vero arenas figuli ut plurimum ſoleant admixcere terræ, ne in igne frangantur vaſa, cauſa eſt, quod arena igne valido liquefacta argillaceam ſubſtantiam veluti in faxeam quandam omnibus poris oppletis reducat.

Sunt itaque vaſa alia ex creta, alia ex argilla, alia denique ex aliis terris cocta, quæ quidem tanto ſunt uſui humano magis idonea, quanto pinguiori, ſpiſſiori lentiorique materia conflata: de quibus conſule figulos. Idem de terra plaſtis & fullonibus uſitata dicendum eſt. Sed de hiſ alibi.

De Myrrhinis, Porcellanis & Majoricis vaſis.

Quid Myrrhina vaſa

Quid verò Myrrhina antiquorum vaſa

ſint, & quam ex terra originem ſuam fortiantur, reſtat dicendum.

fuerint apud Veteres.

Si *Plinii* verba, de Myrrhinis vaſis prolata examinemus, inveniemus ea nulla alia fuiſſe, quàm quæ nos hodie porcellana vocamus, quorum originem & confectionem paucis expono; *Plinius l. 37. c. 2.* de precioſis vaſis agens, Myrrhina vaſa ab oriente aſportari dicit, mirum in modum nitere; nec non ſumma colorum varietate imbuta: hodie hiſce proſus congruunt porcellana vaſa, de quorum confectione varii varia referunt: Omnium optime de hiſce *P. Martinus Martinus* è Soc. *JESU* *ἀποκρίσις* omnium, ita ſcribit in *Athlante ſuo Sinico fol. 86.* de Urbe *Iaocheu* in Provincia *Kiangnan*: *At quod maximè eam commendat, eſt elaboratio & copia ſcutellarum Sinenſium, quas porcellanas, neſcio unde petito nomine vulgo vocant, quæ nullibi in toto regno ſiunt præſtantioreſ quam in pago Feuleang civitatis: licet enim alibi terram, ex qua forte conſici poſſint, habeant, nullo modo ad eas accedunt, quæ in hoc pago ſiunt, imo quod admiratione dignum, terram ex qua eas efformant, non ex huius Provincia ſolo hauriunt, ſed ex Kiangnan Provincia Urbe Hoeicheu adveſtam accipiunt; neque ibi, licet tanta illius adſit terra copia, ullo modo effingere illas queunt. Sunt qui illud aquarum temperatura adſcribant. Ex hoc ergo huius urbis pago omnes ſcutella illa ac vaſa Sinenſia ſiunt, quæ à ruſticis, rudibuſque hominibus figlina arte elaborantur, eodem modo quo Faenſes in Italia coloris variis ſiunt, licet omnes ex ſubtiliſſima illa argilla, ac aliquantulum diaphana conſtent, quæ colore illinuntur croceo, variisſque Draconum figuris illuſæ ſiunt, regio deſtinantur palatio, pro vulgo ſiunt rubra, lutea, ac caruleo colore, ad quem effingendum glaſtum à Sinis adhiberi ſolet, quod ibi magna reperitur copia, præcipue in Auſtralioribus Provinciis, quo etiam ad tingendas veſtes utuntur: quam verò rara ac præclara vaſa hic ſiant, longum eſſet referre; nullam formam, nullum florem, figuramve pinges, qui non eandem ex porcellana argilla apud illos admittat; quanta verò horum vaſorum ſit copia, facile quivis colliget ex ea, quam quotidie videmus in Europa noſtra; at miror unde hiſ increbuerit rumor, ex ovorum teſtis aut conſuſis conchulis marinis præparari hanc materiam, idque ex relatione quorundam centum annorum ſpatio reſpoſitam ab avis pro ſucceſſoris nepotibus: planè rerum gnaris ridicula ſunt hæc & merè commentitia, namque omnia ex terra quæ ad hunc pagum*

Porcellana quid, & quomodo fiat.

pagum ex urbe vicina Hoeicheu advehitur, figlina arte fiunt; terra autem illa non pinguis, ut creta est, sed veluti avenula pellucida, quam macerant, & adpersa aqua in massam cogunt, quin & ex fractis vasculis denuo frustra comminuunt, atque iterum nova vasa efformant, sed hæc ad priorum vix accedunt nitroem, aut pulchritudinem: quod præterea hæc vascula commendat, est; quod eduliorum etiam ferventium vim innoxia patiantur, imò quod magis mirandum, frustra inter se claviculis arcis filoque consuta liquorem continent, nec transmittunt: hujus sutoria artis periti totam passim Sinam obambulant, ii ad foraminula efformanda subtilissimum adhibent terebellum (vulgo dril vocant) cujus cuspis ex adamante est, quali hyalosculptores apud nos ferè utuntur, aut ii potius, qui apud Mediolanenses Crystallum Montanum perforant. Hæc P. Martinus. Sic Chineses perhibentur conficere porcellant omnium quæ ullibi habentur, pretiosissima probatissimaque. Quod verò ex horum vasorum frustis collis ignis eliciatur, quodque ad præsentiam venenorum rumpantur, & quod tantum calefiant, quantum aqua calida aut jusculum iis infusum intus occuparit, id equidem experimento non comperitur. Porcellanis vasis secundo loco respondent Vasa Majorica, quæ & nitore & pretio porcellanis non multum cedunt.

Restat jam, ut nonnullas alias terras media vi pollentes describamus. Eretria, Chia, Selinusia, Cimolia, Pnigitis, Melia, Ampelitis.

Eretriarum duæ sunt: Una vehementer albicans, altera cineritia, quæ optima habetur: hæc enim si per æramenta tractim ducatur,

lineam efficiet violaceam melioris notæ signum. lavatur in cerussa; vim habet astringentem & refrigerantem, modicè mollientem, cava explet, sanguinolenta conglutinat; ita Dioscorides.

Terra alia in Insula Chio provenire solita, candida & melioris notæ, crustosa, fictitiisque formis differens, terræ Samiæ quàm simillima, cujus & vires adæquat, cosmeticum præstantissimum tum pro viris, tum pro mulieribus.

Selinusia terra ob splendorem maximè commendabilis, candida & friabilis, & facile celenterque humore diluitur.

Cimolia terra duplicis generis, una candida, altera purpurascens, quæ vero pinguedinem monstrat tactuque frigida sentitur, optima censetur, ambus illita mirè confert, tumores discutit aceto diluta.

Pnigitis terra colore Eretriam refert, cui si quis manum admoveat, refrigerabit, si linguæ, aded ei conglutinator, ut vix abstrahi possit.

Melia colore cineream Eretriam imitatur aspera tactu. digitis friata, dersi pumicis modo crepitat, alumine, uti ex gustu patet, foeta est, unde vim abstergerendi habet.

Ampelitis terra in Seleucia Syriæ nascitur, nigra præ cæteris commendatur, quæ oleo prius detrita statim liquefit, dissipat, refrigerat, tingendis capillis idonea, affusa vitibus germinascentibus vermiculos enecat.

Verùm quæcunque hucusque de terris dicta sunt, unà sequenti Synopsi, unà cum qualitate singulorum exhibemus.

Terra in usum Medicum cedens,	Alia Venena arcet, ut	{ Terra Armenia, five bolus armenus. . Terra Lemnia five Sigillata. Melitenfis.
	Alia Astringit, ut	{ Ochra. Rubrica Siropica. Rubrica fabrilis. Eretria. Samia. Chia. Selinusia. Omnis terra.
	Alia Discutit, ut	{ Cimolia. Ampelitis. Fornacea.
	Alia Abstergit, ut	{ Melia terra.

Atque hæc sunt, quæ de terrestribus substantiis mollibus pro rerum dicendarum multitudine paucis exposuimus; Verùm cum has

sæpè sæpius in sequentibus repetituri simus, earum arcana fusius tunc & oportunius perscrutabimur.

ANACEPHALEOSIS

in hoc Libro dictorum.

UT itaque dicta hucusque in compendium reducamus : Dico Salem communem esse terræ semen , condimentum Naturæ, omnium corporum basin & sustentaculum , elementum terræ genuinum & proximum, omnibus substantiam præbens. Hoc prout à variis mineralibus tingitur , ita quoque in alium specie differentem Salem, uti nitrum, alumen, vitriolum convertitur ; quo non obstante , originis suæ incunabula semper inviolabili jure tenet , demptum quippè à nitro, alumine, vitriolo, &c., ex quo tinctum fuit, minerali, jam Sal primævæ suæ origini restituetur : deme à terrestribus glebis terrisque , quas descripsimus , & semper illud, ex quo ab origine constitit , id est, salem, reperies : Idem de metallis intelligas velim ; corporibus quoque quibuscunque tam ex mineralium, quàm ex vegetabilium sensibilibusque regno in cinerem combustis: idem sal tamen ex iis, è quibus subsistentiam suam soliditatemque habuit , per lixivii in vase consistentiam aut ex capitis mortui efflorescentia prodibit : Undenam verò tanta salium terrarumque viribus & proprietatibus differentium varietas nascatur , paucis explico.

Dico itaque , id nasci à forma misti , quod uti ex vario rerum miscibilium confluxu componitur , ita quoque per sagacis naturæ combinationem mixtum talem essentiae gradum acquirit , quo ab omnibus aliis specie distinguatur , quamque inviolabili Naturæ jure semper possidet : Exempli gratia, Vitriolum sal commune quod fuit , in specie differentem salem degenerat , ex tinctura arosæ glebæ & aqua spiritu sulphuris acido imbuta : in hisce uti quatuor elementa continentur , ita ex combinatione quoque nascitur mixtum quoddam salinum, quod à sale, nitro, alumine specifica differentia diffidet , & vitriolum dicitur ; atque hic est ultimus naturæ gradus per combinationem quatuor elementorum, id est, ex æris aqua & sulphuris acido spiritu, quibus insunt, imbuta constitutus , quo ab omni alio , secundum naturæ suæ proprietatisque requisitionem distinguitur. Hoc pacto pariter à sale, nitro & vitriolo distinguitur alumen , eò quod ex sale rupis aluminosi differentibus virtutibus prodierit , sulphuris acido spiritu accedente eo in gradu, quo nullum aliud , mira naturæ combinatione constituitur ; & hic est ultimus naturæ & essentiae gra-

duus, quo alumen fit , & dicitur ab alio quovis minerali distinctum ; quod pariter de omnibus reliquis terris mineralibusque glebis dicendum est : quæ omnia ab invicem distinguuntur ob differentes naturæ gradus , quos per talem & talem miscibilium rerum combinationem ἀρώμας acquirunt ; ut proinde *Aristoteles 7. Metaphys.* haud incongruè asseruerit, species rerum sese habere, ut numerus ad numerum : Adde binario unitatem , & jam amplius non erit binarius , sed ternarius, specie à binario distinctus , quod & de quibuscunque aliis numeris intelligendum est ; & in coloribus luculenter patet : adde albo vel minimum nigri, aut flavi, aut rubri, jam in alium specie differentem colorem migrabit, sed de hisce fusius in sequentibus.

Patet itaque , quæcunque hætenus de variis salium terrarumque viribus & proprietatibus differentium speciebus generibusque diximus , ad causas in hac anacephaleosi expositas referenda esse , ex mixtura videlicet rerum differentibus virtutibus præditarum, in quo, id quod juxta combinantis naturæ leges maximè prædominatur , mixtum in sua determinata specie constituit. Verùm de hisce in sequentibus omnia vario experimentorum apparatu , luculentius demonstrabuntur. Sed hæc de primis Mundi Subterranei fructibus dicta sint.

CONCLUSIO.

ELuçantibus tandem nobis ex horridis inaccessibleisque Mundi Subterranei abyssis, nil restat amplius , nisi ut converso ad Cœlum vultu debitas Tibi gratias reddamus, qui uti solus mirabilia, quorum non est numerus, facis in cœlo, terra, mari, abditisque eorum abyssis ; ita quoque ut occulta Geocosmi sacra adirem manum præbuisi, præveniente tua inspiratione vel nolentem incitasti ut vellem ; adjuvisti bonæ voluntatis conatus ut facerem, qui tuis & velle , & posse , & perficere operaris.

*O DEUS, ô generis vis & sapientia nostri :
Quam tuus ille decor toto mirabilis orbe !
Quam species veneranda, & Sancti gloria verbi,
Æternoque manens à seculo in secula nomen !*

Benedicite omnia opera ejus in omni loco denominationis ejus , benedic anima mea
DOMINUM.

FINIS I. TOMI.

CATALOGUS LIBRORUM,

A

P. ATHANASIO KIRCHERO è SOC. JESU
hactenus editorum.

- M** Agnesia in 4.^{to} Herbipoli, anno 1630.
 Gnomonica Catoptrica in 4.^{to}, Avenione, 1635.
 Prodromus Coptus sive Ægyptiacus in 4.^{to}, Romæ, 1636.
 Specula Melitensis Encyclica, hoc est, Syntagma novum instrumentorum Mathematicorum in 8°. Neapoli, 1638.
 Ars Magnetica, sive de Magnete Opus tripartitum Romæ primò in 4.^{to} 1641. Coloniae deinde in 4.^{to} eodem anno. Romæ iterum in Folio, anno 1654.
 - Lingua Ægyptiaca restituta, unà cum supplemento ad Prodromum Coptum in 4.^{to}, Romæ, 1644.
 Ars magna Lucis & Umbræ in duos Tomos, in Fol. Romæ, 1646.
 Musurgia Universalis, sive Ars magna consoni & dissoni in 2 Tom. in Fol. Romæ, 1650.
 Obeliscus Pamphilius, sive interpretatio Obelisci hieroglyphici ab Innocent. X. P.M. restituti, in Fol. Romæ, 1650.
 Oedipi Ægyptiaci Tomus primus, Romæ, 1652. in Fol.
 ——— Tomus secundus, in Fol. Romæ, 1653.
 ——— Tomi secundi pars altera, in Fol. *ibid.* 1654.
 ——— Tomus tertius, in Fol. Romæ.
 - Scrutinium Physico-Medicum, in 4.^{to}, *ibid.*
 Iter Extaticum Cœleste, in 4.^{to}, *ibid.*
 ——— Terrestre, in 4.^{to}, *ibid.*
 Prodromus in Mundum subterraneum, in 4.^{to}, *ibid.*
 De Crucibus Neapolitanis, in 8°. *ibid.*
 Polygraphia seu Artificium linguarum, in Fol. *ibid.*

Libri ab eodem Authore, si Deus vitam concesserit, edendi, sunt,

- M**undus Subterraneus in duos Tomos divisus, qui jam sub prælo sudat, in Fol. Amstelodami.
 Ars Combinatoria, qua nova methodo ad omnes scientias & artes brevi addiscendas porta aperitur, in fol. *ibid.*
 Iter Hetruscum, in folio.
 Descriptio Latii novi & Veteris, in folio.
 Arca Noë & Turris Babel architectonica ratione delineata, atque descripta, in fol.

Ad Majorem Dei Gloriam cedant omnia.

IN-

I N D E X

R E R U M E T V E R B O R U M

L O C U P L E T I S S I M U S .

Numerus paginam , literæ *a* & *b* Columnam primam & secundam
indicant.

A.

A Byssus quid 112. a. ad mare Magellanicum 113. a. in sinu Ferdinando del Poo 146. a.
Aër, est Oceanus æreus 193. a. Diversarum rerum seminibus plenus 217. a.
Ætrophylácia 111. b. quid sint 114. a. *Asia* ibid. b.
Bodnie ibid.
Ægyptus olim aggesta nata 80. a.
Æolipilarum effectus in concitandis ventis 203. a.
Æstus varius & formidabilis 100. a. ejus vis ibid.
 observationes in Belgio 138. b. facta a Nautis ibid.
 in Hebridibus Insulis mira varietas 143. a. observatio in alto Oceano difficilis 144. a. vis in Freto Siculo 152. b. *Ufus* ac *praxis* 153. plenitudinis cognitio 154. & seq. *horologium* 157. sequitur *Luna* motum 100. a. maqualitas motus *Luna* ei non officit 132. a. *Londini* variat 138. a. in *China* heteroclitus ibid. varietatis causa 139. a. *Venti* cum impediunt 139. ut & fluminum exoneratio ac halitus submarini ibid. in ostio *Garumna* qualis 142. a. ingens ad *Panamam* 145. a. ut & in *Camboia* littoribus 126. b. Vide verbum *Fluxus* & *refluxus*.
Ætna mons 186. ejus descriptio ibid. ut & *Crateris* *Ætnei* 187. incendiis ejus *Chronicon* 188. a. & causa 189. b. unde novum ei incrementum 189. a.
Æfrica Meridionalis flumina 72. b.
Agri quomodo nunc steriles , nunc fecundi nascantur 331. b. Unde eorum terrestres materia tanta colorum varietate spectetur 332. a.
Agricultura, ejusque requisita 340 & seq.
Albanus lacus 293. a. ejus inundatio ibid.
Albanus Mons plenus aquis 293
Albula fl. 249. a. 279. a.
Alkali salis species 301. a.
Almagra oppidum 261. b.
Alphens *Gracie* fl. ibid.
Alvor oppidum 260. b.
Alumen quid 312. a. variae ejus species 312. b. differentie 313. a. natura & qualitas ibid. differentia à sale ibid. modus eruendi ex saxis 313. b. ex pyrite 315. b. vires 315 & seq. 324. b.
Aluminis Tollenfis origo 313. b. preparandi modus 314
Anas Hispania fl. 89. b.
Andes montes 74. a. conciderunt 77. b. eorum altitudo 84. a. antrum 120. a.
Aponotatum *Ital.* balneum 265. a.
Aqua quomodo salsedine imbuitur 164. a. quomodo salsa in hydragogis canalibus dulcescat ibid. maris ad radices montium dulcior quam in medio 166. a. marina in pluvias educta cur dulcescat ibid. b. utrum & distillatione ibid. sine calore in vaporem attenuari non potest 228. b. pressa in altum ascendit 229. b. *Marina* quomodo supra montes elevetur 232. b. quomodo in salem condensetur 300. a. quomodo in altissimis montium verticibus stabuletur 238. a. ejus circulatio sanguinis circulationi correspondet 240. b. quam sit salubrior 243. b. nulla mixtura expers 244. bona quas venas amet 245. a. mixta qua 246. a. 247. a. mixtura examen 246. b.

improprie mixta qua 247. a. *Gypsea* ubi reperitur 248. a. salsa flammis non exstinguit 323. b.
Aqua Fluvialis 244. a. ejus incommoda. ibid.
Aqua Virginis, *Italia* balneum 265. a.
Aqua, aluminosa 249. a. adeas herba non crescunt ibid. sulphurea ibid. bituminosa 249. b. lapidescentes ibid. metallica 250. b. earum effectus 252. a. earum mixtura 252. b. quomodo multiplex mixtura in iis nascatur 259. a. colorem mineralis quod transeunt, assumunt 259. b. earum ponderis causa vera & realis 277. a. cur alia aliis magis graves 276. cur lapidescant & quomodo 287. a.
Archipelagus Indicus 126. a.
Archonantarum observatio 161. a.
Arena triplex 326. b. marina unde 327. b. unde aerea in fontibus, ibid. quomodo à sabulo & glarea distinguatur 328. a.
Arenarum variae qualitates 327. a. utilitates & damna 327. & seq.
Arcthusa Armenia maj. fl. 276. b. in eo nihil mergitur ibid.
Argentum an miscibile aquis 250. b.
Ars natura imitatrix 218. a. 236. a.
Arsenica antidotum 283. b.
Ascidamus, *Africa* lacus 276. b. in eo omnia fluitant ibid.
Asphaltites, *Lacus* 242. a. in eo nihil mergitur 270. b.
Asia montes & flumina celebriora 72. a.
Astrorum effectus in *Terra* 106. a.
Athos *Macedonia* Mons 93. b. ejus altitudo ibid.
Atlantica *Insula* 80. b. In eam *Osiridis* expeditio 81. b. vetustissima 82. a. quomodo perierit 83. a.
Atmosphæra in *Luna* notata 62. b.
Avis circa Centrum *Terra* volatus 29. a.
Aurum quomodo generetur in fluminibus 247. b. aquis misceri non potest 248. a. 250. b.
Aureus pulvis 210. a.
Avernus, lacus 280. a. quid sit 281. a.
Axes Cælestium corporum axi *Terra* parallelum situm habent 104. a.
Aygues cades, *Gallia* therma 262. b.

B.

B *Alnea*, vide *Thermæ*.
Bargenaires, *Gallia* balnea 262. a.
Baregues, *Gallia* therma ibid.
Barchetta Inf. 279. a.
Bed, *Lacus* 73. b. 242. b.
Bessa, *Aquitania* urbs. 275. b.
Bollerbrunn, *Fons* in *Westphalia*. 282. a.
Bolus Armenus quid 338. a.
Braccianensis lacus 242. a.

C.

C *Campus la Crau* dictus 114. b.
Campania tota ignibus subiecta 177. a.
Carniolia R. 237. a.
Caravana quid? 211. b.
Canma-

INDEX RERUM

Canmata quid, eorumque genesis 225, b.
Caldas del Rey Hispanie fons 260, b.
Cantorelli balneum 267, b.
Canatus, Hiss. lacus 290, b.
Carpathus, mons 71
Cassius, mons sale concretus 300, b.
Catadupa mirabilis 115. *Velini Fl.* ibid.
Catadupa magnam aëris portionem secum devehunt 203, b. *quomodo per eas ventus subterraneus excite-*
tur 304, a. *earum violentia* ibid.
Catilie aque 248, b.
Caucasus, mons 90, a. *ubinam sit* ibid. *ex Mæotide*
spectari non potest 90, b. *multiplex* ibid. *ejus situs*
ibid. altitudo 90, a. *distantia a Mæotide* 91, a. *po-*
test tota nocte illustrari a Sole ibid.
Ceilanum Inf. 202, a. *navigationis ad eam ratio* ibid.
Centrum quid 2, a. *ejus natura* 1. *magnitudinis quid*
2, b. gravitatis quid 3, a. *canones de utroque* 4, b.
gravitatis quomodo concipi debeat ibid. *idem in Tra-*
pezio reperire 6, a. *in semicirculo* 6, b. *in Parabola*
ibid. in corporibus solidis homogeneis ibid. *in Cy-*
lindris & Prismatis 7, a. *in Cono & Pyramide* ibid.
in frusto Pyramidis ibid. b. *in regularibus corporibus*
ibid. in Hemispherio ibid. *ejus determinatio per fila*
ibid. in heterogeneis 8, b.
Chalcitis quid 321, b.
Characteristica scientia quid 217, a.
Charybdis 100, b. *ejus exploratio* 98, b. *descriptio* 102, a.
quando potissimum sciat ibid. *tumultuantis causa*
102, b. Taurominia Mamertina communicat ibid.
eadem cum Ætna 103, a.
Chiamy, Lacus 242, a.
Choaspis, Persie Fl. 243, b.
Chordarum motus harmonicus 52, & seq. *longitudo* 49,
& seq.
Chronometrum 50, b. *ejus constructio* 51, a. *num cum*
eo longitudines locorum reperiri possint 51, ibid. *quo-*
modo ejus filo motus stellarum mensurandi remissive
ibid. quomodo differentie pulsuum arterie reperian-
tur 51, b. & seq.
Chrysorrhœas, Asia Fl. aurifer 247, b.
Ciceronia aque; hodie Balneo del prato 267, a.
Cinis quid 328, a. *ejus proprietates* 328, b.
Cineres ex accensis agris quid conferant 342, a.
Circulatio sanguinis 240, b.
Circeius mons, olim insula 79, a.
Circulatio nature 114, a.
Cleon, Sicilia fons 288, a.
Cælorum decor 64, b. *delicia* 65, a.
Collimatio in mensurationibus fallax 66, a.
Colcotar quid 322, b.
Colles arenacci quomodo in planis locis nascantur 332, a.
quomodo circa ostia Tyberina orti ibid.
Combinatio, ejusque mira vis 247, a. *mixture Salis, Ni-*
tri, Aluminis, Vitrioli 272, a.
Consonantiarum genesis 53, b.
Corporis humani fabrica 111, a.
Cretacia terra aquam producit insalubrem 245, a.
Crypta Tartaria 113, a. *cryptarum divisio* 118, a. & seq.
varietas 119, b.
Currentes maris intra Canarias & Hispaniolam 124, a.
varii 126, 150, b. *eorum in mari Indico descriptio*
127, a. in mari Atlantico 144, a.
Cyachyhay, Lacus in China 242, a.
Cyur Lacus in Africa ibid.

D.

D *Encausse, Gallie therma.* 262, a.
Deserta eorumque vastitas 84, a. *cur constituta*
ibid. b. arenosa unde 327, a.
Drepanum, olim Segesta 269, a.

E.

E *Cnephias ventus quid* 208, b. *quomodo generetur*
209, a. imminetis signum ibid. *cur certo tempore*
accidat 209, b. *cur mare adeo turbet* 210, b. *in lo-*
cis mediterraneis quid 211, a.
Elementum Terra verum & proprium an detur 110, a.
295, a. nullum datur purum ibid. 162, a. *unum sine*
altero consistere non potest ibid. *quid proprie dici de-*
beat 308, a.
Elementi aquei natura 121
Elfa, Hetruria Fl. 286, a.
Epilogismus temporis 37, b.
Erminius Lusitan. mons 260, b.
Estorbe, Fons 283, b.
Etesia, earum causa 196, & seq. *cur frigide*
S. Euphemie oppidum terra motu absorptum 291, b.
Enripus Chalcidicus 149, a. *Africanus* 150, a.
Euronothi linea, vulgo Scirocco dicta 152, b.
Europa quas regiones continent. 260
Euxini aestus 197, b.
Exhydrius ventus quid 210, b.

F.

F *Allacia in refractione aëris* 60
Ferrum cur ceteris metallis vehemensius candescat.
173, a. an vere in as converti possit 319, & seq. *ejus*
& aëris sympathia 320, b.
Fervencas, fons mirabilis 260, b.
Flamma ignis fluens 173, b.
Flores submarini 97, a. *pulchri quomodo producantur*
342, b.
Fluvius S. Martha 74, b.
Flumina mutant alveos 76, b. *subterranea* 119, a. 220, a.
submarina 97, b. *Hispania* 71, a. *quomodo ex pluvia*
nascantur 236, b. *nasci possunt ex ventis subterra-*
neis 238, a. *quomodo humiditatis attractione* 239, a.
quomodo ex terra motu 240, a. *quomodo ex conden-*
sato aëre, ventorumque flatibus ibid. *cur dispareant*
& nova oriantur 281, a.
Fluxus & refluxus cur in Gallie Hispanieque littoribus
nullus notetur 151, b. *equalitas in Mari Siculo* 152, b.
Rota qua reperitur 156, a. *cur Paludes Mexicanae*
eum patiantur 145, b. *in portu Tinetano quomodo*
fiat 252, a. *quid conferat ad originem fontium* 230, a.
Reliqua vide in verbo Æstus.
Fodinae novae quomodo fiant 330, a.
Fontes, eorumque origo 226, & seq. *Aristotelis de ea*
sententia 227, a. *ejus confutatio* 228, a. *Anthoris*
sententia 228, b. *quomodo nascantur humiditatis at-*
tractione 239, a. *quomodo ex terra motu* 240, a. *quo-*
modo ex condensato aëre, ventorumque flatibus ibid.
auriferi fere ubique reperiuntur 247, a. *vinosi* 275, b.
reciproci 282, a. *an aliqui sterilitatem possint pres-*
gnare 288, b. *procellosi an dentur* 289, b.
Fontium vena quadruplici de causa evanescunt aut com-
parent 246, a.
Fontaine Fort, Gallie fons 275, b.
Fretum Herculeum 70, b. *Siculum* ibid. *Weigat* 142, a.
Magellanicum 206, a.
Fulgetrum subterraneum 222, a.
Fulmen quid 222, a. *subterraneum* ibid. *ejus motus*
unde 224, a. *cur metalla liquefaciat* ibid.

G.

G *Alilæi sententia de motu gravium supra plana in-*
clinata 26, a. *ejus confutatio* ibid. b. *sententia*
de motu lapidis exploditur 48, a.
Garnumna,

ET VERBORUM.

Garumna, Gallia Fluv. 142, a. cur aestus in ea 7 horis
fluat, 5 refluxat ibid.
Garus quid, & unde conficiatur 302, a.
Gelon, Sicilia fons 288, a.
Geocosmus universa creatura finis & centrum 55, a. du-
cit ad caelestia ibid. propter Christum factus ibid. b.
finis ob quem conditus ibid. omnium caelestium corpo-
rum influxibus constat, ibid. quid sit 56, a. ejus in-
cola 65, a. mira constitutio 103, a. qua virtute immo-
bilis haeat in medio ibid. heterogenea natura 108, a.
185, b. *Microcosmo* similis 111, a. 296, a. constat
saepe 184, b.
Glacies marina cur dulcis 166, a.
Globus Terraqueus 65, a.
Globi Solaris situs sit in Terra respondet 104, a. *Lunaris*
ad Terram adaptatio ibid.
Golfo di Leone 102, a. in eo mira tempestates 205, b.
Gonnapi mons 181, a.
Giellerofi, Campania fons 267, a.
Grando subterranea 220, a. quomodo generetur 223, a.
Gypsum naturaliter aquam appetit 239, b.

H.

H *Alitus subterranei* à Sole concitantur 202, a. ex
omnibus rebus eliciuntur 216, a. antitum no-
civi 281, a.
Hannibalis Campus 293, a.
Hebrides Insula 143, a.
Herba in aquis non lapidescit 250, a. putrefacta in ter-
ram convertitur 334, a.
Hispania Flumina 71, a.
Hollandia ex Rheni, Mose, limo constituta 80, a.
Horologium aestus marini 157, b.
Hudson mare 146, b.
Humor quiescens putredini obnoxius 158, a.
Humiditas quid 307, b.
Hydrophyllacium Alpium Rhetiarum 70, a. *Asia* 71, a.
Hydrophyllacia varia 234, & seq.
Hypocyanum deleteria qualitate praeditum 215, a.
Hyramnis, Carnenia Fl. aufer 247, b.
Hydrometri descriptio 254, a. *variae species* 255.

I.

I *Annarius*, vulgo *Rio de la Plata Fl.* 74, b.
Ignis in Centro Terre Sphaericus 19, b. verum ejus ele-
mentum 170, & seq. tres species 171, a. quomodo
carbonis infit 173, b. ejus cum aqua amicitia in sub-
terraneis 270, a.
Ignis Inferni est verus ignis 113, b.
Ignis essentialis non gravis non levis, sed indifferens ad
omnem situm 172, b.
Ignis sublunaris constitutio 171, a.
Ignis subterraneus 71, a. ejus necessitas ibid. vehemen-
tia 83, a. essentia, situs & operatio 168. definitio 169, a.
lux ejus diversa 174, a. conjugium cum aqua intra
Terram ibid. ingens in ventre terre apparatus ibid. b.
analogia cum sanguine spiritibus 175, a. effectus non
semper perpetuus ibid. b. spiracula ad Petram ma-
lam 177, b. de eo P. Francisci Riccardi relatio
182, b. falsugine mare imbuit 163, b. spiritus sali-
nos miscet mari 164, a. nullibi deest 169, a. ad eum
Poetarum allusio ibid. non fit ex calce & cinere 169, b.
neque anti peristasi ibid. non est virtualis ibid. ve-
rum ejus elementum 170, & seq. quomodo per attri-
tionem generetur 173, a. principium activum omnium
183, a. ejus nutrimentum perpetuum 184, a. cur non
avolet ibid. ejus pabulum sequitur maris motum
189, b. otiosi nescius 193, b. omnium Meteorologi-
carum impressionum causa 219, a.
Incendium quid 175, b.

Insula S. Michaelis 82, b.
Insula olim continentes 76, b. earum metamorphosis
78, b. in lacubus cur fluitent 297, a.
Ischia Inf. 267, b.
Isoquois, lacus in Canada 242, a.
Isthmi 78, b.
Italia scatet ignibus subterraneis 176, b. ejus montes
ignivomi 183, a.
Iter ex Lusitania in Indiam 123, a. ex Insulis Philippia-
nis in Mexicum ibid.

L.

L *Acus quadruplicis generis* 214, a. eorum in planitie-
bus origo ibid. *Agrigentinus* 268, b. *Enneus* 269, a.
Gurgus ibid. in monte S. Gothardi 234, a. in Car-
niolia 237, a.
Lacuum differentia 89, a. origo 226, & seq. *metamor-*
phosis 290
Lago del Vico 238, a.
Lapis à Luna ad centrum Terra quantum temporis ca-
dendo insumat 36, a.
Latium scatet sulphure 177, a.
Lemannus Lacus 242, b. 293, a.
Leontinus fons 288, a.
Liparitanus mons, *Vulcanellus dictus* 77, b.
Loth 301, b. ejus uxor in statuam salinam conversa
ibid.
Luna qua ratione mare moveat 130, a. ejus vis qua
mare concitat est specifica, non elementaris 129, b. ad
quid condita 64, a. ejus natura 62, a. effectus 63, a.
Lupus marinus, vide *Phoca*.
Lusitanorum infelix expeditio 208, b.
Lusitania Interamnensis 18 *Leucis longa*, *lata* 12, 260, b.
ejus *Therma* ibid. 25. millia fontium numerat ibid.

M.

M *Agnetismus globorum Astralium* 105. *natura*
216, b. 341, a.
Magnetica vis omnibus mundi corporibus indita 106, a.
quoniam sit 106, b. ejus officium 107, a.
Manca quid 211, a.
Mandragora deleteria qualitate praedita 215, a.
Manna quid, ejusque ortus 223, b.
Maragnon Fl. 74, a.
Mare pro diverso statu Lunae magis aut minus crescit
129, b. 139, b. ejus motus generalis 123, a. motus
secundus 128, a. fundus ejus inequalis 139, a. motus
ejus sequitur concavitates vallium submarinarum
139, b. cur potissimum vim suam exerat tempore No-
vilunii & Plenilunii 132, & seq. cur non semper sex
horis fluat aut refluxat 136. utrum in fundo salinus an
in superficie 165, a. ejus mira alteratio 165, b. an
sub Zona torrida salinus ibid. cur in Islandia adeo
salsum 166, a. ejus falsedo an aequalis per universas
Oceani semitas 165. cur subinde ardeat 210, b. al-
tissimos saepe montes superat 231, a.
Marga quid 340, a.
Marium connexus 85, b. descriptio ibid. inter se invi-
cem communicatio 86, a.
Mare Mediterraneum plurimos fluvios recipit 150, a.
cur tamen non exundet ibid. per subterraneos meatus
se exonerat 150, b. communicat cum Mari Rubro
ibid. ejus Currentium explicatio ibid. inconstantia
ejus 151, a.
Mare Caspium 86, b. ejus meatus 87, a. abyssus est
113, a. cum Sinu Persico & Ponto Euxino commu-
nicat 150, b. ingentes fluvios recipit 242, a.
Mare del Zur 144, a.
Mare Japonicum naufragiis infame 206, a.
Xx 3 *Maris*

INDEX RERUM

Maris Rubri cum Mediterraneo nexus 87, a. cum mari mortuo 87, b. eorum distantia . ibid.
Meteoron nascitur ex Subterraneo Mundo 219
Melanteria quid 321, b.
Memphis, hodie Cairus 248, b.
Mineralia cur ubique fere reperiantur 109, b. eorum vapor oculis infestus 183, a. quorundam mira vis 210, a. horridus conflictus ibid. sympathia 318, b.
Mineo, oppidum 268, b.
Misy quid 321, b.
Mæotis polus 80, a.
Mons Casorum 115, a. ejus situs 116, a. effectus mirabiles eorumque causa ibid. concavus 117, a. pertusus ibid.
Mons Sanctus in agro Puteolano 77, b.
Montes ad Fontium scaturiginem necessarij 68, a. fuerunt ante diluvium 67, a. eorum utilitates 67, b. catena quanam 68, 69. earum finis 70. absorpti 77, a. eorum renascentia 77, b. cur deficient 78, a. ad 100 miliaria conspici non possunt 91, a. eorum altitudines 94. an ea profunditati maris respondeant 96, a. submarini 97, a. a Sole non semper eodem modo illuminantur 202, a. nubibus obstiti pluviarum prodromi 240, b. cur primum feraces cum tempore sterilefcant 331, a. perpetuo detriti cur non minuantur 337, b.
Montes Ignivomi, vid. Vulcani.
Mont d'or, Gallia therma 262, b.
Montferran, Gallia balnea 262, a.
Motus in Centro Terra perennis quomodo instituat 19, a. localis definitio 21, a. acceleratus quis 23, a. gravium supra plana inclinata qui feratur ad Centrum 25, a. ubi Galilæi sententia expenditur & Mersenni comprobatur. Quoad durationem equalis 38, a. per planum minus inclinatum velocior quam per planum magis inclinatum 39, a. ejus velocitas ad centrum quomodo determinetur 35, a.
Motus perdulorum 41, & seq. ejus proprietates ibid. perennitas in natura 183, b. usus in rebus ad Geometriam spectantibus 84, & seq.
Motus projectilium parabolicus 30, a. mira ejus effecta 31, & seq.
Motus ponderis dupliciter consideratur 36, b.
Motus fluxus & refluxus totam maris molem concitat 125, a. maris duplex, mensstruus & diurnus 128, b. non violentus proprie 232
Mundus varietatis rerum amans 180, a. ejus spiritus 108, b.
Mundanorum globorum natura & compositio 56, a.
Muria quid, & unde conficiatur 302, a. triplex 302, b.
Myrrhina vasa quid 343, a.

N.

N *Ar Fl.* 292, a.
Naphthia, lacus 268, b.
Natura tota in continuo motu 176, a.
Natura fluctuantis conditio 76, a. pericyclofis mira 217, a.
Niger Fl. 72, a. albus erumpit 89, b. est aurifer 247, b.
Nilus Fl. 72, b. ejus origo ibid. situs loci originis 73, a. loca circumfista 73, b. ejus cursus ibid. catadupa ibid. albus erumpit 89, b. in mare se exonerans cur aestum non impediatur 151, b. est aurifer 247, b. 248, a.
Nitrum ubi reperitur 248, b. varie ejus species 304, a. *Egyptiacum* an idem cum nostrate 304, b. ejus admiranda vis in pulvere pyrio 305, b. in aceto ebullit 324, a.
Nix subterranea 220, a. quomodo generetur 223, a.
Niloscopium 289, a.
Noviodunum, vulgo Nions 220, a.
Nubes descendentes quantam vim habeant 207, b. unde fiant 223, a.
Nurfinus lacus 293

O.

O *Cæanus quid* 85, a. ejus motus 121, a. *Euboreus* ubique notatur 122, a. fundus inæqualis causat levitatem & tarditatem fluctus 125, a. declivitas rapiditatem Currentium 125, b. varie opiniones circa fluxum & refluxum 128, a. vera sententia assertio ibid. ejus fluxus & refluxus semper sibi similis 137, a. dispar in diversis partibus 137, b. varietatis ratio 141, a. cur in Norwegia littoribus insensibilis 142, b. ejus pericyclofis 158. absorbetur sub Polo Arctico & sub Antarctico regurgitatur 158, b. circa Polum rapidissimus 159, a. sub Polo Australi revolvitur ibid. *Vide Mare.*
Orentaine, Gallia balnea 262, a.
Ormuzia Inf. sale constat. 300, b.
Ossamentum Terra 108, b.
Oxus in Bactris Fl. aurifer 247, b.

P.

P *Adrotus, Asia Fl. aurifer* 247, b.
Padus, Ital. Fl. aurifer 247, b.
Pampas America desertum 84
Panspermia quid 109, a. ventorum vi in varias partes defertur 216, a.
Pantheon 78, b.
Pantalarea Inf. 269, a.
Panacura, mons in Java Inf. 181, a.
Parime, lacus in America 241, & seq.
Pericyclofis natura 217, a.
Petrarchæ domus 236, a.
Pharus Egypti olim Insula 78, b.
Phlegreus campus 277, a. ejus descriptio 178, a.
Phoca pili ad aestus incrementum surriguntur 131, a.
Picus Canariarum mens 82, a. *Flammivomus.* 181, b. ejus altitudo 82, a.
Picus de Fayal in Inf. Azoribus parie cum Pico Canariarum altitudinis 82, b.
Picus in Timor Inf. absorptus 181, a.
Pilati mons 290, b.
Pisnam lacus 268, b.
Pila Æolia 203, a. ejus Analogia ad ignem subterraneum 215, b.
Pinguedo quedam omnibus inest 185, a.
Planta cur hyeme tristem vultum induant 173, b. earum odores quid 216, a.
Planitiesum divisio 84, a.
Pluvia vermium, Serpentum in Africa 211, b.
Pluvia subterranea 219, b. in ultoratione Telluris quantum possint 330, b.
Polus Antarcticus adiri non potest 161, a.
Polono-Hungaria Flumina 71, a.
Pons ligneus, circularis, pendulus & sine fulcro quomodo adificetur 14, a.
Potissini collegii reditus 247, b.
Porcellana quid, & quomodo fiat 343, b.
Præster ventus quid 208, b.
Prata marina 97, a. non procul Melita 97, b.
Principium passivum nihil producit sine activo 57, a.
Procyta Inf. 267, b.
Promontorium Bona Spei 127, b. ejus descriptio 209, a.
Pulvis pyrius 305, 6. ejus operatio 306, b. varia confectioes 309, & seq. granulatus, cur majori vi polleat quam farinaceus 310, a. mutus quomodo conficiatur 311, b.
Pyrenai montes 71, a.
Pyrophyllacia, 113, & seq.
Pyrodynaste Mundi qui 224, a.

R. Rio

R.

Rio de las Amazonas, Fl. 74, b.
Roccodi Papa, Castellum 293, a.

S.

Sabbaticus Fl. 285, a.
Sal rebus omnibus inest 162, b. 185, a. 270, b. Est
Elementum terrestre ibid. 110, a. duplex ibid. in
massa Chaotica virtualiter inclusus ibid. quid pro-
prie sit 110, b. 298, a. ejus mira vis ibid. utilitates
163, a. ab ipso dependet rerum generatio 163, b. quo-
modo ab initio aqua insitus ibid. quomodo terra 298, a.
calore Solis excoquitur 166, a. Septentrionales regio-
nes minus ejus feraces 166, b. natura condimentum
vocatur 296, b. incorruptibilis 297, b. in sacrificiis
adhibitus 298, a. triplex 298, b. marinus qualis
300, a. artefactus ibid. Terrenus quis & quotuplex
300, a. Crystallinus ibid. Ammoniacus ibid. Luna
crescente crescit 324, a. saxosus 300, b. Fluvialis &
lacustris 301, a. ex lignis extractus ibid. è cineribus
ibid. varii extrahendi modi 302, & seq. crepitat
in igne 323, b. aqua salsa citius quam dulci liquefit
ibid.
Salis ammoniaci & tartari antipathia 210, a.
Salsedo maris an equalis per universas Oceani semi-
tas 165
Salius differentia & analysis 299. fodina varia per Or-
bem 300, b.
Salinarum cultor primus Ancus Martius 300, a.
Salinitrum quid 305, a. quomodo fiat 305, b. ex quibus
ernatur 308, a. ejus vis 306, b. 308, b. 309, a.
bonitas unde cognoscatur 311, a. sulphuri concoctum
in lapidem virtutur 324, a.
Sanna quid 337, a.
Sargosso herba 272, b.
Sarmatia, ejus loca plana 197, b.
Sarnus, Campania Fl. 286, a.
Scylla situs & proprietates 100, b. fluxus & refluxus de-
scriptio 101, a. ejus causa 100, b.
Semen in centrum Terre projectum qui efflorescat 19, a.
Senega, Africa Fl. 142, a.
Septentrionales regiones minus salis feraces 166, b.
Siccitas quid 307, b.
Sicilia, olim Calabria juncta 99, a. tota cavernosa 103, b.
Sierra Morena, mons Hissp. 261, a.
Silarus, Fl. 286, a.
Sinus Persicus 127, a.
Soda, vide Alkali.
Sorani, lacus Moscov. 242, a.
Sory quid 321, b.
Sol à Centro Terre 1142 semidiametris remotus 37, a.
tempore Justiniani Imp. anno integro parum lucebat,
62. ejus definitio 58. vires & proprietates 59, & seq.
anno 700. veluti sanguineo colore offusus 62. ejus in-
strumenta 60, a. tempore conjunctionis Luna vicini-
or 134, b.
Solanium deleteria qualitate praeclitum 215, a.
Solis Fons 275, a.
Spatia singulorum misilium exacte definiri possunt 46, a.
Spiritu duplex materia 216, a.
Stelle cadentes quid 224, b.
Sterilitas unde 331, a. nova ejus principia ibid.
Stramonium deleteria qualitate praeclitum 215, a.
Styx, fons 280, a.
Sulphuris & Nutri antipathia 210, a.
Sylvae varie 84, a. submarina 97, a.
Syrophenix ventus, vulgo Sirocco 102, a.
Syzygia quid 134, b.

T.

Tagus, Hissp. Fl. aurifer 247, b. 260, b.
Tamesis, Anglia Fl. 140, a.
Tartaria arenosa, olim mare 86, a.
Tellus 57, a. varia ejus officina subterranea ibid. ejus cor-
pus nemo dimensus 65, a. in dimensione mira discre-
pantia, ibid. soliditas ejus investigari nequit 67, a. ejus
offatura montium compages est, ibid. cur plana esse
debuerit 68. mutationum causa 77, a. ejus facies ho-
die alia quam olim 83, b. tota cavernosa 174, a. ejus
stabilitas 54, a. 64, a. ornatus extrinsecus 56, b. mi-
rum ejus opificium 295, a.
Terra sale & pinguedine scatet 185, b. naturaliter aquam
attrahit 239, b. venis plena 239, a. & innumeris
mineralium speciebus 258, a. non est elementum, sed
elementatum 295, & seq. ex quibus componatur
297, a. quanam pura & impura ibid. quid proprie
sit 333. ejus generatio ibid. & seq. 335. unde tanta
differentia ibid. varietas experimento probata 336, b.
variae species 338, b. & seq. qualitatis ejus signa 339.
& seq. qua signantur 343, a.
Terra Sanna quid 337, a.
Terra S. Pauli quid 338, a.
Terra Lemnia quid 337, b. idem cum sigillata ibid.
ejus vires 338, a.
Terra Armenia quid, ejusque vires ibid.
Terra motus subterrestrium incendiorum effectus 220.
horridus ibid. quomodo fiat 221, a. ejus vi mons
translatus ibid. quidam ab Auctore observatus 221, b.
ubi plerumque contingat 222, b. terribilis narratio
257, b. fit nitri accensione 307, a.
Therma Lusitania 260. Algarbiorum ibid. Hispania
ibid. minio divites ibid. in agro Toletano 261, b.
Gallie 262, a. Germaniae 262, b. Hungariae, Trans-
sylvaniae, ceterarumque adjacentium Regionum 264, a.
Italiae Transpadanae 264, b. D. Petri 265, b. Domus
nova ibid. montis Ostioni 265, a. S. Helene 265, b.
Patavis ibid. Herraria 266, b. Campania 267.
S. Georgii in Campania, ibid. Sicilia 268, a. Syra-
cusis 268, b. Liparitane 269, a. Asiae 269, b. Me-
xicanis agri ibid. falsae quibus conducant 271, a. Ni-
trose quid praestent, ibid. aluminose quid 271, b. quid
videm vitriolata ibid.
Thrasymenus, lacus 241, a.
Tigris, Fl. 89, b.
Timavus, Fl. 282, b. ejus fluxus & refluxus 283, a.
Tonica, lacus in Cherea 242, a.
Tonitru subterraneum 221, b.
Tremor unde 212
Turbo, vide Typho.
Tyburtina Ins. 177, a.
Typho ventus 205, a. ejus effectus 205, b.
Tyberis Fl. 291, b. ejus inundatio ibid.
Tyberis fons 292, a.

V.

VAcui metus operatio 222, b.
Vadimonis, lacus 293, a.
Vapor mineralis oculis infestus 183, a. in frigidis locis
generari non potest 228, a.
Velinus Fl. 286, b. 292, a.
Venner & Vetter, lacus Siliciae 147, a. eorum inexplora-
bilis profunditas ibid.
Ventus quid 192, a. mari necessarius 193, b. subinde
ex vacui motu oritur 195, b. quotuplex, 191. ejus
causa ibid. denominationes 192, b. motus assimila-
tur motui fluminum 193, a. analogia cum corpore hu-
mano, ibid. diversitas 198, b. observationes in variis
locis 198, & seq. ejus causa 200, & seq. quomodo
fiat

INDEX RERUM ET VERBORUM.

<i>fiat ex rarefactione aut condensatione aquarum subterraneorum</i> 202, b. <i>quomodo ex halitibus & vaporibus</i> 204, b. <i>quomodo per medium maris erumpens</i> 206, b. <i>quomodo expressura nubium</i> 207, b.	<i>Vieleconde, Gallia therma</i> 262. a.
<i>Ventus Periodicus, vid. Etesiae.</i>	<i>Ula, Moscovia fl.</i> 242. b.
<i>Ventus generalis quid</i> 192, b. <i>eius generatio</i> 193, a. <i>causa ibid. an aliis ventis impediri possit</i> 195, b.	<i>Undulatio unde</i> 212. a.
<i>Ventus Anniversarius, quomodo generetur</i> 199, b. <i>eius vera origo</i> 202, a. <i>quomodo ex subterraneis cascadiis nascatur</i> 203, b.	<i>Voclusius Fons</i> 236. a. <i>eius descriptio.</i> 236. b.
<i>Venti subterranei</i> 220. a. <i>eorum causa ibid. fiunt à maris commotione</i> 176, b.	<i>Urba, Oppidum</i> 258. b.
<i>Ventorum motus transversus, ejusque causa</i> 211. <i>natura & proprietates</i> 213. <i>Romanorum qualitas</i> 214. a. <i>effectus à duobus pendet</i> 214. a. <i>Unde salubritas & insalubritas</i> 214. b. <i>varii in corporibus humanis effectus ibid. utilitas</i> 215. b. <i>finalis causa</i> 217. b. <i>Pestiferorum cum medicamentis analogia ibid. Artificialium productio</i> 218.	<i>Vulcani quid.</i> 75. a. <i>cur constituti</i> 75. b. <i>Europae</i> 75. a. <i>Graciae ibid. b. in variis Insulis ibid. Japoniae ibid.</i> 180. b. <i>Chilensis Regni ibid. in Sumatra</i> 181. a. <i>Ternate Ins. ibid. Java Ins. ibid. Timor Ins. ibid. Bandanarum Ins. una ibid. Mari Pacifico ibid. Americae ibid. Terra del Fuego, ibid. Peru ibid. Cerapa ibid. Paraquipa, ibid. America Septentrionalis</i> 182. a. <i>Nicaragua aliisque locis ibid. in Sicilia</i> 183. a. <i>Italia ibid. b. Germania</i> 180. a. <i>Groenlandia ibid. Asia</i> 180. b. <i>Media ibid. Tartaria ibid. Regno Sinarum ibid. Insulis Philippinis ibid.</i> 242. a.
<i>Vitriolum quid</i> 316. a. <i>eius compositio</i> 217. <i>definitio ibid. Vires & proprietates</i> 322. a. <i>utrum ferrum ejus vi verè in as converti possit</i> 319. & seqq. <i>unde oriatur</i> 320. b. <i>conficiendi modus</i> 322. & seqq.	<i>Vulfinius, lacus in Hetruria</i> 242. a.
<i>Vicissitudo in Mundo terrestri necessaria</i> 330. a.	

Z.

Z *Aurus lacus* 73. b. 242. b. *auro scater* 247. b. *Zona torrida* 124. a. *qualis sub ea Oceani Motus ibid. sub ea navigatio impossibilis* 194. b.

F I N I S.



ERRATUM.

P. 48. Col. i. lin. 23. lege *recurrere, dum.*





AMSTELÆDAMI, Typis Joannis Janssonij à Waesbeerge et Elizæi Weyerstraet 1665.



SACRATISSIMO
& INVICTISSIMO

LEOPOLDO I.
ROMANORUM
IMPERATORI



JUSTO,PIO,FELICI,

ATHANASIUS KIRCHERUS è Soc. JESU

Salutem, Victoriâ, Pacem.



Junt Monarchæ Macedoni aureum pomum datum conflatum ex aureo tributo omnium partium Orbis terræ. Ego quoque cor Terræ, seu thesauros Orbis terrarum introspecturus ingredior: ut inde tributum eruam, quod literatè pendam Tibi Cæsari meo, qui in aliis Austriacis sanctum, pulchrum, pium, victoriosum, gloriosum LEOPOLDI nomen primus Augustissimo Imperatoris nomine coronasti, porrecto illi aureo pomo Imperii. Tu foris Orbi Tuoregendo intentuses: ego verò intra ipsam terram introrsus inspicio quid lateat: & intus mihi cano ac musis. Neque enim minorem istic, aut minus suavem Dei conditoris Musicam invenio, quàm cœli

(*) 2 con-

concentum audierit furdus ad æterna Pythagoras. Somniant in cœlo domos Astrologi: ego illas in Terræ profundo vigil invenio, dum in illis tenebris ingens Orbisterarum volumen seu codicem aperio, evolvero, lego, scribo, Tibique ac Orbi legendas tenebras exhibeo. Nempe dum alii aliud agunt in negotiosa hac Mundi vertigine actuiosi, dum se abdit ac versat in Dolio suo Diogenes; ego quoque, solo qui foris conspicitur Mundi cortice non contentus, & Mundum ceu grande dolium introgressus, magni hujus corporis velut anatomiam exerceo, fortè aurea istic secula reperturus; certè quæsiturus lapsam, ut ajunt, seu latentem in philosopho puteo veritatem. Fama est, in Insulis Fortunatis putei cujusdam orificio speculum quàm maximum imponi, & ab eo qui in puteum descenderit, ac oculos in speculum illud intenderit, ea quæ in Orbe terrarum fiunt exaudiri, urbesque videri, ac omnia, non minus quàm si coram omnibus interesset. En Librum, ceu speculum, in quo videas non quid foris, verùm quid intus in Mundo fiat. Lynceum Apharei Messeniorum Regis filium ferunt arbores, saxa, Terræ ipsius profundos sinus oculorum acie penetrasse; ac æris, argenti, aurique fodinas reperisse; omnia denique quæ

D E D I C A T I O.

quæ apud Inferos fierent pervidisse. An non lynceo mihi & oculo & calamo erit opus, ut ea quæ in Terræ sinu abscondita latent mysteria tenebrasque pervideam, & exponam? vidi monstra in coelo per Iter Extaticum; an in terræ cavernis nullum occurret? solent monstra fisci viris principibus ut delectent; Ego quod istis rarum, aut admirabilitatem memorabile comperiri, Tibi fisco. CÆSAR è Trophonii antro reduces jubebantur sedere, ac visa per dies aliquot in eo mysteria explicare. Hoc est quod agit hic Liber meus, immo Tuus, hospes non tam ex urbe quam ex Orbis Terrarum illum parturientis visceribus. Jam non sublimi feriam sidera vertice, sed descendam in profundam Terræ abyssum investigatione assiduâ; non minore operæ pretio, quàm in mare sese immergant urinatores; quorum celeberrimus Andreas Mergus Genuensis, quidquid in mare abjiciebatur, sese mari immergens, illi prædam eripiebat. Et Theseum olim videre fabulæ se in mari sepe-lientem ac inde cum ea quam in mare Minos abjecerat gemma emergentem, & quidem coronatum. Ego non nisi pro immortali, quæ apud Deum est, corona, in terræ veluti maris profundo descendendo; & quidquid inde fero, Coronæ Tuæ

DEDICATIO.

Cæsareæfero, debitum jam alias FERDINANDO III. Augusto Patri Tuo munus: cujus Tu corona es coronata. quia æterno adamante fixum est, patris coronam esse filium sapientem. Magna Te expectant, LEOPOLDE; Tuum est ingentem hujus nominis mensuram pari virtute implere; ut de LEOPOLDI nomine scripturis calamis, Tu primus occurras, & illo quo nites integerrimo Austriacorum morum candore, Majoribus Tuis non minor, & heroicâ indole non impar Majestatis CÆSAREÆ granditati, & denique prompto ad omnem impigritatem animo, pro Christiani Orbis bono, pro aris & focis immortaliter labores æternitati.

Hoc est quod Tibi ac Tuis vovet, idem qui supra, pauper & humilis servus.

*E Coll. Romano Kalend.
Junii 1663.*

PRO-

P R O Æ M I U M

A D

L E C T O R E M.

I D E A . O P E R I S.

B Ostquam in Septem Primi Tomi libris *Mundi Subterranei*, de admirabili centri natura, de incomprehensa *Geocosmi* structura & opificio, de abdita Oceani, atque aquei *Elementi* natura & proprietate, de *Meteororum* tum intra, tum extra terræ superficiem, necnon de subterraneorum ignium ventorumque genesi, de aquarum terrenum globum ambientium natura, proprietate, diversitate, & ortu: de elemento terræ vero & genuino, id est, salis, cæterarumque terrestrium glebarum natura, proprietate, diversitate & ortu, novâ philosophandi methodo magna experimentorum apparatu egerimus, nil restat nisi ut reliquis hujus *Secundi Tomi* libris ad particularem terræ fructuum partiumque, quos fecundissimus *Geocosmi* uterus, nullo non tempore uberrimo proventu parturit, considerationem procedamus, singulorum vires & proprietates, tantorumque effectuum proximas causas exploremus. Quod in quinque hujus *Tomi* libris opportune fieri posse existimavimus. Cum itaque ex hujusmodi salinorum corporum vi & efficacia, omnia quæ in terreno tum interiori, tum exteriori globoprehenduntur corpora, fixam, duram, & solidam consistentiam sortiantur; hinc in *VIII Libro* de lapidosa *Geocosmi* substantia opportune agendum censui. in qua uti naturæ potestas admiranda quadam industria & ineffabili tum in communium, tum in pretiosorum lapidum gemmarumque compositione lusit, ita quoque ea ornamentis omni admiratione dignis, non solum quoad incredibiles virtutum viriumque interiorum dotes, quibus natura ea instruxit, sed & quoad multiplicis picturæ apparatus, quæ in iis quæcumque *Mundi* ambitu continentur, vel ad artis invidiam pingendo effingendoque, pro ludibundi genii capacitate exprimere attentavit. Quanto præterea artificio gyganteæ magnitudinis ossa, cornua adhæc prodigiosæ longitudinis in abditis suis ergastulis elaborarit; Quantâ sagacitate *Lignum* quoque fossile sub terra, sub mari corallinas plantas incredibili opificio ex maris rupibus eduxerit; hæc omnia *VIII Liber* pandit. Rursus uti sapientissimus mundi *Architectus*, in triplici naturæ regno bona malis, impuris pura, noxia salubribus, veluti *Pandoræ* quodam vase commiscuit; ita quoque de lathiferis terrestres *Mundi* partibus, id est, de *Venenorum* origine, natura, viribus in *IX Libro* quam uberrimè disceptare visum fuit; ubi *Lector* aperte cognoscet, nil à Deo rerum conditore

(*) 4

Opt.

A D L E C T O R E M.

Opt. Max. adeò perniciosum & exitiale in Sublunari Mundo productum fuisse, quod non unâ in se contineat vitæ remedium, mortis quam sua virulentia venena adferunt, destructivam, adeoque ipsius solius sit ex tanto malo bonum, ex nocivo innoxium, ex lethifero denique salutiferum producere.

Porro iis jam expositis, quæ ad salinam, saxosam, deleteriamque naturæ substantiam pertinent, ad metallicam artem, quam metallurgiam inscribimus, progredimur. In qua quid ars naturæ imitatrix possit, ostenditur, dum metallicorum corporum uberrimos partus ex Geocosmi utero, magno humanæ negotiationis emolumento eruit, ubi & de metallorum ex fodinarum matricibus eductorum proportionem, concoctionem, separationem, necnon de virtutibus singulorum fusissime in X libro agitur.

Quemadmodum verò auri & argenti insatiabilis cupido mortalium mentes mirum in modum exagitat, ita quoque miris modis & astutiis nil non attentant, ut ad ultimum naturalis beatitudinis terminum, quem in auri argentique opulenta possessione constituunt, quovis modo perungere valeant. Quamobrem librum XI. sub titulo *χημικὴ τέχνη* disposuimus, quo utrum per Alchimiam verum & naturale aurum confici possit, disputamus; errores, imposturas, dolosque Alchimistarum nullo non tempore commissos exhibemus, artemque quam transmutatoriam vocant ad Physiologiæ stateram revocatam summo rigore examinamus quod XI liber præstat, quo & lapidis philosophici commentam vario experimentorum apparatu funditus exploditur.

Restat tandem XII Liber & ultimus, quem non incongruo nomine Naturæ simiam appellavimus. In hoc potissimum id intendimus, ut quidquid rerum admirandarum in Geocosmo natura exhibet, id humani ingenii sagacitate, dummodo natura jure suo cesserit, produci posse, innumeris, raris, & invisis experimentorum exhibitionibus docemus & demonstramus.

Atque hæc est Synopsis & veluti *ἀνακρίσις* quæ omnium eorum, quæ in II Mundi Subterranei Tomo, quantum ingenii nostri imbecillitas permisit, exhibemus. In quo si quidpiam laude dignum, aut bono publico proficuum repererit Lector, id non mihi mortalium minimo, sed Patri luminum, à cujus infinita bonitate, misericordia, & liberalitate uti profluunt omnia, ita quoque si quid in me quantumvis indignum munerum suorum charismatumque congescit, in immensam divinæ bonitatis abyssum refluant, adeoque sit ipsi soli honor & gloria, cujus proprium est tenebrosus mentium recessus luce sua, ut aliquid possint illustrare.

IN.

I N D E X A R G U M E N T O R U M,

Quæ Secundus Tomus hujus Operis complectitur.

LIBER OCTAVUS Λιθογενετικός.

De Lapidosa Telluris substantia; De Offibus, Cornubusque, Fossilibus, item
de Subterraneis animalibus, Hominibus, Dæmonibus. pag. 1.

Schematismus Lapidum resolutorius. 2.

<p>SECT. I. DE Lapidibus in communi. 3</p> <p>CAP. I. De multiplici Lapidum differentia. ibid.</p> <p>II. De Lapidosa substantia, quæ in Geocosmo cernitur, montiumque origine. 5</p> <p>III. De Virtute Lapidifica per totius Geocosmi corpus diffusa. 6</p> <p>IV. De Lapidum Saxorumque origine, & quomodo successu temporis in tantam duritiem coaluerint. 7</p> <p>V. De Lapidum Gemmarumque colore, & quæ ratione is à Natura iis sub tanta colorum differentia insitus sit. 8</p> <p>VI. De Coloribus quos apparentes vocant. 15</p> <p>VII. In quo de transparentium lapidum gemmarumque causa & origine, & primo quidem de crystallinarum gemmarum, deinde de Adamantium ortu agatur. 19</p> <p>VIII. De variis figuris, formis & imaginibus, quibus Natura Lapides & gemmas instruxit. 22</p> <p>IX. De admirandis Natura petrificis operibus, formis, figuris, imaginibus, quas in lapidibus & gemmis delineat, eorumque origine & causis. 27</p> <p>SECT. 2. De Transformatione Succorum, Salium, Herbarum, Plantarum, Arborum, Animalium Hominumque in saxum conversorum, sive de facultate petrifica. 45</p> <p>CAP. I. De origine succi petrifici. ibid.</p> <p>II. Varia rerum in lapides conversarum observationes. 48</p>	<p>III. De Lapidibus in diversis animalium membris enasci solitis. 50</p> <p>IV. De ossium & cornuum subterraneorum generatione. 53</p> <p>V. Cornua fossilia, quæ cum ossibus subterraneis magnam affinitatem habent, ubi & potissimum tractatur de Cornu Monocerotis. 62</p> <p>VI. De Lignis & Carbonibus fossilibus. 65</p> <p>SECT. 3. De Asbesto, Succino, cæterisque bituminosis gummiis fluoribus, nec non de iis fossilibus, quæ mirandis virtutibus pollent. 66</p> <p>CAP. I. De Asbesto, seu Amiantho. ibid.</p> <p>II. De præparatione lini Asbestini in ordine ad telas contexendas, & chartam conficiendam. 74</p> <p>III. De Electro seu Succino, vulgò Ambra. ibid.</p> <p>IV. Quomodo Animalcula diversi generis in Electri medistullio sepulchrum suum sortita sint. 78</p> <p>V. De attractiva Electri virtute. 76</p> <p>VI. De Electri seu Succini medicis viribus. 77</p> <p>VII. De duodecim lapidibus in Rationali Sacerdotis Magni positis, & in fundamentis Civitatis Apocalyptica. 83</p> <p>SECT. 4. De Animalibus Subterraneis. 86</p> <p>CAP. I. De nonnullis Animalibus, quæ semper, uti extra terram vivere non possunt, ita perpetuo ejus abdita viscera incolunt. ibid.</p> <p>II. De Draconibus Subterraneis. 89</p> <p>III. De Hominibus Subterraneis. 97</p> <p>IV. De Dæmonibus Subterraneis. 101</p>
--	---

LIBER IX. δηλοθηροματικός.

De Venenosis & Lethiferis Mundi Subterranei Fructibus.

<p>SECT. I. DE Venenis eorumque natura, origine & admirandis proprietatibus. 104</p> <p>CAP. I. Definitio Veneni. ibid.</p> <p>II. De Terrestribus quibusdam mineralibus, ex quibus omnia venena ex Subterraneis originem suam primordialiter trahere docetur. 105</p>	<p>III. De accidentali Veneni in cæteris vegetabilium, animaliumque tam vivorum, quam mortuorum cadaveribus genesi. 107</p> <p>IV. De Venenorum differentiis. 108</p> <p>V. De Alimenti, Medicamenti & Veneni differentia: Item de consensu & dissensu rerum, quam Sympathiam & Antipathiam</p>
--	---

INDEX ARGUMENTORUM.

- thiam vocant, varia divisione; & an
lis & amicitiarum, per qualitates pri-
mas seu elementares, an per specificas
rerum virtutes perficiatur? 109
- V I. De Venenarum consensu, dissensuque, co-
rumque origine & causis. 115
- SECT. 2. De Venenis sensitivæ & vegeta-
bilis naturæ. 124
- CAP. I. Quomodo Venenum in humanis cor-
poribus nascatur. ibid.
- II. Quot modis in nobis Venena nasci possint. 125
- III. Quomodo Venena animalium hominem in-
ficiant & interficiant, siue de causis ve-
nenorum. 127
- IV. Ubi Vipera, ceteraque Aspidum enarrata
speciei, prima classis venenum stabule-
tur, ubi sedem suam lethæam ponant, &
qui venenum suum intra corpus huma-
num causent. 130
- V. Quomodo Venena nonnullis animalibus non
noceant, & quomodo Venena per morsum

- canis rabidi & Tarantula, non nisi de-
terminato tempore sese exerant. 132
- V I. De Origine morborum. 134
- V II. De Cura Venenatarum infirmitatum. 137
- SECT. 3. De imperfectis Metallicis corpo-
ribus, quæ tanquam principales cau-
sæ ad metallorum, genesis concur-
runt. In qua Venena mineralium,
nec non eorundum Medicæ virës
uberius exponuntur. 145
- CAP. I. De admiranda Sulphuris natura, &
proprietate. ibid.
- II. De ceteris mineralibus, quæ ex Sulphure
originem ducunt. 147
- III. Antimonii, siue Stibii origo, natura, pro-
prietas. 149
- IV. De Argento vivo, siue Mercurio, ejusque
natura & miris proprietatibus. 150
- V. De Bituminosis corporibus. 156
- VI. De Marinis fructibus, Corallio & Unioni-
bus. 158

LIBER X. Metallurgicos.

- SECT. I. DE Artis Metallicæ requisitis,
fodinarumque conditione. 162
- CAP. I. De Objecto Metallurgia; Item de causa
materiali, & formali Metallorum. ibid.
- II. Utrum Cælum & Stella ad metallorum
concurrant, & quomodo sidera ad Me-
tallorum productionem concurrere pos-
sint. 165
- III. Quomodo humor ille unctuosus, ex quo
Metalla componuntur, à Natura elabore-
tur, & quid in eo Sulphur, Mercurius,
& Sal sint? 167
- IV. Quomodo omnia ex terrestres & humidi
caloris efficientia producantur: Item
quid sit illud, quod Metalla reddat in
igne fluida, non verò lapides & plantas,
ceterasque res; & quomodo Natura in
dissolvendis perficiendisque rebus proce-
dat. 168
- SECT. 2. De Metallorum, cæterorumque
Mineralium fodinis, fossorumque
morbis & remediis. 171
- CAP. I. Quanam ad perfectam Metallica Ar-
tis notitiam requirantur, siue de condi-
tione Præfecti fodinarum. ibid.
- II. De Morbis fossorum. 172
- III. De Cura morborum metallicorum. 173
- IV. De Remediis, quibus malignus aër in cuni-
culis metallicis purgatur. 174
- V. De modo exhauriendi aquarum colluviem, quæ
fossoribus magno impedimento sunt. 177
- VI. De multiplicibus Venarum fibrarumque mi-
neralium ductibus. 178
- VII. METALLOGNOMIA, siue de
signis metalli latentis, & qua arte Me-
tallorum vena cognoscantur. 179
- SECT. 3. De Fodinarum metallicarum na-
tura, proprietate, variis accidenti-
bus, varia ad Authorem responsa. 182

- RELATIO De Fodinis Hungaria rebusque me-
morabilibus, quæ in iis occurrunt;
seu
- CAP. I. Ubi Responsio Schemmiziana ad no-
vendecim puncta ab Authore propo-
sita. 183
- II. Responsio ad Quæstiones propositas, Joan-
nis Schapelmanni, S. Cas. Regique
Majestatis, Minerarum cuprearum præ-
fecti in Herrengrundt in Hungaria. 185
- III. Georgii Schutz sua sacra Cæsareæ Ma-
jestatis in Camera Schemnicensi ratio-
num in mineralium negotio præfecti. 186
- IV. Patrie Andreæ Schafferi de differentibus
Mineralibus, quæ in fodinis Hungaricis
reperiuntur. 187
- V. Et ultima Relatio de Tyrolensibus Mineris,
facta à pranobili & Clarissimo Viro,
D. Joanne Gervick Archiducis Seren.
Consiliario. 190
- VI. De Machinis Metallurgicis. ibid.
- SECT. 4. De particularibus Fodinarum
conditionibus, variisque in Metalli-
cis Mineris effodiendis, lavandis, con-
coquendis, separandisque unum ab
altero processibus. 197
- CAP. I. De purgatione Metallorum. ibid.
- II. Alia Metallorum præparandorum ratio ex
Agricola 199
- III. Fodina Auri ejusque conditiones. 200
- IV. Fodina Argentifera, ejusque natura &
proprietas. 203
- V. Metallorum mixtura. 205
- VI. Sympathia & Antipathia. 206
- VII. De Scoriis & Excrementis Metallorum.
ibid.
- VIII. Fodinarum Auri & Argenti, quæ in
Peru, Novo Regno, & Nova Hispania in
America reperiuntur, mira fecunditas,
ex Relatione Patrum Societ. Jesu. 208
- IX. De

INDEX ARGUMENTORUM.

IX. De Fodinis & Aëris, seu Cupri. 216
X. De FERRIFODINIS. Ferri natura &

proprietas. 219
XI. De Salifodinis, Salisque præparatione. 224

LIBER XI. Χυμικοποιήσις.

P R Æ F A T I O. 231

SECT. I. **D**E Origine Alchymiae. 232
CAP. I. De Nomine, Definitione, & Divisione Alchymiae. ibid.
II. De Alchymia, quam Chrysopaeiam vocant. 233
III. De Antiquitate Alchymiae. 234
IV. De Pyrotechnia, sive ad Chymicas operationes requisitis vasis & instrumentis. 236
V. De Furnis, vasis, caloribus gradibus, ceterisque operationibus Chymicis. 239
VI. Canones Methodici & Paradigmatici, quibus operationes Chymicae per experimenta, & varia exempla singulis operationibus propria ostenduntur, & comprobantur. 243
SECT. 2. De Lapide Philosophorum. 250
CAP. I. Quid sit Lapis Philosophorum, quidnam Elixir seu Tinctura Philosophica, & an ejus ope verum & naturale aurum arte produci possit. ibid.
II. Utrum vera & realis transmutatio unius metalli in aliud detur. 256
III. De Lapidis & Tinctura Philosophorum conficienda modo & ratione. 260
IV. Perfectum Artis Magae magisterium à Lullo, Azotho, ceterisque examinatur. 265
V. Quo Alchymicos Magae Artis processus paulo ante adductos subsistere non posse docetur. 267
VI. Omnia Chrysopaeias tentamina frustranea esse ex ipsis Alchymistarum Coryphaeis, Arnoldo, Villanovano, demonstratur. 270

VII. Objectiones contra dictos processus, eorumque Authores, confutantur. 275
VIII. PSEUDOCHEMICALUM, De dolis & deceptionibus, modisque, quibus Alchymista verum Aurum se conficere posse uti olim jactitarent, ita & hodie non cessant. 280
IX. Quod Damon ut plurimum se Alchymiae cultoribus immisceat. 283
SECT. 3. De Alchymia Sophistica, id est, de illa Alchymia, quae Aurum & Argentum, cupro, plumbo, stanno jungens, inde aurum magno augmento conflatur. 284
CAP. I. De variis variorum Sophisticis operationibus falsis & illicitis. ibid.
II. De licito vel illicito Chymicorum Aurificio, quod per appositionem vocant, sive quo pars ad partem, id est, auro metallum quodlibet junctum, illud multiplicet. 288
III. De Chrysopaeia artificiali Chymicorum. 298
SECT. 4.
CAP. I. JURIDICUM sive LEGALE. Utrum Aurum Chymicum, quacunque tandem ratione factum licite pro vero vendi possit. 308
II. Decisiones Juridico-Canonicae, de Auro Chymico falso & vero. 311
III. In quo breviter quidnam proprie decantatissimum apud veteres Alchymistas Lapis Philosophorum fuerit, & quid tandem prisca Philosophi, eorumque moderni sectatores per eum intellexerint, aperitur. ibid.

LIBER XII. πολυμήχανος.

SECT. I. **D**E Panspermia rerum. 327
CAP. I. De Seminis origine, natura, & proprietate. ibid.
II. Modus, quo Natura in Mineralium genesi procedit, exponitur. 329
III. De Semine plantarum sive Natura vegetabilis. 330
IV. Semen hoc nil aliud esse, quam Salem Naturae elementis insitum, cui essentialiter proxima tria Naturae principia complacentur. 331
V. Quomodo semen universale ad animalium generationem concurrat, & de mirifica plastica virtutis efficacia in semine animalium. 332
VI. De spontaneo Viventium ortu, seu abditio seminis eorum, quae ex putri nasci dicuntur. 336
VII. De variis sponte nascentium classibus. 338
VIII. Quo combinativè subjecta, & quibus & planta & animalia spontanea generatione nascantur, exhibentur. 340

IX. Quomodo tum Zoophyta, tum Insecta omnis generis ex perfectorum animantium corporibus enascantur. 344
X. De Insectorum spontaneo ortu ex aliis animalibus perfectis diversa speciei. 352
SECT. 2. De Animalium, quae à Græcis ἑνίμα, à Latinis Insecta vocantur, varia tum naturali, tum artificiali productione. 353
CAP. I. De variis Insectorum natalibus, eorumque differentiis. ibid.
II. De Insectorum, quae sarifica vocant, genesi. 357
III. De Insectorum Quadrupennium genesi. 359
IV. De Analytrorum, quae Bipennia vocant, Insectorum origine. 361
V. De eorum Insectorum, quae alas vaginis inclusas habent, origine. 363
VI. De Insectis, quae alis quidem destituta, multis tamen pedibus instructa sunt. 366
VII. De Vermibus, qui in animalibus, potissimum hominibus nascuntur. 370
VIII. Reca-

INDEX ARGUMENTORUM

VIII. Recapitulatio dictorum Experimenta- lis.	371
IX. Cur tot & tanta Insectorum differentia genera Natura producere voluerit.	374
SECT. 3. Secundum Naturæ regnum ex- plorat; Quæ est Philosophia Bota- nica, & de admirandis effectibus, quos Mundus Subterraneus in Vege- tabilium plantarumque genesi præ- stat; & quam mira inde arte deduci queant.	378
CAP. I. De mirifica feminis in Vegetantibus vi & efficacia.	ibid.
II. De tribus Natura principiis, è quibus tanta plantarum varietas nascitur, rerum omnium fermentativis.	379
III. De Differentiis Plantarum. Quæ necessa- ria sint ad plantarum vires cognoscen- das, & quomodo ex diversitate vires explorande.	380
IV. De Arte Emphyteutica, seu Instituta.	382
SECT. 4. De Arte Stalactica, five Distilla- toria.	390
PRÆFATIO. Artem Distillatoriam esse imita- tricem Natura in Subterranea officina seu Ergasterio omnia per distillationem efficientis.	ibid.
CAP. I. Definitio & multiplex Distillationis differentia.	391
II. De Elementorum Mixtorumque speciebus, eo- rumque usu & emolumento in rerum na- tura juxta Artis regulam dispositis.	398
III. De qualitatibus primis & manifestis, occultis seu specificis Plantarum, singularum- que partium, uti sunt Folia, Radices, Flores, Fructus, Semina, Ligna; Oleis, Gummi, eorumque viribus & proprieta- tibus in usu Medico, ex Veterum, Recen- tiorumque Medicorum melioris nota mo- numentis extracta, & in Tabulas Sy- nopsis reducenda.	400
IV. De prodigiosis Plantarum facultatibus, quas ex Subterraneis originem suam nactas fuisse docetur.	408
V. De variis Plantarum accidentibus, per Qua- estiones enodandis.	409
SECT. 5. Occulta variarum artium Erga- steria five Officinæ, in quibus juxta Subterranei Archæi prototypum mi- ræ operationes instituuntur.	419
PARS I. De Arte Chymiurgica.	ibid.
CAP. I. De Arcanis Chymicis.	ibid.
II. Disquisitio Iatrico-Chymica, quâ Auri pota- bilis veritas exploratur.	423
III. Utrum Aurum siue Magisteria ex auro confecta in Medicis cum, quem Alchy- mista jactant, usum, virtutem & effica- ciam obtineant, & num Medicina uni- versalis dici possit aut debeat.	426
IV. De Argento, siue Luna terrestri.	429
V. De Ferri, Stanni, Cupri, Plumbi magiste- riis.	430
VI. De Arboribus metallicis, earumque arti- ficiali productione.	431

VII. Canones Anacephalaotici, quæ Ar- tista in operationibus Chymicis dirigan- tur, quibusque operationes vera à falsis distinguantur, tum ex Authoris, tum aliorum recte sentientium Chymicorum mente.	433
PARS II. Ars Metallostatica, siue de Arte, quâ per scientiam ponderatricem mixture metallorum mineraliumque cognosci certè possit, unâ cum pon- deratione humiditatis, siccitatis, in unoquoque mixto tam minerali, quam vegetabili animalique inexi- stentis.	439
CAP. I. Quo Auri mixtura declaratur.	ibid.
II. De variarum rerum ponderationibus.	446
PARS III. De Arte Vitriaria, qua non so- lum de Vitri admirandis operibus sed & de Crytallis, Perlis, Lapidibusque pretiosis ad vivum Naturæ exemplar figendis, agitur.	450
CAP. I. De Vitri natura.	ibid.
II. De Artificiosa geminarum lapidumque pre- tiosorum confectione.	454
III. Quomodo gemma ex Smalto seu Encausto confici possint.	455
IV. De Gemmarum adulteriis, seu de fucata la- pidum gemmarumque compositione, par- tim proprio experimento, partim peritis- simorum scriptorum autoritate & ami- corum communicatione comprobata.	458
PARS IV. Ars Pyrabolica, quam & Pyro- techniam vocant.	467
PRÆFATIO. In qua de pulveris Pyrii inven- tione.	ibid.
CAP. I. De pulveris Pyrii confectione.	468
II. De præparandis funibus incendiariis com- munibus.	472
III. Præxes Lathneo-Chymica de aliquot pro- batissimis antidotis contra ambustiones, pulvere Pyrio, sulphure, ferro candenti, plumbo liquefacto, ex aliis hisce simili- bus factas.	473
IV. Præxes de compositionibus ad Rochettas omnis generis, quas Itali Raggi, Germani Ra- kettas vocant ex mente Siemienovii, ceterorumque Pyrotechnorum qui pul- veri conficiendo operam dant.	474
V. De globis recreativis aquaticis, seu in aqua natando ardentibus.	475
VI. Præxes alia de igneis compositionibus pro festivis diebus.	476
VII. De globis lucentibus quales ignibus re- creativis adhibere solemus, Germanis Lichtkugel dictis.	478
VIII. De variis spectaculorum exhibitionibus, Pyrotechnica artis ope instituendis.	479
PARS ULTIMA. De Artium quarundam me- chanicarum arcanis ad Naturæ Sub- terraneæ exemplar constitutis.	481
CAP. I. Ars Aurifabrorum ceterorumque Arti- ficum, qui circa metalla occupantur.	ibid.
II. De Arcanis miscellaneis.	485
Conclusio operis.	487

MUNDI

MUNDI SUBTERRANEI LIBER OCTAVUS,

D E

LAPIDOSA TELLURIS SUBSTANTIA;


*De Ossibus, Cornubusque fossilibus, item de Sub-
terraneis animalibus, Hominibus, Dæmonibus.*

P R Æ F A T I O.

Ræmissis expositisque fundamentis Terrestrium corporum, restat, ut lapidosam substantiam, quam Geocosmus in inmensis uteri sui receptaculis, sub innumerabili lapidum, saxorum, gemmarumque differentia continet, æquo passu prosequamur. Geocosmus, uti in *tertio Libro* docuimus, lapidosâ substantiâ constat, & non secus ac humani corporis cæterorumque animalium fabrica ossibus, ad firmiorem totius molis consistentiam præditus est; Quemadmodum enim hæc medullâ suâ constant, ossium concavis, non secus ac inter arterias venasque sanguis, ne deflueret, conclusa, ut hoc pacto, cum omnibus humoribus totius corporis communicet; nervis & cartilaginibus, nec non venis & arteriis vestita fuit, ex quibus continuo attractu per abditos canaliculos nutriretur: pari quoque pacto terrenus Orbis ossatura sua constans, sine qua Natura meritò in rerum productionibus irritò labore negotiaretur: hæc enim uti fistulosa substantia constat & innumeris quâ venis, quâ nervis & cartilaginibus, ad partes partibus aptè connectendas à natura instructa fuit, ita per occultas fibras intra sese veluti nutrimentum quoddam, quicquid in terreno corpore humoris, pinguedinis & glutinis latet, ad totius conservationem fabricæ, potenti quodam à natura ipsi indito magnetismo attrahit; atque hinc lapideum & variis alluvionum subterrestrium detritionibus diminutum, ex humido, quæ dispersa sunt, iterum colligit, & in sui restaurationem, attractu convertit; quod verò salinum & minerale aut metallicum olet, id intra fibras lapidosæ substantiæ attractum in metallicorum corporum seminarium cedit; Hæ verò mixtæ lapidoso succo, illam lapidum siue communium, siue pretiosorum varietatem efficiunt, quam hoc in *Libro* describemus; quod ut quàm optimè fiat, à divisione ratiocinii nostri ducemus exordia.

Compara-
tio Geo-
cosmi cum
Microcos-
mi.

Schematismus Lapidum resolutivus.



SECTIO PRIMA

DE LAPIDIBUS
IN COMMUNI.

CAPUT I.

De multiplici Lapidum differentia.

L. Apis, cujuscunque tandem generis fuerit, propriè nihil aliud est, quàm corpus fossile illiquabile, id est, quod nec aqua nec igni in fluorem dissolvi possit, exceptis iis, qui suam ex bitumine, vitro, aliisque succis originem nanciscuntur, qui ignibus torti facillè liquefiunt, ut Glutèn, Succinum, arena vitrea, & quæ ex metallicis speciebus commixta sunt, quæ idè lapides propriè dici non possunt: quorum quidem lapidum tanta est differentia, ut ad illos enumerandos non dicam hujus Libri angustia, sed nè multorum voluminum tomi, adè amplæ & copiosæ materiæ capaces esse queant, operam tamen dabimus, ut omnia & singula, quæ lapidum differentiam, naturas, vires proprietasque concernunt, consideratione digna, non rationibus vulgò adduci solitis, sed nova experimentorum congerie, eà industriâ & methodo exponamus, ut ex iis *Lector*, quid de hoc argumento statuendum sit, luculenter videat.

Prima differentia à loco inanimato.

Prima differentia lapidum sumitur à loco natali, in quo crescit, estque vel inanimatus vel animatus. Inanimatus iterum duplex est; Naturalis vel Artificialis: Naturalis inanimatus est iterum vel intra terram, vel in aqua, vel in aëre. Quæ intra terram crescant, sunt pleraque communia saxorum, marmorum, cæterorumque etiam pretiosorum genera. Quæ in aqua crescant, sunt omnes illi lapides, qui ex petrifico succo in aquis ex appropriato singulis succo aut limo congelascunt, & in saxum convertuntur; Aër verò suppeditat ceraunium sive lapidem fulmineum in nubibus coagulatum, & in terram decussum, aliosque similes in aëre genitos, de quibus vide in sequentibus, de pluvia saxorum fusiis actum. In igne omnium destructivo lapis nullus concreescere potest. Naturalem locum excipit artificialis, qui quomodo & ex quibus conficiatur, in sequentibus docebitur.

À loco animato.

Sequitur secundo alterum divisionis membrum natalis lapidum: est locus animatus, qui iterum sedem suam fixam habet vel in vegetabilibus, vel sensitivis, aut animalibus: in sensitiva natura crescit lapis: vel in homine, vel in quadrupedibus, vel in volucribus, vel in natatilibus, vel denique in insectis. In homine naturaliter crescit lapis, vel in vesica,

vel in renibus, vel in cista fellis, vel etiam præter naturam in omnibus membris, ut suo loco videbitur; ubi & ostendetur, nullum esse animal, quod non lapidosum aliquid intra se gignat, sive id sit ex quadrupedibus, sive volatilibus, sive aquaticis, sive ex insectis & zoophytis.

Secunda differentia sumitur à colore, qui vel simplex est vel compositus: Simplex est albus, flavus, aureus, viridis cæruleus, purpureus, cinericus, niger. Compositus est, qui vel ex uno aut pluribus dictis constituitur: Undè alii lapides homogenei, cujuscunque coloris tandem tinctura: alii verò heterogenei magna colorum varietate imbuti spectantur. Sunt & diaphani alii, alii opaci, alii ex utroque constituti, alii coloris expertes, ut crystallus, adamas.

Secunda differentia à colore.

Tertia differentia à qualitatibus primis & secundis, sive manifestis sumitur; quæ uti varia est, pro formæ cujusque conservatione, ita quoque diversos effectus hominibus applicati fortuntur; hoc pacto calida qualitate præditi, qualis in succino & gagate deprehenditur, calefaciunt; frigida verò, quæ in unionibus, corallis, aliisque similibus reperitur, refrigerant. Rursus frigida temperies, quæ in omnibus lapidibus in pulverem redactis elucet, exsiccat. Sunt præterea molles, duri; graves, leves; læves & asperi; pulchri, turpes.

Tertia differentia à qualitatibus primis & secundis.

Quarta differentia ex quinque sensibilibus objectis sumitur: Sunt grati oculis, pulchri, nitentes, splendidi, uti lapides plerique pretiosi; sunt contra turpes, obscuri, & ingrato colore imbuti. Differunt quoque sono, cum alii sint obtusi soni, alii acuti, quidam æris instar tinnientes; nonnulli omnem sonum respuentes, uti Sanius, Armenus, & qui ex terrestribus globis concreescunt. Differunt quoque odore grato & ingrato: quidam enim, uti *Geodes Misenus* violæ odorem refert, lapis *Mariebergicus*, teste *Agricola*, muscū olet: Serpilli odorem Turingicus juxta Beclingam oppidum repertus, multi odorem Ophites: Vinum olet Echites apud Solinum, lac Galactites. Sulphuris odorem referunt Marcasitæ & filices illi, è quibus ignis elicitur, Succinum & Gagates resinæ odorem. Sapo res verò in lapidibus non deprehenduntur, nisi in mollioribus, qui digitis teruntur, uti enim ex variis salibus & metallicis succis originem suam fortuntur, ita saporem quoque ejus aut


Quarta differentia à quinque sensibus.

aut Salis aut mineralis, ex quibus constant, saporem retinent. Tactus quoque distinguit lapides, molles à durioribus, læves ab asperis.

Quinta differentia desumitur partim à figura, partim à specificis qualitatibus, aliisque miris facultatibus. Quo ad primum sunt alii angulares, alii rotundi, polygonii & polyedri, id est, pluribus angulis & solidis, pyramidis, uti omnes Crystallinorum corporum species effecti; alii sub orbiculari seu elliptica aut ovali figura reperiuntur, uti silices fluminum ad littus electi; alii aliis formis imbuuntur. Sunt denique, qui omnium rerum Figuras, Sylva-

rum, urbium, camporum, herbarum, plantarum, hominum; animaliumque exprimunt. Rursus lapides variis proprietatibus specificis distinguuntur; ex quorum numero quidam mira inter se antipathiae & sympathiae diffidia foveant, tum inter se, tum hominibus applicati; aliqui inflammabiles sunt, aliqui non; quidam urinam movent, alii sudorem: alii à casu, alii à dæmoniis, fascinis & morbis præferant; de quibus omnibus ordine nonnihil in hujus Libri decursu agendum; quod antequam fiat, jam Synopsin analyticam omnium hucusque dictorum apponimus.

Divisio Lapidum & gemmarum.



C A P U T II.

*De Lapidosa Substantia, quæ in Geocosmo cernitur,
montiumque origine.*

Tanta est Authorum de origine Lapidum lis & contentio, ut cui subscribas, vix dispici queat; & ne tempus in adferendis singulis eorum sententiis, quas apud innumeros Authores reperire licet, tempus terere videar; Nos unicuique suam relinquentes opinionem, quæ propria experientia, & multorum annorum observatione didicimus, proferemus, ex quibus, ni fallor, *Lector* benevolus facile, quid ego, quid illi præstiterint, cognoscet: Ne itaque eos Authores, qui dum ne quidem lapidum, multò minus Gemmarum specificas differentias norunt, de natura tamen singularium scribere præsumptiosius attentare non verecundantur, imitari videar; Ego nihil antiquius habui, quàm primò de subtilissimo argumento scripturus, rerum omnium, de quibus in hoc Opere philosophor, species *αὐτοψία* cognoscere, deindè ipsas saxorum fodinas in varia mea peregrinatione adire, scrutari omnia, lapidas & Latomos de singulis occurrentibus rerum difficultatibus anxie consulere, & examinare, diversorum quoque colorum venas, striae, & à natura ipsis inditos ductus omni diligentia explorare. Quo factò Naturæ sagacitatem imitatus toto mentis impetu incubui, utrum id arte quadam, quod natura in ipsis lapidibus tanta industria molitur, quoad fieri posset, cognoscerem: neque mea me spes fefellit: Ariadneum quippè Naturæ filium secutus, quam tantopere desiderabam, genuinam quandam *χρὴσιμότητα* rationem inveni, cui innixus, omiſſis dictorum Authorum diffidiis, ea solùm, quæ partim *αὐτοψία*, partim experientia me docuerunt, ad solidius philosophandum, producenda statui.

Quæritur itaque primò: Utrum montes saxosi ab initio rerum extiterint, utrum successu temporis ex limo, aut post diluvium ex immensi luti coacervatione? Hoc dubium, uti nullam difficultatem habet, ita paucis quoque dissolvam. Dico itaque montes saxosos, cujusmodi, uti in *Tertio Libro* ostendimus, ingentes montium catenæ, tum à polo ad polum, tum ex ortu in occasum protensæ, statim ab initio rerum, dum Divino nutu post aquarum divisionem Arida compareret, à Divino Architecto constitutos fuisse, plerorumque Sacrarum Scripturarum Interpretum sententia est: Nisi enim limus ille Chaoticus in faxeam molem statim coaluisset, Tellus ex nimia limi mollitudine neque consistere, neque operationes suas exercere potuisset, uti citato loco fusè ostendimus. Saxosa itaque montium conpages, ad terram contra maris impetum atque imbrium pluviarumque pro-

cellosas tempestates stabiliendam sustentandamque prorsus necessaria fuit. Qui verò putant, Montes primùm post diluvium ex coacervatione limi capita sua extulisse eorum opinio, utique Sacro Textui contraria, prorsus repudianda est: Cum Sacræ literæ *c. 7. Gen.* expresse dicant, Arcam supra Ararat, montes Armeniæ requievissè: non poterat autem requiescere supra id, quod primò non extabat, neque *Noëmus* nominare posteris poterat eum montem, quem ante diluvium nōrat non extitisse. Accedit quod diluvii aquæ quindecim cubitis excessisse dicantur citato *Genesis* loco, omnes montes qui sunt sub cœlo; quæ quidem locutio aliud non arguit, quàm quod montes jam ante diluvium extiterint. Non negarim tamen, è variis Mundi revolutionibus inundationumque diffusionem, limum lutumque in ingentes cumulos coacervatum, successu temporis in lapidosam substantiam induruisse: neque loquor hîc de iis lapidibus seu marmoribus, quæ quotidiano usu ad ædium, templorum, aliarumque fabricarum constructionem cedunt, sed de lapidosa tantum montium, qua Telluris corpus ad functiones suas probè subeundas, sustentatur, substantia, quæ est veluti ossatura quædam, seu substructionis moles, à Deo ad totius Geocosmi firmiorem consistentiam intenta.

Quomodo verò, aut quâ virtute limus ille chaoticus in initio rerum coaluerit, exponendum restat. Certum est fuisse vim quandam lapidificam, qua id factum fuit, atque eam quidem statim à principio rerum à Deo Opt. Max. cujus immensa providentia, in sua dispositione non fallitur, terreno corpori primùm indita: Quid autem hæc mirifica virtus coagulativa sit, exponamus. Non moror hîc gentiliū philosophorum opiniones, qui omnia ex quatuor elementorum confluxu constituta fuisse, uti *καθολικώτερος* asserunt, ita nihil, utpotè jam omnibus notum concludunt. Aliud itaque elementorum commixtioni accedere debuit quo natura suas operationes in tanta rerum varietate perficeret. Atque hoc ego dico, fuisse seminaria à Sapientissimo Architecto Deo Opt. Max: Terrenæ substantiæ concredita, quorum virtute omnia quæ in hac mundi machina in obtutum nostrum influunt, & in hunc usque diem & operantur & operabuntur in futura temporum secula: Sunt enim hujusmodi seminaria eo fine creata & constituta, ut ex his tanquam rerum principiis singulæ rerum species suas essentielles rerum formas nanciscerentur: hisce seminariis addidit architectonicum spiritum, in materia dominantem, quo

Quænam
vis fuerit
indurativa
montium.

Forma rerum non constituitur propriè ex quatuor elementorum confluxu.

Authoris
studium.

Authoris
methodus
in hoc Opere

Utrum
montes ab
initio rerum
fuerint, utrum
successu
temporis
nati.

Causa &
ratio, cur
statim ab
initio limus
chaoticus indu-
erit.

subjectum sibi in hanc vel illam formam, prout seminarium postulat, effingeret & elaboraret: quam quidem formam complures Physici ex mistura certa & proportionali elementorum emanare existimant: sed hi non considerant, variam elementorum mixturam absentibus seminariis ex se & sua natura nullum mixtum propriam novamque formam indutum producere posse; manent quippe confusa sibi invicem opposita elementa, ac proprias suas singularesque formas, uti ante mixtionem retinent, ut alibi per experimenta docuimus: Si enim ex fecundis rerum semi-

nariis forma ex materia, elementis compacta gigni quidpiam potuisset, frustra Divina providentia, rerum semina Terræ indidisset. Est autem duplex seminarium hic considerandum, quorum prius inanimata corpora, cuiusmodi sunt omnia, quæ in Telluris utero concluduntur, mineralium, lapidum, metallorumque genera & species, respicit: Alterum vim spermaticam & naturam tum vegetabilem, tum sensitivam spectat, sine qua in hisce Naturæ gradibus nil efficitur. De priori primò; de secundo in decursu huius Operis amplissimè tractabimus.

Duplex seminarium rerum.

CAPUT III.

De virtute lapidifica per totius Geocosmi corpus diffusa.

Quandò diximus in præcedenti Capite, DEUM seminarium constituisse, quod mineralium naturam respicit, vocem *Seminarium* non propriè accipimus, quasi eam lapides virtutem quandam vegetativam acquirant, hanc enim opinionem falsam & temerariam esse in sequentibus ostendimus: sed sub æquivoco quodam sensu & improprio Seminarium appellamus, λιθογενικόν, eò quod hoc virtutem habeat coagulandi, indurandi, materiamque subjectam in hanc vel illam formam deducendi, juxta subjectæ sibi materiæ proportionatam dispositionem: Nisi enim hæc vis à DEO esset indita Telluri, jam dudum tota Geocosmi moles innumeris temporum infestarumque procellarum injuriis terræque motuum concussionem, consumpta fuisset: Montium vertex valles æquassent: Mare denique universam Telluris molem illuvione sua absorpsisset. Ne igitur ingens hoc Tellus pateretur detrimentum, Lapidificus Naturæ architectonicus spiritus à DEO, eo fine constitutus est, ut quod multorum annorum spacio à montibus abrasum decesserat, id dicto Naturæ seminario restitueretur, ut postea ostendemus. Quænam itaque hæc vis sit lapidifica, quis spiritus Architectonicus, quid & quomodo in saxosæ substantiæ œconomia operetur, explicandum restat; Et ut solidius in huius argumenti serie procedam, nonnulla prius supponenda sunt, sine quibus reliqua non facile intelligi possunt.

Quæ sit vis lapidifica & spiritus Architectonicus seu plasticus.

Suppono itaque primò. Dari in rerum Natura magnetismum quendam, quo similia sibi corpora similia perpetuò appetant, sese mutuò alliciant, & perenni quodam pericycloseos motu attrahant: dissimilia verò repellant, quod in omnibus Naturæ gradibus, quibus triplex inanimatorum vegetabilium sensitivorumque regnum constituitur, clarè elucescit, uti postea docebimus.

Magnetismus Naturæ.

Suppono secundo, omnes vapores & exhalationes nihil aliud, quàm tenuissima, subtilissima ac insensibilia corpuscula esse, quæ

calore partim ex sicco, partim ex humido exaltata; ingentis in terreno Mundo mutationis causa sunt: hæc enim ubi similem sibi repererint substantiam, ei statim vi magnetismi juncta, tenacique amplexu nexa adhærent, quibus spiritus quidam architectonicus veluti virtutis operatricis director & dux ex differentibus rerum seminariis exortus accedit, quo quælibet res pro dispositione materiæ, debitam sibi formam figuramque acquirit; qui non tantum in spermatica & plastica virtute considerari debet, sed & in ipsa inanimata natura lapidum metallorumque.

Hisce suppositis Dico primò, fuisse, uti jam ante dictum fuit, in primordio Mundi Terraqueo globo veluti seminarium quoddam ea virtute dotatum, quod rebus omnibus consistentiam & soliditatem præberet: atque hanc nullam aliam esse dico, quàm saltem Naturæ, chaoticæ aquarum moli inditum, qui post aquarum divisionem luto limoque junctus, statim vires suas exeruit, dum mollem adhuc terram vi sua penetrativa pervadens, in eam lapidosorum montium ossaturam, quam cum admiratione videmus, vi sua indurativa transformavit, in quo architectonicus spiritus otiosus minimè fuit; hic enim Sali Naturæ naturaliter junctus, ubi aptam saxi formandis materiam invenit, saxa; ubi materiam colendis agris germinibusque producendis idoneam reperiit, terram mollem: utrumque sub multiplici tum lapidum, tum terrarum differentia produxit; quod verò planæ camporum superficies, virtute diffusi salis in lapidem non induruerint, causa fuit nimia in planis humiditatis copia, quæ ab editioribus montibus diffuens, irrigatione sua campos ab induratione immunes fecit, montes verò ipsos ex defluxu aquarum & siccitate propria salis humiditate exutos, in solidam coagulavit substantiam. Atque ex hac salis cum diversis terrarum differentiam glebis conjunctione, paulatim alia tria salium genera, natri, aluminis, vitrioli emerferunt, quæ aliis & aliis sibi proportionatis terrestribus substantiis

Quidam consistentiam omnibus præbeat.

Causa materialis.

Causa formalis.

Causa efficiens.

stantiis conjuncta, omnem lapidum gemmarumque varietatem pepererunt; quæ deinde, ignis subterranei, solis, siderum cæterorumque elementorum concursu promota, eam successu temporis per continuam diversarum rerum combinationem, in eam multitudinem & copiam abierunt, quam satis mirari non possumus: adeoque materialem causam lapidum nihil aliud esse dicimus, quam Naturæ salis, quo omnia subsistentiam suam soliditatemque acquirunt; formalem verò causam esse vim salino generi inditam, id est lapidifi-

Causa formæ saxonis substantia.

cam indurativam atque coagulativam; Plastica verò vis seminario Naturæ indita, sive spiritus polymorphus eidem junctus, unumquodque sua forma & figura, eo, quo natura ejus exigebat, quam & causam efficientem formalem dicimus, colere instruit. Atque hic fuit Naturæ, Divinæ voluntatis nutu incitata, in primordiis rerum processus. Jam verò ad magis particularia descendentes, hæc ita esse, secuturis ratiociniis magno experimentorum apparatu ostendamus.

Plastica quid.

CAPUT IV.

De Lapidum Saxorumque origine, & quomodo successu temporis in tantam duritiem coaluerint.

Diximus in præcedentibus, Lapides & Saxa Gemmasque non fieri ex puris & putis elementis, rationesque addimus; sed requiri aliquid aliud, quo mediante in tantam duritiem excrescant, tot figurarum colorumque differentiis inter se diffideant: Quidnam verò illud sit, ea qua fieri potest diligentia explicabimus.

Diximus supra à rerum primordiis ab inscrutabili Dei sapientia Chaoticæ massæ inditum fuisse semen quoddam, non quidem illud vegetativum, sed tale quiddam, quod inanimatis Lapidum corporibus certa quadam proportione & analogia responderet; nosque supra spiritum salinum lapidificum diximus, qui uti à Natura, ad id destinatus est, ut omnibus rebus suam præberet consistentiam, firmitatem, soliditatemque; ita quoque per universas sublunaris Mundi semitas dispersus, ubi invenerit subjectum, sive lutum terrenumque proportionatum, in id mox virtutem suam *λιθογενικὴν*, illud coagulando, & in saxeam substantiam convertendo, exerat. Ad quod quidem præstandum, tria maximè concurrere debent: Primò locus proportionatus: Secundò materia in eo ad semen recipiendum aptè disposita: Tertiò calor urgens, & spirituosum semen suscitans: requiritur enim ad generandos Lapides spiritus veluti forma, & materia terrestris veluti subjectum, quæ in loco proportionato, calore subterraneo seu causa efficiente coagente, tandem foetus ille lithogeneticus conficitur. Et locus quidem proportionatus idèd requiritur, ut in eo forma & materia ritè conserventur, foveantur & digerantur, uti suo loco de miræ fermentationis vi amplissimè demonstrabitur: Locus clausus esse debet, ut spiritus veluti in utero quodam, ne avolent, contineantur, & ne calor veluti in carcere detentus, expiret, aut ab externo impetu abripiatur: atque adeò tum subterraneo calore, tum externo frigore, si non per se ad unionem cooperante, saltem per accidens,

Quæ requirantur ad lutum in lapidem coagulandum.

repellente, & ne spiritus expiret, coercente cogantur uniri, & hoc pacto intentioni naturæ satisfiat. Atque hinc causa luculenter patet, quomodo Lapides in fodinis excrescere dicantur, & injecta humus in fodina, unà cum humido ei juncto multorum annorum curriculo tandem lapidescat: siquidem spiritus lapidifici ad illum locum à calore Vulcanio derivati, dum in materiam proportionatam, cujusmodi est terra illius loci, vel montis, incurrunt, totam mox massam subtilitate sua pervadentes, humidam illam massam paulatim coagulant, condensant & in saxum vertunt: est enim, uti supra dixi, forma illa lithogenetica seu lapidifica nil aliud, quam spiritus ille salinus, sive corpuscula illa salina, quod ad oculos prorsus insensibilia, quæ à calore subterraneo, à corporibus minerabilibus, quæ pollent, abrafa, & per intimas Telluris fibras exaltata pro materiæ in utero suo dispositæ ratione, nunc hoc, nunc illud saxum aut gemmam producit: Et quamvis hujusmodi spiritus sub generica quadam ratione considerari possit, non dubito tamen, quin & ipse suas específicas differentias, pro ratione salis communis, nitri, aluminis, vitrioli, cæterarumque mineralium glebarum individuatis salibus, differentias obtineat: quantò enim hi spiritus fuerint puriores, defæcationesque, & materia locusque magis idoneus proportionatusque, tantò lapis consurget perfectior puriorque, uti in gemmis contingit, de quarum ortu in sequentibus fusa dabitur dicendi materia. Cum enim ad lapidum generationem tria concurrant, materia, spiritus & nexus, & pro diversa singulorum qualitate aut quantitate lapides fiunt diversi, certè tantarum differentia qualitatum enasci non potest, nisi ex varia hujusmodi spirituum cum alia & alia mineralium differentium commistione: hinc alii duriores, alii molliores, nonnulli dilucidi & diaphani, opaci quidam, illi unum, hi alterum referunt colo-

Quomodo Lapides in fodinis iterum crescant.

Lapidifica vis unde originem suam habeat.

Cur nonnulli Lapides puriores aut impuriores substantiæ sint, & unde.

Tria ad generationem Lapidum concurrunt.

Pro diver-
tate terre-
stris luti
diversi fi-
unt lapides
& quanti-
tate.

Exem-
plum de
Marche-
sita.

Magnetif-
mus in la-
pidum ge-
neratione.

colorem, alii plures admiscentes, complures ad gemmæ pretium pertingunt, alii denique in ipfimo viliffimoque confiftunt loco, uti lapides paffim obvii: Sunt denique alii, qui non ubique generantur, ed quod non ubique di-
ctæ requifitorum conditiones teperiantur, nec ubique externa auxilia parata fint; exi-
gunt quippè nonnulli calorem efficaciorum, alii tepidum, moderatum alii: funt qui repu-
diato calore nimio frigus plus amant: qui-
dam vim caloris constrictivam volunt; quæ omnia dependent à contemperatione tum caloris, tum materiæ diverfimodè difpofitæ. Sed rem exemplo explicemus. In lapidis generatione fi sulphurea pars & metallicis foeta fpiritibus materiã pervadit, certum eft, Marchefitam, cujufcunque tandem illa fpeciei fit, generari, mediæ lapidem inter & metallum naturæ androgynæ, hanc enim plenam sulphure & odor & inflammabilis naturæ virtus,, quin & fpagyrica ars, qua ex eadem copiofum sulphur educitur, abundè docent; cum tamen diverfis metallorum fpiritibus turgeat; hinc insignis illa marchefitarum diverfitas nafcitur, quarum quædam aurum, aliæ argentum, æs aut plumbum mentiuntur: prout enim ad fubftantiam illam lapidefcen-
tem fpiritus deferuntur metallici, magis aut minus purgati, ad hanc vel illam mineram fpectantes, nec non varia mineralium mifcella contaminati, fic quoque lapides ad diverfam metallorum naturam vergentes generantur, lapidefcen-
te materia innato fibi magnetifmo eos ad fe trahente spi-

ritus, qui ad effectum lithogeneticum confe-
quendum magis fuerint congrui & propor-
tionati; fi quid verò in fubjecta materia la-
teat, quod metalla oleat, ab ea attracti fpiri-
tus metallici efficient lapidem marchefitam
eius fpeciei, cujus fuerint fpiritus, fimili fem-
per attrahente fibi fimile: Si verò fpiritus ille
metallicus cujufcunque tandem falis natu-
ram fapiat, fubjectam materiã reperiãt ad
formandum metallum minime congruam
proportionatamque, fed tantummodò mate-
riam producendo lapidi aptam, fic quoque
non metallum, fed lapidem producet: quem-
admodum in femine videre eft, quod cum
convenientem fibi matricem non reperit,
nullum quoque germen producit, vel certè
aliquod tertium diverfumque degenerat, ita
fpiritus ille metallicus metallum non generat,
fed aliquod tertium, lapidem fcilicet metal-
licum, cujufmodi pyrites feu marchefita eft:
Sapit enim naturam & lapidis, ed quod com-
plures partes liquefactionis expertes habeat,
& in hoc lapidis affectat naturam; alias verò
partes, quæ facile intra ignem liquefunt, ha-
bet, & in hoc ob infignem sulphuris, qua pol-
let, copiam, quodque in igne facile unã cum
fpiritibus metallicis liquefcit, naturam affe-
ctat metalli. Verum cum de lapidum genefi
abundantiffime in fequentibus ratiocinaturi
fimur, ed *Lectorem* remittimus, ubi, uti fpera-
mus, per varia experimenta hanc materiã
ita enodabimus, ut nemini impofterum fcru-
pulum relictum iri confidamus.

Exem-
plum in
femine.

CAPUT V.

*De lapidum gemmarumque colore, & qua ratione is à Natura iis sub
tanta colorum differentia infitus fit.*

Quamvis colore, communi omnium
visibilium objecto, nil fit tritius, magis
obvium nihil, ea tamen ejus eft
effentiæ profunditas, ut quotquot hucusque
in ea explicanda etiam primæ classis Philofo-
phi defudarunt, irritò tandem labore perple-
xi, quàm claram fenfui, tam obfcuram intel-
lectui ejus effe effentiam, atque aded huma-
næ menti imperviam, ingenue confefi funt;
adeoque cum fapientiffimis Philofophis *Pla-
tone & Aristotele* non incongrue sentire quea-
mus, quorum ille imbecillitatem mentis ape-
rire non verecundatur, hisce verbis: *Quo au-
tem mefura modo finguli colores fingulis mif-
ceantur, etiamfi quis noverit, narrare prudentis
non eft, præfertim cum neque necessariam neque
verifimilem de his rationem afferre ullo modo
poffit.* Hic verò difficultatem rei advertens,
ita fe habere dicit intellectum noftrum ad ea,
quæ omnium funt manifefiima, uti vefpertili-
onum oculi fe fe habent ad lucem diei. Ve-
runtamen cum Mundus continua rerum ex-
perientia doctior profecerit, multaue hodie

Plato in
Timæo.

Arist. 2.
Met. c. 1.

prodierint prifcis feculis maxime ignota, hoc
ipfum fperam quandam nobis præbet, Naturæ
adyta aliquantisper proximius speculari, non
quod in minimo cum prifcis philofophis nos
comparandos putemus, fed quod experimen-
torum frequentia, & continua rerum abdita-
rum indagine, divini Numinis adfpirante gra-
tia, nonnulla obfervaverimus, quæ nobis ve-
ram ad Naturæ myfteria penetranda portam
clavesque confignaverint; ut fi non intimas
fingulorum caufas & rationes, quod in hac
vita nemini concessum effe putamus, faltem
quantum humani ingenii imbecillitati licue-
rit, eas, quæ mentem noftram in veritatis no-
titia quovis modo quietam, tranquillamque
reddere queant, penetremus & exponamus.

Ingens itaque omnium pæne Authorum
de coloribus, eorumque in mixtis exorta lis
& controverfia eft, ut cui fubfcribas, vix di-
fpicias. Plerorumque fententia eft, potiffi-
mum *Peripateticorum*, colores effe qualita-
tes fecundas, fenfibiles fenfu vifus, exortas
ex temperamento primarum: Unde ex tali
tempe-

Coloris natura difficultis indagis.

temperamento talis nascitur color, ex alio diversus. Verum uti hæc descriptio rationes non assignat, ita mera quoque videntur verba, quæ rem non explicant, sed involvant: cum de coloris natura & essentia his vobis exposita, fere tantum sciam, quàm quando interrogavi. Quæritur enim, quid sit illa qualitas? quomodo producat? à quo? quando? nam nequaquam hîc se sistit sciendi desiderium, dum semper aliquid amplius, quàm genericam illam qualitatem secundam, quam ortam è primis dicunt, mens humana nosse dederet: posita quippe hac generica qualitate, quid aliud aut amplius philosophus, quam aut pictor aut faxifossor aut gemmarius intelligat. Nos generico loquendi modo metaphysicis relicto, ad intima & infima Naturæ phylacteria propius accedentes, humique datâ operâ repentes, colorum tamen causas non communes, sed proximas & intimas rebus, quæque maximè Naturæ congruentiores videbuntur, Deo dante, non spernendo experimentorum apparatu, assignare conabimur.

Colorum infinitus numerus.

Colorum multitudo tanta est, tamque multiplex eorum per reciprocam mixtionis consortium varietas, ut in nullo operum suorum natura uberius, aut majori ambitione opes suas commendasse videatur, quas non solum in supernis coelorum corporibus, in sideribus inquam, sed & in triplici inferioris Mundi œconomia, in animantibus, plantis, floribus, herbis, metallis, lapidibus, gemmis, marmoribus, mira & incomprehensibili quadam industria, colorumque varietate depictis distinctisque, demonstravit: de quorum diversitate si quæras, respondeo, tantam illorum diversitatem esse, quanta humanorum vultuum, quanta sonorum, quanta saporum odorumque, denique quanta specierum in hoc mundo elucescentium diversitas est, quæ uti haud secus ac numeri infinitudinem quædam involvunt, ita quoque qua quilibet mixturâ consent, qua arte componantur, ingenio humano impervium esse, uti rectè & sapienter Plato supra citatus docet, existimamus; adeoque hac mira varietate coloris luisse videatur ineffabilis DEI sapientia, humanoque exhibuisse intellectui, non ut eas intimè comprehendat, sed ut Divinam Opificis mentem in iis admiretur, laudare & adorare non cesset. Quorum omnium consideratione mihi non semel attonito in mentem venit, num saltem per artem eorum, quos Natura tanta industria effinxit, colorum causas penetrandi aditus daretur; qua applicando activa passivis Naturæ effectus causa detegeretur; hac enim indagine confusus; sperabam futurum, ut quod Natura in colorum causis facit, idem ego facerem per artem, adeoque concurrentibus in unum causis, dum idem effectus produceretur, genuinam causam me detexisse censerem. Dictum factum. Quomodo verò, paucis expono.

Si per artem naturæ effectus producat, eadem arte naturam in eo producendo procedere docetur.

Suppono itaque primò ex præcedentibus, Esse in Terreno globo varios succos, pro varietate terrestrium glebarum, ex quibus emanant: Deinde varia salium genera, seu crystalina corpora, quæ uti diaphana mixti rationem continent, ita quoque maximè luci affimulantur: Accedit hisce sulphur multiplex, quo mixta pleraque metalla & lapides nonnulli componuntur: Cum nullum sit corpus, quod non aut humidi, sive succi, aut salis cuiuscunque tandem speciei sulphurisque portionem contineat, cum mira quadam analogia succus humido, salia terræ, spiritus aëri, & sulphur igni respondeant.

SUPPOSITIO I. I. color fundamentum suum habet in salibus sulphuri commixtis.

Analogia salis, humidi, spiritus & sulphuris ad quatuor elementa.

Suppono secundò. Pro varia horum mixtura, præsertim spiritibus similium Vulcanio igne exagitatis enasci ingentem illam colorum varietatem, quam in lapidibus, gemmis, metallicisque corporibus admiramur.

SUPPOSITIO II. spiritus salini calore agitati causant colores in lapidibus.

Suppono tertio. Pro variis ignis subterranei gradibus, corpora mixta ingentes quoad colores, alterationes subire (uti postea experimentis docebitur) per minimarum particularum sive corpusculorum à mixtis abrasionem, quæ vapore seu exhalatione unâ exaltata miras causant in intimis terræ fibris venisque, pro conditione & dispositione subiectæ glebæ, nunc opacorum, modo transparentium corporum metamorphoses. Quibus quidem suppositis; jam, quomodo color in lapidibus mineralium, lapidum gemmarum, metallorumque nascatur, dicendum restat.

SUPPOSITIO III. Alteratio rerum in fibris terræ,

Non moror hîc varias coloris definitiones à variis Authoribus adductas: accepto hanc: *Color est perspicui in corpore determinato extremitas, sive extremitas perspicui terminati*: motivum ejus, quod est secundum actum perspicui, id est, color movet medium diaphanum, quod jam acta lumine illustratur: unde patet, etsi magham ad invicem lux & color cognitionem habere videantur, inter se tamen differre, atque adeo sub duplici ratione considerari posse: Sunt nonnulli colores, qui in corporibus tantum diaphanis, alii in opacis spectantur, & hos materiales vocamus: prioris generis sic fiunt: Cum lumen clarum & perfectum antequam visui occurrat, transeat per medium minus clarum & non perfectè diaphanum, tum ab illo medio ob multiplicem superficialium in profunditate constipationem quadantenus opacatur, atque ex ista luminis cum opaco commistione diversi colores pro diversa in corporibus diaphanis luminis tincturâ, uti postea demonstrabitur, resultant: unde lumen in suo quidem principio perfectum est, sed ex medii occurso non tam impeditur, quàm alteratur luminis diffusio; dum enim per diaphani medii profundum transit, ex nonnulla opacitate (siquidem nulum in rerum naturâ perfectè diaphanum datur) diversas umbras incurrit, quas nos colores à luce distinctas dicimus, non tamen apparentes solummodo & imaginarios, sed veros & reales: non enim entia rationis sunt,

Colores in opacis corporibus aliquo modo differunt ab iis, qui in diaphanis comparent.

In diaphanis corporibus colorum diversitas fit luminis cum opaco commistione.

B

neque

Color omnibus
vibilibus
Mundi
corpori-
bus inest.

neque per imaginationem conficti, sed veram & realem sui existentiam habent. Alterum colorum genus istud est, quod in opacis corporibus potissimum elucescit, & essentiae suae rationem habet in compositione corporum: hoc colore Natura non solum in sideribus, sed & tum in elementis, lapidibus, gemmis, margaritis, tum in arboribus, plantis, floribus, fructibus, feminibusque, tum in animalibus, volucris, aquatilibus, insectis, denique in omnibus opacis Mundi corporibus mira varietate luit. Restat itaque, ut amborum colorum tam in opacis, quam transparentibus corporibus elucescentium ortum est rationem exponamus, ab opacorum corporum colore initium facturi.

Unde Color materialibus rebus.

Commixtio omnium Colorum ex 4 principalibus, albo, nigro, fulvo & puniceo fit.

Albus visum diffregat, ater eundem congregat.

Sciendum igitur, colorem tantum à lumine, sed & veras ac reales essentiae suae rationes habere, ex mixtorum videlicet alia & alia constitutione, quae postmodum illustrata lumine, infitos iis colores veluti ex potentia in actum deducant. Quæritur itaque, quænam sit ista commixtio, & undenam, aut ex qua compositione mixtum jam albo candeat? jam nigro squalcat? jam viridi niteat? aureo fulgeat? puniceo tantopere splendeat? Paucis me explico. Certum est, hypostasim colorum esse quatuor principales: Album & nigrum, fulvum & puniceum, ex quibus reliqui omnes intermedii, veluti per gradus quosdam mira combinatione resultant: Si enim album nigro commisceas, colorem obtinebis cinereum, qui etiam si in infinitum procedat, nunquam tamen vel fulvum, vel puniceum aut viridem educes, sed semper cinereum illum colorem, nunc nigriorem, nunc pallidiorem pro varietate & copia alterutrius commixti compèries, donec albus atrore nimio suffusus, in nigrum, niger vero albedine suffusus nimia in albedinem tendat: unde non immerito albus luci, ater tenebris comparatur; cum hic quanto minori lumine, tanto umbrosior, ille vero quod majori lumine offunditur, lucidior reddatur: Unde sicuti candidus nimia luce offusus visum disgregat, ita ater lumine sufficienti destitutus, eundem congregat; dissipat autem visum albedo, tum quia ex ejus aspectu pupillae ambitus arctissime constringitur, ita ut rerum species in propriam visionis officinam liberè comeare nequeant, tum quia exquisita albedo dum oculi cavitatem implet, ceu lumen quoddam aliarum rerum formas minus per se efficaces ita offuscat, ut illas veluti obvolutas obrutasque ab aspectu surripiat: At nigredo contraria quadam ratione visum colligit firmatque: Nam ejus aspectu oculus quodammodo obtenebrescit; quocirca tanquam in opaco constitutus liberius cætera contuetur. Quæ omnia in felium oculis patent, quorum pupillas si in tenebris observaris, amplissimas, si in luce aperta contuitus fueris, tantò reperiens strictiores, quantò lumini majori fuerint expositæ. Uti itaque hi duo colores oppositi

sunt, ita oculus quoque iis ob noxam læsionemque, quam visui adferunt, haud delectatur. Quare ad varietatem colorum constituendam, Natura alios tres, flavum, rubrum & æruleum constituit, ex quorum mixtura cum primis, omnes reliqui intermedii, quorum non est numerus, ut postea ostendemus, constituuntur; quæ mixturæ, uti nulli non notæ sunt, & in omnibus ferè Authoribus reperiuntur, & nos in *Arte magna Lucis & Umbra*, & *Musurgia* fusè de iis egerimus, ita reiterandas non duxi. Cum hoc loco solummodò instituti nostri ratio figatur, unde colores in tanta diversitate lapidum nascantur, & primùm quidem in opacis corporibus, siquidem de diaphanorum colore transparenti non tanta difficultas obveniat, uti postea ostendemus.

Dico itaque primò, hosce colores nasci primò, juxta primam suppositionem, ex variis salium, quibus omnia corpora imbuta sunt, generibus, unà sulphuri mixtis: quantò enim sulphur, unde lapis generatur, fuerit perfectius, defæcatius & purius, tanto color ejus luci erit propior, & consequenter nobilior rem speciem referet, quantò impurius, & majori sæcum copiâ refertum, tantò colorem ad nigredinem magis tendentem exhibebit, quia tamen in hac mixtura sales nunquam defunt, illi sanè non obstante sulphure limoso & inquinato, lævorem summum ejusmodi mistis inducunt, tum ob duriciem, quam ex salis copia acquirunt, tum ob splendorem, quem salina corpora veluti naturâ sibi insitum habent.

Colores ex salinis corporibus sulphuri mixtis nascuntur.

Dico secundò, ex spagyrica arte infinitis experimentis jam dudum innotuit, ex sulphure variè per ignem tormentato innumeras colorum species resultare; unde tanta de cauda pavonis & phoenice fabulantur Alchimistæ, tanquam luculentum ad magni operis portum accessus indicium. Quamvis ego hanc colorum diversitatem non tam substantiæ sulphuris, quam salinis corporibus, vitrioli, aluminis, & potissimum salis ammoniaci, quibus turget, adscribendum esse existimem, hujus enim humidum vel ad minimum calorem in innumeros colores vertitur, quemadmodum & sulphur, quod variis ignium tormentis exagitatum, tantas colorum differentias non sortitur, nisi ex sale ammoniacico & vitriolo, quibus saturatur; quos tamen colores non acquirit, nisi ex dictis salibus, quæ uti diaphanorum naturam sequuntur, ita quoque insitum sibi omnium colorum seminarium habent; qui verò ei colores attribuunt, ex mercurio ei admisto, ii quoque id non nisi ex salibus, quibus totus constat, fieri asserunt, præsertim vitrioli, quod uti easdem cum sulphure vires obtinet, ita quoque cognata esse, & quoad essentiam, quasi eadem, uti oleum sulphuris & Mercurii aperte doceat, de quibus alibi: unde ad diversos ignis gradus spiritus salini metallici sublimati nunc

Spagyrica ars colores ex sulphure nasci docet.

Omnines colores ex sale ammoniacico & vitriolo sulphuri mixtis.

nunc nigrum, modò croceum, paulò post rubrum intensum & tandem cæruleum exhibent; idem fit in mercurii sublimatione unà cum sulphure, ex qua cinabrium colorum rubrum suum intensum eliciunt; & in mercurio, prout alia & alia tum salia, tum mineralia adjeceris, diversos colores efficies. Verùm cum in tractatu de salibus hæc omnia elucidaverimus & in sequentibus de sulphure quàm amplissimè simus ratiocinaturi, eò *Lectionem* remitto. His ita præmissis, jam videamus, unde in lapidibus tanta colorum varietas.

Certum est, omnes lapides ex quatuor maximè esse constitutos, ex sale, sulphurea gleba, aqua, spiritu minerali lapidifico & indurante. Quandocunque ergò corpus ex salis prædominio & sulphuris minima parte constat, nascetur lapis albi coloris, ut marmora candida: Si verò excrescat, ex prædominio sulphuris adusti & impuri, & terrestribus quicquiliis contaminati, nascetur lapis niger porus, scaber & tenebrosus: In marmoribus verò ex abundantia salis, uti paulò ante dixi, infæcatum sulphur concipit insignem illum splendorem nitoremque, quo tantopere delectamur: Si sulphuri major pars vitrioli accedat, nascetur cuprei coloris lapis subrufus, qui si ærugini misceatur, fiet lapis viridi colore imbutus, & sic de cæteris, pro combinationis dictarum quatuor rerum intervenientis varietate. Et quoniam magna sulphuris existit diversitas, est quippè aliud sulphur nigrum, cinereum aliud, aliud fulvum, aliud rubicundum, quæ omnia dependent à majori vel minori sulphuris concoctione: per concoctionem enim sulphur depuratur, salina corpora exaltantur, quæ uti per se & suâ natura lucida & diaphana sunt, ita quoque accedente spiritu minerali tingente, quem nos non incongruè sal ammoniacum dicimus, luminis maximè particeps, lapis pro qualitate & quantitate admixti salis & dispositione materiæ nunc in hunc, nunc in alium colorem differentem degenerat. In Jaspidibus verò diversicoloribus pro alia & alia dispositione partium, alium aliumve colorem resultare necesse est, tingente spiritu salis ammoniaci lapidem in eos colores, quos diversarum partium ratio insito sibi magnetismo postulat. Est itaque lapidum chromatismus seu coloratio lapidum nil aliud, quàm diversa sulphuris vitriolo foeti ad diversam temperiem vel ad puritatem impuritatemve reductio, prout sulphur, quod omnibus mineralibus mixtum est, diverso modo per calorem purgatur & disponitur; sive enim ab igne proprio, quo pollet, sive ab externo, aut Vulcanio, vel etiam lumine suo modo, sulphureæ illæ partes accenduntur, certè consumptis quicquiliis, salina corpora sive virtutem suam ibidem magnetico quodam confluxu, dum simile sibi simile appetit, exerent, sive alio quovis modo, jam manifesta per ignem fieri necesse est, quæ

cum memorato suprà spiritu variè tingantur, varii quoque indè emanabunt colores: quavis enim sulphur non sit pars fixa lapidis, sed ignea & spiritosa; si tamen pura & defæcatissima fuerit, in crystallinum corpus, uti experimenta spagyrica docent, degenerat; adeoque non jam opacum amplius, sed luminosum in corpus exurgit: Coloratio enim opacitatem requirit, quam luminis superaddat. Hinc patet quoque cur corpuscula salina, quæ ad generationem lapidum potissimum concurrunt, cum diaphana sint, non eosdem, quos diaphana ambiunt colores admittant, quia videlicet sulphuri admixta sunt; & per totam substantiam lapidis diffusa, unde ex constipatione opaci, luminosa sese exhibere non possunt, nisi in superficie tantum, juxta tincturæ quam subierunt, rationem; quæ si rubra fuerit, rubrum; si candida, candidum; si nigra, nigrum; si fulva, fulvum; & sic de cæteris; quæ tamen si ab omni terrestri sulphuris portione soluta libertatem nacta fuissent, illa utique non jam colore illo materiali, sed diaphanis proprio fulgebunt. Quomodo verò illud arte chimica fieri possit, suo loco dicetur. Sunt quippè colores hujusmodi nihil aliud, quam lumen & ignis, quorum illud salia, hoc sulphur refert, vario modo se habens cum humido conglutinante nativo permixtum & concoctum, uti experientia quotidiana docet: Res enim cunctæ dum fiunt; & in primordiis suis producantur, coloribus multò aliis iisque distinctis, quàm in medio & fine sui ortus, quemadmodum amplè in *XI. Libro* demonstrabitur, exornantur, non alia de causa, nisi quod earum calidum & humidum, salis & sulphuri, quibus imbuuntur, tum in principio generationis, tum in medio ac fine, variis distinctisque alterentur & coquantur modis, quorum alteratione dum saxum suo inficitur volatili, diversos colores, uti Chemicorum more loquar, resultare necesse est. Hinc ple-

Chromatismus lapidum in quo constat.

Sulphuris purgatio.

Ex varia concoctione sulphuris omnes colores.

Exemplum ab operationibus chemicis;

ab Herbis.

EXPERIMENTUM I.

Plumbum
aceto in
cerussam
converti-
tur.

Ratio &
causa ex-
perimenti.

Quomodo
cerussa ad-
usta rubra
fiat.

Plumbum
aceto in
calcem re-
solvitur.

Infundatur in Scyphum, vel scutellam plumbeam acetum acerrimum, quod statim in plumbeam substantiam aget, ita ut intra paucos dies ea magna aceti acrimonia resoluta in purissimam candidissimi coloris cerussam pictoribus & pharmacopæis ad innumera conficienda usitatam convertatur, hanc exemptam crucibulo igni validissimo decoquendam imponens, quam & intra exiguum tempus in intensissimum colorem rubrum, quod minium vocant, tandem in nigram Scoriam degenerasse comperies. Quæres itaque, quomodo hic color candidissimus primò, deinde in ruberrimum, & tandem in nigram scoriam degeneret? Respondeo hoc fieri caloris ignei incremento: primò siquidem acetum, uti ignea quadam acrimonia pollet, ita plumbum in minutissimas particulas dissolvit, quæ particulæ cum sale refertæ sint, fit, ut singulæ à terrestribus fæcibus separatæ, singulæ lucidissima corpuscula exhibeant: Si enim microscopio ea contuearis, videbis ea sub granorum ad instar crystallinorum formis, quæ tamen ob calcem iis admixtam, nonnihil opacitatis obtineant, cæterum diaphana; non secus ac si vitrum in minutissimas partes contuderis, illa quæ prius diaphana erat, jam farina alba comparebit, eò quod solutio compositi, dum singulis particulis peculiarem existendi modum conciliat, illa quoque non jam diaphana amplius, sed reciproca albedinis communicatione, candida & nitida compareant, & in aquarum de rupibus præcipitatione luculenter patefit, dum aqua in minutissimas particulas lapsu fluminis discinditur, candida & nivis instar, ob eandem quam diximus causam apparet. Quomodo verò cerussa tandem in ruberrimum colorem adusta, & tandem in nigram scoriam degeneret, explicandum restat. Dico itaque hoc fieri per varios caloris gradus: Nam si in crucibulum igni impositum oculos contorqueas, videbis cerussam primò albam paulatim vel ad primum ignis odorem in flavedinem quandam lucidam abire, & paulò post in herbaceum colorem primæ lanuginis, & rursus postea in fulvum, ac tandem in desideratum intensissimi coloris rubri minium deflectere. Dixi, hoc fieri per varios caloris gradus, sed non sufficit ratio, cum hæc à nemine negari possit: aliquid aliud igitur latet, quod hanc constituat metamorphosin: Quomodo itaque hoc fiat, aperiā.

Diximus suprà omnem colorem deberi salinis corporibus metallis mixtis: Dum igitur plumbum per aceti acrimoniam exeditur, tum ecce partium salinarum calci mistarum fit resolutio, quæ uti ignem non sunt adhuc experta, ita quoque sub naturali salis calcisque forma candent; sed ubi Vulcanium ignem experti fuerint, jam sulphur primò insensibile plumbo mistum & salibus foetum, adustum ex albedine in sal flavum abire per-

git, eo quod adustio calcis particulas transmutet in vicinum albo colorem, cui salinus spiritus nitorem conciliat: at si cerussa vehementius aduratur, jam obfuscatis corporibus salinis cerussa ex albo & flavo colore mixta subvirescente colore imbuta conspicietur, quam luminis reflexio in tali dispositæ materiæ combinatione exhibet. Rursus si hæc adhuc vehementius aduratur, in flavum colorem paulatim, eo quod materia vehementi calore exagitata, juxta calorum naturalem progressum in eum colorem, qui viridi propior, degeneret; salina verò corpora eum exhibent luminis illustratione colorem, quem adustionis incrementum secum portat: atque hoc pacto intensissimum rubedinis gradum, id est, minium, tandem intensissima caloris vis producet; à quo gradu si ignis gradus vehementius & vehementius intendatur, videbis quod uti per luminosorum colorum gradus in rubrum excrevit, ita hoc per umbrosorum ac tenebrosorum colorum gradus, id est, puniceum, cæruleum, cinereum paulatim ordine deflectet, donec in nigri coloris scoriam albo oppositam, jam omnibus spiritibus dissolutis instar carbonum degenerat. Atque ex hisce luculenter patet, quomodo colores caloris vi in mineralibus paulatim ex uno in alterum gradatim juxta ordinem naturalis mitionis transmutentur. Sed quæres, cur non idem in ligni adustione fiat, ubi candidissimum lignum statim in carbonaceum colorem deflectat? Respondeo, hoc fieri, ob humiditatis abundantiam in ligno latentem, quæ calore in fuliginem exaltata, eo lignum colore, quo ipsa imbuitur, tingit, quæ & aucto colore per totam substantiam diffusa in carbones resolvitur, fuliginem verò pinguem adhuc remanentem in carbone vehementior ignis tandem omni pingui humiditate exutam veluti glutino, quo partes in carbone adhuc connectebantur privat; quæ deinde alteri materiæ mixta minerali, ignique torta, easdem, quas diximus, gradatim colorum metamorphoses subit. Ex hoc unico experimento sat superque patet, quomodo colores in mineralibus nascantur: Sed addamus aliud experimentum.

EXPERIMENTUM II.

Quomodo verò salina corpuscula se mutuo destruant & instaurent; hoc docebimus experimento. Si gallarum in aquam limpida resolutarum infusioni vitriolum admisceas, ea statim in atramentum degenerabit. Quæritur hujus rei ratio. Dico hoc fieri, quod galla constet ex maxima combusti sulphuris parte, qua pollet, impuri, scabri, uti ex porosa ejus substantia maximè patet, quam proprietatem ei aqua, in qua maceratur, communicat: Hinc si vitriolum aut aquam vitriolatam in eam præcipientes, fiet, ut porosi sulphuris partes in galla latentes, & aquæ communicatæ statim vitriolum insita sibi vi, tanquam sibi

Ignis torta
plumbea
calx in mi-
nium ver-
titur, per
diversos
calorum
gradus.

Causa
transmu-
tationis.

Cur candi-
dum li-
gnum aut
os combu-
stum nigro
primò sub
colore ap-
pareat.

Deinde a-
liis colori-
bus com-
pareat.

Gallæ li-
quor vi-
triolum in
atramen-
tum vertit,
& quare.

sibi congeneo corpori attrahat ; Cum verò partes, uti dixi, gallæ plurimum in se porosi & adusti sulphuris partes, nigra tinctura foetas contineat, hinc aquæ vitriolatæ particulas particulæ gallæ connexæ in galla infitum sibi atrum colorem tingunt, unde atramentum. Si verò huic atramenti tincturæ aquam stygiam superaffuderis, ecce mirum dictu, aqua atramentosa mox pristinæ claritati restituetur. Quæritur hujus effectus causa. Dico aquam stygiam stygia sua acrimonia corpuscula gallarum aquis commixta superaffusione facta, statim exesa prorsus consumere, unde tingentibus corpusculis consumptis claritatem aquæ vitriolatæ restare necesse est: Si verò huic aquæ jam in pristinam claritatem reductæ oleum tartari affuderis, statim ea, in atramentum reducetur. Cujus causam si quæras, hanc esse scias: quod oleum tartari eandem, aut non absimilem in se, quam galla, tincturam contineat; affusum itaque aquæ stygiæ aquâ jam imbutæ, fit, ut corpuscula salina sive particulæ tum vitrioli, tum aquæ stygiæ, naturali olei pinguedine oblimatæ, & infitâ oleo tartari atrii coloris tincturâ unâ imbuantur, unde rursus atramentum. Unde pulchrum in steganographia arcanum patet: Si enim carta candida vitrioli aqua, quæcunque volueris inscripseris, conscriptæ literæ mox adeò evanescent, ac si nunquam scriptæ fuissent, nullo earum relicto vestigio: At mox, si chartam gallarum infusioni immeriseris, illæ protinus nigerissimo colore imbutæ se non sine spectantium admiratione exhibebunt; quas si denuò deletas cupias, id spiritu vitrioli aut aquâ stygiâ penna excepta, literisque superinducta præstabis; huic verò liquor tartari affusus in pristinum claritatis statum reducet, quarum causa jam ex allatis suprâ patuit. Pari modo tinctura violarum cærulea oleo vitrioli suffusa purpurascit, cui si guttas aliquas spiritus corni cervi affuderis, color iste purpureus in viridem continuè vertitur: Quæ omnia dependent à varia differentium corporum constitutione, quæ cum variis & differentibus salibus variè tingentibus turgeant, ita quoque ex naturalibus jurgiis, quibus inter se dissident, aut concordant, varias colorum transmutationes admittunt. Sed hæc uberrima experimentorum congerie in tractatu de fermentatione & præcipitatione metallicorum liquorum, amplius exponentur.

EXPERIMENTUM III.

Accipe ferrum seu chalybem affabrè politum & nitidissimum, quod si temperato ignis calore urgeas, id croceum induet colorem; vehementiori, in cæruleum seu violaceum; vehementissimo verò antequam ignescat, in nigrum vertetur colorem, qua sola ignitione ferè nitorem amittit. Experimentum vulgo notum, & fabris ferrariis usitatissimum &

quotidianum; qui tamen hujus chromatismi rationem reddere nequeunt, nec puto ita obviam esse iis etiam, qui magni in Philosophia Doctores esse sibi imaginantur. Perseveramus ergo in eo, quod coloratio & tinctura oriatur ex sulphure salibus commisto, & pro diversitate puri aut impuri sulphuris alios aliosque, uti jam suprâ diximus, producit colores; dum enim ferrum est nitidum & politum deterfumque, si igni supponatur, vel alio calore igneo, uti si ferro candente tingatur, partes sulphureæ illius protinus accensæ subtilissimæ ejus partes in extrema superficie exspirant, quibus destitutæ, quæ remanent in illa externa superficie, uti impuriore sunt, ita quoque sub rubiginis forma in illum croceum colorem seu triticeum vertuntur: Cum enim ad istiusmodi colorem minor requiratur opacitas, statim ubi avolavit nonnihil purioris substantiæ, quod reliquum est fixi salis sulphuri volatili mixti, in croceum colorem vergere necesse est; si verò ex intensiori igne crescat partium subtiliorum, lucidiorumque recessus, fit ut partes, quæ remanent, magis quoque in dicta superficie crassescant & opacentur, ac proinde in umbrosum quendam colorem, cujusmodi cæruleus est, degenerent, donec tandem ignis incremento offusa luce superficies in nigrum colorem, constipatis in superficie partibus impuriore, convertantur.

Sed quæres forsân, utrum hæc colorum metamorphosis fiat per alium quemvis colorem, veluti si aquæ ferventissimæ ferrum injiceretur. Respondeo, quod non, ad hunc enim effectum requiritur verus ignis & calor adurens, aliàs enim sulphureæ partes per totam ferri substantiam diffusæ non accenderentur: accenduntur autem vel ad temperatum ignis adhibiti calorem; ad unum omnes totaque ferri substantia illo alteratur, eò quod subtiliores partes avolantes, secum ex intimis ferri recessibus impuriore avehant, quæ uti impuriore sunt, & spiritibus destitutæ, ita quoque volatu inassuefactæ ceu fixæ in externa superficie commorantur.

Demonstrata itaque per præcedentia experimenta veritate colorum in lapidibus & metallis, jam nil restat amplius, nisi ut demonstremus, qua ratione lapides in intimis terræ visceribus colorentur. Dico itaque, cum pleraque saxa & lapides suo consistunt sulphure & salibus, fit, ut si spiritus minerales salium igne subterraneo in vaporem aut exhalationem exaltati, ob eorundem summam subtilitatem intimas montium rimas venasque penetrent; illi ubi in materiam appropriatam inciderint, volatili fixove sulphure, quod illi materiæ ineft, junctam, tunc illa pro varietate tingentis spiritus, nunc in hunc, nunc in alium colorem convertatur, quam postea superveniens lapidificus spiritus sive succus in saxosam tandem substantiam indurat: Sed quoniam in sequentibus

Mirus effectus.

Arcanum Steganographicum.

Mira nigredinis in albedinem & contra, transmutatio.


Tinctura violarum cærulea, qui in purpureum vertatur colorem.

Processus colorum in tinctura ferri.

Cur color ferri diversicolor non in aqua fervida, sed igne adurente enascatur.

varia de hisce & similibus dabitur dicendi materia, hîc pluribus rem elucidare, supervacaneum duxi. Restat itaque, ut jam mixturam colorum, eorundemque secundum naturales gradus genesin ostendamus. Quinque

præcipua colorum genera hîc pro fundamento ponimus: Album, Flavum, Rubrum, Cæruleum, Nigrum, quorum mixturâ omnes alii intermedii, quorum non est numerus, enascuntur, & sunt sequenti schemate comprehensi.



Albus nigro ad æqualitatem partium commixtus nullum alium præterquam cineritium, quicquid Peripatetici nonnulli dicant, parturit: Cum nigrum albo mixtum semper subalbidum quiddam, & albus nigro, semper subnigrum quiddam obscurum producat, usque dum totus albus color in manifestam nigredinem, vel niger totus in albedinem superinjecta identidem albo ampliori, & contra albus totus in nigredinem superinjecto semper & identidem nigro uberiori convertatur, neque possibile est, ex his alium quempiam ex lucidis intermedium produci, cum sint colores oppositi, qui medium non admittunt. Sed jam ad alios progrediamur.

1. Albus cum flavo, subflavum albo vicinum; flavus verò cum Rubro, aureum sive fulvum croceumve; Ruber cum cæruleo purpureum, & cæruleus cum nigro subcæruleum nigro proximum producet.

Combina-
tiones co-
lorum.

2. Albus cum rubro, colorem quem incarnatum, & ruber cum nigro subrubrum ad nigredinem vergentem, uti in rubris Tulipis patet, producet.

3. Albus cum cæruleo, cinereo colori haud absimilem; flavus verò cum nigro fuscum, quem Leoninum vocant, argillæ fuscae colore, proferet.

4. Tandem flavus cum cæruleo, omnium nobilissimum viridem producet colorem ex omnibus ferè intermediis constitutum, quem unicum Natura ad hominum animaliumque recreationem intendisse videtur; undè meritò medium inter omnes colores locum occupat.

Atque ex hac quadruplici colorum combinatione omnes reliqui suam originem nanciscuntur: Siquidem ab albo ad flavum verum, flavi continua adjectione, omnes ii colores, quos nunc intensius aut remissius flavum vocant, revocantur. Rubri ad flavum continua adjectione, resultant omnes illi colores, qui ad rubrum nunc remissius, nunc intensius

revocantur, usque ad verum rubrum. Rubri ad cæruleum additione omnes ii colores revocantur, qui aut intensius aut remissius rubrum habent, revocantur. Denique cærulei ad nigrum additione, omnes ii colores cærulei revocantur, qui ad nigrum declinant.

Idem dicendum est de rubri ad album, de rubri ad nigrum; de albi ad cæruleum, de flavi ad nigrum, de flavi denique ad cæruleum additione: Non enim in omnibus idem est album, flavum, rubrum, cæruleum, nigrum, immutabili & determinato gradu constitutum; non in omnibus viride idem, aureum idem, purpureum idem, sed pro varia principalium quinque dictorum colorum mixtura innumeræ uniuscujusque species emergunt; ut proinde hîc habeas, in quamnam colorum classem unumquemque adnumeret, quorum unusquisque nomenclaturam suam ex rebus, quibus insunt, videlicet ab elementis, nubibus, à luce, à mineralibus, metallis, herbis, floribus, ab animantibus, volucris, piscibus, reptilibus & insectis aliisque fortiuntur; de quibus vide *Artem nostram Magnæ Lucis & Umbra*, in qua fol. 66. fusius actum.

COROLLARIUM.

Hinc patet quoque, quomodo ex varia sulphuris variis salibus mixti concoctione, varii quoque diversissimique colores juxta gradus hîc propositos emergant, & experimentis adductis sat superque patuit. Quibus quidem ostensis, jam ad colorum, quos apparentes vocant, genesin exponendam progrediamur.

Sulphur
virtute om-
nes colo-
res habet.

EXPERIMENTUM.

Ad ea, quæ de combinatione dictorum colorum diximus, validius comprobanda, tale fumes experimentum. Accipe vitra CrySTALLINA, quinque dictorum colorum generibus tincta; albo, id est, coloris experte vitro: Flavum, rubrum, cæruleum, nigro: invenies ex unius

Experi-
mentum
mixtionis
coloris.

unius vitri alteri superimpositione, omnes illas colorum species, quas in schemate præcedente descripsimus, produci. Si itaque vitrum flavum rubro superimpofueris, videbis ea transpiciens objecta omnia illicò aureo quodam colore splendescere; idem eveniet per radium reflexum, si solis radios vitra transeuntes in charta candida exceperis: dum enim medium diaphanum transit, chartam eo colore, quo diaphanum est, aureo imbut. Rursus, si flavum cæruleo imposueris, invenies omnia nitidissima coloris specie virefcere; si verò rubri & cærulei conjunctione vitri, rem tentaris, omnia purpurascere comperies: hoc pacto, cæruleum cum viridi, quem pavonaceum vocant, colorem exhibebis: Si verò albo nigricans superimpofueris, non alius indè color, quàm cinericeus prodibit: hoc pacto per sola quinque dictis coloribus tincta vitra omnium colorum mixturas exhibebis; experimentum non minus jucunditate plenum, quam admiratione dignissimum, causas colorum ad oculum demonstrans. Nemo itaque hosce phantasticos colores dicat, cum vitra vero colore, non ex vegetabilibus, sed ex variis mineralibus deprompto tincta sint. Neque color diversus

tantummodò apparens esse, dici potest, cum ex mixtura vera & reali, luminisque pro medii ratione tincti proveniant. Eodem prorsus modo si habere dico diaphanas gemmas, crySTALLUM, qui albo; chrysophrasum, qui flavo; carbunculum, qui rubro; saphyrum qui cæruleo; niger verò uti tenebrosus est, ita nullam gemmam hoc colore imbutam generat. CrySTALLINUS uti puram lucem æmuletur, ita quoque propriè color dici non potest. Saphyrus verò eo colore imbutus, cum quo tingentes salino-sulphurei spiritus sunt, quibus coagulatus fuit, tingitur. Carbunculus ammoniaco Sale sulphuri maximè defæcato decoctoquo tinctus ruberrimo colore rutilat. Saphyrus tincturâ vitrioli ærofa in pulcherrimum coelestis coloris cæruleum tingitur. Smaragdus ex flavi & cærulei coloris mixtura resultans virore nitidissimo splendescit; qualia itaque fuerint salina tingentia sulphuri adjuncta, talis erit gemma, quæ indè lapidescit, de quibus postea. Patet itaque in gemmis colores non apparentes tantum esse, sed veros & reales ex vera & reali tinctura ortos. Ex hisce jam progrediamur ad colores in vitris polygonis maximè apparentes ex varia reflexione refractionis causatas.

Quomodo
gemma
diaphana
generetur.

CAPUT VI.

De Coloribus, quos apparentes vocant.

Colores apparentes ii vocantur, ut plurimum, qui non ex opacorum mixtorumque corporum superficiebus fluunt, sed ex diversis diaphanorum corporum mediis visui diversimodè occurrunt: qui quidem à plerisque hanc etymologiam fortiti sunt, quod ex se & sua natura instabiles sint, & nunc hoc, nunc alio colore pro succi differenti affluxu, differentique oculi constitutione spectentur, atque idè non veri & reales, sed imaginarii putentur. Nos verò quicquid dicant Peripatetici, nullum colorem pure apparentem esse sentimus; sed omnes veros esse colores, qui veras mixturæ atque apparentiæ suæ causas & rationes intra se contineant. Spectantur autem ut plurimum in iride, atque in avium nonnullarum, uti anatum, columbarum, pavonumque pennis, in differenti maris nubiumque colore, in vitris trigonis, cæterisque corporibus crySTALLINIS polyedris ex varia lucis reflexione resultantes. Et primò quidem de coloribus in vitris polygonis, deindè etiam de iis, quæ in avium pennis apparent, pari cursu ratiocinabimur.

Quomodo Color in diaphanis angulosis, id est, vitris trigonis & polyedris fiat.

Quomodo colorum diversitas in diaphanis corporibus angulosis, id est, in trigonis & polyedris crySTALLINIS producat, ma-

gna inter philosophos controversia est. Plerique nullam ibi colorum entitatem realem; sed pure phantasticam esse & imaginariam, dum contentiosius asserunt, exigua se rerum naturalium peritiâ instructos esse, demonstrant, de iis rebus reconditissimis naturæ, quam ne à limine quidem salutarunt, disceptari: qui verò abditissima ejus penetralia propius acceperint, vel ipsa Naturæ magistra & doctrice aliud dicere coguntur. Sed ut tandem lucis multiplicem sobolem ex tenebris in lucem producamus: Te *Lector*, scire velim, crySTALLINA corpora vitreaque non secus ac cætera omnia mixta mineralium corpora suis corporibus Salino-mercurialibus constare, cum vitrum ex cineribus sale turgidis, crySTALLINORUMQUE corporum, salium videlicet, quorum nullum est, quod non diaphanum sit, uti ex microscopio patet; Hæc verò corpuscula quamvis in vitro anguli experte colorata videantur, causa est contiguitas eorundem, in unam planam & politam superficiem exporrecta & cuncta, per quam visus recta transiens, sicuti umbras non reperit, ita quoque differentibus umbrarum speciebus non alteratur: mox tamen ac in angulosa diaphana inciderit, tum ecce jam corpuscula salina diversimodè affecta, jam umbrarum fœdatione, modò varia lucis in medio densiori refractione variata, eo colores ordine, quo supra descripsimus, exhibebunt; quo

Omnia
diaphana
corpora
suo sulphure & salibus constant.


Colores apparentes non imaginarii, sed veri & reales sunt.

enim

Corpuscula salina diaphana insita, cur in non anguloso corpore diaphano spectentur, sed tantum in anguloso comparere.

Qui colores in trigono conspiciantur, unà cum causæ demonstratione.

enim minores umbras eò luci viciniore, quò majores subierint, eò tenebris propriore colores dabunt; quod verò in non angulosis corporibus ii colores non exhibeantur, ratio est, quod uti diximus, lux recta & inoffensa visiva potentia transeat, ac corpuscula omnia, uti quam unitissima sunt, ita quoq; eodem modo lucem puram imbibunt, atque aded colores in istiusmodi medio nulli comparent ob lucis uniformitatem: mox tamen ac angulorum opacitas intervenerit, tum ecce lux ex umbrarum diversitate opacata, eam colorum seriem referet, quam majores aut minores umbræ requirunt, ipsis corpusculis salinis per totum diaphanum dispersis, eam tum per lucem refractam, tum per variæ opacitatis misturam eum colorem in apertum ducent, quem unà cum differentibus opacitatis gradibus corpusculum diversa tinctura postulat. Sed hæc in sequenti Figura demonstramus.



Sit prisma seu trigonum crystallinum R T S V X Y. radii Solis C E I N. oculus D I K H. In hoc duplex situs rerum videtur, unus per radium reflexum, qui res non mutat, nec in figura nec colore, tametsi inversas exhibeat, sitque quando res normaliter vitrum penetrant: alter per radium refractum, atque hic res neque situ naturali, neque eodem colore exhibet, sed nunc curvas, nunc ovatas, & denique omni colorum genere adornatas: Solis enim F radius aut cujuscunque Incis, ubi oblique in latus trigoni S T incidit, is bis refractus ad oculum D I K H revertitur, & quoniam hac refractione multum à pristino suo vigore ob medii majorem minoremve profunditatem recedit; hinc lux in hac diversimodè opacata foedataque colores quoque nunc ad, album magis, nunc ad umbrosum magis tendentes refert: Videntur autem in trigono tres principales supra memorati

potissimum, flavus, ruber, cæruleus, & ex his misti, viridis & purpureus, exclusis albo & nigro, utpotè ad colores intermedios conficiendos ineptis. Sic autem in trigono nascuntur. Sit primò radius C, qui in vitrum in puncto b, incidit, & quoniam per medium densius transeundum est, ex b refringitur in a: atque hinc oculo in d constituto occurrit: quoniam verò a, b brevis transitus est, hoc loco colorem luci seu albo simillimum produceret quidem, quoniam tamen angulus S V vitri solidus radium vicinum umbrositate sua non parum obfuscet, hinc non album, nec flavum, uti deberet, si angulus non obstarat, sed intensissimam rubedinem generat. Contra si radius lucis N in O incidit, is in medio omnium profundissimo O r, quod pertransit, refractus ad oculum in H constitutum sub cæruleo colore, nigro vicinum recurret, tum bina refractione, tum medii profunditate, angulique opacitate, à genuina sua puritate multum degener, in umbrosum, cujusmodi cæruleus est, colorem definit: radio verò lucis, E, cadente in trigoni punctum e, is bis refractus ex e in g, & hinc tandem in I puncto oculis occurrit; qui radius ubi media quadam via procedit, neque remotiori anguli solidi umbrositate multum opacatus, neque tanta profunditate immerfus, medii quoque coloris formam albo viciniorem croceo amictu fulgidum exhibebit; reliqui duo colores, viridis & pavonaceus, uti ille ex flavi & cærulei, hic ex rubri & cærulei mistura constituitur, ita quoque eosdem in dictorum colorum confiniis exhibent: In hac Figura a, b, minimam latitudinem vitri, g e, & n l mediam, o r verò maximam latitudinem sive profunditatem monstrat. Atque ex hisce causa colorum in trigono vitro, aliisque corporibus angulosis crystallinis patet, & alia non est, nisi primò anguli solidi umbras projicientes, quibus lux per medium diversimodè densum diversimodè refracta, ac per umbras variè modificata, corpusculisque salinis æquius dispersis tincta tot tantisque colorum discriminibus se vestitam exhibet. Quæ si rectè perceperis, causas quoque in Iride, mari, cæterisque rebus elucescentium colorum enodatas habebis. Vide *Lector*, quæ de hisce citato *Lucis & Umbra Libro*, uberi ratiocinio egimus.

Percepisti, ni fallor, *Lector*, ex præcedentibus, internum lumen seu calidum innatum, quod sulphur Naturæ vocatur, & unicuique rei inexistit, hujus inquam concoctione sua varia colorum omnium fontem esse: Audisti quoque quàm innumeros colores exhibeat mercurialis ille liquor unà salinis mixtus corporibus, quos qui non vidit, utique scribenti mihi fidem non habebit: qui vero viderint, rei novitate attoniti satis admirari non possunt Caudam illam pavonis chimici, tam insolitis colorum speciebus coruscantem: quomodo verò id fiat, primò post experimentum propositum docebo.

EX-

Unde flavus, cæruleus, ruber, viridis & purpureus in trigono.

EXPERIMENTUM mirabile omnigenos colores exhibens.

SI argentum vivum vapore plumbi coagulatum cochleari æneo impositum carbonibus succensis calefeceris, eccè mox tibi in liquefacta materia talis emerget colorum varietas, qualium in mundo major conspici non potest, ita lucidorum, ut cum iis, quos apparentes vocant, vix comparari queant. Quæritur causa hujus rei : Dico esse corpusculorum salinorum, quæ prius in liquido Mercurio humido abscondebantur, per coagulationem plumbi vapore factam exaltationem, dum enim vi caloris separantur corpuscula, tum ecce terrestribus quisquiliis aut consumptis aut desidentibus, soli tingentes salium spiritus in superficiem elati primum dominandi ambitione insolescunt, varioque confluxu tincti virtutem suam per omnes pænè colorum differentias exerentes demonstrant, ut proinde nemo sanæ mentis reputandus sit, qui hosce colores purè phantasticos esse dicere audeat : Sunt enim varii tingentium salium spiritus vi plumbi mercurio inexistentes, qui caloris vi exaltati in superficie, lucis incidentis ope tot tamque varias dictorum colorum differentias ostendunt, uti enim diaphani sunt, ita corpuscula, unum alteri superposita per qualemcumque tandem opacitatem, nunc hunc, nunc illum colorem expriment, uti suprà de vitris tinctis unum alteri superpositis dictum fuit.

Colorum, qui in avium, id est, pavonum, columbarum, anatum, aliarumque avium pennis elucescunt, causa.

Volucres sulphure & salibus turgere, inde constat, quod ex stabulis & columbariis ingens nitri cæterorumque salium copia extrahatur. Cum itaque oleaceam, ut cum Chemicis loquar, sulphuris saliumque portionem per excrementa ejciant, subtiliores verò salium partes per urinam, qua carent, exonerari nequeant, natura utique eas altiori consilio in pennarum amictum destinasse videtur : Cum enim hi spiritus Salino-sulphurei subtilissimi continuò expirent, ii intra pennarum concavos canaliculos insinuati, ibidem ambiente aëre condensati, in pennas abeunt, aliis & aliis continuò succedentibus : pennæ verò uti ex salina materia variè tingente constituuntur, ita quoque variis coloribus pro lucis allapsu imbuuntur, & pro structura pennarum differente : Si enim pennæ sulphuris adusti fuligine imbuantur, fient volucres nigræ ; si salis nitri copiosa, candidæ ; si ex candido æque ac nigro vapore excrescant, albo-nigræ volucres nascentur, uti picæ & hirundines : Si verò variæ salium tincturæ accedant, diversicolores volucres emanabunt. Atque de hisce nulla quidem controversia est ; sed quomodo in pavonibus,


anatibus & columbis tam varia, inconstans & mutabilis colorum varietas ad diversum lucis allapsum producat, istius nemo, quod sciam, adhuc rationem veram & genuinam reddidit. Ego quid observarim, paucis aperiam. Ex frequenti hujusmodi pennarum, ope microscopii inspectione mihi innotuit, quod omnes illæ pennæ tanta colorum varietate radiantes, & in pavonibus cæterisque avibus conspiciue nascantur, ex naturali pennarum constitutione, quarum filamenta Natura ita disposuit, ut & diaphanæ sint, & in angulosam formam trigonis vitreis haud abfimilem concinnatæ sint, quæ omnia microscopium luculenter demonstrat ; Cum itaque ex variis tingentium salium mistura in angulosam formam hujusmodi pennæ coaluerint, idem in iis fit, quod in trigono paulò ante fieri docuimus, infinita illa colorum varietas ex innumerabili multitudine hujusmodi pennarum angulosarum, unius in alteram varia refractione, consurgit ; atque adeo hanc causam colorum in pennis avium demonstratam censeam. Verum quoniam hæc omnia in *Itinerario Exstatico per Terrestrum Mundum* amplius deduximus, eo *Lectorem* remittimus, ubi & de nubium, maris, mineraliumque coloribus abundantissime actum reperiet.

Pavonum pennæ multicolores sunt diaphanæ, & instar trigonorum vitreorum dispositæ.

Experimenta varia colorum ex metallis mineralibusque corporibus emanantium.

EXPERIMENTUM I.

Experimentum primum, quo ostenditur, in qualibet pila vitrea, aquea bulla, roscidis, iridis fontiumque salientium guttis, eisdem colores generari, qui in trigono cæterisque polygonis produci, suprà ostendimus ; ut vel hinc causam colorum genuinam colligas.



Accipe sphæram vitream aqua limpidissima refertam, eamque ita exponito, ut ex ipsa lumen solis incidens in oculum tuum reflecti possit. Sit Sphæra B C D oculus E. A F, radii Solis terminantes, & videbis in D puncto inten-

Causa tantorum colorum.

Quomodo niger candidus mixtus alique diversi colores fiant in avibus.

Refraçtio
lucis cauſa
diverſio-
rum colo-
rum.

intentiſſimum ruborem, mutato verò angulo, videbis colorem illum manifeſtè variatum ex rubro in cæruleum flavo miſtum; In K quoque idem ſimulacrum coloris rubei apparebit, eſſi multò quàm in D debilius: Cujus quidem rei ratio non eſt alia, niſi varia in medio denſiori refractio, qua lux in profundioribus ſphæræ diverſimodè opacata, eos quos dixi colores producat; & ex figura hic appoſita ſatis apparet, in cujus ſphæræ punctum V lumen Solis incidens, in medio refractum denſiori incidit in C, & hinc reflexum repercutitur in D, & deinde ex D refractum denuò in E oculo-occurrit. Cum itaque hîc lumen bis refringatur, ſemel in homogenio medio reflexum tandem ad H pervenit, neceſſariò illud umbris mediî foedatum, à nativa ſua claritate quaſi in umbratilem quandam lucem degeneratum oculo tandem accedit. Hanc itaque refractionem multiplicem colorum cauſam eſſe indè patet, quod in K rubor multum vari, & à rubore in D, utpote qui ad puniceum vergat in D remotiorem ab albo luci ſimili, unde plures quoque eum refractiones pati neceſſe eſt. Præterea radius ſolis F, in G, incidens refringitur in H, hinc in I, & ex I, in K, & hinc denique in oculum E. Vides igitur tantò colorem fieri umbroſiorem, quantò plures admiferit refractiones in corpore aliquo diaphono circulari, ſeu polygono; ut proindè ex hoc experimento tota iridis & ſalientium fontium aquearumque guttarum bullarumque ratio dependeat.

EXPERIMENTUM II.

Flamma
viridis.

Flamma ſequitur colorem materiæ inflammabilis, ſeu olei quocunque tandem colore imbuti: Si enim in ſcutella quapiam ærugineum colorem aquæ vitæ, ſeu ſpiritui vini probè commiſcueris, præparatumque humorem elychniumque ſimili colore imbutum accenderis, videbis non ſine admiratione flammam intenſo colore virentem, quem ſi vitreæ phialæ uvis plantiſque lucido colore depictæ indideris, illa in vicino pariete, aut candida tabula intenſiſſimi viroris fructus plantasque exhibebit: Nam cuprei vitrioli tinctura ærugini inexiſtens, calore exaltata flammam ſimili ſibi colore imbuet, lux verò tincta vitream phyalam tranſiens, eam ſimili quoque colore, viridem verò picturam adhuc intenſiori colore viridi tinget: Si verò cinnabarim oleo probè commiſcueris, accenſus liquor in flamma intenſiſſimi coloris rubedinem efficiet, cui ſulphure admixto, ex rubore in cæruleum colorem mutabitur: eadem quidem flamma, ſed pro diverſitate liquoris tincti diverſum colorem acquireret; quæ omnia ex diverſitate ſpirituum ſalinorum variè tinctorum dependent. Si tandem fuligine ſæpiæ liquore miſta ely-

Flamma
purpurea.

Flamma
cærulea.

Flamma
atra.

chnum oleumque imbueris, ecce mox flamma exurget atro colore imbuta, quæ & adſtantes eodem colore, non ſine admiratione & horrore ſpectatorum vultus imbuet: unde in Magia naturali varii ſtupendique effectus produci poſſunt, quos alibi oſtendimus.

EXPERIMENTUM III.

De Metallorum Coloribus.

UT æris colorem in albedinem mutes, ſic age: pulverem ex calce tartari, item ex alumine & arſenico albo cactis lixivio dilutis reſiccatique in æs liquefactum conjicies, & argentèο colore ſplendeſcet. Idem fiet, ſi aqua ex mercurio ſublimato facta & fale ammoniaco diluta per deliquium, in hac enim æs ferrumque reſtinctum argentèο colore imbuetur. Si verò plumbum nigrum in candidum colorem tranſmutare velis, ſic age: Ex arſenico albo, calce tartari, ſalegemmæ & ammoniaco fiat pulvis, quem aceto perfuſum ſeptem dierum ſpatio macerabis, maceratumque ad ſiccitatem decoques, cujus pollen ſupra liquefactum plumbum projectus, magnum dabit in argenteis vafiſ fingendis ſubſidium. Ignis verò virtute gradatim ex ochra fit rubrica in ollis novis luto circumlitis exuſta, eademque candefacta acetoque reſtincta, purpureum colorem exhibebit. Æs cum ſulphure combuſtum in cinnabrium degenerat; Spiritus vitrioli tingit ferrum in æs; Sal ammoniacum tingit plumbum in ſtannum: Colores figurorum, ſi cum aliis colorum ſpeciebus illiniantur, aliam differentis coloris formam acquirunt, uti & genera calcanthi: Calor enim materiam reſolvit in ſpiritus, ſalinaque corpora fixa & exaltata calore, obſcuros colores multò reddunt illuſtiores. Ad tincturam verò philoſophicam quod attinet, ſcias ipſius colores eſſe quàm maxime inſtabiles, & ſubinde revertentes: nam ubi à tenebroſa nigredine per innúmeros colores ad niveum uſque proceſſit, ſubito atra nocte omnia rurius involvuntur, & deinde ex illa nigredine novi ſubinde colores exorti in caudam pavonis primùm, deinde in rubedinem Chimicis fruſtrà expetitam terminantur; denique novi, qui falſo errore idem experti ſimiles colores, & veris omnino ſimiles mutationes, non ſine certa ſpe magiſterii perficiendi produxerunt. Si rationem quæras hujus mirabilis metamorphoſeos; Dico has mutationes ex refractione lucis internæ, unde omnes colores generantur, ortum habere; cum enim in prædicta materia ſimul exiſtat denſum & ſubtile, ex eorum miſtione varias oriri refractiones neceſſe eſt; & primo quidem quod ſubtile eſt, à denſo abſorbetur, illaque putrefactione partibus mire confuſis nigredo luce veluti eccliſpſata naſcitur,

Coloris va-
rietas in
minerali-
bus per va-
rios ignis
gradus.

nascitur, & tunc ex ebullitione spiritus confertim erumpentes nubibus totum illud vas cooperiunt, inde partes grossæ sublimationis vi jam attenuatæ subtilibus ita miscentur, ut inde valdè inæqualis existat lucis colorigena refractio, absumptis denique spiritibus terra remaneat arida & sitibunda, itaque avidè suum spiritum resorbendo nova fermentatione novam parit nigredinem, dum partibus terreis jam fermentatis attenuatisque cum subtilibus permistione facta, novos faciat ori-ri colores, & demum ex perfecta mistura albedinem igne suo in rubedinem maturescen-tem.

EXPERIMENTUM IV.

De Tinctura colorum in Vegetabilibus.

BOrax Aurificum candidus cæruleus red-detur, si tritus urinaque subactus glasto

tingatur: vel purpureus fit, si intensius tinctus fuerit. Sunt autem ex tingentibus in vege-
 tabilibus, succi uvarum nigrarum, Amaran-
 thi sanguinei, babustiarum, polygoni cœcci-
 geri, semina heliotropii tricocci, quod pri-
 mo affricu suo colorem viridem reddit, mox
 cæruleum purpureum chartis tingendis aptis-
 simum, folia quoque Cyperi seu Alcannæ,
 quorum succo Arabes jubas, caudas equo-
 rum, pennasque struthionum in rubrum &
 flavum tingere solent. Integer Liber hîc te-
 xendus foret, si modum & rationem, qua
 metalla, ossa, ligna, pennæ, equi, canes, in
 omnis generis colores tingi possint, osten-
 dere vellem. Verum cum hæc extra insti-
 tuti nostri limites sint, iis relictis, ad ea
 quæ argumenti nostri propria sunt, proce-
 damus.

Succorum
tingen-
tium mo-
dus & ratio

CAPUT VII.

*In quo de transparentium lapidum gemmarumque causa & origine,
 & primò quidem de crystallinarum gemmarum, deindè de
 Adamantum ortu agetur.*

EX præcedentibus jam innotuit: esse
 terrenum corpus plenum metallicis sa-
 linisque spiritibus salis, nitri, aluminis,
 vitrioli, qui igne subterraneo in subjectis uni-
 cuique appropriatis glebis abrafi, & in exha-
 lationem aut vaporem versi, per intimas
 & penè insensibiles telluris fibras exaltati,
 ubicunque terrestres portiones reperiunt
 proportionatas, ibi vim suam in iis exerunt,
 quâ tingendo, qua indurando: Si enim in-
 tra montium latebras alicubi in glebas sale
 turgidas inciderint, tum ecce subito, veluti
 magnetismo quodam excitato, partes subti-
 liores ad partes consimiles confluunt, quæ
 cum subtilissimæ sint, & omnes diaphanæ,
 hæ unitæ in loco appropriato, spiritu lapidi-
 fico iis insito, cooperante, in eam substan-
 tiam crystallinam, quam miramur, coales-
 cunt. Atque hæc est origo & ortus omnium
 earum gemmarum, quas Natura pellustres
 & diaphanas esse voluit: quæ quidem nobi-
 litate & excellentia ab ignobilioribus non
 nisi duritie & tinctura differunt: quantò
 enim fuerint duriores & nobiliori colore tin-
 ctæ, tantò pluris fiunt. Durities verò non
 aliundè provenit, nisi ex exquisitissima par-
 tium unione & nexu penè inseparabili, uti
 in Adamantibus contingit, de quibus postea.
 Tinctura verò flava seu aurea, rubra, cæru-
 lea, purpurea, viridis, aliundè non fit, nisi ex
 variis salium tingentium, quas paulò ante va-
 riis experimentis ostendimus, speciebus, ca-
 loris vi nunc in hunc, nunc in illum colo-
 rem exaltatis; quæ tinctura, ut variam sa-
 lium miscellam arguit, ita quoque eandem,
 veluti solem umbra, variæ virtutes & pro-

prietates consequuntur: ita quidem, ut mi-
 nutissimorum corpusculorum exquisita unio
 iis duritiem, tinctura verò alia & alia diffe-
 rentes, quas in gemmis experimur, vires &
 proprietates conferat. Sed ut paulò propius
 ortum gemmarum diaphanarum scrutemur:
 Quæritur primò, quomodò, quibusve mediis
 crystallus nascatur? Sunt qui volunt, crystal-
 lum non nisi ex nivium liquefactarum purissi-
 mis aquis, vi spiritus coagulativi nasci, &
 non nisi in frigidissimis Regionibus prove-
 nire: Utrumque falsum esse, multiplex ex-
 perientia jam dudum ostendit; cum non so-
 lum in variis Europæ locis, sed & in Indiis,
 Africa, America, sub ipso torridæ Zonæ tra-
 ctu constitutis regionibus, magnam copiam
 crystalli provenire, quotquot illas Regiones
 explorarunt, narrent. Refert Historia Re-
 gni Chile, esse iis in tractibus, in profunda
 quadam valle, quam Andium juga distermi-
 nant, in media prægrandis fluminis insula in-
 gentem rupem totam crystallinam, in qua
 ab incolis paganis fanum integrum sit mira
 arte exsculptum, ex omni parte diaphanum.
 Pariter ex montibus Lunæ Africæ, Zonæ
 torridæ subditæ ingentem extrahi crystalli
 copiam: quod & de Indiæ orientalis Insu-
 lis Zeilano & Sametra referunt orientalis Hi-
 storix scriptores. Sed cum de hisce nullum
 dubium esse possit aut debeat, ita his relictis,
 ad ortus ejus causam investigandam proce-
 damus.

Crystallus
non nasci-
tur tantum
in Regio-
nibus fri-
gidis, sed
etiam in ca-
lidissimis.

Fanum in
Chile, ex
integra
crystallo
excava-
tum.

In montibus itaque, ubi plurimum pur-
 gatissimi salis intra concava montium la-
 tet, fit ut calore subterraneo agente,
 alia salina corpora per vaporem salinum,
 C 2 & ab

Ortus cry-
stalli.

Vapor spi-
rituum sa-
linorum
causa cry-
stallorum.

Quid duri-
tiam & tin-
cturam
conferat
gemmis.

& ab omnibus aliis grossioribus partibus purgatissimum eleventur, qui per intimas, uti dixi, terrarum rimas exaltati, ubi sympathicum illis subiectum reperiat, ibidem etiam Naturæ quodam interveniente magnetismo, partium similium ad partes similes attractus consurgat, quæ paranymphe spiritu coagulativo, dum miro conjugio copulentur, inde tandem crystallus illa diaphana ex unione diaphanorum corpusculorum nascitur. Quod verò res ita sese habeat, & quod ex purissimo sale fiat, experimento comprobamus.

CrySTALLUM ex sale constare defæcatissimo, sic explorabis.

EXPERIMENTUM.

CrySTALLUS ex sale constat.

Distillato
crystallo sal
in fundo
manet.

Crytallo in minutissimum pollinem confuso adde duplum sulphuris, terantur in msturam exactam: hanc indito crucibulo, sex horarum spatio igne reverbera, atque reverberatum equino fimo quatuordecim dierum spatio digere; deinde exemptum distilla, distillatione peracta, corpora salina separata, & frigore denuò condensata, in fundo recipientis, instar candidissimi salis reperies: Ergò in id vi caloris resolvitur, ex quo ab origine sua constituebatur. Quod verò cæteris gemmis mollior sit, salis mollities causa est, quæ pro natura sua uti humidus est & fluxilis naturæ, ita partes partibus non in eam duritiem, in quam aliæ nonnullæ siccioris naturæ, degenerat: requiritur autem ad hanc crystallogenesin locus proportionatus, ne vapor illuc delatus evanescat, sed collectus omnisque effugii nescius, hunc quem diximus, humido veluti glutine quodam proportionato interveniente, effectum præstet; si porro vapor salinus croco ferri tinctus fuerit, congruamque sibi materiam nactus fuerit, eam in topazium aut chrysolitum flavo colore fulgentem tinget, & duritie & tincturæ proprietatibus differentem: Si verò vitrioli ex cuprea gleba abradi vapore mixtus fuerit, salina corpuscula minutissima per insitum appetitum cuncta saphirum cæruleo coelestique colore fulgentem producet, & duritiem quidem crystallo majorem, ubi & tincturam à vitrioli, utpote partium magis unitivi proprietate nanciscetur. Atque hoc pacto omnes gemmæ diaphanæ, qualescunque tandem sunt, salinis, à primordiis suis, corpusculis constant, quæ postea variis salium speciebus commixtæ, uti differentes tincturas, ita duritiem quoque aliasque differentes virtutes, per diversos caloris gradus concocti acquirunt. Quemadmodum enim sal humido loco positum liquefactum humectat, ita igne torrefactum, & humiditate evaporata, aliam proprietatem siccativam & adustivam acquirit. Ovum pariter leniter coctum liquidum, aliam virtutem habet, quam in duritiem excoctum; adeoque

Unde colores, flavus, cæruleus, ruber, viridis in Topazio, saphiro, carbunculo & smaragdo nascantur.

Tinctura diversa gemmis diversas vires dat.

Exemplo à sale, ovo, & urina.

pro ignis vehementia uti differentem statum, ita & virtutes differentes obtinet; & in urina patet, quæ in temperato sani hominis calore citrina efficitur; in calore inmodico febrientium in rubedinem vertitur; in homine verò indigestis per modicum calorem humoribus abundante, aqueum humorem exhibet. Vide *Lector*, quæ de urina coloribus Libro secundo: *Artis Magnæ Lucis & Umbra*, uberrimè docuimus; ubi quoque invenies, qua ratione ex urina aliisque salibus aqua præparari possit, quæ igni superposita & in imagines suprapositas evaporata innumeros in imaginibus chartaceis colores, pro varia lucis incidentia visui ostendat; quæ colorum ex salibus generis prorsus ad oculum $\kappa\tau\lambda\omega\ \alpha\pi\acute{o}\delta\iota\kappa\tau\iota\nu$, demonstratur.

Mirum experimentum.

Unica restat hoc loco difficultas enodanda, quæ mirum in modum multorum vexavit ingenium, & est indomita Adamantis natura. Quæritur itaque, undè ei tantarum virtutum seminarium, quomodo in tantam duritiem, tantumque levorem coalescat. Adamas omnium gemmarum Rex, lapis est inter crystallinas seu diaphanas gemmas omnium, sive duritiem, sive virtutes spectes, merito suo nobilissimus pretiosissimusque: Undè à solis Imperatoribus Regibusque olim quàm maximè tanquam Regii splendoris symbolum appellatus fuit. Olim à *Plinio* ob duritiem omnes eludere malleorum ictus creditus fuit: sed experientia quotidiana jam dudum contrarium docuit, cum non solum frangi, sed & in minutissimum pollinem redigi possit, quam & ob rosivam virtutem homini lethiferum multi opinati sunt, at experientia docuit, id falsum esse: Cum in India horum lapidum fossores plerumque nè furti arguantur, magna copia innoxie devorent, quos postea denuò egestos tuto loco ad lucrum reponunt. Cum itaque lapides cuspidibus acutissimis à Natura instructi & devorati nihil visceribus noxæ inferant, quantò minus scobem minutissimam, tum humoribus stomachi, tum excrementis intestinorum involutam, nocituram censebimus? nihil itaque Adamas in se, neque qualitatis internæ nec externæ continet, quod aut perniciosum, ne dicam lethiferum sit; certè in diuturnis disentericis affectibus magno adjumento à se datum fuisse, *Anselmus Bood* asseverat: quæ verò de stupendis ejus virtutibus narrant Scriptores, pleraque falsissima comperta sunt: uti sunt, dum conjuges dissidentes in concordiam revocare, fascinationes & incantationes tollere, dæmonumque insultus reprimere fertur: sed hæc facultates, uti naturæ superiores sunt, ita quoque, quæ ab humana voluntate, & proprio arbitrio dependent, utpote supranaturales, similes longè remotos effectus producere non potest, neque quicquam virtutis dæmonibus incorporeis ad eorundem dispulsionem imprimere potest, præsertim si superstitiones accedant, uti *Marbodæus* docet, qui putat inæstima-

Adamantis ortus exponitur.

Adamas gemmarum Rex, magne semper à Monarchis in pretio habitus.

Falsum est, à malleo conterinon posse.

Falsum quoque, scobem lethiferam esse hominibus.

Superstitiosus usus Adamantis.

Marbodei
superstitio
Astrologica
in sculpen-
dis in ada-
mante fi-
guris.

Adamus
non surri-
pit vires à
magnete,
nec sangui-
ne hircino
mollescit.

æstimabiles eum vires acquirere, si sub tali
ant tali ascendente, talis aut talis ei figura in-
sculpta fuerit: Verum cum hujusmodi male-
feriatorum hominum deliria jam multis in
meis operibus, argumentis confutaverim, ita
iis hoc loco immorari nolui. Adamantem
verò Magneti vires surripere, aut sanguine
hirci mollescere, jam diuturna rerum expe-
rientia pariter falsum esse docuit. Vide quæ
de hisce amplissimè in *nostra Arte Magne-
tica* egimus. Relictis itaque istiusmodi,
jam ad institutum revertamur, quod fuit,
ut undenam tantam duritiem contrahat, &
quomodo natura eum producat, ostenda-
mus.

Dico itaque, Non in India tantum Ori-
entali eum produci, sed & in multis aliis Mundi
partibus, quin & in ipsa Boëmia, Hungaria
eum reperiri, etsi non ad eam, quo Indici,
duritiem perveniat: Sola India Orientalis
veros & genuinos Adamantes producere
comperta est, præsertim in Provincia, quæ
Bisnaga dicitur, ubi tres rupes adamantiferæ
sub perpetua militum custodia reperiuntur.
In Regno Decan alia rupes est, uti & in di-
tione cujusdam Reguli, in quo præstantissimi
reperiuntur, & duritie, & levore & virtuti-
bus, qui vulgò de rupe veteri, *Naisis* indige-
nis dicuntur: Circa Insulas quoque Bataviæ
novæ vicinas saxearum rupium fragmenta
adamantibus referta intra mare reperiuntur
ad littus altissimarum rupium, quæ frequenti
tempestate jactati maris insultibus cum tem-
pore abrafa & à conferta colliguntur manci-
piorum multitudine, quæ genu tenuis intra
aquas minimè profundas collecta, intra man-
ticam dorso alligatam conjiciunt, eaque de-
inde intra officinas vicinas ab operis ferreis
dissolutæ malleis, Mercatoribus venduntur:
adeoque politos Natura ibidem producit, ut
sine ullo alio lævigatorio instrumento, uti ex
rupe extrahuntur, gestentur. Est & alius
mons non remotus à Malacca, adamantum
ferax: Cæteri ubicunque tandem invenian-
tur, hisce memoratis inferiores sunt. Quæ-
ritur itaque horum genesis. Multi putant, hoc
fieri, eò quod Soli orienti viciniore sint: stu-
pidissimum sanè argumentum; quasi verò so-
lus hujusmodi respectus causa sit hujus admi-
randæ genesis; an nesciunt hujusmodi male-
feriati homines, unumquemque in Mundo
locum diverso respectu nunc orientalem,
nunc occidentalem esse? Unde hoc argu-
mento scitè sanè probari posset, Regnum De-
canum, ubi majori copia & melioris notæ
Adamantes Natura producit, cum respectu
Malacæ multis horis occidentalis sit, contra
omnem usum & experientiam proferendis
adamantibus incapacem esse, non alia de cau-
sa, nisi quod Malaca, ubi quoque eos produci
diximus, orientalis sit, hæc autem magis ad
occidentem vergat: hisce se nugis involvunt
stupidi philosophastri, dum insufficientes ad
philosophandum, abditarum rerum causas

Ubi cres-
cant pro-
prie Ada-
mantes
veri.

Ridicula
opinio quo-
rundam de
ortu ada-
mantis.

inconsultius, atque illotis, ut ita dicam, mani-
bus Naturæ mysteria adire tentant.

Ubicunque itaque in locis Indiæ spiritus
salini ex purgatissimo & maximè defæcato
sale ignis subterranei vi per intimas montium
fibras exaltati oportunam rupem porosam-
que, id est, proportionatum locum intra ru-
pis concava repperint, ibidem quoque intra
rupes multum fixi purissimi salis ab extrinse-
co Solis, iis in locis ardentissimi, calore omni
humiditate exuti copia reperiatur; præterea
humido loci naturali, aut roscida substantia
intra poros rupium per intimas montium ve-
nas evaporato, aut aliundè insinuato, atque
veluti in guttas quasdam resoluta accedente,
fit, ut volatiles purissimi salis spiritus fixis in-
tra poros salis ibidem excoctissimi corpuscu-
lis juncti, paranymphe spiritu coagulativo
maximè concurrente, qui uti minutissimas
salis purissimi partes fixas cum volatilibus
quàm constipatissime in unum continuum
corpus cunctis connectitque, concurrente
eodem in loco quoque aliqua subtilissimæ
pinguedinis specie diaphano ceraforum gum-
mi haud absimili, quo & partes glutinis instar
compactissimæ unà cum splendoris dote
communicata, tandem in hanc omnium no-
bilissimam gemmam excrescant.

Vera & ge-
nuina cau-
sa ortus a-
damantum
exponitur.

Vides igitur, ad genesis hujus gemmæ pri-
mò requiri spiritus salis purissimos, & nullis
prorsus aut reliquorum succorum minera-
lium tincturis pollutos, crassioribusque por-
tiunculis contaminatos; quos quidem volati-
les esse oportet, sine qua volatilitate partes
puræ ab impuris separari non possunt. Se-
cundò, requiri, dixi, locum proportionatum
intra rupis alicujus porosi concava; qui lo-
cus, uti reliquis gemmis, ita quoque huic
omnium nobilissimæ maximè purus à Natura
destinari debuit, ut in eo, veluti in utero quo-
dam concoqui, & intra eum, non secus ac per
venas quasdam umbilicales, volatiles salium
spiritus recipi, ibidemque conclusi, fixisque
purissimi salis partibus, quibus rupes dicta
gravida est, apte jungi possint: Quia verò sine
glutine quodam, quod est humidum, & sine
spiritu coagulativo intentus effectus produci
minime potest, hinc spiritus lapidificus, qui
spiritibus salinis fere semper individuo con-
sortio jungitur, ubi humidum illud roscidum
repperit, tum ecce felici illo Naturæ conju-
gio spirituum volatilium cum fixis, mediante
humido, tandem temporis successu in Ada-
mantis gemmam concrefcit, utique tantò
compactiorem durioremque, quantò partes
salinæ fuerint minutiores, subtiliores purga-
tioresque: Atque hanc ego veram Adaman-
tis genesis esse existimem. Accedit testimo-
nium Patris *Hyachinti de Magistris*, Indiæ
Orientalis Procuratoris, qui uti hujusmodi
rupes inspexit, ita quæ diximus, ita se habe-
re, asseruit: observasse enim se pro amplitu-
dine foraminum aut pororum ibidem nasci
adamantes, vix unquam pisi magnitudinem

Quæ re-
quirantur
ad Ada-
mantis ge-
nesin.

excedentes, apparentibus adhuc concavis, ex quibus excavati fuerunt, & in potta quidem rupis inferiori majores, in superiori verò minores. Addit ibidem, occulta rupis proprietate nasci subtilissimam quandam diaphani gummi speciem, quæ coagulo mixta, summum illum splendorem, quem in Adamante miramur, eidem conciliat: frequenti quoque Indorum experientia innotuit, adamantes rupi jam exemptos post duorum circiter annorum decursum denuò renasci: quod apprimè iis, quæ de genesi adamantis diximus, congruit: Cum ex natura loci perpetuus sit dictorum volatilium spirituum ex intimis terræ visceribus, calore exaltatorum halitus, qui intra loculos porosi saxi conclusi, saxisque humido mediante ibidem juncti, opus tandem novæ sobolis partu, perficiunt.

Atque ex hoc ratiocinio luculenter patet, duritiem adamantinam dari ex salinis corpusculis quàm defæcatissimis, & à spiritu lapidi-

fico in arctissimam unionem connexis; diaphaneitatem verò ipsis ex salinis corpusculis (quæ quidem quantò magis à fæcibus terrenis purgati fuerint, tantò majorem transparentiam acquirunt) concedi; Lævorem verò eximiumque illum splendorem acquirere ex memorato gummi subtilissimo vapore, plurimum coöperante externo solis torridi æstu, quo rupes percussæ calorem ad opus conficiendum aptum concipiunt. Atque hæc sunt conditiones, quæ Adamantis gemmam omnium præstantissimam constituunt, quibus cum reliquæ crySTALLINÆ gemmæ, uti & Boëmici Hungaricque Adamantes careant, ita quoque quoad perfectionem cum Indicis comparandæ non sunt. Qui plura de Adamante desiderat, consulat *sequentis Sectionis Caput de Adamantibus*, ubi de sculptura, fictitiis adamantibus eorundemque emendationibus, viribusque medicis pluribus ægetur.

CAPUT VIII.

De variis figuris, formis & imaginibus, quibus Natura lapides & gemmas instruxit.

NUllum esse arbitror tam insensatæ mentis, qui lapidosam Telluris œconomiam ingressus altius, non summa admiratione rapiatur, dum videt, quanto ingenio & industria in variis lapidibus, gemmisque Natura luserit, ita ut, quod in Vegetabilium, Animaliumque regno, præstitit, idem in lapidibus, gemmis præstitisse censenda sit; sive enim colorum in plantis, herbis, floribus, sive volucris, animantibus, insectis, sive figurarum, formarumque in omnibus varietatem spectes, lapidosum Regnum in nullo iis cedere videatur; & luculenter apparet, Naturam Lithogeneticam idem in effectibus juxta Naturæ gradus producendis intendisse, quod vegetabilis & sensitiva natura in suo; cum semper, quantum potuit & licuit, allaborarit, ut quibus vitam & motum infimo illo repugnante Naturæ gradu, indere non posset, figuram saltem lapidosæ gemmatisque foetibus suis imprimere non omiserit. Et primò quidem in lapidibus omnes boni Geometræ partes explevit, dum eorum superficies punctis, lineis atque omni figurarum genere non tantum insignivit, sed & solida corpora omni polygonorum genere adornata exhibuit. Neque hic ejusdem stetit industria, sed altius assurgens, sua in gemmato regno coelorum finxit tentoria, quæ & Sole, Luna, Stellis miro ordine vestivit: Deinde ad opticam progressa, flumina, sylvas, prata, montes, maria, ad exactam prospectivæ amussim in multis lapidibus ita depinxit, ut nullius Optici manum ultra suam industriam desiderare voluisse videatur: Pictoriam deinde

sculptoriamque artem complexa, quidquid in rerum natura sensibus obvium fit, delineavit, in nonnullis quoque figurarum varietatem mira quadam exititii operis Sculptura luserit. Quæ omnia Natura ludibria nè leporis tantum venustatisque gratia descripsisse videamur, jam omnia & singula ejus opera, prout in lapidosæ substantiæ regno spectantur, particulari ratiocinio, præsertim cum nemo hucusque ex physicis repertus sit, qui veras & genuinas tantarum picturarum causas exposuerit, explananda duximus, à Geometricis figuris exordium facturi.

1. Inveniuntur itaque nonnulla genera lapidum, innumeris punctis signata: quos inter non immeritò connumerari possunt Jasponix *Plinio* dictus, & Sandaster, qui veluti in translucido stellarum similitudine radiantes intus aureis fulgent guttis. Ophites coloribus & punctis varius est, undè *Dioscoridi* κατισχυμέ-ν@. Ammochysus, quem ego eum lapidem puto, quem hodiè Venturinum vocant, innumeris radiantem stellulis. Ostraciten cæruleæ subindè bullæ cingunt; Myrtillum magna verrucarum exasperat varietas. Hematiten subindè fundo sanguineæ, Lazuli lapidem aureæ guttæ exornant. Marmor Ægyptium, ex quo Obelisci exsculpti sunt, quadruplici punctorum mistura, nigra, rubra, cærulea, alba, constat, quo ad quatuor Elementa mystice significanda usi sunt, ut in *Oedipo nostro* ostendimus, ita quidem, ut omnes ii lapides punctis interstincti diversi coloribus, ad hanc punctatorum lapidum classem revocari possint, quorum cum infinitus sit numerus,

Mira Naturæ industria in depingendis saxis.

Natura Geometra.

Natura Astronoma.

Optica.
Pictrix.

Lapides & gemmæ punctatæ.

rus, ita hisce eum paucis tandem indicasse sufficiat.

Lapides &
gemmae li-
nearæ.

2. Inveniuntur nonnulli lapides, qui incrementibus varie in gemmis, maculis atque verrucis linearum, multiplici ductu eo colore gemmam afficiunt, atque in iisdem semper apparent veluti à natura insitæ, & haud secus in plantis foliorum fructuumque numerum fervant & rationem. Lapides scissiles, quos *σχίσσι* vocant, non incongruè *πολύγραμμοι* dicuntur, eo quod totum eorum corpus veluti ex lineis contiguis compositum videatur: huiusmodi sunt Hæmatitum genera; Meseleucus, qui mediam gemmam candidâ distinguit lineâ; Mesomelas, qui nigræ lineæ ductu se-



catur. Ophicardalum nigrum binæ candidæ lineæ includunt. Prasii genus tribus intertingitur lineis. Alius multis lineis veluti zonis exornatur, unde *πολύζων* dicitur. Alii innumeris distin-


guuntur lineis, unde *πολύγραμμοι* dicuntur. Ad hosce revocantur omnes multiplici striarum ordine sulcorum adinstar à natura depicti lapides.

Dum ante nonnulla lustra Tolfensem agrum unâ cum Aluminariis officinis lustrarem, in collem quendam incidi, in quo lapidum quoddam genus reperiatur cæruleum, Schisto haud absimile, in quo candidis iisque subtilissimis lineis, quicquid figurarum excogitari poterat, à Natura designatum reperiatur: Unde objectis moventibus cum admiratione potentias, dum singularum ductus linearum attentius considerare, inveni non Græci tantum, sed & Latini Alphabeti literas omnes; præterea omnia ferè ea simplicium figurarum schemata, quæ *Euclides* in suis elementis Geometricis demonstrat. Et quoniam res digna videbatur, hîc eo modo, quo ea Natura formarat, separatim exempta, apponenda duxi.

Typus Lapidum lineatorum, qui in Lapide quodam Schistorum è genere, in Tolfensi, & Bassanenfi Agro reperiuntur.

Alphabeti Latini literæ lineis à Natura impressæ lapidibus.

*Literæ Alphabeti in Saxis
à naturâ formate.*



*Figure Geometricæ à natura
in Saxis formate.*




Figure Geometricæ à Natura impressæ lapidibus.

Has figuras literarum, schematumque Geometricorum datâ operâ collegimus, ut mira hac Naturæ industria producta miracula exornaremus. Si plures festinatio ad alia, colligere permisisset, certè quicquid Geometria in angulis, triangulis, quadrangulis, trapeziis, parallelis, colligi potuisset, facili negotio reperissemus. Sed ut *Lector* curiosus ex ungue leonem colligat, hæc ex innumeris pauca hîc addenda censuimus. Quæritur itaque, quomodo Natura tantam linearum varietatem

producat? Dico itaque, causam esse substantiam terrenam; ex qua lapis excrevit; quæ primò quidem argilla mollis, deinde ob siccitatem intervenientem varias rimas egit, quemadmodum usu venit in lutulentis lacunis pluviis præcedentibus, quæ calore Solis paulatim exsiccata in innumeras omnis generis rimas finduntur; ita quoque in hisce lapidibus, antequam spiritu lapidifico indurarentur, accidisse censemus: quas rimas deinde gypseus vapor, quo locus naturaliter abundat,

Causa linearum in lapidibus elucescentium.

dat, ingressus condensatusq; in eam linearum in cæruleo candicantium varietatem, quam ostendimus, juxta rimarum ductus abiit, cujus rei veritatem sequens experientia me docuit.

EXPERIMENTUM.

Quomodo
lineati lapi-
des arte
confician-
tur.

Acci pe argillæ mollis placentam, quam supra craticulam subtilibus filis ferreis instructam tripodeque suffultam superimponere: infra quam carbonem positi, statim massam dissoluto humido, calore in multiplices rimas agent. Hoc peracto, cerussam crucibulo impositam forti igne exagita, & videbis, cerussam in vaporem exaltatam rimasque argillaceæ placentæ penetrantem ibidem hære, jam ab ambiente frigore nonnihil condensatam; quo peracto, deposita argilla pro rimarum actarum ductibus innumeras lineas candidas demonstrabit: negotium tamen ita dextrè peragendum est, ut craticula non immediate supra crucibulum, sed nonnihil altius constitutur, nè vapor nimium attenuatus intra rimas evanescat, sed ad primum frigoris contactum condensetur: Si verò minio remtentaveris, rubras; si ochrâ, aureas; si ærugine virides producet lineas. Ex quo experimento certò mihi constitit, hujusmodi lineatos lapides alio modo non fieri, quam dictum fuit: hæc enim lineatæ argillaceæ massæ fornaci inditæ excoctæque lineas per totum lapidis profundum, non secus ac naturales, quos natura in fodinis generat, deductas demonstrabunt. Lapidem verò punctati à linearibus non differunt, nisi in hoc, quod materia mollis adhuc maximè porosa sit, exsiccataque varia in medio vacua relinquat, quæ deinde vapore cujuscunque tandem mineralis is sit, repleta ibidemque indurata in extima illa superficie, hanc quam diximus, punctorum multitudinem spectandam exhibent. Notes tamen hoc loco velim *Lector*, in gemmis translucentibus hanc sive punctorum, sive linearum varietatem non eodem modo produci, sed hujusmodi maculas linearumque ductus, ut plurimum ex tingentibus variorum salium spiritibus certo ordine diffusis nascuntur, de quibus pluribus alibi. Quare hoc loco causam tantum innuisse sufficiat.


De Polygonarum gemmarum genesi.

Notatur hæc mirabilis lapidum affectio potissimum in gemmis translucentibus, quas quidem omnes Natura aut rotundas aut polygonas nasci voluit; quo fine, quantum ingenii mei debilitas permittet, exponam: quamvis non ignorem, nil aded Physicorum ingenia hucusque vexasse, quàm hanc prodigiosam angulosæ sobolis progeniem. Varii varia adducunt, sed nihil, quo ingenio veritatis avido satisfiat. Nos quid longa experientia circa hujusmodi observavimus, adducemus.



Ex supradictis constat, omnes diaphanas gemmas, unam eandemque originem habere, id est, ex liquore salino; uti tamen caloribus,

duritie, cæterisque accidentibus à natura dotatæ sunt, ita quoque viribus & proprietatibus ob tingentium variam naturam, differre: Si enim spiritus purè salinus sit, neque tamen subjectæ materiæ partes rite uniat; nascetur crystallus mollior. Si amplius cum tinctura flava, nascetur topazius; si fortius eum tin-


Minera Crystalli ex Museo Anidori.



Pseudocrystallus.



Formæ Topaziorum, Amethystorum, Beryllorum.



Stura


ctura cærulea uniat partes, nascetur Saphyrus; si cum tinctura rubra partes adhuc fortius uniat, nascetur pyropus seu carbunculus; si cum tinctura viridi æquè uniat, nascetur smaragdus; si denique omnium fortissimè partes uniat, omnium durissimus nascetur adamas tincturæ omnis expers, luce sola & splendore superbiens. Atque ex hisce pro alia aliave tinctura, majori aut minori, innumeræ aliæ gemmarum species emergunt, quæ tamen vel ad principalem aliquam ex hisce dictis revocantur; undè diversissimi topazii, Berylli, Smaragdi, Carbunculi, Opali, Adamantes, cæterarumque gemmarum constitutio diligenter à Gemmariis observantur; quæ uti majus aut minus, aut etiam differentiis coloribus tinctæ sunt, ita innumerabiles denominationes sortiuntur. In quibus tamen omnibus nescio quid angulosum Natura effinxit; sunt enim quædam tuberosæ; nonnullæ triquedræ; quædam tetraedræ, pleræque, potissimum CrySTALLI hexaedræ; in topaziis subindè quoque dodecaedræ inveniuntur. Uti ex hisce figuris apparet; Causa itaque horum angulorum, finisque à Natura in iis intentus non immeritò quæritur. Cur enim hæc potissimum in gemmis Diaphanis spectetur formæ insolentia, uti multos in inquisitione causæ, ob conclamatum negotium, in desperationem traxit, ita admiratione exoticorum effectuum percussis ad causam tantarum rerum operatricem penetrandam, acres quosdam stimulos, sed irritò labore addidit. Nos quid sentiamus, jam tempus est, ut aperiamus.

Esse in Salinis corporibus virtutem quandam actinobolicam, quam radiativam dicimus, experientia multorum annorum nos docuit: Consistit autem hæc vis in eo, quod spiritus in salis corpore abditus ex se & sua natura & appetitu quodam naturali ex centro prodiens in circumferentiam, corpuscula protrusione sua paulatim in radios quosdam dispercat. Qui si diameter, in quatuor partes diffindat, erit id basis & veluti ichnographia quædam, super quam figuretur gemma, quam Natura quadratæ figuræ esse vult; si in quinque, pentagonæ figuræ rudimentum ponet, si in sex, hexagonam, CrySTALLI & Amethystis propriam; & sic de cæteris usque ad duodecim; figuram tot lateribus constituet, in quot radios spiritus salinus corpuscula sua protruserit.

Primo itaque omnes diaphanas gemmas ex diversis salium speciebus constare, suprâ variis experimentis comprobatum fuit, nec non unanimi Chymicorum consensu receptum. Secundò esse in salinis corpusculis singulis à naturâ aliquid insitum ejus figuræ, quod gemma ex quibus coaluit præ se fert: Si enim in microscopio, CrySTALLO in pollinem resolutò, singula corpuscula inspexeris, singula nescio quid radiosum præ se ferre comperies, quod & in reliquis salinis corpusculis nitri, alumi-

nis, vitrioli, faccari, aliisque similibus luculenter patet, & fusè id in Diatribæ de Crucibus prodigiosis Neapoli in linteis hominum vestibus visis, demonstravimus: quam non incongruè plasticam gemmarum facultatem dicere possumus, illi, qua sensitivus Naturæ gradus in animantium fabricandis organis utitur, prorsus analogam; quam tamen nos convenientius ἀκτινοβολικὴν, seu radiativam vim dicimus: Spiritus enim in singulis corpusculis ex se & sua natura radiationem appetentibus, veluti in centro latens, ea uti per radios jam unicuique insitos, sollicitat, ita quoque singula è centrīs suis evolvit: & primò quidem à radice inchoando, in CrySTALLI sex ichnographiæ loco, fundat radices, supra quos postea, sursum ἀπὸ τῶν ἐσθλῶν radiantes, nova corpusculorum accessione tandem in hanc formam, quam admiramur, scilicet sexangulam excrescit. Quoniam verò intermedio spacio purissimus humor hisce salinis corpusculis miscetur, fit ut miro quodam magnetismo, quo similia corpora ad invicem agitantur, partes salinæ sui generis corpusculis jam in formam ei debitam per actinobolismum dispositis adhæreant, dissimilibus corpusculis aqueis extra dispulsis segregatisque: & ne vacuum aliquod in intermedio spacio relinquatur, novus purissimæ aquæ liquor in abeuntium locum substituitur; huic tandem incluso lapidificus spiritus superveniens, totam illam crySTALLINAM massam sub ea angulorum forma, quæ ei à natura debetur, indurat. Verum cum multa hîc occurrant, quæ Lectori dubium movere queant, ea paucis explicabo.

Quæritur itaque primò, quomodò fiat, quod radiatio illa non in circulum, sed in polygonas figuras degeneret? Respondeo id fieri ex proportionata diminutione virtutis radiativæ, qua à primis semper magis magisque decrescunt: Ita quidem, ut sicuti virtus salis radiativa in tres, quatuor aut sex radios æqualiter à se distantes extenditur, ita reliqui his interjecti, utpote debiliores proportionaliter ab illa distantia deficiunt, ut quantò radius à fortissimo remotior fuerit, tantò brevior, & consequenter ad minus spatium sit protensus. Sed hæc geometrico ratiocinio ostendamus. Sit in hexagoni triangulo A G F.



centrum radiationis A: principales verò radii sint A G, A F. & sic de cæteris, Dico radios

D

A H,

Cur cry-
stalline
gemmæ
passim po-
lygonæ.

AH, AI, AK. sensim deficientes cadere ad latus trianguli AK, & hinc eadem proportionem crescere usque ad latus AF, eritque radius AK rectus & in hac radiatione minimus: & quoniam in uno triangulo hexagoni plures lineæ à vertice A ad basin G. F sunt ductæ, erit triangulum AKG. triangulo HAK, & hoc triangulo AIK majus, eò quod basis GK, quam HK, & hæc quam IK major sit, basis verò AK, communis, ergo & hypotenusæ AG, quam AH, & hæc AI major erit, magis autem distat à termino maximæ virtutis G, punctum I, quam H, eò quod ablata parte IK reliquum IG majus sit. Itaque ad singula KG basis puncta cadunt radii virtutis inæquales; & quo magis removentur, eò breviores, ac proinde sensim & proportionaliter deficientes. Quod itaque in uno triangulo hexagoni ostensum est, de omnibus reliquis idem judicium esto: Radii igitur ex puncto A evoluti à principalibus radiis sensim & proportionaliter deficientes, aut à media linea crescentes, eam tandem laterum æqualitatem in crystallinis corporibus, quam miramur, producent. Posita itaque hac virtutis salinæ veluti ichnographica quadam delineatione, statim reliqua corpuscula veluti magnetismo quodam impulsu attractaque se iis circumponent, quæ postea aliorum aliorumque accessu augmentata tandem in debitam crystalli quantitatem exurgent per continuum singulorum simili modo radiantium affluxum. Quia verò hoc pacto particulæ minimæ, quam strictissime cunctæ exactam continuitatem acquirunt; hinc fit, ut salina hujusmodi corpuscula hoc pacto continuata in diaphanum tandem corpus emergant, omni partium discretionem repudiata; quam si incurrerit, eccè protinus veluti oblitterata transparentia nonnulla umbrarum vestigia patefiunt. Quæ partium discretio ut impediatur, & crystallo limpidissimæ figuræ pulchritudo aptius conservetur: Certe Natura aptiorem ipsi figuram dare non poterat, quam hexangulam, quam & insitæ virtutis suæ radiatione unice affectat: hac enim ob exactam quippe partium connexionem continuitatemque perfectissima, ea omnia facile quæ aut noxam, aut turpitudinem gemmæ adferre possent, removet, eamque in suo à natura sibi debito splendore conservat.

Hiscæ igitur positis, jam quæ κατὰ τὴν θεωρίαν deduximus, per varia experimenta fusius comprobemus. Dictum fuit supra, figuras hæc polygonas ratione salis gemmis potissimum convenire; saltem vero inesse gemmis, manifestum fit ex eorum incineratione; idemque constare potest ex eorundem artificiosa compositione: nam vel succi metallici pro materia assumuntur, ut suo loco dicturi sumus, vel cineres sale copioso foeti, filicesque in eandem torrentur. Quis autem dubitet, metalla de natura salis esse, quæ in vitriolum salis speciem

ex toto resolvuntur. Itaque figura inerit gemmæ illius salis, cujus naturam participat.

EXPERIMENTA.

Primum. In salinis corporibus Naturam affectare nescio quem πολυγώνισμον, id est, multiangulare, sic experieris. Accipe libram vitrioli, quam in aqua limpida primum dissolves, deinde dissolutum per manicam Hypocratis colatum ad ignem digere, usque dum cuticulam contrahat: quo facto, in catinum, decoctum jam effunde, humiditatemque evaporare sine, & comperies ad oculum vitrioli corpuscula in liquido dispersa & dissipata; magnetica quadam vi ad latera catini attracta unitaque mox eam, quæ iis à natura debetur formam polygonam, radiofa sua evolutione moliri, & si quis paulò sagaciori oculo per lentes opticos consideraverit, videbit is nescio quem motum, quem ego nihil aliud esse dico, quam spiritum corpuscula in mutuam corradationem animantem, quod inde elucescit, quod filamentis semper in extremitate veluti guttulæ quædam adhæreant, quæ mox tamen vi spiritus in solidum convertitur, & quod mirum est, ipsa filamenta quoque nonnulla in prismata, quædam in pyramidis, quam affectant, punctum, nunc tribus, jam quatuor, quinque aut sex lineis corradare, quæ crystallinorum corporum genesin oculari quadam demonstratione exhibent. Idem fiet, si in nitri aut aluminis dissolutione rem tentes. Verum cum hujusmodi experimenta jam supra in *Sectione de salibus* exhibuerimus, eò *Lectorem* remittimus. Solum restat experimentum de salibus ex herbarum lixivis educendis, ex quo apertè & luculenter apparebit, omnia salina corpora, etiam quæ ex plantis & animalibus educuntur, hæc insita crystallogenias facultate à Natura imbuta esse.

EXPERIMENTUM I.

Accipe quamcunque herbam, potissimum eam, quæ multiplici fibrarum ductu pollet, nos urtica uti solemus, hanc in cinerem redige in olla quam optimè lutata, deinde incineratione peracta, cineribus aquam super affundito, fietque lixivium, quod in catinum effusum nocti hybernæ expositum relinque, donec tenuem in superficie glaciem contrahat; & videbis cum admiratione, glaciem ita exactæ folia urticæ exhibere, ac si impressa fuissent: Si verò hanc glaciem effigiem penitus ope tubi microscopici examinaris, omnia puncta & radios quosdam, jam plures, modo pauciores, rudi quadam ichnographia ad fabricanda corpora polygonæ evolvi; ea verò, quæ vasis lateribus adhærent, ut plurimum quadratas tesseræ exprimere. Quomodo vero hæc genesis perficiatur, dicendum est.

Diximus paulo ante, quodocunque salinus


Cryſtallo-
geneſia.

nus ſpiritus magnâ concomitantis ſalis copia ingreditur in matricem quandam Cryſtallo generandæ ritè diſpoſitam, ſalina corpora humidum, quod matricem occupat, virtute exſiccativa paulatim conſumit, conſumpto paulatim humido, tunc primum mirificus ille corpusculorum ſalinorum, quæ primo in humido diſpergebantur, confluxus, & una ſingulorum corradatio ad formam polygonam iis debitam fabricandam accedit; nova itaque ſemper novaque corpusculorum acceſſione ſpiritus vi facta, tandem debitam ſibi cryſtallinis corporibus formam acquirunt. Sed hæc experimento comprobemus.

EXPERIMENTUM.

A Ccipe aquam nitro aut quovis alio ſale, uti vitriolo vel alumine probe ſubactam, ita tamen, ut aqua ſemper, quantum fieri poteſt, diaphana ſit; hoc facto, accipe fila ſerica aut ſetas equinas in priſmatis tetragoni aut hexagoni figuram diſtenſas, quas humori præparato impones, & tribus, aut quatuor diebus, aut plus minus ibidem relinquito, & invenes omnia corpuscula ſalis hinc inde in humido diſperſa tandem filis adhærere, & ſucceſſu temporis ibidem ex continuo particularum affluxu tandem cryſtallinam formam acquirere, non undiquaque ſolidam, ſed veluti fabricam quandam ſalinis columnis ſuſtentatam: pulchrum ſane Naturæ ſpecta-

culum, & ad oculum demonſtrans, quomodo corpuscula ſalina magnetica vi attracta & cœnita in ſolidam tandem maſſam degenerent. Quod itaque nos hîc artificiali pragmatia oſtendimus, hoc ipſam Naturam inſito ſibi actinoboliſmo præſtare, nemini dubium eſſe debet. Sit vas aqua ſalina refertum A B, fila



oppositis orbibus C D affixa, fila ſeu ſetæ ſint E F G H. quæ orbibus extenſa & intra liquorem demiſſa, exhibebunt id, quod hoc experimento ſignificavimus. Cætera experimenta, quæ cryſtallina corpora concernunt, in ſequentibus ſuo loco ampliori apparatu exhibebuntur.

CAPUT IX.

De admirandis Naturæ pictricis operibus, formis, figuris, imaginibus, quas in lapibus & gemmis delineat, eorumque origine & cauſis.


V Idimus in præcedentibus, quomodo Natura omnes boni Geometræ partes in cryſtallogeneſi exercent: jam ejus in pictoria arte ſpecimina pari paſſu contemblemur; Quæ adeo admiranda ſunt, ut nullus non Philoſophorum in iis attentius luſtrandis, veluti attonitus hæſerit; neque id mirum alicui videri debet, dum quanto in inſiſtione cauſæ tam exoticorum effectuum longius progreſſi ſunt, tanto caligine intellectus magis magisque obfuſcati, tandem negotio veluti conclamato ingenue confeſſi ſunt, quidpiam iis ineſſe τὸ θεῖον divinum inquam, quod uti humano ingenio eſt inexplorabile, ita & eidem hîc terminum poſuiſſe, ultra quod evanido labore humanæ ſeſe ſubtilitatis labor fatiget. Quoniam tamen nihil in Natura rerum aded eſt abſtruſum inſolitumque, cujus ſi non intimas, ſaltem ejus veriſimiles cauſas aſſignare queamus: diu ſane multumque circa huiusmodi Naturæ ectypa ſpeculatus, quid obſervaverim ac invenerim, hoc loco curioſo Lectori exponendum exiſtimavi.

Natura ludibunda cum vegetativam ſenſitivamque facultatem in regno mineralium attingere non poſſet, fecit quod potuit; id eſt, cum vitam & ſenſum eis dare non poſſet, ſaltem figuram eis indidiſſe ſatis eſſe rata, pictores imitata, omnium, quæ in Mundo continentur, rerum figuras ambitioſo penicilli magiſterio delineari viſa eſt; nam qui paulo attentius conſideraverit lapidum, marmorum gemmarumque, earum potiſſimum, quæ multiplici ſtriarum ductuumque varietate dotata ſunt, conſtitutionem, is ſane aperte videbit, mira quadam induſtria, primo omnis generis inſtrumenta artificialia, cultros, ſerras, harpagines, incudes, lanceas, vexilla, cruces, circulos, corbes, circinos & geometricas figuras ſine numero, triangulos, quadratos, parallelogramma, cubos, rhombos, atque omnis generis priſmata in iſdem depicta.

Secundo. Natura quaſi cœlum contemplata, in iis ſtellas in aſteriſmos quosdam digeſtas, ut in Aſtroite apparet, vel ad pictorum invidiam depinxit; In nonnullis gem-

Omnis generis inſtrumenta pingit in lapidibus.


mis solem radioſa projectione ſtupendum effigavit, uti in Camæa quadam, quam olim



Gemma heliaca Franc. Qualdi.


Coelum,
Stellas, ſo-
lem, Lu-
nam pin-
git.

mihī ceu grande Naturæ miraculum oſtendit in Muſæo ſuo ſimilibus rebus inſtructiſſimo curioſiſſimus *Franciſcus Qualdus* Eques. Pari pacto, Lunæ figuram non plenæ tantum, ſed & cornutæ & dichotomæ in lapidibus gemmiſque non infrequenter inveniri, Selenites docet, qui proinde à Lunæ figura nomen me-




Achates ægeidns.

ruit. Narrat *Ambroſinus* in libro de lapidibus, Achaten ſe vidiffe, in quo & circuli cœleſtes unâ cum ſtellis delineati videbantur, & in alio Urſæ majoris aſteriſmum; ſimilia in lapide Lazuli me obſervaffe memini lucidiſſimis ſtellis referto. Sed hæc notiora ſunt, quam ut dici debeant. Habet & nobiliſſimus *Magninus* Eques & Patritius Roma-



nus lapidem Heliotropinum in quo 4 Elementa unâ cum coloribus ſingulis propriis, ita depicta ſpectantur, ut non à natura ſed ab eximio pictore delineata videantur.

Tertiò. Natura mari, urbibus, ſylvis, fluminibus delectata, non tantum illa omnia



Dendrites Hetruriae.

pulchrè depinxit, ſed & convenientibus coloribus adumbravit ita, ut artificialibus vix

cedere videantur, cujuſmodi ex Hetruria, ubi Natura ipſos producit, non exiguam copiam allatam Muſæo meo intuli. Inter alia Achates nonnulli uti & Iaspides flumina rivosque, & urbes unâ cum ſylvis campisque ita perfectè, ſecundum omnes proſpectivæ leges exhibent, ut nihil illi addi poſſe videatur.

Sylvas, campos, flumina, urbes depingit.

Quartò. Non hîc deſiſtere videtur, ſed & vegetabilis Oeconomix officinam ingreſſa, omnis generis flores, ut roſas in Entrocho, & lilia in Encrino delineat. Videas in multis Iapidum generibus narcifſos, hyacinthos, tulipas, pœoniæ, gelfaminæ cæterarumque plantarum flores unâ cum ipſis plantis mira arte effigiatos.

Omnis generis herbas & flores.

Quintò. Non contenta hiſce, ulterius progreſſa ſenſitivæ naturæ ergaſterium intuens, omnis generis animalia, volucris, quadrupedia, natatilia, inſecta depingit, uti poſtea ex ipſis figuris conſtabit.

Omnis generis animalia.

Sextò. Ne hominis omnium mobiliſſimam formam neglexiſſe videatur, in lapidibus pari pacto humanæ figuræ vario geſtuum habituumque ludibrio, non ſolum quoad integram corporis ſymmetriam, ſed & quoad ſingula ejus membra depingere conata fuit: hinc alibi capitis, cordis, hepatis, ibi oculorum, aurium, narium, hîc pectoris, brachiorum, pedumque figuris imbutos non ſuperficie tantum, ſed & in lapidibus ſolidis expreſſos reperies; quin &, uti in enorchide utriuſque hominis ſexum expreſſit, de quibus vide fuſius agentem *Agricolam* & *Gefnerum* lib. de lapidibus.

Humanas figuras habitu & geſtibus diverſis.

Septimò. Natura ulterius progreſſa, & quod Naturæ terminos excedit, in nonnullis lapidibus vel ipſos Angelos Coelitesque, uti Deiparam Virginem, cæterosque Sanctos, quin & Chriſtum Dominum crucifixum delineare attentavit, ut in ſequentibus Figuris eorum apparebit. Propoſita itaque ingenioſæ Naturæ in rebus depingendis induſtria, nihil aliud reſtat, niſi ut jam poſt eorundem exhibitum typum, ſingularum figurarum rationes & cauſas adducamus: Cum nullum adhuc ex Authoribus repererim, qui id præſtiterit, & res digniſſima ſit, in cujus inſpectione cauſæ verè Philoſophantis ingenium ſe fatiget. Et ut cum bono ordine procedamus, primò earum, quas in præcedentibus ſeptem punctis conſideraviſimus, figurarum exempla proponemus, ut ex iis veluti Naturæ prototypis, reconditas *Phyſicæ* cauſas ritemur.



Angelos Coelites.

Prima Figura Mathematica & omnis generis instrumenta à Natura in lapidibus depicta.

IN præcedentibus de Geometricis figuris planis ſatis actum eſt, jam ſolidarum figurarum picturas quoque intueamur, & de cryſtallinis quidem polygonis paulò ante diſcurrimus,

rimus, modò cuborum, prismatum omnis generis, cujusmodi sunt, quas sequens typus demonstrat.

Fig. Dodecaedri.



Ubi vides, Naturam dodecaedron, A B C D, id est, duodecim laterum figuram molitam in marmore, etsi (si ludere liceat) circini defectu, rudi tantummodò penna detortis & lineis & circulis, nec debita pentagonis lateribus proportionem delineatam, fecit tamen quod potuit: qua arte & ingenio, postea declarabitur.

Astrolabium à Natura descriptum.

Scaphium se vidisse ait *Ambrosinus* ex cochlea fabricatum, in cujus concavo Natura Astrolabium hisce linearum ductibus, quas figura secunda docet, descriptum depinxerat. In Calabria fodina est, in qua quotquot lapides reperiuntur, etiam minimi, sub cubi figura conspiciuntur, quorum non exiguam copiam secum allatam Musæo meo donavit, *P. Mathæus Taberna* curiosus rerum naturalium explorator. De sphaericis lapidum figuris postea dicetur.

Lapides Cubici.




Natura saxa in prismata mutat.

In Hetruria prope Vulsinium euntibus circiter mille passibus versus montem Flasconium, ad sinistram lacus Vulsinii latus, rupes spectatur, quæ tota quanta ex faxeis parallopipedis, iis quæ sequuntur figuris, ABCDEF.

constituitur. Simile quid narrat de arce Stolp in Missia *Rueus*.

Juxta Vulsinium in Italia, Rueus in Misnia Germaniæ.



Missi non ita pridem sunt ex Germania ad me lapides parvuli, omnes figura orbiculari, in quorum medio Natura eleganti fanè penicillo oculi radios diffundentis figuram expressit.

Inveniuntur & compluribus in locis lapides Sphaerici, magni, parvi, maximi, ita ut teste *Rueo*, tanti inventi sint magnitudinis, quæ onerandis bellicis tormentis loco ferreorum sufficerent. Tales teste *Agricola* inveniuntur in Agro Hildesienfi; Similia in Regno Neapolitano, juxta civitatem, quæ *Potentia* dicitur. Compluribus aliis in locis Italiæ, Germaniæ, Franciæ, Hispaniæ: De quibus vide *Agricolam*, *Rueum* aliosque; quomodo verò Natura eos formet, postea exponemus.

Secundò. Ad Elementa quod attinet, illa quoque Natura exprimit ita exactè, ut à pictore expressa videantur, cujusmodi ex *Hæmatite* unam habet *Gemmam Carolus Magnus*, in qua 4 elementa naturali colorum ductu ita affabre exhibentur, ut à nullo pictore, melius exactiusque depingi possint. Iterum, montes, campos, flumina, quæ maximè in nonnullis marmoribus & Achate ad stuporem spectantur, quin & aërem cum nubibus & volucris in eo volantibus, quod primum me docuit, Altare in templo Divi Petri Romæ, ubi ingredientibus ad dextram Sacellum Sanctæ crucis conditum est, Altare ex flavo marmore & variè mixto constat, in quo & montes & flumina, lacus, sylvas, aërem, affabre à Natura depicta reperies. Idem videre est in magnifico Divæ Virginis ad S. Mariam

Majorem, à *Paulo V. Pont. Max.* extructo Sacello, in quo eadem, quæ dixi, Naturæ picticis monstra exhibentur.

Tertiò. Coelum quoque stellatum exhibuisse Naturam in lapidibus, jam suprà diximus.

Arbores, Sylvæ in lapidibus à natura exprimuntur.

Quartò. Prata, sylvæ arboribus constipata potissimum conspiciuntur in iis lapidibus, quos ab arboribus, quas exprimum *de-
deitas dentrites* vocant, & ex *Hetruria* ingenti copia Romam ad mensarum, scrinio-
rum aliarumque rerum decorem concilian-

dum, advehuntur. In hisce videas non solum ramosam arborum foeturam, sed & circumcirca folia, flores similiaque Naturæ ludibria; undè videas & in altero quodam lapide marmoreo depictas urbes, montes, nubes, cujusmodi est in meo Musæo, urbem turritam cum domibus fenestris instructis, uti figura hîc apposita docet. In Altari primario Templi S. Sebastiani extra Romam marmor, cui crucifixus insertus est, exhibetur, in quo nubes & lucidæ coeli partes mirè adumbratæ spectantur.

Urbium, ruderum, que in lapidibus expressio.



Serpentum, pulicum, cimicum, Muscarum, papilionum in lapidibus expressio.

Balænarum, cetorumque piscium in lapidibus expressio.

Avium in lapidibus expressio.

Animalium quadrupedum in lapidibus expressio.

Humanæ figuræ

Quintò non defunt in lapidibus quadruplices animalium classes. Videas in iis primò omnis generis insecta, uti serpentes, muscas, papiliones, vermes & similia, usque ad ipsos pulices & cimices: cujusmodi sunt nonnullæ asteriæ species; Vide Figuram *ὁφιδμορφον*, sive serpentiformem signatam litera Z in sequentibus: Sequuntur deinde quæ pisces, balænas, delphinos, apuas, trutas, cephælos, similiaque mira arte exhibeant, quas passim in variis Musæis tum hîc Romæ, tum alibi me spectasse memini: Undè figuras in Lectoris curiosi gratiam apponendas duxi. Vide tabulam I I I.

Sextò. Sequuntur volatilia, quæ Natura variis modis in lapidibus exhibuit. Est in Sacristia collegii Romani columna marmorea ex nigro & albo mixta, in qua Natura pelicanum pinxit, contorto collo pectus sibi aperientem, mutilis tamen unguibus pedum; sunt, qui & gallos gallinaceos, gallinas cum pullis exhibent, quemadmodum intueri licet in sequentibus figuris.

Animalium porro quadrupedum figuræ ubique passim inveniuntur in lapidibus, vel tota corporis symmetria, vel capite tantum, pedibus & humeris exhibitæ, de quibus & *Ambrosinus* in suo de metallicis libro, quod supplementum Aldrovandi dicitur. Vide Tabulam II. quæ animalia exprimit.

Septimò. Figuris humanis omnis generis lapides ita referti sunt, ut in nullo non varie-

gar marmore occurrant. Est in meo Musæo Achates, in quo Natura Heroïnæ depinxit capillis crispatam & pectore balteo instructam, uti figura N docet. Tales sunt sequentes filicibus impressæ; & à natura depictæ: Prima hominis palliati, altera Sacerdotis, 3. Virginis habitu adornata.

Narrat *Brocardus* in suo de *Itinerario Hierosolymitano Libro, Capitulo* ubi locum præsepis Domini describit, ibidem in quodam lapide naturam pinxisse Eremitæ figuram, eo, quod figura 4 exhibet, artificio, quam multi *S. Hieronymum* in ea multis annis commoratum esse volunt, & quotquot ea loca adiere, testantur. Figuram vide in Tabula IV. Est & in S. Petro marmor, ubi homo draconem inequitat.

imaginum in lapidibus expressio.

Homo draconem inequitat.

Sed non humanas tantum figuras quasunque, sed & Coelitum, id est, Sanctorum Virorum figuras in marmoribus, nescio qua dispositione exprimit: de quibus loquitur jam sæpè citatus *Ambrosinus*. A Beatissimæ Virginis Matris figuris, Angelorumque auspicemur narrationem: & quoad B. Virginem attinet, illa primo variis in locis & regionibus, marmoribus à natura impressa cernitur. Vide Figuram A filici impressam. Est hic Romæ in Sacello Divæ Virginis, templum S. Petri ingredientibus ad dextram, juxta organum spectabilis imago in qua Beatissima Virgo Lauretana ita affabrè à Natura depicta spectatur, ut artificis manu delineata videatur; veste induitur triplici zona distincta, filiolum brachiis tenet,

co.

Tom. II. Fol. 30





coronâ, quemadmodum & mater, conspi-
cum: Spectantur & circumcirca Angelo-
rum figuræ, ea qua in Tabula IV. apparet,
forma. Similem imaginem Pisis & Bononiæ
spectari *Ambrosinus* recitat. Similis figura
B. Virg. narratur esse in filice impressa in Mu-

HUMANÆ FIGURÆ IMAGINUM IN LAPIDIBUS EXPRESSIO



Heroina



Figura Palliata



Avium in lapidibus expressio



Homo Sacerdos




In Silice Fœminæ effigies

Silex apud *Ambrosium*
Beata Virginis cum
filio in brachys



A



B

B. Virginis cum filio
et draconis effigies

Miræ re-
rum ima-
gines.

sæo Aldervandino Bononiæ. Sed & *Agricola*
meminit horum phasmatum his verbis: *Schisti*
lapidis genus ad nemus Hercynium inventum non
ita pridem fuit, quod exprimeret varias animan-
tium species, ut in genere piscium passeris marinos,
lucios, percas; in avibus, gallos gallinæos, nonnun-
quam salamandras, imò Pontificis Romani barbati
& triplicem coronam in capite habentis effigies
reperta fuit, quam multi viderunt, præterea
B. Virginis puerum in manibus gestantis. Nos
addemus opus Naturæ omni admiratione di-
gnissimum, quod Natura, indubia Dei dispo-
sitione in Regno Chilensi, in Deiparæ ima-
gine efformanda expressit, de qua fusè in Hi-
storia sua Chilensi *P. Alphonsus Devalias*, cu-

jus totam Historiam in sequentibus recita-
bimus.

His itaque exhibitis restat, ut quod omnium
maximum, Christi crucifixi imaginem, ne
quicquam in negotiosa Natura desiderari vi-
deatur, in lapidibus intueamur. Est *Ambro-*
sino teste curioso harum rerum exploratore,
Ticini, vulgò *Parvia*, in Coenobio Carthusia-
norum ad quintum lapidem extra civitatem
sito, in quo quodam in marmore Natura
Christi Servatoris nostri in cruce pendentis,
nec non spinea corona redimiti imaginem
elegantè depinxit. Venetiis quoque figura
Christi crucifixi apparet in marmore, eodem
teste, in templo S. Georgii majoris eodem
modo

Crucifixus
lapidibus
impressus.

modo effigiata, uti in figura Tabulæ IV, apparet.

Omnia
humani
corporis
membra.

Porro nullum est humani corporis membrum, quod Natura in lapidibus non expresserit: Caput, aures, oculos, brachia, pectus, ventrem, pedes, sexus denique figuras, quæ & inde nomen enorchidum obtinuerunt. Scias denique *Lector* curiose, quod in hujus-

modi marmoreis lapidibus sectis & politis, diligenter & curiose inspicienti, non dictarum solummodo rerum, sed & aliarum imagines, uti sunt omnis generis instrumenta, suppellectilia domestica, similiaque innumera, obvia futura sint, quæ curiosis rerum indagatoribus consideranda relinquo.

T A B. I.

FIGURÆ VOLUCRIUM,

Quas natura in lapidibus depinxit ex variis Musæis decerptæ,
& aliunde transmissæ.



Prima Figura notat ciconia caput, & annexum ei nescio quid animalis quadrupedis. In summitate humane faciei quid simile ex Aldobrandino extractum.

2. Monstrat varias rerum formas partesque animalium tam volucrum, quam quadrupedum, quamvis valde imperfectas, quarum rationem dedimus in disquisitione Physica.




3. Duarum avium imagines monstrat, quas in Ecclesia S. Georgij Venetijs in marmore à natura expressas refert Ambrosinus.

4. Noctuæ caput demonstrat, circumdatum aliis avium rudimentis.


5. Motacilla sive ut alii volunt Pavonis Figuram exprimit.

6. Monstrifica volucris Figuram docet.

7. Merula Figuram exprimit.

TAB. II. *Figurarum Animalium Quadrupedum.*

1. & 2. *Figurae monstrant canum capita, una cum pileati hominis figura: in 1. fig. videntur autem sub formâ natantium in aquis; uti & in 2. fig. rudimentum navis spectatur. Præterea caput Galli Gallinacei, lunæ quoque signa & quod ectypon Ambrosinus in suo Museo se conservare dicit.*
3. *Nescio quod monstrum animal exhibet, porco, si caput excipias, haud absimile. alii Elephantis figuram volunt.*
4. *Caput canis molosse exprimit.*
5. *Caput Equi. 6. Figuram capitis canini.*
7. *Gatti seu felis perfectam figuram exhibet, cujus rei rationem in 2. modo disquisitionis damus, quam Ambrosinus in quodam marmore se vidisse refert à natura expressam.*
8. *Formam rustici pileati refert, cum varia rerum miscella.*
9. *Caput ursi pileati exprimit.*



Tab. 3



Piscium figuras exhibens.




Fig. 1. *Monstrat duos pisces, qui tamen unus est intra saxum ad instar forme incisus; ita ut in utraque saxi parte medietatem sui exprimat, ex Museo Gualdino Romae.*

2. *Formam scari piscis exprimit, intra saxum.*

3. *Formam Tincae exprimit, intra saxum petrifacita.*

TAB.

T A B. Altera,
Piscium figuras exprimens.




4. *Anrata piscis formam exprimit pariter sicuti ceteri intra saxum in lapidem conversa.*
 5. *Duos pisces veluti aqua innatantes exhibet, qua in Museo Aldovrandino spectantur.*

TAB. IV.

Figuras humanas exhibens.



Tab. 4. Figuras humanas exhibens.



- Fig. 1. Exhibet senem vittatum sedentem puerum fasciis involutum simili senis habitu manu tenentem, Idolo Ægyptiorum Averrunco haud absimilem; de quibus vide Tom. 3. Oedipi Ægyptiaci, Syntagm. de Idolis Averruncis, quomodo autem saxo impressum sit vide mod. 3. disquis. præcedentis.
2. Palliatam refert figuram puerum sinu gestantem circa quam nescio quæ Angelorum vestigia spectantur, ut proinde nihil aliud fuisse putem, quam imaginem Deipara filiolum suum benedictum sinu gestantis, cui angeli ex utroque latere circumstant.
3. Imaginem hominis pilosi exhibet, quem nonnulli Eremitam, alii S. Joannem Baptistam putant exprimi.
4. Figuram S. Hieronymi exhibere putant, eo quod teste Brocardo in itinere suo Hierosolymitano in Grypta Bethlemitica à natura saxo impressa videatur.
5. Figuram Christi crucifixi exhibet, & teste Cardano Ticini in Monasterio Carthusianorum à natura impressam. Similem Venetiis videri in Templo S. Georgii asserunt.
6. Roma in Templo S. Petri in Sacello B. Virginis, marmorì impressa cernitur Læretana virginis imagini non absimilis.

Dis-

DISQUISITIO PHYSICA

Imaginum lapidibus impressarum.

IN qua rerum omnium propositarum in lapidibus efformatarum ectypa examinantur, singulorum causæ & rationes variis modis assignantur, & quam tandem arte & ingenio, quove fine Natura in lapidibus tot formas & imagines expresserit, docetur.

Figuræ in lapidibus duplici modo considerari possunt, vel prout in plana lapidum politorum superficie, vel prout ex solidis lapidum variè transformatorum formis constitutæ spectantur. De priori primò dicam, de secundo postea. Spectantur autem hæ figuræ potissimum in politissimis sectorum marmorum variegatorum, quorum innumerae sunt species, superficiebus; rarissime tamen, & vix in ullis gemmis pretiosis, præsertim transparenti substantia præditis, exceptis Achatibus.

Dico itaque, quadruplici modo ea in lapidibus exprimi potuisse: quorum prior est fortuitus: Secundus ex dispositione terrenæ substantiæ, intra quam tanquam intra formam receptus humor tinctus, tandem spiritu lapidifico in eam figuram, quam terrenæ substantiæ matrix refert, induratur. Tertio, ex aliquo singulari accidente in talem & talem figuram exurgunt. Quarto, in nonnullis imaginibus, & præsertim in coelitis figuris ex singulari dispositione divina, Angelorum ope à natura efficiuntur. De quibus ordine agendum est.

Ubi notandum figuras in nonnullis lapidibus esse oppidò imperfectas & membris mutilatas, in quibusdam extrema tantum figurarum vestigia apparere, in aliquibus perfectam & absolutam in quocunque genere rerum, formam spectari. Quæ omnia magna nobis præbent latentium causarum indicia. Sed jam ad rem.

MODUS PRIMUS.

PRimo modo plerasque formas in lapidibus exortas fortuito & casu natas assero; quod ut innotescat, noverit *Lector*, quod quemadmodum phantasia hominum, dum coelum varietate nubium obductum videt, varia sibi, nunc dracones volantes, jam naves, modò montes, urbes & castella, nunc cruces, modò humanas figuras & similia phasmata, ex nubium in composita repræsentatione imaginatur: ita quoque vel in sputo in terram coniecto notamus aliquid subindè figurari, quod modò huic, modò alteri rei simile est. Imò in itineribus videntes montium sub certa figura protensionem nunc mensam concipimus, uti promontorium bonæ spei, nunc sub vultu humano, ut Scyllæum promontorium Siciliæ, nunc hominem supine prostratum, uti in Apennini Camertensium monte, cujus apex caput, declivis protensio, iterumque nonnihil protuberans, pectus &

ventrem, brachium rupes in vallem protensa, duo foemora in bifidam vallem subsidentia, exititæ montis partes exprimunt. In Insula Militeni rupes maritima seorsim à monte dependens, monachum suspensum, qui vulgò *frate impiccato* dicitur, exprimit. Subindè saxa & frutices rupiumque fragmenta effigiem humanam sub numismatis figura ostendunt, uti Panormi Mons, qui à figura vulgò dicitur *monte della medaglia*. Innumera hoc loco ejusmodi spectra adducere possem, sed quia hujusmodi nullibi desunt, ea tantum innuere hoc loco volui. Videas & in rudibus laterum coctorum superficiebus varias insectorum volucrumque aliarumque rerum vestigia, quæ tamen nullo à Natura fine intenta sunt, sed ob similitudinem quandam rerum homo sibi talia esse imaginatur. His itaque sic propositis, jam quari merito posset, unde tanta imaginum in lapidibus spectra originem suam sumpserint.

Respondeo, omnia hæc nata esse ex fluore salini liquoris, qui ubi terrenam & appropriatam substantiam adhuc mollem & siccitate jam ingruente in multas rimas & sinuos ductus fatiscentem se insinuaverit, uti in marmoribus videre est, sit ut ibidem spiritu lapidifico, successu temporis, omnia simul induram & saxeam molem coalescant, ita pro rimarum fissurarumque constitutione, suorum insinuatus, jam pulcherrima flumina, jam ramosas arbores, modò volucris, aut insecti, aut quadrupedis formam, aut etiam humanam effigiem, vel saltem aliquod humani corporis membrum, eo modo quo potest, & pro dispositione materiæ jam siccitate in varias & vacuitates rimosas fatiscantis, delineat. Hæc autem fluore quodam constituta esse, luculenter docent sinuosi fluminum ductus pro diversitate spiritus tinctivi diversimode depicti, qui nunc ex nigro albis, jam ex albo flavis, aut viridibus, cæruleisque ductibus eleganter mixti cernuntur. Mollem autem primò terram fuisse, indè constat, quod post plurima annorum curricula loci natura eosdem lapides eadem figurarum colorumque diversitate imbutos producere observatum sit, quod non fieret, si materiam terrestrem multorum annorum spatio maceratam fermentatamque subterranea Oeconomya spiritibus missis in varios colores jam calore fatiscentem vario suo fluore non tingeret atque unà induraret, cujus rei experimentum supra traditum consule.

Est & aliud hujus rei non leve argumentum, fortuito & casuali fluxu constituta esse similia phasmata, quod vix ulla ex iis, quæ animalis figuram mentiuntur, forma perfecta sit, sed semper aliquid ad integram figuram constituendam requisitum; (uti in capitibus vel oculus, vel nasus, vel os; in brachiis manus digitique; in tibiis pedes, quod pictorum industria ut plurimum emendat) deesse compariatur, ita ut non tam quid revera sint,

Varias figuras montes exprimunt.

Figura montis

Causa hujusmodi figurarum.

Figura montis

Causa duarum æquorum.

Nulla earum imaginum quæ casu fiunt perfecta est.

Quatuor modis figuræ lapidibus imprimuntur.

Fortuita & casualis figurarum impressio.

quàm quid phantastica facultas, ea esse sibi imaginatur, judicemus, quemadmodum paulò ante de nubibus, montibus, sputo, cæterisque rebus diximus.

EXPERIMENTUM.

Experi-
mentum
in glacia.

Experi-
mentum
in charta
Turcica.

Sumitur hujus experimentum sanè non incongruum rei demonstrandæ. Exponatur hyberno tempore aqua limpidissima in concha quadam noctu sub dio, & ubi manè congelatum repereris, novas aquas diversis coloribus dilutas, aquæ jam congelatæ superaffundas; inclinando hinc indè concham, donec in diversas partes diffuat; & deindè pari modo eam congelari sinas, & invenies haud secus ac in marmoribus, Iaspidibus; Achatibus diversi coloris ductus, nunc flumina, modò lacus, arbuscula quoque similiaque Naturæ spectra non in superficie tantum, sed quæ vel ipsam porosæ glaciei substantiam penetrant; quæ si lapidifica facultate induraretur, haud dubiè idem, quod in marmoribus, exhiberet, certumque marmoris genus ab omnibus judicaretur. Est & aliud paulò tritius experimentum, quo effectuum hujusmodi causa ostendi potest. Qui chartam Turcicam conficiunt, vas quoddam primò implent aquâ, in qua gummi dragacanthinum ad crassam substantiam dissolutum sit, huic colores vivacissimos & varios quintâ essentiâ vini, felle bovino prius ritè dilutos, penicillo superaspergunt; deindè penna hos colores in quamcunque volunt figuram faciliè obsequentes deducunt. Imagineris itaque tibi, præparatam materiam marmoris aut alabastri, esse dragacanthum; quam natura variis coloribus tingit; spiritus verò salinus in varios ductus, pro diverso fluoris motu diffusos paulatim indurat. Atque hæc de iis figuris, quæ fortuito & casu in lapidibus spectantur, sufficiant. Nunc ad secundi modi rationes explicandas procedamus.


MODUS SECUNDUS.

Piscium
solidorum
figuræ
quando à
natura in
saxis fiunt.

Secundus Modus est, cum terrenæ substantiæ materia, ex qua marmor variegatum nascitur, ita disponitur, ut intra eam, tanquam intra formam quandam, quam modelam vulgo vocant, humor tinctus, tandem spiritu lapidifico in eam figuram, quam materiæ matrix refert, induratur. Estque potissimum de iis figuris intelligendum, quæ perfectam aliquam figuram solidam exhibent: Cujusmodi sunt piscium quorundam figuræ in præcedenti Schematismo exhibitæ. Hæc certum est, non solius Naturæ ope tam ad vivum expressas fuisse, sed aliquid aliud accessisse, quod quid sit, paucis aperiā. Est hîc Romæ in Museo Qualdino lapis, qui fissus intus ex utraque parte perfectissimi piscis formam exhibet, cianeo colore fulgentem, & spinosa dorsî ossatura conspicuum, ex iis quos Rhom-

bos vocant, simillimumque iis, quos in præcedenti Schemate exhibuimus.

Quæritur, qua ratione hunc piscem Natura formaverit: Respondeo, id hoc pacto contigisse. Novimus magnas multis in locis inundationes fluminum fieri hyberno tempore, quibus consequenter ingens limi copia in campis collibusque coacervetur; hisce itaque complures pisces unà ejectos, limoque involutos constituisse; Limum verò successu tem-




poris spiritu lapidifico in saxum conversum fuisse; cui cum uti hic, ita multi alii pisces involati fuerint, illi in limo utique tanquam in modulo quodam & matrice, nativam formam suam impressisse indè demonstrari potest, quod spinæ adhuc exititiæ cum squamis, & partes pulposæ veluti abstractæ violenter & laceratæ spectentur; ossatura autem adeò perfecta unà cum spinosa substantia exprimitur, ut nè pictor quidem, quantumvis perita manu ad Naturæ prototypon pertingere queat: apertum indicium, veri piscis substantiam fuisse, quæ ibidem suam veluti in limosa matrice formam expresserit: Si enim paulò antè dictum lapidem quoad interiorem substantiam penitus examinâris, vacuitatem intus, pro piscis quantitate reperies: quod verò nulla pulpa aut intestina intus compareant, mirum non est, cum tota illa mollis & flaccida substantia, & corruptioni quàm maximè subjecta, aut consumpta, vel calore exsiccata in pulverem conversa, nil aliud præter ossa durioris substantiæ relinquere potuerit; & patet ex veterum sepulchris, in quibus præter sceleti, ne vestigium quidem alterius humani corporis portionis, aut membri, reperias. Atque hæc est origo eorum piscium, quos Physici fossiles appellant, & in compluribus locis reperiuntur, uti suprà patuit, & passim in Musæis curiosorum hominum extant. Pari pacto serpentes involuti limo simili modo formam suam ei impressisse videntur, uti ex figura hîc apposita patet ex Musæo Aldobrandino; & de omnibus animalibus idem judicium esto. Videtur porrò in aliis non ossatura, sed vera & genuina effigies animalis, quæ quomodò saxo inducta fuerit, exponam.

Jam suprà dictum fuit, salina corpora miro quodam appetitu, quem Naturæ magnetismum dicimus, sese mutuo allicere: Cum itaque materia lapidis salinis particulis, uti & animantium corpora refertissima sint, hinc fit, ut animal quoddam limosæ argillæ involutum,

Pisces &
serpentes
limo suam
figuram
tanquam
in forma
imprimunt.

Quomodo
plantæ figuræ
imprimantur
saxis.

tum, ibidem mox, ubi sui figuram expresse-
rit: partium salinarum in animali, ad partes salinas in argillacea materia confluxus fiet:
quoniam verò cuncta miro quodam actino-



Saxum Serpentum Pisciumque figuram refertum

botismo seu radiatione confluunt, hinc fit, ut
particulæ radiantes ea tinctura, qua ipsæ pol-
lent, materiam lapidis pariter imbuant: Undè
tandem tota vel animantis figura, vel partes
ejus mira quadam symmetria emergunt in la-
pide, multum concurrente ad hoc opificium
facultate plastica, quam semper adhuc in ca-
daveribus stirpium animaliumque restare in
sequentibus demonstrabimus. Neque enim
intelligi hoc locò velim, veluti semine quo-
dam à planta vel animali deciso, hujusmodi
generari, sed per quidpiam semini propor-
tione quadam respondens: hoc pacto lapis
terræ, quam tangit, proximè ad lapidis natu-
ram inducendam dispositæ, formam sibi simi-
lem immediatè imprimit: Sic auri portio præ-
existens materiam sibi propinquam, ubi dis-
posita fuerit, ad auri substantiam subeundam,
in auri substantiam convertit; pari pacto ar-
gentum trahit ad similem sibi substantiam
efficiendam, omnem illam materiem ad ar-
gentum producendum dispositam; & sic de
cæteris omnibus metallis idem judicium esto,
de singulis sibi simile attrahentibus, non ut
multi perperam existimant, per veram vege-
tationem, sed per corpusculorum similium
magnetico quodam attractu coeuntium con-
fluxum, five quod idem est, per juxtapositio-
nem, inanimatorum more; magno sanè Na-
turæ consilio, quia nè corruptibilium sub-
stantiarum species cum tempore penitus abo-
lerentur, Natura sagax rebus omnibus ratio-
nem generandi res sibi consimiles iniecit, ut
quæ in individuo semper esse nequeunt, spe-
cie saltem perpetuitatem nactæ, pro modulò
& captu naturæ suæ peranni incorruptibili-
tatis munere fruerentur, qui est finis, cujus
gratia omnia agunt, quæcunque secundum
naturam operantur.

MODUS TERTIUS

*Fit ex aliquo singulari accidente, quo figura in
lapidibus nunc in hanc, nunc in illam
formam emergant.*

Mira sunt & proffus paradoxa, quæ Na-
tura in lapidum figuris effigiendis ope-
ratur; quorum quidem ratio assignatu non
est facilis, tentabo tamen, frequenti harum
rerum indagine peritior, causam singulorum
phasmatum hoc loco exponere, ab iis lapidi-
bus initium facturis, qui ab arborum multi-
tudine dentritæ vocantur, quarum non exi-
gua copia tum in proprio Musæo, tum in aliis
Musæis hîc Romæ visuntur, quorum non-
nulli separatas arbores; alii integra arborum
nemorumque ad omnes perspectivæ leges
delineatarum phasmata continent; inveniun-
turque hujusmodi lapides potissimum in
monte Sinai, unde & *petra Sinai* nominatur,
& in Hetruria prope oppidum Bargam, etfi
hæ veræ stirpes non sint, nec vitam habeant
ullam, sed stirpium pictarum miro Naturæ
opificio pura putæ simulacra; quorum gene-
sin antequam explicem,

*Quomodo
in lapidi-
bus arbo-
res impri-
mantur.*

Notandum, quatuor reperiri saxorum ge-
nera, in quibus plantarum & arborum ico-
nes, frugumque imagines à Natura mirè de-
pictæ conspiciuntur, quorum primum Bor-
sycitis dicta à Plinio, plantam refert, in nigra
candidis, aut sanguineis frondibus florentem:
Alterum ab *Imperato*, celebri Antiquario
Nemorosa petra appellatur, & cum Sinaitica
eadem est, ab *Agricola* Dendrachata appel-
latur, internis fissi saxi parietibus innumeras
plantarum, frugum imagines exhibens, pro-
priè dendritis dicta. Tertium est, quod sali-
cis ferrata refert folia, unde & folium salicis
appellatur. Quartum lapidis genus ab *Im-
perato* frumentatum dicitur, eo quod tri-
ticeas aliarumque frugum species exprimat,
quæ

*Lapis ha-
morosus*

*Salicis fo-
lium.*

*Magnetif-
mus na-
tura.*

quæ omnia olim in celeberrimo *Imperati*
Musæo me vidisse , & curiose examinasse
memini.

Quæritur itaque causa tantorum mirabilium. Dico itaque has figuras imprimi potuisse hac ratione. Notum est omnibus, diversi generis herbas plantasque in multis inaccessis antiquarum fabricarum molibus videri, quomodo tamen illic excreverint, imperitis rerum merito paradoxa videri. *Plinius* narrat, bis enatam palmam in summo Capitolii detecti fastigio, & post palmam tempestatibus prostratam eodem loco ficum enatam. *M. Messala* & *C. Cassio* *Coss.* Nec solum illo tempore, sed & hodierno die omnia Thermarum Aquæductuum, Amphitheatrorum rudera, non solum palmis, caprificis, lentiscis, sed & innumeris aliis herbis florere videmus, quarum ad 200. in suo de plantis Amphitheatro narrat *Panarola* in suo de hoc argumento libro, resque trita & pene vulgaris est, ut proinde causa nemini adeò abdita censerī debeat: cum enim rimæ dictorum rudera continuo pulvere repleantur, iisque unà omnis generis semina vel vi ventorum, vel volucrum beneficio eò delata, aut etiam excrementis volucrum ibidem depositis, in quibus, uti nuclei dactylorum, ceraforum, prunorum, ficuum, aliorumque seminum duriorum integra remanent, ita pulveribus pluvia aut rore maceratis, nihil facilius, quàm ut accedente solis calore singula in suæ speciei propria germina paulatim efflorescant. Accedit, quod calcis pulveres nescio quid insitum habeant, ad diversas herbas producendas. Sed de hisce alibi fusius. Hisce itaque propositis,

Dico id eodem prorsus modo fieri posse in lapidibus: Cum enim in terra lapidescente variarum stirpium plantarumque pulveres infint, in quibus una cum exiguo calore nescio quid spermaticum adhuc inest, quod in lapide adhuc molli materiem nactum utcunque ad id aptam, cum plantarum substantiam ex ea materia constituere non possit, id quod potest, id est, solas in materia arborum herbarumque imagines, plastica facultate, quæ feminali virtuti adhuc aliquo modo inexistit, depingit: aded ubique Natura sibi simile producere studet, optaret illa quidem similem sibi essentiam gignere, sed impedita tum ob agentis debilitatem, tum ob ineptitudinem patientis, dum non valet, quod vellet efficere, saltem plantarum accidentia & imagines ceu plantas æquivocè, ut cum Scholis loquar, generat; quod & *Aristoteles* probat exemplo generationis hominis, qui marem semper intendit, generare; sed voti minimè compos factus, foeminam generat, qui mas læsus esse dicitur: idem de generatione cæterorum animalium, promiscua dicendum est.

· Ad propositum itaque; cum in terra, ex qua lapis nascitur, præexistentes variarum

plantarum pulveres , ubi animam exuerint omnino, retinent tamen adhuc in se nonnihil ejus caloris ac temperamenti, cui prius anima conjuncta fuit , & quo anima usa fuisset instrumento ad stirpes earumque imagines, ut pulchrè *Licetus* philosophatur, effigiendas: Cum in hac functione præcipuum mixti in lapide existentis agens temperamentum sit: Jam verò alium modum proponamus, quo plantarum imagines in lapidibus fieri potuisse existimemus: Prius enim quàm saxum fieret, alicubi stirpes & plantæ præsertim minutioris subtiliorisque substantiæ, uti muscosi generis continebantur, quibus postea humo affusus humor undique ac in lapidem conversus unà cum herbulis & frugibus saxum enatum sit, quod earundem imagines exprimeret, iis in eo petrificatis, & apertum id indicium est, quod hujusmodi lapides parallela sectione aperti, non in omnibus & per omnia similes iis, in prima superficie enatis referant, sed differentibus ramorum ductibus modò truncum, jam ramos quasi sectos, nunc alio & alio modo efformatos, quod clarè indicat, plantulam per illam saxeam massam cum adhuc lutesceret, diffusam & postea indurata, juxta differentes sectiones, differentes partes arborum exhibuisse. Exemplo rem maximè ad propositum elucido: In crystallinis corporibus non infrequenter spectantur hujusmodi muscosi arbusculi, quos non sine voluptate me vidisse memini, & egregii Philosophi *Licetus* & *Laurentius Pignorius* virentis herbulæ in meditullio Crytalli se vidisse, ille in suo de spontaneo viventium motu, hic in expositione Tabulæ hieroglyphicæ testantur: quomodo illa intra Crytallum enata, non est difficilis indaginis: certum enim est, hanc herbulam materiæ Crytallo generandæ aptam primo inextitisse veram plantam, quæ deinde lapidificafacultate unà cum Crytallo indurata haud secus ac in succino multiplicis generis animalcula æterno circumdata clauistro se spectanda præbuerunt: si quis enim Crytallum secaret, is haud dubiè non jam plantam vegetantem, sed saxeam, neque totam per Crytallinam massam diffusam, sed in ramos suos sectam reperiret: quod itaque herbula Crytallo inclusa ob transparentiam visui sensibili accidit, id in opacis corporibus adhuc sub molli materia consistentibus fieri potuisse nemo dubitare debet.

L. 3 de
Spon. vii.
ortu.

Quomodo
in Crystal-
lo & succi-
no mus-
cus, mu-
scæ, simi-
liaque in-
clusa sint

Restat nunc, ut quo Naturæ penicillo animalium nonnullorum formæ in lapide tam affabrè expressæ sint, explicemus. Certè Naturæ semitæ ita abditæ sunt, modus procedendi in diversarum rerum productione adeo occultus, ut nisi quis multorum annorum experientia fuerit instructus, ac omne studium suum contulerit in perfecta compositionis rerum indagine & exploratione, fieri non possit, ut quis solo intellectus ratiocinio ad proximas, veras & genuinas causas tanto-

L. 3 de
pon. viu,
rtu.

Quomodo
in Crystal-
lo & succi-
no mus-
cus, mu-
scæ, fimi-
æque in-
clusa sint.

Quomodo
figuræ im-
primantur
in faxis
subterra-
neis.

rum mirabilium effectrices pertingere queat: Experientia enim intellectum illustrat, hic res singulas singulis aptè combinando, tandem in causarum abditarum desideratam notitiam perducit. In perfecta itaque imaginum, quæ in lapidibus passim reperiuntur expressione, plures causæ partiales concurrunt: prima est, dispositio quædam materiæ ad accipiendam formam apta: Secunda requiritur & aliud quiddam, quod formam nunc hanc, nunc illam veluti sigillum quoddam materiæ imprimat, cui semper intervenit actio quædam vehementi magnetismo pollens, quo similia similibus adinvicem alligantur.

Ad materiam quod attinet, illa primò mollis quidem & humido quodam limbo imbuta esse debuit, aliàs enim duritie sua omnem respiceret penetrativam tinctorii spiritus facultatem; quod vel inde patet, quod omnes ferè lapides in propria fodina molliores, tunc tandem in adamantinam duritiem abeant, ubi siccum aëris afflatum sortiti fuerint. Forma verò seu sigillum, quod in materia figuram imprimit, pariter duplex esse potest: pure naturale, & ex naturali & artificiali compositum. De priori dico, esse potuisse Cada-

Quomodo
animalium
figuræ im-
primantur.

ver alicujus animalis, cujus pellis agglutinata materiæ adhuc molli illi figuram similem sibi impresserit ope plasticæ facultatis; quam in animalium cadaveribus adhuc remanere supra diximus; imò *Albertus Magnus l. 1. de rebus metall: tract: 2. c. 9.* id expresse dicit hisce verbis: *Admirabile, inquit, omnibus videtur, quod aliquando lapides inveniuntur, qui intus & foris habent imagines animalium, foris enim habent lineamenta, & quando franguntur, reperitur in iis figura intestinorum; quæ quidem alia ratione contingere non potuerunt, nisi ex animali ibidem in saxum converso.* Dum enim in vitam animare non potest, ob materiæ subjectæ ineptitudinem, saltem figuram ipsi imprimit sibi similem, idque salinorum corporum in cadavere latentium interventu, quæ dum à disposita materia sale pariter referta, attractu, uti diximus, magnetico, confluant, secum devehunt vim plasticam iis naturaliter insitam; tandem consumptis flaccidioribus cadaveris partibus, reliquum una cum figura in saxum vi lapidifica convertit, atque hujus rei luculentum indicium est, hujusmodi perfectas rerum imagines, non totam faxi substantiam penetrare, sed in superficie tantum hæere, quemadmodum omnes ii, qui hujusmodi secandis lapidibus operam dant, *λυτοτόμοι*, quos rigidè circa hoc consulimus, testantur. Quod verò subindè solummodo pedes, caput, vel pes unus & alter compareant in lapidibus, hoc fieri potuit, vel ob disrupti cadaveris partes, aut ob materiæ terrenæ fluentis interruptionem, quibus partes à partibus divulsæ, non possunt nisi solas partes animalis ostendere; unde quoque fit, ut nonnullæ partes tortæ &

veluti corrugatæ spectentur, quod ob pellis in aliqua parte ex materiæ fluxu corrugatæ motum accidere potuit. Exposita ratione naturali figurarum animalium in lapidibus ex naturali & artificiali compositione, quomodo id contingere possit, exponamus.

MODUS QUARTUS.

Certum est, & experientia quotidiana docet, in Tyburtinis fodinis intra ipsum saxorum medietullum varia instrumenta ferrea, clavos, palas, malleos fossorios, quos *Piccones* vocant, similiaque reperiri, quæ olim ibidem relicta & fossa terra saxorumque ramentis operta, tandem post multum temporis denuo cum saxo coaluerint: adeo enim tritum est, fodinas Tiburtinas certo annorum curriculo novis faxis ex vi coagulativa aquæ sulphureæ ex lacu Albulæ totam illam planitiem per subterraneos meatus interfluentis repleri, ut de eo nemo amplius dubitare possit, & nos in *Nostro Latio* fusè Deo dante id demonstrabimus. Præterea Lithotomi sive fossores lapidum, qui ingenti numero ibidem laborant, ferè semper suas ibidem casas extructas habent, in quibus & sacræ imagines, Crucifixi, similiaque ad cultum divinum pertinentia, quisque pro sua devotione, uti nos non sine singulari animi sensu observavimus, erigit. Quæ tota supellex post operarum discessum derelicta, varie dispersa inter tot fossas facile perdi potuit: postquam enim unum locum faxis evacuerunt, statim ipsas cavernas fossasque pulveribus, ramentis ac terrestribus glebis operire solent, ut hoc pacto, quemadmodum dixi, multorum annorum curriculo, tota illa rerum congeries in novum saxum convertatur.

His itaque positis, jam dico, fieri posse, ut unà ex hujusmodi imaginibus luto involuta, eodem modo, quo supra de animalium cadaveribus diximus, figuram suam imprimat: Cum enim colores ex variis mineralibus constent, unumque minerale, uti supra diximus, alterum naturali magnetismo trahat; hinc fieri potest, ut minerales particulæ imaginibus inexistentes, aliam quampiam materiam mineralem symbolizantem adeptæ in ea figuram similem imprimant. Hæc dum magno mentis æstu mecum ponderarem, accidit, ut hoc anno, quo hæc scribimus, dum in Tyburtino agro, ejus explorandi gratia versaremur, in familiare colloquium venerim præfecti fossarum, cum quo multa circa proprietatem loci & fodinarum naturam conferens, quæcunque paulò ante de variis instrumentis in medietullio saxorum repertis adduxi, ipso attestante, vera esse comperi: quin & addidit, inventas fuisse inter aliâ in quodam saxo hæc quatuor literas **I N R I**, quæ Christi crucifixi titulum referunt, à Natura ibidem depictum & extero cuidam magnâ pecuniæ summâ venditum fuisse: non pa-

Saxifodina Tyburtina mira proferunt.

Figuræ sæpe imprimuntur ex relictis imaginibus & terra cooperitis iterum in saxum conversis.

Mira observatio circumstantiarum Crucifixi lapidi Tyburtino impressum.

F

rum

rum miratus sum prodigiosam literarum delineationem, memor tamen eorum, quæ paulò ante mihi retulerat, de varia rerum congerie ibidem post operarum discessum remanente, aliisque formis rerum ibidem in faxis reperiatarum; modum tandem, quo id fieri posse cogitavi, vidi, quem & paucis explicabo. Dico itaque sacram quandam Crucifixi imaginem ibidem relictam coopertamque saxorum terrestriumque quisquiliarum ramentis, facile contingere potuit, ut discussus à cruce titulus aptæ atque ad recipiendam formam dispositæ materiæ inhæreret, quæ successu temporis unà cum materia in lapideam molem conversa, ibidem suum in lapide ectypum reliquerit, ut proinde magna earum imaginum, quæ in marmoribus reperiuntur, pars huic causæ adscribi possit, præsertim si adeo perfectæ fuerint, ut soli naturali causæ istiusmodi effectus adscribi nequeat. Ut itaque huius rei nonnullum experimentum sumerem, varias imagunculas depinxi, quas inter duas marmoreas tabulas positas ad integri mensis spatium sepultas reliqui, & cum postmodum evoluti tempore tabulas aperissem, ecce mirum dictu, singulæ figuræ, inter quas & Nomen sacratissimum *J E S U* fuit, non tantum superficie tenus impressa & expressa comperi, sed aliquo usque ita versus fundum penetrasse, ut lævigando tabulam per puniceum semper eandem figuræ resultarint; sic autem rem institues.

EXPERIMENTUM

εικονογραφειν in lapidibus ad oculum demonstrans.

Experimentum dicta pulchre demonstrans.

PInge quamcunque volueris imaginem in charta, hoc colorum apparatu: misceantur colores, qui minerales esse debent, vitriolo, sale aquis diluto & petroleo distillato prius cum nonnulla portione aluminis, chartam sic pictam pone inter duas tabellas marmoreas ad lævorem exactum dedolatas, & commissuris cerâ ac pice oblitis, ne humiditas accedere possit, has condès in loco humido, & menstruo, aut etiam bimestri aut trimestri spatio peracto, dissolve tabulas, & invenies in tabula alterutra, imagines ad vivum depictas, nulla parte distorta, vel intra ipsum fundum tabulæ aliquousque coloribus penetrasse reperies; eundem successum habebis, si vel solo atramento, vitriolo probè diluto picturam delineas.

COROLLARIUM.

EX hoc experimento luculenter sanè patet, complures perfectiores potissimum imagines intra lapides, non alio, quam prædicto modo, effigiatas fuisse, cuiusmodi sunt, quos sequenti schematismo exhibemus: Duæ volucres signatæ numero 5. gatti seu felis

figura signata numero 2. Crucifixi imago signata numero 3. & figura signata numero 4. quæ idolum Ægyptium perfectè æmulatur, cuiusmodi nos in *Oedipi Tomo III.* varia schemata exhibuimus: Signata verò numero 5. videtur fuisse imago B. Virginis cum puero in sinu, quam supra duo angeli coronare videntur. Quod verò hæ duæ nonnihil distortæ & imperfectæ spectentur, fieri potuit, quod pictura in humido corrugata intentam lineamentorum symmetriam nonnihil interruperit, quod & de reliquis hisce similibus factum fuisse, verisimile est.

Rationes explicantur allatarum imaginum.

Sed dices fortè, capi non posse, quomodo similes imagines intra profundi saxa irrepserint? Dico quod & paulò ante supra indicavimus, saxifodinas veteres olim evacuatæ cum tempore repullulare: fieri itaque potuit, olim in dictis saxifodinis homines picturæ deditos, huiusmodi imagines, otii vitandi causa, depinxisse, aut aliundè illuc translatas, postea casu nescio quo interveniente desertas dispersasque, arenâ ramentisque sepultas, tandem evaporatione subterranea, pluviis imbrisque humectatas materiæ marmoris generando aptæ adhæsisse, atque hoc pacto unà cum imaginibus in marmor conversas, sua simulacra ibidem expressa reliquisse. Ut proinde quod de annulo *Pyrrhi* regis *Plinius* tradit, in quo 9 Musæ una cum Apolline depictæ spectabantur; non aliunde, quam ex simili figura sine pictura in aliqua fodina perditâ, originem suam habuisse, mihi persuadeam.

Dices secundò; Quare non compareant aut ossa animantium, aut charta seu pannus, aut lignum, in quibus imagines impressæ cernuntur? Respondeo, omnia diuturnitate temporis humectata, ingentem alterationem subiisse, usque dum omnia in tabum resoluta metallicorumque succorum acredine exesa, atque in pulverem redacta, atque in minutissimas partes diffusa, nullo relicto vestigio, tandem unà cum materia in saxum, sola remanente imagine, coaluerunt: remanet autem imago, quia tela aut charta, in qua depicta fuerat, uti statim ab initio materiæ aptæ agglutinata hæsit, ita quoque formam eidem impressit permanentem & stabilem.

Cur ossa animantium non semper reperiantur in petrificatis imaginibus.

COROLLARIUM II.

PAtet ex hisce, quomodo nonnullæ imagines incredibili quadam perfectione in lapidibus depictæ reperiantur, in quibus non solum gratia & nitor, sed & mira colorum umbrarumque varietas nidulans mirum in modum spectantium oculos animumque sollicitat: cuiusmodi non ita pridem mihi monstravit Excellentissimus *Iustinianus* princeps *Bassanensis*: erat autem pictura Angeli custodis cum animo sub forma pueri sibi commissi, ut in figura apparet, à natura, ut ipse putabat hoc modo expressa; Ego summa diligentia

S. Angeli custodis imago cum anima sibi commissi in lapide expressa.

ligentia imaginem singularumque partium nitorem & elegantiam vivacitatemque vultus, quo intuebatur puerum, & hujus piensissimos devotionis affectus in Angelum, minime fieri posse existimavi, Naturam *αλογον*, id est, irrationalem, tale quid intendere posse, quod ne pictori quidem, nisi maximi ingenii, concessum esset; hoc autem purum Naturæ opus esse, non alio dictus princeps argumento movebatur, nisi quod dicta imago totam lapidis substantiam permearet, ita ut quot sectiones fierent, tot dictarum imaginum nova resultarent exemplaria.

Cum itaque hæc alto animo, modumque quo id fieri potuisset, expendo, incidi in pictorem, quem jam dudum audieram, similes imagines depingere posse, quocum rationem hujus dictæ picturæ cum contulissem, & num arte fieri possit quidpiam huic simile, quasi vissem, qui statim subjunxit, verum esse, & se hujusmodi imagines Urbano VIII. Pont. Max. tanquam insolens artis exemplar in marmore expressum obtulisse, in quo dum colores totam saxi substantiam penetrant, ex sectione parallelas facta, tot imagines novæ, quot sectiones fierent, resultarent; & cum secreti rationem peterem, negavit fieri posse; ego verò subolfaciens rationem, tandem experimento facto, veram esse comperi;

EXPERIMENTUM

Novum & rarum.

Est & in hunc usque diem hic Romæ pictor, *Eques Vannius*, qui artem hanc magno pretio vendidit, neque induci potest, ut ulli artem suam communicet: Quod cum audissem serio mecum cogitavi, quoniam id fieri possit, qui colores huic congrui præparari queant: Consilio itaque cum insigni Chimico Germano *Alberto Guntero* Saxone in tantum combinatione & experimentis rerum effecimus, ut secretum non tantum eruereamus, sed & illud multiplici colorum varietate ditaremus, quæ prædictus *Eques* destituebatur. Et quoniam res dignissima est, & jam experimentum in Musæo nostro fecimus, hic totius arcani rationem curioso *Lectori* lubens volensque, cum multum ad nostri instituti rationes confirmandas conferant; communicabo.

Sic autem præparantur colores. Accipio aquam fortem duas uncias, aquæ fortis sive regię itidem uncias 2. salis ammoniaci unciam unam, spiritus vini optimi drachmas 2, auri tantum, quantum 9 juliis emitur, argenti depurati drachmas 2. Hisce comparatis argentum calcinatum jam Phialæ impone, & 2 drachmis aquæ fortis superaffusis exhalandum relinque, & habebis aquam quæ tibi cæruleum colorem, & nigrum postea dabit: deinde Phialæ impone aurum calcinatum, & superaffusa aqua forti, usque dum exhalarit,

sepono, deinde sal ammoniacum una cum spiritu vini affuso, relinquo, donec exhalaverit spiritus, & habebis aurei coloris aquam, quæ diversos tibi colores dabit. Atque hac arte ex reliquis mineralibus, diversas colorum tincturas extrahere poteris. Hisce itaque peractis, hisce duabus aquis pinges quamcunque volueris imaginem in marmore candido mollioris substantiæ, & singulis diebus renova nova aquarum superadditione figuram, & cum tempore comperies picturam totius lapidis soliditatem penetrasse, ita ut sectus in quocumque volueris partes, semper ex utraque parte eandem tibi figuram exhibet. Quæ res uti rara & insolita est, imo maximam quoque admirationem spectantibus parit.

Alteram similem imaginem ostendit Excellentissimus *Paulus Iordanus Ursinus*, Dux Braccianensis, in lapide multilatero, in quo quot latera, tot Angelica capita eminebant, differentis tamen figuræ, ob nunc rectam, modo retortam pro obliquæ sectionis ratione factam. Sed hisce propositis jam ad rhombum.

Dicimus itaque, quod quandocunque imagines reperiuntur totam substantiam penetrantes, id fieri non potuisse, nisi ope mineralium succorum, saliumque omnis generis edacissimorum interventu: quæ verò minus interiorem substantiam penetrant, minori dictorum succorum copiâ pollere, existimare debemus; cujus rei veritatem in Achate, qui Heroïnæ, ut supra retulimus, exprimebat, comperi, qui per medium sectus, nihil eorum, quæ in extima superficie expressa videbantur, præter lineas quasdam anomolo ductu diffusas spectabatur. Sed hæc de quinto modo sufficiant, accedamus ad modum sextum.

MODUS SEXTUS

De imaginibus lapidum, quibus divinum quid inesse creditur.

IN præcedentibus enarravimus nonnullas imagines Christi crucifixi, Beatissimæ Virginis Matris cum divino suo filiolo brachiis excepto, cæterorumque sanctorum simulacris, de quibus merito quæritur, quomodo Natura eos expresse. Dico Divinæ providentiæ executionem ut plurimum mediantebus causis secundis fieri, id est, quandocunque prodigiosi in natura rerum effectus, in cælo quidem novæ stellarum geneses, in inferiori mundo monstruosi partus, & in lapidibus prodigiosæ imagines reperiuntur, illa inquam semper ex admirabili nexu, quo Divinæ providentiæ junguntur, ad aliquid significandum dirigi: Nam providentia duo supponit, ordinationem scilicet, & ordinis executionem, quarum illa virtutem cognoscitivam, hæc operationem respicit: Cum autem Deus infinita ad ordinandum sapientia

Alia Angelorum capitibus plena.

Ratio divinatorum.

Quomodo Deus cooperetur Naturæ in prodigiosis imaginum formis producendis.

Experimentum quo figura quælibet in marmore picta, totius lapidis soliditatem penetrat.


tia & omnis termini expers ad operandum virtus & potentia inest, sequitur necessarium, eam omnium ordines etiam minimorum disponere, minima verò, sive infima quoque per virtutes inferiores, veluti per naturales Divinæ providentiæ executrices, id est, causarum naturalium concursu, per quas ipse ceu universalis rerum causa operatur, exequi: hinc semper in magnis eventibus huiusmodi signa apparuisse legimus, eaque quam fufissimè in nostra de Neapolitanis crucibus prodigiosis in lineis hominum vestibus Neapoli visis, *Diatribæ*, prosecuti sumus. Inventum fuit saxum in fodina Helvetiæ, uti *Ambrosius* tradit, hoc figurarum schemate, quod etiamli purum naturæ opus sit, DEUS tamen ex sua æterna providentia, qua omnes Mundi ordines effectuumque rationes connexas habet, per ea bella, quæ paulò post secuta sunt, significare voluit; ita ubi Deiparæ aut alterius Sancti alicujus cultum institui vult, id ut plurimum veluti per ejusmodi signa voluntatis divinæ indices significat. Hoc pacto in Regno Sinarum paulò antequam Christi

Minacia
malorum
signa lapidi
impressa.

In China
& Japonia
cruces ap-

Euangelium ei inferretur, cancri fluviatiles insolito rerum ordine omnes crucum imaginibus in dorso signati insolito modo spectabantur; uti in L M. Figuris apparet. In Japo-

paruerunt
in dorso
cancrorum
arborum-
que trun-
cis.



nia quoque sub ipsum Evangelicæ prædicationis principium in sectis arboribus crucis figura apparuit. Admirandum est, quod eodem tempore in Regno Chilensi accidit, dum nova Deiparæ nunquam amplius visa imago inter inaccessa rupium latibula admirando omnibus spectaculo apparuit, non pictoris mortalis ope, sed Naturæ penicillo ex DEI intentione variis diversicoloribus Iaspidium speciebus ad omnes Opticæ leges delineata.

Mira histo-
ria de ima-
gine B. Vir-
ginis in
Regno
Chilensi
visa.



Verum quia res consideratione dignissima Chilensi à P. Alfonso de Valle concinnata, una est, descriptionem hujus imaginis ex historia cum imagine apponam.

Vera

Vera effigies B. Virginis in Arauco, qua in rupis cavitate in modum sacelli concamerati, non ab opifice aliquo delineata, sed ab authore natura ex faspide varii coloris constructa candido vultu sub nigro capillo, pallio interius caruleo, exterius rubro colore, veste rosis contexta conspicitur: cuius Historiam ex Hispanico in Latinum à me translata hic paucis exponam. In ripa Maris Pacifici, qua respicit Arancum dicta Inbulia, montuosus locus est, rupibus & salebrosis saxis penè inaccessus, usque dum perveneris ad planitiem & colliculum amœnum, qua respiciendo rupem excavatam, spectabis admirandam & prodigiosam imaginem B. Virginis à natura ibidem expressam cum suo pretioso filio in brachiis, & saxum quidem nigrum efformat capillas per dorsum humerosque ventilatos & diffusos: Candidum vero efformat os ad unum latus distensum, & in porfido, ut loquuntur, ita ut solummodo unus oculus magna proportionem & elegantiam delineatus appareat.

Vestis roseo colore usque ad cingulum, pallium colore citrino infra comparente colore caruleo, effigata verbo imago mirum in modum oculos omnium eam spectantium afficit.

Fuit autem primum ante 8 vel 10 annos animadvertens à puero cum matre sua in dicta planitie commorante, qui matrem hisce verbis interpellabat: vides, videsne mater pulchram illam Dominam cum filio suo, quem brachiis suis tenet? Ma-

ter conjectis mox oculis in locum; ubi puer dixerat, rem verissimam comperit, quam & statim per totum territorium publica voce propalavit. rumor cum ad venerandorum P. P. Aures pervenisset, mox locum adierunt, & juxta prout mulier narraverat verum esse reppererunt. Unde gentiles adhuc populi miraculosa effigie commoti, instructi prius de imaginis significatione, unanimi consensu fidem Christianam susceperunt, magno omnium solatio & gaudio: Neque Deus Neophytorum devotioni ergo se suamque matrem defuit, cum post annum in hunc locum, jam complanata via, solitas processiones magnis miraculis frequentatum, devotionem confirmavit.

Atque ex hisce omnibus tandem concluditur, quod etiam si dictæ imagines qualescunque tandem illæ sint, à Natura propriè fieri, juxta secundum, tertium, quartum aut quintum modos paulò ante expositos: quia tamen Naturæ operatio semper dependet à concursu providentis omnium, ita quoque si hujusmodi Naturæ phasmata notabiles sequentur eventus, eos in causis suis jam prævisos esse, juxta divini archetypi incommutabiles rationes legibus naturæ connexas, quamvis hujusmodi minimè miracula, sed mirabilia dici debeant, ut rectè D. Thomas docet l. 3. contra gentes. Sed hoc de ætænovis in lapidibus sufficiant.

SECTIO II.

DE TRANSFORMATIONE

Succorum, Salium, Herbarum, Plantarum Arborum, Animalium Hominumque in saxum convertorum, sive de facultate petrifica.

CAPUT I.

De origine succi petrifici.

Effe in intimis Terræ visceribus facultatem quandam, quæ oportunam materiam nata mox in saxum omnia convertat, suprà diximus: nunc autem ex professo de eadem agemus. Quæritur itaque, quænam ista vis sit & facultas, & unde originem suam nanciscatur? Respondeo, hanc facultatem lapidificam inesse mineralium variis speciebus quæ in subterraneis officinis multiplici & mira arte elaboratæ reperiuntur; & uti diximus multiplici ratione, pro alia aliave succorum subterraneorum natura & proprietate conficitur. Primò videmus aquam in cryptis subterraneis stillantem, ut plurimum in saxeas stillas converti, cujus rei ratio hæc est, quod aqua pluvialis intimos montium meatus fissurasque penetrans, secum ingen-

tem ramentorum nitro saleque refertorum & à montis faxea structura abrasorum copiam devehat, hæc verò aquæ commixtæ vel perfectè vel confusè intra cryptam stillantes, subito ab ambientis siccitate, humiditate consumptæ in saxum convertuntur ejus generis, cujus ramenta extiterunt; atque hujusmodi succi sunt omnes illi lapides, qui à fornicibus speluncarum rupiumque originem trahunt. Quidquid autem intra hujusmodi, stillantium aquarum orificia imposueris, sive ligna sive frondes, aut herbæ, aut aliquid simile fuerit, intra exiguum tempus, vel totum in saxum convertitur, si ramenta lapidis probè unita & commixta fuerint; vel si confusè & non probè mixta fuerint, saltem saxeocortice quæcunque tetigerint, vestient. Hujusmodi

Panormi
in spelun-
ca D. Ro-
salie Virg.
mira vis la-
pidifica.
Cryptæ la-
pidificæ in
Agro Nea-
politano.
Tyburtini
agri mira-
bilis.

In Gallia
Narbo-
nenfi seu
Longodo-
fia mirabi-
lis crypta.

jusmodi innumera fere ubique locorum vidi. In Sicilia Panormi memorabilis est *S. Virginis Rosalia* Crypta in monte Peregrino, cujus stillicidia cuncta in saxum mutant, uti & ipsum *Sanctæ Rosaliæ* corpus in lapidem conversum reppererunt. In Agro Neapolitano ejusmodi è variis cryptis eximuntur. In Agro Tyburtino, uti & intra urbem ipsam, subterraneæ cryptæ, cellæque vinariæ fere omnes stillicidiis lapidificis refertæ sunt, tanta figurarum varietate, ut satis quis mirari non possit; quarum nonnullæ frondium arbusculorumque figuram, aliæ raparum, aliarumque rerum formas, uti panem saccareis granis conspersam mentiuntur, & passim ad fontes construendos assumuntur. In Gallia Narbonensi quoque, Cadurci crypta reperitur, ubi destillans lapidificus humor, & in pavementum usque cryptæ defluens, paulatim in altum excrescens, duodecim veluti statuas Monachorum in choro constantium efficit: Cujus rei ratio dependet ab orificiis fornicis ita dispositis, ut per ea æquâ distantia diffusa humor stillans in terram paulatim in latum, deinde semper altius excrescens, tandem in pyramidale quid terminetur, ex cujus apice humor inæquali fluxu decurrens, jam cucullo, jam brachiis humetisque quid simile, mox ubi in saxum abierit, exprimit: Cujus rei ignarum vulgus, & naturæ opera miratur: Si enim aut ex ligno, aut argilla rudi arte statuam stillicidiis hujusmodi suppositis, humor lapidificus per statuam diffuens, eam paulatim saxeo indumento vestiet; quod nonnullos fecisse audio, magno eorum, qui imposturam factam non norant, stupore.

Quid sit &
quotuplex
lapidificus
succus.

Experi-
mentum.

Quæritur itaque quidnam propriè sit succus ille lapidificus? Dico esse saxum nitrosum aquâ eliquatum. Dixi saxum nitrosum, quia saxa hujusmodi plerumque nitro referta sunt, uti ex nitri efflorescentiis in dictis cryptis patet. Quod verò in aliis montium speluncis id non accadat, id signum apertum est, illos nitroso sale carere: Quod & experientia docet; Si enim saxum quodcumque in polinem tenuissimum resolveris, & aquâ perfectè commixtum per manicam Hippocratis colaveris, illa nil prorsus saxum, sed præter arenaceum solummodò sedimentum nihil relinquet; si verò nitrum aut tartarum aquæ perfectè commixtum addideris, illa, quæcumque tetigerint intra subjectam concham posita, sive frondes, similiaque, post exiguum temporis curriculum aëri exposita, vel in saxum ejusdem generis conversum, si non totum, saltem cortice saxeo vestient.

Ex quo patet, solam aquam pluvialem rupes percurrentem non sufficere ad quodcumque aliud petrificandum, sed deberi istiusmodi montis rupibus, salis, vel nitri, vel aluminis, aut vitrioli copiam jungi, ex quorum mistura diversimodi succi petrifici generantur: Si enim saxum sulphure & nitro abundaverit, & aqua pluvialis id pertransierit, illa

ramentis saxi abrafis mixta, generabit lapidem durissimum & prorsus adamantinum, cujusmodi sunt nonnulla ligna in saxum conversa, quibus ob summam duritiem, teste *Agricola*, cotium loco utuntur, & ad quamlibet affricationem vehementiorem igneas scintillas de se emittunt, ac proinde aptissima ignitabilis; imò reperiuntur in Germania talia, quibus fabri, teste *Agricola*, incudis loco utuntur.

Quoniam verò ex hujusmodi aquarum cum succis concretis, saliumque variis speciebus commixtione differentes succos lapidificos faciunt, ita quoque pro varietate succorum varias lapidum species, variaque in saxum conversa naturâ & proprietate discrepantia nasci, necesse est. Nos per nonnullos Canones singula exponemus.

Quomodo
ligna in
durissi-
mum sa-
xum con-
vertantur.

Aque po-
tabiles,
non sunt
petrificæ.

C A N O N I.


Quandocumque aqua sive per pluviam, sive per flumen, aut per arenaceas materias, & saxa nulla succorum concretorum saliumque copia referta transierit, ea quoque propter defectum facultatis petrificæ nihil in saxum convertet, uti fit in limpidissimis fontium originibus, quæ cum omni heterogenea miscella careat, ita illa quoque neque vestigium ullius saxæ concretionis, neque in litoribus, neque in cryptarum rimis, relinquet.

C A N O N II.

Quandocumque aqua pluvialis aut ex nive dissoluta per montium rimas fissurasque transiens, sese saxorum nitro refertorum insinuarit, aut flumen aliquod, cujus ripæ nitrosa materia refertæ fuerint, tunc aqua nitrosæ materiæ vel cum minimis ejus corpusculis vel perfectè, vel confusè tantum per ramenta miscebit; si prius, tunc lævis & glaber politusque lapis nascetur, & in eandem quoque saxeam materiem convertent, quicquid fluore suo involverint. Si verò posterius, tunc ex stillicidio aquarum intra montium speluncas facto, rude saxum & asperum impositumque nascetur, quod nunc in stiriarum pendentium, modò in pyramidum, columnarumque figuras successivo incremento exurgit, & hoc pariter quicquid involverit, in lapidem sibi similem, ex quo profluxit, transmutat. Atque tales sunt omnes illæ monstrosæ figuræ rerum, quas in istiusmodi cryptis in saxum conversas cum admiratione spectamus. Si verò aqua fluminis lacuve nitrosa hac virtute imbuta fuerit, tum herbæ & plantæ attracto lapidescente succo, quamdiu intra aquam steterint, humido impediante molles remanebunt; evulsæ verò & in littus ejectæ, tunc attractus ab ipsis lapidificus succus, ab ambientis humidum solventis calore & siccitate intra exiguum tempus vel totæ in saxum, si nitrosa corpuscula saxeis ramentis

Quomodo
succus &
humor la-
pideus res
in saxa
convertat.

mentis atque aquæ perfectè mixta fuerint, convertentur; vel si imperfectè & confusaneâ mixturâ constiterint, tunc uti ad intima substantiæ penetrare ipsis non est licitum, ita quoque cortice tantum plantas, herbas, paleas ac virgulta vestient; ut in figura A B C patet: cujusmodi ad Albulam Tyburtinam



videre est, ubi herbas, paleas, festucas, ligna, genistas & similes stirpes non nisi lapideo & nitroso cortice vestitas reperias, faccareorum quoque granorum apparatus valdè imperfectè unitum esse videbis, vel digitorum tactu facile in candidam calcem resolvibilem.

C A N O N III.

Quandoque verò aqua cujuscunque generis, præsertim intra concava montium cum nitro & sulphure saxæque rupis salæ foetæ ramentis concurrerint, tunc succus miscetur lapidificus, qui quodeunque obvium involverit, in densam lapidis substantiam convertet; sal enim poros aperit substantiæ, nitrum eos implet, sulphur colore suo omni humiditate expulsa, totum in ferreæ duritiei substantiam transmutabit, cujus signum est, quando ferrò percussa, tinnitum metallo æmulum similemque ediderint, cujus & hoc experimentum est, si sulphur cum nitro concoxeris, totum in lapideam substantiam abire reperies.

C A N O N IV.

Quandoque verò in subterraneis penuariis aquæ succos concretos, uti pyritem, mysi, soryn, melanteriam, aut chalcitin roserint, aut per vitriolo foetæ saxa transierint, ex ramentis saxi, seu glebæ, quæ dictorum succorum, queis continen-

tur, veluti vasa quædam sunt, perfectè & per minima misceantur, tunc nascetur succus quidam petrificus, qui alterius speciei saxi glebisque commixtus, eos in saxum convertit pretiosum, & pro tincturæ ratione varium; si verò hujusmodi petrificus succus calore ignis subterranei eleveatur, is per intimas montium saxorumque rimas agitat, ubique matricem probè dispositam reperit, aut si is nitidissimus liquor fuerit, statim pro tincturæ & exactioris mixturæ ratione in transparentem lapidem pretiosum, vel crystallum, Beryllum, Amethystum, Topazium, Adamantem, simileque, nunc magis aut minus durum, pro salis, aluminis quantitate eidem juncta, frigore loci concurrente, indurabit, quibus unâ magnæ dotès ex natura succorum saliumque emanantes conciliabuntur inferenturque; ut proinde hîc genuinam gemmarum originem habeas, quam & supra tradidimus, hoc Canone comprehensam.

Vires gemmarum undè?

C A N O N V.

Quandoque verò succus petrificus ex varia nitri, aluminis, vitrioli, cæterorumque salium speciebus, diversisque mineralium glebarum ramentis, acredine dictorum salium exesis, in intimis terræ visceribus commixtus fuerit, tum ignis subterranei calore succus in vaporem resolutus, atque per saxearum substructionum fissuras fistulasque vagabundus, ubi matricem aptam reperit, ibi vel marmor variegatum ex multiplici, qua pollet tinctura, vel diversa Iaspidium genera constituet, & quodcunque involverit, muscosæ materiæ plantulas vicinas, eas pari modo unâ cum saxo coagulabit, undè tot herbulæ, musci ramenta passim in lapidibus spectantur.

Succus petrificus marmorum variegatorum speciem quomodo faciat.

Atque ex hisce quinque Canonibus benè intellectis omnem *λιθογενείας* rationem curiosus *Lector* facile percipiet, & unâ modum & rationem *λιθομεταμορφώσεως*, sive earum rerum, quæ in saxa convertuntur, luculenter expositam habebit; ita ut dato quocunque casu lithomorphotico, ejus statim causam assignare possit. Jam verò nil amplius restat, nisi ut historicam quandam omnium eorum, quæ tanta hominum admiratione in saxum conversa videntur, relationem apponamus.

Succus petrificus ex nitro & sulphure durissimum saxum facit.

Sulphur cum nitro coctum in lapidem convertitur.

Succus petrificus ex pyrite & vitriolatis glebis natus, quid efficiat.

Variae rerum in lapides conversarum observationes.

Non dicam hoc loco de innumerabili ostreorum, concharum, chæmarum, buccinarum, fungorum, algarum, cæteraque maris supellectile in saxum conversa, cum ea ita passim obvia sint, ut memorari non mereantur: quoniam enim hæc maximam ob innatam eorum falsuginem, ad saxum vicinitatem habeant, ita facile quoque aëri littorique exposita consumpto humido lapidescunt; sed ne hisce immerer, ea hic tantum, vel quæ quidpiam admi-

Saxea moles omni conchiliorum genere referta.



rationis adjunctum habent; vel ea, quæ cum vel ipse in variis doctorum virorum Musæis viderim, vel apud fide dignos Authores legerim, adducam.

Nidus una cum pullis arboris ramoinnexus in petram conversus.

Chirotheca FridERICI Imp. petrificata.

Albertus Magnus l. 1. min. tract. 1. c. 7. mirum quid narrat suo tempore accidisse: id est, juxta Lubecensem civitatem inventum ramum magnum arboris, in quo erat nidus avium, & in nido pulli, omnia in lapidem conversa: hoc autem aliter fieri non potuit, nisi quod postquam ventorum vi arbor una cum nido & pullis in aquam petrificam incidit, ea cum tempore, ut de omnibus aliis fieri assollet, spiritu lithogenetico in saxum conversa sit. Esse & in Gothia fontem idem *Albertus* narrat, qui quicquid in ea immergitur, in saxum convertit; cuius rei veritatem ut probaret *Fridericus* Imperator, misit ad eum fontem chirothecam sigillatam, verum cum per aliquot dies medietas pellis & sigilla mersa esset in fontem, tota illa versa est in lapidem, reliqua medietate, pelle remanente. Cur verò guttæ istiusmodi fontis in terram

conspersæ mox in lapidem vertantur, minime tamen perpetuò fluens rivus? Respondeo, hoc fieri, quod guttæ in terram diffusæ aëris siccitate, quo humidum consumitur, facile coalescant, sicuti omnes res in saxum conversæ; existente verò rivo in perpetuo motu, corpusculâ uti facile uniri non possunt, ita quoque minime coagulari.

Refert *Theophrastus l. de stirp.* Ad mare rubrum in sinu Heroo, passim lauros, oleas aliasque stirpes unâ cum foliis & floribus in saxum conversa. Inventum & saxum fuit in flumine Sapena, quod figuram humanam pulchrè exprimebat, & revocantur ad ea, quæ sub simili forma à stillicidiis petrificis generantur; quomodo verò Idola gentilium subindè in saxum conversa reperiantur, hujus causa non est difficilis indaginis, cum ea superaffusa succo petrifico, & veluti cortice vestita, ejus formam, quam vestierant, exhibuerint, uti suprâ de artificiali imaginum per stillicidia confectione docuimus. Quod verò inventa fuerint, teste *Agricola* alia hujus farinæ simulacra, uti sub humana forma, aut caput humanum casside armatum, similiaque, illa non effecta fuerunt, nisi succo petrifico, lapidi aut glebæ terrestri simili figura imbutæ.

Huc spectat, quod *Eusebius Norimbergius* narrat de Deiparæ imagine à natura in saxum conversa, & in Hispania apud Moniales *Divi Augustini* observata ostenditur; idem de crucifixo quodam lapideo à natura factò, Madriti ostendi solito; Imò in Clavigii campo non procul Compostella rupes excisæ imaginem *Divi Iacobi* à natura sculptam & depictam ostendunt; cujus ratio è superioribus facile patet; cum enim omnes ii, qui sacra *Divi Iacobi* loca veneraturi Compostellam adeunt, imaginibus quâ sculptis, quâ pictis sibi provideant, quæ ibidem ad peregrinorum devotionem magnâ copiâ venduntur, facile contingere potuit, ut in vicino campo degentes imaginibusque variè intra rupes dispersis, successu temporis, aut succo petrifico unâ cum materia vicina disposita in saxum vel solidum, si statuunculæ fuerint, vel in saxi superficiem, si imagines fuerint, coaluerint, eo modo, quo suprâ diximus. Est & hoc admiratione dignum; anno 1659. in Helvetia intra montem, vulgò *Gottes vald.* dictum, lapidem inventum fuisse in spiras convolutum, in cujus centro figura Deiparæ non sine stupore aspectantium apparuerit, quam & typis edidit unâ cum historica relatione perillustri & generosus Dominus de *Sonnenberg*. Figura sequitur, quam & interea, quæ divinum quid redolent, ponimus. Imò nihil est ferè sive plantarum, sive fructuum, piscium, conchiliorum

Cur intra aquam res non facile lapidescant, aëri verò expositæ secus.

Plantarum petrificatio.

Figuræ humane petrificati.


Deiparæ imago in saxum conversa unâ cum crucifixo.

Mira in campo Clavigio Hispaniæ.


Ratio:

Lapis spiralis, in cujus centro à natura depicta Deiparæ imago.

Anno 1659. Typus in medio saxi inventus, in Helvetia, quæ etiamnum hodie in Ecclesia vulgo Gottes Vald, prope Lucernam spectatur.



Skeleton humani corporis in saxum conversum, ex Palatio Pinciano Principis Ludovici.



In saxum
ferè con-
vertuntur
omnia.

liorum aut animantium, quod non in saxum
conversum in diversis Musæis observemus;
dactylos, nuces, pruna, olivas, poma, pyra,

fungos, fruges omnis generis, imò caseum
& panem. Spectatur & hîc Romæ in Horti
Ludovisiani palatio corpus humanum totum

G

in

Corpus
humanum
in saxum
conver-
sum.

Equorum
ungulæ in
saxum in-
duntur.

Admirabi-
lis Historia
de Civitate
Africæ in
saxum una
cum inco-
lis & ani-
malibus
conversa.

in saxum conversum, ossibus adhuc integris, at lapideo cortice obductis. Quæ omnia uti dixi, fiunt talia in locis aquosis petrifico succo abundantibus, aut iis in locis, ubi copiosus ex subterraneis meatibus exspirat petrificæ facultatis vapor, plenus nitrosis corpufculis, quæ uti corporis cujuscunque tandem poros subierint, fit, ut ibidem constipata, humiditateque in iis stabulante expulsa, tandem in saxum, juxta Canones suprà traditos convertantur; cujus tanta vis est, ut non solum radices subinde arborum plantarumque, sed & animalium, uti equorum callosas ungulas in Agro Reatino, *Plinio* teste, in faxeam duritiem constipet, proinde ferreis soleis minimè indiga. Sed cum de his alibi in primo Tomo fusè egerimus, non amplius immorabor. Addam tantummodò hîc coronidis loco formidabilem historiam, quæ nostris temporibus accidit in pago quodam Africæ mediterraneæ, qui nostris temporibus totus admiranda quadam metamorphosi in saxum, unà cum hominibus, animalibus, arboribus, supellectile domestica, frumentis & cibis, conversus fuisse narratur; quoniam verò res gravissimorum & fide dignorum hominum testimonio vera comperta fuit, & quotquot ego istarum partium Arabes ea de re consului, ita rem sese habere, fassi sunt. Totius rei seriem prout Melitâ ad me eam descripsit *Habelus* Vicecancellarius, ordinis equitum Hierosolymit: hîc apponendam duxi.

Victoria olim dicta Calsurakie, cognomento nigra, unà cum aliis sexcentis *Ethiopibus* in quinque naves onerarias distributis, & Tripoli è Barbaria Constantinopolim & ad hastam destinatis captiva cecidit nostris triremibus felici auspicio Illi. Domini Generalis Baglivi, Caroli Valdinæ, sacro fonte lustrata hodie famulatur Archidiacono Domino Eugenio Testaferratæ in Insula Meliteni, quò appulit 1634. ætatis suæ fere decimo. Natalem sibi fuisse ait in urbe Cucu provincie Tongil & quinquennem à matertera sua habitante in Biegioda vico, qua id parentibus retulerat, intellexisse, Biedoblo vicum supradictis locis aquali spatio interjectum, æstivo tempore, nocte intempesta cum incolis, animalibus & arboribus & frumentis omnibus, adstreptentibus

horrendum in modum ab æthere fragoribus, non sine frequenti soli concussione, momento in saxa durissima obriguisset, nunciique hujus insolentia excitos parentes & fratrem natu majorem duobus equis & camelo invecos, assumpta secum filia, rectà petiisse Biedoblo, itinere trium horarum à Biegioda, & coram fuisse intuitos, qua ratione homines & jumenta eundem habitum, gestumque retinuisent, in quo divina justitia supplicium consceleratos deprahendisset; nam genus illud hominum nefandis Criminibus obnoxium non esse ex *Ethiopibus*, sed Arabibus, qui vastas illas regiones soliti peragrarè, sedem sibi legissent Biedoblo, tuguriis & mapalibus è luto, ligno, & vimine raptim constructis, invitante soli ubertate, & progerminante non ut alibi singulas è culmo spicas, sed quaquaversum aquabiliter ab imo ad summum plurimas & longitudinis unius hominis, & roseis omninò granis, mali punici certantibus sæcundas.

Cum innumerabilis hominum multitudo conflueret indies, *Regulus* urbis Cucu, postquam oculus inspector accesserat, vetitum voluit edicto, ne quis sine prævia Regis facultate porro accedere præsumeret. Omnia hucusque narrata & suis oculis vidit, & suis auribus audivit à gentilibus suprà laudata Victoria per annum integrum, quò deinceps commorata fuit in Cucu, donec ab aliis *Ethiopibus* ludibunda cum coætaneis in littore caperetur, atque in urbe Borno quatuor mensium itinere distante divenderetur. E Borno cum magna manu servorum in civitatem Regla deducta, & postremò Tripolim distraeta, hinc Constantinopolim amandata è mercatorum manibus feliciter incidit in Christi fidelium.

In Tartariæ verò Magnæ deserto Hordam integram adhuc spectari hominum animaliumque in saxum conversorum, Geographi narrant; quæ si vera sint, certè ego ea non tam Naturæ, quàm altioris causæ effectum esse existimem; uti de Africæ pago tradit relatio, & de statua uxoris Lot, Sacra pagina luculenter docet. Qui plura hujusmodi desiderat, is *Gesnerum* Agricolam, *Rueum*, *Fallopium* consulat. Sed jam hæc de rerum petrificatarum mirabilibus dicta sufficiant. Quare ad alia.

Horda in-
tegra in
Tartaria in
saxum
conversa

CAPUT III.

De Lapidibus in diversis animalium membris enasci solitis.

Natura semper & ubique, dispositâ jam materiâ idem facit: Quemadmodum enim in subterraneis, aut externa telluris superficie omnis generis lapides partim homogeneos, partim heterogeneos producit, ita & in vegetativæ naturæ gradu, quemadmodum in Lithospermo & Corallis aliisque innumeris patet, eosdem producit, uti in præcedentibus patuit; In sensitivæ verò naturæ Regno, non est nec animal, ne-

que pars animalis, in quo virtus *λιθογενετική* officium suum non exercent; ubicunque enim illa succum lapidi generando proportionatum invenerit, ibi suam virtutem eam exercere necesse est. Latet quippè hæc subinde in omnibus iis, quibus aut animal aut homo vescitur, quæ postea in nutrimentum assumpta, ubi viscidum, indigestum, & apte dispositum humorem repererint, eum insita mox sibi facultate in saxum coagulare nituntur;


Omnibus
in rebus
calculi ge-
nerantur.

tur; ut proinde in omnibus animalibus, eorumque partibus calculos reperiri constet. *Schenkius* sanè in *suis observationibus* non solum in una hominis parte, sed & in omnibus, nec non in ipsis venis; lapillos gigni tradidit: Cujus experimentum dedit unus è Soc: nostra *P. Bartholomæus* Conventinus Philosophiæ Magister, cujus post subitanæ mortem visceribus me præsentè apertis, *Joannes Trulla* chirurgus celeberrimus in arteria prope venam cavam reperit varios lapillos, seu tartaream materiam, qui obstructa uti arteria motum sanguinis impediabant, ita quoque spiritibus vitalibus interclusis animam violenter excuti, necesse fuit. Sed ut rem didacticè demonstrarem, à capite incipiam. In cerebro hominis calculos generari, *Ruens & Gesnerus* mirabili historia affirmant, dum juvenem ex esu mori, diutinis dirisque capitis doloribus afflictum, tandemque extinctum, aperuit, in cerebro lapidem prorsus moro similem invenit, dolorum tantorum mortisque causam, quam historiam *Schenkius*, *Cornelius Gemma*, *Mercurialis* atque innumeri alii confirmant. In ore lapillos generari *Langius* affirmat, qui *Canonicum Ratissponensem* tonsillarum abscessu laborantem dum curat, eo emollito, & vehementi tussi superveniente tandem lapidem gypseum ejecisse narrat, qui & sub lingua calculum in quodam curæ suæ commissio, invenisse ait: Non dicam hic de renum & vesicæ utriusque sexus lapidibus, quæ cum sint genuina lapidum fodina microcosmica, quibus uti nihil magis obvium; ita unum tantum producam, quem in Musæo meo ostendere soleo, inusitatæ magnitudinis, & undecim unciarum pondere; extractus hic fuit è vesica *P. Leonis Santi*, viri scriptis & editione librorum celeberrimi, nec non in Collegio Romano altiorum studiorum præfetti: is tamen tanto pondere aggravatus, nullo tamen impedimento urinam reddebat, unde Medicorum judicio, calculo minime laborare videbatur; donec post mortem inventus fuit intra vesicæ latera pendulus, quæ causa fuit, cur vesicæ orificium obstruere non potuerit. Sed ut eò, unde digressi sumus, revertamur. Non in principalibus tantum membris, vesica & renibus, sed & in corde; hepate, pulmonibus, splene, stomacho, intestinis, cista fellis calculos parvos, mediocres, magnos, ingenti numero repertos fuisse, *Gesnerus*, & *Ambrosius Pareus* testantur: Imò intra uterum muliebrem foetum in saxum conversum, plerorumque Medicorum assertione stabilitur, & *Hippocrates l. 5. epid.* ait, mulierem quandam diuturno circa uterum dolore vexatam, tandem lapidem asperitate insignem, ab ore uteri prodeuntem peperisse. De foetu saxeo non in utero, sed intra costas producto præcedenti anno, in Germania jam libello explicato constat. In genibus, pedibus, manibus, ulceribus, cæterisque intercutaneis partibus

lapillos genitos *Laurentius* in sua *Anatomica historia* tradit. Sed recitatis iis lapidibus quos in corporis humani membris natos citati Authores testantur; jam quod pari ratione in reliquis animantium partibus reperiantur, ostendamus.

Lapides in partibus animalium reperiri soliti, plerumque magnæ virtutis esse perhibentur, uti sunt: *Alectorius* gallorum gallinaciorum; *Chelidonius* hirundinum, à quo nomen meruerunt: *Mergus Indicus* lapidem producit magni à Barbaris æstimatum; *Albertus* de lapidibus, in cerebro vulturis, nomine *Quandrium* lapidem inveniri ait, superstitionis nomine infamem: Non loquor hic de lapillis in stomacho gallinarum anatumque repertis, (hosce enim non ibidem natos, sed deglutitos esse, dico;) Verum de iis, qui vel in cerebro, cæterisque imperviis partibus nascuntur. In animalibus quadrupedibus; Equis, bobus, ovibus, capris, cervis, magnæ virtutis lapides reperiri *Albertus*, *Cardanus*, *Agricola*, perhibent. Est in Musæo meo globus non quidem saxeus, sed infinitis herbarum fibris concretus, in stomacho bovis inventus; in cujus felle quoque reperiri *Anselmus Boët* docet. Sues quoque lapidibus renum vesicæque vexari, supra citati Authores memorant. Deferuntur quoque ex Indiis magni pretii lapides ex porco spinoso seu histrice extracti, febribus propulsandis opportunum sanè remedium. Ex Asino sylvestri seu Onagro lapidem extrahi, proinde asinini nomine insignitum, *Ludovicus Daltis* refert. Animalia quoque, quæ *Zybethi* vocantur, lapidem producant, seu potius liquorem, qui in lachrymam induratus, pretiosum odorem, quem *Zybethum* vocant, profert. Lapis quem ex hirco-cervis *Perfidis* & Indiæ extractus, quem vulgo *Bezoar* vocant, hisce adnumerari potest: de quo alibi.

Nihil fere tritius est, quàm è serpentibus lapides extrahi. Coluber fluviatilis, teste *Hollerio* lapidem eructare dicitur *Epilepsias Curatorem*. Indi sane & *Æthiopes* nihil carius habere videntur, quàm lapides ex capitibus serpentum magnorum, quos dracones vocant, extractos. Notissimus est lapis, quem à bufone *Bufonitem*, & à Græco *Βάτραχον* *Batrachitem*, in cujus cerebro invenitur, appellant, qui & hoc admiratione dignum adjunctum habet; uti suamet figura & propria ple-



rumque se signet; cujusmodi figura hic adjuncta docet: Cujus rei rationem supra ostendimus,

dimus, ex spermatica animalis facultate provenire: & *Albertus* suis temporibus similem lapidem figura bufonis insignitum se vidisse testatur. *Casalpini* quoque ait, Bufonites subinde reperiri, quibus ranæ rubetæ figura impressa sit: Cujus rationem alibi in sequentibus assignabimus.

In piscium capitibus.

Porro inter cæteras animantes præsertim aquaticas, & quæ loca humida & paludosa frequentant, lapidibus scatere, experimento comperere piscatores, uti in capitibus *Asellorum*, *Carpionum*, *Luciorum*, *Cinædiarum*, *Percarum*, *Tiburonum*, quin & in *Locustis* fluviatilibus, qui quidem cuncti ob abditi naturæ consensum calculis propulsandis conferre inventi sunt. Non dicam hic de lapidibus intra varia tam crustaceorum, quam mollium exanguiumque genera nascentibus, uti & de conchis margaritifera, quæ uti majorem obtinent ad lapideam materiam dispositionem, ita quoque majori numero in iisdem reperiuntur, uti & in testudinibus & cochleis, quos & inde *Cochlites*, & *Chelonites* à testudinibus appellant. Sed hæc sufficiant, ad demonstrandum, lapides in omni animantium genere nasci. Quomodo verò ea Natura formet, jam dicendum restat.

DISQUISITIO

de diversitate in Lapidibus.

Diximus supra, Naturam in omnibus æquo passu procedere, in quibuscumque rebus obviis in saxum convertendis; quam autem virtute id præstet, inquirendum est. Dicimus itaque, quod materia, ex qua calculus in animalibus producitur, est humor superfluous ab alimento separatus, qui constat ex aqua simplici & materia terrestri, quæ pro natura alimenti varia est: vel enim est crassa & difficulter liquabilis; vel tenuis & facile liquabilis. Crassa instar luti ex terrestribus alimenti portionibus à natura in minimas particulas resolvitur; Liquabilis est instar salis communis diaphana, & in aqua dissolvitur, quæ postea juxta varias salium differentias, multiplex iterum evadit. Talis igitur humor ex terra, aqua & sale in tartaream aut nitrosam substantiam paulatim degenerans, dum per meatus ad id destinatos non expellitur, & in visceribus dum moratur, obstructions producit, ex quibus varii morbi resultant; & quando humidum aqueum ab ipso, vel quoad totum, vel quoad partem recedit, tunc in lapidem convertitur: nam terra illa in minimas particulas ob sale ibi remanentem resolvitur, qui illi coagulatur propter insitam illius proprietatem, nisi magna humoris copia diluatur; quare ut lapis generetur, non est necessarium, ut omnis humor recedat; sufficit autem, ut major illius pars evanescat: Hic autem sal una cum terrestri materia non in homine, neque in alio

animali generatur, sed ab alimentis dimanat: Etenim alimento prius insidet, cum sal Naturæ sit balsamum: postmodum inhæret humori, qui provenit ab alimento, deinde sanguini, bili, pituitæ miscetur, qui quando fuerit superfluous, ab excretrice facultate valida separatus succus fit, lapidificus, qui tandem pro varietate membrorum, in quibus receptus fuerit, in lapidem coagulatur. Unde qui multum salis, nitri aut tartari generant, ex simili alimentorum qualitate, illi præ cæteris lapidibus generandis, magis expositi sunt; spiritus enim salis ubi in humano corpore tartaream invenit materiam eam in lapidem mox figit. Unde plures sectione à calculis liberati, tandem eos iterum concipiunt, eo fere modo, quo saxifodinæ evacuatæ novos cum tempore concipiunt saxorum foetus. Ad generationem quippe lapidum in animantibus concurrunt primò expultricis facultatis imbecillitas, nec non materiæ terrestris & salis in humido diluti copia: hæc enim duo beneficio humidi copulata facile agglutinantur, generantque materiam tartaro haud absimilem, qui quidem sali junctus lapidem magis magisque consolidat pro quantitate salis nitrosi, magis minusve duriorem mollioremve.

Ad Lapidem generationem requiritur.

COROLLARIUM.

EX hisce patet, in omnibus animalibus lapides producentibus esse certam quandam dispositionem & proportionem humorum, nunc in hoc, nunc illo membro stibulantium, qua ex salina qualitate, uti supra de lapidibus pretiosis diximus, nascitur lapis, hujus vel illius qualitatis & virtutis, pro virtute coaguli lapidem producentis.

EXPERIMENTUM.

IN vase, quo urinæ excipi solent, ponatur seta equina, vel quid simile, ita ut à fundo usque ad superficiem emergat, eamque sic urinæ expositam relinque, & videbis, corpuscula salino nitrosa, quæ urinæ insunt, huic setæ statim adhærere, & paulatim in magnum corticem, non quidem saxeum, sed materiæ instar calcis friabilis excrescere; quam tamen exemptam mox in aëre indurescere comperies. Et hoc experimento didici, quomodo petra aut calculus in vesica cresceret: Si enim materia viscosa per ureteres colata vesicæ infederit, vel illa lateribus agglutinetur, vel in medio subsistens, paulatim ad se corpuscula sale-nitrosa alliciet, quæ perpetuo affluxu materiam tandem ita augebunt, ut inde in mollem quandam & arenaceam molem excrescat, quia si materia intra vesicam hinc inde fluctuet; is obstructis vesicæ meatibus, eos quos Calculosi sentiunt dolores, causabit: Unde nisi per syringem amoveatur, omnem mejendi facultatem adimet; si verò ex visciditate lateribus agglutinata fuerit

Generatio lapidis in vesica experimentum.

rit materia, in prægrandem ut plurimum molem excrescunt, & hi quidem mejendi facultatem habent, sed ex mole pendentis lapidis nervos vesicæ continuè vellicantis intolerabili dolore infirmum affligent. Iterum, vel lapis est lævis, ex purioris salis partibus conflatus, & hoc pacto non sævos illos cruciatus efficit; si verò particulis sale nitrosis, assulatum concretis compactus fuerit, is asperitate & scabritie, præterquam quod vesicam vulnerabit, ingentes quoque ex puncturis dolores, unà cum sanguinis minctu parturiet. Habes hic genuinam lapidis in vesica genesin. In renibus verò cum ii sint microcosmi colato-

rium, quo partes feri puræ ab impuris segregentur, fit ut per calorem consumpta paulatim humiditate partes salino-nitrosæ confluant, & tandem vel in lapidem, vel in arenaceam molem concrecant, pro siccitatis majoris vel minoris quantitate. Idem intelligendum est de reliquis membris excrescentibus; cum Natura in omnibus & singulis membris ex alimento succum petrificum generet, lapidi in quocunque tandem membro, generando aptum, eo prorsus modo, quo in lapidum naturalium generatione diximus. Sed hæc *παρρηγῶς* dicta sint.

CAPUT IV.

De ossium & cornuum subterraneorum genesi.

Inveniuntur passim in subterraneis five cryptis five fossis omnis generis ossa, dentes, tibiæ, costæ ingentis magnitudinis, quas multi ossa Gigantum esse dicunt: cornua quoque incredibilis longitudinis, quæ Monocerotum esse dicunt. Quid de hisce fossilibus sentiendum, paucis exponamus, & primò quidem de ossibus Gigantum.

§. I.

De ossibus Gigantum subterraneis.

Multiplicis generis ossa in subterraneis meatibus subindè reperiuntur, uti & in vetustis sepulchrorum cryptis; quorum quidem ossa tibiæ ingentis magnitudinis, & nonnullorum membrorum ad humanam similitudinem ossa gigantum dicunt. Et quod ad Gigantes spectat, equidem refragante sacro textu, ut negare non possumus, ita quoque nonnihil communi famæ concedendum est, quam de Gigantibus variæ apud Authores relationes, veluti jure suo fidem legentibus extorquent. Et primò quidem concedo, in nonnullis monumentis, inusitatæ magnitudinis sceleta reperiri, quemadmodum *Fazelus* & *Qualquarnera* in Sicilia inventa fuisse scribunt; & Excellentissimus Eruditissimusque *Carolus Kalà* Dux Diani, & Cameræ Regiæ in Regno Neapolitano præses, in suo de vita *B. Joannis Kalà* Libro, fol. 202. describit, inventa fuisse in speluncis Calabriæ juxta urbem Consentinam; cujus rei veritatem utpote Proregis testimonio comprobata, eaque per *P. Lucam Mandellum* Ord. Divi Augustini, sequenti epistola ad me data amplissimo testimonio stabilitur, libens agnosco. Epistola sequitur.

Patefactum his annis in hac civitate Gigantis sepulchrum, illos hic fuisse manifestè demonstrat. Accepi enim à fide digno in quodam horto juxta Divi Petri templum extito, & propè hujus civitatis muros hoc sepulchrum inventum, ex quo

quamplura inusitata molis ossa eruta, ibidemque reposita. Audiebamus hac mirabundi; cum fortè quidam honesta conditionis homo, atate gravis, professione Chirurgus nos pertransiret: Tum Rugius: en opportune, inquit, oculatus testis, cui fides non deneganda. Rogavimus ergò hominem, ut hujus facti seriem nos edoceret: qui pro insita ingenuitate nobis annuens sic est exorsus: Accidit paucis ab hinc annis, ut quadam die tardiusculè reversus rure, portas civitatis obscuras offenderim, quapropter apud hortulanum mihi notum pernoctare sum coactus. Is homo ut erat mei studiosissimus, retulit, se quoties in quadam horti parte terram extoleret, subterraneum percipere sonitum, indubia concavitationis indicium: Cui ego (quem somnus fugerat) quin imus, dixi, & si quidpiam ibi sit reconditum perscrutemur: Nec mora, opportunis arreptis instrumentis, servulisque excitatis ad locum pergimus; nec multum effossa terra, fabricam subterraneam nacti, hacque aliquantulum diruta concameratum adificium esse conspeximus, idque perscrutantes, nil aliud, præter rudera invenimus quam ossa, humani cadaveris illa quidem, verum tantæ longitudinis ac magnitudinis, ut Gigantis fuisse perspicuum esset: hinc aliam cameram effodientes (nam plures erant invicemque connexæ) nil præter hujusmodi ossa, tibiæ; idest, crura, brachia atque costas ejusdem molis eruiimus. Tandem quippiam rotundum lanci aromatariorum prægrandi non absimile conspiciatus, idque totis viribus bipalio perfringere conatus; summam calvaria partem ejusdem cadaveris esse animadverti; quamobrem in Gigantis sepulchrum nos incidisse edocti, repositis ibidem ossibus, regestaque terra solum aquantes fatigati discessimus.

His auditis inter nos quaesitum, cujusnam Gigantis hæc busta, & ad qua tempora referri possent? Tum ego, quantum ex historiis addito sepulchri loco conicere licet, hæc Marducchi Salernitani quondam Gigantis fuisse crediderim. Legimus enim in Libro de Rebus fortiter gestis à Joanne Kalà Hedua 1509. impresso, Authore Joanne Bonatio ex relatione Martini Schener

Sepulchra Gigantum.

Angli, ejusdem Joannis Kalà discipuli, obsessa hac Salernitana Civitate ab Exercitu Henrici VI. Caesaris, extitisse hic quendam monstruosam statura virum, quem indigitabant Marduchum, sive Salernitanum Gigantem, hic audita fortitudinis famâ Joannis, illum provocavit ad singulare certamen, in quo ab ipso Joanne occisus, consequenter hoc in loco humatus videtur.

De hujusmodi Gigantum ossibus varii varia adducunt, quæ omnia Lector videat apud Goropium & Interpretes Sacri Textus, ubi de Gigantibus Cap. 7. Gen. & de Gigantis Og & Goliath magnitudine agunt, quos hic supervacaneum duxi adducere.

De variis
sceletis Gi-
gantum
inuitatæ
magnitu-
dinis.

Plinius asserit in Creta rupto monte inventum esse corpus stans quadraginta sex cubitorum; Fulgofus ait, triginta trium; quod alii Orionis, alii Ori fuisse arbitrantur. Orestis corpus oraculi jussu refoffum, septem cubitorum fuisse monumentis creditur. Navii Pollionis amplitudinem annales non tradunt, sed quia populi concursu penè interemptus esset, prodigii vice habitum. Procerissimum hominem ætas nostra Divo Claudio principe Gabbarum nomine ex Arabia adveffum novem pedum, & totidem unciarum vidit. Fure sub Divo Augusto semipede addito, quorum corpora ejus miraculi gratia in conditorium Salustianorum asservabantur hortorum, Pussoni & Secundilla erant nomina. Dalechampi in Plinianis annotationibus asserit, in Orontis fluvii alveo cadaver compertum fuisse undecim cubitorum & amplius. Calius Rhodiginus ait, è regione Valentia Allobrogum in torrente qui rigat pagum Divi Peratii, regnante in Gallia Ludovico XI. Gigantis cadaver effoffum esse stupendæ & inuitatæ magnitudinis, & quæ, ut ex variis ejus picturis atque ossibus deprehenditur, ad octodecim pedes accederet. Pausania teste in Ajacis cadavere mola genuum Disci magnitudine fuit, qua utuntur Quinguertiones: Asterii verò Anaftis filii cadaver decem cubitos procerum. Plutarchus Thesei corpus inquit, fuisse inuitatæ magnitudinis. Naper, ait Licetus, ad Iuliam Casaream in Africa effoffa est calva ambitu duodecim spithamarum, authore Magio; sed & post victoriam, quam sub Ludovico Rege ad Laudam Pompejam obtinuit, Mediolanum profectus offendit in Nosocomio juvenum unum tanta proceritatis, ut stare non posset: neque enim potuerat à natura satis alimenti ad crassitudinem, roborisque proportionem suppeditari; itaque jacebat, explebatque lectos duos simul junctos, cui non erat incusanda natura simpliciter, sed insalubris & infirma illius individui temperies constitutioque, ac si placet, natura ejus particularis. Divus Augustinus; Sed de corporum magnitudine, inquit, plerumque incredulos nudata per vetustatem, sive per vim fluminum, variosque casus sepulchra convincunt, ubi apparuerunt, vel unde ceciderunt incredibilis magnitudinis ossa mortuorum. Vidi ipse non solus, sed aliquot mecum in Uticensi littore molarem homi-

Calvaries
12. spitha-
marum.

nis dentem tam ingentem, ut si in nostrorum dentium modulos minutatim conscinderetur, centum nobis videretur facere potuisse: Sed illum gigantis alicujus fuisse crediderim, nam præter quod olim erant hominum multo majora, quàm nostra nunc corpora, gigantes tunc ceteros anteibant: sicut aliis deinde, nostrisque temporibus rari quidem, sed nunquam ferme defuerunt, qui modum aliarum plurimum excederent. Vives in Commentario hujus loci addit in hanc sententiam: Festo Divi Christophori, cum salutatum issemus eum, ad maximum urbis nostra templum, ostensus est nobis dens molaris pugno major, quem dicebant esse illius: aderat mecum Hieronymus Burgarinus. Fulgofus item in Plutarcho & Strabone affirmat in Tingæ Mauritanie urbe à Sertorio apertum fuisse sepulchrum, in quo corpus humanum fuit inventum, quod dimensum sexaginta cubitos implevit, idque Antei fuisse putabatur.

Dens
S. Christo-
phori.

Skeleton
60 cubito-
rum.

Regnante Carolo Septimo, (adjicit Fulgofus) Gallorum Rege in montana Narbonensis Gallia parte juxta Valentiam urbem Rhodanus sepulchrum detexit, cujus magnitudo permultos ad eam rem visendam pertraxit; aperto enim tumulo inventa in eo sunt hominis ossa, cujus dimensio triginta pedes implevit, nos quoque cum eò iter faceremus: sepulchrum vidimus & ossium aliquam partem, quæ ab accolis tanquam res mira asservatur. Boccatius in sua Deorum Genealogia scribit: Sed ante omnia non omnino fictum est fuisse gigantes, id est, homines forma seu statura ultra modum ceteros excedentes: immò constat esse verissimum & liquido his diebus apud Drepanum Sicilia oppidum fortuitus demonstravit eventus: nam cum in radicibus montis, qui supereminet Drepano, haud longè ab oppido, nonnulli agrestes ad construendam pastorem domum fundamenta foderent, apparuit caverna cujusdam introitus, quem cum visuri, quidnam intus esset faculis incensis intrassent avidi, antrum summa altitudinis atque amplitudinis invenere, per quod incedentes in oppositum introitus ingentis magnitudinis sedentem viderunt hominem; ex quo terrefacti repente fugam arripientes exivere antrum, nec ante tenere cursum, quàm in oppidum devenissent, occurrentibus quid viderant nuntiantes. Mirabundi autem cives visuri quidnam mali hoc esset, incensis funeralibus, armisque sumptis, quasi in hostem unanimis exivere civitatem, & ultra trecentos intravere specum, videruntque non minus, quam primi stupidi quem retulerant villici. Tandem proximiores facti, postquam non vivum esse hominem norunt, viderunt sedentem quendam in sede, & sinistra manu innixum baculo tanta altitudinis atque grossitiei, ut excederet quemcumque prae grandis navigii malum: sic & hominem invisa atque inaudita amplitudinis, nulla ex parte corrosum aut diminutum, & cum ex eis unus porrecta manu tetigisset stantem malum, è vestigio malus solutus in cinerem corruit, remansitque veste nudatus baculus alter plumbeus ad manum usque tenentis ascendens, & ut satis adverte-

Immen-
sum sceleti
corpus
Drepani
inventum
200 cubito-

runt, plumbum erat ad augendum gravedinem malo infusum; quod postea ponderantes asserunt, qui viderunt, fuisse ponderis quindecim cantariorum Drepanensium: quorum unusquisque ponderis est librarum communium centum. Demum hominis statura tacta aequae corruit, & in pulverem omnis fere versa est. Quod mortuis contingere vidit etiam Aristoteles alicubi dicens; inveteratorum mortuorum corpora, quae subito cinis fiunt in sepulchris, omnem amisisse substantiam, & solam retinuisse figuram. Quem pulverem cadaveris Drepanensis cum nonnulli tractarent manibus, tres dentes adhuc solidi reperti sunt monstruosa granditiei; ponderis autem erant trium rotulorum, id est, centum communium unciarum: quos Drepanites in testimonium comperti gigantis, & sempiternam posteritati memoriam filo alligavere ferreo, & suspendere in quadam civitatis Ecclesia in honorem Annuntiatae Virginis edita & ejusdem titulo insignita. Præterea & partem cranei anteriorem invenire firmissimam adhuc, & plurimum frumenti modiorum capacem, sic & os alterius cruris, cujus etsi ob annositatem nimiam in putredinem pars devenisset, perceptum tamen est in reliquo ab his, qui totam hominis altitudinem ad mensuram cujusque membri ossis novere, fuisse magnitudinis ducentorum cubitorum, vel amplius: suspicatumque est, à quibusdam ex prudentioribus, hunc fuisse Ericem loci potentissimum Regem Bruti & Veneris filium, ab Hercule occisum, & in eodem monte conditum; Quidam autem arbitrantur Entellum, qui olim in funeralibus ludis ab Ænea pro Anchise patre editis pugno taurum occiderat. Alii verò unum ex Cyclopibus, & potissime Poliphemum. Fuere igitur ingentis staturæ gigantes. Beatus Odoricus Utinensis in secunda itineris sui ad Indos descriptione testatur, vidisse se in curia Magni Cham Gigantem altitudinis viginti pedum. Ioannes & Olaus Magni Episcopi Upsalenses in sua Historia Regnorum Septentrionalium maxime celebrant inter alios Rollonem & Starchaterum procerissimæ staturæ, robustissimarumque virium gigantes. Ioannem Costaum virum probitate ac

Gigas in curia Magni Cham.

Olaus Magnus de gigantibus.

doctrina summe spectabilem, uti Fortunius Licetus in suo de spontaneo rerum ortu, Libro narrat, Venetiis vidisse Lusitanum gigantem vastissimum adeo robustum, ut alligatis utrique brachio funibus, quos in oppositum duodecim bajuli, utrimque sex, omni suo conatu traherent; diducta brachia sensim ad pectus, invitis & contranitentibus illis, trahebat stans immotus, tractaque, quæ manibus gestabat poma, imperturbatus per notabile spatium temporis comedebat, sudantes bajulos, & illius manus ab ore frustra divellere tentantes irridens.

Mirum Gigantis robur.

Fuisse autem vastæ magnitudinis gigantes, sceleton, quod in Prætorio Lucernensi apud Helvetios, in hunc usque diem spectandum exhibetur, sat superque monstrat; de quo Cysatus in sua de quatuor civitatibus principalibus Hetruriæ, fuse tractat; & res gesta etiamnum in dicta curia his verbis comprehensa legitur:

Delineatio sceleti gigantis, cujus ossium portiones aliquot, veluti femoris, tibia, scapularum, vertebrarum, ossis sacri, coccygis naviicularis, costarum, calvariaque fragmenta, pollicis quoque secundum os, atque calx, mala item integra fere (è quibus & tanquam illis, quæ in hominibus longe aliter, quam cæteris animalibus formata sunt, humani corporis hæc ossa fuisse, præcipue indicium sumptum fuisse) in ditione Lucernatum Helvetia juxta vicum Reyden, quercu antiqua dejecta, sub illa inventa, Senatuque Lucernensi transmissa & ad horum dimensionem reliqua totius sceleti ossa, quæ ut aberant nec non absoluta erant, à Felice Platero ordinario Basilea physico, ad imitationem veri sceleti delineata, atque à Joanne Bock pictore Basileensi depicta, illustrissimoque Senatu Lucernensi præsentata fuerunt, Anno Sal. 1584.

Sceleton gigantis in curia Lucernensi spectabile.

Fuit autem hoc sceleton inventum anno 1577. in comitatu Willisau Lucensis Iurisdictionis sub annosa quercu, uti epigraphe docet. Cysatus iudicio Plateri ex proportionem membrorum, altitudinem hujus gigantis, dicit quadragesies bis majorem fuisse hac infra scripta linea.

Hæc linea quadragesies bis sumpta adæquat altitudinem Gigantis Lucernæ asservati.

Quandò autem vixerit, aut unde in has regiones advenerit, nulli unquam Historico innotuit. Certe ex hoc geometrico ratiocinio patet, gigantem hunc homine ordinario bene proportionato (cujus staturæ sex palmos ut plurimum assignant Architecti & Statuary) triplo & amplius altiore fuisse. Sunt in meo Musæo ossa in saxum indurata à nobilissimo Alphonso Donino una cum compluribus aliis rebus ad antiquitatem & naturam spectantibus collegio Romano hæreditate

transcripta, quæ quotquot vident, ob excessivam granditatem, ossa alicujus gigantis fuisse existimant, cum magnitudo juxta proportionem tibiæ & vertebrarum, à me observatam, certe Helvetio illi giganti minime cedat.

Mira sunt, quæ Boccatus & Philippus Bergomas de Pallantis corpore narrat: res ita sese habet: Tempore Henrici Terti Imperatoris, id est, anno 1401, ab agricola quodam non longe ab Urbe Roma inventum fuisse, dum solito

solito altius agellum foderet, lapideum tumulum inscriptione ornatum, & in sepulchro viri mortui corpus procerae admodum staturae, ut muros urbis excederet; cadaver integrum erat, ac si paulo ante sepulturae datum fuisset, in pectore vulnus latissimum gestabat; supra caput autem corporis defuncti reperta est lucerna perpetuo igne ardens, quae nec flatu, nec aquae alteriusve liquoris ullius superinjectione extingui potuit: sed in fundo perforata & rupta statim evanuit; istud autem fuisse corpus magni *Pallantis* Arcadis, qui filius *Euandri* Regis, comes *Aeneae* bello singularique certamine dudum interfectus fuit à *Turno* Rutilorum rege, multo prius antequam Roma conderetur. Quae omnia à *Volaterrano* confirmantur.

Pallantis
corpus.

Atque haec sunt, quae de Gigantibus eo-

rumque immensa vastitate adducenda duximus; restat tandem hoc loco, num verè tam prodigiosae staturae homines unquam in Mundo fuerint, hoc loco demonstrare.

DISQUISITIO PRIMA.

Num verè Natura tam monstruosa magnitudinis homines, quam Authores allegati referunt, unquam protulerit.

IN sepulchris locisque subterraneis subinde ossa reperiri, quae ossa gigantum esse dicuntur, non abnuo; nam ut supra annotavimus, Gigantes vasti corporis homines fuisse, vel ipsa Sacra Scriptura testatur, *Gen. 7. & lib. 1. Reg. c. 17. Maximiliano* Caesari anno 1511. teste *Surio*, giganteae magnitudinis vir ex Polonia oriundus, oblatus fuit, qui &



Gygas Sceleton
in monte Erice prope Drepanum
inventum Boccatio teste 200 cubitus

pro magnitudine corporis, proportionato cibo singulis prandis vitulum & ovem absumebat. Similis nostris temporibus *Ferdinando II.* in comitiis Ratisponensibus, anno 1623.

exhibitus fuit, ut proinde de innitate magnitudinis hominibus utriusque sexus minime dubitem, cum tales nullum non seculum protulerit.

Ho-

Homines autem fuisse unquam, qui 30. 60. 100. 200. cubitos excederent, pernego: & ut hoc luculentissimis rationibus comprobem; primò quid per cubitum, pedem, palmum, notetur, præmittam, ut ex notis mensuris cadaverum giganteorum vastitas & incredibilis magnitudo clarius innotescat.

Mensura
Gygan-
tum.

Cubitus juxta communem Geometrarum æstimationem in se continet pedes duos, & pes Geometricus palmum Romanum unum

cum dimidio, quæ ferè sacro cubito respondent; hisce enim tanquam notigribus ad ratiocinium nostrum de gigantibus liquidius comprobandum, quas uti visum fuerit, mensuras quilibet ad suæ nationis proprias facile applicare poterit.

Goliath, Sacra Scriptura teste, dicitur fuisse altitudinis sex cubitorum & palmo, quæ per regulam proportionis ad pedes & palmos nostros traducta monstrant.

	Cubiti.	Pedes.	Palmi.
<i>Goliath</i> altum fuisse	6 $\frac{1}{2}$	13	19
Gigantis in Helvetia reperti cadaver altitudinem habuit	9	18	27
<i>Orestis</i> cadaver oraculi jussu effossum fuisse, teste <i>Plinio</i> ,	7	14	21
Eodem teste <i>Asterii Anæstis</i> filii cadaver fuisse	10	20	30
Cadaver ex Creta monte effossum, <i>Plinio</i> teste,	46	92	138
Tingæ in Mauritania gigantis cadaver effossum, eodem teste,	60	120	180
Tandem quod omnem admirationem superat, in Erice monte Drepanitani, repertum sedentem, <i>Boccasio</i> teste,	200	400	138

Atque hæc est magnitudo giganteorum cadaverum, quæ citati Authores in diversis cryptis, variisque temporibus inventa fuisse referunt.

Inquisitio
naturalis
de Gygan-
tum cor-
poribus.

Quæritur itaque, num verisimile saltem sit, Naturam carneas moles tam vastas producere potuisse. Ego sanè uti moderatum ultra naturalem hominum staturam excessum facile tolerarim, ita quoque difficulter induci possum, ut aliquandò tantæ magnitudinis homines, (quorum mensuram hic exhibui-
mus) exceptis tribus primis fuisse credam: Quod & hisce argumentis demonstro: quia cum omnis forma materialis ex se & sua natura exigat esse forma corporis organici sibi proportionati, corpori autem excessivæ magnitudinis repugnet corpus organicum majus & majus in infinitum; certè luculenter patet conclusio. Ratio, quia tales formas cum suo organo commensurari necesse est, à cuius existentia sicut dependent naturaliter ad existendum, ita ab ejusdem possibilitate dependent: Cum fieri non possit, ut organicum corpus majus & majus in infinitum ab anima, quæ certos à Natura sibi constitutos terminos habet, animari possit; & confirmatur hoc argumento: Cum enim omne animal sit substantia & natura, fieri non potest, ut ulla substantia seu natura sit substantialiter male & violenter constituta, & si homo constitueretur in mole tali, ut gravitate partium, & nativa tenacitate dissoluta solo pondere membra divellerentur, esset essentialiter male constitutus, quia ipsa substantialis constitutio rei, si haberet, quæ sibi deberentur, evaderet inepta ad suum finem; membra enim non possent coherere, ergo fieri non potest, ut tale Natura rerum provida producat: Neque enim pedes talis, tantam molem sustinere possent, neque hic ullam brachiis violentam actionem exercere posset, sine convulsione totius. Discimus hæc ex marmoreis colossis hic Romæ, quorum exititia membra sine fulcro addito consistere non possunt, quin pon-

Dictorum
nata

dere tandem divellantur. Quod si verum est in marmoreis statuis, quanto magis in humana statura prodigiosæ magnitudinis verificabitur. Qui clarius fufiusque hoc Argumentum tractatum desiderat, is legat problema de terminò magnitudinis & virium in animalibus, à *P. Antonio Terillo* Societatis nostræ Sacerdote, non ita pridem editum, ubi omnia ἀποδεικτικῶς pulchrè demonstrantur.

Certe Natura sagax, uti omnibus animalibus, ita & hominibus ad actiones suas probè obeundas, determinatam corporis magnitudinem constituit, ut quicquid ultra eam fuerit, meritò monstruosum videri queat. Nam inter quadrupedia Elephantem omnium maximum produxit, quem etiam ut pabulo nutriretur sufficenti, non carni, sed foeni, graminum, foliorumque nutrimento ubique obvio ali voluit: Inter volucres aquila, vulture, struthio, camelo, falcogryphis, quantum nobis constat, majores non exhibuit optimo sane consilio; si enim majoris molis & excessivæ quantitatis volucres produxisset, certè nullum animalium contra tantam rapacitatem junctam velocitati volatus, immune fuisset; quod naturæ incommodum ut evitaretur, unumquodque juxta speciem suam subtili & tali magnitudine indoli congrua constituit. In mari verò, uti nutrimento ex salugine, alga, piscibusque abundantissimo, ita maximas omnium animantium, balenas, orcas, phytiteros, produxit, quibus tamen tardissimum motum addidit, ne velocitate natalis, dum tyrannica quadam visusque deque immanes belluæ vertant cuncta, omnem Oceanicæ Oeconomice comeatum voracitate suâ brevi exhaurirent; addidit & dictis vastæ molis belluis paucitatem proles, ne uti cæteræ minores ex nimium multiplicata prole, irremediabile damnum naturæ adferrent: Unde & viviperam esse voluit, ne, si uti cæteri pisces ex ovorum exclusione nascerentur, Oceanum magno aquatilis naturæ

Cur natura
certa ani-
malia ul-
tra com-
munem
ordinem
excescere
noluerit.

Cur maxi-
ma anima-
lia pauca
proles.

Cur pisces
seu balenæ
viviparæ.

H

præ-

præjudicio implerent. Quemadmodum itaque provida Natura in pondere, numero & mensura constituit omnia, ita quoque hominem in eam, quam diximus magnitudinem, id est, ultra quindecim palmos aut ad maximum, 18 palmos excrecere noluit. Quod verò *Goliath* sex cubitorum & unius palmi altitudinem habuisse, Sacra Scriptura testetur, id non aliter, quam extraordinaria DEI providentia, ad populi sui gloriam manifestandam ab æterno prævisum accidisse putem: Si enim uti *Boccacius* de gigante Drepanitano refert, homo 200 cubitorum, qui 400 pedes geometricos, vel 600 palmos efficiunt, unquam in mundo extitisset, is haud dubiè turris cujuscunque magnitudinem adæquasset. Nullus unquam colossus in mundo erectus fuit, quem non multis parasangis superasset. *Lector* curiosus hinc ducat consequentias circa habitationem, nutrimentum, tyrannidem hujus monstri: quod enim habitaculum tantæ vastitatis capax? quod nutrimentum tantæ ingluviei sufficiens? certe integer grex ovium caprarumque pro unius diei sustentatione ei minime suffecisset, pro bolo bovem, pro potu fontes rivosque haud dubie exhausisset; quod operimentum tantæ moli congruum? Certè velum nauticum ei aliud non fuisset, nisi strophiohi loco, & quinquaginta similia simul assuta pro vestimento: fagi & pini non fuissent nisi tenuis loco bacilli. Quodnam autem animal à tanta immanitate tutum fuisset, tantæ velocitatis, ut ordinarii hominis passus 50, uno ipse passu comprehenderet; muros & domus quantumque firmas & solidas solius pugni aut calcis illusione prostravisset, exercitus integros haud secus ac messor foenum secuisset; & innumera alia, quæ curioso *Lectori*, sicut & de cæteris gigantibus, quorum vastitatem in præcedenti tabula exhibuimus, proportionali ratiocinio evolvenda relinquo. Sed ut *Lector* rem propius aspiciat, hic figuram apponendam duxi, ex qua disces proportionem hominum ordinariorum ad gigantum prædictorum magnitudinem.

Fabulæ itaque sunt, & anilia deliramenta, quæcunque de hujusmodi prodigiosæ magnitudinis gigantibus produntur: Si enim talis unquam in mundo extitisset, An non omnium historicorum ingenia in tanta portenti mole actionibusque describendis jam dudum fatigasset? respectu cujus duodecim *Herculis* agones non nisi ludus puerorum fuissent. Certè cum anno 1637. Drepani morarer, multum sanè cum peritis de hujusmodi invento monstro gigantis quæsi, cryptam montis intravi, ubi dicebatur inventum fuisse cadaver; sed nihil horum, quæ de vastitate specus suprà allegati Authores tradunt, reperi; imò vix puto, altitudinem triginta pedum, quantum memini, constitisse: neque mihi unquam aut pedes manusque, aut cranium similiaque membra, ex quorum proportionem ad ordi-

narii hominis membra facta, in notitiam veræ quantitatis prædicti gigantis devenire sperabam, exhibere potuerunt; quod & in Helvetico gigante desiderarem, ubi præter costas, tibias, fæmora, neque caput, neque manus pedesque ostendere possunt: quæ partes organizatæ uti desunt, ita quoque veritatem rei suspectam faciunt. Accedit eodem tempore, ut Panormi cum Illustrissimo Marchione *Carolo de Vintimiglia*, Viro eruditissimo, nec non exactissimo Siciliae Historico, de hujusmodi gigantum ossibus, magna animi mei voluptate conferrem, eique nonnullos dentes, quos pro gigantum dentibus mihi nonnulli antiquarii donaverant, ostendissem, subrisit modestè, dicens: putasne Pater mi, hosce gigantis dentes esse; ego subnectens, tantam me fidem iis habere, quantum amica eorum, qui eos donaverant, fides merebatur, respondi: is verò subdens, crastina die, ait, denud me convenias, & ego tibi monstrabo, cuiusnam hi dentes sint. Dictum factum, uti receperam postero die virum humanissimum conveni, qui dixit, ascendamus rhedam, quo facto, me duxit ad locum tribus ferè passuum millibus Panormo distitum, quod *mare dulce* vocant; erat ibidem ingens montis promontorium, & è regione foramen prægrande, per quod in obscura immensi specus latibula patebat aditus: descendamus, inquit, iam monstrabo tibi mi pater, quantum natura in similibus humani corporis membris effigendis possit, accensisque tædis, famulis præcuntibus, ingressi sumus longissimi tractus antrum, & cum jam aliquantulum intima penetrassemus, ostendit mihi in sinistro antri pariete, longè lateque exporrectum mirum naturæ opus: Pariter dentes referebat parvos, mediocres, maximos & excessivæ magnitudinis, ea serie, qua natura maxillis animalium inferere solet, infixos, tanta copia, ut centum carros indè onerari posse facile crediderim, tanta naturalium dentium similitudine, ut vix hos ab illis distinguere potueris; suprà quidem candorem pellustrem, inferius verò radices monstrabant acutas, omnes tamen in lapidem solidum converfos; tum ecce ad me Vir Illustrissimus, hi sunt dentes, quos nonnulli impostores hinc exemptos pro gigantum aut elephantorum dentibus (erant enim aliqui excessivæ, ut dixi, magnitudinis) imperitæ plebi vendunt. Ego verò non exiguum eorum mihi copiam comparavi, quorum partem in Musæo, in hunc usque diem, reservo, partem literatis viris ad imposturam monstrandam, dono dedi. Sed non stetit hæc mira Naturæ industria, ulterius progressus, in subterranei cuniculi parietibus, nescio quæ humanorum membrorum lineamenta intui sumus; nunc enim tibi arum protuberabant formæ, modò vertebrarum genuumque vestigia, nullo tamen ordinis nexu spectabantur; videbantur quoque nonnulli tumores argillacei ingentes, qui excisi, ex una parte

Crypta in qua Cadaver Gy-gantis Drepanitani inventum fuit.

De dentibus Gy-gantis judicium Authoris

Enormitas Gy-gantis Drepanitani fabulosa ostenditur, ex natura rei.

Quanta spala hujusmodi Gy-gantes inferre poterint.

Fabulosa omnia quæ de hujusmodi enormis magnitudinis Gy-gantibus ab Authoribus profanis adferuntur.

Natura quomodo dentes formet.

Authoris veritatis investigatio.

Offa Ele-
phantor-
um.

os genuum, ex altera concavitatem relinquebant, calvariae haud abfimilem; nihil tamen inter omnia ossae substantiae vestigia, organizatum, uti sunt caput, manus pedesque, reperiebatur; undè luculenter admirabilem Naturae in ossibus, aut ossibus similibus saxis formandis industriam primò cognovi. Addidit Illustrissimus Marchio, complura hujusmodi antra in Sicilia reperiri, quae dum similia admiranda Naturae vi producta ossium simulacra, imperita plebs invenit, immania gigantum ossa esse non sibi duntaxat, sed & aliis persuadent; addidit tamen, in agro Solonio juxta mare, Drepanum & Panormum inter, ab agricolis vera adhuc ossa Elephantum, quae praeteritorum saeculorum temporibus ab Afris in Siciliam contra hostes in bellum introducti, ibidemque interfecti tumulatique, posteris temporibus tandem detecta sunt, quos & imperiti passim pro gigantum ossibus venditant, qui verò comparata horum ossium symmetria cum hominum conferunt, protinus agnoscunt, minimè veritati consentaneum esse posse, quod tam constanter asseritur; addiditque, hoc discrimen esse inter ossa vera & à natura minerali producta, quod illa semper tibiæ canales, fistulososque meatus olim medulla refertos retineant, hæc verò solidum lapidem sine ullo tibiæ concavitate mentiantur, & talia sunt ossa lapidea, quae etiamnum in nostro Musæo exhibentur, undè illa purum Naturae opus semper credidi.

Fazelus in
Historia
Siciliæ.

Meminit & hujus antri Fazelus de rebus ficulis Historicus fol. 25. *In Agro Panormitano, inquit, fons est insignis, maris dulcis cognomento notissimus meridiem obversus, tribus fere passuum millibus ab urbe refugiens, supra quem in ipsa montis rupe specus est longitudinis cubitorum plus minus 60. latitudinis 20. in qua Paulus Leontinus nitrum confecturus, dum terram pecuinam in nitrariis decoquendam anno 1547. effodit, in cadaver hominis vastitate moleque giganti corporis immane, cubitorum fere decem & octo membris omnibus incompactum dissolutumque fortuito illapsus est. Ad cujus famam Panormitani visendi studio excitati, capitis membrorumque omnium admiratione obstupuerunt, in pulverem tamen versa sunt omnia præter mandibulum, & molares dentes ob duriciem immotos, horum singuli unciarum prope quatuor pondus pendebant, nostris similes, subalbi, effigati & carie prorsus cavati; quorum duo mihi à Simeone Piglione donati in rei tum fidem, tum memoriam incredulis exhibendi.* Sed si singula hujus Authoris verba examinemus, multa in eis contradictoria inveniemus, & nil aliud fuisse, quam quod ego cum Marchione Ventimiglia examinavimus, ossa & dentes à natura productos: Quod ita demonstro.

Varia ha-
jusmodi
Gyganum
ossa in Si-
cilia inventa.

Primò dicit, cadaver fuisse incompactum dissolutumque 18 fere cubitorum, id est, 36 palmorum, aut quod idem est, 44 palmorum Romanorum. Quæro itaque quomodo

meatus ille subterraneus adèd inæqualis altitudinis à me observatus, jam 25, modò 15, aut etiam 10 palmorum, nonnunquam ita strictæ altitudinis, ut incurvatos nos incedere, necesse foret; in latitudine verò pari inæqualitate, ubi minimæ erat, decempedæ spatium non excederet? quomodo, inquam, gigantem 18 cubitorum, id est, 44 palmorum altum talis spelunca caperet? nemo sanè id facile concipiet, ubi neque stare, nec sedere, neque ob loci angustias jacere poterat, eaque se proportionem haberet hic aditus ad talem gigantem, sicut felis ad latebras foricis. Rursum ait; cadaver incompactum dissolutumque fuisse repertum, si hoc: quomodo ex ossibus mensuram tam subito reperiit cadaveris detector? aut quomodo in dissipatione membrorum, totius compagis molem tantoperè obstupuit urbs Panormitana? quod verò in pulverem à tactu resolutum fuerit, ad fidem faciendam, gratis adjunctum crediderim. Dicit, nihil aliud comparuisse ex cadavere præter mandibulam dentibus molaribus apprimè instructam, quorum unus quatuor uncias pendebat: de cranium verò, pedibus, manibusque magnum silentium. Crediderim & ego mandibulam dentibus instructam, cum reliquis tibiis, articulis similibusque inventam fuisse, cum & ego eadem omnia in eodem antro reperta, coram inspexerim, sed ea non nisi purum Naturae opus invenerim; imò dentes reperi, quorum unus non quatuor uncias, sed quatuor librarum pondus pendere vidi: Ergò gigantis dentes fuisse asseram? absit. Relatio itaque Fazeli veritati non congruit, sicut alia gigantum cadavera in diversis Siciliae locis reperta, uti Mazareni anno 1516. inventum ait cadaver in Agro, cui *Xyphilus* nomen, 20 cubitorum, capite instar dolii, in cinerem tamen redactum, præter dentes nil aliud repperunt pondere quinque unciarum: Si in cinerem redactum, quomodo caput instar dolii reperit? Sunt hæc conjecturæ prorsus futes & nullo nixæ fundamento. Item complura ad Hyblæi montis radices ad fontem *S. Cosmani* cadaverum gigantum ossa & dentes eruta dicit. Prope Syracusas quoque anno 1538. in crypta quadam profundiori ab *Adorno Equite Genuensi*, dum veterum monumenta scrutaretur, cadaver inventum fuisse scribit 20 cubitorum, ex eo tamen in pulverem resolutum præter calvariae, costæ, crurum partem dentes nihil aliud secum attulisse, in donum magno Magistro offerenda. Iterum Calabresi prope Entellam anno 1550. dum vespillones tumulum defuncto in templo parant, in ædiculam testudineatam incidunt, & in ea cadaver hominis 22 cubitorum, id est, 66 palmorum reperiunt, quem & per jocum risumque erectum, lapidibus tam diu lacessiverunt, donec in pulverem resolutum, præter dentes nil reliquum manserit. Quis ex hac descri-

Contradi-
ctio Fazeli.

Cranium
instar dolii.

Alia se-
lecta Gy-
ganum in
Sicilia re-
perta.

Fabulosa
Siciliæ uti
Poëtarum
de Gygan-
tibus nar-
ratio.

Quomodo
itaque Gy-
gantes in
mundo
fuisse in-
telligen-
dum sit.

Arabum
de gigante
Og fabu-
losa narra-
tio.

ptione fabulam non subolfacit? Quomodo enim ædicula testitudinata cadaver 66. palmorum caperet, non video: quomodo verò tanto labore erutum, tantaque corporis concussatione in pulverem non resolveretur, quemadmodum postea saxorum jactibus contigisse ait, minime capere possum; quomodo præter dentes nil aliud notatu dignum repererint, facile ostendit, illos mineralium ossium dentiumque figurâ illusos, eos pro veris gigantis dentibus vendidisse. Quæcunque itaque *Fazelus* de similibus gigantum cadaveribus scribit, meras fabulas esse, & pro nihilo ducendas, vel ex demonstratis patet. Si enim hi in Sicilia nati & educati fuerint, cur hodie eosdem non producit? neque sufficit influxum causam dicere, cum idem hodie, quod olim clima, idem siderum aspectus sit, cum eosdem hodie fructus, eadem animalia, quæ olim ejusdem molis producat. Nemo verò hoc loco sibi persuadeat velim, me Gigantes unquam in Mundo fuisse, hoc ipso negare; absit; aliud enim me Sacræ literæ docent, ex illo *Gen. 6. Gigantes erant super terram diebus illis, illi sunt potentes à seculo viri famosi.* Quæ verò *Berosus* de gigantibus & Enon urbe gigantum in monte Libano tradit, uti is nullam fidem apud Historicos meretur, ita quoque fabulis quæ scribit veracius quam historiæ adscribenda sunt, uti omnia illa, quæ veteres gentiles Historici & *Homeras* de Gigantibus, Titanibus & Cyclopi-
bus *περὶ τῆς γιγαντομαχίας* à coelo & terra prognatis scribunt. Quando itaque de Gigantibus fit mentio, illa quidem de robore & viribus, quæ pollebant, uti & de corporis mole inusitata, intelligenda sunt, non tamen de ea, quæ justos naturæ terminos excedat, quemadmodum hoc nostro seculo ad mare Megallanicum visi sunt, qui hominum bene proportionatorum staturam semel cum dimidio, vel etiam amplius excederent, & hujusmodi gigantes nullo non seculo inventos fuisse supra diximus; & hujusmodi quoque fuisse gigantes ante & post diluvium, id est, uti magnitudine & viribus, ita cæteris hominibus eminentiores, pro certo teneri debet, non tamen granditatis exoticæ, quam descripsimus; si enim prodigiosæ magnitudinis viri *Enacim* erant, quomodo urbem *Enon* inhabitabant, inque ædibus aut papilionibus tantæ molis incapacibus? quomodo matribus, filiabus, cæterisque hominibus, uti *Berosus* dicit, & Sacer textus non abnuit, mole corporis improporionatis commiscebantur? Quæ verò Saracenica historia seu potius fabulosa rerum descriptio de gigante *Og*, tradit, illa omnes imaginationi humanæ conceptus monstruosos longe superat; verba ex Arabico sermone à me in Latinum translata ita sonant: *Og* gigas ante & post diluvium superstes, cum *Noë* insigni & irreconciliabili inimicitia dissidio exercebatur, quem & continuo ad internecionem quærebat; cum ve-

ro *Noë* tantæ vastitati resistere nequiret, in montium antris sese abscondebat, quo vasta corporis mole impeditus penetrare nequibat; Accidit aliquo tempore, ut *Noë* adoratus gigas, cum fugientem consequi non posset, evulsam barbam post eum conjecerit, quæ statim instar cedrinæ sylvæ universam campi planitiem explevit, ita ut quot pili, tot cedri viderentur, ex quibus deinde *Noë* arcam ædificasse, ridiculo sanè figmento tradunt: tam immensæ verò magnitudinis fuisse fabulantur, ut cum arcum *Noë* in diluvio quæreret, aquæ non nisi ad genua ejus pertigerint: Interim fame cruciatus balænas venabatur, quas sole tostas uno bolo devorabat, & similia, quæ & risum movent, & ob incondita mendacia etiam stomachum: sed hæc animi gratiâ. Vana itaque est & ridicula recensitorum gigantum historia.

His itaque sic recensitis nil amplius restat, nisi, ut quomodo Natura hujusmodi ossium in subterraneis locis substantiam generet, ostendamus. Ex hoc, similia ossa unquam inventa, nil aliud, nisi purum naturæ opus fuisse, luculenter patebit.


Quomodo
ossa gene-
rentur in
terræ vi-
sceribus.

DISQUISITIO SECUNDA.

De Enostorum, sive ossium subterrestrium ortu.

Quemadmodum Terra in utero suo omnis generis, saxa carbones, quos *Lichanthraces* vocant; lignum fossile carnem terræ, quam margam vocant, ita & ossa suo modo generat, quos Metallici jam Enostos, *ινώστος*, ossifragos *ὀσσεακόλλα*, & Germanicè, à membris humanis, quos referunt, *Knochenstein* vocantur. Nam ut *Hector Boëthius lib. de lapidibus* dicit, *Subinde costæ aut famoris humani, aut costarum brachiorumque formæ eruuntur, & in variis Germania locis reperiuntur. Invenitur in Palatinatu non procul Spi-
ra; item prope Heidelbergam ac Ienam Saxonia, in Silesia cæterisque locis: Crescit ad radices montium arenosorum, & magno sæpe numero ex subterraneis eruuntur.* Narravit mihi Illust. *Cianthes* Episcopus Potentinus, in suo Episcopatu locum esse subterraneum, ex quo saxa rotunda ossium instar diversissimæ magnitudinis eruuntur, quorum alii formam cranii humani, alii persici figuram exprimunt; quæ

Quibus in
locis cres-
cant ossa.



& *Ambrosinus* recitat unâ cum figuris, quæ genera lapidum *Cephaliten*, *Carditen* aut *persicaten*, à figuris videlicet, quas referunt, appellat; quidam caparum instar suis instructi corticibus spectantur. De quibus & *Agri-
cola*

Potentia
mira of-
fium stru-
ctura.

Calvariae
minerales.

Origo hu-
jusmodi
ossium.

Cæſalpini
judicium
de ossibus
ſuſcribi-
tur.

Quomodo
globi ſoſſi-
les gene-
rentur.

cola l. 2. de ſoſſilibus mentionem facit . cu-
jus quot cortices , tot oſſeas reperias calva-
rias ; quæ & in monte Carpatho ſubinde tan-
tæ magnitudinis reperiuntur , ut una multo-
rum modiorum frumenti capax eſſe poſſit,
uti *Eſcherus* in *Germanico de Mineralibus libro*
teſtatur.



Quæritur itaque , quomodo tam immanes
Calvariae , tam immania humani corporis
membra, ad fæmorum , tibiæ , coſtarum ,
dentium ſimilitudinem producat. Dico , la-
tere in ſubterreſtribus viſceribus intra ſaxo-
forum montium hiatus , terram quandam li-
moſam , quam *Margam* cum *Agricola* ſuprà
nominavimus gypſeæ materiæ miſtam : quæ
terra ubi per rimas montium nitroſum fluo-
rem receperit , fit , ut illa veluti cortice quo-
dam gypſeo , induatur , qui uti cum tempo-
re lapideſcit , ita quoque ſalenitri ſplendore
albedine ſua os proxime æmulatur , utpote
candidum , rimofum & friabile : Si itaque in-
tra terræ concavitates hæc terra concavita-
tis rotundæ locum invenerit , naſcetur pila
rotunda , quæ diſcuſſa calvariam proxime
æmulatur ; ſi matrix fuerit diſpoſita ſub for-
ma fæmoris humani , aut coſtæ , aut alterius
membri , marga in ea contenta ſuperaffuſo
ſalenitroſo liquore , foemur humanum minus ,
majus , maximum & prorfus giganteum ; pro
matrix magnitudine exprimet. Atque hæc
ſunt oſſa iſta , quæ natura producit , & paſſim
oſſa gigantum communi hominum perſuaſio-
ne dicuntur , quæ tamenſi confregeris , nulla
in eis nec medulla , nec medullæ fiſtuloſus
meatus reperitur , quod fieri deberet , ſi ho-
minum oſſa forent. Quæ omnia *Ambroſinus*
confirmat , cum complures ex *Enoſteis* lapi-
dibus exhibet , ſub forma dentium , coſtæ , ti-
biarum , pedum , quas ipſe *Bononiæ* ſe ob-
ſervaffe ſcribit , quorum figuras hic appo-
nendas duxi : Quæ quidem omnia oſſa , ter-
ræ foetus eſſe una nobiſcum aſſerit. Sed *Cæſ-*
alpinum audiamus , qui r. 48. de *metallicis*
ait , *Oſſa autem è terra naſci , inveniriſque lapi-*
des oſſeos , luculenter oſtendit *Theophrastus*. *Fo-*
diuntur hodie prope oppidum S. Joannis in valle
Arni oſſa lapidea ingentis ſtatura , unde putant
ſuiſſe ex Elephantibus ab Hannibale ductis in
Italiam. *Exſtat humeri caput aut coxendicis ejus*
magnitudinis , quam utraque ulna amplecti vix
poſſit. *Apud me ſunt fragmenta crurum intus*
ſpongioſa , exterius ſolida , colore marmoris por-
phyritis nigriora , ſonant ut marmor , de quibus
pluribus à nobis actum eſt in *noſtra Hetruria* ,
ad quam *Leſtorem* remittimus . Quomodo
autem rotundi illi lapides * de quibus ſupra ,
à natura formentur , paucis oſtendam.

Ubi natura diſpoſuit montes argillaceos ,
& arenaceis glebis permixtos , in horum ple-
rumque radicibus huiusmodi lapides , omnis
generis formas exprimentes effodi ſolent ;
hec autem naturæ artificio fiunt : Tempore
pluviae & imbrum argillacea materia ſi ro-
tundo lapidi circumdetur , fit , ut hæc maſſa

aquarum de fluxu delata paulatim per decli-
vitatem montis decarrat , & quoniam ſemper
lutoſam terram obviam unà ſecum involvit ,
hinc fit , ut lutoſæ argillæ agglomerata ma-
teria devolutione ſua novis ſemper & novis
veluti corticibus veſtiatur , quæ in fundum
delatæ ibidem ſucceſſu temporis humiditate
conſumpta , natura loci cooperante tandem
in glumum ſaxeum convertuntur , parvum ,
magnum , maximum , pro majore vel minori
materiæ agglomeratione , qui glumi deinde
diſſecti , corticibuſque evolutis , tot calva-
rias , quot cortices ſunt , exprimunt ; quas
imperiti artis naturæ , ab oſſeæ materiæ ſi-
militudine , calvarias gigantum dicunt : Qui
vidit ex montibus convolutos nivium globos
ſemper ex agglomeratione nivis majores &
majores , is de lutoſa lapidum agglomeratione
facile judicium feret ; qui in Alpibus ſub-
inde tanti ſunt , ut montium inſtar , homines
& jumenta obruant , flumina & valles im-
pleant. Quod verò huiusmodi crania lapi-
doſa ex ſubterraneis locis eruantur , hinc fa-
ctum eſſe putem , ut huiusmodi globi in valle
ingenti numero quotannis coacervati , tan-
dem in acervum , montis inſtar ſuperinducti
excreverint ; quam rem non credidiſſem , niſi
hæc dum *Hetruriam* perluftrarem , in mon-
tibus *Radicophani* , ſenſata experientia de
rei veritate me certiore reddidiſſet , uti in
Hetruria expoſuimus . Rurſus cum lutoſa
hæc & argillacea materia non ſemper in glo-
bos conformetur , ſed ſubinde in cylindros
pro materiæ , cui circumducitur forma , hinc

Quomodo
ex terra
eruantur
crania hæc
lapidoſa.

Quomodo
ſubinde in
Cylindros
abeat.




fit , ut vel ſtipiti aut arundini , ſimilique tereti
materiæ circumducta in ingentes devolutiq-

ne sua cylindros excrescat; quæ gypseo & nitroso liquori permista, tandem vi lapidifica in trabes veluti osseos, nunc sub tibiarum, manuum, modo brachiorum, jam pedum forma convertantur; quæ effossa cum osseum quid exprimant & friabili substantia content, passim pro ossibus gigantum ob immensitatem molis, reputantur.

Habes hic duos modos, quibus Natura in hujusmodi ossibus formandis utitur: vel intra montium hiatus, pro dispositione concavatis, intra quas marga gypsea salenitroso liquore superaffusa, & in lapidem conversa, tales efformat figuras, quas matrix exhibet. Alter, per argillosæ materiæ gypso & nitro mixtæ devolutionem ex montibus factam, uti dictum est. Dentes verò fossiles, quos in antro Panormitano curiose me observasse memini, hoc pacto à natura formantur: Parietes antri cum non aded duro lapide content, sed arenoso potius, seu calcario aut gypseo, & rimis ob humidi abundantiam obnoxii sint, uti stiriæ nitrosæ satis monstrant: hinc fit, ut salenitrosus seu vitricus humor subtilitate sua mollem lapidis substantiam

usque ad extimam superficiem pervadat, ubi cum quo defluat, non habeat, ibidem fixus, in lævem, candidam, osseamque materiam dentibus haud abfimilem, induretur; qui quidem dentes juxta rimosam parietum dispositionem, singuli à singulis separati, & veluti intra maxillam infixi, veras dentium maxillas prope mentiuntur, diversissimæ magnitudinis, ita ut nonnulli gigantum dentes non immerito videri possint, tanta multitudine, ut dentium minera meritò dici queat: rogatos autem velim omnes curiosioris ingenii Naturæ exploratores, ut dictum antrum adeant, ipsi singula examinent, & aliud, quam quod diximus hosce reperturos, ceterò mihi persuadeo. Sed nonnullas dentium differentias, ut ex iis dicta luculentius pateant, hic apponendas duxi.



Quomodo
natura
dentes for-
met.

CAPUT V.

Cornua fossilia, quæ cum ossibus subterraneis magnam affinitatem habent, ubi & potissimum tractatur de Cornu Monocerotis.

Post ossa sequuntur cornua, quæ Natura in subterraneis locis mira arte efficit, & magno ubique pretio venduntur ad venena omnis generis propulsanda potentissima. Sunt autem multiplici differentia inter se distincta. Quædam Natura ipsa in visceribus terræ supradicto modo efficit; cujusmodi sunt, quæ in variis Germaniæ subterraneis montium cryptis, teste Agricola reperiuntur, uti in Sylva Hercynia prope pagum, qui *Baumansholtz* dicitur, sub ditio- ne Comitum Stolbergenium; item prope Heidelbergam, Spiram, Hildeshemium, in Moravia, Silesia, Saxonia, & nil aliud sunt, quam spodium fossile: nascuntur autem ex margæ cujusdam specie, quæ dum lapidifica vi imbuta aqua irrigatur solviturque, illa lactis specie per terræ cavitates transiens, ubi matricem corniformem invenerit, absumpta humiditate, serosior pars à marga imbuta ibidem in cornuam quasi duritiem convertitur. Contingit subindè, ut lacteus hic liquor non in cavitatem, sed in lignum aliquod, jam vetustate omni humiditate privatum incidat, quod uti porosum, ita mox serosum humorem ad se attrahit, quod tandem vi coagulativa lactei liquoris pro copia salenitrosi humoris admixti in lapidem vel durum, vel mollem friabilemque convertitur, ita tamen ut species ligni cognosci, & odor subinde deprehendi possit: quæ hisce verbis comprobatur.

Anselmus Boëtius in sua de Gemmarum lapidumque historia. Cornua, inquit, fossilia multum inter se differunt, & pauca eandem faciem ostendunt; imò aliqua dentes, tibias, maxillas, aliasque corporis partes referunt. Habeo ego domi plures, quam 20 differentias, cum tamen omnes pro cornu monocerotis data fuerint, una manifeste exteriori cortice fraxini lignum ostendit: alia differentia prope Brumam Moravia urbem inventa ita exactè figuram trunci juglandis intrinsecus & extrinsecus refert, ut nemo nisi cacus animadvertere non possit: truncum illius arboris fuisse, ac in terra transmutationem accepisse, odor etiam exactè nucis arboris odorem reddidit. Donatum mihi fuit etiam frustum illius trunci, monocerotis titulo. Eodem in loco trunci & caudicis majoris portio, pro capite animalis distracta fuit, ita ut nemo de generatione horum cornuum dubitare debeat. Et uti hac exsiccantis astringentisque natura sunt, ita quoque fluxus sistunt, oculorum medentur lachrymis, cordi corroborando conferunt, contra venena, pestem, febresque malignas presentissima sunt antidota; tantò quidem potentiora, quanto materia ex se & sua natura venenis adversantur, uti sunt, fraxinum, cornu cervinum, ebur per coagulationem fuerint magis magisque unita: sudores enim mirificè movent, & una virulentum venenosum humoris in corpore agri stabulantis halitum expellunt, unde & epilepsiam, cardiacam passionem, cordis tremorem, aliosque cordis affectus, hujusmodi fossile cornu febri

Origo cornu-
um fos-
silium.

Varie dif-
ferentia.

Vis medica
in ossibus
fossilibus.

febrē cum aqua appropriata sumptum remedium est.

De Cornu Monocerotis.

Nihil est in rerum natura, quod tanto apud Imperatores, Reges, Principes mundique Magnates in precio habeatur, quam cornu Monocerotis, ita ut aurum, gemmæ, ejus comparatione nihili ducantur. Quidnam verò illud cornu, aut ex quo animali deciduum sit, nemo est, qui dicere possit. Unde in hunc usque diem medici, physiologi, ac plerique naturæ exploratores inter se mirum in modum decertant, lite necdum decisa. Dico tamen, si quispiam tale animal, quod tantæ efficaciz, tantæ tamque admirandæ virtutis cornu gestet, aut existere etiamnum, aut alias unquam extitisse audacius negaverit, illum eadem temeritate non Sacras tantummodo paginas, sed & unâ omnium Historicorum fidem in dubium vocaturum. Unicornu itaque, sive Monocerotâ esse, certum est; qualenam tamen hoc sit & fuerit, disceptandum relinquitur, nec res difficultate caret. *Plinius*, *Alianus* verum unicorna his describunt symbolis, ut facile appareat, nunquam id extitisse, quod tot fabulis involutum orbi literario proponitur: Si enim tale foret, jam dudum, toto terrarum orbe ita perlustrato, id utique alicubi visum fuisset, aut à Mercatoribus, qui vastas Indiæ, Tartariæ atque Africæ solitudines, in quibus stabulari dicitur, nullo non tempore terere solent, cognitum fuisset: Accedit Patrum nostrorum diligentia, qui præterquam animarum lucrum, quod unice intendunt, per continuam explorationem, exactum quoque rerum exoticarum à Natura in dictis locis productarum notitiam, orbi communicare non cessant; unicornum tamen, quod inter exotica animalia merito primum locum tenere debebat, ne verbo quidem meminisse, mirum est. *P. Petrus Pais*, qui universam Æthiopiam unâ cum Imperatoris exercitu perlustravit, cumque omnes montium Lunæ angulos, ad originem Nili detegendam excussisset, innumerorumque animalium mentionem fecisset, de Unicornu verò nullam profus facit, vel alto hoc silentio suo, id non existere, indigitando. Vidisse quidem dictos naturalium rerum scriptores varia animalia uno in fronte aut naso cornibus conspicua, uti de nonnullis onagris, orygybus, & tandem de Rhinocerotibus pluribus docent. Onagros Indicos monocerotâs esse, rudi in fronte cornu, ad radicem lato, & in turbinem paulatim vergente instructos; Oryges verò, est id sylvestrium caprarum genus in indiæ solitudinibus vagabundum, uno cornu instructum, quod ex capite emergens, paulatim in helices lineas striasque limacum more, longitudoines 4 palmarum contortum, tandem in acumen valde subtile terminetur,

passim extat: sed de hujusmodi animalibus unicornibus, vide *P. Ioan. Philippi Marinum* in relatione de regno *Tom Kin*, & *Lao*, fusius agentem. De Rhinocerotis verò cornibus, cum nihil tritius sit, & nos in Musæo nostro tria ostendere soleamus, nihil dico; è quibus concludo, quæcunque huc usque de Monocerotis veri cornibus dicta sunt, de dictis animalium cornibus intelligenda esse; sed contra videtur esse; quod cornua illa tanti pretii & æstimationis, & inter Regum principumque thesauros asservata, sive formam, sive colorem sive odorem spectes, nil cum dictis cornibus commune habeant, Parisiis in Ecclesia *S. Dionysii*, quinque circiter cubitis longum helicum more contortum asservatur: Tale quoque Argentinæ in Cathedralis Ecclesiæ Gazophylacio spectandum exhibetur longitudinis justî hominis, sed striis à Parisino differentibus, magni ponderis, coloris flavi in pallorem vergentis; extrema pars ejus tantæ crassitie, quantam pugnus exple-re posset. Item Venetiis ad *Sanctum Marcum* similia videntur cornua exquisiti splendoris, quæ pro veris & genuinis Monocerotis cornibus divulgantur. Apud *Magnum Ducem* similia reperiri, aliique Italiæ principes tenere dicuntur, adeo ubique æstimata à principibus, ut thesaurus dici non mereatur, ubi dicta cornua defuerint. Ego tamen cum summa diligentia hujusmodi examinasse, induci non potui, ut cornua animalium quadrupedum esse crederem: Cum cornua animalium uti ex Rhinocerotibus patet, inferne ad radicem notabilem latitudinem semper habeant, deinde paulatim in acumen terminentur aut curvum aut rectum; illa verò cornua latitudinem vix quatuor digitorum expleant, æquali semper crassitie, donec tandem gracilescentia non in acutum, sed obtusum acumen terminentur, fierique vix posse videtur, ut animal adeo longum cornu, præsertim monoceros magnitudinem equi non excedens, aut ob grave pondus radicisque tenuitatem sustinere possit, aut eo inter condensas sylvarum arbores sine periculo illisionis aut fractionis uti possit. Dico itaque, & salvo aliorum judicio sentio, istiusmodi cornua non quadrupedum, sed certorum piscium cornua esse; quo autem indicio, expono. Retulit non ita pridem Illustrissimus *Comes de Alfeld* regi Daniæ ab intimis consiliis, vir variarum rerum scientia instructissimus, dum inter discurrendum de monocerotis cornu in Musæo nostro mentio fieret; Regem suum, ait, cum expeditionem in Septentrionalem Groenlandiæ Insulam, ad explorandum quid inde Regno emolumento accidere posset, mitteret; tandem post multos exantlato labores, reduces retulerunt, se Groenlandiæ littora peragrâsse quidem, sed nec ædium, nec hominum vestigia detegere potuisse, ingentes tamen longorum cornuum acervos, quorum nonnulla far-

Loca quæ Monocerotis cornu inter pretiosissima ponunt.

Cornua quæ passim monocerotis esse dicuntur, animalium quadrupedum non sunt.

Piscium spicula esse ostenditur.

Descriptio Monocerotis.

Unicornu nunquam visum fuit.

Animalia similia monocerotis quæ.


Onager Indicus cornu in fronte spectabilis.

Oryx monoceros.

Piscium
degenerum
prælia
contra
balenas.

rissam æquabant, reperisse: intellexisse quoque ex vicinarum Insularum incolis, istiusmodi non cornua, sed certorem prægrandium piscium promuscides esse, quibus sese contra Balænarum, quarum ingens Oceano glaciali copia stabulatur, insidias tuerentur; ideoque hæc belluas perpetuò sese invicem bello infestare; accidere tamen haud infre-

quenter, ut hæc promuscides hastiformes inter glacialium montium scopulos violenter decussæ, tandem ad vicinarum insularum littora appulsæ ibidem coacerventur, & complures sub arena maris quotannis reperire, testabantur; piscem quoque se vidisse prægrandis instar lanceæ promuscide instructum, sub tali figura, quam hic apponimus.



Cornu
Monocerotis
hic
Romæ.

Atque ut veritas pateret Regi, integrum lintrem iis confertum, eidem obtulisse, eaque rari muneris loco ad principes transmississe; Intellexi deinde, *Gisbertum von der Pole* Mercatorem Belgam, & pro tempore civem Romanum, in sua officina duo cornua monocerotis magni pretii ex Batavia ad se transmissa tenere, accessi eundem, rogans, ut ea mihi talium rerum avido ostenderet, quod non illibenter fecit. Cornua sunt longitudinis novem palmorum Romanorum, crassitudo inferna pugno explebilis, striata, spiris limacum more contortis, quæ & in obtusum acumen terminantur, coloris subflavi, eboris instar; pondere gravissima, mirificæ in medicamentis contra venena virtutis; hæc enim imposita intra concham aliquam aqua fontana repletam; tantâ eam mox virtute imbuere dixit; ut aqua huiusmodi ab infirmo epota, mox melius habeat, & experientia se comperisse testabatur. Et cum quàm diligentissimè de cornuum forma & ratione examen instituissèm, inveni tandem, ea quadrupedum minime esse posse, sed eorum piscium, quos descripsimus, cornua, seu potius promuscides esse; ac proinde jam paulo audacius asseverare cœpi, quicquid huiusmodi cornuum alicubi in principum gazophylaciis latet, non aliam nisi ex dictis piscibus originem fortiri; ut proinde minime falsum sit, quod se vidisse scribit *Albertus Magnus*, cornu Monocerotis sua propria manu mensuratum, quod in crassitie palmum cum dimidio, & decem pedum longitudinem obtinebat, quod uti quadrupedum etiam maximo competere non potuit ob rationes supradictas, ita non aliud esse potuit, nisi prægrandis alicujus piscis, ex ea, quam descripsimus, specie, ex maritimo littoris fabulo, ubi illud piscis deposuerat aut male depulerat, effossum: tum vel potissimo argumento ad hoc credendum inducor, quod in nullo regno tanta horum cornuum copia, quam in Anglia reperiri dicatur; cum enim nullum animal, quod huiusmodi cornu formam exprimat, in toto regno reperiatur, &

Cornu
monocerotis
ab Alberto
Magni obser-
vatum.

Cur in
Anglia
præcipue
monocero-
tis cornua
habeantur.

pleraque ad littora maris effossa dicantur; facile cuilibet hinc patet, ea ex vicino mari glaciali vel appulsa, vel ab iisdem piscibus in Anglicis littoribus decussa, fabulæque tumultu suo tempore inventa, & pro monocerotis cornu divendita fuisse. Unde relicta fabulosa narratione de monocerote à *Plinio* & *Aliano* descripto, cum nullibi terrarum locorumque tale animal visum sit, congruentius huiusmodi cornua, quæ passim reperiuntur, non quadrupedum sed piscium exuvias esse, asseremus. Sed hæc *ναγίσκος*.

Cornu monocerotis fossile subinde reperiri à Natura in subterraneis cuniculis elaboratum, ostendit Helvetiorum historia: Refert enim anno 1520. ad littus fluminis Arula prope *Bruck*, in Dominio Marchionis Badenensis, monocerotis cornu inventum fuisse sat magnum; cum verò id neque animalis alicujus quadrupedis, neque dicti piscis esse potuerit, restat ut à natura id in visceribus terræ elaboratum dicamus. Ad virtutes autem prorsus prodigiosas, quod attinet, quas Agyrtæ nonnulli, & circumforanei ad miraculum usque exaltant, Dico eas paribus cum ipso monocerote animali phantastico prorsus & imaginario, passibus mensurandas esse: quis enim unquam expertus & vires istius cornu, cujus animal nulli unquam visum fuit. Ad venena propulsanda quod attinet, Dico, omnia spodiorum genera; ut cornu cervinum adustum, rasura eburis, dentiumque Rosmari, (est is pariter in extremo Septentrionis Oceano piscis amphibius maximus, politissimis dentibus instructus, de quibus vide *Olaum*, aliorumque de Septentrionalibus partibus historicas Relationes) hæc enim sive cornua, sive dentes, uti præter specificam qualitatem animalibus inditam, eam in se virtutem contra venena continent, ita quoque contra venena, morbosque malignantis naturæ ceu opportuna remedia ab omnibus adhiberi passim constat. Sed hæc de cornibus fossilibus è subterraneis locis erutis, dicta sufficiant.

Cornu
monocerotis
fossile.

CAPUT VI.

De Lignis & Carbonibus fossilibus.

Ligna fossilis, quæ in subterraneis visceribus subinde reperiuntur, sub duplici differentia considerantur. Sunt nonnulla, quæ olim arbores fuerunt, & successu temporis vi lapidificæ facultatis in saxum conversæ, cujusmodi *Anselmus Boëtius* in suo de gemmis & lapidibus libro, juxta Andomarum suo tempore ingentem copiam sub terra repertam esse, & nullibi non reperiuntur. Vidi in diversis Italiæ locis, ingentes arborum truncos in lapidem conversos, tantæ duritiæ, ut ex iis non secus, ac ex durissimis filicibus ignis excitaretur; & non secus ac metallum percussu limpidissimum sonum redderent; quorum & nonnullas partes Musæum nostrum exhibet. Habent enim nonnulla ligna majorem aliis ad petrificam vim recipiendam dispositionem: Uti *Alnus*, cujus trunci sub aquis, aut terra multo tempore tumulati, tandem in ferreæ duritiæ lapidem convertuntur, de quibus alibi amplior mentio facta est: *Quercus* quoque, *Ilex*, & *Juglandis* facili in saxum indurantur, ob abundantiam salinorum spirituum, qui in iis dominantur, qui vel ad minimum lapidificæ facultatis alicubi latentis odorem, exciti, magneticoque quodam similium corporum confluxu uniti in saxum indurantur. Sed hæc alibi fusius pertractata sunt.

Reperiuntur deinde subinde in abditis terræ visceribus ligneæ quædam moles sub mineralis massæ forma, quæ neque suam à vegetabili natura originem, nisi admodum remotè, traxerunt; sed purum putum Naturæ opus est; quæ sicuti in foecundo uteri sui recessu & ossa & cornua, ita & ligna vegetabilis naturæ industriam imitata producit; cujus signum est, quod pleraque hujusmodi in profundissimis terræ visceribus, intra terram, ut vocant, virginem, nulla extrinsecæ rei accessione pollutam, quove verisimile sit, nullo unquam tempore arboream substantiam penetrasse reperiuntur. Tale lignum est, quod non ita pridem ex Boëmia mihi transmissum fuit, in imis montium receptaculis, & uti dicunt, in virginæ terræ thalamo repertum nigri ligni formam optimè exprimit, sed duritiæ & pondere id longe superat. Ante viginti circiter annos in Romano territorio detecta fuit minera ligni fossilis, ex quo pulcherrimæ cruces, tabule mensæque, quæ Ebano non cederent, confectæ, passim raritatis loco; tum in Romanis Musæis, tum nostro spectanda adhibentur. Detexisse fertur primum hanc fodinam excellentissimus Dux *Cæsius*, in Agro Aquaspartano suæ jurisdictioni subdito, qui uti naturalium rerum nullo non tempore, quo vixit, indefessum exploratorem exhibuit,

ita quoque non destitit, Naturæ in ligno hoc producendo industriam ut admirari, ita & causam sagaciter indagare; quod factum fuit per eruditissimum virum *Franciscum Stellatum*, amicum, dum viveret, singularem, qui Ducis nomine de hoc ligno fossilis eximium opusculum edidit, in quo & miros lineamentorum in hoc ligno à Natura expressos ductus ad vivum exprimit; & ubi non infrequenter cum dicto *Stellato* de hisce conferrem, locumque, ubi minera zylotica esse dicebatur, dicicissem, data oportunitate Aquaspartam 50 miliarium intercapedine Roma diffitam, accessi, ubi conducto viro locorum gnaro, tribus circiter miliaribus versus Tudertinam urbem progressi ad pontem rivi cujusdam, cujus nomen modò non occurrit, inter exiguum vallem, varios meatus ostendit, quos ingressi, vidimus certum quoddam terræ genus, rude admodum, & veluti quibusdam arborum corticibus oppido exasperatum; quibus remotis, in terræ duriusculæ & nescio quo lævore splendentis venam incidimus: atque hanc ajebat, esse terram, ex qua Romæ conficerentur pretiosæ illæ tabulæ, de quibus paulò ante diximus. Nullum hinc arboris aut rami putrefacti vestigium, sed terra prorsus videbatur, quæ intra terram nonnihil mollior, aëri tamen exposita, prorsus in ligneam substantiam indurescit; ita ut non secus, ac aliud quodlibet lignum facile scindi, dolari polirique, ebani adinstar possit. Nam varietate striarum, nucis aut pyri lignum prorsus æmulatur, ita ut prima fronte visus hujusmodi rite elaboratis tabulis, nemo facile induci possit, ut id lignum non esse sibi persua-deat, eò quod à ligno in nulla pene, quoad extrinsecam saltem formam, discrepare

videatur; veruntamen tunc minerale primum esse credunt, ubi effectus fossilibus proprios exerit; primò enim aquis superimpositæ hujusmodi tabulæ natitare nesciunt, sed statim fundum petunt; deinde igni applicatæ, nullam flammam concipiunt, non secus, ac si terram ureres aut quemcunque cespitem; tertio fibris, cæterorum lignorum more, juxta altitudinem arboris distensis, quibus nutrimentum attrahere solent, prorsus carent, solummodò nescio quam confusarum fibrarum agglomerationem exhibent. Verbo, neque terra

Minera à principe Cæcio detecta.

Author mineram explorat.



Forma ligni fossilis.

Lignum fossilis naturale.

Minera ligni fossilis in agro Aquaspartano.

est, neque saxum, neque arbor; non prius, quia minimè friabili constat materia, sed ita compacta, ut dolabræ non inepta reddatur; non secundum, quia nihil, in quo lapidis scabritiei, neque quoad gravitatem, neque quoad duri-
 tiem, respondeat. Unde quoque inter eas res; quæ succo lapidifico in saxum coaluerunt, computari minimè potest, cum nullis, quibus arbores à natura instruuntur fibræ constat; cujus signum est, quod in omnem partem sine difficultate secari potest. Quæ verò arte, aut quo ingenio Natura id produxerit, restat explicandum: neque enim ullibi à quopiam simile quid in omni fossilium genere observatum fuisse existimo.

Origo huius ligni fossilis.

Dico itaque, olim hæc fuisse arbores, cujus signa pervetusti cortices sat superque demonstrant in fodina ubique passim obvias, non tamen succo aliquo lapidifico in petram induratas, sed succo aliquo peracri & mollicante in minutissimas partes dissolutas, quibus terrestre lutum, cujuscunque tandem id generis fuerit, intermixtum ac interfluum, particulas minimas arborum jam dissolutarum, in unam massam terro-ligneam contraxerit, ita ut nec purum lignum, ob rationes suprà allatas, neque pura terra, neque saxum quid dici possit, sed ex omnibus commixtum, ita compactum; ut & striatas lignorum superficies, ob interfluentis humoris anomalam diffusionem, haud secus ac in ligno affabrè dedolato exhibeat; & gravitate tamen lignum superat, qua impeditum, uti aquæ innatare nescit. ita quoque igni impositum, omnem ob terrestrium portionum miscellam, inflammationem respuit. Sed ut strias huius ligni *Lector Curiosus* apertius videat, hic tabulam, quam in Musæo nostro ostendere solemus ex huiusmodi ligno fossili dedolatam, apponendam duxi. Esse autem nonnullorum succorum terrestrium eam virtutem, quæ nonnulla prorsus in saxum con-

vertat, quædam verò duriora, dissoluta in mollem substantiam transmutet, jam in præcedentibus, multis experienciis ostensum fuit, & in Libro de miris artefactis mineralium subsidio operationibus, fuscè docebitur.

De Carbonibus fossilibus, quos Lithanthracæ vocant, non est, quod dicam, cum ubique passim reperiantur, potissimum in Territorio Leodiensi, in Boëmia, Saxonia, in Italia variis in locis, in Elba Insula, in Sicilia. Leodii furnos focosque iis instruunt, & sunt massæ quædam bituminosæ cum sulphure, quod olent, permixtæ, quæ ob dictam, qua pollent, virtutem, majoris efficacis ignem, quam ulla ligna efficiunt, capiti tamen ob virulentos halitus, multum incommodi conferunt; Totus ager, quin vel ipsa urbs, teste *Amelio Boëtio*, causa lucri, quod ex iis acquirunt, non sine periculo aliquando lapsuræ, suffossa est. • Oleo mixto tritus hic carbo, unguentum præstat agricolis, quo oblitæ vites, ab omni insectorum erosionem immunes evadunt. Suntque varia huiusmodi carbonum genera. Propè Dresdam in Misnia effoditur carbo bituminosus mollis & fossilis; alius ibidem durior, quem passim cum lapide Thracio, aut gagate confundunt. In Scotia pariter, teste *Agricola*, ab Edenburgo viginti millibus passuum diffuso, quod carbonum aream appellant, reperitur ingenti copia, terreno bitumine abundat, qui & subindè non sine gravi incolarum damno incenditur. In Misnia prope Zuiciam nobile oppidum, mons carbonum spectandum se præbet; qui semper in superficie ardet, decidentibus paulatim fossis, quas si quis, uti *Agricola* docet, videat, fornaces ardentes apparent, materiamque non prorsus admotam, sed ex intervallo 4 pedum distantem, igni accendit. Sed hæc de Carbonibus subterraneis dicta sufficiant.

SECTIO III.

DE ASBESTO, SUCCINO, Cæterisque bituminosis gummium fluoribus, nec non de iis fossilibus, quæ mirandis virtutibus pollent.

CAPUT I.

De Asbesto, seu Amiantho.

INter cætera Naturæ miracula, quibus in Orbe Terrarum ludit æterna & increata DEI sapientia, Asbestus lapis cumprimis eminet, indomabilis ab igne incombustibilisque naturæ, omnium tum veterum,

tum modernorum Authorum monumentis celeberrimus; qui uti diversis nominibus intitulatur, ita quoque ex nominum æquivocatione, ingentes inter Authores lites controversasque movit. Hunc *Strabo* Carystium,

Denominationes lapidis Asbesti.

Pau-

Pausanias Carpassium, *Solinus* Carbosum, *Plinius* linum vivum, *Zoroaster* Bolstrichiten, alii Corfoidem, nonnulli Poliam, quidam Spartopoliam, *Marcus Venetus* pulverem Salamandrac, plerique demum Alumen scissile vocant. *Alumen*, inquit *Cardanus*, quod *Scaiola* vocant, est astrum samium apud veteres, nec est ex succorum genere, ut nec alumen pluma, quod ex terrenis partibus constat, atque ideo tenuiter si teratur, lectoque inspergatur, pruritum commovet assiduum, acutas enim & pungentes partes habet; quod si ex eo elychnia fiant, haud ardent, sed perpetuo oleum consumitur, illa autem manent.. Hæc *Cardanus*. Quibus non modernorum tantum, sed & veterum Scriptorum monumenta de Asbesto, id est, lapide incombuftibili, quem & ideo Græci ἀσβεστόν, καὶ ἀμίαντον, id est, incorruptibilem vocant, consonant. Hinc olim mappæ, lintea funebria, reticula conficiebantur, quibus cadavera Regum involuta, igni combusta, ipsa lintea verò incorrupta manerent. Conficiebatur & ex hisce omnis generis carbasina suppellex, quæ sordidata non aqua, sed igne purgabatur. Sed hæc non antiquis tantum temporibus apud Ægyptios, Græcos & Romanos, sed & hisce adhuc temporibus ita nota sunt, ut apud nullum non Principem reperiantur. Habeo & ego in Musæo, integrum scrinium asbestinis fructis plenum. Chartam ex hisce confectam habeo, quæ literis scribendis servit, quas ubi in ignem injeceris, consumptis mox literis, charta veluti igne lota, integra & candidior exit, novisque literis inscribendis servit, ita ut vel unicum folium in perpetuum reciproco amicorum commercio fervire possit. Donavit & mihi Eminentissimus *Cardinalis de Lugo* redimiculum asbestino lino contortum, quod igni injectum, si sordibus pollutum fuerit, inde nitidissimum exit. Memini quoque me elychnium hujusmodi asbestinum lucernæ inditum ad biennium, sine ulla sui consumptione conservasse, haud dubiè perpetuo duraturum, nisi nescio quo casu id subductum fuisset; ut proinde verissimum sit, quod veteres de elychnio per ignem inconsumptibili tradidère. Quæ hinc paucis *Lectori* indicare volui, ne Asbeston, & quod veteres de eo tradiderunt, veluti rem quandam paradoxam existimarent. Quæ verò de ejus natura & proprietate Scriptores mira & penè incredibilia retulerunt, hic enarrare supervacaneum esse ratus sum. Qui ea nosse desiderabit, is *Plinium*, *Ælianum*, *Solinum*, *Cardanum*, *Scaligerum*, *Ludovicum Vivum*, *Aldronandum*, *Anselmum Boëtium*, *Agricolam*, *Fallopium*, *Casalpium*, *Gesnerum*, *Licetum*, innumerosque alios consulat, qui uti mirum in modum inter se diglantur, ita mearum partium esse duxi, eos sequentibus quæstionibus in concordiam revocare; quod ea, qua par est, diligentia exequar, ubi prius nonnulla ad materiam plenè discutiendam necessaria præmiserò.

Tota lis inter Authores exorta non videtur in alio, quàm in varia hujus mineralis denominatione, consistere, quæ uti diversa est, ita varios quoque differentesque in Scriptorum intellectu conceptus peperit, tot litium velitationumque exordium.

Cum enim Asbestum in variis Orbis terræ partibus natura produderit, unusquisque à loco natali eidem nomen inscripsit, undè Caristium ab Urbe Caristia, à Carbasa Urbe Carbasium; ab Indica Indicum linum; à Cypro Cyprium denominarunt. Alumen scaiolæ ab aluminis similitudine; à Salamandra, eo quod in igne vivat, undè & linum vivum à *Plinio* denominatum suprà tradidimus. Præstantissimum tamen in Mediterranea India, Arabia & Cypro reperiri, moderni Mercatores asserunt; quamvis in Ligusticis montibus, uti & in Insula Corsica, nec non in Hetruria, imò in Germania, teste *Agricola* nonnulla hujus mineralis vestigia comparent. Sed nos hisce relictis ad instituti nostri propria progrediamur.

Quæritur itaque primò. Quisnam sit hic lapis, quomodo natura eum, aut quibus modis composuerit, & an re vera ex se & sua natura ἀσβεστόν καὶ ἀμίαντον, id est, incombuftibilis, & in igne incorruptibilis sit.

Solet à natura fieri hic lapis sub figura capillari, colore quandoque albo, subindè cinereo, interdum rufo, aliàs ferreo, siccus quoad externam superficiem & in filamenta solubilis, habet tamen in centro suo, nescio quam humiditatem stabulantem, viscidam & oleagineosam, nullo igne domabilem; filamenta ita constituta sunt, ut & neri & texti queant, non secus ac vulgare linum. Dico itaque, hunc lapidem esse compositum ex certa aluminis seu talci specie, ut proinde eum multi alumen scissile, aut alumen plumæ nominandum putarint; est enim multò mollioribus filamentis, quàm alumen scissile instructus, quæ nullo penè negotio, vel ipsis digitis diffindas; expansa verò filamenta semper quid laneum instar gossipii aut candidi serici filis simile indicant, undè non incongruè alumen plumæ dicitur; habet tamen intra proprietatis suæ latebras, nescio quid viscosum & oligineum, aded terrestri materiæ concentratum, ut ab eo nulla vi ignis separari possit; quam virtutem & alia nonnulla mineralia habent, ut aurum & selenitis, quem *Talcum* vulgò vocant; aded enim viscosum illud, quo nativæ suæ materiæ jungitur, ignique aded resistit, ut nullis artibus ab ea dissolvi possit, pertinacia tamen in uno majori, in alio minori: Selenitem enim cum tempore igni consumi, experientia jam dudum docuit; aurum & asbestum nunquam; quæ vis sanè mirifica non ab alio, quàm in optimè commisti lapidis temperamento consistit: qua verò industria, & quo ingenio & natura contra ignis tormenta, aluminosum

Undè dimanaverit diversitas nominum Asbesti.

An lapis ex se & sua natura sit incombuftibilis.

Asbesti lapidis compositio.

Oleum asbesto lapidi concentratum ita ut separari nesciat.

Quæ igni maxime resistent.

hoc viscus, adeo inseparabili modo & vinculo societur, uti terminos imbecillitatis ingenii nostri longe excedit, ita quoque sapientis non est, verbis illa longè petitis explicare.

Asbestum autem, sive Amiantum hoc in igne durare, & citra ullum nocumentum incorruptum perseverare, frequenti experimento comperi. Insignem tamen hoc loco errorem præterire non possum, dum nonnulli, qui aut lapidem nunquam viderunt, aut Authores de Amianto scribentes non intellexerunt, putarunt lapidem hunc igni sine ullo addito, perpetuo inflammari; ita *Camillus Leonardus* l. de lapid. *Asbestus ferrei coloris lapis est, quem Arabia producit, Asbestus dicitur, id est, inextinguibilis, quoniam accensus perpetuo retinet flammam sine aliquo liquore.* In qua narratione duplicem errorem commisit; dum linguæ Græcæ ignarus ἀσβεστον id est, *incombustibilis* pro *inextinguibile* interpretatus est; deinde asbestum igni admotum, inflammari in perpetuam lucem, nulla alterius rei inflammabilis additione putavit; quod quàm falsum sit, experientia me quotidiana docet, dum effectus asbesti in meo Musæo singulis fere diebus, advenis demonstrantur. Nisi enim oleum acceperit elychnio, omnem in eo inflammando operam perdes. In eundem errorem incidit *Dionysius Afer*, in suo de situ orbis poemate: Asbestum Arcadiæ inflammabilem facit hisce verbis:

*Hic nasci lapidem, qui tacto accensus ab igne
Extingui renuit, quem Graji nomine vero
ἀσβεστον memorant, ferri nitet ille colore.*

Habuit hæc sententia complures rerum ignaros & inexpertes, sectatores. Sed jam ad institutum.

Merito itaque cunctorum Philosophorum ingenia summoperè vexat mira hujus lapidis proprietas, dum concipere non possunt, in rerum natura mixtum aliquod dari posse, ab omni ignis violentia immune. Ego relictis aliorum sententiis, quid mihi in mentem venerit, circa admirandam hujus lapidis virtutem & proprietatem, paucis exponam.

Experientia me docuit, fructum hujus lapidis vitriariæ fornaci inditum, semper incorruptum extractum esse, quæ mira ad ignis violentiam reprimendam contumacia, necessariò constitui debet, ex iis rebus, igni quam maxime contrariis, quæ in tribus consistere videntur. Primum est ipsa materia, quæ uti lenta, crassa, & viscida humiditate à natura instructa est, ita quoque ab ignis actuosissima natura non facile consumi potest. Alterum est, quod dicta materia inexhalabilis sit, & ut ita dicam inévaperabilis: experientia siquidem constat, tantò materiam aliquam igni magis resistere, quantò evaporationibus minus obnoxia; & contra, tantò facilius ab igne corripitur consumique, quanto in vapores & halitus magis resolvablest. Tertium est, ipsius materiæ sinceritas, nulla alterius heterogeneæ rei miscella adulteratæ, ut proinde

puræ homogeneæ naturæ corpus fateri necesse sit, & vel inde patet, quod cum ignis potissimum heterogenea disgregare, homogenea verò congregare, teste *Aristotele*, proprium sit; In Asbesto verò omnes partes sine alterius mistura homogeneæ sint, facile inde colligitur, maxima eum ad igni resistendum potentia & efficacia pollere; & patet in nonnullis aliis rebus, uti suprà docuimus, videlicet in auro, adamante, selenite, quin & omnibus saxis & metallis, quæ quamvis igni vehementer resistent, difficulter tamen vel in liquorem, calcem, vel similem à priori differentem formam chymica arte reduci possunt, & si resolvuntur, minimè tamen solidam, quæ prius constabant, substantiam remanere videmus; quod tamen in Asbesto nullum locum habet: hunc enim si vel anno integro in fornacem ignibus torseris, semper tibi extractus, nulla formæ suæ facta alteratione, integer & sincerus spectabitur; undè lapidis Asbesti talem damus definitionem, seu potius descriptionem, qua ab omnibus aliis fossilibus essentialiter distinguitur.

*Asbestus lapis est fibrosus alumini schisto haud absimilis, lenta & crassa visciditate, seu lenta & viscida crassitie constans; ob omnium partium homogeneum contextum in vaporem resolvi nescius, solus ab omnium actuosissima ignis natura immunis & incombustibilis. Dixi Alumini schisti haud absimilis, tametsi ab eo differat & molitie & fibrarum dispositione, quas non secus ac in ligno quodam dispositas habet, totusque videatur ex iis constare, ita ut multi decepti exteriori forma, lignum putaverint, nonnulli quoque Gnatones eum imperitæ plebi, & superstitionis mulierculis pro ligno S. Crucis, teste *Mercuriali*, vendiderunt. Alumen quoque nonnihil in resistendo igni asbesto simile habere, ex historia Romana patet, qui linteis alumine illitis domos ab igne immunes in incendiis conservasse feruntur: quod si de alumine ordinario intelligitur, experientiæ uti contrarium reperi, ita falsum existimo; si verò de vero alumine fossili, seu asbesto dicatur, id veritati maxime consentaneum arbitror. Nam in vita *Sancti Georgii* legimus, cum Tyranni eum ad ignem condemnassent, vererentur autem, ne Christiani immunitatem ejus ab igne miraculo attribuerent; asbestinis filis eum intra ignem obvolvissè, ut hoc pacto consumpto corpore involucrum remanens Christianis in majus approbrium cederet; sed Deo, in cujus potestate jura legesque naturæ positæ sunt, aliter visum fuit: siquidem asbestum ex se & sua natura incombustibile, consumptum fuit, sanctus verò Dei martyr, totus integer, ne quidem læso ab igne capillo elapsus; immensam Dei potentiam, animarum lucro, per hoc miraculum tam insolitum manifestavit.*

Quæritur Secundò. An lucerna quæpiam confici possit, asbestini elychnii subsidio, quæ perpetuam & nullo unquam ævo interitura

Quæ igni resistent.

Definitio Asbesti.

Asbestus formam ligni exprimit.

Historia mira.

An lucerna asbesti operari possit, perpetuo ardens.

Asbestus sine oleo per se non est inflammabilis.

Asbestus vitriariæ fornaci impositus incorruptus ab igne extrahitur.

Incombustibilitas Asbesti unde?

Lucerna-
rum per-
petuo ar-
dentium
enarratio.

ram flammam ederet? Magnam hinc digladiantium Authorum concertationem inspicio. Sunt qui mordicus & olim fuisse, & in hunc usque diem hujusmodi lucernas fieri posse contendunt. Alii contra magno argumentorum pondere, contrariam tuentur opinionem. Prioris sententiæ Authores innumeras historias de Lucernis perpetuo igne fulgentibus adducunt, miraque tradunt, de lucernis veterum Ægyptiorum perpetuo ardentibus: De Lucerna *Tulliola* filiae *Ciceronis*, sedente *Paulo III.* in sepulchro adhuc ardente detecta, quæ tamen vel ad primum aëris extrinseci odorem extincta fuit; De *Calimachi* lucerna aurea in Fano *Minerva* posita, integro anno ardente, nulla imbrum ventorumque vi extinguiibili. De simili lucerna *Olibii* refert *Bernardinus Scardeonius de Antiquit. Patavinis*. Porta de Lucerna perpetuo ardente Niside Neapoli vicina. De Lucerna *Pallantis Volaterranum*, aliosque innumeros Authores, qui de veterum lucernis perpetuo igne lucentibus scripserunt, vide apud *Fortunium Licetum*, libro de *lucernis veterum* qui totus in eo est, ut Mundo ignis perpetui inventionem persuadeat. Utrum itaque lucerna ope asbestini elychnii, aut aliquo alio liquore concinnari possit, modo aperiā.

Lucerna à
Constanti-
no posita.

Tripliciter considerari potest Lucerna perpetuo ardens. Primum, in quantum Deo miraculose operante in perpetuum ardere potest, uti habetur in vita *Sylvestri I.* Pont: de Lucernis perpetuis in Baptisterio *Constantini* dispositis; & altera lucerna in *Antiochia* Syriæ urbe posita, de qua *Nicephorus* narrat supra Ecclesiæ portam perpetuo luxisse. De hujusmodi miraculosis lucernis cum vires naturæ superent, nihil dicimus. Secundo modo considerari possunt, prout lucerna aliqua assignari potest, quæ multo tempore duret, & de hac quoque non est controversia, cum id fieri posse, nullum sit dubium, Tertium. Utrum verè & propriè Lucerna perpetuæ & nunquam interituræ flammæ ope Asbesti, aut alterius cujuscumque rei confici possit? hinc *Rhodus*, hinc *Saltus*; & de hac utpote loco opportuno hinc nonnihil differendum existimavi.

Ad ignem itaque perpetuo constituendum, plurima debent concurrere consideratione dignissima.

Quæ ne-
cessaria
sint ad lu-
cernam
perpetuam.

Primum, & elychnium in lucernis sit incorruptibile, & oleum, quo fovetur, durabile & irresolubile. Secundò, ut oleum vel quicumque inflammabilis liquor ita sit constitutus, ut tantum semper novi acquirat liquoris, quantum exhalatione evanuit; fiatque perpetuo liquoris consumpti, & de novo advenientis perpetua *παρακύλωσις*. Tertio, ut lucerna ita sit ab externo aëre defensa, ut ne minimum quid cum eo commercii habeat aër, quod quàm difficile sit, quis nescit? Hisce consideratis & expensis.

Dico primò fieri non posse, ut hujusmodi

lucerna conficiatur; Et quod ad primum quidem attinet: licet elychnium asbestinum sit incombustibile, nec ullo modo ab igne consumi possit, uti experimento supra adducto constat; quia tamen istiusmodi elychnium liquorem sibi in omnibus similem, id est, inconsumptibilem requirit, hic autem à nemine hucusque inventus sit; totum meritò Lucernæ perpetuæ ruit artificium.

Ad secundum dico, nullo humani ingenii artificio liquorem parari posse, qui inexhalabilis, ut ita dicam, sit, & semper flamma in eum perpetuo agente tandem non consumatur; quemadmodum fieri sine miraculo non potest, hominem sine ullo nutrimento perpetuo vivere; sunt enim hæc ita à natura connexa, ut à se invicem separari nequeant: ubicunque enim est ignis & humidum, ibi hoc in vaporem aut halitum attenuari necesse est; ubicunque autem exhalatio aut evaporatio, ibi rem, ex qua exspirat, cum tempore consumi pariter necesse est; efficere autem, ut res quæpiam ad ignei caloris præsentiam activitatemque non consumatur, neque evaporet, id uti idem est, ac necessariis operationibus naturæ frenum injicere, ita quoque, non nisi conditori omnium Deo competit.

Cur Lu-
cerna ar-
dens per-
petuo fieri
non possit.

Ad tertium dico, Flammam perpetuam conservare in vase vitreo undiquaque clauso, omnibus Naturæ principiis esse contrarium: Cum flamma non oleum duntaxat, sed & aërem vasi inexistenter depascat: cumque ex suppositione ingredi alius non possit, fieri non potest, ut depasto aëre, alio non succedente flamma duret; & experientia ita manifestum facit, ut de eo dubitare nemo possit: neque opus est, allegare hoc loco obmetum vacui durare debere flammam: quis enim nescit, potius vas ruptum iri, quàm ut tantum inconveniens Natura toleret, & patet ex in præcedentibus adducto, de ferrei vasis ruptura ob metum vacui, experimento. Natura sanè jurium suorum adeo tenax est, ut artificii in hujusmodi machinis arte conficiendis inexorabilem se præbeat, ne homini concessisse videatur, quod ipsa sibi soli reservavit. Frustaneus est igitur omnis in perpetui ignis lucerna construenda humanæ industriæ labor.

Flamma in
vitro clau-
sa conser-
vari non
potest.

Sed objicies mihi: Quod factum fuit, id quoque in hunc usque diem fieri potest: Sed ex historiis habemus, hujusmodi lucernas inventas fuisse perpetuam flammam instructas; ergò per humani ingenii conatum illæ eadem & hodie confici poterunt.

Objectiones.

Respondeo primò, non omnia vera esse, quæ Authores, vel ad admirationem in hominibus concitandam, vel ad propagandam tam inusitatæ rei memoriam, de hujusmodi lucernis non tam tradiderunt, quàm finxerunt. Quæ ut ostendam, dico primo; vel hujusmodi lucernas divina arte, & per miraculum constructas fuisse, de quibus non loquimur: Cum Deo nihili facilius sit, quam ignem

Responso
ad obje-
ctionem.

ignem sine nutrimento, nulla elychnii additione, in perpetuum solo voluntatis suæ nutu, conservare. Dico secundò. Quod, quemadmodum nullam prorsus de Lucernis huiusmodi in veterum Romanorum sepulchris inventis veram & authenticam relationem habemus, ita quoque multa præsertim superstitiosis fossoribus, accidere potuerunt, ex quibus falsum suæ assertionis argumentum desumpserint.

Objectio-
nes & Re-
sponsa.

Sed dices, vivam in sepulchris flammam viderunt: Concedo; verum non perpetuo in lucernis ardentem, sed ex putrilaginoso aëre multorum annorum centuriis clauso, vel primo introeuntium halitu, aut etiam extrinseci aëris subeuntis accessu, antiperistatica quadam virtute derepentè succensam. Ita testantur, quotquot in subterraneis veterum monumentis indagandis, aut thesauris effodiendis operam dant fossores, qui à me de hoc spectro examinati, semper in noviter detectis cryptis sepulchrisque flammias similes se conspexisse contestati sunt; & egomet non semel in cœmeteriis, quam Romam subterraneam vocant, experienciâ didici, eos videlicet, qui abdita & undique immemorabili tempore clausa veterum sacella per exiguum foramen sudore madidi ingrediuntur, veluti flammulas quasdam seu luculas ex capite adinstar fatuorum ignium, emittere, & quotidiana experientia in cœmeteriis loco aprico expositis, sat superque docet, non sine simplicium superstitione, qui huiusmodi flammulas spectantes, hominum ibidem terræ mandatorum animas esse, sibi perperam imaginantur. Accedit & huic non absimile ludibrium; quod quemadmodum in obscuris & caliginosis locis subterrestribus, vel minimum quid ex externi luminis admissione aut tædæ illustratione, luci reflectendæ aptum fulget, ita quoque facilè vel ex vitri quodam fragmento lux reflexa, vel noctiluca quadam materia (sive illud lignum, sive os putridum, sive vermis, aut quodlibet aliud insectum nativa luce fulgens fuerit) admiratione attonitos facile decipere valuerit.

Cur ignis
fatuus in
cœmeteriis
appareat.

Objecta &
Responſa

Sed obijciunt hoc loco, vivam se flammam spectasse. Concedo; sed non perpetuo igne lucentem. Instant. Lucernas se eodem in loco reperisse. Concedo & hoc: Sed non nisi pulveribus oppletas. Addunt, fumidas adhuc se vidisse lucernas. Concedo totum; sed sine ullo elychnio; fumus enim, quem falsa imaginatione viderunt, potuit esse vel ipsius tædæ, vel ipsius hominis halitus, qui in crasso & putri aëre condensatus, oculis facilè illudere potuit.

Prudentes
scriptores
lucernas
ardentes
non credi-
derunt.

Dico Tertio; Lucernas perpetuo ardentes, quibus veteres Ægyptii, Græci, & Romani usi leguntur, semper scriptoribus iudicio pollentibus suspectas fuisse, cum nemo nesciat, quanta semper ad memoriam de mirabilibus à se inventis, ad posteros perpetuandam, finxerint, quantis commentis,

quot quantisque mendaciis ea texerint; Accedit, quod humani generis hostis, ad fovendas in eorum animis conceptas superstitiones, in omnibus eorum oraculis & sacrificiis semper se immiscuerit, nec non multis variisque modis illuserit; aut quod *Delrius* noster putat, magica arte, uti *Memnonis* statuem, ita & lucernas perpetuo igne flagrantem confecisse; cum diabolo nil facilius fuerit, quàm lucernis huiusmodi novam semper & novam materiam sive veram sive apparentem subministrare. De quibus vide quàm uberimè in *Oedipo Ægyptiaco. Tom. 2. parte. 2. Tractatu de Magia hieroglyphica. actum. item ultimum tertii Tomi caput, de Lucernis Ægyptiacis*; Si enim ignis perpetui munere in lucernis fruebantur Romani, cur tot Vestalium Virginum ad ignem conservandum destitatarum, gregibus utebantur. Non nescio, multos summopere desiderare causam aliquam physicam perpetui huius ignis adinvenire & assignare. Non desunt, qui putent, huiusmodi lucernas tam diù perseverasse, eò quod fumi è re combustibili vittute, ignisque actione exhalantes iterum densari cogique possint in liquorem denuo inflammabilem, circulatione perpetua, quod supra confutavimus. Quidam cum *Francisco Citeſio*, putant, in hisce lucernis fuisse elychnium ex amianto, & oleum arte chymica è metallicis eductum. Nonnulli existimant, lucernas auro in pinguedinis liquorem, arte soluto diutissimè ardentes fovisse, in sinu terræ aëre per occultos meatus subeunte ventilatum. *Libavius* opinatur, habuisse pulveres & ramenta lapidis gagatis, super quem semper destillans aquæ guttula, vel aqueus vapor flammam perpetuo excitaret, excitatamque conservaret. Alchimistæ, uti sibi semper de lapide suo Philosophorum ridicula fingunt somnia, ita quoque ejus ope, lucernas perpetuo igne foveri posse existimant. Verum uti lapis istiusmodi in rerum natura non fuit unquam, ita quoque vanum irritumque fusiores de eo sermones movere iudico. Nec quicquam lucerna illa *Olibii* probat, quam ad stabiliendam sententiam tantopere exaltant ob epigraphen ei incisam, his verbis:

*Plutoni sacrum munus ne attingite fures,
Ignotum est vobis, hoc quod in orbe latet.
Namque elementa gravi clausit congesta labore,
Vase sub hoc modico maximus Olybius.
Adsit fecundo custos sibi copia cornu,
Ne tanti pretium depereat laticis.*

Sed quæ *Scardeonius* tam scite de lucerna *Olybii* Patavii inventa refert, non de perpetua luce, qua flagrabat, sed de liquore illo, omnia in aurum convertente, si fas sit dicere, intelligenda sunt. Quis nescit veteres lepidi ingenii homines complura huiusmodi ad posteris solenni sanè versutia illudendum, similia abditis monumentis inscripſisse. Quæ cum ita sint, quæritur saltem, utrum arte humana lucerna aliqua perpetuo igne flagrans consti-

Argumen-
ta quibus
ignis per-
petuus elu-
ditur.

Varie opi-
niones
quibus lu-
cernas per-
petuo ar-
dentes fieri
potuerint.

Oleum ex
asbesto ex-
trahi si
posset, il-
lud foret
luminis
perpetui
nutrimentum.

construi possit. Fateor me multum quidem temporis in hac speculatione consumpsisse, sed nil unquam ad gustum reperire potuisse. Illis potissimum subscripsi, qui ex asbestino & elychnio & oleo rem conficiendam putarent. Si enim ex Asbesto oleum extraheretur, utique illud ejusdem cum lapide virtutis, & consequenter incorruptibile foret, unde id asbestino elychnio accensum perpetuo duraret: cum enim in vapores resolvi non possit, id in perpetuum æquo se tenore ad elychnium incombustibile haberet. Unde conclusi, si quis ex Asbesto mihi oleum extrahere posset, illi haud dubiè perpetui luminis inventum pollicerer. Undè statim cum peritioribus Chymicis de possibilitate rei transigi, imò materiam asbestinam ad tentandum subministravi, qui tandem omni diligentia adhibita nihil se profecisse sincerè confessi sunt, aded enim oleum illud concentratum reperire, ut potius tota substantia perire malit, quàm ut illud se à suo subjecto separari permittat. Quidquid enim ex eo extrahi potuit, vel aqua fuit, nullo modo igni concipiendo apta, vel materia quidem viscosa, sed ita densa, lenta & senta, ut ea nec ullo igne liquefieri, multò minus inflammari potuerit. Addiderunt, oleum, quod *talci* vocant, similis esse pertinaciæ, & proinde, quod passim molliciei muliercularum servit, oleum quidem vocari, sed non esse, cum illo elychnium imbutum nunquam flammam concipiat, ac proinde nil aliud, quàm phlegma esse Chimica arte à talco separatum.

Varii construendarum lucernarum perpetuo lumine ardentium modi.

Varia artificia quibus ardentibus lucernas fieri posse putant.

NE omninò in nihilum redegissemus videamur Lucernarum Veterum constructionem, hoc loco nonnullorum Authorum modos & industrias, quibus hujusmodi lucernas fieri posse cogitarunt, adducemus, unà simul examinaturi, utrum successus aliquis ex præscriptis experimentis sperandus sit.

MODUS PRIMUS,

Sed erroneus, de igne perpetuo conficiendo.

Iohannes Baptista Porta sic Lucernam perpetuo ardentem fieri posse, existimavit. Notum est, inquit, omnibus, omnium mirabilium in hoc mundo causam esse vacui metum, & potius mundi Machinam disrumpi, quam illud Natura admittat. Unde si flamma vitro clausa fuerit, spiramentis omnibus interclusis, qua si vel momento duraverit, nil obstat, quo minus perpetuo duratura sit. Sed quando in vitro clauso accendatur flamma, hoc opus, hic labor est; liquor substantia tenuissima sit oportet, & minima evaporationis; unde si clausa vitro flamma introduciatur, quod ustoriis speculis facile fieri potest, illa permanebit. Ita Porta: Sed melius dixisset, vitrum potius, quam Mundum ruptum iri.

Accedit, Lucernam in concluso aëre subito extinctum iri, & experimentum docet; si candellam inverso scypho subdideris, ut proinde evanida sit omnis vaporis in novum fomentum resolutio, cum flamma non tam in oleum quam fuliginem convertatur. Sed quia hujusmodi machinamentum suprà confutavimus, ei diutius non inhærebimus.

MODUS SECUNDUS

Trithemii, sed erroneus.

Bartholomæus Korndorferus Chemicus hoc pacto putat lucernam perpetuam condi posse, Authoremque hujus *Trithemium* facit. Primò miscet sulphuris & aluminis calcinati 4 uncias, quibus in sublime actis flores conficit. Florum sextantem cum semiuncia jungit Boraci CrySTALLINO Veneto, quibus in vitrea concha contritis affundit spiritum vini quater rectificatum, & facta digestionem, abstracto illo, novum reponit, idque bis, ter, quater repetit, donec sulphur in ærea lamina candefacta sine fumo instar ceræ liquefcat; atque hoc pabulum lucernæ perpetuæ esse dicit. Postea adornandum & elychnium est hac arte: Asbesti lapidis filamenta longitudine fere digiti auricularis, crassitie verò media colligantur serico albo, factum indè elychnium in vitro Veneto seu alimento prius purgato conspergitur, tumultaturque & in arena calente horis 24. decoquitur ebulliente semper sulphure. Inunctum delibutumque sic elychnium disponitur in concha vitrea, ut emineat paululum, aggeritur sulphur præparatum, concha in arenam calentem infertur, ut liquefcat sulphur & comprehendat elychnium. Dicunt hoc accensum jugi flamma arsurum. Si itaque singula hujus experimenti ingredientia ad incudem revoceamus, inveniemus, nulla prorsus ratione ea consistere posse. Quis enim nescit, omnia mineralia, cujusmodi sunt sulphur, sal, alumen, borax, quin & quinta essentia vini, inflammata tandem humido pingui intra ea latente depasto extinctum iri; cum dicta omnia uti ex se & sua natura corruptibilia sunt, ita quoque perpetuam flammæ depascentis consummantisque durationem sustinere nequeunt; neque urgeant hi nescio quam circulationem, cum id, quod per flammam consumitur, hoc ipso circulationis omnis sit incapax: neque circulatio liquorum in chemicis vasis facta, iis quicquam subsidii confert; cum aliud sit circulatio liquorum in pelicano peracta, alia circulatio pinguis in lucerna per ignem, uti ipsi putant, circulati in idem reditus, qui uti suprà diximus, nunquam desideratum rei successum præstabit; cum omne quod genitum et corruptibile est, æternum esse nequeat.

Mixtura & compositio Trithemii.

Nullum minerale ex se & sua natura aptum est lucernæ perpetuæ efficiendæ.

Mo.

MODUS TERTIUS

Libavii aliorumque.

Fucus Libavii.

Libavius hoc pacto putat fieri posse ardentem lucernam, si asbestum ex Alarbo accendas, id enim perpetuo ardebit; sed quid sit hoc Alarbum monstri, nullibi reperire licuit; ita faciunt fanatici illi impostores, qui ut experimenta sua veritati similia faciant, specie quadam exotici nominis, quæ tamen in rerum natura non existit, assumpta, simplicioribus ingeniis fucum faciunt. Sunt & alii, qui lapidem solo sputo inflammare se posse dicunt, & exinde perpetuæ lucis rationem pudenda jactantia venditant. Verum cum de hoc lapide alibi in nostris operibus, & in hoc volumine suo loco fufius finis disceptaturi, hisce non immorabor amplius.

CONSECTARIUM.

Uti motus perpetuus purè artificialis fieri non potest, ita nec ignis perpetuus.

EX dictis patet, vanam esse, frustraneamque omnem in perpetuo ardentibus lucernis construendis humani ingenii industriam, neque unquam similem lucernam in rerum natura extitisse, is solus nescire poterit, qui fundamenta Naturæ, efficacissimamque ignei elementi omnia destruentis potestatem ignorarit; quicquid doctissimus *Licetus* contra scribat: putat enim, & totus est in eo demonstrando, oleum quoddam dari posse elychnio asbestino imbutum, quod ad æqualitatem igni resistat, id est, quæ æqualem haberent virium proportionem ad igni resistendum, ita ut ignis nullo modo ea superare valeat; quod de asbestino lino verum esse, libenter concedo, de oleo verò id dici posse, ob rationes suprà allatas, pernego; cum eadem ratione hæc se habeant ad invicem, sicuti motus perpetuus purè artificialis, ad res motionis perpetuæ effectrices: Dicunt enim multi, si rota quædam confici possit, cujus ope per anthliam tantum aquæ supra elevaretur, quantum ad rotam vertendam sufficeret, ita ut ad rotam vertendam, quantum aquæ ascenderit, tantum sub æqualitate proportionis ad rotam vertendam deflueret, motum perpetuum hunc futurum, neminem dubitare debere: Ego verò experientiâ doctus ductusque, dico, tantum abesse, ut hinc motus perpetuus, ut potius perpetuam stabilitatem inde consequi, necesse sit, & ratio omni legitimè Philosophanti patet: Cum enim omnes actiones naturales in victoria, qua unum alterum expugnat, consistat, fieri non potest, ibi actionem motus causari posse, ubi sub æqualitate virium, non dicam, certatur, sed vere & realiter non motus, sed quies consequatur, uti & ex æquiponderatione aquarum in canalibus, quem vulgò *livello* vocant, clarissimè patet, & fufius nos alibi demonstravimus. Pari pa-

cto dico, talem æqualitatem proportionis virium in agendo & resistendo in perpetuis lucernis impossibilem fuisse, cum æqualitas ista, tantum abest, ut flammam perpetuare possit, ut potius, simul ac ad ipsam æqualitatem pervenerint, ipsa flamma, veluti hujus æqualitatis impatiens, suapte sponte extinguatur. Vanam itaque esse lucernarum perpetuo igne ardentium persuasionem dicimus: Si enim aliquandò visæ sunt, non aliud fuisse, quàm aut illusionem Cacodæmonum, aut sensuum deceptionem: Nec credimus *Trithemio*, talia technasmata Mundo conanti exhibere; verum cum ejusdem cum præcedentibus farinæ sint, omittimus: si enim flammæ istiusmodi vim inesse putet, ea illi inerit, non conditione materiæ, ut plerique arbitrantur; sed ex gradu mitionis compositionisque ingredientium, qui gradus uti necdum est à quoquam Philosophorum explicatus, ita adhuc in profunda & inacces-
sa latet Naturæ majestate reconditus.

Quod insuper ars hæc efficiendi oleum invincibile ab igne non inveniretur apud antiquos præter argumenta demonstrantia, eam esse impossibilem, ostendi potest: eo quod procul dubio inveniretur aliquis, qui de illa mentionem faceret; & tamen nemo est, quide illa loquatur. *Ævo Plutarchi* certè non debebat esse deperdita, si unquam in Mundo fuit, quia nondum inundaverant Europam Barbari, & florebat in summo Romanum imperium, & consequenter omnes artes; & ipse, qui tanta sapientia pollere visus est, & valde curiosus investigator rerum fuit, quampiam saltem notitiam ejus habuisset; quid ergo tantopere miratur ipse, quædam lampades durasse annos integros absque appositione olei, conaturque reperire diversas rationes, quum posset habere in promptu ab hac arte? Quomodo *Aristoteles* & ipse qui vixit, dum in Græcia florebant omnes artes, agens frequenter de igne, deque nutritione suæque conservatione, nunquam de proposito mentionem fecit? Quomodo *Plinius* curiosissimus & diligentissimus, tractans in *Cap. 56. lib. 7. de Inventoribus artium & rerum admodum vulgariarum* ut etiam permiscendi aquam cum vino, non fecisset mentionem de inventoribus hujus artis adeo mirabilis? Quomodo *S. Augustinus*, qui vixit ævo, quo memoria hujus artis extincta esse non poterat, agens de lucernis istis, non ad aliam artem, quàm ad demoniacam illas pertinere dicit? Quomodo Sacerdotes illi, qui dicebant annum integrum fervari suas lucernas absque adjectu olei, referebant hoc ad admirabile quid, si aderat ars illa æternum conservandi? & cur hujusmodi perpetua potius, quam annua illa non utebantur?

Atque ex hisce luce meridiana clarius est, hanc perpetuam ardentium lucernarum traditionem, purum putum figmentum esse, & à mo-

Ex illud. ne fossorum ignis perpetui fabula originem duxit.

Aristoteles non facit mentionem ignis perpetui.

à monumentorum fossoribus, vel illusione diabolica, vel phantasiæ propriæ persuasione, vel denique, ut magnum quid se detexisse dici posset, nimium credulæ plebi divulgatum; atque adeo totam posteritatem in concatenatos errores traxerint, adeo ut in sapientum quoque Philosophorum cathedris plausum meruerint.

Diximus itaque, lucernas arte humana perpetuo igne lucentes confici minimè posse, rationesque adeo irrefragabiles sunt, ut nemo iis contradicere jure possit.


Quæritur itaque, utrum non aliquo alio modo lucernæ hujusmodi, quo naturale artificiali junctum, desideratum effectum attingat, construi possint? Respondeo, quod ita. Ut verò assertio rectè percipiatur; dico, quod quemadmodum motus perpetuus dupliciter considerari potest: pure artificialis, & mixtus, id est, ex naturali Principio & artificiali compositus; ita & ignem perpetuum

considerari posse; scilicet pure naturalem, & ex naturali & artificiali compositum. Quemadmodum igitur pure artificiale perpetuo mobile in rerum natura dari non potest, ita neque ignis perpetuus, cujus rationes paulo ante ostendimus. Compositum verò motum perpetuum ex naturali & artificioso compositum, uti & ignem perpetuum dari posse, nulli dubium esse debet. Quod hoc experimento doceo.

EXPERIMENTUM

Ignis perpetui.

SI quis invenerit locum seu mineram aut venam, in qua bitumen, aut quilibet alius liquor inflammabilis veluti ex naturali matrice perpetuo scaturiant, cujusmodi in nullis non regionibus reperiuntur, uti in *Primo Tomo libro V.* de bituminosis locis ostendimus.

De igne subterraneo machina.

Dico, hujus ope quempiam ignem perpetuum fovere posse, hoc artificio. In loco quodam apto, ubi lucernam perpetuo igne flagrare vis, ponatur vas quoddam sive vitreum, sive terreum, aut ex metallo conflatum cylindraceæ figuræ diametro palmari, ut in Figura litera A demonstrat: Intra hoc vas elychnium ex lino asbestino confectum, quod filo ferreo in circellum contorto, sustineatur, & circulo subereo, quod ferreum filum, ne una cum elychnio demergatur, sustentatum, liquori semper supernatet: Hoc peracto: Intra venam seu matricem, aliud vas N. disponatur, quod bi-

tumen sive petroleum aut naphtham ibidem scaturientem intra sese recipiat; ex hujus verò vasis fundo canalis plumbeus, LMN, aut ex alia materia, quod oleum contineat, confectus, usque ad vas A. lychno instructum deducatur, ita ut extremum orificium per labra vasis continuo intra distillet; & habebis lucernam perpetuo ardentem: Cum enim oleum nunquam deficiat, sed semper novum novumque fomentum per canalem lucernæ suppeditetur; Elychnium quoque asbestinum ex se & sua natura inconsumptibile sit, lucerna itaque hoc pacto perpetuo igne lucebit. Ne verò alicui hoc novum videatur, is sciat,

K

veteres

Quomodo
ignis per-
petuus
ferri possit,
& lucernæ
perpetuo
ardentes.

veteres Ægyptiorum lucernas, quas in sacris cryptis adytisque deorum tenebant perpetuo igne ardentes, dicto ingenio adornatas fuisse. Atque hoc ita esse, expressis verbis docet *Sciagia* author Arabs, in sua de memorabilibus Ægypti historia.

Ægyptii
quomodo
faciebant
lucernas
perpetuo
ardentes.

Fuit autem in Ægypto campus, cujus fossa plena picis & liquidi bituminis; unde Philosophi vim naturæ cognoscentes, constituebant canales quosdam ex hujusmodi locis usque ad cryptas sub-

*terraneas, in quibus lucernam ponebant, quæ conjungebatur cum canalibus memoratis; lucerna vero habebat filum ex lino, quod igne comburi non potest, & hoc pacto lucerna semel accensa perpetuo ardebat, ob perpetuum bituminis affluxum, & ob filum lini incombustibile. Verum qui plura de hoc argumento desiderat, is legat *Oedipi Ægyptiaci*, Tomi II. c. 3. *Syn-tag*: XX. ubi quæ circa lucernas Veterum desiderari possunt, tractata reperiet.*

CAPUT II.

*De præparatione lini Asbestini in ordine ad telas contexendas,
& chartam conficiendam.*

Telas fuisse veteribus usitatas ab omni ignis tormento innoxias, veterum monumenta docent, neque hodierna die defunt, quamvis rarissimi hujus artis periti, qui sane ingenti lucro hujusmodi lanuginosum lapidem filare & in carbasia texere norunt, cujusmodi in nostro Musæo spectanda exhibemus.

Quæritur itaque, quomodo id fiat? Certè ut id inter maxima arcana naturæ non infimum hoc locum obtinet, ita quoque sub summo secreto tenendum, sed oretenus communicandum Regibus & principibus, ne quod nullo non tempore in tanta æstimatione fuit, id modo omnibus etiam vilissimis hominibus innotescat. Non ignoro, varios artem tentasse quidem variis modis, sed irritò semper labore. Modum tradit *Anselmus Boëtius, Libanius, Porta*, aliique, sed falsissima narratione decepti, nil præstiterunt; cum iis modis impossibile sit, desideratum effectum consequi. Quare hoc secreto relicto, ad aliud describendum calamum converto; & est, quomodo charta ex hujusmodi lapide confici possit, quæ semper eadem, inter eos, qui reciproco literarum commercio sibi correspondent, durat: Si enim in ea scripserim per literas mentem meam alteri amico diffito, is aperiens literas, ubi sensa mentis meæ perceperit, char-

Textura lini
asbestini
magnum
arcanum.

Charta Asbestina
quomodo
fieri possit.

tam in ignem projectam; ab omni scripturæ macula emundabit, & in emaculato scripturæ nævo responsum in eadem ad me dabit; quam, ubi respondere necessitas tulerit, chartam in ignem projectam, mundabo, ad amici quæsitæ respondendum in ea. Sic autem hujusmodi chartam conficies: In mortario tundantur in non exigua quantitate asbestini lapides, usque dum nihil aliud, quam lanuginosa materia appareat. Hoc præstito, fiat cribrum ad instar craticulæ ex filis ferreis, aut quod melius cupreis confectum, ita ut fila minimo spatio, quantum fieri potest, inter se distent, eo prorsus modo, quo chartarii opifices hodierna die uti solent; deinde lanuginosam materiam aquæ immixtam probe exagita, exagitam cribro excipe, succussandoque cribrum in tantum, donec lanuginosa materia in chartæ formam juxta cribri formam diducatur. Nota hîc, post materiam exagitam in aqua sine ulla mōra cribro excipiendam esse, si enim vel tantillo tempore expectaveris, materia utpote mineralis ex insita sibi gravitate statim fundum petet, adeoque non nisi aquam cribro hauries. Diducta itaque materia juxta formam cribri, illam solito filtro aut panno exceptam umbroso loco, donec exsiccet, expones, & habebis chartam in dictos usus paratam.

CAPUT III.

De Electro seu Succino, vulgo Ambra.

Quamvis de natura & proprietate succini, multa in nostra *Arte Magnetica* consideratione digna tradiderimus, hoc tamen loco ejus naturam fufius demonstrabimus; de hujus nomine variae sunt opiniones, quas ne actas agamus, *Lector* apud mineralium rerum scriptores, *Cassius, Agricola, Casalpium, Fallopius*, aliosque innumeros consulat. Dicitur itaque succinum, eo quod ex succo bituminoso in lapideam substantiam indurescat; ἤλεκτρον *Electrum* dicitur, *Agricola* teste, à paleis trahendis sic appellatum, sed &

verbum Arabicum *Carabe, Abukali* & *Camus* teste, idem à paleis trahendis, nomen obtinuit. Ambram quoque dici non nisi improprie ob similitudinem & analogiam quandam, quam Ambra pretiosi odoris mixto habet. Nobis hoc loco non cum verbis, sed cum ipsius rei quidditate & essentia, negotium est.

Quæritur primò, quidnam proprie succinum sit? Non nescio, nonnullos fuisse ex veteribus, qui arboris nescio cujus lachrymam, succinum esse censuerint; quod tantum abest, ut verum sit, ut potius quotidiana pene

Quid sit
succinum

Quomodo
piscantur
Borussi
succinum.

penè experientia; totam hanc sententiam evanidam reddiderit; multò minus ab urina lynceis Lyncurium dici posse, existimamus, nisi à similitudine quadam istiusmodi compositi, de quo tamen, quid sit, adhuc quæritur, magnis inter Authores diffidiis agitato. Nos itaque ad succini, quo nihil hodiè tritius esse potest, naturam enodandam calamus convertamus. Quis enim ignorat, ingenti quotidie copia in Prussiaco Maris Baltici sinu illud colligi, ubi tamen nulla unquam resinifera arbor, nullus lynx, nulla ambra visa fuerunt. Quæ si fuissent, ubique magnam earum omni diligentia & solitudine colendarum curam habuissent incolæ, ob ingens, quod illis inde emanare poterat, lucrum. Hoc scimus, Incolas passim illud partim reticulis in hunc finem contextis in recedentis sive refluentis maris foveis piscari, partim etiam in litora ab impetuoso maris aut fluminum impetu Coroflante, appulsum colligi solere. Quæ cum omnia Agricola amplissima narratione l. 4 de reb. fossilibus pag. 233. describat, ed Lectorem remittimus; cum nobis hoc unicūm constitutum sit, ejus naturam, ortum, vires, proprietates hoc loco pro ingenii nostri imbecillitate, explorare.

Nemo itaque imposterum sit, qui succinum ex vegetabili natura ortum suum trahere, inconsulta experientia sibi temerè persuadeat: sed certo certius existimet velim, illud nihil aliud esse, quam bitumen quoddam terrestre, quod in subterraneis telluris cuniculis natales suos habeat, per scaturigines à provida natura ibidem constitutas. Quomodo autem id producat, paucis aperiam.

Definitio
succini.

Diximus in primo Tomo. Lib. V. de bituminosorum locorum venis, & quomodo Natura singula bitumina differentis speciei, unumquodque secundum terreni proprietatem producat. Quibus quidem principiis insistentes, sic Succinum definimus: Succinum est bitumen subterraneum, ex appropriatæ

materiæ terrestris matrice scaturiens, per fundum maris, riparumve aut fluminis appulsum, mari concreditum, ibique ad littora appulsum innata solis aerisque siccitate in lapideam substantiam excrescit. Diximus subterraneum bitumen esse; quod uti & phaltum, naphta, petroleum similiaque suos scaturiginum modos, habeat: Qui enim, quæ citato lib. 5. hujus operis, de bituminosis locis egimus, rite perceperit, is haud dubie statim videbit, intima Telluris viscera hujusmodi pinguibus liquoribus abundare, è naturali terræ appropriatæ pinguedine nata; quæ est veluti gluten quoddam mixtorum, omnibus & singulis ad solidam partium connexionem inditum. Distinguitur autem hocce bitumen à reliquis paulo ante citatis, specifica quadam differentia, eo quod proprietatem suam nanciscatur ex terrestri quadam materia, si ve illa sulphurea rite depurgata, si ve ex Gaggatis vena, si ve ex thurea subterrestris materiæ minera, per quam destillat, acquirat; verbo, pro puritate materiæ, per quam defluit, proprietatem suam sumere, vel ipse color, odor, saporque satis demonstrant: Qui in candidis, gratissimus; in fulvò, minus gratus; in cinereo, etiam sulphuris adusti odorem refert. Puritas itaque materiæ, quam perfluit, vires ipsi largitur magis aut minus perfectas.

Habemus itaque subterranei succini originem, modo quomodo indurescat, dicendum est. Cum hujusmodi bitumen ex sua natura, uti omnia oleaginea, leve & aëreum, superiorem aquæ superficiem petat; hinc ex subaqueis locis scaturiens, atque in superficie maris fluctuans, undarum impulsione ad littora devolvitur, ubi sub forma melleæ substantiæ molle adhuc & liquidum subsistit, donec paulatim aeris siccitate lentescens in duram materiem lapidescat. Hoc autem ita sese habere, luculentius comprobemus,

CAPUT IV.

*Quomodo Animalcula diversi generis in Electri meditullio
sepulchrum suum sortita sint.*

Diaphanum seu perspicuum Succinum varia passim animalcula exhibere non solum hodierna docet experientia, sed & veteres naturalium rerum scriptores attestati sunt. Plinius l. 37. c. 3. Liquidum, inquit, primo distillare succinum, argumento sunt quadam intus transfluentia, uti formica, culices lacertæque, quas adhaesisse musteo, non est dubium, & inclusas indurari.

Quæ Dioscorides confirmat. Brasavolus in examine gummium, domi, ait se habuisse succinum, in quo adeo mire formica integre inesset, ut ne minimum quidem crus desideraretur.

Agricola subscribens dictis, Ex his, inquit, fulvum & salernum perspicua sunt plerumque, & in eis interdum transfluunt aut bestiola volucres, uti musca, culices, apes: vel agrestes, ut formica, vermiculi rubri, aranei, lacertæ, vipera; vel natantes, ut pisciculi, aut bestiarum partes, uti ala muscarum, ova piscium; aut res inanimata, ut stipites herbarum, folia stirpium; quæ omnia prius in mare involarunt, vel irreperunt, vel inciderunt; quæ postea præstantissimum illud bitumen cum ex terra profluere, in mare corripuit, & in se inclusit, atque sic inclusa simul cum eo in lapidem sunt matata. Ad quæ pulchre sane allu-

Animal-
cula in
succino.

alludit *Martialis*. 1. *Epigram.* 99. & 118. & 1. 6. *Epig.* 12.

*Et laet & lucet Phaëthontide condita gutta,
Ut videatur apis nectare clausa suo.
Dignum tantorum pretium tulit illa laborum
Credibile est, ipsam sic voluisse mori.*

A L I U D.

*Flentibus Heliadum ramis dum vipera serpit,
Fluxit in obstantem succina gumma feram,
Quæ dum miratur pingui se rore teneri,
Concreto rigit vincla repente gelu.
Nec tibi regali placeat Cleopatra sepulchro,
Vipera si tumulo nobiliore jacet.*

A L I U D.

*Dum Phaëthontæ formica vagatur in umbra,
Implicuit tenuem succina gutta feram
Sic modo, quæ fuerat vitæ contempta manente,
Funeribus facta est nunc pretiosa suis.*

Quæ omnia ita sese habere, monstrant in meo Musæo varia succini fragmenta, plena muscis, formicis, similibusque, imò decas precaria, quam *Rosarium* dicunt, ostenditur, in qua quot succinei globi spectantur, tot differentes muscæ sunt. Misit præteritis annis ad me *Serenissimus Augustus Dux Brunsvicensis & Luneburgensis*, Princeps omni scientiarum genere, raro exemplo, excultissimus, pro suo in me meaque studia affectu sane singulari, frustum succini, dimidio palmo longum, in quo natura exhibet lacertulam ita integram, ut nullum in eâ membrum sit, quod non luculentissime magna intuentium admiratione, spectetur. *Lector* videat Figuram hîc appositam. Memini, me olim in *Gazophylacio Francisci Cardinalis Barberini*, simile frustum vidisse, in qua immerito honore ranula sibi sepulchrum selegerat.

Succini frustum in Musæo Authoris, in quo læta spectatur.

Quomodo dicta animalia inviscantur.


Quæritur itaque, quomodo hujusmodi animalcula meditullium succini possideant, quomodo ingrediantur; cur in extrema superficie non compareant? Et quamvis *Agricola* paulo ante allegatus, aliquo modo rationem assignet; quia tamen curiosis non satisfacit, ego modum paulo luculentius exponam.

Cum itaque bitumen liquidum adhuc & molle maris fluctibus ad littora devolvatur, fit ut ibidem inter arenas & saxa collectum

ficcitate aëris lentescat, unde animalcula hujusmodi sapore & odore attracta mox atque illud infederint, simul etiam tenacitate materiæ veluti visco quodam corripiantur, à quo

Non poterat tumulo nobiliore tegi.

Donum Sernif. principis & ducis Augusti Luneburg. & Brunsvicensis.



cum se expedire non valeant, interim decumanis maris fluctibus, mobilis adhuc materia, paulatim in globos aut aliam formam subigitur; atque hoc pacto unda & unda trudente materiam animalcula inviscata in meditullium obvoluta secedunt. Atque hanc ego rationem esse, salvo aliorum judicio, animalculorum in medio Succini comparentium, esse existimo; quæ deinde arena saxisque oblecta, successu temporis in lapidem, nobili hoc electrico sepulchri monumento honorata indurentur.

CAPUT V.

De attractiva Electri virtute.

Electrum paleas, stipulas, & quæque levia ad se attrahere, jam antiquis rerum naturalium scriptoribus *Theophrasto*, *Plinio*, *Aliano*, *Solino*, cæterisque innotuit, & hodierna experientia sat superque rei veritatem comprobatur; semper tamen miratus sum, ab illis temporibus ad hunc usque præsentem diem, opinionem propagatam esse:

dum plerique sentiunt, & firmiter sibi persuadent, succinum omnia levia, præter ocymum, aut ea quæ oleo tinguntur, nescio quo antipathia dissensu ad se attrahere; palmaris sane error; nos centies in conspectu multorum ocymum succino, nec secus ac quolibet alias reculas, sive paleas, sive festucas, etiam oleo & pinguedine tinctas, sine ulla


Falsi opinio Electrum omnia præter ocymum trahere.

ulla aut difficultate aut resistentia attraximus; ut vel mirari satis non possim, neminem fuisse, qui experimentum ita facile de ocymo passim obvio, fumere non sit ausus: Sed leguntur similia, & statim inconsulta experientia perperam creduntur; ut proinde mirum non sit, tot concatenatos errores in hunc usque diem in Scholis progarari. Succinum itaque omnia levia trahit nullo prorsus excepto, dummodò innata gravitate obicem non ponat agenti; imo nos non duntaxat levia quævis, sed & ponderosissima omnis generis metalla, ferrum, aurum, argentum, plumbum decem & viginti librarum; ligneos baculos, hastas, chirothecas succini frusto, statico experimento attraximus. Sic autem proceditur.

EXPERIMENTUM

Attractionis Electricæ mirabile.

IN trabe quadam AB ex H ferreum educatur brachium, ad cuius uncum G dependeat filum, quod in medio cujuscunque longitudinis ex quacunque materia hactenus librile, E. F. in puncto I. apprehendat;



hujus immotæ EF extremitati, si prius calore excitatum succini frustum admoveris, statim id relicta statione sequetur succinum; huic librili EF, quæcunque appenderis unâ succini ductum sequentur. Experimentum

fane pulchrum, quo Musæi mei spectatores passim recreari solent. Est & hoc admiratione dignum; quod flammæ admotum succinum, tantum abest, ut trahat, ut potius dissiet eam dissipetque: cujus quidem rei causa alia non est, nisi quod dum levissima flamma spiritibus ex succino calore excitatis resistere non potest, impetu suo in adversam partem dispellat. Guttulam verò aquæ ita trahit, ut in conum elevet, eundem effectum præstant omnia illa mixta naturæ cognatione similia, uti Gagates, bitumen durum, & cujuscunque tandem generis electrica corpora.

Quæritur itaque, quænam sit hujus rei ratio; & quomodo hæc virtus ab attractiva magnetis distinguatur? Dico insignem esse diversitatem attractivæ magnetis & electricæ. Illa non nisi determinata corpora trahit, uti ferrum similiaque; hæc sine discrimine omnia. Magnes non solum trahit ferrum, sed & eidem virtutem suam communicat, quod non facit electrum: Magnes vim suam per polos determinatos exerit; Electrum ubique & ex omni puncto eandem exercet: Magnes sine præparatione trahit, contra electrum: Magnetis effluvium est immateriatum omnia penetrans; Electri materiatum, interpositis minimis rebus à trahendo desistens. Dico itaque Electri attractivam sic fieri: Cum electrum tenuissimum effluvium affricum prius, & calore excitatum emittat, fit ut ambians pulsus usque ad poleas, & ambiente repulsus unâ secum rapiat leviufculas res; usque ad superficiem electri, ubi tenui pingui conglutinatum adhæret. Verum cum hæc omnia quàm fufissime & variis experimentis comprobaverimus *Lib. 3. part. 3. cap. 3. Artis Magnetica*, eò Lectorem remittimus: ubi quæcunque circa electricam virtutem attractivam desiderari possunt, tractatum reperiet.

An sit vis magnetica.

CAPUT VI.

De Electri sive Succini medicis viribus.

Ingentem Succini in medicina usum esse, passim constat; Cum enim nativa facultate, incidendi, dissipandi, calefaciendi, conglutinandi polleat, hinc omnibus vitalium incommodis profligandis insigni emolumento confert. Unde Medicorum judicio id collo alligatum medetur febribus; tritum cum melle, oculorum obscuritatibus; sanguinem undequaque profluentem sistit; ventriculi vomitum tollit; sistit alvi fluores, fluxionesque, quibus ulcera infestantur; sistit capitis distillationes; tonsillis & faucium vitiis confert. Quia verò roborat viscera cæterasque corporis partes, si humoribus non redundaverint; cum vino potum, hominem tuetur ab epilepsia, & à nervorum resolutione, convulsione, distentione. Stomachi dolores sedat; oleo succineo foti; & quia odo-

riferum est, cordi predest. ejusque medetur tremori; ejus suffimentum capitis pituitam exsiccat; partus difficultatem tollit; pestilentis aëris putredinem debilitat: unde tempore pestis melius nobilisque suffimentum assignari non potest. Oleum coxis inunctum ab Ischiadica renumque doloribus liberat. In externis quoque rebus usum egregium habet: Siquidem ramenta lucernæ addita, flammam & lucidiorem durabilioremque reddunt. Vasa quoque & ectypa omnis generis ex eo sculpti, notius est nihil, tantoque olim in pretio habebantur apud veteres Romanos, ut exigua hominis effigies electro insculpta reliquarum gemmarum pretia excederet. Globulis denique precatoriis, quibus devoti homines ut plurimum uti solent, nil est vulgarius. Sed hæc de Succino dicta sufficiant.

Morbi qui propul-
santur
succini
ope.

TABULA COMBINATORIA,

*In qua breviter omnium lapidum pretiosorum formæ & virtutes
exhibentur, Alphabetico ordine disposita.*

<i>Nomina,</i>	<i>Forma, Color, Natales Loci,</i>	<i>Vires & proprietates.</i>
ADAMAS.	Omniū gemmarum præstantissimus, duritiei indomabilis, diaphanus; In India crescit verus & genuinus.	Introsumptus venenum est, ob causticam vim; portatus dicitur gemma reconciliationis, fortitudinis & constantiæ, sed perperam, uti aliàs diximus
ÆTITES.	Ab Aquila sic dictus, eo quod in nidis eorum inveniri dicatur; In utero suo alium portat dissolutum.	Varia sunt genera, quæ tamen omnia alio prægnantia sunt: maxime laudatur applicatus foeminis difficultate partus laborantibus,
ACHATES.	Variis figuris spectabilis gemma coloribus differentibus imbutur. In India, Europa variis locis invenitur, & passim in Germania,	Venenis pestiferis, viperarum atque scorpionum ictibus adversari dicitur; febrientium ætus sedat, oculis prodest.
ALABASTRUM.	Est marmor splendidum, varii coloris, est album nigrum; mellei coloris; in Ægypto, Sicilia, Hetruria, reperitur.	Ustus & resinæ mixtus duritiem resolvit, cum cera mixtus stomachi dolores sedat, cum lacte potum dysenterici medetur.
AMETHISTUS.	Violacei coloris est, variasque differentias sortitur, pro varia conditione locorum; ubi reperitur.	Ebrietati putatur resistere, à qua & nomen sortitur: Superstitiosi quoque eum ingenium principumque conferre putant.
ASTERIA sen ASTROITES.	Nomen habet à stellulis, quibus totum ejus corpus depictum est; in varias species dividitur, & variis in locis Italiæ invenitur.	Aceto superaffusa hinc inde propria sponte se movet. Variolis mederi creditur pueris alligatus.
BALANITES.	A glandis figura sic dicta; duo sunt genera, subvirides & subflavæ; variis locis inveniuntur.	Dicuntur vi adstringenti pollere, atque adeo diarrheæ mederi.
BASALTES.	Ad marmora refertur, eo quod exactissime poliatur. Unde & inter Lydios lapides refertur, auro & argento probando aptos.	In Misnia prope Dresdam magna copia eruitur, & Lydii lapidis munere passim fungitur.
BELEMNITES.	Sic dictus à sagittæ figura, quam refert: Varii coloris reperitur, vocatur & Lyncurius; ex lata radice in cuspidem crescunt.	Pulvis vulnera curat; calculos frangit, & nocturnis phantasmatis, resistere dicitur.
BERYLLUS.	Gemma ex viridi cæruleum colorem mentitur, aquæ marinæ similem, variaque in genera dividitur; CrySTALLI species videtur.	Oculis potissimum mederi dicitur pulvis aqua rosacea aut liliacea subactus. Vitiæ hepatis corrigit: Superstitiosi, animos conciliare perhibent.
BUFONIUS LAPIS. BATRACHITES.	In Bufone repertus, lapidis stellaris figuram habet, varii coloris.	Venenis potissimum resistere putatur, applicatus ad partes affectas; rerum & vesicæ calculos prohibet.
CALCEDONIUS.	Varios colores refert, prout diverso lumini exponitur; semidiaphanus est, & inter Onyches computatur.	Attræ bili, melancholicis affectibus mederi dicitur, uti timori, tristiæ, hypocondriaco morbo.

<i>Nomina,</i>	<i>Forma, Color, Natales Loci,</i>	<i>Vires & proprietates,</i>
CARBUNCULUS. PYROPUS. RUBINUS.	A luce, qua carbonis instar lucet, sic dictus; unde perperam multi falso putant, luce splendorem facis instar nocte præbere.	Venenis resistit, libidinem coercet; animum exhilarat; ad iram concitat; somnum minuit; infortunio instante mutare colorem perhibetur.
CARABE, seu SUCCINUM,	Non lapis est, sed bituminis species, de quo alibi fusc egimus.	Magnis virtutibus pollet, in superfluis humoribus tollendis, uti jam alias ostendimus.
CE RAUNIA	A fulmine sic dicta, quod è nubibus dejiciatur; quod qui fieri possit, alibi diximus, varias species habet.	Dicitur contra fulmen valere, & ideo Brontias dicitur; Ombrias si una cum pluvia & imbribus decidat.
CHRY SOPRASUS	A splendore auri quo fulget, dictus, viriditatem tamen aliquam admixtam habet.	Insignem virtutem ad recreandos oculos habet.
CONCHITES	A conchiliis nomen habet in lapidem conversis.	Calculo eorum pulvis mederi dicitur, sympathica quadam actione.
COS	Lapis prædurus, cultris, aliisque ferramentis acuendis aptus, cujus variae sunt species.	Cos ferro attrita pilorum incremento mederi, lienem attenuare perhibetur.
DENDRITES	Lapis est, arborum fruticumque figuras exprimens; in Hetruria passim invenitur.	Ufus ejus in medicina necdum constat; stiptica tamen facultate pollet.
DRACONTIA	A Dracone sic dictus, in quorum capitibus reperiri dicitur.	Miram contra omnia venenorum genera facultatem habere dicitur.
ENEOSTIS	Lapis ossium figuram exprimit, de quo supra fusc.	Vim habet ad ossa rupta consolidanda.
ENHYDROS	Lapis dicitur ab aqua, quam intra se continet.	Vim habere dicitur contra infirmitatem urinæ.
ENTROCHOS	A rotæ similitude, quam figura sua exprimit, sic dictus.	Eandem vim habet, quam arenacei lapides, adstrictivam.
ENORCHIS	A similitudine testiculorum, quos figurâ exprimit, sic dicitur.	Vim habere dicitur, ad libidinem excitandam, ob naturale sigillum illi inditum.
GAGATES	Non tam lapis, quam bituminis ulti species est, odorem sulphureum habet; à Gage flumine sic dictus.	Paleas trahit, ut succinum, diaretica facultate pollet; muliebribus morbis suffitu medetur, uti & epilepticis.
GALACTITES	A lacteo colore, quem aquâ subactus à se emittit, sic dictus.	Lactis in foeminis copiam auget, mamillas tumefacit, polline lacte amygdalorum subacto.
GEODES	Lapis rotundus est, à terra, quam intra se continet, dictus, quæ terra intus mobilis & sonans si fuerit, jam non Geodes, sed Ætites dicitur.	Eadem, qua Ætites, vi pollet, cum nihil aliud, quam immaturus Ætites sit.
GLOSSOPETRA	Saxum est, sic dictum à figura linguae, quam exprimit; & Melitæ ingenti copia reperitur.	Contra venena prodest, uti & terra Melitensis, & adstringendi vi pollet; vide de hoc alibi tractatum.
GRAMMATÆAS	Iaspidis genus est, à literis & figuris seu lineis, quas exprimit, dictum; in Misnia reperitur.	Venenis prodest. Magi mira de hoc lapide sibi somniant, quæ vide apud Marbodeum.
GRANATUS	Multiplures sunt, puniceo colore imbuuntur; in Boëmia magna quantitate reperiuntur, & melioris notæ.	Exsiccandi vi pollet, cor corroborat; intrant compositionem elixiris vitæ, & confectionem hyacinthi.

<i>Nomina,</i>	<i>Forma, Color, Natales Loci,</i>	<i>Vires & proprietates.</i>
HÆMATITES.	A sanguinis concreti colore, quo fulget, sic dictus: & varia sunt genera: sunt aliqui virides punctis sanguineis fulgentes.	Omnia horum genera sanguinis fluxui profunt, qualiscunque tandem is fuerit.
HELIOTROP- IUM.	A Sole nomen habet, eò quod Solis in se effigiem exprimat; passimque reperitur variis in locis.	Eadem qua Iaspis, & qua Hæmatites vi pollet, de quo Magi plurima fingunt ridicula.
HYACINTHUS.	Pro majori, aut minori rubedine modò ad carbunculos, modò ad granatos revocatur; nomen habet ab hyacintho flore.	Pesti resistit, robur cordi dando; somnum conciliat; alacritatem animi adferre dicitur.
IASPIS.	Plurimæ sunt species; ob diversos, quibus imbuitur coloribus, nomina diversa sortitur.	Sanguinem sistit appensus ad col- lum nauseam tollit, epilepticis cal- culosisque prodest.
ICTERIAS.	Ab Ictero seu Gargalo flavi coloris volucris nomen habet; flavi enim co- loris est.	Ictericis mirum in modum ex natu- ræ quadam similitudine, prodesse perhibetur, portatus.
IRIS.	Gemma dicitur à similitudine colo- rum iridis, quos exprimit; crysalli species est.	Oculis prodesse dicitur, ex naturæ similitudine & sympathia.
JUDAICUS LA- PIS.	Est lapis figura ovali ad similitudi- nem olivæ: invenitur in monte Oli- veti.	Putantur olivæ in saxum conversæ; calculo & urinæ difficultati mirificè prodest.
LAZULUS.	Lapis est cæruleus punctis aureis in- terfusus; opacus est, & Saphyrum æmulatur colore.	Quartanæ mirificè confert, visum corroborat, somnum conciliat, po- dagræ dolores sedat.
LEUCOPHTAL- MUS, OCULUS GATTI,	Ab oculi figura, quam exprimit, sic dictus, species Opali est.	Ex signatura quam habet, oculis mederi perhibetur.
LYCHNITES.	Parvi marmoris species est, candi- diffimum. In Hetruria passim ob- vium, uti & in Sicilia.	Adstringenti vi pollet, undè humi- dis infirmitatibus prodest.
LYDIUS LAPIS.	Marmoris nigri species est, ad au- rum argentumque probandum ap- tum.	Smectica vi pollet, & adstringen- te.
LITHAN- THRAX.	Carbo fossilis dicitur, & passim in Belgio prope Leodium effoditur ad ignes fovendos.	Capiti vehementer nocet, usque ad apoplexiæ periculum.
MAGNES.	A Magnesia Regione, in qua repe- ritur, nomen meruit.	De cuius viribus & proprietatibus admirandis vide <i>Artem nostram ma- gneticam.</i>
MALOKHITES.	Prasii species est, malvæ, undè no- men meruit, instar viridis est, variis venis distinctus.	Laxativa vi pollet; cordi prodest; matriculam roborat; epilepticis & spasmò subvenit.
MARMOR.	Omnes isti lapides duri, læves, & splendidi, variisque coloribus de- picti, marmora vocantur.	Pro variis colorum tincturis, variis virtutibus dotantur.
MELICHRYSUS.	Chrysolithi species est, aureo colore fulgens, in Boemia invenitur.	Ad sanguinis fluxum & epilepsiam confert; varios morbos pellit.
MOROGHUS, vel MELITES, ob mellis saporem,	A Galactite lactario lapide, solo co- lore differt. In Saxonia passim repe- ritur; Galactites niger etiam dictus.	Sanguinis sputo confert; matricis fluxui medetur.

<i>Nomina,</i>	<i>Forma, Color, Natales loci</i>	<i>Vires & proprietates.</i>
NEPHRITICUS LAPIS	à Renibus, quibus confert, nomen habet: variis coloribus imbuitur, uti Iaspis.	Sciaticam curare dicitur, naturali- que proprietate renibus prodest.
OCULUS CAT- TI	Cryſtalli ſpecies eſt, ab oculo catti, quem exprimit, nomen habet: Aſte- riæ quoque ſpeciebus adnumeratur.	Somnia terrifica pellere dicitur.
ONYX <i>Camea</i> vocatur.	Ab humani unguis ſimilitudine dici- tur, albo-nigro colore imbuitur, li- neisque variis coloris diſtinguitur: opacus eſt.	Epilepiæ confert, & oculis, igni eliciendo aptus; affricta mirum in modum caleſcit.
OPALUS	Pulcherrima gemmarum ob colo- rum varietatem quam exhibet in ſua transparentia, adinſtar Iridis.	Omnium gemmarum vires habet; cor recreat.
PHENGITES	à transparentia lucis ſic dictus, & ſpecies eſt Alabaſtri Orient. diaphani.	Marmorum communi vi pollet.
PHRYGIUS LA- PIS	à Phrygia, ubi reperitur, ſic dicitur, olim tingendis veſtibus vtilis.	Adſtringit, expurgat; cruſtas indu- cit; oculis confert.
PORPHYRITES	Duriſſimum marmor, in rubro can- didis maculis inſperſus; à rubedine nomen habet.	Exigui uſus eſt in medicina.
PRASIUS	à colore praſii ſic dictus, ex viridi flavoque colore mixtus.	Veneno confert: unde venenum eo praſente colorem amittere, lotus recuperare dicitur.
PYRITES	Lapis eſt, quem & <i>Mareaſitem</i> vo- cant, igni eliciendo aptus.	Ex ſiccativa vi pollet, emplatri ap- plicatus formâ.
RUBINUS.	Rubinus nomine tantum à Caribun- culo & Pyropo differt.	Venenis pellendis prodeſt, antidot- um nobile.
SAPHYRUS	Gemma cærulea & diaphana eſt, non in India tantum, ſed & in Eu- ropa inveniuntur.	Cardiacum remedium; dicitur for- deſcere ab homine impuro & luxu- riæ dedito portatus. Venenis reſiſtit.
SARCOPHAGUS ASIUS,	Sic dictus, quod cadaveris carnes in eo conditas abſumat brevi.	Podagras lenit, phthiſicis linctus pro- deſt.
SARDIUS <i>ſeu</i> CORNIOLUS	Sic dictus à carne ſanguinolenta, cui colore ſimilis eſt. Semidiaphanus; in Sardinia probæ notæ reperitur.	Sanguinem mirificè fiſtit; animum exhilarat; malignæ febri prodeſt; dentes dealbat.
SCHISTUS LA- PIS SELENITES	Omnis lapis in ſquamas ſciſſilis di- citur <i>Schiſtus</i> , potiſſimum hoc no- mine <i>Lavagna</i> dicitur.	Medici huius lapidis uſum neſciunt; multum æris continet.
SMARAGDUS	Virentium gemmarum pulcherri- ma; Schythici melioris notæ; mul- tiplicis ſpeciei ſunt.	Venenis reſiſtit; diarrhæam ſanat, & omnes ſanguinis fluxus; Epilepti- cis prodeſt.
SMIRIS	Inter Hæmatitis ſpecies. recenſetur; ferruginei coloris, duriſſimus, à po- liendis gemmis nomen habet.	Uſum non habet, niſi quod ad po- liendas gemmas adhibetur.
TALCUM, STEL- LA TERRÆ, SIDERITIS	Ab Arabibus nomen obtinuit, ſciſſilis eſt in lamellas ſubtiles & tenuiſſimas, magis diaphanus vitro quolibet.	Aqua inde deducta mulierum deal- bandæ carni ſervit: igni reſiſtit, ſpe- cies eſt ſideritis & aſbeſti.
THEAMEDES	Nil aliud quam magnes eſt, ferrum enim non trahere, ſed repellere pu- tabant.	Quorum utrumque præſtat Magnes. Vide <i>Artem magneticam noſtram</i> .
THRACIUS LAP.	à Gagate vix diſtinguitur.	De quo ſuprà pluribus.

Nomina, &	Forma, Color, Natales Loci,	Vires & proprietates
TOPAZIUS.	Chrysolitorum species est; aquam-croco tinctam colore refert; ab Insula Topaza. maris rubri, in qua reperitur, sic dictus.	Melancholiae, epilepsiae, sanguinis fluxui prodest.
TOPHUS	Lapis vulgaris pumex, asper & facile in arenam resolvitur; in varias species dividitur.	Podagram dicitur sedare.
TROCHITES	à Figura rotæ sic dictus, passim in montibus reperitur.	Ufus ejus necdum Medicis innuit.
THURCOIS, TURCHESIA	Inter opacas gemmas nobilissima cæruleo colore, quem ultromarino vocant, fulgentissima; nascitur in Samarcanda Tartariæ Citerioris provincia.	Ad capitis oculorumque curam adhibetur. Magi casum impedire volunt.

Atque hæ sunt præcipuæ lapidum species, quæ in natura rerum inveniuntur, ad quas reliquæ omnes revocantur.

T A B U L A

Eorum lapidum, qui nomen à similitudine rerum quas referunt, aut à rebus ipsis, in lapides mutatis, habent.

Astroides, à stellæ similitudine.

Amygdaloides, à forma amygdalorum sic dicti, uti ad Albulam Tyburtinam inveniuntur.

Ammochrysus ab arenæ aureæ similitudine.

Argyrites, à colore argenti, quem refert.

Anthraxites, à similitudine carbonum.

Bostrychites, à crinium muliebrum forma, sic dicta, *Callitriches* quoque dictus.

Bucardia, lapis in Babylonia nascens, à cornu bovis sic dictus, melius *Βυ'κερ* Ⓞ.

Botritis, ab incipientis uvæ similitudine sic dictus.

Calamites, à calami similitudine nomen fortitur.

Ceraunites, ἀπὸ τῶν κεραυνῶν, à fulmine nomen adeptus.

Cantharias, à scarabæi similitudine, quem figurâ exprimit.

Batrachias, à ranarum similitudine, quas exprimit.

Capnites, à fumi colore denominatur.

Cardisce, à cordis figura, quam naturali figura refert.

Cerites, à colore ceræ, quem refert.

Chalaxias, à grandinum figura & colore.

Carcinus, à figura cancri, quam exprimit, in lapidem conversi.

Cepoides, ab hortis, ob odorum varietatem.

Catoptrices, à speculis, quia imagines rerum exhibet.

Calcophonus, quia pulsatus æris tinnitum exhibet.

Conchites, à conchæ figura.

Cissites, à folio hederæ.

Corallites, à forma coralli.

Chethrites, ab alni seu amygdali offe.

Clenites, à pectinis similitudine.

Chrysitis

Chrysolampis

Chrysolithus

Chrysophis

Chryseleëtron

Chrysoprasus

Chrysoberyllis

} à forma, similitudine & colore aureo dicuntur.

Dendrites, ab arborum similitudine, quas exprimit.

Daphnia, à Lauri similitudine & colore.

Dactylus Idens, à pollicis similitudine.

Ἀστροειδής.
ἀμυγδαλοειδής.

ἀμμόχρυσος Ⓞ.

Ἀργυρίτης.

ἀνθράξ.

Βοστρυχιδής.

καλλιτρίξ.

Βυκαρδία, βύκερ Ⓞ.

Βοτρίς.

καλαμίτης.

κεραυνίτης.

καυθαρίδας.

Βατραχιάς.

καπνίτης.

καρδίσκη.

χάλαζα.

καρκίν Ⓞ.

κήπ Ⓞ.

κάππρη Ⓞ.

χαλκοφάν Ⓞ.

κόγχη.

κίσση.

κεράλιον.

κλήβρη Ⓞ.














κλήνη.

χρῖς Ⓞ.

δένδρον.

δάφνη.

Dryites

ὁρὸς.
 ἐχῆν 
 ἐχίδνα.
 ἔλαβ 
 ἦπαρ.
 γίραν 
 γλαῖ.
 αἱματίτης.
 ἰεραῖ.
 ἐξαγών 
 λείων.
 λεπίδοι 
 μεκῶν.
 μόλυβδο 
 μύρρα.
 μύρμαξ.
 μύς.
 νάρκισ 
 ὄφρειον.
 πυρίνη.
 πάνγων 
 πεντήχοι.
 πενθώνων 
 πλυθεῖς.
 πολυζών 
 πσίλιθ 
 παρδαλός.
 περδίξ.
 φύκη.
 φοινῖξ.
 ρόδον.
 σκάρ 
 σκαλοπίνδρα.
 σύκη.
 σπύγχι.
 σπρίγχι.
 σπείγχι.
 τῆαρ.
 πλῆνη.
 τριχλη.
 τῆ 

quod succo lapidescente accedente in lapidem converti non possit ; non mirum est , arboribus , floribus , ramis , foliis , fruticibus , herbis , fructibus , seminibus , animalibus eorumque partibus , artificialibusque rebus variis ; in lapidem versis , uti ex præcedentibus constat , tot genera lapidum reperiri , quot res differentes in lapides transformatæ sunt , à quibus & nomina , ut Tabula demonstrat , sortiuntur .

*De duodecim lapidibus in Rationali Sacerdotis Magni
positis, & in fundamentis Civitatis Apocalypticæ.*

Etiam ; Et uti innumeri authores, & sacrarum
Literarum interpretes de hisce amplissime
tractarunt, ita quoque dum suo quisque sen-
su eas describit, tantam confusionem incur-
rerunt.

rerunt, ut nemo cum altero fere consentiat; & cui potissimum subscribendum sit, vix dispiciam. Nomina quidem horum lapidum in variis sacrarum literarum textibus, Hebræo, Chaldæo, Syriaco, Arabico, Græco apta apposita reperio; quid tamen re ipsa sint, quomodo cum nostris comparari queant, conjectu difficile est. Ex omnibus Rabbini, quos volvi, optime sane de hisce scripsisse reperio R. *Abraham Ben Hannasse*, in Libro qui inscribitur *שְׁלֵשִׁי הַנְּבִירִים* *Schilte heggiborim*. Scutum fortium inscribitur, uti ex Thargumim Chaldaicis, cæterisque Textibus, Authoribusque melioris notæ ad verum prope determinat, quamvis & ipse de rei substantia penetranda desperare videatur.

אני מבלתי מכלול מני אבני החשן כילא ידעתי בעצמות מהר אודם וכן כלם מה הוא פטרה.

Veruntamen ego dubito de omnibus ge-

neribus lapidum Rationalis; quoniam nescio in substantia, quid sit hæc אודם *Odam*, quid sit hæc vox פטרה *Peteda*: Nam examinando *Onkelos* & *Jonathan* paraphraftas Chaldæos, omnes perplexos in hoc argumento reperi.

האבנים כפי מקריהן ולא כפי עצמותן כמו אודם פטרה מהא ומימור

Paræ verò interpretum putat, lapides solum secundum accidentia eorum, non secundum substantiam accipiendos esse, videlicet *Odam* & *Peteda* ex colore rubro & flavo. Multi putant specificè distingui, ex his lapidibus unum ab altero, sed falluntur, cum non nisi accidentalis sit differentia inter illos, & secundum plus & minus. Deinde enumerat omnes lapides pretiosos, lapides eo ordine, quo in Rationali positi fuerant, & juxta mentem non Sacræ Scripturæ tantum, sed & Paraphraftarum Rabbinarumque melioris notæ.

Id est האודם או הקרניאלה על שם הבשר דהיא אבן אדומה דותה לבשר האדם

1. *Primus lapis rationalis, fuit Odam, id est, Carniola, & fuit lapis rubens ad similitudinem carnis humana, incarnativa.*

הפטרה או טופאציאו והיא של מינים הא צבעו הוא ירוק דומה לזהב הכ הוא הנוטה לצבע הירוק

2. *Secundus dicitur Peteda sive Topazius, & duo ejus sunt genera: primus declinat ad colorem aureum, secundus ad viridem.*

הברקת או כרכנוס שנקרא מפני שהוא יורד לארץ עם חבקים

3. *Lapis Berecket, id est קεραυνος ceraunia, pulchra & diaphana, ex viridi ad caruleum declinans, sic dicitur, quod in terram dejiciatur cum fulgure & tonitru.*

הנפך או קרבונקולום ונקרא בשם זה על כי הוא דומה לאש המוצת כפחם הבוער

4. *Lapis est Hanephech, id est carbunculus, ita dictus, eo quod similis sit igni, qui exit ex carbonibus succensis.*

קספיר או הצאפירו וצבעו הוא נוטה לירקות הכרכוס ודומה לבחינה הרקיעהון

5. *Quintus lapis erat Saphir, id est Saphirus, & color ejus declinat ex croceo ad caruleum, similem splendori firmamenti.*

החלום או הדיאמנטו היא אבן ירקה השוכח ישבעו הנוטה על כיאניא

6. *Hahalom, id est Adamas, est omnium dignissima gemma & pretiosa, unice exoptata.*

הלשם או הטורקואים הוא במעלה ככה בין כל חפצי האדם והשלח נחשנן כל שאר האבנים

7. *Halescham, id est, Thurcois aut Turchina, lapis est viridis declinans ad caruleum colorem, gemma laudabilis, in cujus comparatione aurum & argentum nihil est.*

השבו או ההיאצינטו הוא אבן הדומה כמעט לפוח שתו היאצינטו והוא משתת מצבע הזהב וצבע ירוק

8. *Haschabo sive Hiacynthus lapis à flore hyacintho nomen adeptus, colore auri & viridi herbaceo ad caruleum declinante.*

החרשיש או קריסוליטו הוא אבן של ארבע מינים

9. *Nonus lapis est Tharfis, & est chrysolithus, cujus quatuor sunt species, id est, Arabicus, Germanicus, Indicus, Ethiopicus, quos dicit omnes differensibus coloribus imbutos esse.*

השוהם או סמראלדו והוא בכל האבנים הטובות השלישי במעלה

10. *Lapis est Haschoham, id est, Smeraldus, & inter omnes lapides, quoad pretium & dignitatem tertium locum occupat, ob viriditatem limpidissimam, oculis gratissima.*

האחלמה או אוניקו הוא של מינים רבים והוא של חמישה מינים

11. *Undecimus lapis Haclamah, id est, Onyx, & quintuplicis generis est, quæ omnia diversis coloribus imbuuntur.*

היספרא או יאספס והוא עשרה מינים

12. *Duodecimus lapis Iaspis est, qui in decem genera dividitur, varietate mirabili.*

Atque hi sunt duodecim lapides secundum opiniones Rabbinarum Rationali inferti; quinam verò hi proprie sint in sua substantia, tam difficile est asserere, quam difficile est, inter tot genera, in quæ distinguuntur, ve-

rum determinari: Et uti inter Authores in hunc usque diem lis adhuc pendet, ita quoque una cum S. Hieronymo cæterisque Sacræ Scripturæ Interpretibus, in argumento innumeris difficultatibus perplexo enodando merito

merito tempus perdere censebor. Quanta di-
verfitas fit inter Authores, ex sequenti schema-

te patebit; in quo Latinorum, Græcorum, He-
bræorum, Arabum sententias disposuimus.

Latini.	Rabbini.	Græca Lectio 70 Interpret.	Paraphrasis Chaldaica Onkelos & Jonathæ.	Nomina Arabica.
<i>Sardius.</i>	דאודם <i>Carniola.</i>	סרדס	סמקן <i>Sardius,</i>	أحمر
<i>Topazius.</i>	הפטרס <i>Topazius.</i>	טופאז	ירקן <i>Topazius,</i>	أخضر
<i>Smaragdus.</i>	הברקת <i>Ceraunia.</i>	סמרגד	ברקן <i>Smaragdus,</i>	أصفر
<i>Carbunculus.</i>	הנפך <i>Carbunculus.</i>	אברכ	אזמרגדן <i>Carbunculus,</i>	أحمر
<i>Saphyrus.</i>	הספיר <i>Saphyrus.</i>	ספיר	שבון <i>Saphyrus,</i>	مها
<i>Iaspis.</i>	החלום <i>Adamas.</i>	יאספס	סנהלום <i>Iaspis,</i>	بهرمان
<i>Ligurius.</i>	הלשם <i>Turchesia.</i>	ליגור	קנברי <i>Ligurius,</i>	سبع
<i>Achates.</i>	השם <i>Hyacinthus.</i>	אכאטס	טרקיא <i>Achates,</i>	فیروزه
<i>Amethestus.</i>	האחלמה <i>Onyx.</i>	אמיתוס	עין אגלם <i>Amethestus,</i>	آمرق
<i>Chrysolithus.</i>	התרשיש <i>Chrysolithus.</i>	כרסולית	כרום ימם <i>Chrysolithus,</i>	بلور
<i>Onyx.</i>	השוהם <i>Smaragdus.</i>	בסמרגד	טורלם <i>Onyx. perla,</i>	یسف
<i>Beryllus.</i>	היספרא <i>Iaspis.</i>	ביריל	פנתרי <i>Beryllus.</i>	بلور

*Duodecim Lapidum in Rationali dispositio ex mente
Rabbinorum.*

Primus Ordo.	1. אדם. <i>Sardius</i> Ruben.	2. פטרס. <i>Topazius</i> Simon.	3. ברקת. <i>Ceraunia</i> Levi.
Secundus Ordo.	4. נפך. <i>Carbunculus</i> Judas.	5. ספיר. <i>Saphyrus</i> Issachar.	6. חלום. <i>Adamas</i> Zabulon.
Tertius Ordo.	7. לשם. <i>Turchesia</i> Dan.	8. שם. <i>Hyacinthus</i> Nephtali.	9. אחלמה. <i>Onyx</i> Gad.
Quartus Ordo.	10. תרשיש. <i>Chrysolithus</i> Aser.	11. שוהם. <i>Smaragdus</i> Joseph.	12. ישפרא. <i>Iaspis</i> Benjamin.

Atque hæc est dispositio duodecim lapidum in Rationali, juxta nomina duodecim tribuum Israël, ex mente R. Abraham Ben Hannasse, qui singulorum mysteria fusc in suo, quod *Scutum fortium* appellat Libro, exponit, ad quem Lectorem remitto. Fuisse autem omnes gemmas Rationalis diaphanas & splendidissimas, dictus Author asserit. Cum itaque in hoc Rationali multæ gemmæ opacæ recenscantur, uti Turchesia, Iaspis, ceraunia, vel illa alterius speciei à nostris fuisse dici debet, diaphanas videlicet, vel tanti lævoris fuisse censendum est, ut eundem quem diaphanæ effectum præstiterint. Rationem hujus rei explicant in *Urim & Thummim*. Fuerunt autem hi effectus lapidum, quorum illu-

stratione Sacerdos in cognitionem rei venturæ deducebatur, & per *thummim* res infallibiliter per revelationem divinam perficiebatur. Verum quia pauci ex Interpretibus Sacræ Scripturæ rectè effectus *Urim & Thummim* perceperunt, hoc loco eos enodandos duxi.

R. Abraham Ben Hannasse paulò supra citato Libro, ex melioris notæ Rabbini collectum de *Urim & Thummim* argumentum exponit: quod & ex Hebræo in Latinum à me conversum hic Lectori curioso exhibeo, quoad potero paucissimis verbis. *אורם ותרומם Urim & Thummim* nil aliud in veteri lege sunt, quam nomina sancta Dei, duodecim lapidibus incisa, in quorum virtute & potestate Sacerdos cognoscebat futura; & annunciabat omni petenti

petenti res venturas. In duobus autem potissimum consistebat; quorum prius erat, quod virtute sua propria illuminarent literas tribuum incisas in lapidibus Rationalis, quod *השן הושכן* vocabatur, & eam ob causam *אורים*. *Urim*, id est, illustrationes vocabantur, eod quod Sacerdotis oculos indita vi illustrarent. Alterum quod. *תומים* *Thummim* dicebatur, id est, perfectiones, & in hoc consistebat, quod vires suas exerebat in cor Sacerdotis, qui deinde quod per illustrationem lapidum didicerat, id arcano mentis ratiocinio ex combinatione & apta verborum connexionem voces ex iis proportionato ad quaestionem factam responso eruebat: siquidem ex vi nominum horum fiebat cor Sacerdotis aptum ad cognoscendas literas, & in virtute Spiritus Sancti, quæ in eo, veniebat in cor eius conjunctio nexusque literarum, unde opus prædictionis perficiebatur hac ratione: *Urim* non omnes literas illuminabat in uno loculamento; sed in virtute *Thummim* solum primam literam illuminabat, & postea literam secundam sine mixtione ulla aut confusione, &

juxta primam aut ultimam mediamve unam post alteram considerando, Sacerdos per collectionem literarum modumque similitudinis voces educere norat, ad manifestandum, quod eventurum erat. Verbi gratia: Quando interrogabat Israël à Domino: Quis ascendet ex nobis ad Canaanem, ut incipiat bellare cum eo; Respondit Dominus, : *יהודה יעלה* *Iehuda ascendet*: & tunc *Urim* illuminabat quasi totum nomen *Iehuda*, vi lapidum in Rationali existentium: sed vox. *יעלה* à Sacerdote intelligebatur hac ratione, primò illuminabatur in *יעלה* prima litera *י* *Iod*. nominis tribus *ישראל* *Issachar*; deinde *ע*. in medio nominis tribus *סימון* *Simon*: Deinde tertia *ל*. in prima litera nominis tribus *לוי*, & sic de cæteris: atque hac ratione Sacerdos colligebat ex collutatione nominum tribuum *Israel*, voces, quæ quid faciendum esset, ostendebant. Sed hæc uti non nisi fuitiles conjecturæ sunt & nullo subnixæ fundamento, ita quoque ceu fabulosis nulla fides præstanda est; quare opinionem eorum hoc loco solummodo adduxisse sufficiat.

SECTIO IV.

DE ANIMALIBUS
SUBTERRANEIS.

PRÆFATIO.

Quadruplex genus animalium subterraneum.

Animalium subterraneorum status quadrupliciter considerari potest: Sunt nonnulla, quæ semper in visceribus terræ vitam agunt: Aliqua, quæ intra terram quidem degunt, sed subindè ad necessarium alimentorum subsidium foras prorumpunt, & mox abdita sua cubilia repetunt: Sunt & alia, quæ hyberno tempore abduntur, æstivo verò tempore è speluncis erumpentia, semestri spatio in apricis sive sylvis, sive campis, aut montibus inaccessis vitam ducunt. Non desunt, quæ ubi aliquandiu inter abditos terræ meatus delituerint, exeuntia, nunquam derelictas sedes repetant; de singulis, quantum fieri potest, paucis agam.

CAPUT I.

De nonnullis Animalibus, quæ semper, uti extra terram vivere non possunt, ita perpetuò ejus abdita viscera incolunt.

Pisces & Ranæ seu rubetæ fossiles.

EX hujus generis Animalibus sunt primò quædam quæ facillè ex putri nascuntur. Hujus generis animantia sub triplici classe considerari possunt: primò omnia vermium, quos lumbricos terrestres vocant, genera, & ex viscoso & putrido terræ limo originem suam nanciscuntur. Secundò sunt nonnulla animalia perfecta, uti pisces, serpentes & ranæ fossiles, qui subindè in meditullio saxorum dum finduntur, occurrunt. Est *Agricola* teste, in Narbonensi Agro, quæ montes Pyrenæos interjacet,

planities camporum maritima, & variis fluviis irrigata, in qua non infrequenter primò pisces vivi eruuntur; Invenitur & ibidem quoddam genus saxorum oppidò porosum, ex quibus molitores in usum frumenti terendi molares lapides conficere solent, in quorum medio dum finduntur, ut plurimum rubetæ vivas reperiunt; unde magnoperè ipsis cavendum, ne similes lapides primò, sine legitimo examine molis adaptent, ne ubi versatione continua incaluerint, latentis alicubi intus rubetæ diffusum toxicum frumento inducant.

In

Quomodo
hujusmodi
animalia
saxi innas-
cantur.

In Germania quoque hujusmodi pisces fossiles, ranas, imò & serpentes inventas *Agricola* docet *Libro de Animant. subterr.* Cum itaque experientia hæc ita sese habere doceat, merito quispiam hoc loco dubitare posset, quomodo saxorum terrarumque meditullia hujusmodi animalia penetrarint, & quomodo ibidem vivere queant? Quod ut patefiat, à piscibus ordiar fossilibus, quorum nonnulli vivi adhuc in nonnullis locis reperiuntur, quidam in lapideam substantiam conversi: De hoc genere piscium, eorumque ortu in præcedentibus fuse actum est; Restat, ut & de vivis nonnihil dicamus. Pisces fossiles plerumque vel ad littus maris, vel ad magnorum amnium clivosa littora inter arenaceos cumulos reperiuntur.

Dico itaque eos ibidem hoc pacto nasci posse: Eo tempore, quo aut mare ventorum impetu ingentes arenarum cumulos in littora advolvit, aut fluminum inundationes, ingentes limi acervos, in littora egerunt, fieri quoque potest, ut non ingens pisciculorum copia limo & arenis mista una ejiciatur: quæ cum humido abundant ob rivos perpetuò ex montibus fluentes, per subterraneas venas illuc derivato, accidit, ut pisciculi intra arenarum limique gurgustia clausi, ibidem cum tempore ex sufficienti humore & terræ succo & alantur & adolescant: quoniam verò detumescunt fluminibus sive maribus, terra æstu Solis aërisque calidi constitutione, arena limo mixta exsiccata lapideum quandam corticem iduit, hinc fit, ut vacua quædam ex nitroso limo calore Solis contracto sensimque lapidescente, spacia relinquatur, quæ uti per subterlabentis humidi venas perpetuò implentur, ita quoque & sufficiens una cum suctu circumstitæ materiæ ad vivendum nutrimentum acquirant; si verò omni humido destituantur, limo undique circumvoluti, tum limo successu temporis lapidescente, quemadmodum in præcedenti Libro ostendimus, tandem & ipsi in lapideam substantiam vertuntur, nil præter figuram obtinentes, uti ex figuris citato loco supra adductis patet. Contingit quoque subinde, parvulos per angustas rimas intra saxa pabuli gratia sese insinuare, donec in patentiori loco subsistentes, in eam molem sensim excrecentes, ut deinde per dictas rimas iis amplius remeare non liceat, ac proinde ibidem permanere coguntur: Atque hic est alter modus, quo subinde inter saxa reperiuntur, quamvis vivos pisces nunquam sine humido repertos, experientia docuerit.

Quomodo
in saxum
vertantur.

Ranarum
intra saxa
origo.

Pari pacto ranæ sive rubetæ subinde in meditullio repertæ sunt; sed venio ad *Βατραχόγινον*, id est, ranarum genesin intra saxa peractum; talis autem est naturæ processus: Si quandoque sperma ranarum limo alicubi involutum, interim limi substantia paulatim lapidescente aptum dispositumque loculum calido-humidum nactum fuit, id

ibidem tanquam in matrice subterranei caloris vi animatum, tandem ranam exclusit, quæ uti humidi suctu per poros saxi allabentis, sufficienti nutrimento instruitur, ita quoque diu intra loculum illum vitam sustentare potuit, donec lapide secto viva exiliret: Constat tamen similia animalia aëri concredita paulo post emori. Quod itaque de piscibus ranisque diximus, id de serpentibus quoque fossilibus intelligendum est.

Tertii generis animalia, quæ semper subterraneam stationem tenent, sunt Talparum varia genera, quæ ea fere ratione in terra ad apertum sese aërem habent, sicuti pisces in aqua ad aërem: sicuti enim hi extra aquam diu vitam continuare non possunt, sic & illa extra terram. Utrum verò hæc animalia oculis à natura instructa sint, multos dubitare video, ea de causa, quod cum terræ viscera semper incolant, frustra iis in perpetuis tenebris degentibus, oculi concessi videantur; cujus rei veritatem ut comperirem, talpam in suburbano nostro horto interceptam, raso toto capite diligenter, an alicubi detegerentur, exploravi, & tandem duo veluti minuta foramina acuta deprehendi, quibus tamen necdum confisus, cuticulam quæ tegebantur, dilatavi nonnihil, deinde microscopio adhibito, solito mihi ad res minutiores explorandas instrumento, oculos lucidissimos, qui nihil prorsus à cæteris animantium oculis diversum haberent, deprehendi; unde conclusi, cuticulam oculos tegentem à Natura, ne in subterraneis partibus, ubi iis non indigent, detrimentum aliquod ex pulveribus terrestriumque partium ramentis paterentur, concessam fuisse: quia tamen nonnunquam terram emergere coguntur, ad directionem vitæque tutelam, oculis ut in cæteris animantibus, Naturam id privare noluisse.

Talparum
origo.

Talpæ contra
com-
munem
opinionem
non sunt
cæcæ, sed
oculos ha-
bent, mi-
nutissimos
tamen.

Secundo. Sunt nonnulla animalia, quæ hyberno tempore in subterraneis cryptis, montium cavernis, arborum cavitatibus, riparum foraminibus latent, æstivo verò tempore primum in lucem apertam prodeunt, in coacervanda necessaria nutrimentorum provisione in hybernum tempus mira sane providentia distenta: suntque vel ex insectis vel murium generibus, vel volucrum quadrupedumque generibus: & de insectis quidem, muscis, formicis, serpentibus, testudinibus, cæterisque uti passim notis, ita nihil dicam. Murium varia genera narrantur. Est inter cætera mus Alpestris, animal mediocris canis magnitudine, quod in Alpibus ut plurimum reperitur, quod toto hyemis tempore, intra montium cavernas latet somno sopitum, æstivo tempore tandem prodit provisioni intentus; intra cavernas magnam foeni copiam convehunt, veluti strata quædam, quibus commodius quiescant, os verò cavernæ multiplici sarmentorum contextu, ne aëris temporumque injuriis, aut vulpium leporumque insidiis infestentur, mira arte obstruunt, in quibus

Quæ Ani-
malia
cryptas
montium
incolant.

Murium
varia gene-
ra.

Natura
muris Al-
pestris.

Erinacei & Histrices.

Urſi natura.

Volucres subterraneæ.

Hirundines, & mira earum occultatio.

quibus subinde quatuor, quinque aut sex sopiti reperiuntur: hiſce non immerito & glirres adnumerari poſſunt, de quibus vulgo, *tota mihi dormitur hyems*: Erinacei quoque & Histrices, quorum illi non tantum intra cavernas, ſed & intra arborum cavitates hyberno tempore deliteſcunt; hi verò interdum vix ſpectantur, noctu verò negotiationibus intenti. De urſis paſſim conſtat, imminente hyeme montium cryptas petere, ubi etiam quadraginta dierum ſpatio ſomno indulgent, eo peractò, anteriores pedum digitos ori inſertos reliqua hyeme ſine alio nutrimento ſugunt, ſuctu pingueſcunt, reliquo verò æſtatis tempore in apertum prodeuntes venationi inſiſtunt; cavernas verò ſuas denuo ſubituri, arborum ramis virgultisque obſtruunt, & ne veſtigia eorum deprehendantur, ſupino corpore per foramen ibi data opera relictum, ſeſe inſinuant, quod intus poſtea, uti de mure Alpeſtri diximus, obſtruunt. Idem dicendum eſt de martibus, muſtelis, ſcuiſ aliſque innumeris animalibus, quæ vide apud *Agricolam* Libro de *Animal. Subterr.*

Tertio, inter volucres ſubterraneis locis gaudentes numerantur potiſſimum ululæ, bubones, noctuæ, partim intra rupium ſpeluncas, turriumque vetuſtarum inacceſſorumque ſimilium locorum reſſus habitationem ſuam ſortiuntur, noctu rapinæ potiſſimum intenta. Eſt in Appennino quo Florentiâ Bononiam tenditur, in abdito montis reſſu grandis quædam vorago, intra quam ſi lapidem conjicias, ſtatim ingentem graculorum, numerum quas *cornachias* vocant; evolare comperiunt, at nonnullis extra craterem volitationibus peractis, ſtatim eò unde egreſſæ revertuntur. De quibus vide *Iſer noſtram Hetruſcum*.

Quartò. Mira ſunt, quæ de hirundinibus referuntur: hæſce plerique Autumnali tempore ingruentibus hyemis injuriis in calidiora Meridiei loca tranſmigrare putant: & id verum eſſe non abnego in quibuſdam: Nam uti à Poloponeſi cæteriſque Archipelagi incolis audivi, earum quotannis ingentem copiam ex Ægypto Lybiæque oris mare unâ cum ciconiis tranſmeare, quarum dorſis, dum volatu fatigantur, ſubindè tres, quatuor, quinque, ſex, inſidere referunt, ciconiis verò in beneficii recognitionem truſſatu continuo cantuque ipſis veluti blandientes, hac benigna & liberali vectura obtentâ priſtinos lares repetunt.

Sunt itaque nonnullæ hirundines, potiſſimum illæ, quæ à calidioribus locis non procul diſſident, ex una in aliam regionem tranſmigratrices: ſed experientia diuturna iam dudum docuit, illas quæ in regionibus Boreæ vicinis degunt, tam remotas peregrinationes minimè ſubire, ſed vel in intimis montium cavernis, vel in fundo lacuum, vel in concavitatibus arborum, vel in fluminum ma-

riumque fiſtuſoſis littoribus, durante hyeme latere: de quibus ſingulis legitima teſtimonia adducam. In Polonia res vulgò nota & piſcatoribus etiam nil tritius, qui dum hyberno tempore, ſecta glacie retia ad piſcandum fundo committunt, haud infrequenter una cum piſcibus, convolutas in globum hirundines educunt, mira quadam induſtria ita unguibus innexas, ut vix ab invicem ſeparari queant, quas ſopitas & veluti ſemi mortuas ubi hypocauſtis intulerint, eæ paulatim veluti ex alto quodam ſopore vigiles ſe movere, paulò poſt quoque volatum attentare feruntur; omnes tamen ante à natura iis conſtitutum tempus extractæ, vitam non continuant. Hujus rei quoque mentionem facit *Agricola de Animalibus Subterr.*: in lacubus Germaniæ hyberno tempore inventas fuiſſe; meminit & hujus *Plinius* l. 12. c. 25. *Abeunt*, inquit, & *hirundines hybernis menſibus, ſola carne veſcens avis ex iis, quæ aduncos ungues non habent; ſed in vicina abeunt, abditos petunt montium reſſus, inveniuntque jam ſunt ibi nuda & implumes*. Conſirmatque *Olaus Magnus* l. 15. c. 10. In Septentrionalibus, inquit, regionibus hirundines ſæpè à piſcatoribus conglobatæ ex aquis extrahuntur, intra quas ſeſe Autumno ingruente condiderant, ea induſtria, ut roſtris, alis & pedum unguiculis ad invicem converſis connexæ videantur, & hoc pacto colligatæ ſeſe intra arundineta in fundum lacuum demittunt, & tandum verno tempore denuò conſtituto illis à natura tempore ad ſe redeuntes, nidum unaquæque ſuum repetunt, vel novos condunt, ſi quandoque captæ hypocauſtis inferuntur, ſtatim revivifcere & volatum affectare videntur, ſed hæ diuturnæ vitæ non ſunt, utpote ante tempus extractæ; Unde piſcatores ubi ſimiles hyberno tempore ceperint, ceu immaturum fructum aquis denique committunt. Neque in aquis tantum hyberno tempore reperiuntur, ſed & *Plinio* teſte ſupra allegato in montium cavernis; cujus rei veritatem me docuerunt Tyburtini, qui ajunt, in monte illo mirabili, quem *Sciſſum* vocant, & tempore Dominicæ paſſionis ſciſſum traditione acceperunt, ad hunc cum me duxiſſent, & omnia mirabilia iſtius impetrabilis abyſſi oſtendiſſent, magnam ibi nidulari hirundinum multitudinem retulère, quæ perpetua volatus circulatione ex una parte montem ſubirent, ex altera denique egrederentur, neque ab eo monte unquam recedere, aut ut vulgus putat, in alias regiones tranſmigrare, ſed hybernis menſibus ibidem remanere ſopitas, earundemque magnam quantitatem à pueris, qui penetralia montis altius ſubeunt, conglobatas reperiri. Vide quæ de hujus montis mira conſtitutione digna conſideratione in *Latia noſtro* tradimus. Sunt & hirundines, quas riparias vocant, eò quod plerumque ripis fluminum delectentur, atque has intra ſcopuloſorum littorum fiſſuras ut plurimum hybernis menſibus

In Polonia hirundines in fundo lacuum conglomeratæ reperiuntur.

In montium abditis cavernis ſubinde reperiuntur.

Tybure in conca-vo montis Sciſſi.

Hirundines ripariae.

bus commorari *Agricola* citato *Libro* docet, ibique ab iis qui halcyonum nidos quærunt, non infrequenter inventas fuisse, eo situ, quem supra descripsimus, videlicet semimortuos. Mirum est, quod *Cysatus* in *Helvetia* descriptione narrat, cum *Lucernæ* fundamenta pro curiæ fabrica foderent, circa Natalitia Christi festa, in cuniculum incidisse, ex quo ad viginti hirundines evolarunt; quæ res omnes attonitos reddidit, cum ubinam in tam profundam fossam penetrarint, comperire non potuerint; sed uti in hunc usque diem, quomodo sese, & ubi se abscondant, ignotum est, ita quoque occultas vias, quibus sese intra subterranea loca abundant, ipsæ solæ Natura Magistra noverunt.

Ex his itaque patet, non omnes hirundines transmigrationem amare, sed aliquas tantum; reliquas verò pro diversis hirundinum speciebus, alias montium latebras, quasdam arborum concavitates, plerasque in septentrionalibus potissimum locis in fundum lacuum se dimittere; ut proinde admirabilem *DEI* Opt. Max. in hujusmodi animalibus qua dirigendis, qua conservandis providentiam satis mirari non queam: noverunt illæ exactissime tempus, quo subducere se; & quo reducere se debeant. Quomodo verò intra aquas cavernasque montium semestri spatio vivant, difficile inventu est, nisi dicamus eodem prorsus modo, quo urfos, mures Alpestres & glires supra vivere diximus, ex proprii videlicet temperamenti tum constitutione, tum succi naturalis quo turgent suctu; Etsi enim inventæ mortuæ videantur, mortuæ tamen minime censerī debent, cum à privatione ad habitum non detur regressus; sed sopitæ tantum, calore radicali intus interim necessariis mediis ad animam conservandam aptis operante, quemadmodum supra de urfis & gliribus diximus. Cur verò deplumes fere reperiantur, causa est, quod calor ex circumferentia ad centrum retroactus materiam illam, quæ alias in pennas abire solet, jam in animalis nutrimentum intrinsecum destinet. Quod verò in aquis vitam conservare queant, id naturali temperamenti constitutioni adscribendum est; Cum enim vita in calido & humido tem-

peramento consistat, fundus autem lacuum hyeme calidus sit, uti & montium speluncæ, facile humido calido circumdatæ vitam, quam actionibus solitis ineptam otiosamque, usque ad constitutum tempus transigunt, donec extrinseco calido prævalente ad actiones solitas denuò animentur.

Mirum tamen est, simile quid ciconiis accidere: Nam uti *Gervasius Tibelesius* Arelaten- sis Regni Marescallus ad *Ottonem IV.* Imperatorem scribit; In lacu quodam Arelaten- si ciconias hirundinum more conglobatas inventas esse; cui ad stipulatur *Fulgosus l. i. c. 6.* similes ciconiarum glumos in quodam juxta Metas latu in Lotharingia repertos esse refert.

Atque hæc sunt, quæ de subterraneis Animalibus, nobis cognititis, dicenda existimavi; De iis verò, quæ in vastissimis subterraneorum regionum recessibus habitant, utpote de quibus nihil compertum habeamus, consultò silemus: Esse tamen & pisces & alia animalia, varia nos exempla docent; Nam ut *Plinius* scribit, cum in Græcia magnus terræmotus exortus esset, terra aperta ingentem piscium copiam unà cum flumine ejecit, qui pisces haud dubiè in subterraneo aliquo flumine originem suam habuerunt. Est & in Carniolia prope Labacum campus ingens, ex quo quotannis verno tempore tanta aquarum copia unà cum piscibus erumpit, ut intra paucos dies campum in Lacum piscibus refertum commutet. Sed hæc in *primo Tomo* latius prosecuti sumus. *Cysatus* supra allegatus hisce ad stipulatur: *Flumina*, inquit, *sunt in Helvetia, quæ ex montium antris evoluta à Majo usque ad Septembrem fere fluunt, reliquo anni tempore à fluxu desistunt*: addit, *flumina post primam aquarum à montibus evolutionem, statim piscibus repleri, apertum signum, eos è subterraneis aquis unà cum flumine erupisse*. Quemadmodum igitur in subterraneis sive lacubus sive fluminibus pisces omnis generis vivunt, ita quoque alia animalia terrestria ibidem degere, uti omnia murium supra recensitorum genera, serpentes quoque dracunculofque, & reliqua denique, quæ ex putri natales suos fortiuntur, haud inverisimile esse putamus.

Ciconiis idem accidere subinde solet.

In lacu Arelaten- si Ciconiæ sub aquis repertæ.

Pisces in subterraneis fluminibus.

Lacus Labacensis mira.

In Helvetia pisces subinde cum magna aquarum copia ex montibus erumpunt.

CAPUT II.

De Draconibus Subterraneis.

Magna inter Authores de Draconibus alatis controversia est, utrum verè in natura rerum hujusmodi animalia extiterint; utrum, quemadmodum multa alia, fabulosis narrationibus adnumeranda sint; Nam & ego sanè diu multumque utrum similia animalia extiterint unquam, anceps hæsi; donec tandem ex varia Authorum omni exceptione majorum lectione, quin & oculatorum viro- rum testimonio ab hac dubitatione faciliè me removeri passus sum. Quoniam verò hujusmodi monstruosa animalia in subterraneis antris ut plurimum natales suos nidosque fortiuntur,

ea tanquam nobile instituti nostri argumen- tum, subterraneis belluis jure merito adnu- meranda duxi.

Non nescio, duplex hujus animalis genus ab Authoribus recenseri, alatum unum, sine alis alterum. De posterioris generis animantibus nemo dubitare aut potest, aut debet, nisi quis forsan Sacris Literis contradicere audeat: quod nefas esset dicere, ubi apud *Danielem 14.* apertè de *Bel* dracone à Babyloniis cultu divi- no profecuto, mentio fit, variisque aliis in Sacris Literis draconum mentio fit: *Dracones & omnes abyssi*, ex quo loco apertè colligitur, hujusmodi anima-

Mirus e- ventus in Helvetia.

Quomodo hirundines intra a- quam vi- vere queant.

Cur de- plumes re- periantur.

De Draco- nibus ar- guen- tum mini- me fabulo- sum est.

animalia in abditis terræ abyssis stabulari, & ubi exitus illis concessus fuerit, subindè magno hominum animaliumque detrimento è suis latibulis emergere. Venio ad profanas historias.

Historiæ
variz de
draconi-
bus.

Aristoteles, tempore *Philippi Macedonis* duos dracones in vicinorum montium antris latitasse, tanta veneni virulentia, ut nemo sine vitæ periculo indè transire posset; sed de hisce enormis magnitudinis draconibus, seu potius serpentibus, uti ubique & potissimum in Æthiopia, India cæterisque Zonæ torridæ subiectis locis hodierno tempore à diversis Archinautis deprehensi sunt, ita quoque nulli dubitandum est. Spectatur adhuc Romæ in Musæo *Francisci Cardinalis Barberini* similis draco tomento infartus, quindecim palmorum longitudine, uno latus, duplici dentium ordine formidabilis. De alatis draconibus tantummodò inter Authores lis nata est, quorum plerique eos fabulosos esse pronunciant; sed hi omnium temporum historiis & oculatæ experientiæ contradicunt. Dracones alatos parvos, magnos, maximos nulla non ætas in diversis Terræ partibus produxit. Vide *Card. l. 7. de subit. c. 29.* de alatis draconibus, quos ipse conspexisse se dicit in Musæo *Gulielmi Musci* Parisiis. Hic addenda est Authoritas *Bellonii*, integra alatorum draconum cadavera diligentissime condita se vidisse in Ægypto narrat; erant autem, ut ipse refert, circa alvum crassi, duobus pedibus & alis totidem, more vespertilionum integrati cum cauda anguina; Imò hujus farinæ draconum cadavera condita, sibi à *Gabriele Barbaro* & *Francisco Cretensi* communicata, in Musæo suo conservare, *Aldrovandus* dicit. Ann. 1551. binis pedibus, unguibus armatis, & totidem auriculis erant referta, foeta squamis viridibus & subnigrantibus, insuper alas ad volandum idoneas gestabant, cauda longa & intorta, subluteis squamis tecta; rictus dentibus acutis muniebantur, & quamvis hæc non adeò inusitata magnitudinis fuerint, poterant tamen in eam, quam paulò post trademus, molem, excrescere cum tempore; cum quemadmodum & crocodili, ita & hujusmodi monstra, semper crescere perhibeantur.

Draco in
Musæo
Barberino-
rum.

Dracones
alati Æ-
gypti.

Dracones
à SS. oc-
cisi.

Qui plura de Draconibus desiderat, legat *Ælianum*, *Olaum Magnum*, *Pausaniam*, *Plinium*. Dracones verò Sanctorum meritis sive fugatos sive occisos videat *Lector* apud Hagiographos. De Dracone in Taurica Chersoneso *Deipara* meritis occiso, vide apud *Matthiam à Michon*. In vita Sanctæ *Margaritæ* de Dracone horrendo ejus meritis interempto apud *Surium*. In vita Sancti *Hilarionis*, de dracone ingenti ab eo igni tradito apud *S. Hieronymum*. In vitis Sanctorum *Donati* Episcopi, *Ioannicii* Abbatis, *Sylvestri* & *Leonis IV.* Pontificum Romæ, *Arsacii* Nicomedis; *Theodori*, *Marcelli*, *Crescentii* apud *Surium*, *Metaphrasten*, *Sozomenum*, aliosque, qui omnes monstrorum extinctores fuisse perhibentur. Consulat item *Fulgosium*, *Diodorum*, *Orosium* l. 4. c. 8. *S. Augustinum* Ps. 348, Utrum tamen omnes hujusmodi dracones alati fuerint, non constat. Quare jam ad

historias progrediamur, quibus dracones alati exactè non bipedes tantum, sed & quadrupedes describuntur. Helvetiam ob remotissimos alpium recessus antrorumque inaccessorum multiplicem copiam draconibus alatis tanquam in nullo hominum vestigio frequentatis locis, quibus gaudent, olim habitasse, & etiamnum Patrum nostrorum memoriâ visos esse, docet primò *Gesnerus*, post ipsum *Stumphius*, & hoc tempore *Cysatus* in Helvetiarum Urbium descriptione, ut proindè de incredibili horum monstrorum veritate dubitare nemo possit. Sed venio ad alteram partem de Draconibus volantibus, quos ingenti alarum remigio aëra fulcare historiæ referunt; & ut à minoribus incipiam, alatos serpentes esse, Ægyptiis adèò innotuit, ut eos etiam hieroglyphicis suis inseruerint. Præterea in hunc usque diem ex Arabiæ partibus post inundationem Nili peractam, alatos serpentes advenire, ad insecta, quæ ex putri remanentis limi materia, magnâ copiâ nasci solent, devoranda; & *Plinius*, *Ælianus*, *Solinus* confirmant..

Helvetia
olim dra-
conibus
alatis sca-
luit.

Anno 1660. mense Novembris, Lanio quidam Romanus dum aucupii causa in palustres maritimæ oræ partes sese conferret, ecce loco avium palustrium, draconem grandioris vulturis magnitudine obvium habuit, qui volucrum arbitratus, sclopum contra ipsum exoneravit, quo alâ læsâ ita belluam exacerbavit, ut statim præcipiti quâ cursu quâ volatu, de hoste se vindicaturus, venatorem invaserit, is denudè exploso sclopo guttur ita dirupit, ut statim occubuerit, sed sive virulento sanguinis fluxu, sive halitu infectus, domum reversus eadem nocte mortuus est, toto corpore diffusionem veneni viridis. Quæ res insolita uti toti urbi accidit, ita quoque relatione morientis curiosior quispiam instructus, locum certaminis adiit, draconemque jam putrefactum invenit; ut tamen redux rei gestæ veritatem contestaretur, secum caput draconis attulit, quod dum hæc scribo, mihi allatum fuit à peritissimo Domino *Hieronymo Lancia*, Musæi *Card. Barberini* præfecto, quod & à me diligenter examinatum veri draconis caput esse, repertum fuit, duplici dentium serpentino rictui insertorum ordine; bipes erat, contrario tamen situ monstruosus, cartilagineis anserum instar pedibus instructus & omnibus in meo Musæo spectandum exhibetur. Typus Draconis hic est.

Draco ala-
tus à Ven-
tore in
campis Ro-
manis oc-
cisus.

Basiliscos ex ovo galli veteris nasci alatos, adèò hodierno die innotuit, ut quis temerarius haberi censeatur, qui ea negare insolentius velit. Vide quæ de his fusè egimus in *Distrib. de prodigijs Crucibus*. Quemadmodum nonnullæ exiguæ erucæ in alas animantur, ita quoque vermes nonnulli dum continuò in ingentem molem excrescunt, tandem quoque ex dispositione materiæ assumptis alis in volucris quadrupedes *σολοκιστῆρες* agunt. Atque hi sunt dracones illi horrendi & alati, de quibus agimus. Legitur in vita *S. Mariæ Magdalene*, cum occultiore solitudinis secessum quæ-

Basiliscus
ex ovo gal-
li natus.

Spelunca
S. Mariæ
Magdale-
næ primo
draconis
cubile
erat.

Tarasci
opè S. Mar-
thæ occi-
ditur.

quæreret, Marfilia relicta in scopulosum quendam tractum, quinque indè leucis diffitum, quem hodiè *Sainte Beaume* vocant, in præcelli montis speluncam, in quam non nisi Angelorum ope deportari poterat, concessisse, ubi horridum & inusitatae magnitudinis draconem cum offendisset, mox eum illinc abire, in nomine Christi præcepit, qui Sanctæ perculsus imperio, avolans in locum desertum ad Rhodanum, ubi Sancta *Martha* tunc temporis commorabatur, decessit, qui & ejusdem Sanctæ ope instantibus indigenarum precibus, ob ingentia quæ inferebat damna, à Sancta captus, funibus ligatus, atque in eum locum, qui postea Tarascum appellatus fuit, ductus, ab incolis interfectus dicitur, cujus historiam in Ecclesia Cathedrali, affabre sanè depictam Tarasci anno 1632, dum illac transirem, me vidisse memini. Duas hoc loco historicas Relationes adjungam de draconibus volantibus, quæ tot tantisque testimoniis comprobata sint, ut neminem esse putem tam perfrictæ frontis, qui ea negare possit, nisi forsitan is, qui omnem humanam fidem prorsus eliminandam duxerit, quod in sani cerebri hominem non cadit. Una habetur in Historia Relig. Hierosol. Sancti *Ioannis à Bosio* concinnata; Altera in descriptione Helvetiæ à *Ioanne Cysato* relata; Utramque hîc paucis recensabo. Ex *Bosio*, qui l. 2. pag. 45. sic dicit.

Anno 1345. *Clemente VI.* Pontifice, Magno Ordinis Magistro *Elione de Viskanova* existente, res omnibus seculis admiranda & prorsus memorabilis accidit. Erat in Rhodo Insula

non procul ab Ecclesia *S. Stephani* rupes ingens vastissimo antro subterraneo, ex quo rivus dimanabat, instructa: In hoc antro draco excubabat, monstrum horrendum, ingens, & formidabile visu, quod non universam duntaxat Orientalis Insulæ partem magna hominum jumentorumque ruina, inaudita sævitie & ingenti ruina infestabat, sed & virulento suo halitu aërem ita corrumpebat, ut nemo sine manifesto vitæ periculo hanc oram adire posset, adeoque à Magno Ordinis Magistro publico edicto cautum fuerit, ne quispiam cujuscunque conditionis aut ordinis is tandem fuerit, locum adiret; Equitibus etiam sub pœna vitæ, & privationis habitus interdictum fuit, adeoque non immeritò loco nomen manserit, *Mal passo*. Erat tum temporis Rhodi Eques nobilissimus juvenis, magna animi corporisque fortitudine præditus, cui nomen *F. Deodatus de Gozon* ex Gasconia oriundus; hic indignum ratus, nullum esse ex tot generosis militibus Equitibusque, qui ad tanta damna reparanda, monstro sese opponere auderet, non minus curiositate, quam ad nominis sibi immortalitatem comparandam amore percitus, meliorem occasionem nunquam se obtinere posse existimavit, quam si certamine novo & inaudito cum horrenda hac bellua & truculento monstro, inito, eoque interempto Insulam tot ac tantis malis oppressam, à tanta peste liberaret; atque adeò moliminis hujus firmam tenuit sententia mentem, ut acquiescere diu noctuque non posse videretur, donec propositam sibi expe-

Mira Historia de Dracone alato in Insula Rhodo à *F. Deodato de Gozon* Equite Hieronymitano occiso.

Hic est Draco illa alatis et quadrupes
omni ævo memorabilis. quem *Deodatus de Gozon*
Eques Hierosolimitanus, in insula Rhodo eo quo
descriptus stratagemate confecit. qui et ob
beneficium in Insulam collatum postmodum
Magnus Ord. Magister Creatus est.



ditionem in opus deduxisset. Quia verò Magni Magistrî rigidum & capitale edictum verebatur, totus in eo occupabatur, qua via &

ratione intentum suum, nemine mentis suæ arcano conscio obtinere posset. Hac itaq; ratione negotium ordiri coepit: primò formam

Forma
Draconis.

M 2

mon-

monstri totius corporis constitutionem, colorum, queis imbuebatur, diversitatem, clandestino loci accessu observavit: Draconis forma hæc erat: corpus magni equi aut bovis crassitiem habebat, collum longum & asperum in serpentis caput definebat, auribus constabat ad similitudinem muli sat prælongis: os horrendo rictu acutissimisque dentibus instruebatur, oculos prægrandes habebat, præfulgidos & veluti ignem spirantes, quaternis pedibus, acutissimis in morem urfi unguibus instructis incedebat, quoad caudam & reliqua membra crocodilo prorsus similis; totum copus durissima squamarum intricatim dispositarum incrustatura armatum muniebatur, duabus alis cartilagineis, lateribus protensis instruebatur, colore branchiis delphini haud absimilibus, è superiori quidem cæruleo, ex inferiori sanguineo flavo misto imbutis; quo colore & totum reliquum corpus mixtim tingebatur; adeò celeri & concitato motu ferebatur, ut nullus equus esset tantæ velocitatis, qui ejus velocitatem, cursu quantumvis celerrimo effugere posset: ita ut partim volare, partim pedibus incedere videretur; quod quando in pabuli inquisitione fiebat tum testacearum strepitu squamarum, tum horrendo sibilo, qui longe lateque percipiebatur, etiam quam diffitissimos metu & formidine penè exanimabat. Habes hinc formam & actiones draconis eo modo, quo recensui, à *F. Deodato Gozonio* Equite quam exactissime observatas: Eques itaque sine mora, petita à *Magno Magistro* licentiâ, sub domesticarum rerum expediendarum prætextu in patriam abiit: ubi sine prorogatione draconem ex charta & stappa Rhodensi sive colorum varietatem, sive membrorum totius corporis ductus spectes, magnitudine fecit prorsus similem & æqualem: deinde in hunc finem equum quam potuit generosissimum bellisque aptum coëmit, cui duos validissimos canes, quos Anglicos vocant, adjunxit. His jam præparatis, draconem stupeum per famulos in hujus officii partem destinatos intrare, eumque apte nunc huc, nunc illuc incedere jussit, quorum ope per funiculos jam horridus oris rictus aperiebatur, modò cauda in diversas partes torquebatur; nunc alarum complosione mirum de se vivi draconis instar spectaculum præbebat. *Deodatus* verò contra draconem simulato mentitoque assaltu nunc equum, nunc canes urgebat: atque hoc exercitio cum sese ad bimestre spatium exercuisset; equus & canes ad omnem industriam instructi, tanto pugnandi desiderio & pruritu tenebantur, ut viso dracone fictitio vix amplius frenis inhiberi posse viderentur, unde de felici *δρακοντομαχίας* successu jam securus finem larvatae pugnae imposuit, & sine ulla mora iter Rhodum versus unà cum equo, canibus ac famulis orsus est; Vix dum Rhodum appulerat, dum ecce conceptum jam dudum molimen absque mora in executio-

Cursus velocitas.

Mirum ingenium Deodati.

nem ducendum ratus; constituto die melioris notæ lorica indutus, & firmâ instructus lanceâ, gladioque accinctus pugnae peridoneo, in Ecclesia *S. Stephani* à cubili Draconis haud adeò remota, prius *Dæd.*, *S. Stephano* & *Divo Joanni Baptista*; tanti momenti negotio commendato, is versus lethæum processit antrum: famulos verò hisce monitis prius instruendos duxit, ut in nimirum in altam rupem conscendentes luctæ spectatores futuri se reciperent; quod si occiso dracone se vivum adhuc reperirent, aut toxici infectione deficientem viderent, ad subveniendum congruis jam ante paratis remediis sibi succurrerent; si verò vivo dracone se interemptum viderent, fuga vitæ suæ quæ data via, consulerent. His præmonitis, is ingenti animi constantia & fortitudine antrum, draconis cubile ingressus, dum nihil sese movere sentiret, clamore strepituque ad excitandam belluam facto, ex horrido illo sibilo, squamarumque strepitu ex interiori antri recessu monstrum ferale adventare advertisset, is simul etiam in planitiem, locum pugnae aptum progressus, monstrum expectavit; quod tandem viso equite, opimæ prædæ spe allectum, concitatissimo & cursu & volatu in eum magno impetu irruere coepit; Antagonista verò, equo & canibus, uti jam diu multumque ad draconem expugnandum instructis, assuescensque, ita quoque horridum monstrum quodam nil metuentibus, draconem, quæ parte dabatur, invadunt; Eques interim impetu facto vibratam lanceam prædurae draconis incrustaturæ adeò valide impegit, ut vel ad primum ictum lancea confracta præcipuo armorum subsidio privaretur; & quoniam canes arreptis genitalibus mirum in modum belluam torquebant, & quæ uti se contra canes defendebat, ita nonnihil quoque temporis Equiti ad certamen reparandum reliquit; is itaque gladio & scuto munitus pedestri certamine, commodius adoriendum ratus, ex equo descendit, quod ubi monstrum advertit, mox posterioribus pedibus insistens, anterioribus verò erectum sinistra Equitem, dextra scutum horrendis, queis instruebatur, unguibus comprimere tentabat, Eques molliori colli parte comperta, gladium ei adeò valide adegit, ut inde ingentem mox sanguinis copiam educeret, & quoniam ex dolore, quo premebatur bellua in rabiem acta quanto propius se competitori admovet, tanto hic gladium altius intra viscera impegit, donec gladium instar ferræ crebra hinc inde dilatione integrum collum aperiret, quo facto monstrum ingenti sanguinis profluvio debilitatum concidens mole sua equitem, tum horrendi certaminis laboribus exhaustum, tum ingenti, quam ex aperto corpore exhalabat mephiti intoxicatum, viribusque jam fatiscentem unà ita oppressit, ut penè exanimis videretur: Quo viso famuli monitorum datorum memores, illico derelicta rupe laboranti

Præparatio equitis ad certamen cum Dracone incedendum.

Draconis antrum ingreditur.

Certamen cum dracone.

Mors draconis.

boranti hero opem laturo advolarunt, jamque pene exanimem dominum oppressumque remotâ bellua eruunt; & quia nonnulla adhuc vitæ signa in eo notabant, continuo è vicino rivo in pileis allatas aquas frigidas toti superaffuderunt. Heri corpori, qui cardiacis deinde fomentis restauratus cum jam viribus sensim restitutus in se rediisset, equum conscendit, atque in urbem gloriosa peracta victoria reversus *Magno Magistro* rem gestam ordine narravit, & ubi ingentem ex facinore adeo publico bono fructuoso gloriam & remunerationem sperabat, ibi contrariam fortunæ aleam incurrit, siquidem *Magnus Magister* convocato consilio publica reprehensione, tum de temeraria & præsumptuosa audacia, tum de rigidi edicti violatione increpitum, habituque Equitum in exemplum aliorum privatum diro carceri mancipavit; Interim publicata per Insulam interemptione draconis, magnus ubique de generosa Equitis resolutione plausus, & de liberata Insula à tanta, quam illi horridum & insuperabile monstrum inferebat, calamitate congratulatio exorta, laus equitis universam resonabat Insulam; queis motus *Magnus Magister* consideratisque Equitis immensis meritis, non tantum exempto è carcere habitum restituit, sed ad primos Ordinis dignitatis gradus pro-

movit, qui in eum dignitatis statum exaltatus ea prudentia atque in arduis negotiis dextre expediendis judicii animique fortitudinis specimina edidit, ut post quadriennium *Magno Magistro Elione de Villa nova* fatis cedente, is omnium suffragiis & calculis in *Magno Magisterio* successor eligeretur, cujus etiamnum in laudem ejus hæ inscriptiones circumferuntur, teste *Hieronymo de Megissero*: Deodatus de Gozano. *Tueserpent Draconis extintor, Magister de provincia III. Dracone extincto antequam magistraret.* Altera ipsius effigiei subscripta sic habet: *F. Deodatus de Gozano. Hic antiquem immensæ molis orbibus terribilem miseris Rhodi incolas devorantem strenue peremis, deinceps Magister creatus est Anno Domini 1349.* Hæc fusius forsitan, quam par erat, deducenda duxi, ut ex omnium notissima historia dracones alatos in rerum natura & extitisse, & etiamnum existere obliqui capitis homines credere discerent. Figuram draconis unâ cum certamine, quam mihi Illustrissimus Eques Melitenensis communicavit, hic apponendam censui. Narrat *Aldrovandus* paulo antequam *Hugo Boncompagnus* Card. ad Pontificatum evectus orbi Christiano sub *Gregorio XIII.* nomine clareret in Agro Bononiensi Draconem inventum fuisse, ejus figuræ quæ sequitur, de cujus origine & genesi alibi fusius rationabimur, in hoc opere.

Deodatus de Gozon in magnum Magistrum ordinis eligitur.

Hic Dracunculus ἀπὸ τοῦ Κελ δὲ πρὸς paulo antequam Hugo Boncompagnus Card. ad Pontificatum assumeretur sub nomine Gregorii XIII. Bononiæ captus etiamnum in Museo Aldrovandi tomento spectatur.



Et quia incredulis non sufficit unam audisse historiam, alias subnectam non minori admiratione dignas, quas in suo de quatuor Helvetiorum Sylvaniarum civitatum descriptione libro, Germanico idiomate impresso, jam dudum publici juris fecit *Ioannes Cysatus Helvetus*, ubi nullam hujusmodi draconum majorem copiam, quam in Helvetia comparuisse multis exemplis docet: Cumque non ita pridem nobilem virum *Christophorum Schorerum* Solidurani territorii præfectum literis de veritate historiarum consulerem, non ea tantum, pro illa, qua pollet, rerum expe-

rientia, verissima esse confirmavit, sed & se rei veritatem propriis oculis comperisse scripsit his verbis: *Dum anno 1619. noctu calisferenitatem contemplerer, ecce præfulgidum draconem ex immensi scopuli antro montis, quem Pilati vulgò vocant, ad aliud in opposita lacus parte, antrum quod Flue vocant, alis celerissimo modo agitatiss transvolare vidi; forma erat prægrandis, caudâ longâ, collo protenso, caput in serpentis servatum hiatum desinebat, dum volaret, de se scintillas, non secus ac quando candens in incude fabri ferrum tundunt, spargebat; censebam primò meteorum quoddam me videre, sed postquam dili-*

Dracovolans anno 1619. in Helvetia visus.

genter singula observavi, verum draconem fuisse ex ipso motu membrorumque omnium constitutione cognovi. Hac Reverentia vestra scribo, ne de vera draconum in rerum natura existentia amplius dubitaret. Idem clarissimus vir in aliis dum hæc scriberem literis ad me datis, ait, se cum Venatore quodam tale quid comperisse: Nomen huic erat Paulus Schumperlin, qui nondum montem, quem Flue nominant, venandi causa ascendens, juxta ingentis speluncae ostium Draconem stabulantem anno 1654. circa Festum S. Jacobi, offenderit; erat ei caput serpentinum, colulum & canda longitudinis equalis, pedibus 4. à terra pedem unum & amplius erectis gradiebatur, toto corpore squamatus, nec non variis maculis partim griseis, partim albis fulvisque confusus. Caput habebat equi haud absimile; qui mox ac eum conspexit, magno squamarum sonitu intra specum se recepit; Hisce jungit, in monte alio huic vicino, vulgo Staffelwand dicto, intra abditum quoddam antrum skeleton Draconis anno 1602. inventum fuisse: qui ruina montis ex terremoto succussa oppressus fuerat. Hæc dictus eximius vir Christophorus Schorerus in literis supra allegatis, ad me datis,

Lapis à
Dracone
dimissus
adhuc Lu-
cernæ con-
servatur.

Narrat Cysatus aliud haud dicto dispar: dum enim rusticus foenum meteret, vidit ex monte Pilati ad oppositum montem ingentis molis draconem, quod viso, parum abfuit, quin metu exanimatus conciderit, obsevit tamen, illum à se liquorem quendam dimittere, quem in se reversus in prato quodam invenit sub concreti sanguinis specie, & intra eum lapidem varii coloris, qui in hunc usque diem Lucernæ tanquam inæstimabilis pretii cimelium conservatur, omnibus morbis, præsertim venenosis & pestiferis, præsentissimum, uti acta testantur, remedium. Sed jam ad Cysati descriptionem progrediamur: Recensetis quatuor memorabiles hujus argumenti historias in citato libro: primam Hi-


storiarum suarum Germanica lingua impressæ folio 175. narrat, quam latinis verbis sic reddo: Est in Bernensi Territorio perantiqua Urbs Burgdorpium dicta, à duobus fratribus, quorum prior Syntram, alter Beltram dictus fuit, Duces Lenzenburgenses: Hi anno Christi 712. venatum per immensas illas solitudines montiumque recessus intimos abeuntes, multumque hinc inde errabundi in scopulosum montem inciderunt, ubi ferale immensa molis monstrum, Draco, inquam, in profundo antro stabulabatur, qui ingenti servitæ suæque deque vertens omnia, regionem animalibus viduabat; hic mox ac Equitum adventum advertit, veluti de prada cupidine tripudians, in eos adeo grandi impetu irruit, ut statim juniores fratrem Baltramum vivum absorpserit; Syntram vero adeo fortiter, quæ hastis, quæ gladiis comitum ope sese belluæ opposuit, ut tandem eam peremerit, scissoque bestia ventre fratrem adhuc spirantem inde extraxerit, eodem prorsus loco, ubi hodie juxta Bernam Sacellum S. Margaritæ spectatur; quod ad rei patrata memoriam ipsi Duces extruxerunt, historiamque depingi curarunt in hunc usque diem spectabilem.

Mirus ca-
sus.

Altera historia legitur in citato Authore, folio 168. quam & Stumphins l. 7. c. 2. confirmat: Antequam, inquit, Sylvania inhabitaretur, ingens draco in vasto quodam montis antro prope Weylam pagum exubans, adeo in homines animaliaque saeviebat, ut indigena pago relicto alio se transferre cogerentur, hodie adhuc inde ei nomen Odeweyla, id est, deserta Vyla nomen retinuerit. Erat tunc temporis nobilis vir & generosus, nomine Winkelried hisce in partibus, qui ob nescio quod homicidium, extorris patriæ in exilio vitam debebat; hic auditis damnis, quæ dictus draco toti territorio inferebat, Magistratus significavit, Draconem sese perempturum, si eum ad pristinam libertatem restituerent: Magistratus accepta conditione omnem se satisfactionem habiturum promisit: Eques ergo lacum feralem draconis petens, lancea

Alterius
draconis à
nobili quo-
dam viro
interem-
pti.

Draco Helveticus bipes et alatus



& ingenti gladio armatus draconem ad certamen provocavit; paraverat autem prius fascem ex longissimis spinis compositam, quam lancea summitati affixerat; Draco itaque dum velocissimo impetu in

eum irrueret, is fascem intra apertum faucium hiatus unum cum lancea adeo valide impegit, ut is non jam de equite vorando, sed à spinoso bolo se liberando occuparetur; interim Eques gladio, qua

danta

data molliori parte, impacto, tandem belluam confecit. Verum enim verò cum jam gladium sanguine madidum in latitia signum in altum projiceret, ecce sanguis venenosus intra nudam carnem defluens, tanta virulentia fuit, ut qui jam se victorem crederet, vindicante se draconis sanguine vinceretur, paulò post extinctus. Figuram Draconis ex Helvetia mihi transmissam, hinc apponendam duxi.

Mira Historia de Victore quodam, semestri spatio cum duobus Draconibus habitante.

J Ungam hoc loco Historiam ex suprà allegato *Cysato*, cui vix fidem adhiberem, nisi tot testimoniis, imò Anathemate publico Lucernæ in Ecclesia Sancti *Leodegarii* superstite, hujus rei teste, eam veram esse convinceret: Ita autem res sese habet:

Erat in civitate Lucernensi apud Helvetios Viotor, qui dum quodam die ad fabricanda dolia congruam materiam inter condensos fylvarum scopulorumque Alpestrum recessus quæreretur, nescio quo fato, hisce laberynthis immensæ solitudinis diverticulis intricatus ubinam esset, & quomodo viam derelictam reperiret, nesciret, totoque die hinc inde errabundus magnam noctis partem vagaretur; quieti nonnihil ex contracta lassitudine indulgens, dum sub crepusculi initium ulterius viam suam prosequitur, neque ingentem voraginem sibi obviam ex lucis debilitate prævideret, in eam incidit, ita tamen, ut molli luto, quod in fundo voraginis squalibat, impactus, nihil aliud corporis incommodi, præter deliquium, quod ex nimia mentis anxietate & ruinæ metu incurrerat, pateretur. In se itaque reversus, cum voraginis altitudinem vidisset, humana arte insuperabilem (erat enim putei adinstar seu circi, altis & scopulis undique lateribus præclusi) sese humana ope desperata ad Divinam magno animi fervore convertit, DEUM Matremque continuis sollicitando precibus votisque, ut eum ex tam miserabili statu liberarent: sed complacuit Divinæ Majestati, majori eum ad meritorum cumulum afflictione exercere. Erant in lateribus dictæ voraginis cryptæ profundæ, & undique in longum latumque protensæ, quas dum aptam habitationem inquisiturus ingrederetur, ecce mox duos horridos dracones sibi obviam habuit, quorum intuitu penè exanimatus dum puteum repetit, identidem sese DEO eiusque matri contra tam immania monstra, magna lachrymarum profusione implorare non cessavit, & dracones quidem tametsi corpus ejus nunc cauda, nunc collo stringerent, ei tamen nullam aut noxam, aut violentiam intulerunt. Quisnam verò misero in tam formidabili & inaudita societate draconum animus esset, facilius quispiam animo concipere, quàm verbis sufficientibus describere poterit. Vidisses hic *Daniclem* non in Leonum sed draconum lacu

commorantem: Commoratus est tamen, non unum diem aut septimanam, sed sex integris mensibus, à sexta Novembris, usque ad decimam Aprilis. Sed quo cibo vitam sustentasse putabis? audi & obstupesce. Viderat is, quod dicti dracones hullo alio, toto hyberno tempore, cibo vescerentur, præter falsugineum quendam liquorem ex scopulorum parietibus exsudantem; undè dum omnibus ad vivendum necessariis destitueretur, draconum exemplum secutus, & ipse dictum parietum liquorem lambere & lingere aggressus est, quo refocillatus nonnihil hoc ciborum genere vitam ad semestrem spatium traduxit. Sole itaque æquinoctialem lineam transeunte, cum aër jam tepidior calore Solis sentiretur, monstra quoque, dum jam tempus adesse, quo è latebris subterraneis emergerent, pabulis quærendis aptum, advenisse sentirent, prior quidem magna alarum agitatione præmissa ex puteo confestim evolavit, quod alter dum idem tentat, Viotor hanc se liberandi optimam occasionem ratus, belluæ caudâ apprehensâ, extra puteum, nullo unquam simili spectaculo viso, deportatus fuit; ubi dimissis draconibus, Divina utique directione statim semitam invenit, qua Lucernam reversus, suos, qui eum jam dudum perditum credebant, invenit, & quæ sibi contigissent, stupentibus omnibus, & historiam, qua nulla unquam formidabilior contigisse arbitrabantur, præ admiratione attonitis ordine exposuit. Et quoniam Magnæ Matris Deiparæ intercessionem liberationem à tam horrendo statu obtinuerat, in perpetuam re memoriam & posterorum admirationem, testem esse voluit vestem Sacerdotalem, quam *Casulam*, seu *planetam* vocant, in qua totius rei seriem acui pingi jussit, quæque & in hunc usque diem Lucernæ in Ecclesia S. *Leodegarii* superstes, omnibus peregrinis ostendi solet. Viotor verò totus ad Deum conversus, dum cibum amplius usitatum ex stomachi corruptela sumere non posset, bimestri spatio post ejus è lacu draconum exitum, piè in Domino obdormiit.

Multa, fateor, in hac historia continentur, quæ vires naturæ longè superant, undè supernaturalem eius vitæ in tam horrendo barathro, statum fuisse, omnino concedendum est. Ex hisce & similibus historiis, quisque facile colligere poterit, falsa non esse, quæ de Draconibus alatis passim apud Authores reperiuntur. Verùm ne quicquam ad curiositatem *Lectoris* deesse videatur, jam originem & genesin Draconum exponamus.

De Genesi Draconum.

Meritò quispiam dubitare posset, undè & ex qua materia tantorum monstrorum genesis originem suam habeat, & cum hucusque inventus sit nemo, qui de hac quicquam scriptis tradiderit, nostrarum partium esse rati sumus, hoc loco, quantum nostri imbecillitas

litas intellectus permittit; hanc *δρακοντογένε-σιν* evolvere.

Monstra
plerumque
ex diversio-
rum semi-
num con-
fluxu na-
scuntur.

Notum est omnibus Medicis & Physiologis; ex diversorum seminum confluxu, diversæ speciei animal generari, quod non solum in perfectis animalibus, ut in mulis, tragelaphis, camelopardalis similibusque accidit, sed & in humani foetus ex diversæ speciei seminibus in utero vel feræ, vel foeminæ coaliti productione, cujus tot exempla occurrunt, quot monstra *ἀνθρωπομορφα* apud *Lycofenem* aliosque horum Scriptores occurrunt; Sed & hoc maximè & per frequenter in insectis accidere, admiranda eorum metamorphosis sat superque testatur; siquidem ex stercore bovino apem nasci, cujus caput si quis exactius considerat, eam bovinum caput exactè referre, asserere cogetur, uti fuisse, *Capite de Hieroglyphico bovis* in *Obelisco Pamphilio* ostendimus; quod & in scarabæis cornuto capite; equi, ex cujus excrementis nascuntur, capiti haud absimili patet; bruchus quoque, quem ob cornuum cervi, ex cujus excrementis nascitur, similitudinem, *tragelaphum* vocant, cornibus suis clare testatur: Verbo, excrementa perfectorum animalium semper insectum aliquod generant, animalibus, ex quibus generantur, si non quoad totum, saltem quoad partem aliquam, simile exprimunt; de quibus alibi fufius. Hisce præmissis, quomodo itaque in inaccessis montium antris, in vastis solitudinibus dracones generari queant, paucis exponam.

Apes ca-
pite bo-
vem refe-
runt.

Scarabæi
capite
equi.

Vultures &
Aquilæ ve-
nantur o-
mnis gene-
ris anima-
lia.

Quomodo
cadavera in
montium
speluncis
paulatim
in putredi-
nem ab-
eant.

Constat frequenti observatione, istiusmodi loca, ubi Dracones unquam visi sunt, aquilis, vulturibus, & similibus rapacibus volucris referta esse; ingentes autem vultures in Alpium rupibus scopulisque inaccessis nidulari, adèd notum est, ut de eo amplius mentionem facere pigeat. Rhodum verò Aquilis robustis abundare, *Dominicus Niger* in sua *Geographia* tradit. Hæ volucres uti ex se & sua natura rapinæ perpetuò intentæ in venando interdum toti occupantur, ita quoque omnis generis animalia, serpentes, volucres, lepores, agnos, canes, imò pueros subinde abreptos in interiores montium speluncas in escam abducunt, ubi ex continuata venatione in eam molem paulatim multorum testimonio coacervantur, ut quemadmodum tantam cadaverum multitudinem absumere nequeunt, ita ea quoque paulatim in putredinem generationi aptam verti, necesse sit: Quoniam verò in cadaveribus quorumcunque tandem animalium semper, uti *Libro XII.* demonstrabitur, nonnulla feminis portio remanet, fit ut ex vario seminum confluxu in disposita jam putredinis fermentatæ materia animal nascatur, quod primò vermem ex putri, deinde femine in quadrupedis cadavere latente, vermibus in aliquid simile animali quadrupedi animetur; leporinas forsan aures prælongas ex operatrice feminis idea in aures efficiendas corradiente, obtineat; quia verò & volucris,

cujuscunque tandem semen in putredine locum habet, fit, ut illud semen, cum aliud non possit, saltem alatum quid vermi jam quadrupedi, si non pennigerum, saltem cartilagineum jungat; pari pacto, cum magna serpentum copia ibi coacervata est, ex semine serpentino cauda, collum, caputque ei serpentis jungitur; atque adèd serpentis embryo ex diversorum seminum mistura formatur, qui successu temporis in ingentis molis draconem excrescat. Qui si plures differenti sexu enascantur, uti primò ex putri natales suos obtinuerunt, ita quoque naturali postea coitu sese, uti & reliqua insecta, quæ ex putri nascuntur, sese propagare possunt. Ne tamen tantæ pestis multiplicatio in ingens Naturæ damnum cederet, Natura huic optimo jure providisse videtur, ut plerumque unus tantum draco in subterraneis montium speluncis nasceretur, ex variorum animantium differentiis seminibus, quam vim spermaticam in cadaveribus adhuc remanere tum demonstrabitur, cum in *XII. Libro*, de admiranda feminis vi ex professo tractabitur.

Unde fiat
diversitas
illa mem-
brorum in
draconi-
bus.

Quæritur itaque, cur semina non integrum aliquid producant? Respondeo id fieri ob confusionem seminum, quæ dum unumquodque agit, quantum potest, ex confusione tamen accidit, ut singula cum totum ex resistentia materiæ producere nequeant, saltem partem ipsis similem producant, unde dum singula aliquid ex suo conferunt, hinc deforme illud & monstrosus draconis corpus nascitur.

Semina di-
versa con-
fusa inte-
grum ali-
quod &
perfectum
animal ge-
nerare non
possunt.

Quæritur Secundò, cur ignem spirare videantur dracones? Respondeo, illos viscosa quadam materia, cujusmodi nonnulli pisces & putrida ligna & cicindulæ constant, innata luce fulgente constare, quæ in tenebris vel maxime elucet; unde homines dracones luce coruscantes intuentes, igneis corporibus constare sibi imaginantur. Quæres, unde illis durissima illa squamarum incrustatura proveniat? Respondeo ex eadem dispositione materiæ, qua testacea animalia armantur, provenire; videlicet ex mucosæ, & tenacissimæ visciditatis humore, quæ in extrema superficie ambiente indurata in corneam duritiem paulatim degenerat.

Ex hisce luculenter constat, ex putredinis à diversa seminum confusione provenientis fermentatione multifarium animal nasci posse. Gallum sane serpentinum ovum devorantem, Basiliscum generare, notum est: quia semen in ovo serpentino latens paulatim vires suas exerens, animal *Μεγροφιδιον*, id est, ex serpente & gallo constitutum animal profert; talis fuit gallus ille monstrosus, quem Magnus Dux Hetruriæ *Franciscus* Florentiæ multis annis in Horto *Boboli* spectandum exhibuit, qui cristâ, ocreis, calcaribusque, toto denique corpore gallum quidem exprimebat, at serpentina cauda flexuosa, & in varias convoluta spiras, nescio quid draconi simile de-

Monstru-
sus gallus
in horto
Magni
Ducis He-
truriæ.

mon-

monstrabat, utpote ex ovo gallo-serpentino natus. Hoc pacto Berniclæ in Scotia vicinifque locis nascuntur: Nam ova in mari glaciali ab anatribus & anseribus innumerabili multi-

tudine, uti Batavi in sua ad Arcton navigatione memorant, deposita, soluta glacie rupta, semen eorum maris agitatione in vicina Orcadum & Hebridum littora pulsam, ibi

Anates
Scotiz
quomodo
nascantur.

Gallus οφιμοσφοι, Serpentina
cauda conspicuus. Florentiæ in horto
Magni Ducis Hetruriæ Francisci ea
forma qua hic exprimitur omnium
admiratione visus.



que mucori navium adhærens tandem infita quadam climatis proprietate ex præsupposita feminis materia in anatem aut anserem ani-

matur, ad quos producendos vel minima feminis portio sufficit. Sed hæc de Draconibus fat dicta sint.

CAPUT III.

De Hominibus Subterraneis.

H Abitationes hominum subterraneas fuisse, & etiamnum esse, plena sunt omnium penè Historicorum monumenta: Dupliciter autem considerari possunt: Vel enim concavas & scopulosas terrarum regiones cryptasque incolunt, & hi vel inopia rerum aut commoditate loci, illuc sese contra aëris temporisque injurias tutandos receperunt; alii verò vel bellorum turbulentis temporibus profligati, intra montium vastissimas regiones unà cum rebus ad victum necessariis, concesserunt: ex quibus postea dum exitum non reperirent, ibidem remanere coacti sunt: ubi & propagatione facta perpetuò inclusi, ac commoditate loci ad

feminandum arandumque terrenum allekti, inevitabili necessitatis lege remanserunt. De illis primò dicam, de hisce postea disseremus.

Civitates subterraneas *Gassarellus* in suo de *Cryptis toto Orbe celebribus*, Libro fule describit: Cujus rei veritatem non credidissim, nisi ego hujusmodi habitationes tribus in locis propriis oculis lustrassem: Cum enim anno 1637. Melitæ commorarer, contigit, ut quodam die cum Ordinis Hierosolymitani Magistro *Ioanne Lascari*, in villam quandam amoenitate & deliciis refertam, quod *Buschettum* vocant, concederem: Ubi cum de natura & proprietate Insulæ variis ratiociniis ultro

Melitæ hominum
subterranea habi-
tatio,

N

citro-

Quomodo
homines I.
subterra-
neas partes
inhabitare
ceperint.

citroque actum fuisset, addidit dictus *Magnus Magister*, esse in vicino colle habitationem subterraneam hominum sibi subditorum, seque desiderare, ut eam adirem, lustraremque miram hominum in adornandis subterraneis istiusmodi specubus, disponendisque habitaculis industriam; & cum nil mihi gratius posse contingere, dicerem, adjuncto mihi duce viæ cryptarumque perito, habitationem accessi, quam Arabica lingua Indigenis Insulæ domestica & familiari

غار كبير

Spelunca magna.

Dispositio habitaculorum.

Ghuar Kebir, id est, speluncam magnam vocant. Ingressus itaque portam principalem longe lateque patentem, plenam hominibus utriusque sexus, pueris puellisque rusticorum more vestitis reperi, & tamen confuse inter se habitare viderentur, singulæ tamen familiæ propria sibi receptacula, seu recessus sive arte, sive natura factos possidebant; intra quæ per alias aliasque cellulas pulchra distributione facta, alimentorum differentes species condere solebant; hic lectus intrarupem incisus, illic panibus caseisque collocandis apti loculi, alibi vaccarum, pecorum asinorumque stabula, quin & gallinorum nidi comparebant; non deerant vasa fictilia ad aquam cisternarum loco continendam satis capacia: cæparum alliorumque prælongæ catenæ, veluti corymbi quidam parietes exornabant; aderant & fornaces coquendis panibus opportunæ, quibus subterraneis cryptarum habitaculis lumen per rimas scopulorum, ac foramina in hunc usum ea industria facta, ut nec pluvia, nec ventus facile iis nocere posset, allabebatur; fornaces quoque suos habebant caminos, ne accenso igne, sine camino, fumo per cryptas diffuso suffocarentur; Interdium rustici extra cryptam laboribus exercebantur, tum necessaria ad vitam sustentandam in vicinis locis procurabant, mulieres colo, caseis faciendis, similibusque foeminis propriis laboribus destinabantur: & quoniam lignis carebant, eorum loco excrementis jumentorum ad Solem exsiccatis ignem fovebant: homines utriusque sexus prægrandi statura, robusti & Macrobi ad usque decrepitam ætatem vivere dicebantur, & quod mirum est, foeminæ non inuentæ formæ; adeo autem cryptarum suarum desiderio tenentur, ut si quando eos vel vendendi res suas, vel comparandi alia necessaria Melitam adeundi necessitas urgeret, ibidem tanquam exilio quodam damnati, vix teneri posse videbantur, quin statim expeditis negotiis cryptas suas repeterent, dum ne quidem unica nocte ab iis sese removeri paterentur. Carnibus vaccarum, pecorum, gallinarum prorsus abstinebant, utpote quas in lucrum tantum venditione factum reservabant: pane, caseo, lacte, cæpis, allio herbisque contenti. *Magnus Magister*, ut veritatem experimento mihi monstraret, mensam sterni iussit, in qua ex una parte, omnis ge-

Mores incolarum.

neris carnes, & quicquid tandem ex opiparo & magnifico sanè prandio superfluum fuit cupediarum; ex altera caseum, cæpas, alia, caules & pulmenta, quos *Maccarones* vocant, poni præcepit, vocatosque Trogloditas suos, quos ad culinæ serviendum ex cryptis accersiri curarat, mensæ assidere iussit: qui mox relictis carniū deliciis, iisque ne tactis quidem, ad cibos illos, quibus assueverant, quibusque libenter vescebantur, conversi, plenis pugnibus & canina quadam aviditate devorabant. Atque hæc paulò fufius describenda duxi, ut ex iis reliquorum subterraneorum hominum indolem *Lector* cognosceret; & proinde non falsa videantur, quæ de Troglodytis admare Erythræum infra terram habitantibus, sanè admiratione dignissima scribit *Solinus*, *Plinius* & *Alianus*. Est Melitæ Insula vicina, Gaulos, vulgò *Gozo* nuncupata, in qua similem prorsus cryptam hominibus refertam reperi, qui eodem, quo suprâ memorati, ritu viventes; In utraque Insula, linguâ Arabicâ purâ sine ulla Italicæ linguæ alteriusve mixtura, utuntur; unde Maronitæ in montem Libanum reduces, dum Melitæ oportunitatem temporis expectant, sæpè eos adire solent, ut iis missam in Arabica lingua legant, doctrinam Christianam exponant, non enim barbari sunt, neque privati fide catholica, sed summa cum devotione suas quotidie orationes peragunt, precatorios globulos continuò volvunt, missam in viciniore pago singulis festis audiunt: habent & in cryptis suis crucifixi & *Beata Virginis* imagines decenti loco expositas. Sed hæc de Melitenis Troglodytis sat dicta sint.

Lingua Arabica pura utuntur.

Dum anno 1659. Hetruriam lustrarem, contigit, ut quodam tempore Agrum Viterbiensem examinaturus pratum quoddam transirem, in quo hinc inde perpetui fumi exhalabant; Ego veluti ad tale spectaculum attonitus, sulphureas fossas ibidem esse rebar: comitem itaque interrogavi, ut quid istiusmodi fumi portenderent, significaret: hic subridens dixit; hi, quos vides fumos, non sunt terrenarum evaporationum, sed sunt fumi, qui per subterraneorum habitationum caminos in hisce pratis exitum suum sortiuntur, & statim mihi post nonnullum spatium ostendit ostium, per quod in dictas cryptas aditus patebat; Intravimus itaque, & non secus ac de Melitenis Troglodytarum cryptis omnia disposita reperimus: cubiculis, sedilibus, loculis in vivo saxo excisis, multò Melitensi amplioribus, pagus namque subterraneus erat, quem Meonianum vocant, sub jurisdictione Excellentissimi Principis *Camilli Pamphili*: Ecclesia extra conspiciebatur; Indigenæ omnes Agriculturae operam dant. Sed hæc fufius in *Itinerario nostro Hetrusco* prosecuti sumus, quod *Lectorem* curiosum remitto. Atque hæc uti oculis meis lustravi, ita quoque paulò fufius deducenda duxi, ut si alibi locorum, de quo non dubito, simili-

Subterranea habitatio in Hetruria.

similes habitationes ferantur existere, eas non alio, quàm diximus, modo, constitutas esse *Lector* cognoscat: Nam ubique ferè locorum similes reperiri, Geographicarum historiarum Authores sat superque testantur. In Idalcanis Regno Indiæ plerisque tum Brachmanes in monte Pagodum, tum plebæos in subterraneis meatibus habitare Annuæ Societatis nostræ docent. In Africa ad montes Lunæ in intimis montium recessibus homines contra Solaris æstus vim vitam degere, *P. Petrus Pais* narrat. Quod idem asserit de Maris Caspii montibus, quorum concava hominum habitationibus teste *P. Marco Veneto* referata sunt. Non dicam hîc de subterraneis Romanæ urbis cryptis, ubi tot Sancti Martyres unâ cum Pontificibus sanctis persecutionis tempore delituerunt, de quibus *Lector Romanam subterraneam* consulat.

Verùm cum hujusmodi specuum incolæ, homines propriè subterranei dici non debeant, cum perpetuò liber illis exitus diu noctuque concedatur; quare hoc loco tantùm nobis agendum est de iis subterraneis locis, ex quibus homines nati & educati nunquam five Solis aut Lunæ lumen viderunt, tandem ex latebris, miris casibus erumpentes, quam vitam duxerint, omnium admiratione enarrarunt. Historiam hanc veluti exoticam & omni admiratione dignam narrat *Guilielmus Neubrissensis* in rerum Anglicarum revolutionibus l. i. c. 27. pag. 97. verba ejus ex Germanica relatione traducta hîc apponam.

Mira historia de hominibus subterraneis, ex Guilielmo Neubrissensi Anglico scriptore decerpta,

ITa autem inquit: Pagus est in Occidentali Anglia, quatuor aut quinque miliaribus à nobili Monasterio S. Edmundi Regis & Martyris distans, juxta quem nonnulla antiquissima spelunca spectantur, quas vulgari lingua Wulfputes; id est, luporum latibula vocitant, à quibus & pagus supramemoratus nomen suum obtinuit; Ex quarum specuum una, tempore æstivo, quo rustici segetibus metendis operam dant, duo pueri toto corpore viridi tincti colore, incognita ad hæc vestigium materia tecti eruperunt. Cum itaque hinc inde ex novi cæli intuitu veluti cacutientes, per campos aberrant, tandem à messoribus capti in pagum, magno hominum ad tam inusitata rei spectaculum attonitorum confluxu adducti sunt; ubi ad nonnullos dies sine omni cibo vixerunt, neque ut ex iis cibis, quibus pagus vesci solebat, quicquam sumerent, induci potuerunt, adeoque paulatim deficientes de vita congrui nutrimenti defectu periclitarentur. Contigit autem, ut eodem tempore quidam curru fabis onusto pertransiret, quas simul ac viderunt, statim pleno impetu currum involantes, cum apertis scaphis nihil reperirent, suam miserabilem sortem copiosa lachrymarum effusione una ejulatu junctâ contestati sunt;

postquam verò indigena fabas illos appetere cognoverunt, statim recentes fabas illis apposuerunt, quas magno gaudio & veluti proprium ipsorum nutrimentum summa aviditate comederunt; atque exinde nonnullis mensibus nullo alio præterquam dicto, nutrimento usi sunt, usque dum paulatim panis esu assuescerent: postquam verò nostris cibis paulatim assueti essent, ecce viridis, quo imbuebantur, color sensim in caterorum hominum colorem abire visus est; deinde sacro baptismo initiati, idioma Anglicum didicerunt; masculus, qui fœmina junior credebatur, statim sacro suscepto lavacro extremum diem obiit; soror verò ejus, qua in nullo quoad corporis proportionem à cæteris fœminis differebat, diu supervixit, & uti fertur, juxta Lennam matrimonio copulata, non ita pridem adhuc vixisse dicitur. Cum verò jam linguam Anglicam didicisset, & interrogata, quanam & undenam esset, respondit, homines sese esse ex regione S. Martini, ubi maximus ejus cultus vigeat; & cum ultra interrogaretur, ubinam illa terrarum regio existeret, & quomodo in hanc nostram regionem emerisissent; Respondit, nescire se, hoc tantum recenti se memoria tenere, cum quodam tempore patris eorum pecoribus pascendis invigilarent, percepisse sese sonitum quendam similem illi, qui in S. Albani templo hujus loci, campanarum complostone datur, & cum insolito hoc sono attoniti ulterius progredierentur, tandem sese in eo, quo capti fuerant, campo reperisse. Et cum rursus interrogaretur; An in memorata regione in Christum crederent, & an Sol illis unquam alluceret; respondit ad primum, Regionem esse Christianam & templis instructam; ad secundum dixit, Solem nunquam nec orientem neque occidentem ab iis videri; neque ullis radiis Solaribus illuminari: sed luce quadam dubia se frui, eo fere modo, quo ante Solis ortum, aut post ejusdem occasum, crepusculorum tempore, nobis modò hic apparet: distare verò non procul inde regionem multò clariorem, à sua regione haud exigui fluminis latitudine dissemminatam. Hac & similia de præfata subterranea regione mulier, prout recordabatur, retulit. Unicuique suum de hac historia judicium relinquo; Certè hanc tam admirabilem historiam me conscripsisse non pœnitet; Contigit autem hic mirabilis eventus sub Rege Stephano, anno 1140. Fateor diu multumque me de simili casu suspensum hæsisse, donec tot tamque conspicuis hominum fide dignissimorum testimoniis convictus, ita rem sese habere, credidi, miratus illud, quod ratio minimè capere videbatur. Hucusque Neubrissensis; qui non immeritò de veritate rei diu anceps hæsit, cum reverà mira sit, & multa contineat, quæ rerum naturæ inexpertis ἀπίστε καὶ παράδοξα videri possunt; & nos vix rei fidem adhibuissimus, nisi multa similia apud Authores obvia mentem confirmassent; quod ut *Lectori* curioso pateat; jam ad veritatis limam historiam ea, qua fieri potest, ἀκριβείᾳ examinemus.

Viridis color usu solitum ciborum evanescit.

Baptizantur.

Undenam originem habuerint.

Regio subterranea Sole non illuminatur.

Brachmanes subterraneis cryptis inhabitant.

In montibus Lunæ & Caspiis habitationes subterraneæ.

Wulfbutes pagus.

Ex montium speluncis duo pueri virides corpore erumpunt.

Mirus eventus.

Quomodo
dicti ho-
mines sub-
terraneam
regionem
subierint.

Quæritur igitur primò, quomodo & qua occasione hi homines subterraneam illam regionem penetrare potuerint?

Respondeo, id variis modis contingere potuisse: Primo pestis bellorumque sævienti tempore, quo plerique homines fugâ vitæ suæ consulturi, in abdita quævis altissimorum montium antra, veluti iu tutum asylum contra hostium insidias, se recipere solent, & ne ibidem necessariarum rerum defectu pereant, & pecora, vaccas, panem, semina, legumina, & quicquid tandem ad vitam trahendam necessarium est, unâ secum abducere solent; quod experientia frequens in horum temporum tumultibus, quæ Germania jam ad 40 fere annos continuò subdita fuit, ita manifestum facit, ut de eo amplius dubitare nemo possit.

Bellorum
tempore
fugientes
hostium
invasio-
nem intra
Cryptas
se abdide-
runt.

Judæi in-
tra Caspios
montes
conclusi.

In Hispania
nostri
tempori-
bus nova
regio de-
tectâ.

In Transyl-
vania ex
montium
cryptis ho-
mines
ignoti eru-
perunt.

Unde du-
bia illa
lux in Re-
gione sub-
terranea.

Simili itaque casu persecutorum sævitiam fugientes primi illi homines, in eo se cryptarum labyrintho absconderunt, à quo deinde expedire sese non possent, qui quantò deinde exitum sollicitius quærebant, tantò magis magisque sese intricasse verisimile est, donec in hanc longè lateque patentem subterraneam regionem ingressi, non sine divina dispositione, dura necessitatis lege remanere coacti fuerunt. Idem sanè Iudæis in inaccessis montium Caspiorum recessibus conclusis accidisse apud Geographos legimus. An non in montibus Hispaniæ tempore *Philippi III.* Regis, novam hominum coloniam detectam legimus, qui quo casu nescitur, simili haud dubiè occasione, eò se contulerant, & multorum annorum centuriis sine ullo cæterorum hominum commercio, lingua ab Hispanica multum differenti, in eum usque diem ignoti omnibus manserunt, donec regione à Venatoribus detecta incolæ omni vitæ morumque cultu destituti à Societatis nostræ Patribus ad meliorem frugem conversi, jam à cæteris nihil differant. *Cranzius* quoque narrat, in Transylvania anno 900. simile genus hominum è montium meandris erupisse, qui totam regionem necdum ex omni parte cultam deinde incoluerint. Innumera hisce similia *Lector* Curiosus reperiet, si varias orbis revolutiones consulerit; dum enim homines turbinibus malorum pressi, abditas montium latebras contra hostium violentiam immunes quærere coacti, ibique multo tempore commorantes, tandem locis cum tempore assuefacti ibidem restiterunt.

Quæritur secundò. Quomodo & undè dubia illa lux crepusculinæ similis, illis oboriri potuerit?

Respondeo ex montium in superiori parte scissura vel notabili apertura: Credi enim vix potest, quantum subterraneis locis vel minimus lucis radius per minimam etiam fissuram claritatis adferat: & experientia docet in cryptis subterraneis tum Romanis, tum cæteris obscurioribus locis, tum vel maxime in Pantheo patet. Fuisse autem aperturam

hujus subterraneæ regionis vadè notabilem, & juxta dorsum montium in longum exporrectam veri simile est; qua factum est, ut non solum lumen per aliquot horas diei sufficiens nancisceretur, sed & jam extrinseco calore sese insinuante, terra subterranea graminibus leguminibusque apta redderetur: Nam & fabas ibidem olerumque nutrimenta provenisse suprà visum fuit: neque deerant hic fontes, neque pisces ex subterraneo flumine, quibus Subterraneum Mundum scatere alibi ostendimus; neque ignis defuisse videtur, cum ignitabulis secum allatis, eum *DEO* utique sic dirigente, facile ignem excitare potuerunt, ac deficiente fomite facile ex quacunque materia combustibili, uti natura in hujusmodi casibus ingenio maxime pollet, novum fomitem, ad tam necessarij elementi usum præpararent. Tradit *Haythorn* in *Historia Tartarorum*; In Megrelia & intra Caspios & Caucaseos montes, valles ita profundas reperiri, ut Sol fundum eorum, nunquam penetret, adeoque perpetuò crepusculinum etiam in meridie tempus ibi vigeat, arboribus tamen, herbis, plantis rivisque abundare, & ab hominibus etiam ibidem habitatas: Similis quoque nostris hisce hominibus regio intra altissimorum montium parietes conclusa, ex qua exitus non daretur, obtingere potuit.

In Megre-
lia vallem
sole non
penetra-
bilem.

Quæritur Tertiò. Quænam ignota illa materia, qua vestiti fuerunt supramemorati pueri, fuerit? Respondeo, vel pecudum pelibus, vel alia quapiam materia in subterraneo illo territorio proveniente vestitos fuisse: Nam quemadmodum de quodam Indiæ populo legimus, illos filamentis radicum contortis vestes suas præparare, alios ex musco parietibus innato, alios ex cuticula quadam subtili & tenaci, quæ scopulorum rupiumque parietibus adnasci solet, alios ex subtili fruticum cortice similibusque; quæ *DEUS* miseris in tanta necessitate constitutis pro sua infinita bonitate & misericordia suggerere non omittit, & hujusmodi dictos subterraneos homines vestitos fuisse asserimus.

Quænam
materia
vestiri po-
tuerint.

Quæritur Quartò. Undenam viriditas illa corporum provenerit? Dico, illam provenisse ex nativa loci humiditate, & humido, quo fruebantur, herbarum succo: Sunt enim, uti experientia docet, in abditis antris humidis plerumque muri omnes viridi quodam colore imbuti, quæ in dicta regione in corpus quoque redundabant, multum ad id concurrente humidissima ciborum constitutione, unde statim ac usitatis cibis in regione superterranea usi fuerunt, viridis iste color sensim in naturalem mutatus fuisse dicitur.

Undenam
illa corpo-
rum viri-
ditas.

Quæritur Quintò. Quomodo in loco tanta humiditatis intemperie tanto tempore habitare potuerint. Dico, ignium perpetuo fomento regionem perpurgatam fuisse, & ad nonnullam temperiem, reductam. Sed quæres forsan, undenam illis materiæ combusti- bilis sufficiens copia? Dico ex fruticibus, radicibus,

dicibus, glebarum cespitibus, musco, sufficientem parari potuisse.

Quæritur Sextò. Quomodo in Christum credidisse dicantur? Respondeo; cum, antequam huic labyrintho subterraneo involverentur, Christianis mysteriis imbuti fuerint, eandem quoque per continuam propagationis successionem, etsi sylvescentibus mentibus & sacerdotibus destituti plurimum imperfectam conservasse; & templum honori

Divi Martini ibidem consecratum, aperte docet. Atque ex hisce rationibus luculenter patet, hanc à *Neubrisse* historiam relata non tam impossibilem esse, quam quispiam sibi persuadere valeat. Qui plura hujusmodi de subterraneis habitationibus desiderat, is legat admirabile opus *Athlantis Sinici*, à *P. Martino Martini* concinnati, in quo mira de hujusmodi recensita reperies.

CAPUT IV.

De Dæmonibus Subterraneis.

Dæmones Subterraneos esse, non tantum profani, sed & Sacri Scriptores unanimi consensu asserunt, de quibus vide *Delrium*: Cum enim lucem velut divini vultus signaculum fugientes potestates tenebrarum harum, certe congruentior illis assignari non debuit, nisi subterraneum perennium tenebrarum barathrum, juxta illud *Iude Apostoli* v. 6. *Angeli vero, qui non servaverunt suum principatum, sed reliquerunt suum domicilium, in iudicium magni DEI, vinculis æternis sub caligine reservavit.* Dæmones itaque subterraneos tenebrarum potestates dari, ita certum est, ut de eo sine fidei jactura dubitare nemo possit. Et quoniam iuxta *DEI* dispensatione humanæ formæ larvis induti hominibus subinde sive ad tentandos, sive ad torquendos eos apparent, ne & ii in subterraneo nostro mundo ex omnibus creaturarum gradibus constituto, deessent, hoc loco de iis tractandum censui, ut quid de hisce sentiendum sit, quomodo technis eorum resistendum, constaret.

In tribus potissimum dæmones observatos Historici tradunt: primo in Septentrionalibus perpetua caligine damnatis regionibus: secundo in horridis solitudinibus. Tertio in subterraneis fodinarum metallicarum cuniculis. Quoniam verò dicti dæmunculi plerumque sub forma Nani cubitalis comparent, hinc fabula de pygmæis ad *Ryphæos* montes cum gruibus pugnares nata esse videtur, quos Geographi in extremo Septentrionis Regno ponunt. Geographia Arabica in Regno *Gog* & *Magog*, cui consentiunt omnes Septentrionalium rerum Scriptores. *Paulus Iovius* in Libro de *Moscovitarum* Legatione: *ultra Lappones*, inquit, *in regione inter Corum & Aquilonem perpetua oppressa caligine pygmaos reperiri, aliqui eximia fidei testes retulerunt, qui postquam ad summum adoleverunt, nostratis pueri denuum annorum mensuram non excedunt, meticulosum hominum genus & garritu sermonem exprimens, adeo ut tam simia propinqui, quam statura & sensibus justaque proceritate ab homine remoti videantur.* De hisce vide *Olaum Magnum*, qui eos *Screlingeros*, hoc est, *Cubitales* appellat: Meminerunt & hujusmodi monstrorum Authores

gravissimi, *Plutarchus*, *Ctesias*, *Plinius*, ac proinde ea aliquando visa esse, uti non facile negavero, ita homines eos veros fuisse non facile assevero, cum hujusmodi hominum in tanta orbis terrarum perlustrati notitia nulla Natio inventa sit, hujusmodi pygmæorum alitrix; Unde concluditur, eos à rudibus & agrestibus hominibus in ultimo Septentrionis angulo tenebris fere perennibus damnato visos esse, certum est: Cum enim dicti homines teste *Ola* ad omne superstitionis genus proclive sit, & dæmonibus facile se devoveat, mirum sanè nemini videri debet, eos sub humana pygmæi forma, tum ad superstitionem in simpliciorum animis propagandam, tum ad eos beneficiis, quibus interdum afficiuntur devinciendos, apparere solent. Si enim tale homunculorum genus in caliginosis istiusmodi regionibus extitit, cur curiosissimos *Batavos*, latuerunt? qui jam à sexaginta annorum spatio ferè nihil aliud agunt, quam ut non dicam quosvis abstrusissimos Septentrionis, sed & totius Orbis terrarum angulos explorare non desinant, nihil tamen de hujusmodi pygmæorum natione compererint: Cur nullus hujusmodi nanorum ex *Lappia*, *Biarmia*, *Cremesia*, *Finlandia* cæterisque in *Germaniæ* vicinas nationes, *Sueciam*, *Daniam*, *Hollandiam*, unquam abductus fuit? cum tamen minoris momenti monstra ex ultimis *Indiarum* partibus secum in patriam adducere non desinant: neque hodierna die ullus reperitur, qui similem pygmæum cubitalem in iis partibus se vidisse asseverare audeat. Fabulosa itaque sunt omnia, quæ de hujusmodi pygmæis veteres Geographi à simplici populo sola relatione descripta tradiderunt; & sicuti unda undam, ita fabula fabulam trudit, dum hujusmodi pumilionum ἀντιπαραρχομαχίαν ad miraculum adnectunt, id est, exercitu facto contra offensos sibi grues perpetuo bello distineri fingunt. Vide *Iordanem* & *Olaum* de hisce fusius agentes.

Dico itaque, hosce nullos alios, si unquam visi fuerunt, quam dæmones caliginosorum hujusmodi locorum amatores fuisse, qui agrestem populum sine ulla lege ac religione viventem subinde ad eos sibi perpetua

Pygmæi homines non fuerunt, sed dæmones subterranei.

Nulla pygmæorum natio hodie in terra reperta fuit.

Dæmonibus competit locus subterraneus.

In quibus locis hujusmodi Pygmæi visi sunt.

Dæmunculi Montani.

Labores dæmunculorum in fodinis.

In Tyrolensibus fodinis.

Vexant variis modis fossiores.

Dæmunculi montani in Helvetia.

fervitute devinciendos decipientes apparuerint, undè postea fabulosa de pygmæis narratio totum orbem non solum opplevit, sed quod mirum est, in animis hominum etiam sapientissimorum fidem invenerit. Undè ego certò mihi persuadeo, hujusmodi pumilionum phantasticas terras ex eorum numero esse, quos & in hunc usque diem in metallorum fodinis non infrequenter offendunt, quos & dæmunculos montanos vocant; de quibus ita *Georgius Agricola* l. de animal: subterr: *Occurrit autem duplex horum dæmunculorum genus, unum asperum, ferum, vultu terrificum, quod Snebergium vocant, quod ubi concitatum fuerit, maxima ruina fossiores involvit; Sunt deinde mites quidam demones, quos Germanorum alii uti & jam Græci Cobalos, eò quod hominum sint imitatores: Nam quasi latitiæ gestientes rident, multa videntur facere, cum prorsus nihil faciant; alii nominant virunculos montanos, Bergmanlin, significantes staturam qua plerique sunt, nempe nani tres dodrantes longi; videntur autem esse seneciones & vestiti more Metallicorum, id est vittato indusio & corio circa lumbos dependente induti. Hi damnum dare non solent Metallicis, sed vagantur in puteis & cuniculis, & cum nihil agant, in omni laborum genere se exercere videntur, quasi modò fodiant venas, modò in vasa, quod effossum est, infundant, modò versent machinam tractoriam: quanquam verò interdum glareis laceessant operarios, rarissimè tamen eos ladunt, nec ladunt unquam, nisi prius ipsi cacchinno fuerint, aut maledicto laceßiti, non dissimiles iis demonibus, quos Gutelos aut Trullas Germani vocant sexu tam mulieris, quàm viri ementito, cum apud alias nationes, tum apud Sueones maximè in famulatu fuisse ferunt. Hæc Agricola. Ex quibus apertè patet, hosce eosdem esse, quos in ultimo Septentrionis passu famulorum officio functos dicit. Relatum est mihi, & hosce montanos dæmunculos in Tyrolensibus fodinis spectari; quibus nisi ex quotidiano comeatu portiunculam, ex pulte, placentulis caseoque constitutam certo loco deponant; fossiores eo die periculo non carere, adeoque dæmonis astus hujusmodi superstitione fossiores infatuat, ut nonnulli quoque vexationem ejus, sacro quodam ritu redimere non vereantur, omnibusque modis placare studeant, potissimum dum certos quosdam dæmonis malleatoris ictus audiunt: tum enim fausti id in novis venis auriferis mox detegendis signum esse prorsus sibi persuadent. Et hæc confirmat *Cysatus* jam sæpè allegatus in descriptione Helvetici montis, quem *Pilati* vocant, his verbis ex Germanico in latinum traductis: *Inter cetera mira quadam referuntur de virunculis montanis, quos Bergmanlin vocant, nanorum forma & statura præditis, qui in hujus montis cavernis & abditis cuniculis habitasse, & cum fossoribus metallicis mira exercuisse; quosdam auro donatos amasse; alios diris modis infestasse; quin & quos-**

dam ira concitados per montium scopulosas cautes precipitasse feruntur; qua quidem non per fabulosos hosce pygmæos, sed per cacodæmonum technas variasque illusiones justo DEI judicio accidisse, verisimile est. Scripsit non ita pridem vir haud ineruditus ad me, sæpè hujusmodi diabolica spectra sub forma nanorum diversis, tum rusticis tum fossoribus apparuisse, de variis rebus quæsitos respondisse; imò se quodam die in longissimum subterraneum tractum aliquousque venarum detegendarum gratia ingressum, juxta rivulum quendam in sabulo humido pueri triennis vestigia reperisse & curiose examinasse; & cum sibi persuadere non posset, puerum hujus ætatis horridum hunc subterraneum meatum unquam ingressum fuisse, tandem à vicinis, montanorum dæmunculorum vestigia esse intellexisse; qui ad fossorum aviditatem accendendam talibus vestigiis ut plurimum superstitiosis hominibus illudere soleant.

Cum non ita pridem quæsissem è Magistris & Præfectis fodinarum metallicarum in Hungaria; num subinde comparerent in fodinis dæmunculi subterranei, quos *Bergmanlin*, seu pigmæos montanos vocant, sic datis ad me literis responderunt: *Transactis temporibus visi fuerunt tales spiritus à fossoribus, qui etiam fossiores in fugam egerunt, atque extrà fossam pepulerunt, aliquando magnum tumultum atque rumores excitarunt, plerumque quando ari diviti appropinquarunt, omen simile præcessit.* Hoc ex relatione *Schapelmanni* minerarum præfecti in *Herrengrunt*. Vir sane ille peregre regius *Bernardus à Brun*, præfectus fodinarum Hungaricarum, ita de iis mihi scribit:

Certissimum est, spiritus vel spectra in fossis percipi, non solummodo ac si varios labores peragerent, quorum tamen nullum cognoscitur vestigium, sed etiam fossoribus insultant, lapides in illos projiciunt, plures etiam ita acriter vexant, ut labores suos vix peragere possint, sicuti tempore non ita pridem elapso contigit cuidam fossori Schemnitziano jam satis functo, cui nomen Georgius Egger, quem cum solus in fodina esset, spectra hujusmodi se vidisse testatus est; attamen sæpius audiuntur, quam videntur; dum simile quid contingit, plerumque sequitur bonum vel malum; fossiores quoque superstitiose credunt, si quis similem spiritum viderit, atque visionem confestim revelet, revelantem brevi moriturum, quorum plura habentur exempla; Inter cetera contigit Schemnitzii tale quidpiam: elapsis jam viginti annis quidam nomine Simeon Krauss, qui similia visa sociis narravit, subitanea morte periit; ad majorem confirmationem sunt plures senes fide digni, qui sub fide juramenti & conscientia sequentia effati sunt:

Primus. Martinus Lichy metallurgus dicit, quatenus sexdecim annis elapsis, quodam die dominica de nocte in fodina quadam, Oberpieberstollen vocata, retrospectiendo viderit virulum statura pueri sex vel octo annorum, indutum ve-

Dæmones subterranei in Hungaria.

Varie relationes de demonibus subterraneis.

ste coriacea, pilae lato, magnis atque fulgentibus oculis, ex cuius specu cum solus esset, non perterritus, ideoque fustem tenens, in virulum projecit, qui evanescens ultra non visus fuit.

Secundus. Paulus Wertzstein fossor in Oberpieberstollen dicit, quatenus viginti quinque annis elapsis in quadam fodina Schemnitziana Mohrer Erbstollen vocata, die Sabbathi audierit, vehementer laborare, ideoque credendo socios esse, accedens neminem reperit, apertus focius se abscondisse, vellegue secum jocari, lumine ultra querens exclamavit his verbis: Da ba: unde vehementer territus cognoscensque rem non recte se habere, confestim ex fodina ascendit et vestigium, petens socios invenit, quibus narrare cepit, qua sibi acciderint, illi ipsum statim tacere iusserunt, nihilominus statim decubuit agrotus trium septimanarum spatio: species scabiei in facie ipsi erupit, a qua tamen non nisi dictis tribus hebdomadis liberatus, quibus exactis visus recepit.

Tertius. Christianus Müller fossor in eodem loco affirmat, quod una septimana subsequenti, qua dicta contigissent, idem sibi quoque acciderit, cum socius ipsum saltem in fodina reliquisset, atque se iussisset diutius ibidem morari, audivisse supra se vehementer laborare, idcirco volens scire, quis ibidem laboraret, querendo neminem invenit, ad suum locum rediit, et iterum laborare audiret, denuo inquirens neminem reperit, unde terrore perculsus ex fodina recessit: cum vero socius miraretur, illum tam cito secessitum, ille narrare cepit, qua contigissent.

focius vero ipsum tacere iussit, nihilominus illum rigor invasit, et spatia duorum hebdomadum imbecillis decubuit. Dicti viri multo plura narrare possent, quomodo similia spectra vel pygmaei in fossis varias actiones exerceant, quomodo sursum & deorsum vertant omnia, quos tumultus plerunque ruina sequi videantur ac si quidpiam intra aquas magno fragore precipitaretur, & quomodo una quodammodo, ne minimum quidem vestigium laboris vel casus inveniantur. Haecenus ex relatione Schemnitziana. Schulzius addit.

A longa tempore elapso visus est pygmaeus seu pygmaei montanus, & non sine causa vocatur diminutive virulus, quia admodum est parvus, sicuti ex ejus vestigiis patet, cum enim terram lutosam & tenacem transierit, vestigium relinquit puberorum duorum vel trium annorum vestigio simile. Lumen quod manu portat, est fulgentis & clari splendoris, si hic virulus intrando fossas fossores precedit, bonam spem facit arvisiarum & arvis. Hoc Georgius Schultze.

Virulus montanus seu pygmaeus non invenitur, nisi in districtibus mineris, in mineris cupreis cum florent, quoque visus fuit. Hoc Philippus Bernardus a Prun. Multa similia, mihi transmissit P. Andreas Schaffer, qui ut insignem notitiam habet fodinarum Hungaricarum, ita quoque curiose dictorum spectrorum rationem inquisivit. Verum cum jam relatis in omnibus congruat, ea non iteranda duxi.



MUNDI SUBTERRANEI LIBER NONUS,

D E

VENENOSIS *seu* LETHIFERIS MUNDI SUBTERRANEI Fructibus.

SECTIO PRIM.A

D E V E N E N I S EORUMQUE NATURA,

Origine & admirandis proprietatibus.

P R A E F A T I O.



Difficultas
summa in
assignanda
origine ve-
nenorum.

Um nullo non tempore mirum in modum quantumvis subtilium Philosophorum Medicorumque ingenia vexarit admirabilis venenorum natura, neque hodie fuerit inventus, qui tantarum virium causas veras & genuinas detexerit, mearum partium esse ratus sum, pendentem, quantum ingenii mei imbecillitas permittet, litem quadantenus non tam dirimere, quam novis adductis rationibus elucidare. Urunde indomabilis ista vis originem suam trahat, ex quibus compositionis suae principia obtineat, curioso *Lectori* patefiat. Sunt nonnulli, qui hoc argumentum ob occultos virium recessus impenetrabile, atque adeo conclamatum censeant; quidam etsi causas non nihil describant, uti tamen originem illarum non nisi ex varia primarum qualitatum combinatione deducunt, ita audiendi non sunt, quia vel ipsa experientia falsam eorum opinionem esse clare demonstrat. Aliud itaque latet sub huiusmodi mixtorum corporum involucris prorsus *ἢ ὅτι* quod quid sit, unde nascetur, aut quomodo natura illud in diversis corporum classibus formet, jam exponere aggredimur. D E U S Opt. Max. pater luminum coeptis assistat.

C A P U T I.

Definitio Veneni.

D E Venenis itaque tanquam appropriato Mundi Subterranei argumento acturi, non temerè neque ut inexper-tes rerum solent; sed artem quæ Naturæ æmula est, secuti, ab eo nostrorum ratiociniorum initium ducimus, quod principem meritò in omni quæstione locum sibi vendicat, ut invento *καὶ τὴν σύνθεσιν καὶ ἀνάλυσιν* genere & specifica differentia, tandem τὸ τ' ἐστ', id est, *quod quid sit*, certo & evidenti discursu inferre queamus. Sed ad Rhombum.

Venenum itaque nihil aliud est, quam Res

non naturalis, quæ quomodocunque tandem corpori humano admoveatur, naturam illius malignitate sua, tota substantiæ dissimilitudine corrumpit & destruit. Dixi *Res non naturalis*, quia non naturalis in definitione proposita genus est, & materia rationem obtinet. Quotquot igitur ex genere venenorum differentiae assignari possunt, materiales censendæ sunt. *Non naturalis* dicitur, quia corpori humano è diametro repugnat. Dico, *corpori humano*, ut inde excludantur nonnulla animalia, quæ venenatis rebus vescuntur, uti sturni

Veneni de-
finitio.

sturni cicuta, ciconia rubetis & serpentibus, ficedula scammonia similibusque.

Dicitur in definitione *quomodocunque corpori humano admoveatur*. Ut varia insidiarum jam naturalium, quam artificialium venenorum ratio nobis insinuetur: Natura siquidem venena interdum celare solet blanda & amica quadam qualitate, qua allecti homines ea imprudenter hauriunt: Sic dulcedo quædam in aconito, arsenico & ephemero Colchico reperitur, quæ suaviter introsumpta mortem tandem accelerant; noverunt huiusmodi qualitates venefici, qui ad intoxicandos homines simili artificio in cibo potuque præparando utuntur.

Sequitur in definitione *Naturam humanam veneni malignitate corrumpit & destruit*: Id est, mistam & misti humani corporis formam vi quadam ei tota substantia dissimili & contraria corrumpit & destruit: & quamvis omnis

morbifica causa ex se & sua natura mala sit, quia malum effectum procreat, quia tamen veneni qualitas in summo malitiei gradu posita est, malitiæ nomen $\kappa\tau\acute{\iota}\nu\epsilon\iota\chi\eta\iota\varsigma$ meruit; eodem fere modo, quo summum & excellentem putredinis gradum *Libro de peste*, venenosum & pestilentem asseruimus. Grave est, in bello post multa egregia facinora ab hoste superari & gravissimum omnium absque virtutis munimento post se relicto *ἀνελκύναι καὶ ἀναποτλήναι* *vinci & debellari*; etsi enim unus & idem utriusque morbi exitus mors sit, in veneno tamen deterior conditio &, eo quod naturam non modo non respirare, sed ne pugnare quidem patitur, qui in malitia sua omnem illius conatum eludat & antevertat, uti in nonnullis venenis postea elucescet: quæ ratione verò, quoque motu naturali venenum paulatim corruptionem destructionemque inducat, postea declarabitur.

CAPUT II.

*De Terrestribus quibusdam mineralibus, è quibus omnia venena ex
Subterraneis originem suam primordialiter trahere docetur.*

INscrutabilis Divinæ Sapientiæ Altitudo ea arte Mundum condidit, ut quemadmodum infinita quadam rerum, specierumque varietate eum instruxit, ita semper quoque tanta harmonici consensus *συγκρασία* eum disposuit, ut, consona dissonis, bona malis, venenosa salubribus, amara dulcibus, vilibus pretiosa simul commista & indissolubili vinculo nexa, unum sine altero subsistere non posset; Si enim omnia bona & salubria forent, Mundum perire necesse esset: quemadmodum si omnes in Mundo Sapientes aut Reges forent, politicum Mundum pariter interire necesse foret. Bona itaque malis sapientissimo DEI consilio ita connexa sunt, ut unum alterum foveat, quod & ipse philosophus cognovit, dum Mundum ex contrariis constare, perpetuis rerum dissidiis agitari asseveravit: hinc vicissitudines dierum & noctium; hinc tanta temporum diversitas; serenitatem sequuntur pluviae, imbres; æstatem hyems; siccitas humiditatem, nives, grandines excipit; hinc admirandi rerum quadruplici naturæ regno inexistantium consensus dissensusque, quos Græci Sympathiam, antipathiamque vocant, cum Natura rerum in actionibus suis sine lite, & amicitia conservari nequeat, quæ omnia mirabili Naturæ consilio, & optimo fine intenta sunt. Cum enim universa Naturæ inferioris oeconomia in perpetua generationis, corruptionisque vicissitudine consistat, generationem verò corruptio, corruptionem necessariò putredo sequatur; putredo verò calore fermentata ne otiosa sit, semper vivum aliquid producere attentet, hinc factum est, ut quod putredini inest malignum, & venenosa qualitate imbutum, id in se

naturali veluti magnetismo quodam deriveret; atque hoc pacto putredinosum corpus, ex quo nascitur, à sua malignitate liberet, quod nisi fieret, universa telluris substantia hac veneni qualitate infecta, dum continuò propagatur, ingentia, & irreparabilia damna Naturæ inferret: ne verò aut plantæ, aut animalia venenosa jam qualitate imbuta, halitu virulento terram denudè inficerent, ea plerumque in aliorum animalium cibum destinavit, unde venenosa qualitas paulatim dissipata consumptaque in nutrimentum animalium quorundam innoxium vertitur. Rursus cum terra basis & fundamentum sit omnium; hinc fit, ut venenum, quod in intimis telluris visceribus ex putredine ac malignarum qualitatum confluxu nascitur, partim aquæ, partim aëri communicetur; & ne omnia putredine hac contagiosa infestarentur elementa, mira sane sagacitate Natura ubique de certis plantis infectisque providit, quæ uti ex differenti putredine originem suam trahunt, ita quoque singula ex insito iis appetitu istiusmodi venenum trahunt, & in se derivant, quod ipsis maxime congruum & *συγγένειον* est; intra terram quidem innumeros vermes, lumbricos, mures, talpas: extra verò serpentes omnis generis, ranas, bufones similiaque animalia venenifera constituit, quæ continuo suctu terram à deleteria qualitate liberarent. In aqueo verò elemento alia constituit virulentæ qualitatis animalia, uti lepores marinos, loligines, dracones, pastinacas, pulmones marinos, innumeraque similia, quæ quidquid intra aquam lethiferum existeret, intra se veluti vivas bursas attractum derivarent, atque hoc pacto, ne cum tempore totum infice-

Mineralium venenosorum putredo variastum plantas, tum animalia constituit: In terra, aqua, aëre.

Toxica sumpta suavia.

Cur Natura bona malis mixta esse voluerit.

Diversitas rerum in natura.

Mundus perpetua generationis & corruptionis vicissitudine agitur.

Quomodo
aër à noxiis
impressio-
nibus pur-
getur.

inficeretur, à superfluo toxico liberarent; quæ deinde ne veluti otiosa sine suo carerent, in aliorum piscium escam alimentumque cedunt. In aëre verò, uti ex putredinis virulentæ exhalatione semper quoddam virulentum nidulatur, ita quoque primò de insectis quibusdam Natura providit, quæ putredinosis confluxu, ex quo originem suam traxerunt, in se derivato aërem quodammodo purgarent: cujusmodi sunt, muscæ, aranei, vespæ, omnia alatorum insectorum genera, ex aquæ putredine ortum nectæ, quæ postea in hirundinum vespertilionumque, & similium animalium alimentum cedunt.

Cur Natura venenata animalia esse voluerit.

Hinc quoque omnia vegetabilia ex insita malignæ qualitatis putredine pro diversa plantarum arborumque specie, diversa animalcula generant, non alio fine, quam ut veneno ab iis attracto plantam à perniciofa qualitate liberent. Iterum non est animal, quod ex putredine in eo exorta vermes non generet, non alio fine, quam ut nociva qualitas ex putredine alicubi nata in animalcula veluti malignæ qualitatis bursas quasdam vivas derivata, animalia à superfluo noxiæ qualitatis humore vindicarent. Sed hæc de geneticæ virtutis ex putri efficacia in sequentibus fufius, & in *XII libro* ex professo.

Venena mineralia transfundunt qualitatem delecteriam in plantas.

Cum itaque Telluris corpus innumerabili terrarum, mineralium, succorumque varietate scateat, hinc sequitur, quod hæc per subterraneum calorem diversimodè alterata, tot venenorum differentium genera, quot in natura rerum differentia mixta sunt, constituat; quæ quidem uti malignantis naturæ sunt, ita quoque ne universum inferiorem Mundum inficerent; partim in plantas venenosas, partim in serpentes, aliaque innumera, venenoturgentia animalia, uti postea ex inductione rerum ostendetur, degenerant. Tria verò potissimum in subterraneo regno reperiuntur, quæ syngeneis succorum terrestrium, mineraliumque partibus commixta, omnem venenorum varietatem constituunt, & sunt sulphur, Mercurius, sive argentum vivum, & sal. Sulphur vehementi calore adustum, & veluti per subterraneum ignem sublimatum, ubicunque terram appropriatam repererit, ibi aut Arsenicum, auripigmentum, aut sandaracam, aut risigallum, quæ arsenici quædam species sunt, & ex adusto sulphure originem habent, venenum producant: Mercurius verò per ignem subterraneum sublimatus ubi analogicam sibi, proportionatamque materiam repererit, ibi aut antimonium, aut cerussam, vel litargirium, vel simile quid mercurio sublimato haud absimile producit, quod pariter efficacissimum, & penè insuperabilis malitiæ venenum est. Iterum varium salium, vitrioli, nitri, aluminis cum sulphureis, aut mercurialibus, bituminosis, naphthæisque liquoribus mixtura, novum pro varia compositionis combinatione venenorum seminarium constituit, utique tanto pernicio-

Quænam sint venenosæ mineralia.

fius, quanto ex subterranei caloris vi magis, magisque fixatum fuerit. Hæc tria venenorum principia pro varia, quam in terrestribus, mineralibusque corporibus fundant, mixture combinatione, innumerabilem suppeditant venenorum varietatem. Hinc nullum aut minerale, aut metallicum, vel terrestre corpus est, quod non venenosa qualitate unum plus, vel minus altero polleat: quod ita esse, is solus forsan negarit, qui admirandorum, quæ ex spagiricæ artis operatione eruuntur arcanorum Naturæ fuerit ignarus. Atque hæc de venenis, quæ in mineralium regno generantur, dicta sint.

Si jam vegetabilem Oeconomiam exactius perscrutemur, luculenter reperiemus omnem venenatarum plantarum, arborumque sobolem, aliunde originem suam non nancisci, quam ex ipsius terræ venenatis succis; ex cujuslibet enim terrestribus, mineralisve veneni speciei fermentata putredine, vel levi naturæ motu herba nascitur succo venenoso quoad proprietates consimilis, vel si putredo altiore gradum nata fuerit, animal ex serpentum, insectorumque genere nascitur prorsus venenosæ putredini quoad proprietates & vires consimile. Unde patet, omnia quæ ex putri virulento nascuntur animalia, venenosa esse, & tanto quidem atrociori veneno imbuta, quanto venenorum mineralium, quæ putredo constituitur, vehementia fuerit major.

Herbæ venenosæ oriuntur ex venenosis mineralium succis & vaporibus.

Sed exemplo rem declaremus. Sunt in minerali regno, uti diximus, Arsenicum, & Mercurius sublimatus omnium terrestrium venenorum potentissimum, utpote rosiva, & putrefactiva virtute pollens, qua omnia corrodit, & in tabum vertit. Hujus fermentata putredo producit napellum, aut aconitum virulentia arsenicali prorsus simile: si vero in excellentiorem putredinem sublimetur, tunc vel aspidem, vel phtiadem generat, veneni atrocitate formidabilem; neque venenum napelli differre videtur à veneno aspidis, nisi quod venenum in napello humiditate nonnihil obtundatur, in aspide verò, aut phtiaide veluti exaltatum, uti spiritosissimum, ita efficacissimum redditur: horum enim morfu omnia mox humani corporis membra corrosa, putrefactaque in tabum, eo prorsus modo, quo arsenico aut napello sumpto resolvuntur.

E venenorum mineralium putredine, quomodo nunc herbæ venenosæ, nunc serpentes generantur.

Quod si putredo quædam mercuriali virulentia imbuatur, tum calore externo è potentia in actum educta generabit aut dracunculum virulentum, aut si putredine excellentiori subjectum imbutum fuerit, dyspsadem; quæ tria venenorum genera ejus virtutis sunt, ut intus sumpta sine remedio hominem corrosione, & inextinguibili siti interimant.

Iterum si Arsenicum, Mercurius, & vitriolum adustum putredini commixtum fuerit, nascetur herba Hæmorrhoids, aut ejusdem nominis serpens, Hæmorrhous, quorum unumquodque ex hisce tribus hac virtute polles, quod

quod qui eo infectus fuerit, omnibus venarum vasis corrofis, hominem sanguinis profluvio ex omnibus totius corporis membris prorumpente interimat: hujusmodi serpentes in America nasci tantæ virulentiaë narrant, ut ab hæmorrhæo morsus homo per os, aures, oculos, nasum, urinæ meatum, sedem, umbelicum, per omnes denique poros, & sanguinem, & unâ animam miseranda & formidabili morte effundat; quod hæmorrhæo in herbam quoque facere narrat *Plinius*.

COROLLARIUM I.

EX his patet, omnia serpentum genera ita quoad similitudinem virium, & herbis, & mineralibus venenis respondere, ut quemadmodum & vegetabilia, & sensitiva ex iis originem hauriunt; ita quoque iisdem singula viribus polleant; Sicuti verò combinatio venenosarum qualitatum in mineralibus orientium diversissima est, & specie differunt, ita & venosæ herbarum, animaliumque qualitates, vires, & proprietates prorsus specie, uti ex effectibus paulo post patebit, differunt, adeo ut nulla exsurgat ex mineralis vene-

ni mistura combinatio, quæ non ejusdem combinationis herbam, aut animal producat; prout enim plus, aut minus ex terrestrium venenorum combinatione participant, tantò quoque plus, vel minus nocent; unde nascitur diversa illa venenorum proprietas, quam in triplici regno minerali, vegetabili, & animali miramur.

COROLLARIUM II.

Hinc patet, quomodo in aquis venenata correspondentis mixturæ animalia nascantur: Si enim putredo terrestrium, mineraliumque venenorum per aquas diffundatur, ex ea consimilia putredini animalia nasci necesse est, quæ quidem tantò majori copia proveniunt, quanto maris, cæterarumque aquarum colluvies majorem ad generandum pronitatem obtinet. Ex putredinis verò differentis vapore subtili, & tenui, infecta illa venenosa, araneorum, cantharidumque variæ species subitanea generatione producuntur. Quamvis in mari omnium minima venenosorum animalium, ob falis qui putredini contrarius est, copiam, progenies notetur.

Quomodo venenum nascatur in animalibus aquaticis.

CAPUT III.

De accidentali veneni in cæteris vegetabilium, animaliumque tam vivorum, quam mortuorum cadaveribus genesi.

PLanta & animal quaecunque tandem, cum continuo alimento ad vitam conservandam indigeat, omnia verò alimenta ex sulphure, id est, calore naturali, mercurio, id est, humido radicali; & sale, id est, fixa seu terrestri substantia, una cum spiritu aëreo consistunt; hinc fit, ut nullum alimentum ita salubre sit, quod non aliquid ex sulphure, mercurio, & sale depravatum sibi connexum habeat, quod quidem aut à plantis attractum, vel ab animalibus introsumptum, sensim calore nativo actuatum, putredinem quandam generet malignantis naturæ, ex qua deinde vermiculus, aut eruca nascatur in plantis, & arboribus viribus consimilis: quod quidem aliud esse non potest, quam bursula quædam animata, in qua Natura ad conservationem totius omnem pravitatem separatam, ac malignitatis latentis veluti attractivum quoddam condidit. Videntur hæc in omnibus plantis etiam saluberrimis, imo & in animantibus, quæ in alimentum nobis quotidianum cedunt. Quis nescit marathrum, sive fæniculum & salviam alioquin saluberrimas plantas esse, quæ tamen ex insita putredine vermem generant, quem qui incaute sumpserint, atrocissimis symptomatibus usque ad mortem torqueantur; adeo ut hinc congrue quadrari iis videatur, corruptio optimi pessima. Imo experientiâ doctus, uti in sequentibus libris ostendetur, assero, nullam herbam sive benignam, sive malignam reperiri, quæ non erucam, seu vermiculum generet pro diversitate herbarum, & proprietate, & viribus differentem, & tanto quidem atrociori veneno imbutam, quanto herba malignioris

naturæ fuerit: hinc tanta vermium, erucarum, papilionumque specie differentium in singulis plantarum, arborumque radicibus, foliis, seminibus, floribus, fructibus exortorum varietas; in pomis quoque, pyris, nucibus, gallis, glandibus, filiquis, leguminibus, singula suos producunt vermes, qui omnes uti ex putri nascuntur, ita quoque majorem, minoremve veneni gradum obtinent; exceptis tamen fructibus acidis, succisque summa acredine imbutis, uti citrina & granata, similiaque, quæ quamdiu succo pollent incorrupto, animal generare non possunt: mox tamen ac in putredinem abeunt, jam *σκολοποιέειν* moliri attemptant, quæ omnia smicroscopio spectata, & explorata mihi constant. Et quamvis in resinaceis arboribus, & plantis, uti pinibus, laticibus, id est in ipsa resina animal generari nequeat, eo quod balsamica quædam virtus iis inexistens putredini contraria sit: in cæteris tamen arborum partibus noxium quoddam, & venenosum erucarum genus, *Buprestis* vocant, nasci constat, quod incaute sumentibus post dira symptomata excitata mortem inferat.

Si jam animalium regnum exploremus, videbimus, nullum sive quadrupedum, sive volucrum, natatiliūve genus spectes, esse, quod non sibi appropriatum vermem generet. Hoc pacto, equi, asini, canes, feles, leones, cervi, & quidquid tandem animalium est, vermes generant: excrementa equorum scarabæos; apes boves; cervi Tragelaphos, alia animalia *κοπεκαυθάρεις* gignunt, in intercutaneo verò recessu ricinos, cicubos,

Omnia animalia appropriatos vermiculos generant.

Hæmorrhæi Americani mira vis in sanguinem.

Omnium herbarum animaliumque venenosorum species nascuntur ex primitivis venenis mineralibus.

Plantæ omnes vermiculos prodiveritate plantarum diversos generant & venenosos.

Vermis salivæ & fæniculi malignitas.

Cur sus
volutabro,
asini &
gallinae
pulveribus
delecten-
tur.

tineas, acoros, pediculos, pulicesque, blattas, similiaque producant. Quamnam causam putas, quod equi, gallinae, asini & fues, illi pulverum, hi luti delectentur volutabro? nisi quod certis vermibus intercutaneis infestentur: pulveris verò acrimoniâ verminosa substantia non minus, quam volutabro destruat; quod & de cæteris animalibus pulveratricibus intelligas velim.

In omni-
bus anima-
lium etiam
hominis
membris
animalia
venenosa
ex corruptis
humoribus
nasci.

Nil dicam hic de humano corpore, cujus omnia interiora vitalis Oeconomiae membra pro *idionâ* putredinis ad membra comparata vermes differentis speciei generant: quorum nonnulli putredinem, quidam rodendo gangrænam, alii deleteriam qualitatem vitalibus membris inducunt; adeo quidem, ut ab hac verminosa substantia neque cor, neque hepar, neque cerebrum, neque renes, splen, vesica & pulmones, ut nihil de intestinis, & stomacho dicam, immunes sint. Vidi infirmum, qui ex nimia putredinis malitia ranam vivam evomuit. *Schenkius* quoque in suis observationibus, in cerebro scorpiones, in intestinis serpentes natos fuisse refert. Verum cum hisce plena sint omnia Medicorum monumenta, & nos ea in *Scrutinio Physico-Medico de peste* integro Libro prosecuti sumus, eò *Letorem* remitto. Mirantur Medici, cur gangræna tam difficilem curam admittat, cujus causam si scirent, forsitan congruis remediis facile tanto malo occurrere possent; Sunt enim vermiculi arsenicali quadam vi imbuti, qui sub insensibili mole vicinas vivæ carnis partes rodere non cessant, & rodendo carnes in tabum malignitate sua convertunt. Scripsit non ita pridem *Augustus Hauptmannus* libellum de *viva mortis imagine*, in quo luculenter demonstrat, omnes morbos ex putredine malignante exortos, suam ex verminosa substantia originem habere, additque, fuisse in gangræna ex venerea lue exorta per microscopium observatos vermes ferè insensibiles limacum formâ, qui intra carnes gangrænâ infectas non secus ac vermes in caeco fodiendo susque deque verterent omnia,

Ager ranam
vivam vomitu
ejicit.

Cur gangræna
curari diffi-
cilis.

Misa observatio
de vermibus
in gangræna
putredine visis.

& tam velocis generationis, ut unus ejusmodi vermiculus cartæ impositus, spatio, quo psalmus *Miserere* recitari posset, quinquaginta alios extra corpus rejecerit, qui uti ex se, & sua natura venenosi sunt, ita quoque quamcunque carnis vivæ particulam contigerint, insita malignitate in tabum reducant. Cur itaque non obstante carne viva in gangræno-
sis rescissa, nihilominus malum serpat, causa est, quod vel unicus istiusmodi vermiculus in vivæ carne remanens, derepente innumeros alios similes generet, unde hi serpigine quadam malum sine modo propagant; unde acidissimis, acerrimisque liquoribus ad eos interimendos opus esse, colligunt.

Si porro putredinem, quæ in variorum animalium cadaveribus elucet, consideremus, comperiemus, venenosa animalia, uti serpentes putrefactos ex sua propria putredine, veluti ex cinere phœnicem repullulare, aut si putredo debiliorem subierit fermentationem, in aliquam venenosam herbam transformari: Nam experientia constat, in iis locis, fossisque, in quæ morticina, & variorum animalium cadavera conjiciuntur, ut plurimum omnis generis venenosas herbas, uti cicutam, aconitum, napellum, hyoscyamum, asam fætidam, seu cotulam nasci, quæ ut ex venenosæ qualitatis putredine, arsenicali, mercuriali que imbuta nascuntur; ita quoque consimilis qualitatis herbas producant. Quod idem in non deleteriis herbis contingit; Si quidem ex putrefacto sive hominis, sive brutorum cadaverum spermate, satyrion, philtricam, similesque herbas nasci, quæ radicibus, bulbisque, ut & floribus, ea membra exprimunt, ex quorum putredine excreverunt. Innumera hoc loco Naturæ mysteria pandere possem; Verum cum ea aliis in locis inuamus, hic iis immorari supervacaneum duximus. Quoniam igitur nihil ferè in rerum natura corporeum existit, quod à maligna qualitate prorsus immune sit; hinc nascitur infinita illa venenorum differentia, quam in sequenti capite prosequemur.

Animalia
venenosa
putrefacta,
ex propria
putredine,
nova pro-
ducere.

Cicuta ex
venenosa
serpentum
putrefac-
tione na-
scitur.

Satyrion
nascitur ex
putrefacto
animalium
mortuo-
rum semi-
ne.

CAPUT IV.

De Venenorum differentiis.

Quamnam
sint ex mi-
neralibus
venenosa?

1. **T**ot sunt venenorum differentiae, quot sunt primæ mineralium mixtorum differentiae, ita tamen, ut quædam mineralia ex se, & sua natura solum venena propriè dicantur, & ex hujusmodi tanquam basi, & fundamento cætera omnia, quibuscum miscentur, pro combinationis ratione plus, aut minus venenositatis acquirant: Sunt autem in subterraneo mineralium regno, arsenicum, argentum vivum, sive Mercurius, Cinnabrium, Arabicè *Ufisur*, Calx viva, gypsum: Rubrica sinopica, Lithargyrium, Cerussa, minium, ærugo, pyrites,

antimonium, rubigo, & similia; quæ ex sulphure originem trahunt, sicuti jam memoratæ mineralium species: hæc verò mixtæ cum variis quadruplici salium differentia & succis liquidis bituminosisque fluoribus immensum fundant venenorum seminarium.

2. In Vegetabilium Regno inter venena potentissima recensentur: Napellus, Euphorbium, Cicuta, Aconitum, Tithimallus, Lathyrus, sive catapulia, Scammonia, Colocynthis, Helleborum, Cucumis asininus, Rhododendron, Apium risus, Thapsia, Hamorrhoidis, Stramonium, solanum maniacum, mandragora,

Plantæ ve-
nenosæ
quæ?

CONFIDENTIAL

UNITED STATES NAVY

OFFICE OF THE SECRETARY OF THE NAVY



1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

and the Secretary of the Navy
and the Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

1. The Secretary of the Navy
2. The Secretary of the Navy
3. The Secretary of the Navy
4. The Secretary of the Navy
5. The Secretary of the Navy
6. The Secretary of the Navy
7. The Secretary of the Navy
8. The Secretary of the Navy
9. The Secretary of the Navy
10. The Secretary of the Navy

ra, pſyllium, plurima fungorum genera. Quæ omnia uti ex ſubterreſtribus mineralium ſuc-
cis, eorumque varia miſcella originem tra-
hant, ita quoque ſingula eorum, ex quibus
naſcuntur, proprietates ſortiuntur.

Animalia
quæ vene-
noſa.

3. In Animalium regno quadruplici; Qua-
drupedum nempè, Volatilium, natatili-
um, reptiliūque, aut inſectorum; Hæc cum pri-
mis inter venena recenſentur: In animalibus
perfectis quadrupedum nullum reperio, quo-
ad totam ſubſtantiam venenofum, ſed quoad
partem tantum: uti ſunt cerebrum gattorum,
fel tauri, ſudor nonnullorum animalium, uti
cervorum, felium pili intrò ſumpti, cauda
ſoricum, coagulū leporis, ſanguis taurinus,
morſus rabioſorum animalium; & inter inſe-
cta quadrupedia dracones, ſtellio ſive ſala-
mandra, bufo, rubeta, crocodilus, nonnul-
læ lacertæ, mures, & medium inter quadru-
pedia & volucres veſpertilio.

Ex volu-
cribus quæ
venenofæ?

4. Inter volucres, nocturnæ pleræque
aves ſaturninæ naturæ, uti noctuarum diver-
ſæ ſpecies nonnihil veneni habent; Inſecto-
rum verò aligerum genus omne pene vene-
noſum eſt, utpote ex deleteriæ materiæ va-
pore natum, ut ſunt cantharides, bruchi, pa-
piliones, muſcæ, locuſtæ, cyniphes, bom-
byces, & quicquid denique præter alas com-
pluribus pedibus inſtructum eſt.

Inter natatilia venenofa cenſentur; lepus
marinus, natrix, paſtinaca, hirudo ſive ſan-
guiſuga, pulmo marinus, nonnullæ loligines,
anguillæ e putrido paludum limo natæ, quæ-
dam ranæ, ſeu bufo aquaticus, ſerpentes
aquatici, torpedo, &c.

Ex reptili-
bus quæ?

5. Inter reptilia, omnia ſerpentum gene-
ra: Aſpis, phtias, dypſas, vipera, boa, ce-

raſtes, Hæmorrhoids, omnia vermium gene-
ra; Amphiftæna, Cæcilia; & inter multipe-
des, ſcorpious, araneus, millepeda, ſcolo-
pendra. Quæ quidem omnia vel halitu, vel
morſu, aut ſpiculo, aculeove, aut venenofi
liquoris ejaculatione, vel ſpuma oris, imme-
diato quoque contactu homines intoxicare
ſolent.

Halitu aſpides, dentibus viperæ cæterique
ſerpentes: ſpiculis ſeu aculeis ſcorpiones,
ejaculatione veneni buſones, oris ſpuma ca-
nis rabioſus: nonnulli ſerpentes ſolummodo
calcati veneni qualitate homines ſiderare
compti ſunt: nonnulli quoque ſola veneni
per medium diſfuſione inficiunt, uti torpedi-
nes, aſpides, phtiaſes. Novi ego unum ex
noſtris, qui cum aſpidem in arbore ſeden-
tem percuteret, ille ſolo halitu ita percutien-
tem intoxicavit, ut ſideratione quadam ho-
minem toto triennio immobilem redderet,
ex qua & nullo remedio tali veneno pari
poſtmodum occubuit. Fuit & alius, qui ſer-
pentem cum incaute calcaviſſet, paulo poſt, pa-
ralyſi vel potius apoplexia interierit.

Exempla
veneno in-
toxicato-
rum.

6. Inter venena quoque recenſentur pe-
ſtiferorum corporum lethale contagium: ani-
malium quorumcunque tandem cadavera ſi-
ve morticina, monſtræ mulierum ſordes, ex
quibus innumera rebus mala reſultant: omnia
denique animalia, quæ tum ex vegetabilibus,
tam cæteris animalibus generantur.

Venenum
hominibus
proprium.

Habes hic *Leſtor* venenoforum corporum
clafſes ſex; ex quorum malignis qualitatibus
una cum alimentis, quibus inſunt, omnes
morborum ſpecies oriuntur. Vide Tabulam
ſequentem, ubi omnia exhibentur.

CAPUT V.

*De Alimenti, Medicamenti & Veneni differentia: Item de conſenſus
& diſſenſus rerum, quam Sympathiam & Antipathiam vocant, varia diſſiſione; &
an lis & amicitia rerum per qualitates primas ſeu elementares, an per
ſpecificas rerum virtutes perficiatur?*

Differentia
inter ali-
mentum,
medica-
mentum
& vene-
num.

Venenum omnes medici cum alimento
è diametro pugnare aſſerunt: Medi-
camentum verò ſeu *αλεξιφάρμακον*,
in alimentum & venenum veluti extrema,
medio modo ſe habere; ab utraque plus vel
minus participando: quæ enim inter ſe ſum-
me pugnant, eodem genere participant ne-
ceſſe eſt; alioquin pugna æqualis inter acci-
dentia eſſe nequit. Quare venenum, alimen-
tum & alexipharmacum apud Medicos idem
habebunt genus; nimirum ut inter res non
naturales ponantur, quas ratione ſui effectus
cauſas efficientes vocant: Nam ut ſupra mo-
nuimus, Res non naturales dicuntur, quæ
non ſecundum naturam, nec præter natu-
ram ſimpliciter exiſtant, ſed tales evadere
poſſint: alimenta quidem augendo & nutrien-

do: medicamenta corrigendo: venena verò
corrumpendo ac deſtruendo. Et ea quidem,
quæ à natura conſervationi deſtinata ſunt
alimenta, ut ſimilitudinem quandam cum
alimento acquirant, à calore innato prius ſupe-
rentur neceſſe eſt, antequam in corporibus
in ſubſtantiam ſimilem converti poſſint. Me-
dicamenta verò à calore primum patiuntur,
& in actum deducuntur, deinde verò reiſa
in corpus agunt, & ad meliorem idipſum ſta-
tum reducant. Venenorum verò diverſa eſt
ratio: nam ſive à calore comminuantur, ut
quæ frigida ſunt; ſive excitentur tantum, uti
calida, in corpus agunt, non conſervatione
aut inſtauratione, ſed totali corruptione.
Quemadmodum enim alimentum eo ipſo di-
citur, quod alere poteſt; ita medicamenta
ſive

sive ἀλεξιφάρμακα, quia mederi; & venena sive δηλητήρια, quia corrumpere ex se & sua natura apta sunt; ac proinde si quandoque prodesse & juvare comperiuntur, hoc tamen non per se, sed per accidens faciunt: quamvis enim alimentum, & medicamentum conferunt, aut saltem malitiose non agunt, ex accidenti tamen summam malignitatem inducere possunt totius destruc-tivam.

Et quamvis venena proprie alimento contrarietate naturæ opposita sint, Alexipharmaca tamen etiam si inter venena quoque recenseantur, ob aliarum tamen rerum mixturam ita obtunduntur, ut omnem suam vim exercere non possint; ut patet primò in Antimonio, sandaraca, pyrite, quæ cum terrestrium glebarum haud insalubribus substantiis mixta sint, vires suas oppressas exerere non possunt, ac proinde uti postea docebitur, prius correctæ, in medicamentorum usum cedunt. Pari ratione de Colocynthide, Scammonio, Euphorbio, Esula, similibusque dicendum est, quæ uti crasso humore constant, ita quoque non aded efficacia sunt, ut in puris venenis, adeoque in usum medicum prius correctæ assumi possunt. Dico amplius, nullum esse venenum aded potens, & purum; quod correctum prius in usum medicinale assumi non possit: uti de viperis, bufonibus, scorpionibus, cæterisque serpentibus, quantumvis virulentis constat: viperina siquidem caro theriacæ constituit hypostasim: bufones in efficax assumuntur contra pestem antidotum, uti *Libro de peste* ostendimus: nullum quoque venenum est, quod non in antidotum adhiberi queat in eadem veneni specie, qua quis infectus est; mirum tamen est, venenum unum, alteri esse venenum: Verbi gratiâ, venenum bufonis hominem interimit, araneus verò veneno suo contrà occidit bufonem; Tarantula Apuliæ venenum, uti in *Magnetica Arte* ostendimus, detrita supra vulnus inflictum in modum emplastri, venenum proprium extinguit, & sic de cæteris; quorum omnium rationes postea dare conabimur. Vidi ego pharmacopæum Erfurti in Thuringia, qui omnis generis serpentes vivos in usum medicum destinatos sibi compararat, & cum eos conchæ impositos incautius tractaret, ab uno eorum morfu infecto, statim membro læso intumuit, deinde ex serpentis veneno, totius corporis veluti fideratione quadam percussus, tremuit: & cum medicis advocatis nullum non antidotorum genus illi præbitum fuisset, sine ullo profectu, tandem inter cæteros peritior phycus infirmum rogavit: quinam ex istiusmodi serpentibus eum momordisset, dixit, aspidem: hanc itaque coctam & carnem præparatam ei comedendam dedere, vix dum sumpserat, cum ecce statim melius sentire cœpit, & continuato illo cibo per diem integrum, tandem perfectè convaluit. Sunt qui virulentissimæ viperæ carne, vino-

que viperato pasti, non tantum quidpiam noxii experti non sint, quin, quod admiratione dignum est, expulso omni vitioso humore, ex lepra irremediabili alioquin in perfectum sanitatis statum reducti sint, undè ad vitæ prolongationem, carnem viperinam plurimum valere, aded notum est, ut de eo dicere amplius pigeat. Lector videat, quæ de spelunca serpentum *Libero Tertio Artis Magnetica*, mira sanè produximus. Sed ut ad propositum nobis scopum revertamur.

Dico itaque, nullum esse elementum, quantumvis salubre, quod non putredinem cum tempore generet, nullam verò putredinem, esse quæ non in vermem quendam animetur, qui uti virulentia sua non caret, ita quoque veneni omnis expertem non esse, vermes ex fæcibus vini ac frumento corrupto intolerabilis fætoris nati, sat superque demonstrant.

Notandum itaque, omnem motum effectumque è contrariorum diffidio atque repugnantia nasci: Natura enim dum Mundi hujus universitatem assidue mutationi subjecit, simul eam necessariò variis diffidorum generibus, quasi seminibus aspergit, atque quatuor rerum primordia, Aquam, & Ignem, Terram, & Aërem contraria instituit, & unicuique quod ex iis ortum processit, aliud quidpiam opposuit diffidii lege; ita morbis ex intemperie contrariis, ex temperie vires; morbis ex materia, contrarias materiæ facultates, in aliqua specie; & instrumentariis secundas medicamentorum vires, ex permissione materiæ temperamentique viribus ortas opposuit: imò quod mirabilius est, materiam in una, atque eadem re simplici subindè hanc qualitatum contrarietatem complicasse complura demonstrant. Hoc pacto pars serosa lactis & butyrofa ventrem subducit, caseosa cohibet & stringit. Iterum, *Galeo* teste, trifolii decoctum moribus aranæ, aut viperæ pro fomento adhibitum, statim dolores sedat, virusque attrahit; idem verò parti sanæ admotum, dolores similes iis, quos virus facit, excitat. Flores chamomeli olfactu pro sunt capitis dolori; folia contrà eidem applicata summè nocent. Lapathi folia laxant, semen assumptum constipat. Aloë intrò sumptum hæmorrhoidum venas aperit, quas idem foris in emplastri morem applicatum sanguinem sistendo claudit. Ova liquida, & forbilia differentem effectum præstant, quam eadem tosta; cujus quidem rei ratio hæc est, quod in herbis una pars majorem humiditatis digestionem habeat quàm altera: undè pars plantæ consequenter alium effectum præstat in corpore humano, alium flores in eadem planta purioris substantiæ, magisque digesti; quarum quidem virtutum differentium artifex calor est, qui pro diversitate gradus alium effectum producit in radice, alium in caule, alium in flore, alium denique in fructibus & seminibus, uti videre est in pomo

Omnia elementa putredinem generant.

Omnia venena correctæ in usum medicum cedunt.

Quomodo venenum veneno esse possit.

Casus rarus.

Venenum veneno remedium est.

Mira Naturæ industria in contrariis.

Mira antipathia rerum.

Calor multarum virtutum artifex est.

pomo citrio, cujus medulla intima adstringentis naturæ, nescio quem mineralem succum exprimit, undè rosiva quadam vi, & frigidityte stomacho nocet; cortex verò calore suo naturali eidem plurimum confert, imò uti characterismo suo naturali cor exprimit, ita quoque eidem mirificè prodest.

Qualitates
specificæ
differentes
agunt,
quàm ma-
nifestæ.

Quemadmodum igitur res quædam sunt à tota substantia nobis familiares & amicæ, & quasi naturæ nostræ conservatrices, ut sunt alimenta naturæ nostræ congrua, ita quædam à tota substantia nobis sunt infestæ, & inimicæ, ut venena; quorum qualitates idè alii occultas, nos vel formæ, vel totius substantiæ proprietates dicimus: Alimentum enim nos alit idè, quia nobis tota substantia simile est, hæc autem similitudo nec temperamentum est, nec materiarum, sed vel formarum duntaxat, vel horum certè omnium, quam totius substantiæ similitudinem appellamus: etsi enim vinum, panis, olus, quoad materiam, alimenta nobis multum dissimilia sint, quoad formam tamen multum nobis familiaria fiunt, & amica, similiaque, eò quod spiritum quendam vitæ, calorisque in se contineant benignum, spiritibus vitalibus oppidò proportionatum, cujus appulsu spiritus, calorque noster fovetur sustentaturque, tandemque unà cum alimento, cui inest, in aliti substantiam naturæ similitudine convertitur, quod elementaribus primis, seu manifestis qualitatibus adscribi non potest: ergò effectus ille nutritionis necessariò in spiritu seu coelesti illo calore formæ congenio constituitur. Undè nihil nos alere potest, nisi & hoc ipsum alatur, sitque vel fuerit aliquandò vitæ præditum; quod mineralibus non convenit: undè pleraque nisi vegetabilibus jungantur, sine nocumento sumi non possunt, cum inanimata sint, nec subtent nutritioni.

Nihil nos
alere pot-
est, nisi
prius vitæ
fuerit im-
butum.

Huic itaque alimentorum substantiæ è diametro opponuntur ea, quæ deleteria, venenataque totà substantiā sunt, eò quod in nobis benignum, & familiare est, virulenta, & maligna sua vi, dum omnes humores in sui similitudinem vertere nituntur, penitus corrumpunt, & destruunt; medium locum tenent medicamenta purgantia, quæ nobis partim similia, partim dissimilia sunt, quæ etsi in alimentum nobis non cedant, nostram tamen naturam non destruunt, sed media quadam via tendunt, uti in sequentibus declarabitur. Sed jam singula hucusque dicta, de Sympathia & Antipathia effectus per Quæstiones examinemus.

QUÆSTIO I.

De Sympathia & Antipathia venenorum, & quid proprie illa qualitates, quas occultas & specificas, & à totius substantiæ similitudine profectas vocant; & utrum humano ingenio comprehendere valeant?

Naturæ clavis una est, quam is solus, qui in materiis dissimillimis unitatem com-

plectitur, reperisse censeretur debet, etsi nemo eam possideat, nisi formas rerum, stimulosque motuum naturalium, qui ex lite, & amicitia, seu discordi rerum consensu immediatè resultant, quosque corporum unio, & fuga necessariò consequitur, perfectè norit: Latent enim sub hisce totius Naturæ thesaurus, & arcana Divinæ Sapientiæ Sacramenta, quorum scientiā imbutus Salomon tantum gloriabatur, ut eam Regnis, & sceptris longè anteponendam duxerit. Priusquam itaque ad ipsarum rerum investigationem perveniamus, quænam, quales, aut quotuplices mirificarum hujusmodi Naturæ operationum sint causæ, prius examinare visum fuit.

Difficultas
in cognos-
cenda
Sympathia
& Antipa-
thia rerum.

Consensus itaque, sive dissensus rerum, quorum illum *συμπάθειαν*, hunc *ἀντιπάθειαν* Græci vocant, non unicus, uti quidam censuerunt, existit, sed tot, quot differentia in rerum Natura entia reperiuntur, cum nullum in triplici Naturæ regno mixtum, sive id minerale sive vegetabile, sive animale existat, quod non cum altero quodam hæc odii, amorisque leges exerceat, quæ quidem diversissimas operationum suarum causas sortiuntur, atque vel ad hæc, vel ad istas, aliasve Naturæ classes revocantur; In nonnullis concurrunt omnes, in nonnullis aliquæ, in quibusdam una solummodo effectum prodigiosum causat. Verum ne in negotio pene infinito absorbeamur, omnia ad certas quædam classes reducamus; Quarum prima primas, secundas, & tertias qualitates respicit; Secunda, resultat ex subtilium, & insensibilium vaporum emissionem; Tertia, ex naturali similitudine, & dissimilitudine contrarios odii, & amoris actus exercet: Quarta, ex diversa climatum constitutione: Quinta, ex pororum in corporibus constitutione, quæ unum virtutis profluvium ab alio quopiam emissum melius, quam aliud recipit. Sexta, ex vehementi virtutis imaginatricis motu, quo phantastica vis miros subindè effectus tum in utero muliebri, tum extra illum in variis objectis producit. Septima, ex metu vacui, quo subindè miri in natura rerum effectus nascuntur. Octava, ex motu harmonico, quo admirandi quidam motus nascuntur. Nona, ex vehementia passionum. Decima, ex peculiari coelestium corporum influxu. Undecima, ex actinobolismo, seu corradia-tione corporum, quam proprie magneticam dicimus, juxta quam *τὴν ἀναλογίαν* quandam omnium reliquarum jam propositarum rerum rationes per magnetismum veluti in omnibus existentem consideramus; cum attractio & repulsio, sive lis, & amicitia, consonum dissonum in omni sympathiæ & antipathiæ negotio occurrere necesse sit: Sed jam singula fusius deducamus.

Omnia a-
micitia &
lite con-
stant.

Sympathia
& Antipa-
thia rerum
ex qualita-
tibus ele-
mentari-
bus.

Ex subti-
lium Va-
porum
emissione.

Prima classis respicit qualitates primas, calidum, humidum, frigidum, ficcum; & Secundas, duritiem, mollitiem, asperitatem,

tem, lævitatem & similes. Tertiò attractione, repulsione, &c.

Quomodo
qualitates
elementa-
res sympa-
thiam &
antipa-
thiam con-
stituere
possint.

Cum itaque inter humores quatuor elementares, nonnullæ lites & amicitiae comperiantur, meritò quæri potest, quomodo, aut qua ratione, aut qua de causa hæ peragantur. Quidam existimant, omnem humorem vi elementari trahi; perperam; habent enim aliud quidpiam adjunctum, quod miros subindè huiusmodi tractionis effectus producat: alias enim sequeretur, omnes huiusmodi prodigiosos effectus quatuor simplicibus & manifestis qualitatibus adscribi posse, quod experientiæ repugnat. Non nego tamen hoc loco communem medicorum regulam, qua contraria contrariis curanda præcipitur: Ita morbis calidis frigida, frigidis calida, ficcis humida, humidis sicca plerumque adhibentur; sed hæc lippis & tonsoribus uti nota sunt, ita de iis longius differendo non nisi tempus perdam. Quia tamen subindè calor quidam in animalibus reperitur, qui plus possit, quam vel igneus elementaris calor, ut dum struthio intra unum diem ferrum digerit, quod ab igne nisi longo tempore, consumi non potest; Quæritur huius rei ratio? Dico id non solo calore fieri, cum calor stomachi in animalibus valdè temperatus sit, sed esse in illa volucre calori stomachi quidpiam adjunctum, cuius virtute exstimuletur, idque ex genere falis esse, sive id nitri, sive aluminis, sive vitrioli, quibus huiusmodi animalia plurimum pollent, qui sal calore excitatus, idem præstet in stomacho struthionis, quod dicti sales, præsertim vitrioli, extra stomachum in qualibet ferrea lamina præstant; Spiritus enim vitrioli ei affusus intra paucas horas id rodit, & exedit, experimento vulgo noto; calorem enim naturalis, quo stomachus à natura imbuitur, in salinam volucris materiam agens, spiritum salium in ea latentem, veluti sublimat, ad eam efficaciam, ut hunc effectum præstare queat, id est, ferrum consumere; Materiam verò hanc avibus inesse, excrementa eorum luculenter demonstrant, quæ cum tempore tota in salnitrum efflorescunt. Atque hinc colligimus, cur omnes volucres, etiam aquis assuetæ, calidiorem stomachum habeant, quam cætera animalia quadrupedia; quia videlicet efficacioribus salium spiritibus pollent, quibus non solum ossa, & quævis dura, sed & ferrum, æreos nummos, ut gallinæ, anates, & similia digerant, & concoquant. Sed de hisce in sequentibus pluribus.

Quomodo
insensibilis
vapor ex
corpore in
corpus e-
missus fa-
scinet.

Secundum Sympathiae & Antipathiae fundamentum consistit in subtili quodam vapore, & prorsus insensibili, qui emittitur à nonnullis rebus in objecta præsentia; atque hoc pacto omnia fascinorum genera proveniunt: hoc pacto amantes mutuo se inficiunt, emissis ex oculis spiritibus quibusdam subtilibus, qui ex sanguine, atra, & flava bile corrupto elevati, per philtricum oculi organum in rem

amatam diffusi, sæva symptomata excitant, modo amoris, jam insaniae, paulò post indignationis, aut timoris, derepente gaudii, quæ omnia à spiritibus in alieno subjecto varie contaminatis, & pro varia affectionum pugna impulsis, dissipatisque oriuntur. Sed vide quæ de hisce, pluribus egimus in *Arte Magnetica* l. 3. fol. 576. ult: edit: & libro X. *Musurgia, de fascino amoris*.

Ad hanc classem revocantur mulierum menstruatarum fascini, quo & pueros inficiunt, specula maculant, vina vel halitu solo corrumpunt, canes ubi lamberint, horrenda scabie cum pilorum decidentia interimunt; virus insolens & omnibus vitandum ceu venenum basilisci, cuius veneno in omnibus correspondet, quod ex huiusmodi nasci posse *Cardanus, Fernelius, Andoynus*, existimant.

Menstrua
mulierum
quam no-
xia,

Præterea nonnulli serpentes virulentissimi huc merito revocari posse videntur, qui solo subtili huiusmodi toxico referti, vel distantes inficiunt: uti aspides, Phtiaides, & juxta *Plinium*, Basilisci faciunt; unde aspides solo flatu fiderant; phyades corrumpunt, & putrefaciunt omnia; Basilisci, si vera sunt, quæ narrantur, solo visu interimunt; quod utique non nisi virulenti spiritus efficaciam sit, unde verò corruptio, & putrefactio hæc originaliter exurgant, infra docebitur, ubi de specificis, & differentibus qualitatibus serpentum, mirisque effectibus, quos vel morfu, vel tactu, vel halitu inferunt, differetur.

Quomodo
Aspides so-
lo halitu
inficiant &
interficiant.

Tertium consensus, & dissensus fundamentum ut plurimum in similitudine, & dissimilitudine rerum consistit; hæc autem similitudo, & dissimilitudo rerum non in temperamento, sed in ipsa substantia, à cuius forma procedunt, latere censendum est: neque enim ulla alia attractionis, & repulsionis lex statui potest.

Consensus
& dissensus
rerum in
similitudi-
ne & dissi-
militudine
consistit.

Quæritur itaque, quomodo hic attractus & repulsus in rebus fiant? Dico id melius nos explicare non posse, quam per magnetismum tum in omnibus rebus, tum potissimum in medicinalibus rebus elucescentem; Dum ergo medicamenta intro sumpta, uti Reubarbarum, Scammonium, Sena, similiaque, humores improbos trahere dicuntur, non id facere censerì debent vi quadam communi, & elementari, calida enim in calidum, humida in humidum, in siccum sicca, uti homogenea sunt, & in purgantibus suprà recitatis ad bilem aloga, ita in se invicem agere non possunt virtute elementari; Quare si Reubarbarum, & cætera bilem trahunt, id virtute quadam abdita, quæ in similitudine consistit, & à forma substantiali profluit, ex insita utrique familiaritate præstat. Quomodo verò hæc operatio fiat, aperio. Medicamentum simul ac corpori ingestum fuerit, primò id, quod maximè omnium sibi Naturæ similitudine affine est, appetit, & mox virtute sua diffusa amicam qualitatem inquirat, inquisitam movet, & attenuat, motam trahit, tractam, si-
bique

Quomodo
Reubarba-
rum bilem
trahat.

bique unitam unà cum cæteris facibus per secessum educit, spiritibus vitalibus in communis hostis expulsionem veluti conspirantibus. Hoc itaque pacto sola similitudinis proprietate in medicamentis purgantibus attractio completur, & perficitur; quæ quidem elementari qualitate quomodo fiat, concipi non potest. Cum enim universum Catharticum genus calidum sit, certè similitudine pituitam, utpote medicamenti qualitatibus contrariam, trahere non posset; sola itaque substantiæ similitudo causa est, cur Reubarbarum bilem, scialappa pituitam, veratrum melancholiam trahat; Unde & chologoga, hydrogoga, melagoga à Medicis vocantur. Vides igitur, quomodo Agaricus, quamvis naturâ suâ calidum medicamentum, pituitam tamen trahat; quia videlicet qualitate sua bili analoga eam primò mover, hæc deinde totum phlegmaticum humorem intus sumptum vehementer instimulat, & attenuando dissolvit, unde bilis humori phlegmatico jam summè attenuato, uti consimili sibi humori in agarico latenti, insito appetitu jungi desiderat, ita quoque hic ab agarico attractus, copiosi phlegmatis jam dissoluti fluorem unà secum per fæces, secessumque transmandat: Latet enim in humore phlegmatico corrupto quidpiam, quod humoris agarici similitudine naturæ respondet, unde ad ejus præsentiam statim, sicuti ad præsentiam magnetis, ferrum derepente agitur ad unionem. Hoc pacto omnia alexipharmaca humores humani corporis movere censenda sunt. Medicamentum itaque simul ac in stomachum assumptum, & à calore naturali excitatum fuerit, statim in actum prorumpens, ad agendum impellitur, solutisque quasi vinculis evolans, se promit, diffundendoque se, vires profert novas: Vapor verò ea ipsa facultate medicamenti proditus illinc profiliens per cæcos occultosque meatus in omnes corporis recessus quaquaversum effusus ad humorem quidem Naturæ inimicum, amicum verò sibi ubi pertigerit, eum acrimonia suâ incidit, attenuatque, qua actione uti sibi similem reddere nititur, ita quoque potenter naturam stimulat, atque ad exonerandum percellit. Hinc fit, ut medicamentum, quod in stomacho, intestinisque stabulatur, insita vi, & initâ jam pugna, ex una parte consimilem sibi humorem naturali appetitu alliciat, natura verò ex altera parte inimici hospitis contubernio offensa, stimulataque, eum, qua data porta, non per consuetos tantum meatus, sed per occultos corporis ductus, fibrasque ipsas, quibus corpus pervium est, in intestina derivatum, exturbat. Sed de hisce vide *lib. 3. p. 7. Artis Magnetica*, ubi omnia quam fulissime tractata reperies.

Quartò: Fundatur consensus dissensusque rerum subinde in differenti climatum constitutione; quemadmodum enim non omnis fert omnia tellus, ita quoque sub Zona torrida, cæterisque Indiarum, atque Americæ regionibus diversa produciunt Animalia; nostratia illinc translata ferè speciem mutant: Oves gibbosam corporis formam acquirunt; cæterasque metamorphoses, quas alibi recitavimus; quæ ferè illinc ad nos deferuntur; pleraque climatis insolentia diu vivere non possunt: nonnulla quoque mox ubi Cancri Tropicum subierint, veluti peregrinâ coeli plagâ offensa, moriuntur. Patiuntur & in America Indigenæ certos morbos iis regionibus proprios, quibus exteri nunquam infestantur; filii tamen exterorum, si ibidem nati fuerint, statim iis infestari solent; quæ quidem alia de causa non proveniunt, nisi à diverso temperamento, quod coelum differens, diversa victus ratio, alimentorumque differentia in illis producit; unde & de medicamentis iis convenientibus, quæ in Europæis regionibus non reperiuntur, Divinæ bonitatis immensitas providit, quibus malis suis mederi solent; Ita sagax natura ubique locorum indemnitati hominum consulens, ubi morbus, ibi eidem appropriatum medicamentum deesse noluit. Atque quod mirari satis non possum, vel venena ipsa ex salubribus substantiis produxerit: ita cicuta ex corrupto, & vitiato petroselinò, thora ex antora, ex ruta rusam sylvestrem virulentæ substantiæ, ex olusatro papaver corniculatum pessimæ qualitatis, & sic de cæteris aliis, originem suam ex una eademque re, sola salubris corruptione interveniente, sortiuntur: adeoque optimi corruptio, vulgari diverbio pessima convincitur. Hoc pacto triticum inconvenienti terreno consitum in siliginem, aut avenam; olera nonnulla in rapa, experientia ductrice degenerant; qua idem cognovimus cinnamomi plantam in Europa consitam in laurum, piper in hederam, Chariophyllum in castanæ quid simile degenerasse, utique non alia de causa, nisi ob majus, minusve Solis robur, cujus defectu totalem substantiæ formam in alieno solo plantatæ mutant, non nisi obscuris quibusdam prioris substantiæ relictis vestigiis: rursus, cypressi plantula in Septentrionis Regionibus, frigido solo consitæ in Savinam; Tithymallus planta in Sicilia in arborem degenerat. Si itaque tantam in vicinis regionibus mutationem subeant; quantò majorem in torrido subjecta coelo obtinebunt? Verum de hisce ex professò alibi.

Quintò. Phantastica, sive imaginatrix facultas prodigiosas prorsus Sympathiæ, & Antipathiæ leges fundat: Miramur, cur nonnulli

Quomodo dissensus consensusque rerum ex diverso climatum coelique situ exurgat.

Causa.

Ubi morbus, ibi medicamentum.

Triticum mutat speciem alibi transplantatum.

Piper, cinnamomum, chariophyllum.

Consensus & Dissensus rerum ex vi imaginativa.

Quomodo agaricus humores trahat.

Phantasti-
cæ faculta-
tis in gra-
vidis mu-
lieribus
potestas.

nulli homines naturale odium concipiant contra flores, fructus, animalia: Sudent ad præsentiam etiam absconditæ felis; rosæ odore in lipothymiam cadant; liliorum fragrantia penè exanimentur, idem de similibus antipathicis affectibus iudicium sit; de quibus liber integer conscribi posset; quæ tamen originem aliundè non traxerunt, nisi ex matre, quæ similibus rebus tempore gravidationis offensa, variisque imaginationis stimulis agitata, odium in foetum transtulit. Ad hanc classẽ quoque revocantur illa signa, quæ foetui imprimuntur; à matribus, quorum non est numerus, atque ex vehementi rei, quam appetunt, desiderio, quam *picam* Latini, *κίττην* Græci vocant, nascitur: dum mulier gravida rei habendæ cupiditate anxia ubi se fricat, ibi spiritus animalis, phantastica vi excitatus, accurrens id effingit, quod imaginatione conceperat; hinc monstroforum foetuum origines, hinc pleræque affectiones, inclinationesque exoticæ, quas in nonnullis hominibus comperimus, exsurgunt. Sed de his *Lector* consulat l. 3. *Artis Magnetica, de Magnetismo imaginationis*, ubi genuinas huiusmodi abditarum rerum rationes deteximus.

Ex soni
mirifica vi.

Sextò. Sonus quoque mira quædam in natura rerum efficit; ut dum chorda tensa aliam æquitenfam intactam movet: sed & fistularum sonus aliam quamcunque rem sibi proportionatam, ut statuas in Ecclesia, candelabra, similiaque, ad prodigium usque movet; Sed cum de hisce in *Musurgia nostra* ex professo variis in locis egerimus, eò *Lectorem* remitto, ubi omnia sonorum miracula per genuinas causas enodata reperiet.

Ex poro-
rum con-
stitutione.

Septimò. Certorum corporum quoad poros constitutio facit, ut similia in ignem coniecta, calorem non recipiant, quod homines causæ ignari summe admirantur, de quibus in præcedentibus. Ubi enim per poros angustos igni nullus aditus conceditur, ibi rem frigidam manere necesse est, cum ignis non in superficie, sed in intima substantia receptus calorem efficiat, undè quamvis calor in extrinseca superficie nonnihil agat, frigus tamen intus latens virtute sua, mox si quidpiam exterius caloris productum fuerit, è vestigio tanquam sibi contrarium destruit, uti de Adamante fieri referunt.

Octavò. Corporum naturalium corradationes, miras fundare in natura rerum consensus, dissensusque leges, is solus nescire potest, qui Artis Magneticæ fuerit ignarus. Cum enim omnia corpora naturalia à sapientissimo Mundi Architecto, huiusmodi actinobolismo dotata sint, certè per illum mira aguntur. Sunt enim huiusmodi radii veluti manus quædam, quibus res cum immediatione suppositi agere semper non possint, se invicem distantes vel amico aut inimico concursu corripiant. Sunt autem huiusmodi actinobolismi, sive corradationes nihil aliud, quàm subtiles, & insensibiles quidam vapores, quæ res se invicem, si amicæ sunt, foveant, si inimicæ, destruant. Hinc emanant omnes illæ plantarum amicitia, & inimicitia, quarum catalogum vide in citata *Arte magnetica*.

Odia & a-
micitia
plantarum

Mirum, quod in domestico nostro horto non ita pridem observavi, Balauftia plantata fuerat inter duos rhododendros sive oleandri arbores; quoniam itaque hoc genus fruticis mirum in modum perniciosum est, virulento quippe succo turgens; contigit cum tempore, ut balauftia veluti phrisi quædam correpta tota deficeret, atque ariditate consumpta, omnibus exoticum effectum mirantibus. Ego hostilis plantæ nequitiam subolfaciens suasi, ut oleandros exciderent, utpote quæ virulento suo vapore tenellam balauftiam fascinaverint; iis excisis statim, veluti remotis causis, balauftia ex infima stirpe denud copiosogerminum foetu repullulare cœpit. Idem in Satyrio vitici applantato comperi; vitex enim seu agnus castus satyrium tanquam ad plantæ sibi inimicæ occursum cum tempore penitus destruxisse visus est: Cujus quidem rei ratio alia non est, nisi quod vitex vi sua ignea geneticum humorem in satyrio latentem totius substantiæ similitudine sibi contrarium sensim exsiccando destruat.

Mira de
Balauftia
intra duos
Rhodo-
dendros
plantata
observatio.

Inimicitia
Viticis &
Satyrii.

Ad hanc corradationem, sive actinobolismum omnia sive animalia, sive plantæ revocantur; quorum unam alterum si amicæ fuerint, hoc circulari consimilium virtutum ἀπορρέα, sive effluvio recreat, fovetque; inimicæ verò, unum alterum dissimilium virium effluvio dissipat consumitque. Estque hic magnetismus omnibus rebus naturalibus in triplici Naturæ regno peculiaris, ut postea videbimus.

CAPUT VI.

De Venenorum consensu, dissensuque, eorumque origine, & causis.

UT *Leſtor* videret, quot modis specificæ rerum virtutes, quas plerumque occultas qualitates imperitè vocant, in præcedenti Capitulo propositis, considerari queant, & quænam illa virtutum admirandarum, quibus imbuuntur, incunabula sint, quibus instructi, nil restat nisi ut propositum nobis de venenis, eorumque causis argumentum prosequamur. Cum itaque venenum hoc loco nihil aliud sit, quàm vis quædam in aliquo corpore posita, cordi singulariter noxia, & vitæ animantium tota substantia dissimilis, contraria, & directe corruptiva; merito quispiam dubitare posset, Quænam hæc vis sit, aut in quo consistat, & de qua tanta inter Authores lis est, & controversia: Sunt, qui ea per excessum duntaxat primarum qualitatuum agere putent, ita ut alia per frigus vehemens & intensum, cor constringendo, stupefaciendo, ac calorem radicalem extinguendo; alia per siccitatem vitalem consumendo humorem; alia per nimiam humiditatem putrefaciendo, viasque obstruendo hominem interimant, intemperie quadam sive *δισμετρία* primarum qualitatuum propria. Verum valde in hoc hallucinantur. Si enim in solo excessu primarum qualitatuum consistat veneni actio, non erit ratio, cur aqua pura, piper, aut vinum sublimatum similiaque inter venena, & deleteria accenseri non queant; cum aqua frigidissima sit, piper calidissimum; sed hæc venena dici non possunt; ergo præter calorem, & frigus, humiditatem, siccitatemque, alia qualitate opus est, quâ vehementia illa, quæ in intoxicatis spectantur, symptomata, efficiantur, quæ qualitas optimo jure, *Aristotele* teste, proportionem quadam elemento stellarum respondet. nos itaque ut genuinam omnium eorum, quæ pura venena vocantur, rationem assignemus, à mineralibus telam inceptam ordiemur.

DISQUISITIO I.

Qua natura, proprietas, origo, causa effectuum, symptomatumque exoticorum explorantur.

Suppono primò; Latere in subterraneis visceribus *πυρρῆς* quandam rerum, ex qua innumera innumerabilium specierum mixta oriantur, uti toto hoc opere passim ostensum fuit, quæ tamen præcipuè à sale, sulphure, mercuriali elemento, & ex his immediate commixtis infinita quadam combinatione exsurgunt. Salium quippè diversissimæ species, uti & nitri, aluminis, vitrioli-

que, infinitas penè combinationes moluntur mixtorum tam salubrium, quàm insalubrium, ita ut diversissimarum rerum formæ non aliundè, quàm ex tali, ac tali concurrentium materiarum combinatione emanent; quæ quidem combinata mixtorum composita talem induunt formam, qualem ipsis talis, & talis combinatio assignarit.

Suppono Secundò. Ignem subterraneum verum Naturæ Archæum *πυρρῆς*, calore suo intimas Geocosmi fibras penetrante mixta in totuplices differentes formas transmutare, quotuplices sunt diversi remissionis, ac intensificationis in eo gradus, uti in præcedentibus experimentali ratiocinio satis demonstravimus, ex quibus nova nascuntur combinationum seminaria; quæ quidem non ex primis qualitatibus immediate resultant, sed ex formis ipsis tali, & tali combinationis lege constitutis.

Hisce itaque suppositis, jam ad eas, quas puri veneni originem dant, combinationes scrutandas progrediamur. Estque primò quadruplex salium genus; deinde Sulphur, Argentum vivum, Sublimatum, Succus mercuriales, Naphtæi fluores, ac Semimetalla, cadmiæ, marcasitæ, antimonium, è quorum varia permutatione infinita venenorum genera nascuntur. Sulphur primò quatuor species generat, solo intensiori aut remissiori ignis gradu natas; & sunt, Arsenicum, Auripigmentum, Sandaracum, & Risigallum, quæ quidem adeò sibi virtute similia sunt, ut pro uno meritò sumi queant: ex Arsenico siquidem auripigmentum provenit, non substantia, sed colore solummodo diversum; ex hoc sandaraca nascitur, itidemque colore ab auripigmento tantum differens, ita ut pro una & eadem re sumi queant, quod & Arabes clarè docent, quod enim nos auripigmentum, illi *سندرك* Sandarak vocant; ex

hoc denique risigallum oritur, mali ovi, malus corvus: hæc enim omnia venena pura & efficacissima esse, omnes Metallurgi & Chimici testantur, uti videre est apud *Mathiolum, Fallopium, Agricolum & Cardanum*, & nos in præcedentibus de imperfectis hujusmodi metallis fusè egimus. Quâ verò ratione, venenosa sua qualitate symptomata excitet, & quænam sit Arsenici, ejusque specierum compositio, ex qua tanta mala proveniant, modo explicandum est. Arsenicum naturæ sulphureum, atque ex sulphure varia ignis modificatione nascitur, triplici potissimum virtute pollet, tantopere hominibus cunctis cæterisque animantibus

Calor varie intensus differentes rerum proprietates efficit in mixtis.

Sulphuris venenosæ species quæ?

Arsenici vis triplex.

Venena vitæ tam destruant, proprietate à tota substantiæ dissimilitudine emanante.

Formæ rerum naturalium sponte nascentium ex tali & tali materiarum combinatione exsurgunt.

Symptomata quæ à venenosis mineralibus efficiuntur in humano corpore.

Argenti vivi vis deleteria.

Argenti vivi perniciæ.

nociva. Prima est vis adustiva, quam ex quorundam salium ignea vi pollentium eique infusorum sublimatione interno calore facta obtinet, qua æstu ingenti & intolerabili universas corporis partes torquet, & adurit. Secunda vis caustica, sive corrosiva est, qua id, quod æstu jam dilatatum attenuatumque fuerat, & carnes, & ossa, nervos denique ipsos resolvendo corrodit, non secus ac aquæ fortes, & quas regias, stygiasque vocant, metalla rodunt, consumuntque; quæ uti ex sale communi ammoniaco, & vitriolo ut plurimum componuntur, ita in metallis corro dendis, calcinandisque magnam potentiam habet Arsenicum, quod iisdem salibus turget, ignisque vehementioris alteratione jam depravatum, idem in humani corporis Oeconomia præstat. Tertia qualitas est putrefactiva, quæ uti umbra solem, ita corrosivam facultatem continuè sequitur; hac enim omne id, quod intus corrosum est, septica quadam vi in tabum resolvit, quas quidem dictas facultates deleterias necessario insolita illa symptomata, quibus intoxicati agitantur, consequuntur, videlicet anxietas, languor, & stupor cordis ob spirituum oppressionem, dolor intolerabilis ex adustiva, & caustica vi exortus, animi deliquium ob spirituum vitalium consumptionem; tandem obnubilatio mentis, ob fumorum ex putrefactione humorum in cerebrum elevationem, & tandem mors inevitabilis hisce omnibus succedit. Atque hæc sunt ex mineralibus præcipua, & primitiva venena, ex quibus cætera omnia mineralia venenosa, uti Antimonium, cadmia, magnesiæ, similiaque, quæ omnia nescio quid arsenicale sapiunt, originem trahunt, quamvis illa uti ex differentibus glebis mineralibus commista, ita quoque magis, minusque, naturæ contrariantur.

Alterum venenum primitivum Argentum vivum est, de cuius natura supra *Sectione de imperfectis metallis* uberrimè actum est. Argentum vivum quamdiu non resolutum in naturali sua fluiditate permanserit, aliquem in medicina usum obtinere potest, si proportionata dosi exhibitum fuerit; est enim contra venenum magnum medicamentum; item iliaco morbo oppressis, ob pondus nimium, quo materiam illi obstructricem urget, extundit, exhiberi solet; dum hæc scribo, iliaco morbo laboranti, id magno cum fructu porrectum fuit, ita ut tota mercurii quantitas terebratis facibus per secessum elapsa, & in globulos dispersa, tota sine ullo defectu colligeretur: Si vero magno excessu sumptum fuerit, specifico quodam frigore coagulando sanguinem & spiritus sine remedio interimit.

Masthiolus narrat, novisse se pharmacopæum, qui de nocte febris invasus, dum intolerabili siti cruciaretur, in cellam aquæ haustu sitim sedaturus concessisset, & ex vasculo argenti vivi, errore stolido, non parum loco

aquæ potasset, paucis post horis minime primæ qualitatis, sed talis formæ, quæ à totius similitudine substantiæ mercurialis proveniat, effectum fuisse hinc patet, quod non videam, quomodo nivæ aquæ potus non idem præstare potuisset: Effectus itaque huiusmodi exotici ex nulla alia causa provenire dicendi sunt, quam ex sale, nitro, aut vitriolo, mercurio internè concentratis, quæ non frigore sed calore coagulant, cum spiritibus consumptis, & calore naturali extincto, sanguinem coagulari, cum totius corporis frigida constitutione, necesse sit: quod etiam ex nitro, vitriolo & sale constat; quæ pari modo non frigore, sed calore spiritibus in nive, & aqua inexistentibus consumptis, aquam in glaciem necessariò convertunt, quo experimento hæc Romæ æstivo tempore nihil frequentius est. Mercurius itaque crudus uti naturali humiditate oppressus venenum diffundere non potest, ita quoque tantoperè (nisi in magna quantitate sumptus) nocere non potest: sed ubi sublimatus fuerit, & calore in salem exaltatus fuerit, tum denique veneni sui fræna laxat tanto impetu, tot, tantisque symptomatis sociatus furit, ut id nulli in rerum natura veneno cedere velle videatur, præsertim si sublimatio vitriolo, aceto, saleque ammoniaco instituat. Intro enim si fuerit sumptum, lingua illico & fauces non aliter exasperantur, quam si quis immaturorum sorborum succum hausisset, in ventriculo verò descendens, ei pertinaciter adhæret, malignitatis suæ vires mox exerens, corrosione & exulceratione susque deque vertit omnia, cum totius corporis ardore inexplicabili, sitique inextinguibili, quibus succedunt incredibilis angustia, linguæ tumor, lypothymia, urinæ suppressio, anhelitus difficultas, ventriculi, intestinorumque tormenta, donec tandem erosio, perforatisque ventriculo, & intestinis, unà simul animam cum summo factore exhalare cogant; quæ quidem omnia hucusque dicta symptomata hæc Romæ in quodam, qui unam tertiam solummodò drachmæ partem mercurii sublimati incautius sumpserat, dictis symptomatis agitato, tandemque extincto non sine horrore observavi. Quæritur causa horum symptomatum? Dico illa provenire ex sale Mercurii sublimati, quod humiditate exutum vi caloris ad summam siccitatem redigitur: Salia verò ei commixta, uti quicquid ip Mercurio malignorum spirituum latet, sibi incorporant, ita quoque siccitate excessiva fauces constringunt & strangulant, humoreque consumpto, intolerabili consequenter siti torquent; Accedit salinorum spirituum adustiva, & summa rosivæ virtutis vehementia, qua ubi molliorem substantiam repererint, eam illico rodunt, nervos dissolvunt, spiritibusque vitalibus tandem consumptis mortem adducunt: Si quis viderit, fomitem scintillâ ignis correptum, quam citò totam massam pervadat con-

Horrenda symptomata, quæ ex mercurio sublimato proveniunt.

consumatque, is de hujus veneni adustiva vi non incongruum conceptum formabit. Testatur de se *Mathiolus*, se quodam tempore ad examinandam Mercurii sublimati vim, solum ultima linguæ extremitate dum gustaret, adeo protinus linguam intumuisse, ut extremis antidotis subitaneis opus fuerit. Expertæ fuerunt subinde, teste *Mathiolo*, summo suo malo hujusmodi venenum stultæ quædam mulierculæ, quæ ut colore candido imbuerentur, sublimatoufæ, loco decoris acquisiti, dentes mox evomuerint, foetore hirco putridiori oluerint, ex oculorum nitore in caliginem ceciderint, lenem, lævem mollemque carnem mox in vetularum rugosam faciem transmutarint, imò, tetano quasi correptæ stultam vanitatem, non nisi immatura morte redemerint. Vidimus jam deleterios Mercurii sublimati effectus, quorum quidem causa alia non est, nisi salium virulentia, quam corpori suo complicatam habet.

Antimonii
vis deleteria.

Tertium venenum est Stibium five Antimonium, quod uti partim ex Arsenico, partim ex mercurio constitutum est, ita quoque etiam mitius agat; eo quod variarum rerum miscella nonnihil obtundatur, eosdem tamen dictorum mineralium effectus præstat; nam violentia, & inimica vi ejus adeo concitatur ventriculus, ut non absque manifesto periculo, quicquid in eo est, aut ad illum affluit, exturbare conetur; nam specifica quadam deleteria vi agit, qua *Erasmo*, *Smetio*, *Mathiolo* testibus, naturam hydrargyri qua sublimati, qua præcipitati vires participat prorsus maleficas, & nocivas, tanto nobis inimiciores, quanto in majori quantitate sumptum fuerit, unde officio stomachi inimicissimum, & prorsus contrarium, in venas raptum, & per corpus distributum, partes reliquas mirum in modum laceffit, vellicat, spiritusque labefactat, & bonos æque, ac malignos succos indiscreta malitia exturbat; & tametsi effectum suum medicinale in nonnullis valida purgatione sortitur, paucos tamen esse putto, qui utentes hoc medicamento ad primam senectutem pervenerint. Sed dices, correctum innoxie sumi: Dico, cum vis purgatrix proprie in varia perniciosorum salium mercurialibus spiritibus saturatorum miscella consistat, vel illis per correctionem extinctis adhuc operabitur, vel non: si prius, jam eodem semper manente veneno, eundem semper effectum consequi necesse est: si posterius, jam non plus agat, quam quilibet alius farinaceus pulvis. Patet itaque deleteriæ qualitatibus in antimonio latentis ratio.

Myfios,
Soryos,
Chalcitis
vis virulenta.

Quartò. Ad venenatorum classem quoque revocantur Myfios, Soryos, Chalcitis seu marchasitæ species, quæ quoniam ex vitriolo, cæterorumque salium adustorum multiplici specie, nec non ex sulphure, originem suam sumunt, uti fuscè in *Septimo Libro* ostendimus, ita quoque arsenicis spiritibus referta sine manifestò vitæ periculo intrò sumi non

possunt; cum primitivorum mineralium venenorum, sulphuris, mercurii, antimonii, arsenici, similiumque spiritibus depravata, tot differentes veneni species, quot diversa mineralia, quæ ex dictis nascuntur, constituent.

Quintò. Ex calce viva, & gypso, nova constituitur venenorum species, quæ uti tum per se, tum reliquis jam memoratis mixta sunt, ita diversas quoque venenorum species exhibent, quamvis omnes causticâ quadam, & adustiva facultate polleant. Atque hæc sunt, quæ de venenorum mineralium causis & origine præmittenda duximus.

Calcis &
gypsi virulenta.

DISQUISITIO II.

De Venenis plantarum, eorundemque causis, & unde originem suam traxerint.

Suppono primo ex Botanicorum documento, plantas deleteria quadam proprietate pollentes, eas præsertim, quæ pura venena dicuntur, plerumque ex eorum numero esse, quæ sponte nascentes dicuntur, five quod idem est, ex putri originem suam trahunt. Experimentiâ si quidem, uti in *Septimo Libro*, & alibi ostendimus, doctis constat; Terram virginem in loco præcelso, ad quem semina rerum difficulter pervenire possunt, expositam, & aqua pura fontana irrigatam cum tempore plantas patriæ communes generare, uti varias graminis species. Experimentum hujus rei quoque se fecisse narrat *Porta Lib. 2. pytozn. c. 1.* his verbis:

EXPERIMENTUM,

Quo ostenditur, herbas omnis generis ex terra sine prævio semine nasci.

Ipsæ enim semper consonum veritati existimavi, quod è terra tam planta, quam nonnulla animalia nascerentur, eo quod inest in terra humidum, in humore spiritus, in universum calor, ut sint Iovis omnia plena: Ob id absque præexistente semine, sine ulla hominum opera, ut diversi terrarum tractus, succo, sole, situ aliisque constitutionibus diversi sunt, ita quoque diversas plantas, diversisque insignitas qualitatibus produxerunt: ejusmodi enim solet esse corporis habitus, cujusmodi humores, quibus nutrimur, talesque succi gignuntur, qualia sunt alimenta, quibus vescimur. Id mihi animum submovit istiusmodi experimentum, quod cum è profundissimis aditum fundamentis egestam humum convassassem, ut omnis objecti seminis suspicio tolleretur, atque sub dño exposuissem editissimis locis, ne aliunde ventus semina asportasset, non multis post elapsis diebus, è variis terra qualitatibus in dicta terra varia herbarum genera exorta sunt. Sed Neapolitano solo cæloque familiaria: Nam alia argilla, alia pulvis Neapolitanus, alia contritus lapillus, vel tophus produxit: Sic unaquaque terra

terra pro sua qualitate ejusdem qualitatis herbam produxit; Tophacea enim terra trifolium Neapolitanum, cetera nunc urticas, rubosque, nunc mercuriales familiaque protulerunt. Ita Porta, quæ ita experimento à me facto congruunt, ut nil amplius ad rei veritatem demonstrandam jungi posse videatur: Idem enim in plantis, quod in animalibus potissimum infectis accidit, pro dispositione materiæ jam herbam, jam infectum aliquod nasci, uti supra ostendimus. Sed jam ad Rhombum.

Omnia venenata primordialiter ex mineralibus veneni originem trahere.

Quid per Sulphur, Mercurium, Salem intelligatur.

Quomodo Sulphur Mercurius & Sal intelligi à nostris debeant.

Quæritur itaque, cur & quomodo ex terrestrium putredinum miscella tanta venenatarum herbarum varietas nascatur? Quod ut enodetur: Sciendum est primo, uti supra dictum, ex sulphure, mercurio, & sale omnia mixtorum genera primordialiter constitui: Quomodo verò plantæ sponte nascentes ex iis oriri, quomodo infecta possint, quomodo denique plantæ, & arbores, quæ ex semine naturali, ut & animalia originem suam deducant, dictis tribus constituentur, dicendum restat. Ne verò quispiam putet, ex materiali Sulphure, Sale, & Mercurio omnia constitui; Dicimus, hæc tria rerum principia secundum analogiam quandam intelligenda esse: latet quippe in intimis Naturæ recessibus quidpiam igneum, & maxime activum, sive id calorem naturalem sive quid illi correspondens Naturæ conservativum dicas, quod Sulphur dicimus; quoniam verò ignea illa vis rebus inexistens sine humido, utpote pabulo suo consistere non potest, in omnibus quoque mixtis illud, sive id humidum radicale, sive alio nomine indigites, conditur, quod secretiores philosophi nomine Mercurii indigitant. Rursus quoniam calido-humidum, sive sulphureo-mercuriale subsistere sine fixatione non potest, hinc istud quod rebus omnibus subsistentiam dat, Salem, utpote, quod Terrestris elementi rationem referat, dixerunt; quoniam verò compositum sulphureo-mercurio-salinum necdum operationes suas naturales rectè perficere potest, hinc addiderunt iis spiritum quandam omnes mixtorum substantias permeantem, quod nos æris nomine indigitamus. His itaque expositis, jam ad *δηλητηριοφύεσιν βοτανικῇν*, id est, venenatarum plantarum originem progrediamur.

Experientia docet, ex suprâ adductis mineralibus in subterraneis pyrophyllaciis fumos quosdam, sive exhalationes per intimas terræ fibras usque in extimam terræ superficiem perpetuò exspirare: hinc fit, ut si hæc salubribus glebis junctæ fuerint, herbas producant salubres & bonas; Si verò putrido solo & malignis impressiōibus vitiato connexæ fuerint, illæ cum tempore fermentatæ putredinem fundabunt, venenosis herbis generandis aptam; unde pro diversitate putredinis, aliis & aliis venenosis halitibus affectæ, differentis quoque virtutis deleterias herbas

producent. Sed exemplis rem declaremus.

Si putredo terrestris arsenicali virulentia per halitus subterraneos fuerit subacta, tunc ex fermentata jam materia nascetur vel Napellus, vel Aconitum, quæ herbæ sunt quoad proprietates, viribus arsenici prorsus similes, unde ea introsumpta herba statim ea suscitant symptomata, quæ patiuntur illi, qui arsenicum, auripigmentum, aut sandaracam hauserunt. Ad hæc revocantur omnes herbæ caustica vi pollentes, uti Lathyrus seu Cataputia, Euphorbium, Scammonea, similiaque; Si verò dicta disposita materia mercuriali halitu constiterit, tunc vel doricum, vel etiam hæmorrhoidum herbam, cujus, quemadmodum & mercurius sublimatus, tanta efficacia est, ut intra paucas horas, omnibus venarum exesibus ductibus, sanguinis ex omnibus corporis membris prorupentis profluvio hominem perire necesse sit; Si verò Arsenico-mercuriali, putredo disposita herbam genuerit, illa hausta, omnia illa symptomata, arsenico-mercurialibus mixtis propria suscitabit: talia sunt nonnullorum fungorum species, tantæ efficacis, ut solo odore incautius olfacientes, teste *Plinio*, interimant. Si verò terra melantheria turgens vitrioli corrupti halitu affecta fuerit, tum vel hyoscyamum, vel veratrum nasci necesse est, ejusdem cum dictæ mineralis glebæ proprietatis; sumptum sive veratrum, sive hyoscyamus præter vomitus appetitum, ingentes fumorum globos in cerebrum ejaculatur, quibus homo primò mente captus in furias agitur, tandem lethargo correptus miserabili morte vitam claudit: quæ quidem pro majori, aut minori putredinis quantitate, nunc majoris, nunc minoris efficacis herbas producit. Hinc originem suam trahunt Stramonium, omnia solatrorum genera, mandragora, asa foetida, sive cotula, aliæque innumeræ deleteriæ qualitatis herbæ; quæ omnia mihi experientia innotuerunt. Si enim terram putridam ex eo loco, ubi multa morticina computruerunt, acceperis, eamque mineralibus succis venenosis irrigaveris, illa in vase Soli exposita cum tempore, vel cicutam, vel hyoscyamum, aut solatrum, aut asam foetidam, pro mineralium, quibus imbuuntur, conditione succorum producent; hæc verò deinde proprio se semine propagant. Sed quid longius evagandum, cum hæc vel ipsa Sacra pagina comprobentur *Genes. I.* Cum *DEUS* post terræ ab aquis secretionem dixit: *Producat Terra herbam virentem, quæ ferat semen juxta genus suum, &c.* Ex quo luculenter patet, Terræ omnia vegetabilium rerum semina primo indita fuisse, quæ deinde ex terra pullulascencia unumquodque juxta speciem suam herbam produxit, semini, ex quoeducta fuit, congruam; sed & hæc postmodum per semen unicuique naturale species plantarum in hunc usque diem propagarunt. Terra itaque

Ortus herbarum venenifarum per exempla declaratur.

Comparatio venenorum mineralium cum plantis.

Effectus veratri & hyoscyami.

Experimentum mirabile.

Deus ex
terra omne
genus plan-
tarum e-
duxit.

que Divino perculsa imperio, ex munifico omnipotentiae suae omnis boni promocondo, per universas Mundi semitas, profitu coeli, ac diversa climatum constitutione innumerabilem herbarum varietatem protulit: Tunc universa Septentrionis juga Taxum, Thutiam & Celustum; sub torrida Zona odorata aromata: Arabia balsamum, thus, myrrham; Sycomorum, cassiam, colocasiam Aegyptus; Rhodus Aspalathum; Babylonia palinam; cedrum Libanus; Creta cupressum; Absinthium Pontus; India piper, cinnamomum, charyophyllum; America Santalum, Quajacum, aliasque peregrinas plantas arboresque produxit; & sic tandem universa Geocosmi superficies, infinita quadam herbarum, fruticum, arborumque multitudine, virium diversitate incredibili, effloruit; quae omnia, uti ex sale, mercurio & sulphure constant, ita haec quoque cum terrestribus glebis mixta, pro combinatione concurrentis materiae, nunc salubres, modo insalubres, partim solis, partim subterranei ignis ope, plantas eduxit.

Patet itaque deleteria qualitas plantas, non alio, quam ex pingui quadam, & mucilaginosae materia, varia mineralium succorum miscellae impraegnata, originem suam traxisse; & ad sensum patet, cum more dictorum succorum venenosae plantae omnes insigni quadam acrimonia imbutae sint, igneaeque quadam facultate, qua omnia rodant, corrumpant, destruant; & ex iis, quae ex calcaria, gypsea, tophaceaeque materia nascuntur, omnia acrimonia pollent, quamvis ceteris minus noxia. Sed de hisce alibi uberior.

DISQUISITIO III.

Unde Serpentes, insecta, ceteraque imperfecta animalia venenosa originem trahant?

Omnia venenata primo ex terra sine semine, deinde uti cetera animalia commixtione utriusque sexus se propagant.

Quemadmodum igitur, uti in praecedentibus dictum est, plantae ex terra originem suam habent, (Terra siquidem, *Anaxilao* teste, mater est plantarum omnium, & ignis sive Solaris, sive Vulcanius, pater earum est) ita quoque id de animalibus pariter intelligas velim: Cum omnia illa animalia, uti innumerarum serpentum, eorumque vermium, quae insecta vocantur, tam terrestrium, quam volatilium, natatiliisque species, originem suam non habeant aliunde, quam ex varia à mira Naturae industria disposita terrestri materiae putredine, quae deinde non secus ac plantae proprio turgente semine, more ceterarum animantium se propagant: neque id sacro Textui repugnat, cum dicit: *Producat Terra animam viventem in genere suo, jumenta, & reptilia, & bestias, &c.* & tandem etiam hominem; adeo, ut primordialis animalium etiam perfectorum productio sine ullo praevio semine, solo Divinae potentiae jussu ex Terra,

tanquam è subjecta materia processerit; quod & ex Veteribus, *Anaxilao Euripidis* discipulus, etsi non sine sensu Sacrae paginae contrario, asseruit: Nam cum caelum, inquit, & Terra in sua se loca recepissent, Terram arbores, volucres, feras & mortalium genus omne, non, ut ipse putat, imperio Creatoris, sed casu exclusisse: dum Terra putris, mollis, & Sole densata in suam superficiem tumores produxit, singulos suas putredines continentes nocte circumstente, aere irrorante, Sole consolidante, tandem putredinem ad summum perduxit, maturato scilicet partus tempore, confractis vinculis omnium animantium genera exclusit. Sed & haec quotidiana experientia docet, cum tot vermium species derepente nasci videmus.

Ostracodermum, quod Ostraceum animantium genus est, projectis in mare fictilibus, ex putrescente spumoso limo generantur; purpurae ex putredine limosa in insignem nitorem exaltata; in canosa materia ostrea, ungues, & petasides; conchae in arenosa; testacea denique ex limo, pro limi differentia gignuntur diversa. Anguillae ex pelle, qua quotannis exuuntur putrefacta, vel etiam ex ipsius pellis ad saxa detriti ramentis sine semine nascuntur. Cujus veritatem experieris, si pellem anguillae minutim concisam limoso stagno injece- ris: nam intra menstruum spatium novam anguillarum pullaginem reperies. Miro & id experimento nobis innotuit, locum convallibus undique septum, quem fons nullus rigat, nullus alluit lacus, nil denique praeter coelestem imbrem admittit, illico variis piscium generibus repleri: Cujus rei testimonium ego oculatus inspector dare possum, in campo, quem eminentissimus Cardinalis *Ursinus* prope mare in stagnum converterat, statim ac effossi campi concavum hybernis imbribus repletum fuit, simul etiam intra paucos menses, id omni piscium genere repletum reperimus, cum tamen nullus adhuc in eum piscis illatus fuisset. Rursum ranae, quae suos in paludibus, ceterisque fossis natales habent, ex putrido limo generantur, nec ex limo solum sed & per se nascuntur, conspersis tantum imbre locorum palustrium pulverulentis arenis, unde & temporariae dicuntur, de quarum artificiali productione insequentibus.

Non dicam hic de murium ex putri generatione; nil de insectis aquaticis, ceterisque volucris insectis, terrestribusque vermicibus, scorpionibus, &c. quae omnia uti ex putri terrae, aquarumque mucilagine nascuntur, ita quoque veneni non sunt expertia.

Quemadmodum igitur plantae, & serpentes ex terra immediate generantur, ita quoque non est planta, quae ex sua putredine peculiare quoddam insectum non producat: neque ullum animal perfectum, quod non vel immediate ex corporis sui putredine, vel mediantibus excrementis nonnulla animalcula

Anaxilae opinio.

Ortus Ostraceorum.

Anguillarum origo.

Piscium ex imbribus terrae mixtis ortus.

Ranarum origo.

Omnes plantae & animalia propria animalia generant ex putredine.

cula procreet; & aperte in homine patet, in quo nullum membrum five internum, five externum, quod vermibus non scatere, observatum sit, præsertim in malignioris qualitatis infirmitatibus, de quibus vide *Schenkium, Valleriolam, Gesnerum; Aldronadum* cæterosque, & nos id in *Scrutinio physico-medico de peste*, multiplici experimentorum demonstratione ratiocinantes.

Quibus modis serpentes hominem interimant?

Mira sympathia & antipathia venenorum.

• Sed ad propositum nobis scopum revertamur. Cum itaque venenata animalia, uti Serpentes ex terræ putredine nascantur ut plurimum, quæ deinde per coitum quoque speciem propagent, venenum verò nonnullorum serpentum aded exitiale sit, ut quidam morfu, quemadmodum serpentes dypsades; nonnulli solo halitu, ut aspides Chelidoniæ; aliqui sputi evibratione, uti phtiades, hominem sine salutis remedio interimant. Meritò quæri potest, quibus de causis tantum exitium exsurgat? Respondeo, illud ex huiusmodi putredine originem ducere, quæ ex venenosis nonnullorum mineralium, quæ supra adduximus, facultatibus emanat; ex horum enim combinatione, cum certis glebis terrestribus, calcariis, gypseis, sulphureis, terræque mucosa materia subacta, putredo quædam resultat, ex cuius fermentatione Solis, aut Vulcanii caloris vi vermis excluditur, qui tandem serpentem generet, ea veneni proprietate pollentem, qua pollet ex mineralibus deleteriis combinata putredo, quæ tot differentes specie serpentes procreat, quot differentes habet combinationum species: Unde consurgit admirabilis illa veneni ad venenum sibi simile sympathia, vel ad sibi dissimile antipathia. Uti enim serpens non nisi ex eo, unde originem traxit, aut ex animalculis simili veneno imbutis vivit, ita quoque illud unice appetit, illud magnetice trahit, tum in nutrimentum, tum sui conservationem, ex iis enim constant, quibus aluntur; si verò putredo ex alia, & alia rerum combinatione diversum, & diametro differens temperamentum nactum fuerit, tum quoque ad prius venenum in serpentibus prorsus antipathicum exsurgit, uti in dypsade, & aspide chelidoniæ, qui se invicem ex venenorum contrarietate, dirisque diffidiis conficiunt, non secus ac certi minerales succi, & metallica quædam corpora se invicem consumunt, uti suo loco docebitur; non manifestis qualitatibus, sed specificis proprietatibus, vel à tota substantia, vel à forma, vel denique à similitudine, aut dissimilitudine variorum accidentium deductis.

DISQUISITIO IV.

De antipathis venenorum, & causis eorum.

Item

Quomodo omnia venenosorum animalium venena remedio esse possint veneno, quod fuderunt, omnia denique venena sibi similia venena trahere, utque nutrir.

Primo venenum alteri veneno inimicum, & totius substantiæ dissimilitudine con-

trarium esse, bufo & araneus sat docent, quod nisi oculis propriis vidissem, vix ut crederem, induci potuissem. Cum enim nescio apud quem authorem de horum animalium antipathia legissem, rem experimento tentandam duxi; unde rubetæ fossæ inclusæ, araneum ex baculo pendentem cum admovissem, araneus conspecto hoste, protinus per filum descendens, puncturæque inflicta, eam non stupefecit duntaxat, sed & penitus exanimavit, victoriæque quasi de hoste reportata, per filum in locum, unde se dimiserat, se restituit.

Mira antipathia bufonis & aranei.

Quæritur huius causa? Dico, causam esse diversitatem veneni utriusque animalis, cum enim venenum bufonis, vel rubetæ prorsus terrestris sit, ex corrupta putredine & virulento terræ muco ortum, aranei verò venenum sit æreum, subtile ac spiritu turgidum, ex aëre five murosum lignorumque putridorum poris, rimisque natales suos habeant; hinc fit, ut aranea spiritibus deleteriis, & mineralium succis plena haud dissimile gignat venenum, quod mox ubi rubetæ corpori immiserit, id pro ea, qua pollet, subtilitate, totum rubetæ venenum sui juris jam factum, in suum venenum convertat, atque adeo rubetam alieno tota dissimilitudine substantiæ veneno infectam prosternat. Cum iterum venenum bufonis humido-frigidum quoad sensum sit, non ex primis qualitatibus ortum (nullum enim venenum frigidum formaliter, sed omnia calida esse, secundum specificam quandam proprietatem à forma promanantem existimo alias enim calidissima frigidissimum, & frigidissima calidissimum contra experientiam expugnare possent; quod pariter de sicco & humido intelligi velim.) Araneæ verò venenum cum pariter totius substantiæ dissimilitudine siccum, & calidum sit, utpote ex minerali deleteriæ qualitatibus vapore, calci murorum, lignorumque fissura inexistente exortum, non est mirum, ex huius ignea quadam vi pollentis veneni efficacia, bufonis venenum prorsus contrarium consumi, destruique variis id experimentis comprobare possem, si ea aliis locis non reservassem. Si quis acetum, quod radicatum vocant in aqua lithargyrii præcipitarit, videbit quomodo aqua lithargyrii aceto contrarii, statim proprietatem veneni in lithargyrio latentem non duntaxat destruat, sed prorsus in lacteum colorem omni consumpto veneno convertat, simili prorsus modo in antipathia venenorum fieri censeas. Aspides inter & serpentes Argolicos tantum odium intercedit, ut *Nicander* hosce data opera ex Argo in Ægyptum ad aspides extinguendas tranlatos referat. Quod & in vegetabilibus cum admiratione videre est: si enim napellum circa Taxi venenosæ arboris radices plantes, Taxum napelli virulentia, vel intra unam septimanam veluti tabo quodam confectam reperies. Quod enim inter venena, five id in animalibus,

Antipathia aceti & Lithargyrii.

Aspides & Serpentes Argolici se invicem interficiunt.

malibus, five vegetabilibus consideretur, potentius & actuosius est, id, reliquum debilius ut plurimum conficit. Atque hinc nascitur naturale illud rubetæ & aranei odium: siquidem rubetæ suæ sibi imbecillitatis conscia, adeo horret araneam, ut, eo tempore, quo aranæ prodeunt, id est tempore sicco, & Sole meridiano, (ne in lethiferum sibi hostem incidat) nisi ruta iustructa, comparere non audeat. Quod verò bufo bufoni, serpens serpenti ejusdem speciei non contrarietur, id sit, quod venena ejusdem sint naturæ, quibus tantum abest, ut sibi noceant, ut potius sese mutuo veneno omnibus ejusdem speciei communi foveant, & conservent. Sicuti enim stirpes, & plantæ ex terra id, quod earum naturæ maxime consentaneum est, attrahere solent, ita ut singula quoque animalia ad alimentum naturæ eorum conservandæ maxime congruum naturali quodam appetitu feruntur. Cum itaque Natura venenatis animalibus venenum, veluti dotem quandam particularem, tum ad se conservandum, tum ad se contra contraria, hostesque defendendum indiderit, videtur iis veneni attractio, veluti alimentum quoddam prorsus naturale, utpote sine quo vivere non possunt; ex iis enim nutriuntur, ex quibus sunt. Hinc serpentes, bufones, scorpiones, naturali quodam appetitu quicquid in terra venenosum, putridum, noxiumque est exsugentes, in nutrimentum, non secus ac homo, alimentum in aliti substantiam convertunt, quod hoc experimento comperies. Si enim viperam v.g. veneno spoliata in terram venenosa qualitate imbutam dimiseris, eam, quæ omni prius carebat veneno, totam ex novo attracto veneno virulentam reperiēs; Hinc quoque viperæ, cæterique virulenti serpentes, dum nobis quod obest, auferunt; ab ipsis verò quod prodest, attractum, non sine admirabili DEI Opt. Max. providentia in se denuo derivant, adeoque ubi mors per venenum timebatur; ibi vita per medicamentum tantopere intoxicatis profuturum obtineatur.

Odium
bufonis &
aranei.

Cur venenum
serpentibus
ejusdem
speciei non
noceat.

Venenosus
Terræ fucus
venenosus
animalibus
loco nutri-
trimenti
servit.

Venenosa
animalia
venenum
sibi con-
gruum ex
terra su-
gunt.

Bufo pestis
remedium,
&
scorpio, sui
veneni.

Hoc pacto Bufo Sole exsiccatus, pestiferis applicatus bubonibus, dum id, quod pestiferum est ad se attrahit, hominem simul pestifera lue liberat; de quibus vide nostrum *de peste Tractatum*; Sic Scorpionis venenum puncturâ corpori inditum, ipsius Scorpionis attriti applicatione hominem proprii veneni attractione liberat: Sic pastinacæ venenum, pastinacæ caudæ attritæ applicatione, eruitur. Verum cum de hisce in præcedentibus fusius actum sit, iis non immorabimur; sufficiat *Lectori* hæc Regula, quod omne, cujusunque tandem animalis venenum morfu inditum, sit proprii medicina veneni. Vide *Lib. 3. Artis Magnetica*, ubi complura hujus farinæ exempla de Magnetismo venenorum, uti & de Tarantularum veneno, adducta reperiēs.

CONSECTARIUM I.

Hinc patet, cujusunque tandem generis serpentes congeneris sibi veneni alimentum attrahere, undè non solum putrilaginofam ex terra mucilaginem exsugunt, sed & ex ipsis venenatis herbis, animalibusque, quæ instinctu quodam naturæ sibi congrua norunt, in alimentum summa calliditate venantur. Ita vipera ex herbis cicutam, ex animalibus mures, lacertos, vermes omnis generis avidè insectatur, uti ex earum exenteratione patet; & si quandoque moriantur, in eam vertuntur putredinem, quæ deinde innumeros alios ejusdem speciei serpentes mirabili quadam pericyclofi reproducat. Sed de hisce in sequentibus fusiùs.

Animalia
venenosa
nutrimentum
venenosum
appetunt.

CONSECTARIUM II.

EX hisce quoque colligitur, omnia ferè mortiferorum serpentum venena non nisi veneficæ facultatis intensione, aut remissione differre, uti ex symptomatis singulorum clarè patet. Hæc autem intensio aut remissio non alio modo exsurgit, nisi vel ex locis virulentis evaporationibus obnoxiiis; evaporationes verò noxiæ non oriuntur, nisi ex supramemoratorum mineralium fumis, noxiisque halitibus mucilagini terrestri mixtis, & halitus quidem subterraneus ignis intra terram exaltat, extra verò Solis æstus conceptam ex dicta miscella putredinem digerit, & fermentat; calor tandem fermentatam putredinem in serpentem animat, tanto utique perniciosiorem, quanto putredinis miscella fuerit calore Solis magis adusti. Unde in locis Zonæ torridæ subjectis, aut eidem vicinis, uti in India, Arabia, Africa, America, uti regiones fumis mineralibus magis obnoxie sunt, ita quoque serpentes multis parasangis virulentiores, & prodigiosioribus proprietatibus imbuti reperiuntur, quam in partibus Septentrioni suppositis; Unde in Italia paucæ Aspides, nullæ fere dyspades, phtiades, sepes, hæmorrhoi; multo minus in Germania cæterisque partibus ulteriori Septentrioni subjectis comperiuntur. Cujus quidem rei ratio alia non est, nisi Zonæ temperamentum, quod necessario sequuntur serpentes, qui sub ea nascuntur quo enim ardentius est cœlum, eo venefica animalia majoris, ob adustionem, efficacis sunt, adeoque serpentes virulentissimi sub Zona torrida ad serpentes, viperasque Italiæ sese habent, sicuti sese viperæ Italiæ ad viperas & serpentes Germaniæ, quorum virus uti multo debilius est, eo, quo pollent Italica viperæ, ita quoque in theriacæ confectionem assumi non possunt.

Cur serpentes in
partibus
Australibus
virulentiores
sunt, quam
in Boreali-
bus.

CONSECTARIUM III.

Serpentes
unius spe-
ciei sola
ignis Solif-
que effica-
cia & varia
adustione
materiæ,
ex qua na-
scuntur, in
differentes
serpentes
degene-
rant.

Incredibi-
lis serpen-
tum mul-
tudo in
Africa.

Sal ammo-
niacum
producen-
dis serpen-
tibus in A-
frica mul-
tum pro-
dest.

Venena
serpentum
naturâ ca-
lida.

HInc dico, omne Aspidum genus non incongruè ad viperas revocari posse, ad- ed quidem, ut si viperæ Italicæ sub Zona torrida ponerentur, illæ partim in dyplades, partim in phtiades, sepes, hæmorrhoids, & contra degeneraturas existimo, non secus ac de plantarum transformatione, quas planta- tas in alias species, ex sola climatis mutatio- ne degenerasse supra diximus: tantum in transmutatione generum specierumque po- test diversus cœli aspectus, diversa climatum dispositio, tantum denique materia putredi- nis in venenatis animalibus à Sole diversi- modè adusta. Eam ob causam in nullo Orbis loco, omnium Historicorum testimonio, major virulentorum serpentum, draconum- que copia, quàm in Ægypto, deinde in Afri- cæ, Lybiæque arenosis desertis reperitur, ita ut, quemadmodum mihi Abyssini retulerunt, populi fabulosis desertis vicini, quotannis facti ex multis hominum millibus exercitu, ad incredibilem serpentum propullulantium multitudinem, quâ igne, quâ armis extir- pandam, in prælium ire cogantur; quod nisi fieret, Regionem brevi hominibus vidua- tum iri, neque id mirum est, cum vel unica roris guttula, uti est apud Rhamnufium, con- gruz materiæ mista, serpentem producat. Accedit, quod fabulosa illa deserta multum nitri, & salis ammoniaci producant, quod à Solis æstu sublimatum, adustumque, ubi no- cturmo frigore materiæ congruz inciderit, virulentissimam putredinem efficiat, ex qua deinde serpens enatus, vel pro materiæ diffe- renti dispositione nunc aspidem, jam cera- stem, modo phtiadem, aut dypladem, se- pemve producat. Rursus, cum subinde in hu- jusmodi desertis integri exercitus, quas *Cara- vanas* vocant, inopiâ aquæ, siti pereant: ex hominum jumentorumque cadaveribus pu- trefactis, nova fundantur serpentum semi- naria.

CONSECTARIUM IV.

EX his quoque luculenter patet, quod & supra innuimus, cur virulentorum ser- pentum venena naturâ suâ calida, nullum fri- gidum sit. Cum enim plerumque in æstuo- sissimis desertis, ex nitri, salis ammoniaci, si- milibusque succis intra arenam concretis, adustisque, unâ putredini validissimè commi- xtis, serpentes huiusmodi nascantur, certe illi, ejus, ex qua nascuntur, putredinis pro- prietatem in se non solum derivabunt, sed & venenosarum herbarum pastu, veneficam qualitatem intendent; unde summam illam in dictis colubris virulentiam oriri necesse est. Quemadmodum enim Sulphur igne subterraneo vehementer adustum generat Arsenicum, Sandaracam, aut realgaris risi-

gallum, venena vehementissima; ita ex ho- rum efflorescentia sales nascuntur ejusdem, imò vehementioris veneni, quæ putredini mixta, deinde serpentes, quos diximus, ge- nerant. Caliditas verò dictorum veneno- rum minime eadem censeretur debet cum cali- ditate elementorum, sed alterius qualita- tis à primis, & manifestis qualitatibus specie differentis, (quæ item de humido & sicco in- telligi velim:) quod ita probo:

Omnia, quæ Cathartica vocantur, & dia- phoretica, cum deleteriæ qualitatis sint, & caustica, humoresque in corpore stabulan- tes attenuent, & incidant, calida, & sicca esse necesse est, non ratione primarum qua- litatum, sed à formarum, à quibus emanant, proprietatibus; unde quæ multum, uti su- pra dictum fuit, igne elaborata sunt, venena calida sunt, dummodò non diffuant. Si verò diffuant, vel ex bitumine, naphtha, similibus- que terræ succis originem habent. Sicca verò omnia in naturam ignis transeunt, uti aromata, metalla & lapides, sulphur, arse- nicum, & cætera supra memorata, quæ si in oleum solvantur, illa primo astringentem re- ciunt saporem, deinde se exhibent & odo- re, & gustu fervida; unde intus sumpta, to- ta in halitum solventur, caputque pertur- babunt, itaque virulenta sunt. Calidissimæ animalis partes fel, & coagulum; plantarum semina, radices; mineralia quæcunque ex ter- reo sicco fiunt, ut auripigmentum, calx, gypsum. Rursus inter vegetabilia calidissi- ma censentur colocynthis, agaricus niger, helleborus niger, lac lathyridis, & tithymal- lorum species, chamelia, & thepsia, familia- que purgantia, uti ex causticis effectibus eo- rum patet, quæ si corrumpantur, in acre ve- nenum evadunt.

Sed dices hoc loco: illud venenum forma- liter est frigidum, quod frigus formale indu- cit; hoc præstat hydrargyrum, & multa ex plantarum familia; ergo venenum est forma- liter frigidum. Coagulat enim suo frigore san- guinem, uti supra de Seplafario hydrargyri potu extincto, narravimus: offendit etiam nervos, cerebrum, siderationes, tremores, pa- ralyfin inducit, qui non nisi frigoris effectus sunt; quæ de venenis narcoticis sive stupefa- ctivis, cicuta, mandragora, hyosciamo, opio, solano, spuma argenti pariter intelligenda sunt, qui effectus manifesti frigoris, & qui- dem intensi indicium præbent. Sed contra Dico generaliter loquendo, nullum venenum frigidum formaliter concedi, neque dum sin- gula inspicimus, ullum recensitorum fri- gidum, aut ratione deducta ex principiis, aut ex sensibus probari posse. Quod itaque vene- num hydrargyri, cæteraque sanguinem fi- stant, coagulentque, idea de causa fit, quod vis ejus totum penetret sanguinem: quod opus caloris, non frigoris est; quia frigus, te- ste *Philosopho* opera Naturæ non ingreditur, cum inter passivas tantum qualitates recen- seatur.

Calor ve-
neni non
est ele-
mentaris
sed specifi-
cus.

Omnia ve-
nena esu
calida, non
elementari
calore sed
specifico.

Objectio.

Solutio.

Argentum
vivum san-
guinem
congelat
non frigo-
re, sed calo-
re con-
sumptis
spiritibus.

featur. Omne itaque venenum, quod congelat, & stupidum reddit hominem, calidum est; Et ratio patet, cum enim venena hujusmodi introsumpta caliditate sua naturali illicò calorem naturalem, spiritusque vitales in sanguine latentes invadant, & destruant. Luculenter patet calore, spiritibusque consumptis, sanguinem coagulari, hominisque frigidam constitutionem remanere ex consequenti; qui quidem non veneni frigidi, sed sanguinis, spiritibus à virulento calore privati, effectus sunt: amarus autem sapor non frigidi, sed calidi effectus est, *Philosopho* teste, qui omnes aquas vehementer à Sole decoctas, adustasque, humido subtili per attenuationem alterato, & salis fixi sedimento remanente, amarescere dicit. Iterum cicuta, hyoscyamus, helleborus sumpta in furorem agunt; qui si frigidorum effectus esset, ratio non foret, quòd, minus frigidae herbæ, portulaca, cucumeres, citrulli, similiaque, eundem effectum præstarent, quod tamen experientia repugnat. Ex calido itaque dictis inexistente specifico, mira hujusmodi symptomata prodire, certum est. Accedit, quod odor vehementis, dicam melius, putor, foetorque exoticus non frigidi, sed calidi ex putredine effectus esse convincatur; cum odor succusque malignus, putorque non nisi ex calore excitetur, uti ex omnibus combustis apparet: aqua autem, glacies, cucumeres, portulaca, utpote formaliter frigida, nisi putredine corrupta fuerint, non olent.

Sed redeo ad Argentum vivum, quo Adversarii gloriantur, veluti omnium frigidorum intensissimo, at nos tantum abest, ut hoc concedamus, ut potius omnium venenorum calidissimum dicamus. Quod ita probatur: Tantò quidpiam intensius calidum est, quanto in tenuiorem substantiam magis resolubile est; Sed Argentum vivum in tenuiorem substantiam, quam ullum aliud mixtum resolubile est; Ergo. Major patet: quia lenitas, & attenuatio rerum à calore, uti condensatio à frigore, *Philosopho* teste, procedit. Minor probatur: Argentum enim vivum totum quantum, nullo sui sedimento relicto, ignis ope in vaporem abit subtilissimum, & frigore ambiente in primam substantiam nullà sub-

stantia suæ jacturâ revertitur; Ergò vehementissimo calore pollet, & quidem specifico: Si enim aceto, & sale ammoniaco in sale sublimetur, tum enim verò nova causticæ facultatis acquisitione ita furit, sævitque, ut nulli in rerum natura veneno cedat; Causticam verò vim non frigoris, sed caloris effectum esse, quis non videt?

Sed dices id innaturali sua consistentia actu frigidum esse, tactus experimento. Respondeo; id frigidum esse tactu, negari non posse, sed eo modo, quo piper etiam æstivo tempore frigidum est, quantumvis ex se, & sua natura calidissimum sit.

Iterum dices. Argentum vivum, humidum, & frigidum est actu; Ergò frigus ei inesse, negare non possumus. Respondeo; illud non esse formaliter humidum aqueum, sed ex pinguedinis sulphureæ à natura ei insita fluxibilitate promanare, undè nulli rei adhæret, neque ut humidum elementare defluit, sed partes partibus ita connectit, ut quamvis separata, nulla tamen vel minima particula perdat, sed in globulo protinus convoluta, conservationi suæ unice studeat: Omnis autem pinguedo non frigidarum, sed calidarum, inflammabiliumque rerum numero adscribitur. Hinc patet, omnia venena, quæ ex dictis participant, sive ex vegetabilium sive animalium familia sint, vel calido-ficca, vel humido-calida esse, non elementari qualitate, sed specifica quadam virtute talia. Calido-ficca, cujusmodi nonnulla venena sunt, ab ignis adustione veneni robur acquirunt; humido-calida verò ab ignea quadam vi, qua pingue, & biuminosum imbuitur. Frigidum verò & humidum elementare, uti ex elementari contrarietate oriuntur, ita in venenis efficaciam operandi habere non possunt, neque symptomatum in intoxicatis effectum præstare; quamvis tamen non negem, ex elementaribus qualitatibus subindè remotè per secundas, & tertias qualitates sub certa combinatione coalitas, specificam qualitatem ex combinatione mixti suboriri, & consequenter occulta quadam vi vel sympathiam vel antipathiam fundare posse virulentum effectum.

Quomodo
Argenti
vivi vene-
num fri-
gus indu-
cat, & quo-
modo hu-
midum
dici possit.

Signa ex
sensibus.

Argentum
vivum
omnium
veneno-
rum cali-
dissimum,
præsertim
si sublima-
tum fuerit.

SECTIO II.

DE VENENIS SENSITIVÆ
& VEGETABILIS NATURÆ.

CAPUT I.

Quomodo Venenum in humanis corporibus nascatur.

Suppono Primò. Omnia ex subterraneo terræ utero, Naturæ miracula exoriri, uti in præcedentibus ostensum fuit. Ex Terra siquidem vaporum variorum, tum ex mineralibus, tum putredinibus in superficie fermentatis variæ species nascuntur: quæ putredinis malignitate refertas, vel herbas virulentas, vel animalia venefica generant. Salubres quoque herbæ non sunt adeò ab omni malignitate immunes, ut non subindè ex maligna putredine quidpiam nocivum, perniciosumque contrahant; Ut luculenter patet ex eruciâ, cæterisque vermibus, quæ ex saluberrimis quoque herbis nonnullam nascuntur; uti de fæniculi, & salviæ venenosis foetibus suprâ dictum est: quæ quidem provenire non possunt, nisi ex nonnulla putredinis portiuncula, quæ succo herbæ commixta, ne totam inficiant herbacei succi massam, vel in erucam vermemve animatur, quo herbæ salubritas à malo sibi imminente quadantenus vindicetur. Idem provenit in omnibus penè fructibus, pomis, pyris, nucibus, cæterisque suprâ citatis, quæ vermibus scatent.

Cur plantæ
fructusque
subinde ve-
nenosa ani-
malcula
producant.

Omnia mixta
ex tri-
bus con-
stant.

Suppono Secundò. Omnia mixta non tantum ex quatuor elementis componi, sed & latere sub ipsis tria principia, quibus omnia mixta constant, ab elementis diversa; & sunt Sulphur, Mercurius, Sal. Sulphur omnia ignea, ardentia, combustibilia, inflammabiliaque *τῆ πῦρ ἀναλογίαν* respicit; Mercurius, sive Argentum vivum omnia liquida, aquea, aërea, volatiles spiritus, & quæ in vapores exhalationesque resolvi possunt, continet; Sal verò terrestre elementum, uti omnibus consistentiam præbet, ita quoque ad eum omnia terrestria, fixa, solida revocantur.

Hæc tria, uti Ars Spagyrica docet, omnibus rebus in triplici Naturæ Regno existentibus competunt. Si enim sive mineralia, sive vegetabilia, animaliave quæcunque tandem, dicta arte in sua principia resolveris, statim sub Sulphuris specie oleum comparebit; Mercurius sub aqua acerrima, spiritus subtilissimos obtinebit; sub terrestri verò forma in vasis fundo salem reperiēs: Quæ adeò vera sunt, ut de eo nemo, nisi insensatæ mentis dubitare queat. Si quis lignum, aut herbam accenderit, is in flamma cognoscet sulphur Naturæ; in acri fumo Mercurium resolutum;

in cineribus tandem ipsum salem intuebitur; ita ut præter dicta, in nullo mixto aliud repariatur; Ignis naturæ Sulphur, pro intensione caloris, remissionisq; omnium mixtorum virtutes modificat, omnibus vigorem, & activitatem conciliat. Mercurius aqua Naturæ triplici actione innumeras fundat rerum mirabilium combinationes, videlicet, vel distillatione, vel sublimatione, vel præcipitatione. Sal pariter, vel sub fixa, aut volatili substantia, calore exagitatus, ea præstat in rerum natura, quæ uti sub occultis proprietatibus concipiuntur, ita quoque vix comprehendi posse videntur, Naturæque miracula passim vocitantur. Ex horum itaque admiranda rerum combinatione in rebus facta, omnia quæcunque in hoc Mundi sive geocosmi theatro sub sensum cadunt, constituuntur: sive salubria hominibus, cæterisque animalibus, sive noxia, & exitialia fuerint; Nam dicta quatuor materialia principia multiplicibus salium, quos generant, speciebus juncta, & hæc cæteris terrestribus glebis communicata, virtutes, quibus imbuuntur, in vegetabilem herbarum, plantarum, arborumque familiam transplantant; & hæc denique in animalium œconomiam, nutrimentumque cadentia, eam proprietatum diversitatem in singulis recensitis procreant, quantam non dicam numerare, sed ne animo quidem concipere queamus; nihilque in omnibus hisce aliud, quàm ineffabilem DEI Opt. Max. sapientiam, potentiam, majestatemque admirari, & quibus possumus laudibus celebrare, nobis relinquitur, qui pro inexhausta bonitatis, providentiæ, sapientiæque abyssu, ex tantillis rebus, tantam varietatem educere sibi complacuit, mala bonis, consona dissonis, salubria perniciosis adeò mirificè connexa, ut vel ex ipsis malis ingens Naturæ bonum, quod solius immensæ ejus potentia proprium est, eduxerit.

Quid hæc
3 in mixtis
sint.

Omnia in
triplici na-
turæ infe-
rioris re-
gno à tri-
bus parti-
cipant.

Cum itaque in præcedentibus dictum sit, quomodo venena ex terrestribus, mineralibusque substantiis orta, plantis, animalibusque communicentur, jam nil aliud explicandum restat, quam ut doceamus, quomodo ea quoque intra humani corporis œconomiam irruerint, quid in ea operentur, pari passu exponamus.

Homo in primordiali naturæ suæ dignitate, & innocentia constitutus, uti perpetuo beati-

Malorum
causa ori-
ginale pec-
catum.

beatitudinis, felicitatisque bono fine ullo malorum incurfu fruebatur, ita post peccati commissi labem, conversa felicitatis sorte, ex summo felicitatis apice in imum calamitatum, miseriarumque barathrum lapsus est, omnibus rerum naturalium classibus in ejus vexationem, ultimumque exitum conspirantibus; hinc nata discors elementorum antipathia, & hinc humorum, ex quibus componitur, *διωραία*; Ignis siquidem clandestinis machinis armatus, corporis humani oeconomiam ardentibus febrium spiculis aggreditur; Aër, quo ad vitam trahendam nil magis necessarium est, varia corruptionis suæ virulentia innatum nobis spiritum infestare non desinit: Aqua, sine qua vivere nequimus, infeliciū foetuum productione, semper nonnihil inibi exitiale apportat; Terra denique mineralium fumis, vaporibusque perniciosis, & plantas, & animalia, & vel hominem ipsum ita infestat, ut unde ex vegetativis, sive sensitivis terræ fructibus nutrimentum suæ conservationi congruum promanat, inde vel maxime suum sibi sensum exitium paret, adeoque nihil adeo sanum, salubreque sit, cui non quidpiam connexum sit, quod vitæ nostræ, sanitatisque integritati contrarietur; ubi mel, ibi fel, ubi uber, ibi tuber, ut sua è singulis commoda, ac necessariæ res facessant in hominis corpus, inque perfecti jam hominis usus, &

alimentum, ita & ad internecionem quoque ab ipsismet fontibus tum aperta molimina, tum occulta nos miris quandoque cuniculis adoriuntur, eademque, quæ vitam dederant prius, ruptis symmetriæ legibus, orbe jam revoluta, veluti indicto bello, quod construxerunt, rursus elidunt, atque exterminant. Quæ quidem dissidiorum genera numerosiora sunt, quam ut recenseri possint, notiora, quam ut debeant.

Cum itaque virus illud tabificum ab homine lapso, tanquam capite in membra universitatis cætera dimanarit, merito ab iisdem vicissim odii, atque inimicitiae semina, flagella, cruces, omnigenæ morborum, calamitatumque machinæ juxta Adrastiae legem inevitabilem retorquentur.

Sed ut hæc luculentius pateant, quomodo venenorum semina vel in ipsis singulis hominum membris enascantur, referendum duxi. Ne verò DEUM Opt. Max. Patrem benignissimum ultimam humano generi cladem sine ullo tantorum malorum remedio, inferre voluisse, suspicemur, simul ostendam; quomodo piissimi Patris cœlestis providentia nullum adeo grande malum homini inferri permiserit, cui non simul junxerit summum bonum totius mali destructivum; ut ubi morbus, ibi etiam medicamentum morbo illi opportunum, & præsentaneum, pro sua infinita bonitate, & clementia, esse voluerit.

Ubi mor-
bus, ibi re-
medium.

CAPUT II.

Quot modis in nobis venena nasci possint.

Quemadmodum ignis beneficio contra frigoris violentiam nos defendimus, eo fovemur, & conservamur, ita quoque non desunt in eo nonnullæ impressiones noxiæ, quæ, quem conservare debebant calorem nativum, debilitent; consumant; destruant: non dicam hîc de actuali ignis combustionem, qua omnia destruantur, sed de iis, quas in se recipere potest, perniciosis impressionibus. Ambulat homo quispiam in sole, ignis camino assidet, ignem, coquendo, digerendoque tractat, nescit tamen in aère ab ignis calore suscitari quosdam virulentos halitus, quibus haustis, statim venenum præsens invadit calorem radicalem veneno totâ substantiâ contrarium. Quæ ut pateant, multiplex exemplorum inductione patefaciam.

Cur Sol
Romanus
tantopere
noceat?

Quæritur itaque, cur qui Solem hîc Romæ æstivum experti statim in lethiferos morbos incidunt? Respondeo, esse vapores malignos vi solis ex concavis terræ locis, & varia putredine foetis eductos, qui intra poros sudantium apertos suscepti, mox ubi vel frigidiori aura, aut fontium humiditate clausi fuerint, illi calore interno exaltati, primò

sanguini spiritibusque misti, eam accendunt febrium malitiam, quas frequenter cum vitæ jactura experiuntur incauti mortales; quod tamen universale non est, sed in iis solummodò locis, ubi terræ conditio vitiosis, & virulentis vaporibus scatet; uti sunt paludes, cæmeteria, sylvæ opacæ, immotarum aquarum fossæ, loca sulphure, & bitumine corrupto, referta; undè ii, qui calore ferventes sub taxo requieturi se conferunt, statim lethifero vapore infectos vitam cum morte commutasse casus varii monstrarunt; tales enim umbrarum aër qualitates recipit, cujus sunt halitus arborum: quæ si salubres, salubres, si veneficæ venenosas profundunt halituum proprietates. Hoc pacto Tybure duo pastores, non ita pridem sub Napello arboreo in monte Januario mortui reperti sunt, non aliundè, quam ex veneni, quo dictus frutex rurget, vapore extincti. Solet nonnunquam contingere, ut Nautæ, & Agricolaë comportatis undique sarmentis ignem, vel ciborum parandorum, vel se calefaciendi gratiâ, extruant; accidit itaque extructo rogo, quosdam mox gravi dolore capitis percussos, insaniam, & phrenesin incurrisse, nonnullos statim extinctos;

Quæ loca
Sole per-
cussa pesti-
fera sint?

Umbræ
arborum
quarun-
dam noxiæ
& veneno-
sæ, uti Ta-
xi, Napelli.

Rhodo-
deadri li-
gnum ac-
censum pe-
stiferum.

Cicutæ sto-
lones aridi
succensi
pestiferi.

Lithan-
thracum
pestifer
halitus.

Accidentia
venenosa
ab aëre.

alios ægrè tandem evasisse; ita de Neapolitanis nautis narrat *Porta Lib. Phytogn.* Cujus rei causam cum examinassent, invenerunt tandem, Nautas ex fumantibus Rhododendri (quod virulentissimum fruticis genus est) sarmentis dicta symptomata incurrisse: flores habet aspectu jucundissimos, albos, rubrosque, tantæ tamen virulentia, ut si in cisternas conjiciantur, integræ alicui communitati exitium creare possint. Audivi à Nautis & piscatoribus, nonnullos fuisse, qui aridis cicutæ stolonibus pisces infixos cum torruissent, quotquot ex iis postea comedisent, variis symptomatum tormentis tandem extinctos fuisse; Ignis enim venenum sub stolonibus cicutaceis latens exstimulat, suscitaturque; hoc verò excitatum, illud piscium pulpæ communicat, piscis verò eo intoxicatus & hominem intoxicare necesse est. Quantum Lithanthracum vapor ab igne excitatus assidentibus noceat, Leodienfès, alique, qui hujusmodi fossilibus carbonibus ignem extruunt, fatentur. Quàm facile suffocent hominem carbones in loco clausi succensi, aut ceræ vapor, innumera exempla docent. Non dicam hic de iis, qui Alchimis operationibus operam dant, quàm sæva subinde ex spiritibus metallicis symptomata incurrant, nisi summâ cautelâ, & optimè armati, operationes peragant. Certè plerisque vel phtisi, vel atrophia, aut paralyfi tandem extinguere, experientia docuit; de quibus alibi fusiùs. Ignis itaque summopere nocere potest. Novi pictores, qui, eò quod inter pingendum penicillum auripigmento infectum, ore ex mala consuetudine diutius detinuissent, horrendos, & planè exitiales morbos incurrerint.

Secundò procedo ad Aërem, qui quot, quantosque venenosæ sobolis foetus in nobis pariat, epidemici morbi, & pestilentia sat demonstrant, de quibus cum in *Scrutinio physico-medico* ex professo egerimus, eò *Lectorem* remitto; ubi reperiet, nihil aëre venenosis impressionibus opportunius esse posse; cum quicquid ex terra virulentum, deleteriumque exhalat, id immediatè aëri communicetur, quem cum perpetuò spirare, & respirare cogamur, tot necessario in nobis diversa morborum malignorum genera fundantur, quot diversorum venenatorum vaporum differentes species sunt. Quæ verò aërem inficere suo vapore solent, ad sex ferè capita revocantur; & sunt primò Aquæ stagnantes, ranis, serpentibus, variisque insectis pestiferis scatentes. Secundò. Loca sulphureis, aut Arsenicalibus vaporibus, cæterisque noxiis mineralium halitibus referta. Tertiò. Loca, quæ morticiniorum, cadaverumque virulenta putredine squalent. Quartò, quæ noxiis ventorum flatibus exposita sunt. Quintò, ubi copiosa veneficarum plantarum, uti Napelli, cicutæ, hyoscyami, veratri, solani, stramonii, propago viget: hæc siquidem Solis percussæ radiis in vaporem resolutæ, eo aërem mirificè infi-

ciunt, præsertim, si post occasum Solis, hujusmodi loca adeantur. Sextò, epidemica lues, qua subindè, ut in *Libro de Peste* docuimus, & Provinciæ integræ urbibus, & oppida pagique incolis viduantur.

Tertiò. Sequitur jam elementum Aquæ, quod tanto sane atrocius in genus humanum sævit, quanto virulentiores tum ab halitibus subterraneis, tum à propriæ substantiæ putredinibus impressiones recepit, adeo ut num illud inito cum terra conjugio, parânympho Sole majorem venenatarum rerum copiam, & varietatem, quàm salubrium excludat, merito quispiam dubitare possit, quarum virulentia aqua tincta, emissionem vaporum uti aërem perpetuò tingit, ita aër ab hominibus inspiratus, veneni paulatim semina plantat. Undè nisi divinæ providentiæ dispositione mare falsugine imbutum fuisset, Geocosmum putredinum copia, & varietate interire necesse fuisset. Noxæ verò, quas ex aëre paulò ante provenire docuimus, & Aquæ accommodari possunt. Hinc innumeræ infirmitates ex aquæ potu proveniunt, præsertim iis, qui ex stagnantibus fossis eam inconsultius hauserint. Cum enim immotæ putredinem protinus concipiant, ex putredine verò varia nascantur venenata animalia, uti ranæ, serpentes, vermes virulentia exitiales, uti hircines, similiaque, quorum spermatica corpuscula, uti per totius aquæ substantiam diffunduntur, ita illa ingentes intra corpus à sitibundis assumpta ruinas machinantur. Novi ego olim in patria mea foenilecam, qui cum siti stimulante ex vicinæ prato fossæ aqua incautius sese ingurgitasset, post bi-mestrem spatium, primum ingentia ventris tormina, stomachum quoque veluti vivo quodam animali, sibi vellicari sensit, ingentique continuo dolore se torqueri conquestus est, jungens, illud intus latere quidpiam vivum, quod stomacho præsertim vacuo per desophagum quasi exitum, non sine vomitus nausea moliretur. Medicus id, quod erat, sagaciter subolfaciens; è signis expositis, id nil aliud esse posse, quam serpentem, quem ex spermate aquæ, quam biberat, commisto, intra stomachum nativo calore exclusisset, felici conjectura affecutus est; quoniam vero noverat, serpentes lacte præ omnibus aliis nutrimentis summopere delectari, tale consilium iniit; Infirmum pedibus suspendi jussit, ita ut aperto ore, (quia intus latere credebatur animal,) vaporem lactis è vase suppositi ignis calore expirantem excipere posset; mirum dictu; serpens intus stabulans, dicti vaporis cupediis allectus, tanto impetu per æsophagum erupit, ut infirmum pene suffocaret, siquidem intra meatus gurgustia non parum reluctatus, dum præter caput nihil aliud exertum haberet, illud forcipe apprehensum, & summo impetu extractum, serpentem fere sesquipedalem, omnium adstantium admiratione exhibuit; Infirmus verò

Accidentia
venenosa
ab aqua.

Quibus in
locis aqua
venenosa
sit?

Miruse-
ventus ob
Authore
comper-
tus.

verò mox congruis medicamentis purgatus, corroboratusque, pristinae valetudini postliminio restitutus fuit. Similia *Schenkius* in insigni observationum opere recitat de iis, qui ex similibus paludum spermate foetis aquis potatis ranas, rubetas, & diversa vermium genera intra stomachum excluderant, quas Medicorum præscripto postea adhibitis vomitoriis ejecerant. Magnum quoque iis periculum imminet, qui aquas venenosas mineralium qualitatibus tinctas hauriunt. Recitat *Valleriola* in suis observationibus, venato-

Fons lethi-
fer venato-
rem interi-
mit.

rem quendam in sylva fontem reperisse, quem cum ex acredine acidulas aquas reputasset, iis sat liberali hanstu se repleffe; at tot tantisque mox se symptomatis aggravatum sensit, ut vix sana mente domum reversus, intra biduum lethæi fontis virulentia decederet. Tales sunt omnes illæ fossæ arsenicali vi pollentes, cujusmodi *Plinius* Terracinæ, olim Anxure, fuisse, narrat, ex quâ quotquot biberent, repentina morte interirent; unde postea saxis, & ingenti terrestrium quisquiliarum acervis, ne cuiquam noxam impofterum adferret, oppletus fuit.

Fons lethi-
fer Terra-
cinæ.

Quartò. Terra, uti omnis generationis mater statuitur, ita quoque perpetuò sua nobis exhalatione malum machinatur, omnis veneni, & malignantis Naturæ impressio origo, ut non tam matrem, quàm humani generis novercam à Natura constitutam fuisse, dici possit; cum virulentis mineralium halitibus perpetuò, & aëreum, aqueumque elementum infestet, nec hisce contenta, intra intimas quoque herbarum fibras, ubi se infinuavit, tot noxiis lociata qualitatibus sævit, ut undè per alimentum conservationem sperare debemus, indè mortem incurramus; cum uti supra diximus, vix plantula sit, quæ non aliquid virulentum sibi adnexum, connatumque habeat; ex vermibus erucisque, quas singulæ sibi proprias generant, sat demonstratur, quæ à nobis in alimentum sumptæ, non ita nativi caloris efficacia consumuntur, quin semper relinquunt nonnihil aliti substantiæ contrarium, perniciosumque, quod ex frequenti usu augmentatum, tandem in febres malignas, morbosque exoticos pro malignantis naturæ conditione erumpat. Cujus quidem rei ratio alia non est, quam verminosa quædam, quam sub insensibili plantarum, fructuumque putredinis tegumento absconditam tenet, substantia; quæ utique tantò perniciosior est, quantò virulentioris naturæ

Omnia ali-
menta ali-
quid ho-
mini no-
xium ad-
ferunt.

fuert, uti in plantis venenosis accidit, quas dum insulsa præcipitantia pro salubribus herbis nonnulli assumunt, non infrequenter mortis cum vita commutatione perfolvunt; cum nihil facilius sit, quàm ab inexpertis cocis pro petroselino cicutam, pro carduo benedicto hyosciamum, pro primula veris mandragoram; pro plantagine veratrum, pro buglossa barbam Iovis, dictarum herbarum similitudine deceptis, arripere. Exempla horum vide in opusculo nostro de peste.

Quintò. Restant animalium, quæ in usum nostrum cedunt, nocumenta; Quæ si vel minimam putredinem concipiant, illa in alimentum sumpta, ex innata putredinis fecunditate, mox in insensibilium vermium copiam pululascunt, quæ tum minimè veneni expertes sint, nobis primò quidem inadvertentibus, id veluti intra favillas quasdam absconditum, successu verò temporis, vires paulatim acquires, tantum excitat incendium, ad quod extinguendum, universa Machaonis officina vix sufficiat; unde omnis putridæ carnis esus vitandus, earum potissimum animantium partes, in quibus venenum ut plurimum à natura pulsus, nidulari solet, ut sunt caudæ, cerebra in rabiem actorum animalium; bilis enim effervescens dum aduritur, semper ad perniciosam quandam qualitatem disponitur, uti exempla eorum docent, qui felium in rabiem actorum cerebrum loco cuniculorum ab improbo caupone mensæ appositum, dum comedissent, postera die in rabiem acti & ipsi, infelici sanè sorte vitam suam furiosa morte concluderunt. Quantum ab infectis, quæ subindè cocorum incuria intra lebetes eduliorum incidunt, mali nobis inflet, haud infrequentes casus docent; si prætereà ollæ, sartagine, & cacabi ex aceto carnis sepe raffuso æruginem contrahunt, dici vix potest, quanta in nobis mineralium haud absimilia symptomata proveniant. Nil dicam hîc de venenato animalium morfu, uti serpentum, scorpionum, cæterorumque insectorum; Nil de quarundam immundarum volucrum esu, eorumque piscium, qui putrido stagnorum limo aluntur, hi enim uti virulentia suâ non carent, ita velis, remisque vitandi sunt; ut proindè non sine ratione ea in Sacris Literis prohibeantur. Atque hæc sunt, quæ miseram hominum conditionem tot tantisque malis infestant.

Carnes
animalium
minimum
quid putri-
dis habent
pernici-
ciosos cum
tempore
morbos
conciliant.

Cerebrum
felis rabi-
dæ effum
infatuat.

CAPUT III.

*Quomodo venena animalium hominem inficiant & interficiant,
sive de causis venenorum.*

SAt superque in præcedentibus demonstratum fuit, omnia nascibilium rerum genera ex primitivis mineralium specie-

rum principiis, hoc est, ex sulphure, mercurio, & sale, eorumque spiritu originem suam trahere; quæ quidem quando harmonica quadam

quadam proportionē in mixtis attemperata sunt, in optimo sanitatis statu hominem constituisse dicuntur; si verò quādoque caloris, aut frigoris, ficci, aut humidi contrarietate, excessuque unius ad alterum in dissonam constitutionem labantur, tum enim verò statim discordiæ nascuntur semina.

Quippe ubi temperiem sumpsere humorque calorque;

Ovid. Metamorph.

Concipiunt, & ab his oriuntur cuncta duobus; Cumque fit ignis aqua pugnae, vapor humidus omnes

Res creat, & discors concordia fatibus apia.

4. Elementa vehicula sunt.
3. principiorum naturæ.

Neque quispiam hinc putet, omnia ex quatuor elementaribus humoribus originem habere: latet enim sub hisce aliud quidpiam, cujus quatuor rerum principia non nisi quædam quasi vehicula sunt; & sunt suprā recensita tria principia, quæ nomine Sulphuris, Mercurii, & Salis, indigitavimus, quorum spiritus merito aëri comparari possunt; & ex hisce tanquam ex causa materiali omnia constare dicimus; Quomodo enim simplicia elementa, & omnis compositionis expertia corpora exoticos illos effectus, tum in rerum natura, tum in microcosmo causare queant, dispici non potest. Cum itaque ignem elementarem dicimus, sub eo semper aliquid distinctum ab elementis latere concipi debet, quod illi caliditatem, & siccitatem conferat, & hoc Sulphuris nomine appellamus; si aquam proferimus, semper eidem aliquid subesse concipimus, quod illi humidum conciliet, & hoc Mercurii nomine appellatur: Sal denique inest elemento terræ, utpote quod illi siccitate sua fixam consistentiam præbeat, quorum unumquodque dictorum spiritu suo pollet in omnia diffuso, quem aëri haud incongruè comparamus. Atque ex hisce omnium, quæ in mundo sunt, mixtorum genera, auxiliariis elementorum copiis sociata, compositionis suæ rationem ducere asserimus; cum enim in rerum natura purum elementum non concedatur, sed corpora elementata sint, ex sulphure, mercurio, sale, eorumque spiritibus mista, certe ex ipsis omnia constare is solus inficiabitur, qui dictorum spagyrica arte ab omnibus mistis singula in sua principia resolutorum separationem nunquam viderit.

Terra halitibus suis aquam & aërem inficit.

Ex terra itaque primo hæc principia vim suam trahunt per halitus, qui nil nisi minimorum corpusculorum, quæ ignis subterranei vi perpetuo à primitivis Naturæ corporibus exaltantur, ἀπὸ πρῶτα quædam, seu effluvium sunt, quorum unumquodque virtutem totius sibi insitam habet quam aëreo, aqueoque elemento conferunt; ex horum verò utriusque conjugio, diffusæ virtutis effluvium primum vegetabili naturæ, vegetabilia, dum in nutrimentum cedunt animalium, iis, ex quibus constant, proprietates communicant; atque hoc pacto omnia ex dictis originem suam obtinuisse, vel ex ipsis Sacræ Scripturæ

paginis innotescit; cum non solum vegetabilia sed & universum animalium genus, quin & hominem ex limo terræ à Deo protoplasto effectum esse, suprā ostenderimus; atque adeo chaoticam massam non sine mysterio triplici in illo primitivorum corporum ortu, veluti panspermiam quādam universi Sacrosancto & Triuno Divinæ, & Superexcelsæ Triadis sigillo connotaverit. Sed ut ad scopum nostrum revertamur, Merito quæri potest, quomodo hæc tria spiritibus suis venena in microcosmi corpore gignant. Quod ut quam exactissime elucidetur,

3. Principia S. cricent connotans.

Sciendum est; si hæc tria unā cum quatuor humoribus, quorum vehicula sunt, in perfecta unione, & concordii temperamento consistunt, tum sanitatem in suo quoque vigore consistere certum est, & à Spagyricis philosophis Sulphur Naturæ, Mercurius Naturæ, & Sal Naturæ, dicuntur: quorum Sulphur, Mercurius vulgi & Sal usuale & minerale non nisi involucria quædam sunt. At cum dictorum ἐνκαΐα per variarum rerum externarum mixturam in διασπασίαν cesserit, tum tandem sævus ille contrariarum rerum confluxus eam malorum lænam, quam jam describemus, moliri incipit. Sulphur cum in sua puritate consistit, venenum non est, uti neque mercurius, aut sal; verum cum ignis vi aduruntur, tum veluti in alteram indolem redacta, sulphur vel in Arsenicum, Auripigmentum, Risigallum, aliudve simile transmutatum contrariam vitæ εὐσείαν sortita, veneficam suam vim in omnia mundi membra diffundunt. Mercurius ignis vi mox ubi vel distillatus, vel sublimatus, præcipitatusve fuerit, pessimam prorsus, atque exitialem substantiam induit: quod idem de quadruplici salium genere mediantibus eorum spiritibus intelligas velim.

Et quemadmodum illa tria pura, & ab omni impuritate defæcata, utpote naturæ congrua, ad salubrium mixtorum constitutionem concurrunt, ita impura, & veneficis qualitatibus imbuta, pyxides mortis non immerito vocari possunt, à quibus nempe mediante terræ putredine, quidquid in subluhari mundo vitiosum, corruptum, & deleteriæ qualitatis reperitur, suam compositionem sortitur. Jam verò, quomodo intra microcosmum huiusmodi veneficæ jam enarratæ proprietates operentur, quomodo harmonicum humorum temperamentum dissolvant, per quæstiones enodandum est.

Quæres itaque primò. Quomodo serpentes lethiferi in nobis venena producant, totius vitalis substantiæ destructiva? Respondeo, hoc fieri ex dissimilitudine veneni à serpente fusi, tota substantia contraria vitali microcosmi substantiæ, dependet autem hæc contrarietas ab efficacia mercurialium, aut arsenicalium spirituum, quibus nunc hic, nunc alius quispiam serpens pollet, qui spiritus uti efficaciores sunt, quam ut illos spiritus nostri vitales, aut animales calore nativo superare valeant,

Quomodo venena in nobis operentur.

Quomodo
venena in-
tus sumpta
operentur.

valeant, hinc tyrannica quadam violentia mox ac sese morfu, aut halitu, aut alio quovis modo intra corpus insinuaverint, fusque deque vertunt omnia, ac non secus atque incendium, ubi vires acquisierit, confestim corrumpunt omnia, omnia destruunt, & in cinerem convertunt; eodem prorsus modo venenis semel intromissa, nisi vel ad primum portæ introitum ei obsistatur, veloci suæ facultatis propagatione confestim totius microcosmi arcem, id est, cor petit, quo expugnato, jam veluti de victoria triumphans, omnia sui juris facit, cum ultimo Regni microcosmici exterminio. Cum enim spirituosum, & magnæ subtilitatis sit, omnes meatus penetrat, omnia caustica vi accendit, corrodit, exedit, iis prorsus symptomatis, queis Arsenicum, aut Mercurius sublimatus intro sumptus in corporibus humanis sævit, ut vel ex diris symptomatis ratio constitutionis veneni pateat; quæ tamen de primæ classis venenis intelligenda sunt, quibus vix remedium superfit, uti in aspidibus, dyspsadibus, phtiadibusque patet.

Sunt tamen nonnulla venenata animalia, plantæque, quorum venena intromissa ingentia pariter symptomata causant, quia tamen congruis medicamentis ipsorum nequitia aliquo modo domari potest, ut in cicuta, opio, similibusque, iis succurri poterit, quæ tamen post se nescio quid sui superstes virulentæ relinquunt vestigium, quod intimis fibris insinuat, nonnullas, quidem inducias cum microcosmo subdolè constituit, at ubi pro temporum, ciborumque conditione assumptum resuscitatum fuerit, tunc veluti ex latebris emergens, novo armorum genere hostem ex improvviso adoritur ea strage, quam toto vitæ tempore reparare vix queat; huiusmodi venenum est Tarantulæ, quod phalangii genus est, cujus prodigiosas operationes in *Arte Magnetica lib. 3. de magnetismo Tarantula*, omni, qua fieri potuit *anc. Beia* descripsimus, quem *Lector* curiosus consulat: cujus constitutio, uti ex salinis spiritibus, arsenico-mercurialibus spiritibus, nonnulla temperie mixtis, constat, ita quoque calore in actum deductum, perpetua musculorum vellicatione, incessabilem illum saltandi appetitum efficit; quem effectum quoque, apium risus, quæ ranunculi species est, inter plantas præstat; cujus venenum, dum oris, pectorisque musculos vehementius vellicat, eo infectos veluti ridendo mori cogit.

Tarantula
virus.

Apium risus.

Singula
venena na-
turali ap-
petitu cer-
tum sibi
membrum
petunt.

Quæritur Secundò. An singula membra inimicum sibi venenum habeant? Respondeo, quod sic: sunt enim tot differentia venena, quot differentia in corpore humano membra, ac partes sunt; ita nonnulla venena potissimum primæ classis ad cor principaliter confluunt; quædam cerebrum maxime impetunt, alia hepar; non desunt, quæ nigro modo renes, & vesicam, alia in sanguinem tyrannidem suam exercent. Quæ cor vitæ fon-

tem petunt, sunt omnia Arsenico-mercurialis proprietatis venena, sive plantas spectes, sive animalia. Quæ cerebrum impetunt, sunt veratrum, mandragora, solanorumque species, hyascyamus, stramonium, quæ introsumpta insita sua virtute, humorum massa resoluta ingenti fumorum conglobatione cerebrum petunt, unde iis lethargus, stupor mentis, sudor frigidus, quæ si acredinem adjunctam habent, meningum vellicatione, inflammationeque in phrenesin quoque, & maniam sollicitant, quem effectum cum magnesia saturnina quoque præstet, ex huiusmodi spirituum tinctura eam quoque participasse verisimile est. Quæ verò pulmonem, vitiant, sunt pulmo marinus, qui solo tactu *δυαρβολαν*, anhelitusque difficultatem confert. Cum anno 1632. Provinciam Narbonensem lustrarem, & inter cætera incolas istius oppidi, quod aquas Martias, vulgo *Martaigue* vocant, lustrassem, plerosque pulmonum vitio laborare deprehendi; cujus rei rationem cum rogarem, responderunt, id esse ex ingenti copia pulmonum marinarum, quos oppido vicinus lacus falsus, qui per canalem duodecim milliarium ex mari derivatur, alit: hosce itaque dum incautius tractant, huiusmodi malum incurrere: putidum sane, & virosum animal, nauseam vel solo aspectu procreat, instar utris aquis innatans, in quo nec oculos, nec os, uti diligentissime examinabam, comparebant, totum utrem diceres, ex genere exanguium sed venenosorum.

Pulmo
marinus,
quid pos-
set.

Venenum
pulmonis
marini
pulmoni-
bus inimi-
cum.

Quæritur itaque, unde ista virulenta contagio illi proveniat, & quomodo vel solo tactu pulmones impetat? Respondeo, esse vaporem, illum virosum mercurialis salis adusti malignitate factum, quem vel solis digitis pressum de se emittit, vapor verò vicinum aërem inficit, hic anhelitu attractus, statim ad membrum sibi *συμπληκτον*, se confert, ubi malignitate sua statim resolutione humidi, pulmonibus ea accidentia adfert, quæ hoc malo infestati experiuntur; idemque præstare videtur, quod Mercurius præcipitatus, una sali vehementer adusto mistus in pulmonibus præstat; ex huius enim vapore, qui inficiuntur, plerumque in phtisin incidunt, ut mihi non semel aurifices conquesti sunt, quamvis non cum tanta vehementia illis, sicut hic pulmonibus officiat, utpote cujus virus lentò, sentoque putidi animalis corpore nonnihil obtundatur; oculis quoque plurimum obesse dicitur; unde vulgo *mal d'occhio*, aut *mal d'œil* dicitur.

Causa ve-
neni in
pulmone
marino
latente.

Quæritur Tertiò. Quomodo Cantharides, ubi vel introsumptæ, vel etiam manus calore excitatæ fuerint, statim vesicam pe-
tant, eamque una cum sanguinis mictu exulcerent? Respondeo, esse virosum subtile, & spirituosum salis adusti, quo cantharidum corpus pollet, effluviū calore suscitatum, quod ad falsuginosum vesicæ humorem miro quodam magnetismo, tanquam sibi corpus

Canthari-
dum vene-
dum, quo-
modo vesi-
cam exul-
ceret, ex-
ponitur.

R

analo-

analogum, confluit; quoniam verò hic falsugineo humore vesicæ efficacior est, hinc fit, ut eum sui juris factum subigat, unde & corrosio, & ex corrosione sanguinis mictus ut oriatur, necesse est.

Quæcunque igitur simili actione in proportionata membra diffunduntur venenosi animalium spiritus, ea effectum suum non alia, quam magnetica quadam actione consequuntur: quemadmodum inter innumera objecta Magnes non nisi ferrum appetit; sic & cantharides non cor, non cerebrum, aut pulmonem, sed vesicam, tanquam simile, & analogum sibi, proportionatumque appetunt, eo modo, quem diximus. Vide quæ de hisce fusius in *Arte Magnetica* de similibus discurremus: Ubi & modum, causamque assignavimus, cur torpedo solius arundinis tactu, contingentis eam manus veluti fideret, & stupefaciat, quæ quidem non alteri, quam mercuriali cuidam virtuti eidem insitæ, nervis infestæ, qua pollet, adscribi debent.

CONSECTARIUM.

Sympathia
venenorum
ad
certa
membra.

ATque ex hisce patet, venena, quæ à veneniferis ad certa quædam membra, non ad alia diffunduntur, partim fieri vi sympathiæ, partim antipathiæ; sive quod idem est, habere illam ad certa quædam membra similitudinem, sive proportionem atque analogiam, ad alia nullam; Quod verò dicta membra sub amicitiae prætextu impetens, tantas in iis strages excitet, ejus merito quispiam causam desiderabit. Dico, id fieri ob excessum virtutis, quo analogam in aliquo membro sympathico virtutem superat, opprimit, & in sui naturam convertit, atque hoc pacto antipathica dici potest; Sympathia verò inter utrumque considerari potest, quod membrum illud aliquid illi analogum in se continet, ad quod naturaliter confluit: Sic salina corpora trahunt salina, cujuscunque tandem speciei fuerint, sulphurea ad sulphurea confluunt, & sic de cæteris: Sic verbi gratia salinum cantharidis ve-

nenum naturaliter sibi congeneris proprietatis vas, id est, vesicam salina vi pollentem magnetico quodam confluxu petit; quia verò spiritus ille salinus in cantharide subtilis, & oppidò æstuosus est, hinc fit, ut omnia penetrando, mox ac membrum sibi analogum attigerit, ejus, qua constat, temperiem virtutis suæ excessu labefactat, reliqua verò, quibuscum nullam analogiam habet, inoffensa relinquit. Alia verò venena, dum plerumque virus suum per sanguinem, aut spiritus vitales fundunt, mox, uti ex humido, & calido subtili constant temperamento, ita illud quoque protinus hominem corripit, suoque complexu obruit, stupefacitque, unde cessante calore & motu, animal interire, necesse est.

Quomodo
Cantharides
vesicam
exulcerent.

Vel etiam nonnulla subindè venena ita sanguinem, spiritusque animales exagitant, ut dum contrarium sibi fugiunt, intra venas, arteriasque recepta, ibidemque malignitate subsequens hostis intercepta, in febres malignas degenerent, undè mors; vel etiam quædam venena mercurio-arsenicalia, uti virtute rosiva omnia interiora corrodunt, & lancinant, ita quoque mortem ei conciliare necesse est, uti ex hæmorrhoidali veneno Mercurii sublimati vi pollente patet.

Quomodocunque tandem combinentur atroces venenorum effectus, certum est, illa non nisi ex Arsenici, Mercurii, Saliumque depravatorum, quibus venefica animalia polent, & *ἡ πύμαγνησις* quendam provenire; atque horum cum humani corporis antipathiam aliter concipi non posse, vel ipsa infallibilis experientia docet, quod venena ab animalibus lethiferis infusa corporibus melius extrahi non possint, quam medicamento ex ipso animali confecto; ita morsum viperæ viperæ, scorpionis puncturam scorpium superpositus, & innumera alia, de quibus in sequentibus, scilicet per similitudinem attractum sanat: Antipathia verò ad dicta, sive humores sive membra infecta considerari non debet, nisi per excessum virtutis, qua suum sibi analogum obruit, & in depravati sibi veneni naturam convertit.

Omnia venena per magnetismum operantur.

CAPUT IV.

Ubi Viperæ, cæteræque Aspidum supra enarratæ speciei, primæ classis venenum stabiletur, ubi sedem suam lethæam ponant, & quæ venenum suum intra corpus humanum causent.

VIperæ materiam primam, primumque elementum acerrimi, & biliosi sanguinis esse, hinc patet, quod à virulento nutrimento, id est, Sulphureis, salinisque bestiolis proficiscatur; uti sunt bufones, mures, aranei, stelliones, cantharides phytocampæ, sive erucæ, ranæ, lacertæ, similiaque, quæ passim, dum in nostro phar-

mocopæio exenterantur, me spectasse meminini, quem chylum, dum inter nutritivos, ventriculum inter & hepar, fines in sanguinem mutaverint, eum læva cordis valvula in oppidò retorridam, fumosamque igne veluti adustam materiam transmutat, quæ deinde sanguinis vehiculo ad retiformem plexum in ventriculo cerebri à natu-

Origo veneni in viperis.

natura paratum traducta, in spiritum vitalem animalis planè elaboratur: atque in hoc officinæ ergasterio, non in alio corporis membro natura venenum viperæ elaborari voluit, tum ad se contra adversa conservandum, tum ad virium sibi naturalium, sine quibus lenta, & torpida remaneret, robur firmandum, principali fine institutum; unde & nullo alio membro, nisi ore valent tum viperæ, tum quotquot sunt in rerum natura serpentes. Sed jam ad corpus veneni examinandum progrediamur, quod non est aliud, quam crassus, viscidusque lentor, nitroso pituitæ fermento non secus, ac amarâ bile cum phlegmate crassiore commixta, delibutus, à Natura sub duobus dentibus fistulosis, & mobilibus, nonnihilque repandis, elaboratus, (uti in viperarum exenteratione, quarum in Collegio Romano ad multa millia quotannis in Theriacæ confectionem occiduntur, observare licuit.) quæ materia lenta, ubi per iram animalis, & consequentem bilis affluxum ferbuerit, morsuque accedente eam, quam diximus, stragem in læso edit. atque adeò hæc materiæ lentitudo ipsi necessaria est, ut sine ea venenum, quin statim evaporaret, contineri non possit; quem lentum humorem & in dyypsadibus, aspidibus, cæterisque reperiri, quotquot de iis scripserunt, attestantur. Est enim veneni fomes; in tenuissimum verò subtilissimumque venenum evadit, non secus, ac argentum vivum sal effervescentiâ sublimatum: ita quidem ut nihil tam subtile in rerum natura sit, quod suos tenuitatis nidos non in corporum lentitudine, & viscositate quadam struat, & Ars Spagyrica luculenter docet in mineralium saliumque, nitri, aluminis, vitrioli, resolutione; è quibus tametsi concretis corporibus, spiritus tamen adeò subtiles, & efficaces educit, ut eorum violentiæ nihil penè resistere posse videatur, uti ex vehementi eorum corrosione constat; & ex crassis vegetabilium venenosorum succis quoque patet, qui intus sumpti, & calore fervefacti, statim virus suum subtile exerunt, eo symptomatum comitatu, quem supra in Napello, cicuta, aconito, veratro, similibusque recensuimus. Non dicam hîc de animalibus. Quid spiritibus sive vitalibus, sive animalibus, subtilius, tenpiusque esse potest? qui tamen non nisi sub lenta sanguinis massa, nervorumque dura compage nidulantur. Undè tametsi venenum viperæ à terrestri ejus natura, & ad oculos frigida, multi frigidum esse putent; ex hisce tamen apertè patet, venenum, id est, spirituosum viperæ liquorem esse quàm maximè calidum, utpote ab æstû cordis, bilisque adustione probè concoctum; Cum impossibile sit, crassum liquorem à frigore elementari coagulatum, tenuem & actuosum esse posse: contrario verò omnia subtilia, & penetrativa, uti à calore procedunt, ita quoque natura sua calida

esse, non elementaris modo caloris, sed spirituum salinorum, aut Mercurii, sulphurisque, quorum naturam participant, virtute, & proprietate.

CONSECTARIUM I.

Hinc sequitur ratio antipathiæ venenorum, & in hoc unico consistit, quod venenum unius animalis efficacius, potentiusque sit, alterius animalis veneno. Hinc araneus occidit bufonem, quia venenum illius subtilius, actuosius, spirituosiusque est, ita forsitan, si per experientiam nobis constaret, Aspis, Dyphas, aut phtyas, quæ omnium potentissimis venenis pollent, viperas mortuas veneno debiliori imbutas occiderent; quemadmodum de anguibus Argolicis narrat *Nicander*, qui Aspides morsu suo interimunt. Hinc etiam patet, cur serpens ejusdem speciei, alterum *ipoudeia* non lædat; quia virtute naturali, iisque propria, æquales sunt sine ullo excessu, unde tantum abest, ut sibi mutuo noceant, ut potius se foveant, conferrentque hac virtute, veluti dote quadam à Natura iis attributa.

Araneus occidit bufonem & cur?

CONSECTARIUM II.

Hinc patet, quomodo venenum viperæ propagatione sui tantas strages edat? Dico, quod id statim, ac vulneri per morsum inditum fuerit, mox operetur, non secus, ac si quis escæ, vel fomiti scintillam ignis injece- rit, quæ statim velocissimo progressu intra exiguam moram, etiam magnam fomitis partem, nisi obsistatur, subitanea ignis propagatione destruit, consumitque: eodem prorsus modo venenum agere censendum est; cum enim causticum sit, intrò sumptum qua data porta ruit, susque deque vertit omnia, rodit omnia, incendit omnia; donec spiritibus vitalibus excessivo calore consumptis tandem animal conficiant; ut proinde progressus ejus non melius, quam per motum accelerationis gravium describi possit; cujus rationem vidè in *primo Libro* hujus operis descriptam; Quemadmodum enim lapis quanto centro vicinior est, tanto majora spacia conficit, id est, tanto velocior est, ut in spaciis A B, B C, C D, D E. videre est: in A, siquidem tardissimus est; in A B spacio velocior, & adhuc in B C, velocior, & hoc pacto semper velocior usque ad quietis terminum. Eodem modo, sit A, læsi hominis vulnus; cor loco E aut F. Dico prima hora v. g. à sumptione venenum tardius operari; Secundâ horâ, jam viribus acquisitis celerius virtutem suam promovere



Venena
pocent ex-
cessu vir-
tutis dif-
fusa.

ex A in B. horâ tertiâ adhuc velocius ex B in C. & horâ quartâ adhuc velocius ex C in D. horâ quintâ omnium velocissimè ex D in E

aut F propagatum, tandem solita tyrannide omnia sibi subjicit, & consequenter in E quietem quam mors affert, terminat.

CAPUT V.

Quomodo venena nonnullis animalibus non noceant, & quomodo venena per morsum canis rabidi, & Tarantulae, non nisi determinato tempore sere exerant.

NOvimus, animalium venenatorum pastu delectari Ciconias, Aquilas, Gallinas, Anates, Porcos, Cervos, similesque, quæ tamen nullam iis noxam comesta inferunt; & ut paucis me expediam, Dico, id ex summo, & excessivo calore, quo dicta animalia, præsertim volucra pollent, provenire. Quia tamen animal nequaquam hunc effectum elementari calore præstare potest, haud dubiè aliud adnexum quid latet, quo se ab omni veneno præstet tutum, quod jam explorare tentabimus.

Volucres omnes Sale-nitro turgent.

Jam alibi ostendimus, omne volucrum genus insigni salenitri copia turgere, quod salis genus calore naturali excitatum, partim in excrementa, partim in pennarum amictum destinari, pennarum ex nitro fixo sub specie vitri expurgati constitutarum ratio sat demonstrat. Hoc itaque salenitrum sulphureâ tincturâ foetum mirum in modum calorem naturalem in stomacho potissimum ita corroborat, ut quicquid comederint, quin vel ipsum ferrum, hujusmodi spirituum acrimoniam, nonnulla animalia consumant.

Cur serpentes ac rubetæ ciconiis in cibum sumpti nihil noceant.

Ex quo deducitur, cur ciconiis, gallinis, aquilis, anatibus, similibusque, nullus animalis venenosi pastus noceat. Cum enim stomachus in hujusmodi animalibus sulphureo-salenitroso vigore, & consequenter mirâ acrimoniam polleat, hinc fit, ut venenum serpentis, priusquam vires suas exerere possit, jam consumptum, atque transmutatum sit, quod manifestum indicium est, gallinas ciconiasque calore suo nativo calorem diffusi veneni multum superare; & hinc patet, quod calor hujusmodi vel in ipsa metalla vim suam, ea rodendo exerat, quod venenum serpentum non facit. Si gallinis monetam vel argenti, vel cupri projeceris, illam avidè deglutient; sed ubi eam per secessum rejecerint, semesam jam reperies, quod utique non nisi ex sal-nitrosa sulphurei spiritus acrimonia provenit. Aquila ossifraga, vel durissima ossa animalium deglutita, mox calore stomachi in mollem, fluidamque excrementi materiam digerit. Nil dicam hinc de Struthiocamelo, qui uti experimento Melitæ à me factò constat, stomachi calore ferrum deglutitum digerit, digestum in scoriam ferrugineam convertit, non secus ac si vitriolata aqua impositum fuisset, eadem virtute veneni suffocativa pollent omnes illæ volucres, quæ araneis, muscis, erucis, vermibus putridis, bruchis, cantharisque, & venenatis herbis, uti sturni

Gallinæ ferrum & nummos æreos digerunt.

cicutâ, vescuntur. Patet itaque ratio, cur venenatorum animalium esus nonnullis animalibus non noceat.

Cur verò & homines viperarum carne vescantur impune, imò cum maximo sanitatis commodo, Ratio est, quod venenum viperæ in capite, & in cauda, ceu extremis corporis partibus sedem constituerit: Unde relectis extremis partibus, exemptisque visceribus, reliqua carnis pulpa sale, & anetho expurgata, decoctaque, non tantum non nociva est, sed & in salubre medicamentum evadit, uti ex sale, & trochiscis viperinis in pollinem reductis patet, tantumque pulvis viperinus, ob vitæ prolongationem, plausum meruit, ut is Regum, Principumque mensis, tanquam non indecorum condimentum accesserit.

Cur viperarum caro comesta nil noceat homini.

Sed venio ad alterum dubium in hoc capite dissolvendum, estque de canis rabidi morfu virulentissimo, qui uti præ reliquis venenis symptomata ἐξωτικώτερα efficit, ita quoque reconditiores hujusmodi causas habet, quas tamen ut detegamus, primò symptomata ipsa, quæ morfu suo infert, plane horrenda, & formidine plena describamus, ut ex his admirandis effectibus tandem causam reperiamus.

Andreas Baccius hisce verbis ea describit: Symptomata horrenda quæ venenum canis rabidi morfu infert. *Accidentia*, inquit, quæ sequuntur confirmato effectui, vel pænis infernalibus comparanda vidimus, præsertim ex timore aqua, quam solo aspectu perinde abhorrent, ac si in fornacem conjiciendi essent ardentem, clamoribus & ejulatibus canum instar ad cælum missis, ut ligati etiam fortissimis funibus non cubile solum, & stragula lecti secum trahant, sed quasi pessundare eam domum qui astiterint suspicentur. Imo, quod miserandum magis spectaculum, quanquam abhorreant, ut cum maxime aquam, pro intolerabili tamen siti, ac incendio, quo se comburi sentiunt, inhiantes ad aquas ac apertis usque ad præcordia faucibus, vel instar infernalis Cerberi trisauis, dum projectas per syphonem longè aquas ingurgitant, neque cælo, terra locum invenire dixeris, adeò excalescunt, adeò se jactant atque distorquent, donec ceu mortui, aut percussi à cacodæmone concidant, quamdiu exsiccatis paulò post à rabie spiritibus ad easdem insurgunt pænas & cruciatus. Hæc ille. Quinque in hoc insolenti prorsus, & formidabili veneno exponenda sunt accidentia, quæ quanto occultiora sunt, tanto majorem difficultatem in causis detegendis physiologo adferunt.

Prima est proprietas veneni canini, quæ morfu

Symptomata Canum rabiosisum.

morsu confert id, quod ipsius phantasticæ facultati implantatum est. Secunda est, tarditas in operando, qua non statim, cum integra sanitatis optimæ dispositione, sed post multos dies, menses, annos, uti historiae medicorum docent, sese de potentia in actum exierit; vel ad aspectum aquæ limpidæ, uti quidam, qui pelvi à tonsore mento radendo apposito, cum suam in limpidâ aqua imaginem contemplatus, canis eam esse sibi imaginaretur, derepente timore aquæ invasus, in rabiem incidit: quidam sub umbra corni arboris. Tertia, phantasticæ facultatis depravatio, quâ sive speculum, sive aquam inspexerit, semper in canem se transformatum esse sibi persuadet; unde canum mores in omnibus æmulatur, latratu, motu progressivo, morsu. Quarta, metus aquæ vehementissimus, quæ ὑδροφοβία, uti & morsu hydrophobi dicuntur. Quinta, sitis inexplicabilis cum incredibili totius corporis ardore, rabieque conjuncta; & quod dictum mirum est, id, quod ei maxime remedio ad ardorem, sitimque extinguendam esse deberet, id quam maxime & ipsa morte pejus abhorrescunt.

Causa veneni canis rabidi investigatur.

Quæritur itaque primo, unde in cane tam exorici veneni proprietas enascatur. Quod ut dilucidè explicetur, primò natura canis explicanda est, cui hæc rabies adeo propria est, ut nulli alteri animali, præter canem accidere coryphæi medicorum attestentur nec audiendus est *Aristoteles*, qui omnia animalia præter hominem rabie tentari in *Historia animal.* asserit; quamvis mihi persuadere non possim, tantum Philosophum quidpiam asseruisse, quod communi experientiæ repugnaret, unde vitium seu mendum potius textus, quam Authoris errorem existimaverim. Canes ergo omnes calidissimo, & bilioso temperamento esse, operationes eorum facile monstrant, in quo tamen temperamento vitale sulphuris principium valde turget, quod robore & fortitudine sua, dum in mercurium suum, id est, humidum radicale agit, id paulatim consumit, unde mors oritur; ex copia verò caloris innati, & abundantia salis radicati rabie tentantur, cum enim calor ille naturalis vehemens in canibus, plurimum humidi consumat, multa quoque inde excrementa nascentur, quæ uti fulgines ingentes pariunt, ita poros quoque obstruunt, porisque obstructis, caloris ventilationem prohibent, quâ prohibita, dum nihilominus calor sensim augetur, & valide aduritur, adustum calidum ex gradu nativi caloris in calorem præter naturam degenerare necesse est, unde eo omnia excrementa retenta, & congesta, inflammata, & adusta venenum illud, ex quo rabies canina ortum suum deducit, generant, quam & omnibus animalibus, quas momorderint, communicant.

Causa veneni canis.

Quæritur secundò. Unde & quibus ex causis tantam canis intemperiem producat? Respondeo, ex nutrimento rancido, & virofa

putredine imbuto, quis nescit, quam putidas aquas bibant? quam fordida, quam foeda, stimulante fame, canes devorent, quanta aviditate cadaveribus dira etiam contagione infectis inhiant; quæ putredo virofa una cum nutrimento intus sumpto summam in animali δυσχεροσίαν, seu intemperiem producit: Hæc namque fermentata, atque in intimis fibrarum recessibus diffusa, ibidem veluti sub clandestina quadam statione delitescit, donec accedentibus æstivis caloribus, sub Caniculæ exortum excitata, in eam veneni qualitatem exaltetur, quam suprâ descripsimus: Sulphureo-salina vis, qua animal prædominanter constat, ejusdem atræ bili juncta, quamdiu externo calore non sollicitatur, nonnullas in atra bile ob ejus tenacitatem difficulter resolvable, inducias agit; at ubi jam fermentata canicularibus æstivis stimulis incitata fuerit, tum enim verò veluti laxatis frænis magnâ vaporum concomitante turbâ, caput impetit, ubi salinam suam virulentiam meningas lancinando, & in furias stimulando, maxime exierit. Quod verò hybernis etiam mensibus, quibus summum frigus durat, rabie infestentur, ratio est, quod calor externo frigore jam coactus, concentratusque, venenum in actum resolvat; Inter cæteras verò virosæ substantiæ escas, quibus utuntur, nihil aded ad canum rabiem generandam conducit, quam si datâ occasione ex menstruo mulierum fluore lamberint, atque aded dicere ausim, caninæ rabiei virositatem ab alio, quam ab hoc non provenire, & cælli foeminarum hoc morbo ut plurimum infesti, satis indicant. Verum quomodo, aut qua de causa, ne aperiâ religiosa modestia me cohibet: Medici uti facile meam intentionem percipient, ita quoque ex historicis mulierum morbis, non ipsis mulieribus tantum, sed & ea quæ vel virosi fluoris afflatu contaminata fuerint, exotica morborum genera produci fatebuntur.

Quæritur tertio. Quomodo venenum hoc principaliter phantasticam facultatem infestet; Dico, venenum caninum morsu in corpus introductum, eadem virtute pollere, qua in ipso cane se exierit, adedque nihil aliud dici possit, quàm virus in hominem transplantatum. Hoc posito Dico, in hoc veneno semper nonnihil latere canini, in hominis corpus ideali quadam virtute transplantatum; hinc statim intra corporis humani vasa fermentatum, ubi in actum exierit, ingentes ex humore sulphureo-salino adusto fulgines exotico vapore mistas in caput protrudit, ubi in vitream quandam materiam tenuem tamen, & subtilem translucidamque resolvitur, quæ tanquam in speculo, ideam canis, seu analogam speciem, quam sub transfuso veneno latere dicimus, phantasiæ, seu imaginationi objicit: non secus ac mulier gravida picâ, quam Græci *κίρτα* vocant, laborans, desiderio nimio rei obtinendæ, dum se aliquo in

Causa phantasiæ eorum qui à canibus mortui se canes esse imaginantur.

Vis imagi-
nativa.

Ab hæ-
morrhoo
serpente
morfi, se in
sanguine
natæ sibi
imaginan-
tur.

Cicutâ in-
toxicati,
anseris se
esse putant.

loco fricat, spiritibus imaginatrici vi com-
motis, in foetu analogo frictæ partis loco, rei
desideratæ formam imprimit. Haud secus
rabiosus veluti in speculo quodam ideali can-
nem contemplans, in canem se transmuta-
tum imaginatur: unde & quidquid sive specu-
lum, sive aquam viderit, semper errore phan-
tasie, quæ intus contuetur, extra quoque ta-
lem se apparere sibi persuadet. Accedit ad
vehementiam imaginationis memoria canis, à
quo morsus fuerat, atque adeo idem in eo
contingit, quod in quibusdam hypochondria-
co, seu melancholico humore offusis, qui id se
esse, quod non sunt, uti Reges, monarchas,
philosophos, quidam se vitreos, nonnulli mor-
tuos esse imaginantur; quia species rerum,
quas intenta mente, & continuato desiderio,
animo volvunt, in humore, quo caput refer-
tum est, veluti relucens contemplati, vere
tales se esse, quales sibi imaginantur, cre-
dunt; quæ quidem humorum colluvies, si so-
lidam consistentiam necdum acquisierint, fa-
cile emendari potest: ubi verò in vitream
materiam coaluerit, tum prorsus stulti fiunt,
stultique moriuntur. Est & hoc admiratio-
ne dignum, quodcunque tandem venenum
sive animalium morfu, aut esu herbarum ve-
nenosarum introductum in cerebro causare
quandam speciem rei, in huiusmodi humore
relucens, quam se esse imaginantur: sic qui
felis in rabiem prius actæ cerebrum comede-
rint, feles sese esse imaginantur, unde voce,
stridore, motu, gattorum mores exprimunt;
quin recurvatis digitis, ceu unguibus adstan-
tes impetunt. Hoc pacto *Andoyno* teste, qui
ab hæmorrhoo morfi fuerint, se serpentem
in sanguine natantem putant; unde & ego
mirificum eventum duorum ex nostris Patri-
bus in Germania missionariis olim me specta-
se memini, qui incuria coci radices cicutæ pro
petroselini radicibus coctas, ex laboribus re-
duces, fame stimulante, magna aviditate
comederant, quæ vix stomacho redditæ fue-
rant, cum ecce fumis jam ascendentibus, men-
te obnubilati, omnibus sese vestibus spolia-
tos, in vicinum vivarium præcipitarunt, à quo
erepti, antidotisque instaurati, à morte qui-
dem redempti, sed deinceps præoccupatis ve-
neno nervis, miseram vitam ad triennium se-
miparalytici egerunt; rogati postmodum, quid
sibi in sua infania imaginati essent, responde-
runt, in anseres sese transformatos fuisse, pu-

tasse, atque eam ob causam intra aquas se mo-
re anserum nataturos præcipitasse; utproin-
de hinc pateat, omnia venena, potissimum
quæ cerebrum infestant, intoxicatos alicujus
certæ rei specie, qua id se esse putant, quod
species in vitreo humore exprimit, infestare.

Cicutâ in-
fecti se an-
seres esse
sibi imagi-
nati sunt.

Quæritur Quatò. Cur rabiosi tantopere
aquam abhorreant; Respondeo, hoc prove-
nire, quod in vitreo illo humore cerebri, flu-
ctuantis aquæ species, & in ea canis natantis
seque persequentis species exprimitur; un-
de memoriâ canis, qui eos momorderat, in
vitreo liquore natantis adeo consternantur,
ut pejus eam infernalibus tormentis abomi-
neantur. Sic mihi retulerunt, qui hydropho-
biâ laborantes, votis conceptis, divinitus fu-
erunt liberati.

Unde hy-
drophobia
in rabidis

Quæritur quintò. Unde inexplicabilis,
qua torquentur, sitis, cæteraque horrenda
rabiosorum propria symptomata nascantur?
Respondeo, id provenire ex sulphureo-salino
adusto humore, quo omnia viscera ad siccita-
tem rediguntur, meninges lancinantur, dum
eos continua spirituum vitalium, animalium-
que cum veneno lucta, incredibili animi an-
gustia, & inquietudine exercet, hinc sum-
mus ab aqua timor, illinc ex ignea veneni
omnia constringentis violentia sitis inextin-
guibilis, ex qua symptomatum contrarietate
nascitur. postea illa rabies, quæ non nisi mi-
seranda morte finitur.

Unde hy-
drophobo-
rum tan-
ta sitis.

Quæritur Sextò. Cur saliva adeo sit no-
civa, ut eâ infectus homo, non secus ac ca-
nis in rabiem agatur? Dico cum saliva canis,
uti nonnullorum serpentum sputum, quæ
phthiades indè nominant, virulentissimum, &
optimè concoctum, digestumque, præterea
spiritibus deleteriis refertissimum, nec non
ideali quadam à canis imaginatione transfusa
virtute foetum sit, mirum non est, illud vel ad
primum contactum poris inditum, paulatim
ad vitalia usque membra proserpere, donec
tandem vehiculo fuliginum in caput elatum,
eos, quos descripsimus effectus fortiat. Quod
verò nonnulli à Medicis adducantur
hydrophobiâ affecti, qui tamen morfu canis
non fuerunt intoxicati; Dico, illius causam
esse non posse aliam, nisi quod esculenta non-
nulla, aut supellectilem culinariam, quam
canis rabidus saliva sua infecerat, incautius
attrectarint, aut etiam panem, cibosque eâ
infectos comederint.

Saliva ra-
bidi cur in-
ficiat.

Cur non
morfi sub-
inde hy-
drophobi
fiant.

CAPUT V.

De Origine morborum.

Cum itaque suprâ ostenderimus, omnia,
quæ in Geocosmo sunt, uti ex sulphu-
re, sale & mercurio constant, ita quo-
que omnia ea, quæ ex terra quovis modo
suam originem trahunt, vegetabilia, & ani-
malia, imo quod admiratione dignum est, illa,

quæ nobis vitam prorogant, quibusque nu-
trimur, & alimur, illa eadem in ultimum cor-
poris nostri exitium tandem conspirare vi-
dentur, nam ut in præcedentibus dictum est,
est in humani corporis humoribus nescio
quid sulphureo-mercurio-solinum recon-
ditum,

Omnia
nutrimen-
ta ex terra,
sulphure,
mercurio
& sale im-
butuntur.

dictum, quod à nutrimentis originem suam trahit, quæ tria quamdiu cum elementis consonas amicitiae leges servant, tamdiu hominem in integro sanitatis statu constituunt; si verò per elementorum, seu humorum discrasiam, sulphur, mercurius & sal, exaltentur, tum enim verò, tum pro conditione spirituum, tum pro partium, humorumque conditione, eam morborum varietatem, & copiam pariunt, quam in hunc usque diem nullus Medicorum satis explicare potuit: Unde non immerito Chymici omne morborum genus ad triplicem classem referunt, ita ut alii morbi sint sulphurei, id est, à sulphure, alii Mercuriales, à Mercurio; alii denique Salini seu tartarei, eorumque spiritus aëri analogi sint; ubi notet *Lector*, nos pro sulphure hoc loco calorem innatum specificum non elementarem, qui ejus vehiculum est; per Mercurium humidum radicale; per sale denique quidquid in Geocosmo, sive Microcosmo terrestre sapit, intelligere. Quoniam verò pro diversitate membrorum hæc tria principia materialia, quibus inexistunt, maxime specificentur, non secus ac Sulphur, Mercurius, & Sal in differentibus mineralibus glebis, quibus adhærent, in differentes specie proprietates degenerant, ut alibi fuisse probavimus, ita quoque illa in membris Microcosmi pro Natura, & proprietate membri, cui insunt, specificantur: alios enim hæc tria in membris vitalibus, alios in humorum massa, alios in venosa, & nervosa substantia, alios in exterioribus membris effectus præstant. Verum ut hæc penitus discutiantur, ea per quæstiones enodemus.

Tria hæc
materialia
principia
in diversis
membris
diversa
sunt.

Quæritur itaque primo. Quomodo homo paulatim ad adeo differentes specie morbos disponatur? Respondeo, id ea prorsus ratione secundum analogiam quandam fieri, qua tam differentes in mineralium oeconomia morbos sulphur, mercurius, sal acquirunt: Sulphur enim naturæ, ubi optime temperatum fuerit, una cum asseclis suis, sale, & mercurio, non solum innoxia producit metalla, sed & maxime salutifera, uti ex auro, & argento patet; ubi verò excessivo ignis subterranei calore adusta fuerint, tum enim verò, uti prorsus à bonitate nativa degenerant, ita quoque abominandam producit sobolem, totius substantiæ similitudine vitæ nostræ principio contrariam.

Quomodo
omnes
morbi ex
Sulphure,
Mercurio
& Sale con-
stent.

Eodem prorsus modo, cum plantæ ex terra suum alimentum, incrementumque per naturalem attractum nanciscantur, alimentum verò ex sulphure, mercurio, & sale constet, plantæ verò nativæ dictorum mineralium tincturâ imbuantur, hinc fit, ut hæc ab animalibus, & tam animalia, quam vegetabilia in hominis nutrimentum sumpta, una secum hanc sulphureo-sale-mercurialem progeniem intra se derivent, quæ quamdiu intra corpus à natura intentas amicitiae leges servaverint, tamdiu quoque corpus in sua inte-

gritate conservabunt; si verò per excessum aliquem nimiae repletionis, aut exercitii, vel per externas causas aëris, Solis, aquæ, terrestres halitus, in dissonantiam dirupta fuerint, tum quoque pro excessu, qui innumeri esse possunt, quantitate, membrorumque conditione, mox innumera exurgunt morborum species, quæ nisi tempestive appropriatis, & specificis remediis domentur, homini tandem mortem intentent; Sulphur quidem pro varia humorum, membrorumque, quibus inest, conditione alteratum, exaltatumque, mox omnes illas febrium diversas species, quas referunt Medici, suscitatur, & tanto quidem atrociores, malignioresque, quanto majori caloris vi exagitatum, nociviores humorum putredines causaverit. Hinc sulphureus ille calor, à calore nativo excitatus, ubi humidum reperit, in illud hostili insultu agere non cessat; humidum hosti sese opponens ad extrema, eluti horrore quodam percussum fugiens, frigus illud, & exoticum illum rigorem causat, quem febri laborantes in primo paroxismo experiuntur; ubi verò potenti inimico humidum subjugatum se sentiens amplius resistere non potest, ita quoque tyrannidi caloris subjectis fascibus cedit; hic subjugato hoste victor insolens calor, æstu fusque deque paulatim vertit omnia ad ultimam usque ruinam; atque hanc febrium causam non aliunde, quam à sulphureo spiritui varie exaltato provenire intelligas velim; qui si mitis fuerit, febres mites, neque diuturnas; si atrox, atroces; si malignus, pestiferas febres causabit. Atque hæc de sulphureis morbis dicta sufficiant.

Quales
morbi à
sulphure
orientur.

Secunda morborum classis à Mercurio microcosmi dependet; qui triplici via, exoticorum morborum causa esse potest, destillatione, præcipitatione, sublimatione, quæ à vario excessu, quem homo in cibo, potu, tum ex nutrimentorum nocivorum assumptione, tum indiscreto corporis exercitio, cæterisque causis externis concurrentibus committere potest, causantur. Et destillatio quidem exaltati Mercurii, uti in subtilissimum vaporem resolvitur, ita quoque totius microcosmi arcem petens, si efficax fuerit, maniam, phrenesin, epilepsiam, dum meninges excessiva sua acrimonia potentius vellicat, efficit; si verò cerebri frigore in humorem resolutus fuerit, is, si intra pulmonem ceciderit, acrimonia sua solita protinus pulmonem exulcerando hominem paulatim phrissi, & tabe interimit; si sali junctus præcipitatus fuerit, in pedibus podagram, in genibus gonagram, sciaticam in coxis, in manibus chiragram, in capite cephalagram, in toto denique corpore, dum nervos infestat, artritidem efficit; At sublimatus in capite vitreos catharos apoplecticos, in hepate falsos, ubi extincto calore nativo viam ad hydropem aperit; ubi verò diaphoretica sua vi externa membra petierit, ibidem rosiva sua qualitate omnia putrefacit; hinc

Quales à
Mercurio

Unde scabies & impetigo.

Quinam morbi à sale & Tartaro originem sumant.

Quid Tartarus.

hinc serpagines, ulcera, condylomata, gangrenas, sphacelum, exanthemata, similiaque impetiginis monstra, prout diversa qualitate imbutus fuerit, generat. Est & hoc admiratione dignum, quod septica sua vi, ubi membrum in summam putredinem resolverit, ibidem infesta putredo mox animatam sobolem suscitatur, quæ uti ejusdem cum putredine conditionis est, ita rodendo difficillimè curatu morbum efficit, uti in bubonibus pestiferis, in lue venerea, similibusque experientia jam dum docuit, & nos fusc in nostro de peste Tractatu demonstravimus. Quidquid enim in humano corpore scabiosum, putridum, gangrænosum, ulcerosum, impetiginosum, id à mercurialis salis acrimonia procedere, nulli dubium esse debet, non à biliosa putredine, nisi in quantum illa à dicta malignantis naturæ proprietate imbuta fuerit.

Tertia morborum classis à sale, & tartaro suam originem trahit. Quod ut intelligatur, quid proprie tartarus sit, explicandum est. Tartarus propriè dicitur ea coagulata materia, quæ in doliis vinariis, vel lateribus adhæret, vel in fundo vasis veluti sedimentum quoddam, in saxum concretum reperitur; & nihil est aliud, quam sal vinosum, sive corpuscula illa tenuissima per vini substantiam dispersa, quæ confluxu ad latera dolii facta, ibidem magnetico quodam attractu, tandem in salinum lapidem concrescunt, quem Tartarum vocamus. Neque inde quempiam putare velim, in solo vino Tartarum concrecere; nequaquam, sed & cerevisiam, & quæcumque tandem liquorem, appropriatum suum tartarum, secundum analogiam quandam, insitum habere, pro certo tenendum est, uti ex omnium liquorum facibus, quæ Tartari quædam species sunt, patet. Quomodo verò, aut qualesnam morbos causet Tartarus, jam exponendum est.

Notandum itaque; Nutrimentum quod ab homine assumitur, esse vel à vegetabili, vel ab animali regno desumptum; ad prius omnia salubrium herbarum, leguminum, fructuum, frumentorum, & ex potatilibus, vini, zithi, mulsi que genera revocantur; ad posterius, omnia quadrupedum, volatilium, pisciumque nutritioni aptorum genera revocantur, quibus ova ea lacticia ex quadrupedibus adduntur. Quidquid, extra hæc, reperitur, ad nutrimentum habile non est; ut sunt mineralia, & inanimata quævis elementata, sive aquæ, sive terræ, sive lapides, sive metalla; Cum nihil hominem nutrire possit, quod prius vita non constiterit. His itaque præmissis.

Cum nullum nutrimentum existat, quod ita ab omnibus fæcum quisquiliis depurgatum sit, ut non semper aliquid ipsi fæculentum adhæreat; hinc fit, ut continuato nutrimentorum usu, fæces unà cum nutrimentis ingerantur, quæ semper post se viscosum

quid, vel aliquid terrestri sedimento haud ab simile, post separationem puri ab impuro, relinquat; illud potissimum vegetabilia, hoc carnes & lacticia spectat; hæc tartari generandi proxima materia est, quæ quamdiu humido non destituitur, nil noxæ adfert; cum per duplicem secessum urinæ & fæcum expellantur; fit autem hujusmodi fæcum separatio primò in stomacho, qui impuræ, & terrestres materiæ fæculentiam à nutrimento separatam per intestina foras transmandat; quidquid verò adhuc viscosum nutrimento adhæret, id primò in venis mesaraicis separatam ad hepar, ibidem ulterius depurandum, concoquendumque transmittitur, ubi omne nutrimentum primum in sanguinem, & sic toto corpore dispersum in substantiam aliti tandem convertitur, seroso, & viscido liquore per renes, & ureteres in vesicam exonerato; quæ quidem, si fæcum exitus per oppletiones, obstructionsque, aliudque simile non impediuntur, rectè se habent, hominemque in salubri statu constituunt: contingit tamen subindè, ut aut nimio calore partes, ubi dictæ fæces stabulantur, siccescant, aut spiritu salis interveniente, materia fixa lapidescat: Spiritus enim salis, ubicunque tartaream hanc materiam deprehenderit, ibi statim illam sui juris, & naturæ factum figit: Atque ex hisce principiis exotici calculosorum morborum partus nascuntur, in intestinis quidem, incrustationes fæculentæ, & tartareæ dysenteriam, colicos morbos, convulsiones, tormina, spasmos efficiunt, & si quandoque crustæ tartareæ lubricitate intestinorum solutæ, conglobatæque meatus obstruxerint, tum Iliacus morbus nascitur, malum perniciosissimum desperatissimumque: In renibus verò arenas, quæ in vesicam dilapsæ, tandem eos calculos generant, qui nisi secta vesica eruantur, mortem inferunt; In reliquis verò membris contractiones, arthritides, similiaque malorum monstra generant. Vidi ego in Germania nonnulla loca tartareo-nitroso terreno referata, in quibus vites confitæ, uti unà cum liquore terræ glebæ tartareo-nitrosam substantiam in nutrimentum attrahebant, ita quoque quicunque vino istiusmodi uberius sese ingurgitarent, hosce omnium morborum contractionem incurrisse, tartareamque materiam, quam frequenti tartarei vini potu hauserant, per ipsos digitorum, manuum pedumque articulos, adinstar vivæ calcis reddidisse observavi; Ut vel ex hoc luculenter pateat, res viscosas, & fæculentas, uti sunt leguminum species, lacticia quoque, & casei, & potissimum vinorum genera viscosa, & fæculenta, quæ in mensam effusa cum tempore lapidescant, hujusmodi, inquam, proximam lithiasis materiam esse, si à malefanis, & oppletis assumantur, judico. Calculosorum itaque morborum opifex spiritus salis est, qui ubi materiam fæculentam repererit, humido destitutam, statim vires suas

Fæx duplex, crassa & liquida causa calculi.

Spiritus salis figit tartaream materiam.

Horrendos morbos causat Tartarus.

Generatio
lapidis in
homine
eidem,
quæ lapi-
descen-
tium.

suas in eam agit, & in falis sibi similem liquorem convertit, haud secus ac de lapidescentibus rebus in *Libro VIII*, diximus. Plantæ enim quamdiu in aqua lapidifico spiritu turgente manserint, non lapidescunt, mox tamen ac in ripam conjectæ fuerint, Solis æstu, ambientisque aëris ficitate imbibitum jam lapidificum humorem in saxum convertunt. Pari pacto in intimis corporis membris fieri existimandum est; Unde in hepate, stomacho, intestinis, urinaris meatibus, innumerorum morborum species nascuntur; In intestinis & stomacho præter superius dicta, fla-

tus ex resolutione tartari horrendi, convulsiones, ructus, singultus, ardores, & vomitus: in venis mesaraicis obstructions, in hepate scyrros, in cista fellis lapides, in vesica disurias, nephriticos dolores in renibus, in splene evaporationes fumosas, & hypochondriacos flatūs; tartarus quoque exaltatus in exterioribus erisipelatem, in dentibus ipsis tartaro scatentibus, intensos dolores; verbo, si omnes morbi, qui à tartaro suam originem habent, hic recensendi forent, integro Libro opus foret; Quare hæc ad instructionem Medicorum sufficiant.

CAPUT VI.

De Cura Venenatarum infirmitatum.

Quatuor
elementa
sunt vehi-
cula quali-
tatum spe-
cificarum.

Cum Venena ut plurimum agant per qualitates específicas, aut à forma, vel à totius substantiæ similitudine emanantes, uti suprà diximus, fieri non potest, ut manifestis rerum qualitatibus curentur, nisi eæ aliud quippiam adjunctum habuerint, veneno quoad substantiam simile, & proportionatum. Quæ omnia diuturna experientia adeò innotuerunt, ut nullus Medicorum eam, nisi imperitus, negare possit: Sunt enim quatuor humores veluti vehicula quædam qualitatū specificarum, in quibus peregrinæ rerum proprietates nidus suos collocant, ut suo tempore, ubi probè fermentatæ fuerint, suas exerant vires.

Et caustica quidem omnis generis venena assumpta, uti Arsenicum, Mercurium, cæteraque mineralia redolent, ita ut plurimum curari solent rebus præpinguibus, uti oleo amygdalorum, butyro, lacte, pinguibus jusculis, similibusque, quæ Vide apud Medicos; hisce enim acrimonia, & caustica facultas quodammodo obtunditur, opprimitur, suffocaturque; præsertim si accedant clysteres, aliaque, quæ ad Chirurgum potius, quàm ad Medicum pertinent; Quod idem intelligas velim de veneno herbarum introsumpto; quamvis arcaniores Medici vel ex ipsis mineralibus, veneno contrarium medicamentum veneni destructivum parare norint.

Venena verò, quæ à morfu serpentum procedunt, uti ex vita, & sensu, imò ex naturali serpentum constitutione procedunt, ita melius curari non posse puto, quàm ex iisdem serpentis, quæ momordit, partibus, carne, sale, ossibus, ritè præparatis: Sunt itaque omnia bona mixta malis; Verbi gratiâ, Medicina (ut à mineralibus exordiar) sicut in Sulphure, Mercurio, Sale, ita & in iisdem venenum consistit; in iisdem enim utraque sunt: idipsum enim quod nobis auxilio esse potest, præterea aliud sibi connexum habet, quod nobis mortem adferat. Quæres quomodo? Dico, sola puri ab impuro separatione, quem modum Spagyrica Ars docet: Unde vero tam prodigiola Cura oriatur, jam suprà diximus

videlicet ex Naturæ magnetismo, quo omne simile sibi simili gaudet, & delectatur, unde attractus nascitur & unio, dum serpentis substantia intro sumpta, quomodocunque tandem præparata, naturali quodam instinctu id, quo à se transfusum fuit, repetit, & attractu quodam sibi unitum per secessum foras transmandat. Hinc patet ratio, cur viperina caro vescentibus à prolixitate vitæ polliceatur; non sanè, quod illa quidpiam ad corroborandum, aut ad caloris nativi instaurationem obtineat, sed quod quidquid putridum, virosum, aut malignantis naturæ in corpore cum tempore suscitari potest, id à viperina carne attractum, inde hominem ab omni noxiorum humorum colluvie liberet. Verum ut omnia melius cognoscantur, hic nonnulla apponam, ex quibus, quid ex quocunque tandem veneno intoxicatis adhibendum sit, *Lector* curiosus cognoscat.

REGULA I. Omnia Mineralia, quæ cum aliquo veneno minerali symbolizant in proprietatibus, ritè præparata medicamentum esse possunt veneno, quod introsumptum fuit, *antidoto*; hinc aurum, argentum, cæteraque à realgare sive excrementitiis impuritibus venenum redolentibus expurgata, atque arte Spagyrica præparata, veneno minerali antidoto esse queunt.

REGULA II. Omnes plantæ, quæ quantum ad proprietates naturales cum assumpti veneni proprietatibus symbolizant, illæ ex insito quodam iis magnetismo, ritè, & spagyricè præparata, veneno propulsando conferunt.

REGULA III. Omnium serpentum, Insectorum, cæterorumque animalium veneficorum partes Spagyrica arte præparatæ, sui veneni in homines, sive morfu, sive alio quovis modo transfusi, remedio sunt.

REGULA IV. Omnes herbæ, quæ quoad proprietates symbolizant cum aliquo veneno animalium, illæ quoque præparatæ, veneno transfuso remedio esse possunt.

Arque

Magnetis-
mus vene-
norum.

Atq; hic est potens ille Naturæ magnetismus, quo corpuscula Mercurialia mercurialibus; Sulphurea sulphureis; Arsenicalia arsenicalibus; Salina salinis, ex quibus omnia constant, miro quodam nexu junguntur, ad se invicem confluunt, sese avidè appetunt; ex quorum confluxu salus, & valetudo homini provenit; Licet enim corpus venenosum ab omnibus impuritatibus fuerit expurgatum, attamen vel in hoc statum id, quod sibi connaturale, & συγγένιον est, appetit, & intimo quodam appetitu attrahit. Quæ cum omnia uberrimè in *Arte Magnetica* l. 3. exposuerimus, eò *Lectorem* remittimus. Quomodo tamen ignis beneficio venena corrigenda sint, paucis non tam explico, quam innuo. Ignis beneficio venena in salutifera medicamenta reduci posse, nemo ignorat: Non raro tamen alia quoque corrigentia necessaria sunt, non tantum ut venenositatem exuant, sed ut partes, ad quas appellant, aut inoffense permeent, aut languidior purgandi vis excitetur, aut effrænis cohibeatur.

Esula lacte caprino.

Colocynthis & elaterium, succo cydoniorum, oleo amygdalorum, butyro.

Helleborus niger, vino generosissimo, Canario, seu Malvatico.

Scammonii lenta & viscosa malignitas, imbibitione succi rosarum pallidarum, & oleo vitrioli.

Sic Antimonium sale marino in mortario ligneo.

Opii malignitas, quæ à proprio sulphure emanat, aceto vini.

Sulphur per ceram purgatur.


Mercurius sublimatus cum sale fuso.

Corriguntur & emendantur.

Mira sanè traduntur de venenosâ planta Americæ, quam *Mandioccam* alii *Hyuccam* vocant; succus hujus radices primò expressus adeò perniciosus, virosusque est, ut qui eum sumperit, sine ullo remedio perire necesse sit; si verò secundo caloris gradu coquatur, jam perdit veneno, acetum fit acerrimum omnibus usibus aptum; si verò ulterius concoquatur, in melleam prorsus dulcedinem abit: succo verò omni expresso, ex arida radices massa contusa, & aqua subacta panis pinfitur toti Regioni communis, non indigenis tantum, sed & exteris; adeoque herba omnium venenosissima ritè præparata necessarium, salutiferumque alimentum, acetum, mel, panem mortalibus præstet. Est & hoc admiratione dignissimum, hujus plantæ virulentiam in *Hyucca* tantum Insulana, id est, in Cuba & Hispaniola, cæterisque Americæ adjacentibus Insulis notari; In continenti verò Novi Regni terra hanc plantam, uti mihi Patres nostri, qui multos annos in dictis locis commorati fuerunt, oretenus retulerunt,

totam quantam, five coctam, five crudam, five succulentam, five aridam, salutiferam esse, & innoxiam prorsus nullo veneni relicto vestigio. Quomodo autem hæc planta in Insulis venenosa sit, quomodo in Continenti tota salutifera, exponendum duxi, cum ex hujus assignata ratione facile in multarum difficultatum solutionem pervenire queamus.

Typus Jucce seu Hiuccæ Americane



Quæritur itaque primò, cur in Insulis tantum hæc herba venenosa sit, non tamen in terra continente *S. Martha*; Deindè, quomodo veneno ablato in salutiferum alimentum sive panem Indigenis cedat.

Dico itaque, venenum hujus non esse connaturale plantæ, sed ascititium: Cum enim Insulæ, Cuba & Hispaniola auri feræ arsenico-mercurialibus halitibus, refertæ sint, fit, ut hæc planta ex naturali suo temperamento, humorem, quo nutritur, deleteriis hisce mineralium qualitatibus infectum attrahat. Unde fit, ut spiritibus virosis plantæ succus crudus potiori ex parte infectus, sumentibus interitum conferat; ex tali enim miscella compositum virus symptomata sævissima, quæ incurrunt hoc intoxicati veneno, fat superque demonstrant. Quomodo verò venenum suum deponat in solita ejus ad usum præparatione,

Cur in nonnullis Insulis hæc herba venenosa sit, in continenti verò salutifera.

Mira vis & proprietas Hyuccæ.

Figura plantæ hæc est.

paratione, hoc pacto fit: Cum enim venenum subtilissimum sit, hinc fit, ut radix sub qua maximè venenum absconditur, coctione resolutis mox spiritibus evanescentibusque, reliquum immune à veneno relinquat in acetum fortissimum conversum, quod enim ex vino fieri affolet, spiritibus evanescentibus acetum, idem hic accidere posse censemus: remanentibus enim salis portionibus, exhalatisque spiritibus subtilioribus, inde acrimoniam acquiri, experientia docet in omnibus iis rebus, quæ post concoctionem, acetosam post se acrimoniam relinquunt. Quod verò post vehementiorem concoctionem totus ille reliquus liquor in melleam substantiam convertatur, causa est, quod spiritus salini, ignis efficaciam exaltati, reliquæ verò substantiæ succus pinguior salinis spiritibus acerrimis jam elapsis, dulcedinem quandam melleam acquirat; quæ separata, massa illa remanet, quæ exsiccata, atque in farinam contusa, per ultimam in furno coctionem tandem in usualem panem convertitur. Atque hoc est meum de hac planta iudicium; Quod quidem ita esse, jam comprobandum restat.

Cum itaque succus hujus herbæ potatus in continenti ad flumen Sanctæ Marthæ, nil mali, aut perniciosi possideat; in Insula verò Sancti Dominici virulentus sit, id apertum signum est, venenum uti ascititium est, & ex loci natalis pravitate contractum, ita quoque concoctione facile separari posse. Venenum itaque in dicta planta provenire minimè potest ex maligna aëris, aquarumque constitutione, aliàs enim homines ex hujus aëris pessima constitutione infici possent, quod falsum esse, experientia docet; Est enim, uti Patres nostri affirmant, optimus ibidem & saluberrimus aër; Neque ex planetarum aspectibus, cum hæc planta, sive boni, sive maligni aspectus sint, semper maligna, & perniciofa sit; neque à Zonæ torridæ æstu, cum terra continense idem subiecta istius herbæ malignitate carere perhibeatur. Nihil igitur restat dicendum, nisi id, quod supra indigitavimus,

videlicet, Insulas Arsenico, vel Auripigmento, sandaraca, vel fossili cadmia refertas esse, quæ herbam ex naturali sua dispositione, simile nutrimentum ambientem, spiritibus suis virulentis inficiant: Dici enim vix potest, quantum terrenum hisce exitiosis mineralium exhalationibus obnoxium, etiam salubres alioquin herbas infestet. Nam ut rectè *Mesue* docet, polypodium non ex lapidibus & mineralibus locis, sed super arborem natum colligi debet, non alia de causa, nisi quod ea ex prædictis halitibus malignitatem quandam acquirat; Hinc quoque suadet, serpentariam, arum, esulam, mazereon, squillam, absinthium, hermodactylos, colocynthidem, quæ semper aliquid venenosi continent, non in mineralibus locis, aut thermalium aquarum ripis colligendas esse: alioquin enim ob nimiam virulentiam, medicinæ non proderunt; Undè loca ab hisce, in quibus crescunt, libera inspicienda sunt, atque ex iis collecta, in usum converti debent: Videndum quoque, quarum herbarum amicitiam gaudeant; harum enim societate in meliorem frugem convertuntur. Hoc pacto Hermodactyli societate squillæ, aut raphani valde suis in conditionibus meliorantur. Rursus colocynthris, non ea, quæ in terris putridis, & pulverulentis, aut juxta serpentum latibula, aut sulphureis thermarum locis, sed quæ in terris laxis, arenosis, & liberis nascitur, eligenda est. Experientia quippè docet, fungos vicinitate ferri, ex putredine serpentis mortui, velejus caveæ, aut plantæ noxiæ, teste *Dioscoride*, ex salubribus læthales fieri. Ad panem Hyuccæ, quem *Mandioca* vocant, quod attinet; Ex hujus radice panem coctum in Musæo nostro conservamus, qui jam à multis annis saporem suum adhuc continet. Hispani in longis navigationibus eum biscocto præferunt, eò quod corruptioni non facile subiaceat. Atque hæc de Hyuccæ veneno sufficiant. Nihil igitur restat, nisi ut quæ hucusque dicta sunt, universali Tabulæ synopsi exhibeamus.

Polypodium cur nocivum supra minerale terrenum.

Hermodactyli societate squillæ gaudent.

Panls mandiocæ.

Ratio cur in terra continenti hyucca innoxia sit, non vero in insulis adjacentibus.

T A B U L A S Y N O P T I C A

Præcipuorum venenorum, quibus triplex Naturæ Regnum, Mineralium, Vegetabilium, & Animalium scatet, cum effectibus, & Symptomatis, quæ excitant, & una cum remediis unicuique appropriatis

P I N A X I.

Ex Mineralibus.

<i>Nomina Mineralium Venenatorum.</i>	<i>Proprietas.</i>	<i>Symptomata.</i>	<i>Remedia & Antidota.</i>
ARSENICUM, & omnes sulphurum species. <i>ἀρσενικόν Græcis</i>	Naturâ acutum, subtile, causticum, malignum, putrefactivum, spiritui suffocativum; unde	Sitis, æstus fortis, paralyfis, spasmus, tussis sicca, ulceratio interiorum viscerum: Causæ ex proprietatibus constant.	Potus lactis, aqua decoctionis malvæ, brodia unctiosa, oleum amygdalorum potum, vomitus provocatio, clisteres; Julepi, decoctio malvæ cum melle, item seminis risi & amyli.
ARGENTUM, VIVUM. <i>ὀφθαλμογενές</i>	Naturæ specifica qualitate excessive calidæ, siccæ; sublimatum, exulcerativum omnium viscerum, nervis inimicum	In sua naturali subsistentia sumptum copiose suffocat spiritum. Sublimatum, paralyfin, dentium casum, exulcerationem viscerum, foetorem oris.	Vomitus procuratio, aureorum foliorum sumptio, potus vini cum absynthio, hyssopo & apii seminibus, lac alinum, laridum lapi, sævum hircinum, mel, & omnia pingua potu sumpta, clisteres.
ANTIMONIUM. <i>στυμνί</i>	Calidum, siccum, adustum exulcerativum; humorum excitativum. Unde	Vomitus, fluxus vehemens, ventus, spasmus, paralyfis, dysenteria;	Decocta pingua, ex appropriatis herbis; oleum amygdalinum epotum & omnia butyrosa.
ÆRUGO.	Naturâ subtilis, resolutive, corrosiva, calida excessive, unde rosiva.	Siccitas oris & totius corporis, dolor stomachi & ventris, vomitus & fluxus ventris, difficultas anhelitus.	Butyrum, lactis potus, succus Acori cum vino, ejus specificum remedium est corallum rubrum præparatum & in potu sumptum ʒij.
CALX VIVA.	Calida & sicca excessive, adustiva, inflammativa, mordicativa, & cauterizativa.	Siccitas totius corporis, dolor stomachi, dysenteria, frigus extremorum, syncope & præfocatio.	Potus olei violati, nenufaris five nymphææ, lactis, & omnium unctuosorum brodiorum.
CERUSSA, <i>Minium, ex eadem matre nata, per ignem specificata solummodo.</i>	Est calx ex plumbo per acetum resoluta, ejusdem fere naturæ cum præcedentibus.	Unde eadem quoque symptomata iis, qui eam introsumpserunt, accidunt.	Cura quoque & præservatio prorsus eadem cum præcedentibus.
CINNABARI <i>seu</i> USITUR.	Naturæ Arsenicalis partim, partim argenti vivi sublimati; Unde	Eadem quoque Symptomata sumentibus accidunt, quæ iis, qui Arsenicum, aut Mercurium sumpserunt.	Cura quoque eadem est, videlicet butyrosorum pinguiumque brodiorum potus, cum decoctis supra descriptis.

G Y -

<i>Nomina Mineralium Venentorum.</i>	<i>Proprietas.</i>	<i>Symptomata.</i>	<i>Remedia & Antidota.</i>
GYPSUM.	Naturâ frigidum, & ficcum; virtute pollet conglutinativa, constrictiva, præfocativa. Unde	Albedo labiorum, oris, linguæ, mollificatio membrorum, vehemens tussis, singultus, amentia, colica passio, διαπνεῖα, urina nigra, syncope.	Vomitus præscribatur cum oleo, pinguibus brodiis, & mucilaginibus, decoctum malvæ in vino. Specificum remedium est excrementum muris tritum & potum, quod ex naturali sympathia cum gypso operatur.
LITARGYRIUM, <i>sive</i> ARGENTI SPUMA.	Plumbi naturam participat, unde conglutinativa & stiptica virtute pollet.	Præfocat spiritus, congelat sanguinem, difficultatem spirandi adfert.	Apium agreste cum vino bibitum, myrrhæ ʒiij. vomitus, aqua cineris ficuum. Purgatio per diagridion. Specificum & sympathicum remedium sunt acini cydoniorum mundati & triti dati in potu, cum vini dulcis decocto.
MARCASITA.	Marcasita cum ex vitriolo & sulphure suam originem habeat, ita quoque natura sua summè calida, rosiva, putrefactiva est.	Undè rosiones viscerum, tormina, & colici dolores in intestinis, vel Iliacus dolor & similia, quæ in arsenico sunt, symptomata, etsi non ita intensa.	Cura est eadem, quam supra descripsimus, oleolorum brodiorum sumptio cum spiritu vitrioli; quod est remedium specificum & sympathicum.

P I N A X II.

Deleteriorum ex Vegetabilibus.

<i>Nomina Plantarum, quæ veneno turgent.</i>	<i>Symptomata.</i>	<i>Cura & Remedia.</i>
APIUM RISUS. <i>Βαρβαχίων.</i>	Natura sua acuta, adustiva, ulcerativa, excoriativa, melancholica vi pollet.	Ex nimia musculorum intra maxillas distensorum vellicatione risum videtur movere, cum amentia.
AGONITUM <i>Natura sua, putre factiva, corrosiva vi pollet.</i>	Calorem nativum resolvit & extinguit; vertiginem causat, scotomiam, mugitum in ventre.	Oxymel, insigne contra huiusmodi venenum secretum.
BULBUS SQUILLA. <i>est pungitiva, incisiva est acuta valde.</i>	Magna quantitate sumpta dolorem stomachi, vomitum; ulcerans & stomachum & hepar.	Omnia pingua conferunt, lac cum ferro ignito coctum, vitella ovorum cum seminibus portulacæ, nucibus juglandibus.
CATAPUCIA <i>sive</i> LATHYRIS. <i>subversa stomachi vi pollet acris & maligna.</i>	Stomachum subvertit, dysenteriam non correctâ causat, nimio fluxu ventris interficit. sanatur	Vomitu, sumptione oleorum specificum ejus remedium est hypericon, sive persoliata.
CICUTA.	Anhelitum stringit, stomachum subvertit, totum corpus stupefacit, quies pulsus.	Absynthium & gentiana cum vino bibita, specificum remedium est.
COLOCYNTHIS.	Copiosorum phlegmatum laxativa, dolor stomachi, dysenteria, tenasmus.	Specificum remedium est smagrus tritus in pollinem in potu datus, drachm: 2.

<i>Nomina Plantarum, quæ veneno turgent.</i>	<i>Symptomata</i>	<i>Cura & Remedia.</i>
EUPHORBIIUM.	Inflammat & morficat stomachum, angustiam summam, singultum, fluxum ventris & vomitum causat.	Coagulum hoedi, specificum remedium est Euphorbii, oleo violaceo & rosaceo imbutum.
FUNGI.	Anhelitus difficultates, inflatio faciei, cholica, & dolor in pectine, strangulatio gutturis, urinæ retentio, apoplexia.	Aphronitum bibitum cum posca, id est, aceto aquæ misto, ster- cus gallinæ cum vino vel melle, sale, aceto bibitum. Ante com- estionem pyra una cum fungis co- cta: post comestionem allium crudum, specificum remedium.
HELLEBORUM.	Suffocat, vomitum ciet, adurit linguam, anginam conciliat, fluxus ventris. Letargum indu- cit, venenum narcoticum.	Specifica remedia sunt flos nym- phææ, sive nenupharis tritus 3ij. Item piper tritum 3ij. cum aqua mellis.
HYOSCYAMUS.	Spumam oris ciet, vertiginem, scotomiam, epilepsiam movet, amentiam, vocem instar muli emittit, lethargus.	Specificum remedium sunt gra- na pistaciorum comesta & bibi- ta, præmisso vomitu per lac vaccinum vel ovium, piper cum virio, castorium cum mentha & ruta; theriaca.
MANDRAGORA.	Lethargum ciet, inflat faciem, oculos exire facit, Spasmodum, an- ginam, surditatem, pruritus to- to corpore conciliat.	Specificum remedium est, con- tinuatus esus raphani cum pane & sale, præmisso vomitu & cli- stere acutis rebus confecto.
NAPELLUS. <i>florem fert instar cranii humani, mortis, quam esui infert, symbolum.</i>	Horrenda Symptomata movet, calorem nativum extinguit; un- de frigus, horror, mania, le- thargus.	Specificum, mus, qui napelli ra- dices depascitur, siccatus & in pulverem ebibitus appropriata aqua dilutus, omnia pingua jure sumpta.
OLEANDER, five <i>Rhodendrum, Rhodo- daphne.</i>	Cautica sua vi interiora rodit, tormina, colicam, dysenteriam, ilia cum morbum inducit.	Oleum amygdalorum, Tormen- tillæ radix mansa, Smaragdus tritatus & potus.
PSILIMUM HERBA.	Eadem Symptomata inducit, quæ Rhododendrum, five Rho- dodaphne.	Theriaca sumpta, vincetoxicum sumptum, sal ex centaurea ex- tractum.
SCAMMONEA.	Symptomata similia excitat iis, qui æruginem sumplerunt.	Lactis copiosus potus, cydonio- rum succus ebibitus; Ribes suc- cus epotus.
SOLANUM, SO- LATRUM, <i>Opium & papaver cor- niculatum, omnia Nar- cotica.</i>	Narcoticum & stupefactivum venenum, lethargum, scoto- miam, apoplexiam inducit.	Specificum, conchilia tum cru- da, tum cocta, lac caprinum five asinum potum, juscula ex canceris coctis parata.
STRAMONIUM HERBA, <i>quod ob virus in eo la- tens, nullum animal tangit.</i>	Somnifera virtute pollet. Le- thargum inducit, per quod La- trones magnes nequitias exer- cent.	Eadem remedia ad ejus vene- num suppressendum, quæ con- tra Solanorum toxicum adhibe- ri solent.
TITHIMALLUS <i>varias species habet.</i>	Cautica sua vi rodit viscera, do- lores intensos intestinorum, co- licam, & dysenteriam causat.	Specificum, portulaca, semper- vivum, & olei amygdalorum potus.
THAPSIA.	Eadem symptomata, quæ Scam- monea inducit.	Serum Lactis, Terra sigillata.

P I N A X I I I .

Ex Animalibus.

<i>Nomina Animalium venenatorum.</i>	<i>Symptomata, quæ inducunt.</i>	<i>Remedia.</i>
ASPIS.	Singultus, alteratio coloris, fide- ratio membrorum, frigus per to- tum corpus, lethargus, saltus continuus, digitos suos in guttur mittit, ut evomat,	Remedium specificum Centau- rea min. & ruta, & serpens vul- neri superpositus, præter reliqua quæ serpentum moribus me- dentur, scarificatione vulneris.
ARANEUS PHA- LANGIUS, <i>& sunt variae species.</i>	Ventositatem inducit ventris, priapismum, frigus extremorum; horripilationem.	Specificum remedium est, ara- neus vulneri intritus. Cancer flu- viatilis; lactis asinæ potus. Galli- næ cerebrum bibitum, sævum hominis: Specificum, grana te- rebinthicum vino sumpta.
BUPRESTIS, <i>cruca genus simile can- tharidibus, quod ex pi- no originem suam habet.</i>	Symptomata sunt eadem quæ cantharidum.	Specificum remedium est, Ni- trum tenuissimum & spongiō- sum potu dulci cum oleo myrti seu cypressi. Item pinei nuclei magna copia assumpti.
CANTHARIDES <i>veneno gaudent acuto, adustivo, mordaci, pu- tresfactivo, ulcerativo, diuretico.</i>	Sanguinis urinam cient, punctu- ra & dolor in membris totius corporis, pectinis virgæque ex- ulcerationem causant.	Omnia pingua hausta confe- runt, lac, adeps, butyrum, the- riaca. Clisteres pingues, olea omnis generis, tum assumpta in- tus, tum extra per virgam im- missa. Specificum remedium gra- na heliocacabi, numero decem pro dosi.
CHERSYDRUS, <i>seu Serpens aquaticus.</i>	Dolor vehemens cum inflamma- tione & corrosione viscerum, motus inordinatus, extinctio ca- loris nativi, vomitus cholerae fætidaë.	Specificum remedium est, ser- pentis in salem redacti sumptio. Nux cypressi cum granis myrti pota cum melle & vino.
CERASTE, SER- PENS CORNU- TUS.	Punctura acus instar in loco morsus, pruritus corporis, verti- go cum amentia. Inflatio tibia- rum, scotomia.	Ova forbilia, pix cum sale em- plastrata, raphanus; Specificum ipse serpens vulneri appositus una cum ruta.
DIPSAS ANGUIS, <i>seu SITULA, à siti, quam excitat, nomen habet.</i>	Adustionem ventris, appetitus bibendi, qui satiari non potest, usque ad stomachi ventrisque rupturam, fitis inexplicabilis tormentum.	Cancris fluviatiles triti & bibiti cum lacte caprino, potus olei quantum possunt, ut excitetur vomitus, præter medicamenta moribus serpentum præberi so- lita.
DRYINUS SERPENS, <i>seu Serpens quercinus.</i>	Eadem symptomata inducit, quæ Aspis, cujus species est.	Specificum est sal ex serpente extractum. potissimum viperi- num sal.
DRACO MARINUS.	Eadem symptomata inducit, quæ Lepus marinus.	Specificum, Mullus piscis plagæ impositus, & coctus quoque comestus; oleum sulphuris.
HÆMORRHOIS, <i>serpens à sanguine eli- ciendo sic dictus.</i>	Morsus enim ab eo incurrit pro- fluvium sanguinis ex omnibus concavis humani corporis mem- bris: oculis, naso, auribus, ore, per urinam & per secessum, imò per ipsos poros prorumpentis.	Spécificum & unicum remedium est, hæmatites tritus, & cum sanguine concreto hirci sum- ptus.

<i>Nomina Animalium venenatorum</i>	<i>Symptomata</i>	<i>Remedia.</i>
HIRUDO. SANGUISUGA.	Putrefacit, inflat, vomit, stupefacit, lethargum inducit.	Vitriolum aceto dilutum, & gar- garizatum; Muria in sorbitiun- culis data; salicis decoctum.
LEPUS MARINUS <i>eiusdem cum cantharidi- bus natura.</i>	Respirandi difficultas, Asthma, sputum sanguinis, mictus san- guinis, vomitus: saporem piscis putridi sentit, & abhorret viso pisce, sicut canis rabidus ab a- qua phtisi moriuntur.	Lactis cujuscunque potu sanan- tur, præsertim muliebris, theria- ca de terra figillata, jus cancro- rum fluviatilium, galli vel anse- ris sanguis calidus potus, urina hominis. Remedium specificum est vulpes assata & comesta.
PHTYAS SERPENS <i>sputo interficiens.</i>	Extinguit calorem nativum, a- mentiam, paralyfin, apoplexiam: omnia interiora in tabum resol- vit.	Specificum, trochisci viperini, oleum scorpionis, centaureæ ra- dicis succus, omnia quæ viperi- nis moribus conferunt.
PASTINACA MARINA, <i>piscis instar Rhombi, cum cauda longa, in qua ve- nenum residet.</i>	Eadem symptomata causat, quæ cantharides sumptæ.	Salviæ decoctum, Absynthii vel sulphuris ex aceto decocti po- tio. Specificum remedium, mul- lus piscis dissectus & impositus.
RUBETA, <i>natura terrestris, putre- factiva vi pollet, & stu- pefactiva.</i>	Stupor, inflatio membrorum, va- pore stupefacit & siderat; sputo & urina putrefacit, & inflat membrum infectum, unde go- norhea.	Specificum Remedium est lapis bufonius & ruta, imò omnes me- dicinæ decoquantur & præpa- rentur cum ruta.
VIPERA, <i>Exidra.</i>	Dolor viscerum, inflammatio, frigus & horripilatio partium extremarum, deliquium, amen- tia, caloris nativi extinctio.	Theriaca, specifica medicamen- ta sunt viperina caro cocta & comesta, pulvis itidem, lapis Bezoar assumptus, viperæ caput vulneri admotum, præter ea, quæ venenis pellendis conferunt.
SALAMANDRA <i>ulcerativa virtute gau- det.</i>	Dolor inano, apostema sub hy- pochondriis, spasmus, retentio urinæ, amentia, inflatio per to- tum corpus; stupefactio, alope- cia sive profluvium capillo- rum.	Theriaca, lac anseris potum & brodia carniū pinguium, & cancrorum; ranæ coctæ cum ca- lamenta. Specificum remedium cantharidum idem, contra Sa- lamandræ vehenem.
SCORPIUS.	Inflat, inflamat, stupefacit, scotomia, inducit vertiginem & apoplexiam, nervos infestat.	Specificum, Scorpionis virus su- pra plagam tritum, oleum ejus- dem, radix aconiti pardalianches apposita. Ocymum esum.
SEPS, <i>serpens putrefactivus.</i>	Velox carniū, ossium consump- tio, non solum ex morfu, sed vel ex ejus calcatione mortem subitanam infert.	Specificum remedium à Plinio præscribitur oxymel.
SCOLOPENDRA, <i>serpens varii coloris.</i>	Accidentia sunt similia iis, quæ à vipera proveniunt.	Remedia specifica, sal ex aceto potus. Pullægii, serpylli, menthæ succus, puerorum impuberum urina pota.

Atque ex his omnibus patet, venena tantò
atrociora esse; quantò ex excellentioribus
putredinibus Arsenico-mercurio-salinis ori-
ginem suam nacta fuerint; tantò paulatim
remissiora, quanto mitiora fuerint; qui gra-
dus combinationis cum infiniti sint, ita quo-
que innumera venenarum genera nascuntur,
& eodem modo considerari possunt, quem-

admodum colores, ex quorum tribus, nigro,
albo, rubro, omnia colorum genera per unius
cum altero commistionem resultant; & ut
recte *Aristot. l. 7. met.* docet, species rerum
se habere, ut numerus se habet, qui cum in
infinitum augeri possit, omnes tamen specie
differre censeari debent, si enim ternario uni-
tatem addideris, non ternarius, sed quater-
narius

narius specie distinctus numerus resultabit; si ab eo unitatem subtraxeris, binarius remanebit, specie pariter à ternario distinctus, & sic in infinitum. Pari ratione in venenorum varietate evenire intelligas velim; Dependet enim hæc rerum combinatio primò à varia concoctione per ignem naturæ facta, ita ut, quot gradus caloris sunt, tot differentes veneni gradus constituentur; Secundò, à varia constitutione aut mineralium, alia, & alia rerum commistione; vel vegetabilium, pro alia, & alia naturæ, & proprietatis, quæ

imbuuntur, ratione; vel animalium terrestrium, volucrum, aquatiliū, insectorumque temperamento, quæ uti innumera sunt, ita innumerabilem pro ratione nutrimenti fundant venenorum varietatem; quas quidem omnes investigare, aut ad intimam earum essentiam, & perfectionem velle pertingere, uti Sapientis non est, neque imbecillitatis intellectus humani, ita quoque soli Illi, qui ea tanta varietate instruxit, cognita sunt, Illi soli reservata, Cui proinde soli honor, gloria & benedictio in sæcula. AMEN.

S E C T I O III.

DE IMPERFECTIS METALLICIS
C O R P O R I B U S,

Quæ tanquam principales causæ ad metallorum genesin concurrunt. In qua Venena mineralium, nec non eorundem Medicæ vires uberius exponuntur.

C A P U T I.

De admiranda Sulphuris natura, & proprietate.

Non sine ratione à priscis Græciæ sapientibus Sulphur nomen θῆον, quod divinum quid notat, meruit: Sunt enim ejus virtutes adedò admirabiles, ut, quæ dum à tot seculis omnium Medicorum studio & scrutinio inquisitæ fuerunt, in hunc tamen usque diem, à nemine adhuc satis expositæ sint. *Plutarchus*. Sulphur, inquit, πύρο θῆον, inde esse nominatum ob similitudinem odoris ignei, & acris, quam edunt corpora fulmine percussa, ob quem puto canes etiam ipsos abstinere ab esu corporum fulmine percussorum. Hinc fulminis ignem sacrum, divinumque dicebant, quod corpora de coelo tacta, per multum temporis putredini resistent, quod & compluribus aliis Authoribus, *Aristoteli*, *Dioscoridi*, & recentioribus *Fallopio*, *Mastio*, *Casalpino* placere comperio. Sed uti nobis non de nominis etymo, sed de re ipsa, & natura Sulphuris enodanda, potissima cura incumbit, ita quoque eâ qua fieri potest diligentia, hujus mineralis tam admirandi naturam, & proprietates indagare conabimur. Quod quidem dum facimus, neglectis iis, quæ ab innumeris scriptoribus ad nauseam usque proferuntur, ea solum, quæ nos irrefragabilis experientia docuit, placita sectabimur, à divisione exordituri.

Sulphur
cur θῆον
dictum.

Divisio
Sulphuris.

Sulphur Græcps secuti dividimus in ἀπυρον, sive id, quod ignem nondum expertum est, & πεπυρωμένον, quod jam ignem expertum est; per illud nil aliud intelligimus, quam Sulphur fossile, prout ex sua minera prodiit; hoc verò

subindè naturale est, ut quando per subterraneum ignem in oleum distillatur, ut in multis sulphureis ardentium montium locis, cryptisque videre est: nonnunquam artificiale, ut dum igne oleoque decoquitur. ἄπυρον ignem inexpertum, vivum, sincerum, purum, putum, nulla heterogenearum rerum miscella contaminatum, nitens, translucidum dicitur, cujusmodi rarè invenitur; Sulphur verò πεπυρωμένον sive ignem expertum, nitidum, coloris viridis, & præpingue, sub duplici differentia spectatur. Quod pellucidum, & figura coni, aut cylindri congelatum, virgineum vocant, virginibus ad capillos flavo colore tingendos usitatum, lanis candorem, & molliem adfert, à *Plinio* Egula nuncupata; viride verò cylindri formâ in arundineas fistulas transfusum, ad elychnia conficienda maximè confert. Et de modo conficiendi Sulphur artificiale primò nonnihil hîc adducemus, postea quoque de natura, ortu, & proprietatibus sulphuris naturalis, sive fossilis, utpote fusiori argumento ratiocinabimur.

Sulphur nunquam in subterraneis cuniculis, sed aperto undique coelo, apricisque locis fodi, & erui solet, nè vehementi calore, & intolerabili mephiti fossiles conficiat. Conficitur autem primò ex aquis, venisque sulphureis hoc pacto: Aquæ sulphureæ in catinos plumbeos congestæ, decoquuntur, donec condensentur in sulphur. Secundò. Si verò ex terra seu minera sulphur impurum variè

Sulphur
non nisi
apricis lo-
cis foditur,
& quare.

T

mix-

mixtum extrahatur, tunc minera sulphuris vasis fictilibus ventricosus ingesta decoquitur. Verum quoniam de hisce in *Arte Metallica* ex professo agemus, eò *Lellorem* remitto; quare hoc loco nobis tantum incumbit, reconditam sulphuris naturam explorare.

Quæritur itaque primò. Quomodo aut ex qua materia sulphur nascatur? Variæ de hoc sententiæ feruntur apud physicos, & naturalium rerum expositores. Sed nos principiis insistentes nostris longâ experientiâ compertis;

Dicimus primò. Vix locum sulphure vacuum, adeoque totum terrarum Orbem eò refertum esse, innumerabiles thermæ sulphureo, quem spirant, odore, & montium ardentium, sulphurearumque fossarum multitudo sat superque demonstrant, quæ omnia suam à sulphuris subterranei copia originem trahere adèd certum est, ut insensatæ mentis esse videri possit, qui id negaverit.

Definitio
sulphuris.

Dicimus secundò. Quod ubicunque lacus inveniuntur pinguedine bituminosa referti, ibi infallibili conjectura Sulphure quoque referta loca reperiuntur, uti in multis Hetruriæ locis, in Albulæ Tyburtinæ lacu, & in Puteolano agro, in Sicilia compluribus locis me observasse memini: Undè *Agricola* l. 3. de *Ortu, & caus. subterr.* Sulphur, inquit, est pinguedo terræ, quam vis caloris ex ipsa exprescit, qua de causa plerumque ad loca ardentia reperitur; Cui subscribit *Casalpini*, qui terræ adipem, vel oleum; *Theophrastus* quoque resinam terræ vocat. Quatuor substantiis differentibus constare ex effectibus comprobatur: Calore enim solvitur & liquefit, frigore iterum condensatur, undè humidum in se continere necesse est. Quoniam verò in impalpabilem pulverem redigi potest, id terrestri substantiæ siccioris manifestum indicium est; quia verò facile inflammari potest, & glutinis instar adhærere, id sanè substantiam oppidò viscosam indicat, per quam uti facile adhæret, ita per unctuosam facile inflammari potest; quæ sanè aperta sunt indicia ignis, æris, aquæ, terræ, in cujus centro ignis, sulphur illud natum, igneus vigor, humidum mercuriale, seu mercurius, & sal terrestre omnium fixativum reconduntur; fumus verò fætidus luculenter indicat, id terrestri materia ingesta adhuc, cruda, & necdum terminata constare. Quod itaque calidum, siccumque sit, & ignea quadam vi præditum, id habet ab interno suo sulphure; quod liquefactibile, id à mercuriali liquore, quo pollet obtinet; quod verò fustum facile coaguletur, id salis interno adscribendum est, uti & acutum, & quod facile penetret omnia, id à siccitate obtinet.

Natura &
origo sul-
phuris ex-
plicatur.

Quæritur secundò. Quænam sit differentia inter Sulphur minerale, & Sulphur quod Philosophorum vocant, & quodnam ad compositionem rerum concurrere dicatur? Quicunque putant, sulphur illud minerale, & fossile ad generationem rerum concurrere, val-

dè hallucinantur: quomoddò enim Sulphur hujusmodi concurrere possit, non video, cum res, quibus apponitur, destruere & consumere potius, quàm componere videatur. Aliud itaque sub Sulphure, in quantum unum ex universalibus principiis materialibus connotat, latere videtur, quod ut explicetur:

Dico, esse in rerum natura principium quoddam calidum summè unctuosum, subtile, penetrativum, miris virtutibus præditum, quod nonnulli ignem, calorem naturalem rebus omnibus insitum, quidam Sulphur naturæ vocant, eò quod, quemadmodum ignis elementaris in flamma, succensisque rebus maxime sese exerit, seque visibilem reddit, (cum tamen hoc pacto ignis consideratus elementum dici nulla ratione possit, imò tantum abest, ut ad compositionem rerum concurrat, ut potius omnia destruat) ita quoque dico, Sulphur ignem naturæ esse invisibilem, neque materiale hoc Sulphur ex mineris extractum dici, neque ut sic consideratum ad naturalem rerum constitutionem concurrere posse; latere tamen sub ipso, cœu sub materiali quodam tegumento, seu involucro ignem illum naturæ, quem juxta analogiam quandam Spagyrici nunc Sulphur naturæ, nunc vivi ficum Mundi semen appellarunt, eo quod ejus virtute omnia animentur & vivificentur, utpote sine quo in rerum natura subsistere nil queat. Quia verò inter subterraneas mineralium species in sulphure ignis maximè elucescit, nihilque magis ignem refert, ac sulphur, ob ejus calorem, ac subitanæ inflammationem, cæterasque proprietates igni proprias, non incongruè sanè ignem sulphuris nomine appellandum censuere, atque inter prima rerum componendarum principia recensuere. Atque hæc vis illa ignea est in universas Mundi semitas ab Authore naturæ diffusa, omnibus, & singulis rebus indita, in sulphuratis corporibus, veluti in centro suos thalamos constituit, & vel inde patet, quod nullum ferè corpus calidioris naturæ reperiatur, quod in sua elementa resolutum non sulphur odore, & sapore, vel sub olei, bituminis, vel salis amictu referat: testantur & id perpetua multorum montium incendia, aquarum calidarum balnea, quæ sine actuali & minerali sulphure nunquam reperiuntur, suamque originem sortitur ex pinguedine quadam pinguis terræ, in qua tria illa principia naturalia salis, sulphuris, & mercurii unita mediantibus quatuor elementis ad compositionem rerum efficiendam inveniuntur, & veluti semina quædam totius naturæ confiderantur; Nam quandocunque, & ubicunque vis illa ignea terram pinguem, & unctuosam, quæ ex elementorum recrementis componitur, reperit, eam quodammodo imprægnat, suæque virtute imbuat, tandemque in sulphur minerale concoquit, cui cum fortis, & vehemens calor insit, iis in locis, ubi copioso proventu pullulat, statim vires suas ex-

Sulphur
minerale
non est sul-
phur illud
à philoso-
fophis in-
tentum.

Origo sul-
phuris mi-
neralis.

Naturales
sulphuris
flores &
oleum.

Flo-
res
Lac
Oleū
Sulphuris.

Excre-
menta eo-
rum, qui
sulphureis
medica-
mentis fre-
quenter
utuntur,
muschi
odorem
referunt.

rit, inflammatum ardet, uti paulò antè diximus: & quoniam in subterraneis matricibus perpetuò negotiatur, hinc fit, ut sublimatum per montium fissuras, rupiumque rimas in floccos efflorescat, quos sulphuris flores vocant, uti in campis phlegmæis videre est: rupes enim, uti naturali frigore pollent, ita quoque exhalationem illam exerunt, & in sulphuream farinam condensant, quam Naturæ industriam imitantes Spagyrici, admirandarum virtutum magisteria, uti sunt flores, lac, cremor, butyrum, oleum, & spiritus acidus, genuinos sulphuris partus educunt. Flores, qui & ros sulphuris dicuntur, miravi impuritatibus febrilibus, pestiferis, pleuriticis maximo adjumento sunt. Lac sulphuris meritò humidi radicalis Balsamum dictum, sanguinem purificat, naturalium virium robur augmentat, nobile contra apoplexiam, lepram, asthma & phthiseos prophylacticum. Oleum sulphuris adeò potens est, ut neque vivum, neque mortuum corpus ad putredinem transire sinat; in verrucis, strumis, hydrope, passione colica, dentium dolore, epilepsia congruo vehiculo commodissimè usurpatur: Phthisicis nil exquisitius butyro sulphuris, aut pastillis sulphure, & saccharo confectis præberi potest; mirum & illud, quod cum sulphur cæteroquin putidi, & intolerabilis odoris sit, ita tamen intrò assumptum abdita quadam vi alteratur, ut excrementa illorum, qui eo frequentius utuntur, muschi odorem referre dicantur. Spiritus sulphuris acidus præterea nunquam flammam concipit, imò pulverem pyrium ab inflammatione cohibet; in febribus

ardentibus, asthma, catharro suffocativo, phthisi nobile remedium. Quomodo verò hæc omnia arte paranda sint, alibi dicitur.

Præterea sulphur natum tot differentes habet virtutes, quot diversas habet origines. Quodlibet enim metallum, aut minerale aliud ab alio diversum in se sulphur continet, aliud enim sulphur auri, argenti, aliud æris, cupri, stanni, ferri, plumbi; neque id mirum alicui videri debet, cum id eorum metallorum, quibus miscetur, naturam induat, diversisque pro metallorum conditione, fulgeat virtutibus; Crystallos, & beryllos in pretiosissimas gemmas tingit, de quibus suo loco, sulphur hoc argentum in eum gradum exaltat, ut stannum cum æquali argenti pondere lapidis Lypii iudicium sustineat. Sulphur æris cuprum ita fixat, ut fulminis, sine tinctura tamen, examen sustineat. Sulphur plumbi stannum in chalybem, & stanni sulphur chalybem in ferrum optimum exaltat. Sulphur Mercurii suum corpus malleo aptum reddit; sublimatum cum argento vivo in pigmentum rubicundissimum vertitur; quod Cinnabrium dicitur pictoribus usitatissimum; Idem per decoctionem in cæruleum elegans; cum ære verò in violaceum mutatur, ejus flamma si vitrea concha recipiatur, in liquorem acerrimum vertitur, quod oleum sulphuris dicitur. Sed de hisce in *Experimentis Artis Metallicae*. Sulphur quoque juxta diversas vegetabilium, animaliumque proprietates diversum est, in resolutione tamen eorum sulphuri dicto semper nonnihil relinquit analogum.

Admiranda
sulphuris
virtutes.

CAPUT II.

De cæteris mineralibus, quæ ex Sulphure originem ducunt.

§. I.

De Arsenico, Auripigmento, Sandaraca, Risogallo.

EX Sulphure, Mercurio, Sale, median-
tibus quatuor elementis omnia componuntur, omnia foveantur, & consequenter tria sunt principia, quæ omnia constituent, tria sunt, quæ omnia destruunt; & sunt primò Arsenicum, Auripigmentum, Sandaraca, Risogallum, & cætera realgaria, degeneres soboles sulphuris, quæ cum ex sulphure suam habeant originem, ita tamen ab eo paulatim declinant, ut non tam Naturæ, quam ei contraria mortis & destructionis principia dici possint.

Auripigmentum
& Arsenicum
idem
quoad substantiam.

Auripigmentum, sive Arsenicum, quæ non nisi accidentaliter differunt, est minerale, quod ex sulphure terræ pinguedine natales suos trahit, unde terrestre adustum, unctuosum, ex nimia ignis adustione, nescio quid ex salis, mercuriique ei commissis excre-

mentitiis facibus, corruptelæ acquirit, quæ à sulphure Naturæ vitali, & salutifero ita degenerat, ut omnium quæ in rerum natura sunt, potentissimum venenum, & prorsus exitiale proferat, quod non solum metalla destruat; sed & suum in vegetabilium, animaliumque oconomiam dominium extendat: Unde quidquid in nonnullis herbis virulentum, exitiale, destructivumque, uti sunt Napellus, Aconitum, reperitur, id attractæ per humorem terræ arsenicali virtuti adscribendum sit; quidquid præterea in viperis, aspidibus, cæterisque pestiferis serpentibus later destructivum, id pariter arsenicalis virtutis putredini, ex qua similis quispiam serpens prodiit, insitæ attribui debet, uti in *Sectione de Venenis* docuimus.

Venenum
potentissimum.

Herbis &
serpentibus
communica-
tur.

Quæritur itaque, undenam Arsenicalibus speciebus adeò potens venenum inexistat? Dico ex sale Mercuriali unâ cum sulphure vehementius adusto, quæ in eum facultatis gradum elewantur, ut nihil ferè sit, quod

T 2

ejus

Arsenici
effectus.

Risogal-
lum vene-
no atrox.

Auripig-
menti
confectio.

Arseni-
cum con-
tra pestem
remed-
ium.

eius acrimoniae, ac subtilibus, virulentisque spiritibus resistere valeat. Hinc omnibus animalibus mortem adfert, & in talem rabiem mures, soricesque agit, ut in alia sui generis animalia desævire non desistant; eodem, quod morfu indiderunt, veneno illa in rabiem vertant. Plantæ suffitu arsenico tinctæ pereunt; aquarum in Ægypto, arsenicali qualitate tinctarum potu homines calvi fiunt, animalia verò pilos, & ungues, & cornua amittunt, radicibus nimia acrimonia exesis: quin & auro, argentoque arsenicum venenum est, cæterisque ejus speciebus stibium, ærugo, &c. Nam humidum auri, & argenti, ne liquari possint, absunt; Verùm agente igne, cum non sit, quod ejus siccitati resistat, uritur metalli substantia, & in fumum abit: Et hanc ei proprietatem provenire ex ejus sublimatione vehementi ignis adustione facta, Risogallum fat; superque demonstrat, quod ex sulphureis glebis arte, non naturâ extractum, vehementiori ignis, tormento adustum, in æquale Arsenico, aut Auripigmento venenum evadit. Idem docet experimentum, quod in Auripigmento factitio parando ostenditur.

EXPERIMENTUM.

Accipe ex crustis auripigmenti fossilisamenta, quibus in pollinem contritis, adde fossilis partem, quæ vasi plumbo illito, & luto obturato ingeres, deinde igni positum eoque concoques, donec totum, quod intus est, in sublime elatum, vasi adhæserit, & habebis auripigmentum factitium crystallinum, quod tantò quidem purius, efficaciusque evadet, quantò tormentum ignis frequentius sustinuerit.

Ex quibus patet, omnia arsenicalia, uti sunt auripigmentum, sandaraca, risogallum ochra, & realgaria, non nisi coloribus differenti ignis adustione differre. Unde Spagyrici, arsenicum, & auripigmentum croceum; rubrum, sandaracam; album proprio nomine arsenicum, vel Arrhenium, seu masculum vocant. Quamvis verò, uti diximus, potentissimi veneni genus sit, ubi tamen à superfluis excrementitiarum sæcum impuritatibus depurgatum fuerit, in extrema membrorum cura, uti in lue gallica, serpagine, gangræna, sphacelo curando, nonnullum usum obtinet. Tempore quoque pestis saluti ferum prophylacticum esse perhibetur; de quo vide nostram in tractatu *de peste* sententiam: Inest enim illi vis calefaciendi, dissolvendi, corrodendi, & ad simile sibi malignæ qualitatæ virus attrahendum efficax magnes.

§. II.

Marchesitarum origo, natura, proprietas.

In signis Marchesitarum, quas Græci pyritas vocant, copia passim in mineralium fo-

dinis reperitur, quæ pro diversitate metallorum, in quæ inclinant, & ex quorum natura participant, differentiam suam sortiuntur. Aliæ enim dicuntur marchesitæ auri; aliæ argenti; aliæ ferri, plumbi, cupri, sive æris; & quamvis omnes quoad substantiam ex una, eademque materia componantur, nonnullam tamen juxta gradum concoctionis diversitatem habent: per coctionem quippè sulphur, & mercurius earum, uti diversimodè inficitur, corrumpiturque, ita aliquam quoque differentiam inter illas causat; uti colores diversi, albus, flavus, niger, & plumbeus, quibus passim imbuuntur, demonstrant; est enim Marchesita aurea, argentea, ærea, plumbea uti diximus.

Si compositionem Marchesitarum desideres: Dico eas ex plurimo sulphure albo, & rubro, infecto, & corrupto, cum plurimo sale arsenicali polluto, & minima corrupti pariter mercurii portione componi; Ex sulphure eas componi, odor sat manifestat, cujus contaminationem quoque partium, quas *Realgares* vocant, excrementitiarumque sæcum copia demonstrat: Salea copiosum ei mixtum ostendit ejus per acetum Spagyrica resolutio; eum corruptum, contaminatumque deleteria facultas, quæ eidem inest, sat indicat. Dixi parum mercurii iisdem commixtum, quod inde patet, quod malleo extendi non possint, sed ferè lapidum more in pollinem facile redigantur: Unde nonnulli marchesitam mediæ lapides inter, & metalla naturæ, *μεταλλόλιθον* non incongruè dixerunt; fundi enim potest, & liquari, uti metalla, quod lapidibus non convenit; malleo verò tendi minime potest, uti lapides; quod solis metallis proprium est. Cujus rei causa est, quod sic cum non perfecte uniatur humido ei inexistenti, neque benè temperetur, neque per partes æquali mensura misceatur; siccitate quippè sua abundante magnam humidi portionem extrudit consumitque; hinc nullo penè negotio frangitur. Quandocunque igitur igne subterraneo acidus ille corrupti, adusti-que sulphuris spiritus, unà cum salino vapore in congruam terræ matricem inciderit, sit ut pro conditione, & natura matricis ibidem frigore terræ in marchesitam substantiam videlicet ab humidi mercurialis defectum, minime fixam condensetur.

Ex quo patet, *Sisyphi* saxum volvere eos cinisflones, qui ex Marchesita aut aurum, aut auri tincturam se extrahere posse confidentius jactitant: Si verò quandoque cum marchesita nonnihil auri reperias, id tamen ad marchesitæ naturam nihil perinet, sed per accidens illi accretum esse, uti in glebis terrestribus plerumque fieri solet, tibi persuadeas velim: Si enim aqua forti id separaveris, tantum acquires, quantum illi adjectum fuit auri, non plus, nec minus.

Si virtutes Marchesitæ spectes, illæ tales sunt, quæ nulli ex medicis mineralium viribus pro-

Varia Marchesitarum species.

Origo & compositio Marchesitarum.

Cur marchesitæ facile frangantur.

Marchesitæ aurum non continent, nisi per accidens.

Virtutes
Marchesi-
te natura-
les.

proprietasque cedunt, præsertim si debito, & legitimo modo præparentur, & à suis impuritatibus quicquid singulari industria depurgentur. Novi ego Medicum, qui Hydro-
piscos etiam desperatissimos solo extracto ex marchesitis composito, curabat; ita autem procedebat. Extractum ex Marchesitis conficiebat cum aceto, aut succo limonum, granatorumque, deinde ad parvum ignem succum evaporari sinebat; quod in fundo resid-
bat sedimentum, in pillulas parvulas polychrestas redigebat, hæc Hydropticis offerebat, quibus omnem humorum intra corpus stabulantium serositatem ad miraculum usque purgari asserebat; subinde quoque ex

Hydropem
sanant.

cremore tartari vino distillato mixto extractum marchesiticum haud absimiles operationes perficiebat. Et si quis penitus rationem huius medicamenti consideret, is statim vel ex ipso magnetismo rerum dictarum veritatem percipiet: Cum enim Marchesitæ, à quibus virtutes immediatè emanant, non fixis, sed volatilibus sulphuris, salisque spiritibus, ob causam supra indicatam polleant; Hydroptici verò salina humorum corruptorum serositate turgeant; hinc ut humorem, quem sulphuris marchesitici adustiva vis, & acrimonia incidendo attenuat, exsiccatque, eum salini spiritus ex lege magnetismi, ad se attractum, potenti cathartico expellunt.

CAPUT III.

Antimonii, sive Stibii origo, natura, proprietas.

Antimonium, seu Stibium adeo quoad omnes fere facultates Marchesitis simile est, ut id nihil aliud, quam Marchesitam Saturninam, seu plumbariam esse dixerim; unde ex iisdem, ex quibus Marchesitæ, componitur materiis, tametsi aliquantulum plus Mercurii, quam Marchesitæ adjunctum habeat; unde contra, quam multi putant, facile in plumbum liquari potest. Constat itaque ex sulphure, & viscosa terræ pinguedine, cum notabili salis prædominio, unde facile malleo fractum omnem extensionem fugit, imo malleo diutius tortum, in tenuissimum pollinem abit. Naturam plumbi ita sapit, ut in illud eliquetur, adeoque recte imperfecta plumbi species vocari possit; quamvis in plumbo amplioris mercurii copia, quam in stibio, elucescat, quæ & illud dulcius mitiusque, hoc verò asperius, acidiusque, uti ex astringenti ejus facultate patet, reddat. Qui verò in isto tincturam metallorum sollicitius inquirunt, præter fimum nil aliud venantur, cum omnem ad tincturam philosophicam educendam, artem, & industriam Chemicorum eludat; sulphur enim, & mercurius, ex quibus constat, adeo corrupta, & infecta sunt, ut neque se ab ejusmodi infectione ulla ratione extricare, neque artis ulla præparatione ab impuritatibus suis in dictum usum liberari, dissolvique queant: quamvis ex varia ejus præparatione mira educantur; siquidem ex calcinatione vitra, rubrum, flavum, regulinum, hyacinthinum, croceum, diaphoreticum; è quibus, & regulus tandem educitur, de quo suo loco, & tempore. Si verò facultatem ejus consideres, id certo certius est, sine correctione purum putum venenum esse ab arsenico-mercuriali qualitate multum participans, uti ex symptomatis, quæ totius humani corporis œconomiam mirum in modum infestat, sat patet. unde magna inter Medicos de ejus usu controversia nata est; quibusdam id execranti-

bus, nonnullis verò, Chymicis præsertim, post qualitates ejusdem virosas domitas, emendatasque, veluti divinum quoddam medicamentum amplexantibus.

Antimonium non secus, ac Arsenicum, Sandaracam, Auripigmentum; Mercurium quæ præcipitatum, quæ sublimatum, venenum potentissimum, & prorsus mortiferum esse, varii & horrendi casus sat docuerunt; si quandoque ab imperita Agyrtarum, Alyptarumque fanatica turba, inemendatum ægris porrectum fuerit, quod vel ipsi Spagyrici primæ classis philosophi attestantur. *Libavius* pastorem spasmo correptum ab usu quatuor granorum antimonii, se vidisse refert. *Erasmus* celebris medicus nobilem se cognovisse foeminam, cui anima citius, ac antimonium vitrificatum operari coepit, è corpore exierit: Rursus pharmacopœi famulum, qui quinque grana ejusdem antimonii sumpserat, & paulo post ex ore, & naribus erumpente sanguine, sensu, & mente amissa, tertia die animam efflarit. Et Marchionis Badensis *Philiberti* Medicus aliquos se cognovisse refert, qui ex ejusdem usu venis in pectore ruptis, phthisi perierint. *Oberndorpius* insignis medicus novit matronam quandam, quæ intra 24 horas circiter ducenties usque ad æternum deliquium stibiato pharmaco evacuata fuit. *Desjanius* quoque plures vidit, qui usu antimonii non rite præparati in morbos longos inciderint, à quibus nunquam extricari potuerunt; refert & alios, qui usu ejus in colicos dolores, diarrhæas, convulsiones, cardica, syncope, & præmaturas mortes inducti fuerunt. *Bruno Leideus* meminit Tonforis cujusdam, qui cuipiam dolore humeri ex fluxione vexato stibium vitrificatum exhibuerat, à quo ob intestina corrosa dolor exortus, quem ipse colicum putarat, vinum potentissimum exhibuit, ventrem oleo laurino inunxit, hominem pene vitæ privavit. Innumera hujusmodi exempla, quæ ego Romæ vidi, adducere possem;

Quantum
noceant
antimonio
imperiti
medici.

Varia
exempla.

Varia
exempla
eorum, qui
antimonio
usi sunt.

Atrocitas
stibiis.

possem; sed hæc ad veneni stibiati vehementiam ostendendam sufficiant.

Utilitas Antimonii in medicina.

Surrexerunt tamen nonnulli hujus temporis medici utriusque sectæ, qui antimonium non solum non repudiant, sed ad sidera usque extollunt, τῇ θεῷ χυρὰ, *Dei manum* appellantes: si proinde damnum aliquod ex ejus præpostero usu emergit, id non stibio sed insulis Chemicastis, agyrtis, similibusque imperitæ plebi impostoribus imputandum asserunt, qui uti supina ignorantia pollent, ita eo scammoniò, helleboroque æquè ac antimonio, ultimo ægrotorum exitio peccare possunt; innumeros casus adducunt complurium, quibus nullum rosque aliud alexipharmacum profuerat, solo antimonio ab innumeris corporum infirmitatibus liberatos fuisse; De quibus lege, si placet *Andernacum, Mathiolum, Quercetannum, Gesnerum, Crotonem, Rondolatum*, aliosque complures; Nonnullos etiam adducunt medicos, qui stibium aded mite reddunt, ut infantibus etiam non rarò felicissimo cum successu exhibuerint. *Paracelsus* omnium id mineralium arcanum in se claudere ait, decem quippè dulcedines habere, quæ decem virtutes præstant, quas Terra in decem herbas divisas habet, quas junctim in Antimonio latere asserit, videlicet tantæ virtuti esse ut quod decem herbæ viribus pollentes differenti usu in diversis infirmitatibus propulsandis confert, unicum id antimonium præstet; Undè *Crollius*. *Si Stibium posset præparari, ut sine vomitu per inferiora tantum operaretur, nullum in natura rerum dari posse catharticum excellentius; Intrinsecè enim utramque bilem purgat summa efficacia, epilepsia, hydropi, lepra, febris quartana medetur; Apoplexia, alopecia, Icteria mirificè prodesse dicitur: obstructions hepatis, lienis, totiusque corporis referat, intestinorum dolores colicos sanat; podagricis, scabiosis, & asthmaticis auxiliatur; In Mania, fascinatione, & philtomania nil præstantius esse depradit. Extrinsecè verò canculos, Elephantiasin, fistulam, lupum, ceteraque ulcera maligna curat, solidandis exiccandisque vulneribus id satis commendare nequeunt; parantur autem ex eo innumera medicamina, videlicet, essentia, tinctura, oleum, acetum, flores, pulvis diaphoreticus; cum saccharo*

Antimonium medicamentum opinionione multorum præstantissimum contra omnes morbos.

candi, cum quo tam arcto se vinculo stringit, ut ab invicem vix amplius separari queant, unde magnus, arcanusque ejus in medicamentis usus est. Atque hæc est opposita priori sententia. Cui verò ex hisce duobus subscribam, nescio: neque meum esse reor, hocce τὸ μᾶλλον Ερίδως, *Eridis pomum* tangerè: hoc tantum dico, magna cautela, & circumspectione in re periculo non vacante procedendum esse, neque cuilibet chemicastro confidendum, neque dandum hujusmodi medicamentum, nisi in vehementioribus morborum affectionibus. Cum enim quantavis etiam dosi arsenicalibus mercurialibusque spiritibus, uti ex vomitu patet, turgeat, fieri non potest, quin non aliquam de corporis nostri substantia partem deprædetur; idque Prisci non solum diligenter tradiderunt, posterioresque religiosè observarunt, sed & experientia rerum magistra observavit, ut à purgantibus violenter & enormiter trahentibus sedulò caveamus, siquidem nihil viribus demoliendis virulentius, nil morte propinquius his esse possit; utpote quæ cordis robur confringant, spiritus consumant, mentem stupefaciant, humores conturbent, sitim, nauseam, & tormina pariant; verbo, visceribus omnibus pessundatis, letho occasionem dent. In hujusmodi itaque stibiatis alexopharmacis cautio magna, industria singularis, studiosa præmeditatio, exercitatio longa, judicium limatum, & examen perfectum requiri, quis non videt, neque Medicos unquam, nisi summa necessitate postulante, & si quandoque nimis altas morbus radices egerit, ea usurpare debere censeo: ubi enim de salute humana agitur, non standum uniuscujusque judicio, sed eorum, qui auctoritatem longo sibi tempore compararunt; unde non possum non reprobare eorum Medicorum consuetudinem, qui vel ad minimam corporis stipticitatem, (cum mitioribus, lenioribusque ex vegetabilium familia non careant) tam enormia medicamenta indiscreto zelo præbent, atque ut medicamenti vires comperiant, temere, & præcipitanter in ægri hominis pelle ludere videntur. Plura de Antimonio in *Sectione de Venenis* Lector videat.

Judicium Authoris de Antimonio.

Nocummenta Antimonii.

CAPUT IV.

De Argento vivo, sive Mercurio, ejusque natura, & miris proprietatibus.

Inexplicabilis vis Mercurii.

SI in ulla rerum naturalium proprietate ineffabilis DE I Opt. Max. Sapiencia, potentia, & gloria majestatis in Natura operantis elucescit, certo in incomprehensibili argenti vivi, quem Mercurium vulgo vocant, natura, maxime se spectandam præbet, propter vires, effectusque, & compositionem singularem, in qua aqua illa viva, ponderosa, metallis tantopere amica, per se im-

pura, imò ventus ille admirandus, cui nil in regno minerali comparandum censeo, quasi Gorgone conspecta nihilominus servato pondere suo in lapidem transmutatur, qui puritate, & perspicuitate sua cum quavis crytallo, potestate verò nil sibi, teste *Libavio*, par invenit; uti enim id summè vitæ contrarium, atroxque venenum est; ita non minus summum contra venena remedium secum habet,

bet, atque adeo fieri potest omnium morborum sanabilium remedium unicum, & præstantissimum: Ingens in hoc minerali abstrusus mirabilium operum Thaumaturgus, de cuius vi si videantur omnia dicta esse, tamen restant, adhuc longè plura dicenda; adeoque mihi persuasum est, in hac vita nec explorari, nec ejus potestatem, viriumque multipliciter verbis enarrari posse, ut proinde satius sit, immensam DEI Opt. Max. sapientiam in hisce admirari, quàm plenam perfectamque, intimarum proprietatum mixti hujus tam admirandi notitiam sibi polliceri; de quibus tametsi multi Medicinæ rerumque naturalium Antistites scripserint, semper tamen plura, & plura ex ejus dissolutione arcana resultare, is solum norit, qui ejus experimentum fecerit: nec desunt, quæ in priscorum opinionibus emendanda videantur; quæ in sequentibus de transmutatione metallorum fufius prosequemur. Sed jam ad institutum nostrum.

S. I.

De miris proprietatibus Mercurii.

Hydrargyri seu Mercurii natura.

HYDRARGYRUM, five Argentum vivum, Chymicis ob mobilitatem suam Mercurius, est liquor mineralis ex aqua metallica, viscidus, terreus, sulphure exactè contemperatus, spirituosus, frigidus, humidus albus in manifesto, calidus, siccus, rubeus, & omnicolor denique in occulto, penetrat metalla, quibus adhæret, intimè eaque resolvit: omnium metallorum materia, ad quorum substantiam, sicut & sal, & sulphur, requiritur, *per se quædam*, metallica omnia in se continens, quod & innumeri colores, quos mox, ubi ignem sentit, exhibet, testantur. Dicitur *Argentum vivum*, quia argentum colore refert, & quovis impetu ab uno in alium locum facillè movetur; præ omnibus mineralibus privatam quandam, mirandamque naturam, quæ satis penetrari nequeat, accepit, admirandisque nonnullis virtutibus præditum est, iisque ita contrariis, ut de eo dici possit; *frigida cum calidis, sunt mixta humentia siccis*; Undè ex hac naturarum in uno mixto complexarum contrarietate, ita contrariæ, repugnantesque opiniones in animis Chymicorum pullularunt, ut vix sit, qui se ab hujus impenetrabili naturæ abyfso, ac vi indomabili expedire possit; & ideò mente confusi nihil non agunt, quo hunc Mercurium perdomare possint. Hinc ut fixationi aptior fiat, aliquis fugaci illo spiritu privatum, in succis venosis sepultum macerant; quidam in aquis fortissimis, & corrosivis, ad superfluum humiditatem eluendam suffocare student: Nonnulli stercoreibus, atque excrementis animalium, fumoque calenti obrutum miserabiliter cruciant: Non desunt, qui pauperculum & infontem strictissimis carceribus inclusum, vincumque compedibus, alis quoque truncent,

ac varia præcipitatione, sublimatione, calcinatione, fermentatione, putrefactione, amalgamatione, fixatione, coagulatione, similibusque Chymistarum tormentis exercitum, eum non alis tantum, pedibus, manibusque privare, sed & vita omnibus modis contendunt: Verum subtilissima quadam vi imbutus, dum minimè provident, solita sua, fallacique fugacitate, qua data porta ruens, ex omnibus ejusmodi vinculis, carceribus, tormentisque solutus, derepentè è manibustortorum suorum elapsus, tenues evanescit in auras, adversariosque suos calida sua impostura circumventos non sine indignatione, veluti subridendo, & vasis, & bursis vacuos relinquit. Sed hisce relictis, ad rem veniamus.

Prima igitur proprietas Argenti vivi est ejus fluxibilitas, qua etsi revera distinctum, separatumque fossile sit, aliorum tamen more non consistit, nec durum est, sed potius liquor quaquaversum propria, & ingenta sibi virtute fusilis; neque fixari potest, nisi certa, & rara quadam industria paucissimis nota; quam qui sciverit, ei nihil in transmutatione metallorum difficile amplius esse judico, cum finem operis in tinctura Lunæ sit consecutus.

Altera proprietas Mercurii est, quod, etsi liquoris substantiam acceperit, cæteris tamen omnibus, & singulis metallis gravior, & ponderosior existat; undè fit, ut si aurum exceperis, omnia cætera metalla ipsi, non secus ac subereus cortex aquæ, innatare soleant: Cuprum enim, ferrum, stannum, plumbum cujusunque ponderis ei injecta, quicunque experimentum facere volet, non secus, ac lignum quodvis aquæ innatare comperiet, solum aurum in illo subsidet, ex dura mox, solidaque in liquidam substantiam resolutum.

Tertia proprietas est, quod cæteris metallis, veluti spiritibus, neglectisque, solius auri, & argenti gratiam, consortiumque ambire videatur: alia verò metalla, si vel ipsi conjuncta fuerint, nescio qua tyrannide invasa, eadem sua præsentia penetret, perforet, conficiat, consumat, exedendoque penitus destruat: Undè rerum omnium venenum meritò dicitur.

Quarta proprietas est, quod licet fufum, ac in minutissimas, easque infinitas penè particulas dissipatum, fuerit nullam tamen earum perdat. facillè, sed universæ continuo se recolligant, & in pristinam unionem, societatemque coeant; ut vel hinc non sine causa à Philosophis, æterna substantia, & æternus liquor, cum nihil sit, quod eum destruere, & abolere possit, appelletur.

Quinta proprietas est, quod etsi aurum, argentumque à cupro, cæterisque metallis hydrargyri ope separetur, ad eadem tamen unienda, conglutinandaque, id prorsus necessarium sit, ut patet in deaurandis metallis: auro enim commixtus Mercurius instar ceræ

Mercurius incorrigibilis.

Proprietates Hydrargyri.

Hydrargyrum gravissimum.

Omnia præter aurum Mercurio innatant.

Præter aurum & argentum omnia reliqua metalla consumit.

Mercurius indestructibilis.

Mercurius omnia conjungit.

ceræ massam facit mollem, qua illitæ prius laminæ inaurandæ ignis ope ita iis aurum unit, ut vix ulla arte amplius separari possit; ipse verò Mercurius mox ubi ignem sentit, veluti probe suo munere functus, tenues evanescit in auras.

Nihil gravius & nihil levius hydrargyrum.

Sexta proprietas est, quod etsi rerum omnium gravissimum, ac ponderosissimum sit argentum vivum, exiguo tamen tempore in substantiam subtilissimam, levissimam, fugacissimamque, vel ad ignis tactum conversum alas assumat; quod si omnino disparuisse censeas, jam iterum repentina quadam metamorphosi, in substantiam gravissimam conversum esse cum admiratione videas.

Aurum appetit & trahit.

Septima proprietas magnetica videtur: Nam hoc unicum experientia nobis innotuit, quod hydrargyrum secreto quodam naturæ instinctu aurum appetat, id amplectatur, ac in suum quasi sinum recipiat; ejusque primaria virtus est, ut miro quodam consensu auro adhærescat, illudque promptissime penetret. Nam si vicinum sibi aurum vel præsentiat, ei se adeo medullitus implicat, ut eo amplexu nudatum aurum, metalla alia, quibus permixtum erat, deponat, & quasi excutiat.

S. II.

De Natura mixta Mercurii, & ubi pascatur.

Est quoque Mercurius vere hermaphroditus, ejus naturæ, & proprietatis, qua nullam aliud in natura mixtum dotatum spectamus, ex se, & sua natura calidum, & humidum, terreum sive frigidum & siccum, oppositis qualitatibus constitutum; calorem, & siccitatem monstrat in sui sublimatione; humidum, & terreum in suo naturali statu; & humiditatem in sua instabili fluxibilitate; terreum, quia nihil humectat. Metallum & non metallum: Non metallum, ob suam fluxibilitatem, qua omnes mallei ictus eludit; per se enim fluit ut aqua; cætera verò metalla non nisi liquefacta fluunt; neque ductile, frangitur enim in mille guttas, ubi in terram ceciderit, ideo & metalla, quibus jungitur, fragilia reddit, etiam plumbum, & aurum. Quod verò humiditas ejus metallica sit, imo & metallum quoddam potentiale, ex eo patet, quod omnibus misceatur metallis, in uno plus, quam in altero, quin ab omnibus avidissime imbibitur, æri tamen difficulter adhæret, difficillimè ferro, ob minorem ad ea similitudinem, majorem verò ad cætera; unde & ab omnibus metallis Mercurius Spagyrica arte extrahi potest, uti suo loco in Experimentis docebitur. Quæritur autem causa, cur facilius aliquibus metallis adhæreat, quam alteri? Dico causam esse similitudinem, qua corpora similia se naturaliter appetunt, se fovant magis, utpote quæ ab iis perfectionem suam à natura intentam

Mercurii ex oppositis qualitatibus constituto.

consequantur; hinc auro, & argento, plumbo, stanno, ob nescio quas amicitiae leges facile adhæret, non item æri, & ferro; aurum verò, & argentum non facile tantum, sed helluonis instar avidissime combibit, eò quod suam ex iis perfectionem, altiorisque dignitatis statum ambire videatur; impuram autem, & imperfectam ejus esse substantiam, ex nigredine, qua tractantium manus imbuuntur, patet. Quod verò in sublimatione totus avolet, ratio est, quod exhalationem non ustat, sed ustibilem contineat, qua vaporosa attollitur substantia. Quod verò nunquam comburatur, causa est, perfecta terrei cum humido commistio, quæ ab ustione defenditur.

Est autem duplex: Nativum & factitium. Illud vel est Virgineum, quod ex fornicibus subterranearum fodinarum destillat, omniumque depurgatissimum est: vel ex cinnabrio, quæ matrix ejus est, arte educitur; modum alibi docebimus. In Hispania purissimum reperitur. Hydria in Carniolia ex lapide subrufescente exprimitur; Verum ut modum & rationem, industriamque, quæ eum opifices extrahunt, perficiuntque, addam hoc loco epistolam, qua P. Sigismundus Siferus è Societate nostra, qui dictum locum diligenter inspexit, omnia non minus scite, quam eleganter describit, subjungam. Sic autem scribit: *Elapso anno dum Goritia Clagensfurtum iter haberem, placuit in Hydriam excurrere, & curiositati jam dudum optatissima satisfacere: Cumque ejus loci constitutionem, ac reliqua jam dudum peroptavit nosse penitus R. V. singulariter perquisivi omnia, & sequentia nunc de iis perscribenda duxi. Locus, qui in eadem cum Goritia quasi elevatione poli est, in valle profundissima jacet undique in septus montibus, cujus nos planum post trium hora quadrantium spatium continuo descensu vix attigimus. Pagum commodè transfluit torrens, unde & nomen fortassis Hydria, qui ab innumeris sublevans operas laboribus, variet, ac artificiose derivatus, varios summo ceterum conatu labores facillimè supplet; nam illius beneficio ultra centum orgiis profundas subterraneas aquas, antliis aliquot ab infimo unà in alteram sese infundente, donec ad summum perducatur, artificiosissime exhauriunt, quæ alias in fossa operas impedirent. Materia effossa per solam hydraulicam (unico tantum homine opus dirigente) funem in se innectentem gravissimi ponderis, ac ingentis molis attrahitur demittiturque; terra item inutilis à materia hydrargyro referta, per commodè elicitur, & similia. Sed plura de fossa ipsa. Colliculus est arboribus nudus, gramine tamen latissimus, circuitu dimidiâ leucam, ut censo, vix ad aquans, sub quo thesaurus hæcenus effusus jacuit pene omnis. Hac patet introitus in directum aliquandiu protensus, demissus adeo, ut vix unquam justa virum magnitudinis erecto corpore progredientem admittat; inde in sinistram hiat descensus, non adeo tamen præcipiti à prim-*

Argentum vivum duplex nativum & factitium.

Hydria fivve fodina argenti vivi in Carniolia describitur.

Descriptio Hydrie qui locus est in Carnia, unde argentum vivum eruitur.

principio gradu, ut ab itinere deterreat ingrediens, donec aliquamdiu inductus, ad perpendicularum erectas scalas attingat, ubi sane horreo refrens, si abyssum illum vix visu terminabilem mecum repeto, in quem sese qui ita curiositatem suam pascere desiderat, debet immittere. Est fossa a summo in infimum centum, & aliquot orgias profunditate adaquans; vastitatem vero tam facile ob varios in dextram, sinistramque distractos meatus attingere non potui; colligere eam nonnihil exinde licebit, quod ab introitu ad egressum tres, omnino hora, si ultra solitum sese quis non detineat, supputentur. In hac continuo labore ad id jam quasi nati loci incolae mutatis vicibus diu nocturne desudant, suoque jam quisque fungi munere novit, ita ut quidam sint fossores tantum; alii qui cruderata jam in locum, unde in apertum extrahantur, convehant, idque in tenebris etiam beneficio rima per totum iter recte deducta, in qua rotula curriculi inambulans vehentem deducit. Aliorum praeipue interest machinis, quibus aqua, ut dixi, educitur, attendere, ac ad manus habere omnia, quae defectui subitaneo supponant. Sunt etiam, qui de loco aurâ recentiori, in inferiora, ubi defectus aeris est, eum follibus haustum, canalibusve inclusum detrudant, sine quo vix diuturni forent inferiorum labores. Caterum non effoditur tantum vi continua Mercurius, sed variis in locis aliquando forte apertis per se exstillat, nullo igne, aut alteriori conatu ad puritatem suam, quam absolutissimam habet, indiget, unde virgineus appellatur, de quo sesquialteram forte libram dono ibidem à loci curatore acceptam mecum habeo. Hæc de Hydraria vel visa, vel ibidem audita satis.

§. III.

De Medicis virtutibus Mercurii, & an venenum sit.

His jam ritè appositis, ad virtutes medicas Mercurii jam veniamus, quas cum in Sectione de Venenis fuse describamus, hic tamen nonnulla ibi omissa repetamus. Hydrargyrum omnium confessione Medicorum inter pura venena ponitur, præsertim si habenis laxatis præcipitatus aut sublimatus fuerit. Quos quæso is, qui perditos Alchimistas tantopere exhilarat, in infimum miseriarii barathrum deturbavit? Antiarvetus Cræso se ditiores fore ait, si tot haberet nummos, quot Mercurius præcipitatus sustulisset. Laurentius Hoffmannus dicit, Medicamentum quendam cuidam duas exhibuisse pilulas ex Mercurio confectas quarum primâ sumptâ in paralyfin, alterâ quoque sumpta in apoplexiam incidisse ait. Libavius nosse se hominem dicit, qui Colicis infesto doloribus unam Mercurialem pilulam dederat, pertina-ci alvo, secundam, & tertiam adjecisse, paulò post animam cum excrementis egressisse. Oberdorffius Alyptam se novisse narrat, qui spatio biennii sexaginta tres homines hydrargyri usu, & fumo è medio sustulerit. Taceo

multos Mercurio illitos, ipso spectante, in epilepsiam, paralyfin, & apoplexiam incidisse. Fernellius refert, coriario cuidam ob assumptum hydrargyrum non solum synciput & utramque cerebri meningem computruisse; sed & subjectam cerebelli substantiam in abscessum conversam esse. Complures quotidiana experientia docet, Mercurio inunctos, in paralyfin, surditatem, strumas, colicos dolores, dysenterias, convulsiones, lipothimias, tremores incidisse; alios dentes expuisse; nonnullos ungues, capillos, maxillam, columellam, artus perdidisse; quosdam peristicticis distentionibus, contractionibus, morbisque lue ipsa atrocioribus usque ad extremum vitæ habitum discurtiatos vixisse. Confessos audiivi venerea lue infectos, tam intolerabili tormento non secus ac Tauro Perilli inclusos cruciatis, ac veluti infernali igne tortos fuisse. Quæritur itaque tantorum symptomatum causa? Dico, esse Arsenicales spiritus salium acerrimorum spiritibus conjunctos, qui calore interno sublimati, uti in subtilissimam substantiam convertuntur, ita quoque universos corporis meatus, dum penetrant, omnia rodunt, vellicant, lancinant, & in tabum cum ultima humani corporis ruina, & exitio convertunt. Vide de hisce plura Sectione de Venenis.

Satis tamen admirari non possumus divinae Sapientiae dispositionem circa hydrargyrum, quod tamen venenum adeo atrox, & prorsus lethiferum sit, omnem, tamen ab eo benignitatem, salubritatemque exclusam noluisse; id enim, si peritum nactum fuerit artificem, prudentemque medicum, nullum morbi genus aggredi recusat, dum ad æqualitatis proportionem perturbatos humores reducit; unde Paracelsus legitime præparatum, balsami Naturæ, & theriacæ naturalis titulo cohonestare non veretur; consistit autem hydrargyri præparatio non in purgatione (quam multi ejusdem per corium transcolatione, mobilitatemque ejus aceto, urina, lixivio, succo limonum coerceri & ab omni malignitate depurari posse, falso sibi persuadent; licet enim hisce mortificatus videatur, is tamen superaffusa aqua tepida mox resurgens solitam suam tyrannidem exercere non desinet. Sed perfecta ejus purgatio in sulphurearum, plumbearumque malignitatum subtractione consistit; hoc enim pacto sulphur arsenicale per sublimationem tollitur, anima per igneam fixationem sublimationis, præcipitationis, & variæ distillationis artificio privatur, qui proprie Mercurius Philosophicus est, & ad varios usus tum intrinsecis tum extrinsecis infirmitatibus curandis, mire opportunus; quamdiu verò corrosiva salium sub eo latitantium acrimonia in eo durat, tamdiu deleteria adhuc qualitate imbutus cense-ri debet; illa verò dempta, jam paulatim

Correctus Mercurius fit medicina saluberrima.

Quomodo emendatur.

Mortifera Mercurii medicamenta.

latim deposita feritate, & truculentia mitescit; Cujus signum est, quando ad vitam pristinam nulla amplius arte reduci potest. Admirandas verò conclamatorum morborum hujus beneficio curas factas vide apud *Paracelsum, Libavium, Mylium, Quercetanum*, aliosque Chymicos. Atque hæc Chymicorum sunt miracula mirificis sanè elogiis descripta. Quicquid sit de miris ritè præparati Mercurii in medicina usibus; ego tamen naturas rerum secundum intimas illarum essentias penitus considerans, Mercurium quocunque tandem modo sive præcipitatione, aut sublimatione, sive alio quovis modo præparatum, ad hujusmodi morborum truculentiam propulsandam, nisi virâ ægri jam desperatâ, adhiberi neque posse neque debere censeo; cum enim exitialis illa Mercurii potestas, & virtus non elementaris, sed specifica vis, & proprietas à forma ejusdem immediatè profluât, & emanet, certum est, illam ab eadem nulla vi, nulla arte penitus separari posse, nisi totam rei substantiam tollere prorsus velimus; Quod si ita est, certè is semper nonnihil secum habebit absconditum nescio quid malignum, quod intus operans, tametsi ægrum ab humorum malignantis naturæ colluvie subindè liberare videatur, semper tamen ferociæ suæ memor, altiusque insinuaturn oportuno tempore insurgens, occultis suis machinis fusque deque ad ultimam usque mortis metam vertit omnia.

Judicium
Authoris
de medici-
na mercuriali.

Sed objiciunt hîc forsan chymici; Mercurium post domitas malignitates, tum vel maxime mira illa facultate morborum omnium curatrice pollere. At ego quæro ex eis: Mercurius ita mortificatus vel aget aliquid, vel nil aget? Uti hoc non negabunt, sic & illud concedere non possunt. Si enim aget, vel illa sua specifica virtute aget, vel alia aliqua virtute de novo acquisita. Si prius, ergò semper quantumvis domitus, & coercitus, nonnulla virulentæ suæ nequitiae vestigia relinquet; cum hæc rosiva vis in sublimato ei essentialiter insit, ab eoque prorsus separari nequeat. Si posterius, jam vel nihil aget, vel si aget aliquid, & benevolè quidem sine solita ferocia aget, si ita est. Dico, Mercurium tunc in novam prorsus substantiam essentialiter distinctam abiisse; nisi tamen velimus dicere, eum in hoc statu novo aliquo magnetismo imbutum, quo, quemadmodum carnes viperinæ id ad se trahunt venenum, quod à vipera fusum fuit; ita & Mercurius, (sive id fiat virtute quadam diaphoretica, sive procathartica) virulentos humani corporis humores trahat, & tractos foras expellat. Tametsi hæc aliis medicamentis multo nobilioribus perfici possint, nil itaque Mercurio lucratur.

§. IV.

De Virtute admirabili, qua auro adhæret, & causa.

Non igitur inutiliter hoc loco, quomodo istiusmodi conjunctio fiat, quæri potest: Certe cum memoratæ facultatis nullo non tempore Philosophis admirationi fuerint, magna chymicorum pars diversorum metallorum consortiâ non nisi magnetismo quodam fieri arbitrata est, ut fuse probat *Paracelsus lib. de Transmut. Fallopius* existimat, metalla hydrargyron non aliter trahere, quam magnes trahit ferrum, succinum paleas; lapidem quoque illum Philosophicum lippis, & tonsoribus notum, non nisi magnetismo comparari Chymici philosophi volunt. Quidquid sit, mirum sane est, videre solum argentum vivum ab omnibus metallis veluti appeti. Quænam igitur hæc vis sit, & an ex magneticæ & electricæ attractionis classe sit, jam restat, ut declaremus.

Utrum
Mercurius
magneticæ
vi trahat
aurum.

Contra citatos igitur authores dico primo, hanc Hydrargyri cum auro, & argento conjunctionem nulla ratione per attractionem magneticam, electricam aut elementarem fieri: si enim esset per magneticam proprie attractionem, deberet hic hydrargyri appetitus ad aurum duo præstare: primò id in certo loco, ac naturæ suæ congruo in hoc universo constituere, ut sit in magneticis; secundò deberent hydrargyrum, & aurum ita se alterare, ut simulac in sphaeram virtutis veniat alterutrum, ad alterum quantocyus ex similitudine quadam naturæ, acquirendæque novæ perfectionis appetitu confluat, quam nos proprie coitionem, seu attractionem vocamus magneticam; sed appetitus, quo hydrargyron dictis metallis se jungere appetit, non est constitutivus hydrargyri in certo loco, cum ob fluxibilitatem suam nullus ei locus certus, situsque stabilis in natura assignari possit; neque etiam alterativus est, cum hydrargyron è regione auri, & argenti, aut etiam è ratione obeli aurei, & argentei exactissime librati, quantumvis vicinum, nullum tamen alterationis, attractionisque, ut frequenti mihi experientia innuit, vestigium post se relinquat, quod tamen si aliquo magnetismo polleret, fieri deberet. Ob hanc eandem causam perperam quidam ejus operationes inter Electricas computant, cum omnia electrica, quædam diffundant effluvia, quibus corpuscula non nisi levissima circumfusa moventur, & attrahunt; hydrargyron autem præterquam quod ponderosissimum sit, nullum quoque, quantumvis subtiliter libratum qualitatis attractivæ in auro, aut contra aurum in hydrargyro signum præbeat, certe inter Electrica computari nequitiam potest.

Non attrahit Electricæ.

Neque dici potest ratione vacui hanc conjunctionem fieri, velut in attractione elementari;

Non ratio-
ne vacui
trahitur.

mentari; cum elementaris attractio nullo alio fine, nisi ad unionem, continuationemque partium in toto sit ordinata, quæ in hac *συσζυγία* metallica necessaria non est: Neque dicta conjunctio per confluxum similium esse potest, ut in homogeneis rebus apparet; gutta siquidem aquæ, vel hydrargyri rapit guttam, sibi que eam jungit, non occulta quadam vi, sed ex lege homogeneorum, qua partes similes, & ejusdem generis, ut contra communem hostem se defendant, sibi conjungi appetunt; Ita oleaginea devitatis aqueis, oleagineis conjunguntur; aquea verò repudiatis oleagineis, facile aqueis commiscuntur: Ita liquores, quos gummi vocamus, si aqueæ naturæ fuerint, quemadmodum gummi cerasinum, draga canthinum, similiaque in aqua dissoluta, ex similitudine quadam naturæ facile coeunt; igneæ verò naturæ gummi, veluti mastyx, thus, styrax, resina, similiaque, utpote diversam naturam sortita, aquis ut misceantur, adigi non possunt: Neque fieri potest dicta conjunctio per appetitum quendam auri, & argenti, quo tanquam sibi bonum, & conveniens hydrargyron attrahit, sicut singula membra ad se nutrimentum conveniens attrahere solent, cum aurum, & argentum, utpote in sua perfectione constituta, hydrargyro non amplius indigeant.

Causa attractionis
metallicæ.

Dico igitur hanc conjunctionem fieri per beneficium, amicumque quendam auri, & argenti in hydrargyron effluxum, quo apprehendatur Mercurius, seu per appetitum naturalem hydrargyri ad aurum, & argentum, ea fere ratione, qua materia formam naturaliter appetit, & dispositionibus præviis in unum compositum physicum coalescunt: Nam ut recte Philosophus de hoc appetitu loquens, *ἀλλὰ τὸ ἐστὶν ὕλη ὡς περὶ αὐτὴν τὸ ἡλυ αὐτῶν καὶ αἰσχροὺς καλῶς*: Ea ratione se habet ad formam materiam, ut ad marem femina, & ad pulchrum turpe, nihilque aliud est hic materiæ appetitus, nisi ad recipiendam formam inclinationis ipsi à natura debitam: Cum enim materia ex se, & sua natura turpis sit, & imperfecta, privataque omni decore, & pulchritudine, ut scholæ loquuntur, necessario id, quod ipsi ultimum complementum, & perfectionem dare potest, naturaliter appetit: Ita etiam dico, cum hydrargyron materia proxima metallorum, minerale sit, cum ob humiditatem nimiam, tum ob terrestrium impuritatem, quibus scatet, abundantiam, ita imperfectum, & defectuosum, ut vix ulla arte, aut industria humana corrigi possit, ac nihilominus à natura ad ulteriorem perfectionem ordinatum sit, ipsumque ex se quoque perfectionem uti & solidam consistentiam affectet, hanc unicam ab Authore Naturæ accepisse videtur prærogativam, ut mistum auro, & argento, veluti in perfectiorem formam, humiditate illa nimia aliquantisper suppressa redigatur; auri verò, argenticque benefica vi, cum nisi per mutuos amplexus

frui non possit, ad illa veluti potentia ad actum, purum quiddam ad impurum, ad pulchrum turpe appetitu naturali confluent, eis se unit, donec ejusdem humiditas auri calore, argenticque siccitate frigiditas retusa, idque inconstanti illa fluxibilitate, eorum ope exutum solidescens, intentam consistentem formam tandem adipiscatur. Currit igitur hydrargyron ad dicta metalla, tanquam imperfectum ad perfectum, turpe ad pulchrum, potentia ad actum, ut ab ipso perficiatur, decoreturque, ac tandem pro variis dispositionibus in unum physicum compositum, aurum inquam, vel argentum coalescat. Adhæsiō itaque perficitur hac viscositate, qua abundat hydrargyron, & subtili quadam vi penetrantissima, qua intimam substantiam alterius metalli subito permeat, quæ per fluxibilitatem mobilitatemque mirum in modum promovetur: Argentum autem siccitate sua maxima nimiam humiditatem ejus aliquantulum retundit, aurum à superfluis curat terrestriatibus, quas mutationes deinde sequitur intenta transmutatio.

Hydrargyron appetit aurum, ut materia formam.

Vides igitur, nihil in ejusmodi actionibus magneticum esse, sed unionem hujusmodi metallorum cum hydrargyro, dictis sibi appropriatis qualitatibus perfici. Pari ratione, cum videmus aurum cum argento, chrysolita, sive borace coalescere, ferrum cum ferro, creta in pulverem redacta, madefactaque, atque igni violento exposita coire, stannum cum plumbo, cupro, ferro, argento, sola pice græca in unum conglutinari, non ideo, ut multi ignari perperam opinantur, ea actio inter magneticas connumerari debet, cum hæc non occultis, sed primis, aut secundis qualitatibus ordinarie peragantur.

Quis non miretur, solo vapore, halitu, seu fumo materiæ ex stanno, & plumbo commixtæ, stannum cum argento vivo ita conjungi, indurarique, ut colore, ac duritie argentum verum si non superet, saltem malleum quantumvis sustineas adæquet; & nisi ego veritatem rei experimento comperissem, nec ut id crederem, induci unquam potuissem. Cum igitur eodem plumbi vapore, & mercurio, ut experientia docet, aurum cæteroquin solidissimum in pulverem redigatur, non est dicendum, argentum vivum in aurum ingressum habere, ut in substantiam ferri magneticus odor, ut quidam è chymicis volunt sed eo modo quo supra diximus. Quod similiter dici velim de cæterorum mineralium metamorphosi, ut dum ferrum in æs vitrioli virtute, stannum verò in plumbum ope salis ammoniaci; hydrargyrum sulphuris actione in cinnabarin; plumbum aceto in cerussam; & hæc ignis vi in minium vertitur; neque ullus magnetismus intervenire potest, cum in aqua regia argentum dissolutum æri, æs in ea liquatum ferro, mira quadam ratione adhærere experientia docet; sed hæc omnia

Coagulatione argenti vivi.

Varie experientie in transmutationibus metallorum.

per qualitates utrique metallo convenientes fieri necesse est: Hinc ridendi sunt qui transmutationem metallorum magnetica quadam vi, ceteris herbis veluti Napelli pardalianches, doronici succo insita peragi posse credunt.

Verum quomodo Mercurius ex Minio, cæterisque tum metallis, tum mineralium, vegetabiliumque fuliginibus extrahi possit, in sequentibus exponetur.

CAPUT V.

De Bituminosis corporibus.

Sulphur & bitumen affinia mineralia sunt.

Producit Natura in utero suo certum pinguedinis genus, quod suo non fixum sale in bitumen excrescit, at sale suo fixum in sulphur degenerat, cui bitumen ita affine est, ut non incongruè bitumen sulphur liquidum, & sulphur, bitumen fixum, coagulatumque dicere possis.

Est itaque Bitumen, Græcis *ἄσφαλτον*, succus pinguis, & intense calidus, humoris oleacei, alendo igni ob naturam ejus facile inflammabilem aptissimum, pro varietate locorum, quibus naturaliter producitur, & pro diversitate mixtorum, quibus adhæret, omnino varium, & multiplex; si enim ex faxis, uti in Matinensi Agro, exstillat, tunc vocatur petroleum; si verò ex adusti sulphuris liquore colore nigro, odore sulphureo, prodeat, pix terrestris dicitur; Bitumen Babylonis Naphtam vocant, *Ναφθῶ* sive bituminosum liquorem, qui tantas cum igne amicitias init, ut vel ad proximam ignis applicationem inflammetur, variisque in Italiæ, & Siciliæ locis reperitur, uti in Naphtia loco vicino Minæo urbi Siciliæ, ubi hujus bituminis speciem copiose scaturientem olim me vidisse memini. Iterum si succus hic unctuosus ex fundo maris ex depuratissima sulphuris gleba scaturiens in superficiem elevertur, & fluctuum deinde impulsu ad littora dispellatur, inibi is ambientis aeris ficitate induratus in succinum convertitur; Si rursus bituminosus liquor ex lacubus sulphureis in superficiem aquæ deferatur, *ἄσφαλτον* propriè dicitur, uti in Albula Agri Tyburtini lacu, & potissimum in lacu Palestinæ, quem inde Asphaltitem, & mare Mortuum dicunt; hoc deinde in littus appulsum duritiem lapidosam purpureo colore induit. *Strabo*: bitumen, inquit, est terra gleba, quæ à calore liquefacta efflatur, atque diffunditur, rursumque veluti in glaciem fortissimam ab aqua frigida immutatur, qualis est lacuum aqua, unde & sectione & incisione opus est. Si deinde cum gleba insita salis virtute figatur, nascetur bituminosa terra, quam vel *Ampelitin* vocant; eo quod vermes in vitibus enecet, vel *Theophrasto* teste, *pharmacitin* ob insignem in Medicina usum, appellant. Si denique exustæ carbonum ad instar glebæ sulphureæ jungitur, *λίθανθος*, carbo fossilis, aut *Gagates* gignitur, de quibus in præcedentibus; Si argillacea gleba admi-

scetur, *Maltha* dicitur. Iterum si atrum candido coalescat, *Pissaphaltum* dicitur, id est, picibitumen, & variis in locis è montibus emanat, uti in Epyro, & hoc est nativum; alterum est factitium, & mumia dicitur, eo quod cadavera pice, & bitumine condita intra arenas Libyæ Solis æstu in bituminosum mixtum excrescant, quod mumiam vocant. Verum de modo, & ratione condiendorum cadaverum Ægyptiis usitatorum ex professo tractatum vide in *Tom. III. Oedipi Ægyptiaci, Sytagmate de Mumiiis*.

Vides itaque *Lector*, bitumen unum quidem, & eundem liquorem esse, à diversis tam aquis, glebis, lapidibus, limo, succis, argillis, quibus increscit, tantam diversitatem nominum sortitum esse; quæ uti variis coloribus differunt, ita quoque variam bituminis albi, nigri, rubri, flavi, cinerei, purpurei, denominationem dimanasse constat; cum verò res, quibus adhæret, varia facultate, differentibus viribus, & proprietatibus imbutæ fuerint, certè bitumen aliis, aliisque viribus imbui, tingique necesse est: calor siquidem subterraneus, uti in præcedentibus fuisse demonstravimus, dum terrestrem illam pinguedinem exaltat, pro varia adustionis ratione nunc succos rubentes, & candidos efficere potest, jam ex rubentibus flavos, ex flavis virides, aut nigros, non secus ac ex pituita dulci, coctionis virtute fit sanguis, ex sanguine immodico calore, flava bile adustionis vi viridis, vel atra. In hunc ergo modum bitumen quoddam liquidum ea de causa candidum est, quia mitis calor id ex terris expressit, ut in succino candido patet, quod nescio qua dulcedine pollet; flavum verò uti majori caloris vi elaboratur; ita quoque acrimoniam quandam adjunctam habet; nigrum verò, quia magno calore aduritur, nescio quid eupyreumatis exhibet gustatum odoratumque: Quæ quidem liquidi bituminis species non nisi ex differenti caloris gradu exsurgunt; quod idem de limorum, glebarum, lapidum, succorumque, quibus adhæret, colore, & viribus dictum sit: Si enim pix cum bitumine misceatur, pissaphaltum nasci necesse est; Ita quoque si per salina, sulphurea, aut nitrosa, vel aluminosa, vitriolataque loca decurrat, iis bitumen viribus tingitur, quibus loca, per quæ

Bitumen liquor unus & idem, à diversitate rerum, quibus miscetur, denominationem sumit.

Unde diversitas colorum in bituminibus.

Quomodo varia bituminis genera, & ex quibus oriuntur.

Naphta quid?

quæ fluit, à natura dotata sunt. Qui hanc regulam servavit, facile sensuum ope de bituminis viribus, qualitatibusque judicium feret. Vide quæ in *primo Tomo* fusius de bituminosis aquis discurremus.

Montes ar-
dentes ex
abundan-
tia bitumi-
nosorum
lapidum.

Hinc aliud calidum, frigidum aliud, tepidumve; aliud tenue, aliud luti adinstar crassum, lentumque; aliud siccum, molle, & scissile, aliud durum, & saxea quadam substantia imbutum, uti Gagates, carbo fossilis, lapis Thracius, obsidianus. Sunt præterea, quæ gratum, sunt quæ ingratum odorem, fætidumque expirent: quibus tamen omnibus; & singulis convenit, facile inflammari, & patet ex montibus, quos carbonum vocant, uti de monte juxta Ziccam in Misnia, refert *Agricola*, quem subinde ardere ferunt: In hoc, teste *Agricola*, fossiores primo ad passus altitudinem eruunt terram, deinde dilatatam mollium carbonum venam inveniunt, fere altam passus tres, & dimidium, tum saxa satis crassa excidunt, mox iterum reperiunt venam carbonum, sed durorum, quibus ex pice nomen posuerunt, cui similes esse videntur ob nigrorem, splendoremque. Sub hac vena subest cadmia bituminosa, & sub hac pyrites aluminosus, æs purum, carbones, quos ignis depascitur, terra in caminos incidente extincti in nigrum pulverem vertuntur.

Nota quoque, quicquid in Sulphure, Sale, Mercurio, pingue, & unctuosum est, huic liquori primordialiter adscribendum esse. Quoniam itaque per universum Telluris corpus hujusmodi pinguedo diffusa est, hinc fit, ut & vegetabilis natura ejus particeps fiat, quod vel maxime in Pinu, Larice, Terebintho, cæterisque resinam exsudentibus arboribus elucet; adeo ut si resinam hujusmodi vegetabile bitumen dixeris, recte dixisse censearis. Ad hoc quoque revocari possunt omnia arborum genera, quæ præter picem, resinam, gummi quoque exsudent, uti Betulæ, Cerasi, Pruni, similesque; adeo quidem, ut vix planta sit, quæ non suo naturali bitumine dotata sit, sive id picem, sive resinam, sive gummi, sive quemcunque alium liquorem pinguem appelles. Sed de hisce in *Disquisitione vegetabilis Regni* plura. Neque in animali regno animal reperiri scias, quod non hujusmodi pinguedine & nutriatur, & eo veluti vinculo quodam glutinoso, quo partes partibus apte connectuntur, constituatur. Quid enim adeps aliud, quam bitumen quoddam coagulatum; quæ omnia juxta intentam à nobis analogiam intelligas velim.

Utilitates Bituminis.

Innumeras Bitumen virtutes habet, usumque immensum in rebus naturæ; sed principales tantum utilitates describam.

Primo. Perpetui ignis subterranei causa

nulli præter sulphur, & bitumen, alteri adscribitur, uti in *Primo Tomo* satis ostendimus; ita ut ubicunque vel montes ardentes, vel thermæ reperiantur, ibi sulphur, & bitumen abesse non possint.

Secundò. Naphta, & Camphora, bituminis quædam species sunt, aquis accensa non solum non extinguuntur, sed nutriuntur, & majus sui incrementum sumunt fulgoris. De Camphora quidem, utrum ex arbore, an ex terræ visceribus emanet, magna inter Mineralogos concertatio est. Ego nostrorum Patrum Indicorum instructione duplicem camphoram invenio: unam lachrymam vegetabilem, quæ ex arbore quadam in insulis Moluccis, potissimum in Borneo insula proveniente emanet: alteram ex China non tam naturalem, quàm factitiam adferri. Sed de Camphoræ viribus in *Experimentis pyrobolicis* fusius. Ægyptii, uti in *Syntagmate de Mumiis Oedipi Ægyptiaci* ostendimus, bitumine ad mortuorum condituras utebantur, ignem perpetuum fovebant, de quibus in *Oedipo nostro* uberrimè. Persas tela bitumine illita, & in tecta hostium coniecta, ea concremasse *Ammianus* narrat: Hoc illita æramenta, arma, ferrum, contra aquæ injurias incorrupta perseverant.

Camphora
quid.

Maltha bituminosi limi species, cum quid attigit solidi, adhæret, & tacta sequitur fugientem, aquis accenditur, terra restinguitur, si *Plinio* credimus. Bitumen, & Naphta ardent in aquis, earumque humore nutriuntur; de quibus in *Experimentis pyrobolicis*. Quæ verò de bitumine Judaico scribunt *Plinius*, *Solinus*, *Tacitus*, & ex his *Isidorus*, & *Perrus*; Videlicet bituminis Judaici, quod in lacu Asphaltite colligitur, aded tenacis lentoris esse, ut non nisi foeninarum menstruis cedat, & quod ferro domari non potest, eorum tactu facile divellatur sejungaturque, verum illa fabulis annumeranda sunt, cum experientiæ manifestæ repugnent, & ii, qui id ab Indigenis extrahi viderunt, nil tale se observasse fateantur; de quibus vide *Itinerarium Petri Vallei*, *Brocardi*, aliorumque. Multis in locis bitumine loco olei ad lucernas fovendas utuntur. Naves sine bitumine multum in aquis durare nequeunt.

Maltha.

Asphaltis
proprietas.

Si Medicas ejus virtutes desideres, id sistit, discutit, contrahit, glutinat; serpentes nidore fugat accensum, suffusioni oculorum laconicum conferre probatur; illitum podagrorum dolorem lenit; dentium doloribus unà cum Nitro illitum medetur; Tussim, & dysenteriam vino potum sedat; Cum aceto sumptum concretum discutit sanguinem; articulorum, lumborumque mitigat dolores; Jumentorum impetigini, & scabiei illitum mirificè confert: Aquæ, seu Thermæ bituminosæ quantum conferant ad diversa morborum genera curanda in *Primo Tomo* dictum est.

Ex his omnibus luculenter colligitur, humiditatem illam viscosam, & pinguem, quæ in sulphure, sale, Mercurio deprehenditur, nil aliud esse, quàm pinguedinem illam pri-

mordialem chaoticæ massæ inditam, quæ deindè pro varietate rerum, quibus adhæsit, eam, quam diximus, nominum varietatem adepta fuit.

CAPUT VI.

De Marinis fructibus, Corallio, & unionibus.

Utrum
Corallus
intra aquas
mollis sit.

Corallium, marina arbor ab omnibus physiologis definitur; non enim nisi in fundo maris crescit, & non secus ac myrica in varios ramos distenditur intra ipsam aquam, fruticeam mollitudinem inter & duritiem saxeam medium quid sectatur; Undè vehementer hallucinantur, qui ei flaccidam quandam mollitiem attribuunt; neutiquam, sed illa eodem modo intra aquam se habet, ac scapus filicis, aut myricæ, aut cujuscunque tandem herbæ firmiori caule consistentis; si enim plus æquo mollis foret, in altum utique exurgere non posset, neque aquæ marinæ concitatiore motui resistere, neque piscium transeuntium impetum sustine-

re. Constat autem mihi experientiâ, rectissimo caudice in altum sese dictam plantam firmiter erigere, & tantæ duritiei, & firmitudinis caulem habere, ut etiam subindè piscantium retia dilaceret; & quoniam mare Drepanitanum in Sicilia coralli feracissimum est, magnumque quotannis ex ejus piscatione Drepanitanæ Urbi lucrum provenit; Undè præterlapsis annis in raritatem Musæi mei integram rupis partem totam corallis confitam Eximius, & Eruditissimus Vir *Jacobus Scaphylus* Reip. Drepanitanæ Secretarius dignissimus pro suo in me affectu transmisit: In dicta rupe signata litora A non sine admiratione, varia conchiliorum genera rupi connata vi-


Rupes corallis obfita ex mari Drepanitano excisa & Romam Auctori transmissa.



In Gazophylacio
M. Ducis Hetr.



Pseudo-Corallum




In Museo Auth.




In Museo Auth.



Corallum Verum



Rupes Corallis confita in Museo Authoris



Pseudo Corallum Lythophyllum
lapidum



Corallum verrucosum



Pseudo Corallum

deas; inter quæ seorsim quoque ostreorum conchas videre est, ex quorum concava, & glabra parte corallia sine ulla radice nata vi-

dentur; in nonnullarum verò concharum convexa, & exasperata superficie, variæ coralli plantæ erumpunt, subindè quoque ex nudo

Experi-
mentum
de radice
coralli.

Utrum co-
rallum se-
men ha-
beat.

Mare ru-
brum fere-
ntissimum
coralli.


Coralli
planta ex
cranio hu-
mano &
delphino
vivo excre-
to.

Corallum
liquorem
geneticum
ex se di-
mittit, ex
cujus gut-
tis novæ
plantæ ge-
nerantur.

nudo lapide excrevisse cernuntur. Ego sane ut coralli originem exactius scrutarer, decerp-
tas ex conchis plantulas penitus eo fine
examinavi, ut quomodo concrevisset, repe-
rirem; sed fieri non potuit, ut omni adhibito
studio radicem reperirem, aut aliquid radici
simile, sed ipso trunco veluti cerâ agglutina-
tæ sine ullo perforationis vestigio spectaban-
tur, quod postea etiam in conchis istis præ-
fulgidis, quas matres perlarum vocant; ut in
S. T. Figura patet: quin & in lapidibus terfis, &
politis observavi; quæ res non parum me per-
plexum reddidit. Accidit tamen non ita pri-
dem; ut in Arabis mercatoris notitiam veni-
rem, qui uti multis annis ad mare Rubrum
mercatum exercuerat, ita quoque magnam
dicti maris notitiam acquisierat; hic mihi re-
tulit, integras hujus plantæ sylvas in dicti ma-
ris fundo reperiri tanta fruticum corallino-
rum copia condensatas, ut non dicam Urina-
toribus, sed ne piscibus quidem aditum præ-
beant: adjunxit præterea, à piscatoribus unâ
cum stirpibus extracta fuisse conchilia, late-
res, saxa, ossa, tabulas ligneas, ferramenta,
omnia corallis, quæ in iis excreverant, con-
ferta, quin & delphinum, ex cujus duro corio
planta corallina excrevisset; quod cum ceu
paradoxum admirarer, quæreremque, num
planta istiusmodi semen aliquod haberet, quo
se in tantam multitudinem propagaret? Re-
spondit, diuturna experientia innotuisse, in-
esse corallinis stirpibus liquorem quandam
spermaticum, quem de se emittunt; hunc
verò liquorem, in quamcunque rem cecide-
rit, ibi statim densatum novam fundare coralli
propaginem; Atque hanc esse rationem, cur
in omnibus paulò ante recitatis rebus corallia
excrevisse spectentur, liquoremque hunc
etiam postquam extractus fuit, sub forma
coriandri, aut baccæ corni, crassæ ad instar
pinguedinis reperiri. Habet Pisis in suo Ga-
zophylacio Magnus Dux Hetruriæ tranium
humanum (vide Fig. C) ex quo corallina
planta excrevisse spectatur, quod certè, uti
& in nostris conchiliis, non alio modo, quàm
per dictum geneticum liquorem illi adnasci
potuit; qui cum naturâ suâ viscosus sit, & pon-
derosus, aquam faciliè sine ulla commixtione
penetrans, in eare, in quam inciderit, novam
plantam format. Sed his jam expositis, Na-
turam coralli paulò fusiùs explicemus.

Quæritur itaque primò, Quomodo, & ex
quibus planta hæc nascatur? Respondeo, ex
humido pingui, viscoso & sulfugine sulphu-
reæ exhalationi mixtis in profundo maris in-
tra rupes undis semper coopertas, natales
suos habere; more arborum germinat intra
ipsam aquam nonnihil molle & subviridi co-
lore, extra aquam verò, vel ad primum aëris
contactum sensim spiritu lapidifico ei inexistenti
coagulatur, & in colorem vel nigrum,
vel candidum, vel rubrum degenerat. Ru-
brum uti ex humido pingui, & viscoso, puro,
& rubeo sulphure perfectè cocto, & digesto

constat, ita quoque omnium pretiosissimum
habetur; Album verò etsi humido puro, &
sulphure albo abundet, ob imperfectam ta-
men ejus concoctionem rubro multum cedit,
quod tamen alii rubro perperam præferunt:
Nigrum verò uti pingui, & viscoso, at cor-
rupto & adusto sulphure constat, ita quoque



Corallus in Gazophylacio Card. Barberini.

nullo in pretio, si raritatem ejus excipias, ha-
betur. Est in Gazophylacio *Cardinalis Barberi-
ni* planta corallina, quæ circa radicem nigro,
in medio, albo; postea nigro colore imbuta,
tandem in ramos myricæ marinæ simillimos
extenditur, ex quo caloris paulò ante memo-
rati, coctionisque gradus luculenter cernun-
tur.

Ad medicas Coralli vires quod attinet, il-
lud notum est, vim refrigerandi, siccandi, &
adstringendi habere; certè condimentum,
(quod *conservam* vocant,) corallinum mi-
rum remedium esse expertus sum in Hæmo-
ptoicis, id est, sanguinem quacunque tandem
corporis parte fluentem spuentibus; sangui-
nis enim fluxum mirificè sistit; præterea ra-
rum contra lithiasin remedium. *Paracelsus*
coralli medicamentum inter panaceas suas
adnumerat; cor mirificè corroborat, epile-
psiæ, febribus malignis, confert: Sed de his-
ce vide Medic. Mirum est, quod *Anselmus
Boëtius* de iis observavit, quod si à viro sano
gestetur, intensius rubeat, quàm si à foemina
variis impuritatibus obnoxia portetur; cujus
ratio in patulo est; cum foeminæ mestruo fluo-
re fæditæ uti specula, sic & corallium infi-
ciant; item id in ægris morti vicinis palle-
re observatum fuit.

Medicæ co-
ralli vires.

Κοεγαλλογέσις,

sive

De Coralli ortu, fusiùs explicatio.

Corallium, quo nomine appellem, vix
dispicio; nec enim plantis vegetabilibus,
nec

nec lapideis excrefcentiis id rectè adnumerari potest; Scitius itaque *λυθόζυτον*, hoc est, planto-lapidem appellandum censemus; Dico medium quid inter lapidem, & plantam, quemadmodum phyiologi inter plantam, & animal *ζωόφυτον* *ἰχθυόφυτον* appellare solent. Verum ut ex hujus origine veritatem nanciscamur, ea, quæ partim propriis oculis, tum in Sicilia, tum juxta Stagades Ipsulas, à littore Gallico non procul distitas, partim ex relatione hominum fide dignorum didici, exponam.

Genesis
Coralli.

Non itaque Corallium, quemadmodum vegetabilia per nutrimenti introsusceptionem crescere censemus, sed per superadditorum corpusculorum salinorum sulphureâ tincturâ imbutorum appositionem, non secus ac cæteræ salium efflorescentiæ excrefunt, idque non in omnibus locis, sed appropriato maris fundo salibus diverfi generis, & sulphureis exhalationibus referto. Quemadmodum enim certæ herbæ determinatum, & appropriatum locum, in quo felicius proveniunt, appetunt, ita & corallinæ stirpes. Sed generis paucis explico. Ubi per poros fundi maris appropriatæ hujusmodi exhalationes, saliumque foeturæ erumpunt, ibi salia sulphureis halitibus per subterraneum ignem tincta exaltantur, marinas aquas ubi attigerint, protinus tum frigore aquarum, tum salugine maris concurrente, per abditum naturæ magnetismum sympathicus similium oritur attractus, & mediante spiritu lapidifico coagulatur: Atque hoc est primum *κοραλλογενέσις* fundamentum; hæc deindè semper novo, novoque corpusculorum salinorum affluxu tandem in truncum condensantur, & deindè sensim in ramos distensa, hanc, quam describimus, marinam plantam efficiunt. Quoniam verò sulphurei halitus viscosam quandam adjunctam, connatamque pinguedinem habent, hæc salium conjuncta pinguedini, plantæ lentorem, & viscositatem quandam communicant, qua salina corpuscula veluti conglutinata, plantæ eam, quam notamus, soliditatem conferunt. Atque hæc est ratio, quare intra mare nec fluctuum agitationibus, nec monstrorum marinorum violentiâ facile rumpantur, divellanturque.

Undè duri-
tates Co-
ralli ori-
tur.

Quemadmodum verò omnes ferè plantæ fibris, canaliculisque sunt instructæ, ita quoque coralliorum scapi canaliculo quodam medullitus à natura inserto instruuntur, per quem, veluti per ossis, aut herbarum fibras, nutainmentum plantæ attrahatur. Rursus, quemadmodum in ossibus medulla, & in herbis humiditas alimentosa, ita quoque spermaticus ille liquor, de quo in præcedentibus locuti sumus, ex pinguedine sulphureo-salina constitutus, per medium trunci, ramorumque corallinorum diffusus, dum guttescit, quodcunque casu suo offenderit, in illo novam plantulam efformat: Cum alioquin explicari non possit, quomodo intra concham sine radice, & sine ullis pororum ostiis Co-

rallium oriri queat. Atque hæc est genuina ratio, cur subindè ex conchilio, latere, saxo, ferro, vel cranio, prima suorum natalium primordia ducat. Restat jam explicanda hujus plantæ ramositas, sine qua cæteroquin planta marina dici non posset.

Observatum fuit à Coralliorum piscatoribus, semper unà cum coralliis ramosam herbam educi, quam plerique Myricam aut algam è maris fundo excrefcentem dicunt; Atque hanc herbam sulphureo-salina corpuscula mira quadam amicitia lege ita appetunt, ut ubi vicinam apprehenderint, totam corallina quadam veluti veste amiciant, quod nunquam credidissim, nisi similem in Gazo-phylacio *Cardinalis Barberini*, uti supra memini, vidissim, quæ ad radicem nigro, de indè candido, postmodum rubro cortice induta, tandem in herbam, quam dixi myricæ similem, sive algam desinebat, non secus, ac multas herbas nitroso cortice vestitas *præcedenti Libro* ostendimus, quod proprium salino-sulphureo-nitrosorum corporum opus est; Ubi verò hujusmodi algæ, aut myricæ defunt, ibi nihilominus in ramos extenditur, eo modo, quo efflorescentiæ minerales in varios ramusculos continuata dictorum corpusculorum superadditione panduntur. Sed has coralliorum species in figura exhibere visum fuit, ubi A. corallus è rupe excisa in meo Museo spectandum proponitur cum aliis conchis, quibus innatum spectatur, ut in figuris A. B. C. D. Schematismum apponimus.

Unde ramositas
Coralli.

Est & Corallium rubrum purum, & solidum, quod maximè ab omnibus approbatur, uti in Figura E. patet. Aliud est fungosum, tuberosum, leviterque articulatam albi coloris, uti in F. Aliud, quod *Savalia* vocant, coloris nigri, quod pseudocorallum dicitur, cujus interior pars plerumque lignum est, quod per omnes ramos extenditur, & nihil aliud, quàm planta est corallino cortice vestita, uti in H. vides, quod si affricetur, odorem de se emittit marinum, & piscosum.

Figuræ
stirpium
Coralli-
narum.

Sed hisce jam propositis, nil restat, nisi ut ostendamus, undenam Coralliis tanta virtus, quantam Authores satis deprædicare non possunt, insit. Respondeo paucis, ex salium spiritibus, sulphureis halitibus tinctis provenire. Nam uti in *Sexto*, & *Septimo Libro* ostensum fuit, gemmæ pretiosæ rararum virtutum causam aliam non habent, nisi à differentium salium spiritibus, qui in iis fixantur. Cum itaque Corallium plurimum salis nitrosi, & nitro-sulphurei, & consequenter nonnihil vitriolatum quoque sibi adnexum habeat, fieri non potest, ut ex tali rerum miscella non plurimas virtutes, quas paulò ante descripsimus, sortiatur; quantum enim salis, quantum nitro, quantum vitriolo, & sulphuri virtutis insit, jam particularibus tractatibus ostendimus, quæ virtutes simul in uno conjunctæ misto, magnum virtutum incrementum sibi adsciscere, quis non videt?

Unde vires
in Corallo.

Nihil

Tinctura
corallio-
rum varii
modi.

Nihil apud Medicos celebrius est tinctura corallorum, quæ tamen, quam celebris est, tam incognitus quoque modus est, quo ipsa extrahitur. Nonnulli putant, uti *Quersera- nus*, si corallium in pulverem redactum acuti, & acidi dissolventis virtute redigatur, fieri posse, ut id à suo menstruo, quod sit ope aceti radicati ritè depurgatum vi ignis in liquorem non secus, ac quilibet spiritus ardens flammæ concipiendæ aptum dissolvatur quam tincturam coralliorum dicunt. Quidam putant per succinum magisterium tincturæ perfici, sed hi si benè rem examinerint, tincturam non coralliorum, sed succini reperient. Frustra quoque laborant, qui mineralium salium nitro, alumine, vitriolo tincturam quærunt; Ratio est, quia vehemens mineralium acri-

monia, uti corallia adurit, & erodit, ita quoque omnem latentem in eis virtutem destruit; Sunt qui & pumice & smiti lapide rem con- sci posse putant; sed & hi in aëre piscari vi- dentur; Cum per ignem primum corallia cal- cinanda putent, quo nil tincturæ magis con- trarium; forsan ex aceto radicato, aut ex melle negotium non infelicem successum ha- beret. Ego sanè quantum ex naturæ arcanis colligere potui, nil ad tincturam extrahen- dam vel mellis, vel ligni querni, aut etiam sor- bi sylvestris extractis spiritibus commodius, opportuniusque esse posse existimo. Sed hæc Chymicis innuisse tantum sufficiat; de unio- nibus cum hoc loco commode fieri non pos- set, alibi uberius differemus.



MUNDI SUBTERRANEI LIBER DECIMUS, METALLURGIA,

SIVE

ARS METALLICA;

*In qua de natura, proprietate, principiis, causisque
Metallorum, eorundemque Matricibus, seu fodinis agitur; quic-
quid demum circa hanc facultatem quovis modo considerari potest,
quàm exactissimè, & insigni experimentorum apparatu,
uberrimo ratiocinio discutitur.*

S E C T I O I.

DE ARTIS METALLICÆ REQUISITIS, Fodinarumque conditione.

CAPUT I.

*De Objecto Metallurgiæ; Item de causa materiali,
& formali Metallorum.*



Relictis omnibus iis, quæ Scholastici de Objecto Artium, & Scientiarum, item Materia, & Forma Compositi naturalis tradere solent, tanquam vulgo notis; nos ad ea tantum calamus nostrum, quæ proximas causas Metallogenesias concernunt, extendimus; Sed ut coeptam instituti nostri telam prosequamur, Ariadne filo arrepto, ea potissimum, quæ in difficili physica Labyrintho conduntur hucusque inextricata, Deo assistente, nos evoluturos confidimus.

Objectum nostræ Metallurgiæ Materiale est Mixtum perfectum pure metallicum, exclusis cæteris, de quibus jam in præcedentibus ubertim egimus, Mineralibus: Sunt autem, Aurum, Argentum, Æs, seu Cuprum, Ferrum, Stannum, Plumbum.

Formale verò Objectum, Modum, & rationem dicimus, quo ea in visceribus Terræ Natura generat; In quantum verò erui possunt ex suis natalibus locis, & fundi, formæque in statuas, transmutari in invicem, cu-

di, tundi, liquari, fingi, & figurari in annulos, torques, armillas, nummos, omnis generis instrumenta utensilia, variarum artium objectum esse possunt; nempe Metallicæ, Statuariæ, Alchymicæ, Ferrariæ, Aurificinæ, Monetariæ; ut verò negotiatorum subduntur permutationi, dant suam speciem arti collybistarum; de quibus in hujus Operis decursu fuse agetur.

Materiam proximam Metallorum, non materiam primam Peripateticorum, non stellarum influxum, non elementa, sed Vaporem, & exhalationem sulphureo-sale-mercurialem dicimus, quo unice metallica corpora, tanquam ex semine chaoticæ massæ concreata, originem suam nanciscuntur. Materiam verò remotam, hylen, elementarium qualitarum concursum, influxum stellarum dicimus; Quæ omnia quomodo intelligenda sint, ex sequentibus patebit.

Notandum itaque, in Chaotica massa latere succum quendam pinguem salinum elementis congenitum, qui à subterranei ignis potestate in vaporem actus, per universas Tellu-

Formale
objectum
metallur-
giæ.

Materia
metallo-
rum quæ?

Explicatio
metallo-
genesios.

Sententia
Aristotelis.Alberti
sententia.

Telluris fibras dispersus, ubi matricem invenerit proportionatam, ei adhæreat, idemque longo temporis tractu coctus tandem in metallum glebæ seu matrici terræ appropriatum degenerat. Dixi *succum* primò, quo mercurialem liquorem, sive spirituosam substantiam, quam humiditatem radicalem omnibus rebus inexistentem indigamus. Dixi secundò *succum pinguem*, id est *sulphur*, quam pinguedinem illam omnibus rebus ad partium nexum inditam, & in sulphure potissimum elucescentem appellamus. Dixi *salinum*, quod Sal terreum elementum, utpote quod omnibus mixtis firmam consistentiam & fixam substantiam subministrat, quod quidem non tam in succo prædicto, quam in ipsa terræ gleba potissimum natales suos ponit. Atque hæc tria sunt, quæ ad omnium metallorum compositionem concurrunt, ut postea ostendetur. Atque hanc nostram sententiam congruam primis Philosophis esse, ita demonstro. *Aristoteles l. 3. Met.* expressè ait, materiam metallorum esse vaporem; quod ut ostenderet, præmittit duplicem halitum, unum vaporosum, fumosum alterum; & fossilibus quidem siccis, ut sunt Sandarca, ochra, minium, & lapides, qui liquefieri nequeunt, halitus siccus competit; Metallis verò, uti sunt, Aurum, ferrum, æs, utpote quæ metalla ductilia, & liquefactibilia sunt, vaporem ad eorum genesis decernit, quod postea luculentius explicat *l. 2. de Gen. Animal.* hisce verbis: *Metalla itaque habent in se humidum plurimum aqueum, passum tamen ita ab elementis, ut factum sit glutinosum.* Scias tamen velim, Philosophum hoc loco vaporem non simplicem ex puro elemento aquæ intellexisse, quod inde patet, quod aqua attenuata ex simplici elemento aquæ non aliud à se specie differens generet, sed in id, quod fuit, tandem resolvatur, ut videre est in aquæ bullientis vapore, qui operculo in gurtas abit, in aquam videlicet eandem, ex qua in vaporem abiit: patet & in pluviiis, nivibus, grandinibus, similibusque, de quibus in Meteorologicis. Aliud itaque sub isto vapore *μεταλλογενικῶ* latere præter simplicem aquæ vaporem, pulchro, & nostræ sententiæ congruo sanè ratiocinio, dum *Aristotelis* sententiam explicat, *Albertus* docet hisce verbis: *Materia proxima metallorum est humidum subtile, unctuosum, & viscidum sicco terrestri attenuato optimè permixtum.* Quid per *humidum subtile* aliud, nisi Mercurialem Naturæ humorem; quid per *unctuosum & viscidum*, nisi sulphur; (nam uti alibi ostendimus, est sulphur essentialiter pingue, undè tam facillè accenditur, & colliquatur.) Quid aliud, *sicco terrestri attenuato optimè permixtum*, nisi sal Naturæ, quod Composito consistentiam, corpusque præbeat, connotat? Quia verò halitus ille vapidus semper exhalationem calidam, & siccam

adjunctam habet, utpote sine qua non elevaretur; hinc fit, ut quod in glebis metallicis siccum est, ab exhalatione sicca, & calida proveniat, quod autem à vapido, id in metallorum materiam, ipso *Aristotele* teste, cedat; atque hoc est, quod *Albertus* dicit, *terrestri subtili attenuato optimè permixtum*: Imò hanc nostram opinionem variæ Authorum sententiæ approbant: *Gilgil Arabs*, uti est apud *Albertum*, metallorum materiam asserit esse calcem, & lixivium, sive cinerem aquâ madidum; ubi nemo pro calce, aut cinere, calcem, aut cinerem nostræ calci, & cineri similem intelligat velim; sed absque dubio intellexit terram comminutam, sive pulverem terrenum, sive salem naturæ terræ inditum, quæ aqua infusa, sive mercuriali sulphuris vapore imprægnata, tandem in metallum abeat. Inest enim metallorum materiæ humidum quoddam viscosum, cujus indicium est, quod ignis calore liquata fluant, frigore verò aëris, & aquæ rursus densentur: Hoc autem ita, teste *Agricola*, fit, ut aquæ plus in ipsis sit, terræ minus; simplex enim aqua non est eorum materia, sed liquor mercurialis mixtus cum terra Chaoticæ massæ inexistentis à principio, quam deinde varii motus pariunt, aquæ fluxus terram molliens, terra cum aqua permixta, vis caloris agens in mixturas, ex quibus denique succus ille *μεταλλογενικῶ* elaboratur, & gignitur, ita quidem, ut quatuor elementa, non nisi vehicula quædam sint insitarum in vapore supradicto virtutum; sine hoc enim virium complexo coquatur terra, & aqua, quantum velis, inde tamen non aliud extrahes, quàm quod prius fuerunt, scilicet aquam & terram; Sed si spermaticus hic vapor (sic enim eum per analogiam quandam voco ad vegetabilium, & animalium sperma) elementis accesserit, tum enim verò primò vires suas exerent, & pro conditione materiæ, seu terrestrium glebarum, metallum specie differens producent. Sed hæc omnia in *sequentibus Libris*, variis experimentis comprobabuntur. Ex quibus luculenter patet, Metalla proximè ab aqua elementari, & simplici minimè generari, sed à vapore singulis appropriato. Quomodò verò in tantam durtiem crescant, merito quispiam dubitare queat.

Dico itaque, non à frigore, nec à calore simpliciter, sed solius humidiattenuatione, seu evaporatione, vel exsiccatione id fieri; Cum enim duplices spiritus dentur in naturarum, calidi, & frigidi: ex iis quidem procedit caloris in rebus principium: hi non secus, ac illi, etiam si à natura frigidi sint, sunt tamen subtilissimi, & spirituosi, uti ex vento Septentrionali constat, & vulgo notum est; quandocunque itaque abundant spiritus calidi, uti sunt nitrosi, atramentosi, sulphurei, & similes, tunc res, quas pervadunt, temperiem cali-

Metalla
quomodo
in tantam
durtiem
excrecant.

calidam acquirunt; si verò frigidi fuerint, uti ventorum septentrionalium spiritus, & ii, qui per loca nivosa transeunt, vel venti subterranei qui frigidissima loca glebarum, quæ naturâ frigidi temperamenti sunt, pervadunt, tunc res, quas pervadunt, frigidam temperiem acquirunt: Undè fit, ut uterque humidam glebam pervadens, spiritus calidus, quidem eam attenuando in vaporem; frigidus verò eandem exsiccando, & ab omni superflua humiditate exonerando, debitam unicuique rei, sive lapidibus, sive metallis duriem inducat: Cujus rei veritatem vel ipse *Philosophus* agnovit, qui loco suprâ allegato, ubi duplicem halitum exposuisset, tandem infert, *res omnes calido agente, & frigido temperante calore constare*. Concreta itaque corpora, sive lapides sint, sive metalla, non solo frigore concrefcere, dicendum est, sed calore, quo superflua & impura glebarum terrestrium humiditate consumpta, res juxta vaporis conditionem in hunc, vel illum lapidem, vel in aliud, aliudve à natura intentum metallum evadunt. Omnia itaque fiunt vi caloris, tanquam principali instrumento ex spiritu metallico, uti cætera proportionata affluente humido, generatur marmor & lapis quilibet alius, & ex eodem metallum: sicuti itaque marmor non generatur solo frigore, ita quoque metallum, quamvis postquam genitum est, liquetur calore; sed firmatur, formaturque vigore spiritus metallici, dum unitur cum fixo mediante humido, semper agente calore. Sed quia alibi ubertim hæc explicavimus, ad alia progrediamur.

Forma metallorum.

Ad formam verò metallorum quod attinet; sunt nonnulli qui volunt, formas metallorum ex formis elementorum constare; verum cum formæ elementorum accidentales sint, sequeretur metallorum quoque formas non nisi per accidens distingui; quod uti absurdum est, & sensatæ experientiæ repugnat, ita quoque hanc sententiam superfluis verbis minimè refutandam censeo; sanius itaque philosophabimur.

Dico itaque, formas Metallorum substantiales esse, & specie inter se distingui; quæ unicuique metallo dant esse proprium, propriasque virtutes à cæteris distinctas; quod non tantum verum est in multiplici gemmarum, lapidumque differentia, sed & in metallorum speciebus: Sic Adamas, Ophites, Pumex, est id quod est; quilibet enim lapis, & quælibet gemma propriam suam formam, qua hæc, & illa gemma dicitur, & ab aliis specie distinguitur, habet: forma verò hæc non ab elementorum mixtura, non à frigore, calore, humiditate, & siccitate proximè producit, sed à seminario, & spiritu architecto-

nico materiæ inexistente, qui illam prout seminarium postulat, efformat, & pro certa, & indivisibili combinationis lege elaborat, per quod quidem seminarium nihil aliud intelligimus, quam sulphureo-sale-mercuriale Chaos, ex quo à primordiis rerum à Divino Architecto producta sunt omnia. Legat *Leætor Lib. VI. Sect. I.* ubi de seminariis Naturæ uberius ratiocinati sumus. Seminaria verò à DEO creata sunt tanquam rerum principia, ex quibus singulæ rerum species essentielles suas formas nanciscuntur: quæ quidem seminaria non semper certis corporibus, distinctisque concluduntur, uti in herbarum seminibus fit, sed sæpè in materia ita manent, ut conspici nulla ratione queant, sic in ramo salicis seminarium arboris confusum est; neque enim salix ulla semina profert, quod tamen ibi esse, propagatio arboris sat, superque docet. Nam si ramus amputetur, ac terræ committatur, producit ex ramo arbor, ac ex illa infinitæ aliæ; quod & experientia in arte Phyteutica monstrat: Eodem pacto in lapidum, gemmarum, metallorumque genesi seminarium etsi conspici non possit, id tamen & gemmis, & metallis principium præbet, & plastica spiritus facultate vel in gemmam, vel in metallum abit: Quemadmodum enim platanus, morus, tilia, abies, differentes ramorum formas habent, ita diversa metallorum genera, ut Aurum, Argentum, ferrum, æs &c. adinstar arborum suas à mineris efflorescentias, seu plantas metallicas producant, quæ uti illæ, ita & hæc formas, virtutesque habent specie distinctas; quæ in *XI. Libro* variis, & miris experimentis DEO dante comprobabimus.

Seminaria naturæ.

Experimentum.

Cum itaque Metalla ex sulphureo-sale-mercuriali vapore halitui ficco mixto generentur proximè, nos Metallum in genere ita definimus: *Metallum est corpus fossile, durum, igne liquabile, & malleo in omnem partem ductile*. Dixi *Corpus fossile*, quia ex fodinis eruitur; *Durum*, quia corpus concretum, & compactissimum; *igne liquabile*, quia ex sulphurea pinguedine coaluit; *Ductile*, quia viscositate pollet, qua partes partibus veluti glutine connexæ facile malleo extenduntur; si verò ex simplici aquæ elemento, & frigore concrefceret, non secus ac glacies calore nimio, ob incompactam duriem diffuerent, igne liquata maderent, neque ductilitate polerent ulla; Ergo ex simplici aquæ elemento, aut frigore constare non possunt. Ab hac definitione rejicimus Mercurium, qui neque ductilis est, neque fluit in igne, sed in halitum resolvitur; corpus tamen metallicum est primario ad *μεταλλογενειν* concursens.

Definitio Metalli.


CAPUT II.

*Utrum Cælum, & Stellæ ad μεταλλογένεσιν concurrant, & quomodo
Sidera ad Metallorum productionem concurrere possint.*

Opinio, quæ docet, ex Astrorum influxu Metalla originem suam, compositionemque habere, ita passim invaluit, ut etiam in sapientissimorum philosophorum, quod satis mirari non possum, animis, locum invenerit: Putant enim vim stellarum influxivam adeo subtilem esse, radiis tanta vi penetrandi instructam, ut vel in intima, & profundissima Telluris viscera vibrati, proportionatam glebam, concurrentium elementorum actione, in hoc, vel illud metallum cogant, ut proinde septem metallorum species, ex septem Planetarum influxu suæ sortita sint denominationis exordia; Solem enim Auro; Argento Lunam; Jovem æri; Martem ferro; Venerem Stanno; Argento vivo Mercurium; plumbo Saturnum præsidem ponunt, & patres, matresque metallorum vocant; quam denominationis rationem Alchimici ambobus, ut dici solet, brachiis amplexi, eandem ob causam dicta metalla suis etiam Planetariis Characteribus insignire non sunt dedignati, uti in margine videre est. Sed qui hæc penitiori rationis trutina expenderit, illa sola divinatione niti, videbit, & apud imperitam plebem ingenti plausu excipi: re tamen vera meras nænias, & aniles fabulas, quæ in philosophiam per

superstitiosos Chaldaeorum, Ægyptiorumque Astrologos irreperunt, esse comperiet, uti fuscè in *Oedipo Ægyptiaco de Astrologia Ægyptiorum* exposuimus. Nemo tamen, dum hæc assero, hoc ipso cœlestium corporum, siderumque influentias me negare, existimet velim; hæc enim negare non tam imprudentis, quàm imperiti philosophi esse existimo: Hoc tantum dico, fieri non posse, ut stellæ, actinobilissimis suis, seu quod idem est, ignea lucis suæ irradiatione immediata in profundissimis Terræ abyssis metalla producant; cum tantum absit, ut illi radii terram penetrent, ut potius, simul ac Terræ superficiem tangunt, mox in alias, aliasque partes retroacti reflectantur; si enim ulterius pergerent, nulla in terræ superficie reflexio fieret, quod omni experientia repugnat; sequeretur etiam, nullum in extima Terræ superficie calorem procreari, cum caloris in diversis climatis major, aut minor intensio non aliundè proveniat, nisi ab altitudine Solis, uti fuscè demonstravimus in *Arte Magna Lucis, & Umbra*. Sed hanc rem geometricâ figurâ demonstrandam duxi. Sit Sol D. projiciat radios suos seu actinobilissimum DC. in superficiem Telluris AB. in loco C. Dico itaque, supposito primò illos unanimi Philosopho-

Radii siderum terram non penetrant.



rum & Mathematicorum consensu recepto Axiomate, omnes angulos incidentiæ angulis reflexionis æquales esse, ita angulus radii Solis DGE est, æqualis angulo reflexionis EGA, & sic de cæteris omnibus incidenti-

bus radiis idem judicium esto, angulusque totius actinobilissimi incidentis DGI, toti actinobilissimi reflexi angulo GIE, æqualis est. Hoc itaque posito, Dico, radios Solis, aut alterius cujuscvis sideris, mox ubi in Terræ su-

X 3

perfi-

perficiem illapsi fuerint, ulterius non penetrare, sed statim aliorum sub æqualitate angulorum reflecti; atque ex hac intersectione incidentium radiorum reflexorumque G H I aëris spacium vehementer ex constipatione radiorum intendi, eumque, quem æstivo tempore sentimus calorem causari necesse esse; quantò enim Sol altior est, tantò intersectio radiorum incidentium & reflexorum, majorem calorem in superficie Terræ excitat; quantò vero minor Solis altitudo, tanto minorem, uti hybernis mensibus accidit, Sole non procul ab Horizonte distito, quinimo vel in quolibet æstivo die, ex Solis ad Meridianum ascensu, aut ejusdem ad occasum declinatione elucescit; Manè enim uti minorem elevationem ab horizonte habet, ita quoque minorem calorem causat; quod & de descensu Solis ad Horizontem occiduum circa vespertinum tempus luculenter patet. Ex quibus manifestum est, omnem in terrena superficie calorem ex Solarium actinobilis-morum reflexione causari, qui omnino cessaret, si radii Solares terram sine reflexione, veluti spicula quædam terræ corpus penetrantia subirent; Intra Terram verò nullum calorem excitare, experimento comprobatur; cum æstivo tempore subterranea loca multò frigidiora, quàm tempore hyberno comperiantur; quod non fieret, si ignei Solis radii terram penetrarent.

Obiectio.

Sed Dices: hanc virtutem μεταλλόζονον non in radiis, sed in occultæ cujusdam virtutis defluxu consistere, quæ vis omnia penetrans, effectum metallicum tandem in proportionata materia consequatur. Sed cum omnium occultarum influentium virtus non nisi per calorem, & lucem, quem radii secum semper à natura insitum habent (utpotè quæ dictarum virtutum influentium vehicula quædam sunt) deferantur; utique cum reflexis radiis virtutes unà quoque reflecti, & viciniore aëri communicari necesse est, aër enim iis imbutus deinde aquis, vegetabilibus, sensitivis, inanimatisque communicat; uti paulo post videbimus. Atque hinc patet, vanam esse eorum opinionem, qui per calorem, & lucem, aut radiationem stellarum influentium quidpiam intra terram produci posse existimant.

Radii Solares Lunaresque quomodo causa esse possint metallorum.

Cum itaque lucem, calorem, & influentias coeli, siderumque suprà minimè me negare asseruerim; quomodo itaque ad productionem subterraneorum concurrere possint, jam explicandum restat.

Dico itaque, omnia coelestia stellarum, siderumque tam errantium, quàm inerrantium corpora, non solum per calorem, lucidosque radios, sed & per virtutes specificas unicuique coelestium corporum proprias, in inferiorem Mundum, id est, elementarem agere; De quibus uti in *primo Tomo Libro IV. & in nostris Itinerariis* copiose egimus, sic ea reiteranda non duxi: Solum hoc dico, latere in singulis sideribus vim quandam specificam à Deo Opt.

Max. sapientissimo Architecto, tanquam naturalem corporis dotem, quam per continuam ἀπορροίαν, seu effluvium elementaribus corporibus influant; has autem virtutes influxivas semper secundum analogiam quandam respondere iis virtutibus, quæ in mixtis sublunariis elucescunt, quemadmodum in *Quarto Libro* hujus Operis, de Lunari in mare influxu sufficienter ostendimus. His itaque positis, quomodo Astra ad subterraneorum geneses concurrant, explico.

Virtutes hæc specificæ Soli, Lunæ, Stellis inditæ, quas influentias alii, nos πανταρχίας vocamus, sunt veluti femina secundum analogiam quandam producendis rebus implantata, quæ primo quidem influxu suo aëri, aër hinc veluti tinctus in aqueum elementum derivat; Aqueum elementum iis foctum, per Solem, & Lunam in fluxus, & refluxus quotidianos agitatum, eas per occultos subterraneos canales in abditos terrarum tractus derivat; Ignis verò, seu Sol subterraneus aquas coctas in vapores resolvit, vapores resoluti, quæ data porta patet, per intimas terrarum rimas, fissurasque, veluti sanguis per venas, quas capillares vocant, diffusi, ubicunque similem, & proportionatam glebam repererint, eidem adhærentes, veluti per magnetismum quandam Naturæ similitudine tandem attracti, nunc in hanc, nunc in illam gemmam, aut lapidem, modo in hoc, vel illud minerale, aut metallum degenerant. Atque hoc pacto Cœlum, & Sidera ad subterraneorum rerum geneses, mediantibus videlicet elementis, & subterraneo Sole Vulcanio concurrere posse existimo. Sed hæc paulo amplius deducam.

Cum D E U S universam Mundi machinam cum omnibus, quæ in ea continentur, ex chaotica illa primordialis Mundi massa in principio eduxerit, singula astræa corpora sua soliditate, humoris fluxili natura; ignea adhæc ipsis addita portione instruxerit, quæ uti in sublimibus illis cœlorum tentoriis ab omni fæcum miscella summè ea depurgavit, ita verisimile quoque est, inesse ipsis ex mira illa rerum combinatione nonnihil, secundum analogiam quandam, earum rerum, quibus omnia in hoc Sublunari Mundo constare videmus, videlicet præter quatuor elementorum portiones, sulphuri quoque nostro, mercuriali nostro liquore, & sali nostro analogum; quæ uti pro tenuitate, & summa subtilitate ad nihil aliud, quam ad corporis sui conservationem conferunt, ita per defluxum Sublunari Mundo, crassioribusque elementis communicata, tandem corpus acquirunt, atque per admirandum coelestium, terrestriumque magnetismum, tandem in eam rerum varietatem, tum extra, tum intra elementaris Mundi abditissima reconditoria, quam satis mirari non possumus, degenerant.

Cum itaque Mundus Inferior, teste *Aristotele*, à Superiore gubernetur, certè non per

Quomodo
metalla
virtute
coelesti ge-
nerantur,

Elementorum
imprægnatio
a coelestibus
influentibus.

per solum motum, calorem, lucemque id præstare censere debemus, sed per virtutes unicuique astræo corpori peculiares, quarum actinobilissimi stellarum quædam veluti, uti supra dixi, vehicula sunt, omniumque virtutum bajuli; qui primum aëreo elemento communicati, illis deinde aër imprægnatur, sine cujus ministerio quicquid in sublunari Mundo, five in aëre five in aquis, terrisque oritur, in esse suo perfectio, & naturali, sine coelesti illa virtutum aporrhæa, quæ aëri peculiari quodam modo inest, conservari minime potest; hic denique coelestibus foetus impressionibus, uti perpetuo aqueum elementum motu suo flagellat, ita quoque illi virtutes sibi insitas, una cum coelesti profluvio implantat; unde coelestibus, aëreisque spiritibus innumerabilem illam rerum varietatem parturit, quam in Oceano, maribus, lacubus, fluminibus contuemur: Cum enim aër solus ex se, & sua natura nutritioni nequaquam servire possit, utpote tenuiori substantia præditus, hinc aqueo elemento virtutes coelitus hausas communicat, ut corpus aliquod ad nutritionem rerum omnium, acquirit: hoc enim pacto nulla res aqua, seu humido carere potest, imo sine eo mundum interire necesse foret.

Ne itaque ingens ille Geocosmi uterus humido hoc in subterraneorum genefi destitutus videri posset, hinc summa, & ineffabilis DEI sapientia effecit, ut aër pro naturæ suæ subtilitate per terræ poros, aqua verò per constitutos à Natura canales hydragogos intima Terræ viscera, & profundissimas abyssos delata, inde subterranei Solis ope, universam Telluris molem diffusis halitibus, tum ad generationes fossilium, metallorumque, tum ad vegetabilium, quæ ex ipsa terra ortum suum nasciscuntur, genefes, foecundaret, aleret, conservaret.

Ex quibus aperte patet primò; Elementum purum, & simplex ad rerum compositionem concurrere minime posse; neque dum elemen-

torum mentionem facimus, nos elementa intelligere: Hoc pacto in terreno corpore qualicumque tandem modo salem potissimum dominari dicimus, cujus mira facultas coagulativum rerum elementum asserimus inter cætera quatuor; quod quidem nunquam credidissem, nisi id Spagyrica ars me docuisset: siquidem in quacunque tandem terrestrium corporum anatomia, seu resolutione, salem quendam igneum, incombustibilem, fixum, & permanentem spiritum continere vidi, cujus virtutes adeò mirabiles sunt, ut vix iis, qui hujusmodi abdita Naturæ sacramenta ignorant, credi posse videantur. experieris quippè humidum cum ignea pinguedine, hanc cum terrena quadam substantia, qui ipse sal est, tanta æqualitate coaluisse, ut ab invicem amplius separari non possint: ut proinde non malè per humidum istiusmodi, Mercurium Naturæ; per igneam pinguedinem, sulphur; per ipsam terrestrem substantiam, salem Chymici intellexerint, sine quibus, nisi elementa imprægnata forent, certè ex se, & sua natura nil prorsus heterogeneum producere possent; Terra siquidem pura cum puro humido conjuncta nil nisi lutum conficeret omni virtute destitutum.

Mira vis
Salis.

Secundò patet, Coelum, & Astra tanquam principium universale, & remotum ad metallorum, cæterorumque mineralium genefes concurrere, in quantum virtutum coelestium, impressionumque astralium veluti quædam vehicula sunt; proxima verò metallogeneseos principia, esse virtutes devehctas per aërem, & aquam in intima terræ viscera, ubi per Vulcanium ignem coctæ, digestæque, tandem in semen cedunt omnium eorum, quæ ex terra originem suam sortiuntur; adeoque proxima efficiens causa propriè ignis subterraneus est, materialis vapor sulphureo-sale-mercurialis, proportio terrenæ glebæ ad hoc, vel illud metallum, aut minerale producendum; Finalis denique causa, usus infinitus ad humani generis & Naturæ necessitatem.

CAPUT III.

Quomodo humor ille unctuosus, ex quo Metalla componuntur, à Natura elaboretur, & quid in eo Sulphur, Mercurius, & Sal sint?

Elementa
simplicia
non im-
mediate
concur-
runt ad
metallo-
rum pro-
ductio-
nem.

Diximus in præcedentibus, pura elementa, aquam, & terram, nisi ea aliis rerum, quibus conferta sunt, seminibus alterentur, ad compositionem metallorum concurrere non posse: uti enim naturæ suæ homogenea sunt, ita semper in homogenea resolvuntur; atque ex igne patet, qui attenuatum humidum in id quod primò fuit, resolvit, aqua verò pura terræ puræ juncta, lutum facit, quod calore attenuatum in ea, quæ prius fuerunt, scilicet pulverem terræ, & aquam calido resolutam revertuntur. Cum itaque supra Metalla, corpora dura, fir-

ma, solida, malleo extensibilia, igne liquabilia definierimus, illa certè aliquid aliud, quo in hujusmodi formas degenerant, intra se occultum habere cognoscuntur: Quomodo enim in solidam illam duritiem sola terræ simplicis cum aqua simplici mistura degenerare possunt? Quomodo inseparabilis illa, pinguedo, & viscositas, qua metalla malleo sine ruptura extendi, aut sine ullo humidi diffusu aut madefactione, solo simplicium elementorum ministerio eliquari valeant? illud sane nemo concipere potest; cum nihil det, quod non habet; In intimo itaque elemento-

mentorū centro latere tantorum causam effectuum, quodque metallis originem suam præbeat, necesse est. Quod quidem nil aliud esse dicimus, quàm humidum illud unctuosum, & viscidum, cujus vapor continuò exspirans, & intra intimas telluris fibras, montiumque abditos ductus diffusus, tandem ubicunque materiam proportionatam repererit, ibi pro ratione puritatis, impuritatisve, nunc lapidem, aut gemmam, modò minerale, aut metallicum corpus generat.

Origo viscoli & unctuarii humidi.

Quomodo verò à natura hoc humidum unctuosum, & viscidum elaboretur, merito quispiam dubitare posset. Dico, id ex defluxu Astralium virtutum, spirituumque celestium derivari, qui spiritus uti ex origine sua purissimi sunt, & ab omnibus terrestribus fæcibus quam purgatissimi, ita quoque ob summam, & inexplicabilem tenuitatem, subtilitatemque, statim omnia elementa penetrantes, magnetico quodam attractu iis, quæ in primordiali rerum chaotica massa idem fuerunt, mirâ quadam ratione junguntur: elementa verò aer, & aqua iis foeta, per maris accessum, recessumque, Solis & Lunæ ministerio causatum, in intima telluris reconditoria diffusa, ibidem à subterraneo igne de novo decocta, digesta, depurataque per multiplicem, iteratamque coctionem in humidum illud unctuosum, pingue, & viscidum evadunt, cujus vapor per abditas terrestrium venarum fibras delatus, primo insita, & invisibili salis virtute in terram saluginosam convertitur, quæ continua ejusdem resoluti vaporis irroratione irrigata solvitur, & depuratur multis modis, tum sublimatione, tum filtratione per terræ poros facta: Atque hoc pacto ab omnibus terrestrium fæcum quicquiliis expurgatum, tandem in genus, quoddam candidissimi sulphuris degenerat; quod quidem sulphur purum, lotumque matricibus Terræ conclusum calore Vulcanio, & sui ipsius ulterius coctum, multorum annorum decursu in argentum proprii salis spiritibus fit. Si vero hoc sulphur album, & incombuibile fortiori adhuc igne ad rubedinem usque torqueatur, id tandem depurgatissi-

Quomodo humidum illud unctuosum in metallum degeneret.

Aurigenesis.

mum, sub æquali humidi pinguis, & terræ portione, inseparabili unione in aurum purum transmutatur; Quæ omnia in XI. Libro experimentis ad Naturæ exemplar accommodatis ostendentur: Si verò hujus humidi unctuarii, & viscosi vapor nondum ab omni impuritate, & fæculentis recrementis expurgatus fuerit, tum pro ratione gradus puritatis, impuritatisve, nunc in perfectius, modo in imperfectius metallum convertitur. His itaque expositis,

Jam merito quispiam quærere posset, quidnam sit illud humidum unctuosum, & viscosum? Dico, illud nihil aliud esse, quàm humidum illud radicale Naturæ, quod uti à primordiis rerum chaoticae massæ ineffabili Divini Architecti sapientia inditum fuit, ita in omnibus, & singulis rebus in hunc usque diem perseverat, & passim Mercurius Naturæ dicitur, cujus unctuosum, & viscidum nil aliud est, quam calidum illud pingue Naturæ rebus omnibus insitum, quod & analogia quadam, sulphur Naturæ vocant Chymici; quod verò terrestre sub ipso latet, sal Naturæ vocant, eò quod omnibus rebus firmam substantiam, & corpus præbeat; Atque ex hisce omnia constare, Ars spagyrica jam dudum experimento comperit; ne verò quatitor elementa in rerum natura otiosa viderentur, Natura humidum hoc Mercuriale ab initio rerum aqueo; sulphureo calidum innatum igneo, & aëreo; terreo verò elemento fixativum Naturæ salem insevit, ut veluti, vehicula quædam forent eorum principiorum materialium, ex quibus omnia constarent. Hinc omnes ferè philosophi pro materiali principio metallorum, in genere tantum, constituerunt humidum terræ mixtum vaporem, uti ex præcedenti capite patuit. Quia tamen proximum Naturæ progressum in ordine ad metalla componenda non attigerunt, hæc eum in Lectoris gratiam, fusius forsitan, quàm par erat, sola experimentalis notitia doctus, ductusque elucidandum existimaui; cum in physicis rebus sine experimento philosophari, idem sit, ac si cæcus de colore judicium ferre insipientius præsumeret.

Quid sit humidum illud unctuosum.

CAPUT IV.

Quomodo omnia ex terrestris, & humidi caloris efficientia producantur.

Item, quid sit illud, quod metalla reddit in igne fluida, non verò lapides, & plantas, cæterasque res; & quomodo Natura in dissolvendis, perficiendisque rebus procedat.

Singulare hæc Naturæ secretum pandam, quod uti intima compositionis rerum mysteria enucleat, ita quoque futurum spero, ut hisce probe intellectis, metallorum origo, & causæ, Lectori quam penitissime innotescant; quod tamen aliis terminis proponam, quam in Scholis usurpari assolent, idem tamen Aristotelem sensisse, si verba ejus recte expendantur, patebit.

Duo sunt in rerum natura (si res sepositis omnibus Metaphysicis contemplationibus sub rigore physico considerentur) quæ ad omnium rerum συνθεσιν concurrunt, omnibusque insunt, omnium generationum, & corruptionum causa sunt; Et primo quidem est materia terrestris, spiritosa, concreta, corpulenta, in cujus centro latet id, quod rebus substantiam, corpulentiamque præbet, quem fixum

Sal naturæ
omnia fi-
xat.

fixum Naturæ falem appellamus; ut verò materia talis, quam descripsimus sit, id ab insito fixativo elemento habet. Dixi Materiam, quia omni vi activa secundum se considerata caret, & in tantum quidem agere dici potest, in quantum innato appetitu, quo prædita est, sive quod idem est, insito quodam magnetismo, trahit ad se partes illas, maximè sibi confimiles, & proportionatas. Dixi, Materiam hanc terrestrem esse spirituosam, subtilem, activam, id est, centalem Naturæ falem volatilem, qui actuando perficit, & complet alterant partem, dum illi conjungitur; & uti ex illa alia hæc accipit corpulentiam, consistentiamque, ita quoque communicat illi vim activam, formalem & specificam; Et quândocunque hi spiritus subtiles, & tenues evaporant, materia dissolvi dicitur, remanente materiali substantia fixa, & uti hæc partes formales ad agendum, ita illæ materiales ad patiendum natæ sunt; ut patet ex artificiosa resolutione mixtorum, qua partes ex diversis mixtis essentialiter diversæ extrahuntur: Sic spiritus nitri, aluminis, vitrioli, diversissimi sunt, à spiritibus, qui ex vegetabilibus vini, rosarum, liliorum, aliorumque innumerorum distillantur, extrahunturque; Ut proinde non immerito, quemadmodum à Peripateticis resolutio in materiam primam non conceditur, ita quoque nullum corpus omnino spiritus expers dari possit; Si enim quantumvis corpora in cineres resolveris (qui omnium aliorum siccissimi creduntur) tamen & illi ulterius adhuc, partim in falem sublimantur, partim, si violentiori igne torqueantur, in vitrum fluunt: Hæc verò partes, materia videlicet, & spirituosam substantiam, cum inter se valde diversæ sint, ut inter se uniantur, maximè vinculo opus habent, quo strictis amicitiae legibus uniantur copulenturque: quod quidem nihil aliud est, quàm humidum, medium quid inter volatile, & fixum, inter corpus, & spiritum, sive quod idem est, inter crassum, & subtile. Quia tamen nulla rerum mutatio sine humidi hujus attenuatione, sive dissolutione fieri potest, hinc Natura deputavit calorem, veluti Archæum quendam, cujus ope humidum gluten Naturæ attenuatum dissolvatur, quo dissoluto, & partes dissolvuntur, spiritosa evolvant, corpora concidunt. Quânto verò hoc humidum facilius resolvitur, tanto quoque corpus faciliori corruptioni subjacet: quânto verò humidum pinguius, viscosius, compactiusque est, tanto difficilius quoque dissolvi necesse est; & consequenter ob partium probè commixtarum constipationem minori corruptioni obnoxium est. Hinc patet, cur aquea humiditas parum viscositatis habens, facile attenuata in vaporem abeat; quia videlicet vapor humidum aqueum habet valde indigestum, partibus-

Resolutio
corporum
quomodo
fiat.

Naturæ
gluten hu-
midum.

que suis haud probe connexum; Contrà quæ humiditatem habent magis coctam, digestamque, & partibus intime commixtam, illa prædominante pinguedine, & viscositate, veluti tenaciori vinculo difficulter dissolvuntur.

Patet itaque ex his quomodo materialia nostra principia, ex quibus omnia constare diximus, intelligenda sint: Siquidem, quid spirituosam illam substantiam aliud denotat, nisi Sulphur? quid aliud fixum, nisi Sal? & quid denique aliud humiditas illa viscida, quàm Mercurium designat? Uti in præcedentibus ex mente veterum sapientum diximus. Pari pacto in vegetabilibus, & vividis, pars volatilis anima, fixa corpus, humiditas verò vera & physica unio dicitur, qua anima corpori copulatur.

Cur verò humiditas illa in vegetabilibus animalibusque tam facile, in mineralibus, metallicisque corporibus tam difficile soluta sit, meritò quispiam dubitare posset; Quoniam verò in hac magna rerum naturalium cognitio consistit, eam paulò fufius enodabimus.

Nil notius est, quam quod humiditas in quibusdam calore attenuata mox in vaporem evanescat; in aliis verò etiam igne vehementissimo in vaporem resolvi non possit: Quomodo autem id fiat, id paucis notum esse existimo. Dico itaque Humidum illud Mercuriale inter sulphur, id est, spiritosum, & salum, id est, fixum, medium quoddam esse, uti supra innuimus: hoc verò humidum viscosum, & Naturæ gluten, pro diversitate corporum jam aliis vel minime adhæret, vel sub minima parte miscetur; aliis verò mediocriter, & per partes ei commixtum conjungitur; unde triplex humidi species exsurgit: prima est, aquea quædam humiditas prorsus incompacta, & omnis fere viscositatis expers: Altera compactior: Tertia compactissima reperitur. Prima videtur in luto, quod ex pulvere aquæ commixto fit, quod uti incompactum est, & exigua viscositate constat, ita quoque vel minima externi caloris attenuatione in sua elementa dissolvitur; si verò terrenum pulverem oleacea materia subigas, tum enim verò massa fit, quæ non tam cito ab externo calore, nisi à vehementiori igne urgeatur, resolvitur; quia materia pinguis, & viscosa pulveri intimius nequitur, unde spiritus ne avolare valeant, continentur: quod & in cera fieri experientia quotidiana docet: Causa enim cur calore attenuata & rarefacta dum fluit, spiritus non avolent, est ob viscidum illud humidum, quo partes partibus ita copulantur, ut calor cum in auras eam evaporare non permittat, saltem eam in fluxum resolvat, ob tenacioris humidi viscidum vinculum, quo partes partibus nequitur.

Principia naturæ,
Sal. sulphur, mercurius.

Cur humiditas tam facile in vegetabilibus & animalibus solubilis sit, non in metallicis.

Cur metalla calore ubique fieri quidem sed in vaporem solvi non possint.

Oleum & cera cur calefacta fluant, non evaporent.

Atque

Cur ligna
in cineres,
lapides in
calcem
igne dege-
nerent.

Atque hinc patet quoque, cur ligna, & lapides igne comburantur, & illa quidem in cinerem, hi verò in calcem, metalla verò liquata fluant, Nam ligna, & vegetabilia quævis, uti non bene compactum humidum ob viscositatis defectum habent, humiditasque eorum magis aquea est; lapides verò exigua humiditate pollent; hinc fit, ut in utrisque partes spirituosæ ob defectum visciditatis humidi vegetabilium partes fixas in cinerem, lapidum verò ob sulphuris pinguedinem in calcem resolvant: Metalla verò uti humiditate viscosa pollent, ita quoque partibus partes intime commixtas compactasque habent; hinc fit ut ignis ministerio humiditas quidem illa attenuetur, & in majusculum incrementum assurgat, non tamen separetur, neque à corpore suo recedat, sed totum in liquorem abeat. Quicunque itaque hanc Naturæ operationem penitus considerat, is necessario fateri cogetur, metalla igne sollicitata minimè fluere, eo quod aqueo prædominio prædita sint; sed ob insignem radicalis humidi visciditatem, qua partes partibus ita nectuntur, ut eas in fumos, vaporesque abire non permittat: si enim humido aqueo simplici constarent, illa utique ignis ope non fluere, sed in calcem converterentur, quemadmodum in lapidibus igne tortis accidit; fluunt itaque metalla igne, quia humiditas illorum, qua spiritus metallici cum vapore colligantur, vi caloris non recedit, sed ita attenuatur, & excrefcit, ut attenuet quoque & rarefaciat partes, quas nectit; & hinc est metallicarum fluxus partium. Quod & inde patet: si enim metallis heterogenearum partium miscellæ, glebarumque terrestrium quiescentiæ admixtæ fuerint, solæ homogeneæ metalli partes fluent, cæteris diversi generis rebus vel in scoriam, vel loppam pompholigem, fuliginemque, cum aliqua metalli diminutione abeuntibus. Atque hæc est ratio, cur metalla igne torta puriora evadant, quia partium heterogenearum miscellæ non bene compactæ, & humido aqueo abundantes, ignis attenuatione defectuque visciditatis avolant, metalli humido ob visciditatem irresolubili. Quod verò metalla fluxu rarefiant, experimento Fabri compertum habent, si enim in candenti ferro foramen effecerint, id multo candente adhuc ferro latius, quam ubi id refrigeratum fuerit, reperiunt: sicut enim ferrum calore majorem, ita frigore contractum minorem locum occupat. Sed de hisce pluribus in *XI. Libro de Metallicis artibus*, ubi & hæc omnia experimento comprobata reperies.

Unde flu-
xibilitas
metallo-
rum in
igne.

Cur metal-
lum igne
purius red-
datur.

CONSECTARIUM I.

Atque hinc luculenter colligitur, quomodo calore attenuentur & fluant omnia, utique sapientissimo Naturæ consilio,

ut videlicet perpetua, perennique rerum vicissitudine universa Geocosmi facies mutetur; & quia humiditas est vinculum, quo partes spirituosæ cum corpore, & materia conjunguntur, soluto vinculo spiritus à corpore, sine ullo tamen eorum interitu, sed separatione tantum facta, ita recedant, ut semper tamen in materia nonnihil spirituum adinstar Naturæ seminum, remaneat: qui si rursus ad istiusmodi corpus deferantur, magnetica quadam lege, ab iis, qui intus remanserunt, attracti, unitique novo humido colligantur. Atque hæc est mira in natura rerum physica περικύκλωσις.

Mira natu-
ræ circula-
tio in quo
consistat.

CONSECTARIUM II.

Hinc patet quoque, omnium meteororum geneses dicta Naturæ industria fieri, atque adeo omnes generationis, corruptionisque leges, tam in majori, quàm minori Mundo inde pendere: quamvis enim omnium spirituosorum effluviorum varietas, & innumerales penè differentie constituantur, ad duo tamen, tanquam ad genera reliquæ omnes revocari possunt; scilicet, ad humida, & ficca, quorum ista vaporum, hæc halituum nomine indigitantur; quæ cuncta in triplici Naturæ regno, minerali, vegetabili, & sensitivo vires exerunt: Mineralia, & Metallica corpora à subterraneo Vulcano sollicitata, attenuataque in vapores, vel halitus resoluta, in superficiem usque Terræ extimam exaltantur, ubi coelestibus radiis percussa, & ad maximam subtilitatem redacta magnum illud aëreum mare replent; vegetabilium verò, sensitivorumque omnis generis spirituosæ substantiæ pariter coelesti luce percussæ, resolutæque rursus aëreo concreduntur Oceano, ubi frigore resolutæ, denuo per nives, grandines, pluvias, nebulas, rores, terræ redditæ, quisque spiritus ad id, unde avolaverat, corpus nativum magnetico quodam tractu, confluit. Sed de hisce fusius *Ultimo Libro*, ubi novam physicam forsitan hucusque vix notam aperiemus. Atque has Naturæ operationes ars imitatur, quæ mineralia, vegetabilia, animaliaque distillando, inde tot aquas, olia spiritusque extrahit differentes, quot in rerum natura differentia mixta sunt: ita ut per Salem fixam materiam physicam; per Mercurium humidum, omnium gluten; per Sulphur verò omne spirituosum veteres philosophi intellexerint; ex solo enim simplicium elementorum confluxu, tantam, tamque innumerabilem rerum diversitatem nasci, credat, cui placuerit; Ego aliter à natura doctus, hic non ea, quæ Metaphysicos conceptus, sed quæ Physicam experientiam concernunt, tradenda consultius esse existimavi.

Meteororum
circulatio

SECTIO II.

DE METALLORUM, Cæterorumque Mineralium fodinis, Fossorumque morbis & remediis.

CAPUT I.

*Quenam ad perfectam Metallicæ Artis notitiam requirantur,
sive de conditione Præfeti fodinarum.*

ANtequam Artis nostræ Metallurgicæ adyta profundius ingrediamur; primò quidnam ad omnimodam hujus Artis notitiam tequiratur, quibus dotibus, & naturæ talentis instructum eum esse oporteat, qui hujus facultatis professionem suscepit, paucis exponemus.

Regulæ
fodinarum
præfecto
servandæ.

Primò. Metallurgus, sive fodinarum præfectus, Divinum cultum omnibus cæteris præferat, memor illius: *Quarite primum Regnum DEI, & cætera omnia adjicientur Vobis*; ne, dum sollicitius terrenos, caducosque scrutatur thesauros, avaritiæ voragine haustus, animæ suæ jacturam patiat. Timori itaque Domini juncta assiduitas, & diligentia, qua omnia juxta metallicæ Artis canones, Regulas, & præcepta disponantur, hoc ut plurimum bonum adducit, ut his, qui & norunt ea, quæ facere oportet, & curant, ut perfici possint, pleraque omnia secunda, & prospera eveniant.

Notitia re-
rum mine-
ralium.

Secundò, Ut Metallurgus omnes probi, peritique viri partes expleat; necesse est, ut artis suæ sit peritissimus; nimirum ut primò noverit, qui mons, qui collis, quæve vallestris, aut campestris positio utiliter fodi possit, aut fossionem recuset. Deindè venæ, fibræ, commissuræque saxorum ipsi pateant: mox multiplices, variasque terrarum, succorum, gemmarum, lapidum, marmorum, saxorum, metallorum, mixtorum species perspectas habeat, omenem quoque operis sub terra faciendi rationem cognoscat. Nota sint ipsi materiæ experiendæ, parandæque artificia ad excoctionem, quæ uti diversæ sunt, ita quoque in differentibus metallis differentem exigit modum: Alium quippe exigit aurum, argentum alium, cæteraque metalla alium, aliumque, quod & de succorum concreto- rum, salis, nitri, aluminis, chalcanthi, sulphuris, & bituminis excoctione diversimodè peragenda intelligas velim.

Ratio ex-
coquendi
metalla.

Tertiò. Metallurgus antequam μεταλλορῳξιν, sive venarum fossionem aggrediatur, hæc septem secum consideret. Primò loci genus,

habîtum, aquam, viam, salubritatem, domini-um vicinum. Quod ut possideat, multarum artium, disciplinarumque notitiâ instructus sit, oportet; primò philosophiæ, ut subterraneorum ortus, & causas, naturasque cognoscat; Secundò Medicinæ, ut fossoribus, cæterisque operariis providere possit, ne in morbos, quibus præ cæteris expositi sunt, incidant, & si inciderint, vel ipse eis curationes adhibere, vel ut Medici adhibeant, curare. Tertiò Astronomiæ, ut agnoscat cœli partes, atque ex iis venarum extensiones dijudicet; Geometriæ quoque haud sit imperitus, ut quàm altè sit puteus fodiendus, ut per cuniculum, qui usque eo agitur, pertingat, certosque cuique fodinæ, præsertim in profundo constituere fines, terminosque, juxta statas Geometriæ leges mensurare queat: Numerorum, sive Arithmeticæ insignem notitiam habeat, ut sumptus, qui in machinis construendis, fossoribusque fiunt, ad calculos revocare queat. Nihil autem hujusmodi Metallurgias Præsidi adedò necessarium est, quam Statica, qua substructiones fodinarum, machinas tractorias, hydraulicas, vel per seipsum fabricare, vel aliis earum fabricandarum rationes exponere norit: præterea docebit hæc eum metallorum pondera, differentiasque unius metalli ad aliud. Staticæ si jungatur pictura, tum enim verò absolutam notitiam consecutus dicetur, si cuniculorum diverticula juxta Ichnographiæ leges rectè designare; Machinarum requisitarum prototypa, uti & montium, camporumque situm, positionemque rectè repræsentare possit. Quia denique sæpè magna circa fundorum jurisdictiones dissidia oriuntur, legum quoque peritum esse oportet, ut de dominiis rerum rectum judicium formare possit.

Variis di-
sciplinis
instructus
sit.

De variis officiis eorum, qui Metallurgiam curant.

Praefidi totius Metallicae negotiationis subsunt post supremum Dominum, & possessorem, Magistri operarum, Iurati, quos vocant, Scribae fodinarum, praefecti cuniculorum. Magister operarum in omnes fossores imperium exercet, exceptis Monetariis, Argentique purgatore; per poenas quoque in negligentes operas animadvertit; controversias circa fodinas ortas dirimit; jus fodinarum petentibus dat, confirmatque, fodinas metitur, earumque terminos statuit; quid in unaquaque fodina faciendum docet, & praescribit, cui omnes caeteri operarum praefecti rationem de pecunia praecedenti hebdomade expensa, reddunt, quam Scribae codici consignant; hunc fabrum lignarium esse oportet, ut possit puteos exstruere, columnas collocare, ac facere substructiones, quae montem suffossam sustineant, ne fossores obruantur, cuniculos perforare, ad aquas ex venis, saxorumque commissuris promanantes alio derivandas; debet & venas cognoscere, & fibras, ut utiliter fodiant puteos, effossamque materiam, unam ab altera discernat, aut per se, aut per alios solitis jam praecipis de Juratis instructos; cognitionem praeterea habeat lavandi, depurandi, coquendique metalla; tandem quicquid fossoribus ad labores necessarium est, suppeditet, ferrum ad instrumenta, coria ad vestes, saevum ad lucernas, &c.

Notitia
minera-
rum.

Iuratorum
officium.

Jurati debent esse bonae fidei viri, reique metallicae periti, quorum quidem numerus pro fodinarum multitudine assumitur. Ho-

rum officium est, fodinas invisere, quid agatur, actumque sit, inquirere, de machinis, substructionibus, novisque fabricis faciendis consultare, caeterisque omnibus, quae bonum fodinarum concernunt, deliberare: fossionum in duris, asperis, & saxosis locis; item in mollibus, argillaceis similibusque labores subeundos juxta Arithmeticae proportionis leges solvere; Item negligentes, fraudulentos, aut furaces, pro delicti gravitate punire; juratis denique absentibus praeses omnium nihil propria autoritate decernit.

Ad operas quod attinet, hoc pacto labores suos transigunt: Diei naturalis spacium iis dividitur in tres partes, ita ut singula spacium temporis septem horas comprehendant: primum septem horarum spacium incipiunt ab hora quarta Astronomica, & durat usque ad undecimam. Secundum incipit ab hora duodecima, & durat usque ad septimam pomeridianam; quae censentur esse operae diurnae. Tertium incipit ab hora octava, & finitur hora tertia post mediam noctem. Tunc autem sive ex puteis hauriant aquam, sive venam fodiant, ad nocturnas lucernas perpetuo vigilant; & ne vigiliis, aut lassitudine dormiant, cantu nec rudi prorsus, nec injucundo duos solantur labores, ad quos subeundos campanae sono admonentur, quo dato vicatim hinc inde ad labores sese accingunt: Cum vero septem horae fuerint finitae, tunc dato signo novo, vel pulsu tabellarum, quo percepto subterranei fossores saxi illiso malleo dant signum in interioribus montium cuniculis laborantibus, laborem esse finitum, quamvis etiam saevi in lucernis proximus defectus luculentum illis completi temporis signum sit.

Operarum
officium.

CAPUT II.

De Morbis Fossorum.

Cum subterranei cuniculi malignis Mineralium spiritibus conferti sint, fieri non potest, quin subinde fossores insolis morborum generibus infestentur: Unde pro diversitate aquarum, halituum, aerisque, diversos morbos nasci necesse est, quorum alii affligunt artus, alii laedunt pulmones, oculos alii, alii denique exitiali quadam, & suffocativa vi protinus eos interimunt. Aqua frigidior, quae in puteis profundissimis stagnare solet, ut plurimum crura, nervos vitare solet, unde nisi ocreis in hunc finem factis se tueantur, in conclamatas penè infirmitates ut incidant, necesse est. In fodinis vero ficis, & humiditatis expertibus, majus ipsis malum imminet: dum enim terram continuis concussationibus exagitant, & ad venarum ductus detegendos metallicarum glebarum matrices altius adoriuntur, fieri non potest, ut medium variis pulverum effluviis non infi-

Morbi fos-
sorum.

ciatur, quae una cum aëre hausta; pulmonibusque insinuata primo asthma, id est, spirandi difficultatem, deinde phthisin generant; Quae si praeterea corroderendi vi polleant, tunc exulceratis pulmonibus diram tabem gignunt. Quin etiam cadmiae quoddam genus est, quod operarum pedes aquis madidos, itemque manus exedit, pulmones, & oculos laedit; unde multi pedes non solum ocreis, sed & manus chirothecis, faciem vero vesicis muniunt, ne pulvis iis nocere possit: Hac ratione confectores minii, apud veteres Romanos contra Mercuriales spiritus sese munisse Plinius tradit.

Quibus
modis se
tueantur
contra ve-
nena fossor-
es.

Accidit nonnunquam, ut saxa metallica igne adhibito frangere, & rumpere cogantur fossores, quod dum faciunt, nisi à fumo tempestive se subducant, dici vix potest, quam monstruosa morborum genera, quae proximam illis necem adferunt, incurrant: In his quippe

Venenatæ
fuligines
quanta
mala cau-
sent.

quippe aër mirum in modum inficitur veneno quodam subtili, & spirituofo, quod ex venis, commissurisque glebarum metallicarum ignis vi expressum, diffusumque exhalat; hoc si fornicibus fodinarum sub forma tutiæ, pompholyptis, aut fuliginis adhæserit, ac deinde cum tempore in lacunas deciderit, maximum sanè fossoribus aqua istiusmodi lethiferis spiritibus tincta damnum adfert. Experientia siquidem docuit, quod si stagnantium huiusmodi aquarum lacunas vel jactu lapidis commoveris, spiritus virulenti, qui inde protinus evolant, quemcunque offenderint, sine ullo remedio conficiant; idem fumus igne nondum extincto symptomatis prorsus exoticis præstare compertum fuit: corpora enim fossorum isto veneno infecta continuè ita turgescunt, ut omni sensu & motu destituta sine dolore intereant: qui verò se infectos sentiunt, dum scalarum ascensione salutis consulturi fugiunt, interim prævalescente veneno, manibus, pedibusque ita in globosam formam tumescunt, ut dum se scalarum gradibus tenere amplius non queunt, ex scalis delapsi, vitam infelici morte commutent. Fossore itaque multorum morte cautiore igne intra fossas exstructo, ad biduum integrum sese à fodinarum ingressu continent, donec

lethiferum virus per aërem diffusum igne paulatim consumatur.

Rursus, ubique Arsenicum, Auripigmentum, Sandaraca, similesque venenosorum Mineralium matrices reperiuntur; ibi aër sese offert tanto perniciosior, quanto virulentioribus dictorum mineralium, unà cum Mercenrialium venarum halitibus imbutus fuerit; quemadmodum *Agricola* refert, in specubus ad Planam oppidum evenire, qui certis anni temporibus, halitum ex acidulis emittunt lucernas extinguentem, & si quis diutius ibi manserit, necantem; alibi depressis puteis sulphurata, & aluminosa putearios enecant; Huiusmodi spiritus in Neapolitano Agro juxta lacum Agnanum in Antro quodam, (*Canum* vocant) exhalant, quod canes exigua mora ibidem detentos statim stupidos & veluti exanimis reddit, diutius verò detentos prorsus suffocat. Tales hiatus quoque in Agro Tyburtino, & Volaterrano, uti in nostra Hetruria, & Latio exposuimus, reperiuntur, qui & homines, & animantes incautius accedentes interimunt. Vide quæ in *Quinto Libro* fufius de hisce discurremus. Talis itaque proprietatis lethiferæ sunt halitus illi, qui subindè ex novis effossis cuniculis magna fossorum strage occurrunt.

Arsenii
maligni-
tas.

Charonti-
cæ fossæ
lethiferæ.

CAPUT III.

De cura morborum metallicorum.

Origo
morbo-
rum me-
talicorum.

Quemadmodum omnes Morbi metallici oriuntur, vel ex vaporibus virtutis metallorum, vel ex fumosis halitibus aërem inficientibus; natura & proprietate diversis, ita quoque diversissimos morbos in subterraneis fossoribus efficiunt: Alii enim pulmones, stomachum alii, quidam cerebrum, nonnulli articulos; non desunt, qui hepar, renes, vesicam petant, in quibus deinde per continuam aëris infecti insufflationem, vel intus calore nativo, non secus ac ignis vi intra Alembicum jam sublimantur, modò præcipitantur, nunc in alias, & alias partes distillatione derivantur; undè exoticæ sunt, coagulationes, corrosiones, putrefactionesque, ex quibus cunctorum morborum seminaria originem habent. Quomodo itaque hisce se fossores, metallorumque coctores munire, & præservare queant, paucis, quantum ex Medicis, qui conducto stipendio curam habent operarum metallicis morbis subiectorum, ostendendum duxi.

Remedia
contra
morbos
metallicos.

Ad triplicem itaque methodum revocari potest metallici morbi cura: Ad prophylacticam, Dietam, & genuinam medicamentorum rationem. Prophylactica ita se habet: Qui nondum infectus est, is excellentissimum, & specificum medicamentum seligat ab essentia Tartari, cujus hæc est compositio. Miscantur simul liquor Tartari, Laudanum

papaveris, oleum ex colcothare elicatum: Est autem colcothar nil aliud, quàm vitriolum ad rubedinem calcinatum; quæ distillata liquorem præstabit, qui trium granorum dosi quolibet semestri sumptus ab omnibus venenosorum metallorum vaporibus, halitibusque liberum; immunemque reddere dicitur; Qui verò jam putrefactionem ex corrosione metallicorum halituum inciderint, iis maxime præscribi solet Balsamum vel, ex vitriolo, vel ex urtica, aut chalybe eductum. Balsamum vitrioli ita parant; Abstrahunt à vitriolo phlegma suum tam diu, donec fiat mellis instar dulce, & ad purpureum colorem inclinet; dosis est una gutta in aqua Veronicæ.

Præparatio
medica-
mento-
rum.

Balsamus
Vitrioli.

Balsamum Urticæ sic parant: Sal ex urtica extractum in sua aquositate tamdiu rectificetur per ignem moderatum cinerum, vel arenæ, aut etiam roris, donec olei pinguedo conspiciatur, quæ à suis facibus separata, quotidie trium guttarum dosi exhibeantur, in aqua Veronicæ.

Balsamus
Urticæ.

Balsamus Magnetis sic paratur: Magnes in alcohol, id est, in pulverem tenuissimum redigatur, cui superimposita æquali pondere limatura chalybis in vitreo vase quam optime lutato coquatur, in oleitate cinerum Isatis herbæ; postea accipiunt limaturam, seu scobem magnetis, quæ in eam vino rectificato

Balsamus
Magnetis.

tam diu digeratur, donec vinum rubescat: Separato itaque vino à rubedine, in fundo balsamum magnetis reperiunt, quæ sumpta dosi supraposita, nullum membrum putrefieri permittit.

Dietæ.

Dietam peragendam fossoribus hac cura præscribunt: ut videlicet homines metallicis, & subterraneis laboribus fodinarum occupati, cibos suos, quantum fieri potest, sale petraë condiant: Simili ratione aromatum loco utantur sale aluminoso, quod quidem ex alumine extractum nil falsedinis habet, imò cibos optimè condit.

Contra
Asthma
remedium.

Contra Asthma non putridum, quod Metallici ut plurimum ex Mercurialibus halitibus contrahunt, præscribere solent aquam panis porcini, unicum contra pulmonum vitia remedium: est enim vis ejus mirum in modum diaphoretica; Si enim affecta membra, id est, hepar, ventriculus, pulmo in διαφωρίσει conserventur, ei nulla nocebit spiritus mineralis virulentia, & si quid damnum illis illatum est, id per vim diaphoreticam expellunt, uti mucilaginem, refinam, aut tartarum, quæ cum diaphoretica seu sudorifera vi, neque in vesica aut renibus calculus, aut arena consistere possunt: Est enim sudor in hujusmodi infirmitatibus summum præsidium.

Theriaca.

Non desunt alia domestica remedia tam pro iis, qui in subterraneis cuniculis metallis eruendis operam dant, quam pro iis, qui lavandis, depurandis, excoquendisque metallis operam dant; Nonnullis maximè in usu est theriaca, aliis metallica remedia ex sale, alumine, salinitro, salpetra, vitriolo, tartaro confecta, quorum ope, usque max imum levamen se sentire fossores fatentur; quod utique non alia de causa fieri existimo, quàm

ex sympathica quadam affectione, qua similia intra corpus suscepta collectaque metallicorum effluviorum corpuscula ubi confluerint, mox unà quoque secum humores absterfiva vi salium per naturæ secessus educant. Sunt quippe cujuscunque tandem generis salia, ubi ritè depurgata, & in suam puritatem redacta fuerint, insigne contra maleficos mineralium halitus Alexipharmacum; totum enim, quod in salibus malignum latet, est ex heterogeneis malignantis naturæ glebis, quibus miscentur conflatum.

Iterum contra hujusmodi pestiferum subterraneorum fossarum aërem, optimi, & præstantis vini, antequam ingrediantur fossores, haustus, vel jusculorum præpinguium sumptiones cum butyri, cæparum, nucumque juglandum esu. Nonnulli Zeduarum, aut alterius specificæ qualitatis radicem ore masti- cant. Quidam etiam contra Mercuriales spiritus aurea folia ore tenent: Uti enim Mercurius aurum naturali appetitu mirum in modum ambit, ita quoque aureis foliis inhærens spiritus, ultra non tendit. Contra pulmonis vitia, vel ipsum balsamum; vel flores, aut butyrum, ut vocant, sulphuris, mirificam vim habent ad depurgandos pulmones, maximè ubi in hydropem inclinaverint. Contra peripleumoniam maximè prodest, si semilibram aquæ melissæ cum una libra Tartari, unà cum vino rubro melioris notæ, admixtis baccis juniperi, floribusque cichorii, in aquam distillatione resolveris, quam quotidie cum vino generoso, dosi quatuor drachmarum sumptis. Cætera vide, apud *Paracelsum*, *Agricolam*; quæ hic scripsi, ab iis, qui fodinis præsumunt, Medicis, mihi concredita fuerunt.

Domestica
remedia.Pulmonis
vicia.Peripleu-
monia.

CAPUT IV.

De Remediis, quibus malignus aër in cuniculis metallicis purgatur.

DUO maximè Natura opposuit obstacula, quo minus ex desideratis montium thesauris homines perfectam felicitatem consequerentur, proinde Natura in hoc non tam se Matrem, quam Novercam exhibuisse videatur: Quorum primum est, inexhausta stagnantium aquarum colluvies, quæ uti venarum metallicarum tractus ad ulteriorem fossionem impeditur, ita quoque incredibile Rei Metallicæ damnum confert. Alterum, sunt virulenti, & exitiales prorsus metallicarum venarum sive vapores, sive halitus, quæ non solum μεταλλόρυξις impeditur, sed & operis seu fossoribus, si non repentnam mortem, saltem uti in præcedenti capite ostendimus, inevitabilia exoticorum morborum genera, magna miserorum hominum strage conferunt. De hoc primo, de illo Naturæ incommodo postea differemus.

Quæritur itaque primò, Quanam arte, & industria virulentus fodinarum vapor, & halitus expurgari, & fodinæ à tanta peste, cum salute operarum liberari queant? Non desunt, qui putent, primò id fieri posse rogo ex salutiferis lignis exstructo. Ego verò dico, tantum abesse, ut istiusmodi consilium quicquam remedii afferat, ut potius tum fumus, tum calor in tantis angustiis concentratus, majora pericula, majusque malum, imò vicinior letho portam aperiat. Legerant ipsi forsitan, *Hippocratem* integras urbes salutiferorum lignorum rogis per vicos, & compita dispositis, à peste liberasse, quod & nos in nostro Tractatu de Peste fieri posse præscripsimus; ac proinde idem in profundissimis Terræ locis fieri posse cogitarunt. Sed aliud est, in longe, lateque externi aëris magnomari hac industria uti, aliud intra conclusa

Quibus
mediis
machinisque
fodinæ
purgari
queant.

clusa Terræ viscera, ubi id fieri nulla ratione posse, ex duobus capitibus luculenter ostendo.

Primo, quis nescit, ignem in subterraneis locis nisi suis caminis instinctus fuerit, durare non posse, vel si prope vicinum putei inferioris ostium extruatur, ita omnia fumo replere, ut is operas multò compendiosiori via, quàm vel vehementissimi veneni halitus, ad portas mortis, suffocatione deducat. Ignis sine aëre vivere non potest, vel si aërem sufficientem non adipiscatur, fumo susque deque vertit omnia cum extremo laborantium exitio. Accedit hisce, quod rogos instructus in abditis Terræ latebris tantum abest, ut aërem pestiferum consumat, ut potius halitus, vaporesque, qui primò intra matricum receptacula sopiti jacebant, caloris vehementiâ excitet, eorumque sublimatione rarefactos per universos fodinarum meatus aërem virulenta facultate tingat & inficiat. Experti sunt summo suo malo nonnulli fossiores hujusmodi malum, qui accensis luminibus, dum in loca sulphureo-bituminosis vaporibus referta appropinquarent, totus aër in fodinis existens inflammatus, partim suffocatos, partim exustos extinxerit; Quod & usà venit in nonnullis, qui puteos fodientes simili vapore eos invadente, in momento extincti fuere. Rogum itaque in fodinis extruere, tantum


abest, ut virulentum aërem consumat, ut potius eum excitis calore aliis, aliisque ex venis metallicis, halitibus, mirum in modumaugeat.

Quodnam itaque contra tanta mala remedium? Scio plerumque aërem in fodinis follium subsidio expurgari solere; Sed nisi id negotium rectè instituat, non multum emendationis conferet; si enim extinsecus aër aliundè non attrahatur, & putridus ex alia quapiam parte non aperta dispellatur, semper eundem aërem quieto jam aëre, remanere necesse est.

Duplici itaque via aërem expurgari posse existimo; vel follium ope, vel sine ullo follium usu. Quod antequam ostendam, scire *Lectorem* velim, Aëri ita à Natura comparatum esse, ut quamvis ex uno loco ad alium subterraneum locum ruens aër admitti possit, nisi tamen putidus hic aër alium locum habeat, quo se recipiat, alius externus admitti nunquam poterit, quem tamen si invenerit, is mox recedendo aëri externo locum præbet. Et innumeris, id experimentis comprobari posset, si omnibus vulgò notum non esset. Ut itaque aër dispellatur, duo orificia eum tenere necesse est: Unum, quo recens, & extrinsecus suffletur; alterum, quo exsuffletur. Quæ cum ita sint, Talem machinam in fodinis disponere posses.

Folliis
purgatur
aër subter-
raneus.

Halitus
clausi in-
terimunt
fossiores.



Fiat ex solidissimo ligno Cista ABCD. pro magnitudine follium EF, ampla, ita undique conclusa, ut ne minimam quidem putidi aëris portiunculam admittat. Ad hanc cistam deducatur cuniculus, seu canalis N. implantatus Cistæ in loco G. deindè alius

canalis ex latere montis in loco V. qui pariter sit implantatus cistæ Anemicæ sive ventosæ ABCD. Deindè eleventur folles per hominem ad id muneris constitutum, eo artificio, quod figura ostendit; Et fiet ut elevato alterutro folle, aër externus per canalem

NG.

Fabrica
qua vento
minera-
rum fodi-
næ pur-
gantur.


N G. attractus insinuetur intra cistam ABCD: depresso verò alterutro aër per canalem sive cuniculum E V, expellatur foras; atque hoc pacto fodina semper novum aërem, tum ad refrigerium operarum, tum ad auram malignam dissipandam obtinebit. Si verò in alios quoque fodinarum ambitus per sua spiracula derivare velis, poteris id facillimè, præstare per novos canales ex cista ad diversos cuniculos directos. Potest hæc machina quoque moveri per totam, si copia labentis aquæ adsit.

Nota tamen hoc loco: folles fundo suo ita coagmentari debere, ut ventum intra se per assaria, quæ vulgò ventilia aut animellas, Græci ἀνεμοτρόχους vocant, attractum contineant, quæ fundo folium ita inferantur, ut quando unus folles elevatur, illud aperiat, depresso folle claudatur. Cista autem septo quodam intus dirimatur, ne ventus attractus ab uno folle, ab altero retroagatur, sed unusquisque ventum pellat intra receptaculum unicuique proprium, ex quo deinde is intra canalem seu cuniculum dispellatur. Sed hæc in executionem ingenio-fo artificii mandanda relinquo.

Secundus modus hic est; si rivum in aliqua fodina repereris, poteris ejus ope, meliori ratione aëris malignitatem corrigere, hoc modo:

Altera ma-
china hy-
draulica.

Fiat in loco fodinæ constituto & proportionato camera cujusunque amplitudinis A B C D. uti in figura secunda apparet; in-




tra hujus concavitatem altiori fornice, rivus per canalem K, deducatur (supponimus enim rivum ex altiori loco dimanare) rivus verò derivatus per canalem K, usque in faxeam superficiem S T, (à qua non nisi duos palmos

distabit) præcipitatus uti magno impetu in modum cataractæ præcipitabitur, ita quoque ingentem ventum excitabit, qui contineri nescius, qua data porta per canales FG, elapsus fodinam novo aëre implebit, & virulentam auram ita dissipabit, ut nulli amplius nocumento esse possit: Estque hic modus altero tanto exquisitior, quanto majorem humidissimi venti copiam exspirat. Accedit & hoc emolumentum, quod sicuti rivus, ita ventus perpetuus sit, nulliusque hominis opera res diu noctuque peragatur. Ne tamen cum tempore camera aquis repleatur, in latere epistomium C ponatur, ex quo quantum aquæ intrat, tantum exire possit.

Tertius modus sine follibus aliisque instrumentis, hoc modo negotium institui posset per solos cuniculos, si videlicet ex latere vel occidentali, vel orientali, aut aliquo alio loco cavernæ fiant A B. quarum orificio quemlibet ventum, cui mons potissimum expositus est, in superficie extrinseca montis respiciant: Hinc enim vento flante, Verbi gratia, orientali, ventus orificium A penetrans non

Tertius
modus
purgandi
aërem.



quiescet, nec se sistet, donec per oppositæ plagæ etiam ad aliquot milliaria diffusæ orificium B exeat: Atque hoc pacto fodinæ perpetuo suo ad purgationem auræ putidæ faciendam vento ob continuationem cuniculorum, ab uno orificio ad alterum, gauderent: Ventus enim ubi exitum fortitur, non quiescet, sed auram continuo flatu agitabit; agitato autem aëre, venenosus halitus utpote dissipatus consistere non potest. Quemadmodum Ventus inter præcipua sua munera, ad hoc à Natura destinatus est, ut aërem pestiferis halitibus tinctum purget, & dissipet, ita quoque in intimis terræ visceribus, si ventus admitti possit, quo fodinæ ventilarentur, certè aërem emendari necesse est; Undè multiplici modo, & ratione ventilabra constitui possent, quæ vento proriente per externa orificia incitata, præsertim si per strictos canales transiret, aërem valdè defæcatum frigore reddere possint: Ubi enim frigidum est, ibi halitus retroacti distensionis suæ locum obtinere non possunt. Undè eadem de causa, ubi aquarum subterranearum Cataractæ reperiuntur, ibi de nociva aura nemo sibi timere potest. In siccis itaque fodinis, & calidis maximum fossoribus periculum imminet, quæ si dictis modis vento refrigerentur, jam tolerabilem magno fossorum bono, preventumque emolumento reddent.

Ventus
aëri pur-
gando ne-
cessarius.

In aquis
locis ubi
cataractæ
sunt sub-
terraneæ,
aër mirifi-
cè purga-
tur.

Sicca loca
periculo-
siora sunt.

CAPUT V.

De modo exhauriendi aquarum colluvies, quæ fossoribus magno impedimento sunt.

Alterum avaritiæ Mortalium, quod minus ad intima Auri, Argenti, cæterorumque Mineralium gazophylacia penetrent, frænum Natura objecisse videtur; & est, stagnantium aquarum in subterrestribus fodinis colluvies; quæ quidem tantò est perniciosior, quantò majora occurrunt in ea evacuanda impedimenta. Primum est profunditas aquarum, quam si anthleis aut coriaceis faccis exhaureris, quo eam derives, vix sine novo canali perfosso, dispicias. Alterum est, angustia locorum, quæ omnem hydraulicarum machinarum dispositionem impedit, & cum ut plurimum ferro adornentur, ei confestim obicem ponit mineralium aquarum acrimonia, quâ exiguo tempore ferramenta non solum exeduntur, sed & in scoriam cum totius machinæ dissolutione abeunt. *Agricola l. 4. de re metallica*, varia quidem instrumenta, & hydraulicas machinas proponit, quarum tamen vix ullæ in magnis istis fodinarum gurgustis ob laboriosam earum structuram, usum habent; uti enim ingentibus expensis construuntur, ita quoque tum ob ferreas catenas, haultra ferrea, perticas ferreas, quibus agitantur, tum ob mineralium aquarum acrimoniam, saliumque edacitatem diu durare non possunt. Accedit locorum angustia, quæ sine magnis sumptibus, ut machinarum capaces sint, dilatari nequeunt; neque anthleæ, quibus ut plurimum utuntur, durare queunt; cum qualicunque tandem metallo conficiantur, semper minerales aquæ illis inimicæ, in eas rodendo tamdiu agent, donec vel ærugine, vel rubigine consumantur: Unde ex puro ligno, aut lateribus coctis illa construere oporteret, ut subsistere queant. Vitriolatæ aquæ, ubi ferrum, aut æs, cuprumve repererint; statim ea adhæsiōne corpusculorum ad ultimam usque scoriam rodere non cessant: Nitrosæ verò aquæ matricem, piulcumque Anthlearum, mox ubi quieverint, lapidifico succo ita vestiunt, ut amplius vix extrahi possint.

Est & aliud impedimentum, quod post aquam exhaustam vel novus canalus fodendus sit, ut extra derivari, vel per fodinæ puteum, quod plerumque fit, coriaceis faxis extrahi queat: sed ne sic quidem magnum emolumentum expectari potest, cum ex fossis, occultis plerumque scaturiginibus implentur, quantum extraxeris aquarum, tantum ex scaturiginibus fossæ novæ aquæ accedant; Accidit etiam, ut aquarum metallicarum pondere sacci seu bulgæ coriaceæ plerumque rumpantur. Quocunque itaque te veritas, semper alia, aliaque impedimenta repiuntur: Labor tamen improbus uti omnia

vincit, ita quoque vel venarum obstructione, vel aliis mediis, modisque invitæ Naturæ tandem fræna injicit, ut intento suo potiat. Anthleis, & coriaceis faccis res in Hungaria, uti mihi scribitur, peragitur.

Unum restat, quo pro meo quidem tenui iudicio res meliori modo confici non posse existimo; quàm si fossarum profunditas unà cum putei, quo intra fodinas descensus datur, altitudine ad libellam prius cum respectu ad externam montis declivitatem examinentur. Si itaque fossa altior, sive profundior, aut æqualis fuerit, campestri cuidam planitie, tum enim verò oleum, operamque perdis in aquarum ex fossa aliorum derivatione, aliudque non restat consilium, nisi ut per putei orificium foras extrahatur; si verò campestris, aut vellestris planities profundior fuerit, tunc spem habebis, aquam per canalem data opera factum extrahendi. Qui verò suctu, aut attractu machinarum hydraulicarum ope, negotium confici posse existimant, illi non nisi speculationibus metaphysicis fulti, rem expediri posse censent; ubi enim aquam in receptaculum aliquod extraxerint, quò eam derivabunt? Relinquendus itaque mos est, & consuetudo diuturno usu in diversis Europæ metallorum fodinis introductus, cum enim ad huiusmodi necessitatibus succurrendum, ingenia hominum maximè ad aliquid inveniendum, quo à tanto Naturæ incommodo se liberare possint, quotidie acuantur: Nihil autem hucusque, quod plenè Metallurgorum votis satisfaciat, præter ea, quæ diximus, instrumenta, & machinas, certè ea usurpanda sunt, donec DEUS OPT. Max. aliquid aliud inspiret, quo res desideratum exitum sortiatur.

Atque hæc quidem dicta sint de iis aquis, quæ in visceribus fodinarum collectæ exitum ob dictas causas non habent. Si verò aquæ illæ commodè derivari possent ad os inferius putei, tum majori commoditate, per instrumenta, quæ *Agricola l. 4.* præscribit, educi possunt. Ne verò catenæ, & ferramenta machinarum ab mineralium aquarum edacitate consumerentur, illa oleo ex plumbo extracto probè inuncta, contra omnem consumptionem durare possent. Cum nihil sit in rerum natura, quod ferramenta etiam marino submersa liquori, ab omni corrosione & rubigine, liberiora conservet, quàm dictum oleum. Sed cum majori huius olei copia ad tot catenas, & ferramenta tingenda, quàm expensæ tolerant, opus sit, ita quoque ad negotium conficiendum non exigam difficultatem habet.

Atque hæc sunt impedimenta, quæ Metallurgiam subterraneam unà cum insigni, & irreparabili

Modus alius suggeritur.

Quomodo catenæ & ferramenta contra corrosionem aquarum metallicarum munienda sint.

Instrumenta ex metallo constructa, non possunt ferre multo tempore.

Varia impedimenta.

Decrimen-
ta fodina-
rum.

reparabili damno impediunt; & sunt siccitas, & humiditas fodinarum, cuniculorumque. Siccitas è calore, & consequenter virulentissimis halitibus magnam fossoribus ruinam molitur. Humiditas verò, inaccessis fodinarum venis obicem ponit, nisi conferta operarum multitudine, eà, qua solent, industrià exhauriatur: ubi enim aquarum dominatur humiditas, ibi sine nocumento operæ subsistere non possunt: frigus tamen aliquo modo prodest,

hoc enim uti & aquarum, earumque commotione omnis mineralis auræ virulentia pro-scribitur, nisi aquæ longo tempore immotæ, & stagnantes cutem ex venenoso halitu contraxerint; quæ tamen multum obsunt, nisi tamen ipsa agitatione aquæ depulsæ alio se receperint; Accidit enim, ut subinde in hujusmodi fossis vel projectu lapidis virulentæ aquæ vapor adstantibus irremediabile malum adducat.

CAPUT VI.

De multiplicibus Venarum fibrarumque mineralium ductibus.

EXpositis jam impedimentis, & obstaculis, quibus speratus metallicorum hominum fructus, conatusque luditur, nihil restat, nisi ut jam intimius nos insinuan-tes, sinus quoque, uterosque fossilium, conceptui, ortuique dicatos scrutemur, quas *Plinius, Dioscorides, Vitruvius, Albertus, Agricola*, venas vocant, juxta illud *Ovidii*.

*Nunc quoque jam veteris percepto semine vena
Arva rigent, auri madidis pollentia glebis.*


Quid sint
Venæ fo-
dinarum
proprie.

Sunt autem venæ Mineralium seu Metallo-
rum nihil aliud, quàm vasa quædam, seu re-
ceptacula materiæ, quam ad fossilium for-
mationem, ceu materni uteri ad prolis pro-
pagationem concipiunt, transumpta simili-
tudo ab animantium venis. Quemadmodum
enim hæ singulis membris dispertiuntur, atq;
per eas ex jecinore sanguis in universum ho-
minis corpus diffunditur, sic illæ disperguntur

tum per totum Terræ globum, tum vel maxi-
mè per montanos locos, aquis per eas manan-
tibus, & effluentibus. Præterea sicuti singulæ
venæ aliam venularum foeturam connexam
habent, quas capillares vocant; ita quoque ve-
næ metallicæ venulas adjunctas habent, ex
commisuris saxosæ materiæ mineralis exor-
tas, quas & fibras vocant; quamvis contraria
ratione fundant humorem; venæ corporis
humani sanguinem in capillares exonerant
venulas; contrà venulæ metallicæ conceptum
humorem in venas majores diffundunt; de
quibus vide *Senecam lib. 3. nat. quæst. c. 15.*
ubi hanc venarum analogiam non eleganter
minus, quàm eruditè describit. Si quis vena-
rum, venularumque fibras rectius considera-
verit, is intra saxorum commissuras, non se-
cus ac absolutissimam arboris in varios ramos
divisam intuebitur imaginem.

Quid ve-
nula & fi-
bra.

Arbori-
mosæ
compara-
tur.



Venarum
varia con-
sideratio &

Est autem multiplex venarum differentia,
five longitudinem, five latitudinem, aut alti-

tudinem spectes, undè triplex eas denomi-
nandi forma resultat; ut aliæ sint profundæ, al-
tiæ

denomina-
tio.

aliae dilatatae, cumulatæ aliae. Profunda ex summa Telluris superficie in imam ejus sedem descendit. Dilatata, veluti medium inter Terræ superficiem, ejusque profundum sub terra latens in multum se spacia dilatat. Quæ verò magnam alicujus loci partem occupat, in longum & latum ducta, *Cumulata* vocatur. Quod autem est medium inter duas venas, *Intervenium* nominatur. Rursus Profundarum venarum aliquæ passum unum sunt latae; aliae duos cubitos; quædam unum, nonnullæ pedem, quas omnes Metallurgi vocant latas, quæ in nonnullis locis subinde usque ad duodecim passus extenduntur; Quædam etiam tantummodò latae sunt palmum unum, aliae tres digitos, duos aliae, quas angustas vocant.

Dilatatae verò inter se differunt altitudine: earum enim aliae passum unum, aut duos, aut plures sunt altæ, aliae cubitum, pedem aliae, aliae semissem, quas omnes altas vocant: quas verò humiles vocant, aliae sunt palmum, aut tres digitos, vel duos, vel unum, ut in figura

apparet; quæ iterum variè dividuntur, ita ut aliae sint rectæ, aliae curvæ, quædam obliquæ & tortæ, aliae transversæ, & circulares, quarum omnium differentias hic typo, ut longiori descriptioni parcamus, exhibemus. Quid verò finem, caput & caudam venarum vocent Metallurgi, uti passim notum est, ita ulteriori expositione non indiget.

Sumuntur præterea venarum differentiae ex partium Mundi situ, ita ut aliquæ ex Oriente in Occidentem, quædam contrà ex Occidente in Orientem, nonnullæ ex Austro in Boream, & contrà ex Borea in Austrum extendantur, aliae denique intermedias cardinalium punctorum plagas servant, quæ initium suum à saxorum commissuris sortiuntur; quæ si verbi gratia, occasum versus vergant in profundum, vena dicetur extendi ex Oriente in Occidentem, & sic de cæteris; quæ valde tamen inter se discrepant; dum aliae ex summo montis vertice per devexum descendunt in vallem, aliae contrà ascendunt. Quæ omnia vide apud *Agricolam* fusius tractata.

Figura venarum.

Denominatio venarum ex partibus Mundi.

CAPUT VII.

METALLOGNOMIA,

SIVE

De signis metalli latentis, & qua arte Metallorum venæ cognoscantur.

UTi hoc sagacis est ingenii argumentum, ita quoque pari mentis industria tractandum est. Cognoscuntur itaque variis modis latentium metallorum thesauri; voco thesauros; quia quicquid in humani generis conservatione, tum ad splendorem, & magnificentiam tum ad necessariorum usum pertinet, ex subterraneis gazophylaciis originem suam nanciscitur, quæ alibi fusius prosecuti sumus. Sed jam instituti nostri filum arripiamus.

Subterraneæ Metallorum venæ triplici ratione innotescunt; Modo naturali, artificiali, & casu. Modo naturali, primò per vapores, & halitus metallicos: Secundo per montium, herbarum, arborumque in eis constitutionem: Tertio per venarum ab imbrum, torrentiumque defluxu detectionem: Quarto per flumina, quæ raménta metallorum ut plurimum secum abrafa devehunt. Modo Artificiali, per aquarum mineralium, limique fluminum, lacuumque distillationem, chimico more peractam; secundo per virgulam divinatoriam, de qua paulò post. Casu, per arborum eradicationem, sylvarumque incendia, per fluminis cadentis, saxaque findentis violentiam; Secundo per aratri, sulcorumque campestrium demolitionem; Tertio, equorum, porcorum, aprorumque terram fodiantium ope: Quarto per folia vitium, quas spiritus auriferi in aureum colorem tingunt, uti sæpè sæpius in Hungaria comperitur. His ita-

que propositis, jam telam prosequamur. Signa itaque quibus Metallicae venæprehenduntur, sunt sequentia, partim ex *Agricola*, *Cardano*, partim propria experientia comperta.

Dico igitur primò, Metallicas venas interdum vi aliqua (quam si casum, seu fortunam dicere malis, perinde est) sine hominis industria & labore aperiri non uno modo.

1. Eas cute nudat torrentis impetus, id quod olim accidit in Fribergi Argentariis.

2. Vis ventorum radicitus extrahens, & extirpans arbores, quæ supra venas creverunt.

3. Abruptio saxi è monte: Id verò abruptio vel diuturnus, & largus imber, vel terræ motus, vel ictus fulminis, vel violenta nivis devolutio, vel impetus ventorum. *Virg. lib. 12. Æneid.*

*Ac veluti montis saxum de vertice præceps
Cum ruit avulsum vento, seu turbidus imber
Proluit, aut annis solvit sublapsa vetustas.*

4. Aratro venas reteggit: aratri enim vomere glebas auri excisas esse in Galecia, *Iustinus* memoriae tradit.

5. Sylvarum incendium metalla prodit, quod Argentariis Hispaniæ accidisse scribit *Diodorus Siculus*. Hinc *Lucretius lib. 5. de natura rerum*.

Quod superest, as atque aurum ferrumque repertum est,

Et simul argenti pondus, plumbique potestas.

Ignis ubi ingentes sylvas ardore cremarat

Montibus in magnis, seu cæli fulmine misso,

Z 2

Sive

Intervenium quid?

Vena dilatata.

Quomodo nigrarum venarum cognoscantur.

Signa venarum metallica-rum.

Torrentis impetus.

Vis ventorum.

Saxi abruptio.

Aratri vomer.

Sylvarum incendium.

*Sive quod inter se bellum sylvestre gerentes,
Hostibus intulerant ignem formidinis ergo :
Sive quod inducti Terra bonitate, volebant
Pandere agros pingues, & pascua reddere rura :
Sive feras interficere & discescere prada.
Nam fovea, atque igni prius est venarier ortum,
Quam sepire plagis saltum, canibusque ciere.
Quidquid id est, quacunque è causa flammeus
ardor*

*Horribili sonitu Sylvas exciderat altis
Ab radicibus, & terram percoxerat igni ;
Manabat venis ferventibus in loca Terra
Concava conveniens argenti rivus, & auri,
Æris item & plumbi.*

Alia vis, ut
equi un-
gula.

Venæ me-
tallicæ arte
inveniun-
tur modis
fedecim.

Scaturigo
fontium.

è Vena-
rum frag-
mentis.

Situs.

Pruinæ.

Arborum
folia.

Montium
vertex.

Montium
& lapidum
color.

6. Denique venas referat alia quæpiam visa etenim equus (si huic narrationi fides habenda est) Goselariæ venam plumbariam ungula patefecit. Istis igitur modis fortuna nobis venas largitur.

Dico Secundo. Reconditas fossitium venas posse humana arte, modis, qui sequuntur, investigari.

1. Observandæ sunt scaturigines fontium, quæ à venis longè abesse non possunt, quod ex ipsis earum aqua manet.

2. Spectanda sunt fragmenta venarum, quæ torrens ex terra eruit ; Longinquitas enim temporis aliquam eorum partem rursus obruit terrâ. Verùm huiusmodi fragmenta, si supra terram jacuerint, aut sint levia, venæ ab ipsis plerumque absunt longius, quod torrens extracta procul à venis abripuerit, & ea propellendo, levia fecerit, sin terræ infixæ, vel aspera fuerint, ad venas proprias adsunt.

3. Situs etiam considerandus ; nam is in causa est, quod & venæ magis, aut minus terra obruantur, & fragmenta longè, aut minus longè protrudantur.

4. Observandæ pruinæ, quibus omnes herbæ candicant, his exceptis, quæ crescunt super venas : Venæ enim quia siccum expirant, calidumque halitum ; pruinæ concretionem impediunt ; quo igitur loco herbæ humidæ non congelant pruinæ, subest vena, quæ si spirarit valdè calidum, fert ea terra humiles herbas, & colore sublanguido.

5. Indicium venæ latentis est, si arborum folia tempore verno livida sint, vel subcærulea ; si rami, præsertim superiores, infecti nigrore, aut alio colore minus naturali : Si stipites bifidi, si rami nigri, aut discolores ; eamque opera efficiunt calidi, & sicci venarum halitus, qui ne radicibus quidem arborum parcant, sed eas adurentes prorsus infirmas reddunt : Qua de causa vis ventorum frequentius huius generis arbores dat ad casum, quàm reliquas.

6. Montium cacumina, quæ ad Meridiem tendunt, radicibus ad Boream spectantibus, argumentum metalli præbent, & maximè argenti, cujus fodinæ feraciores rectè ex Oriente in Occidentem tendere solent.

7. Color Montium, & lapidum, ac terræ, non solum metallica ibidem esse, sed & qua-

lia sint docet : Viridis fit ab ære, niger ab argento, & auro ; purpureus à pyrite, lividus à plumbo, & ferro ; luridus à calchanto, & similibus ejusmodi succis ; cinereus & obscurus à sulphure.

8. Reconferi & odor potest inter venarum signa : Cum enim duos ejusdem montis lapides simul attriveris, si metallum monti subest, olent sulphuris non parum.

9. Montes steriles metallici omnes sunt : nam humor absumitur intus, undè plantæ generari nequeunt, & mali halitus jam natis etiam plantis vitam eripiunt.

10. Graviore etiam lapides, aut terra, quam ratio postulet, certum est metallicæ materiæ argumentum.

11. Si aliqua etiam parte nimis splendeant lapides, vel solidi existentes non careant omni splendore, subesse materiam metalli certò scias.

12. Lapidés si igne liquefeceris, deprehendes simul, & metallum adesse, & genus ipsius, & quantitatem.

13. Aquæ etiam effluentes levem quandam huius conjecturam afferunt, quæ si odorem, aut colorem præ se ferant alienum, haud dubiè metallum in monte esse pronuntiabis.

14. Fundum quoque alvei diligenter explorabis, nam partem metalli invenies : Vis enim fieri potest, ne longo temporis progressu, aliquid semper addente die, ex descensu gravioris partis, vestigium metalli non appareat.

15. Præterea montium rimæ indicant acres metallicorum halitus.

16. Ad hæc non desunt plantæ, quæ metallorum societate gaudent, raræ illæ quidem, at, quod rariore, eò, si adsint, evidentius testimonium illorum præbent. Generatim tales sunt, quæ fructum non edunt, aut exiguum ; Juniperus humilis, hedera, caprificus, pinastrer etiam, & aculeatarum pleræquæ : Sunt etiam folia arborum aut pallida, aut decidua, & trunci exiles, marcentque omnia.

17. Ex montium apicibus, in quibus plerumque vapores expirare solent, metallorum latentium indices sunt.

His demum addimus Virgulam Divinatoriam, qua plerumque Metallurgi in explorandis metallis utuntur. Est autem Virgula bifurcata ex variis arboribus seu fructibus, pro explorandorum metallorum conditione, effecta : Putant enim plerique superstitiones huiusmodi, effectum consequi non posse, nisi die Dominica Paschatis, aut die Solstitii fuerit excisa, aut supra venam excreverit ; neque negotium ullum successum habiturum, si explorator non fuerit die Dominico natus. Verùm uti Natura rerum hæc superstitionis circumstantiis ad agendum non indiget, ita quoque suapte sponte ostendunt, huius artis Magistrum alium non fuisse, nisi Satanam,

Lapidum
odor.

Montium
sterilitas.

Lapidum
gravitas.

Lapidum
splendor.

Lapidum
eliquatio.

Aquarum
odor & co-
lor.

Alvei fun-
dus.

Montium
rimæ.

Quæ plan-
tæ metal-
lorum so-
cietate
gaudeant.

Montium
apices.

tanam, qua homines auro, divitiisque plus æquo avidos, in sua retia trahere cum ultima animarum ruina satagat. Unde nonnulli differentes construunt virgulas, diversis metallorum speciebus explorandis appropriatas. Hoc pacto Columna Virgula utuntur ad argentum: Fraxinea ad æs: Piceastri ad plumbum: Isatis caule ad ferrum, &c. Quidam etiam Magicis utuntur speculis, additis carminum incantationibus, in metallicis venis detegendis: Unde passim à peritis & timoratis ceu magicæ illusionis ex quocunque tandem pacto introducta vanitas respuitur: neque enim ulla ratio dari potest, cur virga bifurcata utroque cornu firmiter apprehensa, etiam omni magico pacto excluso, tantam tamen violentiam à vaporibus metallicis sustineat, ut eam deorsum trahant. Certè ego sæpius hujus rei supra metallica corpora auri, & argenti, experimentum sumens, semper spe mea frustratus sum: Atque luculenter adverti, manifestam esse non dæmonis, sed virgam tractantis illusionem, dum imaginationis vi deceptus, putat, virgam ad metallum suapte sponte vergere, cum ipse eam inadvertenter detorqueat: Quod & aliàs usu venit in iis, qui anulum filo suspensum, duobus digitis intra scyphum vitreum immittunt, putantes anulum hinc inde scypho illisum currentem horam monstrare. Pessima sanè deceptio, cum totus ille pulsus non nisi pulsu venarum in extremis digitis agitarum, contingat: si enim fortiter filum presferis, annulus agitabitur: si leniter, sine motu subsistit: quam fallaciam ego multis viris physicarum rerum haud imperitis, in quadam Academia, quam Princeps quidam hinc Romæ de hujusmodi prodigiosa annuli agitatione, instituerat, demonstravi. Erat dictus princeps ea in opinione, singula metalla dicto modo suspensa, digitisque primoribus apprehensa in certas Mundi plagas magnetica quadam vi dirigi; ita ut ferrum in Boream, Aurum in Orientem, in Occidentem Argentum, æs in Meridiem, & cætera in cæteras plagas divergerent, quod & in pretiosis lapidibus fieri opinatus est: Sed experientia omnium risu excepta fuit, quando immobili transverso ligno metalla filo affixa dimittebantur, vel etiam firma manu leviter apprehensa tenebantur, tunc enim indifferenter pro ratione torti fili, situm sortiebantur. Totum itaque istiusmodi merum fuit phantasiæ ludibrium, dum quod pulsus venæ moverat, ille occultæ motionis proprietati adscriberet. Idem igitur in Virgula divinatoria usu venire certum est; siquidem fieri non posse puto, ut virgæ non æquilibratæ, sed violenter tortæ latentia metalla tantam, & tam subitanæ vim imprimant, ut illa ultrò se ad terram usque inclinare cogatur, is qui magneticarum motionum peritiam habuerit, attestabitur: ut enim sympathicæ rerum naturalium actiones effectum

Vanitas
virgulæ di-
vinatoriæ.


Experi-
mentum.

habeant, dici vix potest, quanto ingenio, & industria opus sit, & quàm exacta, & præcisa æquilibratione corpora disponenda sint; ut proinde omnes ridendi sint, qui virgulas illas bifurcatas manibus apprehensas, à tam subtili halituum vi concitari posse, sibi imaginantur.

Ne itaque sine ullo fructu virgulam divinatoriam condemnasse videamur, alium modum hoc loco præscribam, quem uti experientia multiplici certum comperi, ita quoque omnes eos, qui eo utentur, intento suo nequaquam frustratum iri confido.

EXPERIMENTUM I.

Fiat ex salis fossilis fragmento lanceola uno palmo longa, quam cum quolibet ligno ita committes, ut lignea pars salinæ lanceolæ commissa, in æquilibrio supra obelum affixa, vel etiam filo suspensa libere moveatur. Hanc lanceolam ligneo-salinam im-



pone supra ollam supposito igne, aqua salina seu muria bulliente, & comperies, spiritus volatiles in halitus abeuntes salinæ lanceolæ, tanquam sibi simili corpori, magnetico influxu adhærere; unde lanceola corpusculis salinis aggravata, paulatim deorsum versus ollam inclinabitur. Hoc idem contingere posse existimo, si supra mineram salis simile instrumentum poneretur.

EXPERIMENTUM II.

Fiat una lanceola ex ligno, & aurea virga subtili ad æquilibrium commissa, uti in præcedenti diximus, hanc supra ollam statuas, in qua purum argentum vivum positum sit; quod si supposito igne evolare feceris, totum Mercurium aureæ virgæ se jungere reperies, unde eo gravata aurea virgula, se profunde inclinabit. Idem si supra mineram Mercurii aurea virga exponeretur, evenire

consensum est. Pari pacto, si argenteam glebam in pulverem contusam, ollæ impositam igne evaporare feceris, lanceola ex ligno, & argento fabricata, ei supraposita, corpuscula argentea magnetico quodam attractu in se derivabit; unde aggravata, necessario se illuc, unde vapor exspirat, inclinabit; quod idem virgulæ supra mineram æratam accidet, sive vapor, & halitus æratæ mineræ, per internum Vulcani sive per externum Solis calorem elevetur.

CONSECTARIUM.

EX hisce patet, omnium eorum, quæ sympathico quodam attractu ad se confluunt, hujusmodi virgulis absconditam matricem indagari posse, dummodo virgula sympathica ad alterum vi prædita, supradicta ratione constructa fuerit. Hoc pacto virgula ex iis materiis, quæ amicitiam cum aqua simplici fontana elementari habent, uti sunt alnus, nymphæa, mentastrum aquaticum, ranunculus, similiaque, quorum sive radix, sive caulis, cum alterius non sympathici, sive ligni, sive metalli virgula connexa, in loco, cui latentem aquæ venam subesse suspicaberis, supetimpolita, vapore aqueo cum tempore aggravata sese inclinabit, & sine omni

superstitione, solo, quo pollet, magnetismo, latentem aquæ venam demonstrabit. Quod non dicerem, nisi experimento à me sumpto, id certum cognossem. Cujus quidem rei rationem docuerunt nonnullæ arbores venis metallicis superinsistentes, quarum folia, ramique vapore gravata, & veluti cuticula quadam induta, deorsum vergebant, ita ut pene terram tangerent. Et ex arboribus ad ripas fluminum sitis id luculenter quoque patet, quarum rami vapore aquæ superficiem sponte sua cum tempore inclinantur.

EXPERIMENTUM III.

INTER ferrum, & vitriolum insignem intervenire sympathiam, constat, cum soli ferro, reliquis metallis veluti repudiatis, avide adhæreat.

Fiat itaque virgula ex ligno & ferro rite commissa, quam si ollæ vitriolum impositum, ignis ope, exhalare sinas; mirum dictu, ferrum protinus colore ferrugineo in æruginem fuscam mutato, in æs quasi transformatum, ac pondere pressum, totum se in ollam inclinatum diverget. Atque hæc sunt, quæ *Lectori* de virgula divinatoria proponenda duxi.

SECTIO III.

DE FODINARUM
METALLICARUM NATURA,

Proprietate, variis accidentibus, varia
ad Authorem Responsa.

PRÆFATIO.

QUOD operi huic summa cura insistenti complures difficultates occurrerent, ex quarum labyrintho me evolvere vix possem, metallurgos Hungaricarum fodinarum (queis in Europa celebriores non reperiuntur, si in ullis aliis terrarum locis, certe hic potissimum divitias suas, & ludibundam industriam Natura cum primis exponit) consulendos duxi. Literas itaque propediem expedire visum fuit, in quibus novendecim propositionibus, occurrentia circa res metallicas dubia comprehendebam. Quoniam verò nullus eorum, qui fodinis præsumunt, virorum, mihi notus erat, ope Patrum nostrorum, qui Neosolii, vicinisque Hungariæ montanis civitatibus, potissimum *P. Andrea Schafferi* opera usus sum; qui uti metallicæ artis haud imperitus, ita quoque incredibili ad coeptum negotium promovendum, cura, diligentia, & sollicitudine, una cum *P. Georgio Weber*, Residentiæ Neosoliensis Superiori amplexus, quæcunque tandem ad meum institutum necessaria esse judicabat, inquisivit, tantumque cum fodinarum præfectis, quibuscum jam dudum ei summa necessitudo intercefferat, effecit, ut & ii suam quoque ad operis promotionem, symbolam se collaturos pollicerentur, singulis itaque fodinarum Hungaricarum præsidibus unum mearum petitionum exemplar tradidit, ut ad ea responsa sua scriptis huc Romanam

nam transmitterent, quod & factum fuit. Nomina eorum, qui ad novendecim puncta à me transmissa responderunt, infra ponentur. Sed ut horum virorum fidem, & diligentiam sera cognoscat posteritas, hîc Responsa eorum, prorsus eo ordine, quo in originalibus manuscriptis habentur, pari candore & sinceritate ex Germanica, in Latinam linguam translata, exhibenda duxi.

RELATIO I.

De Fodinis Hungariæ rebusque memorabilibus,
quæ in iis occurrunt.

CAPUT I.

*Responsio Schemnitziana ad novendecim puncta ab Authore
iis proposita.*

PRÆFATIUNCULA.

CUM R. P. *Athanasius Kircherus* Societatis JESU. Presbyter, per Rev. Patrem *Andream Schaffer* ejusdem Societatis supra novendecim puncta metallorum mineraliumque conditionem, nec non fodinarum in hisce partibus constitutionem concernentia, instantibus precibus nonnullam sibi informationem dari petierit: Nos infra scripti, rerum metallicarum præfecti, Jurati, cæterique officiales, fodinarum montanarum administratores, & inspectores, ejus obsequentes petitioni, coacto Schemnitzii in Hungariæ inferioris Urbe consilio, supra dicta puncta deliberantes, tandem ad singula nobis proposita dubia respondemus, uti sequitur.

Ad Primum. *De Aquarum mineralium proprietate & experienciis quibusdam metallicis.*

1. Resp. 1. Aquæ, quæ fossoribus occurrunt in principio, plerumque sunt insipidæ, claræ, odoris expertes, leves & frigidæ, progressu verò calidiores, graviores, turbulentiores, prout à succis metallicis tinguntur, vel alterantur, quædam albæ, rubræ, virides, vel cæruleæ, vel nigræ sunt, certo quodam odore, & dum sunt minerales, acquirunt saporem acrem, ut in illis pisces vivere nequeant.

2. Quando Aqua in fodinis diu stat immobilis, tunc generatur in superficie ejus instar cuticulæ quædam nebula Mineralis, (Germanicè *Bergschwaden*) quæ agitata & respirando attracta, præsentaneam adfert mortem. Reperiuntur etiam Aquæ pravi odoris, & saporis, nullius tamen pravitatis. Datur etiam ibidem Aquæ genus, quod in figuram faccaro haud ab similem degenerat, videlicet in lapillos albos: cæteras intrinsecas aquarum proprietates ignorant fossores, easque relinquunt inquirendas Chymicis, & Medicis. Docet quidem experientia, tribus mil-

liaribus à Schemnitz, quandam Mineralem aquam reperiri, quæ bibentibus strumas generet, & econtrà sex miliaribus ab hinc esse aliam aquam, quæ strumas à dicta aqua contractas bibendo tollit.

Ad 2. *De efflorescentiis metallicis in arbusculis, & ex quibus salibus, vitriolo, &c. nascuntur.*

Resp. 1. Aliquando in fodinis occurrunt crysalli filis argenteis pilorum instar tenuissimis circumvoluti, & cætera similia. Superioribus annis fuit repertum Argenti granum purum putum (Germanicè *gediegen*) in lapide fatuo (Germanicè *Taubenstein*) in quadam materia alba cretæ simili, quæ vocatur medulla lapidea, ac si studio ibidem fuisset reconditum, ponderavit libras duas. Est alia species crescentium, quod Latine sonat *vestigium* (Germanicè *Platzmahl*) hoc adhæret lapidibus fatuis purum putum, ita ut ferro plumbi instar possit scindi. Similia crescentia igne forti fiunt volatilia, & dum similia in fodinis reperiuntur, fossoribus spem æris tollunt, quia habent pro augurio, si illa ubi æs est, reperiuntur, æs tollere, ubi verò æs non est, ibi id producere. Ex quo sale, vel vitriolo nascantur, ignorant Mineralium fossores.

Ad 3. *Quanam potissimum Mineralia corpora inveniuntur in fodinis auri & argenti, cupri, stanni, plumbi, & an ubique reperiuntur Argentum vivum, & sulphur, quomodo cognoscatur sympathia, & Antipathia metallorum?*

Schemnitzii ut plurimum reperitur Argenti vena, quæ parum auri continet: Inveniuntur quoque venæ argenti cuprum, vel plumbum continentes, ordinariè quanto plus argenti venæ versus Septentrionem currunt, tantò plus continent plumbi; In valle *Hodritzsch*, in profundioribus Mineræ inveniuntur aurum, & argentum: Versus summitatem verò Marcasita, & ferrum absque auro, & argento. Ferri vena est duplex, una quæ flu-

Mira anti-
pathia
aquarum.

xui

xui seu fusioni inservit, *Ruda* vocatur, dissimilis specie ab altera, ex qua ferrum eliquatur. Notandum, aliquot annis elapsis in vena Rudæ lapidem magnetem fuisse reperi- tum, ex quo aliquot centonum centenaria ferri educta fuerunt: Rursus venæ argenti Schemnitzianæ ut plurimum plumbeis mixtæ Antimonii non parum habent, etiam cinnabrii; & interdum occurrit cinnabrium mine- rale minio haud dissimile, argentum conti- nens. Quapropter cum similia mineralia ustulata, & liquata sulphureum vel mercurialem odorem præbeant, omnino tamen creditur ibidem esse, etiam si argentum vi- vum, & sulphur ibidem non sint actu, attamen esse in potentia, vel habere cum iisdem quandam analogiam. Similiter habetur quod- dam minerale, quod Germanicè *Welff* so- nat, hoc fluxum seu fusionem in mineralibus promovet, & liquando cum argento aurum adducit; econtra vena plumbi rapax, & præ- datrix est; & est aliud genus *Marcafitæ* in ar- genti venis frequens, quæ interdum argento vacua, & interdum argento mixta, ubi hæc reperitur, ibi fossores augurantur, ubi æris mineræ non sunt, ibidem easdem gignere, at ubi sunt, eas corrumpere. Lapidēs virides vel flavi, auri & argenti venas significant.

Ad 4. *Quibusnam machinis exhauriant aquam subterraneam.* Respondit ad hæc *Georgius Agricola de re metallica Lib. 6. &c.*

Ad 5. *Quomodo resistant opera aura pestifera ex spiritibus metallicis genita?* Respondit, spiraculis & follibus, ut supra.

Ad sextum. *An compareant Damunculi sub- terranei vel pigmæ?* Respondit affirmative, & narrat plura exempla.

Ad 7. 8. 9. *Utrum incidant in animalia quadam, qua non nisi infra terram habitare possunt, & utrum Tempestates, fulgura, tonitrua, fulmina, ter- ramotus, & similia experiantur fossores, sicut & de fluminibus, & fontibus subterraneis &c.*

Respondit, Schemnitzii nihil horum repe- riri & experiri.

Ad 10. *Omnia denique qua Natura miracula sapiunt, notentur.* Resp. Naturæ miracula bre- viter describere, esse impossibile, debere nos potius creatoris mirari potentiam & sapien- tiam, quam singulorum naturam penetrare.

Ad 11. *De æstu, & frigore fodinarum, qui- busnam in partibus maxime dominantur: Utrum quò profundiores, eo calidiores sint, & num vi- deantur ignes subterranei?*

Respondit, in venis illis nullum immodi- cum æstum, vel frigus percipi, nisi auræ li- ber transitus impediatur, tum fossas semper calidiores, usque dum iterum transpiratione libera fruantur, mediantibus spiraculis.

Ad 12. *De ventis subterraneis, utrum per fossarum rimas eorum fiat eruptio; de aeris sub- terranei constitutione ejusdemque purificatione.*

Respondit, ventos non percipi in fodinis, sed potius pravos vapores, qui, ut supra narra- tum est, spiraculis, & follibus expelluntur.

Ad 13. *De Terramotibus subterraneis &c.* Resp. simile nunquam Schemnitzii accidisse.

Ad 14. *De aquis subterraneis, num incidant in Rivos subterraneos, fontesque aquarum dul- cium, nitrosarum, vitriolarum &c.*

Respondit, semper in nonnullis locis aqua- rum prægrandem reperiri colluviem.

Ad 15. *De venarum metallicarum ductibus, quam Mundi partem potissimum respiciant, & an ferri vena Boream &c.*

Respondit, metallorum ductus versus u- nam partem solam respicere nunquam, sed jam versus hanc, postea illam &c.

Ad 16. *De metallorum Sympathia & Anti- pathia Mineraliumque caterorum &c.* Respon- dit, istas ignorare fossores.

Ad 17. *Quisnam sit modus separandi metal- la &c.*

Respondit, dimittendo ad separatores &c.

Ad 18. *Quanam signa habeant cognoscendi venas auri, & argenti &c.*

Resp. esse impossibile, breviter signa de- scribere, cum unumquodlibet metallorum habeat suum proprium lapidem, debere hoc addisci longa experientia, certissimam tamen esse illam probam, quæ igne perficitur.

Ad 19. *Ngminentur loca, in quibus, & qua effodiantur Mineralia. Item de Thermis, & aci- dulis, & quanta sit profunditas minerarum.*

Respondit, Cremnizzii sunt venæ auri, & non procul abinde, est vena Argenti vivi.

Schemnizzii sunt venæ argenti, ferri, plum- bi, cupri, &c.

Neosolii est vena cupri.

Puggantii, est vena auri.

Regio monte, & Dullæ vena auri. Lu- bethan vena ferri, & cupri. Wazæ & in mon- te Angelico est vena auri.

Thermarum sunt duæ prope Schemniz- zium, aqua Thermarum, ubi transit, fæces deponit, quæ successu temporis in lapidem flavum mutantur.

Prope Cremnizzium duæ Thermæ repe- riuntur.

Duobus miliaribus à Schemnizzio, ultra flumen Granum prope pagum Bukowina re- periuntur Acidularum duæ.

Prope Cremnizzium quoque habentur acidulæ.

Summa fodinarum profunditas est 150. Klafter / id est, ulnarum.

Ita testantur.

Ioannes Georgius Weiß, Fodinarum Præfectus.
Iulius von Lansée, Rationum fodinarum Ju- ratus.

Elias Angerman, Rei metallicæ Juratus.

Ioannes Zuerig, Fodinarum Scriba.

Andreas Ungeden

Michael Reuter

Georgius ulricus Kaiser

Ioannes Henricus

Martinus Sepp

Michael Korch.

Rei metallicæ inspectores.

RE

RELATIO II.

Responsio ad Quæstiones propositas, Joannis Schapelmanni,
S. Cæs. Regiæque Majestatis, Minerarum cuprea-
rum præfecti in *Herrengrunt* in Hungaria.

CAPUT II.

Prima Quæstio; de *Aquarum Mineralium proprietatibus, & de Experimentiis quibusdam metallicis.*

Responsio. Apud nos Neosolii reperitur genus Aquæ vitriolatæ, in qua ferrum in cuprum transmutatur, faciunt singulis annis 50, vel 60 Centones, qui sunt circiter quinque, vel sex librarum millia cupri. Hæc aqua vitriolata acuitur sale vitrioli; Vitriolum autem nihil aliud est, quàm album sal terræ; hoc sal solvitur ab humiditate, postea transeundo per mineras cupreas, illas solvit, & inde colorem viridem acquirit: si autem mineram cupream nigram transit, continentem argentum, tum coloratur cæruleo colore; fuerunt etiam huic aquæ cuncta alia metalla imposita, at nullum præter ferrum tangit, quod primò in subtilissimum pulverem vertit, & postremò in optimum cuprum mutat, ac si studio in igne liquatum, & in certam formam fustum esset. Prorumpit etiam ex durissimis lapidibus aqua quædam mineralis, quæ sedimentum deponit flavum, qualis autem sit materia, & cujus virtutis, hætenus est incognitum.

Reperitur quoque Aqua quædam alba, quæ in lapidem durum abit: Si verò hæc aqua ante suam coagulationem mineram cupream transiverit, tunc generatur ex ea lapis, qui Malochites vocatur, quando verò aqua illa perfluit cupream mineram continentem argentum, fiet ex ea pulcher lapis cæruleus similis Turcoidi: Hæc aqua autem nullibi frequentius reperitur, quàm in mineris lapidibus siliceis copiosis, & cuprum cum argento continentibus.

2. *De efflorescentiis metallicis in arbusculis, ex quibus salibus, & vitriolo, similibusque originem suam trahant.*

Resp. Reperiuntur aliquando in minera hac Efflorescentiæ cupreæ ex cupro puro putro (Germanicè *gediegen*) sicuti supra terram flores, & herbæ &c.

3. *Quanam potissimum Mineralia corpora reperiuntur in fodinis auri & argenti, cupri, stanni, plumbi; an ubique reperiatur argentum vivum, & sulphur, quomodo cognoscatur Sympathia & Antipathia metallorum.*

Plerumque in fodinis metallicis quasi ubique reperitur Marcasita, cui sulphur inest; at Argentum vivum, vel in Cinabria aliquando saltem in fodinis argenti, & auri reperitur: quia Argentum vivum, vel Cinnabrium suam propriam habet mineram. Apud nos in *Herrengrunt* in fodinis Cupreis argentum vivum non invenitur.

4. *Quibus Machinis exhauriunt aquam subterraneam?*

Respondet, anthleis, coriaceis saccis & similibus.

5. *Quomodo procedunt adversus pestiferam auram, & quomodo eam tollunt in fodinis?*

Quando fodinæ sunt profundæ, ita ut bona aura inspirari, & prava expirari nequeat, tum folles magni ita adaptantur, ut bona aura insuffletur, & prava expellatur; si verò aliquis ab aura subterranea læsus fuerit, alio medicamento non utitur, quàm ut protinus ad auram apertam deducatur.

6. *Utrum compareant Damunculi seu pigmæ in fodinis?*

Resp. tales visos fuisse, & auditos pluries.

7. *Utrum reperiuntur animalia in fodinis?*

Respondit, talia minimè reperiri, nisi vermiculos quosdam nigros in lapidum poris, aliquando habitantes.

8. *Utrum experiantur fœffres fulgura, tempestates, fulmina, terræmotus, &c.*

Olim in *Herrengrunt* / priusquam in fodinis spiracula facta fuerunt, observatum est, vapores in fodinis coacervatos fuisse, qui facillimè intrante accenso lumine incensi sunt maximo cum fragore, & ab hoc igne tacti, ita ambusti fuerunt, ut cutis facillè detrahi potuerit, ac si aquæ ferventi adusti essent. Cæterum Terræmotus contingunt sub terra, sicuti supra terram.

9. *De fluminibus & fontibus subterraneis, an reperiuntur?*

Reperiuntur Aquæ subterraneæ in fodinis, pro fodinæ situ plus, vel minus: Ex quibusdam fodinis singularibus ductibus educitur, alibi instrumentis Hydraulicis extrahitur.

10. *Omnia miracula Naturæ significentur.*

Respondit. Hic nihil aliud novum, vel mirabile præter lapidem quendam varias figuras repræsentantem.

11. *De aestu, & frigore fodinarum, quibus in partibus maximè dominantur; utrum profundiores calidiores, & num videantur ignes subterranei.*

Respondit. Fodinæ dum sunt siccæ, quantò profundiores, tantò calidiores sunt, quia impossibile est illis spiracula sufficientia facere, ob profunditatem; quando verò aquas habent, non sunt ita calidæ, etiam si profundæ: Si verò profundæ, & siccæ, & venas habent Marcasiticas, semper sunt calidiores.

Tempestates igneæ apud nos non sentiuntur; multoties verò videntur in montibus metallis divitibus, nocte flammæ cæruleæ.

12. De ventis subterraneis, utrum per rimas fodinarum eorum sentiantur eruptio? De aëris subterranei constitutione, num & quomodo ne noceat, purgetur, & quibus instrumentis?

Respondit: Venti subterranei apud nos non percipiuntur. Prava aura ex fodinis expellitur follibus, & spiraculis, vel si fodinæ non admodum profundæ, commotione aëris per instrumenta idonea.

13. De Terramotibus subterraneis, an tantum concutiant terram, ut operantes opprimant.

Respondit, Contingere, & exempla plura contigisse narrat.

14. De Aquis subterraneis, num incidant in Rivus subterraneos, fontes dulcium Aquarum, nitrosarum, vitriolarum, bituminosarum aquarum, & si exitum non habeant, quomodo eas exhauriant, & quibus instrumentis.

Respondit, Reperiri in fodinis aquas dulces potui aptas, aliquando putridas, & impuras, item vitriolares aquas, quæ ferrum in cuprum mutant, ut supra narratum est; Rivi vero educuntur per aquæductus, vel per instrumenta Hydraulica.

15. De venarum metallicarum ductibus, quam Mundi partem potissimum respiciant; an ferri vena potissimum ad Boream tendant.

Respondit, Ductus metallorum tam ferri, quam aliorum aliquando versus Meridiem, aliquando versus Boream, etiam aliquando ductus esse cruciformes.

16. De Sympathia, & Antipathia metallorum, & Mineralium, & in quibus illa consistat?

Respondit: Quælibet minera habet singulares suas proprietates: Quædam unum tantum metallum producit, alia plura simul. De cætero eorum Sympathiam & Antipathiam prorsus ignorant Metallurgi, neque illas perquirunt.

17. Quisnam modus sit separandi metalla a suis mineris?

Unumquodlibet metallorum variis modis separatur. Generalis vero modus est, ut Minera prius leni igne ustuletur, ut evaporet, id est, sulphur combustibile, postea abluatur usque dum omnis levior terra simul cum corrosiva qualitate recesserit: Gravior vero, quæ singulis lotionibus fundum petit, exsiccatur, & pro metalli conditione liquatur, & ultimo separatur, prout fusiùs tractat Agricola, & Lazarus Erkerus.

18. Quanam sint signa minerarum, & qua ratione cognoscantur vena auri, & argenti?

Minerarum venæ potissimum cognoscuntur longa experientia, & exercitio; quia quælibet vena suos singulares habet lapides. Terra argillacea nigra, & tenax plerumque mineras circum, vel sub se habet auri.

19. Nominentur loca, in quibus, & qua effodiantur Mineralia in Hungaria. Item de Thermis, Acidulis, & quanta sit profunditas Minerarum.

Neosolii effoditur Minera cuprum solum continens, & ibidem effoditur alia minera nigra cupri, cuprum & argentum simul continens. Quantum ad profunditatem fodinarum; quædam sunt profunditatis 147, aliæ 137. Klafter/ id est, ulnarum.

Cremnizzii reperitur vena auri. Schemnizzii reperiuntur venæ argenti, & plumbi. Regiomonte est vena auri, item Puganzzii. In Dielen, uti & in Holdritz venæ argenti inveniuntur.

Thermæ sunt: Stubnerbadt: Bonisbade. Et Schemnizzii Thermæ prope Vitariam: Iterum apud nos reperiuntur Acidulæ plures, quarum vires mihi sunt incognitæ.

Hactenus ex Relatione Ioannis Schapellmanni Minerarum cuprearum Præfecti in Herrengrundt.

RELATIO III.

Georgii Schutz suæ sacræ Cæsareæ Majestatis in Camera Schemnicensi rationum in Mineralium negotio præfecti.

CAPUT III.

1. DE Aquarum Mineralium proprietate, & experientiis quibusdam metallicis.

In Superiori Hungaria in Schmolniz, sicut etiam Neosolii in Herrengrund reperitur tam potens aqua vitriolaris, in qua ferrum aliquanto tempore impositum, in cuprum degenerat, & ea, quæ in Schmolniz reperitur, potentior est. Hoc cuprum in igne durat, deficit in bonitate à lapide cupreo, si frigescat; unde huic solum immiscetur. Hic Schemnizzii in adjacenti aqua, visa est adhærere quædam spuma solida in lignis aquæ mineralis inhærens, per modum naturalis lapidis, quæ necdum tamen probata, fuit, quid rei mineralis in se contineat.

2. De efflorescentiis metallicis in arbusculis, &c.

In Mineris Argentiferis inveniuntur sæpe efflorescentiæ argenteæ, ubi argentum nitidissimum in modum fili, vel capilli ex lapidibus metallicis se exerit: Imò inveniuntur digiti crassitudine ramenta argenti puri, licet subnigra, & coloris utcunque plumbei; exerunt se etiam non raro crystallinæ partes, licet non in ea quantitate, ut argentum, tam puræ nihilominus, ut benè elaboratæ Bohemicos, & Ungaricos adamantes superent.

3. Quanam potissimum Mineralia cuprea reperiuntur.

Cremb-

Efflorescentiæ metallicæ.

Sulphuris
vis auri
purificati-
va.Cinna-
brium.

Pyrites.

Argentum
fociatur
cupro li-
benter.Anthleæ
usus in fo-
dinis.

Cremonitii & in Königsberg in Mineris auriferis minerarum fluxus sulphurei sunt, ubi & sulphur cum solo auro, sine damno commoratur, magno licet aliis metallis nocumento, & sicut id aurum purificat, ita cæteris splendorem, & decorem tollit.

In Mineris istis argentiferis invenitur pariter Zinabrium, seu cinnabaris, Marcasitha, & experientia docet, Cinnabarim metallo officere aliquando, nihilominus jucundum est videre fossoribus in primis fodinis fissuras cinnabari tinctura refertas.

In Mineris cupreis in Schmolniz, & Herengrand invenitur pyrites, ita ut inducar ad credendum, ex eo vitriolico humore commixto, accedente calore interno, & influentiis coelestibus, cuprum generari: habetur enim experientia, in Montibus ubi Mineræ cupreæ deficiunt, pyritem quoque spurium reperiri.

Argentum amicè fociatur cupro, & magis quam aliis metallis, imò in excoquendo ab eodem ad maiorem puritatem promovetur; cavendumque est, ne inter excoquendum ab infita eidem commixta maligna qualitate totum deperdat, cum vel maxime vires suas in ramentis cupri quibus commiscuntur, exerat.

4. *Quibus Instrumentis Aqua ex Mineralium cavernis hauriantur?*

Primo maxime juvant stabiles cisternæ in montibus exstructæ, ad quas per fissuras decidunt ex superiori parte montis aquæ, inde verò deducuntur per certos ductus.

Quidquid verò aquæ decedit infra has cisternas, vel extrahitur anthleæ, si non est aqua copiosa; vel per Artificium Hydraulicum aliud; nempe per canalem majorem trium orgyarum, quæ infra tympanum supernè rotam habeat, & catena transit per canalem, rotam, & tympanum; In hac catena affiguntur sacci ex coreo, qui in inferiori parte canalisi aquam hauriunt, extrahunturque per illum canalem. Vide *Figuram V.* in ultimo hujus capitulo propositam.

Talia artificia sunt ultra septendecim, unum supra alterum, & per quodvis aqua deducitur in cisternam quandam, ex illa rursus in aliam, donec in communem cisternam supradictam effundatur.

Aliud est ex diversis anthleis confectum, in quo diversæ anthleæ unius perticæ ferreæ motu moventur & hoc pacto deducitur aqua, ut supra.

5. *Quomodo aura pestilens inhibeatur?*

Aura hæc pestilens est defectus recentis auræ, qua vapores dissipentur, atque hæc per modum nebulæ subsidit aliquando in scrobes, quæ odore quodam dulci, instar musti at maligno illas commoventes corripit, sæpiusque suffocat. Dissipatur hæc aura maligna introductione recentioris per folles bonam auram instantes, aut etiam assidua ejusdem pestilentis auræ commotione. Verum de hisce machinis, earumque structuris vide in fine hujus. *Seç. c. 6.*

Lethifera
auræ pur-
gatio in
fodinis.

6. *Utrum Damunculi compareant in fodinis?*

Longiori abhinc tempore ii comparuerunt bono semper fossorum omine. Videat *Lector* in præcedenti *Libro de Damonibus subterraneis*, ubi omnia ad hoc argumentum pertinentia reperiet exactè tractata.

Dæmun-
culi sub-
terranei.

7. *Utrum animalcula quadam reperiantur in fodinis, vel tempestates?*

Nihil animadversum est à fossoribus, præter Terræmotus.

8. *De fluminibus & fontibus subterraneis.*

Præter supradicta non dantur; ab infra tamen notantur continuè aqueæ scaturigines tam vehementes ut violenter etiam per opposita erumperent, nisi alio meatu educerentur. Non procul Neosolio in pago Walascha dicto, tam potens rivus è rupe erumpit, ut molendino impellendo par sit.

Aqueæ sca-
turigines
in intimis
fodinarum
recessibus.

9. *Omnia miracula Naturæ.*

Videtur hoc rarum, quod in Superiori Hungaria Mineræ ex cupro, ferro, & plumbo aded commisceantur; ut non raro in supremate ferri, in medio cupri, in profundo plumbi materia reperitur, & quod alibi etiam fluores cuprei infecti plumbo sint. In lapidibus argentariis animadversum fuit, abundare eas plumbo, ita ut exsectis similibus lapidibus inventum sit centenarium lapidis talis continuisse libras plumbi 20, 30, 40; etiam 50. non tamen in magna quantitate tales lapides reperiebantur, deventum enim brevi est ad lapides alios minus plumbo divites.

Metalla
commixta
reperiun-
tur.

RELATIO IV.

Patris *Andree Schafferi* de differentibus Mineralibus, quæ in fodinis Hungaricis reperiuntur.

CAPUT IV.

Specificatio Mineralium Neosolio, Schemnitio, & in aliis Montanis Hungariæ civitatibus collectorum, quæ dictus Pater, tum in ornamentum Musæi, tum ad notitiam Mineralium acquirendam, Authori, *Mundo Subterraneo* intento transmisit, & sequuntur.

Numerus primus. *Marcheside von Silbergleit ohne tugende* / id est, Marcasita Argentea, quæ licet videatur aliquid continere, in igne tamen nihil nisi scoria manet.

Marcasita.

2. *Gelf bey m arst* / id est, Minera continens cuprum, argentum & aurum: Quod

Cupro di-
ves mate-
ria.

A 4 2

Quod auri splendorem habet, purum cuprum est, quod minerale germanico termino *Uelß* vocant, ad distinctionem lapidum mineralium, qui nigri cum appareant, cuprum non solum, sed & argentum continent.

Pyrites.

3. *Marcheside beyrn Rhies* / id est, pyrites; reperitur hæc adulterina minera ibidem, ubi effoditur sub numero primo posita minera.

Plumbi minera.

4. *Wey dræt* / id est, Minera plumbi; hæc sub numero quarto continet triplicis coloris rationem; primus color est niger & splendicans, & est minera puri plumbi; Secundus color habet striam albam, & nihil continet, sed species filicis est, quam vocant in fodinis *Quarz*. quæ est quasi matrix minerarum: Tertius color est, & nihil est aliud, quam minera cupri.

Minera ferri.

5. *Eysen dræt* / vel Ruda, minera ferri est non procul Schemnitio, & ibidem foditur, ubi etiam sunt thermæ calidæ, & in copia magna ibidem etiam ante aliquot annos effossi sunt magnetes, quos in fornacibus liquatoriis in ferrum elaborarunt.

6. Est minera ferri non Schemnitio, sed ex alio loco civitatum montanarum Hungariæ dicto *Roniz*, qui locus Neosolio distat versus Superiorem Ungariam 4 milliaribus. Continet hæc minera etiam ferrum, quæ ibidem de facto pro usibus camerarum Ungariæ excoquitur. Circa quam mineram notandum, in toto hoc promontorio chalybem nullum reperiri, sed ferrum tantum excoqui, non aded probatum. In hoc eodem promontorio reperitur minera ferri instar globorum, quibus hostem è musquetis petimus.

Marchesita argentea.

7. *Marcheside mit Silber dræt vermengelt*. Minera hæc argenti est, quæ simul admixtum habet aurum: quod tamen in hoc lapide auri fulgorem habere videtur, aurum non est, sed Marchesita vocatur.

8. *Ries* / Minera hæc nulli usui est, nisi ut faciat mineras argenti in *grossen Werden* / id est, in magnis processibus fluere, ideo vocant hic, *cinu Fluß*.

Cinabrium minera.

9. *Aræt mit Cinobet* / aut Minium. Color hoc in lapide niger, minera argenti est, quod admixtum habet aurum. Ruber color cinabarim, cui vivum argentum inest, denotat.

Plumbago ☉ & ☽ continens.

10. *Weyglänzig dræt* / Minera est, argentum continens & aurum, splendorem habens minere plumbi.

Crystallina minera.

11. Mitto hic R. V. mineram Marchesiticam, uti crescit in montibus argentiferis Schemnitii, ex qua videbit R. V. qualiter Natura producat crystallos, quæ & lucidissimæ, & in magnam quantitatem aliquando excrescunt: Mitto utriusque speciei sub numero 11 & 13. paradigmata. In qua re mirabile est Naturæ artificium, quod omnes crystalli hic crescentes sint sexangulares à natura, politæ, & cuspidatæ.

12. Crystallus est ex terra Schemnicensi eruta, tota pellucida, ut apparet.

13. Hæc crystallus eruta est in montibus cupriferis Excellentissimi Domini *Francisci Waffelini* comitis de Hadat, Palatini Regni Hungariæ, ubi anno elapso in ea quantitate reperta est crystallus, ut ultra 100 libras, seu plusquam centenarium ponderaverit: Unde hac reperta, Excellentissimus *D. Palatinus* motus fuit, ut per expeditos homines inquireret de artifice, qui crystallum hanc aut in formam monstrantiæ, aut similem quampiam excindere & efformare sciret, ac postmodum, uti decrevit, suæ Sacræ Cæsareæ Majestati præsentaret.

Crystallus prodigiosæ magnitudinis.

14. Hic mitto R. V. cuprum, quod in Valle Dominorum, (quem locum Germanicè vocant *Herzengrunt*) per aquam vitriolatam, quæ in ipso monte fluit, ex ferro factum est: & vocant *Zementkupffer* / de quo inveniet R. V. inscripto sub litera A. numero primo. Et hoc sciendum est de hoc cupro ex ferro in cuprum versio; primò quod ferrum in laminas cufum, ac in hanc aquam injectum, in quantitate aliquot centenariorum intra hæc aquas in cuprum vertatur. Secundò, hoc cuprum hoc habet peculiare præ alio cupro, quod non tredecim, aut quatuordecim ignes subire debeat, uti cuprum ex mineris eliquatum, sed immediate in quidvis elaborari posset. Tertiò, hoc cuprum ex ferro factum magis aptum est ad calices & similes delicatiores labores, quam quod minere suppe- ditant.

Ferri in cuprum versio.

15. Est solea equi, aliqua ex parte per vitriolatam aquam, id est, per *Zementwasser* in cuprum versa, quæ tota in cuprum abiisset, si debito tempore in dicta aqua relicta fuisset.

Solea equi in cuprum versa.

16. Mitto hic particulam magnetis, qui effoditur Schemnitii, & quatuor circiter milliaribus Neosolio, ac in pluribus aliis Hungariæ locis reperitur. Quod si R. V. plus desideret, suppeditabo.

Magna

17. Pulveres isti vocantur Neosolii termino Germanico *das Schwarze Fischeit*: reperiuntur in valle Dominorum, ubi cuprum effoditur; per aquam ex monte pulveres isti educuntur, continent cuprum & argentum.

Pulveres cupri & argenti facies.

18. Sunt similiter pulveres ex eodem loco, & vocantur *Uelß Fischeit* / nihilque nisi cuprum continent.

19. Vocatur hic color termino Germanico *Wetchgrien* / colligitur in *Herzengrunt* / ubi per aquam in monte per cupri mineralia fluentem evehitur in certas ad hoc opus paratas cistas, in quas aqua influit, & subsidentem hunc in fundo colorem post se relinquit. Notandum, uti ex rerum harum peritis habeo, pulverem hunc seu colorem aded cupri esse divitem, ut centenarius hujus cupri igni commissus ultra 54 libras cupri det.

20. Hic lapis vocatur communi nomine *Strimmitz* à fossoribus: ejus origo sic se habet,

Galactites sive lapis lactarius.

bet, per venas minerarum cupri flavi seu nigri fluit aqua, quæ ubi stillatim in trabes, quibus mons sustentatur ad ingressum fossoribus faciendum effluit, in lapidem hunc vertitur.

Minera
sulphuris.

21. Est minera sulphuris, quæ duobus miliaribus supra Neosolium in magna quantitate effoditur. At licet hæc minera sulphuris admodum boni dives sit, & etiam aliquantilli auri ferax; ad alium tamen usum non effoditur de facto, nisi ad liquationem argenti-ferarum minerarum & auriferarum facilius & felicius faciendam, unde vocatur minera hæc sulphuris. *Ein Kies zum Flues tauglich.*

Lithan-
thra car-
bones fos-
siles noci-
vi.

22. Lapis hic vocatur *Steinsohlen*/integer mons est inter Neosolium & Cremnitium duas civitates montanas Hungariæ prope fodinas Hydrargyri, quod ibidem una cum Cinabari effoditur. His carbonibus nemo hic utitur pro mineris liquandis, neque liquatores, nec fabri ferrarii pro suis officinis; aut ullus alius. Quæsi vi causam, responsum accepi, nimis vehementem suscitare calorem, ita ut ferrum consumat, & omnem liquationem destruat.

Minera
cupri.

23. Est minera cupri, quam vocant *Gelfdræt*; nihil in se argenti vel auri continet, sed solum cuprum: major harum trium est eruta ex nova fossa, quam anno superiore felicissime reppererunt, & in tanta benedictione, ut ex hac sola fossa putetur sua sacra Cæsarea Regiaque Majestas proventus annuos habitura, 50 millia Imperialium. Secunda hujus generis etiam in *Herzengrundi* effoditur, & nihil nisi cuprum continet; lapis albus, qui ibidem reperitur, vocatur *Quarz*. Tertia speices nihil nisi puri cupri minera est.

Minera
cupri.

24. Est minera cupri, quam hic vocant *Schwarz dræt* / continet cuprum & argentum, cujus eam effodiunt copiam in *Herzengrundi* / ut annuè per separationem septingentas circiter, quandoque plures, quandoque pauciores argenti marcas extrahant.

25. Minera hæc est Antimonii, quæ simul nonnihil de auro habet, effoditur in civitatibus montanis in magna copia.

Sulphur
nigrum.

26. Minera hæc à nonnullis vocatur *Kothguldendræt* / ab aliis *roter Schwefel* / ad varia experimenta, quidnam contineret, probaverunt quidem, & certum nihil hujates deprehenderunt, nisi quod magnum sit venenum.

27. Est minera Cupri in mero gypso, quæ minera etiam hic in civitatibus montanis effoditur.

28. Hæc minera est ex hujus collegii bonis & terris, prope civitates montanas adeo dives, ut non modò ex probatione per me facta, sed etiam ex aliorum plurium in hac re expertorum, & suæ sacræ Cæsareæ Majestatis Iuratorum experientia desuper facta, centenarius minimus duodecim lotones, hoc est 12 loti argenti (quod potiori tamen ex parte aurum sit) continere deprehensum sit.

29. Pulvis hic ad spiracula fornacum, in

quibus argentum à cupro separatur, mediante Saturno colligitur, & vocant *Blasensch*. In eadem officina uti duplices sunt Fornaces, ita duplex hic pulvis albus & flavus colligitur, & aliud nihil est, quàm Arsenicum. Pulverem hunc operarii tanquam summum horrent venenum.

Fuligo
plumbi.

30. Est Cinnabaris, quæ adhuc argentum vivum continet; effoditur prope Neosolium.

Cinnabaria
argento vi-
vo dives.

31. Pulvis hic est cuprum selectissimum, colligitur & fit hac ratione. Est fornax una ita præparata, ut in eam immittantur facile 80, 100, & plures centenarii cupri non adeo adhuc excocti: hoc ubi liquefcit per meras flammæ, quas folles ab aquis attracti excitant, cuprum liquefactum nimio flatu folium extra foramina ejicitur, & ibi in sartagine aqua plena excipitur: quæ in pulverem redacta materia adeo tenuis est, adeoque expurgata ut nobilissimæ inde clepsydre fieri possint.


Pulvis cu-
preus cle-
psidris fa-
ciendis
aptus.

32. Hæc est aqua ex Valle Dominorum, seu *Herzengrundi* prope Neosolium, ubi sunt cupri fodinæ, quam hic vocant *Zementwasser* / sive simpliciter *Zement* / fluit per mineras cupri, quæ per se vitriolata est. In hanc injiciunt ferri laminas, & intra tres menses centenarii & amplius ferrearum laminarum vertuntur in cuprum. Schemnitii locus est, Neosolio octo circiter miliarium distantia distans, ubi similis aqua majoris efficacitæ & quantitatis reperitur.

Ferri in cu-
prum mag-
satio.

33. Est minerale Schemnitio mihi transmissum, cujus vim & virtutem cum mihi non communicaverint per ullam adhuc informationem; eam jam petitam, proxima jam expecto occasione, ut R. V. quam primum possim communicare.

34. Mitto hic R. V. mineram omnino pretiosam, cum hoc tempore rarius simile quid non inveniat, ubi videat R. V. argentum purum in filamenta sua efflorescens; flavum quod splendet, purissimum est aurum; quod nigricat, argentum est auro permixtum.



35. Lapidés hi virides similiter ex aqua, uti supra sub numero 20. scripti, efficiuntur, cum hac tamen differentia, quod lapis hic viridis

ridis generetur ex aqua per mineras cupri fluente, sicuti lapis ille sub numero 20. ex aqua per mineras argenti fluente generatur.

Lignum
alni in la-
pidem ver-
sum.

36. Transmitto lapidem hunc, quem à viro dignissimo fide accepi, qui retulit, integram Alnum arborem cum ramis suis in aqua repertam fuisse in similem lapidem conver-

sam, ex qua arbore sic in lapidem versa hoc mihi frustum ex speciali gratia donavit.

37. Plumbum hoc, argehtum in se & aurum continet, quod transmitto pro exemplari aliquo liquationis argenti ex minera sua: Porro modum ex mineris aurum & argentum educendi, specialiter R. V. communicabo.

RELATIO V.

De Tyrolensibus Mineris facta à Prænobili & Clarissimo
Viro, Domino *Ioanne Gervick* Archiducis Seren. Consiliario.

CAPUT V.

Praeter communia aliis, narratur, quod Mineræ vitreæ argentum, & æs contineant.

Venz
sonitu mal-
leorum in-
notescunt.

Fossoribus hic notum est, ubi elaborantur fossæ minerales, inveniri magna montium latera ipsâ Naturâ internè ab adhærentibus partibus divisa, eandemque divisionem magno sonitu percipiunt, bonumque iis omen est, inveniendi opulentas mineras.

Lapides
cupro di-
vites.

Ex lapidibus ærariis hic inventis in loco *Teuffers* dicto, vitriolum optimum conficitur.

Item ex ferro cuprum faciunt durius, quàm commune, pulchrius tamen colore. Res procedit hoc modo: Primò vas ligneum impletur utcunque aquâ, huic sat magna quantitas *Marchesitæ* imponitur; Aqua hæc ad bulliendum disponitur scoreis ferri, *Schlacken* dictis: Secundò, infunditur aqua in aliud vas, ubi iterum tantum *Marchesitæ* imponitur, & ad bulliendum disponitur, item fit tertio, undè aqua utcunque vitriolaris evadit: dein-

dè relinquitur quieta, donec subfidat densior materia *Marchesitæ*, & aqua effunditur in lebetes cupreos, cui imponuntur laminæ ferreæ, & sic coquitur, ut vitriolaris aqua ferum invadat; fit verò, ut inter coquendum se partes quædam ferri solvant, quæ fundum per modum densæ materiæ petunt. Cocta sic aqua vitriolaris refrigerat, & in vasa lignea effunditur: vasa hæc supernè ampla, infernè stricta sunt; relinquitur in his, donec vitriolum ad partes adhæreat, quod non adhæret, infunditur in vas ex larice, in quo imponuntur aliquot frusta ferri, & relinquitur donec seipso bullire incipiat, & dum cessat, effunditur aqua ad primum vasculum, reservaturque illa materia densa, & hoc sæpius repetitur, donec aliquot centenarii talis densæ materiæ fiant: deinde siccatur hæc materia, & hinc excoquitur in fornace nigrum primò cuprum, donec tandem in alio loco, *Goltgrueben* dicto, in pulchrum cuprum mutetur.

Modus cu-
prim ex-
coquendi.

CAPUT VI.

De Machinis Metallurgicis.

Quamquam de Machinis metallicis in *Sect. 2. hujus Libri cap. 4.* mentionem fecimus, quia tamen nonnulla ibidem omissa sunt, quæ postea mihi innotuerunt, ea hic veluti loco opportuno inferenda putavi: conferunt enim non parum ad eas quas Metallurgi in fodinis experiuntur difficultates superandas. Sunt itaque machinæ metallurgicæ variæ, quarum principem tamen locum occupant Anemicæ, & Hydraulicæ. Anemicæ sine Ventosæ maligno fodinarum aëri, novam semper auram suppeditant; suntque in varias species iterum distributæ. Hydraulicæ illæ dicuntur machinæ, quarum ope partim stagnantes intra fodinas aquas exhauriuntur, partim metallicarum mineraliumque glebarum congeries è fodinis extrahitur, partim etiam lignis, hominibus, animalibusque intro-mittendis extrahendisque serviunt. De quibus hoc loco paucis agendum, ab Anemicis

initio sumpto. Anemicæ sive ventosæ proprie conficiuntur à Metallurgis ad auram malignantis naturæ in fodinis stabulantem novæ auræ subministratione emendandam; variisque modis peraguntur: vel folium beneficio, cujusmodi machina *Sect. 2. c. 4.* posita una est; vel per flabella continuo motu circulata; vel denique per tympana quædam, quæ ventorum flatus extrinsecus acceptos, per canales ad intima fodinarum receptacula traducunt. Cum verò ea sit natura aëris, ut intra canalem insinuari nullis viribus possit, nisi fodina intus alium, quo ventus immissus sibi exitum parat, meatum habeat: quem si non obtinuerit, auram putridam intus quidem premet nonnihil, semper tamen remanebit solita stabulantis aëris malignitas: si verò alibi exitum obtinuerit, tum aura ex nova semper novaque aëris intromissione perfecte magno fossorum solatio purgari poterit: Est enim


Constru-
ctio Ma-
chinarum
Anemica-
rum.

enim subinde aura in huiusmodi locis subterraneis adeò gravis, ut non solum spirandi difficultatem operis subterraneis inducat, sed & lampades lucernasque extinguat: Imò in-

terdum vel ipsos fossiores intercepto spiritu suffocet.

Ad has itaque difficultates tollendas, variis machinis, uti dicam, aërem emendare solent.

FIGURA I. *Machina Anemica.*




Machina ad aërem in fodinis emendandum.

Canalem EL ex quacumque materia primò in nonnullis regionibus intra meatum V S. dimittunt, quem lignis variis ex lateribus protensis firment: Huic extra orificium

meatus superimponunt instrumentum ad instar dolii cylindricum, ut G D monstrant, ea tamen industria, ut cylindricum huiusmodi vas intus concavum liberè in quamcumque partem versari queat. Habet autem
vas

vas in medio foramen sat amplum signatum littera A. In fundo verò foramen E quoque habeat, quod canalis-orificio respondeat. Huic retro è regione foraminis A, apponatur ala B, cujusmodi in apicibus turrium ad ventorum plagas indicandas poni solent, habebisque instrumentum peractum. Cum enim vas cylindraceum versatile sit, fiet ut vento quocumque

tandem flante, ala foramen A vento semper obvertat, unde ventus summo intra vasis concava impetu intromissus constipatusque per canalis orificium intra intima fodinarum MN deducatur, atque hoc pacto dissipato putris aëris squalore, nova semper diu noctuque fodinam aëre impleat. Figuram hic adjungemus, ex qua verius mentem nostram percipiet *Lector*.

FIGURA II. *Machina Anemica.*


Alter modus peragitur flabellorum subsidio, cujusmodi in sequenti figura apparet.

Extra fodinam conficiunt flabellum, uti docet *Agricola*, longæ hastæ ferreæ, quæ in intimum fodinæ

fodinæ fundum porrigitur, ibique aculeato cuspidi insistit concavo crassi vitri; Infra verò hastæ ferreæ EF, quot volueris flabra superiori similia affigi poterunt. Moto itaque à vento L flabro ABCD, ei insertum una secum totam hastam EF vertet, & unà flabra illi intra putei concava annexa, atque hoc pacto ex multiplicatione flabrorum sufficientem ventum ad aërem intus latitantem penitus expurgandum suppeditari necesse est. Si verò profunditas major foret, quam

ut hasta eam ferre posset, tunc hastæ multiplicandæ essent, & deinde manuali fossorum exercitio concitandæ: possunt autem flabra fieri pro vento majori vel minori, majora vel minora, non quaternis tantum, sed & senis, octavis, imò duodenis alis instructa. Optimum factu foret, si extimum flabrum cooperiatur, relicto solummodo foramine prægrandi in cooperculo: hoc enim pacto ventus majori impetu per foramen irruens, alam concitatori motu circumverteret.

FIGURA III.



De Machinis Hydraulicis.

Machina III.


Nihil tam necessarium est fodinis, quam Machinæ hydraulicæ, his enim non solum aquæ intra fodinas magno fossorum impedimento stagnantes educuntur, sed & minerales glebæ, & quidquid tandem ad fabricam interiorem pertinet, supellectilis, unà cum victu fossoribus deputato tum intromittuntur, tum iterum extrahuntur. Sunt autem

varii generis. Omnium utilissima est illa quam III. Fig. exhibet, & nil aliud est quam peritrochium in axe. Quâ fune cylindro A B complicata, aqua ex puteis metallicis, vel ope duorum fossorum manubria C D versantium aqua commodè alternis haustis extrahitur. Si verò puteus profundior fuerit, tum intra canalem putei plura hujusmodi constitui possent:

Bb

fent : & hoc pacto de uno loco ad alterum aqua elevari : quod in nonnullis fodinis fieri observavi. Verum cum vel ipsa figura intentionem meam satis declaret, de ea fusius dicere superfedeo.

FIGURA IV.



Machina Hydraulica IV.

Altera machina exhauriendis aquis deputata est, quamvis rarior, sic autem fit. Rota E D latitudinis conspicuæ, quod & tympanum vocant, infixæ axi quadratæ A B sustentaculis R T & S A imposita, vertitur à duobus Operis per manubria X Y. Habet autem rota complicatam sibi catenam ferream, cui post duos aut tres palmos globi lignei innectuntur, qui canalis P. concavitati

explendæ porportionati sint. Dum itaque rota versatur, catena usque ad aquam stagnantem per puteum I G H K protensa, ex altera verò parte per ipsum canalis intra aquam fundati meditullium sursum ascendens, aquam hautam, atque inter globos & globos interceptam in supremo orificio vasis M O, intra canalem Z O exonerat, uti in præsentī figura IV. patet.

FIGURA

FIGURA V.

*Machina Hydraulica V.*

Quinta machina pariter hydraulica est proflus priori similis, nisi quod prior globulis suis in aqua extollenda, præstat id, quod vas vel haustris, vel situlis, aut coriaceis faccis quomodocumque ferreæ catenæ accomodatis præsens machina efficit. Rota *A B C D* uti prior axi innexa alia rota *G H* quæ à bestiis vel hominibus calcatur, vertitur; quamvis etiam per manubria, uti *III. Fig.* rota, aut etiam per obvium aquarum rivum versari posset. Rota calcata vertit rotam *A B C D* unà cum circumplicata sibi ferrea

catena plicatilibus armillis instructa, inter quæ haustra pariter ansis suis versatilia verantur: descendente itaque circumvolutione rotæ catenâ unâ cum suis haustris vacuis & inversis, illæ ubi ad aquam putealem pervenerint submersæ, haustam aquam ascendendo in suprema rotæ curvitate everfa, aquam intra canalem ad id deputatum exonera bunt. Quam machinam summa animi voluptate variis in locis me vidisse memini, incredibilem enim aquarum multitudinem advehit.

FIGURA VI.

*Machina Hydraulica VI.*

Sexta Machina Anthlea est omnium in agris exhauriendis usitatissima, qua uti nihil tritius, usitatusque est, ita quoque pluribus eam verbis describere, operæ pretium minimè censui. Machina quam hic vides in plerisque fodinis adhibetur; quoniam verò ita comparatum est Anthleis, ut ultra 18 palmos non facile aquam elevent, machinam in diversis putealis canalis locis alias & alias disponunt, atque hoc pacto aquam intra fossas quasdam exonerant, ex una fossa ad alias & alias intra concava putei factas, usque ad ultimam quæ externa est.

Possent hisce jungi cochlea Archimedeæ qua utique passim ad aquas exhauriendas utuntur, sed quia in metallicis fodinibus ob angustiam loci summam incommoditatem adfe-

runt, & putei profundiores sint, quam ut eo pertingant dictæ machinæ, ideo non adhibendas censent, si quis tamen eas multiplicaret, quemadmodum in Augustanâ machina aquaria patet, hoc pacto forsân non incommodum usum haberent: quia tamen ingentes sumptus in iis qua construendis, quâ conservandis impendendi forent, eas pariter negligendas censemus;

Innumera hoc loco machinarum genera mihi inciderunt, sed quoniam eas in metallico fodinarum negotio exiguum usum habere posse video, eas tantummodo referendas indicamus, quas frequens usus & experientia jam à tanto tempore introductas veluti optimas & faciles non sine emolumento comperit & approbavit.

S E C T I O IV.

DE PARTICULARIBUS
FODINARUM CONDITIONIBUS,

Variisque in Metallicis Mineris effodien-
dis, lavandis, concoquendis, separandisque unum
ab altero processibus.

C A P U T I.

De Purgatione Metallorum.

DE Venarum conditione in superiori-
bus sat, superque dictum est: Uti
verò Natura metalla plerumque pro-
creat impura, & mista cum terris, & succis
concretis, & lapidibus, necesse est, eas res
fossiles plerumque à Venis metallicis, ante-
quam excoquantur, quoad fieri potest, sepa-
rare. Itaque quibus modis venæ discernan-
tur, conteranturque malleis, pilis tundantur,
adurantur igne, in farinam molantur, cribren-
tur, laventur, cumentur, dicendum restat.


Quomodo
metalla
paranda
sint ad co-
cturam.

Periti itaque Metallurgi, non omnia simul
commixta, pura cum impuris, inutilia cum
utilibus committunt decoctioni; sed primò
tundendæ, & in minutas particulas resolen-
dæ sunt glebæ metallicæ, sive in terrestribus
speciebus, sive concretis succis, sive denique
in lapidibus inextiterint: deindè multiplici la-
borantium ministerio pura ab impuris, vilia
à prariosis separanda sunt, deinde lavanda, &
urenda, tandem concoquenda, ut suo scopo
potiantur.

Ustio me-
tallorum
quomodo
fit.

Uruntur autem duplici de causa glebæ
metallicæ; vel ut ex duris molles & friabiles
factæ facilius tundantur, vel ut res pingues
comburantur, sulphur, bitumen, Auripigmen-
tum, Sandaraca, tanquam omnibus præter-
quam auro nociva metallis, tum vel maximè,
quod ferro, minus reliquis noceat: Quoniam
verò nullum aurum ferè invenitur, cui non
aliquid argenti commixtum sit, hinc hujus-
modi quoque glebæ, ut excoquantur, urendæ
sunt. Sulphur enim, & bitumen, quod plerum-
quo admixtum habet, in ardentissimo igne in
cinerem resolvit metallum, agentumque
consumit, uti in Cadmia bituminosa videre
est. Modum verò urendi vide apud *Agricolam*,
& *Erketum*. In Craticulâ fornacis A B fer-
reâ frusta in coni formam disponunt, deindè
igne supposito torrent; tum cæteras metalli-
cas glebas addunt tum potissimum pyritum,
qui quod mirum est, cum tertio uritur, ea,
quæ in supremo fastigio collocata sunt, frusta
exsudent quiddam subviride, aridum, aspe-
rum, tenue adinstar Asbesti incombustibile,

quod & in Schisto lapide, ex quo in Misnia
æs educunt, observatum fuit. Aqua quoque
subindè aspergitur venæ metallicæ, ut mol-
Fuligo py-
ritis tertio
usti in-
combusti-
bilis fit.



lior, friabiliorque evadat; Cum enim vis
ignis ejus humorem exsiccat, aqua calen-
tem facilius dissolvit, uti in calce fit.

Tria itaque tormenta antequam ad suæ
perfectionis terminum glebæ metallicæ per-
tingant, sustinere debent; Prius est, Contu-
sio, & in minutissimas particulas resolutio,
quod multiplici modo, & ratione fit. Durio-
ra molis in hunc finem constructis, quarum
pistilla dentibus tympanis rotæ aquariæ in-
sertis eleantur, & depreffione, illusioneque
dentibus, saxis illis (quemadmodum in
chartaceis, & pulverariis officinis fieri solet)
in farinam resolvunt: Alii lapidibus molaribus
haud secus, ac frumentum conterunt;
Molliorem verò materiam ferreis malleis
comminuunt. Hisce peractis, farinam me-
tallicam separant, cribrant, cribris variè ma-
ximis, minoribus, minimis foraminibus per-
tufis. Non desunt, qui setaceis quoque cri-
bris utuntur ad materiem in minutissimam
farinam reducendam.

3^a Tor-
menta su-
stinere de-
bent me-
talla in
depuratio-
ne.

Alterum tormentum est, Adustio, quo ma-
teria

B b 3


teria metallica primum. tum ad faciliorem materiae comminutionem, tum ad meliorem rerum heterogenearum separationem, probe aduritur. Fitque variis modis, quos vide apud *Agricolam*.

Tertium tormentum est ipsa coctura, qua tandem finem suum consequuntur, de qua in sequentibus. Materies verò metallica, quæ igne non indiget, sola lotura depuratur; quæ variis quoque modis perficitur. Et ne loturæ sive lotoriam artem omisisse videar, ego præter ea, quæ ab aliis passim usurpantur modis, & præsertim apud *Agricolam* l. 8. de Re metallica, alios hîc modos, tum vel potissimum nonnullorum Principum postulatione, addam, qui in nonnullis fluminibus auream arenam dum invenissent, aded tamen minutam, ut vix ita lavari potuerit, quin maxima aureorum corpusculorum pars ob subtilitatem unâ cum limo inter lavandum non deflueret, rogaverunt, ut modum aliquem facilem, & particularem invenirem, iisque suggererem; ut quemadmodum ferri ramenta ab heterogeneis partibus magnetis ope separantur, ita quoque daretur aliquid, quod auream scobem à terrestribus reliquorum metallorum portionibus separaret. Et quamvis in majoribus aureis ramentis à reliquis separandis nulla difficultas sit, eo quod, uti metallorum

gravissimum est, ita quoque inter lavandum suapte sponte, reliquis heterogeneis miscellis defluentibus, ejus ramenta lavatorii canalibus fundo firmiter adhæreant; de minimis tamen ramentis id dici non potest; cum plerunque ob insitam exiguæ molis quantitatem unâ cum reliquis scoriis defluant, ne verò eorum postulationi refragari viderer, Duo potissimum media suggesti, quibus etiam insensibilia auri ramenta à quicquiliis terrestribus, quibus insunt, separari queant. Prius est, per Mercurium; Alterum per Antimonium crudum. Per Mercurium res ita instituenda est: Limus, cui aureorum ramentorum scobs inexistit, scutellæ indatur, cui quantamvis Mercurii portionem infundas, deinde spatula limum una cum Mercurio probe commisceas, cum verò Mercurius naturali suo appetitu aurum cumprimis appetat, & ubicunque tandem illud invenerit, ad id magnetico quodam coitu confluat: arenæ Mercurium commiscebis quod ubi factum fuerit, separatis, quæ Mercurio innatant, terrestribus limi miscellis, hoc pacto solus Mercurius aureis vestitus ramentis remanebit; quorum separationem obtinebis, si Mercurium igne evolare feceris. Ne verò Mercurii elapsi jacturam facias, quomodo eum integrum recipere debeas, inferius docebitur.

Quomodo
minutissi-
ma.

Mola ad conterendam materiam mineralem.



ABC Rota aquâ versatilis. ACDE Tympanum dentibus suis instructum. FM. GN Pistilli, quibus intra concava HK materia metallica contunditur.

Alter modus est per Antimonium liquefactum, cui si miscellam dictam, in qua aurea

ramenta continentur, infuderis, sola aurea ramenta fundum petent, reliquis, quæcunque

que tandem fuerint, metallicis, terrestribusque portionibus Antimonio innatantibus. Atque hæc est ratio, qua minimus etiam auri pulvisculus ab impuris miscellis separetur.

Alius Modus.

Solent probatores Metallorum jurati, in fodinis mineralium probandis, primum in exigua quantitate, accipere venam cujusunque tandem metalli, & explorare, quidnam, & quantum contineat, fitque per ignem hoc modo: Ex cumulo mineralium lapidum prius comminutorum unam verbi gratia unciam accipiunt iuste, & quam exactissime ponderatam usque ad millesimam, bis millesimam, aut etiam termillesimam partem unius libræ, quam Germanico idiomate, *Probircenten* vocant; quam per ignem postea probant. Comperto itaque pondere per regulam auream Arithmeticorum ita procedunt. Millesima verbi gratia pars Mineræ dat centesimam partem jam per probationem compertam: unius libræ auri, argenti, vel æris, plumbive; ergo aliæ 999 partes dabunt tantum, & tantum auri, argenteive, id

est, 99. Ex. gr. unus septenarius mineralium tantum & tantum continet in se argenti, vel auri, pro uno verò centenario dictorum metallorum elaborando, quanti sumptus impendendi sunt? & peracta operatione præcise, & pondus auri argenteive, aut sumptus impendendos reperiunt, unde & sumptus ab auro argentove subtracti, illicd lucrum produnt. Probationem verò faciunt in exigua quantitate, ne in magnis probationibus sumptuosissimis Dominus incomperito lucro damnum incurrat. Bilancibus utuntur adeò exactis, ut vel ipsos pilos, ac quasvis minutiores res faciliè ponderare possint. Vasa verò in quibus probatio fit, sunt plerumque ollæ testaceæ, five catini, in quibus metallica materia prius comminuta, & plumbo commixta, hi deinde catini fornaculis ad eliquationem imponuntur; quorum formam in sequentibus proponemus: Pro diversa verò metallica glebæ conditione diversas probationes habent: verbi gratia, aliam probationem faciunt in minera, quæ aurum, aliam quæ argentum, æs, aliudque metallum continet. His itaque prælibatis, tunc ad processum procedunt, qui sequuntur.

1000.
100. 999.
quid. 99.

Proba auri
quomodo
instituitur.

C A P U T II.

Alia Metallorum præparandorum ratio, ex Agricola.

Homines Operarii imprimis, referente *Agricola*, invenire debent cuneos, laminas, malleos, bacilla, contos, verticula, ligones, & batilla: hæc enim instrumenta fodinis metallorum eruendis sunt maxime necessaria: fodina autem in loco montoso sita esse debet, nec ab aliquo fluvio, vel scatebra, vel rivo remota, ut materia effossa antè excoctionem commodè lavari possit: & quoniam venæ metallorum inter rimas saxorum clauduntur, idèd fossiores interdum bacilla ferrea rimis impingunt, & venam decutiunt; quando verò per latera saxorum venæ discurrent, tunc malleis utuntur, & quando talia instrumenta in cassum adhibent, tunc violentia ignis saxa separando venas eximunt. Verùm Metallici primum in adinventam vena periculum facere debent, utrum exiguam vel multam metalli quantitatem contineat: Nam quando laboratur cum dispendio, vena est relinquenda. Experimentum fit ex coctione modicæ quantitatis: hinc cognoscitur, num multæ quantitatis excoctio detrimentum, vel emolumentum sit allatura. Excoctio igitur multifariam videtur, non solum ut metalla ad usum præparentur, sed etiam ut à se invicem ignis ope separentur: sunt enim plerumque mixta, & eorum vitia per ignem emendantur. Hoc itaque pacto in Germanicis fodinis procedere solent.

Primum homines operarii fragmina venarum in capsulas conjiciunt, ut pistillis capite

ferreo munitis à rota aquaria agitatibus tundantur; semper enim procurant rivos aquarum ingentes de montibus eductos, qui rapido cursu magnos rotarum orbes circumagitant; Lapidem autem crassiores, quibus metalla sunt mixta, malleis primò faciliè minuuntur, in lacunis lavantur, & denuò cribrantur, ut tandem molantur: & his omnibus modis materia metallica primò præparatur, antequam in fornacibus excoquatur. Sunt multæ fornaces in officina metallica, in quibus venæ liquefiunt, & argentum ab ære separatur, dum folles ingentes vi rotæ aquariæ sublevantur, & assiduo flatu, atque motu magno cum fragore flammam in fornacibus excitant, & tunc viri operarii metalla superius injiciunt, & alii metallum fustum & à contusis saxis separatum magnis cochlearibus exhauriunt, & in modulos transfundunt. At non solum hoc modo metallum pretiosum à vili, & vicissim vile à pretioso secernitur: Sæpius enim duo metalla in una, & eadem vena reperiuntur, quoniam naturaliter quædam portio auri cum argento, & ære mixta reperitur; in plumbo nigro, & in ferro exigua argenti portio, plumbi nigri aliqua pars in argento, & denique aliqua ferri portio in ære. Aurum autem ab argento plerumque separatur, aqua forti parata ex atramento iutorio, vel alumine, & halinitro, quæ ad segregandum ab auro argentum summopere est idonea. Vulgaris compositio hujus aquæ constat ex libra atra-

Aurum ab
argento
qui separetur.

Modus
eruen-
di
metallicas
venas.

Aquæ fortis compositio.

atramenti futorii, salis tantundem, & aquæ fontanæ tribus partibus. Aliter etiam paratur ex quatuor libris atramenti futorii, duabus halitri cum semilibra aluminis, & aquæ fontanæ sesquilibra. Qui autem volunt, cuicunque metallo molliem inducere, superaspergunt sublimatum, boracem & euphor-

bium in pulverem redactum; sin velint metalla in calcem, & aquam redigere, metallum nobilius in vilius trahere, vel illa invicem transmutare; legendus est *Vuecherius* in *Libro de secretis*, ubi multa hujus generis arcana patefecit.

CAPUT IV.

Fodina Auri ejusque conditiones.

Primò summo studio observanda est vena auri, ex qua lapidum specie originem suam traxerit, (siquidem hinc venam non pro vena nativa loci, aut montis sumimus, sed pro materia montis jam egesta) Si itaque in lapide Lazuli venam auri inveneris, duplici beneficio beaberis, partim auro inde extracto, & lapide Lazuli, qui uti inter lapides preciosos non infimum locum occupat, ita partim Medicis, ad variarum infirmitatum medelam, partim pictoribus, ad colorem illum ultramarinum cæruleum, quo neque pretiosior, neque carior habetur, maxime oportunus est. Aurum ex eo ita extrahitur. Primo vena Lazuli in pollinem redigitur; deinde pulvis catino impositus probe lotus, Mercurio ad amalgamationem usque saturatus subigatur, & lapidis farina Mercurio innabit, aureus verò foetus fundum petet; Mercurium verò auro adhuc saturatum per coriaceam bursam percolabis; & Mercurius à reliquo auro, quod intra coriaceam bursam remanet unà cum scoria argenti vivi separabitur, quod denuò lomento purgatum integrum, & purum reperitur: alium modum vide in *XII. Libro* circa finem. Alii sic faciunt, modo priori usitatori. Lento igne venam auriferam in fornace aperta torrent tamdiu, vsquedum humiditas omnis evaporetur, quæ deinde ope molæ in pollinem redacta, & alio quovis modo comminuta, per cineritium, quam cupellam vocant, addito plumbo fundenda est, atque hoc pacto aurum separabitur à sua vena, & à plumbo, ut in sequentibus fusius patebit.

§. I.

Generatio Auri.

Aurum ex halitu Sulphureo-Mercuriali purgatissimo intra purissimam appropriatæ terræ salinæ matricem, uti in præcedentibus ostendimus, generatur, & diuturno temporis tractu à modico calore excoquitur? Quoniam verò hæc operatio non nisi per longum temporis spatium elaboratur, hinc fit, ut natura auri hanc claritatem charitatemque adipiscatur, similem originem hæc carmina manifestant:

Mox inde ad matris descendens viscera magna

Reptes spectatum thalamos, prolem atque nepotes.

*Sulphuris, & vivi Argenti in caligine caca-
Te, mihi crede, sat est vires tenuisse propinquas,
Unum hoc efficies gemino quod pendet ab ortu.*

Sunt præterea multi ex Alchimistis, ut superius fuit enucleatum, qui auri generationem arti perperam adscribunt, ob multas, quas de hac re legerunt non historias, sed fabulas. Inter alias verò adducunt hominem Maurum, qui in regione Mauritaniæ apud fabrum, pulverem quandam citrinum argento fuso addebat, & illud in aurum illico vertebat; vixisse quoque referunt, hominem in Galliis, qui habebat oleum rubrum, quo Lunam, nempe argentum, in lucidissimum Solem, id est, in purissimum aurum, utique per imposturam transmutabat. *Picus Mirandulanus* dum suis temporibus aurum in ventriculis perdicum, inventum fuisse narrat, nil mirum dicit; quis enim nescit, gallinas, perdicis, anates, similesque volucres nil magis appetere, quam metallica corpora, uti in præcedentibus dictum est; Ad ripas itaque fluminum aurea ramenta arenæ passim commixta devorasse, vero haud absimile est; quæ calore stomachi in unam postea confluerint massam; non ut ipse putat, occulta eduliorum potestate generatum, quanquam Naturam hanc virtutem superficiem terræ impertiri posse, non negem. Narrant enim in Montibus cretæ Capras, *Ibices* nuncupatas, fuisse visas, quarum dentes aureo colore erant suffusi, in illa potissimum parte, qua herbas vellebant, quod haud dubie ex spirituum auriferorum tinctura, qua herbæ imbuuntur, accidit. In humano cranio quandoque inventum esse aurum *Albertus* refert: quod si verum est, alia de causa non evenit, nisi ex halitibus, qui dum eliquatur aurum, exsurgunt, & non secus ac hydrargyron in cerebro coagulatur.

§. II.

Natura & proprietates auri.

Multifariam Chymistæ auri naturam investigare nituntur, quam ob rem nulli parcunt labori, scilicet, illud solvendo, ponderando, gustando, sublimando, & fundendo,

Fabula de Mauro quodam §. D in ③ vertente.

Aurum in stomacho perdicum.

Oves, capræ cur aureis dentibus instructæ.

Aurum in cranio hominis inventum.

Quomodo è lapide Lazuli aurum extrahatur.

do, ut inde omnes illius affectiones rimentur, & tandem illud in secundo excessu calidum, & humidum constituunt. Placuit tamen *Galeno* frigiditatem, & siccitatem illius commendare. Verum ut melius omnes Auri proprietates assequamur, non erit ab re cunctas qualitates illius examinare: ac Primo quidem si meditemur auri qualitates activas; Aurum diu pertractatum, nunquam manus tangentis inficit, quæ prærogativa cæteris metallis non competit: atque adeo hoc præcipuum puritatis argumentum sit. Deinde Aurum percussum, exiguum edit sonum, & sui, vel alterius coloris lineas alicui corpori non imprimit, nisi coticulæ, sive Lydio lapidi, atteratur: tunc enim lineas sui simillimas reddit: quæ omnia summam in auro perfectionem indicant. Si qualitates puri auri passivæ considerentur, primo ab acribus succis in sua quantitate nullam sentit noxam; secundo non est fragile, quamquam sit molle: Quare malleo percussum adeo dilatatur, ut ex singulis ejus denariis quinquagenæ, pluresve bractæ senum digitorum longæ efficiantur, idque præ cæteris metallis auro contingit, ob perfectissimam materiam, ex qua constat. Tertio rubigine non infestatur, nisi fuerit alteri metallo permixtum, tunc rubiginem cærulei coloris amoenissimi effundit, quam pictores cæruleum ultramarinum vocant. Quod si purum, & sincerum fuerit, quamvis per multa sæcula intra terram sepultum manserit, nullam rubiginem contrahit; non fædatur fale, in aureo salinario vase positum, quod in reliquis non fit.

Si qualitates internæ puri Auri ponderentur, primò observabimus ex mente *Aristotelis*, igne ita fundi, ut nihil prorsus substantiæ amittat, imò ibi purificetur & splendidius evadat, nihilque suæ soliditatis perdat. Deinde Aurum in aquis acutis positum, quas Aurifices ad segregandum aurum ab argento præparant, in limum minimè solvitur, ut multi perperam arbitrantur, sed in particulas insensibiles dividitur, quæ siccata aquâ denuò pristinae formæ unita restituntur. Debemus tamen animadvertere, quando dictum fuit, aurum nec igne, nec usu absumi, id in comparatione ad alia metalla intelligendum esse, quandoquidem nummi aurei assiduo digitorum attritu absumentur, & diuturno igne aurum paulatim halitibus evaporatis evanescit. Tandem inter qualitates auri externas recensetur gravitas plumbo nigro æqualis, & calor, qui diutius in candenti auro continetur, nec non color fulvus, & nitor fulgens memoratur, cum aurum inter metalla sit primum, quod colorem monstret, qui magis in auro, quàm in aliis metallis refulget. Hinc ex analogia quadam Interpretes *Pindari*, & Chymici aurum Soli dicatum esse asseverant: Nam sicuti Sol in medio planetarum resplendet, ita pariter aurum inter cætera metalla coruscet.

Prædictis addunt nonnulli pravam Auri qualitatem, propterea quod ex *Plinio* aurum venenatum esse consent. Sed advertendum est, tum *Plinium* verba fecisse de auro, cui aliud metallum permixtum erat, at quando igne purificatur, tunc omnem malignantis qualitatis pravitatem exuit, siquidem in medicamentis sumptum tantum abest, ut homini sit detrimento, ut potius facultatem vitalem mirum in modum roboret, & omnes humani corporis spiritus recreet. Quod verò de auro adventante die frigescente narratur in *Libro de Natura rerum*, inter fabulas reponendum est, utpote quod quotidianæ experientiae repugnat.

§. III.

Antipathia, & Sympathia Auri.

Proximo, & affini quodam ordine proprietatibus Auri Antipathia & Sympathia succedit. Primo sulphur, & Aurum inter se dissidere, inde colligimus, quoniam aurum vapore sulphureo, & foetido perfusum, illico gratum colorem amittit, quamvis postea eodem sulphure in aqua fervefacto unâ cum tartaro, & modico salis pristinus splendor ei restituatur. Pariter à plumbo gravem offensam recipit, nam aurum fumo plumbi imbutum, in pulverem tenuissimum redigitur, & interdum odore plumbi adeo rigescit, ut malleo dilatari nequeat: quamobrem Artifices aurum denuò fundere, & modicum nitri, vel sublimati superinfundere coguntur, ut malam qualitatem à fumo plumbi receptam deponat. Amplius limonum succus pertinacem auro se præbet inimicum, utpote quod illo maceratum, teste *Levino Lemnio*, pondere diminuat, sed & hoc à me experimento facto falsum inventum est.

Quantus Mercurii cum auro sympathicus affectus sit, ex præcedentibus patuit, cum ubicunque id repererit, hydrargyron igne solutum, illicò aurum quodam modo amplecti videatur. Si præterea liquescenti auro miscetur argentum vivum, & moveatur mistura, donec frigescat, aurum in pulverem redigitur; dum argentum vivum penetrando, materiæ aureæ ita copulatur, ut nullam habere continuitatem patiatur, nulla prorsus auri specie remanente. Hoc non est ignotum artificibus Saracenis, ut habetur in *Libro de Natura rerum*, qui itinerantes aurum hac ratione corruptum secum ferunt, nam postea ad libitum in fornacula positum pulchrius & splendidius resurgit. Qui ab immunditiis & terrestribus quicquiliis auro commixtis in officina auraria aurum separant, non auri, & Mercurii odium, sed potius quandam eorum familiaritatem esse pronunciant, dum enim immunditias commixtas molâ tritulant, & illis mercurium diligenter miscendo addunt, tum quidquid auri permixtum fuerit,

Aurum manus non tingit.

Obtusum sonum habet.

Non corrumpitur.

Malleabile intenuissima frusta.

Rubigine non infestatur.

In igne purius evadit.

Gravitas.

Fabula de auro.

Sulphure aurum colorem amittit. Quomodo subitus color restituitur.

Fumo plumbi in pulverem redigitur.

Rigor auri quomodo tollendus.

Limonum succo aurum diminituitur.

Amicitia auri cum Mercurio.

Mercurio aurum in pulverem redigitur.

Dolus Saracenorum.

C

Mer-

Mercurio adhæret, qui postmodum per corium transcolatus in fundo aurum relinquit, uti in sequentibus patebit.

Dracones
χρυσοφύ-
λακες.

Fabulæ de
tractiva vi
auri.

Quod verò *Philostratus* aurum à draconibus unicè appeti referat, id poetarum figmentum esse, quis non videt? dum dracones thesaurosum custodes constituerunt. Notior itaque galli gallinacei in aurum amor est, nam auri micæ, & nummos aureos, æreosque magna aviditate eum devorare ipse vidi; Quod verò ossa hujus animantis liquefcenti auro permixta, illud in se consumere dicantur; quod etiam, *Aliano* teste, ab ossibus tibiæ accipitris, imò ab osse milvi piscis aurum trahi dicatur, pariter falsum comperimus. Quod rursus *Liber de Natura rerum* de admiranda sympathia Echini piscis cum auro narrat, omnia poetarum deliramenta superat: Nam hic sale servatus, tanta vi pollere somniatur, ut admotus orificio, aurum in puteum delapsum extrahat. Quod verò virga coryli recens in aurum fustum immixta, illud in pulverem redigere dicatur, eo quod humiditas virgæ ab auro, & vicissim humiditas auri à virgâ attrahatur, falsum invenimus. Idem de vino asserendum esse multi pronunciant, eo quod vinum aurum colore, cæterisque proprietatibus æmuletur, eò quod sicut vinum inter vegetabilia, ita aurum inter mineralia primas partes occupet. Præterea aurum, uti & multa alia metalla miro consensu se amplectuntur, quando ab Aurifabris hujus amicitiae haud ignaris permiscetur, hancque misturam vulgo *legam* appellant. Plumbum igitur, & stannum ita amicè se amplectuntur, ut copulata talem misturam constituent, quæ à perito etiam artifice dignosci nequeat: Aurum verò non nisi cum argento, & ære apprimè ligari potest. Postremo nonnulli magnetem quoque dari sibi imaginantur, qui sicut magnes ferrum, ita & hic aurum trahat, cujusmodi *Philostratus* esse dicit, Pantarben lapidem, fictitium, quem inter vetularum deliramenta verius, quàm in rerum natura ponendum censeo, ut proinde satis mirari nequeam, tam putidas imposturas, & affanias ridiculas in hunc usque diem etiam in Scholas concatenatis erroribus irrepsisse, cum vix Liber sit de miris Naturæ arcanis tractans, qui inter cætera hujus fabulosissimi Pantarbis mentionem non faciat.

Quomodo
aurum
cum cæte-
ris metallis
ligetur.

Magnes
aureus u-
trum de-
tur.

§. IV.

Inveniendi, & præparandi Auri ratio.

P*linius* in monumentis suis triplicem inveniendi auri rationem tradidit: Primum observando arenas fluminum; cæteri modi legendi sunt in præcedentibus capitibus Libri hujus, ubi de variis inquirendorum metallorum artificii egimus. Superest solum, ut de Arte præparationis verba faciamus; cum alio artificio aurum fluminis elaboretur, & alia

ratione aurum minerale præparetur: De quibus Historia Indica ita dicit: Itaque aurum annis sola ablutione perfecte præparatur, nam quando ab arena fuerit segregatum, funditur, & est perfectissimum. Memorant, qui novum orbem perlustrarunt, teste *Majolo*, retia ab incolis adhiberi, quibus auri glebas ab amnibus extrahunt. Id potissimum accidit flumini Zenero, non procul ab urbe, cui Carthaginis nomen inditum est in novo regno sito: etenim Accolæ quando magni incidunt certis mensibus imbres, retibus multa auri ramenta expiscantur, quæ nulla præparatione indigent. Pariter juxta montem Ctesia in India fons esse perhibetur, qui quotannis aureis ramentis impletur, ita ut inde centum urcei fictiles auro pleni singulis annis hauriantur: fictilia enim vasa oportet esse, fragilia, quoniam aurum sine præparatione in illis concrefcit, singuli autem urcei pondus talenti exæquant. Sed nos fabulosas hujusmodi narrationes relinquamus.

Aurum In-
dicum in
nonnullis
locis depu-
ratione
non indi-
get.

Fabula Cte-
sia de auro
ex fonte
quodam
extracto.

Ex aliis etiam rebus præterquam ex fluentis, & mineris aurum eruitur, & præparatur. Primum enim per misturam quandam studiose paratam ex auro aqua separationis soluto cum plumbo, vel pice, & arena; sub hac mixtione aurum sine suspitione de regione in regionem occulte deferri solet. *Plinius Cajum Caligulam* cæsarem auri sitientissimum jussisse, magnam Auripigmenti quantitatem propter similitudinem, quam cum auro habebat, excoqui, & inde aurum purissimum emerfisse, sed adeo exigui ponderis, ut opifices damnum sentirent. Ex lapide Cyaneo, vel Lazuli, ut Arabes legunt, & ex cupro rubeo Hungarico virtute argenti vivi aurum separari compertum fuit, de quo paulò ante.

Chryso-
pria Caji
Caligulæ
Cæsaris.

Est apud me Liber Hebræus Manuscriptus, qui cujusdam herbæ succo aurum produci, & præparari docet; herbam vocat Borizam, Lunariæque speciem esse ait, non in campis, sylvisque, sed in stolidi Rabini cerebro natam, cujus caulis est violaceus, & folia producit majoranæ foliis similia, crescentia ad motum Lunæ & tota planta odorem croci spirat; succus hujus plantæ, o rem miram! ita permiscetur argento vivo, ut fiat veluti crassamentum, quod in pulverem reductum, & æri inspersum illud in purum aurum convertit, & uncia hujus pulveris ad tingendas centum æris uncias sufficere perhibetur; quo quidem figmento nil stolidius esse potest: Si enim id veritati appropinquaret, procul dubio jam omnia metalla in aurum essent conversa. sed ad rem nostram.

Fabula
Rabbini
cujusdam
de herba
boriza
in aurum
vertente.

Itaque Aurum à terra purgatum, lotum, fustum, & elaboratum, in his operationibus flavum, & splendidum colorem amittit propterea opifices aliquando illud macerant spatio diei naturalis in aqua tartari, postea aqua dulci abluunt, & linteo mundo abstergunt; interdum cum sale ammoniaco, ærugine, & tartaro in aceto fervefaciunt, & quandoque cum

Quomodo
auro debi-
tus color
restituatur.

Quomodo
molle au-
rum fixius
reddatur.

cum sale communi, tartaro, & sulphure tam-
diu in aqua confervere faciunt, donec colo-
rem perditum recuperet; imo quando aurum
est mollius, necesse est illud figere, & densare,
idcirco statim atque ex chrysoplysiis extra-
ctum est, aqua regia utuntur ex ærugine, cal-
cantho, alumine, & lapide calaminari parata.
His omnibus expeditis, & præparatis, aurum
fundunt in virgas, quæ num aliquid argenti
contineant, necne, opifices ex Lapide Lydio,
& per acus probatorias experiuntur, quas

cuncti aurifices in suis officinis servant. Unde
ut portio metalli auro permixta, quam *Legam*
vocant, penitus auferatur, nonnulli mistura
ex tartaro, & pulvere laterum utuntur, hac
mistura fornaculam rotundam cum lateribus
construunt, & aurum eadem mistura tectum
in olla ponunt, & ignem per diem natura-
lem accendunt; sic enim alienum metallum,
seu lega absumitur, & aurum ad viginti qua-
tuor ceratia reducitur, quæ vulgo *Caratti*
appellantur.

Auro com-
mixtum
aliud me-
tallum
quomodo
separetur.

CAPUT IV.

Fodina Argentifera, ejusque natura & proprietas.

Multi, uti est apud *Agricolam*, puta-
verunt, argenteam venam per se pu-
ram non reperiri, sed vel ærata, vel
plumbeæ venæ, aliisque metallicis corpori-
bus commistam. Sed hoc & experientia, &
historia repugnat; siquidem in Potofinis
Americæ montibus, auri, argenteque frustra
subinde aded pura reperiuntur, ut ne quidem
ulla depuratione indigeant; sed aurificibus,
uti nata sunt, tradantur in necessarios variæ
supellectilis usus elaboranda; cujusmodi & in
Hungaricis fodinis subinde inventa fuisse re-
ferunt; non dicam intra abditas montium
venas, sed vel aratri ope, in agrorum sulcis,
intra radices arborum quoque, vel etiam in
scaturiginibus, quæ ex montibus auriferis,
argenteisque erumpunt; imo subinde quo-
que ipsi vitium racemi foliaque aureo colo-
re tincta spectantur: In intimis quoque Mo-
nomotapæ desertis montium vallibus purum
putum aurum subinde instar lapidum reperi-
ri, Abassini annales Societatis nostræ tradunt.
Agricola confirmat dicta, argentea illa tabula
intra Saxonicas fodinas argentiferas inventa,
quam natura ad tantam puritatem, & perfe-
ctionem deduxerat, ut Aurificis quidem in-
dustria eliquata, & quam optime polita, in
mensam efformata videretur, ut vel ipse dux
Saxoniarum gloriari sit solitus, ne Imperatori qui-
dem in tam insolita, mira, & plena magnifi-
centiæ mensa, non manu artificis efformata,
sed incredibili Naturæ industria elaborata,
convivari, concessum esse: quod luculentum
signum, argentum proprios habere sui exortus
natales. Accedit, quod hoc, quod de argento
dicitur, id de omnibus aliis venis metallicis di-
ci possit, cum nulla sit adeo pura, & ab omni-
bus heterogeneis ita depurgata, quæ non sem-
per aliquid reliquorum metallorum sibi com-
mistum habeat, pro varietate halituum, venas
nunc hoc, nunc alio colore tingentium, cum
singulæ venæ exaltentur colore quodam in
cæruleum, nonnullæ in viridem, aliæ in ful-
vum, fuscumque; non desint, quæ in cineri-
tium nigrumque, aliosque colores juxta com-
positionem, combinationemque cum prima,
& proxima metallorum materia efflorescant.

Mensa ar-
gentea Du-
cis Saxoniarum
purum na-
turæ opus.

Omnia
metalla
aliis mixta
sunt.

Argentum itaque pro hujus mixturæ ratione
nunc in majori, nunc in minori quantitate, pro
majori, vel minori sulphureo-mercurialis hali-
tus in terra pura, & argento producendo pro-
portionata concoctione reperitur: Nam ut
ex fodinarum præsidibus intellexi, concrevit
illud plerumque in lapide cinerei, vel grisei
coloris: præterea in lapide quodam duro haud
ab simili Tyburtino, quem *Travertinum* vo-
cant. Vena gravis est, & ponderosa, lucenti-
bus veluti quibusdam punctis prædita, lucu-
lentum sane melioris notæ argenti indicium:
Si verò inveniatur in lapide candido, & plum-
beo, tum maxime appetitur, eo quod à ter-
restreitate sua facile purgetur.

Venæ ar-
gentæ cui
lapidi in-
sertæ.

Rursus ut plurimum quoque reperiri solet
sociatum Marcasitis, seu pyritibus, quæ ta-
men quando aureo colore plus superbiunt,
tanto minus argenti spondent: quando ad can-
didum colorem plus approximant, tanto foe-
cundior argentum venam pollicentur: Cujus
rei causam hanc damus, quod fulgidior pyri-
tarum color, nescio quam adustionem noter,
qua argentum paulatim consumitur: Contra
candidus pyritarum color uti temperatiorem
calorem indicat, ita quoque uberiores ar-
genti copiam spondet, præsertim si plumbo,
& æri fuerit sociatum. Accidit subinde, ut
Sulphuri & Arsenico, Mercurioque nondum
fixis, similibusque combustilibus rebus
conjunctum inveniatur; tum nulla alia re
opus est, nisi ut igne forti, argentum à cæ-
teris per evaporationem separetur: Quo-
modo verò hæc separatio fiat, ex praxi, qua in
America passim utuntur, postea exponam.

Argenti natura & proprietates.

Materiam argenti ex substantia Sulphuris,
& Argenti vivi dimanare *Albertus Ma-
gnus*, alique pronunciarunt. *Brasavolus* tamen
statuit esse argentum vivum condensatum sul-
phur virtute comprehendens, cum ex fre-
quenti pertractatione argenti, odor sulphuris
persentiat; sed sub argento, & auro sulphur
diversa ratione latitare asseverat, quandoqui-
dem auro sulphur in actu, & argento sulphur
in potentia assignat. Veri autem Philosophi, &
dili-

Aliæ pro-
prietates
Lunæ sive
Argentii.

diligentes rerum naturalium scrutatores, argentum ex substantia magis aquea, quam ignea prodire affirmant, ideoque illud in temperatura frigida, & humida constituunt, quidquid alii de temperamento frigido, & sicco argenti dixerint. Imò *Albertus*, & ipse argentum frigidum, & siccum non sine aliqua humiditate existimat. Quoad alias affectiones considerandum est argentum esse tractabile, & sonorum: auribus enim non injucundum tinnitum communicat, etsi purum sit, hominis halitum recipit, & nubem protinus discutit. Cæterum si comparetur ad aurum, perfectò minus perfectum est: quòcirca Chymici dicere solent; uti se habet Luna ad Solem, sic se habet argentum ad aurum: Sed Luna est minoris luminis, ita & Argentum minoris pretii, & ponderis esse debet. Similiter si meditemur utriusque metalli proprietates, maximum inter utrumque discrimen inveniemus. Primò enim in eruendo à fodinis argento, non ita purum, ut aurum colligitur, sed terrâ, & sordibus adedè permixtum, ut illius depuratio immensum laborem expostulet: Insuper argentum purificatum malleo quidem dilatatur, sed minus quàm aurum, cum majorem duritiem, & crassitiem nanciscatur, Deindè auro, & plumbo est levius, siquidem liquefactum illis instar olei supernatat; diuturno igne diminuitur, & in locis humidis abditum corrumpitur, quibus affectionibus aurum minimè vexari in superiori capite manifestavimus. Itaque Authores non debent magna admiratione teneri, quando argentum, cum sit candidissimum, lineas nigras corporibus imprimat, quod non aliundè, nisi ab impuritate metalli dimanare censemus. Tandem argentum à natura hoc habet insitum, ut à familiaritate sulphuris, stanni, & ferri abhorreat, veluti cuncta animantia, & potissimum canis, teste *Plinio*, odorem ab argentariis exeuntem mirum in modum abominatur.

Inveniendi Argentii, & præparandi ratio.

Metallurgis jam dudum innotuit, Argentum in terreno cinereo, & obscuro generari, ibique inveniri, ubi pyritæ multi conspiciuntur: immò quemadmodum pyritæ aureo colore aspersi, venas aureas, ita pyritæ albicantes minutis miculati granis venas argenteas indicare solent: quocirca locus, ubi pyrites candidior, rarior, & minutior observabitur, majorem spem venarum argenti præbebit. Inventa igitur, & aperta Argentii vena, fossiores tamdiu in eruendo argento prosequuntur, donec aluminis mineram inveniunt, quandoquidem reperto hoc succo concreto, macro, venæ argenti finem prædicunt. His igitur propositis ad argentum effossum depurandum accedemus, quod non nisi cum nigro plumbo, aut cum vena plumbi, quæ *Galena* appellatur, quæ ut plurimum juxta

plumbi fodinas invenitur, excoquitur. Interdum Metallurgi ex cadmia bituminosa virtute ignis argentum eliciunt, quæ tamen exiguum illius in se quantitatem continet: Aliquando minium, cujus vomica est argentum vivum à Metallurgis in argentum excoqui, *Plinius* testificatur. Verùm quando argentum auro, vel æri fuerit permixtum, multa pro separatione metalli magisteria adhibere solent, quæ *Georgius Agricola* diligentè examine prosequitur. Præterea nonnulli ex hydrargyro purum argentum extrahere profitentur, quod utrum verum sit, non nisi experientiâ explorari potest. *Picus Mirandulanus* narrat, nimirum suis temporibus accidisse, ut argentum vivum cum plerisque aliis rebus pro equi medicina permixtum, in purum argentum fuerit transmutatum; quod si verum est, id non tam ex hydrargyro, quàm ex adjunctis rebus, quibus commiscebatur, eductum fuisse facile crediderim. Postquam argentum ingenti laborum difficultate fuerit excoctum, & elaboratum, caret illo albore, qui in argento desideratur; quocirca Artifices tartarum cum sale communi in aqua miscent ad ignem, in qua argentum nonnihil fervefaciunt, & inde illud extrahunt candidissimum. Insuper sunt nonnulli, qui candorem Argentii colore flavo tutiæ, & carcumæ beneficio tingere nituntur, ut hac coloris prærogativa aurum æmulari videatur. Alii verò laboribus animum, & corpus fatigant, ut argentum in aurum transforment: Sed de his operationibus vide nostram in *sequenti Libro* sententiam. Quomodo verò argentum auro obduci possit, paucis accipe.

Triplici modo id potissimum fieri observavimus. Prior est, cum supra tenuem argenti bracteam alia auri similiter tenuis posita, malleo tamdiu, donec firmissimè cohærescant, contunditur. Secundus est, cum supra crassam argenti bracteam denarius aureus collocatus malleo quàm latissimè potest, extenditur. Tertius modus est, quando bractæe argenteæ hydrargyri, & ignis ope auro mixtæ diluuntur; quem modum alibi fufius descripsimus.

Argentii in Medicina usus.

IN usu Medico Argentum non vulgarem habere commoditatem perhibetur, quandoquidem Medici Dogmatici illius scobe, & tenuissimis bracteis utuntur, eo quod hoc metallum tremori, & palpitationi cordis optuletur, cerebrum roboret, putridam in ulceribus carnem blandè exedat, & tandem in mania, & aliis affectibus melancholicis multum adjumenti afferat. Quamobrem cum inter cardiaca pharmaca numeretur, ingreditur Electuarium de gemmis, *Galeno* adscriptum, Auream Alexandrinam, & omnia ferè Antidota, quibus Aurum permiscetur. Imò Argentum refrigerando, & siccando scabiei, & pru-

Modus argenti depurandi.

Mercurii in Lunam transmutatio.

Argento candor quomodo inducatur.

Argentii inaurandi ratio.

Luna capitis affectionibus medetur.

Hæmorrhoidibus
medetur,

& prurigini medetur, si cum oleo tartari mixtum, ut notat *Mylius*, adhibeatur. Item alii limaturam Argenti cum hydrargyro permiscunt, & hanc medicinam in sanandis hæmorrhoidibus mirum in modum perperam extollunt. Denique foliis argenti, medicamenta in bolo præscripta involvuntur.

Epilepsia,

Chymici Argentum potabile parant, deinde calcem, crocum, quintam essentiam, oleum, & salem, quas omnes præparaciones apud *Libanium*, & alios Alchimia professores legere licet. Oleum Argenti, sive Lunæ in morbis cerebri magno usui futurum prædicant: propterea in sananda epilepsia hujus tres, vel quatuor guttas cum aqua florum betonicæ, salviæ, & melissæ patienti propinant; salem quoque non solum in prædicta affectione, sed etiam in aliis morbis capitis minime infrugiferum divulgant, cum omnes

cerebri humiditates superfluas absumere dicatur: Imo ex hujusmodi sale sumpto à granis quatuor ad grana quinque, cum semidrachma olei juniperi hydropem laborantem amplissimum fructum esse consecuturum pollicentur; & tandem stomacho labefactato plurimum prodesse asseverant; in phatnacopæis denique mortaria argentea cum pistillis pariter argenteis ad gemmas conterendas pro confectione hyacinthina servari debent, ne à pulvere lapidis porphyritici alteretur, qui ob contactum angulorum durissimarum gemmarum produci posset: neque aliud metallum ad hoc peragendum opus idoneum esse videtur, quoniam colorem, & qualitatem gemmarum inquinare, & alterare potest. Cum autem in mortario argenteo præparata fuerint, hoc incommodum à gemmis procul dubio arceatur.

Hydropi.

CAPUT

Metallorum Mistura.

Corinthii
æris mistura.

Natura in Terræ utero progignens metalla interdum duo vel tria, vel quatuor permiscet, ut alibi enucleavimus: hinc homines à natura edocti, teste *Agricola*, rationem misturæ metallicæ ad usum reduxerunt: imo aliquando casus idem monstravit, quando referente *Plinio*, incensa Corintho, aurum & argentum & æs in unum confluxerunt, & sic fortuna quodammodo tribus Corinthii æris generibus temperaturam assignavit, quorum candidum quasi argentum refulgebat, quoniam id in mistura prævalebat: alterum, in quo fulvus color, ob auri dominium nitebat; Tertium, in quo æqualis omnium mistura constituebatur. Itaque naturam & fortunam ars & fraus imitantur: dum metalla addentes metallis, homines varias producunt misturas, quas Græci *χρυσάματα*, Latini temperaturas appellant. Artifices igitur duo, tria, vel plura metalla simplicia aut mista copulare queunt, aut metallum simplex cum misto, & vicissim aut duo simplicia cum uno misto, & vice versa, vel tandem pura simplicia cum uno misto, vel duobus, & in his pariter vicissitudo servari potest. Item vile aliquando metallum cum pretioso solvitur, & e contrario, pretiosum vili additur. Primo auro argentum multifariam miscetur, & hæc omnes misturæ carent nomine, ut superius fuit manifestatum, solum mistura auri recipiens quintam portionem argenti, electrum nominatur.

Electrum
quibus
constet.

Cæterum quando homines portionem vilioris metalli cum massa pretiosioris compendii causa fundunt, absque dubio fraudem incurrunt, licet Artifices aliqui posse id fieri sibi persuadeant concessu & beneficio Principum, ut nummi aurei non puri, sed cum modica argenti portione cudantur. Hodie

quoque Principum concessione in cudendis nummis, mistura metallorum utuntur, quam opifices & aurifabri *Legam* nominant: Nilominus *Tacitus* Imperator, referente *Flavio Vopisco* in *Oratione ad Senatum* cavit, ne quis argento publice vel privatim æs permiscere, neque auro argentum, neque æri plumbum auderet; alioquin cum proscriptione bonorum capitale judicium incurreret; Quamquam olim, *Vopisco* teste, nonnulli plumbum æri addiderint, ut nummos minime probatos cuderent, fabri argentarii sibi per leges licitum esse hanc misturam procurare pronunciant, dum sumunt decem uncias cum dimidia argenti, & dimidiam æris unciam, sicque libralem argenti massam conflant. Chymicorum nonnulli æs dealbatum argento addunt, & pro sincero argento vendunt, cum tamen hæc fraus sub vitæ periculo sit prohibita. Hodie plumbi nigri decimam partem miscent cum stanno, & ex hac mistura patinas, vasa & multa alia hujus generis opera formant. Quondam etiam æri ferrum miscuerunt, quod multis fraudi fuit. Tot igitur modis metalla viliora pretiosiori permiscuntur. At vice versa hoc criminis loco non est reponendum, quando metalla pretiosiora vilibus adduntur. Postremo sunt quædam metallorum misturæ, quæ ab operibus ex illis resultantibus nomen sortiuntur, ut ollaria mistura, quæ externis vel quaternis plumbi argentarii libris, & centenis æris integratur, quæ varia vasorum genera ingreditur. Alia mistura vocatur bombardaria, ex qua tormenta bellica fabrefiunt, hæc autem fit, dum singulis libris viginti æris una plumbi candidi additur. Tertia fit mistura, quando ob sonitum sexdecim libris albi plumbi semilibra plumbi cinerei copulatur. Quarta

Tacitus A
prohibuit
misturam
alterius
metalli
cum auro.

Varie chymicorum
fraudes in
adulterando
argento.

Mistura
ollaria.

Varie mi-
sturae ad
utensilia.

mistura componitur, quando duæ portiones plumbi nigri, & tertia albi conjunguntur; hanc Veteres stannum tertiarium appellarunt, quo ad fistulas solidandas utebantur, hanc misturam vulgus *Saldduram* nuncupat. Quinta mistio est, quando æquales portiones utriusque plumbi permiscuntur: hæc

mistura *Plinii* ætate, stannum argentarium vocabatur; ex hac nostris temporibus orbes & patinæ parantur. Pariter de aliis misturis tam simplicibus, quàm compositis differendum est, cum mistis omni tempore addi possint.

CAPUT VI.

Sympathia & Antipathia.

Consentiunt metalla cum variis lapidibus, & præcipue cum illa silicis specie, quæ ab *Aristotele* pyrimachus appellatur. Id non est ignotum viris ad fusionem metallorum incumbentibus, qui super liquefacta metalla id genus lapidis inspergunt, ne metalla in auras evolare possint; Imò cum illo genere pyritæ variis coloribus insigniti facile conveniunt: quapropter opifices hoc genus pyritum loco plumbi, metallis addunt, ut in coctione metalla liquidiora evadant. Deinde cuncta metalla argentum vivum in amicitiam receperunt, quia libentissime omnibus copulatur, consequenterque in familiaritatem sibi adjungunt illam hæmatitis speciem, quæ Argento vivo prægnans est; quocirca hic lapis ad se metalla trahere perhibetur: Imò inter ipsa metalla Sympathia, & Antipathia observatur: Namque ab auro, & argento plumbum amatur; hæc enim dum simul funduntur, facile commiscuntur: Vicissim æs à plumbo temperamenti contrarietate abhorret. Item stannum ab auro, & argento ita dissentit, ut ea pene consumat. Id in fornacibus manifestissimum, dum plumbum album liquatur, apparet; argento enim

supernatat, & bacillis ferreis facile extrahitur. Experi-
mentum.

Ex altera parte metalla, & animantia contrarietate maxima dissident, quia spargunt quosdam halitus spiritui animali inimicos: Idcirco nullibi legitur, metallis aliquod animal fuisse nutritum: Imò ubi venæ metallicæ inveniuntur, ibi neque plantæ crescunt, neque animantes versantur: & in hujus confirmationem intelligimus, quod in fodinis metallorum crura, opificum plerumque vitiantur, quæ postea in fodinis Affii, five sarco- phagi lapidis sanantur. Hac etiam causa moti Medici prohibent, ne in præparandis Margaritis, vel alio hujus generis medicamento, utantur metallis, sed solum lapidibus marmoreis, quoniam impendet periculum, ne quid metallicum medicamentis præparandis adhæreat, quod è diametro naturæ humanæ adversaretur, & inde gravia symptomata emergere possent, uti in *Sectione de Venenis* docuimus. Certe *Plinio* teste odores à fodinis metallorum dimanantes, omnibus quidem animantibus sunt ingrati, sed canibus potissimum maximo sunt detrimento, qui ex argenti metallo exhalant.

Metallo-
rum cum
animalibus
& vegeta-
bilibus An-
tipathia.

Amicitia
auri cum
plumbo.

Diffidium
plumbi
cum ære
& stanni
cum auro
& argento.

CAPUT VII.

De Scoriis, & Excrementis Metallorum.

Excrementa, seu Scoriæ sunt Metallica factitia, quæ in primis, & secundis fornacibus fiunt, dum venæ metallorum excoquantur, dum metallum à metallo separatur, vel dum æs liquefactum tingitur: Hæc autem sunt, Scoria, Diphryges, Cadmia, Pompholyx, Spodos, Lithargyrium, Molybdæna, & Squamæ. Nonnulla sunt, quæ fiunt extra fornaces, ut Ærugo, Cæruleum, Cerussa, & similia, de quibus sigillatim in *Sexto Libro* mentio facta fuit. Sciendum igitur, in excoctione metallorum scorias quæ sunt veluti quædam venæ excoctæ recrementa, quas Opifices *Loppas* appellant, generari: hæ metallo fuso supernatant, & frige factæ & conglutinatae, tanquam vitrum fragiles redduntur, & si quid humoris metallici retinuerint, graves fiunt, quo separato, in pumicosam levitatem abeunt. Itaque pars metalli terrestrior, & sæculentiorabit in scoriam, quæ est pur-

gamentum venæ in fornacibus coctæ, ut dictum est; loquendo tamen de vena Auri, Argenti, æris, ferri, & utriusque plumbi: Nam venæ Argenti vivi, & plumbi cinerei scorias non producant, cum non excoquantur: Non dicimus tamen ex plumbo cinereo, cum aliis metallis mixto, & liquefacto, scoriam exire non posse; hæc metalli fordes Græcis *σκωρία* merito dicitur, quoniam apud ipsos *πρωή*, est *stercus*, à *Celso*, metalli recrementum nuncupatur.

Argenti scoria, seu recrementum habetur tantum, quando vena Argenti in fornace purgatur, sed sincera esse nequit, quoniam opifices ad purgandum argentum ei nonnihil plumbi addunt. Hæc scoria Argenti vocatur helcysma, *πρωή* *λυσμα* ab *ελεω*, *traho*, eo quod hoc incrementum ita lentum reddatur, ut instar visci trahatur: Scoria verò, quæ ab ære, & ferro colligitur, plerumque est nigra, foridida, & spongiosa, five pumicosa. Scoriæ majorem

Scoria ar-
genti quæ?

Scoria æris
& ferri.

co-

Scoriæ
metallo-
rum.

copiam ferrum, quam æs effundit, cum sit metallum impurius & magis terreum; quæ quidem non solum, quando ferrum in fornace funditur, obtinetur, sed etiam quando ferrum in ustrina fabri ferrarii mollescit. Scoria verò plumbi à cæteris maximè discrepat, quia minimè lapidosa est, neque fragilis, ut reliquæ, sed admodum lenta, ob mollitiem metalli observatur.

Scoria
plumbi.

Diphryges
quid.

Inter has Metallorum scorias recensetur Diphryges, & nihil aliud est, nisi æris recrementum, vocatur autem διφρυγής, quasi bis ustum: Nam πυρῶν apud Græcos est, torreo. Quatuor Diphrygis species inveniuntur: Prima resultat ex limo quodam cypri, qui primum Sole arefcit, deinde sarmentis circumdatis adurit: ideo jure optimò bis crematum, primum calore Solis, deinde ardore ignis, nuncupari potest; & hanc speciem in Cypro tantum fieri scribebat *Dioscorides*. Secunda species, nihil aliud est, nisi sedimentum æris in fornace adusti, quod *Galenus* in Cypro ab artificibus projectum observavit. Tertia species paratur ex pyrite æroso cremato, donec colorem Rubricæ contraxerit. Sed advertendum est, quod Ochrausta eundem colorem induit, & propterea huic tertiæ speciei Diphrygis assimilatur, & aliquando pro Diphryge perperam venditur. Quarta species oritur ex quibuscunque lapidibus, post excoctam metallorum venam in fornace inventis; & hæc species semper aliquid metalli habet permixtum; hujusmodi lapis primò torretur, mox in fornace coquitur, deinde quinques in alia fornace crematur, ita ut ἐπταφρυγής, iusta de causa appellari possit. Hodie Opifices in secundis fornacibus sic Diphrygem parant, quando aliquid auri vel argenti inesse æri suspicantur: Denuò æs cum plumbi fundunt, quia plumbum abluit, & secum aurum, vel argentum abducit: Quo peracto, in extrahendis plumbi reliquiis, ignem temperatum adhibent, ut plumbum fustum descendat, æs verò nequaquam; sic enim tanquam lapis spongiosus redditur, qui fustus, & percoctus in æs purgatum mutatur, cujus scoria est Diphryge purgatior, quam illa, quæ ex primis fornacibus exierat: Hanc homines operarii *Raminam* vocantes, figulis vendunt.

Preparatio
diphry-
gis.

Cadmia
quid?

Amplius dum Aurum, Argentum, æs, & plumbum percolantur, oritur aliud recrementum, quod vocatur Cadmia, quæ secundum nonnullos ita nuncupatur ab insidendo; Est autem nomen antiquum apud Græcos, ideoque adhuc nominis etymon latet, nisi velimus asserere, Cadmiam olim observatam fuisse, dum lapis ærarius excoqueretur, quem aliqui Cadmiam indigitarunt, fortassis quia primò in Cadmo monte sit repertus. *Galenus* scriptam reliquit Cadmiam ex lapide pyrite interdum fieri, nihilominus metallicam ex ære paratam præ cæteris commendabat: Hujus quatuor species à *Dioscoride* monstrantur: Pri-

Cadmia
Botrytes.

ma vocatur *Botrytes*, quasi racemosa, quia βότρυς *racemus* exponitur: Secunda nominatur *Onychites*, est enim ὄνυξ, *unguis*, cum venas instar unguis discurrentes habeat: Tertia cognominatur *Placodes*, πλακωδής *crustosa*, quoniam est segmentis quasi quibusdam zonis cincta, quare & *Zonitis* dicitur: Quarta appellatur *Ostracites*, ὀστρακίτης *testacea*, quæ tanquam pessima omnium rejicitur. *Plinius* præter quatuor genera à *Dioscoride* descripta, quintam speciem, nempe *Capnitim*, scilicet *fumosam* addit: καπνός enim Græcis *fumus* dicitur, sed hæc ad Pompholygem potius, quam ad Cadmiam est reducenda. Nostri ætate Cadmia fornacum similis corticibus arborum, sub nomine Tutia Alexandrinæ affertur; quod signum est hastis ferreis adhæsisse. Tutia est nomen Arabicum, quod tamen non Cadmiam, sed Spodium significat. Hic animadversione dignum est, quod Tutia Lusitanorum non est metallica; hæc in Quirmon Persarum Regione, & Ormuz finitima paratur ex cineribus cujusdam arboris, nomine *Goan*, ita enim fructus hujus arboris cognominatur, & hæc à nonnullis Tutia Alexandrina dicitur, non quod Alexandriæ fabrefiat, sed quia ex Quirmon delata Ormuz, inde Alexandriam exportetur: Auctores tamen non hanc, sed metallicam in medicamentis commendant.

Onychites.

Placodes.

Ostracites

Capnitia.

Tutia
quid.

Pompho-
lyx & Spo-
dium
quid?

A Cadmia ratione tenuitatis substantiæ, Pompholyx, & Spodium discrepant, quandoquidem Cadmia, ut fuit expositum, in quandam solidam materiam condensatur, sed Pompholyx, & Spodium instar pollinis parietibus fornacum adhærent, cum tam ex eadem materia ex illis fornacibus originem trahant, in quibus æs perficitur, vel in quibus Cadmia crematur: Pompholyx autem levior est, quia evolans ad fornices, bullarum instar agglutinatur, unde nomenclaturam traxit; quoniam πομφόλυξ Græcis *bullæ* est. Spodium in comparatione ad Cadmiam ponderosius est; quocirca super terram instar cineris cadit, unde nomen accepit, σπώδιον enim cinerula dicitur. Verum antispodium arte paratur ex foliis myrti, vel oleastri crematis, quod cinerulæ nimirum spodii vicem præstat. *Avicenna* historiam hujus rei metallicæ confusam scribit, dum asseverat, Tutiam esse fumum sublimatum; Succudum verò, quod in fundo residet, forsitan per Tutiam, Pompholygem, & per Succudum Spodium intellexit.

Ad Scoriam plumbi referri potest Lithargyrium; oritur enim ex plumbi in fornace diutius percocto, nam est spuma, quæ colligitur, dum argentum purgatur, & concrescit instar lapidis, & vocatur λιθαργύριον, à lapide, & argento nomen habens, quasi *lapis argenteus*, ab Arabibus *Martech*, & à Latinis *spuma Argenti* nuncupatur. *Dioscorides* voluit, Lithargyrium sine argento posse crescere, dum in secundis fornacibus Argentum

Lithargy-
rium quid.

Lithargy-
rii usus a-
pud figu-
los.

tum plumbo permixtum purificatur: etenim tunc fervente mixtura plumbum violentiâ ignis extenuatum, & acquirens levitatem, argento supernatat, & fit veluti scoria, quam artifices paulatim ad latera pellentes tandem projiciunt, & *gettam* nominant, quâ postea figuli uti solent. Nonnulli perperam putant, spumam argenti ex auro factam vocari Chrysitim, ex Argento, Argyritim, ex plumbo Molibditim: Cum tamen Lithargyrium ex solo plumbo, cum aliis metallis, & præcipue cum argento, ad faciliorem fusionem, vel purificationem mixto dimanet: & quamvis interdum auri, & interdum argenti colorem adipiscatur, tamen id ex majori, vel minori adustione provenit: Nam si statim atque plumbum exustum supra argentum liquatum apparet, de catino auferatur, tunc lithargy-

rium colore argenteo refulgebit; sin diutius ibi manserit, colorem aureum acquirat.

Duplex Lithargyrii genus opifices constituunt: Alterum vocant Naturale, quod egreditur ex vena Argenti mixta cum vena plumbi, & in fornacibus liquata: Aliud verò Artificiale, quod modis superius descriptis præparatur. Hujus *Dioscorides* tria ostendit genera: Primum genus ex arena plumbaria in fornacibus perfecte cocta: Secundum ex purificatione argenti: Tertium ex plumbo refulsat. Hujus species flava dicitur Chrystitis; Candida Argyritis; livida Molybdtis. Optima spuma Argenti in Misena, & Bohemia paratur. *Dioscorides* tamen primas tribuit Atticæ, quæ cum in Monte Laurio fieret, Lauritis vocabatur; Secundas Hispanicæ, & tertias Puteolanæ assignabat.

Lithargy-
rium natu-
rale & arti-
ficiale.

Variaz spe-
cies.

CAPUT VIII.

Fodinarum Auri, & Argenti, quæ in Peru, Novo Regno, & Nova Hispania in America reperiuntur, mira fecunditas, ex Relatione Patrum Societatis Jesu.

Incredibi-
lis auri co-
pia in Po-
tosiua Re-
gione.

Potosinus
tractus ob
frigus o-
lim inha-
bitatus non
fuit.

Montis au-
riferi de-
scriptio.

IN toto Orbe Terrarum nullus inventus locus hucusque fuit, qui majorem Auri, Argentique copiam præbuerit, quam illa Americæ pars, quam *Novum Regnum, Peru, & Potosinam coloniam* vocant: Nam ut *Acofta l. 4. c. 4.* narrat; Indigenas in Peru vas aureis, trullis, pateris, cyathis, lagenis, vitreis & hydriis prægandibus etiam minimè contentos, fellas etiam & vehicula integra ex auro fabricari curasse; idolorum simulacra ex puro, & obrizo auro fecisse: *Pizarrus* postquam *Atalipam* superasset; dicitur, tantum in Gazophylacio Regis auri invenisse, ut inter laminarum aurearum, longo ordine per strues dispositarum congeriem, ad earum altitudinem vix gladio extento pertingere posset; jumentorum ungulis non ferreas, sed aureas soleas subderent. Et quamvis omnis ille tractus Americæ à Tropico Cancræ, usque ad Capricorni, auri, cæterorumque metallorum feracissimus sit; nulli tamen hæc celeberrima Potosi montana provincia Carcas Regni Peru, sub 21 latitud. Austral. constituta cedere videtur. Et quamvis hæc Regio sub Zona torrida sita sit, tantum tamen abest, ut à Sole torreatur, ut potius frigoris inclementia olim pene deserta fuerit, & deserta haud dubie mansisset, nisi ingentium thesaurorum aviditate attracti homines locum non tantum adiissent, sed & ibidem incredibili hominum confluxu vastissimam urbem, sive ad necessariorum rerum abundantiam, sive ad luxum etiam, deliciasque necessariam extruxissent.

Mons ipse oppido præceps, cæteris vicinis fastigio subtili, & præcelso eminentior est: Radix milliaris latitudinem obtinet; à summo

vertice ad radicem cubitos, quas Hispani *Vacas*, seu *Virgas* vocant, 1624 habet, quæ milliariis seu leucæ Hispanicæ faciunt. Aurifodina primum dicitur detecta ab Indo quodam, nomine *Cualpa*; Hic aliquando venandi causa, cum in hujus montis tesqua venisset, & asperitate montis ab ascensu impediretur, apprehensum fruticem quendam ad gressum promovendum opportunum, dum evelleret nisu violentiori una quoque cum radicibus venam auriferam extraxisse, & cum metallicæ rei haud imperitus esset, venam igne probatam, melioris auri notam invenisse, quare re dissimulata, cum tempore ad tantas divitias pervenit, ut omnibus admirationi esset, donec alii, re cognita, tandem plures allecti totus mons paulatim perfodi cœpisset, præsertim Hispanis supervenientibus, qui auri præindigenis avidiores, tandem monte Potosi non contenti, quatuor alias fodinas Potosi vicinas detexerunt: Atque inter cætera admiranda, in venam inciderunt, cuius moles hastæ æquabat altitudinem atque in aliam postea, specie fere pectinis, cujus altitudo 300, latitudo 13 pedum fuerit; in profundum ad 50, aut 60 orgyas exporrecta inexhaustum offerebat thesaurum; Et quemadmodum acta dictorum locorum referunt, à tempore Licentiati Poli singulis septimanis quintarum loco, teste *Acofta*, 150000 Regales, nonnunquam 200000 consignati fuerint; quæ summa quotannis Millionem una cum semisse ad minimum constituit. Rursus, *Acofta* teste, acta referunt, à primo Hispanorum in Peruviam adventu, videlicet ab anno 1545. usque ad 74. septuaginta sex milliones Regis ærario accesserint

Quomodo
& qua oc-
casione au-
riferæ ve-
næ detectæ
fuerint.

Vastitas
venarum.

311 Mil-
liones auri
sumptui
40 anno-
rum Regi
Hispaniæ
cellere.

rint; ab anno verò 76. usque ad 85. triginta tres
milliones : atque adeo spatio 40 annorum
311 milliones regalium ex dicto argento in
Hispaniam missi fuerint, non computatis il-
lis, quæ in usum Gubernatorum & Metallur-
gorum, & bellorum administrationem im-
pensi fuerunt. Potosi montana quatuor pri-
mariis venis instruuntur, quæ quidem uni-
versæ in Orientali montis parte, ex Austro in
Boream constitutæ sunt, quæ quo loco dif-
fusissimæ sunt, pedum senorum, quo verò
angustissimæ, spithamæ unius latitudinem
habent. Præter has verò aliæ quoque diver-
sæ ex illis ramorum instar in arbore, per ef-
florescentias quasdam enatæ reperiuntur. Sin-
gulæ venæ jurisdictioni certorum Domino-
rum, à quibus & nomina sortiuntur, sub-
ditæ sunt: singulæ venæ suas habent fodi-
nas : prima, quam divitem vocant, fodi-

Multipli-
cas venarum
& profun-
ditas.

næ 78 numerantur, profunditatis nunc 180,
nunc 200 orgyrum; in quibusdam tamen
locis fodinæ 60, aut 70 orgyrum profundi-
tatem habent. Accessus seu aditus ad fodi-
nas ita se habet.

In latere montis scrobes seu fossas trans-
versim pertuderunt, quæ usque ad mineræ se-
dem pertingunt : cum enim venæ, quæ Au-
strum, Boreamque spectant, è supernis deor-
sum vergant, necesse est, ut ductus earum
usque ad radices montis prosequantur, quæ
profunditas, uti *Acoffa* narrat, orgyas habet
1200. Etsi porrò ea sit fodinarum profundi-
tas, spacium tamen in circuitu sextuplo ma-
jus ambiendum est, priusquam ad ipsam
montis basin perveniatur. Harum fossarum
latitudo octo pedum ut plurimum est, altitu-
do verò stantis hominis mensuram obtinet
paulo majorem. Atque ex his metalla omnia

Scalarum mira fabrica.



educuntur. Quantos verò in educendis mi-
neris labores sustineant fossores, dici vix po-

test: dum sub terra, quasi in perpetuis tene-
bris defossi, labores suos conficere coguntur,

D d

nec

Labores
Fossorum.

nec scire possunt, quæ hora, vel dies sit, quæ nox incumbat, cum ad penitissima illa Naturæ latibula Soli, Lunæque accessus non sit. Sileo infirmitates, quas in pestiferis illis antris, ob halituum mineralium perniciem incurunt. Qui in fodinis operantur, ardentibus continuo candelis utuntur, ea distributione temporis, ut duodecim horis alterna operarum requie à laboribus abstineant. Venas fractas, comminutasque dorsis impositas, per scalas quasdam, ut in Figura patet, mira arte constructas efferunt: Sunt hæ scalæ tribus ex bovino corio contortis funibus factæ, quibus transversæ baculi graduum specie inferuntur, ita ut duo invicem occurrentes, commode sibi cedere queant. Sclarum quælibet decem orgyrum longitudinem habet, ejus extremis aliâ subnexa: Ad sclarum latera nonnulli scamnia ex ligno confecta, ascendentibus quieturis exstructa sunt. Operarum primus cereum ardentem præfert, ad lucem tum sibi, tum subsequenter se fociis necessariam præstandam; & uti profunditas adeo horrida est, ut vel intuentibus primo formidinem incutiat, ita quoque miserandi fossiores, vel fractis scalis coriaceis, vel venarum, quibus onerantur, mole præponderante, laboribusque fracti, dejectique ærumnosam vitem formidanda morte finiunt.

Scalarum
mira fabrica.

PROCESSUS I.

De modo, quo Aurum, quod Virgineum vocant, à Natura ad ultimam perfectionem elaboratum, in Insula, quam Hispaniolam vocant, eruant, præparentque.

SI ullum Americæ Regnum, certe cum primis Hispaniolam insulam ditavit benefica rerum Natura: Nam ut ex Relatione tum Nostrorum Patrum, tum Americanorum Scriptorum testimonio constat; ajunt enim quod ibidem non solummodo intra intimos montium recessus, sed & vel in extima eorundem superficie, inter saxorum videlicet fissuras, rimasque, imo & in ipsis vallibus, planitiebus, sylvis, agris, ripis, fundisque fluminum, ingenis copia auri, non solitis heterogenearum partium sordibus involuti, sed passim puri puti copia reperiatur eruaturque. Nam ut *Franciscus Doviedo* narrat, in sua de novo Regno Historia, inventam fuisse in Hispaniola puram putam auri massam, 3600 Reales ponderantem.

Aurum in
Hispaniola
passim pu-
rum re-
peritur.

Auri massa
3600 Rea-
les pen-
dens, in-
venta.

Cum itaque vel in ipsis agris, campis, sylvis, fluminum limo sine magnis impensis auri suppetat copia; Hinc relictis montium fodinis, in quibus aperiendis, cum non nisi immensis sumptibus, non nisi ingenti operarum multitudine aurum tum erui, tum erutum separari posse viderent; ex Agris, campis, sylvis, fluminibusque id ea, quæ sequitur, ratione eruunt, eluuntque.

Modus
eluendi
aurum.

Remotis itaque juxta flumen aliquod, locis, quæ arena aurea dives est, saxi, frutici-

bus, & arboribus quoque excisis, certum fodinæ spatium determinant, deinde ad pedes unum, atque alterum incipiunt effodere glebam, quam statim ad flumen elotam, ex arena, num dives sit, explorant: Si non, ad aliud profundius spatium glebam effossam denuo elutam in flumine probant; quam si sterilem, ad sex, aut septem pedum effossionem repererint, illâ relictâ, aliam campi partem adoriuntur, & hoc pacto procedunt, donec divitem auri glebam incurrerint: quam deinde fodinam quaquaversum dilatant, effossamque glebam corbibus inditam, ad flumen deportant, ubi à mulieribus ad id officii destinatis, in certis cribris setaceis, elutione limus ab arenis aureis separatur: Si verò nonnihil adhuc terrestris, limosæque materiæ relictum fuerit, id iterata, atque iterata elutione expurgatum, tandem omnibus separatis facibus, Sola aurea ramenta, scobemque relinquit, quod purum putum aurum tantæ bonitatis est, ut nec igni ad depurgandum, nec plumbo, aut mercurio ad separandum indigeat, sed in laminas fusum, in monetarium usum cedat. Utrum verò aurum in planis hujusmodi sive agrorum, camporum, sylvarum, aut fluminum alveis, ripisque à Natura elaboretur, meritò quis dubitare posset.

Quomodo
venæ divi-
tes explo-
rentur.

Dico itaque, istiusmodi Aurum nequam in dictis locis originem suam duxisse, sed ex intimis montium venis opulentissimis, aquarum defluxu in campos evolutum; quod variis modis contingere potuit: Nam Primò subterraneæ aquæ venam auri transeuntes semper nonnihil ex constipatis auri frustis abradunt, secumque extra montem devehunt, undè limus fluminum aureis arenis, ramentisque, minimis, minoribus, & maximis scatet: quo eluto, aurum purissimum tandem colligitur. Secundò, cum abundantia spirituum auriferorum continuò intra montium gurgustia fursum feratur, indè fit, ut intra rimas montium coagulati, cum tempore integras massas producant, quæ torrentium, imbriumque violentia, quæ maximè mensibus Decembri, Januario, & Februario ibidem dominantur, abrafa, in radices, planitiesque montium deducta, ibidem limo, argilla, saxisque partim tecta, partim detecta relinquuntur. Quoniam verò quotannis ex continuis trium mensium imbribus, alia, atque alia aurifera materia ex superficie montium abrafa in plana fertur, hinc fit, ut plana loca semper nova, & nova cute tegantur, & à multis annis in summam altitudinem arenarum cumuli exsurgant; cujus quidem rei luculentum testimonium dat supra citatus *Franciscus d'Oviedo*, qui suo tempore in fodinis planorum, duos annulos aureos affabrè elaboratos, quos Indigenæ auribus appendere solent, inventos fuisse refert, unâ cum carbonum multitudine adeò recentium, ut non ita pridem extincti

Aurum
hujusmodi
non in pla-
nis natum,
sed ex
montibus
eductum
per flumi-
na.

Casus ra-
rus.

tincti viderentur. Quod quidam alia ratione fieri non potuit, nisi quod ab Indigenis ibidem luculento foco olim extructo, inter solita gentis tripudia annuli amissi fuerint, & deinde imbrum, torrentiumque violentia locus arena, limoque involutus, aliisque identidem posteris temporibus nova limi adductione quotannis admota, campus in eam excreverit altitudinem, quam tum effossione annuli, carbonisque inventi posteris temporibus demonstrarunt. Atque hæc de Anro Virgine eruendo, eluendoque Americanis erui solito, satis,

PROCESSUS II.

De Metallorum, potissimum Auri, & Argenti separatione, & preparatione in America usitata.

Mineræ, quibus Argentum promitur in Potosinis montibus plerumque inter duos scopulos, quos *Casse* nominant, procurunt, quorum alter ita durus est, ut cum quolibet silice certare queat: Alter verò perpetuò mollior, & fragilior existit. Per horum media spacia metallicarum venarum situs porrigitur, quamvis ubique nec simili mole, neque æquo ductu: aliis enim in locis vena admodum crassa, divesque, argenti feracissima profuit; in aliis contra fragilior existit: Illud ambrae colorem refert, hoc magis nigricat; aliud rosæ, aliud cineris speciem, coloremque exprimit: Verbo, ejus colores adeò diversi sunt, ut rerum imperitis meri lapides videri possint: fossoribus verò non aliis ex signis, quam ex punctis, venulisque certo colore insignitis innotescunt. quidquid eruitur ex fodinis Minerarum, id Oves Peruanæ, quibus equorum, mulorumque vice utuntur, ad molas deportant: Ita autem in metallicæ mineræ eliquatione procedunt. Fornaces, quas *Guairas* vocant, construunt, quibus minerales glebas primò molis contusas injiciunt; quod ut facilius solvatur, metallum plumbosum, & facillimè in liquorem resolvable, quod *Forachen* vocant, adjungunt: Spuma liquatione excitata, per medium ignis descendit, plumbum verò unà cum argento, cui argentum innatat incubatque tamdiu, donec totum depurgetur: Ex metalli hujusmodi quintali, vi eliquationis nonnunquam 30, aut 40 Regales argenteos eliciunt. Refert *Acosta*, massam sibi quandoque donatam fuisse, ex cujus singulis quintalibus 200, aut 250 regales educti fuerint: Steriliores verò venæ, non nisi ad summum quinos, aut senos regales præstant, & hujusmodi ut plurimum quoddam argentum durissimum, siccissimumque est, vix ob plumbi paucitatem eliquabile; unde in strues congestum, ceu inutile, & rejectitum olim abjiciebatur, donec peritiores metallurgi ingenio, & industria, tandem vi hydrargyri, magno, & incredibili censu copiosum argentum sterile maximè purgare, emendareque;

compertum etiam fuit, metalla quantò sunt meliora, tantò iis plus ex hydrargyri mixtura decedere, aptum quippè, quod in igne consumat, voretque metallum, per partium metallicarum, quas secum devehit, subductionem sublimatum; Sed & huic remedium opposuerunt, ita ut temperato ignis gradu, sine jactura illud non Potosii duntaxat, sed & in Mexicano Regno, hydrargyri ope eliquent. Hinc relicta arte fusionis per fornicularum, quas *Guairas* vocant, peractæ, quarum in Potosini Montis ambitu ad 6000 olim numerabantur, qui omnes argento fundendo extruebantur; hodiè vix ultra 2000 superstites sunt, utpote hydrargyro solo principatum sibi in eliquatione metallica vindicante.

PROCESSUS III.

De Preparatione Argenti, Aurique, hydrargyri beneficio, in Regno Peruviano usitata.

HYdrargyron in variis tum terrenis, tum Lapidibus reperitur. In Hydria Carniolii ut plurimum ex humida terra educitur, de quo in præcedentibus fusè egimus. In America, uti & in aliis Europæ fodinis, potissimum in Hispania, ut plurimum ex Cinnabari, & Minio educitur. In America vis hydrargyri Cinnabari insiti, ante Hispanorum in eas oras adventum, non cognoscebatur, sed color cinnabaris tantum hominum, idolorumque vultibus imbuendis, tingendisque, tum ad ornamentum, ut ipsi putabant, tum ad terrorem hostibus incutiendum, indigenis inserviebat, donec tandem operâ Licentiatî Castri Peruviae Gubernatoris usus demonstratus fuit, in fodinis hydrargyri primo detectis, anno 1566. ac in primis fodina omnium opulentissima *de los Santos* appellatur, quæ quidem nihil aliud est, teste *Acosta*, quam rupes, seu cautes solidissima, durissimæque, hydrargyro quaquaversum perfusa, tantæ molis, ut in longitudine 80, in latitudine 40 virgas, seu perticas Hispanicas occuparit; perfossa hæc rupes forma quadrilatera ad profunditatem 70 Orgyarum, cujus amplitudinem tantam esse perhibent, ut uno tempore 300 viros unà operantes faciliè capiat. Quomodo verò Aurum, Argentumque hydrargyri vi extrahatur in America, jam dicendum restat.

Diximus supra, ingentes strues Mineræ argentiferæ circa Potosinum montem, tanquam inutiles congestas esse, quas cum *Petrus Fernandez de Velasco*, metallicarum rerum peritus, inspexisset, commoditate argenti vivi usus, ex iis ingentem argenti copiam eduxit. Hoc autem pacto in utraque vena tam fertili, quam sterili excoquenda proceditur. Vena hydrargyri ferax probè tusa in ollam conjicitur, quæ obturata deinde igni committitur; hoc peracto, vi ignis à sua minera hy-

Hydrargyrum argentum sterile purgat. Metalla verò quanto sunt steriliora, tantum iis plus decedere ex hydrargyro.

Minera Argenti-vivi Cinnabarium est.

Argentum vivum ex mineris extrahendi modus.

Modus purgandi argentum.

drargyrum quasi divortium facit, separatumque in sublime elatum, ubi densiori, solidiorique corpori occurrerit, auramque frigidiorē senferit, illico Naturæ suæ pristinæ restitutum distillat deorsumque ruit; Eo peracto, protecto hydrargyro, olla, quæ jam probè refrixit, reſeratur; ubi tamen summopere cavendum, ne hydrargyri calente adhuc olla fumus, cum summo vitæ periculo, aut dentium jactura excipiat.

Herba maximæ virtutis ad liquationem metallorum.

Cum verò ad metallorum solutionem infinita lignorum copia opus esset, certa herba, seu sparti genus inventum fuit, quod in Peruvianis montibus uberrime provenit, cujus ea mira vis est, ut metalla, quæ æstuantissimis arborum, carbonumque fornacibus injectorum incendiis liquefieri non possunt, hæc herba in fasces collecta, fornacibusque injecta, maximo sane negotiationis metallicæ emolumento protinus venas fluere faciat. Solutum itaque, eliquatumque hydrargyrum coriaceo sacco inditur, & reconditorio illatum inde Potosium advehitur, ubi integri unius anni decursu 6000, aut 7000 hydrargyri quintalia pro parandis metallis impenduntur, absumunturque, ut ejus quantitatem fileam, quæ ex sordibus, quæ ablutionis primæ metallorum matrix aut sedimentum sunt, indes insuper colligitur: sordēs hujusmodi collectæ in fornacibus truntur, ut si quid hydrargyri in iis remanserit, proliciatur extrahaturque. Videntur autem Potosii harum fornacum semper quasi 50 Metallorum quotannis paratorum quantitas, Nostrorum relatione, peritorumque hominum supputatione 300000 Quintalia constituit. Ex sordibus verò, ac

Ex sordibus metallicis hydrargyrum educitur.

matrice ad minimum 2900 Quintalia hydrargyri excipiuntur. Mira tamen & in hac operatione metallorum qualitas observatur: Nonnulla quidem metalla cum levi hydrargyri impensa plurimum argenti fundunt; alia argenti simul multum largiuntur, & hydrargyri non minus absumunt: Contra quæ parcius dant, minus requirunt, atque adeo juxta metallorum conditionem, metallarii negotii vel proba, vel improba sors, lucrumque aut jactura sequitur: Vulgò tamen notum est, quod quanto metalla ditiora sunt, tanto majorem hydrargyri copiam absumant, & vice versa. Sed jam ad praxin.

Metalla itaque in principio pilis, mortariisque hanc in rem paratis minutissimè tunduntur, postea cribris, ac filis cupreis intortis transcolantur; quibus, si probè, & industriose confecta fuerint, horarum 24 spatio, triginta ad minimum Quintalia transmitti possunt. Hoc modo metalla colo excreta, in amplum, patentemque cacabum conjiciuntur, ita ut singulis 50 quintalibus metalli, quinquaginta quintalia salis addantur, eo fine, ut nativam lævigati metalli pinguedinem absumat, exedatque: hoc enim pacto Argentum ab hydrargyro facilius implicatur, incorporaturque. Hoc peracto, hydrargyron corio, aut panno cannabino injectum exprimitur, ut roris, aut sudoris specie in metalla, prius sudibus probè ad meliorem partium permixtionem subacta, fundatur; tandem massam ritè in formam panum elaboratam cacabis igne quinque, aut senis diebus excoquendam imponunt. Si itaque hydrargyrum officio suo probè functum, cum argento intimè coivisse, ex

Modus separandi metalla per hydrargyrum.

Modus procedendi cum hydrargyro.




reliquis heterogenearum partium quicquid supernatantibus, repperint, tum argentum

ab hydrargyro hoc pacto separant. Miscellam omnem in modium HDL, vel FGE aqua

aqua plenum conjiciunt, ac mola manuali, B vel C, eo ferè modo, quo sinapi moli, terique solet, metallicam massam subigunt, ut in præsentī Figura patet qua commotione argilla, sordesque à metallo cum ipsa aqua per canalem H vel G defluunt, argentumque unà cum hydrargyro, ob innatam gravitatem ad vasis fundum subsidit, & hoc sub arenæ specie in fundo vasis superstes exemptum denudè ad ultimam metalli puritatem consequendam lavant, lotum in panno, aut corio fortiter exprimunt, ita ut quidquid hydrargyri cum argento non probè unitum fuerat, secedat, reliquum verò intra coriaceam bursam, argentum verum restet, ita tamen, ut sexta tantum massæ pars argentum, reliquæ quinque partes hydrargyrum sit. Sed & alio modo, ut ab argento ipsum quoque hydrargyrum separetur, procedunt. Massam coactam vasi A induunt, validoque dato igne operculum V vasis probè obturant, uti Figura ostendit. Succenso itaque igne, hydrargyrum in fumum fatescit, qui calor, & levitatis vi elabens, si in fictiles illas ollas impegit, illicò cogitur, & crassescit (hand secus, ac vapores ex aqua fervente elati in operculo ollæ guttescunt) deindè per canalem I huic vasi deputatum, non secus ac per alembicum defluit, & distillat in vas S; sic quidquid hydrargyri metallorum fusioni impensum est, recuperatur,

Quomodo
hydrargy-
rum ab ar-
gento se-
paretur.



argentumque purum, simplexque, sed quinta sua parte diminutum restat. Ex binis horum panum unum conficiunt sexaginta quinque libras plerumque pendentem; qui deindè ut probentur, quintentur, signenturque, ad loca constituta deportantur. Estque argentum tantæ puritatis, nobilitatisque, ut nonnunquam 2380 Alloys tenuius sit. Has itaque omnes torturas, ærumnasque argentum sustinere cogitur, donec probum, purumque evadat, quod purum quidem attentius inspectum, massa, seu pasta rudis est, ex qua argentum molitur, cernitur, pinfitur, fermentatur, & tandem excoquitur, tum & lavatur, siccatur, iterum, iterumque

eluitur, coquitur & recoquitur, pilo subditur, cribro inditur, fornacesque, & orcas, & haustia, tandemque ipsum ignem, aquamque, non sine miserorum Metallurgorum vitæ periculo, ut usui humano, luxuique servire possit, experitur.

PROCESSUS IV.


*Quo excoquitur plumbum purum argento dives,
& de ejus separatione, usitata Schemniti in Hungaricis metallorum
Ergasteriis.*

Postquam ad locum destinatum ex mineris lapides metallici, ac glebæ venarum deducuntur,

Primò fornax pro excoquendo conficitur ex contusa argilla, cui minutus pulvis carbonum miscetur, unà cum catino ex eadem materia constructo, in quam materia liquefacta exoneratur per foramen 1^o pedis; profunditas fornacis ipsa paulatim excoctione ampliatur: in hanc successivè tres, vel quatuor centenarii recentis plumbi, quinque, vel sex lythargyrii, & plumbi duri injiciuntur, quæ omnia in olla variis eliquationibus, & additamentis præparantur.

Modus ex-
quendi
venas.

Primò itaque in fornacem A B C D. per foramen G injicitur lapis ferrarius ex viliori octo centenariorum cum duobus centenariis



commixtæ Marchesitæ cum plumbo (quàm Sch dicunt) quæ intra octo horas eliquantur. Deindè adduntur ex lapide ferrario octo centenarii lapidis ferrarii, duo ex glebis, vel lapide alio, (quem Schlich Germanicè dicunt) & sex centenarios materiæ, Sch dictæ, quæ duodecim horis eliquantur.

Re ita in fornace eliquata, in parte anteriori fornacis supra ollam illam, seu catinum

D d 3

I M

LM aperitur foramen latum unius palmi, ut eliquata materia in catinum illum influat; in qua massa minus pura *Schlüg* germanicè dicta separatur ab altera *Łśh* germanice nominata. Prima defluit in aliam fossam specialem, altera remanet in catino, & successive hinc evolvitur, donec ex hac argentum attrahatur à plumbo, excepta hac massa *Łśh* dicta, remanet plumbum dives argento, quod exceptum reservatur. Postea verò iterum in fornace octo circiter horis laboratur materia reliqua Germanice *Plös* *Schlüg* dicta, & dimittitur iterum in ollam LM, donec ea bene elaboretur.

His factis, in ollam rursus recens plumbum trium centenariorum, & lythargyrium itidem trium injicitur, & eliquatur; Massa verò illa impurior, *Schlafen* dicta; quæ prius effluerat, bis, vel ter adhuc injecta fornaci eliquatur, & in catinum dimissa ab omni inhærente argento exprimitur. Hæc verò eliquatio massæ, *Schlafen* germanice dicta, ita perficitur; ut simul viginti, imo triginta sex centenarii hujus massæ, & alterius, quam *Offenbruch*, & *Waschfres* germanice dicunt, sex centenarii, octo centenarii plumbi, & sex purioris massæ *Marchesitæ* divitis, *Łśh* dictæ, accipiantur, quæ omnia octo horis eliquantur, donec massa illa impurior, *Schlafen* dicta, omnis excoquatur. Quo factò plumbum dives argento, iterum ex catino excipitur. Excepto plumbo fiunt triginta circiter centenarii *Marchesitæ*, & octo centenarii recentis lapidis ferrarii, & eliquantur, ut prodeat massa *Łśh* dicta inter octo circiter horas; & cum inde quindecim circiter centenarii materiæ *Łśh* dictæ effluerint, finitus est labor in hac fornace.

Jam verò præparatur fornax alia pro magis expurgando illo plumbo, *der treubhård* dicta, præparata ex cinere de quercipis corticibus, & arena; hæc duobus diebus, & noctibus ante laborem calefit: tunc tandem elaborantur inter duas horas tres centenarii (massam verò huic fornaci ad purgandum injectam Germanice *blüßh* dicunt) Si hæc massa, *blüßh* dicta colorari incipit, circummovetur ab adstante virgâ columnâ, seu avelanæ nucis ligno, & quando hæc massa satis videtur excocta, eam extinguunt primo tepida, dein frigida aqua, purificantque illam instrumento proximo ab adjacentibus scoreis duri plumbi. Hæc massa iterum in alium focum transmittitur, germanice *Brenngaden* dictum, ubi iterum ignescit, & primo puritati suæ redditur; ex quo tandem in locum, ubi ultimo separatur argentum, transportatur *Scheidgarten* dictum, & ex duodecim centenariis divitis plumbi remanebunt novem centenarii lythargyrii, unus, & medius duri plumbi: reliquum argentum purum est; quod tandem separatur eo modo quem in præcedentibus descripsimus.

PROCESSUS V. CHYMICUS,
*In Hungaria usitatus, Separandi aurum
ab argento.*

Argentum aurum continens purgatur prius ab omnibus metallis per Cineritium, seu fulmen, secundum artem cum plumbo: postea hoc argentum granuletur, vel laminetur prout lubet, & hujus imponatur uncia una in uncias tres aquæ fortis purgatæ in vitro separatorio, ut videbitur infra, in cineribus calidis, vel super tripode, cum paucò igne, & argentum statim solvetur auro relicto in forma calcis nigræ, in qua per inclinationem argentum solutum effundendum: Calx verò nigra toties aqua communi abluenda, quousque omnis acrimonia aquæ fortis recesserit; postea difficcanda, & in crucibulo ignienda, ultimò liquanda, & habebitur omne aurum, quod in argento continebatur. Hic modus separandi aurum ab argento vocatur quartatio, vel in quartatio, hac de causa, quia cum velis hanc separationem instituire, debent semper esse argenti tres partes, & auri una, quæ est quarta pars, nam aurum æquali parte, vel duplò argento mixtum ab aqua forti non solvitur, neque à Chrysulca: si verò velis per chrysulcam separationem dictorum metallorum facere, debet aurum triplo superare argentum, tunc Chrysulca aurum solvit relicto argento. Jam videndum, qua ratione argentum ab aqua forti debeat separari, quod fit duobus modis, unus fit subsidio aquæ fortis ad similes usus solito, alter eo modo quem paulo explicabimus; prior est, ut aqua fortis argento plena imponatur retortæ, & appposito receptaculo distilletur primò lento, ultimo fortiori igne ignitionis, usque dum omnis aqua fortis ex argento egressa fuerit, quæ ad similes usus servanda; Argentum verò in fundo relictum paulo plus in crucibulo igniendum, ultimo liquandum in argentum, ut moris est. Alter modus hic est; argentum in aqua forti solutum misceatur partibus quatuor aquæ communis; huic mixturæ imponatur lamina cuprea, & relinquatur horis 24. & invenies omne argentum ad fundum decidisse, à quo aqua effundenda, & argentum toties abluendum, quousque omnis acrimonia abcesserit, tandem exsiccandum, & cum pulvere liquefactivo reducendum.

Jam notandum, aquam fortem, ex qua argentum mediante cupro separatum fuit, continere in se cuprum, quod ex illa aqua separatur impositione laminæ ferreæ, quia natura aquæ fortis est, semper, quæ facilis solutionis sunt in se recipere, & quæ difficilis, à se dimittere; per hanc experientiam patet, illam ferri in cupri mutationem per aquam vitriolarem non esse veram, sed potius cupri ex aqua cum ferro præcipitationem, & in hoc
passa

Alius modus aurum & argentum separandi ab aliis metallis.

Varie separationes metallorum ab argento.

passu multi cinifiones Alchymistæ possunt imperitis rei metallicæ imponere, transmutationem cupri in argentum fingere, sicuti aliquando vidi. Datur etiam alia separatio argenti ex aqua forti cum aqua, in qua sal commune solutum est; tunc cadit argentum in fundum in forma pulveris albi, qui multis repetitis ablutionibus est edulcorandus, exsiccandus; & ultimò aliquo pulvere liquefactivo reducendus. Isti sunt præcipui, & usitatioris modi, atque securiores auri ab argento separandi.

Aquæ fortis conditiones.

Jam de aqua forti, quæ est duplex, una, quæ vocatur Virginea, altera Separatoria. Virginea est, quæ saltem distillata simpliciter ex nitro, & alumine, vel ex nitro, & vitriolo: hæc aqua habet multas fæces, ea de causa non dicitur Separatoria; defæcatur autem imponendo singulis libris dimidiam unciam argenti, ita solvetur argentum, & aqua dimittet fæces albas ad fundum, quæ separandæ per effusionem: si enim istæ fæces non separarentur ab aqua, in divisione auri ab argento, commiscerentur auro, & illud inquinaretur: Alii verò purgant aquam tali modo; solvunt scilicet in ea argentum, postea distillant, & manet in fundo argentum, cum fæcibus aquæ fortis; & iste modus præstat priori.

PROCESSUS VI.

Ex Relatione Patris Andreæ Schæfferi.

NOtandum est, ex Mineris duplicis generis argentum extrahi; aliud nihil, aut vix notabile admixtum habet aurum, ut operæ pretium non sit, modicum illud aurum separare. Tale est argentum, & in montanis civitatibus Ungariæ ferè solum, quod ex cupro extrahitur: Aliud, quod ex mineris argenti colligitur, (quale est omne, quod ex Schemnicensibus fossis extrahitur) multum sibi mixtum habet aurum. Jam qualiter hoc aurum ab argento separetur, pulchrum est videre, & *Rev. V.* scripto proximè transmittam. Est autem duplex modus: Unus est in *grossen Werck* / quem processum *R. V.* sub littera *K.* accipiet. Alter est *klein Werck* / in *probiren*: quem modum sic ipse praxim deduxi. Primò accepi *den Goldhaltigen Silberforn* quod super incudem in laminam tenuissimam deduco malleo, hanc laminam in minutissimas particulas concisam injicio in *ein klein gläsern Schaidkolben* / affundendo aquam fortem, & teneo vitrum supra prunas, ut calefiat, non nimium tamen, ne rumpatur vitrum, in bulliente hac aqua aurum ab argento solvitur, & ad instar nigri pulveris in fundum vitri subsidit, argentum aquæ commiscetur, tam limpidæ ut ab aqua fontana nequeat discerni. Quod si aqua fortis non sit adeò potens, vel sufficiens ad dissolvendum aurum plenè, affundo novam, donec tota aqua fiat limpidæ & pura. Hoc facto cum aqua nihil amplius laboret, effundo illam aquam fortem

Aurum quomodo à cæteris metallis separetur.

paulatim in ollam testaceam paratam plenam aqua communi benè calida, ita tamen ut ex vitro non exeat pulvis ille niger in fundo residens. Ubi totam aquam fortem effudi, in fundo in vitrum recentem aquam communem, & pulveres illos nigros lavo, qui ubi residerint, effundo aquam, & pulveres aureos benè lotos in scutellam aliquam effundo, & supra prunas exsicco, sic purum & virgineum aurum solum habeo.

Jam restat ex aqua extrahere argentum, quod fit hac ratione; Accepi laminam cupream (& quod valdè miror, dicunt, nullam aliam vel ex ferro, aut chalybe valere nisi solum ex cupro) illam filo aliquo pendulam im-

Quomodo ex aqua extrahatur argentum.

pono in medium ollæ super prunas ferventis, in quam est illa aqua fortis injecta, & ecce argentum laminæ, quæ in medio ollæ suspensa est tenenda adhæret; extraho laminam, & aliquo lignello adhærens argentum adinstar alicujus luti cinericei in vasculum aliquod detergo, & habeo argentum purum & virgineum. Est tamen advertendum, aquam fortem debere in magna quantitate separari ab aqua dulci in olla, alias lamina cuprea arrodetur, & dissolvetur, & argentum adulterabitur. Hoc experientiâ didici. Est tamen dignum scitu & notatu, & potest esse pro puncto digno consideratione. *Quartò.* Si dicta aqua forti, in qua est argentum; vel candidissimo etiam argenti pulvere, qui dicto modo colligitur, manus hominis vel quæcunque pars inficiatur, ita manum vel faciem reddit nigram, ut difficillimo labore nigredo illa possit tolli. Et hujus rei ignorantes solent sæpe isti artifices decipere, & vexare, citius tamen nigredo hæc tollitur, ut experientia didici, oleo tartari, quam sicut illi dicunt, recenti butyro. Hæc aqua nuper unum, dum curiosius res, quas *Rev. V.* misi, vellet perscrutari, in manu cruce signavi, non potuit crucem hanc plusquam unius mensis spatio, nec ulla lotionem vel frictionem tollere, donec oleo tartari se lavit, tollit etiam hanc maculam sal cinerum. Addo ratione argenti notandum, multum argenti, quod in lamina residuum non extrahitur in ollæ fundum subsidere.

Mira pulveris argentei proprietas.

Quinto, mirabile etiam est, quod experientia est deprehensum, & pro vexatione rudium & incipientium, *welche erst anfangen zu probiren* / solet inservire. Ex scripto sub littera *L.* & altero sub lit. *G.* num. 4. ad finem inveniet *Rev. V.* *wie man das Silber von Pley schaiden / und in Probir offen auf der Capelle abtreiben soll.* Dum itaque hoc facere volunt, und der Korn Silber schön auf der Capeln ist, si addatur parva etiam particula stanni, so last sich das Silber nit abtreiben / & non est fere modus separandi argentum à plumbo, quod facit admixtum stannum, vel saltem difficillime & ingenti labore fieri potest, tales molestias stannum facit, si admisceatur: sine stanno *kan mans abtreiben das Silber* ad

ad summum intra, duas horas, præsertim si folles manuales adhibentur: Si verò stannum sit injectum, debet talis probator habere etiam decem horas; peritiores probatores habent alium quidem modum, de quo in sequentibus.

Quod *Rev. V.* in secundis literis ad me datis scribit, ut scilicet ei significem, qualiter ferrum debeat esse constitutum, ut in cuprum per aquam vitriolatam vertatur. Significo *Rev. V.* quod soleant tum in *Herrengrund* prope Neosolium, tum Schemnitii prope Sepusium, omne antiquum ferrum & fracta ferrea instrumenta, quæ nulli usui amplius esse solent, uti sunt antiquæ palæ ferreæ, rastra fracta, secures, &c. apud fabrum per ignem recudi in laminas rotundas, oblongas, ovalis figuræ, &c. quæ tunc tenuiores cuduntur, tantò citius in cuprum vertuntur; hæc est praxis. Debet autem *Rev. V.* scire, quod aqua illa vi-

Modus
ferrum
transmu-
tandi in
cuprum.

triolata sit profundissimè intus in monte, & quia ibi ob erutas cupri mineras magnæ sunt fossæ & loca excavata, in profunditatem illam, ubi aqua dicta reperitur, erunt, si benè memini, centum orgyæ, si non ultra, pro certo non possum dicere, oblitus sum inquirere. Ibi aquæ vitriolatæ parvus rivulus ex monte effluit, tum ibi habent lintres; vocant *Rasten*/ ex ligno paratos, in quos aquam illam derivant; hi lintres illâ aquâ pleni semper sunt: in hos lintres injiciunt ferri laminas, & ibidem (in *Herrengrundt*/ ubi non est tam fortis aqua, sicut Schemnitzi) permittunt jacere per tres menses, tunc ferrum illud jam plenè in cuprum est versum, & jacet in aqua, sicut aurum, si excipiat, ita mollis est materia sicut lutum, vel sicut massa panis, *Wie ein taig*: Sed postea quando foras effertur ex monte, indurefcit.

CAPUT IX.

De Fodinis Æris, seu Cupri.

ÆS generatur propriè per Sulphureo-Mercurialem halitum, in terra atramentosa, impura, & variè contaminata, imò colore suo protinus monstrat, metallum istiusmodi vehementer adustum esse, quod colore adedò intense rubro fulget, & quemadmodum vena varii coloris est, sic etiam generatur in diversis lapidum speciebus; & quamvis alii vocent infirmum, foliosum, & terrestre, uti tamen malleo facile extenditur, ita quoque pinguedine intrinseca pollere aperte monstrat, quo partes à partibus non facile dissolvuntur, uti in præcedentibus dictum fuit.

Signum itaque venæ æratæ alicubi latentis præcipuum, saxorum, flavi, & cærulei coloris fissura, rimarumque copia; Et ratio est, quod Mercurius calore nimio exaltatus lapidem intrinseca humiditate exsiccat, unde fissuras, rimasque tanquam continuationis vinculo dissoluto nasci necesse est. Quodcumque ergo hujusmodi saxa cærulei coloris in saxo grisei coloris, viridis coloris venulis adumbrato repereris, illud certum tibi optimæ, & uberis venæ indicium sit: Si rursus saxa montium instar talci, quæ quidem aliud non sunt, quàm foliata pyritis foetura, splendescere videris, proximum latentis venæ indicium obtinebis; præterea aquæ ex montibus vitriolatæ subvirescentis coloris, odorisque metallici, quæque fluvii fundum putri quadam viridi, tenui, & mucosa materia, veluti pelle quadam obducunt, montem ære prægnantem indicabunt, cujus quidem rei ratio alia non est, nisi quod flumen ex ærosis venis corpuscula quædam vitriolata abradat, quæ deinde intra flumen dejecta, dum lapidibus adhærent, cum tempore naturali sulphuris pinguedine, qua pol-

Indicia la-
tentis æris.

let, juncta, hanc, quam dixi, viridem pellem efficiunt: Et uti æs magnum in necessitatibus humanis usum habet, ita quoque Natura abundantissimum esse voluit, & elaboratione ob flexilem naturam facillimum, quod & ope terræ Gelaminæ in aurichalcum facillè tingitur, cum sulphuris pulvere in calcem facillè ducitur, cum sale ex rubro in candidum mutatur, cum stanno, vel arsenico facile fusibile præbet, de quibus in sequentibus fusius. Non desunt, qui frequenti cæmentatione nonnihil quoque auri indè extrahant. Arcanus procedendi modus infra declarabitur *capite de Ferro*. Quomodò verò æs in Aurichalcum mutetur, paucis explico.

Modus quo Æs in Orichalcum transmutatur.

Accipe æris optimi, & Cadmiæ fragmenta, alternatim in oblongas ollas imponantur, quæ ære, & cadmia repletæ, in fornaces subtus excavatas demittuntur, ignisque accenditur in quibusdam quasi cuniculis; Itaque cum simul liquefacta fuerint, æs auri colore tinctum mutatur in Orichalcum; quæ ratio vulgaris est; at alii tenues æris bractæas circiter digitum latas injiciunt in catinum, in quo argentum fundi solet, ejusque exteriorem partem oblinunt argillâ, cum qua mistum, fit ferri squama; interiorem verò melle mundissimo, similiter singulas æris bractæas oblinunt, eis-que inspergunt pulverem subtilissimum, qui fit ex Cadmiæ fossilis, sæcis vini, quam tartarum vocant, Carbonum Tiliæ aquis portionibus: Catinus autem tegitur operculo fictili, cui est foramen, in quod immittitur stylus, quo liquefactum æs commovetur: Sed operculum

Primus
modus.

Alius mo-
dus.

culum quoque, qua parte eum catino coit, argillâ superinducta oblinitur. Catinus hac ratione instructus in fornacem imponitur. Itaque cum Cadmia æri miscetur, primò egreditur fumus ruber, deinde cæruleus, tandem luteus, qui misionem factam esse significat, Orichalcumque perfectum.

Alius modus, quomodo æs coloretur.

ÆS diligenter purgatum, & ab aliis metallis separatim Opifices multifariam colorare nituntur. Namque interdum illi fuso Cadmiam addunt, & æs colorem aureum induit: Aliquando Magnetem, seu Talcum, & tunc speciem argenti repræsentat: quandoquidem ex Talco candido chymicis organis aqua extrahitur, quæ in ære dealbando est præstantissima; alii præterea referuntur modi, quibus ex ære argentum mentiri possumus: Nonnulli metamorphosin æris in argentum assequi conantur, dum æquas portiones Auripigmenti, & halinitri in vase vitro supra carbones comminuunt, & hujus pulveris semunciam singulis libris æris fusi addunt miscendo, donec in veram argenti formam transmutetur. Sed hæc nulla in argentum transmutatio dici potest, sed tantum tinctura argenti accidentalis.

Si verò misturam respiciamus, hæc duplicis generis esse solet: vel enim æs cum aliis metallis, vel cum aliis fossilibus permiscetur. De ultima mistura paulo ante egimus, quando cum magnete colorem argenteum, & cum lapide calaminari, *Celamina* dicto, colorem aureum acquirit: Nam hoc postremo modo præparatum Aurichalcum appellatur. Itaque æs antequam cum aliis metallis fundatur, ejus fusio tarda, vel celer est ponderanda. *Mixaldis* ad accelerandam æris fusionem ungulas equi inter fundendum permiscet. Quemadmodum igitur cætera metalla suam habent misturam, quam opifices *Legam* vocant, ita pariter æs ab hac non est alienum, non ut æris massa augeatur, veluti de auro, & argento relatum fuit, sed ut ab illo quædam visciditas auferatur, quæ impedit, quo minus recte ad varia opera fundatur. Miscetur ergo cum stanno, & Aurichalco: propriâ tamen & optima mistura, vel legâ perfectum, stannum esse traditur, ut opera sine metallo parentur, nam operibus malleo, & dilatatione egentibus, æs purissimum, & perfectum esse debet, quoniam æs mistum malleo frangitur. Hæc mistura pro varietate operum varia esse debet: nam aliam statuæ, aliam bombardæ, aliam campanæ, aliam demum mortaria, & lebetes expostulant; quandoquidem centum libræ æris cum duodecim stanni pro tormentis bellicis majoribus metallum conficiunt; sed centum libræ æris cum viginti stanni, metallum pro campanis constituunt. Hæc mistura ab opificibus aliquando metallum, aliquando vulgo *bronzum* appellatur juxta majorem, vel minorem stanni

quantitatem, quam recipit: Nonnulli pro minori impendio Aurichalcum, vel plumbum æri admiscunt, & similiter quod bronzum vocant, pro variis operibus conflare nituntur.

Tria maxime consideratione digna sunt in ære fuso; Primò, hoc à natura illi insitum est, referente *Plinio*, ut ingruente magno frigore, melius, & citius fundatur, quamvis vehemens flammæ examen non toleret: Nam totum comburitur, unde colligendum est, multum exhalationis combustibilis ei inesse, præterquam quod in comparatione ad cætera metalla odorem sulphureum, & fætidum spargit. Deinde si lapillus, vel lutum, vel lignum, vel carbo madidus, teste *Agricola*, in æs adhuc fusum in catino inciderit, tunc catinus fremens instar tonitru, omne æs contentum evomit, & quidquid tetigerit, lædit, & incendit. Rursus si æs factum consideret, notandum erit, quod æs sæpius detersum, citius quam neglectum rubiginem contrahat, & ab hac labe immune, teste *Plinio*, pice liquida servatur; verum oleo linitum, vel sale, & aceto madefactum, illico ærugine vexatur, quamvis ab hac postea non consumatur. Quamobrem opera ænea æternitatem fere assequi traduntur; imo æs in speciem argenti facile tingitur. Tandem rerum naturalium inquisitores illam aquam esse optimam retulerunt, quæ in vase æneo diu contenta illud non maculaverit: item aquam in vasis æreis servatam notabili incremento attolli, quando nubes in pluviam densantur, observasse ferunt, idque inde nasci conjecturant, quoniam Venus mari, & æri dominetur. Sed hæc uti experientiæ repugnant, ita non nisi mera phantasiæ ludibria censenda sunt.

Æris in Medicina usus.

IN multis affectibus, quibus humanum corpus afficitur, æs tanquam præsentissimum remedium adhiberi potest: hocque in Medicina utilissimum esse, inde colligimus, quoniam ære vulnerati citius, quam ferro saucii curantur, & quamvis aquæ thermæ ærugine infectæ vomitionem promovent, nihilominus ori, glandulis, uvæ, & oculis non mediocri sunt adjumento. Hinc *Dioscorides* ad ocularia medicamenta vasa ænea adhibet: Quocirca jure optimo scripsit *Macrobius* operarios in fodinis æris versantes oculorum valetudine semper pollere, & alios oculis laborantes, ad æraria accedentes pristinam sanitatem adipisci: hac de causa in pharmacopæis æs crematum, flos, ærugo, & squama æris servantur, cum ad mentem *Dioscoridis* exsiccandi, & adstringendi virtute potiantur: flos æris ex eodem authore non solum adstringit, sed carnem ulceribus supererescens reprimat, & claritati oculorum confert: Squama æris in Cypro optima habetur, quæ pariter ophthalmicis medicaminibus mixta, fluxionem oculorum cohibet, & asperitatem palpebrarum absumit.

E e

Ærugo

In æris fusione digna consideratione.

Cur æs tempore frigido melius comburatur.

Fulmen æris.

Mira æris proprietates.

Æris in Medicina effectus.

Ærugo gustui acrem qualitatem communi-
cat, & ex *Galeno* digerentem facultatem par-
ticipat, ideoque cum cera, & oleo permixta
ad cicatricem vulnera perducit: hodie in of-
ficinis pro flore æris ærugo adhibetur, cujus
vires à *Jodocio* celebrantur his versibus:

*Astringit, tenuat, lachrymas ciet, ulcera san-
nat,*

Expugnat callos, duritiemque loci.

Exsiccat sordes auris, sed naribus intus

Quando supeacrescit, inde premenda caro.

Καυ-
σμός.

Demum æs ustum vocatur à barbaris *Cal-
ceumenon*, quod aliter *Chalcos cecaumenos* di-
ci deberet, juxta sententiam *Dioscoridis*, ve-
hementer adstringit, exsiccat, & ulcera fa-
cile per sanat; ideo varia medicamina extrin-
seca ingreditur. Æs crematum in emplastro
Apostolico *Nicolai Alexandrini* collocatur: Æ-
rugo ingreditur emplastrum divinum *Nicolai*
Præpositi; unguentum Apostolorum *Avicenna*,
& unguentum Ægyptiacum *Mesue*, quæ om-
nia medicamenta non sine aliqua mordicatione
summopere deterunt, cum acrem quali-
tatem participant: nihilominus curationibus
putridi ulceris non mediocriter conducunt.
Alchimie professores vario artificio æris, seu
Veneris, ut ipsi loquuntur, pulverem, calcem,
crocum, quintam essentiam, tincturam, o-
leum, vitriolum, & florem parant, quorum
omnium præparationes vide in sequentibus.

Natura & differentie Orichalci.

*Utrum Orichalcum nativum sit, an tantum
factitium.*

χάλμα
quid.

Hoc Metallum sibi Natura comparavit,
ut ratione coloris ad aurum accederet,
quocirca multi Orichalcum materiam quan-
dam esse metallicam referunt, quæ olim ære
preciosior habebatur, quamvis *Calius Rhodi-
ginus* scripserit Orichalcum, æreum metal-
lum, nimirum Chalcoma videri: nihilominus in
comparatione ad æs, natura hoc illi ingene-
ravit, ut majorem duritiem possideret, juxta
illud carmen:

Intexto squalore auro, duroque Orichalco.

Beringutius à multorum sententia recedens
Orichalcum propriis carere venis arbitratus,
Plinius reprehendit, qui inter metalla ali-
quando Orichalcum commemorans, locum
ejus naturalem non assignaverit, rursusque
addit Orichalci venam hodie quoque effodi
posse, si olim inventa fuisset, imo magis, at-
que magis suam stabiliens sententiam, divul-
gavit, quod quemadmodum chalybs ad fer-
rum, ita Orichalcum ad æs reducitur. Verun-
tamen nos in explodenda hac opinione di-
cimus Orichalcum nihil aliud esse, quam æs
cadmia fossili, Vulcani subterranei vi tin-
ctum, & subinde naturale reperiri, attamen
factitium neque tanta laborum difficultate,
neque tot operarum expensis paratur. Est
itaque Orichalcum duplex Naturale, & Ar-
tificiale: Nativum vocamus ex propriis mi-

Orichal-
cum nati-
vum &
factitium
est.

neris erutum, quod *Plinius* ob insignem bo-
nitatem summopere commendavit, id postea
dicta de causa desit, & species quædam Ori-
chalci naturalis, quæ inter Mexicum & Da-
rienem effoditur, quæ nulla tamen flamma-
rum violentia fundi potest, sat superque de-
monstrat.

Orichalci præparandi ratio, & Modus.

Multi viri, & rei metallicæ professores,
vulgare æs in laminas dilatant, ad qua-
rum dimidiam libram sumunt, unciam tutiæ
cum alio, ficibus, melle, & muscerda, quæ
omnia simul fundentes in orichalcum vertunt,
quem modum non probamus, cum alios mo-
dos, & faciliores habeamus apud *Agricolam*.
Hodie Mediolani æs in Orichalcum tingi-
tur hunc in modum. Sumitur illa quantitas
æris dilatati, & in frustra dissecti, cujus vas
fusorium sit capax, quod tamen ad summam
usque partem non impletur, ut ei addatur
terra quædam mineralis ponderosa flavi co-
loris, vulgò fortassis propter colorem *Gia-
lamina* nuncupata, quibus superposito vitri
pulvere, tota massa funditur, & æs olim co-
loris rubri aureum colorem acquirit; imò
summo opificum bono, terra illa adeo hujc
metallo copulatur, ut massa mirandam in
modum augeatur: Alii tandem Orichalco,
colorem argenteum dare se posse putant,
inter quos recensetur *Faloppius*, qui partes
æquales argenti vivi sublimati, & salis Am-
moniaci in aceto fervefacit, in quo deinde
Orichalcum calefactum extinguit. Sed de
hisce in sequentibus amplissime.

Modustin-
gendi æs
in Orichal-
cum.

Modustin-
gendi æs in
argenteum
colorem.

Minera Plumbi, ejusque conditiones.

Quanquam Plumbum ut plurimum à Me-
tallurgis ob summam impuritatem, &
terrestrium quisquiliarum abundantiam, me-
tallum imperfectum, leprosum, & parum fi-
xum habeatur, si tamen admirandas ejus qua-
litates paulo penitus intueamur, maxime id
haud immerito æstimari debet, cum sine eo
nulla nec auri ab argento, nec argenti à reli-
quis metallis separatio obtineatur, neque pre-
tiosi lapidis, gemmæque splendorem nati-
vum nisi hujus beneficio consequi possint: ubi
enim magni venarum auri argento mixtarum
cumuli effodiuntur, ab illis sane nulla alia re
metalla melius, quam plumbo, uti paulo an-
te vidimus, separantur; adeoque aurum, &
argentum ad debitam suam perfectionem,
non nisi solius plumbi ope perveniunt. Sed
de utilitate hujus metalli inferius fusius.

Plumbi in-
signes uti-
litates.

Invenitur potissimum in diversis saxis, gle-
bisque terrestribus semper fere cum aliqua
auri, & argenti mixtura, primo in saxo quo-
dam spongioso, candido, & duro, quod Co-
lumbinum vocant, cujus indicium dant nigra
quædam maculae, & grana per lapidis super-
ficiem hinc inde disseminata. Subinde quoque
reperitur in lapide coloris rubri, seu ferrugi-
nei,

Matrix
plumbi
quænam?

Plumbum
amicum
argento.

nei, deinde in certis terrestribus glebis coloris cineritii, cujusmodi in Andalusia Hispaniæ reperiri fertur; & uti facili negotio à venis suis separatur, ita quoque haud difficili labore depuratur, funditur exiguo igne, tum se solo, tum aliis mixtum metallis, quæ associata plumbo facilius in igne fluunt, & quod mirum est, id reliqua metalla ne potenti igne ab Arsenico comburantur, aut ne cum Mercurio avolent, conservat. Cur vero solum plumbum hac virtute separativa polleat, adeoque cæteris metallis, potissimum argento amicum sit, istius causa est, quod ex se, & sua natura cum parum fixum sit, & aquositate præ cæteris polleat, Argentum verò, & æs, arida metalla sint; hinc fit, ut aquositas illa plumbi ariditati juncta, lentore suo aquoso aridum impinguet, & consequenter

iis incorporatum facilius fluere faciat. Est & alia in Plumbo proprietas, quod calcinatum per ignem reverberationis potentissimum, tantum abest, ut quidquam à mole; & pondere suo amittat, ut potius in calcem redactum, gravius, ponderosiusque comperiatur: Cujus quidem rei ratio alia non est, nisi quod per calcinationem clausis omnibus poris, spiritibusque aëreis, aqueisque evaporatis, multo ac in priori statu naturali, densius reddatur; quanto autem corpus densius, constipatiუსque est, tanto quoque gravius id effici, experientia docet: & patet in cadaveribus, quæ multò graviora, quam dum vita ipsis inerat, existunt, eo quod vivens corpus aëre, spiritibusque plenum quadantenus allevietur, mortuum verò omnibus depulsis spiritibus, canalibusque occlusis, compactius reddatur.

Plumbum
calcinatum
cur gra-
vius sit.

Corpus
mortuum
cur gra-
vius vivo.

CAPUT X.

DE FERRIFODINIS.

Ferri Natura, & proprietates.

Genesis
ferri.

Quamvis *Plinius* naturam, & affectiones hujus metalli multis verbis explicaverit, nos quidquid experientiâ nobis constitit, de ferri natura, proprietate, præparatione hîc adducemus. Ferrum, metallum impurum, & terreum ex sulphure adusto copulatur exiguo humori aqueo cum terrea exhalatione non bene permixto: propterea in igne præ cæteris metallis fumum fætidissimum spargit: hac de re metallum vile, & ignobile vocatur, idque ex colore illius livido patet. Hinc quoque *Albertus* ferrum ex mixtione argenti vivi impuri pariter, & ex sulphure immundo, & terrestri resultare prodidit. Non est igitur admiratione dignum, si ferrum ferro percussum scintillet, cum id ex sulphure prodire quisque noverit. Habet præterea ferrum aliam materiam congenitam, quæ nullo modo comburi potest; etenim observantur in fornacibus, in quibus ferrum in massas componitur, vapores quidam à materia ferrea exhalantes, qui in lanuginem parietibus, & tectis officinæ adhærentem convertuntur, cui natura tantam vim præscripsit, ut magna ignis vehementia consumi nequeat. His ita constitutis nonnulli ponderantes ferri temperaturam illud in caliditate, & siccitate constituunt, ut proinde Astrôlogi, ferrum sub dominio Martis planetæ calidi & sicci collocarint. Præterquam quod experientia calidum ferri temperamentum declarat, dum ab ipso superflua ventriculi humiditates absumuntur, & obstructions contumaces reserantur. Ex altera parte *Galenus* ferrum ad frigiditatem, & siccitatem reducere videtur, dum illud substantiæ lapideæ comparat, quæ ob frigiditatem, & siccitatem stabilis est. Hanc postea sententiam multi Auctores in

Experi-
mentum.

Qualitas
ferri.

Medicina non proletarii secuti sunt: Nam *Conciliator* ferrum frigidum pronunciat; *Iacobus de Partibus* in commentariis ad *Avicennam*, ferrum frigidum, & siccum declaravit; *Manardus* aquam chalybeatam frigidam, & siccam esse stabilivit, imo multi alii hanc opinionem uno ore confirmare videntur. Quapropter ad conciliandos tantos viros, qui de temperatura hujus metalli varie scripserunt, asserendum est juxta dominium primarum qualitatuum, ferrum refrigerare, & siccare: & quoniam nonnullæ portiones sulphureæ ab illo possidentur, ideo iis stomachus roboratur, excrementa in illo contenta absumuntur, & vasa obstructa mirandum in modum aperiuntur.

Cum igitur hoc metallum ex substantia terrestri, crassa, & combusta constet, igni vehementer resistit, & tandem mollescit, & non nisi vehementi flammarum incendio funditur, quamvis autem natura tantam huic metallo congenuerit duritiem, nihilominus eadem natura aquam produxit, quæ ferrum absque difficultate erodit, qualis est putealis in *Cepusio Smolinitii*, & ejusdem conditionis est *Styx* fluvius circa *Thessalica Tempe*, siquidem hujusmodi aqua in vasis ferreis diu contineri nequit, quin ipsis erosio effluat: Imo majori admiratione dignum est, quod animantes huic metallo sint detrimento: Narrat enim *Theophrastus*, in *Syaro Insula* expulsis incolis ferrum à muribus erosum fuisse, & nonnulli referente *Mizaldo* pronunciarunt apud *Chalybas* mures in ferrariis officinis magnam jacturam fecisse. Hinc colligendum est, duritiem hujus metalli non esse adeo notatu dignam, quin manibus ferrum contorqueri possit.

Ferri duri-
ties unde.

Ferrum à
muribus
erosum.

Experi-
mentum
rarum.

Vidimus aliquos mira facilitate clavum ferreum confringentes. Sumebant enim duas fascias longitudinis trium ulnarum, partim ex crassiori, & partim ex subtiliori filo contextas, quibus ita ferrum involvebant, ut pars subtilior clavum amplecteretur, & tunc simplici manuum contorsione clavum in duas partes dividebant. Denuò ferrum alias affectiones patitur: primò candens malleo percussus scintillas emittit, quæ *Nonio* stricturæ vocantur, & in excoctione recrementum, nempe scoriam, vel loppam reddit, quæ à Metallariis, & à fabris ferrariis projicitur; hæc autem est illa materia, ex qua Chymici lapidem Philosophorum constare asseverant. Postremò rubiginem patitur, aqua tractu temporis prorsus absuntur, juxta illud carmen:

Rubigo
ferrum
consumit.

Remedium
contra
rubiginem.

Ferrugo rodit ferrum, lignumque teredo.

Verùm quando à sanguine humano inquinatur, celerius, authore *Plinio*, rubigine vitatur, & hoc vitium à ferro, ad mentem *Plinii*, arcetur gypso, cerussa, & piceliquida: Pariter omne ferramentorum genus rubiginem non sentit, si medulla cervina, pinguedine felis, vel cerussa cum rosaceo mixta perlina- tur: Stannum quoque ferro superinfusum effectum, rubiginosum impedit; sed cum ferro permixtum, ex sententia *Alberti*; illud frangibile, & minimè ductibile reddit.

§. I.

Sympathia & Antipathia.

Observatio
de ferro
intra cor-
pus huma-
num mul-
to tempore
latente.

Struthio
cur ferro
delectetur.

Cimices
ferro de-
lectantur.

AB animantium, herbarum, & lapidum natura ferrum minimè diffidere comperimus: Inprimis humanæ naturæ neutiquam adversatur: Cum ferrum in vulneribus occultatum, citra patientis incommodum delituerit; Etenim narrat *Zacutus* Lusitanus mulieri cuidam profundum vulnus, per verticem capitis acuto cultello inflictum fuisse, quæ sonnolenta pluribus diebus quievit, & tandem obducta cicatrice minimè de actione animali conquesta, iterum domestica negotia obivit; Sed cum transacto octo annorum spacio maligna febre oppressa decesserit, curiosi Chirurgi, aperto cranio, inter duram meningem, & cranium, mediam partem cultelli, quo olim fuerat vulnerata, rubiginosam invenerunt. Inter bruta animantia nullum est, quod tantopere ferro delectetur, quàm struthio-camelus: hæc enim volucris, objecto clavo, vel clave ferrea, uti *Melitæ* non semel expertus sum, illicò fit obvia, & non secus, ac canis viso panis frusto, ferrum apprehensum avidè deglutit, digeritque, cujus causam alibi reddimus. Hoc quidem à veritate non est alienum, nempe cimices ferri odore summopere delectari, nam ferrum loco infixum, in quo nidulantur, paulò post omnes quasi concordè illud amplectuntur. Præterea non desunt vegetabilia, quæ amicitiam ferri diligunt, &

hac de causa super mineras sæpissime crescunt: Inter has plantas *Isatis* potissimum sylvestris, & *Erythrodanum* recensentur, quoniam quadam qualitate ferrea insignitæ, non solum Magneti conservando conferunt, uti in *Arte Magnetica* ostendimus, sed & in cineres redactæ, & fornacibus vitrariis inditæ, sedimentum quoddam ferrugineum in fundo catini relinquunt: Vicissim sunt aliæ plantæ, quæ naturæ ferreæ penitus adversantur, idque de ocymo *Caudentius Merula* pronuntiavit; Pariter ferrum Mercurio, Auro, & Argento nullo amicitiae vinculo conjungitur, cum illis difficillimè copuletur, & propterea catinis ferreis officinæ monetariæ quidquam prædictorum metallorum adhæsisse opifices nunquam observarunt.

Amicitia
ferri cum
plantis.

Diffensus
auri cum
ferro.

§. II.

Ferri præparandi & temperandi ratio.

NArrat *Plinius*, quod in Cappadocia homines non multis laboribus se exercent, ut copiam ferri habeant, quandoquidem certo flumine terram perfundunt, & ex illa terra ferrum producit, tanquam à fornacibus prodiret: Similiter habitantes supra Amarcantum Hybernæ Urbem, hastam ligneam in stagno quodam defigunt, & post aliquot menses partem hastæ luto involutam in optimum ferrum degenerasse reperiunt, pars in aquamersa Cos evadit, & quæ supra aquam remansit, propriam ligni naturam servat; sic Insula Hybernæ pariter circa oppidum quoddam lapis invenitur, qui simplici combustionè in ferrum vertitur. *Aristoteles* talem ferri præparationem assignat, dicens, vehementi virtute ignis ferrum more aliorum metallorum fundi, & multam scoriam separari, sicque ferrum purius, & durius reddi, & reiterata operatione ferrum in chalybem converti. Cæterum antequam vena ferri excoquatur, diligenter est examinanda, num ferri dives, vel inops esse possit. Itaque sumitur minera ferri alicujus noti ponderis, quæ in minutissimum redacta pulverem supra tabulam æneam subtilem collocetur, posito subtus magnetis frusto, quod dum paulatim movetur, grana ferri magnetis motum sectantia, à terra separantur, & hac facili ratione quantitas ferri in vena contenta cognoscitur. Hodie in Germania bifariam ferrum præparatur; primò ex quibusdam lapidibus elicitur; secundò ex terra rubra ferrugine quasi læsa excoquitur, quod opus in Silesia peragitur. Præterea sunt etiam nonnulli in Germania, qui ex magnete optimum ferrum eliciunt. Animadvertendum tamen est, quod variis laboribus se exercent illi, qui præcipue bonitatis ferrum excoquunt, diversis laboribus corpus fatigant, qui circa venam ferri difficulter fusilem, & ærosam versantur, qui modi apud *Agricolam* legendi sunt; Si jam ad temperaturas ferri animum

Terra &
lapides in
ferrum
mutantur.

Observanda
in fusione
ferri.

Ferri quantitas
Magnete
examinatur.

Ferri co-
quendi
modi.

Tempera-
menta fer-
ri varia ad
varia in-
strumenta.

mum convertamus, ferrum recoctum, & à scoria diligenter separatum, duritiem non vulgarem adipiscitur. Artifices tamen in officinis colorem candentis ferri primò observant, deindè liquorem juxta intentionem eligunt, ut ferrum in illo extinctum, duritiem, vel molliem nanciscatur. Quando igitur violentia ignis ferrum ultimam candoris notam acquisiverit, vocant argentum, & tunc illud non extinguunt, quoniam consumeretur: at si croceo colore, vel rubro tingatur, ferrum roseum, vel aureum dicitur, & tunc liquoribus mersum, durius efficitur. Hodie in officinis quadruplex ferri tinctura observatur: prima colore est albo, quæ nimis dura est: secunda flava, qua ossa, & lapides scinduntur: tertia ex purpureo, & cæruleo mixta ad secunda ligna idonea: quarta est nigra, quæ nimium mollis esse perhibetur. Ex altera parte ponderandi sunt liquores, in quibus ferrum candefactum pro varia temperatione, extinguendum est. Multa flumina ad ferri temperaturam apta celebrantur: hac de causa ferrum in Norico scriptis veterum fuit commendatum; hujus conditionis sunt Biblis, Tarassius, Salo, à *Iustino* Chalybs, & ab aliis Iberus, unde Iberæ lorice pro fortissimis apud *Horatium* leguntur. De Salone fluvio *Martialis* sic cecinit:

*Quam fluctu tenui, sed inquieto
Armorum Salo temperator ambit.*

Pariter in Italia amnis Comum interfluens, & Lambrus Mediolanum hac eadem prærogativa gaudere perhibentur, quapropter de hoc postremo flumine sic canitur.

Nec nisi duratum Lambro thoraca volebam.

Virgilius quoque de gladio *Turni* in Stygio amne optime temperato verba faciens cecinit hunc in modum:

*Ensis, quem Dauno ignipotens Deus ipse pa-
renti*

Fecerat, & Stygia condentem tinxerat unda.

Cum igitur in ferro interdum mollieties, & aliquando durities desideretur, erunt assignandi modi, quibus utrumque facile assequi possimus. *Glaucus* ille Samius, qui ferrum nandi artificium invenit, referente *Suida*, ferrum, quod molle esse voluit, oleo, & quod durum, aqua extinxit. Nonnulli ad communicandam ferro duritiem, plumbum in cavitate ferri collocantes, totum candefaciunt, donec plumbum in fumum abeat, & hoc opus toties repetunt, donec ferrum instar ceræ mollescat. Præterea ferrum sæpius candefactum, & per se refrigeratum mirandum in modum tenerescit: id experientia docet in filis ferreis, quæ ignita, & per se refrigerata, mollia, & ductilia evadunt. Alii in succo malvæ, aut fabarum candens ferrum extinctum, inde molle extrahunt. Alii ferrum oleo amygdalarum amararum liniunt, illudque cera cum Assa fætida, & modico salis Alkali mixta cooperiunt, & totum nitro, & luto ex fimo equino involvunt, & in igne

carbonum per noctem relinquunt, indeque ferrum tractabile, & molle habent.

Præterea ferrum diligenter elaboratum mollius, & durius, juxta operantis intentionem temperari potest, cum aliam temperaturam enses, aliam limæ, aliam arma in tutelam parata expostulent. *Albertus* tradidit, ferrum acius fieri temperatura succi raphani, & aquæ lumbricorum terrestrium, quod experimento respondere negavit *Porta*. Enses igitur tali indigent temperatione, ut nervosa exilitate sint præditi, ne dum punctim feriant, rumpantur: similiter acutam aciem poscunt, ut cæsim feriendo secent; quapropter oleo, & butyro ensis corpus temperatur, acies verò acibus extinguitur, ut in cædendo robur, acquirat: & hoc opus, monente *Porta*, vel canalibus ligneis, vel laneis panis madidis opifices assequuntur: Scalprum verò ex eodem *Porta*, pro ferro incidendo in ustrina rubefiat, & quando in ipso rubicundus rosæ color apparuerit, in aqua extinguatur; deinde secundus color fulvus expectetur, & denuo in aqua mergatur. Item ad scalpenda marmora ferrum ex optimo chalybe paratum, & ignitum, apparente roseo, vel rubeo colore, aqua madefiat, mox remotum, apparente colore aureo, rursus aqua mergatur. Lima ita temperanda est, ut aliud ferrum commodè limare possit: Sumatur ergo fuligo summitatum cornu, vel ungularum bovis, portio vitri triti, & salis communis, & omnia aceto misceantur, deinde hac mistura lima imbuta, igne candefacienda est, postmodum in aceto, vel urina, vel aqua frigida illico extinguenda est. Hamus piscatorius simili indiget temperatione, ut piscium moribus minime flectatur; vicissim ferrum pro phlebotomia mollem temperaturam exigit, ne in operatione aut flectatur, aut rumpatur. Item falces herbariæ, quia tenues sunt, fortem temperaturam non requirunt.

Postquam ex ferro purgato, & diligenter temperato varia instrumenta, vel arma fuerint fabricata, nonnullis iconibus, aut characteribus insigniri solent: idcirco ad hoc peragendum opus, pyrites aurei coloris in pulverem reductus, per diem naturalem in aceto maceratur, & vase igni admoto, ut ferveat, aliud acetum superadditur, quo exsiccatum, materia vitreis organis distillatur in liquorem, quo icones, vel litteræ, in quovis ferreo instrumento designantur, quæ prima facie nigræ apparebunt, sed siccatæ, & panno lineo fricatæ, aureæ conspiciuntur. Multi occasione extinctionis ferri in variis liquoribus, & ejus temperaturæ, ferrum, & natura, & artificio in cuprum maturari posse arbitrantur: Sed advertendum est, quod ferrum à natura non ita excoquitur, ut æs evadat, quemadmodum *Scaliger* in *suis Exercitationibus* optime probavit. Præterea ferrum mersum in aquis vitriolatis, tum naturalibus, tum ex arte paratis dissolvitur; & quo-

Alia ferri
tempera-
menta.

Ensis tem-
peramen-
tum.

Limæ tem-
peramen-
tum.

Hami pi-
scatorii tem-
peramen-
tum.

Phleboto-
mus.

Falx.

Chalybi
quomodo
litteræ inci-
dantur.

Experi-
menta va-
ria.

Ferri tem-
peramen-
tum è suc-
cis herba-
rum.

Aqua Chymica ad ferri solutionem.

niam hujusmodi aquæ vitriolum participant, æs etiam, sive cuprum continent, idè materia ferri soluta, in fundo harum aquarum cuprum reperitur, quod ex ferro non generatur, sed potius beneficio ferri præcipitatur. Chymici ad solvendum ferrum utuntur aqua valenti rubea, quæ ex quadrante vitrioli albi, ex septem uncis vitrioli Ungarici, triente salis, & semiuncia aluminis constat. Verùm *Pandolphus* Anglus, qui de fossilibus scripsit, ferrum melle relictum melius liquefieri retulit. Denique ferrum æri, & stanno permiscetur, sed agrestius, & fragilius redditur. Atque hæc ex variis Authoribus collecta sufficiant. Qui plura artificia desiderat, quibus ferrum purgetur, nec non auro, & argento tegatur, *ultimum Librum* consulat, qui horum arcanorum longam seriem recitabit.

§. III.

De Ferrifodinis Ilvæ, vulgo Elbæ, quæ maris Thuscæ insula est.

UTi nullum metallum adèd humanis usus necessarium est, quàm ferrum, ita quoque nullum est, quod ubique ferè locorum majori ubertate proveniat; ita ut vix in Orbe Regio comperiatur, ubi id non præsto sit: adeoque provida natura id ubique eo fine obvium adesse voluerit, quod in humana Oeconomia nil sine ferro confici possit. Hinc Italia, Germania, Francia, Belgium, Hispania, Polonia, Asia, Africa, America, uti Geographicæ Relationes docent, ferrifodinis plenæ sunt, ut proindè superfluum ducam, hoc loco ampliorem ferrifodinarum Orbis terrarum catalogum attexere. Dicam solummodò in Insula Ilvæ tantam esse ferratarum minerarum copiam, ut tota Insula non nisi ferrum dici possit, non infimæ notæ, sed nobilissimum, & præstantissimum omnium: Et quoniam Insulam ante complures annos propriis oculis lustravi, & modum ejus extrahendi, præparandique, ac in chalybem convertendi summa diligentia observavi, hinc visum fuit, modum & rationem prout vidi & observavi, hoc loco adducere.

Bonitas ferri in Ilvæ Insula.

Dico itaque, ferrum uti & reliqua metalla non semper in eodem perfectionis gradu reperiri: Est enim ferrum dulce, ut in Ilvæ Insula, tantæ perfectionis, ut vel glebæ minerales simplici, & ordinario fabrorum igne in nobile & tractabile ferrum in omnem usum accommodatum fundantur; cujus rei causa est, summa ferri puritas. In aliis verò locis ferrum non hujus bonitatis, sed crudum, incoctum, asperum, terrestribusque aliorum metallorum odoribus, quisquiliisque ita reperitur corruptum, ut vix nisi ingentibus fornacum, igniumque tormentis ad meliorem indolem, magno sanè & laboris, & sumptuum impendio deduci queat. Sunt tamen & aliæ minere, quæ plus, minusve hu-

jusmodi impuritatum misturis obnoxie sint. Quomodò verò purum ab impuro separari possit, experientia oculari doctus exponam: Ita autem ut plurimum proceditur.

Primò. Opus est homine minerarum ferri ^{Ferri decoctio.} perito, qui glebas minerales ferri puri ab impuro separare norit: has itaque selectas, & in frustra contractas ad partes seponat.

Secundò. Magna imprimis carbonum ratio habenda est; Hic in Italia plerumque Lentisci, Illicis, Ulmi, Fraxini, similiumque arborum carbonibus utuntur, utpote, quæ ignem potentissimum, efficacissimumque suscitent.

Tertiò. Frustra glebarum ferrearum in fornacem apertam conjecta coquuntur, excocta iterum extrahuntur, & pluviis Solisque ardoribus exponuntur; hoc enim pacto ferri materia veluti ad perfectionem debitam consequendam maturatur, & digeritur.

Quartò. Hoc peracto, frustra Sole, pluviisque imprægnata iterum in partes rumpantur, diligenter observando, si alterius metalli odorem emittant, quem si repereris, iterum dicto modo coquantur, donec deposito odore simplicem ferri odorem referant, & sic tandem fufum ferrum dulce dabit & malleabile: contingit tamen subindè, ut istiusmodi adèd in sua duritie sit obstinatum, ut omnem coctionem respuat, hoc casu, in chalybem id destinabitur eo, quem paulò post exponemus, modo. Ut autem signa habeas puri, aut impuri ferri; Nota, quatuor esse ferrinæ minere species.

Prima species est, mineralis gleba ponderosa, compacta, à terræ, saxi, cæterorumque metallicorum corporum societate sejuncta, coloris brunni, & hæc est perfecta, & unicè desiderata. ^{Varie species glebæ ferreæ.}

Secunda, habet nescio quem adjunctum splendorem unà cum granosa substantia, quæ facillè digitis in pulverem conteratur, & passim tanquam malæ venæ indoles reprobat.

Tertia, gleba mineralis est, grossioribus referta granis coloris nigri, quæ uti semper æs, cuprumque olet, ita quoque passim negligitur.

Quarta denique species minutioribus constans granis, pro conditione matricis nunc melior, nunc pejor reperitur.

Sunt præterea aliæ glebæ, quæ facillè quidem ob reliquorum liquabilium metallorum mixturam funduntur in ferrum, malleum tamen difficulter ob debilem partium nexum, sustinent; & contrà, sunt quæ malleum sustinent, difficilem tamen liquefactionem habent, illa uti plerumque alium usum, quàm in tormentis bellicis fundendis non habent, ita hæc in melioris notæ ferrum reduci possunt.

Quæres. Quænam sint signa ferri puri, aut impuri, & quomodò cognoscantur?

Dico, quod itam si ferrum in terrestribus ^{Signa puritatis ferri.} substantiis reperiatur, illud tamen optimum habetur, quod eruitur ex iis montibus, ex quibus aquæ frigidæ, & gustui haud ingrata emanant, præsertim si locus salubriori aëre con-

Matrices
ferri.

constet. Sæpenumero quoque id in quodam candido saxo, marmoris haud absimili, generatur, quod si unà cum saxo fuderis, durum plerumque ferrum obtinebitur: secus accidet, si puram mineram à saxo sejunxeris, fornicique immixtum liquefeceris. Invenitur & nonnunquam in terra rubra, & flava, minera ferri facile in arenam attritu resolvable, aut etiam instar maltæ mollis; in cujus colligendis glebis te tempus perdere nolim, cum nil boni inde resultet. Ut autem ferri puritatem, bonitatemque cognoscas, sic operare.

Experi-
menta cir-
ca bonita-
tem ferri.

Primò. Mittatur intra forte lixivium cujusvis mineræ species, & deinde post aliquod tempus extracta, ignique supraposita, folle applicato paulatim ignem exsuffles diligenter bullulas, varique coloris vapores observaveris, id luculentum varii metallorum commercii signum est; si sine colore, & bullulis, optimum, & compactissimum ferrum esse, judicabis.

Secundò. Ferri boni signum est bolus, terra fusca, & mollis, pinguisque, quæ dentibus apprehensa, nullum stridorem excitat.

De Ferri in Chalybem transmutatione.

Quomodo ex ferro Chalybs fiat, processum totius, ea qua petero, brevitate, & claritate describam.

Cum Chalybs nihil aliud sit, quàm ferrum ad ultimum perfectionis suæ, puritatisque statum reductum: quod duplex est: Naturale & Artificiale. Naturale uti paucis in locis reperitur, ita Metallici liquatores Naturæ defectum supplerentes, ferrum quodvis ea ingenii industria, quam subjungam, in chalybem convertunt.

Ferri de-
coctio, &
in chaly-
bem com-
mutatio.

Primò. Accipiunt ferrum, jam uti supra dictum fuit, in fornace probe excoctum, ejus quantitatis, quæ eorum intentioni sufficiat; hoc in partes minutissimas rumpunt.

Secundò. In foco Vulcanio constituunt receptaculum rotundum pro chalybis conficiendi quantitate, majus, minusve ex luto, cujus una tertia pars sit argilla, duæ verò tertie sint carbones in pulverem reducti, optimè aqua misto, amalgamatoque compactum, in cujus centro foramen fiat, per quod folles ventum exonerare possint ad exsufflandos carbones.

Tertiò. Hoc receptaculum tum ad igneum fervorem reverberandum, tum ad ferreorum frustorum, carbonumque imponendorum congeriem firmiter retinendam, lapidum circumpositione, veluti muro quodam munia-
tur.

Quartò. Totum hoc receptaculum carbonibus usque ad summum repleatur, qui ubi folium sollicitatione in summum fervorem astuaverint: ita porro procedunt.

Quintò. Ex ferro in chalybem convertendo, & in frustula comminuto, particulas paulatim unà cum contriti marmoris, aliorum-

que silicum fusilium pulvere mixtas sparsim intra coacervatos carbones jam succensos injiciunt, & hoc pacto ferrum facilem fusionem intra receptaculum sustinet.

Sextò. Hoc peracto, ex eodem ferro jam antè virgas mallei vi coactas intra hujus receptaculi fusum liquorem impositas quatuor, aut quinque horis relinquunt, continuo folium vento ignem, carbonisque sollicitando, nec non ferrea virga longiore materiem tamdiu movendo, circumagitandoque, donec virgarum ferrearum pori, subtili fusæ jam intra receptaculum materiæ substantiâ expleantur: quod ubi opifices observaverint, statim forcipe unam post alteram ereptam supra incadem malleis parumper distensas, in præparato seorsim aquæ frigidaæ balneo extinguunt; quas si necdum debita perfectione sibi constare deprehenderint, denuò igneo fusæ materiæ balneo injiciunt, & hoc toties repetunt, donec ultimam perfectionem consequatur. Ita autem hac industria depuratur, perficiturque, ut duritie, compactione, colore, lævitate, & nitore, specificam à ferro differentiam induisse videatur. Non nescio, alios quoque hujusmodi candefacta feramenta in certis herbarum succis extinguere insigni sane successu, uti in præcedentibus patefecimus.

Modus
chalybis
conficien-
di.

De Ferri in æs transmutatione.

Magnum inter Chimicos, & Metallurgos de ferri in æs transmutatione dissidium est, quod omni, qua fieri potest, diligentia, modo opportune decidendum est.

Paracelsus, ejusque sequaces transmutationem perfectam unius metalli in aliud affirmat, eo forsitan fine & intentione, ne artem illam magnam de ridiculo illo lapide philosophi tantopere jactato, quem & perfectam transmutationem subire dicunt, conclamant concedant. Sed enim hanc vel ipsi metallicarum fodinarum præfides, mira in metallis eruendis, lavandis, coquendisque peritiâ, aliarumque arcanarum rerum notitiâ instructi prorsus non dicam negant; ut potius rideant.

Ferri in æs
transmuta-
tio non est
propria.

Certè quemadmodum Pater Joannes Schafferus mihi scribit, in Hungariæ fodinis, quas Herengrundi dicunt, magno sanè Cæsaris annuo proventu, ex ferro æs optimæ notæ confici: quomodo verò in hac Metallometamorphosi procedant, etsi in *Octavo Libro* modum ostenderim, hoc tamen loco paucis illum repetere visum fuit.

Ferrum rubiginosum, & inutile, uti variorum veterum instrumentorum suppellectilem accipiunt, atque fornaci inditum, ad incudem reductum, in tenuissimas laminas extendunt: Hoc peracto, has laminas rivi vitriolati, qui in profundissimis fodinarum cuniculis profluit, fundo imponunt, impositas ad nonnullos menses relinquunt. Constituto itaque

itaque tempore rivum adeunt, & laminas in pul-
verem sub flavum amalagmi adinstar abiisse
reperiunt; hisce aëri, ventisque expositis in
optimæ notæ æs induratur. Atque sic proce-
ditur Neosolii in Hungaria.

Ferri in æs
transmu-
randi Ra-
tio & mo-
dus.

Quæritur itaque, utrum vera hæc ferri in
æs transmutatio dici possit? Dico, veram hîc
transmutationem dari minimè posse, cum
non totum ferrum in æris substantiam mute-
tur, sed ex accidente tantum; me explicò:
Cum enim in vitriolo infinita ærata corpus-
cula inexistunt, & quemadmodum illa ma-
ximam sympathiam cum ferro habent, ita
quoque fit, ut statim ad ferrum confluant, at-
que in ejus se poros intimè insinuent: Cum
verò ingentis acrimoniarum spiritibus polleant,
hinc intra ferrum insinuata, illud mox rodere
incipiunt, usque dum omni pinguedine ferri
consumpta, ferrea substantia dissoluta, in sco-
bem, seu rubiginosum pulverem abeat: corpus-
cula verò vitriolata in consumpti ferri locum
se substituentia, nativa tum ferri, tum propria
pinguedine, in unam massam conglutinantur,
quæ primò quidem intra aquam mollis, aëri
tamen liberiori, ventis, Solisque radiis exposi-
ta, in perfectum æs induratur; atque hoc pa-
cto idem fit, quod antea fuit: antea quidem
per ipsorum corpusculorum in aquis disper-
sionem, modò per eorundem à ferro attra-
ctorum unionem: Si enim vera hîc daretur
transmutatio, nil amplius ferri superesset: Sed
experientia docet, tantum ferreæ rubiginis
manere, quantum ferè massa prius ferrea
pendebat: & ut hujus rei experimentum ex-
actius sumerem, supramemorati fodinarum
Hungaricarum præsidēs per supradictum Pa-
trem *Schafferum*, phialam dictæ aquæ vitrio-
latæ, unà cum solea equina ex media parte
cuprea, ex altera ferrea pro eorum in me be-
nevolentia transmiserunt; Huic itaque phia-
læ filum ferreum indidi, quod intra triduum
totum consumptum fuit, pulve in fundo reli-
cta, quæ à scoria separata purum æs reddidit,
scoria autem ferè ad ferrei fili pondus acces-
sit, ut proinde de hoc negotio à nemine am-
plius dubitari queat. Est & hoc admiratione
dignissimum, quod Pater *Schafferus* de quo-
dam Medico sibi multum familiari, magno
chymico scribit, est ei nomen *Morlandus*: hic
frequenti experientia doctus, magnam diffe-
rentiam inter cuprum, quod ex ferro per
aquam vitriolatam fit, & illud, quod ex mi-
neris eruitur, reperit: ex cupri siquidem arte
per aquam vitriolatam ex ferro confecti cen-

Experi-
mentum.

Experi-
mentum
ab Autho-
re sum-
ptum.

Differentia
cupri arti-
ficialis &
nativi.

tenario, 25 lotones auri se extraxisse refert;
cum ex cupro minerarum ne quidem sex lo-
tones educere potuerit, rogatque à mea te-
nuitate hujus rei rationem; Respondi, id mi-
rum non esse, cum enim aqua vitriolata non
atrimetosis tantum corpusculis, sed & au-
reis unà cum vitriolo ex propriis venis abrafis
profluat, hinc fit, ut ea à vitriolatis corpuscu-
lis ex naturali sympathia attracta in unum in-
tra ferri poros confluant, ferroque consum-
pto, in unam farinaceam massam in fundo
subsident, ex qua deinde aëris ambientis sic-
citate indurata aurum id' eliquatione separe-
tur; Quantò autem per ditiores auri venas
fluxerit aqua vitriolata, tantò major ærosis
corpusculis auri copia inerit; quod tamen ne-
quaquam fieri posse putem, nisi in aqua vi-
triolata per auream venam transeunte. Quod
deinde in ære minerali non tanta auri copia
eruat, ratio est, quod plerumque terrestri-
bus sordibus involutum, exiguum auri co-
piam illi inexistente præbeat: Si verò aureæ
venæ ærofa conjuncta fuerit, non video,
quare non eadem auri copia, quæ ex ære vi-
triolato, inde educi queat: Dependet itaque
ea solutio ex eo, quod chymicus ille in ærofa
substantia auro inope, in vitriolato verò ære
auro divite experimentum fecerit; ut proin-
de nil in hoc admiratione dignum occurrat.
Quomodò verò ex Argento, ex quo omne
aurum jam, ut scribit, extractum est, nihil-
ominus ex uno lotone tantum adhuc auri ex-
traxerit, quantum octo grossorum pretium
erat: Arcanum hisce verbis mihi communi-
cat: Accipe Antimonii, tartari, salis nitri
unam unciam ex singulis, commisceantur si-
mul, & salia frigida fontana diluantur, à qui-
bus si unam unciam Argenti separaveris per
cupellam, id dabit unam unciam auri octo
grossis æquivalentis: Si verè secundo hujus
experimenta cum eodem argento feceris, ni-
hil extrahes, argento remanente sterili; Mi-
ratur autem, quomodo ex Argento, ex quo
omne aurum extractum est, nihilominus au-
rum adhuc subsidio dictorum ingredientium
extrahi posse. Dico itaque, falsum esse, omne
ex argento aurum extractum fuisse, cum Ar-
gentum non ita depurari possit, quin non ad-
huc aliquæ particulæ ei inexistant, quæ post-
eà Antimonio, in quo semper nonnihil auri
inexistere omnes chymici fatentur, auctæ,
aurum illud ad octo grossorum pretium exal-
tant.

Experi-
mentum
rarum.

Arcanum
chymicum
ex argenti
scoria au-
rum extra-
hendi.

CAPUT XI.


De Salifodinis, Salisque præparatione.

Quamvis in *Sexto Libro* ubertim de Sale
egerimus, quia tamen interim ex va-
riis partibus, variæ de salifodinis re-
lationes transmissæ sunt, quæ magno emo-

lumento non carent, hoc loco eas apponen-
das censui.

Prima Salifodina occurrit in superiori Au-
stria Traunkirchii: Altera in Tyrolensi comi-
tatu:

ratu: Tertia in Burgundiæ Comitatu. Et primo quidem in Superioris Austriæ fodinis, uti ad me scribit Pater *Ioannes Eissert*, ex Traunkirchiensi Societatis nostræ Residentia: Aqua ex salifodinis variò jam sale imbuta extrahitur, primò rotâ situlis ligneis haustrisque



instructa è fossis extrahitur, & in canales effusa ad sartagines, & concamerata receptacula, in quibus semper pro occurrente necessitate ad cocturam fervatur, emittitur. Utuntur & trochleis sine rota, vel axi in peritrochio, uti Statici nominant: est axis rota, vel vectibus instructus, quâ à fossoribus uno, aut pluribus, fune axi circumplicata, haud secus, ac veru volvitur: Funis ex utraque parte vas haustrorum adnexum habet, ita ut unò vase aqua salina, pleno ascendente, alterum vacuum descendat, ut in Figura apparet. Utuntur & Anthliis, quæ aquam salinam in vas ad instar dolii vinarii effundunt, & ex his postmodum apertis epistomiis aqua per canales in destinata loca deducitur; aqua verò hæc extrinsecè dulcis est primò; & data opera, intra concamerata, ut vocant, fodinarum salis receptacula, quas *sartias* vocant, derivatur, ubi ex salinæ mineræ dilutione totâ in aquam falsam convertitur, & ubi jam sale satis fuerit imbuta, dictorum instrumentorum beneficio ad cocturam foras extrahitur: Si verò extrâ aliquis aquæ dulcis defectus occurrerit, tum glebâ salinam in coriaceis faccis in frusta comminutam foras extrahunt, & deindè ad locum, ubi aqua dulcis suppetit evectam, eidem, ad eam sale imprægnandam injiciunt, & ad cocturam conservant; ubi verò aqua dulcis subterraneam fodinam salis transit, uti Salisburgi, ibidem majori compendio extractam jam, & præparatam in culinam salinariam per canales coquendam ducunt; ubi subindè aqua salina multarum orgyarum profunditatem habet. Refert *Baronius* in suis Annalibus, in hujusmodi subterraneis salinarum aquarum stagnis anno 1260. ni fallor, integrum humanum corpus inventum fuisse, quod nullam prorsus corruptionem passum erat, adeò recenti, & nivea carne, tam viva oculorum acie, ut vitam mentiri videretur, ac proindè Monachium ob eximiam rei

Modus extrahendi aquam salinam è puteis.

Corpus humanum in aquis salinis inventum.

raritatem Duci oblatum, qui istiusmodi delectatus spectaculo, dum illud intra Gazophylacium condit, tunc illud aëri veluti inassuetum, statim in salinum liquorem defluentibus carnibus, resolutum fuisse dicitur. Sed jam ad Scopum.

Sunt in Austria Superiori prope Ischlen, Halstad, & Traunkirchen montes editissimi, intra quorum utrum lacus, & stagna tum omni mineralium aquarum genere, tum potissimum fodinis salis confertissimi, quæ supra memorato modo in aquas dulces derivatæ, in falsam degenerant lympham, quæ deindè per canales in sartagines salinarias derivatur. Scribit supracitatus Pater, ex monte, quem *Haalberg* vocant, aquam hanc falsam ad quatuor milliaria Germanica ad sartaginem usque juxta lacum sitam, in locum, quem *Langwath* vocant, per 24 millia canalium sibi invicem innexorum, quorum unusquisque decem pedes geometricos longus est, derivari; sartaginem verò ovalis figuræ ex tribus aliis maximam in latitudine triginta, in longitudine sexaginta passus, profunditatem verò habere non nisi pedem cum dimidio. Ex hisce salinis Austriacos Principes Archiduces habere dicuntur in annuis redditibus 800000 octingenta millia florenorum Rhenanorum unâ computatis expensis, quæ ad 110000 Florenorum millia excurrunt. In dictis Halstadiensibus montibus duplex salis genus reperitur: prius solidum, purum & instar crysalli nitidissimum est, verum sal gemmæ dicitur, quod per ignem Naturæ ad tantam perfectionem, & maturitatem deductum ita fixum est, ut de sex uncis post solutionem in filtro nil fere remaneat præter dimidium uncie, quæ instrumentis adhæsit, id est, nil fere pereat. Alterum est varie coloratum, & nunc subrubri, nunc violacei, nunc obscuri coloris reperitur, quod tamen uti viscosum est, & sulphureum odorem prodit, ita passim relinquitur. Ex primi generis sale se extraxisse refert fodinarum præfectus balsamicum spiritum, & oleum, in extrahendis rebus, morborumque cura præstantissimum. Observatum quoque fuit à fossoribus sub certo annorum curriculo fodinas novo sale repleri, de cuius rei veritate nemo dubitare debet, quemadmodum alibi in hoc opere ostendimus: si enim metallorum quorumcunque tandem, lapidumque fodinæ jam exhaustæ successu temporis nova foetura repleantur, quanto magis Salis fodinæ: Cum enim halitus salini ex intimis terræ visceribus continuo expirent, hinc ubicunque corpus consimile, & homogenum reperiunt, ibi frigore condensata corpuscula, mox magnetica quadam actione ununtur, unde cum tempore novum salis incrementum emergit.

In Austriacis salinis, ut sciant, quando aqua dulcis sale diluta sufficienter falsa ad coctionem apta sit, tali utuntur experimento:

Ff


Lebetum vastitas.

Annui redditus è Sale.

Spiritus balsamicus Salis.

Fodinæ quotannis novo Sale replentur.


mento: Lignum durum in formam pyri torno adaptant, ut in fig. A patet; intra cujus umbili-



Instrumentum
ad explorandum
Salis sufficientem
coctionem.

cum nonnihil plumbi infundunt in O, tantum nimirum, quantum sufficit ad hoc, ut mergatur in salsa aqua usque ad petiolum V, qui si medietate sua extra aquam natet, justam ostendit, & sufficientem aquam ad coquendum; si plus mergatur, vel minus, insufficientis reputatur; verum cum hæc praxis nonnullas imperfectiones involvat, id multo meliori, exactiorique experimento expediri posse existimamus, quod hoc loco Empyristis communicandum duximus.

Instrumentum
explorandum
Sali magis congruum.



Sic age. Primo ponderabis aquam, quacunque tandem quantitate, quæ jam experimento comperta fuit sufficiens ad coctionem. Hoc peracto, tibi phyalam A B, cum collo oblongo fieri, quæ in uterum C extumescat, à vitri confflatoribus cures, cujus longitudo A D, 4 palmi partem contineat, ea prorsus figuræ magnitudine quam hîc vides. Collum gradibus quocunque tandem, verbi gratia, decem signetur. Hoc peracto, infundatur in dictam phyalam argentum vivum, deinde hoc pacto intra aquam pbsitam examina, quem gradum notet: optime autem feceris, si tantum argenti vivi immiseris intra phyalam, ut intra aquam posita phyla ad quintum gradum submergatur. Hoc peracto, vel signaturâ hermeticâ, vel cerâ A, orificium phylæ quam arctissime claudes, & habebis instrumentum infallibile non tantum ad sufficientiam coctionis explorandam aptum, sed & ad omnis generis aquas, quantum videlicet salis contineant, explorandas, mire opportunum: hoc enim intra salsa aqua repletum vas impositum, si præcise ad quintum gradum submergatur, jam certus sis, aquam concoctioni aptam: si verò infra quintum gradum submergatur, id plus Salis aquam tenere indicium est: si verò supra quintum gradum submergatur, id pro ratione submersionis majoris aut minoris, minorem Salis portionem habere signum est. Ratio luculenter patet,

quantò enim plus salis aquæ inest, tanto minus submergetur in ea pondus; quanto minus salis aquæ inextiterit: tanto ponderosum corpus plus in ea profundari adeo certum est, ut de eo nemo dubitare aut possit aut debeat; & patet in navibus, quæ in Tybri plus merguntur, quam ubi mari concrevit fuerint, ibi enim subinde ad tres, aut quatuor palmos ob marinæ aquæ ex falsugine densitatem altius attolluntur: Experieris quoque, si hoc instrumentum aquæ dulci puræ imposueris, videbis id quasi totum tectum iri, quia uti aqua est purissima, & subtilissima, ita quoque pondus phylæ sine resistentia quasi fundum vasis, in quo aqua ponitur, petet. Sed hæc in primo Tomo fufius deduximus.

Hoc loco non modicum dubium ab Halurgis mihi propositum fuit: Cur aqua ad concoctionem apta, medietatem quandam sectetur, ita ut non nimium salsa sit, neque minus salsa, nam uti supracitatus Pater *Joannes Efferi* mihi scribit, experimento constat, si frustum Salis solidum quantumvis magnum dulci aquæ injeceris, ea tamen non plus inde attrahet, quam necessarium sit ad concoctionem, ita ut aqua, sufficienti falsedine imbuta, veluti nauseabunda, ab ulteriori attractione cesset, adeoque frustum impossibile integrum remaneat. Quod ut solvatur, Dico, hujus rei rationem aliam non esse, quam quod aqua non plus, aut minus appetat de Sale, quam quantum requiritur ad falsedinem fodinæ primigeniam, & nativam, à Natura in usum hominum tali, & tali temperamento digestam, quod ubi obtinuerit, nil aliud requirere videtur; & experimento constat in piscibus, qui cum perpetuo in falsuginoso mari degant, ex falsugine tamen tantum in se derivent, quantum Natura ad sustentationem eorum, nec plus, nec minus, requirit; quod & in sale artificiali contingit: Nam si ab Halurgis, uti referunt, pisces recentes in sartagine salinaria coquantur, elixenturque, non plus tamen à sale condientur, quam ad eos edendos opus sit, licet toti quanti immersi in sartagine aquæ salæ bulliant.

Sed & hoc mirabile in dictis locis evenire dicit, quod aqua salsa ad sartaginem, in qua coquitur, in vicino loco frigido, ubi in usum Halurgorum aqua dulcis hauritur, adhæreat, & congelescat aqua salsa, ibidem varias easque pulcherrimas figuras formasque adeo diaphanas acquirat, ut à Crystallo vix distingui possit, & haud secus ac sal gemmæ nunquam rotunda, sed semper quadrata figura à natura instructæ reperiuntur; Quod verò in illo frigido loco nascantur, alia causa non est, nisi quod dum Sal in vicina sartagine coquitur, halitus, vaporesque salini elevati, ubi frigidum illum locum incurrerint, ibidem condensati, in eas, quas dicimus, formas degenerant; uti enim ignis vi ab omni terrestri scoria depurantur sublimatione, ita quoque con-

Mira proprietas Salis.

Experimentum.

Aliud admiratione dignum.

Causa redditur hujus proprietatis.

conjunctos, unitosque frigore loci, non nisi in crySTALLINAM transparentiam coagulari necesse est.

Saccarea ex
sile gene-
fis.

Additur, eodem loco candida corpora reperiri, ita à Natura elaborata, ut à saccareis bellariis distingui non possint: Cujus rei ratio alia non est, quàm quod vapor cum terrestribus adhuc, nitrosisque quilibet infectus sit, undè frigido in loco condensatus, non in diaphanam, sed opacam substantiam candidam degenerat.

Hydria ar-
genti vivi
terax.

Est ab hujusmodi Salinis non procul remota Hydria, Argenti vivi fodina, de qua tametsi in capite de Argento vivo multa egerimus, quia tamen supra citatus Pater de multis non ita passim obviis, quæ de hujusmodi fodina observata fuerunt, certiore me fecit, ea hoc loco opportunè inferenda duxi. In Hydria, inquit, octo milliarium spacio Labaco diffusa, argento vivo feracissima, & maximorum reddituum fodina Archiducum Iurisdictioni subdita spectatur, de qua memoratu dignum referunt, dæmunculos montanos quàm frequentissimè ibi spectari, feliceque se credunt fossores, si eos audierint, & communis opinio est, ibi solùm ejusmodi dæmunculos, ubi divites venæ sunt, reperiri, audiunturque frequenter laborare malleo cæterum invisibiles. Blasphemos, jurantes, fistulatores, seu quosvis scelestos non patiuntur, undè solent fossores superstitiosi indies ollulam cibo refertam certo loco illis exponere, & quotannis togulam rubram ad longitudinem pueri, & certo tempore coemptam illis veluti munus efferre, quod ni fecerint, inclementes, & offensos virunculos experiuntur; si satisfecerint, beneficos erga se experiuntur, tantam enim effodiunt, malleisq; excutiunt metalli quantitatem, quantam vix pluribus diebus fossores omni adhibito labore possunt; ita homines Superstitiosos ludit humani generis hostis Satanas.

Dæmones
subterra-
nei.

Non procul Hydria in finibus Superioris Carinthiæ supra Villacum urbem octo milliariis, in valle *Raisfal*, melioris notæ Arsenicum citrinum, candidumque reperitur: citrinum uti est melioris notæ, ita quoque Mercatores Veneti illud in varios usus adhibent, quin & Ægyptiis vendunt, qui propullantem serpentum, qui singulis annis post Nili inundationem ex limo magna copia nascuntur, eos hoc arsenico per agros sparso enecant; nullum apud hujusmodi fodinam unquam venenosum animal, aut vermes vivos fuisse ajunt. Fossores contra Arsenici virulentiam ut plurimum certis utuntur unguenti refrigerantibus, & Theriaca, larva quoque vitrea aut vesicaria vultum munientes: Et quoniam istiusmodi in se aurum, argentum, & cuprum continet, ita quoque avaritia humana non obstante tanto vitæ discrimine, illud frequenti modo effodere solent. Primò enim vena exploratur, deprehenditurque percussione malleorum; si enim saxum quoddam percussum ignem vibret, id luculentum melioris no-

Arsenici
fodina.

tæ Arsenicalis venæ signum est; deinde pluribus in locis venas prægrandibus terebris perforant, & factis jam foraminibus, tubos larinicos pulvere pyrio refertos intrudunt, deinde fomitem adjiciunt prælongum, qui foris accensus, ubi attigerit pulverem, totum in momento Arsenicalem venam frustatim rumpit, ita ut postmodum extincto igne, & fodina refrigerata, frusta Arsenici sine periculo colligant; quod decoctum deinde post separatum argentum in flores albos, & in vitri consistentiam deducunt. Fossores in hac fodina ocreis, chirothecisque induti, noctu, diuque duodecim tantum horis laborant: rudis mineræ centenarius eruitur 16 crucigeris, id est 6 bajochis: Expurgatæ centenarius 15 florenis: ex centum centenariis hujus mineræ sunt viginti centenarii Arsenici puri, & citrini. Hæc de fodinis Austriacis.

De Tyrolensibus Salifodinis cum alibi amplam mentionem fecerimus, hinc reiteranda non duxi, cum eodem prorsus modo dulcis aqua intra montes saluginosos collecta, saligineque sufficienter attracta, deinde in sartagine officinæ salinarie per canales ad cocturam derivetur. Hoc addo, vix in Europa locum esse, ubi natura majori rerum varietate ludat non enim solum auri, argenti, ferri, cupri, plumbi, uti Suazii, sed & pretiosis lapidibus refertissima est, quarum rerum tum Serenissimus Archidux, tum ejus Serenissima Conjux harum rerum studiosissima investigatrix, per Patrem *Michaëlem Staudakerum* utrique à concionibus, me certiore esse voluerunt; Sic verò dictus Pater ad me scribit. Expono Rev. V. jussu Principum Archiducum nonnulla admiratione digna, quæ in Tyrolensi comitatu Natura molitur Principes metallorum cognitioni unice incumbunt; & quod mirum est in famina, non est peregrina Serenissima in hac scientia, & ipsamet huic labori, ac operi intendit: aggressa quoque est lapides inquirere, & discernere, qui antehac ne nascebantur quidem, & neglecti fuerant, cum tamen revera pretiosi sint, & in gemmarum numerum jure merito venire queant: laborati enim, & politis, pulcherrimi evadunt, limpidoque, & egregio colore aspectui blandiuntur, neque oculis tantum voluptatem & admirationem præbent, sed digni omnino sunt, qui eximio etiam pretio aestimentur. Cuperem ut Rev. V. specimen aliquod videre posset; laudaret equidem, & miraretur non agnitas hætenus nostra Patria divitias. Copia ejusmodi lapidum jam magna collecta est, inter quos reperti sunt Iaspides, Ahatès, Chalcedonii, Rubini, non quidem tam ardentes, & sanguinei, uti Orientales, sed dilutiori purpura, quæ tamen revera venustissima est, ut fortassis apud quorundam oculos, saltem propter raritatem, alteris palmam præripere possint. Mererentur profectò hi nostri lapides, & sine mendacio dicam, gemma, ut earum aliqua mentio cum Serenissima encomio, in Mundo Subterraneo fieret. Huc usque has litteras perduxeram, cum subinde Serenissima collocutus, ab illa intel-

Salinæ Ty-
rolenses.

Mira in
Tyrolensi
Ducatu.

Origo
gemma-
rum.

intellexi, inter gemmas hactenus apud nos inven-
tas, etiam numerum facere Amethystos, Sma-
ragdos, Cornelios, Turchesas, Granatas, Mola-
chitas, & Adamantes parvos quidem, sed tanta
duritiei, ut alios adamantes scindant, nec ipsi
scissuram admittant. Chalcedonios nostros ait Se-
renissima Orientalibus prestare: Adamantes na-
sci, ubi crystallus generatur: hanc esse hexangu-
lam; Amethystos quatuor angulis; Granatas
duodecim ac decem circiter. Porro experientia se
comperisse, ait, omnium gemmarum principium,
vel materiam esse liquorem, siue aquam per ve-
nas metallicas derivatam, qua guttatim defluens,
primum in Talcum, dein in gemmas concreseat:
pro Talci autem colore etiam gemmas imbui, &
has demum valide durescere, dum ex montibus
devoluta Oeni fluminis aquis perluuntur; illas
verò, qua in ipso natali solo, hoc est, in montium
cavernis eruuntur, necdum tantam duritiem in-
duisse. In amne quoque, qui Sil vocatur, & non
procul Oeniponto Oeno se miscet, silices paulatim,
& processu temporis flavo colore tingi: fuit ali-
quando hic amnis, & fortassis etiamnum est, au-
rifer. Sed hæc de raris Tyrolensis comitatus
sufficiant.

De Salinis Burgundiae.

Cum more mihi solito ubique locorum
cum Viris eruditis literarum commer-
cium de rerum naturalium arcanis in Mundi
Subterranei subsidium instituissem, & inter
alios Eximium fanè, & doctissimum virum
Ioannem Menecard Canonicum, & Succento-
rem Sancti Mauricii de Salinis Burgundiacis
consuluissem, is uti ad omne obsequium
genus præstandum, promptissimum se exhi-
buit, ita quoque nil non egit, quam ut ex-
actam mihi, & accuratam de Salinarum, quæ
in Burgundia visuntur, celebritate nominis
insignium, addito rerum ectypo, informa-
tionem daret: quoniam verò literæ ejus mul-
tum salis sapiunt, eas hinc ad posteritatis te-
stimonium apponendas duxi. Ita autem
scribit:

Mandat autem Rev. V. Paternitas nonnul-
la sibi de subterraneis nostratibus thesauris tran-
scribi. Provinciam hanc mihi demandatam ni-
mis gestio, dummodo stili deformitas rerum maje-
stati nihil detrahat, aut veritati.

Salinis itaque bona nostra sorte lusus Natura
falsi subsiliunt fontes, qui quasi de terra visceri-
bus adeo alte depresti, præter naturam exiliunt,
& in altum suapte se provomunt: Sunt autem
Salina, urbs antiquissima, Sequanica Burgundia,
seu Comitatus Burgundia Caput, in Valle Scodin-
ga Romano itineri Regum & Consulum, imò &
Julii Cæsaris temporibus pervia, (quod pluribus
demonstrari potest) sita; Vallis autem omnis ne-
morosa primitus circumjacentibus per gyrum ca-
stellis tanquam confita, donec armenta, & greges
totos dies haustus hujusmodi avidissima inditio
fuerunt latentis necdum satis cogniti beneficii:
diversis regnata est Principibus: nunc autem In-

vicissimi Philippi Hispaniarum Regis titulos au-
get, & Dominia: Castrorum alterum portis Ur-
bis impendet, & moribus, nativitate Divi Clau-
dii Principum Salinensium Sanctissimi perquam
celebre, Bracon vocant: Catera per juga mon-
tium, qui urbis collimitia definiunt, eminus pro-
specta munitionum vices implent, hostibus infe-
stissima. Inter duos oppositos montes ab ortu, &
occasu valde præruptos, & arduos, Meridianus
Urbis, manibusque hinc inde parallelis, per ra-
dices eorundem montium distenditur: reliqui au-
tem montes à Meridie & Septentrione altissime
surgunt, alteroque milliario, & amplius ab urbe
ipsa dividuntur. Horum omnium in medio, quasi
centro Saliti fontes ebulliant, quorum proinde
inòdum fidum mandamus, una cum admiran-
da magis, & diversa qualitatum intensione, quod
in angustia octo, aut ad summum decem pedum
differentia, differentes fontium scaturigines qua-
litate ferveant, & quantitate saliant: quorum
rursus indicia notis litterarum hic subjecta da-
mus accuratius.

A. Fontium designat optimum, qui per tenues
arenas inter rupes duas, ac vivos lapides, ab
imo, veluti ex olla, ebullit copiosissime, imò co-
piosius per Austrum, & multos imbres, qui-
bus cessantibus nova tam aquæ quam salis reddit
incrementa, (experimento quotidiano etiam no-
bilis Petri Chaudes, qui penè à puero, titulo
hereditario Oeconomia hujusmodi præfuit) ne-
que turbidescit unquam, vel deficit, nisi quod
reflante Borea, qualitate nonnihil, & quanti-
tate minuitur. Caterum aqua hujus Libra cen-
tum viginti quinque dant salis candidissimi &
optimi mediante igne subjecto caldariis, quatuor
circiter decempedarum diametralis latitudinis,
& pedum trium altitudinis; adeo autem salita
est Aqua hac, ut nisi aqua ipsa, debilioribus
aliis inter coquendum temperetur, sal ipsum in
formam maritimi salis coalescat & coaguletur.
Quod rursum valde notandum est, muria ipsa,
qua supersuit post concoctionem, si ceteris mi-
sceatur aquis dum igni applicantur, & dosim, &
quantitatem salis auget, & qualitatem, ut cen-
tum aqua libra viginti octo & interdum plures
reddant salis optimi.

B. Priori vicinus est digitorum tantum qua-
tuor interstitio, vocaturque Scaturigo canal-
is plumbei: Source du canal de plomb. è vivo sa-
lit saxo, secumque scrupulos, seu arenulas Zi-
nabari aut cocco similis colore trahit; priori seu
quantitate, seu qualitate nonnihil impar; pro-
que centum aqua libris viginti quatuor tantum
salis defacatissimi suavisque acrimonia reddit;
per æstatem autem uterque libra una salis mi-
nuitur, ille 24 tantum, hic 23 fæneratur.
Utriusque autem ad usum optimum commiscen-
tur aqua, & in commune conceptaculum trans-
mittuntur ad usum: Nihil in hoc à primo di-
versum, quoad tempestates aut ventos, cate-
raque.

C. Scaturigo nova seu recentior, la nouvelle
Source: vix precedentibus dissimilis, nisi quod
solam circiter effluit unciam, & viginti tan-
tum

Fontes Sa-
lini.


Notatu
dignum.

Fons sali-
nus 2.

3 Scaturi-
go salis
nova.

Tom
Fol.





tum & tres libras salis coagulat, utiliter remanet miscetur reliquis: quia nonnihil absimile, quantum ad ventos, tempestates & imbres pulsat.

4 Fons.

Mirus effectus huius fontis.

D. Fons quartus, le Durillon dictus, ab aliis pedum sex intercapedine tantum distans: Libram unam & amplius ab ipsa origine provomit; perennis omnino sicut ceteris, nec unquam vel minimum turbidus. De media arena in altum saliens bullit. Quia porro nonnihil aquarum dulcium sibi sociat, septem tantum salis libras pro centum aqua fenerat. Veruntamen nescio quid portentosum cognovit in hoc experientia: quando enim per caniculam priores minus cognoscuntur, hic nativa bonitate increscit, proque centum aqua reddit circiter quindecim aut sexdecim salis libras, semperque eadem puritate & quantitate effluit; ac proinde aliis tunc temporis utiliter commiscetur, & in commune conceptaculum, (Cuppam vocant, la Cuve) transmittitur.

5 Fons.

E. Sex palmorum circiter altius defluit ceteris, la viel puifoir, quasi dicas, vetus haustorium: Imò spatio trium perticarum ab aliis divisum, omnium precedentium abjectissimum, quippe sex tantum salis libras pro centum coagulat. Quia tamen ex superioribus officinis, in quibus coquitur sal, & in certas formas effingitur, sal deciduum per occultos meatus in huius originem stillat; Unde salitur abunde, ad diis miscetur, & utiliter concoquitur, precedenti penè par, temporum, tempestatum, ventorum, aut imbrium similiter commoda vel incommoda patitur, augmentis paribus & decrementis.

Haustoriae machinee descriptio.

F. Rotula è ferro, quae in alveum communis conceptaculi deflua ex canalibus excipit aquas, quarum casu gyrat, donec completo receptaculo impedita per superficiem aquae exundantis rota ipsa se sistit, & beneficio funicula axi illigata, quae redditur inutilis, rota quiescente, campanula, quae monitoris superioris implet officium, indicio muria exundantis, muta redditur, tuncque sine mora, qui elevandis aquis praest, mulos aut equos alterius superioris rota axi transverso implicat, quo fit, ut rota rota implicata per obliquos radios, doliolis abietinis rudenti attextis, salsa ex communi receptaculo in superiorem alveum elevetur, ex quo postmodum unoque dactylo, per plumbeos euripos & canales distribuitur diversis epistyliis in concoquendis salis officinas, quas Bernas vocant, admirando sanè artificio, quod ex figura pene satis intelligere est.

G. Alveolus, qui in commune conceptaculum falsas, quae sunt utiles, comportat.

H. Commune seu grande conceptaculum: la Grande cuve.

I. Canalis seu alveolus, qui quarti fontis, quem Durillon vocant, aquas vehit, cum aquis dulcioris fontis in fluvium per inferiores meatus projiciendas.

K. Gradus, quibus ab alto in imos fontes devenitur.

L. Dulcioris aquae, ac bene potabilis aquae scaturigo, octo circiter pedibus à canali plumbeo diffusa, nonnihil tamen sapit saluginis, ut etiam pro centum aqua libris, duas vel quid minus bene cocta sit redditura: quod tamen vix gustu percipitur, ac proinde tanquam inutilis abicitur, eodem vero artificio, quo salsa elevatur per instrumenta similia, & campanulam, ne ab ipso conceptaculo seu cuppa, gallice Cuve, perumpente aqua dulci, salsa misceatur, neque minori diligentia regitur: Ceterum dulcis haec nullo tempore augetur aut minuitur, neque vento quovis flante, sive Austro, sive Borea turbidior evadit, aut abundat magis, aut deficit, sed uniformi conatu se prodit semper.

M. Rota brevior ferrea diametri pedis unius & semis, quae aquae dulcis defluas excipit aquas, ad indicandum, quam plenum sit grandius receptaculum, sicut de falsis diximus.

N. Conceptaculum, sive cuppa dulcioris aquae.

O. Canalis ejusdem aquae, quae in flumen abicitur.

P. Canalis alter, quo deducuntur falsae in salinas superiores.

Q. Alveolus alter, qui excipit salientes per doliola totidem falsas, & ad vicinos euripos & epistylia, quae Tourets vocant, deportat.

Cetera, quae in figura fusius explicantur, ideae sunt ingentium fornicum, amplius sub communi pavimento sexaginta pedes inferius depressorum: quae omnia, qui cominus introspiciunt, haud absurde octavum Orbis miraculum praedicant. Qui autem de his sapientius & accuratius Philosophorum more ratiocinari praesumunt, non possunt non admirari, quod octingentis circiter millibus passuum ab maritimis dividimur, quibus addendus est urbis situs ut supra descriptus montibus praetitis, quaque versus, vallatus. Declivia namque montium tam qui Occasum respiciunt, quam Septentrionem, & quae media sunt inter Septentrionem & Ortum, lapidem Thracium, quem Leodienses Houille vocant, copiose satis, maxime in agrorum uliginosis nutriunt, concoquendo salis aptissimum, nisi quod nidore ingratissimus, ejus autem acrimonia nonnihil falsi sapit. His addendum, quod reliqui montium maxime qui ad Austrum vergunt, altero milliari ab urbe disjuncti & nonnulli à Septentrione urbe pene contigui, gypsum habent omnis generis candidum, candidius, & candidissimum: gypso autem cum salsa bene convenit, simulque mixta tenacius coagulantur, ut facile suspicari liceat, gypsi officinas aquae salae fore matrices; Quidquid sit, arduum est, in tam abstrusis rebus omnia sapere, vel definire, quod uni soli admodum Rev. Paternitati competit.

Lithantrum ferax campus.

Gypsum.

Addam hic omnibus, quod ego ipse saepius sum expertus: In iis grandioribus conceptaculis, quae destinantur salsae conservationi, viginti nonnunquam, aut triginta annos salsa immota quiescit; donec fontes per longiorem aetatem quodammodo minuantur, nec sint distributioni salis pares, ibi ad asserum peripheriam salsa adherens congelascit.

Effectus salis in crystallum verfi.

scit in crystallum, cujus ego portionem sortitus pedis unus & semis, longitudinis, & medii palmi altitudinis: effregi portiunculam magnitudine nucis unius, in prunas ardentes conieci: subito vix calore concepto, quasi fulgur è medio foco erupit, ac per inane cubiculi grandi fragore se diffregit, tum pars in partes dissiliens continuo strepitu, si ulla partium in faciem allisissent, haud dubie vulnus inflixissent; ex quo pe-

riculoso experimento didici, quidnam sit, quod Sal gemma, & Sal decrepitum Chymici nominant. Si autem quidquam superfluis admodum Rev. Vestra Paternitati insinuandum, ad primum nutum vel minimum probavit R. V. semper Devotissimum & obsequentissimum Joannem Menecard Canonicum & Succentorem Sancti Mauriti de Salinis.



MUNDI

MUNDI SUBTERRANEI LIBER UNDECIMUS, CHYMIOTECHNICUS,

Q U O

Universalis Chymici Mundi apparatus,
ac mirificæ in eo operationes per artificiosam Chi-
miotechniam ad Naturæ archetypum ador-
natus exponitur, & Pseudo-chymia
funditus exploditur.

P R Æ F A T I O.



Atet in humana mente Cœlitus ei inditus nescio quis veritatis cogno-
scendæ igniculus, quo semel incensa, agitataque nulla quiete frui posse
videtur, donec ad id, ad quod tanto fertur desiderio, tandem pertin-
gat. Hunc si ullus alius, certè illum in me sentio; dum admirandam
Divinæ sapientiæ majestatem in hoc Naturæ theatro altius contempla-
tus, arcana in singulis elucescentia DEI ejusque famulæ Naturæ, inquam, sacraria pe-
nitius investigo. Quæ tum in triplici Universi Regno, tum vel maximè in Chymi-
cis Geocosmi ergasteriis spectantur; queis ulterius agitatus num simile quid Naturam
imitati Metallurgico Artificio, quemadmodum nullo non tempore Aurifices, quos
Alchimistas vocant, se posse, jactitarunt, producere possemus, summo studio investi-
gare conatus sum. Qua de causâ in variis peregrinationibus meis hoc unicum mihi
propositum fuit, ut viros celebritate nominis claros, sive Chymicos, sive Metallur-
gicæ professionis famâ insignes conveniens, vel oretenus, vel frequenti literarum
commercio, de Magnæ Artis Auriferæ, uti vocant, arcanis cum iis conferrem; ut quid
tandem de celeberrimo illo lapide, Mydæ virgula, tantorum mirabilium patratore
credendum esset, explorarem, quid sperandum, comperirem: sed frustraneo labore
non tam philosophicum illum, quàm Sisyphi lapidem saxumque volvi, & revolvi;
cum inventus sit nemo, qui quæsitis meis, aut etiam ipsis experimentis non infrequen-
ter in mea præsentia factis, satisfecerit. Hinc ad fontanas veterum scriptorum origi-
nes me contuli; & primò quidem Hebræorum, deinde Arabum, postea Ægyptio-
rum, qui hac in parte nonnihil præstitisse creduntur, monumenta (quorum non exi-
gitus apud me partim Hebraicâ, partim Arabicâ lingua exaratorum numerus est) dis-
cussi; Sunt inter cætera *Zoharæ* incogniti, verius supposititii de Solis perfectione,
conjugio Solis & Lunæ, Authoris *Zadith* filii *Hamuel*; *Hermetis* quoque opera, in
cujus vita dicitur eum *Henoch* fuisse, artemque tradidisse auriferam suis posteris ante
diluvium, *Chamum* verò alteri post diluvium *Hermeti*, seu quem *أدريس* *Adris*
vocant, dedisse referunt. Est & apud me liber Arabicus de massa Solis, & Lunæ.
Haled Rex de lapide Philosophorum, alique complures tractatus, tot, & tam hor-
renda barbarie obsiti, tam inconcinnis, ne dicam ridiculis metaphoris, ænigmatibus, al-
legoriis involuti, ut ne vel ipsi, quid voluerint, intellexisse videantur, adeoque mihi
in mentem venerit, nihil facilius esse, quam talia scribere, cum quidlibet, quod vel
primum in mentem venerit, sub hujusmodi ridiculis humanæ mentis phantasmatis,

Authoris
studium
circa Al-
chimiam.

Arabes de
Alchimia
scripse-
runt.

ver-

Horrenda
ferrago in-
utilium re-
rum in A-
rabum
monu-
mentis.

Authores
Latini Ara-
bum fe-
quaces.

Vanitas
Authorum
Alchymi-
starum.

verborumque ludibriis ad ingeniorum vexationem conscribi possit. Et quoniam nihil ad meum gustum comperire licebat, *Lullum, Villanovanum, Rupicissam, Isaacum Hollandum, Trevisanum, Baconem, Paracelsum, Basilium Valentinum* Magnæ Artis hujus Authores, cæterosque innumeros aggressus, ut ex ipsis prodigiosi ipsius conficiendi lapidis modum, & rationem expiscarer. Quare eorundem dicta facta, irrefragabili veritatis trutina ponderando, aggressus, numque *Lydium* veræ philosophiæ lapidem sustinerept, periculum feci; sed in omnibus nihil aliud vidi, nisi illud sapientis omni laude dignum pronunciatum: *Eccl..c. 8. v. ult. Intellexi, quod omnium operum Dei nullam posset homo invenire rationem eorum, quæ fuerat sub Sole, & quanto plus laboraverit ad quærendum, tanto minus inveniat; etiamsi dixerit sapiens se nosse, non possit reperire.* Inveni hominem rectum, & ipse sese implicuit infinitis quæstionibus, omnes res difficiliiores, quanto argumentum, quod tractant, est abstrusius, impenetrabiliusque. Qui enim ritè omnia dictorum Authorem inter se contulerit, adeò differentes de magna lapidis Arte opiniones, tam perplexas, & intricatas reperiet, ut *Augiæ* stabulum facilius quispiam, quàm hujusmodi dissidentium Artistarum officinam purgaret. Quid itaque de Alchimia, quid de Chymia sentiam, hoc libro manifestandum duxi, in hoc unicum incubiturus, ut verum à falso, ab illicito licitum, justum à fraudulento, dissimum à consonò disjungam, & quid Natura possit, quid non possit, *καὶ τὴν ἀπόδειξαι* ostendam, ea spe fretus futurum, ut viri sapientia, nec non Medicinæ & Philosophiæ scientiâ clari, viso argumentorum, experimentorumque pondere, veritatem à falsitate sine difficultate unà mecum sint discreturi. *Deus Opt. Max. Pater luminum, coeptis faveat.*

SECTIO I.

DE ORIGINE ALCHYMIÆ.

CAPUT I.

De Nomine, Definitione, & Divisione Alchymiae.

Al.

Etymon
Chimie à
Chamo.

Alchymiae nomen mixtobarbarum ab Articulo *Al* Arabicis omnibus nominibus præfigi solito, & Græco *χέμιον* deductum, omnibus populis, & Nationibus proprii juris factum est, uti nomen *Almagestum* ab *al* Arabico & *μέγιστον*, magnæ constructionis *Ptolomaica* opus sat ostendit. Qui verò purum id Arabicum nomen volunt, illi illusi videntur, nomine Arabico *الكيمياء* *Alchimie*, quo in libris Arabum nil frequentius est, & à Græcis, uti innumera alia passim occurrentia, mutuatum est. Qui verò ab Ægyptiaca voce *Chami*, illud derivant; putant, illam à *Chamo* primo Ægyptiorum Rege *Noëmi* filio literis descriptam, in Arca conservatam, & in Ægyptum translatam fuisse, posteros verò illam nullo non tempore à *Mesraïmo Chami* filio & *Hermete* ejus consiliario traditam coluisse. Verùm cum hæc omnia quàm fusissimè in *Obelisco Pamphilio*, & *Oedipi Syntagmate* de Alchimia Ægyptiorum hieroglyphica discussimus, ed *Lectorem* remittimus, ubi luculenter docemus, Ægyptios nequaquam Alchymiam trans-

mutatoriam, sive quod idem est, magnum illud Elixiris, sive Lapidis philosophici mysterium intellexisse, sed eam, quam Spagyricam *μεταλλουργία*, sive *Artem metallicam* vocant, & in separatione, depuratione, lomento, decoctione metallorum potissimum consistit, & non incongrue *ἀλχυμία*, id est, à salis perpetuo interventu, *salis fusio* dicitur; quam & in præcedentibus fuisse exposuimus. Atque hoc modo intelligi debere Alchymiam Ægyptiorum, nulli dubium esse debet, fuitque à primævis Mundi hominibus ante diluvium *Adamo* adhuc vivente, probè culta à *Tubalcain Lamechi* ex *Sella* filio, uti habetur *Gen. c. 4. Sella quoque genuit Tubalcain, qui fuit malleator, & faber in opera cuncta aris, & ferri.* Æs verò, & ferrum ex fodinis eductum non purum, putumque, sed arte metallica (quam divinitus inspiratam *Adamus Protoplastus* veluti ad humanæ vitæ transigendæ pernecessariam, filios suos edocuerat) eductum, laboratumque fuisse, nemo dubitare debet; quam & posteri *Adæ Noëmus*, filiique avita traditione acceptam, post diluvium in universas mundi partes propagarunt. Unde multi-
ces

Transmutatoria
Alchymia
non fuit
nota primævis
hominibus
& Ægyptiis.

Sola metallurgia
nota fuit ab origine
mundi.

Propagatio
metallicæ
artis.

Metallur-
gia om-
nium
antiquissi-
ma.

Definitio
Metallur-
giæ.

Definitio
Alchy-
miæ.

Definitio
Chymicæ
spagyricæ.

oes Alchimiæ species emanarunt, quarum prima est omniumque antiquissima, quam Metallurgiam, sive Metallicam artem vocamus, quam ita describimus: *Alchimia Metallurgica nihil aliud est, quam ars metalla præparandi, lavandi, excoquendi, solvendi, coagulandi, & pura ab impuris separandi, in usus humanos necessarios, quam & Chymiam propriè dicimus.* Altera species est, Alchimia transmutatoria, quæ χρυσοποιία quoque dicitur, qua quælibet metalla imperfecta in aurum, argentumque purissimum se transmutare posse Alchimistæ sibi imaginati sunt, quam hoc pacto definimus. *Alchimia est scientia docens facere & generare quandam medicinam, quam Elixir vocant, qua quando projicitur super metalla, perficit illa completque in momento projectionis, transformatque ea non imperfecta solum in perfecta, sed & in aurum & argentum pro ratione medicina projecta.* Utrum verò hæc Definitio subsistere possit, & utrum definitioni effectus respondeat, in sequentibus docebitur. Tertia species rectè dici potest Chymia Spagyrica, sive analytica, qua non mineralium tantummodò, sed & vegetabilium, animaliumque corpora in sua elementa resolvuntur, quam & Chymiatricam sive Chymiam medicam vocant, & versatur potissimum circa artificiosam oleorum, salium, spirituumque,

seu quintarum essentiarum ex mineralibus, metallis, plantis, animalibusque extractionem in Medicinæ usum; estque studium omni laude dignum, quod ex intimæ naturalis Philosophiæ fontibus hauustum, & prolatum primum, Regum deinde multorum, principumque studio excultum, merito jure in liberalium scientiarum numerum relatum, in sacratissimum tandem Medicinæ complexum venit; cujus quidem ingentia emolumenta in genus humanum emanantia condignis encomiis sat celebrari nequeunt, cum verè sit arcanioris Philosophiæ fons, humanæ sapientiæ clavis, medulla, & anima tum Physicæ, tum Pharmaceuticæ facultatum; Medicinæ radix, & scopus unicus, ad quem viri sapientes nullo non tempore collimarunt: Tot enim stupenda nobis DEI Opt. Max. opera patefecit, tot pandit Naturæ sacramenta, tot antehac medicamentorum præparationes, herbarum denique, animalium, mineralium, & omnium pæne corporum abditos & in penitissimo Naturæ sinu reconditos usus depromit, ut in genus humanum meritò ingrati videri possint, qui aut eam ex Medicis negligunt, aut sepultam velint. Et cum de prima Alchimiæ, quam Metallurgiam vocamus, in præcedenti *Libro* quàm uberri- mē tractaverimus, restat, ut de duabus posterio- ribus ratiocinii nostri vela pandamus.

Laus Chy-
micæ sive
Artis spa-
gyricæ.

CAPUT II.

De Alchymia, quam Chrysopæiam vocant.

Alchymicæ
studium
intrica-
tum.

4. Scientiæ
sunt qui-
bus sem-
per dicitur
& dicitur,
inventæ, &
non in-
ventæ.
Quadratu-
ra circuli,
Motus per-
petuus, Lu-
men per-
petuum,
Alchymia
aurifera.

NUllum equidem in universa naturali Philosophia argumentum adeò controversum, tot tantisque digladiantium pugnis, & certaminibus expositum, tot differentium opinionum monstris foecundum reperio, quàm id, quod de auro conficiendo palàm circumfertur, ut proinde supervacaneum existimem, de tantarum controversiarum, litiumque decisione calamum movere; atque adeò suppressendum consultius duxerimus, quàm hoc *Eridis* pomum tangere; quia tamen à multis meum de hoc argumento judicium requisitum fuit; quàm instantissimè rogatus, quid de eo sentiam, ea, qua fieri potest, ἀνεγείρω meam aperiā sententiam.

Quatuor sunt, de quibus inter Philosophos, & Mathematicos nullo non tempore inextricabilis, & in hunc usque diem indecisa lis, & controversia mota fuit; quorum prius Quadratura circuli requirit; alterum Statica facultas sibi vendicat, estque motus perpetuus, quem pura artificiosa quadam Machinatione constitui posse nonnulli perperam existimant; Tertium Physica sibi prærogat, estque lampadis, quæ perenni, & æterno igne ardeat, constructio: Quartum est Alchymia, quæ imperfecta metalla Philosophici lapidis divina, uti ipsi dicunt, efficacia pollentis potestate in aurum purissimum, nobilissimumque converti

posse sibi imaginantur. Innumeri & sunt, & fuerunt ex Mathematicis, qui pertinaci studio, incredibili labore movère quadrata rotundis, ut ad id, quod jam à bis millenis ferè annis tantoperè desideratum, inquisitumque fuit, id est, ad quadraturam circuli pertingerent, nec tamen hucusque inventus est, qui intentum à Mathematicis τετραγωνισμὸν, seu Quadraturam veram, & realem, quæ in adæquata diametri ad circumferentiam proportionem consistit, in hunc usque diem se invenisse gloriari queat: etsi nonnulli eam se detexisse tam firmiter crediderint, ut nullis verbis, nullis rationibus ab ea se divelli, passi fuerint, donec tandem detectis paralogismis convicti, veluti dubia quadam luce delusi, pavonia cauda contracta quieverint. Idem perpetui motus artificialis exploratoribus accidit, qui perversa imaginatione, & rei, quam moliuntur desiderio in transversum acti, dum ingentibus frustraneo labore expensis, rem se confecisse confidentius sibi persuadent, tum enim verò experimento factò, perennis motus loco, perpetuæ quietis stabilimentum se consecutos, miserandumque in modum delusos se esse ad desperationem usque deplorarunt.

Anno 1661. decem perennis motus inventiones ex diversis partibus, examinandi causa ad me transmissæ fuerunt, quas Authores

Vera &
realis tetra-
gonismus
à geometris
intensus nec-
dum re-
pertus.

Motus per-
petuus pu-
rè artifi-
cialis.

prorsus desideratum effectum præstituras credebant, sed ad Lydium Staticæ lapidem exploratæ ad unum omnes ingentibus referatæ paralogismis deprehensæ, tantum in animis machinatorum effecerunt, ut relicta ulteriori *ἀεικνύσας* inquisitione, & veluti conclamata, utilioribus se studiis dederint; neque unquam me hujus machinationis sive scriptæ, sive typis editæ effectum ullum videre potuisse memini, tametsi omnes passim clament, ab hoc, vel illo, in hac vel illa urbe motum perennem inventum esse; imo in impressis quoque libris speciosis hujusmodi titulis eam complures exornate non sint verecundati. *Motus perennis machinam jam tandem à tot seculis desiderata, tot Mathematicorum ingenii industria frustra inquisita, tandem omnibus numeris absoluta, & demonstrata.* Ecce similibus ad nonnullam rei præstitæ fidem conciliandam titulis, nonnulli ante victoriam triumphare non erubescunt: quæ quidem de motu perenni pure artificioso dicta velim: posse verò subsidio Naturæ accedente, machinam perpetuo mobilem ex Arte, & Natura commistam fieri, cujusmodi nos in *Arte nostra Magnetica* exhibuimus, non nego: quæ tamen machinæ plerumque omnis emolumenti expertes comperiuntur. Idem de lumine seu igne perpetuo intelligenda sunt, quæ cum omnia fuisse in *Præcedenti Libro*, capite de *Asbesto* confutaverimus, eò *Lectorem* remittimus. Sed ut jam ad propositum nobis scopum revertamur. Quod de dictis jam artibus, certe de Alchimia potissimum verificatur: Vix enim Alchimistam alicujus nominis reperiatis qui non lapidis istius notitiam se habere, aut jactitet, aut ab alio quopiam magnæ Artis ope-

Alchymiz
studium
vanum.

rationem se vidisse contestetur, quorum tamen veritatem si ad *Cleantibus* lucernam exactius explores, non nisi putridas, & verminosas merces, aut ad summum vel fucos singulari adornatam operationem, vel simplici à reliquis metallis auri separationem, quod Metallurgorum proprium est, nulla transmutatione facta, reperiatis; ut proinde certo mihi persuadeam, hujusmodi difficultates nullo unquam tempore exhaustum iri, & consequenter usque ad adventum, ut cum Hebræis loquar, *Elia*, id est, ad consummationem sæculi duraturas; uti enim hæc in individuo consistunt, ita quoque majorem humani ingenii industriam ad hujusmodi arcanum penetrandum requirunt, ad quod non nisi forsitan angelicis mentibus accessus datur: Est enim Natura adeo sui juris tenax, ut in hujusmodi se humana industria superari nunquam permittat, utpote sibi soli arcano operandi modo reservato.

Ex hisce præmissis concludo tandem, et si arcana hujusmodi ex se, & natura sua scibilia sint, adeo tamen in intimo Naturæ secessu, centroque convoluta latent, ut ea nulla humani ingenii industria extrahi possint. Dico itaque Alchimiam, quam Cryfopœciam transmutatoriam vocamus, objectum quidem habere ex se, & sua natura scibile, ad quod tamen non nisi Angelicus forsitan, aut dæmoniacus intellectus pertingat: quia tamen Alchimistæ pro aris, & focis concertantes eam vel à primordiis Mundi cognitam esse contendunt, nihil porro restat, nisi ut num quæ jactantur, vera sint, & num lapis iste philosophicus nulli unquam forsitan cognitus tantas, quantas illi jactant, vires obtineat, examinemus.

Alchymia
scibilis est,
non tamen
adhuc sci-
tur.

CAPUT III.

De Antiquitate Alchymiz.

Lapidem illum Philosophicum, quo in Arte Transmutatoria, seu projectoria Alchimistæ uti dicuntur, non tantæ antiquitatis, ac ipsi sibi persuadent, esse, vel ex hoc patet, quod ante *Christum* à nullo unquam scriptore ejus mentio fiat. Pseudo-Alchimistæ, ut lapidi suo fidem majorem conciliarent, eum vel ab ipso *Adamo* derivant, imo ne quid præsumptionis, aut temeritatis intermitterent, eum à *Deo* opt. max. per arborem boni, & mali in Paradiso præfiguratum fuisse, à quo deinde *Adam* artem hanc didicisse non tam impie, quam stolidè asseverant; *Adamum* verò posteris suis *Enocho*, filiisque traditam ad *Noëmum* propagatam, qui per liberos suos deinde eandem in omnes Mundi partes disseminavit, hujus autem summum cultorem fuisse *Chamum*, quamque per filium suum *Misraimum*, & *Hermetem* ad posteros deduxisse, ex Authoribus mirum in modum tortis ostendere conantur: quasi verò genus humanum in primis illis Mundi exor-

Antiquitas
Alchy-
miz.

De propa-
gata alchy-
mia *Ada-
mi* ad po-
steros stul-
tæ opinio-
nes.

diis nulli alteri arti, quàm quæ in Lapidis confectione consistit, incubuisse credere debeamus; dicant quicquid volent nulli judicio pollenti quispiam unquam id persuadebit. Ex Sacro quoque Textu novimus, *Adamum* & posteros non auro, sed ferro terram coluisse; rursus hanc quoque *Belum*, *Ninum* & *Semiramidem* exercuisse, nescio quibus futilibus argumentis ostendere conantur. Ab Ægyptiis verò artem totam literis hieroglyphicis ab *Hermete* descriptam fuisse asserunt, de qua tamen ego ne hilum quidem in iis reperio; hujus & *Pythagoram* peritum, artemque per aureum sæmum indicasse tradunt. Hanc *Moysem* in omni sapientia Ægyptiorum instructum coluisse; hanc *Hippocrati*, *Aristoteli*, *Divo Thoma*, *Appollonio Thyanae*, *Alberto*, cæterisque magni nominis Philosophis attribuant, non alia de causa, quam ut arti nugacissimæ Authoritatem aliquam conciliarent, Ut proinde satis mirari non possim, tot ac tantis nugis humanum se ingenium

Falsum est
Alchy-
miam hiero-
glyphicam ab
Hermete
traditam.

Salomon
alchymista.

nium occupasse, cum tamen tot fabulis, tot inconcinnis assertionibus, tantum abest, ut Artis fidem promoverint, ut potius omni ejus credibilitate destructa, eam prorsus evandam, omnibusque exosam reddiderint. Quin & Salomonem eam calluisse, ex *Magico Libro*, quem *Claviculam Salomonis* vocant, ab eo composito, ostendunt; uti verò *Clavicula Liberi* horrendis, & prorsus abominandis rebus refertus est, ita ego eum verius ex officina diaboli, quàm *Salomonis* prodiisse censeo, Quis enim fucum pseudo-Alchymistarum hic non videat? Si enim *Salomon* hanc auriferam Artem calluisset, certè minimè aurum ex Ophir, ultimis Indiarum oris, ingentibus sanè sumptibus, & vitæ periculis, triennali navigatione adduci curasset. Non sistant hic Pseudo-chymistæ, sed quidquid superstitiosa antiquitas unquam fabularum excogitavit, id non alio fine factitatum fuisse asserunt, quam ut admiranda illa lapidis philosophici mysteria sub occultis istis mythologiæ involucris latentia, exprimerent. Hanc artem ajunt per duodecim agones *Herculis*, per vellus aureum in Colchide ab Argonautis, à Græcis per Deorum πολυθείαν, ab Ægyptiis per *Osiris*, *Isis*, *Hori*, *Typhonis* historiam, expressam fuisse. Ne verò in nugacissimis rebus tempus perdam, legat qui volet *Petri Fabri* *Herculem Chymicum*; *Michaëlis Mayeri* arcanorum arcanissima, & *Georgii Hervortii* *Tabulæ Bembinæ* interpretationem, queis nil aliud, quam Artis magnæ rationem & methodum ab Ægyptiis significatam fuisse inconcinnè, ne dicam ridicule interpretari conantur. Sed qui nostrum *Oedipum* pervolverit, is sane luculenter videbit, multo aliam fuisse Ægyptiorum intentionem, quam ut philosophici lapidis, quem nunquam cognoscant, mysteria per ea significarent. Quæ omnia hic fusius prosequer, nisi ea quam fusissime in Alchimia Ægyptiorum *Secundo Oedipi Tomo* inserta descripsissem, ubi tamen per nonnulla symbola haudquaquam artem lapidis, sed metallicam artem, qua ex certis terrestribus materiis ingentem auri copiam extrahebant; per Elixir verò suum, non lapidem, sed liquorem ex preciosis lapidibus, herbis, plantis, aromatibusque extractum vitæ prolongandæ opportunum significasse demonstro. Neque sistant hic Alchymistæ, sed ex *Canticis Canticorum* veluti epithalamio quodam Solis, & Lunæ, lapidis sui mysteria à *Salomone* significata fuisse, stulte, impie, plenisque blasphemia verbis ostendere non verecundantur. Nos tamen quantum fieri potuit, antiquitati hujus perditæ artis incumbentes, nullam ante *Christum* à quopiam scriptore hujus artis mentionem fieri deprehendimus. *Cajus Caligula* Cæsar primus ex imperatoribus, *Plinio* teste fuit, qui ex auripigmento aurum excoxisse dicitur, eum verò cum lucrum expensis non responderet, ab opere destitisse ferunt; sed ab Auripigmento aurum separare non ad transmutatoriam, sed ad spagyricam Chymiam

Fabulæ veterum nil aliud denotant, quam Alchymiam.

Quid Ægyptii intollererint per lapidem phil.

C. Caligula primus metallurgus ex Cæsaribus.

pertinet, qua aurum, quod arsenico, aut auripigmento naturaliter inest, ignis vi, & per decoctionem à terrestribus facibus, quibus necitur, separatur, quod Metallurgorum proprium est; neque *Plinium* mortalium curiosissimum hujus artis transmutatoriam, lapidisque, five magni Magisterii nullam notitiam habuisse ex *Traçtatu de Metallis* luculenter patet, quam tamen si habuisset, procul dubio, ejus, tanquam argumenti omnium curiosissimi, amplissimam mentionem fecisset. Quod verò *Iulium Firmicum* vocis Alchimie mentionem fecisse dicunt, id in Manuscriptis Bibliothecæ Vaticanæ non occurrit, sed Chymie vocem vel per fucum, vel ab impressoribus ad Alchimie quandam antiquitatis fidem conciliandam, additam fuisse verisimile est. Addo, si tantum lapidis magisterium curiosissimis scriptoribus, *Æliano*, *Solino*, cæterisque philosophis, & oratoribus cognitum fuisset, illud haud dubie magnis encomiorum titulis in cœlum usque extollere nunquam destitissent. Quodnam enim argumentum nobilius, excellentius atque admiratione dignius, quo nempe sola lapidis philosophici efficacia omnia in aurum converterentur, esse poterat? *Suidas* de *Diocletiano* narrat, cum eo regnante Ægyptii auro, & divitiis præpotentes, res novas multorum hominum illustrium cæde molirentur, rebellionem motam statim in ipso exordio sopitam fuisse, & ne imposterum Ægyptii auri, divitiarumque viribus freti, Romanis, novis rebellionum, seditionumque tumultibus multum negotii facefferent, conquista undique veterum de argenti, aurique fusione scripta Cæsaris jussu flammis tradita fuisse. Ægyptios itaque artem auriferam calluisse quidem, non tamen illam magni lapidis fabulosam, (alias enim non fuisset magni secreti loca habitata) sed quæ separatione ex terrenis glebis fusione fit, id est, Metallurgiam omnibus communem. Secutus aliquot post annis *Zosimus* scriptor græcus, cujus de Arte sacra, & Chrysopoeia libri Manuscripti adhuc conservari dicuntur in Bibliotheca regia Parisiis, de quibus tamen, uti quid contineant, mihi non constat, ita quoque judicium meum interponendum minime censui: quem secutus *Nicephorus Blemmidas* de eadem materia librum scripsit, qui tamen uti ex Manuscripto Vaticano patet, de lapide nullam mentionem facit, soli Spagyricæ totus intentus; Hisce successerunt Arabes, qui primi hujus lapidis authores orbem innumeris & fabulis, & superstitionibus repleverunt. Hi supposititiis *Hermetis*, reliquorumque Ægyptiorum veterum scriptis mysterio refertis allekti, novum quid editurientes, lapidem hunc vegetabilem divinis virtutibus præpollentem, tanquam thesaurum thesaurorum mundo obtrufferunt; & ut partibus suis nonnullam auctoritatem conciliarent, ex vetustissimis *Hermetis* monumentis, artem suam non tam comprobare, quam authenticare contenderunt. Est ingens apud me horum scriptorum Arabico-

Plinius
Alchimie
versionem
non scit.

Veteres
Rom. scrip-
tores Al-
chymie
nunquam
memine-
runt.

Arabes
scriptores.

Arabum
fabulæ
horrendæ
de Lapide.

Latini
Chymico-
graphi.

Qua de
causa tan-
topere cul-
ta fuerit
Alchymia.

rum copia, in quibus tamen nil, nisi nonnullas transmutationes metallorum, tincturasque, non essentialia quidem, sed purè accidentales, uti coagulationes Mercurii, separationesque auri ab argento, hujus ubi ære, & plumbo, à me haud infelici successu probata, reperi, de quibus in sequentibus: Ubi verò de Lapide suo agunt, non arbitror, ullas ab humano ingenio fabulas, apologosque excogitari posse absurdiores, illis, quas ipsi sub astruulis parabolarum, allegoriarumque involucris describunt, & tanta verborum obscuritate exponunt, ut nec *Oedipus* quidem ad eorum mysteriorum expositionem sufficere posse videatur. Quæ omnia uti in Alchimia nostra Hieroglyphica magna Arabicorum textuum allegatione exhibuimus, ita ea hoc loco recitare supervacaneum esse existimavi. Has Arabum traditiones primò secuti sunt complures magni inter Latinos nominis, *Arnoldus Villanovanus*, *Raymundus*, *Lullus*, *Ioannes Azotus*, & ultimò tandem *Paracelsus*, quos innumeri alii secuti sunt, qui auro inhiantes, Arabum mentem aut non intelligentes, aut perperam interpretantes, aurea catena cælitus deducta, id est, novà Hermetica philosophia cusa, Regum, Principumque tantarum rerum pollicitationibus avidorum animos veluti aureis catenis attraxerunt primò, quorum favor, & propensus in aureum studium animus tantam excitavit orexin, ut totos se ei non sine publicorum negotiorum damno dederint. Hinc factum est, ut nullus pænè histrio, miles, circulator, nullus tonsor, chirurgus, balneator, mechanicus, mercator, aut

medicus, inventus sit, qui non mox in Alchimistam vel una nocte, fungorum more, excreverit; hinc tot flagitiosorum hominum κατάρματα, tot Principum deceptores impostoresque, tot humani sanguinis hirudines, tot marsupiorum emunctores, veluti ex equo quodam Trojano prodiere, adeò ut vel ipse *Paracelsus* fateri cogatur, Chymiam omnium eorum inhonestè se alere cupientium agrum esse, nullumque porcum esse, qui in *Chymia* vineam rostro suo grassari non audeat; quorum plerique fuere suæ professionis desertores; ministri πολυπράγμονες, Juris apostatae, pharmacopæi ad incitas redacti, ignavi opifices, fabri ærarii, Agyrtæ versipelles, Aurifabri Φυλάργυροι, circumforanei audaces, sartores ebriosi, stupidi fullones, dentifragi, & tonsores garruli, patrimonio- rum decoctores, aliique hujus furfuris vani, rudes, & imperiti homunciones, qui cum bona sua abligurierint, ubique ferè terrarum tanquam muscæ circumferuntur, grandia de benedicto illo lapide Solis, & Lunæ filio debuccinantes, perpetuò montes aureos somniant, divitias *Crafi* pauperrimi mortalium spondent; verbo, exhausto per circulationes cerebro pro tinctura colorem, pro lapide Philosophico saxum, pro thesauro carbones, & cineres post se relinquunt. Atque hinc factum est, Chymiam cæteroquin nobilem facultatem tam turpes notas incurrisse, ut hodiè Alchimistà nil vilius, dolosius nihil, fraudulentiusque habeatur. Sed jam hisce sepositis ad nostrum institutum revertamur.

Paracelsi
de Alchy-
mia di-
ctum.

Decepto-
rum seu
pseudo-
Chymico-
rum de-
scriptio.

CAPUT IV.

De Pyrotechnia sive ad Chymicas operationes requisitis vasis, & instrumentis.

Imitatio
naturæ
difficilis.

Occultæ
naturæ se-
mitæ in
auro pro-
ducendo.

Fieri non potest, ut Chymici quicquam rectè constituent, nisi in hoc mineralis Naturæ labyrintho filo *Ariadna* apprehenso, juxta regulas, & operationes Naturæ, *Archæo* Duce processerint, prototypo naturali in omnibus artibus, & scientiis opus est, & patet ex pictoria arte; ut enim pictor sculptorque in simulacris rerum pingendis effingendisque dignum quid efficiat, prototypo opus est; quo si careat, nil nisi monstruosum partum eum editurum certò sibi persuadeat. Geocosmus Alchymistis archetypon esse deberet; si eum intrare liceret: Hic enim artis perfectionem exactè docet; dum in interiori suo utero, innumeris instructus fornacibus, seu alembicis miro quodam, & incomprehenso ignis magisterio in humidum agens, in vapores modò id exaltat, jam dissolvit; nunc calcinat, coagulat, induratque; & tandiu putrefacit, fermentatque, donec tandem in matricibus subterraneis appro-

priatis metallum à Natura intentum producat; quo quidem in opere adeò occultis modis per adeò occultas semitas in inaccessis illis Naturæ ergasteriis procedit, ut in iis affequendis, comprehendendisque omnem humani ingenii captum eludere videatur, cum neque graduati caloris cum appropriatis terrestrium glebarum conjugis combinatio, neque disparatarum rerum in unum connectendarum proportio nobis constare queat; Quem tamen Naturæ ordinem nisi Alchimistæ quàm præcisissimè in Lapidis confectione observent, certò nunquam ad id, quod prætendunt, intenduntque, se perventuros certò sibi persuadeant. At quis est adeò subtili ingenio præditus, qui fornacum, alembicorum, syphonumque in abdito *Vulcani*, & *Archæi* regno rationem penetret? quis tam multiplicem magisteriorum, tincturarumque varietatem modumque quo operatur concipiat? Ut interim admirandam salium, mineraliumque cæterorum

Incognita
nobis na-
turæ quam
in rebus
adhibet
proportio.


μηδὲ
γίνεσθαι
in-
accessa
humano
intellectui.

Stultitia
quorun-
dam Idio-
tarum qui
se Chymi-
cos jactant.

rorum in mirificis effectibus producendis, pa-
ranympha rerum combinatione varietatem
fileam; Undè vel ex hoc capite Alchymiae, si
non impossibilitas, saltem inevitabilis, inextri-
cabilisque difficultas probetur; accedit, quod
nec ego minimus omnium, nec alius quis-
piam tam ex veteribus, quàm modernis sub-
tilissimi ingenii scriptoribus veram & eviden-
tem μεταλλουργίας rationem in hunc usque
diem demonstraverit, cum ea tam abstrusæ
sit indaginis, ut quo quis plus in abstrusis hu-
jusmodi Naturæ operationibus se profecisse
putat, tanto semper plures ex ancipitis ani-
mi perplexitate difficultates superandæ sibi-
que restare videantur dissolvendæ; ut proinde
satis mirari non possim, nonnullos chymi-
castros qui tanta fiducia arcanum omnium
Naturæ magisteriorum maximum, illotis ut
ita dicam manibus, nulla naturalis philoso-
phiæ notitia instructi aggredi audeant, illud

inquam argumentum, quod jam dudum sa-
pientissimi pro conclamato censuerunt, ut-
pote quod Natura rerum sibi soli omni aditu
ad intima, & arcana ergasteriorum suorum
penetralia intercluso, reservasse videatur.

Si itaque quispiam perfectè nosset Naturæ
amissim, qua humida heterogenea sublimat,
præcipitat, solvit, coagulat, cum appropria-
tis glebis fixat, & indurat, si & jam furno-
rum subterraneorum nosset rationem, is
haud dubiè nonnihil in auri, argenti, cætero-
rumque metallorum artificiosa productione
præstare posset. Verum cum vix humano in-
genio concessum sit, hanc adire Corinthum,
certè nil restat, nisi ut ex effectibus, non nisi
conjecturis quibusdam distillatoria *Archæ*
Subterranei vasa consequamur. Ego sanè
diù, multumque circa hanc Naturæ pyro-
techniam speculatus, tandem varia experi-
mentorum ratione inductus, vasa terræ, for-



nacesque, eo, qui sequitur, modo constitui
posse existimavi, ad quorum exemplar arti-

ficiosa Chymicorum vasa postmodum extru-
cta fuerint.

Gg 3

Cer-

Subterra-
neæ for-
naces &
foci.

Certum est, uti *primo Tomo* ostendimus, latere in intimis Terræ visceribus multiplicem pyrophylaciorum dispositionem, quæ veluti foci quidam igneum calorem per universas Geocosmi semitas, fistulososque Terræ tractus diffundant. Et primò quidem multiplices cavitates in dictis terræ penetrabilibus, veluti cucurbitas quasdam Natura disposuit, quæ uti diversitate mineralium confertæ sunt, ita quoque eæ humentes intra dictas cucurbitas suppositi ignis vi in vapores resolutæ per cæcos fibrarum canales, qua data porta patet, intra varia differentis naturæ concava, ubi terrestres glebas invenerint, ibidem magnetica quadam vi attracti, pro ratione & terræ, & vaporis, proportionatum metallum efficiunt. Sed hæc melius Figurâ, quàm multiplici verborum ratiocinio ostenduntur.

Expositio
modi
quem na-
tura adhi-
bet.

Sit itaque subterraneum pyrophylacium X, cui lebes, aut aqua minerali refertus, vel matrix Mercurio-sulphurea, quæ per diversos tubos in diversas montium matrices C D E F, vapores suos igni exaltatos diffundat. Si itaque primò matrix A, veluti cucurbita quædam sulphure, & mercurio, & sale referta, nascetur hinc subditi ignis ministerio vapor spermaticus mercurio-salino-sulphureus, qui per canalem B C. elapsus, si in C matricem purissimam sulphuris venam inciderit, eidem undique, & undique veluti in alembico quodam conclusus frigore loci condensatus in aquam convertitur, hæc sulphuri purissimo rubri coloris loci altius imbibitus, & moderato colore per canalem B C. digestus, cum tempore, humido elemento consumpto in aurum convertitur; Si verò vapor canalem B D, in matricem D, sulphure candido non adedò puro concoctoque refertam inciderit, tum ibidem tandem argentum generabit. Si verò vapor ex A per canalem B E, in matricem E, impuro sulphure, & variè contaminato refertam inciderit, tum ibidem æs; in matrice verò F adusto impuro, & terrestribus quilibet contaminato sulphure referta ferrum producet. Hoc pacto in matrice G, magnesia, plumbagine, bismuto referta plumbum & stannum gignet. Vides itaque Naturæ in metallis producendis processum; & quomodò unus & idem vapor pro diversitate matricum per sublimationem, distillationem, coagulationem, fermentationem in matricibus factam tandem diversa metalla producat. Atque ex hac Naturæ operatione Philosophi paulatim in notitiam quandam μεταλλογνῶσεως pervenientes, ad exemplar Naturæ constituta, vasa, fornaces, alembica, cucurbitas, similiaque, adinvenierunt, ut ad ea veluti ad Naturæ prototypon perpetuò respicientes, tandem id arte, in quo Natura longo tempore elaborando incumbit, se confecturos crediderint. Quoniam verò frustraneo labore in Chrysopoeia exponenda sine iis adminiculis, sine quibus ars

Vasa Chy-
mica ad
exemplar
naturæ
constituta.

confici minimè potest, procedere videri possumus, & ne eorum, quæ ad artem hanc sive confutandam, sive defendendam quovis modo necessaria sunt, ἀμύστοι καὶ ἀπρακτοὶ censeamur, hic primò omnem construendorum vasorum operationibus Chymicis congruorum fabricam apponam, ut quem singula usum in pyrotechnia obtineant, ex experimentis singulis appositis clarissimè elucescat.

Veruntamen, ut quæ de Mundi Subterranei arcana constitutione in præcedentibus fusius forsan, quàm par erat, tradidimus, ad usum aliquem humanæ vitæ necessarium traderentur, visum est, in hoc *Libro*, quem & *Geocosmum Applicatum* appellamus, methodo quadam facili, clara, & expedita mirificæ Chymiotecnias ἱερογραφίαν quandam adornare, ut quod Natura insita sibi efficacia & industria in foecundo Geocosmi utero parturit, id nos Encheiromatico quodam artis ingenio ad pantamorpham Naturæ similitudinem adaptato, & parturire, & producere valeamus: quod ut ea, qua fieri potest diligentia, & methodo efficiatur, primò universalis Chymiae canones quosdam paradigmaticos operationum in Chymia perficiendarum exhibebimus, ut quomodò in præparatione, calcinatione, coagulatione, fixatione metallorum, cæterisque paulò post fusè deducendis procedendum sit, *Lector* benevolus cognoscat; queis peractis Alchimicas operationes adoriemur, ut quidnam sit Lapis ille Philosophorum lippis, & tonsoribus notus, & an vero, & reali magisterio, & ex quibus confici possit, & utrum tantis virtutibus polleat, quantas illum habere Alchimiæ jactitant, *Lectori* curioso luce meridiana clarius innotescat.

Naturæ
prototy-
pon in arte
respicien-
dum.

Dicitur, uti alibi diximus, Chymia ἡ τοῦ χυμοῦ, quod idem est ac *fundere, liquefacere, vel in liquorem, aut succum, mixtum aliquod deducere*; & uti χυμός idem, quod *succus* est, ita Chymia ars est succum faciens, seu res solidas in succum resolvens, quam ita definimus: *Chymia est Ars separandi purum ab impuro, atque inde faciens medicinam corporibus sanandis, & metallicis ad metallicam perfectionem summam perducendis aptam*. Constat hæc definitio suo genere, forma specifica, & fine proprio: Genus est *Ars Physica*. Ars est, quia habitus est cum ratione effectivus, idque in rebus naturalibus: Forma ejus est *separatio puri ab impuro* huic Arti propria. Purum dixi, quia non solum metallorum, sed & herbarum, plantarum, animaliumque mixta in sua elementa resolutionem fecit. Fit autem hæc separatio variis modis, uti postea ex operationibus Chymicis patebit.

Definitio
artis Spa-
gyricæ.

In Chymiotecnia itaque considerata sunt tum ea, quæ operationi inserviunt, tum operatio ipsa; Illa ut locus, & causa, adjuvant. Locus Chymiae est subjectum materiam elaborandam continens; uti furnus, & vas: Furnus est locus, in quo ignis ad materiam Chymicè præparandam dextrè, & convenienter adapta-

Locus
Chymicis
aptus.

adaptatur. Quæcunque autem hoc loco adducentur experimenta, illa omnia vel in celeberrimo collegii Romani Pharmacopæio fieri propriis oculis vidi, vel fido quoque principum corresponſu communicata, & proba-

ta adduco, cum in dicto nostro pharmacopæio, nec peritorum consortium, nec ad omnis generis chymica experimenta ſumenda quicquam ingenti meo emolumento deſiderari poſſe videatur.

CAPUT V.


De Furnis, vasis, calorum gradibus, cæterisque operationibus Chymicis.

Formaculo-
lorum
ſtructure
& rationes.

Furnorum alius eſt apertus, clauſus alius: ille dicitur, eo quod ſuperiori parte apertus ſit, eſtque Probatorius, aut Ventofus: Probatorius, ſive docimaſticus eſt furnus apertus, in quo metalla purgan-

tur, examinantur, vel ſublimantur; ſit autem ut plurimum ex argilla, vel laminis ferreis, uti ex ſequentis Schematiſmi prima Figura patet, ubi per conſterium locum cinerum, per pyriterium verò ignis focum intelligimus.

FABRICA FURNORUM.



Explicationes Furnorum.

FIG. I. Probatorius ſive docimaſticus furnus eſt apertus, in quo metalla perfectiora purgantur, examinantur, & ut chymicè loquar, fulminantur, cujus fundamentum ſignificatur littera A. B. oſtium ſive apertum furni, ſive cinerum locum notat. C. intermedia pars intra oſtium inferius & ſuperius. D. oſtium furni in quo metallica materia ſupra craticulam probanda ponitur. E. foramen eſt carbonibus ferro movendis inſerviens. FF. foramina ſunt igni moderando deſtinata ſuis inſtructa regiſtris ad quemvis gradum caloris. G. foramen aëri attrahendo neceſſarium.

FIG. II.

FIG. II. *Furnus ventosus seu anemia furnus est apertus, in quo ope ignis follibus incitati mineralia liquantur fundunturque. A. conisterii cineribus destinati locus. B. ostium est conisterii, & una aëri attrahendo aptum. CC craticula carbones, & una vas ipsis suppositum sustinens. D crucibulum in quo metalla liquuntur. E foramen follis fistula imponenda aptum. F foramen quod fumo emittendo servit.*

FIG. III. *Furnus camentatitius est, in quo ignis ad res camentandas dextrè accommodatur. A conisterium. B. ostium foci, cum craticula ferrea, tegula fornicata, seu pixidi camentatoria imponenda apta. C. foramina seu spiracula in quatuor lateribus. D. turricula per quam carbones injiciuntur supra tegulam seu pixidem. E. ostiola registris suis instructa extrahendis cineribus, aërique attrahendo destinata, uti & foramen H. semper apertum.*

FIG. IV. *Furnus reverberatorius, seu calcinatorius, in quo posita materia à flamma reverberante calcinatur. A. conisterium. B. ostium per quod cineres eximuntur. C. craticula transversa. HD interioris foci spacium. E ostium per quod ligna craticula imponuntur. F pavimento in quo materia calcinanda ponitur. G. pavimenti apertura, per quam flamma transiens & reverberata materiam calcinat pavimento superpositam. H. ostium per quod materia pavimento imponi possit. I. concameratio seu operimentum fumi. K. foramina seu registra calori moderando destinata.*

FIG. V. *Athamor qui & furnus philosophicus seu arcanus dicitur, lapidi conficiendo, ut alchymistæ putant, maxime inserviens. A. fundamentum fumi vacuum. B. ostiolum conisterii. C. ostium turris CE, intra quod craticula ponitur. D. turris per quam carbones injiciuntur supra craticulam C. E turris cooperculum ferreum. FG ostium per quod ex foco C, calor in furnum K intrare possit, registro suo instructum G. H turris spiraculum aëri attrahendo destinatum. I KL furnus suo foramine L constans per quod calor intra fornicem M. N intrat. O foramen per quod calor ex furno M in P. Pintrare possit. M focus supra quem materia elaboranda ponitur. PP spiracula una cum suis registris. Q complementum sive operimentum furni.*

FIG. VI. *Furnus Accidia in quo uno igne & parvo labore diversi furni foveantur, & quibuslibet laboribus facile accommodari potest. A. conisteria. B. pyriteria craticulis à conisteriis discreta. C. fumaria seu spiracula. D. turricula per quam carbones conjiciuntur.*

Atque hæc quantum ad labores Alchymistarum absolvendos de furnis dicta sufficiant. Reliquas furnorum species vide amplissime descriptas *Lib. XII. Sect. de Arte distillatoria*, ubi quidquid circa occultam furnorum structuram desiderari potest, invenies.

Furnus ventosus pariter fornax aperta est, in quod venti, folliumque beneficio ignis vim augente mineralia liquantur fundunturque; cujus figuram exhibet secunda figura Schematismi. Sunt præterea furni, quos *Tectos* vocant, quorum alii sunt simplices, alii compositi. Simplex est, qui nullo alterius adminiculo indiget, estque iterum duplex, calcinatorius, & camentatorius, prior calcinationibus inservit, alter camentationibus, qui & reverberatorius dicitur; figuram utriusque in Schematismo tertia, & quarta figura exprimunt. Iterum habent Artifices fornaces quasdam, quas distillatorias vocant: est autem furnus Dissolutorius simplex, cujus ope subtile à crasso trajiciendo res dissolvuntur, estque Ascensorius, & Descensorius; ille servit distillationi per ascensum, hic per descensum, & spectat dissolutionem siccam, & humidam: Siccus furnus dissolutorius est, quando vas furno impositum immediate igni attingitur. Figuras singulorum vide in Schematismi figura quinta, & sexta.

Est & Furnus balnei, quo in athena calidam continenti res dissolvuntur, & maris balneum passim dicitur: Balneum verò roris dicitur, cum vas res distillandas continens, tantum vapore calentis aquæ eas dissolvit.

Iterum descensorius dicitur, eo quod ejus adminiculo humorem deorsum propellendo, res dissolvantur. Figuram vide in Schematismo.

Expositis furnis simplicibus, jam ad com-

positos progrediamur, ubi uno igne plures furni foveantur, ut sunt, quos *Athamor*, & *Accidia* vocant: *Athamor* Arabicè *الظنور* ac idem est, quod fornax, à Chymicis *ἡ τὴν ἐξοχλὴν*, eo quod arcanioribus in Chymia operationibus serviat, ita appellatus, undè & Philosophici furni nomen meruit; quorum quidem varia apud varios est extruendi ratio: Nos eum, quem figura octava refert in Schematismo, meliorem, & Naturæ furnis subterraneis aptiorem selegimus. *Accidia* furnus dicitur, eo quod ab uno igne, & parvo labore diversi furni foveantur, cujus figuram vide in Schematismo.

§. I.

Vasorum ratio.

Vasorum aliud igni admovetur, aliud non: quædam sunt vel vitrea, vel terrea, vel metallica. Vitrea sunt omnia illa vasa, quæ phialas, vesicas, urinaria passim vocant, quorum frequens in solutionibus, & coagulationibus usus. Ex vitro quoque ut plurimum conflantur vasa, quæ circulatoria vocant, eo quod liquor eis infusus ascensu descensuque veluti in circulum agitetur, magnus eorum in subtiliandis liquoribus in Chymicis usus est. Sunt autem variorum figuræ: Usitatiora sunt, quæ *Pelicanum*, *Dyotam* & *Cæcum* vocant: Vide figuras.

Est & vas, quod *Ovum Philosophorum* vocant, quod quibus inserviat, in sequentibus docebitur, estque vel terreum, vel metallicum,

Varia furnorum genera variis operationibus apta.

Balneum Maris.

Furnus Accidia.

Vasa circulatoria.

Ovum Philosophicum.



cum, uti ahenum, Vesica est vas metallicum ex cupro in forma vesicæ, aut ovi, uti in figura patet: usus ejus est in vegetabilibus distillandis.

Vasa, quæ fusioni serviunt, infundibulum, & pyramis: catinus cinereus; crucibulum sunt, ut in figura patet.

Catillus vas chymicam ex quibus conficiat.

Catillus cineritius est vas fusorium ex cinerum de levi ligno quercino, & ab omnibus carbonibus, aliisque sordibus defæcatorum partibus duabus, nec non cinerum de ossibus medulla carentibus (exceptis porcinis) optime tritorum parte una, humectata, & probe commixta in suo mortario præparatum. Crucibulum, uti vulgo notum vas est, ita explicatione non indiget.

Inter non fusoria vasa pyxis est cæmentatoria, vas videlicet ferreum ex terra ignis contumacia in modum pyxididis operculum suum apte recipiens, formatum, vide figuram.

Alembicus.

Alembicus quid sit, vulgo notum est, qui vasi inditur, quæ cucurbita, & retorta vocatur. Quorum omnium figuram vide in Schematismo. Cætera verò vasa una cum instrumentis, ne quicquam huic operi deesset, considera in Schematismo.

§. II.

Caloris adhibendi ratio.

CAlor in Chymicis operationibus adhibendus est causa adjuvans, qua tractandæ accelerantur & foventur; estque vel naturalis, vel artificialis. Calor naturalis est, quando radii Solares vel per se materiam sibi applicatam excoquunt, vel in speculo concavo collecti, rei appellicantur; hujus calor usus est ingens in dissolvendis, calcinandisque metallis; & in Septentrionalibus quidem regionibus, anacampticus ille calor locum habere potest; in Australibus verò non item; cum uti in Ægypto fieri solet, res ipsæ non Solarium radiorum reflexione, sed solo æstuantis arenæ Lybicæ fervore, quando vasa illi imponuntur, validissime dissolvantur. Est & hoc in speculis concavis observatione dignissimum, quod nisi perpetuo aliquis operi adstet, qui vel deflexum radium perpetuo vesicæ vitreæ applicet, nullum effectum sortiri possunt, cum actinobolismus Solaris non perpetuo, quod multi Chymicistri anacampticæ facultatis ignari sibi persuadent, fixus in cucurbita permaneat, sed una cum solis motu situm suum mutet. Quæ cum omnia fuisse profecuti sumus in *arte magna Lucis*, & *Umbræ*, ed *Lectorem* remitto; unde ad res cum ingenio dissolvendas, hanc machinam fieri posse existimavi. Sit vas A. cucurbita vitrea cum I. Alembico tripodi impositum, cui inferius loco D. teres clavus ferruminatus adnectatur, eique brachium D G. versatile ex ferro indatur, ita ut veluti circa axim D rotari possit, huic brachio in loco G. erigatur ad perpendicularum

Reflexus Solis radius per specula.

Deceptio Chymicorum circa reflexi Solis radium ex speculo in vas chymicum facta.

aliud brachium G H, quod speculum concavum teneat: speculum sit E. Ad Solis itaque radios speculum E ita applicetur, ut ii cucurbitam A. verberent, & recedente Sole speculum una cum brachio ejus circumducatur, donec radii cucurbitam denuo feriant; hoc pacto radiorum reflexio constanti calore cucurbitam semper afficit. Quoniam verò pro Solis altitudine, aut depressione, radii quoque reflexi differentem situm fortiantur, hinc cucurbitæ clavum teretem adjunximus, ut ejus ope cucurbita nunc exaltata, nunc depressa, facilius pro situ Solis reflexos ejus radios recipere valeat; quod nisi fiat, non nisi summa cum difficultate reflexis Solis radiis opus chymicum perficies; cum actinobolismus, sive radiatio Solaris à speculo reflexus continuo mutetur, & vix quantum quis psalmum *Miserere* legendo absolvere queat, cucurbitæ insistat; sed hæc industriæ tuæ committo. Hanc totam encheiriam globo vitreo aqua referto facilius, nec non cum felicissimo successu refractis radiis, directæ in cucurbitam vibratione exequeris. Sed jam ad calorem redeamus.

Nova machina per reflexum radium distillandi.

Calor artificialis dicitur, qui ad artificis nutum accendi, dirigi, & administrari potest: Estque duplex: Digerens, aut Separans. Digerens calor est, quo materia dissolvenda digeritur; Digestio verò ut plurimum in Athanore, aut furno perficitur. In Athanore fit, quando turri Athanoris carbonibus ad summum usque repletâ ignem in foco accendimus, & ferrea spatula, vel registro pro nostro arbitrio ostiolum, (ut hoc pacto calor ad Athanorem transfundatur) dilatamus: atque hoc pacto calor digerens veluti in gradus quosdam dispesci potest; ita ut in principio materia in albedinem secundo gradu in flavedinem; tertio in rubedinem tendat.

Calor artificialis quis.

Calor fimi est, quando vase in fimo posito digestio fit, servitque plurimum digerendis, putrefaciendisque rebus: Adhibetur autem interdum finis equinus, in quo vas sepelitur, aliquando arena, aut scrobs ferrea, similiaque, de quibus in sequentibus. L. XII. *Seç. 3. de arte distillatoria.*

Calor fimi.

Calor separans iste dicitur, cujus ope subtile à spisso separatur, & ad lenem quidem calorem utuntur vesicæ, aut cinerum foco. Vesicæ est calor lenis, quo ex materia vesicæ imposita applicato alembico substantia humida elicitur. Cinerum calor est, quando partes humidæ per cineres eliciuntur.

Calor separans.

Calor vesicæ.

Calor cinerum.

Fortis calor est, quando igne intensiori, aut acutiori res separantur. Calor liber, qui proxime res contingit; Impeditus, qui mediante alio.

Calor fortis. Calor liber.

Calor carbonum est, quando calor prunarum res proxime tangit, cujus usus est in cæmentatione, probatione, calcinatione, & dissolutione.

Calor carbonum.

Calor flammæ est, quando lignis appositis

Hh

Calor flammæ.


positis calor in flammam abit, ususque ejus est in reverberandis, calcinandisque omnium metallorum corporibus.

Calor bal-
nei.

Calor balnei est, quando vel aqua ferven-

te, vel mediante halitu ejus res distillantur. Verum hæc omnia in sequenti resolutoria Tabula ob oculos una synopsi tibi *Lector* exhibenda duximus.

TABULA CHYMIOTECNICA.



CAPUT VI.

Canones Methodici & Paradigmatici, quæ operationes Chymicæ per experimenta, & varia Exempla singulis operationibus propria ostenduntur, & comprobantur.

UT *Lector* perfectè intelligeret, quid per tot tamque multiplices operationes Chymicas intelligatur, & quidnam illæ in Chymica pyrotechnia præstent, quem usum habeant, hoc capite non tantum *καὶ τὴν θεωρίαν*, sed & *κατὰ τὸ ἐγχείρημα*, seu operationem practicam, & manua-lem, per varia exempla, & experimenta singulis operationibus propria in gratiam curiosi *Lectoris* exponendam duxi, & primò quidem à calcinatione, modoque res singulas calcinandi exordiemur.

Paradigma Experimentale I.

De Modo calcinandi res.

Calx quid
Chymicis
sit.

Quomodo
res per fu-
mum cal-
cinentur.

Diximus suprà, calcinationem nil aliud esse, quàm rerum coagularum solutionem; est autem calx in Chymica significatione pulvis, quilibet per ablationem superflue humiditatis in partes tenuissimas, & quasi impalpabiles comminutus; fitque vel corrosione, vel ignitione: Illa res coagulatas per corradentes spiritus in calcem, vel per vaporem, vel per immersionem resolvit. Per fumum quidem, seu vaporem resolvuntur, quando corpora metallica in tenues laminas redacta, per acrem, corrodentemque fumum calcinantur, potestque fieri, vel quando corpora laminata supra aquas fortes, vel supra acetum, vel supra uvarum expressarum, quas *Vinaccias* vocant recrementa suspenduntur: subindè quoque nobiliora præsertim metalla plumbi fusi, vel argenti vivi afflatu fragilia redduntur. Per calcinationem itaque omnia metalla fiunt quasi carbo, & cinis sola ventosi ignis ope, per quam omnis terra tenax, mollis, & pinguis lapidescit, lapides verò in calcem rediguntur, uti in fornace figulorum calcis, & laterum videre est.

EXEMPLUM I.

Quomodo Crocus Martis ex Chalybe per vaporem corrosam corrosionem calcinetur.

Primò parabis aquam fortem ex salis petreæ, & vitrioli ad albedinem calcinati partibus æqualibus, eamque in cucurbitam vitream fundes; postea in superiori cucurbitæ parte laminas Chalybis suspendes, lutoque orificio vasis obducto, ne spiritus aquæ fortis ullo modo exhalare queant, 24 horarum spatium in arena calida evaporare permittes, deindè aperto vase laminas eximes, quibus crocum in subtilissimi pulveris modum adhærere

reperies, quem leporino pede, vel aliquo alio instrumento deterges; & hoc pacto repetita semper eadem operatione procedes, donec nullus alius crocus à spiritibus extractus, in laminis appareat.

CONSECTARIUM.

Eodem prorsus modo plumbum in cerusam calcinabis, si videlicet illud supra acetum intra cucurbitam suspenderis; & cupreæ laminæ supra uvarum expressarum recrementa intra vas suspensa, vaporum corrosione calcinantur.

Quomodo
plumbum
calcinetur.

EXEMPLUM II.

Quomodo immersiva corrosione res calcinentur.

Hæc operatio perficitur vel præcipitatione, vel amalgamatione: Est autem præcipitatio, quando corpora per aquas corrodentes ambefa, & in aquam soluta, aquæ corrodentis abstractione, vel alio quovis modo in calcem reperiuntur. Hoc pacto argentum in aqua forti dissolutum, cupro, sale communi, aut ammoniaco injecto, præcipitari dicitur; Sic quoque aurum in aqua regia solutum adhibita exigua argenti vivi portione reperiuntur, cui si parum sulphuris admixtum, idque clauso vase ad ignem positum fuerit, argento vivo, & sulphure evaporato, in fundo calx subtilissima relinquetur; quò autem magis corpora dissolvuntur, eò magis, subtiliusque calcinantur.

Præcipita-
tio argenti
quid sit?

Aurum
quomodo
calcinetur.

Amalgamatio verò cum nil aliud sit, quàm metalli per hydrargyron calcinatio; ejus ope hoc modo corpora calcinabis; Metallum in tenues bractæas, vel laminas ductum cum sex, novem, aut duodecim hydrargyri partibus commisceatur, uniaturque, ut fiat massa undique sibi similis, atque hoc pacto metallum discontinuatum, calcinatumque obtinebis; hydrargyro enim per evaporationem supra ignem lentum elevato, metallum instar tenuis calcis relinquitur.

Amalgama
quid?

PARADIGMA I.

Præcipitationis Mercurii per solutionem, seu calcinationem. Ita autem procedunt Artifices.

Accipiunt auri optimè purgati unciam semis, rediguntque in lamellas tenues, & solvunt in aqua regia ex sale communi, & non arsenico (quia illud mercurium volatilem reddit)


Hb 2

facta;

*εργασίας
five opera-
tio.*

facta; postea accipiunt vitri antimonii optimi unciam dimidiam, & pari pacto solvunt in aqua regis, solvunt etiam argenti vivi probe lori, mundificati uncias tres in aqua forti, ut tres illæ aquæ sint claræ, & transparentes, neque quidquam in illis appareat, quod non sit solutum: Conjungunt illas solutiones, & aquas à præcipitato aliquoties separant, abstrahuntque semper aquam regis recentem affundendo, donec Mercurius in ignita ferri lamina posita non amplius fumiget: tandem spiritibus aquæ regiæ probe, probeque abactis, affundunt spiritum vini ad trium digitorum eminentiam, illumque sexies à præcipi-

Legula fornicata.



tato forti igne distillant, donec fixus sit Mercurius, & nullum de se emittat fumum, quem demum sub tegula fornicata secundum Artem probe igniendam calcinabis.

*Calcinatio
est metal-
lorum
mortifica-
tio.*

Vides itaque, calcinationem nihil aliud esse Chymicis, quàm Mineralium, metallorumque mortificationem, uti *Paracelsus* loquitur; aurum enim idèd v. g. per calcinationem mortificatur, ut redigatur in tincturam, quintam essentiam, resinam, crocum, vitriolum, & sulphur; Modum verò atque examèn singulorum vide in sequentibus. Et præcipue in ultimo libro.

PARADIGMA II.

Quomodo Metallicum corpus salibus corrodentibus, aliisque exsiccantibus per cæmentationem calcinari possit.

*Quid cæ-
mentatio.*

CÆmentum, seu cæmentatio nihil aliud est, quàm corrosio sicca, qua corpora metallica aquarum rosivarum beneficio stratificata, confringuntur, & calcinantur, cujus exemplum tibi hujusmodi damus in præparatione Croci Martis, seu Chalybis per Cæmentationem. Processus Artificum hic est.

*Modus cæ-
mentandi.*

Corpus cæmentandum in tenues laminas redigitur, & in frustula forcipe scinditur; Species autem corrodescentes pulverizantur, & aceto, urina, vel aqua forti madesunt, ut fiant instar puliculæ, nonnulli illis siccis utuntur; deinde hujus culticulæ, vel pulveris aliqua portio pyxidi cæmentatoriæ inditur, illicque lamina superponitur, & laminæ alia pulveris portio aspergitur (quæ Stratificatio, & facere stratum super stratum dicitur) hanc alia lamina subsequitur, idque tantisper, donec pyxis impleta, aut nihil laminarum residuum

est, & tandem pulvere superposito clauditur, lutoque alio tenaci juncturæ pyxidis munitæ obturantur, atque igni, vel (quod facius est) suo furno imponitur, & secundum gradus cæmentatur, quatur, sex, octo, duodecim, vel viginti quatuor horis, imò etiam aliquot diebus, pro re nata, inibi conservatur; tandem pyxide infrigidata eximitur, laminæque à pulvere separantur, quæ totæ confractæ ac calcinatæ inveniuntur; Verbi gratia; Animus est præparare crocum Martis seu chalybis, idque per cæmentationem, tunc accipio calcis vivæ recentis, quantum opus est, eamque urinâ aliquantisper madesfacio, ut fiat instar pultis: postea hac pulpa pyxidis cæmentatoriæ fundum ad digiti lati crassitudinem tego, eique laminas chalybis superaddo, & vas, uti superius dictum, impleo ac luto obfirmo. Omnibus ritè paratis, pyxidem in furno nostro cæmentatorio pono, ignemque tertii gradus ad quartum usque viginti quatuor horis continuum administro. Tandem exempto vase materiam in illo contentam in mortario probe contundo, & per setacium pello, ut fiat pulvis subtilissimus, ubi calcem à chalybe omnem calidâ abluo, residuumque arefacio, accipio crocum Martis præstantissimum. Eo modo fit & crocus Veneris, qui multis operationibus inservire potest.

*Crocus
Martis.*

PARADIGMA III.

Antimonii calcinandi per speciem calcinationis, quam commixtionem vocant, sulphuris, salis petrae, salis communis beneficio modus, & ratio.

Sumo Stibii, salis petrae, & salis communis partes ana, id est, æquales, easque minutissimè tritas & commixtas in tigillo, optimo luto munito, ita tamen, ut in superficie medio aliquod foramen parvulum relinquatur, per quod arsenicales & venenati spiritus exhalare queant: in furnum ventipono, ignemque fusorium accendo, & si libet, follis etiam ministerium adhibeo, ut in tigillo sufficienter fluant. Hic autem studio animadvertendum est, quamdiù fumus per foramen illud in superficie relictum ascendat: Ille siquidem adhuc evaporans, materiam non satis calcinatam esse subindicat: Sed quando omnes ejusmodi spiritus fumantas evanuerint, ignem propè ad vivum augeo ad quadrantem horæ, ac tandem crucibulum eximo, infrigidatumque aperio, nec non materiam extraho, ubi Antimonium in fundo à fuliginibus, sicuti regulum à scoriis separatim invenio. hoc Antimonium à salibus malleo aliquo detrunco, atque in pulverem tero, qui instar cinabarii rubicundissimus, & in re medica nonnullis medicamentis præstantissimis conficiendis accommodatissimus est; atque uti hic optimus, ita & celeberrimus est Antimonium calcinandi modus, cum quod intra dimidiæ

*Antimonii
calcinandi
modus.*

horæ

horæ spacium perfici possit, tum quod nihil salium secum retineat, sed à se protrudat.

Quomodo verò corpora metallica ignis violentiâ in calcem reducantur per combustionem, & reverberationem, quarum illa incineratione, hæc vitrificatione fit, dicendum restat.

PARADIGMA IV.

Quomodo vitrificatione Metalla, & combustionem in transparent vitrum convertantur.

Quid incineratio.

Quid vitrificatione.

Praxis.

Cum Incineratio vegetabilibus, animalibusque proprie conveniat, de iis in sequentibus fusius agetur; quare hoc loco tantum de mineralibus, quæ in calcem solum, non verò in cineres resolvuntur, dicendum est. Quomodo itaque Argentum vivum, seu hydrargyrum vitrificetur, hoc fume experimentum.

Capiunt oleum vitrioli rubeum secundum artem factum, & rectificatum, in hoc argentum vivum per sublimationem aut per sal, & acetum lotum, & depuratum resolvunt, idque continuò in calore tamdiu foveant, donec nullus omnino Mercurius, nec vivus, neque præcipitatus amplius appareat, sed totus in oleo forma liquida lateat. Quo facto, oleum hoc Mercurium continens in retortam vitream & quantitati materiæ convenientem fundunt, ponuntque in catino arenario, atque accenso igne oleum à Mercurio in appositum vas recipiens propellunt; atque ita Mercurius per præcipitationem in calcem erit redactus. Hujus præcipitati accipio uncias duas, calcis, argenti & salis ammoniaci ana unciam unam, eaque invicem trita, & commixta, nec non in phiala posita, ad sublimationem accommodant, ubi sal ammoniacum ascendit, & Mercurius cum Luna etiam fervato pondere, in fundo manent in modum auri purissimi; postea in vitro forti, aut crucibulo devitreato in furnum venti ad fluendum ponunt, adauctoque igne in fixum, transparentisque vitrum, quod de calore aureo ad pallidiorem descendisse videtur, abit; vitrum hoc infinitarum, ut ipsi putant, virtutum est, quas singulas hoc loco recensere, neque instituti, neque æquitatis est, sed demonstrato conficiendi modo solerti Chymistæ indagatori committimus.

PARADIGMA V.

Quomodo aurum vitrificari possit in diaphanam substantiam, ex mente Libavii.

Aurum vitrificatum.

Accipe auri purissimi unciam semis, & Antimonii Ungarici uncias octo: pone in tigillo ad ignem, ut invicem fundatur, & ubi fusus est, effunde; cave tamen ne in regulum abeat; hanc misturam probe, probeque contere, ut fiat pulvis subtilissimus, qui calcinandus est eo modo, quo antimonium calcinant, quando vitrum conficere volunt,

donec non amplius fumiget. Quando igitur pulverem ita fixum habes, tigillum ad ignem pone, ut apprime candeat, ut abeat in vitrum, postea paulatim eo modo pulverem in vitrum funde, ut fluat tantisper, donec vitrum hoc sit rubeum, & transparent, quod bacillo aliquo ferreo probare potest; & invenies aurum in fundo crucibuli dimidia parte diminutum. Vitrum in pelvim effunde, & habebis aurum transparent, cum vitro antimonii æquali pondere mixtum.

PARADIGMA VI.

Quomodo sulphur in vitrum elaborari possit per ignitionem.

Accipe sulphuris vulgaris magnam quantitatem, poneque in crucibulo, vel testas tres lotones pro una vice, sub tegula fornicata ignita, ut comburatur; quando illud sulphur est combustum, pone alios tres lotones in testa, ut & idem comburatur, quod tamdiu facies, donec una libra in testa sit combusta, & videbis cinerem aliquem grisei coloris; sed de hac libra sulphuris non amplius, quam drachmas duas cinerum accipies, de secunda, & reliquis integrum lotonem accipies. Combure modo prædicto decem libras sulphuris, & cinis ille, qui antea griseus erat, fiet instar sanguinis, rubeus, atque modo insequenti in vitrum rubicundum abibit. Recipe hujus cineris rubei optime triti unciam semis, & boracis drachmam unam, & igne intensissimo funde, atque fiet vitrum aliquod transparent insignibus virtutibus, uti dicunt, præditum.

Sulphur vitrificare.

PARADIGMA VII.

Quomodo tinctura Antimonii extrahi possit per Reverberationem, ex mente Chymicorum.

Ad Ignitionem pertinet Reverberatio; qua stibium, cæteraque corpora igne vivo reverberante, & reperiunt in calcem subtilem, per Reverberationem clausam, vel apertam reducuntur.

Reverberatio seu ignitio.

Accipiuntur antimonii, & salis ammoniaci partes æquales, & in retorta posita, igne forti propelluntur, ibi antimonium omne transit, nec quicquam nisi fæces turbulentæ in retortæ vase remanent; Antimonium hoc modo per retortam dissolutum, sale ammoniaco frequenti ablutione separato, ut dulce nulla salsedine infectum relinquatur. Hoc exsiccatum minutissime tero, & in alcohol converto, nostroque reverberatorio impono, & accenso flammæ igne unum duntaxat fumarium aperio tantisper, donec nostrum antimonium, quod rubeum fuit, in albedinem convertatur. Quando album factum est, secundum fumarium aperio, quousque ignis auctior albedinem ipsi exuat, & flavedine ipsum decoret. Amplius apparente flavedine

Tinctura antimonii perficiendi ratio.

Hb 3

vedine

vedine, tertio fumario aperto, ad citrinum colorem illud promoveo, atque quarto ad perfectam rubedinem perduco. Huic antimonio rubeo spiritum ex vino factum affundo rectificatum, essentiamque; sive tincturam clauso vase extraho. Quando spiritus vini amplius non tingitur colore, eum à tinctura abstraho. Hæc vera est, uti ajunt, Antimonii tincturæ, cujus *Theophrastus* mentionem facit, præparatio.

PARADIGMA VIII.

Quomodo per Subtiliationem, qua partes sicca subtiliores elewantur cum adhaerentia sui vasis, magno, vel parvo tempore sublimari queant.

Subtiliatio
quid.

Duplex.

Mira vis
salis am-
moniaci.

Flores sul-
phuris
conficien-
di ratio.

Subtiliatio est dissolutio, qua partes subtiliores à crassis, spirituales à corporeis, volatiles à fixis instar fumi, vi ignis elewantur, & in summitate capitelli condensantur. Sublimatio sub se continet exaltationem, elevationem, & fixationem, & mira in transmutatione rerum præstat; in hac enim purum ab impuro separatum figitur, ita ut in igne permaneat inalteratum: si enim, quod sublimatum est, cum suis facibus iterum teratur, misceaturque, & ut antea sublimetur, quod toties fiet, donec non amplius sublimetur, sed omnia simul in fundo maneant, ac fixa sint; ex iis postea fiet lapis, & oleum, quando, & quoties velis; nempe si infrigidatum in aëre, vel vitro ponas, ibi enim statim resolvitur in oleum, quod si iterum igni committatur, denuo in lapidem indurabitur magnæ virtutis, multa quoque corrosiva amara in dulcia, dulcia in amara converti hujus ope suo tempore dicemus: mirum quoque, quodlibet metallum per salem ammoniacum sublimatum, frigore in oleum, igne in lapidem verti, quod unum ex maximis Naturæ mysteriis putant Alchymistæ, metallum in lapidem transmutare, sed quid hoc ad lapidis in aurum metamorphosi conferat, non dispicio, cum lapidem in metallum transmutare sit impossibile, cum essentialiter à metallo distinguatur, quare, tantum accidentaliter dicenda est; lapis enim videtur, qui revera ex se & sua natura lapis non est. Valde hoc experimento triumphat *Paracelsus*, ad magnæ Artis veritatem adstruendam. Sed demus exemplum, quomodo flores sulphuris hac arte confici possint. Sic age:

Accipe materiam aliquam sublimandam, eamque vel solam, vel aliis admixtam materiis, vasi alicui vitreo aut terreo inferius lato, vel profundo, include, ita ut duabus partibus vacuis, tertia impleta sit: Vasi huic, sive cucurbitæ alembicum cæcum in vertice parvo foramine perforatum impone, luto obducto, ne spiritus, aut partes sublimatæ exhalare possint, obfirma; deinde in catinum arenarium tribus digitis à fundo, & parietibus intercedente arena, vel in ignem li-

berum pone, caloremque per gradus auge. Primò posita in vitro lamina aliqua ferrea levigata facile explorabis. Cum enim humiditas aliqua adhuc residua est, laminæ illa adhæret; sed quando omnis humiditas discessit, spiritus sicci ascendunt, & tunc alembici foramen superstrato aliquo vitro, munito luto bono, ne spiritus expirent, claude; tandem ignem tantisper fove, donec omnis materia sublimanda elevata sit. Nonnulli loco cucurbitæ scutella, vel concha aliqua ferrea materiam continente cum vitreo cono parietibus vasis inferioris ritè accommodato, utuntur. Verbi gratia: Accipio sulphuris citrini optimè purgati duas libras, salis communis & vitrioli Ungarici parum calcinati ana libram semis, pulverisata singula, & invicem mixta pono in cucurbitam, impositoque alembico cæco in vertice perforato, accendo ignem primi gradus, donec humiditas evanuit, tum clauso orificio gradatim procedo, quousque omne sulphur subtilius ascendit. Hoc sulphur, flores sulphuris à Chymicis dictum ex alembico exemptum secunda, vel etiam tertia vice semper addendo quartam partem salis, & vitrioli per sublimationem redintegratam rectifico, & accipio flores sulphuris pulcherrimos, pluribusque affectibus resistentes.

Alia ratio.

CONSECTARIUM.

Hoc pacto salis quoque Ammoniaci sublimationem perficies: Accipe salis communis quantum vis, eoque ollam comple, & tege, ne carbonem, aut cineres in eam incidant; pone ollam in terram, & tege carbonibus extinctis, deinde accensis carbonibus ad ollæ candefactionem, iis verò in cineres reductis in olla refrigerata invenies sal præparatum, quod sal calcinatum dici potest; deinde accipe salis ammoniaci triti libram unam, & æqualis quantitatis additæ limatura ferri, mistum sublima, sublimatum hoc iterum tere, & sublima, & ubi sal incanduerit, sublimationem perfeceris: hujus ammoniaci hoc pacto præparati accipe quantum reperis, & salis calcinati 12. tere invicem, & septies sublimato singulis vicibus sal præparatum appones, & habebis quæsitum.

Salis Am-
moniaci
sublimatio.

Sublimatio, quæ & elevatio humida dicitur, nihil aliud est, quàm partium humidarum in halitus attenuatarum distillatio, qua partes subtiles à grossis separantur, estque vel recta, vel obliqua. Recta est, quando partes humidæ subtiliores sursum elevatæ, & frigidi alembici fornici adhærentes, in humorem condensantur, atque per ejusdem rostrum guttatim in ejus receptaculum distillant, & relabuntur. Elevatio verò humida obliqua est, quando vase oblique jacente, humor elevatur, fitque vel per latus, vel per retortam; per latus elevatio perficitur, quando vase oblique, & in latus inclinato, humor

Sublimatio
humido-
rum du-
plex recta
& obliqua.

Sublimatio
obliqua,
quid?

pro-

Oleum
philoso-
phorum
quomodo
parandum.

prolabitur, ut ex vasis Schematismi patet: quo modo flores antimonij rubei optimi parari solent. Elevatio per retortam est, quando humor ex retorta propellitur, uterque hic modus in rebus, quæ tenacioribus spiritibus pollent, usum suum habet. v. g. Si oleum Philosophorum haud vulgare conficere hac operatione velis, sic age: Accipe ceræ purissimæ uncias 13. Terebinthinæ 18. Benzini 1. Aquæ vitæ rectificatæ 30. Cineris communis 6. misce, & secundum artem per retortam distilla, & prodibit phlegma, aqua & oleum, quæ invicem separabis, & quodlibet seorsum conservabis, & aqua proderit ad pestem, oculorumque suffusionem, ad omnium vulnerum medelam urinæque obstructionem, ad puncturam laterum, seu pleurisin, oleum mirificè confert. Sed de hisce in sequentibus suo loco uberius, vasa in *sequenti libro, Sect. de Arte distillatoria*, vide.

Ex prædictis habes, quomodo humores per sublimationem eleventur, modò restat, ut & exempla demus de operatione per Descensum calidum, vel frigidum. Est autem Descensio calida liquoris è corporibus dissolutis inverso vase distillatio: Cum enim nonnulla corpora, uti ossa, ligna, similiaque, quorum humor uti ob gravitatem sursum ascendere non potest, ita per descensum, effectum sublimationis obtinere debemus. Vasa in sequenti libro consule.

PARADIGMA IX.

Quomodo per Descensum distillatio calida rerum graviorum perficienda sit.

Accipe cucurbitam terream, eique dissolvendorum fragmenta impone, eaque, ne inversa cucurbita decidant, nonnullis majoribus fragmentis, vel bacillis transversè juxta se positis tege. His peractis aliam cucurbitam, in qua parum aquæ sit, huic inversæ applica, ita ut superior exactè cum inferioribus orificio conveniat, sed inter utramque laminam aliquam satis fortem ferream instar lancis concavam, & perforatam collocatam esse decet, quæ decidentia fragmenta, ne in suppositum vas dilabantur, detineat: Tandem optimo luto clausuras obfirmatas arefac, vasque in sua fornace pone, & vas recipiens, in arena, vel cineribus colloca, ut ab ignis violentia tutum humorem depressum eo facilius recipiat.

Quomodo verò per descensum frigida distillatio, quam deliquium, seu philtrationem vocant, expedienda sit, accipe.

Deliquium
quid.

Deliquium est descensio frigida, quando corpora coagulata cellæ, aëri, puteo, aut alteri frigido, & humido loco supra marmore, tabula vitrea, vel per manicam, ut vocant, Hippocratis exposita, externæ humiditatis beneficio, quæ dissolvendis corporibus abjungitur, in humorem resolvuntur, & in subiectum vas defluunt; Resolvuntur autem in

frigido potissimum pulveres calcinati, salia, & alia hujusmodi corpora, quæ salis naturam redolent, quæ in frigido resolvuntur, & in calido iterum coagulantur.

Filtratio est Descensio frigida, quæ humores aquosos per filtrum, pannum laneum, lineam, setaceum, aut cartam bibulam convolutam, aut complicatam in modum infundibuli, relictis in filtro facibus dimittit.

Filtratio
quid?

Habet & exaltatio, sive subtriliatio alias duas sibi annexas species; exaltationem, & digestionem, qua res brevi tempore sensim dissolutæ in puriorem, majoremque virtutis suæ gradum degenerant: quæ verò majus tempus requirunt, vocantur Circulatio, & Ablutio. Circulatio est exaltatio vapores rerum in vase circulatorio circumvolutas abjectis impuritatibus, quæ alias separari nequebant, in gradum præstantiorem constituens: cujus hoc fume experimentum.

Digestio
Circulatio.

PARADIGMA X.

Quomodo vinum v. gr. Circulationis beneficio, in nobilissimam essentiam sublimari debeat.

Accipe rem exaltandam, poneque in vase circulatorio, idque Hermeticè claude, ac in arena, vel balneo colloca, & eousque in eo detine, donec meram suam affecuta est. v. gr. Multum operæ, & studii in vera spiritus vini extractione impenditur, ut ille sine omni phlegmate haberi possit: quotiescunque enim levatus fuerit, semper aliquid phlegmatis secum ducit; proinde circulationis modum hujus exemplo demonstrabimus. Sumitur vinum generosissimum, quod ad maximum esse potest, illudque in capaci circulatorio funditur, sigillatoque orificio in balneo maris ad quatuordecim dies ponitur, ut continue aqua ferveat; postea eximitur, & in phialam funditur, calidumque hyemis tempore in frigida nivali aqua apposito, & agglutinato alembico cum receptaculo, æstate autem in cella vasi conchas glaciales continenti imponitur, & spiritus purus, atque ab omni phlegmate liber alembicum transcendet, & in receptaculum dilabatur. Quando nil amplius ascendet, receptaculum amovetur, phialaque eximitur cum vino, quod nullum verum spiritum, sed tantum vinum adustum continet: Spiritus hic vini adhuc in circulatorio positus tamdiu rotatur, donec amplius de vitro in vitrum nequit, sed per distillationem, seu humidam elevationem promovendus est; quando autem materia, in quam agere debet, receptaculo imponitur, facile illam amplectitur, & fugam relinquit. Modus hic albo calculo, ut ajunt, notandus est.

Essentia
quintæ Vi-
ni paratio.

Sequuntur modò reliquæ operationis chymicæ species, quæ sunt Ablutio, Imbibitio, Cokobatio, Digestio, Ceratio, Putrefactio, Extractio.

Varie spe-
cies opera-
tionum
chymica-
rum.

Ablutio est exaltatio crebris infusionibus res

res

res immundas abluens, & ad puritatem reducens.

Imbibitio. Imbibitio est ablutio, qua liquor corpori adjunctus elevatur, & exitum non reperiens in corpus recidit; idque crebris humectationibus tantisper abluit, donec cum illo primo coagulatus amplius ascendere nequit, sed totus fixus manet, qua operatione in Alchimia nil arcanius.

Cohobatio. Cohobatio est liquoris corporis sæpius effusi frequens abstractio, unde *cohobare*, vel per *cohob effundere* ab Arabibus mutuata voce, nil aliud, quàm *reiterare* notatur.

Ceratio. Ceratio est mollificatio rei duræ, vel succi non fusibilis ad liquefactionem præparatio; Dicitur autem ceratio, quod medicinam Chymicam ad instar ceræ igni admotam facile fluxilem reddat; Alchimistæ toti sunt in argento vivo in aurum, & argentum per cerationem convertendo; hæc enim medicina convertendo Soli, aut Lunæ per medicinam jungi volunt, unde humiditate igne consumpta, inspissatio, & fixatio fit operis; de quo suo loco.

Digestio. Digestio est subtiliatio, qua longo tempore res crudæ calore digestivo dissolvuntur, habetque duas species; Putrefactionem, & Extractionem.

Putrefactio. Putrefactio est digestio, qua substantia rei ex vaporum retentione, calidique externi accessione, ad nobiliorem essentiam generandam dissolvitur: Cujus proprium est, veterem naturam rerum consumere, novam formam introducere, quo subinde, & plerumque alterius generationis fructus producuntur: Nam spiritus corrosivi per eam dulcescunt, & mitiores redduntur, colores in ea immutantur, purum ab impuro separatur, impuro subsidente. Peragitur verò putrefactio, quando materia in vase collocata, vas in fimo ponitur, fimi que calor ad tempus præfixum conservatur, vel etiam fit, dum vas balneororis imponitur.

Extractio. Extractio est digestio, qua è corporea concretionem partes subtiliores & puriores ab affuso aliquo menstruo apprehensæ relictis fæcibus dissolvuntur. Exemplum hujus apponam.

PARADIGMA XI.

Quomodo Reubarbari Extractum fiat.

Sume Reubarbari quantum vis, illoque pulverizato tantum vini spiritus infunde, ut quatuor digitis illi supernatet, clausoque vase per quatrimum ad digestionem in balneum colloca; postea aperto vase per inclinationem spiritum coloratum à radice separa, affusoque alio spiritu, vas clausum rursus ad digestionem pone, idque tantisper, donec spiritus non amplius coloretur. Tunc enim omnis tinctura, & essentia è Reubarbaro extracta est. Porro confusis omnibus extractionibus, spiritum in balneo Maris abstrahe, re-

fiduamque essentiam in vitreo vase ad usum reserva, quæ in evacuanda bile, & aliis affectibus plurimum potest.

PARADIGMA XII.

Quomodo Vitrioli magni secreti arcanum fiat.
ex secretis Coll. Rom.

Recipe vitrioli Romani, aut Ungarici libras duodecim, dissolve illum in aqua vulgari distillata, postea pone illum in cineribus calidis, ut aqua evaporet, donec crustam aliquam accipiat, tunc colloca in loco frigido, ad duos, vel tres dies, & vitriolum sepositis nonnullis fæcibus lapillescet. Accipe hoc vitriolum abire in pulverem primò album, deindè flavum. Tunc iterum in aqua communi distillata dissolve, & permitte stare in cineribus calidis 24 horis, atque plurimas fæces in fundo vasis invenies; decanta quod purum est, coagula, sepone in concha, atque iterum dissolve tamdiu, donec nullas amplius fæces deponat, & ad dulcedinem vergat. Albo autem calculo notabis ejus viriditatem probè, probeque esse conservandam, aliàs enim oleum, & opera perderetur. Postea pone illud vitriolum purificatum in phiala, quam Hermetico sigillo benè occludes, & in furno Philosophico pones, ubi ignem de decem diebus ad decem dies gradatim augebis, & vitriolum ad rubedinem appropinquet, donec tandem instar rubini rubens sit. Rubeum hoc vitriolum exime, & pone in cucurbita vitrea, affunde spiritus vini correcti, & puri bonam quantitatem, & quatuor, aut quinque diebus benè clausum in calore leni asserva; postea spiritum decanta, & alium recentem affunde, quousque omnem vim, & efficaciam ex vitriolo hoc extraxisti. Extractiones hæc pone in cucurbita, & in balneo maris spiritum separa, affunde spiritum, iterum separa ad tertiam vicem, semper remotis fæcibus. Demum aquam pluviam distillatam Extracto affunde, lava, & ad quatuor, aut quinque dies in cineribus colloca, ut quantum potest, extrahat. Quod solutum est, decanta, & aliam aquam distillatam appone, totidemque diebus in cineribus calidis asserva, idque tribus vicibus reitera. Extractiones hæc confunde, & in balneo maris aquam separa: Postea accipe hoc extractum, pone in cucurbita mediocri, appositis, & allutatis alembico, & recipiente, atque distilla primò igne lento, deindè auctiore, & ascendet sanguis Leonis viridis instar rubini rubeus, qui nocte, uti ajunt Chymici, intempesta & tenebrosa instar carbunculi lucet, cujusque odor omnia alia odorifera antecellit. Hoc tamen prodigium necdum mihi videre licuit; unde illam hyperbolem Chymicorum assevero.

Ex-

Extractio vitrioli tam gustu, quam odore dulcis.

Alia Vitrioli parandi ratio.

Accipe Vitriolum Romanum ad rubeum calcinatum colorem, deinde super unamquamque libram suffunde duas quartas aquæ perfectè rectificatæ, pone ad digerendum in balneo maris quinque dies, tunc refrigescat tuum vas. Evacuato aquam vitæ, ut poteris clarissimè, & purissimè ab omnibus terrenis fæcibus, vel si tibi videbitur, filtra illam, postea serva: Melius erit, si in balneo servaveris, & liquor hic erit coloris flavi. Hoc facto, accipe fæces remanentes, & effunde illas in novam terream patulam, si verò ad fundum vasis nimis pertinaciter hæserint, affunde aquam frigidam, atque move, donec omnes fæces subtraxeris; Evapora aquam bulliendo: calcina fæces, calcinatasque in tenuissimum tunde pulverem, ut antea, & aquam vitæ superfunde recentem, & extrahe ut prius, & videbis spiritum tuum colore viridi tingi. Ne igitur ab exsiccatione, & affusione desistas, donec omnem viridem colorem, qui in eo latet, habeas, quem in balneo pone ad quinque dies, ad usum mox ostendendum. Nunc ad tincturam illam luteam, flavamque redeamus, quam antea in balneo benè obturatam reliquimus; Illam pone in cucurbita cum alembico optimè allutato, in cineribus benè purgatis, & distilla simul oleum sanguinis adinstar rubeum, & aquam vitæ: postea aquam vitæ in balneo lento ab oleo separa, & habebis oleum hoc, uti vocant, benedictum in fundo vasis relictum. At si cucurbita primæ distillationis nigræ, vel albæ remanserint fæces, illas uti hujus Lapidis terram conserva. Jam ad aquam illam viridem redeamus, in qua terra alba, & sal continetur. Evapora igitur aquam vitæ ab illa, & quidquid remanet est terra, à qua sal albissimum modo sequente est extrahendum. Accipe hanc terram, & pone in ollam, spacioque trium dierum in reverberatorio calcina; excipe postea ex igne, & cum aqua vitæ, extrahe sal crystallinum, & hoc modo habes pretiosum illud sal, & oleum vitrioli, cujus facultates Medico perito relinquo.

Sal crystallinum.

Sequitur modò Liquefactio probatoria, quæ fit vel per cineritium, vel per antimonium; illa fit, quando metallum per plumbum fulminatur, probaturque, cujus hoc accipe Experimentum.

PARADIGMA XIII.

Quomodo Metallum per plumbum fulminetur.

Fulminatio.

Sumitur itaque catillus cinereus, & sub tegulam fornicatam in furno probatorio collocatur, quo carbonibus ad summum impleto, prunis quibusdam vivis in capite ignis accenditur, & continuatur; ut autem eò celerius catillus candescat, (antea enim metal-

lum non est imponendum) orificio, & spiracula aperta sint. Postquam igitur interposita hora una atque altera, probè incanduerit, imponatur portio ad rationem materiæ probandæ proportionata plumbi, eaque sensim; qua liquefacta metallum imponitur, & pro renata, omnia orificia clauduntur, ignisque artificiosè regitur. Hoc regimen necesse est ab experienti demonstrari ad oculum, variat enim pro materiæ ratione; Ita tandem fiet, ut cum plumbo metalla perfecta exurantur, atque in fenum abeant, scoriamque ad extrema propellant, relictis metallis perfectis solis in medio catilli: Si autem fortassis contigerit, ut plumbum cum metallo probando indurescat, neque igne ad fluxum permoveri possit, paululum antimonii in cochleari additur, & in momento in pristinum statum redibit. Hoc arcanum Artifices docimastici pro secreto magno habent; tandem forcipe exempto catillo metallum adhuc calidum cultello separatur.

Metalla plumbo comburantur.

PARADIGMA XIV.

Quomodo per Antimonium Aurum ab Argento, cæterisque metallis separetur.

Accipe Aurum aliis metallis mixtum, ipsique tres partes antimonii pulverizati commisce, & in crucibulo igni contumaci in furnum ventosum pone; postea juvante, si placet, folle, probè liquefactum in pyramidem calefactam, sævoque illitam transfunde, ubi labris malleo concussis, regulus aurum continens, in apice residebit, quem malleo detrunca. Antimonium porrò residuum rursus in tigillo igni ad tertiam etiam vicem impone, & prædicto modo procede, ut omne aurum ex antimonio protrudatur. Tandem regulos hosce, in catillo terreo prope follem pone, carbonibusque superpositis in modum fornacis ignem accende, tamdiuque flammam superinduces, quousque omni antimonio evaporato, aurum purum, putumque residet, quod statim coagulatur.

Hicce apponimus coagulationem, qua res liquidas, & molles ad solidam massam per humiditatis privationem reducimus, de qua suo loco; quæ quidem vel in frigido, vel in calido perficitur. Coagulatio calida est, quando calore conveniente res dissolutæ coagulantur. Frigida est, quando res in calido resolutæ, in frigido coagulantur; & sub se continet fixationem, & fermentationem.

Fixatio verò est rei fugientis ignem, ut eum non amplius fugiat, sed in eo fixa permaneat, per ignem assuefactio, sive ea fiat per calcinationem, sive per decoctionem lentam, & diuturnam, sive per crebram sublimationem, sive per crebrè reiteratam solutionem, & coagulationem, sive tandem per rei fixæ additionem perficiatur.

Fixatio.

Ii

Fer-

Fermenta-
tio.

Fermentatio verò uti exactiorem expositionem requirit, ita peculiari capite eam describendam censuimus.

Atque hæc sunt, quæ de operationibus Chymicis *Lectori* communicanda duxi, sine quibus præcognitis nemo se ad perfectam Chymicæ notitiam perventurum speret; ut proinde antequam Tyro ad sequentia procedat, hæc cognitu pernecessaria sint; ut proinde

quicumque hos canones ritè perceperit, nullam in terminis Chymicis, Librorumque Lectione difficultatem sit reperturus. Nihil itaque modò restat, nisi ut calamum ad magnum illud Chymicorum de Lapide Philosophorum mysterium convertamus, ut quid in hoc intricatissimo negotio humano ingenio, artisque industria fieri, quid non fieri possit, veritatis amatoribus innotescat.

SECTIO II.

DE LAPIDE PHILOSOPHORUM.

CAPUT I.

Quid sit Lapis Philosophorum, quidnam Elixir seu Tinctura philosophica, & an ejus ope verum, & naturale aurum arte produci possit.

Difficultas
hujus ar-
gumenti.4. Senten-
tiz de
Chryso-
poeia.Sophistica
Chryso-
poeia.Alchymia
proprie di-
cta Chry-
sopoeiam
promittit.

Vix ullum, uti suprà meminimus, in Physiologia argumentum tot, tantisque, tamque acribus Authorum velitationibus exagitatum, tanta opinionum varietate discerptum, (quibus intricato oppositionum fune sese nunc in hanc, nunc in illam partem trahere, lite in hunc usque diem pendente, contendunt) quàm hoc de Chrysopoeia thema sanè curiosissimum reperi. Ego sanè ultrò, citroque singulorum rationes penitus ponderans, quid sentiam eo, quo par est candore aperiā. Quod dum facio, non cum pseudochymicis rudi, & illiterato hominum genere; sed cum Philosophis mihi negotium esse, *Lector* sibi persuadeat.

Quatuor principales circa auriferam artem sententias reperio. Prima eorum est, qui Chrysopoeias artem *ἀδύνατον* putant. Secunda eorum, qui ex Mineralium metallorumque glebis arte separant, quàm Metallurgiam vocamus, de qua in *præcedenti Sectione* multis variisque processibus egimus; & de hac nulla prorsus est difficultas, cum istiusmodi aurum, argentumque primùm in humanæ negotiationis commercio locum meritò obtineat. Tertiam sententiam Theologi potissimum tuentur, qui asserunt, aurum quidem posse produci quasi verum, quod tamen pro vero non liceat vendere æquali pretio, quo verum venditur, neque in medicinis illud adhibere licitum esse, quod nos imposte-
rurum Sophisticum appellabimus, fitque, cum auro, & argento aliud quodpiam metallum conveniens adjungitur, undè per artem tertium quid resultat, & sub auri nomine venditur, eoque Collybistæ ut plurimum utuntur, quam & *legam* vocant. Quarta sententia propria Alchymistarum est, qui arte Chymica aurum non solum verum, & genuinum, sed & naturali multò nobilius, excellentius, puriusque produci posse

existimant. Nos media via incedentes, neque *χρυσόποιϊας ἀδύνατον*, neque etiam eo modo id fieri, quo Alchymistæ illud produci posse existimant, asserimus. Quod ut ostendamus, primò de Lapide Philosophico, circa quem totus controversiarum cardo versatur, cujus ope metallica corpora imperfecta in aurum, vel argentum pro medicina rubri, vel albi ratione transmutari, tingi, & per projectionem in infinitum multiplicari posse asserunt.

Lapis Philosophorum.

Lapis Philosophorum definitur ab Alchymicis, magnum in Arte mysterium, & universalis Medicina, quæ non modò corpus humanum validum in suo vigore conservat, læsumque pristinæ sanitati restituit, sed etiam metalla imperfecta depurando, decoquendo, & nativum colorem ministrando ad summum finem, quem Natura intendit, brevi temporis spatio in purum aurum, argentumque transmutat in infinitum multiplicabile. Alii talem ei definitionem assignant: Lapis Philosophorum est purissima, fixa, & simplicissima substantia metallica, quæ supra metalla projecta in finita quantitate, illa in verum aurum aut argentum convertit, & humanum corpus in suo vigore conservans, vel qui metalla à Natura summè depravata, frequenti solutione ad secundam generationem perducit. Hoc alii Elixir vocant; alii Tincturam, quæ omnia metalla in aurum, argentumque substantialiter tingit, ita ut si mare foret Mercurius, illa universum superjecta lapidis benedicti, ut vocant, medicina, illud sit in aurum, argentumque, pro lapidis rubei, aut candidi ratione transmutatura, juxta illud *Augu-
relli*:

Definitio
Lapis
Philoso-
phici.*Ipsius*

*Ipsius ut tenui projecta parte per undas
Æquoris argentum, si vivum tunc foret a-
quor,
Omne vel immensum verti mare posset in au-
rum.*

Ita dicunt *Isaacus Hollandus*, *Paracelsus*, *Villanovanus*, quibus dici vix potest, quantum se rectè sentientium Philosophorum ludibriis fannisque exposuerint. Quod verò hoc metum figmentum sit, in sequentibus amplissimè dicetur; ut proinde haud incongruè, uti ex definitione patet, Lapidem, mysticum dixerint, cum revera totus, & sensu, & re mysticus dici possit, veteresque philosophi prorsus aliud per istiusmodi lapidem, Elixir, Tincturamque intellexerunt, quàm id quod moderni Alchymistæ sibi imaginantur. Mirum & illud est, hunc omnium penè rerum similitudine describi: hunc enim vocant Cœlum, chryso sperma, semen auri, terram benedictam, aquam vivam, aquam vitæ, aquam ficcā, lignum vitæ, sigillum *Salomonis*, ignem Naturæ, Lac Virginis, Mercurium Philosophorum, Draconem, Aquilam, Corvum, Laton, Elixir, omnium morborum medicamentum, de quo qui bibit, non moritur, & similia partim ridicula, partim irreligiosa, quæ omnia, ne tot nugis diutius immorer, vide in *Hermetem* fabulosum *Trevisanum*, *Isaacum*, *Moricenium* fictitium, *Lullum*, *Paracelsum*, cæterosque Arabes in turba Philosophorum. Ut verò adducta Chymicorum de lapide Philosophorum dissensio luculentius intelligatur, primò de materia lapidis verè mysteriosi; deinde de modo eum conficiendi, dicamus, ex quibus haud dubiè propositæ dissertationis veritas elucescit.

Diximus in præcedentibus, Naturam ex quatuor elementis tria generare principia, salem, sulphur, & Mercurium, atque ex iis simul debita proportionem junctis metalla generare, arbores producere, animalia gignere, & ubi ad terminum suum pervenerit, tanquam ultimo fine jam adepti, cessare. Quæcunque enim sub Lunæ circulo continentur, in tria distribuuntur genera, non plura, nec pauciora, triplici Regno distributa, Mineralium, Vegetabilium, Animalium: In hisce tribus Natura suum sibi imperium vendicat, & iis agit, movetur, operaturque, ut si quid aliud extra illa quæras, id verius in *Utopia*, quàm in Naturæ imperio quærere censearis. Ad Naturæ itaque exemplar veluti prototypon attendere debent Alchymistæ, ut finem suum consequantur. Nam uti in præcedentibus diximus, nisi communem omnibus metallis materiam assumpserint, ad magnæ Artis opus perficiendum, nunquam assurgent.

Quæritur itaque, Quænam sit admirabilis illa Chymicorum materia, ex qua tantos venantur auri, argenti thesauros? In hac materia determinanda, uti explicari vix potest, quantum inter se Authores tum re, tum

nomine dissentiant, ita vel ex hoc ipso capite Artis incertitudinem sat, superque ostendunt: vel enim unus veritatem attingit, vel omnes simul: Sed sicuti illud incertum est, ita in posteriori veritas tot contradictionibus involuta, locum habere non potest. *Villanovanus* insectatur *Lullum*; utrumque impugnat *Paracelsus*; hunc *Libavius*, omnium bipedum quadrupedumque nequissimum impostorem intitulat; omnes verò reliqui contra *Libavium* insurgentes, sycophantam, livore plenum, mordacitate satyrica efferum vocant, omnes singulos fatuos, & ignaros rerum intitulant; & cum de re convenire non possint, in se invicem innumeris convitiis, opprobriosisque nominibus, canum instar sæviunt, ut proinde veritatis indagandæ loco, non nisi convitia, scommata, calumnias, & maleferiatæ gentis opprobria audias.

Non minor est de materiæ denominatione dissensus: Nonnulli scoriā ferri; quidam salem, aut alumen, aliqui Magnesiā, Cadmiā, Calcanthum: Non defuerunt, qui Arsenicum benedictam hanc materiam esse addè firmiter sibi persuaserint, ut de eo illud *Sibylla* indigitatum velint, sed & recitemus versus, sic autem *Sibylla* dicit.

Ἐνεα χαρμματαῖ ἔχω πρᾶσιλλαβῶ εἰμε νοοῖμι,
Αἱ τρεῖς αἱ πρῶται δύο χαρμματαῖ ἔχουσιν ἐκάστη
Ἡ λοιπὴ ἢ πᾶσιλλαβῶ, ἢ εἰσὶν ἄφωνα τὰ πέντε
τῶ παντός δι' ἀριθμῶς ἐκάστι τὰδες εἰς δὲ ὅκτω,
καὶ τρεῖς τε δεκάδες, σὺν γ' ἐπὶ αὐτῶν ἢ τὰς εἰς
οὐκ ἀμύηται εἰς δὲ τρεῖς παρ' ἐμοῖσι πεφύσ.

Quæ sic interpretor.

Sunt elementa novem mihi, sum tetrasyllos autem

Percipe me, prima tres syllaba efficiuntur.

Ex his omnes elementis, cætera restant

In reliquis, quorum sunt non vocalia quinque

Totius numeri his sunt hecatontades octo,

Et ter tres decades cum septem, si scieris me

Non te, qua potior, sapientia Diva latebit.

Hisce versibus *Cardanus*, *Romonetus*, & *Paracelsus*, primam lapidis materiam divina quadam revelatione per *Sibyllam* indigitatam asserunt, aliamque non esse, quàm Arsenicum: Ratio quia Arsenicum est tetrasyllabum, & novem literis constat: hanc verò frivolum conjecturam esse hinc patet; quod *Sibylla* non de materia lapidis, sed de nomine *D E I* mystico, hoc loco, uti ex contextu prophetiæ patet, locuta sit; Undè ego penitus oraculi sensu expanso, ibidem *Sibyllam* sub allegorico, & ænigmatico numerorum calculo, quem Græci *ισιψηφίαν*

α	1
β	100
γ	200
δ	5
ε	50
ς	10
ζ	20
η	20
θ	20
ι	50
κ	506

vocant, nomen *CHRISTI* indicasse reperio: Interpretatio vera Enigmatis Sibyllici, nomen videlicet *ὁ Ἀνθρώπινος Θεός*. *H O M O D E U S*, sive *D E U S H O M O*. Jam utrum ita sit, videamus. Primò dicit, sunt elementa

I i 2

novem

Lapis Philosoph. mysticus & fictitius.

Varia nomenclatura Lapidis.

Naturæ labor in rebus producendis.

Confictus Alchymistarum inter se.

Interpretatio vera Enigmatis Sibyllici.

novem mihi, & totidem literæ reperiuntur in $\dot{\alpha}\nu\theta\rho\omega\pi\Theta$; habet & idem hoc nomen quatuor syllabas: tres syllabæ efficiuntur ex binis elementis, $\alpha\nu$, $\theta\rho\omega$, $\pi\Theta$. cætera restant in reliquis, id est, $\Theta\epsilon\iota\varsigma$: Sunt autem horum

o	70	quinque non vocalia; videlicet in
a	1	assumpto nomine $\dot{\alpha}\nu\theta\rho\omega\pi\Theta$ conso-
v	50	nantes quinque $\nu, \theta, \rho, \pi, \varsigma$. Numerus
θ	9	verò, qui inde resultat, sunt bis he-
ρ	100	catontades octo, id est, 1600, &
ω	800	ter tres decades, id est, 90, cum 7.
π	90	aded ut totus numerus sit 1697. Si
ο	70	itaque $\dot{\alpha}\nu\theta\rho\omega\pi\Theta$ $\Theta\epsilon\iota\varsigma$ in numeros
ς	200	resolvatur, habebis eundem ferè
θ	9	numerus, de quo <i>Sibylla</i> loquitur,
ι	5	ut in margine patet 1674. $\Lambda\rho\sigma\tau\upsilon\mu\epsilon\upsilon$
ο	70	verò resolutum, non nisi 506 con-
ς	200	tinet, qui numerus oraculo $\dot{\alpha}\nu\theta\rho\omega\pi\Theta$,

quantum ab oraculi ver-
bis diffideat, quis non videt? Sed

hæc $\mu\epsilon\tau\epsilon\mu\upsilon\sigma\epsilon\iota\varsigma$.

Sunt alii, qui ad lapidis materiam bufones, capillos, ovarum putamina, & ne quid turpitudinis desit, fluorem menstruum, aut sanguinem humanum, mumiarumque conditura assumunt. Quidam tandem in terra, aqua, aëre, in stabulis, ac latrinis inquirendum esse censent; & quamvis sapientiores hæc omnia de fale ubique reperibili sub allegoria quadam intelligi debere putent: multi tamen, uti *Bacon*, sub reali sensu, uti ex operationibus ejus patet, hæc accipiunt. Qui tamen propius accedere videntur, sunt ii, qui sulphur, & hydrargyron propriam lapidis materiam asserunt; Sed ne hi quidem inter se concordant, dum nonnulli sulphur, & hydrargyron minerale; quidam illud, quod Philosophorum vocant, intelligunt; & in hoc plerique celebrioris nominis Philosophi conveniunt. Quid verò sit sulphur, & Mercurius Philosophorum, paulò post patebit. Qui verò sulphure, & Mercurio vulgari lapidem fieri posse sentiunt, summopere hallucinantur, quamvis enim immediatè naturam imitari conentur: occultos tamen Naturæ motus, processus, semitasque incomprehensibiles uti ignorant, ita in perpetuis quoque tenebris, ut in præcedenti capite de subterraneorum ergasteriorum fornacibus dictum fuit, hærebunt. Qui denique argentum vivum, & sulphur, quam primam metallorum materiam audiunt esse, decoquunt, meritò oleum, & operam perdunt; cum argentum vivum, & sulphur, ex quibus aurum & argentum generatur, non sit ex mente Chymicorum, illud vulgo, cum illa duo suam perfectionem graduum consecuta sint: argentum siquidem vivum, si vel minimo igni admoveas, fugiens tenues evanescit in auras, atque mixtum quoque seceratur, aded ut nullis claustrorum repagulis stringi possit. Sulphur quoque igni appositum in alias, & alias formas convertitur, cum tamen amborum conjunctio ad finem usque digestionis in generatione metallorum

Varie de
Lapis
materia
sententia.

Sulphur &
mercurius
difficiliter
domantur.

fit necessaria. Falluntur quoque, quotquot in Marchesitis, Tutia, Antimonio, Arsenico, Auripigmento lapidem illum quærunt; cum in iis sulphur prorsus inseparabile sit, quod tamen nisi ultimatè resolvant, separentque, nihil unquam efficient, adeo ut eo à dictis speciebus Mineralium separato, reliquum in pulverem abire necesse sit. Qui verò in vegetabili natura lapidem quærunt, hi prorsus à schola Chymicorum eliminandi sunt, cum singulæ rerum species in proprio suo Naturæ gradu generatione perficiantur: homo hominem, bos bovem, planta plantam suæ speciei. Frustra itaque laborant, qui ex vino, uti *Lullus*, Lapidem confici posse putant; frustra, qui ex humano sanguine, aut urina, aut ovorum testis, uti *Rogerus Baconus*: stultè enim in natura quærunt, quod in ea non est: non enim de spinis uvæ, nec de tribulis ficus colligi possunt. Toto itaque coelo, & contra Naturæ dictamina errant male feriat quidam Alchimistæ, qui lapidem extra propositi sui fines in nescio quibus rebus incongruis, dissimilibus, heterogeneis quærunt materiam, ex qua Lapis conficitur, lapis mineralis Naturæ sit oportet: sunt autem mineralia alia minora, majora alia: Minora sunt, quæ sine argenti vivi additione producuntur: ut sunt lapides, salia, & corpora pure sulphurea. Majora sunt, quæ ex argento vivo constant, quorum alia malleum, uti aurum, argentum, æs, ferrum, plumbum, stannum, sustinent; alia non sustinent, uti Antimonium, Magnesia, Marcasita, diversæ pyritum species, quæ licet mercurio imbuantur, is adeo tamen male contemperatur dictis corporibus, ut figi nulla ratione possit, ac proinde ex consequenti materia Lapis esse non possunt. Neque quicquam ad Lapis fabricam conferunt minora mineralia, uti sunt salia, nitrum, alumen, sal plumæ &c. tum quia eorum productio cum argenti vivi generatione in forma, natura, & compositione differunt: tum quia unius speciei una est natura, & feminis proprietas, ex qua produciuntur; accedit, quod metallicis corporibus plane contraria quoad naturam reperiuntur salina enim corpora metalla corrumpunt, rodunt, & destruunt, & prout fixa, aut non fixa, pura, aut impura fuerint, omnia in nihilum redigunt, & quo subtiliora sunt, eo magis metalla à sua natura aliena reddunt, illorumque humidum innatum, in quo lapidis secretum latet, comburant. Unde quicumque aquis fortibus, & acutis, cæterisque corrosivis metalla in materiam primam revocare conantur, *Syfyphi* saxum merito volvunt, cum prorsus heterogenea naturæ ab iis, ex quibus chymici Lapis fabricam moliantur existant: neque sulphurea corpora quidquam ad rem faciunt, cum semper inficiant, denigrent & corrumpant: Cum itaque metallis sint contraria, quomodo medicinam metallis salubrem præstare possint, non video: & tamen

Materia
non invenitur
in vegetabili
natura.

Divisio
mineralium.

Salina corpora non possunt esse Lapis materiz.

Aque fortes non sunt materia Lapis.

Genesis
metallo-
rum.Paracelsus
l. de trans-
mut. me-
tall. & l. de
nat. rer.Experi-
mentum.
mercurius
ferro illitus
id frangi-
bile reddit.Semen
metallo-
rum quale?

men vix ab ullo fere Authore processus artis, ut postea videbimus, præscribitur, in quo & salia, & imperfecta metalla non ingrediuntur; sunt enim præcipui, vel ipso fatente. *Paracelsol. 3. de natura rerum: Mortales metal-*lorum hostes, omnes aqua fortes, omnes aqua regia, omnia corrosiva, omnia salia, sulphur crudum, Antimonium & mercurius. Salina quippe corpora antipathiam suam, vel in hoc ostendunt, quod omnia metalla mortificent, calcinant, corrumpant, & in nihilum redigant. Sulphur virus suum fumo ostendit, eo nempe Veneri suam albedinem suffocat, & ex colore flammeo albam reddit, metallis vero albis, ut Luna, Saturno, & Marti, sublato candore rubedinem subsuscant inducit: Aurum quoque ex aureo colore nigrum, & deforme reddit: Antimonium iis, cum quibus miscetur metallis fumo suo naturalem colorem surripit alio substituto: Mercurius, sine quo tamen nihil in magno opere fit, metallis mixtus in amalgama solvitur, fumi sui tyrannide omnia fragilia, & immalleabilia reddit, calcinat & dealbat; hic potissimum ferri perniciosus hostis est: Nam mox, ac Mercurius pertica ferrea illitus fuerit, perticam non secus, ac vitrum frangibile reddit. Saturnus, seu plumbum aurum dirumpit, deformat, & invalidum reddit: Stannum quoque omnia metalla dura, & ad malleum inepta facit. Quid itaque ad Lapidis opus conferre possint tot hostium sese invicem interimentum strages, quis concipiet? Quod vero nonnulli vitriolo utantur, in tantum eo utuntur, in quantum æreis corpusculis referatam est, adeo ut vitrolum nihil aliud esse videatur, quam cuprum liquidum, & aquosum: quamvis ex eo solo tinctura fieri non possit, nisi ei purissimi Mercurii substantia cum ingento suo sulphure jungatur. Cum itaque ex huiusmodi Lapis obtineri non possit, ratio suadet, ut Alchymistæ si Lapidem conficere velint, materiam aliquam accipiant, in qua tria principia sine omni labe inveniantur; Quæ qualis sit, & an dari possit, examinandum restat.

Diximus in præcedentibus Tractatibus metallorum genesin aliunde non procedere, nisi à sulphureo-mercuriali vapore, qui pro ratione terreni, aut matricis puræ, aut impuræ, metallum nunc purum, nunc impurum producit; atque hunc vaporem semen metallorum diximus. Est autem sulphur duplex, uti & mercurius: Innatum, & Adveniens. Innatum sulphur, quod & vivum dicitur, ac simul cum semine confunditur; atque hoc ipsum est, quod metalla promovet, materiam dispositam in aurum, & argentum convertit; nisi ab adveniente aliquo alio obruatur; & uti diximus, nihil aliud est, quam vapor ille purissimus, & igneus, qui vim coagulandi mercurium habet. Adveniens vero sive externum sulphur, sive minerale in suo Naturæ statu jam constitutum, grossum, sæculentum, adustibile, unctuosumque, tantum abest, ut metallorum perfectionem promo-

veat, ut potius adustiva sua qualitate mole sua mirum in modum impediat; semen vero innatum purum, si puræ matrici fuerit concreditum, id eodem in loco purum etiam metallum sine longo Naturæ labore, miro quodam naturæ magnetismo generabit, scopum suum affecutum, dum id facit, ad quod semen ordinatum fuerat. At contra si semen hoc in matrices impuras variisque terrestrium glebarum quicquiliis contaminatas incideret, secundum majoris, minorisque impuritatis gradum, metallum, aut minerale quoque nunc perfectius, modo imperfectius produceret, ut suo loco fusè deduximus; Si vero in genesi terrestris, & adustibilis sæculentia sese admiscuerit, pro sæcum copia, antimonium, marchesitam, pyritem, aliaque non ductibilia mineralia gignet, quæ quia de mercurio participant, liquefieri quidem possunt, ad perfectionem autem à Natura promoveri non existimantur. Sin autem sulphuræ sæces paucae, & subnigræ sese commiscuerint, & mercurius non satis coctus fuerit, argentum vulgi fiet: Sed si sæces malæ, mali saporis, & foetidæ, nec non virtutis debilioris fuerint, illæ Mercurium inficient, illudque fragile, ponderosum, luteumque reddunt, quod uti non benè coagulatur, ita quoque in plumbum degenerat: Si vero sulphur malum fuerit, non benè cum Mercurio miscibile, stannum generat: Si vero sulphuræ illæ sæces petrosæ, immundæ, & terreæ fuerint, ferrum producent; & si sulphur ejusmodi rubrum, & adustum fuerit, æs gignetur. Atque ex his fusius forsan, quàm par est, luculenter patet, quid Alchymistis agendum sit, ut ex dictis intentum illud semen metallicum extrahant, quod tamen in iis inesse negare nequeamus, educationis tamen ratio tanto est incertior, quanto modus Naturæ, quæ illo semine in metallorum genesi utitur, nobis est ignotior, imò vix humano ingenio investigabilis; neque ab Artificibus ulla adhuc ratio, quæ intentæ Lapidis confectioni satisfaciat, inventa fuit. Non ignoro, tale sulphur spermaticum in solo auro, & argento latere purissimum, sed hoc ab auri incorruptibili, & indestructibili substantia separare, hic Rhodus hic Saltus.

Quidnam autem illa prima materia, sive Mercurius philosophorum, seu sulphur spermaticum, aut vapor ille metallo-geneticus sit, difficile est per experientiam, utpote ab omni sensuum ministerio remotissimam, cognoscere. Dicunt Alchymistæ, esse tertiam quandam naturam communem, & alteratam ex diversa commixtione, & digestionem sulphuris, & hydrargyri, in qua vis mineralis ad generandum mixtum inexistit, quæ duo agunt, & patiuntur inter se perpetuò, donec traducantur à forma corporum imperfectorum primo generatorum in formam aliam, & tandem perveniant continpatis digestionibus & purificationibus ad ultimam illam, & perfe-

Difficultas
in Lapide
conficien-
do.Lapidis
Materia
quid ex
mente Al-
chymista-
rum.

etiam formam, quæ est forma auri, in qua est ultimus motus terminus; ubi etiam agens, id est, sulphur omnino à sua materia separatur. Hoc uti vel ipsi Alchymistæ fatentur, multi quidem quærunt, paucissimi inveniunt, aut si invenerint, præparationes tamen, id est, proportionem in Lapide conficiendo debitam ignorant; & tamen omnes fatentur, ex hisce solum medicinam elici per artem, in quibus habitabit potentialiter per naturam, & in quibus perfectio puræ materiæ, adeoque omnia metalla reperiuntur. Ex quibus aperte colligitur, illos supponere illud, quod incertum est, & in inaccessio Naturæ gazophylacio adhuc latet absconditum, subjectum, inquam, infinitis adhuc difficultatibus, nec non contradictionibus intricatum, perplexumque. Sed ut ad materiam paulo ante descriptam revertamur, quæro, quænam sit illa natura communis? respondent esse materiam alteratam ex diversa complexione, ac digestionem Sulphuris, & Mercurii resultantem. Quæro utrum illa commixtio sit sulphuris, & mercurii vulgaris? utrum philosophici? si prius, jam sibi aperte contradicent, cum illa in lapidis opus assumi debere minime censent; si posterius: Quæro quidnam sit istiusmodi sulphur, & mercurius philosophorum? Dicunt esse primam metallorum originem, atque adeo apertum circulum committunt, notumque per ignotum definiunt. Quæro iterum, quomodo illa separentur? Respondent à forma corporum imperfectorum, quæ jam in statu suo constituuntur, in formam aliam, quæ est auri. Quæro, quomodo in formam auri transmutari possit; cum imperfectorum corporum forma aurum non sit, neque etiam dare possit, quod non habet; aut si per semen id fieri dicant, quomodo illud semen per tot digestionem, ignisque tormenta non penitus destruat? Respondent, formam hanc educi ex potentia materiæ in aliam formam auri per varias operationes, quibus materia elaboratur. Sed jam examinandum est, quomodo, quo studio, qua laboris pertinacia materiam, necdum tamen adhuc iis cognitam præparare studeant, ut tandem inde mirificus ille foetus emergat. Sic autem procedunt.

Processus in lapide conficiendo usurpatus à Philosophis.

Calcinationem rerum.

Artifices itaque primam materiam, de qua in præcedentibus locuti sumus, postquam invenerunt, si tamen invenerunt, primò eam calcinandam censent, & ab omnibus suis sordibus purgandam, calorem restituendo, humoremque innatum conservando: Nam in calcinatione, uti ajunt, chymica nulla debet fieri corporis diminutio, imò potius multiplicatio; deinde calcinatæ materiæ crassitiem in quandam liquidam substantiam attenuantes, in suam primam mate-

riam, (si Diis placet) reducant, quam vocant aquam mineralem, quæ manus non madefacit; tuncque fit unum in genere, in numero non item; cujus solem appellant patrem, matrem Lunam, & mediatorem Mercurium, juxta Tabulam *Hermetis*; & alteratur corpus sua propria forma, sed nova illi inducitur immediatè, cum nihil in rerum naturæ omni spoliatum forma reperiatur.

Hoc pacto jam separant ex ipsa jam soluta substantia quatuor elementa, illaque dividunt in duas partes; in ascendentem aut spiritualem, & inferiorem, sive terrenam: quæ duæ partes sunt unius tamen naturæ; nam inferior est fermentum ipsam figens, & superior est anima totam ipsam vivificans: harum tamen divisio est necessaria, ut facilius transmutentur tandem inter se omnes, & pars terrena transeundo in aquam, nigrescat, & aqua postea transeundo in aëre dealbetur, & aër in ignem convertatur, pericyclofi perfecta.

Separatione elementorum facta, conjunctionem faciunt aquæ, & aëris cum terra, & igne, ut unumquodque elementorum in altero dispergatur, servata proportione: tribuuntque hac ratione mari tres partes aquæ suæ, foeminæ verò novem, & tunc simile suo simili applaudit, & par pari gaudet, propter concupiscentiam adhaerentis materialis maximè, & formæ sulphureæ.

Hæc ita conjuncta putrefaciunt, humido tamen calore, ne igne accenso Mercurius separetur, vel in altum feratur propter naturam suam spiritualem, ut hac corruptione alteretur materia, & elementa naturaliter dividantur, & regeneratio subsequatur: nihil enim nascitur, vel crescit, ne inanimatum quidem, nisi putrefactione facta.

Post Putrefactionem ad coagulationem accedunt, atque eodem calore temperatissimo perpetuo materiam alterante, tam intrinsecus, quam extrinsecus operantur, donec materia albescat, & perlarum referat similitudinem, sitque tum spirituum volatiliam cum corporibus confixatio, ac vera coagulatio. Album hoc, spinam vocant, & sulphur album incombustibile, quod nunquam ab igne recedit.

Ad cibationem denique se conferunt, nempe ad subtilis ingrossationem, & crassi subtiliationem, commiscendo aquam suam cum cinere, & lac suum cum terra foliata moderate quidem, ut sic albedo, & rubedo, bonitas, quantitas, & virtus ipsius crescat, & augeatur, atque coquendo, materia nutriatur.

Tunc materiam sublimant, sublimatione non vulgari, quæ tamen qualis sit, concipi non potest, illamque sic ab immunditiis omnibus expurgant corpus extollendo, ac ipsum spirituale, & spiritum corporalem, ac fixum reddendo, falsedinemque sulphuream minuendo, ut totum dealbetur, ac citissime liquescere possit.

Abso-

Quatuor Elementorum separatio.

Conjunctio.

Putrefactio.

Coagulatio.

Cibatio.

Sublimatio.

Fermenta-
tio.

Absoluta sublimatione materiam fermentant, spiritum cum sua terra dealbata, & calce tanquam cum suo fermento conjungendo, aut animam cum corpore incorporando: Non enim possunt ostendere suas virtutes permanentes, accidentia spiritualia, nisi cum corporibus fixis jungantur, tanquam cum fermento, quod reducit sibi appositum ad sui naturam, colorem & saporem, per mutuam hanc & communem corporis, & spiritus impressionem, sine qua opus perfici non potest, quemadmodum nec pasta sine fermento fermentari.

Circulatio.

Ad majorem autem nobilitatem materiae, illam exaltandam censent, spiritum augendo, terramque sublimando, & subtiliando per naturalem rectificationem, omnium elementorum circulationem, & veram graduationem ipsorum, donec ad perfectum amplexum reducuntur. Tunc Salamandram suam solutionibus, & coagulationibus reiteratis in virtute augent, & cum novo fermento in virtute, & quantitate, idque in infinitum.

Projectio.

Ultimò faciunt projectionem super imperfecta, ponderis unius supra plura secundum medicinae perfectionem: quando enim magis subtiliatur, & tingitur, tanto abundantius operatur, & sic naturam imitando, imperfecta metalla perficiunt, ac in Lunam, & Solem convertunt, ex propriaque ipsius materia purificata arte, & subtiliata, deinde decoctione, & digestionem fixata, donec in album, & tandem in rubrum prodeat colorem, volatilisque rursus facta, & iterum fixa, donec ingressum habeat, & perfecte tingat, suam conficiunt medicinam, suumque pulverem, quem Lapidem philosophicum vocant: idque variis operationibus, diversis rebus, pluribus vasis, multisque fornacibus, ut ex praedictis, artis imperiti forte conjicient: cum tamen vero philosopho, in toto hoc magno licet opere, sit unica operatio, unicaque vita, res una, vas unum, solus ignis, solaque fornax, ut omnes illi uno ore fatentur. Sed relictis verbis rem ipsam accedamus: Ex hisce enim veluti in aërem projectis verbis nihil adhuc specificari, quis non videt? Utrum verò lumen aliquod ex ipsa Alchymistarum in magna illa lapidis fabrica capiamus, jam videndum restat: ex iis enim quid sperandum, quid desperandum, luce clarius patebit. Quomodo itaque prima materia metallorum educenda sit & praeparanda, ex ipsa Alchymistarum *ἐγχευήσιν* ostendamus.

Paracelsus Materiam primigeniam metallorum hac *ἐγχευήσιν* praeparat.

Sciendum itaque, ait, *Resuscitationem metallorum duplicem esse; unam, qua metalla calcinata per reductionem in suum primum metallicum corpus redigat: alteram, qua metalla in suam primam materiam reducat, hoc est, in argentum vivum; atque ita quidem in posteriori proceditur. Calcina metalla per Mercurium vulgi, hanc*

Calcinatione metal-

*calcem, & tantundem argenti vivi pone in sublimatorio, stent aliquamdiu, donec ambo in amalgama coagulentur; postea eleva mercurium per sublimationem à calce, elevatum iterum tere cum calce metallica, & sublima, ut antea: hoc toties fac, donec calx metallica tandem supra candelam, ut cera, vel glacies liquefiat, tunc probe factum est. Hoc metallum ponatur in digestionem ad suum tempus, & mutabitur totum in Mercurium vivum, hoc est, in primam suam materiam, qui quidem Mercurius metallorum, & philosophorum appellatur, quem plurimi Alchymista quaesiverunt, sed pauci invenerunt. Ita jam paratur Mercurius vivus ex omnibus metallis, nempe mercurius ☉ ♀ ♂ ♀ ♀ &c. Verba clara sunt; sed si rite expendantur, non respondent praxi: Primo enim calcinat datum metallum per Mercurium vulgi, quem omnes artifices reprobant, tanquam operi ineptum, deinde calcem in tantum sublimat, donec in amalgama coaguletur, quod sine dubio nihil aliud, quam mixtum ex calce & mercurio est; deinde hoc iterum tere praecipit, & toties hanc operationem peragit, donec tanquam cera super ignem candelae liquefiat; deinde digestionem sive putrefactionem subjicit ad certum tempus, puta mensem philosophicum; totum in Mercurium convertatur, quem philosophorum dicit. Ego verò dico, nullum in hac operatione alium nobis mercurium exhiberi, quam quo primo metallum calcinavit, & si per sublimationem, putrefactionemque omnibus terrestribus facibus ei commistis quam optime depurgatum; non tamen hinc sequi, hunc philosophicum Mercurium à Mercurio vulgi indestructibili distingui, cum non nisi gradibus puritatis, uti in omnibus sublimatis videre est, differat. Quod verò dicit, totam hanc calcem in Mercurium converti, naturalibus repugnat principiis, cum enim in calce metallica sulphur suam partem habeat, sulphuream calcis partem in specie differentem Mercurium converti, dici neque potest neque debet; cum nulla in rerum natura res adeo depurari queat, quae non post se nonnihil earum terrestrium partium, ex quibus constat, relinquat. Accedit, quod Mercurius etiam vulgi ex se, & sua natura incorruptibilis, & indestructibilis sit; neque enim igne ita domari potest, ut dum tenues evanuit in auras, obvio frigore non statim in Naturam pristinam, id est, fluidam revertatur, nulla ne minima quidem parte consumpta, uti jam saepius experimento comprobavimus. Falsum itaque est, quod *Paracelsus* hoc loco promittit.*

Ioannes Azoth aliter conficit & praeparat primam materiam metallorum in ordine ad lapidem. Mercurius inquit est prima operis nostri materia, & postea fit menstruum solutivum corporum, lac virginis, & nutrimentum nigræ terræ simulque azoth abluitionis. Ex ipso Mercurio nostro solo elicatur omnis virtus artis. Est in Mercurio quid-

lorum
mercurius
prodit, ma-
teria prima
Lapidis.

Confutatio
praxeos.

Confutatio
praxeos
Paracelsi.

Mercurius
indestru-
ctibilis est.

*Joannis
Azothi
pragmata*

quid quærunt sapientes. Quomodo verò qui sua pleraque ex *Raymundo Lullo* descripsit, Mercurius ille præparetur à *Ioanne Azotho*, accipe.

CAPUT II.

Utrum vera & realis transmutatio unius metalli in aliud detur.

Est hoc præcipuum fundamentum eorum, qui Auriferam artem profitentur, quo artem veram, & realem esse demonstrare se posse existimant; & ego illis libens subscribere, si non quoad praxin, saltem quoad theoriam; si mihi occultæ Naturæ semitæ, si abditæ Naturæ in operationibus suis industriæ, quibus in rerum genesi utitur; si præcisa & absoluta combinandarum rerum proportio hand ignota forent. Verum cum Ecclesiastici testimonio cunctæ res sint difficiles, nec eas sermone quis explicare queat; Hinc exoritur illa animorum in indagandis rebus Naturæ perplexitas, mentisque stupor, quo percussa quanto in intima rerum indagine plus se profecisse videt, tanto à veritatis limine remotiorem adhuc se esse deprehendit; ut proinde solis Angelis, dæmonibusque intimus Naturæ nucleus abditæ caloris nidi, rerumque passibilium cum activis coaptatarum modus, ratio, & absolutissima proportio cognita sit; Quæ admiranda rerum scientia, si humano intellectui communicaretur, is haud dubie ad illud tandem, quod jam ab innumeris fere Philosophis unice quæsitum, tanto, tamque pertinaci studio, multorum annorum spatio, irritò labore exoptatum fuit, pervenire posset. Felix sane is, & ter, quaterque beatus, quem aliquando in Naturæ indagine beatus error fortuito casu ad magni alicujus inventi adyta perduxerit. His tamen difficultatibus non obstantibus nonnulli artis certitudinem tanta constantia tuentur, tanta pertinacia defendunt, ut ad fidem ignaris rerum faciendam, non dicam sub dubio, sed vel geometrica apodixi artis veritatem infallibilem demonstrare se velle expresse videantur. Ego sane uti Artem *advocator* non facile asseram, ita quoque quoad theoriam, probabilem tantum esse, at vix possibilem hominibus confidentius assero, hoc vel maxime capite motus, quod inter tot Theoricos nullus sit, qui hujus rei praxin, nisi forsan diabolo magistro, aut solitis impositionum fucis, ostenderit, de quo in sequentibus fusius. Diabolum enim multa posse ex vera scientia in transmutatione rerum naturalium, constat, quæ nos ne toto quidem ingenii conamine concipere possumus. Quis enim ex aërea substantia corpus humano corpori, aut animali cuicunque tandem haud ab simile, humana industria formet? quis industria humana elementa perturbet, tempestates excitet, mare inflet? quis infecta, atque omnis generis imperfecta animalia derepente producat? Certè præter An-

Naturæ labor in metallis generandis humano ingenio im-pervestigabilis.

Diaboli scientia in rebus naturalibus.

gelum, aut dæmonem, utpote qua pollet potentia humanâ superiori, neminem alium hoc præstare posse, quis non videt? & tamen cum talia, ac tanta operantur, non ea miraculose, sed ex occulta nobis Naturæ potentia, & efficacia præstant, inter quæ Artem quoque auriferam, quam juxta Naturæ exemplar perfecte norunt, adnumerandam censeo. His itaque prælibatis, jam quid sit Metamorphosis illa, seu transmutatio, qua Chrysopæi tanta miracula perpetrare se posse jactitant, examinemus, ex qua quid fieri, quid non fieri possit, luculenter patebit.

Metamorphosis, seu transmutatio metalli unius in aliud, dupliciter considerari potest, primo per se, proprie & immediate; secundo per accidens, improprie, & mediante alio. Illa proprie, per se, & immediate transmutantur, quibus immutationis inest aptitudo, & capacitas, quæque commune quoddam subjectum, quod immutationem recipiat, habent, & quæcunque tandem subjecta proprie actionem permutantem recipiunt; atque hoc pacto species mutari impossibile est, sed speciei duntaxat illius individua: Atque hæc sententia est *Rogerii Baconis*, qui hisce nil aliud intelligit, nisi quod species rerum in abstracto permutari non possint, sed in concreto, id est, specierum individua. Metamorphosis verò improprie, sive per accidens & mediate sumpta illa dicitur, cui nulla inest permutationis aptitudo, neque commune subjectum permutabile, neque ipsius actionis permutantis, subjectum immediatum: sed hæc omnia consequuntur ex aliquo subjecto: hoc autem pacto species, & accidentia transmutari possunt. Verbi gratia: Argentitas, quæ est argenti species in abstracto sumpta, transmutari non potest in speciem auri, quæ est Aureitas, neque argenteitatem, aureitatem fieri possibile est; hoc enim sumpto modo species permutari non possunt, quia non subjectæ per se accretionibus sensibilibus, nec in se compositionem habent partitam, vel contrariam, quæ sit causa permutationis vel ejus subjectum, sed per accidens quidem, & improprie, & mediante verb: gr. igne, transformantur, mutatione particularium, partibiliumque rerum, quæ uti corruptibilia sunt, & composita, sensibilibusque accretionibus objecta, sive subjecta, ita quoque ea per varias depurationes, digestiones, sublimationesque, quarum subjectum est metallica materia, in aliud transformantur: Unde hoc argentum, vel aurum factum est subjectum alterius speciei, quam alia complevit

Quid proprie sit transmutatio ex mente Alchymistarum.

Quomodo
intelligen-
da sit
transmuta-
tio in me-
tallorum
generi.

plevit purgatio, aut digestio. Ex hac definitione patet, *Bathonium* per hujusmodi definitionem nihil aliud intellexisse, quam metallicam quandam transmutationem, quâ per varias digestionem, putrefactionesque aurum fit subjectum alterius speciei, de quo nemo Philosophorum hucusque dubitavit; & experientia apertè docet, in mineralibus, metallicisque corporibus, quorum subjecta unius speciei materia uti naturaliter in alia aliaque differentium specierum mineralia procedit, ita varias quoque transmutationes perficit, ut fuscè in præcedentibus de Metallorum generi ostendimus, & ex tanta lapidum, gemmarum, cæterorumque mineralium specie differentium varietate patet. Undè concludo, Aurum, Argentum, æs, plumbum, &c. etsi specie differant, quia tamen unicam subjectam materiam habent, quam nos suprâ halitum, seu vaporem sulphureo-salino-mercurialem diximus, hinc à metallis in specie quidem differunt, non tamen in materia; quia hujusmodi halitus à D E O Elementis concreatus, aurum, argentum, aut plumbum non est, sed veluti semen quoddam, quod intra differentes Terræ matrices effusum, pro differentia matricum, differentia & mineralia, & metalla varia industria, solutione, inquam, digestionem, circulatione, & tandem coagulatione producit, quæ innumeris exemplis in *Octavo Libro* de lapidifici succi mirabili vi, ad quodvis in saxum convertendum, ostendimus; De admiranda verò vegetabilis naturæ, quâ non solum una herba in aliam transmutatur, sed & ex herbarum putrescente succo, animaliumque putredine, differentis speciei animalia producuntur, metamorphosi in *ultimo hujus operis Libro*, magno experimentorum apparatu differemus. Quis nutrimenti tum hominum, tum animalium in carnem, sanguinem, transmutationem negat? Quid ignis non potest? cujus ope omnia tum mineralia, tum vegetabilia, animaliaque, in cinerem, & ex cinere in vitrum convertuntur? Ex quibus apertè patet, non Alchymicas species, sed subjecta specierum tantummodò transformari posse. Atque has Naturæ per se operantis leges immutabiles esse, nemini dubium esse debet, atque adeò in suis operationibus, utpote ab Archetypo Divini intellectus immediatè dependentibus errare non possit. An verò artis humanæ industria quispiam ad similis transmutationis apicem pertingere queat, hoc ipsum est, quod hic quæritur; hoc enim nobis cum Alchymistis faceffit negotium.

Transmutatio ex mente Paracelsi.

Paracelsus Transmutationem nihil aliud esse dicit, quàm cum res suam formam amittit, atque adeò alteratur, ut prorsus priori substantiæ, & formæ suæ non sit similis, sed aliam formam assumat, aliam essentiam, alium colorem, aliam virtutem, aliam naturam & proprietatem, ut si metallum fiat vitrum, vel lapis; si lignum fiat carbo, argilla lapis, & later, pellis gluten, linteum papyrus, hor-

deum equus, aut caper, frumentum homo; hanc tamen transmutationem in Chymico negotio finè lapide Philosophorum, & hunc lapidem sine septem Chymicæ gradibus, quos in præcedentibus exposuimus, factu impossibilem judicavit.

Paracelsus itaque, ut verum artis transmutatoris specimen det, primò variorum metallorum unius in aliud μεταμόρφωσις, docet *lib. de Transmutat. metallorum*; putatque se demonstrare posse, metalla specie non distingui, sed secundum majorem tantummodò, & minorem puritatem: Nos autem ex propriis ejus experimentis, quam ille dicit transmutationem, illam veram non esse, sed impropiam & accidentalem tantum, sic ex ejus verbis ostendimus. *Transmutatio, inquit, metallorum, magnum secretum in Natura est, & difficulter fieri potest multorum impedimentorum, & adversitatum causa; attamen contra naturam non est, neque contra DEI ordinationem, ut multi falso loquuntur.*

Specimina
transmuta-
tionis à Pa-
racelsi
proposita.

Ut autem minora, & impuriora metalla, ut vocant, Juppiter, Saturnus, Mars, & Mercurius, in majora & purissima perfectissimaque metalla, utpote in Solem & Lunam transmutentur, absque tinctura, & lapide Philosophorum, fieri non potest: in reliquis tamen in se invicem transmutandis cum difficile non sit, apponimus.

EXPERIMENTUM I.

Transmutatio Martis in Venerem, sive ferri in cuprum.

TRansmutatio hæc variis modis fieri potest. Primò si limatura ferri in aqua vitrioli coquatur: Secundò si laminæ ferreæ cum vitriolo calcinato cæmententur: Tertiò si candentes laminæ ferreæ oleo vitrioli extinguantur: Addo ego, si laminæ ferreæ tenues aquæ vitriolatæ solummodò imponantur. Atque hæc *Paracelsus* veras transmutationes esse dicit, quod nos, uti in præcedentibus fuscè docuimus, negamus; cum hanc mutationem nihil aliud esse asseramus, quàm corpusculorum æratorum in vitriolo latentium, ad ferrum, quod naturaliter appetunt, confluum: Cum enim singularis magnetismus ferrum inter, & cuprum, uti & vitriolum sive calcinatum, sive in aquam resolutum sit, hinc fit, ut statim, ac ferrum invenerit, illud tenacissimo amplexu stringat, & acrimoniâ in scoriam resolvat, quibus uti vitriolata corpuscula unita ex miro, quem ad eas habent, consensu, commiscuntur: ita quoque faciliè in purissimum æs decoquantur; cujus rei experimentum quotidie exteris in meo Musæo ostenditur: Si enim transmutatio vera, & realis foret, tum corpuscula vitriolata, sive calcinata, sive cruda, & fixa, sive aquæ insint (eiusdem enim generis & naturæ sunt) in totam ferream substantiam converti deberent, quod experientia repugnat; atque adeò *Paracelsus* hoc loco

Magnetismus cupri ad ferrum.

K k

sua

sua opinione falsus est. Sed videamus alias ab eo allatas transmutationes. Poteſt quoque, *inquit*, limatura ferri quaſi in plumbum reduci, & transmutari, ita ut prorsus molle fiat, ut nativum plumbum, sed non facile fluit. Fit autem hac ratione.

EXPERIMENTUM II.

Ferri in plumbum transmutatio; secundum Paracelsum.

Cape limaturam ferri, & tantundem optimi pulveris liquefactitii, misceantur, ponantur in tigillo, & in furno ventoso fiat ignis fortis talis, ne ferrum fluat, sed quaſi in cemento ſtet integram horam, poſtea fortifica ignem strenue, ut candescat, & fluat; denique tigillum per ſe refrigeri ſinito, & invenes regulum plumbi in tigillo, mollem, & ductilem, ut nativum plumbum.

Ferri in plumbum transmutatio non est vera.

Hanc dicit eſſe transmutationem ferri in plumbum, in qua ſibi ipſi contradicit: Cum expreſſe dicat, limaturam ferri quaſi in plumbum, id eſt, in plumbi ſimilitudinem quandam deduci, & transmutari poſſe; addit, id non facile fluere, ſed molleſcere tantum. Cauſam ego iſtius rei meliorem affigno, & eſt, quod ferrum uti ex ſulphure aduſto, & exigua humiditate conſtat, ita quoque aduſto ſulphure cum reliqua loppa per ignis efficaciam abſumpta partes ad fluxionem aptiores reddantur. Non itaque hæc transmutatio eſt, ſed mera fit depuratio, quemadmodum sæpè in noſtro Collegii Romani Ergaſterio, ex marte regulum fulgidum, & ſplendentem fieri vidi, ex ſcobe ferri, & antimonio compoſitum, quod vel ipſe Paracelſus ſubdolè reticet, dum loco antimonii dubia voce pulveris liquefactitii, qui addi debet, ut inde regulus non plumbi, ſed Martis emergat. Patet itaque ex hiſce denuò Paracelſi in ſuis experimentis fallacia. Sed jam videamus quomodo æs in plumbum transmutet, & utrum hæc vera transmutatio dici poſſit.

EXPERIMENTUM III.

Transmutatio Aeris, ſive Veneris in plumbum, ſive Saturnum.

Primò, *inquit*, omnium, cuprum Mercurio ſublimato, & Arſenico fixo in album redige, candidum ut Luna, poſtea id granulato; huius & boni pulveris reductitii recipe ana, & primò quidem cimenta, poſtremo in regulum funde, & habebis verum plumbi regulum. Hanc veram transmutationem eſſe non poſſe, hinc patet, quod Mercurius, & Arſenicum ubi avolaverint, cuprum albâ tincturâ præditum relinquant; aduſti ſulphuris parte, cum reliquis ſcoriis conſumptâ; unde per ignem veluti depurgati candidam, & molliorem, magisque fluidam ſubſtantiam reguli inſtar acquirit. Atque hoc ſequenti appoſito experimento luculentiffime comprobari poſſet, quomodo ſine ullâ difficultate regulus ille, quem plumbi dicit, in priſtinum ſtatum cupri reduci poſſit, quod non fieret, ſi vera, & realis transmutatio foret.

Quæ in priſtinum ſtatum reduci poſſunt metallâ, vere transmutata dici non poſſunt.

EXPERIMENTUM IV.

Plumbi in cuprum reductio.

LAminas plumbi, ſive etiam regulum, quem paulò ante ex cupro eduxerat, vitriolo calcinato, vel croco Martis ſtratificato, cementato, denique liquefacito, & videbis putatitium plumbi regulum in optimum æs ponderoſum, & malleabile reductum. Cauſa eſt, quod ex prima reductione cupri in plumbum putatitium æri deceſſerat, id modo per vitrioli calcinati, & croci Martis additionem in priſtinum ſtatum æris, ſeu cupri rubri reducitur; quam quidem meliori jure immutationem, quàm transmutationem dixerim, & ex ſequenti experimento patet. Si enim tale cuprum in ſubtiles laminas reductum, tutia, aut calaminari pulvere, ut Chymicè loquar, ſtratificetur, cementatumque poſtremo fundatur, id in aurichalcum tranſire reperies, ſplendore auri haud abſimile. Vide quæ ſuprà de cupro in aurichalcum immutando uberius locutus ſum: neque enim in hoc experimento nulla ſubſtantia fit mutatio, ſed cuprum ſolummodo ex rubro in aureum colorem tingitur: Cum hoc, uti alibi oſtendimus, denuò ex aureo in rubrum reduci poſſit.

Reductio plumbi in cuprum.

EXPERIMENTUM V.

Et in transmutatio, ſive plumbi in ſtannum.

Quomodo verò in ſtannum plumbum immutari poſſit, Paracelſus hiſce verbis docet: *Plumbum in laminas ſubtiles reductas ſtratifica cum ſale ammoniaco, cimenta, & poſtremo funde, ut ſupra dictum eſt. Hoc pacto plumbum nigrum & obſcurum tollitur, & in albedine pulcherrima Anglico ſtanno ſimillimum videbitur.* Cuius quidem rei ratio alia nulla eſt, niſi, quod Sal ammoniacum, Mercurium ſat copioſum in plumbo latentem in fumum reſolvat, quo ablato unâ cum fuligine plumbi in durioſam, ſplendidioremque ſubſtantiam, videlicet ſtannum, quod & idem plumbum candidum vocant, degenerare neceſſe eſt: neque hæc transmutatio propriè dici poſſit: cum idem Mercurius in locum ejus, qui avolat, per Sal Ammoniacum, ſtanno denuò junctus, id denuò in plumbum atrum reducere poſſit: uti experientia me docet.

Hiſce transmutationibus præmiſſis, Paracelſus, ut realem transmutationem perſuadeat, addit arcanum in lapideſa ſubſtantia arcanorum omnium maximum: verba ejus pono: *Similiter ſciatis de magnete, qui in decuplam potentiam & virtutem transmutari poſeſt, nempe hoc modo:* Arrigite aures Magneticæ artis doctores, quam ingens vobis ſecretum pandat Paracelſus. *Recipe Magnetem, & in carbonibus candefac, ita quidem ut caleſcat valde, ſed tamen non ſit ignitus.* Quomodo autem candefactio magnetis ab ignitione differat, equidem capere non poſſum. quem ſtatim in oleo croci Martis,

Paracelſi in magnete corroborando praxis ridicula.

tis, qui ex optimo chalybe sit factus, extingue, ut imbibat quantum capere potest: hoc pacto magnetem adeo efficacem reddit, ut per eum claves ex pariete evellas, & similia mirabilia operari poteris, quæ alius magnes nunquam facere potest. Et in alio loco asserit; si magnetem in sale Echeneidis sepelias, tantæ virtutis futurum, ut ex ipso puteo ferrum attrahere possit: Hæc sunt arcana Paracelsi sacramenta, utique tanto ineptiora, quanto falsiora sunt. Si solemniter hic Magister vel prima magnetis principia novisset, tam stolidus non esset. Quis enim nescit, uti in arte mea Magnetica per frequentia experimenta docui, magnetem carbonibus tumulatum, statim omni virtute tractiva destitui, adeoque nihil magneti adeo contrarium esse, quam calorem intensum, non dicam ignis, sed vel ipsius Solis, quem sine detrimento sui sustinere nequit, experimento frequenti compererim. Quis autem credat huic impudentissimo jactatori magnetem in sale Echeneidis, quam Remoram vocant, sepultum, tantam virtutem acquirere, ut è puteo ferrum collapsum extrahat, aut quomodo hujus rei experimentum à se factum cum veritate dicere potest? cum de Echeneide sive Remora, utrum unquam in rerum natura extiterit, inter Naturalis historiae scriptores maxime controversum sit. Unde autem is tot remoras habuerit; ut ex iis salem extrahere potuerit, quis conjicere poterit? Vides itaque, Lector, hujus hominis in asserendis rebus præceptum ingenium, audaciamque prorsus intolerabilem. Patet itaque, Paracelsum ejus ingenii fuisse, ut si quid audiret novum, & admirabile in rerum Natura, si ve verum, si ve falsum, id ipsum statim ad suas ineptias transfunderet, ne intima quævis Naturæ mysteria, verius fabulas nescire videretur. Audiverat is, & legerat forsitan de Remora tanta virtute tractiva prædita, ut vel ipsas onerarias naves, palmaris magnitudinis pisciculus sisteret: Unde statim eam ad magnetem roborandam assumpsit, non inquirens, utrum illa vere existat in Natura, & utrum eandem virtutis tractivæ speciem cum magnete obtineat; sed hujusmodi imposturæ uberius in sequentibus aperientur. Jam ad Rhombum, uti dici solet. Secuti sunt hunc discipuli ejus, nescio qua doxologia perciti. Cum enim plerique avidissime in literalem metallorum transmutationem ferrentur, neque tamen spem, aviditatemque suam ullo explere modo possent, aut magnificis pollicitationibus, quæ artis magnæ finem se consecutos esse, gloriabantur, satisfacere valerent: quidam audacia plusquam Thraconica, dum dolis, fucisque liberalius indulgerent, temeritatis suæ cum summa insanix nota condignas luerunt poenas. Nonnulli cautiores ne pseudotechnias crimine notarentur, fucoso ad tegendam imperitiam induti pallio, Lullum, ejusque sectatores, Ulstadium, Rupicissam, cæterosque Magistros Paracelsi, mordaci penna secuti, indignis probris perpetuo velli-

care non destiterunt. Coelum Lullianum quintamque essentiam, veluti rem ludicram, & nullius in transmutatoria momenti irriserunt despexeruntque; imo cum ab eo omnia descripsissent, sub alio tamen sensu, ne plagiarum criminis convincerentur; novam quidem, sed subdolam Chrysopoeiæ telam texuerunt ex parabolico, magico, & philosophico Hermetis, turbæ philosophorum & Villanovani rosario deductam, quam tamen ne inscitix arguerentur, Ovidii metamorphosi, Esopi Apologos, Ariete Colchico, Cantico Salomonis, aliisque, quæ quovis modo ad intentum facere videbantur, allegoricis ratiociniis tegendam censuere; eo demum impietatis pervenerunt, ut summa Christi Servatoris nostri beneficia, Incarnationem, Nativitatem, Passionem, Mortem, Resurrectionemque, cæterasque cælestis doctrinæ partes, & abdita Evangelii sacramenta, Lapidem, impio sane ausu, accommodare non sint verecundati. Quidam rursus Paracelsi sectatores audita voce (Medicina) metallorum imperfectorum correctricæ, eam non solum ad medicam transfulerunt facultatem, sed & similibus transmutationibus pharmacuticæ polluerunt, non considerantes otiosam supervacaneamque esse metabolicam illam metallorum medicinam, si una generali in Solem converterentur omnia. Hinc rursus in transversum acti quidam, dum modum perfectæ metalla in aurum transmutandi nesciunt, ad apparentes quasdam imperfectorum metallorum in imperfecta commutationes, id est, Martis in Venerem, Saturni in Jovem, Stibii in plumbum, transformationes conversi, veluti opera in perfectis metallicis desperata, lapidem Syssiphi verius, quam philosophorum infano labore, & sine fructu, non sine sapientum risu volverunt revolveruntque.

Quercetanus Paracelsi assecla cum innumeras tricas in transmutatione occurrentes cognosceret, ne in inutili opere, & operam, & oleum perderet, ab Alchymia ad Chymiam medicam transfuga, rationem sui consilii hinc verbis dat. Quid enim tum postea, si aurum facere possis ex argento vivo, & mercurialibus metallis, eaque arte tibi ipsi miseriam concilies, interim salute humanâ, quæ auro gemmisque preciosior est, neglectâ. Recte utique, si quoque eam se nescire addidisset. Castris itaque Paracelsi relictis, Lullum secutus, alium sibi lapidem volvendum censuit, quem libro edito de Veterum philosophorum veræ medicinæ materia, præparationis modo, ejusque in morbis sanandis potentia, ex quinta vini essentia extractum proposuit: Atque hunc, ait, verum esse à priscis intentum philosophorum lapidem: illudque ex illo fictitii Morieni epiphonemate probat. Lapis noster est aqua extracta & separata à corpore nostro, quæ dicitur prima materia; aurum enim philosophorum, ait Quercetanus, seu lapis, nihil aliud est, quam quædam arte compilata medicina temperata, quæ tanquam forma separata à suo corpore ad tantam subtilitatem reducta est, ut in quodvis objectum,

Impietas Alchymistarum in applicandis sacris literis ad Lapidis significationem.

Quercetanus relicta Alchymia ad Chymiam transfugit.

Lapis Philosophi. Vergetabilis quis sit.

Ridiculum Commentum Paracelsi de corroborando magnetem in sale Remoræ.

Paracelsistarum vanitas.

Coelum
philoso-
phorum à
Lullo exhi-
bitum.

instar forma celestis preparatam à Natura sibi materiam operetur. Sed quid quæso lapis vegetabilis cum minerali, aut metallico, convenientiæ, aut proportionis habeat, dispicere nulla ratione possum: Anne ex bestia herbam, plantamque, aut ex planta metallum educere contraria Naturæ via educere queat, ipse viderit? Alii, quos pudet tantæ loquendi inconstantiae, & perplexitatis, *Lullum, Quercetanum*, cæterosque *Lulli* sequaces, dum Lapidem ex quinta auri essentia conficiunt, excusant; omnia videntur à *Lullo* de coelo suo vegetabili prolata, sub puro metaphorico sensu accipienda esse. Sed qui legerit *Lulli* librum, cui titulus est *coelum Philosophorum*, is ex ipso Magisterii processu, luce meridiana clarius perspiciet, *Lullum* nil ibidem aliud exhibuisse, quam Panaceam quandam; omnium infirmitatum humani corporis curationi mire opportunam; unde abjecta metallorum transmutatoria ceu conclamata, so-

li vegetabili huic lapidi tanti ad sanitatem non solum conservandam, sed & prolongandam, momenti, incubuit. Qui verò ad inæstimabiles aureæ Naturæ thesauros plus æquo adspirant, hi rejecto & vegetabili, & animali lapide, ceu incongruis & heterogeneis, soli minerali conficiendo, indefesso quidem, at frustraneo prorsus labore incubuerunt, & ut ingentia Naturæ sacramenta soli possidere viderentur, iis artis processum, sententiarum monstris involverunt, quæ nec assequi possis intelligendo, nedum scribendo imitari, nedum æmulari excogitando. Et ne iis injuriam facere videar, totius transmutatoriae artis processum ad incudem hic revocandum duxi; ut *Lector* vel ex ipsa *εγχενησις*, & procedendi modo, luculentissime videat, consistere non posse, quod tot contradictionum nodis intricatum, tot absconis similitudinum involucris tectum, tot denique rerum coaptandarum difformitate confusum est.

CAPUT III.

De Lapidis, & Tincturæ Philosophorum conficiendæ modo, & ratione.

Non dicam hoc loco de pseutochymiastrorum, sed de primi ordinis Alchymistarum in lapidis structura processu, ut ex eorum modo, & ratione, quid de reliquis sperandum sit, elucescat: quos inter principem locum post Arabes, *Hermetem* fictitium, *Gebrum*, *Rasem*, *Haled*, *Hamuel*, aliosque innumeros obtinent, *Lullus*, *Villanovanus*, *Ioannes Azoth* author fictus, *Rupicissa*, *Trevisanus*, *Bernardus*, *Isaacus Hollandus*, *Paracelsus*, & quotquot in diversas sectas divisi hanc artem excoluerunt. Arabes Lapidis, tincturæque artificium hoc modo proposuerunt, Authore *Gebro*, quem secuti sunt.

Sumatur lapis in capitulis notus, id est, argentum vivum, seu Mercurius philosophorum, quem زئبق Zertback vocant: post preparationem, ante preparationem, verò lapides illi, ex quibus elicitur. Assiduo fiat super illo opus sublimationis primi gradus cum instantia operis, donec mundetur ab impuritate corrumpente, sitque purissimus & ultimo volatilis: Quomodo autem hoc fiat per sublimationem in sequenti processu manifestabitur. Tertio figatur hic per modos fixationis, donec ignis asperitate quiescat: hic consistit meta secundi gradus; id est, elixir jam suo gradu fixum habes. Quarto tractetur etiam lapis tertio gradu, qui in ultimo preparationis complemento consistit, ut jam fixum lapidem per modos sublimationis volatilem facias, & volatilem fixum: hunc solves, iterumque volare facies, & coagules denuo, donec fluas, absque fumo tamen, & ingrediatur, & tingat, alteretque in complemento Solifico, & Lunifico vero, vel donec

projectione sui aurum, & argentum efficiat completum, qua res multiplici repetitione ejusdem laboris indiget: laqueo hic thesaurus incomparabilis, arcanum pretiosissimum, & supra omne arcanum scientiarum hujus mundi. Ita *Geber*. Et quoniam hæc omnia gratis dicta sine ulteriori explicatione videri possint: Hinc apponam *Raymundi Lulli*, & *Ioannis Azothi*, qui quasi de verbo ad verbum sua ex *Lullo* descripsit, processum, qui uti Arabum descriptioni conformis est, ita quoque *Lullum* ex Arabibus eum descripsisse, nulli dubium esse debet.

Raymundi Lulli & Ioannis Azoth ad magni Lapidis tincturæque complementum processus.

Dividitur Alchymistarum Turba circa hunc processum in duas sectas; quorum alii ad lapidis confectionem requirunt aurum minerale purissimum: alii sine ullo auri additamento negotium confici posse putant: & ubi illi verum, & genuinum semen terræ suæ philosophicæ, ita hi lolium inferunt; ita tamen ut ad desideratum auri fructum pervenire se posse putent, quo nil stolidius esse potest, Sed jam ad processum *Lullianum*, *Azothicum*que.

PRAGMATIA I.

Sublimatio Mercurii.

Primò quidem in sua clavicula docet *Lullus* nonnullas ad Lapidem tincturamque Philosophicam compositiones aquarum, ad operis executionem necessarias; Et primò qui-

Arabum
de lapidis
confectione
processus.

quidem sublimationem hydrargyri docet, cui jungi præcipit unam vitrioli Romani libram, & decem salis communis uncias. Sed quia operatio fusior, quam ut *Lector* eam ferat, eam omittendam duxi. Mercurius itaque hac operatione ad summam puritatem deductus, servandus est. Secundo præparare docet aquam, quam vitæ vocat, hoc pacto.

PRAGMATIA II.

Aqua vitæ præparatio, quæ quidem nil aliud est, quam aqua fortis.

Processus
Luli ad la-
pidis con-
fectionem.

1 Aquæ vi-
tæ præpa-
ratio.

2 Aquæ
regiæ con-
fectio.

Virtutes
hujus a-
quæ.

CApe vitrioli Romani libras duas, Alumi-
nis calcinati tantundem, halinitri libram
unam, contrita mitte in cucurbitam, & alem-
bico rostrato addito distilla aquam fortem
secundum artem; primò igni lento benè clau-
sis juncturis, deindè fortiori, & tandem for-
tissimo, ut alembicus rubefiat. Tunc cessa;
optimum feceris, si hujus aquæ libras tres aut
quatuor obtineas: Postea ut regiam aquam
habeas, sic operare: In præparatæ jam aquæ
fortis libra solve salis ammoniaci trientem,
& ex viridi colore abibit in citrinum, & po-
terit aurum solvere cutemque flavo tingere,
quam analogicè chelydoniæ succum dicunt.
Solvit etiam cinnabarim, sulphur, argentum-
que vivum sublimatum: hanc serva in vitro
benè obturato, loco tepido.

Hac peracta docet præparare aquam Mer-
curialem eo qui sequitur, modo.

PRAGMATIA III.

Aqua Mercurialis præparatio.

3 Aquæ
Mercuria-
lis præpa-
ratio.

Aqua hæc
omnia me-
talla in pri-
mam ma-
teriam re-
solvendi
dicuntur.

CApe aquæ Regis paulò ante præparatæ
lib. unam; Mercurii suprà sublimati pu-
ri, densi, clari, ponderosi uncias sex, quas
cucurbitæ forti committes; In eam injicies
paulatim Mercurium, deindè orificium ob-
strue, ne salis ammoniaci vis exspiret, & in
cineres temperatè calentes colloca, & sic
aqua Mercurium solvet, & si post solutionem
aliquid remanserit, id nova aquæ regiæ su-
perinfusione solvatur, & sic procedes donec
totum sit dissolutum. Posteriores solutiones
appone priori, lento motu, ne effervescat,
& clauso vitro aquam in suum usum referunt.
Hujus aquæ perfectionis signum est, si injecta
cuprea bracteola argenteo colore tingatur.
Atque hæc est aqua, quæ omnia corpora me-
tallica in Mercurium seu primam materiam
reduci existimant. Quomodo verò hæc aqua
ad summam puritatem duci queat, sequenti
modo docet.

PRAGMATIA IV.

*Aquæ Mercurialis depurgatio, quæ Mercurius
Philosophorum dicitur, & metallica cor-
pora in primam materiam reducit.*

Aquæ Mer-
curialis

Aquam Mercurialem paulò antè descri-
ptam in cucurbitam longi, & angusticollis

infunde. Pone in fimum equinum bene dige-
stum quatuordecim dierum spatio in vase ex-
acte clauso; five ibi in putrefactione & fæ-
cibus ex aquæ corpore separatis ad vitri fun-
dum subsidentibus, relinquetur aqua flava,
& citrina: deindè vitrum ex fimo transfera-
tur ad furnum cineris, & per alembicum,
juxta artem, aquam distilla igne lento, &
prodibit aqua clarissima ponderosa, quam in
hac operatione Lac Virginis, acetum acerri-
mum, aquam perennem dicunt; continuato
ignem, donec totum liquorem clarum edu-
xeris; quo facto igni diminuto furnum refri-
gescere sine, aquam serva. Signum perfe-
ctionis est, si gutta in laminam æream cande-
factam superaffusa, eam statim penetret, al-
bo relicto vestigio. Atque hæc aqua ad sum-
mam puritatem deducta, omnibusque cor-
rosivis qualitatibus exuta, corpora metallica
in primam materiam reducit, unde & Mercu-
rius Philosophorum dicitur. Quomodo verò
hujus ope metallica corpora in primam ma-
teriam reduci queant, sequenti praxi docet.

summa
depurga-
tio.

Lac Virginis
Acetum acerri-
mum, quid sit
Aqua perennis,

PRAGMATIA V.

*Quomodo corpora metallica in Mercurium seu
primam materiam resolvantur.*

SI Argentum in Mercurium tibi solvendi
sit animus, sic operare. Argentum purè
fulminatum, & repurgatum redige in scobem
elimatam, vel tenuissima folia per bractea-
rium in papyri formam extensa; hæc cum sale
præparato in marmore cōtere, ut pulvis ex-
actus fiat, quem aqua calente ablutum ab
omni faldine sicca, ficcatum pone in con-
cham, imbibitum oleo tartari resicca, iden-
tidem repetendo; Tandem arefactum tere
in calcem, tritum in cucurbitam aut phia-
lam pone: affunde, quam paulò ante præpa-
ravimus aquam Mercurialem ad altitudinem
duorum digitorum; & hoc peracto pone su-
pra ignem lenem in cineribus, & aqua mer-
curialis vertet calcem in Mercurium. Si tota
non est conversa effusa priori aqua cum Mer-
curio, affunde novam, & procede similiter;
aquam effunde cautè in aliud vitrum: Mer-
curium verò repone in patinam seu calicem
vitreum, eum, ut mundus fiat, aqua salsa
ablue; deindè exsiccata humiditate exprime
eum per pannum; vel coriaceam bursam, si
nihil remanserit, benè fit; si quid verò inso-
lutum remanserit, repetitio instituenda est,
donec expressus per pannum Cotenæum nil
remanserit. Signa perfectionis hujus Mer-
curii prima sunt, tarditas in cursu major,
quam argenti vivi vulgaris. Secundum, si
supra laminam ignitam positus, exhalatus-
que post se relinquat notam fixitatis. Hunc
Mercurium si augmentare velis, accipe Mer-
curii paulo ante præparati uncias quatuor,
vel quot voles: Adde limaturæ argenti pu-
rissimi dimidium, & fiat amalgama. Hoc
misce cum argenti vivi optimè depurgati

Aqua
Mercuria-
lis in mare-
riam pri-
mam, id
est, Mer-
curium re-
ducit cal-
cem.

partibus duodecim : mitte in vitrum , quod bene claudes ; infer in ignem cinerem blandum , ibique detine per mensem , ut fiat resolutio in Mercurium ; tunc dicetur summè volatilis superare summam fixi , & hunc eundem facit volatilem , & hanc operationem pro libitu ad quodvis augmentum repetere poteris. Hoc *Lullus & Azothius* dicunt esse totum & unicum secretum Philosophorum. Idem verò processus valet , si pro argento aurum capies.

Atque hæcenus omnia rectè , & scitè dicta sunt , utpote quæ experientiæ non contradicant. Restat itaque ut modò doceamus , quomodo , & an ope hujus id , quod tantoperè jam à tot seculis desideratum fuit , id est , Lapidem illum , seu tincturam consequi possimus , & quâ via , & ratione tinctura Physica ab Alchymistis beneficio præmissi apparatus confici possit.

Tinctura
sive Elixir
quid?

•Dicunt itaque tincturam albam , & rubeam , quam Elixir vocant , ex solo Mercurio Philosophorum supra Mercurium , & omnia corpora metallica imperfecta projectam , in vera , perfecta , naturalibusque meliora transmutari posse , ex solo inquam Mercurio sapientum , qui non est Mercurius vulgi , sed est prima metallorum materia ; ex qua omnis virtus Alchymica elici dicitur ; cui nullam rem extraneam , præter aurum , & argentum in fermentatione lapidis veluti coadjutores quosdam , per quos opus verum chymicum perficitur , addi debere censent : Nam ut *Nicolaus Barnaudus* dicit , materia Chrysopœiæ est aurum finissimum ex minera tractum , non fabrike , aut mistum , sed optimæ notæ. Aurum , inquit , obrizum , quale *Genesis* c. 3. in Hevilah ad Phison Paradisi fluvium , aut in Ophir provenit ; Veruntamen uti utriusque Regionis locus , situsque mirum in modum ab Interpretibus controversitur , ita quoque ridiculum est , Chymicos ad incognitas hujusmodi aurifodinas Lapidis gratia relegare . Miror sanè hunc Authorem eosdem non ad Ryphæos quoque montes , ad gryphos Hyperboreos præstantissimi auri custodes , ut tandem aurum negotio Chymico congruum consequantur , remisisse. Sed relinquamus has Alchymistarum nugas : Alii aurum *ἀυρον* , sive ignem non expertum seligunt ad suum intentum . Quidquid sit auro , & argento melioris notæ nihil prorsus conficies , quibus & nos penitus , penitusque subscribimus , quamvis hæc non sit veterum Philosophorum intentio . Sed jam operationes , quæ Lapidis tinctura per sublimationem , quâ veluti unicâ cæteri septem operationum gradus , quæ sunt distillatio , ascensio , descensio , coagulatio , putrefactio , calcinatio , fixatio continentur , perfici asserunt , videamus ; atque examine- mus . Sic autem procedunt .

Operatio-
nes ad ma-
gnam ma-
gisterium.

Operatio I. Quæ vocatur Mercurii corporalis præparatio : Mercurium Philosophorum supra præparatum pone in phialam ; ori-

ficiam claude Hermetice , ne possit exspirare : pone eum ad suffocandum in suo lectulo , bene strato temperati caloris per mensem Philosophorum sub tenui calore , donec per se fudet , nec amplius ascendat , aut descendat , sed quiescat , & coaguletur in nigram terram , quod caput corvi vocatur , & terra , fæx nigra , æs Philosophorum , sulphur nigrum , vir , & masculus dicitur , una res diversis nominibus : atque ex hac prima operatione per coagulationem ex liquido fit spissum , ex frigido-humido , uti ajunt , calido-siccum per elementorum separationem .

Caput cor-
vi quid Al-
chymistis.

Operatio II. Quæ nigra terra dealbatur , sic procedit : Capitis corvi , seu nigrae terræ cape partes duas , adde eis aquæ Physicæ reservatæ , id est , mercurialis supra præparatæ partem unam , ita terram siccam aqua imbibat , donec totam consumplerit , ipsaque aqua penitus transferit in corpus terræ nigrae . Cum primum fuerit commista , claude vitrum , & pone in cupellam cinerum ; adhibe calorem temperatum , & tanquam in molli strato exsiccetur continuo calore per octiduum : Tunc enim incipiet paulatim dealbari ; exime ex vitro , & iterum pota lacte virginæo : postquam bibit , reponere in suum alveolum , seu phialam , lectumque caloris temperati , ut iterum exsiccetur , sicuti ante , & hoc per quatuor vires . Per hanc itaque operationem terram nigram , seu Caput Corvi ob omni foeditate sufficienter purgatum , ad albedinem intentam reduxisti ; quam quidem serva diligenter , habes enim , quod desiderare , ut loquuntur , potes , terram albam foliatam , sulphur album , magnesiæ albam , quâ fieri putant conjunctionem auri , & argenti , & mortuorum orporum vivificationem , qua imbibitione quilibet fructus emergit centuplus , aded ut ad intentum nil aliud restet , nisi fermentatio , qua foetus quadantenus animari dicitur ; juxta illud in turba philosophorum : *Serise aurum nostrum in terram albam foliatam , & portabis vobis fructum centuplum* , cujus virtutem tantam esse dicunt , ut multiplicetur in infinitum ; atque hoc esse Elixir illud desideratum album , tingens Mercurium , & omne corpus metallicum imperfectum in Lunam , sive Argentum verissimum : addunt tamen fermentum corpus mortuum intrare non posse , nisi mediante aqua mercuriali , quæ instar paranymphe matrimonium compleat .

Capitis
corvi de-
albaties.

Fermenta-
tio.

Habes hic *Lector* , universam pragmatim ad Lapidis , tincturaeque confectionem , & ab omni parabolicarum locutionum obscuritate vindicatam quoad literam , quantum fieri potuit , clarissime expositam evolutamque : ut proinde nemo Alchymistarum conqueri possit , aut terminos minus rectè intellectos , aut multa studio , & ad Artem occultandam , omissa fuisse : quod tamen si asserunt , Dico , nulli unquam Artifici chrysopœio fidem habendam , sed ad aliquam sibi famam magna Artis scientia compa-

comparandam quidlibet pro quolibet summa & intolerabili impostura posuisse: quibus quidem loquendi modis, dici vix potest, quantum Artis possibilitati præjudicent. Cum itaque verba clara sint & praxis methodicè prolata ab omnibus facilè in praxin reduci possit, & jam restat, ut ad physicam bilancem singula ponderemus; & an hujusmodi intentum chrysopoeias arcanum obtineri possit, ostendamus: Neque enim sibi *Lector* persuadeat velim, tam me credulum esse, ut quicquid Alchymistæ mirandarum rerum effutiant, tanquam Evangelii sacramentum revereant, & adorem: præsertim cum plerique nulla abditarum rerum physicarum scientia polleant, neq; combinandarum rerum artem calleant, qua sola veritas à falsitate, legitimum ab illegitimo, absonum à consono secernitur: neque me tam imperitum existiment, ut de Arte Chymica æquum judicium ferre non queam: Quæ cum ita sint, jam telam coeptam ordiamur.

Si quispiam hanc à *Ioanne Azotho*, qui à *Lullo* totam accepit, propositam Lapidis *εργασίαν* penitus subierit, & cum aliis ejusdem farinae authoribus compararit; is primò inveniet, magnam esse in modo operandi diversitatem: Qui in nonnullis quidem conveniunt, in aliis tamen, pluribusque adeò differunt, ut negotium in duas sectiones abierit. *Paracelsista* non solum sine auri, aut argenti mineralis assumptione lapidem fieri posse contendunt, sed solo mercurio philosophorum intentum operis finem se consequi posse sibi imaginantur; dum spiritum Mercurii vini ope extractum, quem tum in vena cinnabarii, aut fossili vena minii, tum in liquore sublimati nidulari dicunt, eliciunt; sed quomodo sine auro, & argento rubrum, aut candidum elixir quidpiam in aurum, in quo nunquam fuit, tingere possit, quis credet? nisi forsan cinnabrium, minium aut antimonium (quod pro liquore sublimati ponit) nonnihil auri continerit, sumpserit; At hoc pacto rubrum quidem, aut candidum elixir faciet, inde tamen nunquam multiplicativam virtutem tincturæ extrahet, sed tantum solummodo auri extrahet, quantum in cinnabrio, minio, aut antimonio in minera auri commixtum fuit. Ex quo aperte *Paracelsi* impostura patet, qui ex pura minera Mercurii promiserit id, quod in ipsa per Naturam non est. Quæ & scitè sanè docet vel ipse inter cæteros non minimus Alchymista *Basilus Valentinus c. de reb. natur.* & *Lullus* huic subscribit hisce verbis: *Mercurium nostrum ex auro, & argento per aquam mercurialem factam jungendum esse cum proportionali quantitate argenti vivi.* Quomodo verò ex eo cinnabaris, aut minium fossile (in quo plerumque solus mercurius nidulatur) ita præparari queat, ut inde fiat lapis aurificus, quis credet? quomodo id dabit, quod non habet? Dicunt forsan, ex semine *χευροζόον* in intimo ejus centro existente. Sed quis rogo semen auri in cinnabari, nisi ei

à natura accretum fuerit, quærat? nemo sanè nisi principiorum Naturæ ignarus & consequenter impostor; Sed de hac fucata metamorphosi in sequentibus pluribus.

Venio ad eos, qui aurum obrizum, nobiliorisque notæ Argentum assumunt quidem ad Lapidis opus; sed & hi inter se in modo discrepant. Quidam aurum, ex quo semen mercuriale extrahitur, in suam pristinam naturam reduci posse credunt; Ita *Nicolaus Barnaudus* in Lapidis sui confectione. Sed videamus modum operandi.

*Accipe, inquit, auri obrizi uncias duas, Mercurii magno artis studio elaborati decuplum, misce, & igne languido dissolve, usque dum mercurius exspiret, aurique impositi pondus maneat in utrum pulverem redactum, qui tamen liquatus in pristinam auri naturam converti possit. Ex hoc pulvere elicit ope balnei roris mercurium, usque dum pulvis in calcem niveam devertat; quo per septemplericem elutionem purificato, prodibit inde tandem Azoth, spiritus vivens, cujus terra fermentum est, aqua mas, calx femina, quorum complexu nascitur infans, id est, lapis. Hanc calcem purificatam, seu solem philosophorum obturato vase putrefacito, seponitoque ad digerendum 40 diebus, usque dum in humorem album, & crassum liquecat, cui justis dierum intervallis aquam mercurialem sensim affundes relinquesque, donec vires suas recuperet, coibisque iterum, & hoc toties, donec totam suam aquam imbiberit, tunc uterus clausus est, ne quid exspiret, nasciturque desideratus lapis; quem si posueris supra mercurium in novo sigillo aperto, tunc ad drachmas duas pones $\frac{1}{2}$ grani partem: da fortem ignem, postea adde boracem, & habebis unam drachmam auri, & si multiplicationem noris, lapide non indigebis, Hæc *Bernaudus*. In hac Pragmatia multa mystica verba reperio, sed utilitatem nullam, nullum tantæ pollicitationis emolumentum. Hoc unicum ex textu colligo, post tot mensium labores, post tot vigilias, & sudores, sumptusque impensos, qui duas auri obrizi uncias pro primo materiali corpore posuerat præter hydrargyri positi jacturam, non nisi unam auri drachmam reperisse, non quidem ut ipse putat ex Mercurii in aurum transmutatione, sed illud ipsum aurum, quod primò posuerat, tametsi vel ad $\frac{1}{2}$ grani partem diminutum; quod sanè nemo mirari debet, cum per tot ignis, & aquæ tormenta id partim in excrementitias partes auri admixtas, partim in fumum, partim denique aquarum corrosione absumptum fuit. Ne tamen nil fecisse videatur, *Lectorem* ad multiplicationem materiæ adhortatur, quam tamen consultò Alchymistarum more, ne tantum secretum pateret, reticuit. O miseros Philosophos! Si non alias nobis divitias promittitis, quàm tanto dispendio, tanto laboris magisterio partas; Certè tantum abest, ut inde *Crasso* ditiores, ut potius ad incitas brevi tempore redactos, verbis, factis, fumoque nos elusos *Iro*, *Codroque* pauperiores reperiamus. Quidquid igitur agant,*

Alius Pro-
cessus ad
Lapidem.

Paracelsus
sine auro,
Lapidem
fieri posse
asserit.

Investiva
in Alchy-
mistas.

agant, certe hæc Philosophicæ solutionis nomen non meretur; Sed Metallurgis, & Aurifabris (qui tamen majori & compendio, & facilitate, quin & emolumento intentum obtinent) propria, uti rectè *Libavius* ostendit, dici debet.

Non desunt præterea, qui aurum quidem melioris notæ ad operis perfectionem, utpote ex quo Mercurium Philosophorum primam artis materiam extrahere solent, adiscunt; at hi hoc pacto illud præparari debere præcipiunt, ut nullo modo amplius in pristinam naturam restitui possit. Ita *Morienus* in turba Philosophorum: *In nostro magisterio sive aurum, sive argentum, sive hydrargyron, aut Mercurium assumas, ita mutantur omnia, ut neutiquam reduci queant: Aurum enim nostrum post dissolutionem ita alteratur, ut nulla alia re, quam aqua nostra mercuriali liquari possit: Unde non est amplius essentialiter aurum, sed modificatum, quod aurum hoc pacto sive mortificatum, sive modificatum nil quidem aliud est, quam quod symbolicè terram nigram, lapidem nigrum, corpus mortuum, caput corvi appellant Artifices; quod postquam per aquam Mercurialem, & calorem vivificatum fuerit, tunc iis dealbatur Laton, seu Ethiops, id est, caput corvi, seu terra nigra: Ideò præmoneatur filius doctrina, ne mimium urat atrum istum pulverem, sed relinquat ita dispositum, ut queat iterum aquescere, quæ erat antiqua ejus natura, nempe fluida, & liquida.* Ita turba Philosophorum. Quæ verba si ritè expendis, in iis ingentem contradictionis nodum reperies: Vel enim aurum illud per aquam mercurialem resolutum in terram, seu pulverem nigrum, erit aurum, vel non erit aurum: Verum aurum id non esse *Turba* expresse dicit: Si non est verum aurum, quomodo illud per aquam Mercurialem in tincturam veri auri exaltari potest? cum aurum non verum, verum aurum producere impossibile sit, nisi verbis tantum ludamus. Ecce primam contradictionem. Altera elucet in argento vivo in magisterium assumpto, uti ex textu patet, quod tametsi in pristinam formam reduci non possit, in fine tamen apertè dicit, atrum pulverem per Mercurium iterum aquescere, quæ ejus erat antiqua natura. Mercurius itaque, juxta *Turbam* reduci, & non reduci in pristinam suam naturam potest, quod manifestam implicat contradictionem, quo in vera Philosophia nil absurdius est.

Sed dicent, per semen auri aquæ mercuriali inditum, in novum aurum mercuriali multò nobilius resuscitari. Sed quæro jam, quidnam istiusmodi semen sit? dicent, esse semen auri per Mercurium in primam materiam extractum, resolutumque. Urgeo, quomodo probas illud semen per tot dissolutio-

nes, calcinationes, cæteraque tum ignis, tum aquarum rosivarum tormenta non esse destructum: Si enim cujuscunque tandem herbæ semen coxeris, & recoxeris, deindè coctum, recoctumque terræ ad repullulascendum commiseris; Dico tantum abesse, ut indè quicquam in novum germen suscitetur, ut potius destructa per tam frequentem decoctionem formâ, & seminis vim vegetabilem unâ perire necesse sit: Nam uti rectè Philosophus, à privatione formæ ad habitum non datur regressus; tantum enim indè consequeris, quantum si saxum ad reflorescendum terræ commisisses. Sed dicent, aliter se habere cum seminibus vegetabilium, aliter cum semine metallicorum corporum, eò quod in aqua mercuriali ex auro minerali extracto semen lateat auri, quod unâ cum aqua Terræ nigræ, Capiti Corvi, Pulveri atro (sic aurum minerale assumptum per calcinationes penitus destructum, mortificatumque vocant) superaffusa, corpus mortuum resuscitando, albâ, vel rubeâ tinctura, pro argenti, aurique ratione in Lunam, vel Solem convertat.

Contrà sic arguo: Vel enim semen illud est suæ speciei multiplicativum, vel non. Si prius dixeris, jam necessariò illud vegetabile numero adscribere cogeris, adeoque id in secundum naturæ gradum exaltabis, & consequenter mineralibus, metallicisque corporibus vitam tribues, quo in Physica nihil est absurdius; Si verò non nisi analogicè tantum vegetabile esse dixeris, idem dixeris, hominem pictum hominem verum generare posse, quod ridiculum, ne dicam stolidum esset asserere. Si verò dixeris, id quadam modificatione esse verum semen auri, uti *Turba* loquitur, errorem majorem incurres, cum modificatio, sive modus, utpote purum putum accidens nil substantiæ ex communi Philosophorum sententia superaddat. Cum itaque nulla ratio supersit, quâ *Turba* non verum aurum, id est, caput corvi, in verum aurum per aquam mercurialem transmutare se posse probare queat; nihil aliud restat dicendum, quàm quod auri illius exigua portunculula, quæ post peractum tanti laboris, expensarumque magisterium relinquitur, non ex semine auri aquæ mercuriali inexistenti, quod jam à prima sua origine per tot alterationes heterogeneam, & ab auro vero oppidò differentem formam acquisivit, sed ab auro minerali primitus assumpto natura sua indestructibili, à facibus tamen terrestribus ei accretis ritè depurgato, prodierit. Sed hæc in sequentibus fufius prosequemur, ut quàm turpiter Alchymistæ contra prima Philosophiæ principia peccent, luculenter patefiat.

Contradictio Turbæ in lapidis Tinctura.

Altera contradictio.

CAPUT IV.

Perfectum Artis Magnæ Magisterium à Lullo, Azotho, cæterisque examinatur.

Sed jam revertamur ad ἐκκρίσιον, qua Lapidis mysterium completur, quod juxta Philosophicam amussim ritè examinatum præter parabolicas locutiones nil certi in tanta methodorum varietate, & differentia, qua Authores inter se contendunt, ad lapidis confectionem constituendam facere reperiemus. *Azothus* emendat *Lullum*, *Libavius* *Azothum*, *Paracelsus* omnes; ita ut vix quispiam (uti hucusque partim demonstratum fuit, partim in sequentibus comprobabitur) cum altero consentire videatur. *Lullus* itaque in *Clavicula* sua, (quam *Ioannes Azotus* author supposititius exposuit) post hydrargyri sublimationem, post aquæ vitæ, fortis, regiæ, mercurialis aquæ præparationem, post ejusdem purgationem, solutionemque corporum in Mercurium; post tot inquam inexhaustos labores tandem procedit ad ultimum Lapidis magni complementum, quæ in fermentatione consistit, hoc modo.

Processus continuatio de universali Azothi fermentatione Lapidisque complemento.

Si terram albam ad Elixir album volueris fermentare, ut stet in complemento tinctura super corpora diminuta, & super mercurium in omni probatione. Recipe terra dealbata, seu foliata, id est, corporis mortui partes tres, & de aqua vitæ reservata partes duas, fermenti partem unam, & dimidiam, fermentum autem album sit præparatum in calcem albam, fixam, subtilem, si opus album intendis præparare; Si verò rubrum, tunc fit calx auri citrinissimi, & non esto aliud fermentum, quia fermentum argenti est argentum; & auri, aurum; cum in his corporibus insint radii tingentes cætera corpora rubedine, vel albedine pura, & in his secundum naturam purissimam substantia, substantiarum, reperiata sit ad specimen lapidis pertinens. Fac unamquamque speciem cum sua specie, quodque genus cum suo genere, cum albo est albificandum, cum rubro rubificandum: non misceas opus unius lapidis cum opere alterius, alioquin errabis.

Terra alba foliata est corpus; fermentum est anima, qua tribuit corpori vitam, aqua mediante, qua est spiritus. Confice ergo has tres partes in unum matrimonialiter, super lapide mundo conterendo, & unum chaos per minima producendo, ut fiant una hyle confusa, & reducantur in unum corpus demum inseparabile: postea ponas in suam phialam aptam, id est, thorum calidum temperatum, ut coaguletur, & fixetur, fiatque unum corpus album. Hoc facto, rursus exime lapidem candidum benedictum, ipsumque contere subtiliter in lapide

mundo, & iterum cum tertia parte aqua sua imbibito, ut haustam bibat; Impone cum in alveolum suum clarum, mundum, & loca in lecto suo temperatè calido, ut incipiat iterum sudare, & haustum aqua bibita permitte in visceribus ejus exsiccare. Sic reitèra vice multiplici, donec excellentissimum lapidem album per hos gradus reiterationis præparaveris fixum, & stantem in igne, perque omnia corpora imperfectorum metallorum velocissime gradientem & sustentem pugnas super ignem aqua fusili: qui Lapis tingat mercurium, & omnia imperfecta in argentum verum melius omni naturali. Nota, quod quando hujus complementi ordo reiteratur, solvendo, coagulando, conterendo, assando, tantò magis hujus medicina bonitas multiplicetur, magisque tingat, ita ut si in prima sui ablutione pars una tingat 100, in secunda vertat 1000, in tertia 10000, in quarta, 100000, in quinta 1000000, in sexta infinita millia; Non sufficit una contritio & imbitio. Hæc *Azothus*.

Sed ne illotis, ut ita dicam, manibus tantum mysterium aggressus esse videar, aut ne ex non intellectis terminis imperitiæ dicam incurram, terminos hujus operationis juxta mentem Alchymistarum prius exponam, deinde quid de re ipsa statui possit, aperiam.

1. Terra foliata alba nihil aliud est, quam caput corvi jam dealbatum, ex qua fit Elixir illud Solificum, Lunificumque. Quid terra foliata.

2. Stare in complemento tinctura est, argento vivo, metallisque imperfectis, quæ & diminuta dicuntur, per projectionem argenti perfecti, colorem, & naturam perseveranter & in momento conferre.

3. Terra alba dicitur corpus mortuum, respiciendo ad subsequenter mox animationem; quid itaque hæc animatio sit, postea exponetur. Quid terra alba.

4. In compositione memorantur Corpus, Anima, Spiritus; Terram foliatam corpus vocant, fermentum animam, quæ corpori vitam tribuit aqua mediante, qui est Spiritus; hæc tria tamen à diversis differentibus nominibus appellantur, uti videre est apud *Isaacum Hollandum* de Lapidis fabrica, ut proinde consistere non possit, quod tot tricis involutum est; Si ars vera sit, certè una ad eam via, una operatio, una methodus ut sit necesse est, nisi toto coelo quis aberrare velit. Quanta verò ad terram foliatam aqua mercuriali animandam industria opus sit, dici vix potest; dum vix constare possit, quantum aquæ requiratur mercurialis; Si enim magnam ejus copiam accipias, vix, aut ne vix quidem terram coagules: Quid Corpus, anima, spiritus.

Ll

Si

Si exiguam, siccitas antevertet legitimum humiditatis terminum, ita ut coagulationem justam nullo modo assequi liceat; quemadmodum itaque operis perfectio in individuo quodam consistit, ita quoque ab intellectus nostri imbecillitate attingi non potest.

Quid aqua
reſervata.

5. *Reſervata aqua* pro ſpiritu ſumitur, quo matrimonium conſummatur, eſtque diviſa in duas partes ad imbibendum, & coagulandum, & iterum in duas partes ad matrimonii copulam.

Quid fer-
mentum.

6. *Fermentum* in hac praxi non eſt aliud, niſi argentum nativum puriſſimum de minera in calcem per Mercurium redactum; hoc dicunt tantæ virtutis eſſe, ut non ſecus ac paululum fermenti triticei totam maſſam triticeam in tumorem extollat intimeque penetret; Ita & hoc fermentum Philoſophicum exaltatur adeò, ut inſtar ſemimarii perfectiſſimi acquirat vim, complura ſibi ſimilia ſecundum ſpeciem procreandi, utpote quod totum in aurum verum, & formale vertat; adeò quidem, ut in minutiffimis portiunculis ſit inſtar totius, poſſitque inde augeri in infinitum, adeoque quod Philoſophis ſpiritualibus ſubſtantiis dant, ut ſint totæ in toto, & totæ in qualibet parte, hoc Alchymiſtæ tincturæ ſuæ perperam & imperite attribuant.

Quid ma-
trimonia-
lis copula.

7. *Matrimonialis copula* eſt primus ortus lapidis, cætera fuere tantum præparationes, de quo veriſſime dicunt, ea ignorata totam artem neſciri; adeò enim conſuſe, & differenter de hoc cum terra foliata matrimoniali conjugio loquuntur, ut ne ipſi quidem, quid dicant, ſciant.

Quid o-
leum Mer-
curii.
Quid
Chaos,
hyle, ma-
teria pri-
ma.

8. *Oleum Mercurii* nil aliud eſt, quàm Mercurius Philoſophorum.

9. *Chaos* eſt miſtum, vel paſta, in qua omnia ſic concorporantur, ut nec quicquam eorum, ex quibus conſtat, appareat; unde & *hyle* ab aliis vocatur, ſeu materia prima, in qua omnia habent rationem potentiæ paſſivæ, ex qua tamen ſpirituum calore externo, & calore interno in actum forma deſiderata producit.

Sol & Lu-
na quid.

10. Per Solem intelligit vim ſulphuream, per Lunam mercurialem; unde copula. Atque hæc eſt ſumma perfectionis lapidis à *Lullo*, *Arnoldo*, & *Joanne Azotho* ſuppoſitio Authore, quam de verbo ſere ad verbum ex *Lullo* deſcripſit, propoſita. Quod omnes conſequenter Artis magnæ Authores Chryſotechni tanquam Artis archetypon, tum ob methodum, tum ob claritatem verborum, quæ arcanum deſcribit, reſpexerunt, quem & nos ad proceſſum artis facilius diſcutiendum conſultò ſelegimus; cæteris datâ operâ neglectis. Fuit inter alios *Cornelius Drebellius*, qui totam artem ex *Lullo* deſcriptam ſub recondita Phyſiologia, quæ in admirandis elementorum tum in invicem tranſmutatione, tum in effectibus inde reſultantibus

*Cornelii
Drebellii
proceſſus.*

conſiſtit, exhibuit. Ego autem eum verius *γιβορεχβίαν* Alchymiſtarum ad mirandas Naturæ operationes rerumque tranſmutationes traduxiſſe, quam contra putârim, uti ſuo loco dicetur. Sequitur *Ioannes ab Aſcia* Anglus, qui ne artem ex *Lullo*, *Arnoldo*, *Azotho* deſcripſiſſe dici poſſet, eam ſummoſa verborum obſcuritate ita involvit, ut non niſi ex *Azothi* doctrina ſupra tradita intelligi poſſit. Tertius ex Alchymiſtis occurrit *Melchior Cibirienſis*, qui *Ladiſlao* Hungariæ, & Bohemiæ Regi artem exhibitam non Philoſophico, nec ſapientibus uſitato more, ſed veſana quadam mentis vecordia captus parabolis, allegoriis, & ex *Canticis Canticorum* aſſumptis, ſacra ſancta adorandaque Lyturgiæ myſteria carbonibus ſuis, atroque fumo obſcurata non minus irreverenter, quam impiè contaminare non erubuit. Legat qui volet Artis ſummam in Theatro Chymico, & non ſine riſu unâ indignationi mixto mirabitur, quonam tandem modo in hominis ingenium cadere queant, tam audacter, & ſine fronte non myſteriis, ſed ſcleribus, non ſcientia, ſed impoſtura mundo illudere tam turpiter voluiſſe. Hunc ſecutus *Georgius Ripheus* Anglus, qui præter ea quæ de *Azothi* traditionibus jam diximus, nil peculiare, & diverſum habet, præter verba miro artificio teſta, & cum omnia pluſquam Thraſonicis ratiocinii ampullis promittat, niſi tamen adfert, niſi obſcuritatem ſummam pari confuſioni junctam, adeo ut ne ſeipſum quidem, quid dixerit, intellexiſſe videatur. Hiſce accedit *Sandivogius*, Polonus, qui, cum in duodecim tractatulis de Lapide Philoſophorum promiſſis inauditis Mundum concitaſſet, ac ſpecimen artis ſuæ coram Duce Wirtenbergenſi exhibitum, unâ cum *Molleſio* impoſtore, in ſiniſtriorem impoſturæ ab utroque præſtitæ ſuſpicionem traxiſſet Principem; hic quidem veſtibibus exutus, turrique incluſus, tandem ſcleris convictus dignas malitiâ, nequitiâque ſuâ poenas luit: *Sandivogius* verò penè nudus è carcere elapſus, poſtea nunquam comparuit; ut vel hinc appareat quid de hiſce ſperare queas. Poſt hoſce ſe tandem ſiſtit *Paracelſus*, qui Alchymicæ artis principatum ambiens, dum Aſtronomica Magicis, Cabaliticis, & Phyſica Theologicis conjungit, non tam nova placita, quàm monſtra opinionum peperit: quidquid enim in Archidoxis ſuis, & de Natura rerum libris, de Magnæ Arſtis myſteriis tradidit, ea partim ex *Lullo*, partim ex *Iſaaco Hollando*, ſuppreſſo utriuſque nomine decerpta, ſui juris, inventionis, & in quibus tamen præter peregrinorum, monſtruoſorumque nominum farraginem, nihil ab iis cæteroquin diſcrepans, & quoad ſubſtantiam alienum reperias.

Primus itaque *Lullus*, dum eſſet Arabicæ Linguae haud ignarus, Arabum libros de Alchymia ob omni abſtruſitate vindicatos, uti mihi utramque doctrinam comparanti patuit, Latinæ linguae reddidit, quin & in Libro, quem

*Ioannis ab
Aſcia pro-
ceſſus.*

*Melchior
Cibirienſis.*

*Georgius
Ripheus.*

Sandivogius.

Paracelſus.

Lullus.

quem *Claviculam* vocat, posteritati donatam, artem juxta genuinum sensum exhibuit; cui tamen in omnibus *Arnoldus Villanovanus*, uti postea videbitur, contradixit. Hosce itaque principes Alchymiae secuti innumeri alii, qui uti auro divitiisque avidius inhærebant, atque admirandorum effectuum fructus, quos benedicti, ut vocant, verius maledicti lapidis beneficio se consecuturos sperabant; ita omnem operam, studium, facultates omnes, imò vitam ipsam sine ullo fructu fæde prostituerunt. Hinc nullus fere, non dicam Philosophus, sed vel ex infima plebe opifex inventus fuit, qui non ad tanti momenti attem animum applicuerit; Philosophi, & Medici vero, ut non nihil supra alios se scire jactarent, artem quoque typis evulgarunt; Principes unà cum vulgo, tot tantisque pollicitationibus præsertim circa Chrysopoeiam, sive avaritia, sive curiositate tantæ raritatis allekti, neglectis Rerum publ. negotiis, intra abdita ergasteria, quæ *Laboratoria* vocant, sese unà

cum carbonariis cimsonibus ad artis fructus percipiendos artemque exercendam, concluderunt. Sed quid tandem? Exhausto, indignante populo, ærario, præter fumum, carbones, cineres nil aliud dignum retulerunt. Quis enim unquam principem hujus falsarii operis exercitio quicquam ad artis veritatem contestandam, aut lucratum fuisse, aut indè ditiores extitisse asseverare poterit? Imo multos, quorum famæ data opera consulo, adeo fatalibus horum nebulonum exercitiis non dicam dementatos, sed ita obcæcatos fuisse constat, ut inde domum cæteroquin opulentam, in ultimam ruinam deduxerint. Sed ne Alchymistis injuriam facere videar, jam ad rationum pondera progrediamur, quibus D E O dante, Alchymiam, ejusque paulo ante adductos processus, non tantum vanos, & irritos, sed & indignos esse, qui à principibus aut admittantur, aut in admiratione habeantur, luculenter demonstrabimus.

CAPUT V.

*Quo Alchymicos Magnæ Artis processus paulò ante adductos
subsistere non posse docetur.*

QUAMVIS ingens, (qua continuò agitantur veluti fluxu quodam & refluxu in magni Lapidis structura Alchymistæ) contradictionum varietas sufficientissimum falsitatis argumentum esse possit; ne tamen mihi obganniant, veritatem sub contradictione illa non nisi ab artis filiis intellectam, occultari; reconditam verò sub illa jacere à Philosophastrorum capacitate longè remotam, uti *Schola Hermetica* epigraphæ docet: *procul hinc procul este profani*: Contradictionem quidem videri, non tamen esse. Sed hæc argumenta, uti nescio quid ἀλογίηται præ se ferant, ac belluinæ Philosophiæ, quàm humanæ similiora sint, ita stultis quoque solvenda relinquimus, quibus solis nil facilius est, quàm album nigrum, grave leve, aurum non aurum esse, persuaderi potest.

Dicunt Alchymistæ, aurum, quod lapidem constituit, non esse aurum; Mercurium in arte magna non esse Mercurium; & tamen aurum, & mercurium ad opus magnum assument, dicuntque, aurum prius, uti & mercurium in aliam formam meliorem abiisse. Quæro, si in formam meliorem transiit, vel illa forma specificè, ut cum Scholis loquar, ab auro minerali distinguetur, vel accidentibus tantum: Si prius, non nisi mente captus illud aurum specie distinctum esse asseret, cum in quocunque tandem rerum genere species unica sit, & alteri incommunicabilis: Nam ut rectè Philosophus *l. 7. met.* Species rerum sicuti numeri sese habent. Plerique Alchymistæ dum aurum Chymicum non verum aurum dicunt, consequenter specie

distingui asserunt; Alii, qui aliquid altius sapiunt, aurum quidem esse contendunt, sed auro minerali; & à natura genito, multò nobilius, & excellentius, utpote vivum, & multiplicativum. Quæro, unde provenerit tanta illi auro excellentia? Respondent ex depuratione, & semine vivificativo auri naturalis. Iterum quæro, quam ratione istud semen extrahi potuerit non remanente subjecto, in quo subsistat? Respondent subjectum, & semen esse mercurium ex auro abstractum. Contrà; Vel ille mercurius est mineralis, vel non; Si prius, jam videndum est, quomodò is per tot ignium, rosionisque aquarum tormenta; caloris impatiens, non evanuerit? Si posterius, jam erit mercurius, & non mercurius, & consequenter ex non mercurio sine matrice aurum producet multò nobilius naturali: Sed hæc uti contradictoria sunt, ita refutari non merentur. Sunt itaque hæc omnia puræ putæ Chimæræ, & stolidæ delusæ imaginationis, ac deliræ mentis phantasmata: Si enim, quod ex mercurio illo imaginario producit verum aurum non est, quomodò verum aurum inde prodibit, cum ex non vero, verum facere ἀδύνατον sit; aut si à minerali auro specie differat, quid aliud concludere possumus, nisi quod ex istiusmodi auro, aurum à naturali specie distinctum producat, essentiali, proprietate, viribus, toto coelo diversum, quo quid in Philosophia naturali absurdius, stultiusque dici possit, aut debeat non video. Sed cum hujus insanie eos puderet, nonnulli veluti ex tripode quadam Apollinis

arcanum tot fabulis, tot barbarorum nominum monstris obvelant, ut imperitæ quidem plebi *Hermetes* redivivi, veris tamen Philosophis non nisi Aurati, ne dicam auriti asini videantur. Restat itaque, nisi in omnibona Philosophia stupidi videri velint, ingenuè fateri, aurum Chymicum sine auro minerali nulla ratione confici posse, quod & ipsum suprà ex *Lullii*, *Azothi*, *Arnoldi* verbis sat, superque ostendimus. Quod uti verissimum est, ita quoque totum illud aurum Chymicum, quod tot laboribus excoquunt, illud idem esse, quod à principio in artis provectionem assumpserunt, etsi purgatione, ac depuratione tot distillationibus, sublimationibus, calcinationibusque facta, nonnihil diminutum, & consequenter nobilius comperiatur. Quod verò mercurium in primam metallorum materiam prius reduci debere asserunt, iterum nil dicunt: Vel enim illa materia visibilis est, & sensibus obvia, vel non: Si prius, quomodo eam in operationibus suis videre queunt, cum prima, sive secunda rerum materia insensibilis sit? Si posterius, jam non prima materia, sed compositum erit, sua prima materia, & forma constans. Restat de semine auri restaurativo, atque per tincturam in infinitum multiplicativo, uti processus promittit, nonnihil, ut veritas patefiat, dicere.

Materia prima Alchymistarum subsistere non potest.

Semen auri in rerum natura non datur.

Stulta Alchymistarum pollicitatio.

Jactant sese maleferiati illi pyrotechni, non aurum duntaxat, verum lapidis admirandi beneficio confici posse, sed & tincturam sive albam, sive rubeam illius ope tantæ efficaciam, tantæque foecunditatis esse, ut fermentatus lapis possit 100 partes mutare imperfectorum metallorum in metallum perfectum; quem si secundo imbibas, id est, solvas, & coagules, adeo foecundus reddatur, ut una pars centies plus possit, id est, mille partes: Si tertio, 10000. decem millia; si quarto, 100000, tingat; & hoc pacto per millecuplam proportionem tingere dicunt lapidem in infinitum & ultra; adeo ut quidem stulta jactantia non dicere sit veritus, Lapidem Oceanum si mercurius foret, eum in aurum tincturum, atque adeo tumidos fluctus maris imbuat auro. Hæ sunt stolidissimæ Philosophastrorum jactantiæ, utique tantò intolerabiliores, quantò impudentissimis suis mendaciis Mundo altius, & sine pudore ullo, imò prorsus insolentius imponunt. Si enim ad libram calculatorem revocetur sæpius repetita Lapidis imbibitio, sequetur necessario ex eorum promissis, ad duodecimam imbibitionem Lapidis, duodecim milliones millionum auri provenire; qui numerus tam excessivus est, ut vix animo concipi possit; imo universus Telluris globus auro chymico ex hujusmodi projectione resultante obduci queat. Quænam jam stupidi Alchymistæ, vasa, fornaces, materiam, aut quem locum, in quo artem suam exerceant, reperient: Universa enim telluris moles non sufficeret, nisi forsitan in officina diaboli illud coquant, quod

illis libenter permiserim. Sed ne falsi conditus convincar, Tabulam subdo.

T A B U L A

Lapis multiplicativa Auri.

<i>Projectio</i>	I	1000
<i>Projectio</i>	II	10000
<i>Projectio</i>	III	100000
<i>Projectio</i>	IV	1000000
<i>Projectio</i>	V	10000000
<i>Projectio</i>	VI	100000000
<i>Projectio</i>	VII	1000000000
<i>Projectio</i>	VIII	10000000000
<i>Projectio</i>	IX	100000000000
<i>Projectio</i>	X	1000000000000
<i>Projectio</i>	XI	10000000000000
<i>Projectio</i>	XII	100000000000000

Centum milliones millionum tingunt.

Hanc Tabulam hic apponendam duxi, ut vel ipsi pueri, mulierculæ, & infimæ plebis peripsemata stulta Alchymistarum promissa, & machinamenta, verius nugamenta videant, & irrideant. *Felices homines, quibus hæ nascuntur in ollis, Divitiæ.*

Cum enim tinctura illa auri multiplicativa, ex *Myde* virgula inventa, præterquam quod, uti postea ipso experimento comprobabimus, fabulosa sit, quis rogo, sanæ mentis Philosopho persuadebit, semen hoc mercuriale lapidis Philosophorum, quod tamen quid sit, nesciunt; & apud omnes adhuc Alchymistas est controversum, quis inquam tantæ foecunditatis vim putabit habere, ut in infinitum aurum multiplicare possit? Unde sic argumentor. Vel hoc semen animæ vegetativa erit præditum, vel non: Si prius dixeris, jam omnibus inanimatis, uti sunt mineralia, & metallica corpora, secundum Naturæ gradum, scilicet vitalem assignare, atque adeo omnia vitam formaliter in semet ipsis habere, asserere cogeris; quod uti contra omnia Philosophiæ naturalis principia est, ita confutari non meretur. Si verò non vegetabile dixeris, quomodo ergo vitali motu privatum, sese in tantam foecunditatem propagare poterit; Si vitæ prædita id non possint, quæ vitæ destitutis id concedi posse dicent? Si miseri fumivenduli arcanum Naturæ processum in metallis producendis nossent, talia, & adeo pudenda effutire non auderent. Quod ne toties repetere cogar, *Leftorem* ad primum hujus operis caput, relego. Quidnam verò illud sit, quod lapidi tantam tingendi virtutem dederit, scire cuperem. Dicunt, summam & perfectissimam depurationem mercurii ab omni terrestri facie longè remotissimam. Sed & si quis vinum septies cohobatum ad summam subtilitatem reduceret, inde pariter sequeretur, illud elixiris vitæ vel unicam guttulam integrum aquæ dolium in vinum nobilissimum transmutaturum, quod & rationi, & experientiæ repugnat; neque quisquam hanc instantiam evertere po-

po-

Soli Alchymistæ infinitam lapidis potentiam admittant.

Res quanto in subtiliores spiritus sublimantur, tanto minus de quantitate relinquunt.

Nullum mixtum ita depurari potest quin semper aliquid impuri adhuc remaneat.

Nullum vas capax est spiritus subtilissimi.

Paracelsus de artis impossibilitate.

poterit; quicquid Alchymistæ de suo coelesti, & supranaturali Elixiris virtute, & efficacia, quæ in rerum natura non est, effutiant. O stupidum genus hominum! dum Lapidem suo operandi virtutem attribuere, idque efficere temerario ausu contendunt, quod unanimi omnium Philosophorum studio jam à bis mille annis, & amplius quæsitum, disputatumque de infinito fuit, argumentum inquam, ab altissimis ingeniorum Phœnicibus tanto tempore agitatum, & in hunc usque diem lite pendente necdum decisum, ipsi Lapidis solius imaginarii perfectione se conficere posse gloriantur. An non sciunt istiusmodi Naturæ eversores, Nullam in rerum natura substantiam ignis ope ita in infinitum subtiliari posse, quin tandem in purum aërem omnibus evanescentibus spiritibus desciscat aut evanescat; præsertim in mercurialis aquæ subtiliatione, quam si in cujuscunque tandem firmitudinis, & soliditatis vasa Hermetica, vel quacunque luti signatura clausa conjeceris; dico tamen fieri non posse, ut fugacissimus spiritus solita suâ astutiâ, vel per ipsos poros elapsus non exspiret: quod *Isaacus Hollandus* celebris Alchymista in suo de lapide Philosophorum libello fateri non erubescit: *Si tinctura*, inquit, *ad quartum exaltationis gradum pervenerit, ad tantam devenit subtilitatem, ut nullis amplius repagulis contineri queat; immo vitrum cujuscunque tandem, etiam decem digitorum crassitiei, ac adamantina duritiei, continere eam non possit.* Si itaque ad quartum gradum subtiliata contineri non possit; quid dicet de tinctura ad decem, centum, mille gradus exaltata? An nesciunt hi, quo plus aurum depuratur, eò plures ab auro portiones decidere: Cum nihil in rerum natura sit, quod ita sublimatione depurari queat, quin semper aliquid depurgandum remaneat, donec tandem quasi ad nihilum reducat, ut experientia docet in cohobationibus per distillationem frequentissime repetitis, nisi tamen Alchymistæ materiam suam ad simplicissimum corpus reducere studeant; quod uti fieri non potest, ita supinæ ignorantia rerum naturalium merito suo convincuntur. Unde ex his tam luculenter ostensis, clarè patet, Lapidem hunc auri in infinitum multiplicativum, purum purum desultoriæ imaginationis figmentum esse. Quem enim quæso, Alchymistæ assignabunt, qui hujus experientiam sumpserit; neminem sanè, nisi mendacissimum, ne dicam mendicissimum impostorem. Adde hisce, quod fieri non possit, ut hujusmodi tinctura humano ingenio confici possit, vel ipso attestante *Paracelso*, Libro de transmutatione metallorum; verba ejus ad longum cito. *Per hominem*, inquit, *impossibilis est elementorum, videlicet in arte magna separatio, qua licet appareat, non est vera tamen; quidquid de Raimundo Lullo dicatur, & de Anglico suo nobili auro, vulgè Rosenobili, quod falso fabricasse putatur; habet enim ipsamet natura in semetipsa proprium*

separatorem, qui quod separat, iterum conjungit absque ullo hominis auxilio, novitque omnium optimè uniuscujusque proportionem elementi, & non homo; quidquid scribentes erroneis suis, frivolis, falsisque processibus, receptisque de volatili suo hoc auro (uti paulo ante ostenderat) *Lullus, Ricardus Anglus, Rupicissa, crassus suis erroribus fabulantur.* Cui jam in hac arte credendum est? *Paracelso*, an Alchymia primis coryphæis? certe neque hos, neque illum artem penetrasse, neque quid dicerent, scivisse, si dicam, certo & optimo fundamento me affirmasse, nemo negaverit.

Sed procedamus ad pondus, numerum, & mensuram, exactissimamque proportionem, ad quam Lapidem fabricari debere asserunt, quam quidem proportionem, uti solus *DEUS Opt. Max.* totius Naturæ Architectus, qui quælibet naturæ mixta quomodo in amici conjugii consortium copulentur, novit, ita ab omni humani ingenii industria quàm remotissima esse quis non videt? hanc tamen in magni operis fabrica prorsus necessariam esse, omnes fatentur Alchymistæ; sed eos ad hanc adæquatam proportionem, quæ in indivisibili consistit, arte pervenire posse, nemini sapientum persuaderi posse existimo: *Nam (ut Paracelsus loquitur) si unius plus, quam alterius ex magni lapidis ingredientibus acceperis, tunc utique semen in agrum projectum suffocari necesse est, ita ut non possit tamdiu vivere, donec à Mercurio philosophorum unitum, igne perficiatur: Si verò minus acceperit, solvi non poterit omnino, unde fiat, ut aresfactum nil fructuum adferat.* De quo & *Arnoldus* conqueritur: *Si terra plus, aut minus addideris, quàm natura patiatur, anima sine ullo fructu nulla subsequente necessaria fixatione suffocabitur. Idipsum de aqua quoque sentiendum est, si plus, aut minus acceperis: Si enim plus sumpseris aquæ, materia supra modum humida redditur; si minus, eam plus aquo siccior reddes, duriorque.* Rursus si plus æris adfuerit (verbis loquor *Paracelsi*) id tincturæ nimium imprimatur, si parum, corpus pallidum evadet. Item si vehementer, ignis existat, aduritur materia, si remissior potestatem siccandi non habet, nec solvendi, nec alia elementa calefaciendi. Quid facient in hoc desperato negotio miseri Alchymistæ? Certè *Arnoldus* & *Paracelsus* cum modum non invenirent, Lapidem Sisyphæum ad desideratum finem evolvendi, totum processum non humanæ adaptationi, sed solius naturæ operationi committendum censuere: Nam ut *Paracelsus* discurret: *Novit Natura suas operationes, & elementorum pondera, quorum separationes, rectificationes, copulationesque ipsa exequitur absque adminiculo cujuscunque operationis, aut mineralis artificii, dummodò contineatur in igne secreto materia, & in occulto vase.* Certè nihil melius dicere poterat. Relinquant itaque Naturæ, quod à se præstari non posse putant, utpote quæ jam à nascentis mundi primordiis, artis suæ infal-

Homo ad perfectissimam pondus & mensuræ perfectionem pertingere nequit.

Lib. de transmutatione metallorum.

Plus aut minus sumptum destruit opus Lapidis.

Natura sola novit suam in metallis producendis facultatem.

libili industria in utero suo nobile hoc metallum tanta abundantia produxit, ut fucato Chymicorum auro non indigeamus: Novit enim illa, quomodo secreti ignis subterranei beneficio activa passivis conjungendo metal-

la producat, ignem secretum Alchymistarum, ceu inidoneum averfatur; Novit illa occulta subterrestrum matricum vasa, non Retortas, vesicas, alembica, cucurbitas, similesque pseudopyrotechnorum monstruosos uteros.

CAPUT VI.

Omnia Chrysopæias tentamina frustranea esse ex ipsis Alchymistarum Coryphæis, Arnoldo, Villanovano demonstratur.

Paracelsus Monarchiam Alchymicæ Reipublicæ affectans, cum modum lapidis conficiendi nullo ingenii conatu penetrare se posse videret, novas fictitii illius lapidis rationes iniens, Lapidis varios, novosque in suo de transmutatione metallorum libro, processus condidit, qui etiamsi quoad substantiam nihil à processibus Lulli, Arnoldi, Rupicissæ, Ricardi, Baconii, ex quibus omnia sua suffuratus est, differunt; exotico tamen monstruosorum nominum amictu ita aliena inventa obvelavit, ut corniculæ pennis vestitus, non monarcham, uti se dicit, Chymicorum, sed cuculum inter aves constituisse videatur. Ego, inquit, *merito post longas meas experientias Spagyros corrigam, & falsum, & erroneum à vero separabo, cum prolixis admodum investigationibus meis repererim, quo justè similia reprehendere queam, & immutare.* Et paulo post, recitatis longis veterum laboribus. *Breviorem tamen, inquit, viam habuissent ad rubei leonis thesaurum perveniendi, si concordantiam Astronomia mea cum Alchymia didicissent, quam in Hermetis apocalypsi demonstravi. Cum verò dies quilibet, ut Christus loquitur, in fidelium consolationem, propriam suam essentiam habeat, Spagyris ante mea tempora labor fuit ingens, & gravis, qui jam auxilio Spiritus Sancti affluentis hoc posteriori seculo mea theoria sublevabitur.* Et paulo post. *Tam prolixo labore, radiosque reiteratione Spagyri veteres non indiguissent, si ex mea Schola didicissent opus; longe citius, ac minoribus impensis votum fuissent assecuti.* Hæ sunt jactantiæ Monarchæ Chymicorum. Quid verò Astronomia Bombastiana, mundialiumque corporum analogia ad Lapidem faciat, dispicere nulla ratione possum: Cum natura rerum semper eodem modo agat, quacunque planetarum constitutione, siderumque aspectibus; Metallorumque genesis sive naturalis, sive fabulosa à coelo, & stellis Alchymistarum, non nisi remotissimam, ut in præcedentibus ostendimus, dependentiam habeat. Sine Astrologia itaque, siderumque influxibus, in magno Artis opere, Paracelsus dictatore nil perfecris. Quid verò Spiritus Sancti assistentia non solum cum vanissimo opere, sed & cum impio homine habeat, non video; benè video, quid expetat Thraſonicum pectus: Cum enim humana arte id fieri, consentientibus aliis quotquot fuerunt Alchymistis, nequire vide-

ret, artem non nisi à DEO per revelationem concedi voluisse sequentibus verbis ostendit: *Arcana plura transmutationes exhibentia repertiuntur, etsi paucis, id est, solis à DEO illuminatis artis filiis cognita, quæ licet alicui revelentur à Domino DEO, non idèò statim erumpit rumor cum arte; sed omnipotens cum ipsis dat pariter intellectum hæc & alia celandi usque ad adventum Eliæ Artistæ, quo tempore nil tam occultum, quod non revelabitur.* O ridiculam Philosophiam! Quænam conventio Christi ad Belial? Quid revelationi divinæ cum arte improba, & fabulosissima? An hi nesciunt, tantum abesse, ut DEUS ad artem tot Satanicis illusionibus expositam supernaturali auxilio concurrere censeatur, ut potius eam expressis verbis, veluti remis, velisque vitandam, in sacris literis innuerit: *Qui devotes volunt fieri, id est, Alchymista, incident in multas tentationes, & laqueos Diaboli.* Estne possibile, DEUM Optimum Maximum hanc artem tot sanctis, & spiritu DEI plenis hominibus, quos sciebat eam non abusuros, revelare omisisse? solis verò Alchymistis Paracelsus & similibus, hominibus ut plurimum improbis, malis artibus deditis, avaris, superbis, & divinis mysteriis abutentibus, tantum donum inspirasse? Sed hæc in sequentibus fusius prosequemur. Versent itaque, volvant, revolvant, involvantque Lapidem illum tantorum mirabilium patratorem, quantumcunque velint, nil tamen ex eo, præter vocum quisquilias, & excrementa, postea quoque carbones, cineres, favillas evolvunt. Verba peregrina, ut sunt *Azoth, Anathron, Ussifur, Rebis, Martagon, Sernec, Ribric, Realpas, Saltaberi*, & innumera in Libris Chymicorum, potissimum Paracelsicis obvia (quæ non rarè in conversatione familiari cum iis habita cachinnum mihi moverunt) parum ad rem faciunt, si alicundè nulla suppetant, ad artis veritatem demonstrandam subsidia; neque tantarum rerum pollicitatio, ac quorundam morosorum ciniflonum jactantia quicquam ad artem comprobendam conferunt, dum ex nimia arcani lapidis possessione fastuosè tumentes, ea sub variarum rerum similitudinibus pollicentur, quæ animo concipi non possunt, nè dicam, scientiâ humana comprehendi. Certè ad tantam insaniam curandam nullo alio medicamento opus foret, quam Hellebori vomitorium, tanti à Paracelsus æsti-

Paracelsi
instantia.

Astrono-
mica cœli
constitutio
nil facit ad
operis ma-
gni prospe-
rum effe-
ctum.

Alchymia
à Deo, Pa-
racelsus te-
ste, inspi-
rata.

Monstruo-
sa verba
nil ad ar-
tem fa-
ciunt.

Monstruo-
sa nomina
nil ad rem
perficien-
dam con-
ferunt.

æstimatum, quo Leones istos rubros, Aves *Hermetis*, lacertas virides, serpentes, dracones, phœnices, caudas pavonum, capita corvi, vespertiones, & similia Chymerica phantasmata unâ cum cœlo, omnibusque planetis imaginariis evomant, uti non incongruè de iis nonnemo in Chymico opere Beguini jocus est; ut tandem purgato cerebro melius sapere discant. Certè hi *Lexiphanem* secuti videntur, qui hausto veratri succo, statim *topper*, *stempus*, *redantruo*, *gnarneres*, *ascalabotjon*, *carbaster*, formidanda vocabula eructavit: sed & idem iis accidit, quod coco illi Plautino, qui repudiatis vulgaribus condimentis, allio, fœniculo, coriandro, similibusque, suum tantummodo crepet, & superciliosè commendet *Cilicendrum*, *Polindrum*, *Sanscapfiden*, *Cataractriam*, *Hippalopsiden*, quorum odore quotidie coenat *Iuppiter*; quotquot autem iis vescantur, vel ad ducentos annos vitam producant.

Non dubito, quin Alchymistæ hic contra me æstro furoris perciti insurgent, meam sive ignorantiam, sive indiscretum zelam sint accusaturi; nil moror, neque titivillatio quidem, ut cum *Plauto* loquar, empsitem quascunque furor illis fuggerit calumnias; Veritatem loquor, eam experimenta luculentissima mihi persuadent; natura ipsa quid possit, quid non possit mihi una veritatis ponderatrix, exacta operationis statera dicat. Sed insurgent iterum, & contra audentius urgent: Iniquum videri, *Lullum*, *Arnoldum*, *Paracelsum*, unica artis oracula falsitatis in construendo Lapide præsumptuosius arguere. Sed si vel ipsi citati magnæ Artis Coryphæi, & Antesignani, idem, quod ego, sentiant, quis me reprehendet? Et ne imperito judicio artem nimium convellere videar, hoc locofusissimum de irritò Lapidis magisterio discursum, quem *Arnoldi Villanovani* apud *Paracelsum* libro de *Transmutatione metallorum* *Gerardus Dornius* ejus interpretes inseruit, apponendum duxi, ex quo, quæcunque hæcenus de Alchymistarum vanis, & irritis laboribus dixi, luce meridiana clarius patebunt.

Discursus Arnoldi Villanovani apud Paracelsum, lib. de Transmutat. metallorum.

Maximam hujus Artis difficultatem observans *Arnoldus*, ait in suo Rosario. [Varia huic materiæ lapidis nomina præfiniunt, occultissima quædam à similitudinibus potissimum allata; vegetabilem appellarunt, mineralem, & animale, non juxta literalem sensum, ut faciliè norunt sapientes divinorum arcanorum, & miraculorum ejus Lapidis experti fingere. Hujus exemplum præ se fert *Raymundus Lullii* Lunaria, quæ flores mirandarum virtutum edit, Philosophis tamen familiarissimos. Non fuit imponentis nomen hoc opinio, ut per id intelligeretur aliqua supermetalla projectio, vel præpara-

tio similis ex eis fieret; verum abstrusa mens Philosophorum longe aliò spectat. Simili nomine materiam appellarunt Martagon, cui etiam hinc occultam operationem Chymicam applicaverunt, cum tamen id prorsus nihil denotet, præter quandam arcanam similitudinem. Error etiam non minimus in vegetabilium liquoribus ortus est, quibus Mercurium coagulare plurimi conati sunt, & postmodum fixatoriis aquis, in Lunam convertere existimantes, eum, qui hac via metallorum auxilium coagulare posset, maximum assequi magisterium. At quamvis nonnullorum vegetabilium liquores id efficiant, non aliundè fieri, quàm ob resinam, pinguedinem, aut sulphur terrenum, quo plurimum abundant, judicabitur: Hoc Mercurii humiditatem attrahit, ejusque substantiæ permiscetur, coagulando præter omnem utilitatem; Nam crassum, & externum sulphur, nullum in vegetabilibus ad perfectam projectionem in Alchymia aptum esse compertum est, quodque non sine maximo dispendio experti sunt multi: Etsi nonnulli succo *Tithymali* albo, lacteoque propter calorem intensum, & acutum in eo existentem coagulasse mercurium existimarent, cum solo frigore in occulto potius contrario manifesto id falsum esset; Unde *Lac Virginis* appellarunt, falsum tamen fundamentum hoc fuit. Non secus de succo *Chelydoniæ* existimandum, licet colore suo hominum imponat oculis, ac si dotatum esset auro. Colligentes inde vanum quid, certo, ac determinato tempore vegetabile hoc eradicarunt, ex quo animam, vel quantum esse venati sunt, undè coagulantem, ac permutantem tincturam efficerent: Verum & hinc nihil præter fatuum errorem ortum est. Alii succum hunc ad spissitudinem, quam *Consistentiam* vocant, excoxerunt, ac Soli ut in duram massam coagularetur, exposuerunt, quæ postmodum in minutissimum pulverem tusa Mercurium, ut opinabantur, projectione verteret in Solem; quod falsum esse compererunt. Aliqui admiscuerunt huic pulveri sal ammoniacum, alii colchotar vitrioli, opinati se hac via tandem ad optatum finem pervenire posse. Postmodum solutionibus in flavam aquam adduxerunt, ut sal hoc tincturæ præberet ingressum in Mercurii substantiam, nihil tamen inde factum fuit. Nonnulli prædictorum loco succos perficariæ, bufonariæ, dracunculi, foliorum salicum, tithymalli, cataputiæ, flammulæ ac similium simul unâ cum ipso Mercurio per dies aliquot vitreo vase conclusos in cineribus tenuerunt; accidit, ut inde Mercurius in cinerem, vel pulverem potius verteretur, sed perperam, & nullo fructu. Decipiebantur enim isti vani vulgi rumoribus, quibus prosematum erat Mercurium absque metallis esse coagulandum, ut ante meminimus. Multi ex vegetabilibus salia, olea, sulphura, &c. extraerunt, sed frustra, cum per hæc nulla Mercurii vera

Martagon
quid Lull.
lo?

Vegetabilia
nil faciunt
ad artem.

Succus
Tithymalli
non coagulat
Mercurium.

Nil succus
Chelydoniæ.

Succus
perficariæ,
bufonariæ,
dracunculi,
nil ad
Mercurii
fixationem.

Salia, olea,
sulphur
vegetabilium
nil præstant

coa-

Lunaria
Lullii
magne
virtutis.

coagulatio, neque perfecta tinctura, vel projectio fieri queat, similitudine sola Philosophi, non substantia materiam suam arbori cuiusdam aureæ ramorum septem comparant, intelligentes eam in suo spermate metalla septem concludere, ac in ipso latere, quapropter vegetabilem esse dixerunt; tum etiam quia non aliter, quam naturales arbores suo tempore varios flores proferunt, materia Lapidis colores pulcherrimos palam facit in florum suorum productione.

Metallica corpora per similitudinem tantum dicta sunt vegetabilia.

In hominum sanguine non reperitur coagulatio Mercurii.

Ova ovorumque partes nihil faciunt.

Tutia nil nisi colore præstat.

Stellionum ridicula in materiam assumptio.

Item, quia ex terra Philosophica materia quædam exurgit, ceu virgultum spongiam terræ similitudine dixerunt arboris suæ fructum ad coelum tendere. Idem protulerunt in vegetabilibus Naturæ totius artis cardinem verti, & non in vegetabilibus materiæ: tum etiam, quia sicut lapis animam, corpus, & spiritum in se continet, ut vegetabilia. Non diversa multum similitudine materiam hanc Lac Virginis esse dixerunt, & rosei coloris benedictum sanguinem, qui tamen solis prophetis, & filiis Dei convenit. Inde Sophistæ collegerunt materiam Philosophicam in animalium, vel hominum sanguine consistere: Occasione sumpta, quod ex vegetabilibus nutrantur. Alii quidem in capillis, in sale urinæ, in renibus: alii in ovis gallinarum, in calce, in lacte & similibus quæsi verunt, quibus omnibus mercurium figere posse putarunt. Extraxerunt aliqui sal ex foetido lotio, nec defuerunt, qui lapillos in renibus inventos materiam esse crederent: Alii membranas ovorum asperrimo lixivio macerarunt, quibus etiam ovorum cortices admiscuerunt, his attribuentes arcanum fixationis ad mercurium perficiendum. Alii ovorum albumen argento comparantes, & auro vitellum in suam materiam elegerunt, admixtis sale communi, armoniaco, tartaroque usto, simul ista vitro concludentes balneo maris putrefecerunt, idque dum albus color in rubicundissimum sanguinis instar abiret; hoc ipsum in foetidissimum distillarunt liquorem, ad opus, quod quærebant, prorsus inutilem. Alii putrefecerunt albumen, & vitellum ovorum, & inde basiliscus generatus est, quem in rubicundissimum pulverem exusserunt, eoque tingere putabant. Hujus rei fuit author Gilbertus Cardinalis in suo *Tract. de Alchymia* Plerique fel boum & aliorum animalium sale communi permixto, macerata destillarunt in liquorem, quo camentationum pulveres imbutos existimarunt metalla sua tingere posse mysterio quodam, quod partem cum parte vocant, & inde nihil actum est. Aliqui Tutiam eligentes additionibus aliquot, ut sanguine draconis, & aliis ejusmodi frivolis nugis seducti, cuprum, aut electrum in aurum permutare conati sunt. Alii juxta Venetorum artem, ut aiebant, viginti plus, minusve stelliones ollâ concludebant, fameque redigebant ad insaniam, ut unam alia famelica devoraret unica superstita, quam cupri, vel ele-

ctri limaturis pascebant, existimantes genus hoc animalium in ventriculo suo digestionem sola permutationem optatam efficere. Postremo hoc animal exusserunt in rubicundissimum pulverem, quem cum crederent aurum esse, miserè decepti sunt. Nonnullis tandem in piscibus Trutis nomine, per liquationem concrematis aurum invenerunt, non alia de causa, nisi quia genus hoc piscium in fluminibus squamulas, aureasque scintillas à torrentibus edelatas, & nonnunquam ex monte defluentes colligere, ac devorare solitum sit, à natura doctum; raro tamen id ipsum contingit. Tales impostores potissimum inveniuntur in aulis Principum. Non est sanè materia Chymicorum Philosophorum in animalibus quærenda; hoc omnes admonitos semel velim. Est tamen quod sciatur, philosophos lapidem suum animale appellasse, quia in postremis suis operationibus virtute hujus ignei nobilissimi mysterii, liquor obscurus, ac rubeus instar sanguinis ex sua materia, suoque vase guttatim exsudat; inde præfagium protulerunt postremis temporibus hominem purissimum in terras venturum, per quem liberatio Mundi fieret, hunc ipsum guttas rosei, rubeive coloris, & sanguinis emissurum, quo Mundus à labe redimeretur, Pariformiter & sanguis sui lapidis in suo genere, leprosa metalla, nec non homines liberabat à suis infirmitatibus contagiosis. Quare non immerito dixerunt suum lapidem animale esse: de quo *Mercurius* ad Regem *Chalid* loquitur ad hunc modum: *Mysterium, inquit, hoc solis Dei prophetis permixtum est cognoscere, quo fit, ut lapis animalis vocetur: Nam in sanguine lapidis hujus latet anima sua: componitur etiam ex corpore, spiritu, & anima; simili ratione vocarunt suum microcosmum, quod rerum omnium totius Mundi similitudinem habeat, & inde rursus animale esse dicunt; veluti Plato Magnum mundum animal vocat. Accesserunt ignari credentes, lapidem esse triplicem, atque triplici genere secretum, utpote, vegetabili, animali, & minerali, quo factam, ut etiam in mineralibus quæsierint. Hæc verò sententia longè distat à Philosophorum opinione: asserunt enim suum lapidem uniformem vegetabilem, animale, & mineralem. Notandum ad hæc, Naturam minerale sperma suum in varia genera distribuisse, videlicet, in sulphura, salia, boracia, nitra armoniaca, alumina, arsenica, atramenta, vitriola, tutias, hæmatiten, auripigmenta, realgaria, magnesias, cinnabarim, antimonium, talcum, cachimias, marcasitas, &c. in quibus omnibus Mundum adimplevit materia nostra. Quamquam in aliquibus dictarum specierum sese miro nonnunquam patefacit aspectu, quod ad imperfectorum metallorum transmutationem attinet. Longa siquidem experientia ignis, per exercitium multifariam transmutationem ostendunt in materia mineralium, non solum*

Trutæ pisces, nil faciunt in arte.

Materia Philosophorum non est in animalibus quærenda.

Impia Paracelsi assertio.

An in Mineralibus reperitur Lapidis materia.

ex

ex coloribus aliis in alios colores, verum etiam ex una essentia in aliam, & ex imperfectiore in perfectiorem. At licet ipsa natura quandoque his mineralibus mediis ejusmodi demonstrationes faciat, multis præparationibus intervenientibus non propterea volunt Philosophi suam Lapidis materiam potissimum ex ullo mediorum mineralium progredi, tametsi lapidem solum mineralem vocant; Undè Sophistæ ab hac appellatione sumentes occasionem, ipsum Mercurium variis torturis persecuti sunt; aliqui sublimationibus, coagulationibus, præcipitationibus, mercurialibus aquis fortibus, &c. quæ omnes erroneæ viæ vitandæ sunt; cum cæteris sophistarum præparationibus mineralium, purgationibus, & fixationibus spirituum; atque metallorum. Proindè Lapidis plurimæ præparationes, quin imò omnes, quæ de mineralibus describuntur ad hunc modum, uti *Geberi, Alberti* cognomento *Magni*, ac similium sunt Sophisticæ purgationes tantum, cæmentationes, sublimationes, distillationes, rectificationes, circulationes, putrefactiones, conjunctiones, solutiones, ascensiones, coagulationes, calcinationes, & incerationes prorsus inutiles, cum in tripode, furno reverberatorio, athanore, liquefactorio, acidioso, fimo, cinere, arena, similibusque, tum in cucurbita, pelicano, retorta, phiala, fixatoria, & id genus aliis; id ipsum de sublimationibus Mercurii per minerales spiritus ad album, & rubeum, ut per vitriolum, sal petreæ, vel aliud alumen, aut per crocum Martis, &c. judicandum est, de quibus falso fabulatur *Ioannes de Rupicissa* Tractatu suo de Lapide Philosophorum albo, & rubeo, quæ simul ementita cum aliis somnia sunt omnia, bonos, ac simplices viros misere seducentia; fugienda sunt etiam illa particularia sophistica *Geberi*, ut sunt septenæ sublimationes, aut mortificationes, item revificationes Mercurii suis cum præparationibus per sal urinæ, vel per sepulchrum factis, quæ singula sunt ad Lapidem falsissima. Quidam alii mineralium, ac metallorum sulphuribus mercurium fixare conati, summè decepti fuerunt. Vidi nihilominus hac arte Mercurium in corpus metallicum per ejusmodi fixationes adductum, similitudine quidem in omnibus, & per omnia bonum argentum fingentem, ac repræsentantem, verum in examine testæ, vel cupellæ falsum, ut extitit, etiam apparuit. Sophistarum nonnulli tentarunt ex isto Mercurio septies sublimato, ac toties dissoluto fixum oleum emungere, medio quidem aquarum fortium, quo metalla imperfecta quævis ad perfectionem adducerent: at frustraneum illud opus relinquere coacti sunt. Aliqui vitriolum septies purgarunt solutione, calcinatione, coagulatione, & duarum partium armoniaci salis additione, sublimationeque, ut in aquam albam solveretur, cui tertiam partem addidere Mercurii vivi, ut ea coagularetur aqua, totiesque postea

mercurium à dicto vitriolo, & armoniaco fale sublimarunt, ut in lapidem durum abierit; hoc affirmarunt ex vitriolo conceptum rubeum sulphur esse Philosophorum, cujus quidem solutionibus, & coagulationibus progressi sunt, in projectione autem factum est nihil. Alii mercurium coagularunt per aquam aluminis, & in massam duram alumini similem, quam aquis acutissimis fixarunt inutiliter. Sophistæ plurimas rationes fixandi mercurium sibi præsumunt, frustra tamen, quod in eo perfecti, constantive nil habeatur. In vanum igitur addunt ei mineralia per sophisticos processus, quibus omnibus ad majorem excitatur malitiam, vivus quoque magis, ac magis efficitur, impurusque potius, quam perfectus. Non est igitur ab eo Philosophorum petenda materia, cum sit imperfectum quid, quod si ad perfectionem etiam adduci queat, sophistarum progressibus valde difficile fuerit, imò impossibile; cum in eo nihil habeatur, quod in perfectionem excitari, cogique queat. Nonnulli sumpserunt arsenicum aliquoties sublimatum, ac multoties oleo tartari dissolutum, & coagulatum, idque fixare prætenderunt, quo cuprum in argentum verterent, id ipsum & nihil præter Sophisticam dealbationem quandam attulit. Etenim hoc minime figi potest, nisi tingens in eo spiritus probe cognitus fuerit, in quo quidem omnes ferè dormitarunt Philosophi, frustra conantes ex arsenico boni quidpiam efficere. Quicumque igitur spiritum hunc ignorarint, ipsem ipsum figendi nullam etiam habeant, aut virtutem ullam ei tribuendi per aliud, qua transmutationis perfectionem acquirat. Quam ob rem notum facio cunctis in eo suam operam impendentibus, dealbationem, de qua mentio facta est, ex falso fundamento depromptam, eaque falso cuprum dealbari solum, & non aliter immutari. Sophistæ Venerem etiam ad hunc modum larvatam, atque fucatam, duplo sui admiscuerunt Lunæ, mixturam vendiderunt aurifabris, atque monetariis. Postremò verò sese in falsos monetarios transmutarunt, nedum ipsi qui vendiderant, verum etiam qui emerant. Aliqui ex sophistis albi loco rubeum arsenicum sumpserunt, & hoc ipsum, ut prius, in falsam artem abiit: quoniam quocunque modo præparetur, nihil præter albedinem exhibet. Nonnulli progressi sunt ulterius ad sulphur commune, quod flavum, ut erat, coxerunt aceto, lixivio, vel urinis acerrimis per diem, & noctem, usque dum album emerferit; postmodum elevarunt à calce communi, & calce ovorum, coxerunt, ac sublimarunt, idque multoties combustibile semper nihilominus extitit, licet album: eo tamen crudum fixare mercurium in aurum conati sunt frustra: cinabaris tamen inde pulcherrima, & omnium optima, quam viderim unquam resultavit, hanc fixare putantes oleo sulphuris per cæmentationem, & fixationem, apparentiæ

Mercurius in massam aluminis coagulatus nil facit ad rem.

Omnes Mercurii fixandi rationes inutiles.

Arsenicum nil præstat in cupro in argentum transmutando.

Dealbationes sophisticæ sunt.

Sulphur frustra adhibetur.

M m

non-

Aquæ fortes non sunt materia Lapidis.

Alberti Geberi, operationes sophisticæ sunt.

Rupicissa impostor.

Geber sophistica tradidit.

Sulphur metallorum non coagulat Mercurium.

Oleum sulphuris frustraneum.

Vitriolum nil præstat.

A sophistici
oleis ca-
vendum.

Tincturae
Marcasitæ
& croci
Martis so-
phisticæ.

Quam-
nam tan-
dem mate-
riam Pa-
racelsus
determi-
net.

nonnihil habuit: verum secus, atque res ipsa desiderabatur, evenit. Alii sulphur commune redegerunt in formam hepatis, olei lini, laterini, vel olivarum admixtione coquentes in aceto, postmodum super marmoreum lapidem effundentes: Hoc ipsum distillarunt in oleum citrinum igne lento primum, sed suo damno sunt experti ejus se nihil, quod optabant, scilicet Lunam in aurum, minimè vertisse. Ut igitur mineralium infinitus est numerus, præparatio etiam eorum est multa varietas, quarum hoc loco facere mentionem distuli, quod peculiarem tractatum requirant. Cavendum etiam à sophisticis oleis vitrioli, & antimonii, item ab oleis metallorum perfectorum, & imperfectorum, etiam auri, & argenti: quoniam etsi horum operatio potentissima sit in rerum natura, tamen verus eorum processus in hunc usque diem est paucissimis cognitus. Abstinendum etiam à sophisticis præparationibus Mercurii vulgi, arsenici, sulphuris, & aliorum similium per sublimationem, descensum, fixationem cum aceto, salepetræ, tantaro, vitriolo, sale armoniaco, ea tamen via, ratione, quam docent Libri Sophistarum. Item fugite Sophisticas tincturas à marcasitis, & croco martis desumptas, & ab eo sophisticatione, quæ pars cum parte dicitur; Lunæ fixæ, similiumque nugarum: Nam etsi aliquam superficiale veritatis apparentiam exhibeant, quæ quidem Lunæ fixatio parvi laboris est, atque industriæ, tamen ejusmodi progressus præparationis est nullus ac invalidus.]

Ex hoc amplissimo *Arnoldi*, & *Paracelsi* ratiocinio luculenter patet; nullam methodum in hunc usque diem à prima lapidis Philosophorum in Europa publicatione, præscriptam fuisse, quam *Paracelsus* hoc in discursu, ceu vanam, irritam, & inutilem non repudiaverit; in quo vel maximè irridet & *Gebri*, & *Lulli* methodum, aurumque quod *Ricardo* Angliæ Regi à se arte Chymica confectum, sub forma rosæ nobilis obtulerat, falsum, & sophisticum fuisse apertis verbis docet. *Rupescissa* quoque operam nihili ducit, aded ut combinatis omnibus modis nulla relinquatur, quæ quovis modo illi satisfaciat. Quid tandem agat magnus hic Chymicorum Monarcha? Lapidis opus tam admirabile destruere, non erat aliud, quam tantoperè ambitam à se Rei Chymicæ monarchiam destruere. Ut itaque præ omnibus aliis quidpiam altius, sublimiusque sapere videretur, atque inter Alchymistas, veluti inter viburna cupressus appareret, alium lapidis conficiendi modum à se divinitus illustrato inventum præscribit. Sed quodnam illud tam ingens artis arcanum, esse potest quod nulli hucusque, soli verò *Paracelso*, nescio cujus numinis afflatu inspiratum, in mentem venerit? rem curiositate plenam, & haud indignam consideratione pandamus: quod ut scitius fiat, verba magni processus, quibus eum descripsit, præmittamus.

Tanto, inquit, labore non indignissent veteres illi Spagyri, si ex mea schola didicissent opus. Proinde dico vobis ego *Paracelsus* (nos poma natamus) rosei coloris à leone sanguinem accipite, & ex aquila gluten, quæ postquam simul conjuxeritis, juxta veterem coagulate processum: Tincturam habebitis Philosophorum, quam infiniti quasiverunt, invenerunt paucissimi. Quædam itaque simplicia componit Alchymista, quæ corripit, ut est artis, indeque præparat aliud, ac tantisper, donec unum fiat: hoc plus efficit, quam ipsa natura per se possit. Recte, probeque ut me intelligas, Leonem tuum in Oriente quaras, & aquilam ad meridiem in assumptum hoc opus nostrum. Instrumenta meliora non reperies, quam Hungaria, & Istria producant: at si cupias id ex unitate per dualitatem in trinitate cum aequali permutatione deducere, tuum iter ad meridiem dirigas oportet, sic in Cypro votum consequeris. Hicce verbis summum, & in hunc usque diem incognitum arcanum, verius ridicula similitudine obvelatum exponit. Sed *Oedipum* fucus non latet. Quid enim aliud per rosei coloris sanguinem à leone extracti innuit, nisi sulphuream arsenici tincturam ruberrimam? quid per aquilæ gluten, nisi Hydrargyrum sublimatum? quæ simul juncta, & coagulata dant desideratam Philosophorum, ut ipse putat, tincturam. Hanc autem interpretationem verissimam esse, vel ipse ex Sybillino oraculo, si Dis placet, monitus fatetur. Sic enim *Sibylla* dicit: Sunt elementa novem mihi, sum tetrasyllabus autem: percipe me, prima tres Syllabæ efficiuntur ex binis omnes elementis, cætera restant in reliquis, quorum non sunt vocalia quinque, &c. Hoc oraculo, dicit *Paracelsus* *Sibyllam* nil aliud innuisse, quam magni operis materiam, quod est ARSENICUM, (id ipsum videlicet, quod in priori discursu tanquam inutile ad artem reprobat) eò quod juxta *Ænigma Sibyllæ* illud novem literis constet, sit tetrasyllabum, cujus tres syllabæ primæ ex binis elementis constituuntur sic *Ar, Se, Ni*, cætera restant in reliquis, & tota vox quinque consonantibus componitur, & sunt R, S, N, C, M. Atque hæc rectè quidem congruunt, si sequentia quoad numerum, quæ in literis latere dicitur, corresponderent. Veruntamen *Sibyllam* multò differentem significationem per hoc indigitasse, cum supra eam exposuerimus, non reiterandam duxi. Dato tamen, non concessio, *Sibyllam* vocis suæ sususro magni prophetæ mentem concitasse; Arsenicum mirandi Lapidis materiam dicto ænigmati indicasse; at quid tum; anne idè veluti unum ex fidei articulis, quos tamen huic postponit, tenendum censet? Apage cum hisce veratro purgandis infatuatorum Prophetarum deliramentis. Nos scimus, quid arsenicum sit, quibus polleat viribus: Nonnihil quoque auri in se continere ex *Caji Caligula* pyrotechnia *Plinii* testimonio didicimus; sed hoc unicum magni operis materiam esse, nec ipse, uti ex præcedenti discursu patuit, neque Chymicorum alius ullus sensit,

Processus
Paracelsi.

Processus
Paracelsi
ridiculus.

Interpretatio ænigmatis à Paracelso propoliti.

senfit, ne dicam docuit; quod cum ne eum quidem lateret; aliquid arsenici tincturæ in suo processu jungendum censuit, videlicet gluten aquilæ, hoc est, sublimato mercurio Leonis sanguinem saturandum duxit. Præterea in processu Leonem hunc, id est, arsenicum, in oriente quærendum asserit, *Plinii* motus autoritate, qui *Cajum* principem Arsenicum ex Syria, quæ eo abundat, Romam ad aurum inde extrahendum, ex Oriente asportari jussisse dicit, mercurium verò in Histria, quæ fecundissimis scatet hydrargyri fodinis, loco, qui Hydria dicitur (de qua in præcedentibus affatim egimus) quærendum censet: Si verò hæc omnia sub proportionem 1 ad 2 legitima permutatione junxeris, id efficere non poteris, nisi itinere ex Hydria in Meridiem directo, tuum in Cypro votum consequaris; quo nihil aliud innuit, nisi materiam in Cypro Insula, Histriæ meridionali, quæ eâ abundat, quærendam esse. Atque hoc est admirandum illud secretum Lapidis, quod *Paracelsus* à *Sibylla* illustratus Mundo se prodidisse vanissimo conatu fingit: Quodnam autem id secretum sit, audite & ridete: nil id aliud, quàm Vitriolum est, Cypro familiare, quin & nomen, ut Arsenicum *ἄρσενικόν*, cujus arcanum sub acrostychi indigitat, ex ejusdem propriis verbis demonstro. Arcanum enim tecturus Cyprum insulam, in qua sub acrostychi materiam indigitat; *Visitabis Interiora Terra, id est, Cypri, Rectificando Invenies Occultum Lapidem, Veram Medicinam*. Si enim initiales horum verborum literas in unum colligas, habebis nomen *Vitriolum*, uti sequitur.

Visitabis Interiora Terra, Rectificando Invenies

Occultum Lapidem Veram Medicinam.

O quàm grande mysterium nobis aperuit hic magister, solis pueris forsitan incognitum. Quis

nescit, Vitriolum in omnibus hucusque processibus principalem locum tenere. Anne igitur, hoc tam peregrinum fuit *Paracelso*, ut solus ipse hoc arcanum cœlitus sibi inspiratum censuerit; An non apertissimæ imposturæ crimen vincatur, vel hoc ipso, dum quod in præcedenti suo discursu tanquam materiam inutilem rejecerat, jam ceu arcanum incomparabile in suum magisterium recipiat? Certè si *Paracelsus* apud Philosophorum plebem magni nominis existimationem acquirere studebat, illud, quod impostorum, & sy-cophantarum proprium est, meliori modo exequi non poterat, quàm si nugamenta sua sub affectato & altissimo verborum, rerumque abstrusissimarum ratiocinio, ut nonnihil esse viderentur, obvelaret, & Simiam quam agebat, rutilo vestiret amictu. Si hoc Philosophorum est, certè jam pueros, deliras mulierculas, sutores, barbitonfores hac arte mox in summos Philosophos evadere posse, nil ambigo. Plura in *Paracelsi* monumentis detego huic haud absimilia, quæ si cuncta confutare vellem, non jam exiguis foliis, sed integro libro opus foret, & proinde mirari satis non possim, quomodo viri cæteroquin Philosophiæ, & Chymicæ periti, *Paracelso* aurem adhibere audeant, cum tamen exceptis paucis, quæ Philosophiam sapiunt, cætera omnia partim Cabalæ, partim Astrologicis, Magicisque placitis involuta, pleraque etiam ambitioso nominum, verborumque barbarico modo confictorum famulatio sociata, hominem non nisi ambitione plenum demonstrant, qui sibi per fas, & nefas literaturæ Jatrochymias principatum contumacius præscribere non sit verecundatus; certè si quæ scripsit, in quintam essentiam distillaveris, vix quinque uncias bonarum rerum, quæ ejus propriæ sunt, extraxeris. Sed jam ad alia.

Paracelsi impostura.

Visitabis Interiora Terra, Rectificando Invenies Occultum Lapidem Veram Medicinam.

C A P U T VII.

Objectiones contra dictos processus, eorumque Authores, confutantur.

Objiciunt mihi primò Alchymistæ, iniquum videri Artem jam tot millibus annorum, uti perperam sibi persuadent, communi sapientum calculo acceptam repudiare velle. Secundò. Aurum quoque tum veterum, tum modernorum industria, arte Chymica confectum ex testimoniis fide dignissimis constare. Tertiò. Viros Alchymistas, veræ artis professores, homines Deo devotos, & religione sacra obstrictos, qui complura divino lumine illustrati exercuerunt, censoriâ virgâ tanto rigore verberare, apertæ imposturæ criminis convincere, minimè tolerari posse. Hæc sunt præcipua puncta, quæ Alchymistæ ad artis suæ veritatem demonstrandam Antagonistis objicere solent. Ad quorum singula jam tempus est, ut respondeamus.

Quod itaque iniquum videatur Alchymi-

stis, artem jam à tot millibus annorum in veritatis suæ professione durantem à me reprobari; id non iniquo, sed æquissimo jure me asserere sibi persuadeant velim. De antiquitate artis quidquid sit, jam supra à temporibus Romanorum Imperatorum nil de ea cognitum fuisse satis ostendi; qui verò eam vel ab ipso *Adamo*, uti *Paracelsus*, ejusque sequaces derivant, uti incertæ, inutiles, frivolæ conjecturæ sunt & nullo prorsus fundamento nitæ, ita quoque tempus perdam, si ea confutare velim; cum Alchymistarum proprium sit, ut vel ad primam aliquam auri mentionem in sacris libris occurrentem, statim Spiritum Sanctum hoc ipso nil aliud, quàm admirandum hujus Lapidis arcanum indigitasse, majori forsitan fide, quam vel ipsa sacrosancta fidei mysteria credant. Sed relictis hisce vanitatibus, ad ea nos con-

M m 2

ver-

Confutatio
eorum qui
dicunt au-
rum ve-
rum à va-
riis confe-
ctum esse.

Quinam
famoli illi
Chryso.
pœi.

Rupiciffa
de auro
Alchymi-
starum ju-
dicium.

vertamus, quæ majus ad vanitatem Alchy-
miæ comprobendam pondus habere viden-
tur; & est de auro Chymico à sapientibus vi-
ris nullo non tempore facto. Quibus, ne am-
plioribus verborum ratiociniis tempus teram,
Respondeo, aurum eos confecisse, haud ægre
fateor; non tamen illud, quod illi virtute La-
pidis sui per tincturam auri in infinitum mul-
tiplicativam conficere se posse, somniarunt:
quomodo autem, & qua arte aurum confe-
cerint, paulò post pluribus modis ostende-
mus. Aurum verò illud centuplo auro natura-
li nobilius, excellentius, illustrius, exquisitio-
ribusque dotibus præditum, per dictam lapi-
dis tincturam in infinitum multiplicativam
unquam perfecisse, nego, atque iterum ite-
rumque nego. Sed urgent, quod aliquando
factum est, id & in hunc usque diem fieri pos-
se, nemo facile negarit, sed aurum tale fa-
ctum fuisse, testimonia Chymicorum innu-
meris historiis demonstrant, Ergò. Minorem
probant inductione: *Raymundi Lulli, Arnoldi
Villanovani, Rupiciffa, Bernaudi, Trevisani, &*
quorum non tandem? *Raymundum enim Lul-
lum* in præsentia *Ricardi* Regis Angliæ aurum
purissimum arte Chymica confecisse; *Arnol-
dum* quoque in præsentia *Roberti* Regis Nea-
politani præstitisse. Sed omnia hæc uti ex
ejus supraposito discursu patuit, *Paracelsus*
Chymicorum monarcha falsa assertione mone-
tam quoque auream, quam *rosam nobilem*
dicit vulgus, quamque ex auro à se confecto
cudisse dicitur, sophisticam prorsus, & nul-
lius momenti fuisse asserit, cui plurimi ex An-
gliæ Medicis subscribunt. *Rupiciffa* quoque
tantum abest, ut aurum confecisse dicatur,
ut potius de se contrarium asserere videatur.
lib. primo de quinta essentia. part. 1. c. 22.
ubi primò se transmutationem metallorum
non docere, eò quod Ordinis *S. Francisci*, cui
se consecraverat, legibus prohiberetur: fal-
sam autem esse Chrysopœiam, & periculo-
sam, nec nisi revelatione divina doceri, hisce
verbis ostendit: *Confessor*, inquit, *omnibus
Evangelicis viris DEO invocato in testem, quod
si diabolo instigante in operationes Alchymicas
illabantur, facile in reprobum sensum dentur. Et
scio, quia est via perditionis, & mali; adeò, quod
nullus philosophorum scripsit veritatem in libris,
nisi fictè & sub parabolis, quæ non valent intelligi,
nec comprehendì ingenio humano. Et nota etiam,
quod nullus valeat ad sublimia hujus artis perve-
nire, nisi fuerit per altissimam contemplationem,
& sanctissimam vitam deificata prius mens ejus,
ita ut non solum cognoscat omnia interiora Naturæ
sed etiam cognoscat transmutabilem transmutare
naturam, & hoc paucissimis est concessum. Et com-
muniter hi fictionum, & sophisticationum sectato-
res sunt, & efficiuntur falsificatores moneta, &
sigillorum prælatores, & principum, vagabundi,
deceptores, & damnablem vitam, de quibus verifi-
catur ad litteram istud Pauli 2. ad Corinth. 3. di-
centis: semper discentes, & nunquam ad scien-
tiam pervenientes; quia quando non possunt ad*

*scientiam perfectam pervenire, ad sophisticationes
inutiles se convertunt, & communiter malo
fine clauduntur.* Hæc rectè quidem omnia di-
cta sunt à *Rupiciffa* celeberrimo sui temporis
Alchymista; qui utinam, sicut falsum, inane,
imò diabolicis illusionibus expositum Alchy-
miæ studium detestatus est, ita quoque illud
se nescire dixisset, eo sanè egregium genui-
tatis testimonium de se præbuisset: Verùm
cum non humano studio, sed revelatione di-
vina id accepisse se asserat, eundem aliorum
impostorum numero non possum non adscri-
bere; ait enim utramque Chymiam divinitus,
sibi inspiratam, Medicamenta inquam, quæ
miraculi instar ab omnibus morbis sanant,
quin vel ipsa metalla imperfecta in aurum, &
argentum valent momenti spatio commuta-
re, in carcere, per divinas revelationes se ac-
cepisse, dicit: quomodo verò carceri inclusus
non illusor à Satana veritatem assertionis à
se factæ explorare valuerit, quis capiet? Pa-
naceam verò illam omnium morborum me-
dicatricem coelitus sibi inspiratam quis cre-
det; cum eandem quasi de verbo ad verbum,
uti unum cum altero comparanti patebit, ex
Lullo descripserit: certè virum vanitatibus iis
qui & *καυδοζία* ambiunt propriis, uti & va-
ticiniis deditissimum fuisse *Franciscus Pius* te-
statur his verbis: *Ioannem de Rupiciffa doctum
alioquin Theologum, eò legimus insaniam devenisse,
ut quæpiam de futuris à semet affirmata, nec mi-
nis, nec carcere, quo à sui Ordinis Ministro de-
tinebatur, recantare voluerit, quin & impensius
ea semper asseveravit. Tandem Spiritus mendax
in ore ejus inventus est, & jam centum, & eò
amplius anni fluxere, quo mendax apparuit.* Quæ
eadem apud *Philippum Bergomensen* legun-
tur. Hac mentis infamia omnes ad unum la-
borarunt Alchymistæ; Et quamvis *Lullus*
post conversionem suam sanctam vitam du-
xerit martyrio consecratam, & reiecta vani-
tate veritatem amplexus, omnes de Alchy-
mia libros *Vulcano* dare decreverit, nisi disci-
pulorum industria clam subducti fuissent; an-
te conversionem tamen eundem liberam vi-
tam duxisse, & vanitatibus plurimum dedi-
tum fuisse, ex vita ipsius colligitur. Artem
quippe suam divinitus sibi collatam in præ-
fatione ad artem operativam his verbis
ostendit: *Quadam nocte, inquit semel à som-
no surgenti mihi vilissimo, & indigno peccatori,
hæc sequentia fuerunt revelata, quæ quidem se-
creta fuerunt prius revelata B. Egidio in Ere-
mo degenti.* Si itaque *Lullus* artem magnam
lapidis calluit, aurumque (uti de eo testatur
Robertus idem Alchymista) in Anglia revela-
tione divina, quâ gloriatur, confecit; certè id
humana arte fieri non posse, hoc ipso docuit.
Utrùm verò aurum illud lapidis ope, modo
Alchymistis falsariis solito confecerit, post-
eà examinabitur. Certè quidam historiam
controvertunt; alii eam strenuè negarunt, va-
namque *Paracelsus*, & *Bernardus Trevisanus*
ostenderunt; quorum hic *Chymicos*, inquit
libros,

Panacea
Rupiciffa
nullius
momenti
est.

Lullus re-
velatione
divina ar-
tem didi-
cit.

Paracelsus
qualis.
fuerit.

Solution 3. Obje- ctionis.

**Lulus
martyrio
coronatur
in Africa.**

Arnoldus
illicitis ar-
tibus dedi-
tus.

Prophetia
donum af-
fectavit
Arnoldus.

Hominem
arte Chy-
mica se
fecisse *Ar-
noldus* im-
piè asserit.

**Exempla-
ris vita
Paracelsi.**

Paracelsus
contume-
liosus in
omnes
Medicos.

Propheta dignæ. Quàm verò contumeliosus in omnes præteritorum sæculorum Medicos, Galenum, Hippocratem, & quotquot eos secuti sunt, fuerit, quàm inaudita animi contumacia, tum in repudiandis meliorum Authorum scriptis, tum in propriis exaltandis fuerit: Legat, cui otium est, Librum, quem *Paramirum* inscripsit, & stupebit immoderati animi insolentiam prorsus intolerabilem; Et hoc est, esse Deo devotum virum: si enim præter cerebrum temulentiam vini perpertuò fumans, & ventrem alium Deum non cognoscebat; si dæmoniacæ magiæ, & cabalæ, pravarumque artium cultor; quis tantam ejus, qua gloriatur scientiam divinæ revelationi acceptam feret? quomodo in tot, tantisque vitiis, ac peccatis subjectam animam, sapientiam DEI, aut paucis concessum prophetiæ donum introire posse putabis? Certè talia minimè DEUM habent Magistrum: quis in animum inducet suum, hominem illum, cum vel maximè fureret, maximè sapuisse? quis omnes sanæ mentis homines à furibundo, & insipiente nebulone in sapientiæ studio superatos esse censebit? *Hippocrate* neminem doctiorem omnes fatentur. de medicina simplici neminem, qui plura sciverit, scriplerit potiora, tanta fide, nihil ut scripserit, quod nos nescire voluerit, tanta solertia, ut pauci post illum sciverint, quod ille ignoraret; *τελιωτάτην πραγµατείαν* ejus *Galenus* miratur, agnoscit gratis hujus immensum studium, quo Græciam, & Latium uno concluderit volumine, vetustis dederit novitatem, novis autoritatem, obsoletis nitorem, obscuris lumen, fastidiosis gratiam, dubiis fidem; hunc tamen unà cum *Galeno*, & *Avicenna* nauci ducit, de quibus ebriosus helluo præfatione in *Paragranum*, se, inquit, *litteras à Galeno ex inferno accepisse: se cum Avicenna in vestibulo inferni de suo auro potabili, tinctura physicorum, quinta essentia, lapide philosophorum, Mithridatico, & Theriaca disputasse.* Quæ omnia, uti à sapientis animo longè remota sunt, ita quoque non nisi ebriæ nec non temulentæ mentis dictamina esse censeas; quod & in sequentibus, intolerabili prorsus jactantia, & sine exemplo talibus verbis indicat: *Hoc, inquit, sit vobis dictum ó medici, stultissimus pileus occipitii mei plus scit, quàm vos, & omnes vestri scriptores, & calceorum annuli sunt doctiores, quàm vester Galenus & Avicenna; & barba mea plus experta est, quàm omes vestra Academia: quin & horam ipsam sentiam, quando sues nos in lutum trahent; vos me sequi oportebit, non ego vos; me sequemini omnes Arabes, Græci, Latini, Galli, Itali, Germani, Sarmata, omnes inquam, me sequemini, non ego vos, nullus vestrum vel in abditissimo angulo, ubi omnes mingunt, manebit. Ego monarcha ero, mea erit monarchia, ego geram monarchiam meam & cingam lumbos vestros.* Hæc sunt verba *Paracelsi*, quorum farraginem ingentem in Libro, quem *Paragranum* vocat, re-

Laus Hippocratis & Galeni.

Paracelsus omnes medicinz principes contemnit.

Paracelsi fastus & arrogantia.

perias, ubi tot verbis obscœnis, inhonestis, & quæ castas aures mirum in modum flagellant, in totius sapientiæ consultissimos viros sævit nil, ut stultius, superstitiosius nihil, obscœnius, immodestiusque ab homine rationis compote proferri queat, adeoque non tam à Deo illuminatus, quàm à dæmone obsessus videri possit: Quid enim à ratione magis alienum est, quàm omnium Græcicæ scholæ sapientum gloriosa monumenta, excrementa, sordes, peripsemata dicere? non illos plus scire, uti in *suo paragrano* dicit, quàm intelligat vacca Helvetica. O quàm melius fuisset, si *Paracelsus* in *paragrano* suo parasset granum salis, unâ librâ hellebori commixtâ, quo purgato cerebro melius sapuisset, & quo impudentissimus nebulo, scurra trivialis, & Thraeo insolentissimus, furiis infernalibus agitatus à tantæ mentis amentia liberari potuisset. Ego sanè summa diligentiam omnes ejus libros me sagaci mentis oculo evoluisse testari possum, tum curiositate, tum veritatis amore impulsus, ut quidnam in iis lateret, quod nonnulli tantopere admirarentur, cognoscerem: sed postquam ritè omnia annotassem, præter paucula, quæ tamen sua non erant, nil nisi nugas, affectatas verborum formulas, conjecturas in aère fundatas, experimenta falsissima, non tantum circa naturalium rerum proprietates, sed etiam circa mineralium, lapidum, gemmarum, metallorumque virtutes, eorumque causas, ut plurimum à fossoribus, & pharmaceutriis mulierculis acceptas: quæ omnia hoc loco contrariis experimentis comprobare possem, si & tempus & operis argumentum id permetterent, comperi. Sunt ferè omnia partim ex *Lullo* & *Arnoldo*, partim ex *Isaaco Hollando*, & *Basilio Valentino* suffurata, quos tamen nè plagiarii criminis reus constitueretur, præterquam quod eos, à quibus suam doctrinam surripuerat, de inutili eorum labore, opprobriose reprehendit, ea quoque tanta similitudinum caligine involvit, ut in limpidissimis aquis aterrimi coloris profusione sæpiam verius, quam polypum egisse videatur. Vidi præterea, quæcunque de Cabala scripsit, omnia ad unum ex superstitiosis Hebræorum, Saracenorumque officinis desumpsisse, uti in *Oedipo Tomo II. de Cabala Hebræorum, Saracenorumque* fusè demonstravi. Utrique Cabalæ Hebræicæ, & Saracenicæ tantam fidem impius homo habuit tum in suo paragrano, & Paramiro, tum in Archidoxis, quin & in Libris de origine morb. invif. in Manuali de Lapide Philosophorum, Libro de Vexationibus Alchymistarum, ut omnes Veteris testamenti Prophetas, non nisi Cabalæ ope Vaticinia sua peregisse, non minus stolidè, quam impie asserat: quarum tamen neutram non dicam intellexit, sed ne legere quidem, linguarum inscitiam præpeditus, potuit: Sola enim Judæorum, & Turcarum quorundam familiaritate usus, ex Sataniciis illis offici-

Scurrilitas
Paracelsi.

Paracelsus pauca habet proprii ingenii labore culta, ex aliis omnia.

Plagiarium criminem Paracelsi.

Cabalæ cultura impia.

Paracelsus
supersti-
tiosus.

Philoso-
phia Mo-
saica ab
Alchymi-
stis confi-
cta, impia.

cinis nonnulla, utique quando magis impia, & diabolica, tanto cariora suis hinc inde schediasmatibus inferuit, magnum vitae sub ipsis quid latere ratus, quod à Satana doctore, & magistro suo prodisset. Quidquid enim Cabalistæ de Ensalimis, exorcismis, superstitionibus amuletis, periaptis, phylacteriis docent, eos in suum penum veluti sacrosancta mysteria adscivit: Ex hoc in orbem promanavit impium illud, & Satanicum figmentum, quod philosophiam Mosaicam impiè more solito vocant, & unguentum armarium multiplici modo, conficiendum docent; in quo nihil ferè ingredi reperias, quod non è manu Carnificis extortum fuerit, quemadmodum gladius nescio cuius famosi Carnificis; Paracelsi individuum comes supra allatus satis demonstrat. Ex hoc fonte transplantatio morborum, innumeris superstitionibus, & deliramentis referta prodit; quæ uti indigna sunt, quæ referantur, ita quoque, cum ea in Arte nostra Magnetica, aliisque operibus confutaverimus, de iis modo fileo.

Magia de-
ditus Pa-
racelsus.

Campana
magica
Marchionis
de Villena.

Quam verò magiæ deditus fuerit Paracelsus, ipse de se testatur Libro de compositione metallorum, ubi de Electro, atque inauditis omnibus seculis sub eo Latentibus virtutibus cum diu discurreisset, tandem infert: Non possum tamen non commemorare, quale, quantumque miraculum in Hispania viderim, cum apud quendam Necromantem essem, qui habebat campanam duarum fortè librarum ponderis, huius ille magico pulsu, multa, & varia spectra, & spirituum visiones accersebat & adducebat. Nam cum in Campana parte interiori verba quaedam, & Characteres aliquos inscripisset, simul ac sonus, & tinnitus ejus sentiebatur, apparebat spiritus ejus forma, qua volebat. Præterea campana pulsus ejus fuit potentia, ut multas alias visiones spirituum, hominum etiam, & pecudum, quas vellet, produceret in medium & abigeret: huius generis multa apud eum vidi; hoc tamen observabam, quod si quid novi operaturus erat, characteres, & nomina renovaret, & mutaret. Non autem eo perveni, ut homo arcanum, & mysterium verborum, atque characterum mihi communicaret. Cæpi tandem ipse hac de re penitus speculari, ita ut in mentem mihi venirent, qua hoc loco tacebimus. Sciat is autem plus in campana illa, quam verbis momenti fuisse. Volo autem vos mihi vehementer credere, materiam campana illius, nostrum electrum fuisse. Hæc Paracelsus. Verum cum ante decem annos circiter, huiusmodi campanæ ectypon in formam pelvis, & innumeris magicis Characteribus insignitum (quod Marchionis de Villena celeberrimi Magi fuisse, Hispani dicunt) ex Hispania ad me per eruditissimum Patrem Thomam de Lyon, summum Theologum & virum πολόγλωσσον ad me transmissum fuisset, ea intentione, ut quid sibi tot, tantique characteres, & figurarum exoticarum exhibitio vellet, exponerem; quod iussu fuerat, præstiti, in qua quidquid Necromanticæ artes reconditum habent, vel-

uti in epitoma quadam compilatum inveni. Explicationem hujus vide in Oedipi tomo II. parte secunda Syntag. de Magiac Egyptiorum, ubi, quæ Paracelsus tantopere nosse appetebat, omnibus DIEI timore inhibitis, remis, velisque, veluti Satanæ retia vitanda admonui. Unum præterire non possum, & est, quod Paracelsus Philosophiæ naturalis paulatim limites transgressus, supracitatum Arnoldum non degeneris ingenii hominem secutus, arte sua Chymica verum hominem generare se posse jactet. Verum ut quanta impii Alchymistæ contra omnia divina, humanaque Naturæ jura, Satânica machinatione audeant, processum subdo. Sic itaque ait l. I. de Nat. rer. Quæstio, inquit, fuit, inter nonnullos ex antiquis Philosophis, (quorum tamen præter Arnoldum, alium novi neminem) an arte, & natura fieri possit, hominem gigni extra muliebrem uterum, & matricem naturalem. Ad hoc respondeo, quod id Arti Spagyrica, & Natura nullo modo repugnet, imò benè possibile sit, ut autem id fiat, hoc modo procedendum est: Sperma viri per se in cucurbita sigillata putrefiat putrefactione ventris equini, (est hoc vas Chymicis usitatum) per quadraginta dies, aut tam diu, donec incipiat vivere, & moveri, & agitari, quod facile videri potest: post hoc tempus aliquo modo homini simile erit, attamen pellucidum, & sine corpore; si jam posthac quotidie arcano sanguinis humani caute, & prudenter nutritur, & pascatur, & per quadraginta septimanas in perpetuo, & aquabili calore ventris equini conservetur; sit ut verus, & vivus infans, habens omnia membra infantis, qui ex muliere natus est, sed longe minor. Hunc nos homunculum vocamus, & is postea eo modo, quo alius infans summa diligentia, & studio educandus est, donec adolescat, & sapere, atque intelligere incipiat. Hoc jam unum ex maximis secretis, quod DEUS mortali, & peccatis obnoxio homini patefecit; est enim miraculum, & magnale DEI, & arcanum supra omnia arcana, & merito in secretis servari debet usque ad extrema tempora, quando nihil erit reconditum, sed omnia manifestabuntur. Dicit deinde tales olim fuisse, & etiamnum superesse ex huiusmodi Chymiurgia Satyros, Nymphas, Evæstros, Montanos dæmunculos, pygmæos, & gygantes exortos; hi enim homines arte producti, cum ad ætatem virilem pervenerint, in homines evadunt miraculosos, & instrumenta fiunt magnarum rerum, victoriis ingentibus inclyti, & illustres; præterea omnes hi, uti arte obtinent vitam suam, ita omnia quoque Naturæ secreta, & abscondita acquirunt. Valdè dubito, ne vel ipse Paracelsus ex hisce tam admirandis partibus unus sit, cum enim neminem plura se scivisse, in suo Paramiro gloriatur; præterea se αὐτοδίδακτον à nemine alio suam de abditis Naturæ mysteriis scientiam didicisse, pluribus in locis testatur: Dicerem profectò, eum si non ex utero matris, certè vel ex Ephialte quodam, aut Incubo, vel alio horrendo quodam dæmone, veluti ex putrido, & virulento fungo conceptum

Paracelsus
arte Chy-
mica ve-
rum ho-
minem
producere
se posse
impie præ-
sumit.

Qualitates
hominum
arte Chy-
mica pro-
ductorum.

ceptum natumque spurium hoc monstrum produisse, Faunorum Nympharumque filium, dæmoni, quàm homini similiorem.

Ex hac stulta Chymiurgia patet, quam hujus hominis in rebus asserendis, & inconsulta quadam præcipitantia quælibet effutiendi audacia sit, & temeritas in iis rebus inquam, à quibus, non dicam, DEUS, & Natura, sed vel ipsa ratio abhorreat. Quis Medicorum, Anatomicorumque nescit, extra vas muliebri hominem generare tam impossibile esse, quàm impossibile est semen bruti terræ injectum, indè similis speciei brutum educere? quis in vitrea cucubita calorem materno calori prorsus heterogeneum, & naturæ ipsi contrarium assignabit? quis nutrimentum per vasa & venas umbilicales proportionatum, quin & materni seminis ad formandum fœtum necessariam portionem, per sanguinem humanum, uti ipse præscribit, jam extra venas mortuum, & prorsus inefficacem assignabit? certè id neque Angelo, neque Dæmoni concessum esse, quis non videt? Quis verò Embryoni jam organizato animam rationalem infundet? Anne forsan DEUM Opt. Max. ab hujusmodi Satanicis ministris ad horrendæ genesis concursum sollicitari posse putabis? Sed hoc vel sentire, impium, blasphemum, & atheum esse, quis nescit? Dato verò per impossibile, animam huic diabolico embryoni infundi, an non sequeretur indè, hujusmodi monstrum humanum, uti à communibus humanæ generationis legibus exemptum est, ita quoque à peccato originali, & cæteris humanæ conditionis miseris peccato subditis immune futurum? quo quid magis impium, & blasphemum dici possit, non video. O Divinæ clementiæ patientiam & longanimitatem, quæ tam monstruosorum hominum portenta non, *Core & Abironis* exemplo subvertat; sed hæc sufficiant ad enormes, & planè prodigiosos Bombastici partus ob oculos veritatis amantis *Lectoris* ponendos. Huic similes sunt illi fratres, qui à Rosea cruce nomen habent, impium genus hominum, & diabolico commercio tumidum: Cujusmodi fuerunt *Cornelius Agrippa* omni diabolicarum

Extra utrum hominem produci nequire rationibus ostenditur.

Fratres Roseæ crucis Magi.

artium eruditione clarus, quem & à dæmone tandem suffocatum dignas sceleribus poenas luisse ex vita illius sat superque constat. Talis *Sedinvogius*, talis *Robertus de Fluctibus*, talis *Marchio de Villena*, & innumeri alii, quorum piget meminisse, omnes Magi, & Alchymistæ, quorum dogma fuit, licitum esse, à diabolo discere nonnihil, dummodò naturalium rerum scientiam concernat; & hi quidem ab humani generis hoste instructi, aurum fecisse dicuntur, & omnia morborum genera curasse, sed hoc pacto, ut unum semper ex decem occiderent; horum insana dogmata talia sunt, ut æterno silentio, & tenebris, quam luce digniora sint. Undè eruditus *Coringius* in suo de *Hermetica Medicina* insigni sanè Libro, rectè refert. *Paracelsus quantumque acuti fuerit ingenii, tamen non fuit moribus temperatis, quales exigit veritatis palastra, certè ipsi mores, magnum patiuntur Paracelsina doctrina præjudicium. Ecquid enim ab homine mago, vera, & solida doctrina expectare liceat? Equidem haud negarim, dæmonem homini nonnihil etiam vera scientia inspirare posse; sed hætenus compertum non est, dæmonis auxilio quemquam ita sapuisse, ut non simul in quàm plurimos errores sit deductus, patre mendaciorum unam veritatem proditam, mille mendaciis compensante.* Cum itaque talis fuerit *Paracelsus*, quis tantum mendaciorum fabrum unquam aurum confecisse, ne dicam artem novisse sibi persuadere poterit? Non nescio, complures illum habuisse asseclas, & innumeros tractatus de Aurificio produisse, & quotidie prodire; qui tamen omnes, uti debili, & infirmo eorum, quos allegavimus, doctorum fundamento nituntur, ita quoque quidquid dicant, scribant, jactitent, jurent, perjurent de benedicti, verius, maledicti Lapidis structura, nil sanè adducunt, quod fidem mereatur. Sed ne cæcus de colore, surdusve de sono, injustè judicare videar, jam tandem, quibus modis tum principes, tum plebæjos homines, quibus artibus, qua dexteritate deceiverint, & etiamnum decipere non desinant, ut veritas tandem elucescat, aperiāmus.

Dogma fratrum Roseæ crucis.

Intentio Authoris in confundenda Alchymia.

CAPUT VIII.

PSEUDOCHYMICUM,

De dolis, & deceptionibus, modisque, quæ Alchymistæ verum Aurum se conficere posse uti olim jactitarunt, ita & hodierno die adhuc jactitare non cessant.

FUius forsan, quàm par erat, in præcedentibus de solitis in Arte magna processibus egimus, & in fallor ex modo operandi ostendimus fieri non posse, ab iis, quod tanta verborum debuccinatione Alchymistæ, ceu infallibile opus, artemque non ni-

si Angelis forsan, tanquam rerum naturalium præsidibus cognitam deprædicant. Quam enim principiis Naturæ contrarium sit, res inanimatas de specie in species toto coelo differentes transmutare, vitam dare corporibus mortuis, multiplicare in infinitum, id quod nec

Impedi-
menta,
quominus
ad artis
scopum
perveniant
Alchymi-
stæ.

nec ex parte agentis, nec patientis ullam in se vitam vegetativam habet, quis non videt? Diximus quoque fieri non posse, ut ad Naturæ exemplar operantes intentum finem acquirant, siquidem per tot calcinationes, sublimationes, dissolutiones, putrefactiones, fermentationesque, tantum abest, ut unica illa, & tantoperè desiderata auri forma exeat, ut potius per tot ignis, aquarumque acutissimarum tormenta, in mille alias formas traducta, tandem tota illa intenta forma pereat, & destruat. Accedit, quod graduum calor incognitus, & rerum adaptandarum combinatio in indivisibili consistat, ad quod attingere humano ingenio denegatum est. Adduximus quoque vel primorum Alchymistarum contradictiones ubique passim obvias, quæ luculento sanè testimonio indicant, consistere non posse, quod tot difficultatibus, litibus, dissidiis, jurgiis expositum est, cum veritas una, & simplex sit, quæ semel revelata, nunquam sua destituitur certitudine. Verum cum circa aureum argumentum totius negotii cardo verteretur, hominesque naturæ quodam pondere veluti in id, quod ipsos felices efficere, omniumque bonorum possessione beare potest, feruntur, certè mirum non est, artem ex se & sua natura appetibilem tanto studio, tantis laboribus, tam acri conamine queri, tam anxie desiderari, tam facile vulgò credi, eam tandem adhibito studio acquiri posse; sed amantes sibi somnia fingunt. Atque hanc unicam causam esse puto; cur, uti hodierna die, ita præteritis sæculis nulla ars hac auriferâ fuerit sollicitius quaesita, nulla ardentius desiderata, nulla tot fallaciis, & imposturis exposita. Diabolo humani generis hoste ut plurimum hujusmodi mortalium moliminibus, dum spe artis ditescere volunt, sese immiscente. Unde in Mundum irrepserunt superstitionum portenta, diabolicæ illusiones, Rerum publ. damna irreparabilia, Regum, & Principum ruinæ. Unde ut falsitas, & imposturæ solennes hujusmodi homuncionum detegantur, ad divini Numinis gloriam, & totius Reipublicæ literariæ bonum, hoc loco fraudes, & deceptiones, quibus non solum Principes, sed & doctos ipsos unâ cum plebæis dementare solent, apponendas existimavi.

Intentio
Authoris
in dete-
genda im-
postura Al-
chymista-
rum.

Quis non miratur, & attonitus hæret ad stupenda opera, quibus lucri causa Agyrtæ, circumforanei, circulatores, funambulones, cæterique hujus farinæ homines dexteritate manuum, corporisque agilitate plebem imperitam circumveniunt, quæ etiam si vana, futillia, falsa, & deceptoria sint, tantam tamen apud circumfusam hominum multitudinem fidem merentur, ut si non dæmonum præstigiæ, saltem Naturæ miracula videri queant; aureos montes promittunt, imò arte chymica se mare in aurum, in argentum arenam maris fucato illo suo mercurio conversuros promittunt; & ne fide vacillare videantur, Non-

nulli tali sophismate fidem suam liberant: accipiunt certum quendam pulverem, quo tantoperè gloriantur, rubrum, vel album, postea simulant certâ summâ pecuniariâ se ad artis complementum indigere, quâ datâ unâ cum pulveribus in catinum metallo, quod convertere se dicunt, ad ignem virgâ columnâ perfectè miscent, & tandem Mercurio superaffuso, totam massam in aurum se convertisse ajunt. Massam examini sistunt, quam ubi atreo radiare, vel argenteo colore nitere vident circumstantes, veluti stupidi, & attoniti ad inusitatum rei miraculum hærent; beatos se prædicant, si tanto secreto per breve ditescendi compendium, participes esse possent; undè nihil non promittunt, ut secreto potiri queant; potiti spurium auri partum producant, quod Collybistis ostensum, nil nisi metallum illud ordinarium, tinctura inutili imbutum reperiunt, tantumque auri, quantum pulveris injecti pretium fuerat, extrahunt. Quidam pulverem auri, vel argenti, modo quem postea docebimus, indunt baculis fistulosis ligneis, adjuncta pice græca, aut resina calophonia, ut ad ignis odorem faciliè ceræ adinstar, in fluorem resolvatur: Hoc peracto, crucibulo igni apposito, quovis metallo referto, aureum pulverem infundunt, materiam circumagunt, & pulvis fistuloso inditus baculo in fundum abit, naturæ pristinae restituitur, Mercurius verò in fumum ignis aestu resolutus, reliquis metallis separatis aurum in fundo reperiunt, magna stupidorum admiratione. Nonnulli fraudem adornant, pulveribus aureis carboni grandiori excavato, aut etiam follium canali inditis; quibus dum metalli spumam se diffundere simulant, pulverem aureum mira dexteritate in cucurbitam, in qua liquatur, unâ efflant; & hac fallacia finito jam magisterio, auroque extracto, præsentibus infallibilem artis certitudinem persuadent.

1 Impos-
tura.

2 Impos-
tura.

3 Impos-
tura.

4 Impos-
tura.

Refert *Ieremias Maderus* in Acroamaticis hujus fraudis, & desultoriæ artis festivum sanè exemplum; duos ait Chymicos societatem initam pacto firmasse, ut alter Chrysopoeiæ certissimam artem se tenere profiteretur; alter verò Rizotomum ageret, seu Agyrtam empyricum, & inter cætera scobem auri atro infectam colore, pro Lunario pulvere venderet; *Ernestus* Marchio Badensis mihi huic pyrotechniæ deditus erat: hunc ergo prior ille adit, aureos montes pollicitus, atque divitis atria *Crafi*: Quærentur omnia, & jam pulchra fraude constitutis omnibus, unam tantum speciem ex iis, quæ intentum effectum præstarent, cui nomen *Resch*, id est, *caput rei* superesse, hujus autem pulveres faciliè apud quemvis pharmacopæum ait inveniri, potissimum apud *Rizotomum*; ad quem Marchio puerum pulveris emendi causa mittit; alter interim commodò in palatii aditu, loco merces suas exposuerat, & ut solet hoc genus hominum, nil sibi deesse stentorea voce prædicabat; adit eum principis puer, utrum sibi radix

N n

Resch

Resch dicta, esset, interrogat, ille protinus *Resch* de fumosa pyxide depromptam pro I. solido appendit; puer domino coemptam *Resch* refert radicem in pulverem contritam. Impostor eum pulverem mox inspergit hydrargyro, aurumque producit, liquatumque verum aurum deprehenditur. Marchionis res mirè grata, & ipse in Magistrum beneficis, ac gratus non spernenda pecuniæ summa donatum dimittit. Chrysopoeiam pergit urgere, & quidem durante *Resch* felicissimo successu, consumpto pulvere undique conquiri iussit aurificam materiam: negabant omnes, quicquam se five de nomine *Resch*, five de ejus virtute audivisse, nedum legisse, aut in ullo alio pharmacopolio comperisse: Marchio itaque fraude cognita impostores inquiri iussit, sed frustra: abierant, fugerant, evaserant; unde damno suo doctior didicit, non credendum esse iis, quos non nosset, in arte mille imposturis exposita.

Impostura.

Sunt porro alii, qui pulverem aureum solvunt in aqua usque dum sub colore olei subsistat; postea dicunt, se cum pulvere hoc ligare metallum in aurum convertendum. Alii fingunt extrahere animam ex auro, & argento ope cinabarii, à quo separatus Mercurius, illud restat fixum, cui deinde subdolè miscent aurum, vel argentum, deinde unà simul per Chymicam sublimationem cinnabrium extrahunt, quod in aurum virtute animæ conversum asserunt. Alii dexteritate manuum, quibus abscondunt aureum pulverem, & postea jubent adstantem sibi porrigi nescio quod instrumentum, & interim projiciunt intra crucibulum mentitum aurum; quo inde extracto adstantem dementare solent. Sunt etiam, qui certa scriniola diversis pulveribus unà cum pulvere auri, & argenti mixtis implent, quibus & ad fraudem tegendam exotica herbarum, mineraliumque nomina imponunt: postea adeunt unum ex iis, quem norunt Chymicis deditum, eidem ingens magnæ Artis secretum paucis nummis emendum exponunt, experimento artis aurificæ se veritatem docturos pollicentur, dummodò expensæ in auro conficiendo rependantur; & si veritatem rei non deprehenderit, omnia sua confiscationi se subjecturum promittit: Jubent itaque emere pulverem auri, jam per aquam regiam in substantiam morbidam, & friabilem resolutum: opus auspicantur, & cum admiratione adstantis educunt aurum purissimum: Unde spectator tanti boni acquisitione audacior factus, plus æquo credulus, & simplicioris animi homo, pro arte, quantum velit & libuerit rogat; impostor ait tantum & tantum, acceptaque pecunia se protinus subducit; alter desiderio nimio communicatæ artis percitus, dum pulverem illum exotico quodam, & monstruoso nomine baptizatum, ardentius quærit, nec apud pharmacopæos, aut Herbarios materiam reperit, tandem se elusum crumena, & nummis vacuum

Varie impostura.

reperit. Alii vasa aurea, & argentea fuscipiunt, & colore cupri, aut ferri tingunt: impolitoque iis mercurio, aurum, & argentum separant, & hoc pacto extrahunt id, quod corrosionem mercurii ex auro abrasum fuit, pro auro, & argento vendunt, ex cupro, vel ferro extractum. Nonnulli fingunt Mercurii ex plumbo extractionem, & hunc in argentum se fixaturos promittunt; quod uti innumeris modis fictitiis, supposititiisque præstant, ita quoque gravissimum iis, qui talibus nebulombus fidem adhibent, damnum inferunt.

Didici & egomet non semel hujusmodi te-
nebrionum insolentiorum audaciam, qui datâ
operâ me, quem Naturæ arcanis deditum
norant, altissima, magnæ, verius perditæ ar-
tis secreta communicaturi conveniebant, hoc
tamen pacto, ut ego sumptus in artis speci-
mine faciendo præberem: promisi me fa-
cturum, si prius modum, & rationem osten-
derent, quod quamvis inviti, coacti tamen,
modum mihi revelare coeperunt: ego statim
fraudem subolfaciens, postquam eos aper-
tæ imposturæ convicissem, tandem ut iis au-
daciâ condonarem, deprecâti, paupertate
se pressos, similibus vitam sustentare fassi
sunt: ego primò egregiè increpitos, deinde
quoque aliqua elemosyna donatos dimisi;
monitos tamen, ut meliori arte vitam tole-
rent, ne suo tempore hanc temeritate au-
rea recte suspensi luerent.

Author de-
tegit im-
posturam
hujusmodi
fallarii.

Missus mihi fuit non ita pridem, libellus
hebraicâ linguâ conscriptus, arcanorum Na-
turæ, verius mendaciorum, refertissimus, in
quo inter alia herba describebatur, *boriza*
nomine, quâ metallum quodlibet in aurum
converti posse, insulsus ille Rabbini assere-
bat; Quoniam verò res digna est, operatio-
nem ridiculam jungo, ex qua apparebit,
quàm incongruis rebus, hominibus imponere
soleant hujus farinae sycophantæ. Sic autem
dicit: *בֹרִיזָא עֵשֶׂב שְׂמֵרָה לְוִנְאָרִיָּה* *Boriza*
& est herba, cui nomen *Lunaria*. Sed omis-
sis verbis hebraicis utpote longioribus, ipsam
ponamus interpretationem: Audi itaque &
ride *Lector*, stulta promissa. *Hujus herbe*
succum mitte in argentum vivum, & fac bul-
lire in hoc succo, & fiet brodium rubrum, ex
hoc fac pulverem, qui projectus supra cuprum,
id in aurum mutabit, & una uncia hujus pul-
veris sufficiens est ad centum uncias cupri in au-
rum convertendas. Nascitur hac herba ad fon-
tes, & flumina, & in montibus albis (ut ego
reor verius in Utopia) Caulem habet rubrum,
& violaceum, & lac habet instar croci (Cheli-
doniam ego interpretor) Accipe succum de hac
herba & pone super argentum, & fiet cuprum
(O grande emolumentum!) Et si de hac ponas
supra plumbum, proveniet aurum: Succus hujus
herbe positus supra ferrum, fiet argentum, & pul-
vis hujus herbe positus supra argentum, faciet au-
rum, & si posueris eum in urina cum spicanardo,
& biberis quotidie unam unciam, senes in juvenes
transmutabit. Sed stulta hæc machinamenta
Caba-

Rabbino-
rum stulta
machina-
menta.

Cabalistarum, non Philosophis, sed deliris mulierculis confutanda relinquamus.

Innumera hoc loco ex Arabum solennibus fraudibus adducere possem, quæ passim

in eorum libris de mineralibus Naturæ repèriuntur, & de aurificio inferuntur. Verùm cum indigna sint, quæ referantur, silentio suppressenda duxi.

CAPUT IX.

Quod dæmon ut plurimum se Alchymicæ cultoribus immisceat.

Verissimè dixit S. Paulus Epistolâ ad Timoth. c. 6. v. 9. *Qui divites volunt fieri, incidunt in tentationem & laqueum diaboli, & desideria multa inutilia, & nociva, quæ mergunt homines in interitum & perditionem: radix enim omnium malorum cupiditas est, quam quidem appetentes erraverunt à fide, & inseruerunt se doloribus multis.* Ita est. Est divitiarum immoderata cupiditas, rete cacodæmonis, quo magnam humani generis partem, uti olim, ita semper in hunc usque diem in ultimam animarum ruinam, trahere non desinit. Cum nihil in humanis rebus sit, quod majori cum desiderio quærat, cui majori anxietate incumbatur, quam thesaurorum divitiarumque accumulationi; harum enim possessione, & injusta usurpatione ad omne vitiorum, scelerumque genus portam apertam fuisse, innumera exempla nos docent: dum divitiis pollentes, quicquid volunt; sive potentiam, sive ambiciosam honorum, dignitatumque acquisitionem, sive vitam mundanam superbiâ tumentem, cæterisque carnis oblectamentis refertam spectes, obtinere possunt. Undè mirum non est, Alchymiam unicam tantarum divitiarum fallacissimam pollicitatricem, tanti æstimari, tantopere, tantque anxio studio ab omnibus, cujuscunque tandem conditionis hominibus ambiri. Non ignorat humani generis hostis ardentem hanc auri sitim, undè incautos mortales tantò periculioribus artibus, quanto illæ occultiores sunt, adoritur. Accidit itaque, ut dum nimio desiderio, auro inhiant; in superabilibusque ut plurimum difficultatibus, quæ in Arte magna occurrunt, præpediantur, omni spe ad artem perveniendi sublata; cum nihilominus inter spem metumque anxii tantopere exoptatæ divitiarum possessioni sollicitius incumbunt, tandem desperatione in transversum acti, vel thesaurorum inventionibus se dedant, vel cacodæmonis magicis artibus advocati in artis perficiendæ opem implorent, & sic tandem pacto obstricti Satanico, in omne impietatis barathrum prolapsi, sine fructu ullo, vitam miserando fine concludant. Multos ego novi hujusmodi illusionibus deceptos, præsertim curiosioris doctrinæ studiosos, qui sine prævio examine, sine luce, inconsulto, ausuque profusus temerario Alchymicæ vanitatem amplexi, iusto Dei judicio, à diabolo decepti, in mille errorum præcipitia illisi perierunt; quam enim dæmoni cordi sit, homines similibus artibus deditos adoriri, amplissime in Oedipi Parte I,

de Idololatria demonstravimus. Non enim solummodo dæmones se illis magicarum artium ludibriis, sed & omnibus vanis, & insaniis falsis, uti Astrologiæ, quæ ex hisce originem suam nanciscuntur, divinatoriis & cabalisticis, omnibusque illis speciebus, quæ à *magia* nomen habent, occultè se miscent, quæ curiosos credulitate nimia circumveniunt, adeo ut qui adversus eorum insidias vigilare negligerent, evanescant in cogitationibus suis, & cum sapientes, & mirabilium operum patratore se credunt, stulti fiant, donec tandem eum, quo proficiunt, magistrum, socium habeant tum impietatis, tum æterni exilii; præsertim Alchymicæ deditos miris modis adoritur, quibus oculorum aciem ita quandoque perstringit humani generis hostis, ut pyrotechniam exercentes aurum, argentumque verum per transmutationem se confecisse jurant: Licet postea cum sæpius etiam magna cura adhibita idem opus tentassent, nunquam tamen successum ullum se reperire potuisse, testati sunt. Innumera hujus rei passim leguntur apud Authores: *Delrium, Pereriam, Quibertum, Hogelandum*, quos Lector adeat. Ego hoc loco tantum narrabo, quid ore tenus mihi à viro Chymicæ artis peritissimo, cujus nomen consulto reticeo, simili illusionem à dæmone decepto, relatum fuit. Audierat is de meis circa hoc studium experimentis; unde me convenit, rogans, quid de magna artis mysteriis sentirem: ego alitro citroque argumentum discutens tandem conclusi, magna artis mysterium, uti & Lapidis, meras speculationes metaphysicas esse, & allegoricos illos sensus, quos tum Arabes Alchymistæ, tum Latini hujus artis primipili, sub tantis rerum similitudinibus, & anigmatibus occultarent, tales esse, ut cuilibet res facile accommodari queant, uti in hieroglyphica Ægyptiorum Alchymia fuisse deduxeram. Respondit bene dixisti Pater. Audi quid mihi acciderit: Ego à puero in hoc studii genus pronus, complures annos cum in eo, sine ulla profectu consumpsissem, & quodam die intento ab Alchymistis scopo, id est, Lapidis conficiendo totus incumberem, & arcanum me penetrasse, pænè mihi persuaderem, convenit me vir quidam ante hac ignotus, ac humanissimis verbis salute imprecata rogavit, quidnam agerem, & cui rei tanta sollicitudine incumberem? primò quidem cum respondere morarer, ait; video ex Chymicis tuis vasis, & materierum congerie te magnum quid in arte Chymica moliri; sed quod intendis, minime te consecuturum crede. Ego respondi, si tu aliquid melius noris, id me doceas velim: dixit obsequar voluntati tuae per-

Nn 2

liben-

Amor auri
plerosque
homines
in interi-
tum rapit.

Quibus
modis Sa-
tanæ auri
cupidos
fallat.

Mirum
exemplum
viri à dæ-
mone il-
lusi.

libenter; sede itaque, & scribe veram procedendi methodum. Ego statim arrepto calamo distantis verba in duodecim puncta divisa, excepi, excepta methodo ait, jam ea in praxin te operante, eo prorsus ordine, & juxta praeceptorum praescriptionem, redigamus. Quo peracto, jubente magistro exemi, ex vase chymico materiam instar olei relucentem, & superaffuso liquore mox congelatam massam reperi, qua in pulverem redacta, & supra 300 libras hydrargyri projecta, illud in obrizum & nobilissimum aurum, multo naturali excellentius, nobiliusque convertit, quod apud Aurifices optimi, & perfectissimi auri examen subiret; Ego ad inusitata rei eventum attonitus, vix me ipsum pra gaudio capiebam: Iam in redivivum Croesum me evasisse, & totius Mundi divitias me obtinuisse credebam; quas autem gratiarum actiones tam liberali magistro rependerim; tu mi pater, melius concipere poteris, quam ego multis verbis explicare; & cum rogarem, undenam esset, & ubinam tam divinum secretum didicisset? Respondit se Mundum peragraré, nullius aut ope, aut opibus indigere, amicis suis in desperato artis magna exercitio, inutili labore se fatigantibus subinde ad prosequendum studium, de arte sua nonnihil liberali manu communicare, & hisce dictis hospitio, quod humaniter obtuleram, recusato, ad publicum divertit: postero die summo mane, noctem enim in perpetuis vigiliis pra nimio adepta artis gaudio transegeram, munifico benefactori iteratas gratias acturus, ad hospitium me confero; quaro hospitem, sed nullum ea nocte hospitem se habuisse dicit Hospitii praeses: omnia hospitia urbis accedo, qui de eo, qui quaerebatur, nil se audisse dicunt: Omnes domus celebriores, in quibus cum pernoctasse suspicari poteram, examino, sed frustra: evanuerat, abierat, evaserat, summo meo dolore: Sperabam enim multo plura ab eo me accepturum hujus artis arcana. Domum itaque reversus, sine mora ad nova adepta artis specimen juxta praecisum praeceptorum, qua dictaverat, tenorem edendum me accingo, & operatione per-

acta, nullum rei successum reperio, & quia credebam, hunc errorem contigisse vel ex inadvertentia mea, vel ex omissione aliqua rerum ingredientium, repetii operationem eâ diligentia, quâ major fieri non poterat; sed rursus spe mea fraudatus, iterum, iterumque operationem inchoabam tot, tantisque expensis, ut omne illud aurum in prima projectione acquisitum expenderim: & uti spes auri, mirum in modum me reddebat inquietum, ita quoque opus reiterando tot expensas faciebam, ut res penè me in desperationem redigeret: Et cum animi mei afflictionem Religioso cuidam & docto, & pio viro aperuisssem, ille statim subjunxit: non vides domine, hanc aperitissimam esse diaboli, qui tibi sub specie hominis apparuerit, illusionem? & ut te ad prosecutionem operis excitaret, primo auro aliunde accepto, solita sua fraude tibi illudit, ut deinde te opus inutili labore prosecuturum tandem vel ad pacti alicujus consensum alliceret, aut etiam tandem omnibus bonis consumptis, te ad desperationem adduceret, atque inde anima, corporisque tui praeda potiretur. Ego sane ad hac exhorruui, atque exiis, quae hospes ille peregrinus coram, mihi retulerat verbis, hunc alium esse non potuisse, quam Satanam cognovi. Unde statim poenitentia praeterita vita ductus, domum reversus, omnes discussi fornaculas, vasa iniquitatis Chymica confregi, libros quoque ea de re conscriptos, quos possidebam, vulcano tradidi, totumque ab ea die me magis proficuis, utilioribusque studiis addixi. Sit DEUS in aeternum benedictus, qui à tantis periculis me pro sua infinita misericordia liberavit. Hanc historiam veridicam hic apponere volui, ut ex illa pateat, quantopere daemon hominibus auri cupidis studeat illudere, quot, quantisque modis in suas casses, tum praestigiis, tum mille artium technis attrahere satagat. Qui plura hujusmodi desiderat, legat Hogolandei similia experti de vanitate Alchymiae commentarios, aliosque Autores, quos supra allegavi.

Fraus Satanæ detegitur.

SECTIO III.

DE ALCHYMIA SOPHISTICA,

Id est,

De illa Alchymia, quæ Aurum, & Argentum, cupro, plumbo, stanno jungens, inde aurum magno augmento conflatur.

CAPUT I.

De variis variorum Sophisticis operationibus falsis, & illicitis.

Tanta nonnulli Mortalium astutia, & calliditate, tanta ad astus tegendos loquacitate, & facundia à natura praediti sunt, ut tantum non quilibet pro quo-

libet, non dicam, imperitiori plebi, sed & vel ipsis Principibus vendant, dum experimenta tam abdito dolo adornata exhibent, ut vix in eorum praesentia quispiam sive Philosopho-

Pertinacia
quorundam in im-
posturis
credendis.

Sophif-
ma 2.

lophus, sive Theologus hircere audeat: adstantes verò rerum mirabilium exhibitione aded consternuntur, tam altam de rerum peractarum veritate fidem concipiunt, animoque imprimunt, ut nullo argumentorum pondere, nulla rationum firmitudine ab ea avelli posse videantur. Si quis fortè nonnullius fallaciæ sub experimento latentis impostorem insimulare velit, statim se opponunt, his, & similibus verbis: Quicquid dicant Philosophi, iis sanè contra sensatam experientiam subscribere nec possum, nec volo: oculis meis vidi, manibus contrectavi, rem omni exceptione majorem; frustra cerebrum fatigatis in iis rebus refutandis, quas non possumus non veras credere. Hi sanè nesciunt, idem iis contingere, quod cani *Æsopico*, qui frustum carnis dum juxta flumen comederet, videns in aqua relucens canis figuram, qui majus carnis frustum rictui insertum habere videbatur, dimisso minori, majus sectabatur in aqua, & sic utrumque perdidit. Magna sane res, & valde sagacis ingenii, res similes, falsasque à veris discernere, ut proinde non valeat illud *oculis propriis vidi*, cum dici vix possit, quot modis homo decipi queat, quam facile phantasia decepta aliud se videre, aut sentire, quam revera sit, sibi persuadeat. Unde mirum non est, reperiri nonnullos Pseudochymicos, homines ad omne fraudis genus fictos, factosque, qui exigua fictitii pulveris portione ad ignem, exiguo temporis spatio, plumbum, stannum, cuprum, ferrum, mercurium in purissimum aurum, argentumque præsumptuosius convertere se posse pollicentur; præsentibus ad tantum arcanum veluti stupefactis, & attonitis; Quod tamen sapientibus, natura dictante, prorsus *ἀλογον*, & omni ratione carens videtur, & quamvis nil notius sit, quam quod ad ignem cupellæ, ut vocant, omnia reliqua metalla ab auro, & argento separentur: nesciunt tamen hoc fieri posse ab illo pulvere, quam *animam auri* perperam dicunt: ajunt enim arte Chymica unam auri unciam se reducere ad duodecim granorum quantitatem, unum verò ex iis granis supra unciam cujusunque tandem metalli projectum, iis corpus dare, & proinde in aurum convertere: cum, uti nugantur, hoc granum nil aliud, quam ipsam auri animam dicant. Quis jam hinc Philosophiæ naturalis aded expertus est, qui nescit, materiam formam quamcunque recipere non posse, nisi apta sit & convenientem habeat dispositionem ad talem, & talem formam recipiendam: Si enim natura non habebat virtutem sufficientem, dum generabat cuprum, ferrum, plumbum, & Mercurium ad auri formam ei introducendam, quomodo forma seu anima auri (quæ tamen forma à corpore separata dici non potest, nisi pueriliter in philosophia nugari velimus) pulvis, inquam, ille quam animam dicunt auri, animam inquam oppidò corpulentam, quomodo in metalla deser-

to subjecto proprio, in plumbum, stannum, ferrum, cuprum, quorum jam unumquodque sua propria forma constitutum est, introduci queat, quis talem Philosophiam concipiat? an non jam duæ formæ erunt in uno & eodem subjecto? quod absurdum si negent, dicant quæso, quidnam de anima plumbi factum sit: forsitan annihilatam esse dices; sed ne supinam ignorantiam reveles, vide quid dicas. Si autem forma in pulvere subjectata separata fuit, anne subjectum sine forma subsistere posse existimabis? Sed & hoc æquale priori absurdum est. Vides igitur, quam stolidè philosophantur ii, qui talia ex alina quadam ignorantia fieri posse, imperitis persuadere contendunt.

Hic itaque pulvis, quem illi animam dicunt, cujusunque tandem metalli in aurum transmutatricem, anima auri nequaquam dici potest, sed est aurum verum, & naturale virtute aquarum fortium, aut mercurii rosiva virtute in pulverem versum, compositum perfectum, materia & forma constans: Si enim pulvis talis in metallum quodpiam projectus, illud in aurum convertet vi animæ, certè non est ratio, cur pulvis ex absynthio verbi gratia confectus, & supra aridum, mortuumque absynthii caulem projectus, non pari ratione id in herbam resuscitet, quod idem de pulvere ex animali combusto facto, & in cadaver ejusdem, aut alterius animalis conjecto, dicendum est, indè enim animal resurgere, non esset nisi hominis oppidò stolidi credere. Cum itaque motus, Philosopho teste, sit vitæ cunctis existentibus per naturam; qui fieri potest, ut quod animam non habet, uti sunt metalla, vitam tamen dare possint? O summam mortalium cæcitatem! ut astuto aliquo *Agryta*, & *Ardelconi*, qui uti præter garrulam loquacitatem nullâ rerum scientiâ pollet, ita fucos dolosque alto corde evomit, & talibus tamen tanta non dicam à plebe, sed vel ab ipsis principibus fides habeatur, ita ut apud eos veluti quoddam Apollinis oraculum non solum æstimentur, sed & tantum non adorantur. Sed progrediamur ad alia Sophismata.

Sunt quidam, qui se jactitant, augmentum ad aurum possidere, quod viginti quinque, aut etiam quinquaginta pro centum præbet. Dico, id quod promittunt, aurum verum non esse, cum illud ignis ope per cæmentationem separetur ab iis, quibus junctum fuerat: quod de auro vero dici non potest. Est itaque tinctura solummodo quædam, quæ ad apparentiam externam aureo splendore ita perstringit oculos, ut etiam Monetarii illo colore decipiantur: cujusmodi quoque nonnulli faciunt cum certis menstruis aquæ vitæ, tutia, sublimato, quæ soluta auro & æri usto, in aquis fortibus, aurum augmentare videntur; ajuntque illud pro puro auro absque scrupulo conscientiæ se divendere posse, eò quod à principe jam, ceu verum aurum approbatum sit,

Auri animam
quid?

Sophif-
ma 2.

fit, in quo tamen valde hallucinantur, uti insequentibus ostendemus. Faciunt enim tales idem, quod in Apologo Lupus, cui sub conscientia impositum fuerat, ne plus animalium pro quotidiano suo victu occideret, quam sex libras carnes eorum penderent; ille verò vaccam cum vitulo obvio videns, utrumque invasit occiditque, in conscientia judicans, vaccam non nisi quatuor, vitulum verò non nisi duas libras carniū pendere, quæ sex libras faciunt ei pro victu constitutas.

Patet itaque, insigni errore involvi, qui putant, augmentari aurum posse cum illo, quod aurum non est, & quamvis dicant, illud à Monetariis & Collybistis approbari; Dico, id evenire ex Monetariorum sive negligentia, sive ignorantia. Negligentia arguitur ex eo, quod aurum hoc sophisticum laboris vitandi gratia, nulla adhibita solita cæmentatione, vel ut vocant, cupellatione; per res obvias tantum, & vulgò notas, exiguique laboris, superficialiter examinare solent. Ignorantiam verò monstrant, quod uti officium illud certa pecuniæ summa coëmerunt, aut etiam favore principum ad istiusmodi tanti momenti officium promoti sunt, ita quoque, cum ne prima quidem Metallurgicæ artis principia teneant, modum, & rationem probandi, examinandi, & iudicium solidum de auri, & argenti bonitate ferre nesciunt; unde innumera in Rempubl. detrimenta emergunt, pluribusque ad similes fraudes dolosque, porta ad omnem licentiam aperitur.

Sophisma 3.

Sunt alii, qui duo diversi generis secreta se possidere jactant, quæ dicunt totus mundus pro veris auri & argenti transmutativis non potest non acceptare. Quorum prius est: Accipiunt aurum & argentum æquali portione ad cupellam probè prius experta, deinde de Tutia, croco Martis, croco Veneris, de singulis quatuor accipiunt uncias, & de oleo vitrioli uncias 7. quibus intra vesicam positis paulatim dicta specierum mistura incorporatur. Hoc peracto, relinquitur vesica in fimo equino per quindecim dies, & digestionem peracta, eximitur tota mistura, & in cineribus calidis exsiccat in pulverem, cujus quarta pars supra unam argenti projecta, mutat id in aurum 24, uti vocant, carattarum.

Sophisma.

Alterum ita sese habet. Accipiunt aurum, & argentum, in scobem prius limata, & dum funduntur, iis tantum ex Tutia, & sublimate jungunt, quantum aurum, & argentum unà cum ingredientibus ponderant; deinde contrita, & quam optimè molita ponunt in vase sublimatorio, & sublimatione peracta restat in fundo massa, quæ cupellæ commissa, aurum separat octodecim caratt. Hoc est arcanum, quod multi magni æstimant. Ego tamen ritè omnia examinando, quid crocus vegetabilis improporcionatus ad tincturam essentialem, faciat nescio; Cum tutia, cro-

cus Martis, & Veneris ad tincturam sufficiant: Si verò in hoc magisterium Sol, & Luna ingrediuntur, non video, quomodo tutia, ferrum, cuprum, auro aliquid præter tincturam addere queant; etsi enim in unam auream massam coalescant, tota tamen aurum purum non est, sed apparens; cum beneficio cupellæ omnia appositæ metalla ab auro separari queant, nil itaque utilitatis in hujusmodi secretis latet, nisi quod aurum, & argentum, quod posuerunt, id ipsum recipiant; & ad minimum, uti malleo facile cedit, ita quoque usum aliquem in supellectile concinnanda habere potest.

Sunt præterea, qui dicunt: Novi ego concinnare tincturam pro argento, quo augere possum aurum ad triplum beneficio pulveris confecti de cupro folioso, mercurio, & cinnabari, quæ calcinata per aquam ex vitriolo, & salenitro anaticè compositam, ad primam circulationem, & deinde per ignem fusionis, addendo hisce duas partes auri, & argenti cupellati: possum & facere cinnabrium ita fixum, ut argentum in aurum tingat optimum, sic autem procedo: *Cinnabrium aquis fortibus impositum macero 24. horis, deinde aquam exiccatam aqua falsa submergo, deinde aqua dulci detraho salsuginosum in dulcedinem, & tum pulvere remanenti facio stratum supra stratum, & cæmentatum tandem in aurum optimum, & purissimum fundo.* Ego verò examinando hunc processum, non invenio, quomodo ex cinnabrio fixo aurum tantæ puritatis emanare queat, cum illud dare non possit, quod non habet. Si verò dicas, illud à natura accretum tenere aurum: & ita res sese habet, dico pulverem aureum admixtum unà cum accreto cinnabarii auro, tantum, quantum primò positum fuerat, prodere, etsi paulò purius: nec in hac operatione quicquam utilitatis video, nisi labores, & expensas inutiles: Scio quidem cinnabrium argento vivo turgere, sed id in aurum quacunque præparatione converti posse, nunquam nec vidi, nec audivi, nisi forsan hydrargyron cinnabari veluti materiei minerali inexistens in aurum tingatur, quæ mera vanitas est.

Alius quidem sic ait. Possum & ego facere aurum reale, cujus signum est, quod in aqua forti restat quartatum cum argento, & aliud non requirunt Monetarii, & Collybistæ. Sic autem procedo: *Accipio quantum satis est, aris aut cupri foliosi, & tantandem argenti cupellati, quæ mista simul funduntur, in virgas tenues diducuntur; postea sumo sulphur fustum, intra quod virgas prius sulphure imbutas pono, carbonibusque accensus urgeo, usque dum totum sulphur combustum sit, & hoc toties facio, donec virga tota in squamas abeat, deinde squamatam massam cupellæ committo, & remanebit aliquantum minus, quam prius fuerit argentum, deinde ex argento hoc fiunt unciales virgæ, & imponuntur lateribus crudis, & adhuc lutosis, ita tamen, ut infra, & supra habeant stratum ex sale præparato;*

Sophisma 4.

Sophisma 5.

rato; & hoc peracto ponuntur intra fornacem, & ubi cocti fuerint, & virga videbuntur esse Leonini coloris: eas in aquis fortibus pones, & habebis pro omni uncia unam drachmam auri purissimi 24 caratt. Experientia quidem sibi constat. Sed ego dico, hanc auri drachmam non ex transmutatione cupri, aut argenti in aurum, sed drachmam illam auri tum ex argento, quod aliquâ auri portiunculâ nunquam caret, aut etiam forsitan ex cupro extractam, & potenti igne separatam fuisse.

Sophisma 6.

Alius nonnemo jactando se dicit. Ego novi modum Argentum faciendi absque tanto labore. Si quæres, quomodo? Dicit, Accipio Arsenicum involutum linteo, quas *pez-zas* vocant, & conimuni oleo coquo, coctum sæpius sublimo, & fiet ceræ adinstar fusibile, cujus quintam partem projicio supra cuprum, illudque in candidum tinget sex ligarum, si verò pono unam partem argenti cupellati, id sustinebit examen argenti, sex, ut vocant, legarum. Quod idem habebis, si accipiam duas partes argenti, unam cupri, & unam Antimonii, hæc fusa dabunt argento vero haud ab similem massam. Ego sanè novi idem fieri, si accipias ferrum, illudque ex sulphure molle reddideris, hoc si cupro seu Veneri miscueris, dum igne fluunt, se invicem ex naturali quadam sympathia, qua Mars Venerem deperit, protinus se amplexabuntur. Hæc verò si argento miscueris, ac cupellæ commiseris, cuprum separabitur, & restabit argenteo-ferrea massa. Sed quis hoc argentum verum esse dicet; cum aqua forti à ferro separatum, argentum solum id quod positum fuerat, remaneat.

Sophisma 7.

Porro non desunt, qui impudenter se jactitent, sicuti me cum similibus discurrentem audiisse memini. Ego modum novi, faciendi mineram argenti, & alteram auri, ex quibus tantum capio, quantum ad multos sustentandos sufficit. Sic autem procedunt tales: Accipiunt quatuor uncias Mercurii Lunaris & 32. argenti Cupellati, ex quibus extrahere se dicunt pro singulis unciis, drachmam unam; hoc peracto, accipiunt argentum cupellatum in scobem limâ prius redactum, cui addunt unam unciam salis communis, quibus sublimatis, ac probè omnibus in pulverem redactis, ponunt in crucibulo supra carbones succensos, & statim fluet, & intra exiguum tempus intra crucibulum videbitur circulus, & in fundo massa ex Mercurio, quæ eximitur, & reliquum est argentum cum sale ammoniaco & sublimato. Mercurium quem exemisti serva, est enim magni pretii ad multiplicationem. Sic autem age:

Accipe ex hoc Mercurio 4 uncias, & unam de argento limato, quæ vesicæ indita vitreæ per duos menses fornaculo imponantur urgeanturque, uno singulis septimanis ignis acuto gradu; deinde mistura projecta seu præcipitata in colorem Leoninum transmutabitur, & est illa tantoperè desiderata medicina

ad multiplicandam mineram. Sic porro multiplicationem institues: Dictæ medicinæ singulis quatuor unciis appone unam unciam Argenti cupellati, & quinque uncias Mercurii vulgaris, & in simili vase vitreo posita committantur igni menstruo spatio, & reperies talis medicinæ unam partem conversam in argentum, vel aurum, si unam auri unciam medicinæ addideris. Atque hoc est secretum, quod aliqui dicunt, se obtinuisse, nescio à quo Medico, seu Secretario Magni Turcarum Imperatoris, aut etiam Soldani Persarum in Utopia forsitan nato, dum iis in partibus dura servitute premerentur. Sed qui sophisticum hoc machinamentum cupellæ commiserit, is statim mercurium in fumum abiisse, scorias verò minerales in fundo separatas, & argenti tantum, quantum imposuerant, reperiet, quamvis prius unâ cum scoriis mistum, integram argenti massam exprimeret.

Alius mihi transmutationem metallorum neganti veritatem rei hoc magisterio persuadere conatus est: Ego accipio pulverem, videlicet medicinam, quæ super 22 Mercurii partes projecta, eum in aurum vel argentum convertit secundum quod medicina ex auro aut argento præparatur. Sic autem procedo. Duplicem aquam præparo, unam ex duabus partibus sublimati, alteram ex antimonio, deinde extrahò oleum ex duabus partibus antimonii, & ex una sublimati, præparati tamen sine alumine, & sine ullo arsenico, tantummodo cum sale & vitriolo in pulverem redigo. Hæc pono intra retortam benè lutatam, clausamque emplastro ex calce & albagine ovi confecto, deinde distillantur, quæ ex crassa & nigra materia post sæpius iteratam cohobationem, tandem in subtilissimum clarissimumque liquorem abibunt; rursus aqua mercurialis septies rectificetur, & toties, quoties rectificatio fit, sextam olei Antimonii partem superaffunde, deinde divido totum mixtum in duas partes, in una argento, in altera auro posito foliato, quæ clauso vase intra breve tempus in fluorem abibunt, adinstar pinguedinis liquefactæ: Hæc duo vasa intra certum quoddam receptaculum undique clausum, lampadis bimestri calore, lichino semper aucto digerantur, & intra prius vasculum medicinam atram, in altero albam reperies. Atque hæc est medicina, quæ projecta supra Mercurium, in aurum vel argentum eum convertit, (utique haud aliud, quam quod prius impositum erat.) Dic rogo bone vir, quid faciunt in hoc magisterio Sublimatum, oleum Antimonii, Sal, Vitriolum? cum pulvis aureus & argenteus, & ultra alia quantitas auri & argenti, oleo & aqua mercuriali imposita, totum illud aurum & argentum tibi restituant, quod posueras? Quid rogo in dictis salibus concipi potest, quod ullum auri effectum præstare possit? Novi enim hosce sales ad nihil aliud prodesse, nisi ad dissolutionem, depurationemque auri, & argenti.

Varia aliorum Sophismata.

Indè

Inde verò medicinam parari posse multiplicativam auri & argenti per projectionem factam, prorsus nego; estque mera & vanissima persuasio eorum, qui non nisi aurum sitiunt & somniant; certè huiusmodi medicinam, quam & tincturam vocant, tantum in sua supra materiam projectione facta, posse existimo; quantum si una gutta aqua projiceretur supra unam vini mensuram: quo facto, quid aliud ex hac projectione, nisi idem vinum, sine ulla vini in aquam transmutatione emergeret? Sed ad hæc summa pertinacia respondit; Tu mi *Pater*, negas veram & realem transmutationem jam tibi monstratam; Sed ut clarius eam tibi demonstrem, accipe sequens experimentum. Cape cinabrium pulverizatum, & fiant orbiculi subacti albugine ovi, deinde in pulverem redigantur argentum, vel aurum, & fiat stratum de dictis orbiculis cinnabarii, & unum de metallis, alternatim stratificando unum super alterum, ponantur in cæmento 24 horis, igne non fusibili, deinde exime materiam, quam vasi cæmentatorio impones, & cinnabrium in illud metallum, quod stratificatum fuerat, cum cinnabrio conversum reperiens. O pulchrum experimentum! Quod si verum esset, quàm exiguo tempore, & tanta facilitate plures divites fierent, potissimum si stratificatio super aurum, vel argentum fieret. Sed experimento mihi constitit, alium quempiam pseudochymicum tali secreto argentum confecisse, at postquam rite examinatum fuit, tanquam falsarium accusatum, pecuniam, qua dictum argentum vendiderat, non sine carceris, & capitis periculo restituere coactum fuisse. An nesciunt hujus farinæ Chymici, unumquodque differentium specie metallorum habere suam propriam formam substantialem, & unam solam formam accidentalem, quæ dat tincturam talis, vel talis coloris, quæ etsi incorporata humido radicali talis, & talis metalli, in hunc, vel illum colorem mutant, aureum, argenteum, cupreum, stanneum; illa tamen non aded intime metallorum penetrant substantiam, quin separari queant.

Experimentum.

Sophisma.

Post hunc alius sese obtulit, qui transmu-

tationem veram demonstrari posse ajebat ex eo, quod ferrum in cuprum perfectum mutaretur hoc experimento. Laminæ ferreæ, subtiles, & tenues imponentur aquæ vitriolatæ, & statim reperiens quod ex naturali sympathia cuprea materia adhærens ferro, post se cuprum relinquet; Verùm cum illi contrarium ipso experimento sumpto ostendissem, & hanc veram transmutationem minime dici posse & debere monstrassem, sed & resolutionem solummodo ferri in scoriam, & corpusculorum cupreorum in aqua vitriolata sparsim prius existentium, jam ferri attractu congregatorum unionem, quæ deinde fusa cuprum reddant. Hæc inquam cum monstrassem, obmutuit sive pudore sive suamet ignorantia convictus.

Simile experimentum admiratione dignissimum appono. Si capilli, sive rasura capillorum in ferreo vase coquantur, usque dum sub forma glutinis compareant, deinde vas fortiori igne urgeatur, fiet, ut si alios capillos huic brodio glutinoso immiseris, illi cupreis spiritibus in vase latentibus aded imbuantur, ut fila purissimi cupri videantur, neque quispiam sibi persuadere possit, capillos esse, quæ tanto splendore radiant: Idem fiet, si ferrum sulphure cæmentatum, & friabilitatem quandam nactum combusti vitri pulvere inspergatur, hoc enim cum purum ferrum sit, cuprum tamen apparebit. Quomodo verò experiri possis, quantum cupri, vitriolo aut vitriolatæ aquæ insit, ita age. Vitriolum coquatur aqua usque dum totum solvatur in liquorem; liquor hic projiciatur supra mercurium, & ubi reliqueris aliquantisper ita permanere, postea posito liquore intra retortam igne dato distilla, & evanescente mercurio, cuprum remanebit in fundo, quod ponderatum, in aqua cupri fuerit, cognosces; & hoc pacto poteris facile reperire, quæcunque tandem metallum fuerit, quantum auri, & argenti in se contineat. Quæ experientiæ non monstrant transmutationem, sed solummodo immutationem, sive unius ab altero separationem, uti in præcedentibus variis exemplis ostendimus.

Experimentum.

Experimentum, quantum aquæ vitriolatæ cupri insit.

CAPUT II.

De licito, vel illicito Chymicorum Aurificio, quod per appositionem vocant, siue quo pars ad partem, id est, auro metallum quodlibet junctum, illud multiplicet.

NOtandum primò, Aurum purum, ob-
rizum, & naturale, communi Chy-
surgerum sententia, gradum illum
bonitatis obtinere, quam periti artis vocant
24 carattarum. Est autem caratta ponderis
genus tribus granis, & consequenter 24 ca-
rattæ, 72 granis constans. Granum Græcis
σῖταλον, minimum ponderum est, quorum

Ponderum
minera-
lium valor.

sexaginta unam drachmam constituunt. Obo-
lus pendet grana decem, seu scrupuli dimi-
dium. Scrupulus pendet obolos duos, seu gra-
na 20. Drachma pendet grana 60, seu scrupu-
los tres, & est $\frac{1}{2}$ uncia. Uncia duodecimam
partem libræ constituit, & constat octo
drachmis. Libra, seu λίτρα duplex est, Civilis
& Medicinalis: hæc 12, illa 16 uncias pen-
det.

det. Marca continet uncias octo, seu sedecim lotones, & his utuntur Aurifices. Hisce præmissis jam opus aggrediamur.

Dicimus itaque, Artem Alchymistarum subinde licitam esse, dummodò aurum quod producit, 22 carattis non inferius sit. Estque duplex; Monetaria, quam & Collybisticam & vulgò *Legam* vocant; altera Alchymica dicitur, quæ per additionem, ut vocant, alterius metalli ad aurum vel argentum factam, aurum multiplicat. Utraque licita est, si intra terminos suos constiterit. Monetaria pro monetarum cusione, ut plurimum auro, vel argento addit aliud metalli genus, uti æs, sive cuprum, quam *Legam* vocant; quæ tamen uti diximus 22 carattis non inferior sit, sicuti & altera Alchymica, quamvis hæc in usum monetarium non facile assumi possit, sed in utensilia solummodò, & aureæ, argenteæque suppellectilis apparatus. Monetaria tamen pro libitu principis, quacunque lega pecuniam cusam parvam in proprio quidem principatu non tamen extracum distrahere potest. Sed cum hæc vulgò nota sint, iis non immorabimur, sed hoc loco solummodò examinabimus Alchymicam artem, utrum additione aliorum metallorum, mineraliumque verum & purum aurum, utrum mixtum tantum produci possit? Quod ut majori cum methodo fiat, primò nonnulla supponenda sunt.

Supponitur primò, non esse ullum metallum, aut minerale, cui non aliquid auri, argenteive admixtum sit, in uno quidem plus, in alio minus: quod tum primum infallibile smicroscopii experimentum docuit: In mineralibus enim, metallisque sive perfectis, sive imperfectis in pollinem contritis, mox ubi smicroscopio applicato dispeximus, semper nonnulla auri, argenteique grana deprehendimus, quemadmodum nos in auro, argentoque nonnulla ex aliis metallis imperfectis commixta invenimus; ut proinde inde cognoscimus, nullum tam esse perfectum metallum, quod non cæterorum quoque miscellam quandam adjunctam habeat, quæ quidem miscella inde originem suam traxisse videtur, quod in mineris auro, vel argento refertis, semper heterogeneas, sive mineralium, sive imperfectorum metallorum glebas adjunctas reperias, quemadmodum supra in *Sectione de Metallurgia* fuisse ostendimus; unde fit, ut alterutra diversarum glebarum, quamvis vix nisi oculis armatis perceptibili commixtione metalla coalescant.

Secundò. Idem in diversis salium, sive succorum speciebus, præsertim vitriolo concreto, sive in liquorem soluto reperimus: Cum enim aqua vitrioli ex pyritis minera, quam transit, continuò minima quædam tum pyritis tum ei commixti auri corpuscula abradat, hinc accidit, quod eam, dum confusè, & sparsim per aquam sine unione dissipantur, mox alio metallo ei juncto præsertim sympathico, id confluxu quodam magnetico appetant, & ab eo attracta uniantur, quæ tum pri-

mum manifesta fiunt, ubi sive cupellæ, sive cæmento commissa fuerint.

Tertiò. hoc idem in Antimonio, Marcasitis, Magnesia, Tutius, Cadmiis, Arsenico, Auripigmento, Ochra, similibusque videre est, quæ semper nonnihil auri, sive argenti admixtum habere, is solus negaverit, qui ejus rei Smicroscopii usu experimentum non sumpserit; unde mirum non est, vehementer Alchymistas decipi, dum in aurum id se transmutasse putant, quod primò iis inextiterat, quæ in sequentibus amplius deducemus. Sed experimentis jam nostram doctrinam confirmemus. Accidit in nostro collegii Romani Pharmacopolio, ut dum in crucibulo tartarum igne reverberii calcinaremur, ea calcinatione peracta in fundo crucibuli aureum globulum, pisi magnitudine reperiremus: de quo mox variæ præsentium natæ controversiæ, nonnullis ex tartaro id extractum opinantibus; quibusdam ex aliis tartaro admixtis rebus defluxisse sentientibus.

Ego quod erat, suspicatus, aurum ex crucibuli materia, vehementi ignis colliquatum fuisse assereram: Annuit meæ opinioni Excellentissimus *Jordanus*, Dux Braccianensis Chymici peritissimus tum forte præsens, qui & asseveravit, hujusmodi crucibulum fieri solere *Bassanellæ* ex terra quadam aureis ramentis perfœcunda, quæ crucibulis insensibiliter mixta, deinde vehementiori igne sollicitata, liquefactaque in forma globulorum mercurii in crucibuli fundo collecta reperitur; idemque contigisse aliis tum aurifabris, tum pharmacopœis. Tartaro verò, eò quod ex vegetabili natura originem suam trahat, aurum, sive quodcunque aliud metallum inesse non posse: Globulus deinde trium fere unciarum, cupellæ commissus, dedit unam auri unciam, duas verò argenti, quod una aureis istis ramentis commixtum erat: Ex quo luculenter patet, quam facile hallucinentur Alchymistæ, si subinde post variam ingredientium in aliquam compositionem, miscellam, auri quidpiam, aut argenti repererint; unde nam enim id profluxit, ex demonstrato experimento patet. Pari modo decipiuntur ii, qui subinde, dum herbas nonnullas in cineres ad salem extrahendum redigunt, aurum reperiunt; & audiivi id sæpius in Hungaria juxta aurifodinas accidere; Rationem hujus hanc damus, quod spiritus auriferi in radices, ac reliquam herbarum substantiam delati, ibidem ambientis aeris frigiditate, & humiditate plantarum coagulentur, & spiritibus identidem affluentibus, tandem in corpus quoddam exurgant: quod deinde in vasis igne candefacti fundo liquefactum reperitur. Quo experimento imperiti rerum naturalium sibi prorsus persuaserunt, nonnullas plantas vim habere mirificam, metalla in aurum perfectum transmutandi. Sed quoniam hæc in præcedentibus confutata sunt, iis non immorabimur. Restat itaque, ut jam varios Chrysopœiæ modos, operationes, & magisteria proponamus, quæ nonnulli

Antimonium, Marcasitis, &c. aurum tenent.

Aurum in ipsa materia ex qua crucibula facta sunt.

Deceptio sensuum.

Aurum optimum quodnam?

Omne metallum ali- quid auri & argenti continet.

Vitriolum auri non- nihil ad- junctum habet.

nulli Alchymici per additionem quorumcunque tandem mineralium, imposito prius auro, & argento, augmentum se dare posse dicunt; Estque hic modus verus, & licitus quoque, dummodò à Magistratu per peritos Aurifabros, & Chrysurgos suum & pondus, & qualitates obtinere ostendatur. Ego sanè *Lullum, Arnoldum, Rupecissam* aliosque suprà enarratos Chrysopoeias Authores, non alio, quàm sequentibus modis aurum suum, si tamen quandoque verum aurum eos fecisse comprobari possit, confecisse mihi persuadeo. Qui verò putant, non hoc eos modo, sed per Lapidem Philosophorum confecisse, audacius asserunt; ut lis decidatur, qua arte illi aurum obrizum purum, & naturale fecerint, quo fucò tincturam auri in infinitum multiplicativam præparaverint, aperiàm.

ARCANUM I. Chymicum.

Quo ex una Argenti purissimi uncia, auri drachma educi potest.

Experi-
mentum.


Communicatum mihi fuit hoc Secretum à *Iacobo de Nigroponte* insigni Jathrochymico, seque sæpe sæpius rei veritatem experimento comperisse attestatus est. Sic autem proceditur: Accipe *Luna Cupellata* unciam unam, deinde plumbi purificati uncias quinque, quæ fusa simul in aquam communem granulatim projiciantur: hoc peracto, accipe *Cinnabri mineralis* unciam unam, sive antimonii unciam unam, quæ contrita in pulverem, unaque commixta, fiat stratum supra stratum in crucibulo cum dictis granis,

& pulvere: ita ut primum, & ultimum locum in stratificatione pulveres obtineant: deinde quàm exactissime crucibulum luto sapientie sigillatum ponatur seorsim, usque dum exiccet, exiccatur ad ignem per quinque circiter horas; primò quidem igni lento, & postea forti sollicitandum ponatur; Tandem ab igne remotum, ubi refrigeratum fuerit, in aperti crucibuli fundo materiam reperies panis instar, quæ cupella commissa dabit aurum purum putum, quæsitum. Hoc est experimentum factum à *Iacobo Nigroponte*; qui tamen expressè dicit, nullum inde emolumentum percipi posse; sed id solum mihi se communicare secretum experimentum, quo quid Natura possit, quid non possit, ostenderetur. Certè qui suppositiones nostras paulò ante propositas bene intellexerit, is ingenuè fateri cogetur, istiusmodi aurum non per transmutationem quandam, sed vel per separationem auri ab argento, vel cinnabrio, aut antimonio, vel ab omnibus simul, quibus primò inexistebat, factam, produisse.

ARCANUM II. Chymicum.

Quo Hydrargyrum in optimum argentum converti dicitur.

Fuit hoc arcanum à magno quodam principe, cujus nomen consultò, reticeo, mihi communicatum, qui & summo suo emolumento arcani veritatem se comperisse fassus est. Sic autem proceditur: Quatuor ad hujus arcani complementum necessaria sunt. Pri-



EXPLICATIO FABRICÆ.

A Vas vitreum materia C refertum.

B Operculum vasi A collatum.

GH Tigillum arena refertum.

D Lampas oleo olivarum referta.

E Elychnium subereis alis instructum.

F Flamma lampadis.

LLL Spiracula subsequentis loculamenti.

VXIK Loculamentum intra quod vas A vitreum collocatur.

VXMNOP Abacus cui loculamentum superponitur; in medio RS pertusum, ut flamma fundum vasis GH prope attingere queat.

TY Tripes supra quem lampas ponatur. Tota fabrica deinde claudatur.

mò vas chymicum cum luto sapientie; Secundo Tigillum cupreum; Tertio Locus una cum lampade asbestino elychnio instructa; Quarto ingredientia, quæ sunt argentum, aqua fortis, mercurius, & oleum Vitrioli. Accipe itaque primo pro vase Chymico vas vi-

treum, instar cylindri tantæ latitudinis, ut manu id facile penetrare queas, ejus capacitatis, quæ mediam aquæ, aut vini mensuram facile admittat; Figuram ejus expressam vide in schemate. A. Secundo, intra hoc vas immitte optimæ aquæ fortis uncias octo, & opti-
mi

Lutum fa-
pientiae ex
quibus fiat.

mi prius Cupellati argenti, minutimque limati uncias tres, quæ simul commixta intra horæ quadrantem in aquam solventur. Hoc peracto, aquæ huic appones argenti vivi, probè prius à facibus purgati libram unam; modus purgandi mercurii est per coriaceam bursam expressio; hoc etiam peracto vas vitreum luto sapientiæ probe claudes: fit autem lutum sapientiæ ex farina tritici, calce viva, & argilla anaticè commixta, & albugine ovi subacta. Postea accipe tigillum cupreum sub forma pelvis, latitudinis spithamæ, altitudinis transversæ palmæ manus: quod arenâ candida munitum, ad dimidium usque altitudinis vasis adimplebis. Hujus pelvis, arenæ vas vitreum jam oblutatum impones eâ industriâ, ut transversî digiti distantia à fundo vasis intra arenam elongetur, minimè verò fundum tangat. Hoc quoque peracto, accipe lampadem, vel quodlibet aliud vas ex quacunque materia operi exequendo opportunum oleo olivarum refertum, intra quod elychnium asbestinum innatet subereis alis suffultum; quod accensum tantum det luminis, quantum candela ex cera domestica, & mediocris crassitiæ dare solet. Hanc lampadem impones intra aliud quoddam receptaculum undique clausum, supra tamen, & è lateribus quædam foramina habeat, ut per ea fumus, & fuligo exire possit, atque ignis aëre necessario frui; & hujusmodi complexum ponatur intra cameram, quam stufam siccam vocant, sive in loco tepido calore imbuto. Deinde pones tigillum unâ cum vitreo suo vase oblutato supra lampadem, eâ industria, ut flamma fundum tigilli non immediate feriat, sed ab eo transversî digiti spatium remota sit; atque hoc pacto relinquant 14 dierum spatium in sua digestionem: quibus elapsis vas aperies, eique octo lotones olei ex vitriolo confecti, & denuò clauso per lutum vase, lampadi, uti prius, superimpones; & præteritis aliis 14 diebus vas denuò aperies, & in fundo vasis reperies unam libram argenti in usum aurifabrorum, quod tamen cupellam adhuc desiderat. Tres libræ partes in tuum usum, lucrumque exemptas sepone, at tertiam libræ partem denuò vasi chymico restitues: Cui tantum mercurii superaddes, quantum una tertia argenti pars pendet; atque unâ duas uncias aquæ fortis optimæ, & totidem uncias olei vitriolici, ita ut argento vivo impositæ res superemineant ad mediam vasis partem; tantum enim ex tota materia illud impleri debet, non ultra; deinde denuò vas oblutatum lampadi committatur, ad 14 usque dies, quibus elapsis aperto vase invenies, uti prius unam argenti libram; à qua tribus partibus in tuum lucrum separatis, quartam intra vas relinque, tantumque iterum argenti vivi superaffundes, quantum ½ libræ pendet, unâ junctis duabus uncias aquæ fortis, & duabus olei vitriolici, uti supra, clausumque vas, oblutatumque denuò lampadi committas, & elap-

sis 14 diebus idem reperies, id est, unam libram argenti, à qua ½ abstractis in tuum usum, unam relinque vasi, cui denuò tantum argenti vivi unâ cum duabus aquæ fortis, & olei vitriolici uncias adjunctis, vas clausum denuò lampadi superimpones; & hoc pacto eodem semper in multos annos continuato processu, argentum mirum in modum, uti putant, augmentare poteris. Observa tamen, singulis diebus lampadem repleri debere oleo, ne oleo consumpto flamma æquo remotius à fundo tigilli recedat; elychnium emunditione non indiget, cum inconsumptibilis asbesti filis contortum sit: neque interest, si ultra 14 dies vas in sua digestionem relinquant, cum quod in ea moratur longius, eò materia perfectius digeratur, argentumque purius evadat. Qui verò plura hujusmodi chymica vasa in operis executionem assumpserint, iis quoque major argenti vis in lucrum cedit: majori verò vasi, & materiæ, major quantitas, & elychnia plura correspondere debent. Atque hoc est chymicum artificium, quo quempiam toto vitæ tempore commodè vivere posse ait, is, qui id mihi communicavit. Jam verò, an istiusmodi argentum verè, & propriè argentum sit, & qua de causa tantum incrementum capiat, examinandum restat.

In hoc itaque tres uncias argenti puri ingrediuntur; octo uncias aquæ fortis; argenti vivi libra una, olei vitrioli uncias octo, quæ junctæ simul, dant 21 unc. id est; duas libras exceptis 3 uncias, à quibus subtractæ 3 uncias argenti puri, remanent octo uncias, aperto autem vase extrahis inde unam libram argenti. Quæritur, unde & quomodo 7 uncias argenti ipsi accreverint? Respondeo, cum argento vivo puro puto, uti & aquis fortibus, aut vitriolo argentum actu non inexistat, nisi minimæ illæ particulæ, sive corpuscula argenti singulis prius à Natura commixta fuerint, uti ex secunda suppositione patet: quæ semimentruo spatio igne macerata, & circulata tandem exiguo illi trium unciarum argenteæ portiunculæ sympathico confluxu cohaerescunt, atque adeo unam argenti massam 12 unciarum conficiunt: quia tamen sola illa corpuscula pauciora, quam ut septem unciarum corpus argenteum constituent, videri possint; necesse est, salina quoque corpuscula, quæ tum in mercurio; tum aquis fortibus, & vitriolo sparsim continebantur, argenteæ massæ una cuncta, in 12 unciarum argenti massam excreverint. Quod nisi dicamus, frustra totum mercurium, aquam fortem, & vitriolum in argentum transmutatum fuisse dicemus. Cum fieri non possit, ut id, quod ex se, & sua natura actu, & essentialiter non habet, hoc tamen dare possit. Restat itaque, totam septem unciarum argenteam massam ex solis iis argenteis corpusculis, dictis ingredientibus commixtis, unâ cum salinis corpusculis iis inexistantibus constitutam fuisse; & clarè patet ex undecim uncias liquoris, aut scoræ post

Examen
processus

002

opera-

operationem peractam superflua; quæ minime restitissent, si per transmutationem coaluissent: cum per hanc totum in totum converti, ut vera transmutatio dici possit, debeat. Quæritur itaque, utrum argentum hoc pacto comparatum, verum argentum dici possit? Respondeo, quod ita, etsi id cupellæ commissum multò minori copia ob heterogenearum partium commixtarum separationem, prodeat. Undè quoque patet, negotium minimè succedere, si dictis ingredientibus nulla corpuscula argentea inextiterint, vel pro majori minorive eorum commixtione plus, minusve argenti emergat. Ad do, vix ex hac pragmatia tantum argenti prodire, ut sumptus impensos restituat.

ARCANUM III.

Quo pars cum parte juncta aurum prodit.

Accipe unam unciam argenti puri, quod albo sulphure prius purgatum sit, & duas uncias auri laminati, simul liquefiant: deindè accipe $2\frac{1}{2}$ uncias, stratificentur simul in terreo, vel ferreo vase, & calcinentur in ardenti arena, quod calcinatum est, in pulverem redigatur, cui æqualis ponderis mercurium sublimatum junges, superaffuso quinque unciam pulvere, omnia simul per retortam usque in oleaceum liquorem tribus vicibus distilla, atque intus præcipitatum manebit, quod minutim conteres, cui adjunge sequentis fluoris uncias quatuor; Sic autem fit hujusmodi fluor: Accipe album tartarum unciam unam, salnitri 3. Boracis duas; Sal ammoniacum $\frac{1}{2}$ vitrum Veneticum $\frac{1}{2}$ unc. omnia simul contrita minutim; de hoc inquam quatuor uncias præcedenti præcipitato junges, positaque in mundo tigillo, coopertoque igni expones ad unam horam, & habebis regulum, quem minutim contritum cæmenta, quod fit eo qui sequitur modo: Accipe è scobe chalybis q. f. duas uncias sulphuris prius calcinati, antimonii uncias quatuor, igne forti fusioni committantur, unà circiter horâ; deindè accipe ex hoc contrito duas uncias, unam unciam æris viridis, sive æruginis, unam unciam cinnabaris, unam unciam salis ammoniaci, galaminæ 4 uncias: quæ tamen prius communi sale æqui ponderis calcinata denuò solvas, & tribus vicibus aceto forti incocta relinquantur ad exiccandum, hoc pulvere regulum suprà relictum cæmentabis, quo peracto habebis, quod propositum fuit aurum, omne examen sustinens; utique paulò plus auri, quàm quod, dictas ob causas, imposueras.

Sequuntur Arcana, quam Confirmationem vocant, & est sulphur fixum Lunam in Solem tingens.

Supponam hoc loco nonnulla Arcana Chymica, quæ ex abditis & variis figurarum

emblematumque involucris, ex mystica tum Arabum, tum sequacium *Lulli* officina deprompta erui, ex quibus lapidem veterum Philosophorum nil aliud, quàm quod hîc ponimus, fuisse patebit: Dicit enim vix potest, quantum fallaces ad affectatam Lapidis structuram convincendam faciant figuræ emblematicæ; quantum allegorica verborum, nominumque intricatio, dum plerique non plebæi tantum, sed & sapientes protinus ad id, quod vel ipsis admirandum, vel ad summam beatitudinem consequendam proficuum esse potest, pleno quasi impetu ruant, nulla rerum habita consideratione, sine ulla adhibita rationis statera in illud veluti vertigine agitati ex anxia auri fame rabidi prolabantur; Quod vel indè patet, quod nonnulli ex *Paracelsi* assecris, uti mysterium illud sub acrostychide contentum, de quo suprà mentionem fecimus, non tantummodò venerati sint, sed & variis figuris emblematicis, & symbolicis adornaverint, ut opus magnum, quod conficere ignorant, arcanis saltem symbolis & fucata nomina dispositione, id summum quippiam & inauditum se proferre ostentarent. Sed quia res ad vanitatem Alchymistarum demonstrandam, digna est, hîc Emblemata supponam.

Ex Chymicis Manuscriptis fraus extracta.

Fiet Inde Xenophontis Verum Mandatum.


Hæc sunt mira illa arcana, quæ sub ridiculis Figuris & emblematicis fatui ciniffones mundo exhibent, quarum interpretationem jam apponemus; ne *Oedipum* eorum dolus, & fallacia subterfugisse videatur, magno enim semper conatu in istiusmodi eruendis incubuimus. In prima Figura circulus ambit trigonum cruce insignitum, cui \odot & Ψ figuræ includuntur; in circulo habentur hæc verba: *Sola Vera Laudat Philosophiam Habentes Voluntatem Rectam; Fiet Inde Xenophontis Verum Mandatum Mira: Si ex hisce nominibus initiales vocum literas in unum coegeris prodibit SULPHUR FIXUM.* quod & trigonum unà cum annexa cruce, nota Φ Sulphuris apud Chymicos usitata significat; ubi apertè patet, Alchymistam dum *sola* pro *sola* ponit, linguam Latinam ne quidem intellexisse. Secunda Figura habet tres circulos cum trigono cruciato & inscripto, in primis duobus circulis eadem verba, quæ in prima Figura, ne mysterium latens, & legentibus, arcanumque admirantibus statim pateret: Initiales enim vocum literæ id, quod prius notant *SULPHUR FIXUM*, quod nota quoque Chymica Φ demonstrat; Verba verò in tertio circulo posita eadem sunt, quæ in prima Figura circa trigonum descripta scilicet, *Lege omnes Sophos ergo sic tuos*, quæ verbis stupide con-

*Sola
Vera
Laudat
Philoso-
phiam
Habentes
Volunta-
tem
Rectam
Fiet
Inde
Xenophen-
tis
Verum
Manda-
tum.*

constructis indicant, omnes Sophos, seu Philosophos per sulphur fixum primam lapidis materiam intellexisse. Tertia figura stupidi cujusdam Alchymistæ fuit, qui verba mysteriosa ex Paracelso extracta in hanc figuram transtulit, circulo ambiente trigonum.

In circulo habentur hæc verba: *Visitetis Inferiora Terra Rectificando Invenietis*, & in altero semicirculo: *Occultum, Lapidem, Veram Medicinam*, quarum vocum initiales literæ *VITRIOLUM* indicant, & sub figura hæc verba ponuntur:

Fig. I



Ex Chymicis
Manuscriptis.
Fraus detecta

Fig. II





Fig. III



Visitetis Inferiora Terra Rectificando Invenietis *Occultum, Lapidem, Veram Medicinam* *Fiet Inde Xenophontis Verum Mandatum.*

Quorum initiales literæ dant F I X U M. Sub hac itaque figura Lapidis materiam indicant Vitriolum Fixum.

Habetis hîc quotquot Alchymia: dediti sunt Sulphur fixum, & Vitriolum fixum, verum utique lapidem non philosophorum, sed fossorum proprium, quem ubique facile reperietis; & quid tandem? hoc enim jam cognito, tantum scio, quantum prius: nosse enim cuperem; quis usus tam mysteriosi Lapidis; quid rogo, cum tali Lapide, Sulphure, & Vitriolo fixo faciemus? anne aurum inde educemus? tantum sanè puto extrahi posse, quantum ex carbonariis culinæ quisquiliis. Annon hoc est contradicere omnibus priscis philosophis, qui primam Lapidis materiam non Sulphur, non Vitriolum, aut Arsenicum, sed Mercurium unanimi consensu posuerunt. imò expresse omne sive minerale, sive metallum ab operatione lapidis proscripserunt, his verbis: *Metallum, quod opus nostrum ingreditur, non est aurum, & argentum vulgi, non aliud imperfectum metallum, aut minerale quodcunque, sed proprium philosophis.* Hoc pacto Paracel-

sus arcanum lapidis extra omnes mineralium limites collocat; cum tamen in processu nulla alia re, nisi metallicis, mineralibusque titatur. Ego verò intensionem eorum penitus concipiens causam video, quare secretum hîsc schematis obvelandum censuerint: Legerant ii processum ad aurum graduandum, quem dum non intelligerent, saltem ne quidpiam nescire viderentur, illum insulsis hujusmodi emblematis abdidere. Sed ne nihil hîc intactum reliquisse videar, apponam totius rei processum juxta intensionem veterum, cum emolumento quodam, non tanto tamen, quantum Alchymistæ sibi imaginantur; undè non tam lucri causa, quam experimenti, quod sane pulchrum est, clare exponendum duxi.

Expositio
arcani.

Nota primò, per *confirmationem* hoc loco à Chymicis nihil aliud intelligi, quam tincturam quandam, quod idem ac sulphur fixum, quæ tinctura totius operis complementum merito, ut ipsi sentiunt, dicitur; nam instar fulminis omnia metalla penetrat, iisque convenientem colorem dat; & quemadmodum totum magisterium consistit in tribus hîsc:

pondere, fixatione, & colore, quæ per triangulum circulo inditum significantur, ita illa intra materiam introduci debent, ut Luna Soli mixta in aurum immutetur; etiamsi verò pondus, & fixationem obtineas, illa tamen cupellæ commissa subsistere non poterunt sine confirmatione, sive tinctura, quod *Sulphur fixum* vocant: quomodo verò illa tinctura, seu sulphur fixum conficiatur, appono.

PROCESSUS I.

Confirmationis, seu tincturae in ☉ convertentis.

Processus I.
Tincturae
in ☉
convertentis.

Accipe unam semiunciam sulphuris optimi; & tres semiuncias crudi antimonii, quæ fusioni commissa dabunt regulum colophoniam refinam fusum. Ex hoc accipe duas semiuncias, sive unam unciam cum dimidia, atque unā ex ☉ & ♃, ex singulis unam semiunciam, quæ tigillo commissa simul fundantur, & deinde quatrimum noctu, diuque in olla optimè oblutata intra calidam arenam ad digestionem exponantur, & hoc pacto tres memoratæ res non amplius ad invicem separabuntur, & volatilia fiunt juxta naturam, & albedinem antimonii: atque hæc est aqua penetrativa, & vocatur aqua, quæ tingit ad 18. grad. Hanc aquam reserva ad usum post exponendum, & à peritis vocatur aqua ad 18 graduativa.

PROCESSUS II.

Solutionis sulphuris fixi ad volatilitatem.

Secunda figura significat processum solutionis sulphuris fixi ad volatilitatem. Et quemadmodum in ea initiales vocum literæ simul collectæ, sulphur fixum, indicant; ita figura, seu nota Chymica Δ in medio posita sulphur, per circulum verò notæ trigoni inscriptum, aliud non significant, nisi sulphuris fixi in ☉ commutationem, quod & in figura prima ☉ & ☿ conjunctio indicat. Sed jam processum, quem ipsi subticuerunt, aut nesciunt, nos in apertam lucem sincere eduemus; Hac verò ratione sulphuris fixi solutio ad volatilitatem præparatur.

Præparatio
sulphuris
fixi soluti
ad volatilitatem.

Accipe auri semiunciam, sive unum lotonem, quod in pulverem limatum igni leni 8 horis imponatur; deinde accipe tres semiuncias, seu 4 drachmas tartari ad albedinem calcinati, semiunciam salis, & 4 lotones salis ammoniaci, simul omnia misce, ex hoc mixto cape ad unam semiunciam, tres quintas unius unciae auri, (*Nota bene*, nos per quintas partes, drachmas intelligere, & per lotones semiuncias) contere simul unā cum supradicta materia imposita humili alembico, cui superaffundes aquam fortissimam, & alembico posito in balneo Maria distilla sexies, & tribus vicibus ultimis cum nova aquæ regiae appositione; hoc enim pacto ascensione materiæ peracta, eam leni calore expositam relinques spatio 24 horarum, separa deinde à

calce aquam fortissimam, ad dulcedinem usque, tandem exicca, & fige artē nota, & habebis propositum, cujus usus sequitur.

Accipe ex supra dicto Processu primo expositā aquā argentea ad 18 graduativa unum lotonem, seu dimidium unciae, & tantundem auri præparati, & tantundem stanni, antimonii verò 4 drachmas, quæ simul juncta, & evaporata relinquunt corpus, ex quo sumes 2 semiuncias, & 3½ uncias antimonii crudi, quæ fusioni committantur, quo facto aurum in se trahit tincturam ad 18. grad. Luna consistente, obtinebitque sulphurei coloris supremum gradum, optimo auro parem. Hanc pragmatiam quoque apud *Lullum* in sua clavicula, & *Isaacum Hollandum* reperio, quamvis aliis verbis, symbolicoque verborum involucro tectam: estque ad mentem veterum sapientum; hoc tantum excepto, quod ingredientia in opus hoc, additionem auri, & argenti vulgi, reliquorumque mineralium admittant, quam tamen subdolè negant veteres, ne aut secretum, si quod est, pateat, aut ne fraudis convincerentur.

Alter per II. confirmationis Processum.

Sume ½ unciae, sive lotonem Lunæ in 18. grad. exaltatæ, uti in primo processu præscripsimus, aurique præparati in secundo processu, lotonem cum dimidio unā cum lotone 1½ stanni, ponantur omnia simul in tigillo terreo, & regulum inde resultantem evaporare finas: adde deinde insuper unam unciam stanni, & habebis materiam per regulum unitam: deinde ex auro in Secundo processu præparato, & ex antimonio crudo accipe 1½ unc. ponantur in vesica descensoria, distillatione urgeas usque ad reguli sublimationem; hunc deinde, pulvere ex veteribus calceorum soleis adusto stratificabis, & deinde quartabis ad summum, ut termino Chymico utar; & habebis desideratum aurum ad 18 grad. tinctum. Hoc iterum brevius perages. Sume uti supra ex supra præparata Luna 18 grad. exaltata, & ex auro præparato, quibus junges regulum ♃ tanto pondere, quantum ☽ posita pendet; vesicæ simul omnia committantur, quo facto, huic massæ commiscebis bis tantum antimonii crudi, quantum massa pendet, quam deinde igne evaporare finas, quod reliquum est, per ♃ abstrahes, & habebis aurum ad 18 grad. uti dicunt, exaltatum; quod tamen aliud aurum non est quam illud, auri & argenti quod imposueras; ad summum depuratione exaltatum, cujus tincturā & reliqua mineralia commixta, participant.

PROCESSUS III.

Quomodo veteres vi lapidis, sive sulphuris fixi, exaltarint aurum super omnes gradus auri mineralis obrizi.

Hic processus fit per Regulum graduatum, in quo latet sulphur fixum unā cum sua

sua additione ; estque tinctura qua Luna in 26 grad. aurum convertitur, & omnia examina sustinet, & sic proceditur : Sume duas uncias antimonii crudi, & 1½ unc. auri. Unam unciam cupri ; ex recremento chalybis, sive ex limaturæ ferri scobe ½ unc. ex quibus fufis regulus exhibit, deinde sume Bismuthum, sive plumbum cinereum, & antimonium crudum ; ex utroque tres uncias, & insuper 3 uncias plumbi communis ; ex quo fuso exhibit alius regulus. Hoc peracto, accipe ex supra adducto Processu primò præparata & in 18. grad. exaltata Luna, ½ unciam, quam tigillo committe, cui junges ex regulo graduato paulò ante præparato ½ unc. partem ; atque ex regulo cinerei plumbi, seu Bismuthico ½ unc. septies in retorta abstrahere, & habebis additionem auri ex regulo cum D ad 26 grad. exaltati, aurum omne examen sustinens, optimum, & uti dicunt, auro obrizo excellentius. quod de summa depuratione dictum velim.

PROCESSUS IV.

*Quo sulphur fixum per commune sulphur
obvium Lunam obiter purgatam in
Solem tingit.*

Sume ½ unc. auri puri communi sulphure sulphurizati usque dum fragile reddatur, & sulphur consumptum sit ; Recipe aurum hoc præparatum, & denuò recenti sulphure stratificetur ad sulphuris combustionem, & hoc pacto septies procede. Deinde sume aurum sulphurizatum, contere illud supra marmor in pollinem, & imposito ei in alembicum superaffunde aquam regiam, qua abstracta usque ad oleitatem reaffunde illud supra aurum, addita recenti aqua fortissima, seu regia, & hoc tertio facies ; quo peracto, superaffuso illi fortissimo spiritu vini, exponatur leni calori, & hoc peracto spiritus vini ad se attrahet omnes alios spiritus, qui leniter spiritu vini abstrahantur, & in fundo materiam liquidam, reperies, quam bifariam divides, primam partem in corpus coagulabis arte notâ, vocant præcipitatum, quæ in pollinem redactum vitreo vasi repones, & alteram dimidiam materiæ liquidæ partem ei affundes, & iterum in unum corpus coagulari sinas, & habebis opus consummatum. Hujus pulveris ope Lunam purgatam cæmentabis, & habebis aurum quæsitum, ita ut una pars hujus pulveris ad decem partes Lunam purgatam in fusione, illas in aurum tingant ; quamvis semper in cupellæ examine minus reparias ; & nonnihil sophisticum oleat.

PROCESSUS V.

*Confirmationis tinctura, seu sulphuris fixi per
cæmentum nobile perficiendus.*

Sume 2 uncias auri puri, & 1½ unc. communis cupri, quæ simul fusioni committantur, in corpus ; & dum fluit materia acci-

pe ½ unc. sulphuris circiter, quam paulatim intra fusionem projicies ; hoc facto exceptam materiam contere cum ½ unc. cinnabaris mineralis minutim, deinde contritum impone vasi, eique sequens oleum superaffunde benè commixtum. Oleum sic fit : Accipe vitrum antimonii 2 uncias ; unam unciam salinitri probè purgati ; hæc contrita in pollinem humili vase, in cinere calida exponantur, vase charta obstructo, in fusione relinquantur non nimis longo tempore, quo peracto frige factæ materiæ superaffunde fortissimum ex vino acetum, usque dum materiam cooperiat, & deindè per alembicum acetum abstrahere, & hoc quatuor vicibus repetes, & quinta vice fortius, usque dum nihil amplius ex aceto supersit ; quod sequitur oleum sanguinis instar ruberrimum est ; à quo phlegma aceti abstractum dabit oleum requisitum : hoc oleum superaffunde supradicto pulveri in vase recondito, cum dicto pulvere benè commisce, usque dum paulatim coaguletur ; deindè iterum dicto affuso oleo, uti prius coaguletur, atque hanc operationem tertio repetes, & habebis cæmentum præparatum ad Lunam in aurum convertendum. Hæc ferè eadem invenies apud *Paracelsum Lib. de gradationibus*, quamvis tot, tantisque obscuritatibus involvit, ut vel ipse nesciat, quod asserit, aut saltem si scivit, invidia tactus reticuisse videatur, atque hujusmodi tincturam vocat tincturam Philosophorum ; ego verò eam non nisi sophisticam, & metallurgicam assero. Atque ex hisce meis interpretationibus luculenter mihi innotuit fallax Alchymistarum ingenium, qui ne artem magnam nescivisse viderentur, miris eam figuris obtexerunt, aut si ingenium iis ad emblemata excogitanda aptum defecerit, saltem steganographico artificio rem cooperire non desistunt. Cum ante plures annos Vaticanam Bibliothecam lustrarem : fuit mihi à custodibus exhibitum ingens arcanum, quod veram lapidis conficiendi rationem continere arbitrabantur, cum tamen exoticorum characterum, quibus id descriptum erat, monstra, omnem de eo penetrando spem ademissent, ad me tum temporis hieroglyphicis interpretandis deditum, recurrerunt ; ut si fieri posset, sigilli apertionem tentarem : promisi me tentaturum ; Et domum reversus, characteres protinus arte mihi consueta in alphabetum digessi ; arcanum detectum postero die custodibus Bibliothecæ monstravi, qui sanè magis subitanèam characterum enodationem, quam ipsam artem mirari videbantur. Arcanum tale erat.

*Arcanum Philosophorum, ut ex Saturno facias
aurum perfectum.*

Recipe libram semis Mercurii, & uncias duas sulphuris eorundem : amalgama utrosque simul, ita ut de alterutro nil appareat,

pareat, sed remaneat pulvis niger ex his duobus, quem recipe, & pone in phiala stricti oris, & pone super fornaculam, seu furnellum olla mediante cum cineribus cribratis, ut scis, & fac, quod cineres non ascendant ad materiam, & da in principio ignem levem per octo dies, ad hoc ut spiritus non ascendant, & si quid ascenderit in illis octo diebus, reduc cum illo, quod in fundo vasis remanebit, frangendo vas singulis octo diebus, post primam materiam factam, quæ erit nigra, & sic frangendo vitrum, tere materiam tuam, & reponere in alio vitreo vase, & sic facias omni octavo die, donec videas materiam tuam in colore cineris; tunc diminue cineres per unum digitum, ita quod non remaneat de cineribus nisi per duos digitos, & superpone igni, & tamdiu permittite, donec materia sit rubea; & quando videaris eam rubeam, diminue iterum de cineribus per digitum, & sic per consequens, quousque sit albissima ut nix, & quod postea revertatur in colorem rubeum, de qua medicina recipe unciam unam, & projice super octo Saturni præparati, & fiet Saturnus niger, & durus ut ferrum; de quo ita duro & nigro, projice unciam unam super uncias octo Saturni, & fit rubeus, de quo rubeo projice unciam unam super octo libras Saturni præparati, & habetis aurum perfectum. Laus Deo. Ita Magister Odomarus. Non ut ego puto tota substantia, sed tinctura, quæ commixta simul cætera mineralia in unam substantiam imbuir.

Fucus Alchymistarum, in tegendis arcanis, falsus.

Hoc est arcanum, tot characterum diversitate tectum, in quo tamen nihil est, quod tibi quæsitum emolumentum polliceatur; cum plumbum in aurum sine mercurio Philosophorum ex auro, vel argento extracto, communi omnium philosophorum consensu transmutari nequeat. Sed mercurius tali ratione præparatus, & super quodvis metallum projectus, illud in id, quod est, transmutare perhibetur: undè & hoc arcanum prorsus sophisticum est, ut proinde nulli in ejus *εὐχέλῃ* oleum, & operam perdere consulam: vides ex hoc fucis, quam parum sincera sint omnia illa arcana, seu potius receptæ, uti vocare solent, tot figurarum symbolis adornatæ: tot occultis literarum notis tectæ. Ego sanè hoc testari possum, me nullum lapidis arcanum sub hujusmodi Zyphris occultatum reperisse (quorum tamen ingentem copiam à sua obscuritate vindicatam, & arte mihi propria solutam, apud me reperio) quod non vel ad fucum faciendum, vel ad vexationem ingeniorum adornatum fuerit, cujus apertum signum esse potest, quod hujusmodi receptas, seu arcana postea, vel in *Lulli* Clavicula, vel *Paracelsi* archidoxis, vel etiam apud triviales scriptores, *Portam*, *Veckerum*, *Alexium*, aliosque claris verbis exhibita invenerim. Sic luditur Orbi à clanculariis hisce ciniſionibus. Sed jam ad tertiam

figuræ quam *Paracelsi* esse diximus, interpretationem, calamus convertamus. *Paracelsus* sanè, uti jam sæpè diximus, unus inter cæteros, hujusmodi impostoribus, merito suo adnumerari potest: cum dici vix possit, quam illa arcana, quæ prius vel ex *Lulli*, *Arnoldi*, vel *Isaaci Hollandi*, aut *Valentini Basilii*, aliorumque manuscriptis desumpserat, quam, inquam, mirè affectata verborum obscuritate, aut ænigmaticis involucris, ne plagiarium criminis convinceretur, texerit: & cum omnia dicere videatur, nihil tamen adferat, quod mentem *Lectorum* non dubiam, stupidam, & quidnam de arcano obvelato sentire, aut credere liceat, ignaram prorsus, ancipitemque relinquit: eos verò ipsos, ex quibus desumpserat, insuper ignaros rerum, & falsarios dicere non verecundetur. Sed adducamus verba intolerabili jactantia plena, quæ in præfatione libelli de tinctura physicorum de se profert. Hoc, inquit, *seculo Monarchia cunctarum artium* Theophrasto *Paracelsi Philosophia, & Medicina principii mihi contigit: Ad hoc enim à Deo (verius à Satana) sum electus, ut phantasias omnes excogitatorum, & falsorum operum putaticiorum, & presumptuosorum verborum per ipsum extinguere, siue sint Aristotelis, Galeni, Avicennæ, Mesuæ, vel cujuscunque fuerint, etiam eis adherentium.* Non sufficit ei præsumptioni audaciam conjunxisse, sed & prophetam quoque de sua monarchia vaticinando egisse restabat, quod hisce verbis innuit: *Theorica*, inquit, *namque mea procedens ex luce Natura nunquam labefactari potest ob sui constantiam, nec immutari, quinquagesimo post sesquimillesimum octavo vivere primum incipiet anno.* Certè cum jam quinque anni à vaticinii termino elapsi sint, tantum abest, ut hucusque quicquam tantæ scientiæ dignum prodierit, ut potius pseudopropheta, & impudentissimus impostor ab omnibus passim habitus, & apologeticis scriptis demonstratus sit, ita ut ejus scripta quoque à Sacrosancta Romana Ecclesia, tanquam impia, & Christi fidelibus pernicioſa ex Catalogo Librorum Orthodoxorum expuncta, & prohibita sint; de quo conqueri videtur sequentibus verbis: *Practica*, inquit, *sequens tandem admirandis, incredibilibusque signis comprobabitur, ita ut mechanicis, & plebi communi palam sit futurum, & ipsi penitus intelligent, quam contra sophisticarum nugamenta, constans, immotaque stabit Ars illa Paracelsica, licet illa sophistica Papisticis, & Imperialibus privilegiis in suis ineptiis confirmetur, & tueatur.* Concludit tandem. Hoc arcano, inquit, *postremum seculum, ut gratia dono, verique spiritus illustrabitur manifeste, compensabiturque, sic ut ab exordio mundi simile germen intellectus, & sapientia haud amplius auditum sit.* Qui paulò antè vaticinii eventum suum sortiri 1658. assererat, jam illum ad ultimum seculum Antichristi, vel ut alibi loquitur, ad adventum *Elie, Artista* prænunciat.

Paracelsi fucus.

Intolerabilis *Paracelsi* præsumptio.

Paracelsi libri prohibiti.

Arrogantia *Paracelsi* Prophetæ.

Quis

Quis rogo tale unquam jactantiae monstrum vidit, aut de simili arrogantiae Bombilione audivit? Sed ne tantarum ineptiarum causam decidamus, jam quid praestiterit in hac arte dignum, videamus. Sic autem in Libro intitulo *Aurora philosophorum* dicit. Accepit is Vitriolum fixum pro materia prima philosophorum, quod & in tertia Figura demonstravit hisce verbis: *Visitabis Interiora terra rectificando invenies occultum lapidem veram medicinam. Fiet inde Xenophontis verum mandatum*, cujus initiales, uti supra ostendimus, literae *Vitriolum fixum* exhibent: & per terram quidem intellexit ipsum Vitriolum, per interiora terrae dulcedinem ejus, ac rubedinem: *in occulto enim*, inquit, *vitrioli subtilis, nobilis, & purgatissimus succus, ac purum oleum latet, cujus protectionis modus calcinatione, vel distillatione non est aggrediendus, quia viriditate sua minime privari debet, quia si tamen privetur, una id & viribus & arcano carere necesse est*. Habemus arcanum, faciat jam cui libuerit, ex eo aurum quantumcunque libuerit: Ego sanè hæc non artis magnæ specimina, sed mera malè feriatorum hominum nugamenta judico: Et ne Paracelsus injuriam facere videar, hic Magisterium, quo lapidem fieri posse ad aurum tingendum existimat, adducam, ut ex ipso quid sperandum sit, colligi possit. Sic autem procedit in 13 lib. *Aurora Philosophorum*.

Processus
Paracelsi
in lapidis
confectione.

Primò. Vitriolum minerale, quod multis jam locis tanquam ad artem ineptum rejecerat, jam tamen veluti poenitentia ductus, id in magisterium suum assumit, & uti id multis viscosis, lutosisque imperfectionibus obnoxium est, ita quoque à suis impuritatibus sæpè iteratam rectificationem liberari debere, praescribit, usque dum viriditas ejus manifesta fiat, & nè viror hic in pallorem vertatur, non Soli exponendum, sed calido hypocaufto conservandum praecipit probè contra pulverum injurias munitum.

Secundò. Aliquot mensium spacio, vitro postmodum clauso digestionem committat, usque dum variis coloribus intercurrentibus tandem suprema rubedo appareat, quod commune omnium philosophorum præceptum est; quæ tamen uti nullam adhuc fixitatem pollicetur, ita quoque amplius ab inquinamenti purgandum dicit aceto, donec semotis facibus ab omnibus impuritatibus prorsus liberum fuerit, & absolutum: atque hanc dicit tincturæ veram & optimam rectificationem, de qua oleum, quod vocat, benedictum elici debet hac pragmatia.

Tertiò. Ab hac tinctura vitro indita, alembicoque superposito, ne spiritus exhalet, optimæ notæ luto oblitis commissuris, spiritus igne suavi, lentoque, puto cinerum, vel arenarum, proliciendus est, oleum obtinebis, omni balsamo dulcius, omni acrimonia carens, & in fundo cucurbitæ terra subsidet candidissima, nitens, & nivis adinstar reful-

gens, quam serva à sua rubedine jam separatam. Jam tandem sequitur illud; coelestis matrimonii arcanum, quo anima, & corpus, id est tinctura, sive oleum benedictum terræ candidæ jam purificatæ superaffusum, aded se stringunt, ut impofterum ab invicem separari nequeant. Atque hæc est terra illa foliata, quam phialæ Vitreæ inditam repones, eidemque sensim oleum suum affundes, & corpus animam suam in momento recipiet amplecteturque. Matrimonio itaque completo, restat jam, ut quid id foecundum fieri possit, explicandum.

Quartò. Hanc itaque terram foliatam, oleo saturatam benedicto, intra furnum arcanorum, videlicet Athanor, quadraginta dierum spatio circulandam expones, oleumque habebis absolutissimum mirandæ perfectionis: quo mercurius, & reliqua metalla imperfecta vertuntur in aurum, in infinitum multiplicabile. Hac praxi: *Recipe Mercurium corporalem, id est vulgi, portione duarum partium, quem tribus ejusmodi ponderis partibus olei dicti superaffundes, maneatque simul 40 diebus; atque proportionem obtinebis ponderis, & ordinis, qua multiplicatio fit in infinitum*. Atque hoc est arcanum arcanorum omnium maximum, quod Paracelsus non philosophis, rerumque naturalium peritis, sed plebi imperitæ, & oppidò credulæ persuadeat: hoc enim purum putum mendacium esse, jam demonstrare aggredior.

Aurificium
Paracelsi.

Primò omnium philosophorum Chymicorum consensu prima magni magisterii materia est Mercurius non vulgi, non vitriolum, aut si quod aliud est minerale, sed Mercurius philosophicus est; ut vel ipsemet fatetur in citato libro c. 10. ubi refellit omnes istos, qui lapidem quaesierunt in mineralibus, & tanquam stolido labore deditos arguit, cum tamen ipse primus sit, qui opus per Vitriolum minerale attentaverit. Secundò Mercurius hic philosophorum non ex Vitriolo, aut alio quopiam sive metallo imperfecto, sive minerali concreto succo, sed ex auro, & argento perfectis metallis extrahendus est, ut lapis inde fabricari possit: In hoc verò magisterio nulla neque Mercurii philosophici, neque auri, aut argenti additi sit mentio, sed solius vitrioli: nil itaque facit; cum Vitriolum dare non possit, quod non habet, etsi innumeris purificationibus, digestionibus, calcinationibusque vexatum: tantum itaque praestat hic Paracelsus, quod quivis pharmacopoeus, dum ex vitriolo prius purificato, rectificatoque spiritum, & oleum ruberrimum omnis acrimoniae expers extrahit, uti frequens experientia in nostra pharmacopoeia nos docet: concedo etiam sedimentum in cucurbita remanere candidissimum; Sed quod oleum vitrioli paulò ante extractum huic terræ affusum, & 40 diebus circulatum, & tandem supra Mercurium vulgi projectum, illum in aurum convertat, hoc nunquam nec vidi, nec audivi. Quid enim quaeso in vitriolo est, quod

Processus
Paracelsi
falsus demonstratur.

Pp

quod auro pondus dare possit? quid rogo ei naturales virtutes? quid colorem tribuet? cum in vitriolo nil horum inesse comperiat: In oleum quidem rosei coloris diuturna coctione vertitur vitriolum, sed non in talem, qualem aurum natura sua appetit, fulvo colore splendentem; quem solum vitriolum sine aliarum additione dare non potest; nisi dicas, id ex corpusculis cupreis, aureisque liquori intermistis tincturam auro dare, quod jam sophisticum est; certe *Lullus*, *Arnoldus*, cæterique Alchymiae primipili, in omnibus magisteriis, uti ex *clavicula*, & *Rosario* patet, nonnihil auri, & argenti materiae loco fermenti commiscunt, ut proinde omnes in Turba Philosophorum, sine Sole, & Luna nihil in opere hoc fieri clament: quos omnes hic adducere possem, si res mereretur.

Obiectio
Alchymist.

Sed dicent *Paracelsus*, hoc Magisterium non ad literam, sed sublimiori parabolico sensu intelligendum esse. Respondeo, hoc proprium impostorum esse: aliud ore, & penna, aliud animo significari; Certe ex hujusmo-

di magisterio parabolico quid aliud sperare possumus, nisi aurum parabolicum, quod non arte, aut natura, sed ex stulta hominum imaginatione natum est. Similia magni magisterii specimina edidit in citato *Libro c. 11.* ubi arcanum verum, & perfectum ex arsenico producit ad albam tincturam, ubi in *Gebrum*, *Albertum*, *Rasim*, & *Polydorum* tanquam falsarios invehitur, idque in iis carpit, in quo ipse peccat; imò totus est in exaltando arcano tingentis spiritus, qui ex eo extrahitur: hujus enim pars una super sedecim partes imperfecti metalli projecta eas in Lunam excellentissimam tingit, tinctura utique nulla alia, nisi ea, qua experientia trita cuprum rubrum in album commutare solemus, de qua in *experimentis Sequentis Libri*. Quæ porro *Paracelsus* de electri virtutibus dicit, *lib. de Compos.* illud uti ex argento, & cupro originem suam habet, ita quoque cum variis rebus coctum, in massam auri sophisticam tandem degenerare necesse est.

CAPUT III.

DISQUISITIO I.

Chrysopœia artificiali Chymicorum.

Motus in
natura re-
rum quis.

Est in rerum natura quidem intrinsecus principiorum cujusvis corporis motus, quam non incongruè fermentationem appellare possumus, cum tendentia ad perfectionem ejusmodi corporis, vel ob mutationem ad aliud: quod vel maximè in elementarium motionum varietate elucescit, quæ uti ex corpusculis minimis constant, ita quoque vel proprio Naturæ impetu, aut occasionaliter in motum concitata, se mirum in modum exagitant, & exagitantur, se invicem diducunt, & involvunt: quæ Naturæ benignitate subtilitatem consecutæ, mox avolare nituntur, sed à crassioribus reticulis, ne prorsus avolare queant, detinentur: interim crassiores à subtilibus mira lucta in tantum inciduntur, attenuanturque, donec unà cum subtilioribus exaltatæ, evectæque aut debitam perfectionem acquirant, aut alterationes à Natura designatas compleant, quæ est totius Meteorologiae summa: hinc enim Raritas & Densitas, opacitas & perspicuitas, flacciditas, liquiditas, fixitas; hinc per humidum, & ficcum molities, asperitas, flexibilitas, ductilitasque rerum omnium originem habet. Sed jam ad argumenti propositi scopum revertamur.

Omnia
mixta con-
stant ex
corpuscu-
lis mi-
nimis.

Nemo Philosophorum hucusque negavit, totum ex partibus vel similaribus, vel dissimilaribus constitui: Undè quoque cuncta metalla tam perfecta, quàm imperfecta, fossiliumque quorumcunque tandem mixta ex corpusculis, quorum singula naturam totius sapiunt, constare, non Democritorum atomis, sed veris, & realibus, imò armato oculo

subindè sensibus haud invidis; quæ in concretis corporibus simul unita unum quidpiam constituunt; at igne, aut alib quovis calore, aut igni, calorigue analogis nonnullis rebus, uti aquis fortibus, succisque acidis per continui dissolutionem separata, mox veluti assumptis alis, mira agitatione in spiritus resoluta, tumultuantur: Horum aliqua in fundo vasis pertinaciter manent, & fixa dicuntur; quædam in altum evolant, mox frigore obvio reditura; nonnulla prorsus in fumum evanescent; sunt quæ evolutia veluti poenitudine ducta ad fixum, à quo evolaverant, suapte sponte postliminio revertantur. Et quoniam nullum in rerum natura corpus ita expurgatum est, ut non in eo nonnulla heterogeneæ materiae miscella resideat, quæ uti calore, ita quoque plerumque naturâ pro dissimilari naturæ conditione differunt. Hinc accidit, ut quæ similitudine naturæ gaudent, ad similia nescio quo potenti magnetismo confluant, aurea ad aurea, argentea ad ea, quæ argentum appetunt; ferrea ad ferrum, ad plumbum plumbea, salina ad salem, ea potissimum, quæ in concretis succis, liquoribusque aluminosis, nitrosis, vitriolatisque nidulantur; Sulphurea, Arsenicalia, Marcasitica, Orichalcica, quæ aureo colore fulgent, aureis se corpusculis jungunt: plumbea, & stannea, & quæ ex antimonio, Magnesia, Cadmia, Bismutho, similibusque constant, ad argentum, vel ad stannum, vel ad plumbum naturæ quadam cognatione concurrunt. Ex quorum variè com-

Attractus
magneti-
cus simili-
um ad
similia.

combinatorum concursu nascitur ingens illa colorum varietas, quam in chymica pavonis caudâ satis mirari non possumus. Quæres quomodo illud fiat? dico id ex diversa mineralium vario colore tinctorum commixtione, mox ac resoluta fuerint, fieri; quorum aliqua simili & colore, & proprietate dotata sunt; alia in hanc partem, alia in aliam, quædam hinc, quædam illinc confluant, atque hoc differenti, & disjuncto corpusculorum similitudine confluxu, eam, quam diximus colorum varietatem exhibeant; si verò ulterioribus ignis tormentis materiam sollicites, contingit, ut singulis à tanta corpusculorum confusione vindicatis, unicuique separatus locus assignetur, quibusdam in aquas, aliquibus in spiritus resolutis: nonnullis in scorias, aut vitream materiam coalescentibus, aliis in fundo residentibus. Separata itaque materia, sola illa, quæ perfectorum metallorum amicitia tripudiant, à cæteris, quæ inferioris conditionis sunt, separatis, auro junguntur, & ab eo tincturam acquirunt, & insuper tinctæ reciproco beneficio, auro quoque molem addunt. Quoniam verò omnia in triplici Naturæ regno mixta consistentiam, & fixitatem à sale chymico terræ elemento obtinent, atque omnia metallica, & quæcunque tandem mineralia ex corpusculis salinis quoad molis consistentiam constituentur; inde fit, ut illæ dissoluto mixto in fusione metallica auro prægnante, ejusdem tinctura imbuantur, & insuper eidem confluxu suo quantitatem molis majorem, quam prius habebat, tribuant. Sectantur itaque tincturam auream omnium potentissimam, ejusque splendore amiciri ambiunt cunctæ reliquorum mineralium particulæ; uti quemadmodum ex chymicis operationibus paulo post adducendis meridiana luce clarius apparebit. Cum Chymia vel ex hoc capite omni laude dignissima sit, quod ex resolutione mixtorum in spiritus, sive in mercurium, sulphur, sal, aquam, terram factâ, corpuscula ex quibus componuntur, manifesta, & sensibus obvia per experimentum exhibeat, & luculenter demonstrant elementaria corpora, quæ non in ἀπλάκη ἀσύνθετα, seu simplicia & incomposita, sed in eas substantias, in quas partes ultimò sensibiles fiunt, res physicæ resolvuntur.

Experimenta per precipitationem.

Liquorem limpidum, in album commutare.

1. **S**I solveris plumbum aut lithargyrium cum aceto distillato, extrahetur aqua quædam limpidissima, aquæ fontanæ, aut aceto distillato aded similis, ut unam ab altera discernere vix queas: hanc vitro impones, acetumque distillatum simillimi coloris ei superaffundes, & statim aqua lithargyrii in candidissimum colorem lactis instar vertetur.

2. Si Antimonium cum nitro calcinatum aquæ fontanæ incoxeris, habebis colaturam

limpidissimam, & ferè inodoram, si tamen huic quemvis acidum liquorem superaffuderis, indè aqua croceo colore tincta, & pessimi odoris prodibit.

Liquorem limpidum in croceum convertere.

3. Si stannum calcinaveris, eique salem tartari liquefactum commiscueris, habebis aquam cœlesti colore tinctam, id est, cæruleam.

Liquorem in cæruleum convertere.

4. Si solutioni gallarum limpidæ, solutione vitrioli commiscueris, prior mox in nigrum colorem mutabitur, quod atramentum dicunt. Sed si huic spiritum vitrioli aut aquam stygiam affuderis, atramentosus color denuò in limpidissimam aquam revertetur, quam si denuò in nigrum colorem reducere velis, idoleum tartari superaffusum præstabit.

Liquorem limpidum in nigrum convertere & iterum in limpidum.

5. Si in charta cum infusione limpidâ vitrioli quidpiam scripseris, ea utique scriptura legi minimè poterit, utpote aquâ limpidâ exarata, at si aquâ gallarum chartam imbueris, mox ea nigro colore conspicua nulla difficultate legetur. Verùm mirum dictu, si spiritu vitrioli eam dilueris, uti prius, disperebunt, quam tamen iterum tartari liquore affuso nigredini suæ restitues.

Secretum steganographicum.

6. Si violarum cæruleæ tincturæ oleum vitrioli affuderis, mox purpurascens: cui si guttas aliquas spiritus cornu cervini junxeris, colorem purpureum in viridem vertes. Iterum lignum acanthicum, quod & nephriticum dicitur, è Brasilia allatum, aqua communi dilutum, tincturam gratè rubicundam vino rubello non dissimilem deponit, huic si parum aceti distillati infundas, liquor instar vini albi limpidus comparebit: at guttæ quædam olei tartari eum denuò in purpureum educunt; huic si iterum spiritus vitrioli infunditur, instar vini Hispanici pallide flavescet. Si Gummi Laccæ una cum alumine addito aquæ limpidæ in vesica coxeris, pulcherrimus inde color rubini adinstar extrahetur. Insigne dentifricium.

Liquorem cæruleum in purpureum convertere.

Varie colorum generes.

7. Si syrupum ex confectioe corallorum spiritui vini affuderis, habebis lac virginis, id est, candidum instar lactis liquorem, non minus jucundum visu, quam gustu suavem; Quæ quidem experimenta in nostro pharmacopœio facta sunt. Innumera alia hoc loco adducere possem hujus generis experimenta: Verùm cum illa partim in præcedentibus monstrata sint, partim in sequentibus simus exhibituri, illis diutius immorari supervacaneum duximus. Quare nil restat, nisi ut dictorum experimentorum causas inquiramus.

Lac virginis.

DISQUISITIO II.

HUJUSMODI itaque phænomenorum ratio aliundè petenda non est, nisi à corpusculis intra cujuslibet liquoris poros contortis: quæ quoad situm, & positionem ab aliquo alio liquore infusæ diversimode alteratæ lucis suæ radios transmittunt, multifariam refringunt, reflectuntque: atque

hinc

Ratio colorum in liquoribus præcipitatis.

hinc supradictas colorum vices emanare necesse est, dum unus alterum interimit, atque alius alterum interemptum denuò resuscitat: Nam ut paulò antè diximus, cum subjecta colorum aliam, & aliam ex corpusculis, particulisque compositionem habeant; nonnullæ siquidem diaphani corporis particulæ, quemadmodum luci simillimæ sunt, ita limpidissimæ quoque, & instar crysalli translucentes comparent, è quibus limpiditas illa liquorum originem suam sortitur; quædam verò opacorum corporum particulæ cum aliam compositionem habeant, colore, & natura differentem, illæ superaffusæ limpidis, eas pro coloris diversitate nunc in flavum, modò in purpureum, jam in cæruleum, & tandem in nigrum tingentes, opacitatem inducent: Nam prout particulæ in liquore contentæ ab alio infuso modò propius adactæ se invicem complicant, & modò ad has, vel illas positionum series ordinantur, indè coloris diversitatem consequi necesse est: Etenim liquor hujusmodi corpusculis minutissimè confractis impugnatus, quasi militum statis ordinibus dispositorum aciem exprimit, qui modò se contrahunt, modò dilatant, nunc hanc, jam aliam figuram expriment.

Ratio colorum qui in præcipitatione diversorum liquorum spectantur

Oleum Tartari in alium colorem transmutat.

Cum itaque duo liquores diaphani commissi atramentum conficiunt; ratio est, quod particulæ in utrisque contentæ, limpidæ videlicet, & illæ, quæ opacioris naturæ indolem sapiunt, sibi invicem appropient, & veluti clausis ordinibus collocatæ, luci radiorum aditum intercludant: cur verò à vitriolo, aut alio aliquo liquore infuso atramento expulso pristinam claritatem acquirant, ratio est, quod vitriolum subtilissimis, & acerrimis spiritibus constet, hinc fit ut corpuscula spiritiosa dum pro summa sua edacitate atramentosa illa gallæ corpuscula mox ac invadunt, diaphana scilicet opaca conficiant, discindant, prorsusque segregent; Imò corpusculis diaphanis vitriolicis similium corporum infusione, magnum ex cognatione naturæ incrementum præbent; undè pristina claritas exoritur. Quoniam verò oleum tartari pinguis, glutinosus, opacisque corpusculis, totum constat, hinc fit, ut illius jam restitutæ aquæ claritas, novo superaffuso liquore, corpuscula vitriolica denuò congregata, obfuscata, & viscositate quadam veluti agglutinata, liquorem limpidum denique in pristinam nigredinem tingant. Quamvis enim in liquore utroque claritas primò emineat, nec ulla coloris differentia sensu advertatur, commixti tamen liquores mox veluti pugna quadam exorta, dum acerrimè luctantur, alter tandem alteri pro virium ratione subjacere cogitur. Quod verò violarum tinctura oleo vitrioli superaffuso purpurascit, ratio est, quod illa vitrioli tinctura cærulea tincturæ violæ addita illam in tertium quid, id est, purpureum cæruleo vicinum commutet: eum enim, in quocunq; tandem liquorum commixtorum gene-

nere, colorem acquirunt, quem salina corpora diversimodè tineta, & commixta exhibent.

Quomodò verò lithargyrii aqua limpida superaffuso aceto distillato pariter limpidò in lacteum colorem vertatur, si quæras? Dico id fieri ex corpusculis plumbeis in cerussam aceto resolutis: Undè ex aceto superaffuso cerussacæ particulæ aquæ lithargyrii inexistentes statim ex similitudine naturæ confluentes, aceto fundum petente, condensantur, constipanturque, undè colorem, quem naturaliter infitum habent, eundem jam constipata exhibent.

Vidimus jam ni fallor luculenter, undè diversitas illa colorum, ex unius liquoris in alium præcipitatione exurgat; jam examinandum pariter est, quomodò, ut ad institutum nostrum revertamur, variæ illæ colorum differentiæ in Chymicis operationibus nascantur, & quidnam illi sint spiritus nunc volatiles, jam figentes, modò unum ab aliquo separantes, & quomodo corpuscula illa salina omnibus mineralibus inexistencia, tandem in unum pro similitudine naturæ cogantur, experimentis Chymicis ostendamus.

Experimenta Tincturarum.

1. *Experimentum.* Si Aurum graduatum facere velis, sic procedito. Primò aurum coloris debilis, & pallidi adjecto tartaro per antimonium fundatur, cujus vehementia tum sordes, & peregrinæ misturæ comburantur, & tunc color exaltatus fit rubicundior; quod si non satis elaborata opera, adjiciatur secunda, & tertia; Regulus conflatus indè rectificetur cum plumbo in catino cinereo, seu cupella, vel testa, ut vocant, & habebis aurum graduatum, quod quæsieris; fit autem hoc commode, cum auro superfluitates mercuriales, sulphuræ, & similes inexistant, cumque variis misturis fugacibus, & imperfectis metallis vitiatum est. Si causam hujus graduationis quæras, Dico aliam non esse, quam auream tincturam, quæ partim in antimonio, partim plumbo latet, in quibus ignis efficacia particulæ aureæ solutæ mox ad aurum amicè confluentes, illique jam à sordibus expurgato, non tincturam tantum dant nobiliorem, sed & augmentum præstant, quamvis semper sophisticum.

Quomodò auro color graduatus inducatur.

2. *Experimentum.* Si æri colorem argenteum conciliare velis, id talco calcinato, stannoque assequeris, aut argento per colliquationem, aut etiam projectione pulveris, qui fit ex alba calce mercurii, nutrita oleo tartari, & habebis quæsitum. Nonnulli parum periti putant illud æs dealbatum per plumbum reductum, & sublimatum in cupella, argentum futurum: sed cum hujusmodi æs cupellæ commissum in sua, ex quibus coalluit, reducatur, certè irritò conatu intentum prosequuntur, poterit tamen hoc putaticium argentum servire ad varia utensilia.

Quomodo æs argenteo colore tingatur.

lia. Nos aliquando lufimus factâ aquâ ex argento vivo sublimato cum fale ammoniaco per deliquium, in qua æs, ferrumque restinctum argenteo colore imbutum comperimus.

Plumbo nigro candidum & aureum colorem conciliare.

3. *Experimentum.* Plumbo nigro candidum colorem, & aureum conciliare. Fiat ex arsenico albo, calce tartari, fale gemmæ, & ammoniaco pulvis, quem aceto perfusum macera 7 diebus, maceratum postea id ad ficum excoquito; pollinem hujus super eliquatum plumbum nigrum projiciunt, & candidum reddunt, argenteo colori haud abfimile, ad varia utensilia paranda valdè opportunum: pulchrum quidem experimentum, at exiguæ utilitatis, cum expensæ in eo faciendæ pluris sint, quàm qui in stanno vero emendo infumerentur. Aureum eidem plumbo colorem ita concilia: Fiat medicina ex æruginè, galamina, citrina, sulphure, cinnabari, auripigmento, & fale ammoniaco, quæ in pulverem redacta impastentur felle taurino, aut oleo vitellis ovorum, postea rescicetur, & super prunis in patinis versetur citra adustionem, ac tandem hoc peracto in plumbum fusum projiciatur, & obtinebis plumbum aureo colore fulgens. Ratio hujus dependet ex iis ingredientibus, quæ omnia uti aureo colore imbuta sunt, & insitam aurei fulgoris tincturam habent, ita facile confluent ad id, quod naturaliter appetunt, illique adhærent. Hæc nostra sunt, qui plura desiderat, legat *Birellum* l. 6. c. 2. l. 12. c. 41. In hujusmodi itaque experimentis multi putant, moventem causam esse qualitatem *ἐνέργειαν*, ex potentia materiæ, seu ut nonnulli loquuntur, quæ ex profundo, latibulisque in corticem, & aspectum producat colorem, in quo est aliqua perfectionis nota: sed nos hunc effici dicimus ex prædominantibus corporum resolutorum particulis metallum aliquod respicientibus; quæque non potentia, sed actu materiis inexistant. Hæc enim sub confusa stipantium elementorum turba uti minimæ latent, ita vel sublimatis elementis, vel ipsis è profundo evolutis, constipatæ tandem sensibiles apparent, idque sequenti experimento comprobamus.

Experimentum.

4. *Experimentum.* Sume plumbum Indicum, quod caloëmum dicitur, hoc confunde cum plumbo cinereo (quod alii marcasitam, vel bismuthum excoctum, quidam albæ magnesiæ regulum dicunt) in cochleari ferreo prunisque admoto, mox quod prius argentei erat coloris, in varios colores, aureum, argenteum, nigrum, cæruleum, viridem, purpureum, ad miraculum usque transmutatum videbis; cujus quidem rei ratio alia non est, nisi quod bismutho. communi Chymicorum opinione, mercurio feracissimo, omnes colores insint, quæ tum vel maximè se conspiciendos præbent; cum ignis efficacia, & frequenti coctione materiæ ex differentibus mixtorum particulis compositæ ad superfi-

ciem extractæ fuerint, bismuthum enim uti variâ miscellâ scatet, ita & corpusculis, quæ igne dissoluta, sympathico amicorum ad amica confluxu deteguntur, undè mira illa varietas. Sed de hisce affatim in *ultimo hujus Operis libro, de Arte Metallica.*

Nihil in Alchymicis operationibus celebrius est, quam opus fixationis, qua sola metalla in aurum, argentumque verè, & realiter transmutari Alchymistæ sibi imaginantur: quod num ita sit, exponamus: Præstant autem id triplici magisterio, salium, oleorum, liquorum. Est autem fixatio nihil aliud, ex mente Alchymistarum, quam cum corpus recipit spiritum tingentem, & aufert ejus volatilitatem, quod per frequentem reiterationem fit, donec fiat corpus perpétuæ durationis, totumque in igne maneat, juxta illud commune Alchymistarum: fac volatile fixum, & fixum volatile, donec inferius fiat superius, & contra; id est, donec partes ad homogeneam naturam perveniant uniformem, & similem ad exemplar auri puri. Hinc tantum in metallis, mineralibusque fixandis studium, & contentio: alii quidem id per aquas fixatorias, & per sales cum cæmentis mirabilibus: quidam sublimationibus, reverberationibusque diuturnis idem quæsi-

Quid sit propriè fixatio chymica.

Varii modi fixationis.

5. *Experimentum.* Fixatio per cinnabarim. *Cinnabaris artificiosa vulgaris trientem contere in marmore duro addita aqua forti, deinde hoc cucurbita inditum, sequenti oleo imbue: Extrahere per acetum forte lithargyri essentiam, & dempto aceto lithargyri pulverem in vitro perfunde vini spiritu fortissimo, & denuò illum extrahere per modum tincturarum. Extractions coque ad olei consistentiam, quod oleum cinnabari paulò ante paratum affundes; coquatur mixtum ad siccitatem usque, & novo reafuso oleo, idque tertio, donec materia prunis ferventibus injecta, fumum non edat, habebisque paratum ad fixandum metallum in argentum.* Hæc est fixatio Cinnabaris, in qua multi opera, & oleo perditio, dum desperarent de effectu, ad plumbi coctiones conversi, ætatem quoque irritò labore in iis consumpserunt. An non vident, nullam hinc solidam fixationem sperari posse? cum ea tandem cupellæ, aut cinericio commissa, totque coctionibus, distillationibusque soluta, tandem in id resolvantur, ex quibus coaluerant. Quid autem ex cinnabari, quod mercurio turget; quid ex lithargyro, quod plumbum calcinatum merito dicere potes, speres? non video: massam quidem obtinebis, sed heterogeneis materiis conflata: quæ uti

Cinnabarii fixatio frustranea.

Pp 3 nullo

nullo amicitiae vinculo junguntur, ita facile separari queunt: vel enim hydrargyron figetur, aut non? prius sane dici non potest, cum nil magis controversum sit, quàm hydrargyri fixatio. Si posterius, oleum, & operam perdidisti. Quidnam verò rogo est illud, quod metallum in aurum aut argentum figat? Certè nil prorsus reperies ad hunc effectum producendum, nisi in cinnabari mercurium, & in lithargyrio plumbum: Verum cum illa heterogeneae species sint, illae ut in aurum convertantur, fieri non potest. Patet itaque ex hoc inscitia Alchymistarum. Non ignoro quosdam conari figere cinnabarin Vitriolo per octiduum sub calente arena detento, donec ut plumbum in igne fluat: Sed hæc non nisi improprie fixatio dici potest. Quidam sic quoque cum argento. Si enim cinnabaris duodecim libras cum una argenti marca confuderint, argenti sedecim beßes, seu drachmas sibi promittunt, quorum dimidia pars sit aurum, à quo Mercurium sublimatum se fabricare jactant, qui sæpe in sublime actus, in albam figatur medicinam: Sed hæc otiosæ Alchymistarum ostentationes sunt, quæ præter cineres, & fumum nil aliud post se relinquunt. Videamus modò, quomodò *Paracelsus* fixationem instituat per aquas fortes gradatorias, olea, liquores, quæ sunt veluti menstrua quædam, quorum ope metalla figi dicuntur. Sic autem procedit *Libro de gradationibus*. *Recipe cinnabaris, Arsenici, Antimonii ana l. 1. Salis petra l. 2. Sulphuris totidem, conterantur. misceantur, & distillantur in aquam fortem igne violentissimo, postmodum accipe hujus aqua partes duas: aluminis communis, aluminis plumosi partem 1. vitrioli, viridis aris, croci martis similiter partem 1. hac omnia simul distillantur in aquam fortem igne violentissimo. Tandem ad hanc integram aquam sume capitis mortui 2 partes, Antimonii, viridis aris, cinnabaris, sulphuris partem unam. Hæc à suis destilla facibus fortiter impellendo in vas recipiens. Deinde in hac aqua clarificata solve partem 1 cum 10. partibus florem aris & croci martis, & in ea digerantur: & tandem in fundo plus auri, quàm arti credibile sit. Ita Paracelsus.* Quæres itaque undenam hoc aurum in fundo residuum affluerit? *Paracelsus* id transmutationi adscribit; Ego verò dico, aurum illud, si auræ illa corpuscula, quæ Arsenico, Antimonio, sulphuri, croco martis, cinnabari; ærugini prius inextiterant, frequenti distillatione à corporibus suis resoluta, & iis innata virtute in fundum à cæteris separata confluisse: Si vero aurum istiusmodi notabilis quantitatis fuerit, Dico, ex salinis corpusculis aluminis, vitrioli, salis petrae post evaporatam humiditatem auro juncta, & ab eo, tincta in unam massam coaluisse; cujus experimentum facies in cupella probatoria, in qua illa denuo separata ab auro, solum illud aurum, quod dictis mineralibus inerat, relinquunt. Sed examine- mus alterum experimentum, quo per oleum tincturam expedit.

Quomodo
fixatio per
aquas gra-
datorias.
Paracelsi
perficiatur.

6. *Experimentum.* Quo per oleum Antimonii Luna in Solem verti dicitur. Sic autem operatur *Paracelsus*. *Recipe Antimonii lib. 1. Mercurii sublimati ss. distillantur ambo simul igne violento per alembicum, & ascendet rubedo quadam instar sanguinis spissa, qua tingit & graduat unamquamque Lunam in Solem, hunc pallidum ad supremum gradum caloris permanentis adducit.* O beatos Pharmacopœios, qui ex oleo antimonii tam facile argentum in aurum convertere possint. Nos sanè sæpissimè in nostro Pharmacopœio oleum hujusmodi ex stibio, & Mercurio sublimato rubicundum educere solemus, istiusque phialas plenas habemus: Sed hujusmodi effectum nunquam comperire licuit, cum id fustum argentum tingat quidem nonnihil, sed quod cupellæ commissum mox pristinae albedinis evanescente tincturâ, unâ cum priori mole restituitur. Sed dicent forsan aliqui; hoc Magisterium non ad sensum literalem, sed mysticum intelligendum esse. Quod si ita: Ego sanè id verius in mystico Lunæ, id est, vertiginosi cerebri, quàm in materiali fusorii vasis concavo crevisse, dixero.

7. *Experimentum.* Quo per oleum seu li-
quorem Luna in Solem converti dicitur. *Fiat* *Paracelsi*
praxis.
oleum ex Mercurio sublimato, & aqua forti multoties distillato, donec in oleum fuerit conversus, in hoc oleum impelle spiritum aqua fortis igne violentissimo, deinde impone Lunam, & convertetur in Solem granatim; tandem cemento regali camentetur, & optimum aurum obtinebitur. Hæc quidem facile dicuntur, sed non ita sese ea habere comperiuntur. Nihil itaque in hoc aliud nobis exhibet, quam accidentalem quandam tincturam, & extrinsecam, quæ in cineritio probata, mox argentum pristino colore imbutum relinquit, evanescente tinctura. Sequuntur modo transmutationes metallorum unius in aliud; de quibus uti in præcedentibus ostendimus, tot concertationes sunt, quot Authorum phantasiæ, qui si noscent, in qño vera, realis & naturalis rerum transmutatio consisteret, certè aliud de transmutatoria Chymicorum arte sentirent. Ego Transmu-
tatio varie
sumi pot-
est. sane præter naturam ipsam non puto, artem ad transmutationem naturalem pertinere posse, quidquid dicant Alchymistæ; quod ut intelligatur; Notandum est, triplicem hoc loco transmutationem considerari: Naturalem, quam sola natura novit, & abstractæ à materia intelligentiæ: Altera est quæ, propriè alteratio dicitur, & nihil aliud est, quàm metallicarum, mineraliumque particularum toto per ignem dissoluto, exagitatio, & ex hac separatio, qua libertate donatâ unumquodque ad corpus illi magis syngeneum, & cognatione naturæ vicinum confluit; quod tamen per transmutationem veram unius in alterum fieri dici non potest; neque penetrationem corporum admittere cogamur; cum illa Solis, & Lunæ, fixorumque salium corpuscula incorrupta semper in corpore permanent;

neant; atque juxta hanc transmutationis imperfectæ speciem, omnia hucusque tradita fieri censenda sunt. Tertia transmutationis species nihil aliud est, quàm mixtio quædam unius cum alio, quæ uti nulla difficultate solvi possunt; ita quoque nil in arte magna præstare, notum est.

Sunt præterea nonnulli, qui heterogæneas species in opere magno in unum homogeneum transmutari posse somniant; Verum uti secundum bonæ Philosophiæ leges penetratio corporum non datur (quod tamen fieret, si æqualis pondere massa iis, quæ imposuerant, componeretur) ita quoque transmutatio illa gratis effecta est. Quodocunque ergo ex diversis mineralibus aurum, vel argentum educitur, appareatque corpus unum, nil tamen id aliud censeretur debet, quàm miscella quædam ex variis terrestribus, & aqueis materiis commixta, atque adeo arctè cuncta, ut difficulter corpuscula heterogæneæ naturæ ab invicem separari valeant; non tamen corpus hoc, aut pure aurum, aut argentum dicendum est; cum vehementioris ignis repetitione, tandem corpuscula heterogænea separata, solum illud aurum, quod natura produxerat, relinquunt; cujus rei damus hoc experimentum.

Experimentum,
contra
Transmutationis
veræ assertores.

8. *Experimentum.* Accipe tres uncias Argenti, 9 unc. Cupri, 9 Mercurii, commixta exponantur igni carbonum per horas 24. Si deinde illud complexum prius aqua probe lotum, & exsiccatum per 7, aut 8 horas igne forti sublimetur, singulis operationibus fundum vasis bene lavando, & quod exemptum est, cum sublimato stratifices, hac operatione peracta totum in duram massam coalescet; ex quâ cupellæ commissa ad minimum quinque, aut sex uncias argenti obtinebis. Quæritur hîc, unde argenti tres uncie ultra eas uncias, quas imposueras, accesserint? Respondeo, non ex transmutatione, quam sibi falso persuadent Alchymistæ, sed ex argenteorum corpusculorum cupro commixtorum in resolutione corporum ad sui similia, videlicet argentea confluxu, quod non fieret, si cupro argentum prius, & quidem copiosum non inextitisset; ut proinde nemo putet, cuprum, aut mercurium in argentum conversum esse, sed corpuscula cuprea, & mercurii adeo arctè, & tenaciter argento imposito mixta cunctantur, ut non nisi extremis ignis tormentis separari valeant; & hoc idem patet ex alio *Experimento*: Accipe unam unciam plumbi, unam ex Marcasita stanni, & 2. unc. ex mercurio, quæ simul mixta veluti in mercurium fluentem vulgi solventur, ita ut plumbum, & marcasitam in mercurium vera transmutatione conversa quispiam putare possit: Sed si eum examini stiteris, prorsus sophisticum reperiēs, non verum mercurium: Mercurius enim mineralis cucurbitæ inditus igne appposito statim avolat, quod in hac mistura non fit, nam unam plumbi un-

ciam, & unam pariter marcasitæ unciam cum duabus mercurii, quibus mixtum constabat, recuperabis; mercurium quidem elapsum in recipiente, plumbo verò, & marcasita in fundo cucurbitæ remanentibus. Si verò quidpiam ex tali massa cupellæ commissa nonnihil auri, vel argenti superfuerit, id neutiquam transmutationi, uti Alchymistæ jactant, transcribendum est, sed particulis argenteis, quæ plumbo prius inextiterant.

Non dicam hîc de transmutatione metallorum imperfectorum in imperfecta, cum jam quomodo id fieri possit, alibi dixerimus; sed de transmutatione imperfectorum metallorum, in perfecta. Inter cætera sanè maxime laborarunt Alchymistæ, ut argentum vivum in argentum, aurumque converterent: Sed utrum id præstiterint, lis adhuc pendet, neque dici potest, quemquam id præstitisse, nisi aut abdita quadam imposturâ, aut altioris humano intellectûs magistro. Sed jam audio mihi oggannientes Alchymistas: A compluribus id præstitum fuisse; quod ut monstrent, varias historias adducunt de iis, qui in conspectu multorum aurum purissimum fecisse dicuntur; quare nonnullas hîc subjungemus.

Utrum detur transmutatio metallorum imperfectorum in perfectam.

Erat, inquit Rotoburgi ad Tubarum Monachus quidam, cujus tamen nomen consulto non addunt, nè mendacii convincantur; hunc super hydrargyri unciam in crucibulo calefactam, pulverem quendam projecisse ferunt, quo factò strepitus sit exortus, statimque argentum vivum in rubedinem versum fuisse, quod ulterius forti igne sollicitatum, eliquatumque tandem confluerit acceptâ metallica soliditate, quod & ab aurifabro examinatum, aurum optimum reputatum fuerit. Sed quomodo id factum sit postea ostendemus.

Historiæ variæ de Mercurio in aurum converso.

Penotus Alchymista in epistola ad *Guibertum* dicit; Scoto-britannum quendam uncias 4&½ plumbi beneficio pulveris rubei minimæ quantitatis in verum, & purum aurum convertisse. Alius adducit *Hogolandum* testem, qui Germanum quendam (Individuum vagum ego verius interpretor) in urbe quadam Vennæ ditionis, argentum vivum in verum aurum mutasse refert. Audio *Libavium* mihi objicientem, Scotum quendam Colonie ex plumbo, ex ferro, & plumbo Roterodami, Amstelodami, Francofurti, Argentinæ, Basileæ aurum fecisse, pollicitum quoque esse, in sexaginta mille aureis experimentum, si jubeat, se facturum. Promittere magna, & alta facile quisque potest, sed illa effectu ipso præstare, merito quispiam dubitare posset. Quisquis tamen ille Scotus, sive ut nominis etymon docet, tenebrius fuerit, nescitur: unde ego eum verius unum ex Agyrtarum numero fuisse (quorum proprium est, non uno loco stabiles, ne crimine falsi accusentur, sed vagabundos per orbem ad emungendas stultæ plebis crumenas circumcursare) ex tot locis, urbibusque peragratis, non incongruè conjicio.

Penoti Historia.

Peno-

Penotus ut sua circa transmutationem experimenta facta creditu digna probet, *Kellai* *laum* exaltat, quem ait Pragæ integram argenti vivi libram in purissimum aurum unica rubicundissimi liquoris guttula, se præsentem transmutasse; Ita mulus mulum fricat; Quod idem præstitisse *Nicolaum Bernardum Hogolandaus* testatur, qui tamen postea multa dæmonis ope contingere suo periculo se didicisse asserit. Certè *Bernaundum* in Libro de Interitu Alchymiz *Gusbertus* pessimum hominem, & Atheismo addictum, & detestabilis illius de tribus Impostoribus Libelli Authorem extitisse, non incongruis testimoniis comprobatur. Vide itaque *Lector*, quænam fides hujusmodi nebulonibus habenda.

Neander in epistola quadam *Paracelsum* hydrargyron in aurum convertisse se præsentem testatur. Etenim quod tot verbis commendat dictus *Neander*, totidem *Libavius* evertit. *Paracelsus* inquit, *Chrysopæia* ad nihil ferè aliud, quàm ad suspendium proficientibus confert, quemadmodum ipse *Paracelsus* de suis discipulis scribit, quod *carnifex* 21. sibi abstraxerit, quale fatum, & ceteri suâ imposturâ merentur. Sunt qui pulvere quodam nunc nigro, modò viridi, aut rubro, fusa metalla spargentes; in aurum convertere videntur. Et ut divitias suas mundo luculentius persuadeant, pulverem illum summa jactantia jam in flumina, modò in lutum temerè projiciunt, sparguntque, ut pulverem istiusmodi aurifabrum, cujus copia illis nunquam deficit, veluti flocci facere videantur. Ego sanè pulverem hujusmodi verius ex Muscerda, quàm ex auro confectum æstimem: Si enim quæras, undè tantum secretum habeant, te *Bruxellas* in *Flandriam* ad nescio cujus cænobii confessionariam sedem relegant, in qua tali, & tali loco secretum reconditum reperias. Si ultra quæras, cur parentes tanto thesauro non ditent; respondebunt, se dum vivunt, secretum prodere nolle, post mortem verò testamento transcriptum se inventuros: inventum post mortem secretum tot, tamque horrendis characteribus descriptum reperiunt, ut nemo tantus *Oedipus* esse queat, qui id omni humana industria adhibita evolvat. Hujus farinæ hominem *Florentiæ* fuisse audio, quem vulgò *Prete nero* vocabant, de quo mira narrant: ego verius hujusmodi homines, si non solenni quodam dolo, & astutia pleno, seu fucoso pulvere aurum exhibuerint, saltem ab eo, qui omnis iniquitatis author est, Magistro didicisse censeo. *Tarvisinum* aurum coram Magistratu Veneto fecisse Alchymistæ narrant: *Fallopium* verò tum Medicinæ, tum Chymiz eximius Doctor de eo in tractatu de fossilibus ita scribit: *Tarvisinus*, inquit, ille pharmacopola aurum præsentem Senatu Veneto fecisse dicitur; ego autem dico, quod quemadmodum lussit Senatores illos, ita quoque punitus est, & sua brachia illud sciunt, & profecto fecit tantum auri, ut fame ferè moriatur, & in sua officina

vix sunt vasa pharmacalia; unde sciatis, quod sunt mera nania, quod ars facit aurum, & non habetur, nisi effodiatur. Non dicam hoc loco de auro *Raymundi Lulli*, *Arnoldi*, aut *Rupiciffæ*, vel ab ipso *Paracelso* tanquam fictitio reprobato, de hoc enim in præcedentibus fuse egimus. Si itaque hujusmodi historias quispian secundum omnes circumstantias curiosius, & *anagis* examinarit, is tandem nil aliud, quàm otiosæ plebis figmenta ab Alchymistis data opera ad arti nonnullam auctoritatem conciliandam excogitata reperiet; adeò ut hujus farinæ homines ident facere videantur, quod Astrologi, qui ad artis suæ certitudinem stabiliendam miros prædictionum eventus narrant. Librum integrum hîc attexere possem de paradoxis Astrologorum, verius pseudologorum vaticiniis, quæ tamen si ad Astrologicæ disciplinæ trutinam recte ponderentur, non nisi anilia deliramenta censeas, nullo astrologico fundamento nixa, nullo aphorismo contenta, & explicata: cum itaque Astrologia, & Alchymia genuinæ sorores sint, quarum prior, uti futuræ vitæ statum, conditionemque prænunciat, ita altera ad beatitudinem ingentibus divitiarum thesauris accumulata anxie aspirat, mirum non est, iis humani generis hostem plerumque ad mortalium animos tum futurorum notitiâ sollicitos, tum spe divitiarum avidos inescandos occulto commercio sese immiscere. Sed ut jam ad institutum revertamur;

Dico itaque, si quandoque ex historiis constet, ex pulvere quodam (hoc enim Individui vagi termino mendaciorum fabri plerumque utuntur) tum hydrargyro, tum aliis metallis superinjecto, verum, & purum aurum productum fuisse, ego quidem haud difficulter iis subscripserim, at illud aurum ex Mercurio, aliisque metallis imperfectis per transmutationem veram, & realem, naturalemque emerfisse pernego. Si ergo quæras, qua via & ratione id exhibitum fuerit: Dico duplici methodo id perfici potuisse; primam primò, secundam postea demonstrabimus.

Qui ex pulvere hydrargyro superinjecto in aurum illud se transmutare ostentant, id verum quidem aurum assero, at fallacissima astutia productum; quod ut constet, processum addo; ita autem operantur: Notabilem auri copiam in lamellas aureas minutim conficissam catino imponunt, huic vel hydrargyrum, vel aquam regiam superaffundunt, & intra certum temporis spatium in liquidam substantiam exesam; dissolutamque reperiunt. Hoc deindè crucibulo impositum igni committunt, cujus efficacia hydrargyron ex se, & sua natura fugacissimum, uti & plumbum, vanas evanescit in auras, relicta in fundo nigro substantia, quàm probè exsiccata in pulverem nigrum convertunt, quem ad usum reservant; Si verò viridem pulverem desiderant, eum ærugini incoquunt, si rubrum, oleo antimonii ruberrimo tingunt: habent

Paracelsi
de Alchymistis
suz sequa-
cibus testi-
monium.

Impostura
quorundam
pseudochymicorum.

Astrologiæ
& *Alchymiz*
vanitas.

Pulveris
aurifici
fraus detegitur.

bent itaque hoc pacto pulverem unum, & eundem, nigro, viridi, & rubro colore imbutum, quem in separatis vasis reservant.

Cum itaque artis specimen exhibere volunt; primò quidem mira quadam astutia pulverem tanti ponderis, quantum auro producendo sufficit, in fundo vasis Chymici, quod crucibulum vocant, ad tegendum pulverem, hydrargyro, aut alio quovis metallo superaffundunt; deindè, igne supposito metallum unà mixtum hydrargyro, folium flatu in fusionem deducunt: quo peracto, dicti pulveris minimam quantitatem, vel per se, vel per alios, ne decipere videantur, injiciunt: hoc pacto pulvis hydrargyro evanescente in fundum abiens reliquo pulveri associabitur jam liquefacto, deindè reliquo metallo supernatante separato, in fundo instar melleæ consistentiæ liquamen reperiunt; quod aqua ablutum, tandem pulcherrimum, & splendidissimum, purissimumque aurum, omnium fuci ignarorum admiratione pro admixti pulveris pondere reperiunt.

Hiscè addo historiam, quam passim ad artis veritatem comprobendam plerique Alchymistæ allegant, quam ex Arabum Alchymistarum Schola depromptam, verius in Utopia, quam in Galbania urbe Ægypti (in qua ne vestigium quidem hujus urbis tum à priscis, tum à modernis temporibus in Geographia Ægypti memoria apparet) contigisse censeo. Venisse ajunt hominem quendam ad aurifabrum quendam (hoc enim Individui vagi termino Alchymistæ, dum miros Artis effectus deprecare volunt, cum primis utuntur) portantem duos scyphos argenteos, quos sibi fundi, ac liquefieri jubebat; quæis eliquatis, alter premens pulverem quendam viridem, dum adhuc in crucibulo fluere, argento superinjecit; & post ingentem tum fumum, tum strepitum excitatum, paulò post argentum in purissimum aurum conversum reperit. Aurifaber ad tantum spectaculum attonitus, & pulveris faciendi desiderio percitus, hospitem ea, qua fieri poterat submissione, rogabat, ut arcanum sibi tam admirandum revelaret, quod haud ægrè præstitit. Hæc historia narratur in Arabico libro de Solis, & Lunæ congressu, secretumque sequenti processu à me ex Arabico in Latinum converso, docet, uti sequitur.

EXPERIMENTUM.

Arabum impostura.

Accipe dicti pulveris, ex auro confecti unam partem, ex croco martis, are adusto, & sale ammoniaco, è singulis unam partem: dissolvatur sal ammoniacum, & probe tribus antedictis ingredientibus id commisce, deinde commixta ponito intra cucurbitam, & igne lento vel ad solem, vel ad ignem cinerum digere in tantum, donec omnia bene contemperata, & incorporata sint, & cum materia humido consumpto congelata fuerit, inde dictum pulverem facies, quem reservabis ad usum. Hoc peracto, accipe vas ventricosum cum collo stricto, intra quod plumbum, & intra collum unam laminam auream subtilem, sive supra orificium

aureum denarium pones, ita ut soluti plumbi vaporem hauriat; Deinde accipe supradictam laminam versando, & reversando supradictum vaporem, & hoc pacto lamina ita fragilis fiet, ut digitis in pulverem conteri possit. Atque hic est pulvis argentum in aurum commutans. Æs ustum, quod arcanum ingreditur, ita præparari debet: as simili modo pulverizatum, aqua simplici vel muria toties lava, donec prorsus siccum fuerit, & ex hoc fac pulverem. Ecce secretum Arabum tibi paucis manifestatum: Quod quidem experimentum certum est, sed tamen simile illi, quod per additionem conficiunt; aurum enim in sat competenti quantitate sumptum, atque ex dictis speciebus, croci Martis, & æris usti præparatum, sale quoque ammoniaco ritè expurgatum, ac tandem supra argentum fustum, illud tinctura sua, quæ dictis speciebus copiosa inexistit, non solum argentum in aurum tingit, sed etiam molem, & augmentum non exiguum illi commixtum confert; uti tamen illa longa Cupellæ, aut cineritii tormenta sustinere nequeunt, quin tandem in id, quod erant, separentur, ita quoque hinc nullam veram, & realem transformationem admittere possumus. Hoc ipsum Secretum post eà etiam reperiri paucis imminutis apud Paracelsum: qui tamen id tanquam ingens arcanum ne patefiat, ænigmatis etiam, more impostoribus solito, involvit.

Novi & ego Principem, *cujus famæ consulto parco, qui commercio cum uno ex iis ciniflonibus, qui hujus farinæ magisteria promittunt, inito; magnam ei, si artis suæ experimentum verum, & reale coram se sumeret, remunerationem pollicitus erat. Hic aureos montes jactitans, mare in aurum transmutare gestiebat. Ad opus itaque fit progressus. Crucibulo imponitur certa mercurii duarum videlicet unciarum quantitas, cui additur non nisi granum quoddam pulveris rubri ad instar præcipitati, quod elixir rubrum vocabat, transmutativa vi, quia pollebat, mirum in modum commendatum; hisce insuper affundebat certam quantitatem liquoris aurei coloris, quem in phiala quadam vitrea tenebat; & dum eum supra mercurium funderet, Principi dicebat: Sciat vestra cellitudo, hunc esse magnæ artis ingressum, quo pulvis cum Mercurio perfectè penetratur: Siquidem sine hoc pulvis, & mercurius sibi invicem commisceri non possent; & deinde cooperto crucibulo cum certa quadam cera rubra, atque igne sub crucibulo posito, & foliis agitato, igne statim cera mercurio mista in fumum abiit, & projecta deindè intra canalem materiæ, aurum nobilissimum, stupente, & attonito principe, eduxit: Miratiss autem sum, fraudem non advertisse Principem, uti postea ipse experientia doctus advertit: Quid enim facilius est, quam aurum in aquam resolvere, uti Spagyristis notum est; qui aquis fortibus & aurum, & argentum in aquam resolvunt, auro, quoad colorem similem; & talis fuit aqua impostoris; cui ad fucum tegendum

Impostura in præsentia principis cujusdam facta.

granum forsan ex arena, aut latere sumptum, cerimoniam ergo, ut magnum quidpiam præstitisse crederetur, apposuit: aqua verò aurea hisce superaffusa, & liquefacta, mercurio exspirante aurum id, quod sub aquæ forma infuderat, reddidit. Atque hæc sunt Alchymistarum miracula, digna non catena aurea, qualem à principe præmii loco acceperat, sed quam carnifices similibus dare solent, fune aureo. Tanta est hujusmodi nebulonum audacia, ut etiam suis nugis, & fraudulentis artibus mentes principum dementare non erubescant. Tales sunt, qui jactitant, ex Mercurio Lunam fixam, quam postea rebus quibusdam tingunt, qui multiplici examini cupellæ resistunt, uti sunt nonnullæ tincturæ, quæ quantalibet fusione repetita, yix tamen separari possunt, adeoque argentum ad 18 carattas graduant, ob spirituum mineralium, qui in aquis fortibus nidulantur vehementiam; adeo enim metallis perfectis sibi sympathicis adhærescunt, tam pertinaciter agglutinantur, ut non nisi ingentibus ignium tormentis repetitis vicibus separantur. Audivi nonnullos, qui certò certius artem se tenere jactitabant, & sæpius sese experimento artis veritatem comperisse; quominus tamen votis suis potiti sint, suam vel inadvertentiam, vel omissionem alicujus circumstantiæ, aut similis rei necessariæ prætendunt; consiliarius sanè pro inadvertentia ignorantiam, pro omissione falsam damnatæ artis promissionem fatèri poterant, & debebant.

Quibus se excusent Alchymistæ quando negotium non succedit.

Impostura.

Atque hic est impostorum modus, quo simplices mortalium animos fascinare solent. Ex quo colligitur. Si quis ditioris fortunæ impostor ad 100 aut 200 aut etiam 1000 libras auri in pulverem reduceret (quod nonnulli ad nomen ex hac arte ficticia immortale sibi comparandum, fecisse leguntur) illi haud dubiè ubique locorum hujusmodi falsa artis miracula omnium stupore, & admiratione, exiguo temporis spatio sine tot, tantisque concoctionibus, sublimationibusque, multorumque mensium fermentationibus, patrare possent: Quod utinam non fecissent hi, quos jam recensuimus, cum cæteris majorum gentium diis, in præcedentibus passim indigitatis. Rursum fuerunt nonnulli, qui invento in agro thesauro derepente divites facti, & ne fisco à legibus constituto portionem cedere cogerentur, artem hanc professi dicuntur, qua exigua pulveris portione hydrargyro, cæterisque metallis adjecta, metalla in aurum convertere se posse, ad auri divitias aliunde acquisitas hac astutia obvelandas ostentarent. Plenum sanè aleæ exercitium, quod multi aureis, & patibulis, & laqueis luerunt; uti de *Bragadino*, *Scoto*, similibusque supra adductis legitur. Quàm autem facile sit, hac fraudulentia imperitis, & auri cupidis hominibus imponere, quis non videt? dum concipere non possunt, quomodo exigua nigri pulveris portione intra exiguum temporis spatium

metallicis corporibus superinjecta, statim aurum prodeat; Unde stupore, & extasi in vasi, dum de occulta fraudis industria ne quidem suspicari licet, solum quod factum est, mirantur; unde fama vulgata, cum à peritioribus interrogantibus, ea proponuntur dubia, quæ nonnullam imposturam olere possunt, ea statim non sine indignatione rejiciunt, nil de rationibus audire volunt, imò decies, & centies illud contraponunt: Ego oculis meis vidi; ego in præsentia talium, & talium, tali domo, tali officina factum observavi, pulverem manibus meis propriis sic jubente artifice, injeci; aurum productum aurifabris examinandum dedimus, & omnibus examinibus adhibitis, illud probum, purum, vulgari multo excellentius reperimus. Alii verò de tam memorabili eventu certiores facti identidem clamant; Ego audiavi ab iis, qui præsentibus fuerunt, manibusque tractaverunt, & in hunc usque diem apud talem, & talem dicti pulveris portio ad perpetuam rei memoriam conservatur, ut si qui velint, haberent, quo veritatem experirentur, & jam ipso facto nonnulli ejus rei periculum cum desiderio eventu fecerunt, ut proinde de artis veritate dubitare nemo debeat; & qui de arte verissima nullam fidem habent, è numero sapientum exterminantur. Atque hoc pacto mendaciæ mendaciis concatenantur, quæ non solum in publicam famam disperguntur, sed & libris summo Reipublicæ damno, & aliorum animos hac lucrosa novitate pelliciendos, committuntur, *res μετὰ τῆς ὑπερβολῆς* ultra id; quod possint, augentur; ut proinde ridiculam illam tincturam auri in infinitum multiplicativam, originem suam non aliunde, quam ex hisce traxisse censeam; isque solus nescire poterit, qui experientiâ doctus, quid natura possit, quid non possit, novit, multiplicesque hujusmodi ad fraudes, & dolos proclivium nebulonum industrias perspectas habet. Nemo itaque imposterum dicat; Ego vidi, ego audiavi, ego manibus artis veritatem contrectavi, cum idem iis, quod agyrtis, circulatoribus contingere solet, accadat; qui dum ventrem se perfodere, serpentes, & bufones devorare, nummos plumbeos, cupreos, ferreosque annulos repentina transmutatione in aurum convertere simulant, tanto circumfusam plebem stupore replent, ut negare minime posse videantur, quod tanta evidentia demonstratum fuerat. Res lubricæ sensus sunt; ac dici vix potest, quam facile ii non dicam plebem imperitam, sed & doctos ac sapientes fascinent, ut id, quod non est, ex corrupta tamen phantasia, id verè esse sibi persuadeant, præsertim si à peritis, studiosisque fraudum architectis simili dolosæ artis industria demententur. Sed hæc de primo puncto dicta sufficiant. Progrediamur itaque ad secundum supra propositum auri conficiendi modum. Alchymistæ verò, qui sine fraude in transmutandis in Solem, & Lunam metallis incumbunt, si sincerè procedunt,

Deceptorum per fucum in eruenda veritate simplicitas & pervicacia.

Quale aurum veri Chymici producant.

au-

aurum quidem, sed non purum, & obrizum, sed mixtum, & sophisticum producant. Apponamus nonnulla experimenta.

9. *Experimentum.* Non agam hic de auro per lapidem conficiendo, quod philosophicum vocant: istiusmodi enim verum abstracti intellectus figmentum, ob rationes in præcedentibus politas esse dicimus; sed de auri augmento, quod per additionem, vel partem cum parte exsurgit.

Lunæ &
Solis fixa-
tio ope
cinnabaris.

Hoc itaque pacto, ope cinnabaris, & hydrargyri Solem, & Lunam faciunt. Accipe optimi auri partem prius per mercurium crudum in calcem reductam; hac alembico imposita, sequentem paulò post, aquam superaffunde, deinde octona cohobatione abstrahere; hoc peracto, aurum solutum in alembicum ascendens phlegma suum abstrahit usque ad densitatem; qui quidem infusus spiritus ab auro solvi nequit, nisi per oleum ejus, quod supra præparatam Cinnabarim affundatur, ita ut parum supra emineat; deinde coagulare finas boracis beneficio reductam, & habebis aurum quæsitum.

Præparatio
aquæ.

Aqua calcinato per mercurium auro superaffundenda sic præparatur. Sume Salnitrum 1½ lib. Arsenici. 3 lib. eris viridis 8 lotones, seu semiuncias, ramenta ferri, seu chalybis unam lib. totum complexum retortæ inditum distilletur in aquam: ex hac aqua affunde Mercurio sublimato octo lotones, abstrahere bis, & totum in aquam solvetur Lunæ fixandæ opportunam. Sume iterum ex vitriolo sublimatum sulphur, & fiat stratificatio, ut chymicè loquamur, supra 4 lotones, vel quod idem est, semiuncias, Lunæ fixæ, & 2 lotones sulphuris, deinde sensim evaporare permitte, sulphure rectificato junge quater tantum vitri Saturni, & dum in fusione est, ei calcinatam Lunam infundas, bisque fulminatum impone per 20 dies, in aquam jam præparatam, & habebis argentum fixum cum medio-cri auro non puro quidem, sed sophistico.

Mercurii
fixatio.

10. *Experimentum.* Mercurium fixare. Sume 1½ lotonem æris viridis, sive æruginis; unum lotonem mercurii crudi, quod viridi æri impastatum sublimetur in cucurbita terrea vitriata tam diu, donec æs viride cum mercurio uniatur, & habebis fixum. Rursum, accipe totum complexum, quod in marmore prius minutissimè tritum impones retortæ per ignem fortem distillandum, & quod nondum fixum est, ab ære viridi recedit; hoc accipe, & reduc per sequentem fluorem in puram venere, quod sequenti plumbo in tigillum positum abstrahatur, & manebit ex una drachma Mercurii tres drachmæ argenti auro gravidi.

Fluor ita fit. Sume urinam, quam in lapidem concoques, & spiritum avolare permitte, ex qua ter tantum unà cum tartaro accipies, & operaberis uti paulò ante dictum fuit.

Argentum
ex Mercu-
rio factum
in aurum

11. *Experimentum.* Ex Mercurio vulgi Lunam factam in aurum convertere. Primò fiat aqua regia ex vitriolo, salenitro ana una

lib. deinde æs viride, & salis ammoniaci ana 4 lotones; ramenta ferri ½ lib., quæ omnia commixta, & minutim contrita igne forti resolve in aquam; & hanc aquam alembico impositam calore balnei leniter abstrahere usque in olei consistentiam; deinde sume ex antimonio crudo quantum volueris, & illi ex oleo paulò antè præparato affunde ad eminentiam digiti, deinde hoc cucurbitæ humili impositum abstrahere toties, donec oleum antimonio perfecte uniatur; & habebis pulverem, quem rubrum leonem vocant. Accipe itaque ex Mercurio fixam Lunam; in lamellas tenues tunde, si hæc in tigillo stratificaveris, ac in cæmento per 24 horas reliqueris, tunc habebis argentum in aurum purissimum non tamen nisi colore exaltatum.

12. *Experimentum.* Aurum debilis coloris exaltare. Accipe Mercurii sublimati, & cinnabaris ana 2 lotones, Antimonii unum lotonem; & bis tantum aceti, cui æruginis tantillum, quantum duobus digitis capere potes commisceas; paulatim indantur ollæ separatoriæ, sive retortæ, & exibat liquor visu pulcher; deinde accipe ½ cinnabaris partem, quam imbibas liquore paulò ante elicto, liquoremque denuò retortæ vitreæ commissum à cinnabari abstrahere; postea alembico Hermetis sigillo munito inditum per 12 dies in arena coagulari finas, & habebis pulverem. Quo peracto accipis aurum pallidum, & imperfecti coloris, vel Lunam fixam 8 lotones, sive 4 uncias, supra quas ex pulvere præparato 6 drachmas fusioni expones, habebisque exaltatum ad eum gradum, quo major desiderari non potest. Quod idem fiet absque pulvere hoc pacto: Extensas in lamellas tenues argentum, vel aurum, pone in oleo, seu liquorem supradictum antequam coaguletur, & tenui calori, ut supra, 24 horis expone, usque dum videas oleum parum ebullitione commoveri, & habes quæsitum.

Auro debili
colorem
genuinum
conciliare.

Innumera hoc loco hujusmodi experimenta adducere possem; sed quoniam ferè nihil in uno est, quod non ingrediatur etiam in alterum, & ut paucis multa complectar, hic Tabulam combinatoriam adnectendam duxi, qua quidquid alii integris libris tradunt, hic unica synopsi exhibeatur.

IN HAC TABULA.

Mineralia respiciunt metallica corpora, & cum iis perfecte combinantur. Horum unumquodque reduci potest in sua elementa, sallem, aquam, spiritum, oleum; undè per aquas fortes, regias, stygias, quæ ex salibus componuntur, corpora dissolvuntur, calcinantur, pulverantur, ignium verò ope sublimantur, purificantur, digeruntur, fermentantur, fixantur; & ope extraneorum, uti aceto, tartaro, spiritu vini, cæterisque acidis succis, & subtilibus diluuntur, lavantur, purgantur: atque tandem per novam solutionem, & coagulationem ultimum artis

finem consequuntur. Et quamvis Alchymistæ, qui circa magni magisterii arcanum negotiantur, ea sub variis ænigmatis, & parabolis explicant; si tamen detecto parabolico cortice medullam examines, eos eundem cum iis, qui metallurgicam profitentur, & sophisticam, processum sectari, iisdemque ex his, quæ in hac combinatoria tabula reperiuntur, ingredientibus uti reperies: Sine auro enim, & argento, ut vel ipse *Lullus* fatetur

in sua *Clavicula*, aurum, & argentum confici non potest: ex cæteris verò frustra imperfecta metalla in perfecta tinguntur, convertunturque, nisi aurum illis insit, quo veluti per accretionem quandam aurum incrementum quoddam recipit. Sed hæc omnia sapienti Philosopho pulchrè in Tabula combinatoria, si eam rectè applicare norit, patebunt; cum nulla combinatio artis institui possit, quæ in ea non reperiatur.

SECTIO IV.

CAPUT I.

JURIDICUM SIVE LEGALE.

Utrum Aurum Chymicum, quacunque tandem ratione factum licitè pro vero vendi possit?

Propono hoc loco Quæstionem, quam majori jure Jurisconsulti sibi vendicant; ne tamen quicquam omisisse videamur, eam non omittendam duxi. Hanc quæstionem de auro Chymico antequam ordiamur: Notandum primò, quadruplicem artem hoc loco considerari posse. Prima est Ars Metallurgica, quæ ex minera auri, & argenti singulari artificio purum ab impuro, heterogenea ab homogeneis, separat; reliquum ignis ope in purum aurum, & argentum decoquit; de quo artificio in Metallurgia, seu arte metallica amplissimè actum est; & uti hæc ars tantoperè humano generi necessaria est, ut sine ea ob summum metallorum usum nulla Imperiorum, Regnorum, & humanæ negotiationis administratio consistere possit, ita quoque tantum abest, ut à legibus illicita censeatur, ut potius eam omni laude dignam, veluti humani commercii stabilimentum censeant jurisconsulti. Altera Chrysopoëia dicitur, qua Alchymistæ per transmutationem veram, & realem unius metalli in aliud, non solum in aurum naturale, sed & eò excellentius se convertere posse gloriantur: Quod si verum esset, certè illud aurum vendere, & distrahere sine ullo scrupulo possent. Tertia, Ars Spagyrica dicitur, qua nonnulli Chymici aurum verum, & naturale variis metallis, uti argento, cupro, ferro, plumbo, Arsenico, Marcasitis, similibusque commixtum, singulari arte separant, ex arenis fluminum riparumque per frequentia ignis tormenta secernunt, & in lamellas fundunt; atque tale, purum nempe, & naturale aurum nulla lex prohibet. Quarto est aurificium illud, quo Alchymistæ per additionem, sive partem cum parte uti vocant, aurum augmentare; eique debitam tincturam dare norunt; atque duplicis generis est; una dicitur Collybitica, altera Sophistica: de qua va-

riæ sunt agitationes inter Jurisconsultos. Nos singularum propositarum partium dubia per Canones tum Civiles, tum Canonicos tunc expediemus, ubi prius de Extravagante edita à *Joanne XXII.* Pont. Max. nonnulla præmiserimus.

Ioannes XXII. Gallus, patria Cadurcensis, ex provincia Aquitaniz anno 1316. ad Pontificatum evectus, præter constitutiones *Clementis V.* prædecessoris, multas quoque & ipse publicavit, quas *extravagantes* vocat, in quas *Zensilinus de Cassaneis* uberes commentarios edidit. Inter alias Extravagantes una quoque habetur, quæ intitulatur *de Crimine falsi*: In qua condemnat omnes illos, qui auro conficiendo operam dant: Artem miris modis exagitat. Sed ut multa paucis amplectar, subjungam hic dictam Extravagantem, in qua quicquid nos hucusque de Alchymiz falsitate adduximus, Apostolica autoritate confirmatum reperies.

Extravagans *Joannis XXII.* Pontif. de crimine falsi.

EXTRAVAGANS

De crimine falsi.

JOANNES XXII. Pont. Max.

Præfatio in extravagantem.

Alchymiz hinc prohibentur, & puniuntur aurum facientes, & fieri procurantes, quoniam tantum de vero auro, & argento debent inferre in publicum, ut pauperibus erogetur, quantum de falso, & adulterino posuerunt. Et si eorum facultates non sufficiant, poena per judicis discretionem in aliam commutabitur, & infames fiunt. Et si sint Clerici, beneficiis, habitis privantur, & ad habenda inhabiles efficiuntur. Vide Extravagantem *Joan.* quæ incipit: *Prodiens*, & est sub *cc. cis.* collocata.

Ex-

Metallurgia in quo consistat. & quomodo licita.

Chrysopoëia an licita.


Spagyrica quomodo licita.

Aurum quod per additionem vocant an licitum.

TABULA COMBINATORIA, Qua

Tom. II. 308.

Quicquid in tota Alchimia continetur, veluti in Synopsi anacaphalæotica ob oculos poni:
tur Curiosi Lectoris. Neq; extra hanc, sive lapidis fabricam spectes, sive Metallurgi:
cam artem, sive mixturas Metallicorum corporum, sive denuo eorum geneses spectes, quic:
quam quæras ad Chymicas operationes, utile et fructuosum.



EXTRAVAGANTIS TENOR.

Alchymistam pro Alchymicum.

Spondent quas non exhibent divitias pauperes Alchymista, pariter, qui se sapientes existimant, in foveam incidunt, quam fecerunt: Nam haud dubie hujus artis Alchymia alterutrum se professores ludificant, cum sua ignorantia conscii, eos qui supra ipsos aliquid hujusmodi dixerint, admirantur; quibus cum veritas quasita non suppetat, diem cernunt, facultates exhauriunt, iidemque verbis dissimulant falsitatem, ut tandem quod non est in rerum natura, esse verum aurum, vel argentum sophistica transmutatione consingant: eoque interdum eorum temeritas damnata, & damnanda progreditur, ut fides metallis cudant publica moneta Characteres fides oculis, & non alias * Alchymitum fornacis ignem vulgum ignorantem eludant. Hac itaque perpetuis volentes exulare temporibus, hac edictali constitutione sancimus, ut quicumque hujusmodi aurum, vel argentum fecerint, vel fieri secuto facto mandaverint, vel ad hoc scienter dum id fieret, facientibus ministraverint, aut scienter vel auro, vel argento usi fuerint vendendo, vel dando in solutum, verum tanti ponderis aurum, vel argentum pœna nomine inferre cogantur in publicum pauperibus erogandum, quanti alchymitum existat, circa quod eos aliquo prædictorum modorum legitime constiterit deliquisse; facientibus nihilominus aurum, vel argentum alchymitum, aut ipso, ut præmittitur, scienter utentibus, perpetua infamia nota resperis. Quod si ad præfatam pœnam pecuniariam exsolvendam delinquentium ipsorum facultates non sufficiant, poterit discreti moderatio judicis pœnam in aliam, puta carceris, vel aliam, juxta qualitatem negotii, personarum differentiam, aliasque attendendo circumstantias, commutare. Illos vero, qui in tanta ignorantiam infelicitatis proruperint, ut nedum nummos vendant, sed naturalia juris præcepta contemnant, artis excedant metas, legumque violent interdictionem, scienter videlicet adulterinam ex auro, & argento alchymito-cudendo, vel fundendo, cudi, seu fundi faciendo monetam, hac animadversione percelli jubemus, ut ipsorum bona deferantur carceri, ipsique perpetuo sint infames: Et si Clerici fuerint delinquentes, ipsi ultra prædictas pœnas priventur beneficiis habitis, & prorsus reddantur inhabiles ad habenda.

Hæc est Constitutio Joannis XXII. P.M. de qua mira sparguntur. Alchymistæ fingunt, Pontificem Alchymia studiosissimum, cum ad Artis magnæ opus pertingere non posset, ex desperatione hanc tam rigidam constitutionem condidisse. Certè Platina in ejus vita post mortem ingentem auri copiam apud eum inventam fuisse refert; quod si verum est, istiusmodi tamen auri thesaurum minime Chymicæ artis beneficio comparatum fuisse credendum est, quod tamen Alchymistæ per fas, & nefas convincere volunt, Pontificemque hanc constitutionem ea de causa, ne quisquam præter eum ad artis arcanum pertingeret, ex invidia condidisse.

Quidquid sit, ego de Vicario Christi talia suspicari nolum: Undè, si Platina credendum est, ego hunc auri thesaurum, uti paulo ante diximus Artis magnæ beneficio minime comparatum fuisse, puto; cum vel ipsemet eam in sua Extravagante apertis verbis damnet: Sed ex variis collectaneis, sive redditibus, sive ex auro propria industria, aut etiam dono, in peculium acquisito, thesaurum supradictum excrevisse verisimilius esse judico; cum Pontificibus media nunquam, ad similia procedenda desint.

Incidit non ita pridem in Librum Gallica lingua conscriptum, cui Titulus est: L'ART TRANSMUTATOIRE DU PAPE JEAN XXII. DE CENOM. In quo agitur de modo, & ratione, qua magnæ artis beneficio, aurum verum, & naturale dictus Pontifex in suo Palatio Avenionensi fieri curaverit. Sic autem incipit: Or commence le livre d'Alchimie, que le Pape Jean fit ouvrir en Avignon, du quel ouvrage il en avoit 200 rouleaux d'un chacun pesant un quintal. Deindè totius magisterii processum fuscè describit. Ego sanè cum modum in eo operandi penitus examinasset, nil sanè in eo singulare, quod aut veterum Alchymistarum ingenium, aut primorum in arte Magistrorum præcepta, styllumque superet, præter vulgares quasdam receptas, & aliundè descriptas, me reperisse ingenue fateor. Unde & consequenter hunc non nisi supposititium partum esse, non sine manifestis argumentis conjecturavi, quem ex Alchymistis desperatis nonnemo, tum ad artis veritatem confirmandam, tum ad nonnullam existimationem ei sub nomine, & auctoritate Pontificis conciliandam, in lucem publicam protruserit. Sed ne cuiquam injuriam facere videar, id ex ipso processu ante peritorum oculos exhibito me evicturum confido.

PROCESSUS

Alchymicus Joanni XXII. Pontifici perperam adscriptus. Quem ex Gallica lingua in Latinam à me translatus, de verbo ad verbum sic interpretor.

Accipe acetum fortissimum, 4 lib. calcis albæ, finas stare hoc pacto per 4 dies; quinto verò die, mitte materiam in alembicum vitreum, eamque distilla, distillatam bene reserva. Hoc facto, accipe salem, & urinam cum Indico Alexandrino lib. 1. Salis ammoniaci lib. 6. Semilibram salis communis præparati, & aceti pariter semilibram: Dictarum rerum 3 libras, prius aceto calefactas distilla, & postea mittes salia, quæ ubi fusa fuerint, ea simul mittes in Alembicum distillanda; ubi distillatum fuerit, si in fundo quid remanserit mistum, & sordibus necdum exutum, distillationem repetes, aquâ, quæ egreditur, denuò superaffusâ; & hoc toties repetes, donec tota aqua ex materia fuerit egressa;

egressa; quo peracto, in fundo vasis massam reperiens congelatam instar glaciei, aut crystalli, quam diligenter serva seorsim. Iterum accipe sulphur vivum lixivio forti maceratum, quod sublimabis, & Lunæ 4 uncias; quæ omnia ponantur in aqua juxta præceptum inferius ponendum. Dissolutas itaque dictas res in Alembicum pone, & postquam forti igne distillaveris, in fundo massa remanebit, quam extractam supra laminam vitream in cella, aut altero quopiam humido loco repones, donec in liquorem resoluta fuerit, quem iterum serva. Deinde accipe massam supra nominatam prima operatione extractam, eamque laminæ vitreæ loco humido, uti prius expone ad dissolutionem; qua peracta, hasce duas aquas primâ, & secundâ operatione productas simul commisce, & in unam massam congelari sinas, quâ congelatâ habebis medicinam perfectam; ex qua exiguum partem supra 18 Mercurii partes projectam, si fusioni commiseris, totum intra exiguum tempus in Lunam optimam, omni examine adhibito probam, conversam obtinebis.

Atque hic est primus processus, in quo, vel summa scriptoris five ignorantia, five negligentia patet; ponit is 43 calcis argenteæ uncias, unâ cum totidem unciis Mercurii sublimati; in quo manifestus error est: Cum enim argentum in calcem redactum, in pristinam naturam reducitur; necessariò argentum calcinatum pluris constitit, quàm lucrum ex transmutatione Mercurii non importet, quemadmodum unicuique patet ex proportionem 43 unciarum argenti, ad 18 partes Mercurii, quas in argentum transmutari processus dicit; quare nos errorem correximus, addendo 4 Lunæ calcinatæ partes. Quicquid autem hic author dicat, certè ex hoc processu nil aliud sperandum est, nisi massa quædam argentea ex congelatione mercurii, & calce conflata; ac proinde processus hic, totus quantus sophisticus est, & indignus, cujus quis inutili, & irritò labore experimentum sumat. Sed jam ejusdem Authoris de auro purissimo conficiendo processum examine-mus. Sic itaque ait.

Proces-
sus 2.

PROCESSUS II. *Pour faire Soleil bon e fin.* id est, *Aurum optimum, & purum efficere.* Accipe æs ustum, sulphur vitrioli, ex unoquoque 2 libras. Quorum unumquodque separatim, minutim supra marmor teras, & deinde probè commixta Alembico committe, luto sapientiæ, ne quidpiam spirituum exhalet, probè munito; quod intra cineres furnelli positum calore tenui materiem distilles, aquamque eductam in ampulla vitrea referves. Postea accipe duas drachmas auri puri,

& 4 drachmas argenti vivi, quæ simul aurificum more amalgames. Hoc peracto, amalgamatum cum aqua supra in ampulla vitrea reservatâ, quàm optimè per triduum sequens subigas, five pictorum more teras; hoc etiam peracto, materiam dicta ratione subactam igni leni commissam per 12 horas concoque; hoc exacto, denuò cum dicta aqua tere, & probè quod molitum est, recoque, idem semper repetendo 18 vicibus, donec colorem vermili observaveris; deinde accipe hujus materiæ pondus, explora, & projice unum pondus supra 18 plumbi, & habebis aurum purum per omnia examina probatissimum. Plumbum verò, supra quod projici debet medicina, longo labore præparatur, hoc modo.

Accipe plumbi lamellas tenues, quas sale in pulverem minutim contrito intra vas terreum stratificabis, stratum supra stratum continuando tamdiu donec totum vas plenum sit, deinde juncturas vasis arte claude, remanente tamen supra foramine ad fumum ejiciendum apto: Deinde hoc vas igni congruo per 6 horas committe, & postmodum aperto vase lamellas plumbi corrasas, & candidissimas reperiens, quas lixivio forti, & calido impones, & sal descendet unâ cum lixivio, laminis puris, & candidis pariter in fundo remanentibus, quas deinde exemptas supra marmor aquâ fontanâ identidem superaffusa teres; usque dum aquam claram comperies: hoc peracto repete tritionem cum pulvere remanentis aqua, addita aqua aluminis, & salis communis, & tartari, sicceturque ad ignem, & hoc toties facies, donec tota materia candidissima compareat: hoc pacto totum in olla fusioni committe; & habebis plumbum, quod in aurum converti debet, præparatum. Atque hic est processus, qui quantus quantus est, partim ex clavicula Lulli extractus est, ut proinde vel ex hoc ipso supposititius partus innotescat, cum Lullus multo post Ioannem XXII. Pontificem mundo claruerit; neque verisimile est, Lullum hunc processum à Ioanne XXII. mutuasse. Judicet jam Lector, quid de hoc desperati operis processu sperandum sit.

Plurimos alios supposititius ille Author adducit processus de transmutatione hydrargyri in argentum, & aurum: Verùm cum illos ex aliis descripserit, & ejusdem prorsus farinæ sint, qui apud Riplaum, Birellum, Isaacum, Lullum, Arnoldum, cæterosque reperiuntur, in iis describendis majorem temporis, quam sophericorum hujusmodi secretorum rationem habendam censui. Nihil porro restat, quàm ut Aphorismos juridicos de Chymico auro à diversis Jurisconsultis positos hic apponamus.

Præpara-
tio plum-
bi.

CAPUT II.

Decisiones Juridico-Canonicæ,

De auro Chymico falso, & vero.

An Alchymia licita sui distinctione solvitur.

QUæritur, an Alchymia sit Ars licita? Resp. Illa licita est, quæ verum, genuinum, & naturale aurum producit. Ita *Oldradus Consil. 74.* & *Ioannes Andradas*, in titulo de Crimine falsi additione ad speculum. Si verò aurum Sophisticum producit, illicita est; ita plerique & Juris tum Civilis, tum Canonici Doctores. Ita *Ioannes de Plat. in l. 1. C. de arg. prat.* *Ioannes de Clavasio in Summa*, verbo Alchymia.

An verum aurum fieri possit per Alchymiam.

2. Quæritur. An verum & reale aurum ab Alchymistis per transmutationem confici possit? Resp. quod non. Ita *Avicenna* apud *Albertum*, de quo in præcedentibus fusè, quia tale aurum Alchymicum non nisi externam auri speciem habet, verum tamen aurum non est; ita *D. Thom. 2. 2. q. 77. art. 2. Card. Alex. in c. 1. quæ sunt reg. in usibus feudorum*. Si tamen vera transmutatione id efficeret quispiam, tum verum quoque aurum futurum, nulli dubium esse debet. Sed audiamus Verba *D. Thomæ*: quem multi aurum Alchymicum non solum approbasse, sed & effecisse, ad falsitatem artis tanti viri testimonio stabilendam perperam dicunt; sed qui vel ex ipsis ejus verbis facile confutari possunt. *Alchymia*, inquit, *quamvis sit difficilis, non tamen est impossibilis, quod & nos dicimus, saltem Angelis aut demonibus notam, qui soli norunt occultas naturæ semitas; juxta quas perfectè operari possunt*. Si itaque aurum, quod fit per Alchymistas non est verum, & tale quale fit à natura; ejus venditionem pro vero fraudulentam & injustam esse, si autem verum est, pro vero auro vendi potest, (uti est illud, quod ex variis metallis, quibus commixtum est, extrahitur): de auro verò Alchymico sic dicit, *2. Sent. dist. 7. q. 3. ar. 1. Potest quidem ars virtute naturalium agentium aliquas formas substantiales inducere in materiam; sunt tamen quadam forma, quas nullo modo ars potest efficere, quod propria activa, & passiva principia earum non potest invenire, & adhibere, sed bene aliquid simile illis efficere; sicut Alchymista*

D. Thomæ de Alchymico auro sententia.

Aurum Alchymicum fieri non posse, utpote repugnante naturæ, *D. Th. asserit.*

faciunt aliquid simile auro, quantum ad accidentia exteriora, sed tamen non faciunt verum aurum, quia forma substantialis auri non est per calorem ignis, quo utuntur Alchymista, sed per calorem Solis in loco determinato, ubi viget virtus mineralis. Ex quibus verbis luculenter patet, Divum Thomam longè aliud de Alchymia sensisse, quàm quod iis ipsi affingunt per supposititios partus.

3. Quæritur. An aurum Alchymicum vendere, & solvere liceat pro vero, & naturali, & an per hoc venditio aut solutio reddatur justa? Resp. si aurum alchymicum à naturali in nullo differat, id vendi, & solvi posse: secus, minimè licere. Ita *D. Thom. & Albertus* suprà adducti, *Andreas de Isernia, Baldus & Card. Alex. in dist. c. 1. Quæ sint regalia*. Qui enim per alba albificant, & per citrina citrinant manente specie metalli prioris in materia, hi procul dubio deceptores sunt; & hoc modo ferè omnes in toto, vel in parte procedunt, & ipso *Alberto* teste, multis substantiant deceptionibus. Et puniuntur tales, juxta constitutas leges, ita *Ioannes Andr. in add. spec. titulo de Crimine falsi*. Nam præter interesse, inquit, majoris valoris aurum, & argentum habet quoque quasdam virtutes, quæ non insunt aliis metallis, neque in auro & argento per alchymiam sophistico, veluti contra melancholiam, aliasque animi ægritudines à peritis medicis observatas. Et subscrit hinc *Frat. Barthol. de Sancta Concordia in summa*, Verbo Empti. §. 4. *Fab. de Monte de empt. & vend. p. 8.*

An aurum Chymicum licitè vendi possit.

4. Quæritur. An aurum, quod quis diabolo magistro, vel arte magica didicit, vendere possit? Resp. quod quemadmodum non est licitum, aliquid à diabolo discere, ita quoque tale aurum, malà arte acquisitum vendere non licet. cum semper suspicio alicujus deceptionis à Satana, veritatis osore sanctæ, subesse possit. Et hoc pacto prohibitam esse & artem, & aurum ex ea productum, uti habetur *C. de auro pub. per se 10.*

An aurum Magica arte factum vendere liceat.

CAPUT ULTIMUM,

& ἀνακαίφαιλατικόν.

In quo breviter quidnam propriè decantatissimus apud veteres Alchymistas Lapis Philosophorum fuerit, & quid tandem prisci Philosophi, eorumque moderni sectatores per eum intellexerint, aperitur.

VIdimus partim in hac præsentī, partim in præcedentibus Sectionibus, admiranda Naturæ opera, quæ tum in metallurgia, tum in auri conficiendi mo-

do, & ratione occurrunt; Discussa quoque omnia ea, quæ de admirandis Lapidis philosophici mysteriis prisci tradiderunt; multis quoque, & magni ponderis rationibus ostendimus,

dimus, neminem hucusque fuisse, qui per transmutationem veram, & realem Mercurium, aut cætera metalla imperfecta in verum, & naturale aurum traduxerit; Sed omnem illam Alchymistarum operationem fuisse falsam, & sophisticam, quin & aurum argentumve inde productum, aliud non fuisse, quam aurum cæteris adjunctis rebus aut commixtum, aut fuco introductum; ut proinde ex dictis recte, & jure merito inferre queamus:

Separato-
rum quos
spagyristas
vocant, de
auro Al-
chymico
judicium.

Omne aurum, argentumve, quod hucusque à diversis Alchymistis confectum traditur; vel calliditate quadam, & dolosa impostoriæ artis astutia, vel arte magica ex pacto cum Satana facto, vel denique ex minerali auro in pulverem reducto confectum fuisse; quod tamen, si cupellæ, & cineritii, aut cæmenti trutinæ commiseris, non subsistat, sed in ea, ex quibus coaluerat, resolvatur; quod tum primum mihi innotuit, cum non ita pridem cum peritissimis auri separatoribus hîc Romæ ea de re longo ratiocinio discursissem, qui sancte affirmarunt, se à diversis Alchymistis diversos tum auri, argenticque partus examini oblatos accepisse; & nonnullos quidem cupellæ, ad septem depurationum repetitiones ob pertinacissimam spurie miscellæ adhæsiōnem restitisse, tandem verum aurum præstitisse, non intentâ ab Alchymistis transmutatione conflatum, sed uti postea ex confessione eorum percepit, ex marcasita auro prægnante, metallurgica arte decocto, cum lucro; auri ex una libra marcasitæ extractum. Et quamvis innumera hujusmodi artis miracula ipsis exhibita fuerint, nihil tamen, à quo tempore artem spagyricam professi fuerant, se comperisse aiebant quod non fucum saperet, aut quod ex falsis miscellis sophistica compositione non coaluisset. Quod & *Albertus lib. 3. de metallicis* confirmat; *Aurum enim Chymica arte ad se devenisse ait, quod ubi sex, aut septem ignes sustinisset, tandem consumptum in facies resolutum fuerit. Dum itaque Alchymista dicunt, aurum se facere ex Mercurio, cæterisque metallis, quod cupella quovis modo resistat, ne credas eis, cum longioribus ignis tormentis tandem heterogeneis partibus separatis, tantum auri supersit, quantum imposuisti;* Non opus hisce fuisset, tot repetitis examinibus veritatem reperiri, cum id magna plumbi copia cupellæ commissa facile vel unico examine sine errore, arte paucis nota, comperire potuissent.

*Alberti de
auro Al-
chymico
sententia.*

Conclusio.

Quicquid
in hæc us-
que tem-
pora de au-
ro Alchy-
mico ab

Concludo itaque; quicquid quondam Arabes, quicquid *Lullus, Arnoldus, Rupeissa*; quicquid *Isaacus, Basilus, Riphæus, Sendinogius, Paracelsus*, ejusque sequaces de auro à se confecto tradiderunt, non verum, & naturale, sed sophisticum fuisse, iis artibus, quas recensuimus, conflatum. Unde quicquid innumeris hucusque de Arte magna Lapidis evulgatis libris editum fuit, ea nil aliud, quam quod diximus continere, aded certum est,

quam certum est, mortuum naturaliter reviviscere non posse; quod tamen de suo lapide mortui corporis resuscitatore passim jactant. Unde frustra laborant, qui ex Theatro Chymico, Turba Philosophorum, ex operibus *Isaaci Hollandi, Comitæ de Treves, Basilii Valentini, Tarvisini, Bernaudi, Boni, Ioannis Petri Fabri, Libavii, Mylii, Rhenani, Porta, Weckeri, Alexii*, vel ex innumerorum Manuscriptorum codicibus, eorumque receptis ad transmutatoriæ artis arcanum pertingere se posse sibi imaginantur. Quod aded certum est, ut vel ipsi primi artis Magistri id fateri confessi sint; quos *Paracelsus* Alchymistarum Monarcha *lib. de transmutatione metallica*, & in libro intitulo *Aurora Philosophorum*, citat. Verum cum ejus citra Alchymistarum vanos labores fusissimum discursum supra *Seç. II. Cap. VI.* verbotenus allegaverimus, eo *Lectorem* remittimus. Quo tametsi omnium hucusque Alchymistarum conatus tanto rigore reprobet, ipse tamen in eo, quod in aliis carpit, peccasse reprehenditur: dum in tribus, nempe Arsenico, Vitriolo, Antimonio, totius Magisterii arcanum consistere dicit, uti in præcedentibus docuimus.

Authori-
bus tradi-
tum fuit:
Sophisma-
ta & esse &
fuisse.

Paracelsus
adstipula-
tur vanitati
Alchymista-
rum.

Quicquid igitur hucusque aut scriptum de Arte Magna, aut in ea traditum fuit, id totum, uti diximus, vel Metallurgica, vel Sophistica arte præstitum fuit, adeoque nullum inde aliud emolumentum resultare queat, quam quod vera Chymia nunquam satis laudanda docet. Primum enim aurum, argentumque ex mineris metallicis extrahendi, excoquendi, depurandique modum tradit. Secundò ex varia auri, argenticque reliquis metallis, mineralibusque commixti nonnulla tinctura cum adjuncta mole reperire monstrat; quod licet auro, argentoque ipsis commixto semper imperfectius sit, ad Ecclesiasticam tamen supellectilem, mensales apparatus, cæteraque utensilia licite servire potest. Tertiò. Magno Regum, & Principum emolumento modum docet, auro, & argento colligandi cuprum, stannum, similiaque metalla, quam collybiticam, vulgò *legam* vocant, quam quisque principum jure suo in statibus suis usurpare pro libitu potest. Quartò. Loco auri irriti labore quæsitæ, multa præclara, & humano generi proficua, tam in vegetabilibus, quam animalibus arcana in medicamentorum usum, quæ potissimum in extractis, magisteriis, quintis essentiis consistunt, auri pretio haud imparia detexit. Quæ quidem uti laudæ dignissima sunt, ita quoque in ultimum hujus operis librum, ne Alchymiam falsam cum Chymia vera confundere-mus, consultò transtulimus; in quo quicquid circa varia Naturæ arcana ex triplici regno prolicienda desiderari potest, *Lector* curiosus reperiet.

Laus vera
Chymicæ.

Cum itaque nulla auri tantoperè à cunctis desiderati, per Alchymiam conficiendi spes sit, meritò quispiam mihi objicere, imò me-
tente.

temeritatis arguere posset, dum eam artem præsumptuosius confutare allaboro, quam veneranda antiquitas tanquam verissimam, certissimamque semper supposuit, quamque tot, tantisque Philosophorum scriptis comprobata videmus: quos quidem omnes imposturæ arguere, non sapientis, sed imprudentis calumniatoris vexationem esse plerique mihi opponere possent. Quare ne injuriam iis facere videar, ac meipsum à cavillationis dica eximam: Quid veteres Philosophi per Lapidem Philosophorum, quid per Artem magnam intellexerint, ea, qua fieri potest perspicuitate & claritate tandem aperiam.

Quid veteres per Artem magnam intellexerint.

Mercurius Trismegistus totius reconditæ doctrinæ Author, cum abdita quævis in Naturæ majestate elucescentia summa ingenii subtilitate penetrasset: ne tanta in mundanis recessibus sacramenta cuivis obvia fierent, ingeniolum illam hieroglyphicorum architecturam adortus est, quâ singula magni momenti mysteria sub symbolis quibusdam ad pantomorphæ Naturæ similitudinem excogitatis, ita recondidit, ut tamen iis, quos dignos judicaret, & sibi ingenii perspicacitate similibus haud, impervia relinquerentur. Unde electis in hunc finem Sacerdotibus, & Philosophis, quibus unica ad Regni solum spes erat, mentis suæ arcana per dicta symbola expressa, nè unâ secum tanta inventarum rerum emolumenta interirent, communicavit, saxisque contra omnem temporum injuriam incidi curavit. Quoniam verò tantarum rerum scientia paucis verbis exprimi non poterat, symbola quædam idealia, quæ analogiam quandam multa complectentem tenerent, cujusmodi hieroglyphica sunt, subtili sanè indagine excogitavit, quibus omnia ea, quæ sine multis discursibus describi non poterant, & solo, & mystico unius symboli conceptu patefierent, de quibus vide nostrum *Oedipum*.

Hieroglyphica doctrina *Hermes* quid notet.

Cum itaque omnia in omnibus sub certa quadam analogia latere conspiceret, imò superiora in inferioribus, hæc in superioribus, mediisque, mira quadam ratione contineri intueretur, quadruplicem Mundum distinxit: Archetypum, Genialem, Sidereum, & Elementarem, uti supra in *Oedipo de Alchymia Hieroglyphica Aegyptiorum*, & in *Obelisco Pamphilio* amplè demonstratum fuit; in quibus ordines rerum, & entium gradus eo ingenio posuit, ut nullum infernum Mundi ens existeret, quod non suum, tum in Sidereo, tum Geniali Mundo, secundum intentam analogiam, ens haberet, consonum & proportionatum: quæ quidem in Archetypo Mundi, ideali quadam analogia, secundum nostrum concipiendi modum disparata, re vera tamen sub unius simplicis essentiae divinæ ratione considerantur. Arque hinc catenæ illæ, *σείρας* vocant Aegyptii, de qui-

bus in citato *Oedipo* passim egimus, originem invenerunt. Habet superior Mundus suum Solem, Lunam, cæterosque Planetas, quibus è superiori Mundo Intelligentiarum totidem Præsides Genii consignantur: habet & ea inferior Mundus. Cum itaque in Sidereo Mundo Sole nil excellentius, nil præstantius, diviniusque reperisset, & in inferioris elementaris Mundi miscella nihil auro pulchrius, efficacius, excellentiusque cognovisset, illud ob Soli analogas virtutes, inferioris Mundi Solem nuncupavit: hoc pacto videns Lunam esse Soli præstantiâ proximam, Lunam inferioris Mundi Argentum esse voluit, & sic de cæteris planetis, singulos singulis inferioris Mundi correspondentibus metallis ἀναλόγως connectendo. Hinc factum est, ut per symbolum verb. gr. Solis, quadruplicem sensum exhiberet, seu ut Solis Archetypi, Genialis, Siderei, Metallici, seu Elementaris arcana sub quadruplici analogia, veluti unum quidpiam consideraret: ita ut quæcunque de divinitate supremi Numinis mysteria traderet, eadem suo modo de mysteriis Genialis Mundi, Siderei, & Elementaris intelligi possint. Cum verò nihil in universa Natura metallicis operationibus mirabilius cognosceret, modum, quo in iis generandis Natura procederet, sub iisdem mysteriis, quibus Supremi Numinis, cæterorumque Mundorum sacramenta exhibuit; quem postea Græci in omnibus secuti, naturam rerum haud absimilibus ænigmatis absconderunt; de quibus *Lector* consulat *Oedipi secundam secundæ Tomi partem*, ubi fusè Historias Deorum, seu fabulosam narrationem de *Osiride*, & *Iside*, *Horo*, *Typhone*, huc respexisse ostendimus, unâ cum Græcorum Mythologia, quâ naturam rerum in Elementari Mundo miram operantem indigitatam fuisse significavimus. Non restitit hic *Hermes*, sed ex mineralium Mundo ad vegetativum & animalium Mundum progressus, Solem, Lunam, planetas in omnibus secundum intentam analogiam invenit; ita ut nihil esset in rerum natura, quod non sub monstruosa animalium cæterarumque rerum similitudine exprimeret. Hinc *Solem*, seu *Osirin* *μύδαρον*, id est, *petram ignitam*, omnia virtute sua pervadentem, *Typhonem* verò, seu *Vulcani* subterraneum ignem, omnia corruptentem restaurantemque vocavit; Ibidem & *Tabula Hermetica*, sive *Smaragdina*, quæ non immeritò Alchymistarum oraculum dici potest, interpretationem reperies; quæ tantum abest, ut Lapidis fabricam doceat, ut potius non aliud, quàm universæ Naturæ processum in generatione, & corruptione rerum elucescentem exponat. Addo, hujus Tabulæ à nullo Scriptorum ante tempora *Lulli*, mentionem factam fuisse, neque Arabum monimentis insertam reperio. Unde nemini dubium esse debet, quin tota supposititia sit. Si enim ab *Hermete Abrahamo*

R r

syn-

synchrono composita fuit, cur tantum ac tam celebre monumentum, *Plinium, Solinum, Elianum*, cæterosque rerum naturalium curiosissimos Scriptores, cur cæteros Historicos tum priscos, tum Neotericos latuit? Et si unquam illa visa fuit, quæro ubinam? quo loco? qua Urbe? Si scripta fuit; quæro qua lingua? quo idiomate? quo caractere? Cum ex pervetusto hoc monumento primævos post diluvium characteres, literasque, de quibus tanta inter Authores est controversia, nosse multum intersit. Undè cæcus est & insensatae mentis homo, qui ea non dicam credere, sed ne in animum quidem, ut ea vera esse sibi persuadeat, & induci possit. Sed de hisce amplius, & ex professo actum vide in *Alchymia Egyptiorum hieroglyphica*, ubi Authorem nugacem, & fumovendulum aperta demonstratione detectum videbis.

Arabes posterius non prævidentes, nec verba priscorum Philosophorum intelligentes, quævis, quod hi rerum omnium vim motricem, quam Solarem sive Solem intellexerunt, ipsi aurum *τὴν κατάχρησιν*, ejusque conficiendi processum intellexerint. Verba Arabica adduco, quæ in operis, quod apud me est, de *Alchymia Arabice* conscripti principio continentur, & sunt sequentia:

Omam in sua Alchymia.

قال بعضهم ان العالم كله
محـب ومـجـوب عاشق ومـعـشـوق
وطالب ومطلوب قال الامام

Hoc est,

Dicunt nonnulli, quod scientia universalis Alchymia, nil aliud est, quam exigens & exactum, concupiscens & concupitum, quarens & quesitum. Ita Omam.

قال هرمس الدرّة الموصوفة
دات النظر الماحي الدائم العديم
الموجود وهو في كل شي وهو
في كل بيت موجود وطوبى من
فهم سرها ووفق عملها ان سر كل
شي الما والما قابل للتربية من
الناس وغير ذلك. وفي الما
سر عظيم قال سرقونس ما
في الدنيا يباع اكثر منه وهو
عند كل احد وكل احد يحتاج
اليه يكون عنده ولا بد له منه ولا

خرجت مـرـوحـة قال ابن اميل يريد
بقوله الما لان الما موجود في كل
مكان في السهول والجبال
وعند الغني والفقير والقوي
والضعيف وهذا مثل يضرب به
جميع الحكماء وهو روح
الرطب

Hoc est,

Dicit Hermes quod dicta margarita in omni existit & est aqua viva, perpetua, primordialis, inveniturque in omni re & in omni domo. Beatus cui contigit intelligere secretum ejus, & convenienter eo uti. Dixit autem, quod secretum ejus est aqua, & aqua accipit nutrimentum ab hominibus. Dixit autem Mercurius omnia quæ in mundo sunt pluris venduntur dicta illa aqua, est enim apud quemque, & unusquisque indiget ea. Est apud eum, nec deserit illum, neque egreditur spiritus ejus. Dixit Aba Amil de dicta aqua differens, quod hæc invenitur in omni loco, in campis, vallibus, montibus, & apud pauperem & divitem, robustum & debilem, estque Hæc parabola, quam omnes sapientes respiciunt; & est spiritus humidi.

Atque totus ille universi conceptus hieroglyphicus nil aliud notat, quam vim quandam Naturæ rerum omnium motricem, quam *Aristoteles* non incongruè ἐν πλείονι, alii calorem seu ignem quandam universis Mundi membris inexistentem, qua omnia moventur, corumpuntur, alterantur, dissolvuntur, digeruntur, fermentantur & fixantur. Atque hic est ignis ille coelestis, Sol inquam, qui influxu suo in elementarem Mundum, ignem sibi haud dissimilem in intimis terræ recessibus latitantem accendit, fovet eo modo, quo in quarto hujus operis Libro demonstravimus; hic verò, quem & Vulcanum, seu Archæum Chymici vocant, omnia, quæ in utero suo tellus, veluti in fornace quadam continet, generat, fovet, conservat, hic sulphureo-salino-mercuriales vapores per intimas terræ fibras undique diffusos, ubicunque matrices (quarum innumerabilis copia à Mundi Architecto in Subterranei Mundi ergasterio, veluti Chymica quædam vasa, constituta sunt) proportionatas inciderit, ibi vel aurum, argentum, aut aliud quoddam metallum, aut minerale pro terrestribus matricis conditione producit. Extra verò Telluris corpus idem ignis, seu Solaris vis omnia, quæ in vegetabili, seu animali Mundo continentur, vivificat, fovet, alterat, corumpit, resolvit, concoquit, sublimat, quod sublimatum reducit, fermentat, digerit, fixat,

Calor Solis coelestis & subterranei omnia continent.

Digiti Solis qui vocentur ab Ægyptiis.

Isis prudens naturæ progressus.

Quid Veteres Sapientes per transmutationem intellexerint.

Cinis in se Salem Naturæ continet.

fixat, omnis generationis, & corruptionis naturalium corporum causa. Atque hanc admirabilem Naturæ vim, quæ in igne, seu calore five cœlesti, five elementari consistit, nullo non tempore vetustissimi omnium Ægyptii considerantes, radios quidem Solares vivificos, digitos *Osiridis* omnium dispositores dixerunt; Naturæ verò tanta patrantis artem *Isidem*, id est, *prudentis Naturæ progressum*, ut *Plutarcho* placet, quæ omnia, quæ videntur, efficiuntur, appellarunt. Et hanc quidem *Isidem* in cœlesti Mundo *Lunam*, in Elementari *Rheam*, five Lunam subterraneam dixerunt. Ut proinde hisce Ægyptii minimè Alchymiam, qua per transmutationem aut Mercurium, aut quodlibet aliud metallum in aurum converti posse indigitarent, sed prudentem, & admirabilem Naturæ solummodò progressum in auro, argento, cæterisque metallis, tum in intimo *Typhonis* regno, id est, Subterraneo Mundo, tum extra eum in vegetabilium, animaliumque Oeconomiam producendis, & consequenter *metallurgiam* *Βοτανολογίαν*, tantoperè ad humani generis usum necessariam intellexerint, quos & Græci, alique sapientiores Philosophi, & Alchymistæ secuti, nullo non tempore ingentibus ænigmatum, parabolarumque nodis absconderunt: Uti in *Alchymia nostra Hieroglyphica* citato *Oedipi* loco uberrimè docuimus. Verùm ne quicquam ad invidiam arti conciliandam asseruisse videar; hinc ordine veterum sapientum dicta adducam, ex quibus apertissimè elucebit, veteres Alchymistas nil aliud per artem transmutatoriam, quam ignem Naturæ, five vim illam igneam Solarem, aut Vulcaniam, & per analogiam quandam salem Naturæ, quorum utrumque per intimos Universi sinus diffunditur, intellexisse. Hic enim, uti suprà diximus, solus, & unicus omnia illa præstat, quæ Alchymistæ falsi sapientum interpretes per ignem illum Vulcani, & culinarem fieri posse existimarent: Nam ut rectè *Philosophus* l. 2. de Cælo, Cælum lumine & motu largitur propriam caliditatem unicuique rei. Fieri autem non potest, ut humanà industriâ calor ita attemperetur, ut quem Natura in auro producendo adhibet, illum Alchymistæ adæquent, cum Natura in omnibus rebus suis producendis, æquabili calore, & quasi in indivisibili consistente utatur. Falluntur itaque in operationibus suis, cum vel ipsa minera, & matrix nil aliud, quàm tenuissimus ignis sit, five sal Naturæ sulphureo-mercurialis, qui ex potentia in actum deductus tandem aurum generat, mixturam nempe ex aqua, aëre, terra, conflata, quæ per sulphureo-salino-mercurialem vaporem, humidi resolutione purificata in cinerem ignitum per salem ei inexistentem convertitur. Atque hoc est Elixir illud album in rubedinem versum, id est, per ignem ampliolem continuò succedentem, quod aurum Philosophorum, & aquam permanentem,

ignis tormentum, nutrimentumque vocant: id est, illud humidum radicale cineris, five aqua permanens, in illo calore ignis, qui ei loco animæ, & spiritus vivi servit, à Mercuriali humido, differt tanquam stabile ab instabili, fixum à non fixo, utpote quod in fundo vasis non persistat, sed in fumum resolvitur, fugitivumque lavat combustibilis materiæ nigredinem, & fæctorem, quem insitum habent partes sulphureæ, & pingues cineri inexistentes, dum in fuliginem nigram abeunt, quam Alchymistæ terram damnatam, volatilem, fætidam, putridam, sulphurque comburens dicunt. Contrà verò cinerem calcinatum ob salis fixi copiam, sulphur dicunt incombustibile, siquidem igni appositum, purificatumque, tandem in vitrum conflatur; atque hujusmodi cinerem sapientes *Salamandram*, utpote quæ vivat, & nutriatur in illo, appellandam censuerunt: alii quoque *Phœnicem* dixerunt, eò quod cineres accensi nil aliud sint, quàm corpus illius Phœnicis, quod ex proprio cinere seipsa resuscitetur, & renovata vivat. Atque hujusmodi ignis à sapientibus denotatur per draconem illum terribilem, qui omnia devorat, & in se convertit, uti & per basiliscum omnia interimentem: eo enim ipso, quod cinis sit ignitus, hoc ipso in eo existit calx viva, sal, sulphur, & argentum vivum. Atque hoc est juxta mentem Sapientum, suscitare mortuum, & occidere vivum, id est, talem cinerem privare vitâ, quæ est conjunctio Orientis cum Occidente, cœli, & terræ, spiritualis, & corporalis, conjunctio Solis, & Lunæ, cum flamma clara sit ipse cinis, & aqua volatilis, quæ in se gerit fumum rubeum, & hic tandem decoctus in fundo vasis chymici fixatur. Atque hæc est aqua, quæ dealbat, quæ denigrat, quæ rubefacit, vivificat, occidit, sublimat aquam, calx dissolvens, & coagulans, putrefaciens, & corrumpens, & in germina diversa à ligno degenerat; & teste Philosopho, *apposito igni combustibile, crescit in infinitum*. Atque hic est primus Naturæ processus, ignis videlicet, & Naturæ, quem sub varia symbolorum adumbratione descripserunt Sapientes. *Aros* in Turba Philosophorum, dicit, *hunc omnis homo cognoscit, & qui eum non cognoscit, nihil cognoscit*. Sed hic ignis vix ab ullo Alchymistarum cognitus est. Ergo ignis Philosophorum non est ille, quo opus perficiunt Alchymistæ.

Morienus ait, *illa res, quæ multum valet, non intrat in Magisterium; apud Alchymistas tantum valet, ut omnem substantiam in eo procurando perdere videantur, ut eum acquirant*.

Pythagoras in Turba clamat cum aliis, *nostrum opus est opus mulierum, & ludus puerorum*. Opus autem Alchymistarum est inventu adeò difficile, ut in quo id consistat, lis adhuc pendeat.

Dicunt omnes Sapientes in Turba: *Cum opere nostro nemo stare potest, neque id tangi potest sine damno, tingit omnia, omnia corrumpit*;

R r 2

au-

Quid Salamandra & Phœnix Alchymistis.

Quid per Draconem & Basiliscum.

Aqua dealbans quid.

Aros in Turba Philosoph.

Morienus in Turba.

Pythagoras in Turba.

aurum vulgi vulgare adeò familiare, & domesticum est Alchymistis, ut id semper manibus versent sine damno.

Arnoldus. Arnoldus dicit: *Aurum potabile & Elyxir rubrum, quod est aurum Philosophorum, est aurum potentiale & invisibile: Aurum Alchymistarum contra est actuale, reale, & visibile omnibus sensibus obvium:*

Alfidius. Alfidius dicit in Turba: *Aurum Philosophorum ubique optime praparatum, & purificatum reperitur, vili pretio venditur, utpote quod unicuique prodest, tam pauperi, quam diviti. Aurum Alchymistarum pauci habent, utpote quod vix ulli unquam nisi sophisticum viderunt, aut tetigerunt. Iterum alio loco dicit Alfidius: In auro hoc Philosophorum producendo, omnes operationes uno, & eodem tempore fiunt; Aurum Alchymistarum diversas operationes requirit, præter ingens temporis dispendium.*

Raymundus Lullus. Raymundus Lullus dicit; *Sine hoc auro, quod nos ignem Naturæ dicimus, neminem vitam suam sustentare posse; Unde sequitur, omnes, qui Auro Alchymico carent, jam dudum esse mortuos. Præterea dicit, aurum hoc facere vitrum malleabile; quod patet, dum vitrum fornace decoctum pro libitu artificis in quamcunque formam tendi, tundique potest, & liquefactum aquæ frigidæ immersum adeò fragile fit; ut manibus haud secus ac ceram tractare liceat: quod de auro Alchymistarum dici non potest; liquefactum enim nec tendi, nec tundi potest, neque in aqua naturali frangibile fit,*

Valgus in Turba. Dicit Valgus in Turba. *Sol noster conservat calidum, & humidum radicale in juvene, in senē illud restaurat: Ignis noster coquit omnes cibos, qui serviunt nutrimento, calefacit senes frigidos, & siccos. Quod aurum Alchymistarum non facit, cum neque digerat, neque digeratur, uti calor ignis.*

Turba. Dicitur in Turba; *Aurum nostrum Sol est, Sol luminosus, qui calefacit, alterat, corrumpit, putrefacit, digerit, generat, rarefacit, solvit, illuminat ceteras stellas: Quod de auro Alchymistarum dici nulla ratione potest, cum nec ex se luceat, neque in tenebris splendeat, ut coelestis, & elementaris ignis.*

Turba. Clamat Turba. *Aurum nostrum in infinitum multiplicari potest, quod non nisi de igne Naturæ dici potest, minimè de auro Alchymistarum. Aurum nostrum ajunt, semper igni sine ulla sui corruptione resistit; hoc autem de auro sophistico dici non potest, quod aquis corrosivis calcinatur, corrumpitur, & in aliam formam reducitur.*

Dicunt. *Elyxir nostrum est venenum omnium potentissimum, quod omnia interimit: quis nescit, ignem hoc præstare, non aurum Alchymistarum.*

Hortulanus in Turba. Hortulanus in Turba dicit. *Lapis in nostro opere vocatur omne id, per quod quatuor elementa ab invicem separari possunt, ex qua separatione nascitur substantia quadam crystallina, sicut lapis*

natus ex quatuor elementis, & calum dicitur à Philosophis, & quinta essentia; qua quidem sensibus impervia est, nisi quando accipis corpus per coagulationem, quæ omnia uti cineri in vitrum decocto respondent, ita lapidi Alchymistarum non congruunt.

Hermes. Hermes, qualiscunque ille sit, ait in suis allegoriis: *Lapis, & medicina nostra ignea est; quod enim igni simile, igneum est, & non ignis; quod est aëri simile aëreum, & sic in aliis, est ignea, sed non ignis medicina nostra, sed ex igne; qua extrinsecè propalam sine nostro periculo bibi non potest, intrinsecè tamen clam bibi debet, & vivificat omnia, & exhilarat. Quæ de auro sophistico dici non possunt.*

Lucas in Turba. Lucas in Turba. Pluribus, ait, rebus non indiget Ars nostra, nisi una, & illa una res in unoquoque gradu operum nostrorum in aliam vertitur naturam; hujusmodi autem gradus sunt secundum diversas proportionales miscibilium elementorum, quæ in ejus operatione eveniunt, & quamlibet operationem in gradu suo secundum ordinem, quem natura tenet in via, & prosecutione generationis suæ, nomine alicujus metalli notaverunt: Nam primum gradum vocaverunt ferrum, seu Martem; secundum as seu Venerem: Tertium, plumbum, seu Saturnum; quartum stannum, seu Iovem: quintum, argentum, seu Lunam; sextum Solem, seu Aurum, & infinitis aliis nominibus illa sua metalla metaphoricè nominarunt; & totum hoc ad occultandam Naturæ artem, & scientiam. Quæ verba falsi interpretes postea ad artis operationes applicaverunt. Certè uti sub hisce, non solum in mineralium regno, sed & in vegetabili, & sensitivo animalis naturæ regno mirus, & naturæ processus in singulis juxta suum gradum disponendis intelligitur, ita quoque processus artificialis in magni Lapidis structura non nisi analogicè & improprie convenire potest. Nam ut rectè Epherrarius Monachus docet; Causa, cur materia Lapidis tot diversis nominibus appelletur, alia non fuit, nisi illa, qua sequitur. Veteres enim videntes Naturæ processum in corporibus producendis, observabant primò materiam metallicam fumos subtilis continuò generare, qui dum per vasa naturæ elati undequaque diffunduntur, hanc sublimationem vocarunt; observantes postea ad naturæ exemplar materiam sublimatam denuò descendere in fundum, quam distillationem dixerunt: Cum verò materiam paulatim denigrari, & fatere comperirent, illam putrefactionem appellarunt. Iterum cum materiam ex nigredine sua evolutam paulatim in cinereum colorem desciscere notarent, illam incinerationem, & albificationem dixerunt. Postquam verò terram aquæ suæ misceri, & coctione minui viderent, illam cerationem dixerunt: & deinde solidam substantiam degenerantem, coagulationem; & tandem materiam omni humore excutam, fixationem nominarunt. Ex quibus clarè patet, veteres hisce verbis unice Naturæ operationes in producendis mineralibus indiguisse, & deinde eandem imitatos Stala-

Stalactica arte plurima reperisse naturæ humanæ apprimè necessaria, Lapidem verò fictitium Alchymistarum ne quidem iis in mentem venisse.

Geber.

Geber in *Capitulo de Medicina*, ait. *Nisi medicina sit talis, quod corpus liquefactum in momento denudat à forma prima qua sub aqua erat, & removeat omnes imperfectiones, & similiter reducat ad ultimam simplicitatem materie primæ, & in eodem momento inducat aliam novam formam scilicet solis, nondum est perfecta ars, & natura.* Quæis quidem verbis nil aliud nisi Naturæ infallibilem in auro producendo effectum describit, quem vix aut nō vix quidem imitari potest Alchymista.

Saturnus
Trismegistus in
Turba.

Saturnus Trismegistus in *Turba* ait: *Cæcus est, qui de re adustibili putat facere artem, cum operatio divina sit ex pura substantia, qua in igne perdurat sine aliqua combustione (uti nos de cinere ignito diximus) omnes enim alie res per combustionem ignis destruuntur, & consumuntur.* Quæ omnia de Naturæ igne, sive Sole, non de igne spurie Alchymie intelligenda sunt.

Trismegistus.

Iterum Trismegistus: *Philosophi non scripserunt libros suos nisi filiis eorum, filios verò eorum intelligo, qui intelligunt dicta eorum, & non secundum literam: Nam operatio secundum intentionem literæ, est dissipatio divitiarum, & temporis perditio. Multi habent lapidem nostrum, sed nesciunt virtutem ejus, & si scirent virtutem ejus, nihil valeret, nisi etiam scirent operationem ejus. Operatio autem fieri non potest nisi per maximum domum DEI, vel per peritissimi magistri doctrinam, & totum id à voluntate DEI dependet.* Quæ verba aded clara sunt de falsa Alchymie doctrina, ut ab Idiotis facile intelligantur: Huic subscribit vel ipse Alchymistarum Monarcha in

Paracelsus.

libro de *transmut. metall.* *Quicquid ardet sulphur est, & nil flammæ concipit, nisi sulphur, quicquid in fumum transit, Mercurius est, & nil se sublimat, sive ascendit, nisi Mercurius. Quicquid in cinerem redigitur sal est, nihilque præter sal cinis fieri potest.* Quo quidem apertè significat, tria proxima Naturæ principia, ex quibus omnia constant, uti jam sæpius dictum fuit. Hæc igne, seu Solari vi, seu spiritu coelesti exaltata non mineralium tantum, sed & vegetabilium, & animalium Oeconomiam dum pervadunt, omnibus, & singulis vitam, animam, spiritum, largiuntur; dum dissimilia separant, similia calore ignis dissipata congregant, & ad intentum à natura finem disponunt. Hoc pacto in hoc Mundo Sol à DEO creatus est, ut quiescentem ignem in omnibus suscitet, igne suo reliquos planetas circumfinitos, in coelesti Mundo accensos, illuminatosque ad foecundos influxus sollicitet; in Vulcani verò regno subterraneo per Archæum in minerales materias agendo, tandem analogos iis planetas producat. Undè apertè patet, Solem Philosophorum nil aliud fuisse, quam

ignem illum Naturæ omnia animantem. Sed hæc omnia uti fusissimè alibi in hoc opere exposita sunt, maximè in *Oedipo Syntag. de Alchymia Egyptiorum Hieroglyphica*, eò Lectorem remitto.

Sol Philo-
sophorum
ignis na-
turæ.

CONSECTARIUM.

EX hucusque dictis constat, Sapientes per aurum, & argentum Philosophorum, cæterosque planetas valde differentem à vulgaribus metallis significationem dedisse; unde cæcus est, qui hæc nimia auri fiti dementatus non videt, aut si videt, pertinaciter negat. Aurum per substantialem transmutationem argenti vivi, cæterorumque metallorum à nullo unquam mortalium, nisi forsan aut insigni fuco, aut arte magica confectum fuisse in præcedentibus multis, variisque modis ostendimus. Qui verò auctoritatem Alberti, & D. Thomæ, arti suffragatos fuisse putant, valde hallucinantur, cum prorsus contrarium dixerint. Sed audiamus verba D. Thomæ l. *D. Thomæ sent. dist. 7. q. 3. art. 1.* ubi expressis verbis supra allegatis subscribit: Aurum Alchymistarum verum aurum non esse, sed auro vero simile; si tamen alibi dixit, verum aurum illos facere, hoc intelligendum est, quod ex variis mineralibus, & metallicis corporibus aurum verum, & genuinum educere queant, quo apud metallurgos nil tritius est, hoc tamen D. Thomas non per transmutationem, sed per separationem tantum arte educi posse dicit, uti ex supracitatis verbis patet: Cui Avicenna in *Comment. supra meteor.* ad stipulatur his verbis: *Sciant Artifices Alchymia, species metallorum transmutari non posse, quamvis similia illis fieri possint; etsi enim tingere queant ipsum as colore, quo volunt, donec sit multum simile auro, & abstergere immunditias plumbi, ita ut videatur argentum; semper tamen secundum substantiam manebunt as, & plumbum.* Albertus consentit l. 3. de mineralibus c. 9. dum dicit: *Qui per alba albificant, & per citrina citrinant, remanente specie prioris metalli in materia, procul dubio deceptores sunt, & verum aurum, & argentum non faciunt, & hoc modo fere omnes vel in toto, vel in parte procedunt; propterea ego experiri feci aurum Alchymicum; quod ad me delatum est, & postquam sexies, aut septies, ignes sustinuit, tandem amplius ignitum consumitur, & perditur, & quasi ad faciem re-vertitur.*

D. Thomæ

Avicenna

Albertus
Magnus.

Picus Alirandalanus. Alchymie haud imperitus, de everfione singularis certaminis. l. 29. sect. 7. etsi artem haud impossibilem dicat, tantas tamen adnexas habere difficultates, quas vix superare liceat; unde concludit: *Non, inquit, danda est opera illi arti, non quia impossibilis est, sed quia tanta est difficultas, ut utilius sit eam omittere, quam exercere, & multi quidem ditissimi ad magnam inopiam redacti sunt, eò quod maximis sumptibus impensis vel nunquam affecuti sunt, quod hæc ars pollicetur,*

Picus Alirandalanus.

Rr 3

vel

vel certe raro, & parum, ita ut sumptus multo lucro sit major. Quare satius est, aliis artibus utilioribus operam dare, qua majori ex parte finem suum præstant, quam huic, qua rarissime propter res natura absconditas, finem suum assequitur. Hæc *Mirandulanus*.

Arnaldus.

Videamus jam, quid *Arnaldus*, quem veluti oraculum suspiciunt, & venerantur Alchymistæ. Sunt, inquit, aliqui fatui, & cæci, qui dicunt, se scire facere aurum potabile de auro vulgari, vel credunt, quod est optimum ad sanandum omnes aggritudines; & sunt aliqui Medici, qui faciunt bullire ducatos in aqua, dicendo hoc esse optimum ad sanandum, quod est totum oppositum, (salva semper eorum reverentia) quod sit illud aurum potabile; neque quod illa aqua sit bona ad bibendum pro sanando, sed bene dico, quod Ducati sint optimi pro eruendo confectiones, & pro medicis solvendis, & etiam verum est, quod bonum esset, habere vas plenum ducatorum, & ostendere infirmo, quia ei multum conferret videre aurum. Qui ergo hanc Medicinam intelligunt de auro vulgari, sunt cæci, & plusquam cæci, & deceptores.

Trithemius
quid de
Alchymia
senserit.

Non ignoro, plerisque in consortium artis ad auctoritatem quandam ei conciliandam adscivisse *Trithemium*; at qui opera ejus evolverit, totum contrarium eum sensisse reperiet. Verum ut mens ejus plenius, pleniusque patefiat, hæc ejusdem verba apponam, quibus vanitatem Alchymistarum graphice sane depingit; ita autem loquitur *polygraphia* libro fol. 598. veteris editionis. Multas inquit habet Alchymia domesticas familiares, qua dominam suam perpetua vigilantia custodiunt, seque ejus nomine supponunt, ut eam conservent à commercio importune amantium tempore sempiterno intactam: vanitas, fraus, dolositas, detectio, sophisticatio, cupiditas, falsi-

tas, confidentia mendax, stultitia, inopia, paupertas, desperatio, fuga, proscriptio, & mendicitas pedisequa sua Alchymia, qua dominam simulant, amatam eam inviolatam custodiant, & semetipsas illius questoribus pecuniosis, avaris, stupidis, & fatuellis libenter prostituunt. Hæc *Trithemius*, quæ merito epitomes instar esse possunt eorum, quæ hucusque dicta sunt: cum tamen plerique, uti *Paracelsi* Magistrum, ita arcanorum artis magnæ conscium fuisse, asserere non verecundantur.

Ex quibus clarissime patet, vel ipsorum Alchymistarum testimonio artis hujus vanitas, & nullitas. Sed dicent forsan hoc loco illa omnia de pseudo-Alchymistis dicta esse, non de veris philosophis. Veruntamen cum nec ullus ex primis illis philosophis inventus sit, qui verum, purum, & genuinum aurum per transmutatoriam artem confecisse, uti in præcedentibus fuisse docuimus, demonstrari possit, Certe vel hoc ipso omnis cadit Adversariorum oppositio. Præcipuos illos artem κατὰ τὴν θεωρίαν novisse, imò possibilem esse non contradicam; Sed eos, in praxin eam reduxisse, id est, quod quærimus; de quo sola nostra lis pendet, quam quidem melius expedire non posse judicavimus, quam per ipsas contradictiones, quibus Alchymistæ seipsos conficiunt, sese lancinant, impetuntque; Ex quibus patebit, consistere non posse, quod tam putridis fundamentis nititur. Et quantum quidem ad jactantiam artis attinet, plane gigantes; si verborum vim, & efficaciam, non nisi Nanos plumbeis pugionibus decertantes reperias. Sed ut contradictiones apertius videas, hic Confectarium Antitheticum apponendum duxi.

Confectarium Antitheticum, sive Contradictorium.

Quo totum aliud per magnæ artis Magisterium, ab eo, quod falsi Alchymistæ promittunt, à veris Philosophis intelligi ex hucusque dictis summatim ostenditur.

Falsi Alchymistæ.

1. Ad lapidis confectionem requirunt distillationes, sublimationes, conjunctiones, separationes, congelationes, dissolutiones, contritiones, dealbationes, rubificationes; sine quibus ut ad finem pertingant, fieri non potest, ita *Hugortius Lilius*.

2. Pseudo-Alchymistæ ad opus suum requirunt aurum, argentum, cuprum, ferrum, stannum, plumbum, mercurium.

3. Pseudo-Chymici requirunt aquam, acetum, salia diverſi generis, sulphur, antimonium, arsenicum, auripigmentum, realgar, & similia.

Veri Alchymistæ & Philosophi.

Ajunt, nil horum ad lapidis structuram conferre: alias enim, quibus Natura utitur, esse distillationes, sublimationes, conjunctiones, separationes, congelationes, contritiones, dealbationes, rubificationes. Ita *Hugortius Lilius de Lapide Philosophorum*.

Veri Alchymistæ ajunt, nullum ex vulgaribus metallis ingredi arcanam lapidis confectionem, non aurum, argentum, non ferrum, non cuprum, stannum, plumbum, aut mercurium vulgi.

Veri Alchymistæ dicunt, aqua nostra non est aqua, quali utuntur falsi Alchymistæ; acetum nostrum non est acetum vulgi; neque salia similia salibus mineralium, nec sulphuri sulphur est, non arsenicum, auripigmentum, realgar, & his similia.

4. La-

4. Lapis pseudo-chymicorum fit mineralibus combustilibus, & impuris, variis operationibus.

5. Pseudo-chymici differentes gradus ponunt in suo magisterio, quæ sunt septem operationes in præcedentibus allegatæ, & occupantur circa metalla & mineralia naturalia.

6. Dicunt Pseudo-chymici, omnes operationes Chymicas esse differentes, diversos fumos, vasa, ignes ad opus requirunt diversos.

7. In Pseudo-chymicorum magisterium intrant metalla, terræ, lapides, succi concreti.

8. Pseudochymici dicunt, in tinctura Philosophorum dari penetrationem corporum, dum per eam corpora transmutant.

9. Pseudo-chymici ajunt, beneficio animæ ab hydrargyro extractæ quodlibet aliud metallum in aurum, vel argentum transmutari posse.

10. Pseudo-chymici dicunt, ex minera naturali extrahi debere materiam Lapidis Philosophici.

11. Materia lapidis Pseudo-chymicis est Mercurius humidus, & frigidus.

12. Pseudo-Alchymistæ aurum corruptum in aliam formam abire ajunt.

13. Falsi Alchymistæ aurum, quod faciunt, verum aurum dicunt.

14. Falsi Alchymistæ de auro Alchymico loquuntur materialiter.

Noster lapis fit mineralibus incombustilibus, & purissimis, mediante igne naturali.

Hermes in suis allegoriis dicit, regimen circa Saturnum nil aliud esse, quàm putrefactionem; circa Jovem operatio est lotio; circa Martem separatio. Eam circa Solem operationem nihil aliud esse, quàm ipsum lavare à nigredine Martis; circa Venerem operatio nil aliud est, quàm conjunctio, id est, humidum cum sicco, & calidi cum frigido, & vocatur cuprum allegoricum. Operatio circa Mercurium nil aliud est, quàm combustio; & circa Lunam nil aliud est, quàm calefactio, assatio.

Dicunt veri Alchymistæ, esse solummodo unam operationem; & omnes operationes non esse nisi unam rem; non diversos requiri furnos, vasa, ignes; sed unum furnum, unum vas, unum ignem, æquabili calore vigentem, qui calor est.

In Philosophico magisterio non intrant metalla, terræ, lapides, succi concreti.

Veri Chymici Philosophi id negant, ceu falsum contra naturam principium. Sed tincturam solo Naturæ beneficio perfici volunt.

Veri Chymici negant, unam, & ejusdem speciei formam, posse informare aliud quodlibet metallum specie differens; quemadmodum anima quercus non potest informare pinum aut juniperum; sic nec plumbum, aut æs aurum, vel argentum.

Geber & cæteri veri Philosophi dicunt, materiam in rebus omnibus reperiri, in omni loco, & tempore, in homine, in animalibus; *Seniore* teste, in *Turba Philosophorum*; omnis homo cognoscit lapidem, & qui eum non cognoscit, nil cognoscit.

Materia lapidis Philosophorum est Mercurius calidus, & ficcus.

Veri id fieri negant, aurumque uti perfectâ misturâ constat, ita quoque corrumpi non posse.

Veri Alchymistæ id non verum aurum esse, sed simile, & analogum auro vero esse.

Veri de eo loquuntur mysticè, & allegoricè, neque quicquam aliud esse dicunt, quàm vim quandam igneam, sive ignem Naturæ per universi Mundi semitas diffusum.

Ex hisce luculenter patet, Quid de Alchymia Transmutatoria tot contradictionibus involuta sperandum sit, præsertim, si hisce horrenda nominum, vocumque confusio, terminorumque, quibus in arte exponenda utuntur, differentium abusus, sensuumque

disparitas accedat, qui sanè tot, quot capita sunt; ut interim sileam acerrimas, quibus se invicem impetunt, impugnationes: ut nullus aut quid sentiat, quid intelligat, quid capiat, dispicere posse videatur. Ut proinde nemini bonas horas in arte tam confusa, atque adeo, fine

sine ullo ordine, & methodo digesta, tot fabulis, & nugis confarcinata, tanta pecuniarum, expensarumque jactura ut consumat consulam.

Nescio tamen, quo fato acciderit, ut ple-rosque, & quod mireris, etiam viros cæteroquin sapientes aureæ hujus Nymphæ *φιλσομαρία* ita dementaverit, ut magico quodam philtro ab ea intoxicati videantur. Et quantò quidem hujusmodi impostorum audacia major est, tantò plerumque major adhibetur fides ab iis, qui *χρυσομαρία* hujusmodi infatuati illos audiunt. Quorum quidem nonnulli tantæ temeritatis ne dicam impudentiæ sunt, ut coram Regibus, & Principibus de artis suæ certitudine interrogati, plus quam Bombiliana arrogantia respondeant his verbis, & similibus: Ego locum non habeo, neque facultatem, divitiasque ad artem meam exercendam possideo: Sed si vestra Celsitudo, vel vestra majestas mihi necessarios sumptus suppeditare dignata fuerit, ego tantum ipsi auri conficiam, ut ejus ope, usuque se facile Mundi Dominum constituat: De quibus tamen meritò id pronunciare possis: *Artem habent sine arte, partem sine parte, quorum medium est, mentiri, vita eorum, mendicatum ire.* Alii verò contrario modo procedere videntur, qui nullius mortalium beneficio se indigere jactitant; Regum Principumque favorem despiciunt, eorumque divitias, thesaurosque præ suis contemnunt, nulli servire dignantur. Virgulam *Myda* ad omnia in aurum commutanda semper paratam, præsentemque se habere gloriantur, nulla re egere contendunt; cum interim per orbem vagabundi nullibi stabiles, ad vitam sustentandam deficiente pecunia ad dolos, fraudesque conversi, simplicioris plebis marsupia mira dexteritate emungant; pro auro pulveres, pro unguentis axungias, pro zybetho muscerdas vendant, donec tandem in flagranti crimine deprehensi, imposturas patibulari exultatione, aut si mitius agatur, remorum in triremibus dominio luant. Quis unquam Regem, aut principem Alchymica arte potentem vidit? quis ejus ope Mundi dominum constitutum audivit? & tamen jam centeni, & milleni anni transeunt, quæ semper stulta hæc Alchymistarum pollicitatio durat; tantum tamen abest, ut indè desideratus effectus consecutus sit, ut potius contrarium evenisse sciamus. Quot enim hujus artis maleficio bonis omnibus exutos vidimus? quot bonorum omnium jacturâ ad incitas redactos legimus? quot observavimus desperatione in transversum actos illicitis artibus, dæmonumque commercio implicatos, dum ad id, quod sperant, adspirant, miseranda tandem morte vitam conclusisse. Sileo hîc ingentia damna, quæ hujusmodi Reipublicæ inferunt; dum, ut cum *Alberto* loquar, alba albificant, citrina citrinant, falsas cudunt monetas, donec tandem deprehensi, *Vulcani*, cujus bene-

Instantia
Alchymistarum.

Nullus unquam Monarcha Alchymie lucro dives factus est.

Reipubl.
damna ex
Alchymia.

ficio malè usi fuerant, pœnas luant. Sunt & alii, qui dum nil nisi arcana spirant, nil jam, quod manifestum sit publico, arcanum esse putent: Sentiunt perire sibi, quod aliis communicatur: fiduciam, seu ut vocant, fidem populi, occultarumque virtutum existimationem vendicant: etiam dum per magica tentamenta, figilla, pentacula, verba, characteres, attactus, constellationes, specula, homunculos à se arte factos, Unguenta sympathetica, Brasidillas, Magurreones, Thesaurinellas, Evestros, similiaque diabolicæ officinæ monstra, per magico-cabalistica, Micro & Macrocosmica triuna mysteria comminiscuntur. Quæ cum ita sint; Regum, Principum, Magistratum, Academicarum est, tam improbam, & fraudulentam pseudo-chymicorum audaciam coercere, proscribere, & prorsus exterminare, ne paulatim numero impostorum aucto ad omnem licentiam, & improbarum, illicitarumque artium cultum fenestra ad omnem impietatem aperiatur: formam sanæ censuræ omnibus meritò imitandam olim dedit Athænæum Parisinum de Chymicis Scriptis *Petri Palmarii*, quod ex *Libavio* extractum hîc appono.

Adhortatio ad principes.

*Censura Parisiensis in Librum Alchymicum
Petri Palmarii.*

AUditâ renunciatione Censorum, quibus demandata est provincia examinandi Libellum à M. Petro Palmario editum, cui titulus est, *Lapis Philosophicus dogmaticus, auditis etiam responsionibus ejusdem Palmarii in eum finem articulo speciali citati; Collegium Medicorum in Academia Parisiensi legitime congregatum, unanimi consensu libellum illum erroribus, fraudibus, imposturis, & mendaciis plenum damnat, & indignum luce judicat. Statuit, ut Palmarius intra sex menses ejusmodi errores, fraudes, imposturas, & mendacia scripto publico agnoscat, & abjuret, profiteatur se in Hippocratis, Galenique doctrina & Schola Parisiensis disciplina constanter permanfurum; Interdum privetur omnibus Scholæ emolumentis erogandis Nosocomii pauperibus. Huic decreto si intra semestre non ritè satisfaciatur, è doctorum regentium Catalogo expungatur, omnibusque Scholæ emolumentis, Academicæ privilegiis spoliatur, &c. Datum Parisiis 28 Jan. 1609.*

Talis fuit, quam supra exhibuimus *Joannis XXII.* contra Alchymistas constitutio, quæ hujusmodi Chrysopœios non solum profligandos, sed & summo rigore justitiæ quibuscunque pœnis, ceu de crimine falsi reos puniendos, eorumque libros flammis consecrandos decedit. Quod si hodiernâ quoque die fieret, non tot scandalis, tot imposturis, tot portentosis ingeniorum partibus in commune tum politicæ, tum Literariæ Reip. detrimentum pseudo-chymici quâ scriptis quâ factis sævirent. Sed idem, quod *Tacitus* olim de Astrologis contigisse dixit, id in hunc usque

Taciti sententia.

usque diem de Astrologis, & Alchymistis verificari videmus. *Tale*, inquit, *genus hominum semper proscribetur, & semper tamen retinebitur.*

Objectiones Alchymistarum contra Auctorem.

Non nescio futuros ex Chymicis veritatis osoribus, qui petulanti lingua contra me sint insurrecturi, meamque mihi inscitiam sint objecturi. Sed nil moror, non mihi cum tonforibus, ac imperita Alchymistarum plebe negotium est, sed cum philosophis, rerum usu, & experientia doctis ἀληθεύς-Φίλοις, qui si ritè meam de Alchymia Censuram æquâ rationis trutinâ expenderint, illud, quod dixi, non facile negârint. Germanus sum, germano pectore veritatem profiteor. Poteram & ego innumera sub specie veri, transmutatoriae artis arcana adducere, sed absit ab humano pectore tale scelus. Novi quid Natura possit, quid non possit: Novi Naturam ab arte superari nunquam posse, nisi forsan ἡ Θεογονία-τόμαχοι quidpiam excellentius, quod fatentur passim, arte humana, quam Deus per naturam, quam *Plato* artem Dei appellat, efficere irreligiosius attentent, ipsi quid dicant, viderint.

Sed forsan hoc loco mihi obstreperent: Mirari se, Carbones, Cineres, & furnellos nunquam expertum me, arcanorum præterea Chymicorum imperitum, nihilominus in artem à me non exercitam temerario ausu insurgere non esse veritum. Non est, quod ipsis reponam; num expertus, num imperitus ἀπειρακτὸς ἢ ἀνεργητικὸς sim, meum non est determinare: meam in empyrica philosophia existimationem Orbi Literariò ex operibus qualiacunque tandem ex ingenii mei imbecillitate hucusque prodierunt, decidendam committo: æqua ac iniqua judicia æquo animo laturus. Verum tamen est, manus carbonibus, lutoque non me commaculasse, faciem barbamque favillis non opplesse, noxios, ac virulentos mineralium halitus tanquam malorum omnium lernam ea de causa semper deflexisse, nè eorum societati jungerer, qui ambusto fumis, fuliginibusque cerebro quàm graviter laborarunt semper, tam turpiter philosophati sunt. Ego experimenta rerum unicè semper me ambisse fateor, ea tamen, quæ fumos, lutum, carbones, quæque culinam, tonstrinamque non olerent, verùm quæ honesto labore non adversarentur, illas tamen vilissimi laboris ἐργασίαις nequaquam repudiandas duxi, sed eas non sine exiguis expensis à Manipulatoribus, ut vocant, me præsentem in Collegii Romani Ergasterio, rebus omnibus ad Chymica experimenta perficienda necessariis instructissimo, conductis in hunc finem, uti paulò ante dixi, Manipulatoribus Germanis, Polonis, Gallis, Italis, fieri curavi, adedque certò tibi persuadeas velim, nil in hoc opere experimentorum adferri, quod partim per memet, partim per dictos laborum peritos Chymicos in mea præsentia, non comprobatum sit. Meum erat jubere, mo-

dum præscribere; illorum, jussa præscriptaque executioni mandare, quemadmodum medicos dedecet compositiones medicamentorum facere, venam aperire, clysteres inferre; sed id partim pharmacopœis, partim Chirurgis, quorum id proprium est, commendare assolent. Architectus calcem, & cæmentum non præparat, saxa non expolit, sed in sua præscriptione Latomis, & murariis juxta prototypon coagmentanda committit. Sed ut tandem huic Libro coronidem imponamus,

Lectorem nosse velim, mihi hoc loco tantum cum Alchymistis iis, qui lapidem illum inutili labore haud secus, ac *Diogenes* dolium illud suum, nunc volvunt, revolvunt, devolvunt, circumvolvunt, cæterisque pseudo-chymistis negotium esse; ne proinde me aut Chymicæ contrarium esse existiment; novi enim ejus summam dignitatem, & excellentiam, eamque semper veluti unicam philosophiæ naturalis, ac medicinæ secretioris portam, qua ad intima quævis Naturæ mysteria aditus nobis concedatur, satis deprædicare non desino; neque μισοχυμικὸς apud Medicos, Chymicosque usu rerum, & longa experientia singulares, dum forsan severius in Alchymistas invehor, intelligi velim; neque Principes, qui non divitiarum causa, sed laudabili curiositate ducti, hujusmodi experimentis ad mentis relaxationem conciliandam post graviora negotia oblectantur; neque hos tactos velim, qui non auri amore, sed veritatis inquirendæ gratia hujusmodi exercitiis subinde vacant. Quæ cum in hoc *Undecimo Libro Mundi Subterranei* ob fusioris materiæ argumentum tradi non potuerint, in *ultimum Librum* consultius differenda duxi, in quo quicquid in philosophia experimentali, artiumque variarum arcana inquisitione desiderari poterit, *Lector* curiosus multiplicato scœnore collectum reperiet.

Excusatio Auctoris.

CONCLUSIO.

Atque ex dictis *Lector* haud dubiè luculenter intelliget, quantum nullo non tempore sacra auri sitis humanas mentes opplevert, quanta cura, & sollicitudine ejusdem possessionem ambierint, quibus laboribus ac periculis ad illud acquirendum sese exposuerint, vel ipsa monstrante Natura, aurum inventionem laboriosum, custodiâ difficile, quæstu anxium esse, usu inter voluptatem & dolorem constitutum; ut proinde nemo veræ sapientiæ deditus illud multum quærere aut desiderare debeat. Beatus proinde, qui despectis repudiatisque hujusmodi vilis terræ lenociniis, iisque non nisi necessariis contentus, tranquillam & ab omnibus animi pathematis depurgatam vitam ita componit, ut illud *Sapientis* verè & ex animo exequatur Consilium: *Paupertatem & divitias ne dederis mihi, sed victum tantum tribue necessarium.*

ss

Desinas

Definamus itaque in hoc perpetuū caducarum rerum æstu firmitatem quærere, glandes porcis committamus, bobus fœnum, ranis, corvisque sensibile tempestatum præfagium, sordidam auri voraginem avaris. Nos altioribus nixi principiis, quæ stabilia, non quæ fluxa in hac Sublunaris Mundi œconomia, non quæ volubili subjiciuntur tempori bonis, sed quæ sempiternis supra cœlum thesauris ab omni ærugine, bruchorumque detrimentis longe semotissimis comprehendun-

tur, omni studio mentisque contentione invigilemus.

Ne quicquam in hoc opere earum rerum, quæ ad chymicum studium quovis modo pertinere videbuntur, desiderare posset *Lector*, hîc notas seu characteres Chymicos, quibus Alchymistæ sua arcana obvelare solent, apponendos duxi, ut si quandoque in Authores, qui iis plerumque uti solent, inciderint, ad veram vocum, quæ per ipsos significantur, notitiam pervenire queant.

Notæ hieroglyphicæ, seu Characteres Chymici, quibus Arcana sua tegere solent.

✱ Acetum.	♌ Leo.
✕ Acetum distillatum.	♎ Libra.
Ⓐ Aer.	♏ Libra.
XX Alembicum.	☾ Luna.
⓪ Alumen.	♂ Mars.
≡ Amphora.	☿ Mercurius.
ā ā ā Amalgama.	☿ ☿ ☿ Mercur. sublimatus.
ā ā. Ana.	☿ ☿ ☿ Mercur. præcipitatus.
♂ Antimonium.	☒ Mensis.
▽ Aqua.	⓪ Nitrum.
▽ Aqua fortis.	⓪ Oleum.
Ⓜ Aqua Regia.	☿ Oppositio.
♊ Sagittarius.	♊ Pisces.
∴ Arena.	♄ Saturnus. Plumbum.
☾ Argentum aut Luna.	☿ Pulvis.
☿ Argentum Vivum, aut Mercurius.	☿ Præcipitare.
♈ Aries.	☐ Quadratum.
⓪—⓪ Arsenicum.	Q. E. Quinta essentia.
⓪=⓪ Auripigmentum.	6 Retorta.
⓪ Aurum, sive Sol.	✱ Sal Ammoniacum.
B. Balneum.	⊖ Sal commune.
MB. Balneum Mariae.	♄ Sal Gemmae.
VB. Balneum.	⓪ Sal nitrum.
C. Calx.	♄ Saturnus.
☿ Calx viva.	♏ Scorpio.
♋ Cancer.	✱ Sextilis.
♏ Capricornus.	⓪ Sol.
☠ Caput mortuum.	♂ Sp. Spiritus.
♂ Chalybs.	☿ Spiritus vini.
⊕ Cinis.	♄ Stannum.
☿ Cinnabaris.	S. S. S. Stratum Super Stratum.
CC. Cornu Cervi.	♎ Sublimare.
✱ Crucibulum.	♄ Sulphur.
♀ Æs.	✕ Talcum.
☿ Distillare.	☒ Tartarus.
♂ Dies.	♄ Taurus.
♊ Dragma.	▽ Terra.
♂ Ferrum.	△ Trigonum.
♊ Gemini.	♀ Venus.
☿ Hora.	V. Vinum.
△ Ignis.	♏ Virgo.
♃ Iuppiter.	(+)
	⓪+ Vitriolum.
	☐ Urina.

Cum

Cum Alchymistarum ingenio ita comparatum sit, ut maxima quævis mysteria, quæ tamen nesciunt, non claris ac dilucidis, sed abstrusis tum parabolis tum ænigmatibus fictis barbaris, atque ex Arabico idiomate mirum in modum corruptis transformatis, que ad arti lucifugæ nonnullam venerationem adstruendam, fucoso ornatu obvelare soleant; adeoque iis libri Alchymistarum ita pleni sint, ut vix periodus sit, quæ non iis involvatur, quod non solummodò in Artis magnæ secretis obvelandis præstant; sed vel in communi mineralium nomenclatura, ut Sali, nitro, vitriolo, antimonio, cinnabai cæterisque ea mendaci quadam audacia fingunt nomina, quæ per se nil significantia, barbara & *αἰσχροῦ*, veriùs ex culina diaboli, quàm mineralium Oeconomia deducta; quibus quidem quid stultius esse possit, non video.

Quid enim de mineralibus, & metallis scripturo confert, loco nominum, quæ ex se & sua natura clara & lucida esse debent, ad differentes mineralium species eorundemque significationem indigitandam absonorum, barbarorum occultorumque nominum impositio conferat, dispicere nulla ratione possum? an non hoc, doctrinam rerum non explicare, sed adulterare est? Quid aliud indè colligitur, nisi fraudulenta mens, ignorantia supina, impostura luculenta, quæ quod nesciunt, si non re ipsa, verbis saltem tegere & occultare, ne nihil scivisse videantur, non verecundantur. Ut itaque *Lector* si quandoque in horum phanatica scripta inciderit, quid per tot *nostoch*, *gas*, *blas*, *leffas*, *moxos*, *boxos*, innumeraque alia ridicula, quæ inter cæteros versipellis horum omnium faber *Paracelsus* cudit, intelligatur; eorundem hîc Catalogum apponendum duxi.

T A B U L A .

Qua obscuriores apud Alchymistas passim usitatorum nominum barbarorum termini juxta Alphabeticam seriem exponuntur.

A *Bess*, idem est quod *Rebis*, nempe ultima ciborum materia.

Acetum Philosophorum, id est, *lac Virginis*, five aqua mercurialis, qua metalla solvuntur.

Adamita species Tartari est.

Adech, homo invisibilis interior, qui omnibus rebus formam dat in animo, quas exterior homo manibus visibiles, atque tangibiles efficit.

Alcohol est pulvis subtilissimus. *Alcohol vini* (sine vini exsiccati Epitheto) est quando omnis superfluitas à vino ita separatur, ut accensum ardeat, donec totum consumatur, nihilque fæcum aut phlegmatis in fundo remaneat.

Alcosol est stybium five Antimonium.

Alcali est sal ex omnium rerum cineribus five calcibus corporum extractum, idque omnibus rebus inest proprium, five liquidæ sint, five solidæ.

Alcahest, est Mercurius præparatus in medicinam Epatis.

Alembrot sal Philosophorum. Clavis artis.

Alembrot desiccatum quidam appellant sal Tartari, Magisterium magistrorum.

Almizadir, æs viride.

Almarcazida, lythargirium argenti. Argiritis.

Amalgama, est auri vel argenti cum argento vivo impastatio.

Amizador, sal armoniacum est.

Amnis alcalisatus, est aqua ducta per calces terrarum.

Anathron, five *anachthron* species salis quod in petris crescit, quidam Sal nitrum appellant.

Andena species chalybis in Regionibus Orientalibus, quæ ut cuprum & argentum funditur.

Annus Philosophicus, est mensis vulgaris.

Anontagius lapis, est Philosophicus, donum Dei, sulphur fixum à natura.

Aqua permanens, est Sol & Luna soluta in aqua, simulque juncta: dicitur etiam *aqua celestina*, & *Mercurius Philosophorum*.

Aqua Saturnina, est aqua generata ex tribus primis in meatibus terræ, resoluta à lapillis Diaphanis, quales sunt aquæ medicatæ acetosæ.

Aquastor, visio quædam est, repræsentans rem aliquam, quæ res ipsa non est.

Aquila, nota avis: in arte Spagirica autem Sal armoniacum ita appellatur: *Theophrastus* verò, etiam Mercurium præcipitatum sic appellat.

Aquila Philosophorum, est Mercurius Metallorum five corporum, quando metalla in suam primam materiam rediguntur.

Archeos species invisibilis oberrans, & se à corporibus separans: medica vis atque virtus naturæ.

Archeus vir est producens res ex Iliaste, dispensator & compositor omnium rerum.

Ares dispositor naturæ in tribus primis consistens, unde omnia constant, rerum formam, speciem & substantiam generat, ut res quæque suam propriam, non alterius naturam, formam, speciemque habeat.

Ares peculiarem cuique speciei naturam atque formam ab aliis differentem largitur, ut in plantis apparet, quarum quæque singularem radicem, caulem, florem, folia & similia habet.

Artanek, artaneck. Arsenicum. Cujus tres sunt species: album, flavum seu luteum & citrinum.

Arsanech, Arsenicus sublimatus.

Astrum Sydus est coeleste, deinde pro vi & natura sumitur, quam res in præparando acquirunt, ut astrum Mercurii, est ejus sublimatio, quæ eum astralem facit. Ita sulphur fit astrale, cum ascenditur. Sic etiam salis resolutio per se facta, dicitur astrum salis.

Athanas, furnus Philosophicus distillatorius: Turbo Clibanus, vel Cribanos eliquatorius Philosophorum.

Atincar, baruch, Borra, Boras.

Azoth. Mercurius corporis metallici. *Theophrastus* medicinam quandam sic appellavit universalem: quidam fuisse lapidem Philosophicum putant.

Barnabas vel *barnaas,* Sal petrae, urina salis petrae, acetum accerrimum.

Butyrum Saturni, est Althei plumbi, id est, dulcedo.

Callena, species est salis petrae.

Cauda vulpis rubicundi, est plumbum.

Cenifiatum, id est, calcinatum.

Cheiri, multifariam etiam sumitur. Nam & de herba dicitur, & cum de metallis loquimur, *argentum vivum* dicitur: quidam verò aliter accipiunt; alii *aurum potabile* esse volunt, alii *antimonium*.

Cheiri flores, elixir album ex argento.

Clissus vis occulta hinc inde vagans rediensque, ut virtus radicis primum in caulem, deinde in radicem redit.

Cohop five *cohopare,* est cum materia sæpe cum liquore imbibitur, ac distillando liquor iterum abstrahitur. Item cum herbae in contundendo rediguntur, deinde eodem in vitro per balneum maris per quatri-duum purificantur, donec purum ab impuro separari possit.

Colcotar, lapis est è quo & æs coquitur, mollis natura, *Chalcitis,* atramentum rubeum seu citrinum, sed apud *Theophrastum* est vitriolum in rubedinem calcinatum.

Cornu cervi, id est, *nasus alembici.*

Cycima, Lythargirium.

Cydar, id est, *Jupiter.*

Derses, fumus, sive vapor ex quo arbores crescunt.

Divertallum sunt generationes elementorum.

Dubelcoleph, est compositio ex corallo albo, & carabe.

Dulcedo Saturni, Cerusa.

Duelech, tartari species in homine. Lapis spongiosus periculum & dolorem creans.

Edir, ferrum five Chalybs.

Elixir, etiam medicina est fermentata, vel ex auro solo, vel ex septem metallis.

Elephas, aqua fortis. Significat alioqui apud Medicos lepram dephantiasin, Hæraclæum morbum, Leonem, Satyriasin, Leon-tiasin.

Entali, est alumen scissum.

Enur, fumus est occultus aquæ, ex quo lapides generantur.

Essatum essentiale, est virtus, potentia, sive vis, quæ inest omni ligno, vel plantæ & cæteris rebus omnibus.

Essatum vinum, quando vino distillato, rectificatoque, adduntur herbae, ut earum extrahat essentias. Ut vinum de Melissa, quod præstans est in asthma.

Fel vitri, est vitri spuma.

Fida, aurum five argentum.

Filius unius diei, lapis Philosophicus.

Filletin, laminæ ferri.

Filum arsenicale, arsenicum sublimatum.

Filum ex alumine plumoso.

Flos sectæ Croæ: quidam intelligunt crocum florem croci, alii florem *chelidonia extra-ctum*.

Fœnix, lapis Philosophicus.

Fons Philosophorum, balneum maris.

Gamahei, sunt lapides figuris & imaginibus coelestibus juxta constellationem insigniti.

Gibar medicina metallica.

Gnomi spiritus terrestres humiles.

Guma Mercurius, five Argentum vivum,

Heinricus rubens, vitriolum in rubedinem calcinatum.

Ignis leonis, ather, pyr, ethos, jupiter, arges. Elementum ignis.

Ilech, ileias, ilcadus, est primum principium.

Ilech primum ex astris est conjunctio super-coelestis & syderum firmamenti cum astris, verum inferiorum unio.

Ilech crudum compositio est, ex prima materia trium primorum Mercurii, salis & sulphuris ex quibus omnia sunt composita.

Ileidas, aer elementalis, *Heoe pheresbios,* coelum, in nobis verò est spiritus, qui transit per omnia membra.

Iliastes, prima rerum omnium materia, ex mercurio, sale, sulphure constans. Chaos: nihil enim est in tota rerum natura, quod non ex istis tribus consistat.

Iliaster primus, est terminus vitæ, ipsa vita, ac Balsamus hominis.

Iliaster ex quo omnia crescunt, nutriuntur, & multiplicantur.

Kakimia minera immatura cujuscumque metalli, quæ adhuc in suo primo ente consistit, terræque impuritate adhuc delitescit, velut infans in utero matris suæ.

Koboltum vel *Cobaltum nigrum,* interdum etiam ferè cineritium funditur & laminatur, sed colore caret metallico, propterea fixum non est, sed meliora metalla secum per fumum abducit. Est *Cadmia* lapis è quo æs fit, medicinæ utilis, lapis ærosus, *Climia, Cathimia,* lapis calaminaris.

Lac virginis, aqua mercurialis.

Lapis, in Chymia omnis res fixa, quæ non evaporat.

Leffas, est occultus, & ferverescens terræ fumus, per quem plantæ crescunt.

Luna

Luna compacta est argentum fixum sive aurum album.

Magnesia, marcasita est metalli cujuscvis.

Magnesia Philosophorum est argentum cum mercurio arte conjunctum in metallum facile fluidum. Est etiam eorum materia, ex quo lapidem suum faciunt.

Malk Arabicum, est Latinis *Sal*.

Marcasitha, *pyrites*, *pyrsotocus*, *lapis ararius*, *lapis luminis* est minera multum habens de sulphure rubeo.

Martach, lythargirium.

Mensis Philosophicus, est tempus digestionis Chymicæ.

Mercurialis sera, est aqua aluminum, in quibus mercurius generatur.

Mercurius laxus, est turbitum minerale.

Mercurius metallorum, est mercurius corporis præcipitatus.

Mercurius mineralium, oleitas est extracta à mineris auri & argenti.

Mercurius regeneratus, est primum ens mercurii.

Missadan argentum vivum. *Minium* crocus Saturni.

Nebulgea, sal est ex humiditate nebulae sæpius in pratis supra lapides cadentis vi Solis induratum.

Nostoch, stellarum purgatio, alii *ceram* intelligunt.

Nuba secunda species tereniabin, sive mannae colore roseo, qualis in Hybernia cadit.

Operimethiolim, est spiritus mineræ.

Opodeltoch.

Orizeum aurum est.

Pulpezia vel *pulpelzia*, attonitus stupor, apoplexia, fideratio. *Pygmei*.

Realgar per se sumptum est fumus mineralium, quidquid arsenicale est, aut operimenti naturam habet.

Rebus, ultima rerum materia.

Rillus, instrumentum Chymicum, in quod metalla liquefacta infunduntur.

Sagani spiritus quatuor elementorum.

Sal Chrysellinum, est quod ex urina hominis fit.

Sallena species salis petrae.

Sal Mercurii, est spiritus vini qui inebriat.

Sal practicum mixtura est ex sale petrae & armoniaco æqualibus partibus in olla nova non vitreata conjunctis, in cellamque positis ollæ exterius, veluti pruina adhæret.

Samech tartarus remedium omnium vulnorum.

Serpheta medicina lapidem liquefaciens. *Sibar* argentum vivum.

Spara vis mineralis ex Ilech primæ substantiæ, ex primo ente, id est, mineralibus majoribus.

Sperniolum, sperma ranarum, alias *ranarum fetus*, *molurides*, *gyrinoi*, *batrachides*.

Stannar mater, est fumus occultus, unde metalla generantur.

Sylo, totus mundus. *Sylphes*.

Terra argenti, lythargirium Lunæ.

Terra auri, lythargirium Solis. *Terra fidelis* argentum.

Thisma, minerarum venæ ac progressio.

Tinchar, borra.

Trachsat, metallum in sua minera.

Truphat, occulta minerarum virtus est, quæ metallum quodvis in suum esse cogit.

Turbith minerale est Mercurius, sive corrosivo præcipitatus & dulcis.

Viltrum Philosophorum, id est, *alembicus*.

Urina vini, acetum, aut urina hominis bibentis vinum.

Xissinum, acetum.

Xenechton, collo adversus pestem suspenditur.

Varia ejus interpretatio est, alius *prima Virginis menstrua* intelligit, alius aliud.

Yrcus, lapides, *dasyppus*, *georychus*, *leberis*: cisticulus masculus, cujus sanguine vitra mollescunt & filices, si rebus diaphoreticis pasta-
tur; quod hirco ab imperitis est adscriptum.

Zadir, Venus, aut viride aëris.

Ziniat, fermentum.



MUNDI SUBTERRANEI
LIBER DUODECIMUS
ΠΟΛΥΜΗΧΑΝΟΣ,
SIVE
SIMIA NATURÆ;
QUA

*Quicquid in præcedentibus Libris insita Naturæ
sagacitate mirum, rarum, & insolitum ex Geocosmi virtute &
efficacia producitur, id pari pacto, dummodò Natura non
contradicat, ingeniosa Artis industriâ confici posse doce-
tur, & experimentis comprobatur.*

P R Æ F A T I O.



Aud infrequenter miratus sum nonnullorum hominum proterviam, qui vera & recta altiorum cognitionum relicta semita nullum non lapidem movent, ut ad incognitarum artium notitiam, ad inaccesas arcanorum Naturæ divitias quovis modo, ut magnum quid & ἐξωπικώτερον præ aliis nosse videantur, pertingant; Quia tamen non unicuique datum est hanc adire Corinthum, neque etiam omnibus mirificæ operatricis Naturæ portæ apertæ, clavesque ad intima thesaurorum penetralia concessæ sunt: quid agunt? dum omnem sibi aditum interclusum reperiunt, temerario sanè ausu, ruptis Naturæ juribus ad eas improbarum artium officinas confugiunt, quæ non solum id quod exoptant, & quod tam anxie quærunt, non inveniunt, sed pernicioso quodam errore abducti, atque Satanæ pedicis intricati, ex quibus cum sese expedire nequeant, corporis animæque perniciem cum sempiterna infamiæ nota incurrunt: cujusmodi sunt ii, qui sive ex insufficientia ingenii confusi, quadam in Naturam diffidentia, sive ex artium desideratarum consecutione desperata in transversum acti, pacto cum humani generis hoste inito, eum sibi Magistrum adsciscere non verentur, quem omnium mendaciorum, malorumque fabrum, vel ex ipsis sacris oraculis non possunt non nosse. Sunt itaque certi & definiti in naturalis cognitionis latitudine nobis præfixi termini, quos sine erroribus & summo periculo transilire nemo potest. Novi Naturam in nonnullis sibi soli reservatis adeo tenacem esse, jura sua tanta contentione defendere, adeo inexorabilem esse, ut ne dæmoni quidem iis, nisi Deo & Natura permittente, uti concessum sit; imò Mundum potius perire necesse sit, quàm ut ea juribus suis cedat. Quare cuicumque rectè Philosophandi animus est, eum in omnibus unicum Naturæ Archetypon respicere oportebit, ut in intricato ejus labyrintho, Ariadnæo arrepto filo, ab erroribus deviisque tramitibus tutum se securumque conservet. Quod prototypon uti in præcedentibus libris, ea qua fieri potuit, diligentia descripsimus, ita in hoc ultimo Libro, quem haud incongruè *Simiam Naturæ* inscripsimus, illud multiplici artis ingenique industria, quantum licet, adumbrare conabimur, ut ex iis quid vi Naturæ quis possit, quid non possit, *Lectori* curioso luculenter demonstraretur. Quem totum in septem sectiones divisimus; quarum prima veluti Isagogica universam Naturæ majestatem γεωμετρικῶς ob oculos ponit, abditas occultasque semitas, per quas progreditur, referat, mirabilium partuum nidos per triplex Naturæ Regnum demonstrat, ut ejus sectantes vesti-

vestigia tandem per similitum operum productionem, reconditâ quadam *ἡγεμένη* pertingere valeamus. Quæ quidem ex intentione proferenda duxi, ut profanarum illicitarumque artium fallaciis, utique tantò periculosioribus, quantò occultioribus modis se iis humani generis hostis ut plurimum admiscere solet, relictis, curiosarum rerum sectatores illa solum, quæ uti licita sunt & laude dignissima, ita quoque utilitati honestatique maximam animi voluptatem, quæ ex ipsis percipitur, conjunctam habent, ad Divini nominis gloriam, ac Reip. Christianæ emolumentum, nec non propriam Principum Virorum, si quandoque à negotiorum publicorum mole liberiores fuerint, relaxationem, sectentur. Vale, cœptisque fave.

S E C T I O I.

DE PANSPERMIA RERUM.

C A P U T I.

De Seminis origine, natura, & proprietate.

DEUS Opt. Max. aspectabilem hanc Mundi machinam conditurus eo fine, ut ineffabilis suæ sapientiæ, bonitatis & potentiae in hoc pulcherrimo theatro specimen quoddam Archetypi Mundi, quod ipse erat, præberet, non eum momentanea sed æviterna duratione consistere voluit, quoniam verò æviterna hujus duratio cum rerum ex se, & suâ naturâ corruptibilium, interitu & summa rerum in hac sublunaris Mundi cœconomia vicissitudine minimè persistere posse nosset; ne successu temporum pereuntibus rebus ipse Mundus unâ periret, deficientibusque speciebus Mundus à sua perfectione desisteret, huic summo naturæ detrimento sapientissimus CONDITOR, divina sua & ineffabili sapientia ita providit, ut alternis legibus & generatio sequeretur corruptionem, & corruptionem nova exciperet generatio; pro naturacujusque à Mundi Fabro eidem concessa; atque adeò Mundus in sua perfectione, hac admiranda rerum alternatim sese consequentium vicissitudine perseveraret; Hoc autem nihil aliud erat, quàm seminalis seu spermatica quædam vis, cujus virtute & efficacia rerum species per naturalem propagationem interitum rerum prævenirent; Quæ quidem seminis virtus & proprietas tanta est, ut in nulla alia re hujus universi, adeò, omnipotentia DEI & sapientia quàm in hac ipsa elucescat; de cujus origine præstantissimi nullo non tempore philosophi sapienter quidem ratiocinati sunt quantò plus ad genuinam ejus scaturiginem sese approximasse rati sunt, tantò se ab recondita ejus essentia, & intelligentia abditissima remotiores deprehenderunt. Nos quid in tanta divini operis caligine Pater luminum circa hoc argumentum nobis suggererit, hoc brevi ratiocinio *Lectori* curioso pandemus.

Ex sacris itaque Mosaicis Oraculis, quæ meritò omni humanæ cognitionis certitudini multis parasangis anteferre debemus, constat, conditorem omnium D E U M in prin-

cipio rerum Materiam quandam, quam nos non incongruè Chaoticam appellamus, ex nihilo creasse: gloriosus enim D E U S creavit omnia simul; intra quam quicquid in natura rerum mixtorum substantiarumque materialium postea producendum erat, veluti sub *πανσπερμία* quadam confusum latebat: Divinus enim Architectus præter hanc materiam, & animam humanam, nil de novo creasse, ex ipso Sacrae paginae textu patet, ed quod ex hac unica materia chaotica, veluti ex subjacente materia & Spiritus divini incubitu jam foecundata, postea omnia, & coelos & elementa, atque ex his compositas tam vegetabilium, quàm animalium species (excepta anima rationali) solo Omnipotentis vocis imperio eduxerit, quorum unaquæque species ex primordialis materiae massa prædicta, unumquodque tam ex vegetabilibus, quàm animalibus, iis naturæ dotibus instructum fuit, quæ ei ex intentione Creatoris debebatur; quæque postea per seminalem virtutem iis concessam sese perenni generatione propagare possent. Materiam verò Chaoticam non statim abolevit, sed usque ad Mundi consummationem durare voluit, uti in primordiis rerum, ita in hunc usque diem, panspermia rerum omnium refertam: perire voluerit, quam D E U S in principio ex nihilo produxit ex materia Chaotica, quam sententiam plerumque ferè Sanctorum Patrum monumenta potissimum *S. Basilii* in *Hexametro* tuentur. Quæ cum ita sint, meritò hoc loco quæri potest, quænam fuerit illa panspermia & vis seminalis rerum omnium productrix. Dico fuisse, spiritum quandam materialem seu ex subtiliori coelestis auræ sive ex elementorum portione compositum, fuisseque vaporem quandam spirituosum Mercurio-salino-mercurialem, semen universale rerum, Elementis à D E O concreatum originem omnium eorum, quæ in Mundo condita sunt entium corporeorum; hic enim pro natura matricum, quibus

Deus i.
massam
Chaoticam
deinde ex
ea omnia
alia eduxit.

Seminis
impenetra-
bilis vis &
potestas.

Elementa
remotè
concur-
runt ad
compositionem re-
rum.

Semini du-
plex facul-
tas adju-
cta fuit,
plastica &
magnetica.

Plasticæ fa-
cultatis of-
ficium.

quibus inditur, in matricibus quidem inanima-
tis mineralia & metallica corpora, in vegeta-
bilibus plantas omnis generis, in sensitiva na-
tura animalia, juxta congruam unicuique na-
turam insitione mirifica producit; atque in tot
corpora mixta, quot species rerum sunt, com-
binatione quadam ineffabili, soli Deo notâ,
individuatur; & apertè patet ex tanta rerum
varietate, specierumque tam vegetabilium;
quàm sensitivarum multitudine, quam DEUS
qui solus sibi ipsi rerum combinandarum
idea est, ex hujus virtute seminis eduxit. Ne ve-
rò quispiam, in compositione rerum elementa
otiosa fuisse sibi persuadeat; Dico, elementa
materiam remotam, proximam verò semen
illud universale elementis ab initio concen-
tratum coacervatumque fuisse. Quoniam
verò res productæ pro Naturæ singulorum
variis figuris, coloribus differentibusque par-
tibus, & membris constare debebant, hoc se-
men duabus Naturæ dotibus instruxit, dicta-
rum rerum architectricibus, & sunt virtus pla-
stica & magnetica; quarum prior singulis spe-
ciebus formam, figuram, colorem; altera si-
milium vim attractivam contulit. Sed ut hæc
omnia ordine demonstrarentur, rem altius or-
diri visum est.

Quis enim gemmas, pretiososque lapides
tot coloribus, tot figuris rotundis, angulosis
& polygonis elaboravit, nisi seminis hujus
vis plastica sociata magnetica, quam & cor-
radiativam vocamus, quâ solâ partes similes
ad partes sibi similes miro quodam appetitu
confluunt; quis in vegetabilibus radices, sca-
pum, ramos, folia, flores, fructus tanta varie-
tate colorum partiumque distinxit? Certè
non nisi Sola vis plastica seu formatrix. Quis
in sensitivorum corporum fabrica extendit
nervos, venas & arterias excavavit? ossa so-
lidata medullis implevit? quis canales pertu-
dit, carnem reddidit spongiosam, cutem po-
ris instruxit? quis totam denique tot diffe-
rentium animalium constitutionem in tales
figuras reduxit? Sola vis plastica: Latet enim
in hisce divinus opifex, qui in imo corporis
recessu operatur absque instrumento, & sine
tumultu, opusque producit admiratione di-
gnum tantâ rerum dissimilium varietate, &
elegantia refertum, quantam comperimus, id-
que ex rudi, & informi materia, in qua nulla
dissimilitudo, nulla varietas sensibus occurrit.
Sed ut ab inferiori Naturæ gradu telam or-
diamur, videndum est modò, quidnam illud
sit, quod fossilem sobolem lapidum, gemma-
rum, crystallinorumque corporum specie-
bus, tantam figurarum varietatem, tot figu-
ras polyedris polygonisque corporibus con-
ferat? tot colorum differentiis distinguat?
tanta tamque indomita duritie ditet? certè
semen illud supradictum causam esse nemo
negabit, qui hæc paulò penitius introspexe-
rit: Semen inquam non vivum tamen, aut
animatum, quod propriè vegetabili aut sensi-
tivæ Naturæ competit, sed tale, quale cor-

pora inanimata ex se & sua natura, tum ad sui
incrementum, tum ad propaginem conti-
nuandam requirunt. Neque enim dicimus
metalla resque minerales eo modo, quo ve-
getabilia & sensitivæ Naturæ mixta, ex semi-
ne propriè dicto generari, neque rationem
metallicæ plantæ, iisdem convenire, sed eo
modo, qui fossilium generationi propriè
convenit, qui est motus magneticus, quo cor-
pora similia ad sui similia appellantur, con-
fluunt, & miro quodam consensu uniuntur;
hac enim dote seminalem vim potissimum in-
structam in sequentibus docebimus. Quid
autem hæc vis sit, & quomodò operetur, ex-
plicandum restat. Sit itaque

Magnetica
vis in quo
constat.

DISQUISITIO.

*Quomodò Semen universale Natura ad genesin
metallorum mineraliumque concurrat, &
quomodò tot coloribus figurisque gem-
mas potissimum exornet.*

JAM sæpè sæpius in hoc opere docuimus,
primordiali rerum Chaoticae massæ semen
quoddam insitum à Conditore rerum fuisse,
ex elementis & ætheris ignis portione consti-
tutum, quem nos sulphureo-salino-mercuria-
lem spiritum vocamus, non quod ex sulphu-
re, mercurio, aut sale minerali actu consti-
tuatur, sed quod ejus virtus in sulphure, mer-
curio, & sale, tanquam in genuinis subjectis
potissimum resideat, & elucescat; cum nihil
sit in rerum natura, quod ignem sive calidum
radicale magis redoleat, quàm sulphur, & re-
liqua ex eo nascentia corpora, eò quod subi-
tò in flammam exardescat, exsiccativa, & o-
leaginea quadam virtute, reliquisque igni
congruis virtutibus & proprietatibus pol-
leat: nil humidum radicale aquea, & aërea
sua substantia propius referat, quam Mer-
curius, sive argentum vivum, in quo aqueum
sicco, subtile grosso, leve gravi mira ratione
conjunguntur: quid tandem terrestris consi-
stentiæ molem exactius exprimit, quàm Sal?
qui omnibus rebus duritiem, & soliditatem
præbet; attamen reliqua duo sulphur, & mer-
curium ita intra se complectitur, ut à se invi-
cem nulla ratione separari posse videantur:
Hæc enim salis substantia virtute sulphurea
& mercuriali quadantenus vestitur eo fine,
ut cum ignis & aqua ex se & sua natura, ille
tum ob levitatis, hæc tum ob fluxilis naturæ
conditionem subsistere non possint, à sale Na-
turæ suam nanciscantur soliditatem & consi-
stentiæ: Undè in sale illa ita includuntur,
ut una res triplici virtute constituta videat-
ur, in qua gloriosus DEUS primordiali
creaturæ suæ veluti rerum omnium futuro
principio, Sacrosanctæ ineffabilis & adoran-
dæ suæ Triadis signaculum impressit: Undè
non immeritò hoc tanquam semen Naturæ
universale, Spiritum Salino-sulphureo-mer-
curialem, unam substantiam triplici virtu-
te distinctam nuncupandam censuimus, pro-
ximum rerum omnium principium, elemen-
tis,

Quid sit
semen il-
lud in
Chaotica
massa.

Sal naturæ
ex 3. constans.

Spiritus
seu vapor
Salino-sul-
phureo-mer-
curialis rerum
omnium
semen est.

tis, quæ hujus vehiculum quoddam sunt, & materia remota, ab initio rerum inditum, & ad rerum omnium constitutionem, compositionemque à DEO Opt. Max. destinatum; cum nihil in rerum natura sit, quod ex hac triplici virtute in uno sale Naturæ contenta non constituatur, ut Spagyrica ars apodictice demonstrat, & ex experiētiis paulò post ponendis patebit. Nemo autem putet, sale usuale hunc esse illud memoratum à nobis semen, sed latere sub involucrio quodam in intimi centri thalamo vim illam seminalem, rerumque omnium constitutricem, uti in primordiis rerum, ita nunc & in futura secula jugiter duraturam: Et in Sale quidem naturæ triplex hoc principium latet, in quo terrenum elementum prædominium habet; in Mercuriali corpore pariter hæc tria latent, sed sub prædominio humidi; in Sulphure verò eadem reperiuntur, sed sub prædominio calidi & sicci; Unde à philosophis unumquodque horum non incongrue ignis Naturæ ab *Alberto*, à *Platone* semen Mundi, ab *Aristotele* ἐντελέχεια, sive rerum omnium vis motrix, (Calor quidem, at non ignis, neque talis aliqua facultas, sed spiritus; qui in femine spumosoque corpore continetur, ita ut natura quæ in eo spiritu est, proportionē respondeat elemento stellarum, nempe illud, cui anima & virtus plastica proxime insunt, non sensu deprehendi, neque ejusmodi humorem esse, qui in spermate noto

Ignis naturæ, entelechia *Aristotelis*, semen Mundi idem sunt.

cerpitur, sed quid spirituosum, & coelestis naturæ in eo latens) ab *Hermeticis* verò semen naturæ, ex quo omnia sensibilia originem suam nanciscuntur. In quo & hoc admiratione dignum occurrit, si enim id terrestribus matricibus concreditum fuerit, id pro ratione matricis aut minerale, ut metallicum corpus, aut quodcunque tandem inanimatum corpus producat: hoc pariter à vegetabilibus attractum in semen vertatur animatum. Hoc iterum à sensitiva natura in nutrimentum assumptum in id transmutatur, à quo primum ortus sui primitias obtinuerat: adeoque in fossilibus istiusmodi semen sit inanimatum; in vegetabilibus animà vegetativà; in animalibus denique virtute vegetativa & sensitiva; pro ratione mixti, cui jungitur, polleat; Mixtum enim qualecunque demum fuerit, si accuratius contempleremur, nihil aliud in seipso esse reperiemus, quàm semen hoc universale, quod seipsum in individuum ac speciem in eodem mixto particulari, cooperantibus remote elementis redegit; forma etiam ipsa illi inexistens hujusmodi semen universale ad individuum ac speciem traducit ex centro seminis, sub varia materiæ dispositæ combinatione egreditur. Quomodo verò hoc fieri possit, in sequentibus amplius ostendetur, modò enim, quomodo per hujusmodi semen mineralia, lapides, & metalla generentur, & quomodo plastica sua vi operentur, paucis exponimus.

Quomodo semen universale acquirat gradus naturæ.

CAPUT II.

Modus, quo Natura in Mineralium genesi procedit, exponitur.

Semen metallorum non est animatum.

PLerique Chymici semen mineralium, metallorumque animatum esse contendunt, perperam: Nam uti paulo ante diximus, semen istiusmodi pro matricis conditione, gradum naturæ convenientem sortitur; si animæ expertem inciderit, ipsum inanimatum producit sive minerale, sive lapidem, sive metallum; si matricem plantarum, animatum, si sensitivi gradus matricem inciderit, utroque naturæ gradu conspicuum, prodibit mixtum pro natura cujusvis individuum; Et semen quidem, in quantum ad mineralium genesin concurret, propriè dicti feminis nomen tueri non potest; neque enim metalla aut mineralia, lapidesque, & gemmæ ex semine propriè nasci, neque per intrinsicum nutrimentum propriè vitali motu nutrirī possunt, quicquid Alchymistæ de semine auri, & argenti nugentur; sed per corpusculorum Salinorum, quibus semen universale abundat, συμφύσις, seu magnetismum quendam sive per Corpusculorum similitudinem ad similia appulsū appositionemque. Verum cum de modo & ratione quàm fusissime in hujus *Tomi Libris* compluribus in locis egerimus, eò *Lectorem* relegamus, ne acta jam

toties reagere videamur; de plastica quoque virtute, Salinæ Naturæ insita, fuse, & demonstrativè in *Octavo Libro* ubertim actum vide. Valde itaque hallucinantur, qui ex analogia plantarum, & animalium, mineralia, metallaque ex semine propriè dicto nasci sibi imaginantur; Cum plantæ illæ metallicæ, quæ subinde in fodinis reperiuntur, nil aliud sint, quàm efflorescentiæ, seu exanthemata quædam, non ex vegetabili natura orta, sed ex evibratione, seu radiatione spirituum mineralium, salinorumque in filamenta quædam, ramusculorum adinstar diffusa: Accedit, quod hujusmodi arbuscula non à natura duntaxat, sed & arte facilè produci possint, uti ex proprio Capitulo sequentium, de *productione mineralium plantarum* docebitur; ad plasticam virtutem, quæ potissimum in gemmarum polygonis figuris elucescit, ea sanè propriè plastica vis dici non potest, cum hæc in plantarum & animalium seminibus propriè locum suum habeat. Iterum semen mineralium animatum non esse, vel hinc patet, quod nullum, qualecunque tandem minerale aut metallicum corpus fuerit, nos nutrire possit, nutrirēt verò, si vita polleret; cum propriè

Efflorescentiæ metallicæ non sunt ex propriè dicto semine.

T

ex

ex iis nutriri dicamur, ex quibus constamus; non autem constamus ex mineralibus, sed ex vegetabilis & sensitivæ naturæ nutrimentis vitam sustinemus.

Est itaque alia gemmis, alia vegetabilium sensitivorumque membris formandis vis seminalis & plastica. Quod verò nonnulli Chymici objiciant: Salem ex urticis paratum in crystalli trigonas tessellas cogi, id non vi salis usualis, sed vegetabilis urticæ fieri censeas velim; siquidem illud ipsum lixivium, undè crystalli sensim colliguntur, dum repente frigore brumali concrevit, longe aliam faciem refert, nimirum ipsam glaciem

non ruditer congelatam, verum in urticas crystallinas effigiatam, quod certè manifestum virtutis plasticæ in vegetabili urticæ sale hospitantis argumentum & indicium est; Quod verò differentium salium mineralium, nitri, aluminis, vitrioli corpuscula in differentes figuras coalescant, id non fit ex animati seminis plastica facultate, sed ex magnetico similibus corpusculorum ad similia confluxu, quo gemmas radiativa facultate, vi lapidifica concomitante, nunc in hanc, modò in aliam figuram polyedram transformat, uti *Lib. VIII.* & in *Arte Magnetica* amplè demonstravimus.

CAPUT III.

De Seminio plantarum sive Naturæ vegetabilis.

Omnia
plantarum
& anima-
lium gene-
ra imme-
diatè à Deo
ex Chaoti-
ca massa
producta.

Constat ex sacro *Genesis* volumine, **DEUM** Opt. Max. nil immediatè sive plantam, sive animal, aut aliud quodcunque mixtum spectes, creasse, sed mediante Chaotica massa ex nihilo educta (cui panspermiam & universale Naturæ semen concreaverat) veluti ex præsupposito subiecto cuncta, coelos, sidera, mineralia, plantas, animalia produxisse. Veruntamen quomodò è semine istiusmodi universali & panspermia rerum virtuali, tot ac tam diversa plantarum genera produxerit? quomodò animaverit? quomodò tot ac tantis dotibus instruxerit? quantum ingenii nostri stupiditas capere potest, jam dicendum restat.

Post divisionem itaque aquarum, & elementorum ex inani illo separationem, & Spiritus Divini incubitum, massa jam panspermia suâ instructa, dixit **DEUS**: *Germinet terra herbam facientem semen, & lignum pomiferum faciens fructum juxta genus suum, cujus semen in semetipso sit super terram.* Hæc verba aperte indicant, herbas, arboresque non immediate creatas, aut ex nihilo productas, sed ex terra jam creata, & panspermia sua instructa eductas fuisse, Divini verbi imperio, juxta combinationem unicuique debitam. Ex semine enim primogenio eduxit omnem plantalis œconomiae varietatem, quibus jam productis indidit virtutem vegetativam, in qua latet potentia quædam & virtus multiplicativa suorum similibus, quæ nunquam defectura erat: quodque primò per invisibile & occultum semen produxerat, etiamnum per semen constituit manifestum, quod & propagabitur usque ad ultimam Mundi consummationem.

Productio itaque & generatio vegetabilium in genere emanavit, ab humido illo elementari, non simplici, sed illo primogenio Vapore salino-sulphureo-mercuriali, utpote qui in se includat virtutes, & proprietates universæ naturæ, ac individuatur, specificaturque in vegetabilia particularia, quæ alit

juxta genus & speciem uniuscujusque, juxta Supremi Conditoris immutabilem voluntatem & intentionem. Cum enim in hunc usque diem universa telluris moles hoc primigenio semine imbuta sit, neque unquam defecerit; hinc vegetabilia hunc liquorem per radices attractum distribuunt in omnia plantarum membra, quæ illum tum calore interno, tum externo coquant, digerunt, convertuntque in suam propriam substantiam; de purissima verò parte istiusmodi spermatici liquoris jam digesti, coctique formant corpus quoddam, in quo potissimum latet, & consistit semen illud similibus propagativum, invisibile. Quod simulac in terram inciderit, id statim veluti potenti quodam magnetismo, novum attrahit humorem, in quo latet vis illa seu spiritus architectonicus rerum omnium constitutivus sulphureo-salino-mercurialis, qui conjunctus ei seminali virtuti in semine plantæ jam individuatae statim operari incipit, & ad eam formam recipiendam eam instimulat plantam, quam in ea Natura intendit, quæque ei jure naturæ debetur; idque perenni pericyclofi; Tamen si enim semen illud naturæ in plantæ jam individuato semine persistat, nisi tamen terræ suæ denuò restituatur, fructum nunquam feret; mox tamen ac terræ concreditum fuerit; tum primò semine Naturæ ab eo veluti amico sibi & connaturali attracto, statim animabitur, & vegetativam virtutem juxta Naturæ intentionem perficiet. Vides igitur, quomodò semen Naturæ primò attrahatur à plantæ semine, unà cum liquore elementari, à quo separari non potest: Deindè hoc alimentum spermaticum adhuc impurum cedat partim in truncum, ramos, partim in folia, & flores, donec tandem per caloris tum intrinseci, tum extrinseci solis digestum, coctumque, tandem purissima ejus portio denuò in semen, ad simile propagandum convertatur. Semen itaque hoc Naturæ ex Divino imperio, & intentione

Omnia
trahunt
semen na-
turæ.

Ex quo ve-
getabilia
educta fue-
runt.

Semen naturæ in se continet potentia facultatem vegetativam ac sensitivam.

tione in se continet virtute & potentia vim vegetativam, quam mox ac vegetabili cuiusdam individuatum fuerit, tum primum ex potentia veluti in actum reductum germinat, florescit, fructescit, ut proinde sine hoc Naturæ semine elementa mortua sint, neque ad ullam rerum compositionem concurrere valeant. Accedit quod illa qualitatibus suis,

frigidityte, humiditate, siccitateque, quæ non nisi accidentia sunt, Verbo temperamentum tantum rerum constituunt; ubi verò semen Naturæ illis accessit, tum non statim singulæ res ejus virtute, & efficacia per materiæ elementaris seminisque Naturæ combinationem, propriarum formarum acquirunt possessiones.

CAPUT IV.

Semen hoc nil aliud esse, quàm Salem Naturæ elementis insitum, cui essentialiter proxima tria Naturæ principia complicantur.

In sale sulphura.

Recte & sapienter non nemo ex priscis Philosophis, *in Sole & Sale sunt omnia*: quod tamen de sale illo usuali minime intelligi velim, sed quod sub sale hoc usuali veluti sub involucrio quodam lateat vis ista mirifica salino-sulphureo-mercurialis rerum omnium constitutrix, ita ut sulphurea inexistens illi vis calidum; mercurialis humidum radicale, sal denique id, quod subsistentiam rebus omnibus confert, indicet; tria nodo indissolubili ita connexa, ut ab invicem separari non valeant; materia prima proxima, & ultima rerum omnium, juxta illud; *quæ sunt prima in compositione, sunt ultima in resolutione*: Siquidem rerum omnium semina, in quibus natura productionem molitur, nil aliud sunt, quàm sal congelatus cum subtilissimis corporum, quorum sunt semina, partibus. Virtus enim seminalis & rerum omnium productrix, in elementis hospitans, intra terram incrassata tandem in corpus salis condensatur; cujus anatomiam si propius inspicias, eam quandam veluti omnium elementorum pinguedinem esse reperiēs: In hoc enim intueri licet ignem Vitæ, aquam, aërem, terram, id est sulphureo-salino-mercurialem quandam vim omnium proximum principium, quod & omnibus inexistit. Depures sale quantumcunque volueris, per solutiones, sublimationes, cæteraque ignis tormenta; semper tamen in eo veram reperiēs terram similem illi, quam videmus, quæ tametsi omni sale destituta videatur, eam tamen cœlo sereno & Soli per aliquot dies expositam, paulatim novo sale ex quo extracta fuit, ingravidatam reperiēs, tantæ fecunditatis, ut mox in amplam, & copiosam herbarum segetem luxuriet; quod nulla tamen ratione fieret, si terra omni sale destituta foret; & patet ex Agricoltoria arte. Mirantur multi, cur Agros, ut messe peracta feraces frumenti fiant, unum aut duos annos quiescere oporteat; ratio in promptu est; quia cum præcedenti anno segetes magnam salinæ pinguedinis portionem attraxerint, Agros ob subtractæ pinguedinis copiam sterilefcere necesse est, quam tamen desiderata potita quiete, quod ablatum fuit, in seipsis restaurant, tum novo

Experimentum.

ex stuparum cineribus combustarum attracto sale, tum ex imbribus, subterraneisque halitibus denuò subministrato, de quibus vide *Lib. 6. Sect. ult.* Patet itaque Terræ fertilitatem ex solo sale, illo triplici virtute comitante, pendere, quod compluribus experimentis comprobare possemus, nisi id in *Sect. ult. lib. 6.* hujus præstitissemus.

Si quis verò objiciat, tantum abest, ut sal fecundus, ut potius omnium destructivus sit: Nam experientia docet, omnia illa loca, quæ sale abundant, sterilia esse. Huic respondeo, verum esse, salem in iis locis ubi affatim, vel per naturam crescit, vel per hominum industriam, elaboratur, inducere sterilitatem; id tamen non ex Naturæ suæ defectu provenire censeas, sed quod in hujusmodi locis ob nimiam abundantiam & virtutis attractivæ efficaciam, quæ universum illum salem intra subditas sibi matrices latitantem ad se cogit, sibi similia unit, ac proinde impediatur, quominus terrestres partes sua fecunditate beare valeat, undè solummodò in dictis locis suæ sibi similibus productioni intentus spectatur; suæ verò libertati relictus, omnia fecundat, vivificat, nutrit, conservat, verè ab Hippocrate, quod de sulphure, id de sale sulphurea vi prædico τὸ θεῖον, id est, *quid divinum* appellatur; atque adeo pateat, veteres Alchymistas, uti in *præcedenti Libro* fusè ostendimus, per lapidem illum Philosophorum, sive magnæ transmutatoriarum artis mysterium, aliud non intellexisse, quàm hoc τὸ θεῖον, id est, *Salem*, universale Naturæ semen; undè & Alchymia verius à Græco, quàm ab Arabico etymologiæ suæ rationem, quasi dicas, τῆ ἀλὸς χυμῖαν, ἀλοχυμῖαν *Halchymiam*, salis fusionem traxisse videtur: nulli sane virtutes illæ, quæ lapidi philosophico attribuuntur, verius quàm soli, & sali congruunt, quid enim vilioris pretii sale est, cum ubique reperiatur? imò in locis quantò vilioribus, tantò copiosius exuberat, quemadmodum in fimetis, stabulis, columbariis, latrinis, oletisque videre est: Nascitur in medio maris, in littoribus ubique efflorescit: montes, planitiesque eo foetæ sunt, putredines

Cur sal fecundus dicatur, cum tamen rerum destructivus sit.

Sal ubique provenit.

Volucrum
pennæ sal
sunt coa-
gulatum.

Animalia
sale con-
servantur.

Semen sal
animatum.

tredines rerum omnium non nisi sale fermentantur: Vegetabilia in ultima resolutione sua non nisi sal relinquunt; Animalia quæcunque tandem sale turgent: Volucrum pennæ quid aliud sunt, nisi salis efflorescentiæ in pennarum amictum condensatæ; certè sal animale quid sit, urinæ hominum animaliumque, quo turgent, sat docent, quoque tantopere delectantur, ut non alio Naturæ balsamo, quam salino se conservari & fecundari posse sentiant, hinc tantoperè illi inhiant, tanta aviditate ex veterum maceriarum rudibus illud exfugunt, lambunt, hauriunt; columbæ cæterumque volucrum genus avidè terrarum rimas fissurasque fodidicando id inquirunt; piscium verò generi proprium est, sale vivere & conservari. Hic dissolutus herbarumque radicibus insinuat, herbarum illam, quam miramur varietatem producit, in hominum animaliumque nutrimentum, ut eo nutriamur, ex quo constamus; Nutrimur autem sale illo spermatico, qui in ultima resolutione omnium alimentorum, quæ sumuntur, reperitur, quid aliud est, quàm semen & veluti quinta quædam essentia & ἐντελέχεια omnium partium, quibus componimur: atque vel ex hoc capite semen sal animatum dici possit; utpote quod ex omnibus tam vegetabilibus, quàm animalibus in usum medicamentorum extrahitur. Quid admirabilius est urinæ hominum, quæ per convenientem præ-

parationem non solum in medicum usum cedit, sed & ad aurum argentumque dissolvendum apta redditur. Vegetabilem esse, indè dignoscitur, quod planta quæcunque tandem in salem excocta, & terræ puræ insita, cum tempore eandem plantam, quæ in salem resoluta fuerat, reproducat, de qua mira sanè Naturæ operatione in sequentibus plura experimenta adducemus.

Non dicam hîc de rore, quod vaporem in salem concretum esse monstrat Ars Spagyrica, quæ indè elicit menstruum tantæ efficacitæ, ut non secus ac ex sale communi, salepetræ, nitro, corallia perlasque dissolvat; cujus proprium est frigidum humido dissolvi, & calore condensari. Minerale uti in diversas species dividitur, ita quoque stupendis virtutibus in singulis superbit, ita ut nullum sit salis genus, quod non aliquo modo, sive id sal commune, sive alumen, sive nitrum sit, in singulis reperiatur. Metallorum species duritiem suam non aliundè sortiuntur, nisi ex fixi salis abundantia. Accipe unam libram plumbi, ex quo calcinato ferè ad decem uncias salis extrahes, & sic de cæteris. Invenitur & id in sublimioribus aëris regionibus, ut ex meteororum mirandis effectibus patet. Verùm cum de quatuor salis speciebus fuse in VI. Libro, egerimus, illuc *Lectorem* remittimus, ubi quicquid circa hoc argumentum dignum consideratione occurrere potest, discussum reperiet.

Ros salis
species est.

Experi-
mentum.

CAPUT V.

Quomodò semen universale ad animalium generationem concurrat, & de mirifica plasticæ virtutis efficacia in semine animalium.

Semen u-
niversale
sal est.

Diximus in præcedenti Capitulo, quomodò ex semine universali Chaotica massæ indito Conditor omnium, plantas tanquam ex subjacente materia eduxerit; Jam restat, quomodò ex eadem materia die quinto, & sextio animalia omnis generis eduxerit. Supponimus itaque, DEUM excelsum, & gloriosum primò indè eduxisse & plantas & animalia, undè semen illud universale, uti in eductis jam plantis cum vegetativo Naturæ gradu unà quoque vitalem facultatem adeptum fuit, ita in animalibus quinto & sexto die, ex eadem materia eductis sensitivum Naturæ gradum, juxta CREATORIS beneplacitum participavit; atque hoc pacto semen hoc per continuam attractionem nutrimenti, quod in utroque Naturæ gradu ex ultima ejusdem concoctione conficitur, quo etiam successiva alternaque generationis, & corruptionis vicissitudine in hunc usque diem species tum plantarum, tum animalium propagantur, & usque ad Mundi consummationem propagabuntur. Verum facultas seminalis, qua perficit suas operationes, cum sub-

tilior sit, quàm ut leviter capi possit, illam paulò fusiùs explicabo.

Supponendum igitur, ad vitam viventium, & ad earum operationes ritè perficiendas necessariò requiri heterogenearum partium concursum, cum fieri non possit, ut homogeneis solummodò partibus, sive planta sive animal vivat, aut actiones suas rectè perficiat: Si enim omnes partes ejusdem essent naturæ, omnium utique eadem essent operationes, non diversæ, juxta illud: *Idem in quantum idem semper facit idem*: Undè non incongruè *Philosophus* animam definit, acetum corporis organici, id est, quod diversa organa & instrumenta habet, quibus ad diversitatem operationum necessariis utitur. Quidnam verò illud sit, quod diversitatem illam partium in animalibus perficiat, explico.

Diximus paulò antè, DEUM cum ex terra & aqua chaotice commixta plantas & animalia eduxit, tunc eodem momento singulas rerum species in suo esse naturali constituisse: Verum enim verò, cum illæ uti ex corruptibili elementorum massa seipsas sustentare in per-

Vis spermatica ad propagationem indita rebus.

perpetuum non possent, ita unicuique virtutem spermaticam indidit, qua se perenni successione rerum, & alterna vitæ mortisque, sive quod idem est, generationis & corruptionis vicissitudine, usque ad ipsius Mundi durationem propagarent: & hoc pacto unaquæque species, sive vegetabilium, sive animalium in suo statu, & essentia naturali conservaretur. Quomodo verò, & undè vis propagatrix originem suam hauriat, & undè proveniat, expono.

Semen universale quid?

Diximus suprà, semen universale rerum nihil aliud esse, quam salino-sulphureo-mercurialem spirituosum vaporem, quo omnia quæ in Mundo sunt, componuntur; hunc autem vaporem triplici virtute distinctum, nolim dicere, ex sale, sulphure & mercurio minerali & sensibili conflatum, sed latere in intimo horum centrali thalamo quidpiam, quod ignem naturæ, sive id quod cum *Peripato*, calorem rebus omnibus innatum, dicimus, quod in sulphure potissimum elucet, quod omnium, quæ in natura rerum existunt, uti in Libro nono & decimo fusè demonstravimus. In mercurio verò latere quidpiam humido radicali maximè simile, quod & aquæ aërisque facultatibus exactè respondeat, sine qua nulla corporea substantia consistere potest; & maximè in mercurio minerali elucet, quod uti rerum omnium humidissimum & siccissimum, gravissimum & levissimum; calidissimum & frigidissimum est, quod solum Natura in perfectio contrariarum qualitatuum gradu constituere, sibi complacuit, ita aquæ & aëris facultates maximè æmulatur, uti capite de Mercurii natura & proprietate incomprehensibili docuimus. Quæ tamen non dicta velim, quod semen hoc ex Mercurio vulgi sit conflatum, sed quod in intimo huius mixti mineralis centro lateat vis quædam admirabilis, quam Philosophi humiditatem radicalem dicunt, cuius Mercurius veluti externum quoddam involucrum dici possit; atque hæc est, quæ rebus omnibus humidum radicale confert, sine quo nihil vivere posset. Quoniam verò, uti calor sine humido, utpote ejus nutrimento subsistere non potest, neque hæc in corpoream molem sine facultate quadam, quæ rebus omnibus consistentiam corpulentiamque præbet, condensari possunt, atque hanc in salis Naturæ centro latere dicimus: quia tamen neque hæc salina vis sine sulphurea & mercuriali consistere potest; hinc sapientissima rerum Natura utrumque salino corpori utpote basi & sustentamento omnium ita inclusit, ut ab invicem separari nequeant. Atque hoc est semen universæ Naturæ, quod CONDITOR sapientissimus primò chaoticæ massæ concreavit, ut ex eo deindè omnipotenti vocis suæ imperio cuncta, quæ Mundi ambitu continentur, tanquam ex subjacente materia educeret, quod quidem juxta Naturæ gradum unicuique convenientem, singulis tam vege-

Sulphur & mercurius inseparabiliter insunt Sali.

tabilium, quàm animalium speciebus, juxta divinæ intentionis beneplacitum insinuatum, individuatumque, eam varietatem rerum, quàm miramur, prodidit. Et in vegetabilibus quidem jam à CONDITORE glorioso in sua specie constitutis, illud nihil aliud est, quàm humidum illud radicale, quo veluti nutriuntur omnia ea, quæ vegetandi facultate polent; ex ultima verò hujus concoctione per calorem innatum sive sulphur naturæ facta, in plantis nascitur semen illud, quod terræ conditum novoque spiritu salino-sulphureo-mercuriali animatum speciem uniuscujusque in proprio semine virtute latentem propagat. Quoniam verò animal sine nutrimento vivere non potest, hinc nutrimento opus habent animalia, quo humidum à calore per attenuationem consumptum restauretur; atque hujusmodi nutrimenta alia non sunt, quàm vegetabilis, & sensitivæ naturæ fructus, quibus alimur & sustentamur. Quoniam verò hujusmodi nutrimentum, heterogeneæ, & dissimilis naturæ est: hinc intra stomachum illud sumptum Natura ibidem per digestionem, fermentationem purum ab impuro separat; & purum quidem partim hepatis, partim cordi in sanguinis, spirituumque elaborationem transmandat: impurum verò veluti fæces per duos excretorios secessus dispellit. Cum verò semen Naturæ nutrimento semper inseparabili necessitudinis consortio junctum sit: hinc quoque nascitur plastica ista semini semper connexa facultas, quæ omnem admirationem superat; hac enim corporis ex tot heterogeneis partibus, membrisque constituti substantia originem suam trahit; quod enim in semine naturæ est salinum, id ossibus formandis cæterisque durioribus corporis portionibus, sine quibus solidam substantiam obtinere non posset, à natura deputatum est. Humidum verò animalium, id, quod in semine latet, mercuriale præbet, & nervi quidem, cartilagine, venarum ductus uti tenacioris, viscosiorisque naturæ sunt, ita partim à Mercuriali, partim à salina & sulphurea pinguedine mira combinatione obtinent, reliqui verò humores, primò quidem sanguis & phlegma à mercurialis humiditatis prædominio suam sortiuntur naturam; bilis ab humore sulphurea vi adusti, atra bilis à separatione fæcium sanguinis calore adusti; vapores verò ex sanguinis massa per calorem attenuati, quos spiritus tam animales, quàm vitales dicimus, ab ignea illa vi in naturæ sulphure latente conficiuntur, qui uti spirituosissimi sunt & subtilissimi, ita quoque ii soli per intimos quosvis humani corporis recessus diffusi, microcosmicam Oeconomiam unicè gubernant, unumquodque in motus, & operationes, actionesque ipsi congruas perpetuò sollicitant. His itaque ritè constitutis, cum tota animantium fabrica ex corruptibili elementorum confluxu constituta sit, ne species rerum cum tempore prorsus deficerent, Natura

Semen in quo consistat.

Semini plastica vis innata.

Radiativa
vis femi-
nis.

In quo
constat
radiativa
vis feminis

tura sapientissima aliud corpus destinavit, quod post ultimam nutrimenti concoctionem resultat, in quod universa animalium membra veluti in centrum suum corradiant, dum unumquodque quod optimè in ipso concoctum fuerit, five humorem, five spiritum in microcosmi medium veluti centrum, id est, in vasa à Natura destinata transmandat; atque hoc est semen illud prolificum, quo species omnium animantium propagantur: quod uti ex omnium membrorum spiritu spermatico constituitur, ita quoque aptum ex se & sua natura redditur, ad simile ei, à quo deceditur, producendum; in uterum enim tanquam in foecundum agrum projectum, salinae sulphureo-mercuriales species statim radiare incipiunt, & juxta officia unicuique à natura destinata obire, ita ut quod in semine mercuriale-sulphureum pro varia combinationis lege in membra ipsis sympathica, id est, principalia corporis vasa, cor, hepar, pulmonem, cerebrum &c. ex quibus prodierunt, miro quodam magnetismo ad similia ipsis membra efformanda confluat, salina vis in semine latens, quæ ex ossibus in semen deflexerat, novam ossium fabricam adoritur, & sic de cæteris membris idem judicium esto, ita ut quod in semine latet, alicui membro proportionatum, & sympathon id statim calore nativo excitatum, membrum tale & tale radiatione sua loco & situ simili & proportionato efformare contendat. Verum ut modus & ratio hujus admirandæ virtutis plasticæ magis magisque perspiciatur; quantum ingenii nostri imbecillitas permittit, experientiis comprobare nitentur; cum vix sit, qui genuinam hujus rationem ex philosophis exposuerit, & plerique has differentes virtutis seminalis rationes per universales & metaphysicos conceptus exponant, qui verò proximas hujus causas, neminem reperi, si exceperis doctissimum & experientiâ rerum clarissimum Medicum *Marcum Marci*, qui in suo egregio de *operatricibus ideis*, acu, uti dici solet, rem tetigit, cui libenter subscribimus. Ut verò clarius modus, & ratio intelligatur; Sciendum est, Salis naturam, uti in *Nono Libro* satis ostendimus, radiativa quadam virtute præditam esse, qua corpora nitrosa, aluminosa, & vitriolata, quemadmodum & gemmas in varias figuras, triedras, tetraëdras, pentaedras &c. efformat; quod quidem fieri non posset, nisi vis illi inesset, qua ex uno aliquo puncto sui in differentes partes radiando, tandem polygonam illam in CrySTALLINIS corporibus figuram efformarent, quam quidem radiationem seu *ἀκτινοβολισμόν*, quæ corpuscula salina ex se & sua natura & innato quodam appetitu, dum ad se confluunt, certam quandam figuram efformant, nil aliud esse dicimus, quàm corpusculorum salinorum in differentis situs filamenta sub certa proportionem à natura eis indita, & sub certis terminis intra humidum protrusionem, quæ

deinde consumpto humido, non secus ac spiritus lapidifici, in polygonum corpus coalescant; & quia demonstrationem hujus rei citato *Libri Noni* loco exhibuimus, eandem hic repetere noluimus: Etiam si enim hujusmodi plastica facultas in fossilibus corpus organicum constituere non possit, facit tamen, quantum potest, ut si non plantam, aut animal vivum, saltem ipsis analogum quid juxta gradum naturæ convenientem imprimat, uti fusc citato *Libro* de figuris in variis lapidibus occurrentibus dictum fuit: In Vegetabilibus tamen, sensitivisque magis hujusmodi vis plastica apparet: quid enim aliud sunt tam diversæ plantarum figuræ quoad ramos, filiorum, florum, fructuumque constitutionem, quàm mirifici plasticæ hujus facultatis effectus? Certè quod in mineralibus gemisque rudi penicillo natura attentat, id multò excellentius in foliis floribusque attentare non cessat, dum juxta speciei conditionem vi sua radiativa illos nunc in tria folia, uti in herba trinitatis, modo in quinque, uti in pentaphyllis, jam in sex, septem, octo, novem, decem, & innumeras denique efflorescentias innumera colorum varietate dispecit, qui omnes plasticæ virtutis effectus sunt, quemadmodum, si *DEUS* vitam dederit, in *Libro* de occultis *Naturæ Characterismis*, & *naturæ operibus elucescentibus*, demonstrabitur. Quis autem effectus plasticæ facultatis, in tot ac tam differentibus corporis partibus efformandis, satis miretur? Sed ne tam abditum argumentum inexpositum relinquamus, modum & rationem paucis non tam explicabo, quàm indigitabo tantum.

Certum est, plasticam facultatem, seu vim formatricem non ab externo quodam agente, sed à seminis progenitore ortum suum habere: siquidem illa, quæ generantem inter & genitum intercedit, similitudo, alia ratione constare nequit, nisi ex semine animalis in convenientem uterum projecto: si enim ab externo quodam agente fieret, non esset, quare semen v. g. humanum decisum non potius in canem aut felem, quàm in hominem degeneraret. Dico itaque, ut tandem ad rem veniamus, hanc plasticam virtutem æqualiter diffundi per totam seminis massam, id est, quodammodo totam esse in toto, & totam in qualibet parte; cujus rei ratio hæc est, quod ex uno semine interdum singuli, interdum plures foetus cooriantur, & non minus ex una aliqua parte, quàm ex toto foetus integrè perficiatur; & demum, quod nulla partium confusio, perturbatio nulla, nisi rarissime, ut in monstris, contingat, quod tamen fieri oportet, si difformiter sese haberent ad subjectum. Unde non putes velim plasticæ subjectum omnino esse simplex, sed veluti compositum ex multis: siquidem illa virtutis portio, ut ita dicam, quæ cerebrum conformavit, nequaquam hepar aut cor effectura est; & quæ ossibus dedit figuram, nequaquam membranas

Plastica vis in inanimatis est analoga ad vegetabilium & animalium plasticam vim.

Plastica vis per totam seminis massam diffusa.


branas extendet, aut intestinorum spiras convolvat, sed singula subjecti portiuncula totum quod efformandum est, continet; haud secus ac in specierum in obscuro loco in candidum objectum exhibitione continere solet. Sit igitur hoc primum experimentum.

EXPERIMENTUM I.

Quo radiativa plastica facultatis vis ostenditur.

DEpingatur in objecto quopiam Solis radiis exposito figura hominis cum omnibus & singulis membris. Hoc peracto, in obscuro conclavi juxta experimentum hujus libri de Photismo Chromatico exhibitum, per minutissimum & punctuale foramen species imaginis hominis paulo ante figuratæ intromittatur in chartam in obscurata camera expositam, atque experientiâ disces, species imaginis unâ cum colore cujusvis membri intus repræsentari. Si verò chartam foramini applicaveris, tota specierum diffusio conturbabitur, nihilque, nisi circulus lucidus apparebit: quanto verò plus à foramine semoveris tabulam, tantò species imaginis evolventur amplius, usque dum naturalem suam perfectionem natæ fuerint. Hic certum est, radios ex singulis, punctis membrorum imaginis per medium radiare, & in foramine punctuali inconfuse uniri, ubi etsi ad sensum simplex lucis radia-

tio videatur, evoluta tamen aliquantulum, non simplicem speciem, sed infinita quadam varietate colorum insignitam distinctis, singulis partibus & sine ulla confusione *εὐτάκτως* dispartitis reperies: Videbis cum admiratione singula membra in singula corradare, atque unâ cum speciebus colores singulorum quoque differre membrorum; si illa res in rerum natura incomprehensibilem illam plasticæ virtutis simplicem varietatem explicet, hæc sanè explicat. Dico igitur, eadem prorsus ratione in spermate contineri plasticam vim sive formæ opificem, sicuti species colorum in aëre, semen enim ab omnibus & singulis partibus aphrodisio motu & *ἀκλινῶς* spermatico deciduum in uterum mulieris, ceu in locum radiationi prolificæ naturalem profusum, ibi materia quidem simplex ac homogenea secundum sensum involutum, naturali tamen vasis calore promovente radiatione sua paulatim incipit evolvi, atque per hujusmodi ideas & rationes spermaticas, partes incipiunt differre, & membra distingui, & à se distare. Sicuti igitur in uno foraminis puncto omnes species visibiles virtute continentur, evolutæ tamen figuram, situm, colores singulorum membrorum distinguunt, ita prorsus se habet plastica in spermate virtus: radii enim alii, quia longiores, & extimam superficiem pertingunt, alii subito ab exortu finiunt, alii superficie sphaerica, alii plana, alii aliter terminantur; ex quo omnis varietas in



Plastica vis operatur eo modo quo species in obscuro loco intromissæ foraminis obviatum exprimunt.

foetum redundat, ut in Figura patet. Ubi vides species ex omnibus membris hominis B. C. ad singula feminis in A. locum uteri projecti puncta collectas, convolutaque à puncto A, in quo indeterminatæ sunt, & non nisi potentia & virtute, hinc paulatim calore uteri excitatas, primum in membra principalia, deinde reliqua membra inæquali & tempore & motu discriminari. Ordinis autem ratio postulare videtur, nobiliores, & à quibus reliquæ quasi dependent partes, radiatione prius evolvi. Itaque videmus cor ante aliorum exortum sanguineis fibris etiam tum manifestè ceu instrumentum vitale spiritus pulsare, deinde cerebrum, post hoc jecur, deinde pulmo & stomachus sua paulatim li-

neamenta ostendunt, cujus rei accipias sequens experimentum.

EXPERIMENTUM II.

Mirabilem vim plastica Virtutis exponens.

ACcipe ovum tertio ab incubitu die per-
tusum, & eâ qua par est, industriâ aper-
tum smicroscopio diligenter inspicere vitellum,
& comparebit in eò manifesta cordis effigies
adinftar guttæ sanguinis concretæ viva & mi-
rifica quadam ratione se agitans fibris cruen-
tis, ex eo undique tanquam è luce radiis, at-
que è fonte rivis deductis, & quamvis statim
post triduum appareat vitalis motus cordis
& arteriarum, nihil tamen reliquorum mem-
brorum

Experi-
mentum
plasticæ
facultatis
ex ovi in-
cubitu.

brorum adhuc comparere reperies, nisi post quatuor alios dies spina dorsalis à cerebro deducta veluti quoddam rudimentum ac nebuloſa ſubſtantia comparet; deinde ſucceſſive reliqua membra juxta perfectionem cujuſvis, in quibus ſingula organa operibus congrua ſculpuntur, coloresque cuique proprii in ſingulis pinguntur ſapore odoreque unicuique naturæ ſuæ proprio dotantur, donec in perfectam fabricæ molem excrescant. Quod ſi quiſpiam ſingulis diebus unum ex ovis à primo incubitu ruptum obſervaret, haud dubiè iſ dicta ratione membrorum ordinem proceſſumque in generatione cujuſvis facile cognoscere poſſet, uti in homine, cum eadem ſit ratio membrorum in animali, quæ in homine. Patet igitur ex his ſpecierum evolutionem ad ſingula membra minimè eſſe *συγχρονον*, ſive ſimultaneam, ſed juxta partium perfectiorum imperfectiorumque evolutionem, nunc citius, nunc tardius contingere; quæ omnia patent quoque ex ſpecierum coloratarum exhibitione, quam niſi præciſa à foramine diſtantiâ exhibeas, ultra citraque nihil aliud, niſi ſpecierum rudem effigiationem deprehendes; quemadmodum etiam ſpecies ex centro in orbem radiant ſingulæ radiis ſuis inconfuſe, ita & ſpecies platiſticæ virtutis ex centro in circumferentiam, non ſecus ac mens Mundani opificis ex centro terræ evoluit univerſas mundanæ machinæ ſpecies in diſparatiſſima membra, in elementa & globos cœleſtes: Primò quidem Solem veluti in cor quoddam megacoſmi conglobavit; Firmamentum in cerebrum; Saturnum in lienem

Ad platiſticæ facultati modum Mundus creatus eſt.

Analogia membrorum humani cor-

Mundi; Martem in hepar, in pulmonem Mercurium; in ſpiritus & ſanguinem Jovem; Venerem in ſemen cœli; in hypochondria denique Lunam, omnia in magnum hominem fœdere bono effinxit; ita & in parvo homine ſpecierum unà cum colore, ſapore, cæterarumque proprietatum evolutione fieri, nulli dubium eſſe debet.

Sola difficultas hinc oritur; Si platiſtica vis evolveret ſpecies membrorum in ſpermate latentes, infallibili proportionem ſequeretur, omnes homines in delineatione corporum cæteriſque affectionibus ſimiles fore: quod tamen tantum abeſt, ut ſint, ut ne inter millena hominum millia inveniantur duo per omnia ſimiles. In homine quis non miratur vultuum varietatem, quis inceſſum, guſtumque diſcrimina in ſingulis, cum tanta inclinationum naturalium diverſitate non obſtupescat? Dico igitur non in ſolam platiſticam vim, hæc tantam rerum varietatem conjiciendam eſſe, ſed in imaginationes & effectus, ac verſatilis ingenii humani perpetuum motum in parentibus, dum ſe cognoscunt, vigentem, quæ veluti radiatione ſua diſpoſitam attingentes matériam, eidem imprimunt eam, quam diximus varietatem; qui vagus animi motus cum in animantibus ceſſet, mirum non eſt, adeò ſimilia at plurimum individua reperiri, ut vix dignoſci poſſint, & non niſi maculis colorum diſtingui. Modum autem quo parentes filiis imprimant rerum vehementer in animo agitatarum ſpecies, fuſe diximus in *Arte Magnetica, Cap. de Magnetismo imaginationis*, ad quod *Lectorem* remittimus.

poris ad cœleſtium corporum membra

Diffimilitudo quæ intercedit inter homines.

Cur non ſit tanta diffimilitudo inter animalia quam inter homines.

CAPUT VI.

De ſpontaneo Viventium ortu, ſeu abdito ſeminio eorum, quæ ex putri naſci dicuntur.

Nullo non tempore mirum in modum ſubtiliſſimorum quorumvis philoſophorum ingenia, hujus plenum admirationis argumentum adeò torſit, ut vix ſit, qui cum altero in decidenda cauſa tantorum mirabilium conveniat; hinc jam à multis annis huic argumento, ſummo ſtudio unicè incubui, ut undenam tandem viſ iſta mirifica ſeminalis in plantis & animalibus ſponte naſcentibus originem ſuam traheret, cognoscerem; Et quoniam non immerito *Sisyphi* ſaxum, id eſt, inutiles & infructuoſo labore in hoc abdito naturæ opere, me volvere videbam, ſi remotis cauſarum ſcrutiniis ac metaphyſicis conceptibus inhærerem; hinc iis omiſſis, ad proximas & immediatas horum effectuum cauſas explorandas, quæ obſervationibus, quæ experientiis encharcticis, omne ſtudium meum contuli; quo quid repererim, *Lectori* hiſce communicandum duxi.

Suppono itaque primò, uti in præcedentibus quoque innui, ſemen univerſale illud

ſalino-ſulphureo-mercuriale pro naturæ gradu vim obtinere vel *ἀψυχον*, id eſt, *inanimatum*, ſi in inanimatis individuetur; vel vegetabilem, ſi vegetabilibus; vel animatum denique, ſi zootico gradui jungatur, pro ratione ſeminis unicuique ſpeciei, juxta Divini Architecti intentionem in principio rerum inſiti: Eſt autem inter hoc ſemen univerſale, & particulare unicuique rei inſitum tantus naturæ conſenſus, ut hoc ſine illo in novam ſobolem reſuſcitari non poſſit; mox tamen ac hoc terræ fuerit conſitum, tunc ſtatim inſito naturæ quodam magnetismo illa ad ſe confluunt; atque hoc pacto intentum à natura effectum præſtant.

Suppono ſecundo. Cum formæ ſubſtantiales tam plantarum, quàm animalium (exci-

Pro ratione matrlicum ſemen univerſale individuat.

Formæ ſubſtantiales tum vegetabilium tum animalium ex potentia naturæ educuntur.

partibus

partibus aliquid istius formæ unâ cum feminis portione latere, eamque non in viventium duntaxat corporibus, sed vel in mortuorum cadaveribus remanere. Quod quidem nil aliud esse dicimus, quàm formam, semine universali jam in eo individuato vestitam; in hujus enim feminis salino-sulphureo-mercuriali centro, Spiritus ille latet, qui vitam, & sensum dat etiam iis rebus sive materiis, quibus mixtus fuerit, uti postea fusius ostendemus.

Omnia plena sunt feminis.

Suppono tertio. Terram, aquam, aërem, hujusmodi feminis rerum plena esse, quæ uti minima quædam corpuscula sunt, ita quoque facile, vel à Sole unâ cum vaporibus, & halitibus tam ex terra, quàm ex mari, fluminibus, lacubus in aërem elevata; hinc verò pluviarum, nivium, ventorum, aërisque vi in diversas terrarum, montium, camporumque regiones delata, ubicunque proportionatam matricem invenerint, ibi statim vitæ iis, quibus junguntur, telam ordiuntur plastica feminis virtute haud impigra, in membrorum unicuique debita dispositione actinobilissimo suo, efformanda.

Spontaneam itaque viventium causam proximam negamus caliditatem putrescentium esse, rejicimus coctionem putredinis, substantiam putrem, sive putridam corpulentiam; non admittimus solum & immediatum DEI in iis producendis seu archetypi Divini conceptum, aut immediatum DEI, otiosâ naturâ concursus; non intelligentiarum operam; non astrorum influentias; non lumen coeleste; non calorem ambientis; sed omnia hæc non nisi remotas tantum causas amplectimur; panspermiam verò, sive semen illud à mortuorum tum plantarum tum animalium cadaveribus decisum, feminaque rerum omnium causam proximam horum effectuum esse dicimus; dictis causis, uti diximus, non nisi remotè concurrentibus; in qua sententia vel ipsum *Aristotelem* fuisse ex spontanei viventium ortus definitione colligimus, dum dicit *primam participationem anima nutritiva cum calido*; quo quidem nil aliud intelligit, cum de sponte crescentibus agit, quàm quod in vitâ quoque functis sive vegetabilibus, sive animalibus vis quædam lateat ab ultima alimenti coctione dependens, quam ab anima vegetabili sive sentiente primò participavit, dum adhuc in vivis esset; atque ex hac in cadaveribus adhuc latentes spontaneorum genesin causari; Nam sponte vivens gigni minime posse, supra ostendimus, nisi ex materia, quæ vel jam ante quocunque modo vivens, aut animatum fuerit, sive eam in plantarum, sive in animalium serie constituas: cum enim in suppositione secunda jam ostenderimus, animæ nonnihil in omnibus, & singulis viventibus etiam post mortem unâ cum seminali virtute permanere; Certè sive viventis pars fuerit lignum, sive folium, sive fructus, sive excrementum, sive cadaver,

Causa proxima spontanei ortus animalium.

Animæ viventium, nonnihil etiam remanere post mortem unâ cum seminali virtute.

sive aliud quidpiam, semper in disposita, fermentataque putredine, vel ejusdem cum priori speciei natura quidpiam, aut alterius producere, vel ipso *Hippocrate* id libro de usu membrorum attestante, his verbis: *A mortuis, inquit, nutrimenta & incrementa & semina fieri*; quo quidem pulchrè insinuat nutrimentum, quod vel ex vegetabili vel animali natura assumimus, tria in se continere, scilicet facultatem nutritivam, augmentativam, & generativam, quam ultima nutrimenti concoctio præstat: triplex itaque hujusmodi facultas non nisi à mortuis scilicet viventium partibus aut fructibus jam vitâ functis resultat; nihil enim mortuum esse potest, quod prius non quoquo modo vixerit; & quamvis per hoc semen verum & proprium rerum *Hippocrates* intellexerit, secundaria tamen ratione materiam quoque proximam spontaneæ viventium generationis intellexisse inde patet, quod intra materiam rei sponte gignendæ manifestum semen latere dicat. Quare materia proxima sponte nascentium generationis est semen illud nostrum, in quo spiritus latet, veluti anima quædam à vivente decisa (uti *Fortunius Licetus* scitè docet) & in cadavere remanens, non ut forma, sed veluti corpuscula spirituosâ istius viventis, in quibus anima consistit veluti in vase post mortem viventis relicta. Atque hujus vel ipsum *Aristotelem* testem habemus l. 3. de Gen. Animal. cap. 11. de spontaneo viventium ortu loquitur: *Generantur autem, inquit, in terra humoreque animalia & planta, quoniam humor in terra, spiritus in humore, calor animalis in universo inest, ita ut quodam modo plena sint anima omnia*. ubi semen nostrum aperte intellexit; per humorem in terra quidem salinam vim, per spiritum in humore mercurialem, per calorem denique sulphuream, quæ in eodem Naturæ semine, quod sal est, cuncta & intra centrum suum spirituosam illam partem, veluti animam quandam à cadavere in quo remanet, decisam continet, quæ & materiæ proportionatæ insita tandem vel vegetabile, vel animal aliquod calore externo disponente materiam excludit. Generantur itaque verè ex cadavere animalia spontanea generatione; non autem resurgunt reviviscuntque eadem numero animata substantia, duplicem ob causam, quarum prior quidem est, quod in sponte genito non sint eadem numero instrumenta, quæ præfuerant in cadavere ex quo genitum est, sed alia noviter effecta; ne quis existimet hujusmodi genesin ex cadavere, esse, ex privatione ad habitum dari regressum, cum à pristino vivente saltem numero diffideat sponte genitum, ut ex muris cadavere ortus. Altera verò causa est, quod plerumque contingat, ut in morte pristini viventis calore paulatim deficiente materialis animæ natura labefactata in pejorem, imperfectio-

Hippocrates.

Fortunius Licetus lib. de Spontaneo vivens. ortu.

Anima manet in semine non ut forma sed veluti in vase.

Ex cadaveribus vere generantur animalia.

fectioremque essentiam specie prorsus mutata degeneret, ut postea ex animalculis, quæ ex viventium corporibus aut excrementis nascuntur, patebit.

CAPUT VII.

De variis spontè nascentium classibus.

SPontaneam hanc stirpium de terra generationem non aliunde provenire censeas, quàm ex multis corpusculis aut stirpium, aut animalium, aut utrorumque vel ab aqua, vel à vento, vel ab ipsomet eorum cadavere terræ impactis, quæ in unum juncta, lentum viscidumque corpus, & ab ambientis calore digesta tale acquirunt temperamentum, talemque gradum caloris, quo apta fiunt, quibus in eis, ut in vase dudum delitescens anima sese tandem promat in formam vitalem novarum stirpium constitutricem: Sunt autem corpuscula illa passim & in aëre pulverulento volitantia, vi spiritus agitata, partim aquis permista, partim in terræ superficie undique dispersa, hinc verò in humi sinum ac viscera per latentes patentium meatuum rimas imbrium vehiculo vehuntur: ex quo loco actis demum radicibus exurgunt in stirpes. Ea sanè corpuscula licet feminis vices obeant, feminique proportionem respondeant, ut dudum novimus ex *Aristotele*, verè tamen & propriè semina non sunt, sed seminalium rationum veluti involucra quædam; quod & *Anaxagoras Theophrasti* relatu existimabat, constitutus aërem omnium rerum semina in se continere. Varii verò generis sunt hujusmodi corpuscula, quæcunque ab olim viventibus derivata particulam animæ labefactatam, ut vas loculque retinent cum calore modico tum succi, vaporesque, tum pulveres & ramenta; in quibus sanè plantarum sponte nascentium causis seminalem vim inesse non ita labefactatam oportet, ut in iis, è quibus tubera & fungos exoriri sponte conspeximus, stirpes dico quæ dignitate fungos tuberaque superent. Non aliunde profecto cineres foecundant agros, nisi quia reliquiae sunt, reliquiaeve continent corporum olim animatorum; & hac ratione *Theophrasti* & *Plinii* relatu, olea in totum combusta revixit: Nec aliunde pluviae ac rores magis terram foecundant, quàm flumina (uno excepto Nilo) nisi quia in pluviis ac rore multa permista sunt cum exhalatione ac vapore cadaverum ramenta, ut scite notavit etiam *Plutarchus*. Nilus autem ob longissimum latissimumque cursus sui tractum, & quia ex pluviis *Aethiopiae* maxime intumescit, multò plures cadaverum portiunculas habet, quàm quivis alius fluvius & pluvialis humor aut ros, quare omnium aquarum foecundissimus est, ac depositis sordibus in sedimento ob maximam sui tenuitatem levitatemque potui optimus ac saluberrimus. Huc ea quoque faciunt, quæ de ortu spontaneo *Laserpitii Plinio* dicuntur

Corpuscula spermatica in omnibus reperiuntur.

Agri cur foecundantur à cineribus.

alicubi: *Id*, inquit, apud *Authores Græciae* evidentiissime invenimus natum imbre piceo repente madefacta tellure circa hesperidum hortos, syrtimque majorem septem annis ante oppidum Cyrenarum, quod conditum est Urbis nostrae anno centesimo quadragesimo tertio; Vim autem illam per quatuor millia stadiorum Africa coaluisse. Quæ apud *Theophrastum* etiam habemus: imber etenim crassus nigerque fuit adinstar picis, quia multa in se ramenta plantarum animaliumque mortuorum continebat, quæ humo impacta spontaneam stirpis originem toto eo tractu promoveri potuerunt; quin factum est, ut hanc spontaneam originem plantarum de terra surgentium in tria genera partiri valeamus; quorum primum habeat materiam proximam rei sponte nascentis in terra præexistentem, non aliunde, quàm ex plantarum & animalium seu excrementis, seu partibus ab ipsorum animantium corpore defluxis, ac immediatè humo commistis: secundum verò genus eandem materiam obtineat terræ inditam ab aquarum seu pluvialium, seu fluvialium illuvionibus. Tertium denique sponte natorum genus materiam in se causam sui ortus effectricem proximam continentem habeat terræ communicatam ab aëre, seu vi ventorum, seu quomodocunque aliter. Quos modos olim recensuit etiam *Theophrastus* in spontanea generatione integræ sylvæ; sat nobis est è terra sponte nascentes plantas fieri ex cadaverum seu stirpium, seu animalium, seu utrorumque partibus etiam ob parvitatem insensibilibus in unam massam primum coeuntibus, quæ in se animam vegetalem velut in spermatica materia contineat: eadem anima illi massæ ab ambientis calore concoctæ, atque ad vitam dispositæ semetipsam tribuente in formam vivificantem & novæ plantæ constitutricem. Generali itaque divisione assignata jam ad particularem eorundem partitionem procedamus.

Quadruplici Classe sponte nascentium veluti supremas species comprehendimus, quarum, duæ ad plantas, alteræ ad animalia pertinent. Sunt quædam in primo vegetantis naturæ gradu constituta, quæ non incongruè *geophyta*, id est, *Planto-terrestria* vocamus; uti sunt, omnes tuborum fungorumque species. Altera omnia plantarum genera & species, quæ sponte nascuntur; Duæ pariter in animalium classe continentur sponte nascentia, quorum priora medium quoddam sunt plantas inter & animalia motu progressivo destituta, ut sunt omnia illa, quæ philosophi *ζωόφυτα* vocant: Posteriora sunt

Laserpitii ortus prodigiosus.

3 Genera plantarum ex putri nascentium.

E putri nascentium species duplex, una ad vegetabilia, altera ad animalia pertinet.

sunt omnia ea animalia, quæ motrice facultate pollent, & omnia insectorum terrestrium, volatiliū, aquatiliūque genera & species continent; quemadmodum autem se habent geophyta imperfecta ad plantas perfectas, ita zoophyta ad animalia sese habent; quæ in tabula Synoptica Sect. 2. c. x. exhibita vide in sequentibus.

Sponte uascentia
semper
præsuppositum
semen requirunt.

Primo itaque non ita spontaneum viventium ortum nos sumere existimes velim, quod spontè, sine ulla seminalis virtutis efficacia, sed fortuito, ut multi putant, & casu nascentur; nequaquam; nullum enim spontè nascens assignari potest, quod non aliunde sive ex stirpium plantarumque cadaveribus, sive ex spermaticis corpusculis, à vitâ functis quomodocunque tandem decisis, originem suam hauserit: Cum enim substantiæ plantarum, radicum, truncorum, feminum pulveres, excrementaque, ac succi stirpium & animalium nullibi desint in terra, potissimum in superficie ejus, mirum nemini videri debet, si in unum aliquem locum multa hujusmodi ramenta & excrementa collecta, primum humore ceu glutine conjuncta in substantiam mollem atque tractabilem, mox à calore ambientis concocta evadant materia disposita, cujus anima, spiritus ille sive vegetabilis, sive sensitivus femini naturæ inexistenti tanquam in vase, fiat ejus forma vivifica; & usu caloris ambientis & proprii ministerio formet, ac fabricet sibi corpus substratum in formam vel plantæ, vel animalis. Sed jam singulorum ortus exponamus.

§. I.

Tuberum terræ fungorumque genesis.

Inter spontaneos vegetabilis naturæ partus, primum imperfectum vegetabilis naturæ gradum obtinent Tubera & fungi, quæ uti radice, ramis, foliis, fructibus carent, ita quoque inter plantas, quæ *πλάφυα* sive *plan-ta-terrea* appellamus, veluti in vitalis naturæ gradum constituuntur. Sunt autem Tuberum variæ species: alii enim in umbones, in pileos alii, in tuberones quidam; nonnulli in conos pinorum adinstar adolefcunt, quidam in hepatis morem diffunduntur; non desunt, qui veluti in digitorum confusam propaginem extenduntur; tandem nonnulli quoque in humani veretri figuram, aut pedis umbelique figuram abeunt; quorum rationes in sequentibus assignabimus, non minor colorum varietas in iis observatur; sunt fusci alii, alii subnigri, quidam crocei, aut viridis coloris, quæ ex coloribus terræ substantiæ, quibus seminalis materia jungitur, oriuntur; & proxima quidem materia rerum differentiam efficit, quod remotæ non conceditur: nascuntur autem omnes vel ex arboribus lignisque putridis, vel ex muco terrestri, vel etiam ex saxis. Et primò quidem fungos ex saxis nasci, quotidiana nos docet experientia. Habemus hîc Romæ in domestico nostro viridario saxum, quod prægrandes & optimæ

Fungorum
Tuberum-
que variæ
species.

Fungi ex
saxis na-
scentes.

notæ fungos producit, idque ex monte Tyburi vicino, quem vulgò *monte di Poli*, aut *di Quadagnuolo* vocant, adsportari curavimus; In eo siquidem monte uti propriis oculis meis vidi, fungi tantæ granditatis vel ex siccissimis saxis excrescunt, ut cucurbitas majores si non excedant, saltem adæquent, qui terræ fructus tanto in pretio habentur, ut Excellentissimus *Joannes Nicolaus Appius de Comitibus* Dux Poli, & pro tempore Romanæ Urbis meritissimus Gubernator, legitimus horum montium possessor, certos homines ad id officii destinare soleat, qui ubi in saxo quodam etumpentis fructus vestigia viderint, singulari cura statim saxum spinis muniant, nè à caprarum oviumque gregibus, armentisque, qui in dictis montibus pascuntur, coeptum fungi opus conculatione sua destruat: fungos verò hosce maturitatem suam jam consecutos tum Summo Pontifici, tum cæteris Romanæ Curiae proceribus veluti mirum, rarum & innoxium gustus irritamentum offert. *Ferrantes Imperatus* in sua Naturali Historia, sub nomine tuberis fungarii, jam recensitos fungos vocat, atque visos esse ultra pondus centum librarum; Nascuntur autem *Cardano* teste, sepultis lapidibus quibusdam latis, mensarum modo, quos in Samnitico agro inveniunt quatuor digitorum altitudine sub terra, indè aqua inspersa intra quatrimum abundant in nemoribus, & celebrem ortum habent; quibus subscribit *Matthiolus*. Tanta hodiè intercessit gratia fungis cum mensis in Italia, ut Neapoli potissimum sint lapides, qui defossi & in cellas vinarias translati, terrâ aliquantum cooperti, & indè tepida aqua inspersi infra quatrimum fungos non ingratos producant. *Porta* ait, demessis veteribus fungis è saxis novos semper subnasci, septendio perfici, sexies anno demeti terra denuò dodrante lapides operiente. Neapoli ex Vesuvio, Surenti ex Fageto altissimo sui tractus monte, Abellani in monte Parthenio; in Apulia ex Gargano; Referunt, Neapoli in Divitum viridariis passim hosce lapides fimo coopertos numerosam fungorum sobolem producere; Quosdam etiam dolii vinarii stillicidio suppositos lapides, fungos non gustui solum gratos, sed & innoxios vel una nocte producere.

Fungi
Neapo-
litani.

Hisce propositis, jam quæritur, quomodo hi fungi ex terra, ligno & saxis nascentur? Respondéo, ex variis sive stirpium, sive animalium vitâ defunctorum seminalis virtutis profluvio, quæ quidem aliud non sunt, quàm corpuscula spermatica, quæ intra proprios saxorum recessus insinuata roris, nebulae, pluviarumque madore irrigata, & calore ambiente suscitata, cum ob debilitatum seminalis virtutis robur, & variè alteratum plantas aut animalia producere non possint; ne veluti otiosa nihil produxisse viderentur, infimi inter vegetabilia gradus substantiam generant, quæ passim tubera & fungi appellantur. Ex lapidibus vino aspersis eosdem nasci, causa est,

Fungi qui
è saxis ori-
untur.

Vv 2

multi.

multitudo seminalis virtutis in acinis existentis, quæ uti in vino adhuc superstes est, ita quoque vinum dictam fungorum foeturam per latentem in semine virtutis vegetantis animam producere potest. Nascuntur itaque inter plantas tubera stirpium rudimenta & cæteri fungi omnes, qualescunque tandem, vel ex plantarum aut animalium tum vivorum tum mortuorum seminalium corpusculorum effluvio, in terrestres matrices derivato; vel ex herbarum animaliumque tam vivorum quàm mortuorum succis, excrementis, putrefactione partium, vel ex corpusculorum seminali virtute pollentium profluvio, quæ intra terræ, lignorum, saxorumque poros & concavitates veluti matrices quasdam recepta, & calore ambiente cocta tandem fungum aut tuber, cum perfectius quid generare nequeant, pro matricis conditione bonum, vel virulentum, noxium vel innoxium producant; quod vel inde patet, quod

ubi herbæ aut animalia venenosa sunt, omnes fungi ibidem sponte nascentes deleteria. vi pollere comperiantur. Quando enim seminalis vis in decisa à cadaveribus materia magis magisque per varias alterationes diversissimarumque rerum miscellas degeneraverit, tantò imperfectiorem semper foetum sive in vegetabili, sive in sensitivo regno gignet; ita ut deficiente paulatim genuino semine à stirpe, vel animali, ex quo decisum fuit, uti hoc sensitivæ naturæ gradum tueri non potest, ita quoque in Zoophytum vel plantam aliquam, illud verò, aut in plantam aut fungum; aut si vis vegetativa prorsus deficiat, in corpus quoddam inanimatum, ut in fungis plantisque in lapidem conversis patet, degeneret. Sed de tuborum fungorumque ortu hæc dicta sufficiant; restat nunc, ut unde spontaneus vegetabilium plantarum herbarumque ortus natales suos trahat, indagemus.

Fungi in locis venenosis nati venenosi sunt.

CAPUT VII.

Quo combinativè subjecta, è quibus & plantæ & animalia spontanea generatione nascuntur, exhibentur.

Loca apta ad animalia ex putri producenda.

Subjecta ex quibus tum plantæ, tum animalia imperfecta nascuntur, sunt primum terra ipsa foecunda rerum omnium productrix; Secundò fimeta; Tertiò, est porosa saxorum rupiumque substantia; Quartò sunt aquæ & aer; aquæ marinæ, lacus, paludes, flumina stagnantium aquarum fossæ subjecta sunt, ex quibus sponte nascuntur multa; Quintò sunt arbores, quæ similia producant; Sextò sunt arbores, quæ dissimilia generant; Septimò, sunt animalia viva, quæ subinde & plantas & animalia producant; Octavò sunt variarum animantium cadavera, è quibus interdum peregrinæ formæ & plantæ & animalia oriuntur; Nondò Mineralia & metalla, è quibus, uti Historiæ narrant, plantæ excreverunt; Decimò Nivea substantia. Quorum omnium origines assignare conabimur.

Qui ex terra nascantur.

Quæritur itaque primò, quomodo plantæ & animalia ex ipsa terra nascantur? Respondeo, in primordiali rerum productione omnes tenerioris substantiæ plantulas ex semine universali Naturæ, id est, salis vegetabilis per universæ telluris intima viscera diffusi vi & efficacia, pro sapientissimi Conditoris intentione & beneplacito primum in innumeras species distributas, eductas fuisse; quæ deindè ex semine iis insito, quotannis novæ fundant herbaceæ sobolis seminaria; hoc pacto, herbæ quæ à principio Veris, id est, ab æquinoctio Verno in ingentem propagationem usque ad æquinoctium Autumnale propullularunt, illæ eadem supervenientibus imbribus putrefactæ matri telluri novum seminum radicibus, tum germinum foliis, semi-

nibus cæterisque herbarum partibus insitum ad novi Verni temporis auspiciis concredunt; quo redeunte, ecce seminalis materia jam imbribus & nivibus veluti fermentata, caloreque Solis suscitata, mox in eam germinum herbarumque abundantiam luxuriant, quam magna animi voluptate Verno tempore sentimus; atque hoc perenni quadam nunquam, dum mundus stabit, interitura pericyclosi; (loquor autem potissimum in Climate Europæo) ne quis existimet, hanc spontaneam herbarum genesin, ubique locorum idem temporis observare. Ex seminibus itaque uniuscujusque herbæ partibus insitis, primum putrefactis & terræ concreditis, novo caloris hospitis adventu veluti ex busto quodam reviviscunt. Quod aded verum est, ut fœnum etiam aridissimum & exuccum, mox ubi frequentibus imbribus maceratum, putrefactum, fermentatumque fuerit, suo tempore tum externi tum interni caloris vi in uberem variarum herbarum segetem adolescat, non alia de causa, nisi ex seminis vegetabilis, in quo anima latet, & singulis herbæ partibus juxta suppositionem secundam inest, virtute & efficacia.

Exemplum à terreo.

Quæritur secundò. Quomodo insecta ex eadem terra nascantur? Respondeo, latere semper in terrena substantia non solum vegetabilium spiritus, ex putrefactarum plantarum, herbarum stirpiumque veluti cadaveribus quibusdam, uti jam paulò ante dictum fuit, decisos, sed & spiritus animales, spermaticos, ex cadaveribus diversarum animantium decisos, qui proportionatæ matri in diti statim in genesios perficiendæ opus corradiant,

Qui ex saxi
sponte na-
scantur.

radiant, unde cum ex semine animato jam labefactato & degenerare perfectum animal simile ei, ex quo decifum fuit, generare non possit, saltem agit, quantum potest, ut si non perfectum, saltem imperfectum seu insectum quoddam producat tantò nobilius, quanto semen animatum ex cadavere aliquo excisum minus labefactatum fuerit, minusque à pristina forma degeneraverit, uti in insectis & muribus patet. Terræ siquidem concredidum semen particulare ex animalibus vita functis decifum, mox ibi semine universali salino-sulphureo-mercuriali junctum unitumque quadantenus animatur, & in vitales fructus sollicitatur; nisi enim semen cadens in terram mortuum fuerit, teste CHRISTO nostro Salvatore, fructum ferre non potest, unio itaque seminis universalis Naturæ semini aliunde delato in debita & proportionata matrice spontaneos hujusmodi foetus producit.

Qui ex fi-
mo na-
scantur.

Quæritur tertio. Quomodo tum herbæ, tum animalia imperfecta ex fimo oriantur? Plantas ex fimo sponte nasci, probatione non indiget: Cum enim teste *Philosopho*, una & eadem materia sit generationis & nutritionis, quippe ex iis aluntur, ex quibus omnia constant viventia; constant autem ex ea materia, ex qua proxime genita fuerunt, est enim finis generationis & esse geniti & constitutio: Plantæ verò cum fimo passim alantur, augeanturque, certè plantas ex eo nasci, quis negaverit? Respondeo itaque, plantas ex fimo oriri hoc pacto. Passim constat, in fimo plurima esse tum plantarum tum animalium excrementa, succos partesque in unum confusas; fit itaque ut fimeta imbris, ventis aquarumque illuvionibus macerata ac calore fermentata tandem complures herbas & animalia pro animati seminis gradu excludant. Sed ut rem propius demonstremus: Triplex potissimum materiæ genus in hac fimosa genesi considerari potest: vel enim est succus è plantis proveniens; vel est portio plantæ jam putrefactæ, vel ejusdem excrementum; vel si animalium genesin attendas, est vel succus, vel portio cadaveris aut excrementum; vel ex utrorumque corporibus, quæ ex substantia cadaverosa effluxit; in qua corpuscula spirituosæ exiguo calore excitata dum ad similia conflunt, tandem fermentata vitæ necessarium caloris gradum ac temperamentum adipisci, quo materia tandem pro gradu caloris in semine latente, vel in plantam vel animam exurgat concurrentibus veluti causis partialibus, tum cœlo & aëre desuper humectante, conceptoque calore digerente; vitalis verò spiritus seu anima in hujusmodi materia hæsitans, ubi subditam sibi hanc ritè præparatam materiam senserit, statim seipsam illi tribuit in formam actuantem, undè novas stirpes ortu spontaneo constituit & plastica sua vi seminali massæ insita protinus in organicum corpus efformare contendit.

Quæritur quarto. Quomodo plantæ &

animalia ex saxi & cæmentosa saxorum substantia sponte nascantur? Plantas è saxi murorumque fissuris nasci, quotidianâ experientiâ docemur. Ex rupibus corallium nasci, suprà lib. 9. cit. de corallogenesis fuisse ostendimus. Nemo tamen, dum plantas ex lapidibus excrescere dicimus, plantas & animalia ex ipsa lapidis substantia existimet velim, hoc enim quàm à veritate sit remotum, quis non videt? Dicimus itaque quod ubi lapidosa substantia poris, fissuris & concavitatibus referta est, ita quoque intra eas sive pluviarum, sive ventorum vi, diversarum rerum semina deferri, quæ humore imbrum macerata tandem tum ambiente calore, tum nativa seminis vegetalis vi aut sensitivi calore fermentata, & tandem pro ratione gradus naturæ seminibus insita, alias & alias herbas & insecta excludit. Fit etiam subindè, ut volucres, vel inter rupes, vetustosque murorum parietes nidulantes, ibidem variorum fructuum aut seminum species comportent, quæ humido commixta easdem rerum species tandem excludunt. Observavi ego hanc rem ferè quotidie in vetustarum fabricarum ruderibus, ut hîc Romæ tum in Amphitheatro *Titi Vespasiani*, quod *Colosseum* vocant, tum in aquæductibus *Thermarum*, fanorumque monumentis; quæ condensa fruticum caprifico, lentisco, ficu, hedera, corno, sambuco, cypresso cæterarumque plantarum, herbarumque pullulagine ita obducuntur, ut sylva viderit queat; imò quarum nonnullæ frutices in tantam molem excrescunt, ut radicibus suis muros etiam crassissimos veluti cuneo quodam diffindant; atque adeò, ut in *Latio nostro* videbitur, Aquæductus templorumque veterum structuras, non tam ab irruptione Barbarorum, quàm ab hujusmodi stirpibus & arbutis cum tempore destructas fuisse existimem; dum enim radices caprificorum, lentiscorum, hederarum cum tempore ingrossescant, unà quoque murorum compagem dissolutione continui fatiscere necesse est, unde tot ac tanta superbissimarum fabricarum ubique in toto *Latio* cadavera obvia, nostras rationes veras esse, sat declarant; sed de his ex professo in *veteris Latii descriptione*. Sed ut ad institutum revertamur: Spirituosæ seminis animati corpuscula vel vento vel à volucris, vel etiam ex vitâ functis tum plantis tum animalibus decisa, & unà cum vaporibus in aërem sublata, ibique unà cum resolutis imbris aut nivibus, quibus insunt, in concava saxorum loca delapsa, tandem ibidem, quam diximus, sponte nascentium varietatem excludant: Undè nemo mirari debet, si apud Historicos legerit, palmam *Trallibus* referente *Plinio* in lapidea basi statuæ *Cesaris* Dictatoris ortam fuisse, *Delphi Lyssandri* Lacedæmonis statuæ caput, relatione *Ciceronis*, ex herbis asperis & agrestibus in modum coronæ oblitum visum fuisse; nil mirum in *Capitolii* tecto olim palmam,

Palma nata
in basi sta-
tuæ *Cæsa-*
ris.

Vv 3

& post-

Palmam & ficum in lecto Capitolii.

& postea ficum quoque excrevisse, *Plinio* teste; cum huiusmodi in hunc usque diem in turris Capitolinae palatiique apicibus, uti & in statuis in Romanis viridariis collocatis cernantur, cum vel vento, vel à volucris palmæ & ficus fructus illuc delati, & inter concavitates saxorum laterumque putrefacti semine insito prodierint; in statuis vero decidue arborum quibus circumdantur spermatica corpuscula poris marmorearum statuarum illapsa huiusmodi plantas produxerint: concava enim saxorum quemadmodum frequenti pluviarum, nebularum rorumque infessu unà cum ramentis ex saxis abrais ut plurimum in lutum, si humidum adsit, aut in terrestrem glebam, humido calore resoluta degenerent, intra quam diversa seminalium portionum corpuscula recepta, & tanquam in genuina matrice digesta in plantam vel animal pro seminis educti ratione, non possunt non transmutari. Quæ vero ex terra virginea in loco, in quo nulla rerum semina esse possunt, plantæ excrecant, uti non infrequenter experientia me docuit, id fieri dico ex semine universali ab initio rerum terræ indito, quo sub certa combinatione nunc hæc, nunc illa herba excluditur propria istius climatis, sub quo provenire solent. Si vero uti Historiæ narrant, quandoque ex statuis æneis herbæ natæ sunt, id non accipiendum est, quod metallicis corporibus semen insit aut vegetabile aut sensitivum, sed quod intra rimas & concavitates statuarum, sive à vento, sive ab avibus diversa semina rerum delecta, aut ex volucrum excrementis ibidem natæ sint.

E statuis æneis natæ stirpes.

Qui sponte nascantur ex aquis.

Sargasso herba in superficie Oceani fluctuans.

Quæritur quintò. Quomodo herbæ & animalia ex aquis spontaneo ortu enascantur? Non dicemus hic de herbis in aquis sponte nascentibus, quarum non est numerus: sed de iis, quæ in aquarum superficie sine radicibus innatantes sese mirum in modum propagant, cuiusmodi *Theophrastus* Mnasiæ herbam esse dicit, & eam herbam, quod *folium* nuncupant, & sine radice aquis stagnantibus supernatat: hoc pacto muscum & lentes stagnantium aquarum fossis *ægææ* supernatare videmus. Omnes qui Oceanum Atlanticum sulcant, in admirationem trahit herba illa, quam *sargassum* Lusitani vocant; qua Oceanus his vel illis locis nunquam certis & determinatis ita sternitur, ut viridantia prata dici possint; herba sine radice fundo inserta hinc inde pro ventorum dispulso in superficie maris fluctuat, de qua sic *Lerius* in sua navigatione. *Præterea*, inquit, *per quindecim dies inter herbas mari innatantes versati sumus, quarum tanta est densitas, tantaque copia, ut nisi securibus eas secantes, navigio quod illis frangendum erat impar, viam fecissemus, futurum autumo fuisse, ut ibi substitissemus; quoniam autem herbarum illa copia mare quodammodo turbidum reddebat, nos in paludibus cænosissimis versari credebamus, ac proinde Insulas quasdam*

in propinquo esse iudicabamus. Verum iacta bolide, cui funis 500 ulnarum longitudine alligatus erat, nec fundum attigimus, neque etiam Insulas ullas aut continentem advertimus. *Christophorus Columbus* pariter, dum novarum regionum detegendarum per Oceanum anno 1492. expeditionem moveret, paulò ultra Canarias Insulas digressus mare aded herbidum reperit, ut id pratum referret; herba colore subflavo ad fœnum jam exsiccatum accedente, foliis à ruta hortensi non absimilibus, bacci juniperinorum granorum adinstar nigricantibus. Quæritur itaque, unde herbacea hæc progenies originem suam trahat? Dico si baccæ huiusmodi seminis loco sint, uti revera esse puto, huius herbæ generis minimè spontaneam censendam esse, sed non secus ac reliquas herbas seminis, quod producant, virtute propagari. Audivi à nostris Patribus, loco radicum mittere à se filamenta quædam prælonga, quæ tamen fundum non tangunt, unde dum non figuntur, prata non incongruè natantia dici possunt. Est & hoc consideratione dignum, quod nescio quid eidem rubræ materiæ adinstar cristæ galli gallinacei adnascatur, quarum tactus aded periculosus est, ut temerè attractatæ manus inflament, inflammatas mirum in modum tumefaciant, unde ab eo tanquam à veneno lethifero abstinent. Si vero spontaneam harum originem ut supracitatas herbas esse credamus, huius geneseos quadruplicem rationem assignare possumus: quarum prima est, quod in superficie stagnantis aquæ magna vis pulveris & ramentorum infideat, à plantis vel animalibus corruptis profecta, quæ ubi ambientis calore dispositiones ad vitam necessarias acquisierit, statim latens in vis animati seminis, in plantam aliquam efformare incipit. Altera ratio esse potest, quod hæc materia vitæ functionum stirpium aut animalium proveniat ex animantibus prius in aquis degentibus, aut ex excrementis eorum, variisque effluviis adiposis, ob pinguem oleosamque naturam ad aquæ superficiem adinstar olei undique feratur, ibique per coctionem ab ambientis calore digesta, comparata sibi ad vitam necessaria dispositione tandem animam sibi necet, in formam substantialem plantæ novæ vivificatricem. Tertia ratio esse potest, quod de subjacente materia perpetuus halitus ad superficiem aquæ semper secum adferat, non nihil excrementi pinguis è cadaveribus animalium, aut plantarum quæ putrefacta aquæ fundo adhærent, uti sunt alga & muscus marinus, ex quo tandem præviis dispositionibus plantæ huiusmodi oriantur. Quarta ratio ex tribus jam dictis coalescit; ex halitibus vero huiusmodi plantam oriri posse, vel ipse *Aristoteles* hisce verbis docet. *Exhalationes*, inquit, *ubi concreverunt, possunt comprehendere causam, qua fit ut sint plantæ.* quæ quidem de simplicibus exhalationibus dici non possunt; sed

Sargassi herbæ origo.

Crista sargassi venenosa.

Quadruplex explicatio circa originem huius herbæ.

fed de iis, quæ nonnihil animati feminis aliunde decissi admixtum habent : In fossis verò aquarum stagnantium, uti aqua non movetur, ita quoque ex pulveribus aut pluviis, animato semine plenis ventorum vi illatis, veluti limosam quandam pellem inducit, quæ calore fermentata tandem ejus generis plantam, quales in superficie aquarum stagnantium nasci videmus, producit.

Qui ex
stirpibus
dissimilis
speciei.

Quæritur Sextò. Quomodo plantæ spontanea genesi oriantur ex stirpibus dissimilis speciei & heterogeneæ naturæ ? Non hic agimus de iis, quæ in arboribus & plantis nascuntur similis speciei, uti sunt germina, quæ in omnibus & singulis arboris partibus efflorescere possunt, utpote ex eadem seminali virtute toti arbori inexistente nata; neque de fructibus unicuique arbori propriis, uti de charubia, quæ scaphas suas non in ramis tantum producit, sed eas vel per ipsum durissimum corticem protrudit; de hujusmodi igitur non loquimur, cum singula hujusmodi non spontaneo ortu nascantur, sed connaturali plantæ. Dicimus itaque de heterogeneæ naturæ foetibus, quæ sponte sua in arboribus herbisque subinde nascuntur, cujusmodi sunt viscum, hippuris, licnon, muscus omnibus ferè arboribus communis; herbis verò adnascuntur subinde alia quædam filamenta heterogeneæ naturæ ab ipsa planta, uti patet in Epithimo, epistæbe, epithymbro, epipolio, epichamedrio, quæ herbæ ita nuncupantur, eo quod hujusmodi dissimilis naturæ res Thymo, Stæbi, Thymbræ, Polio, Chamædrio similibusque herbis adnascantur, utique quorum radix in ipsa plantæ caule fundetur. Viscum in omnibus ferè arboribus crescit; provenit in quercu, malo, pyro, robore, ilice, terebintho, pinu, abiete.

Viscum
Quomodo
nascatur in
arboribus.

Quæritur itaque, quomodo viscum sponte sua in arboribus tantum emergat? Quod ut enodetur, Dicò, quatuor modis id fieri posse; quorum duo spontaneum ortum, duo reliqui non spontaneum ortum concernunt; fieri enim potest, ut veteris plantæ semen vegetabile putrefactum, & à pristina sua virtute degenerans, imperfectiorem quandam plantam se intra cortices fissurasque corticis mucore lutifico refertas producat. Secundò potest fieri, ut alterius plantæ semen sive volucrum raptu, sive ventorum impetu intra rimas corticis concurrentium, ramorumque concava plantam disparis conditionis generet; hoc pacto cerasus exire visus est ex quercu annosa, haud dubiè ex nucleis cerasi illuc à volucris allatis. Verùm de hisce in *Arte Emphyteutica* fusius. Tertius modus herbarum animaliumque spontè nascentium est, quando in rimas arborum pulveres varia seminum miscella referti illabuntur, hæ enim rore pluviisque madefactæ in lutum cedunt, in quo seminis vis fermentata tandem ad plantam vel animal pro gradu naturæ seminibus inexistente producendum, disponitur;

Cerasus ex
quercu.

hoc pacto muscum generari non est dubium; sic procul dubio, *Plinio* teste, ex puppi navis laurus excreverit, baccis laurinis intra navigii fissuras, rimasque mucilaginosâ materiâ refertas, putrefactione & fermentatione peractâ in laurum efflorescentibus; quod idem asseri debere dicimus de apio, quod ex prætoris *Antigonis* navis lateribus excrevisse *Plinius* tradit. Quartus modus est, quando veteris plantæ varia excrementa ex stirpium animaliumque cadaveribus diffusa intra rugosum arboris corticem, vel plantam, vel animal differentis naturæ ab eo, à quo profuxit, producit. Visci verò ortus ita notus est, ut de eo quidpiam scribere pigeat. Quis nescit, id ex excremento turdi nasci, ita ut in proverbium abierit, *turdus sibi ipsi malum cacat*; illud enim producit, quo deinde capitur; latet enim in excremento hujus volucris semen vel ipsius visci, vel ex variarum herbarum nutrimento, quæ turdus utitur, conflatum, quod uti plurimum à veteribus formis differt, ita quoque degenerem visci plantam producit; hinc in plerisque ferè arboribus reperitur. Non dubito, quin multarum aliarum volucrum excrementa in arboribus similes herbas, polypodium, phyllitin, aliasque spontaneæ geneseos monstruosas plantas aut etiam insecta producant. Quæ verò in aliis arboribus plantisque sponte nascuntur, herbæ plurimum differentes sunt. Hederam in arboribus oriri *Theophrastus* observat, quam tamen ego inter spontaneos viventium ortus minimè ponendam existimem; cum magna seminum protuberatione aggravata facile baccis vel volucrum raptu, vel vento intra arborum rimas delatis in hederam adolescere queat. Laurum in platano quandoque natam *Plinius* refert; juglandem, cerasum & quercum in salice, teste *Scaligero*; In Lauro verò ficum suos statuisse natales, oleam Ilicis partum; *Pausanias* in *Arcadicis* memorat.

Ex puppi
navis Laurus.

Visci origo
ex Turdi
excrementis.

Hedera inter spontaneæ nata censeri non debet.

Laurus in platano, juglans, quercus & cerasus in salice.

Sponte nata quomodo ex animalibus.

Hedera inter cornua cervi.

Quæritur Septimò. Quomodo subinde plantæ spontaneo ortu ex animalibus oriuntur? Multa hujus generis monstra passim apud Historicos leguntur: *Theophrastus* hederam inter cornua cervi visam fuisse recenset, cui & *Aristoteles* hisce verbis subscribit: *Captus jam cervus est hederam in suis enatam cornibus gerens viridem, qua cornu adhuc tenello fortè inserta, quasi ligno viridi coaluerit*; cujus quidem origo alia non fuit, nisi quod cervus ex attritu arborum aut etiam hederæ, decussas baccas in villosa capitis involucre receperit, quæ deinde sudore, rore, vel madore nocturno unâ pulveribus admixto exceptæ lutosum veluti solum repererit, in quo calore ambientis granum fermentatum tandem in hederam effloruerit; neque tamen hanc inter sponte nascentia facile reposuerim, cum ex vero & reali semine baccarum, haud secus ac in terrenum solum jacto efflorescere poterit: Si verò ponamus, cervum ex pabulo hede-

hederæ, virtute feminis in eo nutrimento latentis, calore interno cervi opifice proveni- rit, tunc meritò sponte nascentibus adnume- rari posset: sed prius verisimilius est.

Culmus
hordea-
ceus in ve-
fica inven-
tus.

Narrat *Plutarchus*, Nonneminem, cum diu urinæ difficultate laborasset, tandem cul- mum hordeaceum geniculatum excrevisse. Quæritur, quomodo id contingere potuerit? Dico id factum esse, quod cum is utpluri- mum crudis hordei granis velceretur, acci- derit, ut nonnulla corpusculorum spermati- corum portio unà cum nutrimento intra ve- ficam confluerit, ubi cum tempore intra viscosam vesicæ materiam, calore excitata vis seminalis spicam, ex qua semen profluxe- rat, excreverit; quamvis huiusmodi prodigi- osos rerum partus non tam ex seminali qua- dam virtute, quam ex incantamento quo- dam magico accidisse existimem; Quis ne- scit, fuisse quosdam, qui non herbaceas tan- tum materias, sed & clavos ferreos, pilorum villos, similiaque naturæ contraria excre- menta vomitu projecisse memorentur.

E naribus
spicæ far-
ris natæ.

Hujus farinæ est, quod refert *Lycosthenes* in suo. de monstris libro, Aretii mulieri è naso spicas farris enatas, eandemque farris grana vomuisse, Urbe lustrata anno ante Christum 94. quo tempore *Ptolomæus* Rex Ægypti Cy- renis mortuus, Senatum Populumque Roma- num hæredem reliquit; huiusmodi prodigio- sus partus, si non dæmonis ope productus, certè alia ejus ratio nobis non suppetit, nisi illa, quam de hordei spica intra visicam nata dedimus. Subjungam hîc admiratione di- gnissimum.

Planta ex
coctis cu-
jusdam na-
ta.

Leo Alatus in *Fasciculo Epistolarum* ad lite- ratos datarum ab iis, qui αὐτοψία perceperant, doctus, eventum sanè omni ævo memoran- dum refert de homine quodam Hispano, qui Autumnali tempore ex arbore intra spineta lapsus, multo tempore malè sentiebat, potissi- mum verò dolorem se sentire ajebat inter co- stas, & quemadmodum lustranti nullum tu- moris aut livoris vestigium apparebat, ita quoque malum non tantopere curavit: Acci- dit tamen, ut Verno tempore malum crescens nonnullum tuber ostenderet, & inter paucas hebdomadas ita cresceret, ut cum tumore quoque nescio quid ramosum, & tandem plantæ perfectæ rudimentum excerneret, tanto incremento, ut Æstivo tempore quot- annis fornice luxuriantem propaginem ton- dere necesse fuerit; tentatum fuit sæpè sæ-

pius, quâ scarificationibus, quâ incisionibus radicem plantæ extirpare, sed frustra; radi- ces enim non tantum per costas, sed & per coxam ipsam usque in femur diffuderat, do- nec tandem radice musculis tendonibusque implicatâ mortem homini intulerit. Quæri- tur causa hujus rei? Dico, id ex spina conti- gisse, quæ altius carni infixâ & pelle super- inducta, ex vitiosi affluxu humoris, in quo tanquam in matrice proportionata vis spinæ seminalis exsuscitata cum tempore actis altè radicibus extra pellem, propaginem hanc sa- ne prodigiosam extuderit; Nam ut in præce- dentibus docuimus, latet vis seminalis non in semine tantum, sed & in tota plantæ sub- stantia, quæ opportunum humorem nativo calore fermentatum nacta intra corruptæ carnis mucorem tandem hunc portentosum partum ediderit.

COROLLARIUM.

Atque ex hisce patet, quomodo Balena- rum tergoribus subindè tanta increseat non solum musci, sed & algæ cæterarumque maris stirpium, atque omnis generis conchi- liorum copia, ut parvæ maris innatantes in- sulæ videri possint, videlicet ex excremen- tosa tum cadaverum in mari fluctuantium colluvie, quæ rugosis Cetorum tergoribus mucosis rimarum vacuitatibus refertis adhæ- rent, tum ex proprii belluini corporis reces- sibus expulso excremento, quod tum inter- no, tum ambientis calore coctum, latentis feminis vim quantumvis labefactatam, nunc tamen in hanc, nunc in illam plantam aut conchilium transmutat. Scribitur quoque in Arabum historia, Delphinos, quorum ingens in Erithræo mari copia est, subindè corallinis stirpibus obsitos reperiri, cujus rei causam in *Decimo Libro*, capite de *Corallogenesis*, dedi- mus, ubi & de cranio humano in Magni Du- çis Hetruriæ Gazophylacio conservato, in quo corallina planta excrevisse cernitur, re- latum vide. De cornibus arietinis in aspara- gos adolescentibus vide infra ex *Plinio* & *Cardano*. Posse autem ex animalium cadave- ribus oriri plantas, atque aded asparagos ex cornibus arietinis nasci, experientia docet, & ratio convincit, uti de nonnullis in præce- dentibus dictum fuit. Sed de hisce in sequen- tibus pluribus.

Delphini
corallinis
stirpibus
obsiti.

Asparagi
ex corni-
bus Arie-
tum.

CAPUT IX.

Quomodo tum Zoophyta, tum Insecta omnis generis ex perfectorum ani- mantium corporibus enascantur.

A Nimalia, quæ spontaneo ortu nascun- tur, triplicis generis sunt. Primò Zoophyta; Secundò sunt omnis ge- neris insecta; Tertio ea, quæ perfectam qua-

drupedis inter animalia, inter volucres verò, quæ aligeri speciem exhibet, quorum ma- gna varietas est; de singulis ordine agemus.

Zoophyta seu plantanimalia, ea sunt, quæ

Zoophyto-
rum ortus.

scopulis quarundam quasi radicum interven-
tu affixa, immobilem quidem situm planta-
rum adinstar obtinent, sed objecta sensu per-
cipiunt, dum ad res eorum vitæ necessarias
sele veluti expandunt, & ab inimicis noci-
visque sibi mox se contrahere solent; quo-
rum plures sunt differentiae, uti urticae mari-
nae, spongiae, glandulae, & quos phallos,
vulvasque marinas à similitudine vocant,
quibus nonnulli molam quoque in muliebri
utero natam adnumerant, imò omnia quæ
testis conclusa adhærent, uti diversa conchy-
liorum sunt genera, quorum non est nume-
rus. Quæ omnia uti vitæ, & sensu pollent,
ita animalibus adnumerantur, etsi planta-
rum adinstar immobilem semper statum for-
tiantur; & vitam quidem iis inesse, incre-
mentum sat docet, sensum quoque iis inesse,
monstrat, quod tacta statim se contrahant.
Quæ quidem omnia aliam originem non ha-
bent, nisi ex cadaverum feminalibus portio-
nibus, quibus mare abundat, in rupium rimas,
fissurasque fluctuum agitatione dispulsis,
quæ pro diversitate feminalium corpusculo-
rum, mucosis rimarum concavitatibus prius-
que calore fermentata tandem vel hoc, vel
illud Zoophytum excludunt. De ortu verò
Conchyliorum cum in *quarto & quinto & se-
ptimo Libro* fusè egerimus, eò *Lectorem* remit-
timus.

Crustato-
rum, testa-
ceorum &
mollium
ortus.

Insecta verò ea dicuntur, quæ secundum
post Zoophyta statum obtinent, & sunt
triplicis generis, *crustata*, *testata* & *mollia*.
Crustata sunt omnis generis scarabæi alis
crustaceo involucre insertis. Testacea sunt,
quæ testâ teguntur, ut inter quadrupedia tes-
tudines, & inter multipedes, cancrorum
variae species, quæ partim spontaneo, par-
tim non spontaneo ortu proveniunt, sed ex
proprio semine propagationem habent. Ter-
tiò sunt Mollia, quæ inter volatilia crustis
carent, uti omnia muscarum, cinyphum,
vesparum, crabronum, papilionum; inter
marina, cuncta exanguia; & inter terre-
stria omnia serpentum, vermium; & inter
quadrupedia murium, ranarum, lacertarum
genera sunt.

Horum autem omnium origo spontanea,
pro varietate materiæ multiplex est; Alia
enim nascuntur, ex terra, nive & luto, alia
ex ipsa nive, aliorum genitrix terra est,
aliorum aer, quorundam stirpes, & arbo-
res, quin & fungi mater sunt; nonnulla ex
succo plantarum generantur; aliqua ex uti-
lium inutiliumque excrementis; alia ex plan-
tarum cadaveribus; educitur quoque ex ani-
malibus tum ejusdem, tum etiam diversæ spe-
ciei; ex animalium utilium inutiliumque ex-
crementis, & cadaveribus sive ejusdem, sive
etiam alterius speciei; tandem vel in ipsis du-
rissimis saxis productuntur; quorum omnium
rationes per sequentes quæstiones assignare
conabimur.

Quæritur primò. Quomodo hujusmodi

ex aquis primò spontaneo ortu educantur? Ex aquis sponte nascentium ortus.
Respondeo, hoc fieri ex succis animalium
sive vivorum, sive vitæ expertium corpore
dispulsis, in quibus, uti ex suppositionibus
patet, multa sunt spermatica corpuscula
cum exiguo calore, partem adhuc animæ
prioris, sed multum degenerem & labefa-
ctam continentia, quæ ubi ab ambien-
tis calore concoquente dispositiones ad vi-
tam necessarias induerint, tandem pro se-
minis ratione materiæque combinatione in
hoc, vel illud insectum exurgunt per for-
mam specificam animalium constitutricem;
Nam in aquis multa vivere animalia, & mor-
tuum cadavera dissolvi, & ab utrisque suc-
culentam excrementitiamque materiæ a-
quis commixtam provenire, nemo jure ne-
gare poterit; Nam ut rectè *Aristoteles* di-
cit *5. Hist. nat. Commune omnium vermium* Arist. nat. hist. l. 5.
est, & eorum quæ à vermibus proveniunt, ut
principium generationis, aut à spiritu aut à
feminali ratione præstetur; hoc pacto ver-
mium genus, quas Tapulas aut apuyas vo-
cant, in puteis & in fossis putridâ aquâ re-
fertis nascitur; quorum genesis hæc est: Ex
feminalibus corpusculis aliundè intra aquas
delatis lutoque commixtis primò fæx ori-
tur, quæ putrescens colore candido pri-
mum nitet, deindè nigro squalet, denique
cruento rubescit, hæ paulatim calore dispo-
sitionem debitam noctæ superficiei aquæ al-
gæ instar innatantes corticem induunt, quo
disrupto culex emergit, tantopere homini-
bus bestiisque molestus.

Tapula-
rum ortus.

Quæritur secundò. Quomodo ranæ, mu-
res, ostreoderma aliaque ex terra seu limo
spontaneo ortu nascantur? Ex terra, luto
aut limo pleraque animalia produci nemo
non novit; Lumbricorum aliorumque ver-
mium infinita multitudo sat docet. De
Ranis non est, quod dicam, cum jam sæ-
pius earum meminerim; ex palustri limo
nasci ranas, mirum inquit *Plinius*, seme-
stri vita resolvuntur in limum nullo cernen-
te, & rursus vernis aquis renascuntur. Os-
trea ex limo spumoso, ex spermatica ma-
rinæ vi & efficacia, *Oppianus* docet his ver-
bis: Ranarum, murium, ostreorum ortus.

Quæ non contumbunt nec factus nexibus e-
dunt,

Per se nascuntur; fædo velut Ostrea cæno,

Est non distincto semper levis Ostrea sexu;

Hos inter pisces nec mas nec femina nota est:

Urticæ, purpuræ, ungues sponte gignun-
tur, ut Lepades, pectines, holothuria, &
omnia quæ suis affixa domibus hærent, quo-
rum omnium eadem origo est; Ostreo-
derma ex limo nascuntur, teste *Plinio*; Buc-
cinis ortus idem, Limnostrearum origo ex
locis est cœnosis; Conchæ, ungues & pe-
ctines in arenosis locis mucilagine maris
interveniente formantur; verbo ex limo o-
mnia generantur pro multiplici limi differen-
tia; In cœnoso ostrea, in arenoso conchæ, in
petra- Urticarum, purpurarumque ortus.

Ex limo
omnia na-
scentur.

X x

petra-

petrarum cavernulis holothuria, balani, lapides & neritæ; Mytilis, purpuris & buccinis eadem incunabula. Mures ex limo nasci, Ægyptus docet; Nilo siquidem recedente muscoli reperiuntur inchoato jam opere genitalis aquæ terræque, jam parte corporis viventes, novissima effigie etiamnum terrena, quam prodigiosam genesin graphicè sanè describit *Ovidius*.

Ovidius.

Inveniunt & in his quadam modo cæpta per ipsum

Nascendi spacium, quadam imperfecta, suisque Trunca vident humeris, & eodem tempore sæpè

Altera pars vivit, rudis est pars altera tellus.

Piscium
ortus quis-
nam lit.

Non dicam hic de piscibus quibusdam, uti anguillis & mugilibus, quos sponte ex proprii corporis seminio nasci constat: Observatum enim est, uti alibi diximus, si quis omnem exhauriat aquam, & omnem limum, aut novam etiam fossam fecerit, nihilominus aqua in locum istum denudò confluente illas & anguillis & piscibus cum tempore repleri, utique vel ex attritis ad saxa anguillarum pelle ramentis vel ex algis; pisces verò ex seminio per subterraneos cuniculos ex internis vel externis vicinis lacubus, dum denuo replentur, deducto.

Anserum
Scoticarum
origo.

Quæritur tertio. Quomodo Anates & Anseres, quas *Berniclas* passim vocant, in Scotia ex putribus navium fragmentis nascantur? Nihil ferè notius est, quàm Berniclarum in Scotia ex putri ortus, neque vix Historicus aut Physicus est, qui horum mentionem non faciat; Nos brevi relictis autoritatibus ceu notis jam omnibusque manifestis, quid de eorum ortu sentiamus, aperiemus. Subjectum ex quo nascuntur hujusmodi volucra multiplex est: Sunt qui dicunt, ex foliis arborum nasci; nonnulli ex putribus navium fragmentis; quidam ex mucore carinæ; Non desunt, quæ conchis conclusæ tandemque exclusæ assumptis alis aquam aëremque tranare incipiunt; Alii quoque ex viscoso scopulorum marinorum liquore educi putant. Quæ omnia ut discutiantur; Dico, ad harum volucrum genesin tria concurrere: Primo subjectum sive materiam. Secundo semen. Tertio dispositio loci. Ad subjectum quod attinet, possunt id esse, vel putridorum lignorum fragmenta, vel arborum cortices & folia, vel mucosæ scopulorum rimæ, vel denique conchæ ipsæ marinæ; cujusmodi nos in Musæo nostro monstrare solemus. Secundo, ad semen quod attinet, Dico illud ex nulla dictarum rerum decidi: Neque enim arbores animal perfectum utpote ultra vires suas producere possunt, multo minus mucus maris, sive saxi, sive putridi ligni insitus; neque conchæ animal perfectum educere possunt, utpote ad Zoophyta producenda solummodo aptæ. Quæritur itaque, quodnam illud sit semen, quod tam prodigiosam foeturam Anatum anserumque producat.

Subjecta
materia
anserum
Anatum-
que Scoti-
carum.

Cum itaque Batavorum ad Arcton navigationem rebus consideratione dignissimis refertam attentius, præsertim de innumerabili Anatum Anserumque in mari glaciali stabulantium multitudine, legissem, quæ, uti scribunt, eam ovorum in glacie copiam depouunt, ut universæ Europæ alendæ sufficere possent; accidere verò, ut Solè Arietem Taurumque subeunte, disrupta glacie, simul universa illa ovorum congeries unà rupta, fluctibusque maris involuta, hinc inde qua maris impetus patet, ad obvias Insulas depellatur: Cum verò mari glaciali viciniore Insulæ non sint, quàm Orcades & Hebrides Scotiæ, uti & Hybernæ, Norvegiæ, Scricfinniæ, Finmarchiæ littora; accidit ut ubicunque ovorum spermaticus humor convenientem matricem invenerit, ibi vel dispositione aëris aut terreni, marisve conditione, ambientis tum intrinseci, tum extrinseci foris, ex perfectæ volucris semine, perfectam volucrem cum tempore excludat. Hinc patet, quomodo istiusmodi sive Anates, sive Anseres ex tam differentibus subjectis nasci dicantur, quod tamen detecta causa nemini mirum videri debet; si enim istiusmodi semen hujusmodi ovis inexistens mari commissum dissolutumque fluctuum violentia ad obvias littori arbores dissectum dispersumque fuerit, sit ut illud vel intra rimosos cortices aut rugosas ramorum foliorumque cavitates, etiam vel minima particula mucosæ maris pulveri terreno mixto illapsa, ibidemque calore fermentata dilatataque, primum quidem veluti in fungum dilatata, deinde membris efformatis in Zoophytum vermem degeneret; & tandem illud plastica seminis virtute mirum in modum negotiosa impigre in alas transformet, quarum agitatione veluti à trunco decisum animal, mox intra mare natatum, in aëre quoque deinde volatum attentet & tandem in perfectissimam Anatis aut Anseris volucrem transformetur. Atque hoc pacto ex arboribus originem suam dictæ volucres nasci possunt; Si verò intra mucosas aut saxorum lignorumque putridorum rimas illapsum fuerit, inde pari pacto ex dispositione materiæ illa produci necesse est. Rursus si semen hujusmodi hiantibus conchis illatum fuerit, ibidem quoque veluti in matrice calore maris fermentatum, primum quidem veluti in vermem, deinde plastica seminis virtute alis assumptis conchæque fissâ in anatem aut anserem transmutatur, cujusmodi conchas anatiferas non ita pridem doctissimus, & rerum naturalium indagator studiosissimus *P. Barilerius* Ord. præd. mihi donavit, quæ in Musæo meo non sine admiratione spectantur, in quarum una nescio quod animalis rudimentum adhuc comparet.

Navigatio
Batavorum
ad Arctum
eorumque
observatio-
nes.

Porro hanc unicam & genuinam causam esse hujus prodigiosæ geneleos, inde patet; primo quod in mari glaciali, nullâ aliâ præter anates & anseres, volucris reperiatur, unde

Causa or-
tus anatum
sponte na-
scentium.

unde ex semine ovorum ruptorum diffuso & ad littora dispulso, anates & anseres in dispositis matricibus generari necesse est. Secundò, non in Scotia tantum, sed & per omnia littora tum Scotiæ tum Hybernæ usque ad ipsum Belgium hujusmodi foetus reperiri, omnes passim fatentur; quin & *Olaus Magnus* in littoribus Norvegiæ & Finmarchiæ similem genesin spectari asserit, imò quocunque tandem depulsum ab Oceano semen proportionatas matricibus dispari conditione Soli salive non obistentes, reperit, ibidem hujusmodi partus perfici; quæ quidem uti nobis summa Naturæ miracula videntur, ita indigenis quotidiana pæne consuetudine viluerunt. Habes hîc meam de genesi Berniclarum sententiam, ita genuinam, ut omni combinatione adhibita, alia præter dictam assignari nequeat. Cum impossibile sit, perfectum animal cujusmodi Anas vel Anser est, ex sola putredine nasci, nullo primo propriæ speciei seminio.

Ex animalium cadaveribus ortus sponte nascitur.

Quæritur Quartò. Quomodo ex stirpium animaliumque tum vivorum, tum vitæ funtorum cadaveribus omnis generis insecta nascantur? Non est ulla in rerum natura aut planta aut animal, quod non ex seipso aliud insectum differentis tamen speciei spontaneo ortu producat, cum nullum ex utroque sit, quod non putredinem subeat; in putredine verò calore fermentata, latet id seminium, quocunque tandem modo aliunde decisum, quod utique nunquam credidissim, nisi frequens me experimentum smicroscopii usu de rei veritate certiore fecisset. à Plantis exordiar.

Planta non generat animal.

Nemo, dum hæc assero, putet me credere, ex plantæ ipsius virtute animal plantâ ipsâ nobiliori gradu præditum gigni posse, aut ex perfecto animali simili sibi spontaneo ortu nasci posse; minimè: Sed Dico, plantam semper sibi connexum habere seminium aliunde ex aliorum animalium tum vivorum corporibus, tum mortuorum cadaveribus decisum, quæ omnia postea experimentis comprobabuntur. Certè hoc jam dudum subolfaciens Celebris in Urbe Botanicus & Physiologus *Franciscus Corvinus*, qui in diversissimæ speciei herbis singulari studio discussis, in singulis vermem invenit, quem intra phialam vitream conclusum ejusdem herbæ foliis postquam enutrisset, tandem dictum vermem assumptis alis in alatum insectum degenerare deprehendit, quæ quidem aligera insecta pro diversitate herbarum, diversam speciem mentiebantur tum figuræ, tum colorum varietate, nonnullis solis alis muscarum instar, quibusdam bruchorum instar, alis crustacea vagina inclusis, aliquibus cantharides, chrylocantharos & similes exprimentibus, quorum omnium figuras & colores unà cum plantis eorum matribus eleganter sane & ad vivum expressas in domo sua exhibet. Hoc pacto ex diversis herbis eru-

Nulla planta est, quæ non proprium sibi animal producat.

cas quasdam nasci, quæ deinde assumptis alis in coloratos pro varietate colorum in erucis spectabilium, papiliones transmutari observavit. Quæ omnia hoc loco figuris expressa produxissem; si id angustia temporis permisisset. Videres hîc centenas herbarum species, unà cum suis quos producunt foetibus, mirum in modum differentibus, pulcherrime expressas. Dignissimum sanè opus, quod suo tempore lucem aspiceret, unde & ego ejus secutus exemplum, discussis plerisque herbarum speciebus non solum ex planta totali insectum sibi proprium produci, sed & insecta vel in diversis plantæ membris, uti radice, foliis, floribus & fructibus, differentia reperi; In radice quidem aliquid lumbricis haud ab simile, in cortice formicarum rudimenta, in foliis eruculam, in floribus alatum quoddam animalculum, in fructibus verò vel vermem vel araneo quid simile observando. Hoc pacto buprestin pinus gignit, lentiscus limaces.

Erucæ in papiliones degenerant.

Quæ cum ita sint, Quæritur jam, cum herba virtute propria utpote inferioris naturæ animal producere non possit, unde illa proveniant? Respondeo, variis id modis contingere posse: Primò ex humore quo herbæ nutriuntur, qui uti ex sensitivæ naturæ spermaticis corpusculis à diversis animalium cadaveribus decisis imbuitur, ita quoque is herbarum succis inditus pro diversa seminis à priori substantia unde deceditur degeneratione, virtutisque labefactione semper viliora & viliora insecta producit. Secundò ex spermaticis vivorum animalium excrementis, quibus humor terræ imbutus, & à planta unà cum seminio in alimentum attractus ad minimam fermentationem sive calore interno plantæ, sive externo ambientis pro combinatione concurrentium causarum naturalium nunc hoc, nunc aliud insectum excludit; quod deinde quoque ex ea, è qua educitur planta fovetur nutriturque. Tertio ex ipsis mucosis al-

Origo dictorum.

Ex mucosis excrementis insectorum.

ribus herbarum, uti ex tenuiori succo, ita quoque semper volatile insectum vel alis crusta conditis, vel solutis instructum prodet.


Admiranda de Orchidum sive Satyriorum Signaturis.

Orchis
Anthro-
pomor-
pha.

Complures Botanicorum, dum admirandas Orchidum signaturas contemplati sunt, (sunt autem Orchides illæ plantæ, quæ *Satyria* vulgò vocantur) satis mirari non possunt, Naturæ in iis producendis potentiam; Si enim in eis radices consideres, eas sub forma testiculorum, unde & nomen habent, reperies: Raræ sanè atque elegantes plantarum species, quarum in nonnullis, quæ non incongruè *Antropomorpha* dicuntur, ita lussit Natura, ut vix sit in corpore humano membrum, quod non quantum potuit, ex-

primere fuerit conata; imò integràm in floribus humani corporis structuram sub utriusque sexu architectata fuit; neque hic sagax Naturæ industria stetit; videas summa cum admiratione in nonnullis avis, in quibusdam cercopitheci, vel delphini figuram; non defunt qui apes, undè & Orchis apiformis dicitur, vel etiam vespæ, muscæ, papilionis, culicis, cimicis, locustæ, cæterorumque animalium effigiem præ se ferunt; Ego sanè non sine expensis hujusmodi plantas ex montibus asportatas in domestico nostro horto plantari curavi, eo fine, ut admirandas hujus plantæ proprietates observarem: Anatomia itaque instituta primò in una ejus specie nescio quid uteri mulieris foetu gravidæ rudimentum deprehendi naturali prorsus simile; in apiformi quoque Orchide, rescissâ apes forma virgunculæ scutellam ambabus manibus portantis effigiem adè affabre expressam in-

Orchidum
varie fi-
guræ.



Vide de his Fabium Colonnæ, de rariorib, plantis
Joh: B. Portæ in phytognomia.

veni, ut cum monstrassem, omnes in admirationem traheret ludibundæ Naturæ opus.

vide Fig. In involucri quoque floris noctuæ figuram notavi, oculis, auribus, & adunco rostro

roftro ſpectabilem ; Smicroſcopio pari pacto exploraturus foliorum filamenta anthropomorphæ Orchidis , & primò quidem flores per totum minutiffimis humanæ figuræ imagunculis , C ſignatis , contextos deprehendi , ut vel ſatis mirari non poſſim admirandam Naturæ in rebus quâ fingendis , quâ pingendis induſtriam , unde figuras hîc ad *Leſtoris* oblectationem apponendas duxi. Sed omiſſis huiusmodi Naturæ luſibus , meritò quiſpiam modò quærere poſſet , unde cuncta hæc originem ſuam nanciſcantur ? Et uti *DEUS* & Natura nil fruſtra faciant , ita quoque hîc *Leſtori* novum & forſan inauditum Naturæ myſterium pandam , ut inexhauſtas abditaſque Naturæ divitias *Leſtor* propius intueatur. Obſervatum fuit ab iis , qui pecorum , armentorum , & equorum curam habent , poſt commiſſas ad propaginem animantes , ubi congreſſus factus fuit , ſequenti anno campum illum Orchidibus ſive Satyriis luxuriare , non alia de cauſa , niſi quod ſpermaticus humor ſuperfluus humo ſparſus & unâ cum terreſtri ſucco fermentatus tandem in huiusmodi herbas adoleſcat , quod idem contingere ajunt ex ſemine cadaverum tum hominum tum animalium , qui in campis vel occiduntur , vel infirmitate quadam moriuntur . Quod ſi res ita ſe habet , quid mirum eſt , ſemen terræ conditum tanquam intra matricem ibidem paulatim plantam prorſus ejusdem facultatis , quâ pollent animalia , ex quorum ſemine deciſum eſt , educere ; unde non immeritò à virtute , quâ ad venerem incitant , Satyria vocantur , videlicet à *Satyrorum* fabuloſorum ſalacitate : Cum enim natura otioſa ſtare non poſſit , ſemper aliquid molitur & fabricat , & pro conditione ſeminis adſcitiſque plasmat ; Cum itaque in ſemine animalium virtute omnia inſint animalis membra , ut ſuprà diximus , illaque paulatim calore uteri evolvantur in perfectam animalis fabricam , vi platiſtica ad ſingula membra efformanda negotiante ; quid mirum inquam eſt , ſemen ſive hominis , ſive animalis intra congruam proportionatamque terræ humidæ matricem receptum , ibidem quoque ſi non perfectum ani-



mal , quod ultra ejus vires eſt , ſaltem aliquid analogum ſive animali , ſive homini , quoad membra , veris non abſimilia moliatur & effingat unâ cum facultate ſemini propria ad venerem excitativa ; Accedit , quod huiusmodi herbæ ferè omnium primæ ſint , quæ Verno erumpunt tempore , eo videlicet , quo & animalia pleraque æſtro libidinis inſtimulantur . Certè Naturæ ita comparatum eſt , ut ad ſimilia fabricanda non operetur , niſi ope ejus ſeminis , quod in perfectis animalibus , unde deciſum fuit devectumque , primò inextitit : Quod verò præter humani corporis membra , multas alias producat in dictis Satyriis variorum in-

ſectorum figuras , id diverſitati ſeminum adſcribendum eſt ; ſi enim equinum ſemen intra terram cadens , in dictam herbam adoleverit , cum natura perfectam equi figuram ultra vires ſuas producere non poſſit , ex virtute ſeminis , ſaltem ſimilem iis inſectis , quæ ex equo vivo naſci ſolent , ideſt , veſparum figuram efformat ; ſi verò bovillum ſperma Orchidem produxerit , non bovis ſed apis , quarum origo ex bobus eſt , figuram delineabit , uti in Orchide apiformi patet , & ſic de cæteris ; quod enim in differentium Orchidum floribus nunc pulicis , modo cimicis aut pediculi , jam muſcæ figuræ ſpectentur , id certe non niſi ex ſpermatica virtute eorum animalium , ex quibus talia naſcuntur inſecta , contingit . Si quis tamen ſagacius omnia exploraverit , ſemper quoque in iis quidpiam ei animali , ex quo deciſum fuit , conforme reperiet . Apes ex bovillo genere naſci , omnium tam veterum , quàm modernorum ſcriptorum authoritate patet : Siquidem teſte *Varrone* , *Plinio* , *Virgilio* . non ex ſimo tantum bovino , ſed & ex ejuſdem tabido corpore apes naſcuntur , ajuntque in *Ægypto* loca quædam eſſe , ubi ſi defodiatur taurus , ita ut cornua tantum ſupra terram emineat ; eaque deinde ferrâ amputentur , apes cum tempore avolent . Unde *Ovid.* *Metam.* I 5.

*I quoque delectos maſtatos obrue tauros ,
Cognita res viſu , de putri viſcere paſſim
Florilega naſcuntur apes , qua more parentum
Rura colunt , operique favent in ſpemque laborant.*

Et alibi ex *Protei* Oraculo.

*Obrue maſtati corpus tellure juvenci
Quod ſatis à nobis obrutus ille dabit :
Iuſſa facit paſtor , fervent examina putri
De bove mille animas una necata dedit.*

Virgil. *Georg.* 4.

*Aſpiciunt liquefacta boum per viſcera toto
Stridere apes utero , & ruptis effervere coſtis.*

Et ut ed , unde digreſſus revertar , Inſectum ſemper aliquid , quod viventi animali ſimile ſit , ex ſemine produci , tunc primò intellexi , cum in miram illam hiftoriam de apibus *Bernardini Gomeſii* incidiffem : Verba ejus ſunt : *Reſeram rem novam , inauditam , neque viſam hætenus , neque ab ullo ſcriptore , quod ſciam , memoria traditam ; cum Sagunti animi recreandi gratia apud alvearia verſarer , ac ſummopere mirarer inter ſingularia opera mirum fucorum obſequium atque benignitatem , atque in ipsis incluſum apum ſeminarium , quod unum me quidem in magnam admirationem induxit ; Nam cum interim captus à me fucus digitis atque ungue premeretur , ſi forte vice aculei aliquid emitteret , ecce ruptis viſceribus atque poſterioris partis pellicula , album ſeu croceum bovis caput expaſſis & tortuoſis cornibus roſtroque adunco affabrè formatum repente emerſit , quam rem ſummè qui aderant , admirantes , atque idcirco ipſi denuo id experiri flagitantibus , aliis ſubinde quinque fucis à me preſſis , totidem ſimul boum capita eruperunt ,*

Orchis apiformis unde naſcitur.

Fucus intus bovilli capitis figuram exhibent.

perunt, naturâ quidem, cui meritò summa inest cura, apum in hoc portento seminalem eorum rationem, atque quandam cum bobus amicitiam exercente. Hæc Bernardinus Gomefius, quæ & ego expertus, verissima deprehendi, quodque omnes naturalium rerum investigatores experiri velim. Non latuit ista res Ægyptios, qui Regiam progeniem significaturi, inter cornua bovis apim pinxere; sed de hisce amplissimè in *Oedipo* & *Obelisco Pamphilio*. Quemadmodum igitur in ipsis insectis imaginis quoddam rudimentum eorum animalium, ex quibus nata, reperitur, ita & in Orchidibus usu venit, in quibus cum vivum animal producere nequeunt, saltem quantum possunt, moluntur, id est, ex insita seminis ideali ratione figuram ejus, ex quo sunt, exprimere conantur; Quemadmodum & in Moro celso experiri licet, cujus succo alterius insecti semine emisso nascitur bombyx, vermis qui deinde ex eo ex quo natus est, alimento nutritus, sericum nobis filat, tanti in superbo vestium apparatu usus. Addam & hoc admiratione dignum, plantam quæ odorem alicujus animalis olet, ex ejusdem animalis five excrementis, five spermatico liquore ortum habuisse; ita Androsimum quod hircum perfectè olet, indè quoque hircinum nuncupatum, non nisi in montibus, ubi caprarum greges pascuntur, provenit, ut & herba, quod *κυνόμοριον* canis veretrum similitudine vocant; Vulvariam quoque non nisi vel ex mulierum petulantia, aut ex abdita aliqua earundem partium seminio, id est, è vulva, cujus odorem exhibete, Ioannes Baptista de Porta in *Physognom.* cæterique Botanici tradunt; prodire verisimile est. Ut proinde non fabulosum videri possit, quod Plinius de Hippomane scribit. Innumera hoc loco hujus farinæ adducere possem, sed qui plura desiderat, legat de his Portam in *Physognom.* Lobellium, Matthiolum, atque innumeros alios; & nos tum in *Arte Magnetica* l. 3. tum in *Oedipo* Tom. 2. part. 2. de signaturis plantarum fuse ex mente Ægyptiorum egimus. Ex cornibus Arietum suffossis asparagos nasci, notum est; unum hoc loco de fungo cervino adjungam, ut quantum semen animalium terræ commistum possit, pateat.

De speciali Cervini Tuberis ortu.

Nuper habitam contemplationem de communi tuberis ortu mirifice confirmat experimentum ac historia fungi, seu verius, tuberis cervini apud Bohemos enascentis veteribus ignoti, de quo Matthiolus ad Iulium Moderatum hæc ad verbum scribit: Cum rebus novis te plurimum delectari sciam, Tuber quoddam subterraneum, quod hic cervinum, Boletum Bohemi vocant, cum hisce meis literis ad te mitto. Puto enim de eo te nihil unquam audivisse, quod nulla apud antiquos, recentioresve scriptores extet hujus fungi memoria,

quodque reperiri non possit, nisi in iis sylvis, ubi plurimi habentur cervi ac venatores, qui hæc Natura secreta norunt; sed cum hac inaudita sint apud vos, nolim te imposterum latere cervini fungi historiam & vires. Fungum itaque hunc tuberum vulgarium more sub terra nasci affirmant venatores, ubi cervino semine inficitur solum, id quod plerumque fieri solet exemplo è vulva genitali aliquid adhuc seminis continente, maris impetum fugiente femina. Hunc fortasse fungum cervinum invenire nemo posset, nisi cervi ipsi locum quodam statuto anni tempore ostenderent; scalpunt enim naturali quodam instinctu ducti, anterioribus pedibus locum, ubi globosus fungus sub terra delitescit, quod olfactu percipere eos affirmant: spirat enim fungus gravi odore, præsertim recenter effossus. Qui secreta hæc norunt venatores & rustici, qui sylvas frequentant, loca diligenter observant cervinis pedibus diducta, effossaque scrobe fungos eximunt, & pharmacopæis vendunt, qui dissectos in particulas & filo trajectos siccant postea in umbra, servantque in medicum usum. Hic eadem fere facies est, quam in cæteris spectamus tuberibus, globosa tamen omnibus & inæqualis; extima cuticula subnigricat, carnosæ verò, & ipsa fungosa substantia albicat; sunt etiam qui genus aliquod reperiri dicant erecta virilis mentula forma, ad eam ut in altera parte detecta glans, in altera globulū quidam testiculos referentes conspiciantur. Mihi verò tuber hoc cervina potius, quam virilis mentula formam amulari diceretur: Cum Natura omnia suis genitoribus similia efformare studeat ubique. Hic fungus in ciborum usum hætenus non venit, nec eo vescuntur Bohemi, sed eo in medicamentis utuntur, quæ venerem movent, siquidem ad hoc plurimum illum valere putant, & præsertim qui humani genitalis faciem refert; in quem usum sicci pulverem ex dulci vino propinant drachma vel sesquidrachma pondere; Lactis ubertatem hunc etiam asferre ajunt ex ptisanâ vel muliebri lacte potum, sed valentius id agere, si longi piperis aliquid addatur. Suffitus oculos feminarum locos referare tradunt, & vulva strangulatus avertere. Non desunt superstitiosa muliercula, quæ iis abutantur in amatoris poculis, quibuscunque prius admurmuratis incantationibus. Affirmant valere cervinum fungum ad epota venena è mero haustum; quin etiam ad venenosorum omnium morsum non modò potum, sed etiam illitum. Excalefacere hunc ex odoris graveolentia quispiam facile judicabit; Optarem ut tam rarum medicamentum Italia hætenus ignotum seri vel transplantari posset, & inter cætera rara simplicia, quæ in tuo tam celebri viridario diligenti admodum cultura aliis, hic etiam viveret fungus; sed postquam hoc nobis vetat Natura, hunc siccum tibi asservato. Mitto tibi præter id legitima Chalcitis & vera Mysis aliquot frusta, quæ ut apud vos rara, ita sane cara tibi futura spero. Ex quibus aperte conjicio tuberis cervini exortum esse ab anima seu vegetali sola, seu sentiente mirum in modum labefactata, quæ in projecto in terram semine

Cur Ægyptii inter cornua bovis apim pinxerint.

Bombyx ex moro.

Androsimum hircinum unde

Vulvaria.

Hippomane.

Fungi cervini pro ductio.


Ortus tuberis cervini.

mine cervi, aut masculi, aut foeminae sit non amplius ut forma in materia, nam semen refrigeratum moritur & infocundum efficitur, sed ut in vase retenta ab aliquo gradu caloris in ea viscida materia diutule conservato, semen etenim animatum esse, alibi fuisse probavimus, dum scilicet à colore ambientis succus terrenus illi semini commissus apparatur ad vitam, & idem apparatus latentem in materia spermatica velut in vase animam accipit in formam substantialem, quae constituitur in esse tuber plerumque informe, nonnunquam etiam virgam referens, unde semen illud proximè diffuxit; adeo pertinax est Natura in procreatione similis: Et cum feminis natura sit tum veneris stimulatix, tum uteri apertiva, tum lacti maximè congenea, quid mirum si tuberi è spermate orti pulvis & venerem moveat, & lactis ubertatem promoveat, & oculos foeminarum locos recludat, vulvæ


que strangulatus avertat. Hinc planè patere arbitror, nostratum tuberum exortum non aliunde esse, quàm ab anima latente in seminali materia, ut in vase, in succo à plantis & animalibus defluxo ac terræ commisso, quæ anima in subjecta anima ab ambientis calore seu Verno seu Autumnali deocta, & ad vitam disposita, evadit forma substantialis substratam materiam vivificans, tuberque constituens, frequentissimè quidem ob imbecillitatem suarum virium, ob materiæ duritiem, & ob caloris exilitatem constitutum tuber non organizans exactè, nonnunquam verò etiam aliquam in eo viventis membri effigiem efformans, tum caule tum foliis; quod testatur se vidisse *Scaliger*, sub mentulæ virilis formâ, quam & in Bataviæ littoribus reperi tam à similitudine veretri phallum Hollandicum vocant. Cujus etiam hîc meminit *Matthiolus*.

Ufus cervi-
vini tube-
ris.


I. *Zylophytam ex ramulis Liburni in Museo Authoris.*




II. *Ex putrefacta palea aut junci caule.*



III. *Ex putrefacto Equiseto.*



IV. *Hippuris animata.*



Mira ex
putrido
Liburni

Mirum & hoc addam, ex liburni, quam vi-
tem albam vocant, ramulis sæpe sæpius me

invenisse zoophytum sex pedibus, & subtilissimo corpore constans, cum capite erucæ, pro-

ramo ani-
malis pro-
ductio.

progressivo motu araneorum adinstar incedens, & cum diligentius originem hujus insecti scrutarer, inveni tandem id ex dicti liburni fruticis ramulis putredine quadam infectis natum; siquidem non semel deprehendi, illud ramo adhuc viridi adnatum, unde non immeritò Zylophytum dixi; inveni & nonnulla, quæ ex posteriori parte lignum, ex anteriori verò jam animam obtinuerant, qua hinc inde agitabatur; vidi & quædam quæ intermedio corpore, quod pedes sustinebant, lignum prorsus idem cum ramulo liburni erat, pedes vero & caput jam animata movebantur; statim tamen ac tota ramuli

medulla cum exertis sex ramulis anima informabatur, tum etiam veluti à trunco recisum animal humi reliquorum insectorum *ἐξ ἀπιδω* more gradiebatur, quam stupendam metamorphosin dum compluribus ostenderem ex nostris, dici vix potest, quantopere adeò rarum & monstruosum partum mirati sint, præsertim cum anteriorem partem unà cum pedibus motum affectantem posteriori stipiti adhuc adnexā viderent, Idem evenit in Hippuri putrefacta cæterisque uti paleis, quemadmodum in figuris patet. Sed ne quicquam ad *Lectoris* curiositatem satiandam omisisse videamur; supra figuram apposui.

Varie Zylophytorum species.

CAPUT X.

De Insectorum spontaneo ortu ex aliis animalibus perfectis diversæ speciei.

RECTÈ Philosophus nonnemo asserit, Naturam nunquam tam negotiosam esse, quàm in minimis; uti enim entium imperfectorum major semper numerus est, ita quoque sponte nascentium, quàm non spontaneo ortu natorum. Videmus enim nullum esse animal quod non (quemadmodum de plantis quoque diximus) aliud sibi imperfectum animal differentis speciei ex se generet, uti tum in homine, tum potissimum in omnibus animantibus patet. Et ut ab imperfectioribus incipiam, omnia bruta, pulices, pediculos, cimices, ricinos, rendivos, aut simile quid istis generant; Ranas, rubetas, serpentes & omnis generis vermes tum in hominum, tum brutorum intestinis nasci, frequenti experimento jam dudum innotuit, de quo & *Libro nono de Venenis* amplam mentionem fecimus, neque solum ex intestinis, sed & in omnibus membris humani corporis vermes nasci, historiæ multiplici relatione docent, siquidem in cerebro hominis ex ocimi frequenti odoratu scorpionem natum *Licetus*; in ipso corde vermes inventos *Schenkius*; in pulmonibus, hepate, renibus, vesica, *Paraus* refert, & nos in *nostro de peste Tractatu*, sanguinem putrefactum verminosum ostendimus, quod idem in caseo, lacte, aceto, carnibus Lunæ expositis microscopio observavimus; adeoque animalium sunt omnia plena; neque putridum ulcus ullum esse, nullam impetiginem & elephantiasin, quæ non suum generet vermem, quæ jam dudum edito de hoc libello, quam animatam imaginem mortis vocat, ostendit Eruditus vir *Augustus Hauptmannus*, quem & in ipsa scabie venerea vermes se invenisse ait limacum instar, tantæ foecunditatis, ut intra dimidium horæ ad 50 alias sibi similes partus effuderit: quorum quidem genesis non nisi ex virulenta corrupti sanguinis feminisque putredine prodiit. Rursus multos homines phtiriasi, id est, pediculari morbo

extinctos constat, uti de *Herode*, *Sylla*, *Phericide Syro* poëta, & de innumeris aliis Historici narrant. In Hungaria *Lycosthenes* scribit, anno 1549. ad tria millia hominum serpentibus, ranis similibusque intra viscera eorum exortis perisse, cujus quidem rei ratio alia non fuit, nisi quod & fructus terræ putredine perniciofa infecti, aquæ & fontes serpentum, ranarum similiumque foetibus pro humida & perniciofa anni constitutione referti fuerint, quorum usu tandem partus illos animalium ediderint.

Sileo hoc loco complures foeminas, uti Authores de monstris referunt, loco humani foetus, serpentes, rubetas, talpas, similiaque ex utero procreasse; cujus rei causa eadem esse potest, quæ præcedentis partus paulò ante à nobis propositi. Prætereo hinc innumerabilem animalium foeturam, quæ tum ex animalium excrementis, tum ex cadaveribus sponte nascuntur; siquidem ex boum stercore mures natos *Scaliger in Theophrastum* se observasse dicit; ex equi excremento scarabæos pilularios nasci passim constat; ex asinino & equino vespas, ex lanea veste pediculos, ex variorum animantium fimo varia muscarum genera; capillos mulierum menstruatarum, fetasque equorum aqua palustri maceratas in vermes oblongos animari, complures experti sunt: Quæ quidem omnia originem aliam non habent, nisi primò ex primæ concoctionis alimento, quod pro varia seminalium rationum conditione, qua nutrimentum, sive id fuerit ex vegetativis, sive sensitivis, imbutum est; hoc enim ab hominibus assumptum, & calore stomachi fermentatum, ubi dispositum humorem invenerit ibidem, nunc hoc, nunc illud animal excludit; herbæ enim & olera, quibus plerumque vescuntur, variis insectorum, muscarum, vermium & erucarum sordibus, in quibus seminalis ratio viget, inficiuntur; homines verò nutrimentum depravatum assument,

Ex ocimo scorpio natus.

Ex bovillo stercore mures.

In corpori-
bus tum
hominum
tum ani-
mantium
quomodo
vermes na-
scantur.

Ex lixivio
vermes.

Ex defosso
Anatis ca-
daveribus
buccones.

Ex cancro
scorpio.

sumunt, quod in proportionato vase calore fermentatum, tandem vi feminis in eo latentis hoc vel illud animal excludit. Sed hæc exemplis nonnullis luculentius exponenda sunt. Mirantur homines, cur in lixivio putrescente vermes nascentur; Dico, hoc aliter non fieri, nisi quod industria foetura pediculorum, cimicum aut pulicum referta dictam foeturam lixivio intulerint, quæ ibidem labefactatæ virtute non in pediculos &c. sed in vermiculos differentis speciei degeneraverunt. Quomodo verò ex defosso anatis corpore bucones nascentur, uti multorum observatione innotuit; causam, esse dico, quod ejusmodi volucris hujusmodi animalibus libenter vescatur, & consequenter stabulante in alimento semine bufonio, fit ut suffossa ex putredine volucris id animal, quod bufonibus libenter vescitur, nascatur. Pari pacto cancrum, Sole Cancrum subeunte, terræ suffosum, cum tempore Scorpiones gignere *Plinius* refert; quod si verum est, id alia de causa nisi quod putredo cancri seminalis multum alterata labefactataque cum animal simile

producere nequeat, aliud imperfectius producat, corporis figurâ haud abfimile, videlicet scorpionem; de quo *Ovidius*.

*Concava littoreo si demas brachia cancro
Catera supponas terram, de parte sepulta
Scorpius exhibet, caudaque minabitur unca.*

Atque hæc sunt, quæ fufius forsan ac debebam, de transmutatione tum vegetabilium, tum animalium in differentes species, dicenda existimavi; ut *Lector* intelligeret, totam Athmosphæram, nec non aërem, aquam, terram, seminalibus rationibus refertam esse, quæ nullibi non congeruntur, ita quoque fieri non potest, quin innumerabilis illa foetura rerum, quam tantopere admiramur, non exurgat: ut groinde veteres Physio-mystræ rem altius penetrantes, non incongruè omnia in omnibus esse, asseverare non fuerint verecundati. His itaque positis principiis, jam restat exponendum; utrum Naturam æmulantes, per applicationem activorum cum passivis, similia tum animalia, tum plantas, artificiosa quadam *ἐχρησμός* producere valeamus.

SECTIO II.

DE ANIMALIUM,

*Quæ à Grecis ἔντομα, à Latinis Insecta vocantur,
varia tum naturali, tum artificiali productione.*

PRÆFATIUNCULA.

Quanquam in præcedenti sectione de spontaneo viventium ortu quàm uberimè egerimus, quia tamen plurima ibidem omissa sunt, quæ ad eorum generationem in quovis modo spectare videbantur, hîc denuò ea ad incudem revocamus, ut ingens Insectorum hujusmodi multitudo & copia innotescat *Lectori*, & undè singula suam proximam originem nanciscantur, cognoscat; ut iis cognitis, quomodo tandem Ars Naturam imitans, applicando activa passivis similia producere possit, cognoscat.

CAPUT I.

De variis Insectorum natalibus, eorumque differentiis.


Varietas
insectorum.

Insectorum diversa sunt genera & species, numero pene infinito, tantæ varietatis, ut vix Regio assignari queat, in qua non sive colores, sive corporis constitutionem spectes, ratione climatis, aut terræ differant. Et primò quidem nonnulla ex terrestribus quicquiliis; quædam ex aqua, aliqua ex aëre: Non desunt quoque, qui ex ipso

igne originem suam nancisci dicuntur; Iterum sunt alia pennata, quædam ex annulis veluti quibusdam constituta, unde & annularia dicuntur; Alia pedibus quatuor, sex, & pluribus instructa; verum ut paucis multa comprehendam, hic Tabulam synopticam apponere visum est, ut ex eâ differentias singulorum uno veluti intuitu conspiciat *Lector*,

TABULA SYNOPTICA

Omnium eorum, quæ spontè nascuntur, sive Vegetabilium sive Animalium:



Nos

Noſ ut majori cum methodo in ſingulis enodandis procedamus, univerſum Inſectorum regnum in ſeptem claſſes, veluti in totidem Reſpublicas dividemus, quarum prima eſt eorum inſectorum, quæ favis conſtruedis, mirâ quadam induſtria & ingenio ad Regni normam adaptato inſudant; & ſunt Apes, Fuci, Veſpæ & Crabrones. Secunda eſt ἀνάλυτρον Analytrorum ſeu inſectorum, quæ quadruplici alarum remigio aërem irregulari motu fulcant, ut ſunt Papiliones, Bombyces, Curculiones, Erucæ, Chyſalides, Xylophthori, Orſodunæ, Cicadæ. Tertia eſt Analytrorum bipennium, uti ſunt muſcæ ordinariæ, vinulæ, quæ ex vino & aceto ſuam originem nanciſcuntur, & vulgò Moſchini vocantur, Ephemerus ſic dictus ab unius diei vita, Cynipheſ, κολεόπτερον Culices, Oeſtri, & Tabani. Quarta eſt Coleopterorum ſive eorum, quæ alas ſuas vaginis conditas habent, & indè Græcis ἀπτερά *κολεόπτερον*, Latinis *vaginopennia* vocantur, ut ſunt Locuſtæ, Bruchi, Grylli, Scarabæi, Cantharides, Bupreſtæ, Cincindelæ, Blattæ. Quinta eſt eorum, quæ Græcis ἀπτερά, Latinis *ſine alis* vocantur, & multiplici pedum uſu mota vitam agunt, ut ſunt formicæ, cimices, pediculi, ricini, pulices, lendes, ſcorpiones, araneorum cæterorumque multipedum genera & ſpecies, uti ſunt, quos Oniſcos, Iulos & Scolopendras vocant. Sexta eſt eorum, quæ nec alis, nec pedibus inſtruuntur, ſed lento motu terram verrucoſo ventre radunt, & in innumera vermium reptiliumq; genera & ſpecies dividuntur, cujuſmodi ſunt Lumbrici, Teredines, Tineæ, Limaces, Serpentes. Septima eſt eorum, quæ in aquis natales ſuos fortiuntur; & ſunt Tineæ, Scolopendræ, pulices marini, & pedibus inſtruuntur; ex Apodibus ſunt Hirudines, Lumbrici marini, Hippocampæ, uva marina, ſtellæ marinæ; quibus tanquam perpetuo loco affixa, quæ ζωόφυτα dicuntur, adjuſtimus; de quibus omnibus & ſingulis ordine nonnihil dicemus. Hippocampæ capite equino & pectore conſpicuæ, inſectis annularibus adnumerantur aquaticis cujuſ figura ſequitur: de cujuſ miris facultatibus alibi ratiocinati ſumus.

Hippocampæ.



Viſâ itaque variâ & multigena Inſectorum terreſtrium, aquaticorum volucrumque diſiſione, nil reſtat modò, niſi ut ſingulorum origines exploremus, ut inventis multiplicis pullulaginis nidis Naturam imitantes idem arte & ingenii induſtria in eorum productione tentemus, non quod aliquid indè emolumentis nobis in ſordidis animalculis producendis emanet, ſed ut Naturæ cum Arte conjugium, veritas cauſarum & mira operationis poſteſtas indè eluceſcat,

Inſecta pleraque ex putrida Terræ & Aquæ ſubſtantia naſci, jam ſat ſuperque in præcedentibus dictum fuit; Quomodo verò eadem ex vegetabili & ſenſitiva natura originem ſuam nanciſcantur, dicendum reſtat. Diximus in præcedentibus, & pro certo ſuppoſuimus Elementa, uti in inſimo Naturæ gradu conſtituta ſunt, ita quoque aut plantam, aut animal ex ſe & ſua virtute producere non poſſe, ageret enim ultra vires ſuas, totuſque eorum conatus ad huiuſmodi generanda omninò foret improporcionatus. Debet itaque aliud diſpoſitæ in elementis materiæ accedere ſeminis rationem habens, quod tam mirificum effectum præſtet; quod nos dicimus aliud non eſſe, quàm ſemen aliundè ſive ex vegetabili, ſive ex ſenſitiva natura deciſum; quod ſeminis naturæ à primordiis rerum rebus omnibus inditum, & per univerſæ telluris molem diſfuſum, in proporcionali matrice junctum, ſive plantam, ſive animal producat; Semen autem illud ab innumeris rebus decidi poteſt, & in vegetabilibus quidem, ab omnibus & ſingulis plantarum partibus, ex radicibus, cortice, ramis, foliis, floribus, fructibus, ſeminibus: Nam ſeminalem plantarum virtutem omnibus & ſingulis plantarum partibus in eſſe ſuprà docuimus; undè quantò ſemini propriè dicto in centro fructus deliteſcenti propior eſt, tantò ſimiliorem plantam ei, à quo ſemen deciſum eſt, producit; quantò verò ab eo remotior, uti illud, quod in foliis, ramis, cortice, radicibus, deliteſcit, tantò diſſimiliorem plantam ob virtutis ſeminalis inefficiam, magis degenerem gignit. Cum itaque univerſa Telluris ſuperficiſ innumeris arborum, plantarum ac graminum generibus cooperta ſit, hinc ſit, ut quotannis juxta Solis in Zodiaco motum perenni quadam pericycloſi generationem eorundem neceſſariò ſequatur corruptio, ex corruptione verò ſemen quacunque tandem in parte deliteſcens pluviis nivibuſque maceratum putrefactumque atque intra terræ loculos veluti matrices quaſdam fermentatum, Sole æquinoctialem ſubeunte, mox ſeſe exerens in plantam juxta deciſi ſeminis rationem pullulaſcat; Hinc naſcitur inſignis illa varietas nonnullarum plantarum, uti ſunt geranii, titimalli, ſedi, ſatyrii, aliarumque innumerarum multiplices ſpecies, quarum in una geranio ad 24 numerantur; Certè non alia de cauſa, niſi quod originem non immediatè à proprio dicto ſemine, ſed ex plantæ diſſerentibus partibus ſeminalibus acquiſierit, quæ quantumvis ſint diſſerentes, ex magnæ tamen ſimilitudinis ratione, ex qua ſtirpe prodierint, cognoscitur; hoc tamen ſemper intelligi velim, ſi dictæ ſpermatice plantæ partes eidem terræ fundo pari bonitate præditi, implantatæ fuerint, aliàs enim degenerare quoque poſſunt, ratione aut pinguis & fertilis,

Inferiori gradus in-
proportion-
natis ad ſu-
perioris
gradus ſubſtan-
tiam pro-
ducen-
dam.

Quomodo
ſeminalis
vis omni-
bus inſita
ſe exerat.

Unde tot
ſpecies u-
nius plan-
tæ.

γ γ 2

aut

aut macri & sterili agri, uti fit in tritico, quod pro ratione agri, cui inferitur, modò in siliginem, modò in avenam degenerat; eodem prorsus modo accidit in spermaticis vegetabilium partibus, quæ per universam terræ superficiem dispersæ loculisque geneticis commissæ tandem illam producunt herbarum varietatem, quam miramur, ita ut quotidie pænè nova herbarum monstra nulli botanico adhuc nota ex summa illa spermaticarum partium diversimodè commixtarum combinatione prodeant. Nemo itaque putet, plantas sponte nascentes ex terrena aut aquea substantia, aut ex putredine sola originem suam sortiri, sed debet hujusmodi putredini terrestri aut aqueæ conjungi semen vegetabile quacunque tandem de causa, terræ, aquis eorumque putredinosi materiis commixtum; hoc enim putredini junctum pro sui generis gradusque conditione plantam producit; committuntur autem hæc semina primò vel loco plantæ proprio; Secundò vel per ventorum flatum in diversas regiones camporum, vallium, montium deferuntur, vel fluminibus, lacubus, paludibus committuntur; Tertio pluviarum, inundationumque violentia, qua plantæ eradicatæ relictis nativis locis alibi exulare coguntur, quæ uti fimo lutoque commistæ putrescunt, ita quoque ex putrefactione non potest non nova planta, si non priori similis, ei tamen haud prorsus dissimilis produci. Quartò, non à seminibus tantum, quæ nonnunquam in inaccessibleibus murorum rupiumque recessus ab avibus deportantur, sed etiam vel ex ipsis voluerum hominumque excrementis, in quibus spermatica vis plantarum adhuc viget, nova subinde plantarum fundantur seminaria. Quemadmodum igitur nullum elementum plantas, nisi seminis rerum vegetabilium ope producere potest, ita quoque fieri non potest, ut planta ex seipsa, & sua propria virtute & efficacia animal quoddam producat, nisi ei sensitivæ naturæ seminum accesserit. Quomodò verò tum inanimatis, tum animatis materiis semina rerum accedant, per septem propositiones, quantum fieri potest, brevissime exponendum duxi.

Lumbricorum Genesis.

Quæritur itaque primò. Quomodò Lumbrici, Teredines, limaces intra terram gignantur? Respondeo, Lumbricos non ex putri solo, sed insuper ex seminio, quæ vel pinguibus animalium excrementis vel recrementis eorum inexistit, originem suam sumere, quæ excrementa & recrementa terræ concredita in lumbricos intra exiguum temporis spacium animantur: Varietatis verò lumbricorum, excrementorum recrementorumque varietas causa est: Lumbrici verò vel humore, vel ficitate nimia corrupti è suis propriis cadaveribus novam fundant innu-

Sponte nascentia non ex putredine sola.

Semina quibus modis inserantur suis matricibus.

Lumbrici ex proprio cadavere nascuntur.

merorum lumbricorum pullulaginem, quod sequenti experimento monstramus.

EXPERIMENTUM I.

Artificialis Lumbricorum productio.

Lumbricos plures siccatos in pulverem conchæ lateritiæ; terra pingui & dulci impletæ sepelies; deinde aqua pluviali eam subinde rigabis, & intra tres aut quatuor dies reperies totam illam terram nova lumbricorum pullulagine scatere, & primò quidem sub magnitudine vermium, qui ex caseo nascuntur; deinde quoque pingui illo terræ succo nutritos, in veros lumbricos excrescere comperies; cum enim semen in lumbricorum incineratione non pereat, sed virtute maneat, hinc fit, ut intra terram pingui & dulci succo præditam conditus pulvis, calore Solis sese exerens, vi latentis seminis in idem, quod primò erat, animal excludatur; vel idem quoque duplici alia ratione succedit, vel ex concisis siccorum lumbricorum particulis terræ insitis, pluvialem aquam admiscemus, quæ illa eadem est, quæ semina lumbricorum aliunde decisa secum portat atque terræ committit; hinc statim post pluvias & imbres terram pinguem dulcemque semper lumbricis scatere deprehendimus, tanto numero, ut vel ipsas semitas expleant. Est & hoc admirabile, quod si lumbricum Soli ferventi exposueris, is statim sit moriturus, quem postero die ubi examinaris, innumerabili vermiculorum multitudine cooperatum videbis, quos ex cadaveris seminalibus partibus instaurari non est dubium; Unde ingens illa lumbricorum multitudo in terra nascitur, uti enim terram saxosam, sterilem & arenaceam oderunt, ita ex ea non nascuntur; fit tamen subinde, ut vel repentes terram illam ingrediantur, sed cum alimentum non reperiunt, ibidem vitæ functi ex propriis eorum cadaveribus mox ingentem verminaginem emittant, qui pluviam in terram pinguiorem delati, ibidem in immensam lumbricorum copiam adolescunt. Vides itaque vel ex hoc experimento lumbricos non nisi vel ex proprii cadaveris seminio, vel aliunde, vel vento vel pluvii allato nasci; minimè, uti nonnulli existimarunt, ex solo terræ pinguis putrido succo.

Quæritur Secundò, Quomodo Tineæ, quas à terebrando teredines vocant, generentur? Respondeo, cum plerumque illæ in libros tyrannidem suam exercent, illæ utique vel ex ligno seminis vitiato, vel ex pelli-bus, quibus compinguntur libri, oriuntur, unde differentes earum species pro diversitate materiæ reperiuntur: Illæ quæ ex ligno nascuntur, utique non ex putrefactione ejus sola, sed ex aliorum vermium seminio, quo viride adhuc lignum scatebat, altius insinuato; cum enim nullum lignum ita exsiccari possit, quin semper humidum aliquod remaneat una cum

Unde post pluvias lumbricorum multitudo.

Tinearum ortus.

Tineæ ex
lanis ve-
stimentis.

cum pristino animalium seminio ; hinc fit, ut calore vel intrinseco, vel ambiente semen excitatum hosce vermiculos librorum oſores corroſoresque producat, quod & de ligno in fabricarum uſum, præſertim Lunæ tepidæ humiditate pollente, deſtinato, dicendum eſt. In laneis quoque veſtimentis huiusmodi tinearum peſtem reperiri ; omnibus conſtat.

Ariſtoteles ait, eas generari ex lanis pulverulentis, quod evanidum foret niſi & adderet, ſi lanis pulverulentis aranei nonniſi unâ includatur ; tineas itaque veſtium non ex ſolo pulvere, ſed ex araneorum excrementis ſeminio lanis miſto naſci, vel ex ipſo *Ariſtotele* patet ; quamvis ego putem, non ex araneis ſolùm pulveribus permiſtis, ſed vel ex vario vermium ſeminio in lana exiſtente quoque naſci poſſe ; has quoque ex Charta, quæ ex lino conficitur, oriri nonnulli aſſeruere perperam ; neque enim linum ſive lintea, à tineis unquam corrumpuntur, uti experientia docet ; ex lanis itaque qualiumcunque tandem vermium ſeminio vitiatas naſci, neceſſe eſt ; Subindè quoque huiusmodi beſtiolæ in alvearibus non ſive gravi apum nocumento reperiuntur, quas originem aliam non habere, quàm ex papilionum quorundam excrementis, ex quibus vermes illi naſcuntur, quas tineas vocant, *Columella* aſſeverat. *He enim*, inquit, *favos ceramque corrodunt, & ſtercore ſuo vermes generant, quos alveorum tineas vocamus.*

Limacum
ortus.

Quæritur Tertio. Quomodo Limaces generentur ? Limaces vocamus hoc loco eos vermes viſcoſos & mucoſa humiditate plenos, qui teſtâ ſeu cochleâ non teguntur, & generantur eo, qui ſequitur, modo. Cochleæ campeſtres ubi herbis plantisque adhæſerunt, ſpumofam quandam materiam, & muco haud abſimilem emittunt, quam dicimus eſſe ſemen, ex quo limaces naſcuntur ; quod verò teſtâ non tegantur, ratio eſt, quod

ſola in iis dominetur mucoſa humiditas omni ſiccitate proſcripta ; cum enim teſta in cochleis non niſi ex ſalinis corpusculis ab animalibus foras protrufis exſurgat ; limaces verò vix niſi admodum exiguis ſalis portionculis conſtent, hinc nudati manent teſtâ, utpotè ex mucoſa cochleæ ſpuma ad teſtam formandam inſufficiente exorti, neque ulla differentia eſt inter cochleam & limacem, niſi quod illa teſtâ integatur, hic eâ nudatus ſit. Lumbrici verò, qui in inteſtinis puero-
Lumbrico-
rum inte-
ſtinalium
ortus. rum naſcuntur, non aliundè quam à copioſo Lactis potu, dulciumque rerum cibus, quibus delectantur, originem ſuam obtinent. Quis enim, uti Smicroſcopii uſus docuit, lac inſenſibilibus vermiculis plenum eſſe, ignorat ? hi verò natales ſuos habent, ex ſeminio vel alimento à vaccis aſſumpto, vel ab ipſis ſeminalium nutrimentorum portionibus, quæ unâ cum chylo intra utera vaccarum derivantur : & patet ex caſeo, butyro, ſero, quæ omnia cum tempore vermināſcunt. Apud
Caſeus qui
arte vermi-
naſcere
poſſit. Batavos caſeus ille melior & ſapidior putatur, qui multiplici vermium foetura ſcatet ; undè nonnulli ut eum vermiſoſum reddant, vino Hiſpanico ei ſuperaffuſo, quod petunt, cum tempore obtinent. Plura huius generis animalia hîc producere poſſem, ſed ut ſingularum claſſium ordines ſervemus, de iis in ſequentibus agemus.

Porro ſi quæras, Quomodo Inſecta aquatica generentur ; ut paucis me expediam, dico, Aquaticorum Inſectorum geneſin non differre à geneſi eorum, quæ in terra naſcuntur ; omnia enim Inſecta originem ſuam trahunt vel à ſeminio reſtrimentiſque piſcium, vel à ſeminis rerum vi ventorum, pluviarum fluminumque deſluxu intra mare, vel intra lacus paludeſque deductis, uti proportionatiſmatricibus juncti, in vermes terreſtribus haud diſſimiles animantur.

Inſecto-
rum aqua-
ticorum
ortus.

C A P U T II.

De Inſectorum, quæ favifica vocant, geneſi.

INter cætera Inſecta nil favificis ſeu Apibus, ſive induſtriam in favis extruendis, ſive labores in melleo ſucco colligendo ſpectes, admiratione dignius eſſe poteſt ; de quorum natura & proprietate cum innumeri Authores ſcripſerint, ea prætereuntes ad ea quæ proprii noſtri inſtituti ſunt, nos conferemus.

Apum or-
tus.

Quæritur itaque primò, unde originem ſuam Apes, Veſpæ, fuci ; crabrones ducant ? Ad Apes quidem quod attinet, ſciendum eſt, quod ſicuti variæ Apum differentiæ ſunt, ita quoque variam habent operationum differentiam ; Sunt enim inter eas, quos Reges vocant, ſunt & fuci aculeis deſtituti, ſunt tandem laboratrices apes, Regibus veluti

ſubditæ, quæ quidem tot ſunt, quot examina apum ſunt ; unde variæ ortæ ſunt ſummarum etiam Philoſophorum ſententiæ, dum nonnulli voluerunt, apes ex coitu cum regibus naſci, alii ex fucis, quæ omnia falſa ſunt : quidam ex materia aliunde transportata. Nos unicuique ſuam ſententiam relinquentes, quid nos experientia docuerit, expone-
Apum in
officiis diſ-
tincti gra-
dus. mus. Dicimus itaque Apes diverſas habere geneſeos rationes ; Primò enim eas ex bobus naſci, in præcedente ſeção complurium Auctorum teſtimonio docuimus ; ſed nec & hoc intra eos convenit, dum alii eas ex carne bovina, alii ex putredine bobus innata, nos ex ipſis boum excrementis naſci, hoc experimento didicimus.

xy 3

Ex.

EXPERIMENTUM I.

Apum ex boum excrementis genesis.

EXcipe sub vergiliarum ortum recens Boum, qui plantâ (quam *Cerinthem* vocant) prius unâ cum floribus mixtâ pascantur excrementum, quod loco umbroso & aprico sub meridiem expones, eâ cautelâ, nè Solis calore attenuatum in vaporem resolvatur, & inuenies summa admiratione vermiculos quosdam nasci erucarum instar, quæ intra breve tempus assumptis alis in apes animantur pro varia materiæ dispositione, nunc in reges, & sunt illæ, quæ reliquas magnitudine superant, modò in fucos sine spiculo, qui & hoc peculiare signum ex bobus sese exortos, ostendunt, quod exenteratæ in ultima corporis parte perfectam bovini capitis formam exprimant. Si quæras, quomodo hæc insecta postmodum similia sibi generent, Respondeo, id non fieri coitu ullo, sed ex proprio iis præsertim regibus à natura insito seminio. Si quæras, unde hoc seminium? Respondeo, ex floribus vel cerinthi, vel arundinis, vel oleæ, aut florum quorumcunque tandem succis; horum enim succos hæc non in alimentum duntaxat, sed & in mellificium assumere certum est; flores verò plantarum cum à muscis unicuique plantæ propriis perpetuò appetantur, atque ex iis, ex quibus ortæ sunt, alantur, hinc fit, ut eæ semper nonnihil seminii, sive id excrementum eorum sit, sive aliquid aliud insitum habeant, quod deinde ab apibus exsuctum unâ secum seminium portant, quo non quidem simile priori animal generant, sed sive mellis, sive liquoris alterius, quod iis in alimentum cedit, virtute in apem degenerat; Non quidem ex melle, in quantum mel est, sed ex ipsis apum excrementis; quod hoc experimento discas.

Accipe ex Alveari excrementitiâs partes apum, easque diligenter Smicroscopio examina, & videbis summa animi voluptate frequentes, primò quidem veluti folliculos quosdam, mox iis ruptis, vermiculos, quorum alii jam erucas referant, alii verò jam alis assumptis, quas frequenti inspectione, jam in perfectas apes formatas comperies, ut proinde nullus in apum genesis, coitus necessarius sit, nulla maris cum foemella copula, perfectis animantibus similis, quemadmodum multi censuerunt; sed vel ipsum bestiolæ spermaticum excrementum, intra breve tempus, ob seminium insitum, aliundè decisum, in apem efformatur. Atque ex hisce luculenter patet, aliam apum originem, nisi quam jam exposuimus, non reperiri.

Sed hoc loco non exiguum dubium nascitur, unde fuci nascantur, & cur sine aculeo? Et ut paucis me expediam; Dico, fucum nulla alia ratione ab apibus distingui, nisi quod ille aculeo apibus proprio destituatur: Qui

verò ajunt, Apes ex bobus, fucos verò ex equis oriri, perperam dicunt: Cum & apes & fuci ex iisdem bovis excrementitiis partibus, differenti tamen seminio imbutis nascantur: Boves siquidem herbis plantisque in alimentum assumptis, semper nonnulla differentia seminia muscarum vermiumque in ipsis plantis existentibus dum assumunt, illa intra stomachum & intestina bovum fermentata, tandem ipso exonerato excremento, juxta diversam seminiarum rationem in diferentes apum species excluduntur. Dico secundo, Originem fucorum potissimum consistere in excrementis apum jam emeritarum; unde deficiente virtute spermatica, & fuci quoque ipsi spiculo, in quo vis & robur apum later, privantur. Boum ergò excrementum apum & fucorum est productivum, ex eodem plantarum alimento, quo postea productæ apes naturali instinctu aluntur, unde ex eorundem fimo postea idem animal, (videlicet vel apis, vel fucus) quod ex fimo boum producit, exire necesse est, cum semina rerum in utroque eadem sint. Habes itaque hic veram & genuinam apum fucorumque generationem.

Quomodo verò Vespæ nascantur, merito quispiam dubitare posset. Philosophi duplicem Vespis ortum statuunt; quarum alias ex putredine, alias ex coitu, & uti priores ex equi cadavere, ita ex Tauro apes prodire censuerunt. ita *Nicander*.

ἵπποι γὰρ σφικτὸν ἡνέσις ταυροὶ τέ μελισσῶν.

Equi enim vespæ genesis, & Tauri apum.

Ægyptii ex Crocodili cadavere nasci Vespas, ita acriter defenderunt, ut etiam inter hieroglyphica ponendas censuerint. Nos dicimus, & Vespas & apes fucosque, non ex Tauro tantum, aut Afino Equove, sed & ex Cervis nasci: Nam ut Nicander testatur.

Σκλήροι πυθομένοισι λυκάωαδες ἐξεγίνοντο.

Corpore nam putrido infectum consurgit utrumque.

De cervis *Vincentius Belluacensis* testatur, è cervi ad integritatem grandævam venientis osse sub oculo terebrato Vespas concrevisse; putatque vel ex cerebri, aut medullari substantia prodiisse, nos potissimum ex excremento nasci asserimus, vel etiam ex ipsis plantis, quibus dicta animalia aluntur; cum hujusmodi plantæ commune alimentum sit variis muscarum vermiumque seminiis infectum, quo non solum Boves, equi, asini, cervique, sed & vespæ nutriuntur, è quarum excrementis postea Vespæ consurgant, quamvis non inficias ierim, eas postea etiam per coitum generari, cum excrementum horum loco seminis sit, quod à vespis fotum, primò in vesiculam abit, qua rupta tanquam ex testa ovi


Quomodo apes artificiose productæ postea similes sibi generent.

Experimentum mirabile.

Fucorum ortus.

Vespa.

Vesparum ortus.



Experi-
mentum
quo ortus
vesparum
ostenditur.

Ovi vermiculus excluditur, qui paulò post assumptis alis in vespam transformatur; cuius experimentum obtinebis, si excrementitias vesparum partes aqua tepida maceres, nam intra exiguum tempus primò vermiculos reperiēs, qui vitro suppositi, & floribus oleæ aliisque herbis, quibus libenter vescuntur, enutriti, tandem alis assumptis in vespas mutantur.

Crabro-
num or-
tus.

Ad Apes, fucos, vespas merito suo revocantur Crabrones, cum eandem in favis construendis indolem oleant, neque figurā à prædictis discrepent, undè non incongruè degeneres, & sylvestres sive vespæ, sive apes

dici possint, eandemque prorsus generatōnis originem habeant, non ex bobus tantum, sed & ex equis & asinis, atque ex eodem alimento, quo & dicta animalia & vespæ crabronesque nutriuntur. Hic tamen notandum, diversitatem inter huiusmodi favificas bestiolas non nasci ex alio, quàm ex differenti feminio tum muscarum, tum vermium, quod alimento, quo sustentantur, inexistit. Si denique quæras, utrum dicta insecta hyeme vivant. Respondeo negativè, verum eas quotannis calore adveniente, tanquam ex busto, sive feminio proprii cadaveris instaurari.


Utrum In-
secta hæc
hyeme vi-
vant.

C A P U T III.

De Insectorum Quadripennium genesis.

Sunt inter alia Insecta, quæ à Græcis ἀνέλυτρα, à Latinis *Quadripennia* vocantur, id est; quæ quadruplici alarum remigio aërem sulcant, de quorum ortu & genesis magna est Authorum concertatio; Nos relictis aliorum sententiis, quid nos frequens experientia docuerit, proferemus. Quamvis itaque vix planta aut arbor sit, quæ non erucas quasdam ex communi sensitivorum panspermia producat, eæ tamen maximè ex holerum, brassicæ videlicet & raphani, cæterarumque pinguioris succi plantarum putredine nasci quotidiana ferè experientiā constat. Generatio itaque hoc pacto perficitur: primò ex sensitivæ Oeconomiz feminio in dictis plantis nascitur vermis seu eruca, ex hac aurelia, quam *Aristoteles χρυσαλίδα*, *Chrysaliden* vocat; Est autem Chrysalis nil aliud, quàm vermis seu eruca, quæ postquam ad determinatam à Natura molem incrassata fuerit, tunc putamine seu involucro quodam undique & undique circumdari incipit, quam nos ex grossioris animalis phlegmate à se calore interno ad circumferentiam diffuso, fieri

Papilio.



putamus, qua ambiente postquam induruit in illo ferè quindecim dierum spacio sine motu, sine cibo ullo commorata, secutura paulò post transmutationi insitit; partibus enim grossioribus,

uti dixi, in involucrum destinatis, subtiliorem humoris particulam in alarum materiem diffundit; quo peracto, rupto involucro tanquam jam finem à Natura intentum adeptus, in papilionem transmutatur, eā varietate colorum imbutum, quem eruca primò exhibebat; ex huius itaque papilionis excrementis (quæ multi ova erucarum esse perperam sibi persuadent) alii nascuntur papilioes, pro ra-

tione & conditione herbæ, floris, arboris, quam excrementis suis infecerint: Nam uti suprà diximus, insectorum plerorumque, maximè imperfectorum excrementa vim feminis, quæ in ovis potissimum consistit, obtinent: Hinc tot differentes oriuntur papilioes, sive eorum colorem, sive figuram, magnitudinemque spectes, quot differentes sunt plantæ, flores, folia, arboresque, quibus suam foeturam infuderint. Quæ omnia experientia me docuit, & Lector pari pacto experiri poterit, eò, qui sequitur modo.

E X P E R I M E N T U M

Papilionum Ortus.


Accipe erucam ex oleribus aut tamarisco, aut ex alia quavis pinguioris succi herba natam, quam inverso vitreo scypho, superius tamen parumper aperto ad aëris attractum, includes, unà ei herbæ illius, ex qua concrevit, folia ad nutrimentum appones; ex iis enim, ex quibus nutriuntur, constant omnia: Hoc peracto diligenter observa ejus operationes, & invenies primò benè pastam, & ad determinatam à Natura molem deductam, ab omni cibo cessare, & postico vitri latere adhærente filis sese paulatim involvere, aptumque integumentum concinnare, intra quod mirificæ transmutationis exordia molitur; estque folliculus quidam mira arte ex viscerum pituita contextus, quem Physiologi *χρυσαλίδα* seu *Aureliam* vocant; in hoc enim rerum statu ferè 14 aut 15. dierum spatium persistere comperies; Deindè observa diligenter colorem quem ad vicinum exclusivis tempus mutare solet, ferè in aliquid diaphanum; & hisce signis observatis, primò videbis folliculum paulatim findi, & papilionem egredi quadruplici alarum remigio, nec non iis coloribus, quibus eruca imbuta fuerat, conspicuum egredi; quorum alæ tantum mox incrementum sumunt, ut quasi ad oculum fer-

Quid χρυσ-
αλίς.

Ortus pa-
pilionum.

sensibiliter crescere videantur; colores verò, quæ in eruca non nisi maculæ erant, jam eas in alis miro striarum ordine depictas exhibeant, tanta figurarum varietate, quantam satis mirari non possumus; Chrysaliden quondam me reperisse memini, quæ perfectam infantis fascibus involuti formam ex-

Folliculus. Tabanus.



primebat, ut in margine patet: In papilione quoque alio tempore imaginem Salvatoris nostri ita affabre depictam reperi, ut pictoris manu delineata videretur; sed ut ad experimentum revertamur; Si hujusmo-

di in amplioribus vitreis vasis unà cum plantis incluseris, videbis mox instinctu quodam naturali & miro ea ad se invicem advolare, & unà excrementum quoddam ovis pulicum non dissimile emittere, quæ si smicroscopio diligenter examines, videbis intra exiguum tempus ea in novos vermiculos animari, hosce verò dein in Chrysalides, & denique in novos papiliones transmutari; Atque hoc pacto infallibili experimento cognosces, erucam primò parere aliquid simile ovis, quod nos ejus spermaticum excrementum dicimus, & non tantum intra holerum folia plicata, sed & inter alia plantarum folia, datâ operâ eo fine à papilionibus plicata reperiens, ne à pluvia destruantur; hosce si smicroscopio observaris, videbis apertissimè ex iis vermiculos quosdam, quales ferè in ulmorum lentisforumque folliculis videre est, mox excludi, & obviis pascuis intra breve tempus ita ingrandescere, ut perfectas hirsutas erucas referant, quæ deinde in Chrysalides, & denique in novos papiliones vertuntur; durantque toto ferè tempore æstivo, Sole verò Libram transeunte mortui conduntur intra terram, ex quorum dein, Sole Arietem subeunte, tum spermatico ovorum excremento, tum ex proprio busto in novos vermes, dein in Chrysalides, & tandem in papiliones animantur.

Bomby-
cum ortus.


Observatio
mira.

Quæritur hoc loco, unde Bombylius sive Bombyx pretiosi serici filator originem suam trahat? Dico eum ex moro seminio aliunde deciso nasci, atque triplici transmutatione non secus ac cæterorum papilionum genus ad intentum Naturæ finem in papilionem animari, hac tantum differentia, quod major horum, quàm papilionum cura habenda sit. Dixi ex moro nasci, quia si tum corticis tum foliorum mori texturam smicroscopio observes, naturam eam ita texuisse reperiens, ut sericum flavum fibris suis proxime æmuletur. Hoc itaque pacto genesis peragitur; cum primum spermatico ovorum excremento sine folliculo exclusus per modicum Zoophyton mortis atque sensus expers admiranda metamorphosi transmutatur, id ubi exclusum videris, statim is abdito Naturæ instinctu quærit alimenta, quibus avidè depastis, capitis

crebra erectione cum veterno veluti lactans tandem obdormiscit triduum vel biduum, pelleque interea exutus ad consueta redit alimenta; quæ quater pastus, quaterque obdormiens, quater ubi pellem renovat, spreto pabulo sublime petit, & ubi virgulta ex genistis, sparto, abrotono similibusque magna muliercularum industria compolita conscenderit alvo jam ritè purgata, lanificii rudimenta in abditis primum meandris per ramos exercet, mox folliculo inclusus diaphano indefessi laboris fructum è centro ad circumferentiam protrudit filum album, viride, flavum ovali figurâ, cum æqualibus veluti certans, novendio operi absoluto intentus immoritur; è folliculo verò loco subterraneo posito post decendium cornutus prodit papilio, sed alarum alimentique immemor, brevis ævi jacturam foetificatione restauraturus molli impositus velleri concubitu perpetuo per triduum, rarius per quatrimum foeminæ copulatus emoritur, nec multo post vidua relicto post se instar granorum milii seminio, mariti fatum sequitur; semen excrementitium loco temperato depositum per hyemem asservatum mox ubi mori germinare inceperint, sive Solis sive hominum calore concepto spiritu animatur in vermem, ex quo deinde chrysalis, & tandem ex hoc

Varia
Bomby-
cum meta-
morphosis.

Papilio Bombycinus. Ex folliculo Bombyx erumpens. χερυειδης.




iterum papilio, atque adeò qui primum vermis fuerat, folliculo inclusus tandem folliculo moriatur informis, ut proinde infinitam DEI Opt. Max. in abjectissimo animalculo sapientiam fat mirari non queam. Plura hoc loco de cultu horum dicere possem, sed cum ea frequenti consuetudine & usu jam vilerint, mulierculis exponenda relinquo, consulat *Lector* figuras hinc appositas.

Quæritur Secundò. Quomodo Quadripennia, quas *perlas* vocant, generentur? Est hoc insectum quatuor alis longissimis, subtilibus, puniceo, rubro, subalbido colore instructum, & maximè circa aquas fluviatiles volant; pulchrum sanè animalculum ob colorum varietatem; cujus genesis paucis excipe tanquam experimento mihi notam. Reperiuntur in fundo fluminum saxis adhærescentes canaliculi ex arena & stipulis concreti, in quibus tanquam intra tubulos vermes continentur, quibus utuntur piscatores ad pisces hamo, cujus aculeo escæ loco, illos infigunt, capiendos; hi jam maturi eductis pedibus

Perlarum
ortus.


dibus unâ cum canaliculo adrepunt usque ad superficiem aquæ riplis conterminam, ibique saxi, aut terrestri glebæ adhærentes, calore Solis in illud animalculum, quod *Perla* vulgò vocant, degenerant; adeoque u-

Perla.



num & eundem ortum cum papilionibus obtineant, hac tantum differentia, quod papilioes in plantis, hæ in aquis suos fortiantur

Natales Perlarum.




natales; primò enim ex variis piscium recrementis, præsertim quos *Gobiones* vocant aut

fundulos, aliorumque excrementis vermis nascitur, ex verme fit chrysalis, & ex chrysalide tandem è canaliculo in illud, quam perlam diximus, animal insectum confurgit; quod uti à nemine hucusque observatum, quod sciam, fuit, ita nostra observatione primum innotuit.

Quæritur tertio. Quomodo Cicadæ seu *Cicada-rum* Grilli nascentur? Qui Cicadas ex proprio

Cicada.



femine per coitum solummodò nasci sentiunt, vehementer hallucinantur, cum & sponte, & postea etiam ex coitu se propagare observatæ sint, uti in omnibus ferè insectis accidit; Hoc autem pacto genesis earum perficitur. Intra terram, aut etiam concava arborum, latet semen quoddam, quod à *Tettigimetre* immissum *Aristoteles* putat; est aut *τεττιμέτρα* nil aliud, quàm animal quoddam Cicadæ haud absimile, cujusmodi sunt *τέττιγες* sive locustæ; ex hoc itaque semine æstivo tempore excluditur vermis, qui deinde folliculo involutus, tandem rupto folliculo viridis cicada exit, quæ experientia mihi in hujusmodi insecti observatione innotuerunt. Vide nostram *Musurgiam*, ubi *Libro primo* fusissime de hujus animalculi voce, corporisque structura egimus.

C A P U T IV.

De Analytrorum, quæ Bipennia vocant, Insectorum origine.

Muscarum
ortus.

Musca animal cunctis notum *ἔκαστος*, sex pedibus & binis alis instructum, unde *Bipennia* dicuntur, de cujus oculis retiformibus fuse alibi in nostris operibus *Smicroscopii* usu detectis egimus. Hujus insecti uti innumeræ sunt species, ita quoque diversas origines nanciscuntur: Sunt quæ ex animalibus, animaliumque excrementis recenter quasi momentaneum ortum suscipiunt; aliquæ ex cadaveribus; nonnullæ ex herbis; aliquæ ex ipsarum muscarum cadaveribus; quædam ex ipsis earum excrementis nascuntur; quæ omnia vera esse sic comperies.

EXPERIMENTUM I.

Genesis Muscarum.

Muscarum cadavera collige, eaque prius aquâ mellitâ nonnihil macerata supra laminam æneam impone, deinde laminam chymico more supra cinerem aut arenam calore lento, carbonibus suppositis, aut etiam fimo equino tepefactam expone, & videbis primò *smicroscopii* ope insensibiles quosdam vermiculos nasci, deinde alis assumptis sensibilibus in muscillas, & tandem ad sensum crescentes in perfectas muscas animari. Idem ex propriis excrementis fieri observabis; quod & ipse *Aristoteles*

Z z

stoteles

stoteles observavit. *Musca*, inquit, ex *vermiculis fimi digesti in partes gignuntur*, quamobrem qui eo funguntur munere, contendunt reliquum fimi promiscuum discernere, etiam concoctum digistumque esse, fimum confirmant. Principium autem vermiculorum ipsorum exiguum est, quod primò rubescit, atque ex immobili quasi hærens adhuc fibris moveri incipit; mox vermiculus immobilis redditur, qui cum postea natus est, rursus immobilis fit, denique musca fit flatus aut Solis beneficio agitata. Qui verò per ova nasci dicunt, idem ex proprio fimo, in quo semen inest, nasci dicunt. Quod si quandoque coire videantur, id fit ex acrimonia quadam ipsius excrementi, qua stimulatæ copiosius fundunt excrementum, ita ut eo veluti conglutinatæ vix separari posse videantur; quod ubicunque deponitur, ex deposita jam spermatica materia vermiculi exurgunt, & ex hisce alatae muscæ.

Muscarum
varietas.

Quæritur primò. Undè tanta muscarum varietas proveniat? Respondeo, id fieri vel ex fimo animalium, qui herbas diversis muscarum seminibus imbutas ubi in alimentum sumperint, illa mox intra intestina in alimento jam fermentata seminalem vim excitant, quod excretum postea adhuc calidum veluti extemporaneo quodam partu muscas, pro qualitate decisi seminis producit diversas, uti ad oculum similia observanti patet. Hinc muscæ vinariæ quoque in musto, & aceto latitantes; hinc *Ephimera*, *Oestra*, & *Tabani*, *Afili*, & siquid aliarum muscarum est, originem nanciscuntur; quarum pleræque virus olent, eæ potissimum, quæ ex floribus, herbisque venenosis, aut serpentibus putrefactis originem suam trahunt. Restat modò explicandus ortus earum muscarum, quas vulgo *Zensalas* Latini, Græcique *Cyniphes* vocant, & sunt ex culicum genere, fastidiosum prorsus animal, & quæ murmure, qua puncturis molestissimum, de cujus origine varii variè senserunt. Ego originem earum hoc experimento comperi.

Cyniphum
ortus.

EXPERIMENTUM I.

Originis Cyniphum, quas Zensalas vulgò vocant.

Aquam pluvialem, aut fontanam etiam, phialæ vitreæ inditam expone solo æstivo locis pulverulentis, (quemadmodum ego extra fenestram, quæ publicam plateam respiciebat, eam exposueram) & hoc pacto orificio phialæ aperto, quiescat, & videbis pulverem ex platea, equorum curruumque agitatione exagitatum intra breve tempus aquæ

in phiala contentæ cutim quandam inducere, quam si parumper exagites, videbis pulverem in fundum tendere ibique sub forma sedimenti manere. Hoc peracto post aliquot dies diligenter examinabis limbum, & veluti bustulas quasdam reperiēs, quæ sunt vermium matricēs; ex his enim vermiculis primùm quidem non nisi oculo armato sensibiles comperiuntur; qui identidem crescentes tortuoso motu aquæ innatare magno numero solent, quæ ubi competentem maturitatem acquisiverint, tunc aquæ & lateri phialæ admotæ mox ubi aërem attigerint, ecce intra pauxillum temporis pedibus, alisque assumptis in *Cyniphes* seu *zensalas* animantur. Atque hanc ego genesin non semel experimento comperi. Si porro quæras, unde originem suam trahant, Dico eam ex pulvere vario rerum seminio referto trahere; semina autem hæc vel ex cadaveribus animalium, felium, canum, volatiliūque, quibus subindè plateæ Romanæ refertæ sunt, vel etiam ex equorum, asinorum, boum, caprarum similiumque excrementis, in quibus variarum muscarum culicumque semina latent, provenire; siquidem hæc pulveri commixta, mox ubi humidum reperiunt, & lutum fecerint, tum ecce statim quoque calore ambientis animata, in bullas primò, & tandem in vermiculos, & denique in eas, quas diximus *Cyniphes* animantur, & quod musca forsitan esse debebat, aut culex, ob materiæ impotentiam degenerans in *Cyniphem* virtitur. Certè hæc maxime congruunt Sacro Textui *Exodi Cap. 10.* ubi percussio pulvere à Mose, *Cyniphes* prodierunt, quæ fuit ex plagis *Ægyptiis* illatis omnium molestissima.

Undè & culicum origo quoque demonstratur: quamvis non negarim, aliunde quoque & culices & cyniphes, quæ sunt minutiores culicum species, emanare. Et ut de culicum ortu primum agam; Nam sæpe observasse me memini, in folliculis *Lentisci*, *ulmi*, *terebinthi*, & quæ quercuum foliis adnascuntur, ruptis, nescio quod seminarium hujusmodi bestiolarum, partim sub forma ovarum, partim etiam sub bestiolarum jam alis instructarum reperisse; folliculi enim vitro inverso subditi, partim *Cyniphes*, partim culices exclusisse. Quæ omnia *Lectorem* observare velim, est enim res admiratione plena. Si quæras, unde folliculis hujusmodi semina accidunt; Dico ex variarum muscarum insecssu, eo tempore, quo necdum folliculi induruerunt, sed sub forma florum spectantur, hisce enim variæ muscæ infidentes, floris intima semine suo replent, quæ deinde veluti intra matricem clausæ, ea, quæ diximus, animalcula producant.

Culicum
ortus.


Folliculi
Lentisci,
terebinthi,
ulmi matricēs
sunt
culicum,
aliorumque
insecssorum.

CAPUT V.

De eorum Insectorum, quæ alas vaginis inclusas habent, origine.

VOcantur ea insecta, quæ alas vaginis inclusas habent, à Græcis *Κολοπτερά*, Latinis *Vaginipennia*; Et sunt, Locusta, Grillus, Scarabæus, Cantharus, Buprestis, Cincindela, blatta, similiaque innumera. Et ut à locustis ordiar; earum non minor

Locusta.



est diversitas quam muscarum; quæ aliundè causari non potest, nisi à diversa semini, ex quo nascuntur, degeneratione. Anno 1656. Romanos agros ingenti damno infestavit hæc pestis, quæ ex siccitate præcedentis anni originem suam traxerat. In agris passim nidi pleni hujus animalis foeturâ reperiebantur; primò enim, uti microscopio mihi innotuit, spectabantur ova, deindè vermiculi, ex quibus nonnulli *ἀπτεροι* sine alis, quidam jam alas sibi fabricare videbantur, qui Soli expositi intra exiguum tempus, quo quis coronam Divæ Virginis recitaret, in locustas hinc indè saltantes conformabantur, exorti nil in segetibus intactum relinquebant, ita ut neque arborum quidem foliis germinibusque perniciofa horum animalculorum gula satiari posse videretur, quos & anni insequentis pestis magna hominum strage subsecuta fuit. Si quæras, unde tanta locustarum pullulago? Dico, ex variis omnindè seminibus suam trahere originem; Primò quidem dico, plerasque ex segete corrupta, sive id avena sit, sive filigo, aut hordeum oriri, hoc pacto cum subterraneis virulentis halitibus, semina, quæ plerumque ex aliorum vermium muscarumque segetibus infidentium excrementis nascuntur, commisceantur; sit indè locusta, quam plastica vis seminis, partim juxta insectorum exigentiam corpus dedit sensitivum insectis conveniens, pedes verò dedit internodiis segetum haud dissimiles. Secundò dico, ex cadaveribus hominum nasci posse, & ex historiis variis comprobatur, quibus refertur, facta in campis magna hominum strage, sive bello, sive fame pereuntium, ex cadaveribus eorum ingentem mox erupisse locustarum pullulaginem, quibus plena sunt omnium Historicorum monumenta. Si quæras quomodo ex cadaveribus sive hominum, sive animalium hæc nascentur? Respondeo, id fieri ex corrupto frumento, quo plerumque milites, & animalia tempore famis aut defectu annonæ vescuntur, quod cum paulò ante dictis seminibus refertum sit, hinc fit, ut in cada-

veribus spermatica materia calore tum externo, tum interno fermentata, tandem in locustas animetur. Tertio dico, hujusmodi perniciosam pullulaginem quoque ex ipsis locustarum intereuntium cadaveribus opportunò anni tempore renasci; pluviis enim, & inundatione fluminum corrupta, & putrefacta harum cadavera, unà terrenis glebis, limoque commista terræ conduntur; ubi foto hyeme quidem subterraneo, æstate verò externo calore in locustas virtute seminis animantur. Accidit quoque subindè, ut ingens locustarum exercitus ventorum impetu dispulsus in maria, lacus, & flumina ibidem suffocetur, quorum cadavera deindè ad littora disjecta, ibidem novam fundant locustarum seminarium, de quibus fufius tractatum vide in nostro *Physico-medico scrutinio de peste*. Quartò dico, ex graminibus, foliisque arborum eas quoque nasci posse, hoc pacto, cum hoc animal non ex putri tantum extranei, & peregrini semini virtute; uti jam diximus, generetur, sed etiam ex infessu unius supra aliud sibi simile, quem multi coitum dicunt; cum enim plerique locustas omnes foeminas esse, sicuti scarabæos mares dicant; neque ullo sexu distinguantur; certum est, alio eas modo concipere, quod jam aperio, tanquam experimento notum; locustam enim cum multo tempore aluiffem, tandem ex se imprægnatam inveni multiplici foetu, quem paulò post effudit foecundum; hoc autem pacto coitus perficitur. Excrementum, quod illis loco seminis est, cum ex infiti sibi salis virtute oppidò acre sit, hinc illud mirum in modum corpus locustæ cui affunditur, titillat, neque hoc excrementum vulvæ, quam non habet, indi censeas velim, sed ex titillatione patiens animal calefactum, poros, rimasque quantum potest, dilatat, intra quos receptum in semen evadit, locustis excludendis idoneum. Nam statim bullulæ quædam ovorum instar comparent, quibus ruptis mox in vermes alatos consurgunt; sive itaque in arborum plantarumque foliis, sive in cauliculis segetum, aut in ipsa terra se invicem infederint locustæ, aut excrementum spermaticum in iisdem deposuerint, si illud, uti diximus, primò calore fermentatum fuerit, tunc cum tempore externo Veris exitu adveniente, ex folliculis suis emergunt, parvi, nigricantes, sine pennis & cruribus vermiculi, & tandem in locustas transmutantur; semper ex eo undè nutriuntur, alimento, sensitivæ Naturæ semini inserto eas nasci necesse est. Quod de locustis diximus, id de bruchorum, quos *Atelabos* vocant, generi dicendum est, hac tamen differen-

Ex ipso locustarum cadavere alia nascuntur.

Ex foliis arborum graminibusque.

Coitu quoque particulari gignuntur.

Quomodo locustæ generant.

Bruchorum generis eadem cum locustis.

Bruchorum ortus.

Cur quot-
annis pe-
stis hæc
exurgat.

tia, quod bruchi plerumque ex plantarum fruticumque mucoso succo, quem canthari, aut etiam locustæ sordibus suis infecerant genesios suæ exordia ducant, qui postea quoque promiscuo congressu, non secus ac locustæ se porpagent. Quod verò tanta horum insectorum multitudo non singulis annis proveniat, id ex alia & alia nunc humidiorum, modò sicciorum temporum annorumque constitutione dependet. Nil restat porro, nisi ut dicta experimento comprobemus.

EXPERIMENTUM

Bruchorum genesis.

SI itaque tibi animus sit, bruchos producendi, uti nos experti sumus, ita procedito: Bruchos unà cum nidis in pulverem contere; Deindè vas qualecumque tandem, illa terra, in qua avenacei cauliculi computruerunt, impleto, cui si pulverem paulò ante paratum commiscueris, & succo mucoso fruticem aquæ pluviali commixtum rigaveris, fiet, ut id calenti aëri expositum, intra octiduum in innumerabiles quæ bruchos, quæ locustas animetur; quas tum luculenter observabis, ubi vitrum inversum superiusque apertum vasis limbo ne avolent, accommodaveris; estque hic modus prorsus idem, quo Natura in dictis insectis producendis procedit, quæ minime dicta velim ad malum, sed ut potestas Naturæ arti juncta innotescat; Quæcunque enim in Sacro textu de brucho, ærugine, locustis dicuntur, ea semper de maximo malo, quod DEUS justus ob peccata hominibus immittit, intelliguntur, quo mortale genus non uni duntaxat, vel alteri venenata vulnera infligunt, sed & integris nationibus ex fame mortem, & ex fætida corruptione lethiferam & inevitabilem pestilentiam. Mirum tamen est & consideratione dignissimum; Nam si verum est, quod *Democritus* narrat: Si captas locustas aut bruchos combusseris, fiet ut alii mox vertigine invasi vel moriantur, vel alis depositis à Sole consumantur; quamvis eas ego postmodum veluti ex busto quodam resuscitari verius existimem. Sed de aliis locustas pellendi modis, lege Agricultoriæ artis scriptores. Porro quales fuerint locustæ, quibus in deserto alitum fuisse Prodromum **CHRISTUS** *Ioannem Baptistam*, Sacrum Evangelium refert. Lege *Aldromandum* qui de eo argumento fusissimè egit *lib. de insectis*; ubi & duplicem adducit sententiam eorum, quorum alii veras locustas fuisse quas *ἀκρίδας* Græci dicunt, tenent; alii verò summitates tantum arborum vel etiam teneriora plantarum germina, quas pariter *ἀκρίδας* vocant Græci, in cibum assumpsisse, verisimilius censent. Sed jam ad alia.

Locustæ
combustæ
reliquas
odore fu-
gant.

Quales lo-
custæ fue-
rint quibus
vescebatur
*S. Ioan.
Bapt.*

Gryllo-
rum gene-
sis.

Ad Gryllorum genesin quod attinet, sunt & illi in multiplices species distincti: Sunt


alii arborei & Sylvestres qui per Julium & Augustum, obstrepero sono diu noctuque aures molestare non cessant, sunt & focarii, sive domestici, qui ex recrementis carniarum lignorumque seminiis refectorum, modica humiditate accedente, calore ignis excluduntur; maxime verò pistrinorum dominantur hypocautis, & ingenti propagine emergunt, originemque aliunde non habent, nisi ex seminio sensitivæ naturæ frumento inexistente, quod uti incorruptibile est; ita quoque non tantum frumento, sed & farinæ subactæ & mucido pani immanet, quod deindè in hypocautis vapore elevatum intra rimas parietum depositum, tandem dictos gryllos, quos Itali *Bargarozzi* vocant, <sup>*Bargaroz-
zi quid
Italici.*</sup> mutos tamen, Latini *Blattas* dicunt, excludit. Vide *Primum Librum Musurgia*, ubi causas soni gryllorum exacte assignavimus.

§. I.

De Scarabæorum ortu.

SCarabæorum, eorumque quæ jam examinavimus insectorum non omnium eadem est species, sicuti & seminiarum ex quibus profluxerunt, non eadem ratio; Differunt enim colore, magnitudine, sono, membrorumque constitutione. Quidam sunt nigri, sublutei, cinerei coloris, quidam aureo ex viridi lucente colore fulgentes, quos *Chryso-cantharos* vocant. Sunt alii ramosa cornuum formâ, quos & inde *Cantharelaphos Scarabæo-cervos* vocant, spectabiles; alii monocerotes referunt, alii *ἀκίρατοι*, sine cornibus; alii equinum aut hircinum caput; non desunt, qui capite cervos referant. Loco quoque differunt;


ἐλαφὸς ἀνθραξ.



Sunt qui ex stercorebus animalium originem trahunt, ut Scarabæi quos *pilularios* vocant; in omnibus passim semitis obvii; alii in arboribus suos natales fortiuntur, quidam intra ter-

terram, aut latrinas, aut etiam intra aquas nascuntur; quorum tamen omnium eadem origo est, partim ex coitu, partim ex seminio


Monoceros.



Scarabaeorum ortus ex variis animantibus.

videlicet sensitivæ naturæ aliunde deciso herbarum sponte nascentium; Non enim ex equorum solummodo, sed & boum asinorumque excrementis nasci infallibilis experientia docet; Imò me quandoque observasse memini Scarabæos integros unâ cum calido fimo equorum evolutos fuisse; quorum deinde alii magno numero & extemporeneo quodam ortu ex subjecta materia prodierunt. Si causam hujus genesis quæras;

Scarabæus pilular.



Observationes min.

Dico aliam causam non esse, quàm alimentum herbarum, quo fruuntur, quod seminio aliorum insectorum & vermium quorundam & muscarum infectum, & à jumentis devoratum, calore tandem intestinorum digestum, ac foras denique evolutum Scarabæos excludit, qui intra terram nidos suos habent; pari prorsus pacto nascuntur ex bubulo aut equino excremento intra terram subacto. Consideratione verò dignum est, quod si jumenta plantas muscarum semine infectas comederint, tunc inde apes, vespas & similia animalcula producantur: si verò dictæ plantæ coleopteris sive vaginipennibus animalculis, uti parvis cantharidibus infectæ fuerint, tunc ex eorum fimo coleoptera quoque animalia, cujusmodi Scarabæi sunt, nascantur; sicuti enim sese habet hujusmodi alimentum in ordine ad Scarabæos producendos in jumentis, ita sese habet in infantibus alimentum lactis verminosum, in ordine ad lumbricos producendos in intestinis puerorum.

Scarabæi cornuti genesis.

Quod verò ad generationem attinet eorum Scarabæorum, quos *Lucanos* vocant, & cervis cornuto capite haud dissimiles sunt; Dico, eos ex putridis lignis cervino stercore imbutis nasci, hoc potissimum argumento inductus, quod nullibi major horum insectorum copia reperitur, quàm iis in locis, ubi

cervi gregatim stabulantur; uti sæpè à me in Germania observatum fuit: Audivi & ab iis, qui curam cervorum habent, eos subinde in eorum fordibus reperiri, nonnunquam ex putridis lignis fimo cervorum imbutis ita nasci, ut primò vermes Zoophyti videantur, deinde decisi gradientur apertis paulatim cornuum vestigiis, ac tandem coleoptera & cervino cornutoque capite conspicui emergant; cuius quidem rei ratio alia non est, nisi quod excrementis nonnihil seminis cervini quod coitus tempore etiam extra vas spargunt, accedat; atque adeò ex differenti seminio differens animal, id est, Scarabæo-cervus confurgat; ex seminio quidem in alimentis existente Scarabæi formæ quidpiam simile; ex semine verò cervi natura, quantum potest, agit, ut simile quid cervo producat, quod cum perfectum animal producere non possit; utpote in matrice improporcionata dispositum, saltem hoc agit, ut *αλαφουροφον*, id est, *caput cervinum* cornibus ramosis conspicuum fabricet; unde verò subinde Scarabæi monocerotes reperiantur, uno cornu in fronte spectabiles; Dico hoc evenire, eo quod animal, vel materiæ seminalis defectu, vel eadem in alia corporis membra formanda diffusa, quod duobus cornibus instrui debebat, jam uno tantum instruat.

Scarabæus monoceros.

Quomodo verò Chrysocanthari, sive ea Scarabæorum species, quæ aureo ex viridi colore tantopere visum recreat, generentur, si quæras? Dico ea alia ratione non nasci, quàm reliqui Scarabæi pilularii, neque specie differre, sed ex accidenti tantum: attamen colorem istum tum primum iis accidere, eà, quæ sequitur ratione: Extat intra terræ loculos subinde ærofa quædam gleba ex marcasitæ venis resultans, qua non solum circumfusa loca, sed & plantæ quædam dum humidum attrahunt, in eum colorem, quem ipsis ærofa terra confert, tinguntur, uti in chelydoniæ & curcumæ succo apparet: Scarabæi itaque primùm nigro tincti colore, mox ac hujusmodi locis sese insinuarint, statim spiritus salinis vitriolatisque corpusculis, quæ ærofa glæbæ inexistunt, caloris vi excitatus, & in corpus Scarabæi agens, illud in dictum colorem tingit, quod tum primum mihi innotuit, cum Scarabæum vitro inclusum spiritu vitrioli unâ ærugini mixto rigassem, qui statim mutato colore in aureum ex viridi tralutentem transmutatus fuit, quod uti pulcherrimum experimentum est, ita omnes curiosioris doctrinæ physiologos id experiri velim. Vides itaque, hoc vel unicum animal quot seminis differentibus constituatur: Mineralia colorem dant, seminium cervi cornutum caput, & scarabæum dat seminium ex aliis vaginipennibus scarabæo haud dissimilibus decisum. Restat jam Cantharidum genesis enodanda: Sunt autem Cantharides parvi vermes coleopteri, quos non incongrue videtis Scarabæunculos dixerim. Has *Aristoteles*

Chrysocantharus sive aureo fulgore rutilans scarabæus.

Experimentum de ortu coloris aurei in scarabæis.

Cantharidum genesis.

teste *Æliano* inter herbas & segetes, atque in populorum ramis nasci perhibet. *Ex erucis*, inquit, *Fici & Pini*, etiam *κυνεάρθης*, id est, *sentis canina oriuntur*; sunt etiam in omnibus vermes; petis id genus animalis fœtida, quoniam ex tali materia constitutum est. *Plinius* putat, nasci ex spongia *Cynorrhodi*, & ex fraxino rosisque. Et hi quidem rectè, si proximam quoque seminii, ex quo nascuntur, rationem addidissent: Nos remur, plerasque potissimum, venenosiores *Cantharides* patim ex excrementiis rubetæ sordibus, partim ex araneis nasci, quod indè nobis constat, quod plantæ nido rubetæ proximæ ut plurimum cantharidibus confertæ reperiantur, & atrocitas veneni rubetæ in symptomatis prorsus similis sat superque ostendit, ut proinde apertum signum existimandum sit, cantharidum in hac vel illa arbore aut planta nidulatio, cum à subjecta materia exclusæ statim quamcunque obviam arborem petant. Non tamen negārim, subinde illas quoque ex plantis araneorum seminiis confertis nasci posse, præsertim ex cicuta, napello & doronico *Pardalionche*, plantis lethiferis, in quarum floribus magnam copiam, tempore quo florent, me observasse memini; neque mireris, *Cantharides* à natura ex seminio araneorum nasci posse, cum nonnullæ *Cantharidum* adeo sint, quoad corporis constitutionem araneis similes, ut si colorem excipias, statim appareat, ab iis alienum non esse quod tanta similitudine exprimitur. Verum de veneni qualitate, quo *Cantharides* à natura instruuntur, videat *Lector Libro Decimo*, ubi omnia minutim discussa sunt.

Ortus ex
rubes sordibus.

Ex venenosis plantis
Cantharides nascuntur.

Ex araneis.

§. II.

De Lampyridibus sive cincindelis.

Inter *Coleoptera Insecta* numerantur ea quoque quæ *Græci* *λαμπύριδες*, *Latini* *Cincindelæ* vocant: Nam *Hesichio* teste, ἡ πυρολαμπομένη τις νύξι λαμπύρις, noctu lucens *Lampyris*, forsan melius diceretur *λαμπύρις*, vel *πυρολαμπίς*, quod extrema ejus pars, sive *uripygium* perpetuò noctu luceat, de quorum genesi dubium est, & multa inter *Physiologos* lis & contentio: & quoniam nos in animalium hujusmodi magno numero

captorum observatione curiosi fuimus, quid didicerimus, paucis exponam.

λαμπύρις, *nitedula*, vel *cincindela* vermis est coleopterus, cujus extrema pars, seu *uripygium* lucidissimam flammam emittit, alæ nigro, venter subruffo calore, corpus annuloso tractu nigro-candidis circulis interstincto constat; de cujus primigenio ortu quæritur. Plerique præter coitum, ex rore quoque nasci, *Porta* teste putant. Nos per coitum earum propagationem admittimus quidem, eo tamen modo, quem suprà de cicadis, locustis, scarabæis docuimus: sed hanc quoque sponte nasci, asserimus ex putrido ligno aut herba seminio prius infecto: Vix enim putridum lignum in campis reperies, cui tempore, quo nasci solent, *lampyrides* non infideant; Si enim *Smicroscopio* istiusmodi lignum tempore opportuno observaveris, videbis primò veluti insensibiles quosdam folliculos adinstar ovorum, quibus ruptis exit vermis, qui inter exiguum tempus assumptis alis in coleopteram cincindelam transmutatur noctu intensa luce fulgentem: Undè verò præ cæteris insectis hujus noctiluci luminis proprietatem acquisiverit, paucis aperiam. Notum est omnibus, putridum lignum hoc potissimum peculiare habere, ut noctu non secus ac flamma luceat: Cum itaque cincindela immediatè ex ligno putrido oriatur, hinc fit, ut nativum illud ligni lumen unà cum seminio in se quadam ex parte deriveret, atque hanc ego luminis in cincindelæ rationem, quod uti animalculo non secus ac ligno putrido intrinsecum & connatum est, ita quoque aqua superaffusa non extinguitur, uti sæpe probavimus, ob tenuem videlicet & obtusum in viscoso humore calorem, quem humidum non facillè superat: ac patet in nonnullis piscibus, uti in balanis, sive dactylis, cancris putrefactis, similibusque, quorum humor lucidus in tenebris sat intensum lumen ipsis innatum emittit; est verò lumen cincindelæ non per totum corpus diffusum, sed in extrema parte *uripygii* colligitur, quod de die macula candida denotat. Vide *Lector*, quæ de lumine cincindelæ fule tractavimus *Lib. primo Artis Magnæ Lucis & Umbra*, ubi quicquid circa hanc materiam desiderari potest, expositum reperies, & infra nonnulla huic argumento opportuna adducemus.

Descriptio
cincindelæ.

Genesis
Lampyridum.

Experimentum.

Ortus lucis
in lampyride.

CAPUT VI.

De Insectis, quæ alis quidem destituta, multis tamen pedibus instructa sunt.

Insecta hæc *Græcis* dicuntur *ἀπτερες ποδάρκτα* alis quidem, destituta, at multiplici pedum discrimine instructa, cujusmodi sunt formicæ, scorpiones, aranei, pulices, pediculi, cimices innumeraque similia,

quorum ortum disquirendum aggredimur: Et ut à Formicis incipiam, Est Formica animal nulli non notum, diligens, industrium, & labore indefessum, cujus improbus & insatiabilis labor talis est, ut neminem non in stuporem

Formicarum descriptio.

S. Hieronymi observatio.

Auctoris observatio.

Alicuius observatio.

Domicilium formicarum.

porem trahat, omnium insectorum officiosissimum negotiosissimumque. Quis enim non miretur tam robustas in tantillo animalculo vires: horum laboribus quondam Divus Hieronymus in deserto incitatus, suam deplorabat in divinis exercitiis negligentiam, dum vel ab animalculo vilissimo se laborum tolerandorum constantiâ superari videret. Verba ejus sunt: *Aspicio, inquit, formicarum gregem angusto calle servare fere onera majora quam corpora; alia herbarum quadam semina forfice oris trahebant; alia egerebant humum de forvris, & aquarum meatus aggeribus excludabant; illa ventura hyemis memores ne madefacta humus in herbam floridam verteret, illata semina praecidebant: ha lucem celebri corpora defunctorum deportabant, quodque magis mirum est, in tanto agmine egrediens non obstabat alteri intranti, quin potius si quam vidissent sub fasce & onere concidisse, suppositis humeris adjuvabant. Quid multa? Pulchrum mihi spectaculum dies illa tribuit, unde recordatus Salomonis ad formicarum solertiam nos mittentis, & pigras mentes tali exemplo suscitantis, &c. Rectè & sapienter, & ego non semel ad hujusmodi laborum considerationem attonitus hæsi, nec capere poteram, quomodo corpora seipsis longè majora portarent, impellerent, susque deque volverent, jam pondere superiora, modo ponderis mole pressa, inferiora, novo labore volutionem oneris insumerent, quanto conatu, toto corpusculo, totis humeris, totis viribus adversus pondera obniterentur, & quod una vice præ virium imbecillitate non possunt, iterum iterumque seria & constanti applicatione tandem accersæ molem pedibus posticis coxisque prætensam in locum destinatum promoverent; ut meritò sit exemplum nobis magni formica laboris, miratus non parum industriad & providentiam ad cibaria opportuno tempore intra horrea recondenda, *Ælianus, Factis, inquit, mensibus circum areas versantes formica ad trituram conveniunt, aut singula, aut bina, aut terna, domicilia sua & consuecta tecta relinquentes, triticum & hordeum legunt, eodemque omnes iter faciunt, alia ad legenda grana eunt, alia onus portantes redeunt, & summo cum honore & modestia alia aliis de via decedunt, imprimis vero expedita onus gerentibus: Cum autem ad pabulandum eunt, actu grandiores ceteras veluti exercitus duces ducunt, cum ad segetes pervenerint, adolescentiores sub stipula stant, Duces verò ascendunt, & spicas abscissas inferioribus dejiciunt, ha verò circumstantes distrahunt simul & ex suis glumis & vaginis grana inclusa explicant, neque ullo ad excutiendum instrumento egent, neque ad ventilandum vannis, neque ventis ad purganda à sordibus grana ex frumentis, qua homines exerunt, feruntque cibos sibi conficientes immanibus laboribus struuntur. Quam verò affabre eorum domicilia juxta Architectonicæ artis amussim adornent, quam omnes politicæ artis partes in officiorum distributione**


probè expleant, legat qui volet *Simonis Majoli dies Caniculares Coll. 7.* Sed hæc præter intentionem fufius profecutus, jam unde de flexeramus, redeamus.

De origine formicarum magna est Auctorum decertatio; plerique ex coitu nasci, Origo formicarum. asserunt, quod non negamus, sed ex putri quoque eas nasci certissimum est; Quomodo verò, hic Rhodus, hic saltus: Nos certè diligenti indagine observavimus, eas partim ex urinis animalium, partim ex calce veteri seminio aliunde adscito infectâ, partim etiam ex corruptis serpentum exuviis, natales suos trahere: nunquam enim majorem copiam me vidisse memini, quàm iis in locis, ubi rudum multitudo, aut inter segetes, ubi fimi animalium præterlapso anno copia fuit: Nam urina animalium sive salutiferorum, sive venenosorum ibidem terræ juncta unâ quoque secum portat seminum formicis gignendis aptum, ut ex acri dolore, quem sive pungendo, sive mordendo hominibus infligunt, constat. Imò si verum est, ex iis quibus constant animalia nutriri, certè ex segetibus frumento (quod ordinarium eorum nutrimentum, variis seminiis infectum est) eas nasci necesse est: sed & rubetarum ita appetentes sunt, ut intra acervum formicarium coniectus bufo Bufo intra formicarium nidos coniectus ab iis usque ad ossa statim consumitur. ab iis intra breve tempus totus consumatur, quod & de serpentibus dicto injectis acervo fieri dicitur; cujus rei abdita ratio est, quod ex urina bufonis aut serpentis exuviis nasci dicatur, unde id, ex quo sunt, appetunt. Rursus observavimus ex cadavere unius formicæ innumeras alias nasci, aded ut totum formicæ cadaver in formicas resolvi videatur, quod & de scarabæis aliisque insectis usu venit. Sed hisce jam satis expositis, ad Scorpionis genesin progrediamur.

Scorpionum Genesis.

SCORPIO animal octupes, & sex aut septem internodiorum cauda, ex qua in nonnullis unus, in quibusdam duo emergunt acu-

Scorpio.



lei, qui veneni latentis oculus est; & quo ad lethale vulnus infligendum animatur; Aliqui

9 Scorpionum genera.

Ubi Romæ Scorpiones reperiuntur.

Formicæ alatæ.

Cur ex Ocymo nascantur.

Aliqui paguro, seu cancro fluviali adeo similes sunt, ut si caudam dempseris, prorsus iidem videantur. *Ælianus* novem genera scorpionum recitat, quorum origo uti diversa est, ita quoque colore, magnitudine, formâ variè differunt. In Septentrionalibus partibus vix reperiuntur, & si reperiantur, innoxii tamen sunt, & veneno carentes, quorum ingens in Noricis Alpibus multitudo nascitur; tantò verò censentur esse venenosiores, quantò sub climâ æstuosiori exclusi sint; In Ægypto, Africa & cæteris Indiæ Zonæ torridæ subjectis locis prorsus exitiales sunt; neque quis facile evaserit, qui eorum aculeo punctus fuerit, Romæ in Ruderibus veterum ædificiorum, & potissimum in Doliolo seu Monte Testaceo ingens eorum copia reperitur, qui tametsi veneno polleant, non tamen est adeo atrox, ut eo non statim mederi quis possit, vel ipsius Scorpionis corpore vulneri intrito, de quibus vide fufius nos tractantes in lib. IX. de venenorum origine. Sed ut ad institutum nostrum revertamur, pro varia locorum dispositione variæ nascuntur Scorpionum differentiæ; Sunt in nonnullis locis maximi, ut in India; in aliis alati, ut in Mauritania; in quibusdam sine cauda, in plerisque rubro, cinereo, fusco, viridi, nigro colore imbuti. In Ægypto ex erocodili seminio nasci *Ælianus* tradit. In Mauritania ingentes formicæ alatæ in Scorpiones alatos mutantur. Et quamvis coitu sese propagare observatum sit, ex proprio tamen corpore nasci, hoc experimento verum reperi.

EXPERIMENTUM

Genesis Scorpionum.

Scorpionum cadavera contrita intra vitrum conde, quibus si aquam ocymo maceratam superaffuderis, & Soli æstivo per diem exposueris, quod si sagaci & armato oculo inspexeris, totum hoc mixtum in innumerabilem Scorpionum foeturam degenerasse reperi; quod idem tam in vivo, quàm in mortuo non contrito evenire reperi, siquidem ex corpore excrementum quoddam ejicitur, quod totum in similes sibi Scorpiones convertitur; quod *Leclercum* experiri velim, veritatem enim reperi.

Cur verò ex Ocymo potissimum Scorpions oriri dicatur, meritò quispiam quærere posset, cum is nescio quam sympathiam cum ocymo habere deprehendatur. Scorpionum in cerebro hominis Itali repertum, & ex nimio ocymi usu odoreque inibi natum *Hollerius* tradit, & *Ambrosius Pareus* eum exactè depinxit. Dicunt quoque, ocymum contritum, & inter duos lateres positum, ubi 24 horarum spacio Soli fuerint expositi, Scorpiones generare, quod & *Plinius* verum esse testatur, certè vel ipse *Aristoteles* in mirabilium

narrationum congerie Scorpiones è sifymbriis putrefactis enasci asserit: Est autem Sifymbrium species quædam ocymi. Iterum *Plinius* hujusmodi proponit experimentum; Si velis in unum locum convocare omnes alicubi latitantes Scorpiones, id perficies hoc modo: manipulum ocymi decem cancris fluvialibus compactum, eo in loco repones, & habebis intentum. Scribit *Avicenna*, amicum se habuisse, qui cum vellet Scorpiones ex quibusdam putrefactis lignis (quod ego nil aliud, quàm putrefactas ocymi caules fuisse existimo) produxisse; quin & ocymum in pulverem redactum unà cum Scorpionum cinere subactum percussis mederi tradit; Quæ omnia manifesta sunt mutæ amicitie ocymum inter & Scorpionem indicia. Quomodo verò ex ocymo sine sensitivæ naturæ seminio generari istiusmodi animal possit, non video; undè cum sollicitius hanc rem apud *Franciscum Corvinum* nobilem omnino Botanicum, & solertissimum rerum naturalium exploratorem inquirerem, respondit, id mirum non esse; habere enim radicem sibi familiarem vermem quendam Scorpionis haud dissimilem, quem *Theophrastus* Spadylum vocat; hic enim seminio suo plantam postquam infecerit, ex eo tandem Scorpiones nasci, partim ex se & sua natura, partim arte ex applicatione activorum cum passivis; atque hæc est vera & genuina ratio genesis Scorpionum ex ocymo. Quod verò subinde quoque ex cancris fluvialibus nascantur, ratio est similitudo cancri seu paguri cum Scorpione, quâ ille faciliè in hunc convertitur & transformatur: Qua arte autem id institui debeat, *Ovidius* sequentibus versibus docet,

*Concava littoreo si demas brachia cancro
Cætera suppones terra, de parte sepulta,
Scorpius exibat, caudæque minabatur uncæ.*

Sed hæc de genesis Scorpionum sufficiat. Jam ad araneorum originem explorandam procedamus.

De Genesis Araneorum.

Araneus octupes & ὀκταπύς, id est, sine alio animal non aculeo, sed ex ore veneno suo diffuso inficiens, uti in innumeras species dividitur, ita quoque de eorum ortu variè sentiunt auctores. Araneos ex sui generis animantibus procreari per coitum, ex phalangiis & araneis verò Attalabos, Locustas, cicadas, foetus quoque araneorum erucas esse, dicit *Aristoteles* l. 5. animal. c. 14. Quæ non dissonant à nostris observationibus: Nam cujuslibet alterius animalis seminium quod in retrimentis excrementisque existit, sufficiens esse potest ad araneum generandum, quemadmodum Philosophus ait, erucas in herbis non alios, quàm araneorum foetus esse; In locis verò desertis, uti in domibus non habita-

Artificialis Scorpionum productio.


Genuina causa Ocymi cum Scorpione sympathie.

Erucæ in herbis araneorum foetus.

habitationis, turribus, horreis, quin & in pratis, campis, cryptis subterraneis, fructibusque nonnullarum herbarum, folliculisque lentisci, terebinthi, ulmi, quin & in gallis & nucibus repertas, frequenti experientia innouit; non nisi ex pulveribus vario seminio refertis, intra terram & supra aquam ex iisdem rerum seminariis procreari, experientia, uti dixi, constat; ut proinde mirum non sit, in omnibus passim locis extemporaneo ortu, id est, ex pulveribus humiditati junctis nasci: Primò enim intra dictos loculos erumpunt veluti ova quædam folliculis inclusa, quibus ruptis, exit insensibilis quidam vermis seu araneolus, omnibus jam membris constitutus, qui vix dum exclusus est, statim texturæ operi admotus fila tenuissima & non nisi armato oculo sensibilia texere incipit; Imò ex uno subindè huiusmodi folliculo ad 20 30 aut 40. foetus erumpentes videntur, ut proindè fecunditatem animalculi satis mirari non potuerim; In Salviæ foliis potissimum huiusmodi naturæ portentum me observasse memini, quæ innumeri telis una cum ovis araneisque minimis obsita, cuicunque ad ea smicroscopio observanda animus est, reperiet; Ova candida sunt & aded tenuia, ut atomi videri possint, quæ compressa tamen, utpotè folliculis circumdata strepitum quendam edunt, ea quoque calore modico tota, statim quam dixi araneuncolorum multitudinem excludunt. Ad coitum illorum quod attinet, is propriè coitus dici non potest, cum geneticis membris careant, sed coire quasi videntur, dum commissis invicem uripygiis sibi invicem viscosam materiam communicant, ex qua primò nascitur pruritus & titillatio, deindè æstus in animalculis, quo excitata seminalis vis in viscoso excremento latens in bullulas quasdam intumescit, quibus ruptis tandem aranei illi strenui telarum textores producuntur; atque hæc est vera & unica araneorum genesis.

Si Naturam huius animalculi spectes, illa sanè omnem admirationem superat, aded ut nec apibus, formicisque ingenii industria cedere videatur; omnes enim boni Geometræ & Astronomi partes in telis contexendis explet: Quid enim tela, quam texit, aliud est, quàm astrolabii figura, in quo & circuli verticales & horizontales, quos *Azimutha* & *Almicantarath* vocant, uti Figura docet, exhibentur, tanta & tam æquali filorum ab invicem distantia, ut circino usæ videatur, neque hoc sine fine, quem potissimum in muscis capiendis intendit: Rete enim sibi textit fragile quidem, at sustinendo ejus corpusculo oppidè proportionatum; dum unà simul & textorem, Astronomum, Geometram, funambulonem & venatorem agit; quanta sagacitate sua texat retia, quis non novit? filis non aliunde desumptis, sed ex proprii corporis visco subtili & quasi insensibili ductu hinc

inde deducta, ea glutini tenacitate, ut illa cuicunque voluerit objecto obvia affigat & agglutinet; fartorem quoque agere quis non



scit? dum vel aëris agitatione, vel ramentorum casu, muscarumque impetu abruptas telas, statim admiranda quadam industria, ita refarcit, ut nullum rupturæ vestigium appareat; Certe Astronomi omnes illum partes explere, rete suum, uti suprà diximus, evidenter docet; unde Astronomi Astrolabii rete non nisi ab aranei retibus appellandum duxerunt, ut proinde divinam sapientiam in huius animalis operosis ingeniosisque laboribus satis mirari non possim; mira siquidem intervallorum æqualitate; lineas primùm veluti ex circumferentia ad centrum ducit, in quo veluti in centro potestatis suæ sedem locavit, quas deindè subtenfarum linearum parallelismo ad firmiorem totius fabricæ structuram tanta ab invicem distantia æqualitate determinat, ut & circino & amussi instructa videri possit, non aliò tamen, quàm corporis sui pedumque applicatione, quæ ei loco circini & amussis sunt, quibus omnia intervallorum discrimina mensurat, quod dum facit, perfectum funambulonem exprimit, corporis mole ita ad lineam directionis applicata, ut perfectò quodam æquilibrio in filis sese promoveat, ut verò locum opportunum viderit, fila sua in aliquo objecto firmandi, majorem à se dimittit visci copiam, quæ statim in complura filamenta discissa, & veluti aëris agitatione diffusa ubi objectum incurrerint, ibi veluti glutine affixa firmantur; quod sentiens araneus per illa hinc inde discurrendo telam jam ceptam texendo perficit; quâ perfectâ nidum sibi præparat, densioris materiæ filamentis obseptum; ex quo ad venationem progrediens, in centro retis se collocat, ut ex omni parte circumferentiæ, si quæ sive musca, sive culex in viscosum rete inciderit, is è filorum è circumferentia in centrum ductorum motu sentiat; Jucundum autem est videre, quod simul ac dicta animalia in glutinosam massam inciderint, araneus statim ex centro per eum radium, quem moveri sentit, præpropera festinatione tandem prædam

Astronomum agit Araneus in astrolabii figuram tela adaptata.

Geometram agit Araneus.

A a a

de

Aranei ex pulveribus variis seminibus refertis.

Tela araneorum in salviæ foliis observata.

Aranei quomodo coeant.

Aranei fortia in texendo.

deprehenfam adortus non dimittit, nisi totam exuerit; atque adeo nutrimentum quod ex propriis visceribus in texendo reti jam consumpserat; hac arte & industria ad novas

telas ordiendas refarciat; toto hoc mufcarum nutrimento in novum viscum degenerante. Atque hæc sunt, quæ de mira aranei natura & genesi dicenda existimavimas.

CAPUT VII.

De Vermibus, qui in animalibus, potissimum hominibus nascuntur.

MIrum in modum se lancinant Philosophi, de multiplici vermium foetura, quæ in hominibus nonnunquam reperitur, quorum nullus ferè genuinam & proximam causam assignat; omnes circa quatuor humorum corruptelam distenti: Nos quid sentiamus, paucis aperio. Certum est experientia, in hominibus non tantum in intestinis oriri lumbricos, sed & nullum esse hominis membrum sive internum, sive externum, quod vermes & cætera animalia non producat; & ut eas quæ homo per secessum emittit, omittam verminosas foeturas, juxta observationes *Schenckii*, *Mercurialis*, *Parai*, *Cardani* aliorumque, inventi sunt primò in cerebro non vermes duntaxat, sed & cimices, scorpiones, Iuli, &c. In auribus, in lingua, in oculis, in cranio, naso variis sanè casibus observati sunt; in phthiasi quoque seu pediculari morbo totius corporis massa in vermes resolvitur, in manibus, pedibus, coxis, pudendis ricini subindè foeturam suam exponunt: Omnes morbi sive externi, sive interni vermium obnoxii sunt. in sanguine, vermes nasci, variis experimentis in *scrutinio physico-medico de peste* ostendimus, omnem gangrænam, lepram, psoram, elephantiasin, luem veneream, pestem nihil aliud esse, quàm verminagem quandam insensibilem, quâ bestiolæ continua corrosione vicinam carnem vivam in putredinem ducunt; Imò in interioribus vitalibus membris, stomacho, hepate, corde, renibus, pulmonibus, cerebro, vesica, liene vermes inventos fuisse supracitati authores variis eventibus comprobant, imò ranas, serpentes, similiaque tum intra cutem natos, tum vomitu rejectos, in præcedentibus docuimus.

Causa scopolopogeneseos.

Quæ cum ita sint, Quæritur, undè hæc verminosa foetura originem suam traxerit: Dico causam esse alimentum, quo nutriuntur homines. Quod ut intelligatur, Notandum primò, duobus ali hominem, vel nutrimento animalium, vel herbarum plantarumque, vel quæ ad hæc quovis modo revocari possunt, uti sunt lacticiuia & fructus omnis generis. Notandum secundo, Animalia alimentum vegetabilis naturæ plerumque assumere, variis mufcarum vermiumque differentibus seminibus infectum, quod deindè in hominum alimentum cedens unà secum defert dicta semina, alimentum deindè in aliti substantiam versum, ubi proportionatum humorem reperit, ibi calore intrinseco fermentatum, tan-

dem excludit pro qualitate semini vermem, pristino vel similem, vel degenerem; Nam uti in *præcedenti sectione* ostendimus, quod nonnulli & ranas & serpentes evomuerint, id utique non alia de causa accidisse reor, nisi quod spermata ranarum aut serpentum aquæ potu hauserint. Hoc pacto pueri, qui frequenti usu lactis (quod uti experimento compertum est, vermium scatet) nutriuntur, ut plurimum vermium lumbricisque replentur; Lac enim primus animalium chylus; Lacti veluti chylo animalium diversa herbarum semina primò communicantur, hæc ab hominibus præsertim tenuioris ætatis & calore blando pollentibus assumpta, facile in vermes animantur; Quod etiam in hominibus adultis accidit, dum verminosam foeturam in herbis insensibiliter latentem inconsultius sumunt, aut etiam carnes animalium non recentes, sed jam rancidas infectasque & abditis vermium scatentes in nutrimentum assumpserunt; quæ semina pro menibri, cui alimentum distribuitur, dispositione, humorumque systasi statim sese exerens, vermem excludit, qui pro malignitate ejus vermis, à quo decusus fuit, malignitatem majorem vel minorem, aut pro veneni proprietate in vermium latentis notabile damnum homini confert; cum nonnulli febres malignas & putridas, quidam internas membrorum corrosiones, aliqui sympathico quodam magnetismo, nunc ad hoc, nunc ad illud membrum infestandum ferantur; hinc fit, ut qui cantharidum seminum incautius sumpserint, vesicæ exulcerationes incurrant, sanguinem mingant, tentigine inflentur; Pari ratione, qui buprestis excrementa, cordis palpitationem incurrant, lipothymia infestentur; alia nauseam, vomitum, vertiginem, scotomiam alia; non desunt, quæ ad externa calore interno depulsa, sphacelum, gangrænam similiaque symptomata inducant; ut proinde hinc inferre queamus, nullum ferme morbum malignantis naturæ & putredinis esse, qui non ex hisce originem suam trahat. Vide *Lib. IX. De Venenorum origine*, ubi hæc fufius profecuti sumus. His itaque in genere propositis jam pediculorum, pulicum, cimumque genesin exponamus.

Quæritur itaque primò, unde pediculi in hominibus nascantur. Dico paucis, non ex carne humana, non ex sanguine corrupto, neque ex putrefactione, Non ex carne humana,

uti

Vomitur ranarum & serpentum unde.

Damna. quæ vermes infestant.

Cantharidum Symptomata.

Philop. Græcis pediculus, ejusque origo.

uti *Aristoteles* sensit, quia sequeretur, omnes homines, summos, medios, infimos, pediculos semper generare ex eorum propria carne, quod tamen fieri non videmus, sed pediculos ab iis solum generari observamus, qui paupertate pressi, multas immunditias in corpore colligunt, aut crasso, sordido & inquinato nutrimento utuntur, uti pauperes iique qui multum sudant, nulla indusiorum mutatione facta, uti agricolæ, milites & similes. Neque ex corrupto sanguine nasci dici possunt pediculi; quia experientia constat, infirmos & malignis febribus decumbentes, qui prius pediculari foetura onerabantur, statim ab ea immunes fieri, ut experientia docent nosocomia. Dico itaque, pediculos nasci ex spiritibus seminalibus in alimento latentibus; ex homine enim, uti & cæteris animalibus constat, expirare spiritus animales, & sensitivos per continuam corporum transpirationem, qui dum expirant huiusmodi, secum etiam deferre partes aliquas crassiores & sordidas certum est: si ergo contingat ut sordes illæ crassiores inter carnem, & cutem per sudorem coactæ hæreant, aut pilis, quæ sordes, uti sunt aliquid ab animali decisum, ita sunt aliquid naturæ suæ idoneum ad excipiendos illos iterum spiritus animales expirantes ex corpore, & hoc pacto vis in spiritibus latens format pro crassitudine aut subtilitate materiæ, aut pediculum ex sordido phlegmate; aut pulicem ex subtiliori sanguinis putrescentis portiuncula, ex venis capillaribus in sudorem versa; aut cimicem, quem Græci *ψύλλα* dicunt, ex ejusdem crassioris inquinati sanguinis, quod phlegmati miscetur, halitu producit. Quod verò ficuum frequens commestio passim pediculos generare dicatur; non ita intelligendum est, quod immediate & ex sua natura illos producat; sed quod iis (cum ex calido & humido temperamento sint) in alimentum assumptis, exhalantibus spiritibus animalibus ad cutis usque superficiem subiectum ad pediculos excludendos aptum fiant; est enim alimentum unum ad hoc vel illud producendum animal magis aptum & idoneum. Porro pulices non solum ex sanguine putrescente, sed ex urina quoque pulveribus pavimenti commixtis, vel ex propriis quoque pulicis excrementis nasci compertum est. Coitu quoque se propagare eo

modo, quò in cæteris insectis fieri diximus; quotidianâ experientiâ lendes pulicum nos docent, ut proindè mirer *Aristotelem*, qui *l. 5. hist. c. 1.* ait, pulices ex utriusque sexus commixtione generare quidem aliquid, sed ex quo nil amplius gigni possit. *Coitu pediculorum*, inquit, *procreantur, muscarum vermiculi, pulicum genus vermitulorum ovi speciem referens, ex quibus nec ea, quæ generarint, proveniunt, nec aliud ullum animal, sed id quod sunt, sordes tantum persistunt.* Certè si is tubi optici usum novisset, non id dixisset, cum sæpè numero ex ovis ingentem pulicum copiam emeruisse observaverim; qui primò quidem candidi, sed vix dum exclusi, mox nigro vestiuntur indumento, quod idem de pediculis & cimicibus dicendum est. Pediculum itaque ex phlegmate putrescente, spirituum animalium, in quibus seminis potestas insidet, ope nasci, *Microscopium* docet, quod inspectum totum diaphanum instar albuginei liquoris apparet, excepta fusca in medio macula, quæ cordis vices occupat, ova quoque circa posteriora coacervata videntur. Pulex ex eo, quo alitur constat sanguine, quem cutis terebratione & perfossione proboscide exugit usque ad corpusculi protuberationem, perfectam locustæ formam in parvo corpusculo exhibens, nisi quod alis destituatur, cæterum saltus idem. Vidi nonnunquam pulicem catenulâ alligatum, quem famelicum artifex vix dum manui imposuerat, cum ecce infixo promuscide avidissimo sanguinis suctu derepente mirum in modum intumescibat, & hoc pacto saturatus intra cistulam reponebatur; importunum sanè malum, vix requiem diù noctuque concedens.

Cimex xópus Græcis, animal tum formâ, tum foetore foedum & abominandum; nidum suum ut plurimum in lectorum grabatis eorumque rimis, anfractibus, murorumque lectis vicinorum foraminibus sortiuntur, oriunturque ex sordibus humanis, uti suprâ diximus, atque ex halitu sanguinis corrupti, unâ phlegmati vitioso mixti, quod abominandus foetor, quem de se spargunt, facillè indicat, qui nescio quid morticinum oleat asæ foetidæ haud disparis mephitis; sed ne ulteriorem nobis abominando suo foetore nauseam moveat, hisce relictis ad alia progrediamur.

C A P U T VIII.

Recapitulatio dictorum Experimentalis.

Sunt in rerum natura corpuscula quædam spirituosæ, quæ in dissolutione corporum separantur ab aliis partibus, quæ non sunt homogeneæ seu ejusdem naturæ; suntque alia mineralia, vegetabilia alia, alia sensitiva, ita ut hæc unita cum ma-

teria, rem vegetabilem, alia sensitivam constituent, quæ primordiali chaoticæ massæ virtute spiritus supra humidum incumbens à Divino Architecto admiranda sapientiæ dispositione fuerunt indita; Quandocunque enim spiritus hi vegetabiles cum

Origo vera pediculorum.

Genesis pulicis & cimicis.

Cur ficuum commestio pediculos generet.

Ex ovis pulicum nasci alios contra Arist. experientia docetur.

Pulex catenula alligatus.

Cimicis origo.

Quomodo
ex spiri-
tibus sper-
maticis
nascantur
animalia.

materia proportionata uniuntur, mox vivens quoddam confurgit & quodocunque animales spiritus uniti fuerint dispositæ materiæ, tunc animal quoddam prodire necesse est, neque tamen ad generandum si-ve vegetabile, si-ve animal quælibet horum spirituum conjunctio sufficit; sed ex se & sua natura requirunt conjungi, tales & tales spiritus, in tanta copia, & tali modo; cum enim dissolvitur aliquod vivens aut animal, id accidit, quod illi spiritus, qui conjuncti cum illo fixo formabant tale vivens, attenuato humido separentur & avolant, non avolant autem conjuncti. Me explico: corrupto equo dici non potest, animam equi aut canis avolare, sed avolant spiritus feminales divulsi & diffantur disperdunturque hac vel illac; unde contingit, solam illam spirituum massam nunquam cum illa aut simili massa iterum conjungi, sed spiritus illi, in quibus nonnulla adhuc seminalis potestatis portio latet, permiscetur aëre raptim & commixti cum aliis. Si itaque contingat, ut hi in tali copia cum fixo aliquo proportionato conjungantur, ut ex illis spiritibus atque ex illo fixo possit constitui animal; statim quoque virtute plastica, quæ est & in spiritibus & in ipso fixo, seu in materia congrua illis spiritibus informata, organizatur formaturque illud corpus & confurgit animal, à primo seminio, unde decisi erant spermatici spiritus, degener & alterius speciei. Atque hoc pacto generantur omnia ea animalia, quæ ex putri, originem suam ducere dicuntur; spiritus enim separati ab aliqua substantia animalis resoluta & dissoluta per aërem volitant, & à nebulis, pluviis, ventis, similibusque iterum deferuntur ad plantas, arbores, terrestribus poris ingeruntur, unde pro qualitate subjectorum nova fundantur animalis Oeconomix seminia; siquidem plastica vis seminis in spiritibus abdita, materiam illam humidi ope format, & statim nascitur rana, musca, locusta, aut simile insectum; quanto verò spirituum hujusmodi per omnia disperforum copia minor fuerit, tanto quoque imperfectiores tum plantas, tum animalia nasci necesse est. Quæ omnia ut luculentius pateant, per quæstiones enodanda duxi.

Quomodo
& cur cum
pluvia
subinde
vermes de-
cidant.

Quæritur itaque primò. Quomodo subinde unà cum pluvia animalcula decidere videantur? Respondeo, esse in aëre & nubibus omnium rerum halitus, omniumque mixtorum seminia, & consequenter esse plurimos halitus animales, qui resoluti si conjungantur cum aliqua materia congrua & proportionata, virtute plastica iis inexistente, mox formabunt animalia pro ratione seminii ab halitibus ex resolutis animalium plantarumque corporibus si-ve vivis, si-ve mortuis decisi, & in aërem elevati; atque hæc est ratio, cur aquæ pluviales tam facile vermes generent, non verò fontanæ; quia illæ spiritibus seminiorum mturgent, quibus hæc carent.

Et patet ex ranis, quæ subindè extemporaneo ortu unà cum roscida pluvia exurgunt, non quod in aëre excludantur, sed quod aqua seminio *Βατραχογένεια*, seu ranifico unà cum pulvere limi palustris per halitus attracto foeta, mox ubi fervidum pulverem inciderit, ibi plastica vis statim ranunculum efformat; & quamvis sæpè hæc animalcula variis in locis observaverim, nunquam tamen, uti vulgus putat, ex nubibus perfecta jam forma delapsa advertere potui; unde patet mirifica vis seminis, quæ disposita jam materia tam exigui temporis spatio hujusmodi animalia excludat; ut proindè frivola sit physicorum quorundam de ranæ genesi concertatio, dum nescio per quod individuum vagum aut immediatum DEI concursus eas produci perperam existimant, cum per proximas seminiorum rationes, & causas, nullo pænè negotio dicta genesis explicari possit. Sed ut ea vera esse, quæ diximus, videantur, illa experimento stabiliemus.

EXPERIMENTUM

Βατραχογένεια, Ranarum ortus.

Cum Ranæ copioso sub initium Martii fuso spermate, omnes fossas expleant, fit ut exsiccatis fossis, Limus in pulverem unà cum ranis jam exclusis denuò resolvatur. Si itaque tibi animus sit, novam ranarum genesis exhibere, sic operare:

Accipe palustris limi vel fossarum, ubi ranas nidulas fuisse nosti, pulveres, quas pluviali aqua subactas in terreo vase expones Soli mediocriter calido manè tempore æstivo, & identidem aqua dicta consperges, ne Sole exsiccatur materia, & invenies primò quidem bullulas quasdam, ex quibus primò ranunculos candidos sine pedibus posterioribus, solis anterioribus duobus brachiis instructos, quos *graminulas* vocant; deinde paulatim divisâ in duos posteriores pedes caudâ in ranas perfectas ingenti copia confurgent; quod coram multis non sine admiratione spectantium exhibuisse me memini, omnesque id comperire velim; Quæ quidem manifeste docent, latere in dicto limo seminium illud, quod cum humido junctum calore concurrente tandem pro ratione seminii novas ranas excludat.

Quæritur Secundò. Quomodo serpentes & reptilia generentur? Respondeo, serpentes eodem prorsus modo, quo reliqua insecta, generari, ex cadaverum videlicet serpentorum seminio. Mirantur multi, cur post ingentes inundationes statim ingens per campos, agrosque serpentum multitudo repullulet, causa alia non est, quàm quod serpentes in montium latibulis nidulantes aquarum diluviis expulsi unà cum aqua in subjectam plantiæ devolvantur, ubi limo glareaque modice sepulti, calore postmodum subincumbente, ex proprio cadaverum suorum seminario

Ranarum
extempo-
raneus
ortus.

Quæst. 2.
Quomodo
serpentes
generen-
tur.

nario restaurentur: uti enim vel minima serpentis pars seminali virtute constat, ita quoque ex eadem serpentem nasci posse, nemo dubitare potest, ita ut vel ex uno serpente mille alii generari possint; Quod ut luculentius pateat, sequens experimentum docebit.

EXPERIMENTUM

Ὁ φιοφαντικόν, *Serpentum productivum.*

Accipe quoscunque volueris serpentes, quos torrefactos prius in minutissimas partes discindes; has partes terræ uliginosæ committes, quam aqua pluviali identidem per vas in cribri formam factum irrigabis, atque hoc pacto terram irrigatam Soli verno expositam relinques; & intra octiduum totam terræ massam in vermiculos primò, qui deindè lacte aquæ permixto & terræ superaffuso incrassati, tandem in perfectos serpentes consurgent, qui deindè coitu quoque in infinitum propagari possunt. Hoc me primum docuit serpentis cadaver, quod cum in campo offensum diligenter observassem, eum infinitis vermiculis circumdatum reperi, quorum alii parvi, alii majores, alii denique jam apertam serpentis formam acquisierant: Mirum tamen, subindè hujusmodi serpentulis muscarum quasdam species commisceri, quas ego quidem non aliundè, quàm ex alimentis, quo serpentes frui solent, seminio provenire existimârim.

Quæritur Tertio. Quomodò subindè ex cadaveribus eorumque recrementis tam diversæ Insectorum species nascantur? Dico id provenire ex differentis alimentis, quibus vescuntur, seminiis; herbæ enim, quibus vescuntur, muscis, erucis, cæterisque vermiculis cum refertæ sint, ea unà cum alimento assumpta varia fundant tum in aliti substantia, tum in excrementitiis sordibus seminaria: Dum enim quædam ex carne, ex sanguine & sudore, alia ex ipsis dilutionibus corporis excrementisque nascantur, diversitatem quoque indè insectorum provenire necesse est. Verum rem experimento ostendamus.

EXPERIMENTUM

Μυζοφαντικόν, *promiscuam Insectorum progeniem ostendens.*

SI hujus rei effectum videre desideres, sic age: Sume ex equorum, boum, asinorum fimo, ex singulis unam partem, quam commixtam latiori conchæ committes, hanc irrigabis quotidie aspergine istius aquæ, quæ ex herbis, quibus vescuntur dicta animalia unà cum floribus & calicibus diversorum vermium seminio contaminatis, deinde relinquatur Soli temperato exposita, cooperta tamen, ne Solis æstu arefiat; & videbis ex hac mistura statim veluti bullulas quasdam ex fermentatione materiæ commistæ resultare; quibus ruptis successivis horis videbis exire

apes, vespas, scarabæos, cimices sylvestres, vermes quoque seu erucas multis pedibus instructas, & similia differentis speciei insecta, quæ sane aliunde originem suam non habent, quàm ex diversis animalium seminiis, tum quæ in alimentorum excrementitiis partibus, tum quæ in ipsis plantis latent, hæc enim commista simul & debita irrigatione fota, calore quoque Solis moderata digesta & fermentata, motu intrinseco agitata, juxta naturæ leges tandem in istiusmodi animalcula consurgunt, qualia esse diversi feminis ratio postulat. Sed jam quoque de insectis marinis experimentum demus.

EXPERIMENTUM

Κογχυλιοφελικόν in *Apulia & Sicilia usitatum.*

Non sine admiratione hoc experimentum in Sicilia primum, juxta Pharam duodecim millibus passuum Messanâ distantem vidi. Ut itaque multiplicationem Conchyliorum, quas *Tellinas* vocant, habeant, sic progrediuntur. Tellinas & Conchylia in minutas partes conterunt, ac deinde ad littus lacus falsi sexaginta circiter passibus à freto distantis non secus ac agricolæ frumentum, ita hi conchyliorum crustulas disseminant, & ita relinquunt, donec aqua lacus vel vi ventorum, vel æstu subterraneo agitata littus offundat, quæ crustulæ unà cum arena confusæ tantam proferunt novarum Tellinarum pullulaginem, quantam quis, qui non vidit, credere vix possit. Idem Tarenti contingere intellexi, verum palorum ex certo ligno confectorum ope, quibus intra maris fundum defixis, statim nescio quæ materia adhærens, cum tempore innumerabilem conchyliorum copiam excludat. Similem conchyliorum ostreorumque genesin arte peractam in China fieri, *P. Martinus* in suo *Athlante* docet *Chinico*.

COROLLARIUM.

EX hisce manifestè patet, omnia insectorum genera & species, si nobis constiterit, unde originem suam trahant, aut cui plantæ potissimum ex naturali quadam sympathia inhiant, artificiosa applicatione produci posse: Nulla siquidem vel planta, vel animal est, quod non quoddam ex se & sua substantia, uti supra ostendimus, producat; Arbores enim prægrandes in suis caudicibus, nobis coffos, tineas, teredines; Ficus cæsten, Buprestin pinus, Olea Raucam, Sorbas vermem ruffum & pilosum; Mespilus vermes varios; Vites erodentes Butyros & Ipem; Pampini ejusdem Volucram seu convolvulum, Vinum verò Volucellam sive muscam vinariam, Musciliones, Vinulas producere notum est; Evonymus frutex vermem gignit ephemerum, qui absumptis foliis mox moritur.

Mira rerum diversissimarum generis.

E Serpentis cadavere novi oriuntur.

Unaquæque planta suum producit animal.

Quomodo
vermes in-
tra nucleos
nascantur.

moritur. Folliculi Ulmi, Terebinthi, Lenti-
sci fructus vermes *psenes* dictos, & sunt vel
erucæ, vel aranei & simile quid; Gramen Cro-
tones; Solanum vermem viridem & croceo
colore tinctum; Porrum profacuridem seu
Blattam; Brassica, Lactuca, oleæ omnis ge-
neris erucas producant. Asphodelus vermes
gignit volucres sub flosculorum specie. Mal-
va cimices agrestes, uti & in omnibus plan-
tis florigeris videre est; Imò saluberrimæ
plantæ, ruta, salvia, fœniculum vermes gene-
rant prorsus exitiales: Triticum curculio-
nes: omnia denique legumina fructusque
vermes sibi proprios producere nulli igno-
tum est; Mirari tamen quis posset, quomodo
semina rerum, ex quibus nascuntur, nucibus
potissimum, & folliculis ulmi, lentisci, tere-
binthi, cum clausa sint, indantur. Dico id
hac ratione provenire: Quando primùm di-
ctæ plantæ florere incipiunt, tum ad eas vel-
uti ad teneriorem plantæ substantiam, variæ
muscæ advolantes intra calices florum se pe-
nitius insinuant, & tandem ibidem conclusi

fermentatique paulatim Sole ferventiore vel-
uti ex busto resuscitantur. Hoc pacto & cu-
curbitæ vermes alunt, quarum flores si dili-
gentius examines, videbis intra confertum
certarum muscarum examen, quæ deinde
glutinoso succo inviscati, dum se extricare
nequeunt, tandem protuberante humore,
altius intra cucurbitæ substantiam insinuati,
causa sunt eorum vermium, qui in ipsis repe-
riuntur; atque adeò in omnibus hujusmodi,
admirandam quandam Naturæ *περικύκλωση*
videre & admirari liceat; Ex variis animan-
tium sive tetrastriū, sive volucrum, aqua-
tiliumve excrementis, omnis generis oriun-
tur insecta. Hæc nutrimenti avida, singulas
ad herbas magis sibi congruas confluunt.
Herbæ seminiis insectorum contaminatæ, in
animalium cedunt alimentum, ex quo per
sordes emissas, nova denique diversæ speciei
insecta nascuntur; quæ denuò plantis, ex
quibus prodierant, restituntur; idque per-
enni, dum mundus hoc modo stabit, revo-
lutione.

Pericyclo-
sis naturæ
in generi
anima-
lium.

CAPUT IX.

*Cur tot & tanta Insectorum differentia genera Natura produ-
cere voluerit.*

Mundus
carere in-
sectis non
potest.

PEripatetici tot insecta non alia de cau-
sa Naturam produxisse ajunt, nisi ad
decorem Universi. Theologi peccati
originalis effectus asserunt, hominibus ob
Protoplasti prævaricationem posteris suis
immissa, cum perniciofa ferè omnia paucis
exceptis inveniantur. Nos insecta etiam ex se
& sua natura apibus & bombycibus exceptis,
nullum homini emolumentum ob virus, quo
plerumque scatent, conferant, & superflua
à Natura videantur; Dicimus tamen non
propter decorem duntaxat Universi produ-
cta fuisse, sed & sua hominibus præstare ma-
xima commoda & utilitates; imò Dico Mun-
dum iis carere sine maximo Naturæ detri-
mento non posse; & ne paradoxa dixisse vi-
deamur; utilitates eorum hoc loco exponen-
das duximus.

Ratio cur
natura tot
insecta
produci
voluerit.

Libro Nono de venenis ostendimus satis fu-
se; Terram, Aquam, Aërem, & quicquid
ex iis componitur mixtorum, innumeris pu-
tredinibus obnoxia esse; Quæ ne virulenta
sua potestate triplex Naturæ regnum ad ulti-
mum usque exitium inficerent; hinc sapien-
ter sanè diversas insectorum species per Na-
turam famulam suam produci voluit Divina
sapientia, ut in triplici Naturæ regno tripar-
titis veluti officiis, quicquid in singulis per
deleteriarum qualitatis diffusionem contamina-
tum esset, ea in se veluti in vivas quasdam
bursas attracta consumerent. Hinc terrestria
probè munere suo fungentia, quicquid in
terra virulentum, perniciosum & exitiale est,
ne universa terræ moles hujusmodi inquinata

mentis insecta, alimenta quoque in hominis
sustentationem producta magno sanè huma-
ni generis animaliumque detrimento infice-
ret, nescio quo magnetismo singulis pecu-
liari implantato attraherent. Pari pacto, quæ
in aqueis & aëreis thalamis suos natales ha-
bent, id à Natura muneri obtinuerunt, ut
quod ab exhalationibus perniciosis nocivum,
& aquæ aërisque inficiendi vim habet, per
attractum magneticum in se derivarent, at-
que hoc pacto, aquis aërique depurgato sa-
lubritatem conferunt. Ne verò ingens inse-
ctorum perniciofa foetura animalibus homi-
nibusque exitium conciliaret, Natura novam
iniit consilii rationem; videlicet, ut ea in
escam alimentumque cederent volucrum;
Cum enim pleraque volucra non nisi vermi-
bus, erucis, papilionibus, scarabæis, locustis,
muscis similibusque etiam quantumvis vene-
nosis vitam tolerent; pulchrè sanè provisum
est, ut venenum, quod ex alimentis ab inse-
ctis attractum esset, illa eadem postea ad ex-
cessivam multiplicationem impediendam in
indigentium cæterarum animantium cederet
nutrimentum; atque adeò nova fundaretur
Naturæ pericyclosis; Excrementa siquidem
animalium, uti viva novum suppeditant se-
minium, ita quoque ex propriis cadaveribus
novum fundant seminarium ex iis, quæ in ali-
mentum sumplerant; ne ullo unquam tem-
pore, quæ terram, aquam, aërem purgent,
nova exorientia insecta desint, neque iis
multiplicatis cæteris perfectis animantibus
desit, qua nutrantur, materia; Qui Naturæ
motus

Pericyclo-
sis naturæ
in generi
insecto-
rum.

motus nisi perennis esset, uti in elementis, ob infectionem terræ, aquæ, aëris, susque deque ferrentur omnia; ita quoque volucra pleraque unà cum hominibus penuria, nutrimentique defectu perire necesse foret.

Secunda Utilitas est, quod pleraque insecta, etiam si molesta, fastidiosa & gravis noxæ animalibus videantur, suas tamen semper utilitates & emolumenta habent adjuncta, ut quod in jumentis cæterisque animalibus muscæ, vespæ, crabrones, ricini, vermes præstant, id in hominibus præstent pulices, pediculi, cimices; putridum videlicet sanguinem, ne vicinum colluvie sua inquinat, eliciendo; atque hoc pacto homo à superflua putredine liberetur.

Tertia Utilitas est: Quod nullum pænè tam vile sit insectum, quod non suum in medicina usum habeat: ut enim emolumentum, quoad apes mellificas; Bombyces verò serici filatione, viperæ in confectione Theriacæ, de quibus in præcedentibus amplè discurremus, fileam: certè nullum quantumvis etiam præpotenti veneno polleat insectum assignabitur, quod non multiplices in desperatis etiam morbis propulsandis, usus habeat.

Usus Insectorum in Medicina.

DE U M & Naturam nil frustra facere vel maximè ex insectorum miris viribus & proprietatibus innotescit, nihilque aded exile & vile est, quod summum à benignissima Conditoris bonitate, usum suum non habeat, in hominum propulsandis infirmitatibus necessarium.

Et ut ab Apibus incipiam, quàm varius & multiplex sit mellis usus, quis nescit, cum vix aut medicamentum aut emplastrum; aut simile quid componatur à Sepiasariis, quod mel non ingrediatur. Quid cerâ, quam favi apum nobis præbent, excellentius, dignius, utiliusque, ut proinde vel ex minimo vermiculo, emolumentum aded magnum, universale & pernecessarium Divina clementia eduxerit; cui succedit

Bombyx, est Apum emolumento haud dispar, cum horum fructus (dum pretiosissimum nobis sericum filant) vel ad ipsos Pontifices, Imperatores, Reges, Principes usque ad infimos plebeæ fortis homines vestiendos sese extendit. Horum laboribus Ecclesiæ ornamenta, vestium sacrarum apparatus, & tam publicus quàm privatus ædium splendor aded invalescit; ut nil magnificum & pretiosum in æstimatione hominum sit, quod ex serico non sit contextum; folliculi quoque, queis conduntur, tanto pretio habentur; ut inter cætera ingredientia, queis Theriaca componitur, & hi locum suum sortiti sint. Sed jam ad alios insectorum usus describendos progrediamur.

Cicadæ venarum obstructarum apertioni conducunt, vesicæ, urinæ difficultati & coli-

cis affectibus medentur: de quibus vide *Dioscoridem, Galenum*, cæterosque.

Cantharides quanto deploratis desperatisque morbis remedio sint, quis nescit? Omnibus enim cæteris remediis in malignis febribus irritato labore adhibitis, ad hæc veluti ad sacram anchoram confugiunt Medici; hæ enim in pulverem primò, deindè oleis appropriatis in unguenti formam adaptatæ, & cruribus brachiisque applicatæ, quot ex mortis faucibus eripiant, quotidiana docet experientia.

Blattæ, quæ est scarabæorum aut gryllorum species, & maximè in pistrinis natales suos sortitur, quos Itali *Bargarozzi* vocant; singulare secretum est, aurium infirmitatibus curandis, si oleo incoctas gossypio auribus indideris. Isteritiæ quoque mederi dicit *Galenus*, dum vel collo affixæ portantur.

Culices, præterquam quod à *Plinio* ficubus maturandis conferant, plerisque quoque animalibus in cibum cedunt, uti vespertilionibus, hirundinibus, picomartio quem *titinellum* vocant, & innumeris denique aliis.

Scarabæi mirificè ad spasum & convulsiones nervorum conducere ab eximio Natatore didici, qui nunquam ad suæ artis specimen exhibendum, aquis se committere solebat, nisi prius oleo scarabæorum nervosas partes inunxisset. Dicuntur & Lucanorum cornua collo gestata vim habere ad quartanas febres propulsandas; terram quoque, in qua nidus fuerit scarabæorum, egestam, podagram mirum in modum lenire, *Plinius* refert; Oleum in quo scarabæus coctus fuerit, aurium dolori & surditati mederi *Aldronandus* ait; præterea Helicantharum, sive viridem ex aureo translucentem scarabæum aded visum corroborare ait *Plinius*, ut cælatores gemmarum ejus ante se positi frequenti aspectu uti soleant, ceu remedio oculis recreandis apto.

Suffitus Locustarum mirificè urinæ difficultati medetur, Locusta sævo hircino subacta & in emplastri formam imposita pforæ, impetigini, & lepræ plurimum conducit; morsus serpentum sanat; est & hoc experientia compertum, Locustam cyatho vini purioris impositam non submergi, sed innatare, si verò aqua corruptum fuerit vinum, statim submergi.

Lampyrides seu cincindelæ magnum in piscibus capiendis usum habent, magna enim eorum copia vitreæ sphaeræ inclusa, si noctu flumen adierint, pisces statim ad profusum à cincindelis lumen accurrentes veluti stupidi reti circumdati comprehenduntur.

Formicæ præsertim alatae maximum in medicina usum habent, trix enim cum pauxillo salis omnibus Scabiei morbis medentur, coctæ contra phalangiorum morsus valent; Ursus quoque morbis suis solo formicarum inglutitarum medicamento medetur; ubi enim premitur malo sibi solito, tum ad formicarum

1. Apum utilitas.

2. Bombycum.

Cicadæ.

Cantharides.

Blattæ.

Culices.

Scarabæi.

Locustæ.

Experimentum de Locusta.

Lampyrides.

Experimentum.

Formicæ.

micarum accedit acervum, linguam eidem protensam inserit, & ubi formicis refertam senserit, statim viscositate linguæ arreptas devorat, eoque medicamento sibi medetur; Nullum pilum amplius crescit, ubi sanguis vespertilionis aut foricis majoris unà cum formicis subactus in emplastri formam pilosæ parti fuerit appositus.

Musca.

Muscæ Napellæ, quam alii perperam similitudine græcæ vocis *μύδς* & *μύδς*, *murem* interpretantur, contra omnia venenorum genera specificum remedium, teste Galeno est; magno quoque commodo datur contra alopeciam, lepram, furunculos.

Cimices.

Cimices Lectularii potens remedium contra Quartanam est, si ab inscio ægro cum vehiculo congruo potentur; Mulierum morbis medentur, & uterum prolapsum solo odore in suum locum restitunt; Aspide percussos sanant sub emplastri forma, mor sui applicati; iis verò qui incautè hirudines potu aquæ sumperunt, aceto mixti remedio esse dicuntur.

Scorpiones.

Quanti momenti sit oleum scorpionum ad morsus serpentum cæterarumque animantium venenosarum nullus non Medicorum novit. Lege quæ de eo fulè *tractat Matthiolum C. de Scorpione*.

Aranei.

Telæ Araneorum vulneribus recentibus superappositæ, quàm facile sanguinem fistant, quàm suppressa putredine brevi sanent, quotidiana fere experientia docet, tritæ quoque oleoque subactæ auribus inditæ, dolores sedant, & surditatem auferunt. Cantharides telis araneorum involutæ & alligatæ omnem in corpore humano virosam humorem colligunt & exsiccant.

Lumbrici terrestres.

Lumbricorum oleum quantum valeat ad sedandos dolores cujuscunque morbi, Medici norunt; imò Lumbrici ficci & in pulverem contriti, oleo subacti, sub forma emplastri stomacho apppositi, vermes in intestinis stabulantes è vestigio interimunt. addo, quod muscæ, ex quot differentibus plantis nascuntur, tot differentibus morborum speciebus remedio sunt.

Limaces.

Ex Limacibus primò potens fit Cosmeticum, corporis nitore congruum; dolorum acerbiter in quacunque corporis parte latentem, mirum in modum mitigat.

Sanguisuga.

Sanguisuga sive Hirudo, quantum in sanguine eliciendo possit, nihil notius est, dum noxium sanguinem non ex hæmorroidum duntaxat venis; sed ex collo, dorso, ventre, capite, cæterisque membris, ubi opus fuerit, applicatæ, attrahant, quem admodum copiosum trahunt, ut subinde rumpantur. Novi ego hominem, qui intra stagnum lavandi corporis gratia æstivo tempore intrarat, cumque toto submersus corpore intra arenam sederet, admodum repente multitudine hirudinum circumdatum se sensit, ut eas à corpore divellere nequiret; domum itaque reversus, dum chirurgum vocat, interim hirudinibus se-

mi avulsis continuè fugentibus, ex effusi sanguinis copia tantam incurrit debilitatem, ut indè intra triduum mortuus sit, evanida omni restituendi sanguinis industria.

Hippocampus specificum remedium à Galeno dicitur contra *ὕδρoφoβίαν* seu morsum canis rabidi.

Innumera hoc loco adducere possem; sed quia hæc omnia fufius descripta reperies apud Galenum, Hippocratem, Dioscoridem, Theophrastum, Plinium, Avicennam, Rasin, cæterosque Arabes, iis immorari nolui, cum in hisce adducendis tantum intentio nostra fuerit, ostendendi, Insecta non tantum ad decorem Universi, sed à Divina providentia ad innumerabiles usus humano generi pernecessarios condita fuisse; nullumque esse in rerum natura tam vile, tam exile, tam virulentum & exitiale animalculum, quod non ingentes utilitates adnexas habeat, ita ut quemadmodum in *Libro de Venenis* ostendimus, nullum sit adeò venenosum animal, quod non sui proprii veneni sit extinctivum, si quandoque corpori humano morsu indiderint, præsertim si vel in olea condensentur, vel in salem resolvantur, aut aliis modis jam citato loco insinuatis, rite & juxta Chymicæ Artis præcepta præparentur.

De Antipathia Insectorum cum certis rebus, & quomodo fugari queant, si quandoque in ingentem multitudinem excreverint.

NE quicquam huic materiæ deesse videretur, hoc loco paucis exponam, quibus modis insecta perniciofa fugari & extingui queant. Sunt autem quadruplicis generis, quæ uti historiæ docent infauftis cœlorum influxibus subinde in adeò ingentem multitudinem excreverint, ut integras regiones devastaverint, homines desertis urbibus aliò migrare compulerint, pestem induxerint; Et sunt primò Locustarum exercitus; secundò Murium; tertio Formicarum; quarto Bruchorum; quibus nonnulla addemus de domesticorum vermium, id est, pediculorum, cimicum; pulicumque exterminazione.

Locustarum Exterminatio.

UTi varia locustarum & innumera genera diversis modis generari voluit Natura, ita quoque diversa constituit remedia, quibus eas aut exterminare aut fugare possimus; ita ut ubi malum sive morbus, ibi & remedium præsens sit; Hæc tamen pestis non quotannis, sed certis malignantis aëreæ constitutionis temporibus, ex maligno fiderum influxu propullulare solet. Primò itaque locustæ exterminantur, si locustas magno numero collectas exusseris, ex fumo enim propriæ suæ speciei vertigine invasæ alis privantur, & dum immotæ terræ consistunt, facile vel

Fugatio
Locustarum.

vel comburi, vel aliò transportari possunt; Hoc pacto Æthiopes sese ab hac peste liberare dicuntur. Galeritæ quoque & Graculi locustas earumque ova sectantur in cibum; undè ubi harum avium multitudo est, ibi regio ut plurimum immunis esse solet ob inexplicabilem dictarum avium voracitatem, quam in locustas exercent; potest etiam multitudo hominum hæc pestis tolli; Ita legitur anno 1542. in Mediolanensi Agro locustis omnia vastantibus, præfectus Urbis constituto earum collectoribus præmio, brevi tempore duodecim millia saccorum implevit; ut interim fileam supernaturalia auxilia per processiones, exorcismos, & cæteras Ecclesiæ ceremonias, quæ per Sanctorum intercessionem locustarum perniciem sublatam fuisse, Sanctorum docent historiæ. Idem de bruchorum exterminatione statuendum est; Nam hæc animalia aded sibi similia sunt, ut bruchus vel locustam generet, vel locusta tandem in bruchum convertatur, cum ex eodem seminio excitentur, & differunt uti perfectum ab imperfecto in una specie; cicada siquidem sine alis, cum alis bruchus est, undè iisdem mediis tolluntur, quibus locustæ.

Locustæ in
bruchum
conversio.

Murium
propulsa-
tio.

Altera vastatrix pestis est multiplicatio murium, qui subindè in aded grandem pullulaginem excreverunt, ut erosus frumenti plantarumque radicibus, famem & pestem urbibus attulisse historiæ referant, tanta nonnullorum annorum pertinacia, ut homines urbibus desertis alibi habitare coacti fuerint; contra quos unicum remedium est arsenicum per agros disseminatum, cujus vel odore fugantur, vel etiam minima particula assumpta rumpantur: hoc remedio contra murium pullulaginem quotannis post inundationem Nili ex putri consurgentem se munire solent Ægyptii; unde Veneti magnum ex Arsenico, quod ex Carneolia adportant, lucrum faciunt, dum id Ægyptiis vendunt. Complura alia media occurrunt, sed neque melius neque opportunius arsenico invenire non posse puto, & experientiâ à me comprobatum, mures arsenico ita exterminari, ut vix amplius eo in loco arsenico infecto producantur, aut commorari possint.

Serpentium
fugatio.

Serpentes in nonnullis regionibus ita repullulant, ut eas vix inhabitare sinant; unde

divina providentia destinavit nonnullas volucres, uti Ibides & ciconias, quæ statis temporibus, quibus prodire solent, omnes consumant; hoc pacto Ibides omnia serpentium genera in Ægypto post inundationem Nili nascentia consumunt; quemadmodum in Germania cæterisque Septentrionalibus regionibus Ciconiæ Verno tempore, quo ranis & serpentibus abundant, facere solent. Invenit tamen & Ars huic pernicipi remedium: Cineribus enim Fraxini, quibuscum naturali antipathia dissident, per domos hortosque ubi nidulantur, sparsis abolere solent. Hoc pacto unum ex collegiis nostris in Italia sese ab importuna serpentum multitudo meo consilio præterlapsis annis liberavit.

Jam ad domesticorum vermium, culicum, cimicum, pediculorum, pulicumque molestias eliminandas progrediamur.

Cimices putidissima animalcula *Varro* cucumere anguino aqua macerato, *Didymus* pice liquida & cucumeris sylvestris succo cubilibus sparso fugari dicit; Alii scyllâ aceto maceratâ; Item felle bovis aut hirci unâ mixto aceto parietes irrorari volunt. Putant nonnulli ichtyocollâ, id est, glutine piscium eos fugari, aqua quâ lupini macerantur potens quoque remedium est ad fugandas cimices; nihil est quod pediculi & cimices tantoperè horreant, quàm sulphur & argentum vivum, quo axungia mixto plerumque utuntur. Absynthium, ruta, filix, lavendula aceto macerata, item genista sub pulvinari posita eos fugare dicuntur.

Cimicum
pulvis.

Contra pediculos varii varia præscripserunt remedia; nullum ego potentius esse puto, quam hydrargyron oleo stuphisagriæ aut hyosciami amalgamato; hoc enim pediculos nullibi remanere permittit, lituris vestium illitum.

Pulices necat primum ex Melanchio seu nigella, ebulo, ruta, psyllo vel cucumeris asinini decoctum, & per pavementum cubiculi sparsum: Nil tantopere fugat pulices, quàm fortis odoris plantæ, allium, mentha, lupulus, urina equi, absynthium, Amurca quoque per pavementum sparsa. Pulegium recens incensum; pulicaria verò & sanguis hirci pulices congregant, & innumera alia, quibus Medicorum libri pleni sunt.

SECTIO III.

SECUNDUM NATURÆ REGNUM
explorat.

*Quæ est Philosophia Botanica, & de admirandis
effectibus, quos Mundus Subterraneus in Vegetabilium
plantarumque genesi præstat, & quàm mira inde
arte deduci queant.*

PRÆFATIO.

Absoluta entomogenesi, five admirando sponte nascentium animalium insectorum ortu, quæ primum & supremum in triplici Naturæ Regno locum habent, exacto, jam restat, ut ad secundum Regni Naturæ gradum procedamus, ut quam insolentem & mirificum in ejus operationibus sese Deus Opt. Max. ope Naturæ famulæ suæ, sese præbuerit, ex ejus effectibus *Lectori* curioso innotescat; ex quibus *Lector* apertè videbit, Divinam Sapientiam juxta analogiam quandam omnia condidisse; ita ut nil sit in uno, quod non in alio juxta analogiam quandam simile elucescat; nam analogicæ artis regulas quicumque noverit, illum nihil in natura rerum, quantum humano ingenio permittitur, incognitum, non quidem juxta intimam rerum perfectionem, sed juxta humani intellectus proportionatam capacitatem, latere posse, planè mihi persuadeo; Quod tum vel maximè elucescit, dum Ars abdita Naturæ semitas penitus investigans, ejusque operationes æmulata, tot ac tam mirabiles effectus producit, quos in hac Sectione exponendos *Lectori* & magna experimentorum arcanissimorum congerie, communicandos duximus.

CAPUT I.

De mirifica seminis in Vegetantibus vi & efficacia.

Implantatum à Deo Opt. Max. Authore Naturæ in primordiali Chaoticæ massæ conditu fuisse spiritum spermaticum non in animalium duntaxat, sed & vegetabilium propaginem in præcedentibus ex sacro *Genesis* textu ostensum fuit; cum Deus nullum five animal, five plantam immediatè, sed mediante subjecta materia veluti è potentia ad actum eduxerit; Gloriosus enim Deus creavit omnia simul, eo fine, ut semel producta deindè per proprii seminis efficaciam nullo unquam tempore, quantum ad præsentis temporis statum, desitura continuatione sese propagarent: Hoc autem semen vegetantibus innatum causa proxima est & immediata generationis & productionis nascentium omnium. Quoniam verò nullum vegetabile sine alimento vivere potest; hinc istiusmodi duplici veluti magnetismo quodam ad se plantæ attrahunt, quorum primus in humido terreno jam universali semine imbuto; Alter in aëre fundatur, quo in alimentum, quod ex ter-

ra per radices ex humido terræ grossiori extrahit vegetabile, id per truncum, ramos, folia calore externo subtiliando usque ad locum semini destinatum propagat; Cum rursus nulla pars vegetabilis sit, quæ non in se spermaticas quasdam rationes plantæ proprias contineat, hinc quoque illa nascuntur vegetabilis Naturæ semina, quæ uti in differentibus plantarum partibus vim suam exerunt, ita quoque ab iis decisa differentes in sponte nascentibus formas producant: Dixi *decisa*, quia conjuncta plantis semina semper idem producant, uti ex arboribus patet, in quibus, vel ex ipso trunco & cortice producta germina idem semper cum toto produnt; intra terram verò putrefactæ plantarum partes, uti à primigenio vegetabilis semine degenerant, ita quoque ob virium imbecillitatem, aliud imperfectioris plantæ germen producant, quod nos sponte ex putri nasci dicimus; de quibus cum in præcedentibus sectionibus fuisse egerimus, eò *Lectorem* remittimus. Si quæras, quomodo semen

Semen u-
niversale
quomodo
attrahatur.

semen universale chaoticum omnibus rebus inexistens à plantis attractum tam differentes vegetabilium formas constituat? Dico id fieri per attractionem alimenti; humidum enim mox atque à planta attractum fuerit, statim id semini in plantæ singulis partibus inexistenti proprio junctum, in succum convertitur plantæ connaturalem, ita ut si à pyro attrahatur pyrus, si ab absynthio absynthium, si à rosa, rosa producat, & sic de reliquis; quia alimentum in quo semen universale existit à differentibus plantis attractum, statim juxta conditionem cujusque in iis individuatur, unde necessario formarum diversitas nascitur unà cum proprietatibus & viribus unicuique debit. Si quæras, qui sint illi spiritus spermatici tantorum mirabilium, quæ in plantis conspiciuntur, Architecti? Dico tenuissimam esse alimenti partem, sive lucem illam primigeniam in semine chaotico latentem, quæ mox atque in plantis individuatur, statim simul etiam defert virtutes facultatesque animæ vegetantis per totum ejus corpus, atque unà plastica sua facultate & folia in differentes formas pro cujusque requisita Naturæ dote transmutat, flores in debitas formas dispescit, colore appropriato depingit; semina jam cortice vestit, modò folliculo contegit, nunc spinoso integumento induit, contra omnes extrinsecas injurias mu-

Spiritus
spermatici
qui.

nit; quod itaque radii solis in Sublunari Mundo operantur, id spiritus animæ vegetantis per universam substantiam diffusi præstant in vegetabilibus, dum calore tum interno tum ambientis agitantur; qui uti ex alimento hylæo jam individuato primo originem suam trahunt, ita quoque crassiores paulatim ex invisibili substantia redduntur visibiles, quia ex grossioribus partibus eorum fit corpus vegetabilis plantæ, ex his verò partibus subtilioribus, quæ in grossiori persistunt alimento, fiunt folia & flores, & ex his fructus, & ex fructuum subtilioribus partibus fit semen, in cujus centro latet pars illa subtilissima aquæ illius seu humidi chaotici, humido elementari mixti, quæ totum vegetantium corpus componit, ex qua deinde fit germinatio & pullulatio; hoc verò semen si terræ mandetur, illud denuò chaotico humido spermatico dissolutum, digestum, fermentatumque per putrefactionem ad novam illud germinationem disponit; atque in hoc semine anima vegetantis residet, non quidem in toto corpore nisi per rationes quasdam ideales, sed in seminis jam perfecti minima scintillula, quæ à quibusdam chymicis 8200 pars esse censetur; ut proinde sapientiam Conditoris satis admirari & laudare non possimus, qui ex tantillo corpusculo, tantas arborum etiam cellissimarum moles educere sibi complacuerit.

Seminis
pars vera
quota re-
spectu to-
tius.

CAPUT II.

De tribus Naturæ principiis, è quibus tanta plantarum varietas nascitur, rerum omnium fermentativis.

INnumerabilis planè plantarum varietas in vegetabilis Naturæ, non secus atque in animalium regno reperitur, cujus quidem rei ratio alia non est, nisi seminum ex quibus plantæ tum perfectæ, tum spontè nascentes oriuntur, diversitas; quæ tamen omnia ex Mundi subterranei monarchia originem suam primordialiter trahunt, ut jam ostendemus.

Diximus in præcedentibus, semen Naturæ omnibus rebus inexistere, & prout illud à plantis attractum individuatur, semper novas & novas plantarum formas pro conditione seminis cui commiscetur, producere; semen autem illud nil aliud esse asseveramus, quam spiritum salino-sulphureo-mercurialem elementis congenitum, cujus beneficio pro varia combinatione commixtionis, differentium plantarum formæ diversis proprietatibus præditæ educuntur; & sulphur quidem subtilissimus tenuissimusque spiritus igneus, omnium actionum, virium, proprietatumque in vegetabilibus primum principium & origo; qui si in mixto quodam vegetabili prædominetur, tunc illud quoque igneæ prorsus naturæ esse convincetur, uti

experientia docet in pipere, zingibere, charyophyllis similibusque. Quoniam verò hic igneus spiritus sulphureus sine humido subsistere non potest, hinc necessario ei accedere debet Mercurialis liquor, seu humidi radicalis portio, quæ si in vegetabili aliquo prædominatur, illud sanè non nisi aëreæ, vel aqueæ naturæ esse, conjecturamus, definiturque à Spagyricis rerum omnium alimentum: Sed enim cum nec spiritus igneus aqueusque consistere possunt, necessarium iis fuit fulcimentum quoddam, quo solidam consistentiam obtinerent, atque hunc salem dicimus rerum omnium Condensativum; hujus enim ope plantæ solidam corporis consistentiam acquirunt.

Nemo tamen putet, nos hoc loco asseverare, sulphureo-salino-mercurialem spiritum spermaticum, è sulphure, sale, & mercurio minerali compositum esse, haudquaquam, sed esse quidpiam salis, sulphuri, & Mercurio communis analogum, & quoad vires & proprietates, haud absimile, indissolubili vinculo elementis conjunctum asserimus; insensibile quoque, cum sulphur naturæ in resolutione spagyrica, non nisi sub forma olei pinguis

Bbb 2

&

& inflammabilis; Mercurius sub forma liquoris; Sal sub salibus cineribusque elucescat, quæ tamen tria rerum principia proxima in uno salino corpusculo, inseparabili nodo conjuncta esse tum ignea acrimonia, tum humidum, in quod frigido loco repositum resolvitur, ipsa denique propria salis corpulentia sat superque docent.

Et quamvis complures sunt salis differentiarum, uti in *Sexto Libro* ostendimus, in duas tamen classes commodè hujusmodi sal dividi posse existimavimus, ita ut prior classis sit Salis fixi, altera Salis volatilis, quæ salia tum in omnibus rebus, tum potissimum in omnibus vegetabilium speciebus à Chymicis ubertim reperiuntur & colliguntur; fixum quidem in cineribus, volatile ex vegetabilium combustorum fuligine segregatum, utrumque tamen virtutes & proprietates vegetantis, undè extractum, reſervat.

Est tamen & hoc admiratione dignissimum, sal animalium multò esse levius pondere, sale vegetantium; & hoc levius sale minerali, quod utique ex alia causa non fit, nisi quod sal minerale cum sit terreis quicquiliis commistum, necessario ponderosius sit; sal vero vegetantium levius, eò quod id terrestrium quicquiliarum miscella depurgatum, aut grossioribus terræ partibus relictis in ultima sua resolutione ab omni miscella purum maneat; Sal verò è sensitivis extractum, levissimum omnium sit, eo quod per plures depurationes caloris nativi ope factas, tandem ad summum suæ subtilitatis terminum pertingat. Verbi gratià, si fuerint in compositione salis vegetabilis quatuor aquæ pondera, tria terræ, duo aëris, & unum ignis, erunt in salis animalis compositione, pondera fere contraria, utpote quatuor ignis, tria aëris, duo aquæ, & unum terræ; In minerali verò sale

erunt quatuor pondera terræ, tria aquæ, duo aëris, & unum ignis; undè sal animale toto cælo à minerali differre Spagyrica arte comperitur, ut sequitur:

In sale Minerali

partes	4	3	2	1
<i>In sale Minerali</i>	terræ.	aquæ.	aëris.	ignis.
<i>In sale Vegetabili</i>	aquæ.	terræ.	aëris.	ignis.
<i>In sale Animalis</i>	ignis.	aëris.	aquæ.	terræ.

Quamvis & hæc in diversis animantium, vegetantiumque speciebus differant, pro temperamentorum videlicet differentia. Verum de hisce peculiari capite in sequentibus agitur.

Ad elementorum verò pondus & gradus quod attinet, etsi illud arte reperire Peripateticis *ἀδύνατον* forsitan videatur, Spagyricis tamen id haud adeò difficile est, ut multi sibi persuadere possent; dum enim vegetabile quoddam mixtum igne comburitur & calcinatur, si illius pondus fuerit unius libræ, cinis qui ex combustione superest, ut plurimum ponderis erit quatuor drachmarum circiter, reliquum terræ quod inter calcinandum sursum una cum reliquis elementis sublatum est, majoris ponderis esse non potest, quàm ipsa terra fixa in cineribus superstes; undè colligere possumus, quantum terræ insit in compositione vegetabilium; siquidem repertum fuit à peritis Spagyricis è sedecim partibus, unam esse terræ, quatuor aquæ, octo aëris, tres ignis distillatione peracta; Nam in plantis succulentis semper medium pondus aquam obtinere comperimus, in qua cum sint duo pondera aëris, & unum terræ, & ignis unum, quibus subtractis, remanebunt 4 pondera aquæ. Verum de hisce in sequentibus ex professo fusior dabitur dicendi materia; sufficit hoc loco tantum triplex salium pondus indiguisse.

CAPUT III.

DE DIFFERENTIIS PLANTARUM.

Quæ necessaria sint ad plantarum vires cognoscendas, & quomodo ex diversitate vires explorandæ.

Dividitur itaque Plantarum genus omne primò in Arborea, frutices, suffrutices, herbas. Arborum sunt vel Glandiferae, vel Nuciferae, Coniferae, Resiniferae, vel Pomiferae aut Bacciferae, vel denique Steriles, Venenatae, semper virides aut admirandæ virtutis. Frutices sunt vel majores, vel minores; quos sequuntur suffrutices minores, uti bruscius, ruscus, eringium. Herbarum innumerabiles sunt differentiae, uti sunt graminum, arundinum diversæ species; sunt aliæ bulbosæ, tuberosæ, coronariae, floriferae, leguminosæ, odoriferae, oleaceæ, aliæ Certifolia, Nervosolia, Acutifolia; sunt & repentes & scandentes: Aliæ tomentosæ,

pinguifolia, lactariae; Non desunt umbelliferae, corymbiferae, capitatae, pomiferae, tandem miraculosæ. Verum ut *Lector* una synopsi totum comprehendat, Tabulam Analyticam omnium hic apposui.

Exhibuimus in hac Tabula universalem quandam plantarum synopsin, quarum si singulas posteriores species examinare velimus, novam reperiemus in singulis speciebus incredibilem rerum diversitatem; cum nihil parè in planta considerari possit, quod non peculiaribus ac differentibus virtutibus constet. Habent in plantis aliam virtutem radix, aliam cortex, folia, flores, fructus, semen, aliam; aliam succi ex eis expressi & inspissati, uti

Glandifera.
 Nucifera.
 Conifera, seu
 Resinifera.
 Pomifera.
 Baccifera.
 Lanifera.
 Steriles.
 Venenata.
 Admiranda.
 Semperviva.
 Decidua foliis.

Frutices { Facundi
 ciferi.
 Majores, { Steriles
 fructibus
 Frutices minores, se.
 Suffrutices sunt

Quae graminis nomi
 gaudent in 3 classes
 dividuntur, quarum
 I continet

Bulbosa.
 Tuberosa 14 species
 bent.
 Floribus conspicua.
 Odoribus eximia.
 Leguminosa.
 Holeracea.
 Foliorum differentia
 multiplices.
 Nervosa.
 Acutifolia spinosa.
 Capillares.
 Repentes in terra, se
 aliis suffulta, seu
 scandentes.
 Tomentosa, seu lan
 ginosa.
 Pinguifolia, seu semp
 viva.
 Lactaria.

Umbellifera.
 Corymbifera.
 Capitata & Pomifera
 Guttantes, sive Lachn
 mosa.
 Resinifera.
 Admiranda.



uti Aloë, opium, acaciæ, manna; aliam, quæ ex ipsis emanant gummia, uti Galbanum, opopanax, sagapenum, euphorbium, similiaque, aliam gummia resinacia, uti thus, mastix, myrrha, bdellium, & quæ liquidam à natura substantiam adeptæ sunt, uti Balsamum, therebintinum, cedrinum, styrax liquida & innumera alia, cujusmodi sunt & resinæ siccæ, uti pix, abiegna, pinea: Atque hæc quoad substantiam plantarum dicta sufficiant. Restant, reliqua plantarum accidentia varia exploranda, quam nos juxta varias combinandi regulas hoc pacto investigare juxta seriem 9 Prædicamentorum solemus.

Quantitas
herbarum.

1. Si *Quantitatem* herbarum consideremus, inveniæmus in singulis longitudinem, latitudinem soliditatemque in radicibus, trunco, foliis, floribus, fructibus, seminibus differentem. Si durationem; videbimus singulas differentes habere durationes, variasque ætatis, ortus, maturitatis & occasus, & demum collectionis conditiones fortiri; Cum aliæ hybernæ, aliæ vernæ, æstivæ aliæ, autumnales denique aliæ oriantur, occidunt, maturentur, colligantur.

Qualitates
herbarum.

2. Si ad *Qualitates* singularum investigandas progrediamur, eas aded differentes reperiemus, ut ubi quis incipiat primum, vix discipere possit; In his enim primò colores odores, sapes, & mollitudo occurrunt, & similes, quas Philosophi primas & secundas qualitates ex elementorum temperamento natas vocant; accedunt hisce qualitates specificæ à totius substantiæ similitudine emanantes, multiplici virium & proprietatum differentia præditæ; adduntur hisce sympathicæ cum antipathicis mirum in modum coluctantes; non præteribo hîc, quæ ad geometricas figuras pertinent, quas maximè in sese exerunt in foliis, floribusque; in hisce sunt, quæ 3. 4. 5. 6. 7. 8. & 12. foliis instruantur, & *Polyphylla* vocantur. In umbelliferis & coniferis quoque admirandum Naturæ Geometricum artificium patet; in aliis radiofa herbarum propago maxime elucet, uti in heliotropiis. Huc quoque pertinet characteristica plantarum signatura, quæ nihil fere in rerum natura est, quod non vel foliis, floribus, fructibus, seminibus exhibeant; In pæonia maxime elucet caput humanum; in papavere caput coronatum; in dentaria dentes, & sic de cæteris, de quibus uti fusissimè in *Libro III. Artis Magnetica*, & in *OEdipo de Medicina Egyptiorum Characteristica* egerimus; ita *Lectorem* ed remittimus.

Relatio
herbarum.

3. Investigatur herbarum vires, maximè attendenda erit utriusque sexus conditio, analogiæ quoad similitudines & dissimilitudines tum inter se, tum ad animalia relatæ, Palmæ utriusque sexus plantæ aded se deperunt, ut una sine altera perire necesse sit, conjugæ quoque orbatam viduam sterilescere observatum fuit; Imò maris flores trunco erutos amariæ capiti circumpositi amantem

amoris pignore non exhilarat duntaxat, sed & uberi fœtura fœcundat.

4. Ad *Actiones* plantarum revocantur potissimum eæ herbæ, quæ lite & amicitia inter se diffident, uti brassica cum vite, filix cum arundine, & innumera alia; ex hisce enim mira & vix credibilia arte fieri posse in sequentibus aperiemus.

5. *Passiones* plantarum spectant potissimum ad modos plantas colligendi, exiccandi, asservandi; præterea violentam degenerationem morbos ab insectis illatos, vitam longam aut brevem; & quæcunque tandem ad culturam plantarum pertinent, uti postea videbitur.

6. Per *Quando*, durationem plantarum investigamus, dum quando illa opportune colligi debeant, quærimus: Sunt enim plantæ efficaciores, meliores in hoc vel illo mense collectæ, non solum quoad totam plantæ substantiam, sed quoad radices, flores, fructus, semina; sunt & aliæ brevis, aliæ longæ vitæ, quæ omnia nobis magnarum rerum indicia in usu medico præbent.

7. *Ubi*, locum plantarum considerat: Sunt enim aliæ sylvestres, aliæ hortenses, aliæ montes amant, aliæ convalles & plana; quædam aquis, fontibus, lacubus, fluminibus, mari gaudent, aliæ saxosum, aliæ pingue solum appetunt; Non enim omnis fert omnia tellus; unde quot sunt differentia climatum intervalla, tot differentes plantas nasci necesse est, patrii soli tam tenaces, ut si ex uno climate in alterum transplantentur, eæ vel prorsus pereant, vel aded degenerent, ut vix dignosci queant; quorum rationes in sequentibus dabimus; terrenæ quoque substantiæ differentis virtutis considerandæ sunt.

8. *Situs* unicuique plantæ proprium docent erectio, incurvatio, declivitas, reptatio, scansio, naturalis partium positio, uti radicum, seminum, &c. Quæ omnia in Botanica physica reconditos fines habent.

9. Docent *Habitus* plantæ sanæ vel morbosæ, ornamenta quoque & indumenta, quæ in scapo, foliis, floribus spectantur.

Quoniam verò celeberrimum Cabalistarum Axioma est; *nullam esse herbam in terra, cui non astrum quoddam in cælo correspondeat, quod illi dicat; Cresce*, certè magni in re Botanica momenti est, considerare huiusmodi Solis, Lunæ cæterarumque planetarum, fiderumque fixorum correspondum seu harmoniam; unde non immerito secretioris naturæ Mystæ plantatum omne genus juxta septem planetarum analogiam disposuerunt, ita ut aliæ Saturninæ, Jovialis, Martialis, aliæ Solaris, Venereæ, Mercurialis & Lunarîs naturæ ex Planetarum natura & proprietatibus, juxta analogiam quandam esse ostenderentur; Maximè quoque tempus, aëris constitutio, terræ qualitas consideranda sunt, ut tandem nonnihil de ejus intimis viribus & proprietatibus concludas. Hæc verò interior

terræ dispositio nti à Subterraneis Mundi habitibus, & vaporibus originem habet, ita exterior coelestis ex disposita jam terra cum appropriatis feminibus eam educit herbarum varietatem, quam in *Tabula Synoptica* exhibuimus.

Hiscæ itaque probè cognitæ nihil amplius restat Naturæ Mystæ faciendum, quàm ut juxta cognitum Naturæ prototypum Spagyricæ artis subsidio fultus, ad eas, quas mirantur mortales, foeturas producendas sese accingat.

CAPUT IV.

De Arte Emphyteutica, seu Infitionis.

INter cæteras humani ingenii industrias, Emphyteutica facultas seu Infitionis maximè elucet, qua ad Naturæ exemplar tam aptè & concinnè diversarum specie plantarum unius arboris hypostasi inferendarum modum invenit, juxta illud *Paladii*.

*Sub thalami specie felices jungere sylvas
Ut soboli missus crescat utrimque decor.
Connexumque nemus vestire affinis umbris,
Et gemina partum nobilitate coma.
Faderibus blandis dulces committere succos
Et latum duplici fruge saporis ali.*

Quemadmodum enim animalia diversa in unum coitu mista differens & utrique quid haud absimile proferunt, sic & Emphyteutica sive Infitionis Ars, quæ in plantis nil aliud, quàm coitus quidam est, quo diversæ plantarum species in unum suppositum compinguntur, unde mira illa Naturæ, quæ in una & eadem arbore nonnunquam spectamus, miracula elucescunt. Quomodo verò illud contingat, jam ad physiologicam amussim exponemus.

• Tria Emphyteuseos sive Infitionum genera ab Antiquis tradita *Columella* recenset, & ex eo *Palladius*; unum quod fit sub cortice, quod videlicet resectum germen inter corticem & truncum interiorem recipit seminalem virtutem; Alterum in trunco, quod resecta & scissa arbore suscipit insertos furculos, & utraque sunt Verno tempore opportuna; Tertium fit emplastro, quam & emplantationem vocant, eò quod ipsas gemmas cum exiguo cortice in partem sui constitutam recipit, quæ & Æstate potissimum instituitur; quibus nos duo alia adjungimus, uti mox patebit.

Fit autem coalitio ista duarum specierum in unum, non nisi mirabili quodam magnetismo, quo duo differentia similitudine quadam Naturæ sese mutuo appetunt, sese attrahunt, sibi que mutuas virtutes communicant; Quemadmodum enim in præcedentibus exposuimus, nihil in rerum Natura fit, quod non cum aliquo similitudine aut dissimilitudine, seu quod idem est, attractu, vel repulso, amicitia & odio, consono aut dissono conveniat; Hinc ad mutuam fomentum similia ad similia ex se & sua natura confluunt, dissimilia verò cæca quadam Naturæ discordia fiunt.

Regula Emphyteutica Artis.

1. **I**N Emphyteutica itaque arte cumpri-
mis, ut amicas ad se invicem plantas, quas in conjugium desponsari moliris, attendas necesse est: Siquidem dissimilia aut antipathica uti ex se & sua natura sese fugiunt, ita quoque inserta aut prorsus pereunt, aut irritò labore sterilefcunt.

Sunt furculi sym-
pathici.

2. Habeant furculi cognationem quandam cum arbore, cui inferendi, sunt, ita ut eodem tempore unà aut germinant aut flo-
reant, quo arbor; secus enim, frustra laborabis, cum proportio attracti alimenti sit inæqualis, neque facile dissimilis humoris constitutione coalescat.

Surculi inferendi
eodem tempore
floriscant.

3. Opportuum tempus eligendum; non enim quovis tempore alimentum humidum eandem constitutionem habet; Itaque plerique infitionis tempus eligunt Vernalis; hoc enim succus in utroque est vegetus, blandus, & ad coalescendum maxime aptus; Alii juxta conditionem furculorum arborumque conditionem nunc Vernalis, nunc Æstivum aut Autumnale assumunt.

Temporis
electio in
Emphyteusi.

4. Surculi præterea non statim atque ex arboribus decisi fuerint, inferendi sunt, sed desinente Luna accipiendi sunt decendio circiter ante infitionem, deponendique in vase cooperto & probè munito.

5. Coalitio sit in parte nitidissima, nihilque in ea ulcerosum, tuberosum aut retortum, resectis circum circa stolonibus germinibusque; unde magni momenti scias esse, ut inferendi furculi ex opportuno arborum loco decidantur, quod fiet si germina ex arbore æstivam Solis orientis plagam respexerint, sintque furculi foliis succoque turgentibus, & etiam si fructum necdum tulerint, spem tamen multiplicis fructus annis insecuturis præ se ferant.

Locus in-
fitionis in
furculis inferendis.

6. Surculi qualitates monstrat *Columella*. Surculos, inquit, ad infitionem sumpturus, vide-
de, ut sit arbor tenera & ferax nodisque crebris, & cum primum germina tangebunt, de ramulis anniculis, qui Solis ortum spectabunt. & integri erunt, eos legito, crassitudine digiti minimi; Surculi sint bifurci vel trifurci: Eadem *Palladius* à *Columella* habet. *Plinius* aliqua addit: *Virgilius* ex cacumine inferi verat, certumque est, ab humeris arborum Orientem æstivum spectantibus furculos petendos, &

Surculorum
qualitates.

& è germine novello, nisi vetustæ arbori inferantur; hi enim robustiores esse debent.

Surculi vitium ficorumque.

7. Surculos prægnantes, hoc est, germinatione turgent, de quibus eo anno germinandi spes est, bimos utique nec tenuiores digito minimo, seligas oportet. Variè quoque, & non iisdem in partibus subest omnibus succus; vitibus ficisque media ficiora, & è summa parte conceptus, idè illinc surculi petantur; Oleis circa medias succus, indè & surculi cacumina sitiunt.

Surculorum nitor.

8. Surculi, qui inferuntur, sint nitidi, fertiles, nodosi, ex arboris parte, quæ ad Aquilonem spectat, acutis falcibus decisi, de novo nati, læves, frequentibus gemmis prægnantes, bifurci, vel trifurci, ab imo crure simplices, crassitudine digiti minoris, bimi; Anniculi enim promptè excurrunt, sed sunt infœcundi.

Arbores Domesticæ Sylvestribus inferendæ.

9. *Theophrasto* docente urbana arbor multum fructificabit, si sylvestribus arboribus suæ speciei inferueris, nam plus alimonie subditus truncus suppeditat; unde satis prius oleastris inferunt oleas: Coeunt enim validius, ac radix plus trahens alimenti foecundior arbor reddit, contra autem si sylvestrem miti inferueris, etsi differentiam quandam reperias, bonæ frugis tamen arbor nunquam erit; & quamvis *Varro Theophrasto* contradixisse videatur, facile tamen concordari possunt, cum *Theophrastus* de foecunda germinatione, *Varro* verò de dulcedine fructuum ex arboris domesticæ in domesticam infitione proveniente locutus sit.

Congruentia germinationis.

10. *Plinio* teste facillimè coalescunt, quibus eadem corticis natura, quæque pariter florescentia eodem tempore germinationem, succorumque societatem habent: Lenta enim res est, quoties humidis repugnant sicca, molibus corticum durities.

Fissuræ ratio in surculis inferendis.

11. Ad ipsam infitionem quod attinet, caveas ne fissura fiat in nodo: repudiat quippe advenam inhospitalis duritia; fiat itaque in parte nitidissima, neque fissura non multò longior tribus digitis, non obliqua, neque translucens. Inferuntur autem & inversi, eo fine, ut minor altitudo in latitudinem se fundat; inferantur autem prope terram, si id nodorum truncique conditio permiserit; eminare calami sex digitorum longitudinem non amplius debent.

Calami pomorum longè aliorum quomodo conservandi.

12. Quod si longius afferantur pomorum calami, rapo infixos optimè custodire succum nonnulli arbitrantur, servarique inter duos imbrices juxta rivos vel piscinas, utrimque terrâ obstructos, vel etiam infixi luto, in vase diligenter oblito, ne ventum sentiant, conserventur. Sed modum inversum surculum ferendi à *Plinio* appositum, ne arbor in altum excreseat, falsum se reperisse, ait *Porta*; quippe in vite & pruno expertus, ad reliquarum altitudinem pervenisse; *Tutior mihi*, inquit, *videtur hic modus, ut bimos vel trimos surculos & annosos, detractos supra inferamus,*

tunc enim in latitudinem se diffundunt, & hoc modo cerasa & ficus pumilas fecimus.

13. Plantæ ἐλαιώδεις, hoc est, oleosæ natura infitiones nullo modo admitti possunt, neque enim conum aut cupressum, vel pinum, & omninò piceas peregrini quippiam vel pati, vel alere referunt agricolæ: cujus rei argumento est, si plantam quamlibet oleo inunxeris, demoritur protinus: Commemoratas verò arbores præpingues esse ac oleosas, indicio esse potest, quod effluxus picis aut resinæ aliis permisceri renuat, sicut nec oleum ipsum. Apud rei Agriculturæ studiosos sæpè agitur quæstio, utrum sit melius plantas in seminariis ferere, postmodum inferere, ac deindè in pomarium transferre: Cum apud Veteres legatur hoc pacto transplantatam arborem mitiorem reddi: an autem in sylvis inferere, ac postea in pomarium transplantare consultius sit: de hoc sane rationes probabiles utrinque adducuntur: nobis autem experientia demonstravit, melius esse in pomario sylvestres plantas ferere, ac ubi optime provenerint, inferere, quam infitas transferre: nam cum has transferimus, veluti loco peregrino inassuetas sæpè infirmari videmus, & multoties exarescere.

Oleosæ arbores infitioni ineptæ.

14. Præterea si velimus infitas arbores eo anno, quo inferimus fructus afferre, hic erit modus: Veterem surculum inferas, præsertim qui floribus & gemmis tumeat, & qui frequenti anno fructus laturus sit, ut in sua arbore concipiat foetus, hinc verò pariat, quos in sua arbore laturus erat.

Fructus ut ferant eo anno quo infertæ sunt modus.

Atque hæ sunt Regulæ, quas in felici infitionis negotio adhibere debes. Quare nil restat, nisi ut experimentis modum procedendi demonstramus.

EXPERIMENTUM I.

Emphyteuticum.

Quod, quomodo sub cortice infitio facienda sit, ostendit, quam & infoliationem dicunt.

ARborem quam inferere voles, primò ferrâ diligenter ex ea potissimum parte, quæ maxime nitida est, & nullis tuberibus, ulceribus aut cicatricibus obnoxia est, incidito, ea cautela adhibita, ne librum seu corticem lædas, hoc peracto, cuneo ferreo aut melius osseo intra plagam, id est, intra corticem & truncum intromisso, non minus tribus digitis leniter, ne cortex rumpatur, penetrabis; Postea surculos, quos inferere vis, intra apertam jam plagam tam profunde, quàm cuneum immisisti, leniter ne corticem aut medullam ferias, cuneo extracto, intrudito, surculos verò ita accommodabis, ut tres digitos intra plagam condantur, extent verò sex fere digitis; In una autem arbore plures surculos dicta praxi inferere poteris, quæ tamen proportionatam inter se distantiam habeant, ne unus surculus suffurato vicino humore

more reliquis damnum adolescendi inferat. Tandem hoc peracto, totam plagam spaciumque, circum circa luto oblines, supra lutum verò muscum ex arboribus decerptum apponito, ita firmatum, ne ventorum pluviarumque injuriâ dissipetur.

EXPERIMENTUM II.

Quod Quomodo in trunco Arboris insitio instituenda sit demonstrat.


ARboris truncum resectum, vinculis artioribus constructum scalpro modicè findito, ita ut fissura trium digitorum latitudinem habeat; quo peracto, furculos congruos à te selectos, ex utraque parte in cunei formam rasas, integra tamen & incorrupta medulla, indito prius ad apriendam fissuram cuneolo, demergito, quo extracto depositus redeuntibus in plagam secti trunci lateribus, furculus astringetur, & tandem luto muscoque eo prorsus modo, quo in præcedentibus factum est, modo plagam oblinito, & habebis insitionis opus peractum. Truncus A. plaga C. truncus è latere B. furculi inferendi D. D.

EXPERIMENTUM III.

Quod Insitionis genus, quam emplastrationem sive Inoculationem vocant, ostendit.

Tertium hoc Insitionis genus subtilissimum, non omnibus arboribus congruit, sed iis solummodò, quæ humidum succosumque ac validum corticem seu librum sortitæ sunt, uti ficus, nam & lacte turgēt, & corticem validum robustumque habet, sic autem procedito.

Surculos cujuscunque tandem arboris congruæ à te selectos, quæ nitidos, novellos foecundosque ramos habeant, assumito, in quibus maxime gemmam seu oculum observabis, quam circumcidito eâ, quæ sequitur, industriâ: Sit gemma frondis, sive involucri oculi, *abcd*. Oculus I. involucri



efgh, in quadrati formam *abcd*. incidēs, eâ tamen cautelâ, ne oculum lædas; hoc peracto, seliges cujuscunque tandem arboris congruæ ramum nitidissimum, quem eo ingenio incidēs, ut gemmam seu oculum fissura facta commodè recipere valeat; hoc etiam peracto; inditam sine læsione oculi, gemmam, emplastrum ita accommodato, ut incisionis tum arboris, tum gemmæ involucro exactè respondeat, circumligatumque emplastrum magnâ cautelâ, ne oculo noceat,

vincias, deindè commissuras & vincula luto circumdato, ita tamen ut gemmæ oculus liberum germinandi spatium habeat; & hoc pacto lutatum emplastrum post 21. circiter dies soluto emplastro gemmam jam coalitam arboris ramo naturæ perficiendam relinque. Alio modo sic procedito: Arborem terebrâ ad medullam usque perforato, plaga interius leniter inclinata, deindè educto omni scobe, vitem vel ramum foecundum & humentem stricte foramini intrudito, eâ tamen industriâ, ut duæ vel plures gemmæ foris emineant, quo facto argilla & musco locum diligenter oblinito, & habebis intentum.

CONSECTARIUM I.

HOC pacto Pomus Salici & Populo, Vitis Ulmo & Moro, Amygdalus & Perfico, & pruno inferi possunt, quæ si gemmis suis uniantur, & pruno inferantur juxta *Experimentum III.* pulpa Perfici, nucleus verò Amygdali saporem referet. Rursus hac arte Oliva Oleastro, Ficus Moro, Morus verò vicissim fico, fraxino, castaneæ, inferitur; Cerasus Lauro, platano, pruno, populoque uniri amat. Pyrus hortensis Sylvestri, pomo, fraxino, amygdalo, ornis, castaneis, mespilis, malisque punicis incorporari ambit; Nux pruno, unde fructus nuci-pruna; Nux iterum perfico, unde nuci-perfica, & amygdalus fico inferi potest. Pomus ejus salacitatis est, ut decem se arboribus differentibus, uti pyro, pomis sylvestribus, pruno, scorbis, salici, platano, perfico, populo, mespilo, castaneis prostituere non detrectet; sola cydonia malus omnium reliquarum execratur consortium, uti nonnulli putant, quod tamen nos falsum reperimus, neque obstat illud poetæ de Cydonia:

*Nam propriis pandens cognata cubilia ramis
Stat contenta suam nobilitare domum.*

Quæ verò amico insitionis consortio potissimum gaudeant, est primò: Malus cydonia, quam solam suæ tantum speciei insitione lætari nonnulli asserunt; At nos aliud experientia docuit; hæc enim dum scribimus, à nostro villico mihi monstrata fuit cydonia pomus, cui Oxyacantha inserta ex una parte fructibus, quos *Lazeroli* vulgò vocant, ex altera pomus cydoniis onusta, pulchro sanè spectaculo conspiciebatur. Mespilus verò Quercu gaudet & pyro; Moro malus citria; prunus seipsa & castanea; Quemadmodum enim magnes applicatus ferro statim confluit, ita hæc ritè applicatæ amicæ & sympathicæ arborum species sese mirificè trahunt. Sed qui plura hujusmodi scire desiderat, is non libros, sed rusticos consulat, quorum longa & frequenti experientia innumera hujusmodi nobis primum innotuerunt, nostrum est, omnium horum veram & genuinam causam assignare, quod in sequenti Disquisitione nos præstituros speramus.

DIS-

DISQUISITIO PHYSICA,

Quâ

*Mirificum hoc Arborum differentium à Par-
nympha Natura constitutum Conjugium,
multiplici Experimentorum de-
monstratione exponitur.*

CElebre priscorum circa hoc Naturæ my-
sterium epiphonema fuit.

Ἡ Φύσις τῇ Φύσιν ἡγεμένη.
ἡ Φύσις τῷ Φύσιν νικᾷ.
ἡ Φύσις τῷ Φύσιν κρατεῖ.

Id est:

diversa plantarum natura formas educit; quæ
uti sine alimento vivere non possunt, ita quo-
que perpetuè ex humidi hujusmodi sperma-
tici fuctu attractuque mira quadam pericy-
clofi conservantur; siquidem & quod in hu-
mido sulphureum latet, id quoque differenti
coctionis gradu differentes colorum species,
uti alibi ostendimus, in plantarum sive foliis,
sive floribus & fructibus efficit; Quod mer-
curiale est, succos, liquores; quod salinum,
præter solidam consistentiam unà cum reli-
quis pro combinatorum plantarum constitu-
tione odores & sapes confert, aliisque vir-
tutibus tum manifestis, tum specificis, quas
occultas vocant, plantas ditat ditatque. Hinc

Tom. II. 384



om-
nis
ura
vis


inceptorum et ceterorumque animalium generum
præstitum fuit, exhibeamus; quod qua fieri
potest, brevitate expediemus.

Nemo ignorat, alimentum plantarum esse
humidum terrenæ substantiæ inexistens, in
cujus intimo centro latent illa tria proxima
rerum principia; Sal, Sulphur, Mercurius:
elementis veluti amictu quodam induta; ubi
verò humor ille spermaticus pro diversa ter-
restrium partium natura diversus est, ita quo-
que differentes effectus in alimentis, alito-
rumque in substantiam conversus præstat.
Hoc quippè semen universale semini cujus-
que plantæ mox ubi junctum fuerit, statim
quoque in eadem individuum, diversas pro

et in *Phylognomia* de temperamentorum in
hominibus mira diversitate docuimus: Cum
vix hominem reperiās, qui alteri prorsus, sive
vultum, sive vocem, sive incessum, sive deni-
que totius corporis habitum animique incli-
nationem species, similis sit. Pari pacto vix
plantæ speciem reperiās; quæ alteri prorsus
congruat, cum singulæ vel radice, vel caule,
ramis, foliis, fructibus; seminibus, ligno, suc-
co, sive denique colore florum, fructuumque
sapore differat; Quæcunque ergo de gradi-
bus elementaribus dicuntur, eadem de gra-
dibus prædominii, in semine salino-sulphu-
reo-mercuriali, ex quo rerum naturalium ge-
neses compositionem suam sortiuntur, intel-

ligi

Vistrium
proximo-
rum natu-
ræ princi-
piorum.



DISQUISITIO PHYSICA,

Quâ

*Mirificum hoc Arborum differentium à Par-
nympha Natura constitutum Conjugium,
multiplici Experimentorum de-
monstratione exponitur.*

Celebre priscorum circa hoc Naturæ my-
sterium epiphonema fuit.

Ἡ Φύσις τῇ Φύσει πρῶτον.
ἡ Φύσις τῷ Φύσιν νικᾷ.
ἡ Φύσις τῷ Φύσιν κρατεῖ.

Id est:

Natura naturâ delectatur.

Natura naturam vincit.

Natura naturæ dominatur.

Rectè profectò, sunt enim res nonnullæ
aded ex naturæ quadam similitudine sibi ami-
cæ, ita consonæ, ut mox una alteri applicata
in mutuum consortium ruant: sese miris ami-
citæ legibus complexentur: Quod tum in
omnibus Mundanorum corporum classibus,
tum vel maximè in emphyteutica Naturæ
operatione elucescit: aliæ præterea aded
cæcis naturarum discordiis dissident, ut vix
unà consistere posse videantur, imò perire
potius, quam ut una alteri jungatur, necesse
sit. Mirus sanè Naturæ magnetismus, quo ex
unâ parte attrahere amica, ex altera inimica
sibi, quibuscumque potest, modis repellere
contendit; ut proinde non incongruè univer-
sale Naturæ operationem in attractu & re-
pulsâ, in lite & amicitia, in consono & dis-
sono, uti fusc in *nostra Musurgia* docuimus,
Veteres ponendam censuerint.

Consistit autem intimus hujusmodi opera-
tionum nucleus in intimis Geocosmi thala-
mis: Cum enim jam variis hujus operis locis
ostenderimus, omnia quæ in subterranei
Mundi ambitu continentur, ex subterranei
Mundi foetura, id est, ex salino-sulphureo-
mercuriali vapore halituque compositionis
suæ primordia, veluti ex primogenio Naturæ
semine chaoticæ massæ à Sapientissimo Mun-
di Architecto indito, in perpetuum duraturo,
trahere: Restat ut jam Naturæ in plantis
producendis processum pari passu, quo in
insectorum cæterorumque animalium genesi
præstitum fuit, exhibeamus; quod qua fieri
potest, brevitate expediemus.

Nemo ignorat, alimentum plantarum esse
humidum terrenæ substantiæ inexistentis, in
cujus intimo centro latent illa tria proxima
rerum principia; Sal, Sulphur, Mercurius:
elementis veluti amictu quodam induta; ubi
verò humor ille spermaticus pro diversa ter-
restrium partium natura diversus est, ita quo-
que differentes effectus in alimentis, alito-
rumque in substantiam conversus præstat.
Hoc quippè semen universale semini cujus-
que plantæ mox ubi junctum fuerit, statim
quoque in eadem individuatum, diversas pro

diversa plantarum natura formas educit; quæ
uti sine alimento vivere non possunt, ita quo-
que perpetuò ex humidi hujusmodi sperma-
tici suctu attractuque mira quadam pericy-
clofi conservantur; siquidem & quod in hu-
mido sulphureum latet, id quoque differenti
coctionis gradu differentes colorum species,
uti alibi ostendimus, in plantarum sive foliis,
sive floribus & fructibus efficit; Quod mer-
curiale est, succos, liquores; quod salinum,
præter solidam consistentiam unâ cum reli-
quis pro combinatorum plantarum constitu-
tione odores & sapes confert, aliisque vir-
tutibus tum manifestis, tum specificis, quas
occultas vocant, plantas ditat ditatque. Hinc
ubi sulphureum prædominatur, plantæ tem-
peramentum ut plurimum calidum & retorri-
dum cum acrimonia fortiuntur; ubi mercu-
riale, humidam & aëream (utrumque enim
dat Mercurius) ubi salinum, ibi terrestrem,
siccam, crassamque obtinent indolem plan-
tæ. Quemadmodum verò harum rerum com-
mixtio per innumeros intermedios gradus
extendi potest, ita quoque innumerabilis
plantarum varietas non aliunde, quàm ex
varia horum salino-sulphureo-mercurialium
graduum combinatione resultat; omnes ve-
getabilis naturæ differentiæ ex hujus prædo-
minii, aut subdominii excessu vel defectu
oriuntur. Si enim dictam plantarum compo-
sitionem juxta notas Artis combinatoriæ re-
gulas per quatuor gradus physicis utpluri-
mum usitatos combinaverimus, inveniemus
multitudinem plantarum termini nesciam.
Neque sibi persuadeat *Lector*, hujusmodi gra-
dus esse coarctatos, & constrictos, ut nullam
latitudinem patiantur; minimè; sed quem-
admodum in numeris ex uno integro ad alte-
rum infiniti numeri fracti, quas minutias vo-
cant, interponi possunt, qui omnes essentia-
liter variant, ita quoque inter primum gra-
dum calidi vel humidi, frigidi aut ficci, ad
secundum gradum innumerabiles alii inter-
medii gradus poni possunt, qui sensibilibus
mixti constitutionem variabunt; Nam ut
rectè Philosophus *l. 7. met.* Cum species re-
rum se habeant, ut numeri, facile patet mira
in omni genere mixtorum inexhausta diver-
sitas; sicuti de varietate colorum *Lib. VIII.*
& in *Physognomia* de temperamentorum in
hominibus mira diversitate docuimus: Cum
vix hominem reperias, qui alteri prorsus, sive
vultum, sive vocem, sive incessum, sive deni-
que totius corporis habitum animique incli-
nationem spectes, similis sit. Pari pacto vix
plantæ speciem reperias, quæ alteri prorsus
congruat, cum singulæ vel radice, vel caule,
ramis, foliis, fructibus; feminibus, ligno, suc-
co, sive denique colore florum, fructuumque
sapore differat; Quæcunque ergò de gradi-
bus elementaribus dicuntur, eadem de gra-
dibus prædominii, in semine salino-sulphu-
reo-mercuriali, ex quo rerum naturalium ge-
neses compositionem suam fortiuntur, intel-
ligi

Sympathia
& antipa-
thia re-
rum

Omnia
originem
proximam
ex Mundo
subterra-
neo ha-
bent.

Vistrum
proximo-
rum natu-
ræ princi-
piorum.

Mira com-
binationis
in natura
rerum vis.

Ccc

ligi

ligi velim. Sed jam ad propositum nobis argumentum revertamur.

Emphyteuticum negotium, uti suprà diximus, tempus opportunum requirit; Nos in vineis nostris hinc Romæ plerumque infoliationis opus, circa principium Martii, terra jam paulatim incalescente, & furculis arborum præ nimia humiditate turgentibus; Inoculationis verò ad initium dierum canicularium, Lunâ in ultimo ætatis suæ quadrante consistente, auspicari solemus: Sed hujus rei certa regula præscribi nequit; sed ea tum diversorum climatum, horizontiumque constitutioni, tum regionum usui & consuetudini relinquenda. Hinc Romæ dictis temporibus felicissimum tunc successum *ἐμψυτεύσεως* fortitur. In nostris vineis vix arborem reperias, quæ non hujusmodi conjugalitatis naturæ ludibria exhibeat. Pruno perficæ furculus infertus ita ferax redditur, ut intra annum copioso fructuum proventu triumphet: Pruno itidem & pyro mirum in modum persica, pomus, cujus fructus *Pericoccoli* vocantur, inferta proficit. Sed cum hæc vulgò nota sint, iis non immorabor. Sed jam ad causas tam admirabilis naturæ conjugii explorandas progrediamur.

Semen universale rerum ejusque potentia & facultas.

Cum semen universale chaoticum ubique terrarum existens nulli parti desit, hinc evenit, ut quando in emphyteutica arte plerumque duo, tres, quatuor, aut plures etiam differentium plantarum furculi, alteri alicui arboris trunco inseruntur, illi coalitione facta uti cum arbore unum quidpiam efficiuntur, ita quoque uno & eodem alimento attracto vivunt; alimentum verò salino-sulphureo-mercuriale attractum mox ubi multiplices feminis rationes in trunco offenderit, statim quoque id juxta diversitatem feminum, quæ tum in arbore, tum in furculis arbori insertis latent, individuatum, plastica sua virtute in uno & eodem arboris trunco, differentis naturæ ramos producere nititur, deinde quoque differentia germina in folia, flores, fructus, semina unicuique convenientia efformare orditur.

Ex diversis diversæ gignuntur rerum species.

Hinc citrium germen aureorum pomorum arbori insitum mox in una, & eadem arbore differentes fructus profert, cujus rei specimina varia in domestico Collegii Romani horto non sine admiratione advenarum spectantur; semen enim dictum utriusque arboris seminalibus rationibus junctum, unicuique quod suum est, juxta naturæ intentionem tribuit, non secus atque ex differentium specie animalium coitu, confurgit vel tragelaphus, id est, hippocervus, vel mulus, vel tiggianis, vel quid medium ex diversis compositum, quæ & ex insectorum genesi monstruosa elucescunt, uti in præcedenti sat docuimus. V. Gr. alimentum spermaticum supradictum, dum per arboris radices attrahitur, illud per arborei trunci fibras delatum, mox ac offenderit ramum citri, ibi seminalibus rationibus

in ramo citri aut oculo latentibus junctum, individuatumque mox plastica sua virtute producit non aureum, sed citrinum pomum; sicuti in aurantiæ ramis non citrinum, sed aurea poma producit. utrumque pomum, ex sulphure, sale, mercurio componitur: & sulphur quidem temperatè in citrino pomi cortice, in pulpa candida humida mercuriale quid latet; succus verò acidus in intimo latens, totum sive saporem, sive acrimoniam spectes, ex sale est; Aureum verò pomum plus adusti sulphuris in cortice amarissimo, in interiori mercurio, tota denique substantia sale mentitur; & Ars spagyrica docet, quæ corticem in oleum, reliquum in spirituosum liquorem resolvet in capite mortui sale remanente. Ex varia itaque sulphuris, mercurii & salis compositione elementarium portionum concursu, temperamentum mixtorum juxta dispares virium gradus emanare; quæ aliter sese non habere, ac diximus, experimentalis demonstratione manifestabimus.

Experimentalis demonstratio eorum, quæ hucusque dicta sunt.

EXposita Naturæ operatione in *Arte Emphyteutica*, nil restat, nisi ut jam alios quosdam modos apponamus, quibus fultus Naturæ Mystra, ea meritò præstet, quæ omnium opinione paradoxa, & ut ita dicam, miracula in Botanica Philosophia videri possint. Et de insitione quidem unius arboris in aliam jam dictum est: quomodo verò & quam admiranda artis specimina in fructibus, floribus, seminibus exhiberi queant, superest ut doceamus.

Fructuum metamorphosis.

THEophrastus in suo de *plantis* Libro, refert nonnullorum industriam, qui punica poma variis arboribus insitione facta, differentes fructus producebant; quomodo autem hoc fiat, sequenti docemus experimento.

EXPERIMENTUM I.

SURculi malleo contundantur, eo fine, ut partes contusæ facilius inter se cohæreant, quæ deinde arctè colligatæ inserantur; & ecce coalitione facta arbor punica ex hoc novo paronymphâ Naturâ compositorum furculorum conjugio, multiplici foetu onerabitur; quorum singuli furculi genus suum conservant, alimentumque per se trahunt atque concoquunt. Ratio est, quia contusi diversarum arborum furculi, cum totius semine turgeant, illi in unum arboris truncum inserti facillimè succis suis coalescent, & ab alimento spermatico à singulis attracto, juxta differentium furculorum feminas rationes individuato, differentes quoque fructus ferunt; granato-perficos.

Columella, Plinius, & Didymus ubi de Agricultura agunt, pari pacto vitem apparant, quæ & rubram & candidam uvam uno in ramo portent; hoc autem modo procedunt.

EXPERIMENTUM II.

EXPERIMENTUM II.

Accipiantur diverſi generis germina, qui per medium eâ indiſtriâ findantur, ut in oculos ſiſſura, ſine læſione tamen, perveniat: atque hoc pacto alteram alteri ita conjungere oportebit, ut ſeſe propè contingant, & oculus oculo præciſe per appoſitionem congruat, quo peracto arctiſſimè compingantur, & terræ indita in ſquillâ integrè, aut terra glutinoſo ſucco pollente ſepulta, tandem trium aut quinque dierum irrigatione tam diu humectentur, donec germen, gemmasque ſive oculos producat, & ſuo tempore quantum propoſitum fuit, in una vite uvas & nigras & candidas obtinebis. Hoc pacto *Leontius* pervetus ſcriptor ficus producebat, ex una parte albos & ex altera rubros; Synchronos, ſive coætaneos ramos ſeu ſurculos vitium in ſcrobe deponebat & ſtercoribus appoſitis irrigabat. Cum verò germinaffent, rursus oculos utriuſque ſurculi in unum colligabat, & poſt biennium circiter coalitione facta tranſplantabat, & ficum producebat, fructus ex una parte nigros & ex altera albos: talis enim differentia fructuum, qualis eſt conjunctio differentium gemmarum, quæ ſimul complantantur, ita tamen, ut ſolummodò ſeſe contingant, minimè verò commiſceantur aut confundantur; Neque ſolum differentis coloris, ſed & ſaporis fructus arte emphyteutica produci poſſunt; ſic recitat ex veteribus *Porta*: in malo aureo duos ſurculos inſitos, quorum unus dulcia, alter acida poma ferebat: coalitione verò utriuſque ſurculi cum arborem tranſplantare deſiderabant, primò more ruſticis ſolito ſecuiſſe, non tam propoſita diligentia, quàm caſu, cum verò ſectio ad eum inſitionis locum perveniſſet, accidiſſe, ut & arbor cum jam fructus protuliſſet, unusquiſque ex una medietate dulcis, ex altera acidus fuerit.

CONSECTARIUM.

Hinc patet quoque, quomodo ex varia commixtione ſeminum ſagacis ingenii indiſtria colligatorum terræque mandatorum arbor variis fructibus onuſta exurgere poſſit; ſeminales enim rationes uti inconfuſe operantur, ita quoque in unum conjunctæ gemmæ, in quibus vis ſeminalis latet ſurculorum inconfuſe ſinguli differentes fructus producent; gaudet enim Natura naturâ, & Vivum vivo facilè amico quodam Naturæ appetitu conſociatur.

Mirum eſt, & conſideratione digniſſimum, quod *Diophanes* de olæoſtaphylo (quæ eſt oliva uvæ commixta) docet, quæ unâ ſaporem utriuſque habere deſcribitur; Putat autem *Florentinus* in ſua villa, hoc fieri poſſe, eo qui ſequitur, modo: Vitem in inferiori parte propè radicem terebrandam, & deinde eidem ſtolonem olivæ inferendum, eo prorſus modo, quo in ſecundo experimento oſtendimus; Sed hoc pacto intentionem *Dio-*

phanis non attingit; itaque ſenſus non eſt in vite ſuppoſitari oleam, quæ uti vitis uvas, ita hæc olivas proferat; ſed intentio *Diophanis* fuit, ἐλαίου ἀφύλον producere, id eſt, *Olivam*, quæ ſimul uvæ ſaporem referat. Ego hoc melius fieri poſſe exiſtimo, ſi gemmæ utriuſque plantæ, uti in præcedentibus dictum eſt, committantur in unum, aut acini utriuſque conſentur in unum. Innumera hujusmodi experimento comprobari poſſunt, ſi cui otium & tempus fuerit ad artis praxin hîc præſcriptam exerendam; ſuntque hæc Naturæ aded conſentanea, ut vel ipſæ arbores ſubindè ſimilia producant; Nam ut in præcedentibus oſtendimus, ſit ſubindè, ut diverſa fructuum ſemina ab avibus in arbores deportentur, quæ deindè inter cortices aut commiſſuras decidentia ibidem pluviis, rore unâ pulveribus commixta, tandem in cerasos, olivas, ficus, nuces, perſica, ſimiliaque excrescunt, adedque idem caſu fiat in arboribus quibuscunque tandem, quod Ars inſitione præſtat: hoc pacto ego ſæpe numero in una & eadem arbore caprificos, cerasos, lentiscos ſimilesque plantas erupiſſe obſervavi, quæ non niſi dicta de cauſa excreviſſe certum eſt.

Qui verò diverſis coloribus fructus imbue-re volunt, id plerumque inſitione obtinent; Nota eſt inſitio perſici in morum; formam enim pomi perſici dat perſici ſurculus, ſuccum verò ſanguineum perſico tribuit morus. Videas hujusmodi inſertionis ſpectacula in hortis Romanis paſſim, quibus quidem fructibus nil ſuavius eſſe poſteſt. Sed & hoc de roſarum diverſis generibus ex uno ſtipite producendis mirum eſt.

EXPERIMENTUM III.

Chromaticum.

Enaſcentibus Roſarum capitulis ramos ſeu caules ipſarum ſub capitulis ſubula perforato, foraminibus hiſce varii generis colores non minerales, ſed plantales, veluti laccæ, heliotropii, rubiæ, anchuſæ ſuccos immittes; quo facto ſimo bubulo & argillâ foramina oblinito, & quot differentes colores adhibebis, tot differentium colorum unius tamen anni tantum roſas obtinebis.

Quicunque deſiderant, ut uva abſque vinaceis generetur, ita procedunt.

EXPERIMENTUM IV.

Ex Porta, aliorumque Authorum monumentis.

Uvam abſque Vinaceis ſic faciunt. Sarmenti, quod plantaturi ſunt, tantam partem, quantam terra adobruere oportet, leviter ex æquo findunt, & aurifcalpio medullam omnem eximunt; deindè papyro humida obligatum ſarmentum deponunt. Præſtabilius tamen fuerit, ſi totam ſarmenti partem, quæ in terram deponitur, ſcillæ inſertam depoſueris: ſcilla enim tum ad naſcendum, tum ad uniendum conducit; Alii ipſas vites jam fructiferas incidunt, & ſarmenti fructiferi medullam aurifcal-

Uvas nigras & albas producere in una vite.

Ficus ex una parte albas ex altera rubras producere.

Acida & dulcia poma in una arbore.

Mixtura ſeminum diverſa producit.

Quomodo Uva olæ inferi poſſit una cum ſapore utriuſque.

Una arbor ſubindè caſu varias alias producit.

Diverſis coloribus fructus imbue.

Roſas variis coloribus imbue.

Authoris
de hujus-
modi Em-
phyteusi
sententia.

pio eradunt, quantum fieri potest, eam ex alto eximentes sarmento non fisso velut est indicatum, sed integro dimisso, & laseris cyrenaici succum aqua dissolutum, aut sæpe spissitudinem coctam infundunt, & erecta sarmenta ad radices alligant, ne videlicet succus effluere possit, singulis autem deinde octonis diebus succum eundem sarmento infundunt, donec germen emittat: Idem facies & in punica malo ac cerafo, siquidem & harum poma absque granis ac nucleis nasci velis. Atque hæc est praxis quorundam, qui putant sublatâ medullâ uvas & reliquos confimiles fructus absque nucleis generari; quæ aperta impostura est, cum sublata medulla essentiali plantæ parte destructa, totum destrui necesse sit; quid verò laseris succus prorsus ad genesin improporcionatus dare medullæ infusus possit, dispici non potest; neminem itaque in similibus nugis tempus terere consulam.

Utrum verò plantarum fructibus & floribus vis medica sive catartica induci arte possit, meritò quis dubitare queat. Dico quod possit; hoc autem modo Emphyteutæ procedunt.

EXPERIMENTUM V.

Medicam vim plantis indere.

Medicam
vim fructi-
bus indu-
cere.

RAmuli seu furculi vitis quam plantare volunt, inferiorem partem ad trium aut quatuor digitorum mensuram findunt, quo facto medullæ aquam theriacalem ipsi furculo indunt, deinde papyro obvolutam fissam partem plantant. Qui diligentiores circa hanc parandam haberi volunt, etiam radicibus dictam aquam superaffundunt; purgatoriam quoque vim eodem modo plantis inferunt; Reubarbari, Colocynthidis, Tithimali, Scammones, Cataputiæ mercurialis similibus succum radicibus fissis indunt, & indies eodem circumsitam terram irrigant; & hoc pacto purgantium viribus imbutus alimentitius humor unâ iis fructum imbuunt. Docuit hoc experientia, quod vinum in terreno solo similibus herbis aut etiam antimonio referto, fructus vitium, id est, uva & vinum inde eductum mirificè purgare soleant: Notandum tamen, virtutes hujusmodi arte inductas vix ultra anni curriculum durare, sed virtutem cum tempore languescentem expirare, naturali plantæ vi eam tanquam illegitimam ab impropria possessione exturbante, nisi quotannis artificium repetas; poterit & idem confici in ficu, persico, aut cucurbita similibusque.

Herbæ vir-
tutem ac-
quirunt ex
terreni vi
soli.

4. De Sapore & odore fructibus floribusque inducendo Experimenta.

Rapha-
num dul.

Pari pacto si velis ut Raphanus dulcescat; sic procedendum est.

Si Raphanos dulces habere cupis, semina

mulso, vel passarum uvarum succo, aut fac-
caro imbuta aqua biduo præmacerare debes, & siccata terre committere, & habebis intentum; vis enim dulcifica faccari unâ cum alimento attracta fructibus communicatur, non tamen nisi ultra annum, ob paulò ante dictam rationem subsistit.

cem red-
dere.

Si rursus velis, ut Porrum ad prodigiosam magnitudinem excrescat, ita fac: Si Porri caput acuta arundine, vel igneo stylo perforaveris, & raporum vel cucumerum semen in foramine occultaveris, aded intumescit porri caput, ut prodigium videri possit; Ratio est, quod semen cucurbitæ porro insitum, ex se & sua natura amplitudinis & dilatationis appetentissimum sit, hinc fit, ut porro inditum, paulatim tumescens, dum vires suas exerit, unâ secum porri humorem, cui commiscetur, in eam, quam ferre potest, magnitudinem extendat.

Porrum
prodigio-
sæ magni-
tudinis.

Ratio.

Pari pacto Lactuca ut fiat odorata, hæc ingenii industria procedendum est.

EXPERIMENTUM VI.

ODorata nascentur lactucæ, si illarum semen in citrii semen imponatur, & ita terre committatur; quam rem etiam præstabit Lactucarium semen diebus aliquot in aqua odorata maceratum; Ratio eadem est, quæ præcedentium. Legimus apud *Columellam*, *Plinium*, aliosque, Asparagos magnâ copiâ provenire, si arietum sylvestrium cornua tenuissime contusa fulcis comittantur & rigentur; Quod si verum est, aliam hujus rei causam assignare nequimus, nisi quod Arietes asparagis libenter vescantur, & avidissime in alimentum sectentur; unde fieri potest, ut seminum asparagorum in alimento latens in vaporem elatum cornibus arietinis haud ab simile reperiri sæpe me observasse memini: si enim asparagos contorqueas, arietis cornu perfecte expriment.

Lactuca
odorata.

Asparagi
ex corni-
bus Arie-
tis nat-
suntur.

Asparagi
cornu arie-
tis expri-
mat.

EXPERIMENTUM VII.

De Rosis ex Porta.

Rosæ ut vegetæ ad annum usque servari possint. Rosas vegetas servabis hoc modo: Recipe vini & salis quantum satis quæ in ollam fundito, deinde rosis, quas conservare vis, eam impleto (oportet autem ut colligas rosas adhuc conclusas) ollam operculo obturato, & in cellam reponito; quibus cum uti voles, eas vase detecto eximito, & ad Solem vel fornacem exponito, ut dehiscant; Habebis autem rosas tam pulchras & odoratas, ac si recenter decerpæ fuissent. Nos verò non Rosas solum floresque, sed & omnis generis fructus incorruptos servamus. Phialam vitream ventricosam paramus collo prælongo & amplo instructam, quam aquâ ad medietatem replemus, & intus quoscunque sive flores, sive fructus ponimus, ita ut invicem non

Quomo-
do flores
& fructus
incorrupti
servantur.

non se contingant, deinde colli orificium Hermetico sigillo claudimus ad lampadem, hoc pacto perpetuo incorruptionis munere beabuntur, uti experientia monstramus in nostro Musæo. Ova quoque recentia oleo submersa semper manere incorrupta, experimento unius anni decursu didicimus. Putant nonnulli Rosas odoratiores fieri, si allium juxta eas plantaveris, nam quæ ex frigida te languescunt, calore exacui solent.

EXPERIMENTUM VIII.

Ad Rosas vel Caryophyllos, Tulipas vario colore brevi tempore tingendos.

Sumito terræ pinguiſſimæ quantum volueris, quæ ad Solem probè exſiccetur, donec in pulverem tenuiſſimum redigi queat; deinde ei testaceæ cuppæ præamplæ impositæ Caryophylli, Rosæ, aut Tulipæ opportuno singulis tempore implantentur: verum cavendum ne terra aliâ aquâ præterquam sequentibus madefiat: Itaque si ex albis floribus rubros efficere voles, sumito ligni Brasiliæ minutim incisi quantum sufficiat, & coquatur in aqua usque ad consumptionem tertiæ vel quartæ partis, & fiat aqua rubra, qua terra bis in die, manè scilicet & vesperi paulatim humectetur; hoc autem tamdiu faciendum, donec crescere incipiat plantula, nempe per quindecim aut viginti dies. Quod si virides cupis, sumito loco Brasiliæ spinæ cervinæ acinos maturos; si flavos, spinæ cervinæ acinos immaturos; si nigros, gallas & vitriolum, & coquantur in aqua eadem, qua terra, ut jam est dictum, irrigatur. Cavendum autem, ne sub dio noctu relinquantur, propter rorem, quem facile imbibit. Verum flores non undequaque, sed partim naturali, partim eo, quo inficiuntur, aquæ colore solummodò tinguntur, ita ut duobus aut tribus coloribus, uti in Charta Turcica apparet, immerſi videantur. Quod si tribus coloribus eos tingi voles, mane altera pars terræ aqua colore aliquo infecta humectetur, vesperi altera, eadem aqua & sequenti die mane rursus altera terræ pars aqua alio quodam colore tincta madefiat. Vel etiam alio modo, hac industriâ: Mane & vesperi duobus coloribus madefiat terra, sed ita, ut locus terræ varietur; quod fiet, si aquam tinctam & mane positam in eodem loco vesperi non ponas, sed aliam; & sic planta hæc unâ cum proprio suo tres acquirat colores, de qua deinde plurimæ aliæ possunt propagari. Ratio patet ex præcedentibus.

Qui verò, ut Lilia rubra faciant, intra cortices cinnabarim fundunt, successum operationis non sperent, cum cinnabaris lilium vi sua corrosiva citius destruat, quam ut illud rubro colore imbuere possit. Si verò etiam alio colore non minerali ipsa oblinas, cujuscunque coloris volueris, lilia producentur.

Si verò fructus suaviores odoratioresque reddere velis, ita procedito: semina vel grana triduo mulso, lacte ovillo, vel aqua, ubi faccarum eliquaveris, quod veteres præstare existimarunt, sunt maceranda, & insoluta ponenda, & majorem fructus contrahent suavitatem; si odoratiores quæris: semina nardino oleo, succo vel stillaticio rosarum liquore aqua dissolutis in ea musco vel zibbetto, ubi aliquantulum madefeceris: nam siccata serito & suaveolentes fructus, mira quidem illius odoris fragrantia delibuti orientur, cujus semina combiberint; sed si seminum cacumina confregeris, exiguo ibi morabuntur tempore.

Fructus
suaviores
reddere.

Fructus
odoratio-
res.

Poma ut imaginem quamvis referant.

EXPERIMENTUM IX.

Gypso aut figulari luto quamcumque volles impressam imaginem selige, & non secus ac statuarii conficiunt modulos statuarum, quas formas seu matrices vocant, ad fundenda simulacra destinatas; in duas partes apto instrumento eâ industriâ seca, ut iterum illæ ritè conjungi ac committi possint: Deinde formam in figulorum fornace excoque: Cumque malum aut cucumis, aut similis quidam tuberosus fructus ad dimidium peculiaris incrementi pervenerit, hisce formulis include, validisque vinculis firmiter obstringe, ne fictiles typi obvoluti mali augmento divellantur; quod ubi capacitatem illorum expleverit, tales animalium figuras repræsentabit, quorum & habitum & imaginem ibidem mentiri visum tibi fuit: quæ res in effingendis malis non solum locum habebit, sed etiam in pyris, cotoneis, persicis, citriis, punicis, aurantiis, & reliquis pomorum generibus. Maxime verò in cucurbitis.

Figuræ
quomodo
globosis
fructibus
inducen-
dæ.

Mala ut fiant dulcia.

Si dulcia fieri desideras, stercus caprinum Urina humana dissolutum cum veteris vini fæce radicibus affunde.

Mala ut fiant rubra.

ARbor urinâ rigetur, & rubescet fructus; quidam vero malorum fructus hoc modo rubicundos efficiunt: Palos in terram depangunt, & incurvatos ramos, qui fructum habent, citra conquassationem palis religant, & scrobes in propinquo ipsorum aut alia vasa aquâ implent, conjectatione facta, ut in meridie Solis splendor in aquam illabens, calidumque vaporem remittens, & per refractionem in fructum incidens, coloris bonitatem & rubedinem operetur. Quidam rosas seminant sub plantas, hoc modo fructus rubicundos efficiunt. Sed & hoc falsum comprobatum est.

Poma ut
rubra fiant.

Non desunt denique Emphyteuta qui persica aut pruna ita ut sine officulis nascantur, inferere se posse existiment.

Persica & pruna sine officulis ut fiant.

PRUNUM absque officulis tibi, inquiunt, comparabis, si tenellam arborem ad binos pedes rescissam usque ad radicem findas abrasaque & excavata scalpro utriusque partis medulla, confestim sejunctas partes vinculo constringas, superioremque partem ac commissuras laterum fimo vel argilla cerave obducas, ac charta madida munias, elapsoque anno obfirmata cicatrice omnia coaluisse perspicias. Hanc deinde arborem furculis aut falicis, viticis similibusque qui fructum non ferunt inferes, & sine officulis poma proferet, sive illa fuerint pruna, sive cerasa, persica, mespila, palmulæ, lapidosave corna. Sed hæc experientiæ repugnant, ob causas paulò ante dictas.

Mora tamen ipsa si alba reddere velis, id suum fortietur effectum, si morus in albam inferatur populum, vel inoculetur, & albescencia dabunt poma; populus enim uti succo refertissimus est, ita quoque mori succum na-

tivum ex prædominio in suum succum convertit.

EXPERIMENTUM X.

Persica, ut fiant mira magnitudinis.

UT persica miræ magnitudinis tibi compares, amygdalas item & nuces, & similia, accipies tres vel quatuor nucleos ex illis, quos ita coaptabis, ut corpus unum constituere videantur; hos junctos, & si opus fuerit colligatos in vas aliquod terrâ fimo subacta immittes, plantabis ac sepelies: sed ita ut vas illud foramen habeat in operculo, per quod nucleorum germen exire cogatur; sic fiet, ut nuclei illi in unam coalescant arborem, quæ suo tempore fructus eximie magnitudinis ac pulchritudinis edet & proferet; Sunt qui nucleos non in vas, sed fistulam aut tubulum terrâ saturatum mittant. sed id multò levius & facilius tibi eveniet, si comparare studeas persica illa, quæ parva & languida apparebunt; hoc enim pacto alimentum, quod languidè trahunt imbecilli fructus, ad reliquorum nutrimenta magno fructuum incremento convertatur.

SECTIO IV.

DE ARTE STALACTICA,

SIVE

DISTILLATORIA.

PRÆFATIO.

Artem Distillatoriam esse imitatricem Naturæ in subterranea officina seu Ergasterio omnia per distillationem efficientis.

SI operantis Naturæ industriam penitus introspeciamus, eam non duntaxat intra in subterraneo suo utero, sed & extra terram in Sublunari Megacosmo, quin vel in ipso Microcosmo homine, cæterisque animalibus ope distillationis reperiemus, peragere omnia; habet enim Geocosmus interiora sua ergasteria, Vulcaniasque officinas, panspermia rerum ita refertas, ut ex earum sublimatione quicquid hucusque in præcedentibus Libris dictum fuit, originem suam traxisse videatur. Verum cum passim ea in hujus operis decursu exposuerimus, hoc loco solummodò dicendum restat, quomodò sagacis ingenii physiologi, occulta naturæ technasmata, quæ in multiplici illo vasorum chymicorum subterraneis ergasteriis latere videbantur, subolfacientes, arte id imitari attentaverint, quod Naturâ Magistrâ didicerant. Advertebant quippe multiplicem illam mineralium succorumque concretorum multitudinem, quam tellus nobis suppeditat, non aliundè, quàm ex dispari sublimatione vaporum, quos Vulcanus ille Archæus ex ollis lebetibusque Naturæ ignis subterranei ope elevat, provenire posse; habet enim, uti in primo tomo fuisse ostensum fuit, Subterraneus Mundus vasa sua chymica, ollas, pentulas, cacabos, crateres, & ventricosa receptacula, canales syphonesque longo collo præditos, quibus sua capitella, alembica, cupulæ, & capitata receptacula miro Naturæ ingenio applicantur; non desunt illi vasa

Mundus Subterraneus nil est, nisi tornax distillatoria.

for
dmi
ad
nes
com
i for
ex
t di
orias.

cof-
ornax
sto-


ra di
rix.

lato-
tis
as.


di-
iffe-

?

Vas distillatorium per inclinationem.




Vas distillatorium per descensum.



Perfic
pruna
officu
fiant.


balneifici ad aquas et olea per
extrahenda opportuna.

Vas distillatorium per ascensum.




OLXZ Vas cup: aqua plenum.

- B Cucurbita
- C Porta per quam Lu:
cerna imponitur
- D Lucerna quatuor
elychnis instructa
- ee Spiraculum
- ff Canales fumum
exonerantes




Vas distillatorium per ascensum.




- D. Vefica cupreaque
materiam distil:
lendam continet.
- F. Collum stannu
obductum.
- G. Alembicum.
- H. Vas aqua frigida
plenum.

Vas distillatorium per descensum
igne superposito




Infundibula.



Capitellum.

Vas distillator. per inclinationem.



Mun
Subt
neus
nisi t
distil
toria

vasa recipientia, quæ in capitatis fornicibus condensatos vapores resolutosque sub aquæ aut olei forma recipient, uti in cryptarum stillicidiis videre est, quarum nonnullæ aquam puram, quædam salern, aliæ nitrum, alumen, vitriolum stillant; Non desunt, quæ olea, bitumina, cæterasque resinaceas materias fundant, quæ sanè non nisi Chymicæ distillationis, quam Natura in omnibus sectatur, subsidio contingunt; Si jam oculos ad externam Naturæ operationem convertamus, videbimus totam meteorogenesin nil aliud, quam distillationis opificium esse. Quid enim lacus, flumina, maria, & vel ipsa terræ substantia exterior, aliud sunt, quam receptacula quædam distillabili humidi materiæ referta? quæ mox ac ardenti Solis æstu percussa fuerit, simul etiam humidum attenuatum in fumos sublimet, qui fumi vaporosi ubi altioris aëris alembicum frigidum subierint, ibidem condensati, in id, quod fuerunt, humidum, sive id purum, sive concretum, sive igneis halitibus præditum fuerit, resolvuntur. Quis in microcosmo homine absolutissimum distillationis opus negat? in quo quot membrana vitalia, tot vasa chymica videre est. Quid aliud stomachus, nisi Chymicam quandam cucurbitam exprimit, in quo alimentum receptum, humidum vi caloris nativi attenuatum statim capitis cerebrique frigidi alembicum petit, ubi resolutum qua data porta ruens, per os, nares, aures, oculos se exonerat; hinc per descensum nervos, cartilagine, tendines, musculos ad motum faciendum humectatione sua lubricat; adeoque totum corpus in integritatis suæ statu conservat; Si verò alimentum humidum pravis salium, sulphuris, & mercurii qualitatibus imbutum fuerit, tunc in cerebro elevatum humidum in catharos falsos, tartareos, sulphureos, mercuriales resolutum; si pulmones inciderint, phthisin; in manibus chiragram; in pedibus podagram; in genibus gonatogram, sciaticam in coxis, in universo corpore artritidem causant: Sulphureus verò vapor resolutus sanguinem accendit, febres conciliat, & omne morborum genus, quod à calido nascitur, efficit. Mercuriale verò humidum resolutum potissimum nervorum genus petit; Unde paralyxis, apoplexia, & similia morborum monstra nascuntur. Atque ex hisce luculenter patet, Naturam in omnibus omnes boni distillatoris partes subire, atque adeo stalacticam sive distillatoriam artem non nisi ex Naturæ ergasteriis deductam, & à Chymicis Philosophis ad ejusdem amissim prototypumque constitutam fuisse; cujus excellentia & dignitas sat congruis elogiis describi vix potest, tum ob multiplex, quod humano generi præstat, emolumentum; tum ob recondita, ad quæ nobis aditum præbet, arcana; Unica sanè Naturæ clavigera, qua ad perfectam rerum naturalium notitiam mixtarum constitutiones & ad abditas rationes porta patet; uti in hac brevi Diatribe ostendemus. Quæ cum ita sint, jam tandem ad propositum nobis Argumentum felicibus auspiciis procedamus.

Exterior geocosmi facies ad regiones aëris comparata fornaces exprimit distillatorias.

Microcosmus fornax distillatoria.

Natura distillatrix.

Distillatoriarum artis dignitas.

C A P U T I.

Definitio & multiplex Distillationis differentia.

Quid sit distillatio.

Distillatio itaque nihil aliud est, quam humidarum partium vi caloris in vaporem resolutio, quæ ubi frigidus Alembici capiti occurrerint, elevati ibi & condensati in liquorem convertuntur; Vapor enim in pileo sive alembico elevatus in liquorem solvi non potest, nisi prius ibidem condensatione multiplicetur constipeturque; Est autem condensatio hæc subindè adeo vehemens, ut vasa rumpi necesse sit; quod quando accidit, tanta mox, ut studiose observavimus, fumorum exit copia, ut integram domum repleat. Est autem multiplex

juxta Naturæ prototypum à Chymicis constituta distillatio, quam hoc pacto subdividimus.

Est Distillatio alia partim per ignem, partim per terram sursum. Alia per ignem, terram, aërem & aquam deorsum. Alia inclinatione per ignem, aërem, aquam, terram. Alia per reflexos Solis, aliosque calores. Tria itaque sunt Distillationum genera juxta motuum naturalium discrimina, sursum, deorsum & lateraliter; quorum unumquodque discrimen iterum in quatuor pro numero elementorum distribuitur, & hoc pacto

Varie distillationum differentie.

pacto duodecim distillationum discrimina exurgunt.

Distillatio
per ignem.

Distillatio per ignem instituitur, cum humores vel spiritus penitus in terrenis partibus residentes magna vi ignis sublimentur, tum ad olea, tum ad aquas extorquenda; cuius fornacis figura est signata *Numero. 7.*

Per terram, arenam, cinerem, fimum.

Distillatio ascensoria per terram, sive quod idem est, per arenam, cinerem, fæces, fimum, instituitur, cum tenuiores quas quarimus partes non tanta pertinacia materiæ distillandæ adhæreat, ut Num. 5.

Distillatio
per aquam.

Distillatio per aquam fit propriè per balneum, quod Mariæ, seu Maris, aut roris vocant; & innumeris modis instituitur: Num.

4. 5.

Distillatio
per aërem.

Distillatio per aërem fit propriè per balneum vaporis, id est, per vaporem aquæ calore attenuatum.

Distillatio
per descensum.

Distillatio per descensum rursus instituitur, vel per ignem immediate, vel per aquam, vel per terram, id est, cineres, fæces, fimum, uti in *vasis 1. & 9.* videre est.

Per Inclinationem.

Distillatio per inclinationem dicitur, cum media via lateraliter distillatio instituitur per retortam, ut vocant; uti in *vasis 2. & 8.* apparet.

Innumera alia vasa passim in usu sunt; ego pono ea, quibus in Collegii Romani pharmacopœio passim utimur. Sed hisce jam veluti vulgaribus, jam ad fornaces, quas philosophicas vocant, pari pacto describendas procedamus.

Fornaces & Instrumenta, seu vasa Philosophica, seu Hermetica.

Quid Fornax philosophica.

Fornax philosophica dicitur proprie, quæ artificiosa sua structura ad exemplar Naturæ facta ad summam perfectionem mista perducit, atque mirabili quadam industria in suas partes elementares resolvit, vel etiam quod alii multiplici repetita distillatione, quam cohobationem vocant, philosophicum technasma unâ absolvat.

Fornacis Philosophica, seu Spagyrica Collegii Romani Societ. J. E. S. U. quod balneum vaporosum dicitur, descriptio.

Κοιμή-
εας.
πυρί-
στις.

Constat hæc fornax sex partibus præcipuis: Inferior pars signata litera H. Conisterium est, & cinerum locum exprimit; Secunda pars pyristerion exponit, sive foci locum; Tertia interiorem Cacabi situm ad amplitudinem B C, extensi, exponit; Quarta exterior L. M. B. C. cupulam cupream continet 66 alembicis instructam. Quinta vas cupreum A. cupulæ impositum, calcinandis cornibus & ossibus servit; Sexta, Registrum retro positum servit ad datum caloris gradum igni dandum. Alembica replentur singula, vel differentibus herbis vel una & eadem materia omnia & singula, tum ad tædium in differentium herbarum stillatitia

aqua evacuanda vitandum, tum quia differentium herbarum species uti differentes qualitatem gradus obtinent, ita quoque unius & ejusdem caloris gradu uno & eodem tempore earum distillatio perfici non potest. Opus itaque auspicatori, cacabum prius per epistomium perenni aqua replent, deinde pyristerium igne vivo instruunt; Aqua cacabi ignem sentiens, statim ebulliens vaporibus concavum cupulæ implet; ex quorum effervescentia cucurbitæ pariter servectæ, herbas, quas utero suo continent, in vapores resolvunt, qui in Alembicorum capitella sublatis, ibidem frigidi ambientis occursum, resoluti per nasalem syphonem in recipientia vasa defluunt; tanta copia ut intra naturalis diei spacium centum & amplius stillatitiæ aquæ libras colligant. In Cupreo vero vase signato litera A, insigni sanè magisterio omnis generis ex cornibus, ossibus, dentibus spodia, eo qui sequitur modo, conficiunt, reticulo ex filis ferreis contexto cornu cervi, ebur, ea quæ placuerint, ossa calcinanda imponunt; & hoc pacto intra vasis reticulum suspensa relinquunt; Unde fit, ut fervidus vapor per dicti vasis angustias penetrans, præter colorem candidissimum quem ipsis conciliat, cum tempore adeo quoque morbida reddat, ut pressura digitorum in pulveres nullo negotio redigiqueant; estque hic modus ossium cornuumque calcinandorum sanè pulcherrimus & facillimus; Qui enim igne hujusmodi calcinare solent, de virtute insita, ignis vehementia evanescente multum perdunt; accedit quod *ἐμπύρευμα* facile igne acquirant; quod uti perniciosum est, ita omnibus quoque modis vitandum; Omnia hæc damna solo balneo, vaporis beneficio tolluntur. Restat jam exponendum registrum, ad proportionatos unicuique plantæ distillandæ caloris gradus dandos; Cum enim non omnes plantæ eundem caloris gradum requirant, eò quod aliæ facilioris, aliæ difficilioris resolutionis sint, uti paulo ante diximus, hinc Registrum ad gradum quem volueris constitutum fuit, quo intro aut retro, acto registro, vis caloris intrinseci vel intenditur, vel remittitur: pulchrum sanè inventum, & subterraneam Naturæ fornacem veluti *ἐν τῷ τύπῳ* exprimens.

Quomodo ossa calcinantur in hac fornace.

Registrum graduativum caloris.

Observavi ego complurium montium, & inter cæteros Ætnæ naturam sanè mirificam: in hoc enim diversos reperias fontes & rivulos, quorum alii salinam, alii nitrosam, alii aluminosam; quidam vitriolatam aquam deducunt; Cryptæ quoque nonnullæ in diffetibus locis naphtham, bitumen, petroleum stillant; quæ quidem aliunde non proveniunt, quam à vulcania fornace, quæ in lebetum subterraneorum, quibus referti sunt, humores per occultos terræ meandros canaliculosque elevati, inque frigidis montium cavernis resoluti, in adeo differentes aquas liquoresque evolvuntur: Figura fornacis sequitur.

Ætnæ fornax.

Vas

39
 pac
 ex
 Dillatio
 per ignem.]
 mo
 bus
 tur
 jus
 Per ter-
 ram, are-
 nam, cine-
 rem, fi-
 mum.]
 qu
 fim
 rin
 diff
 Distillatio
 per aquam]
 nei
 car
 4.
 Distillatio
 per aërem.]
 nei
 lor
 Distillatio
 per descen-
 sum.]
 tur
 vel
 uti
 Per Inclinationem.
 me
 ret
 par
]
 po
 ma
 uti
 sop
 pre

Quid For-
 nax philo-
 sophica. **F**
 tur
 per
 sua
 qu
 qu
 tec
 For

C
 ste
 cui
 cui
 pli
 ex
 tin
 cu
 co
 ret
 du
 gu
 de
 un

Vas II. distillatorium philosophicum, quo ex plantis & liquoribus quinta essentia extrahuntur.

Chymici, ut ad summam subtilitatem liquores perducant, id identidem repetita, uti vocant, cohobatione præstandum censuere; Nos hinc docebimus vasorum quorundam constructionem, quorum ope una & eadem operatione præstes illud, quod tanto labore & impensis distillatores per quinas, senas, aut septenas sublimationes faciunt.

Fornax A B. in duo membra divisa à Chymicis dicitur *Althano*, quæ vox in Arabica lingua per excellentiam dicitur Fornax الطون de qua vide quæ fufius in *XI. libro* tradidimus.

Machina C. servit sublimandis liquoribus per reflexum Solis radium: nos alibi meliorem hanc construendi modum tradidimus, quare ad alia vasa progrediamur.

Fiant vasa vitrea seu Alembica sex sub proportionali diminutione unà cum rostris suis & recipientibus unicuique rostro affixis, uti Figura D. ostendit; hoc peracto impleatur primum vas eo liquore, quem sublimare constituisti, & supra fornaculum X. cineribus aut arenâ circumdatum ponatur; Hoc etiam præstito, liquor primo vasi inditus exaltatus in vaporem in secundo vase nonnihil resolutus descendet in recipientem A. vapor autem ulterius proventus in tertio vase resolutus descendet in receptaculum B, & ulterius sublimatus in quarto vase resolutus descendet in recipientem C, & hoc pacto usque ad ultimum vas numero 6. signatum elevabitur, ubi ultimum subtilitatis perfectionisque suæ terminum intra receptaculum D. dilapsus consequetur, quem & separatim CrySTALLINO vasi optimè clauso inferes; ubi vides in singulis vasis vaporem resolutum semper veluti per gradus quosdam puriorem purioremque in recipientibus reperiri, usque dum liquor in ultimo vase 6. ab omni sæculentia remotus, coelestem quandam subtilitatem acquirat; quam industriam ex Naturæ operibus didicimus; quo cum vapores terrestres altius ascenderint, eò semper subtiliores eos evadere experientia docet, usque dum in supremam regionem aëris sublevati in alteram quandam substantiam degenerent. Idem & multò quidem perfectius docet sequens machina.

Fiant vitrea vasa eo modo, quo figura E. docet. Duæ Retortæ primum, quas signavimus numeris 2 & 9, hisce indatur utrimque canalis numero 3 signatus in inferiore parte quinque canaliculis instructus, quibus totidem recipientes signati numeris 4. 5. 6. 7. 8. correspondent, & intra retortam quidem num: 2. signatam, ponatur liquor distillandus subtiliandusque; quo peracto colligatis lutasque commissuris tam retortæ 2, quam recipientium vasorum cum suis canaliculis, ne quicquam expirent, sola retorta 9, luto, ne

vaporis processum impediat, immuni; totam itaque hanc propositam machinam firmiter compaginatam ex una parte cum sua retorta 2 ponatur supra fornaculam 1, & altera supra fulcrum 10, & accenso igne leni liquor in vaporem exaltatus primò resolutus intra receptaculum 4: deindè ulterius proventus intra recipientem 5. & sic gradatim usque ad ultimum perfectionis gradum intra retortam 9, se insinuabit: atque hoc pacto vel unico instrumento sine labore impensisque finem tuum consequeris: Si verò in liquores, qui in 5 recipientibus collecti sunt, necdum puritatem debitam consecutos, ad ultimam puritatem perducendi tibi sit animus, eos collectos in unum denuò retortæ 2 infundes, & operationem, uti prius, continuabis.

Tertia Machina signata literâ F, servit rebus difficilioris dissolutionis. Fiat itaque vas vitreum N, duobus è latere canaliculis G P, & uno L, in ventre instructis, canaliculis lateralibus opponuntur duæ retortæ, quarum quæ O literâ signata est, materia sublimanda referta supra fornaculam P, cineribus strata, altera M. supra fulcrum L. ponatur; Inferiori verò canaliculo indatur vesica R, colligatisque commissuris fornaculæ P subdatur ignis, & materiæ quidem pertinacioris pars sublimata primò quidem resoluta per descensum in R vesicam se exonerabit, subtilior verò puriorque intra vas M. sese insinuabit.

Sequuntur modò vasa pericyclica seu circulatoria, quorum in Chymia magnus usus est, eò quod nullum magisterium, nullum elixir, aut aqua vitæ sine hisce summum perfectionis terminum consequi possit; & in hoc consistunt, quod in iis leni & blando calore vapor elevatus continuò in circulum eat, undè ex continuatione hujus circulationis liquor in eam subtilitatem extollitur, ut coelestem quandam naturam induat: differt autem hujusmodi circulatio liquoris à præcedenti sublimatione, quod hæc circulatio quatuor ad minimum menses continuari debeat igne cinerum vel arenæ, vel fimi perficienda: illa verò ut plurimum uno die naturali absolvatur, hujusmodi vasorum figuram exhibent figuræ G. H. I. K. L. M. N. O. quorum primum G sit, sublimat liquores calore balnei maris. H calore vinaceorum; I calore cinerum; K fimi. L calore vaporis; M calore arenæ; N denique vel calore fimi, vel arenæ, vel cinerum: ignis enim modicus vel lucernæ vel carbonum fornacibus inditus arenam, fimum, cineres, uti eodem semper calore temperato fovet, ita quoque liquores in circulatoriis vasis exaltati per unum brachium ascendunt, & per alterum brachium revertuntur, unde semper nonnihil impurum dimittunt, donec circulatione multorum dierum peracta natura amplius depurare detrectet; maxime verò Chymicis usitatum est vas circulatorium

dad

quod

Nova machina distillatoria ad sublimandos liquores inventa.

Tertia Machina.

Vasa circulatoria.

Altera Machina Philosophica liquoribus depurandis ad ultimum gradum serviens.

quod vide primò expressum in figura signata litera O, deinde in figuris, literis M & L signatis: reliqua vasa G H I K. sine brachiis quæ cæca vocantur, etiam si circulationem perficiant, vera tamen circulandi ratio perficitur anatis illis vasis, de quibus paulò ante locuti sumus.

CANONES

In Stalactica Arte observandi.

Qualitas
vasorum
chymi-
corum.

Acetosa
per plum-
beos distil-
lata canales
dulces-
cunt.

Cautela in
distillatio-
ne.

1. **O**Mnia hujusmodi vasa non sint ex plumbo, quæ maligna qualitate afficiunt humores, ut proinde aqua etiam per plumbeos canales deducta, non tam salubres reddat fontes, quam vel ex ligno aut terra cocta efflcti; mirum tamen est, acetosa per plumbeos canales distillata dulcescere: Neque ferreis vasis res distillandæ imponendæ sunt, cum humiditate rodantur; neque in mineralium saliumque distillatione cuprea usurpanda sunt, quia in æruginem resolvunt vasa, unde in magisteriis, extractis, quintis essentis similibusque subtilioris ingenii laboribus non nisi vitrea intentos in Chymia effectus consequuntur.

2. In spirituosissimis materiis stillandis vasa vitrea sint longa duos ad minimum cubitos, quod enim altiora fuerint, eò meliorem effectum sortiuntur, ita ut talia plus præstent, quam res rectificatione humilibus peractæ vasis, quæ tamen oleo, ceræ, cæterisque fixis extrahendis opportuna sunt.

3. In omni distillatione vasa non nimis referenda sunt; Tutius operaberis, si cucurbitas ex quarta parte, retortas ex media, vesicam verò æneam è tribus partibus repleveris distillandæ materiæ. Res flatulentæ, ut cera, resina & ea, quæ facillè ebulliunt, minori repleantur quantitate in vasis præamplicis, & quoniam talia non facillè ascendant, ad reprimendam flatulentiam partiumque dislocationem, arenâ, bolo, farina laterum, pumice calcinata, argilla vel similibus additis suum sortietur effectum.

4. Distillatio per balneum rebus levioris compagis proprie convenit, uti sunt temperatæ complexionis; In summè tamen calidis, uti absinthio & rosmarino similibusque nimium calorem vitabis, ne non tam essentiam, quam phlegma inutile extrahas.

5. Per cineres vel arenam distillatio proprie convenit rebus solidioris substantiæ, uti seminibus, lignis, radicibus. Per vesicam verò non tenuia solummodo, sed & alia, quæ sunt firmioris texture, dissolventur; si tamen prius in suo appropriato menstruo seu aqua fuerint maceratæ; ratio est, quia maceratione præparantur materiæ ad faciliorem eductionem.

6. Distillatio per retortam non tantum spiritus graviores è mineralibus, sed & ex tenuioribus, uti lignis, seminibus, radici-

bus, gummi, resinis aquas & olea elicit; ratio est, quia retortæ facilius per lateralem inclinationem pertinaciores educunt liquores, quam per ascensum rectum.

7. Herbarum quacunque ratione exsiccata non distillantur, nisi prius aqua aut rore majali, vel vino irrorentur, si distillatio in vesica ænea instituitur, addendæ sunt ad minimum ad singulas libras duæ aut tres librarum aquarum: ratio est, quia majus est periculum adustionis herbarum in vesica, quam in vitreis vasis balnei.

8. Per vesicam quoque intensior caloris gradus dari potest, unde ex quibuslibet plantarum partibus non aquæ dantur, sed & olea extrahuntur.

9. Acidorum, uti aceti saliumque distillatio hoc peculiare habet, quod ignobilior pars semper prius egrediatur; nobilior ultimo; ratio est, quia acetum naturâ multum fixi salis habet, & quamvis originem suam ex vino ducat, ita ut non incongrue vini cadaver dici possit: in distillatione tamen diverso modo se habet: Quemadmodum enim in aceto primò ignobilior pars, ultimo nobilior exit: ita contrà in vino prius pretiosior aqua, ultimo verò vilius phlegma prodit: est enim in vino multum salis volatilis, unde facilius solutionis est, in aceto verò multum salis fixi, in quo spiritus vini potissimum nidulatur, existit: Unde nobiliorem liquorem postremò exire necesse est.

10. In vasis chymicia luto obducendis singularis cura ponenda est: in fornacibus primò construendis terra pinguis mista cum arena, fimo equino & aqua salsa quæ valde opportuna est, quia lutum arena mistum corpus dat: fimum equinum multiplici fibrarum miscella, ne fatiscat, continet; aqua verò salsa totam molem indurat & conspissat. Retortis verò oblutandis argilla figulina, fimum equinus, pulvis contulorum laterum, ramenta ferri, omnia commista & aqua lubacta plurimum confert. Lutum verò, quod *sapientia* vocant, fit ex calce viva, albumine ovi in aquam reducta, quæ tamen statim, nè exsicceetur, applicanda sunt.

Vitris fractis conglutinandis fiat gluten ex bolo armeno, minio, cerussa æquali portione, quæ reducta in pulverem subtilem cum oleo lini vel vernice liquida subigantur. Pro alembico verò cum recipiente loricando, ceram, resinam & colophonium in olla fictili liquefacta, & una cum olei olivarum modica quantitate commixta baculo, deinde superaffusa frigida manibus quoque subige, & habebis gluten paratum. Retortæ verò, in quibus acrium spirituum distillatio fit, lutum requirit aqua salsa, vel etiam sanguine bovillo contemperatum una junctis jumentorum pilis, & portione calcotaris, hoc enim maxime servit spirituum, ne exhalent, retentioni.












Mira ratio
in distilla-
tione aci-
dorum oc-
currens.

Lutatio
vasorum.

Lutum sa-
pientia.

Vitra rupta
quomodo
congluti-
nentur.

His



His jam propofitis, nonnulla magni in chymico negotio momenti explicanda reftant, & funt operationes chymicæ, quas tametfi in *II. Libro* ampliffime expofuerimus, hîc tamen earum nonnullas, uti ibidem polliciti fuimus, amplius tanquam opportuno loco explicandas cenfuimus, & funt maximè *Digestio, Putrefactio, Circulatio & Fermentatio*, fine quarum recta notitia nil exactum in operationibus chymicis confici poteft.

De Digestionum speciebus, Putrefactione, Circulatione, Fermentatione.

§. I.

DIGESTIO.

Digestio
quid.

Digestio eft maturatio simplex, qua in calore digestivo res inconcoctæ digeruntur, haud fecus ac cum ventriculus calore suo moderato cibos crudeos acceptos digerit, & in chylum concoquendo tranfmutat, eo fine, ut feclufis facibus, ex reliquo ab hepate benignioris puriorifque fubftantiæ fiat attractio; pari pacto digestio fubtilia à groffis feparat, quæ craffa funt, incidit & attenuat, quæ cruda coquit, quæ acerbæ mitigat & edulcorat, adeoque omnia taliter elaborat, ut ex digestis copiofior femper effentiæ melfis fperanda fit. Hoc autem modo fit digestio. Vas res digerendas continens collocetur in competentis caloris focum digefforium, five is fuerit cinis, five arena, fimo aut ramentis ferri inftituta, perinde eft, ibique finatur ufque ad quæfitum finem, qui pro multiplici digeffionis ufu diverfus eft. Exempli gratia: Herbaræ recentes fuo fucco madentes macerantur triduo, ficcæ verò vino refperfæ feptenduo, femina & aromata bimeftri fpatio, reduces ficca per mensem, mineralia per mensem Philofophicum, id eft, 40 dies. Quædam bis macerantur, afperfo vino Græco, uti aromata, quæ irrigata ufque ad ficcitatem digeruntur, paulò poft contufa & denuò confperfa macerantur.

§. II.

PUTREFACTIO.

Putrefactio eft, qua miftum per putredinem naturalem humore ficcum vincente, & externo calore fortius quàm interno agente operante refolvitur ad effentiam ab heterogeneis extrahendam fegregandamque, vel quod idem eft; Putrefactio eft digestio & corporis concreti diffolutio per putredinem naturalem in calore humido fubftantiam ipfam corrumpente ejufque penetralia referante, ita ut ficuti digestio refpicit mifti genefin, fic ejufdem refpiciat corruptionem. Putrefactio dicitur putredo naturalis, quia tametfi propriè omnibus putrefaciendis calor natus in fit, is tamen non nifi à calore externo excitari poteft, hinc enim natus robuftior factus

omnium partium refolutionem molitur, quem tandem humore adjacente corpusque ficcum exuperante continuatis putrefactionem gradibus abfolvit: omnem enim materiam putrefaciendam humore abundare notum eft, atque hinc cooperante calore externo ficcum ut vincat, neceffe eft; undè calor innatus cum humido fuo fubftantiali à miftis feparatur, fuamque homogeneam naturam confervans feorfim confiftit; quibus peractis facilior poftèa arte Spagyrica abfolvitur feparatio. Tametfi verò omnis putrefactio confiftat in humoris interni ipsis rebus implantati feparatione, quia tamen hic agere non poteft, nifi ab externo urgeatur, hinc neceffarium illi fuit *χημα* feu vehiculum, vel ut vocant, menftruum à mense putrefactionis fuæ appellatum, eftque liquor uniuscujusque rei five proprius, five analogus, uti aqua quæ fuperaffufa exceffu fuo mifti ficcitatem auferat, mixtum referet, exeuntem effentiam ad fe alliciat, eamque integram & incorruptam ad extractionem ufque confervet; & ne calor cum fuo humido exspiret, vas hermeticè claudendum, poftèa in ventrem equinum, id eft, fimum, aut cineres, arenas, fimiliaque ad præfinitum tempus collocatur. In putrefactione herbarum, florum, ad eliciendum oleum nonnulli fal vel vitriolum, alumen vel tartarum adjiciunt; cujus rei ratio eft, quod horum accessione putrefactio celerius abfolvatur ob falium acrimoniam, qua partes mixti pertinaciores diffolvuntur; miftio quoque hifce adminiculis citius perficitur, materiaque à putrefactione foetida, & nociva vindicatur: proprium autem putrefactionis eft, fapores, odores, coloresque immutare, earumque naturam veteri deſtructam novam producere; quænam autem proximæ cauſæ fint hujusmodi tranſmutationis, docetur paulò poſt in materia de fermentatione.

Effectus
putre-
factionis.

§. III.

CIRCULATIO.

Circulatio verò chymica nihil aliud eft, quàm liquoris jam ab elementaribus quifquiliis, quantum fieri licuit, depurati in Pelicano, aut dyoti per varias circumvolutiones rotationesque in gradum præſtantiorem converſio & exaltatio; Sunt autem varia hujus generis vafa circularia feu hermetica, quæ vide in Schematiſmo ſignata literis L. M. O. in L quidem medium *διεραχίων*, item in figura M. vafa ſignata literis b. a. c. quorum vices ſupplent vafa, quæ alembica cæca vocantur, cujuſmodi ſunt, quæ in figuris G. H. I. K. N. L. ſpectantur, & hermeticè claudî debent, id eft, ad lampadem arte vitriariis nota, atque hujusmodi vafa Chymici ſub ænigmatè quodam in cœlum jam ſe contorquentes, & per gyrum in terram reverti videntur; Undè fit, ut liquor

Quomodo
fiat Circu-
latio.

D d d 2

hujus.

Ratio pu-
trefactio-
nis.

Nova ma-
chine ab
authore
inventæ.

hujusmodi circulatus, tandem omnibus ex-
tus sæcibus, impuritatibusque, cælestem
quandam naturam qualitatum elementarium
quasi expers, uti Chymici loquuntur, induat.
Hoc pacto fit cœleste illud elixir, quod *Lul-*
lus cœlum vocat, de quo fusè in *Libro III.*


Art. Magnet: actum vide. Nos aliud instru-
mentum multo jam dictis excellentius adin-
venimus, quo circulatio non solum excellen-
torem effectum in ultimo depurationis ter-
mino fortitur, sed etiam breviori tempore
absolvitur: Machina est vitrea, eo quo vi-
des infra artificio, per helicum linearum
ductus constructa; ubi nota, vaporem per
helices utrimque ascendente indi capiti

Figura I.



A, & indè in ventrem V reverti: qua dici
vix potest, quantum & quàm brevi tempore
circulationis opus perficiatur: per helices
enim ascendens in unoquoque gyro nonnul-
lum purioris naturæ gradum adipiscitur, dum
quod subtile est, sursum identidem agitur,
grossiusculis humoris partibus ex uno gyro in
alterum, denuò in ventrem relabente, subti-
lissimum denique capiti A illapsum, frigore
resolutum denuò circulandum ventri com-
mittitur; Atque hoc pacto intra octiduum
idem & multò quidem excellentius præsta-
bis, quod 40 dierum spacio Chymici non
fecerint cum dictis Hermeticis vasis: ingens
sanè Circulationis compendium. Meliorem
effectum adhuc fortietur circulatio in II. Fig.

Figura II.



Ubi depuratus liquor non in ventrem vasis
T labitur, sed intra vasculum O, vasi T
suprapositum. Hoc autem modo procedi-
tur.

Descriptio
machinæ.

Liquor exaltandus includitur huic vasi
ἀλκοῖδι aut etiam cæteris circulatoriis vasis,
ad ½ vasis relictis vacuis, & hoc pacto herme-

ticè signatum vas ponatur in fimo vel balneo
ad altitudinem liquoris attenuabilis, adeo-
que, ut exigua pars vasis in aëre frigidiori
extet, eo fine, ut fimi laterumque calore li-
quoris fiat attenuatio, à verticis verò frigore
condensatio, detineaturque dictum vas in
moderato & continuo calore, donec Artista
finem suum sit affecutus, sæcibus in fundo
vasis subsidentibus. Atque hæc de Circula-
tione sufficiant. Jam ad Fermentationem
progrediamur.

§. IV.

DE FERMENTATIONE, *Causa generatio-
nis & corruptionis rerum omnium.*

Fermentatio hoc loco nihil aliud est,
quàm motus quidam intrinsecus particu-
larum seu principiorum cujuscunque corporis
in triplici Naturæ regno existentis, estque
idem quod materiæ ad generandum disposi-
tæ fervere quædam seu fervimentum,
uti rectè *Thomas Willis* docet, quo Natura
intendit mutationem ad aliud, cum tendentia
ad perfectionem alicujus mixti; fit autem
fermentatio hoc modo: Particulæ elemen-
tares salino-sulphureo-mercuriales, aut spon-
te naturæ, aut occasionaliter in motum con-
citæ se invicem mirè exagitant, & recipro-
co motu exagitæ, se invicem diducunt &
involvunt; subtiles & activæ avolare nitun-
tur, sed à crassioribus implicatæ detinentur;
crassiores verò semper reluctantur, donec à
subtilioribus subactæ attenuatæque, & ad
exaltationem evectæ aut debitam perfectio-
nem acquirant, aut alterationes à natura de-
signatas compleant. Dicitur & tumescen-
tia, quæ in corpore naturali à particulis sper-
maticis istius corporis variè agitato exurgit;
calore enim sive externo sive interno agitatæ
miros tumultus excitant; fermentationibus
plena sunt omnia, & hoc pacto, puro ab im-
puro separato mixtum perfectionem suam
consequitur; Sunt autem ad fermentatio-
nem apta omnia corpora heterogenea, te-
nuia & crassa, liquida & solida, animata &
inanimata, naturalia & artificialia. In hete-
rogeneis mixtis corpuscula sunt summè spiri-
tuosa, agilia & volatilia, & duplicis generis
sunt, ut jam aliàs diximus, volatilia & fixa,
hæc illa ita continent, nè prorsus avolent, &
patet in spiritu vini & aquis stillatitiis, in qui-
bus spiritus ardentes, olea, sales fixi planta-
rum dum benè conservantur, diu sine avola-
tione persistunt; vegetabilium verò anima-
liumque succus & sanguis, omnesque fluores
concreti, ac varia mixtorum composita citò
fermentescunt, variasque mutationum vices
subeunt: Cujus hæc experimenta sunt.

Quomodo
fermenta-
tio fiat.

EXPERIMENTA.

Spiritus vini phialæ inclusus nulla effer-
vescentiæ signa dat, si verò huic parum
olei

1. Exper. olei terebinthini addideris, particulæ liquoris adeo agitantur, ut vel ipsam phialam præcipue cum arctè clausa fuerit, rumpat; ratio, quia terebinthini olei sulphurea corpuscula spiritus vini corpusculis contrariam naturam sortitis superaffusa, statim vehementi agitatione effervescent, ex hac rarefactus liquor dum locum non reperit, eum sibi rupto vase quærit. Iterum aqua stillata cujuslibet herbæ in phiala clausa diu conservatur, sed si ei aliquid sacchari, aut syrupi addideris, statim acescet & corrumpetur: ratio est; quia salina corpuscula à salinis corpusculis in Aqua stillatitia latentibus subito ac conjuncta fuerint, in suam naturam subacta dulcedine deposita in acetosum liquorem convertuntur. Uti *Thom. Willis* pulchre in suo de *Fermentatione* libello docet.

Requisita
ad fermentationem.

Circa artificiosam fermentationem hæc notanda sunt: Primò ut sit partium laxitas & disjunctio cum tendentia ad perfectionem, secus enim particulæ fermentativæ expandi, & à loco in locum moveri nequeunt; quare in compactis durioribus, viscosis & ad spissitudinem excoctis, aut evaporatione exsiccatis fermentatio non succedit. Liquida verò succis facile turgescent; proxima his, quæ molli licet, crassieri tamen consistentia sunt prædita, uti panis, omnia effervescentia & compositiones medicæ sunt. Secundò, ut sit partium heterogeneitas seu principiorum simul omnium confusio, nimirum ut aliæ alias particulas expellant, expugnent, & ad motum exagitent: corpora enim simpliciora, uti aqua ob particularum homogenearum similitudinem ad fermentandum sunt inepta; in dissimilibus verò corporum miscellis ex prædominii ambitione statim lis oritur & dissidium, quo aliæ alias in motum provocant. Tertiò, ut in corporibus fermentandis non sit nimia partium cruditas, siquidem in illa particulæ activæ & subtiles à crassioribus non facile divelluntur, neque in motu solvuntur, ut constat de iis succis, qui de fructibus immaturis exprimuntur; in his enim particulæ plus æquo volatiles mixtionis vinculo non tenentur, sed avolant statim evaporatæ, & subjecta ad putredinem disponunt, ut ex fructibus nimis maturis notum est: sanguis quoque extraxatus, lac ac farina non fermentescunt, sed putredinem brevi subeunt. Hinc patet, quomodo corruptio rebus inducatur; uti enim spiritus abundaverit adestque sulphuris & salis copia, particulæ vinculis solutæ confestim erumpunt, ita proinde mixtum cum fæore etiam si densa mole constans putrescit; fætor enim procedit ab exhalatione sulphuris sale aculeati; putredo sequitur eò

Fætor
undè.

quod humiditas externa in locum particularum avolantium subingreditur; calor autem producitur à particulis sive corpusculis sulphureis confestim commotis, & intra subiectum conclusis, ut simul congregentur & fortius agant unitim; Quod si in subiecto minor fuerit salis & sulphuris proportio, ita ut cum commixtio solvitur, particulæ segnius commoveantur, & sensim evaporent sine insigni graveolentia, putredine aut calore, tunc corpus exarescit & ad marcorem redit. Plena itaque fermentatione sunt omnia, non in disparatis tantum mineralium, vegetabilium, animaliumque corporibus, sed & totus Mundus Sublunaris quasi una moles videtur fermentativis corpusculis per totum constitutus & gravidus, quæ perpetuò versantur in motu & agitatione, huc illucque circumvolitant (quemadmodum de seminis quoque rerum supra diximus) modò sursum, modò deorsum rapiuntur, sibi invicem variè occurrunt, associantur & rursus discedunt, continua vicissitudine nunc diversa ineunt conjugia, nunc divortia patiuntur, undè rerum ortus & interitus dependet; hæc enim non solum in Mundo Subterraneo, ubi proprie dominantur, sed & in Oceanos cunctisque lacubus, fluminibus, fontibus, fossis, quin & per totam Atmosphæram densa congerie distenduntur, quemadmodum supra quoque de seminis rerum diximus, quæ quidem nihil aliud, quam fermentativa quædam corpuscula sunt aliunde sive ex vegetabili, sive sensitiva natura decisa in ordine ad generationem agitata, donec finem à Natura intentum consequantur.

Hæc autem dum assero, nemo sibi persuadeat velim, me *Democriti* sententiam de atomis hoc loco tenere, à qua semper alienum me fuisse ex variis operum meorum locis abunde *Leffori* patebit; cum impossibile sit de polymorphis Democriticorum corpusculis, ex quibus omnia constare docuit, veram physicæ scientiæ normam concinnare, cum sensibus repugnent, & nihil aliud sint, quam otiosa hominum malefactorum figmenta: Aliud de nostris particulis seu corpusculis statuendum est, hæc enim verè in dissolutione corporum Spagyrica ars manifesta facit, ita ut negari non possit, quod sensibus adeo obvium est: Accedit & Smicroscopium, cujus solius ope quæ prius insensibilia latebant, in apertam lucem jam sensibus obvia educuntur & demonstrantur, adeoque verè, quæ in compositione rerum prima fuerunt, illa eadem in resolutione mixtorum comperiuntur. Sed cum de his alibi fusius egerimus, iis diutius immorari noluimus.

Democriti
sententia
circa corpuscula
rerum
omnium
constituti-
va confu-
tatur.

CAPUT II.

De Elementorum Mixtorumque speciebus; eorumque usu & emolumento in rerum natura juxta Artis Regulam dispositis.

UT quæ in præcedentibus κατὰ τὴν θεωρίαν diximus, emolumentum nobis nonnullum in usu medico præstarent, speculationi praxin supponemus, ut quomodo in resolvendis singulis in sua elementa procedendum sit, quemque usum in humani corporis infirmitatibus propulsandis habeant, innotescat *Lectori*. Quoniam verò operationes Chymicæ paulò antè expositæ non plantas tantum respiciunt, sed & mineralia & animalia, quomodo quoque elementa ad singularum rerum dissolutiones per stalticam artem perficiantur, de singulis prius ratiocinabimur, ut sequitur.

Positis itaque primò examinatisque proprietatibus Elementorum, juxta Artis nostræ regulas ulterius procedes: videndo primò, quid omnia & singula in humani generis conservationem, ob quam ab Authore Naturæ condita sunt, conferant: quod hoc pacto consequeris, & primò quidem de Igne sic ratiocinabere.

§. I.

DE IGNE.

Ignis duplex est: vel cum flamma depascente; vel sine flamma: Ignis cum flamma omne combustibile depascitur: uti sunt sævum, oleum, butyrum, adeps, omnia lignorum, arborum, fruticum, plantarumque genera; cujus excrementa sunt, vel cinis, vel calx, vel fuligo. Ignis sine flamma conservatur in carbonibus, metallis, lapidibus, ignitis. Ex hoc universale Axioma deduces.

Tot ignes differentis qualitatis sunt, quot differentiarum rerum combustibilium.

Ejus est ignis proprietatis, cujus est res combustibilis: quæ si bona, salubris, sanitati proficua, & talis erit flamma rei, quam depascitur: si verò res combustibilis noxias habuerit qualitates, tales & flamma in se continebit. Itaque pro varietate materiarum combustibilium, quæ innumeræ sunt, ignis flammarum constituetur varietas; quæ omnia inductione in *Arte nostra combinatoria* probata sunt, ex Artis principiis. Verbi gratia. De Communicatione proprietatum flammæ: De extensione ad singula corporis membra: De duratione: De virtute & efficacia, quam in hominum membris imprimit: De appetitu naturali, Sympathia; De virtutibus, &c. Quæ omnia quoque de cineribus, calce, fuliginibus, fumo, intelligenda sunt.

§. II.

DE AERE.

Aër ad vitam tum conservandam, tum ad mala profliganda maximè est necessarius.

Est vel Naturalis, vel Artificialis. Naturalis agit vel de qualitate prima vel secunda: Primæ qualitatis alius est temperatus, isque vel Orientalis, vel Occidentalis; alius Septentrionalis, vel Meridionalis: Alius Intemperatus, ut Meridionalis, & Septentrionalis: qui tamen pro diversa Regionum, terrarumque natura diversus est. Secundæ qualitatis aër rarefacit, & resolvit, ut Meridionalis; condensat & astringit, ut Borealis.

Agit verò substantia aëris in quantum purus, clarus, subtilis, vel impurus, vel crassus, vel nebulosus est. Undè tale formabis Axioma: *Talis est aër, qualis est constitutio loci seu climatis, qua dominatur aëri*. Si itaque locus salubribus expirationibus & exhalationibus abundaverit, is utique salubrem producet aërem, uti in locis montosis, siccis, & perniciosis ventorum flatibus haud expositis. Contrà noxius & insalubris, qui provenit in locis putridis exhalationibus obnoxiiis, uti sunt palustria, & subterranea vitiosis ventorum flatibus, metallicarumque exhalationum spiritibus infesta loca, quæ plantarum, animaliumque natura sequitur.

Aëris qualitas sequitur naturam loci.

Ex hujus theoria nascitur aër artificialis, qui est vel frigidus ad calorem attemperandum, vel ad sudorem concitandum calidus, in omni genere infirmitatum opportunus.

§. III.

DE AQUA.

Aqua vel est superior vel inferior: Superior est aqua pluvialis: Inferior est vel medica, vel non medica facultate prædita; cujusmodi sunt fontana, putealis, lacustris, pluvialis: quæ iterum sunt vel salubres vel insalubres pro ratione locorum, in quibus stabulantur.

Differentia aquarum.

Ad Medicatam aquam revocantur omnia thermarum genera, quæ vel sumuntur à metallis, vel à locis. A metallis sumptæ aquæ sunt salis, nitrosæ, aluminosæ, sulphureæ, bituminosæ, terres, æreæ, cupræ, aureæ, gypseæ, antimoniosæ, vitriolatæ; sunt & venenosæ, uti Arsenicales, Mercuriales, &c. ex quibus omnium reconditionis naturæ prodigiorum effectuum ratio datur.

Aquæ medicatæ.

Sumuntur & aquæ à locorum constitutionibus, in quibus scaturiunt; ut Thermæ Germaniæ, Franciæ, Italiæ, Hispaniæ, Hungariæ, Siciliæ, Angliæ, Helvetiæ; quæ omnes differentias suas sumunt à natura locorum, per quæ transeunt; de quibus vide fusissimè alibi in hoc opere tractatum.

Aquarum differentia à locorum conditione.

§. IV.

nditione locorum.

t diversas pro-
ermarum.

s.
culus.
s.
stus.
us.
dus.
la.
s.

rum complures
cs.
cs.
e, Perlæ, feu
garitæ.
im, Ambra.
lapides fabri-

§. IV.

DE TERRA.

Terrarum
differentia.

Terra non minus, quam prædicta elementa in usum humanum veniunt. Suntque Terra Armenia, *Bolus* dicta; Terra sigillata, Melitenfis, quæ venenis resistunt & astringunt; Terra Ochra, Sinopica, Rubrica fabrilis, Samia, Chia, Selenusia; Terra Cimolia, Ampelitis, testæ fornaceæ. Terra etiam Hybernica, ligna, folia arborum &c. contra venena sunt; quamvis hoc magis ex miraculo sit quam ex natura. Unde sic argumentabere:

A loci conditione trahunt qualitates suas.

Ejus proprietatis omnis terra est, cujus est constitutio loci, ex quo eruitur.

§. V.

DE MINERALIBUS ET METALLIS.

Metallo-
rum Mineralium
que differentia.

Mineralium Metallorumque alia alterant conservando vel manifesta vel occulta qualitate. Manifesta conservant, vel prima, vel secunda qualitate. Primæ qualitatis alia est vel temperata, vel intemperata. Temperata ut aurum: Intemperata, vel sunt calida, vel frigida, vel humida, vel sicca. Calida & sicca in gradu secundo sunt Ferrum, Crocus Martis, Cinnabaris.

In tertio gradu flos æris, æs ustum, squama æris, ærugo fossilis, dyphryges, alumen, sal, nitrum, sulphur, chalcitis: quæ omnia uberius in VII. Libro prosecuti sumus.

In quarto gradu, ut Calcanthum, Auripigmentum, Sandaraca, Chrysocola, Myli, Melanteria. De quibus lib. X.

Frigida in primo, uti Stimmi. In secundo gradu, ut Argenti scobs, spuma argenti, argentum vivum, plumbum, plumbago, plumbum ustum, cerussa. Vel secunda qualitate astringunt, uti Cadmia, pompholyx, Spodium, Antispodium, alumen, ærugo, calcanthum, cinnabaris. Glutinant & cicatricem indicunt, uti plumbum, gypsum, stimmi. Vel alterant corrumpendo: Uti Venena, Mercurius, Lithargyrium, Argenti spuma, Auripigmentum, Arsenicum, Cerussa, Calx, Gypsum, Sandaraca.

§. VI.

DE LAPIDIBUS.

Lapidum
differentia.

Lapides sunt vel pretiosi vel non pretiosi. Pretiosi alterant vel manifesta, vel occulta qualitate: quæ manifesta qualitate agunt, sunt vel primæ vel secundæ qualitatis. Primæ sunt vel in gradu primo frigidi, uti Hyacinthus, Saphyrus, Smaragdus. Vel in secundo gradu: uti Rubinus, Carbunculus, Granatus, Sardonius. Vel in quarto gradu, uti Adamas.

Vel agunt qualitate secundæ; uti Hyacinthus, Saphyrus, Smaragdus, Carbunculus, Granatus, Sardonius, Amethystus.

Vel agunt qualitate occulta sive specifica: uti lapis Bezoarticus, Topazius, Colubrinus, Bufonius, Smaragdus, Alectorius, Chalcedonius, Amethystus, Jaspis, lapis nephriticus, lapis omnis in animalium visceribus reperiunt. De quibus vide Lib. VIII.

Non pretiosi alterant iterum, vel manifesta, vel occulta qualitate. Manifesta alterant, vel calore, vel frigore, vel siccitate.

Calore, ut Hæmatitis, Pyrites, Lapis Asius, Thyites, Smiris, Schistus.

Frigore Crytallus, Lapis Phrygius, Lapis Samius.

Siccitate, ut arena, laterum pulvis.

Vel alterant secunda qualitate, astringendo, emolliendo, obstupefaciendo, abstergendo, glutinando, cicatricem inducendo, calculum conterendo, foetum retinendo.

Astringendo, ut Lapis Asius, Naxias, Gæodes, Pumex.

Emolliendo, ut Alabastrites, Gagates, Lapis Thracius.

Obstupefaciendo, ut Memphytis, Jaspis, Ophites.

Abstergendo, ut Arabicus.

Glutinando, ut Galactites, Melitenfis.

Cicatricem inducendo, ut Morochtus.

Calculum comminuendo, ut Lapis Lynceus, Judaicus, Lapis Spongiæ.

Vel agunt occulta sive specifica qualitate; ut Lapis Spongiæ, Chelidonium, Magnes, Lapis Piscium, Limacum lapilli, Lapis Vulturis, Corallus, Lyncurius, Gagates, Bitites, Lapis Cancrorum, Succinum, Crytallus.

Vel purgant humores crassos, uti Magnes: vel Melancholiam, ut Armenus, Cianeus seu Lapis Lazuli.

De iis, qui ex Mari proveniunt lapidibus liquoribusque.

Marinæ proles lapidescentes agunt vel manifesta, vel occulta qualitate. Manifesta sunt, vel calida, uti Alcyonium, Sperma Coeti, Ambra, Unguis odoratus.

Vel frigida, ut Corallum, Margaritæ seu uniones.

Secundæ qualitatis marina vel astringunt, ut succinum sive electrum.

Vel emolliunt, ut bitumen, asphaltum, naphta, pissasphaltum.

Vel abstergunt, ut testæ purpurarum, buccinarum, mytilorum, tellinarum, chamarum, conchiliorum, cochlearum, cancrorum, os sæpiæ.

Occulta qualitate agunt uniones & bitumen.

Eccè habes hic *Lector* in compendio, quicquid de terrestribus dici potest; quæ si per Artis nostræ præcepta deduxeris, dabunt illa tantam tibi materiam philosophandi, quantum nec plurimis tomis comprehendere valeas. Et primò quidem de communicatione singulorum; De extensione virtutis; De dura-

duratione; De viribus & efficacia in agendo, &c. Et per Regulas Quæstionum: Quid sint singularum specierum virtutes, cur à na-

tura inditæ, ubi, quando, quibuscum, qualis; quanta &c. fit. Sed de hisce vide uberius actum in *Arte nostra Combinatoria*.

CAPUT III.

I A T P I K O N.

De Qualitatibus primis & manifestis, occultis seu specificis Plantarum, singularumque partium, uti sunt, folia, radices, flores, fructus, semina, ligna; oleis, gummi, eorumque viribus & proprietatibus in usu Medico, ex Veterum, Recentiorumque Medicorum melioris notæ monumentis extracta, & in Tabulas Synopticas reducæta.

Antequam ulterius progrediamur, primo hîc universalem quandam omnium plantarum synopsis præponendam duxi, ut nil eorum quæ ad perfectam plantarum notitiam quovis modo conducere possint, omisisse videamur.

Veteres Medicos in Qualitatibus Vegetabilium manifestis investigandis tantum occupatos fuisse, ex eorum monumentis patet; quoniam verò manifestæ qualitates, seu elementares, uti vocant, quatuor sunt: Siccitas, Humiditas, Frigiditas, Caliditas, harum singula in quatuor graduum latitudinem distenderunt, ita ut nonnulla essent primo gradu calida; alia primo gradu frigida; alia primo gradu sicca; alia primo gradu humida. Quia tamen videbant, pauciores esse gradus huiusmodi, quàm ut naturæ rerum, quæ varietatis maximè appetens est, congrueret, aliam orditi sunt distinctionem, ita ut alia essent secundo gradu humida, frigida, calida, sicca; alia tertio gradu humida, frigida, calida, sicca; & denique alia quarto gradu eoque summo, calida, frigida, sicca, humida, constituerunt. Atque hac gradum divisione complexos se esse universam Vegetabilium naturam censuerunt. Posteriores dum hanc in quatuor graduum constitutam divisionem subsistere non posse viderent, gradus huiusmodi ampliantes maiorem latitudinem iis sedenaria distributione statuerunt, ita ut intra gradus & gradus, primum & secundum, secundum & tertium, tertium & quartum, alii minutiores gradus, quæ nonnulli puncta vocant, ponerentur. Sed qui negotium hoc exactiori rationis trutina penitus ponderarit, is hanc graduum distributionem difficiliorem esse, quàm ut ab humano ingenio comprehendi possit, ob summas & inextricabiles difficultates, quæ in investigatione earum physicis occurrere possunt, luce clarius comperiet. Sed nonnullas evolvamus. Quarum prima est ipsorum graduum incertitudo; Secundò fallacia sensuum, quibus dicta indagare conati sunt. Tertiò sunt eæ, quas paulò post recensebimus.

Posterio-
rum Au-
thorum de
gradibus
rerum sen-
tentia.

Graduum
fallax & in-
certa noti-
tia,

Primò, Incertitudo distributionis graduum in hoc consistit, quod nullus gradus præcisè attingi queat, & uti suprà quoque

docuimus, tanta sit inter gradum & gradum diversitas, quanti inter 1 & 2 numeri rupti seu minutiae poni possunt; quæ res uti infinitatem quandam inducit, ita quoque præcisum qualitatis gradum in quocunque tandem mixto attingere, humani intellectus conditionem excedere videtur; atque adeò differentia vegetabilium temperamenta merito, cum diversitate humanorum vultuum facile comparari possint, quæ uti ex infinita quadam temperamentorum diversitate contingit, ita quoque id de diversis plantarum partibus, radicibus, foliis, floribus, fructibus, seminibus, quæ vel in unaquoque arbore aut herba diversissimis qualitatibus imbuuntur, intelligas velim.

Secundò. Quam sit fallax circa colores, Sapsibilibus qualitatibus fallax experimentum, is solus noverit, qui frequens earum experimentum sumpserit. Phytoptæ ut plurimum ex coloribus albo, viridi, porraceo, cæruleo, croceo, flavo, rubro, purpureo, cinereo, nigro plantarum, florum, fructuum, seminum, iudicium de latentibus viribus formant; sed qui, quæ in *Libro VIII.* de coloribus docuimus, legerit, apertè fatebitur, colorum omnium in plantis varietatem præcisè determinare velle aduian esse; Accedit, quod falsissimum sit, omne album humidi, rubrum calidi, viride indigesti, & sic de cæteris, temperamenti esse, quod fusè hoc loco demonstrare possemus; si id in citato paulo ante huius operis libro non præstitissemus, & apertè in flore oleandri candido apparet, quo nil magis causticum esse potest, & in rosa rubra, quæ humiditate quadam temperata caloris ignei prorsus experte prædita est. Color itaque nullum nobis firmum certumque indicium de qualitate plantarum præbere potest.

Si sapesores & odores plantarum exactè examinemus, inueniemus nihil nobis de plantarum viribus constare posse, nisi in genere tant-

Saporum,
odorum
fallax boni-
tatis aut

tantum, quod videlicet odor bonus utplurimum caliditatis sit indicium, foetidus verò frigiditatis ac humiditatis excrementitiæ, inodorum verò humidi puri signum, ut in aqua fontana; in sapore verò Acrem vehementis caliditatis indicium esse volunt Botanici, Acutum caloris extremi, Acerbum frigidi siccitatis & terrestris, Acidum excessus humidi supra frigidum, Amarum ariditatis, caliditatis, siccitatisque terrestris, Austerum frigidi supra humidum, Dulcem temperatæ caliditatis humiditatisque, Salsum caliditatis abstergentis; Pinguem denique aëreæ temperiei indicium esse censent peritiores tum veteres, tum moderni *Galeni*, *Dioscoridis*, *Theophrasti* sectatores. In hisce omnibus quam faciliè dicere, tam faciliè errare est, cum sensus ad præcise formandum de qualitatibus elementaribus indicium iudex fidelis esse non possit: Accedit, quod sapes huiusmodi plerumque aliam, quam ab elementis originem sortiantur, uti postea patebit. Ne tamen venerandæ antiquitatis medicorum traditionem hoc loco reprobare videamur. Dico, etiamsi veteres non præcise gradus qualitaturn in vegetabili Natura attigerint, laude tamen dignum eorum laborem fuisse, qui continuo studio & experientia eò pervenerint, ut dogmaticam doctrinam de gradibus, innumeris multorum seculorum experientiis confirmatam, unanimi Medicorum conspiratione acceptam confirmatamque, & non tam humano ingenio inventam, quam divinitus inspiratam condiderint, quam in hunc usque diem tutò melioris notæ utriusque Medicinæ Doctores sectati sunt. Non disputamus hoc loco, utrum odores, sapes coloresque ab elementaribus qualitatibus immediatè profluant, hoc enim in præcedentibus Libris compluribus in locis falsum esse ostendimus, cum elementa ad mixtorum compositionem non nisi veluti causa remota concurrant: neque fieri potest, ut simplicissima illa corpora varias illas colorum, odorum, saporumque differentias plantis ingenerare queant, cum præterquam quod, quantum ad simplicitatem naturæ earum attinet, coloris omnis expertes sint, nulla alia ratio assignari queat, qua huiusmodi sensibiles qualitates illis introducantur. Quæritur itaque proxima harum causa: Dicimus omnem in plantis earumque partibus, uti foliis, floribus, fructibus, seminibus, colorum, saporum, odorumque varietatem aliundè non provenire, nisi ex iis, ex quibus unumquodque componitur, id est, à sulphure, sale, mercurio: à sulphure siquidem uti *Libro VII*. docuimus, omnes colorum differentias provenire variis ibidem experimentis ostendimus; à sale & mercurio sapes in plantis omnes originem suam ducere; Non itaque ab elementaribus qualitatibus immediatè, sed proximè à sulphure quadruplici salis genere, & mercuriali humido oriuntur, & colores quidem

omnes à majori vel minori sulphuris in plantis decoctione dependent; ad sapes & odores quod attinet, saporem Amarum ex sale & nitro constare, ejus absterfiva, purgativa vis sat ostendit; hoc pacto Acerbus naturæ inest aluminis virtute astringente pollens; Acidus naturam sapit salis ammoniaci, & ideò magni à Medicis fit ob vim quandam incisivam, eandemque ob causam dissolvit corpora, coagulat spiritus; Austerus vitriolum sapit, undè qualitate stiptica, adstringente & fermentativa pollet; Salsus uti ex sale immediatè oritur, ita quoque salis naturam in omnibus demonstrat; Quamvis neque ex his præcisa ratio dictarum qualitaturn sensibilibum nobis constet. Quot enim, rogo, res sunt gustu amaro, quæ tamen secundum veterum regulas neutiquam sunt calidæ? Cujusmodi est opium, cichorium, aliaque multa. Rursus, quot acida existunt, quæ vel secundum proprium illorum iudicium sunt calidissima, ut Spiritus acetosi, nitri atque sulphuris, cum eademmet veterum regula interim acida determinet frigidissima. Quot dulcia superficietenus sunt, quæ interna sua substantia non dicam temperiem, sed vel maximam *διωρηγία* innuunt, uti Mel, Cassia & Saccharum manifestè id indicant, ex quibus tametsi dulcissimis, aqua tamen extrahitur tanta pollens virtute caustica, ut nullis aquis fortibus cedat, menstruum potentissimum ad aurum, argentum cæteraque metalla dissolvenda; Plumbum linguæ nullum imprimit saporem, tametsi interior ejus substantia, ut cum *Quercetano* loquar, nil aliud sit, quam infatuatus quidam saccharaceus dulcor. Talibus & similibus innumeris exemplis, si opus foret, demonstrare possemus; unde inferimus non temere fidendum innitendumque esse saporibus qualitatibusque, ac temperamentis rerum exterioribus; quod adnotantes recentiores, periculi falsitatem præcaventes, aliam viam inierunt, ad abditas mixtorum qualitates explorandas, nimirum per artem Spagyricam, quâ perfecta trium principiorum Naturæ à mixtis fit separatio, qua unica vera & legitima colorum, saporum, odorum differentia eruitur; potest enim una & eadem substantia distinctos in se tenere colores, odores, sapes, quos quidem sine exacta Spagyricæ artis notitia non faciliè cognoscas. Exemplum ponimus in ligno Quajaci, cujus differentes proprietates sapore non faciliè dignoscas, neque causam facile repereris diaphoreticæ, qua pollet, virtutis; sed id in sua principia resolutum statim latentium virtutum causas patefaciet: Nam ut rectè *Quercetanus* ait, in mercuriali sua acetositate & oleosa sua sulphurea, & tenuiori substantia vim illam diaphoreticam sive sudorificam positam esse reperiens, quam & in fraxino, nec non in lignis & arboribus fere omnibus, uti Cinnamomi inexistere compertum fuit;

Ecc

Sal

Laudabilis
veterum
conatus in
gradibus
singulo-
rum inda-
gandis.

Proxima
causa qua-
litatum in
plantis
elucescen-
tium.

Unde colo-
res & sapes.

Ex melle
& sacca-
ro aqua
caustica,
& men-
struum
potentissi-
mum edu-
citur.
Plumbum
dulcedi-
nem sacca-
raceam in
se conti-
net.

Alius mo-
dus vires
rerum in-
venienti.

Ligni
Quajaci
variarum vires.

Salium di-
versitas ad
composi-
tionem re-
rum con-
curren-
tium.

Veterum
Ægyptio-
rum mo-
dus in
viribus re-
rum inve-
niendis.

Sal vero Quajaci extractus quantum eva-
cuationi humorumque purgationi conferat,
medicis non latet. Opium verò quod ama-
rum, sicuti & cæteræ herbæ amariores, uti
Gentiana & Centaurium, oritur ex sale à
suo oleo seu sulphure narcotico separato,
unde & in præstantissimum catharticum
exurgit. Quemadmodum igitur magna est
diversitas, ita quoque varia inde naturarum,
proprietas viriumque in herbis differentia
nascitur: sunt enim salia alia amara, alia
dulcia, alia acria, acerba, austera, salsa
atque purgantia, quorum particularis facul-
tas majori merito tribuitur substantiæ pro-
priæ ejusdem salis, quàm alteri cuidam, ut
paulò ante diximus, qualitati elementari.
Accessit huic Arti Spagyricæ nunquam satis
laudandæ alia abditarum qualitatum sub ve-
getabilis naturæ integumentis latentium ex-
plorandarum methodus, ex veterum Ægy-
ptiorum hieroglyphica Schola deducta, &
moderno tempore à sagacitate ingenii præ-
pollentibus viris denuò suscitata; De qua
vide quàm fusissimè tractatum à nobis in
*Oedipi Ægyptiaci Tomo II. Syntagm. de Me-
dicina veterum Ægyptiorum*; hac enim per
signaturas seu characterismos externos à
Deo opt. max. singulis rebus impressos, quid
cuique humani corporis membro cumprimis
salutiferum, ejusque conservationi aptum,
cognoscat Phytocrita, de quibus eum in *Arte
Magnetica, Musurgia & Citata Oedipi* parte
actum sit, iis immorari nolui. Solùm hîc
figuram adjungam, ex qua quænam planta
cuique corporis membro correspondeat, &
ad id sanandum, si quandoque humorum
discrasiâ vitiatum fuerit, idonea sit, veluti
unica synopsis totum comprehendas. *Sequitur
usus hujus figura.*

Sed ut jam ad propositam nobis materiam
progre diamur. Ut *Lector* nonnullam ex
dictis hucusque utilitatem percipiat, visum
fuit, hoc loco, per quatuor Tabulas Synopti-
cas & combinatorias seu epilogsismos univer-
sam simplicium medicamentorum doctrinam
ob oculos curiosi *Lectoris* exponere, ut quod
integris Tomis à diversis Authoribus com-
prehensum fuit, *Lector* in quatuor foliis ex-
positum magno legendorum Librorum sub-
levamento obtineret. Quoniam verò primò
necessarium est, nosse, quæ & quotnam me-
dicamenta & compositiones ex singulis sim-
plicibus confici possint, hic primò resolutio-
riam Tabulam omnium exhibitricem poni-
mus. *Vide Tab. I. seu Epilogismum.*

Novi hoc unicum curiosioris Doctrinæ
Sectatores desiderare, ut singulorum simpli-
cium medicamentorum Synopsin quandam
in promptu habeant, qua plantarum qualita-
tes, singularumque partium, uti sunt folia,
flores, fructus, semina, radices, cortices,
ligna, liquores, succi, gummi, resinæ, quo
denique unumquodque gradu frigiditatis,
humiditatis, siccitatis, caliditatisque polleat,

fine tanto labore cognoscere possint; hîc
Tabulam II. quæ *Lectori* multorum Libro-
rum loco sit, ex melioris notæ Medicorum
tum veterum, tum modernorum monumentis
extractam, apponendam duxi. *Vide Tabul. II.*

U S U S T A B U L Æ.

TAbula in decem columnas divisa est: In
prima columna gradus primarum quali-
tatum continentur. In secunda plantæ ejus-
que folia. In tertiâ flores plantarum: In
quarta fructus, &c. uti ex Tabula patet. Si
quis itaque scire desiderat, quænam herbæ
earumque partes sint in quarto gradu humi-
dæ, quære in prima columna Tabulæ quar-
tum gradum humiditatis, & hoc reperto,
invenies in prima columna herbæ, Opium
Cicutam, Mandragoram, &c. In tertia co-
lumna in floribus, earundem flores. In quar-
ta columna Fructuum, in angulo communi
poma Mandragoræ, &c. In quinta columna
Seminum, semina dictarum plantarum, & sic
de cæteris. Atque hoc pacto in reliquarum
herbarum qualitibus reperiendis procedes.

Quomodo verò omnia hæc in suas aquas,
olea, quintas essentias, sales, reducenda sint,
paulò ante dictum fuit, & in sequentibus fu-
tius docebitur.

§. II.


*De Virtutibus Vegetabilium materialium, com-
paratione facta ad singula humani
corporis membra.*

Naturæ Conditor Sapientissimus quæ-
cunque in triplici Naturæ Regno exi-
stunt adeò strictis connexuit vinculis, ut ni-
hil sit in uno, quod in altero secundum analo-
giam quandam non reperiatur; mala bonis
tam ineffabili sapientia connexuit, ut vel ipsa
mala in bonum cederent humani generis,
cujus intuitu condita sunt omnia; Nutri-
menta largitus apta ad alendum, & bona
quidem ad conservandum in perfecto sani-
tatis statu hominem, quia tamen sive ob
excessum nutrimentorum, vel ob eorundem
defectum hominem prævidit in exacto *inæqua-
ritas* statu semper permanere non posse, me-
dicamenta produxit, ut eorum virtute & effi-
cacia defectus vel suppleretur, vel excessus
diminueretur, atque adeò eorum ope homo
ad æquilibratum sanitatis pondus reduceretur.
Ne verò ex tot medicamentorum viribus
differentium commixtione confusio nascere-
tur, & cum recto rationis ordine omnia age-
rentur, magnetica quadam virtute omnia &
singula imbuta voluit, ut intra stomachum
veluti in centrum quoddam assumpta, inde in
universam microcosmi œconomiam diffusa,
singula sua, ea potissimum membra, eos hu-
mores & succos peterent, ad quæ sympathico
quodam appetitu iis à natura indito, suapte
natura veluti pondere quodam feruntur. Et
quoniam tum nutrimenta, tum alexipharmaca
sua

Divina
providen-
tia mirabi-
lis.

EPILOGISMUS I.

*Medicinalium Virtutum herbis insitarum, & in quoniam differentia
Medicamenta resolvi possint.*



sua singula sale, sulphure & mercurio, id est, calore nativo, humido radicali, & terrestri ficitate, constant, hinc nutrimenta, quæ ex herbis, fructibus, animalibusque assumuntur, statim stomachi calore excitata, quæ in nutrimentis latent salina ad salinas, quæ sulphurea ad sulphureas, quæ mercurialia ad mercuriales aliti partes confluunt, quæ quamdiù iusta ponderis mensura subsistunt, tam diù rectè sese habebit homo; si verò vel ex motu, vigiliis, laboribus, aut depravato cibi regimine, vel intemperantia & crapula interveniente, sulphurei spiritus accendantur, sal & tartarus microcosmicus figitur; mercurialis liquor inundatione sua replet omnia; tum ecce veluti impetu facto, ab iis totum corpus infestatur, varia & monstrosa morborum genera nascuntur, quibus propulsandis nullum remedium aptum esse potest, nisi ea, quæ proportionem quandam & similitudinem ad se invicem obtinent: horum enim confluxu membra à molesto hoste liberantur, dum assumptum medicamentum, simile sibi, in membris habitans, ad se attractum per excessum & unà peccaminosam materiam exonerat. Vide quæ in IX. Libro. de deleteriis morbis amplius egimus. Hinc factum fuit, ut Medici diligenti indagine has facultates etiam ad singula humani corporis membra inquirerent, inventas aprè suis nominibus insignirent: uti sunt: Cephalica, quæ caput respiciunt; Ophthalmica, quæ oculos; Otica quæ aures; quæ dentibus prosunt, Odontica quæ nulum purgant *φθάρμικα*, *ἔρρηνα*. Rursus quæ pectus Pectoralia; quæ pulmones Pulmonaria; quæ stomachum Stomachica; quæ hepar, Hepatica, quæ cor Cardiaca; quæ renes Nephritica; quæ splenem Splenetica; quæ vesicam & urinam Diuretica, ab occulto quodam characterismo à natura illis impresso appellarunt; & ne quicquam deesset, quid singula simplicium medicamenta possint, juxta primas, secundas & tertias, easque quas específicas qualitates vocant pulchro ordine disposuerunt, ut ex sequentibus patet: his enim calidos humores peccaminosos refrigerant, frigidos calefaciunt, quod ficcum humectant, & quod humidum siccant, quod obturatum aperiunt, quod durum mitigant, quod vitiatum in humoribus depravatum corruptumque purgant, glutinant quod dissolutum, immaturos suppurant, laxos stringunt, quod virulentum venenosumque expellunt, quod flatulentum discutunt. Quia verò Medici omnia hujusmodi Græcis nominibus proferunt, ne *Lector* in eorum significatione hæreat, singulorum hic explicationem ponendam duxi.

• *Explicatio terminorum Medicinalium.*

συνπιπνόν. **A** Stringens *συνπιπνόν*, id est, *Oscula vasorum occludens*. Talia sunt frigida, substantiæ crassæ, acerba, austera, &c. opponitur aperiens.

Adurens, pyroticum, quod adurit: sunt- *πυροπνόν*. que primò Vescicantia. Secundò Escharotica. Tertio Caustica.

Anodynum, id est, *dolorem leniens*, sive- *ἀνωδύνον*. narcoticum id sit, sive paregoricum, sæpius *παρεγοπνόν*. tamen de paregoricis dicitur.

Aperiens *ἀνασπασμωπνόν*, id est, *Vasa reserans*. Talia sunt calida, sed non ultra gradum 2. substantiæ tenuis. Opp. *συνσπασμωπνόν* *Adstringentibus*.

Apophlegmatizans, quod excrementa ex cerebro in palatum & os detrahit, sive id masticeatur, sive gargarizetur, sive palato illinatur. Talia sunt calida, acria, vel tota substantia agentia, & *ἔρρηνα* quoque vocantur.

Attrahens *ἐλκπνόν*, id est, humores ac spiritus è corpore in superficiem alliciens.

καταγμαπνόν, quod fractis ossibus solidandis convenit.

Cathereticum, quod superfluum carnem, cui adhibetur, absumit. *καθηρηπνόν*.

Catharticum, id est, *Purgans* sive *αἴω*, *καθηρηπνόν*. sive *κάτω* id fiat, potissimum tamen de dejectoriis dicitur.

Cicatrizans *ἐπιλωπνόν* cicatricem inducens, quod non solum id, quod influit, sed humorem qui in ipsa carne continetur, consumit, ut hac ratione in cutem caro mutetur; vehementer siccans est & astringitorium.

Eccoproticum, id est, *Alvum laxans* fecesque tantummodò deturbans. *ἐκσπρωπνόν*.

Emeticum, id est, *Vomitorium*. Uti Antimonium. *ἐμεπνόν*.

Εμμηναγωγόν *Menses ciens*. *ἐμμηναγωγόν*.

Emolliens *μελακπνόν*, quod humores concretos ac congelatos fundit, nonnihil ficcum & emplasticum. *μελακπνόν*.

Emplasticum, id est, *Glutinosum*, quod parti cuiuspiam illitum tenaciter adhærescit, ac poros implet. Talia sunt, sicca ac terrea citra acrimoniam. *ἐμπλασπνόν*.

Εναιμνόν est *κολληπνόν*, quod cruentis vulneribus adhibetur sanguinem sistendi gratia. *κολληπνόν*.

Epuloticum, vel Synouloticum, quod ulceri cicatricem inducit.

Extergens *ἐκφραπνόν*, id est, lentos & glutinosos humores cuti adhærescentes eluendo infartu liberans; & hujus conditionis sunt siccantia, tenuis substantiæ, nitrosa, amara. *ἐκφραπνόν*.

Glutinans, glutinatorium *κολληπνόν*, quod agglutinat & conjungit solutas partes; plus siccant, quàm sarcoticum, nihil detergit, sed potius adstringit.

Indurans *σκληρωπνόν*, quod quasi congelat & distendit. *σκληρωπνόν*.

Laxans *καλασπνόν*, id est, materiam, quæ inflatus declinat tensionemque causat, attenuans & discutiens; modicè calefaciens, largius humectans, substantiæ tenuioris.

Lithontripticum, quod calculum atterit & ejicit. *λιθοντρυπνόν*.

Maturans *πιπνόν*, *ἐκπυπνόν*, id est, *purgis* *πυπνόν*. *gene-*

Analogiæ rerum de nominationes ad humani corporis membra.

Effectus mirabilis medicinalium.

TABULA II.	Gra- dus.	
Phylosophiæ Gra- dus qualitatū pri- marum in plantis exhibens.		
<i>Calida in gradu</i>	1	A
<i>Calida in gradu</i>	2	A
<i>Calida in gradu</i>	3	A
<i>Calida in gradu</i>	4	
<i>Frigida in gradu</i>	1	
<i>Frigida in gradu</i>	2	
<i>Frigida in gradu</i>	3	
<i>Frigida in gradu</i>	4	
<i>Humida in gradu</i>	1	
<i>Humida in gradu</i>	2	
<i>Humida in gradu</i>	3	
<i>Humida in gradu</i>	4	
<i>Sicca in gradu</i>	1	
<i>Sicca in gradu</i>	2	
<i>Sicca in gradu</i>	3	
<i>Sicca in gradu</i>	4	





prietatem.	Usus & Applicatio:
GUMMI, RESINÆ.	Sumuntur hæc omnia vel
accæ, Tragacanthi, Thus, Mastix, Myrrha, Galbanum.	<i>Decocto simplici,</i>
qua rosacea in qua Thus vigies accensum fuerit extinctū.	<i>Composito.</i>
us, Mastix, Laricis refina, Terebentina, Balsamum.	<i>In salem redacta.</i>
icis, Balsami, Thus, Mastichis, Styra- is.	<i>In aquas destillata.</i>
ax, Olibanum, Thus, Myrrha.	<i>In pulverem contrita, per tragemata, Tabellas.</i>
forum, Styrax, Cedri, Belzoini.	<i>Vel in Emplastrum coacta.</i>
m quæ cor respiciunt, cedri, Styrax, banum.	<i>In decocta alterata.</i>
canthum, Terebinthum.	<i>In extracta sublimata.</i>
Pix, Colophonia, Styrax.	<i>In Conservas, Condituras, Symplos, Elethuaris, } condensata.</i>
a seu camphora Gummi Arabici, Gummi ceratæ, Betulæ.	<i>In usum Gargarismatum.</i>
m, Sagapænum, Terebinthi, Laricis.	<i>Caput purgiorum.</i>
lea forinsecus entri.	<i>Fomentorum.</i>
m.	<i>Embrocharum.</i>
n,	<i>Inseffum.</i>
,	<i>Pessorum, Balneorum.</i>
tyrax, Man-	<i>Lotionum.</i>
num, Man-	<i>Dentifriciorum.</i>
is.	



generationem juvenans. Temperatè calidum, humidum & emplasticum.

*Μελανόγυ-
ζωζον.* Melanagogum, id est, *atram bilem edu-
cens.*

*Νιφθαι-
κον.
σηπτικον.* Nephriticum, quod renibus familiare est.

Putrefaciens *Σηπτικόν*, quod acrimonia & calore nativo infensissimum, eumque vel fugat, vel ejus symmetriam destruit, talia sunt mordicantia, acria.

*σαρκο-
γον.* Sarcoticum, id est, *carnem generans* quod extra morsum sordes vulnere detergit, ne consolidationem impediant.

υπνωτικον. Somniferum, id est, *hypnoticum.* uti Opium solani species.

σπέρμικον. Sternutatorium, *ptarmicum*, quod sternutationem movet, ac excrementa capitis, tum ea quæ in cerebro, tum quoque quæ circa meninges, hærent, expellit.

διουρητικον. Ureticum, idem quod diureticum, quod vias ad urinam aliasque obstructions aperit.

*θεραπευ-
τικον.* Vulnerarium *Θεραπευτικόν*, quod intus assumptum vulnere consolidationem juvat.

Anodynum est medicamentum dolores sedans & mitigans.

His itaque præmissis, ut quænam plantæ, folia, flores, fructus, semina, radices, olea, succi, ligna &c. singulis membris malè affectis remedium adferant, & quibus virtutibus imbuta sint, ea hîc, ex melioribus Medicorum codicibus collecta, sequenti Tabula Synoptica *Leſſore* oculis exponere visum fuit. Usus per se patet: Si enim nosse cupias quæ medicamenta bilem v. gr. purgent; quære in prima columna (*bilem purgant*) & deinde laterali & transversa serie progressus, in singulis columnis, quoad folia, flores, fructus, succos &c. opportuna medicamenta reperies: quæ quidem medicamenta, ut suprà dictum est, arte Spagyrica vel in salia, vel aquas, aut olea, spiritusque solvi, vel etiam sub forma Decoctorum, Conservarum, Juleporum, Syruporum aliisque, quos in Tabula prima docuimus, modis, tum intrinsece, quàm extrinsece exhiberi poterint. Vide *Tabul. III.*

§. III

Tabula quarta dispositio.

Qua arte Veteres eorumque posterius virtutes herbarum cognoverint, in *præcedentibus Libris* unà cum Tabula Synoptica omnium medicamentorum simplicium exhibuimus; jam verò aliam tabulam hoc loco exhibebimus ex Chymicorum *Tannhauseri*, *Tabernemontani*, atque *Carſtneri* Germanicis Libris extraximus; Hi Auctores aliam viam aggressi, in veram genuinam plantarum virtutis & efficaciam, Spagyricæ artis subsidio, notitiam felici sanè successu pervenerunt, hoc pacto, qui sequitur, longo & difficili experimento: Primò singularem plantarum tempus, quo colligi debent, & quando

virtus uniuscujusque plantæ, uti dici solet, in auge est, inquisierunt: Norant enim plantas eodem tempore minimè colligendas esse eas, quæ tantopere virtute & qualitate dissiderent; uti enim ex diversis partibus constant omnes, id est, radicibus, floribus, fructibus, seminibus, &c. discrepant, ita quoque singulis colligendis tempus opportunum præstolari necesse est; unde singulari studio, Solis & Lunæ Zodiaci decemoria permeantium cursum astronomica notitia unà cum planetarum motu, & mutuos ad se invicem aspectus observarunt, quæ quidem non eodem modo se tenent ubique, sed juxta horizontum constitutionem unicuique Regioni propriam. Hisce itaque ritè & legitime observatis potentioris virtutis plantas selegerunt, quarum singulis in sua tria principia summa sanè solertia resolutis virtutes salis, sulphuris & mercurii in singulis plantis inexistentes Spagyricæ artis beneficio repertas in analogâ quædam olea, essentias, & sales resolverunt; quomodo verò & qua ratione, in sequentibus patebit.

Habitis singularum plantarum gradibus salino-sulphureo-mercurialibus, ad singularum plantarum vires abditasque proprietates investigandas se converterunt, quo peracto studio tandem novam Botanicæ doctrinam condiderunt, præ cæteris jam suprà enarratis certam, & multiplici experientia stabilitam & usibus jatricis aptissimam, utpote in quibus virtus & influenza astrea cum subiectis sibi planetarum astris exactè responderent: Quantum enim tempus Astronomicum ad herbarum opportunam collectionem conferat, sequenti discere experimento.

EXPERIMENTUM.

Reseca ex Arbore terræ adhuc infixâ frustulum, eo tempore, quo maximè vis plantæ sese exerit, & aliud ex eadem arbore frustulum priori prorsus par & æquale, sed tempore contrario & opposito illi tempori, quo prius decideras, & duo hujusmodi frusta bilance exactè ponderes, & invenies prius multò levius ob decisionem sicciori temporis constitutione factam; alterum verò gravius ob humidi temporis constitutionem; quod in omnibus lignis experientia docet: imò si particulam ejusdem plantæ ex parte Australi, & alteram ex parte Boreali reseces, videbis unam alteri etsi æqualis magnitudinis & crassitie præponderare; Borealem quippè Australi, cujus rei rationem postea assignabimus; quod idem experieris in effossione luti, argillæ, cæterarumque terrestrium glebarum; vasa enim uti ex figulis didici, multò in igne durabilia sunt, quæ ex argillâ opportuno tempore effossâ facta sunt, quàm quæ non opportuno, & tempore prorsus contrario; & patet quoque

Magnitudo
menti in
rebus usura
pandi tem-
poris ele-
ctio.

Quomodo
auctores
nonnulli
rerum vir-
tutes inve-
stigarint.

ex cæsura lignorum pro fabricis, Lunâ importuno loco constitutâ, cuncta enim teredinibus obnoxia esse, longa docuit experientia, quæ non fiunt, Lunâ opportuno loco constitutâ.

Tabula divisa est in quinque columnas.

Prima continet nomina plantarum: Secunda tempus collectionis: Tertia gradus trium principiorum: Quarta analogia tribus principis quintarum essentiarum & salium: Quinta virium medicarum notitiam explicat; ut sequitur.

TABULA IV. SYNOPTICA.

Plantarum in sua tria principia resolutarum.

NOM. PLANT.	COLLECTIO.	COMPOSITIO.	RESOLUTIO.	VIRE.
<i>Imperatoria mas. Meisterwurz. Ostrutium.</i>	Die 22. Julii. ☉ 10. g. ♀. ☽ 23. g. ♀.	Sulphuris 6.p. Salis 3. Mercur. 3.	Oleum. Essentia. Sal.	Calefacit nervos. Confortat mûsculos. Conservat memoriam.
<i>Imperatoria fœmina. Panax Heracleonis.</i>	6 Jul. ☉ 26. g. ☽ ☽ 12. g. ♀.	Sulphuris 6. Sal. 2. Mercur. 4.	Oleum. Magisterium. Sal.	Calefacit. Emollit. Aperit.
<i>Imperatoria quæ Spondylium dicitur, Branca Ursina. Olus atrum.</i>	12 May. ☉ in II. ☽ in II constituta.	Sulph. 4. Sal. 2. Mercur. 6.	Oleum. Extractum. Sal.	Calefacit. Discutit. Aperit.
<i>Angelica mas.</i>	16 Jul. ☉ in ♀. ☽ in ♀.	Sulph. 9. Sal. 1. Merc. 2.	Oleum. Arcanum Magist. Sal.	Calefacit. Discutit. Expellit.
<i>Angelica fœmina.</i>	6 Junii. ☉ in II. ☽ in ☽.	Sulph. 7. Merc. 4. Sal. 1.	Oleum. Anthos Flores. Sal.	Attenuat. Aperit. Confusit.
<i>Angelica, Levasticum.</i>	6 Sept. ☉ 28. g. ♀. ☽ 24. g. ♀.	Sulph. 8. Sal. 2. Merc. 2.	Oleum. Liquor. Sal.	Aperit. Expellit. Instaurat.
<i>Suffrutex, ferula Libanotis.</i>	20 Aug. 10. ♀. ☽ 20. g. ♀.	Sulph. 6. Merc. 4. Sal. 2.	Oleum. Tinctura. Sal.	Calefacit. Siccit. Conservat.
<i>Ferula fœmina Thapsia hyppapion.</i>	☉ in ♀. ♀ in ♀. ☽ in ♀.	Sulphur. 8. Sal. 3. Merc. 1.	Hazar. Turbith. Sal.	Calefacit. Extrahit. Purgat.
<i>Ferula, quæ Narthex dicitur.</i>	22 Sept. ☉ in ♀. ☽ in ♀.	Sulphur. 8. Sal. 3. Merc. 2.	Oleum. Liquor. Sal.	Calefacit. Penetrat. Expurgat.
<i>Pimpinella, quæ alias Petrapium seu saxifraga hircina dicitur.</i>	15 Oct. ☉ in ♀. ♂ in ♀.	Sulphur. 7. Sal correct. 4. Merc. 2.	Elixir. Oleago. Sal corrosivum	Calefacit. Solvit. Expellit.
<i>Pimpinella vera.</i>	16 Aug. ♂ in ♀. ☽ in manf.	Sulphur. 6. Sal. 5. Merc. 2.	Elixir. Oleago. Sal acre.	Calefacit. Expellit. Attenuat.
<i>Pimpinella nigra quæ Subastrella dicitur.</i>	Sept. ♀ ascend. ☽ in ♀.	Sulphur. 5. Sal. 5. Merc. 3.	Oleago. Elixir. Sal.	Sanat. Conservat. Instaurat.
<i>Daucus Germanicus, Erlach dictus.</i>	6 Junii. ☉ in ☽. ♂ in ☽.	Sulphur. 6. Sal. 3. Merc. 3.	Oleago. Balsamum Sal.	Conservat. Roborat. Sanat.
<i>Daucus Creticus. Daucion.</i>	☉ in ♀. ☽ in ♀. ♀ in ♀.	Sulphur. 7. Sal. 3. Merc. 2.	Balsamum. Oleago. Sal.	Calefacit. Siccit. Expellit. Aperit.

Daucus

40
ex
pen
si
ti
ca

N
-
h
C
O
-
h
m
E
-
L
S
-
n
/

NOM. PLANT. COLLECTIO. COMPOSITIO. RESOLUTIO. VIRE9.

<i>Daucus magnus, Italicus.</i>	16 Julii. ☉ in ♍ ♀ in ♌.	Sulphur. 5. Sal. 3. Merc. 4.	Balsamum. Oleago. Sal.	Nutrit. Roborat. Sanat.
<i>Feniculum hypopomarathron.</i>	14 Julii. ♂ in ♌ ♂ in ♍.	Sulphur. 8. Sal. 1. Merc. 3.	Antidotum. Oleum. Sal.	Movet. Discutit. Expellit.
<i>Feniculum femina, montanum. Berwurtz.</i>	13 Julii. ♂ in ♍ ♂ in ♌.	Sulphur. 9. Sal. 2. Merc. 2.	Oleum. Antidotum. Sal.	Discutit. Expellit. Aperit.
<i>Feniculum Hortense.</i>	☉ ♂ in ♍.	Sulphur. 8. Sal. 2. Merc. 3.	Oleum. Antidotum. Sal.	Discutit. Expellit. Calefacit.
<i>Cuminum mas, seu Romanum.</i>	2 Sept. Arctur. Orient. ♂ in ♍ & ♀.	Sulphur. 7. Sal. 4. Merc. 2.	Arctioicum. Liquor. Alkali.	Calefacit. Attenuat. Expellit.
<i>Cuminum femina, seu Germanicum.</i>	21 Julii. ☉. D. supra horizont.	Sulphur. 6. Sal. 3. Merc. 3.	Arctioicum. Liquor. Alkali.	Calefacit. Conservat. Expellit.
<i>Cuminum Lobelii, Cuminum Thebaicum.</i>	14 Oct. ♂ in ♀ ♂ in ♍.	Sulphur. 5. Sal. 5. Merc. 3.	Arctioicum. Alkali. Liquor.	Calefacit. Discutit. Aperit.
<i>Petroselinum mas, seu Macedonicum, Olus astrum.</i>	20 Apr. ☉ D. in ♌.	Sulphur. 8. Sal. 2. Merc. 2.	Gliffus. Oleago. Sallena.	Calefacit. Consumit. Expellit.
<i>Petroselinum fam. Alexandrinum.</i>	26 Maji. ☉ in ♌ ♂ in ♌.	Sulphur. 7. Sal. 3. Merc. 2.	Gliffus. Oleago. Sal.	Calefacit. Discutit. Expellit.
<i>Petroselinum Lobel. Germanicum hortenfe.</i>	10 Maji. ☉ in ♌ ♂ in 3. m.	Sulphur. 7. Sal. 3. Merc. 3.	Gliffus. Oleago. Sal.	Calefacit. Penetrat. Expellit.
<i>Charyophyllum petroselinum, agreffe, Daucalis.</i>	28 Jan. ☉ in ♌ ♂ in ♌.	Sulphur. 4. Sal. 4. Merc. 4.	Diaphoreticum. Oleago. Sal.	Discutit. Calefacit. Expellit.
<i>Charyophyllum fam. Mi.</i>	☉ in ♌. ♂ in ♌ ♂ in ♌.	Sulphur. 5. Sal. 4. Merc. 4.	Diaphoreticum. Oleago. Sal.	Calefacit. Discutit. Expellit.
<i>Charyophyll. Lob. Gingidium Carifolium.</i>	30 Jul. ♂ in ♌ Luna plena.	Sulphur. 5. Sal. 4. Merc. 4.	Diaphoreticum. Oleum. Sal.	Discutit. Expellit. Sanat.
<i>Cervaria nigra mas.</i>	14 Sept. ☉ in ♌ ♂ in ♌.	Sulphur. 7. Sal. 3. Merc. 3.	Themoxinth. Essentia. Sal.	Calefacit. Extrahit. Siccat.
<i>Cervaria alba fam. Meon, Pinebellum, Cordylon.</i>	24 Maji. ☉ in ♌ ♂ in ♌.	Sulphur. 7. Sal. 3. Merc. 2.	Themoxinth. Essentia. Sal.	Calefacit. Roborat. Vegetat.
<i>Cervaria Phœnicia, Peucedanum.</i>	22 Aug. ☉ in ♍ ♂ in ♍.	Sulphur. 6. Sal. 4. Merc. 3.	Thymox. Essentia. Sal.	Calefacit. Siccat. Servat.

Seselis

NOM. PLANT. COLLECTIO. COMPOSITIO. RESOLUTIO. VIRES.

<i>Seselis mas, Mar- siliense, filer montanum.</i>	24 Sept. ☉ in II ♂ in ♀.	Sulphur. 6. Salis 4. Mercur. 2.	Apophlegm. Oleum. Sal.	Rarefacit. Aperit. Penetrat.
<i>Seselis fœmin. Æthiopicum, Godylion.</i>	17 May. ♂ in ☉ in II.	Sulphur. 4. Sal. 4. Mercur. 4.	Apophlegm. Oleago. Sal.	Servat. Expellit. Instaurat.
<i>Seselis sobol. Creticum, Pelopo- nesiacum.*</i>	♂ in Orient. ☉ in ☿. ♂ in ☐.	Sulph. 5. Sal. 2. Mercur. 5.	Schilvach. Oleum. Sal.	Rarefacit. Aperit. Expellit.
<i>Oenanthe mas.</i>	8 Aug. ☉ in ♀ ♂ in 10 ♀.	Sulph. 5. Sal. 4. Merc. 3.	Glutinatorium. Oleago. Sal.	Penetrat. Astringit. Instaurat.
<i>Oenanthe fœm. Glaucantha.</i>	28 Aug. ☉ in ♀ ♂ in ♀.	Sulph. 5. Sal. 5. Merc. 4.	Oleago. Sal.	Astringit. Solvit. Discutit.
<i>Oenanthe seu Oenanthoridis.</i>	4 Aug. ☉ in ♀ ♂ in ♀.	Sulph. 3. Sal. 3. Merc. 6.	Antitaret. Oleago. Sal.	Resolvit. Expellit.

His itaque traditis, jam modus, quo ex singulis herbis, plantis, radicibus, foliis, corticibus, lignis, floribus, fructibus, seminibus, aquæ, olea, sales, quintæ essentia & magisteria extrahi possent, docendus foret; verum cum hæc ab innumeris jam Authoribus tractata sint, ne pharmacopœum potius,

quàm Philosophum agere viderer, ea consultò omittenda duxi; Si quis tamen modum & rationem exactè desiderat, is legat *Quercetorum, Angelum Salam, Libavium, Bauhinum, Weckerum, Portam, Castellum, Schroderum, Mylium* & innumeros alios Antidotariorum scriptores.

CAPUT IV.

De prodigiosis plantarum facultatibus, quas ex Subterraneis originem suam nactas fuisse docetur.

Mirare-
rum trans-
mutatio ac
μεταμόρ-
φωσις.

EXcussio vegetabilis Naturæ Regno, restat, ut jam nonnullarum prodigiosarum operationum, quæ in plantis spectantur, causas ostendamus, quarum prima est, unius plantæ in aliam transmutatio, quæ quidem alia de causa non contingit, nisi ex diverso situ & mutatione loci, aut transplantatione; similes enim similibus junctas, si terra pinguis & ferax fuerit, ex deteriori conditione in melioris plantæ consimilis naturam degenerare, loci verò genio non consentiente propter internas Soli coelique proprietates, diversa sortiri temperamenta, experientia notum est, quo fit, ut pristinae virtutis pars unà aboleatur, altera verò pars remaneat, longis verò dissita locorum spaciis, uti omnino contrarium nanciscuntur solum ac alimentum, ita eas quoque degenerare necesse est, ita ut vix prioris formæ ullum remaneat vestigium, quod idem in animalibus fieri in præcedentibus diximus. Si enim in terra non esset dissimilis & disparata humorum ratio, in omnibus Mundi partibus ejusdem omnia generis nascerentur, & patet ex vinorum diversis generibus, quæ omnia ex diversa salium, sulphuris & mercurii cum terrenis glebis combinatione, tum colorum

dispari varietate, tum saporis atque odoris ac magnitudinis fructuum, lignorum, florum, seminum differentia exurgunt, quas quidem varietates in regionibus & locis aliis, inclinatio Mundi, Solis, terrenum corpus ferientis alia & alia causat dispositio; Unde myrtus in Ægypto odoris suavitate præstat, alibi inodora arbor. In Persia pomum persicum lethiferum, in Europa gratissimi gustus comperitur, & sic de cæteris plantis & fructibus, qui in locis proportionatis optimam, in disproportionatis locis pessimam indolem præ se ferunt. Verum ut uno epiphonemate omnia definiam; talis est sapor, odor, color plantarum, fructuum, seminum, qualis est alimenti qualitas, ex quo alitur planta; ut proinde non incongrue *Abenezra Lib. III. Regum* commentatus dicere ausus fuerit, Salomonem plantasse in variis Palestinæ locis omnis generis plantas, uti balsamum, charyophyllum, piper, Arabiæ, Indiæ cæterisque Zonæ torridæ subjectis locis proprias; rationemque hujus rei assignat; quia inquit per infusam sibi scientiam noverat fibras terrenarum partium per universum telluris orbem diffusas, novat terreni temperamentum unicuique dictarum arborum plan-

Ratio me-
tamorpho-
scos.

Myrtus.

Persica
arbor.

Salomon
novit fibras
terrenas
unicuique
plantarum
inferenda-
rum op-
portunas.

plantandarum oportunum, atque hoc pacto in saltu Libani balsamum cæteraque aromatica arbuscula plantasse reperimus; quod & experientia docet in animalibus, quæ eum effectum in iis præstant, quali ex se & sua natura pollet herba animalis nutrimentum. Si itaque pecora herbas laxativa vi præditas in alimentum assumpserint, eorum lac idem in hominibus præstat; si venenosa assumpserint alimenta, malignis qualitatibus inficiunt & animalia & hominem, uti de melle ex venenosis herbarum floribus ab apibus confecto constat; Cur hirci sanguis coagulatus tanto remedio est à calculosis assumptus alia causa non est, nisi quod herbis saxifragis, quæ ut plurimum in rupibus saxosisque locis enascuntur, vescantur, quarum vis λιθοντετριπική quantum Lithiasi conferat, nemo non novit. Si itaque alimentum ex terra attractum tantum habeat virium, in transmutanda naturali plantarum indole, certe nemo mirari debet, si eadem de causa variæ metamorphoses & transmutationes plantarum nascentur: Nam ut alibi diximus, Cynamomi plantam in Lusitania plantatam in Laurum, piperis in hederam, charyophyllum in castaneæ quid simile degenerasse, experientiâ innotuit; sed ut remotiorum Indiarum plantas omittamus, in nostris Europæis regionibus id aded vulgatum est, ut quid aliud: videmus enim triticum in filiginem, postea in avenam, tandem in lolium, zeam aut typham degenerare non appropriatis locis satum; & hæc eodem ordine ex lolio avena, filiginem in triticum reverti, in loco tritico proportionato sata. Sed hæc cum in *Septimo Libro* amplius exposita sint, ea non repetenda duximus: Brassica in rapum, & contra cum tempore hæc in brassicam vertitur. Ocymum in serpillum aut sylimbrum mutari, *Theophrastus* docet; Silymbrium verò in mentham aut mentastrum: Innumera hoc loco adducere possem hujus metamorphoseos exempla, verum cum illa vulgo nota sint, iis non immoramur. Verum jam de transformatione plantarum animaliumque experimentum supponamus.

Animalia vires herbarum in se derivant.

Mellethiferum.

Cur Hirci sanguis calculo medeatur.

Miruseffectus transmutationis in herbis peregrinis.

Variæ plantarum transmutationes.

EXPERIMENTUM.

De Insectis ex vegetabilibus per putrefactionem transformandis.

Libavius, non ignobilis Chymicus, quanta per putrefactionem fieri Naturæ miracula possint, hisce verbis narrat: *Inter quas*, inquit, *eminet putrefactio mira sua in res putrefaciendo aperiendas & resolvendas actione, incredibiles effectus producens, ac ob duplicem agendi modum, etiam bifariam divisa. Una qua aerem externum in vas non clausum, sed apertum admittens, in Animalibus & vegetabilibus hoc admirabili varietate ludit, experientia testante & docente; Si vegetabile aliquod contuderis, & ita contusum cum succo suo in vitrum apertum immiseris, quod illud putrefactio hac in propatulo aperta, crudumque aerem non excludens, in animalcula & insecta unius & ejusdem generis, & quidem planè nova, & nemini antehac nota transmutatura sit; unumquodque verò vegetabile animalculorum peculiare genus procreabit, forsàn natura & proprietatibus ipsis respondens, quod hæcenus experiri & investigare mihi non licuit. De animalibus verò & insectis admirandis per putrefactionem ex herbis & vegetabilibus putrefactis enascentibus certus sum, utpote qui aliquoties, & quidem non una, sed pluribus herbis & seminibus periculum ejus rei feci. Putrefactio clausa seu in vase probe conclusa & obturato peracta, herbas & quævis vegetabilia contusa & vasi alicui probe inclusa in liquorem vertit, virtutes ipsarum continentem, & in morbis tollendis longe majora efficientem, quàm ipsa herba cruda efficere solent; In salibus autem, mineralibus & metallis solvendis, solutionesque aperiendis maximus putrefactionis est usus, imò tantus, ut sine ejus auxilio nil quicquam boni, quoad omnia illa corpora præstari queat: fit autem in Balneo, aut in fimo equino, aut in quovis alio loco, & quidem sine igne ullo, ita tamen, ut hyberno tempore vas in hypocaustum aut cellam reponatur; ne liquor frigore concreseat, & vitrum in frustra dissiliat, qua tamen putrefactio longius temporis spatium postulat. Germania sambuci tenera & recentia, qua primo vere ex arbuscula ipsa pullulaverant, collegeram, eaque probe contusa in vitrum capacius immiseram, quod conclusum & in cellam hyberno tempore repositum per unum & alterum annum singulari cura custodivi, ita tamen ut nunquam ipsi ignem admoverim.*

Lib. Synt. Chymici

CAPUT V.

De variis plantarum accidentibus, per quæstiones enodandis.

QUæritur, primò. Cur arbores, quæ sub Zona torrida nascuntur, solidissimæ sint? Frequenti observatione comperi, ligna illa pretiosiora, quæ sub Zona torrida proveniunt, uti Santalum, Ebenum, Coccus, præterquam quod solidissima sint, fibras quoque suas omnes in circulos dispositas habere, de quibus postea. Dico itaque

hoc fieri ob Solis motum, qui uti ferventissimis suis radiis à mane usque ad vespertum, & deinde ex Australi plaga in Borealem, & rursus ex hac in illam ultrò citroque comeans continuò & æqualiter ferit, ita quoque superflua humiditate extracta intimas arborum fibras aded coarctat, ut saxea moles esse videatur, in superficie aquarum natare nescia.

Fff


Quod

Quod in Zona temperata non fit. Cujus rei causa, ut luculentius pateat, ab experimento eam ostendendam duxi.


EXPERIMENTUM.

Unde dispositio fibrarum in truncis arborum sectis.

Secentur arborum diversarum ligna sectione plana & recta, & comperies, ea, quæ ex zona torrida huc transferuntur, fibras in trunco cylindræo circulariter dispositas habere, quæ sub zona temperata dispositionem fibrarum, nescio quid hyperbolicum affectare. Quod uti me non exigua admiratione affectit, ita quoque causam speculatus, aliam non inveni, nisi Solis calorem tali situ arbores aliter & aliter afficientem. Sit ebeni ligni Truncus verbi gratia A. B,



quem si recta & horizonti parallela sectione rescideris, reperies fibras essentielles, per quas planta nutrimentum suum suscipit, omnes in circulos dispositas; Rationem hujus rei paulò antè dedimus, quia Arbores hujusmodi æqualiter ex omni parte à Solis radiis perpetuo feriuntur, undè circulem fibrarum dispositionem consequi necesse est. Sit jam lignum nostrarum partium quaecunque tandem illud sit, quod si dicta ratione secueris, videbis fibrarum ductus non jam circulos, sed nescio quid parabolicum affectare, uti in trunco D apparet; Cujus rei ratio ista est, quod sub Zona temperata Sol perpetuò ferè eandem arboris faciem respiciat; sit in trunco



S B T, semicirculus Borealis; S D T verò meridionalis; quoniam igitur Sol perpetuò radiis suis ferit meridionalem arboris superficiem S D T, majorem verò arboris partem S B T, vix unquam,

utpote quæ borealem plagam indeclinabiliter respicit, verberet, hinc fit, ut fibrarum ductus ad borealem plagam S B T. frigore constingantur, ex australi verò parte continuò radiorum illusione, & consequenter vi caloris attenuati dilatantur, uti in figura T patefit. Verum qui de hisce plura desiderat, is ad-




eat Lib. III. *Artis Magnetica Caput de Magnetismo plantarum*, ubi hujusmodi Naturæ miracula fusius descripsimus.

Ex hisce collegimus, si quis sub borealioribus partibus arborem dicto modo truncaret, futurum, ut fibrarum constitutionem non jam sub hyperbolica, sed vel parabolica vel elliptica figura dispositam reperiet; ratio est, quod quemadmodum umbra Solis in planis sub temperatæ quidem Zonæ una parte hyperbolas, ita in altera parte, nempe magis ad boream tendente parabolæ, & intra circulum quoque arcticum ellipses describat, ita quoque fieri crediderim, dum radii Solis arborum teretes truncos incidant, fibras illorum juxta differentes radiorum incidentium sectiones efforment. Vide quæ de hisce quoque in *Arte Magna Lucis & Umbra* tradidimus. Hisce cum penitiori indagine incumbo, mirum quid & observatione dignissimum occurrit, & est, quod stolones seu virgæ alicujus arboris bifariam sectæ, non se nisi eo in loco, ubi sectio facta fuerit, appetant; Sed rem experimento ostendamus.

EXPERIMENTUM.

Intra concham quandam aquâ refertam ponatur pars utraque stolonis cujuspiam secti subereis alis fulcita: Dico, partes ubi ad invicem affluerint, non nisi partibus, in quibus sectio facta fuit, conflururas: vel si partibus suis sympathicis non se contingerint, parallelo situ restituras: cujus rei ratio est, quod non appetant conjungi nisi eo modo, quo eas natura ad earum conservacionem coalitas voluit, hoc enim modo melius sese habent, nutrimentumque facilius & naturæ eorum convenientiori modo attrahent; quod non fieret, si inverso modo sese attraherent. Sint stolonis secti partes C D. & A B.



fulcris impositæ & conchæ impositæ; Dico partes B & D nunquam conflururas, quia fibrarum ductibus non correspondent; sed partem B ad partem D, quia habent convenientem fibrarum situm, mox sese dico amplexaturas; undè mira Naturæ vi accidit, ut potius interire velit, quàm inimico sibi situ conjungi: Nam unaquæque res movet & convertit se ad suum sibi simile, & inclinatur ad seipsum, secundum totum posse suum, tam virtute specifica, quam elementari; Vide quæ de virga Divinatoria in *Decimo Libro* de hisce amplius per varia experimenta discurremus.

Addam

Experi-
mentum.Mirus ef-
fectus hel-
lebori.Causa mi-
rorum ef-
fectuum.De causis
prodigio-
rum ef-
fectuum in
nonnullis
herbis.Signa su-
perstitionis
a-

Addam hoc loco aliud admiratione dignissimum, cuius uti experimentum non feci, ita occultam rationem quoque assignare non licet. Dicunt Botanici forsan *Marcilium Ficinum* in suo *de Valetud. tuenda* Libello secuti, dum ait; *Helleborus, si colligitur, ejus proprietatis est, ut sive folium deorsum trahas, sive sursum, tunc subitaneo tactu creditur id fieri, ut vel sursum vel deorsum humores ducat.* Confirmat hæc apud *Schroderum Porta*; Si Sambuci, (Ebulum intellige) radix, inquit, sursum evellatur, eam per superiora, id est, vomitum purgare; si verò per fossam subtus factam trahatur, deorsum quoque per secessum, effectum suum sortiri constat: Juli quoque ejusdem Sambuci, si sursum cacumen versus decerpantur, vomitum movere, alvum verò, si deorsum eos decerpseris. Verùm cum res necdum experimento mihi constiterit, in causæ veritate incertique & nondum explorati effectus veritate indaganda, irritò labore tempus perdendum minimè censui; nisi forsan dixerimus, facultatis purgativæ propaginem & concursum ad eam partem sequi, ubi violentus motus contigerit: Siquidem in humano corpore illuc humores confluere novimus, ubi dolor urget, aut aliqua membro cuipiam violentia, sive per contusionem, aut plagam ulcus vulnusque factum fuit: Nam ad attactum hujusmodi foliorum certum est, spirituosorum corpusculorum in planta latentium agitationem fieri versus eam partem, ubi commotio ordita fuit, sive sursum, sive deorsum, & consequenter ibidem denique condensatæ vim majorem requirunt; undè mirum non est, superne abstractam per vomitum, infernè per secessum purgare: Sursum enim semper major corpusculorum portio fertur, quàm deorsum; hinc violentius quoque per vomitum, quàm ubi minor copia agit, hinc deorsum quoque mitius purgat, quàm sursum.

Quæritur Secundo. Num verè dentur prodigiosæ illæ virtutes plantarum, de quibus Botanici loquuntur? Respondeo, multa & pleraque adductarum herbarum esse superstitionis fabulas à Magis introductas, ad potentiam Naturæ confirmandam per ea, quæ ex pacto quodam implicito vel explicito dæmonis fallaciter constituta sunt: Quare iis fidem haberi nolim, cum humani generis hosti nil usitatus sit, quàm prætextu admirandarum virium facultatumque sub herbis latentium nimium credulos in superstitiones inducere, quibus imbuti dum occultioribus semper animum intendunt, tandem perniciofa & lethifera persuasione inducti dæmoni se in ultimam animæ ruinam devovent: Signa verò latentis superstitionis sunt: Si variæ circumstantiæ, ut effectum suum sortiantur, jungantur, si præviis cerimoniis verborumque barbarorum immurmuratione, si certo corporis situ aut habitu, si nudo corpore, si certo sideris ascendentis gradu, si de-

nique manifesta dæmonis adjuratione colligi præcipiantur, cujusmodi stolidi illa fictitii *Zoroastri* in Geoponicis superstitionis est: Si, inquit, *per multos annos sterilis fuerit arbor aliqua, & venerit agricola accinctus acuta bipenni ad arborem detruncandam, si amicus pro ea rogarit & fidejusserit sequenti anno fructum laturam, ac ille amici verbis persuasus abierit, arborem hanc procul dubio copiosum fructum laturam*: Quid hic sterili arbori cum precibus amici pro ea, ne detruncetur, rogantis? hujusmodi innumera ad incautos decipiendos maleficatorum hominum Magorumque machinamenta dæmonis ope excogitari solent: Cum enim virtutes naturales plantarum ex se & sua natura operentur, frustraneæ sanè sunt omnes hujusmodi circumstantiæ sortilegæ & vanæ observantiæ, ignota verba, benedictiones, cruces, barbararumque vocum susurri, cum facultates rerum naturalium neque augere, neque ultra id, quod natura illis iniecit, operari queant, quicquid laborent & magi & dæmones, quibus naturam rerum immutare minimè concessum est. Si itaque nonnullæ plantæ admirandas quasdam virtutes sine hujusmodi superstitionis operacionum accessu exhibuerint, certum tibi sit de nativa hujusmodi plantæ facultate mirifica, uti in præcedentibus de mira palmarum & orchidum natura, nec non de mirifico plantarum per ἐμφύτευσις, seu *infectionem* conjugio in præcedentibus ostendimus. Sed jam veterum de herbarum prodigiosis virtutibus traditiones apponamus, ut legendo similia non se nimis credulum præstet *Lector*, sed diligenter, quid Natura possit, quid non possit, exploret, uti ex sequentibus manifestum fiet.

Magno honore apud Romanos habiti sunt ii, qui de plantarum historia & viribus scripserunt, & in hac facultate claruerunt, argumento satis manifesto, quod expugnata Carthagine omnes Bibliothecas quas invenerunt, variis Regibus & Principibus donaverint præter duo & triginta volumina de re herbaria & agricultura tantum à *Magonæ Pano* scripta, quæ Romam attulerunt, & ut in Latinam linguam verterentur, mandarunt; tantum nimirum solus iniit gratiam *Mago* ille rei herbariæ & agriculturæ peritus: Aded denique fuit attonita ad herbarum facultates antiquitas, ut illorum temporum scriptores de herbis admiranda quædam narrarent. *Xantus* historicus in primò historiæ libro scripsit, occisum Draconis catulum herba quadam à parente revocatum ad vitam, quam Magi *Balim* nominant; eadem *Thilonem*, quem Draco occiderat, salutis restitutum: Idem à *Iuba* Rege Mauritanie herba quadam in Arabia hominem ad vitam revocatum esse tradidit; quæ tamen non ad literam, ut ajunt, intelligenda sunt, sed virtute herbis in-

Superstitionis
Zoroastriæ.Signa veritatis
virium
prodigiosarum
in
herbis elu-
cescentium.Magon Pano
32 voluminum
de re herbaria
Author.Occisus
Leonis
Catulos
herbæ ad
vitam re-
vocant.

Fabulosa
narratio-
nes de her-
bis.

Varii plan-
tarum ef-
fectus.

Varii plan-
tarum ef-
fectus.

Herbæ fa-
mem sitim-
que tol-
lentes.

fit magnæ corroborationis Thilonem quasi à morte, à qua non procul aberat, liberatum fuisse, cum communi philosophorum epiphonemate à privatione ad habitum non detur regressus. Quæ sequuntur, fabulis potius, quam historiis adscribenda sunt, dum ajunt: Picum avem adactum suis cavernis quas in arboribus habet cuneum, admota quadam herba extrahere solitum, ita *Democritus* & *Theophrastus*; quin etiam *Æthiopides* herbæ tactu, clausa omnia aperiri, quibusdam admurmuratis cantilenis ajunt, quæ tamen, credidisse *Mathiolum* ceu verissima summopere miror; ait enim: *Memini dum superioribus annis Venetiis agerem, me quendam suspendio damnatum vidisse, cui fores omnes patefcerent disjectis seris, unâ tantum herbâ admotâ signaculis quibusdam decantâ*; sed hæc per incantamenta contigisse vel ipse fatetur, non nativa herbarum virtute; ait prætereà: Talis ferè facultatis aliam haud incognitam inveniri in Italiæ montibus, qua ab equis calcata continuo ferreos solvat calceos; vocatur hæc herba passim ab affectu *Scoffocavallo*, & est species Lunariæ. Mihi sanè experimento sumpto in ferrea solea, veritatem rei comperire non licuit. Observatum tamen est, inflammati vulnera ulceraque eorum, qui pedibus iter confecerint per loca, perniciosi plantis scattentia, uti sunt cicuta & reliqua aconitorum genera; contra verò sanari morbos, ubi ab itinerantibus vulneratis salubres calcatæ fuerint, uti de plantaginum speciebus ferunt. Hemionitidis etiam contactu spleneticos sanatos, Comitiales suspensa collo pæoniæ Romanæ radice: Ictericos subtrato in calceis, nudis pedibus, majori chelidonio, aut pæstoria burfa, referunt Botanici: Aconitum pardalianches foeminis necem afferre: Tandiu quempiam lippitudine haud tentari observatum est, quamdiu is sylvestris Rumicis radicem secum nitidissimè habuerit. Desinet stranguriâ cruciari, qui Tamarisci lignum ardens suâ ipsius extinxerit urinâ. Certè experimento mihi innotuit, taxum barbatum applicatum canali urinario, statim laborantem à disuria sive difficultate urinandi liberasse. Inguinis tumorem haudquaquam iis subcrescere putant, qui myrti furculum secum gerant, Scordii contactu præservari cadavera non solum *Mithridatis* sed etiam *Galen*i testantur monumenta. Scythæ Scythicam herbam circa Boeotiam nascentem adinvenere, gustatu quidem prædulcem, cujus magna nimirum commendatio, quod in ore eam habentes famem sitimque ad exiguum tamen tempus, non sentiant: Idem præstat apud eosdem Hippice dicta, quod equis quoque eundem effectum præbeat. Traduntque his herbis Scythas etiam in duodenos dies durare in fame & siti: sed hæc ὑπερβολικῶς dicta sint. O quam felices forent exercitus, si sine alia provisione solius herbæ usu ore detentæ sitim famemque ad duodecim dies tolerare

possent. Coriöcesia herba, quin etiam Callitiâ *Pythagoras* aquam glaciari tradidit: quod verum esse dico in herbis in nitrosam primò substantiam coagularis, sed hic effectus non ab herba, sed à nitro, uti experientia constat, provenire censeretur. Fabulosa sunt, quæ sequuntur; *Pythagoras* ait, Aproxin herbam, cujus radix non minus, quàm Naphta è longinquo concipiat ignes; Alchemidem plantam colore electri sine folio nasci Tardictylis Indiæ meminit *Democritus*, cujus radice in pastillos digesta indiesque ex vino pota, noxii per cruciatus nocte confiteantur omnia, per vanas numinum imaginationes. Ariamidis herbæ contactu ligna oleo prius peruncta, illicò accenduntur, si decerpatur cum Sol fuerit in Leone, quod mirum non est, cum vel paleæ Romæ in ponte S. Angeli Canicularis & Leonini caloris æstu accendi videantur. Therionarcâ in Cappadocia & Misia nascente omnes feras torpescere, quibus fuerit admota, nec nisi Hiænæ urinæ aspersu recreari, tradidère veteres. Certè id omnes herbas narcotica vi præditas, absolanorum species, stramonium, & similia præstare notum est, comestas tamen. Ophiusa in Elephantina Æthiopie nasci etiam tradunt lividam & horribili aspectu, qua pota terrorem minasque serpentium obversari, ita ut mortem sibi eo metu consciscant qui biberint, ob idque cogi sacrilegos illam bibere, adversari tamen ei palmeum vinum. Non facile negavero virtutem similem inesse posse, cum, uti in *Libro de Venenorum* natura docuimus, pleræque herbæ venenosæ ab hominibus assumptæ diversas phantasmatum species excitent, quibus id se esse putant, quod non sunt: Vide quæ de hydrophobis ibidem plura de hisce tradidimus. Certè Solanum Maniacum (ut *Dioscorides* est author) varias facere species, imaginesque non injucundas causari, si ejus radice drachma ex vino bibatur: Addo hisce & Theangelidem in Lybano Syriæ nasci solitam, qua devorata futura prælagire homines volunt. In Bactris & circa Borythenem planta provenit *Gelotopyllis* dicta, quæ si cum vino & myrrha bibatur, varias dicunt obversari species ridendique finem non fieri, impositis ex palmeo vino pineæ nucis nucleis, pipere & melle additis. Eundem effectum in fumentibus præstat apium risus, Arum Ægyptiacum devoratum. Asciomenes herba (ut *Apollodorus* est author) vino aspersa folia in se contrahit, meraco aspersa omnium animalium feritates domat, collo adalligata, vel jugo suspensa. Parthos ab *Antonio* fugatos scribit *Appianus Alexandrinus*, cum fame premerentur, in quandam herbam incidisse, quam qui comederent, nihil aliarum rerum reminiscerentur, aut intelligerent, nisi quod lapides continuo effoderent, quasi quidpiam magni operis facturi, & sic debacchati bilem demum evomentes interirent; sed hæc vis adscriben-

Aproxis
ignem tra-
hens.

Herbæ Le-
thargum
cauantes.

Asciome-
nes feras
domat.

Mirus ca-
sus.

scribenda est herbis venenosa virulentia imbutis, quæ ipsos ad tale vel tale quid agendum vi phantasiæ disponit. Rhamni tertii ramus (authore *Dioscoride*) valvis fenestrisque impositus veneficia omnia depellit, qua virtute ille viderit. Lapathi radices, quin etiam plantaginis collo adalligatæ (eodem authore) chœradas & strumas sanare putat. Vermiculi in echinatis *Dipsaci* capitulis autumnopertiti, collo in folliculo adalligati, aut sinistro brachio appensi, quartana febre affectos incolumitati restituere magi credunt. *Atractyli* herbâ gestatâ obtundi quidem scorpionem ictus, deposita tamen ea illicò recrudescere dolorem scribit *Dioscorides*: quin etiam posteritatis memoriæ tradidit, à scorpione non ici eos, qui *Polemonia* herbæ radicem secum tulerint, vel si forte fortuna quispiam ictus fuerit, eum quidem nihil molestiæ passurum. Sed de hisce uti incerta sunt & sine fundamento, ita ratiocinari non libet. Vulgatissima est in Judæa fabulosa illa radix

Baaras herba mirifica.

Baaras, à loco sic appellata, de qua sic *Flavius Iosephus* scribit Libro de bello Judaico. *Flammam* colore imitatur, circa vesperam verò velut jubar fulgurans: accedentibus autem eamque vellere volentibus facilis res factu non est, nam tamdiu refugit, quousque urina muliebris, vel menstruus sanguis super eam fundatur; quin etiam tunc si quis eam tetigerit, mors certa est, nisi forte eam ipsam radicem ferat de manu pendentem; ideo effossæ circumquaque radici necdum extirpata canem alligant, qui abeuntem inde Dominum sequi volens eam extirpat, & continuo moritur, tanquam ejus vice à quo tollenda erat; nullus enim posthac accipientibus metus est. Tantis autem periculis propter unam vim capi eam opera pretium est: siquidem iis admota, qui cadæmonibus oppressi sunt, illicò libertate fruuntur. Sed cum hac à nemine hucusque tradantur præter *Iosephum*, ita quoque anilibus deliramentis adscribimus. *Matthiolus* ait sibi radicem esse à *Francisco Calceolario Veronensi* repertam, qua, inquit, per noctem vino macerata, eoque epoto nullus quantumvis famelicus edere possit, nec cibi tantillum degustare, nisi acetum cochlear absorbuerit. Ridendus profectò jocus, sed res ipsa non omnibus committenda. Multa hic similia vera tamen natura arcana adducere possem, sed ne ad malum utantur curiosiores, ea silentio obvelanda duxi. Zucca Indica pernicioso & lethifero veneno turgida, cujus succo tamen, uti in præcedentibus dictum fuit, expresso radix in farinam molita optimum ac nutritioni saluberrimum conficit panem. Illud etiam his addi potest ex *Matthiolo*, quod in circulatorum spectaculis sæpe demirantur homines; sic autem dicit *Matthiolus*: In vinum radicis cujusdam pulverem, cujus gustatu fauces convelluntur, immiscent, & cui fuerit facere volunt, jubent, ut illo in vino intinctum digitum quasi prægustandi causa sugat, tum illico digitum in vino madidum in os inditum sibi mordicus non sine dolore & clamore premis invitus:

Radix comedendi facultatem tollens.

Jocus Circulatorum.

Interea perinde atque blanditiis merentem consolatur *Circulator*, temporum carpique arterias aliquopiam oblinis medicamento, deinde numinum in terra projectum hortatur, ut tollat; Ibi ille pronus primum sese nequit attollere, mox inguinis vi amens factus concidit, statimque ejus more, qui metuit, ne mergatur in aqua, natat, ac vociferatur simul se fluctibus obrui: Erigit ergo eum *Circulator*, ille quasi ulturus injuriam, primum maleficium obliquo ac torvo intuitu exprobrare, mox hominem aggredi videtur; postremo fugientem *Circulatorem* persequi, donec absterfo tandem illi medicamento veneno recipiat animum ac menti restituatur. Ubi autem ad se rediit, quasi qui evaserit à mari naufragus, capillum vestimentaue, veluti vela torquere, exprimereque, brachia tergere, & nares emungere conspicitur. Hac fabula non sunt: nam non desunt testimonia multorum, qui viderunt, quique imposturam suspicantes, suis & amicorum suorum famulis, ut hoc anno Praga factum est, fieri hac jusserunt. Innumera hoc loco ex variis Authoribus adduci poterunt, quia tamen innumeris superstitionibus involuta sunt, iis immorari nolui, sed ad ea solummodo progredi libuit, quæ ex se & sua natura mirifica vi pollent, & effectus præstant omnium opinione incredibiles.

Quæritur Quarto. An verè & realiter herba per palingenesin seu resuscitationem ex cineribus educi possit? Non ignoro varias historias adduci, de hujusmodi Naturæ miraculis: *Albertum Magnum* tempore mensis coram Rege Gallia in vitrea phiala arborem cum foliis, floribus, fructibus produxisse ferunt: ego verò rei veritatem magno labore investigavi, nil tale nec in ejus vita, nec in regis gestis reperire licuit, nec in Archivio suo Patres Dominici tale quid se reperisse fassi sunt, unde semper fabulosam narrationem credidi, ab Alchymistis cæterisque curiosorum artium sectatoribus, ad mysteriorum & inauditorum, quæ plenis buccis ubique locorum deprædicare solent, arcanorum veritatem similibus figmentis stabilendam, excogitatam, quemadmodum multi alii supposititii partus Sancti viri nomine jam dudum Magorum ope prodierunt, non alio fine, nisi ut sua deliramenta sub *Magni Alberti* nomine tutarentur, atque ad imperitæ plebi fucatam veritatem magni & illustris scriptoris autoritate comprobendam, similibus nugamentis assumptis, mundo horum avido facilius persuaderent. *Albertum Magnum* Naturæ mystam fuisse, nemo negaverit, sed eum Librum illum de herbarum lapidumque mysteriis decantatissimum, uti & librum de morbis mulierum scripsisse, credat, cui libuerit, omnes hosce tractatus ex superstitione Arabum officina prodiisse tum primum mihi innotuit, cum *Salomonem Benahali* Authorem de natura rerum cum intima quadam reflexione ad Libros *Alberti Magno* adscriptos facta evolvi.

phiala herbarum quid & in quo consistat.

Arbor in phiala ex tempore nata.

F ff 3

Qui

Qui deinde de palingenesia plantarum, uti *Quercetanus* & *Gaffarottus* in Libro intitulo *des Curiositez inouyes*, id est, *de Curiositatibus inauditis* Poloni cujusdam medici proferunt; qui in phiala variarum herbarum cineres continebat, suisque visitoribus quam vellent herbam solo applicato lucernæ calore producebat; uti mirum quid sapit; ita quoque utrum fieri possit, restat exponendum.

In cinere salem, in sale tanquam in centro latere cujusunque rei vegetabilis virtutem feminalem, jam variis in hujus Operis libris ostensum fuit; fieri itaque potest, ut sal ex plantis arte non omnibus nota extractus, uti spermatica virtute herbæ pollet, ita quoque inseparabili eidem connexa nodo, dum plastica facultas calore tenui & leni, in sale vi seminali excitatur ex innato quodam appetitu ad id formandum feratur, ad quod à natura destinatus fuit, vi salinis corpusculis, in quibus plastica vis latet, in illam formam, quam semen postulat, confluentibus; atque adeo plantam exhibeant sub ea forma, quam planta ex qua sal extractus fuit, sua natura requirit; Cujus rei experimentum in præcedentibus Libris dedimus, de cineribus variarum plantarum, quarum lixivium hybernis mensibus ad congelandum exposita in glaciali crusta eas plantæ formas exhibeant, ex quarum cineribus lixivium factum fuerat.

Inventum
Authoris.

Circa hoc experimentum sanè mirificum diu multumque versatum me esse affirmare ausim, donec tandem alium quendam modum inveni, quo plantam intra phyalam oblongi colli hermeticè clausam ex suis cineribus excitavi, atque in meo Musæo ad decennium ferè Advenis cunctis spectandum exhi-



bui, donec anno 1657. quo Regina Sueciæ *Christina* Musæi mei visitatione me dignata summa animi sui voluptate artificium istius-

modi spectavit; quod cum post discessum ejus extra fenestram posuissem, postero die reverterus vehementioris frigoris, erat enim mensis Februarius, phialam ruptam finem spectaculi fecisse reperi, quasi dedignatam monstrare se amplius, postquam Regina tanti nominis eam tanto lustrandi honore affecisset; ego verò sive expensarum faciendarum causa, sive magni laboris pertæsus ἐργασίην non amplius aggressus, in suo chao reliqui, modum tamen & rationem, qua istiusmodi artificium conficiebam, opusculo particulari totam de palingenesia plantarum ex cineribus reservavi, ubi tota praxeos executio minutim describetur.

Cum verò *Ferdinandus III.* Cæsar gloriøsæ mem: de hujusmodi herbarum resuscitatione certior factus sibi haud ab similem esse plantarum ex cineribus educendarum rationem mihi significaret, adverteretque summo ejus me desiderio teneri, Sacra sua Majestas meis satisfactura votis, totius rei seriem processumque in executione operis, summa sanè liberalitate mihi impertiri non est dedignata, quem tametsi *P. Gaspar Schottus*, meus olim hîc Romæ in re literaria socius, suis operibus jam inseruit, ne *Lector* tamen hinc spe sua fraudatus abiret, & origo, unde illud profluxerit, constaret, hîc eam iterum ad longum proponam, eo fine, ut experimentum, quod mihi variarum occupationum interventione sumere non licuit, *Lector*, cui forsan majus otium fuerit, ipse ad veritatem rei comprobendam, sumere non desistat. Hoc itaque est arcanum.

EXPERIMENTUM I.

παλιγγενεσία.

Seu regeneratio Plantarum ex cujusunque planta semine.

PROCESSUS.

Accipe seminis plantæ cujusvis maturimi, tempore & cœlo serenis Lib. 4. quæ in mortario contusa phialæ mundæ, quam optimè clausæ impones, & ne vel minimum expiret, caveto, asservata quoque phiala in loco munito. Hoc peracto observabis tempus vespertinum cœli serenissimi, ut sequenti nocte rorem decidentem colligas.

Phialam reservatam aperi, semen contusum comminutumque exime, & super tabulam vitream extende; hanc verò tabulam cum semine in horto aliquo aut prato sub dio libero expositam relinque, & ne aliquid roris abundantioris è tabula defluendo pereat, tabulam unà cum semine in patina latiuscula collocabis, sic fiet ut ros copiose supra semen decidens, ipsi commodius naturam suam nocturnis hisce macerationibus conferat.

Eodem tempore ad rorem commodius excipiendum quatuor palis affixum linteamen subtile & purissimum extendatur, quod ma-

dore

dore nocturno imbutum, deinde in vitrum mundissimum ad octo circiter mensuras exprimatur.

Porrò semen imbutum rore nocturno iterum phialæ suæ inclusum, ne quid inde expiraret, aut calore Solis extrahatur ante Solis ortum pristino loco reponatur. Ros ex lintheamine expressus sæpissimè percoletur, colatus aliquoties distilletur, donec omnibus fæcibus & terrestri immunditie immunis evadat: fæces verò relictas calcinabis, & salem dabunt pulchrum visu, qui mox in rore distillato dissolvatur.

Ros hoc sale imbutus femini in phiala asservato altitudinis trium digitorum affundatur, deinde phiala hermeticè cum vitro contuso & borace signata in loco calido & humido asservetur, aut etiam sub fimo equino, menstruo spacio condatur; deinde exemptam phialam considera, & semen adinstar gelatinæ transmutatum, spiritum cuticulæ instar videbis variis coloribus variegatæ supernatantem, & intra cuticulam & terram limosam, rorem de natura feminis existentem instar feminis viridis.

Phialam hanc ita sigillatam per totam ætatem suspende in loco, Solis interdiu, noctu Lunæ, reliquorumque siderum radiis pervio, cœlo verò turbato aut pluvioso, in loco sicco & calido reserva, donec pulsibus serenitas demum affulserit, cui demum eam expones.

Accidit nonnunquam, ut opus hoc, mensibus fere duobus, aut citius, aliquando post annum, juxta temporum constitutionem absolvatur.

Cæterum signa perfectionis operis hæc sunt: limosa materia in fundo in altum contumescit, spiritus & cuticula indies decrescunt, totaque materia demum inspissatur, in vitro verò à reflexione Solis subtiles nascuntur exhalationes, & veluti nebulae plantæ excrecentis veluti prima quædam rudimenta, sed debilis adhuc & sine calore, & ad formam solum telæ araneæ ascendens nunc, modò descendens pro radii solaris phialam ferientis efficacia.

Tandem ex tota illa in fundo subsistente materia spirituosa cinis fit, albo-cæruleus, & tum successu temporis caulis, herba, & flores producuntur in forma & specie feminis, quæ species præsentem calore comparet, eodem absente evanescens in chaos suum revertitur; sed quoties ignem applicaveris, toties calore suscitante materiam plantæ formam exhibebit, durabitque hac ratione, si vas bene obturatum fuerit perpetuò.

Paracelsus Libro 6. de Natura rerum, de resuscitatione rerum complura falsissima, nonnulla quoque vera adducit, ut autem resuscitationem possibilem ostendat, ea adducit, quæ nullus unquam Philosophorum admisit: V. Gr. dicit: Leonum catulos vitæ omnis expertes & mortuos, solo Leænæ aut Leonis

rugitu in vitam evocari; imò nisi rugitus accedat, perpetuò mortuos manere; quod falsum esse, experientiâ constat; catulos leonum minime mortuos esse, sed semisopitos tantum, rugitu tamen excitari solummodò, non secus ac dormientem magno clamore à profundo somno excitatum exoticis motibus agitari videmus: quis autem solo rugitu catulis id, quod non habent, dari posse concipiat? similibus exemplis sat infirmis, imò absurdis Paracelsus solet vitam dare metallis per reductionem eorundem in argentum vivum seu mercurium, quod dum facit, jura graduum naturæ perversè infringit; quid enim vita animalium cum inanimata mineralium natura habeat commercii, non capio. Dico itaque fieri non posse, ut quod ex se & sua natura vitam non habet, nec habere potest, vitam tamen ei dari possit, uti de vitali semine Mercurii Philosophorum Alchymistæ nugantur, dum ei vegetativam & suæ speciei multiplicativam facultatem attribuunt. Quæ omnia absurda & Naturæ principiis contraria esse quis non videt? Quia tamen cineres ex vegetabili natura suam originem fortiuntur, certe ex seminio sub iis latente, salis vivifici beneficio plantam excitari posse nullum est dubium: agit enim unumquodque juxta Naturæ gradum sibi consentaneum; neque enim minerale corpus plantam, neque planta animal generare potest, nisi primò ei sensitivæ naturæ seminium inextiterit. Metalla itaque non per facultatem vegetativam, sed per *impedimentum* sive *superadditionem* vaporum metallicorum halituumque in matricibus appropriatis constipatorum constituuntur. Planta plantam generat, non aliud; Animal, animal, non plantam, non minerale producit: Undè argumentari ex uno aliquo Naturæ gradu ad disparatos, in bona Philosophia non est licitum. Jam itaque videamus, quomodò Paracelsus ex ligni combusti cineribus plantam excitari posse putet.

EXPERIMENTUM II.

Paracelsi.


Resuscitatio, inquit, & restauratio ligni est admodum difficilis & ardua, attamen Natura possibilis: sed sine insigni solertia & industria fieri nequit; ut autem revivificetur, talè modo maxime fit: Recipe lignum, quod primò fuerit carbo, postea cinis, & pone in cucurbita una cum resina, liquore & oleitate illius arboris, omnium idem sit pondus, misceantur & in leni calore liquefiant, & fiet mucilaginosa materia, atque ita habes tria principia, ex quibus nascuntur omnia, omnia generantur, nempe phlegma pinguedinem & cinerem; phlegma est mercurius, pinguedo est sulphur, cinis est sal; nam omne quod in igne fumat & evaporat est mercurius; quod flagrat & comburitur, est sulphur, & omnis cinis est sal. Cum jam hæc tria principia simul habes, pone ea in ventre equino & putrefac

Paracelsi
figmentaParacelsi
modus in
resuscita-
tione plan-
tarum.

ad suum tempus: si postea illa materia in pingue solum sepeliatur & infundatur, videbis eam reviviscere & arborem & lignam parvum inde nasci, virtute priori nobilius. Non erat opus tot operationibus sale vegetare, cum cineres plantarum, (uti nos sæpè sæpius in sale absynthii experti sumus,) terræ virgini insiti intra breve tempus ejusdem speciei plantam, quæ in cineres resoluta fuerit, sint exhibituri. Sed de hisce alibi fufius.

Nasci plantam posse ex suis cineribus Naturæ potentia minime repugnare, ex variis hujus Operis locis patet; de mirabili Naturæ vi in plantarum lapidumque omni figurarum genere depictorum generatione; item ex iis quæ de seminiis variarum plantarum animaliumque elementis inexistentibus in præcedentibus locuti sumus. Quæ omnia confirmantur historiâ quam *Libavius* in suis *de Arcan. Chym. Syntagmatis* de plantula ex aqua distillata enata adducit. Epistolam, quam eidem de hujus herbæ mirifico ortu scripserat, *Cornarius* *Archiater* Brandeburgicus: admiratione, dignam hîc subjungam: *Plantula in aqua biselatina, quæ est in Misnia ad 3. abietes non procul Cycenæa urbe, distillata mihi nata picturam jam habes, inquit, sed picturam;*

Libavius
Synt.
Arcan.
Chym.
fol. 48.



utinam vidisses vivam & haberes, quæ profectò longe jucundior extitit, longe amabilior, quàm vides, & pictor effingendo vix adumbravit, ne dicam de colore, erat enim pictura coloribus suis illuminata, qui & pagina attritione ferè evanuit; Nunquam sanè sine magna admiratione vidi illum, quoties vitrum aspexi, uti etiam alii. Vitrum omninò tale est, quod pictura exhibet vel etiam paulò majoris capacitatis. Qui color subviridis in fundo aspersus est, is à vitro est, neutiquam ab aqua, vel sedimento aliquo fundo adherente; nam purissima aqua adhuc est, & planè omnis phlegmatis experta; in plantula ipsa non conspicis stipitem, basin, aut radicem, cui innitatur, notabilem, nisi exiguum tantum; fundo enim vitri acuminato solo filo adherere videbatur, & sic ad latera spargebat ramusciculos plenos

foliolis oblongis pro totius magnitudine non latis, sed oblongis etiam suaviter virentibus, adinstar teneræ plantæ rosmarini, coloris ex viridi citrini non saturè virentis. Non dubito, quin potuisset altius assurgere & crescere, cum concusso nonnihil vitro firma & erecta staret sine ullo motu tremulo, sed hyberno tempore frigoris vehementia lasa, & à fundo divulsa, aqua etiamnum, quod mirum, colore integro innatat, quamvis nonnihil diminuta, viscositate circa eam sese colligente. Factum hoc anno 1608. aqua distillata mense Junio à Martino Gallo Pharmacopæi ministro, herba observata primùm mense Novembris. Hæc *Cornarius* ad *Libavius*. Historiam verissimam, nihil dubito; cum uti in præcedentibus diximus, ea facilè è semine alicujus herbæ, quod aquæ prius inextiterat, nasci potuerit, præsertim cum nulla aqua ita distillatione depurari queat, quin semper ei fæces remaneant etiam insensibiles, ex quarum seminio postea hæc planta enata sit. Cum enim tantoperè occultam Dei potentiâ in natura admiremur, Deusque prorsus in suis operibus mirabilis sit, quis jam dubitare audeat, in sale plantali & animalium occultum quoddam semen latere, quod juxta præviam subjecti dispositionem subindè ex potentia in actum redeat; siquidem sapientia Dei vel in hoc omnem admirationem mortalium excedit, dum vel in insensibili re conservare naturam possit, in qua totius mundi sapientes nihil prorsus restare jurarent; luculentissimum sanè argumentum, quo corporum nostrorum futura resuscitatio, humani imbecillitas intellectus aliquo modo per hujusmodi umbratilem similitudinem concipiat. Ad confirmationem horum addam hîc alterum nullo fere humano intellectu conceptibilem casum, quem *Ioannes Marcus Marci* Boemiæ *Archiater* eruditione omnigena Orbi jam clarus, præterlapsis annis ad me autoritate multorum confirmatum transmisit: dum enim Medicus certam aquam distillaret, post insignem aquæ ebullitionem, tandem intra eam forma colubri variegati coloris more se contorquentis comparuit, omnibus rei eventum oblitupescentibus. Varii itaque de prodigioso hujus serpentis ortu, ejusque causa consulti omnes conticuerunt, hoc unicum dicentes, otiosum fore abditos hujusmodi Naturæ effectus evolvere, quos Natura inaccessiblelos esse voluisset, præsumptuosius attentare, inaccessible impetrabilemque Naturæ abyssum non penetrare, sed admirari duntaxat licitum esse. Verùm ut *Lector* omnia accuratius expendat, hîc totius rei processum, quem supralaudatus *Marcus Marci* amicus singularis ad me eo fine, ut aliquam saltem hujus prodigii causam reperi-rem, transmisit.

Admiranda Dei Sapientia in rebus naturæ.

Admiranda colubri in stillatione aqua apparitio.


Expe-

Experimentum inauditam factum ab Excellentissimo Nicolao Francimontio Protomedico Pragensi.

Recipe olei vitrioli per repetitam rectificationem dealbati, partem unam, spiritus vini optimi per tartarum album rectificati part. 2. vel 3. misce, & distillentur ex cucurbita in arena posita, igne fortiori, applicato recipiente capacissimo. Inter distillandum prodit fumus per recipientem oberrans, infra quem spiritus crassitudine carpi figura colubri vivens, tincti colore ex albo griseo variegato in gyros & flexus multiplices pro accessu spiritus ex cucurbita in recipiente sese contorquentis, qui minimum duabus horis apparuit, ac tandem in spiritum urentissimum resolutus fuit. Ni ratio suspendisset iudicium, jurassem vivum esse. horum fui spectator.

Nicolaus Francimont Medicina Doctor, & ejusdem practica Professor Praga.

Equidem fateor, me non parum ad hujusmodi casum obstupuisse; verum cum jam varia similibus rerum experientia doctus rem



Causa hujus prodigiosi effectus.

penitus considerassem, hæc unica mihi subvenit prodigiosi hujus effectus causa; uti enim semina rerum omnibus inesse in præcedentibus docuimus, ita quoque verisimile est, fuisse sive vitriolo, sive vino per tartarum rectificato nonnullum serpentis seminum, quod deinde calore ignis excitatum plasticæ virtutis beneficio, salibus per magnetismum quendam junctum, in serpentis formam redegerit, haud secus ac in serpentibus per similia experimenta fieri posse ostendemus. Si verò quispiam hujus rei experimentum juxta præscriptam *ἡγεμονίαν* facere velit, is utique frustra laborabit, cum seminum rerum non semper omnibus & singulis hujusmodi ingredientibus insit; Unde casu hoc experimentum effectum suum sortitum esse, censeo, ex

seminio alicujus colubri huic vel illi species tunc inexistentis. Audio Comitem Hannoviensem lapidem tenere serpentis in spiras convoluti formam exprimentem, intra cervi stomachum à Venatoribus repertum; quod facile sibi persuadebit, qui cervorum in serpentibus venandis naturam non ignoravit.

Quæritur quintò. Quomodo & qua virtute nonnullæ herbæ tanto appetitu ad Solis se motum component? Experientia docet, Heliotropia, seu quas solisequas vocant plantas, tam intento studio Solis desiderio teneri, ut nullis repagulis ab ejus amoroso aspectu removeri posse videantur. Dico id accidere tum ob summum emolumentum, quod inde in sui conservationem ei provenit, tum ex vehementi magnetismo, qui ei cum Sole intercedit, quo velit nolit, trahitur; tractus verò eo qui sequitur modo, perficitur.

Scapus, flos & femina heliotropiorum, si quis rectè examinaverit, ita constituta sunt, ut facile torqueri possint: hoc posito, fit, ut humidum quod hujusmodi plantæ nocturni temporis roscida humiditate attraxerunt, illæ Sole exoriente statim benigni hospitis adventu turgentes eo se vertunt, ubi à superflua humiditate liberari queant, Sol verò radiis suis æstuantibus uti recta in caulem & floris discum incidit, ita quoque spirituum salinorum in dictis herbis latentium attenuationem efficit, quam sequitur resolutorum impetus, quo agitati versus eas partes ubi calore Solis poros maximè dilatatos reperiunt, vertuntur; unde fit, ut non in aliam partem quam quæ Solem respicit, dicti spiritus ferantur, & aperto experimento constat; si enim in umbrato loco consistunt, ubi Sol eas ferire nequeat, tunc quoque nullus sequetur versus Solem aspectus, sed veluti ad obstaculum indignabundæ, eodem semper se situ firmabunt, statim tamen ac à Sole illuminabuntur, tum quoque avido aspectu dilatatæ & lætitiæ veluti tripudiantes eo se vertent, unde tantum illis emolumentum emanat. Verum cum de hisce *Lib. 3. Artis Magnetica* de Horologiorum per Solisequas Lunisequasque plantas construendorum modo & ratione, nec non variis experimentis egerimus, eo *Lectorem* remittimus.

Solisequæ herbæ cur ad Solem se convertant.

Causa motus heliotropici in plantis.

EXPERIMENTUM.


Accipe Solisequam plantam, hanc enim salino-sulphureo-mercurialibus spiritibus refertam, ex resolutione eorum constat, quam vasi fictili aut æneo aqua referto ita impones, ut libere sese suberi infixæ moveri possit: hoc peracto, ignem suppone ollæ, & mirum visu statim caulis sese torquere; & in circularem motum animari incipiet, non alia de causa, nisi quod ambientis calore, & suppositi ignis æstu spiritus attenuati, qua data porta ruentes, ob tortuosam fibrarum dispositionem, hunc mirificum effectum exhibebunt; quod & in virga columna sive avellanæ

G g g

nucis

Corybi
stolones
igni appo-
siti se in
circulos
contor-
quent.

nucis videre est, quæ duabus furcis ad ignem imposita statim sese in circulos in morem veru contorquebit, quæ res omnium admiratione primò innotuit hîc Romæ famulis




cujusdem Cardinalis, qui columnis verubus, quas venatione ceperant aviculas infigentes, cum seipsas unâ cum verubus moveri adverterent, propediem me ad prodigiosæ operationis causam assignandam convenerunt; ego rei experimentum faciens, veritatem quidem comperi, sed vim motricem, quam ipsi aviculæ ex occulta quadam proprietate inesse putaverant, ego in coryli virga ejusque naturali constitutione latere detexi. Verùm cum experimentum in *Arte Magnetica tertiæ editionis folio 503.* propositum sit, hîc illud repetere noluimus. Mira fateor esse in rerum natura, quæ passim occultis qualitatibus adscribuntur, cum tamen earum causæ statim in apertum se prodant, si rectè empyricæ rationis trutina ponderentur. Vide quæ de spica avenacea citata *Arte Magnetica* ejusque motu circulari pag. 411. fusè tradidimus.

Quæritur sextò. Cur nonnullarum plantarum, uti Acaciæ, mimosæ & similium folia nunc aperiuntur accessu Solis, nunc ejusdem recessu claudantur; Acaciæ quidem folia, uti

Mane.

Vesper.



quotidiana in horto nostro domestico experientia me docet, à medio noctis puncto usque ad meridiem unâ cum Solis ascensu ita se paulatim explicant, ut grati hospitis comita-

tu plantæ veluti lætitia quadam gestientes, pulcherrimum foliorum apparatus non sine intuentium admiratione exponant: Sole verò versus horizontem declinante, ea proportionē se complicant, quæ se à Solis ascensu explicuerant, ita ut post Solis occasum folia in spinosam sobolem, juniperorum adinstar transmutata videantur; atque aded diurnum Solis motum exprimant, quemadmodum annum, folia ulmi, populi, similiumque, mox ubi solstitii æstivi punctum Sol attingit, foliis inversis affectare solent. Dico itaque in Acaciæ foliis id accidere propter humorem, quo nocturni roris casu onerantur, undè torridam & rugosam quandam faciem induunt; subitò tamen ac Solaris æstus spiculis feriuntur, humore attenuato veluti ad explicationem sui tanto reddi habiliores, quanto pauciori humore paulatim expirante aggravantur; undè ante meridiem maximè sese explicare spectantur: post meridiem verò consumpta jam humiditate, auctoque jam Solis æstu, paulatim veluti flaccescentes sese contrahunt, donec post Solis occasum juniperorum adinstar spinescant; uti verò novo nocturni roris madore mox implentur, ita quoque veluti novarum virium acquisitione tumida, accessu Solis denudè superfluo humore deplentur, unde dilatatio. Idem dicendum est de ulmi, populi similiumque arborum foliis, circa Solstitium faciem obversantibus, neque quispiam existimare debet, hæc in ipso Solstitii puncto contingere; nequaquam: requirit enim hujusmodi foliorum conversio nonnullam temporis latitudinem, quæ effectum suum præstet; fit autem hoc modo: Folia hujusmodi arborum usque ad Solstitii tempus cum ut plurimum copioso adhuc humore referta sint, fit ut crescente Solis æstu ea cum tempore attenuata & in vaporem resoluta, leviora reddantur, quo peractò fit, ut pedunculi, qui folia sustinent, pari pacto tenuiores jam à superflua humiditatis obstaculo liberiores, levioresque facti, mox contorqueri incipiant, donec superfluo humore consumpto & nullo alio superveniente, eo situ obverso priori, quem contorsio pedunculorum ipsis contulit, persistant. Atque hanc ego genuinam causam esse existimo, salvo aliorum judicio conversionis foliorum nonnullarum arborum tempore Solstitii. Quod vero hæc actio in populi, ficum, ulmique foliis potissimum compareat, ratio est, quod uti folia diversicolores foliorum facies habeant, quarum una uti viridis & intensi, altera subalbescens coloris est; ita quoque ex colorum differentia facilius ab hominibus observantur; Quamvis ego existimem in plerisque plantis si rite observentur, id evenire. Atque hæc sunt, quæ de plantarum proprietatibus exoticis *Lectori* indicanda duxi.

Acaciæ folia Sole ascendente se explicant, descendente vero se complicant. & causa hujus rei.

Causa exponitur.

Ulm, populi que foliorum motus circa Solstitium.

SECTIO V.

OCCULTA VARIARUM
ARTIUM ERGASTERIA
SIVE OFFICINÆ,

*In quibus juxta Subterranei Archæi prototypon miræ operationes
instituantur.*

PRÆFATIO.

EXpositis Regnis Naturæ tum animalium, tum vegetabilium nil porro restat, nisi ut jam infima Regni inanimatorum arcana pari passu perscrutemur. Sciendum est itaque, miram quandam analogiam in hoc triplici Naturæ Regno latere, quæ omnia in omnibus quodam modo inesse, comperiuntur; Quemadmodum enim sensus inest animalibus, ita & in nonnullis vegetabilibus suo modo inesse sat demonstrat herba mima, quæ vel ad levissimum contactum se contrahit, sed & in nonnullis lapidibus, uti Astroitibus inesse videtur, dum aceto impositæ motu progressivo seipsis agitari spectantur. Nil dicam hîc de admiranda Magnetis natura, quæ & sensum & vitam quodammodo in se exprimere miris suis motibus sat superque docet; De quibus in nostro de *Magnetica Arte* Libro fusè actum vide. Fiunt in animalibus & vegetabilibus, uti docuimus, miræ quædam metamorphosès; fiunt & in inanimatis, uti paulò post videbimus; admirandis tum animalia, tum vegetabilia pollent virtutibus, pollet & iisdem inanimata mineralium metallicorum œconomia. Ars applicando activa passivis mira efficit tum in animalibus & vegetabilibus, uti in præcedentibus dictum fuit, facit & eadem ars deductis ex mineralium subterranea natura rationibus. Sed ut quantum ex his in rerum humanarum usibus emolumentum emanet, ordine hujus Libri Sectione pandam. DEUS adsit ausibus nostris.

PARS I.

DE ARTE CHYMIURGICA.

CAPUT I.

De Arcanis Chymicis.

Quanquam in *XI. Libro* quàm uberri-
mè Chimiotechniam, quam Alchy-
miam vocant, prosecuti sumus; quia
tamen toti illic in eo fuimus, ut χρυσοποιή-
σιν, sive auriferam Artem unà cum arcano-
rum vanissima ostentatione eorum, qui pu-
dendis mendaciis, fucato pyrotechnias stu-
dio perniciosissime Mundo imponunt, fundi-
tus convelleremus; Mæta autem, in vero
divinoque Chymiurgiæ studio reperiantur,
quæ humano generi perutilia esse comperta
sint, de iis hoc loco ea qua fieri potest brevi-
tate agemus, & ut cum methodo aliqua pro-
grediamur, septem primò metallorum arca-
na rimabimur, deinde ordine reliqua prose-
cuturi.

§. I.

De Auri Arcanis, sive de Auro potabili.

Non dicam hîc de auri virtutibus & fa-
cultatibus, cum id amplissime in *Decimo*
& *Undecimo Libro* præstiterimus; Solùm hoc
loco nonnulla adducemus maximè inter
Chymicos controversa; & sunt: Utrum
Aurum potabile Arte Spagyrica confici
possit.

Alchymistarum circa Aurum potabile vitæ
longioris productivum Magisterium, tot ac-
tam acres contentiones conatusque reperio,
ut meritò id tanquam inextricabili labyrintho,
uti Lapidem Philosophorum ita & au-
rum potabile intricatum inveniam.

Aurum
potabile
utrum fieri
possit.

Ggg 2

Sunt,

Sunt, qui omne pretiosum potui aptum Magisterium aurum potabile velint: sunt & alii, qui pro pura puta allegorica allusione id fumant. Hoc pacto quintam vini essentiam ad ultimam perfectionem, quod *Calum* appellat *Lullus*, reductam nonnulli Alchymistæ aurum potabile vocant. Sed nos hisce sepositis ad eam quæstionem enodandam progrediamur, quâ quæritur: utrum aurum vere & propriè in liquorem potui aptum solvi possit, reductumque iis, quas jactitant, virtutibus mirificis instructum sit. Affirmant omnes ii, qui factitio illi philosophorum lapidi plus æquo addicti sunt, pseudo-chymici; sine quo nempe aurum in liquorem reduci non posse autumant; unde facile contra illos concluditur, quod sicuti lapis ille decantatissimus nunquam in rerum natura fuit, ita & aurum potabile; adeoque frustra tot expensis laboribusque sese in auri potabilis confectione conficiant Alchymistæ.

Paracelsi
opinio de
auro pota-
bili.

Paracelsus, uti in omnibus minimè sibi constans, ita quoque in auri potabilis confectione oppidò lubricus & instabilis reperitur: ait enim, aurum potabile esse auri liquorem sine admistione alicujus corrosivi paucissimis notum; qui tamen postea in *Libro de vita longa* sibi aperte contradicit, ubi aurum potabile per corrosiva factum adeo commendat, ut sine iis non separatis, sed una manentibus mortuum appellet: putat enim contra omnium opinionem, corrosiva ob auri præsentiam fieri salutifera; quod dum vel ipse videret, eumque erroris commissi poeniteret, *Libro Archidox.* per circulatam sæpius vini quintam essentiam, id se posse conficere putet, hoc pacto sine corrosivis rectè id parari posse persuasus.

Aurum
dissolvi
non posse
multorum
sententia
est.

Altera sententia est eorum, qui asserunt, aurum nullo modo in liquorem dissolvi posse ob indomitam ejus naturam & firmitudinem, qua sine ulla sui noxa aut detrimento etiam validissimis ignibus & diuturnis nulla parte ponderis deperdita resistit, neque quantumvis acerbis menstruis aliisque ignium, cupellæ, fornacumque examinibus corrumpi potest, & si quandoque aquis fortibus aut hydrargyro dissolvatur, evaporata tamen humiditate menstruorum, mox in primum naturæ suæ statum reducitur: accedit, quod id in liquorem hoc pacto resolutum, non dicam potui salutiferum, ut potius quàm maximè noxium & perniciosum, ob corrosivam in liquore latentem facultatem comperiatur; ita putant *Cardanus*, *Baccius*, *Casalpini* alique Chymiatræ. Undè rectè *Libavius*: *Ridendi sunt, qui aurum hydrargyro per crebras evaporationes ebrium, & hinc ad candelam liquefcens potabilis nomine obtrudunt.* Nos admittimus Suchtenianam sententiam, qui aurum potabile medicorum vocat, formam ex antimonio extractam rubeam quidem, dum liquida est, sed auream in coagulato. *Ioannes Baptista Birellus* pro auro po-

Varie sen-
tentiz Au-
thorum de
auro pota-
bili.

tabili exhibet tincturam auri: *Lullus* calcem ejusdem auri, de quibus fusissime & contentiosissime videas *Paracelsum*, *Quercetanium*, *Birellum*, *Ulfadium*, *Mylium*, aliosque innumeros. Sed jam modum, quo auro in liquorem solvendo utuntur Chymici, eà qua fieri potest *ἀνεγεία* examinemus.

Aurum itaque, ut potabile fiat, aliqui verum naturale & simplex in laminulas prius reductum, obrizum inquam studiosissimè præferunt & purum putum minerale vel solidum, aut ex ramentis aureis in fluminibus repertis; *ἀντρον* quoque, sive ignem nunquam expertum assumunt: alii indiscreto selectu aurum ignes jam passum in magisterium sumunt, imò ne aurum quidem usuale monetariorum Aurificumque, (quos *Zygoftas*, *Docimastas* & *Chrysoplastas* vocant,) dedignantur: Auro melioris notæ comparato de menstruis aurum in liquorem dissolventibus, non minus inter Artifices est dissidium: Possunt autem dupliciter considerari menstrua; unum ex corrosivis mineralibus; alterum ex vegetabili oeconomia depromptum; illud uti prorsus periculosum est, ita non facile adhibendum censeam; alterum non item, cum sine læsione ulla aut damno assumi queat; nec sufficit menstruum corrosivum aliis medicamentis & edulcorationibus corrigi posse; Quamvis enim varia quæ causticam eorum virtutem obtundere queant, dari possint, non talia tamen, quæ spirituosam salium corpuscula statim omni vi caustica priverent; Tanta tamen est nonnullorum Alchymistarum in auri dissolutione obstinatio, ut nullo habito ad menstruum respectu, quibusvis etiam lethiferis illud eliquare contendant; hujus farinæ sunt sequentia menstrua, olea & liquores stillatitii ex argento vivo sublimato; aquæ fortes sive regię, aut etiam stygię; salis ammoniaci sublimati solutum; solutum salis arsenici, acetum radicum, oleum vitrioli acerrimum; hydrargyrum; quorum insitas à natura perniciosas qualitates cum nulla arte se à suis menstruis separare posse viderent, ad vegetabilis naturæ solventia se converterunt; cuiusmodi sunt liquor mellis & favorum mannæque minus asper succus, quidam etiam utuntur aceto, muria, garo, succo Berberis & Limonum; alius liquor ex sale essentiali tartari septena extractione præparato mixtus cum vini spiritu aut quinta essentia; spiritus vini descensorii lignorum nitrosorum adjecto proprio sale utuntur; Qui verò mitiora volunt, pro menstruis assumunt spiritum vini, seu aquam vitæ, succum berberis & limonum per retortam tantum distillatum; alii citrini pomi acidum succum, acetum, vinum malvaticum aquam buglossæ suo sale tinctam, liquorem stillitium ex sale sacchari candi, ut vocant, calcinati extractum per spiritum vini, liquori puniceorum acidorum aurantiumque acidorum junctum distilla-

Fucus Al-
chymista-
rum in
auro pota-
bili confi-
ciendo.

Varia
menstrua
quibus Al-
chymistæ
in auro sol-
vendo utuntur.

Succus
plantarum
aurum
non dissol-
vit.

tumque. Atque hisce menstruis putant Chymici aurum solvi posse. Sed qui rem accuratiori rationis trutina ponderaverit, videbit aurum non nisi mineralium liquorum ope solvi posse. Botanicis vero succis non nisi difficulter, uti experientia me docuit: Aureus enim nummus inter hujusmodi menstrua longo tempore conditus, uti prius, sine ulla sui imminutione postea extractus fuit; nullam aliam ob causam, nisi quod hujusmodi menstrua nulla ad aurum sympathia afficiantur, uti fit in mineralibus; aquis enim regis aurum inditum statim dissolvitur; Mercurio verò vel illitum tantum statim frangibile fit.

Libavii
processus.

Quæritur itaque solvens, cui aurum impositum non secus ac nix intra aquam projecta liquecat, ita ut auro in suum pristinum soliditatis statum reditum amplius non concedat: Hujusmodi multi quæsi verunt, nullus adhuc reperit; de quo ita *Libavius*: *Ex qua verò re tale menstruum formetur, in secretissimis est; Ex natura succi certum est, sed & necessarium est, ut ille liquor sit viscosus, quæ in natura communis est materia metallorum, quæque potestate sit aurum, & cum auro coeat, ut glacies cum aqua fervente; non enim distat ille liquor ab auro, nisi coagulatione.* *Libavius* itaque hîc in menstruo auri solutivo describendo nil aliud facit, quàm ut ignotum per ignotum exponat; aded manifestis verbis, ut ne ipse quidem quid dicat, intellexisse videatur, ita ego interpretor ejus verba: *Ex natura succi illud esse certum est, ex qua tamen, id in secretissimis est, id est, à nemine cognoscitur; ne tamen nihil dixisse videretur, in sequentibus nihilominus modum docet; ignotum illud solvens ope salis & calcanthi sulphure foeti, solutionis effectum præstaturum, si prius tamen per frequentissimam cohobationem ad æthereæ planæ subtilitatis substantiam liquor sit redactus, & hoc pacto menstruum præbeat Philosophorum; talibus se implicant Alchymistæ ignotarum rerum speciebus, ne nihil scire videantur: Si corrosiva in auri solutione, uti supra diximus, vetet *Libavius*; quomodo hîc salis & calcanthi solvens maximæ corrosionis præscribere ausit, quis dispiciat? Sed nos relictis hisce affaniis Alchymistarum jam ad praxin calamus convertamus, ut ex eo veritas auri potabilis elucescat.*

Diversi in auro potabili conficiendo processus.

Processus
Libavii
alius.

L *ibavius* primò menstruum componit aurum solvens ex una *Libra* vitrioli boni, halonitri, salis ammoniaci 3 1. pulveratamiscet, & per alembicam lento igne in receptaculum colli longi distillat: tum enim cum fervore prodibit liquor, cujus 3 1. & calcis auri per hydrargyron preparata 3 2. juncta in vitro clauso in aquam claram solvuntur, in qua iterum & aurum & margaritas solvere poteris; aliqui adjiciunt hy-

drargyrum sublimatum, quod merito repudiatur, sed ὡς ἔστιν, hac exquisita prudentia artificem & medicum requirit. Rectè quidem, sed quis talem inveniet Chymicum, qui acerrimis hujusmodi corrosivis aurum ita dissolvere possit, ut tuto sumi possit?

Secundò. *Dornaus* & *Leo Suavius* hoc pacto procedunt: Folia vel pulvis auri quantitate unciali immergitur in acetum distillatum; maceratione peracta distillationem ordiuntur; nam aurum ab aceto attractum, quendam velut succum refert, qui tamdiu distillatur, donec saporis acrimonia secedat; Fit postea aqua vitæ per infusionem aromatum in vino ardente, in hujus unciis quinque, succus auri per mensem digeratur in vase circulatorio, quem *Pelicanum* dicunt, eritque ad suam perfectionem reductum aurum potabile, in aceto verò; quo aurum dissolvi dicunt, variè procedunt; quidam id exasperant propriis crystallis, alii sale sæcum vini, vel crystallis ex oleo vitrioli collectis, alii euphorbio, aut etiam vulgari sale gemmæ; sed volvant revolvantque quantum libuerit hunc lapidem, ex eo tamen verum illud aurum potabile, quod prætendunt, nunquam efficient: hoc enim vel ipsi cum viderent, solo aceto distillato magisterium bonum exitum fortiri non posse, hinc voluerint, noluerint corrosivis, cujusmodi vitriolici olei crystallæ sunt, ad auri solutionem assumere coacti sunt: quod verò hoc incomparabile medicamentum dicant, & cordis viriumque totius corporis mirificum corroborativum, id non tam auro, quàm aquæ vitæ per infusionem aromatum in vino ardente adscribendum esse existimem.

Alexius in suis secretis operationem oppidò laboriosam præscribit in auri potabilis confectioe, quam tamen si rectè examineris, uti cæteras jam allatas, sophisticam reperiens: Menstruum ita sese habet: Succo limonum cocto filtratoque addit duplum mellis non despumati, dimidiamque salis partem: coquit in lebetes usque dum spumare desinat, distillat per gradus; caput mortuum triduo calcinat, calcis libræ uni addit trientem mannæ, & sextantem saccari crystallini, translaturum in vitream cucurbitam effundit, distillatione extractum liquorem; atque insuper duplum spiritus vini, distillat totum per gradus, atque hoc pacto elicatum liquorem relinquit, interim folia auri cemento prius, vel stibio probè excocti, Julepo rosaceo aut violaceo, vel melle commixta terit, trita eluit aqua tepida, atque hoc modo pulvisculum facit, cui in cucurbitam posito, prædicti distillati tantum affundit, quantum quinque digitos æquare possit, distillatum jam ex receptaculo in ampullam angusti oris transfundit, quo per alembicum usque ad siccitatem traducto adjicit aquam novam toties, donec tota distillati quantitas ab auro per vices sit abstracta,

Processus
Dornai.

Alexii Pe-
demon-
strati pro-
cessus.

quam collectam & alembico impositam citra distillationem in balneo per dimidium mensis digerit eliquatoque sic auro aquam novo caloris augmento segregat, relicto aureo succo in fundo cucurbitæ. Atque hic est modus Alexii, quo sine corrosivis aurum dissolvere sese posse putat. Verum cum jam supra dixerimus, vegetabilium menstrua uti in auro irreductibili resolvendo, improporcionata sunt, ita quoque qui in fundo remanet succus aureus nil aliud esse censeas, quàm amalgama quoddam aureorum foliorum stibio Julepisque commixtum, quo quidem in pristinum statum reductione nil facilius est, uti infra dicemus.

Alius processus Auripotabilis.

Fuit non ita pridem à potentissimo principe mihi communicatus verus & genuinus auri potabilis conficiendi modus & ratio, quam hoc loco apponam, postea verò quoque quid sperandum sit, quidque sentiam, exponam.

Cape sal tartari in aquam redacti l. 3. positum in vesica ad siccitatem distilla, aquam distillatam sali suo superaffundas, solumque denuo ad siccitatem distilla, & hoc toties facies distillando coagulandoque, donec oleum tartari exeat quam optime depuratum. Hoc peracto, oleum ponito in vesicam vitream A. una cum auro per cupellam prius depurgato, nec non in tenuissimum pulverem & impalpabilem redactò; huic misto superaffunde 3 uncias aquæ vitæ ex vino, quanto generosiori, tanto meliori extractæ;



dictam vesicam A, quam optime clausam in vas B C D. æneum sive in balneum Mariæ, lumine lucernæ E subtus posito, & spacio trium mensium aquam instar rubini tinctam reperies, quam exceptam denuo auro oleoque tartari superaffundes, eodem continua-

to gradu ignis, atque hoc toties repetes, donec aurum totaliter suo splendore sit spoliatum, & habebis quod desiderabis. Atque hic est processus. Videndum jam, utrum aqua indè deducta vere aurum potabile sit? Respondeo quod non: sed esse tantummodo tincturam quandam accidentalem, quod ita ostendo: Primo quidem, quia tartari oleum ex ejus sale extractum, uti & & menstruum aquæ vitæ ad aurum dissolvendum, uti supra diximus, pruporcionata esse non possunt. Secundo color ille rubicundus, qui tantuplici distillationis repetitione prodiit, ab auro suam rubedinem traxisse minimè cenferi debet; sed ex oleo tartari unà mixto cum spiritu vini; cujus hoc accipe experimentum: si enim olei tartari vel unicam guttam in aquam vitæ præcipitaveris, statim ille color, quem tot distillationibus primò obtinebis, se vel per unicam præcipitationem manifestabit. Quod vero aurum suo splendore spoliatum reperias, non ideo fit, quod splendor auri aut ejus pars quædam substantialis ab astra menstruo juncta sit; sed quod ex ignis vi mixto suppositi, nonnullam labem quamvis non nisi superficalem contraxisse videatur, quem pallorem ex innumeris aliis rebus contrahere potest, præcipue ex consortio mercurii, ut *Libro XI.* ostendimus: Accedit quod aurum ne quidem in liquorem solum dicatur, quod apertum signum est, id in sua naturali perfectione consistere sine ullo sui ipsius detrimento; unde hujusmodi aurum potabile verum & genuinum dici minimè potest, sed pura putatinctura accidentalis, & tantum valet, quantum si quis supra filicem optimum jusculum variis condimentis instructum præpararet, illud enim nullam ex filice virtutem, sed ex additis solummodò vim acquisisse certum foret.

Alterum auri potabilis specimen nobis proponit *Andreas Blavius* in epistola quadam, quam de auro potabili ad *Petrum Andreæ Matthiolum* scripsit, exponit: in qua etsi de auri potabilis confectione non desperare videatur, tot tamen tantasque difficultates exhibet, ut facile appareat, id ab eo nunquam confectum fuisse, quod tot dubiis animi ejus perplexum tenet; quia tamen mens auri avida desiderata tranquillitate frui non potest, nisi sibi aliquo specimine si non vero & reali, saltem putatio & apparenti satisfaciatur; estque illud quod sequitur: Tria, inquit, ad Magisterii confectionem requiruntur: Aurum depuratissimum, sal commune melioris notæ, & parum aceti distillati, (corrosiva enim ex vitriolo, alumine, nitro, mercurio, veluti perniciofa prorsus repudiat: Aurum tamen per stibium, (quod quantitate ad alia decuplum) depurgandum præscribit) assumit; ex quibus simul commixtis & alembico impositis elicit pinguedinem quandam ceræ albæ hand dissimilem, & quoad saporem prorsus dulcedine Saccarum, & odoris muscho prorsus similem, quæ ignis vio-

Experi-
mentum.

Processus
Andreas
Blavii.

violentia tandem in crystallos coalescit dulcissimos parietis vasis adhærentes, in fundo remanente oleo solis limpidissimo ex albo virescente, intra hoc, ait, si laminas auri imposueris, illæ intra triduum liquefcent, totumque aurum in aquam convertetur potabilem, nonnulla adhuc acrimonia limonum instar succo pollentem. Atque hæc est methodus *Andreae Blavii* in auro potabili conficiendo, quod tamen, an verum aurum potabile sit, examinandum restat. *Blavius* itaque totum sale & oleo tartari cum aceto distillato pro menstruo assumit; quod desideratum effectum minime præstare posse supra ostensum fuit, cum præterquam quod, uti oleum tartari heterogeneæ naturæ ad aurum est, ita quoque radicaliter id resolvere non potest; neque sali usuali hæc vis concessa videtur; cum illud jam ad dulcedinem saccharaceam reductum omni acrimoniâ ad solvenda metallica corpora pernecessariâ exutum dicat. Restat itaque istiusmodi potabile aurum dici nec debere nec posse, sed accidentalem tantum tincturam ex præcipitatione olei tartari in liquorem salinum resultantem, quod vel ipse postea fateri non erubescit, his verbis: *Est & altera veri auri potabilis nota minimè negligenda, quod etsi imperfectis metallis mixtum ea perficiat, ex se tamen ipso, ut verum sit, reduci nunquam posse debeat, quod tamen in huiusmodi aquis, qua colore inficiunt, facile factu est; affusa enim aqua fontana cui tartari parum alii miscent, eaque paulo sursum exhalante, in fundo auri pulvis subsidere debet.* & paulò ante sic ait: *Iam si non substantiam auri dissolutam desideras, sed ejus potius tincturam, opinor te, si periculum feceris, eam non ita magno labore ex illa nostra aqua elicere posse.* Ubi expresse nec auri substantiam radicaliter

à se hisce menstruis dissolutam, neque tincturam auri, seu verum aurum potabile indè se elicuisse, significat; cum alios ad experimentum remittat. Tandem concludit, *Ad morbos arcendos quod attinet, aquas similes debita adhibita ratione usurpatas plurimum profuisse, sed qui omnes promiscuè morbos, seu medicina quadam universali morbos istos curarint, dentes elapsos & ungues restituerint, hæcenus vidi nullos.* Quod verò intra hoc magisterium dicat, oleum quoddam ex sale communi extractum, intrasse, in quo aureæ laminæ aut ejus pulvis, uti loquitur, quem calcem dicunt, per stibium prius juxta artis legem purgatus, triduo sensim & paulatim liquefcat, & in aquam convertatur, facile per alembicum distillabilem; Ipse dicit quidem, at nos novimus, quid Antimonium possit, quid non possit. Verum est, id oleo prædicto junctum aurum in liquorem ducere, ita tamen, ut antimonium semper supernatet, auro fundum petente; quis autem nescit, antimonium tum mercurialibus spiritibus, tum cæteris perniciosissimis facultatibus pollere, qui uti ex insita eorundem acrimonia facile aurum corrodunt, ita quoque non tam oleo salis, quam antimonio factam resolutionem adscribendam duxerim. Quomodo verò huiusmodi liquor sine periculo assumi possit, judicent ii, qui Alchymicæ peritiam habent. Innumeras hoc loco praxes partim ex Authoribus collectas, partim à diversis Principibus communicatas adducere possem; sed quia omnes ad unum paralogismo Chymicis refertæ sunt, eas minime adducendas duxi: sed solum hoc loco errores, & solennes paralogismos, quos Chymici in auri potabilis confectioe committunt, aperiam.

CAPUT II.

Disquisitio Iatrico-Chymica, quâ Auri potabilis veritas exploratur.

Cum æquo dignitatis gradu constituentur, & Lapis Philosophorum & Aurum potabile; minimè mirum videri cuiuspiam debet, mortalium animos tantis arcanis allectos, uti auri avidos, ita & potu ejus ebrios, innumeros modos, quæ ad desideratum tantorum magisteriorum portum feliciter pertingerent, attentasse. Iterum, uti hucusque nullus fuit, qui verum & realem lapidis Philosophici modum conficiendi ostenderit, ita quoque qui auri potabilis conficiendi veram, realem & genuinam rationem demonstravit, fuit nemo: quod ita ostendo: Ut aurum in potulentum liquorem dissolvatur, id quidem nisi calcinatione omnium Alchymistarum opinione fieri non potest: est autem calcinatio duplex, propria & impropria; prior fit ignis ope

violentissimi, uti patet in calce lapidum, qui hoc pacto in calcem reducti ad pristinum lapidis statum reduci non possunt; posterior calcinatio, quæ fit corrosivorum menstruorum dissolutione; impropria dixi, quia aurum hac ratione dissolutum ut quantumcunque etiam acerrimis aquæ stygiæ tormentis in nihilum quasi redigi videatur, semper tamen non obstantibus hisce in suam pristinam naturam reduci potest, etiam in impalpabilem corpusculorum minimorum pollinem reductum; præter hæc calcinationes nulla in natura rerum alia calcinatio assignari potest: Et aurum quidem calcinari per ignem calcinatione proprie dicta, minime posse apud omnes in confesso est, eo quod nulla ignis violentia ejus substantia corrumpi queat; Dato tamen, non concesso,

Nemo adhuc invenit veram auri potabilis conficiendi rationem.

Duplex calcinatio auri.

Aurum nullis tormentis ita cogi potest; ut in suum statum non sit reducibile.

cesso, aurum in calcem redigi posse; jam quæro, an aurum hoc pacto calcinatum virtutes suas naturales retineat an non? prius omnes ni fallor fatebuntur, nisi aurum suum potabile omnibus naturalibus virtutibus destitutum prorsus mortuum velint, quod nemo nisi insensatus, concedet. Cum itaque auri substantia juxta physicam suam compositionem humido & glutinoso, sive quod idem est, mercurialibus & sulphureis corpusculis constet, ita inter se unitis, ut non secus ac asbestus lapis in igne perpetuo inseparabiliter duret, neque ulla violentia dissolvi possit, certè calcinatione per ignem facta, illam partium adæquatam unionem haud dubiè solvi necesse foret; Cum calcinatio nil aliud sit, quam dissolutio unionis partium per ignem facta; hoc si concedatur: Dico, & unà omnes virtutes & facultates naturales auri aliis introductis, evanescere necesse esse. Mercuriale enim humidum libertati jam donatum ignis violentia tenues evanesceret in auras, sulphureo glutine igne consumpto, adeoque nil aliud, nisi aridæ & siccae terræ substantia omni nativa virtute spoliata relinqueretur: Cum enim virtutes auri ex sulphuris & mercurii tali & tali in sua compositione combinatione procedant; destructis mercurio & sulphure virtutes quoque destrui necesse est, quod erat ostendendum; Et patet ex magnete, qui per ignem in calcem reductus mox omnem tractivæ facultatis vim unà cum sulphurea, ut ita dicam, anima evanescente, amittit. Unde patet nec aurum calcinari ullo modo calcinatione propriè dicta posse, neque in hoc modo calcinatum virtutem quoque unà retinere posse, ob rationes paulò ante indicatas. Quod & inde patet, quod destructo essentiali sulphureo-mercuriali nexu virtutes, quæ ex eo nexu necessario & inseparabiliter dependent, subsistere non possint, neque eadem ex causa in pristinam auri substantiam reduci; loquor autem hîc de omnium perfectissimi metalli, id est, auri calcinatione, non de reliquorum metallorum, de quibus postea. Hoc itaque jam clare demonstrato, jam ad secundam calcinationis speciem, quam impropriad diximus exponendam procedamus, qua aurum exesum & in minutissimas partes, imò unà cum humente menstruo prorsus in liquorem reductur. Quæritur itaque, utrum hisce acrium menstorum liquoribus aurum in aquam ita solvi possit, ut in suum pristinum statum reduci nequeat.

Dico primo, impossibile esse, ut quod ignis summa violentia non potest, id heterogenei liquores tum minerales, tum vegetabiles præstent: tametsi enim aurum per reverberationem cum materiis salinis aut sulphure factam quoad externam figuram ita immutari queat, ut omni exuta forma nullum auri vestigium præ se ferat; periti tamen Spagyrici solertia, per additamentum conveniens, id

à spiritibus salium & sulphuris ita liberari potest, ut sine ullo qualitatum virtutumque damno in pristinam formam reducatur, quod variis experimentis in *XI. Libro* ostendimus. Nulla itaque Mercurii liquoris menstrua, nulla aquarum fortium, regiarum, stygiarumque tormenta; nulla salium nitri, aluminis ac vitrioli vis & efficacia inconcussam auri substantiam ita mortificare possunt, ut non in id, quod fuit reduci possit: Undè rursum inferimus; si corrosiva omnium efficacissima, quæ retulimus, ad auri substantiam corrumpendam nihil possunt, multò minus corrosiva mediocria, uti sal usuale & acetum cæteraque vegetabilium menstrua berberum limonumque id posse asserimus.

Sed objicient mihi nonnulli hoc loco, aurum à compluribus Alchymistis per solam ignis calcinationem in inpalpabilem pollem absque ullo corrosivi additamento, deindè aqua quadam coelica Raymundina in liquorem indivisibilem solutum, (utrum emolumento æquali nescio) venditum fuisse. Certè hanc apertam imposturam fuisse, hoc aquæ coelicæ Raymundinæ menstruum, melius forsan ex concavo Lunæ, quàm ex inferioris naturæ oeconomia eductum, luculenter docet; ne tamen nihil illis concedere videamur; ponamus ex sublunari quadam materia constitutum fuisse omnis corrosionis experte; unde sic argumentor: vel enim solo igne, uti ipse fatetur *Paracelsus*, aurum calcinavit, vel alio modo: non prius; cum invicta illa auri substantia tantum abest, ut quicquam virium suarum in igne detrimenti patiatur, ut potius in eo, quemadmodum paulò ante docuimus, luculentioris splendoris amictu triumphet & jubilet; quod tamen minimè fieret, si in calcem ignis ope reductum fuisset, utpote jam substantia unà cum viribus suis destructa: Non posterius, cum per hydrargyron cæteraque jam dicta acerrima menstrua in calcem reductum, neque colorem, neque saporem referat atque conservet; cujus veritatem sequens experientia docuit.

EXPERIMENTUM I.

ACcipe calcem auri hydrargyro aut aliis menstruis solutam, quam crucibulo impositam committe igni fusionis, & statim videbis ad instar salis sese funderè, fumi verò spiritusque ex calce sensibilibiter ubi effumarint, aurum in fundo pristinae suæ formæ restitutum reperies; at fumum & aquam nil nisi menstrui aut hydrargyri vaporem, aut menstrui aciditatem fuisse, non melius, nisi capitis vertigine, & acris saporis indicio comperies.

Restat jam, ut quomodò calcem illam auream memoratus Chymicus, ut aurum potabile fiat, solverit, cum corrosivorum in hoc magisterio usum, tanquam nocivum ac abominan-

Calcinato
auro virtu-
tes auri
proprie
non rema-
nere.

Magnes
igni tradi-
tus perdit
virtutem.

Utrum
corrosivis
aurum sol-
vi possit.

Objection

Refutatio

minandum repudiet; undè nescio quam aquam coelicam Raymundinam fingit, quam calci injectam alembico committit, & lento calore per aliquot dies digestam, tandem in aquam aurei coloris per frequentem operationis iterationem reducit, quem verum & realem modum aurei potabilis Philosophico ingenio præparati asserit, aureo liquore nunquam in pristinam substantiam reducibili. Ego verò aquam illam coelicam tantorum mirabilium operatricem omnis corrosione & acrimoniæ expertem verius ex concavo Lunæ, uti supra dixi, quam aliundè adductam fuisse existimem, cum paulò ante, aurum nisi vel per actuale vel potentiale ignem in menstruis latentem dissolvi non posse ostenderimus; quam itaque author fingit aquam coelicam, ego aliam non existimo esse, quàm menstruum, vel ex melle, vel manna coelestirore conflatum, quod in solutione auri plerique Chymici ad corrosione vitandam præscribunt, quos ne sequi videretur, coelicam hanc aquam allegoricà quadam locutione occultatam præscripsisse, ne corrosivis se usum convinci posset, verisimile est. Sed quis nescit, ex melle & manna etiam si dulcissimis liquoribus acerrima tamen menstrua confici, atque aded velit nolit, menstrua corrosiva hujusmodi ad solutionis effectum præstandum assumere cogitur: Quæ tamen uti auro solvendo improporcionata sunt, ita quoque nullo modo aurum in potulentum liquorem irreducibilem, uti postea videbitur experientia, dissolvere poterunt.

C O N S E C T A R I U M I.

EX hisce dictis luculenter patet, quod sic-
ut aurum propriè calcinari non potest, ita quoque minime per alembicum ita sublimari potest, ut vera & realis tinctura, quam animam auri dicunt, indè extrahatur sine totali auri destructione, ob rationes in præcedentibus indicatas; posse quidem aurum expertis Chymicis mediante additamento nonnullorum ingredientium sive menstruorum sublimari, dissolvi, & per alembicum evehi non negamus, neque in hoc difficultatis cardo versatur; sed num aurum hoc pacto sublimatum irreducibile sit quæritur? quod iterum iterumque negamus, uti jam sæpè probatum fuit; sed cum adversariis nulla alia media veritatis stabiliendæ subveniant, eam ab aureo colore, quo liquor splendet, stabilire contendunt; sed quam frivolum hoc argumentum sit, quis non videt? an non memores sunt hujus; *Nimum ne crede colori?* Cum aureus ille color innumeris rebus induci possit; cujus sit sequens experimentum.

E X P E R I M E N T U M I I.

De colore fallaci in Auro potabili.

Cerussæ superaffunde acetum distillatum, & per aliquot dies in balneo ad digeren-

dum pone, & acetum fulvo colore imbutum reperies; liquorem per inclinationem separatum distilla per balneum ad circiter; & in fundo invenies materiam mellis ad instar dulcem & fulvo colore imbutam: hanc distillabis per cineres & in fine distillationis exhibit liquor sanguineus ad instar succi mori rubicundus, residuâ materia spongiosa, & levi, quod non incongruè *Caput mortuum* dici potest. Quis autem nescit cerussam candidissimam, acetum verò distillatum limpidissimæ ad instar aquæ clarescere; falso itaque argumentaretur, qui diceret, rubicundum illud, quod distillatione prodiit, esse tincturam, sive animam ipsius plumbi, ex quo cerussa constat; cum plumbum non habeat talem tincturam, neque aliam quampiam substantiam aquosam aceto distillato similem; totam itaque hujus tincturæ rubedinem ex igne, quam mixtum hoc calore sive ignis adustione acquisivit, provenire, *Octavo Libro de Colorum genesi* in metallicis corporibus uberrimè exposuimus; si enim vera, realis & propriè dicta tinctura hæc foret, in pristinum suum statum reduci minimè posset; quod falsum esse experientia docet: si enim hanc mixturam igni exigua ovina pinguedinis additione exposueris, statim cerussa in plumbum quod prius erat, funditur; uti fuscæ quoque probat in sua Chrysologia *Angelus Sala*, non spernendus Chymicus.

Idem effectus non in cerussa tantum, sed & ferro, stanno, antimonio calcinato, marcassitis, crystallis, patet. ex quibus subtractus liquor non minus, quàm aurum flavescit; Aurum, ut experientia comperimus, regiâ aquâ solutum, intense rubescit, argentum aquis fortibus solutum, nigro; cuprum cum liquoribus acidis, viridi colore tingitur: cum hæc omnia nihilominus à solventibus menstruis separata pristinum colorem facile reasumant.

C O N S E C T A R I U M I I.

EX his quoque patet, vana esse eorum Alchymistarum tentamenta, qui aurum in aquam, calcem, oleum, tincturam *Sisyphi* labore resolvere conantur. Ratio, quamvis enim recte aurum ex sale, mercurio & sulphure uti cætera mixta, jam innumeris in locis componi asseruerimus; sciendum tamen est, aliter sese habere hæc omnia in minerali, aliter in vegetabili & sensitiva natura; hæc enim aquæ & olei forma, facta principiorum separatione salem, sulphur & Mercurium suum nullo pene negotio reddunt, ed quod mixta facillimæ resolutionis sunt; aurum verò æquali principiorum pondere ita à natura compactum est, ut nemo hucusque inventus sit, qui id per Chymicam artem dissolutum in irreducibilem statum reduxerit, adeoque vel ipso *Rogelio Baccone* melioris notæ Alchymista attestante, (aurum conficere, quam id destrue-

H h h

Reductio
cerussæ in
plumbum.

Ex melle
& manna
acerrima
menstrua
confici
possunt.

Tinctura
auri vera
ac realis
non datur.

Aurum
facilius
conficitur
quam de-
struitur.

destruere facilius esse.) Undè vana est Alchymistarum jactantia, qui irritò labore ex auro mercurium elicere inconsultà naturà fatagunt: Vana machinamenta, utpote quæ nihil aliud nisi frivolæ & fallaces Agyrtarum ciniflonumque maleferiatorum sunt ostentationes. Dato tamen, non concessò, id resolvi posse; quid indè utilitatis ad medicinam sperandum sit, non dispicio; cum mercurius tali modo separatus mox pristinæ naturæ restitutus, supra vulgi mercurium, uti ab eo non differt, ita quoque nil quicquam eidem superaddat.

Tinctura
auri vera
non datur.

Alii in tinctura ex auro extrahenda, quæ argentei coloris aquam præferat, summo- perè desudant, sed irritò labore: tinctura enim auri soli ejus corporis non est alligata substantiæ, sed omnes ejus partes inseparabiliter unitæ, exterius flavæ, interius rubicundæ, puro existunt modo, *Sala* teste, Mercurius quidem ob summam maturitatem, Sulphur ob igneam facultatem, Sal propter fixam ejus naturam ex unione & indissolubili cum sulphure unione & nexu; atque ex hisce tribus nascitur fulvus ille auri color, quem auro ad irreducibilitatem usque dissoluto remanere non posse, jam ex allatis constat, sed progrediamur ad experimenta.

EXPERIMENTUM.

Experi-
mentum.

Auri liqui-
da substan-
tia quomo-
do reduca-
tur.

SI quispiam aurum aqua regia dissolverit, liquor indè emergit, baphico colore haud dissimilis, quo etiam quidquid tetigerit superfusum tinget, quæ tamen tinctura auri irreducibilis dici nec debet, nec potest, cum sine ulla difficultate reduci possit: si enim dissolutum liquorem per aliquot dies balneo detinueris, & postea aquam regiam igne abstrahas, sive evolare sinas, & reliquias limpidae & claræ lymphæ dissolvendas commiseris, cremorem oleosum adinstar sanguinis elicies tantæ rubedinis, ut tincturam auri perfectam te assecutum jurare posses: hunc tamen mox ac crucibulo admoveris, ignis æstu liquore in vaporem resolutò non tincturam, sed solidum auri corpus reperies. Idem experieris in auro in pulverem impalpabilem & rubicundissimè intensum reducto, quem

nonnulli *Mercurium Philosophorum*, *lac virginis*, *fontem regalem*, *filium Regis* nuncupant, cujus modum alibi docuimus; hunc si in cupella seu cineritio cum parte plumbi imposueris, fiet, ut plumbo per vaporem profligato, tantum auri in fundo vasis, quantum in pulverem conficiendum expendas (excepta exigua argenti portiuncula, quam plumbum in se plerumque continet) reperies. Color itaque nullum magisterii perfectionis indicium esse potest; cum liquor aureus quandoque ab albo ita obfuscetur, ut à menstruo elicitum esse tibi prorsus persuadeas, is tamen Vulcano denuò commissus, antimoni beneficio mox immutato colore in pristinum & nativum colorem degenerabit.

COROLLARIUM.

EX hisce manifestum sit, aurum neque calcinari, neque distillari, neque in pulverem aut quintam essentiam, sive in tincturam reduci posse, in statum inquàm, à quo in pristinum removeri nequeat. Me explico. Aurum dupliciter in sua dissolutione considerari potest, intrinsecè & substantialiter; deinde extrinsecè & accidentaliter. Priori modo id nullo modo fieri posse asserimus; hoc enim pacto destructa forma metallica, aurum & non aurum dici posset, quod absurdum est, idque diligenter Alchymistas notare velim, posteriori modo accidentaliter tantum, auri forma evanescit: haud secus ac sal solidum per deliquium in aquam deductum formam salis per accidens perdit, at igni admotum eum recuperat; idem de auro per corrosiva dissoluto statui debet. Aurum enim in liquorem per dicta menstrua resolutum, à sua subsistentia metallica seu forma minime recedere, censei debet: sed solummodò hanc abscondere, utpote per minima atque subtilissima corpuscula diffusum dispersumque, quæ tamen uti totius obtinent naturam, ita quoque ipsi facile ex insita ipsis ad totum sympathia conjungi & uniri possunt, auro ad pristinam formam redeunte, ac proinde magisterium, quod ex auro conficitur, non aurum sed magisterium aureum, non auri tinctura, sed aurea recte dici debet, uti paulò post ostendetur.

Aurum acci-
dentali-
ter tan-
tum trans-
mutari
potest.

CAPUT III.

Utrum Aurum sive Magisteria ex auro confecta in Medicis eum, quem Alchymistæ jactant, usum, virtutem & efficaciam obtineant, & num Medicina universalis dici possit aut debeat.

Postquam jam ostensum fuit, aurum in liquorem potulentum salva auri substantia, reduci non posse; Restat jam, ut, num in medicamentis eum usum, quem

Alchymistæ tantopere jactant, obtineat; Aurum insigni virtute ad cor corroborandum pollere, unanimi omnium medicorum, tam veterum, quam recentiorum consensu

re-

receptum est: meritò itaque quæri potest, undè illi istiusmodi virtus? & qualisnam illa sit? Quod ut decidatur.

Sciendum est. Dupliciter rerum virtutes & qualitates considerari posse; Primò juxta primas, manifestas & elementares qualitates; Secundò juxta específicas quasdam virtutes, quas aliqui occultas perperam nominant, nos verius à totius substantiæ similitudine dimanantes appellamus, & sunt dotes quædam à Natura rebus singulis inditæ, quæ uti à substantiali rerum forma emanant, ita & ab ea sine substantiæ destructione separari nequeunt. Atque hoc pacto auri cardiaca vis & facultas sumenda est: Nam quemadmodum magnes sola virtutis sibi à Natura inditæ sympathica virtute ferrum ita appetit, ut libertati suæ restitutum ubicunque & quandocunque potest, miro ad ferrum appetitu feratur, illud ad se alliciat, & in remota distantia hinc indè moveat, & miris modis exagitat, ita quoque aurum corpori humano applicatum, virtutis sibi insitæ magnetismo, statim ad illud membrum, ad quod naturali amoris philtro concitatum confluit, & virtutem sibi insitam in eo exerit: quod tamen minimè fieret, si soluta auri substantia in liquorem potabilem & irreducibilem degeneraret; destructa quippe substantiâ virtutes pariter destrui necesse esse, quis nescit, aut quis magnetem ignis vi in calcem reductum, ferri tractiva vi adhuc imbutum observavit unquam? Nullus sanè; Idem in auro evenire pro certo tibi persuadeas.

Hoc itaque supposito, meritò quærere quis posset, cur tot ac tanta magisteria ex auro à medicis deprædicentur? Respondeo, ea magisteria non fieri, neque unquam facta fuisse eo modo, quo Alchymistæ physiologiæ ignari, fieri debere jactitant, uti sunt: Elixir Philosophorum, Calx Solis, Tinctura Phœbi, Aurum potabile in irreducibilem statum reductæ; cum hoc pacto formâ seu auri substantiâ per ignem destructâ à privatione ad habitum non detur regressus, & consequenter forma abolita reliquum corpus mortuum, & omnibus virtutibus spoliatum remanere necesse sit.

Paracelsus vel ipse fatetur *Lib. 6. de rerum Natura*: Nullum metallicum, inquit, arcanum aut medicamentum intra corpus accipias, nisi prius redditum sit volatile, & in nullum metallicum reduci possit. Quomodò verò magisterium, verbi gratia, auri in irreducibilem statum resolvi queat, hic Rhodus, hic saltus; cum sine Mercurio aut aquis fortibus, aut quibuscunque tandem menstruis aurum, uti suprà ostendimus, dissolvi non possit: & si dissolvatur, non tamen ita radicaliter resolvatur, ut in pristinum statum reduci non possit; si verò per ignem reducatur calcinatione, hoc ipso perdi id & destrui assevero, & proindè nullius usus. Quomodò itaque magisteria ex metallicis corporibus virtutem

medicam acquirant, infrà manifestabitur: si verò aurum in minima corpuscula per menstrua corrosiva reductum fuerit, & dissoluto hoc pacto ei variæ cardiacorum species conjungantur; Dico aurum hoc pacto in minima sine substantiali tamen transmutatione reductum, unâ cum dictis cardiacis nobiliores effectus præstare, quàm aurum in solida sua substantia constitutum; cum enim singula auri dissoluti corpuscula virtute totius polleant, illa utique cum reliquis adjunctis mixta intensiorem proprietatis gradum in compositione acquirent; imò si corrosivum quodpiam auro adhuc aut solventibus menstruis inextiterit, id tamen cæterarum specierum additarum virtute ita obtunditur, ut sumentis in potum non facile noceat. Unde valde hallucinantur, qui magisteriorum auri vim soli auro adscribunt, cum effectum suum non aliter, quàm diximus, ex multarum specierum magnæ virtutis commixtione præstent, unde non tam magisteria auri, quàm aurea dicenda sunt; neque enim per corrosiva auri substantia in liquorem proprie transmutatur, sed particulæ ipsius acrimoniâ solummodò menstruorum exesæ, reliquisque commixtæ mirificos illos effectus, si veri sunt, præstant, quæ tamen postea per evaporationem vegetabilium facile in unum denique auri corpus, uti paulò ante diximus, reducuntur. Verùm ut hunc liquorem non auri sed aureum & compositum esse demonstramus, id experimento Chymicorum facile innotescit, uti sequitur.

EXPERIMENTUM

Compositionis magisterii aurei.

Pulverem auri præcipitati probè exiccatum supra marmor leviter dispersum spiritu vini Hispanici, aut Malvatici cum melissa exiccata ter rectificati à phlegmate separabis, irroratum probe commiscebis, & hoc pacto præparatum in Sole aut loco calido exiccari permittes, irroratione hac sexies aut septies repetitâ; ad unciam pulveris parati, croci scrupulum, ambræ griseæ & muschi orientalis 6 grana addito, totumque commixtum in vitreo vase ad usum reserva; quæ *Sala & Crollio* teste tantæ efficacis est, ut miracula patrare videatur. Quæ quidem ab auro solo minime, sed à cardiacis rebus, ut vini malvatici, melissæ, croci similiumque virtute cordis vitæque confortativa provenire censere debes. Aurum enim cor virtute sua specifica & magnetica confortat quidem, non tamen nutrit, quod vegetabilium ingredientium proprium est; nam uti in præcedentibus docuimus, nullum mixtum nos nutrire potest, nisi primò vitam in se habuerit; aurum verò cum mixtum inanimatum sit, non aliter in corpus humanum agit, quàm cæterorum mineralium, uti Adamantis,

Hhh 2

Beryl-

Quomodo aurum in liquorem dissolutum operetur in corpore humano assumptum.

Qualitas auri specifica est, non elementaris.

Magisterium auri quid sit.

Virtutes auri potabilis non soli auro, sed admixtis adscribi debent.

Aurum non nutrit.

Berylli, Topazii, Amethisti, Carbunculi, Saphyri, cæterarumque gemmarum virtutes specificæ, radioſo quodam & inſenſibili virtutum unicuique appropriatarum effluvio.

CONSECTARIUM I.

Multa Magisteria aurea dicuntur, non ab auro sed à pretio & bonitate.

Unde patet, si quandoque veteres Chymici auri potabilis mentionem faciunt, id neutiquam de substantia auri in liquorem irreducibiliter resolutabilis intellexisse, sed de nominatione quadam tropica medicamenta sua, variarumque compositionum magisteria à virtute mirifica, aurea appellasse, quemadmodum usu sic postulante, res magnæ virtutis & pretii dicere solemus, librum aureum, hominem præstantibus virtutibus præditum, aureum; tempora felicitate bonorumque omnium ubertate referta, aurea secula dicere consuevimus; & expresse patet in Spagyricis *Lulli*, *Villanova*, *Paracelsi*, in quibus varia occurrunt magisteria, Emetica, Cathartica, Diaphoretica, Anodyna, Bezartica, quæ sub aurei nomine venduntur; in quibus tamen aurum nullum locum obtineat.

CONSECTARIUM II.

Ex auro non potest fieri medicamentum universale.

Unde ex his infero, Aureum magisterium nullo modo in absolute universalis & catholicæ medicinæ usum præparari posse, quod tamen Alchymistæ plenis buccis ostentare non desinunt; Cum enim aurum virtute solummodò cordis corroborativa omnium medicorum consensu à natura dotatum sit, ea certè peculiarem quoque dotique proportionatum effectum præstare necesse est; Unde si illud astrictiva vi, uti multi putant, polleat, certè opposita ei catartica sive laxativa virtute ob contrariarum virtutum in uno & eodem subjecto dominium dotatam inesse, non dicam credi, sed ne concipi quidem posse assevero; si malactica vi polleat, scleroticam habere non potest, & contrà. Si calefaciat, non frigefaciet, si humectet, non siccabit, & contrà. Cum verò morborum species diversissimæ conditionis sint, alii à febrili calore, quidam à frigore, ab humiditate superflua alii, nonnulli à siccitate oriantur; alii ex consequenti catharticis, alii astringentibus, alii diureticis, restringentibus alii indigent; certè nulla in rerum natura absolute universalis medicina, quæ ex æqua & perfectissima harmonia composita omnibus morbis propulsandis apta sit, assignari potest; quicquid *Lullus* de suo Elixire coelesti, *Paracelsus*, *Quercetanus*, alique de mysteriis suis universalibus somniant, quod non tantum de elementaribus, sed & de specificis qualitatibus dici velim; & vel ex theriaca luculenter patet, quæ si ullum aliud medicamentum, id certè universale dici potest, cum tamen in multis morbis illam præbere periculo non carere, notius sit, quàm dici debeat; idem

de quintis essentiis cæterisque magisteriis dicendum est; quæ quamvis ex innumeris speciebus composita sint, semper tamen nonnullis morbis contrarios & oppidò periculosos effectus sortiuntur. Qui artem contrariorum rectè calluerit, quod dixi verum esse comperiet; nam non facile negarim, medicinam dari posse, quæ pluribus morbis propulsandis ob virtutum reciproce se refringentium contemplationem conducere possit, ut ex theriaca & elixire vitæ patet; quis enim elixir vitæ potentissimi caloris, præbeat, infirmo ardentissimis caloribus exagitato?

Experimenta nonnulla circa auri proprietates admirabiles.

EXPERIMENTUM I.

Aurum fulminans facere, seu Calcinatio Auri pro auro fulminante.

Calcinatio auri nil aliud est, quam actus, per quem solidum auri corpus attenuatur, subtiliatur, emollitur, & in inſenſibilia corpuscula divulsum in impalpabilem pollinem reducit, eo fine, ut id ad suscipiendam Magisterii operationem habile & idoneum fiat; fitque huiusmodi calcinatio duobus modis, vel per humidum, vel per siccum; Modus per siccum, ignis ope ab Alchymistis fieri posse putatur, quod nos negavimus; per humidum plerumque fit aqua chrysalca, quam regiam alias vocant, hoc modo:

Cape aquæ fortis ex duabus partibus vitrioli, & una parte nitri distillati, verbi gratia, libram unam, in qua dissolve salis ammoniaci probè depurgati uncias duas; in aqua regia sic parata aurum in frustula concisum levi calore cum nonnulla ebullitione dissolve; solutioni claræ & flavescenti intra vas vitreum contentæ lixivium ex tartaro guttatim instilla, & vehementi ebullitione peracta aurum ad instar limi in fundum subsidit; hoc peracto falsedo relicta tamdiu eluatur, donec nihil amplius acrimoniæ appareat; sedimentum auri postea exemptum levissimo calore siccetur, atque hoc pacto habebis admirandum illud *λευκόνισσενον*; ita dictum, quod ejus grana 2. vel 3. igni exposita, ubi flammam conceperint, (concipit autem eam quàm promptissime) ingentem strepitum faciat, contrarioque pulveri pyrio motu deorsum vergens, omnia terebret, omnia dissipet: Nam, ut *Angelus Sala* testatur, huius calcis casu accensæ vi, ingens marmor, cui impositum erat, disiectum ac non sine adstantium periculo in frusta divulsum fuisse. Nos alio modo id parari vidimus. Sumantur aquæ fortis 8. uncias, salis ammoniaci & nitri rite depuratorum uncias 3. misceantur, & per retortam servatis ignis gradibus distillantur, & obtinebis aquam stygiam solvendi auro aptissimam. Est & hac in calce primo modo parata admiratione dignissimum observan-

Auri fulminantis confectio.

Experi-
mentum,
quo fulmi-
nativa vis
calcis au-
rez tolli-
tur.

fervandum, quod si nitro & vitriolo duabus auream calcem constituentibus partibus juncta una parte florum sulphuris, mixtum in crucibulo combufferis tamdiu, usque dum boli armeni formam induat; pulverem omnem fulminandi vim perdere, cujus quidem rei ratio alia esse non potest, quàm quod

sulphur flatuosos nitri spiritus destruat, qui uti causa sunt tanti fulminandi impetus, ita quoque sublata causa, effectum cessare necesse est. Vide quæ de admiranda hujus pulveris causa & ratione *Libro IV.* quàm amplissime philosophati sumus, uti quoque in *XII. Libro* ex professo tradituri sumus.

C A P U T I V.

De Argento, sive Luna terrestri.

Metallo-
rum co-
lores, uni-
cuique
proprii.

Argentum
omnes co-
lores in se
continet.

Tinctura
argenti.

Fucus de-
tectus.

Argentum à Chymicis *Luna terrestris* appellatur ob abditum quandam cum Luna coelesti, tum microcosmica, quod *Cerebrum* dicunt, correspondum & symbolisum; Quemadmodum verò singuli planetæ terrestres, sive metalla diversos sortiuntur à natura colores, ita & Luna: Saturnum seu plumbum atro colore squallidum, albo Iovem seu stannum, rutilo Martem seu ferrum, Mercurium livido, viridi Venerem seu cuprum exprimunt, ita Lunam cæruleo colore imbuunt; tametsi verò Luna unico hoc colore contenta videatur, intra se tamen omnium reliquorum metallorum colores continet, quod sola Spagyricæ artis experientia jam dudum innotuit; Candidum siquidem in solida substantia se exhibet, in aquam verò resolutum per appropriata menstrua, in colorem saphirano simillimum convertitur; si menstruum, quo resolutum fuit arte nota abstraxeris, lugubri id, & veluti pullo indumento vestitum mox se spectandum exhibebit; igni tamen denuò commissum in multò splendidiorem solidioremque statum quàm prius, fulvo, rubeoque ex candidissimo colore relucens sese reponet.

Fuerunt multi, qui ex argento tincturam extrahere summis laboribus contenderint, & nos ei labori non parum incubuimus; atque argentum quidem aceti distillati vi resolutum sub cæruleo quodam colore visu jucundissimum apparuit, sed quod abstracto postmodum menstruo tantum reliquerit argenti, quantum positum fuerat.

Alii argentum in materiam primam ingentibus conatibus reducere allaborarunt, cujusmodi mihi nonnemo ostendit sub forma refinæ album, pellucidum, ponderosum, fragile, fusile incombustibile ad omnem ignis gradum, & hoc jactitabat verum esse Lunæ magisterium; verum cum rogatus à me id experimento subicere nollet, statim de magisterio sophistico veluti malè sibi conscius esse conjeci, abiit itaque, neque amplius comparuit.

Ego sanè si quid est tale, ingenuè fateor, nunquam me vidisse; pulverem argenti cuiusque tandem igni vehementer reluctantem vidi, qui cum nulla vi acerrimorum menstruorum, neque mercurii voracitate in pristinum statum reduci posset, tandem cupel-

læ commissum modico plumbo, veluti à morte ad vitam revocatum experimento comperimus.

Qui verò limaturæ argenti, mercuriique sublimati & salis ammoniaci fumentes æquales partes probè commixtas tam diu sublimant, donec sal ammoniacum vitriolum supra, mercurius in fundo vasis adhæreat, & hoc ceu vivum magisterii Lunaris miraculum deprædicant, tanquam aperti impostores repudiandi sunt. Quicumque enim operationem hujusmodi æqua rationis trutina expenderit, is luculenter videbit Mercurium vivum à spiritu salis & vitrioli solutum fuisse, & nil aliud; cum argentum, quod impostum fuerat, ejusdem prorsus ponderis, uti prius, sese prodatur. Pseudotechni quoque censendi sunt ii, qui per amalgamationem cum mercurio, deinde per flores salis ammoniaci, aceto radicato aliisque modis mediisque argentum in pulverem subtilissimum & cæruleum resolvunt; sed si magisterium ad judicem & examen cupellæ remiseris, id mox in verum & naturale argentum rediisse comperies.

Utrum verò argentum non secus ac aurum in liquorem vel calcem resolutum reduci queat aut nequeat, controversum est. Ut itaque paucis me absolvam, Dico, cum aurum & argentum à Chymicis perfectæ metalla vocentur, eò quod omnibus reliquis compactiorem naturam habeant, & proxima Naturæ principia sub æquali quadam proportionem eis inexistant; certum est, summam quoque in eo radicaliter resolvendo difficultatem esse, quamvis non tantam, quantam in auro; Non dubito tamen, quin modus aliquis excogitari possit, quo id in irreducibilem statum reducat; quoniam tamen is adhuc incompertus est, ita Chymicis indagandam relinquo; Undè & Magisteria Lunæ multo expeditiori modo, quàm Solis expediri possunt. Sed nè quicquam omisisse videamur, Magisterii processum, quem à peritis Chymicis didici, subjungam.

Quemadmodum igitur aurum, sic & argentum sine corrosivo, sive in calcem, sive in tincturam resolvi non potest; menstruum corrosivum in solvenda Luna hoc est,

1. Sumantur vitrioli Hungarici calore lento albificati & in pollinem reducti lib. 2.

H h h 3

Salis

Impostura

Argentum
quocunq;
modo cal-
cinatum in
pristinam
tamen na-
turam re-
duci potest.

Tincturæ
Lunæ con-
fectio per
corrosiva.

salis nitri à suo sale & fœcibus quàm purgatissimi in pulverem reducti lib. 1. misceantur optime & distillantur arte Spagyricis nota, & habebis menstruum sub forma aquæ limpidissimæ spiritibus suis foetum.

2. Hoc peracto fumantur tres unciae Lunæ per Saturnum seu plumbum ab omnibus quicquiliis ritè depurgatæ; hisce urinali impositis apponantur sex unciae prædicti menstrui; urinale aquæ tepidæ impositum relinquatur, donec partium fiat separatio.

3. Finitâ solutione seu separatione novem uncias supradicti menstrui soluto jam liquori superaffundes, & intra balneum roris ad 40 dies igne continuato digeras, semper quod exstillatum est, reaffundendo.

4. Aquam seu superfluam humiditatem hoc pacto à magisterio separabis: magna cura in constanti ignis gradu adhibenda est; Aquam itaque per eundem primum ignis gradum more solito abstrahes, abstractam vitreo vasi immissam servato, residuum verò alembico luto obducto impositum in arena distilla, ut id quod restat aquæ fortiori igne educas; ubi, nisi oleum & operam perdere velis, magna cautela agendum, ne plus æquo forti calore, unâ cum humiditate major spirituum copia aufugiat; debet igitur magisterium in fundo vasis per 4 aut 6 horas adinstar salis fossilis remanere; hoc enim pacto, aperto vase in fundo lapideam reperies materiam, infra & à lateribus nigerrimam, supra verò candidam, & adinstar crystalli diaphanam;

atque hoc est magisterium, quod quærebatur. Et proprietates habet admirabiles; Quarum prima est, quod etsi nigro colore manus inficiat, corrosivam tamen facultatem, quæ in aqua forti est, prorsus dereliquit. Secunda vitriolicæ aciditatis saporem linguæ exhibet; si enim in concha ænea aqua tepida magisterium dissolveris, vel in eodem lamellas cupreas injeceris, mox argentum à magisterio separatum & cupro sub forma spongiosa adhærere videbis, quod tamen hquiesfactum deinde in solidum argentum redit. Tertia. Si Magisterii materiam in pulverem redactam Soli exposueris adinstar atramenti nigerrimam formam induet, quod idem evenit, si materiam cum auro soluto misceas. Quarta. Experientia docet, *Sala* teste, in ignem apertum hujus lapidis injecta particula adinstar salis petrae comburatur; imo ubi in charta positum ad summum siccitatis pervenerit, flammâ conceptâ instar pyrii pulveris magno cum impetu exiliat; cujus quidem rei ratio est flatulentus nitri spiritus, quo turget: nitrum enim sub forma menstrui ignem prorsus respuit, Lunæ vero junctum in pristinam naturam revertitur, ignemque more solito concipit. Quinta, Magnum & specificum in capitis infirmitatibus, uti in epilepsia, hydrocephalo, paralyti, cæterisque periculosi catharris remedium communi Medicorum opinione habetur, granorum 5, vel 8. dosi cum vino malvatico manè exhibitum.

Miræ tincturæ virtutes.

Tinctura sicca, flammam concipit.

Capitis morbis confert.

CAPUT V.

De Ferri, Stanni, Cupri, Plumbi magisteriis.

Imperfecta metalla propter impura principia ad internos usus minus expetuntur: Etsi enim magna & insigni solertia præparentur, habet tamen in radice nescio quod inquinamentum ex sale, sulphure & mercurio impuris, indigestis depravatisque resultans, dum contaminatione minerarum halituumque irruentium impetu à natura ad optimum evocata, à materia tamen perversa in matricibus terræ non bene disposita degenerarunt; Et quamvis de ferro, stanni, cupri, plumbi genesi proprietatibusque in *X. Libro*, quam fusissime egerimus, hîc tamen nonnulla ibidem ommissa adjungemus, potissimum quæ usum medicum concernunt. Certe hujusmodi metalla jam recensita uti imperfecta sunt, & male compacta, ita quoque nullo pæne negotio in liquores, salvâ substantia dissolvi possunt. Ut itaque chalybs fiat potabilis, *Lullii* præscriptione ignibus calcinandus est; malunt tamen una eamque opéra calcinare eundem per liquorem salis, vel etiam per acetum stillatitium, quibus ferri probè abluta scobs immergitur. Optimum processum ego existimem esse, siquidem ad

Chalybis potabilis confectio.

internos usus assumatur, ut crocum ejus aceto, vel spiritu salis similibusque menstruis ita attenuemus, ut seipso colliquescat, quamvis reverberationibus quoque urgeri queat, modò adjectis salibus, modo ommissis; tandem quinta vini essentia veluti operis complementum accedit, & ferrum potabile exhibet; ferrum enim jam fractum & violentiâ ignium domitum, nec non acrium menstruorum voracitate subjugatum, liquor vini sæpius abstractus penitus resolvit, atque adeò ferro mistus in absolutam tincturam degenerat, copia deinde ad pauca contrahitur distillando, quo relinquatur liquor oleoformis tam internis, quàm externis usibus aptus, hydropicis, spleneticis, hypochondriacis & lienosis, coeliacis, lientericis, asthmaticis mirificè proficiuus.

Chalybis potabilis in medicina usus.

In nostro pharmacopœio ad vinum chalybeum pro lienosis, disentericis & oppilatis conficiendum, sumunt lib. 8. vini malvatici, sive Muscatelli, ut vulgò vocant Syracusani, quod in terreo vase ventricosò & collo oblongo ponunt: deinde lib. 1. Limaturæ ferri purissimi, seu chalybis in crucibulo

cibulo ponunt, usque dum candescat, quam mox ac ignitam hoc pacto viderint, vino in vase terreo contento ad tertiam partem superaffundunt, & obturato orificio, ne spiritus evanescant; post tertiam operationem quod ultimum est, spacio 24. horarum subsidet; & habebis magisterium admirandi in dictis morbis emolumenti. Reliqua de Ferro fuse tractata vide *Libro X.*

Stannum potabile.


Stannum, quod & plumbum candidum dicitur, utrum potabile reddi possit, multi dubitant, ob principia mercurii & sulphuris in eo male digesta, quibus si accedant in solutione ejus menstrua corrosiva, pessimum sane effectum & prorsus virulentum reliquant; quem ii qui stannum purgant & calcinant, magno suo malo quotidie discunt; unde Chymici omnem lapidem moverunt, ut illud ad meliorem frugem reducerent, ad dignitatem Lunarem evectum; sed cum *Sisypho* irritato labore defraudati fuerunt; Collyrium tamen præstantissimum foret, si quis longis circulationibus id à latente sub eo deleteria virulentia liberare posset. Sed hæc cura Chymicis relinquenda est.

De Cupri natura & proprietate variis jam locis actum vide; nil restat, quam ut, num id potabile fieri possit, exponamus. Alchymistæ spe freti futurum, ut si illud in argentum purum transmutarent, ex consequenti tincturam inde Lunarem mirificæ virtutis extraherent; sed præter bonorum omnium vitæque jacturam, nonnulli quidem non aliud quam furcam, alii quoque immortale propudium cum perpetuo existimationis detrimento retulerunt: Alii multorum damno sapientiores relictâ alchymistica ἀγυρονόιας vanitate, in hoc unicum enixi sunt, ut inde vitriolum extraherent, quod præstantissimum ex omnibus mineralibus, contra præcipuos morbos remedium esse cognorant. Verum cum de eo *Libro VI. & X.* amplissime egerimus, eo *Lectorem* remittimus, ubi quicquid ad cupri naturam & proprietatem vitrioli-que genesis desiderari potest, evolutum reperies. Nihil hoc loco de plumbo & Mercurio dicam, cum hæc innumeris passim locis excusserimus. Restat modo ut nonnulla experimenta circa auri & argenti proprietates adjungamus.

CAPUT VI.

De Arboribus metallicis earumque artificiali productione.

ARbores metallicas, Exanthemata, five efflorescentias quasdam vocamus, quæ in nullis non mineris ex venarum ductibus erumpunt, quo nil admirabilius videre licet; Videas nonnullas instar arbuscularum crystallinarum, quasdam co-



rallinarum instar, aliquas virides, elbas, croceas alias, aut ex variis coloribus constitutas, quæ per truncum in ramos quosdam multifidos expanduntur, cujusmodi nos in Musæo nostro ostendere solemus; Fiuntq; ex mercurialium salinorumque spirituum radiatione, qua mineralium corpuscula juncta corpusculis, nunc in lon-

gum, modò in latum, jam in rectum, jam in obliquum situm distantur ea proportionem, ut arborem cum ramis proxime æmuletur, neq; præter vitam nil ei quidpiam deesse videatur. Habes hic breve ortus plantarum mineralium à natura peractum opificium; Restat modo, ut quomodo arte Spagyrica similia intra phialam aliquam produci possint ostendamus.

EXPERIMENTUM I.

Arbor philosophorum ad oculum crescens.

Arbor philosophica.

ACcipe Lunæ purissimæ, five per cupellam depuratæ unciam $\frac{1}{2}$. Aquæ fortis

& Mercurii uncias 2, in quibus solvetur argentum assumptum. Deinde hæc duas materias commisce immixtas in phialam, quibus superaffundes libram aquæ communis, & obtura bene, & videbis eam quotidie crescere tam in trunco, quam in ramis.

EXPERIMENTUM II.

Ut Arbor intra phialam tota deauretur, & poma ad instar granatorum appareant.

ACcipe antimonii in pulverem redacti, aquæ fortis communis, & olei sulphuris partes æquales, eaque affunde lapidi de tribus; hæc enim phialæ imposita arborem cum tempore exhibebunt ramis aureis fulgentem, cui adnexas reperies punice coloris guttulas, quæ poma granata exprimant.

EXPERIMENTUM III.

Arbor philosophica.

ACcipe tincturæ Lunæ & Mercurii æquas partes, amalgama inde factum pone in vas bene obturatum, & relinquito donec in pulverem convertatur; quod nigrum sulphur vocatur; huic adde sulphuris unciam & semis, atque tartari, boracis, myrrhæ unciam unam ex singulis, bene commisceantur, & phialæ imposita hermetico claudatur sigillo, deinde ponantur intra arenam calidam, & intra duos aut tres dies pulchrum artis miraculum, arborem videlicet philosophicam videbis.

EXPE

EXPERIMENTUM IV.

*Arbor Luna.*4 Arbor
Lunæ.

Recipe Argentum capellatum unc. 4. dissolve in spiritu nutri, spiritum ex balneo roris, & manebit Luna in fundo; cui superaffunde aquam pluvialem distillatam, digere per plusculos dies & distilla, id fac sexies aut septies, semper novam aquam distillatam affundendo; postea in illam Argenti solutionem iterum cum aqua pluviali distillata factam injice nitrum fixum unc. 6. digere simul per duas septimanas, & crescit Arbor Lunaris, jucundissimi spectaculi.

EXPERIMENTUM V.

Nitri fixandi modus.

Recipe Nitri Libram unam, liquefac in tigillo forti, & paulatim injice floris sulphuris, donec tandem ampulus non accendatur, tunc satis est, amove ab igne, & per dissolutionem & filtrationem purgetur nitrum fixum, hunc injice in Lunam dissoluta, ut supra monui.

Alius modus Arboris philosophica ex Mercurio & Luna.

Arbor Lunæ-mercurialis.

Recipe Argentum cupellatum unciam & semiss. mercurii vivi unc. 1. dissolvantur singula seorsim in spiritu nitri, & dissoluta conjungantur in phiala capaci, & adde aquam pluvialem distillatam uncias 12. aut 20. ponatur in calidos cineres, & ad digestionem unius horæ spatio, nisi statim crescere velit; injice in illam solutionem salis Armoniaci unc. 3. & habebis quæsitum.

EXPERIMENTUM VI.

Regionem quandam in phiala representare.

Regionis expressio.

Accipe aquam fortem, in qua solve Lunam, Mercurium Solem, Venerem, postea seorsim solve in aqua forti vitriolum, hæc omnia phialæ imposita probe misceantur, mixta ponantur digerenda ad solem; quam materiam si florescere comperies, extenuata aqua novam & limpidissimam affunde. Aqua fortis fiat ex alumine, salis petra & vitriolo. In hoc artificio colles, rupes, plantas, flosculos, flumina ad veræ alicujus regionis typum expressa cum admiratione videbis.

EXPERIMENTUM VII.

Ideam Megacosmi exhibere.

Idea Megacosmi.

Hoc experimentum etsi non fecerim, quia tamen ab eximio mihi Chymico id communicatum ceu grande arcanum, hinc illud subjungam. Effodito terram pinguem juxta rivos ad radices montium (uti sunt fodinæ auri & argenti) decurrentes; ex illa fac salpetra in VI Libro propositum, quod stan-

no mixtum hermeticè calcinatum, mitte intra retortam, cujus receptaculum sit vitrum in formam ovalem conflatum, in hujus fundo collocabis folia auri, deinde subtus retortam in furno positam ignem accende, donec fumi exeant, qui auro adhærebunt, ignemque tamdiu in eodem gradu ne retrocedant, conserva; tandem recipiens ablatum hermeticè sigilla, & intra furnum repone subposito igne lampadis, donec videatur repræsentatum quod natura in eo conspiciendum operatur; puta floribus, arboribus, fructibus, fontibus, Soli, Lunæ, planetis & reliquis stellis quidpiam analogum; Dicunt autem Solem & Lunam stellasque propriis veluti orbibus distinctas, quod si circa centrum aliquod in phiala datum fieri dicitur, id uti gratis confictum, ita fieri non posse paulo post demonstrabitur; posse tamen in eo ex unionem confluentium similium particularum, jam lucidum quid, modo sublucidum, jam veluti stellulas quasdam in humido exoriri, non facile negaverim: est enim proprium Alchymistarum ingentibus hyperbolis miracula sua amplificare; quæ tamen diligenter examinata, promissis non exacte satisfaciunt.

EXPERIMENTUM VIII.

Motum perpetuum Chymica arte conficere.

Simile præcedenti est, quod sequitur, quo Alchymistæ perpetuum mobile, quod neque per aquam, neque per ignem, aut instrumenta automata inveniri potuit, se conficere posse autumant. Videamus jam miraculi promissi fidem.

Accipe amalgami Veneris uncias 5. aut 6. cum amalgamato stanno tantundem, tere omnia cum mercurii sublimati unc. 10. aut 12. & pone super marmor in cella; tunc intra spacium 4. horarum totum in liquorem solvetur haud absimilem oleo olivarum. Hoc distilla & in fine igne fortissimo, & sublimatam videbis substantiam siccam, aquam distillatam vicissim superaffunde terræ in alembico residuæ; & solve, quod solvi potest, solum philtre, philtratum iterum distilla, & apparebunt subtilissimi atomi seu corpuscula, quæ in vitro bene clauso in loco sicco asserventur, & ecce mirabilia videbis, propter quod totus mundus hucusque nimis difficulter operatus est. Hæ sunt Alchymistarum jactantiæ ad artis magnæ miracula imperitæ plebi persuadenda, effectu nunquam in praxin deducto. Quisnam enim in hoc magisterio motus perpetuus exhiberi possit, dispicere non possum; quid enim metallis, amalgamatis, distillatis, sublimatis, quid terræ pingui, turgidæ & immobili cum perpetuo motu aut consensu aut similitudinis sit, quis conjiciat? quomodo vero hæc Solem, Lunam, Stellas in periodos agere torpida sua natura possint, quis concipiat? motorem hujus fanatici machinamenti certe alium non reperio

Motus perpetui exhibitio.

Motus perpetui vanitas.

rio, nisi eum, qui insolentium hujusmodi hominum cerebrum in innumeras superstitiones movet & exagitat, *Paracelsum. Drebelium* simile quid machinatum fuisse, jam dudum novi, sed qualenam illud fuerit, cum alibi exposuerimus, hic iterare nolo.

EXPERIMENTUM IX.

Elementorum sphaeras in phiala representare.

Elementorum in phiala exhibitio.

Duplici ratione hoc technasma intelligendum est: primò ut elementa circa centrum convoluta perfectè elementarem sphaeram æmulentur, vel ut liquores intra cylindraceam phialam conclusi, unus alteri horizontaliter & *παρὰ πλάτος* supernatent. Prius fieri non posse *Libro primo de Centrosophia* fusè demonstravimus, cum extra centrum terræ aliud centrum cum circumglobatis sphaeris elementaribus fundare, omnem Angelorum hominumque potentiam excedat, opificium non nisi D E O reservatum. Alterum verò nullo pænè negotio fieri posse *Libro Tertio Artis Magnetica* multiplici experimentorum exhibitione ostendimus.

Sed obijcient hoc loco nonnulli meam forsàn in rebus naturæ imperitiam, dum concentrationem liquorum Naturæ negare præsumptuosius audeo, quod Natura quotidie fieri posse demonstrat. Quid enim aliud sunt guttæ aquarum, nisi sphaerulæ quædam, quæ extra centrum terræ conglobationis suæ centrum habent? quod & in Mercurio supra tabulam marmoream effuso, ac mox in innumerabiles globos mobiles diffisso luce meridiana clarius apparet. Respondeo, verissimum esse hujusmodi liquores in globulos concentrare, quod naturæ id contrarium minime sit, imò valdè Naturæ congruum: cum enim guttæ in sicco conglobentur, minime vi centri id fieri censendum est, sed ratione humidi, quod ex se & sua natura siccum refugit, dum enim sicco obsistente humidam

in planam superficiem se diffundere nequeat, ut in globulo quid simile attollatur, necesse est, quod in Mercurio, quem & aquam siccam, & quæ manus non lavet, ob internæ siccitatis vim luculenter apparet, siquidem homogeneæ Mercurii partes ad se contra siccitatem fortissime tuentes, ne dissolvantur, in unionem, quæ nisi in forma globosa fieri non potest, sic natura requirente conglobare coguntur, ubi tamen frustra quis sibi centrum imagnetur, circa quod ejus vi conglobantur; imò si vi centri hæc fierent, non est ratio, cur magna mercurii copia vel intra vas contentum aut in tabulam diffusa, non statim in perfectum globum coiret, quod tamen experientiæ repugnat, cum intra phialam contentus mercurius, non secus ac reliqui liquores planam exhibeat superficiem, uti & in tabulam effusus magna copia; quod verò minimæ quædam particulæ in hujusmodi liquoribus in globulos statim conformantur, id fieri censere debes, non vi centri, sed uti dixi, vi sicci, quod uti naturaliter tanquam contrarium refugit, ita quoque cum circumfistente siccitate se diffundere nequit, ob leve minimæ molis pondus in globum sese facile conformat, & quotidiana experientia in poculis apparet, in quibus liquores ad margines scyphi in tumores attolli videntur, dum intermedia liquorum mole prempuntur. Aliter res intelligi debet de conglobandis circa proprium centrum, haud secus uti in elementari sphaera contingit, liquoribus in vase quodam vitreo contentis; hoc enim, quicquid sibi somnient Alchymistæ, fieri non posse, imò apertam contradictionem involvere ex eo patet, quod in dicto vase liquor igneus suprà levissimus, in inferiori circulo, gravissimus foret, & sic de cæteris aquam, ærem experimentibus liquoribus idem judicium esto; Quæ omnia quàm perabsurda esse, quis non videt? Sed hæc omnia hic proponere volui, ne quispiam imposterum malè me Philosophatum dicere possit.

Cura aquæ & mercurii in globos conformantur.

C A P U T VII.

Canones Anacephalæotici, quæ Artis in operationibus Chymicis dirigantur, quibusque operationes veræ à falsis distinguantur, tum ex Authoris, tum aliorum rectè sentientium Chymicorum mente.

C A N O N I.

De Solventium seu menstruorum natura & facultate.

Universa Chymiurgia, uti jam sæpe dictum fuit, in triplicem Naturæ Monarchiam sese extendit: Animalium, Vegetabilium & Mineralium; quorum singula ex tribus proximis Naturæ principiis, Sulphure, Mercurio, Sale, sive quod idem est,

Oleo, liquore & terra componuntur, forma, pondere, consistentia, proprietate, actione & virtutibus inter se distincta. Quæ omnia absque ignis sive actualis, sive potentialis ministerio dissolvi & in differentes formas immutari nequeunt: qui uti semper calidus & siccus est, ita quoque fieri non potest, ut contrarium sibi, id est, humidum, quo caret producat, neque ulli rei naturæ siccæ & aridæ formam liquidam & aquosam dari possit; prout multi per-

peram

peram opinati sunt, dum ignem humidum dicere non sunt verecundati; verum hanc opinionem, à nobis alibi fufius confutatam vide. Ignis activum rerum omnium principium, undè res cunctæ, quæ igni subjiciuntur, alterari, & de naturali sui temperamenti statu dejici, necesse, exceptis auro, asbesto similibusque, quæ uti dictum est, ignis qualiacunque tandem tormenta invictè sustinent; reliqua verò uti metalla facile, facilius vegetabilia, facillimè animalia ab igne dissolvuntur; quæ omnia dependent à compactione corporum, quæ quantò fuerint fixiora, tantò difficilius, quantò minus compacta, tantò facilius dissolutionem partium subeunt.

C A N O N II.

De Solventibus seu menstruis liquoribus.

OMnes illi liquores, qui fixorum compactorumque corporum vim attenuativam & dissolutivam habent; solventia dici possunt, quæ in tria genera rectè subdividi possunt; ita ut alii sint liquores aquosi & insipidi; alii acres & corrosivi; alii denique pingues & oleosi. Prioris generis sunt omnes aquosi illi liquores insipidi, qui vegetabilibus animalibusque superaffusi per decoctionem infusionemque non tam dissolvunt, quàm molliunt, & ad tenuissimam substantiam deducunt.

Solventia
menstrua
quid præ-
stent.

Secundi generis verò acres & corrosivi liquores vi spirituum acrium omnia corpora metallica & lapidea dissolvunt, & sine hujusmodi nullus lapis aut metallum solvi potest, omniaque corpora vel accidentaliter transmutant, vel in liquores aut pulveres subtilissimos, vel similes substantias redigunt, cujusmodi sunt omnia aquarum fortium genera, aceta, & qui mitius agunt, varii plantarum fructuumque succi, uti paulò suprà docuimus; undè metalla, lapides cæteraque mineralia, marchesitæ, pyritæ, uti & conchilia mox ubi per hujusmodi corrosivos liquores dissoluta fuerint, simplicia corpora esse desinunt, & in compositorum numerum conscribuntur: qui tamen mox atque ab iis liberantur, tum enim & illa postliminio ad priorem solidam consistentiam deposita liquiditate redeunt; exempla in præcedentibus dedimus.

C A N O N III.

Amicitia
& odium
in solventi-
bus.

ESt & in solventibus mira quædam sympathia & antipathia observanda; alia enim solventia in formam liquidam redacta, resolvunt, alia in pulverem subtilissimum ea præcipitant; nonnulla unum corpus solvunt, aliud intactum relinquunt; salia quæ amica sunt mercurio, inimica sunt sulphuri; undè rectè concludo, nullum menstruum universale, uti Alchymistæ de Alcaest suo depræ-

dicant; assignari posse, cum tot litibus discordiisque sibi invicem contraria deprehendantur; multò minus tale dari potest, quod naturales eorum vires & proprietates integras in una essentia comprehensas extrahere queat. Omnes spiritus acidi possunt in formam scissilem condensari, coagulari, & in pulverem converti, quidam etiam ita figi, ut examen ignis validissimum sustinere valeant; Undè facile Philosophi in rationem compositionis eorum devenerunt: menstruis verò sulphureis, sive oleosis & combustibilibus nullum intercedit cum metallis & lapidibus commercium: Undè ii qui metalla, lapides, gemmas in spiritu therebintino, aliisque oleis stillatitiis solvere, & tincturas inde extrahere se posse gloriantur, pro veris impostoribus habendi sunt: pari pacto, qui spiritus vini beneficio etiam lignosas & resinosas substantias solvant, metalla tamen sine liquore corrosivo dissolvere non poterunt: Undè quicquid ex metallis vini rectificati ope extraxeris, tinctura minime dicenda est, sed menstruum, quod posuisti, pura vini substantia, nonnihil quoad colorem ex corpusculis metallicis alteratum; quod & de menstruo aceti distillati dictum sit.

Alcaest
non est
men-
struum
universale.

Effectus
spirituum
acidorum.

Lapides
oleosis non
solvuntur.

C A N O N IV.

Sunt liquorum quidam, qui affusi corporibus quibusdam mineralibus, varios pro diversitate mineralium colores acquirunt; Undè imperiti putant, hanc propriam tincturam esse ex dictis corporibus extractam, in quo plurimum hallucinantur, cum merè per accidens illis hoc contingat, ut suprà diximus. Aquæ tam vegetabilium, quàm animalium, ut rectè sese habeant, ante distillationem prævia digestionem & conveniente maceratione indigent, quæ tamen distillatio sine ullo alterius liquoris additamento perfici debet, cum aqua illius juncta ad putredinem disponat, virtutesque iis insitas penitus destruat: aqua quæ in horum distillatione exit, melior est, quàm quæ ultimò, illa ob corporis facile solubilis conditionem, hæc ob pertinaciam, qua corpori inhæret; ut in vini distillatione patet, in quo melior ille spiritus est, qui primò exit, pejor ille, qui ultimò exit, cum purum phlegma sit: In aceto tamen res aliter se habet, in quo phlegma primò exit, spiritus ultimò, ob rationes paulò ante dictas: sunt enim quædam sulphura adèd subtilia & volatilis naturæ, ut additâ aquâ salvo odore & sapore nativo facile à suis corporibus separari queant; contrà quædam ita crassa, terrestria & ponderosa, ut sine empyreumatis nota non distillantur, undè pessimum sæpe retinent odorem nulla arte emendabilem.

Diversi
solven-
tium colo-
res exami-
nantur.

Vini &
aceti mira
in distilla-
tione pro-
prietates.

C A N O N V.

C A N O N V.

Tartari solutio.

Tartari hypostasis & sedimentum, si prædominium spectes, sal quoddam vegetabile est, terræ cuidam tenuissimæ seu parti lutosæ, quam vitis ad se attrahit; quod uti pro diversitate terreni vitiumque in eo plantatarum, vinorumque ex uvis expressorum diversum est, ita quoque diversis proprietatibus pollere censendum est; undè ex vinis nobilioribus defæcationibusque nobilioribus tartarum, quàm illud, quod ex iis vinis, quæ variis mineralium quisquiliis infecta sunt, educitur, variis autem sordibus terrestribus vinum infectum esse, experientia docet; Nam etiam si illud ritè depuratum fuerit adeoque crystalli adinstar lucidum, non tamen ideò sal purum putumque censi debet, uti salia ab aliis vegetabilibus extracta, sed habet adhuc sibi nonnullam terrestrium portionum miscellam, quod inde experientiam fumentum patebit: Nam neque in aqua frigida, uti cætera salia, liquefit, & si igni committatur, aqua unà cum oleo exibat; ex calce vero in fundo residua sal paratur albus & corrosiva nescio qua facultate imbutus, quod in loco frigido & humido expositum, per deliquium in unctuosum liquorem resolvitur, quem perperam nonnulli oleum tartari dicunt, cum tamen nil aliud, quàm sal tartari resolutum sit; Quemadmodum vero tartarum vini quoddam veluti fermentum est, ejusque sal natura sua terrestre & spongiosum, ita quoque ab omnibus liquoribus, quibus jungitur, acres spiritus ad se attractos imbibit, & cum iis sese penitissime unit; atque ea de causa potentissimum menstruum eorum quæ tum metalla, tum etiam corpora reliqua in pulveres resolvunt, omnium opinione censetur; cum mercurio tamen solo graves inimicitias exercet; hic enim etiam si ita figatur, ut etiam fortissimum ignem sustineat; si tamen eidem vel modicum tartarei salis junxeris, ac denuo igni commiseris, mercurius peregrini hospitis adventu perterritus, mōx in pristinam formam redivivus profiliet, quod pulcherrimum sane & unicum examen est, quo falsitas & impostura eorum, qui mercurium in argentum se figere posse, impudenter gloriantur.

Experimentum pulchrum.

C A N O N VI.

Salis Ammoniaci menstruum.

Experimentum.

Sal Ammoniacum duplices habet suæ compositionis partes: videlicet ex sale volatili, quod in fuligine lignorum, sanguine, venisque animalium subinde invenitur, & ex sale communi; quod hoc experimento constat: Accipe salis volatilis cum debita salis communis quantitate, quæ si ritè commiscueris, sal inde ammoniacum ejusdem rationis cum sale ammoniaco vulgari conficies. Cum itaque sal ammoniacum ex tam acutis

subtilibusque substantiis confletur, nemo mirari debet, spiritum nitri aliasque aquas ita ab eo exacui, ut aurum in liquorem transparentem resolvant, uti in præcedentibus ostensum fuit; Est & hoc admiratione dignum, quod metallis cæterisque mineralibus mixtum, sub forma subtilissimæ fuliginis in alembicum ascendat in nullum liquorem resolubile, nisi forsan alius ipsi liquor accesserit. De Nitro ejusque mirificis viribus hîc, quam amplissime discurrendum foret, nisi id in *Sexto Libro* præstitissemus, quare eò *Lectorem* relegamus.

Salis & mercurii experimentum.

C A N O N VII.

Quæ verò mediam naturam inter ossa & lapides sortita sunt mixta, sunt corallia, perlæ, uniones, oculi cancri, mater perlarum, omniaque conchyliæ, aquam in se oleumque combustibile non secus ac ligna cæteraque vegetabilia continent, etsi non adeò copiosum. Horum cinis etsi calci lapidum, & salibus vegetabilium quoad externam speciem similis sit; sal tamen inde extrahi nullum potest, neque in grana compingi, uti multi imperiti naturæ putant; est enim quod inde prodit, nihil aliud, quàm substantia quædam terrestris gustui calcis haud dissimilis; unde consequenter hallucinantur, qui hujusmodi corpora cum spiritu aceti in forma salina præparata sal corallorum perlarumque putant, & improprie vocant; cum revera proprie sint corpora integra soluta, quæ beneficio spiritus aceti sub tali forma adhaerescens subsistant; unde solummodo vi menstruum acrium, quæ dum dicta corpora penitissime subeunt, unà quoque in pulverem dissolvunt, nulla eorum perdita substantia.

Coralliorum, perlarum, conchyliarum & lapidum pretiosorum solutio.

Nos in nostro Collegio tincturam corallorum sine menstruo solvimus, corallis primò contritis, & intra vesicam positis forti igni urgemus, unde paulatim spiritibus separatis subruffa materia liquida exit instar picis; quæ deinde collecta & spiritu vini denuò per retortam extracta, tincturam dat adinstar rubini fulgentem; atque hanc pro tinctura corallorum vera utimur; quamvis sedimentum quod post se relinquit, nil aliud esse putem, quàm eandem coralliorum substantiam, quam imposueramus: adeò difficile est, id in tincturam veram & realem dissolvere; quod naturâ tenax à se separari non vult; Idem de lapidibus pretiosis dictum sit; qui enim eos vehementissimo igni cum sulphure, nitro aut aliis salibus stratificatos calcinant, & postea eorum substantias in liquorem reducere satagunt, multum hallucinantur; cum destructâ eorum per calcinationem substantiâ uti naturale temperamentum prorsus dissolvitur, ita quoque unâ virtutes ejus disperdi & destrui necesse sit; qui verò ex calcinatis hoc modo lapidibus pretiosis salem se extrahere autumant,

Iii 2

pari-

pariter hallucinantur; cum istiusmodi sal non ex lapidum substantia extraxerint, sed id ipsum sal sit, quo lapides calcinati fuerunt, facultatis oppidò corrodentis; cum tamen huiusmodi impostores id pro magisterio olei, salis, essentiaque perlarum venderè non erubescant; par eorum error est, qui ex crystallo oleum extrahere annuntur.

C A N O N VIII.

Asbesti.
Talcum, simi-
liumque in
oleum re-
ductio.

Fuerunt, & in hunc usque diem inveniuntur pseudotechni, qui Asbestum, Talcum & similia in oleum resolvere se posse jactitant, & ut clarius huiusmodi hominum fucus appareat, addam quod non ita pridem contigit: Ferebat nonnullus similium cinisflorum phialam, quâ contineri dicebat oleum talci verum & legitimum, adeoque superciliosè tanta cum pertinacia suum tuebatur errorem, ut nullis argumentis ab eo se divelli pateretur, tandem ipsi proposui huiusmodi enthymema: Vel oleum quod tu promittis, verum & ex vera talci substantia extractum est, vel non: priorem uti affirmabat, ita mihi quoque negativam probare incumberebat: Itaque hoc pacto urfi: Si verum & naturale oleum est, illud utique, quemadmodum omnia cætera olea inflammare poterit. Utique inquietabat: ego verò, hoc nisi experientiâ probari non posse resumebam, ab eo itaque in pharmacopœium abducto petebam, ut filum bombacynum tunc casu mihi obvium oleo suo inungeret, quod non illibenter præstitit; Lumine itaque allato filum igni quibuscunque tandem modis appositum inflammari non potuit, quemadmodum filum aliis oleis imbutum in momento inflammabatur; Undè ab omnibus conclusum fuit, illud oleum non nisi nomine tenus oleum dici, revera tamen aquam, quocunque tandem modo calcinando Talco additam, & consuetis mulierum fucis adhiberi solitam fuisse; undè confusus insalutato hospite sese subripuit; præsertim cum talcum in oleum igni calcinari non posse demonstrarem. Quod autem de Talco diximus, id multo majori jure de Asbesti invicta in igne resistentia dici potest. Undè mihi semper ridiculum Chymicorum molimen visum fuit, qui Asbestum Talcumque in vitriaria fornace vehementissimis ignium tormentis vexatum calcinari posse putant, & quod stultum videri possit, ab iis liquorem sollicitare, qua etiam dum cruda adhuc erant, privabantur: atque adeò quod non habebant post calcinationem jam destructa substantia ab iis unà verum, genuinum & inflammabile oleum educere. Quod tamen si præstiterit quispiam, illum ego secretorum omnium maximum, lapidis Philosophici mysterio multo excellentius utiliusque invenisse dico; cujusmodi est, ignis perpetuus, circa cujus inventionem non minus quam circa lapidis Philosophici arcanum,

Asbestus
in oleum
reduci non
potest.

Fuci de-
tectio.

jam tot ingeniorum Phœnices irritò labore defudarunt. Non nego tamen Talcum, Asbestum & similia vehementi igni in calcem resolveri posse, cum illa vitreæ testæ imposita, & superiora ad foramina fornacum, ubi vehementissimæ flammæ æstus est, facile in calcem resolveri hic Romæ viderim oleum tamen inde extractum nunquam audivi. Verum qui plura de indomita Asbesti natura nosse desiderat, is adeat *Decimum Librum*, ubi ejus naturam plenè expositam reperiet.

C A N O N IX.

Pari pacto hallucinantur illi, qui se per distillationem oleum ex sulphure essentielle extrahere posse putant: etsi enim sulphur minerale ad ignem resolvatur, & ob pinguedinis unctuositatem inflammari possit, experientia tamen nos docuit, illud quod per distillationem in fundo recipientis remanet, non oleum, sed purum putum sulphur esse, purius tamen & à quiescentiis terrestribus magis per ignem depurgatum; imò ejusdem substantiæ, quàm quando illud alembico imposueras, quod non fieret, si in oleum resolutum fuisset; hoc enim statu non esset amplius in pristinam substantiam reducibile: neque etiam acida illa substantia, quæ per alembicum ab eo separatur, oleum est, sed sal ejus fuliginosus, qui fumi adinstar in caput alembici ascendit, ibique in liquorem resolvitur, quod si oleum esset, id utique inflammari posset, quod experientiæ repugnat. Dico nihilominus, liquorem illum, qualiscunque tandem is fuerit, nonnulla virtute specifica corpusculorum sulphureorum imbui, atque hoc pacto effectum suum in medicina præstare.

Oleum
sulphuris
reale non
datur.

C A N O N X.

Errant pariter illi, qui ex Antimonio tincturam essentialem extrahere se posse putant; verumtamen cum constet, antimonium compositum esse ex sulphure combustibili, mercurio fusili & fuliginoso, & sale quodam vitrificante, in eo tinctura essentialis non est ab hisce substantiis distincta, undè varios colores, quos subire potest, non tam antimonio, quàm igni potissimum adscribi debent: haud secus quàm cum ex mercurio, sale & sulphure invicem mixtis ac concorporatis pulvis rubicundus, quod cinnabrium vocamus, confici solet; quod tamen ipsum non obstat, quo minus iterum separari, ac mercurius in pristinam suam formam redire queat: à corpore itaque, quod in eo non est, separare, frustraneum esse, quis non videt? Virtute tamen antimonii imbui, uti paulò ante dixi, non negarim; quemadmodum magnes ferro virtutem suam sine ulla substantiæ diminutione communicat.

C O N.

CONSECTARIUM.

Quomodo metalla
& lapides
confideranda sint.

EX hisce patet, ex metallis & mineralibus calcinatis magisteria vera & essentialia vix extrahi posse, sed totam virtutem eorum non tam menstruis, quam virtuti naturali adscribendam esse, atque adeo esse mere composita. Nota tamen hoc loco, sub duplici ratione metalla consideranda esse. Primo metalla & reliqua mineralia, quæ ex metallis participant, uti ex se & sua natura fusilia sunt, ita quoque in suam primam formam reduci possunt, uti in præcedentibus variis passim experimentis ostensum fuit. Secundò sunt lapidosæ substantiæ, quæ in calcem resolutæ nunquam in eundem statum reduci possunt; marmor enim in calcem reductum in marmor genuinum restitui nequit, horum verò substantia per ignem actualement destructa, virtutes eis inditas destrui necesse est, aliis inde è re nata resultantibus; unde & ulterius patet, magisteria metallorum lapidumque per menstrua extractorum virtutem non habere, nisi ex corpusculis insensibilibus à toto abrais & menstruo commixtis, qui tum calore ignis nunc hunc, nunc illum colorem assument, salium chromatica facultate cooperante. Unde item, uti diximus patet, per ignem calcinatas res una cum virtutibus destrui; non item si per acerrima menstrua dissolvantur; in his enim reductio datur, non in illis jam mortuis, quamvis uti aliam formam acquirunt, ita quoque virtutibus non penitus privantur, uti jam ostendemus.

EXPERIMENTA

Circa dissolutionem corporum.

Mors seu Mortificatio metallorum, inquit *Paracelsus*, est ablatio compaginis corporis ipsorum & sulphurea pinguedinis, qua ipsis multis modis adimi potest, vel per calcinationem, reverberationem, resolutionem, cæmentationem, &c. Si mors est & dissolutio totius compositi, id non amplius esse, quod erat, necesse est; utpote per corruptionem in aliam formam transmutatum; uti rectè *Aristoteles*, & cum eo universus Scholasticorum Senatus docet: hanc autem corruptionem maxime calcinatione per ignem fieri, jam multiplicibus rationibus ostendimus: si verò metallorum calcinatio fiat vel per sal, vel per sulphur, vel per aquas fortes, aut per mercurium vulgi, Dico corpora tantummodò in calcem aut pulverem dissolvi, sine ullo substantiæ detrimento, cum in id quod fuerunt, iterum reduci possint; & experimento patet: Si metallum tenuissimas in laminas reductum, sale, ut chymicè loquar, stratificetur, cæmenteturque, id in calcem quidem abibit, ita tamen, ut reduci in pristinum statum metallum possit. Idem dicendum, si per sulphur, si per aquas fortes quaecunque tandem metallum dissolvatur; dissolutio enim hæc non est proprie

dicta corruptio, aut destructio radicalis five essentialis, uti per ignem fit, sed accidentalis tantum: Nam acrimonia menstruorum metalla in minutissima quædam corpuscula ita dissolvuntur, ut tamen singula virtutem & qualitatem totius retineant; quæ uti naturali appetitu & sympathia ad totum feruntur, ita quoque menstruis abstractis in id, quod fuerunt, redeunt; cum verò non secus ac totum miris virtutibus referta sint huiusmodi corpuscula, non est dubium, illa per frequentem sublimationem deposita menstruorum acrimonia paulatim mitescant, atque adeo apta fiant ad morbos etiam gravissimos propulsandos remedia, præsertim si spiritu vini generosi eorum tinctura extrahatur: cum enim corpuscula virtute totius polleant, illa menstruo commista virtutem suam eidem facile communicare non est dubium. Sequuntur Calcinationes ex *Paracelso* desumptæ.

EXPERIMENTUM I.

De Calcinandis metallis per Mercurium.

Mercurius vulgi in terreo vase ventricoso inferius, superius angusto in igne carbonum ponatur donec fumare, & instar albæ nebulæ ex ore vasis egredi incipiat: hoc observato, metallum in subtiles laminas reductum ori vasis imponatur; hoc pacto mercurialis vis metallum penetrabit, & instar calcis friabilem reddet. Idem eveniet, si metallum in grana diminutum cum mercurio, ut Chymicè loquar, amalgametur, & deinde per corium mercurius exprimatur, & exeunte mercurio metallum intra corium remanebit instar calcis, seu arenæ: quod fusione in suum iterum statum perducere potest.

EXPERIMENTUM II.

Crocum Martis conficere.

Ferrum in Crocum Martis reducitur hoc modo: Laminæ chalybis candefactæ in optimo vini generosi aceto extinguantur, donec acetum intensam rubedinem contrahat; hoc observato, ex commixtis omnibus aceti humiditatem distillatione subtrahes, residuum in fundo in pulverem sicca, & habebis exquisitissimum Crocum Martis. In Collegio Romano aliter fit Crocus Martis hoc modo: tenuissimas chalybis laminas cum sulphure & tartaro æquis partibus stratificant, quæ reverberata nobilem Crocum Martis præbent, qui ex laminis abradi debet.

EXPERIMENTUM III.

Ex Cupro Vitriolum extrahere.

Illinentur laminæ cupri aqua salis, aut salis petrae, & suspendantur in aëre, donec viridescant; hoc viride aquâ fontanâ elue; laminas panno abstergas, & denuo dictâ aquâ illas imbue uti prius; & sic procedes usque dum

Primus
modus; ex
Cupro Vi-
triolum
extrahere.

Alius mo-
dus.

Aquæ salis
petræ puri-
ficatio.
Salis Am-
moniaci
in aquam
resolutio.

dum aqua in bona quantitate intense vire-
scens vitrioli portiones in supremam emit-
tat; hanc aquam separatam distillatione ab-
strahas, & invenies in fundo optimum vitrio-
lum medicis usibus aptum. Alchymistæ verò
vitriolum hoc modo separant: Aqua forti,
aut regia, vel sale ammoniaco laminæ cupreæ
suspendæ inungantur, & ubi virorem prodi-
derint & exiccata fuerint, piloso penicillo
rasura deterfa optimum dabit vitriolum; &
hoc pacto semper procedes, donec laminæ
prorsus consumantur. Aqua salis petræ purifi-
catur, si salis petram in visca bulliente resol-
veris. Sal Amoniacum in aquam resolves, si
calcinatum supra marmore in loco humido
& frigido per deliquium resolveris.

EXPERIMENTUM IV.

Ex cupro aruginem sive æs viride educere.

Croci ve-
neris con-
fectio.

Crocus ve-
neris.

IN laminas reductum Cuprum cum sale,
sulphure & tartaro æquis partibus simul
trititis commixtisque stratificetur in tigillo,
quod 24 horis reverberium sustineat ignis
fortis, ita tamen, ne laminæ liquefiant;
deinde tigillo fracto laminas exemptas cum
adhærente materia aëri aliquot diebus expo-
ne, & convertetur materia in laminis in
pulcherrimum æs viride, cujus magnus in
auro argentoque tingendo usus est. Æs vero
ustum, quem *crocum veneris* vocant, subli-
mabis; laminæ cupreæ sale una cum optimo
aceto in pulvem redactæ inungantur, deinde
tigillo imposito per quadrantem horæ forti
igni, ita tamen ne fluant, in furno ventoso
urantur. Candentes laminæ in aceto (in cu-
jus una libra semiuncia salis ammoniaci ad-
iuncta sit) restinguantur, squamasque, quæ
post extinctionem laminis adhæserint, intra
acetum projicito, & hoc usque ad lamina-
rum consumptionem identidem repetes; de-
inde vel distillando, vel seipso in aperto va-
se evaporando abstrahatur acetum, & inve-
nies in lapidem conversum cuprum, qui est
genuinus crocus veneris.

EXPERIMENTUM V.

Cerussam ex plumbo conficere.

Cerussæ
confectio.

Laminas plumbi suspende in olla invitria-
ta supra acetum forte ex vino generoso,
olla optimè, ne exhalet, obturatâ: hanc
ollam pone in cineribus calidis; tunc intra
decendium optimam cerussam laminis adhæ-
rentem reperies, quam piloso penicillo de-
terges ad usum: atque hoc repetes donec
laminæ consumantur. Si vero aceto nonnihil
salis ammoniaci adieceris, hebebis cerussam
splendidissimam, plumbo cuproque deal-
bando aptissimam.

EXPERIMENTUM VI.

Vitriolum ex auro educere, ex Paracelso.

Quamvis superius aurum indissolubile di-
xerimus, cum tamen *Paracelsus* ex eo

vitriolum & sulphur extrahi posse dicat ma-
gni pretii, & usus tum in medicina, tum in
transmutatoria arte: utrum hoc fieri possit,
jam disquirendum est: Extractio vitrioli ex
auro ita fit.

Recipe auri obrizi duas aut tres libras in
laminas deductas, quas supra salem ex urina
extractum, quod ipsi *puerorum urinam* vo-
cant unâ cum spiritu vini, quas ille filipas
vini more suo dicit, suspendes in ampla cu-
curbita vitrea bene figillata, & in fimo equi-
no, seu vinaceorum calore defossas 14 die-
bus digerendas relinques; quibus evolutis,
cucurbitam aperies, & invenies aureis lami-
nis adhærentem farinæ adinstar pollinem,
quem deterges; est enim hoc auri vitriolum,
qua decocta cum aqua pluviali distillata prius,
tam diu spatula agitabis, usque dum sulphur
auri in superficiem aquæ elevatum instar sevi
compareat; quod colliges, & tandem aqua
ad ficcitatem usque abstracta, prodibit vi-
triolum auri desideratum virtutis diaphoreticæ
ad miraculum usque. Quæritur modo, Aurum in
vitriolum
reduci ne-
quit.
utrum hoc vitriolum sit quidpiam ex auri sub-
stantia eductum? Respondeo quod non: cum
enim aurum nulla ignis violentia destrui pos-
sit, multò minus urina puerorum id calcinari
in vitriolum posse, quis non videt? Dico
itaque has esse efflorescentias quasdam ex
urina natas & aureis laminis inhærentes; cu-
jus rei indicium hoc est, quod si millies hanc
operationem repeteres, aureas tamen lami-
nas in eodem semper statu sub eodem semper
pondere perstituras, experientiâ nobis con-
stitit. Si itaque nil aliud auro decedat, certè
illud quod laminis adhæret, ex auri substan-
tia eductum esse non potest; aliundè itaque
illa farina, utique non ex alio, nisi ex salis
uti *Paracelsus* vult, urinarii decoctione lami-
nis aureis adnatas necesse esse, quod tamen
vitriolum ita more suo exaltat *Paracelsus*, ut
sibi ingentes indè divitiarum thesauros pro-
mittat, uti per sulphur fixum, quod hoc
modo parat: Primò acetositatem ab ea per
triplicem distillationem abstrahit usque ad
dulcedinem, nullo amplius factoris relicto
vestigio: Deinde hoc reverberat primo in
colorem album, postea in rubrum cinnabaris
adinstar, & habebis sulphur fixum tantæ vir-
tutis, ut quamlibet lunam in aurum, & cor-
pus humanum in summam sanitatem & vitæ
longævitatem ultrà quàm scribere liceat (ita
enim loquitur) convertat. Verùm cum in *XI*
libro hæc affanias convellerimus, *Lectorem*
illuc remitto, ubi fucosas merces uberrimè
apertas reperiet, si *Paracelsus* huiusmodi se-
cretum medicum & instaurativum vitæ sci-
visset, certè paulo longius ultra 50 annos,
quibus vixit, vitam traducere potuisset.

Sulphur fi-
xum.

P A R S II

ARS METALLOSTATICA,

SIVE

De Arte, qua per scientiam ponderatricem mixtura metallorum mineraliumque cognosci certò possit, unà cum ponderatione humiditatis, siccitatis, in unoquoque mixto tam minerali, quàm vegetabili animalique inexistentis.

CAPUT I.

Quo Auri mixtura declaratur.

IN Undecimo Libro ostendimus summam Auri bonitatem non excedere 24 Carattas, ut vulgò vocant, appellantque aurum purum; infra verò 24. non aurum purum dicendum est, sed mixtum: Qualitas enim auri in quovis corpore exprimitur, partibus auri puri, quæ sunt in ipso corpore non in magnitudine, sed in gravitate sumptis, qualibus totum corpus constat 24. Sed rem exemplo declaremus. Sit corpus aliquod aureum v. gr. 24 unciarum, quod ritè & legitimè expurgatum ab iis, quibus miscebatur, reductum sit ad 20 uncias, reliquum verò cujuscunque speciei metallum fuerit, in fumum abierit: Dico, corpus illud 24 unciarum non fuisse purum aurum 24 caratt. sed 20 tantum, eò quod tota illa massa mista auri puri 20 tantum uncias habuerit; imò non solum illa massa auri, sed etiam illa cujus ipsa fuisset pars, vel quæ ipsius fuisset quæcunque pars, dicetur 20 partium; ita quidem ut unaquæque pars auri puri quantumvis minima dici possit particula auri 24 carattarum, neque enim in alligationibus metallorum, alia est alligatio partium, alia totius, sed utrorumque una eademque est qualitas. Et hoc est, quod Aurifices in investigatione qualitatis auri observant: Non enim purificant totum aliquod corpus auri propositum, sed minimam ejus particulam ad auri puri qualitatem reducunt; hæc enim reducta non solum rectè definiunt, cujus fuerit qualitatis, & quot partium illud corpus, à quo illa particula detracta fuerit, & illud quod adhuc superest diminutum scilicet illa parte purificata, uti in anteposito exemplo patuit. Decoctione enim uncialis particula ad aurum purum facta, si invenerint ex puriori gravitate uncialis particulæ auri, quam expurgandam sumpserant, deperisse nihil, statim inferunt, non hanc solum particulam, sed & totum corpus, ex quo particula detracta fuerat, aurum purum esse 24 caratt. si verò gravitatem assumptæ unius uncix particulæ diminutam prehenderint, v. gr. quæ ante

expurgationem fuerit 24 scrupulorum, modo verò sit 20 scrupulorum. tunc inferunt propositam auri massam esse 20 Carattarum; reliquum verò esse ex aliis metallis commixtum. Nam cum in hac comparatione qualitatum seorsim habeatur ratio partium auri & seorsim metallorum alligatorum; clarum est, si totius corporis gravitas in 24 partes æquales divisa intelligatur, ex quibus 20 sint auri, duæ argenti, & duæ æris, quamlibet partem auri cum qualibet parte argenti minorem partem æris, eò quod aurum omnia reliqua metalla gravitate superet, uti & argentum ipsumque æs, quemadmodum experientia docet. Inter varias verò & multiplices auri compositiones, quibus cum aliis metallis alligari potest, eam retinere aurifices & collybistæ, omnium consensu aliis quibuscunque commodiorem, quæ ab auri similitudine minimè dissidet, qualis est æris & argenti mixtura; quæ tamen quoad gravitatem semper debent esse æquales. Accipiunt itaque dicti Collybistæ auri puri cujuscunque qualitatis five gravitatis tot partes, quot partium futurum est aurum producendum, pauciores tamen partibus 24. & reliquas partes suppleant ære & argento, sumendo ex utroque partes æquales in gravitate, atque hisce commixtis inter se producant aurum desideratæ qualitatis, eamque denominant à partibus auri puri in mixtione assumptis, interdum tamen semper aliquid plusculum argenti & æris admiscunt, casu, si ex hisce nonnihil in fusione deperderetur. Atque hoc pacto 23 partes auri puri requirunt $\frac{1}{2}$ argenti, & $\frac{1}{2}$ æris, ut massa ad 24 pertingat. In massa verò auri puri 22 partium requiritur una pars argenti & una pars æris, & sic de cæteris.

His itaque ritè expositis, jam videamus, quomodo nova hac metallostatica, quantum in qualibet massa aurea insit tum argenti, tum æris, explorare valeamus. Suppono itaque primo ex *Getaldo*: aliam gravitatem esse auri in aqua, aliam in aëre, quod idem de argento

Quomodo
Carattarum
ratio
intelligenda
sit.

Æris & argenti mixtura optima auro alligata.

Quantum auro insit argentum explorandum.

gento & ære statuendum est; in aqua enim metalla minus gravitant, quam in aëre. Hoc posito ex *Getaldo* & *Marsenno* suppono, quod

Auri puri gravitas, quæ est in aëre 19. erit in aqua 18.

Argenti gravitas, quæ in aëre est 31. in aqua est 28.

Æris gravitas, quæ in aëre est 9. in aqua erit 8.

Proportio-
nes auri,
argenti, æ-
ris ad gra-
vitatem
aquæ.

id est, Aurum ad aquam se habet in gravitate ut 19 ad 1. Argumentum ad aquam ut 31. ad 3. & æs ad aquam ut 9 ad 1.


Ex quibus clarè patet, si aliquod corpus mixtum constet partibus æqualibus argenti & æris in gravitate, quantam gravitatem in aqua, quantam in aëre habeat. Verum ut modus, quo quis dicta in aqua librare possit, cognoscatur, eum compluribus paradigmatis exponam.

Hydrostaticâ quadruplici modo pondera-
rerum quarumcunque ponderari solent.

1. vel enim corpora homogenea in aquis homogeneis —
 2. vel corpora homogenea in aquis heterogeneis —
 3. vel corpora heterogenea in liquoribus heterogeneis —
 4. vel corpora heterogenea in liquoribus homogeneis —
- ponderari solent.

Nos ad confusionem vitandam, duobus modis hoc loco tanquam proposito nostro magis congruis utemur, *Getaldum* in omnibus ferè secuti.

Nota primo, corpus metallicum quod ponderandum proponitur, appendatur seta equina ad unam lancem, in altera lance ponatur pondus, & corpus metallicum ponderandum dimittatur intra aquam vasi conclusam; ita ut in aqua liberè pendeat, & ut lancem aqua non contingat. Sit libra A B. librile C D. lanx G. in convexitate sua un-




cinum habeat insertum, ex quo ponderandum corpus metallicum H, setæ equinæ alligatum dependere possit, atque intra vas I. aquâ plenum dimitti. In lance E. ponantur pondera: huiusmodi libra quæcunque corpora metallica facili negotio ponderaveris.

Quomodo
corpora in-
tra aquam
ponderan-
da sint.

Dixi setâ equinâ corpus ponderandum debere appendi, quia ferè æquè gravis est atque aqua, & idè nihil addet vel minuet gravitatis in ipso corpore ponderando.

Quod si corpus ponderandum fuerit tam grave ut seta simplici sustineri nequeat, appendatur pluribus simul junctis setis, & ne aliquid gravitatis setarum conjunctio addat corpori ponderando, ponantur in altera lance totidem setæ æquales eis, quæ ex lance, cui appensum est corpus, pendent, usque ad corpus appensum: hac igitur setarum additione æquiponderabunt lances, & quamvis illæ setæ, quibus appensum est corpus sint longiores, quàm aliæ alteri lanci additæ longitudine partium, quibus ligatum est, tamen quoniam illæ partes æque graves sunt atque aqua, existentes cum ipso corpore in aqua, nullam gravitatem habebunt, & idè illæ setæ, quæ alias superant dictis partibus etsi longiores, non erunt graviore quam aliæ, existentibus nempe, ut dictum est, illis partibus cum ipso corpore in aqua. Sic igitur in aqua ponderanda erunt solida corpora, quod animadvertisse fuit operæ pretium.

Aquam verò, sive aquæ partem æqualem ponderati corporis subintellige corpus cubicum, sphæricum aut cylindraceum, quod intra dicta corpora contineretur, hoc pacto: si corpus solidum infra aquam libere confisteret, istiusmodi corpus solidum pondere æquale foret tantæ aquæ, quanta sub eadem figura vasis confisteret, sive quantum corpus v. gr. cubicum aquæ contineret. Sit cubicæ figuræ corpus aliquod solidum B. quod



immersum vasi c d. aquæ plenum libere fluitet in A, Dico locum seu superficiale corporis, quo continetur aqua, sive quod idem est. aquam intra cubum B in A contentam pondere æqualem esse ponderi corporis solidi B. vel, si quis vas concavum faceret, quoad internam superficiem seu locum corpori solido B æquale, aquam eidem ad plenitudinem infusam æqualem fore corpori solido B cubico. Si vero dictum corpus intra aquam partim emineat, partim submergatur, ut M. corpus solidum; Dico, aquæ partem c d e f, cui immergitur, æqualem esse toti corpori solido M. id est, c d e f. aquæ quantitatem toti corpori M. æquiponderare. Quæ omnia pulchre demonstrantur ab *Archimede lib. de iis, quæ vehuntur in aqua*. Hinc nascuntur hæc propositiones.

1. Omne corpus Solidum materiæ levioris quam sit aqua, non omnino mergitur, sed eminet aliqua sua parte.

2. Omne

2. Omne corpus solidum materiæ ponderosioris, quàm sit aqua, five superficiarium vas aquæ, ad fundum usque demergetur; ut patet in corpore solido L.
3. Omne corpus solidum materia aquæ æquiponderante, datum in aqua locum servat, uti in A prioris Figuræ patet. Quæ omnia jam in V. Libro hujus Primi Tomi demonstrata sunt.

PROPOSITIO I.

Data solidi corporis gravitate ejusque ponderosi ad pondus aqua, ejusdem in aqua situs gravitatem reperire.

Sit AB aqua, corpus solidum C. pendat 2 libras: sit autem ponderis aquei ad corporis solidi C ratio quintuplex, atque adeò corpus solidum C levioris materiæ quàm aquæ, invenies solidi C situs gravitatem in aqua AB. hoc pacto:

Expende quanta sit gravitas aqueæ molis ipsi C. æqualis, & invenies v. gr. 10. lib. de quibus deductæ 2 lib. relinquent 8 solidi corporis C, quæ sunt levitas corporis C, in data aqua AB. Sed jam dicta per Problemata ad praxin redigamus.

PROPOSITIO II.

Data gravitate aquei corporis gravitatem plumbei habentis molem aqua molis æqualem reperire.

Sit propositum aliquod corpus aqueum, cujus gravitas sit 100, & oporteat scire quanta erit gravitas plumbi magnitudinem habentis æqualem propositæ aquæ: Verb. gr. Sit vas A plenum aquâ, cujus aquæ gravitas sit 100, & oporteat scire, si illud idem vas repleatur plumbo, quanta illius plumbi sit futura gravitas. Accipiat aliquod plumbeum corpus, cujus gravitas sit 23, deindè aquæ magnitudinem habentis æqualem plumbo inveniatur gravitas, quod quomodo fieri oporteat, jam dictum est in antecedenti exemplo. Sit igitur ea inventa gravitas 2. & fiat, ut 2 ad 23; ita 100 ad alium numerum, qui sit 1150. is igitur numerus erit gravitas plumbi magnitudinem habentis propositæ aquæ æqualem, hoc est, illius plumbi, quod in vase continetur. *Nota*, quod hîc de plumbeo corpore dicimus, de æreo, stanneo, ferreo similiter intelligendum esse.

PROPOSITIO III.

Data plumbei corporis gravitate, aquei corporis plumbeo æqualis gravitatem reperire.

Sit primum propositum aliquod corpus plumbeum A. cujuscunque figuræ, cujus gravitas sit 23. & oporteat scire, quanta erit gravitas aquæ magnitudinem habentis æqualem proposito plumbo A. ponderetur plumbum A. in aqua modo jam dicto, & habeat gravitatem 21: quoniam igitur numerus 23

superat numerum 21. numero 2 erit gravitas aquæ magnitudinem habentis æqualem plumbo A. 2.

PROPOSITIO IV.

Data gravitate cerei corporis, dati aquei corporis ipsi æqualis gravitatem reperire.

Sit igitur propositum aliquod cereum corpus A, cujus gravitas sit 21, & oporteat scire, quanta erit gravitas aquæ magnitudinem habentis æqualem ceræ A. Quoniam verò cera levior est quàm aqua, si dimittatur in aquam, non feretur deorsum. Accipiat aliquod corpus solidum F. gravius quàm aqua, ita ut corpus constans ex utrisque corporibus A F. demissum in aquam feratur deorsum; Sit igitur corpus F plumbeum, cujus gravitas sit v. gr. 23, & ejusdem in aqua ponderati 21. ergò aquæ magnitudinem habentis æqualem plumbo F. erit gravitas 2.

Comparatio cerei cum gravitate aquæ.

Et quoniam ceræ A. gravitas est 21. plumbi verò F. 23: erit utrorumque corporum A F, ceræ nimirum & plumbi gravitas 44. conjungatur cera & plumbum, & ita conjuncta ponderentur in aqua, & habeant gravitatem 20: Quoniam igitur numerus 44 superat num: 20, numero 24, erit gravitas aquæ habentis magnitudinem æqualem utrisque corporibus ceræ & plumbi 24: sed gravitas aquæ magnitudinem habentis æqualem plumbo F, est 2. ergò reliquum, quod est 22, erit gravitas aquæ magnitudine æqualis propositæ ceræ A.

Gravitas plumbi & ceræ ad aquam.

Iterum sit aliquod corpus plumbeum A. cujus gravitas 2300, & oporteat invenire gravitatem aquæ magnitudinem habentis æqualem plumbo A. accipiat aliquod parvum plumbi corpus F, cujus gravitas sit v. gr. 23, & inveniatur gravitas aquæ magnitudine æquali plumbo F, ut dictum est, quæ sit 2, & fiat, ut 23 ad 2, ita 2300, ad alium numerum, qui sit 200. gravitas igitur aquæ magnitudinem habentis æqualem plumbo A, erit 200. Similiter si aliquod cereum corpus A, cujus gravitas 2100, & oporteat facere, quod imperatum est. Accipiat aliquod parvum ceræ corpus F, cujus gravitas sit v. gr. 21. & inventa gravitate aquæ magnitudinem habentis æqualem ceræ F, quæ sit 22. fiat ut 21, ad 22, ita 2100. ad alium numerum, qui sit 2200. erit igitur gravitas aquæ magnitudinem habentis æqualem ceræ A. 2200.

PROPOSITIO V.

Data plumbei corporis magnitudine, stanni magnitudinem ipsi plumbeo corpori gravitate æqualem reperire.

Sit propositum aliquod corpus plumbeum, cujus magnitudo 740, & oporteat invenire, quanta erit magnitudo stanni gravitatem habentis æqualem proposito plumbo. Accipiat aliquod corpus plumbeum D. cujus gravitas sit 115, deindè stanni magnitudine æqua-

Plumbi cum stanno comparatio.

Kkk

æqualis plumbo D, inveniatur per hydrostaticen gravitas, quæ sit 74. quod quomodo fieri oporteat, paulò ante dictum est; & fiat ut 74, ad 115, ita 740 ad alium numerum 1150; is igitur numerus indicabit, quanta erit magnitudo stanni, gravitatem habentis æqualem proposito plumbo A.

PROPOSITIO VI.

Data olei gravitate aqua molis gravitatem molem habentis oleo æqualem reperire.

Comparatio olei cum gravitate aquæ.

SIt propositum aliquod olei corpus, cujus gravitas 550. & oporteat invenire quanta erit gravitas aquæ magnitudinem habentis æqualem proposito oleo A; Accipiat aliquod corpus solidum, utpote plumbeum, & aquæ magnitudinem habentis æqualem plumbo; inveniatur gravitas, quæ sit 12. Similiter & olei magnitudinem æqualem habentis eidem plumbo; inveniatur gravitas, quæ sit 11. & fiat ut 11, ad 12. ita 550 ad alium numerum, qui sit 600. is igitur numerus indicabit, quanta erit gravitas aquæ magnitudinem habentis æqualem proposito oleo.

PROPOSITIO VII.

Data argenti vivi gravitate, aqua molis gravitatem habentis molem Mercurio æqualem reperire. Accipimus hinc semper molem pro magnitudine.

Comparatio Mercurii cum gravitate aquæ.

SI propositum sit aliquod argenti vivi corpus, cujus gravitas 95, & oporteat invenire, quanta erit gravitas aquæ magnitudinem habentis æqualem proposito argento vivo A. Accipiat aliquod vas vitreum mundum & politum, cujus gravitas sit v. gr. 91. ipsumque vas plenum aquâ ponderetur in aqua, & habeat gravitatem 55. quoniam igitur numerus 91 superat numerum 55, numero 36, erit gravitas aquæ magnitudinem habentis æqualem ipsi vasi, hoc est soliditati ipsius vasis 36. ponatur deinde in ipsum vas propositum argentum vivum A. nihil interest, ut vas sit plenum vel non; & quoniam argenti vivi A, gravitas est 95, & vasis vitrei gravitas 19, erit argenti vivi simul cum ipso vase gravitas 156. ponderetur itaque ipsum vas simul cum argento vivo A, in aqua, ita ut aqua repleat vasis partem vacuum, & sit vasis gravitas in aqua simul cum argento vivo 143, numero 43, erit gravitas aquæ magnitudinem habentis æqualem argento vivo, simul cum vase 43. Sed gravitas aquæ habentis magnitudinem æqualem vasi est 36, ergò reliquum quod est 7 erit gravitas aquæ magnitudinem habentis æqualem proposito argento vivo A.

PROPOSITIO VIII.

Comparatio Mercurii

Iterum sit propositum aliquod corpus ex argento vivo, cujus gravitas 190, & oporteat

invenire quanta erit gravitas plumbi^{rii cum gravitate plumbi.} magnitudinem æqualis proposito argento vivo; inveniatur gravitas aquæ magnitudinem habentis æqualem argento vivo, quæ sit 14, deinde inventa gravitate plumbi magnitudinem æqualis ipsi aquæ, ut in præcedentibus dictum est, ea erit, de qua quæritur. Sit enim inventa plumbi gravitas 161, quoniam igitur aqua, cujus gravitas est 14, æquatur magnitudinem plumbo, cujus gravitas est 161, & æquatur quoque argento vivo plumbum, cujus gravitas est 161, æquabitur magnitudinem argento vivo A, quare inventa est gravitas plumbi, magnitudinem æqualis proposito argento vivo A, quod facere oportebat.

Accepto, ut diximus, aliquo corpore solido, & inventis gravitatibus liquidorum, aquæ scilicet & argenti vivi magnitudinem æqualem habentium corpori, quæ sint 14, gravitas aquæ, & 190, gravitas argenti vivi, fiat ut 190 ad 14, ita cubus ex 10, hoc est 1000, ad alium numerum, qui sit 73 $\frac{1}{3}$, is igitur numerus erit cubus diametri sphaeræ ex argento vivo gravitatem habentis æqualem propositæ ex aqua sphaeræ A, quare latus cubicum numeri 73 $\frac{1}{3}$, quod est 4 $\frac{2}{3}$ proximè indicabit ipsam diametrum.

PROPOSITIO IX.

SIt propositum aliquod magnum Argenti vivi corpus A, cujus gravitas 5700. & oporteat facere, quod imperatum est; Accipiat aliquod parvum argenti vivi corpus, cujus gravitas sit 95, & aquæ magnitudinem habentis æqualem argento vivo C. Inveniatur gravitas eo modo, quo dictum est, quæ sit 7, & fiat, ut 95 ad 7, ita 5700 ad alium numerum, qui sit 420, is igitur numerus indicabit, quanta erit gravitas aquæ magnitudinem habentis æqualem proposito argento vivo A. Contrà, sit propositum aliquod corpus aqueum A, cujus gravitas 420, & oporteat invenire, quanta erit gravitas argenti vivi magnitudinem æqualis propositæ aquæ A. facto ut suprâ, & inventa gravitate 7, aquæ scilicet magnitudinem habentis æqualem argento vivo C. fiat ut 7 ad 95, ita 420 ad alium numerum, qui sit 5700, is igitur indicabit, quanta erit gravitas argenti vivi magnitudinem æqualis propositæ aquæ A.

PROPOSITIO X.

Dato aureo corpore & aqua gravitate aureo æquali, argenti vivi pondus reperire.

Accipiat aliquod corpus aureum, cui superinducatur cerea tunica tenuissima, ne fiat argento vivo levius, neve ab eodem dissolvatur, deinde aquæ magnitudinem habentis æqualem ipsi corpori aureo inveniatur gravitas, ut dictum est, quæ sit 7, similiter & argenti vivi, ut aquæ magnitudinem habentis æqualem eidem corpori aureo inven-


inveniat gravitas, quæ sit 95, & fiat ut 95 ad 7, ita 5700, ad 420. gravitas igitur aquæ magnitudinem habentis æqualem argento vivo erit 420.

Contrà. Sit propositum aliquod corpus aqueum, cujus gravitas 420, & oporteat invenire, quanta erit gravitas argenti vivi magnitudinem æqualis propositæ aquæ A. superinductâ corpori aureo cerâ tunicâ, ut suprâ, & inventis gravitatibus 7 & 95, aquæ nimirum & argenti vivi magnitudinem æqualium prædicto aureo corpori, fiat ut 7 ad 95, ita 420, ad 5700: gravitas igitur argenti vivi magnitudinem æqualis proposito corpori aqueo erit 5700.

PROPOSITIO XI.


In Liquoribus ponderis heterogenei erit ut pondus liquoris levioris ad pondus liquoris gravioris, sic pars corporis solidi in liquorem levionem immersi ad partem ejusdem in aqua graviori demersam.

Sit datum A B. liquor levior, quam D C. corpus solidum E F. sit utroque liquore levior. Quod in liquorem A B immersum parte G F aquæ infideat, idemque immisum



in liquore C D. mergatur parte K I. Dico liquoris A B gravitatem ad liquoris C D gravitatem habere se, uti est K I. ad G F. quia liquor vasis A B æquiponderat solido corpori H I vel E F aquæ immersi, juxta Prop. 5. Archimed. de iis quæ vehuntur in aqua. erit itaque proportio reciproca partis immersæ ad partem mergam, id est K I ad G F.

Sint jam propositi diversæ gravitatis liquores, spiritus vini, uti in vase A B. signato numero 1. in vase 2. vinum. In vase 3. aqua fontana. In vase 4. oleum. In vase 5. mercurius, & sic de cæteris, ex immersione unius corporis alicujus solidi aquâ levioris invenies liquorum omnium ad invicem gravitatem in proportionem partium immerfarum; In vino verò; emerget, in aqua fontana; in aqua marina; in oleo; in mercurio; id est totum emerget. Ex partium itaque immerfarum proportionem facile in liquorum gravitates devenies: Sicut enim se pars immersa solidi corporis in differentibus liquoribus habet, ita gravitas liquoris 1. ad 2. 3. 4. 5. gravitates.



Spiritus vini. Vinum. Aqua font. Aqua marin. Oleum. Mercurius.

De ratione qua Archimedes cognitis gravitatibus trium corporum ex aqua magnitudine æqualium coronæ scilicet unum, alterum massæ aureæ, tertium argenteæ potuerit furtum aurificis in Regia Corona deprehendere, jam varii modi a variis traditi sunt; nos quomodo id Ghetaldum secuti solo aureæ regulæ beneficio consequamur, modò ostendemus.

PROPOSITIO XII.

Portionem metalli alteri metallo mistam, ponderis ratiocinio discernere.

Sit Coronæ gravitas 95 librarum, & oporteat separare aliud ei commistum metallum, sic procedo: Intelligantur duo corpora, unum aureum, alterum argenteum æquæ gravia atque corona, deinde trium corporum ex aqua magnitudine æqualium, aureo scilicet corpori unum, alterum coronæ, tertium corpori argenteo inveniantur gravitates juxta prædicta. Sint autem primi corporis aquei 5. secundi 6. & tertii 9. Fiat itaque, ut differentia inter 5 & 9, sive quod idem est 4 ad 95, gravitatem scilicet coronæ, ita differentia inter 5 & 6, hoc est, 1. ad 22. ergo 22. erit gravitas argenti quod est in corona, qua detracta ex totali coronæ gravitate reliquum 72. erit gravitas auri quæ sita. Vel si pro tertio proportionis termino similiter differentia inter 6 & 9 quæ est 3, quartus terminus 72. erit gravitas portionis auri, quæ detracta à totali coronæ gravitate, remanebit 22. pro gravitate portionis argenti.

Archimedes dea ratio qua impossibilis est textit artif. cum.

PROPOSITIO XIII.

Quomodo quantum æris auro commistum sit, dignoscatur?

Sit corpus mistum ex auro & ære, & habeat gravitatem 171 libras. Quæritur, quanta sit æris portio auro commista, & quanta auri? Sic procede. Intelligantur duo corpora, unum ex auro puro, alterum ex ære æquæ gravia atque corpus mistum, deinde trium corporum ex aqua, quorum unum æquale sit corpori aureo magnitudine, alterum misto, tertium æreo, gravitates modo supradictæ inveniantur, quæ sunt 9. 11. & 19. hisce inventis fiat, ut differentia inter 9 & 11. ad 34. portio itaque corporis misti ærea gravitatem habebit 34; quæ ablata ex totali corporis misti gravitate, remanebit 136; pro gravitate portionis auri; vel si pro tertio proportionis termino sumitur differentia inter 11 & 19. quartus terminus 136; erit gravitas portionis auri, quæ ablata ex totali corporis misti gravitate relinquet 34; æris gravitatem.

Kkk

Opt.

Operatio sic stat.

10. Differentia inter 9 & 19. dant 171. 2. Differentia inter 11 & 19 quantum dabunt? quartus terminus erit 347 gravitas aeris.

Secunda operatio sic stat.

10. Differentia inter 9 & 19. dant 171. Differentia inter 11 & 19 quantum dabunt? quartus num. erit 136,5 five 1/2 gravitas auri.

Hoc pacto non tantum dignoscere poteris misturam alterius metalli in auro, sed & misturam reliquorum metallorum in unoquoque.

Atque hoc artificio omnium metallorum liquorumque proportionem quoad gravitates inventae sunt à Mathematicis, uti in sequenti Tabula patet ex *Ghetaldo* extracta.

T A B U L A,

Qua 12 corpora, quoad gravitatem inter se comparantur.

Tabula A.	Aurum.	Argent. vivum.	Plumbum.	Argentum.	Æs.	Ferrum.	Stannum.	Mel.	Aqua.	Vinum.	Cera.	Oleum.		D.
Oleum.	20 ⁵ / ₁₁	14 ⁶² / ₁₁₇	12 ⁶ / ₁₁	11 ¹ / ₁₁	9 ² / ₁₁	8 ⁵ / ₁₁	8 ⁷ / ₁₁	1 ¹² / ₁₁	1 ¹ / ₁₁	1 ⁴ / ₁₁	1 ⁵ / ₁₁	1	100	Aurum.
Cera.	19 ¹⁰ / ₁₁	14 ¹³ / ₁₁₇	12 ¹ / ₁₁	10 ¹² / ₁₁₇	9 ² / ₁₁	8 ⁵ / ₁₁	7 ³⁰ / ₁₀₇	1 ¹⁰² / ₂₁₀	1 ¹ / ₁₁	1 ¹³ / ₁₁₀	1	100	71 ¹ / ₂	Argentum vivum.
Vinum.	19 ¹⁰ / ₁₁	13 ¹²¹ / ₁₁₃	11 ¹⁴ / ₁₁	10 ¹⁰ / ₁₁	9 ² / ₁₁	8 ⁵ / ₁₁	7 ¹¹ / ₁₁	1 ¹² / ₁₁	1 ¹ / ₁₁	1	100	84 ¹⁴ / ₁₁₃	60 ¹⁰ / ₁₁₃	Plumbum.
Aqua.	19	13 ⁴ / ₁₁	11 ¹ / ₁₁	10 ¹ / ₁₁	9	8	7 ² / ₁₁	1 ² / ₁₁	1	100	89 ¹⁰ / ₁₁₃	76 ⁸ / ₁₁₃	54 ¹² / ₁₁₃	Argentum.
Mel.	13 ¹ / ₁₁	9 ⁷ / ₁₁₃	7 ²⁷ / ₁₁₃	7 ¹¹ / ₁₁	6 ⁶ / ₁₁₃	5 ¹⁷ / ₁₁₃	5 ¹ / ₁₁₃	1	100	87 ¹ / ₁₁₃	78 ⁶ / ₁₁₃	66 ⁶ / ₁₁₃	47 ⁷ / ₁₁₃	Æs.
Stannum.	2 ¹¹ / ₁₁₇	1 ¹²¹ / ₁₁₃	1 ⁴¹ / ₁₁₃	1 ⁴⁴ / ₁₁₃	1 ³⁷ / ₁₁₇	1 ¹ / ₁₁₇	1	100	88 ¹ / ₁₁₇	77 ¹¹ / ₁₁₇	69 ¹³ / ₁₁₇	58 ¹³ / ₁₁₇	42 ⁴ / ₁₁₇	Ferrum.
Ferrum.	2 ¹ / ₁₁	1 ¹⁰ / ₁₁₃	1 ⁷ / ₁₁₃	1 ⁷ / ₁₁₃	1 ¹ / ₁₁	1	100	92 ¹ / ₁₁	82 ¹ / ₁₁	71 ¹⁰ / ₁₁₃	64 ⁸ / ₁₁₃	54 ¹⁰ / ₁₁₃	38 ¹⁸ / ₁₁₃	Stannum.
Æs.	2 ⁵ / ₁₁	1 ¹⁸ / ₁₁₃	1 ¹ / ₁₁₃	1 ⁴ / ₁₁₃	1	100	19 ²⁷ / ₁₁₇	18 ¹ / ₁₁	16 ¹ / ₁₁	14 ¹ / ₁₁	12 ¹² / ₁₁₃	10 ¹¹ / ₁₁₃	7 ¹⁸ / ₁₁₃	Mel.
Argentum.	1 ²⁶ / ₁₁₇	1 ⁶² / ₁₁₇	1 ⁷ / ₁₁₃	1	100	68 ¹² / ₁₁₇	13 ¹⁰ / ₁₁₇	12 ¹ / ₁₁	11 ¹ / ₁₁	9 ¹¹ / ₁₁₇	8 ¹⁶ / ₁₁₃	7 ⁷ / ₁₁₃	5 ⁵ / ₁₁₃	Aqua.
Plumbum.	1 ¹¹ / ₁₁₇	1 ²⁰ / ₁₁₃	1	100	98 ¹ / ₁₁₇	67 ⁷ / ₁₁₇	13 ¹² / ₁₁₇	12 ⁷ / ₁₁	10 ² / ₁₁₇	9 ¹⁴ / ₁₁₇	8 ¹⁸ / ₁₁₃	7 ¹⁴ / ₁₁₇	5 ¹⁰ / ₁₁₇	Vinum.
Argentum vivum.	1 ¹² / ₁₁₇	1	100	97 ²⁷ / ₁₁₃	95 ¹ / ₁₁	65 ¹⁰ / ₁₁₃	12 ¹⁰⁶ / ₁₀₇	11 ⁴¹ / ₁₁₃	10 ³ / ₁₁₇	9 ¹¹ / ₁₁₇	8 ²⁷ / ₁₁₃	7 ²⁰ / ₁₁₃	5 ²⁰ / ₁₁₃	Cera.
Aurum.	1	100	96 ¹ / ₁₁₃	93 ¹¹ / ₁₁₃	91 ¹ / ₁₁	63 ¹⁰ / ₁₁₇	12 ⁴¹ / ₁₁₃	11 ¹¹ / ₁₁₃	10 ¹ / ₁₁₇	8 ²⁷ / ₁₁₃	7 ⁶ / ₁₁₃	6 ¹ / ₁₁₃	4 ¹⁷ / ₁₁₃	Oleum.
C.	Oleum.	Oleum.	Cera.	Vinum.	Aqua.	Mel.	Stannum.	Ferrum.	Æs.	Argentum.	Plumb.	Argent. vivum.	Aurum.	Tabula B.

Tabula qua 12 corporum gravitates & magnitudines inter se comparantur.

Praxis hujus Tabulae.

Est hic Abacus in binas triangulares Tabulas dispositus, quarum prior signata numero A D C, continet gravitates & magnitudines 12 corporum unius ad alterum comparatas, verasque assignat omnium duodecim corporum ad invicem comparatorum in gravitate & magnitudine proportionem. Altera triangularis Tabula signata numero B C D. In priori ponitur corpus aliquod quodcumque tandem; ut 1. & cætera ad illud comparantur. In secunda Tabula ponitur corpus quodcumque tandem ut 100, & reliqua deinde ad illud comparantur. Nil igitur restat, nisi ut usum ejus paucis propositionibus exponamus: Est enim notitia hæc in omni ponderum investigatione mirum in modum utilis & proficua. Notandum verò, aliter hoc loco gravitatem, aliter magnitudinem considerari; si enim duo corpora ex duodecim differentia eandem gravitatem habue-

rint, necessariò unum alteri majus esse reperies; tantò enim majus esse debet unum altero, quanto sub eadem magnitudine unum alterò levius est. Sed hæc ipsa praxi ostendamus.

PROPOSITIO I.

Proportionem gravitatis auri & argenti ad invicem reperire.

In prima Tabula A D C triangulari quære aurum in supremo limbo A D. & argentum in limbo A C. & in angulo communi reperies 1¹²/₁₁ quæ est propositio gravitatis argenti ad aurum; ubi argentum se habet uti 1.

Magnitudo aequalis.

$$\frac{126}{31}$$

Gravitas auri.

$$1$$

Gravitas argenti.

aurum uti 1¹²/₁₁. Est itaque aurum ponderosius argento 1¹²/₁₁. Si enim sumantur hæc duo corpora

pora magnitudine æqualia; Dico argenteum corpus ad aureum se habiturum ut 1. ad $1\frac{26}{31}$. Cum enim corpora magnitudine æqualia gravitate differant; illud quod minus grave est, uti argenteum ad aureum, quod gravius est, se habebit ut 1. ad $1\frac{26}{31}$. Si verò

Inæqualis
Magnitudo ad magnitud.
argenti auri.

$$\left(1\frac{26}{31}\right)$$

$$(1)$$

magnitudinem corporum argentei & aurei consideres, reperies aureum corpus ad argenteum quoad magnitudinem sese habere iterum ut $1\frac{26}{31}$ ad 1. Eritque necessario, si duo hæc corpora sumantur gravitate æqualia, aureum corpus minus ut 1. argenteum verò majus, ut $1\frac{26}{31}$.

PROPOSITIO II.

Auri ad ferrum proportionem reperire.

Quære in limbo Tabulæ ADC, & in limbo AC ferrum, & in latere AD aurum, & reperies in angulo communi $2\frac{1}{2}$ proportionem ad ferrum quæsitam. Ponatur enim ferrum habere gravitatem ut 1. habebit aurum gravitatem ut $2\frac{1}{2}$ ut si ferrum pendet libram 1, Aurum pendet $2\frac{1}{2}$. Si magnitudines horum corporum gravitate æqualium attendas, habebit sese magnitudo ferri ad magnitudinem auri, ut $2\frac{1}{2}$ ad 1. id est, ferreum corpus majus erit aureo, sub data proportionem.

PROPOSITIO III.

Æris ad plumbum proportionem tum gravitatis tum magnitudinis reperire.

Quære ut prius in limbo AD. Plumbum, & in limbo AC. æs, & angulus communis dabit tibi $1\frac{1}{4}$ quæsitam proportionem; uti enim se habet 1 ad $1\frac{1}{4}$, ita æris gravitas ad plumbi gravitatem, qua excedit æris gravitatem $\frac{1}{4}$, ut si æs habuerit. 1. libram quoad pondus, plumbum habebit insuper 1 libram $\frac{1}{4}$ unius libræ. Si verò hæc corpora gravitate æqualia, quoad magnitudinem consideraveris, tunc inverso modo sese, uti $1\frac{1}{4}$ ad 1, ita sese corpus æneum ad corporis plumbei magnitudinem hebebunt.

PROPOSITIO IV.

Proportionem Aqua ad vinum reperire.

Quære in limbo AC. (vinum); & in limbo AD (aquam) & angulus com-

munis dabit desideratam proportionem $1\frac{1}{3}$ id est, aqua gravior $\frac{1}{3}$ vino; uti enim se habet 1. ad $1\frac{1}{3}$, ita se habet vinum ad aquæ gravitatem; hoc pacto reperies ceram ad mel habere proportionem ut 1. ad $1\frac{1}{3}$. Et sic de cæteris.

Praxis Tabulæ triangularis. BDC.

PROPOSITIO V.

TAbulæ hujus proportionem non differunt à priori nisi in dato 100. v. gr. librarum pondere, quod cum alio quovis ex duodecim comparatur; In hac enim corporis gravitas semper ponitur ut 100, & ad hoc datum reliqua corpora proportionantur, tum quoad gravitatem, tum quoad magnitudinem. Verbi gratia. Si velis scire, quænam sit ratio in gravitate auri ad argentum; Quoniam itaque aurum argento gravius est, hujus gravitatem ponamus ut 100. Quære itaque in limbo CB Tabulæ DBC. (aurum) & in limbo DB (argentum) & angulus communis tibi dabit $54\frac{2}{3}$ auri ad argentum proportionem quæsitam: Si enim sumantur duo corpora magnitudine æqualia, unum aureum, alterum argenteum; sitque aureum grave, ut 100, erit argenteum grave ut $54\frac{2}{3}$. Quare, ut 100 ad $54\frac{2}{3}$, ita gravitas auri ad argentum. Si vero sumantur hæc duo corpora gravitate æqualia quoad magnitudinem; inverso modo sese habebit proportio; sicuti enim se habet 100 ad $54\frac{2}{3}$, ita corpus argenteum quoad magnitudinem suam ad aurei corporis magnitudinem. Quæ de quibuscunque aliis corporibus hîc in tabula positis intelligenda sunt; undè semper hæc regulæ servandæ sunt.

1. Quandocunque duo corpora differentia æquiponderabunt, unum illorum necessario majus futurum, id est, magnitudine alteri inæquale.

2. Quandocunque duo corpora differentia magnitudine fuerint æqualia, necessario unum illorum in gravitate alteri futurum inæquale. Quomodo verò hæc Tabulæ conficiantur, in præcedentibus ostensum fuit.

Ex his patet, quomodo habita proportionem duarum sphaerarum ex diversis metallis conflatarum gravitates eruendæ sint. Verum uti hoc instituti nostri non est, statim tradere, ita quoque curioso *Lectori* reliqua exploranda relinquo; sufficiat interim nobis metallorum inter se quoad gravitatem & magnitudinem proportionem demonstrasse.

CAPUT III.

De variarum rerum ponderationibus.

Nihil in rerum natura esse, quod pondere explorari non possit, partim in præcedentibus ostensum est, partim hoc capite ulterius prosequemur. Terrestris substantiæ sive mineralia cujuscunque tandem speciei, eodem modo explorari, poterunt, quo ostensum fuit in prima propositione per Libram nostram hydrostaticam; Corpus quippe quodcunque tandem affixum uncæ lancis unius, & intra aquam immersum, per alterius corporis in aërea lance positi æquiponderationem cognosci potest: si prius utrumque in aëre, deinde intra aquam ponderes; Differentia enim ponderum proportionem gravitatis inter unum & alterum corpus dabit quæsitum.

Gravitas
aquarum
diversa.

Gravitas
sanguinis
in homini-
bus juxta
ætatis gra-
dus diver-
sa.

Ad aquæ elementum quod attinet, Dico, tot esse differentes gravitatis in aquis gradus, quot differentes aquarum species sunt: Est enim aliud pondus aquæ fontanæ, aliud salis aut marinæ, aliud fluvialis, stagnorum & pluvialis, aliud mineralis, quæ & juxta species thermarum differunt: aliud pondus in differentibus plantarum, oleorum, quintarum essentiarum similiumque liquoribus se prodit; aliud sanguinis & urinæ pondus in animalibus, & hoc quidem in hominibus pro varietate ætatis & complexionis plurimum variat; cum aliud sanguis pueri, adolescentis, viri, senis habeat; aliud in melancholico, sanguineo, phlegmatito & cholericum pondus habeat, aliud in sano & infirmo. In animalibus eandem gravitatum differentiam occurrere, is solus nescire potest, qui miras rerum transformationes ignoravit. Homines, animalia, plantæ, pro diversitate climatum uti differentes sortiuntur complexionem, ita quoque & earundem temperamenta diversas gravitates; Quæ omnia jam in præcedentibus innumus.

Nihil fere
est quod
non ab al-
tero gravi-
tate disse-
rat.

Aquæ
omnes ex
se & sua
natura æ-
quiponde-
rant; diffe-
runt verò
gravitate
ob mixtu-
ram re-
rum.

Quot sunt differentie marium & fluminum, tot differentes sunt aquarum gravitates; differentis enim gravitatis est aqua in Oceano boreali, alia in Australi; Aqua enim Indi, Gangis, Tigris, Nili à Danubio, Rheno, Rhodano, Tiberi, Pado, Tago, omnia inter se differunt, quarum nonnullarum *Ferdinandus II.* Sapiientissimus Magnus Hetruriæ Dux ipso se experimento sensit pro certo mihi affirmavit, Est tamen & hoc admirabile, quod aquæ jam memoratæ arte Spagyrica ad tantam subtilitatem reduci possint, ut omnes & prorsus æquiponderent; Ex quo luculenter patet, gravitatum hujusmodi diversitatem aliunde non provenire, nisi vel ex commistione differentium mineralium aut terrestrium partium, quibus allabuntur, succis. Vinorum prorsus similis est in gravitate & levitate diversitas, cujus rei

causam aliam dare non possumus, nisi differentes terrestrium glebarum conditiones, differentesque Solis aspectus, quibus valles montiumque declivia ferit. Verum quanta Statica arcana in rerum natura pandat, exponamus.

Experimenta Statica miscellanea.

EXPERIMENTUM I.

Tractionem Magnetis virtutem quoad pondus explorare.

Ponatur in una lance Magnes, altera corpus ferreum Magneti æquiponderans, deinde exempto magnete in ejus locum reponere aliud quodcunque corpus magneti æquiponderans; quo peracto applica magnetem supra ferrum, & nota quantum attrahatur, & quousque ferrum ad magnetem ascendat à magnete attractum, quod erit punctum in sphaera activitatis magneticæ ultimum: Hoc peracto & magnete seposito, ponito ex opposita lance tantum paulatim ponderis, usque dum ferrum ascenderit ad eum locum, quem ferrum à magnete attractum obtinebat: pondus enim in opposita lance superadditum erit potentia, seu tractoris magnetis facultas.

Magnetis
vim staticam
explorare.

EXPERIMENTUM II.

Quantum humiditatis sit in ligno aliquo viridi, vel herba, Spagyrica Libra explorare.

Ollæ terreæ indatur lignum primò in partes conscissum, vel quæcunque planta, quæ deinde igni committatur tam diu, donec totum in cinerem redactum sit. Si itaque primò lignum repereris ponderasse 4 libras, noveris tantum fuisse humiditatis in ligno, aut planta; videlicet duas libras: Loquor autem hîc de humiditate elementari, non radicali, quæ in sale, qui ex cineribus educitur, semper remanet.

Quantum
humidita-
tis sit in
plantis ex-
plorare.

CONSECTARIUM.

EX hoc experimento patet, non solum omnis generis vegetabilium, sed & animalium quorumvis, in cinerem prius reductorum humiditatem reperiri posse; unde si quis complura sive vegetabilis, sive sensitivæ naturæ mixta seorsim in cinerem dicto modo reducerit, Dico, quod is non solum, quantum unumquodque humiditatis, sed & cineris unius ad alterius cineris pondus proportionem sit reperturus. Τέχνασμα magni utique in gradibus primarum qualitatum cognoscendis, momenti.

Humidita-
tem in sin-
gulis rebus
explorare.

EXPE-

EXPERIMENTUM III.

Quantum salis sit in quolibet jam ante assumptorum mixtorum reperire. Sic procede.

Ponderatis primò mixtis, pondus seorsim scribe; deindè cinerem ex combustione relictum denuò pondera, eoque notato cinis intra aquam querno vasi immissus tandiù stet; donec lixivium inde factum sit; postea separatà aquà salum sub forma crystallorum vasi adhærere videbis, quem serva: lixivium verò igni ad ficcitatem evaporatum, in fundo caput relinquet mortuum: cui iterum aqua in dictum vas quernum superaffusa, dabit cum tempore lixivium, quo separatò salem denique vasi adhærentem abrasum sepones, hocque toties repetes, donec nil amplius salis in capite mortuo remaneat; deindè sal ex singulis repetitionibus collectus pondere exploratus dabit tibi, quantum salis in dictis mixtis primò inextiterit: Quidquid verò in fundo post lixivi evaporationem relictum fuerit, id insulsam terræ substantiam reputabis.

EXPERIMENTUM IV.

Aërem diversis temporibus ponderare.

Aëris qualitatem ponderare.

Aer natura sua mutabilis, nonnunquam in eodem statu permanet; hujus itaque pondus si explorare libeat, sic agito.

Lanam ficcā in globulum coarctatam tempore ficcissimo in una balance repositam prius ponderato; deindè tempore humidioris constitutionis lanam eodem loco relictam denuò pondera, & aëris secundi & primi notabilem reperies differentiam. Ex quo patet, si quis manè, meridiè, vespèri aut medià nocte dictam lanam ponderarit, eum singulis hujusmodi quatuor diei stationibus aëris, quoad pondus, differentiam reperire posse, quod idem de quatuor anni stationibus intelligi velim.

Pari pacto posset quispiam aëris in cryptis subterraneis ad aërem extrinsecum in vallibus respectu aëris in montibus, imò ejusdem ex vario ventorum afflatu alterati differentiam reperire. Vide quæ de hisce fusc egimus in *Arte Magnetica* de novo instrumento, quo ficcitas & humiditas locorum exploratur. Vidi qui aëris ad aliam tenuitatis proportionem ex follium motu colligeret: folles enim aërem crassum attrahentes, tardius in eo expellendo quam in tenuiori moventur; quare nil aliud hîc requiri videtur, nisi motuum differentias per penduli vibrationes explorare. Potest & aër balance expendi: Accipe pilam lusoriam magnam quam primò aëre humido per piulcum replebis, quo ponderato, subtiliorem aërem ei imprimes ope piulci & ex ponderatione ejus statim innotescet differentia.

EXPERIMENTUM V.

Vigorem solis explorare.


Vigor solis in hoc consistit, quod in diversis climatis locisque differenter etiam in ejusdem speciei mixta influat, undè nascuntur differentes quoque mixtorum qualitates; in frumento itaque primo faciamus experimentum. Assumatur ex diversorum climatum planis grana verb. gr. tritici tanta quantitate granorum æqualium, ex uno quanto ex altero, deindè ponderentur singula, & notabilem differentiam reperies; quæ levi ora fuerint, majorem habuerint Solis efficaciam, quæ graviora minorem. Atque hoc pacto quoque frumentum in plano ejusque in monte aut valle vigorem reperies. Ratio est, quia ubi major est Solis efficacia, ibi quoque minor humiditas & major ficcitas: quemadmodum enim lignum viride plus quam aridum, ita quoque plus humidum granum, quam ficcum ponderare necesse est; undè & panis consequenter ex tritico Australioris climatis candidior est, quàm panis ex tritico Borealis climatis coctus, humiditate in pane conciliante negredinem.

Vigorem Solis explorare.

EXPERIMENTUM VI.

Quantum planta singulis diebus excreverit, explorare.

Fiat ex liguo baculus quadratus A B, in gradus quoslibet divisus, is habet in A. lignum transversum, baculo A B insertum, quod in utraque extremitate C & D. habeat rotu-



lam, quam *currulum* vocant, ita extremitatibus accommodatum, ut filum sericum subtile facile huc illuc devolvi possit. Hoc filum in una extremitate, uti in E, leve pondus alligatum habeat; altera verò extremitas alligetur extremitati plantæ in F. Si itaque tibi animus sit explorandi quotidianum plantæ incrementum, sic age: Baculus A B cum suo tigillo transverso C D, juxta plantam firmiter terræ infigatur; quo facto, alli-

Plantarum incrementa explorare.

getur extremitas plantæ G F. in F filo sericeo, & altera extremitas B, pondere suo plantæ extremitatem extendet ope rotularum C D. Quo peracto, nota diligenter, cuiusnam gradui, è regione in fulcro BA respondeat extremitas F, vel etiam nodus in sericeo filo quem gradum in transverso tigillo C D; in quotlibet partes graduato ostendat. Et hoc pacto singulis diebus, obtinebis differentiam incrementi plantarum; præsertim si postero die denuò observationem repetas, & differentias incrementi seorsum scribas; atque hoc pacto differentium plantarum incrementa quotidiana nullo pænè negotio comperies. Utilitas huius rei magna est; ex hoc enim nutrimenti quod ad se quotidie trahit, quantitatem facile cognosces. Item humiditatis ficitatisque rationem in plantis notam habebis; humidæ enim plantæ ficcis velocius incrementum sumunt, uti & calido-humidæ, frigido-ficcis. Cætera emolumenta *Lectori* expendenda relinquo.

EXPERIMENTUM VIII.

Quantum in minerali gleba argenti vivi reperitur.

A Ccipe vesicam terream, cui mineralem glebam impones, alembico superimposito unâ cum recipiente; deinde supposito igne forti Mercurius paulatim alas assumet, in forma vaporis ascendens; ubi verò frigidum capitellum attigerit, mox suæ naturæ restitutus in Recipientem dilabatur. Si itaque primò gleba mineralis fuerit 8 librarum, & mercurii 6 libras repereris, certe inferes, duas libras terrestris materiæ fuisse in gleba minerali, sex Mercurii: posito mineram fuisse ex fodina desumptam, ex qua hydrargyron extrahitur.

Hoc pacto licet mixturas reliquorum mineralium explorare; verum cum in præcedentibus Libris fuisse de similibus egerimus, eo *Lectorem* remittimus: vide potissimum quæ in primo Libro de Arte Cosmocentrica pendulorum beneficio exploranda, & quæ in quinto & decimo Libro de Instrumento hydrometro tradidimus.

EXPERIMENTUM IX.

Velocitatem avis in aëre volantis expendere.

N Os primò huius rei in hirundinum omnibus cæteris avibus velociorum volatu

sumpsimus experimentum: Accepimus pendulum tantæ longitudinis, ut ejus vibratio, seu diadromus uni minuto secundo horæ responderet; hoc facto, loco opportuno observavimus volantium hirundinum ad certum usque spatium, motum, & invenimus ad unum penduli diadromum hirundinem 100 geometricos pedes ab uno ad alterum terminum confecisse; undè colligimus, si pari velocitate volatum in directum continuaret, quantum spaciū conficeret unâ horâ? idque nullo pænè negotio ope regulæ proportionum; hoc pacto uno minuto secundo, sive 60 minutis primis hirundo confecit spaciū 100 pedum geometricorum: 3600 minutis secundis, id est unâ hora quantum? factoque computu prodierunt 72 milliaria (quorum unumquodque 1000 passibus geometricis constat) quæ continuato volatu hirundinem conficere posse reperimus; & consequenter 24 horis sive uno die naturali 1728 milliaria Italica, sive 432 Leucas germanicas, sumendo 4 milliaria pro una leuca; in circumvolando vero totum Orbem terrarum duodecim dies & horas undecim fere insumeret. Hoc experimentum quilibet non tantum de hirundinum volatu, sed quarumlibet aliarum volucrum animaliumque currentium ad proportionem velocitatum ad invicem investigandas sumere posset; quod & de sagittarum motu, globorumque bombardarum velocitate pari pacto intelligi velim.

EXPERIMENTUM IV. in ordine.

Diversorum liquorum tum gravitatem, tum levitatem anaclastica arte investigare.

N otum est omnibus, radium sive Solarem sive visualem pro differentium mediorum conditione differentes refractionis leges servare, uti fuisse in Arte magna Lucis & Umbra, Libro de Arte anaclastica, seu refractionum demonstravimus. Ne itaque quicquam rerum curiosarum omittam, hîc veluti loco opportuno docebimus, quomodo differentium liquorum gravitas & levitas ope artis refractionum investigari queant.


Primo itaque fiat vas ex laminis æneis concinnatum ea figura, qua L M refert. Secundò: in fundo vasis ponatur moneta vel

Quantum Mercurius mineralis corpus contineat explorare.

Orbem terrarum quanto tempore hirundo circumvolare possit.

Liquorum gravitatem explorare.

Avium volatus quoad celeritatem explorare.



simile quicquam, quantitate hostiæ majoris, ita fixum, ut loco dimoveri non possit, ut fa-

ctum esse vides in E D. Tertio recede à vase M L. recta versus H, tanto spatio, donec moneta

moneta non amplius compareat, & tunc quidem te fistes in H. Quarto impleatur totum vas L M. primò aqua limpidissima fontis, deinde repete locum H, & moneta *ed*, quæ primò oculos fugiebat, jam totam se conspiciendam dabit. In vacuo quidem vase L M, prius moneta non conspiciebatur, quia linea visualis *as*, in directum extensa ferebatur in *br*; monetâ intactâ: In vas verò aqua limpidissima refertum incidentes radii visuales A R. A S. mox in superficie medii densioris refracti, ex R in *d*, & ex S in *e*, monetam paulo ante abditam, jam conspicuam oculo A per lineas refractas *d R A*. & *e S A*. faciunt.

Arte anaclastica liquorum differentium crassitatem explorare.

Effusâ verò aqua clara & limpida, vas novâ aqua sed densiori, uti marinâ repleatur ad summum; & moneta eodem loco fixa ex A determinata statione respiciatur, & invenies monetam *ed*, relicta statione nonnihil versus L, uti *eg* recessisse, cujus quidem rei ratio alia non est, nisi medii densioris obviatio, in quo radii visuales non potentes illud per-


fringere, sub majori angulo refringuntur ex R videlicet in E, & ex S in *g*. unde consequenter moneta non amplius in E D, sed in *eg* spectabitur: Unde liquorum differentia quoad densitatem & subtilitatem facile tibi suggeret differentiam angulorum anaclasticorum D R *e*, & *es g*. De quo vide *Artem nostram Anaclasticam*, ubi calculum fuisse docuimus.

Hoc pacto nullo negotio propositiones levitatis & densitatis vini, aquæ vitæ, ad aquam, oleum, & quemlibet diaphanum liquorem investigare posses: quæ hîc adjungenda duxi, ut curioso *Lectori* nonnullam ad aliorum multò hisce majorum Naturæ arcanorum investigationem faciendam, occasionem præberem.

EXPERIMENTUM X.

Musicas proportiones ponderibus explorare.

Accipe duas chordas longitudine & crassitie æquales; quas si ponderibus extenderis,



proportionibus harmonicis congruis habebis quæsitū. Appenduntur ita duo pondera dictis

chordis, quæ si fuerint in dupla proportionem, necessario illæ chordæ vibratæ tibi exhibebunt

LLL

Harmo-
nias pro-
portiones
explorare.

bunt diapason, id est, octavam. Si pondera chordis affixa se habuerint ut 2 ad 3. illæ concitæ tibi necessario dabunt diapente, five quintam; Si pondera se habuerint ut 3 ad 4. illæ tibi resonabunt diatessaron; si ut 1. ad 4. disdiapason. Si ut 1. ad 3. diapason cum diapente; si denique se habuerint pondera

ut 9 ad 8. tibi dabunt tonum, & sic de cæteris, quæ quam fusissimè in *Nostri Musurgia* demonstravimus, ad quam *Lectorem* remitto.

Innumera hoc loco adducere possem, sed quia hæc Arti Magnæ gravium & levium reservavimus, hinc tantum ea indicasse sufficiat.

P A R S III.

D E A R T E V I T R I A R I A.

Qua non solum de Vitri admirandis operibus sed & de CrySTALLIS, perlis, lapidibusque pretiosis ad vivum Naturæ exemplar fingendis, agitur.

C A P U T I.

De Vitri natura.

Vitrum est ultimum, in quod mixtum aliquod reduci potest, cujus natura adeò miranda est, ut vix sufficientibus verbis describi possit; si nativam fragilitatem non adjunctam haberet, certè nihil ad ejus precium accedere posset. Quid enim substantia ejus clarius? quid limpidius? quid pulchrius? Nam teste *Iobo*; *Non adequabitur ei aurum, non topazius non beryllus aut alius quispiam pretiosus lapis.* Tiberio Principe excogitatum fuisse vitri temperamentum, *Plinius* refert, quo flexile fieret vitrum, quamobrem totam artificis officinam abolitam fuisse, traditur, nè æris, argenti, auri metallis detraheretur; Nam ut *Isidorus l. 16. c. 15.* recenset. *Fertur, inquit, sub Tiberio Cesare quendam artificem excogitasse vitri temperamentum, quo flexile fieret & ductile; qui dum admissus esset ad Casarem, porrexit phialam Casari, quam ille indignatus in pavimentum projecit; artifex autem sustulit de pavimento, qua complicaverat se nonnihil tanquam vas aneum, deinde malleum de sinu protulit, & phialam correxit. Hoc facto Caesar dixit artifice, nunquid alius scit hanc condituram vitrorum? postquam ille jurans respondisset alterum eam præter se nescire; jussit illum Caesar decollari, ne dum hoc cognitum fieret, aurum pro luto haberetur, omniumque metallorum precia detraherentur.* Apud Indos quam primum innotuit rebus omnibus prælatum fuit, atque inæstimabili precio permutatum, ita ut pauci calices vitrei in Regno Tidore Orientali 200 aureorum æstimationem permutati dicantur. In quanta admiratione trigonum vitreum apud Sinas fuerit, legat qui volat *P. Nicolai Trigaucci* historiam de expeditione ad Sinas; cujus quanti sint in humani generis negotiatione usus, ordine expendam.

Primò quis non miretur ingeniosa & plena

admirationis vasa & pocula, quæ vitri usu constantur, quam ingens ejus in speculis conficiendis emolumentum; quanti fiat ultimis hisce temporibus in tubis opticis, microscopiisque conficiendis, quæ vel ipsa coelestium corporum stellarumque tentoria linceis oculis penetrarunt Astronomi, quibusque minutissimorum quorumvis animalium rerumque penè insensibilium anatomiam fecerunt. Verum cum de hisce & similibus quam amplissime egerimus in *Arte Magna Lucis & Umbra, Libro de speculis*, ed *Lectorem* remittimus. Vitreorum syphonum ope universa penè elementaris natura physicis per multiplex experimentum patuit. Quanta nobis beneficia ex ejus diaphana natura in fenestrarum constitutione proveniunt? & tametsi naturâ suâ fragile sit, & artis opus, eo tamen loco merito suo habendum est, quo inter Naturæ opera gemmæ. Liquores uti sunt aquæ fortes, hydrargyron & similia, nullis vasis nisi vitreis contineri solent.

*Sive auri retinere prius, sive aggere ferri,
Sive etiam affini vinctum sociare metallo
Emicat, obstantemque ingrato pondere molem
Rumpit ovans, magnoque potens domat omnia
nisu.*

*Ast ubi vivaces motus constringere vitro
Fert animus, sentit quassas hic obice vires,
Corpora frustrato pertentat vitrea morsu.*

His itaque propositis, jam singula per Quæstiones enodemus.

Quæritur itaque primò. Quænam sit materia vitri? Non nescio, nonnullòs materiam vitri dicere cinerem & calcem esse, alios aliam pro cujusque ingenio, vitri materiam assignare, quos longum esset allegare. Nos dicimus, cinerem non solum materiam vitri esse, sed arenam non quamvis, sed vitreâ materiâ

Vitrum
flexibile &
infrangi-
bile.

Vitrum
apud Indos
summo in
pretio.

teriâ constantem, cujusmodi sunt nonnulli filices, glarea crystallina & arena lapidis, quem Alebandicum vocant, cui & adnumeramus gagatem, quem obsidianum lapidem dicit *Plinius*; Lapidem itaque diaphaneitatem quandam spondentes, quanto sunt lucidiores, ex crystallina quadam miscella illis commista, tanto inde pulchrius, nitidius, lucidiusque vitrum emergit. Hisce in arenam comminutis, combustarum cinis plantarum, (cujusmodi sunt, quas *Hali* & *Soda* vocant,) junguntur, quæ herbæ cum ex se & sua natura nitrosæ sint, eo fine arenis miscentur, ut ex intima lapidis arenacei substantia confimilem illis nitrosam eliciant materiam, quæ unâ cum corpusculis nitrosis salinisque in cinere latentibus, vi caloris æstuantissimi tandem in vitrum eliquentur. Veteres nitrum purum & nativum materiæ arenaceæ adjungere ob dictam causam solebant; quod & in hunc usque diem nonnulli faciunt. Verum experientia docuit, nitrosos plantarum nonnullarum cineres non solum eundem effectum, quem nitrum, sed & nobiliorem præstare.

• Vitrum itaque primò fit ex lapidibus diaphanis, crystallo-formibus & natura sua fusilibus, nec non ex succis concretis, aliarumque rerum liquoribus hisce naturali quadam cognatione junctis, & ex his melioris notæ vitrum conficitur. Secundò ex lapidibus iis, qui tamen duritie crystallina non polleant, translucidi tamen sunt & candidi; Tertio ex lapidibus candidis quidem, at non diaphanis, uti sunt nonnulli filices ad ostia fluminum vi fluctuum coacervati; hoc pacto verò præparantur: primò dictos lapides urere necesse est, deinde pilis subjectos, ita eos frangere & comminuere oportet, ut inde sabulum fiat, tum cribrare ad impuriorum partium ab impuris separationem; lapides tamen aquis diluti ad ostia fluminum in hunc usum assumpti, uti perpetua aquarum attritione agitantur, ita ulteriori purgatione non indigent. Hisce præparatis confectio vitri hac arte fit: Tribus arenæ dictorum lapidum partibus unam addunt nitri, ex quibus simul liquatis oritur massa, quam haud improprie *Agricola Ammonitrum* vocat, id est, *Areno-nitrum*; defectum verò nitri, salis fossilis, aut cujuscumque alterius salis, portio arenæ adjicitur; quorum omnium defectum modò supplet apud vitriarios opifices cinis herbæ Anthyllidos combustæ, quam Arabes *Haly*, Itali & Hispani *Sodam* vocant, & ut plurimum nascitur in terris falsis, unde à plerisque falsula haud incongrue, eo quod ex ea copiosum sal educitur, dicitur. Videtur ingens in Melitenfi Insula hujus herbæ copia, & in nonnullis calabriæ locis. *Soda* vero Hispanica præ cæteris maxime commendatur. Dignum sane admiratione est, Venetiis à peritis opificibus portionem quoque magnetis hisce admisceri, eò quod hujus miscella vitrum mirificum splendorem adipiscatur; cujus rei ra-

tio alia non est, nisi quod lapidibus ut plurimum ferreæ scobis miscella adhæreat, quæ à magnete attracta, reliquam vitri massam ab impuritate umbrosarum partium liberet.

Porro fornaces pro diversitate laborum differunt. Hic Romæ fornaces plerasque in quadruplices contignationes extollunt; quarum ima *καυτήριον*, id est, locum cineribus recipiendis aptum; altera *πυρτήριον*, igni extruendo destinata; In tertia aptantur vasa & ollæ fundendæ vitreæ materiæ idonea; supra verò receptaculum est, ad nonnullum caloris temperamentum constructum, ne vitra recens conflata subitaneo frigori exposita rumperentur. Omnia hujusmodi fornacis receptacula non ferro, non calce, non saxi vivis; sed lateribus crudis ex argilla huic operi & igni fortissimo sustinendo congrua, construuntur; ollæ quoque, quæ materiam vitream continent ex argilla quadam hic Romæ ex Savonensi agro advecta conficiuntur; deinde fornax lignis longis quernis, vel ilicinis aliisque incenditur ad octiduum, uti hic Romæ, sub certis tamen gradibus; primò lento, deinde fortiori, & tandem fortissimo. Liquefacta itaque intra ollas materia Vitriarii fistulis vel ferreis, vel æneis tripedalibus, intra ollas immixtis versatisque, ex iis, quantum operi conficiendo satis esse judicant, extrahunt, in marmore ante fenestellam posito versant, atque per fistulam sæpius inflant & ne æstus per fistulam ingressus iis noceat, remotam ab ore ad maxillam applicant, mox fistulam sublatam aliquoties in orbem retorqueutes, vitrum faciunt longum, deinde idem in æreo instrumento concavo, qui moduli vices sustinet, formant, tum calefaciendo, inflando, premendo, amplificando in poculi vel vasis, vel alterius rei figuram mente conceptam efformant, ansas affigunt, differentibus coloribus depingunt; atque hoc pacto absolutum vas fornaci refrigerii in usum committunt. Sed hæc cum ubique passim obvia sint, fusius deducenda non duxi.

Ad differentes vitrorum species quod attinet, illæ fere totidem sunt, quot mineralium species: cum omnes fere succi concreti in vitrum coalescant. Sub duplici itaque differentia vitrum considerari potest: prout naturale & artificiale; prioris generis sunt Crystallus, beryllus, topazius, & quotquot tandem sunt gemmæ diaphanæ in igne fusiles. Secundò sunt calces metallorum, quæ Spagyricæ artis beneficio in vitrum eliquantur, excepto auro; Hoc pacto Saturnus sive plumbum, in stannum, æs, & in vitrum tandem decoquitur, uti postea videbimus. Tertio sunt smalta seu encausta, quæ non nisi vitrum sunt, ex metallicis corporibus decoctum.

Non dicam hic de arenis Beli fluminis Syriæ ad radicem montis Carmeli, in vitrum purissimum ignis ope coagulatis, quorum nonnulla

L 112

vera,

Arena & cineres conficiunt vitrum.

Ex lapidibus crystalliformibus.

2 Ex lapidibus diaphanis friabilibus.

3 Ex lapidibus candidis non diaphanis.

Soda Hispanica præstans ad vitrum.

Magnetis mixtura cum vitro.

Modus conficiendi vasa vitrea.

Vitrorum differentia.

Omne minerale fusile in vitrum cogi potest.

vera, plura fabulosis involuta narrationibus reperiuntur apud *Iosephum de bello Iudaico* l. 2. Hoc experientia docet; omnem fusilem sive lapidem, sive metallum in vitrum cogi posse: Nil prætereà esse, quod facilius omnis generis colores suscipiat vitro, quod eisdem splendidiùs exhibeat; undè non sine dolo vitrum ita artificiosè tingunt, ut Smaragdi, Hyacinthi, Amethysti, Chrysolithi videri possint, de quibus paulò post; Colores qui ad vitra tingenda passim assumi solent, mineralis proprietatis sunt:

Proprietates vitri sanè mirabiles sunt; quarum nonnullas hîc adducemus.

Vitrum sulphuri incoctum in lapidem induratur. Gluten vitrorum quod.

Vitri morbiditas quomodo fiat.

Mirum experimentum in vitro in momento in pulverem resolubile.

1. Vitrum sulphuri concoctum in lapidem induratur, ita *Plinius & Agricola* l. 5. de *Ortu Subterraneorum*.
2. Albugo ovorum calci vivæ admixta in gluten evadit ad vitrorum conglutinanda fragmenta aptissimum,
3. Vitrum calore ignis liquefcit, frigore verò, sive aqueum, sive aëreum fuerit, congelascit.
4. Vitrea vasa solùm argentum vivum continere possunt, cæteris quibuscunque tandem ab eo exefis.
5. Vitrum candefactum in aquam frigidam coniectum ita morbidum redditur, ut manibus in minutum pulverem conteri possit.
6. Potest vitrum certa aqua ita attemperari, ut unum vitri frustulum in extremitate ruptum totam massam in insensibilem pulverem reducat; fit autem hoc, si frustulum iterato candefactum igni, sæpè sæpius in aqua frigidissima extinxeris: Sed de hoc experimento sanè mirifico alibi quàm amplissimè à nobis actum vide.
7. Vitrum additum fusioni metallorum, ea reddit fluxibilia, ob ingentem calorem, quo ipsum tum in fusione pollet, tum aliis liquefactilibus præbet.
8. Vitrum in igne lentum & ductile est, frigeffecto verò nil fragilius est. Cæteras in sequentibus prosequemur.

§. I.

De Metallorum vitris.

OMnia metalla vitrescunt, aurum quoque etsi id, ob tenacissimam humiditatem domari vix possit; putant tamen nonnulli Alchymistæ, aurum coagulari in cinereum corpus posse, indeque in rubini formam abire. Quod si ignium ope primo calcinent; in vitrum quidem cogi potest, sed in pristinam formam nunquam reducibile. Quod si aurum in mercurium resolutum fuerit, id vitrescere sublimatione cum salibus. Sed credat id, qui volet; experientia enim nihil horum constitit hætenus. Falsum quoque est, aurum in argentum transmutari posse, si pars una aquilæ rubeæ, quæ ex argento extrahitur, projiciatur suprâ decem partes auri mineralis optimi.

2. Argentum verò corruptibilis per cinabarim, teste *Libanio*, cum qua cæmentatur, ita domatur exsiccaturque, ut adjecto sale facile abeat in vitrum. Lazurinum colorem induit, cum prius argentum in calcem seu crocum cæruleum reductum fuerit. In citrinum vitrum duodecima sanè parte abiisse observavit *Gnathon Clavens* in fornace vitriaria duobus mensibus crematum.

EXPERIMENTUM

Quo argentum in vitrum deducatur ex Bodino.

ARgentum solvatur aqua communi chrysulca; solutio præcipitetur in aqua dulci, in qua nonnihil salis ammoniaci sit solutum; Calx indè collecta chrysalcolla misceatur, ignibusque in vitrum hoc pacto conflatur: Quod si non satis pellucet, calci addito borace operatio tam diù repetatur, donec voti tui compos fias. Quomodo verò hujusmodi vitrum Lunæ denuò in argentum reducatur, hisce docet *Bodinus*: Vitream materiam contritam testæ fictili committit, & hanc in aliam capaciorem patinam, catinum, vel ollam collocat; addito igni dicit argentum vel ipsam testam penetrare, & in vase seu testa capaciore priori subdita reperiri, reliquiis in superiori testa remanentibus. Ego hoc loco per testam congruentius puto, eum significare voluisse catillum cinereum, quam Cupellam vocant, de qua amplè in *XI Libro*; quæ tamen etsi subindè argentum, si non rite confecta fuerit, absorbeat, ea tamen excrementitiis tantum facibus combibendis ab artificibus destinata fuit.

Argentum vitrescit.

Reductio vitri in argentum.

2. Stannum vitrescere *Geber* testatur, eò quod in profundo habeat fugitivam Mercurii substantiam, quæ uti longa mora in igne aufugit, ita quoque omni destitutum humiditate tandem in vitrum coalescit. Hoc pacto cerussa stanni usta vertitur in cinerem candidum, & indè in substantiam vitream coloris lactei, quo singuli vasa sua illiniunt, ut in igne crusta vitrea & candida obducantur.

Stannum vitrescit.

Plumbum nullo pene negotio in vitrum reduci, non est opus multis verborum ambagibus demonstrare, cum quotidie hoc artificium metallorum conflatoribus fere in usu sit. Vitrum nigrum, rubeum. Citrinum & aliter aliterque coloratum fit, pro conditione calcis plumbeæ in lithargyrium, vel cerussam, aut plumbaginem miniumve calcinata.

Plumbi vitrum.

Vitrum antimonii, quo nil communius est, servit vasis in quæ transfusum vinum redditur mirifice catharticum, cujus frequens in nostro pharmacopœio est usus; Fiunt quoque medaglia & numismata ex hujusmodi sive regulo, sive vitro antimonii, quæ immissa vino, id catharticum reddunt. Habemus & annulos ex vitro antimonii factos, qui idem vino injecti præstant. *Geber* miram colorum varietatem educit ex cerussa plumbi & stan-

Vitrum antimonii.

Colorum varietas ex cerussa.

ni;

plumbo,
stanno.

ni; utraque enim super prunis agitata arefactaque adjecto borace, & olei tartari, quantum satis est ad incorporandum igne fusionis leviori transit in vitrum, plumbum quidem in citrinum, stannum in album aqueum; quæ tamen celeri fortique fusione in sua reducuntur metalla duriora prioribus. Æs in vitrum deduci posse, experimentum sequens docebit.

Vitrum
æris.

EXPERIMENTUM

Quo æs in vitrum, & denuò in æs reduci posse docetur.

Fundatur in crucibulo æris portio, verbi gratia una libra; à quo fuso separa dimidiam partem, quam alteri crucibulo impones; Sritaque æris liquefacti uni parti arsenicum insperferis, æs ubi frigore induratum fuerit, id in materiam vitream & haud secus ac vitrum frangibilem, scabram & penitus malleo indutilem degenerasse reperies; reliquam verò partem arsenico immunem frigiditate restitutam facile negotio lenta & malleabilis evadet. Spectatur in hoc experimento mira quædam in pristinum statum æris reductio; si enim æs in fragilem statum arsenici ope reductum borace saturaveris, id in pristinum æris statum mox restituetur. Utriusque effectus sane exoticici causam si quæras: Dico primò, æs in fusione constitutum, & arsenico imbutum, hujus acrimonia & excellenti siccitate, omni humiditate exui; unde glutine consumpto, partes disuniri, & consequenter æs morbidum & adinstar vitri fragile evadere necesse est. Hoc tamen si borace imbueris, mirum dictu, statim in pristinum statum reducetur; quia æris molliem, quam arsenici siccitas abstulerat, eandem borax ei restituit.

§. II.

De vitris, quæ Amafa & Encausta aut Smalta vulgò vocant, eorumque operibus.

Nihil in Vitraria admiratione dignius occurrit Smalto, quod nonnulli amausum, Græci *ἐγκαυσον*, encaustum vocant; Germani à facili fusione id vocant *Schmaltsglass*. Artificia quæ indè emergunt, aded in æstimatione sunt, ut apud Reges & principes non habeatur in precio cimelion, sive ea fuerint numismata, sive annuli, sive horologiorum thecæ, quæ non encausticis coloribus pingantur; opus sane plenum admiratione ob tantam colorum nitidissimorum varietatem.

Si enim peritum & ingenio pollentem Artiftam naçta fuerit *ἐγκαυστοποίησις*, certe omnia gemmarum lapidumque preciosorum artificia, sive colorum varietatem, sive splendorem spectes, longe superent; Lapidem quoque inde effecti, Orientalibus multò lucidiores nitidioresque, visuique gratiores sunt.

Est igitur Smaltum vitreum corpus mundissimum, non tamen uti vitrum diaphanum aut transparens, sed diversis coloribus splendidissimis opacatum.

Si quæras, qua arte hujusmodi encausta seu smalta parentur? Dico ex omnibus metallis id excoqui posse; cum enim metallum quodpiam in calcem vel terram redactum fuerit, ea vitriariorum fornacum ollis imposita, æstuantissimi ignis violentiâ, tortâ tandem in vitrum evadit mundum, non tamen diaphanum & transparens, etsi ab omni metallorum quæ prius inerat corporis impuri & nigri fæculentia, liberum & immune. Consumptis ergo ignis vi impuritatibus, essentia illa pura ex vitro elucet coloribus jucundissimis & pretiosis, quasi inclusus crytallo puro igniculus, quale quid spectatur in electro & carbunculo. Smalta itaque prout perite elaborata sunt, præcellunt. Latet itaque in calce metallorum quidpiam luci puræ haud ab simile, quod igni purgatum in Smaltam vitream exurgit; similitudo quædam pulcherrimæ Mundanæ massæ novissimis incendiis ab omni sorditie expurgatæ in gemmeam gloriam conflata. Sed jam ad hujusmodi smaltorum sive encaustorum confectionem progrediamur.

Calx Veneris sive æris in vitrum viride ignium vi fusoria dabit smaltum obscurum, maxime si fumo vitietur; purum autem excellenti viriditate præditum consequeris, si calcem Veneris cum aqua falsa, seu muria in marmore conteras levigesque aded exacte, ut digiti tactum non offendat; deinde aquis dulcibus puris toties abluas, donec nullæ amplius sordes in aqua deprehendantur; debet autem hoc fieri aquis actu calentibus; calx sic elaborata funditur in vitrum perfectius fusibiliusque seu mollius, quam si absque lotionem & contritionem eam conflasses.

Eadem ars est Calcis plumbi, Jovis, Lunæ, nisi quod calces diversorum metallorum, diversorum colorum amausa præbeat; Et primò quidem plumbum & ferrum fulvum dant amausum; Stannum album & candidissimum; argentum cæruleum; quæ invicem variè cōmmixta, ingentem coloratorum smaltorum varietatem efficiunt. Sed jam quomodo & qua ratione indè consulentur, exponamus.

Conficitur Venetiis omnigeni coloris smaltum, partim in longa fila, partim in virgas aut rotundas massas tractum; quibus potissimum utuntur ii, qui vitriariam artem ad lampadem exercent; ex quibus tum coronas precarias, tum ornamenta muliebria, inaures, annulos, flores tantâ varietate conficiunt, aded naturalibus similes gemmas, ut subinde quoque peritorum oculos fallant; Videas hîc corallina, amethystina, adamantina, smaragdina, crystallina, gemmea figmenta, vel ad ipsius naturæ, ut ita dicam, invidiam elaborata, tanto splendore, commisto-

LII 3

misto-

Modus encaustæ præparandi

Encaustum viride ex calce

Encausta varii coloris ex calcis

Dignitas operum encausticorum

ἐγκαυστοποίησις


Modus la-
borandi
smalta ad
lucernam.

Mira inde
sunt.

mistorumque ad invicem colorum diversitate, ut ea ad Indos Barbaros translata, comparatione eorum aurum, argentum, gemmasque nil reputarint. Ex huiusmodi smaltis figuras & imagunculas omnis generis conflant. Omnem admirationem superant pennarum ex subtilissimis smalti filamentis confecti fasciculi, quos nisi vilitas obstaret materiae, Regum Principumque pileos ob splendoris excellentiam & filamentorum nitidissimorum decorum non dedecere. Omnia tamen hæc nullo fornacis beneficio, sed solo lampadis usu conficiuntur. Verum quia res visu digna est, modum procedendi paucis describam. Lucernam instruunt digitalis crassitie elychnio instructam, quam ante se mensæ impositam tenent; deinde smalteam fila seu virgas lucernæ flatu, in longum flammeumque radium diductæ apponunt, qui tantæ efficaciam est, ut quasi in momento smaltum eliquet; eliquatum dexteritate manuum in globulos, jam in radiosam foeturam, nunc in aliud quidpiam, quod voluerint, forcipe transformant, in quo & illud admiratione dignissimum est, ex varia diversicolorum smaltorum colliquatorum commixtione, tanta emergit colorum diversitas, quam nè pictor quidem majorem effecerit. Cum huiusmodi conflatores non infrequenter, tum ad artis rationem investigandam, tum ob delectationem, quam ex similibus ingeniosis operibus capiebam, visitare; inter alia mihi proposita, & illud unum fuit; Si machina fieri posset pneumatica quæ flatu suo suppleret continuatam & laboriosam, qua exhauriebantur, flammæ insufflationem? Respondi, nullam me videre difficultatem, quo minus desiderata machina confici possit, fidemque dedi in investigando modo & ratione eam constituendi; quam tandem hac ratione, quam subdo, fieri debere exposui. Duos folles fieri curavi, haud ab similes iis, quibus portatilia organa instruuntur, quibus præponebatur anemotheca, five venti

receptaculum; è quo subtilis canaliculus five syphunculus derivabatur usque ad lucernæ elychnium; hoc pacto insidens scabello suo opifex solo pedum alternis pressionebus alternatim elevabantur folles, qui uti ventum conceptum per angustum syphunculum exprimebant, ita quoque maxima tarditate dum descenderent, sine nova pedum, quo vectes premebantur, sollicitatione, moram sat longam relinquebant artifici ad laborandum. Itaque sine oris flatu flatum copiosissimum & vehementissimum folles suppeditabant opifici, ad quodcunque volebat, efficiendum. Verum quia res consideratione digna est, machinam hinc subdam.

Quia verò paulo ante pennarum mentionem fecimus, quomodo & qua ingenii industria illas conficiant, paucis exponam. Ex ligno mataffam; qua fila passim à mulieribus complicantur, paratam habent; deinde accipiunt smalteam virgam, cujuscunque voluerint coloris, quam flammæ impositam flatu primum in filum subtilissimum diducunt, quod mataffæ affigunt; deinde circumacta mataffa filum trahit, subsequentem & continuatam smalteam materiam in fila diffusam, & hoc pacto summa celeritate colligunt, quantum voluerint, circa mataffam filorum smalteorum copiam; deinde fila pro longitudine & crassitie futuri fasciculi facta in pennaceum adaptant tubulum; ut hic in margine vides; quæ infra sericeis filis colligata, tam decorum, tam nitidum efficiunt ex filamentis opus, ut nullus ferè sit, qui satis mirari queat operis pulchritudinem, multique artis ignari, nescio cujus peregrinæ avis, five manucodiata, five ardeæ Balearicæ plumas esse sibi persuadeant.



CAPUT II.

De Artificio gemmarum lapidumque pretiosorum confectiōe.

ARS Naturæ in omnibus imitatrix, hoc potissimum intendit, ut quantum fieri potest, ejus effectus si non vera & reali efficientia, saltem secundum analogiam quandam & quam verisimillimè attingat, quod tum in aliis jam in præcedentibus discussis, tum potissimum in artificiosa lapidum, gemmarum margaritarumque confectiōe elucescit. Quam artem nè præterisse videremur, hinc paulo fusius describam. Cum ad multa, si fraus absit, præsertim in cultus Divini promotione & Ecclesiasticis ornamentis elaborandis utilissima esse possit. Dico

itaque primò, quomodo ex sola smalteamateria saphyri, Smaragdi, Amethysti, hyacinthi, carbunculi, topazii & similes pretiosæ gemmæ ad vivum elaborari possint; Et ne hoc loco avaritiæ labe depravatis hominibus imposturæ detur occasio, simul addemus modum, qua ratione adulteria gemmarum facili negotio cognosci queant. Verum ne *Lectorem* diutius suspendamus, *ἐγκαυστοποιία* ordiemur.

Smaltum idem esse dicimus, quod veteres Encaustum dixere, & nil aliud est, quàm liquati coloratique metalli pigmentum; unde Encaustæ *ἐγκαυσται* ii vocantur, qui liquatis

Quomodo
ex Smalto
varii lapi-
des pre-
tiosi con-
ficiantur.

Quid *ἐγ-
καυσται* &
ἐγκαυσται
ad
*ἐγκαυσ-
τοποιία*.

liquatis metallis colores inurunt, encaustum eliquatum auro agglutinant, five metallicum pigmentum auro inurunt, aut liquanti coloratoque metallo aurum inducunt; cujus ope adeo vehusta & elegantia fiunt opera, ut iis

nil five raritatem splendorisque dignitatem spectes, comparare posse videatur. Quomodo autem & quo ingenio fiant ex *Blasio Vigenerio* & *Bulengero*, qui ea ex lingua Gallica in Latinam vertit, paucis exponam.

CAPUT III.

Quomodo gemmæ ex Smalto seu Encausto confici possint.

ENcausticum igitur opus fit è vitro & metallis, quæ inter se Naturæ sponte mirificè consentiunt. Vitrum quod ad encausticum opus adhibetur, non è silice aut fago, aut tribulo paludum fieri debet, sed è petra seu lapide, ut vitrum illustre, splendidum & crystallinum fiat, unde encaustum efficiatur metallis inurendum; cineres è silice aut tribulo, è quibus fit vitrum, dissolvunt in aqua calida, & segmentis panni candidi adhibitis, aquam puram & claram in vas suppositum transmittunt; quidquid sordium est, in cineribus subsidit in priore vase, nec per pannum transmittitur; sed aqua tantam clarissima & limpidissima, quæ modico igne in salem candidum concrevit, quum humidum aqueum exhalavit, qui arenæ aut lapidi, seu saxo purgato admixtus, & minio perfusus, in fornacem vitri mittitur. Minium illud aut minerale est seu metallicum aut factitium è plumbo usto. Calx illa rubra plumbi fit in igne vehementi & clauso, ne in aëre exhalet, *πῦρ ἀνιχνύρας*, aut ignis reverberatus, & in clauso vagus ac errans vocari potest. Vitri Artifices vas quoddam è terra pingui candida, cum ossibus arietum tritis, & aliis medicamentis capacissimum & amplissimum fingunt, quod nullo igni quamlibet violento corrumpi, aut dissolvi possit. Vas illud in fornacem mittunt, & in medio collocant, cineribus vitro faciendo aptis plenum, qui vi ignis liquefiunt, mox ferreas linguas in vas illud ardens immittunt, quibus materia illa pinguis & liquida adhærescit, è qua vitra fiunt: Sal igitur ille Alkali minio perfusus in capedine terrea sex totos dies flammis ardenti perseverat; primo & altero die materia illa miniata flavescit, tertio & quarto virescit; duobus aliis albescit, & aëris colorem induit, & crystallina efficitur, è qua fiunt adulterinæ gemmæ, & encaustum seu smaltum. Crystallina illa materia ut cogatur & concrevat, calcem metallicam è plumbo & stanno Cornubiensi purissimo in fornace reverberante conflata adhiberi necesse est, ut stanno encausto seu smalto adferat soliditatem, & corpus ne sit pellucidum; sine plumbo nullum metallum in vitrum transire potest; cum igitur materiam illam crystallinam & calcem plumbi ac stanni, utramque tenuissimo pulveri similem inter se miscueris, & quasi patulum panem aut subactam massam ex iis effe-

ceris, foramen in medio fodies, ut exhalet inutilis humor, & per se sensim exsiccare patieris, tum massam illam exsiccatam in fornacem vitriariam mittes, eoque dum liquari incipiat, mox è fornace extrahes, & refrigerare materiam fines; tandem in vase terreo, quod igni non solvatur, liquefcere subiecto igne fines, spumam pinguem supernatantem cochlearibus ferreis extrahes, donec 24 horis materia fervens purgatissima & limpidissima fiat. Hoc tibi erit smaltum album, quod quocunque colore imbui poterit. Si smaltum illud cum crystallo in pulverem contriveris, & in fornace vitriaria liquefcere, & metallicam autem, seu petram subterraneam metallicam adjeceris, existet nigrum splendidum; si addideris argentumustum cum sulphure, cæruleum Turquinum effeceris; si æs in laminas tenues secueris, & per quinque dies ufferis, & in smaltum illud injeceris, efficies virens. Æs terustum tingitur smaragdino pellucido. Cæsum, glaucum, violaceum, cinereum, fiunt è smalto illo, cui metallicam petram vario modo temperatam admiscueris. Si nitrum seu salem petreæ indideris, colorem margaritarum expresseris. Smaltum rubrum clarum principatum inter alia obtinet; flavum bracteolatum argento addito effeceris luteum paleatum, item luteum aureum, luteum mali punici; sed luteum citrinum fit è ferrugine anchorarum, quas vis maris arrosit, aut ex croco ferri, quem ex aceto stillaveris. Smaltum ed firmitus, lætius & integrius est, quod diutius ignes patitur. Rubrum effeceris, si æs in calcem redactum vi ignis vitro seu smalto candido injeceris, unà cum ramentis ferri & auripigmento. Si plus vitri injeceris, roseum splendidorem effeceris, est murex dilutus, vel ostrum dilutius. Si plus plumbi indideris, cave stannum admisceas, minoris enim erit splendoris. Rubrum clarum efficies, si plumbum & argentum vivum auro infuderis, item spiritum æris, & sulphur æris incombustibile.

Æris illius tinctura usque adeo saturata est, & eminens, ut colorem auri nativum augeat & exaggeret: sed color ille exaggeratus igne vehementi deletur. Exaggeratio illa coloris in auro fit per spiritum volatilem æris, quod cum auro sensim in capeduncula terrea excoquitur caliculus metalli fusor. Ut igitur colorem auri exaggeres, aliquid argenti vivi cum

Smaltum candidum.

Nigrum.

Cæruleum.

Viride.

Cæsum.

Violaceum.

Smaltum Rubrum.

Smaltum Roseum.

Aureum.

Sine plumbo nullum metallum vitrescit.

Verum aurichalcum
sive electrum.

אורחאל
Hebræis electrum.

Metallis
qui inuruntur
colores
smaltel.

cum auro & spiritu æris miscebis, quia vivum argentum prohibet, nè tincturæ & colores exurantur, & ignis vim moratur id temporis, quo tinctura & color in aurum intimè subit. Aurum ita tinctum quasi folium pyropis subjicitur: aurum enim quod fulvo tingitur, corpore æris adhibito, semper nigricans, lividum & marcidum est; quia substantia æris, quæ per se nigricat, nigris maculis liberari non potest, sive radas, sive coquas, sive gummi & sandraca laves. At aurum, quod tingitur spiritu æris est veterum Orichalcum & electrum, undè pocula fiunt, quæ venenum, si quod injectum fuerit, indicant & produnt. Hoc item aurum spiritu æris exaggeratum, vi solius plumbi, non alterius metalli in vitrum convertitur, undè fit smaltum seu encaustum rubrum clarum. Imò aurum vi plumbi fit volatile, aut in oleum mutatur, quod vitrum aureum vocatur: quod *S. Ioannes* in *Apocalypsi* pavimentum Coelestis Hierusalem, quasi tesseriis vitreis stratum esse, testatur. *S. Hieronymus* aurum illud vitreum vult esse electrum *Ezechielis*. אורחאל Hebræis dictum. Non ita pridem argentum asperum & sincerum cum ære & plumbo excoquebant & concorporabant, ut rubrum clarum existeret, quam *Nelluram* vulgò vocarunt, quum in grana argentum liquefactum, & in aquam injectum concideret. Smaltum auro, argento, æri, non aliis metallis inducitur & inuritur. Item vitro & testis fictilibus; imò nuper reperta ars inutendi smalto marmora & durissimos lapides, ita ut igne non violentur. Ut metalla, & ex metallis colores inuras, smaltum in minutissimum pulverem in mortario ferreo durissimo tere pistillo ferreo cum modica aqua; melius enim cum mortario res succedet, quàm si in porphyretico lapide tereres. Colores qui ex metallis inuruntur, hi sunt; niger, violaceus, viridis, ferrugineus seu castaneus, cinereus, cæruleus, seu glaucus; tuber, clarus, luteus ex auro, qui omnes colores pellucidi sunt & splendidi, cum albus & cæsius Turquinus sint opaci. Cum triveris hos metallicos colores in mortario cum modica aqua, effunde quidquid est aquæ, & pulverem illum tenuissimum in patella vitrea reponito, cui tantum affunde aquæ fortis, quam è nitro & vitriolo subjecto igne stillatitiam efficiunt, ut pulveribus innatet eosque tegat. Et toties pulveres illos aqua forti imbutos aquâ fontis limpidâ lavato, donec ea nihil fordium trahat, sed nitida & clara exeat. Aqua fortis pingue metallicum purgat, aqua fontis limpidâ, si quid terræ admixtumerat, abluit & tollit. Smaltum tritum in aqua limpidâ facile integrum servatur, extra aquam fordes concipit. Pulveres isti tegulâ æreâ colliguntur, & operi humilioris formæ magna cura & diligentia inducuntur, ut alli ab aliis segregentur, ne fortè pulverum aut

colorum confusio aut perturbatio fiat. Cum probè collocati fuerint, chartam vulgarem aqua madefacito, & inter manus aquam exprimito, ut charta sit loco spongiæ, quæ humido exusto smaltum exsiccat, quod sic cum lætius & hilarius est, quàm madidum. Illa pulverum collocatio dicitur vulgò *prima pellis*; Deinde smaltum laminæ ferreæ impositum paulatim in fornacem intruditur, ubi exardescit, donec liquefcere & moveri incipiat: tum enim è fornace debet educi, ut refrigescat; mox adduntur secunda & tertia pulverum collocatio, & opus fornaci & igni vehementi permittitur, donec smaltum planè coloribus inustum sit: Tum è fornace opus eductum expolitur lapide idoneo, & absolvitur famio lapide. Ut encausto eminentia cujusvis figuræ, vel opus tumens, aut in umbonem plus minus elatum inuratur, acinos pyri aqua limpida madidos fumes, illisque smaltum irrigabis, quod viscosum factum, & quasi glutine illitum, facile operi adhærebit; aliter non adhæresceret umboni, & extantibus signis, aut prominenti figuræ: cum tamen nullo negotio smaltum fundo vasorum & operum humilioris formæ adhærescat. Rubrum clarum non adhærescit nisi auro. Rubrum opacum in argento, & ære probe collocari potest, cætera encausta seu smalta auro, argento & æri inhærere possunt. Tunc dicuntur auro adglutinari, metallicum pigmentum auro inuri, liquenti coloratoque metallo aurum pingi, describi, distingui; encaustum auro illini, obduci: ubi encausto metallum inustum est, opus est absolutum. In pluribus encaustis seu smaltis admiscetur vitriolum, minium, vel humus plumbeæ venæ. Crocus Martis seu ferri nitrum, nativa, vel factitia ærugo rasilis, magnesia & rupes metallica, quæ sub agris arentibus & macilentis nasci solet.

Ex hisce patet, generalem massam fieri ex crystallo præparato, & per salem tartari ad summum purificato; cui adijcitur sal alcali fixum; atque hujusmodi massæ contusæ miscentur colores, qui quo puriores sunt, eo vitrum fit excellentius, & consequenter, quo præparatio est subtilior & coctio ingeniosior, eo lapis fit præstantior. Verbo. gemmificii cardo in hoc vertitur, ut facias ex metallis mineralibusque convenientibus smalta seu vitreos colores illosque illiques materiæ, quæ constat ex una parte crystalli præparatis & duabus salis fixi.

Saphyri confectioem si desideras, tum accipe salis alcali bessum, crystalli præparati trientem; zapharæ semidrachmam commisce, & artificiose per triduum in fornace vitriaria concoque. Si quæras, quid proprie zaphara sit? Dico esse lazurium illud ex magnesia Saturnina, quod bismuthum quoque vocant, & hoc vitream massam cæruleo tingit colore, quo & figuli ut plurimum uti solent;

Generalis
massa ad
lapides
pretiosos
tingendos
fit ex crystallo.

Confectio
Saphyri.

Figulorum
praxis in
vafis cæru-
leo colore
tingendis.

Smaragdi
confectio

lent; hic enim in porphoretico lapide lævi-
gatus illitusque fictilibus, cruda tingi subni-
gro colore qui vi iguium tamen mox in cæ-
ruleum abit.

Smaragdi
alia confi-
ciendi me-
thodus.

Smaragdus sic fit. Trita cryftallo ad du-
plum minii in fornace vitriaria eliquati; massa
liquidem ex eo emergens aded nativo sma-
ragdo est similis; ut etiam peritos fallat,
nisi quod Soli expositus, plumbeus appareat;
recipit interdum æruginem, sed in igne ob
æris participationem flammam edit.

Alio modo Smaragdus fieri potest; si ca-
pies minii trientem, cryftalli præparati un-
ciam, æruginis duas drachmas, misce &
colliqua; Est enim mira & abdita vis æris ad
Smaragdum, qua facile coeunt.

Topazii
confectio.

Topazius fit; colliguatis ceruffæ qua-
drante, & semiuncia cryftalli in fornace ven-
tosa, quam *ancimiam* vocant intra catinum
argillâ manitum clausumque; per ceruffam
hic aliud non intelligitur, nisi calx plumbi,
quam & alii album Hispanicum vocant.
Quidam hanc quoque componunt ex calce
æris, minio nativo & cryftallo adjecta cal-
ce Jovis quadrupla; quamvis ex his ego non
tam Topazium, quam chrysolythum con-
fieri existimem.

Hyacinthi
confectio.

Hyacinthus cærulei coloris fit ex præpara-
to cryftallo, & ceruffæ binis uncis; addita
vitrioli. *Ioannes Baptista Porta* in Hyacintho
conficiendo sic procedit: capit salis com-
munis 5 partes, halonitri 1. miscet & pro-
jicit in plumbum liquefactum, agitaturque eum
spatula ferrea & feli cinis, quem ablutum
purè eliqua in gemmam. Si verò hunc ex
cæruleo rubrum efficere velis, cape filicis
albi partes 4, cineris plumbi, five ceruffæ 2,
nitri 4; squamarum ferri duas drachmas; in
fornace concoque, & habebis Hyacinthum
rubrum.

Rubini
confectio.

Rubinum præstantissimum *Isaacus Hollan-*
dus libro de mineralibus unà cum *Paracelso*
efficere se posse putant tincturâ rubeâ lapidis
philosophorum; sed uti lapis iste philoso-
phorum à nemine hucusque visus fuit, ita
quoque de Rubino omnibus rubinis & car-
bunculis orientalibus præstantiori confi-
ciendo, nulla fides præstari debet: sed de
hoc in sequentibus fusius. Undè verò ex
metallicis calcibus tanta colorum diversitas,
mirum cuiuspiam videri posset. Verùm qui ea,
quæ in *Octavo* & in *Nono Libro* tradidimus, re-
cte perceperit, originem colorum non potest
non videre; sal metallorum, omnium horum
effector est: Est enim color cæruleus nil aliud
quam sal argenti, ex quo descendunt lapides
pretiosi; ex ceruffa stanni & minio plumbi ar-
te finul & natura juxta differentes coloris gra-
dus cooperantibus idem existunt. Ex spiritu æ-
ris fit sal, & deinde oleum, quod auro junctum
constituit elixir ad Smaragdum; Ex croco
Martis fit Mercurius, seu aqua ad gemmas po-
tissimum, & ad adamantes formandos peri-
donea.

Calces me-
tallorum
quos colo-
res addu-
cant.

Aqua ad
adamantes
formandos
idonea.

Nullum pæne minerale aut metallum est,
quod in cryftallum cogi non possit; & ratio
in promptu est, quum subsistentia solida mi-
neralium metallorumque, nil aliud sit, quam
salina vis Naturæ, quæ uti omnibus, uti in
Sexto Libro ostendimus, vim condensativam
confert, ita quoque ad consistendum firmi-
tudinem præstat, & maxime in cryftallo cæ-
terisque diaphanis gemmis, qui puri puti dif-
ferentium salium effectus sunt, elucescit; &
experientia convincit in Arte Spagyrica.

1. Aurum in Cryftallos cogi potest per
sublimationem vehementemque ignis expres-
sionem: hoc pacto: Aurum aquâ regiâ solu-
tum distilletur iterum iterumque, donec plane
solutum sit; deinde abstractâ aquâ usque ad
oleositatem reponitur in cella, qui ibi tan-
dem in cryftallos rubentes abit, in aurum ta-
men, uti alibi docuimus, reducibiles.

2. Argentum in cryftallos cogitur, si sol-
veris id aqua forti, solutio clara à fæcibus
depurgata distillatur ad mediam partem, ex
quibus in cella consistunt lapilli, qui elabo-
rantur, deinde, ut fiat medicina vel contra
epilepsiam, vel ad gemmam conficiendam.

3. Ex ære cryftallos colligunt, solvendo
æs aqua forti, sumitur æs ustum adinstar
sanguinis rubicundum, solutio fiat ad dige-
rendum per mensem in vitro forti, donec
cryftalli virides consistant, ex quibus & tin-
ctura fit Veneris & oleum inde extrahitur.
Nos verò in nostro pharmacopœo nullo pæ-
nè negotio nitrum & vitriolum, quod æs
liquidum dicimus, in cryftallos ducimus, vel
per stillatitiam aquam, vel spiritum vini sol-
vendo, & per colatorium transigendo; hoc
enim Soli in catino fictili expositum, in pul-
chros cryftalli hexagonos efflorescit.

4. Ferrum cryftallizat oleo rubro chal-
canthi cum duplo aquæ fontanæ; in hac
mistura solvitur eliquati ferri scobs; solutio
per filtrum purgata coquitur in vitro ad ter-
tiam partem remanentem; quæ deinde fri-
gido reposita loco lapillos separat, qui tan-
dem aquâ stillatitiâ purgantur, filtranturque,
donec tandem coagulati nitidissimam cry-
stalli indolem assumant.

5. Stannum cryftallizat, si adjecto sul-
phure comburatur in cinerem, five calcem;
vel etiam per acetum stillatitium ejus ceruffa
extrahatur; Extracta solvitur aqua pluviali
prius distillata; solutio filtrata coagulatur in
lentissima balnei evaporatione, repetendum-
que est hoc opus septies; donec ultimò
emergant lapilli cryftallini puri & limpidi;
& *Lapilli Jovis* dicuntur.

6. Plumbum in cryftallos cogitur eodem
modo, quo stannum, ex ceruffa videlicet, vel
minio, quod in aqua dulci prius solvatur, so-
lutum filtratur coaguleturque; & hoc toties
repetes, donec cryftallinos lapillos efflo-
rescentes purissimos comperies.

Hoc pacto Mercurium, sulphur cæteraq; mi-
neralia in cryftallos cogunt Spagyrici. Verùm

M m m

quia

Aurum
quomodo
crystalle-
scat.

Argentum
qui crystal-
lescat.

Æs qui
crystalle-
scat.

Ferrum
qui crys-
tallefcit.

Stannum
qui crystal-
lescat.

Plumbum
qui crystal-
lescat.

quia de iis alibi quoque dictum est, iis hic immorari noluimus.

Nova
splendida-
rum men-
sarum con-
fectio.

Scajola la-
pis funda-
mentum
altus.

Ad artificia vitrea & smalteas, seu mavis encaustica reduci possunt illæ mensæ, quæ hodiè spectantur Romæ, uti nova, ita rara inventione admiranda, quæ sanè tanta elegantia & nitore fulgent, ut qui artificium ignorat, eas ex nitidissimis marmoribus, Jaspidibus, alabastris cæterisque magni pretii lapidibus confectas putet. Artificium sanè elegantissimum paucis describam. Certum Talci genus, quam *scajola* vocant, ex Sicilia, ubi frequens ejus proventus est, non sine sumptibus asportari curant: quamvis & in Hetruria inter montem Politianum & Pientiam ejus haud obscura indicia observarim. Hanc Scajola in minutissimum pulverem resolvunt, & ex ea pastam, ut vocant, conficiunt; deinde mensam vel tabulam sub quacunque figura ex rudi marmore conficiunt, quam & excavant nonnihil, & fundamenti loco totam pastæ massam gypso marmoreo mistam inducunt nigro seu fuligineo colore oleo lini subactam indunt, atque aded deplanant poliuntque, ut speculum, aut lydium lapidem exprimat; Hoc peracto omni genere colorum massas pastæ separatas imbuunt; deinde quicquid voluerint, supra deplanatam jam Tabulæ superficiem, delineant, historias scilicet, volucrum animantiumque figuras & imagines foliaturis variis mirè inter se perplexis designant; Delineatione rerum peracta juxta varias imaginum umbras subtili graphio excavant, & pro colorum exigentia pastam injectam deplanant, pu-

micibus expolunt in splendidissimam, atque adinstar speculi lucentem tabulam seu mensam; quam & pro operis splendore & apparente dignitate vili pretio, puta 10. 15. 20. scutis vendunt; quæ si ex marmoris variegati insertionem facta fuisset, vix 100. 200, vel 300. scutis perolveretur. Ut proinde sola res caras faciat hominum æstimatione.

Dum Florentiæ anno 1661. morarer, Serenissimus *Joannes Carolus S. R. E. Cardinalis* Medices in cubiculum pro suo in me tæcæque studia affectu introduxit, qui dum mihi pulcherrimas nitidissimasque picturas, quibus totum conclave exornabatur, demonstrasset; rogavit, quasnam putarem hujusmodi picturas esse; egoque responderem; à nobilissimo haud dubiè pictore factas esse; ille subdidit; falleris mi Pater, has picturas penicillum non tetigit; quodcum mirarer, totam picturæ & in ea procedendi rationem exposuit. Estque ejusdem prorsus rationis, quam in mensis conficiendis elaborandisque adhibere solent: Suntque hujusmodi imagines & picturæ perennes; & si quandoque pulveribus aut humiditate obscurentur, sola simplicis aquæ lotionem ad pristinum splendorem reducuntur. Huc quoque revocari possunt opera Musiva, seu Musica, cujusmodi imagines cupularum *Sancti Petri* effictæ sunt; neque distinguuntur à præcedenti, nisi quod Musivum opus variis imbutum coloribus, & deinde in tesseras sectum in fornace prius coquatur in perenne picturæ opus.

Florentinæ
picturæ en-
causticæ.

CAPUT IV.

De Gemmarum Adulteriis,

S E U

De fucata lapidum gemmarumque compositione, partim proprie experimento, partim peritissimorum scriptorum autoritate & amicorum communicatione comprobata.

Quomodo
gemmæ
maiores vi-
deri pos-
sint, quàm
revera sint.

Priori capite modos nonnullos recensui, quibus gemmas quis imitari possit, hoc capite obiter, quo pacto id ex mente *Boëthii* fiat, ut facilius falsæ à veris distingui possint, ostendendum superest. Majores quam sint visui se offerunt gemmæ, dum multis superficiebus inferior pars, id est, ea quæ cistæ includitur, cælatur. Multiplicem enim superficierum reflexione, magnitudinis species quædam spectanti promittitur. Dum etiam inter inferiorem superficiem, & suppositam bracteam aer intermedius, est corpore vacuus, gemmæ majores, quàm sint, apparet. Quia aer corporis vices subit, ac tantò crassiores gemmas, quàm ipse est videri

facit. Si loco aëris vitrum suppositum sit, aut crystallus, & absque glutino vel colore intermedio; multo major gemma, quàm sit, videtur. Si color additur in conjunctione cum mastichis lachryma, aut vitrum coloratum sit colore gemmæ; non solum major sed coloratior apparet, atque hic modus frequens & usitatus est. Coloratiores etiam gemmæ redduntur, dum illorum inferior superficies colore perspicuo illinitur, ac deinde bractea splendens supponitur. Fit autem color perspicuus, adjiciendo mastichen igne depuratam. Depuratur, si granum mastiches cuspidi ferreo adhærens igni adhibeatur, ut fluere incipiat, & excrementa opaca digi-
torum

Mastichis
depuratio.

torum pressu à parte perspicua secludantur & abjiciantur. Colores qui adduntur, varii sunt, & tales, quos gemma desiderat. In singulis capitibus veros colores, qui singulis gemmis competant, docebo. Nam hic tantum in genere fuci gemmarum ostenduntur. Dixi nobilissimum fucum esse cum crystallus aut pseudoamas, aliave gemma colore vacans & diaphana in aqua aliqua colorata maceratur; vel in igne, aliove modo ita tingitur, ut corpus gemmæ intrinsecus colorem perspicuum suscipiat. Aqua gemmas penetrans ex terebinthina & aquæ vitæ conficitur, huicque color additur ex metallis extractus, ac in aqua urinæ stillatitia dissolutus ac per alembicum elicitus. In hanc aquam tepidam crystallus tepidus immittitur & maceratur aliquot horis, donec tincturam in se recipiat. Recipit autem facile, quia mollior redditur lapis. Ad rubeum colorem inducendum croco martis, ad viridem ærugine, ad cæruleum Lunâ, sale ammoniaco, & aquâ forti, ad cyaneum ærugine, & lapide lazuli opus est. Veterum quia ut dixi mollescunt gemmæ, possunt pristinae duritiei restitui, hac ratione. Cystis fit ex pasta filiginea, huic intruditur crocus martis. Deinde gemma una, aut plures chartæ includuntur, ac croco imponuntur, ita ut croco charta undique tecta sit. Postmodum occcluditur pasta, ac fornaci cum panibus committitur, ac post panem exemptum remanens adhuc per horas sex in furno, recuperant gemmæ pristinam aut majorem duritiem, quam prius habuerant. In igne tinguntur crystalli integri (*Baptista à Porta* auctore,) hoc modo: *Sumantur stibii partes sena, auripigmenti quaterne, arsenici crystallini terna, sulphuris partes & tertia bina, omnia seorsim teruntur, & tenui cribello discernuntur, ac olla induntur. Crystalli frustula vel aneis pilis suspensa, vel pulveribus demersa igni opponuntur, ut quaternis vel quinque horis excandescant, sed sine follium flatu, ne in partes dissoluantur vel liqueant. Argumentum legitimi coloris est, si exemptum frustum fragrantissimi & fulgentissimi sit coloris, sin minus, igni denuò tradendum, ac post aliquam moram eodem modo tollendum. Diligens autem cura adhibenda, ne dum ex igne tolluntur, refrigerentur extemplo. Nam friantur, & in plures partes dissoluntur. Si Hyacinthi color placuerit, cito ab igne tolluntur, si saturâ purpurea desideratur, diutius igne relinquitur: Hactenus *Porta*. Gemmæ coloratæ ut Saphyrus; Topazius, Amethystus & Granatus, si illorum color auferatur, Adamantem effingunt. Solet in eum scopum præcipuè Saphyrus eligi, qui vel ferri scobe vel cretâ obrutus, ignitur donec artificem voti compotem faciat, ut suo loco docebo. Ignis beneficio etiam à *Porta* docente, altera tantum gemmæ pars colore suo privari potest, ita ut gemma ex parte Adamas & ex parte Saphirus videatur. Eodem modo*

Rubinus una parte Adamantis speciem reddit. Ait Ille, partem quam proprium colorem servare volumus, cretâ oblineendam esse. Sic alteram, quæ igni exposita est, ac flammæ radios nuda suscipit, colorem admittere, ac Adamantem ostendere. Gemmæ factitiæ veris satis similes ex Crystallo, Topazio, filicibus aliisque mollioribus gemmis, vel ex nobiliori vitro, metallicisve corporibus, aut ex illorum commixtione fiunt.

Alexius Pedemontanus sequentem pastam ad fictitias gemmas describit: Recipit plumbi à figulis calcinati uncias tres, ac tantum aquæ supra fundit, ut uno aut duobus digitis emineat, eamque agitatur digito, ut plumbum ima petat. Postmodum effundit aquam, & servat ad vas vitriandum, ne materia vasi adhæreat. Deinde recipit tres uncias minii sicci, immiscet plumbo, adjicit unam unciam crystalli, aut calcedonii calcinati, ac scrupula duo aut tria ad summum lamellarum tenuissimarum cupri. His benè mixtis & confusis imponit ea ollæ argillaceæ benè plumbatæ & humectatæ aquâ dictâ, ac eam benè obferatam committit furno vitriario aut ventis per diem, & ita habetur optima pasta.

Ad Smaragdos effingendos accipit sal Alkali, quod dissolvit aquâ, filtrat, & exsiccare finit, idque opus tertio repetit; postea in pollinem redigit, quemadmodum etiam crystallum. Deinde accipit uncias duas & semis crystalli, salis alcali uncias duas, æruginis aceto macerati & colati unciam unam, miscet, ac vasculo plumbato imponit, ac luto, ne quid expiret, optimè munit, ac per triduum exsiccare finit, aut diutius, tandemque per diem figuli furno committit. Si Rubinum cupit, cinnabarim loco æruginis, si Saphirum, lapidem Lazuli; si Hyacinthum, corallium adjicit. Calcinat autem *Alexius* crystallum, vel calcedonium hoc modo: Tartari calcinati uncia una in aqua clara dissolvitur & colatur. Crystallus verò & calcedonius ignitur in cochleari ferreo, ac in aqua prædicta extinguitur, idque opus septies repetitur, hoc pacto optimè calcinatus in pulverem teritur, ac mixturæ seu pastæ adjicitur. Si Smaragdus optatur, in mortario æneo, si Rubinus, in ferreo tundendus est. Sed quia gemmæ factitiæ molliores crystallo propter additiones alterius materiæ redduntur, docet *Alexius* aquam, cujus beneficio indurescunt. Jubet itaque capere magnetis frustula ac calcinare, ut de crystallo dictum est, ac deinde in pulverem teri, in loco humido poni, ut in aquam solvantur: aquam istam nutrire vult vitriolo Romano vel Pannico crudæ pultis instar; deinde ex ea præcipit per retortam extillari aquam, ut ea humectetur farina hordei, & fiat pasta dura, in quam imponantur formati lapides. Nam si ea dum panis coquitur, in furno relinquatur, ac cum pane eximatur, ait ille duritiem maximam gemmas acquirere. Vidi apud Gallum quendam

Processus
Alexii Pedemontani
in confectio-
ne gemma-
rum.

Crystalli
calcinationis
quomodo
fiat?

Induratio
per aquam
certo modo
preparatam.

factitias gemmas perquam elegantes, & naturalibus quamfimillimas. Is se non alio quàm prædicto modo eas confecisse mihi assererat. Opus dictum neque sumptuosum, neque magni laboris videtur, à me tamen hactenus nondum expertum est.

Qui colores quas gemmas exprimant.

Pasta ad gemmas factitias nobilior est, *Porta* teste, quæ ex Crytallis, Silicibus aut Topazio Bohemico fit; Nam si vitrum additur, aut plumbum, graviores & molliores fiunt. Calcinantur autem Silices & Topazius ut crytallus: Deinde color, qui desideratur, additur. Minium & viride æris Smaragdi colorem præbent. Cerussa & Crocus Martis Hyacinthi; minium, & cerussa Chrysoliti; Zaphara, vel Lapis Lazuli, item sal armoniacum, & argentum Saphyri colorem exhibent. Aurum Rubini colorem à nonnullis Crytallo tribuere asseritur. Stannum Adamantis aquas ostendere dicitur. Harum rerum curiosi ex variis metallorum mixtionibus varios colores in opere ipso deprehendent. Pasta ad gemmas ignobilior est, si vitrum addatur crytallis vel silicibus. *Ioannes Baptista Porta* in sua *Mag. Nat.* varios modos, quo pacto factitiæ gemmæ concinnari possint, docet, ad quem *Lectorem* remitto. Quæ hîc à me desiderari videntur, in singulis gemmarum Capitibus tractantur, ubi & gemmarum fuci aut imitationes ostenduntur. Hîc nihil aliud restare videtur, quam ut si quis fingere gemmas velit, doceatur pastam igne æquali regere, nè inæquali bullæ, vel atomi fucum prodant; Deinde pastæ materiam, exactè mundare, & à sordibus eluere post calcinationem, ne vitia fucatæ gemmæ habeant, oportet. Quæ sane diligens artifex absque alia admonitione si sedulus fuerit, facile servabit.

Nota de Bracteis seu Foliolis, quæ gemmis ad splendoris augmentum supponuntur, ex Boetho l. de Lapidibus.

Spectat hæc praxis solummodo gemmas diaphanas, quæ quidem lucere non possunt, nisi sub se quidpiam quod lucem repercutiat, speculi adinstar habeant. Ad hunc finem bractæ seu foliola metallica inventa sunt, quæ non solum id præstant, sed & gemmarum colorem mirificè promovent; variis autem coloribus ad libitum tinguntur, ut hoc modo gemmæ prius veluti mortuæ & diluti coloris vivaciores & coloratiores videantur. Bractæ ex ære solo, vel ære, auro & argento ad tenuissimæ chartæ similitudinem malleo cuduntur, deinde poliuntur creta tenuissima vel argilla Tripolitana, & smiride lapide lævigantur tam diù, donec lapidis vestigia in bracteis non amplius appareant. Bracteis præparatis furnus construitur duplex, supernus & infernus; in utriusque parte suprema foramen est; In inferiori furno carbonem accensi, & ab omni prius

foetida exhalatione exusti induntur, bractæ verò superiori orificio supraponuntur, aut filis in eo suspenduntur, ut fumum suscipiant, qui hyacinthi colore eas absque alia additione tingit. Si alii colores desiderantur, plumis avium id efficitur; Nam viridis viridi, cæruleus cæruleo, rubri rubro, & flavus flavo colore bracteam si furno exurantur, tingent. Saphyri color plumis anserum cæruleis; Smaragdi color buxi foliis, flocisque panni coccinei habetur.

Plumis avium exustis quomodo tingantur bractæ.

In Boëmia ubi magna topaziorum, pseudadamantum, beryllorumque coloris tamen expertum copia reperitur, sola supposita bractea aurea vel argentea in diversarum gemmarum apparentiam transmutant. Si enim auream, vel auro imbutam bracteam lacca, id est, colore rubro ex auro translucente, topazio prius in polyedram figuram adaptato subdideris, pulcherrimi coloris Rubinum ille tibi exhibebit: Si colore viridi argenteam ita imbueris, ut ex argenteo fundo transluceat, ille tibi amoenissimi coloris Smaragdum exhibebit; ita Saphyrum bractea illi subdita ex cæruleo translucentem exhibebit; hoc pacto pro bractæ coloratæ conditioe Amethystos, hyacinthos, chrysolithos aliasque gemmas pulcherrimas, vel in una crytallo aut beryllo nitissimo exprimunt: In rotundis huiusmodi Crytallis res non eundem successum habet, facile enim fucus apparet, manifestante se oculis bractea colorata, sed in multilateris tantum, quia colores variè circa angulos reflexi bractæolam varia sua inumbratione tegunt; Sed jam ad aliam fucatas gemmas conficiendi methodum describendam procedamus.

Supposita bractea variis coloris gemmas exhibet.

PROPOSITIO I.

Rubini confectio.

A Dulterari vel fucari solet Rubinus tribus modis: Primò dum ipsi si absque aliqua vel pauca rubedine sit, uti paulò ante diximus, rubra bractea, aut color aut vitrum aliquod rubro colore tinctum, & splendens substernitur. Qui modus nonnullis idèd carere fraude putatur, quod vera gemma scilicet colore non proprio, adjuncta appareat. verumtamen fraus est, pretium gemmæ alieno colore augere. Ob hanc imposturam famæ jacturam fecit gemmarius quidam, dum *Rudolphum* Imperatorem decipere conaretur. Secundò dum alia gemma nobilis candicans, ut Saphyrus albus, Crytallus, Topazius aut pseudo-adamas in illius locum substituitur, atque propter colorem, bracteam, aliudve corpus diaphanum substratum, ita rubet & radiat, ut à verò Rubino nihil differat. Tertiò dum vitri partes duæ mastichæ ita glutinantur, ut mastix colore cocci tincta per utrumque vitri corpus ita pelluceat, ut verus Rubinus videatur. Horum modorum secun-

Imposturæ Gemmariorum.

Fraudis
detectio.

secundus & tertius usitatissimi sunt. Verum non adeo difficulter deprehenduntur. Primo modo fucati dignoscuntur, quia non exacte scintillant, limam non perferunt, ac colore pulchriores veris videntur. Horum fraudem solent aliqui ad unguem noscere: Nam si colore rubro caruerit, ac gemmae planities ungui superponatur, visusque ad superficiem gemmae & unguis dirigatur, candor absque colore apparebit. Veruntamen gemmarii inferiores gemmae superficies variis angulis ita artificiose scalpare norunt, ut multiplici superficie in omnem partem reflexae, fraudem innotescere perito artifice non semper possit. Propter has fraudes Rubini hoc seculo non tanti, quam olim sunt.

Nonnulli Rubinum emittuntur auripigmento, quod excoquant in vase non exacte obturato lento igne: ac frustula vitri lateribus adhaerentia, sed admodum frangibilia statuis cereis adhibent, ut Rubini vices, quos exacte referunt, suppleant.

PROPOSITIO II.

*Margaritarum confectio.*Margaritae
difficiliter
adulteran-
tur.

Vix ob aliam causam tanto in pretio sunt margaritae, quam quod non facile adulterari possunt. Aurum adulteratur facillime. Gemmae ex vitris duplicatis concinnatae atque inclusae ita fallunt oculos, ut gemmarii periti, nisi eas eximant, a veris non discernant. Sola margarita neque corrigi, neque alieno fucis elegantior reddi potest. Tradit tamen *Linthoramus* Indos, ut margaritas pulchras reddant, oryzam cum sale contundere, ac ea mixtura fortiter illas fricare, ita fieri pulcherrimas crystalli instar; ac splendorem non amittere. Non mirum itaque catenas margaritarum ab heroinis, & foeminis nobilioribus, aureis praeferi, meliusque divitias ostentare, quam gemmae aut aliud quicquam, quod adulterio fucove obnoxium est. Tradunt varii authores rationes, quomodo margaritae falsae fieri possint: Nam nonnulli ex pulvere concharum, alii ex creta orbiculos formant, quos postea argenteis foliis obducunt, ac obductos albumine ovi humectant, ac siccare sinunt, ut margaritae videantur. Alii sunt, qui ex margaritarum pulvere concinnant cum albumine ovi, ac postea exiccant, verum pondere & colore facile mangonium deprehenditur. *I. Baptista Porta* hunc modum scribit: *Margarita in sacculum una cum smiri pumice, sapia ossis pulvere injiciantur, & ex aqua sublata manibus tractentur, usque dum elatas & politas cognoveris, dein resiccatas in pollinem redigito. Solvantur limonum succo, ac morentur donec solutas noveris, & pingue quoddam olei instar in humoris superficie natare videas, id argenteo cochleari excipe: postea pulverem in orbem redigito, manibus, vel typis stylo argenteo ac porci seta perforatas margaritas oleo inungito, ac e filo pendentes vitro includito, Solique exponito; Dum siccatas videris nullis vel*

Confectio
fucata
Margarita-
rum.Modus
Porta.

*hordei fermento non salito neque acido involve, ac in furno excoqui finito, aut columbis manducandus praebeo, vel in lacte situs Ebuli; & praestantes habebis. Si aliter placuerit, ubi succo, vel forti aqua fuerint dissoluta Margarita, clara lavabis lymphâ, vel distillata, lotisque manibus, ne tractando sordescant & palleant, sic lacteo fici succo, cochlearum aqua ferventi balneo distillato, aut ovi albore glutinabis, perforabis & siccabis, argentea lavando semper aqua & commiscendo. Aquam argenti sic parabis: Forti aqua solutum fatiscat purgatum argentum, lenibus prunis evolet aqua, tertium relinquendo, mox ab igne vas tractum dimittito, deinde sub dio noctu relinques, donec glaciât, & argentum in crystallini lapilli specie reperies, rite ablues fontis aqua, ut lucidiores conspiciantur, quos vitreo condas vase ac putri, fimo solvere sinas, quo mergas factitios uniones & immorari finito, & lucidos argenteo colore pellucenti reperies. Haecenus *Porta*; ubi multa occurrunt quae asteriscis notari possent. Hi enim fucandi modi etiam si non plane displiceant, non tamen omnino satisfaciunt, quia ex pulvere margaritarum solutarum nunquam ita solidum corpus graveque effici, ut ante fuit, potest; neque video cur columbis prius devorandas det. Sed relinquamus unumquemque suo abundare sensu, ad nostra revertamur. Perspectus mihi alius modus, qui prorsus Naturam imitatur, deinde etiam modus, quo pacto augeri possint margaritae, sed haec tanquam arcana in alium locum consulto reservanda duxi.*

PROPOSITIO III.

Saphyri confectio.

Solet Saphyrus vitro caeruleo inter duos Bohemicos Adamantes glutinato, egregie adulterari. Alii ex vitro massam caeruleam in igne conflant, eamque expoliri jubent, indurant, & imperitis pro Saphyro vendunt. Solet id artificium variis modis perfici; Plerumque in massam vitream ex crystallo aut filicibus paratam, momentum Zapharâ injicitur, videlicet dragmae duae ad libram unam, ac movetur massa igne candens, quam optime ferreo unco; Deinde exempta particula exploratur, num plus Zapharâ aut massae addendum sit, si iusta mensura apparuerit, per sex horas effervesce finitur, postea eximitur, ac Saphyrum referens massa perito sculptori sculpenda ac expolienda traditur. Si rite massa facta fuerit, vix à vero Saphyro distingui pseudosaphyrus poterit. Quae fictitiae sunt, plerumque bullulas seu atomos in corpore habent, qui propter ignem non aequaliter in massam agentem proveniunt. Ita *Boet*.

PROPOSITIO IV.

Opali imitatio.

Adulterari duplici vitro, vel colore, ut aliae gemmae Opalus non potest. Scribit

M m m 3

tamen

tamen à *Porta*, calcem stanni in vitrum crystallinum excandens injectam illud obnubilare & colorare Opali instar: Sed oportet sæpius ex igne eximere, & accommodare, donec quis voti compos fiat. *Quercetanus* à spiritu nitri alembicum vitreum intrinsecus ita tingi variis coloribus asserit, ut Opalus videatur. Qui modum tingendi scire cupit, legat libellum, quem edidit de priscorum Philosophorum vera medicina.

PROPOSITIO V.

Smaragdi compositio.

OMnibus ferè modis Smaragdi adulterari possunt; Nobilior modus fit crytallo, vitro, & filicibus calcinatis & fufis, si iis exigua quantitas minii adjiciatur: ita ego præstantes factos vidi. Alii æs ustum in tenuissimum pollinem redactum addunt, adjecta croci ferri dimidiato pondere, ac sex horarum spatio coquunt, ac vas per se refrigerari sinunt, gemmamque polituræ committunt. Si exactè quis operatus fuerit, Americanis omnino similes efficiet Smaragdos.

Smaragdus quomodo fiat. Aliter ex Cardano.

MAjore negotio Smaragdus conficitur. Teritur crytallus tenuissime, additur marcia cocta * & ærugo splendidissima, vel vermicularis, foditur later crudus; imponuntur hæc tria ac in fornace laterum excoquitur inter alios signo addito, id est, extrahitur gleba Smaragdo similis quæ excinditur, & politur quidem, vitrum tamen est, sed adeò elegans, ut nisi qui primò invenerunt (inventum enim hoc est novum, atque ab annis decem circiter) magnis fructis nimis celeriter voluissent ditari, indeque suspicionem copia & magnitudine injecissent, potuissent & nunc latere fraudis maximo & incredibili inventorum lucro, quanquam nec sine lucro fuerint: Vidi adeò pulchros, ut auro circumdati nativos splendore vincerent. Optimè succedit, si omnino bullis careant: nam bullæ vitrum esse declarant, & sordidum lapidem faciunt; tangitur tamen limâ, nam vitrum est; omnis enim gemma plumbi odore transit in vitrum, præcipuè verò, cum fuerit tenuem in pulverem redacta.

Saphyrus in adamantem quomodo verti possit.

Tertius gemmas adulterandi modus longè nobilior ac minus damnatus est, arte cum natura luctante. Gemma in gemmam mutatur ignis ope. Saphyrus nitidus, sed alioquin diluti coloris cum auro jungitur, apponitur igni sensim donec liquecat; fervet aurum horis tribus aut quatuor, inde gemma tollitur, & sensim refrigerari permittitur, invenies Adamantem: gemma enim manet, nec lima tangitur, quicquid autem est

coloris cærulei, perit. Idè coloris dilutissimi Saphyros quærimus: sunt enim viliores, & celerius in Adamantem transeunt atque perfectius mutantur. Qui primum invenit, hoc ditatus est valde, brevique tempore, inde detecta re adhuc lucrum arti relictum est: nitet enim plurimum ob saphyri duritiem. Sunt qui ex aqua marina gemma vilior & molliore faciunt Adamantes pulchros; Sunt qui & Saphyrum non incoquant auro, sed creta involutum in igne solum, eodemque modo res succedit. Observandum tamen est, ut gemmæ frigida ignis sensim circundetur, & rursus ut peracto opere permittatur refrigerari ignis extinctione, nam detrahare ex igne haud tutum est; Vitium est, si quicquam remanserit vestigii coloris cærulei.

PROPOSITIO VI.

Topazii compositio.

TOpazii aurei coloris ob elegantiam adulterantur omnibus modis, quibus aliæ gemmæ adulterari solent. Præstantior modus est, dum in crytallo, filicibus & vitro fuso aureus color conciliatur, id fit si ad singulas vitri libras quarta uncia pars ferrei croci commisceatur, atque tantillum minii addatur; sed primum addendum minium, post crocus, teste *Baptista à Porta*; Si crytallo calcinato triplum plumbi addatur, Topazius absque aliqua adjectione emergit, si per diem in fornace moretur. Aliter sic conficies; fac pollinem ex ære usto, cinnabari nativo ac crytallo, quadruplumque stanni usti adde, fusorioque vasi ex terra fortissimo indes, fornacique committes per diem, sed ignis vehemens non sit, ac semper eodem gradu permaneat, facile enim fluit pulvis prædictus.

PROPOSITIO VII.

Berylli compositio.

Berylli non sunt in majori autoritate quam Topazii Orientales, olim Chrysolithi appellati: proinde eodem pretio æstimari possunt, pro coloris tamen elegantia augetur, vel minuitur pretium, idque in omnibus gemmis fervandum est; Adulteratur Beryllus iis modis, quibus aliæ gemmæ omnes; Nobilior modus est dum æs ustum in tenuissimum pollinem redigitur, ut omnem tactum effugiat, ac crytallino vitro, aut crytallo calcinato, vitroque illi adjecto miscetur, ac fornaci committitur æris una drachma pro vitreae massæ libra sufficit.

PROPOSITIO VIII.

Crytalli compositio.

CRytallus non solum ad mundum muliebrem, dum catenæ, nodi, aliæque hujusmodi inde fiunt, sed etiam ad specula, perspicilla, pocula, scyphos, patinas, lavacra & similia

* Marcia cocta materia figurorum ad vasa coloranda.

Confectio adamant-

Topaziorum conficiendorum varii modi.

Berylli confectio.

lia usui est; Adeo dum absque vitio est, huiusmodi pocula vel scyphi à Principibus appetantur, & sat magno in pretio sint. Aureus enim scyphus pedis magnitudine interdum centum scutis divendi potest, aliquando etiam pluris. Exigui cryalli, ex quibus nodi aut coronæ fiunt, viles sunt, ac cælaturæ pretium non superant: Ex cryallo etiam adjecto vitro, ac arena purissima saleque alcali nobilissima vitra cryallo vero quàm similia, fiunt Venetiis. Inservit etiam cryallus ad gemmas imitandas dum calcinatus plumbi tribus partibus miscetur; huic solent metallica addi, ut optatus Smaragdi, Topazii, vel alterius gemmæ, color prædeat. Cryalli beneficio etiam ignis solet à Solis radiis colligi, dum nempe rotunda planities modicum convexa Soli ita opponitur, ut corpus id, quod ignem suscipere debet, circa convexi centrum ponatur. In mollioribus etiam corporibus & delicatulis, cauterii ferrei vices supplet, quanquam non minus quàm ferrum urere & dolere existimem. Adulteratur vitro cryallino, quod illi simillimum, verum cryallo mollius & ponderosius est.

Pseudo-adamas ex cryallo.

Pseudo-adamantes dum peritè cælati sunt, etiam auro includuntur, ac dum exigui sunt, ita veros æmulantur, ut non nisi à peritis dignosci possit. Hinc fit, apud Bohemos, Hungaros & Moscos non exiguam habere auctoritatem, maioris tamen quàm cælaturæ pretium sit, non venduntur, nisi duri sint, & egregie scintillent. Eadem ratio Citrinorum & Iridum, qui omnes supra cælaturæ pretium non plus valent, quàm velit emptor; habentur enim in satis magna copia, magnaque frustra pugni instar nondum elaborata, & prorsus perspicua uno, aut duobus scutis tantum divenduntur. Elaborata & in scyphos aptata venditoris arbitrio ac emptoris deliciis commissa, sæpe satis magno distrahuntur.

PROPOSITIO IX.

Calcedonii compositio.

Commandatur Calcedonius contra omnia atræ bilis symptomata, hoc est, tristitiam, timorem, dæmonumque insultus; Nec desunt Authores vani, qui gestanti victoriam (quæ tantum à Deo datur) promittant. Ex India Occidentali afferuntur nonnulli modicè translucidi, ex albo pallescentes, nonnulli lacteis zonis distincti, quos prædicant appensos valere ad lactis ubertatem; Hodie propter copiam non magni fit; si tamen majora frustra egregie sculpantur, nec desit color insignis, magno interdum vendi possunt, ac non multò viliori pretio quàm Sardonyx. Adulterium Calcedonius vix meretur; sic tamen imitaberis: Igni ad colliquefaciendum cryallum immittes, argenti calcis parum commisceto, per diem fornaci immorari finito, & habebis quæsitum.

PROPOSITIO X.

Onychis compositio, seu Pseudonyx.

Onyx simplicior vix unquam solet ab aliquo imitari. Illa verò quæ corpus album à nigro distinctum habet quam sæpissime, ut nempe cælata, postea pro Cameo divendi possit: Fit autem hoc modo, conchæ parvæ marinæ quibus mulieres Italicæ ad fucum utuntur, in pollinem redigantur, ac in succum limohum aliquoties per filtrum depuratum ponantur, ita tamen ut succus tribus aut quatuor digitis supranatet; Sinatur ita per decem dies succus bene coopertus in calore; postea effunde succum, residuum aquâ elue, ac tere in porphiritide albumine ovi, prius optime conquassato, ac in formas projicito; postea non formatam partem externam optime expolito, ut supra stratum nigrum optime & dextre collocari possit, & fraus non cuivis facile innotescat. Inter terendum alii colores optime triti addi possunt, ita ut Sardonyx hac ratione etiam fingi possit, nec minus aliæ gemmæ, aliive lapilli pretiosi.

Fucatæ Onychis conficiendæ ratio.

PROPOSITIO XI.

Turcoidis imitatio.

Turcoidem apprimè Vitriarii Veneti Venetiis imitantur. Vidi Gallum, qui ita dextre imitari poterit, ex alia materia, ut à vera gemma propter venulas nigras, quas illi inserebat, cognosci non posset. Pro factitiis illas vendebat, ac satis magno, propter elegantiam pretio; Puto chrysocola nativâ, ac aqua lapidescente adjectis paucis aliis illum usum fuisse. Ut amissum colorem recuperet, nonnulli solvunt colorem transmarinum aqua chrysulca, eâque distillatione abstractâ reliquias superstites exsiccant, iisque Turcoidem fricant; Alii aquæ Chrysulcæ imponunt, ac abstersum aceto parum committunt, deinde in aquam frigidissimam mergunt, tum enim coloratior fit. Verum istis artibus paulatim intrinsecus color in cutim trahitur, evanescit, ac gemma ingrator & vilior redditur. Rectius oleo vitrioli cutis superior exeditur, ut subjectus color elegantior gemmam faciat.

Cardanus fol. 290. Lib. de Subt. de Achatum imitatione sic scribit: Omnibus tamen gemmis unus apponitur lapis Achates, & ipse è gemmarum numero, sed tam variis generis, ut unum lapidem esse non credas. Candidus, rubens, croceus, cinereus, viridis, niger, varius, caruleus? Quid moror? huic uni nec omnium aliarum gemmarum colores satisfaciunt. Ille lucos, prata, animalia, flumina, flores, arbores Naturâ ludente refert. Celeberrimus in historiis est Achates Pyrrhi Regis, novem Musas cum Apolline in medio Cytharam pulsante referens, singulasque cum propriis ornamentis, ut videatur tunc

Achatis descriptio.

tunc Natura cum pictore certasse, atque hic miraculum dici potius debet, quam gemma. Nobis duo sunt Achates, in quorum altero Natura hemisphaerium pinxit cæli, distinctis orbibus, in medio terra rotunda quasi aqua supereminens. In reliquo hiatus terra fumum emittere videtur, qui aërem obumbret.

Caterum illud admiratione dignum, quod alius fumi color, alius aëris, qui ex eo obscuratur: fumus candidus quasi ac densus, aër subrubens, ac mediocriter perspicuus; Alii etiam Achates referunt avium oculos, & nos talem habemus, alii autem piscium. Ponticus qui sanguineis guttis interstinguitur aut atris, montium refert & convallium imagines. Quidam humanos oculos leucophthalmi, quidam lupo Lycophthalmi, quidam capra agophthalmi vocati. Vidi & viridem perspicuum lineis duabus candidis pulcherrimè distinctum, quem dubia esse natura crediderim. Nam velut in animalibus muli ex asino & equa, & Lycisca ex lupo & cane, ita & lapides quandoque miscentur è vario genere, mixta eorum materia causisque illos producentibus.

Caterum, quod ad Achatem Pyrrhi Regis attinet, nimis ridiculum puta, casu illum adeo ad amussim ornatum ac distinctum fuisse. Hoc igitur sic contigit. Pictor validis coloribus lapidem aliquem è marmorum genere pinxit, ut novem Musæ pulsantem in Medio Apollinem mirarentur; Inde seu casu, seu ex industria lapis ille sepultus jacuit per multos annos, eo in loca, ubi Achates gigni lapides solent. Contigit itaque circum circa gigni Achatem perspicuum & aqueum, inde inventus referebat Musas & Apollinem illum quasi Natura industriâ fabricatum, cum Achates jam gemma esset; Nam si spica & muscus arboribus harena in Achatem transeunt tractu temporis, ut ego Achatem habuerim cum quinque spicis, quas diceret nunc ex tritico excidisse, & tamen lapis erant, imò gemma, sic etiam musci non parva pars aderat, quanto facilius pictus lapis mollis ille in Achatem potuit transire.

Itaque si quis loca Achatum observaret, & maxime ubi perspicui generantur, hoc enim est necessarium; sepeliat verò picturam ex coloribus perpetuis, quales sunt ceruleus & aureus è metallo constantes, tum maxime si cera pupica pauco oleo temperata, aliove perpetuo sed perspicuo tamen unguento opus linat, quale est, quod apud nos vernix liquida vocatur, quæ picturis absolutis pretiosioribus solet induci, Achates nascetur sic pictus.

Verum dices, frequens hic esset Achates sic pictus, si tam parva arte parari posset: Verum, non animadvertis, primò oportere sepeliri ubi gignantur Achates, tum verò Achatem qui circumducitur, esse splendidum & perspicuum, tum verò intra paucos annos transire in gemmam antequam pereat pictura, nec dilui prius aliquo externo humore, ne aboleatur imago, demum contingere ut absolutus effodiatur. Quot enim pisces sunt, quos nemo unquam piscatur, & fera in nemoribus, ac aves quas nullus unquam cepit, sponteque sua in propriis locis obeunt; tot esse existi-

ma gemmas, quæ latitantes locis quo genitæ sunt, nunquam in lucem prodeunt, sed in primam matrem terram ut coaluerant vestigata, ita eadem revertuntur. Tamen si Achates varietate nobilis sit, quia tamen parum splendet, raro pretium ingens habet inter gemmas. Hucusque Cardanus, quæ non abluunt ab iis, quæ nos in Libro VIII. de genesi figurarum in lapidibus nascentium tradidimus, ad quæ Lectorem remittimus.

PROPOSITIO XII.

Auri à Lazulo separatio.

Quo pacto aurum ex lapide Lazuli, postquam tritus fuerit, separandum sit.

Lapidis jam ad porphyrium triti libram, commisce unciam mercurii purgati, ac misce optimè in mortario, deinde exprime per linteum, & mercurius unà educet per linteum aurum; postea expressam materiam tigillo impone, vulcanoque committe, ita mercurius evolabit in auras, & quod remanebit in tigillo, aurum purum erit; Id si relinquatur in igne color junctus, eum magis splendentem, molliorem & in penicillo ductui & extensioni faciliorem reddit.

PROPOSITIO XIII.

Usus coloris ad picturas.

Propter immensum coloris ultramarini pretium non solent eo uti pictores, ut aliis coloribus, sed pingunt imagines, quas ceruleas volunt, communi ceruleo ex Armenio preparato, aut ex vitro illius coloris, quod Smaltum vocant; deinde partes eas, in quibus lux hæret, cerussa, postmodum coloribus istis, ut res postulat, ritè adhibitis iisque optime exsiccatis, ultramarino colore humectato oleo nucum, & spiritu terebinthinæ totam illam picturam ceruleam, tanquam vernice, aut linimento quodam tenuissimo oblinunt. Hoc modo per obductum colorem tanquam per glaciem aut vitrum subjecti resplendent, pulchritudinem non solum excellentiorem à velamine nacti, sed & perpetuitatem, ut nè ducentis quidem stannis, vel minima lucis, vel pulchritudinis portio decedat; nec mirum, quia quem ignis colorem consumere non potuit, multò minus aër aut Sol exedere poterit. Ita Boëthius.

PROPOSITIO XIV.

Color ultramarinus Lazuli.

Quo pacto ultramarinus color alio modo, & brevius à Lapide separetur.

Recipe lib. i. lapidis in tenuissimum pulverem redacti, ac cum aqua clara ad porphyrium triti, & impone scutellæ vitriatæ, donec pulvis in umbra exiccetur, quem iterum, si in massam coierit, in pulverem redige;

dige; deinde habeas in promptu picis græcæ 3 iij. resinæ pini 3 iij. Mastichis 3 iij. Thuris 3 iij. Olivarum 3 ij. Patellam vitream supra lentum ignem pone, ac primò imponas oleum, & cum benè calidum erit, adde resinam, postea picem, deinde thus, ac postremò mastichen, ac move optime: postea alteri scutellæ infunde ut ebulliat parum. His peractis habeas ad manum aliud vasculum, in quod pones siccum lapidis pulverem, cui affundes unguentum dictum, paulatim movendo spatula, ut bona fiat mixtio. Tum relinque per diem mixturam, & cum auferre vis colorem, funde pastam supra aquam bullientem, ac move & agita optime materiam, & cum aqua incipit refrigerari, ejice, ac aliam calidam affunde; idque fac, donec aqua colorem trahat, atque repete toties, donec omnem colorem extraxeris. Singulas extractiones separare potes, ut distinctos colores habeas.

Si color spurcitiem contraxisse videatur, ita restitues: tantum aquæ tartari adjice colori, ut ab aqua tegatur; sine per diem, postea aqua limpida colorem ablue, & habebis mundatum.

Præparabis lapidem ad dictum opus hoc modo: Dum in frustra fregeris, vasculo impone ac ure, deinde lava cum aceto, sic supererit optima pars, quæ igni resistit.

Artificia varia Tincturarum omnis generis.

Addam hoc loco pulchras quasdam *exemplares*, quæ tincturæ Rubino, Smaragdo & Sapphyro aliisque haud absimiles facili negotio confici possint, quas Excellent. Dom. utriusque Medicinæ Doctor Seren. Regis Poloniæ Archiater *Martinus Bernardus* mihi pro singulari suo in me affectu, communicavit, earumque me inspectante in nostro Pharmacopolio experimentum sumpsit.

EXPERIMENTUM I.

Tinctura rubra ad similitudinem carbunculi lucentis.

Accipe gummi laccæ, cui in aqua limpida dissoluto nonnihil aluminis, vulgo *di Rocca* adjunges, deinde totam mixturam indes vesicæ vitreæ, quod *Materacium* Chymici vocant: quam deinde cineribus calidis impones, & in intensissimam rubedinem adinstar rubini convertetur: cui si nonnihil olei tartari infuderis, tunc colorem obtinebis quem vulgo vocant incarnatinum. Nobilissimum verò dentifricium obtinebis, si gummi laccæ aqua salviæ aut rosmarini dilueris, tincturamque extraxeris.

EXPERIMENTUM II.

Tinctura ad similitudinem Smaragdini coloris.

Accipe syrupi violacei partem intra phialam, cui si aquam limpida superaffuderis, & huic nonnullas guttas olei tartari addi-

deris, habebis peracta præcipitatione tincturam Smaragdino colori simillimam, id est viridem.

EXPERIMENTUM III.

Tincturam Sapphyrino colori similem efficere.

Accipe calcem vivam in vase cupreo in aqua limpida dilutam, huic adjunges nonnihil salis ammoniaci, quod ubi 12 horis circiter consistere permiseris, tandem liquorem totum in sapphyrinum colorem cæruleum, & ultramarino haud absimilem degenerasse reperiēs. Ut verò colores hi splendiores fiant per chartam diaphoreticam prius transcolandi sunt colores sive tincturæ. Usus earum est in thermoscopiis concinnandis singularis.

EXPERIMENTUM IV.

Arcanum rarissimum quo auri scriptorii conficiendi modus traditur.

Mirantur multi eximiam illam veteribus auro scribendi methodum usitatam; nec modum ejus capiunt. Unde multi putant artem esse uti deperditam, ita inventu difficilem. Nos hoc loco modum quem nos supra laudatus Excellentissimus Doctor *Martinus Bernardus* docuit, bono publico manifestandum duximus. ita autem proceditur: Dissolvatur in vasculo gummi arabicum usque ad crassam instar pultis consistentiam, deinde illud per mundissimum linteolum percolabis. ex hoc gummi portiunculam quantitatis nucis avellanæ acceptam in orbem fictilem mundissimum (cujusmodi passim hic Romæ in mensis utuntur) depones. Postea aurum foliatum quanto plus, tanto melius est, commistum gummi digitis tanto tempore terito, usque dum totum gummi intime contemoretur. quanto enim melius subactum fuerit aurum gummi, tanto res meliorem successum habebit: Identidem dum laboras digitis, aquam eidem tepidam affundendo. Quod ubi peractum fuerit, tum denuò aqua calida superaffusa 12 horis relinquatur, donec per inclinationem aqua effusa, nova aqua tepida affundatur, quod ubi aliquoties feceris, tunc relinques usque faces subsederint, quæ est materia auri scriptioni apta. Hæc itaque intra conchas guttatim distributa dabit tibi aurum scriptorium huc usque desideratum; quo si uti velis, unam atque alteram guttam ex aqua glutinis candidi (cujusmodi in Germania melioris notæ præparatur) ad dilutionem superadditam, in usum convertes. Nobilissimum sanè secretum, & in præsentia mea comprobatum.

Possẽm hoc loco adjungere ad coronidem Chinicæ vernicis veræ & legitimæ conficiendæ modum & rationem, sed quia descriptio longior est, quam ut charta admittat, alio forsan loco opportunius *Lectori* curioso id communicandum reservavimus. Communica-
cavit id mihi R P F. *Eustachius Iamar*, Leodien-

N n n

dienfis Ord. D. August. Religiosus, qui ad stuporem omnium hanc artem hîc Romæ dum hæc scribo exercet; variaque conficit utensilia, aded splendida, & lucida, ut vernicem Sinicam, si non superet, certè æquet; neque puto ad excellentiam artis quicquam posse accedere.

PROPOSITIO XV.

Quomodo factitii lapides fiant & saxa ingentia pro columnis ceterisque monumentis.

Magna inter Authores lis est, utrum factitii lapides per fusionem fieri possint. Nonnulli existimant columnas & obeliscos Romam ex Ægypto allatos non esse, nisi fusiles lapides in tantam molem formis appropriatis eliquatos; Sed nos hanc fabulam quam amplissime in nostro *Oedipo & Obelisco Pamphilio* confutavimus; fuerint enim ex vivo saxo elaborati, cujusmodi fodinæ in Thebaide Superiori etiamnum spectantur. Esse tamen modum quendam & certam rerum mixturam, quæ in lapides fundi possit non abnuo, imo praxin apud peritiores marmorum opifices & latomos me vidisse memini; imo veterum Mosaicas sive musivas tessellas nil aliud, quam pastam fuisse fusilem in triangulos, quadratos, similesque polygonas figuras sectam, vel ipsa *Lib. I. Opus* luculenter docet; & ne quispiam ea de re dubitare queat, rem experimento docebimus. Non enim solum gemmæ factitiæ fiunt, sed saxa & marmora, quemadmodum paulo supra de mensis quæ hîc Romæ modo inventæ conficiuntur, fat patet.

EXPERIMENTUM Lapidis fusilis.

Lapides, marmora, Iaspides &c: in pulverem redigantur minutissimum, cui jungantur calx, gypsum, sal, sanguis bovinus, quæ omnia commixta aceto, vino, cerevisia, vel lacte aut ejus sero imponantur, varieque agitentur, donec in pulvem redigantur. Hoc peracto colores metallicos, quos volueris pulti commisceantur, addito nonnihil ex felle bovis, deindè spatula lignea ea industria misceantur, ut marmor fictitium venas omnes coloris, adinstar veri variegati marmoris obtineat; haud secus ac in carta Turcica præparanda fieri novimus, deindè formæ seu modulo jam præparato infunde, exsiccatumque duritiem prorsus lapideam induet, quæ deindè pumice deplanata, smigmate vel oleo polituram recipit perfectissimam. Ingenio polentes ex hac brevi descriptione mentem meam facile percipient. Quare ad alia.

PROPOSITIO XVI.

De Perlis fictitiis componendis methodas.

Perlæ
fictæ.

Perlæ fiunt hîc Romæ quoad formam veris ita similes, ut splendoris & speciei ra-

tione à veris & nativis vix discerni possint, hoc pacto: Purgant albumen ovorum per spongiam quam mundissimè, in quod inspergunt milcentque pulcherrimi talci, aut etiam conchiæ perlatae ramenta unà cum perlis naturalibus in minutissimum pulverem primò redactis; hoc mixtum in marmore optimè terunt, ita ut fiat densum amalgama, quod in Sole, vel post fornacem calidam siccetur; ex hac massa formant perlas quantascunque volunt, quas setis suillis perforant, & ad siccandum Soli exponunt, habebisque negotium peractum; si verò non satis splendeant, exterius ovorum albumine præparato more solito inunctas ad siccandum Soli exponunt, & habent quæsitum.

PROPOSITIO XVII.

Coralli ficti.

Simili modo coralli fictitii fieri possunt: Corallium fictum. cinnabarim cum albumine ovorum in marmore tere per horam, postea, ut terram figulinam sicca, deindè pingue indè globulos vel ramosam fruticem prout libuerit; sume exsiccata materiam uti perlas, exterius ovorum albumine inunge, & siccata coralli fiunt nativis ita similes, ut vix dignoscantur. Magna sanè res latet in albumine ovorum, nam vernisum indè excoqui potest, cui commixta aurea & argentea ramenta lapidem efficiunt, ei, quem Venturinum vocant, haud absimilem. Venturini lapidis confectio

PROPOSITIO XVIII.

Linii in fericum transmutatio.

Si ex calce & cinere statidis herbæ acerrimum fiat lixivium, linum in eo coctum in fericeam abit materiam, splendidam & subtilissimam, filationi aptissimam. Est & hoc mirabile, si plumæ partes pennarum ex volucris abrase in hoc lixivio coquantur, non secus ac goliolum neri & texi poterunt. Sed & hoc arcanum manifestat asbestinæ materiæ filandi modum & rationem, quam *Lib. VIII. in Capite de Asbesto* conticueram. Experimentum mirificum

PROPOSITIO XIX.

Succini confectio.

Linii tempore tingebatur ad libitum Succinum, hædorum & anchusæ radice, ac etiam conchylio, id est, violæ serotino colore. Hac ætate ars tingendi succinum perit; Si tamen verum sit, quod vulgò scribitur, in ceram ferventem immisista, molle fieri, facile quosvis colores recipere poterit. Imitatio Succini à multis proponitur. *Cardanus* ovi candido & tragacanthi lachryma immisistis formicis, culicibus, muscis, paleis, succinique pulvere, ut benè oleat, & festucas trahat, succinum imitari conatur, ac melius aptius.

aptiusque candido ovi, vitellum indicat, quod coctum humiditatem, putredinis auctorem amittat, ac in lapidem durefcatur. *Myzaldus* cryſtalli pollinem, albuminis ovi conquaſſati, aqua croco addito, miſcet, vitro imponit, ac aqua ferventi committit, dum duram conſiſtentiam adipiſcatur, quam efformat. Verum ſi corpus diaphanum cupiat, ante coctionem materiam percolat; ſed modus iſte mihi non placet. *Baptiſta à Porta* maſtychen liquidam per colum trajicit, ut expurgetur, parumque radicis curcumæ ad-

jicit, ac ſuccini ſpeciem imitatur, ſed verius, & utilius iſ nativum ſuccinum imitatur, qui id diſſolvere, ac diſſolutum iterum coagulare, vel in maſſam cogere novit. Quomodo autem id fieri debeat, verus phyſicus, ac qui prædicta intelligit, facillimè aſſequi poterit. Ignaris ac Muſarum oſoribus hæc aperire neſas exiſtimat *Boëthius*.

Sufficiat itaque Naturæ ſcrutatori, viam ita facile hoc capite demonſtrari, ut falli non poſſit. Qui exactam Succini hiſtoriam vult, *Andrea Libavii*, viri doctiſſimi tractatum legat.

P A R S I V .

A R S P Y R A B O L I C A ,

Quam & Pyrotechniam vocant.

P R Æ F A T I O .

Quanta & quam prodigioſa opera pyrotechnus in abditis terræ cuniculis Vulcanus operetur, ex terræ motibus, montium abſorptione, lacuum nova geneſi, ſubverſione urbium regnorumque luculenter patet. Qui ſane cum nil aliud ſint, quam halitus igniti ex ſulphure & nitro in meatibus caverniſque montium incluſi; certe non immerito primam ſuam inde originem traxit ars poliorcetica, quam pyrotechniam ſive pyrabolicam vocant. Quam autem admiranda inde efficiantur, hoc loco ſanè quam oportuno ad naturæ exemplar exponendum duximus, & primò quidem agendum, quomodo & quot modis pyrius pulvis tot mirabilium effectuum patrator conficiatur; deinde quomodo iſ machinis ad feſtivos ludos inſtituendos applicandus ſit. Pyrii pulveris inventio abſque ulla controverſia primo attribuitur *Bertholdo Swartzio* Germano Goſlarienſi Monacho, & Alchiſtiſtæ anno 1354, qui tamen non tam humana induſtria, quam caſu inventus ſcribitur ex mixtura pulveris, nitri, & carbonis fortuito accenſi, & cum ingenti ſtrepitu & violentia manifeſtatus.

Hiſtoriam ex præantiquo libro Germanico olim me legiſſe memini, hujus tenoris: *Bartholdus Swartz* Goſlarienſis Monachus ordinis Sancti *Benedicti*, cum mirè Chymiſtis delectaretur, atque eorum peritiâ jam magnam ſibi nominis exiſtimationem acquiſiſſet, cum quodam tempore ex ſulphure, nitro & carbonibus, compoſitionem feciſſet, & neſcio quo caſu ſcintilla ignis materiæ illapſa, ſtatim ingenti cum ſtrepitu ollam ſublata, & in fornacem illiſam confregiſſet, miratus rei effectum, novitatemque, diligentius cauſæ explorandæ incubuit. Repetita itaque multoties operatione, cum ſemper eundem effectum reperiſſet, altius quid animo volvens, materiam indidit canali, ex ferreis laminis conſtructo, cum unum globulum plumbeum ei indidiſſet, exploſa materia ſtatim obvia quævis ſtrepitu ingenti diſcuſſit. Gaudio itaque ingenti perſuſus ob inſignis emolumenti detectam inventionem, rem tamen omnibus ſecretam uſque ad ſuum tempus eſſe voluit. Erat tum temporis in loco vicino Goſlariæ ſylva ingens latronibus infamis, qui ibidem in certis locis ſtationem ſuam poſuerant in omnem latrociniis patrandis occaſionem peropportuna. Conſultabatur eodem tempore ob violentas rapinas, & homicidiorum multitudinem à Magiſtratu Goſlarienſi, quomodo hæc ſcleratorum hominum peſtis proſligari poſſet, neque modus inveniebatur. *Bertholdus* ea de re certior factus, Magiſtratum adiens, ſe latrones facili negotio exterminaturum pollicitus eſt, ſi beneficii præſtiti memores ſe haud ingratos, & ſibi & Ordini ſuo præberent. Sponſione facta *Bertholdus* ferreis ollis compluribus extructis; quas jam ſibi cognita materia implevit, una additis & lapidibus

Hiſtoria
Pulveris
pyrii,
ejuſque
primæ in-
ventionis
occaſio.

& farmentis non exigua copia, simulatusque unum se ex latronibus, confederatis iis sese adjunxit. Postquam igitur stationes solitas probè observasset, in eorum absentia in terram defodit dictas paulo ante ollas, fomite solummodo relicto accensionis suo tempore apto. His omnibus argutè constitutis, ubi ad cœnam confluxissent, & jam prædâ acquisitâ indulgentius gauderent, tum ecce accensa machina ignem, fumum, lapidesque, tanto cum horrore cœnantium sæviit, ut ultimi judicii diem vicinam esse sibi persuaderent: relicto itaque loco ceu inferni voragine, ad aliam stationem se contulerunt: ubi accensa machinâ similem fortunæ jactum reppererunt, *Bertholdo* interim exhortante eos, ut relicta perverſæ & sceleratæ vitæ semita, ad Deum per pœnitentiam sese converterent; Deum enim iratum esse eorum sceleribus, & terram jam dispositam, ut omnes sicut *Core* & *Abiram* absorberet. Relictâ itaque sylva omnes ad propria timore Dei percussi abierunt. *Bertholdus* autem re preclaro cum successu peractâ & hujus artificii beneficio expugnata jam sylva ad Magistratum reversus, quæ pollicitus erat jam se confecisse ajebat. Undè examinato negotio, & experimento facto in conspectu Magistratus omnes admiratione implevit, una cum ingenti remunerationis promissæ pecuniario dono, atque ab hoc tempore fama percrebescente multorum curiosorum animos impulit, ut materiæ rationem discerent, quam & ingenti pecuniæ summa tandem adepti sunt. Primò itaque *Bertholdus* re evulgata nonnullis Italis arcum concredidit, qui in Italiam reversi primo in bello Venetorum cum Genuensibus experimentum fecerunt artis bombardicæ necdum visæ cum magna strage hominum, atque exindè per universum terrarum orbem ars propagata eas strages edidit, quas non sine horrore in historiis legimus; atque hæc sunt quæ ex supradicto libro Germanico de origine machinarum bellicarum adducenda duximus.

CAPUT I.

De pulveris Pyrii confectione.

AD Pyrii pulveris confectionem tria oppido necessaria sunt, Sale nitrum, Sulphur, Carbones, de quorum præparatione paucis dicendum est, quæ partim ex *Siemienovio*, *Freitagio*, *Tastaglia*, partim ex aliis Authoribus, qui de Pyrotechnicis scripserunt deprompsimus; eo fine ut *Lector* curiosus, nihil aded admirabile in rerum humanarum usu cognoscat, quod sua principia non ex Mundi Subterranei Vulcania officina, traxerit.

P R A X I S I.

De Oleo ex Sulphure præparando.

Sulphuris clarificati sumatur bona quantitas, & igne liquefactionis adhibito liqueſcat in vase fictili vel æneo: habeantur postea lateres rubri perverſi qui jam antea ad structuram adhibiti fuerint: vel si isti haberi non possint, sumantur novi bene cocti, & aquam non experti: frangantur in frustula fabæ magnitudine; & in Sulphur liquefactum projiciantur. Misceatur deindè sulphur cum fragmentis laterum eo usque quoad fragmenta totum Sulphur ebibant & absorbeant. Hæc reponantur postea in Alembico ex furnello distillatorio pendente, & Chymica me-

thodo distilletur oleum: quod erit ardentissimum, & ad ignes artificiales præparandos accommodatissimum. Ita Practici.

A L I T E R.

Repleatur phialæ vitreæ, oblongius aliquantum collum habentis, sit ventris pars tertia vel quarta Sulphure tenuissimè trito referta. Huic superinfundatur Spiritus terebinthinæ aut olei nucum vel juniperi tantum, ut liquor ille unâ cum Sulphure medietatem ventris phialæ non superet. Ponatur phiala super calidis cineribus, ac ibidem per 8 aut 9 horas immoretur. Tum Spiritus terebinthinæ convertet Sulphur in oleum rubicundissimum, ardentissimumque ut prius.

Sumunt quidam ad ardentissimum Sulphuris oleum conficiendum, sequentes materias: Sulphuris lb i. Calcis vivæ lb 6. Salis Ammon: 3 iij.

Siemienovius in *sua Artigleria magna*, narrat. Chymicos olei ex Sulphure præparandi modum docet, (quod & balsamum vocant) cujus ea vis est, ut neque vivum corpus neque mortuum ad putredinem transire sinat: sed adeo integrum tueatur, ut neque ulla cælestis impressio, vel ab elementis profecta cor-

corruptio, vel ab ipsorum ortu indicta, obesse ei possit. Paratur quoque (ut *Trithemius* docet) ignis quidam ex floribus ejus cum Borace & Spiritu vini, qui per multos annos inextinguibilis est. Et lampas ad cujus lumen homines absque capitibus apparent: Verum, quid nos de igne illo senserimus *IX libro* expositum *Lector* reperiet.

Jaçant enim plura similia sine ullo fundamento; quæ in praxin tamen reducta subsistere non possant.

P R A X I S II.

De oleo ex Sulphure & Salemitri simul mixtis præparando.

Portiones æquales Sulphuris & Salisnitri simul addantur & incorporantur. postea in tenuissimum pulverem terantur, & cribro arctiore cribrentur. Materia omnis ponatur in olla fictili nova; & aceti albi fortissimi aut vini adusti superinfundatur tantum, ut materiam bene cooperiat. Claudatur olla eum in modum ut nullatenus respiret: & sic relinquatur in loco calido, donec acetum evanescat. Tandem ex reliqua materia quæ fuerit in olla, chymicis organis extrahatur oleum.

P R A X I S III.

De præparandis Carbonibus ad Pulverem tormentarium, & alios usus in re Pyrotechnica ex mente opificum Germania quem & Siemienovius ita describit.

Mense Majo vel Junio cum omnium arborum cortices propter abundantiam humoris facillimè delibrantur, scindatur bona quantitas virgarum ex corylo vel salice, altitudine unius, duorum triumvè pedum, crassitie vero pollicis dimidii: partes nodosæ rescindantur, & tanquam minus utiles rejiciantur: reliqua verò omni cortice nudatæ in parvos fasciculos connexæ, in furno calido optimè exsiccentur. Statuantur postea in una strue super æquata terræ planitie perpendiculariter, & incendantur: postquam verò jam incensa strues benè flammam conceperit, & in flagrantem soluta fuerit carbonēs, subito terrā paululum humefactā superinjectā, quā diligentissimè contegatur, nullo relicto spiraculo, ut sic omnis suppressa flamma, ac à nullo exteriori adjuta aëre evanescat; soli autem, & absque omni cinere extincti remaneant carbonēs: hi post diei naturalis decursum frigefacti eximendi, & ad sequentes usus servandi, Si salicis & coryli sufficiens non detur copia ad urendos carbonēs, vices horum tilia sicca supplere poteris.

Si exiguam aliquam carbonum portionem præparare cupis, virgulta superius dicta, vel lignum tilia aut juniperi in parva frustula

secta, & optime siccata vasi alicui testaceo includito, & operculo figulneâ cretâ ad orificium vasis firmato, postea candentibus undique stipatum prunis, per unius horæ spatium ibidem in uno continuo & æquali semper caloris gradu manere finito. Frigescat tandem sua sponte, & usti eximantur carbonēs. Sunt qui mappas, & lineam telam vetustam benè lotam & siccata, hoc modo in carbonem redigant; cui etiam non spernenda virtus in re Pyrotechnica.

D I S Q U I S I T I O P H Y S I C A.

De proprietatibus, & officiis in pulvere Pyrio cujuslibet Materia sigillatim sumpta, ex quibus pulvis ille componitur & præparatur, de quibus quid Siemienovius, & quid nos rebus de iis judicamus exponemus.

Non fortuitus, inquit Siemienovius, aut casualiter; at per summam naturalis Philosophia cognitionem, & ratiocinationem speculativam pulverem Pyrium fuisse repertum, vel id solum argumento esse potest, quod in hunc usque diem inventus sit nemo (sicet plurimi conati fuerint) qui tres similes materias proponeret, quæ benè trita, & simul incorporata essent aptæ ad formandum ignem tam vigorosum, horrendum, potentem, & inextinguibilem, usque ad consumptionem totius materia, eamque momentaneam. Cum autem inventis aliorum non difficulter addantur plura, & quicquid ortum habuit, ab inchoato & imperfecto processit ad perfectum. Nobis quoque liceat (quoniam ab inventore nihil ea de re literarum monumentis traditum est) id loci speculativas quidem, attamen ab experientia deductas observationes, virium, naturæ, operationum, officiorumque tam unius cujusque seorsim, quam omnium simul incorporatarum materialium Pyrio pulveri inclusarum, proponere: Existimamus enim futurum ut perfectiori proprietatum affectionumque tam in particulari, quam in generali istarum ingredientiarum cognitione habita, nemo posthac in re Pyrotechnica, in hos incursum sit errores, quorum correctio & sumptuosa & periculosa nimis est. Hucusque Siemienovius; qui quum nescivit pulveris Authorem, illum nos in præcedentibus deteximus:

Sciendum itaque primum est, Pulverem Pyrium eam maxime ob causam ex tribus materiis, Salemitri nempe, Sulphure & Carbonibus esse compositum, ut una alterius vel reliquarum duarum defectum medeatur & suppleat. Id autem primum in Sulphure patet. Hoc cum naturaliter ignis esca sit, facileque arripiat, & arreptum difficulter remittat ignem idque cum flamma, superat hac in parte salemitri & carbonēs; flamma autem ignis aptior multo est, omni altera ignis specie ad accendendum salemitri. At cum salnitri, ardendo resolvat sese in ventosam quandam exhalationem; hæc autem earum virium est ut subito opprimeret,

N n n 3

extin-

extingueretque flammam, quam sulphur conceperat, & consequenter extinguendo sulphuris flammam, suo quoque privaretur per sulphur introducta. Ac proinde si componeretur corpus quoddam ex hisce duabus tantum materiis, sulphure nempe & salenitri, optime tuis & simul mixtis, admoto igne, subito quidem arriperet flammam, nihilominus tamen, propter rationes superius allatas, subito quoque extingueretur. Id est ignis ille non continuaretur, perduraretque ad consumptionem, & combustionem materiae totius, sed pauxillum tantum ex illa consumeret, residuo intacto. Est autem huic defectui salutaris adhibita medicina, per appositionem illis duabus materiis certae portionis carbonum optimè ustorum, ficcatorum, & pulverisatorum; cum carbones ejus sint proprietatis, & naturae, ut cum eos vel minimum flamma ignis attigerit, excalescant subito, & in ignem absque flamma resolvantur, hic autem ignis quo magis ab aliquo vento vexatus fuerit, eo magis augebitur & conservabitur donec ejus tota substantia in cineres conversa sit. Propterea igitur cum ex hisce tribus materiis præparatum est corpus quoddam, quale est noster Pulvis Pyrius, igne admoto, subito Sulphur concipit flammam: hæc autem non tantum introducit in salenitri ignem cum flamma, sed eodem quoque momento carbones ignem apprehendere facit absque flamma, ignis vero hic (ut ante dictum) à nullo vento se suffocari patitur, immò agitatione majus sumit incrementum. Cum autem Sulphur igni sit contiguum, sive ille sit absque flamma, sive cum flamma, illud tamen non poterit esse absque flamma: hæc vero Sulphuris flamma accendit salenitri. Ideoque istæ tres materiae simul mixtæ, & incorporatæ, & postea accensæ, producant ignem inextinguibilem, ad exinanitionem, & consumptionem usque totius substantiæ. Adverte tamen ut in hisce tribus materiis non sit aliquis accidentalis defectus, vel ab humiditate, vel ab improporcionata unius materiae ad aliam quantitate profectus. Ex dictis jam concludere licet, officium sulphuris in pulveris corpore proprium illud esse ut arripiat ignem cum flamma, aliisque duabus materiis communicet & subministret. Carbonum autem peculiare studium est, in retinendo, conservando, atque defendendo igne jam in sulphur introducto, ne ab illa vehementissima salenitri ventosa exhalatione suffocetur. At officium salenitri illud maximum est, producere & causare quam violentissimam exhalationem ventosam; in hac autem, omnis virtus, vigor, & potentia motrix pulveris sita est: ac proinde salnitri omnium mirabilium Pulveris Pyrii effectum principalis ac primaria causa est: aliæ verò duæ materiae, sunt tantum eum in finem salenitri additæ & alligatæ ut eundem in ignem &

ventosam resolvi faciant. Nam si quispiam componeret pulverem ex sulphure tantum & carbonibus, & tormentum bellicum etiam maxima ejus quantitate oneraret, Dico, in tali casu ejusmodi pulverem non modo globum aliquem ferreum aut alterius metalli, at ne paleas quidem expulsurum. Ratio autem hujus rei ex antè dictis in promptu est: quod scilicet ejusmodi violenta explosio dependeat à virtute & potentia explosiva salenitri tantum, non alterius cujuspiam materiae: facili usque crediderim parari posse pulverem absque carbonibus & sulphure, quam absque salenitri: posseque inveniri alias duas materias, quarum una officium sulphuris in igne apprehendendo cum flamma, altera vero carbonem in eodem conservando & retinendo sine flamma expellere possint, quam reperire quidpiam aliud quod aptum sit causare, & producere tam vehementem exhalationem ventosam; mirabilium in Pyrotechnicis effectricem, prout in salenitri experimur. Veruntamen quæ nos in *VI Libro* de pulvere Pyrio, quæ à *Siemenonii* pyro-sophia non abludant, tradidimus, *Lector* consulat.

P R A X I S IV.

Ad aurum fulminans conficiendum juxta mentem Osvaldi Crollii & nostram.

Sume 16 aquæ fortis communis, solve in ea unciam unam salis Ammoniaci vel quantum solvere potes in parvo calore, ita habebis aquam regis, in qua tantum solves auri, quantum libuerit. Postea effundatur solutio in vitrum capax, & guttatim saltem, (propter ebullitionis stupidum & periculum) infilla de bono oleo Tartari in cella per se resoluti; in hujus defectu, Tartari sal in aqua communi solutum accipiat: requiritur autem olei Tartari bona quantitas; tunc aurum cadit ex percussione in fundum. Ubi tota auri calx soluta fundum petiisse videtur, (quod animadverte ex colore aquæ regis, qui debet esse albus: nam si adhuc flavus sit, signum est totum aurum nondum reperiit). Plus ergo olei Tartari guttatim affundatur (hoc meo damno fideliter admonitus sis) tum post subsidentiam aliquot horarum in calido liquorem superiorem effunde, & calcem colore ferè terram sigillatam pallidam referentem quater vel quinquies aquâ calidâ edulcoratam, postea in Balneo Mariæ prudenter & paulatim lentissimo igne sicca. Vel quod tutius, in patina vitrea per se sponte in hypocausto siccescat, nullo ignis calore adhibito. Calcem ligneâ spatulâ non ferrea postea majoris securitatis gratia collectam ad usum in vitreo vasculo reconde. Nota magnum esse periculum si alio modo exsicceetur, quam prædictis duobus: quoniam primum enim ignis calorem sentit, & fortem commotionem cum instrumento ferreo, concipit

cipit sponte flammam, in auras abit purpurei fumi in modum cum maximo sonitu & strepitu instar pulveris nitrati; adeo ut ne unicuique atomum reperire possis. Si quis de sulphure vulgari tuto ipsi admisceatur, & postea in crucibulo admoto igne exuratur, subtilissima calx auri remanet bruni coloris quæ omnem vim percutiendi amisit; quod mirum & notatu dignum. Scrupulus unus istius Auri volatilis fortius, & potentius ferè operatur quàm libra semis pulveris tormentarii. Granum unum & alterum cultro impositum, si supposita candela accensa incalascet, similem sonum edit, ac si magna aliqua fuisset explosa bombarda, & sonus ille præacutus, audienti & adstanti quasi auditum lædit. Operatio hujus pulveris est contraria operationis pulveris Pyrii: ut enim hic vim suam per inferiora saltem deorsum operatur. Aliquot scrupuli super laminam ferream satis crassam carbonis incensi, illam penetrando perforant. Sal ammoniacum existimo esse percussione illius causam, quemadmodum enim salnitrum & sulphur sunt hostes, & se invicem non compatiuntur, ut videmus in præparati pulveris tormentarii accensione. Eodem modo sal ammoniacum cum oleo Tartari sub hoste conjungitur, faciunt ex illa mutua pugna aurum cadere in aqua regis prius solutum, & oleum Tartari percutit spiritum nitri summè purificatum: qui se in illo conflictu conjungit cum Sulphure solis, suo adversario, & quia Sulphur illud solis à natura summè depuratum est, & vulgari nostro combustibili sulphure longè subtilius; ideo valentius est, & in minori quantitatè operationes suas stupendas, potenter perficit; eodem plane modo quo Sulphur vulgare & Salpetræ in pyrio pulvere conjuncta, & incensa magnum strepitum & fragorem facere animadvertimus. De eodem *Quercetanus* & *Senertus*; causa igitur spiritus nitri & sulphuris, cum auro contrarietas est: cum enim Oleum vel sal Tartari, solutioni auri infunditur, sal Tartari se cum sale communi, imo alumine & ammoniaco unit, atque hinc sibi relictum aurum ad fundum descendit, & si quid de salibus his cum auro relinquitur, is aqua calidâ abluitur. Relinquitur verò solus nitri spiritus qui se auro univit penitus. Is ergo si incalascet, sulphuris auri percipiens præsentiam, & sese opponit, vires conjungit, & impetu facto ac cum strepitu erumpit, atque accenditur.

P R A X I S V.

De Camphora, ejusque natura & proprietate,

I D E S T,

De artificiali Camphoræ præparatione ex Scaligero.

Rec. gummi juniperi (quod Sandaraca, Vernix albus & Mastix dicitur) pulveris satib 2.

Aceti albi distillati tantum ut gummi in phiala vitrea positum bene contegat. Hanc pone per 20 dies sub fimo equino calido: deinde exime, & in aliud vas vitreum quod largum habeat orificium effunde, & per unum mensem Soli percoquendum expone: habebisque camphoram congelatam in forma crustæ panis, & vera ac nativæ quodammodo similem. Jam superius quadam de camphora nativæ proprietatibus memoravimus, sed cum per frequens ejus in nostro Opere usus, hic quoque ex Auctorum testimoniis natura ejus fusius explicanda: Scaliger itaque primum exercit. 104, 1; sic de ea: Sed ad rem arboris lachryma est camphura, ne bitumen credas, sicuti succinum bitumen credidisti. Ex arboribus enim delapsum maris appulsu defertur in littora, quorum arena obrutum effoditur postea, eo toto tractu, qui à Memel portenditur ad Gedanum. De arenarum verò cumulis non erit mirum, cui nota fuerint plaga illa: quique viderit ad Hollandiæ latus occidentale arenarum cumulos extantes à superficie maris. Non igitur fossile quia natum, sed quia obrutum. Camphoram verò falso bitumen arbitrati sunt: idque misero admodum argumento: Quia, inquit, ardet. Nam & resina & oleum, & thus idem quoque patiuntur: & paulo inferius: Camphoram cum sapientum maxima pars frigidissimam statuatur, Avenrois in quinto aliam agnoscit. Camphora, inquit, Indica, que in Arabico Cofaralgent verius كوفور Caphur, appellatur, calefacit, & desiccatur in secundo gradu. Diversa igitur fuerunt species Camphoræ, nisi aut in codice mendum, aut error in opinione. Postremum quarebatur an esset frigida. Negant enim id novatores. Sane accendi facillime atque etiam in aquis ardere constat, præterquam quod est odoratissima. Verum odore ejus ab æris partibus, quarum vi ardet etiam. Aquæ tamen habet tantum, quanta potest sub ea frigiditas conservari. Ardet autem propter pinguedinem; stultitia est inscitia parens aut filia. Quis enim dixerit, calidissima quæque facillime ardere. Non enim similitudine semper evocatus transit ignis in corpora: similitudinem caloris intelligo: sed, & allicitur aliquâ materiâ, quæ eum propter raritatem admittere facile queat. Ex Indicarum rerum commentariis hæc: Arbor maxima: rami adeo patuli, ut umbram quam latissime jaciat. Ligni materiâ levissima, & rarissima. Addit Aboali etiam candorem. Camphora probitas, pro ut vel vi extracta fuerit è matrice vel expulsa à natura. Nam quadam è venis eximitur in quibus hæret, quasi crusta quadam. Aliquando rupto exit cortice, & contrescit, resinarum modo primum colorata: deinde sole, aut arte candidissima fit. Melior hæc quam prior. Præstantissima, que sole albescit, Nam & igni fit hoc. Fatumque primum ad naturæ imitationem à loci Rege Riach: unde ei cognomen Riachinæ. Stillatitia diutius servat dotes suas, & defacatior est. Quare & pellucida. Illa inclusa non item: & calor ei fuscior. Dua præterea species viliores. Una inæqualis, grumosa, gummosa. Altera fusci coloris. Adulteratur savo, & masti-

maſtiche & aqua vita (quod nos ſuperius deſcripſimus.) Deprehenditur indita in panis internam partem atque pone furnum. Si liquatur vera eſt: ſi ſiccatur adulterata. Sinceram etiam ajunt facile evaneſcere, marmoreis in thecis ſervari, affuſo lini, aut pſillii, aut milii ſemine. Joſtonus admir: nat: clas: 4. cap. 9. Scribunt Mauri Camphoram lachrymam eſſe arboris, adeo paſulis diſfuſa ramis, ut tantum locum reddere poſſit opacum, quantus homines capere queat centum. Addunt, lignum eſſe album, ferulaceum, & camphoram in fungoſa continere medulla, interdum id, certius ex bituminis quodam genere fieri hoc modo: Indicum bitumen, quod ex nativa effloreſcit camphora, ſubjectis carbonibus in vaſe coquitur, partes tenuiſſima in candidum colorem verſa in operculum feruntur, quod ipsis collectis eam quam videmus, dat figuram. Nativam in India dari affirmant mercatores. Adeo amica eſt ignibus, ut ſi eos ſemel concipit, donec conſumatur ardeat. Flamma quam emittit, lucida & odorata eſt, in aërem ſublata & ſuſpenſa ſenſim evaneſcit; tenuiſſima partis in cauſa. Adde. Ad uſum in Pyrotechnia in pollinem redigitur camphora ſi cum ſulphure teratur. Oleum autem Camphora eidem inſerviens uſui, fit, ſi illi modicum de oleo Amygdalorum dulcium addatur, & una in mortario aneo, piſtillo teratur, donec in viride

vertatur oleum. vel ſi vera ac genuina fuerit, indatur phiala vitrea, & occluſo bene oriſicio ſtipetur phiala, farinâ aquâ ad formandos panes ſubactâ, inque furnum mittatur, & extrahatur: ſoluta enim in liquorem camphora arden- tiſſimum dabit oleum. Vide quæ de camphora libro IX tradidimus.

P R A X I S V I.

De aqua ex ſale Ammoniaco.

R Ec. Salis Ammoniaci ziiij. Salisnitri 3j. redigantur in pulverem tenuiſſimum, & probè miſceantur: poſtea in Alembicum imponantur & aceto fortiſſimo ſuperinfuſo, diſtillantur igne lento, & habebis aquam ad multa utiliſſimam.

P R A X I S V I I.

De aqua quadam artiſicioſa innoxie ſuper palma manus ardente.

S Umantur æquales partes olei Petrolei, Te- rebynthinæ, calcis vivæ, adipis vervecinæ, & porcina; terantur & incorpo- rentur, diſtillanturque ſuper cineribus cali- dis, vel flagrantibus prunis, & habebis quæſitum: manus enim illita ardorem flammæ non ſentit.

C A P U T I I.

De præparandis funibus incendiariis communibus.

P R A X I S I.

P Rimum ex ſtuppa lini, vel cannabis ſecundo pectine ablata, & ab omni cortice nudata, torquentur funes craſſi in diametro pollicem dimidium. Sumuntur poſtea cineris ex robore, fraxino, ulmo, vel acere uſti partes 3. Calcis vivæ pars 1, & more ſolito paratur lixivium. Huic additur ſaliſnitri pars 1, ſucci ex ſimo liquido bubulo & equino per laneum pannum expreſſi partes 2. Omnis materia bene miſculata ſuperinfunditur funibus in aheno ſuper furno accommodato repositis. Deinde ſupponitur ignis, & lentè primùm, fortius tandem urgetur flamma: & per duos treſve dies excoquitur continuè: attendendo ſemper liquorem jam dictum, ne funes & ahenum humido carentes adurantur. Tandem ex funibus inde ablatis omnis humoris fervendo attractus exprimitur, funes manibus violenter intorquendo & liquorem emanantem lineâ telâ abſtergendo. Denique ſuspenduntur funes ſuper haſtilibus longis, Solis calore ſiccando, & ad ſolitos uſus Pyrotechnicos ſervantur. Ita Siemienovius.

P R A X I S I I. ejusdem.

De præparandis funibus incendiariis, omni ſumo & ſatote in ardendo carentibus.

S Umantur menſuræ aliquot ſabulonis rubi- cundi, vel arenæ carbuncularis ſæpius defæcatæ, elotæ, & recrementis omnibus purgata, ac ab omni humore ſiccata: im- ponantur in ollam fictilem non vitreatam. Super arena ponatur funis incendiarius com- munis, vel alius ex goſſypio tortus, in ſpi- ram collectus: eo tamen modo ut inter late- ra funis, unius ſemi digiti intervalla ſerven- tur, neque inter ſe contingant, ſed paribus continuo ſpatiis diſtent. Rurſus ſuperinfun- datur bona quantitas ante dictæ arenæ, & funis ſimiliter, ut modo dictum, diſponatur ſuper arena. Et ſic deinceps continuetur opus, ponendo ſtratum ſupra ſtratum, dum olla ſit plena. Operculetur poſtea fictili operculo, & ſapientiz luto commiſſuræ ſtipentur. Tandem ſic præparata olla fla- grantibus carbonibus undique circumſepia- tur, & per horas aliquot ibidem immoretur: frigefcat poſtea ſua ſponte: & ubi refrigerit, ablato operculo effundatur arena, & funis eximatur. Non abſimilis quoque cum ſpon- giis communibus in operando proceſſus: tantum

tantum in frustula oblonga scindendæ sunt, & in olla fictili super arena reponenda; & ut de funibus incendiariis modo dictum, igne exurendæ. Harum vel funis incendiarii modo descripti, parvula admodum frustula accensa, & cinere juniperi sepulta, per horas aliquot ardent absque omni fumo & fæore, nec multum ab externo aëre juvari volunt; ac ideo ubique locorum clam recondi possunt; prout sese obtulerit occasio & necessitas postulaverit.

P R A X I S III.

De præparandis stuppis Pyrotechnicis, ad ignes artificiales.

Fiant primum ex stuppa lini, cannabis, vel gossypii duobus tribusve filis non arcte nimis contorti funes. Hi ponantur in olla novafictili vitreata: superinfundantur illis; Aceti de vino albo partes 4, Urinæ partes 2, Vini adusti pars 1, Salis nitri purificati pars 1, Pulveris Pyrii pulverisati pars 1; coquantur fortiori admoto igni quousque omnes superinfusi liquores in vapores soluti, evanescant. Inspargatur postea farina pulveris Pyrii optimi, in tabula aliqua lignea: & funiculi ex olla oblatis, super eadem in pulvere volutari in umbra vel Sole siccescant. Hoc modo præparata stuppa celerrime comburitur: ideo si quispiam lentiori paulo gradu ignem ferri cupiat, debilior remissiorque aliquanto hæc ignis esca paranda est. Satis igitur erit si tantum in aceto & salenitri purifi-

cato stuppa defervescat, postea vero pulveris farina inspersa siccescat. Hæc ex Artigleria magna

Est & aliud quoddam stuppæ Pyrotechnicæ genus, quæ non torquetur in funes, sed soluta tantum in liquoribus superius enumeratis excoquitur: vel in vino adusto forti per horas aliquot madescit, ac tandem farina pulveris optimi respersa ficcatur. Additur aliquando vino adusto gummi Arabici aut Tragacanthæ pusilla portio; cum ejusmodi stuppa non facile explicari possit quam tenaciter cohæreat.

Modus alius Prechtelli.

Describit quandam stuppam Pyrotechnicam *Franciscus Ioachimus Prechtellius Pyrotechnica parte secunda capite secundo*, quæ tardissime omnium ardet, in hunc modum. Sume Mastice partes 2, Colophoniam partem 1, ceræ partem 1, Salisnitri partes 2, Carbonum partem 1, quæ tundi & molliori possunt, contundantur, atque in subtilissimam redigantur farinam: postea simul omnia bene mixta, liquecant ad ignem: deinde filum aliquod lineum vel cannabinum paulo crassiusculum filum ducatur per materiam liquefactam; id usque ad fundum vasculi deprimendo: idque aliquoties iterandum, donec filum cerei communis adipiscatur crassitiem. Hoc cum uti voles accende primum, deinde extingue flammam flagrantem tantum relinquendo carbonem.

C A P U T III.

Praxes Iathrico-Chymicæ.

De aliquot probatissimis antidotis contra ambustiones, Pulvere Pyro, Sulphure, ferro candenti, plumbo liquefacto, & aliis hisce similibus factas.

Ex variis decerpta Pyrotechnica Authoribus, Siemienovio, Tartaglia, Paracelso, Quercetano.

P R A X I S I.

AXungia porcina bulliat in aqua communi ad lentum ignem per horas aliquot: postea inde ablata, per tres quatuorve noctes coelo sereno exponatur, deinde in vas fictile indita igne liquecat: liquefacta coletur, per linteam super aqua frigida: & aliquoties elota ac optime purgata, quoad candidissima fiat servetur in fictili vel vitreo vase. Postea cum necessitas postulaverit, locus ambustus inungatur bene.

P R A X I S II.

REc. Aquæ Plantaginis, Olei nucis Italianæ. Ana q. s.

P R A X I S III.

REc. Aquæ Malvæ, Aquæ Rosarum, Aluminis plumosi, ana q. s. misceantur cum albumine ovi.

P R A X I S IV.

SUmè lixivium ex sola calce viva, & aqua communi præparatum: huic addatur pusillum Olei Canabini, Olei Olivarum, Olei Lini, & aliquot albumina ovorum: agitentur bene omnia, & locus ambustus inungatur. Hæc omnia unguenta sanant ambustiones absque omni dolore & nulla cicatrice relicta. Super memetipso expertus sum, uti dicit *Siemienovius*.

Ex Auctoribus : Paracelso, Quercetano, Tartaglia, aliisque.

P R A X I S I.

R Ec : Olei Olivarum partem 1, Olei Amigdalorum dulcium partem 1, Succi caparum partes 2, Vernicis liquidæ partem 1, inunge locum malè affectum.

In oleo Olivarum coquito ex secunda cortice Sambuci abundanter, deindè colato : adde cerussæ partes 2, plumbi usti, lithargyri ana partem 1, in mortario plumbeo diu misceantur, & fiat linimentum. Vesicæ nec primâ nec secunda die sunt rumpendæ ; sed tertia vel quarta ; nam aliquando dissolutione solâ sanantur. *Leonardus Bottalus, de vulneribus Sclopetorum, Cap. 21.*

P R A X I S II.

R Ec. Lardi liquefacti, & aquæ solani excepti 3 ij, Olei saturni 3 j, misce.

Vel Rec. Visci rad. Hyosciami, & florum papaveris rubr. ana 3 j, Salispetræ 3 j, Cum oleo camphuræ fiat linimentum.

Vel Rec. Succi capæ sub cineribus coctæ 3 ij, Olei nucum 3 j, misce.

Vel Rec. Foliorum hederæ nigræ cum aqua plantaginis contusorum m. ij. Olei 1b j. coquantur cum 3 iij vini albi, ad illius consumptionem : adde sub finem ceræ quantum sufficit ut fiat linimentum.

Vel Rec. Lardi ad flammam liquati, & succi betæ, & rutæ excepti 3 ij, Cremoris lactis 3 j, Mucilag. sem. cydoniorum, & tragacanthæ ana 3 1/2, misce. *Iosephus Quercetanus, in libro de Sclopetario pulvere.*

C A P U T IV.

Praxes de compositionibus ad Rochetas omnis generis, quas Itali Raggi Germani Rakettas vocant, ex mente Siemienovii, cæterorumque pyrotechnorum qui pulveri conficiendo operam dant.

COMPOSITIO I.

Ad 100, 80, & 60 lb.

S Alisnitri 1b 30, Carbonum 1b 20, Sulphuris 1b 10.

Hic est proportio salisnitri ad reliquas duas, æqualis : Carbonum verò ad sulphur, dupla. Eadem compositio absque ullo scrupulo adhiberi potest omnibus aliis Rochetis quæ sunt intermediæ usque ad libras 60 : tutius enim est aliquantulum illis lentiores dedisse materiam, quamvis violentiores perferre potuissent cum felicius in re Pyrobolica peccetur in defectu, quam in excessu : defectus autem additione materiæ violentioris facillimè corrigi poterit, si prius quàm multas confeceris Rochetas & materia oneraveris & unius successu, de aliis admonitus fueris.

COMPOSITIO II.

Ad 50, 40, 30 lb.

Salisnitri 1b 30, Carbonum 1b 18, Sulphuris 1b 7.

Hic est salisnitri ad reliquas duas, proportio sesquiquinta : Carbonum verò ad sulphur, dupla super partiens quatuor septimas.

COMPOSITIO III.

Ad 20, & 18 lb.

Salisnitri 1b 42, Carbonum 1b 26, Sulphuris 1b 12.

Hic est salisnitri ad reliquas duas, proportio superbipartiens decimas nonas : Carbonum verò ad sulphur, dupla sesquisepta.

COMPOSITIO IV.

Ad 15, & 12 lb.

Salisnitri 1b 32, Carbonum 1b 16, Sulphuris 1b 8.

Hic est proportio salisnitri ad reliquas duas sesquitercia : Carbonum verò ad sulphur, dupla.

COMPOSITIO V.

Ad 10, & 9 lb.

Salisnitri 1b 62, Carbonum 1b 20, Sulphuris 1b 9.

Hic est proportio salisnitri ad reliquas duas, dupla superquadrupartiens vigesimas nonas : Carbonum verò ad sulphur, dupla superbipartiens nona.

COMPOSITIO VI.

Ad 9, 8, & 6 lb.

Salisnitri 1b 35, Carbonum 1b 10, Sulphuris 1b 5.

Hic est proportio salisnitri ad reliquas duas, dupla sesquitercia : Carbonum verò ad sulphur, dupla.

COMPOSITIO VII.

Ad 5, & 4 lb.

Salisnitri 1b 64, Carbonum 1b 16, Sulphuris 1b 8.

Hic est proportio salisnitri ad reliquas duas, dupla sesquialtera : Carbonum verò ad sulphur, dupla.

C O M.

COMPOSITIO VIII.

Ad 3, & 2 lb.

Salisnitri lb 60, Carbonum lb 15, Sulphuris lb 2.

Hic est proportio Salisnitri ad reliquas duas, tripla super partiens novem decimas septimas: Carbonum verò ad sulphur, septupla sesqui altera.

COMPOSITIO IX.

Ad 1 lb.

Pulveris lb 32, Carbonum 6 lb, Sulphuris lb 2.

Hic est proportio pulveris ad reliquas duas, quadrupla, Carbonum verò ad sulphur, tripla.

COMPOSITIO X.

Ad 18 Lotones & 1/2 lb.

Pulveris lb 18, Salisnitri lb 8, Carbonum lb 4, Sulphuris lb 2.

Hic est proportio pulveris cum salenitri ad reliquas duas, quadrupla sesquitercia: 4; Carbonum verò ad sulphur, dupla.

COMPOSITIO XI.

Ad 12, & 10 Lotones.

Pulveris lotones 30, Salisnitri loton. 24, Carbonum lot. 8, Sulphuris loton. 3.

Hic est proportio pulveris cum salenitri ad reliquas duas, quadrupla super decupartiens undecimas 4;: Carbonum verò ad sulphur dupla sesqui altera, id est 2;.

COMPOSITIO XII.

Ad 6 & 4 Lotones.

Pulveris lotones 24. Salisnitri loton. 4. Carbonum lot. 3. Sulphuris lot. 1.

Hic est proportio pulveris cum salenitri

ad reliquas duas septupla: Carbonum verò ad sulphur, tripla.

COMPOSITIO XIII.

Ad 2, & 1 Lotonem.

Pulveris lotones 30, Carbonum loton. 4.

Hic est proportio pulveris ad carbonem, septupla sesqui altera 7;.

COMPOSITIO XIV.

Ad 1/2, 1/2, 1/2, & 1/2 Lotonis.

Pulveris lotones 9 vel 10. Carbonum lotonem 1, vel 1;.

Istæ minimè Rochetæ, quæ vocantur currentes, solo pulvere trito absque carbonibus onerari possunt. Ictus autem ex alio pulvere granulato optimo imponitur. Est autem loton nil aliud quam semi uncia.

P R A X I S I.

Ad pluviam igneam conficiendam, & ad varios colores.

AD pluviam, igneumque nimbium, & in magna copia cadentes scintillas, & radios longos latosque in Rochetis dum ardent excitandos, admisceri solent compositionibus Rochetarum pusillæ quantitates, aut vitri pulverisati, aut scobis ferreæ, aut ferraginis ligneæ. Tum & diversi colores in ignibus Rochetarum representari possunt. Nempe, si compositioni alicui immiscueris certas portiones Camphoræ, producet illa ignem album, pallidum, & lacteum; Pix græca rubrum, vel æneum; Sulphur cæruleum; Sal Armoniacum viridem; Antimonium crudum, rufum, melleum, aut buxum; Scobs eburnea, argenteum & candidum, sed paulo sublividum, vel plumbeum; Scobs succini, flavum & citreum; Pix denique dura navalis, fumum atrum, fuscum & ignem obscurantem.

C A P U T V.

De globis recreativis aquaticis, seu in aqua natando ardentibus.

P R A X I S I.

PAretur ligneus globus cujuslibet magnitudinis interne cavus, perfectèque rotundus. Crassities ligni sit quaquaversum; diametri AB, ut hic est in AC, aut BD. Desuper habeat cylindrum gibbosum cujus crassities in diametro EF sit ex; diametri AB. Foraminis accensorii CH, latitudo; diametri non excedat: inferius autem una cum epistomio IK, per quod infunditur materia ad onerandum globum, & ictus inditur ferreus ex ferrea lamina in cylindrum versa factus, fortisque granulato refertus pulvere, (qualis est sub M) æquetur latitudine cylindro superiori. Oneretur deinceps aliqua ex infra positis compositione aquaticâ:

& epistomio liquidâ pice in buto occludatur. Huic superinfundatur ea quantitas liquefacti plumbi, ut globus aqueus ejus sit ponderis, ut aqueæ moli æqui-ponderet, vel paululum eidem præponderet; id autem cur fiat sub finem hujus Capituli exquisitam reddemus rationem. Tandem globus jam omnimodè præparatus pice liquefactâ impicatur: postea cum suaserit necessitas per reclusum accensorium foramen immisso igni, ubi probè flammam conceperit materia; projicitur in aquam. Hic globus post accensum pulverem magnos in aqua tumultus exercebit quidem sine ulla tamen flamma, sed ex æstu vehementi pulveris ibidem accensi, æstu intra sphæram durante. Qui verò dicunt, sub aquis flammam eructare, ridendi sunt.

000.2

PRA. II.

P R A X I S II.

De globulis aquaticis odoriferis.

Faciat tornio globulos ligneos concavos, nucis Italicæ aut pomi silvestris magnitudine: quos aliqua ex sequentibus compositionibus onerabis: ac postea in cubiculo aliquo aut altero quopiam loco occluso nec nimis spatiofo & amplo, accensos, projicies in aquam; indito tamen prius in orificium funiculo ex stuppa pyrotechnica torto, ut ma-

teria qua globulum onerasti tanto facilius accendi possit. Illæ autem sunt ut sequitur.

Recipe. Salisnitri 3 iij, Storacis Calamitæ 3 j, Thuris 3 j, Masticis 3 j, Ambræ 3 ʒ, Zibethi 3 ʒ, Serraginis Juniperi 3 ij, Serraginis Cupressi 3 ij. Olei de Spica nardi 3 j.

Vel recipe. Salisnitri 3 ij, Florum sulphuris 3 j, Camphoræ 3 ʒ, Succini ramentorum pulverisatorum 3 ʒ, Carbonum tibiæ 3 j, Florum Belzoi, vel Asæ dulcis 3 ʒ. Terenda terantur, pulveriscenturque optimè, & unâ misceantur.

C A P U T VI.

*Præses aliæ.**De igneis compositionibus pro festivis diebus.*

P R A X I S I.

Multas candelas unico filo accendes, si prius aqua madefactum sulphure & auripigmento cum oleo dissolutis illinas: sed utrumque purgatum esse oportet, nihil enim uritur à tenui vel exiguo igne donec aqua maduerit. Unguentum hoc Hermetis vocant. *Cardanus lib. 10. de rerum varietate cap. 40. Idem testatur Porta lib. 12. cap. 11.* his verbis: Sulphur, inquit, & auripigmentum cum oleo coques, & in eis filum ebullire finito, resiccatum per candelarum elychnia ligetur, transeatque, nam ex uno capite accenso, accurret per omnia flamma & incendet. Est id festivis diebus apud Turcas fieri solitum: hocque Hermetis pigmentum plerique vocant.

Quod si partem unam halinitri sumpseris, addiderisque thuris, olei communis, & lactis lathiridis quintam singulorum partem, decimam sulphuris, ceræ, dimidiam candelam conficies, quæ colore, odore, motu, strepitu erit admirabilis; neque hæc ratione carent: alii vero calce dimidiam corticis ovi implent, partemque Pyrii pulveris superaddentes, cerâ concludunt, imponuntque aquæ frigidissimæ, nam persæpe ignis accenditur & emicat flamma. *Cardanus ibid.* sed si flammam eminus projicere quæsieris, colophoniam, thus, vel succinum subtiliter contunde, & manus palmæ crede, tum inter digitos accensa transeat candela, & dum in altum projicis pulverem pervadat candelæ flammam, nam se in sublime extollet flamma. *Porta lib. 12. cap. 12.*

Si caphura in aqua vitæ dissoluta fuerit, & ex eo perlinantur teniolæ chartæ pergamenæ & resiccatae accendantur, atque ex alto cadant, ignei serpentes per aëra repere non sine jucunditate conspicientur. *Porta ibid.*

Ut autem tuum te ingrediente cubiculum totus illius aër igneatur, fumes multum aquæ vitæ optime repurgatæ, & in eam pro-

jices caphuram minutim concisam, nam brevi in eâ diluetur: hæc jam soluta fenestras & fores cubiculi claudito, ne exhalans vapor foras expiret: tum vasea plenum aqua subjectis sine flamma carbonibus ferveat. ut tota aqua dissolvatur in fumum qui expleat cubiculum, & sit adeo tenuis, ut vix conspici possit. Cogatur quis accensam gestans candelam cubiculum ingredi, nam aër visa candela totus in flammam erumpens, totum incendet cubiculum, & ad maximum introeuntis terrorem speciem præ se feret ardentis fornacis. Soluta autem in aquam moscho, vel minimo Ambræ flammam insequetur gravissimus odor. *Porta ibid.*

P R A X I S II.

De compositionibus ad globos aquaticos, seu in aquis ardentibus, onerandos. Ex Pyrotechnia variorum.

I.

Salisnitri in farinam redacti lib. 16. sulphuris lib. 4. ferraginis lignæ in aqua salnitrosâ primum decoctæ & siccatae lib. 4. pulveris pyrii granulati lib. sem. scobis eburnæ 3 4.

2.

Salisnitri lib. 6. sulphuris lib. 3, pulveris triti lib. 1, Ramenti ferri lib. 2, Picis Græcæ lib. sem.

3.

Salisnitri lib. 24. Pulveris triti lib. 4. Sulphuris lib. 12, ferraginis lignæ lib. 8. scobis succinæ lib. sem. vitri pulverisati lib. sem. Camphoræ lib. sem.

Harum omnium præparandi modus idem est quem in Rochetis descripsimus, nisi quod hic non adeo subtiliter trita, nec pulverisata aut cribellata requiratur materia, optime tamen multâ mistione incorporata, & non sicca nimium, cum in globum mittitur: ac eam etiam ob rem aut oleo lini, aut oleæ, aut petrolei, aut canabis, aut nucum, aut alia quapiam

quapiam pinguedine facile ignem arripiente humectetur.

Nota præter has compositiones, quibus sæpius usos se esse pyrotechni fatentur, facile quilibet aliam etiam, nempe in alia ad invicem proportionem sumptis materiis conficiet. At experimentum compositionum quam sæpius iterandum priusquam operi Pyrotechnico adhibeantur. Refert præterea plurimum ad probam aquaticarum compositionum conflationem, & cujuslibet jam præparatæ virtutis & potentiæ generalis cognitionem habendam non vulgaris unius cujusque materiæ, aquaticis compositionibus adhiberi solitæ figillatim sumptæ naturæ, virtutum, operationum, proprietatumque notitia, nam ut *Aristotel. libro 7. physic. cap. 20* ait, *ex particularibus præcognitis universalis acquiritur scientia*. Itaque notanda sunt quæ sequantur de singulis materiis.

Pulvis pyrius est primum ac principale ingrediens & materia in ardendo vehementissima violentissimaque, unde omni humido potenter resistit, ne sua suffocetur flamma.

Locum secundum obtinet Salnitrum clarificatum purgatumque optimè, cujus jam superius descripsimus naturam, & incredibilem in pulvere pyrio exposuimus virtutem.

In compositionibus aquaticis nihilominus, aliis materiis alligatur peculiare quoddam arcanum in dissipandis & longe lateque spargendis aqueis superlabentibus guttis, ob plurimos eosque violentissimos, quorum plenus est, flatûs, ventosque officium ac munus est.

P R A X I S I I.

De ignea mistura quam Sol incendere possit.

Oleum terebinthinæ resinæ, vivi sulphuris, juniperi, naphthæ, lini colophoniz & caphuræ, pix, halonitrum, atque anatis pinguedo, omnium duplum aquæ vitæ, omnia phlegmate repurgata, tusa omnia & remissa vitreo vase condita duobus mensibus sub fimo fermententur, fimo semper innovato simul & remisso: elapso hoc tempore distillantur; tum liquor pyrio pulvere vel stercore columbacio tenuiter cribrato inspissetur, hac mistura oblita ligna & æstivis solibus opposita ex se ipsis accenduntur, Anatis pinguedo ad incendiarios ignes mire valet, quod maximè subtilis, penetrans, & calida sit. Fæx vero excrementitia columbarum facile ignem ex solaribus radiis concipit. Hoc arcanum mensè Julio ponti S. Angeli expositum, non infelicem successum habere vidimus.

P R A X I S I I I.

De pilis sub aqua ardentibus.

Modum quo parari possint ejusmodi pilæ, refert *Porta mag. nat. lib. 12. cap. 6.*

Primo sumatur pyrius pulvis, qui si fuerit granulatus, optime teratur, & in cerniculo secernatur: septem hujus partibus addantur due colophoniz, tres halinitri, una sulphuris, omnia conterantur, permisceanturque, non sine naphthæ aspergine, sive liquida picis Ritram, tamdiu humectando, donec pugno constrictus pulvis per se cohereat. Hac mistura stramentis, vel linteis obvolvatur; vel certè loculis indatur ex dictis rebus confectis & funiculis quam artissimè revinciatur, tum ferventi immergatur pici, & siccescere caretur, ac denuo straminibus munita pice illinatur, ne vel aqua humiditate diluatur, vel ignis vi disrumpatur. Ubi autem rite siccuerit, parvo foramini, quo pervia fuerit pyrius indatur pulvis, ignisque immittatur, statimque dum voraci flamma incipit ardere projiciatur in aquas. Ipsa suo pondere fundum petet, sed impetu flammivomo obluctans aquis & eas quoquo versus à se arcens atro involuta fumo, desuper fervere videtur: levior inde reddita per flexus & sinuosas ambages sursum effertur ad aquæ superficiem, ut unda jucundissimo spectaculo ardere videatur, Neptuno Vulcanum sibi in sui ditione imperii arma inferentem, undique obsidente, & tandem pra inopia pabuli languentem ad victoriam & interitum urgente & conficiente. Hæc Porta. Equidem in superficie aquarum sine periculo extinctionis hujusmodi pilas ardere posse non nego. Verum in profundis aquarum incendium flammivomum durare posse, nulla ratione admittere possum; cum fieri non possit ut sine aëre ignis inter aquæ meditullium conservari queat, uti alibi variis experimentis ostendimus. In superficie autem aquæ, non secus atque accensa camphura, quæ sæpe ludere solemus, nullo aquæ impedimento ardebit, si tamen eam vel minimum submerferis, flamma statim extinguetur: non nego itaque hujusmodi globos inter aquas ex lucta cum aqua & aëre, antequam totus calor evanescat, ingentes tumultus, aquarumque tremores causare, flammam autem sub aqua ab ullo unquam visum fuisse nego itrumque nego.

P R A X I S I V.

De ignibus artificiosis qui aqua accenduntur.

Naphtham in aquis ardere, & ejus speciem caphuram, & sæpius diximus in superioribus, & testatur *Porta lib. 12. Magia cap. 20.* addens exavio quasdam olim vetulas in ludis earum accensis facibus ex hac materia confectis Tyberim transisse, ut miraculum expectantibus & cernentibus ostentarent. Tres modos conficiendi hujusmodi ignes commemorat *Card. lib. 2. de subtilit. pag. 36, & 37.* his verbis: Constant, inquit, pici naveli & græca, sulphure, vini fæce, quam vocant tartarum, farcocolla, halinitro, bituminis specie illa, quam vocant petroleum, additur calx viva duplo pondere, & cum ovorum luteis pariter miscentur omnia & in fimo equino sepeliuntur. Aliud sulphurei

olei, petrolei, juniperiniolei & halenitri, æquales singulorum partes: nigræ picis, pinguedinem anferis, & anatis, stercoreis columbini, ejus liquoris quem vocant liquidam vernicem; constat autem oleo seminis lini, rursus singulorum tantundem: asphalti partes quinque, excipe aqua ardenti, & in fimo equino sepeli. Alinol etiam vernicis liquidæ, sulphurei olei, & juniperini, & ejus quod fit ex lini semine & petrolei, & lachrymæ lariquæ partes æquas singulorum, aquæ ardentis tres ac mediam, tam halenitri, ligni laurini sicci in pulverem redactorum, quantum sufficit, ut omnia simul mixta luti spissitudinem recipiant. Hæc omnia vitreo vase excipe, & in fimo equino tribus mensibus sepeli. Si igitur ex his pilæ lignis hæreant, sponte imbris accenduntur, sed hoc non

semper evenit, illud autem semper evenit, ut jam accensus nullis aquis extinguatur. Hi sunt *Cardano* ardentes in aquis ignes, à quibus non magnopere differunt, quos ex *Scaligero* retulimus. Hæc quæ *Porta*, *Cardanus*, cæterique de lapide artificioso qui solo sputo aut imbris accendatur, uti nullo unquam tempore rei veritatem, quamvis intenso studio quæsitam comperire licuit, quemadmodum variis meis Operibus ostendi; ita quoque illum iis paradoxis quæ in adventum *Elia* reservantur adscribendum duxi, donec interim experientia usu me in credendo firmiorem reddat. Novi Solares radios stipulas & quamvis siccissimam etiam materiam accendere posse sed ut aqua naturalis ignem accendat, hucusque non est visum.

CAPUT VII.

*De globis lucentibus, quales ignibus recreativis adhibere solemus,
Germanis Lichtkugel dictis.*

Lucentes globi duplices sunt, recreativi nempe, & serii, aut bellici. De his modo silemus: illi verò quomodo præparentur, nunc breviter dicendum est.

P R A X I S I.

Sume Antimonii crudi lib. 2. Salisnitri lib. 4. Sulphuris lib. 6. Colophonæ lib. 1. Carbon. lib. 4. vel Antimo: lib. 8. Salisnitri lib. 1. Carbon. lib. 1. Sulphuris lib. 8. Colophonæ lib. 1. Picis nigræ lib. 8. Utramlibet ex hisce compositionibus; singulis tamen primum materiis tritis, impone in caldarium aut vas fictile vitreatum, & super flagrantibus carbonibus liquecat. Indito postea stuppæ lini aut cannabis tantum, ut totam liquefactam materiam absorbeat, & dum frigescat parata ex illa stuppa globulos rotundos ejus magnitudinis, quæ tuis usibus maxime accommoda videbitur. Postea tandem stuppis pyrotechnicis circumdatos vel in Rochetas, vel in globos recreativos, tam aquaticos, quam etiam ex mortariis ejici solitos imponito.

P R A X I S II.

*De stellis & scintillis igneis Pyrotechnicis quas
& Germani Sternfener, Fenerputzen dicunt.*

Stellæ Pyrotechnicæ à scintillis in eo differunt, quod illis majores sint, nec adeo celeriter ut scintillæ consumantur ab igne, sed diutius aliquanto splendeant in aëre stellarum in modum, præparantur vero hac sequenti methodo.

Sume Salisnitri 16 8, Sulphuris 3ij, Succini pulverisati 3j, Antimo: crudi 3j, Pulve: triti 3ij. Vel sume Sulphuris 3ij 8. Salisnitri 3vj.

Pulveris subtilissimè triti 3 v 8. Olibani, Mastice, Cristalli, Mercurii sublimati, Sin. ana 3ij. Ambre albe 3j. Camphoræ 3j. Antimonii, Auripigmenti sinus. ana 3 8.

Omnes materiæ subtiliter pulverisatæ & cribellatæ humectentur aqua, glutinis aut gummi Arabici, vel Tragacanthæ, postea fiant globuli avellanæ aut fabæ magnitudinis, qui in Sole aut hypocausto calido exsiccati servantur ad usus pyrotechnicos recreativos, de quibus superius abunde satis diximus. Hoc tantum memoriâ tenendum, quod dum vel Rochetis vel globis recreativis imponendi sunt, stuppis pyrotechnicis solutis circumdantur quaquaversum. Persæpe solent Pyrobolistæ horum globulorum loco parvula fragmenta materiæ liquefactæ, de qua inferius dicemus, cum ignitæ pluvie præparandæ modum docebimus, in stuppam pyrotechnicam involuta sumere ad solitos usus.

Si placet alias quoque stellas construere, quæ non sint nigræ, ut præcedentes, sed flavæ, & ad albedinem quodammodo inclinatæ, tum sume gummi Tragacanthæ, vel gummi Arabici pulverisati & cribellati 3ij. Camphoræ in aqua ardenti dissolutæ 3ij. Salisnitri lib. 8. Vitri pulverisati non subtiliter nimis 3ij. Ambre albe 3j 8. Auripigmenti 3j. fiant globuli ut prius. Hæc ex *Claudio Mygdorgio Siemienovius*.

Scintillarum verò faciendarum hæc methodus & via est: Sume Salisnitri 3j. Materiæ liquefactæ 3 8. Pulveris triti 3 8. Camphoræ uncias duas: singulas primum materias in tenuem redactas pollinem in fasciculum aliquem ficulneum imponito, & aquam Tragacanthi vel vinum adustum, in quo prius Tragacanthum vel gummi Arabicum solveris, superinfundito.

infundito, vel liquidi pulmenti alicujus temperamentum habeat: Postea 3j. gossipii in aceto vel vino adusto, & salenitri decocti & exsiccati, inque minutias lacerati, ed inditam-volutato, ut totam assumat & absorbeat materiam. Fac deinde ex hoc parvulos globulos pillularum medicinalium instar pisi magnitudine, & farinâ pulveris resperfos ficcato, & ut scis, utere postmodum illis, parantur præterea odoriferæ quædam pillulæ, quæ machinulis quibusdam Pyrotechnicis exiguis in cuticulis aut aliis locis conclusis ad conflagrandum destinatis adhibentur. Hæc componantur ex storacis calamitæ, Belzoi Gummi juniperi sin: ana 3ij. Olibani, Masticis, Thuris, Ambrae albæ, succini, camphoræ sin. ana 3j. Salisnitri 3ij. Carbonum tiliæ 3ij. Teruntur, pulverisuntur, incorporanturque omnia benè & gummi Arabico, vel Tragacantho in aqua rosarum soluto humectantur: & pillulæ parantur. Denique in Sole, aut ignis calore siccantur. Sic *Casimirus Siemienovius* in sua *Artigleria magna*.

Camphoræ inextinguibilis planè in aqua ignis est, & præter camphoram nulli alteri pingui, oleosæ, aut bituminosæ materiæ id à natura concessum, ut ab aliis non adjuncta tam pertinaciter in humido; id ut etiam quasi despoticum quoddam Dominium exercere velle videatur: cum glacie aut nive undique stipata & accensa (nihilominus tamen igni foras erumpenti patulo relicto spiraculo) utramque liquefaciat, nec extingatur ullatenus, quoad tota exuratur; Pulverisata

etiam super aquam projecta non injucundè conflagrat, cum, quasi ipsamet aqua cui illa ob levitatem innatat, ardere videatur: facile autem concipit ignem, non quod calida sit, sed quod rara & pinguis. Undè illud etiam mirum, quod si in pelvi ænea super ardentem aquam projecta ignitis carbonibus suppositis decoquatur, omne humidum evanescat, in loco commodè amplo & occluso benè, ut ne minia quidem remaneat rimula tam in parietibus, quam in lacunari, tota in subtilissimum rarefcit aërem. Cum autem in illud conclave apertâ januâ fax accensa illata fuerit, illicò totus ille aër intrò contentus concipit flammam, & absque omni noxa tam ædifici illius, quam spectatorum conflagrat lenissimè, fulguris in modum, cujus rei causa est, igneæ substantiæ raritas, neque enim comburit ignis, nisi per partium coactionem: Undè & in papyro nostrate hac in flamma adeò diluitur, ut manum traducamus sine offensione, & in aqua ardente adeò tenuis, ut eo madefactum linteam illæsum relinquat.

Undè cum olim glaciale frustum in formam candelæ adaptassem & perforato glaciali cylindro illum aliquousque camphorâ replesem, illâ accensa, haud secus ac candelâ ex cera, quamdiù aliquid ex camphora superfuit, lumine limpidissimo arsit, quæ res ignaros arcani in non exiguam admirationem rapuit. Est camphora ob spirituum vinacitatem adeo mobilis, ut nisi piperis granis ei una junctis stringatur, facile in vaporem tota abiens evanescat.

Mirum
spectaculum.


CAPUT VIII,

De variis spectaculorum exhibitionibus, pyrotechnicæ artis ope instituendis.

PRAGMATIA. I.

Draconem volantem exhibere.

Vulgè notum est, quomodo multi Draconem ex levi charta effigiatum in aëra conjiciant, & quocunque chorda illi alligata ducant etiam in altissima aëris spacia, summa ignarorum rei admiratione. Vide quæ de hujusmodi artificio in *Musurgia* fuisse egimus. Intra hunc itaque paucæ rochettæ in collo potissimum & in cauda, deinde candelâ intus accensa noctu per cartam oleo tinctam & rubro & igneo colore imbutam totum Draconem igneum referet; fomitem quoque accensum intus accendes, qui ad orificia rochettarum pertingat, quæ ubi ignis attigerit, statim Draco ignem ante & retrò spuet, magno eorum, qui artificio non viderunt, stupore & metu. qui tanto erit terribior, quantò nonnulla verba sesquipedalibus literis in lateribus Draconis inscripta fuerint; Debet autem hoc artificio profunda nocte, & valido spirante vento exhiberi; quieto enim tempore machina non facile animatur.




P. R. A.

PRAGMATIA II.

Aquilam in aëre representare.

Quamvis aquila eodem modo in aëre exprimi possit, quo Draco, sunt tamen nonnulli pyrotechni, qui rochetis quoque instructam in aëre exhibeant, quemadmodum ego in Germania me vidisse memini.



Aquilam efformant ex rochetis constructam ea proportionem pulveris, ut una rochetta ignem altius non projiciat altera, sed juxta pennarum in alis proportionem; deinde totum aquilæ corpus pulvere, aqua vitæ & camphorâ imbuunt, quæ materia vi rochetæ principalis in altum sublata aërem, & accensa perfectam specie aquilam exhibet, quam deinde rochetarum explosio, imò fumus ipse in aëre exprimet. Hoc pacto quamcunque rem exhibere poteris; materia enim pulveris cum cæteris admixta in superficie statuae aut cuicunque tandem figuræ inspersa suaviter ardet, & unâ flammulis suis perfectam figuram exhibet.


Est hæc inventio plena admirationis & mirè opportuna ad hostes hoc spectaculo deterrandos, præsertim si literis nomen aliquod in aëre exprimentibus insituatur: negotium industriosum artificem desiderat, ut desideratum successum sortiatur; debet enim machina perfecte æquilibrari, deinde perpendiculari situ projici in aërem vi rochetæ principalis sufficientis roboris ad machinam in notabilem altitudinem elevandam.

PRAGMATIA III.


Rotam in aëre versatilem exprimere.

Supra pinnaculum alicujus turris aut templi fiat rota cujusunque magnitudinis, ferreo obelo ita imposita, ut sine difficultate verti possit, in centro-rotæ quamcunque figuram adaptare poteris; aquilam Imperialem, nomen JESU vel Maria, aut statuas etiam quasunque volueris ex charta diaphana factas, & intus candela posita illuminatas; hujusmodi machina duobus modis pulchrum spectaculum exhibere potest, vel vento, vel igne. Vento agitur, si in rotæ extremitatibus scamillos ex levi ligno infixeris, in quibus ventus vel naturalis vel Æoleæ machinæ artificialis illis machinam versabit, ut in pri-

ma Figurâ patet. Igne sic machinam animabis: rochetas in superficie rotæ ita adaptabis,



ut obliquum situm obtineant, hæc deinde accensæ rotam in circulos una cum figuris su-




propositis agitabunt, uti in secunda Figura vides.

PRAGMATIA IV.

Organum pyrobolicum in aëre exhibere.

Fiant rochetæ eo ordine, quo fistulæ in organo adaptari solent, & ea proportionem pulveris impleantur, ut quæ est minima accensa primum emittat bombum, & quæ ordine longior paulo post, alterum, & quæ tertia in ordine, tertium, & sic ordine singulæ una post aliam bombos suos emittant & habebis organum pyrobolicum, quod in acie turris alicubi dispositum & igne illuminatum mira afficit voluptate spectantes. Qui hæc paucula probe intellexerit, nihil non in aëre exhibere poterit arte pyrobolica; Quare nos hæc non tam fusc exposuimus, quam paucis tantum indigitavimus, ut ingeniosis artificibus nonnullam majorum inventionum occasionem præberemus.



P A R S

De Artium quarundam Mechanicarum arcanis, ad Naturæ Subterraneæ exemplar constitutis.

C A P U T I.

Ars Aurifabrorum cæterorumque Artificum, qui circa metalla occupantur.

Aurifabri potissimum circa aurum & argentum in vasis pretiosis conficiendis occupantur; unde quanto materia circa quam occupantur, nobilior est, tanto ars est præ cæteris excellentior, magnaue peritia rerum metallicarum ad officii sui muneri satisfaciendum, instructos esse oportet, eamque chymicorum arcanorum notitiam possidere, quam data occasione demonstrare queant; unde ipsorum est officium, aurum & argentum crude, rigidum & frangibile ad quandam malleo aptam lenitudinem flexibilitatemque reducere; rupta vasa aptè denuo ferruminare; cimelia, annulos, aurea & argentea numismata encaustico artificio adornare, differentiam gemmarum, earumque valorem & pretium nosse, easdem annulis affabre inserere; statuas aureas & argenteas cudere: Spagyricam quam optime norint, qua cum ingeniosa industria metalla fundant, unum ab altero sive per aquas fortes, sive per catinum cineritium, quam cupellam vocant, separent, singula depurando ad summam perfectionem perducant; ut proinde non quisque huiusmodi arti, nisi iudicio & experientia rerum pollens, aptus censeatur debeat. Quæ cum ita sint, cum nonnulla arcana non ita passim obvia possideant, quæ longo & diuturno commercio cum iis habito didici, hinc *Lectori* communicanda duxi.

Aurum & argentum quomodo dulce reddatur.

Quæritur itaque primò; Quomodo dulce & mite reddant aurum & argentum? Respondéo, hoc ab iis fieri, eo qui sequitur, modo: Aurum subinde ex odore plumbi aut arsenici adeo crude rigidumque redditur, ut malleo vix cedat; cum itaque talis defectus occurrerit, dicto auro in crucibulo fuso vitreum pulverem, vel aliquam salis alchali portionem ceræ commistam, vel etiam tres aut quatuor portiunculas, quantum duobus digitis apprehendi potest sublimati triti, deinde optimè calefiant & quamvis hoc mixtum induratum colorem auri desideratum necdum sit consequutum, facile tamen eum illi conciliabis, si in aureas lamellas reductum munxeris ærugine mixta cum sale ammoniaco, urina & aceto, & deinde carbonibus denuò fervescitum projiciatur intra urinam, & hoc facto obtines quæ-

situm; Lavatur quoque argentum in operibus potissimum auro obductis, si ebullierit in aqua cum sulphure trito; Quidam colore luculento imbuunt aurum & argentum, ebulliendo bovillorum cornuum arietinorumque rasura unà cum stramine trito & fumo pennarum.

Argentum pari modo in lentam & malleabilem dulcedinem deducitur. Si nimium rigidum crudeque fuerit, ubi id cineritio catino immiserint, aut fundendo id cum sale, tartaro, nitro trito, sale alchali aliisque modis à Spagyricis adinventis imbuerint, massam præterea ferruminativam, quam saldaturam vocant, ne sit durior, quam res ferruminanda requirat, potissimum observant; unde eam facile emendant cum diminutione caratti, vel ligæ cum argento, vel cum cupro aut aurichalco adjiciendo auro argenteove parum boracis vel æruginis.

De operibus encausto perficiendis Aurifici ingenioso maxime necessariis supra diximus, quamvis pauci hujus artis periti inventantur: In Germania & Gallia nullus sane probæ notæ aurifex habetur, qui hujus peritiæ non polleat. Præter dicta artem omnis generis metalla auro obducendi possident: sed nonnulla eorum secreta pandam.

1. Aurum ad maturandum ita præparant: Inaurandi modus. Accipiunt unam quintam partem auri puri malleo extensi, cui addunt; mercurii, commiscunt bene; deinde tigillum committunt ighi, & ubi ferbuerit, mixturam ex auro & argento vivo tigillo injiciunt, & evaporato mercurio reliquum auri in scutellam frigidâ refertam conjiciunt; atque hoc pacto lotum habent aurum ad omnis generis metallica opera auro obducenda; si enim æs inaurare volunt, aurum paulo ante præparatum illinunt aeneæ lamellæ expositumque carbonibus relinquunt donec aureo colore enitescat, deinde exemptum setaceto mundatum expoliunt. Ferrum ita inaurant; ferri inaurandi modus. ferrum prius intra acetum sale & vitriolo commixtum impositum coquunt, & deinde id extractum illinunt auro paulo ante præparato.

2. Modum separandi argentum ab auro, Separate hunc servant; Inauratum argentum sulphure circumposito perfumant, deinde accipiunt ab auro.

P p p

mercu-

mercurium, tigillo imponunt, in quem calefactum projiciunt inauratum argentum & statim separatio sequitur, mercurio aurum, quod in argento latet, ad se attrahente; Argentum vero jam auro inductum pristinae naturae restituitur sola coctione in tartari aqua facta. Aurum vero à mercurio separant hac industria: Aurum mercurio foetum in tigillo igni exponunt, & hoc pacto evaporante mercurio, aurum remanebit, quod cineritio depuratum, pristino nitori restituitur.

Aurum à metallis separatio.

3. Quomodo aurum à metallis inauratis separari possit. Magnae utilitatis artificium est, aurum metallis ligneisque tabulis inductum recuperare. Sic autem procedes: Primo accipe crucibulum magnum, quod mercurio impletum calefiat ad ignem in furnulo chymico, & ubi bullire coeperit, intra illum mercurium corpus inauratum immitatur, deinde ferreo setaceto frices tam diu, usque dum comperias mercurium totum aurum ad se attraxisse; quo peracto mercurium exemptum coriaceae bursae inditum tam diu comprimes, donec totus mercurius effluerit; & hoc peracto quod in bursa reliquum, aurum à mercurio separatum est sub forma arenae, quod evaporatum supra carbonem positum pristino suo statui restituitur.

Alter modus aurum à metallis inauratis separandi hic est; metalla in tigillo operiantur sulphure vivo & in pulverem contrito, & ubi in igne aliquando steterit, & effundes intra catinum, & colliges totum illud, quod cum sulphure à metallis inauratis abraditur, quod erit aurum sub forma foliati lateribus tigilli adhærens; hoc peracto aurum separabis à sulphure combusto cineritio seu cupellae cum plumbo, quemadmodum variis locis jam in *precedentibus Libris* docuimus.

Tertius modus est, beneficio aquae Martis compositae ex salenitro, *Alumini* vulgo *di Rocca*, vitriolo & sale armoniaco, & nonnihil ex ærugine; hæc aqua vi sua caustica aurum metallis inauratis inexistens rodere incipiet, & ubi totum consumptum intra se attraxerit, aquam jam saturatam intra vitreum vas furnulo impositum evaporare sinas, & remanebit aurum in fundo; Atque hi sunt tres modi, quibus aurum in inauratis sive metallis, sive ligneis tabulis non sine lucro separatur.

4. Ex loppis sive quisquiliis minerarum auri & argenti jam eliquatarum, & quæ ad nihil amplius servire videntur, aurum argentumque summo emolumento separare solent Metallurgi, & fusores metallorum à materiâ minerali auri & argenti, quas loppas sive quisquillas, sive corpora mortua vocant, & passim tanquam inutilia abjiciuntur. Quomodo itaque ex his aurum & argentum extrahere soleant, hic docebo, & tanquam magni emolumenti secretum *Lectori* pan-

dam; quod in solius mercurii mira virtute & potentia consistit. Fiat mola ad eam fere formam, qua Pictores in molenda gypsea aut cretacea materia uti solent: sit vas marmoreum A, intra cujus cavitatem immittatur alius lapis prædurus, cujusmodi sunt molares, cui indas manubrium in C, quod vasi A; non ita committatur, quin semper materia molenda indi possit. Huic molæ manuali paratæ, immitte ex materia minerali seu loppis aut quisquiliis prius bene tritis, quantum volueris, cui affundes acetum, vel aquam sale ammoniaco sublimato, ærugine & sale communi dilutum, huic deinde bonam mercurii quantitatem superaffundes, donec tota materia illo cooperiatur, & agitatione molæ spatio unius aut duarum horarum quam optime subigatur; & quanto materia melius subigitur, tanto mercurius probius suum exequetur effectum, attrahendo in se quidquid auri ibi latuerit, qui deinde aqua lotus & à terrestribus quisquiliis depurgatus, ponitur intra crucibulum, ubi igne tortus fugiens & in vaporem abiens, aurum in fundo relinquet; vel quod idem est, per bursam coriaceam expressus intra bursam aurum relinquet. Novi hac ratione complures Venetos ad maximas divitias pervenisse; quare magni secreti loco tenent.

Quoniam Aurifabri sæpe indigent calcibus metallorum, quomodo singula metalla calcinare soleant, chymico artificio, paucis exponam; sunt enim secreta certa & pulcherrima.

Primo. Aurum ita in calcem resolvant; Fiat vas collo longo instructum A B, intra cujus fundum C plumbum im-

Calcinatio metallorum.

mittatur; deinde orificio vasis A superimponatur aureum sive nummum, sive lamellam, quam in calcem resolvere desideras, deinde accendatur ignis in foco, quo urgente plumbum liquefiat; augetur ignis usque dum furni ex plumbo incipiant exaltari, qui uti in aureum nummum continuo agunt; ita quoque tam morbidum reddunt, ut finita operatione facile in pulverem redigatur, quavis borace saturatus, facile in pristinam substantiam redigatur, cujus rei ratio aperta est: spiritus enim mercuriales in plumbo latentes fugitivi, dum effugium non reperiunt, in aureum nummum agentes, illum exedunt, & hoc modo morbidum reddunt; atque hæc est Calx auri.

Alii sic faciunt: Aurum probe limatum ponunt intra acetum acerrimum ad novendium, deinde eximunt ad solem exiccandum, siccatum aqua salis ammoniaci super marmor terunt, & denuo exiccandum expo-



exponunt, & hoc septies repetendo, & habebis calcem Solis paratam. Alii idem præstant, mercurio calefacto affundendo aurum, quod mixtum deinde tamdiu igne urgent, donec mercurius fugitivus ab auro separatus sit, quod in fundo manet aurum, sale ammoniaco dissoluto supra marmor tere, & aqua dulci salem ablue, & habebis calcem Solis.

Calx D. Secundò. Argentum eodem prorsus modo, quo aurum calcinare solent, vel plumbi, vel mercurii vapore, quibus tartarum calcinatum, & Sal ammoniacum admisceatur, & obtinebis calcem Lunæ.

Calx Q. Tertio. Venerem, five æs sic calcinant: Lamellas æneas imbuunt aceto sale communi diluto, quas exiccatas fornaci calcinatoriæ ad tres horas committunt, deinde exemptas extinguunt, aceto uti prius sale diluto, & quod ex lamellis commissum fuit aceto, abrasum dimittatur intra acetum sale dilutum; atque hoc tamdiu perages, donec lamellæ penitus consumptæ fuerint; Hoc peracto separato aceto invenies in fundo vasis pulverem, quem borace & tartaro ejusdemque oleo tritum subactumque siccant, sic cum denuò igni ad fusionem committunt; fusum vasi ferreo sevo intus oblito excipiunt, & frige factum jam candidum & molle reperiunt, quod ad sophisticum argentum multum valet.

Calx 24. Quarto. Stannum five Jovem sic calcinabis; Lamellæ stannæ in minutas secantur particulas: deinde intra ollam calce viva stratum supra imponantur frustula stannea usque ad summum ollæ; deinde luto sapientiæ, ut vocant, obsegnatam ollam in fornace calcinatoria ponatur 24 horis; quibus elapsis exemptum stannum igne solutum intra acetum effluere sinas, quod deinde in cinerem redactum, post operationem ter repetitam coagulabis, coagulatum extingue in aqua mercurii, & reperies durum instar argenti.

Calx 15. Quintò. Saturnum calcinabis, si plumbum liquefactum fuderis intra aquam cale * ex cineribus confecto præparatam; intra hanc enim aquam quater aut quinquies extinctum ficcetur, siccatum ollæ bene obturatæ impositum, furno committatur spacio 24 horarum, quod exemptum deinde viridi colore imbutum reperies; vera calx plumbi, quam Alchymistæ brevem ad Solem viam esse sibi persuadent.

Calx 3. Sextò. Ferrum philosophice sic calcinabis. Lamellæ ferri probe purgati igniantur, & septies in oleo lini extinguantur, & molles evadent, instar ceræ, quas in minutas particulas conscindes, deinde fac stratum supra stratum, unà cum mercurio crudo in tigillo bene oblutato, quod fornaci calcinatoriæ impositum forti igne 12 horis urgeatur, & tandem frige factam materiam exime, quam instar lunæ candentem reperies, atque hanc reservabis. Innumeros modos calcinandi metalla hic adducere possem, sed quia illos

passim alibi tradidimus, hoc loco ea tantum, quæ non nisi ab Aurifabris Alchymistisque comperi experientia, apponenda duxi.

Aurum vero sophisticum efficies, si calcem Lunæ superius præparatam subegeris calce ovorum, & aqua auripigmenti siccamque fornaci imposueris, post quaternam hanc operationem exemptam è fumo subiges aqua salis ammoniaci, quod deinde fimo impositum in aquam resolvetur, quam per colatorium intra vitreum vas emulgebis, emulctum sicca in pulverem, cujus una pars ad 40 partes æris probè purgati jungantur, & habebis Solem Sophisticum.

Argentum sophisticum facies ex calcis Lunæ una parte, ex mercurii fixi & sublimati 2 partibus, unà cum totidem partibus sulphuris fixi & sublimati, & cum aqua mercurii, & ubi siccum fuerit tertio, eandem operationem repetes, quo peracto inditum vitro quod fimo sepultum equino ad aquæ solutionem detinebis, siccatur deinde in furno sublimationis, fixatum subiges aqua mercurii, vel salis ammoniaci, deinde ad putrefaciendum intra fimum sepelies, putrefactum furno ad 24 horas committes; ex hujus pulvere una semiuncia projecta supra unam Libram Veneris probe purgati, dabit tibi desideratum argentum sophisticum.

Hoc loco quoque dicendum foret, quomodo Sal commune, Sal Ammoniacum, Sal Alkali, Borax & similia una cum aquis oleisque eorundem præparanda sint, verum cum jam hæc passim apud Apothecarios extent, & in variis Chymicorum Libris tradantur, iis immorari nolui, nos hic visa tantum & comprobata adducimus.

De Arte Inauratoria, Ferraria, Aeraria, Filatoria, Stannaria similibusque.

Singulæ hæc Artes habent non contemnenda secreta ad ferrum, æs, stannum & similia emollienda, induranda, temperanda; verum cum hæc omnia in IX & X Libro tradita sint eò, *Lectorem* remittimus; varios quoque argentum, stannum, cuprum, ferrum inaurandi modos, uti & innumeros modos in dicta metalla quæcunque volueris, aquis fortibus & causticis incidenda. Verum cum hæc quotidiana experientia innotuerint, iis opus hoc refarciendum non censui.

Filatoria vero Ars, nescio quid admirabile & paradoxum contineat, dum aurum, argentum, æs, ferrum, (stannum vero & plumbum filis ducendis, ob lentorem stupiditatemque materiæ, apta non sunt) quæ filamineros prorsus usus habent, tum in re vestimentaria, tum in reliquis apparatus, peripetasmatum ornamentorumque templi, cum in pretio non habeatur, quod filo aureo & argento non sit intertextum. Sunt autem triplicis generis fila; primi generis sunt fila

Ppp 2

minu-

Aurum
Sophisticum.

Argentum
Sophisticum.

minutissima subtilia, rotunda, cujusmodi sunt aurea & argentea, quæ textoribus, cuprea vero & ærea, quæ musicis instrumentis potissimum serviunt. Secundi generis sunt fila aurea & argentea, quæ latitudinem aliquam obtinent pro conditione rerum texendarum, modo strictiores, modo latiores, quæ quidem fila non traducuntur per foramina uti priora, sed aurum & argentum tunduntur in lamellas, ita tamen ut subtilissimæ chartæ haud sint ab similes, quas deinde, uti hîc Romæ mulieres juxta latitudinem quam voluerint in longum scindunt, & textoribus & acupictoribus consignant. Terti generis est aurum in tenuissimam substantiam ope malleorum reductum, quod intra chartaceos libros conditum inaurandis rebus servit.

Sed iam praxin filatoriarum artis paucis exponamus. Aurum, Argentum, æs, ferrum, primò in oblongas & subtiles teretesque virgas diducuntur; has deinde semper per angustiora & angustiora machinarum appropriatarum ope in fila traducuntur cujuscunque crassitie, adeo ut subinde per triginta differentia foramina semper minora & minora diducta in tantam deveniant subtilitatem, ut vel pili subtilissimi crassitiem adæquent: Experienciâ comperi semiunciam argenti post foraminum diversissimorum coarctationem ultimo foramine in tantam longitudinem extendi, ut 600 pedes geometricos adæquet; unde nascitur sequens problema.

PROBLEMA.

Dato pondere metalli & foraminis per quod filari debet, magnitudine, in quantam longitudinem id extendi possit, reperire.

Accipe primo filum quotcunque pedum per datum foramen traductum, quod diligentissime primo ponderabis. Sit v. g. filum decem pedum, & pendat unum granum. ita in cujusque alterius corporis per foramen deducti extensionis notitiam devenies. Dic: 10 pedes pendent 1 granum, 100 pedum filum quot grana pender? provenietque pondus quæsitum: habito vero pondere metalli, si ejus longitudinem scire desideres. Dic: 1 granum dat filum 10 pedum longum; scrupulus, uncia, libra ad quot pedes extendetur, habebisque quæsitum; Non secus de cæteris metallis operabere. V. g. Desidero scire, una libra in quantam longitudinem extendi possit; Fiat ut unum granum ad filum 10 pedum, ita 6912 grana, quæ unam libram constituunt, ad aliud. Prodibuntque 69120 pedum longitudo quæsitæ: id est, 14 milliaria. Hoc iterum posito, si scire velis 125 libræ argenti in quantam longitudinem extendi possint? Dic: 1 libra dat longitudinem 14 fere milliarium, quantam dabunt 125: prodibuntque 1750 milliaria, & sic de cæteris.

Hinc sequitur primò, si quispiam scire

velit, quot libræ argenti, extendi debeant ad filum comparandum, quod totum terrenum orbem ambiat: constat autem ambitum terrenum esse milliarium Italicorum 21600. Dic igitur: 14 milliaria dant 1 libram argenti, 21600 milliaria quantum argenti dabunt? prodibuntque 154 libræ è $\frac{1}{4}$. Tot igitur libræ argenti requiruntur ad filum comparandum, quod totam terrenam molem ambiat, cujus tertia pars, 52 libræ dabunt chordam toti diametro æqualem.

Si vero nosse cupias in quantam longitudinem filum extendi possit, quod convolutum tam grave esset, quam tota telluris moles. Ponimus autem, terrenam molem juxta demonstrata ab *Archimede*, si solida esset, ponderare. 65923634426652872385072000 libras. Dic igitur: 1 libra, 14 dat milliaria, 65923634426652872385072000 libræ, quot milliaria dabunt? sive quantam longitudinem dabit? prodibuntque milliaria longitudinis quæsitæ, quod filum pondere terrenæ moli æquale longitudine multo superaret totius mundanæ molis ambitum.

Patet igitur, quod de argenteo filo diximus, de cæteris omnibus metallicis filis dici posse: si enim in aureo filo dicta investigare cupias, accipe filum aureum quotcunque pedum longum, v. gr. 5 pendat autem hoc filum 2 grana: Dic, duo grana dant 5 pedes, 20 grana in aurea massa in quot pedes extendentur; facta operatione prodibunt 100 pedes, & sic de reliquis.

Nota Primò, nos hic sumere scrupulum unum pro 24 granis, & unam unciam pro 24 scrupulis, uncias 12 pro una libra; ita ut una uncia habeat 576 grana, una libra vero grana habeat 6912.

Nota Secundò, metallorum materiam esse partim argentum vivum, partim sulphur. Quæcunque igitur metalla de mercurio plus participaverint, graviores sonos, quæ de sulphure plus habuerint, acutiores sonos reddent. Atquæ ita sentiunt Chymici. Ego vero gravitatem & acumen sonorum etiam qualitibus elementaribus adscripserim, ut illud corpus, quod plus habuerit cum terra & humido commercii, gravius, id vero quod plus cum terra & igne, acutius sonet: Humidum enim corpus terræ mistum illud præterquam quod condenset confringatque, ex partium constipatione, grave quoque reddit & ponderosum; Unde sonus quoque gravis sequatur, necesse est: Corpus verò sic cum terrestre, præterquam quod corpus dilatat, extendatque ex varietate partium, leve quoque reddit & porosum, quam levitatem sonus acutus oecessario consequitur; quamvis hæc cum chymicis principiis facile concordari queant.

Aurum non tantum in fila ductum in infinitum spaciū producit, sed etiam in superficies ita tenues tunditur, ut 1600 folia ex una uncia auri prodire afferant; & quamvis aurum

aurum omnium metallorum gravissimum sit, folia tamen ejus tantæ sunt subtilitatis, ut vix infra aquam mergi possint. Porro 1600 folia in planum collocata superficiem adæquant ferè 400 pedum quadratorum. Ex quo facile aliquis scire posset, quantum auri requiretur ad fornicem alicujus templi inaurandum, & quantum auri ad universam molem terræ, si perfectus globus foret, inaurandam requireretur.

Sed ut ad institutum nostrum revertamur. Quod verò attinet ad splendorem aureorum argentorumque foliorum, certe illa adeo exacte elaborata videntur, ut purum putum aurum argentumque, qui sive fraudem, sive ingenium artificis ignorat, esse videatur. Cum tamen magna æris portio illis accedat, magno fane lucro. Sic autem procedunt: Ex ære virgam quadripalmarem ferè continua mallei contusione diducunt, quam deinde circumdant vel aurea, vel argentea lamella subtilissime elaborata, ita æri ferruminata secundum exteriorem faciem, ut tota vel aurea, vel argentea appareat; hanc ita ferruminatam imponunt intra furnellum flammivolum, ubi relinquunt usque ad vicinam dispositionem fusionis, deinde exempta lapide hematiti, ope quoque mallei tundatur & deplanetur, donec æri prorsus incorporetur. Quo facto denuo coquitur, & in laminas transilationi aptas contunditur; quo quidem artificio, aurea & argentea fila multò majorem splendorem acquirunt, quàm si ex puro auro & argento composita essent. Verum cum de Chordarum viribus & proprietatibus in *Sexto Libro Musurgia* ex professo egerimus, eò *Lectorem* remittimus, ubi pon-

dera chordarum ex auro, argento, ferro, ære, juxta harmonicæ artis leges determinata cum quamplurimis aliis consideratione dignis arcanis eruimus.

Hiscæ jungam arcanum, quo cornua mollescant: Primus modus est: Accipe urinam quatuor septimanis in olla bene tecta fermentatam, intra quam pones unam libram calcis vivæ, semilibram cineris, quam *sodam* vacant, vel etiam cinerem ex tartaro, 8 lib. tartari & totidem salis, omnia probe misceantur, & igni ad coquendum expone, deinde bis percolata diligenter conserva; cornua itaque emolliturus, ea dicto lixivio impone ad octo dies, & habebis cornu molle instar pastæ; alii idem præstant, cinere ex combustis papaverum caulibus, & lixivio inde factò, intra quod cornua ponunt excoquenda. Secundus modus docet illa ita mollescere, ut intra formas fundi queant, & ita procedunt: Accipe unam libram sodæ, qua vitriarii utuntur, unam lib. calcis vivæ, & unam mensuram aquæ, coquantur omnia ad $\frac{2}{3}$ concoctionem, deinde accipe rasuram cornuum qualiumcunque, quam intra præparatam aquam macerari fines ad biduum, deinde totam massam non secus ac farinam manibus primo oleo illitis subiges, & subactam cujuscunque formæ modulo imprimes, & ubi induruerit habebis imaginem corneam / quæsitam. Tertius modus hic est: Accipe succum ex marrubio albo & hederæ, raphani & chelidoniz majoris una cum aceto forti, misceantur omnia, & cornua intraponantur ad macerandum per septendium intra finum equinum; deinde fac, uti in præcedenti docuimus.

CAPUT II.

De Arcanis Miscellaneis.


NE quicquam rerum curiosarum in hoc Opere omisisse videamur, nonnulla hic tractabo, quæ haud ingrata curioso *Lectori* futura spero; sed ne diutius moremur, rem totam nonnullis propositionibus exponam.

PROPOSITIO I.

Aërem in aquam transmutare.

Michael Sendivogius in suo *Lumine Chymico* rem ita proponit: Fiat instrumentum cupreum ejus formæ, quam hic vides; intra hanc machinam ex tribus partibus commissam & ferruminatam, spongiam pones in fundo, & supra spongiam dua libra marmoris integro die naturali intra vitriariam fornacem calcinati superimpones, cui unam libram rubri marmoris in minima fragmenta consusi miscebis; postquam igitur per inferiorem canaliculum attractus fueris, quanto enim hypocaustum, in quo instrumentum ponitur, fueris calidius, & quanto aer extra hy-

pocausti fenestram fueris frigidior (debet enim canalis E D terminari extra fenestram hypo-



causti) tanto majorem aquæ copiam obtinebis per foramen canalis E D. quod in D. strictissimum

ppp 3

adin-

adinftar acus, orificium habeat. Per hoc itaque orificium aer frigidus sese insinuans, in aquam mox resolvetur, qua per marmor spongiamque colata, intra vas suppositum L M, per canaliculum B. defluet, tanta abundantia, ut & hominibus & equis in necessitate potandis sufficiat ita Sendivogius, qui more ja&tabundis Alchymistis consueto, plus sane promittit, quam ratio & experientia dicat; Addit hujusmodi aquam adeo miræ virtutis esse, ut nil dubitet, hujus aquæ beneficio tandem ad magnæ Artis terminum perveniri posse; Sed ego peculiarem virtutem in aqua hujusmodi non reperi; aliam nisi eam, quæ hyberno tempore fenestris hypocaufti inhæret, tum frigoris virtute externi, tum intus calore resoluta, quæ uti aqua simplex est, nullis neque metallicis, neque cœlestibus impressiōibus imbuta, ita in ea, quod non est, quærere; stultum Alchymistarum phantasma, quo nihil non ad magnum Lapidis arcanum conducere posse somniant, esse censeo. Aquam inde nonnullam colligi posse, non nego; quid vero calcinatum marmor, quid spongia ad rem faciant, non video, cum potius aquarum confluxui impedimento sint, quam commodo, cum aquam defluentem imbibant potius, quam ulterius fluere sinant. Sed video bene quid hisce intenderit: cum instrumentum nimis facile, imo plebeium videret, ad arcanæ machinationi nonnullam auctoritatem apud imperitos conciliandam, hoc inutile additamentum, gratis finxisse videtur.

Non ignoro varia vasa hydraulica confici posse, (cujusmodi & nos in Musæo nostro monstramus æolia omnis generis, hydrolcia, absorbentia) quæ frigidi aëris attractu intus vel solo calidæ manus attractu humectentur, sed quæ eam aquæ quantitatem, quam ipse adducit, ex resoluta aëre præstent, vidi nullam; tantum itaque facere videtur, quantum halitus, qui insufflatus ad fenestram exterius frigidam, statim in humorem condensatur. Quod igitur in hypocauftis fenestræ hyberno tempore aquis diffuant, non est immediate ab ipso intrinseco aëre, sed ipso vario & continuo hominum flatu, qui ubi frigidum fenestræ vitrum inciderit, statim in humorem resolvitur; & experientia docet in speculis & vitris insufflatis: Accedit, quod integrum dolium aëris extrinseci calore resoluti, vix unciam aquæ subministrare possit, uti alibi experimentis variis ostendimus, nisi enim vapor accedat, aer per se parum aut nihil aquæ continet, uti in arte distillatoria docuimus.

PROPOSITIO II.


De Machinis Mercurialibus.

Quæritur, utrum Mercurius in motum artificialibus machinis animari queat? Dico id multiplici ratione & methodo fieri posse. Sed explicemus nonnullas.

Primò. Si annulum seipso moveri vis, sic age: Fiat annulus intus concavus ex quacunque materia, auro, argento, ære, ferro, vitro, vel testa, intra cujus concavitatem ponatur nonnihil argenti vivi, V. g. ad medietatem, ita ut medietas annuli sit mercurio repleta; quo peracto, orificium, ne mercurius exspirare possit, quam firmissime claudatur. Hoc peracto, calefiat annulus, & ubi mercurius evaporare coeperit, cum admiratione videbis, annulum miros quosdam saltus facere, hinc inde moveri, haud fecus ac animatus ab occulto quodam dæmone intus latente agitur.

Secundò. Quomodo currus seu rheda argento vivo animata seipsa summa vehementia procedere possit. Fiat rhedula ex ligno cum rotis suis & equis effigiata, cujusmodi in Germania fieri solent, exigui pretii; huic rhedæ, cui tubulus indatur ex ære aut ferro confectus, argento vivo aliqua ex parte repletus, deinde canaliculus ita stricte claudatur, ne ullus aëri introitus, aut mercurio elabendi exitus concedatur; hanc supra tabulam aliquam planam & levem ponito, deinde canaliculum candela calefacies; & ecce rhedula rotis suis mobilibus totum planum percurreret & recurret, non sine admiratione intuentium. Hoc pacto homines ambulantes, volucres aërem tranantes, ferreo tamen filo annulo alligatas, & innumera alia spectacula ad spectantium oblectationem exhibere licet.

Si quis vero per pendulari in altum motu exhibere desideret sive figuram humanam, sive globum, sic procedet: Fiat primo prisma triangulare ex tribus filis ferreis *ab, ef, dc*, constructum, ea forma, qua hinc apparet; habeat autem in inferiori basi *bc*. concham carbonibus accensis refertam, cui superponatur orbis in formam globi mundani aut imperialis effigiatus, ex ære, ferro, vel figulina testa conflatus, hunc ad tertiam fere partem mercurio replebis, & quam strictissime osculum obstrues; melius autem feceris, si è latere globi alicubi feceris: Hoc peracto, totam



tam machinam mensæ superimpones, ita tamen ut supra vel unco vel manu è nubibus ducta teneatur, eo quod fila ferrea per se subsistere, utpote subtilissima, non possint, & videbis, vel ad primam calefactionem inclusum mercurium incipere solitos exercere tumultus, deinde paulatim intra fila ferrea (quæ sunt veluti repagula quædam ad globum ne extra rapiatur, continendum) ascendere incipiet, usque ad supremum prismatis: Deinde defervescente vapore, ea proportionem motus descendere, qua ascenderat, incipiet; ubi autem ad vicinum carbonibus locum pervenerit, ibidem denuo sollicitatus quasi hæere pendulus spectabitur. Plena sanè admirationis machina, cujus tamen rationem non facile quispiam, nisi proprietatem Mercurii probe norit, percipiet; majorem tamen adhuc effectum præstabit, si aquam nitro subjectam mercurio superaffuderis. Complures hujus farinae machinas hic adducere possem, sed ut curioso *Lectori* locum relinquam plura excogitandi, hic ea tantum paucis tradenda censui.

CONCLUSIO OPERIS.

E Lucati tandem ex formidabili & horro-
ris plena Subterranei Mundi caligine,
per abditos penuriorum Naturæ Oceani-
que interiores recessus, per invisas & à nemi-
ne hucusque tentatas semitas, D E O Duce
& Directore in portum jam dudum desidera-
tum, & ingenti anxie mentis sollicitudine
concupitum innumeris laboribus, Herculeis-
que ausibus perfuncti appulimus; Præstiti,
quod pollicitus fui, quantumque mentis meæ
imbecillitas & impotentia, permisit, executus
sum; admirabilem interioris Fabricæ Geo-
cosmicæ ordinem, dispositionem, finem, to-
tius Naturæ nucleo evoluto demonstravi, in
quibus omnibus & singulis advertet, ni fal-
lor, *Lector* ineffabilem Divinæ bonitatis pro-
videntiam, atque in tanto tamque incom-
prehensibili disparatissimarum rerum appa-
ratu multitudinem, varietatem & opulen-
tiam, tum ad gloriam majestatis suæ mani-
festandam, tum ad humani generis salutem
conservandam, explanatam; Jam tandem
manu à tabula remota, oculisque in cælum
sublatis, nil restat, nisi ut summo & glorio-

so Naturæ *εὐεργέταις*, si non quas debemus, sal-
tem quas possumus gratiarum actiones exsol-
vamus, & coram omnibus viventibus con-
fiteamur ei, qui fecit nobiscum misericor-
diam suam, Etenim *sacramentum Regis ab-
scondere bonum est, Opera autem DEI revelare
& confiteri honorificum est.* Itaque summo Re-
gi seculorum immortalis & invisibilis, sacro-
sanctæ & individuae Triadi, Patri & Spiritui
Sancto, uni D E O, à quo, in quo, & per quem
omnia existunt, & sine quo nihil boni, non
dicam agere, sed ne cogitare quidem possu-
mus, omnis sit honor & gloria; deinde tibi
humani generis Servatori *Θεανθρώπῳ* J E S U
C H R I S T O, sapientiæ *σοφιστεχνήτη*, qui hosce
qualescumque labores ad optimum finem per-
ducere dignatus es, qui ut opus longe viribus
meis impar absolverem, copiosum gratiæ mu-
nus servulo tuo contulisti; Tu uti æterna veri-
tas, sapientia increata, & æterni Patris ver-
bum, ita quoque animum meum caliginosum
tuo illustrasti lumine, gratia visitasti, mentem
erexisti, excitasti affectum, subrogasti auxi-
lium. Tibi quoque Amori æterno SPIRITUI,
supremo Charismatum *πνεύματι*, qui obscu-
ram intellectus mei abyssum incubans, men-
tem sterilitate damnatam, cœlestium rerum
amore fecundasti, in foetura animasti, in-
spirasti necdum volenti, ut vellem, adjuvisti
bonæ voluntatis conatus, ut possem & face-
rem, qui in tuis posse, velle, & perficere ope-
raris. Tibi denique Divinorum donorum dis-
pensatrici DEIPARÆ VIRGINI gratias ago
prorsus *ἀθανάτης*, cujus benignitate, meritis &
intercessione non in hoc Opere solummodo,
sed in omnibus cæteris à mea tenuitate huc-
usque editis libris, hanc, utaliquid possem,
à te clementissima Matre gratiam miro mo-
do me obtinuisse hisce manifestum esse volui.
Demum Sanctissimo ANGELO custodiæ meæ
divinitus mihi constituto, qui occultis instin-
ctibus semper adfuit, in dubiis, arduis & dif-
ficillimis argumentis lumine suo adstipit, &
ut, quod vellem, id possem, occasionem
præbuit. Laus itaque D E O Patri luminum,
sine cujus præsidio, uti merito omnis huma-
na sapientia, stultitia est, ita quoque omnes
humani ingenii conatus irriti & frustranei fa-
tiscunt, adinstar vilis scorix, quæ ventilatur
in area.

F I N I S.

Omnia ad majorem DEI gloriam Virginisque MARIE.

I N D E X R E R U M & V E R B O R U M T O M I S E C U N D I.

Numerus paginae Index est, literæ a & b Columnam primam & secundam indicant.

A.

Absynthium ubi nascatur 119. a.
Acacia folia cur mane aperiantur, vespere claudantur 418. a, b.
Acetum acerrimum quid 261. b. ejus in distillatione mira proprietas 334. b.
Achates quid 28. a. quomodo conficiatur 463. b.
Aconiti Symptomata, cura & remedia 141
Actinobolismus inest salinis corporibus 25. a. omnibus 114. b.
Adamus unde oriatur 20. b. gemmarum rex ibid. à malleo conteri potest ibid. ubi crescat 21. a, b. ad ejus genesis que requirantur 21. b.
Adamantis scopi non est lethifera 20. b. usus supersticiosus ibid. durities unde 20. b. 22. a. effictio 459. a. 462. a, b. 463. a.
Aër qui purgetur à noxiis impressionibus 106. a. venenosis impressionibus opportunus est 126. a. subterraneus follibus purgatur 175. b. 176. a, b. quatuorplex 398. b. quomodo ponderetur 447. a.
Æs Corinthium quid 205. a. quomodo in Orichalcum tranfmuetur 216. b. quomodo coloretur 217. a. cur tempore frigido melius comburatur 217. b. ustum quomodo vocetur 218. a. tingendi modus in orichalcum & argenteum colorem 218. b. 300. b. an potabile fieri possit 431. b. quomodo vitrescat 453. a. qui crystallifcat 457. b.
Æris scoria 206. b. latentis indicia 216. a. mistura varia ad varia conficienda 217. a. fulmen 217. b. mira proprietas ibid. in medicina effectus ibid. artificialis & nativi differentia 224. b. & argenti mixtura 439. b. quantum auro commixtum explorare 443. b. calx 483. a.
Æruginis proprietas, Symptomata, remedia 140, 218. a.
Ægyptii cur inter cornua bovis apim pinxerint 350. a. quem modum in viribus rerum inveniendis habuerint 402. a.
Agaricus quomodo humores trahat 113. a.
Ager cur fecundetur à cineribus 338. a.
Albertus Magnus naturæ mysta 413. b.
Alcaest quid 434. a, b.
Alchymia cur tantopere culta 236. a. proprie dicta Chrysopæiana promittit 250. a. secundum Paracelsum à Deo inspirata 270. b. quare ab Authore confutata 280. b. 281. a. Sophistica que 284 & seq. an licita 311. a. que damna Reipubl. conferat 320. a.
Alchymie nomen 232. a. definitio 233. a. studium intricatum ibid. antiquitas ibid. & seq. monstruosa verba 270. b. vanitas 234. a. 304. b. lucro nullus monarcha dives factus est 320. a. censura Parisensis 320. b. Joannis XXII. P. M. censura 309. a.
Alchymistarum doli 280 & seq. à Demone deceptio 283 & seq. in auro potabili conficiendo fucus 420. b. in eosdem inuectiva 263. b.
Alcool quid 173. b.
Alembicus quid 241. a.
Alexii in auro solvendo processus 421. b. in confectioe gemmarum 459. b.
Alimentum quid conferat 109. a.
Alteratio rerum in fibris terra 9. b.

Althamor quid 393. a.
Alumen plumæ quid 243. b.
Ambustio quomodo curetur 473. a, b. & seq.
Amalgama quid 243. b.
Amiantus. Vide *Asbestum*.
Ammochysus lapis 22. b.
Analogia membrorum corporis humani ad corporum celestium membra 336. a, b.
Anates delectantur animalium venenatorum pastu 132. a.
Scotica qui nascantur 97. b. 346. a.
Andreas Blavii auri potabilis specimen 422. b.
Androsenum hircinum unde 350. a.
Anguilla unde oriantur 119. b. 346. a.
Anima manet in semine 337. b.
Animalia maxima cur pauca proles 57. b. subterranea quadruplicia 86. cryptis montium inhabitant 87. b. & seq. venenata cur 106. appropriatos vermiculos generant 107. b. venenosa ex corruptis humoribus nascuntur 108. a. que venenosa 109. a. venenata ex terra venenum sugunt 121. eorum ortus spontaneus 337. a. generantur ex cadaveribus 337. b. ex putri 340. a. qui ex terra ibid. quomodo ex fumo 341. a. è saxis 341. b. ex aquis 342. a. spontaneo ortu nata sunt triplicia 344. a. qui nascantur ex spiribus spermaticis 372. a.
Anseres Scotici qui nascantur 346. a.
Antimonii vis deleteria 117. a. proprietas, Symptomata, remedia 140, 149. & seq. calcinandi modus 244. b. tinctura 245. b. tinctura essentialis non datur 426. b.
Antipathia rerum mira 110. b. difficilis cognitu 111. b. bufonis & aranei 120. b. aceti & lithargyri ibid.
Aspidum & serpentum ibid. quid sit 111. a. plumbi cum ere & stanni cum auro & argento 206. a. auro cum ferro 220. b. insectorum cum certis rebus 376. b. & seq. solventium 434. a.
Apes caput bovium referunt 96. a. 349. b. farus construendis insudant 355. a. ad quid utiles 375. a.
Apum ortus 357. a. in officiis distincti gradus 357. b. ex bouum excrementis genesis 358. a.
Apium risus quid 129. a. ejus Symptomata, cura & remedia. 441
Aproxis herba 412. b.
Aqua potabilis non est petrifica 46. b. que venenosa 126. b. permanens quid 315. a. de albis quid 315. b. quatuorplex 398. b. ad adamantes formandos idonea 457. a.
Aqua fortis compositio 200. a. condiciones 215. a.
Aqua vita preparatio 261. a. regie ibid. mercurialis ibid. perennis 261. b. mercurialis vires ibid. salispetra purificatio 438. a. gemmas penetrantis confectio 459. a.
Aquila animalium venenatorum pastu gaudet 132. a. quomodo in aère pyrotechnica artis ope representetur 480. a.
Arabes de Alchymia scripserunt 231, 236. a.
Aranæ bufonem occidit & cur 131. b. qui generetur 368. b. 369. astronomum & geometram agit 396. b. ad quid utilis 376. a. ejus Symptomata & remedia 143. coitus 369. a.
Arbor quomodo inferenda 383. b. & seq. quid faciendum ut fructus differentes proferat 386. & seq. una casu

INDEX RERUM & VERBORUM.

casu subinde alias producit 387, b. in phiala nata
413, b. philosophica quotidie crescens 431, b. Luna
432, a. Luna mercurialis ibid.
Arbores quae sub Zona torrida nascuntur, cur solidissime
409, a. metallica quae 431, a.
Arcana Chymica 290 & seq. Artium mechanicarum
481 & seq.
Argentum libenter sociatur cupro 187, a. quomodo ex
aqua extrahatur 215, b. ex ejus scoria aurum extra-
bendi modus 224, b. quomodo ab auro separetur
249, b. qui in aurum convertatur 307, a. omnes co-
lores in se continet 429, a. quocunque modo calcina-
tum in pristinam formam reduci potest 429, b. an in
liquorem solutum reduci queat ibid. quomodo vitre-
scat 352, b. qui crystalliscat 457, b. quomodo dulce
reddatur 481, b.
Argenti natura & proprietas 203 & seq. inveniendi &
preparandi ratio 204, a. b. adulterandi varia frau-
des 205, b. in medicina usus 204, b. sympathia &
antipathia 206. scoria qua 206, b. purgandi modus
211, a. pulveris mira proprietas 215, b. precipitatio
quid 243, b. quantum auro insit explorare 439, b.
calx 483, a.
Argentum vivum quid operetur 116, a. sanguinem
congelat 122, b. omnium venenorum calidissimum
est 123, a. quomodo frigus inducat, & qui humidum
dicatur 123, b. idem cum mercurio & hydragyro
150, 151. est duplex 152, b. ex mineris extrahendi
modus 211, b. ejus proprietas, symptomata, remedia
140, 150 & seq. qui calcinetur 383, a, b. Vide Hy-
dragyrum & Mercurium.
Arnoldus illicitis artibus deditus 277, a. prophetia do-
num affectavit ibid. hominem se fecisse arte chymica
impie asserit ibid.
Ars magna quid veteribus 313 & seq. Aurifabrorum
circa quid occupata 481, a.
Arsenici vis 115, b. 337, a. proprietas, symptomata,
remedia 140, 147, b. 148, a, b. malignitas 173, b.
fodina 227, a.
Asbestus quid 66. an sit combustibilis 67, b. & seq. ubi
reperiatur ibid. ligni formam exprimit 68, b. an ex
eo oleum extrahi possit 71, a. 436, a.
Asbesti denominationes 66, b. charta 67, a. 74, a. re-
dimiculum, elychnijum ibid. compositio b. definitio 68, b.
Asciomenes feras domat 412, b.
Aspalathus ubi nascatur 119, a.
Asparagi in cornu arietis nati 344, b. 388, b.
Aspidis symptomata & remedia 143
Asthma quomodo curetur 174, a.
Attractionis metallica causa 155, a.
Avis velocitas qui expendatur 448, a.
Aurum ab argento qui separetur 119, b. 214, b. in
stomacho perdicum repertum 200, b. in cranio homi-
nis ibid. in Hispaniola passim purum est 210, a. qui
vitrificetur 245, a. optimum quodnam 262, a. 289, a.
omnibus fere metallis inest 289, a, b. ex Saturno qui
conficiatur 295, b. quomodo alia metalla ringat 299, a.
graduatum qui fiat 300, b. debilis coloris quomodo
exaltetur 307, b. per additionem an licitum 308, a.
an verum & reale arte fieri possit 311, a. Alchymi-
cum an licite vendi possit 311, b. ab Alchymistis con-
fectum, quale 312 & seqq. philosophorum quid 315
& seq. potabile an detur 419, b. & seq. an dissolvi
possit 420, a, b. semper in suum statum est reducibile
423, b. facilius conficitur quam destruitur 426, a.
accidentaliter tantum transmutari potest 426, b. non
nutrit 427, b. ex eo medicamentum universale fieri
non potest 428, a. qui crystalliscat 457, b. quomodo
ex loppis sive quisquiliis extrahatur 482, a, b. scripto-
rium qui conficiatur 465, b. quomodo dulce redda-
tur 481, a. sophisticum qui preparetur 483, b. quo-
modo in fila ducatur 485, b.

Auri genesis 169, a. natura & proprietas 200 & seq.
antipathia & sympathia 201, b. & seq. incredibili-
lis copia in Potosina regione 208, a. erudiendi modus
210, a. semen non datur 268, a. amor homines in
interitum rapit 283, a. anima 284, a, b. calcina-
tio 243, b. 423, a. 482, b. tinctura vera non
datur 426, a. liquida substantia qui in pristinum
statum reducatur ibid. qualitas specifica est 427, a.
magisterium quid sit ibid. in liquorum dissoluti vires
427, b. potabilis virtutes 427, b. fulminan-
tis confectio 428, b. 470, b. bonitas qualis 439, a.
a Lazulo separatio 200, a. 464, b. a metallis 215, a.
249, b. 482, a, b.
Aurifabri circa quia occupati 481, a.

B.

Baaras herba mirifica 413, a.
Balana vivipara & cur 57, b. musco & alga ob-
sita 344, b.
Balis herba 411, b.
Balneum maris quid 240, a. roris quid ibid. vapo-
rum quid 392, a.
Bargarozzi Italici quid 364, b.
Blatta ad quid utiles 375, b.
Balsamum ubi nascatur 119, a. virioli 173, b. urti-
ca ibid. magnetis ibid. sulphuris 174, b.
Basiliscus ex ovo Galli natus 90, b. Alchymistis quid
315, b.
Bernicle qui nascantur 346, a.
Beryllus qui componatur 462, b.
Bismuthum quid 301, a.
Bitumen quid 156, a. a diversitate rerum denomina-
tur 156, b. varia ejus genera 156, b. 157, a. uti-
litates 157, a, b.
Bombyx ex moro qui nascatur 350, a. quale insectum
355, a. unde 360, a. ejus metamorphosis ibid. ad
quid utilis 375, a.
Borax Aurificum candidus quomodo ceruleus reddatur
19, a.
Boriza herba 202, b. 282, b.
Botanici apud Romanos magno honore habiti 411, b.
Botytes quid 207, a.
Brachmanes subterraneas cryptas inhabitant 99, a.
Brachi unde 363, b. 364, a.
Bufo pestis remedium 121, a. qui ex defosso anaris cor-
pore nascatur 353, a. a formicis consumitur 367, b.
Bulbi symptomata, cura & remedia 141
Buprestis 143

C.

Calalistarum axioma 381, b.
Cadmia quid 207, a.
Cementatio quid 244, a.
Calceumenon quid 218, a.
Calcedonium qui componatur 463, a.
Calcinatio quid 243, a. 244, a. 254, a. 424, a. auri
duplex 423, a.
Calculus omnibus in rebus generatur 50, b. in omnibus
membris humani corporis 51, a, b.
Caligu a primus metallurgus 235, a.
Calor multarum virtutum artifex 110, b. 115, b. arti-
ficialis quis 241, b. fimi, separans, vesica, cinerum,
fortis, liber, carbonum, flammaram ibid. balnei
242, a. Solis caelestis & subterranei omnia constituit
314, b.
Caliditatis gradus difficulter indagari potest 400 & seq.
Calx plumbea quomodo in minimum vertatur ejusque
causa 12, b. quid Chymicis 243, a. ejus virulen-
tia 117, b.
Calcis

INDEX RERUM

Caltis viva proprietas, symptomata, remedia 140
Camphora quid 157, b. 471, a, b.
Canis natura 133, a. *rabidi veneni causa* ibid. & b.
Gantharides quid possint 129, b. *quomodo vesicam exulcerant* 130, b. *unde* 365, b. 366, a. *causam symptomata & remedia* 143, 370, b. 375, b.
Capnis quid 207, b.
Caput corvi quid 262, b. *quomodo dealbatur* ibid.
Casus qui verminascere possit 357, b.
Cassia ubi nascatur 119, a.
Cataplasma symptomata, cura & remedia 141
Catillus cineritius quid 241, a.
Cedrus ubi nascatur 119, a.
Cerasus ex quercu nata 343, a. *in salice* 343, b.
Cerussa quid & ubi quomodo rubra fiat 12, a. *in plumbum qui reducatur* 425, b. *ex plumbo qui conficiatur* 438, a. *eius proprietas, symptomata, remedia* 40
Ceratio quid 248, b.
Chalcitis virulentia 117, a.
Chalybis conficiendi modus 223, b. *potabilis confectio* 430, a. *usus medicus* 430, b.
Charta Turcica qui preparatur 38, a.
Characteres Chymici 322
Chaotica massa quid 327, b. *ex ea Deus immediate omnia produxit* 330, a.
Chersydri symptomata & remedium 143
Chiroteca petrifica 48, a.
Chrysalis quid 359, a.
Chrysopaia Caligulae 202, b. *an licita* 308, a.
Chrysocantharus qui generetur 365, b.
Chymia circa quid versetur 242
Chymia etymon 232, a. *Spagyrica definitio* 233, a. 238, b. *laus* 233, b. 312, b.
Chysalides 355, a.
Cicade unde 361, b. *ad quid utiles* 375, a.
Ciconia in lacu Arelatensi sub aquis reperta 89, b. *delectantur animalium venenatorum pastum* 133, a.
Cicuta unde nascatur 108, b. *ea intoxicati quid imaginentur* 134, a. *eius stolones pestiferi* 126, a. *symptomata, cura & remedia* 141
Cimex unde 371, a, b. *ad quid utilis* 376, a. *quomodo fugitur* 377, b.
Cinabaris proprietas, symptomata, remedia 140. *minera* 188, a. *fixatio frustranea* 301, b.
Cincindele quid & qui generentur 366, b.
Circulatio quid 247, b. 395, b. *eius machina nova* 396, a.
Caelum philosophorum quid 260, a.
Cohobatio quid 248, a.
Colcothar quid 173, b.
Colocasia ubi nascatur 119, a.
Colocynthidis symptomata, cura & remedium 141
Color quid 8, b. *fundamentum habet in salibus sulphuri commixtis* 9, a. *inest omnibus corporibus* 101, a. *ultramarinus Lazuli* 464, b. *eius natura difficilioris indaginis* 9, a. *infinitus numerus* ibid. *causa in lapidibus* ibid.
Colores in opacis corporibus differunt ab iis qui in diaphanis comparent 9, b. *unde nascantur* 10, b. & seq. *apparentes qui* 15, a. *in trigono quales* 16, a, b. *metallorum* 18, b. *unde nascantur in Topazio, Saphyro, Carbunculo & Smaragdo* 20, a. *qui quas gemmas exprimant* 460, a.
Colorum diversitas in diaphanis 9, b. *commixtio ex quatuor principalibus* 10, a. *processus in tinctura ferri* 13, b. *combinatio* 14, a. *tinctura in vegetabilibus* 19, a. *in aquis causa* 17, a. *variae generes* 299, b. 401, a, b.
Colubri in stillatitia aqua apparitio 416 & seq.
Confirmatio chymica quid 292, a. *eius variis processibus* 294 & seq.
Contrarioratio luctus quid operetur 110, b.

Corallus utrum intra aquas mollis 158, a. *an semen habeat* 159, a. *ramos fistulosos habet & unde* 160, a, b. *fictitius* 466, b.
Coralli rupes Romanam transmissa 158, b. *planta ex cranio humano & Delphino vivo* 159, a. *medica vires* 159, b. *ortus* 158, a. 159 & seq. *durities unde* 160, a. *stirpium figura* 160, b. *vires unde* ibid. *tinctura variis modis* 161, a. *solutio* 435, b.
Cornua qui mollescant 485, a.
Cornuum fossilium ortus 62, a. *differentia* 62, b.
Corpus mortuum cur grauius vivo 219, b. *humanum in aquis salinis inventum* 225, a. *intra aquam qui ponderandum* 440, a, b.
Coryli stolones igni apposti se in circulo torquent 418, a.
Crabrones 355, a. *unde* 359, a.
Crocus Martis qui calcinetur 243, a. *quomodo preparatur* 244, b. 437, b. *Veneris qui conficiatur* 438, a.
Crucis in cancrorum dorsis 44, a, b.
Crucifixus in lapidibus expressus 31, b.
Crypta petrifica Panormi 46, a. *in agro Neapolitano, Tyburtino & alibi* ibid.
Crytallus quomodo nascatur 19, a, b. *constat ex sale* 20, a. *prodigiosa magnitudinis* 188, b. *quomodo tingatur* 459, a.
Crytalli minera 188, a. *calcinatio quomodo fiat* 459, b. *induratio ibid. compositio* 462, b.
Culices unde 362, b. *ad quid utiles* 375, b.
Culmus hordeaceus in vesica inventus 344, a.
Cupressus ubi nascatur 119, a.
Curculiones quales 355, a.
Cynipbes unde 362, a, b.

D.

D *Demones Subterranei in quibus locis visi* 101, a. 227, a. *montani* 102, a. *eorum labores in fodinis* ibid. *vexant fossore ibid. in Helvetia* ibid. *in Hungaria* 102, b. *variae de iis relationes* 102, b. 103, 187, b.
Dei admiranda sapientia in rebus natura 416, b.
Deipara imago in Regno Chilensi 44, b.
Deliquium quid 247, a.
Delphini corallinis stirpibus obfisi 344, b.
Democriti sententia de atomis confutatur 397, b.
Dendrachata quid 39, b.
Dentes quomodo Natura formet 62, a.
Deodatus de Gozon 91, b. & seq. *eius certamen cum Dracone* 92, b. & *eligitur in magnano Magistrum Ordinis* 93, b.
Diaboli in rebus naturalibus scientia 256, a.
Diaphana constant sulphure suo & salibus 15, b.
Digestio quid 247, b. 248, a. 395, a.
Diphyrges quid 207, a. *eius species & preparatio* ibid.
Dipsas 143
Distillatio per reflexum Solis radium 241, b. *quid sit* 391, a.
Distillationis dignitas 391. *differentia varia* 391, b. 392, a. *machina ad sublimandos liquores* 393, a. *altera machina liquoribus depurandis serviens* ibid. *tertia rebus difficilioris dissolutionis apta* 393, b. *cantele* 394, a, b.
Dissolutio quid 437, a.
Disimilitudo inter homines 336, b.
Dornaci in auro solvendo processus 421, b.
Draco marinus 143. *alchymistis quid* 315, b.
Draco in Museo Barberinorum 90, a. *a Venatore in campis Romanis occisus* 90, b. *in spelunca S. Mariae Magdalenae* 91, a. *Tarasci occisus* ibid. *alatus in Insula Rhodo* 91, b. *eius velocitas* 92, a. *mors* 92, b. *volans in Helvetia visus* 93, b. *lapis ab eo dimissus Lucerna conservatur* 94, a. *volans quomodo exhibeatur in aere* 479, a.
Draco-

Dracones subterranei 89 & seq. *alati Egyptii* 90, a. *à Sanctis occisi* ibid. in *Helvetia* 90, b. *Victoris cuiusdam cum iis habitatio* 95, a. *eorum genesis* 95, b. *membrorum in iis diversitas* unde 96, b. *cur ignem spirare videantur* ibid. *aureum appetunt* 202, a. *Corn. Drebellius* 266, a. *Dryinus serpens* 143

E.

Electrum quibus confet 205, a.
Electrum. Vide Succinum.
Elementa putredinem generant 110, b. concurrunt remote ad compositionem rerum 328, a. eorum pondus quomodo exploretur 380, b. quomodo in phiala exhibeantur 433, a.
Elixir quid 233, a. 262, a.
Emphyteutica ars quid doceat 382 & seq.
Emplastratio quomodo instituenda 384, a.
Encausa quid 453, a. preparandi modus ibid. b. ad lucernam 453, a. eorum pictura Florentina 458, b.
Ensis temperamentum 221, b.
Erinaceus 88, a.
Eruca qui in papilionem degenerent 347, b. cuius generis insecta 355, a.
Euphorbi symptomata, cura & remedia 142.
Extractio 248, a.
Extravagans Joannis XXII. P. M. 308, b.

F.

Fex quatuorplex 136, b.
Falx qui temperetur 221, b.
Fanus in Chile ex crystallo 19, b.
Felis rabida cerebrum comestum infatuat 127, b.
Fermentatio 250, a. 262, b. quid & quomodo fiat 396, b. ejus requisita 457, b.
Ferrum quomodo solvatur 222, a. qui crystallifcat 457, b.
Ferminera qualis 188, a. in cuprum versa 188, b. 189, b. 216, a. 257, b. genesis 219, a. qualitas ibid. durities unde 219, b. symptoma & antipathia 220, a. preparandi & temperandi ratio 220, & seq. coquendi modi 221, a. 222. bonitas in Ilux insula 222, a. puritatis signa 222, b. matrices 223, a. decoctio & in chalybem commutatio ibid. in es transmutatio non est propria 223, b. neque in plumbum 258, a. inaurandi modus 481, b. exle 483, b.
Ficus ex una parte alba ex altera rubra qui producantur 387, a.
Filtratio quid 247, b.
Fixatio chymica. quid 301, b. Luna & Solis 307, a. Mercurii ibid.
Flamma viridis, cerulea, purpurea atra qua 18, a.
Flos quomodo vario colore imbuatur 389, a.
Fodina quomodo purgantur 174, b.
Fodinarum vene quid 173, a. fibra quid 178, b. natura & proprietates 183, & seq.
Foenum qui adolescat 340, b.
Fons lethifer Terracine 127, a.
Formae substantiales educuntur ex potentia natura 336, b.
Formae rerum ex quibus consistunt 5, b.
Formica quid 366, b. unde oriantur 367, b. ad quid utiles 375, b.
Fornax subterranea qualis 238, a. philosophica qua 392, a. Aetna qualis ibid. b.
Fossiores quibus morbis affligentur 172, a. quibus modis se tueantur contra venena 172, b. perenni ab habitibus clausis 175, a.
Frigiditatis gradus difficulter assignari potest 400. & seq.

Fructus qui incorrupti servantur 388, b. quomodo suavior & odoratiores reddantur 389, b.
Fuci unde & cur sine aculeo 358, a.
Fuligines venenatae qua mala causent 173, a.
Fulminatio quid 249, a.
Funes incendiarii qui preparantur 472 & seq.
Fungorum symptomata, cura & remedia 142. species varia 339 & seq. *seruinorum ortus* 350, a. b. usus 351, a.
Furni vari 239 & seq.

G.

Galactas lapis 168, b.
Galeni laus 278, a.
Gallina detrahatur animalium venenatorum pasta 132, a. ferrum & murex aureos digerunt ibid.
Gallus monstruosus in horto Magni Helvetiae Ducis 96, b.
Gangrena cur curatu difficilis 108, a.
Geber sophistica tradidit 273, a.
Geminae ex quibus sunt 7, a. diaphanae quomodo generantur 15, b. 25, a. punctatae 22, b. lineatae 23, a. polygonae 24, & seq. quomodo ex formis parentur 454, b. 459, a. b. revolvit qui duritiam recipere 459, a. quomodo ab Alexio conficiantur 459, b. ex suppositis bracteis qui colorem 460, b.
Gemmae durities unde 19, a. vires 47, b. origo 228, a. solutio 435, b.
Geocofini cum Microcosmo comparatio 130, a.
S. Georgii martyrium 68, b.
Gerta quid 208, a.
Gigas in curia Magni Cham 55, a. Maximiliano Caesaris oblatum 56, b. Ferdinando II. 56, a. Dreptus rarus 58, b.
Gigantini sepulchra 53, b. varia scelera 54 & seq. robur 55, b. mansura 57, a. de iis Fabulosa narratio 58, a. 60, a. ossa in Sicilia inventa 59, a.
Glabi fossiles quomodo generentur 61, a. aquatici recreantur qui componantur 475, a. b. & seq. aquatici odoriferi qui 476, a. b. lucem & quae 478, a. b.
Goliath quam altitudinem habuerit 58, a.
Grada rerum difficulter indagantur 400 & seq.
Gravida quae aquam 471, b. auri, argenti, eris ad aquam 440, a. plumbi & cere ad aquam 441, b. plumbi ad stannum ibid. olei ad aquam 442, a. mercurii ad aquam ibid. mercurii ad plumbum 442, a. b. auri ad argentum 443, b. auri ad ferrum 445, a. eris ad plumbum ibid. aqua ad vinum ibid. aquarum diversa 446, a. sanguinis in hominibus ibid. haerent quorum 44, b.
Gryllus unde 364, a. b.
Gypsus proprietates, symptomata, remedia 141.

H.

Habitatio subterranea Adelae 98, a. in Helvetia 98, b. in montibus Luna & Cassius 99, a. b. Hispania 100, a. in Transilvania ibid.
Hamus piscatorius qui temperetur 221, b.
Haemorrhoi vis in sanguinem 107, a. symptomata & remedia 143.
Hedera qui nascatur 343, b. inter cornua cervi nata ib.
Helicifina quid 206, b.
Heliotropinus lapis 28, a.
Hellebori symptomata, cura & remedia 142. vires 411, a.
Herba venenosa unde oriantur 106, b. 107, a. quomodo nascantur 340, & seq. unde virtutem acquirant 388, a. lethargum causantes 412, b. solis sequae cur ad Solem se vertant 417, b.
Herbarum praedicamenta novem 381, a. b. medicamentorum virtutes 403, 404, a. transplantatio quid operetur 299, 2

INDEX RERUM

in 409, a. virtutes prodigioſe num vera dentur 411.
 & ſeqq. palingeneſis 413, b. 414, & ſeq.
Hermodactylus 139, a.
Hippiae herba 412, a.
Hippocratis laus 278, a.
Hippocampe 355, a. ad quid utiles 376, a.
Hippomanes 350, a.
Hirci ſanguis cur calculo medeat 409, a.
Hirundinis ſymptomata & remedia 144.
Hirundines & mira earum occultatio 88, a, b. quomodo
 intra aquam vivere queant 89, a. cur deplumes re-
 periantur ibid. quanto tempore orbem terrarum cir-
 cumvolare poſint 448, b.
Homines ſubterranei Melite quomodo vivunt 97, b.
 & ſeqq.
Humiditatis gradus difficileſt aſſignari poteſt 400 &
 ſeq. in ſingulis quomodo exploretur 446, b.
Humidum aëthereum quid 168, b. quomodo in metel-
 lum degeneret 168, a.
Hyacinthus qui conficiatur 457, a.
Hydargyrum argentum ſterile purgat 211, b. ubi re-
 peritur ibid. educitur è ſordibus metallicis 212, a.
 quomodo ſeparetur ab argento 213, a. in optimiſſum
 argentum qui convertatur 290, b. ejus natura 151, a.
 proprietates 151, b. Vide *Argentum vivum*.
Hydria quid 152, b. 227, a.
Hydrophorum natura 134, b.
Hyofciamus quid operetur 118, b.
Hyucca quid 138 & ſeq.

I.

Iaponix quid 22, b.
Ignis quid & quoduplex 398, a.
Ignis proprietates 68, b. quae ei reſiſtant 67, b. 68, b. Sub-
 terranei machina 73. artiſicioſi qui aqua accenduntur
 compoſitio 477, b.
Ignis fatuus quid & ubi appareat 40, a.
Ignis perpetuus vere non datur 70, b. quomodo alio ali-
 qua modo fieri poſſit 73, a. ejus Plutarchus, Aristo-
 teles, alique non meminerunt 72, b.
Imbibitio 248, a.
Inaurandi modus 481, b. 483 & ſeq.
Incineratio quid 245, a.
Infusio quid 383, b.
Inoculatio quomodo facienda 384, a.
Inſitio arboris ſub cortice quomodo facienda 383, b. quo-
 modo in trunco arboris 384, a.
Intervenium quid 179, a.
Impoſtura quorundam pseudochymicorum 304, a, b.
 306, a, b. Arabum 305, a. cuiusdam in preſentia
 Principis 305, b.
Inſecta quae & quoduplicia 345, a. qui naſcantur ibid.
 & ſeq. varia 353, a, b. & ſeq. aquatica unde 357, b.
 quomodo artiſicio producantur 373, a, b. mundo ne-
 ceſſaria 374, a. cur natura tot produxerit ibid.
Joannes ab Aſcia 266, b.
Iſis quid denotet 315, a.
Jupiter chymice denotat 165, a.
Jurati quid in fodinis facere debeant 172, a.
Justinianus Princeps Baſſauenſis 42, b.

L.

Alutca qui fiat odorata 388, b.
Lacus Labacensis mira 89, b.
Lat Virginis quid 261, b. 299, b.
Lampyrides quid 366, a. qui generentur 366, b. ad
 quid utiles 375, b.
Lapis philoſophorum quid 250, b. myſticus & fictitiuſ
 251, a. varia ejus nomina ibid. in inveſtiganda ejus
 materia Alchymiſtarum conſuetus 251 & ſeqq. qui

conficiatur 254, & ſeq. vegetabilis quis ſit 259, b. &
 eo conficiendo Paracelliſi proceſſus 297, a. Nicolai
 Bernaudi 262, b. Arabum 260, a. Joannis Azo-
 thi 245, b. Joanni XXII. P. M. falſo adſcriptus
 309, b.
Lapidis definitio 3, a. differentie variae ibid. & ſeq. de
 viſio 4. origo 5, a. in homine generatio 137, a. fuſi-
 lis experimentum 466, a.
Lapis Lazuli 22, b.
Lapidifica vis quid 6, a. unde oriatur 7, b. ineſt mine-
 ralibus 45, a.
Lapides ex quibus ſiant 7, a. quae requirantur ad eorum
 conſiſtentiam ibid. 52, b. quomodo in fodinis creſcant
 ibid. b. cur purioris aut impurioris ſubſtantie ibid.
 eorum color 8, a. Chromatiſmus in quo conſiſtat 11, b.
 quomodo colorentur in terra viſceribus 13 & ſeq. pun-
 ctati qui 22, b. qui lineati 23, a. qui conficiantur 24, a.
 variarum rerum in iis expreſſio 27 & ſeqq. memora-
 torum lapidum quatuor genera 39, b. quomodo ani-
 malium figura in iis imprimantur 41 & ſeq. genera-
 tur in omnibus humani corporis membris 51, a. in
 partibus animalium 51, b. & ſeq. Duodecim in Ra-
 tionali Sacerdotis Magni poſiti 83 & ſeq. cur igne in
 calcem degenerent 170, a. cupro divites 190, a. qua-
 triplices 309, a. quales 309, b. marini 399, b. non
 ſolventur oleoſis 434, b. ſaltitii 466, a.
Laſerpii ortus 338, a, b.
Leavis ex puppi natus nata 343, b. in platano ibid.
Leo ruber quid 11, b.
Lepus marinus 144.
Libavii de inſectis transformandis relatio 409, b. de re-
 ſuſcitatione plantarum narratio 416, a. in auro ſol-
 vendo proceſſus 427, a.
Ligna quomodo in ſaxa convertantur 46, b. cur igne in
 cineres degenerent 170, a.
Lignum foſſile naturale 65, a. in agro Aquaspartana ibid.
 Caſſio detectum 65, b. ejus forma ibid. origo 66, a.
 alni in lapidem verſum 190, a.
Lana qui temperetur 221, b.
Limaces unde 357, a.
Lini Aſbeſtiniſ preparatio 174, a. in ſericum tranſmuta-
 tio 466, b.
Lithenteraces ubi reperiantur 66, b. 189, a. eorum ha-
 bitus peſtifex 126, a.
Lithus Chaoticus quae virtute ab initia induitur 5, a, b.
Lithargyri proprietates, ſymptomata, remedia 141.
Lithargyrium quid 207, b.
Liquor limpidus quomodo in album commutetur 209, a.
 quomodo in cracentem 290, b. in ceruleum ibid. in
 nigrum ibid. ceruleum in purpureum ibid. ejus gra-
 vitate & craſſitiem explorare 448, b. 449, a.
Livente unde 363, a, b. quomodo generent 363, b. com-
 buſta reliqua odore fugant 364, a. quales fuerint qui-
 bus S. Joannes veſcebat ibid. ad quid utiles 375, b.
 qui exterminantur 376, b.
Lucerna perpetuo ardens an fieri poſſit 69, a, b. varia de
 ea opiniones 70, b. varii ejus conſtruenda modi 71 &
 ſeq. Aegyptii quomodo eam faciebant 74, a.
Lullus 266, b. ejus Lunaria 271, a. martyrio corona-
 tus 276, a.
Lumbrici qui generentur 356, a, b. in inteſtinis qui
 357, b. ad quid utiles 376, a.
Luna chymice denotat argentum 165, a.
Lunaria Lulli quid operetur 231, a. Rabbiorum 282, b.
Lutum ſapientia quomodo paretur 291, a. 394, b.

M.

Machina hydraulica 176, a. 193, 194, 195, 196.
Manemica 190, b. 191. ad aërem in fodinis emen-
 dandum 191. hanſtoria 225, 229, a.
Magnes autem utrum detur 202, a. igni traditur per-
 dit

dis virtutem 424, a. ejus vis quomodo statica explo-
retur 446, b.
Magnificus Nature 6, a. 37, a. in lapidum genera-
tione 8, a. venenorum 137, a. cupri ad ferrum 257, b.
femilium ad familia 298, b. quid efficiat 328, a, b.
Magon Paenns 411, b.
Mandicca quid 139, b.
Mandrager symptomata, cura & remedia 142
Marsa quid & ubi 187, a, b. argentea 188, a. qui
generetur 8, a. ejus proprietates, symptomata, remedia
141, 148, a, b. & seq.
Mare Rubrum coralli ferax 159, a.
Margarita qui conficiantur 461, a. 466, a, b.
Mars chymice ferrum denotat 165, a.
Marsagon quid Lullo 271, b.
Masfyx qui depuretur 458, b.
Materia prima Alchymistarum subsistere non potest 255
& seq. 268, a. 271 & seq. a Paracelio denomi-
nata 274, & seq.
Medicamentum quid 109, a.
Medicinalium virtutes 403. effectus 404, a. termino-
rum explicatio 404 & seq. vires quomodo a nonnullis
investigate 405, a.
Melchior Cibirienfis 266, b.
Mensa argentea Ducis Saxonia 203, a. vitrea qui con-
ficiatur 458, a.
Menstrua mulierum quam noxia 112, b. ad solvendum
aurum qui conficiantur 420, b. ex melle & manna
acerrima 425, a. ad Lunam solvendam apta 429, b.
solventia quid prestent 434, a.
Mercurius Trismegistus recondita doctrina auctor
313, a.
Mercurius incorrigibilis est 151, b. omnia conjungit ibid.
lethifer est 153, a, b. correctus sit medicina ibid. de
ejus viribus judicium Anthoris 154, a. utrum au-
rum trahat & qualiter 154, b. 155, a, b. chymice
argentum vivum denotat 165, a. qui precipitetur
243, a. difficulter domatur 252, a. est indestructi-
bilis 253, b. utrum a succo aliquo coaguletur 271, b.
272, a. an in hominis sanguine ibid. quomodo subli-
metur 260, b. utrum in motum artificialibus machi-
nis animari queat 486, a, b. Vide Argentum vivum
& Hydrargyrum.
Metallum quid sit 164, b. igne cur parius reddatur
170, a. quomodo mollescat 200, a. qui per plumbum
fulminetur 249, a.
Metalla quomodo in duritiem excrescant 163, b. quo-
modo virtute celesti generentur 166, b. excoquendi
ratio 171, a. commixta ubi reperiuntur 187, b. quo-
modo paranda ad cocturam 197, a. tria tormenta su-
stinere debent in depuratione 197, b. separandi mo-
dus 212, b. plumbo comburuntur 249, b. quantum
mercurii contineant explorare 448, a. sine plumbo non
vitrescunt 455, a. qui smalto inurantur 456, a.
Metallorum colores 18, b. attractiones 155, a. trans-
mutationes ibid. b. materia 162, b. genesis ibid. &
253, b. 237, a. forma 164, a. productioni quid con-
ferant elementa 167, a. fluxibilitas in igne unde 170, a.
vene qua ratione innotescant 179 & seq. nstio quo-
modo fiat 197, a. mistura 205. scoria 206, a. trans-
mutatio quid 256, b. 257, a. prima materia qui pa-
retur 255, & seq. calcinatio per mercurium 437, b.
calces quos colores adducant 457, a. calcinatio 482, b.
Metallurgia quid & in quo consistat 162, 233, a. 38, a.
Metallurgus quid nosse debeat 171, a, b.
Meteorum circulatio 170, b.
Microcosmus est fornax distillatoria 392
Mineralia que venenosa 108, a. alia majora, alia mi-
nora 252, b. quocumque 399, a.
Minium liquefieri non potest 163, a.
Mistura ollaria quid 105, b. ignea quam Sol accendere
possit qui preparetur 477, a.

Mixta omnia ex quibus consent 124, a. 298, a.
Mola ad conterendam materiam mineralem 198
Monoceros quid 63, a. nunquam fuit ibid.
Mongeros cornu ubi 63, b. est spicula piscium ibid.
Roma 64, a. ab Alberto Magno observatum ibid.
cur in Anglia precipue sit ibid. fossile 64, b.
Mons acrifer qualis 208, a.
Montes an ab initio rerum existerint 5, a. ardentes
157, a.
Monstra unde nascantur 96, a.
Morbi ex sulphure, mercurio & sale constant 135, a, b.
quinam a sale 136, a. quinam a tartaro 136, b. fos-
sorum 172, a. metallicorumque cura 173 & seq.
Motus in rerum natura quis 298, a.
Motus perpetuus fieri non potest 72, a. est pure artifica-
lis 233, b. ejus inventiones decem ad Authorem trans-
missa 234, a. quomodo arte Chymica exhibeatur
432, b.
Moschini 355, a.
Mundus vicissitudini obnoxius 105, a. Trismegisto
quadruplex 313, a. Subterraneus omnium origo 385, a.
nil est nisi fornax distillatoria 390
Mus Alpestris qualis 87, b.
Mures varii 87, b. qui nascantur ex limo 346, a. ex bo-
villo stercore qua 352, b. quomodo propulsentur 377, a.
Musca unde 361, a, b. varie 362, a. ad quid utiles
376, a.
Muscas proportionales explorare 450, a.
Myrrha ubi nascatur 119, a.
Myrtillus lapis 22, b.
Myrtus qualis in Aegypto & aliis locis 408, b.
Myrios virulentia 116, a.

N.

Napelli umbra noxia 125, b. symptomata, cura &
remedia 142
Naphtha quid 156, a.
Natura operationes mira 22, a, b. pictura 27 & seq.
gluten humidum 169, a. principia tria 169, b. cir-
culatio in quo consistat 170, b. imitatio difficilis 236, a.
prototypum in arte respiciendum 228, b. labor in re-
bus producendis 251, a. in metallis generandis 256, a.
circa productionem metallorum industria 269, b.
270, a. principia 331, a. pericyclois in insectorum
genesis 374, b. principiorum vis 385, a.
Nidus in petram conversus 48, a.
Nitrum quomodo fixetur 432, a.
Nutrimentum unde sit 136, a. semper ei aliquid fecu-
lentum adheret ibid.

O.

Ochra qualis 163, a.
Ogigas 60, a.
Oleum philosophorum quomodo conficiatur 247, a.
Oleandri symptomata, cura & remedia 142
Olea calefacta cur fluant 169, b.
Onager Indicus 63, a.
Onyx qui componatur 463, b.
Opalus quomodo conficiatur 461, b.
Operarum in fodinis officium 172, b.
Ophites 22, b.
Orchides 348, a. uniformes unde 349, b.
Organum pyrobolicum quomodo in aere exhibeatur
480, b.
Orichalcum qui preparetur 218, a. est nativum & fa-
ctitium ibid. preparandi modus 218, b. veterum
quale 456, a.
Oryx caprarum genus 63, a.
Ossa gigantum 53, a. elephantorum 59, a. quomodo gene-
rentur in terra 60, b. quibus in locis crescant ib. & seq.
Ostra-

INDEX RERUM

Ostracea unde originem trahant 119, b. 345, b.
Ostracites quid 207, b.
Ovum philosophicum quid 240, b.

P.

P *Allantis corpus quale* 55, b. 56, a.
Alma ubi nascatur 119, a. in basi statuae Cæsaris na-
ta 341, b. in lecto capitolii 342, a.
Panspermia rerum quid 326, & seq.
Papiliones 335, a. unde 359, a, b.
Paracelsus 266, b. qualis fuerit 277, b. contumelio-
sus in omnes medicos 278, a. omnia ex aliis habet
278, b. superstitiosus 279, a. magie deditus ibid.
verum hominem se conficere posse arte Chymica impie
presumit 249, b. sine auro lapideum fieri posse asserit
262, a.
Paracelsi fucus 296, b. intolerabilis presumptio ibid.
libri prohibiti ibid. arrogantia 278, a. 296, b. pro-
cessus in materia prima preparanda 255, a. in lapide
conficiendo 297, a. aurificium 297, b. processus fal-
sus ibid. modus in resurrectione plantarum 415, a. b.
de auro potabili opinio 420, a.
Pastinaca marina 144
Pavonum penna quales 17, b.
Peccatum originale malorum causa 125, a.
Pediculi unde in hominibus nascantur 370, b. 371, a.
quomodo pulsentur 377, b.
Pelicanus quid 240, b.
Penna vitrea quomodo parentur 454, b.
Peripleumonia qui curetur 174, b.
Perla, insectum, unde 360, b. 361, a.
Persica sine ossiculis ut fiant 390, a. mira magnitudinis
390, b. qualia in Persia & Europa 408, a.
Peruvia quot milliones auri suppeditavit 208, b.
Petrificatio nidi, chiroteca 48, a. plantarum 48, b. fi-
gura humane ibid. Deipara imaginis cum crucifixo
ibid. omnium penerum 49, a. corporis humani 50, a.
equina ungula ibid. Civitatis Africae ibid. horde in-
tegra 50, b. fetus in utero muliebri 51, b.
Phallum Hollandicum unde 351, b.
Phantastica facultatis vis 114, a.
Phlebotomum qui temperetur. 221, b.
Phoenix Alchymistis quid 315, b.
Pila sub aqua ardentes qui preparantur 477, a. b.
Pisces fossiles 86, a. quomodo saxorum medietullia pene-
trarint 87, a. in subterraneis fluminibus 89, b. in
Helvetia ex montibus erumpunt ibid.
Piscium de quibus prælia contra balenas 64, a. ortus 364, a.
Placodes quid 207, b.
Planta quomodo nascantur 338, 339, & seq. è statuis
aneis nata 342, a. ex animalibus 343, b. proprium
sibi animal producant 347, a. 373, b. quomodo di-
vidantur 380, a. quantum singulis diebus exereve-
rint explorare 447, b.
Planta venenosa qua 108, b. unde originem trahant
117, b. & seq. comparantur cum venenatis mine-
ralibus 118, b. cur subinde animalcula venenosa pro-
ducant 124, a.
Plastica vis quid 7, b. 328, a. semini innata 328, a.
333, b. in inanimatis est analoga ad vegetabilium &
animalium plasticam vim 334, b. quomodo operetur
335, a. ejus effectus 335, b.
Plumbum in cerussam quomodo mutetur ejusque ratio
12, a. qui in calcem ibid. argento est amicum 219, a.
calcinatum cur gravius 219, b. qui calcinetur 243, b.
nigrum qui candidum & aureum reddatur 301, a.
cur dulce 401, b. qui crystalliscat 457, b.
Plumbi minera qualis 188, a. scoria 207, a. utilitates
218, b. matrix quanam ibid. reductio in cuprum
258, b. in stannum 248, q. ad stannum gravitas
441, b. vitrum 452, b. calx 483, b.

Pluvia ignea qui conficiatur 475, b.
Polypodium 139, b.
Poma acida & dulcia in una arbore qui producantur
387, a. ut imaginem quamvis referant 388, b. ut
fiant dulcia ibid. ut rubra ibid. eorum calami longe
allati quomodo conservandi 383, a.
Pompholix quid 207, b.
Ponderum mineralium valor 288, a.
Populi foliorum motus 418, b.
Porum prodigiosa magnitudinis qui producat 388, b.
Potosinus tractus olim ob frigus inhabitatus 208, a.
Pruna sine ossiculis ut fiant 390, a.
Psylli symptomata, cura & remedia 142
Pthias serpens 144
Pulex unde 371, a. quomodo propulsetur 377, b.
Pulmo marinus 129, b. ejus venenum pulmonibus ini-
micum ibid.
Pulvis argentum in aurum commutans ab Arabibus
confectus 305, a, b.
Pulveris pyrii prima inventio 467. confectio 468 & seq.
Purpura qui nascantur 345, b.
Putrefactio, quid Chymicis 248, a. 495, a. ejus effe-
ctus 395, b. 409, b.
Pygmaei non homines sed demones subterranei 101, b.
nusquam eorum natio reperitur ibid.
Pyrites ubi reperitur 187, a. ejus fuligo tertio aestifit in-
combustibilis 197, b.

Q.

Q *Uajacum ubi nascatur* 119, a. ejus varia vires
401, b.
Qualitates specificæ quid differant à manifestis 111, a.
elementares an sympathiam & antipathiam constituere
possint 112, a. quatuor elementa sunt earum vehi-
cula 137, a.

R.

R *Adix comedendi facultatem tollens* 413, a.
Rana unde oriantur 119, b. 345, b. 372, b.
Rana fossiles 86, a. earum origo intra saxa 87, a.
Raphanus quomodo ductis reddatur 388, a, b.
Reges sepeliendi mos apud veteres 67, a.
Regio subterranea Sole non illuminatur 99, b. nova in
Hispania detecta 100, a. quomodo in phiala represen-
tetur 432, a.
Remora utrum in rerum natura extiterit 259, a.
Reptilia que venenosa 109, a.
Rubarbarum quomodo bilem trahat 112, b. ejus extra-
ctum parandi ratio 248, a.
Reverberatio quid 245, b.
Rhododendri lignum accensum pestiferum 126, a.
Geor. Riphæus 245, b.
Risogallum venenum atrox 148, a.
Rocheta qui componantur 474, & seq.
Rosa qui variis coloribus imbuantur 387, b. qui incor-
rupta servantur 388, b.
Ros salis species est 332, b.
Rosea crucis fratres magi 280, a. eorum dogma 280, b.
Rosa in aëre versatilis qui representetur 480, a.
Rubeta symptomata & remedia 144
Rubinus qui conficiatur 457, a. 460, b.
Rubigo ferrum consumit 220, a. contra eam remedium
ibid.
Rupicilla impostor 273, a. ejus de auro Alchymistarum
judicium 276, a.

S.

S *Alcur fecundum dicatur* 331, b. ubiq; provenit ibid.
Animalia conservat 332, a. ei sulphur & mercurius
insunt 333, a. crystallinum quid 249, a.
Sal

& VERBORUM.

Sal Ammoniacum producendis serpentibus multum prodest 122, a.
 Salis Ammoniaci mira vis 246, a. sublimatio 246, b. menstruum 435, a. in aquam reductio 438, a.
 Sal Natura quid 6, b. omnia fixat 169, a. ex quibus confect 328, b. quatuorplex 380, a. ejus mira vis 167, b.
 Salis mira proprietates 226, b. in crystallum versi effectus 229, b. diversitas 402, a.
 Salisfodina ubi reperiantur 224 & seq. quotannis novo sale replentur 225, b. Tyrolenses 227, b. Burgundiae 228, a. & seq.
 Salomon novit fibras unicuique plantarum inferendarum aptas 408, b.
 Salamandra quid Alchymistis 315, b. ejus symptomata & remedia 144
 Sandaster quid 22, b.
 Sanguisuga 144. ad quid utilis 376, a.
 Sapor unde 401, b.
 Saphyrus quomodo conficiatur 456, b. 461, b. in adamanteum qui convertatur 463, a.
 Sargasso herba unde 342, a, b. ejus crista venenosa ibid.
 Saturnus chymice plumbum denotat 165, a.
 Satyrion unde 108, b. 348, a. cur sic dictum 349, a.
 Saxifodina Tiburtina 41, b.
 Scabies unde 136, a.
 Scajola quid 458, a.
 Sclerum mira fabrica 209, 210, a.
 Scammoneum quomodo bilem trahat 112, b.
 Scammonea symptomata, cura & remedia 142
 Scarabaei capite equi 96, a. unde 364, b. monocerotes unde 365, b. ad quid utiles 37, b.
 Scolopendrea symptomata, cura & remedia 144
 Scoria metallorum 206, a. argenti 206, b. aeris & ferri ibid. plumbi 207, a.
 Scorpio pestis remedium 121, a. ex ocymo natus 352, a. 368, a. ex cancro 353, a. quid & unde 367, b. ubi reperitur 368, a. artificio qui producat 368, b. ad quid utilis 376, a.
 Scofacavallo herba 412, a.
 Selenites qualis 67, b.
 Semen quid producat 8, b. 327, a. quid sit in massa Chortica 328, b. Mundi quid 329, a. universale quomodo gradus acquirat 329, b. metallorum non est animatum 329, a. Nature omnia trahunt 330, b. est sal animatum 332, a. universale quid 332, a. 333, a. in quo consistat 333, b. est vegetabile 332, b. 372, a. prolificum quid ibid. individuatur pro ratione matricum 336, b. in vegetantibus quid operetur 378 & seq. quomodo attrahatur 379, a. in emphyteutica arte quid praestet 386, a.
 Seminis facultas duplex 328, a. vis radiativa 334, a. pars quata 379, b.
 Seminarium rerum quid proprie sit 6, a. duplex 6, b. natura quid 164, b. matrici quomodo inferatur 356, a.
 Sendivogius 266, b.
 Sepe serpens 144
 Serpentes unde 119, a. 372, b. quomodo hominem interrimant 120, a. cur in Australibus partibus venenosiores quam in Borealibus 121, b. quando in differentes serpentes degenerent 122, a. ubi reperiantur ibid. ciconius in cibum sumpti cur non noceant 132, a. qui artificiose producantur 373, a. quomodo fugentur 377, a.
 Siccitatis gradus difficilioris indaginis 400 & seq.
 Smaltum varii generis quomodo preparetur 455, b.
 Smaragdus qui conficiatur 457, a. 462, a.
 Soda prestans ad vitrum 451, a.
 Sol aurum denotat chymice 165, a. Romanus cur noceat 125, a. Philosophorum quid 317, a, b. ejus vigorem explorare 447, b.
 Solani symptomata, cura & remedia 142
 Solventia quid praestent 434, a, b.

Sonus quid operetur 114, a.
 Spagyrica ars quid 233, a. 238, b. quomodo licita 308, a.
 Spermatica corpuscula quanam 379, a. omnibus insunt 338, a. 344, a.
 Spica farris e naribus nata 344, a.
 Spiritus salis figit materiam tartaream 136, b. spermaticus quid 379, a. acidus quid operetur 434, b.
 Spodium quid 207, b.
 Stannum potabile quid conficiatur 430, a. quomodo vitrescat 452, b. qui crystalliscent 457, b. quomodo calcinetur 483, a.
 Stelle an concurrant ad metallogenesein 165. earum radii terram non penetrant 165, b.
 Stibium. Vide Antimonium.
 Stramonii symptomata, cura & remedia 142
 Struthio camelus quomodo ferrum digerat 112, a.
 Struppa pyrotechnica qui preparantur 473, a, b.
 Sublimatio quid 246, b.
 Subtilitatio quid 246, a.
 Succinum quid 74, b. 75, a. quomodo Borussiae piscetur 75, a. quid praestet 76 & seq. qui animalcula continet 75, b. 76, a. quomodo componatur 466, b.
 Succus petrificus unde 45. quid sit & quatuorplex 46, a. ex vitro & sulphure saxum durissimum facit 47, a. ex pyrite & vitriolatis quid efficiat ibid. & b. terre venenosae animalibus venenosus loco nutrimenti servit 121, a.
 Sulphur virtute omnes colores habet 14, b. cum nitro coctum in lapidem abit 47, a. generat quatuor species 115, b. cur Sāo dictum 145, a. dividitur in πρῶτον & μετὰ πρῶτον ibid. ubi foditur ibid. b. quid sit 146, a. est minerale & philosophorum ibid. idem ferre cum bitumine 156, a. rubrum ubi 189, a. quomodo vitrificetur 245, b. difficulter domatur 252, a. fixum quomodo aurum exaltet 294, b. qui Lunam in Solem tingat 295, a. fixum quid 438, b.
 Sulphuris mineralis origo 46, b. flores, lac, oleum 147, a. virtutes 147, b. balsamum plumonis vitia curat 174, b. vis auri purificativa 187, a. midera 189, a. flores conficiendi ratio 246, a. b. fixi soluti ad volatilitatem preparatio 294, a. oleum reale non datur 436, b. oleum qui preparetur 468, a, b.
 Sarcoti quomodo inferendi 382, b.
 Sympathia quid 111 & seqq. venenorum ad certa membra 130, a. ferri cum plantis 220, b. auri cum plumbo 206, a. ocymi cum scorpione 368, b.

T.

Talcum quid 67, b. quomodo in oleum reducat 436, a.
 Talpa non sunt caeca 87, b. earum origo ibid.
 Tapule qui nascantur 345, b.
 Tarantula viris 129, a.
 Tartarum quid 136, a. causat horrendos morbos 136, b. quomodo solvatur 435, a.
 Taxus ubi nascatur 119, a. ejus umbra noxia 125, b.
 Tellina qui producantur 373, b.
 Terra halitibus aquam & aërem inficit 128, a. quatuorplex 399, a. foliata quid 265, a. alba quid ibid.
 Tetragonismus nondum repertus 233, b.
 Thapsia symptomata, cura & remedia 142
 Thus ubi nascatur 119, a.
 Tinea qui nascantur 356, b.
 Tithimalli symptomata, cura & remedia 142
 Tinctura colorum in vegetabilibus 19, a. in gemmis quid operetur 20, a. quid sit 262, a. auri multiplicativa an detur 268, b. 425, a. argentum in aurum convertens 294, a. argenti ejusque vires 429, 430, a, b. corallorum quomodo solvatur 435, b. essentialis ex antimonio extrahi non potest 436, b. gemmarum varia 465 & seq.
 Topazius qui conficiatur 457, a. 462, b.
 Trans-

INDEX RERUM & VERBORUM.

Transmutatio unius metalli in aliud quid 257, a. ex
mente Paracelsi ibid. *Veterum* 314, a.
Triticum transplantatum speciem mutat 113, b.
Turcois qui componatur 463
Turbia ubi nascatur 119, a. *quid* 207, b.

V.

V *Allis in Megrelia Sole non penetrabilis* 100, b.
Vasa Chymica ad exemplar natura constituta sunt
238, a. *varia* 240, b. 391 & seqq. *circulato-*
ria qua 393, b. *qualia esse debent* 394, a. *quo-*
modo luto obducantur 394, b. *vitrea quomodo*
caeruleo colore tingantur 457, a.
Ventus aëri purgando necessarius 176, b.
Vene fodinarum quid 178, a. *earum figura* 179, b. *qui-*
buis modis innotescant 179 & seq. 190, a. *ratio eas*
eruendi 199, a. *argentea cui lapidi inserta* 203, b.
aurifera qua occasione detecta 208, b. *divites quomo-*
do explorentur 210, b.
Venarum fodinarum vastitas 208, b. *multiplicitas &*
profunditas 209, a. *excoquendarum modus* 213, b.
Vegetabilia ex quo educta 330, a.
Venenum quid 104, a. 115, a. *quomodo nascatur* 132, a.
in aquaticis 107, b. *eius differentia* 108. *hominibus*
proprium 109, b. *alimento oppositum* 110, a. *corre-*
ctum cedit in usum medicina ibid. *veneno remedio est*
ibid. serpentum natura calidum 122, a. *intus sum-*
ptum quomodo operetur 129, a. & seq. *canis rabidi*
que inferat symptomata 132, b. *quomodo igne corri-*
gatur 138, a.
Venenosa mineralia quanam 106, b. *quid ex iis genere-*
tur 106, b.
Venenorum mira sympathia & antipathia 120, a, b. *ca-*
lor specificus 122, b. *mira symptomata* 123, a. 132, b.
magnetismus 137, a.
Venturinus lapis 22, b. *qui conficiatur* 466, b.
Venus chymice stannum denotat 165, a.
Vespe 355, a. *unde* 358, b.
Veratrum quid praestet 118, b.
Vermes qui nascantur in corporibus 453, a. 370, a, b.
ex lixivio ibid. que damna inferant 370, b. *quomo-*
do & cur cum pluvia decidant 372, a. *quomodo intra*
nucleos nascantur 374, a.

Vinum quomodo sublimetur 247, b. *eius in distillanda*
mira proprietas 434, b.
Vitrum flexibile & infrangibile 450, a. *apud Indos sum-*
mo in pretio ibid. *sulphuri incotum in lapidem in-*
duratur 452, a. *plumbi* 452, b. *antimonii* ibid.
aris 453, a. *Lunare quid* 245, a. *ruptum quomodo*
conglutinetur 394, b.
Vitri utilitas 450, b. *materia* ibid. & seq. *vasa confi-*
ciendi modus 451, b. *differentia* ibid. *proprietates*
452, a. *gluten quod* ibid.
Vitrificatio quid 245, a.
Vipera quomodo operentur 130, a, b. *earum venenum*
quid 131, a. *caro comesta cur homini non noceat* 132, b.
symptomata & remedia 144
Virgula divinatoria quid 181, a.
Vitis & satyrii inimicitie 114, b.
Vis plastica 7, b. *imaginativa* 134, a.
Viscum quomodo nascatur 343, a, b.
Vitriolum auri nonnihil adjunctum habet 283, a. *quo-*
modo paretur 248, b. 249, a. *quomodo ex cupro ex-*
trahatur 437, b. 438, a. *qui ex auro* 438, a, b.
Ulni foliorum motus 418, b.
Volucres sulphure & sale turgent 17, a. *subterranea* 88, a.
venenosa 190, a.
Urim & Thummim quid 85, b.
Urina hominum quid praestet 332, a, b.
Urtica qui nascantur 345, b.
Ursi natura 88, a.
Vultures omnis generis animalia rapiunt 96, a.
Uva nigra & albe qui producantur 387, a. *quomodo*
oleis inferenda 387, a. *absque vinaceis qui faciende*
387, b.

X.

X *Nloptori* 355, a.

Z.

Z *Ensale unde* 363, a.
Zoophyta que 344, b. *ex ramis liburni nata* 351, a, b.

AD LECTOREM.

SI quæ σφάλματα in vario hujus Operis argumento quoad Typos & Iconismos occur-
rerint, aut, quod ut plurimum in difficillimis operibus usu venit, quidpiam obscurum, tor-
tum hiulcumque *Lector* offenderit, ille pro ea qua est prudentia seipso emendare, atque in
bonam partem accipere, atque aded Authoris absentis, ad quem non semper recurrere licuit,
officium pro sua humanitate supplere non dedignabitur, memor illius: *Sic quandoque bonus*
dormitat Homerus.

F I N I S.

